

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>



BIBLIOTHECA S. J.
Maison Saint-Augustin
ENGHIEN

BIBLIOTHECA
Le Fontaine
60 - CHANTILLY





T

A 180/1

BREVIARIUM MARIANUM

EX INDULTU

SACRORUM RITUUM CONGREGATIONIS,

CUM APPROBATIONE ET LICENTIA

AUCTORITATIS ORDINARII ECCLESIASTICI,

SUB AUSPICIIS

EXCML. ACILLMI. D.D. ANTONII MARIE CLARET ARCHIEP. S. JACOBI

DE CUBA,

IN HONOREM

SS. VIRGINIS MARIE DEIPARÆ

A JOSEPHO ESCOLÀ PRESB. MISSION. APOST. DE PROP. FIDE

CONCINNATUM ET EDITUM.

Quidquid grandius, quidquid excellentius, quidquid dignius vetera novaque scripta de Deiparâ Sanctissimâ loquuntur.... hoc unico in libro accuratissimâ diligentid collectum solo obtutu conspicies.

Hic semper fuit propositus scopus, disperere omnia et singula per orbem testimonia, quæ pietas et scientia Mariophilorum in Deiparæ gloriam extulere, in unum excellentissimum ingeniosè congerere: ex omnibus unum....
In Prefatione Brev. Mar.

BIBLIOTHEQUE S. J.


Les Fontaines

60 - CHANTILLY

ILERDÆ:

TYPIS JOSEPHI SOL BIBLIOPOLÆ,

ANNO MDCCCLIX.



Cum in Psalmodiæ studiis et divinis laudibus te vigilantè exerceas, hortor, venerande frater, et moneo, ut **QUOTIDIANUM** quoquè Beatæ **MARLÆ** sempèr Virginis **OFFICIUM** non omittas: dignum quippè est, ut quæ laudum præmia meretur ab angelis, obsequiis etiàm frequentetur humanis eique post Deum totus orbis exhibeat laudem, per quam suscepit propriæ salutis auctorem. Optima sanè spes est apud eam habere confugium, quæ scilicet inter cœlestis curiæ Senatores impetrandi apud Deum primum obtinet locum.

S. Petr. Damian. Epist. ad Stephan. Monach.

Esta obra es propiedad de su Autor.

**AUGUSTISSIMÆ
CŒLORUM REGINÆ**

AC

DEI GENITRICI

SACROSANCTÆ

MARIÆ

**SEMPER ET UBIQUE IMMACULATÆ,
DIGNISSIMÆ DOMINÆ AC MATRI MEÆ CARISSIMÆ**

IN GRATI ANIMI SENSUM

AC

IN DEI AMORIS PERENNE PIGNUS

HOC BREVIARIUM MARIANUM

minimus servorum ac filiorum suorum

JOSEPHUS ESCOLA

D. O. C.

V.

SECRETUM

SACRORUM RITUUM

CONGREGATIONIS.

BME. PATER.

Josephus Escolà Presbyter in Diocesi Ilerdensi, quum in formam BREVIIARIUM MARIANI plurimas preces singulis diebus in honorem Beatissimæ Virginis distinctè recitandas continnâverit, antequàm typis hic liber mândetur, præviâ sui Episcopi approbatione et licentiâ, ad S. V. pedes humiliter provolutus interrogat, an ob formæ ac tituli hujusmodi libri novitatem ad illum evulgandum indigeat prius sanctione S. Vestræ. —

Die 16 Martii 1857.

Negativè.

Locus ✕ *Sigilli.*

BEATMO. PADRE.

Il Sacerdote Giuseppe Escolà della Diocesi di Lèrida avendo ordinato in forma di BREVIIARIUM MARIANUM molte preghiere da recitarsi distintamente in ogni giorno dell' anno in onore della B. Vergine, prima di renderlo publico con la stampa previa l' approvazione del suo Vescovo, desidera sapere, se abbisogni della sanzione della S. V. nel caso che la novita della forma e titolo di questo libro renda necessaria l' approvazione della S. C. de' Riti. —

Die 16 Martii 1857.

Negativè.

Locus ✕ *Sigilli.*

APPROBATIO A CENSORIBUS DATA.

Infrascripti Rector et Professores Seminarii Tridentini Ilerdensis ad operis, cui titulus est BREVIIARIUM MARIANUM, examen à Rmo Domino Episcopo Ilerdensi deputati, præfatum Opus eâ, quâ par est, attentione, perlegimus, in eoque non tantum nihil catholicæ fidei bonisque moribus adversans reperimus; imò potius omnia in ipso contenta, utpote maximâ ex parte innixa effatis ac sententiis Sanctorum aliorumque plurium, qui de laudibus eximâque erga Beatam Virginem MARIAM devotione optimè meriti sunt, in idque ingenium et calamum suum acuere, ad cultum erga Deiparam magis magisque promovendum valdè idonea ejusdemque Beatæ Virginis filialem amorem ubique spirantia noximus.

Ilerdæ in Seminario Tridentino die 2 Julii, festo Visitationis B. M. V. anni 1858.

Josephus Millà. — Antonius Pintó. — Romanus Vigordan.

Per nos licet prælo mandetur.

Dr. Joseph Ricart, Gubr. Vic. Gens.

Locus ✕ *Sigilli.*

PROTESTATIO AUCTORIS.

Sanctissimi Domini nostri Urbani VIII. Decretis observantiâ et re-
verentiâ, quâ par est, inhærendo, profiteor me haud alio sensu quidquid
circa miracula, seu revelationes, seu apparitiones Beatissimæ Virginis
in hoc opere **BREVIARIO MARIANO** refero, accipere aut accipi
ab ullo velle, quàm eo, quo solent ea, quæ humanâ dumtaxat
auctoritate, iis tamen exceptis quæ divinâ catholicæ Romanæ Ecclesiæ
aut Sanctæ Sedis apostolicæ, nituntur.

Item profiteor, non meam esse mentem in confectione aut
editione hujus **BREVIARII MARIANI** opus liturgicum aut ad eccle-
siasticum cultum destinatum, vel aliquandò destinandum, quod ad
solam Ecclesiæ auctoritatem pertinet, vel efformare vel edere; sed
tantum quoddam Manuale Marianæ pietatis, quo fidelium devotio
erga Deiparam Sanctissimam magis ac magis augeatur, foveatur et
privatim, si ita placuerit, ipsa Diva Virgo hoc nove obsequio cola-
tur, sicut jam ab antiquo innumeris aliis obsequiis colitur.

Item profiteor, omnia et singula Sanctorum Patrum aut Doctorum,
sive aliorum Auctorum, sive à me ipso prolata et scripta in hoc
opere verba, dicta et intellecta me velle esse in eo tantum sensu,
quo ea dicit et intelligit ipsa Ecclesia Catholica, Apostolica, Romana,
ita ut sicut omne omnino hujus Ecclesiæ fidei ac doctrinæ consen-
taneum admitto, ita etiâ omne omnino quod eidem adversetur,
rejicio.

PERILLUSTRIUM MARIOPHILORUM ANTISTITUM

pietate hoc MARIANUM TESTIMONIUM plurimis Indulgentiis ditatum extollitur.

Horum Reverendissimorum Pontificum, qui eas Indulgentias concessere, Nomina et Verba ipsa hujusmodi concessionum ex eorum vel decretis vel congratulatoriis litteris acceptis excerpta, servato idiomate hispano, in grati animi sensum sequenti ordine consignare placuit.

I.

Excumus. et Illmus. D. D. ANTONIUS MARIA CLARET, Archiepiscopus S. Jacobi de Cuba.

Madrid 18 Abril de 1859.—Concedo ochenta dias de Indulgencia por rezar cada una de las Horas del BREVIARIO MARIANO, asi menores como mayores: por cada Nocturno ochenta y por Laudes otros ochenta, y las mismas por leerlas con devocion.—El Arzpo. CLARET.

II.

Illmus. et Revmus. D. D. PETRUS CYRILLUS URIZ, Episcopus Ilerdensis.

Obispado de Lérida.—Accediendo á los deseos de V. y con el fin de promover la mayor devocion á MARIA Santissima concedo cuarenta dias de Indulgencia á todos los fieles cristianos por cada vez que devotamente rezaren cualquiera de las Horas canónicas mayores ó menores: otros cuarenta por cada nocturno y por los Laudes, y otros cuarenta á los que leyeren ú oyeren leer cualquiera de las referidas Horas del BREVIARIO MARIANO arreglado por D. José Escolá Presbítero Misionero Apostólico en esta Diócesis, rogando á Dios por las necesidades de la Iglesia.—Lérida 6 de Abril de 1859.—PEDRO CIRILO, Obispo de Lérida.

III.

Excumus. et Illmus. D. D. PAULUS GARCIA ABELLA, Archiepiscopus Valentinus.

Valencia 2 de Abril de 1859.—Aprovecharé todas las ocasiones para recomendar tan preciosa obra (el BREVIARIO MARIANO) al Clero de esta Diócesis.... y concedo ochenta dias de Indulgencia á los que lo rezaren ó leyeren en los mismos términos que los haya concedido el Excmo. é Ilmo. Sr. D. Antonio Claret.—PABLO, Arzpo. de Valencia.

IV.

Excumus. et Illmus. D. D. FLORENTIUS LORENTE, Episcopus Gerundensis.

Gerona 8 Abril de 1859.—Concedo cuarenta dias de Indulgencia por rezar cada una de las Horas canónicas del BREVIARIO MARIANO, asi menores como mayores: pero por cada Nocturno cuarenta, y por Laudes otros cuarenta y las mismas por leerlas con devocion.—FLORENCIO, Obispo de Gerona.

V.

Excumus. et Illmus. D. D. FERDINANDUS DE LA PUENTE, Archiepiscopus Burgensis.

Burgos 26 de Abril de 1859.—Concedemos ochenta dias de Indulgencia á todos los fieles cristianos de uno y de otro sexo por cada vez que devotamente rezaren cualquier oficio divino del BREVIARIO MARIANO compuesto en la ciudad de Lérida, precediendo la aprobacion del Ordinario.—FERNANDO, Arzpo. de Burgos.—Por mandado de S. E. I. el Arzpo. mi Señor, Dr. Felix Martinez, Srio.

VIII.

VI.

Illmus. et Revmus. JOANNES JOSEPHUS CASTANER, Episcopus Vi-
censis.

Vich 26 Abril de 1859.—En cuanto á mi toca procuraré dar al BREVIARIO MARIANO toda la importancia, publicándolo por medio del Boletín Eclesiástico: y desde ahora concedo cuarenta dias de Indulgencia á los que lo rezaren ó leyeren, en la misma forma y en los mismos términos que lo haya verificado el Ilmo. Sr. Obispo de Lérida.—JUAN JOSÉ, Obispo de Vich.

VII.

Exmus. et Illmus. D. D. ANTONIUS PALAU, Episcopus Barcinonensis.

Este Excmo. é Ilmo. Señor se dignó conceder verbalmente á los que rezáren ó leyeren las Horas del BREVIARIO MARIANO las mismas Indulgencias y en la misma forma que las concedió el Ilmo. Sr. Obispo de Lérida.

VIII.

Illmus. et Revmus. D. D. JOACHIMUS BARBAJERO, Episcopus Legionensis.

Leon 4 de Mayo de 1859.—.... Me haré un deber muy grato en recomendar la adquisicion del BREVIARIO MARIANO al Clero de esta Diócesis, y concedo muy gustoso á los que rezaren, leyeren, ú oyeren leer sus Horas las mismas Indulgencias que haya concedido mi amado Hermano Sr. Obispo de Lérida.—El Obispo de Léon.

IX.

Exmus. et Illmus. D. D. VINCENTIUS HORCOS, Episcopus Oxomiensis.

Deseando promover en cuanto está de nuestra parte el Divino culto y fomentar la devocion del pueblo Cristiano dando graciosamente lo que en la misma forma hemos recibido, sin mérito alguno nuestro, de la Divina Misericordia: Concedemos cuarenta dias de Indulgencia á todos los fieles de uno y otro sexo por cada vez que rezaren cualquiera de las Horas Canónicas del BREVIARIO MARIANO publicado por D. José Escolá, y pidieren á Dios nuestro Señor por la Exaltacion de nuestra santa Fé católica, paz y concordia entre los Reyes y Principes cristianos, extirpacion de las herejías y demas piadosos fines de Nuestra Santa Madre la Iglesia. Dadas en el Burgo á 6 de Mayo de 1859.—Fr. VICENTE, Opo. de Osma.—Por mandado de S. E. I. el Obispo mi Señor, Carlos Rodriguez, Srio.

X.

Exmus. et Illmus. D. D. JOANNES NEPOMUCENUS CASCALLANA, Episcopus Malacensis.

Obispado de Málaga 7 de Mayo de 1859.—.... He recibido con gusto el BREVIARIO MARIANO en obsequio de la Sma. Virgen MARIA. Me ha gustado mucho... esta obra original, que recomendaré al Clero. Y ademas concedo cuarenta dias de Indulgencia en los términos que las hayan concedido otros Ilmos. Prelados.—JUAN NEPOMUCENO, Obispo de Málaga.

XI.

Illmus. et Revmus. D. D. PONTIANUS ARCINIEGA, Epus. Mindonicensis.

Este Ilmo. Sr. Obispo ha concedido cuarenta dias de Indulgencia á los que lean ó rezen en el BREVIARIO MARIANO segun el tenor de los demas Prelados.

PRÆFATIO

AD LECTOREM.

«Gloriosa dicta sunt de te, Civitas Dei, Sancta Verbi æterni Genitrix et » Virgo, sed adhuc locus est tuæ laudi,» aiebat Ekebertus Abbas. «Genera- » tio præterit, et generatio advenit, inquit quoquæ Franco Abbas Amigi- » emensis, laus autem **MARIÆ** nullâ generatione defecit. Laus **MARIÆ** » fons est indeficiens, qui quantò longius extenditur, tantò ampliùs imple- » tur, et quantò ampliùs impletur, tantò latiùs dilatalur. Et quia indefi- » ciens est, ait S. Germanus, hauriendo non exhauritur, imò quò plus ha- » u ritur, eò majorem centiès ac milliès aquarum copiam effundit, ideò fieri » non potest, ut desinant, qui hauriunt». Igitur quamvis minimè quidem par sit humanum ingenium depromendis omnibus Sanctissimæ Deiparæ titulis; laudem tamen feret, Mariophile Lector, conatus is qualiscunque, qui in iisdem industriâ novâ evulgandis locatur.

Tale enim en aliquid præsentî in opere, quod **BREVIARIUM MARI- ANUM** inscribimus, nomen, non ut liturgicum aptatum, sed ut solo titulo ostendatur tom forma libri, qui instar liturgici Breviarii efformatus apparet, tum ejus materia, quæ omnium aliorum librorum Marianorum Summa est ac Compendium: hic enim semper fuit propositus scopus, dispersa omnia et singula per orbem testimonia, quæ pietas et scientia Mariophilorum in Deiparæ gloriam extulere in unum excultissimum ingeniosè congerere: *ex omnibus unus*: eo tamen modo, ut materia formæ, formaque materiæ conveniat, et simul materia et forma universo operi non displiceant. Hanc ergo metam si attingimus, nomen Breviarii tibi non repugnet.

Et quòd sit dignè assequuta, quis est qui primo oculi ictu non videat? Hujus operis forma forma est cæterorum Breviariorum: suum habet speciale Psalterium, non Davidicum, sed Seraphicum à Doctore Seraphico Divo Bonaventurâ confectum, per omnem habdomadam dispositum, quo singulis diebus, et septiès in quolibet die devotis laudibus benedicitur Deipara Sanctissima: nec in hoc Psalterio desunt hymni, nec versus, nec antiphonæ, nec capitula, nec ulla similitum.

Propria de Tempore et Festivitatum, cujuslibet Breviarii partes, in hoc quoquæ Breviario virginali inveniuntur. In Proprio de Tempore universam Immaculatæ Virginis Vitam partitam in diversas totius anni partes sequenti ordine contemplamur. Tempore *Expectationis*, à primâ die Septembris usque ad octavam nempe, quæ fuit Expectatio gentium universæ terræ, et negotium omnium sæculorum (sic enim à Divo Bernardo fuit

B

X.

appellata) Patriarcharum et Prophetarum vestigiis inhærentes, ardenti animo, oculis ad ipsam defixis, expectamus et precibus ejus adventum deposcimus. Tempore *Infantiæ*, ab ejus scilicet Nativitate usque ad Adventum Domini, dulcissimam Puellam, «lucis suæ, ut ait Damascenus, splendoribus nobis illucescentem» præ oculis semper habemus, quin ab ipsâ nos avertere nec ad punctum audeamus. Tempore *Prægnationis*, quod totum adventum Domini includit, incomprehensibilem Virginis quæ Dei capax fuit, et Dei Filium proprio utero genuit, dignitatem extatico modo admiramur. Tempore *Puerperii*, quod à Virginali Partu usque ad Purificationem celebratur, Deum pendentem ab ubere, Virginemque Deum lactantem, et fasciis cingentem (quis non stupet ad tantam **MARIÆ** gloriam!) totâ mente prosequimur. Tempore *Vitæ Contemplativæ*, quæ usque ad Passionem deinde recolitur, secreta Virginei cordis meditatione scrutamur, et contemplatione miramur, terrena cuncta sic ab ipsâ discentes despiciere et celestia amare. Dominicâ Passionis incipit Tempus *Vitæ Dolorosæ*, quo afflictissimam Matrem ingenti in supplicio positam contemplamur, et non derelinquimus, ut mœstissimo ejus cordi aliquod afferamus solatium compassionis saltem affectu. Sed noster inardescit animus Tempore *Vitæ Gaudiosæ*, quæ à Pascha usque ad Sabbatum post Pentecostem perdurat, dum lætificantis fluminis incomprehensibilem impetum tota virginalia præcordia perinundantem, sive in Resurrectione et Ascensione Christi, sive in Adventu Spiritûs Sancti, toto affectu recolimus, simul cum ipsâ gaudentes, prius cum ipsâ contristati. Post Gaudiosam Vitam incipit Dominicâ primâ post Pentecostem Tempus *Vitæ Activæ*, quæ reliquam in carne vitam Deiparæ includit, in quâ Apostolicæ formæ Virgo fideliter insistens Mater nascentis Ecclesiæ, Apostolorum Magistra, et cunctorum fidelium solatium efficitur, simulque nobis omnium virtutum præbet exempla, quæ ad ejus normam imitari conamur. Tandem tempore *Vitæ Gloriosæ* quod est post Assumptionem ejus ad cœlos, toto corde ad cœlum sequimur Matrem, ut testes simus gloriæ ipsius, unâque et ipsi et nobis gratulemur de ejus in cœlis coronatione: Hæc omnia *Proprio de Tempore*.

In *Proprio* verò *Festivatum*, «Virginem plurium nominum», à Sancto Epiphanio, et «Dominam decies millenis honoris vocabulis dignam» à Sancto Damasceno dictam, totis præcordiis exultantibus, per singulos dies laudamus. Habet illa pauculos dies in fastis Ecclesiasticis, et in Romano Martyrologio ejus memoria non sæpè celebratur: al in hoc **BREVIARIO** quotidie recolitur, quotidiè laudatur recordatione sive mysteriorum aut actuum suæ sanctissimæ Vitæ, sive suarum virtutum, sive benefacti alicujus ex ipsâ à nobis accepti: digna planè est, ut nullo die cessemus à laudibus ejus, et hæc est voluntas ejus, qui omnia nos habere voluit per **MARIAM**. «Voluntas Filii est, ait Richardus à Sancto Laurentio, ut Matrem illius, »et Dominam nostram benedicamus in omni tempore, scilicet nocte ac die, »in prosperis et adversis, et ut laus ejus semper versetur in ore nostro, de »ipsâ meditando, ipsam laudando, orando, benedicendo, ipsi gratias agendo, ejus magnalia prædicando».

Denique post hæc sequitur ultima Breviarii Pars *Commune Festivatum*, in quo singula quæ propria in officiis Propriorum non fuerint, fideliter velut in supplemento pro diversis anni temporibus inveniuntur. Nihil igitur deest in hoc opere, quod perfectum Breviarium quoad formam non tibi ostendat.

Habes ergo hujus præstantissimi Monumenti Mariani selectissimam effigiem: Materia ipsi optime placet. Quidquid grandius, quidquid excellentius, quidquid dignius vetera novaque scripta de Deiparâ Sanctissimâ lo-

quantur, apum prudentiam quæ ad favos conficiendos, undequaque potest, colligit mel et ceram, imitando, hoc unico in libro accuratissimâ diligentia collectum solu obtutu conspicias.

Sub litteræ cortice, «multifariam multisque modis olim Deus loquens » Patribus in Prophetis» Immaculatæ Virginis inexplicabilia magnalia in Sacra Scripturâ miro modo obtexit: Hic verò liber ipsa et refert, et reserat, et explicat non tamen proprio arbitrarioque ore sed Sanctorum Patrum, aliorumque Ecclesiæ Doctorum, qui veri magistri in Israel ab ipso Dei Spiritu afflati ad Verbum Dei exponendum creduntur. Et cum de omnibus et singulis utriusque Testamenti libris verba et proferat, et Divæ Virgini applicet, et de ipsâ quoque explanet veram **BIBLIAM MARIANAM** efformat.

At non solum per divinarum Scripturarum explanationem nobis locutus est Deus de hac præcelsâ suâ Genitrice, sed etiam per eorum ora qui in terris Vices Dei, Spiritus Sancti oracula, ac Christi Vicarii ab omnibus verè creduntur. Plurima hi de eâ nobis dixerunt ac in scriptis relinquerunt, plurima in Conciliis dicta approbarunt, plurima quoque in suis ordinationibus apostolicis decreverunt: hæc autem ferè omnia in hoc libro, qui Constitutionum Summorum Pontificum ac Conciliorum omnium **SUMMAM VIRGINEAM** includit, tibi facilè in manibus erunt.

Quanta præterea in suis Scriptis SS. Patres omnes de gloriosâ Dei genitrice sati sunt? Quanta excelsa retulere? Quanta enarrare beneficia? Quantis eam extulere præconiis? Ipsi nos docuerunt cognoscere cœlestis Reginae dignitatem, amare bonitatem, laudare immensissimam gloriam. Suis eloquentissimis simulque ignitis verbis noster intellectus illuminatur, et affectus vehementer inflammatur in cognitionem et devotionem Virginis divinæ. Hic verò liber omnia eorum virginalia dicta et scripta includit, excellentissimum omnium sæculorum ab apostolico tempore **MARIALE PATRUM** efficiens.

Nec simplex sufficit ad tantum Monumentum solutæ orationis prosa: accedit quoque ingeniosa Poesis, quæ undique abundanter et variè gratiis defluit et omnia ornat mirabili florum varietate. **MARIAM** cecinere per orbem Christiani Poetæ, eam speciosam in pulchris, amabilem in jucundis, excelsam in sublimibus, in pretiosis unam extollentes: quidquid autem antiqui et novi dixere Mariani Vates hoc in uno collectum invenies: eorum carminibus mirabilis hic et novus **PARNASSUS VIRGINALIS** exurgit.

Historiâ quoque hoc Marianum Testimonium innitur, quâ completiorem nullam aliam Divæ Virginis invenies. De singulis Deiparæ actibus ab ejus Predestinatione ab æterno, usque ad ejus Coronationem in cœlis affatur, virtutes ejus explicat, dona enarrat, gratias extollit, privilegia refert, prærogativas exponit, magnalia reserat, beneficia pandit, glorias celebrat, mirabilemque cultum per universum mundum in tot templis et Sacellis ab Ecclesiâ ipsi tributum, plurimis indicat, ita ut verè **UNIVERSALIS HISTORIA** Deiparæ Sanctissimæ toto ore appellari queat.

Tale est, Mariophile Lector, **BREVIARIUM MARIANUM**, quod tuo erga Deiparam Sanctissimam æstuantî cordi, ut industriâ novâ à te laudetur, nostrum conamen, non nisi post ingentissimos labores, offerre audeat. Nihil dubium, quod sit ipsi Virgini maximè placitum. Non ergo tibi displiceat. Invenies quidem plura quæ irreperierint menda, quæ tuior vitaverit manus tua, sed tua indulgentia ob **MARIÆ** gratiam conniveat. Attende tantum utilitate frui hujus libri, qui solus utinam complere omnia tua erga Virginem suspiria valeat. Quid enim desiderat tuus Marius affectus? Laudibus Virginem extollere? Hoc Breviarium *Manuale Can-*

XII.

ticorum et *Laudum* invenies. *Precibus* opem ejus exorare? *Summarium precum* tibi erit. Ipsi conversari? Illa tibi, tuque illi eo libro intimâ amicitia loqueris. Tuum erga ipsam affectum concitare? *Schola* Marianæ charitatis locum tenet. De ipsâ legere? In eo excultissima reperiens. De ipsâ discere? Mariologiam, seu Marianam scientiam, te docebit. Concionari de tantâ Virgine? Innumera circa res omnes virgineas tibi ministrabit eloquia. Sapientibus et insipientibus facili accomodata **BIBLIOTECA MARIANÆ ERUDITIONIS**, piis ac devotis opportunum **MANUALE MARIANÆ PIETATS**, atque omnibus et singulis Mariophilis ditissimus **VIRGINALIS THESAURUS** inter duo ubera scientiæ et pietatis optimè collocandus videtur. Hoc libro ob oculos semper **MARIAM** habebis, perfectiùs agnosces, ferventiùs diliges, impensiùs coles, fideiùs invocabis, cæteros omnes marianos libros habebis, uno verbo, impletum videre poteris desiderium cordis tui.



SERAPHICI D. S. BONAVENTURÆ.


IN PSALTERIUM B. MARLÆ V.

PRAEFATIO.

Arripe illam, et exaltabit te, et glorificaberis ab eâ, cum illam fueris amplexatus. Dabit capiti tuo augmenta gratiarum, et coronâ inclytâ proteget te, ait Sapiens (Prov 4.) Gloria in excelsis Deo, et gratiarum actio et vox laudis, qui nunc per prophetica mysteria, nunc per oracula de cœlis lapsa, nunc per lectionem evangelicam, nunc per apostolicam tubam multifariè multisque modis ad honorem Virginis MARLÆ Reginæ Cœlorum ac Angelorum sincerissimè nos invitat, ac incitat, ut per ipsius sancta merita omni acceptione dignissima ex infernorum claustris arreptos angelicæ militiæ nos adscribat. Undè licet Salomon verba prædicta de sapientiâ protulerit, Spiritus tamen Sanctus illa ad Virginem præcellentem MARIAM intellectu mistico reflectit. In quo verbo vos ad ipsius amorem est alliciens, vestrumque cor ad ipsius complexum variis promissionibus attrahens, et demulcens. Assignat autem vobis quatuor dona mirifica, si tam præclara Puella nexu spirituali vobis fuerit conjuncta, et brachiis desideriorum ferventium à vobis cum magnâ reventiâ et devotione amplexata. Primò offert vobis exaltationem: ibi: *et exaltabit te*. Secundò glorificationem: ibi: *et glorificaberis ab eâ*. Tertiò gratiarum abundantiam: ibi: *dabit capiti tuo augmenta gratiarum*. Quartò viriditatis perpetuæ immarcessibilem coronam: ibi: *coronâ inclytâ proteget te*. Undè vos rogo, ne tam nobilem et speciosissimam Virginem repellatis, ne tam admirandam reverendissimamque Reginam Virginem MARIAM vilipendiatis: ne si à vobis contemptam se viderit, non dico tantis fraudemini, verùm, quod absit, mala perpetua incurratis. Qua propter ad obsequendum ei sinum mentis extenuate, ad laudandum et glorificandum eam cor præparate, linguam laxate, ac celeri famulatu illi placere festinate. Constat enim quòd ex ipsius accessu remanebitis devotiores, ex ipsius tactu mundiores, ex ipsius amplexu virtute et gratia profusiores et nitidiores. Et

XIV.

ut tantorum bonorum vobis aliquam occasionem conferam, mitto vobis ipsius Virginis sacratissime Psalterium ex scintillulâ meâ pauculâ intelligentiâ, gratiâ et adiutorio illius conditum et compactum, in quo diversis præconiis eam extolletis. Nunc ipsius Virginitatem et castimoniam, nunc ejus fœcunditatem et sanctimoniam, nunc ejus largitatem sive clementiam. Ibi efferetis eam velut plenam omni gratiâ, velut repletam omni scientiâ, velut illustratam omni sapientiâ et intelligentiâ. Ibi benedicetis fructum sui Ventris gloriosi. Ibi ad ipsius laudem invocabitis choros Angelorum et Sanctorum, Nationes hominum, Insulas gentium, Cœlum et pulchritudinem luminarium, ac totum orbem terrarum. Ibi eam rogabitis, ut destruat vires spiritualium hostium, ut vobis impetret veniam peccatorum, ut vobis reddat placabilem Judicem, et ut vestrum finem suâ illustret præsentia, vobisque obtineat gaudia sine fine mansura. Igitur hoc tantillum meum munusculum primum vobis oblatum libentè suscipite, fructumque ex eo proferre satagite, et in eo Matrem Dei frequentius collaudate, si fortè purissima super vos suum convertat amabilem vultum, ad suum amorem vos recipiens, vestram animam in præsentī recreans et reficiens, et in futurâ gloriâ coronam de lapide pretioso vestro capiti superponens.



QUINQUE

QUÆ BREVIARIUM MARIANUM INDISTINCTE COMPLECTITUR.

I.

BIBLIA MARIANA.

In quâ plurima de sacris utriusque Testamenti libris exponuntur, ac Beatissimæ Virgini à Sanctis Patribus applicantur.

Cum perlongum esset singulos versus singulasque voces biblicas, quæ in hoc Breviario de Deiparâ immaculatâ in versibus, responsoriis et antiphonis enarrantur, annotare; ideo eas enumerare ac referre consultò omittitur. Capitula suis in locis notantur: Libri vero è quibus lectiones de Scripturâ sunt excerptæ, et dies, in quibus hæ lectiones leguntur et exponuntur, sequenti catalogo signati apparent.

GENENSIS.

Legitur et exponitur in

Dominicâ I. II. III. IV. et V. Infantiae, in festo B. V. de Arcu, Conceptionis Immaculatæ, Circumcisionis et Octavæ Annuntiationis.

EXODUS.

In Dominicâ VI. et VII. Infantiae, in festis SS. Nominis, de Columnâ, Protectionis in Jerusalem, Virginitatis perpetuæ et Comm. Vitæ Gaudiosæ.

LEVITICUS.

In Dominicâ VIII. Infantiae, in festo Oblationis et Purificationis.

NUMERI.

In Dominicâ IX. et X. Infantiae.

DEUTERONOMIUM.

In Dominicâ XI. Infantiae.

JOSUE.

In Dom. I. Puerperii.

JUDICUM

In Dom. II. et III. Puerperii et

in Comm. Vitæ Gaudiosæ.

RUTH.

In Dom. IV. Puerperii.

I. REGUM.

In Dom. V. Puerperii, in Dom. I. Vitæ contemplativæ, in festo Præsentationis, Annuntiationis Conceptionis, Messanensis à Scalis et SS. Parentum.

II. REGUM.

In Dom. II. Vitæ Contempl.

III. REGUM.

In Dom. III. Vitæ Contempl. et Septuag. in festo Encænium, die II. infra octav. Omnium festivitatum et in festo Exequiarum.

IV. REGUM.

In Dom. Sexagesimæ.

I. PARALIPOMENON.

In Dom. Quinquagesimæ.

II. PARALIPOM.

In Dom. I. et II. Quadragesimæ

XVI.

et in Communi Dedicat.

II. ESBRE.

In Dom. III. Quadragesimæ.

TOBIÆ.

In Dom. IV. Quadragesimæ.

JUDITH.

In Dom. I. Vitæ activæ, in Comm.
Vitæ Gaudiosæ et Vitæ Activæ.

ESTHER.

In Dom. II. Vitæ activæ, in Octavâ
Conception. Immaculatæ et in
Comm. Vitæ Gloriosæ.

JOB.

Dom. III. Vitæ activæ.

PSALM.

In Triduo Majoris Hebdomadæ.

PROVERBIA.

In Feriis Infantiae, Prægnationis
et Puerperii.

CANTICA.

In Feriis et in Dominicis I. II.
III. IV. V. et VI. Vitæ Gaudiosæ,
in festo Corporis Christi, SS. Urbe-
rum, Amissionis Pueri JESU, Vi-
sitationis, Assumptionis, SS. Cor-
dis, in Comm. Tempor. Infantiae et
Vitæ contemplativæ.

SAPIENTIÆ.

In festo Prædestinationis, in Fe-
riis Vitæ Contemplativæ, in festis
Corporis Christi, Nativitatis, SS.
Obitûs.

ECCLESIASTICUS.

In Feriis Vitæ Activæ et Vitæ
Gloriosæ, in festis SS. Rosarii et
Desponsationis.

ISAIAS.

In Dom. I. II. III. et IV. Præg-
nationis, in Dom. IV. Vitæ Acti-
væ, in festis Expectationis, B. V.
in Utero Materno, Expectationis
partûs, SS. Partûs, II. IV. V. VI.
VII. infra oct. SS. Partûs, Epipha-
niæ, Ascensionis in Jerusalem, Vir-
ginitatis perpetuæ, et in Comm.
Prægnationis.

JEREMIAS.

In Dom. V. Vitæ Activæ.

LAMENTAT. JEREMIÆ.

In Dominicis Passionis et Palma-
rum, in Feriis Vitæ dolorosæ, in
festis Septem Dolorum.

BARUCH.

In festo de Mercede, in die IV.
infra Octav. omnium Festivitatum,
et Comm. Vitæ Dolorosæ.

EZECHIEL.

In Dom. VI. Vitæ Activæ, die
VII. infra octav. Omnium Festivi-
tatum, et Virginitatis perpetuæ.

DANIEL.

In Dom. VII. Vitæ Activæ.

OSEA.

In Dom. VIII. Vitæ Activæ, in
festo Reversionis de Ægypto.

JOEL.

In Dom. IX. Vitæ Activæ.

JONAS.

In Dom. X. Vitæ Activæ.

MICHÆAS.

In Dom. X. Vitæ Activæ in festo
Ascensionis ad Bethleem.

HABACUC.

In Dom. XI. Vitæ Activæ.

AGGÆUS.

In Dom. XII. Vitæ Activæ.

ZACHARIAS.

In Dom. XIII. Vitæ Activæ.

QUATUOR EVANGELIA.

In Singulis Dominicis per An-
num, in Feriis IV. VI. et Sabbatis
Quatuor Temporum, et Quadrage-
simæ, in Vigiliis Solemnitatum, et
in Singulis Festis Duplicibus et se-
miduplicibus.

ACTUS APOSTOLORUM.

In die Ascensionis Domini.

EPISTOLA AD ROMANOS.

In Vigiliâ Epiphaniæ et in festo
Baptismi.

I. AD CORINTHIOS.

In festo Charitatis, Coronationis
et Baptismi.

AD GALATAS.

In Dom. Infra Octav. SS. Par-
tûs et in Comm. Puerperii.

I. AD TIMOTHEUM.

In festo Paupertatis.

AD TITUM.

In festo Baptismi.

AD HEBRÆOS.

In festo Fidei, et Doloris in Si-
meonis Prophetiâ.

XVII.

EPIST. B. JACOBI AP.

In festo Septem Verborum.

APOCALYPSIS.

In Dom. I. II. et III. Vitæ Glo-
riosæ, in festo et in octavâ die Om-
nium Festivitatum, Dedicationis Ec-
clesiæ Ilerdensis.

II.

SUMMA VIRGINEA.

Conciliorum, Constitutionum Apostolicarum, Brevium et Decretorum Sum-
marum Pontificum Sacrarumque Congregationum Romanarum,
necnon Statutorum plurium Ecclesiarum, ac Librorum
liturgicorum.

I.

TITULI CANONUM.

- I. Scripturæ de Virgine præ-
loquuntur. *Canon. 2.* *p. 63*
- II. Conceptio Immaculata....
Can. 14. *68*
- §. 1. In adversarios Immacu-
latæ Conceptionis. *Id. . . Ibidem.*
- §. 2. De ipsâ Immaculatâ Con-
ceptione. *Can. 23.* *p. 71*
- §. 3. De festo Conceptionis.
Id. 35. *76*
- §. 4. De iis quæ ad Officium
et Missam Conceptionis perti-
nent. *Id. 56.* *83*
- §. 5. Deipara Immaculata in
Patronam elegitur. *Id. 71.* *89*
- III. Deiparæ Virginitas perpe-
tua. *Id. 75.* *91*
- IV. Virgo prægnans. *Id. 96.* *102*
- V. Virgo puerpera. *Id. 123.* *112*
- VI. MARIA Deipara. *Id. 171.* *134*
- VII. Anathemata contra hæ-
reticos. *Id. 192.* *145*
- VIII. Mariæ erga peccato-
res clementia. *Id. 234.* *163*
- IX. Deiparæ angustiae in Pas-
sione Filii. *Id. 241.* *169*

- X. Virgo Mundi Corredem-
ptrix. *Id. 248.* *p. 177*
- XI. Virgo in Resurrectione
Filii. *Id. 252.* *201*
- XII. Cultus Deiparæ SS. tri-
butus.
1. In effigiebus *Id. 258.* . . *209*
2. In Officio Ecclesiastico.
- §. 1. In Officio Parvo. *Id. 269.* *212*
- §. 2. In Officio in Sabbato.
Id. 286. *219*
- §. 3. In Antiphonis in fine
Officii. *Id. 291.* *227*
- §. 4. In Antiphonâ: *Salve Re-*
gina. *Id. 294.* *231*
- §. 5. In Salutatione Angelicâ.
Id. 297. *235*
- (Deipara Spiritu Sancto plena.
Id. 300. *240*)
3. Per Sacrificium Missæ.
- §. 1. Per Missas votivas.
Id. 307. *307*
- (Caro Christi Mariæ Caro..
Id. 311. *255*)
- §. 2. Per Missas in Sabbato.
Id. 319. *265*
4. Per Festivitates.
- §. 1. Festum SS. Nominis MA-

XVIII.

RIÆ. Id. 322.	p. 260
§. 2. Festum Desponsationis.	
Id. 326.	267
§. 3. Festum Annuntiationis.	
Id. 328.	269
§. 4. Festum Expectationis.	
Id. 336.	271
§. 5. Festum Purificationis.	
Id. 336.	272
§. 6. Fest. B. V. de Monte Carmelo. Id. 343.	275
§. 7. Fest. SS. Rosarii. Id. 349.	277
§. 8. Fest. B. V. de Mercede. Id. 339.	280
§. 9. Fest. Septem Dolorum. Id. 361.	»
§. 10. Fest. Patrocinii B. V. Id. 366.	282
5. Per Litanias. Id. 372.	285
XIII. Gloria Deiparæ in cælo. Id. 377.	296
XIV. Deiparæ Intercessio apud Deum. Id. 384.	298
<i>Tituli Canonum qui in Proprio Festivitatum ponuntur, singulis Festivitatis respondet.</i>	

II.

SUMMI PONTIFICES.

—

Alexander II.
Alexander III.
Alexander V.
Alexander VII.
Benedictus VIII.
Benedictus XI.
Benedictus XIII.
Benedictus XIV.
Bonifacius IX.
S. Cajus.
Calixtus III.
Clemens VII.
Clemens IX.
Clemens X.
Clemens XI.
Clemens XII.
Clemens XIII.
Cælestinus III.

S. Damasus.
S. Eutichianus.
S. Felix.
S. Gelasius I.
S. Gregorius I.
Gregorius X.
Gregorius XIII.
Gregorius XV.
Gregorius XVI.
S. Hormisdas.
Innocentius III.
Innocentius X.
Innocentius XI.
Innocentius XII.
S. Joannes II.
S. Joannes IV.
Joannes XII.
S. Julius I.
S. Julius II.
S. Leo I.
Leo X.
S. Martinus I.
Nicolaus IV.
Paulus IV.
Paulus V.
S. Pelagius I.
S. Pius V.
Pius IX.
S. Sirisius.
Sixtus IV.
Sixtus V.
Urbanus II.
Urbanus VI.
Urbanus VIII.
S. Vigilius.

III.

CONCILIA.

—

Aenhamense	1009.
Alexandrinum	430.
Alexandrinum	431.
Andegavense	1365.
Aquileiense	1596.
Ariminense.	359.
Armenorum	1342.
Avenionense	1326.
Bracarense I.	963.

Budense	1279.
Cameracense	1586.
Chalcedonense	451.
Claramontanum	1095.
Coloniense	1423.
Constantinopolitanum	451.
Constantinopolitanum	536.
Constantinopolitanum II.	553.
Constantinopolitanum III.	680.
Constantinopolitanum IV.	870.
Constantinopolitanum	1279.
Ephesinum	431.
Francofordiense	794.
Illyricum	365.
Jerosolymitanum	1672.
Lateranense	649.
Lateranense IV.	1215.
Levitiense	1606.
Londinense	1328.
Marciansense	1325.
Mediolanense	678.
Mediolanense	679.
Mediolanense III.	1575.
Mediolanense IV.	1576.
Mediolanense V.	1579.
Nicænum I.	325.
Nicænum II.	787.
Parisiense	1346.
Romanum	379.
Romanum	680.
Toletanum I.	400.
Toletanum IV.	543.
Toletanum X.	693.
Toletanum XI.	675.
Toletanum XIV.	684.
Toletanum XVI.	693.
Tolet. apud Rupem fidel.	1302.
Tolosanum	1219.
Tridentinum	1563.
Trisingense	1440.
Tullense II.	800.
Vaurense	1368.
Wormatiense	868.

IV.

ROMANÆ CONGREGATIONES.

Inquisitionis.
Propagandæ fidei.

XIX.

Sacrorum Rituum.
Curiae Romanæ.

V.

BULLARIA.

Carmelitanum.
Dominicanum.
Romanum.

VI.

STATUTA ECCLESiarUM.

Attonis Prioris S. Petri de
Regula.
Aurialensis.
Cameracensis.
Cænomanensis.
Claramontensis.
Dertusensis.
Gerundensis.
Gratianopolitanae.
Monasterii S. Theodorici.
Parisiensis.
Rothomagensis.
Senogiensis.
Suessonensis.
Tolosanae.

VII.

LIBRI LITURGICI.

Martyrologium Gallicanum.
Martyrologium Romanum.
Martyrologium Usuardi.
Menologium Cisterciense.
Sacramentarium Gelasii.

VIII.

BREVIARIA.

Ambianense.
Augustinianum.
Bisuntinum.
Carmelitanum.
Carducense.
Carthusianum.
Cisterciense.
Convenarum.
Dominicanum.
Franciscanum.

XX.

Gallicana varia.
Nerdense.
Lugdunense.
Montalbanense.
Parisiense.
Paris. S. Sulpicii.
Remense.
Romanum antiquum.
Romanum.
Rothomagensis.
Suessonenſe.
Toſolanum.
Viennense.

IX.

OFFICIA SPECIALIA.

Ecclesiæ Barbaſtrenſis.
Cæſaraugustanæ.
Dertusenſis.
Hispanicæ.

Montiſpeſulanæ.
Romanæ.
S. Mariæ Cosmedin.
S. Mariæ majoris.
S. Mariæ de Porticu.
Pistorienſis.
Tauſtenſis.
Toletanæ.
Valentinæ.
Ordinis de Mercede.
Sanctæ Teresiæ.
Servorum B. Virginis.

X.

DECRETA REGUM.

Ervigii Wiſigotorum Regis.
Flavii Ecigæ *Alloc. in Conc. Toletano XVI.*
Joannis I. Aragoniæ.
Juſtiniani Imperatoris.

III.

MARIALE PATRUM

ſeu Catalogus SS. Patrum, ac aliorum Scriptorum ſive Hiſtoriographorum,
ſive Poetarum Marianorum, ex quorum fragmentis hoc Bre-
viarium eſt contextum.

I.

SS. PATRES ET DOCTORES

MARIANI.

S. Accacius Ep. Militenes.
S. Albertus Magnus, Episcopus.
Alexander Ep. Alexandriæ.
S. Amadæus Ep. Lauſanenſis.
S. Ambroſius Ep. Mediolanenſis.
S. Amphilochius Ep. Iconienſis.
S. Anaſtaſius Ep. Antiochen.
S. Andelmus Ep. Schireburg.
S. Andrea Cretenſis Ep. Jeroſol.
S. Anſelmus Ep. Cantuar.
S. Anſelmus Ep. Lucenſis.
S. Antiochus Monach. Lauræ Sabbæ
S. Antipater Ep. Boſtrorum.

S. Antoninus Arch. Florentinus.
S. Antonius Paduanus.
B. Arnoldus, Abbas Bonæ-Vallis.
S. Athanaſius Ep. Alexandr.
B. Atto Prior S. Petri de Regula.
S. Auguſtinus Ep. Hipponenſis.
S. Aurelius Prudentius.
S. Baſilius Ep. Cæreſeæ.
S. Baſilius Ep. Seleuciæ.
V. Beda Presbyt. Angl.
S. Bernardinus Senenſis.
S. Bernardus Abbas Clarævall.
S. Bonaventura Episc.
S. Bruno Presbyt. Cartuſian.
S. Cæſarius Naziancenſis.
S. Chriſippus Presbyt.

S. Cyprianus Ep. Cartag.
 S. Cyrillus Alexandrinus.
 S. Cyrillus Jerosolymitanus.
 S. Dionysius Alexandrinus.
 S. Dionysius Areopagita.
 B. Dionysius Cartusianus.
 S. Eleutherius Ep. Tornacensis.
 S. Eligius Ep. Noviomensis.
 S. Ephrem Diaconus.
 S. Epiphanius Episc.
 D. Eusebius Ep.
 S. Euthymius Monach.
 S. Ferrandus Diacon. Cartagin.
 S. Fulbertus Ep. Carnotensis.
 S. Fulgentius Ep. Rupens.
 S. Gaudentius Ep. Brixiens.
 D. Georgius Nicomediens.
 D. Germanus Arch. Constant.
 B. Goffridus Abb. Vindonicens.
 S. Gregentius Arch. Tephrensis.
 S. Gregorius Magnus.
 S. Gregorius Naziancen. Ep.
 S. Gregorius Ep. Neocæsar.
 S. Gregorius Ep. Nissenus.
 B. Guilielmus Abbas.
 S. Hesichius Presb.
 S. Hilarius Ep. Pictaviens.
 S. Hildephonsus Arch. Toletan.
 S. Hippolitus Ep. et Martyr.
 V. Hugo à S. Caro.
 V. Hugo S. Victoris.
 Idiota Vir sapientiss.
 S. Ignatius Martyr.
 S. Irenæus Ep. et M.
 S. Isidorus Arch. Hispalens.
 S. Isidorus Arch. Thesalon.
 S. Jacobus Monachus.
 S. Joannes Chrisostomus.
 S. Joannes Damascenus.
 D. Joannes Ep. Jerosolymitan.
 S. Justinus Martyr.
 S. Laurentius Justinianus.
 S. Martialis Ep. Lemovicens.
 S. Maximus Ep. Taurinens.
 S. Methodius Ep. et Mr.
 Odo Ep. Parisiens.
 S. Paschasius Ratbert. Abb.
 S. Paulinus Ep. Nolan.

Paulus Diacon. Aquileien.
 D. Paulus Ep. Emissenus.
 V. Petrus Blesensis.
 V. Petrus Canisius.
 V. Petrus Cellensis.
 S. Petrus Chrysologus.
 S. Petrus Damianus.
 S. Petrus Ep. et Mart.
 S. Petrus Maurilius.
 S. Petrus Paschasius Ep. et M.
 S. Proclus Arch. Constantinop.
 S. Proclus Ep. Cycici.
 V. Richardus de S. Laurentio.
 B. Ruppertus Abbas.
 S. Simon Metaphrastres.
 S. Sophronius Jerosolym.
 V. Theodoricus Abb. Corbejen.
 D. Theodorus Ep. Amorii.
 D. Theodotus Ep. Anciræ.
 D. Theodorus Patr. Jerosol.
 S. Theodotus Studita Abb.
 Theophilactus Ep. Bulgar.
 S. Timotheus Jerosolym.
 S. Titus Ep. Bostrot.
 S. Thomas Aquinas.
 S. Thomas Arch. Valentin.
 V. Thomas à Kempis.
 S. Vigilus Ep. Tridentin.
 S. Vincentius Lirinensis.
 S. Vitalius Episc.
 Walfredus Strabo.
 S. Zenon Ep. Veronen.

NOTA:—*Cum de aliquibus operibus SS. Patrum, quæ in hoc Bre-
 viario citantur, dubitetur, an sint
 illorum Auctorum, sub quorum no-
 mine vulgantur, præcedentium Scri-
 ptorum marianorum vestigiis inhæ-
 rendo, nihil aliud prætendimus de
 talibus operibus fragmenta assumen-
 tes, quàm illa verba quæ in Deipa-
 ræ Smæ. honorem fuere dicta sive
 ab alio, sive ab alio Auctore, fide-
 lè transcribere.*

II.

POETÆ MARIANI.

—
 S. Ambrosius Ep. Mediolan.

XXII.

Amideus Maria Maerkel.
S. Anselmus Ep. Lucensis.
S. Aurelius Prudentius.
Baptista Mantuanus.
Barberini, (Urban. VIII).
Benedictus Vilamitjana.
Bernardus Bauhusius.
Carolus à S. Antonio Anconit.
Claireus.
Cælius Sedulius.
Coffinus.
Commirius.
Conti.
Flaminius.
Franciscus Suvertius.
Gabriel Madalenetus.
Guarini.
Hiacintus Asenjo.
S. Honoratus Fortunatus.
Jacobus Balde.
Joannes Codera.
Joannes Houdem.
Joannes Mathia Caryophilus.
Joannes Mich. Silos.
Justus Lipsius.
Latus Frangipane.
Laurentius Massorilli Fulginatis.
Marcus Maximus.
Muretus.
V. Petrus Canisius.
S. Petrus Damianus.
Prosper Martinengus.
Raymundus Salla.
Rodolphus Agricola.
Santolius.
Secundus ab Hoz.
Stephanus Arch. Patracensis.
Theodulphus.
S. Thomas Ep. Cantuariens.
Vitalis Theronius.

Cum pluribus aliis quorum nomina ignorantur, et quorum carmina in variis Antiphonis, Versibus et Responsoriis leguntur.

Circa nonnullos citatos marianos Vates notetur, quod in aliquibus eorum versibus potius attendendum sit

ad pietatem, quàm ad metricas leges. Attamen nullus admittitur qui merito sive ob historiam sive ob auctorem careat.

III.

HISTORIOGRAPHI MARIANI.

Antonius Balinghem.
Antonius Spinelli.
Baronius.
Belforest.
Bollandi.
Bonifacius.
Bzovius.
Cancelloto. (Joann. Bapt).
Christophorus de Castro.
Colvenerius.
Flodoardus.
Franciscus Miquel.
Galliæ Christianæ A.
Gononus.
Gumpenberg.
Guesnay.
Jacobus de Vitriaco.
Josephus Areso.
Lanuza.
Laurentius Chrisogonus.
Lucas Tudensis.
Marcus Antonius Varon.
Molanus.
Murillo.
Narcisus Camos
Nicephorus.
Niceta.
Octavus Cajetanus.
Orsini.
Osmundus Ep. Asturicens.
Poræus.
Pouget.
Rochus Albertus Faci.
Rodericus Toletanus.
Scultingius.
Tritemius.

IV.

ALII SCRIPTORES MARIANI.

S. Alphonsus Maria de Ligorio.
Benedictis (de).

Bernardinus de Bustis.
 Combeffis.
 Egravius.
 Hippolitus Marraccius.
 Labbe (Collet. Concil.)
 Laurentius Surius.

Loonher.
 Mabillonius.
 Martenne.
 Perrone.
 Talu.
 Theophilus Raynaldus.

IV.

PARNASSUS VIRGINALIS.

Plurimis Psalmis, Canticis et Hymnis variè ornatus.

I.		106	Confitemini.....	p.	43
PSALMI.		105	Confitemini.....		43
119	Ad Domin. cum tribul. p.	46	117	Confitemini Domino.....	45
27	Ad te, Dom. clamavi....	21	135	Confitem. Dom.....	49
27	Ad te, Dom. levavi.....	23	15	Conserva me.....	25
122	Ad te, levavi ocul.....	46	115	Credidi propter.....	15
28	Afferte Dominae nost.....	23	4	Cum invocarem.....	17
77	Attendite popul.....	37	118	Defecit in sem.,.....	13
48	Audite hæc omnes.....	31	129	De profundis.....	48
40	Beata MARIA intell.....	29	49	Deus Deorum.....	31
118	Beati immaculati.....	10	62	Deus Deus... per.....	7
127	Beati omnes qui.....	48	21	Deus Deus... resp.....	26
31	Beati quorum corda.....	27	81	Deus in Synagoga.....	38
1	Beatus vir qui dilig.....	2	71	Deus judicium.....	36
111	Beatus vir qui timet.....	15	66	Deus misereatur.....	21
33	Benedicam Dom.....	23	59	Deus repulisti nos.....	33
102	Benedic an. m. M.....	42	93	Deus ultionum D.....	41
103	Benedic an. m. V.....	43	114	Dilexi Matrem Dei.....	45
143	Benedicta sis Dom.....	52	17	Diligam te Dom.....	20
84	Benedixisti Dom.....	39	38	Dixi: custodiam.....	21
118	Bonitalem fecisti.....	12	109	Dixit Dominus.....	15
91	Bonum est conf.....	40	35	Dixit injustus.....	27
97	Cantate Dom. n. cant...	47	13	Dixit insipiens adv.....	20
149	Cantate Dom. n. laus...	22	52	Dixit insipiens in.....	31
95	Cantate plenæ.....	41	43	Domina auribus.....	29
18	Cœli enarrant.....	26	87	Domina auxiliatrix.....	40
118	Clamavi in toto.....	14	140	Domina, clamavi.....	51
74	Confitebimur tibi.....	37	8	Domina Dominus.....	4
110	Confitebor tibi in toto...	15	101	Domina exaudi or.....	42
9	Confitebor tibi et narr...	19	142	Domina exaudi.....	52
137	Confitebor tibi.....	50	26	Domina illuminatio.....	26
104	Confitemini.....	43	69	Domina in adjutor.....	35

XXIV.

53	Domina in nomine.....	9	145	Lauda anima m.....	44
20	Domina in virtute.....	20	147	Lauda Jerusalem.....	33
108	Domina laudem.....	44	150	Laudate Domin... in...	8
7	Domina mea in.....	3	148	Laudate Dom. nostr.....	28
82	Domina mea quis.....	38	116	Laudate Dom. omn.....	45
6	Domina ne inf...r.....	19	146	Laudate Dom. quon.....	39
37	Domina ne in.....	28	134	Laudate nomen.....	49
130	Domina, non est.....	48	112	Laudate pueri.....	15
138	Domina, probasti.....	50	118	Legem pone.....	12
3	Domina, quid mult.....	3	120	Levavi oculos in.....	46
14	Domina, quis hab.....	5	47	Magna es, Domina.....	31
89	Domina, refugium f.....	40	131	Memento, Domina, D...	48
45	Domina, refugium nostr.	30	118	Memor esto verbi.....	12
78	Domina, venerunt.....	37	118	Mirabilia testimonia....	14
23	Domini est terra.....	23	56	Miserere mei, Dom. in..	32
22	Dominus regit me.....	26	50	Miserere mei, Dom. quæ.	31
92	Dominus regn. dec.....	7	55	Misereremei, Dom. quon.	32
96	Dominus regn. exult....	42	100	Misericordiam et jud....	42
98	Dominus regn. irasc....	42	88	Misericordias tuas.....	25
133	Ecce nunc bened.....	17	126	Nisi Domina, æd.....	47
132	Ecce quam bon.....	49	123	Nisi quia Domina.....	43
58	Eripe me de inim.....	33	36	Noli æmulari in.....	27
139	Eripe me, Domina.....	51	61	Nonne, Domina.....	34
44	Eructavit cor.....	30	75	Notus in Judæa.....	37
29	Exaltabo te, Domina....	26	46	Omnes gentes pl.....	30
144	Exaltabo te Mat.....	52	107	Paratur cor m.....	43
16	Exaudi, Domina. just....	25	72	Quàm bonus Isr.....	36
63	Exaudi, Domina, or.....	34	83	Quàm dilecta.....	24
34	Exaudi, Domina, or. et.	24	2	Quare fremuer.....	2
60	Exaudi, Domina, or.....	33	41	Quemadmodum des.....	29
19	Exaudiat me Dom.....	26	124	Qui confidunt in te.....	47
39	Expectans expectavi....	29	51	Quid gloriaris in.....	31
80	Exultate Dominæ.....	38	79	Qui regis Israel.....	37
32	Exultate justi in.....	21	90	Qui habitat in.....	17
67	Exurgat MARIA.....	35	118	Quomodo dilexi.....	13
86	Fundamenta vitæ.....	24	118	Principes persec.....	14
85	Inclina, Domina.....	39	118	Retribue servo.....	10
125	In convertendo.....	47	118	Sæpè expugnâv.....	48
10	In Dominâ confido.....	4	68	Salvum me fac D.....	35
113	In exitu animæ.....	16	11	Salvum me fac M.....	20
119	Iniquos odio hab.....	13	57	Si verè utique.....	32
30	In te, Domina, spes....	17	136	Super flumina.....	50
70	In te, Domina, sper....	36	64	Te decet hymnus.....	34
99	Jubilare Dominæ.....	7	73	Ut quid, Domina, rep...	36
65	Jubilate Dominæ.....	35	12	Usque quo, Dom.....	4
34	Judica, Domina.....	27	94	Venite, exultem.....	41
42	Judica me, Domina.....	21	5	Verba mea aur.....	3
121	Lætatus sum in.....	46	76	Voce meâ ad D.....	37

141 Voce mea ad D..... 31

II.
PSALMI.

In triduo ante Pascham dicendi.

XV. Adversum me.....	185
XX. Clamavi ad te.....	186
XXXIII. Conserva me.....	192
II. Deus, Deus meus.....	180
XXIV. Deus laudem.....	189
XII. Deus, ne elong.....	184
XXVII. Dicam Deo.....	194
XXIII. Domine à voce.....	188
XIX. Domine Deus.....	186
XIV. Domine, Dom. virt.....	185
XXVIII. Domine, exaudi....	190
XXII. Domine, ex... et.....	187
XXX. Domine, quid.....	191
III. Domine ne discas.....	180
V. Domine ne in f.....	180
VIII. Eripe me de.....	182
XXV. Eripe me, Dom.....	189
I. Exaudiat te D.....	179
IX. Exaudi, Deus depr.....	182
XI. Exaudi, Deus, or.....	184
XXXV. Exaudi, Domine....	193
XVI. Exaudi me, Dom.....	185
VI. Exaudi oration.....	181
XLI. Expectans expect.....	195
IV. Exurge et intende.....	181
XXXVI. Firmamentum.....	194
X. Fortitudinem m.....	183
XXXIV. Laudans invoc.....	192
XXXVIII. Miserere mei D... 194	
VII. Miserere quon.....	182
XXXII. Miserere mei.....	191
XL. Paratum cor.....	195
XXXIX. Quemadmodum.....	195
XIII. Salvum me fac.....	185
XVII. Usquequò Dom.....	185
XXI. Ut quid, Domina.....	187
XXIX. Velocitèr exaudi.....	190
XVIII. Voce meà... ed.....	186
XXVII. Voce meà et.....	190
XXVI. Voce meà... eff.....	189

III.
CANTICA.

9 Audite cœli, quæ..... 49

XXV.

2 Benedicite omnia.....	7
3 Benedicta sis Dom.....	9
7 Cantemus Dominæ.....	38
4 Confitebor tibi, Domi.....	22
8 Domina, audiui.....	44
5 Ego dixi circa dim.....	28
6 Exultavit cor meum.....	33
Magnificat anima.....	16
Nunc dimittis servum.....	18
Quicumque vult.....	10
1 Te Matrem Dei laud.....	5

IV.
HYMNI.

130 Addicta sacris ædibus...	447
153 Adest Creator omnium..	495
306 Adest dies lætitiæ.....	857
79 Ad laudem Virginis.....	317
276 Ad prima verba Virginis	781
237 Ad te sidereis missus...	662
266 Ædes hæc Domino sacr.	733
17 Æterni Patris Filiam....	35
133 Æterni Patris ordine....	454
150 Afflicta quid ploras Sion.	485
183 Agnoscat omne sæcul...	513
29 Alma Redemptoris Mat..	54
117 Alma Christi Mater.....	417
116 Angelus et denuò.....	628
147 Anna sat felix.....	481
139 Ante mundi princip.....	463
34 b. Antequàm terræ et..	60
162 A solis ortûs cardine....	512
46 Audi benigna num.....	151
299 Audis ut resonant.....	844
313 Ave cor admirabile.....	877
114 Ave cujus conceptio....	412
19 Ave decus virginem....	39
7 Ave maris stella, Dei...	16
94 Ave maris stella, som..	352
31 Ave Regina Cœlorum..	54
9 Ave suprema Virginum..	19
56 Aurora cœlum purpurat.	208
16 Auroræ, ave, canentium	34
2 Auroræ lux nos edocet.	8
78 Aurora quæ solem parit.	317
309 Aurora velut fulgida....	866
210 Baptismus ergò pinxerat.	615
292 Beata Dei Genitrix.....	823

C

XXVI.

324	Blandire Mater caro...	899	98	Electa proles maximam.	355
232	Calvariae est amoris....	656	195	En Christus in templum.	581
41	Carnem dedisti Verbo..	102	275	En fert trabale lignum..	646
51	Castæ Parentis lacrymæ.	173	257	En templanos vocant tua.	715
170	Castæ Parentis viscera..	527	211	Etsi audiat prinitus..	616
49	Castæ Parentis viscera..	169	189	Ergò hoc connubium....	566
156	Castæ Parentis viscera..	499	135	Ergò recedant pristinae..	456
55	Christum sepulchro jam	207	105	Exteri necnon et urbis..	378
192	Christum sub atræ.....	575	118	Exulta in Domino.....	423
124	Clara ponti stella.....	434	159	Felix dies quo proprio..	526
236	Cœlestis ales nuntiat....	661	258	Festa dum redeunt.....	715
100	Cœlestis aulæ nuntius...	366	77	Fœcunda radix.....	313
228	Cœlitum JOSEPH decus	650	231	Fulcite me languorib...	654
173	Cœlo Redemptor prætulit	531	27	Gaude Dei genitrix....	54
73	Cœlo intonante cantic....	307	255	Gaude flore virgin.....	704
59	Cogens Parentem linq...	225	256	Gaude nexu voluntatis..	707
53	Coudolentes mœroribus.	174	99	Gaude propago candida.	358
119	Contestes memorant....	424	115	Gaude redempta.....	413
311	Corde quid isto Sanctius.	873	254	Gaude Virgo Mater.....	703
300	Corpus MARLÆ Virginis	848	116	Gaude visceribus.....	416
25	Coruscat ecce proximi..	50	343	Gaudium mundi, nov....	930
40	Creator atmæ siderum.	101	164	Gaudium mundi, nov....	514
	Cum Deus talem.....		138	Gaudium mundi, d.....	462
111	Cum laudes canimus....	889	161	Gloriam Nato cecin.....	508
96	Da, Parens, plebi.....	354	84	Gloriosa Dei Matris....	325
6	Dat hora Nona debitam.	14	110	Grata Virgini MARLÆ...	389
144	Debitam morti sobolem.	476	276	Hæc die sanctum.....	734
97	Dei Mater Virgo.....	355	234	Hæc illa solemnus dies...	658
208	Deus suprema veritas...	604	295	Heu cur detineor.....	839
207	Dic Virgo quæ vis trax.	603	330	Hic adsta docilis.....	909
75	Dignum Tonantis.....	309	349	Hoc in templo Virgo....	940
204	Dium minans ut parv...	600	4	Horâ diei tertiâ.....	12
188	Diva quæ celso resides..	563	277	Hunc diem festum.....	782
248	Diva quæ gaudens....	683	50	Illæsa te puerpera.....	170
107	Diva quæ gentes hom....	382	159	Imbriferis arcus.....	503
249	Diva stellato residens...	685	47	Imperatrix clementiæ...	166
106	Diva te nostris Mater....	381	131	Infans pulsa recens.....	449
123	Diva te lotus vener.....	433	206	Infantes Judææ.....	602
157	Dives MARLÆ gremium.	501	305	Inferis mersi periere....	855
217	Dum puer duodecim....	636	102	In monte olivis consito..	369
331	Dum spargit aram Sang.	911	218	In Patris esse rebus.....	536
220	Dum triduo quæritur...	641	38	Instantis adventus.....	99
171	Dum Virgo læta cog.....	528	30	Inviolata, integra.....	55
242	Dulcis ave pleno.....	674	229	Iste quem læti colim....	615
230	Eamus è vestigio.....	653	213	Jamjamque contrem....	618
280	Ecce quàm fructu.....	789	235	Jam mittit præmium....	658
45	Eheu quàm scelerum...	149	103	Jam morte Victor.....	371
198	Eheu quot enses trans..	589	201	Jam nimis terris.....	597

XXVII.

332	Jam toto subito.....	911	278	O Christi Mater cœlica...	784
66	Jam Christus astra.....	240	86	O cuncta Verbo cont.....	336
316	Jesu Mariæ gloria.....	873	185	O decus cœli pari er.....	555
141	Joachim et Anna flet....	467	317	O dulcis Infans ô Soror.	890
209	Jordanis amnis.....	612	263	O felix dies memoranda.	727
212	Jordanis celeres.....	617	214	O felix regio, tibi.....	618
109	Jubilo dulci canim.....	386	241	Offert salutem nuntius..	674
215	Jucundum cœlor.....	622	322	O Genitrix æterni.....	897
18	Jrsti si semper tim.....	36	48	O gloriosa Domina.....	166
334	Juxta crncem stans.....	916	168	O gloriosa Virginum....	523
91	Lacrymæ Matris profl...	345	182	O gloriosa Virgijum....	521
338	Lætare jam cum Filio...	922	186	O gloriosa Virginum....	560
104	Lætis terra sonet pl....	378	161	O grande cunctis gaud...	234
179	Linqunt tecta Mag.....	540	148	O major aliis montib....	483
314	Longa incorruptam.....	883	83	O Maria, nomen bonum.	322
65	Lustra nostra tua.....	239	125	O Maria summi.....	440
81	Lux ecce surgit nova....	321	308	Omnnes fideles plaudite..	887
12	Lux quæ lucet in.....	25	288	Omnium laudum.....	815
284	Magnæ dies lætitiæ.....	794	271	Omnium splendor.....	765
21	Maria decus hominum..	41	239	O nimis felix sup.....	667
85	Mariæ sceptro floret....	327	166	O nox vel medio spl....	516
93	Maria septem tangitur...	349	298	Oplata dudum luxer....	844
339	Maria templum Domini.	924	57	Opus peregris i tnum....	221
261	Maria Virgo regia.....	781	334	O quàm glorificâ luce...	931
127	Martyrum Regina.....	441	328	O quater felix decies...	906
146	Mater ô felix meritô....	480	11	O quæ polo sublimior...	24
226	Matris intactæ ven.....	647	269	O quæ Tonanti proxima.	760
202	Matris sub almæ.....	599	333	O quot undis lacrym....	914
92	Mentes pungant fid.....	348	120	Orans nam Monachos...	426
275	Montes superbum vert..	778	337	Orbæ Parentis viscera...	921
72	Mortale cælo tollo.....	303	34	Orbis ave Regina.....	56
142	Moses congeninans.....	468	58	Orco subact'o, cœlica....	221
121	Mox Regina subit.....	427	3	Ortus refulget lucifer...	9
319	Mysterium Ecclesiæ.....	893	129	O sancte sanctorum Deus	445
246	Naufragi felix Cyn.....	679	244	O signum populis.....	677
247	Nautis amicum sydus...	679	184	O singularis femina.....	353
325	Nobis Deum quæ part..	902	178	O sola magnarum.....	538
15	Nocturna jam silentia...	31	342	O solis nitido lumine....	928
151	Non dat informem.....	488	112	O stella Jacob fulgida...	399
60	Nos ergo Mater optima..	226	183	O stupendum mirand...	552
5	Nos Hora sexta convoc..	13	155	O tu beata præ omnib...	499
290	Nulla præcellens licet....	819	302	O vos ætherei, plaudite.	850
345	Nunc aurora nova.....	934	289	O Virgo excellens.....	819
270	Nunc ergo lenes.....	761	24	O Virgo formosissima...	47
177	Nuntius cælo retulit....	535	205	O Virgo maximum.....	602
341	O beata Mater Christi...	927	22	O Virgo mi dulcissima..	44
180	Oblata Christo munera.	543	315	O Virgo pura et innocens	887
108	O Caesarangustæ decus.	386	43	O Virgo quæ paris Deum	118

XXVIII.

346	O Virgo quæ sublimior.	935	260	Regina verè amabiliis....	719
87	O Virgo quanta nuntias.	337	187	Reginæ angelicæ.....	562
70	Pange lingua gloriosi....	255		Regis æterni Genitr.....	
281	Palge lingua gloriosi...	792	308	Regnator superum.....	860
304	Parata cum te poscerent.	854	95	Respiret naufragus.....	853
145	Per singularem gratiam.	479	54	Rex sempiternæ.....	206
134	Plaudant beati cœlites...	455	132	Sacræ Parentis.....	440
251	Plaude festivo pia.....	691	282	Sacris solemnibus.....	793
137	Plebs diem festum.....	461		Sacrum montem app....	
80	Post longa noctis.....	320	262	Sæpè dum Christi.....	727
113	Præclara custos Virg.....	400	33	Salve acuto quàm.....	55
200	Præclara septem lum....	596	37	Salve mundi Dom.....	63
13	Præfulgens sol justitiæ..	28	1	Salve Regina Emp.....	2
74	Prælude cœlum cant.....	308	287	Salve Sancta par.....	819
268	Principis jussu supr.....	738	136	Salvete clari conjug.....	458
347	Proles æternæ Genitrix..	937	223	Sancta Mater istud.....	645
273	Promissa mundo gaudia.	812	329	Sanctum te Genitr.....	908
336	Proprios Virgo tibi.....	918	28	Scala thronusque.....	54
303	Quæ cœlo nova nunc....	853	203	Simonis ulnis solo.....	599
71	Quæ gemis primi.....	303	82	Si quæris cœlum.....	322
296	Quæ longa tandem.....	840	35	Sisliitur tellus, ades.....	60
219	Quærebās puerum.....	639	14	Sol casto nascens.....	29
181	Quæ vos causa Magi.....	549	221	Stabat Mater dol.....	643
167	Qualis Virgo tibi glor....	519	222	Stabat solutis lacr.....	644
170	Quam pulcher in.....	535	76	Stirps Jesse generosa....	311
318	Quam pulchra laud.....	891	326	Stupete cœlestes chori..	903
128	Quam pulchri graditur..	444	193	Stupete gentes, fit.....	578
240	Quam tibi fausto.....	672	227	Sublimis es tu.....	648
165	Quandò venit ergo.....	515	233	Sub vespere or.....	656
143	Quantis Mariæ te Deus..	475	90	Summæ Deus cl.....	345
320	Quas tibi tandem.....	893	68	Summus artifex.....	251
56	Quem casta Mater.....	209	294	Surgit ter amplæ.....	830
44	Quem chorus vatū.....	132	20	Sydus Mariæ splend.....	40
197	Quem Simen prædix....	589	265	Tanta si nobis.....	129
321	Quem terra fundo div...	896		Tantus amor, tanta.....	
158	Quem terra, pontus.....	502	26	Te deprecamur vesp....	51
312	Quid Corde Matris Virg.	876	307	Te Deus primo sap.....	859
801	Quid illo solemnibus die..	849	67	Te fasciis obvol.....	251
199	Quidquid amplexu.....	599	101	Te gestientem gaud.....	367
196	Quidquid antiqui cec....	582	190	Te Joseph celebrant.....	567
350	Quisquis ò sacram.....	941	175	Te Mater alma N.....	533
10	Quis te canat mortal.....	22	348	Templo quæ populi.....	937
238	Quis tuas Virgo ven.....	664	140	Templis ferentem.....	464
297	Quod carne Christum...	843	289	Tenere fletus quis.....	717
274	Quo sanctus ardor.....	777	264	Te Redemptoris Dom....	729
285	Regale Davidis genus....	812	154	Terrenâ cunctiâ.....	497
32	Regina cœli lætare.....	56	174	Totus ab sola gen.....	931
253	Regina cœtus virg.....	702	172	Tu pulcherrima V.....	829

149 Tutela Pieænum Dom...	484	293 Vidit Hebræus.....	829
42 Umbrâ sepultis.....	116	8 Virgineis titulis.....	18
36 Una de multis mihi.....	62	122 Virgo beata nascitur....	429
23 Urgente apud nos.....	46	191 Virgo bis natî Genitr....	568
152 Ut floret hortor.....	491	89 Virgo, cui par est.....	342
160 Vatum palent orac.....	508	327 Virgo decus angelicæ....	905
64 Veni, Creator Spiritus...	338	291 Virgo intacta manens....	822
272 Veni, præcelsa Dom....	776	194 Virgo latentis consc.....	578
273 Veni, stella Dux gent....	777	52 Virgo salve trans.....	173
29 Veni Redemptor gent....	100	252 Virgo te monstra.....	701
243 Venit festa dies.....	677	245 Virgo terrarum.....	679
283 Verbum supern. prod. A.	794	126 Virgo verè prudens.....	440
69 Verbum supernum pr....	254	88 Virgo vetustis edita.....	340
323 Verè gratiâ plena.....	899	224 Virgo virginum.....	645
340 Victum conde caput....	920	279 Vi suâ magnum.....	787
335 Victor triumphat filius...	917	62 Volis cupitum omn.....	235
63 Vides petentem Filium..	235	250 Vox æqua digna.....	687

XXIX.

V.

HISTORIA DEIPARÆ.

in Breviario Mariano contenta
*quæ omnia, quæ ad ejus Vitam, Mores, Virtutes, gratias, Dona, Privilegia,
 Prærogativas, Festa, Gloriam, Cultum, Laudem pertinent, complectitur
 indistinctè, et in hoc Indice distinguitur.*

I.	10 Oblatio B. V. • M. in templo.	26 Nov.
VITA B. M. V.	11 Infantia B. MARIE V.	A Nativ. ad Præg
1 Prædestinatio B. M. V. ab Æternoc. Dom. ante Nat.	12 Præsentatio B. V. M. in templo.	21 Nov.
2 Præsignatio B. M. V. in antiquâ lege.	13 Conversatio B. V. M. in templo.	24 Nov.
3 SS. Parentes B. M. V.	14 Votum perpetuæ Virginitatis.	19 Nov.
4 Annuntiatio Concept. B. Mariæ V.	15 Desponsatio B. V. M.	23 Jan.
5 Conceptio immaculata B. M. V.	16 SS. Sponsus B. V. M.	19 Mart.
6 B. V. M. in Utero materno..	17 Annuntiatio B. M. V.	25 Mart.
7 Expectatio Nativitat. B. M. V.	18 Visitatio B. M. V.	2 Jul.
8 Nativitas B. M. V.	19 Prægnatio B. MARIE V.	Ab Infant. ad Puerp.
9 SS. Nomen B. V. MARIE. Dom. inf. Oct. Nat.	20 S. JOSEPH in Prægnatione B. V. M.	19 Dec.
	21 Expectatio Partûs B.	

XXX.		Historia Deiparæ.	
	M. V.	18 Dec.	Filii. Sabbat. Sancto.
22	Ascensio B. V. M. in Bethl.	22 Dec.	50 Septem Dolores B. V. M. 20 Sept.
23	Partus B. M. V.	24 Dec.	51 Vita gaudiosa B. V. MARIE. A Pasch. ad Pent.
24	Puerperium B. V. MARIE. A partu ad Purif.		52 Virgo in Resurrectione Filio. Dom. Resurr.
25	Circumc. pueri JESU.	1 Jan.	53 Conversatio B. V. cum Filio Resurr. 1 Maj.
26	Adoratio Magorum...	6 Jan.	
27	Mansio B. M. V. in Præsepio.	18 Jan.	54 Virgo in Christi Ascensione. Ascen. Dom.
28	Lactatio pueri JESU.	21 Jan.	
29	Ascensio B. M. V. ad Purificationem.	30 Jan.	55 Virgo in cœnaculo. Ascen. Inf. oct.
30	Purificatio B. M. V.	2 Febr.	56 Virgo in Adventu Spiritus Sancti. Die Pentec.
31	Dolor B. V. in Simeonis Prophetiâ.	6 Febr.	57 Conversatio B. M. V. post Christi Ascens. 26 Jun.
32	Fuga B. M. V. in Egyptum.	12 Febr.	58 Vita Activa B. V. MARIE. A Pentec. ad Assu.
33	Exilium B. M. V. in Egypto.	25 Febr.	59 Conversatio Apostolica B. V. M. 12 Jul.
34	Reversio B. M. V. de Egypto.	6 Mart.	60 Virginitas perpetua B. M. V. 30 Jul.
35	Protectio B. V. M. cum Filio et Sponso in Jerusalem.	9 Mart.	61 Viduitas B. M. V. 7 Aug.
36	Amissio pueri JESU in Jerusalem.	13 Mart.	62 SS. Anni B. M. V. 9 Aug.
37	Inventio pueri JESU in templo.	16 Mart.	63 SS. Vita B. M. V. 11 Aug.
38	Vita contemplativa B. M. V.	A Purif. ad Pass.	64 Felicitas. Obitus B. M. V. 13 Aug.
39	Vita interior B. M. V.	2 Mart.	65 Exequiæ B. M. V. 14 Aug.
40	Baptismus B. M. V.	22 Febr.	66 Assumptio B. M. V. 15 Aug.
41	B. V. M. in Nuptiis Cana Galilææ.	20 Febr.	67 Vita gloriosa B. M. V. ab Ass. 17 Aug.
42	Conversatio B. V. M. in Prædicatione Christi.		68 Exaltatio B. M. V. 19 Aug.
43	Vita Dolorosa B. V. MARIE. A Pass. ad Pasc.		69 Coronatio B. M. V. 21 Aug.
44	Compassio B. M. V. Fer. 6. Pas.		70 Beatitudo B. M. V. 14 Jun.
45	Occursus B. V. Filio portanti crucem.	18 Mart.	71 Gloria B. M. V. 5 Maj.
46	Martyrium B. M. V.	17 Mart.	72 Gaudia B. M. V. 25 Aug.
47	Virgo in crucifixione Filii. Fer. 5. maj. heb.		73 Aureolæ B. M. V. 11.
48	Virgo in morte Filii. Fer. 6. maj. heb.		VIRTUTES B. MARIE V.
49	Virgo in sepulturâ		—
			74 Fides B. M. V. 5 Dec.
			75 Spes B. M. V. 12 Jan.
			76 Charitas B. M. V. 18 Febr.
			77 Prudentia B. M. V. 4 Mart.
			78 Justitia B. M. V. 30 Apr.
			79 Fortitudo B. M. V. 11 Maj.
			80 Temperantia B. M. V. 15 Jun.
			81 Septem virtutes B. M. V. 18 Nov.

82	Decem beneplacita scu Virtutes B. M. V.	4 Febr.	116	Tres eminentiæ B. M. V.	25 Jul.
83	Benignitas B. M. B.	21 Apr.	117	Tres excellentiæ B. M. V.	3 Jul.
84	Castitas B. M. V.	28 Jun.	118	Advocatio B. M. V.	10 Aug.
85	Constantia B. M. V.	23 Mart.	119	Dignitas excellentis- sima B. M. V.	13 Nov.
85	Contemplatio B. M. V.	16 Febr.	120	Dispensatio B. M. V.	24 Jul.
86	Dulcedo B. M. V.	8 Jul.	221	Divitiæ B. M. V.	28 Apr.
87	Humilitas B. M. V.	26 Oct.	122	Dominiatio B. M. V.	4 Oct.
88	Libertas B. M. V.	21 Oct.	123	Fœcunditas B. M. V.	2 Jan.
89	Mansuetudo B. M. V.	3 Maj.	124	Gratia B. M. V.	19 Jul.
90	Misericordia B. M. V.	28 Sept.	125	Impeccabilitas B. M. Virginis.	3 Nov.
91	Modestia B. M. V.	13 Febr.	126	Imperium B. M. V.	19 Jun.
92	Obedientia B. M. V.	21 Mart.	127	Incomprehensibilitas B. M. V.	29 Dec.
93	Opera misericordiæ B. M. V.	14 Jul.	128	Mater divini Pasto- ris.	27 Maj.
94	Patientia B. M. V.	7 Jun.	129	Mater Lucis.	26 Jan.
95	Pietas B. M. V.	17 Dec.	130	Maternitas B. M. V.	4 Jan.
96	Pudicitia B. M. V.	18 Sept.	331	Mediatio B. M. V.	17 Oct.
97	Puritas B. M. V.	20 Oct.	132	Merita B. M. V.	3 Aug.
98	Religio B. M. V.	29 Oct.	133	Nobilitas B. M. V.	18 Maj.
99	Paupertas B. M. V.	27 Dec.	134	Patrocinium B. M. V.	12 Nov.
100	Sanctitas B. M. V.	22 Maj.	135	Perfectio B. M. V.	5 Jun.
101	Silentium B. M. V.	22 Nov.	136	Potentia B. M. V.	25 Jun.
102	Simplicitas B. M. V.	17 Jun.	137	Pulchritudo B. M. V.	30 Jun.
103	Somnus B. M. V.	28 Febr.	138	Præexcellencia B. M. Virginis.	24 Apr.

III.

DONA SPIRITUS S. B. M. V.

—

104	Septem Dona Spiri- tus S. in B. M. V.	24 Oct.	139	Regina misericord.	3 Dec.
105	Timor B. M. V.	16 Nov.	140	Regina pacis.	24 Apr.
106	Pietas B. M. V.	17 Dec.	141	Speciositas B. M. V.	1 Jun.
107	Scientia B. M. V.	7 Jan.		v.	
108	Fortitudo B. M. V.	22 Jul.		RELIQUIÆ et ALIA B. M. V.	
109	Consilium B. M. V.	28 Mart.		—	
110	Intellectus B. M. V.	14 Apr.	142	SS. Annulus B. M. Virginis.	21 Dec.
111	Sapientia B. M. V.	8 Jun.	143	SS. Capilli B. M. V.	8 Mart.

IV.

PRÆROGAT. ET PRIVIL. B. M. V.

—

112	Duodecim præroga- tivæ B. M. V.	11 Jun.	144	Cingulum B. M. V.	6 Nov.
113	Duodecim gratiæ B. M. V.	2 Apr.	145	SS. Cor B. M. V.	26 Aug.
114	Septem privilegia B. M. V.	12 Dec.	146	SS. Corpus B. M. V.	1 Aug.
115	Septem excellentiæ B. M. V.	27 Aug.		Domus } Translat. in Dalm. 9 Maj.	
			147	B. M. V. } Translat. in Laurent. 10 Dec.	
			148	SS. Lac et atiae Re- liquiæ B. M. V.	29 Maj.

XXXII.

Historia Deiparæ.

149	In Memoria B. M. V.	28 Jul.			
150	Oculi B. M. V.	30 Sept.		VII.	
151	Quingue sensus B. M. V.	22 Jun.		VIGILÆ FESTIVITAT. B. M. V.	
152	Reliquiæ B. V. M.	24 Aug.		—	
153	Septem Verba B. M. V.	3 Jun.		176 Vigilia Nativitatis B. M. V.	7 Sept.
154	Sepulchrum B. M. V.	29 Aug.		177 Vigilia Omnium Festivitat. B. M. V.	31 Oct.
155	Tunicæ B. M. V.	23 Aug.		178 Vigilia Præsentationis B. M. V.	20 Nov.
156	Utera B. M. V.	16 Jan.		179 Vig. Immacul. Concept. B. M. V.	7 Dec.
157	Uterus B. M. V.	20 Dec.		180 Vig. SS. Partus B. V. M.	24 »
158	Vestes B. M. V.	3 Jul.		181 Vig. Epiphaniæ.	5 Jan.
159	Zona B. M. V.	31 Aug.		182 Vig. Purificationis B. M. V.	1 Feb.
				183 Vig. Annuntiationis B. M. V.	24 Mart.
				184 Vig. Ascensionis Domini	
				185 Vig. Pentecostes.	
				186 Vig. Visitationis B. M. V.	1 Jul.
				187 Vig. Assumptionis B. M. V.	14 Aug.
				VIII.	
				INFRA OCT. ET OCTAVÆ FEST. B. M. V.	
				—	
				188 II. dies infra Octav. Nativ. B. M. V.	9 Sept.
				189 IV. dies.	11 »
				190 VI. dies.	13 »
				191 Octava Nativitatis B. M. V.	15 »
				192 III. dies infra Oct. Encæniar.	10 Oct.
				193 VI. dies.	13 »
				194 Octava Encæniar.	15 »
				195 II. dies infra Oct. Omn. Festiv. B. V.	2 Nov.
				196 IV. dies.	4 »
				197 VII. dies.	7 »
				198 Octava Omnium Festivitat. B. V. M.	8 »
				199 III. dies inf. Oct. Præsentat.	23 »
				200 V. dies.	25 »

VI.

DEDICAT. ECCLESJAR. B. M. V.

160	Dedicatio S. M. de Pace.	6 Oct
161	Eucænia Omnium Ecclesiar. B. M. V.	8 Oct.
162	Dedicatio Ecclesiæ Tolctanæ.	25 »
163	Dedicatio S. M. in Transportina.	11 Nov.
164	Dedicatio S. M. in Traustiberim.	15 »
165	Ded. B. V. Trevirensis.	28 Mart.
166	Ded. S. M. supra Minervam.	26 Apr.
167	Ded. S. M. in Cosmedin.	6 Maj.
168	Ded. S. M. de Rotundâ.	13 Maj.
169	Ded. S. M. de Tabulis.	14 »
170	Ded. B. M. de Monte Virginis	21 »
171	Ded. Ecclesiæ Ilerdensis.	28 »
172	Ded. B. V. de Eremitis.	21 Jul.
173	Ded. S. M. de Portiunculâ.	2 Aug.
174	Ded. S. M. ad Nives.	5 »
175	Ded. S. M. Angelor. et Martyr.	22 »

<i>Historia Deparæ.</i>			<i>XXXIII.</i>		
201 VII. dies.	17	»	242 Feria VI. infra Oct. Corp. Chr.		
202 Octava Præsentation.	28	»	243 Sabbato.		»
203 II. dies inf. Oct. Immacul. Concept.	9 Dec.		244 Dominica.		»
204 IV. dies.	11	»	245 Feria II.		»
205 VI. dies.	13	»	246 Feria III.		»
206 Octava Immaculatæ Concept.	15	»	247 Feria IV.		»
207 II. dies infra Oct. SS. Partûs.	26	»	248 Octava.		»
208 IV. dies.	28	»	249 III. dies infra octav. Visitationis.	4	Jul.
209 VI. dies.	30	»	250 VI. dies.	7	»
210 Octava SS. Partûs.	1	»	251 Octava Visitationis.	9	»
211 Dominic. infra Oct.			252 II. dies infra Octav. Assumptionis.	16	Aug.
212 IV. dies infra Oct. Epiphaniæ.	9	»	253 IV. dies.	18	»
213 VI. dies.	11	»	254 VI. dies.	20	»
214 Octava Epiphaniæ.	13	»	255 Octava Assumptio- nis.	22	»
215 IV. dies infra Oct. Purification.	5	»	IX.		
216 VI. dies.	7	»	TITULI ET TEMPLA B. M. V.		
217 Oct. Purificationis.	9	»	I.		
218 III. dies infra Octav. Annuntiat.	27 Mart.		<i>Eorum quæ diem festum proprium habent.</i>		
219 V. dies.	29	»	256 Div. Agathyrzana.	22	Oct.
220 VII. dies.	31	»	257 D. V. Aletensis.	2	Dec.
221 Octava Annuntiationis.	1 Apr.		258 D. V. Alcamensis.	21	Jun.
222 Feria II. post Pasch.			259 D. V. Ab alto.	31	Maj.
223 Feria III.	»		260 D. V. Anniciensis.	21	Jun.
224 Feria IV.	»		261 Apparitio B. V. de Bono Consilio.	25	Apr.
225 Feria V.	»		262 B. V. ad Aquas—vi- vas.	16	Oct.
226 Feria VI.	»		263 S. M. in Arâ cœli.	14	Dec.
227 Sabbato in albis.			264 D. V. Araucana.	12	Maj.
228 Octava Paschæ Dom. in Albis.			265 D. V. Archidonen- sis de Gratiâ.	27	Sept.
229 Feria VI. post Ascens.			266 D. V. Ab Arcu.	14	Oct.
230 Sabbato post.	»		267 D. V. de Auxilio.	31	Jul.
231 Dominica post Asc.			268 D. V. Auxilium Chri- stianorum.	24	Maj.
232 Feria II. post Ascens.			269 D. V. Barbastrensis de Podio.	17	Maj.
233 Feria III.	»		270 B. V. Barcinonensis de Mercede.	17	Jan.
234 Feria IV.	»		271 D. V. Brixien- sis de Consolatione.	31	Dec.
235 Feria V. Octav. Ascens.			272 D. V. Boloniensis.	10	Apr.
236 Feria II. post Pentec.			273 B. V. de Candelaria.	29	Sept.
237 Feria III.	»				
238 Feria IV.	»				
239 Feria V.	»				
240 Feria VI.	»				
241 Sabbatum	»				

XXXIV.

274	D. V. Cameracensis de Gratiâ.	8 Aug.
275	D. V. Carnutensis à Ruinâ.	18 Mart.
276	B. V. Cincturatorum de Consolatione.	28 Aug.
277	D. V. Claramontana de Partu.	23 Maj.
278	D. V. Collis-prati de de Quercu.	12 Jun.
279	D. V. de Columnâ.	12 Oct.
280	B. V. de Constanti-nopoli.	28 Oct.
281	D. V. à Crypta.	30 Mart.
282	B. V. à Cubis.	1 Mart.
283	B. V. de Curriculu vel Carrodilla.	15 Febr.
284	B. V. de Deaurata.	4 Sept.
285	Descensionis B. M. V.	24 Jan.
286	D. V. Depranitana de Luce.	29 Jul.
287	D. V. Derchensis.	27 Febr.
288	D. V. Desertorum.	16 Sept.
289	B. V. de Divino Amore...	18 Oct.
290	B. V. de Divino ad-jutorio.	13 Jun.
291	B. V. de Divino Con-silio.	8 Febr.
292	D. V. Evodiensis de Cruce.	22 Jan.
293	D. V. Fatarellensis de Misericordiâ.	16 Maj.
294	D. V. Ferreriana.	10 Maj.
295	D. V. Fesulanæ de Saxo.	17 Jul.
296	D. V. Florentina de Annuntiâ.	23 Apr.
297	D. V. Fogiensis sep-tem Dolorum.	23 Jul.
298	D. V. Garazoniæ.	19 Sept.
299	D. V. Genuensis de Vineis.	26 Maj.
300	D. V. Græca.	8 Apr.
301	D. V. Granatensis.	19 Apr.
302	D. V. Guadalupensis	26 Mart.
303	D. V. Hallensis.	14 Sept.
304	D. V. Hym. Acathisti	10 Mart.

Historia Deiparæ.

305	D. V. Illiturgensis de Capite.	2 Maj.
306	D. V. de Luminibus.	4 Maj.
307	D. V. Lucensis à Rosâ.	14 Jan.
308	D. V. Lusitana de Luce.	14 Feb.
309	D. V. Magalloniana.	20 Jun.
310	Manifestatio S. M. in Cosmedin.	6 Jun.
311	Matritensis de Atocha	17 Sept.
312	D. V. Matritensis de Remedio.	28 Jan.
313	D. V. de Mediolano.	20 Apr.
314	D. V. de Mercede.	24 Sept.
315	D. V. Messanensis à Scalis.	25 Maj.
316	D. V. Mexicana de Guadalupe.	26 Febr.
317	D. V. Monloræ.	25 Febr.
318	D. V. de Monte ætna	27 Jun.
319	D. V. de Monte Car-melo.	16 Jul.
320	D. V. de Monte Gu-ardiaæ.	6 Aug.
321	D. V. de Monte San-clo.	10 Jan.
322	D. V. de Monte Ser-rato.	10 Sept.
323	D. V. Nazarethana.	12 Sept.
324	D. V. Novissima de Gratiis.	23 Febr.
325	S. M. Nova.	19 Sept.
326	D. V. Nucarina.	9 Oct.
327	D. V. Numismale.	20 Jan.
328	B. V. de Nuria.	1 Oct.
329	D. V. Odigitriæ.	8 Maj.
330	D. V. de Olivario.	3 Mart.
331	Pasenicar. B. M. V.	14 Nov.
332	D. V. Panormitana à Catenis.	16 Jun.
333	D. V. ad Pedem cry-ptæ.	4 Dec.
334	D. V. Pistoriensis de Humilitate.	18 Jul.
335	D. V. de Populo.	6 Apr.
336	S. M. de Porticu.	17 Jul.
337	S. M. à Principio.	8 Jan.

Historia Deiparae.

XXXV.

338 S. M. Prodigiorum.	6 Jul.	371 B. V. Afflictorum.	28 Aug.
339 D. V. de Quercu.	5 Nov.	372 B. V. Affligiensem.	18 Oct.
340 D. V. Raccuiensis.	28 Apr.	373 B. V. Agatensis de	
341 D. V. Ravelensis de		Gradu.	13 Maj.
planctu.	18 Jun.	374 B. V. de Agnone.	26 Dec.
342 D. V. de Refugio.	12 Apr.	375 B. V. Alcalensis de	
343 D. V. Remedio.	21 Sept.	Spino.	25 Febr.
344 D. V. Remensis.	13 Jul.	376 B. V. Aliagensis de	
345 D. V. Romana San-		rubo.	1 Aug.
ctæ Mariæ Majoris.	27 Jan.	377 B. V. de Almudena.	11 Oct.
346 SS. Rosarium B. V.		378 B. V. Anastasiopo-	
MARIÆ.	1 Oct.	litanæ de Oleo.	21 Jul.
347 S. M. Rupis-ama-		379 B. V. Anconensis de	
toris.	19 Febr.	S. Cyriaco.	11 Maj.
348 S. M. Rupis-galliæ.	19 Maj.	380 B. V. de Angelis.	19 Maj.
349 D. V. Salemitana.	7 Mart.	381 B. V. Anteradensis.	17 Oct.
350 D. V. Saleltensis.	15 Jul.	382 B. V. Antuerpiensis	
351 D. V. de Salute.	2 Oct.	de Peregrinis.	11 Jul.
352 D. V. de Sanitate.	30 Nov.	383 B. V. de Apibus.	20 Apr.
353 D. V. Savonensis de		384 B. V. S. Apollinaris.	13 Febr.
consortio.	14 Mart.	385 B. V. de Aquilâ.	6 Maj.
354 D. V. Schiedamen-		386 B. V. in Aquiro.	28 Apr.
sis.	3 Oct.	387 N. D. Ardentium.	20 Maj.
355 D. V. Sichiemensis.	17 Apr.	388 B. V. Arelatensis.	23 Febr.
356 S. M. Septem servo-		389 B. V. Ariensis de Ca-	
rum.	11 Febr.	pellâ.	22 Oct.
357 D. V. Stella maris.	23 Sept.	390 B. V. Astigiensis de	
358 D. V. de Subsidio.	30 Oct.	Valle.	22 Oct.
359 D. V. de Succursu.	23 Jun.	391 B. V. Avilensis de	
360 D. V. Suessionensis		Gratiis.	27 Jun.
à miraculis.	10 Nov.	292 B. V. Barrensis de	
361 D. V. Tungrensis.	3 Febr.	Consolatione.	5 Nov.
362 D. V. Tyndarintana.	11 Oct.	393 B. V. Begonnensis.	3 Dec.
363 D. V. Vallis-venariæ	11 Mart.	394 B. V. Berchanæ.	5 Nov.
364 S. M. in Vialatâ.	19 Jan.	395 B. V. de Betharamo.	29 Apr.
365 S. M. de Victoriâ.	7 Oct.	396 B. V. Biellensis de	
366 D. V. Vincennensis		Oroppa.	17 Apr.
de Bonâ spe.	22 Sept.	397 B. V. Boleslaviensis.	7 Jun.
367 D. V. de Usâ.	29 Jan.	398 B. V. de Bona libe-	
		ratione.	3 Maj.
		399 B. V. de Bono-oc-	
		cursu.	23 Nov.
		400 B. V. Bononiensis ad	
		Galeram.	4 Dec.
		401 B. V. Bruxellensis	
		de Victoriâ.	5 Jun.
		402 B. V. Budanæ in Sil-	
		vis...	7 Oct.

II.

Eorum, quorum tantum fit Com-
memoratio.

368 B. V. Acrimontanæ	
de Subsidio.	13 Jul.
369 B. V. de Acrenâ	21 Sept.
370 B. V. de Adjutorio.	9 Jan.

XXXVI.

Historia Deparae.

403 B. V. Bullensis de Compassione.	11 Aug.	438 B. V. Fliziensis de Remedio.	7 Nov.
404 B. V. Buricensis.	10 Dec.	439 B. V. de Fonte-Ca- lido.	19 Oct.
405 B. V. de Butsenith.	28 Maj.	440 B. V. Foroliviensis.	2 Mart.
406 B. V. Buxerianæ.	23 Maj.	441 B. V. Fresnedensis de Gratiâ.	28 Oct.
407 B. V. de Buzzano.	13 Dec.	442 B. V. de Funibus.	4 Jan.
408 B. V. Caldefurnen- sis...	12 Dec.	443 B. V. Gidlensis.	24 Maj.
409 B. V. ad Campum- martium.	26 Sept.	444 B. V. Gienenensis à Coronâ.	30 Jan.
410 B. V. Canodiensis.	24 Jan.	445 B. V. de Gregnana.	23 Mart.
411 B. V. de Carasuma- da...	30 Mart.	446 B. V. de Guarga.	25 Jul.
412 B. V. de Casalibus.	20 Febr.	447 B. V. Guimarensis de Olivâ.	7 Mart.
413 B. V. de Castello.	27 Oct.	448 B. V. Heilbrun. de Urticeto.	25 Apr.
414 B. V. Castillionensis de Nuca.	21 Jun.	449 B. V. Himærensens de Consolat.	3 Febr.
415 B. V. Castilvedren- sis...	13 Nov.	450 B. V. Hirachensis de Stellâ.	17 Jul.
416 B. V. de Ceicâ.	1 Oct.	451 B. V. de Horto.	17 Jun.
417 B. V. Collensis.	11 Febr.	452 B. V. Ilerdensis de Salute.	17 Aug.
418 B. V. de Cervis.	19 Jul.	453 B. V. Imperlatæ.	30 Nov.
419 B. V. Cestochioven- sis...	2 Maj.	454 B. V. in Insulâ Da- nubii.	27 Jan.
420 B. V. de Charitate.	27 Febr.	455 B. V. de Insulâ.	9 Oct.
421 B. V. de Clementiâ.	15 Nov.	456 B. V. de Ilunere.	8 Aug.
422 B. V. de Colle-au- roræ.	18 Febr.	457 B. V. de S. Joanne Damasceno.	30 Apr.
423 B. V. Coloniensis.	7 Febr.	458 B. V. Lætitienensis.	9 Febr.
424 B. V. Coloniensis ad Indulgentias.	10 Sept.	459 B. V. Laffensis in Umbrâ.	6 Apr.
425 B. V. Condinensis.	10 Apr.	460 B. V. de Lagheto.	18 Mart.
426 B. V. de Consola- tione.	27 Dec.	461 B. V. Legionensis de Regulâ.	1 Jun.
427 B. V. Cordubensis de Fonte sancto.	29 Mart.	462 B. V. de Liberatione.	4 Febr.
428 B. V. de Correyo.	14 Sept.	463 S. M. Liberatricis.	3 Oct.
429 B. V. de Covadonga.	23 Jul.	464 S. M. de Livron.	13 Mart.
430 B. V. Crocoviensis.	21 Mart.	465 B. V. Lilybetanæ.	20 Jan.
431 B. V. de Cuarquera.	30 Sept.	466 B. V. Limanæ de Ro- sario.	27 Mart.
432 B. V. de Cuniculis.	28 Jul.	467 B. V. Livornensis de Monte-nigro.	31 Dec.
433 B. V. Dittelbachen- sis...	24 Nov.	468 B. V. Lucernensis de Cespite.	15 Febr.
434 S. M. in Domenica.	6 Sept.		
435 B. V. de Donis.	8 Jul.		
436 B. V. de Dumo.	25 Oct.		
437 B. V. Firmanæ de Mari.	2 Jan.		

469 S. M. Majoris Neapolitanæ.	4 Sept.	500 B. V. Pampelonensis de Viâ.	8 Maj.
470 B. V. Malacensis de Victoriâ.	14 Febr.	501 B. V. Panormitana de Miraculis.	28 Febr.
471 B. V. Malhaerensis de Fonte.	17 Sept.	502 B. V. Panormitana de Victoriâ.	20 Aug.
472 B. V. Mantuanæ de Gratiis.	6 Jul.	503 B. V. Parisiensis de Tollerantiâ.	6 Jun.
473 B. V. Marpentanæ.	31 Aug.	504 B. V. de Partu.	11 Dec.
474 B. V. Massiliensis de Guardia.	11 Mart.	505 B. V. de Pinoso.	11 Jan.
475 B. V. Matritensis de Exilio.	22 Dec.	506 B. V. Plebis-secli.	11 Jan.
476 B. V. Meerlensis.	28 Jun.	507 B. V. de Portillo.	15 Dec.
477 B. V. Messanensis de Litterâ.	3 Jul.	508 B. V. de Portu-salvo...	11 Dec.
478 B. V. de Michelitiâ.	13 Oct.	509 B. V. Pragensis de Cryptâ.	26 Jun.
479 B. V. Mindonicensis de Remediis.	17 Jan.	510 B. V. Pratensis de Carcere.	12 Apr.
480 B. V. Minoricensis de Monte Tauro.	14 Jun.	511 B. V. de Divinâ Providentiâ.	11 Nov.
481 B. V. de Miraculo.	3 Nov.	512 B. V. Quartensis.	8 Jan.
482 B. V. Mislenicensis.	7 Jul.	513 B. V. Raccuiensis de Laureto.	19 Jul.
483 B. V. Modicensis.	4 Maj.	514 Ransperganæ.	6 Oct.
484 B. V. de Monte Celio...	10 Nov.	515 Ratisponensis de S. Lucâ.	29 Jul.
485 B. V. de Monte Fiermo.	18 Jun.	516 B. V. Ravenatensis.	18 Jul.
486 B. V. de Monte Martyrum.	5 Febr.	517 B. V. Ravenosæ.	11 Jan.
487 B. V. de Monte-virido.	13 Oct.	518 B. V. de Rocapabrera.	13 Oct.
488 B. V. Montoleensis.	27 Dec.	519 B. V. de Sacratâ.	10 Jan.
489 B. V. Montisonensis de Lætitia.	9 Aug.	520 B. V. Salemitanæ de Sudore.	13 Jun.
490 B. V. Myansensis.	19 Febr.	521 B. V. de Salinis.	17 Dec.
491 B. V. de Najara.	24 Sept.	622 B. V. Savonensis de Misericordiâ.	10 Maj.
492 B. V. Nicopæjæ.	31 Maj.	523 B. V. de Scalâ Cœli.	17 Jul.
493 B. V. de Nieva.	16 Jan.	524 B. V. de Sclavoniâ.	12 Jan.
494 B. V. Nivellensis à Consiliis.	24 Aug.	525 B. V. Senensis in colle.	29 Jan.
495 B. V. Novæ.	17 Maj.	526 B. V. Silvasonen. de bono odore.	14 Maj.
496 B. V. Orcivallensis.	26 Febr.	527 B. V. Siracusanæ à Miraculis.	9 Jan.
497 B. V. Olyssiponensis de Bethleem.	19 Jan.	528 B. V. Sixenensis de Choro.	22 Jul.
498 B. V. Paduanæ de Peste.	3 Aug.	529 B. V. Smelcemensis.	27 Aug.
499 B. V. de Palmis.	4 Jul.	530 B. V. Sorlinensis.	22 Jan.

XXXVIII.

531 B. V. de Sudore.	9 Dec.	Queralt.	30 Oct.
532 B. V. Tallensis.	22 Jan.	548 B. V. Vertenguelen-	21 Febr.
533 B. V. Tarracensis à Castro.	1 Mart.	549 Victoriæ B. V. Carnutensis.	15 Mart.
534 B. V. de Tauro.	8 Febr.	550 Victoriæ B. V. Tolatlanæ.	16 Jul.
535 B. V. Tobetanæ.	3 Apr.	551 Victoriæ Regis Gallie...	18 Aug.
536 B. V. de Torrentibus.	16 Nov.	552 B. V. Villarub. de Sierra.	29 Jan.
537 B. V. Trevirensis.	10 Maj.	553 B. V. de Vineto.	16 Sept.
538 B. V. Trevirensis de Deserto.	31 Jul.	554 B. V. de Vinovo.	19 Sept.
539 B. V. Trialcensis.	22 Jun.	555 B. V. Virdunensis de Miraculis.	21 Oct.
540 B. V. Triviensis de Lacrymis.	22 Maj.	556 B. V. de Viridario.	24 Apr.
541 B. V. in Trivio.	13 Jan.	557 B. V. de Vita-bonâ.	15 Jun.
542 B. V. Trocensis.	10 Oct.	558 B. V. Viterbiensis ad Gradus.	8 Jun.
543 B. V. Turcsellanæ.	29 Oct.	559 B. V. in Viâ.	23 Aug.
544 B. V. Valencenensis de Eremitorio.	2 Aug.	560 Voti Regis Gallie.	16 Aug.
545 B. V. de Vallicellâ.	14 Mart.	561 B. V. Vulneratæ.	23 Sept.
546 B. V. Venetianæ de Sanitate.	3 Mart.	562 B. V. ab Ulmo.	2 Oct.
547 B. V. Vergensis de			



TABULA TEMPORARIA FESTORUM MOBILIIUM.

Anni Do- mini.	Litte- ra Do- mini.	Aur. Num.	Epacta.	Indi- ctio.	Dom. Prædest.	Dom. 1. Infantia.	Dom. 1. Pregnat.	Dom. 1. Puerp.	Dom. 1. Vitæ Cont.	Septu- agesima.
1860	A g	18	VII.	3	2 Sept.	16 Sept.	2 Dec.	1 Jan.	»	5 Feb.
1861	f	19	XVII.	4	1 Sept.	22 Sept.	1 Dec.	6 Jan.	»	27 Jan.
1862	e	1	*	5	7 Sept.	21 Sept.	30 Nov.	5 Jan.	3 Feb.	17 Feb.
1863	d	2	XI.	6	6 Sept.	20 Sept.	29 Nov.	4 Jan.	»	9 Feb.
1864	c b	3	XXII.	7	4 Ssept.	18 Sept.	27 Nov.	3 Jan.	»	24 Jan.
1865	A	4	III.	8	3 Sept.	17 Sept.	3 Dec.	1 Jan.	5 Feb.	12 Feb.
1866	g	5	XIV.	9	2 Sept.	16 Sept.	2 Dec.	7 Jan.	»	28 Jan.
1867	f	6	XXV.	10	1 Sept.	22 Sept.	1 Dec.	6 Jan.	3 Feb.	17 Feb.
1868	e d	7	VI.	11	6 Sept.	20 Sept.	29 Nov.	5 Jan.	»	9 Feb.
1869	c	8	XVII.	12	5 Sept.	19 Sept.	28 Nov.	3 Jan.	»	24 Jan.
1870	b	9	XXVIII.	13	4 Sept.	18 Sept.	27 Nov.	2 Jan.	6 Feb.	13 Feb.
1871	A	10	IX.	14	3 Sept.	17 Sept.	2 Dec.	1 Jan.	»	5 Feb.
1872	g f	11	XX.	15	1 Sept.	22 Sept.	1 Dec.	7 Jan.	»	28 Jan.
1873	e	12	I.	1	7 Sept.	19 Sept.	30 Nov.	5 Jan.	»	9 Feb.
1874	d	13	XII.	2	6 Sept.	20 Sept.	29 Nov.	4 Jan.	»	1 Feb.
1875	c	14	XXIII.	3	5 Sept.	19 Sept.	28 Nov.	3 Jan.	»	24 Jan.
1876	b A	15	IV.	4	3 Sept.	17 Sept.	3 Dec.	2 Jan.	6 Feb.	13 Feb.
1877	g	16	XVI.	5	2 Sept.	16 Sept.	2 Dec.	7 Jan.	»	28 Jan.
1878	f	17	XXVI.	6	1 Sept.	22 Sept.	1 Dec.	6 Jan.	3 Feb.	17 Feb.
1879	e	18	VII.	7	7 Sept.	21 Sept.	30 Nov.	5 Jan.	»	9 Feb.
1880	d c	19	XVIII.	8	5 Sept.	19 Sept.	28 Nov.	4 Jan.	»	25 Jan.
1881	b	1	*	9	4 Sept.	18 Sept.	27 Nov.	2 Jan.	6 Feb.	13 Feb.
1882	A	2	XI.	10	3 Sept.	17 Sept.	3 Dec.	1 Jan.	»	5 Feb.
1883	g	3	XXII.	11	2 Sept.	16 Sept.	2 Dec.	7 Jan.	»	21 Jan.
1884	f e	4	III.	12	7 Sept.	21 Sept.	30 Nov.	6 Jan.	3 Feb.	10 Feb.
1885	d	5	XIV.	13	6 Sept.	20 Sept.	29 Nov.	4 Jan.	»	1 Feb.
1886	c	6	XXV.	14	5 Sept.	19 Sept.	28 Nov.	3 Jan.	7 Feb.	21 Feb.
1887	b	7	VI.	15	4 Sept.	18 Sept.	27 Nov.	2 Jan.	»	6 Feb.
1888	A g	8	XVII.	1	2 Sept.	16 Sept.	2 Dec.	1 Jan.	»	29 Jan.
1889	f	9	XXVIII.	2	1 Sept.	22 Sept.	1 Dec.	6 Jan.	3 Feb.	17 Feb.

TABULA TEMPORARIA FESTORUM MOBILIIUM.

Anni Domini.	Dies Ciner.	Dom. Passion.	Pascha.	Ascens. Domin.	Pentec.	Dom. 1. Vitæ Act.	Corpus Christi.	Dom. 1. Vitæ Gloriosæ.
1860	22 Feb.	25 Mart.	8 Apr.	17 Maj.	27 Maj.	3 Jun.	7 Jun.	19 Aug.
1861	13 Feb.	17 Mart.	31 Mart.	9 Maj.	19 Maj.	26 Maj.	30 Maj.	18 Aug.
1862	5 Mart.	6 Apr.	20 Apr.	29 Maj.	8 Maj.	15 Jun.	19 Jun.	17 Aug.
1863	18 Feb.	22 Mart.	5 Apr.	14 Maj.	24 Maj.	31 Maj.	4 Jun.	16 Aug.
1864	10 Feb.	13 Mart.	27 Mart.	5 Maj.	15 Maj.	22 Maj.	26 Maj.	21 Aug.
1865	1 Mart.	2 Apr.	16 Apr.	25 Maj.	4 Jun.	11 Jun.	15 Jun.	20 Aug.
1866	14 Feb.	18 Mart.	1 Apr.	10 Maj.	20 Maj.	27 Maj.	31 Maj.	19 Aug.
1867	6 Mart.	7 Apr.	21 Apr.	31 Maj.	9 Jun.	16 Jun.	20 Jun.	18 Aug.
1868	26 Feb.	29 Mart.	12 Apr.	21 Maj.	31 Maj.	7 Jun.	11 Jun.	16 Aug.
1869	10 Feb.	14 Mart.	28 Mart.	6 Maj.	16 Maj.	23 Maj.	27 Maj.	22 Aug.
1870	2 Mart.	3 Apr.	17 Apr.	26 Maj.	5 Jun.	12 Jun.	16 Jun.	21 Aug.
1871	22 Feb.	26 Mart.	9 Apr.	18 Maj.	28 Maj.	4 Jun.	8 Jun.	20 Aug.
1872	14 Feb.	17 Mart.	31 Mart.	9 Maj.	19 Maj.	26 Maj.	30 Maj.	18 Aug.
1873	26 Feb.	30 Mart.	13 Apr.	22 Maj.	1 Jun.	8 Maj.	12 Jun.	17 Aug.
1874	18 Feb.	22 Mart.	5 Apr.	14 Maj.	24 Maj.	31 Maj.	4 Jun.	16 Aug.
1875	10 Feb.	14 Mart.	28 Mart.	6 Maj.	16 Maj.	23 Maj.	27 Maj.	22 Aug.
1876	1 Mart.	2 Apr.	16 Apr.	26 Maj.	4 Jun.	11 Jun.	15 Jun.	20 Aug.
1877	14 Feb.	18 Apr.	1 Apr.	18 Maj.	20 Maj.	27 Maj.	31 Maj.	19 Aug.
1878	6 Mart.	7 Apr.	21 Apr.	5 Maj.	9 Jun.	16 Jun.	20 Jun.	18 Aug.
1879	26 Feb.	30 Apr.	13 Apr.	22 Maj.	1 Jun.	8 Jun.	12 Jun.	17 Aug.
1880	11 Feb.	14 Mart.	28 Mart.	6 Maj.	16 Maj.	23 Maj.	27 Maj.	22 Aug.
1881	2 Mart.	3 Apr.	17 Apr.	26 Maj.	5 Jun.	12 Jun.	16 Jun.	21 Aug.
1882	22 Feb.	26 Mart.	9 Apr.	18 Maj.	28 Maj.	4 Jun.	8 Jun.	20 Aug.
1883	7 Feb.	11 Mart.	25 Mart.	5 Maj.	13 Maj.	20 Maj.	24 Maj.	19 Aug.
1884	27 Feb.	30 Mart.	13 Apr.	22 Maj.	1 Jun.	8 Jun.	12 Jun.	17 Aug.
1885	18 Feb.	22 Mart.	5 Apr.	14 Maj.	24 Maj.	31 Maj.	4 Jun.	16 Aug.
1886	11 Mart.	11 Apr.	25 Apr.	3 Maj.	13 Jun.	20 Jun.	24 Jun.	22 Aug.
1887	23 Feb.	27 Mart.	10 Apr.	19 Maj.	29 Maj.	5 Jun.	9 Jun.	21 Aug.
1888	15 Feb.	18 Mart.	1 Apr.	10 Maj.	20 Maj.	27 Maj.	31 Maj.	19 Aug.
1889	6 Mart.	7 Apr.	21 Apr.	30 Maj.	9 Jun.	16 Jun.	20 Jun.	18 Aug.

KALENDARIIUM.

SEPTEMBER.

CYCL. EPACT.	LIT. DOM.	DIES MENS.		QUALIT OFFIC.	COMM. PRO 9 LECTION.	VESPERÆ.
			<i>Incipit Temp. Expectation. 1.</i>			
			<i>Prædestination. B. M. V. ab æterno. Dom. 1 sept.</i>	<i>d. 2 c.</i>		<i>cum 2 ep.</i>
23	f	Kal.	1 <i>Expectation. Nativ. B. M. V.</i>	<i>d. maj.</i>		<i>de eod. fes.</i>
22	g	iv	2 <i>B. V. de Podio.</i>	<i>simpl.</i>		<i>de sequen.</i>
21	A	iii	3 <i>Præsignation. B. M. V. in ant. lege.</i>	<i>d. maj.</i>		<i>de eod. fes.</i>
20	b	Prld.	4 <i>B. V. Tolosanæ de Deauratâ.</i>	<i>semid.</i>	<i>B. V. Majoris Neapolit.</i>	<i>de sequen.</i>
19	c	Non.	5 <i>B. V. in utero materno.</i>	<i>d. maj.</i>		<i>de eod.</i>
18	d	viii	6 <i>B. V. Xaraviensis.</i>	<i>simpl.</i>	<i>S. M. in Domenicâ.</i>	<i>de fer.</i>
17	e	vii	7 <i>Vigilia Nativitat. B. M. V.</i>	<i>simpl.</i>		<i>de sequen.</i>
16	f	vi	8 <i>Solemnit. Nativitatis B. M. V. cum octavâ.</i>	<i>d. 1 c.</i>		<i>de eod.</i>
			<i>SS. Nominis B. M. V. Dom. infr. octav. Nativ.</i>			<i>de eod.</i>
15	g	v	9 <i>De 2 die infra octav.</i>	<i>semid.</i>	<i>B. V. Siracus. a miraculis.</i>	<i>de inf. oc.</i>
14	A	iv	10 <i>B. V. de Monte-serrato.</i>	<i>dupl.</i>	<i>B. V. Coloniens. ad Indulg.</i>	<i>de inf. oc.</i>
13	b	iii	11 <i>De 4 die infra octav.</i>	<i>semid.</i>	<i>S. M. Ravenosæ.</i>	<i>de inf. oc.</i>
12	c	Prld.	12 <i>B. M. V. a Nazareth.</i>	<i>dupl.</i>	<i>B. V. de Sclavoniâ.</i>	<i>de inf. oc.</i>
11	d	Idib.	13 <i>De 6 die infra octav.</i>	<i>semid.</i>	<i>S. Mariæ in Trivio.</i>	<i>de inf. oc.</i>
10	e	xviii	14 <i>D. V. Hallensis.</i>	<i>dupl.</i>	<i>B. V. de Corrego.</i>	<i>de inf. oc.</i>
9	f	xvii	15 <i>Octava Nativit. B. V. M.</i>	<i>d. maj.</i>		<i>de inf. oc.</i>
			<i>Incipit tempus infantie B. M. V.</i>			
8	g	xvi	16 <i>B. V. Desertorum.</i>	<i>dupl.</i>	<i>B. V. de Vineto.</i>	<i>a capit.</i>
7	A	xv	17 <i>D. V. Matritensis de Atocha.</i>	<i>duplex.</i>	<i>B. V. Malhaerens. de Fonte.</i>	<i>a capit.</i>
6	b	xiv	18 <i>Pudicitie B. M. V.</i>	<i>dupl.</i>		<i>de eod.</i>
5	c	xiii	19 <i>B. V. de Garazonia.</i>	<i>semid.</i>	<i>B. V. de Vinovo.</i>	<i>de seq.</i>
4	d	xii	20 <i>Septem Dolorum B. V. M.</i>	<i>d. 2 c.</i>		<i>de eod.</i>
3	e	xi	21 <i>B. M. V. de Remedio.</i>	<i>dupl.</i>	<i>B. V. de Acrenâ.</i>	<i>de eod.</i>
2	f	x	22 <i>B. V. Valencennensis de Bonâ Spe.</i>	<i>sem.</i>		<i>de seq.</i>
1	g	ix	23 <i>B. V. sub titulo Stellæ maris.</i>	<i>dupl.</i>	<i>B. V. Vulneratæ.</i>	<i>de seq.</i>
	A	viii	24 <i>B. M. V. de Mercede.</i>	<i>d. maj.</i>	<i>B. V. de Najara.</i>	<i>de eod.</i>
29	b	vii	25 <i>De feriâ.</i>	<i>simpl.</i>		<i>de seq.</i>
28	c	vi	26 <i>D. V. Anniciensis.</i>	<i>dupl.</i>	<i>S. M. ad Camp. mart.</i>	<i>a cap. seq.</i>
27	d	v	27 <i>D. V. Archidonen. de Gratiâ.</i>	<i>dupl.</i>	<i>B. V. Tallensis.</i>	<i>de seq.</i>
xxv 26	e	iv	28 <i>Misericordiæ B. V. M.</i>	<i>d. m.</i>		<i>de eod.</i>
25 24	f	iii	29 <i>B. V. de Candelariâ.</i>	<i>sem.</i>	<i>B. V. Senens. in Colle.</i>	<i>de seq.</i>
23	g	Prld.	30 <i>SS. Oculorum B. M. V.</i>	<i>d. m.</i>	<i>B. V. de Cuarquera.</i>	<i>de eod.</i>

OCTOBER.

CYCL. EPACT.	LIT. DOM.	DIES MENS.		QUALIT OFFIC.	COM. PRO 9 LECTION.	VESPERÆ.
			<i>Dom. 1 Oct. Festum SS. Rosarii B. V.</i>	<i>d. m.</i>		<i>de eod.</i>
22	A	Kal.	1 <i>B. V. de Nuria.</i>	<i>simpl.</i>	<i>B. V. de Ceica.</i>	<i>de seq.</i>
21	b	vi	2 <i>B. V. de Salute.</i>	<i>dupl.</i>	<i>B. V. ab Ulmo.</i>	<i>de eod.</i>

20	c	v	3	D. V. Schiedamensis.	simp.	S. M. Liberatricis	de seq.
19	d	iv	4	Dominationis B. M. V.	dupl.	de eod.
18	e	iii	5	De feriâ.	simp.	de seq.
17	f	Prid.	6	Dedication. S. M. de Pace.	dupl.	B. V. Ransperganæ.	a capit.
16	g	Non.	7	B. M. V. de Victoriâ.	dupl.	B. V. Budanæ in Silvîs.	de seq.
15	A	viii	8	ENCÆNIA Omnium Ecclesiar.	d. 1 c.	de eod.
14	b	vij	9	D. V. Nucerinæ.	dupl.	B. V. de Insulâ.	de inf. oc.
13	c	vi	10	De 3 die infra octavam.	semid.	B. V. Trocensis.	de inf. oc.
12	d	v	11	D. V. Tyndaritanæ.	semid.	B. V. de Almudenâ.	a capit.
11	e	iv	12	B. M. V. de Columnâ.	d. m.	de eod.
10	f	iii	13	De 6 die infra octav.	semid.	B. V. de Monteviridi.	de inf. oc.
9	g	Prid.	14	B. M. V. ab Arcu.	dupl.	de inf. oc.
8	A	Idib.	15	Octava Encæniarum.	d. maj.	B. V. de Michellitiâ.	de eod.
7	b	xvii	16	B. V. ad Aquas-vivas.	simp.	B. V. de Rocapebrerâ.	de seq.
6	c	xvi	17	Mediationis B. V.	dupl.	B. V. Anteradenis.	a capit.
5	d	xv	18	B. V. de divino Amore.	dupl.	B. V. Affligiementis.	de eod.
4	e	xiv	19	S. M. Novæ.	simp.	B. V. de Ponte-calido.	de seq.
3	f	xiii	20	Puritatis B. M. V.	d. m.	de eod.
2	g	xii	21	Liberatis B. V. M.	dupl.	B. V. Viridunens. de Mir.	de eod.
1	A	xi	22	D. V. Agathyrsanæ.	sem.	B. V. Ariensis de Capellâ.	de eod.
*	b	x	23	De feriâ.	simp.	de seq.
29	c	ix	24	Septem Donorum B. V.	d. m.	de eod.
28	d	viii	25	Dedicat. Ecclesiæ Toletanæ.	dupl.	B. V. de Dumo.	a capit.
27	e	vii	26	Humilitatis B. M. V.	dupl.	de eod.
26	f	vi	27	B. V. de Fonte Salutis.	simp.	B. V. de Castello.	de seq.
xxv	g	v	28	B. V. de Constantinopoli.	simp.	B. V. Fresnedens. de Grat.	de seq.
24	A	iv	29	Religionis B. V. M.	dupl.	B. V. Turosellanæ.	a capit.
23	b	iii	30	B. V. de Subsidio.	dupl.	B. V. Berg. de Queralt.	de eod.
22	c	Prid.	31	Vigilia omnium Festivitat.	simp.	de seq.
				B. V. M.	simp.	de seq.

NOVEMBER.

CYCL. EPACT.	LIT DOM.	DIES MENS.		QUALIT OFFIC.	COMM. PRO 9 LECTION.	VESPER.
21	d	Kal.	1	Solemn. OMNIUM FESTIVITAT. B. V.	d. 1 c.	cum 2 rp.
20	e	iv	2	De 2 die infra octav.	sem.	B. V. Astigiens. de Valle. de oct.
19	f	iii	3	Impeccabilitatis B. M. V.	dupl.	B. V. de Miraculo. de oct.
18	g	Prid.	4	De 4 die infra octav.	sem. de oct.
17	A	Non.	5	B. V. de Quercu.	sem.	B. V. Barrens. de Consol. de oct.
16	b	viii	6	D. V. Dertusensis de Cin- gulo.	d. m. de oct.
15	c	vii	7	De 7 die infra octav.	sem.	B. V. Flixien. de Remedio. de seq.
14	d	vi	8	Octava omnium Festivitat.	d. m.	B. V. Berchanæ. de eod.
13	e	v	9	De feriâ.	simp. de fer.
12	f	iv	10	Miraculor. B. V. Suessonen- sis.	simp.	B. V. in Monte Celio. de seq.
11	g	iii	11	Dedicat. S. M. in Transpon- tinâ.	sem.	B. V. de Div. Provident. de seq.
10	A	Prid.	12	Patrocini B. M. V.	d. m. de eod.
9	b	Idib.	13	Excellentiss. Dignitatis B. M. V.	dupl.	B. V. Castilvedrensis. a capit.
8	c	xviii	14	Pasenicarum B. V. M.	dupl. a capit.
7	d	xvii	15	Dedication. S. M. in Trans- tyberim.	dupl.	B. V. de Clementiâ. a capit.
6	e	xvi	16	Timoris Dei B. V. M.	dupl.	B. V. de Torrentibus. a capit.
5	f	xv	17	De feriâ.	simp. de seq.
4	g	xiv	18	Septem Virtutum B. V. M.	d. m. de eod.
3	A	xiii	19	Voti perpetuæ virg. B. V. M.	dupl. de eod.
2	b	xii	20	Vigilia Præsentation. B. V. M.	simp. de seq.
1	c	xi	21	Solemn. PRÆSENTATION. B. V. M.	d. 1 c. de eod.
*	d	x	22	Silentii B. V. M.	dupl. de oct.
29	e	ix	23	De 3 die infra octav.	sem.	B. V. Boni-occursus. de oct.

28	f	viii	24	Conversat. B. V. in templo.	dupl.	B. V. Dittelsbachensis.	de oct.
27	g	vii	25	De 5 die infra octav.	sem.		de seq.
xxvi	A	vi	26	Oblationis B. V. in templo.	d. 2 c.		de eod.
				<i>Prima sedes Prægnationis.</i>	27.		
25	24	b	v	De 7 die infra octav.	sem.		de oct.
23	c	iv	28	Octava Præsentationis B.			
				V. M.	d. m.		de eod.
22	d	iii	29	De feriâ.	simp.		de seq.
21	e	Prid.	30	B. M. V. de Sanitate.	dupl.	B. V. Imperlatæ.	de seq.

DECEMBER.

CYCL. EPACT.	LIT. DOM.	DIES MENS.		QUALIT OFFIC.	COMM. PRO 9 LECTION.	VESPERÆ.	
20	f	Kal.	1	Annuntiât. Concep. B. M. V.	d. m.	de eod.	
19	g	iv	2	D. V. Alestensis.	simp.	de seq.	
18	A	iii	3	B. V. Reginae Misericordiæ. <i>Ultima sedes Prægnationis.</i> 3.	dupl.	B. V. Begonnensis. de eod.	
17	b	Prid.	4	S. M. ad Pedem Cryptæ.	semid.	B. V. Bonon. ad Galer. de seq.	
16	c	Non.	5	Fidei B. M. V.	dupl.	de eod.	
15	d	viii	6	<i>De feriâ</i>	simp.	de fer.	
14	e	vii	7	Vigilia Conceptionis imma- culatæ B. V.	simp.	de seq.	
13	f	vi	8	CONCEPTIONIS IMMAC. B. V. M.	d. 1 c.	de eod.	
12	g	v	9	De 2 die infra octav.	sem.	B. V. de Sudore. de seq.	
11	A	iv	10	Translationis almæ Domus B. V.	d. m.	B. V. Buricensis. de eod.	
10	b	iii	11	De 4 die infra octavam	sem.	B. V. a Portu salvo. de oct.	
9	c	Prid.	12	Septem Privilegiorum B. V.	dupl.	B. V. Caldefurnensis de oct.	
8	d	Idib.	13	De 6 die infra octavam B. V.	sem.	B. V. de Buzzano. de oct.	
7	e	xix	14	S. M. in Arâ cœli.	dupl.	de oct.	
6	f	xviii	15	Octava Immaculatæ Con- ception.	d. m.	B. V. de Portillo. de eod.	
5	g	xvii	16	<i>De feriâ</i>	simp.	de seq.	
4	A	xvi	17	Pietatis B. M. V.	dupl.	B. V. de Salinis. de seq.	
3	b	xv	18	Expectationis Partûs B. V. M.	d. m.	de eod.	
2	c	xiv	19	Sanct. JOSEPH in Præгна- tionē B. V. M.	dupl.	de seq.	
1	d	xiii	20	SS. Uteri B. V. M.	d. m.	de eod.	
29	e	xii	21	SS. Annuli B. M. V.	dupl.	B. V. a Partu. a cap.	
28	f	xi	22	Ascension. B. V. ad Bethleem.	dupl.	B. V. Matritens. de Exilio. de eod.	
27	g	x	23	<i>De feriâ</i>	simp.	de fer.	
26	A	ix	24	Vigilia SS. Partûs	simp.	de seq.	
25	b	viii	25	PARTUS B. M. V.	d. 1 c.	de eod.	
				Dominica infra octav. SS. Partûs.	semid.	de oct.	
xxv	25	c	vii	De 2 die infra octav.	sem.	B. V. de Agnone.	
24	d	vi	27	Paupertatis B. V. M.	dupl.	B. V. de Consolatione. de oct.	
23	e	v	28	De 4 die infra octav.	sem.	de oct.	
22	f	iv	29	Incomprehensibilitatis B. V. M.	dupl.	B. V. Montoleensis. de oct.	
21	g	iii	30	De 6 die infra octavam.	sem.	de oct.	
xx	20	A	Prid.	31	D. V. Brixlensis de Consola- tionē.	sem.	B. V. Livorn. de Montenegro de seq.

JANUARIUS.

CYCL. EPACT.	LIT. DOM.	DIES MENS.			QUALIT OFFIC.	COMM. PRO 9 LECTION.	VESPERÆ.
*	A	Kal.	1	Octav. SS. Part. et Circum- cision. Domini.	d. 2 c.		
29	b	iv	2	Fœcunditatis B. V. M.	dup.	B. V. Firmianæ a mari.	de eod.
28	c	iii	3	De feriâ.	simp.		de seq.
27	d	Prid.	4	Maternitatis B. V. M.	d. m.	B. V. de Funibus	de eod.
xv	26	e	Non.	5	Vigilia Epiphaniæ.	simp.	de seq.
25	f	viii	6	EPIPHANIA Domini	d. 1 c.		de oct.

24	g	vii	7	Scientiæ B. V. M.	dupl.	B. V. Boleslaviensis.	de oct.
23	A	vi	8	S. M. a Principio.	dupl.	B. V. Quartensis.	de oct.
22	b	v	9	De 4 die infra octavam.	sem.	B. V. de Adjutorio.	de oct.
21	c	iv	10	B. V. de Monte Sancto.	sem.	B. V. de Sacratâ.	de oct.
20	d	iii	11	De 6 die infra octavam.	sem.	B. V. de Pinoso.	de oct.
19	e	Prid.	12	Spel B. V. M.	dupl.		de oct.
18	f	Idib.	13	Octava Epiphaniæ.	d. m.		de eod.
17	g	xix	14	D. V. Lucensis a Rosâ.	sem.	B. V. Plebis secti.	de eod.
16	A	xviii	15	De feriâ.	sim.		de seq.
15	b	xvii	16	SS. Uberum B. V. M.	d. m.	B. V. de Nieva.	de eod.
14	c	xvi	17	B. V. Barcinonensis de Mercede.	dupl.	B. V. Mindon. de Remedis.	a cap.
				Prima sedes Septuagesimæ. 18.			
13	d	xv	18	Manslonis B. V. M. in Both.	dupl.		de eod.
12	e	xiv	19	S. M. in Viâ latâ.	sem.	B. V. Ulyssipon. de Bethl.	de eod.
11	f	xiii	20	B. V. de Numismate.	sim.	B. V. Lilybetanæ.	de seq.
10	g	xii	21	Lactationis Pueri Jesu.	dupl.		de eod.
9	A	xi	22	B. V. Evodiensis de Cruce.	simpl.	B. V. Sptinensis.	de seq.
8	b	x	23	RESPONSATIONIS B. V. M.	d. 1 c.		de eod.
7	c	ix	24	Descensionis B. V. M.	dupl.	B. V. Canodiensis.	de eod.
6	d	viii	25	De feriâ.	simpl.		de seq.
5	e	vii	26	B. V. Matris lucis.	dupl.		a cap.
4	f	vi	27	D. V. Romanæ S. Mariæ Majoris.	duplex.	B. V. in Insulâ Danubii.	a cap.
3	g	v	28	B. V. Matritensis de Remedio	dupl.	B. V. Raccuiens. de Laureto	de eod.
2	A	iv	29	B. V. de Usoâ.	sem.	B. V. Villarubian. de Sierra	de seq.
1	b	iii	30	Ascensionis B. V. in Jerusal.	dupl.	B. V. Giennen. a Coronâ.	de eod.
	c	Prid.	31	De feriâ.	simpl.		de fer.

FEBRUARIUS.

CYCL.	LIT.	DIES MENS.	QUALIT.	COMM. PRO 9 LECTION.	VESPERÆ.
EPACT.	DOM.		OFFIC.		
29	d	Kal.	1	Vigilia Purificationis B. V. M.	de seq.
28	e	iv	2	PURIFICATIONIS B. M. V.	de eod.
27	f	iii	3	D. V. Tungrens.	de oct.
				Prima sedes Cinerum. 4.	
xxv 26	g	Prid.	4	Decem Beneplacitor. B. V. M.	de oct.
25 24	A	Non.	5	De 4 die infra octavam.	de oct.
23	b	viii	6	Doloris B. V. in Simeonis Prophetia.	de oct.
22	c	vii	7	De 6 die infra octavam.	de oct.
21	d	vi	8	B. V. de Divino Consilio.	de oct.
20	e	v	9	Octava Purificat. B. V. M.	de eod.
				Incipit Vita contemplativa. 10.	
19	f	iv	10	De feriâ.	de seq.
18	g	iii	11	B. V. Septem Servorum.	de seq.
17	A	Prid.	12	Fugæ B. V. in Ægyptum.	de eod.
16	b	Idib.	13	Modestæ B. V. M.	de eod.
15	c	xvi	14	D. V. Lustana de Luce.	de eod.
14	d	xv	15	B. V. de Curriculo.	de seq.
13	e	xiv	16	Contemplationis B. V. M.	de eod.
12	f	xiii	17	De feriâ.	de seq.
11	g	xii	18	Charitatis B. V. M.	de eod.
10	A	xi	19	B. V. de Rupe-amatoris.	de seq.
9	b	x	20	B. V. in Nuptiis Cana Galilææ.	de eod.
				Ultima sedes Septuagesimæ. 21	
8	c	ix	21	B. V. de Moulora.	de seq.
7	d	viii	22	Baptismi B. V. M.	de eod.
6	e	vii	23	S. M. Novissimæ de Gratilis.	de eod.
5	f	vi	24	De feriâ.	de seq.
4	g	v	25	Exilii B. V. in Ægypto.	a cap.
3	A	iv	26	B. V. Mexicanæ de Guadalupe.	de eod.
2	b	iii	27	D. V. Dercheensis.	de seq.
1	c	Prid.	28	In Somnum B. V. M.	de eod.

In anno bissextili Februarius est dierum 29, et bis dicitur: Sexto Kalendas, id est, die 24 et 25, et littera Dominicalis, quæ assumpta fuit in mense Januario, mutatur in præcedentem, ut si in Januario littera D minicalis fuerit A, mutatur in præcedentem, quæ est g, et littera f bis servit 24, 25.

MARTIUS.

CYCL.	LIT.	DIES MENS.		QUALIT.	COMM. PRO 9 LECT.	VESPERÆ.	
FPACT.	DOM.			OFFIC.			
29	d	Kal.	1	B. V. de Cubis.	simpl.	B. V. Tarascens. a Castro.	de seq.
28	e	vi	2	Vitæ interioris B. V. M.	d. m.	B. V. Foroliviensis	de cod.
28	f	v	3	B. V. de Olivario.	simpl.	B. V. Venet. a Sanitat.	de seq.
27	g	iv	4	Prudentiæ B. V. M.	dupl.	de cod.
26	A	iii	5	De feriâ.	simpl.	de seq.
xv	b	Prid.	6	Reversionis B. V. M. de Egypto.	d. m.	de cod.
24	c	Non.	7	D. V. Salemitanæ.	simpl.	B. V. Guimarav. de Oliva.	de seq.
				Prima sedes Vitæ dolorosæ. 8. Primum Novilunium Paschal.			
23	d	viii	8	SS. Capillorum B. V. M.	d. m.	de cod.
22	e	vii	9	Profectio B. V. in Jerusalem. Ultima sedes Cinerum. 10.	dupl.	a cap.
21	f	vi	10	B. V. M. Hymni Acathisti.	dupl.	de cod.
20	g	v	11	B. V. de Vallevenaria.	sem.	B. V. Massil. de Guardia.	de cod.
19	A	iv	12	De feriâ.	simpl.	de seq.
18	b	iii	13	Amissonis Pueri Jusu in Jerusal.	d. m.	B. V. de Livron.	de cod.
17	c	Prid.	14	B. V. Savonensis de Con- sortio	sem.	B. V. de Vallicellâ.	de cod.
16	d	Idib.	15	D. V. Carnutensis.	simpl.	Victor. B. V. Carnut.	de seq.
15	e	xvii	16	Inventionis Pueri Jusu in templo	d. m.	de seq.
14	f	xvi	17	Martyrii B. V. M.	d. 2 c	de cod.
13	g	xv	18	Occursus B. V. Filio por- tanti crucem.	dupl.	B. V. de Lagheto.	de seq.
12	A	xiv	19	SS. Sponsi B. V. M.	d. 2 c.	de cod.
11	b	xiii	20	De feriâ.	simpl.	de seq.
10	c	xii	21	Obedientiæ B. V. M.	dupl.	B. V. Cracoviensis.	de cod.
				Prima sedes Paschæ. 22. De feriâ.	simpl.	de fer.
9	d	xi	22	Constantiæ B. V.	dupl.	B. V. de Gregnana.	de cod.
8	e	x	23	Vigilia Annuntiationis B. V. M.	simpl.	de seq.
7	f	ix	24	ANNUNTIATIONIS B. V. M.	d. 1 c.	de cod.
6	g	viii	25	D. V. Guadalupensis.	dupl.	de oct.
5	A	vii	26	De 3 die infra octav.	sem.	B. V. Limanæ de Rosario.	de oct.
4	b	vi	27	De 3 die infra octav.	dupl.	B. V. Trevirensis.	de oct.
3	c	v	28	Consilii B. V. M.	sem.	B. V. Corduben. de Fonte Sancto.	de oct.
2	d	iv	29	De 5 die infra octavam.	sem.	B. V. de Carasumada.	de oct.
1	e	iii	30	B. V. a Cryptâ.	sem.	de oct.
	f	Prid.	31	De 7 die infra octavam.	sem.	de oct.

APRILIS.

CYCL. EPACT.	LIT. DOM.	DIES MENS.		QUALIT. OFFIC.	COMM. PRO 9 LECT.	VESPERÆ.	
29	g	Kal.	1	Octava Annuntiationis B. V. M.	d. m.	de cod.	
28	A	iv	2	De feriâ.	simpl.	de seq.	
27	b	iii	3	Duodecim gratiarum B. V. M.	dupl.	B. V. Tobetanæ.	de cod.
xiv 26	c	Prid.	4	De feriâ. Ultimum Novilunium Paschæ	simpl.		de fer.
23	d	Non.	5	De feriâ.	simpl.		de seq.
23	e	viii	6	S. M. de Populo.	dupl.	B. V. Lauffensis in Umbra.	de cod.
22	f	vii	7	De feriâ.	sim.		de fer.
21	g	vi	8	D. V. Græcæ	simpl.		de fer.
20	A	v	9	De feriâ.	simpl.		de seq.
19	b	iv	10	B. V. Boloniensis. Ultima sedes Vitæ dolorosæ. 11	dupl.	B. V. Condinensis.	de cod.
18	c	iii	11	De feriâ.	simpl.		de seq.
17	d	Prid.	12	B. V. de Refugio.	dupl.	B. V. Pratensis de Carcere.	de cod.

16	e	Idib.	13	<i>De feriâ.</i>	<i>simpl.</i>			<i>de seq.</i>
15	f	xviii	14	Intellect. B. V. M.	<i>dupl.</i>	B. V. de Victoriâ.		<i>de eod.</i>
14	g	xvii	15	<i>De feriâ.</i>	<i>simpl.</i>			<i>de fer.</i>
13	A	xvi	16	B. V. Reginæ Pacis.	<i>dupl.</i>			<i>de eod.</i>
12	b	xv	17	D. V. Sichelmenstis.	<i>semid.</i>	B. V. Biellensis de Oroppa.		<i>de eod.</i>
11	c	xiv	18	<i>De feriâ.</i>	<i>simpl.</i>			<i>de fer.</i>
10	d	xiii	19	D. V. Granatensis.	<i>simpl.</i>			<i>de fer.</i>
9	e	xii	20	B. V. de Mediolano.	<i>sem.</i>	B. V. de Apibus.		<i>de seq.</i>
8	f	xi	21	Benignitatis B. V. M.	<i>dupl.</i>	B. V. de Sancho Abarca.		<i>de eod.</i>
7	g	x	22	<i>De feriâ.</i>	<i>simpl.</i>			<i>de seq.</i>
6	A	ix	23	D. V. Florentinæ de Annun- tiatâ	<i>dupl.</i>			
5	b	viii	24	Præexcellentis B. V. M. <i>Ultima sedes Paschæ. 25.</i>	<i>dupl.</i>	B. V. a Viridario.		<i>a cap.</i>
4	c	vii	25	Apparition. B. V. de Bono Consilio.	<i>dupl.</i>	B. V. Heilbr. de Urticeto.		<i>a cap.</i>
3	d	vi	26	Dedication. S. M. supra Mi- nervam	<i>dupl.</i>	S. M. in Aquiro.		<i>de eod.</i>
2	e	v	27	Divitiarum B. V. M.	<i>simpl.</i>			<i>de eod.</i>
1	f	iv	28	<i>De feriâ.</i>	<i>dupl.</i>			<i>de seq.</i>
	g	iii	29	D. V. Raccuiensis. <i>Prima sedes Ascensionis. 30.</i>	<i>sem.</i>	B. V. de Betharamo.		<i>de seq.</i>
29	A	Prid.	30	Justitiæ B. V. M.	<i>dupl.</i>	B. V. de S. Joan. Damasc.		<i>a cap.</i>

MAJUS.

CYCL.	LIT.	DIES MENS.	QUALIT.	COMM. PRO 9 LEC.	VESPERÆ		
EPACT.	DOM.		OFFIC.				
28	b	Kal.	1	Conversation. B. V. in Chr. Resur.	<i>dupl.</i>	<i>de eod.</i>	
27	c	vi	2	D. V. Ilturgensis de Capite.	<i>simpl.</i>	B. V. Cesthochoviensis.	<i>de seq.</i>
xxv 26	d	v	3	Mansuetudinis B. V. M.	<i>dupl.</i>	B. V. de Bona liberatione.	<i>de eod.</i>
25	e	iv	4	B. V. de Luminibus.	<i>sem.</i>	B. V. Modicensis.	<i>de seq.</i>
24	f	iii	5	Gaudiorum B. V. M.	<i>d. m.</i>		<i>de eod.</i>
23	g	Prid.	6	Dedication. S. M. in Cosme- din.	<i>sem.</i>	B. V. de Aquilâ.	<i>de eod.</i>
22	A	Non.	7	<i>De feriâ.</i>	<i>simpl.</i>		<i>de seq.</i>
21	b	viii	8	B. V. Odigitriæ.	<i>dupl.</i>	B. V. Pampelonens. de Viâ.	<i>a cap.</i>
20	c	vii	9	Translation. Domus B. V. in Dalm.	<i>dupl.</i>		<i>de eod.</i>
19	d	vi	10	<i>Prima sedes Pentecostes. 10.</i> D. V. Ferrerianæ.	<i>simpl.</i>	B. V. Savonens. de Miser.	<i>de seq.</i>
18	e	v	11	Fortitudinis B. V. M.	<i>dupl.</i>	B. V. Ancon. de S. Cyriaco.	<i>de eod.</i>
17	f	iv	12	D. V. Araucanæ.	<i>simpl.</i>		<i>de seq.</i>
16	g	iii	13	Dedication. S. M. de Ro- tunda.	<i>dupl.</i>	B. V. Agatensis de Gradu.	<i>a cap.</i>
15	A	Prid.	14	Dedication. S. M. de Tabulis.	<i>dupl.</i>	B. V. Silvasonens. de Bo- no odore.	<i>de eod.</i>
14	b	Idib.	15	<i>De feriâ.</i>	<i>simpl.</i>		<i>de seq.</i>
13	c	xvii	16	D. V. Fatarellensis de Mi- sericordia.	<i>dupl.</i>		<i>de eod.</i>
12	d	xvi	17	<i>Prima sedes Vitæ activæ. 17.</i> D. V. Barbastrens. de Podio.	<i>sem.</i>	B. V. Novæ.	<i>de seq.</i>
11	e	xv	18	Nobilitatis B. V. M.	<i>d. m.</i>		<i>de eod.</i>
10	f	xiv	19	B. V. de Rupe Galliæ.	<i>dupl.</i>	B. V. de Angelis.	<i>de eod.</i>
9	g	xiii	20	<i>De feriâ.</i> <i>Prima sedes Corporis Chr. 21.</i>	<i>simpl.</i>		<i>de fer.</i>
8	A	xii	21	Dedication. B. V. de Monte Virgin.	<i>simpl.</i>		<i>de seq.</i>
7	b	xi	22	Sancitatis B. V. M.	<i>dupl.</i>	B. V. Triviens. de Lacry- mis.	<i>de eod.</i>
6	c	x	23	D. V. Claramontanæ de Por- tu	<i>sim.</i>	B. V. Buxerianæ.	<i>de seq.</i>
5	d	ix	24	S. M. Auxilium Christianor.	<i>d. m.</i>	B. V. Gidlensis.	<i>de eod.</i>
4	e	viii	25	D. V. Messanensis a Scellis.	<i>sem.</i>		<i>a cap.</i>
3	f	vii	26	D. V. Genuensis de Vineis.	<i>semid.</i>		<i>de seq.</i>
2	g	vi	27	B. V. Maris divini Pastoris.	<i>dupl.</i>		<i>a cap.</i>

1	A	v	28	Dedication. Ecclesiæ Her-			
	b	iv	29	SS. Lactis et aliar. Reliq.	dupl.	B. V. de Butsenit.	a cap.
29	c	iii	30	B. V.	dupl.	N. D. Ardentum.	de eod.
28	d	Prid.	31	De feriâ.	simpl.	B. V. Nicopæiæ.	de fer.
				B. V. ab Alto.	simpl.		de seq.

JUNIUS.

CYCL.	LIT.	DIES	MENS.		QUALIT.	COMM. PRO 9 LEC.	VESPERÆ.
EPACT.	DOM.				OFFIC.		
27	e	Kal.	1	Speciositatis B. M. V.	dupl.	B. V. Legion. de Regula.	de eod.
xxv 26	f	iv	2	De feriâ.	simpl.		de seq.
				Ultima sedes Ascensionis. 3.			
25 24	g	iii	3	Septem verborum B. M. V.	d. m.		de eod.
23	A	Prid.	4	De feriâ.	simpl.		de seq.
22	b	Non.	5	Perfectionis B. V. M.	dupl.	B. V. Bruxellens. de Victor.	a cap.
21	c	viii	6	Manifestation. S. M. in Cos-			
				medin.	dupl.	B. V. Parisiens. de Toleran.	a cap.
20	d	vii	7	Patentiæ B. V. M.	dupl.		a cap.
19	e	vi	8	Sapientiæ B. V. M.	dupl.	B. V. Viterbiens. ad grad.	de eod.
18	f	v	9	De feriâ.	simpl.		de feriâ.
17	g	iv	10	D. V. Panormitanæ a Catenis	simpl.		de seq.
46	A	iii	11	Duodecim prærogativar. B.			
				V. M.	dupl.		de eod.
15	b	Prid.	12	D. V. Collis-pratens. de			
				Quercu.	simpl.		de seq.
				Ultima sedes Pentec. 13.			
14	c	Idib.	13	B. V. de Divino Adjutorio.	dupl.	B. V. Salemitan. de Sudore	a cap.
13	d	xviii	14	Gloriæ B. V. M.	dupl.	B. V. Minoric. de M. Tauro	a cap.
12	e	xvii	15	Temperantiæ B. V. M.	dupl.	B. V. de Vitâ-bonâ.	de eod.
11	f	xvi	16	De feriâ.	simpl.		de seq.
10	g	xv	17	Simplicitatis B. V. M.	dupl.	B. V. de Horto.	de eod.
9	A	xiv	18	D. V. Ravetensis de Planctu.	simpl.	B. V. de Monte Filermo.	de seq.
8	b	xiii	19	Imperii B. V. M.	dupl.		de eod.
				Ultima sedes Domin. I. Vitæ			
				activæ. 20.			
7	c	xii	20	D. V. de Magallonio.	simpl.		de seq.
6	d	xi	21	D. V. Alcamensis a Miraculis	sem.	B. Castillon. de Nuce.	de seq.
5	e	x	22	Quinque sensuum B. V. M.	dupl.	B. V. Trialcensis.	a cap.
4	f	ix	23	B. V. de Succursu.	dupl.		de eod.
				Ultima sedes Corp. Chr. 24.	simpl.		
3	g	viii	24	De feriâ.	dupl.		de seq.
2	A	vii	25	Potentia B. V. M.	dupl.		a cap.
1	b	vi	26	Conversation. B. V. post			
				Christ. ascens.	sem.	B. V. Pragens. de Cryptâ.	de eod.
	c	v	27	B. V. in monte Ætna.	dupl.	B. V. Avilens. de Gratiâ.	de seq.
29	d	iv	28	Castitatis B. V. M.	dupl.	B. V. Meerlensis.	de eod.
28	e	iii	29	De feriâ.	simpl.		de seq.
27	f	Prid.	30	Pulchritudinis B. V. M.	d. m.		de eod.

JULIUS.

CYCL.	LIT.	DIES	MENS.		QUALIT.	COMM. PRO 9 LECT.	VESPERÆ.
EPACT.	DOM.				OFFIC.		
26	g	Kal.	1	Vigilia Visitat. B. V. M.	simpl.		de seq.
xxv 25	A	vi	2	VISITATIONIS B. V. M.	d. 1 c.		de eod.
24	b	v	3	SS. Vestium B. M. V.	dupl.	B. V. Messanens. a Litterâ	de eod.
23	c	iv	4	De 3 die infra octavam.	sem.	S. M. a Palmis.	de seq.
22	d	iii	5	Trium Excellentiarum B.			
				V. M.	dupl.		a cap.
21	e	Prid.	6	Prodigiorum B. V. M.	dupl.	B. V. Mantuanæ de Gra-	de eod.
						tis.	
20	f	Non.	7	De 6 die infra octavam.	sem.	B. V. Mislenicensis.	de seq.
19	g	viii	8	Dulcedinis B. V. M.	dupl.	N. D. de Donis.	de seq.
18	A	vii	9	Octava Visitationis.	d. m.		de eod.
17	b	vi	10	De feriâ.	simpl.		de fer.

XLVIII

16	c	v	11	D. V. Fesulanæ de Saxo.	<i>simpl.</i>	B. V. Antuerpiens. de Pe- regrinis.	<i>de seq.</i>
15	d	iv	12	Conversacionis Apostolicæ B. V.	<i>dupl.</i>	B. V. Hirach. de Stella.	<i>de eod.</i>
14	e	iii	18	D. V. Remensis.	<i>simpl.</i>	B. V. Acrimontanæ de Subsidio.	<i>de seq.</i>
13	f	Prid.	14	Operum misericordiæ B. V.	<i>dupl.</i>		<i>de eod.</i>
12	g	Idib.	15	B. V. Saletensis.	<i>simpl.</i>		<i>de seq.</i>
11	A	xvii	16	B. V. de Monte Carmelo.	<i>d. m.</i>	Victoriæ B. V. Toletanæ.	<i>de eod.</i>
10	B	xvi	17	B. V. de Porticu.	<i>dupl.</i>	S. M. Scalæ coeli.	<i>de eod.</i>
9	c	xv	18	D. V. Pistoriensis de Humi- litate.	<i>sem.</i>	B. V. Ravenatensis.	<i>de seq.</i>
8	d	xiv	19	Gratiæ B. V. M.	<i>dupl.</i>	B. V. de Cervis.	<i>de eod.</i>
7	e	xiii	20	De feriâ.	<i>simpl.</i>		<i>de seq.</i>
6	f	xii	21	Dedication. B. V. de Eremitis.	<i>dupl.</i>	B. V. Anastasopolit. de Oleo.	<i>a capit.</i>
5	g	xi	22	Don. Fortitudin. B. M. V.	<i>dupl.</i>	B. V. Sixenens. de Choro.	<i>a capit.</i>
4	A	x	23	D. V. Fogiensis septem Do- lorum.	<i>dupl.</i>	B. V. de Covadonga.	<i>a cap.</i>
3	b	ix	24	Dispensationis B. V. M.	<i>dupl.</i>	B. V. de Guarga.	<i>a cap.</i>
2	c	viii	25	Trium Eminentiarum B. V.	<i>dupl.</i>		<i>de seq.</i>
1	d	vii	26	SS. Parentum B. V. M.	<i>d. m.</i>		<i>de eod.</i>
	e	vi	27	De feriâ.	<i>simpl.</i>		<i>de seq.</i>
29	f	v	28	In memoriam B. V. M.	<i>dupl.</i>	B. V. de Cuniculis.	<i>de eod.</i>
28	g	iv	29	B. V. Depranitanæ de Luce.	<i>sem.</i>	B. V. Ratispon. de S Lucâ.	<i>de seq.</i>
27	A	iii	30	Virginittis perpetuæ B. V. M.	<i>d. 2 c.</i>		<i>de eod.</i>
xxv 26	b	Prid.	31	B. V. de Auxilio.	<i>dupl.</i>	B. V. Trevirens. de Deserto.	<i>de seq.</i>


AUGUSTUS.

CYCL.	LIT.	DIES MENS.		QUALIT	COMM. PRO 9 LECT.	VESPERÆ.	
EPACT.	DOM.			OFFIC.			
25 24	c	Kal.	1	SS. Corporis B. V. M.	d. m.	B. V. Aliagensis de Rubo.	de eod.
23	d	iv	2	S. M. Angelorum de Por- tuncula.	dupl.	Valencenens. de Eremitor.	a cap.
22	e	iii	3	Meritorium B. V. M.	dupl.	B. V. Paduanæ de Peste.	de eod.
21	f	Prid.	4	De feriâ.	simpl.		de seq.
20	g	Non.	5	Dedic. B. V. M. ad Nives.	d. m.		de eod.
19	A	viii	6	B. V. Montis Guardie.	semid.		de seq.
18	b	vii	7	Viduitatis B. V. M.	d. m.		de eod.
17	c	vi	8	B. V. Cameracens. de Gratia.	sem.	B. V. de itinere.	de seq.
16	d	v	9	Annonum B. V. M.	dupl.	B. V. Montis de Lætitia.	a cap.
15	e	iv	10	Advocationis B. M. V.	dupl.		de seq.
14	f	iii	11	SS. Vitæ B. V. M.	d. m.	B. V. Bullensis de Compass.	de eod.
13	g	Prid.	12	De feriâ.	simpl.		de seq.
12	A	Idib.	13	Felicissimi Obitûs B. M. V.	d. m.		de eod.
11	b	xix	14	Exequiarum B. M. V.	dupl.		de seq.
				Incipit tempus Vitæ gloriosæ.			
10	c	xviii	15	ASSUMPTIONIS B. V. M.	d. 1 c.		de eod.
9	d	xvii	16	De 2 die infra octav.	sem.	Voti Regis Gallia.	de oct.
8	e	xvi	17	Exaltationis B. M. V.	d. m.	B. Ilerdens. de Salute.	de oct.
7	f	xv	18	De 4 die infra octav.	sem.	Victoriæ Regis Gallia.	de seq.
6	g	xiv	19	Coronationis B. V. M.	d. 2 c.		de oct.
5	A	xiii	20	De 6 die infra octavam.	sem.	B. V. Panormit. de Victor.	de oct.
4	b	xii	21	Septem dotum Beatitud. B. V. M.	dupl.		de oct.
3	c	xi	22	Octava Assumptionis B. V. M.	dupl.	S. M. Angelor. et Martyr.	de eod.
2	d	x	23	SS. Tunicarum B. V. M.	dupl.	B. V. in Via.	de seq.
1	e	ix	24	SS. Reliquiarum B. V. M.	d. m.	B. V. Nivellensis a Con- siliis.	de eod.
	f	viii	25	Trium aureolearum B. V. M.	dupl.		de seq.
29	g	vii	26	SS. Cordis B. V. M.	d. 1 c.		
28	A	vi	27	Septem Præexcelleniarum B. V. M.	dupl.	B. V. Smêlcemensis.	de eod.
27	b	v	28	B. V. Cincturatorum de Consolatione.	dupl.	B. V. Afflictorum.	a cap.
26	c	iv	29	SS. Sepulchri B. V. M.	dupl.		de eod.
xxv 25	d	iii	30	De feriâ.	simpl.		de seq.
24	e	Prid.	31	Depositionis Venerandæ Zo- næ B. V.	dupl.	B. V. Marpentanæ.	de seq.

RUBRICAE

GENERALES

BREVIARII MARIANI.



Omne quod ad Rubricas generales spectat, quadruplici includitur capite.

In I. agitur de officiorum diversitate.

In II. de singulis officii Horis.

In III. de singulis Horarum partibus.

In IV. de officio Parvo.

Caput. 1.

De Officiorum diversitate.

Officium quotidie fit aut Duplex, aut Semiduplex, aut Simplex.

§. 1.

De Officio Duplici.

1. Officium fit duplex in diebus à feriâ V. majoris hebdomadæ usque ad feriam secundam Paschæ inclusivè, in dominicâ in Albis, in Ascensione Domini, et in festis in quibus vel in Calendario, vel in proprio loco apponitur hæc vox *Duplex*.

2. Festum duplex celebratur eo die, quo cadit, nisi contingat illud transferri.

3. Habet primas et secundas vespers integras, nisi cum alio simili concurrat, et totum officium fit de duplici, incipiendo à primis Vesperis usque ad completorium sequentis diei inclusivè, nisi aliter notetur.

4. In utrisque Vesperis, Matutino, et Laudibus tantum, non autem in aliis horis, duplicantur antiphonæ, id est, integræ dicuntur in principio et in fine Psalmorum.

5. Ad Matutinum regulariter dicuntur tres nocturni, qui singuli constant tribus psalmis et tribus lectionibus, præterquam in paschate Resurrectionis, et Pentecostes, cum duobus sequentibus diebus, in quibus tantum dicitur unum nocturnum.

6. In duplicibus primæ classis tantum dicitur ad Matutinum novum Responsorium post ultimam Lectionem: quod Respons. in iisdem duplicibus dicitur etiam post capitulum et ante Hymnum in primis et secundis Vesperis.

7. In duplicibus primæ et secundæ classis repetuntur ultima Responsorio cujuslibet nocturni post *Gloria Patri*, ab initio *M.* usque ad *Y.*

8. In duplicibus primæ classis Completorium tam post primas, quam post secundas Vespers dicitur de dominicâ: in duplicibus secundæ classis Completor. de dominicâ dicitur tantum post prim. Vesper. Post secundas Vespers verò, et in aliis

E

L.
duplicibus dicitur, ut in quolibet feriâ
annotatur.

Breviarii Mariani.

§. 2.
De Officio Semiduplici.

1. Officium fit semiduplex diebus dominicis, et in diebus infra octavas: item in festis, in quibus in Calendario, vel proprio loco apponitur hæc vox *Semiduplex*.

2. De festo semiduplex fit eo die, quo cadit, nisi contingat transferri.

3. Habet totum officium integrum, sicut duplex, sed non duplicantur antiphonæ.

4. Ad Matutinum dicuntur tres nocturni, præterquam infra octavam Paschæ et Pentecostes, in quibus dicitur unum nocturnum tantum.

5. In fine Laudum et Vesperum Suffragia, seu commemorationes Sanctorum dicuntur, et in Primâ et Completorio preces, ut in Psalterio notatur.

§. 3.
De Officio Dominicæ.

1. De dominicâ semper fit officium in dominicis Prægnationis, seu Adventus Domini, nisi occurrat festum Immaculatæ Conceptionis, et in dominicis à Septuagesimâ usque ad Domin. quartam Quadragesimæ inclusive, nisi occurrat festum Purificationis, aut Annuntiationis.

2. Dominicæ Passionis, in Ramis palmarum, Paschæ, in albis, et Pentecostes nunquam omittuntur.

3. In aliis dominicis per annum fit etiâ officium de dominicâ, nisi occurrat in eis festum duplex, quia tunc fit officium de duplici cum Lectionibus primi nocturni, nisi proprias habuerit, et commemoratione dominicæ, dicendo Homiliam in Evangelium dominicæ loco nonæ Lectionis festi duplicis.

4. Si verò aliquod festum semiduplex in eis occurrat, transfertur ad primam diem non impeditam.

5. In dominicis infra Octavam nullo festo duplici impeditis, Officium fit sicut infra Octavam, exceptis is, quæ illi dominicæ fuerint pro-

pria, omissis precibus, et suffragiis sanctorum.

6. De dominicâ occurrente die octavâ, dicitur tantum Homilia in Evangelium pro novâ Lectione, ut supra dictum est, quando fit officium de duplici in dominicâ.

7. Tempore Infantæ dominica I. nunquam omittitur: undecima verò semper est ultima, ut ibi notatur.

8. Quando dominica quarta Prægnationis incidat in Vigiliam SS. Partus, officium fit de dominicâ, illis tantum mutatis quæ fuerint propria Vigiliæ, excepto, quod in tertio nocturno pro nonâ Lectione leguntur lectiones de Homiliâ Vigiliæ per modum unius. Responsoria verò Vigiliæ dicuntur in tertio nocturno, ut de more, loco ~~nonæ~~ dominicæ.

9. Si solemnitas SS. Partus incidat in dominicâ, sabbato sequentis fit officium de dominicâ infra octavam, quod habetur proprium.

10. Dominicæ Puerperii et Vitæ contemplativæ, in quas incidunt dominicæ septuagesimæ, sexagesimæ, et quinquagesimæ, omittuntur omnino, et fit officium de his dominicis sine ullâ commemoratione nec dominicæ occurrentis, nec ullius festi. ~~nonæ~~ autem et alia, quæ ipsæ propria non habuerint, sumuntur de proprio Temporis occurrentis.

11. Dominica quinta Puerperii, nisi impedita fuerit aliquo festo duplici, nunquam omittitur, sed ponitur semper loco ultimæ, ut legatur liber 1. Regum, et fit commemoratio illius in quam tranferatur.

12. Si septuagesima incidat in dominicam quintam puerperii, loco domin. tertiæ, quæ eo anno omittitur, ponitur quarta et loco quartæ ponitur quinta.

13. Si verò incidat in dominicam quartam ponitur quinta loco tertiæ, omissis tertiâ et quartâ: idem dicendum si incidat septuagesima in tertiam Dom: ponitur in secundâ, tertiâ, quartâ et quintâ omissis.

14. Si septuagesima incidat in dominicam infra octavam Purificatio-

nis, officium fit ut in diebus infra octav. iis exceptis quæ fuerint propria: si tandem incidat in dominicam secundam vitæ contemplativæ, Lectiones primi et secundi nocturni hujus secundæ dominicæ leguntur in dominicâ primâ, ne omittatur liber 2. Regum, cum Homiliâ in Evangelium ejusdem primæ dominicæ.

15. Officium in dominicis à Septuagesimâ usque ad Pentecostem fit, ut ibi in propriis locis notatur.

16. Tempore Vitæ Activæ ponuntur tredecim dominicæ, quæ omnes possent intra hoc tempus occurrere: sed cum semper tot non occurrant, loco ultimæ ponitur semper dominica decima tertia, ut ibi notatur.

17. Tempore Vitæ gloriosæ similiter, eo anno quo fuerint duæ dominicæ tantum, omittitur secunda, et ejus loco ponitur tertia, quæ semper ultima esse debet.

18. Officium dominicæ fit semiduplex et incipit à primis Vesperis in sabbato, et habet totum officium integrum usque ad completorium dominicæ inclusive, nisi cum aliquo duplici occurrat.

19. Ad Matutinum dicuntur tres Nocturni cum Psalmis, ut in Psalterio, et leguntur novem Lectiones ut in proprio de Tempore.

§. 4.

De Octavis.

1. De Octavâ fit officium per octo dies continuos in festis, quæ Octavam habent.

2. In Pascha Resurrectionis et Pentecostes officium Octavæ terminatur in sabbato sequenti ad Nomanam.

3. Infra octavam fit de festis duplicibus et semiduplicibus occurrentibus tantum, non autem de transferendis, quia ad infra octavas nullum festum transfertur.

4. In duplicibus et semiduplicibus infra octavam occurrentibus, officium fit omnino de octavâ, iis exceptis quæ fuerint propria.

5. Infra octavas autem Paschæ

et Pentecostes non fit de festo aliquo, etiam primæ classis, sed transfertur post octavam.

6. De simplicibus infraquascumque Octavas occurrentibus fit tantum commemoratio legendo eorum proprias lectiones per modum unius loco nonæ lectionis, exceptis diebus infra octavas Resurrectionis et Pentecostes.

7. In diebus infra octavas officium fit semiduplex, exceptâ die octavâ, in quâ fit duplex: in Vesp. omnia dicuntur ut in secundis Vesperis solemnitalis, quæ octavam habet, etiam in festis infra octavam occurrentibus; sed in primis Vesperis diei octavæ omnia dicuntur, ut in primis Vesperis Festivitalis.

8. Infra octavas non fiunt Suffragia consueta de Sanctis, nec dicuntur preces ad Primam, et Completorium, etiam si fiat officium de dominicâ, vel festo semiduplici.

9. Officium de Octavâ fit cum tribus nocturnis, novem scilicet Psalmis, et novem Lectionibus, exceptis Octavis Paschæ et Pentecostes, in quibus fit cum uno nocturno, ut suis locis ponitur: et omnia dicuntur ut in die festi præter Psalmos et Lectiones primi nocturni, quæ si non fuerint propria, sumantur de feriâ occurrenti: aliæ lectiones secundi et tertii nocturni dicuntur quæ infra Octavam positæ sunt, vel ibi annotatæ.

§. 5.

De officio Festi simplicis.

1. Officium fit simplex in diebus ferialibus, quando occurrit fieri de feriâ: item in festis quando in Kalendario apponitur hæc vox *Simplex* et in vigiliis festivitalum.

2. De officio simplici fit eo die quo cadit, nisi eodem die occurrat fieri officium novem Lectionum, vel de aliquibus feriis, quibus Festum simplex cedit.

3. Festum simplex habet tantum primas Vesperas, in quibus dicuntur Psalmi et antiphonæ seriales, et à capitulo fit de festo, et ejus officium

LII.

terminatur ad Nonam.

4. Ad Matutinum post Invitatorium et Hymnum de festo dicitur unum nocturnum tantum cum novem Psalmis, antiph. et *ññ*. secundum feriam quæ occurrit, ut in officio feriali. Lectiones autem dicuntur, ut in proprio.

5. Ad Laudes et Horas officium fit ut in festis semiduplicibus sine precibus, sed cum suffragiis sanctorum ad Laudes et Vesperas, et cum precibus in Prima, et in Completorio.

§. 6.

De Officio simplici Feriæ.

1. Officium feriale, hoc est simplex de tempore occurrenti, prout in Psalterio et proprio de tempore habetur, fit semper, quando infra Hebdomadam non occurrit festum duplex, aut semiduplex, vel simplex, vel de octavâ.

2. Officium feriæ indè incipit, ubi desinit officium præcedens; ita ut si in præcedenti die fuerit duplex vel semiduplex, officium Feriæ incipiat sequenti die à Matutino; si præcedenti die fuerit Festum simplex, de Feriâ fiat à Vesperis illius præcedentis diei inclusivè.

3. Terminatur autem officium de Feriâ, subsequente duplici vel semiduplici, ad Nonam: subsequente verò simplici, ad capitulum vespertarum, quia indè fit officium de simplici.

4. Ad Matutinum dicitur tantum unum nocturnum cum novem Psalmis secundum ordinem feriarum in Psalterio, et tribus lectionibus ut in proprio de tempore.

5. Excipiuntur ab hoc ordinario officii ferialis tres feriæ majores Hebdomadae Sanctæ, et feriæ octavarum Paschæ et Pentecostes, in quibus fit officium ut in propriis locis notatur.

6. Preces feriales dicuntur post antiphonam ad *Benedictus* in Laudib. et ad *Magnificat*, in Vesperis ante orationem, quæ sumitur de præcedenti dominica, excepto tempore pa-

Brev. *Mariani.*

schali in quo omittuntur cum suffragiis sanctorum.

7. Cætera quæ ad officium feriæ pertinent, habentur inferiùs de singulis propriæ Rubricæ.

§. 7.

De officio simplici vigiliæ.

1. De vigiliâ fit officium quando in Kalendario annotatur hæc vox *vigilia*, nisi eo die occurrat Festum novem Lectionum, in quo tantum fiet commemoratio vigiliæ.

2. Si vigilia occurrat in dominicâ, de eâ fit officium in sabbato præcedenti si nullo sit festo novem lectionum impeditum; quia tum de Vigiliâ fiet tantum commemoratio.

3. Excipitur autem hac regulâ Vigilia Nativitatis, Epiphaniæ et Assumptionis, quæ si venerint in dominicâ, fit de illis, ut in propriis locis dicitur.

4. Officium vigiliæ incipit, ubi desinit officium præcedentis diei: terminatur autem ad Nonam, ut dictum est de officio feriali.

5. Officium vigiliæ totum fit de feriâ occurrenti, ut in Psalterio, et tres Lectiones leguntur de Homiliâ in Evangelium Vigiliæ, cum tribus *ññ*. feriæ occurrentis.

6. In Vigiliis dicuntur preces feriales, et commemorationes communes ad Laudes, aliaque omnia sicut in feriis.

7. Excipitur ab hoc ordinario vigiliarum vigilia Sanctissimi Patris, Epiphaniæ et Assumptionis, ut in propriis locis notatur.

§. 8.

De Commemorationibus.

1. Commemorationes fiunt de festis simplicibus, vel de vigiliis, vel de feriis Quatuor temporum, vel de dominicis, quando in eorum diebus incidit Festum novem Lectionum, etiam translatum, et de illis festis quorum in officiis propriis Commemoratio assignatur.

2. Commemorationes autem fiunt recitando loco nonæ Lectionis, vel Lectiones Simplicis per modum unius, vel Homiliam in Evangelium domi-

nicæ, aut vigiliæ, aut feriæ Quatuor tempor. occurrentis.

3. In duplicibus primæ et secundæ classis, in dominicis Prægnationis, et in dominicis à septuagesimâ usque ad dominicam in albis inclusivè, et in feriis post dominicas in Palmis, Paschæ et Pentecostes, nullius festi simplicis fit commemoratio.

4. In dominicis septuagesimæ, sexagesimæ, quinquagesimæ, et quadragesimæ, occurrentibus in dominicis Puerperii, et vitæ contemplativæ nulla fit commemoratio dominicæ, quæ omittitur.

5. In duplicibus, quæ impediunt officium dominicæ, fit commemoratio dominicæ occurrentis, nisi festum duplex sit primæ classis, in quo nulla fit commemoratio, nec dominicæ, nisi dominica sit primæ aut secundæ classis.

6. In duplicibus secundæ classis fit tantum commemoratio dominicæ, si quæ occurrat.

7. In concurrentiâ duarum commemorationum, nempe simplicis et dominicæ, omittitur commemoratio simplicis et fit tantum commemoratio dominicæ.

8. In concurrentiâ simplicis et vigiliæ, omissa commemoratione simplicis fit vigiliæ.

9. In concurrentiâ duorum simplicium, fit tantum commemoratio dignioris. Dignius est festum simplex illo quod solum ad commemorationem ponitur.

10. Si officium fit de vigiliâ, et facienda est commemoratio de simplici, tertia Lectio erit commemoratio simplicis.

11. Idem est dicendum de semiduplicibus, quæ casu simplicentur.

§. 9.

De translatione festorum.

1. Si aliquod festum duplex, nisi sit primæ classis, occurrat in dominicis Prægnationis et in dominicis à septuagesimâ usque ad dominicam in albis, in feriâ quartâ cinerum, in feriis majoris hebeomadæ,

post Pascha, et post Pentecostem, in die, dominicâ infra octavam, et in ipsa die octava Ascensionis Domini et Corporis Christi, transfertur ad primam diem festo duplici, aut semiduplici non impeditam.

2. Duplex autem primæ classis, non transfertur nisi occurrat in dominicâ Passionis, à dominicâ Palmarum, usque ad dominicam in albis inclusivè, in die Ascensionis, in totâ Octavâ Pentecostes, et in solemnitate Corporis Christi,

3. Duplex secundæ classis non transfertur, si occurrat in die Octavâ et in dominicis infra Octavam Ascensionis, et Corporis Christi, sed in aliis diebus supra notatis transfertur, ut alia duplicia.

4. Duplicia majora, et minora, si occurrant in dominicis, et aliis diebus supra non exceptis, non transferuntur.

5. Festum semiduplex occurrens diebus supra notatis, et in dominicis per annum transfertur ad primam diem non impeditam.

6. In festis quæ transferuntur extra tempus seu extra octavam, cui sunt assignata, officium fit de tempore ad quod fuerint translata, nisi aliter notetur.

7. Si duo, vel plura festa novem Lectionum simul eodem die veniant, fiat officium de majori, seu solemniori, altero inferiori ad alium diem translato.

8. Si plura festa novem Lectionum transferenda sint, prius transferatur duplex, quàm semiduplex: et inter plura duplicia, semper quod est solemnius transferatur, et prius de eo fiat: Si verò fuerint æqualia unum ante alium transferatur eo ordine, quo erant celebranda in propriis diebus.

9. Festum simplex nunquam transfertur: si de eo officium fieri non potest, fiat commemoratio, ut supra dictum est: si demum venerit in illis diebus, in quibus de simplici nulla fit commemoratio, eo anno de illo nihil fiat.

10. Si aliquod festum novem Lectionum, in quo annotata est aliqua commemoratio transferatur, non tamen cum eo transferatur commemoratio, quæ semper proprio die suo fit, et si fieri nequeat, omittitur.

1. Si festum aliquod transferatur in diem festi simplicis, de simplici fit commemoratio; et si festum simplex habuerit commemorationem aliam, de hac nihil fiat eo anno.

12. Commemoratio simplicis omittitur, quando ejus loco facienda est commemoratio vigiliæ, vel dominicæ.

§. 10.

De Officiorum concurrentiâ.

1. Concurrentia officii attendenda est semper in secundis Vesperis ad ordinandum officium pro sequenti die. Itaque cum dicitur officium aliquod cum alio concurrere, intelligitur de præcedenti in secundis Vesperis cum sequenti in primis Vesperis.

2. Duplici ergò in secundis Vesperis concurrente cum alio sequenti duplici in primis, si utraque sint aequalia, à capitulo fit de sequenti, nisi aliter notetur. Si verò non fuerint aequalia, festum illud habebit integras Vesperas, sive præcedat, sive subsequatur, quod fuerit majoris solemnitatis.

3. Duplex concurrens cum festo semiduplici, cum dominicâ, et cum festo simplici, habet integras Vesperas.

4. Semiduplici festo et dominicâ concurrentibus cum sequenti duplici, Vesperae dicuntur de duplici; concurrentibus verò cum alio semiduplici aut dominicâ, Vesperae fiunt à capitulo de sequenti: concurrentibus tandem cum simplici, de præcedenti dicantur.

5. Simplex cum aliis non potest concurrere, quia non habet secundas Vesperas. Si sequatur aliud simplex, Vesperae erunt de sequenti.

6. In diebus infra octavam non fit concursus, cum Vesperae dicantur ut in die, ut in proprio loco notatur. Si sequens festum est duplex,

et præcedens semiduplex, aut vice versâ, antiphonae duplicantur in Vesperis: et oratio, si fuerit propria, dicitur in Vesperis duplicis sive præcedentis sive sequentis, cujus causâ officium fit duplex.

7. FERIA non potest concurrere cum aliâ feriâ, neque cum alio officio in secundis vespers, quia ejus officium incipit et desinit, ubi desinit et incipit quodcumque aliud officium.

8. Cum verò occurrit, ut festum simplex veniat in feriis quatuor Temporum, in feriâ quarta Cinerum, et in aliquâ Vigiliâ, non dicuntur de eo primæ Vesperae, quia in sequenti die non habet officium, sed tantum fit de eo commemoratio.

§. 11.

De ordinando Officio ex prædictis Rubricis.

1. Si quis velit ex supra dictis Rubricis ordinare officium diei, videat in kalendario, et in tabulâ festorum mobilium, de quo fiat officium die sequenti, et ut invenerit esse faciendum, sic ordinavit illud in Vesperis, et in aliis Horis nocturnis et diurnis.

2. Si ordinandum est officium de Tempore, id est, de dominicâ, vel de feriâ, recurrendum est ad Psalterium, ubi ordinatè ponitur quod est commune officii de Tempore, et ad proprium de Tempore, ubi ponuntur, quæ desunt in Psalterio.

3. Si ordinandum est officium de aliquâ Festivitate, recurrendum est ad proprium Festivatum, ubi quæ sunt cuilibet Festo propria inveniuntur, et ad commune Festivatum, ubi pro qualitate festi, et Temporis ponuntur ea quæ in festivitatibus propria non habentur.

Caput. II.

De singulis Officiis Horis.

§. 1.

De Matutino.

1. Ad Matutinum semper dicitur antè secreto *Ave Maria*, quod etiâ servatur in aliis Horis. Deinde: *Do-*

mine labia mea etc. pollice signando sibi os signo crucis. *Deus in adiutorium etc.* manu extensâ signando se signo crucis à fronte ad pectus, et à sinistro humero usque ad dextrum (quod etiâ servatur in principio aliarum Horarum) cum *Gloria Patri etc.* ut in principio Psalterii.

2. Deindè dicitur *Invitatorium* conveniens officio cum *Psalm*o *Invitatorio*, ut ibi etiâ describitur. Dicto *Psalm*o et repetito *Invitatorio*, dicitur *Hymnus*, qui officio de Tempore vel festivitate conveniat.

3. Postea in duplicibus et semiduplicibus dicuntur tres nocturni. In quolibet nocturno dicuntur tres psalmi cum tribus antiphonis: sed in tempore Paschali seu Vitae gaudiosae, nisi aliter notetur, tres Psalmi dicuntur sub unâ antiphonâ in quolibet Nocturno.

4. In fine Psalmorum cujuscunque Nocturni dicitur *Versus* deindè *Pater Noster*, *Absolutio* et *Benedictio*, quæ in dominicâ ponuntur. Post hæc sequuntur *tres lectiones* cum *Responsoriis*.

5. In primo nocturno leguntur tres Lectiones de Scripturâ, quae per ordinem in proprio de Tempore ponuntur. nisi aliae in proprio loco assignentur. In duplicibus majoribus quae proprias Lectiones de Scripturâ non habuerint, dicuntur de communi, ut ibi annotatur. Post singulas Lectiones dicitur unum *Respons.* officio conveniens.

6. In secundo nocturno post Psalmos, antiphonas, versus etc. dicuntur lectiones de aliquo sermone aut de Historiâ illius Festivitatis, de quâ fit officium, et ad quamlibet Lectionem, conveniens *Responsorium*.

7. In tertio nocturno similiter post Psalmos et cætera superius assignata, legitur Homilia in Evangelium, quae singulis officiis assignatur. Post septimam et octavam dicitur etiâ *Responsorium*, et aliquandò post nonam, ut suis locis notatur.

8. In officio trium Lectionum

dicitur tantum unum nocturnum, ut in feriali officio, id est, novem Psalmi cum tribus antiphonis, et tempore paschali cum unâ antiphonâ.

9. Post psalmos et Antiphonas dicitur *Versus* ut in Psalterio, tam in feriali officio quam simplici. Post versum *Pater noster*, absolutio, benedictiones, et tres Lectiones convenientes.

10. In officio feriali singulae Lectiones dicuntur de Scripturâ, quae eo die occurrat: si adsit Homilia, singulae tres de Homiliâ, et post singulas Lectiones *Responsorium*.

11. In simplici prima et secunda Lectio erit de Scripturâ occurrente, tertia de festo. Si fuerint duae Lectiones de festo prima tantum erit de Scripturâ. Si tres, nulla Lectio erit de Scripturâ.

12. Matutinum finitur Cantico *Te Matrem* nisi omittendum sit: quando verò omittitur, finitur ultimo *Responsorio*.

§. 2.

De Laudibus.

1. Ad Laudes, expleto Matutino, absolute dicitur: *Deus in adiutorium etc.* et dicuntur psalmi et Canticum cum antiphonis officio congruentibus.

2. Antiphonae in dominicis et in feriis, si propriae non assignantur, ut in Psalterio. In festis, quando non adsint propriae, dicuntur de Comuni Festivitatum.

3. Post psalmos et antiphonas legitur capitulum, hymnus, versus, antiph. ad *Benedic.* cum eodem cantico et oratio, omnia pro qualitate officii de tempore vel de festo.

4. Preces, quando dicendae sunt, dicuntur arte orationem: suffragia similiter, quando sunt facienda, dicuntur post orationem.

5. Ante orationem, dicitur: *Domine, exaudi orat.* etc. et *Oremus* et post orationem repetitur *Domine, exaudi* deindè *Benedicamus Domino...* et *Fidelium animæ. Pater noster et Dominus det nobis etc.* et antiphona Beatae MARIE, ut habetur in fine

LVI.

Brev. Mariani.

psalterii, si tunc finiatur officium ; alioquin haec *antiphona* dicitur post ultimam Horam.

6. Quando fiunt suffragia, *Domine exaudi*, non repetitur, nisi post ultimam orationem.

§. 3.

De Primâ.

1. Ad Primam *Ave Maria...* secretò *Deus in adjut.* Hymnus *Ortus ref.* et deinde inchoatur antiphona conveniens,

2. Sumuntur antiphonae ad omnes Horas in festis ex Laudibus per ordinem, quartâ praetermissâ.

3. Inchoatâ antiphonâ dicuntur tres Psalmi, ut in Psalterio ponuntur, et Symbolum *Quicumque*, quando fit officium de dominicâ.

4. Post antiphonam dicitur capitulum ut in Psalterio in feriali officio, et in festis capitulum Laudum.

5. Post capitulum *ñ.* breve, *Virgo Mater etc.* Preces (si dicendae sint), *versus Domine exaudi.* *Oremus* et oratio ut in Laudibus.

6. Versus *ñ.* brev. mutatur in quolibet tempore, et in pluribus Festivitatibus, ut suis locis notatur.

7. Preces quae dicendae sunt, quando non sit de duplici, aut de infra octava, dicuntur post *ñ.* brev. et ante orationem.

8. Post orationem dicitur *ñ.* *In saeculum.* Oratio *Sancta MARIA... Pater noster.* Ac deinde Absolutio et Benedictio ante Canonem.

9. Dicto Canone finitur Prima cum *ñ.* *Fidelium.*

§. 4.

De Horis Tertia, Sexta, et Nonâ.

1. Ante singulas has Horas dicitur secretò *Ave Mar.* deinde *Deus in adjutor.* etc. Hymnus, et inchoatur antiphona dicenda secundum officii qualitem ordine quo suprâ.

2. Deinde dicuntur Psalmi, ut in Psalterio. Post Psalmos antiphona prius inchoata, Capitulum, *ñ.* breve et Oratio, quae si in festis proprio festivitatum non fuerint propria, dicuntur de communi, et in dominicis et feriis ut in Psalterio.

§. 5.

De Vesperis.

1. Ad Vesperas *Ave Maria*, secretò: *Deus in adjutor*, etc. Deinde quinque Psalmi cum quinque antiphonis, ut assignantur in Psalterio pro feriali officio, et in proprio vel communi Festivitatum pro Festivitatibus.

2. Psalmi semper dicuntur, ut in feriâ occurrenti, nisi aliter notetur. Pro duplicibus primae et secundae classis in utrisque vespers notantur in communi festivitatibus. Tempore paschali in feriali officio dicuntur sub unâ antiphonâ.

3. Post Psalmos et antiphonas dicitur capitulum, hymnus, versus, antiphona ad *Magnificat*, cum eodem cantico et oratio, omnia de Tempore, vel de Festivitatibus pro qualitate officii.

4. Preces, quando dicendae sunt, dicuntur post Orationem.

5. Terminatur officium in Vesperis, ut in aliis Horis.

§. 6.

De Completorio.

1. Completorium absolute incipitur per *ñ.* *Converte nos Deus.* et deinde *Deus in adj.* antiphona, quatuor Psalmi in dominicâ, et tres in aliis diebus tam ferialibus, quam festivis, ut in Psalterio.

2. Post psalmos dicitur antiphona, hymnus, capitulum, *ñ.* breve, canticum *Nunc dimittis*, cum antiphonâ, et post antiphonam Oratio.

3. Preces, quando sunt faciendae, dicuntur ante orationem, ut de more.

4. Post *ñ.* *Benedicat nos.* dicitur una ex antiphonis B. *MARIÆ* cum *ñ.* et oratione pro temporis diversitate, ut in Laudibus dictum est, et tandem *Dignum auxilium.*

5. Terminatur Completorium et totum officium dicendo secretò *Pater. Ave, Credo et Sacrosantæ et individuae*, cum alio *Pater et Ave* pro defectibus commissis.

Caput. III.

De Singulis Horarum partibus.

§. 1.

De Invitatorio.

1. Invitatorium semper dicitur in omni officio ad Matutinum, cum psalmo invitatorio, *Venite exultemus*, ordine in principio Psalterii descripto, sed variatur pro qualitate officii, ut in Psalterio, proprio de Tempore, et proprio et communi festivitatum notatur.

2. In die Epiphaniae, et triduo ante Pascham omittitur.

3. Tempore paschali additur in fine duplex *Alleluia*.

§. 2.

De Hymnis.

1. Hymni semper dicuntur ad omnes horas, praeterquam in triduo ante pascham usque ad dominicam in albis.

2. Ad Matutinum hymnus dicitur post psalmum Invitatorium, excepto die Epiphaniae. Ad Laudes et Vesperas post capitulum: ad Horas ante Psalmos: ad Complet. post psalmos et antiphonam, et ante capitulum.

3. Dicuntur autem in officio de tempore, ut in Psalterio, si proprii in proprio de tempore non habeantur. Similiter in festis, si proprios hymnos non habent in suo proprio, dicuntur de communi.

§. 3.

De Antiphonis.

1. Ad omnes Horas sive nocturnas, sine diurnas dicuntur semper cum Psalmis antiphonae, vel una, vel plures pro diversitate officii vel horarum.

2. Si de tempore fiat officium, dicuntur antiphonae, ut in psalterio, nisi propriae assignentur, exceptis antiphonis ad *Bened.* et ad *Magnificat* in quâlibet dominicâ quae habentur propriae per totum annum.

3. Quando in Vesperis dicendae sint antiphonae de Laudibus, suis locis notatur.

4. Ad Horas dicuntur semper antiphonae de Laudibus, quartâ praetermissâ hoc ordine: ad Primam primâ, ad Tertiam secundâ, ad Sextam tertiâ, ad Nonam quintâ.

5. Tempore paschali Psalmi cu-

juslibet Nocturni dicuntur sub unâ antiphonâ, quae officio conveniat; et in fine cujuslibet antiphonae additur, *alleluia* quando in illis non habetur.

6. In duplicibus ad Vesperas, Matutinum, et Laudes tantum antiphonae dicuntur integrae ante et post psalmos et Cantica. In aliis horis, et in officio non duplici, in principio psalmi vel Cantici inchoantur tantum, et in fine dicuntur integrae.

§. 4.

De Psalmis.

1. Psalmi tam in officio de tempore, quam in officio de Festivitate per omnes horas dicuntur, eo ordine quo positi sunt in psalterio, nisi in proprio Festivitatum aliter notentur.

2. In primis Vesperis solemnissimum primae et secundae classis dicuntur psalmi, qui ante commune Festivitatum notati sunt. In secundis Vesperis dicuntur Psalmi de dominicâ, excepto ultimo, in cujus loco ponitur psalm. *Lauda Jerusalem.*

3. In Laudibus et Completorio earundem solemnissimum, dicuntur psalmi de dominicâ. Excipiuntur psalmi completorii post secundas Vesperas duplicium secundae classis, qui dicuntur de feriâ occurrenti.

4. Psalmi ad Matutinum in duplicibus primae et secundae classis, qui non fuerint proprii dicuntur de dominicâ.

5. Psalmi ad Primam, Tertiam, Sextam et Nonam semper dicuntur ut in psalterio, tam in officio de tempore, quam in festivitatis.

6. In fine psalmorum semper dicitur Gloria Patri, praeterquam in triduo majoris Hebdomadae ante Pascham.

7. In hoc triduo ponuntur psalmi proprii, qui in illis diebus tantum recitantur.

§. 5.

De Canticis.

1. Cantica dicuntur tam in officio de tempore, quam in festivitatis ad Laudes, Vesperas, et Com-

LVIII.
pletorium, ut in psalterio ordinantur.

§. 6.

De Versibus.

1. Versus semper dicuntur ad Matutinum post ultimum psalmum et antiphonam cujuslibet nocturni, ad Laudes et Vesperas post Hymnum, et ad alias Horas et Completorium in *n.* brevi.

2. In Pascha Resurrectionis et per octavam versus tantum dicitur in nocturno. In aliis Horis non dicitur.

3. Versibus praedictis tempore paschali semper additur *alleluia*: non autem versibus Precum, neque versibus *n.* ad Matutinum.

4. Versus ponuntur in psalterio pro officio de tempore, et in proprio vel communi Festivitatum pro Festivitatibus.

§. 7.

De Absolutionibus et Benedictionibus.

1. Absolutiones et Benedictiones dicuntur per ordinem in officio novem Lectionum ante Lectiones, ut in psalterio ponuntur, praeterquam in Triduo majoris Hebdomadae in quo omittuntur.

2. Si fiat officium trium Lectionum, Absolutio et Benedictiones dicuntur hoc ordine: Feria II et V. dicuntur ut in primo nocturno: Feria III. et VI. ut in secundo noct. et in Feria IV. et Sabbato, ut in tertio Noct. excepto quod in Feria IV. et et Sabbato prima Benedictio, nisi legatur Evangelium, erit: *Nos cum prole pidi...* loco Benedictionis *Evangelica Lectio*.

3. Si autem singulae tres Lectiones in quolibet feria sint de Homilia super Evangelium Absolutio dicitur secundum ordinem feriae, ut supra, Benedictiones vero ut in tertio nocturno.

4. Quando vero tertia Lectio in officio trium Lectionum, et nona in officio novem erit Homilia super aliud Evangelium, pro tertia, vel nona Benedictione dicitur: *Per evangelica dicta*.

5. Benedictio octava in diversis

Brev. Mariani.

temporibus mutatur, et multoties in diversis Festivitatibus ejusdem Temporis.

6. In diebus infra octavam dicitur octava Benedictio ut in die, nisi alicui festo propria adsit.

7. In Prima Absolutio et Benedictio ante Canonem semper dicitur sine variatione, ut in suo loco ponitur.

§. 8.

De Lectionibus.

1. Lectiones leguntur ad Matutinum post versum nocturnorum.

2. In duplicibus et semiduplicibus dicuntur novem: id est tres in quolibet nocturno. In Feriis, in Vigiliis, et in simplicibus leguntur tres tantum.

3. In primo nocturno in officio novem Lectionum semper leguntur tres Lectiones de Scriptura, quae quando suis in locis non assignantur, sumuntur de Feriis pro Tempore.

4. In secundo nocturno, si fit de aliquo festo. Lectiones leguntur, vel de Historia illius, vel de aliquo sermone, aut tractatu, qui ei conveniat: quae Lectiones, si non adsint propriae, leguntur de communi Festivitatibus.

5. De communi festivitatum etiam completur numerus trium Lectionum alicujus Festi, quod tantum habeat unam vel duas Lectiones proprias in secundo Nocturno.

6. Si fit de dominica vel de alio festo novem Lectionum per annum, etiam de infra Octav. leguntur tres Lectiones de sermone, qui in illis ponitur.

7. In tertio nocturno semper leguntur tres Lectiones de Homilia in Evangelium posita in proprio vel in communi assignatae.

8. Primae Lectioni de Homilia semper praepontur principium Evangelii de quo est ipsa Homilia.

9. Excipitur ab hoc ordinario lectionum Matutinum tridui majoris Hebdomadae ante pascham.

10. Pro recitatione Lectionis ad

Rubricæ generales.

LIX.

commemorationem simplicis, aut vigiliae, aut dominicae vide Rubricam sub titulo de *Commemorationibus*.

11. In recitatione Homiliae propriae Festi, quod habet commemorationem, translati ad aliam diem in quâ nulla occurrit commemoratio fieri, attendatur ad divisionem Homiliae, ut nulla desit Lectio facienda.

12. Officio trium Lectionum, si fiat de feriâ tres Lectiones leguntur de Scripturâ seriae occurrentis. Si fiat de simplici, quod habeat duas lectiones proprias, prima tantum erit de Scripturâ, secunda et tertia de festo. Si unam tantum habeat, prima et secunda de Scripturâ, tertia verò de festo.

13. Lectiones Scripturae variantur per annum. Tempore Expectationis leguntur quotidie, quando propriae non assignantur ut in dominicâ illius temporis, in quâ celebratur Festum *Prædeterminationis* ab Æterno. Aliae verò leguntur tempore Infantiae, aliae in Prægnatione, aliae in Puerperio, aliae demum in quolibet alio tempore.

14. Singulae dominicae per annum suas proprias in tribus nocturnis habent Lectiones.

15. Lectiones primi nocturni leguntur cum titulo Libri, ex quo sumuntur, excepto triduo majoris Hebdom. et die SS. Patris.

16. Lectiones secundi nocturni leguntur etiam cum titulo quando sunt de aliquo sermone, vel tractatu, addito nomine auctoris: aliàs minimè.

17. Similiter in tertio nocturno præponitur nomen auctoris, cujus est Homilia.

18. Commemorationes simplicium leguntur similiter cum titulo Lectioni præposito.

19. In fine cujuscumque Lectionis dicitur: *Tu autem, Domine nostra intercede pro nobis*, et respondetur *Deo gratias*. Triduo ante Pascham excepto, ut ibi volatur.

§. 9.

De Responsoriis post Lectiones.

1. Responsoria dicuntur post Le-

ctiones ad Matutinum: id est, post quamlibet Lectionem dicitur unum Responsorium.

2. In duplicibus primæ classis dicuntur novem Responsoria, et post novum dicitur Canticum: *Te Matrem Dei*.

3. In dominicis Prægnationis, et à septuagesimâ inclusive usque ad Pascham, et triduo ante Pascham dicuntur etiam novem Responsoria, sed sine Cantico *Te Matrem*.

4. In diebus infra Octavam duplicium primæ classis novum Respons. dicitur post octavam Lectionem, omisso Responsorio octavo, quod solum in die dicitur.

5. In duplicibus primæ classis post capitulum in utrisque Vesperis dicitur etiam Responsorium, quod novum est in ordine Matutini.

6. In duplicibus secundæ classis, et in aliis festis duplicibus et semiduplicibus, ac in dominicis supra non exceptis, dicuntur tantum octo Responsoria.

7. In ultimo Responsorio cujuslibet nocturni, et in Responsorio post Capitulum ad Vesperas, quando dicitur, additur *Gloria Patri*, et repetitur pars Responsorii assignata asterisco, vel totum Responsorium in duplicibus primæ et secundæ classis, et tempore Passionis, in quo non dicitur *Gloria Patri*.

8. In officio autem trium Lectionum, quando fit de festo simplici, et in feriis temporis Paschalis (exceptâ feriâ secundâ Rogationum), dicuntur duo Responsoria, quia post tertiam Lectionem dicitur Canticum *Te Matrem*.

9. In aliis feriis extra tempus Paschale, ac in vigiliis non exceptis dicuntur tria Responsoria: quæ Responsoria, si non fuerint propria, sumuntur semper, etiam in simplicibus Festis, de Tempore occurrenti.

10. Tempore paschali in fine Responsorii ante *γ.* additur duplex *alleluia*.

§. 10.

De Hymno Te Matrem.

1. Hymnus *Te Matrem* dicitur

LX.

Brev. Mariani.

in omnibus festis per annum, tam trium, quàm novem Lectionum, et per eorum octavas: Dicitur etià in omnibus dominicis à dominicà Expectationis usque ad Prægnationem, seu Adventum Domini: à dominicà infra Octav. SS. Partûs usque ad Septuagesimam, et à dominicà Resurrectionis usque ad finem anni Mariani, et in omnibus feriis Temporis paschali.

2. Non dicitur in dominicis Prægnationis, neque in dominicis à Septuagesimà ad pascham, neque in ferià secundà Rogationum, neque in aliis feriis extra tempus paschale.

3. Cum dicitur, omittitur nonum Responsorium, exceptis duplicibus primæ classis, vel tertium Responsorium nocturni, et statim dicitur post ultimam Lectionem.

4. Cum non dicitur, ejus loco ponitur nonum vel tertium nocturni Responsorium, quo dicto, statim inchoantur Laudes: similiter quando dicitur *Te Matrem* eo hymno dicto, statim inchoantur Laudes.

§. 11.

De Capitulis.

1. Capitula semper dicuntur ad Vesperas, Laudes, et alias Horas, dictis Psalmis et Antiphonis, et ad Completorium post Hymnum.

2. Capitula omittuntur omnino à feria V. majoris Hebdomadæ usque ad Vesperas Sabbati in Albis exclusivè.

3. In proprio de tempore dicuntur, ut in Psalterio, dominicis illis, quæ propria capitula habuerint, exceptis: In festis autem dicuntur vel ut in proprio, vel ut in communi festivitatum.

4. In festis Capitulum positum in Vesperis regulariter dicitur quod ad Laudes, ad Primam, et ad secundas Vesperas.

§. 12.

De Symbolo Quicumque.

1. Symbolum *Quicumque* dicitur ad Primam post Psalmum *Retribue* in omnibus dominicis per annum, quando officium fit de dominicà.

2. In dominicis in quibus fit officium de aliquo duplici, omittitur.

3. Omittitur quoque in dominicis Paschæ et Pentecostes, et in aliis dominicis infra Octavassemnitatum.

§. 13.

De Responsorii brevibus.

1. Responsorialia breviter dicuntur post Capitulum ad Primam, ad Tertiam, ad Sextam et ad Nonam, et ad Completorium.

2. A ferià autem V. majoris Hebdomadæ usque ad dominicam in Albis exclusivè non dicuntur.

3. Ad Primam et Completorium semper dicuntur eodem modo, ut in Psalterio.

4. Ad alias Horas dicuntur, ut in Psalterio, si fiat de tempore, et ut in proprio vel communi Festivitatum, si fiat de Festo.

5. Tempore Passionis loco *Glor. Patri* repetitur Responsor. ab initio, ut ibi notatur, et extra illud tempus repetitur post *Gloria Patri*.

6. Versus *ñ.* brevi ad Primam mutatur sæpè sæpius per annum, tam in officio de tempore, quam in festivitibus.

7. Tempore paschali in Respons. brevibus additur duplex *alleluia*, quæ etià repetuntur, loco partis Responsorii, quæ esset repetenda.

§. 14.

De Oratione.

1. Oratio in Vesperis et Laudibus dicitur post antiphon. ad *Magnif.* et ad *Benedict.* nisi quando dicendæ sunt preces, quæ dicuntur post antiph. et ante orationem.

2. Ad primam et ad alias Horas oratio dicitur post Respons. breve, excepto quando dicuntur preces in Primà, quia tunc dicitur post preces.

3. In Completorio, si dicuntur preces, dicitur oratio post preces: si non sunt preces dicitur post antiph. ad *Nunc dimittis*.

4. In Completorio semper dicitur eadem oratio, excepto triduo ante Pascham: In aliis Horis regulariter dicitur oratio, quæ dicta est ad primas Vesperas, vel ad Laudes.

5. *Oratio dominicæ præcedentis* dicitur in feriali officio per totam Hebdomadam, quando propria non assignatur.

6. In diebus infra octavam dicitur oratio, ut in die, similiter et in die octavâ, nisi alia notetur.

7. Ante orationem semper dicitur *Ÿ. Dom. exaudi. et Oremus:* et in fine repetitur *Ÿ. Dom. exaudi* postquam responsum fuerit Amen.

8. Si oratio dirigatur ad Patrem, concluditur *Per Dominum:* Si ad Filium: *Qui vivis...* Si in principio fiat mentio Filii: *Per eundem Dom.* Si verò in fine: *Qui tecum vivit...* Si fiat mentio Spiritûs Sancti: *in unitate ejusdem Spiritûs Sancti.*

§. 15.

De Precibus.

1. Preces feriales ad Laudes et ad Vesperas post *ant.* ad *Magnif.* et ad *Bened.* dicuntur tantum quando fit officium de feriâ extra tempus paschale.

2. In Adventu, in Quadragesimâ, in Quatuor Temp. (excepto infra Octav. Pentecostes) et in Vigiliis (præterquam in Vigil. SS. Partûs, Epiph. et Assumptionis), recitantur flexis genibus.

3. Preces ad Primam, et ad Complet. dicuntur quando non fit officium duplex, vel de infraoctav. et flexis genibus in advent. in Quadrages. ut in Laudibus.

§. 16.

De Suffragiis Sanctorum.

1. Suffragia Sanctorum dicuntur extra tempora Prægnationis, Puerperii, Vitæ dolorosæ et gaudiosæ post orationem in Vesper. et Laudib. in semiduplicibus, in simplicibus, in dominicis et in feriis.

2. In duplicibus, in diebus infraoctav. et in temporibus supra citatis, suffragia Sanctorum omittuntur.

§. 17.

De Canone.

1. Quotidiè in Primâ præterquam in triduo majoris Hebdomadæ, post Absolutionem et Benedictionem legitur Canon cum suo titulo.

2. In dominicis et feriis legitur ut in Proprio de Tempore juxta temporis et feriæ diversitatem, quod idem observatur in festis proprium Canonicum non habentibus.

3. Quando omittitur aliqua Dominica cum suâ hebdomadâ, Canones totius hebdomadæ quæ illam sequuntur, etiâ omittuntur.

4. Canones dominicarum et feriarum Februarii, quando hæ dominicæ et feriæ venerint post Septuagesimam, transferuntur qui lecti non fuerint, ad ultimas Dominicas et Hebdomadas post Pentecostem, eorum ordine servato.

5. In fine Canonis semper dicitur: *Tu autem, Domina nostra, intercede pro nobis:* et respondetur: *Deo gratias.*

§. 18.

De Oratione Dominicâ.

Pater noster.

1. Oratio dominicâ dicitur secretò post psalmos in quolibet nocturno: in fine Laudum ante *antiph.* de Tempore: in Primâ post orationem *Sancta MARIA:* in Completor. post eandem antiphonam, et tandè ante preces, quando dicendæ sunt.

2. Quando dicitur, solum profertur clarâ voce: *Pater noster.* et ultima verba: *Et ne nos... Sed libera.* ante et post antiphon. B. V. dicitur tota secretò.

§. 19.

De Salutatione angelicâ.

1. Salutatio angelica Ave MARIA semper dicitur secretò ante omnes horas, præterquam in Completorio, in cujus initio omittitur, sed dicitur in ejus fine unâ cum *Pater nost.* et Symbolo Apostol.

§. 20.

De Antiphonâ B. Virginis.

1. Antiphonæ Beatæ MARIE, vel de temporæ positæ in fine Psalterii, dicuntur pro temporis diversitate, ut ibi annotatur, (præterquam in triduo ante Pascham) in fine Laudum, sive ultimæ horæ, et in fine Complet.

2. Dicuntur autem flexis genibus, excepto die dominicâ à primis

LXII.*Brev. Mariani.*

vesperis, et toto tempore paschali.

§. 20.*De Symbolo Apostolorum.*

1. Symbolum Apostolorum *Credo* dicitur quotidie in fine Completorii dicto *Pater noster* et *Ave Mar.*

2. Terminatur officium cum oratione *Sacrosanctæ et alio Pater et Ave.*

Caput IV.*De Officio Parvo.***§. 1.***De Officio parvo Immaculatæ Conceptionis.*

1. Hoc officium parvum dicitur in Sabbatis per annum, quando fit officium de Sabbato.

2. In Sabbatis Quadragesimæ et Vitæ gaudiosæ seu tempore paschali non dicitur.

3. Quando dici debeat, in Matutinis et in Vesperis præponitur officio diei, et in aliis horis postponitur.

4. Cum postponatur, recitari debet post *ŷ. Benedicamus Domino*, etiã in Primâ, ei tunc finitâ Primâ officii Parvi, concluditur Prima feriæ.

5. Quomodo autem recitari debeat, in proprio loco dicitur.

§. 2.*De Officio Parvo septem Dolorem.*

1. Hoc officium dicitur tantum in feriis sextis Quadragesimæ; quando fiat officium de feriâ.

2. In aliis feriis sextis per annum ommittitur, etsi fiat de feriâ, nisi dicatur ad libitum.

3. Quando dici debeat, etiã præponitur officio diei in Matutinis et in Vesperis, et dicitur post *ŷ. Benedicamus Domino*. ut in alio officio parvo ordinatur.

4. Post Completorium hujus officii recitantur Litanie septem Dolorum.

TABELLA FESTIVITATUM**JUXTA RITUS QUALITATEM.****DUPLICIA I. CLASSIS.**

—
Nativitas B. M. V.
Encænïa omnium Eccl. B. V.
Omnes Festivitates B. V. M.
Præsentatio B. M. V.
Conceptio immaculata B. V.
Partus B. M. V.
Epiphania Domini.
Desponsatio B. V. M.
Purificatio B. V. M.
Annuntiatio B. V. M.
Feria V. in Cœna Domini.
Feria VI. in Parasceve.
Sabbatum Sanctum.
Dominica Resurrectionis.
Feria II. post Pasch.

Feria III. post Pasch.

Ascensio Domini.

Pentecostes.

Feria II. post Pent.

Feria III. post Pent.

SS. Corpus Christi.

Visitatio B. M. V.

Assumptio B. M. V.

SS. Cor B. M. V.

DUPLICIA II. CLASSIS.

—
Prædestinatio B. V. M. ab æterno.
Septem dolores B. V. M.
Oblatio B. V. M. in Templ.
Circumcisio Domini.
Baptismus B. V. M.
Martyrium B. V. M.

SS. Sponsus B. V. M.
Virginitas B. V. M.
Coronatio B. V. M.

DUPLICIA MAJORA.

Expectatio Nativ. B. V.
Præsignatio B. V. M.
B. V. in utero materno.
Octava Nativit. B. V.
B. V. de Mercede.
Misericordia B. V. M.
SS. Oculi B. V. M.
SS. Rosarium B. V. M.
B. V. de Columnâ.
Octava Encæniarum.
Paritas B. V. M.
Septem dona B. V. M.
D. V. Dertus. de Cingulo.
Octava omnium Festiv.
Patrocin. B. V. M.
Sept. Virtut. B. V.
Octava Præsentation.
Annunt. Concept. B. V.
Translatio domûs B. V. M.
Octava Immac. Concept.
Expectatio Partûs B. V. M.
SS. Uterus B. V. M.
Maternitas B. V. M.
Octava Epiphaniæ.
SS. Ubera B. V. M.
Decem Benaplacita B. V.
Dolor B. V. in Sim. Prophet.
Octava Purificationis.
Fuga in Ægyptum.
Vita interior B. V.
Reversio de Ægypto.
SS. Capilli B. V. M.
Amissio pueri JESU.
Inventio pueri JESU.
Octava Annuntiationis.
Gaudia B. V. M.
Nobilitas B. V. M.
Auxilium Christianor.
Septem verba B. V. M.
Pulchritudo B. V. M.
Octava Ascensionis.
Octava SS. Corporis Chr.
Octava Visitationis.

LXIII.

B. V. de Monte Carmelo.
SS. Parentes B. V. M.
SS. Corpus B. V. M.
Dedicat. ad Nives.
Viduitas B. V. M.
SS. Vita B. V. M.
Feliciss. Obitus B. V.
Exaltatio B. V. M.
Beatitudo B. V.
Octava Assumption.
SS. Reliquiæ B. V.

*Festa Duplicia, Semiduplicia et Sim-
plicia assignata jam in Calendario
non annotantur.*

DOMINICÆ

in quibus fit Duplex.

Dominica Resurrect.
Dominica in Albis.
Domin. Pentecostes.

DOMINICÆ

*Semidupl. I. Classis quæ nun-
quam omittuntur.*

Dom. I. Infantiae.
Dom. I. Prægnationis.
Dom. I. Quadrages.
Dom. I. Passionis.
Domin. Palmarum.

DOMINICÆ

*Semid. II. Classis quæ non omittun-
tur nisi in Duplicibus I. Classis.*

Dom. II. III. et IV. Prægnat.
Domin. infra oct. SS. Part.
Dom. Septuagesimæ.
Dom. Sexagesimæ.
Dom. Quinquagesimæ.
Dom. II. III. et IV. Quadr.

FERIÆ MAJORES.

Quæ nunquam omittuntur.

Feria IV. Cinerum.
Feriæ majoris Hebdom.

FERIÆ.

De quibus saltem fit. Comm.
Quatuor tempora.
Feria II. Rogation.
Vigilia.

ORATIO

Dicenda ante officium, id est, ante Matutinum.

Aperi, Domine, os meum ad benedicendum nomen sanctum tuum, et ad laudandum et invocandum sanctissimam Genitricem tuam: munda quoque cor meum ab omnibus vanis, perversis et alienis cogitationibus: intellectum illumina, affectum inflamma, ut dignè, attente ac devotè *has ejus laudes recitare valeam*, et, *ipsâ intercedente*, exaudiri merear aule conspectum divinæ Majestatis tuæ, Qui vivis et regnas in sæcula sæculorum. Amen.

ORATIO

Dicenda in fine Officii, id est, post Completorium.

Sacrosanctæ et individue Trinitati, crucifixi Domini nostri JESU-Christi humanitati, beatissimæ et gloriosissimæ, sempèrque Virginis MARIE sæcundæ integritati, et omnium Sanctorum universitati, sit sempiterna laus, honor, virtus et gloria ab omni creaturâ, nobisque remissio omnium peccatorum, per infinita sæcula sæculorum. *ñ* Amen.

†. Beata viscera MARIE Virginis quæ portaverunt æterni Patris Filium.

ñ. Et beata ubera quæ lactaverunt Christum Dominum.

Pater. Ave. Credo.



PSALTERIUM

DISPOSITUM

PER HEBDOMADAM

CUM ORDINARIO OFFICII DE TEMPORE.

DOMINICA.

AD MATUTINUM.

Ante Matutinum, et omnes Horas, præterquam ad Completorium, dicitur secretò:

Ave MARIA, gratiâ plena, Dominus tecum: benedicta tu in mulieribus, et benedictus fructus ventris tui JESUS. Sancta MARIA, Mater Dei, ora pro nobis peccatoribus, nunc et in horâ mortis nostræ. Amen.

Deindè clarâ voce dicitur.

†. Domine, labia mea aperies.

℣. Et os meum annuntiabit laudem tuam.

†. Deus, in adjutorium meum intende.

℣. Domine, ad adjuvandum me festina.

Gloria Patri, et Filio, et Spiritui Sancto.

Sicut erat in principio, et nunc et semper, et in sæcula sæculorum. Amen.

Alleluia.

Loco Alleluia à Septuagesimâ usque ad Pascha dicitur: Laus tibi, Domine Rex æternæ gloriæ.

Invitatorium. Ave MARIA, gratiâ plena: * Dominus tecum. *Repetitur.* Ave MARIA, gratiâ plena: Dominus tecum.

PSALMUS INVITATORIUS.

Venite, exultemus MARIÆ, jubilemus Domine Reginæ nostræ: præcuremus faciem ejus in jubilatione, et in canticis collaudemus eam.

Ave MARIA, gratiâ plena; Dominus tecum.

Quoniam Imperatrix magna et advocata potens super omnes Sanctos: quoniam non repellit Dominus preces MARIÆ, quia in manu ejus posuit thesauros gratiarum, et miseras nostras ipsa conspicit.

Dominus tecum.

Quoniam MARIA est Mater nostra, et protegit filios diligentes ipsam: venite, adoremus, et procidamus ante eam: confiteamur illi cum fletibus peccata nostra, quoniam populus sumus MARIÆ, et oves pascuæ ejus.

Ave MARIA, gratiâ plena: Dominus tecum.

Hodiè si exultabimus salutiferæ Domine nostræ: jubilabimus in lætitiâ cordis nostri, quoniam implebit nobis indulgentiam plenam, et assistet pro nobis ante tribunal Dei.

Dominus tecum.

Cantemus ergò gloriosæ Genitrici-

ci Dei, in hymnis et confessionibus benedicamus eam, quia suscipiet in fine animas nostras, et introducet nos in requiem æternam.

Ave MARIA, gratiâ plena, Dominus tecum.

Gloria Patri, et Filio, et Spiritui Sancto. Sicut erat in principio et nunc, et semper, et in sæcula sæculorum. Amen.

Dominus tecum.

Ave MARIA, gratiâ plena.

Dominus tecum.

HYMNUS 1. *Ex quod. Devot.*

Salve, Regina Empirei,

Mater misericordiæ,

Unica spes mortalium,

Et vera fons dulcedinis.

Nos Evæ filii exules

Voces clamantes mittimus,

Et suspirantes gemimus

In valle plenâ lacrymis.

Eja advocata pauperum,

Eja lux alma in tenebris,

Vultum gratiosi luminis

Converte, ó cara Genitrix.

Fructum tui ventris virginis,

Quem nos videre cupimus,

Ostende post exilium

In sempiterna sæcula.

Doxologia de tempore.

IN I. NOCTURNO.

Per ann. antiph. Qui me invenerit.

Temp. advent. Missus est.

Temp. pasch. Convertisti.

PSALM. 1.

Beatus vir, qui diligit nomen tuum, MARIA Virgo: * gratia tua animam ejus confortabit.

Tanquàm lignum aquarum fontibus irrigatum uberrimè: * in eo fructum justitiæ propagabis.

Benedicta tu inter mulieres, * propter humilitatem et credulitatem cordis sancti tui.

Universas enim feminas vincis

pulchritudine carnis: * superas Angelos et Archangelos excellentiâ sanctitatis.

Misericordia tua et gratia ubiquè prædicatur: * Deus operibus manuum tuarum benedixit.

Gloria Patri, et Filio, * et Spiritui Sancto.

Sicut erat in principio, et nunc et semper: * et in sæcula sæculorum. Amen.

Sic dicitur semper in fine cuiuslibet Psalmi, nisi aliter notetur.

Per annum ant. Qui me invenit, inveniet vitam, et hauriet salutem à Domino.

Aut. Qui audit me.

Temp. adv. ant. Missus est Angelus Gabriel ad MARIAM Virginem, desponsatam JOSEPH.

Ant. Ne timeas.

PSALM. 2.

Quarè fremuerunt inimici nostri: * adversum nos meditati sunt inania.

Protegit nos dextera tua, Mater Dei: * ut acies terribilis confundens et destruens eos.

Venite ad eam omnes qui laboratis, et tribulati estis: * et dabit refrigerium animabus vestris.

Accedite ad eam in tentationibus vestris: * et stabiliet vos serenitas vultus ejus.

Benedicite illam in toto corde vestro: * misericordiâ enim illius plena est terra.

Per ann. ant. Qui audit me, non confundetur, et qui operantur in me, non peccabunt.

Ant. Qui elucidunt me.

Temp. adv. ant. Ne timeas, MARIA, invenisti enim gratiam apud Dominum. *Antip.* Dabit.

PSALM. 3.

Domina, quid multiplicati sunt, qui tribulant me? * in potestate tuâ persequeris, et dissipabis eos.

Dissolve colligationes impietatis nostræ : * tolle fasciculos peccatorum nostrorum.

Miserere mei, Domina, et sana infirmitatem meam : * tolle dolorem et angustiam cordis mei.

Ne tradas me manibus inimicorum meorum : * et in die mortis conforta animam meam.

Deduc me ad portum salutis : * et spiritum meum redde factori, et creatori meo.

Per ann. ant. Qui elucidant me, vitam æternam habebunt.

†. Diffusa est gratia in labiis tuis.

†. Propterea benedixit te Deus in æternum.

Temp. adv. ant. Dabit Filio tuo Deus sedem David patris ejus, et regnabit in æternum.

†. Angelus Domini nuntiavit **MARIÆ.**

†. Et concepit de Spiritu Sancto.

Temp. pasc. ant. Convertisti planctum meum in gaudium mihi, alleluia, alleluia.

†. Surge, Domine, in requiem tuam, alleluia.

†. Tu et arca sanctificationis tuæ, alleluia.

Pater noster, *dicitur secretò.*

†. Et ne nos inducas in tentationem.

†. Sed libera nos à malo.

Absolutio.

Exaudi, Domina, preces servorum tuorum, et intercede pro nobis, quæ Mater es Filii Dei excelsi. †. Amen.

Jube Domne benedicere.

Benedictio. Benedictione perpetuâ benedicat nos Virgo Mater Dei. †. Amen.

Deinde leguntur Lectiones de Scripturâ cum Responsoriis, ut in proprio de tempore assignantur.

Pro 2. Lectione Benedictio. Primogenita Dei Filia nos benedicere,

re, et adjuvare dignetur. †. Amen.

Pro 3. Lectione Benedictio. Spiritus Sancti Sponsa in amore Dei accendat corda nostra. †. Amen.

IN II. NOCT.

Per ann. ant. Benedicta.

Temp. adv. ant. Quomodò.

Temp. pasc. ant. Secundum.

PSALM. 5.

Verba mea auribus percipe, Domina : * et ne avertas à me speciositatem vultus tui.

Converte luctum nostrum in gaudium : * et tribulationem nostram in jubilationem.

Corruant ante pedes nostros inimici nostri : * virtute tuâ eorum capita conterantur.

Benedicat te omnis lingua : * et nomen sanctum tuum confiteatur omnis caro.

Spiritus enim tuus super mel dulcis : * et hæreditas tua super mel et favum.

Per ann. ant. Benedicta tu Filia à Domino, quia per te fructum vitæ communicavimus.

Ant. Quia fecit.

Temp. adv. ant. Quomodò fiet istud, quoniam virum non cognosco ? *Ant.* Spiritus Sanctus.

PSALM. 7.

Domina mea, in te speravi : * de inimicis meis libera me, Domina.

Conclude ora leonis, et dentes ejus : * et labia persequentium constringe.

Non moreris propter nomen tuum : * facere nobis misericordiam tuam.

Splendor vultus tui fulgeat super nos : * ut serenetur conscientia nostra apud Altissimum.

Si persequatur inimicus animam meam, Domina : * adjutorio tuo conforter, ne vibret gladium suum

contra me.

Per ann. ant. Quia fecit mihi magna, qui potens est, et sanctum nomen ejus. *Ant.* Ecce enim.

Temp. adv. ant. Spiritus Sanctus superveniet in te, et virtus Altissimi obumbrabit tibi. *Ant.* Et quod.

PSALM. 8.

Domina, Dominus noster factus est Frater noster, * et Salvator noster.

Ut ignis in rubo, et ros in vellere, * descendit in te aeternum Verbum Dei.

Spiritu Sancto fecundante, * obumbravit tibi virtus Altissimi.

Benedictus sit mundissimus conceptus tuus: * benedictus sit parvus tuus virgineus.

Benedicta sit munditia carnis tuæ: * benedicta sit dulcedo misericordiae cordis tui.

Per ann. ant. Ecce enim ex hoc beatam me dicent omnes generationes.

†. Adjuvabit eam Deus vultu suo.

†. Deus in medio ejus non commovebitur.

Temp. adv. ant. Et quod nascetur ex te Sanctum, vocabitur Filius Dei.

†. Ecce ancilla Domini.

†. Fiat mihi secundum verbum tuum.

Temp. pasc. ant. Secundum multitudinem dolorum meorum, alleluia, consolationes tuæ, alleluia, lactificaverunt animam meam, alleluia, alleluia.

†. Surrexit Dominus de sepulchro, alleluia.

†. Et apparuit Matri suæ, allel.

Pater nost. *Secretò.* †. Et ne nos. †. Sed libera.

Absolutio. Ipsius pietas et misericordia nos adjuvet, quæ præ-

dilecta Filia est Dei Patris.

†. Amen.

Jube Domne benedicere.

Benedictio. Dei Mater omnipotentis sit nobis propitia et clemens.

†. Amen.

Deinde leguntur Lectiones et pp. quæ in proprio loco assignantur.

Pro 5. Lect. Bened. Filia Dei MARIA perpetuæ obtineat nobis gaudia vitæ. †. Amen.

Pro 6. Lect. Bened. Ignem divini amoris accendat MARIA in cordibus nostris. †. Amen.

IN III. NOCT.

Per annum ant. In conspectu.

Temp. adv. ant. Ecce Virgo.

Temp. pasc. ant. Venite.

PSALM. 10.

In Dominam confido * propter dulcedinem misericordiae nominis sui.

Oculi ejus in pauperem respiciunt, * et manus ejus ad pupillum et viduam sunt extensæ.

Exquirite illam à juventute vestra, * et glorificabit vos ante faciem populorum.

Misericordia illius nostrorum auferat multitudinem peccatorum, * et fecunditatem nobis conferat meritorum.

Extende ad nos brachium tuum, Virgo gloriosa, * et ne avertas à nobis gloriosum vultum tuum.

Per ann. ant. In conspectu Angelorum psallam tibi, Domina gentium. *Ant.* Arripe illam.

Temp. adv. ant. Ecce Virgo concipiet, et pariet Filium, et vocabitur nomen ejus Emmanuel. *Ant.* Concipies.

PSALM. 12.

Usquequò, Domina, oblivisceris me, * et non liberas me in die tribulationis?

Usquequò exaltabitur inimicus meus super me? * potentia virtu-

tis tuæ contere ipsum.

Aperi oculos misericordiæ tuæ: * ne inimicus noster adversus nos prævaleat.

Magnificamus te gratiæ inventricem, * per quam sæcula reparantur.

Exaltata super choros Angelorum: * ante thronum Dei ora pro nobis.

Per ann. ant. Arripe illam, et exaltabit te, cum eam fueris amplexatus. *ant.* Tenui eam.

Temp. adv. ant. Concipies Virgo, et paries Deum pariter et hominem. *Ant.* Paries Filium.

PSALM. 14.

Domina, quis habitabit in tabernaculo Dei? * aut quis requiescet cum senatoribus populi?

Pauperes spiritu et mundo corde: * mites, pacifici, atque iugentes.

Recordare, Domina, ut loquaris pro nobis bona: * et indignationem Filii tui avertas à nobis.

Amplectamur **MARIÆ** vestigia peccatores: * et ejus beatissimis pedibus provolvamur.

Teneamus eam fortiter, nec dimittamus, * donec ab eâ meruerimus benedici.

Per ann. ant. Tenui eam, nec dimittam, donec benedixerit mihi.

†. Venerunt mihi omnia bona pariter eum illâ.

†. Et innumerabilis honestas per manus illius.

Temp. adv. ant. Paries Filium, et virginitatis non patieris detrimentum.

†. Et Verbum caro factum est.

†. Et habitavit in nobis.

Temp. pasc. ant. Venite, audite, et narrabo, quanta fecit Deus animæ meæ, alleluia.

†. Adjuvabit eam Deus, allel.

†. Manè diluculo, alleluia.

Pater nost. *Secret.* †. Et ne nos. †. Sed libera.

Absolutio. A vinculis peccatorum nostrorum dissolvat nos Sponsa Spiritus Sancti, Regina cœlorum. †. Amen.

Jube Domne benedicere.

Benedictio. Evangelica lectio sit nobis salus, et protectio. †. Amen.

Nunc legitur Evangelium conveniens, cum Homilid.

Pro 8. Lect. Bened. Cujus laudes canimus, ipsa Virgo Virginum intercedat pro nobis ad Dominum. †. Amen.

Pro 9. Lect. Bend. Per Virginem Matrem concedat nobis Dominus salutem et pacem. †. Amen.

Sequens Canticum semper dicitur in fine Matutini, præterquam in Adventu seu tempore Præparationis B. M. in Dominicis à Septuagesimâ usque ad Pascham, et in feriali officio extra tempus paschale.

In festis verò novem lectionum, etiam in Adventu, et in Quadragesimâ, et toto tempore paschali, etiam in feriali officio, exceptâ feriâ secundâ rogationum, semper dicitur.

CANTICUM 1.

S. Bonaventuræ ad instar illius SS. Ambrosii et Augustini.

Te Matrem Dei laudamus: * te **MARIAM** Virginem profitemur.

Te æterni Patris Filiam * omnis terra veneratur.

Tibi omnes Angeli et Archangeli: * tibi Throni et Principatus fideliter deserviunt.

Tibi omnes Potestates, et omnes Virtutes cœlorum * et universæ Dominationes obediunt.

Tibi omnes Chori, * tibi Cherubim et Seraphim exultantes assistunt.

Tibi omnis angelica creatura *

inaccessibili voce proclamat.

Sancta.

Sancta.

Sancta MARIA * Dei Genitrix, et Mater, et Virgo.

Pleni sunt cœli et terra * majestatis fructus ventris tui.

Te gloriosus Apostolorum chorus * sui creatoris Matrem collaudat.

Te beatorum Martyrum cœtus candidatus * Christi Genitricem glorificat.

Te gloriosus Confessorum exercitus * Trinitatis templum appellat.

Te sanctorum Virginum chorea amabilis * virginitatis et humilitatis exemplum prædicat.

Te tota cœlestis curia * Reginam honorat.

Te per universum orbem * Ecclesia invocando concelebrat.

Matrem * divinæ Majestatis.

Venerandam te veram * Regis cœlestis Puerperam.

Sanctam quoque, * dulcem et piam.

Tu Angelorum Domina, * tu paradisi janua.

Tu scala * regni cœlestis et gloriæ.

Tu thalamus, * tu arca pietatis et gratiæ.

Tu vena misericordiæ, * tu Sponsa et Mater Regis æterni.

Tu templum et sacrarium Spiritus Sancti : * totius beatissimæ Trinitatis nobile triclinium.

Tu mediatrix Dei et hominum : * amatrix mortalium; cœlestis illuminatrix.

Tu agonizatrix pugnantium, advocata pauperum : * miseratrix et refugium peccatorum.

Tu erogatrix munerum, * superatrix ac terror dæmonum et superborum.

Tu mundi Domina, cœli Re-

gina : * post Deum sola spes nostra.

Tu salus te invocantium, * portus naufragantium, pereuntium refugium.

Tu Mater omnium beatorum, * gaudium plenum post Deum, omnium supernorum civium solatium.

Tu promotrix justorum, * congregatrix errantium, promissio Patriarcharum.

Tu veritas Prophetarum, * præconium et doctrix Apostolorum, magistra Evangelistarum.

Tu fortitudo Martyrum, * exemplar Confessorum, honor et festivitas Virginum.

Tu ad liberandum exulem hominem, * Filium Dei suscepisti in uterum.

Per te, expugnato hoste antiquo, * sunt aperta fidelibus regna cœlorum.

Tu cum Filio tuo sedes * ad dexteram Patris.

Tu ipsum pro nobis roga, Virgo MARIA, * quem nos ad judicandum credimus esse venturum.

Te ergo poscimus, tuis famulis subveni, * qui pretioso sanguine Filii tui redempti sumus.

Æternâ fac, pia Virgo, * cum sanctis tuis gloriâ numerari.

Salvum fac populum tuum, Domina, * ut simus participes hæreditatis Filii tui.

Et rege nos, * et custodi nos in æternum.

Per singulos dies, * o Pia, te salutamus.

Et laudare te cupimus * usque in æternum mente et voce.

Dignare, dulcis MARIA, * nunc et semper nos sine delicto conservare.

Miserere, Pia, nobis : * miserere nobis.

Fiat misericordia tua magna nobiscum, * qui in te, Virgo MARIA, confidimus.

In te, dulcis MARIA, speramus, * nos defendas in æternum.

Te decet laus, te decet imperium: * tibi virtus et gloria in sæcula sæculorum. Amen.

Hic non dicitur Gloria Patri. In aliis canticis dicitur.

AD LAUDES.

ŷ. Deus, in adjut. ʒ. Domine, ad adj.—Gloria Patri.—Sicut erat.—Alleluia vel Laus tibi.

Per ann. ant. Surge.

In adv. ant. Egredietur.

Tamp. pasc. ant. Alleluia.

PSALM. 92.

Dominus regnavit, decorem induit: * Matremque suam ornameto coronavit virtutum.

Adimpleat propitiationem suam in nobis Mater pacis: * et viam æquitatis doceat servos suos.

Qui desideratis sapientiam Christi: * servite Matri ejus animo reverenti.

Quis satisfaciet enarrare opera tua, Domina? * et quis investigabit thesauros misericordiæ tuæ?

Sustine deficientes in tentationibus suis: * destina illos in sortem veritatis.

In adv. ant. Egredietur virga de radice Jesse, et flos de radice ejus ascendet. Ant. Radix Jesse.

PSALM. 99.

Jubilate Dominae nostræ omnes homines terræ: * servite illi in lætitiâ, et jucunditate.

In toto animo vestro accedite ad illam: * et in omni virtute vestrâ conservate vias ejus.

Investigate illam, et manifestabitur vobis: * estote mundi corde, et apprehendetis eam.

Quibus auxiliata fueris, Domina, erit refrigerium pacis: * et

ad quibus averteris vultum tuum, non erit spes ad salutem.

Recordare nostri, Domina, et non apprehendent nos mala: * succurre nobis in fine, et inveniemus vitam æternam.

In adv. ant. Radix Jesse, qui exurget judicare gentes, in eum gentes sperabunt. Ant. Virga Jesse.

PSALM. 62.

Deus, Deus meus; * per Matrem te glorificabo.

Virginaliter enim te concepit et sine angustia te parturivit:

Benedicta sis, ô Domina nostra: * et pro nobis assiste ante thronum Dei.

Species et claritas * in conspectu tuo.

Custodi animam meam, Domina; * ut nunquam corruat in peccato.

Per ann. ant. Surge, amica mea, speciosa mea, et veni. Ant. Ne dimittas eam.

In adv. ant. Virga Jesse beata Virgo est, et flos de radice ejus Christus Dominus. ant. Et requiescet. Temp. pasc. ant. Alleluia, alleluia, alleluia, alleluia, alleluia. ant. Alleluia.

CANTICUM 2.

S. Bonaventuræ ad instar illius trium pueror. Dan. 3.

Benedicite omnia opera Domini Dominae gloriosæ: * laudate et superexaltate eam in sæcula.

Benedicite Angeli Dominae nostræ: * benedicite cæli Dominae nostræ.

Benedicat omnis creatura Domini nam nostram: * quam Rex sic voluit benedici.

Benedicta sis, ô summi Regis Filia, * quæ odore præis cuncta lilia.

Benedicta sis corona Dominarum omnium: * benedicta sis gloria Jerusalem.

Odor tuus sicut odor agri pleni,

cui benedixit Dominus: * qui in benedicentes te redundat, irrigans omnia intima eorum.

Qui benedixerit tibi, ó Virgo beata, * sit ille jugiter benedictus.

Qui maledixerit tibi, rosa candidissima, * sit ille jugiter maledictus.

Non recedat de domo servorum tuorum * vini et olei abundantia.

In nomine tuo omne genuflectatur * cœlestium, terrestrium et infernorum.

Benedicamus Deum, qui te creavit: * benedictus uterque Pater, qui te generavit.

Benedicta sis, Domina, in cœlo, et in terrâ: * laudabilis, et gloriosa, et superexaltata in sæcula.

Per ann. ant. Ne dimittas eam, et custodiet te: dilige eam, et conservabit te. *Ant.* Viæ ejus.

In adv. ant. Et requiescet super eum Spiritus sapientiæ et intellectus. *Ant.* Exulta.

Temp. pasc. ant. Alleluia, gaude omnes, alleluia, in resurrectione Christi, alleluia. *Ant.* Allel.

PSALM. 150.

Laudate Dominam in sanctis ejus: * laudate eam in virtutibus, et miraculis ejus.

Laudate eam cœtus Apostolorum: * laudate eam chori Patriarcharum et Prophetarum.

Laudate eam exercitus Martyrum: * laudate eam turbæ Doctorum et Confessorum.

Laudate eam in collegio Virginum et continentium: * laudate eam ordines Anchoritarum et Monachorum.

Laudate eam conventus Religiosorum omnium: * laudate eam omnes animæ civium supernorum: omnis spiritus laudet Dominam nostram.

Per ann. ant. Viæ ejus, viæ

pulchræ, et omnes semitæ ejus pacificæ.

In adv. ant. Exulta satis, filia Sion, jubila, filia Jerusalem: ecce Virgo pariet Filium.

Temp. pasc. ant. Alleluia, alleluia, alleluia.

CAPITULUM. *Pro v. 8. 32.*
Nunc ergo, filii, audite me: beati qui custodiunt vias meas: audite disciplinam, et estote sapientes, et nolite abjicere eam.

℟. Deo gratias.

Sic. respondetur semper in fine cujuslibet capituli.

HYMNUS 2.

Aurora lux nos edocet
Laudare te, Deipara,
De cujus illæso sinu
Sol verus orbi prodiit.

Memento, Christe, corporis
De Matre sumpti Virgine:
Tibique carnis vinculo
Favere junctis diligas.

MARIA plena gratiâ,
Sis Mater in nos provida:
In morte nuncque filios
Semper benigna protege.

Mundi per æquor naufragum
Tu stella, quæ nos dirigit:
Ductu tuo da prosperos
Subire fines patriæ. Amen.

Doxologia de tempore.

Per ann. y. Ora pro nobis, Sancta Deigenitrix.

℟. Ut digni efficiamur promissionibus Christi.

In adv. y. Rorate cœli desuper, et nubes pluant justum.

℟. Aperiatur terra, et germinet Salvatorem.

In præg. y. Veritas de terrâ orta est.

℟. Et iustitia de cœlo prospexit.

Temp. pas. y. Regina cœli, lætare, Alleluia.

℟. Quia surrexit Filius tuus, alleluia.

CANTICUM 3.

S. Bonaventuræ ad instar illius Zachariæ. Luc. 1.

Benedicta sis, Domina et Mater Dei mei Israel : * quia per te visitavit, et fecit redemptionem plebis tuæ.

Et erexit unicorну salutaris castitatis tuæ : * in domo David pueri sui.

Sicut locutus est per os Isaïæ, * et aliorum sanctorum Prophetarum ejus.

Salutem ex inimicis præsta, Virginum Virgo : * et de manu omnium qui nos oderunt, pacem nobis tribue.

Et fac misericordiam pro parentibus et nobis : * ut memor sis testamenti omnipotentis Dei.

Quod juravit ad Patres nostros, * Abraham, et semini ejus in sæcula.

Ita sine timore de manu inimicorum nostrorum liberati : * à quiete serviamus illi.

In sanctitate et justitiâ coram te : * omnibus diebus nostris.

Et tu, MARIA, Propheta Dei vocaberis : * quoniam novisti, quod respexit humilitatem ancillæ suæ.

Per quam dedit scientiam salutis plebi ejus * in remissionem peccatorum.

Per viscera multitudinis misericordiæ tuæ, * visita nos, stella matutina oriens ex alto.

Illumina tenebras sedentium in umbrâ mortis : * et eas luce dilectissimi Filii tui digneris installare.

Miserere, clementissima Mater, nobis miseris peccatoribus : * qui retroacta peccata pœnitere negligimus, ac multa quotidie pœnitenda committimus.

Deindè dicitur antiph. et oratio propria, et post eam (si id tempus requirit) sunt commemorationes communes de S. Joseph etc, quæ positæ sunt in fine Psalterii.

In fine conclusionis orationis dicitur.

†. Domine, exaudi orationem meam.

†. Et clamor meus ad te veniat.

†. Benedicamus Domino. †. Deo gratias.

†. Fidelium animæ per misericordiam Dei requiescant in pace. †. Amen.

Deindè post Laudes (aut post ultimam Horam) dicto Pater noster et †. Dominus det nobis suam pacem. †. Et vitam æternam. Amen. dicitur una ex antiphonis pro temporis diversitate, quæ ponuntur post Psalterium : quod quotidie observatur post Laudes, et Completorium.

AD PRIMAM.

Ave MARIA secretò. †. Deus, in adj. †. Dom. ad adj. Gloria Patr. Sicut. allel. *vel* Laus tibi, Dom.

HYMNUS 3.

Ortus refulget lucifer

Fugans tenebras noctium :

Tu, sole amicta, Femina.

Mentium pelle caliginem.

Accœpta dum fluet dies,

O Virgo custos pervigil,

Quos sævus hostis obsidet,

Sempèr benigna protege.

Et cum dies abscesserit,

Noctemque sors reduxerit,

Placabilem tuâ prece

Fac esse nobis Filium.

Doxologia de Tempore.

Per ann. ant. Meum est.

In adv. ant. Egrediatur.

Temp. pasc. ant. Alleluia.

PSALM. 53.

Domina, in nomine tuo saluum me fac : * et ab in-justiitiis meis libera me.

Ut non noceat mihi calliditas inimici : * sub umbrâ alarum tuarum protege me.

O Domina mea, adjuvame : *

gratiam tuam largire animæ meæ.

Voluntariè offeram tibi sacrificium laudis : * et confitebor nomini tuo, quoniàm bonum est.

Quoniàm ex omni tribulatione liberabis me : * et inimicos meos despiciet oculus meus.

PSALM. 118.

Beati immaculati in viâ, * qui Matrem Domini imitantur.

Beati imitatores humilitatis ejus : * beati participes imaginis illius.

Beati perscrutatores virtutum illius : * beati conformes imagini illius.

Beati qui conceptum et partum illius venerantur : * beati qui devotè ei famulantur.

Beati qui in eâ habent spem, et confidentiam : * beati qui per illam suscipient felicitatem sempiternam.

1. DIVISIO. PSALMI 118.

Retribue servo tuo, et vivifica me : * et faciam voluntatem tuam.

Incola ego sum in terrâ : * nihil abscondas mihi de amore tuo.

Concupivit anima mea * laudem tuam desiderare omni tempore.

Tu enim es salus mea in Domino : * quæ me morti adjudicatum liberasti.

Quid pro his retribuam nisi me totum ? * Domina, suscipe me.

SYMBOLUM

*D. Bonavent. ad instar illius
S. Athanasii.*

Non dicitur hoc symbolum, nisi quando fit officium de Dominica.

Quicumque vult salvus esse, * ante Omnia opus est, ut teneat de MARIA firmam fidem.

Quam nisi quisque integram, inviolatamque servaverit, * absque dubio in æternum peribit.

Quoniàm ipsa sola Virgo mænens peperit * sola cunctas hæreses interemit.

Confundatur, et erubescat Hæbreus; * qui dicit Christum ex JOSEPH semine esse natum.

Confundatur Manichæus : * qui dicit Christum fictum habere corpus.

Palleat omnis, qui hoc ipsum aliundè, * non de MARIA dicit assumpsisse.

Idem namque Filius, qui est Patris in divinis unigenitus : * est verus unigenitus Virginis MARIE Filius.

In cœlis sine matre : * in terris sine patre.

Nam sicut anima-rationalis et caro propter unionem de homine verè nascitur : * ita Deus et homo Christus de MARIA Virgine verè generatur.

Induens carnem de carne Virginis : * quia sic genus humanum redimi congruebat.

Qui secundum divinitatem æqualis Patri : * secundum verò humanitatem minor Patre.

Conceptus in utero Virginis MARIE, Angelo nuntiante, de Spiritu Sancto, * nec tamen Spiritus Sanctus est Pater ejus.

Genitus in mundum sine pœnâ carnis Virginis Matris, * quia sine delectatione carnis conceptus.

Quem lactuit Mater : * ubere de cœlo pleno.

Quem circumstant Angeli obstetricum vice, * nuntiantes pastoribus gaudium magnum.

Hic à Magis muneribus adoratus, * ab Herode in Egyptum fugatus, à Joanne in Jordane baptizatus.

Traditus, captus, flagellatus, * crucifixus, mortuus et sepultus.

Cum gloriâ resurrexit : * ad cœlos ascendit.

Spiritum Sanctum in Discipulos, * et in Matrem misit.

Quam demum ipse ad cœlos

assumpsit, * et sedet ad dexteram Filii, non cessans pro nobis exorare.

Hæc est fides de MARIA Virgine : * quam nisi quisque fidelitèr, firmitèrque crediderit, salvus esse non poterit.

Per ann. ant. Meum est consilium, et æquitas; mea est prudentia, mea est fortitudo.

In adv. ant. Egredietur virga de radice Jesse, et flos de radice ejus ascendet.

Temp. pasc. ant. Alleluia, alleluia, alleluia.

CAPITULUM. Judith. 13. 31.
Benedicta tu à Deo tuo in omni tabernaculo Jacob, quoniam in omni gente, quæ audierit nomen tuum, magnificabitur super te Deus Israel.

¶ *brev.* Virgo Mater Dei vivi : * Miserere nobis. Virgo Mater Dei vivi : miserere nobis.

In expectatione ¶. Quæ ventura es in mundum.

In infant. ¶. Quæ in tuâ Infantia maximè Deo placuisti.

In adv. ¶. Quæ de Spiritu Sancto concepisti.

In puerper. ¶. Quæ Filium Dei peperisti.

In vit. contempl. ¶. Quæ optimam partem elegisti.

In passion. ¶. Quæ in passione Filii doloris gladio transfixa fuisti.

Temp. pasc. ¶. Quæ in resurrectione Filii tui lætata fuisti.

In vit. activ. ¶. Quæ sollicita salutis omnium fuisti.

In vit. glor. ¶. Quæ sedes ad dexteram Filii tui.

In Dedicat. ¶. Quæ domus Dei effecta fuisti.

Miserere nobis.—Gloria Patri, et Filio, et Spiritui Sancto.—Virgo Mater Dei vivi : miserere nobis.

¶. Memento nostri, Domina.

¶. In beneplacito tuo.

Sequentes preces non dicuntur in Duplicibus, et infra octavas. Sed tunc dicto. ¶. brevi dicitur statim.

¶. Domine, exaudi :

¶. Et clam. meus. *Cum orat.*

Kirie eleison. Christe eleison. Kirie eleison. Pater nost. *secretò*

¶. Et ne nos. ¶. Sed libera nos.

¶. Et ego ad te, Domina mea, clamavi.

¶. Et manè oratio mea præveniet te.

¶. In matutinis meditabor in te.

¶. Quia fuisti adjutrix mea.

¶. Manè astabo tibi, et videbo.

¶. Quoniam Mater misericordiarum tu es.

¶. Adjuva me, Domina, contra inimicum.

¶. Fac ut conteratur sub pedibus meis.

¶. Ne des illi potestatem in animâ meâ.

¶. Custodi omnia interiora et exteriora mea.

¶. Domine, exaudi orationem meam.

¶. Et clamor meus ad te veniat.

Oratio de Laudibus, et post Orationem.

¶. In sæculum memoria ejus in benedictione.

¶. Immortalis est enim memoria illius.

Deindè absolutè sine Oremus dicitur.

Oratio.

Sancta MARIA, et omnes Sancti intercedant pro nobis ad Dominum, ut nos mereamur ab eo adjuvari et salvari, qui vivit et regnat in sæcula sæculorum. ¶. Amen.

Kirie eleison. Christe eleison.

Kirie eleison. Pater noster. *Secret.*

¶ Et ne nos inducas in tentationem.

¶. Sed libera nos à malo.

Absolutio.

De sede majestatis suæ respiciat in nos, meritis tuis, Virgo MARIA, et dies nostros in suâ pace disponat omnipotens et misericors Dominus.

¶. Amen.

Jube Domne benedicere.

Benedictio.

Alma Virgo Virginum nos benedicere et adjuvare dignetur. ¶. Amen.

Deinde legitur Canon cum titulo in festis, ut in proprio die habetur : in feriis autem et in festivitibus proprium canonem non habentibus, ut in proprio de Tempore juxta temporis et seræ diversitatem.

In fine canonis semper dicitur : Tu autem, Domina nostra, intercede pro nobis.

Et respondetur. Deo gratias.

¶. Fidelium animæ per misericordiam Dei requiescant in pace.

¶. Amen.

AD TERTIAM.

Ave Mar. ¶. Deus, in ad. ¶. Domine, ad adj.—Gloria.—Alleluia vel Laus tibi.

HYMNUS 4.

Horâ diei Tertiâ,
Quâ, Virgo, te requirimus,
Nos siste labis nescios,
Quem parturisti Filio.

Plaga cruenta criminis
Nos Eva læsos edidit :
Intacta Mater altera,
Defer salutem sontibus.

Doxologia de tempore.

Per ann. ant. Per me.

Temp. adv. ant. Radix Jesse.

Temp. pasc. ant. Alleluia.

PSALM. 118. DIV. 2.

Legem pone mihi, Domina, voluntatis tuæ, sanctarum sanctissima : * et exquiram eam semper.

Deduc me in semitam misera-

tionum tuarum, mulierum pulcherrima : * quia ipsam volui.

Inclina animam meam ad superiorum amorem, Domina : * et non ad impudicitiam.

Ecce concupivi castimoniam tuam à juventute meâ : * in misericordiâ tuâ confirma me.

Et observabo viam testimoniorum tuorum in sæculum : * et scrupulorum mandata Filii tui, quæ dilexi.

PSALM. 118. DIV. 3.

Memor esto verbi tui, Domina, primiciæ : * in quo mihi spem dedisti.

Hæc in potestatum fluctibus tenuit me : * quia eloquium tuum vivificabit me.

Circumdederunt me viri mendaces : * et congregata sunt super me flagella, et ecce manus tua eripuit me.

Communicavi in bonis-omnibus timentibus te : * et custodientibus obnoxie mandata tua.

Miserationibus tuis plena est terra : * ideò viam justificationum tuarum exquisivi.

PSALM. 118. DIV. 4.

Bonitatem fecisti cum servo tuo, Domina : * de quo gaudent Angeli.

Disciplinam morum tuorum, et æquitatem tuam doce me : * quia verbis tuis præ cunctis credidi.

Bonum mihi, quia onere tuo humiliasti me : * sequar conversationem tuam.

Qui amant servientes tibi, venerabuntur : * qui autem abominatus fuerit eos, ruet in æternum.

Veniant mihi semper guttæ clementiæ tuæ, et vivam : * quia lex tua sancta meditatio mea est.

Per ann. ant. Per me reges regnant, et legum conditores justa decernunt.

In adv. ant. Radix Jesse, qui

exurget judicare gentes, in eum gentes sperabunt.

Temp. pasc. ant. Alleluia, alleluia, alleluia.

CAPITULUM. *Judit.* 15. 10.
Tu gloria Jerusalem, tu lætitia Israel, tu honorificentia populi nostri.

℟. *Brev.* Qui me invenerit, * Inveniet vitam.

Qui me. *repëtitur.* ♯. Et hauriet salutem à Domino.—Inveniet.—Gloria.—Qui me inven.

♯. Transite ad me omnes. ℟. Et à generationibus meis implemini. *Oratio de Laudibus.*

AD SEXTAM.

Ave ♯. Deus, in. ℟. Domine, ad.—Glor. alleluia. *vel* Laus tibi.

HYMNUS 5.

Nos hora Sexta convocat,
Et te precemur admonet;
Virgo Dei puerpera,
Adsis preci, quam solvimus.

Christo sedes dum proxima,
Regnas et inter cœlites:
His de supernis fontibus
Effunde terris munera.

Dox de temp.

Per ann. ant. Filii.

In adv. ant. Virga Jesse.

Temp. pasc. ant. Alleluia.

PSALM. 118. DIV. 5.

Defecit in semitis tuis anima mea, Domina: * et nisi miseratio maxima esset, periissem utique in infirmitate meâ.

Defecerunt oculi mei in contemplatione tuâ: * velut uter in pruinâ, à te visa est anima mea.

Secundum bonitatem tuam vivifica me: * et non obliviscar sermones tuos, quia tibi adhærere bonum est.

Dispositione tuâ perseverat mundus: * quem tu cum Deo fundasti ab initio.

Tuus totus sum ego, Domina, salvum me fac: * quoniam desiderabiles erant laudes tuæ in tempore peregrinationis meæ.

PSALM. 118. DIV. 6.

Quomodo dilexi legem tuam, Domina: * in conspectu meo semper.

Suavitatum tuarum affluentia cor meum alienavit à me: * et caro mea mirabiliter exultavit in te.

Quam dulcia peccatoribus eloquia tua, Domina: * super omnem melodiam refectio tua dulcis ori meo.

Illuminatio gressibus meis verbum tuum: * et lumen inæffabile semitis meis.

Quoties exasperaverunt me peccatores inferni, quia à charitate tuâ declinare nolui: * ego autem speravi in te, Domina.

PSALM. 118. DIV. 7.

Iniquos odio habui: * et legem tuam dilexi, Domina gratiosa.

Adjuva me, et salvus ero, Domina mundi: * et meditabor honorificentiam mandatorum tuorum.

Fac me semper stare in timore tuo: * et ne tradas me, Virgo, calumniantibus me.

Vernaculus tuus sum ego: * minimus in familiâ tuâ.

Custodi me, Domina, * à negligentibus judicia justitiæ tuæ.

Contemnes omnes discedentes à judiciis tuis: * quia injusta est conversatio eorum.

Per ann. ant. Filii, audite me: beati qui custodiunt vias meas.

In adv. ant. Virga Jesse beata Virgo est, et flos de radice ejus Christus Dominus.

Temp. pasc. ant. Alleluia, alleluia, alleluia.

CAPITULUM. *Eccl.* 24. 23.

Ego quasi vitis fructificavi suavitatem odoris: et flores mei fruc-

tus honoris et honestatis.

¶ *Br.* Venerunt mihi omnia bona * Paritèr cum illà.—Venerunt. ¶. Et inestimabilis honestas per manus illius.—Paritèr.—Glor.—Vener.

¶. Longitudo dierum in dextera ejus.

¶. Et in sinistra illius divitiæ et gloria.

Oratio de Laud.

AD NONAM.

Ave. ¶. Dom. in ad. ¶. Dom. ad.—Glor.—Allel. *vel* Laus.

HYMNUS 6.

Dat hora Nona debitam
Laudem tibi, Virgo parens :
Fac, horâ dante ultimâ,
Tuo fruamur Filio.

Tu supplicando prævales,
Et obtines, quod postulas :
Ora, Deus nos pondere
Mortis perennis liberet.

Doxol. de Temp.

Per ann. ant. Erat eleganti.

In adv. ant. Exulta satis.

Temp. pasc. ant. Alleluia.

PSALM. 118. DIV. 8.

Mirabilia testimonia tua, Mater alma: * et sermonibus tuis illuminatum est cor meum.

Vultum tuum deprecabuntur omnes divites plebis: * filiæ regum collaudant faciem tuam.

Ardens verbum labiorum tuorum vehementer: * qui ad te properat, percipiet illud.

Arundo agitata sum in conspectu tuo: * tene me, Domina, sub jugo tuo, ne confundar.

Servientes tibi plus aliis invadunt dracones inferni: * sed tu, Domina, defende nos.

PSALM. 118. DIV. 9.

Clamavi in toto corde meo ad te, Domina: * de necessitatibus meis clementer eripe me.

Vocem gemitus mei exaudi, Domina mea: * doce me, quid acceptum sit apud te omni tempore.

Longè à nescientibus te salus: * qui autem præstat in obsequio tuo, procul fiet à perditione.

Misericordia tua rigat universum, Domina, * in salutari tuo vivifica me.

Initium eloquiorum tuorum veritas in æternum: * et legem tuam immaculatam non sum oblitus.

PSALM. 118. DIV. 10.

Principes persecuti sunt me gratis: * et ab invocatione tuâ trepidat spiritus malignus.

Pax multa observantibus nomen tuum, Mater Dei: * et non est illis scandalum.

Septenis horis decantavi tibi laudem, Domina: * juxta eloquium tuum da mihi intellectum.

Intret oratio mea in conspectu tuo: * ut non derelinquam te, Domina, omnibus diebus vitæ meæ.

Quoniam viæ tuæ * misericordiæ et veritas.

Concupiscam in æternum laudare te, Domina: * cum docueris me justificationes tuas.

Per ann. ant. Erat eleganti aspectu nimis, et in omnibus famosissima.

In adv. ant. Exulta satis, filia Sion: júbila, filia Jerusalem: ecce Virgo pariet filium.

Temp. pasc. ant. Alleluia, alleluia, alleluia.

CAPITULUM. Sap. 7. 26.

Candor est lucis æternæ, et speculum sine maculâ Dei majestatis, et imago bonitatis illius.

¶. *brev.* In me gratia * Omnis viæ, et veritatis.—In me. ¶. In me omnis spes vitæ, et virtutis.—Omnis.—Gloria.—In me. ¶. Ego mater pulchræ dilectionis et timoris: ¶. Et agnitionis et sanctæ spei.

Oratio de Laudibus.

Sic quotidie dicuntur Horæ, quando fit officium de Domin. vel de feria. In festis autem antiphonæ, capitula, et r̃. brevia dicuntur, quando non sunt propria, ut in communi festivitatum.

Temp. paschali et vitæ gloriosæ ad r̃. bre. additur Duplex Alleluia, ut suo loco annotatur.

DOMINICA AD VESPERAS.

Ave. ʒ. Deus, in ad. ʒ. Dom. ad. Glor.—Allel. *vel* Laus.

Per ann. ant. Astitit.

In adv. ant. Respexit.

Temp. pasc. ant. Surge.

PSALM. 109.

Dixit Dominus Dominae nostræ: * sede, Mater mea, à dextris meis.

Bonitas et sanctitas placuerunt tibi: * ideò regnabis mecum in æternum.

Corona immortalitatis in capite sancto tuo: * cujus fulgor et gloria non extinguetur.

Miserere nostri, Domina, Mater lucis et splendoris: * illumina nos; Mater veritatis et virtutis.

De thesauris tuis infunde nobis sapientiam Dei: * et intellectum prudentiæ, et formam disciplinæ.

In adv. ant. Respexit Deus humilitatem ancillæ suæ *ant.* Beatam.

Per ann. ant. Astitit regina à dextris tuis in vestitu deaurato, circumdata varietate. *Ant.* Videntes.

Temp. pasc. ant. Surge, prope-
ra, amica mea, alleluia, columba
mea, alleluia, formosa mea, allel.
ant. Jam hiems.

PSALM. 110.

Confitebor tibi, Domina, in toto corde meo: * glorificabo te in tota mente meâ.

Opera gratiæ tuæ commemora-
buntur, * et testamentum misericor-
diæ tuæ ante thronum Dei.

*Per te missa est redemptio à Deo: * populus penitens habebit spem salutis.*

Intellectus bonus omnibus honorantibus te: * et sors illorum erit inter angelos pacis.

Gloriosum et admirabile est nomen tuum: * qui illud in corde retinent, non expavescent in puncto mortis.

Per ann. ant. Videntes eam filia Sion, beatissimam prædicaverunt. *ant.* Favus.

In adv. ant. Beatam me dicent omnes generationes, quia fecit mihi Dominus magna. *ant.* Fecit mihi.

Temp. pasc. ant. Jam hiems transiit, imber abiit et recessit, alleluia. *ant.* Flores.

PSALM. 111.

Beatus vir, qui timet Dominam, * et beatum cor, quod dilligit illam.

Jucundus homo, qui non satiatur laude tuâ: * et à relatu virtutum tuarum non fatigatur.

Exortum est in corde illius lumen Dei: * Spiritus Sanctus illuminat intelligentiam ejus.

Disperge, Domina, gratiam tuam pauperibus tuis: * esurientes refove et egenos.

In memoriâ æternâ fiunt per te nomina: * ab auditu terribili non trepidet cor nostrum.

Per ann. ant. Favus distillans labia tua, mel et lac sub linguâ tuâ. *ant.* Hortus conclusus.

In adv. ant. Fecit mihi magna qui potens est, et sanctum nomen ejus. *ant.* Benedictus.

Temp. pasc. ant. Flores apparuerunt in terrâ nostrâ, tempus putationis advenit, alleluia, alleluia, *ant.* Dilectus.

PSALM. 112.

Laudate, pueri, Matrem Dei: * glorificate, senes, nomen ejus.

Benedicta sit MARIA, Mater

Christi: * ipsa enim est via ad patriam sanctitatis.

Excelsus super Cherubim thronus ejus: * et sedes ejus super cardines cœli.

Super humiles vultus ejus: * et super confidentes in eâ aspectus illius.

Misericordia ejus super omnem carnem: * et eleemosina ipsius usque ad extremum terræ.

Per ann. ant. Hortus conclusus, fons signatus, putens aquarum viventium. *ant.* Regina.

In adv. ant. Benedicta tu inter mulieres, quæ credidisti verbis Archangeli. *ant.* Perficientur.

Temp. pasc. ant. Dilectus meus mihi, et ego illi, qui pascitur inter lilia, alleluia. *ant.* Dilectus.

PSALM. 113.

In exitu animæ meæ de hoc mundo: * occurre illi, Domina, et suscipe eam.

Consolare eam vultu sancto tuo: * aspectus dæmonis non conturbet illam.

Esto illi scala ad regnum cœlorum: * et iter rectum ad paradysum Dei.

Impetra ei à Patre indulgentiam pacis, * et sedem lucis inter servos Dei.

Sustine devotos ante tribunal Christi: * suscipe causam eorum in manibus tuis.

Per ann. ant. Regina mundi, Domina cœli, loquere Regi pro nobis.

In adv. ant. Perficientur in te omnia, quæ dicta sunt tibi à Domino.

Temp. pasc. ant. Dilectus meus candidus et rubicundus, electus ex millibus, alleluia.

CAPITULUM. *Prov. 8. 32.*

Nunc ergo, filii, audite me: beati qui custodiunt vias meas: audite disciplinam et estote sapientes, et nolite abjicere eam.

HYMNUS 7.

Brev. rom.

Ave maris stella,
Dei Mater alma,
Atque semper virgo,
Felix cœli porta.

Sumens illud ave
Gabrielis ore,
Funda nos in pace,
Mutans Evæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse Matrem,
Sumat per te preces,
Qui pro nobis natus,
Tulit esse tuus.

Virgo singularis,
Inter omnes mitis:
Nos culpis solutos
Mites fac et castos.

Vitam præsta puram,
Iter para tutum;
Ut videntes JESUM,
Semper collætemur.

Sit laus Deo Patri,
Summo Christo decus,
Spiritui Sancto,
Tribus honor unus. Amen.

Per ann. ꝥ. Vultum tuum deprecabuntur.

℟. Omnes divites plebis.

In adv. ant. ꝥ. Prophetæ prædicaverunt.

℟. Nasci Salvatorem de Virgine MARIA.

In puerp. ꝥ. Veritas de terrâ orta est.

℟. Et justitia de cœlo prospexit.

Temp. pasc. ꝥ. Gaude et lætare, Virgo MARIA, alleluia.

℟. Quia surrexit Dominus verè, alleluia.

CANTICUM B. M. V. *Luc. 1.*
Magnificat, * anima mea Dominum.
Et exultavit spiritus meus * in Deo salutari meo.

Quia respexit humilitatem an-

cillæ suæ: * ecce enim ex hoc beatam me dicent omnes generationes.

Quia fecit mihi magna qui potens est, * et sanctum nomen ejus.

Et misericordia ejus à progenie in progenies * timentibus eum.

Fecit potentiam in brachio suo: * dispersit superbos mente cordis sui.

Deposuit potentes de sede: * et exaltavit humiles.

Esurientes implevit bonis: * et divites dimisit inanes.

Suscepit Israel puerum suum, * recordatus misericordiæ suæ.

Sicut locutus est ad patres nostros, * Abraham, et semini ejus in sæcula.

Deinde dicitur antiphona et oratio propria, et sunt (si id tempus requirit) commemorationes communes, ut in fine Psalterii.

AD COMPLETORIUM.

Absolute incipitur.

†. Converte nos, Deus salutaris noster.

¶. Et averte iram tuam à nobis.

†. Deus, in ad. ¶, Dom. ad. adj. Gloria. Allel. *vel* Laus. *Per annum ant.* Si dormieris. *Temp. pasc. ant.* Alleluia.

PSALM. 4.

Cum invocarem, exaudisti me, Domina, * et è sublimi solio tuo dignata es mei recordare.

A rugientibus præparatis ad escam; * et de manibus quærentium me, liberavit gratia tua.

Quoniam benigna est misericordia et pietas tua: * in omnes qui invocant nomen sanctum tuum.

Benedicta sis, Domina, in æternum: * et majestas tua in sæculum.

Glorificate eam omnes gentes in virtute vestrà: * et cuncti populi terræ extollite magnificentiam ejus.

PSALM. 30.

In te, Domina, speravi, non confundar in æternum: * in gratiâ tuâ

suscipe me.

Inclina ad me aurem tuam: * et in mœrore meo lætifica me.

Tu es fortitudo mea, et refugium meum: * consolatio mea, et protectio mea.

Ad te, Domina, clamavi, dum tribularetur cor meum: * et exaudivisti me de vertice collium æternorum.

Educ me de laqueo, quem absconderunt mihi: * quoniam tu es adjutrix mea.

In manus tuas, Domina, commendo spiritum meum, * totam vitam meam, et diem ultimum meum.

PSALM. 90.

Qui habitat in adjutorio Matris Dei: * in protectione ipsius commorabitur.

Concursus hostis non nocebit ei: * sagitta volans non tanget eum.

Quoniam liberabit eum de laqueo insidiantis, * et sub pennis suis proteget eum.

Clamate ad illam in periculis vestris, * et flagellum non appropinquabit tabernaculo vestro.

Fructus gratiæ inveniet, quisperavit in illâ: * porta paradisi reseat ei.

PSALM. 133.

Ecce nunc benedicite Dominam, * omnes qui speratis in nomine sancto ejus.

Gaudete gaudio magno, qui exaltatis, et glorificatis eam: * quia lætabimini ab ubertate consolationis ejus.

Ecce nunc inundante ubertate, declinabit ad vos, * ad consolandum et lætificandum corda vestra.

Benedicite illam, omnes servi ejus, * et memoria sit in desiderio animæ vestræ.

Benedicite illam, omnes angeli et sancti Dei: * laudate in sæcula mirabilia ejus.

Per ann. ant. Si dormieris, fili mi, sub protectione meâ, non timebis, quiesces, et suavis eris somnus tuus. *Temp. pas. ant.* Alleluia, alleluia, alleluia.

HYMNUS 8.

Virgineis titulis
Matris quæ jungis honores,
Hâc natos foveas
Nocte benigna tuos.

Fulgida stella maris,
Sæcli dum mergimur undis,
Sis lux in tenebris,
Et benè fida quies.

Si sopor obrepit,
Casti fac Mater amoris,
Cor vigilans uno
Spiret amore Dei.

O Regina potens,
Proprius res aspice nostras:
Dicaris populi
Vita salusque tui.

Gloria summa Patri,
Compar sit gloria Nato
Quo peperit Virgo,
Gloria Spiritui. Amen.

CAPITULUM. *Prov. 8. 34.*

Beatus homo, qui audit me, et vigilat ad fores meas quotidie, et observat ad postes ostii mei.

¶ *Cr.* In manus tuas, Domina, * Commendo spiritum meum.—In manus ¶. Totam vitam meam, et finem ultimum meum.—Comendo.—Gloria.—In.

¶. Custodi me, Domina, ut pupillam oculi.

¶. Sub umbrâ alarum tuarum protege me.

Ant. Custodi nos.

CANTICUM SIMEONIS. *Luc 2.*

Nunc dimittis servum tuum, Domine, * secundum verbum tuum in pace.

Quia viderunt oculi mei * salutare tuum.

Quod parasti * ante faciem omnium populorum.

Lumen ad revelationem gentium, * et gloriam plebis tuæ Israel.

Ant. Custodi nos, Domina, et absconde nos in corde tuo, ut sive vigilemus, sive dormiamus, toto nostro corde te diligamus.

Tempore pasch. et vitæ glor. additur. Alleluia, alleluia.

Sequentes preces non dicuntur in Duplicibus, et infra oct. sed tunc post antiph. dicitur.

¶. Dom. exaud. ¶. Et clamor. et oratio ut infra.

Kirie eleison, Christe eleison, Kirie eleison. Pater nost. *secretò.* ¶. Et ne nos ind. ¶. Sed liber.

¶. MARIA, Mater gratiæ, Mater misericordiæ.

¶. Tu nos ab hoste protege, et mortis horâ suscipe.

¶. Erue nos in die malâ.

¶. Et in die mortis ne obliviscaris animæ meæ.

¶. In exitu animæ meæ de hoc mundo.

¶. Occurre illi, Domina, et suscipe eam.

¶. Esto illi scala ad regnum cœlorum.

¶. Et iter rectum ad paradisum Dei.

¶. Domine, exaudi oration.

¶. Et clamor meus.

Oremus. *Oratio.*

Deus, qui in sinu Beatissimæ Virginis MARIE requiescere dignatus es: da, quæsumus, nobis, ipsâ intercedente, ut inimici per noctem devitemus insidias, et tu sis nostra quies, et tutum præsidium. Qui vivis et regnas cum Deo Patre in unitate Spiritûs Sancti Deus per omnia sæcula sæculorum. ¶. Amen.

¶. Domine, exaudi. ¶. Et clamor meus ad te veniat.

¶. Benedicamus Domino. ¶. Deo gratias.

Benedictio. Benedicat et custo-

diat nos Virgo MARIA, Mater Dei Filii, Filia Dei Patris, et Sponsa Dei Spiritus Sancti. *ñ. Amen.*

Nunc statim dicitur una ex antiphonis pro temporis opportunitate, quæ ponuntur in fine Psalterii, et post antiph. Pater, Ave, Credo.

Hoc modo dicitur quotidie Completorium mutatis tantum Psalmis, qui in singulis Feris proprii inveniuntur, cum sud antiph. Quod observatur etiam in festis.

Antiph. ad Nunc dimittis. in diebus infra hebdomadam, loco Cusodi nos. dicitur hæc quæ sequitur.

Sub tuum præsidium confugimus, Sancta Dei Genitrix : nostras deprecationes ne despicias in necessitatibus, sed à periculis cunctis libera nos semper, Virgo gloriosa et benedicta.

Temp. Paschali et vitæ gloriosæ additur Alleluia, Alleluia.

In solemnitatibus Dupluc. 1. Classis, Completorium dicitur omnino ut in Dominicâ tam post prim. quam post secund. Vesper. In duplicibus vero 2. Clas. Complet. de Dom. dicitur tantum post prim. Vesper. Post secund. autem Psalm. Compl. dicuntur de fer. occurr, ut in aliis Dupl.

FERIA II.

AD MATUT.

Ave.

ñ. Domine, labia. ñ. Et os meum. ñ. Deus, in ad. &c.

*Invitatorium. Christum MARIE Filium, * Venite, adoremus. Psalm. invit. Venite exultemus. p. 1.*

HYMNUS 9. Apud Benedict.

Ave, suprema Virginum,
Magni Parentis Filia,
Et Sponsa sacri Flaminis,
Christique Mater inclita.

Vestita sole fulgido,
Quæ calce lunam subteris :
Et cincta stellis tempora.
Splendescis intra regiam.

Tu Mosis arca mistica,
Suave manna continens :
Tu clausus hortus undique,
Turrisque munitissima.

Tu fortitudo Martyrum,
Decusque Confitentium :
Tu Virginum pulcherrima,
Regina cælo præsides.

A te, Parens mitissima,
Opem gementes poscimus :
Dulcem præcare Filium,
Ut nostra tollat crimina.

Dozol. de tempore.

Sequentes novem Psalmi dividuntur in tres nocturnos, quando fit officium novem lection. In officio simplici et feriali dicuntur per modum unius nocturni cum tribus antiphonis interpositis per annum, et cum und tantum tempore pasch. Idem est observandum in aliis feriis.

Per ann. ant. Tibi debetur.

Temp. pasch. ant. Circumdedisti.

PSALM. 6.

Domina, ne infurore Dei sinas corripui me : * neque in irâ ejus judicari.

Propter honorem nominis tui, Domina, * propitiatur nobis gloriosus fructus ventris tui.

De portâ inferi, et de ventre abyssi * tuis sanctis precibus libera nos.

Aperiantur nobis januæ sempiternæ, * ut enarremus in æternum mirabilia tua.

Quia non mortui, neque qui in inferno sunt laudabunt te, Domina : * sed qui tuâ gratiâ vitam æternam obtinebunt.

PSALM. 9.

Confitebor tibi, Domina, in toto corde meo : * et narrabo in populis laudem et gloriam tuam.

Tibi enim debetur gloria, * et gratiarum actio, et vox laudis.

Invenient gratiam peccatores apud Deum, * per te inventricem gratiæ et salutis.

Respirent ad indulgentiam humiles pœnitentes: * sana contritiones cordis eorum.

In pulchritudine pacis et requie opulentâ, * cibabis nos post laborem peregrinationis nostræ.

PSALM. 11.

Salvum me fac, Mater pulchræ dilectionis: * fons clementiæ, et dulcor pietatis.

Girum terræ sola circuis, * ut subvenias invocantibus te.

Pulchræ sunt viæ tuæ: * et semitæ tuæ pacificæ.

In te refulget species castitatis, * lumen justitiæ, et splendor veritatis.

Amicta solari lumine velut vestimento: * duodecim stellarum coronâ rutilas radianti.

Per ann. ant. Tibi debetur gloria, et gratiarum actio, et vox laudis. *ant.* Esto.

PSALM. 13.

Dixit insipiens adversarius noster in corde suo: * persequar, et comprehendam et interficiet eum manus mea.

Exurge, Domina, et præveni eum, et supplantâ eum: * destrue omnes conatus illius.

Tuam pulchritudinem sol et luna mirantur: * tibi angelicæ potestates serviunt et famulantur.

Tuo tactu lenissimo sanantur iu-firmi: * tuo odore roseo mortui reviviscunt.

Virgo Dei genitrix, quem totus non capit orbis, * in tua se clausit viscera factus homo.

PSALM. 17.

Diligam te, Domina cœli et terræ: * et in gentibus nomen tuum invocabo.

Confitemini illi tribulati corde: * et roborabit vos contra inimicos vestros.

Stillâ nobis, Domina, gratiam uberum tuorum, * et manante lacte dulcedinis tuæ refice viscera puerorum tuorum.

Religiosi omnes honorate illam: * quia ipsa est adiutrix, et vestra specialis advocata.

Esto refrigerium nostrum, gloriosa Mater Christi; * quia tu es totius religionis mirabile firmamentum.

PSALM. 20.

Domina, in virtute tuâ lætabitur cor nostrum, * et in dulcedine nominis tui consolabitur anima nostra.

De sedibus tuis mitte nobis sapientiam, * per quam in omni veritate dulciter illustremur.

A carnalibus desideriis concede gratiam abstinendi; * ut lumen gratiæ in nostris cordibus oriatur.

Quàm dulcia diligentibus te eloquia tua, Domina, * quàm suaves sunt cogitationes tuæ.

Gloriam et honorem psallam tibi: * et in nomine tuo glorificabor in sæculum.

Per ann. ant. Esto refugium nostrum, et consolabitur anima nostra. *ann.* Dilexi.

PSALM. 25.

Judica me, Domina, quoniam ab innocentia meâ digressus sum: * sed quia speravi in te, non infirmabor.

Ure cor meum igne amoris tui: * et cingulo castitatis restringe renes meos.

Quoniam misericordia tua et clementia tua ante oculos meos: * et delectatus sum in voce laudis tuæ.

Domina, dilexi decorem faciei tuæ: * et veneratus sum suavem majestatem tuam.

Confitemini nomini ejus, quoniam sanctum est: * enarrantur in

sæculum mirabilia ejus.

PSALM. 27.

Ad te, Domina, clamabo, et exaudies me: * in voce laudis tuæ vivificabis me.

Miserere mei in die angustiarum mearum: * et in luce veritatis tuæ libera me.

Benedicta sis, ò Domina mea, * in finibus omnibus orbis terrarum.

Sanctuarium, quod firmaverunt manus tuæ, * est sanctum templum corporis tui.

Conscientia tua munda, et immaculata est: * locus propitiationis et habitaculum sanctum.

PSALM. 32.

Exultate justi in Virgine MARIA: * et in rectitudine cordis collaudate eam.

Accedite ad eam cum reverentia et devotione: * et delectetur cor vestrum in salutatione ejus.

Impendite illi sacrificium laudis: * et inebriamini ab uberibus dulcedinis illius.

Influit enim vobis radios suarum pietatis: * et clarificabit vos fulgore misericordiarum suarum.

Suavissimus est fructus illius: * in ore et corde sapientis dulcescit.

Per ann. ant. Dilexi, Domina, decorem faciei tuæ.

Per ann. ꝑ. Accedite ad eam, et illuminamini.

ꝑ. Et facies vestra non confundetur.

In adv. ꝑ. Benedicta tu in mulieribus.

ꝑ. Et benedictus fructus ventris tui.

Temp. pasc. ant. Circumdedit me lætitia, Domine, alleluia, allel.

ꝑ. In resurrectione Christi, allel.

ꝑ. Virgo MARIA lætata est, allel.

Deinde leguntur tres lectiones, quæ suis in locis assignantur pro temporis diversitate.

Absolutio. Exaudi, Domina.

Benedictiones: tres primæ, quæ ponuntur pro I. Noct. Dom. p. 3.

AD LAUDES.

ꝑ. Deus, in ad. ꝑ. &c.

Per ann. ant. Liquore tuo.

Temp. pasc. ant. Alleluia.

PSALM. 38.

Dixi: custodiam vias meas, ò Domina: * cum per te gratia Christi fuit data.

Liquore tuo liquefactum est cor meum: * amore tuo inflammata sunt viscera mea.

Exaudi orationem meam, Domina, et deprecationem meam: * et contabescant adversarii mei.

Miserere mei de cœlis, et de altitudine throni tui: * et ne permitas me in valle miseriæ conturbari.

Custodi pedem meum, ne labatur; * et in fine meo sit præsens gratia tua.

Per ann. ant. Liquore tuo liquefactum est cor meum. *ant.* Sanctæ.

PSALM. 42.

Judica me, Domina, et discerne causam meam de gente perversa: * à serpente maligno et dracone pestifero libera me.

Sancta fecunditas tua disperdat eum: * beata virginitas tua conterat caput ejus.

Sanctæ preces tuæ corroborent nos contra draconem: * sancta merita tua exiniant virtutem ejus.

Persecutorem animæ meæ mitte in abyssum: * puteus infernalis deglutiat eum viventem.

Ego autem, et anima mea in terra captivitatis meæ benedicam nomen tuum: * et conglorificabo te in sæcula seculorum.

Per ann. ant. Sanctæ preces tuæ corroborent nos contra draconem. *ant.* Clarifica me.

PSALM. 66.

Deus misereatur nostri, et benedi-

cat nobis: * per illam quæ eum genuit.

Miserere nostri, Domina, et ora pro nobis: * in sanctam lætitiā convertē mœstitiam nostram.

Illumina me, stella maris: * clarificame, Virgo clarissima.

Extingue ardorem noxium cordis mei: * refrigera me gratiā tuā.

Protegat me semper gratia tua: * præsētia tua illustret finem meum.

Per ann. ant. Clarifica me, Virgo clarissima. *ant.* Ecce Domina.

Temp. pasc. ant. Alleluia, alleluia, alleluia. *ant.* Alleluia.

CANTICUM 4.

S. Bonaventuræ instar illius Isaïæ.

c. 12.

Confitebor tibi, Domina: * quoniam per te placatus est mihi Dominus, et consolatus est me.

Ecce Domina salvatrix mea: * fiducialitèr agam in te, et non timebo.

Quia fortitudo mea, et laus mea in Domino tu es: * et facta es mihi in salutem.

Hauriam aquas in gaudio de rivulo: * et semper invocabo nomen tuum.

Notas facite in populis virtutes Dominae nostræ: * quia excelsum est valde nomen ejus.

Exulta et lauda, totum genus humanum: * quia talem dedit tibi mediatricem Dominus Deus tuus.

Per ann. ant. Ecce Domina salvatrix mea, non timebo. *ant.* Exaltationes.

Temp. pasc. ant. Alleluia, in Dominā meā gaudebo semper, alleluia, *ant.* alleluia.

PSALM. 149.

Cantate Dominae nostræ canticum novum: * laus ejus in congregatione iustorum.

Lætentur cœli de gloriā ejus: * insulæ maris et totus orbis.

Aqua et ignis laudent eam: * fri-

gus et æstus, splendor et lumen.

Exaltationes ejus in gutture iustorum, * et laudes ejus in ore triumphantium.

Civitas Dei, jucundare in illā, * et pro incolis tuis frequenta illi laudem.

Per ann. ant. Exaltationes ejus in cœtu triumphantium.

Temp. pasc. ant. Alleluia, alleluia.

ET CAPITULUM. *Eccl. c. 24. 16.*
Et radicavi in populo honorificato, et in parte Dei mei hæreditas illius, et in plenitudine sanctorum detentio mea.

HYMNUS 10. *Santeuil.*

Quis te canat mortaliū,

Virgo Dei puerpera?

Adeste, puri spiritus,

Vestri sit illud muneris.

Quis inter augustissimæ

Mentis tuæ sacraria,

Dotes quis evolvēt tuas

Et territū non hæreat?

Dic, Virgo, quæ vis traxerit

Patri cœvum Filium

Ab hujus æterni sinu

Mortalis in Matris sinum?

Ad hos honorum te gradus

Non efferet simplex fides,

Non virginalis te pudor.

Nec igne fervens charitas.

Sed quæ sibi nunquā placet,

Deo placens modestia:

Quā jam tibi fis vilior,

Hæc digna fis Mater Dei.

Quā celsa, quæ se deprimens

Altum Tonantem deprimet!

In te sui jam non memor

Descendet è cœlo Deus.

Doxologia de tempore.

Per ann. γ. Orapro nobis, Sancta Dei Genitrix.

¶ Ut digni efficiamur promissionibus Christi.

In adv. γ. Rorate cœli desuper, et nubes pluant justum.

¶. Aperiatur terra, et germinet Salvatorem.

In præg. ¶. Veritas de terrâ orta est.

¶. Et justitia de cœlo prospexit.

Ad. Benedict. ant. Tu MARIA, * propheta Dei vocaberis, quia respexit Deus humilitatem tuam.

Preces, ut in fine Psalterii, Oratio de Dom. præcedenti, et suffragia Sanctorum.

Temp. pasc. ¶. Regina cœli, lætare, alleluia.

¶. Quia surrexit Filius tuus, allel.

Ad. Benedic. ant. Surrexit Christus, * et apparuit Matri suæ, allel. alleluia.

Oratio de Dom. præc. quod semper observatur in fer. Off.

Horæ dicuntur quotidie, prout notatum est in Dominica.

AD VESPERAS.

Ave. ¶. Deus, in adj. ¶. Dom. ad. &c.

Per ann. ant. Splendor. *Temp. pasc. ant.* Alleluia.

PSALM. 23.

Domini est terra et plenitudo ejus: * tu autem, sanctissima Mater, cum eo regnas in æternum.

Gloriam et decorem induisti: * omnis lapis pretiosus amictus, et operimentum tuum.

Splendor solis super caput tuum, * lunaris pulchritudo sub pedibus tuis.

Sidera micantia ornant sedile tuum: * astra te glorificant jugiter matutina.

Memento nostri, Domina, in beneplacito tuo: * et fac nos dignos glorificandi nomen tuum. *ant.* Splendor solis super caput tuum. *ant.* Dignare.

PSALM. 24.

Ad te, Domina, levavi animam meam: * in iudicio Dei tuis preci-

bus non erubescam.

Neque illudant mihi adversarii mei: * in te enim præsumentes, de te roborantur.

Non prævaleant adversum me laquei mortis: * et castra malignantium non impedian gressus meos.

Collide impetum eorum in virtute tuâ: * et cum mansuetudine occurre animæ meæ.

Ductrix mea esto ad patriam: * et me cœtui angelorum digneris aggregare.

Ant. Dignare me cœtui angelorum aggregare. *ant.* Sit manus tua.

PSALM. 28.

Afferte Dominae nostræ, filii Dei: * afferte Dominae nostræ laudem et reverentiam.

Da virtutem nobis, Mater sancta, * et benedictionem laudantibus atque glorificantibus te.

Exaudi gemitus suspirantium ad te: * et ne spernas vota invocantium nomen tuum.

Sit manus tua ad succurrendum mihi parata: * et auris tua intendens ad deprecationem meam.

Benedicam tibi cœli et terra: * mare et orbis terrarum.

Ant. Sit manus tua ad succurrendum mihi parata. *ant.* Sumite.

PSALM. 33.

Benedicam Dominam, in omni tempore: * et non deficiet laus ejus in ore meo.

Magnificate eam mecum; * omnes qui impinguati estis lacte devotionis ejus.

In periculis, in rebus dubiis invocate eam: * et in necessitatibus invenietis auxilium et refrigerium dulce.

Sumite exemplum conversationis ejus: * et æmulamini studia charitatis et humilitatis illius.

Quia ergo, Domina, humillima fuisti: * verbum increatum ex te car-

nem suscipere coegisti.

Ant. Sumite exemplum conversationis ejus. *ant.* In cubili meo.

PSALM. 54.

Exaudi, Domina, orationem meam: * et ne contempnas deprecationem meam.

Contristatus sum in cogitatione mea: * quia judicia Dei perterrunt me.

Tenebrae mortis venerunt super me: * et pavor inferni horribiliter invasis me.

Ego autem in solitudine expecto consolationem tuam: * et in cubili meo attendo misericordiam tuam.

Glorifica manum et dexterum brachium tuum: * et prosternantur in nobis inimici nostri.

Ant. In cubili meo attendo misericordiam tuam.

Temp. pasc. ant. Alleluia, alleluia, alleluia.

CAPITULUM. Eccl. 24. 17.

Quasi cedrus exaltata sum in Libano, et quasi cypressus in monte Sion: quasi palma exaltata sum in Cades, et quasi plantatio rosae in Jericho.

HYMNUS 11. *Santeuil.*

O quae polo sublimior
Regina caeli diceris!

Nos è supernis sedibus,
MARIA clemens, aspice.

Christus sibi, quos eligit
Fratres, adopta filios:
Et matris in nos viscera
Mitesque vultu indue.

Quid à Deo non obtines
Supplex tuum per Filium,
Quem virginali victimam
Offers placentem dexterâ?

Confissa tanto pignore
Ama favere noxiis
A te dato quos sanguine
Tuus redemit Filius.

Fac, Virgo, nostris castitas
Intacta regnet cordibus,

Vitæque puræ criminum
Sit mors beata terminus.

Doxolog. de tempore.

Per ann. ⁊. Vultum tuum deprecabuntur.

⁊. Omnes divites plebis.

In adv. ⁊. Prophetæ prædicaverunt.

⁊. Nasci Salvatorem de Virgine MARIA.

In puerper. ⁊. Veritas de terrâ orta est.

⁊. Et justitia de cœlo prospexit.

Temp. pasc. ⁊. Gaude et lætare, Virgo MARIA, alleluia.

⁊. Quia surrexit Dominus verè, alleluia.

Ad. Magnificat ant. Fecit mihi * magna qui potens est, et sanctum nomen ejus.

Temp. pasc. ad. Magnif. ant. Congratulamini mihi omnes, * qui diligitis me, alleluia, quia ipse, quem expectabam, apparuit mihi, allel.

Preces, oratio et sufrag. ut in fine Psalterii.

AD COMPLET.

⁊. Converte ⁊. Et averte. ⁊. Deus, in ad. &c. *ant.* Gratosus. *Temp. pasc. ant.* Alleluia.

PSALM. 83.

Quàm dilecta tabernacula tua, Domina virtutum! * quàm amabilia tentoria requietionis tuæ!

Honorate illam peccatores: * et impetrabit vobis gratiam et salutem.

Super thus et balsamum oratio ejus, incensum preces ejus: * non revertentur vacuæ, nec inanes.

Intercede pro me, Domina, apud Christum tuum: * nec derelinquas me in vitâ, nec in morte.

Benignus est enim spiritus tuus: * gratia tua replet orbem terrarum.

PSALM. 86.

Fundamenta vitæ in animâ justi: *

perseverare in charitate usque in finem.

Misericordia tua relevat pauperem in adversitate: * et invocatio tui nominis immittit ei confidentiam bonam.

Miserationibus tuis repletur paradisus: * et à terrore tuo hostis confunditur infernalis.

Qui sperant in te, invenient thesauros pacis: * et qui te non invocant in hac vita, non perveniet ad regnum Dei.

Fac, Domina, ut vivamus in gratiâ Spiritûs Sancti: * et perduc animas nostras ad sanctum finem.

PSALM. 88.

Misericordias tuas, Domina; * in sempiternum decantabo.

Unguento pietatis tuæ medere contritos corde: * et oleo misericordiæ tuæ refove dolores nostros.

Gratiosus vultus tuus mihi appareat in extremis: * formositas faciei tuæ lætificet egredientem spiritum meum.

Excita spiritum meum ad amandam bonitatem tuam: * excita mentem meam ad extollendam nobilitatem et pretiositatem tuam.

Libera me ab omni tribulatione malâ: * et ab omni peccato custodi animam meam.

Ant. Gratiosus vultus tuus lætificet egredientem spiritum meum.

Temp. pasc. ant. Alleluia, alleluia, alleluia.

Reliqua ut in die Dominicâ, quod quotidie observatur, pag. 18.

FERIA III.

AD MATUTIN.

Ave. ♀. Dom. lab. ♀. Et os. ♀. Deus, in adj. &c.

Invitor. Qui manè vigilant ad me, * Invenient me.

Psalm. invit. Venite exultemus. p. 1.

HYMNUS 12. *S. Anselm.*

Lux, quæ lucet in tenebris,
Ex alvo nata Virginis,
Nostram noctem nos exue,
Tuumque diem indue.

MARIA, Dei thalamus,
Posce te venerantibus,
Virtutibus ut splendeant,
Quos reatus obtenebrant.

O mundo venerabilis,
Virgo Mater mirabilis:
MARIA plena gratiâ,
Ora pro nobis miseris.

Quæ genuisti Filium,
A summo Patre genitum:
Per hæc tua nos merita
A lapsu mortis libera.

Doxolog. de temp.

Ant. Confitemini. *Temp. pasc. ant.* Dextera.

PSALM. 15.

Conserva me, Domina, quoniam speravi in te: * mihi que tuæ stillicidia gratiæ impertire.

Alvus tuus virginalis et viscera tua * Filium Dei altissimi genuerunt.

Benedicta sint ubera tua, * quibus lacte deifico Salvatorem enutristi.

Confitemini laudes Virgini gloriosæ: * quicumque apud eam gratiam et misericordiam invenistis.

Date magnificentiam nomini ejus: * et collaudate in sæculum conceptum, atque partum ejus.

PSALM. 16.

Exaudi, Domina, justitiam meam et amorem: * amove à me tribulationem meam.

Confitebor tibi in voce exultationis: * cum magnificaveris super me misericordiam tuam.

Imitamini eam sanctæ virgines Dei: * ut imitatæ sunt Agnes, Barbara, Dorothea, et Catharina.

Honorificate eam in voce labiorum vestrorum: * per hoc ejus gratiam Agatha, Lucia, Margarita et

Cæcilia susceperunt.

Sponsum dabit vobis Patris Filium: * et de paradisi liliis coronam incomparabiliter radiantem.

PSALM. 18.

Cœli enarrant gloriam tuam * et unguentorum tuorum fragrantia in gentibus est dispersa.

Respirate ad illam perditii peccatores, * et perducet vos ad indulgentiæ portum.

In hymnis, et psalmis, et canticis pulsate viscera ejus; * et stillabit vobis gratiam dulcedinis suæ.

Glorificate eam justi ante tholum Dei: * quia fructu ventris ejus justitiam estis operati.

Laudate eam cœli cœlorum: * et nomen ejus glorificet omnis terra.

Ant. Confitemini laudes Virgini gloriosæ. *ant.* Benedicta.

PSALM. 19.

Exaudi nos, Domina, in die tribulationis: * et precibus nostris converte clementem faciem tuam.

Ne projicias nos in tempore mortis nostræ: * sed succurre animæ, cum deseruerit corpus suum.

Mitte angelum in occursum ejus: * per quem à malignis hostibus defendatur.

Ostende ei serenissimum Judicem sæculorum: * qui ob tui gratiam indulgentiam ei largiatur.

Sentiat in pœnis refrigerium tuum: * et concede ei locum inter electos Dei.

PSALM. 21.

Deus, Deus meus: * respiciat in me meritis suis Virgo semper MARIA.

Domina mea, clamavi ad te per diem et noctem: * et fecisti cum servo tuo misericordiam tuam.

Quia ego speravi in misericordia tua: * sempiternum à me opprobrium abstulisti.

Deriserunt me inimici mei undique: * tu autem sub umbrâ manûs

tuæ contulisti mihi refrigerium bonum.

Adoret te familiæ gentium: * et glorificent te omnes ordines angelorum.

PSALM. 22.

Dominus regit me, Virgo Dei genitrix: * quia tu amabilem vultum ejus ad me convertisti.

Benedicti sunt oculi tui splendidissimi: * quos digneris convertere super nos peccatores.

Benedictum sit lumen et splendor faciei tuæ: * benedicta sit gratia vultus tui.

Benedicta sit misericordia matrum tuarum: * benedicta sit emanatio virginei lactis tui.

Benedicant te Apostoli, et Prophetæ Dei: * Martyres, et Confessores et Virgines psallant tibi.

Ant. Benedicta sit gratia vultus tui. *ant.* Gloriam.

PSALM. 26.

Domina, illuminatio mea sit splendor faciei tuæ: * et serenitas tuæ gratiæ refulgeat menti meæ.

Exalta caput meum, et ego psallam: * psalmum nomini tuo decantabo.

Ne avertas faciem tuam à me: * quia speciem et decorem tuum à juventute meâ concupivi.

Te amavi et exquisivi, Regina cœlorum: * misericordiam tuam et gratiam tuam ne subtrahas à servo tuo.

Confitebor tibi in nationibus: * et thronum gloriæ tuæ glorificabo.

PSALM. 29.

Exaltabo te, Domina, quoniam suscepisti me: * ab iniquo adversario meo liberabis me.

Convertere ad me, et vivifica me, et de portis mortis reduc me: * et de fluctibus tribulationum quæ circundederunt me.

Propter imperium et magnificen-

tiam dexteræ tuæ: * contere et dis-
sipa omnes adversarios meos.

Et ego offeram tibi sacrificium
laudis: * et gloriam tuam devotiùs
exaltabo.

Exultate cœli, et jucundare ter-
ra: * quia consolatur MARIA ser-
vus suos, et pauperum suorum mi-
serebitur.

PSALM. 31.

Beati, quorum corda te diligunt,
Virgo MARIA: * peccata ipsorum à
te misericorditèr diluentur.

Sancta, casta, et florigera ubera
tua, * quæ florem viriditatis perpe-
tuæ eruperunt.

Decor pulchritudinis tuæ corrup-
tionem non videbit: * et vultus tui
gratia in æternum non marescet.

Benedicta tu, Virga Jesse subli-
mis: * quæ te usque ad sedentem in
thronum dilatasti.

O Virgo Regina! ipsa es via, *
per quam nos salus de supernis se-
dibus visitavit.

Ant. Gloriam tuam devotiùs exal-
tabo.

†. Accedite ad eam, et illumina-
mini.

†. Et facies vestra non confun-
detur.

In adv. †. Benedicta tu in mu-
lieribus.

†. Et benedictus fructus ventris tui

Temp. pasc. ant. Dexterâ Domi-
ni fecit virtutem, dexterâ Domini
exaltavit me, alleluia.

†. In resurrectione tuâ, Christe,
alleluia.

†. Virgo MARIA lætata est, allel.

Deinde leguntur Lectiones cum ††.
huic feriæ propriæ pro temporis
opportunitate.

Absolutio. Ipsius pietas.

*Benedictiones, tres ille quæ posi-
tæ sunt in 2. Nocturno Dominicæ.*

AD LAUDES.

†. Deus, in adj. †. Dom. ad adj.

Gloria. Alleluia *vel* Laus. *ant.* In
tuâ. *Temp. pasc. ant.* Alleluia.

PSALM. 34.

Judica, Domina, nocentes me: * et
contra eos exurge, et judica causam
meam.

Anima mea in te lætabitur: * et
tuis beneficiis devotus exultabo.

Gratiâ et dulcedine tuâ pleni sunt
cœli et terra: * undiquè tuis benefi-
ciis irretisti nos.

Quocumquè enim pergimus, *
occurrit nobis diffusio tui uteris vir-
ginalis.

Curramus ergo, carissimi, et ita
nobilem et dulcissimam Virginem
salutemus: * ut in suæ dilectionis
gremio quiescamus.

Ant. In tuâ misericordiâ requies-
cam. *ant.* Inclina.

PSALM. 35.

Dixit injustus, ut peccet in abscon-
dito * per se à malo proposito: di-
scedat Mater Dei.

Inclina vultum Dei super nos: *
coge illum peccatoribus misereri.

Domina, in cœlo misericordia
tua: * et gratia tua diffusa est su-
per terram.

Potentia et virtus in brachio tuo: *
robur et fortitudo in dexterâ tuâ.

Benedictum sit imperium tuum
super cœlos: * benedicta sit magni-
ficientia tua super terram.

Ant. Inclina vultum Dei super
nos. *ant.* Delectamini.

PSALM. 36.

Noli æmulari in malignantibus, Do-
mina: * furorem eorum dulcifica
per gratiam tuam.

Sperate in illâ religiosi et claus-
trales: * confidite in illâ clerici et
sæculares.

Delectamini in laudibus illius: *
et exaudiet petitiones cordis vestri.

Meliùs est modicum cum gratiâ
illius, * quàm thesauri argentei, et
lapides pretiosi.

Gloria semper tibi, ô Regina cœlorum: * et in ullo tempore noli nos oblivisci.

Ant. Delectamini in laudibus illius. *ant.* Pater meus.

Temp. pasc. ant. Alleluia, alleluia, alleluia. *ant.* Vicit.

CANTICUM 5.

S. Bonav. ad instar illius Zachariæ Isai. 38.

Ego dixi circa dimidium dierum meorum: * vadam ad MARIAM, ut me Christo reconciliet.

Quæsi residuum annorum meorum: * in amaritudine animæ meæ.

Generatio mea ablata est, quia Pater et Mater, et omnia dereliquerunt me: * MARIA autem assumpsit me.

Sperabam in illâ manè, serò et meridiè: * quasi leo sic contrivit omnia ossa peccatorum meorum.

Et tu, Domina, eruisti animam meam, ut non periret: * et de manu canis unicam meam.

Domina, salvum me fac: * et laudes tuas cantabo omnibus diebus vitæ meæ.

Ant. Pater meus derelinquit me: MARIA autem assumpsit me. *ant.* Glorificate.

Temp. pasc. ant. Vicit leo, allel. de tribu Juda, allel. *ant.* Alleluia.

PSALM. 148.

Laudate Dominam nostram de cœlis: * glorificate eam in excelsis.

Laudate eam omnes homines et jumenta: * volucres cœli et pisces maris.

Laudate eam sol et luna: * stellæ et circuli planetarum.

Laudate eam Cherubim et Sera- phim: * Throni, et Dominationes, et Potestates.

Laudate eam omnes legiones Angelorum: * laudate eam omnes ordines spirituum supernorum.

Ant. Glorificate eam in excelsis.

Temp. pasc. ant. Alleluia, allel. alleluia.

CAPITULUM. Eccl. 24. 20.
Sicut cinnamomum et balsamum aromatizans odorem dedi: quasi myrrha electa dedi suavitatem odoris.

HYMNUS 13. *S. Anselm.*

Præfulgens sol justitiæ
Ortus de sacrâ Virgine,
Splendore tuo noxias
Nostras illustra tenebras.
Orientis castissima
Mater, fac nobis, Domina,
Vita prorsus ut decadat
Vetus, nova proficiat.

Dei Mater, ô Domina,
Nostraque Mater inclyta:
Emunda nos à vitiis,
Et orna sanctis meritis.

O Genitrix Altissimi,
Sublimis tantâ gratiâ:
Per tua sacra merita
Dele nostra peccamina.

Doxolog. de temp.

Per ann. ꝛ. Ora pro nob. ꝛ. Ut digni effice.

In adv. ꝛ. Rorate cœli des.

ꝛ. Aperiat terra.

In puerp. ꝛ. Veritas de ter.

ꝛ. Et justitia de cœl.

Ad Benedict. ant. De manu omnium, * qui nos oderunt, pacem nobis tribue.

Preces, Oratio de Dom. præced. suffrag. Sanctior.

Temp. pasc. ꝛ. Regina cœli, læt. ꝛ. Quia surrexit &c.

Ad. Benedict. ant. Quem meruisti portare, Domina, resurrexit, sicut dixit, allel. allel.

AD VESPER.

Ave. ꝛ. Deus, in adj. &c.

Ant. Spes nostra. *Temp. pasc. ant.* alleluia.

PSALM. 37.

Domina, ne in furore suo arguat me

Dominus: * nobis veniam obtine de peccatis.

In conspectu tuo sit omne desiderium nostrum: * spes nostra, et confidentia nostra.

Cor meum conturbatum est in me: * recedit lux de visceribus meis.

Illumina splendore tuo cæcitatem meam: * dulcifica dulcore tuo contritionem meam.

Ne derelinquas nos, Domina, Mater Dei: * gratia tua, et virtus sit à dextris meis.

Ant. Spes nostra, et confidentia nostra tu es. *ant.* Exaudisti.

PSALM. 39.

Expectans expectavi gratiam tuam: * et fecisti mihi secundum multitudinem misericordiæ nominis tui.

Exaudisti preces meas: * et eduxisti me de lacu miseriæ et de foveâ inimici.

Multa et mirabilia sunt dona tua, Domina: * incomparabilia sunt munera gratiarum tuarum.

Exultent, et lætentur super te omnes qui diligunt te: * qui ode-
runt nomen tuum, corruant in infernum.

Benedicta sis in æternum, Domina: * in sæculum et in sæculum sæculi.

Ant. Exaudisti, Domina, preces meas. *ant.* Te cupit.

PSALM. 40.

Beata MARIA intelligit super egenum, et pauperem: * in ejus laudibus perseverantem.

Domina angelorum, Regina mundi: * munda cor meum igne amoris et charitatis tuæ.

Tu es mater illuminationis cordis mei: * tu es nutrix refovens mentem meam.

Te cupit os meum collaudare: * te affectat mens mea affectissimè venerari.

Te desiderat anima mea exorare: * quia tuitioni tuæ se commen-

dat tota substantia mea.

Ant. Te cupit os meum collaudare. *ant.* Accendatur.

PSALM. 41.

Quemadmodum desiderat cervus ad fontes aquarum: * ita ad amorem tuum anhelat anima mea.

Quia tu es genitrix vitæ meæ: * et alitrix Reparatoris carnis meæ.

Quia tu es lactatrix Salvatoris animæ meæ: * initium et finis totius salutis meæ.

Exaudi me, Domina, et munden-
tur sordes meæ: * illumina me, Domina, et illustrentur tenebræ meæ.

Accendatur amore tuo tepor meus: * gratiâ tuâ expellatur torpor meus.

Ant. Accendatur amore tuo tepor meus. *ant.* Ineffabilia.

PSALM. 43.

Domina, auribus nostris audivimus: * patres nostri annuntiaverunt nobis.

Quia ineffabilia sunt merita tua: * et valdè stupenda mirabilia tua.

Domina, innumerabiles sunt virtutes tuæ: * et inæstimabiles misericordiæ tuæ.

Exulta anima mea, et lætare in illâ: * quia multa bona sunt laudatoribus præparata.

Benedicta sis, Regina cælorum et angelorum: * et benedicantur à Deo laudatores magnificentiæ tuæ.

Ant. Ineffabilia sunt merita tua, Domina.

Temp. pasc. ant. Alleluia, alleluia, alleluia.

CAPITULUM. *Eccl.* 24. 21.

Quasi storax, et galbanus, et ungula, et quasi libanus non incisus vaporavi habitationem meam, et quasi balsamum non mistum odor meus.

HYMNUS 14. *S. Anselm.*

Sol casto nascens utero,
Vesperascente sæculo,

Illustra nos perpetuò,
Ne declines in vespere.

Æterni solis Genitrix,
Tuis hoc sanctis meritis
Age, quo perpes maneat
Nobis, nec unquàm decidat.

Mater diei perpetis
Obsiste nostris tenebris,
Ne lucem nobis dissipet,
Et nos delictis implicant.

O Virgo lux indesinens,
Jugi nos fove lumine:
O Mater nostra, dissipa
Culpæque noctem remove.

Doxolog. de tempore.

Per ann. ꝑ. Vultum tuum.

ꝑ. Omnes div.

In adv. ꝑ. Prophetæ præd.

ꝑ. Nasci salv.

In puerp. ꝑ. Veritas de ter.

ꝑ. Et justitia.

Ad. Magnific. ant. Ecce enim *
ex hoc beatam me dicent omnes ge-
nerationes.

*Preces et suff. Sanctor. ut in fine
Psalteri.*

Temp. pasc. ꝑ. Gaude et læt.

ꝑ. Quia surrex.

Ad. Magnif. ant. Magnificate *
Dominum mecum, et exaltemus no-
men ejus in idipsum, alleluia, alle-
luia, allel. *Oratio de Dom. præced.*

AD COMPLET.

ꝑ. Convertte. ꝑ. Et averte. ꝑ. Deus,
in adj. &c. *ant.* Beneficiis. *Temp.
pasc. ant.* Alleluia.

PSALM. 44.

Eructavit cor meum verbum bo-
num, Domina: * cum rore melifluo
extitit dulcoratum.

Per tuam sanctitatem peccata mea
purgentur: * per tuam integritatem
mihi incorruptibilis condonetur.

Per tuam virginitatem anima mea
à Christo adamatur: * et sibi amo-
ris vinculo sociatur.

Per tuam fœcunditatem ego cap-

tivus sum redemptus: * per tuum
partum virgineum de morte æterna
sum eremptus.

Per tuam prolem dignissimam
perditus sum restitutus: * et de exi-
lio miseriæ in patriam beatitudinis
sum reductus.

GSALM. 45.

Domina, refugium nostrum tu es in
omni necessitate nostrâ: * et virtus
potentior conterens inimicum.

Beneficiis tuis plenus est mun-
dus: * superant cœlestia, penetrant
et inferna.

Plenitudine gratiæ tuæ quæ in
inferno erant: * se lætantur liberata.

Obtutu fœcunditatis tuæ virgi-
neæ, quæ supra mundum sunt; * se
gaudent restaurata.

Per gloriosum tuæ virginitatis
sanctissimæ partum; * homines an-
gelorum sunt socii et concives.

PSALM. 46.

Omnes gentes, plaudite manibus: *
psallite in jubilo Virgini gloriosæ.

Quoniam ipsa est janua vitæ,
porta salutis: * et via nostræ re-
conciliationis.

Spes pœnitentium, solamen lu-
gentium: * pax beata cordium,
atque salus.

Miserere mei, Domina, miserere
mei: * quia tu es lux et spes con-
fidentium in te.

Per tuam salutarem fœcundi-
tatem placeat: * ut peccatorum ve-
nia mihi concedatur.

Ant. Beneficiis tuis, Domina, ple-
nus est mundus.

Temp. pasc. ant. Alleluia, alle-
luia, alleluia.

Reliqua, ut in Dominicâ p. 18.

FERIA IV.

AD MATUT.

Ave. ꝑ. Dom. lab. ꝑ. Et os m.
ꝑ. Deus, in ad. &c.

Invitator. Qui vigilaverit propter illam: * Citò securus erit.

HYMNUS 15. *Salla.*

Nocturna jam silentia
Rumpente gallo; strenui
Rumpamus et nos carmine
Matrem canentes Virginem.

Laudanda nocte est puerpera,
Quæ nocte Filium Dei
Tactûs virilis nescia
Concepit alvo cœlitûs.

Quæ nocte Virgo partui
Antica præsens postera
Vitalis infra luminis
Auras eundem protulit.

Quæ nocte moliens fugam
Pupo timens theandrico
Egyptias in dissitas
Oras eundem transtulit.

Quæ cordis haud effabili
Ardore pernox manserat
Orationi Filium
Noctu vacantem prosequens.

Qua dormiente, paucula
Qua parte non insomnibus
Oratione, noctibus
Erat cor ejus pervigil.

Doxolog. de tempore.

Ant. Virginem. *Temp. pasc. ant.*
Alleluia.

PSALM. 47.

Magna es, Domina, et laudabilis
valde: * in civitate Dei cœli, in uni-
versâ ecclesiâ electorum ejus.

Ascendisti cantantibus angelicis
choris: * Archangelis constipata,
rosis et liliis coronata.

Occurrite illi Potestates, et Prin-
cipatus: * obviat ei Virtutes et Do-
minationes.

Cherubim et Thoni, et Seraphim
exaltate eam: * et constituite eam
à dextris sponsi amantissimi Filii
ejus.

O quàm læto animo et sereno as-
pectu suscepisti eam, Domine, * et
dedisti ei principatum super omnes
Dominationes tuas!

PSALM. 48.

Audite hæc omnes gentes: * auri-
bus percipite, qui ingredi cupitis
regnum Dei.

Virginem MARIAM honorate: *
et invenietis vitam, et salutem per-
petuam.

Pauperes servos tuos, Domina,
* felici confæderatione conjunge
Christo.

Esuriem parvulorum tuorum *
fructu ventris tui refice et sustenta.

Remansisti enim incorrupta post
partum; * et inviolata post filium.

PSALM. 49.

Deus Deorum MARIE locutus est *
per Gabrielem nuntium suum, di-
cens:

Ave gratiâ plena, Dominus te-
cum: * per te salus mundi repara-
tur.

Speciem et decorem tuum * Al-
tissimi Filius concupivit.

Adorna thalamum tuum, Sion: *
præpara te in occursum Dei tui.

Per Spiritum enim Sanctum con-
cipies: * tuum partum faciet virgi-
neum, et jucundum.

Ant. Virginem MARIAM honora-
te. *ant.* Purifica.

PSALM. 50.

Miserere mei, Domina: * quæ Ma-
ter misericordiæ nuncuparis.

Et secundum viscera misericor-
diarum tuarum * munda me ab
omnibus iniquitatibus meis.

Effunde gratiam tuam super me: *
et solitam clementiam tuam ne sub-
trahas à me.

Quoniam peccata mea confitebor
tibi: * et coram te me accusso de
sceleribus meis.

Fructui ventris tui me reconci-
lia: * et pacifica me ei, qui me
creavit.

PSALM. 51.

Quid gloriaris in malitiâ: * malig-
ne serpens, draco infernalis?

Submitte caput tuum mulieri : *
ejus fortitudine demergeris in profundum.

Contere eum, Domina, pede virtutis tuæ : * exurge et dissipa malitiam ejus.

Extingue potentiam ejus : * et virtutem illius redige in favillam.

Ut viventes exultemus in nomine tuo : * et læto animo dicamus tibi laudem.

PSALM. 52.

Dixit insipiens in corde suo : * hominem ejiciam de tabernaculo filiorum Dei.

Egrediar, et ero spiritus mendax in ore serpentis : * et per feminam ejiciam virum ejus.

Sicut exaltantur, ò miser, cœli à terrâ : * exaltatæ sunt cogitationes Dei à cogitationibus tuis.

Noli extolli de casu mulieris : * quia mulier conteret caput tuum.

Tu illi foveam præparasti : * et in sagenâ illius capieris.

Ant. Pacifica me ei qui me creavit. *ant.* Glorifica.

PSALM. 55.

Miserere mei, Domina, quoniam conculcaverunt me hostes mei quotidie : * omnes cogitationes eorum in malum contra me.

Excita furorem, et memento belli : * et super eos effunde iram tuam.

Innova signa, et immuta mirabilia : * sentiamus adjutorium brachii tui.

Glorifica nomen tuum super nos : * ut cognoscamus, quoniam in sæculum misericordia tua.

Stilla nobis guttam suavitatis tuæ : * quia tu es pincerna gratiæ dulcoris.

PSALM. 56.

Miserere mei, Domina, miserere mei : * quia paratum est cor meum exquirere voluntatem tuam.

Et in umbrâ alarum tuarum requiescam : * quia delectabile est mihi refrigerium tuum.

Manus tuæ distillant myrrham primam : * et digiti tui unguenta gratiarum.

Et fragmenta mali punici est guttur tuum : * et spiramen oris tui suave compositum thimiama.

Tu enim es mater pulchræ dilectionis, et anchora spei : * portus indulgentiæ, et janua salutis.

PSALM. 57.

Si verè utique justiam loquimini : * justitiæ et misericordiæ honorate Reginam.

Ad laudem enim, et gloriam pertinet Salvatoris, * quidquid honorificum suæ impensum fuerit Genitrici.

Rosæ Martyrum te circumdant, ò Regina ! * et lilia Virginum ambiunt thronum tuum.

Landate eam simul astra matutina : * concentum illi facite omnes filii Dei.

Glorificate eam cœli et terra : * maria, ac flumina, ac fundamenta orbis.

Ant. Glorifica nomen tuum super nos.

Per ann. ♀. Accedite ad. ♀. Et facies vestra.

In adv. ♀. Benedicta tu. ♀. Et benedictus.

Temp. pasc. ant. Alleluia, Christus resurgens à mortuis, jam non moritur, alleluia.

♀. In resurrectione tuâ... ♀. Virgo MARIA.

Deinde leguntur lectiones huic ferriæ assignatæ pro temporis diversitate.

Absolutio. A vinculis.

Prima benedictio. Nos cum prole piâ &c.

Secunda et tertia ut in III. Noct. Dominicæ, pag. 5.

AD LAUDES.

†. Deus, in adj. †. Dom. ad. &c.

Ant. Exurge. *Temp. pasc. ant.*
Alleluia.

PSALM. 58.

Eripe me de inimicis meis, Domina mundi: * exurge in occursum meum, Regina pietatis.

Aurum obrizum in ornamentis tuis: * sardius et topazius in diademate tuo.

Jaspis et amethystus in dexterâ tuâ: * beryllus et chrysolitus in sinistrâ tuâ.

Hyacinthus et achates in pectore tuo: * carbunculi scintillantes in monilibus tuis.

Myrrha, thus, et balsamum in manibus tuis: * saphirus et smeragdus in digitis tuis.

Ant. Exurge in occursum meum.
ant. Lætifica.

PSALM. 59.

Deus repulisti nos propter peccata nostra: * et misertus es nobis per Virginem MARIAM.

Intercede pro nobis, salutifera Mater Dei: * quæ Angelorum et hominum salutem peperisti.

Tu enim mœstis exultationem infundis: * et mœrentibus lætitiâ et dulcorem.

Lætifica nos dulcifluo sono oris tui: * et liquore tuo roseo perfunde corda nostra.

Tonate illi desupèr, et date illi laudem: * glorifica illam terra cum omnibus habitatoribus tuis.

Ant. Lætifica nos dulcifluo sono oris tui. *ant.* Esto mihi.

PSALM. 60.

Exaudi, Domina, orationem meam: * supra firmam petram stabiliâs mentem meam.

Esto mihi turris fortitudinis: * me tuearis à facie crudelis vastatoris.

Ut castrorum acies sis illi terribilis: * et vivus corruat in profun-

dum inferni.

Tu enim es rutilans et decora: * nubes rorifera, et consurgens aurora.*

Pulchra es, et clara, ut luna plenissima: * tanquàm sol refulget sacer aspectus tuus.

Ant. Esto mihi turris fortitudinis. *ant.* Linguis. *Temp. pasc.* Allel. allel. allel. *ant.* Audite.

CANTICUM 6.

S. Bonav. instar illius Annæ.

1. Reg. 1.

Exultavit cor meum in Domino: * et exaltatum est cornu meum in Domina meâ.

Quia fecit mihi magna, qui potestest: * per MARIAM Matrem ejus.

Non est sancta, ut est Domina nostra: * quæ sola supergressa est universas.

Recedant ergo vetera de ore nostro: * et linguis loquamur novis.

Exulta et lauda MARIAM, Sion et Jerusalem: * quia maxima in Dominabus Israel.

Ipsa pauperem facit et ditat: * humiliat et sublevat.

Altior cælo, terrâ latior * est hæc Domina nostra.

Ant. Linguis loquamur novis in laudem Virginis. *ant.* Glorifica.

Temp. pasc. ant. Audite et narrabo quanta fecit Deus animæ meæ, alleluia. *ant.* Alleluia.

PSALM. 147.

Lauda Jerusalem Dominam: * glorifica illam etiâ, ô Sion.

Ipsa enim construit muros tuos: * et filios tuos benedicit.

Gratia sua te impingat: * pacemque donat terminis tuis.

Emisit verbum suum Altissimus: * et virtus ejus obumbravit illi.

Levemus corda nostra cum manibus ad illam: * ut suam influentiam sentiamus.

Ant. Glorifica illam, ô Sion.

Temp. pasc. ant. Alleluia, alleluia.

CAPITULUM. *Eccl.* 49. 22.
Ego quasi therebintus expandi
ramos meos: et rami mei honoris
et gratiæ.

HYMNUS 16. *Salla.*

Auroræ, ave, canentium
Volucrum concentui
Christatus ales præcines
Ipsam propinquam nuntiat.
Harum choro, fas, accinat
Noster, MARIE Virgini,
Solis perennis luminis
Auroræ, ave, clamantium.

Hanc manè, par est, quærere,
Quæ tunc sibi excubantibus
Se consequendam clamat,
Se seque præbet obviam.

Quæ fausta se quærentibus
Vitam reperta porrigit,
Mundo sit apparentium
Quæ vera lux mortalium.

Queis insuper divinitus
Dandam salutem cordium,
Christum reclusum gentibus
Lumen propinat splendidum.

Doxolog. de tempore.

Per ann. ꝥ. Ora pro nob. ꝥ. Ut
digni eff.

In adv. ꝥ. Rorate cœli. ꝥ. Aperiatur terr.

In puerper ꝥ. Veritas de ter.
ꝥ. Et iustitia de cœlo.

Ad. Benedic. ant. Tu MARIA *
propheta Dei vocaberis.

Preces, orat. etc. ut in feriâ II.

Temp. pasc. ꝥ. Regina cœl. ꝥ.
Quia surrex.

Ad. Benedic. ant. Per te visitavit, * et fecit redemptionem plebis suæ, alleluia, alleluia.

AD VESPER.

Ave. ꝥ. Deus, in adj. ꝥ. Dom. ad adj. &c.

Ant. Exaudi. *Temp. pasc. ant.*
Alleluia.

PSALM. 61.

Nonne, Domina, tibi subjecta erit anima mea: * quæ Salvatorem omnium genuisti.

Memento nostri, perditorum salvatrix: * exaudi planctus cordis nostri.

Infunde gratiam de thesauris tuis: * et unguentis tuis placa dolorem nostrum.

Da nobis gaudium et lætitiā: * ut confundas bonorum inimicos.

Ablue omnia peccata nostra: * sana omnes infirmitates nostras.

Ant. Exaudi planctus cordis nostri. *ant.* Illustra.

PSALM. 63.

Exaudi, Domina, orationem meam cum deprecor: * à pavore crudelis libera animam meam.

Impetra nobis servulis tuis pacem: * et securitatem in tremendo iudicio.

Benedicta tu super omnes mulieres: * et benedictus fructus ventris tui.

Illumina, Domina, oculos meos: * et illustra cæcitatem meam.

Da mihi in te confidentiam bonam, * in vitâ et in fine meo.

Ant. Illustra, Domina, cæcitatem meam. *ant.* Pallio.

PSALM. 64.

Te decet hymnus, Domina nostra, in Sion: * laus et jubilatio in Ierusalem.

Benedictionem omnium gentium dedit tibi Dominus: * laudem et gloriam ante conspectum populorum.

Benedixit te Dominus in misericordiâ suâ: * et thronum tuum constituit super ordines Angelorum.

Gratiam et decorem posuit in labiis tuis: * et pallio gloriæ induit corpus tuum.

Coronam radiantem posuit in capite tuo: * et virtutum monilibus te decenter ornavit.

Ant. Pallio gloriæ induit corpus tuum. *ant.* Omnis.

PSALM. 65.

Jubilate Domine nostræ omnis terra: * psallite hymnum nomini ejus, date honorificentiam majestati ejus.

Benedictum sit cor tuum, Domina; * cum quo ardentè et sincère Filium tuum dilexisti.

Respice voluntatem meam, gloriosa Virgo: * miseriam et angustiam meam ne tardes remove.

Aufer tribulationem meam: * dulcifica languorem meum.

Benedicat te omnis caro: * et glorificet te omnis lingua.

Ant. Omnis caro te benedicat. *ant.* Non deficiat.

PSALM. 67.

Exurgat MARIA, et dissipentur inimici ejus: * conterantur omnes sub pedibus ejus.

Impetum inimicorum nostrorum dissipa: * destrue omnem iniquitatem eorum.

Ad te Domina, clamavi in tribulatione: * et serenasti conscientiam meam.

Non deficiat laus tua in ore nostro: * et amor tuus de visceribus nostris.

Pax multa diligentibus te, Domina: * anima eorum non videbit mortem in æternum.

Ant. Non deficiat laus tua in ore nostro.

Temp. pasc. ant. Alleluia, alleluia, alleluia.

CAPITULUM. *Prov. 8. 22.*

Dominus possedit me in initio viarum suarum, antequàm quidquam faceret à principio.

HYMNUS 17. Ex quod. devot.

Aeterni Patris Filiam,
Et Matrem Unigeniti,
Et Sponsam sacri Flaminis
Christi fideles diligant.

Illam, quam colunt Angeli,

Et venerantur Seraphim,
Totis medullis cordium
Amemus omni tempore.

Est Genitrix dulcissima,
Tenero amore fertilis:
Suosque infantes protegit
Eosque in cælum evehit.

Juvenes ergo, et virgines
Senesque cum junioribus,
Deiparam diligite,
Illi placere quærite.

Doxolog. de tempore.

Per ann. ♀. Vultum tuum.

♂. Omnes div.

In adv. ♀. Prophetæ præd.

♂. Nasci Salv.

In puerp. ♀. Veritas de ter.

♂. Et justitia.

Ad. Magnificat. ant. Fecit potentiam * in brachio suo, ut exaltaret humiles. *Prec. etc. ut in fer. II.*

Temp. pasc. ♀. Gaude et læt.

♂. Quia surr.

Ad. Magnific. ant. Fecit potentiam * in brachio suo, et consolatus est me, allel., allel.

AD COMPLET.

♀. Converte. ♂. Et averte.

Ant. Gloriosus. *Temp. pasc. ant.* Alleluia.

PSALM. 68.

Salvum me fac, Domina: * quoniam intraverunt concupiscentiarum aquæ usque ad animam meam.

Infixus sum in limo peccati: * et aquæ voluptatis circumdederunt me
Plorans ploravi in nocte: * et dies lætitiæ ortus est mihi.

Salva animam meam, Genitrix Salvatoris: * quia per te vera salus data est omni mundo.

Dñm, nuntiante Angelo, fuisti obumbrata: * et Patris sapientiæ prægnans et gravidata.

PSALM. 69.

Domina, in adjutorium meum intende: * et luce misericordiæ tuæ

illustra mentem meam.

Doce nos exquirere bonitatem tuam: * ut enarremus mirabilia tua.

Ostende potentiam tuam contra inimicos nostros: * ut sanctificeris in nationibus procū.

In irā flammæ tuæ mergantur in infernum: * et qui conturbant servos tuos, inveniant perditionem.

Miserere servorum tuorum, super quos invocatum est nomen tuum: * et ne sinas angustiari eos in tentationibus suis.

-PSALM. 70.

In te, Domina, speravi, non confundar in æternum: * in tuā misericordiā libera me, et eripe me.

Propter multitudinem iniquitatum mearum * oppressus sum vehementer.

Facti sunt hostes mei in capite meo: * subsanaverunt me, et deriserunt me quotidie.

Vide, Domina, quoniam tribulor: * expande manus tuas, succurre pereunti.

Neque moreris propter gloriam nominis tui: * ut efficiaris mihi in gaudium et salutem.

Ant. Plorans ploravi in nocte.

Temp. pasch. ant. Alleluia, alleluia, alleluia.

Reliqua ut in Domin. p. 18.

FERIA V.

AD MATUTIN.

Ave. γ. Dom. lab. γ. Et os. γ. Deus, in adj.

Invitor. Filii, audite me: * Beati qui custodiunt vias meas.

HYMNUS 18.

Iusti si semper timidi
Mortem pavent et Dæmonem,
Nobis, eheu quantò miseris!
Quale refugium erit?

Memento de Deo Deus,
Quod Matre natus Virgine

Nobis misertus perdit
Mundi Redemptor veneris.

Et nos, Dei Virgo parens;
Vultu benigno respice:

Memento, quod sumus tui
Licet indigni filii.

Tu nostra pax et gloria,
Dulcis Parens clementiæ.

Tu nos ab hoste protege,
Et mortis horā suscipe.

Doxolog. de tempore.

Ant. Resperge. *Temp. paschal.*
ant. Eripuit.

PSALM. 71.

Deus iudicium tuum Regi da: *
et misericordiam tuam Reginae Ma-
tri ejus.

In manu tuā salus et vita con-
sistunt: * lætitia perpetua, et æter-
nitas gloriosa.

Resperge cor meum dulcedine
tuā: * fac me oblivisci miseras
hujus vitæ.

Trahe me post te vinculis mi-
sericordiæ tuæ: * et fomentis gratiæ
et pietatis tuæ sana dolorem meum.

Concupiscentias sempiternas ex-
cita in animam meam: * et de gau-
dio paradisi inebria mentem meam.

PSALM. 72.

Quam bonus Israel Deus * his
qui colunt Matrem suam, et vene-
rantur!

Ipsa enim est solatium nostrum *
et in laboribus subventio nostra.

Obtexit caligine animam meam
hostis: * in visceribus meis, Do-
mina, lumen fac oriri.

Avertatur à me ira Dei per te: *
placa eum meritis, et precibus tuis.

In iudicio pro me assiste: * co-
ram eo suscipe causam meam, et
mea sis advocata.

PSALM. 73.

Ut quid, Domina, repulisti nos:
* nec subvenis in die tribulationis?

Ingredietur oratio mea in cons-
pectu tuo: * et voces gementium

ne despexeris.

Intendit arcum suum contra nos inimicus: * firmavit dexteram suam, et non est consolator.

Disrumpe in nobis ligaturam malarum suarum: * et libera nos dexteram tuam.

Repelle eum in locum perditionis: * sempiterna damnatio suscipiat eum.

Ant. Resperge cor meum dulcedine tua. *ant.* Fortitudo.

PSALM. 74.

Confitebimur tibi, Domina, et laudabimus nomen tuum: * fac nos in tuis laudibus delectari.

Cantate ei, habitatores terrarum: * et laudem ejus in populis nuntiate.

Confessio et magnificentia eorum illa: * fortitudo et exultatio in throno illius.

Adorate illam in decore illius: * glorificate opificem pulchritudinis illius.

Recordamini in sempiternum misericordiam illius: * retinete in mente virtutes et mirabilia illius.

PSALM. 75.

Notus in Judaea Deus: * in Israel honorificientia Matris ejus.

Dulcis est memoria ejus super mel et favum: * et amor ejus super omnia aromata.

Salus et vita in domo illius: * et in tabernaculo illius est gloria sempiterna.

Honorificate illam cœli et terra: * quia summus Artifex hanc mirabiliter honoravit.

Date illi omnes creaturæ laudem: * et stupendam misericordiam ejus extollite gratulantes.

PSALM. 76.

Voce mea ad Dominam clamavi: * et sua gratia intendit mihi.

Abstulit a corde meo mœsticiam et mœrorem: * et suavitate sua cor meum dulcoravit.

Formidinem meam erexit in con-

fidentiam bonam: * et suo aspectu mellifluo mentem meam serenavit.

Adjutorio sancto suo evasi pericula mortis: * et de manu crudelis subterfugi.

Gratias Deo et tibi, Mater pia: * de omnibus, quæ assecutus sum pietate et misericordia tua.

Ant. Fortitudo et exultatio in throno illius. *ant.* Pulchritudo.

PSALM. 77.

Attendite, populi Dei, præcepta Dei: * et Reginae gratiæ nolite oblivisci.

Aperite cor ad investigandum eam: * et labia ad glorificandum illam.

Descendat amor ejus in cordibus vestris: * concupiscite placere illi.

Pulchritudo ejus vincit solem et lunam: * compositio ejus ad ornamenta virtutum.

Miserere mei, Regina gloriæ et honoris: * et ab omni periculo custodi mentem meam.

PSALM. 78.

Domina, venerunt gentes in hæreditatem Dei: * quas tu meritis tuis Christo conföderasti.

Sit eloquium tuum dulce coram ipso: * et conjunge me illi, qui me redemit.

Extende brachium tuum contra hostem crudelem: * et denuda mihi versutiam illius.

Vox tua dulcis super omnem melodiam: * armonia angelica ei non valet comparari.

Distilla mihi suavitatem gratiarum tuarum: * et tuorum charismatum fragrantiam et odorem.

PSALM. 79.

Qui regis Israel, intende ad me: * fac me dignè Matrem tuam collaudare.

Expergiscere de pulvere anima mea: * perge in occursum Reginae cœli.

Solve vincula colli tui, pauper-
la anima mea: * et gloriosis laudi-
bus accipe illam.

Odor vitæ de illâ progreditur: *
et omnis salus de corde illius sca-
turizat.

Charismatum suorum fragrantia
suavi: * animæ mortuæ suscitantur.

Ant. Pulchritudo ejus vincit so-
lem.

Per ann. ♀. Accedite ad. *♂.* Et
facies vestra.

In adv. ♀. Benedicta tu. *♂.* Et
Benedict.

Temp. pasc. ant. Eripuit me de
tribulatione meâ, et consolatus est
me, alleluia.

♀. In resurrectione tuâ. *♂.* Vir-
go MARIA.

*Deindè Lectiones huic feriæ pro
tempore assignatæ. Absol. et bene-
dictiones ut in Feriâ II.*

AD LAUDES.

♀. Deus, in. *♂.* Dom. ad. &c.

Ant. Capacissima. *Tempore pasc.*
ant. Alleluia.

PSALM. 80.

Exultate Dominæ, adjutrici nos-
træ: * jubilate in letitiâ cordis ves-
tri.

Accendantur affectus vestri in
illam: * et inimicos vestros induet
confusione.

Imitemur humilitatem ejus: * obe-
dientiam, et mansuetudinem illius.

Omnes gratiæ radiant in illâ: *
capacissima enim fuit capacitas
illius.

Currite ad illam cum devotione
sanctâ: * et de bonis suis participa-
bit vobis.

Ant. Capacissima fuit capacitas
illius. *ant.* Terge.

PSALM. 81.

Deus in synagoga Judæorum: * de
quâ ut rosa de sentibus progressa
est Mater Dei.

Terge fœditatem meam, Domi-
na: * quæ semper rutilas puritate.

Fonte vitæ influe in os meum: *
ex quo viventes aquæ profluunt et
emanant.

Omnes sitiientes venite ad illam:
* et de fonte suo gratanter vos po-
tabit.

Quæ hauriet ex eo, saliet in vitam
æternam: * et qui bibit ex eo, non
sitiit unquam.

Ant. Terge fœditatem meam.
ant. Liqueat.

PSALM. 82.

Domina mea, quis similis erit tibi:
* quæ gratiâ et gloriâ superemines
universas.

Sicut exaltantur cœli à terrâ: *
sic tu præcelsior cunctis et nimis
exaltata.

Vulnera cormeum charitate tuâ:
* fac me dignum gratiâ et muneribus
tuis.

Liqueat caro mea in timore tuo:
* et concupiscentiâ tuâ cor meum
inflammetur.

Fac me desiderare honorificen-
tiam et gloriam tuam: * ut per te
recipiar ad pacem JESU-Christi.

Ant. Liqueat caro mea in timore
tuo. *ant.* Dextera.

Temp. pasc. ant. Alleluia, alle-
luia, alleluia. *ant.* Gloriosè.

CANTICUM 7.

D. Bonav. instar illius Moysis.

Ex. 15.

Cantemus Dominæ gloriosæ Virgi-
ni MARIÆ: * in hymnis et confes-
sionibus benedicamus eam.

Domina nostra, omnipotens post
Deum nomen ejus: * cnrrus Pha-
raonis et exercitum ejus projecit in
mare.

Dextera tua, Domina, magnifica-
ta est in fortitudine: * quia in mul-
titudine misericordiæ tuæ stravisti
adversarios meos.

De ore leonis liberasti me, Domi-

na: * et tanquàm infantem genitum
Mater suscepisti me.

O Domina, carissima mea! * velut
gallina tege me mirabili possessione
tuâ.

Tuus totus ego sum; * et omnia
mea tua sunt, Virgo, super omnia
benedicta.

Ponam te sicut signaculum super
cor meum: * quia fortis est ut
mors dilectio.

Ant. Dextera Dominae nostrae
magnificata est in fortitudine. *ant.*
Magna.

Temp. pasc. ant. Gloriosè magni-
ficatus est Dominus, alleluia. *ant.*
Alleluia.

PSALM. 146.

Laudate Dominam, quoniam bonus
est psalmus: * jucunda et decora
sit illi nostra laudatio

Ipsa enim medetur contritis cor-
de: * et refovet eos unguento pie-
tatis.

Magna est virtus illius: * et cle-
mentia ejus nullum habebit finem.

Præcinite ei in jubilatione: * et in
confessione psalmum canite illi.

Beneplacitum est ei super timen-
tes Deum: * et in eis, qui sperant
in misericordiâ ejus.

Ant. Magna est virtus illius.

Temp. pasc. ant. Alleluia, alle-
luia, alleluia.

CAPITULUM. *Sap.* 6. 15.

Qui de luce vigilaverit ad illam,
non laborabit: assidentem enim
illam foribus suis inveniet.

HYMNUS 19. *Ex quod. devot.*

Ave decus virgineum,
Regina regni davidis,
Virga floris dominici
Arca panis angelici.

Stella, Regina sæculi,
Mater illius parvuli,
Quem adorant populi,
Et sempèr colunt pavidi.

Tu sanctarum dulcissima,

Tu puellarum Domina,
Tu virginum dux pervia,
Tu sola salus omnium.

Post JESUM nihil potentius,
Nihil sanctius, nihil jucundius:
Nihil invenitur dulcius,
Nihil purius, nihil sanctius.

Doxolog. de tempore.

Per ann. ♀. Ora pro nobis.

♂. Ut digni eff.

In adv. ♀. Rorate cœli des.

♂. Aperiat.

In puerp. ♀. Veritas de ter

♂. Et justitia de.

Ad. Benedict. ant. Visita nos, *
Stella matutina oriens ex alto. *Pre-
ces, orat. &c. ut in ferid II.*

Temp. pasc. ♀. Regina cœli.

♂. Quia surrexit.

Ad. Benedict. ant. Vidit MARIA *
Resurrectionem Domini: prima vi-
dit, et credidit, alleluia, alleluia

AD VESPER.

♀. Deus, in ad. ♂. Dom. ad. &c.

Ant. Sentite. *Temp. pasc. ant.*
Alleluia.

PSALM. 84.

Benedixisti, Domine, domum tuam:
* consecrasti habitationem tuam.

Hæc est speciosa inter filias Jeru-
salem: cujus memoria est in bene-
dictione.

Beatissimam prædicaverunt illam
omnes sancti: * glorificate illam
virtutes et dominationes.

Populi gentium exquirite pru-
dentiam ejus: * et investigate the-
sauros misericordiæ illius.

Sentite de illâ in bonitate: * et in
simplicitate cordis exquirite illam.

Ant. Sentite de illâ in bonitate.
ant. Fons.

PSALM. 85.

Inclina, Domina, aurem tuam, et
exaudi me: * converte vultum et
miserere mei.

Distillatio dulcoris tui oblectat

animas sanctorum: * et infusio charitatis tuæ super mel dulcissimum.

Irradiatio gloriæ tuæ dilucidat intellectum: * et lux miserationum tuarum perducit ad salutem.

Fons bonitatis tuæ inebriat sitientes: * et aspectus faciei tuæ retrahit à peccato.

Scire et cognoscere te est radix immortalitatis: * et enarrare virtutes tuas est via salutis.

Ant. Fons bonitatis tuæ inebriat sitientes. *ant.* Virtus tua.

PSALM. 87.

Domina auxiliatrix salutis meæ: * in die clamavi et nocte coram te.

Ingrediatur oratio mea in conspectu tuo: * consolare cum facie tuâ mestitiam meam.

Multiplicata sunt mala in animâ meâ: * expurga eam de sordibus et peccatis.

Virtus tua persequatur inimicos nostros: * ne nos impendant ad salutem.

Confer gratiam animæ ad resistendum eis: * conforta cor nostrum contra concupiscentias carnis.

Ant. Virtus tua persequatur inimicum. *ant.* Carmen.

PSALM. 89.

Domina, refugium facta es nobis * in cunctis necessitatibus nostris.

Diffusio gratiæ tuæ producit operationes tuas: * et stillicidium dulcoris tui affectiones facit sanctissimas.

Miserationum tuarum, Domina, recordabor: * sacrificium laudis, et cæmen lætitiæ psallam tibi.

Qui honorant te coronam pro cinere obtinebunt: * et pallium laudis pro spiritu mœroris.

Qui sperant in te, amicti lumine induentur: * gaudium et perpetuam lætitiâ sortientur.

Ant. Carmen lætitiæ psallam tibi. *ant.* Confitemini.

PSALM. 91.

Bonum est confiteri Virgini MARIE: * et psallere illi gloriam prosperitas est mentis.

Annuntiare merita ejus lætificat intellectum: * et imitari opera ejus exhilarat angelos Dei.

Qui acquirit gratiam ejus, * agnoscetur à civibus paradisi.

Et qui habuerit claritatem nominis ejus, * annotabitur in libro vitæ.

Exurge, Domina, et judica causam nostram: * et ab insurgentibus in nos libera nos.

Neretrahas à peccatore dexteram tuam: * et excipe gladio tuo jacula vastatoris.

Ant. Confitemini Virgini gloriosæ.

Temp. pasc. ant. Alleluia, alleluia, alleluia.

CAPITULUM. Prov. 8. 35.

Qui me invenerit, inveniet vitam, et hauriet salutem à Domino: qui autem in me peccaverit, lædet animam suam.

HYMNUS 20.

Syds MARIE splendidum,
Te laudet omne sæculum:
Ex quo sub mundi vespere
Sol ortus est justitiæ.

Da cor tenebris eripi,
Da verâ luce perfrui,
Quæ noctem vitæ veteris
Novis illustret meritis.

Per te purgemur vitiis,
Solvamur culpæ vinculis:
Mens vulsis spinis eruta
Virtutum gerat germina.

Doxolog. de tempore.

Per ann. ♀. Vultum tuum depr. ♀. Omnes div.

In adv. ♀. Prophetæ prædic. ♀. Nasci Salv.

In puerp. ♀. Veritas de terrâ. ♀. Et justitia.

Ad. Magnificat. *ant.* Exultavit Spiritus meus, * quia ancillam humilem respexit Deus.

Præces Orat. &c. ut in feriâ II.

Temp. pasc. ¶. Gaude et lætare.

¶. Quia surr.

Ad. Magnificat. Ant. Exultavit Spiritus meus in Deos salutari meo, alleluia, alleluia.*

AD COMPLETOR.

¶. Converte. ¶. Et averte. ¶.

Deus, in ad. &c. ant. Servite. Temp. pasc. ant. Alleluia.

PSALM. 93.

Deus ultionum Dominus: * sed tu, Mater misericordiæ, ad miserandum inflectis.

Magnificencia tua prædicatur in sæculum: * qui autem colunt te, invenient viam pacis.

Servite illi reverentèr exultantès: * et sanabit vos benedictus fructus ventris illius.

Respice, Domina, humilitatem servorum tuorum: * et laudabunt te in generationibus sæculorum.

Magnifica nomen tuum in multiplicatione gratiarum tuarum: * et ne sinas servos tuos subjacere periculis.

PSALM. 94.

Venite, exultemus Dominæ nostræ: * jubilemus salutiferæ MARLÆ Reginæ nostræ.

Præoccupemus faciem ejus in jubilatione: * ei in canticis collaudemus eam.

Venite, adoremus, et procidamus ante eam: * confiteamur illi cum fletibus peccata nostra.

Impetra nobis, Domina, indulgentiam plenam: * assiste pro nobis ante tribunal Dei.

Suscipe in fine animas nostras: * et introduc nos in requiem æternam.

PSALM. 95.

Cantate plenæ gratiæ canticum novum: * cantate MARLÆ omnes terrigenæ orbis.

Quoniam omnes angelos sanctitatis præcellit et natos mulierum; * virtutibus, mirabilibus et signis.

Formositas et gloria in vultu illius: * gratia in oculis ejus.

Afferre illi gloriam et honorem: * exultate in eâ omnes creaturæ Dei.

Admirabile commercium habetis per eam: * ex quâ vocati estis filii Dei excelsi.

Ant. Servite illi reverentèr exultantes.

Temp. pasc. ant. Alleluia, alleluia, alleluia.

Reliqua ut in Dominicâ, p. 18.

FERIA VI.

AD MATUTINUM.

Ave. ¶. Dom. lab. ¶. Et os m.

¶. Deus, in adj. &c.

Invitatorium. Qui elucidant me, Vitam æternam habebunt.

HYMNUS 21. S. Petr. Dam.

MARIA decus hominum
Regis æterni solium,
Septem colum'nis edita
Domus à sapientia.

Tu fontis fons viventis
Oriens orientis;
Liber ille signatus
Victori viro datus.

Tu porta templi clausa,
Superni Regis aula;
Ærarium talenti
Per quod sumus redempti.

Tu nova maris stella,
Celsi poli fenestra;
Scala quâ cælum terris,
Jungis ima supernis.

Tu nos venturo Judici
Commenda prece supplici:
Tuis intentos laudibus
Mitis cernat ac placidus.

Sit tibi laus, Altissime,
Qui natus es ex Virgine:
Sit honor ineffabili

Patri, Sancto que Flamini. Amen.

Ant. Adorate. Temp. pasc. ant.

Alleluia.

PSALM. 96.

Dominus regnavit: * exultet MARIA in omni imperio dominationis suæ.

Adorate eam cives curiæ paradisi: * exaltate eam Virgines speciosæ filiæ ejus.

Quoniam elevata est super principatus et dominationes: * exaltata est super angelorum et archangelorum legationes.

Patriarchæ et Prophetæ concrepate illi laudem: * concentum illi facite Apostoli, Martyresque Christi.

Confessores cum Virginibus de canticis Sion dicite canticum ei: * et regratiamini ei Monachi sancti de acceptis triumphis.

PSALM. 97.

Cantate Domine nostræ canticum novum: * quia mirabilia fecit.

In conspectu gentium revelavit misericordiam suam: * in extremis terræ auditum est nomen ejus.

Recordare, Domina pauperum et miserorum: * et sustenta eos ope refrigerii sancti tui.

Tu autem, Domina, suavis et vrax: * patiens nimis, et miseratione plena.

Conculca hostes animarum nostrarum: * et contumaciam illorum elide brachio sancto tuo.

PSALM. 98.

Dominus regnavit, irascantur populi: * MARIA sub Cherubim sedet à dextris.

Magna est in Sion gloria tua, Domina: * et in Jerusalem magnificentia tua.

Cantate ante eam chori virginales: * et adorate thronum ejus, quia sanctus est.

In dextera ejus ignea lux: * et in circuitu ejus sanctorum millia.

Mandata ejus ante oculos ejus: *

et justitiæ regula in corde ejus.

Ant. Adorate eam cives paradisi. ant. Lætifica.

PSALM. 100.

Misericordiam et judicium cantabo tibi, Domina: * psallam tibi in exultatione cordis, cum lætificaveris animam meam.

Laudabo nomen tuum, et gloriam tuam: * et prestabis refrigerium animæ meæ.

Zelatus sum amorem et honorem tuum: * ideo defendas causam meam ante judicem sæculorum.

Allectus sum gratiâ et bonitate tuâ: * oro, ne frauder spe, et confidentiâ bonâ.

Conforta animam meam in novissimis: * et in carne istâ fac me conspicere Salvatorem.

PSALM. 101

Domina, exaudi orationem meam: * et clamor meus ad te veniat.

Non avertas sacrum aspectum tuum à me: * neque abomineris me propter immunditiam meam.

Non derelinquas me in cogitatu, et consilio inimicorum meorum: * et ne sinas me cadere in probationem illorum.

Qui confidunt in te, non timebunt colubrum tortuosum: * et qui exaltant te præconiis evadunt manus acherontis.

Pervirginalem conceptum tuum da mihi in te confidentiam bonam: * et per admirabilem partum tuum lætifica animam meam.

PSALM. 102.

Benedic anima mea Matri JESU-Christi: * et omnia præcordia mea glorificate nomen ejus.

Ne obliviscaris beneficia ejus: * nec gratiam, nec consolationem illius.

Gratiâ ejus peccata relaxantur: * et misericordiâ ejus ægritudines reparantur.

Benedicite ei omnes virtutes cœ-
lorum: * glorificate eam chori Apos-
tolorum et Prophetarum.

Benedicite ei mare, et insulæ
gentium: * hymnum dicite ei cœli
et habitatores eorum.

Ant. Lætifica animam meam. *ant.*
Salus.

PSALM. 103.

Benedic, anima mea, Virgini MA-
RIÆ: * honor et magnificentia ejus
in perpetuum.

Formositatem et pulchritudinem
induisti: * amicta es, Domina, ful-
genti vestimento:

De te procedit peccatorum mede-
la, * et pacis disciplina, et fervor
charitatis.

Imple nos servos tuos virtutibus
sanctis: * et ira Dei non appropin-
quet nobis.

Jucunditatem æternam da servis
tuis: * et noli eos oblivisci in certa-
mine mortis.

PSALM. 104.

Confitemini Dominæ nostræ, et in-
vocate nomen ejus: * canta te ei
narrantes virtutes ejus.

Undate et exaltate eam, virgines
filiae Sion: * quia desponsabit vobis
Regem Angelorum.

Honorate Reginam plenam omni
gratiâ: * et contemplamini cum re-
verentiâ sanctissimum vultum ejus.

Salus sempiterna in manu tuâ,
Domina: * qui te dignè honorifica-
verunt, suscipient illam.

Clementia tua non deficiet à sæ-
culis æternis: * et misericordia tua
à generatione in generationem.

PSALM. 105.

Confitemini Dominæ nostræ, quo-
niâm bonum est: * per cunctas tri-
bus terræ enarrate misericordias
ejus.

Longè est ab impiis conversatio
ejus: * à viâ Altissimi non declina-
vit pes ejus.

Fons irrigantis gratiæ procedit de
ore illius: * et emanatio virginalis
sanctificans animas castas.

Spes de gloriâ paradisi in corde
illius: * qui devoto animo honorifi-
caverit illam.

Miserere nostri, fulgentissima Re-
gina cœli: * et præsta consolationem
de gloriâ tuâ.

Ant. Salus sempiterna in manu
tuâ.

†. Accedite ad eam. †. Et facies.

In adv. †. Benedicta tu. †. Et
benedictus.

Temp. pasc. ant. Glorificate eam
chori Apostolorum, alleluia. †. In
resurrect. †. Virgo MARIA.

*Lectiones de ferid VI. pro tem-
poris diversitate.*

Absolutio et Bened. utin Ferid III.

AD LAUDES.

†. Deus, in. †. Dom. ad &c.

Ant. Beatus vir. *Temp. pasc. ant.*
Alleluia.

PSALM. 106.

Confitemini Domino, quoniâm bo-
nus: * confitemini Matri ejus, quo-
niâm in sæculum misericordia ejus.

Innocentiam et viam prudentiæ
ostende nobis, Domina: * et viam
intelligentiæ indica servis tuis.

Timor Dei illustrat intellectum; *
et amor tuus exhilarat illum.

Beatus vir, cujus eloquium est ti-
bi gratum: * illius ossa impinqua-
buntur adipe et pinguedine.

Eloquium tuum sustentat ani-
mam imbecilem: * et labia tua esu-
rientem animam refocillant.

Ant. Beatus vir, cujus eloquium
est tibi gratum. *ant.* Emissiones.

PSALM. 107.

Paratum cor meum, Domina, para-
tum cor meum: * laudes psallere et
cantare.

Major est charitas tua cunctis di-
vitiis: * et gratia tua super aurum

et lapidem pretiosum.

Beatitudo et iustitia donantur à Deo: * qui autem de peccatis converti fuerint ad te, poenitentiae remedium consequentur.

Emissiones tuæ gratia et pax: * qui autem tibi placuerit, procul fiet à perditione.

Esto umbraculum in tentationibus nostris: * expansio manuum tuarum defendat nos à devorante.

Ant. Emissiones tuæ gratia et pax.
ant. Respice.

PSALM. 108.

Domina, laudem meam ne despexeris: * et hoc dedicatum tibi psalterium digneris acceptare.

Respice voluntatem cordis mei: * et affectionem meam fac tibi beneplacentem.

Propera ad visitandum servos tuos: * sub tegumento manus tuæ illæsi conserventur.

Illuminationem Spiritus Sancti per te suscipiant: * et refrigerium contra cupiditatis pestum.

Medere contritis corde, Domina: * et refove eos unguento pietatis.

Ant. Respice voluntatem cordis mei. *ant.* Operuit.

Temp. pasc. ant. Alleluia, alleluia, alleluia. *ant.* Egressa.

CANTICUM 8.

D. Bonaventuræ instar Habacuc.

c. 3.

Domina, audi vi auditionem tuam, et timui: * consideravi opera tua, et expavi.

Domina, opus tuum, * circa medium annorum vivificasti illud.

Confitebor tibi, Domina; * quia abscondisti hæc à sapientibus, et revelasti ea parvulis.

Operuit cælos gloria tua: * et misericordiâ tuâ plena est terra.

Egressa es, Virgo, in salutem populi tui: * in salutem cum Christo tuo.

O benedicta, in manibus tuis est reposita nostra salus: * recordare pia paupertatis nostræ.

Quem vis ipse salvus erit: * et à quo avertis vultum tuum, vadit in interitum.

Ant. Operuit cælos gloria tua.
ant. Spiritus.

Temp. pasc. ant. Egressa est Virgo in salutem populi sui, alleluia.
ant. Alleluia.

PSALM. 145.

Lauda, anima mea, Dominam: * glorificabo eam, quamdiu vixero.

Nolite cessare à laudibus ejus: * et per singula momenta recogitate illam.

Cum exierit spiritus meus, Domina, sit tibi commendatus: * et in terrâ ignotâ præsta illi ducatum.

Non conturbent eum culpæ prius commissæ: * nec teneant ipsam occursum malignantis.

Perduc eum ad portam salutarem: * ibi præstoletur securé adventum Redemptoris.

Ant. Spiritus meus, Domina, sit tibi commendatus.

Temp. pasc. ant. Alleluia, alleluia, alleluia.

CAPITULUM. *Cantic. 4. 11*

Favus distillans labia tua, mel et lac sub linguâ tuâ, et odor vestimentorum tuorum sicut thuris.

HIMNUS 22. *Ex D. Bernardo.*

O Virgo mi dulcissima,
Spes spirantis animæ,
Te quærun't piæ lacrimæ,
Te clamor mentis intimæ!

Tu lumine lucidior,
Tu balsamo suavior.
Omni dulcore dulcior,
Cæteris amabilior.

Tu mentis delectatio,
Amoris consummatio:

Tu mea gloriatio,
Virgo mundi salvatio.

Tu fons misericordiæ,

Tu veræ lumen patriæ,
Pelle nubem tristitiæ,
Dans nobis lucem gloriæ.

Doxolog. de tempore.

Per ann. ꝑ. Ora pro nob. ꝑ. Ut dign.

In adv. ꝑ. Rorate cœli des. ꝑ. Et nubes.

In puerp. ꝑ. Veritas de ter. ꝑ. Et iustitia de.

Ad. Benedict. ant. Stella matutina, * illuminare his, qui in tenebris sedent. *Preces, orat. &c. ut infer. II.*

Temp. pasc. ꝑ. Regina cœli.

ꝑ. Quia surrex.

Ad. Benedict. ant. Qui pendebat * é ligno crucis, surrexit summo diluculò, alleluia, alleluia.

AD VESPER.

Ave. ꝑ. Deus, in adj. ꝑ. Dom. ad.

Ant. Visitatio. Temp. pasch. ant. Alleluia.

PSALM. 114.

Dilexi Matrem Dei, Domini mei: * et lux miserationum ejus infulsit mihi.

Circumdederunt me dolores mortis: * et visitatio MARIE lætificavit me.

Dolorem, et periculum incurri: * et recreatus sum gratiâ illius.

Nomen ejus, et memoriale illius sit in medio cordis nostri: * et non nocebit nobis ictus malignantis.

Convertere anima mea in laudem ipsius: * et invenies refrigerium in novissimis tuis.

Ant. Visitatio MARIE lætificavit me. ant. Computare.

PSALM 115.

Credidi, propter quod locutus sum * gloriam tuam, Domina, orbi terræ.

Computare animæ meæ, et dirige illam: * dignare beneplacitum tuum insinuare illi.

Statue illi testamentum pacis, et

dilectionis tuæ: * præbe illi ingenui memoriam nominis tui.

De benedictione ventris tui da mihi sustentationem: * et de pinguedine gratiæ tuæ dulcora animam meam.

Disrumpe vincula peccatorum meorum: * et de virtutibus exorna faciem animæ meæ.

Ant. Computare animæ meæ. ant. Veritas.

PSALM. 116.

Laudate Dominam nostram omnes gentes: * glorificate eam omnes populi.

Quoniâ confirmata est super nos gratia et misericordia ejus: * et veritas illius permanet in æternum.

Qui dignè coluerit illam, iustificabitur: * qui autem neglexerit illam, morietur in peccatis suis.

Labia angelorum enarrabunt sapientiam ejus: * et omnes cives paradisi cantabunt ejus laudem.

Bono animo accedentes ad illam: * non capientur ab angelo devastante.

Ant. Veritas illius permanet in æternum. ant. Via.

PSALM. 117.

Confitemini Domino, quoniâ bonus: * confitemini Matri ejus, quoniâ in sæculum misericordia ejus.

Amor illius expellit peccatum à corde: * et gratia illius expiat conscientiam peccatoris.

Via veniendi ad Christum est appropinquare ad illam: * qui autem fugerit eam, non inveniet viam pacis.

Qui obduratus est in peccatis, sæpè invocet illam: * et lux in suis tenebris orietur.

Qui tristatur in corde suo, clamet ad illam: * et dulcoranti stillicidio inebriabitur.

Ant. Via veniendi ad Christum est appropinquare ad illam. ant. Domina.

PSALM. 119.

Ad Dominam, cum tribularer, clamavi: * et exaudivit me.

Domina, libera nos ab omni malo * cunctis diebus vitæ nostræ.

Contere caput inimicorum nostrorum * pede insuperabili virtutis tuæ.

Ut exultavit spiritus tuus in Deo salutari tuo: * sic veram digneris infundere lætitiâ cordi meo.

Ad Dominum accede rogatura pro nobis, * ut per te nostra peccata deleantur.

Ant. Domina, libera nos ab omni malo.

Temp. pasc. ant. Alleluia, alleluia, alleluia.

CAPITULUM. *Cant.* 6. 3.

Pulchra es, amica mea, suavis et decora sicut Jerusalem: terribilis, ut castrorum acies ordinata.

HYMNUS 23. *Salla.*

Urgente apud nos permâne,
Regina lucis, vespere,
Lustrans tuo nos lumine
Mundo tenebris obruto.

Flammâ tuâ videlicet
Caligo mentis pellitur
Spes confovetur algida,
Ardescit igne charitas.

Palescit hâc versulia:
Tecnas parantis dæmonis,
Coctum cor hâc infictile
Hujusce vis eliditur.

Tu namque pulchræ Mater es
Dilectionis, scilicet
Illius ignis, Filius
Terris tuus quem miserat.

Doxolog. de tempor.

Per ann. †. Vultum tuum. †.
Omnes div.

In adv. †. Prophetæ præd. †.
Nasci Salv.

In puerp. †. Veritas de ter. †.
Et justitia.

Ad. Magnific. Ant. Beatam me dicent * omnes generationes, quia fecit mihi magna Dominus.

Oratio, Preces &c. ut in feriâ II.

Temp. pasc. †. Gaude ct. †.

Quia surr.

Ad. Magnific. ant. Dextera Domini * magnificata est in fortitudine, alleluia, alleluia.

AD COMPLETOR.

†. Convertite. †. Et avertite. †. Deus, in adj. &c. *ant.* Custodi nos. *Temp. pasc. ant.* Alleluia.

PSALM. 120.

Levavi oculos meos ad te, Mater Christi: * per quam venit solatium omni carni.

Auxilium tuum, et gratiam tuam nobis impende * in omni tribulatione nostrâ.

Custodi nos, Virgo MARIA, * ne peccatorum laqueo capiamur.

Non dormit, neque dormiet pupilla oculi tui: * ut tuâ semper custodiâ protegamur.

Angelorum et hominum te laudat omnis lingua: * et ante te omnia genua curvantur.

PSALM. 121.

Lætatus sum in te, Regina cœli: * quia te duce, in domum Domini ibimus.

Jerusalem cœlestis civitas: * ad te, MARIA præviâ, veniemus.

Pacem et indulgentiam nobis impetra: * et palmam de hostibus, et triumphum.

Confortare et consolare cor nostrum * tuæ dulc. dine pietatis.

Sic nobis, Domina, tuam infunde clementiam: * ut devotè in Domino moriamur.

PSALM 122.

Ad te levavi oculos meos: * Regina, quæ habitas in cœlis.

Adjutorium nostrum in virtute sit nominis tui: * per te omnia opera nostra dirigantur.

Benedicta sis in cœlo, et in terrâ: * in mari, et in omnibus abyssis.

Benedicta sit fecunditas tua: *
benedicta sit virginitas et mandilia
tua.

Benedictum sit corpus tuum sanc-
tum: * benedicta sit anima tua
sanctissima.

Ant. Custodi nos, Domina, Virgo
MARIA.

Temp. pasc. ant. Alleluia, alle-
luia, alleluia.

Reliqua de Dominica p. 18.

SABBATO.

AD MATUTIN.

*Ave. γ. Dom. lab. ϩ. Et os m.
γ. Deus, in adj. &c.*

Invitatur. Confitemini Dominæ
nostræ: * Et invocate nomen ejus.

Hymnus 24.

O Virgo formosissima!

At te canendum surgimus:

Te nostra quærunt pectora

Te mente clamor intimâ.

• Mentis, manusque tollimus,

Te deprecantes supplices:

Te cogat indulgentia

Nostras voces attendere.

Tu vides nostram sarcinam,

Peccata, quæ nos opprimunt:

Exonera nos crimine,

Dissolve nostra vincula.

Esto, Benigna, vulnerum,

Nostris medela spiritûs:

Carnemque fac promptissimam

Et sorde munda pectora.

Tu quidquid oras, impetras;

Tu quidquid optas, obtines:

Natus tibi nil denegat

Est qui Deus cuncti-potens.

Doxolog. de tempore.

Ant. Esto Virgo. *Temp. paschal.*
ant. Exaltabo.

PSALM. 123.

Nisi, quia Domina nostra erat in
nobis: * invenissent nos pericula
multa.

Esto, Virgo, defensatrix nostra: *

et ante Deum advocata propitia.

Ostende nobis, Domina, miseri-
cordiam tuam: * et conforta nos in
servitio sancto tuo.

Benedicant te sancti angeli in cœ-
lo: * benedicant te omnes homines
super terram.

Ne tradas bestiis animas confi-
tentium tibi: * ora te canentium non
obturentur.

PSALM. 124.

Qui confidunt in te, Mater Dei: *
non timebunt à facie inimici.

Gaudete et exultate omnes qui
diligitis eam: * quia adjuvabit vos
in die tribulationis vestræ.

Reminiscere miserationum tua-
rum, Domina: * et releva peregrini-
nationem incolatûs nostri.

Converte amabilem vultum tu-
um super nos: * confunde et destrue
omnes inimicos nostros.

Benedicta sint omnia opera ma-
num tuarum Domina: * benedicta
sint omnia sancta miracula tua.

PSALM. 125.

In convertendo faciem tuam se-
renissimam super nos: * lætificabis
nos, virginea mater Dei.

Benedicta sis, ó Sacramentum Chris-
ti: * præ cunctis mulieribus super
terram.

Benedictum sit gloriosum nomen
tuum: * quod os Domini mirabiliter
nominavit.

Non deficiat laus tua de labiis
nostris: * nec charitas tua de præ-
cordiis nostris.

Qui te diligunt, benedicantur à
Deo: * et qui te volunt diligere, non
defraudentur à fide.

Ant. Esto, Virgo, defensatrix nos-
tra *ant.* Benedictum.

PSALM 126.

Nisi, Domina, ædificaveris do-
mum cordis nostri: * non perma-
nebit ædificium ejus.

Ædifica nos gratiâ et virtute tuâ:

* ut maneamus firmi in perpetuum.
 Benedictum sit eloquium tuum:
 * et benedictasint omnia verba oris
 tui.

Benedicantur à te, qui te benedi-
 cunt: * et in numero justorum com-
 putentur.

Benedic. Domina, te benedicen-
 tes: * et ne unquam avertas ab
 eis gratiosum vultum tuum.

PSALM. 127.

Beati omnes qui timent Domi-
 nam nostram: * et beati omnes, qui
 sciunt facere voluntatem tuam, et
 beneplacitum tuum.

Benedicti sint pater et mater,
 qui te genuerunt: * quorum memo-
 ria permanet in sæculum.

Benedictus est venter, qui te por-
 tavit: * et benedicta sunt ubera,
 quæ te lactaverunt.

Converte misericordiam tuam
 super nos: * et deprecabilis esto su-
 per servos tuos.

Intuere et respice opprobrium nos-
 tram: * aufer à nobis cunctas ini-
 quitates nostras.

PSALM. 128.

Sæpè expugnaverunt me à juventu-
 te meâ inimici mei: * libera me,
 Domina, et vindica me ab ipsis.

Ne des illis potestatem in animam
 meam: * custodi omnia interiora, et
 exteriora mea.

Obtine nobis veniam peccatorum;
 * per te Sancti Spiritûs gratia nobis
 detur.

Fac nos dignè et laudabiliter pœ-
 nitere: * ut beato fine ad Deum ve-
 niamus.

Placatum tunc et serenissimum
 nobis ostende * gloriosum fructum
 ventris tui.

Ant. Benedictum sit eloquium
 tuum. *ant.* Erue me.

PSALM. 129.

De profundis clamavi ad te, Domi-
 na: * Domina, exaudi vocem meam.

Fiant aures tuæ intendentes * in
 vocem laudis, et glorificationis meæ.

Libera me de manu adversario-
 rum meorum, * confunde ingenia
 et conatus eorum contra me.

Erue me in die malâ: * et in die
 mortis non obliviscaris animæ meæ.

Deduc me ad portum salutis: *
 inter justos scribatur nomen meum.

PSALM. 130.

Domina, non est exaltatum cor
 meum: * neque sublimati sunt ocu-
 li mei.

Benedixit te Dominus in virtute
 tuâ: * qui per te ad nihilum rede-
 git inimicos nostros.

Benedictus sit, qui te à peccato
 originali præservavit: * et mundam
 de matris utero te produxit.

Benedictus sit, qui te obumbra-
 *vit: et suâ gratiâ te fœcundavit.

Benedic nos Domina, et conforta
 nos in gratiâ tuâ, * ut per te ante
 conspectum Domini præsentemur.

PSALM. 131.

Memento, Domina, David: * et om-
 nium invocantium nomen tuum.

Da nobis in nomine tuo fiduciam:
 * et confundantur adversarii nostri.

Consolare nos in terrâ peregrini-
 tionis nostræ: * et releva pauper-
 tatem nostram.

Da nobis panem lacrymarum,
 Virgo Sancta: * et dolorem pecca-
 torum in terrâ incolatûs nostri.

Redde nobis propitium benedic-
 tum fructum ventris tui, * et Spiritûs
 Sancti gratiâ repleamur.

Ant. Erue me in die malâ.

Per ann. ♀. Accedite ad eam. ♀.
 Et facies.

In adv. ♀. Benedicta tu. ♀. Et
 benedictus.

Temp. pñsc. ant. Exaltabote, * Do-
 mine, quoniam suscepisti me, allel.

♀. In resurrect. ♀. Virgo MARIA.

*Lectiones de Sabbato pro tempo-
 ris diversitate.*

*Absolutio et Benedictiones ut in
Feriâ IV.*

AD LAUDES.

†. Deus. †. Dom. ad. &c.

Ant. Esto.

Temp. pasc. ant. Alleluia.

PSALM. 132.

Ecce quàm bonum et quàm jucundum MARIA, * diligere nomen tuum.

Unguentum effusum et aromaticum est nomen tuum * diligentibus ipsum.

Quoniàm magna multitudo dulcedinis tuæ, Domina, * quam præparasti diligentibus, et sperantibus in te.

Esto refugium pauperum in tribulatione: * quia tu es baculus pauperum et miserorum.

Inveniant omnes, quæso, gratiam apud Deum: * qui te in suis necessitatibus invocabunt.

Ant. Esto baculus pauperum. *ant.* Respiremus.

PSALM. 134.

Laudate nomen Domini: * benedicite nomen MARIE Matris ejus.

MARIE præcamina frequentate: * et suscitabit vobis voluptates semperternas.

In animâ contritâ veniamus ad illam: * et non stimulat nos cupiditas peccati.

Qui cogitat de illâ in tranquillitate mentis: * inveniet dulcorem et requiem pacis.

Respiremus ad illam in fruitione nostrâ: * et reserabit nobis atria triumphantium.

Ant. Respiremus ad illam. *ant.* Comprime.

PSALM. 135.

Confitemini Domino, quoniàm bonus: * quoniàm per suam dulcissimam Matrem datur misericordia ejus.

Impetra nobis, Domina, amicitiam JESU—Christi: * et custodi nos, ne perdamus innocentiam nostram,

Comprime hostem nostrum imperio tuo: * ne seriat in nobis virtutem charitatis.

Bona naturalia conserva nobis: * et bona gratiæ per te multiplicentur.

Illumina vias, et semitas nostras: * ut noscamus quæ beneplacita sunt Deo.

Ant. Comprime hostem nostrum. *ant.* In fide.

Temp. pasc. ant. Alleluia, allel. *ant.* In Domino.

CANTICUM 9.

S. Bonavent. instar illius Moysis.

Deut. 32.

Audite cœli, quæ loquor de MARIA: * audiat terra verba oris mei.

Magnificate ipsam mecum semper: * et exaltemus nomen ejus in sæculum sæculi.

Generatio prava, atque perversa, * agnosce Dominam nostram salvatricem tuam.

Nunquid non ipsa est Mater tua, * quæ possedit, et in fide generavit te?

Si hanc dimittis, non est amicus Cæsaris: * quoniàm sine eâ non salvabit te.

Utinam saperes, ac intelligeres, * ac novissima prævideres.

Quemadmodum infans sine nutrice non potest vivere: * ita sine Domina nostrâ non potes habere salutem.

Sitiat ergo anima tua ad ipsam: * tene eam, nec dimitte, donec benedixerit tibi.

Repleatur os tuum laude suâ: * decanta totâ die magnificentiam ejus.

Ant. In fide generavit te Virgo. *ant.* Offeramus.

Temp. pasc. ant. In Domino gaudebo, et exultabo in JESU, Filio meo, alleluia. *ant.* Alleluia.

PSALM. 136.

Super flumina Babylonis sederunt
Hæbrei: * nos verò super iniquitates
nostras lugeamus.

Clamemus humiles ad puerperam
Virginem: * offeramus ei planctus et
suspiria nostra.

Non invenitur propitiatio sine illà,
* nec salus sine fructu illius.

Per illam peccata purgantur: * et
per fructum illius animæ dealban-
tur.

Per illam fit satisfactio peccati: *
per fructum illius sanitas condona-
tur.

Ant. Offeramus ei planctus et sus-
piria nostra

Temp. pasc. ant. Alleluia, allel.
alleluia.

CAPITULUM. Sap. 8. 16.

Non habet amaritudinem conversa-
tio illius, nec lædium convictus illius,
sed lætitiā et gaudium.

HYMNUS 25.

Salla.

Coruscat ecce proximi,
Cui MARIAM cœlites
Mirantur exæquabilem,
Index Eoi lucifer.

Lunam velut pellucidam
Plaudunt et hi pulcherrimam,
Electionis unica
Soli fatentes comparem.

Castrensium phalangium
Ut ordinato robore,
Totus sol⁹ perterritus
Quam contremiscit tartarus.

Quos, præmonente phosphoro,
Primo diei luxurine
Exordientes, laudibus
Nos æmulari coarctat.

Quas prosequentes ultimam
A luce primā ad vesperam
Nos ducat usque laud devios
Per veritatis semitam.

Orcum simul coerceat,
Potentior debiles
Ejusce victas prælio
Ne culpa mentes inquiet.

Doxolog, de tempore.

Per ann. ꝑ. Ora pro nobis. ꝑ.
Ut digni effici.

In adv. ꝑ. Rorate cœli des.

ꝑ. Aperiat.

In puerper. ꝑ. Veritas de terra.

ꝑ. Et iustitia.

Ad. Benedict. ant. Oriens ex al-
to * illuminavit nos stella matutina.

Preces, orat &c. ut in Ferid II.

Temp. pasc. ꝑ. Regina cœli. ꝑ.
Quia surrex.

Ad. Benedic. ant. Illuminare, *
Virgo, his qui in tenebris sedent,
alleluia, alleluia.

AD VESPERAS.

ꝑ. Deus, in ad. ꝑ. Dom. ad adj.

Ant. In animā. *Temp. pasc. ant.*
Alleluia.

PSALM. 137.

Confitebor tibi, Domina, in toto cor-
de meo: * quia per te expertus sum
clementiam JESU-Christi.

Audi, Domina, verba mea, et pre-
ces meas: * et in conspectu angelo-
rum cantabo tibi laudes.

In quacumque die invocavero te,
exaudi me: * et multiplica virtutem
in animā meā.

Confiteantur tibi omnes tribus et
linguæ: * quia per te salus restituta
est nobis.

Ab omni perturbatione libera ser-
vos tuos: * et fac eos vivere sub pa-
ce et protectione tuā. *ant.* In animā
meā virtutes multiplica. *ant.* Dul-
cedo.

PSALM. 138.

Domina, probasti me, et cognovisti
me: * ruinam, et transgressionem
meam.

Copiosa facta est super me mise-
ricordia tua: * et dilatata est super
me clementia tua.

Imperfectum meum aspexit oculus
tuus, * et palpebræ tuæ viderunt
vias meas.

Affluentiam desiderii sancti habemus à Spiritu Sancto: * et macula peccati non turbet conscientiam nostram.

Serenet corda nostra lux misericordiae tuae: * et recreet nos tuae pacis dulcedo.

Ant. Dulcedo pacis recreet nos, Domina. *ant.* Cadat.

PSALM. 139.

Eripe me, Domina, ab omni malo: * et ab hoste inferni defende me.

Contra me tetendit arcum suum, * et in fraude sua insidiatur mihi.

Constringe vires ejus malignas: * et obtunde potenter astutias ejus.

Converte iniquitatem ipsius in verticem illius: * et in foveam, quam fecit, cadat festinantèr.

Nos autem exultemus in servitio tuo: * et in tuis laudibus gloriemur.

Ant. Cadat diabolus in foveam, quam fecit. *ant.* Fac me.

PSALM. 140.

Domina, clamavi ad te, exaudi me: * intende orationi meae, et postulationi meae.

Dirigatur obsecratio mea velut incensum in conspectu tuo: * et in tempore sacrificii serotini, et matutini.

Non declinet cor meum in verbis malignantibus: * et nequitia cogitatus non subvertat sensum meum.

Fac me assentiri beneplacito cordis tui: * et tuis actionibus conformari.

Gladio intelligentiae reverbera cor meum: * et igniculo charitatis inflamma mentem meam.

Ant. Fac me assentiri beneplacito cordis tui. *ant.* Hostis.

PSALM. 141.

Voce mea ad Dominam clamavi: * ipsamque humiliter deprecatus sum.

Effundo in conspectu ejus lacrymam meam: * et dolorem meum ipsi exposui.

Insidiatur hostis calcaneo meo: * extendit contra me rete suum.

Adjuva me, Domina, ne corruam coram eo: * fac, ut conlatur sub pedibus meis.

Educ de carcere animam meam, ut confiteatur tibi: * et psallat Deo forti in perpetuum.

Ant. Hostis meus insidiatur calcaneo meo.

Temp. pasce. ant. Alleluia, alleluia, alleluia.

CAPITULUM. *Cant.* 4. 9.

Vulnerasti cor meum, soror mea, sponsa: vulnerasti cor meum in uno oculorum tuorum, et in uno crine colli tui.

HYMNUS 26.

Te deprecamur vespere,
Dum sol recedit igneus,
O Virgo, luce pulchrior,
Infunde lumen mentibus.

Horis diei singulis
Laudes tibi persolvimus:
Nunc vero nocte proxima
Laudi preces conjungimus.

Semper draco nam vigilans
Plus nocte robur exerit;
Illo sed ipsa fortior
Potentiam ejus contere.

Nec, dum tenebris volvitar
Telluris orbis, deseras
Tuos amor quos efficit,
Quos tua stringit charitas.

Doxolog. de tempore.

Per ann. γ. Vultum tuum. *γ.* Omnes div.

In adv. γ. Prophetae praed. *γ.* Nasc. Salv.

In puerp. γ. Veritas de terr. *γ.* Et iustitia.

Ad. Magnificat. ant. Exaltavit humiles recordatus misericordiae suae.

Non dicuntur Preces. Grad. de Dom. sequenti. Suffrag.

Temp. pasce. γ. Gaude et laet. *γ.* Quia surrexit.

Ad. Magnific, ant. Exultavit *
Spiritus meus in resurrectione Filii
mei, alleluia, alleluia.

AD COMPLET.

†. Convertite. †. Et averte.

Ant. Ne avertas. *Temp. pasc.*

ant. Alleluia.

PSALM. 142.

Domina, exaudi orationem meam: *
percipe tuis auribus supplicationem
meam.

Persecutus est malignus vitam
meam: * deposuit in terrâ conversa-
tionem meam.

Denigravit me caligine suâ: * et
anxiatus est nimis spiritus meus.

Ne avertas faciem tuam à me: *
ut non corruam cum descendentibus
in lacum.

Emitte lucem tuam, et gratiam
tuam; * et repara denuò vitam
meam, et conscientiam meam.

PSALM. 143.

Benedicta sis, Domina, quæ instruis
servos tuos ad prælum: * et eos ro-
boras contra inimicum.

Fulgure, et coruscatione dissipa
illum: * mitte jacula tua, ut con-
fundas illum.

Clarifica de alto manum tuam: *
et cantent servi tui laudem et glo-
riam tuam.

Eleva de terrenis affectionem nos-
tram: * de sempiternis deliciis refice
viscera nostra.

Concupiscentiam supernorum ac-
cende in cordibus nostris: * et de
gaudiis paradisi velis nos recreari.

PSALM. 144.

Exaltabo te, Mater Filii Dei: * et
per singulos dies cantabo laudes tuas.

Generatio et populi laudabunt
opera tua: * et misericordiam tuam,
insulæ expectabunt.

Abundantiam dulcedinis tuæ an-
geli eructabunt: * et suavitatem
tuam sancti pronuntiabunt.

Oculi nostri sperant in te, Domi-
na: * mitte nobis cibum et escam de-
lectabilem.

Laudationem tuam loquetur lin-
gua mea: * et benedicam te in sæ-
culum sæculi.

Ant. Ne avertas faciem tuam à
me, quia persecutus est malignus
vitam meam.

Temp. pasc. ant. Alleluia, alle-
luia, alleluia.

Reliqua ut in Dominica, p. 18.

PRECES.

*Sequentes preces semper dicuntur
in feriali officio extra tempus pascha-
le et vitæ glor. post ant. ad Bene-
dict. in Laudibus, et post ant. ad
Magnificat in Vesperis. In adventu
verò, in quadragesimâ, quat. temp.
et vigiliis (exceptis vigiliis Nativitatis
SS. Partûs, et Assumpt. et Vigiliis
et quat. temp. Pentecostes, in qui-
bus diebus nullæ dicuntur preces),
dicuntur flexis genibus.*

Kyrie eleison, Christe eleison,
Kyrie eleison. Paternoster. *Secreto.*

†. Et ne nos. †. Sed libera nos.

†. Libera me, Domina, de manu
adversariorum meorum.

†. Confunde ingenia, et conatus
eorum contra me.

†. Illumina oculos meos, ne un-
quam obdormiam in morte.

†. Ne quando dicat inimicus
meus; prævalui adversus eum.

†. Salva me ex ore leonis.

†. Et de manu canis salva ani-
mam meam.

†. Salvum me fac in tuâ miseri-
cordiâ.

†. Domina, non confundar, quo-
niam invocavi te.

†. Dignare, dulcis MARIA.

†. Nunc et semper nos sine delicto
conservare.

*In adventu et quadragesimâ di-
citur sequens Psalmus: qui in alio*

tempore omittitur, et statim dicitur.

†. Domina, ex. ♀. Et clamor meus.

PSALM. 50.

Miserere mei, Domina: * quæ mater misericordiæ nuncuparis.

Et secundum viscera misericordiarum tuarum: * munda me ab omnibus iniquitatibus meis.

Effunde gratiam tuam super me: * et solitam clementiam tuam ne subtrahas à me.

Quoniam peccata mea confitebor tibi: * et coram te me accuso de sceleribus meis.

Fructui ventris tui me reconcilia: * et pacifica me ei, qui me creavit. Gloria Patri. Sicut erat.

†. Domine, ex. ♀. Et clamor.

Oraſio de Dominicâ præcedenti.

COMMEMORATIONES COMMUNES,

SEU

SUFFRAGIA SANCTORUM.

IN FINE VESP. ET LAUD. DICENDA.

Sequentes Commemorationes non dicuntur in adv. seu prægnatione, neque in puerperio, neque temp. passionis, nec in paschali, nec in vild gloriæ. neque quando fit Officium duplex, aut de infra octavam.

DE S. JOSEPH.

Ad Vesper. JOSEPH, autem vir ejus, cum esset justus, et nollet eam traducere, voluit occultè dimittere eam.

Ad Laudes. JOSEPH, Fili David, noli timere accipere MARIAM, conjugem tuam; quod enim in eâ natum est, de Spiritu Sancto est.

†. Constituit eum dominum domus suæ.

♀. Et principem omnis possessionis suæ.

Oremus.

Oraſio.

Sanctissimæ Genitricis tuæ Sponsi, quæsumus Domine, meritis ad-

juvemur: ut quod possibilitas nostra non obtinet, ejus nobis intercessionem donetur.

DE S. JOACHIM.

Ad Vesper et ad Laud. Laudemus viram gloriosum in generatione suâ, quia benedictionem omnium gentium dedit illi Dominus.

†. Potens in terrâ erit semen ejus.

♀. Generatio rectorum benedicetur

Oremus:

Oraſio.

Deus, qui præ omnibus sanctis tuis beatum Joachim Genitricis Filii tui Patrem esse voluisti; concede quæsumus, ut cujus memoriam veneramur, ejus quoque perpetuò patrocinia sentiamus.

DE SANTA ANNA:

Ad Vesperas et ad Lau. Ant.

Pro puellâ istâ oravi, et dedit mihi Dominus petitionem meam, quam postulavi eum.

†. Exultavit cor meum in Domino.

♀. Quia lætata sum in salutari tuo.

Oremus.

Oraſio.

Deus, qui beatæ Annæ gratiam conferre dignatus es, ut Genitricis Unigeniti tui Mater effici mereretur: concede propitiis, ut cujus commemorationem facimus, ejus apud te patrociniiis adjuvemur.

DE SANCTIS.

Ad vesp. et ad laud. ant. Sancti Dei omnes, intercedere dignemini pro nostrâ omniumque salute.

†. Lætamini in Domino, et exultate justi.

♀. Et gloriamini omnes recti corde.

Oremus.

Oraſio.

Protege, Domine, populum tuum et Apostolorum tuorum Petri, et Pauli patrocinio confidentem perpetuâ defensione conserva.

Omnes sancti tui, quæsumus, Domine, nos ubique adjuvent, ut

dum eorum merita recolimus, patrociniā sentiamus: et pacem tuam nostris concede temporibus, et ab Ecclesiā tuā cunctā repellē nequitiam: iter, actus et voluntates nostras, et omnium famulorum tuorum, in salutis tuæ prosperitate dispone: benefactoribus nostris sempiternā bonā retribue, et omnibus fidelibus defunctis requiem æternā concede. Per Dominum.

ANTIPHONÆ

Sequentes dicuntur in fine laudum, et completorii juxta diversa tempora flexis genibus: in dominicis vero et tempore paschali non flectuntur genua.

ANTIPHONA I.

A primis Expectationis B.M. V. Vesper. usque ad ejus Nativ.

HYMN. 27. S. Anselm.

Gaude Dei Genitrix Virgo immaculata:

Gaude, quæ gaudium ab angelo suscepisti;

Gaude, quæ genuisti æterni luminis claritatem;

Gaude Mater pietatis, et misericordiæ;

Gaude Sancta Dei Genitrix Virgo: Tu sola semper inupta:

Te laudat omnis factura

Genetricem lucis:

Sis pro nobis, quæsumus, pia Interventrix.

γ. Diffusa est gratia in labiis tuis;

ρ. Propterea benedixit te Deus in æternum.

Oremus.

Oratio.

Concede nos famulos tuos, quæsumus, Domine Deus, perpetuā mentis et corporis sanitate gaudere: et gloriosā beatæ MARIE, semper Virginis intercessione, a presenti liberari tristitiā, et æternā perfrui lætitiā. Per Dominum.

ANTIPHONA II.

Tempore Infantie, à primis ve-

sper. Nativitat. B. V. usque ad Domin. prim. Adventus.

HYMNUS 28. S. Petr. Dam.

Scala, thronusque Dei,

Nitor orbis, janua cœli,

Mater ave Christi,

Scala, thronusque Dei.

Tu nova stella maris,

Quæ lux est reddita terris;

Ortus et es solis,

Tu nova stella Maris.

Tu super astra levas,

Petimus quod subruit Eva;

Illa gravat culpā,

Tu super astra levas.

Gloria summa Patri,

Gentis sit gloria proli!

Flamine cum parili,

Gloria summa Patri. Amen.

γ. Adjuvabit eam Deus vultu suo.

ρ. Deus in medio ejus non commovebitur.

Oratio.

Concede, quæsumus, omnipotens Deus, ut Beatissimæ Virginis MARIE gaudeamus suffulti præsidiis, cujus immaculatæ Infantie magnificis informamur exemplis: Per Dominum nostrum JESUM Christum Filium tuum, qui tecum vivit et regnat in unitate Spiritus Sancti Deus.

ANTIPHONA III.

A vespers sabbati ante Dom. I. adv. usque ad primas vesp. SS. Partis exclusive.

HYMN. 29.

Alma Redemptoris Mater, quæ pervia cœli

Porta manes, et stella maris, succurre cadenti,

Surgere qui curat, populo: tu quæ genuisti,

Naturā mirante, tuum sanctum Genitorem.

Virgo prius ac posterius, Gabrielis ab ore

Sumens illud Ave, peccatorum miserere.

†. Angelus Domini nuntiavit
MARIE.

¶. Et concepit de Spiritu Sancto.
Oremus.

Oratio.

Gratiam tuam, quæsumus, Domine, mentibus nostris infunde: ut qui, Angelo nuntiante, Christi Filii tui incarnationem cognovimus, per passionem ejus et crucem ad resurrectionis gloriam perducamus. Per eundem Christum Dominum nostrum. ¶. Amen.

ANTIPHONA IV.

A primis vesper. SS. Partus usque ad Purificat.

HYMN. 30.

Inviolata, integra, et casta es
MARIA,

Quæ es effecta fulgida cœli porta:
O Mater alma Christi carissima!
Suscipe pia laudum præconia:
Nostra ut pura pectora sint et corpora,
Te nunc flagitant devota corda
et ora.

Tua per præcata, dulcisona,
Nobis impetres veniam per sæcula.
O benigna! ó Regina! ó MARIA!
Quæ sola inviolata permansisti.

†. Post partum Virgo inviolata permansisti.

¶. Dei Genitrix, intercede pro nobis.

Oremus.

Oratio.

Deus, qui salutis æternæ beatæ MARIE virginitate sæcunda humano generi præmia præstitisti, tribue quæsumus, ut ipsam pro nobis intercedere sentiamus, per quam meruimus auctorem vitæ suscipere Dominum nostrum JESUM Christum Filium tuum. ¶. Amen.

ANTIPHONA V.

A primis Vesper. Purificat, usque ad Pascham.

HYMN. 31.

Ave, Regina cœlorum,
Ave, Domina Angelorum:
Salve radix, Salve porta,
Ex quâ mundo lux est orta.

Gaude, Virgo gloriosa,
Super omnes speciosa:
Vale, ó valdè decora,
Et pro nobis Christum exora.

†. Dignare me, laudare te, Virgo sacrata.

¶. Da mihi virtutem contra hostes tuos.

Oremus.

Oratio.

Concede, misericors Deus, fragilitati nostræ præsidium: ut qui sanctæ Dei Genitricis memoriam agimus, intercessionis ejus auxilio à nostris iniquitatibus resurgamus. Per eundem Christum, Dominum nostrum. ¶. Amen:

ANTIPHONA VI.

Tempor. Vitæ dolorosæ, à Vesperis ante Dominicam Passionis usque ad Feriam V. in Cænd Domini.

HYMN. 33.

Salla.

Salve, acuto, quàm beata,
Virgo Mater, prædicata,
Tàm doloris icta cultro,
JESUS ut peremptus ultró
Per crucis tormenta diræ
Filios ægros ob iræ;
Quem tuo placa præcatu,
Nos ut eximat reatu.

†. Nos dignare tuos vitæ sentire dolores:

¶. Morteque nos nostrâ, Virgo tuere potens.

Oratio.

Interveniat pro nobis, quæsumus Domine JESU—Christe, nunc et in horâ mortis nostræ apud tuam clementiam Beata Virgo MARIA Mater tua, cujus sacratissimam animam in horâ tuæ passionis doloris gladius pertransivit: Qui vivis et regnas cum Deo

Patre in unitate Spiritus Sancti
Deus. Per omnia.

et à morte perpetuâ liberemur.
Per eum d. Christum.

ANTIPHONA VII.

*A completor. Sabb. Sancti usque
ad 1. Dom. post. Pentec.*

HYMN. 32.

Regina cœli lætare, Alleluia,
Quia quem meruisti portare,
Alleluia.

Resurrexit, sicut dixit, Alleluia.
Ora pro nobis Deum, Alleluia.

†. Gaude, et lætare, Virgo MA-
RIA, Alleluia.

†. Quia surrexit Dominus verè
Alleluia.

Oremus.

Oratio.

Deus, qui per Resurrectionem
Filii tui, Domini nostri JESU-Christi,
mundum lætificare dignatus es:
præsta, quæsumus, ut per ejus
Genitricem Virginem MARIAM
perpetuæ, capiamus gaudia vitæ.
Per eumdem Christum Dom.

ANTIPHONA VIII.

*A Compl. Sabb. ante 1 Dom.
post Pentec. usque ad Assumpt.*

Salve, Regina, Mater misericordiæ.
Vita, dulcedo, et spes nostra, sal-
ve. Ad te clamamus, exules filii
Evæ. Ad te suspiramus gementes
et flentes in hac lacrymarum val-
le. Eja ergo, advocata nostra, illos
tuos misericordes oculos ad nos
converte. Et JESUM benedictum
fructum ventris tui nobis post hoc
exilium ostende. O clemens, o pia,
o dulcis Virgo MARIA!

†. Ora pro nobis. †. Ut digni effic.

Oremus.

Oratio.

Omnipotens sempiterne Deus,
qui gloriosæ Virginis Matris MA-
RIÆ corpus et animam, ut dig-
num Filii tui habitaculum effici me-
reretur, Spiritu Sancto cooperan-
te, præparasti: da, ut cujus com-
memoratione lætatur, ejus piâ
intercessione ab instantibus malis,

ANTIPHONA IX.

*Tempore Vitæ Gloriosæ à primis
Vesper. Assumptionis usque ad finem
Augusti recitanda.*

HYMNUS 34. Jacob. Balde.

Orbis ave Regina, cui subter-
nitur æther,
Piæque turmæ syderum
Ambitione micant.

Cujus certatim submittunt oscu-
la sceptro
Illime mentium genus,
Mitis ave Domina.

Salve egressa solo quamvis si-
tiente liquoris.

Jessæ radix, floridum

Gignere visa Deum.

Salve porta sacræ lucis: tua tran-
sit ante

Quam nos adiret, limina

Sol inaperta puer.

Hinc nitet alma dies: gaude,
pulcherrima, gaude:

Nam nulla Virgo conferet

Se, speciosa, tibi.

Dulcis amica vale, genitumque
infecte Tonantem:

Decora Mater Numinis,

Dulcis amica, vale. Amen.

†. Memores erunt Nominis tui,
Domina.

†. In generatione et genera-
tionem.

Oratio.

Quæsumus, Omnipotens Deus,
ut Sanctissimæ Genitricis tuæ nun-
quam nobis desit auxilium, cujus
quotidiè non cessamus merita glo-
riosa recolere. Qui vivis et regnas.

ABSOLUTIONES

et

BENEDICTIONES

*dicendæ ante Lectiones in Officiis
nov. quàm trium Lectionum.*

In 1. Nocturno, et in II. et V. Feriis.

Absolutio.

Exaudi. Domina, preces servorum tuorum, et intercede pro nobis, quæ Mater es Filii Dei excelsi.

℟. Amen.

Benedictiones.

1. Benedictione perpetuâ benedicat nos Virgo Mater Dei. ℟. Amen.

2. Primogenita Dei Filia nos benedicere et adjuvare dignetur. ℟. Amen.

3. Spiritus Sancti Sponsa in amore Dei accendat corda nostra. ℟. Amen.

In II. Noctur. et in III. et VI. Feriis.

Absolutio.

Ipsius pietas, et misericordia nos adjuvet, quæ prædilecta Filia est Dei Patris. ℟. Amen.

Benedictiones.

1. Dei Mater omnipotentis sit nobis propitia et clemens. ℟. Amen.

2. Filia Dei MARIA perpetuæ obtineat nobis gaudia vitæ. ℟. Amen.

3. Ignem divini amoris accendat MARIA in cordibus nostris. ℟. Amen.

In III. Noct. et in Feriâ IV et Sabbat.

Absolutio.

A vinculis peccatorum nostrorum dissolvat nos Sponsa Spiritus Sancti, Regina cælorum. ℟. Amen.

Benedictiones.

1. Evangelica lectio sit nobis salus et protectio. ℟. Amen.

2. Bened. mutatur pro temporis diversitate. ut inferiùs pro Festivitatibus notatur, exceptis temporib. vitæ activ. et vitæ contempl. in quibus dicitur quæ sequitur.

2. Cujus laudes caninus, ipsa Virgo Virginum intercedat pro nobis ad Dominum. ℟. Amen.

3. Per Virginem Matrem conce-

dat nobis Dominus salutem et pacem. ℟. Amen.

Quando in feriâ IV. et Sabb. fit Officium trium Lectionum, prima benedictio erit.

Nos cum prole piâ benedicat Virgo MARIA. ℟. Amen.

2. Cujus laudes canimus.

3. Per Virginem Matrem.

Quando nona lectio sit Evangel. cum Homiliâ, nona benedictio erit.

Per evangelica dicta deleantur nostra delicta. ℟. Amen.

Si in officio trium Lectionum legitur Evangelium cum Homil. benedictiones erunt.

1. Evangelica Lectio.

2. Cujus laudes.

3. Per Virginem Matrem.

In festivitatibus octava benedictio erit.

Tempore Expectationis. Cujus adventum expectamus.

Temp. Infantiae. Cujus infantiam colimus.

Temp. Prægnat. Cujus prægnationem virginalem.

Temp. Puerperii. Cujus partum intemeratum.

Temp. Vitæ Contempl. Cujus festum colimus.

Temp. Passionis. Cujus angustias col.

Temp. paschali. Cujus gaudia col.

Bemp. Vitæ activ. Cujus festum colim.

Temp. Vitæ glor. Cujus gloriam colimus.

In comm. Dedit. Cujus festum colimus.

Quæ benedictio octavâ in aliquibus Festivitatibus etiâ mutatur, et dicitur ea quæ in propriis locis notatur.

In solemnitatibus, quæ habent octavam, benedictio propria diei dicitur quotidie per octav. nisi in diebus

infr. Octav. aliapropria dicenda sit.

DOXOLOGÆ.

Dicendæ in fine hymnorum ejusdem metri pro diversitate temporum, quando non assignatur propria.

Tempore Expectationis.

JESU per Annæ Filiam

Venture, sit communiter
Tibi, Patri, almo Flamini
Interminata gloria. Amen.

Tempore Infantie.

Sit Trinitati gloria

Nobis dedit nam Virginem,
Salvos potest quæ reddere
Suos amantes famulos. Amen.

Temp. Præg. seu in Ad.

Sit laus Patri, laus Filio,
Sit par tibi laus, Spiritus,
Quo dante Virgo concipit,
Manetque semper integra. Amen.

Tempore Puerperii.

JESU, tibi sit gloria,
Qui natus es de Virgine,
Cum Patre et almo Spiritu
In sempiterna sæcula. Amen.

Tempore Vitæ contemplativæ.

Summo Parenti cœlitum,
Magnæque proli Virginis,
Sancto simul Paraclito
Sit summa laus et gloria. Amen.

Tempore Passionis.

Sit honor, laus, devotio
JESU MARIE Filio
Tenso crucis patibulo
Pro redimendo populo. Amen.

Tempore paschali.

JESU, tibi sit gloria,
Surgendo qui de mortuis

Apparuisti Virgini
Matri tuæ, per sæcula. Amen.

Tempore Vitæ activæ.

Summo Parenti cœlitum,
Magnæque proli Virginis,
Sancto simul Paraclito
Sit summa laus et gloria. Amen.

Tempore Vitæ gloriosæ.

Te nunc, Redemptor, quæsumus
Ut Virginis consortio
Jungas precantes servulos
In sempiterna sæcula. Amen.

CONCLUSIONES ORATIONUM

pro earum diversitate.

1. *Si oratio dirigatur ad Patrem dicatur:*

Per Dominum nostrum JESUM-
Christum Filium tuum, qui tecum
vivit et regnat in unitate Spiritûs
Sancti Deus per omnia sæcula sæ-
culorum. Amen.

2. *Si dirigatur ad Filium, dica-
tur:*

Qui vivis et regnas cum Deo Pa-
tre in unitate Spiritûs Sancti Deus
per omnia sæcula sæculorum.

3. *Si in principio orationis fiat
mentio Filii, dicatur:*

Per eundem Dominum nostrum
&c. ut supra.

4. *Si in fine orationis, dicatur:*

Qui tecum vivit et regnat in uni-
tate Spiritûs Sancti &c.

5. *Si fiat mentio Spiritûs Sancti,
dicatur:*

In unitate ejusdem Spiritûs Sanc-
ti &c.

PROPRIUM DE TEMPORE.

I. EXPECTATIO

B. MARIE V.

*Quæ à Kalendis Septembris usque
ad ejus Nativitatem recolitur.*

REPONSORIA

*dicenda tam in Dominica, quam
in officio seriali aut simplici toto
hoc tempore:*

*In 1 Noct. Dominicæ, et in fe-
riis II. et V.*

¶ 1. Ab æterno Deus te præor-
dinavit Matrem unigeniti Verbi, *
Teque sibi pulcherrimam prædesti-
navit sponsam. ¶ Elegit te Deus
ex omni carne.—Teque. *Repetitur
usque ad ¶. et sic in aliis.* ¶¶.

*In officio trium Lectionum omit-
titur sequens ¶. et ejus loco pon-
itur ¶. 3. ut infra.*

¶ 2. Ego ex ore Altissimi pro-
divi primogenita ante omnem crea-
turam: * Antequam quidquam fa-
ceret à principio. ¶ Nondum erant
abyssi, necdum fontes aquarum
eruperant.—Antequam.

¶ 3. Elegit eam Deus, et præe-
legit eam: * Elegit eam in habita-
tionem sibi. ¶ Quam Deus ante
sæcula in gloriam nostri generis
destinabit.—Elegit.—Gloria.—Ele-
git. *In offic. 2. Class. ¶. Elegit.*
In II. Noc. Dom. et in fer. III. et VI.

¶ 4. Matrem suam Deus elegit
ex omni carne, * Qui naturus de
Virgine universum orbem salvare
debebat. ¶ Elegit eam Deus; et

prælegit eam.—Qui.

*In officio simplic. trium lect. omit-
titur sequens ¶. et ejus loco ponitur
¶ 6. ut infra.*

¶ 4. Ab æterno ordinata sum,
et ex antiquis antequam terra
fieret. * Dominus possedit me in
initio viarum suarum. ¶ Adhuc
terram non fecerat, et flumina, et
cardines orbis terræ. Dominus.

¶ 6. Erexit Deus cornu salutis
nobis in domo David pueri sui, *
Sicut locutus est per os sanctorum,
qui à sæculo sunt, Prophetarum
ejus. ¶ Omnes Prophetæ annuntia-
verunt dies istos.—Sicut.—Gloria.
—Sicut. *In offic. 2. Class. repe-
titur. ¶. Erexit.*

*In III. Noct. Dom. et in Fer.
IV. et Sabb.*

¶ Priusquam nascerer, Deo
præsens aderam, * Antequam fie-
rem, bene illi cognita fueram. ¶
Elegit me ante mundi constitutio-
nem, ut essem sancta, et immacu-
lata.—Anteq.

*In officio simpl. trium lection.
omititur sequens ¶. et ejus loco po-
nitur ¶. 9 ut infra.*

¶ 8. Juravit Dominus David
veritatem et non frustrabitur eam: *
De fructu ventris tui ponam super
sedem tuam. ¶ Jusjurandum, quod
juravit ad Abraham Patrem nos-
trum.—De.

¶ 9. Ecce veniet Expectatio om-
nium gentium: * Festinate et oc-
curre illi, dicentes: ave gratiâ ple-
ua, Dominus tecum: benedicta tu
in mulieribus.

7. Nunc abscondita est, quam predestinavit Deus ante sæcula in gloriam nostram, sed veniens veniet, et non tardabit.—Festinate.—Gloria.—Festinate. *In offic.*
2. *Classis*, Ecce veniet.

LECTIONES DE SCRIPTURA.

Hoc Expectationis tempore, quando lectiones de Scriptura non assignantur propriae, in proprio festivitatum, dicuntur ut in Dominica in Expectatione: Dominus possedit me, quæ inferius ponuntur. Idem dicendum, si fiat officium de feria cum hys feriæ occurrentis, ut superius posita sunt.

DOMINICA

IN EXPECTATIONE.

PRÆDESTINATIO B. M. V.

AB ÆTERNO.

Duplex 2. Classis

Omnia non propria dicuntur ut in die Expectationis B. M. V. prima Septem. ut in proprio Festivitat.

Festum si aliquod in hac Dom. incidat, transfertur ad primam diem non impeditam.

IN I. VESPER.

Antiphonæ ut in 1. vesper. Expect. Psalmi ut in Solemnit.

CAPITULUM. Prov. 8. 22.

Dominus possedit me in initio viarum suarum, antequàm quidquam faceret à principio. Ab æterno ordinata sum, et ex antiquis antequàm terra fieret. *Ps.* Deo gratias.

HYMNUS. 34. Guarini.

Antequàm terræ et latices coirent.
Æquori leges fierent, et ante
Quàm deerrarent vitrei citatis

Cursibus amnes;

Diva tu Patris generata corde,
Omnibus ludens aderas: scatebant

Gurgites tecum: revoluta tecum
Unda fluebat.

Sit decus summo sine fine Christo;
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

Ad. Magnif. dicitur ant. O. diei occurrentis, ut habetur in proprio festivo. diebus ante Nativitatem B. M. V.

*Oratio ut infra ad laudes.
Completorium de Dominica.*

AD MATUT.

Invitorium. Laudemus Deum nostrum * In Prædestinatione Beatissimæ Virginis MARLÆ.

HYMNUS 35. Guarini.

Sistitur tellus: ades, imminentes
Colligunt nubes pluvias: adesque
Cum vices anni redeunt, et astra
Tempora ducunt.

Mille tu ducis choreas: et altos
Pectori Mater stimulas amores:
Ante mater, cum vitio parentum
Serpere cunctos

Visa sit labes. Steterat Tonanti,
Fulmine abjecto, genus indè nostrum

Ferre: non ulla licet ingravarent
Crimina terras.

Sit decus summosine fine Christo,
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

IN I. NOCT.

Antiph. ut in die Exp. Psalm. de Dominica.

De libro Sapientiæ.

Lect. 1. Prov. c. 8. v. {22.

Dominus possedit me in initio viarum suarum, antequàm quidquam faceret à principio. Ab æterno ordinata sum, et ex antiquis antequàm terra fieret. Nondùm erant abyssi, et ego jam concepta eram: necdùm fontes aquarum eruperant: necdùm montes gravi mole constiterant: ante colles ego parturiebar.

Tu autem. Domina nostra, intercede pro nobis. *¶* Ab æterno. p. 59.

LECT. 2. *Eccles.* 24. v. 5.

Ego ex ore Altissimi prodivi, primogenita ante omnem creaturam: ego feci in cœlis, ut oriretur lumen indeficiens, et sicut nebula texti omnem terram: ego in altissimis habitavi, et thronus meus in columnâ nubis. Gyrum cœli circuivi sola, et profundum abyssi penetravi, in fluctibus maris ambulavi, et in omni terrâ steti: et in omni populo, et in omni gente primatum habui. Tu. *¶* Ego ex ore. p. 39.

LECT. 3. v. 14.

Ab initio, et ante sæcula creata sum, et usque ad futurum sæculum non desinam, et in habitatione sanctâ coram ipso ministravi. Et sic in Sion firmata sum, et in civitate sanctificatâ similiter requievi, et in Jerusalem potestas mea, Et radicaui in populo honorificato, et in parte Dei mei hæreditas illius, et in plenitudine sanctorum detentio mea. Tu. *¶* Elegit eam. p. 59.

IN II. NOCT.

Sermo venerabilis Thomæ à Kémpis Presbyteri.

Sermo 25. ad Novitios.

LECT. 4.

Recogitate ergó diligentèr antiqua sanctorum patriarcharum gesta, de quorum stirpe orta est Mater Dei MARIA, tanquàm rosa inter spinas sine spinâ. Sicut enim olim per multos sanctos viros Patriarchas et Prophetas, per iudices et reges, per sacerdotes et levitas, per doctores et scribas, verbis, signis, et figuris prænuntiatus est Christus Dei Filius ex Virgine pro mundi redemptione nasciturus, et in cruce passurus; itâ convenientèr satis, et sapientèr ordinatione divinâ, præfigurata, et præconizata est beatissima ac devo-

tissima Virgo MARIA, per sacras illius temporis virgines, per illustres feminas, per castas viduas, per devotas prophetisas, et per cæteras honestas matronas in castitate viventes, atque ob pudicitiaæ custodiam cum puellis suis, in domibus et cameris ab aspectibus virorum inclusas. Tu. *¶* Matrem. p. 50.

LECT. 5.

O verè inclita proles, ex insigni patriarcharum prosapiâ nobilitèr procreata, ex sacerdotali genere generosè producta, ex pontificali dignitate dignissimè derivata, ex prophetali choro verissimè prænuntiata, ex regali stirpe illustrissimè edita, ex Davidicâ lineâ rectissimè originata, ex nobilissimâ tribu Juda clarissimè prolata, ex Israeliticâ plebe felicissimè progenita, ex electo populo Dei singularitèr præelecta ex sanctis et religiosis ac Deo placitis parentibus, divinâ præordinatione in lucem mundi serenissimè exorta. Tu. *¶* Ab æterno. p. 59.

LECT. 6.

O felix et illibata Virgo MARIA, omni laude et honore dignissima, omni amore et reverentiâ ab omnibus amplexanda! O splendida Virginum gemma! Tu ab initio, et ante sæcula à Deo es prædestinata, Redemptorem mundi præfinito tempore paritura, à patriarchis desiderata, et prophetis prænuntiata: à multis regibus, et justis adoptata, à devotissimo populo in Israel diu expectata, et tandè m à Deo miserante ægrotanti mundo visibiliter demonstrata. O sacra et illustrissima Virgo MARIA, quàm præclarum, et laudandum est nomen tuum in universâ terrâ! Tu. *¶* Elexit Deus. p. 59.

IN III. NOCT.

Lectio Sancti Evangelii secundum Matthæum.

LECT. 7. c. 1. v. 1.

Liber generationis JESU-Christi, Filii David, filii Abraham. Et reliqua.

Homilia Sancti Joannis Damasceni.

De orthodoxâ fide libr. 4. c. 14.

Beata Virgo MARIA, quæ ante omne ævum præscientiæ Dei consilio prædestinata erat, variisque Prophetarum imaginibus, et sermonibus adumbrata, et prænuntiata, præfinito tandem tempore ex radice Davidis, juxta ac illi promissum erat, orta est. Dictumque quippè est: Juravit Dominus David veritatem, et non frustrabitur eam: de fructu ventris tui ponam super sedem tuam. Tu. *¶* Priusquàm nascerer. p. 59.

Bened. Cujus Prædestinationem.

LECT. 8.

Cæterum quod JOSEPH ex davidicâ tribu originem duxerit, sacratissimi Evangelistæ Matthæus et Lucas liquidò demonstrarunt. Verùm Matthæus ex Davide per Salomonem JOSEPHUM deducit: Lucas autem per Nathan. At vero Sanctæ Virginis genus uterque siluit. Quo circa sciendum est, nec apud Hæbreos, nec in Scripturâ Sacrà hunc morem fuisse, ut mulierum genus recenseretur. Tu. *¶* Ecce.

LECTIO 9.

Atqui hoc lege cantum est, ne tribus nna ex alienâ tribu conjuges accerseret: ac proindè JOSEPH, qui ex stirpe Davidicâ oriundus, justus que erat (hanc enim ei laudem tribuit divinum Evangelium) Sanctam Virginem præter legis præscriptum haudquaquàm despondisset, nisi ex eodem sceptro, aut tribu traxisset genus: undè satis habuit Evangelista JOSEPH genus demonstrare. Tu. Te Matrem. p. 5.

AD LAUDES.

Antiphonæ ul in primâ die Septemb.

CAPITULUM. *Prov. 8. v. 22.*

Dominus possedit me in initio viarum suarum, antequàm quidquam faceret à principio. Ab æterno ordinata sum, et ex antiquis antequàm terra fieret. *¶* Deo gratias.

HYMNUS 36. *Guarini.*

Una de multis mihi grata: dixit. Totius latè Fabricator orbis. Una: quæ jam nunc mihi mater esto.

Currite soles.

Currite, ò quantum properare terris

Laudis ex illâ video: parentum
Nesciet culpam: referetque ferrea
Sæcula in aurum.

Illa venturas mihi præter omnes
Complacet Virgo: simul una præstat
Omnibus, quantam præit inter ignes:
Luna minores.

Sit decus summo sine fine Christo,
Sancta quem Virgo genuit MARIA,
Qui Patri compar, Spiritui Sancto:
Regnat in ævum. Amen.

Ad. Benedict. ant. Ab æterno me Deus prædestinavit, Matrem Verbi æterni, et ex hoc beatam me dicent omnes generationes.

Oremus.

Oratio.

Omnipotens sempiterne Deus, qui beatissimam Virginem MARIAM ab æterno in Matrem Unigeniti Filii tui præelegisti: concede propitius, ut qui ejus Prædestinationem devotè recolimus ad beatitudinem prædestinemur æternam. Per eundem.
Ad Prim. Capit. de Laud. t. ¶. brev. Quæ ab æterno prædestinata fuisti.

CANON.

Ex Pio Papâ Nono.

Constit. Ineffabilis. Die 8. Dec. 1854.

1. Ineffabilis Deus..... ab initio et ante sæcula unigenito Filio suo Matrem, ex quâ caro factus in

beatâ temporum plenitudine nasce-
retur, elegit atque ordinavit tanto-
que præ creaturis universis est
prosequutus amore, ut in illâ unâ
sibi propensissimâ voluntate com-
placuerit. Tu autem, Domina nos-
tra, intercede pro nobis. *Deo grat.*

IN II, VESP.

Antiph. ut in II. Vesp. diei Expect.
Psalmi de II. Vesp. Solemn. Capitu-
l. de Laudib.

HYMNUS 37.

Salve mundi Domina,
Cælorum Regina:
Salve Virgo Virginum,
Stella matutina.

Ab æterno Deus
Te prædestinavit
Matrem Unigeniti
Verbi, quo creavit

Terram, pontum, ætera:
Te pulchram ornavit
Sibi Sponsam, in quâ
Adam non peccavit.

Sit laus summa Patri,
Summo Christo decus,
Spiritui Sancto

Tribus honor unus. Amen.

Ad. Magn. dicitur ant. O. diei
occurrentis. Orat. de Laudib.

CANONES

In Feriis Temp. Expectationis, et in
Festis quæ proprios non habuerint,
recitandâ ad Primam.

I. Scripturæ de Virgine prælo-
quantur.

FERIA II.

Ex Pio Papâ Nono.

Const. Ineffabilis. 8. Dec. 1854.

2. Ipsissima verba, quibus divinæ
Scripturæ de increatâ Sapientiâ lo-
quuntur, ejusque sempiternas ori-
gines repræsentant, consuevit (Ec-
clesia) tum in Ecclesiasticis officiis
tum in Sacrosanctâ Liturgiâ adhi-
bere, et ad illius Virginis primordia
transferre, quæ uno eodemque de-

creto cum divinæ Sapientiæ Incar-
natione fuerint præstituta. Tu.

FERIA III.

Ex Pio Papâ Nono.

Const. Ineffabilis. 8. Dec. 1854.

3. «Sancti Ecclesiæ Patres,» Pro-
phetarum adhibentes eloquia, non
aliter ipsam augustam Virginem
concelebrarunt, ac uti columbam
mundam, et sanctam Jerusalem, et
excelsum Dei thronum, et arcam
sanctificationis et domum quam
sibi æterna ædificavit Sapientia; et
Reginam illam quæ deliciis affluens
et inixa super dilectum suum ex
ore Altissimi prodixit omnino per-
fecta, speciosa ac penitus cara Deo,
et nullo unquam labis nævo macu-
lata. Tu.

FERIA IV.

Ex Pio Papâ Nono.

Const. Ineffabilis. 8. Dec. 1854.

Nunquam cessarunt «Ecclesiæ
Patres» Deiparam appellare vel li-
lium inter spinas, vel terram omni-
nò intactam, virgineam, illibatam,
immaculatam, semper benedictam,
et ab ob omni peccati contagione li-
beram, ex quâ formatus est Adam.
Tu.

FERIA V.

Ex Pio Papâ Nono.

Const. Ineffabilis. 8. Dec. 1854.

Dixerunt «Sancti Ecclesiæ Pa-
tres» hanc Divam Virginem vel
irreprehensibilem, lucidissimum,
amænissimumque innocentiam, in-
mortalitatis, ac deliciarum paradi-
sum à Deo ipso consitum, et ab om-
nibus venenosi serpentis insidiis de-
fensum, vel lignum immarcescibile,
quod peccati vermis nunquam cor-
ruperit, vel fontem semper illi-
mem, et Spiritus Sancti virtute sig-
natum. Tu.

FERIA VI.

Ex Pio Papâ Nono.

Const. Ineffabilis. 8. Dec. 1854.

6. «Deiparam appellarunt Sancti Patres» vel divinissimum templum, vel immortalitatis thesaurum, vel unam et solam non mortis sed vitæ filiam, non iræ sed gratiæ germen, quod semper virens ex corrupta infectaque radice singulari Dei providentiâ præter statas communesque leges effloruerit. Tu.

SABBATO

Ex Div. Bernardo Abbate.

Serm. 3. super Salve Regina.

7 De hac «Sanctissimâ Deipara» et ob hancet propter hanc omnis scriptura facta est, propter hanc totus mundus factus est, et hæc gratia Dei plena est, et per hanc homo redemptus est, Verbum Dei caro factum est, Deus humilis et homo sublimis. Tu.

II.

INFANTIA

B. MARIE V.

seu ab ejus Nativitate usque adejus Prægnationem, vel usque ad Adventum.

CANONES

In diebus infra Octavam Nativitatis quæ proprios non habuerint recitandi.

FERIA II.

Ex Alexandro Papâ Tertio.

Ep. 32 ad soldanum Iconii. Concil. tom. 27 p. 283.

8. Quod Moysi ignis in rubo apparuit, et non est rubus corruptus igne, virginitatis integritas in MARIA monstratur. Tu.

FERIA III.

Ex Alexandro Papâ Tertio.

Ep. 32. ut supra.

9. Quod virgis aliarum trium remanentibus siccis, virga Aaron de cujus stirpe Beatissima traxit originem, fronduit et floruit, flos in virgâ Jesse, quem vaticinavit

Isaias, partum scilicet incorruptæ Virginis indicavit. Tu.

FERIA IV.

Ex Alexandro Papâ Tertio.

Ep. 32. ut supra.

10. Quod vellus Gedeonis, rore cæli completum est, cum area circumquaque arida remaneret, ros Spiritus Sancti designatur in Virgine, quæ ad hoc propter humilitatem suam specialiter et singulariter est à Domino prælecta. Tu.

FERIA V.

Ex Divo Bernardo Abbate.

Hom. 2 super missam.

11. In Isaiæ testimonio florem Filium, virgam intellige Matrem; quoniam et virga floruit absque germine, et virgo concepit non ex homine. Nec Virgæ virorem floris læsit emissio: nec Virginis pudorem sacri partus editio. Tu.

FERIA VI.

Ex Bonifacio Papâ Nono.

Cons. 1. Supern. benignit. — 1389. Bull. Rom. Tom. 3. p. 2 p. 378.

12. De clarâ stirpe regiâ Davidicâ prælegit. «Deus» Virginem, in cujus utero mystico spiramine Verbum ipsum carnem susciperet... perfectam Reginam... quæ tanto Regi digna fuit sui corporis thalamum præparare. Tu.

SABBATO.

Ex Divo Bernardo Abbate.

Super Miss. Homil. 2.

13. Quod Moysi monstratum est in rubo et igne, Aaroni in virgâ et flore, Gedeoni in vellere et rore, hoc apertè Salomon prævidit in forti muliere et ejus pretio, apertius Jeremias præcinit de feminâ et viro, apertissimè Isaias declaravit de Virgine et Deo, Gabriel tandem exhibuit ipsam salutando. Tu.

RESPONSORIA

dicenda post Lectiones, quæ tempore Infantiae propria non habuerint in officio Dominicae, quàm in feriali.

In I. Noct. Domin. et in II. et V. feriis Infantiae.

¶ 1. O puella gratiâ æquanda nullis, * Mater et Virgo supra omnes Virgines, et maxima. †. Quæ sola vincis cœlitum omnes ordines.

—Mater et Virgo, *repetitur usque ad †, et sic in aliis feriis.*

2. ¶. Una est columba mea, perfecta mea: * una est matri suæ, electa genitrici suæ. †. Viderunt eam Filiae Sion, et beatissimam prædicaverunt. —Una.

¶ 3. Revertere, revertere, Sumamitis: * Revertere, revertere, ut intueamur te. †. Quàm pulchra es, amica mea, quàm pulchra es. —Revertere. —Gloria Patri, et Filio; et Spiritui Sancto. —Revertere.

In II. Noctur. Dom. et in III. et VI. Feriis.

¶ 4. Diffusa est gratia in labiis tuis, * Propterea benedixit te Deus in æternum. †. Myrrha, et gutta, et casia à vestimentis tuis, à domibus eburneis, ex quibus delectaverunt te filiae regum in honore tuo. —Propterea.

¶ 5. Sicut cedrus exaltata sum in Libano, et sicut cypressus in monte Sion: quasi myrrha electa * Dedi suavitatem odoris. †. Et sicut cinnamomum, et balsamum aromatizans. Dedi.

¶ 6. Specie tuâ et pulchritudine tuâ. * Intende, prosperè procede et regna. ¶. Propter veritatem et mansuetudinem, et iustitiam. —Intende. —Gloria. —Intende.

In III. Noct. Domin. et in Feriis IV. et Sabbat.

¶ 7. Dilexisti iustitiam, et odisti iniquitatem; * Propterea unxit te Deus, Deus tuus oleo lætitiæ.

†. Concupivit Rex decorem tuum, quoniam ipse est Dominus Deus tuus. Propterea.

¶ 8. (*Hoc ¶. ommititur in Dom. et in oct. Lect. dicitur ejus loco ¶. 9. ut infra.*) Filiae Tyri in muneribus vultum tuum deprecabuntur * Omnes divites plebis.

†. Memores erunt nominis tui in omni generatione, et generationem. —Omnes.

¶ 9. Omnis gloria ejus filiae regis ab intus, * In fimbriis aureis, circumamicta varietatibus.

†. Gloriosa dicta sunt de te, civitas Dei. —In. —Gloria. —In.

LECTIONES

DE

SCRIPTURA.

Pro feriis temporis Infantiae, et pro I. Noct. Festivitatum, quæ proprias non habuerint à die 1. Septembr. usque ad adventum.

PRO FERIS II. INFANTIE.

De libro Proverborum.

LECTIO 1. c. 1. v. 1.

Parabolæ Salomonis, Filii David, regis Israel. Ad sciendam sapientiam, et disciplinam: ad intelligendam eruditionem doctrinæ, justitiam et iudicium, et æquitatem: ut detur parvulis astutia, adolescenti scientia et intellectus. Audiens sapiens sapientior erit, et intelligens, gubernacula possidebit. Animadvertet parabolam et interpretationem, verba sapientum, et ænigmata eorum. Tu autem, Domina nostra, intercede pro nobis. *Sic semper concludantur lectiones, et respondetur. ¶. Deo gratias. ¶. O puella. p. 65.*

LECTIO 2.

Timor Domini, principium sapien-

tiae. Sapientiam atque doctrinam stulti despiciunt. Audi, fili mi, disciplinam patris tui, et ne dimittas legem matris tuæ, ut addatur gratia capiti tuo, et torques collo tuo. Fili mi, si te lactaverint peccatores, ne acquiescas eis. Tu. ꝑ. Una est. p. 65.

LECTIO 3. v. 15.

Fili mi, ne ambules cum eis, prohibe pedem tuum à semitis eorum. Pedes enim illorum ad malum currunt, et festinant ut effundant sanguinem. Ipsi quoque contra sanguinem suum insidiantur, et moliantur fraudes contra animas suas. Sic semitæ omnis avari, animas possidentium rapiunt. Tu.

ꝑ. Revertere. p. 51.

PRO FERIS III.

De libro Proverbiorum.

LECTIO 1. c. 1. v. 20.

Sapientia foris prædicat, in plateis dat vocem suam: in capite turbarum clamat, in foribus portarum urbis profert verba sua, dicens: Usquequò parvuli diligitis infantiam, et stulti ea quæ sibi sunt noxia, cupient, et imprudentes odibunt scientiam? Convertimini ad correctionem meam: en proferam vobis spiritum meum, et ostendam vobis verba mea. Tu. ꝑ. Diffusa est. p. 65.

LECTIO 2.

Quia vocavi et renuistis: extendi manum meam, et non fuit qui aspiceret. Despexistis omne consilium meum, et increpationes meas neglexistis. Ego quoque in interitu vestro ridebo, et subsanabo, cum vobis, id quod timebatis, calaverit. Cum irruerit repentina calamitas, et interitus, quasi tempestas ingruerit: quando venerit super vos tribulatio, et angustia: tunc invocabunt me, et non exaudiam: manè

consurgent, et non invenient me. Tu. ꝑ. Sicut cedr. p. 65.

LECTIO 3.

Eo quod exosam habuerint disciplinam, et timorem Domini non susceperint, nec acquieverint consilio meo, et detraxerint universæ correctioni meæ. Comedent igitur fructus viæ suæ, suisque consiliis saturabuntur. Aversio parvulorum interficiet eos, et prosperitas stultorum perdet illos. Qui autem me audierit, absque terrore requiescet, et abundantia perfruetur, timore malorum sublato. Tu. ꝑ. Specie tuâ. p. 65.

PRO FERIS IV.

De libro Proverbiorum.

LECTIO 1. c. 2. v. 1.

Fili mi, si susceperis sermones meos, et mandata mea absconderis penes te, ut audiat sapientiam auris tua: inclina cor tuum ad cognoscendam prudentiam. Si enim sapientiam invocaveris, et inclinaveris cor tuum prudentiæ: si quæsieris eam, quasi pecuniam, et sicut thesauros effoderis illam: tunc intelliges timorem Domini, et scientiam Dei invenies. Tu. ꝑ. Dilexisti. p. 65.

LECTIO 2.

Quia Dominus dat sapientiam: et ex ore ejus prudentia et scientia. Custodiet rectorum salutem, et proteget gradientes simpliciter, servans semitas justitiæ, et vias sanctorum custodiens. Tunc intelliges justitiam, et iudicium, et æquitatem, et omnem semitam bonam. Tu ꝑ. Filia Tyri. p. 65.

LECTIO 3.

Si intraverit sapientia cor tuum, et scientia animæ tuæ placuerit: consilium custodiet te, et prudentia servabit te, ut eruaris à viâ malâ, et ab homine, qui perversa loquitur. Ut ambules in viâ bonâ: et calles

justorum custodias. Qui enim recti sunt, habitabunt in terrâ, et simplices permanebunt in eâ. Impii verò de terrâ perdentur: et qui iniquè agunt, auferentur ex eâ. Tu. *¶*. Omnis gloriâ. *p.* 65.

PRO FERIS V.

De libro Proverbiorum.

LECTIO 1. c. 3. v. 1.

Fili mi, ne obliviscaris legis meæ, et præcepta mea cor tuum custodiat. Longitudinem enim dierum, et annos vitæ, et pacem apponent tibi. Misericordia et veritas te non deserant, circumda eas gutturi tuo, et describe in tabulis cordis tui: et invenies gratiam, et disciplinam bonam coram Deo et hominibus. Tu. *¶*. O puella. *p.* 65.

LECTIO 2.

Habe fiduciam in Domino ex toto corde tuo, et ne innitaris prudentiæ tuæ. In omnibus viis tuis cogita illum, et ipse diriget gressus tuos. Ne sis sapiens apud te ipsum: time Deum, et recede à malo: sanitas quippè erit umbilico tuo, et irrigatio ossium tuorum. Tu. *¶*. Una est. *p.* 65.

LECTIO 3.

Honora Dominum de tuâ substantiâ, et de primitiis omnium frugum tuarum da ei: et implebuntur horrea tua saturitate, et vino torcularia tua redundabunt. Disciplinam Domini, fili mi, ne abjicias: nec deficias cum ab eo corripieris; quem enim diligit Dominus, corripit et quasi pater in filio complacet sibi. Tu. *¶*. Revertere. *p.* 65.

PRO PERIS VI.

De libro Proverbiorum.

LECTIO 1. c. 3. v. 13.

Beatus homo, qui invenit sapientiam, et qui affluit prudentiâ: melior est acquisitio ejus negotiatione argenti, et auri primi, et purissimi fructus ejus: pretiosior est cunctis

opibus: et omnia quæ desiderantur, huic non valent comparari. Longitudo dierum in dexterâ ejus, et in sinistrâ illius divitiæ et gloria. Tu. *¶*. Diffusa. *p.* 65.

LECTIO 2.

Vitæ ejus vitæ pulchræ, et omnes semitæ ejus pacificæ. Lignum vitæ est his, qui apprehenderint eam; et qui tenuerit eam beatus. Dominus sapientiâ fundavit terram, stabilivit cælos prudentiâ. Sapientiâ illius eruperunt abyssi, et nubes rore concrescunt. Tu. *¶*. Sicut *p.* 65.

LECTIO 3.

Fili mi, ne effluant hæc ab oculis tuis: custodi legem atque consilium: erit vita animæ tuæ, et gratia faucibus tuis. Tunc ambulabis fiducialitèr in viâ tuâ, et pestus non impinget. Si dormieris, non timebis: quiesces, et suavis erit somnus tuus. Ne paveas repentino terrore, et irruentes tibi potentias impiorum. Dominus enim erit in latere tuo, et custodiet pedem tuum, ne capiaris. Tu. *¶*. Specie *p.* 65.

IN SABBATIS.

De libro Proverbiorum.

LECTIO 1. c. 4. v. 4.

Suscipiat verba mea cor tuum, custodi præcepta mea et vives. Posside sapientiam, posside prudentiam: ne obliviscaris, neque declines à verbis oris mei. Ne dimittas eam et custodiet te: diliget eam et conservabit te. Principium sapientiæ, posside sapientiam, et in omni possessione tuâ acquire prudentiam. Tu. *¶*. Dilex. *p.* 65.

LECTIO 2.

Arripe illam, ex exaltabit te: glorificaberis ab eâ, cum eam fueris amplexatus. Dabit capiti tuo augmenta gratiarum, et coronâ inclytâ proteget te. Audi, fili mi, et suscipe verba mea, ut multiplicentur tibi anni vitæ. Tu. *¶*. Filia Tyri. *p.* 65.

LECTIO 3.

Viam sapientiae monstrabo tibi, ducam te per semitas aequitatis: quas cum ingressus fueris, non arctabuntur gressus tui, et currens non habebis offendiculum. Tene disciplinam, ne dimittas eam: custodi illam, quia ipsa est vita tua. Tu. *ꝛ.* Omnis glor. p. 31.

CANONES

Ante Dominicam Primam Infantiae, in Feriis, si quae occurrant, et in diebus proprios non habentibus, recitandi.

II.

CONCEPTIO IMMACULATA.

1. *In adversarios imm. Conceptionis.*

FERIA II.

Ex Sixto Papâ Quarto.

Const. Grave nimis. *ann.* 1483.

Concil. tom. 34. p. 28.

14. Assertiones eorum, qui affirmare praesumerent, eos qui crederent aut tenerent Dei Genitricem ab originalis peccati maculâ in suâ conceptione praeservatam fuisse, propterea alicujus haeresis labe pollutos fore, vel mortaliter peccare, aut hujusmodi officium Conceptionis celebrantes, seu hujusmodi sermones audientes alicujus peccati reatum incurrere: utpote falsas, et erroneas, et à veritate penitus alienas, editosque libros id continentes, quo ad hoc auctoritate apostolicâ tenore praesentium reprobamus et damnamus. Tu.

FERIA III.

Ex Sixto Papâ Quarto.

Constitut. ut supra.

15. Auctoritate apostolicâ statuimus et ordinamus, quod.... qui de cætero ausu temerario praesumpserint in eorum sermonibus ad populum, seu aliâs quomodolibet affirmare hujusmodi per nos improbatas et damnatas assertiones veras esse, aut dictos libros pro veris le-

gere, tenere, vel habere, postquam de praesentibus scientiam habuerint, excommunicationis sententiam eo ipso incurrant. Tu.

FERIA IV.

Ex S. Pio Papâ Quinto.

Const. 149. Si scandala *an.* 1570.

Bullar. T. 4. p. 3. p. 120.

16. Interdicimus et prohibemus, nequis post hac vel in concionibus, vel in privatis disputationibus vel quovis alio modo.... aliquem de Beatæ MARIE Conceptione à se dissentientem palam vel occultè reprehendere, irridere, aut lædere audeat, sed vel hâc de re omnino sileat, id quod sanè rectius et tutius fuerit, aut certè quod sibi probabilius videbitur eâ quâ decet modestiâ exponat, contrariam non improbando sententiam. Tu.

FERIA V.

Ex S. Pio Papâ Quinto.

Const. 58. *Super Specul. an.* 1570.

B. Rom. T. 4. p. 3. p. 138.

17. Statutum Sixti Quarti super immaculato Virginis conceptu, quod à Tridentinâ Synodo renovatum est (...) apostolicâ auctoritate tenore praesentium confirmamus et approbamus. Tu.

FERIA VI.

Ex S. Pio Papâ Quinto.

Const. ut supra.

18. Nemo, cujuscumque Ordinis gradus conditionis, vel dignitatis existat, in popularibus concionibus, vel ubicumque promiscua virorum et mulierum multitudo convenire solet, de Conceptionis Beatæ Virginis MARIE controversiâ alteratâ parte disputare... vel hâc de ipsâ quæstione... vulgarisermone scribere vel dictare praesumat. Tu.

SABBATO.

Ex Paulo Papâ Quinto.

Const. 263. Reg. pacifici. *an.* 1616.

Tom. V. p. 4. pag. 210.

19. Constitutiones Sixti et Pii Prædecessorum nostrorum de Conceptione Beatæ Mariæ Virginis apostolicâ auctoritate tenore præsentium approbamus et confirmamus... et inviolabiliter ab omnibus observari præcipimus, donec à Romanâ apostolicâ sede hujusmodi controversia fuerit definita. Tu.

DOMINICÆ TEMPORE INFANTIÆ.

Hæ Dominicæ incipiunt post octav. Nativit. B. V. usque ad ejus Prægnationem, Antiph. per annum.

DOMINICA I.

Semiduplex 1. clas. Hæc Dom. 1. nunquam omittitur.

Omnia ut in Psalterio, cum Lectionib. quæ sequuntur.

IN I. NOCT.

De libro Genesis.

LECTIO 1. c. 1. v. 1.

In principio creavit Deus cælum et terram. Terra autem erat inanis et vacua, et tenebræ erant super faciem abyssi; et Spiritus Dei ferebatur super aquas. Dixitque Deus: fiat lux. Et facta est lux. Et vidit Deus lucem, quod esset bona, et divisit lucem à tenebris. Appellavitque lucem diem, et tenebras noctem. Tu. *¶* O puella. *p. 65.*

LECTIO 2.

Dixit quoque Deus: fiat firmamentum in medio aquarum, et dividat aquas ab aquis. Et fecit Deus firmamentum, divisitque aquas, quæ erant sub firmamento, ab his quæ erant super firmamentum. Et factum est ita. Vocavitque Deus firmamentum cælum. Tu. *¶* Una est. *p. 65.*

LECTIO 3.

Dixit verò Deus: congregentur aquæ, quæ sub cælo sunt, in locum

unum, et appareat arida. Et factum est ita. Et vocavit Deus aridam terram, congregationesque aquarum appellavit maria. Et vidit Deus quod esset bonum. Tu. *¶* Revert. *p. 65.*

IN II. NOCT.

Sermo S. Bernardi Abbatis.

Serm. 3. super Salv. Regin. Inter ejus opera.

LECTIO 4.

Fiat, inquit, firmamentum, et dividat aquas ab aquis. Omnibus firmamenti firmius firmamentum tu, Domina, quæ cum, quem cæli capere non poterant, cepisti, et concepisti, portasti, et non deficisti: genuisti, aluisti, pavisti, mammasti et educasti. Tu in medio aquarum dividisti aquas ab aquis, affectus videlicet æternorum ab affectibus temporalium. Tuam enim animam pertransivit gladius, ut revelentur ex multis cordibus cogitationes. Tu. *¶* Diffusa. *p. 65.*

LECTIO 5.

Posuit in hoc firmamento Deus solem et lunam, Christum et Ecclesiam, et stellas, prærogativas gratiarum multas. Laudamus Dominum in sanctis ejus. Firmitas, robur, et constantia, et fortitudo mentis ejus, quia mundi contempsit gloriam, carnis calcavit illecebras. Virtus est Altissimi, de quâ scriptum est: et virtus Altissimi obumbravit tibi. Tu. *¶* Sicut cedr. *p. 65.*

LECTIO 6.

Non solum autem cælum, et firmamentum Domina rerum intelligitur; sed aliis nominibus convenienter appellatur, et rerum vocabulis designatur. Ipsa tabernaculum Dei, ipsa templum, ipsa domus, ipsa arca diluvi, arca testamenti, urna aurea: ipsa manna, virga Aaron, vel illos Gedeonis, porta Ezechielis. Et ut breviter concludam, de hac et

ob hanc, et propter hanc omnis scriptura facta est: propter hanc totus mundus factus est, et hæc gratia Dei plena est, et per hanc homo redemptus est, Verbum Dei caro factum est: Deus humilis, et homo sublimis. Tu. *¶*. Specie tuâ. p. 65.

IN III. NOCT.

Lectio Sancti Evangelii secundum Joannem.

LECTIO 7. c. 4. v. 46.

In illo tempore: Erat quidam Regulus, cujus filius infirmabatur capharnaum. Et reliqua.

Homilia Beati Alberti Magni, Episcopi.

De laudibus B. M. V. libr. 11. c. 4.

MARIA est villa, et fuit designata per Capharnaum, quod interpretatur villa consolationis. Nam sicut Deus, et pater Domini nostri JESU-Christi est Pater misericordiae, et Deus totius consolationis, sicut et ipsa, non tamen sicutissimè, est mater misericordiae et totius consolationis, quæ consolatur nos in omni tribulatione nostrâ. Tu. *¶*. Dilexisti. p. 65.

LECTIO 8.

Interpretatur etiam Capharnaum villa pulchritudinis, vel villa pinquedinis. Expone, quomodo hæc villa sita est in monte virtutum, quia virtutes ejus excellunt virtutes omnium sanctorum. Et habet hæc villa tria in se, quæ habent villæ sitæ in montibus, scilicet quod est mundissima, clarissima et sanissima. Tu. *¶*. Omnis glor. p. 51.

LECTIO 9.

In hac autem villâ habuit Dominus, quasi duplicem villicum, scilicet JOSEPH et JESUM. JOSEPH unus villicus, cui desponsata est, ut custodiret eam, quod et legitime fecit. Alius villicus JESUS Filius ejus, qui optime custodivit eam, sicut Filius Matrem carissimam. Fue-

runt bona hujus villæ, conceptus virginalis salvo pudore, et partus sine dolore, hoc est sine læsione naturalium. Tu. Te Matrem Dei p. 5

Ad Benedict. ant. Mater misericordiae * et totius consolationis consoletur nos in omni tribulatione nostrâ.

Oremus.

Oratio.

Miserere, Domine, famulis tuis, et dirige actus eorum quotidie in bonum, ut omni tempore in servitio sanctissimæ Genitricis tuæ Virginis MARIE permaneant. Qui vivis.

CANON.

Ex Decreto Sanctæ Congregationis Romanæ et universalis Inquisitionis. 31 Aug. 1617.—*B. R.—Tom. V. p. 4. p. 234.*

20. Sanctissimus Dominus noster Paulus Papa Quintus... præcipit omnibus et singulis... ut in posterum donec articulus Immaculatæ Conceptionis Beatæ MARIE Virginis à sanctâ sede apostolicâ fuerit definitus, non audeant in publicis concionibus, lectionibus conclusionibus et aliis quibuscumque actibus publicis asserere quod eadem Beatissima Virgo fuerit concepta cum peccato originali. Tu.

Ad Magnif. ant. Respiremus * ad MARIAM, et reserabit nobis atria triumphantium.

CANONES

Infra Hebdomadam primam Infantiae recitandi.

FERIA II.

Ex Decreto Sanctæ Romanæ et universalis Inquisitionis.

Sub Greg. XV. an 1622.—B. Rom. T. V. p. V. pag. 45.

21. Sanctissimus Dominus noster... præcipit omnibus et singulis... ut in posterum, donec hujusmodi articulus à sanctâ sede apostolicâ fuerit definitus, vel per eam

aliter fuerit ordinatum, non audeant in ullis actibus publicis neque in sermonibus et scriptis privatis asserere, quod Beatissima Virgo fuerit concepta cum peccato originali, nec de hac opinione affirmativā aliquo modo agere aut tractare. Tu.

FERIA III.

Ex Alexandro Papā Septimo.

C. Sollicitud. omn. Ecclesiar. an. 1661.-B. R. Tom. VI. p. V. p. 182.

22. Constitutiones et decreta à prædecessoribus nostris edita in favorem sententiæ asserentis animam Beatæ Mariæ Virginis in sui creatione, et in corpus infusione, Spiritus Sancti gratiā donatam, et à peccati originali præservatam fuisse, nec non et in favorem festi et cultus Conceptionis ejusdem Virginis Deiparæ, secundum istam piam sententiam exhibiti, innovamus, et sub censuris et pœnnis in eisdem constitutionibus contentis observari mandamus. Tu.

FERIA IV.

2. *Canones de Immaculata Virginis Conceptione.*

Ex Concilio Tridentino.

Sess. 5.-Die 17 Jun. 1546. Decr. de pecc. origin.

23. Declarat hæc ipsa Sancta Synodus, non esse suæ intentionis comprehendere in hoc decreto, ubi de peccato originali agitur, beatam et immaculatam Virginem **MARIAM**, Dei Genitricem: sed observandas esse constitutiones felices recordationis Sixti Papæ quarti sub pœnis in eis constitutionibus contentis, quas innovat. Tu.

FERIA V.

Ex Pio Papā Nono

Const. Inefabilis. Die 8. Dec. an. 1854.

24. Declaratione «Concilli» Tridentini Patres, ipsam Beatissimam

Virginem ab originali labe solutam pro rerum temporumque adjunctis satis innuerunt, atque adeo perspicuè significarunt nihil ex divinis litteris, nihil ex traditione, Patrumque auctoritate ritè afferri posse, quod tantæ Virginis prerogativæ quovis modo refragetur. Tu.

FERIA VI.

Ex S. Pio Papā Quinto.

Const. 122. Consueverunt. ann. 1569.-Bull. R. Tom. IV. p. 3. p. 77.

25. Germine suo tortuosi serpentis caput «Virgo» obrivit, et cunctas hæreses sola interemit, ac benedicto fructu ejus ventris mundum primi Parentis lapsu damnatum salvavit. Tu.

SABBATO.

Ex Pio Papā Nono.

Encycl. ad Patriarch. etc. Gaetæ 2 Febr. 1849.

26. Has vobis, venerabiles fratres, scribimus litteras, ut quæque vestrum in propriâ diocesi publicas preces indicendas ac peragendas curet... ut in tanti momenti re illud consilium suscipere valeamus, quod ad majorem tum sancti nominis sui gloriam, tum beatissimæ Virginis laudem, tum militantis Ecclesiæ utilitatem possit pertinere. Tu.

DOMINICA II. INF.

Semiduplex.

IN I. NOCT.

De libro Genesis.

LECT. 1. c. 2. v. 1.

Igitur perfecti sunt cœli, et terra, et omnis ornatus eorum, Complevitque Deus die septimo opus suum, quod fecerat. Et requievit die septimo ab omni opere quod patrarat. Et benedixit diei septimo, et sanctificavit illum, quia in ipso

cessaverat ab omni opere suo, quod creavit Deus, ut faceret. Tu. ꝑ. O puella. p. 65.

LECT. 2.

Istæ sunt generationes cœli et terræ, quando creata sunt in die quo fecit Dominus Deus cœlum et terram: et omne virgultum agri, antequam oriretur in terrâ: omnemque herbam regionis priusquam germinaret: non enim pluerat Dominus Deus super terram, et homo non erat, qui operaretur terram. Tu. ꝑ. Una est. p. 65.

LECT. 3.

Sed fons ascendebat de terrâ, irrigans universam superficiem terræ. Formavit igitur Dominus Deus hominem de limo terræ, et inspiravit in faciem ejus spiraculum vitæ, et factus est homo in animam viventem. Tu. ꝑ. Revertere. p. 65.

IN II. NOCT.

Sermo S. Augustini Episcopi.

Inter ejus opera.

LECTIO 4.

Grande nobis mysterium divina majestas in Adæ figurâ præmisit. Sicut enim Deus noster, cum primum Adam facere vellet, non ex conjunctione viri ac mulieris hominem, ut esset, effecit; sed accipiens terram, inde hominem divinâ quâdam arte formavit: ita sine viri conjunctione Deum in virginali alvo incorporari dispensavit. Ergo si tunc licuit hominem sine homine nasci, cur non licuit hominem sine homine per MARIAM Virginem procreari? Tu. ꝑ. Diffusa est. p. 65.

LECTIO 5.

Quoniam sicut Adam ex terrâ virgine figuratus est; ita et Christum ex Virgine nasci agnoscitur. Ibi tunc flatus Dei de terrâ vivum hominem surgere fecit ad vitam; mundum Spiritus Sanctus de MA-

RIA Virgine Christum hominem figuravit, in quo Deus ad reparationem hominis habitaret. Adam enim ibi tunc nascitur, hic renovatur et resuscitatur in Christo. Denique sicut tunc in alvo terræ Salvator Adæ membra composuit; sic etiam nunc ex Virginis alvo Christus sua membra composuit. Tu. ꝑ. Sicut cedrus. p. 65.

LECCIO 6.

De Genesi cont. Manich.

Fons autem ascendebat de terrâ, et irrigabat omnem faciem terræ. Facies terræ, idest, dignitas terræ, Mater Domini, Virgo MARIA rectissime accipitur, quam irrigavit Spiritus Sanctus, qui fontis et aquæ nomine in Evangelio significatur: ut qualis Adam de limo terræ, talis homo ille fieret. Qui constitutus est in paradiso, ut operaretur ibi, et custodiret, id est, in voluntate Patris, ut eam impleret, atque servaret. Tu. ꝑ. Specie tuâ. p. 65.

IN III. NOCT.

Lectio Sancti Evangelii secundum Mathæum.

LECTIO 7. e. 6. v. 5.

In illo tempore: Dixit JESUS Discipulis suis: cum oratis, non eritis, sicut hypocritæ.... Et reliqua.

Homilia S. Bernardi Abbatis.

Hom. 3. super missus.

Et ingressus angelus ad MARIAM: quo ingressus ad eam? Puto in secretarium pudici cubiculi, ubi illa fortassis clauso super se ostio orabat Patrem in abscondito. Solent Angeli astare orantibus, et delectari in his quos vident levare puras manus in oratione: holocaustum sanctæ devotionis gaudent se offerre Deo in odore suavitatis. MARIE autem orationes, quantum placuerint in conspectu Altissimi, Angelus indicavit, qui ingressus ad

eam tam reverentèr salutavit. Tu.
 ꝑ. Dilexisti. p. 63.

LECTIO 8.

Nec fuit difficile Angelꝰ per clausum ostium penetrare ad abdita Virginis, qui utique ex subtilitate substantiæ suæ hoc habet in naturâ, ut nec seris ferreis ejus arceatur ingressus, quocumquẽ suus eum impetus ferat. Angelicis enim spiritibus parietes non obsistunt, sed cuncta illis visibilia cedunt, cuncta æquẽ corpora, quantumlibet solida vel spissa penetrabilia sunt eis ac pervia. Tu. ꝑ. Omnis. p. 63.

LECTIO 9.

Susplicandum igitur non est, quod apertum invenerit Angelus ostium Virginis: cui nimirum in proposito erat hominum fugere frequentias, vitare colloquia: vel ne orantis perturbaretur silentium, vel continentis castitas tentaretur. Clauserat itaque etiã illâ horâ suum super se habitaculum Virgo prudentissima, sed hominibus, non Angelis. Proinde et si ad eam potuit intrare Angelus, sed nulli hominum facilis patebat accessus. Tu. ꝑ. Te Matrem. p. 5.

Ad. Benedict. ant. Intra cubiculum, * et clauso ostio orabat Patrem Virgo MARIA in abscondito.

Oremus. *Oratio.*

Protege, Domine, famulos tuos subsidiis pacis, et beatæ MARLÆ patrociniis confidentes à cunctis hostibus redde securos. Per Dominum, &c.

CANON.

Ex Pio Papâ Nono.

Encycl. 2. Febr. 1849.

27. In primis noscere vel maxime cupimus, quid vos ipsi, venerabiles Fratres, pro eximiâ vestrâ prudentiâ «de Immaculatæ Virginis Conceptione» sentiat, quid exoptetis. Tu.

Ad. Magnif. ant. Fons ascendebat * de terrâ irrigans universam faciem terræ.

CANONES.

Infra Hebdomadam secundam Infantiae recitandi.

FERIA II.

Ex Pio Papâ Nono.

Encycl. die 2. Febr. 1849.

28. Optamus autem vehementèr, «Venerabiles Fratres» ut majore quâ fieri potest celeritate nobis significare velitis, quâ devotione vester clerus, populusque fidelis erga Immaculatæ Virginis Conceptionem sit animatus, et quo desiderio flagret, ut ejusmodi res ab apostolica sede decernatur.

Tu.

FERIA III.

Ex Pio Papâ Nono.

Const. Inefabilis. 8. Decemb. 1854.

29. Sanctissima Virgo arcetissimo et indissolubili vinculo cum «Christo» conjuncta, unâ cum illo et per illum sempiternas contra venenosum serpentem inimicitias exercens, ac de ipso plenissimè triumphans illius caput immaculato pede contrivit. Tu.

FERIA IV.

Ex Pio Papâ Nono.

Const. ut supra.

30. Heva serpenti miserè obsequuta et ab originali excidit innocentiam, et illius mancipium evasit, set Beatissima Virgo originale donum jugiter augens, quin serpenti aures unquam præbuerit, illius vim potestatemque virtute divinitus acceptâ labefactavit. Tu.

FERIA V.

Ex Pio Papâ Nono.

Const. ut supra.

31. Affirmarunt «Sancti Ecclesiæ Patres» Beatissimam Virginem fuisse per gratiam ab omni peccati labe integram; ac liberam ab

omni contagione et corporis et animæ et intellectus, cum Deo conservatam et sempiterno fœdere illi conjunctam nunquàm fuisse in tenebris, sed semper in luce, et idcirco idoneum planè extitisse Christo habitaculum non pro habitu corporis sed pro gratiâ originali. Tu.

FERIA VI.

Ex Pio Papâ Nono.

Const. ut supra.

32. Testati sunt «Sancti Patres... Deiparam» esse meritoque celebrari, ut illam, quæ proprium Dei opus primum extiterit, ignitis maligni telis latuerit, et pulchra naturâ, ac labis prorsus omnis nescia, tantquam aurora undequaque rutilans in mundum prodiverit in suâ Conceptione immaculata. Tu.

SABBATO.

Ex Pio Papâ Nono.

Const. ut supra.

33. Non enim decebat, ut illud vas electionis communibus laceraretur injuriis, quoniàm plurimùm à cæteris differens, naturâ communicebat non culpâ: imo prorsus decebat, ut sicut Unigenitus in cœlis Patrem habuit quem Seraphim ter sanctum extollunt, ita Matrem haberet in terris, quæ nitore sanctitatis nunquàm caruerit. Tu.

DOM. III. INFANT.

Semiduplex.

IN 1. NOCT.

De libro Genesis.

LECT. 1. c. 2. v. 8.

Plantaverat autem Deus paradisum voluptatis à principio, in quo posuit hominem, quem formaverat. Produxitque Dominus Deus de humo omne lignum pulchrum visu, et ad vescendum suave: lignum etiàm vitæ in medio paradisi, lignumquescientiæ boni et mali. Tu.

¶ O puella. p. 65.

LECTIO 2.

Et fluvius egrediebatur de loco voluptatis ad irrigandum paradisum, qui inde dividitur in quatuor capita. Nomen uni Phison: ipse est qui circuit omnem terram Hevilath, ubi nascitur aurum: et aurum terræ illius optimum est: ibi invenitur bidellium, et lapis onychimus. Tu. ¶. Una est. p. 65.

LECTIO 3.

Et nomeu fluvii secundi Gehon: ipse est qui circumit omnem terram Ætiopiæ. Nomen verò fluminis tertii Tygris: ipse vadit contra Assyrios. Fluvius autem quartus, ipse est Euphrates. Tulit ergo Dominus Deus hominem, et posuit eum in paradiso voluptatis, ut operaretur, et custodiret illum. Tu. ¶. Revertere. p. 65.

IN II. NOCT.

Sermo. S. Petri Damiani Episcopi.
In Natali Pomini.

LECTIO 4

Fluvius (ait Scriptura) egrediebatur de loco voluptatis ad irrigandam universam superficiem terræ, qui inde dividitur in quatuor capita. Fluvius iste Dominus meus JESUS, qui de duobus locis voluptatis egreditur, ex utero Patris, et ex utero Virginis. Undè Propheta, Dominus Deus noster fluvius gloriosus, exiliens in terram sitientem, sed ineffabilibus differentis longè aliter à Patre, quàm à Matre egreditur, quia etsi hæc temporalis Nativitas gloriosa est, multò gloriosior est æterna. Tu. ¶. Diffusa. p. 65.

LECTIO 5.

Nunc accingamus nos ad videndum, qualiter egrediatur de Virgine; quia egressio ista dulcior et affectuosior est humanæ miseriæ, quæ intuentium pectora concutit, et irrorat oculos, et beatis fonti-

bus vultus amantium perfundit. Hic locum voluptatis uterum **MARIE** intelligo, in quo cumulavit omnes delicias deliciarum Dominus, de cujus deliciis Spiritus Sanctus admiratorio sermone in amoris cantico eructat: Quæ est ista quæ ascendit de deserto deliciis affluens? Tu. *¶*. Sicut cedrus. p. 65.

LECTIO 6.

Ex hoc voluptatis loco egreditur humanitate, quia vestitus cilicio nostræ mortalitatis visibilis humanis oculis apparuit. De Virgine virginem, de libro autem generationis lineam faciens, divinitatis hamum inexit, quem carne operuit virginali, ut draco magnus illectus ad carnem, ferrum divini numinis subsentiret. Egreditur et cum novitate, quia nunquam sic natus est homo, sicut nascitur. Solus iste de Virgine nascitur, et Virginis uterum novo et singulari partu divinitas humanata sigillat. Tu. *¶*. Specie tuâ. p. 65.

IN III. NOCT.

Lectio Sancti Evangelii secundum Matthæum.

LECT. 7. c. 7. *¶*. 6.

In illo tempore: Dixit JESUS discipulis suis: nolite dare sanctum canibus, neque mittatis margaritas vestras ante porcos. Et reliqua.

Homilia Sancti Thomæ Episcopi Valentini.

Concion. in Præsentat. B. M. V.
Non dabitur sanctum hoc canibus, neque pretiosa margarita nostra porcis. Sicut enim si canibus dederis sanctum, aut porcis margaritam, nec sanctum canes sanctificat, nec margaritæ nutriunt porcos. Sed è contra canes coinquinant sanctum, et porci margaritas sordidant vel confringunt: ita si hominibus

caninos vel porcinos mores habentibus sanctum dederis, vel margaritas porrexeris, id est, mysteria secreta de Deo simul et homine, de Matre pariter ac Virgine credenda, et veneranda, nec sanctum illud sanctificat, nec margaritæ ipsos oblectant; sed è contra ipsi sanctum istud coinquinant, margaritam nostram pessumdant, mysteria veritatis blasphemant. Tu. *¶*. Dilexisti. p. 65.

LECTIO 8.

Sanctum est corpus Christi, propterea illis solis dandum est, qui capaces facti sunt. Item ejusdem Christi Domini Mater margarita est, quia sicut margarita inclusæ choceleis positæ sunt in profundum maris, sic virginitalis simul et maternitatis involuta et altissima mysteria fidei sunt. Sicut omnis homo non potest se mergere, et de profundo tollere margaritas, nisi in arte peritus; sic non omnis homo potest descendere in altitudinem sacrorum mysteriorum, et invenire absconditas margaritas, sed fidem catholicam vitam et moribus edoctus tantum. Tu. *¶*. Omnis glor.

LECTIO 9.

Canes sunt omnes gentiles vel hæretici inapprobables, latrantes plurimum adversus Matrem Dei, latrantes aliquando adversus Deum blasphemis. Porci autem sunt Christiani, qui in carnalibus deliciis delectantur, nec aspiciunt aliquando cælos, nec quærunt Deum, ejusque sacratissimam Matrem venerantur. Sed nunquid non dabitur margaritam nostram adinvenire, et inventa potiri? Utique invenitur ab iis, qui non tentant eam, et apparet eis, qui fidem habent in illâ. Tu. Te Matr. p. 5.

Ad Benedict. ant. Nolite * margaritam nostram mittere ante

porcos.

Oremus. *Oratio.*

Obtineat nobis, Domine, sanctissimæ Genitricis tuæ intercessio gloriosa intimum charitatis affectum, ut te toto corde, et toto affectu semper diligamus. Qui vivis.

CANON

Ex Pio Papâ Nono.

Const. ut supra.

34. Dei param sæpissimè «Patres» compellarunt Immaculatam, omni-que ex parte immaculatam, innocentem et innocentissimam, illibatam, undequaque illibatam, Sanctam, et ab omni peccati sorde alienissimam, totam puram, totam intemeratam. Tu.

Ad Magnif. Ant. Fluvius * egrediebatur de loco voluptatis.

CANONES.

Infra Hebdomadam tertiam Infantie recitandi.

3. De Festo Conceptionis.

FERIA II.

De antiquis Ecclesiæ Ritibus. *Martene Tom. 4. libr. 4. c. 2. n. XV. pag. 187.—Ad an. 660.*

35. Festum diei Conceptionis Sanctæ MARLÆ, quo scilicet ipsa concepta est, Sanctus Hildephonus celebrari constituit, et ejus constitutione per totam Hispaniam solemniter colitur sexto Idus Decembris. Tu.

FERIA III.

Ex Ervigio Visigothorum Rege. *Libr. 12. Visigot. leg. tit. 6. Mart. ut supra an. 684.*

36. Festum Sanctissimæ Virginis MARLÆ, quo gloriosa Conceptio ejusdem Genitricis Domini celebratur. Tu.

FERIA IV.

Ex Concilio Londinensi.

Ann. 1328. Cap. 1. tit. 2.—Labbe. Tom. 7. col. 1538. S. Aselm. flor. an. 1060.

37. Venerabilis Anselmus, prædecessor noster post alia quædam ipsius antiquiora solemnia, Conceptionis «Beatæ MARLÆ Virginis» solemnè superaddere dignum duxit. Tu.

FERIA V.

Ex Statuto Attonis Prioris Sancti Petri de Regulâ.

An. 1154. Martene de antiq. Eccl. Ritib. Tom. 4. p. 187.

38. Statuimus, ut festum de Beatæ Dei Genitricis MARLÆ Conceptione, quod jam ferè per totam Galliam devotissimè ab omni christiano percelebratur populo, hoc et à fratribus nostris, et totâ plebe venerabiliter deinceps celebretur. Tu.

FERIA VI.

Ex Statutis Synodalibus Ecclesiæ Cænomanensis.

An. 1247.—Martene de Vet. Scrip- tor T. 7. col. 1403.

39. Dies Beatæ Virginis ferian- di per annum in Diœcesi Cænoma- nensi, Purificatio, Annuntiatio, Vi- sitatio, Assumptio, Conceptio.

SABBATO.

Ex Statuto Monasterii Sancti Theodori propè Remos.

An. 1296. Marten. De ant. Eccl. Ritib. Tom. 4. p. 188.

40. Statuimus, et etiâ inter nos unanimiter ordinamus, ut festivitas Conceptionis gloriosæ Virginis MARLÆ, fiat ex nunc singulis annis in nostro Monasterio, et in perpetuum celebretur, prout constitutum est, festivitatem ipsius Dei Genitricis in dicto Monasterio celebrari. Tu.

DOM. IV. INFANT.

Semiduplex.

IN I. NOCTE.

De libro Genesis.

Lect. 1. c. 6. v. 13.

Dixit «Dominus» ad Noe: finis universæ carnis venit coram me: repleta est terra iniquitate à facie eorum, et ego disperdam eos cum terrâ. Fac tibi arcam de lignis lævigatis: mansiunculas in arcâ facies, et bitumine linies intrinsecus et extrinsecus. Ecce ego adducam aquas diluvii super terram, ut interficiam omnem carnem, in quâ spiritus vitæ est subter cœlum: universa, quæ in terrâ sunt, consummentur. Tu. *¶*. O puella.

LECTIO 2.

Ponamque fœdus meum tecum: et ingredieris arcam tu, et filii tui, uxor tua, et uxores filiorum tuorum tecum. Et ex cunctis animantibus universæ carnis bina induces in arcam, ut vivant tecum, masculini sexus et feminini. Fecit igitur Noe omnia, quæ præeeperat illi Deus. Tu. *¶*. Una. *p.* 65.

LECTIO 3. c. 7. *¶*. 7.

Et ingressus est Noe, et filii ejus, uxor ejus, et uxores filiorum ejus cum eo in arcam, propter aquas diluvii... Factumque est diluvium quadraginta diebus super terram: et multiplicatæ sunt aquæ, et elevarunt arcam in sublime è terrâ. Vehementèr enim inundaverunt, et omnia repleverunt in superficie terræ: porro arca ferebatur super aquas. Tu. *¶*. Revertere. *p.* 65.

IN II NOCT.

Sermo Sancti Bernardi Abbatis.
Serm. de B. Maria, inter ejus opera.

LECTIO 4.

Arceas duas fuisse, legimus in veteri testamento, unam arcam diluvii, alteram testamenti. In novo quidem testamento tres fuerunt aliæ. Prima arca est Ecclesiæ, secunda gratiæ, tertia sapientiæ: arca Noe significavit arcam Ecclesiæ, arca fœderis arcam gratiæ, sanctitatem scilicet MARLÆ. Per

sapientiæ arcam intelligimus humanitatem JESU-Christi sanctissimam. Tu. *¶*. Diffusa. *p.* 65.

LECTIO 5.

Arca etiam Noe significavit arcam gratiæ, excellentiam scilicet MARLÆ. Sicut enim per illam omnes evaserunt diluvium, sic per istam peccati naufragium. Illam Noe, ut diluvium, evaderet fabricavit: istam Christus, qui est pax nostra, et requies, ut humanum genus relimeret, sibi preparavit. Tu. *¶*. Sicut cedrus. *p.* 65.

LECTIO 6.

Per illam octo animæ tantum salvantur: per istam omnes ad æternam vitam, quæ per octonarium numerum significata est, vocantur. Per illam paucorum facta est liberatio: per istam humani generis salvatio. Illa centum annorum fabricata est spatio: in ista omnium virtutum fuit perfectio. Illa facta est de lignis lævigatis: ista de virtutibus ædificata est consummatis, Illa superfegebatur aquas diluvii: ista non sensit naufragia ullius vitii. Tu. *¶*. Specie tuâ. *p.* 65.

IN III NOCT.

Lectio S. Evangelii secundum Lucam.

LECTIO 7. c. 14. v. 11.

In illo tempore: dixit JESUS Pharisæis: omnis qui se exaltat, humiliabitur, et qui se humiliat, exaltabitur. Et reliqua.

Homilia S. Bernardini Senensis.

In assumpt. B. V. artic. 2 c. 2.

Vide igitur, quomodo in Virgine benedictâ ipsius humilitas, et divina bonitas quâdam piâ oppositione contendunt. MARIA se humiliat, et Deus eum exaltat. MARIA non solum se humiliat, sed in humilitate sub omni rationali creaturâ se abissat: et Deus eam

non solum exaltat, sed super omnem etiam angelicam creaturam magnificat. Tu. ꝑ. Dilexisti. p. 65.

LECTIO 8.

MARIA Dominum in animâ magnificat, et sublimis Deus eam, ut suam reverendissimam Matrem reverenter adorât, et ad eam honore inestimabili corporaliter se inclinât. O stupendum prodigium, et inauditæ altitudinis fastigium, ut à muliere Dei Filius quodammodo recognoscere videatur suum esse humanum! Quid non debuit Virgini concedere, quam tantum voluit honorare! Tu. ꝑ. Omnis gloria. p. 65.

LECTIO 9.

Profecto isto respectu honoris non respiceret Dei Filius millesies mille millia Seraphim, et infinities infinitos: sed nec ipsi insimul omnes possent verè Deum diligere, et verè ipso frui, ut filio uteri sui, sicut fecit Virgo et Mater. Hoc siquidem summo gradu inter puræ creaturæ gradus, omnes summi Seraphici in Virgine sublimantur, qui in quantum sunt idem, quod Virgo ipsa et per ipsam diligunt, et fructur Dei Filio, ut ipsorum filio naturali, et inestimabili Dei dilectione factio filio creaturæ. Tu. Te Matrem. p. 5.

Ad. Benedict. ant. Deposuit potentes * de sede, et ancillam humilem exaltavit Deus.

Oremus.

Oratio.

Præsta, quæsumus, omnipotens Deus, ut semper beatissimam Virginem MARIAM invocantes, voluntatem tuam, et dictis exequamur et factis. Per Dominum, &c.

CANON.

Ex Statutis Synodalibus Ecclesiæ Cameracensis.

An. 1310.—*Martene de ant. Scrip-*

torib. T. 7. col. 1341.

41. Statuimus, et omnibus subditis nostris Ecclesiasticis in virtute sanctæ obedientiæ præcipimus, in iungentes, ut, cum apud eam exuberare debeat devotio fidelium, quæ nostra est apud Deum Mediatricem, et Impetratricem promptissima gratiarum, Festum Conceptionis gloriosissimæ Virginis MARLE, octavo diæ mensis Decembris cum Matutinis et Missâ, cæterisque divinis obsequiis devotè celebretur. Tu.

Ad. Magnif. ant. Arca Deifera * elevabatur in sublime, et ferebatur super aquas. Per ipsam naufragium evasimus.

CAN NES.

Infra Hedomadam quartam Infantiae recitundi.

FERIA II.

Ex Statutis Syuodalibus Ecclesiæ Cameracensis. *Ut supra.*

42. Præcipimus dictum. «Conceptionis gloriosissimæ Virginis» Festum, tamquam festivum et solemne, sub pœnâ excommunicationis reverenter observari ab omnibus christianis. Tu.

FERIA III.

Ex Concilio Londinensi.

Ann. 1328. Capt. 1. lit. 2.—Lab. Concil. T. 7. col. 1536.

43. Statuimus et firmiter præcipiendo mandamus, quatenus festum Conceptionis Beatæ Virginis in cunctis Ecclesiis nostræ Cantuariensis Provinciæ festivè et solemniter de cætero celebretur. Tu.

FERIA IV.

Ex Statuto Synodali Ecclesiæ Suesonensis.

An. 1334. n. 22. de festu. Mart. Tom. 9. col. 1555.

44. In Decembri Festum Conceptionis Beatæ MARLE, Virginis servatur, sed non à carrucis. Tu.

FERIA V.

Ex Theodirico Abbate Corbeiensi.

An. 1357.—*Marten. de Veterib.*

Scriptor. T. 1. col. 1471.

45. Diem Conceptionis sanctissimæ magnificentissimis honoribus prosequi cupientes, pio affectu duximus statuendum, quod prædicta ineffabilis sanctificationis dies ab omnibus nostris subjectis Monasteriis et Ecclesiis in septem candelis et cappis, et aliis solemnibus ad hoc concurrentibus singulis annis celebretur. Tu.

FERIA VI.

Ex Joanne Primo, Aragoniæ Rege.

Decret. Dat. Valentiae, ann. 1394.

46. Disponimus et iubemus per omnia regna nostra et terras «Festum Conceptionis Beatæ Virginis» anuatim cum reverentiâ maximâ celebrari perpetuò ab universis et singulis fidelibus orthodoxis, tam religionis et clericis, quàm laicis infimis, atque mediis, et supremis..... Tu.

SABBATO.

Ex Sixto Papâ Quarto.

Const. Cumpræclis. 1 Mart. 1476.

Concil. T. 34. p. 26.

47. Dignum... debitum reputamus, universos Christi fideles, ut omnipotenti Deo (.....) de ipsius immaculatæ Virginis mirâ conceptione gratias et laudes referant, et institutas propterea in Ecclesiâ Dei Missas, et alia divina officia dicant, et illis intersint, indulgentiis et peccatorum remissionibus invitare... Tu.

DOM. V. INFANT.

Semiduplex.

IN I. NOCT.

De libro Genesis.

LECTIO 1. c. 28. v. 1.

Vocavit Isaac Jacob, et benedixit eum, præcepitque ei, dicens: noli accipere conjugem de genere Cha-

naan. Sed vade, et proficiscere in Mesopotaniam Syriæ ad domum Bathuel patris matris tuæ, et accipe tibi inde uxorem de filiabus Laban avunculi tui... Igitur egressus Jacob de Bersabè pergebat Haran. Cumque venisset ad quemdam locum, et vellet in eo requiescere post solis occubitum, tulit de lapidibus, qui jacebant, et superponens capiti suo, dormivit in eodem loco. Tu. ¶ O puella. p. 65.

LECTIO 2.

Viditque in somnis scalam stantem super terram, et cacumen illius tangens cælum: Angelos quoque Dei ascendentes, et descendentes per eam, et Dominum innixum scalæ dicentem sibi: Ego sum Dominus Deus Abraham patris tui, et Deus Isaac: terram in quâ dormis tibi dabo, et semini tuo: eritque semen tuum, quasi pulvis terræ, et benedicentur in te, et in semine tuo cunctæ tribus terræ. Tu. ¶ Una est. p. 65.

LECTIO 3.

Cumque evigilasset Jacob de somno, ait: verè Dominus est in loco isto, et ego nesciebam. Pavensque. Quàm terribilis est, inquit, locus iste! non est hic aliud, nisi domus Dei, et porta cæli! Surgens ergo Jacob manè, tulit lapidem, quem supposuerat capiti suo, et erexit in titulum, fundens oleum desuper. Tu. ¶ Revertere. p. 65.

IN II. NOCT.

Sermo S. Bonaventuræ Episcopi.
De Ecclesiastica Hierarch. p. 4. c. 7.

LECTIO 4.

Quia in altissimis et inauditis Dei consiliis semper mansit Beata Virgo, et aliquid præter cœlestia inter mundi prospera non curavit, ideo significatur in Genesi per scalam, quam vidit Jacob, cujus cacumen tangebatur cælum, et Dominus in-

nixus scalæ. Scala cœlica, per quam patet ascensus ad æterna est MARIA, quæ à Jacob est visa in somnis, quia MARIÆ præsentia prævisa est multipliciter à Prophetis. Tu. ꝑ. Diffusa. p. 65.

LECTIO 5.

Latera hujus scalæ sunt tribus duæ, scilicet sacerdotalis et regalis, ex quibus MARIA contraxit originem secundum carnem. Gradus interscalares sunt ejus privilegia et dignitates singulares: hujus scalæ cacumen in Deo est, et ei conjungitur per cœlestem conversationem, sicut dicitur in Apocalipsi: signum magnum apparuit in cœlo, mulier amicta sole, et luna sub pedibus ejus. Tu. ꝑ. Sicut cedr. p. 65.

LECTIO 6.

De istâ inhærentiâ cum cœlo dicit Bernardus: O Virgo Virginum! virga sublimis, in quâ tuum sanctum verticem erigis usque ad sedentem in throno, usque ad Dominum majestatis. Nec id quidem mirum est, quia mittis in altum radices humilitatis. Per hanc scalam descendit Angelus magni consilii, ut nostram assumeret infirmitatem. Per hanc etiâ scalam angeli ascendunt: qui angelicam vitam ducunt. Tu. ꝑ. Specie tuâ. p. 65.

IN III NOCT.

Lectio Sancti Evangelii secundum Matthæum.

LECTIO 1. c. 5. v. 14.

In illo tempore: dixit JESUS discipulis suis: Non potest abscondi civitas supra montem posita. Et reliqua.

Homilia Beati Alberti Magni Episcopi.

In Biblia Mariana.

Non potest civitas abscondi, idest, MARIA celari supra montem po-

sita, scilicet virtutum et gratiarum. Neque accendunt, scilicet Pater et Filius et Spiritus Sanctus, lucernam, id est, MARIAM, quæ accensa fuit in die Incarnationis; et ponunt eam sub modio, sicut faciunt ipsam inhonorantes, sed super candelabrum, id est, Ecclesiam, ut luceat indifferenter omnibus qui in domo sunt, id est, in Ecclesiâ, vel in mndo. Tu. ꝑ. Dilexisti. p. 65.

LECTIO 8.

Si offers munus tuum ante altare, id est, ad MARIAM, vade prius reconciliari fratri tuo, id est, JESU Christo. Qui petit à te, ò MARIA, instantèr, da ei. Glossa: quæ honestè et justè dari possunt, et volenti mutuari à te, quæ ditissima es, ne avertaris. Tu. ꝑ. Omnis gloria. p. 65.

LECTIO 9.

Solem suum, id est, Virginem MARIAM oriri facit per nativitatem in mundo, per gratiam in mente, super bonos, ut confirmentur, consolentur et illuminentur: et super malos, ut convertantur, et salventur. Et pluit super justos et injustos, sed aliter. Tu. Te Matrem.

Ad Benedict. Ant. Lucerna ardens * et lucens, Virgo MARIA, ut luceat omnibus, qui in domo sunt.

Oremus.

Oratio.

Concede nos, quæsumus Deus, beatissimæ Virginis MARIÆ, exempla sectari, ut per terrestrium rerum contemptum, ipsius adjutorio æterna gaudia capiamus. Per Dominum.

CANON

Ex Statuto Ecclesiæ Gerundensis.

Die 23. Oct. 1591.—Espan.

Sagrad. Tom. 44. pag. 327,

48. Considerantes, quod in Gerundensi Ecclesiâ nulla fiat festivitas de Conceptione seu Sancti—

ficatione Beatæ MARLÆ Virginis, quæ intitulatur sexto idus Decembris... dignum reputaverunt, atque justum de dictâ Conceptione seu Supradictâ festari in Ecclesiâ supradictâ. Tu.

Ad Magnific. Ant. Scala Jacob* cujus cacumen cælos tangebatur, Virgo divina.

CANONES

Infra Hebdomadam 5. Infantæ recitandi.

FERIA II.

Ex Urbano Papâ Octavo.

Const. 388. Sanctæ et immacul. *ant.* 1631.—*Bul. Rom. T. 6. p. 1 p. 295.*

49. In Ecclesiâ Sancti Jacobi Hispanorum de urbe festum Conceptionis Beatæ MARLÆ Virginis, etiam ipsâ secundâ Dominicâ adventus. cum in illam inciderit, sub ritu duplici primæ classis celebrari concedimus. Tu.

FERIA III

Ex Innocentio Papâ Decimo.

Const. 3. In his. *an.* 1644. *Tom. 6. Bull. 3. p. 3 p. 4.*

50. Quoad festum Conceptionis Deiparæ Virginis in Regnis Hispaniarum tantum, obstaculum Constitutionis Urbani Octavi, «in quâ non ponitur inter festa de præcepto Festum Conceptionis Beatæ Virginis, et tolluntur contrariæ consuetudines,» apostolicâ auctoritate tenore præsentium remove-mus. Tu.

FERIA IV

Ex Alexandro Papâ Septimo.

Const. 156. In his. *an.* 1657.—*Bull. R. Tom. 6. p. 4. pag.* 183.

51. Quoad Festum Conceptionis Deiparæ Virginis in regno Galiarum, obstaculum Constitutionis Urbani Octavi «in quâ non ponitur inter festa de præcepto fes-

tum Conceptionis Beatæ Virginis» apostolicâ auctoritate tenore præsentium remove-mus. Tu.

FERIA V.

Ex Clemente Papâ Undecimo.

Const. 120. Commissi nob. *an.* 1708.—*B. R. Tom. 10. p. 1. pag.* 206.

52. Festum Conceptionis Beatæ MARLÆ Virginis Immaculatæ ubique terrarum in posterum ab omnibus et singulis utriusque sexûs fidelibus sicut alia festa de præcepto observationis Festorum comprehendendi, auctoritate apostolicâ tenore præsentium decernimus, præcipimus et mandamus. Tu.

FERIA VI.

Ex Benedicto Papâ Decimoquarto.

Allocut. 26. Nov. 1742.—*Bull. Bened. XIV. tom.* 2.

53. Singulis quibuscumque an-nis fieri mandamus ac præcipimus, ut capella Pontificia in Liberianâ Basilicâ in festo Conceptionis Vir-ginis Immaculatæ, in honorem ejus-dem, quotannis celebranda cæte-ris annumeretur. Tu.

SABBATO.

Ex Decreto Sacror. Rituum Con-gregationis.—10. Dec. 1843. *Or-din. Prædicator.*

54. Gregorius Decimus Sextus Ordini Prædicatorum concessit in-dultum deinceps juxta proprium ritum Festum Conceptionis Deiparæ celebrandi cum octavâ solemnî, prout celebrantur Festa Annuntia-tionis, Assumptionis, ac Sacratissi-mi Rosarii. Tu.

DOMIN. VI. INFANT.

Semiduplex.

IN I. NOCT.

De libro Exodi.

Lect. 1. c. 3. v. 1.

Moyses autem pascebat oves Je-thro soceri sui Sacerdotis Madian:

cumque minasset gregem ad interiora deserti, venit ad montem Dei Horeb, apparuitque ei Dominus in flammâ ignis de medio rubi: et videbat quod rubus arderet, et non combureretur. Dixit ergo Moyses: vadam, et videbo visionem hanc magnam, quare non comburatur rubus. Tu. *¶*. O puella. p. 65.

LECTIO 2.

Cernens autem Dominus, quod pergeret ad videndum, vocabit eum de medio rubi, et ait: Moyses, Moyses. Qui respondit: Adsum. At ille: ne appropies, inquit, huc: solve calceamentum de pedibus tuis: locus enim, in quo stas, terra sancta est. Et ait: Ego sum Deus patris tui, Deus Abraham, Deus Isaac, et Deus Jacob. Tu. *¶*. Una est. p. 65.

LECTIO 3.

Abscondit Moyses faciem suam non enim audebat aspicere contra Deum. Cui ait Dominus: vidi afflictionem populi mei in Ægypto, et clamorem ejus audiui propter duritiame eorum, qui præssunt operibus... Sed veni et mittam te ad Pharaonem, ut educas populum meum, filios Israel de Ægypto. Tu. *¶*. Revertere. p. 65.

IN II. NOCT.

Sermo Sancti Gregorii Nisseni.

In die Natali Domini.

LECTIO 4.

Dei Genitricis incorruptam integritatem magnus ille Moyses per eam lucem, in quâ sibi Deus apparuit, videtur cognovisse, qui cum rubus arderet, nec tamen consumeretur. Transiens enim, inquit, videbo visionem hanc magnam, non loci motum, ut arbitror, per transitum declarans, sed temporis transitum. Tu. *¶*. Diffusa. p. 65.

LECTIO 5.

Quod enim tunc per flammam, et rubum significabatur, progrediente tempore, quod intercedebat, perspicue in mysterio Virginis apertum fuit. Quemadmodum enim illic est rubus, et accendit ignem, et non comburitur; ita hic est Virgo, quæ lucem parit, et non corrumpitur. Quod autem per rubum Virginis corpus, quod Deum peperit, intelligatur, ne te similitudinis pudeat. Tu. *¶*. Sicut cedus. p. 65.

LECTIO 6.

O rem mirandam! Virgo Mater efficitur, et permanet Virgo. Cernis novum naturæ ordinem? In aliis mulieribus, quando aliqua est virgo, non est mater. Nam postea quam effecta est mater, virginitatem non habet. Hic autem utrumque nomen in idem concurrit. Eadem enim et Mater et Virgo est. Nee virginitas partum ademit, nec partus virginitatem solvit. Tu. *¶*. Specio tuâ. p. 65.

IN III. NOCT.

Lectio 8. Evangelii secundum Lucam.

LECTIO 7. c. 7. v. 41.

In illo tempore: duo debitores erant cuidam feneratori. Et reliqua. Homilia B. Alberti Magni Episcopi.

In Bibliâ Mariand.

Quis ergo eum plus diligit? Respondens Simon dixit: Æstimo, quod is, cui plus donavit. Sed beatissimæ Virgini super omnem creaturam plus donatum est: ergo super omnes creaturas diligit. Item Deus dat omnibus affluentem, non tamen omnes recipiunt æqualiter. Hujus diversitatis duplex est causa. Alia ex parte recipientis, quia alter altero capacior est. Tu. *¶*. Dilexisti.

LECTIO 8.

Hanc autem capacitatem operatur humilitas vera, juxta illud: humi-

libus dat gratiam. Ergò ubi major humilitas, ibi major capacitas est. Sed ipsa super omnes humilima fuit. Ergò maximè capax est: ergò maxima gratiam recipere potuit: scilicet, quantam recipere potuit, tantam recipit. Item ex parte dantis est diversitas doni, quia cum dans det secundum rationem, et retrò respiciat finem, majus donum dat, quod dat ad majorem finem. Tu ꝑ. Omnis gloria. p. 65.

LECTIO 9.

Sed dabatur MARLE gratiam ad essendum Matrem Dei, et omnibus aliis datur ad essendos servos, et ancillas Dei. Sicut ergò improporcionabiliter majus est esse Matrem Dei, quàm servum Dei, ita improporcionabiliter erit majus donum ad essendum Matrem Dei, quàm ad essendum servum Dei. Sed donum, in quo omnia donantur, est charitas beatissimæ Virginis: ergò improporcionabiliter major erat charitale omni creaturâ. Tu. Te Matrem. p. 5.

Ad. Benedict. ant. Simon, * quis Deum plus diligit? æstimo, quòd is, cui plus donatum est.

Oremus. *Oratio.*

Absorbeat, quæsumus, Domine, animas nostras ab omnibus quæ sub cælo sunt, ille charitatis ignis, quo beatissimæ Unigeniti tui Matri donatam est plus super omnem creaturam diligere. Qui tecum vivit.

CANON.

Ex Decreto Sac. Rituum Congregationis.

Episcop. Gallie. Ap. Perrone.

55. Conceditur Diocessibus Gallie indultum celebrandi Festum Conceptionis Deiparæ Dominicâ secundâ adventûs, cum unicâ Missâ solemni in quâlibet Ecclesiâ, addito Præfationi verbo immaculata, et

cum plenariâ Indulgentiâ... quamcumque Ecclesiæ memoratâ die visitantibus. Tu.

Ad. Magnif. ant. Rubus, * quem viderat Moyses incombustum, conservatam præsignavit tuam laudabilem virginitatem.

CANONES.

Infra Hebdom. 6. Infantis recitandi.

4. *De his quæ ad Officium et Missam Conceptionis pertinent.*

FERIA II.

Ex Sixto Papâ Quarto.

Const. Cum præcelsa. an. 1476.

Concil. T. 34. p. 26.

56. Ordinamus, quòd omnes et singuli Christi fideles, qui Missam et Officium Conceptionis Beatæ Virginis gloriosæ... in die Conceptionis ejusdem et per octavas ejus devotè celebraverint et dixerint, aut illis Horis Canonicis interfuerint, quotiès id fecerint, eandem prorsus indulgentiam consequantur, quàm in festo Corporis Christi et per ejus Octavas.... Tu.

FERIA III.

Ex Leone Papâ Decimo.

Const. Piæ Christi. an. 1518. *asservatur Molinæ Aragon.*

57. Vobis et pro tempore existentibus Rectoribus et beneficiatis... parrochialium Ecclesiarum oppidi Molina, ut in nocte ante diem festum Conceptionis Beatæ MARLE Virginis post Laudes hujusmodi annis singulis in Ecclesiâ Sancti Ægidii unam Missam in cantu cum Presbytero, Diacono et Subdiacono solemniter celebrare liberè et licitè valeatis... de speciali dono gratiæ perpetuò indulgemus. Tu.

FERIA IV.

Ex Decreto Sanctæ Romanæ Inquisitionis.

Sub. Greg. XV. an. 1622.

58. Sanctitas sua.... omnibus

et singulis personis Ecclesiasticis... mandat ac præcipit, ut in Sacro-Sancto Missæ sacrificio ac divino officio celebrando, tam publicè quàm privatim, non alio quàm Conceptionis nomine «in Missâ et officio Conceptionis Beatæ Virginis » uti debeant. Tu.

FERIA V.

Ex Alexandro Papâ Septimo.
Const. 483. Quæ inter. *an.* 1664.
B. Rom. Tom. 6. *p.* 6. *p.* 20.

59. In omnibus Regnis Hispaniarum et Indiarum Regis Catholici imperio subjectis, tum à sæcularibus tum à Regularibus, qui horas canonicas recitare tenentur, Officium et Missa Conceptionis Beatæ MARIE Virginis Immaculatæ cum octavâ in posterum de præcepto recitetur. Tu.

FERIA VI.

Ex Alexandro Papâ Septimo.
Const. 513. 518. 523. *an.* 1665.
Bull. Rom. Tom. 6. *p.* 6.

60. In omnibus Ditionibus et Dominiis Duci Sabaudia, et Magno Duci Etruriæ subjectis, et in toto statu Mediolanensi, ac in Marchionatu Finariensi, ab omnibus qui Horas canonicas recitare tenentur, officium et Missa Conceptionis Beatæ MARIE Virginis Immaculatæ cum Octavâ iu posterum de præcepto recitetur. Tu.

SABBATO.

Ex Clemente Papâ Nono.
Const. 16. et 33. *an.* 1667. — *Bull.*
Rom. Tom. 6. *part.* 6.

61. In societate JESU, et in Ordine Eremitarum Sancti Augustini ab omnibus Religiosis qui Horas canonicas recitare tenentur, officium et Missa Conceptionis Beatæ MARIE Virginis Immaculatæ cum octavâ in posterum de præcepto recitetur. Tu.

DOM. VII. IEFAET.

Semiduplex.

IN I. NOCT.

De libro Exodi.

LECTIO 1. c. 31. v. 1.

Locutus est Dominus ad Moysen, dicens: ecce vocavi ex nomine Beseleel filium Uri, filii Uur, de tribu Juda, et implevi eum spiritu Dei, sapientiâ, et intelligentiâ, et scientiâ in omni opere, ad exco-gitandum quidquid fabrefieri potest ex auro, et argento, et ære, marmore et gemmis, et diversitate lignorum. Dedique ei socium Ooliab filium Achisamech de tribu Dan. Tu. ꝑ. O puella. *p.* 65.

LECTIO 2.

Et in corde omnis eruditi posui sapientiam, ut faciat cuncta, quæ præcepi tibi, tabernaculum fœderis et arcam testimonii, et propitiatorium, quod super eam est, et cuncta vasa tabernaculi, mensamque et vasa ejus, candelabrum purissimum cum vasis ejus, et altaria thymiamatis, et holocausti, et omnia vasa eorum. Tu. ꝑ. Una est. *p.* 65.

LECTIO 3. c. 37. v. 1

Fecit autem Beseleel et arcam de lignis setim, habentem duos semis cubitos in longitudine, et cubitum ac semissem in latitudine, altitudo quoque unius cubiti fuit et dimidii: vestivitque eam auro purrissimo intus ac foris. Et fecit illi coronam auream per gyrum, conflans quatuor annulos aureos per quatuor angulos ejus: duos annulos in latere uno, et duos in altero. Vectes quoque fecit de lignis setim, quos vestivit auro, et quos misit annulos ad portandum eam. Tu. ꝑ. Revertere. *p.* 65.

IN II. NOCT.

Sermo Sancti Bernardi Abbatis.

Serm. de Sancta Maria. Inter ejus opera.

LECTIO 4.

Arca quoque testamenti typum tenet sanctæ Dei Genitricis. Illam fecit Beseleel: istam condidit Emmanuel. Beseleel Ooliab in opere socium habuit, et Virgo quoque virginum condita, præelecta, præservata et ornata per Spiritum Sanctum, et ejus omnipotentem Filium fuit. Beseleel interpretatur umbra Dei: Ooliab protectio mea. Prior ille Spiritus Sancti, iste verò typum tenet Filii. ¶ Diffusa. p. 65.

LECTIO 5.

Beseleel ergo cum socio arcam testamenti fabricavit: Sancta quoque Trinitas Virginem sibi sanctificavit, ac templum sanctissimum consecravit, hospitiumque mundissimum sibi præparavit, thalamum quoque, de quo Sponsus præ filiis hominum speciosus ad publicum procederet, decenter præornavit. Neque enim Pater abesse potuit, ubi ejus Spiritum et Filium cooperari voluit. Tu. ¶ Sicut cedrus. p. 65.

LECTIO 6.

Arca verò testamenti de lignis setim facta est, et MARIA de spinoso et hispido Judæorum populo et arido procreata est. Setim enim interpretatur spinæ. Aliter Eva spina, rosa MARIA. Revera Eva spina fuit, quæ et virum suum ad mortem pupugit, et posteritati suæ peccati aculeum infixit. Eva ergo spina fuit: MARIA rosa extitit. Eva spina vulnerando. MARIA rosa omnium affectus mulcendo. Eva spina infigens omnibus mortem, MARIA rosa reddens salutiferam omnibus sortem. Tu. ¶ Specie tuâ. p. 65.

IN III. NOCT.

Lectio S. Evangelii secundum Matthæum.

LECTIO 7. c. 11. v. 11

In illo tempore: dixit JESUS turbis: amen dico vobis: non surrexit inter natos mulierum major Joanne Baptista. Et reliqua.

Homilia Sancti Bernardini Senensis

De amore glorioso Ser. 49. p. 1

Dico, quod minimus angelus existens in vitâ æternâ est decies pulchrior, quam sit pulchrior anima, quam unquam fecerit Deus, et quam anima sancti Joannis Baptistæ, exceptâ animâ Christi et Virginis gloriosæ. Et licet dicatur quod internatos mulierum non surrexit major Joanne Baptistâ, tamen qui minor est inter angelos, in vitâ est minor eo valdè. Tu. ¶ Dilexisti p. 65.

LECTIO 8.

Et nota illud dicere: quod internatos mulierum non surrexit major Joanne Baptistâ, vult dicere, quod Joannis Baptistæ anima est major omnibus animabus natis ex muliere. Et Christus cavet se, extrahit Virginem gloriosam occultè, si benè advertis suum eloquium, quia dixit: non surrexit, quia nullus dicitur levare seu surgere, qui non cecidit. Tu. ¶ Omnis. pag. 65.

LECTIO 9.

Sed quia Christus non cecidit in aliquo peccato conceptionis, nec actualis, et similiter beata Virgo, ideò non sunt in illâ regulâ, qui non ceciderunt modo jam dicto: ideò non dicuntur surgere, sicut omnes cæteri homines, qui ceciderunt, et cadunt ab Adam citra per peccatum originale. Tu. Te Matrem. p. 5.

*Ad. Benedict. ant. Procil * et de ultimis finibus hujus mulieris pretium.*

Oremus.

Oratio.

Protege, Domine, populum tuum gratiae tuae subsidiis, et beatâ MARIA semp̃r Virgine intercedente, fac nos ad sempiterna gaudia pervenire. Per Dominum.

CANON.

Ex Clemente Papâ Nono.

Const. 25. Sincera *an.* 1667.—*Bul. R. T.* 6. p. 6. pag. 208.

62. In almâ urbe et in universâ Sanctae Romanae Ecclesiae ditione, ab omnibus qui Horas canonicas recitare tenentur, officium et Missa Conceptionis Beatæ MARLÆ Virginis Immaculatæ in posterum de præcepto recitetur. Tu.

Ad. Magnificat. ant. Arcam * de lignis setim compingite, et deaurabitur eam intus et foris.

CANONES.

Infra Hebd. 7. *Infan. recitandi.*

FERIA II.

Ex Innocentio Papâ Undecimo.

Cons. 56. In excelsa. *an.* 1693.—*B. R. Tom.* 9. pag. 304

6E. Precibus Caroli Hispaniarum Regis... benigè inclinati, ut Officium et Missa Conceptionis Beatæ MARLÆ Virginis Immaculatæ cum octavâ et Lectionibus approbatis... ubiquè terrarum in posterum... de præcepto recitetur, apostolicâ auctoritate tenore præsentium mandamus et decernimus. Tu.

FERIA III.

Ex Clemente Papâ Decimo tertio.

Cons. Quam prim. 17. *Jan.*

1761.

64. Ad preces Caroli Hispaniarum Regis concedimus, ut in die Conceptionis Beatæ MARLÆ Virginis in eisdem regnis ab universo clero illud officium proprium et Missa cum octavâ recitentur, quod et quæ de præsentî à Fratribus

ordinis Minorum Sancti Francisci recitantur. Tu.

FERIA IV.

Ex Clemente Papâ Decimo tertio.

Const. Commissi nob. 14. *Mart.* 1767.

65. Supplicationibus Regis Hispaniarum inclinati, ut in posterum singulis sabbatis non impeditis, officium proprium Immaculatæ Conceptionis ab universo Clero sub ritu semiduplici recitari, et Missa ibidem propria respectivè celebrari possit, auctoritate apostolicâ concedimus. Tu.

FERIA V.

Ex Decreto Sac. Rituum Congregationis.

6 *Setembr.* 1834. *Hispal.*

66. Extenditur ad Archidiocèsim Hispalensem indultum jam pridem concessum ordinibus Sancti Francisci, addendi nimirum in Præfatione Missæ propriæ Conceptionis Beatæ MARLÆ Virginis verbum Immaculatâ, ita ut legi queat: Et te in Conceptione Immaculatâ. Tu.

FERIA VI.

Ex Decreto Sac. Rituum Congregationis

11 *Jun.* 1838. *Lugdunens.*

67. Conceditur Diocèsi Lugdunensi, et omnibus idem petentibus indultum dicendi in Præfatione Missæ Conceptionis Beatæ MARLÆ Virginis: Et te in Conceptione Immaculatâ. Tu.

SABBATO.

Ex Decreto Sac. Rituum Congregationis.

10 *Dec.* 1843. *Ord. Prædicat.*

68. Indultum dicendi: Et te in Conceptione Immaculatâ: in Præfatione Missæ Conceptionis Beatæ MARLÆ Virginis Archidiocèsi Hispalensi concessum, Gregorius Decimus Sextus ad universum ordinem Prædicatorum extendit. Tu.

DOM. VIII INFAN.

Semiduplex.

IN I. NOCT.

De libro Levitici.

LECTIO 1. c. 1 v 1

Vocavit autem Moysen et locutus est ei Dominus de tabernaculo testimonii, dicens: loquere filiis Israel, et dices ad eos: Homo, qui obtulerit ex vobis hostiam Domino de peccoribus, id est de bobus, et ovibus offerens victimas, si holocaustum fuerit ejus oblatio, ac de armento: masculum immaculatum offeret ad ostium tabernaculi testimonii, ad placandum sibi Dominum. Tu. ¶. Opuella. p. 65.

LECTIO 2. c. 25. 6.

Locusque est Dominus ad Moysen in monte Sinai, dicens: clanges buccinā mense septimo, decimā die mensis, propitiationis tempore in universā terrā vestrā. Sanctificabisque annum quinquagesimum et vocabis remissionem cunctis habitatoribus terrae tuae: ipse est enim jubilaeus. Revertetur homo ad possessionem suam, et unusquisque rediet ad familiam pristinam, quia jubilaeus est, et quinquagesimus annus. Tu.

¶. Una es. p. 65t.

LECTIO 3 c. 26 v. 1

Ego Dominus Deus vester... Si in praeceptis meis ambulaveritis, et mandata mea custodieritis, et feceritis ea, dabo vobis pluvias temporibus suis, et terra gignet germen suum, et pomis arbores replebuntur... Penam tabernaculum meum in medio vestri, et non abjiciet vos anima mea, ambulabo inter vos, et ero Deus vester, vosque eritis populus meus. Tu. ¶. Revertere p. 65.

IN II. NOCT.

Ex Bibliā Marianā B. Alberti Magni, Ep.

In Leviticum LECTIO 4

Regina mundi dicitur ostium praesentationis, ad quod omnis peccator praesentari debet. Homo qui obtulerit voluntarie hostiam Deo, ad placandum sibi Dominum, offerret primò ad ostium tabernaculi, id est, ad MARIAM. Undè Bernardus in sermone de Nativitate: Quidquid illud est, quod offerre paras, MARIE commendare memento, ut eodem alveo ad largitorem gratiae gratia redeat, quo sufluxit. Tu.

¶. Diffusa est. p. 65.

LECTIO 5.

Itēm ipsa est annus, et tempus propitiationis. Tempore propitiationis clanges buccinā. Quia genus humanum bonitate et clementiā à corruptione liberatur, quibus in Adam dictum est: pulvis es, et in pulverem reverteris. Et annum quinquagesimum, id est, MARIAM vocabis remissionem: Glossa: omnium peccatorum, omnium laborum, cunctis habitatoribus, non solum coeli, sed et terrae. Revertetur enim homo, scilicet, peccator ad possessionem suam, id est, ad paradissum, et ad familiam pristinam, id est, Patriarcharum et Prophetarum. Tu. ¶. Sicut cedrus. p. 65.

LECTIO 6.

Itēm ipsa est tabernaculum unionis inter nos et Deum. Ponam firmiter tabernaculum meum in medio vestri. Tabernaculum, id est, MARIAM, quod est meum sanctitate, meum firmitate, meum amplitudine, meum largitate, et hoc in medio vertri, quia communis est. Et non abjiciet vos anima mea. Glossa: audeo et dico: quia anima Dei et Christus est: ac si diceret non abjiciet vos Filius meus. Ambulabo inter vos, homo factus. Tu. ¶. Specie tuā. p. 65

IN III. NOCT.

Lectio Sancti Evangelii secundum Matthæum.

LECT. 7. o. 25. v. 1.

In illo tempore: dixit JESUS Discipulis suis: simile est regnum cœlorum decem virginibus. Et reliqua.

Homilia Sancti Bernardi Abbatis.

Serm. 2. in assumpt. B. V.

Non est de numero fatuarum prudens Virgo. Lampadem habet, sed in vase oleum portat. An fortè excidit vobis evangelica illa parabola, quæ fatuas virgines prohibitas narrat ab introitu nuptiarum? Erat equidem domus earum munda, virgines enim erant. Erat ornata, quia simul omnes, id est, fatuæ cum prudentibus lampades ornaverunt: sed erat vacans, quia in vasis suis oleum non acceperunt. Tu. ¶ Dilexisti. p. 65.

LECTIO 8.

Hinc est, quòd nec ab eis suscipi in domo suas, nec admittere eas dignatur sponsus cœlestis ad nuptias. Non sic mulier illa fortis, quæ serpentis caput contrivit. Habes enim post multa in laudibus ejus, quia non extinguetur in nocte lucerna ipsius. In suggillationem hoc dicitur fatuarum, quæ, veniente mediâ nocte sponso, conqueruntur serò, et dicunt: quia lampades nostræ extinguntur. Tu. ¶ Omnis glor. p. 65.

LECTIO 9.

Processit igitur gloriosa Virgo, cuius lampas ardentissima ipsis quod quæ angelis lucis miraculo fuit, ut dicerent: Quæ est ista, quæ progreditur, sicut aurora consurgens, pulchra ut luna, electa ut sol? Clariùs enim cæteris rutilabat, quam replevit oleo gratiæ præ participibus suis Christus JESUS Filius ejus Dominus noster. Tu. Te Ma-

trem. p. 5.

Ad Bened. ant. Hæc est Virgo * prudentissima quæ semper oleum gratiæ in suo lampade habuit.

Oremus.

Oratio.

Presta quæsumus, omnipotens Deus, ut qui Matrem tuam quotidie veneramus in terris, cœlestibus gaudiis, ipsâ intercedente, perfruemur in cœlis. Qui vivis et regn.

CANON.

Ex Decreto Sac. Rituum Congregationis. 17 Jul. 1847. Ordin.

Prædic.

69. Pius Nonus apostolicâ auctoritate suâ præcipit, ut duo decreta super elevatione ritus Festi Conceptionis Deiparæ, et additione verbi Immaculata in Præfatione Missæ ejusdem Conceptionis à Gregorio Decimo sexto universo ordini Prædicatorum concessa, plenissimè observentur tum ab omnibus et singulis alumnis dicti ordinis, tum in omnibus pariter ordinis ipsius Ecclesiis. Tu.

Ad Magnif. ant. Ecce ponam * tabernaculum meum in medio vestri, dicit Dominus.

CANONES

Infra Hebdom. 8. Infantie recitandi.

FERIA II.

Ex Pio Papâ Nono.

Encicl. Gaetæ 2. Febr. 1849.

Const. Ineffabil. Die 8. Dec. 1854.

70. Memores Institutionis Sixti quarti proprium de Immaculatâ Conceptione officium « recentissime compositum » auctoritate nostrâ munivimus, illiusque usum « loco ejus quod in communi Breviario continetur » universæ Ecclesiæ lætissimo prorsus animo concessimus, « quin ejusmodi venia à nobis vel à nostrâ sacrorum Rituum congregatione implorari debeat. » Tu.

FERIA III.

5. Deipara immaculata in Patronam eligitur.

Ex Clemente Papâ Decimo Tertio.
Bull. VI. Idus Nov. 1760.

Beatissimam Virginem Deiparam in sacrosancto ejusdem Immaculatæ Conceptionis mysterio, Hispaniarum Indiarumque ditionum à comitiis totius Nationis Hispaniæ Patronam et Advocatam specialem communi consensione nuncupatam et delectam, tenore præsentium confirmamus et approbamus. Tu.

FERIA IV.

Ex Clemente Papâ Duodecimo.
Const. 251. Nuper sicut an. 1739.
B. R. Tom. 14. pag. 360.

71. Beatissimam Virginem MARIAM Immaculatam in principalem Regni Siciliæ ultra Pharum Patronam, ut majora eidem semper à Christi fidelibus impendantur obsequia, et religiosa populorum pietas præsentissimo ejusdem fruatur patrocinio, quatenus opus sit auctoritate apostolicâ tenore præsentium denuò confirmamus. Tu.

FERIA V.

Ex Sacrà Congregatione de Propagandâ fide. 7. Febr. 1847.

72. Pius Papâ Nonus benignè probavit in omnibus Electionem quam Concilium Sextum BaltimoreNSE fecit Beatæ Virginis MARIE sine labe originali conceptæ in Patronam septentrionalis Americæ fœderatarum Provinciarum. Tu.

FERIA VI.

Ex Pio Papâ Nono.
Const. Ineffabilis. 8. Dec. 1854.

73. Prædecessores nostri vehementer gloriati sunt, apostolicâ suâ auctoritate.... cultum jam institutum omni ope promovere, amplificare.... facultate tributâ civitatibus, provinciis, regnisque, ut Deiparam sub titulo Immaculatæ Con-

ceptionis Patronam sibi deligerent. Tu.

SABBATO.

Ex Pio Papâ Nono.
Ut suprâ.

74. «Cultum hunc Prædecessores nostri gloriati sunt amplificare,» sive comprobatis Sodalitatibus, Congregationibus, Religiosisque Familiis ad Immaculatæ Conceptionis honorem institutis, sive laudibus eorum pietati delatis, qui monasteria, xenodochia, altaria, templa sub Immaculati conceptûs titulo erexerint, aut sacramenti religione interpositâ Immaculatam Deiparæ Conceptionem strenuè propugnare spoponderint. Tu.

DOM. IX. INFANT.

Semiduplex.

IN I. NOCT.

De libro Numerorum.

LECTIO 1. c. 17. v. 1.

Locutus est Dominus ad Moysen, dicens: loquere ad filios Israël et accipe ab eis virgas singulas per cognationes suas, à cunctis principibus tribuum, virgas duodecim, et unicuique nomen superscribes virgæ suæ. Nomen autem Aaron erit in tribu Levi, et una virga cunctas seorsum familias continebit: ponesque eas in tabernaculo fœderis coram testimonio, ubi loquar ad te. Tu. ¶. O puella. p. 65.

LECTIO 2.

Quem ex his elegero, germinabit virga ejus, et cohibebo à me querimonias filiorum Israël, quibus contra vos murmurarunt. Locutusque est Moyses ad filios Israël: et dederunt ei omnes principes virgas per singulas tribus: fueruntque virgæ duodecim absque virgâ Aaron. Tu. ¶. Una. p. 65.

LECTIO 3.

Quas cum posuisset Moyses coram Domino in tabernaculo testimonii,

sequenti die reversus invenit germinasse virgam Aaron in domo Levi: et turgentibus gemmis eruperant flores, qui, foliis dilatatis, in amigdalas deformati sunt. Protulit ergo Moyses omnes virgas de conspectu Domini ad cunctos filios Israël: videruntque, et receperunt singuli virgas suas. Tu. ꝑ. Revertere. p. 65.

IN II. NOCT.

Sermo S. Amadei Ep. Lausannensis.

De laudib. B. M. V. Hom. 1.

LECTIO 4.

Virgo beata virga dicitur, utpote gratiosa et recta, subtilis et porrecta. Gratiōsa per verecundiam, et formositatem, recta per iudicium et æquitatem, subtilis per contemplationis ingenium, porrecta per vitæ meritum. Effloruit autem de Spiritu Sancto, sicut virga Aaron floruit ex miraculo. Illa fructum protulit amigdalinum, ista et optimum protulit amigdalum, habentem nucleum et testam. Tu. ꝑ. Diffusa. p. 65.

LECTIO 5.

Nucleum habens, ut reficiat; testam, ut contegat. Nucleum in divinitate; testam in humanitate. Vis nosse nucleum? audi, quia in principio erat Verbum. Testam nosse desideras? Audi, quia Verbum caro factum est, et habitavit in nobis. Vides ergo, quia nucleum est in testâ, verbum est incarnatum. Tu. ꝑ. Sicut cedr. p. 65.

LECTIO 6.

Et quoniam testa etiâ corticem habet, corticem intellige in carnis amaritudine, testam in resurrectione, nucleum in deitate. Cortice Christus nos sanat, testâ corroborat, nucleo pastum æternum administrat. Hoc nucleum, hoc verbum nos illuminet, et usque in cubiculum

Genitricis nos introducat. Tu. ꝑ. Specie tuâ. p. 65.

IN III. NOCT.

Lectio Sancti Evangelii secundum Lucam.

LECTIO 7. c. 15. v. 8.

In illo tempore: dixit JESUS Scribis et Pharissæis parabolam hauc: Quæ mulier habens drachmas decem, si perdiderit drachmam unam, nonne accendit lucernam, et evertit domum, et quærit diligenter, donec inveniat? Et reliqua.

Homilia S. Bernardini Senensis.

De consens. Virgin. art. 2. c. 1.

Apparuit desiderium Virginis magnum in magnâ promissione. Non enim mirum, si tam magna desideravit, nam desiderabilia audivit, desiderabilia intellexit, desiderabilia requisivit. Quæ enim multum quærimus, multum desideramus. Propterea Lucæ decimo quinto capite mulier illa lucernam accendit, domum evertit, et drachmam perditam quærit. Tu. ꝑ. Dilexisti. p. 65.

LECTIO 8.

Misticæ quippe drachma sapientia Dei est, quam amiserat natura humana. Sed mulier, id est, MARIA, tunc lucernam accendit, quando virginitatis exemplum labili mundo dedit, domum evertit, quando per mentis industriam in omnibus requiem quæsit. Et nusquam nisi in drachmâ perditâ, id est, in Dei sapientiâ, illam invenit. Tu. ꝑ. Omnis gloria. p. 65.

LECTIO 9.

Uude Ecclesiasticus: in omnibus requiem quæsi, et in hæreditate Domini morabor. Tunc præcepit, scilicet, Deus angelo: et dixit mihi, scilicet, annuntiando voluntatem Dei de incarnatione Filii sui. Et qui creavit me, requievit in tabernaculo meo, scilicet, cum consensu an-

gelo nuntianti, quandò videlicet dixi: Fiat mihi secundum verbum tuum. Tu. Te Matrem. p. 5.

Ad Benet. ant. Congratulamini mihi, * quia inveni drachmam, quam perdididerat Eva.

Oremus.

Oratio.

Deus, qui nos in tantis periculis constitutos pro humanâ scis fragilitate non posse subsistere: præsta, quæsumus, ut sanctissimæ Genitricis tuæ auxilio firmati, ea quæ pro peccatis nostris patimur, ipsâ adjuvante, vincamus. Qui vivis et regnas.

III,

DEIPARÆ VIRGINITAS.

CANON.

Ex S. Zenone Ep. Veronensi. an. 260.—*Serm. 2. de Nativit.*

75. O magnum Sacramentum! MARIA Virgo incorrupta concepit, post conceptum Virgo peperit, post partum Virgo permansit. Tu.

Ad. Magnif. ant. Hæc est virga, * in quâ nec nodus originalis, nec cortex actualis culpæ fuit.

CANONES.

Infra Hebdomadam 9. Infantiae.

FERIA II.

Ex S. Zenone Ep. Veronensi. Lib. 1. Tract. 1. de Continentid.

76. MARIA fuit Virgo post nubium, Virgo post conceptum, Virgo post Filium. Deniquè si esset aliquid Virginitate melius, Dei Filius hoc magis potuerat suæ Matri præstare, cui præstiterit, ut divinæ Virginitatis honore polleret. Tu.

FERIA III.

Ex S. Athanasio Ep. Alexandrino. An. 340. In Descript. B: V. M.

77. Ex Virgine nascitur, ut primum parentem Adam ex limo virginis adhuc terræ formatum reformaret. Tu.

FERIA IV.

Ex S. Epiphanio Episcopo.

Contr. hæres-hær 30. p. 64. an. 370.

78. Ecce Virgo in utero habebit. Virgo autem non appellatur, quæ viro conjuncta est, et nuptiis copulata mulier: sed illa propriè Virgo dici poterit, quæ citra virum conceptionem Dei Verbi in veritate habuit. Tu.

FERIA V.

Ex S. Cyrillo Ep. Jerosolymitano.

An. 386.—*Cathec. 12. n. 28.*

79. Ille qui virgæ propter summum Sacerdotium typicum (seu alterius figuram) fructum supra naturam ferre dedit; nonne Virgini propter verum summum Sacerdotium parere concesserit? Tu.

FERIA VI.

Ex S. Theodoto Ep. Anciræ.

An. 430.—*Homil. lect. in Concil. Eph.*

80. Virgo, Virginitatis integritate retentâ, effecta est Mater. Nam incorruptionis largitor corruptionem non efficit: incorruptionis auctor nihil corruptit. Tu.

SABBATO.

Ex S. Theodoto Ep. Anciræ. ut supra.

81. Et generationem sibi Deus Verbum ascivit, et Matrem eligens Virginem processit per uterum virginitate decoratum. Tu.

DOM. X. INFANT.

Semiduplex.

Si hæc Domin. fuerit ultima tempor. Infantiae omittitur et ejus loco ponitur Dom. XI. quæ sequitur.

Canones sequuntur Domin. in hæc Rubricâ.

IN I. NOCT.

De libro Numerorum.

CECTIO 1. c. 24. v. 15.

Dixit Balaam filius Beor: dixit ho-

mo, cujus obturatus est oculus: dixit auditor sermonum Dei, qui novit doctrinam Altissimi, et visiones Omnipotentis videt, qui cadens apertos habet oculos. Videbo eum, sed non modò: intuebor illum, sed non propè. Orietur stella ex Jacob, et consurget virga de Israël: et perculiet duces Moab, vastabitque omnes filios Seth. Tu. ♀. O puella. p. 65.

LECTIO 2.

Et erit Idumæa possessio ejus: hæreditas Seir cedet inimicis suis: Israel verò fortitèr aget. De Jacob erit qui dominetur, et perdat reliquias civitatis. Cumque vidisset Amalec assumens parabolam, ait: Principium gentium Amalec, cujus extrema perdentur. Tu. ♀. Una est. p. 65.

LECTIO 3.

Vidit quoque Cinæum, et assumptâ parabolâ, ait: Robustum quidem est habitaculum tuum: sed si in petrâ posueris nidum tuum, et fueris electus de stirpe Cin, quamdiu poteris permanere? Assur enim capiet te. Assumptâque parabolâ, iterum locutus est: Heu, quis victurus est, quandò ista faciet Deus? Venient in triremibus de Italiâ, superabunt Assyrios, vastabuntque Hebræos, et ad extremum etiâ ipsi peribunt. Tu. ♀. Revertere. p. 65.

IN II. NOCT.

Ex verbis Sancti Bonaventuræ Episcopi in Speculo Beatæ Virginis. Cap. 3.

LECTIO 4.

Considera, carissime, quòd Maria est stella purissima, sine peccato purissimè vivendo. Undè de eâ dici potest illud sapientiæ: Est enim hæc speciosior sole, et super omnem dispositionem stellarum, luci comparata invenitur purior. Qui-

dam legunt hic prior, quidam purior, utrumque verò stellæ nostræ competit. MARIA enim est prior, id est, potior, sive dignior. MARIA etiâ purior est sole, et stellis et luce, quia tam dignitate, quàm puritate solem, et stellas, et omnem lucem superat corporalem, immò etiâ spiritualem, idest, angelicam creaturam. Tu. ♀. Diffusa.

LECTIO 5.

Secundò considera, carissime, quòd MARIA est stella radiosissima, radii æterni emittendo, et Dei Filium pariendo. Ipsa enim est stella, de quâ dicitur in Numeris: Orietur stella Jacob, et consurget virga de Israel. Virga ista est Dei Filius, qui stellæ nostræ Mariæ est radius. Radius utique de quo cantatur: Sicut sidus radiarum. De quo etiam Beatus Bernardus ait: Nec sideri radius suam minuit claritatem, nec Virgini Filius suam virginitatem. Tu. ♀. Sicut cedrus.

LECTIO 6.

O verè beatissima! o verè radiosissima stella MARIA! cujus radius non solum mundum, immò etiâ cælum, et non solum cælum, immò etiâ infernum penetravit, sicut Beatus Bernardus scribens, ait: Ipsa est præclara et eximia stella ex Jacob orta, cujus radius universum orbem illuminat, cujus splendor etiâ in supernis præfulget, et inferos penetrat. Vides modò quomodò MARIA est stella purissima, purissimè vivendo: vides secundò, quomodò MARIA sit stella radiosissima Filium Dei pariendo. Tu. ♀. Specie tuâ. p. 65.

IN III. NOCT.

Lectio Sancti Evangelii secundum Joannem.

LECTIO 7. c. 5. v. 1.

In illo tempore: erat dies festus Ju-

dæorum, et ascendit JESUS Jerosolymam: Erat autem Jerosolymis probatica piscina. Et reliqua. Homilia Ven. Petri Blessensis.

In adv. Dom. Serm. 1.—In Bibliot. max. Patr. T. 3.

Probatica piscina beatam Virginem significat. Ipsa enim non solum ovina propter simplicitatem, et innocentiam dici potuit, sed etiam ovis. Agnum enim peperit, qui tollit peccata mundi. Præbabile enim fuit, si agnum peperit, quod ovis fuit. Descendit in eam magni consilii Angelus, et mota est triplici motione, scilicet, in separatione carnis, in remotione fomitis, in virtute benedictionis. Tu. 8. Dilexisti. p. 65.

LECTIO 8.

Cum obnubilaret eam virtus Altissimi, separavit ab eâ carunculam, ex quâ formata est caro Salvatoris. Extinctus est etiam in ea fomes ille naturalis, languor naturæ, ex quo surgunt in nobis illiciti motus, qui in nostrâ potestate non sunt. Benedictionem verò attulit illi Angelus dicens: Ave benedicta inter mulieres, id est, sola robusta inter molles. Mulier enim à mollitiæ sumitur, quasi mollier. Tu. 8. Omni glor. p. 65.

LECTIO 9.

Hæc est illa mulier fortis, de quâ scriptum est: Mulierem fortem quis inveniet? In cujus fortitudine dictum est diabolus: Ipsa conteret caput tuum. Antiquus enim ille Cereses duobus maxime cornibus impugnat nos, elatione animi et immunditiâ carnis. Hæc duo cornua contrivit in se illa mulier fortis, contraria contrariis curans, humilitate despiciens superbiam carnis, voto virginitatis carnis immunditiam. Tu. Te Matrem. p. 65.

*Ad. Benedict. ant. Erat Jerosolymis * probatica piscina, quæ Virginem Deiparam significabat.*

Oremus.

Oratio.

Concede nos, quæsumus, Omnipotens Deus, Beatæ MARIE semper Virginis precibus sublevari, per cujus ineffabilem partum procurasti salutis humanæ remedium. Per Dom.

CANON.

Ex S. Proclo Ep. Cycici.

An. 430.—Homil. In Ecc. Constant. Com. Eph. p. 1. n. 1. Concil.

Tom. V. p. 15.

83. Si ea, quæ «Vermum genuit,» virgo non permansit, neque is, qui natus est, aliud quàm purus homo extitit. Tu.

*Ad. Magnif. ant. Orietur Stella * ex Jacob, et consurget virga de Israel.*

CANONES.

Infra Hebd. 10. Infantiae.

Ex S. Cyrillo Ep. Alexandrino. An. 440. In Apolog. pro 12. capit. Tom. VI. Concil. p. 23.

83. Solus habuit Matrem nuptiis non expertam; et servavit Virginem eam, quæ ipsum peperit secundum carnem. Tu.

FERIA III.

Ex S. Petro Chrysologo.

An. 446.—Serm. 143.

84. Verè benedicta Virgo, quæ et virginitatis possidet decus, et Matris dignitatem: verè benedicta, quæ et superni conceptus meruit gratiam, et servavit integritatis coronam. Tu.

FERIA IV.

Ex S. Leone Papâ Primo.

Serm. de Nativ. Christi adan. 450.

85. Divina potestate subnixum est, quod virgo conceperit, quod virgo pepererit, quod virgo permanserit. Tu.

FERIA V.

Ex S. Leone Papâ Primo.

Serm. de Nativ. Christi.

86. Virgo regia davidicæ stirpis eligitur, quæ sacro gravidanda fœtu, divinam humanamque prolem prius conciperet mente, quam corpore. Tu.

FERIA VI.

Ex S. Leone Papâ Primo.

Ep. ad Flavian. — Concil. Tom.

8. p. 411.

87. Conceptus quippè est de Spiritu Sancto intra uterum Matris Virginis, quæ illum salvâ virginitate edidit, quemadmodâm salvâ virginitate concepit. Tu.

SABBATO.

Ex S. Isidoro Arch. Hispalensi.

An. 330. — Allegor. ex nov. Testam.

88. MARIA autem Ecclesiam significat, quæ cum sit desponsata Christo, virgo nos de Spiritu Sancto concepit, virgo etiâ parit. Tu.

DOM. XI. ET ULTIMA INF.

Semiduplex.

IN I. NOCT.

De libro Deuteronomii.

LECTIO 1. c. 1. v. 29.

Hæc sunt verba quæ locutus est Moyses ad omnem Israel: Nolite metuere, nec timeatis eos: Dominus Deus, qui ductor est vester, pro vobis ipse pugnabit, sicut fecit in Ægipto cunctis videntibus. Et in solitudine (ipse vidisti) portavit te Dominus Deus tuus, ut solet homo gestare parvulum filium suum, in omni viâ per quam ambulasti, donec veniretis ad locum istum. Tu. ¶ Opuella. p. 65.

LECTIO 2. c. 15. v. 11.

Dixit Dominus ad Moysen: non deerunt pauperes in terrâ habitationis tuæ: idcirco ego præcipio tibi, ut aperias manum fratri tuo

egeno, et pauperi, qui tecum versatur in terrâ. Cum tibi venditus fuerit frater tuus Hebræus, aut Hebræa, et sex annis servierit tibi, in septimo anno dimittes eum liberum. Tu. ¶ Una. p. 65.

LECTIO 3. c. 33. v. 2.

Et ait, «Moyses,» Dominus de Sinai venit, et de Seir ortus est nobis: apparuit de monte Pharan, et cum eo sanctorum millia. In dexterâ ejus ignea lex. Dilexit populos: omnes Sancti in manu illius sunt, et qui appropinquant pedibus ejus, accipient de doctrinâ illius... Et Benjamin ait: amantis-simus Domini habitavit confidentèr in eo: quasi in thalamo totâ die morabitur, et inter humeros illius requiescet. Tu. ¶ Revertere. p. 65.

IN II. NOCT.

Ex Bibliâ Marianâ Beati Alberti Magni, Episcopi. *In Deuteronom.*

LECTIO 4.

Beatissima Domina virgo MARIA dicitur infirmorum portatrix. Portavit enim Filium Dei pro nobis in utero sanctitatis, et nos portat in utero miserationis. Portavit te Dominus Deus tuus, et non soium ipse, sed et Dei Genitrix Virgo pia, ut solet homo gestare parvulum filium suum, quem tenerrimè diligit, nec laborare permittit. In omni viâ per quam ambulastis, nunquam defuit, donec veniretis ad locum istum. Tu. ¶.

LECTIO 8.

Item ipsa est soror nostræ paupertatis. Undè tenetur nobis ex constitutione legis subvenire. Non avertas oculos miserationis tuæ ô MARIA; à paupere fra tre tuo, scilicet, peccatore, qui licet peccator, et pauper sit, tamen frater tuus est per naturam. Non enim deerunt pauperes in terrâ habitatio-

nis tuæ, id est, in mundo. Non enim possunt esse divites, sicut tu, cui dictum est: ave gratiâ plena. Ideirco aperies festinantèr, hilaritèr, abundantèr manum subventionis, et defensionis fratri tuo egeno, et pauperi. Tu. *¶*. Sicut *p.* 65.

LECTIO 6.

Item ipsa est thalamus deliciarum Dei. Amantissimus Domini Benjamin, id est, Christus Filius Dei, in thalamo, id est, in MARIA totâ die morabitur, nullo vitio alienatus aliquandò. Undè ibi à quantibus inveniatur, et intra humeros illius requiescet, id est, inter bona opera. Item ipsa est Mater inflammationis, Mater custoditionis, Mater instructionis. De his tribus. In dexterâ ejus, id est, MARIA, ignea lex, id est, charitas, quâ sanctos faciliùs in amore sui succendit. Secundò omnes sancti ad custodiam in manu illius. Item, et qui appropinquant pedibus ejus. Glossa: ut discant, et humiliter accipiant de doctrinâ illius. Tu.

¶. Specie *p.* 65.

IN III. NOCT.

Lectio Sancti Evangelii secundum Joannem.

LECTIO 7. c. 17. v. 1

In illo tempore: sublevatis JESUS oculis in cælum, dixit: Pater venit hora, clarifica filium tuum, ut filius tuus clarificet te. Et reliqua.

Homilia S. Ambrosii Episcopi.

De Virginibus lib. 2.

Quantæ in unâ Virgine species virtutum emicant. Secretum verecundiæ, vexillum fidei, devotionis obsequium, virgo intra domum, comes ad ministerium, mater ad templum. O quantis ista virginibus occurret, quantas complexa ad Dominum trahet, dicens: hæc thorus filii mei, hæc thalamus nup-

tiales immaculato servavit pudore.

Tu. *¶*. Dilexisti *p.* 65

LECTIO 8.

Quemadmodum eas ipse Dominus commendabit Patri, nimirum illud et repetens suum: Pater sancte, istæ sunt, quas servavi tibi, in quibus filius hominis caput reclinans quievit: peto ut ubi ego sum, et ipsæ sint mecum. Sed non solum sibi debent prodesse, quæ non solæ vixerunt sibi: hæc parentes redimat, hæc fratres. Pater juste, mundus me non cognovit: istæ autem me cognoverunt, et mundum cognoscere noluerunt. Tu. *¶*. Omnis *p.* 65.

LECTIO 9.

Quæ pompa illa, quanta angelorum lætitia plaudentium, quòd habitaret Virgo in cælo, quæ cœlestem vitam vixit in sæculo? Tunc etiâ MARIA thympanum sumens choros virginales excitabit cantantes Domino, quòd per mare sæculi sine sæcularibus fluctibus transierunt. Tunc unaquæque exultabit, dicens: Introibo ad altare Dei, ad Deum, qui lætificat juventutem meam: Immolo Deo Sacrificium laudis, et reddo Altissimo vota mea. Tu. Te Matrem. *p.* 5.

Ad. Benedict. ant. Illustrame, * Domina, facie tuâ: clarifica me, Virgo clarissima.

Oremus.

Cordibus nostris, quæsumus Domine, gratiam tuam benignus infunde, et intercedente sanctissimâ Genetrice Dei MARIA corpora nostra castitate, et humilitate sanctifica. Per eundem Dom.

CANON.

Ex S. Hildephonso arch. Toletano. an. 667.—*Serm.* 1. in nativ.

B. V. M.

89. Virgo tam Sancta, ut ad eam venire Spiritus Sanctus sit

dignatus; tam speciosa, ut eam Deus elegerit; tam casta, ut potuerit esse Virgo post partum. Tu.

*Ad. Magnific. ant. Recordare, * Domina, paupertatis nostrae, et præsta nobis auxilium brachii tui.*

CANONES.

Infra Hebdomada. 11 Infant.

FERIA II.

Ex Concilio Toletano Undecimo. *an. 675.—In Præfatione.—Concil. T. 15 p. 309.*

90. Intacta «Deiparæ» Virginitas et virilem coitum nescivit, et fecundata per Spiritum Sanctum carnis materiam ministravit. Tu.

FERIA III.

Ex Statutis Synodalibus Ecclesiæ Cænomanensis.

An. 1247.—Mart. Tom. 8 col. 1371

91. Docere debent Presbyteri veri Dei Filium..... de Virgine natum esse, virginitate integrâ manente in conceptu, partu et nativitate. Tu.

FERIA IV.

Ex Statutis Synodalibus Ecclesiæ Claramontensis.

An. 1268. p. 1. cap. 3.—Mart. Tom. 7. col. 590.

92. Debent docere Presbyteri. Filium Dei esse natum de Virgine, Virginitate manente in conceptione, in partu et in nativitate. Tu.

FERIA V.

Ex S. Antonino Archiep. Florentino.

An. 1459.—Par. 4. tit. 25. c. 20 G. 10.

93. Beata MARIA Mater est omnium in Virginitate, quia prima sine præcepto, consilio, vel exemplo virginitatis munus obtulit, per quod omnes virgines per imitationem virginitatis genuit. Tu.

FERIA VI.

Ex Paulo Papâ Quarto.

Const. Cum quorund. an. 1555.

Bull. R. Tom. IV. p. 1 p. 322

94. Omnes et singulos, qui hactenus asseruerunt, dogmatizarunt, vel crediderunt... Beatissimam Virginem MARIAM non esse veram Dei Matrem, nec perstitisse semper in virginitatis integritate, ante partum scilicet, in partu et post partum, ex parte omnipotentis Dei Patris et Filii et Spiritus Sancti apostolicâ auctoritate requirimus. Tu.

SABBATO.

Ex Paulo Papâ Quinto.

Const. Imm. bonitatis.—an. 1615.

Ball. R. T. V. p. 4 pag. 183.

95. Una cum uberrimâ fecunditate florem Virginitatis illibatam perpetuò conservavit «Deus in Virgine» cujus virtutem et pulchritudinem sol et luna mirantur, natura obstupescit, infernus quoque contremiscit. Tu.

III.

PRÆGNATIO

B. MARIE V.

Ab ejus Infantia (seu à primâ Dominicâ Adventûs) usque ad ejus Partum.

RESPONSORIA.

Dicenda post Lectiones tempore Prægnat. tam in officio Dominicæ, quàm in feriali.

In I. Noct. et in II. et V.

Ferüs.

¶ 1. Rorate cœli desuper, et nubes pluant justum: * aperiatur terra, et germinet Salvatorem. ⁊. Ecce Virgo concipiet, et pariet Filium, et vocabitur nomen ejus JESUS.—Aperiatur.

¶ 2. Spiritus Sanctus in te des-

scendet, MARIA: * Ne timeas, habebis in utero Filium Dei. †. Ecce Virgo concipiet, et pariet Filium, dicit Dominus.—Ne.

‡. 3. Suscipe Verbum, Virgo MARIA, quod tibi à Domino per angelum transmissum est: * Concupies, et paries Daum pariter et hominem. †. Benedicta tu inter mulieres, et benedictus fructus ventris tui.—Concupies.—Gloria.—Concupies.

In II. Noct. et in III. et VI. Fer.

‡. 4. Spiritus Sanctus superveniet in te, et virtus Altissimi obumbrabit tibi: * Quod enim ex te nascetur sanctum vocabitur, Filius Dei. †. Ave MARIA, gratia plena, Dominus tecum.—Quod.

‡. 5. Egredietur virga de radice Jesse, et flos de radice ejus ascendet, * Et requiescet super eum Spiritus Domini. ‡. Orietur stella ex Jacob, et consurget virga de Israel.—Et.

‡. 6. Beata es, Virgo MARIA, quæ Dominum portasti Creatorem mundi: * Genuisti, qui te fecit, et in æternum permanes Virgo. ‡. Ave MARIA, gratia plena, Dominus tecum.—Genuisti.—Gloria.—Genuisti.

In III. Noct. et in fer. IV et Sabb.

‡. 7. Ecce Dominus veniet. et omnes sancti ejus cum eo. * Et erit in die illa lux magna. †. Ecce apparebit Dominus super nubem candidam, et cum eo sanctorum milia. Et.

‡. 8. Et ingressus Angelus ad MARIAM, dixit: * Ave gratia plena Dominus tecum. †. Ne timeas, MARIA: invenisti enim gratiam coram Domino.—Ave.

‡. 9. Benedicta, et venerabilis es, Virgo MARIA. * Quæ de

cælo suscepisti prolem, et mundo genuisti Srvatorem †. Virgo Dei Genitrix, quem totus non capit orbis, in tuâ se clausit viscera facit homo.—Quæ.—Gloria.—Quæ

LECTIONES

DE

SCRIPTURA,

*pro feriis Prægnat. seu adventus
et pro primo Noct. Festivitatibus
quæ toto hoc tempore proprias
non habuerint.*

PRO FERIIS II. PRÆGN.

De libro Proverbiorum.

LECTIO 1. c. 4. v. 20.

Fili mi, ausculta sermones meos, et ad eloquia mea inclina aurem tuam. Ne recedant ab oculis tuis, custodi ea in medio cordis tui: vita enim sunt invenientibus ea, et universæ carni sanitas. Tu. ‡. Rorate. p. 96.

LECTIO 2.

Omni custodiâ serva cor tuum, quia ex ipso vita procedit. Remove à te cor pravam, et detrahentia labia sint procu à te. Oculi tui recta videant, et palpebræ tuæ præcedant gressus tuos. Dirige semitam pedibus tuis, et omnes viæ tuæ stabilientur. Tu. ‡. Spiritus. p. 96.

LECTIO 3.

Ne declines ad dexteram, neque ad sinistram averte pedem tuum à malo: vias enim, quæ à dextris sunt, novit Dominus: perversæ verò sunt, quæ à sinistris sunt. Ipse autem rectos faciet cursus tuos, itinera autem tua in pace producet. Tu. ‡. Suscipe verb. p. 97.

PRO FERIIS III.

De libro Proverbiorum.

LECTIO 1. c. 5. v. 1.

Fili mi, attende ad sapientiam meam, et prudentiæ meæ inclina aurem tuam, ut custodias cogita-

tiones, et disciplinam labia tua conservent. Ne attendas fallaciæ mulieris, favus enim distillans labia meretricis, et nitidius oleo guttur ejus: novissima autem illius amara quasi absinthium, et acuta, quasi gladius biceps. Tu. *Æ. Spir. Sanct.*

LECTIO 2. v. 7.

Nunc ergo, fili mi, audime, et ne recedas à verbis oris mei. Bibe aquam de cisternâ tuâ, et fluenta putei tui: deriventur fontes tui foras, et in plateis aquas tuas divide. Habeto eas solus, nec sint alieni participes tui. Tu. *Æ. Egrediet p. 97.*

LECTIO 3. v. 18.

Sit vena tua benedicta, et lætare eum muliere adolescentiæ tuæ: cerva charissima, et gratissimus hinnulus. Ubra ejus inebrient te in omni tempore, in amore ejus delectare jugiter. Quare seduceris fili mi ab alienâ, et foveris in sinu alterius. Respicit Domipus vias hominis, et omnes gressus ejus considerat. Tu. *Æ. Beataes Virgo. p. 97.*

PRO FERIIS IV.

De libro Proverbiorum.

LECTIO 1. c. 6. v. 1.

Fili mi, si sponderis pro amico tuo, defixisti apud extraneum manum tuam, illaqueatus es verbis oris tui, et captus propriis sermonibus. Fac ergo quod dico, fili mi, et temetipsum libera: quia incidisti in manum proximi tui. Discurre, festina, suscita amicum tuum. Tu. *Æ. Ecce Dom. p. 97.*

LECTIO 2. v. 6.

Vade ad fornicam, ò piger, et considera vias ejus, et discite sapientiam: Quæ cum non habeat ducem, nec principem, parat in æstate cibum sibi, et congregat in messe, quod comedat. Usquequò piger dormies? Quando consurges à somno tuo? Tu. *Æ. Et ingress. p. 97.*

LECTIO 3. v. 20.

Conserva, fili mi, præcepta patris tui, et ne dimittas legem matris tuæ. Liga ea in corde tuo jugiter, et circumda gutturi tuo. Cum ambula-veris, gradientur tecum: cum dormieris, custodient te, et evigilans loquere cum eis. Quia mandatum lucerna est, et lex lux, et via vitæ increpatio disciplinæ. Tu. *Æ. Benedict. p. 97.*

PRO FERIIS V.

De libro Proverbiorum.

LECTIO 1. c. 7. v. 1.

Fili mi, custodi sermones meos, et præcepta mea reconde tibi. Fili, serva mandata mea et vives: et legem meam, quasi pupilam oculi tui: liga eam in digitis tuis, scribe illam in tabulis cordis tui. Dic sapientiæ: soror mea es, et prudentiam voca amicam tuam, ut custodiant te à muliere extraneâ, et ab alienâ, quæ verba sua dulcia facit. Tu. *Æ. Rorate cœli. p. 97.*

LECTIO 2. c. 8. v. 1.

Nunquid non sapientia clamitat, et prudentia dat vocem suam? In summis excelsisque verticibus supra viam, in mediis semitis stans, juxta portas civitatis in ipsis foribus loquitur, dicens: ó viri, ad vos clamito, et vox mea ad filios hominum. Tu. *Æ. Spiritus. p. 97.*

LECTIO 3.

Intelligite parvuli astutiam, et insipientes animadvertite. Audite, quoniàm de rebus magnis locutura sum: et aperientur labia mea, ut recta prædicent. Veritatem meditabitur guttur meum, et labia mea detestabuntur impium. Tu. *Æ. Suscipe Verb. p. 97.*

PRO FERIIS VI.

De libro Proverbiorum.

LECTIO 1. c. 8.

Justi sunt omnes sermones mei, non est in eis prævum quid, neque

perversum. Recti sunt intelligentibus, et æqui invenientibus scientiam. Accipite disciplinam meam, et non pecuniam: doctrinam magis, quàm aurum eligite. Melior est enim sapientia cunctis pretiosissimis: et omne desiderabile ei non potest comparari. Tu. ʒ. Spiritus Sanctus. p. 97.

LECTIO 2.

Ego sapientia habito in consilio, et eruditis intersum cogitationibus. Timor Domini odit malum: arrogantiam, et superbiam, et viam pravam, et os lingue detestor. Meum est consilium, et æquitas, mea est prudentia, mea est fortitudo. Tu. ʒ. Egrediatur. p. 97.

LECTIO 3.

Per me reges regnant, et legum conditores justa decernunt: per me principes imperant, et potentes decernunt iustitiam. Ego diligentes me diligo: et qui manè vigilant ad me, invenient me. Mecum sunt divitiæ et gloria, opes superbæ, et iustitia. Tu. ʒ. Beata. p. 97.

IN SABBATIS.

De libro Proverbiorum.

LECTIO 1. c. 8. v. 19.

Melior est enim fructus meus auro, et lapide pretioso, et genimina mea argento electo. In viis iustitiæ ambulo, in medio semitarum iudicii, ut ditem diligentes me, et thesauros eorum repleam. Dominus possedit me in initio viarum suarum, antequàm quidquam faceret à principio. Tu. ʒ. Ecce Dominus. p. 97.

LECTIO 2.

Ab æterno ordinata sum, et ex antiquiis antequàm terra fieret. Nondùm erant abyssi, et ego jam concepta eram: necdùm fontes aquarum eruperant: necdùm montes gravi mole constiterant: ante colles ego parturiebar. Adhuc terram

non fecerat, et flumina, et cardines orbis terræ. Quando præparabat celos, aderam: quando certâ lege et gyro vallabat abyssos. Tu. ʒ. Elingr. p. 97.

LECTIO 3.

Quando ætlera firmabat sursùm, et librabat fontes aquarum: quando circumdabat mari terminum suum, et legem ponebat aquis, ne transirent fines suos: quando appendebat fundamenta terræ. Cum eo eram cuncta componens, et delectabar per singulos dies, ludens coram eo omni tempore: ludens in orbe terrarum, et deliciæ meæ esse cum filiis hominum. Tu. ʒ. Benedicta. p. 97.

IN SABBATIS ADVENT.

AD VESPER.

Antiph. et Psalm. ut in Psalter.

CAPITULUM. *Isaias. c. 7. v. 14.*

Ecce Virgo concipiet, et pariet filium, et vocabitur nomen ejus Emmanuel. Bulhyrum et mel comedet, ut sciat reprobare malum, et eligere bonum. ʒ.

Hymnus 38. *Brev. Convenarum.*

Instantis adventum Dei

Poscamus ardenti prece
Festisque munus inclitum
Præocupemus canticis.

Æterna proles Feminæ

Non horret includi sinu:
Fit ipse servus, ut iugo
Nos servitutis eximat.

Mansuetus et clemens venit:

Occurre, festina, Sion:
Ultrò tibi quam porrigit,
Ne dura pacem respuas.

Sit laus Patri, laus Filio,

Sit par tibi laus, Spiritus,

Quo dante Virgo concipit.

Manetque semper integra. Amen

ʒ. Prophetæ prædicaverunt.

ʒ. Nasci Salvatorem de Virgine

MARIA.

*Ad. Magnif. ant. Ecce Virgo **
concepit, et Virgo permanens pariet Filium, qui vocabitur Emmanuel. *Oratio de Laudibus.*

DOMIN. I. PRÆGN.

Semidupl. 1. Classis.

Hæc Dominica nunquam omittitur, et si aliqua in ea occurrat festivitas, transfertur.

Omnia dicuntur, ut in Psalterio, præter sequentia.

*Invitator. Deum, quem concepit Virgo, * Venite adoremus. Psalm. invit. Venite exult. p. 1.*

HYMNUS 39. *S. Ambr.*

Veni, Redemptor gentium,
Ostende partum Virginis:
Miretur omne sæculum,
Talis decet partus Deum.

Non ex virili semine
Sed mystico spiramine,
Verbum Dei factum caro
Fructusque ventris floruit.

Alvus tumescit Virginis,
Clastrum pudoris permanet,
Vexilla virtutum micant,
Versatur in templo Deus.

Procedens de thalamo suo,
Pudoris aula regia:
Geminæ gigas substantiæ
Alacris ut currat viam.

Sit laus Patri, laus filio. &c.

IN I. NOCT.

De Isaiâ Prophetâ.

LECTIO 1. c. 7. v. 10.

Et adjecit Dominus loquid Achaz, dicens: Pete tibi signum à Domino Deo tuo in profundum inferni, sive in excelsum supra. Et dixit Achaz: non petam, et non tentabo Dominum. Et dixit: audite ergo domus David: nunquid parum vobis est, molestos esse hominibus, quia molesti estis et Deo meo? Tu. ꝑ. Rorate. p. 96.

LECTIO 2.

Propter hoc dabit Dominus ipse vobis signum. Ecce virgo concipiet, et pariet Filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum. Quia antequàm sciat puer reprobare malum, et eligere bonum, derelinquetur terra, quam tu detestaris à facie duorum regum suorum. Tu. ꝑ. Spiritus p. 96.

LECTIO 3.

Adducet Dominus super te, et super populum tuum, et super domum patris tui, dies qui non venerunt à diebus separationis Ephraim à Juda cum rege Assiriorum. Et erit in die illâ, sibilabit Dominus muscæ, quæ est in terrâ Assur. Et venient et requiescent omnes in torrentibus vallium, et in cavernis petrarum, et in universis foraminibus. Tu. ꝑ. Suscipe. p. 97.

IN II. NOCT.

Sermo Sancti Maximi Episcopi.

Homilia 2. in Natal. Domini.

LECTIO 4.

Non mirum sanè, si extitit divina Nativitas, ubi non erat humana conceptio: aut si illam Matrem non violavit partus, quam coitus non sœdavit. Ille quondam futurorum conscius Isaias populis et gentibus signum novæ salutis aperiens, ecce, inquit, virgo in utero concipiet, et pariet Filium, et vocabunt nomen ejus Emmanuel, quod interpretatur, Nobiscum Deus. Tu. ꝑ. Spiritus S. p. 97.

LECTIO 5.

Atque ut advertamus novi ac veteris testamenti unum esse consensum, unumque consilium, ait etiàm beatissimus Lucas, Dominicæ generationis relator egregius, dicens: missus est Angelus Gabriel à Deo ad Virginem desponsatam viro, cui

nomen erat JOSEPH, et ait ad illam: ecce concipies in utero, et paries Filium, et vocabis nomen ejus JESUM. JESUS autem, carissimi, latino sermone Salvator dicitur. Tu. *¶*. Egrediet. p. 97.

LECTIO 6.

Ecce qualiter se invicem concordantibus, et cum prædicantium diversa sint tempora, non tamen diversa narratio. Nam partum Virginis quem ille prædixerat, iste testatur. Quis igitur intactæ puerperæ alvum dubitet floruisse, quod uno pene ore, atque eodem spiritu proloquuntur Evangelista, Angelus, et Propheta. Tu. *¶*. Beata. p. 97.

IN III. NOCT.

Lectio Sancti Evangelii secundum Lncam.

LECTIO 1. c. 1. v. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsalam viro. Et reliqua.

Homilia Sancti Bernardi Abbatis.

SERM. 2. IN PENTEC.

Missus est coluber tortuosus à diabolo, ut venenum per aures mulieris in ipsius mentem transfunderet in totius posteritatis originem. Missus est interim Gabriel Angelus à Deo, ut Verbum Patris per aures Virginis in ventrem et mentem ipsius eruclaret, ut eadem viâ intraret et antidotum, quâ venenum intraverat. Tu. *¶*. Et ingressus. p. 97.

LECTIO 8.

Christus ergo medicinam primum apposuit, ubi primus vulnere patebat locus, et substantialiter utero Virginis illapsus, de Spiritu Santo conceptus est, ut conceptionem nostram mundaret, quam Spiritus malus si non tegerat, tamen infece rat: ut non esset etiâ in utero

vita ejus ociosa, dum novem mensibus purgat vulnus antiquum, scrutans, ut dicitur, usque ad imum putredinem virulentam, ut sanitas æternæ succederet. *¶* Et tunc jam operabatur salutem in medio terræ, in utero videlicet Virginis MARIÆ, qui mirabili proprietate terræ medium appellatur. Tu. *¶*. Et ingres. p. 97.

LECTIO 9.

AD MARIAM enim, sicut ad medium, sicut ad arcam Dei, sicut ad rerum causam, sicut ad negotium omnium sæculorum respiciunt, et qui in cœlo habitant, et qui in inferno, et qui nos præcesserunt, et nos qui sumus, et qui sequuntur, et nati natorum, et qui nascentur ab illis. Illi qui sunt in cœlo, ut resarciantur: et qui in inferno, ut eripiantur: qui præcesserunt, ut prophetæ fideles inveniantur: qui sequuntur, ut glorificentur. Eo beatam te dicunt omnes generationes, Genitrix Dei, Domina mundi, Regina cœli. Tu. *¶*. Benedic'a. v. 97.

In advent. non dicitur Te Matr.

AD LAUDES.

Capitul. Ecce virgo concipiet, etc. *Ut in Vesp.* p. 99

HYMNUS 40. Brev. Rom.

Creator alme siderum,
Æterna lux credentium,
JESU, Redemptor omnium,
Intende voci supplicum.

Qui dæmonis ne fraudibus
Periret orbis, impetu
Amoris actus, languidi
Mundi medela factus es.

Commune qui mundi nefas
Ut expiaret, ad crucem,
E Virginis sacrario
Intacta prodis victima.

Sit laus Patri, laus Filio &c.

†. Rorate cœli desuper, et nubes pluant justum.

¶. Aperiatur terra, et germinet
Salvatorem.

Ad Benedict. *ant.* Gaude MARIA
Virgo, * quia in te, et per te, et de
te benigna manus Omnipotentis
quidquid creaverat, recreavit, al-
leluia.

Oremus. *Oratio.*

Excita, quæsumus Domine, po-
tentiam tuam et veni; ut te, quem in
virginali utero conceptum credi-
mus, in cordibus nostris suscipere
valeamus. Qui vivis et regnas.

*Suffragia Sanctor. non dicuntur
hoc tempore.*

Ad Horas, omnia ut in Psalterio.

IV.

VIRGO PRÆGNANS.

CANON.

Ex Felice Papâ primo.

Ep. 4. ad Maxim. Ep. et cleric.

Alexandriæ an. 272. Concilior.

Tom. 1. pag. 367.

96. De Incarnatione Verbi, et
fid credimus in Dominum nostrum
JESUM Christum, ex MARIA Vir-
gine natum, quoniam ipse est æter-
nus Dei Filius..... incarnatus ex
Virgine. Tu.

IN II. VESP.

Capitul. ut in primis. Ecce Virgo.

Hymnus. 41. J. M. Caryophil.

Carnem dedisti Verbo,
Verbum tibi se totum,
Deo Deorum plena,
Dans plena, sumens plena.

Verbo creatus orbis,

Te recreatus orbis:

Per illud salus facta

Per te salus peracta.

Quod fit bonum, fit Verbo,

Per te fit omne bonum:

Et facta Verbo fiunt,

Perfecta per te fiunt.

Sed justus ille Iudex,

Tu Mater advocata:

Tu spes, et ille terror,

Hoc distat, hoc est impar.

Doxologia de tempore.

†. Prophetæ prædicaverunt.

¶. Nasci Salvatorem de Virgine
MARIA.

Ad Magnif. *ant.* Ecce Dominus *
veniet, et non tardabit; et erit in
die illâ lux magna.

Oratio de Laudib.

CANONES.

Dicendi Infra Hebdom. 1. Prægnat.

FERIA II.

Ex S. Eutichiano Papâ.

Ep. 1. ad Joan: et ad Eps. Bæti-
cæ. an. 273.—Conc. Tom. 1.

p. 571.

97. Humani generis causâ Dei
Filius natus ex Virgine est et Spi-
ritu Sancto, ipso sibi in hac opera-
tione famulante, et suâ, Dei vide-
licet, innumbrante virtute, corporis
sibi initia concevit, et exordia car-
nis instituit, ut homo factus ex Vir-
gine, naturam in se carnis accipe-
ret..... Tu.

FERIA III.

Ex Concilio Nicæno Primo.

an. 325. c. 19.—Conc. 7. Tom. 2.

p. 118.

98. Dei Verbum, quod fuit ante
sæcula, Filius ipsius ad quem di-
xit: Faciamus hominem, et quæ se-
quuntur, ipsum rursùm in diebus
novissimis et Patris et suâ senten-
tiâ homo factus est, incarnatum ex
Virgine propter eum qui lapsus est,
Adamum. Tu.

FERIA IV.

Ex Concilio Nicæno Primo.

an. 325. c. 23. Conc. Tom. 2.

p. 423.

99. Quomodo dispensatio in car-
ne Domini facta sit, nullus neque
angelorum, nec ipse Gabriel, qui
eidem mysterio ministravit neque
omniñò sancta, pura, et casta Virgo
MARIA consequi poterit totam hu-

jus Dei Verbi incarnationis intelligentiam: ipse etenim solus unigenitus Dei JESUS exactè novit suam propter nos inhumationem. Tu.

FERIA V.

Ex Concilio Toletano Primo.

ann. 400. *Concil. Tom. 3. pr 576.*

100. Filium Dei «credimus,» Deum natum à Patre ante omne omninò principium, sanctificasse uterum MARIE Virginis, atque ex eà verum hominem sine virili generatum semine suscepisse, duabus dumtaxat naturis, id est, deitatis et carnis in unam convenientibus omninò personam, id est, Dominum nostrum JESUM Christum. Tu.

FERIA VI.

Ex S. Julio Papà Primo.

Ex Ep. ad Docinum in Conc. Eph. lecta.—Concil. T. V. p. 499.

101. Ad fidei plenitudinem incarnatus quoquè Dei Filius ex MARIA Virgine prædicatur, atque inter homines moratus..... perfectus Deus in carne, et homo perfectus in Spiritu. Tu.

SABBATO.

Ex S. Leone Papà Primo.

Ep. 97. ad Leon. Aug.—Conc. t. 6. p. 237.

102. De Domini Incarnatione confitemur et credimus, qui ad salutem humani generis reformatam, carnem nostræ fragilitatis, non de cælo secum detulit, sed in utero Virginis Matris assumpsit. Tu.

DOMIN. II. PRÆGN.

Semid. 2. Class.

Omnia ut in Dom. 1. ado. p. 100. præter sequentia. Hæc Dom. si incidat in festum Immacul. Conceptionis omittitur, et fit de eà commemoratio tantùm recitando ejus Homil. pro nonâ lectione.

IN I. NOCT.

De Isaiâ Prophetâ.

LECTIO 1. c. 8. v. 1.

Et dixit Dominus ad me: sume tibi librum grandem, et scribe in eo stylo hominuis: velociter spolia detrahe, citò prædare. Et adhibui mihi festes fideles, Uriam sacerdotem, et Zachariam Filium Barachîæ: et accessi ad Prophetisam, et concepit et peperit Filium. Tu. ¶ Rorate. p. 96.

LECTIO 2.

Et dixit Dominus ad me: voca nomen ejus: accelera spolia detrahere: Festina prædari. Quia antequàm sciat puer vocare patrem suum, et matrem suam, auferetur fortitudo Damasci, et spolia Samariæ coram rege Assyriorum. Tu. ¶ Spiritus Sanct. p. 96.

LECTIO 3.

Et adjecit Dominus loqui ad me adhuc dicens: pro eo quod abjecit populus iste aquas Siloe, quæ cadunt cum silentio, et assumpsit magis Rasin, et filium Romeliæ: propter hoc ecce Dominus adducet super eos aquas fluminis fortes, et multas, regem Assyriorum, et omnem gloriam ejus. Tu. ¶ Suscipe Verb. p. 97.

IN II. NOCT.

Ex commentario Sancti Basilii Episcopi super caput octavum Isaiæ.

LECTIO 4.

Nemo autem negaturus est MARIAM esse Prophetissam, ad quam accessit Isaias per cognitionis accessum; si modò ejus verba spiritu prophetico putata revocet in memoriam. Quid enim ait: Magnificat anima mea Dominum. Et exultavit spiritus meus in Deo salutari meo: quia respexit humilitatem ancillæ suæ. Ecce enim ex hoc beatam me dicent omnes generationes. Tu. ¶ Spiritus. p. 97.

LECTIO 5.

Et certè omnia illius verba si expendas, nequaquam dubitabis, quin eam quoquè dicas Prophetissam, cum Domini Spiritus supervenerit in Ipsam, et virtus Altissimi ei obumbraverit. Quòd igitur scribere iussus est Propheta in hoc tomo, simul ut appropinquavit ad prophetissam, id jam factum vidit. Tu. ꝑ. Egre dietur. p. 97.

LECTIO 6.

Hic autem, qui natus est ex Prophetis et virtutem Damasci, et spolia capit. Virtus Damasci ii sunt, qui ex gentibus credunt: spolia verò Samariæ, qui ex circumcissione fidem sunt amplexi. Cæterum data, mandata gestaue fortia ejus, qui ex prophetissâ natus est, vice nominum ipsi imponuntur à Domino, perindè ut et nomen JESUS eidem Domino aptatum est ob salutem nobis à Deo impertitam. Tu. ꝑ. Beata es. p. 97

IN III. NOCT.

Lectio S. Evangelii secundum Lucam.

LECTIO 7. c. 1. v. 28.

In illo tempore: Ingressus Angelus ad MARIAM, dixit: Ave gratiâ plena, Dominus tecum. Et reliqua.

Homilia S. Bernardi Abbatis.

Hom. 3. super missus.

Legimus in actibus Apostolorum, et Stephanum plenum gratiâ et apostolus fuisse repletos Spiritu Sancto, sed longè dissimilièr à MARIA. Alioquin nec in illo habitavit plenitudo divinitatis corporalièr, quemadmodum in MARIA. Nec illi conceperunt de Spiritu Sancto, quomodo MARIA. Ave, inquit, gratiâ plena, Dominus tecum. Quid mirum si gratiâ plena erat, cum quâ Dominus erat. Tu. ꝑ. Ecce Dominus. p. 97.

LECTIO 8.

Sed hoc potiùs mirandum, quomodò qui angelum miserat ad Virginem, ab angelo inventus est esse cum Virgine. Itane velocior angelo fuit Deus, ut festinantem nuntium celerior ipse præveniret ad terras? Nec mirum. Nam cum esset rex in accubitu suo, nardus Virginis dedit odorem suum, et ascendit in conspectu gloriæ ejus fumus aromatis, et invenit gratiam coram oculis Domini, clamantibus qui circumstant: Quæ est ista, quæ ascendit per desertum sicut virgula fumi ex aromatibus myrrhæ et thuris? Tu. ꝑ. Et ingress. p. 97.

LECTIO 9.

Satimque rex egrediens de loco sancto suo exultavit, ut gigas ad currendum viam: et licet à summo cœlo egressio ejus, nimio tamen pervolans desiderio prævenit suum nuntium ad Virginem, quam amaverat, quam sibi elegerat, cujus decorem concupierat: Quem prospiciens à longè venientem gratulans et exultans ait Ecclesia: ecce venit is saliens in montibus, transiliens colles. Tu. ꝑ. Benedicta. p. 97.

Ad Benedict. ant. Ecce Dominus * veniet et non tardabit, et erit in die illâ lux magna.

Oremus.

Oratio.

Excita, quæsumus Domine, potentiam tuam, et veni; ut per Nativitatem tuam de Virgine Matre corda nostra cœlesti repleantur lætitiâ. Qui vivis et regnas.

CANON.

Ex S. Leone Papâ Primo

Const. 51. Sollicitudini meæ, an.

449.—*Bull. R. T.* 5: p. 39.

103. Veritas, sicut propheta ait, de terrâ orta est, et sic Verbum Virgo MARIA concepit, ut unien-
dam sibi carnem de suâ substantiâ

ministraret. Tu.

Ad. Magnif. ant. Deus * à Libano
venient, et splendor ejus sicut lu-
men erit.

CANONES.

Infra Hebdom. 2. Prægn. dicendi.

FERIA II.

Ex S. Pelagio Papâ.

Ep. 16. ad Childeb. Regem.—
Concil. T. 12. p. 527.

104. Sancto Spiritu superve-
niente in beatâ Virgine MARIA at-
que obrumbantei virtute Altissimi,
eundem Verbum ac Filium Dei in
utero ejusdem Sanctæ Virginis MA-
RIÆ, clementer ingressum, et de
carne ejus sibi unisse carnem animâ
rationali et intellectuali animatam..
credimus. Tu.

FERIA III.

Ex S. Gregorio Papâ Primo.

Ep. 67. ad Quiric.

105. Non prius in utero Virginis
caro concepta est, et postmodum
divinitas venit in uterum; sed mox
ut Verbum venit in uterum, mox
Verbum servatâ propriæ virtutis
naturæ factum est caro. Tu.

FERIA IV.

Ex S. Gregorio Papâ Primo.

Ep. 1. ad Episc. Hiberniæ—Conc.
T. 14. p. 134.

106. Eadem Virgo et ancilla
Domini dicitur et Mater: ancilla
enim Domini, quia Verbum ante
sæcula Unigenitus æqualis est Pa-
tri; Mater verò, quia in ejus visce-
ribus ex Sancto Spiritu de ejusque
carne factus est homo. Tu.

FERIA V.

Ex Concilio Toletano Quarto.

an. 633. cap. 1.—Concil. T. 14.
p. 481.

107. Incarnatus est ex Spiritu
Sancto et sanctâ et gloriosâ Dei
Genitrice Virgine MARIA, et natus

Dom. III Adv.

103
est ex ipsâ solus idem Dominus
noster JESUS Christus. Tu.

FERIA VI.

Ex S. Joanne Papâ Quarto.

Ep. 2. ad Constantin. Imp—Con-
cil. T. 14. p. 570.

108. Carnem Dominus veram
suscepit ex intemeratâ et beatâ Vir-
gine Dei Genitrice, consubstantia-
lis nobis effectus. Tu.

SABBATO.

Ex Concilio Lateranensi.

an. 649. Verb. S. Martin. P. Præs.
Conc. scr.: 1.—Conc. T. 15.

P. 69.

109. Sine semine conceptus in-
corruptè de Virgine processit ipse,
qui propter nos incarnatus est
Deus. Tu.

DOMIN. III. ADV.

Scm. 2. Class.

Omnia ut in Dom. 1. præg. p.
100 præter sequentia.

IN I. NOCT.

De Isaïæ Propheta.

LECTIO 1. c. 11. v. 1.

Et egreditur virga de radice Jes-
se, et flos de radice ejus ascendet.
Et requiescet super cum Spiritus
Domini: Spiritus sapientiæ et intel-
lectus; Spiritus consilii et fortitu-
dinis; Spiritus scientiæ et pietatis;
et replebit eum Spiritus timoris
Domini. Tu. ¶ Rorate. p. 96.

LECTIO 2.

Non secundum visionem oculorum
judicabit, neque secundum audi-
tum aurium arguet: sed judicabit
in justitiâ pauperes, et arguet in
æquitate pro mansuetis terræ: et
percutiet terram virgâ oris sui, et
spiritu laborum suorum interficiet
impium. Et erit justitiâ cingulum
lumborum ejus, et fides cinctorium
renum ejus. Tu. ¶ Spiritus S. p. 96.

LECTIO 3.

Habitabit lupus cum agno: et pardus cum hædo accubabit: vitulus et leo et ovis simul morabuntur, et puer parvulus minabit eos. Vitulus et ursus pascentur: simul requiescent catulieorum: et leo quasi bos comedet paleas. Et delectabitur infans ab ubere super foramine aspidis: et in cavernâ reguli, qui ablactatus fuerit, manum suam mittet. Tu. *¶*. Suscipe. p. 97.

IM II. NOCT.

Ex commentario Sancti Hieronymi Presbyteri super caput undecimum Isaiaë.

LECTIO 4.

Egredietur virga de radice Jesse. Usque ad principium visionis, vel ponderis Babylonis, quod vidit Isaia Filius Amos, omnis prophetia de Christo est, quam per partes volumus explanare, ne simul proposita, atque diserta, lectoris confundant memoriam. Virgam et florem de radice Jesse ipsum Dominum Judæi interpretantur: quod scilicet in virgâ regnantis potentia, in flore pulcritudo monstretur. Tu. *¶*. Spiritus S. p. 97,

LECTIO 5.

Nos autem virgam de radice Jesse Sanctam MARIAM Virginem intelligamus, quæ nullum habuit sibi fructicem cohærentem, de quâ et supra legimus: ecce Virgo concipiet, et pariet Filium. Et florem Dominum Salvatorem, qui dicit in Cantico canticorum. Ego flos campi et lilium convallium. Tu. *¶*. Egredietur. p. 97.

LECTIO 6.

Super hunc igitur florem, qui de trunco, et radice Jesse per MARIAM Virginem repente consurget, requiescet Spiritus Domini: quia in ipso complacuit omnem pleni-

tudinem divinitatis habitare corporaliter: nequaquam per partes, ut in cæteris sanctis. Tu. Beata es p. 97.

IN III. NOCT.

Lectio Sancti Evangelii secundum Lucam.

LECTIO 7. c. 1. v. 34.

In illo tempore: dixit MARIA ad Angelum: Quomodo fiet istud, quoniam virum non cognosco? Et reliqua.

Homilia Sancti Ambrosii Episcopi.

In Luc. libr. 2.

Videtur hic non credidisse MARIA, nisi diligentè advertas: neque enim fas est, ut electa ad generandum unigenitum Dei Filium fuisse videatur incredula. Quo ergo modo fieri posset, ut Zacarias, qui non crediderat, silentio condemnatur: MARIA autem, si non credidisset Spiritus Sancti infusione exaltaretur? Sed neque non credere MARIA, neque tam temerè debuit usurpare divina. Tu. *¶*. Ecce Dominus. p. 97.

LECTIO 8.

Neque enim facile erat scire mysterium absconditum à sæculo in Deo, quod nec superiores potestates scire potuerunt. Et tamen non fidem renuit, non officium refutavit, sed accomodavit affectum, spopondit obsequium. Etenim cum dicit: quomodo fiet istud? non de effectu dubitavit, sed qualitatem ipsius inquisivit. Tu. *¶*. Et ingressus. p. 97.

LECTIO 9.

Quanto temperatio ista responsio, quam verba sunt saderdotis? Hæc ait: quomodo fiet istud? Ille respondit: undè hoc sciam? Hæc jam de negotio tractat: ille adhuc de nuntio dubitat. Negat ille credere, qui negat scire, et quasi

fidei alium quærit auctorem: ista se facere profiteretur, nec dubitat esse faciendum, quod quomodo fieri possit inquit. Tu. *¶* Benedicta. 97.

Ad. Benedict. ant. Ne timeas MARIA: * Spiritus Sanctus super-veniet in te, et virtus Altissimi obumbravit tibi.

Oremus. *Oratio.*

Excita quæsumus Domine, potentiam tuam, et veni, et nobis magnâ virtute succurre, ut qui Te de Virgine naturum speramus, fides nostra tuo adventu roboretur. Qui vivis et reg.

CANON.

Ex Concilio Toletano Undecimo.
An. 675. Conc. Tom. 15. p. 509.
in Præfat.

110. De tribus personis solam Filii personam pro liberatione humani generis hominem verum sine peccato de Sanctâ et Immaculatâ Virgine credimus assumpsisse de quâ novo ordine, novâque nativitate est genitus. Tu.

Ad. Magnific. ant. (nisi dicenda sit ant. O) Beata es MARIA, * quia quod nascetur ex te sanctum vocabitur Filius Dei.

CANONES.

Infra hebdom. 3. Præg. dicendi.

FERIA II.

Ex Concilio Toletano Undecimo.
An. 675. in Præfat.—Tom. 15.
p. 509.

111. Cum unus substantiæ credamus esse Patrem et Filium et Spiritum Sanctum, non tamen dicimus, ut hujus Trinitatis unitatem MARIA Virgo genuerit, sed tantum modò Filium, qui solus naturam nostram in unitate personæ suæ assumpsit Tu.

FERIA III.

Ex Concilio Toletano Undecimo.
ut. sup. p. 510.

112. De Patre sine Matre ante sæcula «Christus» est genitus, et in fine sæculorum de Matre sine Patre est generatus: qui tamèn secundum quod Deus est, creavit MARIAM, secundum quod homo, creatus est à MARIA: ipse et Pater Matris et Filius. Tu.

FER. IV. QUAT. TEPOR.

Omnia ut in officio fer. cum.
seq. Lection.

Lectio Sancti Evangelii secundum Lucam.

LECTIO 1. c. 1 v. 26

In illo tempore: missus est angelus Gabriel à Deo in civitatem Galilææ, cui nomen Nazareth ad Virginem desponsatam viro. Et reliqua.

Homilia Sancti Ambrosii Episcopi.

In Luc. libr. 2.

Latent quidè̃ divina mysteria, nec facile juxta propheticum dictum, quisquam hominum potest scire consilium Dei, sed tamen in cæteris factis, atque præceptis Domini Salvatoris possumus intelligere, et hoc propensionis fuisse consilii, quod ea potissimum electa est, ut Dominum pareret, quærat desponsata viro. Tu. *¶* Ecce 97.

LECTIO 2.

Cur autem antequàm desponsaretur, impleta es? Fortasse ne diceretur quod conciperet ex adulterio. Et benè utrumque posuit scriptura: ut et desponsata esset, et virgo: virgo, ut expers virili consortio videretur: desponsata, ne temerata virginitalis adureretur infamiâ cui gravis alvus corruptæ videretur insigne præferre. Tu. *¶* Et ingresus. p. 97.

LECTIO 3.

Maluit autem Dominus aliquos de suo ortu, quàm de Matris pudore dubitare: sciebat enim teneram esse Virginis verecundiam, et lubricam

famam pudoris: nec putavit ortussui
fitem Matris injuriis adstruendam.
Servatur itaque sanctæ MARIE,
sicut pudore integra, ita inviolabilis opinione virginitas: oportet
enim sanctos, et ab his testimonium
habere qui foris sunt. Tu. ꝯ. Benedicta. p. 97.

Ad. Bened. ant. Ecce ancilla *
Domini: fiat mihi secundum verbum tuum.

Orat. Dom. præced.

CANON.

Ex Concilio Mediolanensi.

An. 678. *Habetur inter præambular. Conc. III. Constantin.*

Concil. T. 16. p. 45.

113. Credimus... incarnatum
Verbum Dei et hominem factum
intra Virginis uterum nniens sibi
nostræ naturæ veritatem ex Sanctâ
et gloriosâ Dei Genitrice MARIA,
perfectus homo in duabus naturis,
divinitatis scilicet et humanitatis. Tu.

FERIA V.

CANON.

Ex Concilio Constantinopolitano
Tertio.

An. 680. *In Serm. acclamator. Tom. 16. p. 517.*

114. «Verbum» ut carnem assumens
ex intemeratâ Virgine Dei-que
Genitrice MARIA homo perfectus est,
consubstantialis nobis, factusque sub tempore. Tu.

FERIA VI. QUAT. TEMP.

Omnia ut in offic. Fer. cum. seq. Llection.

Lectio Sancti Evangelii secundum
Lucam.

LECTIO 1. c. 1. 39

In illo tempore: exurgens MARIA
abiit in montana cum festinatione
in civitatem Juda. Et reliqua.

Homilia S. Ambrosii Episcopi.

IN LUC. LIBR. 2

Morale est omnibus, ut qui fidem
exigunt, fidem adstruant. Et ideo
Angelus cum abscondita nuntiaret
ut fides adstrueretur exemplo senioris
feminæ, sterilibusque conceptum
Virgini MARIE nuntiavit, ut
possibile Deo omne quod ei placuerit,
assereret. Ubi hoc audivit MARIA
non quasi incredula de oraculo,
nec quasi incerta de nuntio,
nec quasi dubia de exemplo;
sed quasi læta pro voto, religiosa
pro officio, festina pro gaudio, in
montana perrexit. Tu. ꝯ. Spiritus p. 97.

LECTIO 2.

Discite et vos sanctæ mulieres
sedulitatem quam prægnantibus
debeatis exhibere cognatis. MARIAM
quæ ante sola in intimis penetralibus
versabatur, non à publico Virginitatis
pudor, non ab studio asperitas
moutium, non ab officio prolixitas
ieneris relaxavit: In montana
Virgo cum festinatione, virgo
officii memor, injuriæ immemor,
affectu urgente, non sexu, relicta
perrexit domo. Tu. ꝯ. Egredietur. p. 97.

LECTIO 3.

Discite, virgines, non circumcur
sare per alienas ædes, non demo
rari in plateis. non aliquos in publico
misceri sermones. MARIA in domo
seria, festina in publico, mansit
apud cognatam suam mensibus
tribus. Etenim propter officium
venerat, inhærebat officio. Mansit
ergo mensibus tribus, non quòd domus
eam delectaret aliena, sed quia
frequentius videri in publico
despiciebat. Tu. Beata es. p. 97.

Ad. Benedict. ant. Beata * quæ
credidisti: perficientur in te quæ
dicta sunt tibi à Domino.

Preces, et orat. Dom. præced.

CANON.

Ex Concilio Constantinopolitano Tertio. *Ut supr. in edict. Imper. Constantin.* p. 554.

115. Confitemur unum Sanctæ Trinitatis Dominum nostrum JESUM Christum descendisse de cœlis... et in vulvâ Illibatæ Virginis Deique Genitricis Mariæ habitasse, et animâ et corpore per Spiritum Sanctum præpurgatæ, et ex Sanctâ immaculatâ carne ejus in propriâ subsistentiâ carnem sumpsisse nobis consubstantialem. Tu.

SABB. QUAT. TEMP.

Omnia ut in Off. Feriæ cum lection. sequent.

Lectio Sancti Evangelii secundum Matthæum.

LECTIO 1. c. 1. v. 18.

Cum esset desponsata Mater JESU MARIA JOSEPH, antequàm convenirent, inventa est in utero habens de Spiritu Sancto. Et reliqua.

Homilia Sancti Hieronymi Presbiteri.

Libr. 1. Comm. in Mathæum. c. 1.

Quarè non de simplici Virgine, sed de desponsatâ concipitur. Primum ut per generationem JOSEPH origo Mariæ monstraretur: secundò ne lapidaretur à Judæis, ut adultera: tertio, ut in Ægyptum fugiens haberet solatium. Martyr Ignatius etiâ quartam addidit causam, cur à desponsata conceptus sit: ut partus, inquiens, ejus celaretur diabolo, dum eum putat, non de Virgine, sed de uxore generatum; Tu. *¶. Ecce Dominus. p. 97.*

LECTIO 2.

Antequàm convenirent inventa est in utero habens de Spiritu Sancto. Non ab alio inventa est, nisi à JOSEPH, qui penè licentiâ maritali futuræ uxoris omnia noverat.

Quod dicitur: antequàm convenirent, non sequitur, ut postea convenirent: sed scriptura quod factum non sit ostendit. Tu. *¶. Et ingressus. p. 97.*

LECTIO 3.

JOSEPH autem vir ejus cum esset justus, et nollet eam traducere, voluit occultè dimittere eam. Si quis fornicariæ conjungitur, unum corpus efficitur. et in lege præceptum est non solum reos, sed et conscios criminum obnoxios esse peccati: quomodo JOSEPH, cum crimen celaret uxoris, justus scribitur? Sed hoc testimonium Mariæ est, quod JOSEPH sciens illius castitatem, et admirans quod evernerat, celat silentio, cujus mysterium nesciebat. Tu. *¶. Benedicta. p. 97.*

Ad. Bened. ant. Ponam in Sion * salutem, et in Jerusalem gloriam meam, alleluia.

Prec. et orat. de Dom. præced.

CANON.

Ex Concilio Toletano Decimoquarto An. 684. *can. 10.—Conc. T. 17. p. 63.*

116. In unâ Christi Filii Dei personâ duarum naturarum individas proprietates agnoscant.... unam Deitatis, alteram hominis: unam quâ ex Deo Patre est genitus: alteram, quâ ex MARIA Virgine generatus. Tu.

DOMIN IV. ADVEN.

Semid. 2. Class.

Omnia ut in Dom. prima adv. p. 100

AD MATUTIN.

Invitat. Propè est jam Dominus: * Venite adoremus.

IN I. NOCT.

De Isaiâ Propheta.

LECTIO 1. c. 49. v. 1.

Audite insulæ, et attendite po-

puli de longè. Dominus ab utero vocavit me, de ventre matris meæ recordatus est nominis mei: et posuit os meum, quasi gladium acutum: in umbrâ manûs suæ protegit me, et possuit me sicut sagittam electam: in pharetrâ suâ abscondit me. Et dixit mihi servus meus es tu, Israel, quia in te gloriabor. Tu. *¶*. Rorate. *p.* 96.

LECTIO 2.

Et ego dixi: in vacuum laboravi, sine causâ, et vanè fortitudinem meam consumpsi: ego iudicium meum cum Domino, et opus meum cum Deo meo. Et nunc dixit Dominus formans me ex utero servum sibi, ut reducam Jacob ad eum, et Israel non congregabitur: et glorificatus sum in oculis Domini, et Deus meus factus est fortitudo mea. Tu. *¶*. Spiritus. *p.* 96.

LECTIO 3.

Et dixit: parum est, ut sis mihi servus ad suscitandas tribus Jacob, et facies Israel convertendas. Ecce dedi te in lucem gentium, ut sis salus mea ad extremum terræ. Hæc dicit Dominus Redemptor Israel sanctus ejus, ad contemptibilem animam, ad abominatam gentem ad servum dominorum: reges videbunt, et consurgent principes, et adorabunt propter Dominum, quia fidelis est, et sanctum Israel, qui elegit te. Tu. *¶*. Suscipe verb. *p.* 97.

IN II. NOCT.

Ex, enarratione Sancti Ambrosii Episcopi in Psalmum trigesimum quintum.

LECTIO 4.

Ex utero servum se dixit: audi, Ariane, ex quo utero? paululum supra recurre: ex utero, inquit, Matris meæ vocavit Dominus nomen meum. Quod nomen ejus sit, audiamus, quo eum Pater vocavit:

ecce virgo in utero accipiet, et pariet Filium, et vocabitur nomen ejus Emmanuel, quod interpretatur nobiscum Deus. Quod enim aliud nisi Filius Dei nomen est Christi? Accipe aliud: dixerat quidem et Gabriel ad JOSEPH de MARIA: pariet Filium, et vocabis nomen ejus JESUM. Tu. *¶*. Spiritus S. *p.* 97.

LECTIO 5.

Accipe Dei vocem: Et tu Bethleem Judæ non est minima in principibus Juda: ex te mihi egredietur, qui sit dominator in Israel. Adverte mysterium: ex utero Virginis idem et servus exivit et Dominus: servus ad operandum, Dominus ad imperandum, ut regnum Dei in hominum mentibus radicaret. Utriusque unus, non alter ex Patre, et alter ex Virgine; sed idem qui ante sæcula ex Patre, ipse postea carnem suscepit ex Virgine. Tu. *¶*. Egredietur. *p.* 97.

LECTIO 6.

In Psalm. 61. enarratione.

Non enim alter ex Patre, alter ex Matre; sed qui erat ex Patre, carnem assumpsit ex Virgine: affectum assumpsit ex Matre, ut infirmitates nostras ipse susciperet. Undè ait Propheta: et pro nobis dolet. Quomodo dolebat meo dolore, si meum non gerebat affectum? Tu. *¶*. Beata es. *p.* 97.

IN III. NOCT.

Lectio Sancti Evangelii secundum Lucam.

LECTIO 7. c. 1. v. 42.

In illo tempore: exclamavit voce magna Elizabeth, et dixit: Benedicta tu inter mulieres. Et reliqua.

Homilia S. Bernardi Abbatis.

Homil. 3. sup. Missus.

Benedicta tu in mulieribus. Libet adjungere, quòd Elisabeth, cujus

hæc verba sunt, prosecuta subjunxit. Et benedictus fructus ventris tui. Non quia tu benedicta, ideo benedictus fructus ventris tui, sed quia ille te prævenit in benedictionibus dulcedinis, ideo tu benedicta. Verè etenim benedictus fructus ventris tui, in quo benedictæ sunt omnes gentes: de cujus plenitudine tu quoque accepisti cum cæteris, etsi differentius à cæteris. Tu. *¶*. Ecce Dom. p. 97.

LECTIO 8.

Ac propterea quidè benedicta tu, sed in mulieribus, ille verò benedictus non in hominibus, non inter angelos, sed qui est, ut ait Apostolus, super omnia benedictus Deus in sæcula. Dicitur benedictus vir, benedictus panis, benedicta mulier, benedicta terra, vel si quid tale in creaturis benedictum esse memoratur, sed singularitè benedictus fructus ventris tui, cum sit super omnia benedictus Deus in sæcula. Tu. *¶*. Et ingressus. p. 97.

LECTIO 9.

Benedictus ergo fructus ventris tui, cui benedixit Deus in æternum. Ex cujus benedictione benedicta etià tu in mulieribus, quia non potest mala arbor fructum facere bonum. Benedicta, inquam, tu in mulieribus, quæ illam generalem maledictionem evasisti, quâ dictum est: in tristitiâ paries filios, et nihilominus illam quâ secutum est: Maledicta sterilis in Israel: ac singularem consecuta es benedictionem, ut nec sterilis maneas, nec cum dolore parturias. Tu. *¶*. Benedicta. p. 97.

Ad. Benedict. ant. Confortare, * Virgo fœcunda, casta puerpera, mater intacta, quia non eris in Israel ultrâ maledicta, neque inter steriles deputata.

Oremus.

Oratio.

Excita, quæsumus Domine, potentiam tuam et per tuum adventum ostende nobis mirabilem Virginis Partum; ut qui ex nostrâ pravitate affligimus, ex tuâ visitatione consolemur. Qui vivis et regn.

CANON.

Ex Concilio Nicæno Secundo.

An. 787. Action. 7.—*Concil. Tom.* 18. p. 580.

117, Duas naturas confitemur ejus qui incarnatus est propèr nos ex intemeratâ Dei Genitrice semper Virgine MARIA, perfectum eum Deum, et perfectum hominem cognoscentes. Tu.

Ad. Magnif. ant. O.

Si Dom. IV. adv. incederit in vigiliâ SS. Partus, Offic. fit de Dom. illis tantum mutatis quæ fuerint propria Vigil. et posita sunt in proprio Festivitatum die 24 Decemb.

CANONES.

Infra Hebdom. IV. Prægn. dicendi.

FERIA II.

Ex Concilio Nicæno Secundo.

Ut supra p. 583.

118. Duas naturas Incarnati propter nos ex immaculatâ Virgine MARIA confitemur, perfectum Deum et perfectum hominem cognoscentes, quemadmodum Synodus in Chalcedone habita declaravit. Tu.

FERIA III.

Ex Concilio Francofordiensi.

An. 794. *Contr. adoption. ap. Perone.*

119. Hoc volumus à vobis audire, an Adam primus humani generis Pater, qui de terrâ Virgine creatus est, liber esset conditus, si ve servus? Si servus, quomodo tunc imago Dei? Si liber, quare Christus quoque non ingenuus de Virgine? Meliore quidem terrâ etià

aminatâ et immaculatâ , Spiritu Sancto operante, factus est homo. Tu.

FERIA IV.

Ex Concilio Wormatiensi.

*Ann. 868. ip. Professione fidei—
Conc. T. 23. p. 91.*

120. Novâ nâtivitate «Christus» est genitus quia incorrupta virginitas, et virilem coitum nescivit, et sæcunda per Spiritum Sanctum carnis materiam ministravit. Tu.

FERIA V.

Ex Concilio Lateranensi Quarto.
*Au. 1215. cap. 1.—Concil. T. 28.
p. 155.*

121. Unigenitus Dei Filius JESUS Christus à totâ Trinitate communi èr incarnatus ex MARIA semper Virgine Spiritus Sancti cooperatione conceptus, verus homo factus, una in duabus naturis persona, viam vitæ manifestius demonstravit. Tu.

FERIA VI.

Ex Statutis Synodalibus Ecclesiæ Cænonianensis.

*An. 1247. Apud Martenn. Tom.
7. c. 1371.*

122. Docere debent Presbyteri veri Dei Filium pro Redemptione humani generis carnem assumpsisse in Beatâ Virgine de carne ejusdem Virginis, non humanâ sed Spiritus Sancti operatione. Tu.

IV.

PUERPERIUM

B. MARIE V.

seu ab ejus sacratissimo Partu usque ad ejus Purificationem.

V.

VIRGO PUERPERA.

CANONES.

*Dicendi in diebus infra octav. SS.
Partus qui proprios non habuerint.*

Ex S. Eu'ichiano Papâ.
*An. 275. Ep. 1. ad Episcop. Bæti-
cæ.—Com. Tom. 1. p. 511.*

123. Inenarrabilis à Deo originis, unus unigenitus Deus, in corporis humani formam Sanctæ Virginis utero insertus accrescit: qui omnia continet, intra quem et perquem cuncta sunt, humani partus lege profertur. Tu.

FERIA III.

Ex S. Eulichiano Papâ.

Ut supra.

124. Natus igitur «est» unigenitus Deus ex Virgine homo; et secundum plenitudinem temporum in semetipso profuturus in Deum hominem. Tu.

FERIA IV.

Ex S. Cajo Papâ.

*Ep. 1. ad Filic. Ep. n. 4. ad
an. 283.—Conc. T. 1. p. 588.*

125. Quicumque i à obcæcati, et à lumine veritatis alieni, ut Verbi Dei à tempore Incarnationis denegent veritatem, ostendant in quo sibi christianum nomen usurpent, et cum evangelio veritatis, quâ ratione concordent, si beatæ Virginis partu, aut caro sine deitate, aut Deitas est orta sine carne. Tu.

FERIA V.

Ex S. Cajo Papâ.

Ut supra.

126. Sine Verbi potentiâ, nec conciperet Virgo, nec pareret, et sine veritate carnis, obvoluta panis infantia non jaceret. Tu.

FERIA VI.

Ex Concilio Nicæno Primo.
*An. 325. cap. 19.—Concil. Tom.
2. p. 403.*

127. Deus erat, et est, et factus est homo propter dispensationem, incarnatus et natus ex Virgine propter suam erga genus humanum charitatem. Tu.

SABBATO.

Ex Concilio Nicæno Primo.

Definition. Eprum. Vide Concil. Eph. p. 3.—Conc. T. 6. p. 174.

128, Confitemur Dominum nostrum JESUM Christum ex Patre quidem secundum Spiritum ante sæcula genitum, novissimis verò diebus ex Virgine secundum carnem natum. Tu.

DOM. INFRA OCT. SS. PART,
CANON.

Ex S. Vitalio Episcopo.

Serm. de fide—Conc. Ephes. p. 1. c. 4. Concil. T. 5. p. 125.

129. Cum Verbum secundum æternam ex Deo Patre originem verus Dei Filius sit, secundum eam quæ est ex Virgine, factum est Filius hominis. Tu.

RESPONSORIA

dicenda post Lectiones tam in Dominicis, quàm in Festis tempore Puerperii B. M. V.

In I. Noct. et in Festis II. et IV.

¶ 1. Jacob, genuit JOSEPH virum MARIE, de qua natus est JESUS, * Qui vocatur Christus. ¶ Deus in terris visus est, et cum hominibus conversatus est.—Qui vocatur.

¶ 2. Puer crescebat et confortabatur: plenus sapientiâ, et gratia Dei erat in illo. ¶ Et Mater ejus conservabat omnia verba hæc in corde suo.—Plenus.

¶ 3. Benedicta es tu, Filia, à Domino Deo excelso * Præ omnibus mulieribus super terram. ¶ Quia per te fructum vitæ communicavimus.—Præ.—Gloria.—Præ. *In II. Noct. et in Fer. III. et VI.*

¶ 4. Beata Dei Genitrix MARIA, cujus viscera intacta permanent post partum, * Nobis genuit

Salvatorem sæculorum. ¶ Beata quæ credidit, quoniâ perfecta sunt ei omnia quæ dicta sunt ei ab Angelo.—Nobis.

¶ 5. Beata viscera MARIE Virginis, quæ portaverunt æterni Patris Filium: * Et beata ubera quæ lactaverunt Christum Dominum. ¶ Extollens vocem quædam mulier de turbâ, dixit: Beatus venter qui te portavit.—Et beata.

¶ 6. Ego dilecto meo, et dilectus meus mihi: * Qui pascitur inter lilia. ¶ Fasciculus myrrhæ dilectus meus mihi: inter ubera mea commorabitur.—Qui.—Gloria.—Qui.

In III. Noct. et in Fer. IV. et Sabbat.

¶ 7. Nesciens Mater Virgo virum, peperit sine dolore: * Salvatore sæculorum, ipsum Regem Angelorum sola Virgo lactabat ubere de cælo pleno. ¶ Et benedicta in æternum nobis protulit Deum et hominem.—Salvator.

Sequens 8. ¶. omittitur in off. Domin. et ejus loco dicitur ¶. 9. ut infra.

¶ 8. Creator generis humani animatum corpus sumens, de Virgine nasci dignatus est, * Et procedens homo sine semine, largitus est nobis suam Deitatem. ¶ Felix es sacra Virgo MARIA, et omni laude dignissima, quia ex te ortus est Sol justitiæ, Christus Deus noster.—Et procedens.

¶ 9. Genuit Puerpera Regem gaudia matris habens, cum virginis honore: * Nec primam si similem visa est, nec habere sequentem. ¶ Quandò natus est ineffabiliter ex Virgine, tunc impletæ sunt scripturæ.—Nec.—Gloria.—Nec.

LECTIONES

DE

SCRIPTURA.

Dicendæ in Feriis, et in primo Noct. Festivitatum, quæ toto Puerperio proprias non habuerint.

PRO FERIIIS II.

De libro Proverbiorum.

LECTIO 1. c. 8. v. 32.

Nunc ergo, filii, audite me: beati qui custodiunt vias meas. Audite disciplinam, et stote sapientes, et nolite abjicere eam. Beatus homo qui audit me, et qui vigilat ad fores meas quotidie, et observat ad postes ostii mei. Tu. ꝑ. Jacob. p. 113.

LECTIO 2.

Qui me invenerit, inveniet vitam, et hauriet salutem à Domino: qui autem in me peccaverit, lædet animam suam. Omnes qui me oderunt, diligunt mortem. Tu. ꝑ. Puer p. 113.

LECTIO 3. c. 9. v. 1.

Sapientia ædificavit sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas, ut vocarent ad arcem, et ad mœnia civitatis. Tu. ꝑ. Benedicta. p. 113.

PRO FERIIIS III.

De libro Proverbiorum.

LECTIO 1. c. 9. v. 4.

Si quis est parvulus veniat ad me. Et insipientibus locuta est: venite, comedite panem meum, et bibite vinum, quod miscui vobis. Relinquitte infantiam, et vivite, et ambulate per vias prudentiæ. Tu. ꝑ. Beata. p. 113.

LECTIO 2.

Qui erudit derisorem, ipse injuriam sibi facit: et qui arguit impium, sibi maculam generat. Noli arguere derisorem, ne oderit te. Argue

sapientem, et diliget te. Da sapienti occasionem, et addetur ei sapientia. Doce justum, et festinabit accipere. Tu. ꝑ. Beata viscer. p. 113.

LECTIO 3.

Principium sapientiæ timor Domini et scientia sanctorum prudentia. Per me enim multiplicabuntur dies tui, et addentur tibi anni vitæ. Si sapiens fueris, tibimetipsi eris: si autem illusor, solus portabis malum. Tu. ꝑ. Ego dilecto. p. 113.

PRO FERIIIS IV.

De libro Proverbiorum.

LECTIO 1. c. 10. v. 1.

Filius sapiens lætificat patrem: filius verò stultus mœstitia est matris suæ. Nil proderunt thesauri impietatis: justitia verò liberabit à morte. Non affliget Dominus fame animam justi, et insidias impiorum subvertet. Tu. ꝑ. Nesciens. p. 113.

LECTIO 2. v. 6.

Benedictio Domini super caput justit: os autem impiorum operit iniquitas. Memoria justit cum laudibus: et nomen impiorum putrescet. Sapiens corde præcepta suscipit: stultus cæditur labiis. Tu. ꝑ. Creator. p. 113.

LECTIO 3. v. 28.

Expectatio justorum, lætitia: spes autem impiorum peribit. Fortitudo simplicis via Domini, et pavor his, qui operantur malum. Justus in æternum non commovebitur: impii autem non habitabunt super terram. Os justit parturiet sapientiam: lingua pravorum peribit. Tu. ꝑ. Genuit. p. 113.

PRO FERIIIS V.

De libro Proverbiorum.

LECTIO 1. c. 12. v. 1.

Qui diligit disciplinam, diligit scientiam: qui autem odit increpationes insipiens est. Qui bonus est, hauriet gratiam à Domino: qui autem confidit in cogitationibus suis,

impiè agit. Non roborabitur homo ex impietate: et radix justorum non commovebitur. Tu. *Æ.* Jacob. p. 113.

LECTIO 2. c. 22. v. 1
Melius est nomen bonum, quam divitiæ multæ: super argentum et aurum gratia bona. Dives et pauper obviaverunt sibi: utriusque operator est Dominus. Callidus vidit malum et abscondit se: innocens pertransiit, et afflicus est damno. Tu. *Æ.* Puer. p. 113.

LECTIO 3. c. 23. v. 24
Exultat gaudio pater justi: qui sapientem genuit, lætabitur in eo. Gaudeat pater tuus: et mater tua, et exultet, quæ genuit te. Præbe, fili mi, cor tuum mihi: et oculi tui vias meas custodiant. Tu. u. Benedicta. p. 113.

PRO FERIIS VI.

De libro Proverbiorum.

LECTIO 1. c. 31 v. 10
Mulierem fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indigebit. Reddet ei bonum et non malum; omnibus diebus vitæ suæ. Quæsit lanam, et linum, et operata est consilio manum suarum. Tu. *Æ.* Beata. p. 113.

LECTIO 2.
Facta est quasi navis institoris, de longè portans panem suum. Et de nocte surrexit, deditque prædam domesticis suis, et cibaria ancillis suis. Consideravit agrum, et emit eum: de fructu manuum suarum plantavit vineam: accinxit fortitudines lumbos suos, et roboravit brachium suum. Tu. *Æ.* Beata viscer. p. 113.

LECTIO 3.
Gustavit, et vidit, quia bona est negotiatio ejus: non extinguetur in nocte lucerna ejus. Manum suam

misit ad fortia, et digiti ejus apprehenderunt fusum. Manum suam aperuit inopi et palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Tu. *Æ.* Ego. p. 113.

PRO SABBATIS.

De libro Proverbiorum.

LECTIO. 1. c. 31. v. 22.
Stragulatam vestem fecit sibi: byssus et purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, et vendidit, et cingulum tradidit Chanaanæo. Fortitudo et decor indumentum ejus, et ridebit in die novissimo. Tu. *Æ.* Nesciens. p. 113.

LECTIO 2.
Os suum aperuit sapientiæ, et lex clementiæ in lingua ejus. Consideravit semitas domus suæ, et panem otiosa non comedit. Surrexerunt filii ejus, et beatissimam prædicaverunt: vir ejus, et laudavit eam. Tu. *Æ.* Creator. p. 113.

LECTIO 3.
Nullæ filiæ congregaverunt divitias: tu supergressa es universas. Fallax gratia, et vana est pulchritudo: mulier timens Dominum ipsa laudabitur. Date ei de fructu manuum suarum: et laudent eam in portis opera ejus. Tu. *Æ.* Genuit. p. 113.

CANONES.

In feriis et in diebus post. Octav. SS. Partus et ante Domin. prim. Puerperii proprios non habentibus.

FERIA II.

Ex D. Paulo Ep. Emisseno.
Conc. Eph. part. 3. cap. 31.
130. Virgo Emmanuelem nobis peperit, secundum Divinam quidam naturam Patri consubstantia

lem, secundum humanam verò nobis consubstantialiẽm. Tu.

FERIA III.

Ex S. Theodoto Episc. Anciræ.
Homil. in Concil. Ephes. lecta.—
Conc. T. 6. p. 212.

131. Ex Patre natus est «Christus,» secundum naturam, ex Virgine nascitur propter dispensationem: hinc ut Deus, isthinc nascitur ut homo. Tu.

FERIA IV.

Ex S. Leone Papâ Primo.
Ep. 45. ad Pulcher. Ang.—Conc.
Tom. 7. p. 100

132. Tãmpium est, consubstantialiẽm et consempiternam Patri Filii Deitatem, etiãmpartu editam negare corporeo; quãmunam in Dei Filio post Incarnationis sacramentum affirmare naturam. Tu.

FERIA V.

Ex S. Leone Papâ Primo.
Ep. 97. ad Leon. Ang.—Conc.
Tom. 7. 252.

133. Is qui ante sæcula omnia natus est ex Patre, etiãmpartu editam carnalitẽr dicitur procreatus in tempore. Non quia divina ipsius natura de sacrã Virgine sumpsit exordium... sed quia propter nos et propter nostram salutem naturam sibi copulavit humanam, et processit ex muliere, idcirco dicitur natus esse carnalitẽr. Tu.

FERIA VI.

Ex S. Leone Papâ Primo.
Ut supra.

134. Neque prius natus est hominẽ communis de Sanctã Virgine, et tunc demũ habitabit in eo Verbum, sed in ipsã vulvã utroque virginali secum carnem conjunxit, et sustinuit generationem carnalem, carnis suæ nativitatem suam faciens. Tu.

SABBATO.

Ex S. Leone Papâ Primo.
Epst. ad Pulcher Ang. Concil.
T. 8. p. 32.

35. Nihil prodest Dominum, nestrum Beatæ MARIE Virginis Filium, hominem dicere, si non illius generis atque seminis homo creditur, cujus in ipso Evangelii exordio prædicatur. Tu.

DOMINICA I. PUERPERII.

Semiduplex.

Est prima Dom. post. octav. SS.
Partus.

Omnia ut in Psalterio, præter sequentia.

AD MATUT.

Inviolator. Filium Dei factum ex muliere, factum sub lege: * Venite adoremus.

Hymnus 42. Brev. Convenar:
Umbrã sepultis lux oritur nova:
Mundo stupenti se simul exhibent
Infans creator, Virgo Mater
Seque minor Deus ipse factus.

Numen supremum de Patre Numine,

E Matre prodit passibilis Deus:
De fonte lucis lux perennis
Carne suos radios obumbrat.

Compressa strictis brachia fasciis,
Librata mundi pondera sustinent:
Lactante nutritur parente,
Cœlicorum cibus ipse jugis.

Laus summa Patri, summaque Filio:

Sit Sancte, compar laus tibi, Spiritus;

O Numem Infans, spes quieta,
Vindice te, redeat salutis. Amen.

IN I. NOCT.

De libro Josue.

LECTIO 1. c. 8 v. 18
Dixit Dominus ad Josue: leva clypeum qui in manu tuã est, contra urbem Hai, quoniam tibi tradam

eam. Cumque elevasset clypeum ex adverso civitatis, insidiæ, quæ latebant, surrexerunt confestim: et pergentes ad civitatem, cæperunt, et succenderunt eam... Vidensque Josue et omnis Israel, quod capta esset civitas, et fumus urbis ascenderet, reversus percussit viros Hai. Tu. *Æ. Jacob. p. 113.*

LECTIO 2. v. 24.

Igitur omnibus interfectis, qui Israellem ad desertia tendentem fuerint persecuti, et in eodem loco gladio corruentibus, reversi filii Israel percusserunt civitatem. Erant autem, qui in eodem die ceciderunt à virgo usque ad mulierem duodecim millia hominum, omnes urbis Hai. Josue verò non contraxit manum, quam in sublime porrexerat, tenens clypeum, donec interficerentur omnes habitatores Hai. Tu. *Æ. Puer. p. 113.*

LECTIO 3. c. 22 v. 26. "Dixerunt Filii Ruben ad Gad extruamus nobis altare, non in holocausta, neque ad victimas offerendas, sed in testimonium inter nos et vos, et sobolem nostram, vestramque progeniem, ut serviamus Domino, et juris nostri sit offerre et holocausta, et victimas, et pacificas hostias: et nequaquam dicant cras filii vestri filiis nostris: non est vobis pars in Domino. Tu. *Æ. Benedicta. p. 113.*

In II. NOCT.

Ex Bibliâ Marianâ B. Alberti Mag-
ni Ep.

In Josue.

LECTIO 4.

Domina Angelorum, Mater Dei est clypeus defensionis quantum ad nos, et clypeus interfectionis quantum ad Dæmones. Dixit Dominus, id est Pater, ad Josue, Christum Filium suum. Leva super omnem creaturam puram in sanctitate, dignitate, pietate, utilitate, cly-

peum, id est MARIAM, peccatorum defensatricem, dæmonum impugnatricem, qui in manu tuâ est, contra Hai. Hai interpretatur chaos, vel habitaculum eorum, id est, dæmonum, qui in abyssis regnant. Tu. *Æ. Beata Dei. p. 113.*

LECTIO 5.

Cumque elevasset clypeum, id est, MARIAM, in annuntiatione, ipsam in Matrem assumendo et in assumptione secum in throno collocando, non contraxit manum, quam in sublime porrexerat, tenens clypeum, id est, MARIAM, nobis in consolationem, diabolo in occisionem, et peccatis in deletionem, donec interficerentur omnes habitatores Hai, de quibus nullum debemus relinquere, sed omnes interimere. Tu. *Æ. Beata visc. p. 113.*

LECTIO 6.

Item ipsa est altare testimonii nostri. Dixerunt filii Ruben, et Gad: extruamus nobis altare, id est, MARIAM, infinitæ magnitudinis in misericordiâ, in bonitate, in humilitate, in largitate, in Filii Dei Conceptione, in testimonium liberationis, libertatis, hæreditatis celestis, ut juris nostri sit offerre holocausta, et victimas, et pacificas hostias, et ut non dicatur nobis: non est vobis pars in Domino. Et vocant altare testimonium nostrum, quod Dominus ipse sit Deus. Hoc altare extructum est in Conceptione, sanctificatum in utero ædificatum in Incarnatione, elevatum in Assumptione. Tu. *Æ. Ego dilecto. p. 113.*

IN III. NOCT.

Lectio S. Evangelii secundum Matthæum.

LECTIO 7. c. 1. v. 28.

Christi autem generatio sic erat: cum esset desponsata Mater ejus MARIA JOSEPH. Et reliqua.

Homilia S. Hilarii Episcopi.

In *Matthæi* c. 1. p. 3.

Plures heretici, et à spirituali doctrinâ admodum alieni occasionem ex eo occupant turpiter de MARIA opinandi, quod dictum sit: priusquam convenissent, inventa est in utero habens, et illud, noli timere accipere MARIAM conjugem tuam; et illud: non cognovit eam, donec peperit: non recordantes desponsatam fuisse, et dictum hoc JOSEPH volenti eam lege decerni. Tu. *¶* Nesciens. p. 113.

LECTIO 8.

Igitur ne qua de partu ejus ambiguitas existeret, ipse concepti ex Spiritu Sancto Christi testis assumitur: dehinc, quia desponsata esset, in conjugem recipitur. Cognoscitur itaque post partum, id est, transit in conjugis nomen. Cognoscitur enim, non admiscetur. Tu. *¶* Genuit. p. 113.

LECTIO 9.

Denique cum transire JOSEPH ad Egyptum monetur, ita dicitur; accipe puerum, et matrem ejus. Et quotiescumque de utroque fit sermo, Mater potius Christi, quia iderat, non uxor JOSEPH est nuncupata, quod non erat. Sed hæc quoque ab angelo servata est, ut cum desponsatam cum justo JOSEPH significabat, conjugem nuncuparet. Tu. *¶* Te Matrem. p. 5.

AD LAUDES.

Hymnus. 43. *Brev. Convenar.*

O Virgo, quæ paris Deum,
Fovesque lactentem sinu:
Hunc flecte nobis, quâ vales,
Benigna Mater, gratiâ.

Tu nostra pax et gloria,
Spes vera tu mortalium;
Intende quas tibi preces
De cordis arâ fundimus.

Mundi salus, qui nasceris,

JESU puer nos respice:

Da moribus castis tuam

Referre nos Infantiam.

JESU tibi sit gloria,

Qui natus es de Virgine,

Cum Patre et almo Spiritu

In sempiterna sæcula. Amen.

ÿ. Veritas de terrâ orta est.

¶. Et justitia de cælo prospexit.

Ad Benedict. ant. Et non cognoscebat eam, * donec peperit Filium suum primogenitum, et vocavit nomen eum JESUM.

Oremus.

Oratio.

Præsta, quæsumus, Omnipotens Deus, ut te quem natum de MARIA Virgine profitemur, in corde nostro habitare mereamur. Qui vivis et regn.

Suffrag. non dicuntur temp. Puerp.

CANON.

Ex S. Leone Papâ Primo.

Ep. ad Cler. et pleb. Constantin.—
Conc. Tom. 8. p. 59.

136. Nec dicimus quòd Beata Virgo MARIA hominem sine deitate conceperit, qui creatus à Spiritu Sancto, postea sit susceptus à Verbo: sed dicimus Christum Dei Filium Deum verum natum de Deo Patre sine ullo initio temporis, eundemque hominem verum, natum de Matre homine certâ plenitudine temporis. Tu.

Ad Magnif. ant. Ecce tabernaculum Dei cum hominibus, et habitabit cum eis.

CANONES.

Infra Hebdomad. prim. Puerperii.

FERIA II.

Ex S. Leone Papâ Primo.

Ep. ad Flavian. Conc. Chalced.—
Conc. T. 8. p. 411.

137. Idem sempiterni Genitoris Unigenitus sempiternus natus est de Spiritu Sancto ex MARIA Virgine. Tu.

FERIA III.

Ex S. Leone Papâ.

Serm. de Natio. Chr.

138. Novâ nativitate « Filius Dei » genitus est, conceptus à Virgine, sine paternæ carnis concupiscentiâ, sine maternæ integritatis injuriâ. Tu.

FERIA IV.

Ex Joanne Papâ Secundo.

Ep. 3. ad Senatores. Concili T. 9. p. 123.

139. Nascitur nobis propriè de Spiritu Sancto et MARIA sempèr Virgine Deus homo, JESUS Filius Dei. Tu.

FERIA V.

Ex S. Felice Papâ.

Ep. 5. ad Zenon. Imperator.—Conc. T. 10. p. 32.

140. Si non ex Virgine MARIA incarnatum Verbum homo factum est, quæ necessitas Virginis? Et quare ad eam dixisset Gabriel: quod ex te nascetur sanctum, vocabitur Filius Dei? Tu.

FERIA VI.

Ex S. Gelasio Papâ Primo.

Ep. 2. ad Laurent. Ep.—Concil. Tom. 10. p. 94.

141. Ineffabiliter sibi Christus ex ipsâ « Beatâ MARIA » ædificavit Templum, et sibi univit, quod non coæternum de suâ substantiâ è cœlo detulit corpus, sed ex massâ nostræ substantiæ, hoc est, ex Virgine hoc accipiens, et sibi uniens. Tu.

SABBATO.

Ex S. Gelasio Papâ Primo.

Ep. 3. ad Episcopos Dardaniæ.—Conc. T. 10. p. 98.

142. Scripturæ venerabilis dicit auctoritas, et majorum testatur doctrina nostrorum, Redemptorem mundi Deum, totum simul Deum, totumque hominem ex MARIA Virgine fuisse progenitum. Tu.

DOM. II. PUERP.

Semiduplex.

Invitat. et Hymn. ad Mat. et ad Laud. ut in Dom. 1. p. 116.

IN I. NOCT.

De libro Judicum.

LECTIO 1. c. 5. v. 24.

Benedicta inter mulieres Jahel, uxor Haber Cinai, et benedicatur in tabernaculo suo. Aquam petenti lac dedit, et in phyalâ principum obtulit butyrum. Sinistram manum misit ad clavum, et dexteram ad fabrorum malleos, percussitque Sisaram, quærens in capite vulnere locum, et tempus valide perforans. Tu. *¶ Jacob. p. 113.*

LECTIO 2.

Inter pedes ejus ruit: defecit, et mortuus est: volvebatur ante pedes ejus, et jacebat exanimis, et miserabilis. Per fenestram respiciens ululabat mater ejus, et de cœnaculo loquebatur: cûr moratur regredi currus ejus? Quare tardaverunt pedes quadrigarum illius? Tu. *¶ Puer. p. 113.*

LECTIO 3.

Una sapientior cæteris uxoribus ejus, hæc socrui verba respondit: forsitan nunc dividit spolia, et pulcherrima seminarum eligitur ei: vestes diversorum colorum Sisaræ traduntur in prædam, et suppellex varia ad ornanda colla congeritur. Tu. *¶ Benedicta. p. 113.*

IN II. NOCT.

Ex verbis S. Bonaventuræ *Ep. in Speculo B. Mariæ V. Lect. 16.*

LECTIO 4.

MARIA per illam Jahelem signata esse potest, quæ clavo Sisaram interfecit. Propter quod in libro Judicum dicitur: Benedicta inter mulieres Jahel. Jahel interpretatur, ascendens, quod convenit MARIÆ, quæ non, sicut acediosi, descendit,

sed strenuè de virtute in virtutem
de inferioribus semper ascendit.
Tu. *¶* Beata Dei: *p.* 113

LECTIO 5.

Ista benedicta Jahel quid fecit?
Certè clavo tabernaculi Sisaram in-
terfecit. Sisara exclusio gaudii in-
terpretatur, et benè diabolum sig-
nat, quia à gaudio cœlesti exclusus,
etiam alios excludere festinat. Im-
mò heu! nos omnes excluserat per
matrem generis humani, cujus ex-
clusionis maledictio exclusa est per
Matrem. *¶* Beata viscera. *p.* 113.

LECTIO 6.

Sed quid per clavum signatur, quo
caput Sisaræ perforatur? Quis est
clavus iste, nisi rigor disciplinæ?
Quis est enim rigor disciplinæ ace-
diosus, nisi quasi quidam clavus in
oculis? Rigor utique disciplinæ
clavus est diabolum acerrimè pun-
gens. Benedicta utique Jahel, caput
Sisaræ clavo interveniente confixit,
quandò benedicta MARIA virtutem
Satanæ rigore disciplinæ in se ex-
tinxit. Tu. *¶* Ego dil. *p.* 113.

IN III. NOCT.

Lectio Sancti Evangelii secundum
Joannem.

LECTIO 7. c. 2. v. 1.

In illo tempore: nuptiæ factæ sunt
in Cana Galilææ, et erat Mater JESU
ibi. Et reliqua.

Homilia S. Bernardi Abbatis.

Serm. 3. in Dom. 1. post Oct.

Epiph.

Quotiens mihi necesse est, fratres,
post lacrymosas querimonias ves-
tras exorare Matrem misericordiæ,
ut suggerat suo benignissimo Filio,
quod vinum non habeatis? Et ipsa,
dico vobis, carissimi, si piè à nobis
pulsata fuerit, non deerit necessi-
tati nostræ, quoniam misericors est
et Mater misericordiæ. Nam si com-
passa est verecundiæ illorum, à

quibus fuerit invitata, multò magis
compatietur nobis, si fuerit invoca-
ta. Tu. *¶* Nesciens. *p.* 113.

LECTIO 8.

Placent enim illi nuptiæ nostræ, et
pertinent ad eam multo amplius
illis: nimirum de cujus utero, tan-
quàm è thalamo suo cœlestis spon-
sus processit. Sed quem non mo-
veat, quod in nuptiis illis respondit
Dominus benignissimæ, ac sanctis-
simæ Matri suæ, dicens: quid mi-
hi, et tibi, mulier? Quid tibi et
illi, Domine? Nonne quod filio, et
Matri? Tu. *¶* Genuit. *p.* 113.

LECTIO 9.

Nunc ergò, Domine, quid molesta-
tus es illi, dicens: Quid mihi, et
tibi? Multum per omnem modum.
Sed manifestè jam video, quòd non
velut indignans, aut confundere vo-
lens Virginis verecundiam, dixeris:
Quid mihi, et tibi? cum venientibus
ad te (juxta Matris præceptum) mi-
nistris nihil cunctatus facias, quòd
ipsa suggessit. Tu. *¶* Te Matrem.

Ad Benedict. *ant.* Invoca Domi-
num, * ut det nobis vinum et escam
delectabilem.

Oremus.

Oratio.

Deus, qui Filium tuum ad nos
factum ex muliere, factum sub le-
gedignatus es mittere, concede pro-
pitius, ut, suffragantibus ejusdem
Genitricis sanctissimæ precibus, va-
leamus ad te incolumes pervenire.
Per eumd. Dom.

CANON.

Ex S. Dyonisio Alexandrino.

Ep. adv. Paul. Samosat.

143. Una et sola Virgo filia vi-
tæ genuit Verbum vivens, et per
se subsistens, increatum et creato-
rem, qui venit in mundum et mun-
dus eum non cognovit. Tu.

Ad Magnif. *ant.* Benedicta * in-

ter-mulieres MARIA: benedicta in omni tabernaculo Jacob.

CANONES.

Infra Hebdomad. 2. Puerperü.

FERIA II.

Ex Concilio Toletano Undecimo.
An. 675. in præfation. Conc. Tom. 10. p. 509.

144. Partus Virginis nec ratione colligitur, nec exemplo monstratur: quod si ratione colligitur, non potest esse mirabile, si exemplo, non erit singulare.

FERIA III.

Ex Concilio Mediolanensi.
An. 678. — Concil. Tom. 16. p. 45.

145. Qui de Patre splenduit supra intellectum, de Matre ortus est supra rationem, et cum Deus verè esset, factus est verè homo. Tu.

FERIA IV.

Ex Concilio Mediolanensi.

Ut supra.

146. In tempore natus est de Sanctâ Virgine MARIA idem ipse Dominus noster JESUS Christus, unus in Sanctâ Trinitate, conglorificatus Patri et Sancto Spiritui. Tu.

FERIA V.

Ex Concilio Constantinopolitano Tertio.

An. 680. In edicto Imper. Constantini. T. 16. p. 554.

147. Confitemur unum Sanctæ Trinitatis Dominum nostrum JESUM—Christum... natum ex eadem Virgine MARIA super omnem intelligentiam, et super omnem mentis considerationem. Tu.

FERIA VI.

Ex Concilio Toletano Decimoquarto
An. 684. Cap. 8. Tom. 17. p. 62.

147. Nec alter «Christus» ex Patre, alter ex Matre est genitus. Cum tamen aliter de Patre, aliter

de Matre sit natus, ipse tamen in utroque naturarum genere non divisus, sed unus idemque Dei et hominis filius. Tu.

SABBATO.

Ex Concilio Toletano Decimo sexto
An. 693. Allocution. Flav. Ecig. Reg. Tom. 17. p. 143.

149. Licet inseparabilia sint opera Trinitatis, tamen fideliter profitemur, non tantum fide cordis sed et oris professione, quod non tota Trinitas suscepit carnem, sed solus Filius Dei, qui est ante sæcula ex Dei Patris substantiâ genitus, in fine sæculorum de Virgine MARIA, Evangelio teste, enixus. Tu.

DOM. III. PUERP.

Semiduplex.

Si in sequenti Dom. inciderit Septuagesima, hæc Dom. III. et sequens omittuntur, et in eorum loco ponitur Dominica V. Puerperii, quæ nunquam omittitur. Si Sept. inciderit in Dom. V. loco Dom. III. ponitur IV. et in Dom. IV. ponit. V. Invitat et hymnus ad Mat. et ad Laud ut in Dom. I. p. 116.

IN I. NOCT.

De libro Judicum.

LECTIO 1. c. 6. v. 34.

Spiritus autem Domini induit Gedeon, qui clangens buccinâ, convocavit domum Abieser, ut sequeretur se. Misitque nuntios in universum Manassen, qui et ipse secutus est eum: et alios nuntios in Aser, et Zabulon, et Nephtali, qui occurrerunt ei. Tu. *¶ Jacob. p. 113.*

LECTIO 2.

Dixitque Gedeon ad Deum: si saluum facis per manum meam Israel, sicut locutus es, ponam hoc velus lanæ in arêa: si ros in solo velere fuerit, et in omni terrâ sic-

citās, sciam quod per manum meam, sicut locutus es, liberabis Israel. Factumque est itā. Et de nocte consurgens, expresso vellere, conchaīn rore implevit. Tu. ꝑ. Puer. p. 113.

LECTIO 3.

Dixitque rursus ad Deum: ne irascatur furor tuus contra me, si adhuc semel tentavero, signum querens in vellere. Oro, ut solum vellus siccum sit, et omnis terra rore madens. Fecitque Deus nocte illā, ut postulaverat, et fuit siccitas in solo vellere, et ros in omni terrā. Tu. Benedicta. p. 113.

IN II. NOCT.

Sermo S. Bernardi Abbatis.

Hom. 2. super Missus.

LECTIO 4.

Quid illud Gedeonis vellus significat, quod utique de carne tonsum, sed sine vulnere carnis, in areā ponitur, et nunc quidem lana, nunc verò area rore perfunditur, niscarnem assumptam de carne Virginis, et absque detrimento virginitatis? Cui utique, distillantibus cœlis, tota se infundit plenitudo divinitatis; adeo ut ex hac plenitudine omnes acceperimus, qui verè sine illā non aliud quàm terra arida sumus. Tu. ꝑ. Beata Dei. p. 113.

LECTIO 5.

Huic quoque Gedeonis factoprophe-
ticum dictum pulchrè satis convenire videtur, ubi legitur: descendet sicut pluvia in vellus. Num per hoc quod sequitur: et stillicidia stillantia super terram: idem datur intelligi, quod per inventam rore madidam aream? Tu. ꝑ. Beata viscer. p. 113.

LECTIO 6.

Pluvia quippe voluntaria, quam segregavit Deus hæreditati suæ, placide prius et absque strepitu

operationis humanæ suo se quietissimo illapsu virgineum dimisit in uterum. Postmodum verò ubique terrarum diffusa est per ora prædicantium; non jam sicut pluvia in vellus, sed sicut stillicidia stillantia super terram cum quodam utique strepitu verborum ac sonitu miraculorum. Tu. ꝑ. Ego dilecto. p. 113.

IN III. NOCT.

Lectio Sancti Evangelii secundum Joannem.

LECTIO 7. c. 3. v. 6.

In illo tempore: dixit JESUS Nicodemo: quod natum est ex carne, caro est, et quod natum est ex spiritu, spiritus est. Et reliqua.

Homilia S. Gregorii Nazianzeni Ep.

ORAT. 49. De fide, in fine.

De spiritu Dei Virgo concepit, et quod concepit, hoc peperit, id est, Deum, carni et animæ suæ, id est, homini, ut jam dixi, personæ unitate sociatum, sicut ipse ait: Quod nascitur de Spiritu, Spiritus est: quia Spiritus est, ex Deo natus est. Sicut et Angelus ad MARIAM Virginem dixit: Spiritus Dei veniet in te, et virtus Altissimi obumbrabit tibi. Tu. ꝑ. Nesciens p. 113.

LECTIO 8.

Propterea, et quod nascetur ex te sanctum vocabitur Filius Dei, Vides ergo ipsum Verbum, ipsum Dei Filium venisse in Virginem, et in Dei et hominis Filium processisse, nec tamen ipso indumento carnis Dei Filium esse mutatum, sed eundem ipsum esse in homine, qui fuerat ante mundum apud Patrem Deus, per quem facta sunt omnia, et sine quo factum est nihil. Tu. ꝑ. Genuit. p. 113.

LECTIO 9.

Cæterum amentia est credere,

posse ab eo liberari, qui ut liberaretur, missus est, ut ad immortalitatem redigeret, qui transit ad mortem, qui ut nasceretur oppressus est. Sed absit, hæretice, ut sensus tui iniquitas à catholicis admittatur. Nos enim credimus immutabilem et inconvertibilem, sicut Patrem, ita et Spiritum Sanctum, et Filium Dei. Tu. Te Matrem. p. 5.

Ad Benedict. ant. Quod natum est * ex te sanctum, Virgo MARIA, vocatur Filius Dei.

Oremus.

Oratio.

Fac nos, quæsumus Domine, divinitatis tuæ esse consortes, qui, nascendo de immaculatâ Virgine MARIA, humanitatis nostræ fieri dignatus es particeps. Qui vivis et regn.

CANON.

Ex S. Basilio Episcopo.

Ep. ad Julian. Transgres. lect. in Conc. Nicæn act. 4.—Concil. Tom. 19. p. 280.

150. Confiteor incarnatam Filii dispensationem, et Dei Genitricem Sanctissimam MARIAM, quæ illum secundum carnem peperit. Tu.

Ad Magnif. ant. Et descendet * sicut pluvia in vellus, et sicut stillidia stillantia super terram.

CANONES.

Infra Hebdomadam 3. Puerperü.

FERIA II.

Ex Concilio Francofordiensi.

An. 794. Epist. Synod. ad Episcop. Hispan. Tom. 20. p. 114.

151. Idem ipse Dei Filius primogenitus est Virginis, ut dicitis; etiam et unigenitus, quia non habuit sequentes carnaliter fratres. Tu.

FERIA III.

Ex Concilio Francofordiensi.

Ut supra pag. 122.

152. Unitas personæ, quæ est in Dei Filio, et Filio Virginis, adoptionis tollit injuriam. Si ergo Deus est, qui de Virgine natus est, quomodo tunc potest adoptivus esse vel servus? Tu.

FERIA IV.

Ex Concilio Francofordiensi.

Ut supra p. 126.

153. Quid est aliud dicere eandem Virginem adoptivum vel servum genuisse, nisi negare Deum illam genuisse? Si Deus generatus est, nequaquam adoptivus sed Filius: quia alia persona est proprii Filii, alia adoptivi Filii vel servi. Tu.

FERIA V.

Ex Concilio Tullensi Secundo.

An. 860. Ep. Synod. p. 694.—Concil. Tom. 22.

154. Ipse, qui semper unum et ubique est cum Patre et Spiritu Sancto essentiâ majestatis propter nos homines et propter nostram salutem, opere conceptus ejusdem Spiritus Sancti, natus ex MARIA Virgine, id est ex virgineâ maternæ carnis substantiâ in duabus et ex duabus naturis, atque substantiis divinitatis scilicet et humanitatis. Tu.

FERIA VI.

Ex Concilio Wormatiensi.

An. 868. in profess. fidei. Concil. T. 23. p. 91.

155. De tribus personis sola Filii persona hominem verum sine peccato pro liberatione humani generis ex MARIA Virgine novo ordine, novæque nativitate assumpsit. Tu.

SABBATO.

Ex S. Martino Papâ Primo.

Ep. 14. ad Theodorum. Concil. T. 15. p. 47.

156. «Gloriosa semper Virgo

MARIA» Deum et Dominum nostrum JESUM-Christum peperit, quam omnes sancti et catholici Patres Dei Genitricem appellant, utpote quæ Deum genuit.... Tu.

DOM. IV. IN PUERP.

Semiduplex.

Vide Rubricam positam in Dom. præcedenti. Invitat. et Hymni ad Matut. et ad Laud. ut in Dom. 1. p. 116.

IN I. NOCT.

De libro Ruth.

LECTIO 1. c. 2. v. 1.

Erat autem viro Elimelech consanguineus homo potens, et magnarum operum, nomine Booz. Dixitque Ruth Moabitidis ad socrum suam: si jubes, vadam in agro, et colligam spicas, quæ fugerint manus metentium, ubicumque clementis in me patris familias reperero gratiam: Cui illa respondit: vade filia mea. Tu. *Æ. Jacob. p. 113.*

LECTIO 2.

Abiit itaque, et colligebat spicas post terga metentium. Accidit autem, ut ager ille haberet Dominum nomine Booz, qui erat de cognatione Elimelech. Et ecce ipse veniebat de Bethleem, dixitque messoribus: Dominus vobiscum. Qui responderunt ei: Benedicat tibi Dominus. Tu. *Æ. Puer. p. 113.*

LECTIO 3.

Dixitque Booz juveni, qui messoribus præerat. Cujus est hæc puella? Cui respondit: hæc est Moabitidis, quæ venit cum Noemi de regione Moabitude, et rogavit, ut spicas colligeret remanentes, sequens messorum vestigia, et de mane usque nunc stat in agro, et ne ad momentum quidem reversa est. Tu. *Æ. Benedicta. p. 113.*

IN H. NOCT.

Ex verbis S. Bonaventuræ Ep.

in Speculo B. MARIE. V. Lect. 3.

LECTIO 4.

Dico ergo, quod gratia MARIE colligit ad misericordiam, colligit ad Ecclesiam malos. Hoc bene signatum est in gratia, quam in colligendis spicis à messoribus derelictis Ruth invenerat, quando dixit ad Booz: inveni gratiam in oculis Domini mei. Ruth interpretatur videns vel festinans, et signat beatam Virginem, quæ verè videns in contemplatione, et bene festinans fuit in actione. Videns etiam nostram miseriam est, et festinans ad impendendam suam misericordiam. Tu. *Æ. Beata. p. 113.*

LECTIO 5.

Booz interpretatur virtus, et signat illum, de quo in Psalmo dicitur: magnus Dominus, et magna virtus ejus. Ruth ergo in oculis Booz, MARIA in oculis Domini hanc gratiam invenit, ut ipsa spicas, id est, animas, à messoribus derelictas colligere ad veniam possit. Tu. *Æ. Beata. p. 113.*

LECTIO 6.

Qui sunt messores, nisi doctores et rectores? o verè magna MARIE gratia, quæ multi ex eis ad misericordiam colliguntur, qui à doctoribus et rectoribus tanquam incorrigibiles relinquuntur. Et ideo bene beatus Bernardus ait: MARIA, tu peccatorem toti mundo despectum materno affectu amplecteris, foves, nec deseris, quousque horrendo judici miserum reconcilias. Tu. *Æ. Ego dilecto. p. 113.*

IN III. NOCT.

Lectio Sancti Evangelii secundum Matthæum.

LECTIO 7. c. 2. v. 1.

Cum ergo natus esset JESUS in Bethleem Juda. Et reliqua.

Homilia S. Gaudentii Ep. Bri-

xiensis. *Tract. 1. et 2. de Lect. Evangelii. Lectio 2.*

LECTIO 4.

Nascitur Christus non sibi, sed nobis: nascitur enim, qui semper erat, nascitur qui in principio erat, et Filius Dei, et Deus. Hic ideo propè finem sæculi ex Virgine natus est, ut Verbum caro factum habitaret in nobis, permanens tamen Deus esse, quod semper. Nascitur autem Filius Dei in homine, ut vel ita conditorem suum intueri cuperet mundus, et nascitur de Spiritu Sancto ex Virgine, ut hominem, quem de limo terræ plasmaverat, Sancto Spiritu ex massâ eâdem reformaret. Tu. Nesciens. p. 113.

LECTIO 8.

Si credimus conceptum Virginis, credere debemus et partum: utrumque impossibile videtur homini, sed est omnipotentia divinæ parvum. Quod sine corruptelâ Matris conceptus creditur, cur non etiâ sine corruptelâ editus præsumatur? Incorrupta Virgo peperit, quod intacta Virgo concepit: Integritatem nascendo violare non potuit, qui venerat reintegrare naturam. Eâdem ergo divinitatis virtute per inviolabilem feminam, mundi hujus intravit hospitium, claustrum virginis pudoris etiâ nascendo conservans, qui post resurrectionem januis obseratis domum potuit corporeus introire. Tu. ß. Genuit. p. 113.

Quando in Dom. III Puerp. fit de Dom. IV. tunc loco sequentis Lectionis, legitur Evangel. cum Hom. Dom. III. pro commemoratione ejusdem.

LECTIO 9.

Illud etiâ quæstioni solvendæ quam maxime congruit, quod Apostolus Christum memorat, editum de

muliere, factum sub lege, ut eos, qui sub lege erant, redimeret. Utique ut sic illa (cum virgo sit) mulier appelletur, veritate sexus, non detrimento integritatis, quomodo Deus Dei filius ob dispensationem salutis nostræ sub lege factus esse prædicetur, cum dator ipse sit legis. Hoc totum pro beatitudine MARIE dixerim, cum illam Christus mulierem nuncapaverit, quæ divino partu sic cæpit esse Mater, ut Virgo sacrior permaneret. Tu. Te Matrem. p. 5.

Ad Benedict. ant. Impleti sunt dies MARIE, ut pareret, et peperit Virgo Christum Dominum.

Oramus.

Oratio.

Deus, qui vitiatæ stirpis originem per virginalem uterum reparare dignatus es, concede propitius, ut quos proprii reatus moles gravat intercessio beatæ Dei Genitricis attollat. Per eumd. Dominum.

CANON.

Ex Alejandro Papâ Tertio.
Epist. 32. ad Sold. Iconii.—
C. 27. p. 287.

157. Magna igitur et omni laude dignissima fuit Mater et Virgo MARIA Beatissima, quæ tantum Dei et hominis mundo edidit Mediatorem, et nostrum parere meruit Salvatorem: quæ inter omnes quas mundus habuit mulieres, nec primam, nec similem meruit, nec sequentem habere. Tu.

ad. Magnif. ant. Inveni gratiam ante oculos tuos, et consolatus es me, et locutus es ad cor ancillæ tuæ.

CANONES

Infra hebdom. 4 Puerperü.

FERIA II.

Ex Alexandro Papâ Tertio.

Ut supra. p. 282.

158. Natus est Filius Dei de Virgine incorruptâ, sicut plasma-
tus est primus Adan de terrâ Vir-
gine et inviolatâ, Spiritu Sancto in
eâ operante, nostræque salutis ne-
gotium ineffabiliter procurante. Tu.

FERIA III

Ex Concilio Constantinopolitano.
an. 1279. — Labb. Collect. Concil.
Tom. 7. col. 755.

159. Naturalis existens et Fi-
lius Dei, naturalis et verus semper
Virginis MARIE ipse idem Filius
existit, qui carnem accepit ex ipsâ.
Tu.

FERIA IV.

Ex Sancto Proclo Episcopo.
Oratio de Nativ. Chr.

160. Naturæ portas reseravit
Emmanuel, ut homo: sed virgi-
nitatis claustra non violavit, neque
prærupit ut Deus; itâ enim ex ute-
ro egressus, sicut per aurem in-
gressus, itâ natus, sicut conceptus;
qui impatibiliter fuerat illapsus,
impatibiliter est elapsus. Tu.

FERIA V.

Ex S. Ambrosio Episcopo.
In Psalm. 61. enarrat. n. 5.

161. Non enim alter ex Matre:
sed qui erat ex Patre, carnem sump-
sit ex Virgine: affectum assump-
sit ex Matre: ut infirmitates nos-
tras ipse susciperet. Tu.

FERIA VI.

Ex S. Ambrosio Episcopo.
Exposit. Ev. Lucæ lib. 2. n. 43.

162. Ex utero funditur, sed
coruscat è cælo: terreno in diver-
sorio jacet, sed cælesti lumine vi-
get. Nupta peperit, sed virgo con-
cepit, nupta concepit, sed virgo ge-
neravit. Tu.

SABBATO.

Ex S. Ambrosio Episcopo.
In Psalm. 1. Enarrat. n. 34.

163. Puër nobis natus est,
quia carnem suscepit ex Virgine,
quia homo natus est ex MARIA.
Caro nascitur nobis, Verbum da-
tur. Quod nostrum est, inter nos
natum est: quod supra nos est,
nobis donatum est. Tu.

DOM. V. PUER.

Semiduplex.

Vide Rubr. positam in Dom III p. 121
Invitat. et Hymni ad Mat. et Land.
ut in Dom. I. p. 116.

IN I. NOCT.

De libro primo Regum.

LECTIO 1. c. 1. v. 1.

Fuit vir unus de Ramathaim so-
phim, de monte Ephraim, et nomen
ejus Elcana, filius Jeroham filii Eliu,
filii Thohu, filii Suph Ephrataeus:
et habuit duas uxores, nomen uni
Anna, et nomen secundæ Phenen-
næ Fueruntque Phenennæ filii:
Annæ autem non erant liberi. Tu.
¶ Jacob. p. 113.

LECTIO 2.

Et ascendebat vir ille de civitate
suâ, statutis diebus, ut adoraret,
et sacrificaret Domino exercituum
in Silo. Erant autem ibi duo filii,
Heli; Ophni et Phinees, sacerdo-
tes Domini. Venit ergo dies, et im-
molavit Elcana, deditque Phenen-
næ uxori suæ, et cunctis filiis ejus,
et filiabus partes. Tu. ¶ Puer.
p. 113.

LECTIO 3.

Annæ autem dedit partem unam
tristis, quia Annam diligebat. Do-
minus autem concluserat vulvum
ejus. Affligebat quoque eam âmu-
la ejus, et vehementer angebat, in
tantum, ut exprobaret, quòd Do-
minus conclusisset vulvam ejus:
sicque faciebat per singulos annos,
cum redeunte tempore ascenderent

ad templum Domini: et sic provocabat eam. Tu. *¶*. Benedicta. p. 113.

IN II. NOCT.

De expositione S. Gregorii Papæ in libros Regum. 1. *Reg.*

LECTIO 4.

Fuit vir unus de Ramathaim Sophim, de monte Ephraim. Potest hujus montis nomine Beatissima semper Virgo MARIA Dei Genitrix designari. Mons quippè fuit, quæ omnem electæ creaturæ altitudinem, electionis suæ dignitate transcendit. An non mons MARIA, quæ ut ad conceptionem æterni Verbi pertingeret, meritorum verticem supra omnes Angelorum choros usque ad solium deitatis erexit? Tu. *¶*. Beata Dei. p. 113.

LECTIO 5.

Sed rectè mons Ephraim, id est, frugiter dicitur, de quâ optimus fructus, id est, novus homo generatur. Quam certè in sæcunditatis suæ gloriâ pulchram, ornatamque Propheta respiciens ait: egredietur virga de radice Jesse, et flos de radice ejus ascendet. De hujus namque montis fructu David Deo exultans ait: confiteantur tibi populi Deus, confiteantur tibi populi omnes: terra dedit fructum suum. Tu. *¶*. Beata viscera. p. 113.

LECTIO 6.

Terra quippè fructum suum dedit, quia quem Virgo peperit, non concepit maritali opere, sed Sancti Spiritus obumbratione. Hinc eidem regi et prophetæ à Domino dicitur: de fructu ventris tui ponam super sedem tuam. Hinc Isaias ait: erit fructus terræ sublimis. Nam quem Virgo genuit, non solum homo sanctus fuit, sed etiâ potens Deus. Tu. *¶*. Ego dilecto. p. 113.

IN III. NOCT.

Lectio Sancti Evangelii secundum Matthæum.

LECTIO 7. c. 1. v. 16.

Jacob genuit JOSEPH virum MARIE, de quâ natus est JESUS. Et reliqua.

Homilia S. Thomæ Arch. Valentini.

Concio 2, in Nativ. B. V. M.

Hæc, inquam, mihi hæsitanti, cur de actibus Virginis, sicut de actibus Pauli, liber non est compositus, nihil aliud occurrit, quàm ita plucuisse Spiritui Sancto, ejusque Providentiæ. Evangelistas siluisse propterea quia Virginis gloria, sicut in Psalmis legitur, omnis intus erat, et magis cogitari, quàm describi. Sufficit ad ejus plenam Historiam, quod scriptum est in Themata: quia de illâ natus est JESUS. Quid ampliùs quæris? quid ultra requiris in Virgine? Sufficit tibi, quod Mater Dei est. Tu. *¶*. Nesciens. p. 113.

LECTIO 8.

Quidquid de Virgine scire, aut intelligere cupio, totum in hoc includitur breviloquio. De quâ natus est JESUS. Hæc longa, et plenissima ejus historia est. Anselmus. De Virgine MARIA solum dicere, quod Mater Dei est, superat totum quod sub Deo dici potest. Undè Beatus Thomas quamdam ei dignitatis infinitatem attribuit, et meritò: si enim quo altior est filius, dignior Mater est, quis dubitat, quin infiniti Filii infinita quodammodò sit Matris auctoritas, dignitasque? Tu. *¶*. Genuit. p. 113.

Quando in Dominicâ III. vel IV. fit de Dominicâ V. loco sequentis Lectionis fit commemor. Domin. *occurentis.*

LECTIO 9.

Audi piissima: audi clementissima,

de quâ natus est JESUS. Hoc enim nomen super omne nomen puræ creaturæ, in quo nemo tecum participat, ô Virgo. Cui enim aliquandò, non dicam hominum sed Angelorum dixit: Mater mea es tu: Filius tuus ego sum? Ad Angelos quidem dicit: qui facit Angelos tuos Spiritus, et Ministros suos ignem urentem. Ad Virginem autem: unica est amica mea. Electa una es, quia nec similem tibi visa est, nec habere sequentem. Tu. Te Matrem. p. 5.

Ad. Bened. ant. JOSEPH* erat vir MARIE, de quâ natus est JESUS, qui vocatur Christus.

Oremus. Oratio.

Præsta, quæsumus, omnipotens Deus, ut qui pondere propriæ actionis præmimur, Sanctissimæ Genitricis tuæ intercessio gloriosa nos protegat. Qui vivis et regnas.

CANON.

Ex S. Ambrosio Episcopo.
In Psalm. 118. Exp. Serm. 5. n. 25.

164. Ita creatum «Christum» dico quemadmodum factum legi, hoc est, factum ex muliere, factum sub lege, hoc est secundum susceptionem carnis creatum, secundum quod est natus ex Virgine. Tu.

Ad. Magnificat. ant. Mons Dei, * mons pinguis, mons, in quo beneplacitum fuit Deo habitare in ipso, alleluia, alleluia.

CANONES

Infra Hebdomadam 5. Puerperii.

FERIA II.

Ex S. Hilario Episcopo.
De Synod. seu de fide Oriental. n. 29.

165. Qui in novissimis diebus descendit desursum et natus est ex Virgine secundum Scripturas,... mediator Dei et hominum. Tu.

FERIA III.

Ex S. Hilario Episcopo.

De Trinit. libr. X. n. 22.

166. Quomodo JESUS Christus Dei Filius natus ex MARIA est, nisi quod Verbum caro factum est; scilicet quod Filius Dei cum in formâ Dei esset, formam servi accepit? Tu.

FERIA IV

Ex S. Petro Damiano.

Hom. in lib. Generation. — Flor.

Patr. p. 441.

167. Imensum concepit, æternum genuit, genitum ante sæcula parturivit: quisibi et munus fecunditatis attulit conceptus, et virginitatis decus non abstulit natus: qui antequam nasceretur, talem creavit eam, ut dignè nasci posset ex eâ. Tu.

FERIA V.

Ex D. Eleuterio Ep. Tornacensi.

In orat. ad Deum pro fide et Eccl. Torn.

168. Permanens «Virgo» in castitate Dei filium terris edidit et post admirabilem partum in virginitate consistens, Christum JESUM divino lacte nutrit. Tu.

FERIA VI.

Ex Joanne Papâ Secundo.

Ep. 3. ad Senator. Tom. 9. Concilior. p. 122.

169. Ipse «Deus» ultimis temporibus incarnatus ex sacrâ et gloriosâ Virgine Matre nasci dignatus est. Tu.

SABBATO.

Ex D. Thomâ Arch. Valentino.

Conc. 2. in Natal. Dom. n. 6.

170. Animadvertite Virginem Puerperam, evacuatam neque viatam, gaudium matris habentem cum virginitatis honore: videte partum admirandum, partum stupendum, partum sacrum, partum Deo dignissimum, et obstupescite. Tu.

VITA CONTEMPLATIVA

B. MARIE V.

*Seu ab ejus Purificatione usque ad
Tempus Passionis.*

RESPONSORIA

*dicenda post Lectiones tam in Do-
minicis quàm in Feriis, Tempore
vitæ contemplativæ B. M. V. ex-
cepto in quadragesimâ.*

In I. Noct. et in II. et V. Feriis.

¶ 1. Memorare dierum humili-
tatis tuæ, et ostende te nobis in
tempore tribulationis. * Quia in do-
mo regis es præ cunctis homini-
bus. ⁊. Invoca Dominum, et lo-
quere regi pro nobis, et libera nos
de morte. — Quia.

¶ 2. Continet in gremio cælum,
terramque regentem Virgo Dei Ge-
nitrix: * Proceres comitantur heri-
les. ⁊. Per quos orbis ovans Christo
sub principe pollet. — Proceres.

¶ 3. Virgo, quæ magnum po-
tes exorare Tonantem, et potes ira-
ti sistere tela Dei. * Mater et ipsa
Dei, Mater et ipsa hominis. ⁊. Lo-
quere pro nobis bona, et averte
iram Dei à nobis. — Mater. — Glor.
— Mater.

In II. Noct. et in Fer. III. et VI.

¶ 4. Tu medicina mei gemitûs,
tu lux oculorum, * Anchora tuta
spei, rectissima regula morum. ⁊.
Tu mea dux, mea lux, mea spes,
mea res, mea vita. — Anchora.

¶ 5. Os suum aperuit sapien-
tiæ, et lex clementiæ in lingua
ejus: * Non extinguetur in nocte
lucerna ejus. ⁊. Mediâ nocte sur-
gebam ad confitendum tibi super
judicia justitiæ tuæ. — Non ext.

¶ 6. Lætamini, et exultate in,
eâ omnes qui diligitis eam: * Gau-
dete cum eâ gaudio, universi. ⁊.
Ecce ego declinabo super eam qua-

si fluxum pacis, et quasi torren-
tem inundantem gloriam gentium.
— Gaudete. — Gloria. — Gaudete.

In III. Noct. et in Fer. IV. et Sabb.

¶ 7. Quædam mulier excepit,
Dominum in domum suam: * MA-
RIA autem sedens secus pedes
ejus audiebat verbum illius. ⁊. Con-
servabat omnia verba ejus confe-
rens in corde suo. — MARIA.

¶ 8. Martha, Martha, sollicita
es, et turbaris erga plurima: *
Porro unum est necessarium. ⁊.
MARIA optimam partem elegit,
quæ non auferetur ab eâ. — Porro.

¶ 9. Intra cubiculum, et clauso
ostio Virgo MARIA * Orat pro no-
bis Patrem in abscondito. ⁊. Si in-
veni, Domine, gratiam in oculis
tuis, da mihi populum meum, pro
quo obsecro. — Orat. — Gloria. —
Orat.

LECTIONES

DE SCRIPTURA

*dicendæ in Feriis, et in primo Noct.
Festivitatum, quæ toto hoc tempo-
re Vitæ contempl. proprias non ha-
buerint. Dcuntur etiam in diebus
infra octav. Purificationis.*

IN FERIIS II.

De libro Sapientiæ.

LECTIO. c. 4. v. 1.

O quàm pulchra est casta genera-
tio cum claritate! immortalis est
enim memoria illius: quoniam et
apud Deum nota est, et apud ho-
mines. Cum præsens est, imitantur
illam: et desiderant eam, cum se
eduxerit, et in perpetuum coronata
triumphat incoinquinatorum cer-
taminum præmium vincens. Tu.
¶ Memorare p. 129.

LECTIO. c. 6. v. 1.

Melior est sapientia, quàm vires,
et vir prudens quàm fortis. Con-
cupiscite ergo sermones meos: di-

ligite illos, et habebitis disciplinam. Clara est, et quæ nunquam marcescit sapientia, et facile videtur ab his, qui diligunt eam, et invenitur ab his qui quærent illam. Præoccupat qui se concupiscunt, ut illis se prior ostendat. Qui de luce vigilaverit ad illam non laborabit: assidentem enim illam foribus suis inveniet. Tu. *Æ.* Continet. *p.* 129.

LECTIO 3.

Cogitare ergo de illa sensus est consummatus: et qui vigilaverit propter illam, citò securus erit. Quoniam dignos se ipsa circuit quærens, et in viis ostendit se illis hilaritèr, et in omni providentiâ occurrit illis, initium enim illius verissima est disciplinæ concupiscentia. Tu. *Æ.* Virgo. *p.* 129.

PRO FERIS III.

De libro Sapientiæ.

LECTIO 1. c. 6. v. 19

Cura ergo disciplinæ dilectio est: et dilectio custodia legum illius est: custoditio autem legum consummatio incorruptionis est: incorruptio autem facit esse proximum Deo. Concupiscentia itaque sapientiæ deducit ad regnum perpetuum. Tu. *Æ.* Tu medic. *p.* 129.

LECTIO 2.

Si ergo delectamini sedibus, et sceptris, o reges populi, diligite sapientiam, ut in perpetuum regnetis. Diligite lumen sapientiæ, omnes, qui præestis populis. Quid est autem sapientia, et quemadmodum facta sit, referam: et non abscondam à vobis sacramenta Dei, sed ab initio nativitalis investigabo, et ponam in lucem scientiam illius, et non præteribo veritatem, Tu. *Æ.* Os suum. *p.* 129.

LECTIO 3.

Neque cum invidiâ tabescente iter habebo: quoniam talis homo non

erit particeps sapientiæ. Multitudo autem sapientium sanitas est orbis terrarum: et rex sapiens stabilimentum populi est. Ergo accipite disciplinam per sermones meos, et proderit vobis. Tu. *Æ.* Lætamini. *p.* 129.

PRO FERIS IV.

De libro Sapientiæ.

LECTIO 1. c. 7. v. 7.

Optavi et datus est mihi sensus: et invocavi, et venit in me spiritus sapientiæ: et præposui illam regnis et sedibus, et divitias nihil esse duxi in comparatione illius. Nec comparavi illi lapidem pretiosum: quoniam omne aurum in comparatione illius arena est exigua, et tanquam lutum æstimabitur argentum in conspectu illius. Tu. *Æ.* Quædam. *p.* 129.

LECTIO 2.

Super salutem, et speciem dilexi illam, et proposui pro luce habere illam: quoniam inextinguibile est lumen illius. Venerunt autem mihi omnia bona paritèr cum illa, et innumerabilis honestas per manus illius, et lætatus sum in omnibus. Tu. *Æ.* Martha. *p.* 129.

LECTIO 3.

Quoniam antecedabat me ista sapientia, et ignorabam, quoniam horum omnium mater est. Quam sine fictione didici, et sine invidiâ communico, et honestatem illius non abscondo. Infinitus enim thesaurus est hominibus: quo qui usi sunt participes facti sunt amicitia Dei, propter disciplinæ dona commendati. Tu. *Æ.* Intra cubic. *p.* 129.

IN FERIS V.

De libro Sapientiæ.

LECTIO 1. c. 7. v. 15.

Mihi autem Deus dedit dicere ex sententiâ, et præsumere digna horum, quæ mihi dantur: quoniam

ipse sapientiæ dux est, et sapientium emendator. In manu enim illius, et nos et sermones nostri, et omnis sapientia, et operum scientia, et disciplina. Ipse enim dedit mihi horum quæ sunt scientiam veram... et quæcumque sunt absconsa et improvisa, didici: Tu. *Æ. Memorare. p. 129.*

LECTIO 2. v. 21.

Omnium enim artifex docuit me sapientiâ. Est enim in illâ spiritus intelligentiæ, sanctus, unicus, multiplex, subtilis, disertus, mobilis, incoinquatus, certus, suavis, amans bonum, acutus, quem nihil vetat, benefaciens, humanus, benignus, stabilis, certus, securus, omnem habens virtutem: omnia prospiciens, et qui capiat omnes spiritus: intelligibilis, mundus subtilis. Tu. *Æ. Continet. p. 129.*

LECTIO 3.

Omnibus enim mobilibus mobilius est sapientiâ: attingit autem ubique propter suam munditiam. Vapor est enim virtutis Dei, et emanatio quædam est claritatis omnipotentis Dei sincera: et ideo nihil inquinatum in eam incurrit. Candor est enim lucis æternæ, et speculum sine maculâ Dei majestatis, et imago bonitatis illius. Tu. *Æ. Virgo. p. 129.*

IN FERIIS VI.

De libro Sapientiæ.

LECTIO 1. c. 7. v. 27.

Et cum sit una omnia potest: et in se permanens omnia innovat, et per nationes in animas sanctas se transfert, amicos Dei, et prophetas constituit. Neminem enim diligit Deus, nisi eum, qui cum sapientiâ inhabitat. Est enim hæc speciosior sole, et super omnem dispositionem stellarum: luci comparata invenitur prior. Illi enim succedit nox, sa-

pientiam autem non vincit malitia. Tu. *Æ. Tu med. p. 129.*

LECTIO 2. c. 8. v. 1.

Attingit ergo à fine usque ad finem fortiter, et disponit omnia suaviter. Hanc amavi, et exquisivi à juventute meâ, et quæsi sponsum mihi eam assumere, et amator factus sum formæ illius. Generositatem illius glorificat, contubernium habens Dei: sed et omnium Dominus dilexit illam. Doctrix enim est disciplinæ Dei, et electrix operum illius. Tu. *Æ. Os suum. p. 129.*

LECTIO 3.

Et si divitiæ appetuntur in vitâ quid sapientiâ locupletius, quæ operatur omnia? Si autem sensus operatur: quis horum, quæ sunt, magis quàm illa est artifex? Et si justitiam quis diligit: labores hujus magnas habent virtutes: sobrietas enim et prudentiam docet, et justitiam, et virtutem, quibus utilius nihil est in vitâ hominibus. Tu. *Æ. Lætamini. p. 129.*

IN SABBATIS.

De libro Sapientiæ.

LECTIO 1. c. 8. v. 9.

Proposui ergo hanc adducere mihi ad convivendum: sciens quoniam mecum communicabit de bonis, et erit allocutio cogitationis et lædii mei. Habebo propter hanc claritatem ad turbas, et honorem apud seniores juvenis: et acutus inveniar in iudicio, et in conspectu potentium admirabilis ero, et facies principum mirabuntur me. Tu. *Æ. Quædam.*

LECTIO 2. v. 13.

Præterea habeo per hanc immortalitatem, et memoriam æternam his, qui post me futuri sunt, relinquam. Intrans in domum meam conquiescam cum illâ: non enim habet amaritudinem conversatio

illius, nec tedium convictus illius, sed lætitiā et gaudium. Tu. ꝑ. Martha. p. 129.

LECTIO 3.

Hæc cogitans apud me, et commemorans in corde meo: quoniam immortalitas est in cognatione sapientiæ, et in amicitia illius delectatio bona, et in operibus manuum illius honestas sine defectio-
ne, et in certamine loquelæ illius sapientia, et præclaritas in communicatione sermonum ipsius: circuibam quærens, ut mihi illam assumerem. Tu. ꝑ. Intra cubic. p. 129.

DOM. I. VIT. CONT.

Semiduplex.

Hæc Dom. omittitur omnino, si inciderit post Septuages, vel in ipsam Septuages.

Si inciderit verò ante Dom. Sept. ejus loco ponitur sequens Dom. ut legatur liber secundus Regum, et de ipso fit tantum commemoratio.

Cum autem hæc Dom. incidat semper infra oct. Purific. Offic. fit ut in ipso die. Idem observatur, quando ejus loco ponitur Dom. II.

AD MATUTIN.

Invitator. Christum MARIE Filium hodiè in templo præsentatum* Venite, adoremus.

HYMNUS 44. Brev. Antig. Ilerd.
Quod chorus vatum venerandus olim,

Spiritu Sancto cecinit repletus,
In Dei factum Genitrice constat

Esse MARIA.

Hæc Deum cæli, Dominumque terræ

Virgo concepit, peperitque Virgo
Atque post partum meruit manere
Inviolata.

Quem senex justus Simeon in
ulnas

In domo sumpsit Domini: gavisus
Hoc quod optatum proprio videret
Lumine Christum.

Tu libens, votis, petimus, precantum,

Regis æterni Genitrix, faveto,
Clara quæ cælsi renitens olympi
Regna petisti.

Sit decus summo sine fine Christo,

Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

IN I. NOCT.

De libro primo Regum.

LECTIO 1. c. 25. v. 2.

Erat vir quispiam in solitudine Mahon, et possessio ejus in Carmelo, et homo ille magnus nimis. Nomen autem viri illius erat Nabal, et nomen uxoris ejus Abigail... Cum ergò audisset David in deserto, quod tonderet Nabal gregem suum, misit decem juvenes, et dixit eis: ascendite ad Carmelum, et venietis ad Nabal, et salutabit eum ex nomine meo pacificè. Et dicetis... inveniant pueri tui gratiam in oculis tuis, in die enim bonam venimus... Cumque venissent pueri David, locuti sunt ad Nabal omnia verba hæc ex nomine David... Respondens autem Nabal pueris David ait. Quis est David, et quis est filius Isai? Tu. Respons. ut in die Purificat.

LECTIO 9. v. 14.

Abigail autem uxori Nabal nuntiavit unus de pueris suis, dicens: Ecce David misit nuntios de deserto, ut benedicerent Domino nostro: et aversatus est eos... Quam ob rem considera, et recogita, quid facias: quoniam completa est malitia adversum virum tuum, et adversum domum tuam, et ipse est filius Belial, ita ut nemo possit ei

loqui. Festinavit igitur Abigail: dixitque pueris suis: præcedite me: ecce ego post tergum sequar vos: viro autem suo Nabal non indicavit. Tu. ꝑ.

LECTIO 3. v. 23.

Cum autem vidisset Abigail David festinavit, et descendit de asino, et procidit coram David super faciem suam, et adoravit super terram, et cecidit ad pedes ejus, et dixit: In me sit, Domine mi, hæc iniquitas: loquatur, obsecro, ancilla tua in auribus tuis, et audi verba famulæ tuæ... Et ait David ad Abigail: Benedictus Dominus Deus Israel, qui misit hodiè te in occursum meum, et benedictum eloquium tuum, et benedicta tu, quæ prohibuisti me hodiè ne irem ad sanguinem, et ulciscerer me manu meâ. Tu. ꝑ.

IN II. NOCT.

Ex verbis S. Bonaventuræ Ep. in Speculo B. MARIE V. Lect. 14.

LECTIO 4.

Dico, carissimi, quod MARIA benedicta est, quia per eam Deus homini placabilis est, sicut signatum est in Abigail, de quâ legitur, quod cum David offensus occidere vellet Nabal stultum, Abigail occurrens offenso placavit eum. Qui placatus dixit: benedictum eloquium tuum, et benedicta quæ prohibuisti me, nè irem hodiè ad sanguinem, et ulciscerer me manu meâ. Tu. ꝑ.

LECTIO 5.

Nabal stultus signat peccatorem. Omnis enim peccator stultus est. Abigail MARIAM signat, interpretatur enim, patris exultatio. Quanta Patris cœlestis in MARIA, et MARIE in Patre cœlesti fuit exultatio, cum ipsa dicat: Exultavit Spiritus meus in Deo salutari meo.

Sicut autem Abigail Dominam nostram, sic David Dominum nostrum signat. Tu. ꝑ.

LECTIO 6.

David autem offensus est stulto Nabal, quando Dominus offensus est homini impio. David Nabal stulto per Abigail placatur, quando Dominus impio per MARIAM reconciliatur. Abigail placavit David verbis et muneribus. MARIA placat Dominum precibus et meritis. Abigail ultorem temporalem, MARIA verò æternalem convertit. Tu. ꝑ.

IN III. NOCT.

Lectio S. Evangelii secund. Lucam.

LECTIO 7. c. 2.

In illo tempore: Dixit Simeon ad MARIAM Matrem JESU: ecce positus est hic in ruinam, et in resurrectionem multorum in Israel. Et reliqua.

Homilia S. Bonaventuræ Ep. Specul. B. V. M. Lectione 4.

Hic gladius acutissimam Filii sui passionem, sive mortem, signat: gladius corporalis animam nec occidere potest, nec vulnerare: sic acutissima Christi passio, nec animam MARIE per compassionem pertransivit, ipsam tamen nec per odium occidit, nec per impatientiam vulneravit. Tu. ꝑ.

LECTIO 8.

MARIA enim interfectores Filii sui nunquam odivit, nunquam contra eos impatiens fuit. Nam si alii Martyres patientissimi fuerint in martyrio suo corporali, quanto magis Mater nostra MARIA in Martyrio suo spirituali, de cuius nobili martyrio Hieronymus ait: quia spiritualiter et atrocius passa est gladio passionis Christi, plusquam Martyr fuit. Tu. ꝑ.

LECTIO 9.

O mira MARIE patientia, et mansuetudo, quæ non solum patientissima fuit, dum coram ipsâ Filius ejus crucifigeretur, sed etiâ dum ante crucifixionem propter ipsam Filius ejus vilipenderetur, sicut in Evangelio Marci dicitur: nonne hic est fabri filius et MARIE? ubi post pauca sequitur: et scandalizabantur in eo. Tu. Te Matrem. p. 5.

Ad Laud. et Horas ant. Capit. &c. ut in die Purif.

Ad Bened. ant. Ecce positus * est hic in signum, cui contradicetur, et tuam animam doloris gladius pertransibit.

Oremus. *Oratio.*

Adjuvet nos, quæsumus, Domine, gloriosæ tuæ Genitricis semperque Virginis MARIE intercessio veneranda: ut, quos perpetuis cumulavit beneficiis, à cunctis periculis absolutos, suâ faciat pietate concordēs: Qui vivis et regnas.

CANONES.

VITÆ CONTEMPLATIVÆ

In Dominicis et Feriis Februarii recitandi, si hæ Dominicæ et Feriæ venerint ante Septuagesimam. Si vero venerint post Septuagesimam transferuntur ad ultimas Dominicas et Hebdomadas post Pentecostem.

VI.

MARIA DEIPARA.

CANON.

Ex S. Epiphania Episcopo. An. 370. — *Contr. hæres. hæ. 30. p. 70.*

171. Magna revera est MARIA Sancta Virgo coram Domino et hominibus. Quomodo enim non dixerimus hanc magnam, quæ incomprehensibilem concepit, quem

cœli et terra capere non possunt? Tu.

Ad Magnific. ant. Benedictum * eloquium tuum, et benedicta tû, quæ prohibuisti me hodiè ne ulciscerer manu meâ.

CANONES.

Infra Hebd. prim. Febr.

FERIA II.

Ex D. Accasio Ep. Militensi. *Ad an. 431. — Hom. hab. in Conc. Eph. p. 3. c. 7.*

172. Deipara est Sancta Virgo, Deus enim ex eâ natus est, non quòd initium, ut esset, ex eâ sumpserit, sed quòd, ut homo fieret, principia indè hauserit. Tu.

FERIA III.

Ex Concilio Alexandrino. *An. 431. Epist. Synodica ad Nestor. — Concil. T. V. p. 403. n. 11.*

173. Quia sacra Virgo Deum carni secundum hypostasim unitum corporaliter genuit, ob id illam quoque Deiparam esse dicimus. Tu.

FERIA IV.

Ex S. Leone Papâ Primo. *An. 450. Ep. 93. ad Turib. Asturicens. n. 3. — Conc. T. VII. p. 222.*

174. In magnæ tendunt impietatis abruptum, qui Christum Dominum, vel ex Matre volunt habere principium, vel Patris Dei Unigenitum diffidentur: cum et de Matre is natus sit, qui erat Deus Verbum, et de Patre nemo sit genitus præter Verbum. Tu.

FERIA V.

Ex Concilio Chalcedonensi. *An. 451. — Tom. 8. Concil. p. 629.*

175. Sancta MARIA Theotocos scribatur: in Symbolo sic addatur. Tu.

FERIA VI.

Ex Concilio Chalcedonensi. *Ut supra! pag. 631.*

176. Sancta MARIA Theotocos est: Qui non sic sapit, hæreticus est. Tu.

SABBATO.

Ex Joanne Papâ Secundo.

Epist. 3. ad Senatores—Concil.

Tom. 11. p. 122.

177. Gloriosam Sanctam semper Virginem MARIAM propriè et veracitèr Dei Genitricem, Matremque Dei Verbi ex eâ incarnati, ab hominibus catholicis confiteri rectè esse docemus propriè et veracitèr. Tu.

DOM. II. VITÆ CONT.

Semiduplex.

Si hæc Dom. incidat in Sept. vel post Septuag. omittitur. Quando ponitur in loco primæ dicitur Hymn. Quod chorus. ad Mat. et reliqua ut in die Purific. cum. commemoratione Domini. ejusdem.

IN I. NOCT.

De libro secundo Regum.

LECTIO 1. c. 6. v. 12.

Abiit ergò David, et adduxit arcam Dei de domo Obededon in civitatem David cum gaudio: et erant cum David septem chori et victima vituli. Cumque transcendissent qui portabant arcam Domini sex passus, immolabant bovem et arietem. Et David saltabat totis viribus ante Dominum. Porro David erat accintus Ephod lineo. Tu. *¶* Memorare. p. 129.

LECTIO 2.

Et David, et omnis domus Israel ducebant arcam testamenti Domini in jubilo, et in clangore buccinæ... Et introduxerunt arcam Domini, et imposuerunt eam in loco suo, in medio tabernaculi, quod tendenterat ei David: et obtulit David holocausta et pacifica coram Domino. Tu. *¶* Continet. p. 129.

LECTIO 3.

Cumque complisset offerens holocausta, et pacifica benedixit populo in nomine Domini exercituum. Et partitus est universæ multitudi- ni Israel, tam viro, quam mulieri, singulis collyridam panis unam, et assaturam bubulæ carnis unam, et similam frixam oleo, et abiit omnis populus, unusquisque in domum suam. Tu. *¶* Virgo. p. 129.

IN II. NOCT.

Sermo S. Ambrosii Ep.

Serm. 80. LECTIO 4.

Siquidem David rex paritèr et Propheta, dum multa cecinerit ante arcam testamenti, etiã saltasse dicatur. Elatus enim gaudio, in saltationem prorumpit. Prævidebat enim in Spiritu MARIAM de germine suo Christi thalamo sociandam. Undè ait: et ipse tanquàm sponsus procedens de thalamo suo. Tu. *¶* Tu medicina. p. 129.

LECTIO 5.

Ideo ipse præ cæteris Prophetiarum auctoribus plus cantavit, quia lætior cunctis per hæc gaudia suos posteros conjugabat, et ad propria vota dulciùs invitans, docuit nos quid ex ipsis nuptiis facere deberemus, cum illo ante nuptias tanta exultatione saltaverit ante arcam. Arcam autem quid nisi sapientiam MARIAM dixerimus. Tu. *¶* Os suum. p. 129.

LECTIO 6.

Si quidem arca intrinsecùs portabat testamenti tabulas. MARIA autem ipsius testamenti gestabat hæredem. Illa intra se legem, hæc Eva nigelium retinebat. Illa Dei vocem habebat, hæc Verbum: verumtamen arca intus forisque auri nitore radiabat, sed et Sancta MARIA intus forisque virginitatis splen-

dore fulgebat. Illa terreno ornabatur auro, ista cœlesti. Tu. p. Lætamini. p. 129.

IN III. NOCT.

Lectio S. Evangelii secundum Lucam.

LECTIO 7. c. 2. v. 33.

In illo tempore: Erat JOSEPH et MARIA mater JESU, mirantes super his, quæ dicebantur de illo. Et reliqua.

Homilia S. Ambrosii Episcopi. Lib. 2. in cap. 2. Lucæ propè finem.

Vides uberem in omnes gratiam Domini generatione diffusam, et prophetiam incredulis negatam esse, non justis. Ecce et Simeon prophetat in ruinam et in resurrectionem multorum venisse Dominum JESUM-Christum, ut justorum iniquorumquæ merita dicernat, aut præmia. Tu. p. Quædam. p. 129.

LECTIO 8.

Et tuam ipsius animam pertransibit gladius. Nec litera, nec historia docet ex vitâ MARIAM corporalis necis passione migrasse. Non enim anima, sed corpus materiali gladio transverberatur. Et ideò prudentiam MARIE haud ignaram mysterii cœlestis ostendit. Tu. p. Intra cubicul. p. 129.

LECTIO 9.

Prophetavit itaque Simeon, prophetaverat Virgo, prophetaverat copulata conjugio: prophetare debuit etiã vidua, ne qua aut pro-
165-
166-
167-
168-
169-
170-
171-
172-
173-
174-
175-
176-
177-
178-
179-
180-
181-
182-
183-
184-
185-
186-
187-
188-
189-
190-
191-
192-
193-
194-
195-
196-
197-
198-
199-
200-
201-
202-
203-
204-
205-
206-
207-
208-
209-
210-
211-
212-
213-
214-
215-
216-
217-
218-
219-
220-
221-
222-
223-
224-
225-
226-
227-
228-
229-
230-
231-
232-
233-
234-
235-
236-
237-
238-
239-
240-
241-
242-
243-
244-
245-
246-
247-
248-
249-
250-
251-
252-
253-
254-
255-
256-
257-
258-
259-
260-
261-
262-
263-
264-
265-
266-
267-
268-
269-
270-
271-
272-
273-
274-
275-
276-
277-
278-
279-
280-
281-
282-
283-
284-
285-
286-
287-
288-
289-
290-
291-
292-
293-
294-
295-
296-
297-
298-
299-
300-
301-
302-
303-
304-
305-
306-
307-
308-
309-
310-
311-
312-
313-
314-
315-
316-
317-
318-
319-
320-
321-
322-
323-
324-
325-
326-
327-
328-
329-
330-
331-
332-
333-
334-
335-
336-
337-
338-
339-
340-
341-
342-
343-
344-
345-
346-
347-
348-
349-
350-
351-
352-
353-
354-
355-
356-
357-
358-
359-
360-
361-
362-
363-
364-
365-
366-
367-
368-
369-
370-
371-
372-
373-
374-
375-
376-
377-
378-
379-
380-
381-
382-
383-
384-
385-
386-
387-
388-
389-
390-
391-
392-
393-
394-
395-
396-
397-
398-
399-
400-
401-
402-
403-
404-
405-
406-
407-
408-
409-
410-
411-
412-
413-
414-
415-
416-
417-
418-
419-
420-
421-
422-
423-
424-
425-
426-
427-
428-
429-
430-
431-
432-
433-
434-
435-
436-
437-
438-
439-
440-
441-
442-
443-
444-
445-
446-
447-
448-
449-
450-
451-
452-
453-
454-
455-
456-
457-
458-
459-
460-
461-
462-
463-
464-
465-
466-
467-
468-
469-
470-
471-
472-
473-
474-
475-
476-
477-
478-
479-
480-
481-
482-
483-
484-
485-
486-
487-
488-
489-
490-
491-
492-
493-
494-
495-
496-
497-
498-
499-
500-
501-
502-
503-
504-
505-
506-
507-
508-
509-
510-
511-
512-
513-
514-
515-
516-
517-
518-
519-
520-
521-
522-
523-
524-
525-
526-
527-
528-
529-
530-
531-
532-
533-
534-
535-
536-
537-
538-
539-
540-
541-
542-
543-
544-
545-
546-
547-
548-
549-
550-
551-
552-
553-
554-
555-
556-
557-
558-
559-
560-
561-
562-
563-
564-
565-
566-
567-
568-
569-
570-
571-
572-
573-
574-
575-
576-
577-
578-
579-
580-
581-
582-
583-
584-
585-
586-
587-
588-
589-
590-
591-
592-
593-
594-
595-
596-
597-
598-
599-
600-
601-
602-
603-
604-
605-
606-
607-
608-
609-
610-
611-
612-
613-
614-
615-
616-
617-
618-
619-
620-
621-
622-
623-
624-
625-
626-
627-
628-
629-
630-
631-
632-
633-
634-
635-
636-
637-
638-
639-
640-
641-
642-
643-
644-
645-
646-
647-
648-
649-
650-
651-
652-
653-
654-
655-
656-
657-
658-
659-
660-
661-
662-
663-
664-
665-
666-
667-
668-
669-
670-
671-
672-
673-
674-
675-
676-
677-
678-
679-
680-
681-
682-
683-
684-
685-
686-
687-
688-
689-
690-
691-
692-
693-
694-
695-
696-
697-
698-
699-
700-
701-
702-
703-
704-
705-
706-
707-
708-
709-
710-
711-
712-
713-
714-
715-
716-
717-
718-
719-
720-
721-
722-
723-
724-
725-
726-
727-
728-
729-
730-
731-
732-
733-
734-
735-
736-
737-
738-
739-
740-
741-
742-
743-
744-
745-
746-
747-
748-
749-
750-
751-
752-
753-
754-
755-
756-
757-
758-
759-
760-
761-
762-
763-
764-
765-
766-
767-
768-
769-
770-
771-
772-
773-
774-
775-
776-
777-
778-
779-
780-
781-
782-
783-
784-
785-
786-
787-
788-
789-
790-
791-
792-
793-
794-
795-
796-
797-
798-
799-
800-
801-
802-
803-
804-
805-
806-
807-
808-
809-
810-
811-
812-
813-
814-
815-
816-
817-
818-
819-
820-
821-
822-
823-
824-
825-
826-
827-
828-
829-
830-
831-
832-
833-
834-
835-
836-
837-
838-
839-
840-
841-
842-
843-
844-
845-
846-
847-
848-
849-
850-
851-
852-
853-
854-
855-
856-
857-
858-
859-
860-
861-
862-
863-
864-
865-
866-
867-
868-
869-
870-
871-
872-
873-
874-
875-
876-
877-
878-
879-
880-
881-
882-
883-
884-
885-
886-
887-
888-
889-
890-
891-
892-
893-
894-
895-
896-
897-
898-
899-
900-
901-
902-
903-
904-
905-
906-
907-
908-
909-
910-
911-
912-
913-
914-
915-
916-
917-
918-
919-
920-
921-
922-
923-
924-
925-
926-
927-
928-
929-
930-
931-
932-
933-
934-
935-
936-
937-
938-
939-
940-
941-
942-
943-
944-
945-
946-
947-
948-
949-
950-
951-
952-
953-
954-
955-
956-
957-
958-
959-
960-
961-
962-
963-
964-
965-
966-
967-
968-
969-
970-
971-
972-
973-
974-
975-
976-
977-
978-
979-
980-
981-
982-
983-
984-
985-
986-
987-
988-
989-
990-
991-
992-
993-
994-
995-
996-
997-
998-
999-
1000-
1001-
1002-
1003-
1004-
1005-
1006-
1007-
1008-
1009-
1010-
1011-
1012-
1013-
1014-
1015-
1016-
1017-
1018-
1019-
1020-
1021-
1022-
1023-
1024-
1025-
1026-
1027-
1028-
1029-
1030-
1031-
1032-
1033-
1034-
1035-
1036-
1037-
1038-
1039-
1040-
1041-
1042-
1043-
1044-
1045-
1046-
1047-
1048-
1049-
1050-
1051-
1052-
1053-
1054-
1055-
1056-
1057-
1058-
1059-
1060-
1061-
1062-
1063-
1064-
1065-
1066-
1067-
1068-
1069-
1070-
1071-
1072-
1073-
1074-
1075-
1076-
1077-
1078-
1079-
1080-
1081-
1082-
1083-
1084-
1085-
1086-
1087-
1088-
1089-
1090-
1091-
1092-
1093-
1094-
1095-
1096-
1097-
1098-
1099-
1100-
1101-
1102-
1103-
1104-
1105-
1106-
1107-
1108-
1109-
1110-
1111-
1112-
1113-
1114-
1115-
1116-
1117-
1118-
1119-
1120-
1121-
1122-
1123-
1124-
1125-
1126-
1127-
1128-
1129-
1130-
1131-
1132-
1133-
1134-
1135-
1136-
1137-
1138-
1139-
1140-
1141-
1142-
1143-
1144-
1145-
1146-
1147-
1148-
1149-
1150-
1151-
1152-
1153-
1154-
1155-
1156-
1157-
1158-
1159-
1160-
1161-
1162-
1163-
1164-
1165-
1166-
1167-
1168-
1169-
1170-
1171-
1172-
1173-
1174-
1175-
1176-
1177-
1178-
1179-
1180-
1181-
1182-
1183-
1184-
1185-
1186-
1187-
1188-
1189-
1190-
1191-
1192-
1193-
1194-
1195-
1196-
1197-
1198-
1199-
1200-
1201-
1202-
1203-
1204-
1205-
1206-
1207-
1208-
1209-
1210-
1211-
1212-
1213-
1214-
1215-
1216-
1217-
1218-
1219-
1220-
1221-
1222-
1223-
1224-
1225-
1226-
1227-
1228-
1229-
1230-
1231-
1232-
1233-
1234-
1235-
1236-
1237-
1238-
1239-
1240-
1241-
1242-
1243-
1244-
1245-
1246-
1247-
1248-
1249-
1250-
1251-
1252-
1253-
1254-
1255-
1256-
1257-
1258-
1259-
1260-
1261-
1262-
1263-
1264-
1265-
1266-
1267-
1268-
1269-
1270-
1271-
1272-
1273-
1274-
1275-
1276-
1277-
1278-
1279-
1280-
1281-
1282-
1283-
1284-
1285-
1286-
1287-
1288-
1289-
1290-
1291-
1292-
1293-
1294-
1295-
1296-
1297-
1298-
1299-
1300-
1301-
1302-
1303-
1304-
1305-
1306-
1307-
1308-
1309-
1310-
1311-
1312-
1313-
1314-
1315-
1316-
1317-
1318-
1319-
1320-
1321-
1322-
1323-
1324-
1325-
1326-
1327-
1328-
1329-
1330-
1331-
1332-
1333-
1334-
1335-
1336-
1337-
1338-
1339-
1340-
1341-
1342-
1343-
1344-
1345-
1346-
1347-
1348-
1349-
1350-
1351-
1352-
1353-
1354-
1355-
1356-
1357-
1358-
1359-
1360-
1361-
1362-
1363-
1364-
1365-
1366-
1367-
1368-
1369-
1370-
1371-
1372-
1373-
1374-
1375-
1376-
1377-
1378-
1379-
1380-
1381-
1382-
1383-
1384-
1385-
1386-
1387-
1388-
1389-
1390-
1391-
1392-
1393-
1394-
1395-
1396-
1397-
1398-
1399-
1400-
1401-
1402-
1403-
1404-
1405-
1406-
1407-
1408-
1409-
1410-
1411-
1412-
1413-
1414-
1415-
1416-
1417-
1418-
1419-
1420-
1421-
1422-
1423-
1424-
1425-
1426-
1427-
1428-
1429-
1430-
1431-
1432-
1433-
1434-
1435-
1436-
1437-
1438-
1439-
1440-
1441-
1442-
1443-
1444-
1445-
1446-
1447-
1448-
1449-
1450-
1451-
1452-
1453-
1454-
1455-
1456-
1457-
1458-
1459-
1460-
1461-
1462-
1463-
1464-
1465-
1466-
1467-
1468-
1469-
1470-
1471-
1472-
1473-
1474-
1475-
1476-
1477-
1478-
1479-
1480-
1481-
1482-
1483-
1484-
1485-
1486-
1487-
1488-
1489-
1490-
1491-
1492-
1493-
1494-
1495-
1496-
1497-
1498-
1499-
1500-
1501-
1502-
1503-
1504-
1505-
1506-
1507-
1508-
1509-
1510-
1511-
1512-
1513-
1514-
1515-
1516-
1517-
1518-
1519-
1520-
1521-
1522-
1523-
1524-
1525-
1526-
1527-
1528-
1529-
1530-
1531-
1532-
1533-
1534-
1535-
1536-
1537-
1538-
1539-
1540-
1541-
1542-
1543-
1544-
1545-
1546-
1547-
1548-
1549-
1550-
1551-
1552-
1553-
1554-
1555-
1556-
1557-
1558-
1559-
1560-
1561-
1562-
1563-
1564-
1565-
1566-
1567-
1568-
1569-
1570-
1571-
1572-
1573-
1574-
1575-
1576-
1577-
1578-
1579-
1580-
1581-
1582-
1583-
1584-
1585-
1586-
1587-
1588-
1589-
1590-
1591-
1592-
1593-
1594-
1595-
1596-
1597-
1598-
1599-
1600-
1601-
1602-
1603-
1604-
1605-
1606-
1607-
1608-
1609-
1610-
1611-
1612-
1613-
1614-
1615-
1616-
1617-
1618-
1619-
1620-
1621-
1622-
1623-
1624-
1625-
1626-
1627-
1628-
1629-
1630-
1631-
1632-
1633-
1634-
1635-
1636-
1637-
1638-
1639-
1640-
1641-
1642-
1643-
1644-
1645-
1646-
1647-
1648-
1649-
1650-
1651-
1652-
1653-
1654-
1655-
1656-
1657-
1658-
1659-
1660-
1661-
1662-
1663-
1664-
1665-
1666-
1667-
1668-
1669-
1670-
1671-
1672-
1673-
1674-
1675-
1676-
1677-
1678-
1679-
1680-
1681-
1682-
1683-
1684-
1685-
1686-
1687-
1688-
1689-
1690-
1691-
1692-
1693-
1694-
1695-
1696-
1697-
1698-
1699-
1700-
1701-
1702-
1703-
1704-
1705-
1706-
1707-
1708-
1709-
1710-
1711-
1712-
1713-
1714-
1

facta est ancilla hominis per divinitatem et Mater Verbi per Incarnationem. Tu.

FERIA V.

Ex Concilio Mediolanensi.

An. 679.—*Inter præambul. Conc. III. Constantinop. T. 16. p. 46.*

182. Propriè et verè Dei Genitricem Sanctam et gloriosam et semper Virginem MARIAM confitemur: non quia Deus Verbum initium ex ipsa accepit; sed quod in ultimis diebus unigenitus Deus Verbum, qui ante sæcula erat, incarnatus ex ipsa immutabilèr homo factus est. Tu.

FERIA VI.

Ex Concilio Constantinopolitano Tertio.

An 680.—*Can. 1.—Concil. T. 16. p. 680.*

183. Quæ in Ephesiorum civitate à ducentis divinis Patribus sub Theodoro Arcadii filio imperatore nostro expositæ sunt, doctrinas, tanquam infractum pietatis robur obsignamus, unum Christum Filium Dei incarnatum prædicantes; et quæ ipsum sine semine peperit, impollutam semper Virginem propriè et verè Deiparam decernentes. Tu.

SABBATO.

Ex Concilio Romano.

An. 680. *Sub Agathon, Ep. Synodica ejusd.—Conc. T. 16. p. 180.*

184. Confitemur unum ejusdem Sanctæ coessentialis Trinitatis Deum Verbum... incarnatum de Spiritu Sancto et Sanctâ Immaculatâ, semperque Virgine gloriosâ MARIA Dominâ nostrâ verè et propriè Dei Genitricæ. Tu.

DOM. III. VITÆ CONT.

Semiduplex.

Hæc Dom. omittitur in Septuag.

Omnia dicuntur ut in Psalter. per annum.

IN I. NOCT.

De libro tertio Regum.

LECTIO 1. c. 6. v. 1.

Factum est quadringentesimo et octogesimo anno egressionis filiorum Israel de terrâ Ægypti, in anno quarto, mense Zio (ipse est mensis secundus), regni Salomoris, super Israel ædificari cœpit domus Domino. Domus autem, quam ædificabat rex Salomon Domino, habebat sexaginta cubitos in longitudine et viginti cubitos in latitudine, et triginta cubitos in altitudine. Tu. *¶ Memorare. p. 129.*

LECTIO 2. v. 6.

Trabes autem posuit in domo per circuitum forinsecus, ut non hærent muris templi. Domus autem cum ædificaretur, de lapidibus dolatis, atque perfectis ædificata est: et malleus, et securis et omne ferramentum non sunt audita in domo, cum ædificaretur. Tu. *¶ Continet. p. 129.*

LECTIO 3.

Ostium lateris medii in parte erat domus dextræ: et per cocleam ascendebant in medium cœnaculum, et à medio in tertium. Et ædificavit domum, et consumavit eam: textit quoque domum laqueribus cedrinis. Et ædificavit tabulatum super omnem domum quinque cubitis altitudinis; et operuit domum lignis cedrinis. Tu. *¶ Virgo p. 122.*

IN II. NOCT.

Sermo S. Ephrem Diaconi.

Serm. adversus Hæretic.

LECTIO 4.

Non ex super inducto semine Virgo peperit: absit; sed suam ipsius substantiam sine motu carnali commodavit, et non lapidibus, ascia vel

securi dolatis sapientia sibi domum ædificavit. Non est auditum fieri sonus in ædificio: neque enim vir in MARIA ministravit, sed sola Virgo. Tu. ꝑ. Tu medicina. p. 129.

LECTIO 5.

Politi per se, ac jam dolati lapides erant, non ab hominibus præparati: ita etiam in MARIA assumptio non virili operâ facta est: sed ex naturâ nostrâ delecta per castissimam Virginem. Sicut è terrâ sumpti sunt lapides, ita et assumptio aucta est per naturam, et divinitus mansit immaculata propter incontaminatam naturam. Tu. ꝑ. Os suum. p. 129.

LECTIO 6.

Absque ferro ædificatum est templum, et sine corruptione atque dolore natus est Christus. Sola terra ministravit, sicut et sola Virgo concepit. Non est scissa petra, neque sensit lapidum abscissionem terra: et Virgo neque mo'a est, neque ex voluptate concepit. Non aliundè terra lapides acceptos præbuit, verum ipsa eos sine labore, atque experientiâ suppeditavit. Similiter quoque in Virgine non super inductus quispiam assumptioni fuit, sed ab ipsâ assumptus est. Tu. ꝑ. Lætamini. p. 129.

IN III. NOCT.

Lectio Sancti Evangelii secundum Lucam.

LECTIO 7. c. 10. v. 42.

In illo tempore: dixit JESUS Martha: Maria optimam partem elegit. Et reliqua.

Homilia S. Bernardi Abbatis.

Serm. 4. in assumpt. B. V.

Optimam partem elegit sibi MARIA, optimam planè: quia bona fœcunditas conjugalis, melior autem castitas virginalis: prorsus autem optima est fœcunditas virginea, seu fœcunda virginitas. MARIE privi-

legium est, non dabitur alteri, quia non auferetur ab eâ. Singulare etiam est: sed continuo etiam indicibile invenitur, ut nemo assequi potest, sic nec eloqui quidem. Tu. ꝑ. Quædam. p. 129.

LECTIO 8.

Quid si illud adjicias, cujus mater? Quæ jam poterit lingua, etiam si angelica sit, dignis extollere laudibus Virginem matrem, matrem autem non cujuscumque sed Dei? Duplex novitas, duplex prærogativa, duplex miraculum, sed dignè prorsus, amplissimèque conveniens. Neque enim Filius alius Virginem, nec Deum decuit parvus alter. Tu. ꝑ. Intra cubic. p. 129.

LECTIO 9.

Verumtamen non hoc tantum si diligentè attendas, sed cæteras quoque virtutes singulares prorsus invenies in MARIA, quæ videbantur esse communes. Quæ enim vel angelica puritas virginitati illi audeat comparari, quæ digna fuit Spiritus Sancti sacrarium fieri, et habitaculum Filii Dei? Si rerum pretia de raritate pensamus, quæ prima in terris angelicam proposuit ducere vitam, super omnes est. Tu. Te matrem. p. 5.

Ad Benedict. ant. MARIA * optimam partem elegit, quæ non auferetur ab eâ.

Oremus.

Oratio.

Protege, Domine, famulos tuos propitiatione perpetuâ, ut qui ex toto corde Virgini Matri tuæ fideliter servire cupimus, et tibi placere valeamus. Qui vivis et regnâs.

CANON.

Ex Concilio Nicæno Secundo.

An. 787. act. 7.—Concil. T. 18. p. 583.

185. Confitemur Dominam nostram Sanctam MARIAM propriè et

verè Deiparam, ut quæ peperit unum Sanctæ Trinitatis Christum Dominum, quemadmodum prior Ephesina Synodus constituit Tu.

Ad Magnific. ant. Malleus, * et securis, et omne ferramentum non sunt audita in domo, cum ædificaretur.

CANONES.

Infra Dom. 3. Februar.

FERIA II.

Ex Epistolâ Synodicâ Theodori Patriarchæ Jerosolymitani.

Probata in Conc. Nicæno II. act. 3. Concil. T. 19. p. 194.

186. Dei Genitricem propriè ac per veritatem Sanctissimam **MARIAM** nominari «Ephesina Synodus» legitimè statuit. Tu.

FERIA III.

Ex Concilio Nicæno Secundo.

Act. 7.—T. 19. Concilior. p. 579.

187. Confitemur Dominam nostram Sanctam **MARIAM** propriè ac veracitèr Dei Genitricem, quoniàm peperit carne, unum ex Sanctâ Trinitate, Christum videlicet Deum nostrum. Tu.

FERIA IV.

Ex Concilio Francofordiensi.

An. 794.—Epist. ad præsul. Hispaniæ—Conc. T. 20. p. 115.

188. Neque alium **JESUM** Christum, alium Verbum dicimus, ut nova hæresis calumniatur, sed eundem et ante sæcula, et ante mundum, et post **MARIAM**, imò ex **MARIA** magnum Deum appellamus, Salvatorem nostrum **JESUM** Christum, qui dedit semetipsum pro nobis. Tu.

FERIA V.

Ex Concilio Constantinopolitano Quarto.

An. 870.—Ad finem Conc. T. 23. p. 394.

189. Sanctissimam et nuptiarum ignaram **MARIAM**, quæ illum peperit, propriè ac veracitèr Dei Genitricem falemur, quemadmodum universalis tertia Synodus, quæ apud Ephesum congregata est, prædicavit. Tu.

FERIA VI.

Ex Divo Thoma Aquinatis.

An. 1274.—Prim. p. q. 23. a. 6. ad 4.

190. Beata Virgo **MARIA**, ex hoc, quod est Mater Dei, habet quandam dignitatem infinitam ex infinito bono quod est Deus, et ex hac parte non potest aliquid fieri melius, sicut non potest aliquid esse melius Deo. Tu.

SABBATO.

Ex Concilio Florentino.

An. 1438.—Sess. 8.—Concil. T. 32. p. 141.

191. Dicere Filium Patri consubstantialem descendisse de cœlis, et incarnatum esse de Spiritu Sancto et **MARIA** Virgine, nihil aliud significat, quam Deum natum esse de Virgine. Est igitur explanatio vox Deipara, sed tamen non est addita..... Tu.

Sabbato ante Domin. in Septuagesimâ post Vesper. ad Benedicamus Dom. additur duplex Alleluia, hoc modo. ✠. Benedicamus Domino, alleluia, alleluia. ✠. Deo gratias, alleluia, alleluia.

Et deinceps non dicitur amplius alleluia usque ad Sabbat. Sanctum. Sed post Deus in adjutor. ubi dicebatur alleluia dicitur: Laus tibi Domine Rex æternæ gloriæ.

Sequentes tres Dominice, nempe Septuag. Sexag. et Quinquages. non omittuntur, nisi occurrente festo Duplici primæ classis, et tunc fit de eis commemoratio tantum. In

ipsis Domin. nulla fit commemoratio.

Si hæ Dominicæ incident in Puerper. ꝑ. post lect. dicuntur de temp. Puerper. Si verò incident in Vitâ contempl. tunc dicuntur de hoc tempore, cætera ut in Psalter. per annum.

DOM. IN SEPTUAGESIMA.

Semid. 2. Classis.

AD MATUT.

*Invitor. Præocupemus faciem MARIE in jubilatione: * et in canticis collaudemus eam.*

In primo versu Psalmi Invitorii Venite exult. omittitur: Præocupemus faciem etc. et ejus loco repetitur Invitorium.

IN I. NOCT.

De libro tertio Regum.

LECTIO 1. c. 10. v. 18.

Fecit rex Salomon thronum de ebore grandem: et vestivit eum auro fulvo nimis, qui habebat sex gradus: et sumitas throni rotunda erat in parte posteriori: et duæ manus hinc, atque inde tenentes sedile, et duo leones stabant juxta manus singulas. T. ꝑ. *In Puerper. Jacob. p. 113. ꝑ. Invit. cont. Memorare. p. 129.*

LECTIO 2.

Et duodecim leunculi stantes super sex gradus hinc atque inde: non est factum tale opus in universis regnis. Sed et omnia vasa, quibus potabat rex Salomon, erant aurea, et universa suppellex domus saltus Libani de auro purissimo: non erat argentum, nec alicujus pretii putabatur in diebus Salomonis. Tu. ꝑ. *In Puerper. Puer. p. 113. ꝑ. In vita contem. Continet. p. 129.*

LECTIO 3. v. 23.

Magnificatus est ergo rex Salomon

super omnes reges terræ divitiis et sapientiâ, et universa terra considerabat vultum Salomonis, ut audiret sapientiam ejus, quam dederat Deus in corde ejus, et singuli deferebant ei munera, vasa argentea et aurea, vestes et arma bellica, aromata quoquæ, et equos, et mulos per annos singulos. Tu. ꝑ. *In Puerper. Benedicta. p. 113. ꝑ. in vit. cont. Virgo, que. p. 129.*

IN II. NOCT.

Sermo S. Petri Damiani, Ep.
De Nativitate B. M. V.

LECTIO 4.

Salomon noster Christus fecit thronum, utrum videlicet intemeratæ Virginis, in quo sedit illa majestas, quæ totum concutit orbem. De ebore, inquit. Ebor enim et mirabili candore relucet, et multâ præeminet fortitudine, frigidiorisque naturæ sortitur auspiciū. Et quid candidius illâ virginitate quæ singularis aspectus sui gratiâ supercælestem curiam allicit ad videndum? Quid fortius illâ fortitudine, per quam Domini fortitudo vasa dirupit fortioris? Quid frigidius illâ substantiâ quam obumbravit virtus Altissimi, et ab æstu peccati defendit supervenientis Spiritus plenitudo? Tu. ꝑ. *In Puerper. Beata Dei. p. 113. ꝑ. In vita cont. Tu medicina. p. 119.*

LECTIO 5.

Sequitur grandem. Quid grandius Virgine MARIA, quæ magnitudinem divinitatis in sui ventris concludit arcanum? Attende Seraphim, et in illius superioris naturæ supervola dignitatem: et videbis quidquid majus est, minus Virgine, solumque Opificem opus istud supergredi. Et vestivit eum auro fulvo nimis. Aurum omnibus me-

tallis pretiosius intellige divinitatem Dei. Hâc vestita est, immò supervestita Mater Altissimi, totamque Virginem tota illa indivisibilis natura gratiori gratiâ superfundit. Tu. *¶. In puerp.* Beata visc. p. 113. *¶. In vit. cont.* Os suum. p. 119.

LECTIO 6.

Quid est autem quod dicit fulvo nimis? Hic taceat, et contremiscat omnis creatura, et vix audeat aspicere tantæ dignitatis, et dignationis immensitatem. Dominus tecum: ait Archangelus. Habitat in Angelis Deus, sed non cum Angelis, quia cum illis ejusdem non est essentiæ. Habitat Deus in Virgine, habitat cum illâ, cum quâ unius naturæ habet identitatem. Hoc est ergo aurum fulvum nimis, quo thronus est vestitus, quia tali modo Deus Virginem induit, et in Virgine indutus est, ut meliori non posset. Tu. *¶. In Puerp.* Ego dilect. p. 113. *¶. In vit. cont.* Lætami. p. 129.

IN III. NOCT.

Lectio S. Evangelii secundum Matthæum.

LECTIO 7. c. 1. v. 19.

In illo tempore: JOSEPH vir MARLÆ, cum esset justus, et nollet eam traducere. Et reliqua.

Homilia S. Bernardi Abbatis.

Homil. 2. super Missus.

Benè cum esset justus, noluit eam traducere; quia sicut nequaquam justus esset, si cognitam ream consensisset, sic nihilominus justus non esset, si probalam innoxiam condemnasset. Cum ergo justus esset, et nollet eam traducere, voluit dimittere eam. Tu. *¶. In Puerp.* Nesciens. p. 113. *¶. In vit. cont.* Quædam. p. 129.

LECTIO 8.

Quarè voluit dimittere eam? acci-

pe et in hoc non meam sed Patrum sententiam. Propter hoc JOSEPH voluit dimittere eam, propter quod et Petrus Dominum suum à se repellebat, dicens: Exi à me, Domine, quia homo peccator sum. Ita ergo et JOSEPH indignum et peccatorem se reputans, dicebat intra se: à tali et à tantâ non debere sibi ultrâ familiare præstari contubernium, cujus supra se mirabilem expavescebat dignitatem. Tu. *¶. In Puerp.* Creator. p. 113. *¶. In vit. cont.* Martha. p. 129.

LECTIO 9.

Sed quarè occultè et non palam? Ne videlicet divortii causa inquireretur, exigeretur ratio. Quid enim vir justus responderet populo duræ cervicis, populo non credenti, et contradicenti? Si diceret, quod sentiebat, quod de illius puritate non probaverat, nonne mox increduli et crudeles Judæi subsanarent illum, lapidarent illam? Quandò namque veritati crederent tacenti in utero, quam postea contempserunt clamantem in templo? Tu. *¶. In Puerp.* Gennit. *¶. In vit. cont.* Intra. p. 129.

In Dominicis à Septuag. usque ad Pasch. non dicitur Canticum. Te Matrem.

Ad Bened. ant. Cum esset justus * JOSEPH, volebat occultè dimittere eam.

Oremus.

Oratio.

Salva nos, Christe Salvator, et per intercessionem Sanctissimæ Genitricis tuæ, fac nos ad superna gaudia pervenire. Qui vivis et regnas.

VII.

ANATHEMATA

CONTRA HÆRETICOS.

CANON.

Ex S. Julio Papâ Primo.

An. 336.—*Epist. ad Prosdocium.*
n. 3.

192. Si quis autem Filium ex MARIA natum dicat hominem à Deo assumptum, unitasque personas duas; à divinâ spe alienum se sciat. Est enim Deus Verbum per quem omnia, sicut Joannes et Paulus docuerunt, non dicentes Verbum assumpsisse JESUM ex MARIA genitum, sed ipsum venisse in mundum natum ex muliere. Tu.

Ad Magnif. ant. Fecit rex Salomon * thronum de ebore magnum, et vestivit eum auro fulvo nimis.

CANONES.

Infra Hebdomad. Septuagesimæ.

FERIA II.

Ex S. Julio Papâ Primo.

Ibid. ut supr. n. 4.

193. Anathema sit quibus Filium ex MARIA natum non confiteatur incarnatum Deum Verbum, consubstantiali Patri, et à principio existentem, immutabilem in Incarnatione, et in passionibus impatibilem. Tu.

FERIA III.

Ex S. Julio Papâ Primo.

Ut supr.

194. Similiter anathema sit, et qui carnem Salvatoris non ex MARIA, sed è cœlo dicit: aut eum qui increatus est naturâ, rem creatam, et ex non exstantibus asserit. Tu.

FERIA IV.

Ex S. Athanasio Ep. Alexandrino.

An. 340.—*Concil. T. 6. In apologeti. pro 12 capit.—3. p. Conc. Eph.*

195. Si quis ex divinis scripturis docet, alium dicens Filium Dei, alium ex MARIA secundum gratiam Filium adoptatum, sicut nos, ut sint duo Filii, unus secundum na-

turam Filius Dei, qui ex Deo: et unus secundum gratiam, homo ex MARIA..... hunc anathematizat Sancta et catholica Ecclesia. Tu.

FERIA V.

Ex S. Athanasio Ep. Alexandrino.

Ut supra.

196. Si quis Domini carnem supernè esse dicit, et non ex Virgine MARIA..... hunc anathematizat Sancta et catholica Ecclesia. Tu.

FERIA VI.

Ex Concilio Ariminensi.

An. 359. *sub Liber.—Concil. T. 3. pag. 193.*

197. Si quis Deum Patrem ipsum de MARIA natum, eundemque Patrem et Filium dixerit; anathema sit. Tu.

SABBATO.

Ex Concilio Ariminensi.

Ut supra.

198. Si quis Filium Dei de MARIA initium sumpsisse dixerit, vel fuisset tempus, quando non erat Filius, anathema sit. Tu.

DOM. IN SEXAGESIMA.

Semid. 2. Classis.

Invitator. ut in Dom. præc. p. 140.

IN I. NOCT.

De libro quarto Regum.

LECTIO 1. c. 4. v. 1.

Mulier quædam de uxoribus Prophetarum clamabat ad Elisæum, dicens: servus tuus vir meus mortuus est; et tu nosti, quia servus tuus fuit timens Dominum: ecce creditor venit, ut tollat duos filios meos ad serviendum sibi. Cui dixit Elisæus: quid vis, ut faciam tibi? Dic mihi, quid habes in domo tuâ? At illa respondit: non habeo ancilla tua quidquam in domo meâ, nisi parum olei quo ungar. Tu. *Ut in Dom. præcedent. p. 140.*

LECTIO 2.

Cui ait: vade, pete mutuò ab omnibus vicinis tuis vasa vacua, non pauca. Et ingredi, et claude ostium tuum, cum intrensecus fueris tu, et filii tui: et mitte indè in omnia vasa hæc, et cum plena fuerint, tolles. Tu. *¶*

LECTIO 3.

Ivit itaque mulier, et clausit ostium super se, et super filios suos: illi afferebant vasa, et illa infundebat. Cumque plena fuissent vasa, dixit ad filium suum: affer mihi adhuc vas. Et ille respondit: non habeo. Stetitque oleum. Venit autem illa, et indicavit homini Dei. Tu. *¶*

IN II. NOCT.

Ex verbis S. Bonaventuræ Ep. in Speculo B. MARIE V. *Lect. 7.*

LECTIO 4.

Consideremus carissimi, quòd MARIA plena est unctione misericordiæ, plena oleo pietatis. Undè ipsa signata esse potest per mulierem illam, cui, clauso ostio domus suæ, omnia vasa intus congregata facta sunt miraculosè oleo plena, secundum quod Elisæus ei prædixerat, dicens: cum plena fuerint, tolles. Mulier ista est MARIA, quæ etiam à Filio suo mulier appellata est in Joanne, ubi dicitur: mulier, ecce Filius tuus. Tu. *¶*

LECTIO 5.

Hujus mulieris vasa sunt affectus et effectus, desideria et beneficia, quæ omnia plena oleo misericordiæ plena sunt in MARIA. Dicamus ergò, carissimi: dicamus MARIE: Date nobis de oleo vestro. Petamus oleum misericordiæ ejus in mundo, ne frustrà petamus in judicio. Tu. *¶*

LECTIO 6.

Quòd autem domus, in quo vasa replebantur, clausa fuit, hoc optimæ MARIE convenit, de cujus clausurà Ezechiel ait: porta hæc clausa erit, et non aperiatur, et vir non transibit per eam, quoniam Dominus Israel egressus est per eam. Sed certè quia ad multiplicationem olei, vasa etiam vicinorum non pauca collecta fuerant: ideo quoque per vasa illa omnes signari possunt, qui plenitudinis misericordiæ suæ participes sunt. Tu. *¶*

IN III. NOCT.

Lectio Sancti Evangelii secundum Matthæum.

LECTIO 1. c. 22. v. 35.

In illo tempore: Interrogavit JESUM unus ex Phariseis legis Doctor, tentans eum: Magister quod est mandatum magnum in lege? Et reliqua.

Homilia S. Amadei Ep. Laus.

De Laudib. B. V. Hom 4.

Diligebat Virgo Deum ac Filium suum ex toto corde, ex totà mente, et ex omnibus viribus suis. Ex toto corde, quia toto affectu; ex tota mente, quia toto intellectu; ex omnibus viribus, quia omni cordis intensione, et mandatorum omnium executione. Videbat oculis et manibus tractabat Verbum vitæ. Tu. *¶*

LECTIO 8.

Felix, cui præstitum est fovere eum, qui fovet, ac nutrit omnia, portare portantem universa, lactare Filium, qui lac ipsis uberibus infundit, pascere cuncta pascentem, et escam avibus administrantem. Pendebat in collo ejus Patris sapientia, et in humeris ejus virtus movens cuncta residebat. Tu. *¶*

LECTIO 9.

Stabat in sinu materno parvulus JESUS, et in gremio quiescebat Virginis sanctarum requies animarum. Aliquandò subnixo capite, lavâ dextrâque tenentem, vultu placidissimo Genitricem aspiciebat, quem desiderant angeli videre, et blando murmure vocabat Genitricem, quam omnis spiritus appellat in necessitatibus, at illa repleta Spiritu Sancto sanctum pectus pueri suo pectori copulabat, et faciem illius faciei suæ applicabat. Tu. R.

Ad Benedict. ant. Dilexit Deum
* Virgo totâ mente, toto corde, totis viribus.

Oremus.

Oratio.

Da nobis, quæsumus, Domine Deus noster, beatæ Virginis MARIE virtutes recolere, ut quam dignâ mente non possumus celebrare, humilibus sallêm frequentemur obsequiis. Per Dom.

CANON.

Ex Concilio Romano.

Sub Damas. an. 373.—Concil. T. 3.
pag. 304.

199. Si quis Sanctam MARIAM Deiparam non credit, extra divinitatem est. Tu.

Ad Magnif. ant. Oleum effusum * nomen tuum: adolescentulæ dilexerunt te nimis.

CANONES

Inj. a Hebdom. Sexagesimæ.

FERIA II.

Ex Concilio Romano.

Ut supra.

200. Si quis Christum per Virginem, tamquam per canalem de currisse ac defluxisse, ac non in eâ divino modo, quia absque viri opera; humano, quia procreationis legè formatum esse dixerit, in simili impietate versatur. Tu.

FERIA III.

Ex Concilio Romano.

Ibid. Ep. Damas. Paulino Ep.
Antioch. p. 306.

201. Anathematizamus Photium, qui Ebionis hæresim iastans, Dominum JESUM Christum tantum ex MARIA Virgine confiteatur. Tu.

FERIA IV.

Ex Concilio Romano.

Ut supra.

202. Anathematizamus eos, qui duos filios asserunt, unum ante sæcula, et alterum post assumptionem carnis ex Virgine. Tu.

FERIA V.

Ex S. Gregorio Nacianceno.

An. 390. Ep. 1. ad Cledon. lecta
in Conc. Ephesino. Concil. T. 5.
pag. 503.

203. Si quis MARIAM Deiparam esse inficiatur, à Deo alienus est. Tu.

FERIA VI.

Ex S. Gregorio Nacianceno.

Ut supra.

204. Si quis per Virginem perinde ac per fistulam measse, nec in eâ divino humanoque modo simul formatum esse dixerit, anathemasit. Tu.

SABBATO.

Ex S. Gregorio Nacianceno.

Ut supra.

205. Si quis duos introducit Filios, unum quidem ex Deo et Patre, alterum verò ex MARIA, non autem unum atque eundem, is ab eâ adoptione excidat, quæ rectam fidem servantibus promissa est. Tu.

DOMIN IN QUINQUESIMA.

Semid. 2. Classis.

Invitator. utin Dom. Sept. p. 140.

IN. I. NOCT.

De libro primo Paralipomenon.

LECTIO 1. c. 1. v. 16.

Attulerunt arcam Dei, et constituerunt eam in medio tabernaculi, quod tetenderat ei David, et obtulerunt holocausta, et pacifica coram Deo. Cumque compleret David offerens holocausta, et pacifica, benedixit populo in nomine Domini. Tu. Memorare. p. 129.

LECTIO 2. 2. v. 7.

In illo die fecit David principem ad confitendum Domino Asaph et fratres ejus. Confitemini Domino, et invocate nomen ejus. Cantate ei, et psallite ei: et narrate omnia mirabilia ejus. Tu. ꝑ. Continet. p. 129.

LECTIO 3. v. 31.

Lætentur cœli, et exultet terra: et dicant in Nationibus: Dominus regnavit. Tonet mare, et plenitudo ejus, exultent agri et omnia, quæ in eis sunt. Tunc laudabunt ligna saltus coram Domino, quia venit judicare terram. Confitemini Domino, quoniam bonus, quoniam in æternum misericordia ejus. Tu. ꝑ. Virgo, quæ. p. 129.

IN III. NOCT.

Ex verbis S. Bonaventuræ Ep. in Speculo B. V. *Lectio 7.*

LECTIO 4.

Tanta fuit inundatio gratiæ, tanta profunditas et magnitudo fuit, ut ipsa mare plenum dici possit juxta illud: Tonet mare et plenitudo ejus. Sicut in mari aquarum, sic in MARIA sunt congregationes gratiarum. Quàm plenum sit hoc mare, quàm plena gratiâ sit MARIA, beatus Hieronymus aperit, dicens: benè plena, quia cæteris per partes præstatur, MARLÆ verò simul se tota infundit plenitudo gratiæ. Tu. ꝑ. Tu med. p. 129.

LECTIO 5.

Hoc plenum mare audiamus con-

tra vitia tonare. Tonet ergò mare, et plenitudo ejus, tonet plenum mare, tonet plena MARIA. Tonet contra luxuriam, castitatem proponendo, et dicat; quomodo fiet istud, quoniam virum non cognosco? Tonet etiàm contra superbiam, humilitatem sentiendo, et dicat: ecce ancilla Domini. Tonet contra ingratitude gratias agendo, et dicat: Magnificat anima mea Dominum. Tu. ꝑ. Os suum. p. 129.

LECTIO 6.

De plenitudine hujus maris similiter in Psalmo dicitur: moveatur mare et plenitudo ejus. Moveatur mare, moveatur MARIA: moveatur certè suspiriis et castigationibus: moveatur lacrymis et orationibus: moveatur eleemosinis et aliis venerationibus; moveatur, inquam, plenè, et nobis effundat de suâ plenitudine. Tu. Lætamini. p. 129.

IN III. NOCT.

Lectio Sancti Evangelii secundum Matthæum.

LECTIO 7. c. 12. 46.

In illo tempore: adhuc JESU loquente: ecce Mater ejus, et fratres stabant foris quærentes loqui ei. Et reliqua.

Homilia V. Bedæ Presbyteri.

Homil. Fer. IV. post Dom. I. Quadrages.

Dixit Jesu quidam: ecce Mater tua et fratres stant foris volentes loqui tibi. Non simpliciter iste Domino hoc nuntiasset putandus est, sed sub dolo volens experiri, utrum operi divino affectum carnalium præferret propinquorum. Undè prudentissimè se Matrem nosse dissimulat, ut ostendat se potius cognoscere et amare eos, qui per cog-

nationem spiritus propinqui sunt, quàm qui per cognationem carnis. Tu. *¶*. Quædam. p. 129.

LECTIO 8.

Quæ est Mater mea, et qui sunt fratres mei? Non autem Dominus maternæ pietatis requirit officium, qui per legem præcepit, dicens: Honora patrem tuum et matrem; sed Dei Patris ministeria præposuit affectibus. Hinc alibi dicit: qui amat patrem et matrem super me, non est me dignus. Tu. *¶*. Martha. p. 129.

LECTIO 9.

Matrem et fratres dicit Apostolos impletores paternæ voluntatis, qui à Deo Patre illum missum credebant, paratissimoque animo intendebant. Nec negavit Matrem de qua carnem assumpserat, sicut insaniunt Marcionistæ et Manichæi, qui eum dicunt non habuisse verum corpus, sed phantasticum. Sed spirituales propinquitatem carnis prætulit consanguinitati, ut et nos doceret in causâ Dei nullum de affectione carnis recognoscere. Tu. *¶*. Intra cubicul. p. 129.

Ad Benedict. ant. Memento * nostri, Domina, et invoca pro nobis Dominum.

Oremus.

Oratio.

Protege, Domine, famulos tuos subsidiis pacis, et beatæ MARIÆ patrocinio confidentes à cunctis hostibus redde securos. Per Domin.

CANON.

Ex Concilio Alexandrino.

An. 430. *Epist. Cyr. el Syn. Alexandr. ad Nestor. Tom. 5. Concil. pag. 404.*

206. Si quis non confitetur Emmanuelem verum Deum esse, et ob id Sanctam Virginem Deiparam, anathema sit. Tu.

Ad Magnif. ant. Sicut in mari

* aquarum, sic in MARIA sunt congregationes gratiarum.

CANONES

Infra Hebdomadam Quinquages.

FERIA II.

Ex Concilio Ephesino.

An. 431. *part. 2. Conc. Tom. V. p. 453. Verba Helanici Rhod. Metropol.*

207. Anathema sit illi, qui Sanctam Virginem MARIAM Deiparam esse non credit. Tu.

FERIA III.

Ex Concilio Ephesino.

Ibid. 485.—Verb. Prothimii Comanen Ep.

208. Illos, qui Sanctam Virginem Deiparam non appellant, anathematizo. Tu.

FERIA IV. CINERUM.

Hæc feria est privilegiata, et semper fit de eâ, translato ad primam diem non impeditam quolibet Duplici, quod in eâ incidat. Idem venit dicendum de Dominicis in Quadragesimâ.

AD MATUTIN.

Invitator. Hymn. et reliqua omnia ut in seriali offic. p. 30.

Lectio S. Evangelii secundum Joannem.

LECTIO 1.

c. 5.

In illo tempore: dixit JESUS Judæis: Pater non judicat quemquam, sed omne iudicium dedit Filio. Et reliqua.

Homilia B. Alberti Magni Ep.

In Bibliâ Mariand.

Beatissima Virgo MARIA est Iudicissa vivorum et inortuorum. Potestatem dedit ei, scilicet, Pater Filio secundum humanitatem, iudicium facere, quia Filius hominis est. Sed si potestatem habet Filius facere iudicium, ipsa etiâ ex concessione potestatem habet face-

re iudicium misericordiæ, quia Mater Dei est. Undè ipsa de confidentiâ Filii potest dicere illud: an non mihi licet facere quod volo? Tu. *¶*. Quædam. p. 129.

LECTIO 2.

Ideo etiâ significatur per Debbo-ram prophetantem uxorem Lapidoth, quæ iudicabat populum in tempore, et sedebat sub palmâ, ad quam ascendebant filii Israel in omne iudicium. Undè consequenter illud verbum Filii sui potest dicere: in iudicium ego in hunc mundum veni, scilicet, ut sim iudicissa misericordiæ. Sed iudicis est scire omnia, undè dicitur iudicantem cuncta rimari oportet. Tu. *¶*. Martha. p. 129.

LECTIO 3.

Ipsa est etiâ attraxit peccatorum. JESUS dixit turbis: Nemo venit ad me, nisi Pater meus, qui misit me traxerit eum. Sed nunquid non veniunt ad te, quos Mater tua traxerit ad te? Utique omnis quem trahit Mater ad eum, impossibile est, ut intreat, ut dicat Anselmus. Tu. *¶*. Intra. p. 129.

Ad Benedict. ant. Solve vincla reis, et mala nostra cuncta pelle, ut te esse Matrem nostram demonstres.

Preces.

Oremus.

Oratio.

Famulorum tuorum, quæsumus Domine, preces propitius exaudi, ut qui animas nostras per solemne jejunium incoamus affligere, Genitricis Filii tui Domini nostri intercessione ab omnibus iniquitatibus absolvamur. Qui tecum.

CANON.

Ex S. Vitalio Episcopo.

Libr. de fide. — Concil. T. 5. p. 125.

libr. S. Cyr. de Reginis.

209. Si quis negaverit Domini carnem ex sacrâ Virgine sumptam

esse, aut hominibus consubstantialem esse, anathema sit. Tu.

FERIA V.

CANON.

Ex S. Vitalio Episcopo.

Ut supra.

210. Si quis dixerit Dominum ac Salvatorem nostrum, qui ex Spiritu Sancto et MARIA Virgine secundum carnem natus est, animâ, aut mente, aut ratione, aut sensu destitutum esse, anathema sit.

FER. VI. POST CINERES.

De feriâ.

Lectio Sancti Evangelii secundum Joannem.

LECTIO 1.

c. 19.

In illo tempore: Stabat juxta crucem JESU Mater ejus, et soror Matris ejus Maria Cleophe et Maria Magdalene. Et reliqua.

Homilia D. Thomæ Arch. Valent.

De S. Joann. Apost. conc. 1.

Pendebat «Christus» in cruce moriturus, et undè venerat rediturus. Disposuit testamentum electis suis, Patri Spiritum, Ecclesiæ corpus, peccatoribus sanguinem, latroni regnum, militibus vestes, Petro ecclesiam, Apostolis Paraclitum, electis carismata liberaliter distribuit. Aderat ibi dilectus, quid sibi legaretur, expectans. Quid tibi, ô Dilecte, legabo? Quid in ultimis dabo tibi? Ecce Mater tua. Hæc omnium quæ possideo carissima et pretiosissima gemma: hanc tibi trado, hanc dono. Tu. *¶*. Tu med. p. 129.

LECTIO 2.

Et ad Matrem conversus: Mulier, ait, ecce filius tuus. Et ex illâ horâ accepit eam Discipulus in sua, exultans et gaudens, quia talem sibi hæreditatem ejus Dominus re-

liquisset. Verè funes ceciderunt ei in præclaris, et hæc ejus hæreditas præclara est sibi. O magnum dilectionis indicium! Suo loco apud Matrem substituit eum, et pro se in filium Virgini reliquit eum. Huic gratiæ quid amplius addi potest? Tu. *ꝑ.* Os suum. *p.* 129.

LECTIO 3.

Mater ergò illius est, non lege, non naturâ, sed gratiâ: undè et meritò: Ex illâ horâ accepit eam Discipulus in sua. Impressit in hoc verbo Dominus statim Cordi Virgineo amorem quemdam maternum in Joannem fortiozem et ardentiozem, quàm soleat matribus natura tribuere. Visceribus etiâ Apostoli reverentiam filialem in Virginem inseruit, qualem nullus filius naturâ habet in matrem. Tu. *ꝑ.* Lætamini. *p.* 129.

CANON.

Ex S. Leone Papâ Primo.

An. 450. *Ep.* 66. ad *Eudox.* August.—*Concil. T.* 6. *p.* 144.

211. Fides catholica sicut damnat Nestorium, qui uno Domino nostro JESU—Christo duas ausus est prædicare personas, itâ damnat etiâ Euthychem cum Dioscoro, quòd ab unigenito Deo Verbo negat in uterò Virginis Matris veritatem carnis humanæ susceptam. Tu.

SABB. POST CINERES.

De eo.

Lectio S. Evangelii secundum Matthæum.

LECTIO 1. c. 1. v. 24.

In illo tempore: Exurgens JOSEPH à somno, fecit sicut præcepit ei Angelus Domini, et accepit conjugem suam. Et reliqua.

Homilia S. Athanasii Arch. Alexandrini.

In *Descriptione B. V. M.*

Neque revera MARIAM JOSEPH

cognovit, donèc pareret Filium suum primogenitum. Quandiu Beata Virgo uterum gerebat, JOSEPH eam non novit; nesciebat quid in eâ nasceretur, ignorabat quid rerum pararetur: simul atque peperit, cognovit eam. Tu. *ꝑ.* Quædam. *p.* 129.

LECTIO 2.

Tunc novit JOSEPH Beatam Virginem, quæque ejus virtus et potestas, et quid Deus ei facere dignatus esset. Tunc cognovit eam ubera præbere, nec venarum meatus imminutæ virginitatis danmo fuisse apertos. Tu. *ꝑ.* Martha. *p.* 129.

LECTIO 3.

Tunc cognovit eam peperisse, et partus secreta non novisse: tunc cognovit potissimam hanc petram spirituali petræ mamillam præbere: tunc cognovit JOSEPH de ipsâ scripsisse Isaiam: Ecce Virgo concipiet. Tu. *ꝑ.* Intra cubicul. *p.* 129.

CANON.

Ex S. Leone Papâ Primo.

Epist. 83. ad *Palæstin.* *Episcop.* *ibid.* *p.* 172.

212. Anathematicetur Nestorius, qui Beatam Virginem MARIAM hominis tantumodò credidit Genitricem, ut aliam personam carnis, aliam faceret deitatis. Tu.

RESPONSORIA

dicenda in Dominicis et in feriis à Dom. 1. in Quadrages. usque ad Dom. Passionis.

In I. Noct. et in feriis II. et V.

1. *ꝑ.* In omnibus exhibeamus nos sicut MARIE filios: " In modestiâ, et charitatè, in multâ patientiâ, in jejuniis multis. ⁊. Flectemus iram vindicem, et per Virginem imploremus clementiam.— In modestiâ.

2. *¶*. Accedamus cum fiducia ad thronum gratiæ, * Ut misericordiam consequamur in auxilio opportuno. *†*. Quæramus gratiam, et per MARIAM quæramus.—Ut misericordiam.

3. *¶*. Commendemus nosmetipsos in multâ patientiâ, * Ut non vituperetur per nos Genitricis Dei nomen sanctissimum. *†*. Imitatores mei estote, sicut et ego Christi.—Ut. Gloria.—Ut.

In II. Noct. et in Fer. III. et VI.

4. *¶*. Quæramus gratiam, et per MARIAM quæramus, * Quia qui quærit invenit, et pulsanti aperietur. *†*. Hæc est voluntas ejus, qui voluit omnia nos habere per MARIAM. Quia.

5. *¶*. O felix MARIA! tu mater rei, tu mater judicis: * Cum sis Mater utriusque, discordias inter tuos filios nequis sustinere. *†*. Si merita invocantis non merentur, ut exaudiat, merita tamen Matris intercedant, ut exaudiat.—Cum.

6. *¶*. Beatis illius pedibus provalvamus: * Teneamus eam, nec dimittamus, donec benedixerit nobis. *†*. Hujus Matris bonitas erga homines tanta est, ut nullis verbis explicari possit.—Teneamus.—Gloria.—Teneamus.

In III. Noct. et in Fer. IV. et Sabb.

7. *¶*. Consolamini, pusillanimes, respirate miserabiles: * Virgo MARIA est humani generis advocata. *†*. Quid ad MARIAM accedere trepidat humana fragilitas?—Virgo.

8. *¶*. Tanta est MARIE benignitas, quod nulli formidandum est ad eam accedere: * Tanta ejus misericordia, ut nemo ab eâ repelletur. *†*. Grande privilegium MARIE, quod apud Deum sit potentissima.—Tanta.

9. *¶*. Data est tibi omnis potes-

tas in cælo et in terrâ: * Et nihil tibi impossibile, cui possibile est etiam desperatos in spem salutis relevare. *†*. Moveat te natura, potentia moveat, quia quanto potentior, tanto misericordior esse debebis.—Et nihil.—Gloria.—Et nihil.

DOM. I. IN QUADRAGESIMA.

Semid. 1. Classis.

Omnia ut in Psalter. per annum.

AD MATUTIN.

Invitatorium. Non sit vobis vatum surgere ante lucem: * Qui manè vigilant ad me, invenient me.

HYMNUS 45. Ex Mureto.
Eheu quam scelerum non tolerabilis
Nos urget miseros sarcina, quæ Dei
Nostris principio mentibus inditam
Obscuravit imaginem.

Si nos pro meritis accipiat Deus,
Causæ nil fuerit, quo minus agmine
In tristes tenebris perpetuis domos
Uno precipites agat.

Sed semper facilis flecti in eos fuit,
Quos culpæ ex animo pœnituit suæ,
Quæis orat miscrans Virgo piissima,
Quæ quidquid petit, obtinet.

Hæc cum perfugium sit data son-
tibus,

Ipsa ultro miseris subvenit omnibus:
Nunquam hoc qui statuit præsidium sibi

Spe lusum doluit suâ.

Simplex ætherei Numinis unitas,
Quæ distincta eadem est, veraque
Trinitas,

Æternis vigeat semper honoribus
Et terrâ simul et polo. Amen.

IN I. NOCT.

De libro secundo Paralipomenon.

LECTIO 1. c. 6. v. 14.

Ait Salomon: Domine Deus Israel, non est similis tui Deus in cælo, et in terrâ: qui custodis pactum et misericordiam cum servis tuis, qui ambulant coram te in toto corde

suo: qui præstitisti servo tuo David patri meo, quæcumque locutus fueris ei, et quæ ore promisseras, opere complesti, sicut et præsens tempus probat. Tu. *¶*. In omnibus. *p.* 148.

LECTIO 2.

Nunc ergo Domine Deus Israel, imple servo tuo Patri meo David, quæcumque locutus es, dicens: non deficiet ex te vir coram me, qui sedeat super thronum Israel: ita tamen si custodierint filii tui vias suas, et ambulaverint in lege meâ, sicut et tu ambulasti coram me. Et nunc Domine Deus Israel, firmetur sermo tuus, quem locutus es servo tuo David. Tu. *¶*. Accedamus. *p.* 149.

LECTIO 3.

Ergo ne credibile est, ut habitet Deus cum hominibus super terram? Si cælum, et cæli cælorum non te capiunt, quantò magis domus ista, quam ædificavi? Sed ad hoc tantum facta est, ut respicias orationem servi tui, et obsecrationem ejus, Domine Deus meus, et audias preces, quas fundit famulus tuus ad te. Tu. *¶*. Commendemus. *p.* 149.

IN II. NOCT.

Ex verbis S. Bonaventuræ Ep.

In Specul. B. V.

Lect. 5. LECT. 4.

Consideremus, carissimi, gratiæ MARIE immensitatem: propter hanc dicta est gratiâ plena. Immensa certè fuit gratia, quâ ipsa fuit plena. Immensum enim vas non potest esse plenum, nisi immensum sit istud, quo est plenum. MARIA autem vas immensissimum fuit, ex quo illum, qui cælo major est, continere potuit. Quis est cælo major? certè ille, de quo Salomon ait: si cælum, et cæli cælorum

te capere non possunt, quantò magis domus hæc, quam ædificavi? Non utique domus per Salomon ædificata, sed domus per illam significata capere potuit. Tu. *¶*. Quæramus. *p.* 149.

LECTIO 5.

Tu ergo immensissima MARIA, capacior es cælo, quia quem cæli capere non non possunt, tuo gremio contulisti. Tu capacior es mundo, quia quem totus non capit orbis, in tua se clausit viscera factus homo. Si ergo MARIA tam capacissima fuit ventre, quantò magis mente? Et si capacitas tam immensa fuit gratiâ plena, oportuit utique, quod gratia illa quæ tantam implevisse potuit capacitatem esset immensa. Tu. *¶*. O felix. *p.* 149.

LECTIO 6.

Quis immensitatem MARIE potest mensurare? Ecce quod dicitur in Ecclesiastico: altitudinem cæli, latitudinem terræ et profundum abyssi quis dimensus est? Cælum est MARIA: terra est MARIA: abyssus est MARIA. Quis hujus cæli altitudinem, quis hujus terræ latitudinem, quis hujus abyssi profunditatem, quis, inquam, MARIE immensitatem dimensus est; nisi ille solus, qui ipsam non solum in gratiâ, et in gloriâ, sed etiâ in misericordiâ tam altissimam, tam latissimam, tam profundam operatus est? Tu. *¶*. Beatis *p.* 149.

IN III. NOCT.

Lectio S. Evang. secundum Lucam.

LECTIO 7. c. 6. v. 13.

In illo tempore: cum dies factus esset, vocavit discipulos suos, et elegit duodecim ex ipsis quos et apostolos nominavit. Et reliqua. Homilia S. Hildephonsi Arch. To-

letani. *Serm. 5. de Assumptione.*

Deindè JESUS ipso divinitatis suæ lumine præeunte, ex diversis hujus vitæ conversationibus, et officiis, ut Evangelia loquuntur, et discipulos vocavit et ex illis duodecim elegit, quos apostolos nominavit, per quos humano generis salutis iter ostendit. Quorum semper conventui, nobili contubernio semper adhærebat sanctissima Virgo, cum illis semper habitabat, seque dominicis conspectibus frequentè præsentari gaudebat. Tu *¶. Consolamini. p. 149.*

LECTIO 8.

Eam verò optimam partem quam soror Martæ MARIA in specie et figurâ gerebat, Dei Genitrix jure vera firmissimè retinebat, et cum apostolis de humanis Christi actibus, ut veriùs ac specialius cognoscebat, veriùs ac specialitèr conferebat, ut ab eâ discerent, qualitèr arcanum tanti mysterii et ipsi crederent, et lucidiùs aliis enarrarent, et cum opportunum fuerit, sine omni ambiguitate scriptis mundo transmlerent. Tu. *¶. Tanta. est. p. 149.*

LECTIO 9.

Ipsa verò ut sanctus Evangelista Joannes refert, Domini miraculis nonnunquàm interfuit: in iis, et in cæteris divinitatis operibus, et virtutibus, ultrâ quàm dici potest, gloriabatur. Et si Maria quædam peccatrix, cui donando peccata erat propitiùs, intentè verba Dei audiebat ex ore ejus: quantò magis hæc, quæ erat mente et corpore sancta, audiebat ardentius, cujus ipse et Dominus erat Filius? Tu. *¶. Data. p. 149.*

AD LAUDES.

HYMNUS 46.

Audi, Benigna Numinis

Saila.

Mater, preces quas supplices
Tuæ ad thronum clementiæ
Culpis onusti fundimus.

Flectare noxas flentium
Nostris abundè lacrymis
In hoc sacro jejunio
Lapsis quadragenario.

Rectrix perita cordium,
Per pœnitentiam reduc
Nos divios ad gratiam
Quam per te anhelî quærimus.

Doxolog. de tempore.

Ad Bened. *ant.* Inter apostolos * versabatur Virgo, tanquàm Mater et magistra.

Oremus.

Oratio.

Da nobis, quæsumus, omnipotens Deus, salutem mentis et corporis, ut qui Genitricem Filii tui quotidie veneramur, tuæ semper virtutis mereamur protectione defendi. Per eundem.

CANON.

Ex Concilio Constantinopolitano.
An. 450. sub Leon. 1.—Conc. T. 6. pag. 313.

213. Nestorio etiàm, qui vesanum, ut legitur, dudum dogma dispersit, dicendo Dominum JESUM-Christum ex MARIA Virgine hominem tantum, non etiàm Deum natum: sed et sectatoribus ejus in hujusmodi perversitate durantibus anathema dicimus. Tu.

Ad Magnificat. *ant.* Altior cælo, * terrâ latior, abyssoprofundior est hæc Domina nostra.

CANONES

Post Dom. 1. Quadrag.

FERIA II.

Ex S. Leone Papâ Primo.
Ep. ad Pulch. aug.—Conc. T. 8. pag. 34.

214. Quantum Nestorius à veritate excidit, dum Christum de Matre Virgine solum hominem asse-

rit natum; tantum etiam Euthyches à catholico tramite deviat, qui de eadem Virgine non nostram credit editam esse substantiam, volens utique eam solius deitatis intelligi... Tu.

FERIA III.

Ex Concilio Ephesino.

Part. 3. anath. 1.—Concil. T. 6.
pag. 3.

215. Si quis non confitetur Emmanuelem verè Deum esse, et ob id Sanctam Virginem Deiparam, genuit enim illa incarnatum Dei Patris Verbum secundum carnem, anathema sit. Tu.

FER. IV. QUAT. TEMPOR.

Omnia ut in feriali officio.

Lectio S. Evangelii secundum Matthæum.

LECTIO 1. c. 12. v. 46.

In illo tempore: Loquente JESU ad turbas: ecce Mater ejus, et fratres stabant foris, quærentes loqui ei. Et reliqua.

Homilia V. Dionysii Cartusiani.

In cap. 12: super Matth.

Adhuc eo loquente ad turbas, videlicet, præinducto sermone nondum finito, ecce Mater ejus virginea, gloriosa, et superdignissima, altissimorum angelorum puritatem transcendens, et fratres, id est, cognati, et consobrini Christi, non filii JOSEPH de aliâ conjugē, est autem consuetudo scripturæ, idiomatissime hebræi, ut consanguinei, et consobrini fratres vocentur. Unde Abraham dixit ad Lot: frates sumus. Tu. ꝑ. Consolamini. p. 149.

LECTIO 2.

Stabant foris, non valentes intrare præ turbâ, cujus tantus fuit concursus, quod non poterant manducare, ut Marcus habet: Quærentes loqui ei. Secundum Chrysos-

tomum: Diabolus videns, quod JESUS ostendebat se Filium Dei, introduxit parentes ejus carnales, ut per illorum præsentiam divinitatem Christi obscuraret. Tu. ꝑ. Tanta est. p. 149.

LECTIO 3.

Sed non videtur benè sonare, ut Virgo sanctissima dicatur intrasse, aut aliquid peragisse suggestionē diaboli. Dicit autem ei quidam secundum Hieronymum. Iste fuit insidiator, et dixit Christo de præsentia Matris suæ, ac fratrum volens experiri, an propter eos omitteret opus Dei, seu prædicationem: quod si faceret, argueret eum de carnali affectu. Tu. ꝑ. Data. p. 149.

Ad Benedict. ant. Ecce Mater tua * stat foris, quærens loqui tibi pro nobis. *Preces.*

CANON.

Ex Vigilio Papæ.

An. 550. Resp. Vigil. ad Capitul. 1.
Theodor. Concil. T. 9. p. 557.

216. Quicumque non eundem Verbum ac Filium Dei per secundam nativitatem ex Sanctâ MARIA incarnatum et natum credit, anathema sit. Tu.

FERIA V.

CANON.

Ex Vigilio Papæ.

Resp. ad capitul. 5. Theodor.—ibid.
pag. 562.

217. Quicumque non eundem Deum Verbum, qui ante sæcula ex Patre natus est, in ultimis temporibus ex Beatâ Virgine MARIA incarnatum et natum esse fatetur, ut unus idemque sit Christus in utraque naturâ, anathema sit. Tu.

FERIA VI. QUAT. TEMP.

Omnia ut in feriali Officio.

Lectio S. Evangelii secundum Joannem.

LECTIO 1. c. 19. v. 25.

In illo tempore: Stabant juxta crucem JESU Mater ejus, et soror matris ejus, Maria Cleophe, et Maria Magdalene. Et reliqua.

Homilia S. Bernardi Abbatis.

Serm. de Passion. Dom. c. 10.

Verè juxta crucem stabat, quia crucem Filii præ cæteris Mater cum dolore gerebat. Stabant et aliæ, sed proxima hæc. Cum ergò vidisset JESUS Matrem et discipulum stantem, quem diligebat, dicit Matri suæ: Mulier, ecce Filius tuus. Ac si diceret: Tu me Filio corporaliter privaris, undè tibi amicum præ cunctis dilectum in filium do, cujus præsentia interim dum absum, consoleris. Tu. ¶ Quæramus. p. 149.

LECTIO 2.

Ad discipulum autem: ecce Mater tua. Quasi diceret: tu verè me Patre spoliaris, undè hanc Matrem mihi carissimam in matrem do. Quàm magnificus factus es in nuptiis tuis Rex, et Sponse, bone JESU! Quàm largè omnia, quæ habuisti, tradidisti. Tu. ¶ O felix. p. 149.

LECTIO 3.

Ecce ipsis crucifixoribus tuis orationis affectum, latroni paradisum, Matri Filium, Filio Matrem, mortuis vitam, manibus Patris animam tuam, toti mundo signa potentia tuæ contulisti. Pro redimendo servo non ex parte, sed totum sanguinem ex multis et largis foraminibus effudisti, proditori tuo reatus sui poenam, terræ corpus non corrumpendum, sed ad tempus tradidisti. Tu. ¶ Beatis. p. 149.

Ad Bened. ant Dixit JESUS * Matri: Mulier ecce filius tuus: deindè Discipulo: ecce Mater tua.

Preces:

CANON.

Ex Vigilio Papæ.

Resp. ad capit. 44.—Ibid. p. 584.

218. Quicumque non Deum Verbum, qui ante omnia sæcula ex Patre ineffabiliter natus est, eundem ex Sanctâ Virgine MARIA per secundam Nativitatem suam incarnatum et natum, unum in utrâque naturâ inconfusâ inseparabilique substantiâ cognoscit, anathema sit. Tu.

SABBAT. QUAT. TEMP.

Omnia ut in feriali officio.

Lectio S. Evangelii secundum Joannem.

LECTIO 1. c. 7. v. 37.

In illo tempore: In novissimo die festivitatis clamabat JESUS dicens: si quis sitit, veniat ad me, et bibat. Et reliqua.

Homilia S. Bonaventuræ Ep.

Specul. B. V. c. 3.

MARIA dicitur mare propter affluentiam et copiam gratiarum: undè scriptum est in Ecclesiaste: omnia flumina intrant in mare. Flumina, seu charismata Spiritus Sancti: undè Joannes dicit: qui credit in me, sicut dicit scriptura, flumina de ventre ejus fluent aquæ vivæ. Hoc autem dicit de Spiritu, quem accepturi erant credentes in eum. Tu. ¶ Consolamini. p. 149.

LECTIO 2.

Omnia ergò flumina intrant in mare, dum omnia charismata sacrorum intrant in MARIAM. Flumen enim gratiæ angelorum intrat in MARIAM, et flumen gratiæ Patriarcharum, et Prophetarum intrat in MARIAM, et flumen gratiæ Apostolorum intrat in MARIAM, et flumen gratiæ Martyrum intrat in MARIAM, et flumen gratiæ Confessorum intrat in MARIAM, et

flumen gratiæ Virginum intrat in MARIAM. Tu. *¶*. Tanta est. *p.* 149.

LECTIO 3.

Omnia flumina intrant in mare, id est, omnes gratiæ intrant in MARIAM. Unde ipsa optimè dicere potest illud Ecclesiastici: In me omnis gratia viæ, et veritatis. Quid mirum, si omnis gratia in MARIAM confluit, per quam tanta gratia ad omnes defluxit; ait enim beatus Augustinus: Gratia es plena, MARIA, quam invenisti, et hanc per totum mundum effundere meruisti. Tu. *¶*. Data est. *p.* 149.

Ad. Bened. ant. Qui sitit * veniat ad MARIAM, et bibat. *Preces.*

CANON.

Ex Vigilio Papæ.

Constitut. Vigil.—ibid. p. 599.

219. Si quis, servatâ inconvertibilitate naturæ divinæ, non confitetur Verbum carnem factum, et ex ipsâ conceptione de utero Virginis humanæ naturæ sibi secundum subsistentiam unisse principia, sed tanquàm cum existente jam homine fuerit Deus Verbum, ut per hoc non sancta Virgo verè Dei Genitrix esse credatur, sed verbo tenus appelletur, anathema sit. Tu.

DOM. II. QUADRAG.

Semid. 2. Class.

Invitator. et Hym. ut in Dom. 1. Quadr. p. 149.

IN I. NOCT.

De libro secundo Paralipomenon.

LECTIO 1. c. 7. v. 11.

Complevit Salomom domum Domini, et domum regis, et omnia quæ disposuerat in corde suo, ut faceret in domo Domini, et in domo suâ, et prosperatus est. Apparuit autem ei Dominus nocte, et ait: audiavi orationem tuam, et elegi locum istum mihi in domum sacrificii. Tu. *¶*. In omnibus. *p.* 148.

LECTIO 2. v. 15.

Oculi quoquè mei erunt aperti, et aures meæ erectæ ad orationem ejus, qui in loco isto oraverit. Elegi enim et sanctificavi locum istum, ut sit nomen meum ibi in sempiternum, et permaneant oculi mei, et cor meum ibi cunctis diebus. Tu. *¶*. Accedamus. *p.* 149.

LECTIO 3.

Tu quoquè, si ambulaveris coram me, sicut ambulavit David pater tuus et feceris juxta omnia, quæ præcepi tibi, et justitias meas, judiciaque servaveris; suscitabo thronum regni tui, sicut pollicitus sum David Patri tuo dicens: non auferetur de stirpe tuâ vir, qui sit Princeps in Israël. Tu. *¶*. Commendemus. *p.* 149.

IN II. NOCT.

Ex verbis B. Alberti Magni, Ep. *De Laudib. B. V. M. libr. 10. c. 21.*

LECTIO 4.

Elegi prædestinando, sanctificavi ab originali purgando, fomitem extinguendo, vel usquequaque reprimendo, locum istum, id est, MARIAM, ut sit nomen meum ibi. Item de hoc loco in Jeremiâ: Solium gloriæ altitudinis à principio, locus sanctificationis nostræ, expectatio Israël. Tu. *¶*. Quæramus. *p.* 149.

LECTIO 4.

Beata Virgo enim est locus sanctificationis nostræ, quia ipsa est Templum Dei, in quo divina mysteria celebrantur, per quæ sanctificantur, qui de peccatoribus fiunt justî. In ipsâ celebratum fuit illud sacramentum, ex quo nostra sanctificatio processit, de quo sacramento dicitur: manifestè magnum est pietatis sacramentum. Tu. *¶*. O felix. *p.* 149.

LECTIO 5.

Et appellatur hîc sacramentum pie-

tatis Incarnatio Salvatoris, quod scilicet sacramentum pietatis celebratum est in templo uteri virginalis: ideò rectè uterus MARIE locus dicitur sanctificationis totius humani generis, et ipsa est expectatio Israël, id est, gloria beatorum. Tu. *¶* Beatis. *p.* 149.

IN III. NOCT.

Lectio Sancti Evangelii secundum Matthæum.

LECTIO 7. c. 23. v 13.

In illo tempore: dixit JESUS Scribis et Phariseis: vae vobis, Scribæ et Pharisei hypocritæ. Et reliqua.

Homilia S. Bonaventuræ Ep.

Specul. B. V. Lectio 2.

O quam longè ab isto vae fuit innocentissimum cor MARIE, teste Bernardo, qui ait: proprium delictum MARIA non habuit, et ab innocentissimo corde ejus etià pœnitentia longè fuit. Undè ergo cor MARIE pœnitere debuit, cum nunquàm dignum aliquid pœnitentiæ admisit? Tu. *¶* Consolamini. *p.* 149.

LECTIO 8.

Itaque mundissimum Cor ejus non fuit sentina diaboli, non fuit sepulchrum vitii, immò fuit hortus et paradysus Spiritus Sancti, juxta illud canticorum: Hortus conclusus soror mea Sponsa. Hortus, ut ait Hieronymus, hortus deliciarum, in quo consita sunt universa florum genera, et odoraamenta virtutum. Quia ergo MARIA tam longè fuit ab isto vae, ideò meritò dictum est ei ave. Tu. *¶* Tanta. *p.* 149.

LECTIO 9.

Item vae peccatoribus pro culpa oris, sicut dicitur in Isaia: vae qui dicitis malum bonum, et bonum malum. O quam longè ab isto vae fuit os MARIE! Undè beatus Ambrosius dicit: nihil torvum in oculis MARIE, nihil in verbis procrax,

nihil in actu inverecondum. Tu. *¶* Data. *p.* 149.

Ad Benedict. ant. In ore * et corde Virginis non fuit fel et venenum diaboli, sed mel et lac Spiritus Sancti.

Oremus.

Oratio.

Omnipotens sempiterne Deus, qui pro nobis de castissimâ Virgine nasci dignatus es: fac nos tibi casto corpore, et humili mente placere. Qui vivis et regn.

CANON.

Ex Concilio Constantinopolitano Secundo.

An. 553. Collat. 8. Can. 2.—T. 12. pag. 232.

220. Si quis non confitetur Dei Verbi duas esse nativitates, unam quidem ante sæcula ex Patre sine tempore incorporaliter, alteram verò in ultimis diebus ejusdem ipsius qui de cœlis descendit, et incarnatus de Sanctâ gloriosâ, Dei Genitrici et semper Virgine MARIA, natus est ex ipsâ, talis anathema sit. Tu.

Ad Magnific. ant. Solium gloriæ, * locus sanctificationis nostræ, expectatio Israël.

CANONES

Infra Hebdom. 2. Quadrag.

FERIA II.

Ex Concilio Constantinopolitano Secundo.

Ibidem can. 6.—pag. 233.

221. Si quis abusivè et non verè Dei Genitricem dicit sanctam gloriosam semper Virginem MARIAM, vel secundum relationem, quasi homine puro nato, sed non Deo Verbo incarnato, et nato ex ipsâ, referendâ autem hominis nativitate ad Deum Verbum, eo quod cum homine erat nascente... Talis anathema sit. Tu.

FERIA III.

Ex Concilio Constantinopolitano Secundo.

In eod. canone.

272. «Si quis Sanctam gloriosam semper Virginem MARIAM hominis Genitricem vocat, aut Christotocon, id est, Christi Genitricem, tanquam si Christus Deus non esset... talis anathema sit. Tu.

FER. IV. POST DOM. II. QUADR.

Lectio S. Evangelii secundum Joannem.

LECTIO 1. c. 6. v. 1.

In illo tempore: Abiit JESUS trans mare Galilææ, quod est Tiberiadis: et sequebatur eum multitudo magna. Et reliqua.

Homilia S. Thomæ Arch. Valent.

In Dom. 4. Quadr. Conc.

Cum sublevasset oculos JESUS, et vidisset, quia multitudo maxima venit ad eum, dixit ad Philippum: undè ememus panes, ut manducent hi? Ut isti fideles pascantur? Tu. *¶* Consolamini. p. 149.

LECTIO 2.

Undè Domine, nisi ex isto cellario gratiarum refertissimo omnium dapum spiritualium opulentissimo, Virgine Matre tuâ MARIA? Ibi sunt victualia omni genti, omni nationi. Tu. *¶* Tanta. p. 149.

LECTIO 3.

Indè Angelus gloriam; justus indè gratiam; peccator veniam; tristis lætitiâ sumit. Facta est enim sicut navis institoris de longè portans panem suum. Emamus ergò hic panes gratiæ. Pretium sit salutatio Angelicâ. Tu. *¶* Data. p. 149.

CANON.

Ex Concilio Constantinopolitano Secundo.

In eodem Canon.

223 «Si quis Sanctam gloriosam semperque Virginem MARIAM non propriè et verè Dei Genitricem

ipsam confitetur; eo quod ipse, qui ante sæcula ex Patre natus est Deus Verbum, in ultimis diebus ex ipsâ incarnatus et natus est... talis anathema sit. Tu.

FERIA V.

CANON.

Ex Concilio Constantinopolitano Secundo.

Can. 14.—pag. 237.

224. Si quis defendit Epistolam, quam dicitur Ibas ad Marim Persam hæreticum scripsisse, quæ abnegat quidè Deum Verbum de Sanctâ Dei Genitrice semper Virgine MARIA incarnatum, hominem ex ipsâ natum esse, quem templum vocat, ut alius sit Deus Verbum, et alius homo... talis anathema sit. Tu.

FER. VI. POST DOM. II. QUADR.

Lectio S. Evangelii secundum Joannem.

LECTIO 1. c. 19. v. 25.

In illo tempore: Stabant juxta crucem JESU Mater ejus, et soror Matris ejus Maria Cleophe et Maria Magdalene. Et reliqua.

Homilie S. Hieronymi Presbyteri.

Ep. ad Paul. et Eustocg. c. 3.

Beatam Virginem etsi omnes venerati sunt discipuli, eique famulabantur affectu dilectionis, Joannes tamen ampliùs ac specialiùs usque in finem vitæ, qui sibi commissam accepit in suam, quasi matrem filius, cui benignus Magister de cruce: Mulier, inquit, ecce filius tuus. Tu. *¶* Quæramus. p. 149.

LECTIO 2.

Ad Discipulum autem: ecce Mater tua: ut Virgo cohæreret et deserviret curâ adoptionis. Non enim pudicissima Virginitas alicui Discipulorum rectiùs quàm virgini commendatur, ut esset ad invicem

grata societas, et floridus aspectus: necnon et venustus conversandi vernans, alternatim pudicitiarum splendore decoratur. Tu. *¶*. O felix. p. 149.

LECTIO 7.

Una siquidem virtus virginitatis in ambobus, sed altera proportio in MARIA: altera quidem, quia fecundior, sed ipsa. Ipsa verò sed altera: quia etsi ipsa eademque incorruptio, tamen fecunditas integritatis longè gloriosior, quàm virginitas. Idcirco et fecunditas in illa tota deifica est, et virginitas. Tu. *¶*. Beatis. p. 149.

CANON.

Ex Justiniano Imperatore.

Tract. ad Menam adv. Origin. d. Vigilio approbat. Concilior. T. 12. pag. 345. anath. 2.

225. Si quis dicit, ant sentit Domini animam prius extitisse, atque unitam fuisse Deo Verbo ante Incarnationem et generationem ex Virgine, anathema sit. Tu.

SABB. POST DOM. II. QUADR.

Lectio S. Evangelii secundum Matthæum.

LECTIO 1. c. 11. v. 29.

In illo tempore: Dixit JESUS Discipulis suis: Tollite jugum meum super vos, et discite à me, quia mitis sum et humilis corde. Et reliqua.

Homilia S. Hieronymi Presbiteri. *Ep. ad Paul. et Eust. c. 17. Inter ej. opera.*

Non ergò Beata Dei Genitrix à Filio suo Domino nostro didicit cælos fabricare, non Angelos creare, non miracula deitatis insignia operari; sed tantum humiliari, cæteraque virtutum documenta intra humilitatis custodiam aggregare. Tu. *¶*. Consolamini. p. 149.

LECTIO 2.

Habetis igitur in eà magisteria probitalis expressa quid primum eligere, quid respuere, quid sequi debeatis. Prima ejus virtus est fundamentum omnium virtutum et custos, ipsa humilitas, de quâ gloriatur: Quia respexit, inquit, humilitatem ancillæ suæ, ecce enim ex hoc beatam me dicent omnes generationes. Tu. *¶*. Tanta. p. 149.

LECTIO 3.

In eà solùm humilitatem respexisse Dominum proficitur. Collocavit enim in tuto stationis portu sublimia meritorum suorum exercitia, et ideò divinitus illustratur. Undè Dominus ait: Ad quem respiciam nisi ad humilem et quietum, ac tremementem sermones meos? Fecit enim quod promississet, et respexit humilitatem ancillæ suæ; undè et beata jam ab omni sæculo prædicatur. Tu. *¶*. Data. p. 149.

CANON.

Ex Justiniano Imperatore.

Ibidem anath. 3.

226. Si quis dicit, ant sentit primum conformatum esse corpus Domini nostri JESU-Christi in utero Beatæ Virginis, ac postea unitum ei esse Deum Verbum et animam, utpote quæ ante fuisset, anathema sit. Tu.

DOM. III. IN QUADR.

Semid. 2. Classis.

Invitor. et hymnus ut in Dom. 1. pag. 149.

IN I. NOCT.

De libro Esdræ.

LECTIO 1. Libr. 2. c. 4. v. 15.

Factum est, cum audissent inimici nostri numtium esse nobis, dissipavit Deus consilium eorum. Et reversi sumus omnes ad muros

unusquisque ad opus suum. Et factum est à die illâ media pars juvenum eorum faciebat opus, et media parata erat ad bellum, et lanceæ, et scuta, et arcus, et loriceæ, et principes post eos in omni domo Juda. Tu. ꝑ. In omnib. p. 149.

LECTIO 2.

Ædificantium in muro, et portantium onera, et imponentium : una manu suâ faciebat opus, et alterâ tenebat gladium. Ædificantium enim unusquisque gladio erat accinctus renes. Et ædificabant, et clangebant buccinâ juxta me. Tu. ꝑ. Accedamus. p. 149.

LECTIO 3.

Et dixi ad optimates, et magistratus, et ad reliquam partem vulgi: opus grande est, et latum, et nos separati sumus in muro procûl alter ab altero: in loco quocumque audieritis clangorem tubæ, illuc concurrite ad nos: Deus noster pugnet pro nobis. Et nos ipsi faciamus opus, et media pars nostrum teneat lanceas ab ascensu auroræ, donec egrediantur astra. Tu. ꝑ. Commendemus. p. 149.

In II. NOCT.

Ex verbis S. Bonaventuræ Ep. in Speculo B. V. Lect. 7.

LECTIO 4.

Attendite, carissimi, quod aurora nostra MARIA nobis est, quoad nos ipsos illuminatrix ad benè operandum. Operarii ab ascensu auroræ incipiunt operari, undè in Nehemiâ dicitur: nos ipsi faciemus opus, et media pars nostrum teneat lanceas ab ascensu auroræ, donec egrediantur astra. Duo nobis necessaria sunt, videlicet, ut bonis operibus insistamus, et ideò benè ajunt ædificantes: nos ipsi faciemus opus. Quod opus? nisi de quo Apostolus ait: dum tempus habemus,

operemur bonum, maximè autem ad domesticos fidei. Benè autem dicunt; nos ipsi faciemus, nos ipsi, non nostri vicarii. Tu. ꝑ. Quæramus. p. 149.

LECTIO 5.

Sed certè MARIA non nutricem aliam, non vicariam, sed semper semetipsam exhibuit Dei ministram. Sicut beatus Augustinus testatur, dicens: MARIA absque dubio operis ministratrix extitit, quæ hunc utero gessit, partuque profusum aluit, et fovit, in præsepio reclinavit, et à facie Herodis abscondit fugiens in Ægyptum, et omnem infantiam ejus pio matris affectu est prosecuta, ita ut usque ad mortem crucis, ab ejus indubitantè non recesserit consecratu, non solum gressibus pedum, tanquam pro amore Filii, verum imitatione morum tanquam pro reverentiâ Domini. Tu. ꝑ. O felix. p. 149.

LECTIO 6.

Necessarium etiâ nobis est, ut non solum bonis operibus insistamus, sed etiâ ut vitiis resistamus. Undè benè additur de lanceis tenendis. Tenere enim debemus lanceam zeli contra impetum vitii, contra impugnationem diaboli, carnis et mundi. O qualis bellatrix fuit MARIA cum sanctâ zeli sui lanceâ! Undè Bernardus: Tu bellatrix egregia, primò eum, qui primus Evam supplantavit, expugnare viriliter aggressa es. Ut ergò bonis operibus fideliter insistamus, et malis viriliter resistamus, necessarium nobis est, ut MARIE exemplum inspiciamus, MARIE suffragia imploremus. Tunc quasi ab ascensu auroræ operamur, quando irradiante exemplo et vita MARIE, quando irradiante patrocinio et misericordiâ MARIE ad benè operan-

dum incitatur. Tu. *¶*. Beatis.
p. 149.

IN III. NOCT.

Lectio S. Evangelii secundum Mat-
thæum.

LECTIO 7. c. 13 v. 54.

In illo tempore: veniens JESUS in patriam suam, docebat Judæos in synagogis eorum. Et reliqua.

Homilia S. Petri Chrysologi Ep.

SERM. 48.

Tu, Judæe, Christum fabri filium notas, cui pro tantis beneficiis repensare vicem deberes, in Filium: hinc est, quod non accipis futura, quia de præsentibus existis ingratus. Nonne Mater ejus dicitur MARIA? Iterum, Judæe, Matris nomen clamas, occultas Patris: Patris dicis, nomen non dicis: fabrum dicis, opus non dicis. Judæe, decipiunt te ista, non decipiunt credituros. Tu. *¶*. Consolamini. p. 149.

LECTIO 8.

Et fratres ejus, et sorores nonne omnes apud nos sunt? Callidè fratres ingeris, ostentas sorores, ut numero partu sanctæ Matris virginitas lateat, obscuretur integritas, et sentiatur de Filio totum quod humanum est, non divinum. Judæe, quid dicis fratres et sorores Christi? Clæophæ sororis MARLE filii sunt, non MARLE: et fratrum et sororum filios fratres nuncupat, et divina lex, et humana cognatio. Ergo Christi fratres fecit, non Matris virginitas, quæ permansit virgo post partum, sed materteræ ejus fecit propinquitatis assertio. Tu. *¶*. Tanta. p. 149.

LECTIO 9.

Beata MARIA si alios filios habuisset à Christo, mater in ipso crucis tempore, in articulo ipso mortis, non discipulo commendaretur, non traderetur extraneo. Invidia de cœ-

lo adjecit angelum, de paradiso exclusit hominem: ipsa primum contaminavit terram germano sanguine: ipsa germanos compulsi venundare germanum: ipsa Moysen fugavit, Aaron in fratres excitavit injuriam, Mariam maculavit livore germanam, ac ne multis quod pavet mens, quod visus tremit, quod auditus non capit, ipsum Christum attendit, et pervenit ad sanguinem. Tu. *¶*. Data. p. 149.

Ad Benedict. *ant.* Nonne * hic est filius fabri? nonne Mater ejus dicitur MARIA?

Oremus.

Oratio.

Beata et gloriosæ semper Virginis Dei genitricis MARLE, nos, Domine, quæsumus, merita prosequantur, et tuam nobis indulgentiam semper implorent. Per eumd.

CANON.

Ex Justiniano Imperatore.

In Confes. rectæ fidei—*ibid.* p. 372.
pag. 372. *anath.* 5.

227. Si quis per relationem aut abusivè, Dei Genitricem dicit Sanctam gloriosam semper Virginem MARIAM, aut hominis Genitricem, aut Christotocon, tanquam Christo Deo non existente, sed non propriè et verè Dei Genitricem ipsam confitetur, eo quod ipse qui ante sæcula ex Patre natus est Deus Verbum, in ultimis diebus ex ipsa incarnatus et natus est, talis anathema sit. Tu.

Ad Magnific. *ant.* Salve radix,
* salve porta, ex qua mundo lux est orta.

CANONES

Infra Hebdom. 3. Quadragesimæ.
FERIA II.

Ex Concilio Bracarense Primo.
An. 563. Can. 3.—Concil. T. 12.
pag. 569.

228. Si quis Filium Dei Domi-

num nostrum, antequàm ex Virgine nasceretur, non fuisse, sicut Paulus Samosatenus, et Photinus, et Priscilianus dixerunt, anathema sit. Tu.

FERIA III.

Ex Concilio Lateranensi.

An. 649. Can. 2.—*Concil. T. 15.*
pag. 260.

229. Si quis secundum Sanctos Patres non confitetur propriè et secundum veritatem ipsum unum sanctæ et consubstantialis et venerandæ Trinitatis Deum Verbum è Cælo descendisse, et incarnatum ex Spiritu Sancto et MARIA semper Virgine, et hominem factum..... condemnatus sit. Tu.

FER IV. POST DOM. III QUADR.

Lectio S. Evangelii secundum Matthæum.

LECTIO 1. c. 12.

In illo tempore: Loquente JESU ad turbas, ecce Mater ejus et frates stabant foris quærentes loqui ei. Et reliqua.

Homilia S. Ferrandi Diaconi Cartaginensis.

Ep. ad Anatol.—Bibl. PP. T. 3
p. 354.

Omnis ergò faciens voluntatem Dei pater Christi, mater ejus est. Sed MARIA ideò propriè Mater ejus, quia nascendo de eà secundum carnem factus est filius ejus. Multæ mulieres Deum timentes parturiunt Deum Christum mente non carne: sola autem MARIA Deum Christum parturit etiam carne, et ideò sola proprie Mater est Dei, quia nulla alia sic Mater est Dei. Tu. ꝑ. Consolam. p. 149.

LECTIO 2.

Dicat ergò mihi aliquis, utrnm proprius Filius Dei Patris ipse est proprius Filius Virginis Matris, cum fortè non habuit MARIA proprium

filium, quem Deus habet Filium proprium? Sed et MARIA habet proprium Filium, quia genuit, non adoptavit: et illum habuit proprium Filium, quem habet Deus proprium Filium, quia duos filios nunquàm fides catholica prædicat. Tu. ꝑ. Tanta. p. 149.

LECTIO 3.

Restat ergò, ut si Deus Dei proprius Filius, ipse est etiam Matris Virginis proprius Filius, propriè eum gemerit. Alioquin si illa propriè non genuerit, nec ille proprius est Filius. Proprius est autem, ergò illa propriè genuit, veruntamen secundum humanitatem, secundum quam potuit Deus nasci. Tu. ꝑ. Data. p. 149.

CANON.

Ex Concilio Lateranensi.

Ibid. can. 3. p. 260.

230. Si quis secundum Sanctos Patres non confitetur propriè et secundum veritatem Dei Genitricem Sanctam semper que Virginem et immaculatam MARIAM, utpote ipsum Deum Verbum specialitèr et veracitèr, qui à Deo Patre ante omnia sæcula natus est, in ultimis sæculorum absque semine concepisse ex Spiritu Sancto, et incorruptibiliter eum gemisse, indissolubili permanente et post partum ejusdem Virginitate, condemnatus sit. Tu.

FERIA V.

CANON.

Ex Concilio Lateranensi.

Ibid. can. 4. p. 261.

231. Si quis secundum Sanctos Patres non confitetur propriè et secundum veritatem ipsius et unius Domini nostri et Dei JESU-Christi duas Nativitates, tam ante sæcula ex Deo et Patre incorporalitèr, et sempiternalitèr, quàmque de Sancta Virgine semper Dei Genitrice MA-

RIA corporaliter in ultimis sæculorum..... condemnatus sit. Tu.

FER. VI. POST DOM. III. QUADR.

Lectio S. Evangelii secundum Joannem.

LECTIO 3. c. 19. v. 25.

In illo tempore: Stabant juxta crucem JESU Mater ejus Maria Cleopha et Maria Magdalene. Et reliqua. Homilia Sancti Cyrilli Arch. Jerosolymitani.

Cateches. 7. n. 8.

Ipse Unigenitus Filius Dei, qui tempore cruci secundum carnem adfixus erat, MARIAM videns suipsius ratione carnis Matrem, et Joannem Discipulorum carissimum, ad ipsum quidem ait: Ecce Mater tua: ad MARIAM vero: Ecce Filius tuus: quam deberet illa in posterum Joanni exhibere charitatem docens. Tu. ꝑ. Quæramus. p. 149.

LECTIO 2.

Quibus verbis obliquè expedit illud quod à Lucâ dictum est: Et erat Pater ejus et Mater admirantes: quam vocem arripiunt hæretici ipsum ex viro et muliere natum prædicantes. Tu. ꝑ. O felix. p. 149.

LECTIO 3.

Quemadmodum enim MARIA Joannis Mater dicitur propter charitatem, non verò quod genuisset, ita JOSEPH Pater Christi dictus est non ratione generationis (non enim cognovit eam juxta Evangelium, donec peperit Filium suum primogenitum), sed ratione curæ in alendo educandoque collata. Tu. Beatis. p. 149.

CANON.

Ex S. Martino Papâ Primo.

Ep. 14. ad Theodor. T. 15. p. 42. an. 655.

232. Quisquis beatam super

omnem creaturam et naturam humanam absque eo qui genitus est ex eâ, venerabilem semperque Virginem Matrem videlicet Domini nostri non honorat, atque adorat, anathema sit, et in præsentī sæculo et futuro. Tu.

SABB. POST DOM. III. QUADR.

Lectio S. Evangelii secundum Lucam.

LECTIO 1. c. 7. v. 11.

In illo tempore: Ibat JESUS in civitatem, quæ vocatur Naim. Et reliqua.

Homilia S. Thomæ Archiep. Valentini.

In Dom. 15. post Pent. Concio.

Solent diligenter portæ castelli custodiri et armari, maxime quando vallantur ab inimicis. Porta Virgo: porta mundi et porta cæli. Porta mundi Deo: porta cæli mundo. Hæc porta Domini, justi intrabunt per eam. Hæc armis insignita inviolabilibus. Salomon. Sicut turris David, quæ ædificata est cum propugnaculis. Tu ꝑ. Consolam. p. 149.

LECTIO 2.

Mille clypei pendent ex eâ, omnis armatura forlium. Clypeus est omnibus invocantibus. Armatura omnis fortium. Omnis modus virtutis. Arma nostræ militiæ spiritualia sunt. Psalmus. Præcinxisti me virtute ad bellum. In alio Sancto alius et alius modus armaturæ juxta donum Dei et statum illius; in Virgine omnis armatura, omne genus virtutum. Tu. ꝑ. Tanta. p. 149.

LECTIO 3.

Cum ad hanc portam per Incarnationem appropinquaret Verbum Patris; ecce defunctus efferebatur. Ecce defunctum genus humanum. Et ibant cum eo Discipuli ejus, et turba copiosa. Tum propter miracula, tum propter sanctitatem, tum

propter verborum suavitatem. Tu.
 ꝑ. Data. p. 149.

CANON.

Ex Concilio Toletano Decimo
 Quarto.

An. 684. can. 10.—*Concil. T. 17.*
pag. 63.

233. Si quis JESU—Christo Dei
 Filio ex utero MARIE Virginis nato,
 aliquid aut divinitatis imminuit,
 aut de susceptâ humanitate subdu-
 cit, exceptâ solâ lege peccati, et
 non eum verum Deum, hominem—
 que perfectum in unâ personâ sub-
 sistentem sincerrimè credit, anathe-
 ma sit. Tu.

DOM. IV. IN QUADR.

Semid. 2. Classis.

Invitat. et hymn. ut in Dom. 1.
p. 149.

IN I. NOCT.

De libro Tobie.

LECTIO 1. c. 4. v. 1.

Cum Tobias putaret orationem suam
 exaudiri, ut mori potuisset, voca-
 vit ad se Tobiam filium suum, dixit-
 que ei: audi, fili mi, verba oris
 mei, et in corde tuo quasi funda-
 mentum construe. Cum acceperit
 Deus animam meam, corpus meum
 sepeli, et honorem habebis matri-
 tuæ omnibus diebus vitæ ejus. Tu.
 ꝑ. In omnibus. p. 149.

LECTIO 2.

v. 7.

Ex substantiâ tuâ fac eleemosi-
 nam, et noli avertere faciem tuam
 ab ullo paupere: ita enim fiet, ut
 nec à te avertatur facies Domini.
 Quomodò potueris, ita esto mise-
 ricors. Si multum tibi fuerit, abun-
 dantèr tribue, si exiguum tibi fue-
 rit, etiâ exiguum libentèr im-
 pertiri stude. Tu. ꝑ. Accedamus.
 p. 149.

LECTIO 3.

v. 14.

Superbiam nunquàm in tuo sensu,

aut in tuo verbo dominari permit-
 tas: in ipsâ enim initium sumpsit
 omnis perditio. Quicumque tibi ali-
 quid operatus fuerit, statim ei mer-
 cedem restitue, et merces merce-
 narii tui apud te omninò non ma-
 neat. Tu. ꝑ. Commendemus.
 p. 149.

IN II. NOCT.

Ex verbis B. Alberti Magni in Bi-
 bliâ Marianâ. *In libro Tobie.*

LECTIO 4.

Commendatur in beatissimâ Virgi-
 ne MARIA post Deum largitas sum-
 ma. Quomodò potueris, ita esto
 misericors, omnibus misericordiam
 te implorantibus præstando: si mul-
 tum tibi fuerit, quia gratiâ es ple-
 na, Domina cœli et terræ abundan-
 tèr tribue, sicut decet dare Regi-
 nam omnium creaturarum: si exi-
 guum, libentèr impertiri stude.
 Voluntas à Deo pensatur, non quan-
 titas. Tu. ꝑ. Quæramus. p. 149.

LECTIO 5.

Item commendatur in ipsâ post Deum
 humilitas summa. Superbiam in
 tuo sensu, id est, in mente, aut
 in tuo verbo, necdum facto, do-
 minari non permittas. Si tamen
 sit, tamen non regnet. Ipsa enim
 nunquàm motum superbie habuit,
 sed post Deum excellentissimè
 humilis fuit. Tu. ꝑ. O Felix.
 p. 149.

LECTIO 6.

Item in ipsâ commendatur post Deum
 facilitas præcipuè in servitiorum si-
 bi impensorum festinantissimâ, et
 superabundantissimâ retributione.
 Quicumque tibi aliquid operatus
 fuerit, ò MARIA, sive justus, sive
 peccator ad laudem et honorem
 tuum, ac Filii tui, statim ei mer-
 cedem restitue regalitèr, quia Re-
 gina es: abundantèr, quia dilis-
 sima es: et merces mercenarii tui

apud te non remaneat. Tu. *¶*. Beatis. *p.* 149.

IN III. NOCT.

Lectio sancti Evangelii secundum Matthæum.

LECTIO 7. *c.* 13. *v.* 43.

In illo tempore: Dixit JESUS Discipulis suis: simile est regnum cœlorum homini negotiatori quærenti bonas margaritas. Et reliqua.

Homilia S. Tomæ Arch. Valentini.

Concion. in præsent. B. V. M.

Prætiōsa nostra margarita nec levitèr, nec novitèr, nec fortuitò inventa fuit, sed à sæculo electa, ab Altissimo præcognita, et sibi præparata, ab Angelis servata, à Patribus præfigurata, à Prophetis promissa: Dices: si præcognita, quomodò inventa? si nunquàm perditā, quomodò inventa? Ideo fortè quis dicet: non sic intelligendum; Inventā, quasi inventa sit: sed inventa idem sit ac præmeditata, excogitata, adinventā. Tu. Consolamini. *p.* 149.

LECTIO 8.

Nam inter Dei admirabiles inventiones, de quibus Isaias: notas facite in populis, narrate ad inventiones ejus: una mirabilis Virgo. Nam dic: quid admirabilius, quid magis novum, quàm margarita ex cæno, quàm mulier amicta sole, quàm semina in utero habens Deum? Creavit Dominus novum super terram. Omnia novitate plena. Gignit sine viro, parit sine dolore, Mater et Virgo: Mater æterni, Mater sui Patris, sui factoris. Homo natus est in eā, et ipse fundavit eam Altissimus. Magna igitur inventio Virgo. Tu. *¶*. Tanta est. *p.* 149.

LECTIO 9.

Sed si inventa in ordinario sensu

Dom. IV. Quadrages.

163

exponas, non repugnat. Perdita enim fuit illa innocentia, illa puritas ab Adan, candor ille margaritæ perditus est per peccatum. Aliàs omnes similiter sine peccato essent, ut Virgo, et sine fomite. Nunc autem candor perditus, novitèr inventus est in Virgine à mundo. Sed non erat à mundo, erat à Deo. Ideo nunc mundus inventam Dei margaritam restituit Deo. Tu. *¶*. Data est. *p.* 149.

Ad Benedict. ant. Inventam hanc pretiosam margaritam tibi, Domine, offerimus: hoc accipe donum tibi gratissimum.

Oremus.

Oratio.

Largire, quæsumus, Domine, puritatem mentis et corporis, ut qui sanctissimæ Genitrici tuæ devotè famulamur, majestati tuæ in omnibus placere possimus. Qui vivis.

VIII.

MARIE ERGA PECCATORES

CLEMENTIA.

CANON.

Ex S. Gregorio Papæ Primo.

Libr. 1. Ep. 47.

234. MARIA quantò altior et sanctior tantò clementior et dulcior circā conversos peccatores. Tu.

Ad Magnif. ant. Quomodò potueris, * Virgo potentissima, fac nobiscum misericordiam.

CANONES

Infra Hebdom. 4. Quadrag.

FERIA II.

Ex S. Gregorio Papæ Primo.

Lib. 4. Ep. 47.

235. Pone finem in voluntate peccandi, et invenies MARIAM, indubitanter promitto, promptiorem carnali matre in tui dilectione. Tu.

FERIA III.

Ex D. Georgio Nicomediensi.

Orat. de exit. B. V.

236. Habes vires insuperabiles, ne clementiam tuam superet multitudo peccatorum. Nihil tuæ resistet potentiae; tuam enim gloriam Creator existimat esse propriam. Tu.

FER. IV. POST DOM. IV. QUAD.

Lectio S. Evangelii secundum Joannem.

LECTIO 1. c. 8. v. 46

In illo tempore: Dicebat JESUS turbis Judæorum: Quis ex vobis arguet me de peccato? Et reliqua. Homilia S. Thomæ Archiep. Valent.

Conc. in Concept. B. V.

Plenitudo gratiæ nihil spiritualis infirmitatis, nihil imperfectionis in eâ reliquit: adeoque in omnibus bonis eam solidavit, ut vel minimus unquàm defectus in eam incidere omninò non posset, nec aliquid quod qualicumque excusationi subjaceret. Tu. ¶ Consolam. p. 149.

LECTIO 2.

In cæteris Sanctis magnificum habetur, quod à vitis non possint expugnari: in Virgine mirificum videtur, quod à vitis non potuerit vel in modico impugnari. Cæteris Sanctis in commune præcipitur, ut in mortali eorum corpore peccatum non regnet: soli Virgini singularitèr datur, ut quemadmodum Filii sui, ita nec ejus mortale corpus peccatum momorderit etiàm levissimum. Tu. ¶ Tanta. p. 149.

LECTIO 3.

Adeoque de exterminio peccati in beatâ Virgine MARIA factum credatur id, quod in omnibus Sanctis speratur. Futurum, inquam, sed non in corpore eorum adhuc mortali, sed in corpore eorum jam facto immortalis, quod sanè in Beatâ Virgine supra modum extitit mirabile, et præ cæteris Sanctis om-

nibus fuit singulare. Tu. ¶ Data. p. 149.

CANON.

Ex S. Anselmo Ep. Cantuariensi. *In Deprec. ad Virgin.*

237. O beata fiducia, o tutum refugium, Mater Dei est mater mea! Quâ certitudine igitur debemus sperare, quoniam salus de boni Fratris, et piæ Matris pendet arbitrio? Tu.

FERIA V.

CANON.

Ex S. Bernardo Abbate.

In Salve Regina.

238. Divinæ pietatis abyssum cui vult, quando vult, et quomodo vult «Diva Virgo» creditur aperire; ut nemo tam enormis peccator pereat, cui Sancta Sanctorum patrocini suffragia præstat. Tu.

FER. VI. POST DOM. IV. QUAD.

Lectio S. Evangelii, secundum Joannem.

LECTIO 1. c. 19. 25

In illo tempore: Stabant juxta crucem JESU Mater ejus, et soror Matris ejus Maria Cleophe, et Maria Magdalene. Et reliqua.

Homilia S. Siricii Papæ.

Ep. 7. Ad Anys. et Eps. Illysir.

Ubi est illud quod scriptum est, dicente Domino ad Matrem de Joanne Evangelista: Mulier, ecce filius tuus: et rursus ad Joannem de MARIA: Ecce Mater tua? Quid sibi vult, quod cum in cruce Dominus positus peccatum mundi tolleret, pronuntiavit etiàm de integritate maternâ? Aut quid aliud dicitur, nisi ut claudat ora sua perfidia, et obmutescat, ne Matrem Domini aliquo audeat temerare convicio? Tu. ¶ Quæramus. p. 149.

LECTIO 2.

Testis est ergo idem arbiter, idem

materni pudoris assertor, quod desponsata fuerit viro tantummodo JOSEPH, nulla tamen conjugalis coitus consuetudine tori jura cognoverit. Neque enim suscepturam ex JOSEPH filios à viro consortio separare voluisset. Sed si hoc parum est, addit testimonium Evangelista dicens: quod suscepit eam Discipulus in sua. Nunquid ergò divortium fecit? Nunquid à viro abduxit, atque abstulit? Tu. *¶* O felix. *p.* 149.

LECTIO 3.

Ergò qui hoc legit in Evangelio, quomodo quasi naufragus titubat et fluctuat? Hoc ergò testimonium Filii est de Matris integritate, hæc MARIE locuples integri pudoris integritas, hic totius finis consummationis. Denique hoc dixit, et emisit Spiritum consummans omne mysterium fine pietatis. Tu. *¶* Beatis. *p.* 149.

CANON.

Ex S. Bernardo Abbate.

Sem. de Aquæard.

239. Quæramus gratiam, et per MARIAM quæramus, quia qui quærit, invenit, et pulsanti aperitur. Tu.

SABB. POST DOM. IV. QUADR.

Lectio S. Evangelii secundum Matthæum.

LECTIO 1. c. 19. 3

In illo tempore: accesserunt ad JESUM Pharisei tentantes eum et dicentes: si licet homini dimittere uxorem suam, quacumque ex causa. Et reliqua. •

Homilia S. Isidori Archiep. Hispaniensis.

De Eccl. Offic. t. 2. c. 18.

Quæ sit sacræ Virginitatis integritas, vel à quo tam Sancti propositi studium sit exortum, breviter

intimabo. Quantum enim ad vetus Testamentum attinet, Elias, Jeremias et Daniel castitatis et continentie bono primis studuisse nascuntur. Tu. *¶* Consolamini. *p.* 149

LECTIO 2.

Quantum verò ad novum, virorum Virginum caput est Christus: feminarum Virginum caput est MARIA. Ipsa earum Auctrix, ipsa Mater nostri capitis, qui est Virginis Filius, et Virginum sponsus. Tu. *¶* Tanta. *p.* 149.

LECTIO 3.

Indè agmina virorum et puellarum Sanctarum, indè sectatores et sectatrices perpetuæ continentie pulularunt... cœlestem atque angelicam vitam in terrenâ mortalitate meditantes, atque in carne corruptibili incorruptionem perpetuam retinentes, quibus cedit omnis fecunditas carnis, omnis pudicitia conjugalis. Tu. *¶* Data. *p.* 149.

CANON.

Ex S. Bonaventura Episcopo.

In Spec. B. V. c. 5.

240. O MARIA! peccatorem toti mundo despectum materno affectu complecteris, nec desoris quousque miserum Judici reconcilies. Tu.

VI.

TEMPORE PASSIONIS:

SEU

VITA DOLOROSA

B. MARIE V.

quæ totum Passionis Christi tempus complectitur.

SABBATO PASSIONIS.

AD VESPER.

Psalmi et ant. ut in Vesp. Sabbati.

CAPITULUM. Bar. 4. 20

Exui me stolâ pacis, indui autem me sacco obsecrationis, et clamabo ad Altissimum in diebus meis.

HYMNUS 47. S. Bonav.

Imperatrix clementiæ,
Rorem infunde gratiæ
In meum cor tam aridum,
Ut fiat tibi placidum.

Largire quod concipiam
Tecum cordis angustiam,
Flens mortem quam rex patitur,
Per quem mundus construitur.

Tuus tractatur Filius,
Longè quàm latro viliùs:
Irrisus fert ludibria,
Gente vallatur impiâ.

Sit honor, laus, devotio,

JESU MARIE Filio

Tenso crucis patibulo

Pro redimendo populo. Amen.

Hæc Doxol. dicitur toto temp. Pass.

†. Expandit Virgo MARIA manus suas.

℟. Non est, qui consoletur eam.

Ad Magnif. ant. Nemo gaudeat* super me viduam et desolatam, adduxit enim mihi Deus luctum magnum.

Oratio de Laudibus.

Ab hoc Sabb. usque ad Sabbat. post Dominicam Pentec. non sunt Suffragia Sanctor.

Tempore passion. ad complet. et ad omnes horas in ℟. brevibus, et in fine Psalmi Invitat. et in ℟℟. post Lectiones non dicitur Gloria Patri usque ad Pasch. nisi in festis. Ejus verò loco repetitur ℟. usque ad †. in ℟℟. In Psalmo invitatorio autem repetitur Invitator.

DOM. IN PASSIONE.

Duplex 1. classis..

AD MATUT.

Invit. O vos omnes, qui transitis per vitam: * Attendite, et videte, si est dolor sicut dolor meus.

HYMNUS 48. S. Bonavent.

O gloriosa Domina,
Quæ tua cruciamina,
Cum Barrabas dimittitur

Et pœnas Christus patitur.

Pastorem heu percutiunt,

Oves dispersæ fugiunt:

Tu sola cum discipulo

Manente sub patibulo.

Nec mirum si sis anxia

Visâ crudeli furiâ:

Te sciens puram Virginem

Genuisti Denm et hominem.

Sit honor, laus, devotio &c.

IN I. NOCT.

Ant. 1. Noctem * quâ Christus capitur, absque sommo ducit Virgo MARIA.

2. Noli me * relinquere, Fili mi: quis mihi tribuat, ut tecum moriar?

3. Sequar te * quocumquē ieris, non te derelinquam, Fili mi.

†. Plorans ploravit in nocte.

℟. El lacrymæ ejus in maxillis ejus.

De lamentatione Jeremiæ Prophætæ.

LECTIO 1. c. 1. v. 1.

Quomodo sedet sola civitas, plena populo: facta est quasi vidua Domina gentium: princeps provinciarum facta est sub tribulo. Plorans ploravit in nocte, et lacrymæ ejus in maxillis ejus: non est qui consoletur eam ex omnibus caris ejus: omnes amici ejus spreverunt eam, et facti sunt ei inimici. Tu.

℟. Plorem in cruce pendente aspiciebat Virgo, * Et nimis lacrymabatur. †. Stabat juxta crucem JESU, Mater ejus.—Et.

LECTIO 2.

Migravit Judas propter afflictionem et multitudinem servitutis: habitavit inter gentes, nec invenit requiem. Omnes persecutores ejus apprehenderunt eam inter angustias. Viæ Sion lugent, eo quod non sit qui veniat ad solemnitatem: omnes portæ ejus destructæ: sacer-

dotes ejus gementes: virgines ejus squalidæ, et ipsa oppressa amaritudine. Tu.

¶ Is idem, qui Christi corpus in cruce transfodit gladius. * Cor adstantis Virginis, animumque confixit. †. Tuam ipsius animam pertransivit gladius.—Cor adstantis Virg.

LECTIO 3.

Facti sunt hostes ejus in capite: inimici ejus, locupletati sunt, quia Dominus locutus est super eam propter multitudinem iniquitatum ejus: parvuli ejus ducti sunt in captivitatem ante faciem tribulantis. Et egressus est à filiâ Sion omnis decor ejus: facti sunt principes ejus velut arietes non in venientes pascua: et abierunt absque fortitudine ante faciem subsequentis. Tu.

¶. Tantus fuit dolor Virginis, ut * si in omnes creaturas, quæ pati possunt divideretur, omnes subito interirent. †. Vitam ei ademisset, nisi fuisset roborata divinitus.—Si in omn.—Tantus. *usque ad. †.*

IN II. NOCT.

Ant. 1. Mater Dei * videns quem aluit, nulla mater sic unquam doluit.

2. Natus meus* suspenditur cruce, et ego amore et dolore langueo.

3. Attendite omnes * et videte, si est dolor sicut dolor meus:

†. Magna est velut mare contritio tua.

¶. Nimis amara facta es.

Ex verbis S. Buenaventuræ Ep.

In stimulo amoris. p. 3. c.3.

LECTIO 4.

O Domina! cur ivisti immolari pro nobis! Nunquid non sufficiebat Filii passio nobis, nisi crucifigeretur et Mater. O cor amoris! Cur contrarium es in globum doloris? Aspicio, Domina, cor tuum, et id non cor, sed myrrham, et absinthium, et fel video. Quæro Ma-

trem Dei, et ecce invenio sputa. flagella, et vulnera, quia tota conversa es in ipsâ. O amaritudine plena, quid fecisti? Cur vas sanctitatis fecisti vas poenalitatis. Tu.

¶. Tremor apprehendit eam: Angustiæ et dolores tenuerunt eam quasi parturientem. †. Dolorem, quem olim pariendo non habuit, millies geminatum Filio moriente sustinuit.—Angustiæ.

LECTIO 5.

O mira res! tota es in vulneribus Christi: totus Christus crucifixus est in intimis visceribus cordis tui. Quomodo est hoc, quod continens sit in contento? O homo vulnera cor tuum, si vis hanc intelligere quæstionem. Aperi cor tuum clavis et lancea, et veritas subintravit. Non enim inhabitat sol justitiæ in cor clausum. Tu.

¶. Quoniam addidit Dominus dolorem dolori meo: * Laboravi in gemitu meo, et requiem non inveni. †. Multiplicata sunt super me mala, quorum non est muneris.—Laboravi.

LECTIO 6.

Sed ô vulnerata Domina! vulnera corda nostra, et in cordibus nostris tuam et Filii tui renova passionem. Cor tuum vulneratum conjuge cordi nostro, ut tecum tuis vulneribus pariter vulneremur. Cur hoc tuum cor saltem, Domina, non habeo? O Domina, si non vis mihi dare Filium tuum crucifixum, nec cor tuum vulneratum, saltem quæso, mihi tribue Filii tui vulnera, contumeliasque, et illusiones ac opprobria, et illa quæ in te sentis. Tu.

¶. Mi Fili dulcissime, mi Fili, et mi Deus: * Deficio te suspiciens in ligno suspensum, conclavatum, plagisque plenum, mi Fili. †. Ne avertas aurem tuam à singultu meo

et clamoribus.—Deficio.—Mi Fili.

IN III. NOCT.

Ant. 1. Fit vox * Matris nimis flebilis, quandò sua proles cara capitur.

2. Recedite à me, * et nolite me consolari in dolore meo.

3. Cui comparabo te, * Filia Jerusalem? magna est velut mare contritio tua.

†. Audite universi populi. †. Et videte dolorem meum.

Lectio Sancti Evangelii secundum Joannem.

LECTIO 7. c. 19. v. 25.

In illo tempore : Stabant juxta crucem JESU Mater ejus, et soror Matris ejus, Maria Cleophe, et Maria Magdalene. Et reliqua.

Homilia S. Ambrosii Ep.

Epist. 63. *Eccl.* *Vercell.*

MARIA Mater Domini ante crucem Filii stabat: nullus me hoc docuit, nisi sanctus Joannes Evangelista, qui etiam docuit, quod alii non docuerunt, quemadmodum in cruce posuit Matrem appellaverit, pluris putans, quod victus suppliciorum pietatis officia Matri exhibebat, quam quod regnum cœleste donabat: Nam si religiosum est, quod latroni donatur venia, multò uberius pietatis est, quod à Filio Mater tanto affectu honoratur. Ecce, inquit, filius tuus; ecce mater tua, Tu.

†. Recedite à me, amarè flebo: * Nolite incumbere, ut consolemini me. †. Nunquàm mater pertulit tam anxios dolores, ut MARIA considerans Filii labores.—Nolite.

LECTIO 8.

Testabatur de cruce Christus, et inter Matrem atque Discipulum dividebat pietatis officia. Condebat Dominus non solum publicum, sed

etiam domesticum testamentum: et hoc ejus testamentum signabat Joannes dignus tanto testatore testis. Bonum testamentum, non pecuniæ sed vitæ eternæ, quod non atramento scriptum est, sed spiritu Dei vivi, qui ait: lingua mea calamus scribæ velociter scribentis. Tu.

†. Vide, Domine, et considera, velociter exaudi me, * quoniam tribulatio mea maxima est, et non est qui adjuvet.

†. Fili mi, ne derelinquas me desolatam, et mœrore confectam.—Quoniam.

LECTIO 9.

Sed nec MARIA minor quàm Matrem Christi decebat. Fugientibus apostolis, ante crucem stabat, et ipsi spectabat oculis Filii vulnera, quia expectabat non pignoris mortem, sed mundi salutem. Aut fortassè, quia cognoverat per Filii mortem mundi redemptionem aula regalis, etiam suâ morte putabat se aliquid publico addituram muneris. Sed JESUS non egebat adjutore ad redemptionem omnium, qui omnes sine adjutorio servavit. Suscepit affectum parentis, sed non quæsivit alterius auxilium. Tu.

†. Cui comparabo te,† vel cui assimilabo te, * Virgo filia Sion : Magna est velut mare contritio tua, quis medebitur tui. †. Quiescat vox tua à planctu, et oculi tui à lacrymis.—Magna.—Cui comp.

AD LAUDES.

Et per Horas Antiphonæ.

1. Stabat Mater * Virgo foris plorans, dum furibundi Christum villiter tractabant.

2. Angustiæ multæ * ipsi erant, quia Filius alapis afflicto erat.

3. Dum Christus * ad Calvariam ducebatur, sequebatur pia Mater

pias effundens lacrymas.

4. Cum Virgo * venisset ad locum supplicii, multiplicabantur ei angustiae et dolores.

5. Cruce Christi * erecta, pia Mater dolore defecit.

CAPITULUM. Bar. 4. 29.
Exui me stolâ pacis, et indui me sacco obsecrationis; et clamabo ad Altissimum in diebus meis.

HYMNUS 49. S. Bonav.
Castæ Parentis viscera
Pœnâ torquentur asperâ:
Dum illum, quem conceperat,
Verbo perversi verberant.
Illum tractant crudelitèr,
Cœdunt, cruentant acritèr,
Hoc audientis anxie
Matris crescunt angustiae.

Sed cum ad mortem ducitur,
Hunc Mater tristis sequitur:
Pectus perfundens fletibus,
Afficiens livoribus.

In cruce dum extenditur,
Videns Mater quòd moritur:
Nullus dolor amarior,
Nam nulla proles carior.

Sit honor, laus, devotio. &c.

†. Oculus meus afflictus est.

†. Eo quod non esset requies.

Ad Benedict. ant. Ecce positus *
est hic in ruinam et in resurrectionem multorum, et in signum cui contradicetur, et tuam ipsius animam pertransibit gladius.

Oremus. *Oratio.*

Da nobis, quæsumus, omnipotens Deus, ut qui devotè Filii tui passionem, et ejus Genitricis Sanctissimæ compassionem recolimus, crucis mortificationem jugitèr in nostro corpore pro tui nominis honore portemur. Per eundem.

AD PRIMAM.

Ant. Stabat. Capitul. Exui me. de Laudibus.

†. Quæ in Passione Filii dolo-

ris gladio transfixa fuisti. Non dicitur Gloria Patri hoc tempore.

IX.

DEIPARÆ

ANGUSTIÆ IN PASS. FILII.

CANON.

Ex S. Anselmo Ep. Cantuariensi.
Libr. de Excell. B. V.

241. Oportuit, ut illa, in quâ Christus omnem gratiam collocavit, non careret honore martyrii, et ad hoc cruci illam adstare oportuit; quale autem illud Martyrium fuerit exprimi non potest, adeò tamen durius fuit, ac si ipsa occideretur, quia plùs Filium diligebat, quàm se ipsam. Tu.

AD TERTIAM.

CAPITULUM. Thren. 1. v. 2.

Plorans ploravit in nocte, et lacrymæ ejus in maxillis ejus: non est qui consoletur eam ex omnibus caris ejus.

†. br. Audite universi populi: * Videte dolorem meum.—Audite †. Quoniàm tribulor, conturbatus est venter meus.—Videte.—Audite.

†. Expandit Virgo MARIA manus suas.

†. Non est qui consoletur eam.

AD SEXTAM.

CAPITULUM. Thren. 1. v. 5.

Facti sunt hostes ejus in capite: inimici ejus locupletati sunt, quia Dominus locutus est super eam.

†. br. Expandit Virgo MARIA * manus suas.—Expandit.—†. Non est qui consoletur eam.—Manus.—Expandit.

†. Deducant oculi mei lacrymas.

†. Super contritione Virginis MARIAE.

AD NONAM.

CAPITULUM. Thren. 2. 17.

Fecit Dominus quæ cogitavit: complevit sermonem suum, quem præceperat à diebus antiquis.

¶. br. Deducant * oculi mei lacrymas.—Deduc.

†. Super contritionem Virginis MARIE.—Oculi.—Deducant.

†. JESU Fili mi, Fili mi JESU.

¶. Quis mihi tribuat, ut moriar pro te.

AD VESPERAS.

Ant. 1. Inundaverunt * aquæ tribulationis super caput meum.

2. Vide, Domine, * et considera, quoniam tribulor: velociter exaudi me.

3. Contritum est * cor meum in medio mei: contremuerunt omnia ossa mea.

4. Cum turbata * fuerit anima mea, Domine, miserere mei.

5. Fili mi, * ne derelinquas me desolatam, et mœrore confectam.

EXUI ME STOLÂ PACIS, et indui me sacco obsecrationis, et clamabo ad Altissimum in diebus meis.

HYMNUS 50.

Illæsa te puerpera
Non facerat matrem dolor:
Nascente quem nesciveras,
Orbata sentis Filio.

Dum te salutat ultimum,
Natoque tradit altero,
Natumque tradit alterum
In morte Christum parturis.

Non ejulantem cernimus,
Non ungue vellentem comas:
Silensque plus novit pati
Virtus dolore fortior.

Sit honor, laus, devotio. &c.
†. Facies mea intumuit à fletu.

¶. Et palpebræ meæ caligaverunt.

Ad Magnific. ant. Eja Mater * fons amoris, fac nos sentire vim doloris, ut tecum lugeamus, et dominicæ passionis fructum sentiamus. Oratio de Laudibus.

Sic quotidie dicuntur vespere per totum tempus passionis in feriali offi-

cio, cum Psalmis de ferid, et precibus.

Laudes et Horæ dicuntur etiam quotidie ut in Dom. Passionis, cum Psalm. de ferid et precib.

FER. II. PASSION.

Invitator, et hym. ad matut. ut heri: antiphonæ, vers. et Responsor, ut in prim. Nocturn. p. 166.

De Lamentatione Jeremiæ Prophetæ.

LECTIO 1. c. 1. v. 7.

Recordata est Jerusalem dierum afflictionis suæ et prævaricationis omnium desiderabilium suorum, quæ habuerat à diebus antiquis, cum caderet populus ejus in manu hostili, et non esset auxiliator: viderunt eam hostes et deriserunt omnia sabbata ejus. Tu. ¶. Polem. p. 166.

LECTIO 2.

Peccatum peccavit Jerusalem, propterea instabilis facta est: omnes qui glorificabant eam, spreverunt illam, quia viderunt ignominiam ejus, ipsa autem gemens conversa est retrorsum. Sordes ejus in pedibus ejus, nec recordata est finis sui: deposita est vehementer, non habens consolatorem: vide, Domine, afflictionem meam, quoniam erectus est inimicus. Tu. ¶. Isidem. p. 167.

LECTIO 3.

Manum suam misit hostis ad omnia desiderabilia ejus: quia vidit gentes ingressas sanctuarium suum de quibus præceperas, ne intrarent in Ecclesiam tuam. Omnis populus ejus gemens: et quærens panem: dederunt pretiosa quæque pro cibo ad refocillandam animam. Vide, Domine; et considera, quoniam facta sum vilis. Tu. ¶. Tantis fuit. p. 167.

Ad Bened. et ad Magnif. ant.

In proximo est * tribulatio mea,
Domine, et non est qui adjuvet.
*Orat. de Dom. præced. per tot.
Hebdom.*

CANON.

Ex S. Hieronymo Presbytero.
*Serm. de Assumpt. B. V. inter ejus
opera.*

242. Plùs omnibus dilexit, prop-
terea et plùs doluit, in tantum, ut
animam ejus totam pertransiret, et
possideret vis doloris, ad testimo-
nium eximie dilectionis. Tu.

FER. III. PASS.

*Invitat. et hymnus, ut in Dom.
Pass. p. 166.*

*Antiph. γ. et η. ut in secund.
Noct. p. 167.*

De Lamentatione Jeremiæ Pro-
phetæ.

LECTIO 1. c. 1. v. 12.

O vos omnes qui transitis per viam,
attendite et videte, si est dolor
sicut dolor meus: quoniam vin-
demiavit me, ut locutus est Do-
minus in die iræ furoris sui. De
excelso misit ignem in ossibus meis,
et erudit me: expandit rete pe-
dibus meis, convertit me retror-
sum: posuit me desolatam, totâ die
mœreore confectam. Tu. γ. Tremor.
p. 167.

LECTIO 2.

Vigilavit jugum iniquitatum mea-
rum: in manu ejus convolutæ sunt,
et impositæ collo meo: infirmata est
virtus mea: dedit me Dominus in
manu de quâ non potero surgere.
Abstulit omnes magnificos meos Do-
minus de medio mei: vocavit ad-
versum me tempus, ut contere-
ret electos meos: torcular calcavit
Dominus virgini filię Judæ. Tu.
γ. Quoniam. p. 167.

LECTIO 3.

Idcircò ego plorans, et oculus meus
deducens aquas: quia longè factus

est à me consolator, convertens
animam meam: facti sunt filii mei
perditi, quoniam invaluit inimicus.
Expandit Sion manus suas, non
est qui consoletur eum: mandavit
Dominus adversum Jacob in cir-
cuitu ejus hostes ejus: facta est
Jerusalem, quasi polluta menstruis
inter eos. Tu. γ. Mi fili. p. 167.

Ad Benedict. et ad Magnif. ant.
Tu autem, Domine, * ne elongeris
auxilium tuum à me, ad defen-
sionem meam aspice.

CANON.

Ex S. Amadeo Ep. Lausanensi.
Hom. 3. de Laudib. B. V.

243. MARIA torquebatur magis,
quàm si torqueretur in se; quia
super se incomparabilèr diligebat
id undè dolebat. Tu.

FERIA IV. PASSION.

*Si fiat de fest. nov. lection. di-
cuntur Lection. sequent. de Script.
in 1. Noct. Si verò fiat de fer.
legitur Evang. cum Hom. quod
inferius ponitur.*

De Lamentatione Jeremiæ Pro-
phetæ.

LECTIO 1. c. 1. v. 18.

Iustus est Dominus, quia os ejus
ad iracundiam provocavi. Audite,
obsecro, universi populi, et videte
dolorem meum. Virgines meæ, et
juvenes meæ abierunt in captivita-
tem. Vocavi amicos meos, et ipsi
deceperunt me: Sacerdotes mei, et
senes mei in urbe consumpti sunt:
quia quæsierunt cibum sibi, ut re-
focillarent animam suam. Tu. γ.

LECTIO 2.

Vide, Domine, quoniam tribulor,
conturbatus est venter meus: sub-
versum est cor meum in memo-
riâ, quia amaritudine plenus sum.
Foris interficit gladius, et domi
mors similis est: audierunt quia in-

gemisco ego, et non est, qui consolationetur me. Tu. *¶*.

LECTIO 3.

Omnes inimici mei audierunt malum meum, lætati sunt, quoniam tu fecisti: adduxisti diem consolationis, et fient similes mei. Ingre-diatur omne malum eorum coram te: et vindemia eos, sicut vindemia-sti me propter omnes iniquitates meas: multi enim gemitus mei, et cor meum mœrens. Tu. *¶*.

Sequens Homil. legitur inferiali offic.

Lectio S. Evang. secundum Lucam.

LECTIO 1. c. 11.

In illo tempore: dixit JESUS turbis Judæorum: Cum fortis armatus custodit atrium suum, in pace sunt ea quæ possidet. Et reliqua.

Homilia S. Thomæ Arch. Valentini.

In Concep. B. V. Conc.

Solet Rex filio bellicosæ regnum patri recuperaturo, ac gloriosissimam de fatali hoste victoriam reportaturo, copiosissimum auri et argenti pondus, tanquam exercitus robur, illi liberalissimè impertiri ante prælium. Tu. *¶*. Recedite. p. 168.

LECTIO 2.

Strenuus belli Dux Christus venit fortis armatus diripere arma fortis et alligare ipsum, scilicet, draconem, et recuperare regnum et gentem quam per invidiam diabolus surripuerat, ac injustè sibi usurpaverat: præliando fortitèr in calvaria monte equo crucis forti, ex quo ligno diabolicâ fraude deceptus, prostratus fuerat Adam. *¶*. Vide. p. 168.

LECTIO 3.

De fatali ergo infernali illo hoste triumphaturo Filio suo dedit Pater cœlestis ante congressum nummum abundantissimum, scilicet, Matris gratiam præservantem in merito futuræ passionis. Tu. *¶*. Cui comparabo. d. 168.

Ad Bened. et ad Magnif. ant. Miseremini mei, * miseremini mei saltem vos amici mei, quia tribulatio mea proxima est.

CANON.

Ex S. Laurentio Justiniano.

De agon. Christi. c. 11.

244. Passionis Christi speculum effectum erat cor Virginis: in illo agnoscebantur sputa, convicia, verbera, vulnera. Tu.

FERIA V. PASSION.

Hymn. et invitor de Dom. præc.

p. 166.

*Antiph. *†*. et *¶¶*. ut in 1. Noctur.*

p. 166.

LECTIO 1. c. 2 v 1.

Quomodo obtegit caligine in furore suo Dominus filiam Sion: projecit de cœlo in terram inclytam Israel, et non est recordatus scabelli pedum suorum in die furoris sui. Præcitavit Dominus, nec pepercit, omnia speciosa Jacob, destruxit in furore suo munitiones virginis Judæ et dejecit in terram: polluit regnum et principes ejus. Tu. *¶*. Prolem. p. 166.

LECTIO 2.

Confregit in irâ furoris sui omne cornu Israel: convertit retrorsum dexteram à facie inimici: et succendit in Jacob quasi ignem flammæ devorantis in gyro. Tetendit arcum suum quasi inimicus, firmavit dexteram suam, quasi hostis: et occidit omne quod erat pulchrum visu in tabernaculo Filiæ Sion, effudit quasi ignem indignationem suam. Tu. *¶*. Is idem. p. 167.

LECTIO 3.

Factus est Dominus velut inimicus, præcipitavit Israel, præcipitavit omnia mœnia ejus: dissipavit munitiones ejus, et replevit in filiâ Judæ humiliatum, et humiliatam. Et dissipavit quasi hortum tentorium

suum, demolitus est tabernaculum suum: oblivioni tradidit Dominus in Sion festivitatem et sabbatum: et in opprobrium, et in indignationem furoris sui regem et sacerdotem. Tu. *¶*. Tantus: p. 167.

Ad Benedic. ant. Posuit me tota die desolatam, et mœrore confectam.

CANON.

Ex S. Bernardo Abbate.

Apud S. Ligor. Ser. de Dolorib. v.

245. In aliis martyribus magnitudo amoris dolorem lenivit Passionis; sed Beata Virgo quanto plus amavit tanto plus doluit, tantoque ipsius Martyrium gravius fuit. Tu.

FERIA VI. PASSION.

IN COMPASSIONE B. M. V.

Duplex 2. Classis.

Hoc festum transfertur in diem sequentem, quando in eo incidit Festum altioris ritus.

Omnia omnino dicuntur ut in communi festivitat. Tempore Passionis, præter sequent.

IN I. VESP.

HYMNUS 51.

Castæ Parentis lacrymæ
Laxis inundant fontibus,
Dum cernit affixum cruci
Sublime corpus Filii.

Quem fœta cœli munere
Alvo puella gesserat,
Quem nixa sole purior
Casto liquore paverat.

Hunc sæva tortorum manus
Per omne tormenti gerus
Divâ probatum compulit
In fronde vitam ponere.

Immane frendens verbere
Fragor fregit cor Virginis:
Prolem quot ictus vulnerant,
Pectus Parentis dividunt.

Impleta sunt quæ dixerat
Senex futuri præscius,
Dum sic MARIE viscera

Culter doloris transfodit.

O vos, quibus stat intimo

Sensus superstes pectori,

Ad hunc dolorem sistite;

Hoc omnis alter est minor.

Æternus hoc donet Pater,

Redemit ut quos Filius,

Planctus MARIE Virginis

Ad summa ducat gaudia. Amen.

Ad Magn. ant. Multi sunt gemitus mei, et cor meum mœrens.

AD MATUTIN.

HYMNUS 52.

Sallæ.

Virgò, salve, transadacta

Cor doloris cuspidè,

Innocentis Mater agni

Sponte cæsi liberâ

Sontium nostrum reatum

In plantem victimam.

Qui, Deus, quo plus beavit

Omnibus te fœminis,

Te suam dignans Parentem;

Hoc tuum crudelius

Carne sub sumptâ, cruentus

Lancinavit Spiritum.

Cujus aspectus dolendus,

Saxa qui perruperat,

Stipiti crucis refixi

Haud profecto saxeum

Pectus, heu! tuum feroci

Quâ plagâ concideret!

Oribus mutè disertis

Illiusce funera

Cautibus questis tametsi,

Queis hiarunt, fissibus;

Quæ manent infracta, nostris

Væ nefastis cordibus!

Eja Mater ergò clemens,

Nostra frange pectora

Malleo contritionis,

Ut, repulso crimine,

Quo rigent, Nati atque Matris

Sentiamus vulnera.

Ut tui tecum dolentes

Passionem Filii,

Rebus et solamen arctis

Transeuntis temporis,

Jugis et vitæ manentis
Consequamur gaudia.

Filio qui non pepercit
Sit Patri; qui passus est
Pro salute nostrâ Matris
Saucians cor, Filio;
Utriusque laus amori
Sempiterna in sæcula. Amen.

AD LAUDES.

HYMNUS 53.

Condolentes mœroribus
MARIE Matris Virginis:
Jungamus laudes fletibus
Ad laudem sui Nominis.

Pensemus Matris servuli
Spinas cordis acerrimas,
Dum vidit corpus Filii
Pœnas pati teterrimas.

Pensemus, quid perpenderet
Adstans cruci Puerpera,
Dum testamentum conderet
Christus in vitæ vespérâ.

Matrem piam Discipulo,
Patri commendat Spiritum:
Aceti sumptio poculo
Carnis exsolvit debitum.

Cuncti MARIE servuli
Hujus osores sæculi
JESUM occisum colite,
Et cum MARIA plangite.

Æternus hoc donet Pater,
Redemit ut quos Filius,
Planctus MARIE Virginis
Ad summa ducat gaudia. Amen.

Ad Bened. ant. Ego plorans, et
oculus meus deducens lacrymas,
quia longè factus est à me consolator.

Oremus.

Oratio.

Interveniat pro nobis, quæsu-
mus Domine JESU—Christe, nunc
et in horâ mortis nostræ apud
tuam clementiam Beata Virgo MA-
RIA Mater tua, cujus sacratissi-
mam animam in horâ tuæ passio-
nis doloris gladius pertransivit.
Qui vivis et regnas.

CANON.

Ex Concilio Coloniensi.

An. 1423. Labbæ.—T. 12. Concil.
p. 366. Ap. Bened. XIV. De festis.
libr. 2. c. 5. n. 9.

246. Festum Commemorationis
angustiæ et doloris Beatæ MARIE
Virginis deinceps singulis annis Fe-
riâ VI. post Dóminicam *Jubilate*,
nisi aliquod Festum eodem die in-
tervenerit, et ex tunc primâ Fe-
riâ VI. proximâ subsequenti in pri-
mis Vesperis, Matutinis, aliisque
Horis, necnon in secundis Vesperis
in choro tantum in omnibus Eccle-
siis Provinciæ nostræ subjectis se-
cundum notas, et historias, et ho-
miliam de eodem festo compositas,
solemnitè celebretur. Tu.

SABBATO PASS.

*Si fiat de Sabb. legitur Evang.
cum Hom. quod inferius ponitur;
si verò de festo sequent. Lection.
de Script. in 1. Noct.*

De Lamentatione Jeremiæ Proph.

LECTIO 1. c. 2. v. 14.

Prophetæ tui viderunt tibi falsa, et
stulta, nec aperiebant iniquitatem
tuam, ut te ad pœnitentiam pro-
vocarent: viderunt autem tibi as-
sumptiones falsas et ejectiones.
Plauserunt super te manibus om-
nes transeuntes per viam: sibil-
averunt, et moverunt caput suum
super filiam Jerusalem: Hæccine
est urbs, dicentes, perfecti decoris.
gaudium universæ terræ? Tu.

¶.

LECTIO 2.

Aperuerunt super te os suum om-
nes inimici tui: sibilaverunt, et
fremuerunt dentibus, et dixerunt:
Devoravimus: en ista dies, quam
expectabamus: invenimus, vidimus.
Fecit Dominus quæ cogitavit: com-
plevit sermonem suum, quem præ-
ceperat à diebus antiquis: destru-

xit, et non pepercit, et lætificavit super te inimicum, et exaltavit cornu hostium tuorum. Tu. *¶*.

LECTIO 3.

Clamavit cor eorum ad Dominum super muros filiæ Sion: deduc quasi torrentem lacrymas per diem et noctem: non des requiem tibi, neque taceat pupila oculi tui. Consurge, lauda in nocte, in principio vigiliarum: effunde sicut aquam cor tuum ante conspectum Domini: leva ad eum manus tuas pro animâ parvolorum tuorum, qui defecerunt in fame, in capite omnium compitorum. Tu. *¶*.

Sequens Hom. dicitur, si fiat de Sabbato.

Lectio S. Evangelii secundum Matthæum.

c. 22. LECTIO 4.

In illo tempore: Pharisei consilium inierunt, ut caperent JESUM in sermone. Et reliqua.

Homilia D. Tomæ Archiep. Valentini.

In Dom. 22. post. Pent.

In redemptionem generis humani non erat in mundo moneta sufficiens. Misit Deus de cœlo aurum Divinitatis suæ, Verbum suum. Et missum est in fornacem ventris virginalis, et exivit moneta speciosa infiniti pretii. Tu. *¶*. Recedite. p. 168.

LECTIO 5.

Opus erat, ut cuderetur in camino crucis. O quàm benè sigillata! A plantâ pedis usque ad verticem tota rubricata. Dicite: O Virgo, cujus est imago hæc? Non agnoscitis? Non est, inquit, species ei neque decor. Non agnoscimus. Tu. *¶*. Vide, Dom. p. 168.

LECTIO 6.

Legite, legite, superscriptum, et

agnoscetis. O virgo! Superscriptio: JESUS Nazaræmus Rex Judeorum. Agnoscimus imaginem: Cæsar est, Dei Patris est quod latet: sed quod apparet, os de ossibus meis, et caro de carne mea. Imaginem hanc, ô homo, et similitudinem refers. Tu. *¶*. Cui compar. p. 168.

Ad Benedict. ant. Recordare, Domine, paupertatis meæ, absinthi, et fellis.

CANON.

Ex S. Bonaventurâ Episcopo.

De planctu Virg. in Stm. amor.

247. Singula «Christi» vulnera per ejus corpus dispersa, in uno «Virginis» corde sunt unita. Tu.

AD VESPERAS.

*Antiph. de 2. Vesp. Dom. Pas. p. 170. Capit. Hym. et *¶*. ut in Sab. præc. p. 165.*

Ad Magn. ant. Divissiones aquarum deduxit oculus meus in contritione beatæ Virginis MARLE.

Orat de Laudibus.

DOMIN. IN PALMIS.

Semid. 1. Classis.

Omnia ut in Dom. Passionis. p. 166.

IN I. NOCT.

De lamentatione Jeremiæ Prophetæ.

LECTIO 1. c. 2. v. 20.

Vide, Domine, et considera quem vindemiariis ita: ergò ne comedent mulieres fructum suum, parvulos ad mensuram palmæ? Si occiditur in santuario Domini Sacerdos et Propheta? Jacuerunt in terrâ foris puer et senex, virgines meæ, et juvenes mei ceciderunt in gladio. Tu. *¶*. Prolem. p. 166.

LECTIO 2.

Interfecisti in die furoris tui: percussisti, nec misertus es. Vocasti quasi ad diem solemnem, qui terrent me de circuitu, et non fuit

in die furoris Domini, qui effugeret et relinqueretur: quos educavi et enutrivī, inimicus meus consumpsit eos, ꝑ. Isidem. p. 167.

LECTIO 3. c. 3. v. 1.

Ego vir videns paupertatem meam in virgā indignationis ejus. Me minavit, et eduxit in tenebras, et non in lucem. Tantū in me vertit et convertit manum suam totā die. Vetustam tecit pellem meam, et carnem meam, contrivit ossa mea, ædificavit in gyro meo, et circumdedit me felle et labore. Tu. ꝑ. Tantus fuit. p. 167.

IN II. NOCT.

Sermo S. Amadei Ep. Lausanensis.
De Laudibus. B. V. M. Hom. 5.

LECTIO 4.

Hoc mentis martyrio, quod carnis tormenta excedit, hoc patiendi genere gloriosa triumphans, quāto cunctis vicinior, tantō cunctis gloriosior venerandæ cruci, Dominicæ Passioni inhæsit, hausit calicem, bibit passionem, et torrente doloris potata, nulli unquā similem dolorem pertulit. Currit post JESUM, non solū in odere unguentorum, sed in multitudine dolorum. Cernebat verum Salomonem in diademate, quo coronavit eum noverca synagoga, et ipsa coronata coronā tribulationis post eum incedebat. ꝑ. Tremor. p. 167.

LECTIO 5.

Stabat autem juxta crucem, ut illud dulcissimum caput Nati unctum oleo lætitiæ præ participibus suis, arundine percussum, spinis coronatum tristi spectaculo videret: aspiciebat speciosum formā præ filiis hominum, non habere speciem, neque decorem, excelsum super omnes gentes despectum, et novissimum reputatum, sanctum sanctorum sceleratis, et iniquis affixum,

oculos sublimis hominis humiliatos, et cervicem sustinentis omnia humeris inclinatum pendere, serenissimam faciem Dei emarcuisse et decorem vultūs ejus absconditum. ꝑ. Quoniām. p. 167.

LECTIO 6.

Igitur tam pro Nati morte, quā pro Judæorum perditione, ineffabili dolore gloriosum pectus urebatur, et altissimo pietatis jaculo confossum, extremas spirabat inter angustias, hausit poculum amarum ipsā morte, et quod humanum genus ferre non posset, adjuva divino munere, femina valuit sustinere. Vicit sexum, vicit hominem, et passa est ultra humanitatem. Torquebatur nanque magis, quāsi torqueretur ex se, quoniām supra se incomparabiliter diligebat id undē dolebat. Tu. ꝑ. Mi Fili. p. 167.

IN III. NOCT.

Lectio S. Evangelii secundum Joannem.

LECTIO. 1. c. 16. v. 21.

In illo tempore: dixit JESUS Discipulis suis: Mulier cum parit, tristitiam habet, quia venit hora ejus. Et reliqua.

Homilia venerabilis Ruperti Abbat.

Comm. in Joann. c. 19. libr. 13.
Si apostolos suos in illā horā suæ passionis Dominus mulieri parturienti rectē comparavit quāto magis mulierem hanc, stantem juxta crucem suam mulieri parturienti talem Matrem talis Filius rectē similem duxit? Quid autem dico similem cum verē sit mulier, et verē Mater, et veros habeat in illā horā partūs sui dolores? Non enim habuit Mulier hanc pœnam, ut in dolore pareret, sicut cæteræ matres, quum infans sibi natus est; sed nunc dolet, cruciatur, et tristitiam habet, quia venit hora ejus,

illa videlicet hora, propter quam de Spiritu Sancto concepit, propter quam gravida facta est, propter quam completi sunt dies, ut pareret propter quam omnino de utero ejus Deus homo factus homo est. Tu. *¶*. Recedite. p. 168.

LECTIO 8.

Cum autem hæc hora præterierit, cum totus iste gladius parturientem ejus animam pertransierit, jam non erit memor præssuræ propter gaudium, quia natus erit homo in mundum, quia declaratus erit novus homo, qui totum renovet genus humanum, totiusque mundi sempiternum obtineat imperium: natus, inquam, id est, immortalis atque impassibilis factus, et angustias vitæ hujus in æternæ patriæ amplitudine supergressus, mortuorum primogenitus. Proinde quia verè ibi dolores, ut parturientis, in passione Unigeniti omnium nostrum salutem beata Virgo peperit, planè omnium nostrum mater est. Tu. *¶*. Vide Domine. p. 168.

LECTIO 9.

Igitur quod de hoc discipulo dictum est ab eo, justissimè curam suæ Matris habebat: mulier ecce filius tuus. Itemque ad eundem discipulum: ecce mater tua, rectè et de alio quolibet discipulorum, si præsens adesset, dici potuisset; nisi quia licet omnium, ut dictum est mater sit, pulchrius tamen huic, ut Virgo virginicommandari debuit. Tu. *¶*. Cui compar. p. 168.

Ad Benedict. ant. Cum mulier peperit puerum, jam non meminit præssuræ propter gaudium.

Oremus.

Oratio.

Adjuvet nos, quæsumus, ipse omnipotens Deus per gloriosam intercessionem suæ Matris, ut cum eo semper vivamus, qui pro nobis

dignatus est mortem suscipere. Qui cum Deo Patre vivit, et regnat in unitate.

X.

VIRGO MUNDI

CORREDEMPTRIX.

CANON.

Ex S. Athanasio Ep. Alexandrino. *In mirac. de Beritho-Concil. T. 18. pag. 235.*

248. Propter nos et propter nostram salutem, cum esses sine carne, incarnatus ex Virgine MARIA, crucifixus es in illa carne, cum esses ipse impassibilis Deitate. Tu.

Ad Magnif. ant. Facta est, * quasi vidua Domina gentium, Princeps provinciarum facta est sub tributo.

Ab hac die usque ad Dom. prim. post Pascham inclusivè, omne festum quod occurrat, transfertur ad primam diem non impeditam.

FER. II. MAJ. HEBD.

Invitator, *Hym. antiph. 1. et 2. ut in fer. II. Pass. p. 171.*

De Lamentatione Jeremiæ Proph.

LECTIO 1. c. 3. v. 6.

In tenebrosis collocavit me, quasi mortuos sempiternos. Circumædificavit adversum me, ut non egrediar: aggravavit compedem meum. Sed et cum clamavero, et rogavero, exclusit orationem meam. Conclusit vias meas lapidibus quadris, semitas meas subvertit. Ursus insidians factus est mihi, leo in absconditis. Semitas meas subvertit, et confregit me, posuit me desolatam. Tu. *¶*. Prolem. p. 166.

LECTIO 2.

Tendit arcum suum, et posuit me, quasi signum ad sagittam. Misit in renibus meis filias pharetræ suæ. Factus sum in derisum omni populo meo, canticum eorum tota die. Replevit me amaritudinibus;

inebriabit me absinthio, Et fregit ad numerum dentes meos, cinxit me cinere. Et repulsa est à pace anima mea, oblitus sum bonorum. Et dixi: periit finis meus, et spes mea à Domino. Tu. *¶*. Is idem. *p.* 167.

LECTIO 3.

Recordare paupertatis, et transgressionis meæ, absinthi et fellis. Memoria memor ero, et tabescet in me anima mea, hæc recolens in corde meo, ideo sperabo. Misericordiæ Domini, quia non sum consumpti: quia non defecerunt miserationes ejus. Novi diluculo, multa est fides tua. Pars mea Dominus, dixit anima mea: propterea expectabo eum. Tu. *¶*. Tantus fuit. *p.* 167.

Ad Benedict. ant. Sicut non fuit * amor, sicut amor Virginis, ita non fuit dolor sicut dolor ejus.

CANON.

Ex S. Proclo Ep. Cycici.
Tom. V. Concil. pag. 19.—Con. Ephes.

249. Venit ille, qui semper adest, propriumque sanguinem nostri causâ in Redemptionis pretium profundens, et carnem quam à Virgine susceperat in commutationem morti dedens mundum à maledicto mortis redemit, morteque mortem destruxit. Tu.

Ad Magnif. ant. Quanto Virgo * dilexit tenerius, tanto vulnerata fuit profundius.

FER. III. MAJ. HEBD.

Invitat. Hym. et alia ut in Fer. III. Pass.

De Lamentatione Jeremiæ Prophet.

LECTIO 1. c. 3. v. 25.

Bonus est Dominus sperantibus in eum, animæ quærenti illum. Bonum est præstolari cum silentio salutare Dei. Bonum est viro, cum

portaverit jugum ab adolescentiâ suâ. Sedebit solitarius et tacebit, quia levavit super se. Ponet in pulvere os suum, si forte sit spes. Dabit percutienti se maxillam, saturabitur opprobriis. Quia non repellit in sempiternum Dominus. Tu. *¶*. Tremor: *p.* 167.

LECTIO 2.

v. 32.

Quis est iste, qui dixit, ut fieret, Domino non jubente? Ex ore Altissimi non egrediuntur nec mala, nec bona. Quid murmuravit homo vivens, vir pro peccatis suis? Scrutemur vias nostras, et quæramus, et revertamur ad Dominum. Levemus corda nostra cum manibus ad Dominum in cælos. Nos iniquè egimus, et ad iracundiam provocabimus: idcirco tu inexorabilis es. Tu. *¶*. Quoniam. *p.* 167.

LECTIO 3.

v. 48.

Divisiones aquarum deduxit oculus meus in contritione filiæ populi mei. Oculus meus afflictus est, nectacuit, eo quod non esset requies. Donec respiceret, et videret Dominus de cælis. Oculus meus deprædatus est animam meam in cunctis filiabus urbis meæ. Tu. *¶*. Mi fili. *p.* 167.

Ad Benedict. ant. MARIA * torquebatur magis, quàm si torquebatur in se: quia super se diligebat id undè dolebat.

CANON.

Ex S. Bonaventurâ Episcopo.

Apud S. Ligor. cap. 1. §. 2.

250. Nullo modo dubitandum est, quia Mariæ animus voluit etiam tradere Filium suum pro salute generis humani, ut Mater per omnia conformis fieret Patri, et Filio. Tu.

Ad Magnif. ant. O quàm tristis* et afflicta fuit illa benedicta Mater Unigeniti.

FERIA IV. MAJ. HEBD.

Invit. et alia ut in fer. IV. Pass.

De Lamentatione Jeremiæ Prophet.

LECTIO 1. c. 3. v. 52.
Venatione ceperunt me, quasi avem inimici mei gratis. Lapsa est in lacum vita mea, et posuerunt lapidem super me. Inundaverunt aquæ super caput meum: dixi: perii. Invocavi nomen tuum, Domine, de lacu novissimo. Vocem meam audisti: ne avertas aurem tuam à singultu meo et clamoribus. Tu. *¶*. Recedite. p. 168.

LECTIO 2.
Appropinquasti mihi in die, quando invocavi te: dixisti: ne timeas. Judicasti, Domine, causam animæ meæ, Redemptor vitæ meæ. Vidiisti, Domine iniquitatem illorum adversum me: judica judicium meum. Vidisti omnem furorem, universas cogitationes eorum adversum me. Tu. *¶*. Vide Domine. p. 168.

LECTIO 3.
Audisti opprobrium eorum, Domine, omnes cogitationes eorum adversum me: labia insurgentium mihi, et meditationes eorum adversum me totâ die: Sessionem eorum, et resurrectionem eorum vide: ego sum psalmus eorum. Reddes eis vicem, Domine, juxta opera manuum suarum. Dabis eis scutum cordis laborum tuum. Persequeris in furore, et conteris eos sub cælis, Domine. Tu. *¶*. Cui comparab. p. 168.

Ad Bened. ant. Moriebatur: vivens, * vivebat moriens, nec mori poterat, quia vivens mortua erat.

CANON.

Ex S. Bonaventurâ Episcopo.

ibid. §. 3.

251. Nulla post Virginem creatura ita per amorem nostrum exardescet, quæ Filium suum unicum,

quem multo plus se amavit, nobis dedit, et pro nobis obtulit. Tu.

Triduo sequenti non legitur Canon.

Vesperæ dicuntur hodiè omnino. ut in Dominicâ Pass. cum psalmis, ut in feriali officio.

Ad Magnif. ant. Ne derelinquas me, * Domine Deus meus: ne diceseris à me, Fili mi.

Oratio ut in Dom. Palmar.

Tribus sequentibus diebus, dicto secretò, Ave MARIA, omnibus aliis prætermissis, absolutè incipitur officium ad Matut. et Vesperas ab antiph. psalmi primi, et antiphonæ duplicantu: sicut in festo Duplici. In fine Psalmi non dicitur Gloria Patri. per omnes horas, nec in ullo Responsorio.

FERIA V.

MAJORIS HEBDOMADÆ.

Officium fit Duplex.

AD MATUT.

Dicto, Ave. dicitur statim ant.

IN I. NOCT.

Ant. Imminente passione Christi, lacrymæ erant in oculis Matris, et sudor in corpore præ timore.

PSALM. 1. *Psalm. 19.*
*E*xaudiat te Dominus in die tribulationis: * protegat te nomen Dei Jacob.

Mittat tibi auxilium de Sancto: * et de Sion tueatur te.

Memor sit omnis sacrificii tui: * et holocaustum tuum pingue fiat.

Tribuat tibi secundum cor tuum: * et omne consilium tuum confirmet.

Lætabimur in salutari tuo: * e in nomine Dei nostri magnificabimur.

Ant. Imminente passione. *ut supra.*

Ant. Sine somno noctes ducebat,
et soporatis cæteris, vigil permanebat.

PSALM. II. *Ps.* 21.

Deus, Deus meus, respice in me :
quare me dereliquisti ? * longè à
salute meâ verba delictorum meo-
rum.

Deus meus, clamabo per diem,
et non exaudies : * et nocte, et non
ad insipientiam mihi.

Tu autem in Sancto habitas, * laus
Israel.

In te speraverunt patres nostri :
* in te speraverunt, et liberasti eos.

Ad te clamaverunt, et salvi facti
sunt : * in te speraverunt, et non
sunt confusi.

Ani. Sine somno noctes.

Ant. Plorans ploravit in nocte,
et lacrymæ ejus in maxillis ejus.

PSALM. III. *Psalm.* 21.

« Domine » ne dicesseris à me,
quoniâ tribulatio proxima est : *
quoniâ non est, qui adjuvet.

Factum est cor meum, tanquàm
cera liquescens, * in medio ventris
mei.

Aruit tanquàm testa virtus mea :
* et lingua mea adhæsit faucibus
meis.

Tu autem, Domine, ne elonga-
veris auxilium tuum à me : * ad de-
fensionem meam conspice.

Erue à frameâ, Deus, animam
meam : * et de manu canis uncam
meam.

Ant. Plorans ploravit.

†. Vide, Domine, afflictionem
meam.

¶. Quoniâ erectus est inimicus.

Hoc triduo post †. Noct. dicitur
Pater. totum secretò.

Absolutio autem non dicitur, nec
datur Benedictio.

De Lamentatione Jeremiæ Pro-
phetæ.

LECTIO 1. c. 4. v. 1.

Aleph. Quomodò obscuratum est
aurum, mutatus est color optimus,
dispersi sunt lapides sanctuarii in
capite omnium platearum.

Beth. Filii Sion inclyti, et amici
auro primo: quomodò reputata sunt
in vasa testea, opus manuum figuli.

Ghimel. Sed et lamiae nudave-
runt mammam, lactaverunt catulos
suos: filia populi mei crudelis quasi
struthio in deserto.

Hoc triduo in fine Lection. loco
Tu aut. Dom. *dicitur*: Attendite, et
videte, si est dolor sicut dolor meus.

¶. Nemo gaudeat super me vi-
duam et desolatum : * Quoniâ ad-
duxit mihi Deus luctum magnum :
Filius enim meus factus est perditus.

†. Animæquior esto, Virgo sa-
crata: exhortatur enim te, qui te
nominavit. — Quoniâ.

LECTIO 2.

Daleth. Adhæsit lingua lactantis ad
palatum ejus in siti: parvuli petie-
runt panem, et non erat, qui fran-
geret eis.

He. Qui vescebantur voluptuosè,
interierunt in viis: qui nutriebantur
in croceis, amplexati sunt stercora.

Vau. Et major effecta est ini-
quitas filiæ populi mei peccato So-
domorum, quæ subversa est in
momento, et non ceperunt in eâ
manus.

Attendite, et videte.

¶. Exui me stolâ pacis, et indui
me sacco obsecrationis, et * Clama-
bo ad Altissimum in dolore meo.

†. Vide, Domine, et considera quem
vindemiaris ita: ne avertas aurem
tuam à singulto meo et clamoribus.
— Clamabo.

LECTIO 3.

Zain. Candidiores Nazaræi ejus
nivè, nitidiores lacte, rubicundiores
ebore antiquo, saphiropulchriores.

Heth. Denigrata est super car-

bones facies eorum, et non sunt cogniti in plateis: adhæsit cutis eorum ossibus: aruit, et facta est, quasi lignum.

Theth. Melius fuit occisis gladio, quàm interfectis fame: quoniam isti exhaurerunt consumpti à sterilitate terræ. Attendite.

¶. Quomodo sedet sola pia Mater, facta quasi vidua! * Princeps lætitiæ nostræ omni solatio est destituta. ¶. Facti sunt hostes ejus in capite: inimici ejus prosperati sunt, crucifigentes Christum.—Princeps.—Quomodo.

IN II. NOCT.

Ant. Bajulans sibi crucem Unigenitus Virginis, exivit in eum, qui dicitur Calvariæ locum.

PSALM. IV. Psalm. 34.
Exurge et intende iudicio meo: * Deus meus, et Dominus meus in causam meam.

Judica me secundum justitiam tuam, Domine Deus meus: * et non supergaudeant mihi.

Non dicant in cordibus suis: euge, euge, animæ nostræ: * nec dicant: devoravimus eum.

Restituæ animam meam à malignitate eorum: * à leonibus uncam meam.

Non supergaudeant mihi, qui adversantur mihi iniquè: * qui ode-runt me gratis, et annuunt oculis.

Ant. Bajulans sibi.

Ant. Ex vestigiis Filii cognoscebat Mater incessum ejus: apparebat enim terra infusa sanguine.

PSALM. V. Psalm. 37.
Domine, ne in furore tuo arguas me: * neque in irâ tuâ corripas me.

Quoniam sagittæ tuæ infixæ sunt mihi: * et confirmasti super me manum tuam.

Non est sanitas in carne meâ à facie iræ tuæ: * non est pax ossibus meis.

Domine, ante te omne desiderium meum; et gemitus meus à te non est absconditus.

Cor meum conturbatum est, dereliquit me virtus mea: * et lumen oculorum meorum, et ipsum non est mecum.

Ant. Ex vestigiis Filii.

Ant. Mœstissima Mater mœstissimum Filium vidit cruci affigi, et in altum elevare.

PSALM. VI. Psalm. 38.
Exaudi orationem meam, Domine, et deprecationem meam: * auribus percipe lacrymas meas.

Obmutui et non aperui os meum, quoniam tu fecisti: * silui à bonis, et dolor meus renovatus est.

Concaluit cor meum intra me: * et in meditatione meâ exardescet ignis.

A fortitudine manûs tuæ ego defeci in increpationibus: * propter iniquitatem corripuisti hominem.

Et tabescere fecisti sicut araneam animam meam: * verumtamen vanè conturbatur omnis homo.

Ant. Mœstissima Mater.

¶. Erit vita tua, Virgo sacrata.

¶. Quasi pendens ante oculos tuos.

De Lamentatione beatissimæ Virginis *MARIÆ. S. Ephr. Diac. de Lam. B. V. M.*

LECTIO 4.
Stans juxta crucem piissima Virgo, Salvatoremque in ligno suspensum suspiciens, plagas reputans, intuens et clavos, quærulas, colaphos, et flagellationem cum gravibus suspiriis, cum fletu ingenti, cum lamentis dolorosissimis exclamavit, dicens: mi Fili dulcissime, dilectissime Fili, quomodo crucem sustines? mi Fili, et mi Deus, quomodo spulta, clavos et lanceam? quomodo pateris alapas, risus, injurias, spineam coronam, purpuream vestem,

spongiam, arundinem, fel, et acetum? Attendite.

℟. Fili mi, mi Fili: * Quis dabit mihi, ut ego moriar pro te, Fili mi? ℣. Moritur Filius meus: cur secum non moritur hæc mœstissima Mater ejus?—Quis.

LECTIO 5.

Quomodo pendes in cruce denudatus, mi Fili, qui cœlum nubibus contegis? Quomodo sitim fers, qui es Opifex, quique mare et aquas creasti? Quomodo moreris insons in medio sceleratorum? Quidnam commisisti? Quâ in re, Fili mi, Hebræos offendisti? Et cur te isti simul iniqui, simul ingrati, cruci suffigunt? Deficio te suspiciens in ligno suspensum, conclavatum, plagisque plenum, mi Fili. Attendite.

℟. Quò vadam, carissime? quò me vertam, dulcissime? * Quis mihi de cœtero auxilium, et consilium præstabit? ℣. Nunc orbor patre, viduor sponso, desolor filio, omnia perdo.—Quis.

LECTIO 6.

Ubi nunc pulchritudo tua, Fili mi? Ubi tuus modo decor? Quomodo in cruce extinctus es, Fili mi, et Deus meus? Sol lumen suum obscuravit, et alius factus est: splendida luna in tenebras evanuit, petræ sunt perfractæ, et monumenta aperta, templique velum in duo est discissum. Creaturæ conditorem suum, et opificem cognoverunt, et hi perversi et miseri Hebræi aures obstruxerunt, oculos clauserunt, ne solem magnum occidentem spectarent, Fili mi. Attendite.

℟. O Fili carissime, miserere Matris tuæ, et suscipe preces ejus. * Nihil mihi dulcius est, quàm, te amplexato, in cruce tecum mori. ℣. Suscipe me in cruce, quia nihil mihi amarius quàm vivere post

tuam mortem.—Nihil.—O Fili.

IN III. NOCT.

Ant. Et tulit Mater Virgo crucem suam, et secuta est Christum.

PSALM. VII.

ps. 55.

Miserere mei, Deus, quoniam conculcavit me homo: * totâ die impugnans tribulavit me.

Conculcaverunt me inimici mei, totâ die: * quoniam multi bellantes adversum me.

Ab altitudine diei timebo: * ego verò in te sperabo.

Deus, vitam meam annuntiavi tibi: * posuisti lacrymas meas in conspectu tuo.

In quâcumque die invocavero te: * ecce cognovi, quoniam Deus meus es.

Ant. Et tulit Mater.

Ant. Quot læsiones erant in corpore Christi, tot vulnera in corde Matris.

PSALM. VIII.

ps. 58.

Eripe me de inimicis meis, Deus meus: * et ab insurgentibus in me libera me.

Eripe me de operantibus iniquitatem: * et de viris sanguinum salva me.

Quia ecce ceperunt animam meam: * irruerunt in me fortes.

Neque iniquitas mea, neque peccatum meum, Domine: * sine iniquitate cucurri et direxi.

Exurge in occursum meum, et vide: * et tu, Domine Deus virtutum, Deus Israel.

Ant. Quot læsiones.

Ant. Crux et clavi Filii fuerunt et Matris: Christo crucifixo, crucifixa fuit et Mater.

PSALM. IX.

ps. 60.

Exaudi, Deus, deprecationem meam: * intende orationi meæ.

A finibus terræ ad te clamavi:

* dnm anxietur cor meum, in petra exaltasti me.

Deduxisti me, quia factus es spes mea: * turris fortitudinis à facie inimici.

Inhabitabo in tabernaculo tuo in sæcula: * protegar in velamento alarum tuarum.

Quoniam tu, Deus meus, exaudisti orationem meam: * dedisti hæreditatem timentibus nomen tuum.

Ant. Crux et clavi.

†. Vidimus eum, et non erat aspectus.

†. Putavimus eum, quasi leprosum.

Hoc triduo Lectiones tertii Noct. leguntur absque titulo.

LECTIO 7.

Ex S. Bernard. Abb. In Lamentatione B. V. M.

Tunc jam anxius Dominus in cruce, annuens oculis et vultu de Joanne ait: Mulier, ecce filius tuus. Ac si diceret: O Mater dulcissima! mollis ad flendum, mollis ad dolendum, tu scis, quia ad hoc veni, et ad hoc de te carnem assumpsi, ut per crucis patibulum salvarem genus humanum. Quomodo ergo implebuntur scripturæ? Sic enim oportet me pati pro salute generis humani. Attendite.

†. Noli flere, Mulier, noli flere, Mater speciosissima: * Christus Filius tuus non te deserit, non te derelinquit. †. O Mater mea, noli flere, quia tecum sum, et tecum ero omni tempore sæculi.—Christus.

LECTIO 8.

Indè Dominus intuens Joannem ait: Ecce Mater tua. Ei servies, curam illius habebis: eam tibi commendo, suscipe Matrem tuam, immò magis suscipe Matrem meam. Dum hæc pauca diceret, duo illi dilecti lacrymas fundere non ces-

sabant. Tacebant ambo illi Martires, et præ nimio dolore loqui non poterant. Sed quo magis amabat, sævior fiebat dolor in Matre. Vulnere Christi morientis erant vulnere Matris dolentis. Attendite. †. Isti duo Virgines audiebant Christum voce raurâ, et semivivâ loquentem: * Ipsum videbant paulatim morientem. †. Audiebant et tacebant, quia præ angustia loqui non poterant.—Ipsum.

LECTIO 9.

Dolores sævi tortores fuerunt in animâ Matris. Mater erat percussa cuspide teli, quo membra Christi servi foderunt iniqui. Ipsa enim erat, quam dolor tenebat. In mente ejus creverant immensi dolores, nec poterant extra refundi. Intus atrocius sævientes dolores Nati, Matris animam gladiabant. Incarne Christus solvebat debitum mortis, quod gravius erat, quàm mori, in animâ Matris. Attendite.

†. Quæ lingua poterit loqui, aut quæ mens cogitare valebit, quanto dolore afficiebantur viscera MARIE, * Cum etiâ dolebant, quæ insensibilia erant. †. Nunc solvis, Virgo, cum usurâ, quod in partu non habuisti à naturâ.—Cum.—Quæ lingua.

AD LAUDES.

Ant. Cur ivisti, Domina, ad calvariæ locum? Non te retinuit pudor, horror facinoris?

PSALM. X. ps. 58.

Fortitudinem meam, Domine, ad te custodiam, quia Deus susceptor meus es: * Deus meus, misericordia ejus præveniet me.

Deus ostendit mihi super inimicos meos, ne occidas eos: * nequandò obliviscantur populi mei.

Ego autem cantabo fortitudinem tuam: * et exultabo manè miseri-

cordiam tuam.

Quia factus es susceptor meus:
* et refugium meum in die tribulationis meae.

Adjutor meus, tibi psallam, quia
Deus susceptor meus es: * Deus
meus misericordia mea.

Ant. Cur ivisti, Domina?

Anl. O Virgo dulcissima! non
considerabat cor tuum horrorem,
sed dolorem.

EXAUDI, DEUS, orationem meam,
cum deprecor: * à timore inimici
eripe animam meam.

Protexisti me à conventu maligna-
narium: * à multitudine operan-
tium iniquitatem.

Quia exacerunt, ut gladium,
linguas suas: * intenderunt arcum
rem amaram, ut sagittent in oculis
immaculatum.

Subitò sagittabunt eum, et non
timebunt: * firmaverunt sibi sermo-
nem nequam.

Accedet homo ad cor altum: * et
exaltabitur Deus.

Ant. O Virgo dulcissima!

Ant. Stupebant omnes, qui no-
verant Christi Matrem, quòd etià
in tantæ angustiae præssurâ silen-
tium servaret.

DEUS, ne elongeris à me: * Deus
meus, in auxilium meum respice.

Confundantur et deficiant detra-
hentes animæ meæ: * operiantur
confusione et pudore, qui quærunt
mala mihi.

Ego autem semper sperabo: * et
adiciam super omnem laudem
tuam.

Quantas ostendisti mihi tribula-
tiones multas, et malas: * et conver-
sus vivificasti me, et de abyssis ter-
ræ iterum reduxisti me.

Multiplicasti magnificentiam tuam:
* et conversus consolatus es me.

Ant. Stupebant omnes.

Ant. Idcirco resipuit bonus latro,
quia beata Virgo inter cruces Filii
et latronis posita, Filium pro latro-
ne deprecabatur.

Canticum. Cantemus Dominæ glor.
ut in Feriâ V. p. 38.

Ant. Amor unice, trahe me ad
teipsum, ut ego moriar tecum in
tuo patibulo.

Psalm. Laudate Dominam. *ut in
fer. V. p. 39.*

*Capitul. et Hymn. non dicuntur hoc
triduo.*

Ad Benedict. ant. Dolore maxi-
mo dolebat beata Virgo, quia se de-
seri videbat à Filio, quem genuer-
at, nec supererat alius, quia eierat
unicus.

*Post antiph. ad Bened. et ad
Magnific. his diebus dicitur sequens
†. et †.*

†. O vos omnes, qui transitis
per viam, attendite et videte si est
dolor sicut dolor meus.

†. Misereмини mei, misereмини
mei, saltem vos amici mei, quia
manus Domini tetigit me.

Deindè dicitur oratio sine Oremus.

RESPICE, quæsumus, Domine super
hanc familiam tuam, propter illum
doloris gladium, qui pertransivit
animam beatæ Virginis MARIE
quandò Filium suum cernebat nu-
dum, in cruce levatum, clavis per-
foratum, ac per omnia plagis la-
ceratum, et præsta, ut cor nostrum
nunc compassionis, et compunctio-
nis gladium perfodiat, divinique
amoris lancea vulneret, ità ut om-
nis peccati sanguis effluat à pec-
tore nostro, à noxiis vitiis emun-
demur, et virtutum indumentis
decoremur. Per eundem Dom. nos-
trum.

AD HORAS,

Dicto Ave MARIA. absolute in-

capitur à primo Psalmo, ut in feriali Officio absque ullâ antiphonâ. In fine ultimi Psalmi dicitur †. O vos. et †. Miserem. cum oratione. ut in Laudibus. Quod etiâ observatur duobus sequentibus feriis.

AD VESPER.

Ant. Veni in altitudinem tribulationis meæ.

PSALM. XIII. *ps.* 68.
Salvum me fac Deus: * quoniam intraverunt aquæ usque ad animam meam.

Infixus sum in limo profundi, et non est substantia: * veni in altitudinem maris, et tempestas demersit me.

Laboravi clamans, raucæ factæ sunt fauces meæ: * defecerunt oculi mei, dum spero in Deum meum.

Multiplicati sunt super capillos capitis mei: * qui oderunt me gratis.

Confortati sunt, qui persecuti sunt me, inimici mei injuste: * quæ non rapui, tunc exolvebam.

Ant. Veni in altitudinem.

Ant. Opprobia exprobantium Filio meo, ceciderunt omnia super me.

PSALM. XIV. *Ps.* 68.
Domine, Domine virtutum: * non confundantur super me, qui quærunt te, Deus Israel.

Quoniam propter te sustinui opprobrium: * operuit confusio faciem meam.

Quoniam zelus domus tuæ comedit me: * et opprobia exprobantium tibi ceciderunt super me.

Et operui in jejunio animam meam: * et factum est in opprobrium mihi.

Et posuit vestimentum meum cilicium: * et factus sum illis in parabolam.

Ant. Opprobia expub.

Ant. Non me demergat tempestas, Domine.

PSALM. XV. *Ps.* 68.

Adversum me loquebantur, qui sedebant in portâ, * et in me psalliebant, qui bibebant vinum.

Ego verò orationem meam ad te, Domine: * tempus beneplaciti tui, Deus.

In multitudine misericordiæ tuæ exaudi me: * in veritate salutis tuæ.

Eripe me de luto, ut non infingar: * libera me ab iis, qui oderunt me, et de profundis aquarum.

Non me demergat tempestas aquæ, neque absorbeat me profundum: * neque urgeat super me potius os suum.

Ant. Non me.

Ant. Quoniam tribulor, velociter exaudi me, Deus meus.

PSALM. XVI. *Ps.* 68.
Exaudi me, Domine, quoniam benigna est misericordia tua: * secundum multitudinem miserationum tuarum respice in me.

Et ne avertas faciem tuam à puero tuo: * quoniam tribulor, velociter exaudi me.

Intende animæ meæ, et libera eam: * propter inimicos meos eripe me.

Tu scis improprium meum, et confusionem meam, * et reverentiam meam.

In conspectu tuo sunt omnes, qui tribulant me: * improprium expectavit cor meum, et miseriam.

Et sustinui qui simul contristaretur, et non fuit, * et qui consolaretur, et non inveni.

Ant. Quoniam tribulor.

Ant. Animam meam, Domine, ne obliviscaris in finem.

PSALM. XVII. *Ps.* 73.
Usquequæ, Deus, improperebit inimicus: * irritat adversarius nomen tuum in finem?

Ut quid avertis manum tuam, et

dexteram tuam, * de medio sinu tuo in finem ?

Deus autem rex noster ante sæcula: * operatus est salutem in medio terræ.

Ne tradas bestiis animas confidentes tibi: * et animas pauperum tuorum ne obliviscaris in finem.

Memor esto improperiorum tuorum, * eorum quæ ab insipiente sunt tota die.

Ant. Animam meam.

Ad Magnif. ant. Dixit Christus Matri suæ: Mulier, ecce filius tuus: deindè dixit Discipulo: ecce Mater tua. *Reliqua, ut in Laudibus.*

Ad completor. solùm dicuntur psalmi ut in feriali officio, canticum Nunc dimitt. *sine antiph.* Sub tuum, et ꝑ. ꝑ. et orat. de Laudibus.

FERIA VI. IN PARASCEVE.

Officium fit Duplex.

AD MATUTIN.

IN I. NOCT.

Ant. O grave Martyrium! O frequens suspirium! O languens pectus virgineum!

Voce meâ ad Dominum clamavi: * voce meâ ad Deum, et intendit mihi.

In die tribulationis meæ Deum exquisivi manibus meis nocte contra eum: * et non sum deceptus.

Renuit consolari anima mea: * memor fui Dei, et delectatus sum, et exercitatus sum, et defecit spiritus meus.

Anticipaverunt vigilias oculi mei: * turbatus sum, et non sum locutus.

Cogitavi dies antiquos: * et annos æternos in mente habui.

Ant. O grave Martyrium!

Ant. Anima ejus tota liquefacta est, ut dilectus Christus de cruce locutus est.

Domine, Deus salutis meæ: * in

die clamavi et nocte coram te.

Intret in conspectu tuo oratio mea: * inclina aurem tuam ad precem meam.

Quia repleta est malis anima mea: * et vita meo inferno appropinquavit.

Æstimatus sum cum descendentibus in lacum: factus sum sicut homo sine adjutorio, inter mortuos liber.

Sicut vulnerati dormientes in sepulchris quorum non est memor amplius: * et ipsi de manu tuâ repulsi sunt.

Ant. Anima ejus.

Ant. O Domina! cur ivisti immolari pro nobis? Non sufficiebat Christi passio, nisi crucifigeretur et Mater?

Clamavi ad te, Domine, tota die: expandi ad te manus meas.

Nunquid mortuis facies mirabilia? aut medici suscitabunt, et confitebuntur tibi?

Nunquid narrabit aliquis in sepulchro misericordiam tuam, * et veritatem tuam in perditione?

Nunquid cognoscentur in tenebris mirabilia tua: * et justitia tua in terrâ oblivionis?

Et ego ad te, Domine, clamavi, * et mane oratio mea præveniet te.

Ant. O Domina!

ꝑ. Vide, Domine, afflictionem meam.

ꝑ. Quoniam erectus est inimicus.

De Lamentatione Jeremiæ Prophetæ.

Caph. Complevit Dominus furorem suum, et effudit iram indignationis suæ, et succendit ignem in Sion, et devoravit fundamenta ejus.

Lamed. Non crediderunt reges terræ, et universi habitatores or-

PSALM. XX. ps. 87.

PSALM. XVIII. Ps. 76.

PSALM. XIX. Ps. 87.

LECTIO 1. c. 4. v. 11.

bis: quoniam ingrederetur hostis, et inimicus per portas Jerusalem.

Mem. Propter peccata prophetarum ejus, et iniquitates sacerdotum ejus, qui effuderunt in meo sanguinem justorum. Attendite.

¶ Oculi ejus languerunt præ inopia, et lacrymæ ejus in maxillis ejus: * Nec est qui consoletur eam. ¶ Omnes amici ejus dereliquerunt eam, et facti sunt quasi inimici. Nec.

LECTIO 2. v. 17.

Ain. Cum adhuc subsisteremus, defecerunt oculi nostri ad auxilium nostrum vanum, cum respueremus attenti ad gentem, quæ salvare non poterat.

Sade. Lubricaverunt vestigia nostra in itinere platearum nostrarum appropinquavit finis noster: completi sunt dies nostri, quia venit finis noster.

Caph. Velociore fuerunt persecutores nostri aquilis cæli, super montes persecuti sunt nos, in deserto insidiali sunt nobis. Attendite.

¶ Defecerunt præ lacrymis oculi mei, conturbata sunt viscera mea: * Effusum est in terrâ jecur meum, et amaritudine plena sum. ¶ Replevit me amaritudinibus, inebriavit me absynthio.—Effusum.

LECTIO 3.

Res. Spiritus oris nostri Christus Dominus captus est in peccatis nostris: cui diximus: in umbrâ tuâ vivemus in gentibus.

Sin. Gaude et lætare filia Edom, quæ habitas in terrâ Hus: ad te quoquæ pervenit calix, inebriaberis, atque nudaberis.

Thau. Completa est iniquitas tua, filia Sion, non addet ultra, ut transmigrete te: visitabit ini-

quitatem tuam: filia Edom disceperuit peccata tua. Attendite.

¶ Tu autem, Domine, susceptor meus es in die tribulationis: * In te speravi, emitte manum tuam de alto, et suscipe me, quia non est, qui adjuvet. ¶ Quoniam Filius meus factus est perditus, et inimici ejus locupletati sunt.—In te.—Tu autem.

IN II. NOCT.

Ant. O Domina mea! quomodo tot doloribus sauciata spiritum non exhalasti?

PSALM. XXI. Ps. 87.

Ut quid, Domine, repellis orationem meam: * avertis faciem tuam à me?

Pauper sum ego et in laboribus à juventute meâ: exaltatus autem, humiliatus sum, et conturbatus.

In me transierunt iræ tuæ, * et terrores tui conturbaverunt me.

Circumdederunt me, sicut aqua totâ die: * circumdederunt me simul.

Elongasti à me amicum et proximum, * et notos meos à miseriâ.

Ant. O Domina mea!

Ant. Lancea, quæ Christi latus aperuit, animam Virginis pertransivit.

PSALM. XXII. Ps. 101.

Domine, exaudi orationem meam: * et clamor meus ad te veniat.

Non avertas faciem tuam à me: * in quâcumque die tribulor, inclina ad ad me aurem tuam.

In quâcumque die invocavero te, * velociter exaudi me.

Quia defecerunt sicut fumus dies mei: * et ossa mea sicut cremum aruerunt.

Percussus sum, ut fœnum, et aruit cor meum: * quia oblitus sum comedere panem meum.

Ant. Lancea, quæ.

Ant. Adduxit mihi Deus luctum

magnum, et quiescere non valeo.

PSALM. XXIII. Ps. 101.

«Domine», à voce gemitus mei, * adhæsit os meum carni meæ.

Similis factus sum pellicano solitudinis: * factus sum, sicut nicticorax in domicilio.

Vigilavi, et factus sum, * sicut passer solitarius in tecto.

Totâ die exprobant mihi inimici mei, * et qui laudabant me, adversum me jurabant.

Quia cinerem, tanquàm panem, manducabam, * et potum meum cum fletu miscebam.

Ant. Adduxit mihi.

ÿ. Erit vita tua, Virgo sacrata.

ÿ. Quasi pendens ante oculos tuos.

De lamentatione beatissimæ Virginis MARIE. Ex S. Ephrem. Diac.

LECTIO 4.

O Simeon admirande, en nunc gladius, quo mihi prædixisti, cor meum trajiciendum. Ecce gladius, ecce vulnus, Fili mi, et Deus mi. Tua mors cor meum subiit, viscera mea sunt disrupta, meum lumen obtenebratum est, et pectus meum gravis pertransivit gladius. Horrendam cerno passionem tuam, mi Fili, et Deus mi. Video immeritam cædem tuam, nec ferre opem possum. Ubi tua nunc forma, mi Fili! miserere dejectæ et orbatae, mi Fili: miserere, ô suavissime, abjectæ MARIE: miserere, clementissime, et me solare. Attendite.

ÿ. Oppervit me dolor, et facies mea intumuit à fletu, * et palpebræ meæ caligaverunt. ÿ. Anima mea turbata est valde sed tu, Domine, usquequo.—Et.

LECTIO 5.

Prospice, Fili, meas lacrymas, attende meos gemitus, et aperi os tuum. Da mihi solatium: non habeo prorsus, mi Fili, quo caput reclinem: non alium cognatum, pa-

trem, aut matrem, vel fratrem, vel sororem, qui mihi animum reddat. Tu, mi pater, tu mater, tu frater, tu filius, tu mihi vita et spiritus, spes mea, et protectio. Tu mea consolatio et creatio, tu Deus meus, tu creator meus, tu opifex meus. Lugete mecum omnes discipulæ Domini, dolorem meum, et vulnus profundum cordis mei contuentes. Attendite.

ÿ. In toto corde meo gemitus Matris meæ non obliviscar, * Ut perficiatur in me propitiatio, et benedictio. ÿ. Fulcite me floribus, stipate malis, quia amore lanqueo. —Ut perf.

LECTIO 6.

Decumbe crux sacratissima, lignum benedictum, ut plagas Filii mei, et Dei mei exosculer ad consolandum proprium Filium meum, ut amplectar Filii mei corpus, utos suavissimum deosculer, faciem, manus, et cædem iniquam. Decumbe, crux mea, decumbe: magna, ô crux, gloria tua: magna tua gratia: magna tua potentia. O lignum benedictum, quoniàm innocens Dominus, et creator tuus, tanquàm latro, et nocens super te expansus est. Fili mi carissime, veneror tuas afflictiones, colo et adoro tuam misericordiam, et magnanimitatem. Dedecus tuum, Fili mi, decus omnium factum est: mors tua facta est mundi totius vita. Attendite et videte.

ÿ. Doleo super te, Fili mi JESU, decorus nimis, et amabilis super amorem mulierum: * Sicut enim mater unicum diligit filium, ita ego te diligebam. ÿ. JESU Fili mi; Fili mi JESU, quis mihi tribuat, ut moriar pro te.—Sicut enim.—Doleo.

IN III. NOCT.

Ant. Filii hominum, dentes eorum arma et sagittæ, et lingue eorum gladius acutus.

PSALM. XXIV. ps. 108.

Deus, laudem meam ne tacueris: quia os peccatoris, et os dolosi super me apertum est.

Locuti sunt adversum me lingua dolosa: et sermonibus odii circumdederunt me, et expugnaverunt me gratis.

Pro eo, ut me diligerent, detrahebant mihi: ego autem orabam.

Et posuerunt adversum me mala pro bonis: et odium pro dilectione mea.

Constitue super eum peccatorem, et diabolus siet à dextris ejus.

Ant. Filii hominum.

Ant. Super multitudinem vulnorum meorum addiderunt, et anima mea conturbata est.

PSALM. XXV. Ps. 139.

Eripe me, Domine, ab homine malo: et à viro iniquo eripe me.

Quia cogitaverunt iniquitates in corde: et tota die constituebant praelia.

Acuerunt linguas suas, sicut serpentis: et venenum aspidum sub labiis eorum.

Custodi me, Domine, de manu peccatoris: et ab hominibus iniquis eripe me.

Qui cogitaverunt supplantare gressus meos: absconderunt superbi laqueum mihi.

Ant. Super multitudinem.

Ant. Juxta crucem in planctu desidero tecum stare, et me tibi sociare.

PSALM. XXVI. Ps. 141.

Voce mea ad Dominum clamavi: voce mea ad Dominum deprecatus sum.

Effundo in conspectu ejus orationem meam: et tribulationem meam ante ipsum pronuntio.

In deficiendo ex me spiritum meum, et tu cognovisti semitas meas.

In via hac quā ambulabam, absconderunt laqueum mihi.

Considerabam ad dexteram, et videbam: et non erat, qui cognosceret me.

Ant. Juxta crucem.

†. Anxius est super me spiritus meus.

†. In me turbatum est cor meum.

LECTIO 7.

Ex S. Bernardo in Lamentat.

B. V. M.

Juxta crucem Christi stabat emortua Mater, quæ ipsum ex Spiritu Sancto concepit. Vox illi non erat, quia dolore attrita jacens pallebat. Quasi mortua vivens, vivebat moriens, moriebatur vivens, nec mori poterat, quæ vivens mortua erat. In illius animæ dolor sævè sæviebat. Optabat mori magis, quàm vivere post mortem Christi, quæ malè vivens mortua erat. Ibi stabat dolens sævo dolore confecta. Attendite.

†. Expectans Virgo corpus Christi deponi, plorabat dicens: Heu me, heu me! reddite vel saltè nunc mortissimæ Matri extinctum Filium, †. Deponite illum, quæso, deponite mihi, ut mecum habeam corpus exanime.—Heu me.

LECTIO 8.

Stabat juxta crucem MARIA intuens vultu benigno Christum pendentem in patibulo, pedumque summitatibus innitens, manus levabat in altum, amplectens rubricatam crucem, ac in oscula ejus ruens eâ parte, quâ unda pretiosissimi sanguinis defluebat. Sursùm manus nisu, quo poterat, extendebat, unicuique suum amplecti desiderans, nec valebat. Volebat amplecti Christum in alto pendentem, sed manus frustra protensæ, in se composæ complexæ redibant. Attendite.

†. Levabatur Mater à terrâ sursùm, ut Filium contingeret. † Ip-

sumque tangere nequiens recolligebatur in terram. †. Heu me! heu me! reddite nunc mihi Filium, ut sit mihi in solatium, vel defunctus.—Ipsumque.

LECTIO 9.

Dicat qui potest, cogitet quantum potest, medidetur, si potest quæ doloris immensitas tunc maternam animam cruciabat. Non credo plenè enarrari, vel meditari posse dolorem Virginis, nisi tantum fuisse credamus, quantum unquam dolore potuit de tali Filio talis Mater. Veruntamen rectum erat amoris et mœroris continens modum. Non desperabat, sed piè, et justè dolebat, sperans tamen firmitè, fortitèrque tenens ipsum secundum promissum suum tertiâ die resurgere. Attendite.

†. Passio Domini * Ipsam ejus Matrem carnali orbitate gravitèr percussam vehementissimè contristavit. †. Ferrum lanceæ militaris, latus quidem Salvatoris, animam verò pertransivit Virginis Matris.—Ipsam.—Passio.

AD LAUDES.

Ant. Perforatum est cor Virginis, cum vidit cor Filii sui carissimi perforatum.

PSALM. XXVII. Ps. 141.

Voce meâ ad Dominum clamavi: * voce meâ ad Dominum deprecatus sum.

Clamavi ad te, Domine, dixi: * tu es spes mea, portio mea in terrâ viventium.

Intende ad deprecationem meam: * quia humiliatus sum nimis.

Libera me à persequentibus me: * quia confortati sunt super me.

Educ de custodiâ animam meam ad confitendum nomini tuo: * me expectant justî, donec retribuas mihi.

Ant. Perforatum est.

Ant. Unus militum lanceâ latus

Christi aperuit, et continuo exivit sanguis et aqua.

PSALM. XXVIII. Ps. 142.

Domine, exaudi orationem meam: * auribus percipe obsecrationem meam in veritate tuâ.

Quia persecutus est inimicus animam meam: * humiliavit in terrâ vitam meam.

Collocavit me in obscuris sicut mortuos sæculi: * et anxius est super me spiritus meus, in me turbatum est cor meum.

Memor fui dierum antiquorum, meditatus sum in omnibus operibus tuis: * in factis manum tuarum meditabar.

Expandi manus meas ad te: * anima mea sicut terra sine aquâ tibi.

Ant. Unus militum.

Ant. Lancea, quæ latus Christi aperuit, animam Virginis pertransivit, ac divisit.

PSALM. XXIX. Ps. 142.

Velocitèr exaudi me, Domine: * defecit spiritus meus.

Non avertas faciem tuam à me: * et similis ero descendantibus in lacum.

Auditam fac mihi manè misericordiam tuam: * quia in te speravi.

Eripe me de inimicis meis: * Domine, ad te confugi.

Spiritus tuus bonus deducet me in terram reclam: * propter nomen tuum, Domine, vivificabis me in æquitate tuâ.

Ant. Lancea, quæ.

Ant. Et tuam ipsius animam doloris gladius pertransivit, ut revelentur ex multis cordibus cogitationes.

Canticum. Domina, audi. ut in p. 44.

Ant. Filii MARIE, ingredimini cum vestrà Matre intra penetralia cordis JESU.

Psalm. Lauda, anima mea. ut in p. 44.

Ad Bened. ant. Venerunt milites, et primi quidem fregerunt crura, et alterius, qui crucifixus est cum eo: ad JESUM autem cum venissent, ut viderunt eum jam mortuum; non fregerunt ejus crura.

†. O vos omnes, qui transitis per viam, attendite et videte, si est dolor, sicut dolor meus.

†. Miseremini mei, miseremini mei, saltem vos amici mei, quia manus Domini tetigit me.

Deinde Oratio sine Oremus.
Respice, quæsumus, Domine, super hanc familiam tuam propter gravamen illud, et tormentum dolorosissimæ Virginis MARIÆ, quando juxta crucem Filium tuum præ doloribus voce magnâ clamantem, eam matrem dilectam Joanni commendantem, in manusque tuas Spiritum tradentem, attendebat, et succurre nobis in fine vitæ nostræ, ut ejus interventu à terroribus mortis eruamur. Per eundem Dominum nostrum.

Ad Horas omnia ut heri cum Oratione de Laud.

Ad Vesper. psalm. et ant. ut heri p. 185.

Ad Magnificat. ant. Divisit Christus cum Matre suâ vulneris lateris pœnam, ut ipse injuriam acciperet, MARIA dolorem. *Oratio de Laud.*

SABBATO SANCTO.

Officium fit duplex.

AD MATUT.

IN I. NOCT.

Ant. Multiplicati sunt qui tribulant me: multi insurgunt adversum me.

Psalm. xxx. Ps. 4.
Domine, quid multiplicati sunt,

qui tribulant me: * multi insurgunt adversum me.

Multi dicunt animæ meæ: * non est salus ipsi in Deo ejus.

Tu autem, Domine, susceptor meus es: * gloria mea, et exaltans caput meum.

Voce meâ ad Dominum clamavi: * et exaudivit me de monte sancto suo.

Ego dormivi, et soporatus sum, * et exurrexi, quia Dominus suscepit me.

Ant. Multiplicati sunt.

Ant. Valdè turbata est anima mea, Domine.

Psalm. xxxi. Ps. 6.
Domine, ne in furore tuo arguas me: * neque in irâ tuâ corripias me.

Miserere mei, Domine, quoniam infirmus sum: * sana me, Domine, quoniam conturbata sunt ossa mea.

Et anima mea turbata est valdè: * ssd tu, Domine, usquequo?

Quoniam non est in morte, qui memor sit tui: * in inferno autem quis confitebitur tibi?

Laboravi in gemitu meo, lavabo per singulas noctes lectum meum: * lacrymis meis stratum meum rigabo

Ant. Valdè turbata.

Ant. Vocate me amaram, quia amaritudine valdè replevit me Omnipotens.

Psalm. xxxii. Ps. 9.
Miserere mei, Domine; * vide humilitatem meam de inimicis meis.

Qui exaltas me de portis mortis, * ut annuntiem omnes laudationes tuas in portis filiæ Sion.

Exultabo in salutari tuo: * infixæ sunt gentes in interitu quem fecerunt.

In laqueo isto, quem absconderunt, * comprehensus est pes eorum.

Cognoscetur Dominus judicia faciens: * in operibus manuum suarum comprehensus est peccator.

Ant. Vocate me.

†. Vide, Domine afflictionem meam.

†. Quoniam erectus est inimicus. De Lamentatione Jeremiæ Prophet.

LECTIO 1. c. 5.

Recordare, Domine, quid acciderit nobis: intueri et respice opprobrium nostrum. Hæreditas nostra versa est ad alienos, domus nostra ad extraneos. Pupuli facti sumus absque patre: matres nostræ quasi viduæ. Aquam nostram pecuniâ bibimus: ligna nostra pretio comparavimus. Cervicibus nostris minabamur, lassus non dabatur requies. Attendite.

†. Non dereliques animam meam in inferno: * Nec dabis sanctum tuum videre corruptionem. †. Domine, eduxisti ab inferno animam meam.—Nec.

LECTIO 2. v. 15.

Defecit gaudium cordis nostri: verus est in luctum chorus noster. Cecidit corona capitis nostri: vae nobis quia peccavimus. Propterea mœstum factum est cor nostrum, ideo contenebrati sunt oculi nostri. Propter montem Sion, quia desperiit, vulpes ambulaverunt in eo. Attendite.

†. Consolare, Virgo MARIA, quoniam Filius tuus videbit semen longævum, et voluntas Dei in manu ejus dirigetur, * Quia posuit pro peccato animam suam. †. Pro eo quod laboravit anima ejus, videbit, et saturabitur.—Quia.

LECTIO 3.

Tu autem, Domine, in æternum permanebis, solium tuum in generationem, et generationem: Quare in perpetuum oblivisceris nostri, dereliques nos in longitudinem dierum? Converte nos, Domine, ad te, et convertemur: innova dies nostros sicut à principio. Sed projiciens repulisti nos, iratus es contra nos ve-

hementèr.—Attendite et videte.

†. Sicut fuit Jonas in ventre ceti tribus diebus, et tribus noctibus, * Sic erit Filius hominis in corde terræ. †. Destruite templum hoc, et in tribus diebus reædificabo illud.—Sic. Sicut.

IN II. NOCT.

Ant. Fuerunt mihi lacrymæ meæ panes diæ ac nocte, dum dicitur mihi: ubi est Deus tuus.

PSALM. XXXIII. Ps. 15.

Conserva me Domine, quoniam speravi in te: * dixi Domino; Deus meus es tu, quoniam bonorum meorum non eges.

Sanctis, qui sunt in terrâ ejus, * mirificavit omnes voluntates meas in eis.

Dominus pars hæreditatis meæ, et calicis mei: * tu es qui restitues hæreditatem meam mihi.

Quoniam non dereliques animam meam in inferno: * nec dabis sanctum tuum videre corruptionem.

Notas mihi fecisti vias vitæ, adimplebis me lætitiâ cum vultu tuo; * delectationes in dexterâ tuâ usque in finem.

Ant. Fuerunt mihi.

Ant. Probasli cor meum, et visitasti nocte; desolatione desolata sum nimis.

PSALM. XXXIV. Ps. 17.

Laudans invocabo Dominum, * et ab inimicis meis salvus ero.

Circumdederunt me dolores mortis: * et torrentes iniquitatis conturbaverunt me.

Dolores inferni circumdederunt me: * præocupaverunt me laquei mortis.

In tribulatione meâ invocavi Dominum: * et ad Deum meum clamavi.

Et exaudivit de templo sancto suo vocem meam: * et clamor meus

in conspectu ejus, introivit in aures ejus.

Ant. Probasti cor.

Ant. Lapsa est in lacum vita mea, et posuerunt lapidem super illum.

PSALM. XXXV. Ps. 16.
Exaudi, Domine, justitiam meam:
* intende deprecationem meam.

Probasti cor meum, et visitasti nocte: * igne me examinasti, et non inventa est in me iniquitas.

Ego clamavi, quoniam exaudisti me, Deus; * inclina aurem tuam mihi, et exaudi verba mea.

Sub umbrâ alarum tuarum protege me, * à facie impiorum, qui me afflixerunt.

Inimici mei animam meam circumdederunt: * adipem suum concluderunt, os eorum locutum est superbiam.

Ant. Lapsa est.

†. Defecerunt præ lacrymis oculi mei.

†. Conturbata sunt omnia viscera mea.

De Lamentatione beatissimæ Virginis **MARIE. S. Bernard. in Lament. B. V. M.**

LECTIO 4.

Stabat ad caput extincti Filii mæstissima Mater, et ejus regalem faciem mortis offuscatum palloribus, magnâ rigabat affluentia lacrymarum, et amarissimè suspirans, ac flens, dicebat: O Fili mi dulcissime! Quid fecisti? Quare crudelissimi Judæi te crucifixerunt? Quæ causa mortis tuæ? Commisisti ne scelus, ut tali morte damnareris? Non fili, non fili: sed sic tuos redimere dignatus es, ut posteris exempla relinqueres. Attendite.

†. Joseph ab Arimathæa * petiit corpus JESU, quod de cruce depositum suo complexu Mater excepit.
†. Dolens Sunamitis sinu et geni-

bus suis sustinuit mortuum Filium.
—Petiit.

LECTIO 5.

Ingremio meo nunc te mortuum teneo. Quid ergo tua Mater, Fili mi dilectissime, faciam? Væ mihi, Fili mi, dulcedo mea, consolatio mea, vita mea. Ubi est illud gaudium indicibile, quod in tuâ natiuitate habui? Væ mihi, Fili mi, in quantum dolorem et tristitiam verum est illud tam magnificum gaudium! Dic, Fili dilectissime, dic amor unice, vitæ meæ unicum solatium, quare sic me dolore perimi permittis? Cur tam longè factus à me? Attendite.

†. Succurre mihi, Fili mi, et Spiritum Sanctum mihi interim infunde, * Quia ferè præ dolore deficio. †. Deus meus, consolare animam meam: miserere mei, et respice in me.—Quia.

LECTIO 6.

Miseremini mei, miseremini mei, saltem vos amici mei. Illum adhuc paululum mihi relinquire, ut faciem ipsius, sublato velamine, valeam contemplari, et præ amore ipsius aliquantulum videndo consolari. Nolite, quæso, eum tam citò tradere sepulturæ, sed ipsum tradite mihi miseræ Matri suæ, ut illum mecum habeam saltem vel defunctam; aut si illum in sepulchro reconditis, ibidem me miseram matrem sepelire, quia malè post ipsum superero. Ut quid post ipsum vivam? Attendite.

†. Quis tibi sensus, ô Mater dolorum, * Dum Joseph sindone Filium tuum involvit, et posuit eum in monumento? †. Factum est cor meum tanquàm cera liquescens in medio ventris mei.—Dum.—Quis.

IN III. NOCT.

Ant. Recedite à me, amarè flebo, nolite incumbere, ut consolemini me.

PSALM. XXXVI. *Ps. 24.*

Firmamentum est Dominus timen-
tibus eum: * et testamentum ipsius
ut manifestetur illis.

Oculi mei semper ad Dominum:
* quoniam ipse evellet de laqueo
pedes meos.

Respice in me, et miserere mei,
* quia unicus et pauper sum ego.

Tribulationes cordis mei multi-
plicatæ sunt: * de necessitatibus
meis erue me.

Custodi animam meam et erue
me: * non erubescam, quoniam spe-
ravi in te

Ant. Recedite à me.

Ant. Conturbatus est oculus
meus, anima mea, et venter meus.

PSALM. XXXVII. *Ps. 41.*

Dicam Deo: susceptor meus es: *
quare oblitus es mei, et quare con-
tristatus incedo, dum affligit me
inimicus?

Dum confringuntur ossa mea, *
exprobaverunt mihi, qui tribulant
me inimici mei.

Dum dicunt mihi per singulos
dies: * ubi est Deus tuus?

Quare tristis es, anima mea, * et
quare conturbas me?

Spera in Deo, quoniam adhuc
confitebor illi: * salutare vultus mei,
et Deus meus.

Ant. Conturbatus est.

Ant. Timor et tremor venerunt
super me, et contexerunt me tene-
bræ.

PSALM. XXXVIII. *Ps. 56.*

Miserere mei, Deus, miserere mei: *
quoniam in te confidit anima mea.

Et in umbrâ alarum tuarum spe-
rabo, * donec transeat iniquitâs.

Clamabo ad Deum altissimum, *
Deum qui benefecit mihi.

Misit de celo, et liberavit me: *
dedit in opprobrium conculcantes me.

Misit Deus misericordiam suam,
et veritatem suam, * et eripuit ani-

am meam de medio catulorum
leonum.

Ant. Timor et tremor.

¶ Non est qui consoletur eam.

¶ Ex omnibus caris ejus.

S. Bernard. abb. in Lament.

B. V. M.

LECTIO 7.

Dum Joseph et Nicodemus Domi-
num ponerent in sepulchro, vole-
bat simul cum ipso mœstissima
Mater sepeliri. Illi ponebant Do-
minum in sepulchro; et illa nisu,
quo poterat, illum ad se trahere
conabatur. Illa volebat eum sibi
cum totis viribus retinere, et ipsi
volebant eum tradere sepulturæ.
Sicque pia lis erat, et contentio mi-
seranda inter ipsos. Attendite.

¶ Sepulto Christo, quasi duo
corda in uno sepulchro fuerunt po-
sita: * Et cor Filii et cor Matris.
¶ Ubi fuerit thesaurus tuus, ibi
et cor tuum erit.—Et cor.

LECTIO 8.

Sepulto itaque Domino, Mater ejus
sepulchrum complectitur, et voce
quâ poterat, suum benedicebat
Filium jam sepultum. Ibique sedens
innixio capite, manus extendebat,
desuper, illud osculans, amarissi-
misque singultibus suum Filium
deplorabat. Accessit autem novus
Filius ejus Joannes: ipsam lugen-
tem ac gementem levavit, et sicut
potuit, à mulieribus honestis ac
sanctis adjuta, cunctis simul plo-
rantibus, ingreditur Jerusalem. At-
tendite.

¶ O quàm libenter mœstissima
Virgo tunc posita fuisset viva cum
Filio mortuo. * Si hæc fuisset vo-
luntas Dei! ¶ Animam cum cor-
pore Christi contumalari Virgo ve-
hementer exopavit.—Si.

LECTIO 9.

Interim Virgo MARIA in domo Joan-
nis manebat: ibi die noctuque

plorans gemebat, nec erat, qui consolari eam posset, ex omnibus caris ejus, nec suæ sorores, nec etiã ipse Joannes. Ibi amaro corde opprobriosam passionem dilecti Filii sui revolvebat, modò sputa, modò ludibria, modò colaphos, alapas, et flagella, modò crucis angariam, modò dira clavorum vulnera, modò lanceam, modò coronam spineam, modò aceti et fellis pocula, mortem, verbera et impropria. Attendite.

℟. Fili mi JESU, quem terra, pontus, ætera capere non possunt, * Modò arcto clausus es sepulchro. ℣. Jacet Filius meus extinctus, et sub lapidibus clausa est vita mea. —Modò.—Fili mi.

AD LAUDES.

Ant. Sepulto JESU, in domum Joannis mœstissima Virgo perducitur.

PSALM. XXXIX Ps. 41.

Quemadmodum desiderat cervus ad fontes aquarum, * ita desiderat anima mea, ad te Deus.

Sitivit anima mea ad Deum fortem vivum: * quando veniam. et apparebo ante faciem Dei?

Fuerunt mihi lacrymæ meæ panes die ac nocte, dum dicitur mihi quotidie: * ubi est Deus tuus?

Hæc recordatus sum, et effudi in me animam meam: * quoniam transibo in locum tabernaculi admirabilis usque ad domum Dei.

In voce exultationis, et confessionis: * sonus epulantis.

Ant. Sepulto JESU.

Ant. Fiebat planctus, quacumquẽ transibat, omnesque plorabant, qui obviabant ei.

PSALM. XL. Ps. 56.

Paratum cor meum, Deus, paratum cor meum: * cantabo et psallam dicam.

Exurge, gloria mea: exurge,

psalterium et citara: * exurgam diluculo.

Confitebor tibi in populis, Domine, * et psallam dicam tibi in gentibus.

Quoniam magnificata est usque ad cœlos misericordia tua, * et usque ad nubes veritas tua.

Exaltare super cœlos, Deus, et super omnem terram gloria tua.

Ant. Fiebat planctus.

Ant. In suâ domo Joannes desolatam Matrem retinuit, et consolabatur eam.

PSALM. XLI. Ps. 39.

Expectans expectavi Dominum: * et intendit mihi.

Et exaudivit preces meas, * et eduxit me de lacu miseriæ, et de luto faciès.

Et statuit super petram pedes meos: * et direxit gressus meos.

Et immisit in os meum canticum novum: * carmen Deo Jacob. Videbunt multi et timebunt, * et sperabunt in Domino.

Ant. In suâ domo.

Ant. Super propriam Matrem in omni charitate Joannes Virginem dilexit.

Cantic. Audite cœli, ut in p. 49.

Ant. O Christi dilecte, quem constituit Dominus privatum camerarium aulæ suæ speciosissimæ.

Psalm. Super flumin. ut in p. 50.

Ad Benedict. *ant.* Posuerunt JESUM in monumento exciso, in quo nondum quisquam positus fuerat.

℣. O vos omnes, qui trans.

℟. Attendite et videte.

Deinde oratio sine Oremus.

Respice, quæsumus, Domine, super hanc familiam tuam propter dolorem indicibilem, quo affligebatur dolorosissima Filii tui Genitrix, quando videbat eum à se sublatum, et sepultum, et præsta, ut sic no-

stra plangamus facinora, ut dum nostrum corpus morte deformatur, tunc nostra rutilet anima candore innocentiae. Per eundem Dom. *Secr.*

Horæ dicuntur ut in Feriâ V. cum oratione de Laudibus.

Vesperæ dicunt. ut infra in Dom. Resurrect. p. 199.

VII.

TEMPORE PASCHALI,

SEU

VITA GAUDIOSA

B. MARIE V.

Quæ à Sabbato Sancto usque ad Dominicam primam post Pentecost. recolitur.

RESPONSORIA

dicenda post Lectiones in Dominicis, et in officio seriali tempore paschali.

In 1. Noct. Dom. et in Feriâ II. et V.

¶ 1. Surge, amica mea, speciosa mea, et veni: * Columba mea, ostende mihi faciem tuam, alleluia, alleluia. †. Sonet vox tua in auribus meis, vox enim tua dulcis, et facies tua decora.—Columba.

¶ 2. Revertere, dilecte mi, similis esto capreae, hinnuloque cervorum super montes Bethel: * Ostende mihi faciem tuam, alleluia, alleluia.

†. Nuntiate dilecto meo, quia amore langueo.—Ostende.

¶ 3. Surgam, et circuibo civitatem per vicos et plateas quæram quem diligit anima mea: * Tenui eum, nec dimittam, alleluia, alleluia. †. Dilectus meus mihi, et ego illi.—Tenui.—Gloria.—Tenui.

In II. Noct. Dom. et in Feriâ III. et VI.

¶ 4. Veni de Libano, Sponsa mea, veni de Libano, veni. * Vulnerasti cor meum in uno oculorum

tuorum, et in uno crine colli tui, alleluia, alleluia. †. Tota pulchra es, amica mea, et macula non est in te.—Vulnerasti.

¶ 5. Descendi in hortum meum, * Ut viderem poma convallium, et inspicerem, si florisset vinea, et germinassent mala punica, alleluia, alleluia. †. Manè surgamus ad vineas, videamus, si floruit vinea, si flores fructum parturiunt, si floruerunt mala punica.—Ut vider.

¶ 6. Pulchra es, amica mea, suavis et decora, sicut Jerusalem, * Terribilis, ut castrorum acies ordinata, alleluia, alleluia. †. Pulchra, ut luna, electa, ut sol.—Terribilis.—Gloria.—Terribil.

In III. Noct. et in Feriâ IV. et Sabbat.

¶ 7. Flores apparuerunt in terra nostra, tempus putationis advenit: * Vox turturis audita est in terra nostra, alleluia, alleluia. †. Surge, propera, columba mea, formosa mea, et veni.—Vox.

¶ 8. Indica mihi, quem diligit anima mea, * Ubi pascas, ubi cubes in meridie, alleluia, alleluia. †. Ne vagari incipiam post greges sodalium tuorum.—Ubi.—Gloria.—Ubi.

LECTIONES

DE

SCRIPTURA

pro Feriâ et pro 1. Noct. Festivum, quæ toto tempore paschali proprias non habuerint.

PRO FERIS II.

De Cantico canticorum.

LECTIO 1. c. 1. v. 1.

Osculetur me osculo oris sui, quia meliora sunt ubera tua vino fragrantia unguentis optimis. Oleum effusum nomen tuum: ideo adolescentulæ dilexerunt te. Trahe me: post

te curremus in odorem unguentorum tuorum. Introduxit me rex in cellaria sua: exultabimus et lætābimur in te, memores uberum tuorum super vinum: recti diligunt te. Tu. *¶*. Surge. *p.* 196.

LECTIO 2.

Nigra sum, sed formosa, filiæ Jerusalem, sicut tabernacula Cedar, sicut pelles Salomonis. Nolite me considerare, quod fusca sim, quia decoloravit me sol: filii matris meæ pugnaverunt contra me, posuerunt me custodem in vineis: vineam meam non custodivi. Indica mihi, quem diligit anima mea, ubi pascas, ubi cubes in meridie, ne vagari incipiam post gregem sodalium tuorum. Tu. *¶*. Surgam. *p.* 196.

LECTIO 3.

Si ignoras te, o pulcherrima inter mulieres, egredere, et abi post vestigia gregum, et pasce hædos tuos juxta tabernacula pastorum. Equitai meo in curribus Pharaonis assimulavi te amica mea. Pulchræ sunt genæ tuæ sicut turturis, colum tuum sicut monilia. Tu.

Cant. Te Matrem. *p.* 5.

IN FERIIS III.

De Cantico canticorum.

LECTIO 1. *c.* 1. *v.* 16.

Murenulas aureas faciemus tibi, vermiculatas argento. Dum esset rex in accubitu suo, nardus mea dedit odorem suum. Fasciculus myrrhæ dilectus meus mihi, inter ubera mea commorabitur. Botrus cypri dilectus meus mihi in vineis Engaddi. Tu. *¶*. Veni de Libano. *p.* 196.

LECTIO 2.

Ecce tu pulchra es, amica mea, ecce tu pulchra es, oculi tui columbarum. Ecce tu pulcher es, dilecte mi, et decorus. Lectulus noster floridus. Tigna domorum nostrorum cedrina, laquearia nostra

cypressina. Ego flos campi, et lilium convallium. Sicut lilium inter spinas, sic amica mea inter filias. Sicut malus inter ligna silvarum sic dilectus meus inter filios. Tu. *¶*. Pulchra. *p.* 196.

LECTIO 3.

c. 2. *v.* 3.

Sub umbrā illius, quem desideraveram, sedi: et fructus ejus dulcis gutturi meo. Introduxit me in cellam vinariam; ordinavit in me charitatem. Fulcit me floribus, stipate me malis, quia amore langueo. Læva ejus sub capite meo, et dextera illius amplexabitur me. Tu. *Cant.* Te Matrem. *p.* 5.

PRO FERIIS IV.

De Cantico canticorum.

LECTIO 1. *c.* 2. *v.* 7.

Adjuro vos, filiæ Jerusalem, per capreas, cervosque camporum, ne suscitetis, neque evigilare faciatis dilectam, donec ipsa velit. Vox dilecti mei, ecce iste venit saliens in montibus, transiliens colles. Similis est dilectus meus capræ hinnuloque cervorum. En ipse stat post parietem nostram respiciens per fenestras, prospiciens per cancellos. Tu. *¶*. Flores. *p.* 196.

LECTIO 2. *c.* 4. *v.* 11.

Favus distillans labia tua, sponsa, mel et lac sub linguā tuā, et odor vestimentorum tuorum, sicut thuris. Hortus conclusus, soror mea sponsa, hortus conclusus, fons signatus. Emissiones tuæ paradisus malorum puniceorum cum pomorum fructibus, cypri cum nardo. Nardus et crocus, fistula et cinnamomum cum universis lignis Libani, myrrhā, et aloe, cum omnibus primis unguentis. Tu. *¶*. Indica mihi. *p.* 196.

LECTIO 3.

Fons hortorum, puteus aquarum viventium, quæ fluunt impetu de Libano. Surge, aquilo, et veni au-

ster, perfusa hortum meum, et fluant aromata illius. Veniat dilectus meus in hortum suum, et comedat fructum pomorum suorum. Veni in hortum meum, soror mea, Sponsa, messui myrrham meam cum aromatibus meis: comedi favum cum melle meo: bibi vinum meum cum lacte meo: comedite, amici, et bibite, et inebriamini, carissimi. Tu. *Cant. Te Matrem. p. 5.*

PRO FERIIIS V.

De Cantico canticorum.

LECTIO 1. c. 5. v. 2.

Ego dormio, et cor meum vigilat: vox dilecti mei pulsantis: aperi mihi, soror mea, amica mea, columba mea, immaculata mea: quia caput meum, plenum est rore, et cincinni mei guttis noctium. Expoliavi me tunicā meā, quomodo induar illa? Lavi pedes meos, quomodo inquinabo illos. Tu. *¶. Surge. p. 196.*

LECTIO 2.

Dilectus meus misit manum suam per foramen, et venter meus intremuit ad tactum ejus. Surrexi, ut aperirem dilecto meo: manus meae stillaverunt myrrham, et digiti mei pleni myrrhā probatissimā. Pessulum ostii mei aperui dilecto meo: at ille declinaverat, atque transierat, anima mea liquefacta est, ut locutus est: quæsi vi illum et non inveni, vocavi et non respondit mihi. Tu. *¶. Surgam. p. 196.*

LECTIO 3.

Invenereunt me custodes, qui circummeant civitatem: percuesserunt me, et vulneraverunt me: tulerunt palium meum mihi custodes mutorum. Adjuro vos, filiæ Jerusalem, si inveneritis dilectum meum ut nuntietis ei, quia amore langueo. Qualis est dilectus tuus ex

dilecto, o pulcherrima mulierum? Qualis est dilectus tuus ex dilecto quia sic adjurasti nos? Tu.

Cantic. Te Matrem. p. 5.

PRO FERIIIS VI.

De Cantico canticorum.

LECTIO 1. c. 5. v. 10.

Dilectus meus candidus et rubicundus, electus ex millibus. Caput ejus aurum optimum: comæ ejus sicut elatæ palmarum, nigræ quasi corvus. Oculi ejus sicut columbæ super rivulos aquarum, quæ lactæ sunt lotæ, et resident juxta fluentia plenissima. Genæ illius sicut areolæ aromatum consitæ à pigmentariis. Labia ejus lilia distillantia myrrham primam: Manus illius tornatiles aureæ plenæ hyacinthis. Tu. *¶. Veni de Libano. p. 196.*

LECTIO 2.

Venter ejus eburneus, distinctus saphyris, crura illius columnæ marmoreæ, quæ fundatæ sunt super bases aureas. Species ejus ut Libani, electus ut Cedri. Guttur illius suavissimum, et totus desiderabilis: talis est dilectus meus, et ipse est amicus meus, filiæ Jerusalem. Quo abiit dilectus tuus, o pulcherrima mulierum? quo declinavit dilectus tuus, et quæremus eum tecum? Tu. *¶. Pulchra. p. 196.*

LECTIO 3. c. 6. v. 1.

Dilectus meus descendit in hortum suum ad aureolam aromatum ut pascatur in hortis, et lilia colligat. Ego dilecto meo, et dilectus meus mihi, qui pascitur inter lilia. Pulchra es, amica mea, suavis, et decora, sicut Jerusalem: terribilis, ut castrorum acies ordinata. Tu.

Cant. Te Matrem. p. 5.

PRO SABBATIS.

De Cantico canticorum.

LECTIO 1. c. 7. v. 10.

Ego dilecto meo, et ad me con-

versio ejus. Veni, dilecte mi, egrediamur in agrum, commoremur in villis. Manè surgamus ad vineas, videamus, si floruit vinea, si flores fructum parturiunt, si floruerunt mala punica: ibi dabo tibi ubera mea. Mandragoræ dederunt odorem. In portis nostris omnia poma: nova et vetera, dilecte mi servavi tibi. Tu. ꝑ. Flores. p. 141.

LECTIO 2. c. 8. v. 8.

Soror nostra parva, et ubera non habet; Quid faciemus sorori nostræ in die, quandò alloquenda est? Si murus est, ædificemus super eum propuguaacula argentea: si ostium, compingamus illud tabulis cédrynīs. Ego murus, et ubera mea sicut turris, ex quo facta sum coram eo, quasi pacem reperiens. Tu ꝑ. Indica mihi. p. 119.

LECTIO 3.

Vinea fuit pacifico in eâ, quæ habet populos, tradidit eam custodibus, vir offert pro fructu ejus mille argenteos. Vinea mea coram me est. Mille tui pacifici, et ducenti his, qui custodiunt fructus ejus. Quæ habitas in hortis, amici auscultant: fac me audire vocem tuam. Fuge dilecte mi, et assimilare capræ, hinnuloque cervorum super montes aromatum. Tu.

Cant. Te Matrem. p. 5.

Totâ sequenti Hebdomada nullus dicitur Hymnus. ad ullam Horam, nec Capitulum. sed dicto ave M. et ꝑ. Deus in adj. dicitur antiph. deinde P almi, et in eorum fine. ꝑ. Hæc dies cum Orat.

Ad Matut. dicuntur tres Psalmi. qui quotidie assignantur, et deinde Evangelium cum Homilia. ut de more.

Ad Laud. Vesper, et Complet. post ꝑ. Hæc dies dicitur ant. ad canticum, quæ repetitur in fine, et post eam oratio.

In fine Complet. hujus Sabbati incipitur dicere ant. Reg. cæli lætare. quæ continuatur usque ad Complet. Sabb. post Pentecost. exclusivè.

Quælibet Festivitas etiam primæ Classis si occurrat sequenti Hebdomadæ transfertur in diem non impeditam post Dominum in albis.

Temp. pasch. in fine cujuslibet ant. ꝑ. et ꝑ. additur alleluia quæ duplicatur in antiph. pro canticis Benedicti. Magnific. et Nunc dimitt. Reliqua prout inferius notantur in proprio loco.

IN DOMINICA

RESURRECTIONIS:

Duplex 1. Classis.

IN I. VESPERIS.

Dicto. Ave MARIA cum ꝑ. Deus in adj. &c. dicitur sequens.

Ant. Alleluia, alleluia, alleluia. Deinde dicitur.

Psalm. Laudate Dominam nostram omnes gen. p. 45.

Cum Gloria Patri. Et repetitur ant. Alleluia, alleluia, alleluia.

Statim sine Capitulum, et sine Hymnus. antiph. ad Magnific. Vesperè autem Sabbati quæ lucescit in prima Sabbati, venit Maria Magdalene, et altera Maria videre sepulchrum, alleluia, alleluia.

Oremus.

Oratio.

Spiritum nobis, Domine, exultationis infunde, ut quos cum beatâ Virgine MARIA de Resurrectione Christi lætari concedis, cœlestium gaudiorum jam nunc in terris nos facias esse participes. Per eundem Dominum nostrum in unitate ejusdem Spiritus.

ꝑ. Domine exaudi &c. ꝑ. Et clamor meus.

ꝑ. Benedicamus Domino, Alleluia, alleluia. ꝑ. Deo gratias, alleluia, alleluia.

Et sic dicitur usque ad sequens Sabb. inclusivè.

Complet. incipitur ut de more, et absque ullâ ant. dicuntur Psalmi de Dom. per totam Hebdom. Paschæ. Hymn. Capitul. et ð. br. non dicuntur. Ad Nunc dim. ant. Vespere. ut in Vesperis cum oratione propriâ Completorii. In fine orationis dicitur ant. Reg. cœli lætare. stando toto Temp. pasch.

AD MATUTIN.

Ave. ð. Dom. labia. ð. Et ós meum. &c. Alleluia.

Invitatorium. Alleluia, Jubilemus Dominae Reginae nostræ, * In resurrectione Christi Filii sui, alleluia, alleluia. *Ps. Venite exult. &c.*

IN NOCTURNO.

Ant. 1. Ecce Rex tuus, * Filius tuus resurrexit, sicut dixit, alleluia. *Psalmi ut in 1. Noct. Domin. p. 2.*

2. Adjuvabit eam * Deus, alleluia, manè diluculo, alleluia.

3. Secundum multitudinem * dolorum meorum consolationes tuæ, Fili mi, lætificaverunt animam meam, alleluia.

†. Surrexit Christus de sepulchro, alleluia.

ð. Qui pro nobis pependit in ligno, alleluia.

Absol. Exaudi. Bened. Evangelica.

Lectio Sancti Evangelii secundum Joannem.

LECTIO 1. c. 20. v. 1.

In illo tempore: una Sabbati Maria Magdalene venit manè, cum adhuc tenebræ essent, ad monumentum. Et reliqua.

Homilia S. Amadei Ep. Lausan.

De laudibus beat. V. Hom. 6.

Mœror abiit, gaudii tempus advenit, verum gaudium, quod de Resurrectione Christi provenit. Surrexit enim, et erexit animam Ma-

tris suæ. Jacebat illa velut in quodam arctissimo mœroris tumulo, donec Dominus jacuit in sepulchro. Illo namque resurgente, revixit spiritus ejus, et quasi de gravi somno evigilans solem justitiæ, et radios resurgentis in luce matutinâ respexit. Tu.

ð. Ecce vicit leo de tribu Juda, radix David, alleluia: * Absorta est mors in victoriâ, alleluia, alleluia. †. Surrexit Filius, et apparuit Matri, alleluia.—Absorta.

LECTIO 2.

Intuita est ortum surgentis auroræ, et præcedentem in Filio futuram carnis resurrectionem. Pascebatur oculis in carne fulgidâ resurgentis, et mente cernebat gloriam divinitatis, ut intus et foris egrediens, et ingrediens frueretur pascuis veræ sempiternæque felicitatis. Tu.

ð. Jam hyems transiit, imber abiit, et recessit; * Surge, propera, columba mea, formosa mea, et veni, allel. allel.

†. Si inveneritis quem diligit anima mea, nuntiate ei, quia amore langueo.—Surge.

LECTIO 3.

Facta igitur extra se, suique oblita præ gaudio, adhæsit corde lætissimo Patri spirituum, et conglutinata Deo, in illum tota efferebatur, in cujus amoris immensitate tota refundebatur. Habes ergò, ò Beata! gaudium tuum, impletum est desiderium tuum, et Christus corona capitis tui attulit tibi cœli principatum per gratiam, regnum mundi per misericordiam, inferni subjugationem per vindictam. Tu.

ð. Exurge, Domina, et sta in excelso: * Circumspice ad orientem, et vide Filium tuum magnâ gloriâ resurgentem, allel. allel. †. Indue te decore, et honore ejus, quæ à Deo tibi est sempiternæ gloriæ.—Cir-

cunspice.—Gloria.—Exurge.

Cantic. Te Matrem. p. 5.

AD LAUDES.

Ant. 1. Consurge; * et induere fortitudine tuâ, Virgō MARIA, quia surrexit Filius tuus, alleluia.

2. Angelus Domini * descendit de cœlo, et sedet super lapidem revolutum sepulchri, allel.

3. Aspectus ejus * sicut fulgur, vestimenta autem ejus sicut nix, alleluia.

4. Pax tibi, * Mater mea; ego sum, noli timere, allel. allel.

5. Non vocaberis * ultrâ derelicta nec ampliùs desolata, allel.

†. Hæc dies, quam fecit Dominus, exultemus et lætemur in eâ.

Ad Benedict. *ant.* Statim ac re-
vixit * Christus Matrem suam
convenit, ut quæ propriùs cæteris socia
fuerat passionis, prima omnium socia
esset et consolationis, alleluia,
allel. allel.

Oremus.

Oratio.

Deus qui hodiernâ die per Resurrectionem Fili tui afflictum animum ejus Genitricis Sanctissimæ erexisti: concede propitiis, ut corda nostra ita repleantur cœlesti lætitiâ, ut jam in hoc sæculo futuræ capiamus gaudia vitæ. Per eundem

VI.

VIRGO IN RESURR. FILII.

CANON.

Ex Concilio Nicæno.

An. 325.—*Epist.* Alexand. *Ep.*
Alexandriæ. Concilior. Tom. 2.
pag. 118.

252. Credimus ex mortuis Resurrectionem, cujus primitiæ fuit Dominus noster JESUS—Christus, qui corpus non specie adumbratum, sed verum ex Deiparâ MARIA sumpsit. Tu.

Ad Horas post †. Deus. in adj.
dicuntur Psalmi consueti (absque

Symbolo Quicumq. in Prima); et in eorum fine dicitur Hæc dies. et oratio ut in Laudibus per totam Hebdomadam.

AD VESPER.

Ant. 1. Quid quæritis viventem cum mortuis? Resurrexit, sicut dixit, alleluia. *Psalmi de Domini.*

2. Ingressæ mulieres * sepulchrum, non invenerunt ibi corpus Domini, alleluia.

3. Congratulamini mihi * omnes qui timetis Deum, quia surrexit Filius meus, et apparuit mihi, alleluia.

4. Inveni, * quem diligit anima mea: tenui eum, nec dimittam, alleluia.

5. Læva ejus * sub capite meo, alleluia, et dextera illius amplexabitur me, allel. allel.

†. Hæc dies, quam fecit Dominus, exultemus, et lætemur in eâ.

Ad Magnific. *ant.* Et insipientes viderunt revolutum lapidem: erat quippè magnus valdè, allel. allel.

AD COMPLETOR.

†. Converte. Et av. &c. Allel. *dicuntur psalmi de Dom. quibus finitis, dicitur Alleluia, allel. allel.*

Deindè Cantic. Nunc dimitt. *Postea* Hæc dies. *cum orat. consuetâ usque ad Sabbat.*

FERIA II.

Duplex 1. *Classis.*

Omnia ut heri, præter sequentia.
In Noct. Psalmi tres primi Feriæ II. ad Matut. p. 19.

†. Jam hyems transiit, allel.

‡. Imber abiit, et recessit, allel.

Absolut. Exaudi.

Lectio S. Evangelii secundum Joannem.

LECTIO 1. c. 20 v. 1.

In illo tempore: Una Sabbati Maria Magdalene venit manè, cum adhuc tenebræ essent, ad monumentum. Et reliqua.

Homilia S. Anselmi Episcopi.

De excellentiâ B. V. c. 6.

Si aliquis quærat, cur Evangelistæ non referant ipsum piissimum Dominum à morte resurgentem, huic suæ dulcissimæ Matri, ut ejus dolores mitigaret, primò ac præcipuè apparuisse; dicimus, quod à quodam sapiente, de hoc ipso sciscitantes, audivimus. Ait ergò: tanta esse scitur auctoritas narrationis evangelicæ, ut nihil inane, nihil superfluum reperiatur. Tu. ꝑ. Ecce vicit. p. 200.

LECTIO 2.

Itaque si Matri Domini, si Dominæ mundi ipse Filius ejus ab inferno resurgens scriberetur, sicut alii cuilibet apparuisse, eamque de suâ Resurrectione docuisse, quis non tale scriptum superfluum diceret? Reginam videlicet cœli et terræ omnisque creaturæ cœquaret illi, vel illi, quibus apparuit, viro, aut mulieri. Spiritus ejus in illâ planè et perfectè quiescebat, qui sibi et esse illius, et facta ejus omnia luce clariùs revelebat. Tu. ꝑ. Jam hyems transiit. p. 200.

LECTIO 3.

His ita paucis alicujus forsàn inquisitioni prout accepimus respondimus: adhuc aliquid gaudii hujus beatissimæ Virginis Matris spectando præ oculis constituamus, non eâ spe, ut modum illius in nos in mortalitate viventes perfectè intellectum fore optemus, sed ut indè aliquantulum degustando, quâ possumus illud devotione veneremur. Sic enim inspectum, et degustatum magnum in ejus amorem anhelantibus solet generare profectum. Tu. ꝑ. Exurge. p. 200. Te Matrem. p. 5.

Ad Benedict. ant. Sufficit mihi, si JESUS Filius meus vivit: et revixit Spiritus ejus, allel. allel.

CANON.

Ex S. Bernardino Senensi.

Tom. 3. p. 307.—Serm. 46.

2. part.

253. Virgo gloriosa stans in contemplatione portabat in suâ mente illud secretum Resurrectionis, et Maria Magdalena cum aliis dominabus ignorantes Resurrectionem Christi emerunt aromata et iverunt ad sepulchrum. Tu.

Ad Magnif. ant. Benedictus Dominus Deus Israel, quia ecce video Filium meum suscitatum à mortuis, allel. allel.

Psalmi ad Laudes, Vesper, et Complet, ut heri per totam hebdomad.

FERIA III.

Duplex 1. Classis.

Psalmi ad Matut. tres primi feriæ III. ad Matutinum p. 25.

Reliqua ut heri.

ꝑ. Flores apparuerunt in terrâ nostrâ, allel.

ꝑ. Tempus putationis advenit, alleluia.

Absolutio. Ipsius. Bened. Evangelica.

Lectio Sancti Evangelii secundum Joannem.

LECTIO 1. c. 20. v. 1.

In illo tempore: Una Sabbati Maria Magdalene venit manè, cum adhuc tenebræ essent, ad monumentum. Et reliqua.

Homilia S. Petri Paschasii Ep. et Mart.

De Domin. Resurrect. titul. 10.

n. 1253.

Tertia Christi Domini apparitio, quæ secundum veritatem omnium antecedentium prima fuit, facta fuit MARIE: sic enim à Sanctis et creditur, et scribitur, quod MARIE suæ Matri primùm quàm cuique alii Filius apparuit. Sed

Evangelistæ hanc non scriperunt apparitionem, quia noluerunt, quod Mater de Filii sui Resurrectione testimonium daret. Tu. ¶. Ecce vicit. p. 200.

LECTIO 2.

Sed quis dubitare potest, quod primum quàm cæteris Matri apparuerit Christus? Decens enim non esset Filium ita bonum et attentum offendere velle Matrem, alii cuique prius quàm Matri apparendo: præcipuè cum ille esset justus et ipsa iustitia: sciendoque quod Mater sua plùs de ejus morte et ignominiiis doluerat, quàm cæteri alii. Tu. ¶. Jam hyems. p. 200.

LECTIO 3.

Certum est secundum jus et bonam rationem, quod prius Matri quàm aliis apparuerit, ut illam exhilararet, et dolorem et luctum de ejus morte et amissione consolatione leniret. Sic enim hoc Sanctus affirmat Ambrosius in tertio de Virginibus libro. Tu. ¶. Exurge. p. 200.

Cant. Te Matrem. p. 5.

Ad Benedict. ant. Benedic anima mea Domino, et omnia quæ intra me sunt nomini sancto ejus, alleluia, allel.

CANON.

Ex S. Bernardino Senensi.

Ut supra.

254. Beata Mater Dei remansit domi contemplando Christum, et ejus Resurrectionem, et certè apparuit illi ejus Unigenitus Filius, licet Evangelista nihil dicat de hoc. Tu.

Ad Magnif. ant. Manus Domini confortavit te, ideò eris benedicta in æternum, alleluia, alleluia.

FERIA IV.

Semiduplex.

Psalmi in Noct. tres primi Fe-

rie IV ad Matut. p. 31. Reliqua ut in die Paschæ.

†, Tenui eum, alleluia. ¶. Nec dimittam, allel.

Absolut. A vinculis. Benedict. Evangelica.

Lectio Sancti Evangelii secundum Joannem.

LECTIO 1. v. 20. v. 1.

In illo tempore: Una Sabbati Maria Magdalene venit manè, cum adhuc tenebræ essent, ad monumentum. Et reliqua.

Homilia Ven. Ruperti Abbatis.

De divin. officiis libr. 7. c. 25.

Quid evangelicæ fidei convenientius christiana sodalitas comminisci potuit? Quid pulchrius? Quid venerabilius, quàm gratulari Matri Virgini super Resurrectione Unigeniti, jam non morituri, in cujus passione gladius animam ejus pertransivit. ¶. Ecce vicit. p. 200.

LECTIO 2.

Perpendere gestit christiana devotio, quantus torrens gaudii repente inundans, locumque vulneris replens, animam ejus ferro doloris confossam inebriavit, cum redivivus Filius ante omnes fortassè mortales, materno Virginem non defraudans honore, victoriam suam annuntiavit, et dulcia carnis suæ vulnera, quam illa veram de carne suâ carnem conceptam peperit, deosculanda præbuit. Tu. ¶. Exurge. p. 200.

LECTIO 3.

Quid ergò? repugnare videbitur Evangelio referenti, quod surgens JESUS primò Mariæ Magdalene apparuit? Absit, sed omnibus beatam Virginem Matrem excipimus testibus præordinatis, quos solos nominare ad Evangelistas pertinuit, vel quos Christi Resurrectionem annuntiare decuit. Nunquid illam nuntiare decebat, ut verba ejus

tanquam deliramenta viderentur ante apostolos? Si enim extraneorum verba seminarum visa sunt eis tanquam deliramenta, quomodo non magis Matrem amore Filii delirare crederent? Tu. Te Matrem Dei.

His diebus nulla fit Comm.

Ad Bened. ant. Uti adventus, * ita et resurrectionis gaudium, primæ omnium Matri annuntiaturus apparuit, alleluia, alleluia.

CANON.

Ex S. Bernardino Senensi.

Ut supra.

255. Virgini apparuit «Christus» mirabili splendore coruscans, et mirabiliore quam aparuerit in monte Thabor Petro et Discipulis ejus in Transfiguratione. Tu.

Ad Magnif. ant. Vidit prima * Virgo eximiam præstantis Filii pulchritudinem omni specie majorem, alleluia, alleluia.

FERIA V.

Semiduplex.

In Noct. Psalmi tres primi de 1 Noct. Feriæ V. p. 36.

†. Dexterâ Domini fecit virtutem, alleluia.

†. Dexterâ Domini exaltavit me, alleluia.

Absol. Exaudi. Benedict. Evangelica.

Lectio Sancti Evangelii secundum Joannem.

LECTIO. 1. c. 20. v 1.

In illo tempore: Una Sabbati Maria Magdalene venit manè, cum adhuc tenebræ essent, ad monumentum. Et reliqua.

Homilia D. Georgii Nicomediensis Arch.

In Sanct. Mariam. or. 9.

Divinorum Magistræ ac unguentificæ beatæ Virgini MARIE primæ Filius resurrectionis claritatem os-

tendit, utque licebat doceri Matrem ac honorari, apparitionis suæ primâ præsentia honorat. Quanquam enim scriptum est apparuisse Magdalenæ, ita tamen intelligas, ut quod ad Apostolos, aut mulieres alias unguenta offerentes, spectat. Tu. †. Ecce vicit. p. 200.

LECTIO 2.

Sanè etiâ Virgoparens ante etiâ spiritualem angelorum initiationem Nati ex se mysteria pervidet. Supra omnes enim desiderio deflagrans, desertansque, ac perseverans, sola prima quoque condigna recipit munera. Par quippe erat, ut omnium prima mundi totius acciperet gaudium, quæ ejus nobis tantæ lætitiæ plenitudinis causa extitisset: cui sola arcana credita essent, quæ innumerabiles passionis perpessa esset gladios. Tu. †. Exurge. p. 200.

LECTIO 3.

Par erat, ut quæ sola tristium Filio socia fuisset, sola quoque prior omnibus voluptatem illam perciperet. Enim verò quisnam animus tantam illam, quam suscepit, Domine, tuam gloriam conjicere valeat? Quænam verò intellectualis natura immensam illam pulchritudinem, quam velut Matri tunc revelasti, intellectu perspiciat? O quantâ ei lætitiâ apparuisti! Tu. Te Matrem. p. 5.

Ad Benedict. ant. Non obliviscar tui, * Jesu salem, sed proponam te in principio lætitiæ meæ, alleluia, alleluia.

CANON.

Ex D. Thomâ Archiep. Valentino. *Dom. Resurrect. Conc. 3. n. 4.*

256. Non dubium est, Christum in specie gloriosâ apparuisse Matri, sicut ostensus est in monte Thabor, et forsitan ei divinitatem etiâ ostendisse. Tu.

Ad Magnif. ant. Eduxit me * Do-

minus de lacu miseriæ, et de abyssu tribulationis, allel. allel.

FERIA VI.

Semiduplex.

Psalm. in Noct. tres primi Fer. VI. ad Mat. p. 42.

†. Expectans expectavi Dominum, alleluia.

†. Et intendit mihi, alleluia.

Absol. Ipsius. Bened. Evangelica.

Lectio Sancti Evangelii secundum Joannem.

LECTIO 1. c. 20. v. 1.

In illo tempore: una sabbati Maria Magdalene venit manè cum adhuc tenebræ essent, ad monumentum. Et reliqua.

Homilia S. Bernardini Senensis.

De Resurr. Christi art. 1. c. 1.

Quia de sacræ Matris consolatione post Resurrectionem nihil evangelica testatur Historia, non propterea credendum est, quòd benignissimus JESUS fons consolationis et gratiæ, qui cæteros tam studuit consolari, oblitus sit Matris, quam solam noverat mortis suæ amaritudinem plenissimè degustasse. Placuit tamen providentiæ Dei de hoc per evangelicos apices nihil reserari, et maxime propter tria: Primò propter firmitatem; secundo propter infidelitatem; tertio propter sublimitatem. Tu. †. Ecce vic. p. 200.

LECTIO 2.

Primò propter firmitatem: tantà enim firmitate certissima constabat Virgini Matri de Resurrectione Filii sui, ut nec per minimum dubitationis motum circa hoc fuerit propulsata: quod quidem facile fuit, credere ex hoc quod per singularissimam gratiam electa fuerit, ut Mater Christi Dei esset, et Regina angelorum, et Domina universi. Propterea ipso silentio scripturarum melius ostenditur, hoc debere teneri, ut omninò indubitabile,

quàm fieret quacumque Scripturâ. Tu. †. Exurge. p. 200.

LECTIO 3.

Secundò autem factum est propter infidelitatem. Quia enim Spiritui Sancto cura erat per Scripturas evangelicas illas apparitiones describere, quæ carnalibus hominibus possent de Resurrectione Christi fidedignum testimonium perhibere, et maternus affectus in eorum oculis minueret veritatem; ideo nulla scripta est apparitio de Matris testimonio. Tertio quoque factum est propter sublimitatem. Post Resurrectionem enim Christi nihil de Matre, et etià ante pauca per Evangelium reserantur, quia apparitiones Christi exhibitæ Matri, et familiaria inter ejus colloquia, atque amoris sublimia signa in tantum debuerunt esse super intellectualissima, sublimissima, atque ineffabilissima, quòd nec potuerint ab inferioribus dici, vel sciri, nisi cum tantà diminutione suâ, quòd eas dicere esset nobis excessum illarum quodam modo denigrare. Tu. Te Matrem. p. 3.

*Ad Bened. ant. Exurrexi, * Mater meâ, alleluia, et adhuc sum tecum, alleluia.*

CANON.

Ex D. Thomâ Archiep. Valentino.

Dom. Resur. Conc. 1. n. 6.

257. Post mortem Pastoris grex apostolorum dispersus iterum congregatur ad Virginem: et non sine magno pudore redeunt ad Matrem, qui Filium dereliquerant. Tu.

*Ad Magnif. ant. Tenuisti me * dexterâ tuâ, et in gloriâ tuâ suscepisti me, alleluia allel.*

SABBATO IN ALBIS.

Semiduplex.

Psalmi in Noct. tres primi Sabbat. ad Mat. p. 47.

†. Statuit super petram pedes meos, alleluia. †. Et direxit gressus meos, allel.

Absolutio. A vinculis.

Lectio Sancti Evangelii secundum Joannem.

LECTIO 1. c. 20. v. 1.

In illo tempore: Una Sabbati Maria Magdalene, venit manè cum adhuc tenebræ essent, ad monumentum. Et reliqua.

Homilla S. Thomæ Arch. Valentini.

Conc. 2. in Domin. Resurrec.

Postquàm igitur Dominus surrexit, statim ut dignum erat, Matrem suam Virginem visitavit. Certum quod Deus fecerit cum Virgine, id quod fecerunt Prophetæ cum matribus mortuorum, quarum resuscitando proles, statim illis offerebant. Sic Elias, Elisæus, sic Christus fecit cum Viduâ Naim. Tu. †. Ecce vicit. p. 200.

LECTIO 2.

Erat enim illa, elsi præteritæ passionis angustia mœsta, tamen futuræ resurrectionis certa fiducia. Totaque pervigil nocte illâ in oratione matutinam lucem expectabat, clamans cum Prophetâ: Exurge, gloria mea, exurge psalterium et cithara. Tu. †. Exurge. p. 200.

LECTIO 3.

Exurge, fili mi, Deus meus, et amor meus. Totaque fervens Spiritu, et perfusa gaudio, appropinquante aurorâ, Filii sui et Dei sui expectabat adventum. Quis dicere poterit motus ejus cœlestes et flagrantissima desideria? Quis mentis illius altitudinem et profunditatem valeat cogitare? Tu. Te Matrem. p. 5.

Ad Bened. ant. Videte manus meas, * et pedes meos, quia ego ipse sum, alleluia, alleluia.

CANON.

Ex D. Thomâ Arch. Valentino.

Resurr. Dom. Conc. 1.

258. Non fuit Virgo sacrata: sicut cæteræ mulieres vel apostoli: habuit enim illa fidem et cognitionem, et certitudinem, et notitiam Sacramentorum Resurrectionis. Tu.

AD VESPER.

Officium fit Duplex.

Ant. Alleluia, alleluia, alleluia.

Psalmi de Vesp. Sabbati p. 50.

CAPITULUM. Rom. 6. 9.

Christus resurgens à mortuis jam non moritur: mors illi ultrâ non dominabitur.

HYMNUS 54. *Brev. Rom.*

Rex sempiternæ cœlitum,
Rerum creator omnium,
Æqualis ante sæcula
Sempèr Parenti Filius.

Qui natus olim è Virgine,
Nunc è sepulchro nasceris,
Tecumque nos à mortuis
Jubes sepultos surgere.

Ut sit perenne mentibus
Paschale, JESU, gaudium,
A morte dirâ criminum
Vitæ renatos libera.

JESU tibi sit gloria,
Surgendo qui de mortuis
Apparuisti Virgini
Matri tuæ, per sæcula. Amen.

Hæc Dox. dicitur toto temp. pasch.

†. Egressa es in salutem populi tui, alleluia.

†. In salutem cum Christo tuo, alleluia.

Ad Magnif. ant. Stetit JESUS in medio Discipulorum suorum, et dixit eis: pax vobis: ego sum, alleluia, alleluia.

Oratio de Laudibus.

†. Benedicamus Domino, allel. alleluia.

†. Deo gratias, alleluia, allel.

Deinceps dicitur sine allel.

Completor. dicitur hodiè ut in Psalter. in Sabbato. p. 52

DOMIN. IN ALBIS.

Duplex.

*Omnia non propria, ut in Psalter.
pro temp. pasch.*

AD MATUTIN.

Invitator. Congratulamini Virgini Matri, allel.:* In Resurrectione JESU—Christi Filii sui, allel. allel.

HYMNUS 55.

Christum sepulchro jam dies
Clausum tenebat tertia,
Cum morte surgens induit
Victor decorem gloriæ.

Stipante turbâ protinûs
Matrem revisit anxiam,
Tersisque vultu lacrymis
Æterna confert gaudia.

O blanda prolis oscula!
O Matris amplexus sacros!
Quàm prima latè tædia
Compensat omnia gaudium!

Omnis salutât Virginem
Cohors redempta tartaro:
Unaque Matri ac Vindici
Grates rependit debitas.

JESU, tibi sit gloria,
Surgendo qui de mortuis
Apparuit Virgini
Matri tuæ, per sæcula. Amen.

Tempor. paschali Psalmi in Nocturnis dicuntur sub una antiphona, sub cujus fine additur, ut dictum est, Alleluia.

IN I. NOCT.

De Cantico canticorum.

LECTIO 1. c. 2. v. 10.

En dilectus meus loquitur mihi: surge, propera, amica mea, columba mea, formosa mea, et veni. Jam hyems transiit, imber abiit et recessit. Flores apparuerunt in terrâ nostrâ, tempus putationis advenit: vox turturis audita est in terrâ nostrâ. Tu. *¶*. Surge, amica. *p.* 196.

LECTIO 2.

Ficus protulit grossos suos: vineæ florentes dederunt odorem suum. Surge, amica mea, speciosa mea et

veni: columba mea in foraminibus petræ, in cavernâ maceriæ, ostende mihi faciem tuam, sonet vox tua in auribus meis: vox enim tua dulcis, et facies tua decora. Tu. *¶*. Revertere. *p.* 196.

LECTIO 3.

Capite nobis vulpes parvulas, quæ demoliuntur vineas: nam vinea nostra floruit. Dilectus meus mihi, et ego illi, qui pascitur inter lilia, donec aspiret dies et inclinentur umbræ. Revertere: similis es, dilecte mi, capræ hirculoque cervorum super montes Bethel. Tu. *¶*. Surgam. *p.* 196.

IN II. NOCT.

Sermo S. Amadei Ep. Laus.

De Laudibus B. V. M. Hom. 6.

LECTIO 4.

Gaude, et lætare, quia surrexit susceptor tuus, gloria tua, et exaltans caput tuum. Propterea vocat te: amica mea per conjunctionem; columba mea per unionem: formosa mea per decus et compositionem. Surge de mœrore, de afflictione, de humiliatione, et pulvere, quæ doloris indicia sunt: propera, tolle moras, onus excule, gravitatem exue, levitatem indue, cursum arripe, volatum assume et veni. Tu. *¶*. Veni de Libano. *p.* 196.

LECTIO 5.

Veni, ut possideas gloriam Dei, primitias Resurrectionis primogeniti ex mortuis. Jam hyems transiit, quâ Petrus torpens negavit, quâ corda Judæorum congelata extinxere sibi solem justitiæ prunis voluptatum suarum succensi. Tu. *¶*. Descendi. *p.* 196.

LECTIO 6.

Imber abiit et recessit, imber turbidus, lutulentus, minosus, mixtus nive et grandine, abiit et recessit. Abiit quoque imber, quo area gentilium, et vellus Judaici populi mo-

ruit excicari. Flores apparuerunt in terrâ nostrâ, flores utique beatorum Spirituum, et angelorum alternatim venientium, et locum odore suavissimo spargentium, ubi positus Dominus. Tu. ♀. Pulchra. p. 196.

IN III. NOCT.

Lectio Sancti Evangelii secundum Matthæum.

LECTIO 7. c. 28. v. 1.

In illo tempore: vespere sabbati, quæ lucescit in prima Sabbati, venit Maria Magdalena, et altera Maria videre sepulchrum. Et reliqua.

Homilia S. Petri Chrysologi.

Serm. 74. de Resurrect.

Venit Maria. Hoc nomen Matris est Christi, venit ergo Mater in nomine, venit mulier, ut fieret mater viventium, quæ facta fuerat morientium Mater, ut quod scriptum est, impleretur. Hæc est mater omnium viventium. Venit Maria, et altera Maria. Non dixit: venerunt, sed, venit: sub uno nomine venerunt duæ mysterio, non casu. Venit Maria, et altera Maria. Venit ipsa, sed altera: altera, sed ipsa, ut mulier mutaretur vilâ, non nomine, virtule, non sexu, et fieret Resurrectionis nuntia, quæ internuntia et lapsus extiterat, et ruinæ. Tu. ♀. Flores. p. 196.

LECTIO 8.

Præcedunt apostolos ad ministerium feminæ, quæ sexu viros, ordine discipulos sequuntur: sed non hinc faciunt apostolos segiores, quæ non seminarum formas, sed Ecclesiarum typum deferunt dominicum ad sepulchrum. Maria, et Maria, sic altera, ut ipsa: ipsa ut altera, altera ipsa Maria, MARIA Mater Christi: unum nomen duas geminatur in feminas, quia hic Ecclesia ex duobus populis veniens una figuratur: ex duobus populis,

id est ex gentibus, et judæis, quia primi novissimi, et novissimi primi. Tu. ♀. Indica mihi. p. 196.

LECTIO 9.

Venit Maria ad sepulchrum, venit ad Resurrectionis uterum, venit ad vilæ partum: ut iterum Christus ex sepulchro nasceretur fidei, qui carnis fuerat generatus ex ventre: et eum, quem clausa virginitas vitam protulerat ad præsentem, clausum sepulchrum ad vitam redderet sempiternam. Divinitatis insigne est clausam Virginem reliquisse post partum: de sepulchro clauso exisse cum corpore, est divinitatis insigne. Tu. ♀. Te Matrem. p. 5.

AD LAUDES.

CAPITULUM.

Rom. 69.

Christus resurgens à mortuis jam non moritur: mors illi ultrâ non dominabitur.

HYMNUS 53.

Aurora cælum purpurat,
Æter resultat laudibus:
Mundus triumphans jubilat,
Horrens avernus infremat;
Rex ille dum fortissimus
Parentis afflictæ memor,
Sinus amoris explicans
Sese fruendum præbuit.

Quem copiosis imbribus
Lugebat ante mortuum
Victor triumphat et suo
Mortem sepulchro funerat.

Sat funeri, sat lacrymis,
Sat est datum doloribus:
Absorta Virgo pleniùs
Nati potire gaudiis.

JESU, tibi sit gloria,
Surgendo qui de mortuis
Apparuisti Virgini
Matri tuæ, per sæcula. Amen.
†. Regina cœli lætare, alleluia.
♀. Quia surrexit Filius tuus,
alleluia.

Ad Benedict. ant. Ardens est cor

meum, desidero videre Dominum
Filiū meum, alleluia, alleluia.

Oremus. *Oratio.*

In mentibus nostis, quæsumus,
Domine, veræ fidei sacramenta con-
firma, ut qui conceptum de Virgine
Deum verum et hominem confite-
mur, per ejus salutiferæ Resurre-
ctionis potentiam, ad æternam me-
reamur pervenire lætitiā. Per
eundem Dom.

XII.

CULTUS DEIPARÆ SS. TRIBUTUS.

1. *In Effigiebus.*

CANON.

Ex Concilio Nicæno Secundo.

An. 787. act. 7.—*Concil. T. 19.*
pag. 606.

258. Simul acclamavimus, ve-
ritatemque prædicavimus, omni-
modis videlicet recipiendas vene-
rabiles Imagines Domini nostri JE-
SU—Christi..... atque intemeratæ
Dominae nostræ Sanctæ Dei Geni-
tricis, Sanctorumque Angelorum
(...) una cum omnibus Sanctis. Tu.

*Horæ dicuntur ut in Psalterio
notatur pro tempore paschali.*

In *¶¶. brevibus Horarum tam
in officio de tempore, quàm de Fe-
stis adduntur Alleluia, hoc modo.*

¶. br. Virgo Mater Dei vivi, mi-
serere nobis, * Alleluia, allel. Vir-
go. *¶.* Quæ in Resurrectione Filii
tui lætata fuisti:—Allel. allel.—
Gloria.—Virgo *¶.* Memento nostri,
Domina, allel. *¶.* In beneplacito
tuo, alleluia.

Et sic in aliis ¶¶. brev.

AD VESPERAS.

Capitul. Christus res. *Utin Laud.*

Q. HYMNUS 56. *Brev. Bisuntin.*
Quem casta Mater in sacro
Sinu tulisti, Filius,
Magnâ coruscans gloriâ
Victo resurgit funere.

Quem sputa, spinas, verbera,

Quem ferre pro nobis crucem,
Quem morte raptum videras,
Tibi triumphans redditur.

JESU, tibi sit gloria,
Surgendo qui de mortuis
Apparuisti Virgini
Matri tuæ, per sæcula. Amen.
¶. Gaude, et lætare, Virgo MA-
RIA, alleluia.

¶. Quia surrexit Dominus verè,
alleluia.

Ad Magnific. ant. Surge, amica
mea, allel. allel.

Orat de Laudib.

CANONES

Post Dominic. in Albis.

FERIA II.

Ex Concilio Nicæno secundo.

Ut supr. p. 609.

259. Veraciter et incunctanter
esse coram Deo acceptum et bene-
placitum constat, imaginales for-
mationes Domini nostri JESU—
Christi, et intemeratæ Dei Genitri-
cis sempèrque Virginis MARIE,
ac honorabilium angelorum et om-
nium Sanctorum adorari et oscu-
lari, et quisquis sic se non habue-
rit... hunc anathematizat sancta
nostra et universalis Synodus. Tu.

FERIA III.

Ex Concilio Nicæno Secundo.

Ut supr. p. 648. act. 8.

In Sermōn. laudator. in fine Concilii

260. Decet Dei Genitricis Ma-
tris Christi, qui te desponsavit,
imaginem tuis sacratissimis parie-
tibus factam in picturâ et musi-
corum opere ferre: quatenus gra-
tia, quæ tibi per hanc illuxit,
facilâ prædicatione communiter cun-
tis populis prædicetur. Tu.

FERIA IV.

Ex Concilio Nicæno secundo.

*Act. 1. an. 787.—Verba Theod. Ep.
Amorii.—Conc. T. 18. p. 259.*

261. Approbo, suscipio, saluto,

et veneror... Imaginem Sanctæ Matris Virginis, cujus etiã auxili-
um, protectionem et intercessionem
nocte dieque, ut peccatori
mihi subveniat, invoco, ut quæ
eam potestatem habet ab illo,
quem in mundum edidit, Christo
Deo nostro. Tu.

FERIA. V.

Ex Concilio Nicæno secundo.

Idem ibid. ut supra.

262. Probo similiter, quæ à primordio receptæ traduntur Imagines principio JESU-Christi et Sanctæ Deiparæ Virginis, sive ex auro, sive ex argento, sive colorum ductibus, sive quacumque materiâ exprimantur. Tu.

FERIA VI.

Ex Concilio Constantinopolitano Quarto.

An. 870. act. 10. can. 3.—T. 22.
p. 629.

263. Intemeratæ Genitricis Dei effigiem, sanctorumque angelorum..... ac Sanctorum omnium veneramur et colimus. Qui aliter sentiunt, anathemate sunt. Tu.

SABBATO.

Ex Concilio Budensi.

An. 1279.—Cap. 13.—Labbe.
Tom. 7. col. 794.

264. Suademus, ut quotiescumquæ Clericos contingerit simul vel singulariter incedere ante altare, seu figuram Beatæ Virginis, et maxime cum pro divinis officiis intrant chorum, inclinent capita sua, depositis pileis reverenter. Tu.

DOM. II. POST PASCHAM.

Semiduplex.

Omnia ut in Dom. in Albis p. 207.

IN I. NOCT.

De Canticis canticorum.

LECTIO 1. c. 3. v. 1.

In lectulo meo per noctes quæsi-
vi quem diligit anima mea : quæsi-

illum et non inveni. Surgam et circuibo civitatem: per vicos et plateas quæram quem diligit anima mea: quæsi vi illum et non inveni: invenerunt me vigiles, qui custodiunt civitatem: num quem diligit anima mea vidisti? Paululum cum pertransissem eos, inveni quem diligit anima mea: tenui eum, nec dimittam, donec introducam illum in domum matris meæ, in cubiculum genitricis meæ. Tu. ¶ Surge. p. 196.

LECTIO 2.

Adjuro vos, filiæ Jerusalem, per capreas, cervosque camporum, ne suscitetis, neque evigilare faciat dilectam, donec ipsa velit. Quæ est ista, quæ ascendit per desertum, sicut virgula sumi, ex aromatibus mirrhæ, et thuris, et universi pulveris pigmentarii? En lectulum Salomonis sexaginta fortes ambiunt ex fortissimis Israel: Omnes tenentes gladios, et ad bella doctissimi: uniuscujusque ensis super femur suum propter timores nocturnos. Tu. ¶ Revertere. p. 196.

LECTIO 3.

Ferculum fecit sibi rex Salomon de lignis Libani: columnas ejus fecit argenteas, reclinatorium aureum, ascensum purpureum: mediâ charitate constravit propter filias Jerusalem. Egreddimini, et videte filiæ Sion, regem Salomonem in diademate, quo coronavit eum mater sua in die desponsationis illius, et in die lætitiæ cordis ejus. Tu. ¶ Surgam. p. 196.

IN II. NOCT.

Sermo S. Petri Damiani Ep.

In Assumptione B. M. V.

LECTIO 4.

In hujus sæculi vanitates omnes vel descendere, vel cadere cognoscuntur, rarusque qui non descendat vel cadat in hujus turbulentissimæ

profunditatis oceanum. Sola illa Mater Creatoris nec descendit, nec cecidit, sed de virtute in virtutem ascendens consummatione virtutum vestita est. Qualitèr autem ascendit? Sicut virgula, inquit, fumi. Sed hæc operatio, quàm significante similitudine sit signata, recollige. Tu. *¶*. Veni de Lib. *p.* 196.

LECTIO 5.

Virgula fumi recta est, subtilis, odorifera, et quantò magis in arèa extenditur, tantò ampliùs dilatatur. Sic et Angelorum Regina recta est in sublimitate conversationis, subtilis in Deitatis contemplatione, odorifera in virtutum opinione, angusta in temporalibus, in spiritualibus dilatata. Sequitur: ex aromatibus myrræ et thuris. In myrrhâ abstinentioniam, in thure devotionem intellige. Tu. *¶*. Descendi. *p.* 196.

LECTIO 6.

Hæc sunt duo quæ totam virginalem substantiam circumdedere virtute, continentia scilicet, et devotione, quorum alterum carnem, alterum mentem, ut caro purissima, mens purissima Genitricem Domini singulariùs consecrarent. Universus etiàm pulvis pigmentarius in Virgine conjectus est, quia in eâ virtutum conventus reverendum sibi thalamum consecravit, et si cæteris per partes Spiritus affluit, MARIE tamen tota plenitudo gratiæ supervenit. Tu. *¶*. Pulchra. *p.* 196.

IN III. NOCT.

Lectio S. Evangelii secundum Marcum.

LECTIO 7. c. 16. v. 1.

In illo tempore: cum transisset sabbatum, Maria Magdalene, et Maria Jacobi, et Salome emerunt aromata, ut venientes ungerent JESUM. Et reliqua.

Homilia D. Georgii Nicomediensis Arch.

Orat. 9. in S. Mariam.

Vide sanè MARIE, Virginis majorem cogitatu clarissimam sinceramque prudentiam, ut neque unguenta ferentibus feminis, nequè Apostolis hæc ipsa per se priùs annuntiaverit; sed ut magis ex visu certiores factos, firmiorem veritatem tenere concesserit. Sic enim sapientèr admodum in toto se œconomiæ gessit negotio, ut non per eam essent primæ notiones, sed ut ipsa quoquè peteret ex Deo, iisque, eâ mediatrice, amicis, ac quibus congruum esset, traduceret. Tu. *¶*. Flores. *p.* 196.

LECTIO 8.

Cum itaque sacri præcones primam ipsam, ac cæteris clariùs divinæ Resurrectionis mysteria didicisse scirent: per eam siquidem certiores longè quàm per unguentiferas mulieres facti fuerant: nusquàm tamen cum de Resurrectione agunt, illius voluerunt facere mentionem: congruâ nimirum prudentiâ, ac divinâ spiritûs prudentiâ disponente. Tu. *¶*. Indica. *p.* 196.

LECTIO 9.

Nam si testem Resurrectionis eam produxissent, quæ videri posset suam ipsa quærere gloriam, in causâ fuissent, ut Resurrectionis astructa fides incredulis suspecta videretur. Quam ob rem etiàm meritò hic, quæ ad eam spectant, omittunt, ac tacent. Tu. Te Matrem. *p.* 5.

Ad Benedict. ant. Quis revolvat nobis lapidem? Et invenerunt lapidem sepulchri revolutum ab ostio monumenti, alleluia, alleluia.

Oremus.

Oratio.

Omnipotens sempiterne Deus, infirmitatem nostram propitius respice, ut qui in sanctissimæ Genitri-

cis tuæ intercessione confidimus,
tuâ semper protectione muniamur.
Qui vivis et regnas.

CANON.

Ex Concilio Tridentino.

An. 1563. Sess. 25.

265. Mandat Sancta Synodus...
Imagines Christi, Deiparæ Vir-
ginis, et aliorum Sanctorum in tem-
plis præsertim habendas et retinen-
das, eisque debitum honorem et ve-
nerationem impertiendam. Tu.

Ad Magnific. ant. Inveni * quem
diligat anima mea: tenui eum, nec
dimittam, alleluia, alleluia.

CANONES

Infra Hebr. 2. post Pasch.

FERIA II.

Ex Decreto Sacrorum Rituum Con-
gregationis.

21. Mart. 1774 in Bergom. —
Talu. 1169.

266. Permitti potest, ut statua
Beatæ MARIE Virginis velo nigro
circumdata in nocte Feriæ quintæ
in cenâ Domini cum JESU Domino
Filio mortuo in gremium deposito,
in Ecclesiâ exponatur, et sequenti
Feriâ sextâ in mane processionali-
tèr cum pluvialibus nigris defera-
tur. Tu.

FERIA III.

Ex Decreto Sacrorum Rituum
Congregationis.

22. august. 1744. in Ripana. Man.
671.

267. In Processionibus cum sa-
crâ Imagine Beatæ MARIE Virgi-
nis Officiales Confraternitatis de-
bent incedere à latere statuæ. Tu.

FERIA IV.

Ex Decreto Sac. Rituum Congreg.

21. Julii. 1789. In Canariens. Man.
760.

268. Imago Beatæ MARIE Vir-
ginisthurificanda tantum est dupli-
ci ductu. Tu.

FERIA V.

2. In Officio Ecclesiastico.

§ 1. Officio parvo.

Ex Statuto Capituli Ecclesiæ Seno-
giensis.

An 1198.—Martene. Tom. 1. col.
1019.

269. Cum in Ecclesiâ nostrâ....
Horarum gloriosæ Dei Genitricis
ac perpetuæ Virginis MARIE assi-
duè canendarum institutio vel con-
suetudo nequaquàm haberetur;
nos... diligenter decrevimus, per
quotidianam illarum celebrationem
institutum divinatorum laborem offi-
ciorum augmentare. Tu.

FERIA VI.

Ex statutis Ecclesiæ Rothomagensis.
edit. ann. 1361. Mart. T. 9. n. 5.

270. Horæ Beatæ MARIE Ro-
thomagensis Ecclesiæ Dominæ et
Patronæ, quæ statim nullo medio
intervallo post communes horas
celebrantur de antiquâ consuetu-
dine, de quâ hominum memoria
non existit, ad honorem Dei et Bea-
tæ MARIE Virginis sunt inibi or-
dinatæ. Tu.

SABBATO.

Ex Statutis Ecclesiæ Rothomagensis.

Ut supra col. 1533.

271. Statuimus, quod omnes
Capellani et Clerici in horis Beatæ
MARIE officiendo, ut in aliis inter-
resse teneantur, et si in eisdem, si-
cut in aliis non intersint, illicò eam-
dem pœnam incurrant, quam incur-
rerent, si aliis principalibus Horis
non adessent. Tu.

DOM. III. POST PASCH.

Semiduplex.

Omnia ut in Dom. in Albis p. 207.

IN I. NOCT.

De Cantico canticorum.

LECTIO 1. c. 4. v. 1.

Quàm pulchra es, amica mea! quàm
pulchra es! Oculi tui columbarum

absque eo quod intrinsecus latet. Capilli tui sicut greges caprarum, quæ ascenderunt de monte Galaad. Dentes tui sicut greges tonsarum, quæ ascenderunt de lavacro, omnes gemellis foetibus, et sterilis non est inter eas. Sicut villa coccinea labia tua, et eloquium tuum dulce. Sicut fragmen mali punici ita genæ tuæ, absque eo, quod intrinsecus latet. Tu. *¶*. Surge. p. 196.

LECTIO 2.

Sicut turris David collum tuum, quæ ædificata est cum propugnaculis: mille clypei pendent ex eâ, omnis armatura fortium. Duo ubera tua, sicut duo hinnuli capræ gemelli, qui pascuntur in liliis. Donec aspiret dies, et inclinentur umbræ, vadam ad montem myrrhæ, et ad collem thuris. Tota pulchra es, amica mea, et macula non est in te. Tu. *¶*. Revertere. p. 196.

LECTIO 3.

Veni de Libano, sponsa mea, veni de Libano, veni: coronaberis de capite Amana, de vertice Sanir, et Hermon, de cubilibus leonum, de montibus pardorum. Vulnerasti cor meum, soror mea, sponsa, vulnerasti cor meum in uno oculorum tuorum, et in uno crine colli tui. Quam pulchræ sunt mammæ tuæ, soror mea, Sponsa! Pulchriora sunt ubera tua vino, et odor unguentorum tuorum super omnia aromata. Tu. *¶*. Surgam. p. 196.

IN II. NOCT.

Ex verbis B. Alberti Magni, Ep.

In Bibliâ Mariand. LECT. 4.

Beata Virgo est turris munitissima in se, et in aliis. Sicut turris David collum tuum, quæ ædificata est cum propugnaculis. Mille clypei pendent ex eâ. Ibi quisque inveniet defensionem contra malum suum. Ibi pendet clypeus castitatis contra lu-

xuriam: humilitatis contra superbiam; charitatis contra invidiam, largitatis contra avaritiam. Omnis armatura fortium in ipsâ. Tu. *¶*. Veni de Libano. p. 196.

LECTIO 5.

Item ipsa beata Virgo est quam tota Trinitas multiplici nomine ad se venire invitavit. Tota pulchra es, amica mea, immunis etiâ à veniali peccato, et ideo macula non est in te. Veni de Libano, sponsa mea, veni de Libano, veni. Tër dicit: veni, propter fidem Trinitatis. Tu. *¶*. Descendi. p. 196.

LECTIO 6.

Nota, quod multum dilecta Regis multiplici nomine solet à diligente appellari. Sic beatissima Virgo à Deo vocatur amica, columba, dilecta, speciosa, formosa, soror, immaculata, perfecta, electa, Summitis, filia. Diversitatem horum nominum nota, et gloriosæ Virginis adaptâ. Tu. *¶*. Pulchra. p. 196.

IN III. NOCT.

Lectio Santi Evangelii secundum Lucam.

LECTIO 7. c. 24. v. 38.

In illo tempore: dixit JESUS discipulis suis: Quid turbati estis, et cogitationes ascendunt in corda vestra? Et reliqua.

Homilia S. Augustini Episcopi.

Libr. de Assumptione—Inter ejus opera.

Caro enim JESU caro est MARIE et multò specialius quàm Joseph, Judæ, cæterorumque fratrum ejus, quibus dicebat: frater enim et caro nostra est. Caro enim Christi, quamvis gloria Resurrectionis fuerit magnificata, et potenter super omnes celos ascensione glorificata, eadem tamen carnis mansit, et manet natura, quæ suscepta est de MARIA. Ipse enim est, qui conceptus, genitus, atque à mortuis su-

scitatus est per gloriam Patris, sicut profectò ipse testatur post Resurrectionem, quando apostolis dicit: videte manus meas et pedes meos, quia ego ipse sum. Tu. *¶*. Flores. p. 196.

LECTIO 8.

Quid enim est: ego ipse sum: nisi quia alter non sum, quàm qui tunc eram, quando passus sum? Et hoc siquidem cognoscere potestis, qui in manibus et pedibus meis clavorum signa clarè videtis. Ipse ergò, idemque cœlos ascendit, et carnem, quam de Matre suscepit, super astra transvexit, honorans omnem humanam naturam, sed multò magis maternam. Tu. *¶*. Indica mihi. p. 196.

LECTIO 9.

Si igitur natura matris est filius, conveniens est, ut sit et filii mater, non quantum pertinet ad æquam administrationem, sed quantum pertinet ad eandem reciprocam substantiam, ut homo de homine, caro de carne, mater de filio, filius à matre, non ad unitatem personæ, sed ad unitatem corporalis naturæ, et substantiæ: Si enim unitatem potest facere gratia sine proprietate specialis naturæ, quanto magis ubi gratiæ unitas, et corporis est specialis nativitas. Tu. *¶*. Te Matrem.

Ad Benedict. ant. Ego ipse sum: * videte manus meas, et pedes meos, alleluia, alleluia.

Oremus. *Oratio.*

Voces nostras, quæsumus, Domine, clementer exaudi, ut dum misericordiam tuam per Unigeniti tui Genitricem sanctissimam imploramus, in conspectu tuo veniam invenire possimus. Per eumd. Dom.

CANON.

Ex Statutis Synodalibus Ecclesiæ Suessionensis.

Apud Marten. T. 9. col. 1540.

272. Ad Horas Beatæ MARIE dicatur tertius versus, «MARIA Mater gratiæ, Mater misericordiæ» et dicatur cum omni devotione, non in surgendo, et calceando, nec synopando. Tu.

Ad Magnific. ant. Sicut turris * David collum tuum, quæ ædificata est cum propugnaculis, alleluia, alleluia.

CANONES

Infra Hebdom. 3. pos Pasch.

FERIA II.

Ex Statutis Synodalibus Ecclesiæ Aurielianensis.

Apud Mart. T. 7. col. 1277.

273. Ad Horas Beatæ MARIE Virginis semper dicatur tertius versus, «MARIA Mater gratiæ» et cantetur cum nota in Ecclesiâ, quando cantatur cum notâ in Ecclesiâ Aurielianensi, et cum devotione, non in surgendo et calceando. Tu.

FERIA III.

Ex Statutis Synodalibus Ecclesiæ Cameracensis.

Apud Marten. T. 7. col. 1297.

274. Statuimus, quod Acolithus Horas gloriosæ Virginis quotidie dicat. Tu.

FERIA IV.

Ex Statutis Synodalibus Ecclesiæ Cameracensis.

ut supra.

275. Statuimus, quòd existens in sacris ordinibus, sive sit beneficiatus, sive non, horas canonicas videlicet de die, et Beatæ MARIE Virginis dicere quotidie non omitat. Tu.

FERIA V.

Ex Concilio Andegavensi.

An. 1365. cap. 15.—Labbe. T. 7. col. 1776.

276. Approbante Concilio, statuimus, quòd in singulis Ecclesiis Metropolitanis, Cathedralibus, Regularibus, Collegiatis, matutinæ et

aliæ horæ de Beatâ MARIA singulis diebus solemniter decantentur: nisi aliàs Officium esset de Beatâ MARIA, vel aliis majoribus Festis anni, vel in adventu Domini, et ad hoc omnes volumus adstringi sub præcepto. Tu.

FERIA VI.

Ex S. Pio Papâ Quinto.

Const. Superni. 167.—*an.* 1571.

—*Bull.* 14. T. 4. p. 3. p. 155.

277. Omnes et singulos qui Beatæ MARIE Officium dicere, psallere, et recitare tenentur, ex hujus nostri Romani Officii præscripto, et ratione ad id omnino obligatos esse, et neminem muneris suo nisi hac formâ satisfacere posse. Tu.

SABBATO.

Ex S. Pio Papâ Quinto.

ut supra.

278. Omnibus et singulis qui ad recitationem officii parvi Beatæ MARIE Virginis non tenentur, quotiès istud sic de mandato nostro reformatum recitaverint, quinquaginta dies.... obligatis verò eas duntaxat indulgentias concedimus, quæ literis nostris super reformatione novi Breviarii editis designantur, et hujusmodi Beatæ MARIE Virginis Officium recitantibus conceduntur. Tu.

DOM. IV. POST PASCH.

Semiduplex.

Omnia ut in Dom. in Albis, p. 207.

IN I. NOCT.

De Cantico canticorum.

LECTIO 1. c. 6. v. 6.

Averte oculos tuos à me, quia ipsi me avolare fecerunt. Capilli tui sicut grex caprarum, quæ apparuerunt de Galaad. Dentes tui sicut grex ovium, quæ ascenderunt de lavacro omnes gemellis fœtibus, et sterilis non est in eis. Sicut cortex mali punici, sic genæ

tuæ absque oculis tuis. Tu.

¶. Surge. p. 196.

LECTIO 2.

Sexaginta sunt reginæ, et octoginta concubinæ, et adolescentularum non est numerus. Unica est columba mea, perfecta mea, una est matris suæ, electa genitricis suæ. Viderunt eam filiæ et beatissimam prædicaverunt: reginæ et concubinæ laudaverunt eam. Quæ est ista, quæ progreditur, quasi aurora consurgens, pulchra ut luna, electa ut sol, terribilis ut castrorum acies, ordinata? Tu. ¶. Revertere. p. 196.

LECTIO 3.

Descendi in hortum meum, ut viderem poma convallium, et respirerem, si florisset vinea, et germinassent mala punica. Nescivi: anima mea conturbata est propter quadrigas Aminadab. Revertere, revertere, Sulamitis: revertere, revertere, ut intueamur te. Tu. ¶. Surgam. p. 196.

IN II. NOCT.

Sermo S. Petri Damiani Ep.

In Assumpt. B. V. M. LECT. 4.

Natâ Virgine, surrexit aurora, quia MARIA prævia veri luminis nativitate suâ manè clarissimum serenavit. Nam sicut aurora terminum noctis, diei principium adesse testatur, sic et Virgo noctem expulit sempiternam, et diem de terrâ suæ virginitatis exortum terris infudit. Progreditur quasi procul et de ultimis finibus pretium eius: consurgens, quia de cadente supersurgens materiâ. Tu. ¶. Veni de. p. 196.

LECTIO 5.

Pulchra ut luna. Quid lunâ pulchrius, cum stellis coruscantibus in signifero limite reliquorum syderum splendorem excedit? Sic et Virgo inter animas sanctorum et

angelorum choros supereminens, et evecta merita singulorum, et omnium titulos antecedit. Quantumlibet aliæ stellæ reluceant, luna tamen, et magnitudinem præeminet, et splendorem. Sic utramque naturam Virgo singularis exuperat, et immensitate gratiæ, et fulgore virtutum. Tu. ʒ. Descendi. p. 196.

LECTIO 6.

Electa ut sol. Hanc attende similitudinem, quā nulla in rebus mundi potest esse sublimior. Nihil enim habuit Spiritus in visibilibus creaturis excellentius, cui excellentiam Virginis compararet. Electa, inquit, sed præelecta: ut sol, quia sicut sol solus orbem illuminat, sic hæc sola solidiori lumine et angelos, et homines illustrat. Terribilis ut castrorum acies ordinata. Terribilis dæmonibus, ordinata virtutibus: singularis timor malignorum spirituum: specialis amor beatorum civium. Tu. ʒ. Pulcra. p. 196.

IN III. NOCT.

Lectio sancti Evangelii secundum Matthæum.

LECTIO 7. c. 13. v. 44.

In illo tempore: dixit JESUS Discipulis suis: Simile est regnum cælorum thesauro abscondito in agro. Et reliqua.

Homilia S. Bonaventuræ Ep.

In Specul. B. V. M. c. 7.

Ager iste est MARIA, in quā thesaurus angelorum, immò totus Dei Patris Filius absconditus est. Felix qui vendit omnia quæ habet, et emit agrum istum. Hujus agri pleni plenus odor est plena MARLÆ fama, plenus odor. De hoc Beatus Hieronymus ait: quia multis erat repleta virtutum odoribus, manans ex eâ fragrabat suavissimus odor

Spiritibus angelicis. Tu. ʒ. Flores. p. 196.

LECTIO 8.

De isto odore ipsa sancta gloriando dicere potest illud Ecclesiastici: sicut cinnamomum et balsamum amænitate odorem dedi. Odor MARLÆ sicut cinnamomum exterius, in cortice conversationis: sicut balsamum interiùs in unctione devotionis: sicut myrrha in amaritudine castigationis. Tu. ʒ. Indica. p. 196.

LECTIO 9.

Fuit quoque odor MARLÆ sicut cinnamomum in actione, sicut balsamum in contemplatione: sicut myrrha in passione. O verè dives, et nimis dives! Quæ præter alia aromata, tam plena fuit odorifero Spiritus Sancti balsamo, ut benè de illo beatus Bernardus dicat: pretiosum illud balsamum tantā tibi copiā, tantāque plenitudine influet, ut copiosissimè effluat circumquaque Tu. Te Matrem.

Ad Benedict. ant. Ecce odor * Filiae Dei, sicut odor agri pleni, cui benedixit Deus, allel allel.

Oremus.

Oratio.

Beatæ et gloriosæ semperque Virginis MARLÆnos, Domine, quæsumus, merita consequantur, ut tuam nobis semper indulgentiam, dum pro peccatis nostris affligimur, implorent. Per Dominum.

CANON.

Ex Breviario Romano.

Rubricæ gener. 12. n. 5.

279. In festis Beatæ MARLÆ (omissis iis, quæ propria in illis habentur) hymni, novem Psalmi, et alia quædam requirenda, sunt ex communi ejus officio parvo, circa finem Breviarii. Tu.

Ad Magnific. ant. Revertere, * revertere, ut intueamur te. Allel. allel.

CANONES.

Infra Hebdom. 4. post Pasch.

FERIA II.

Ex Breviario Romano.

Rubric. gener. 37. n. 2.

280. Tempore Paschali in Officio parvo Beatæ MARIE, quod dicitur in choro, non additur alleluia antiphonis, neque versibus, neque responsoriis. Tu.

FERIA III.

Ex Breviario Romano.

Rubr. de officio parvo.

281. Officium parvum Beatæ MARIE non dicitur, quando fit Officium novem Lectionum, nec in Sabatis, quando fit Officium de Sanctâ MARIA. Quibus diebus omittitur à primis Vesperis. Tu.

FERIA IV.

Ex Breviario Romano.

Ut supra.

282. Cum «Officium parvum» dicitur in choro, in Matutinis et in Vesperis præponitur officio diei, in aliis Horis postponitur. Prima dicitur post «Benedicamus Domino,» antequàm legatur Martyrologium. Extra chorum dicitur pro temporis opportunitate. Tu.

FERIA V.

Ex Concilio Mediolanensi Quarto. An. 1576.—*Conc. Tom. 36. p. 361.*

283. Quibus in Ecclesiis divinum canonicarum Horarum Officium de Beatâ MARIA Virgine recitari aut solet, aut debet, earum Clerus universus illud in choro præsens pariter recitet, atque Officium quod de Domino dicitur: id vero ita, ut singulas Horas canonicas unius officii cum singulis alterius, ex Breviarii Romani præscripto, ordine conjungat. Tu.

FERIA VI.

Ex Concilio Aquileiensi.

An. 1596.—*Conc. Tom. 36. p. 825.*

284. Pensionarios serio monitos

esse volumus, eos ad Officium Beatæ MARIE Virginis quotidie recitandum teneri: præter peccatum mortale, quod committunt, si omiserint, restitutionis onere obstrictos declaramus. Tu.

SABBATO.

Ex Decreto Sacr. Rituum Congregationis.

28. Mart. 1626. in Tornacens.

Man. 412.

285. Officium parvum Beatæ MARIE Virginis tempore paschali recitandum est prout in Breviario Romano. Tu.

DOM. V. POST PASCH.

Semiduplex.

Omnia ut in Dom. in Albis p. 207.

IN I. NOCT.

De Cantico canticorum.

LECTIO 1. c. 7. v. 1.

Quid videbis in Sulamite nisi choros castrorum? Quàm pulchri sunt gressus tui in calceamentis, filia Principis? Juncturæ femorum tuorum sicut monilia, quæ fabricata sunt manu artificis. Umbilicus tuus crater tornatilis, nunquàm indigens poculis. Venter tuus sicut acervus tritici vallatus liliis. Tu. *¶. Surge. p. 196.*

LECTIO 2.

Duo ubera tua sicut duo hinnulli gemelli capræ. Collum tuum sicut turris eburnæ. Oculi tui, sicut piscinæ in Hesebon, quæ sunt in porta filiæ multitudinis. Nasus tuus sicut turris Libani, quæ respicit contra Damascum. Caput tuum ut Carmelus: et comæ capitis tui, sicut purpura regis vineta canalibus. Tu. *¶. Revertere p. 196.*

LECTIO 3.

Quàm pulchra es, et quàm decora, carissima, in deliciis! Statura tua assimilata es palmæ, et ubera tua botris. Dixi: ascendam in palmam, et apprehendam fructus ejus: et erunt

ubera tua sicut botri vineæ: et odor odoris tui sicut malorum. Guttur tuum sicut vinum optimum, dignum dilecto meo ad potandum, labiisque et dentibus illius ad ruminandum. Tu. *¶*. Surgam. *p.* 196

IN II. NOCT.

Serino S. Ambrosii Ep.

De institutione Virginum c. 14.

LECTIO 4.

Hanc imitamini, filiæ, cui pulchrè convenit illud, quod de Ecclesiâ prophétatum est: speciosi facti sunt gressus tui in calceamentis, eo quod speciosè Ecclesia Evangelii prædicatione processit. In hoc calceamento speciosè processit MARIA, quæ sine illâ commixtione corporæ consuetudinis Auctorem salutis virgo generavit. Tu. *¶*. Veni de Libano. *p.* 196.

LECTIO 5.

Venter tuus sicut acervus tritici muniti inter lilia, eo quod continens sibi in omnibus Christi ortus ex Virgine, sicut victores solent sæcularium præliorum strænuorum virorum donatis torquibus honorare cervices: ita jugum nostrum levavit, ut fidelium colla virtutis insignibus coronaret. Tu. *¶*. Descendi. *p.* 196.

LECTIO 6.

In quo Virginis utero simul acervus tritici, et lilii floris gratia germinabat, quoniam et granum tritici generabat et lilium. Ex illo ergò utero MARIE diffusus est in hunc mundum acervus tritici muniti inter lilia, quandò natus est ex eâ Christus, cui dicit Propheta David: Benedices coronam anni benignitatis tuæ, et campi tui replebuntur ubertate. Tu. *¶*. Pulchra. *p.* 196.

IN III. NOCT.

Lectio S. Evangelii secundum Matthæum.

LECTIO 7. c. 7. v. 17.

Dixit JESUS Discipulis suis: omnis arbor bona bonos fructus facit: mala autem arbor malos fructus facit. El reliqua.

Homilia B. Alberti Magni Ep.

In Bibliâ Mariand.

Beata Virgo MARIA est arbor bona quæ optimum fructum facit. Non potest arbor bona, id est, bona in naturâ, melior in gratiâ, sed optima in gloriâ, fructus malos arboris facere, quia è radice fructus pullulat: neque arbor mala, id est, Eva misera, fructus bonos facere, quia in amaritudine originalis culpæ concipimur, et nascimur. Tu. *¶*. Flores. *p.* 196.

LECTIO 8.

Item ipsa domus totius firmitatis, assimilabitur viro sapienti, id est, Christo, qui ædificavit domum suam, id est, MARIAM supra petram. Quam ob rem, ille non erit domus Dei, qui inconstantia faciliè permutatur. Et descendit pluvia, et venerunt flumina in passione filii prædilecti, et flaverunt venti, scilicet, vituperatores, et irrisores, dicentes: Vah, qui destruis templum Dei. Tu. *¶*. Indica mihi.

LECTIO 9.

Et irruerunt in illam domum, id est MARIAM. Undè ipsa dicere poterat ad Patrem illud Psalmistæ: omnes fluctus tui transierunt super me. Et non cecidit per incredulitatem, et infidelitatem, sicut apostoli, sed stetit fortissima apud crucem, quia fundata erat supra firmam petram, id est, Christum. Tu. Te Matrem.

Ad Benedict. ant. Optima arbor

* Virgo optimos fructus semper fecit, alleluia, alleluia.

Oremus.

Oratio.

Famulos tuos, quæsumus, Domine, corpore pariter ac mente

purifica, ut beatâ MARIA semper Virgine intercedente, in tuâ inspiratione compuncti noxias delectationes vitare prævaleant. Per Dominum.

§. 2. In offic. in Sabbat.

CANON.

Ex Concilio Claramontano.

An. 1095. Concil. Tom. 26. p. 669.

286. Mandatum «est» omnibus christianis, ut diebus singulis Sabbati Officium Beatæ Virginis recitarent. Tu.

Ad Magnific. *ant* Quàm pulchri * sunt gressus tui in calceamentis, filia principis, alleluia, allel.

FERIA II. IN ROGATION.

Si hodiè, occurrat festum novem Lectionum fit de eo, cum commemoratione hujus Feriæ. Si verò occurrat festum trium lection. fit de feriâ, et lectio 3. erit de eo festo in commemoratione illius.

Omnia, ut in feriali officio.

Ectio Sancti Evangelii secundum Joannem.

LECTIO 1. c. 2. v. 1.

In illo tempore: Nuptiæ factæ sunt in Cana Galilææ, et erat Mater JESU ibi. Et reliqua.

Homilia S. Bernardi Abbatis.

De gradibus humilitatis in fine.
Disce in Matre Domini magnam in mirabilibus fidem habere, in magnâ fide verecundiam retinere. Disce verecundiâ decorare fidem, reprimere præsumptionem. Vinum, inquit, non habent. Quàm breviter, quàm reverentèr, undè pia fuit sollicita. Tu. ¶. Surge. p. 196.

LECTIO 2.

Et ut discas in hujusmodi magis piè gemere, quàm petere præsumptuosè, pietatis æstus pudoris temperans umbrâ, conceptam precis fiduciam verecundè suppressit. Non frontosè accepit, non palàm

locula est, ut audactèr coram omnibus diceret: obsecro, fili, deficit vinum, contristantur convivæ, confunditur sponsus, ostende quid possis. Tu. ¶. Revertere. p. 196.

LECTIO 3.

Sed licet hæc, aut multa plura pectus æstuans, fervens loqueretur affectus: privatim tamen potentem pia Filium Mater adiit, non potentiam tentans, sed voluntatem explorans. Vinum, inquit, non habent. Quid modestius? Quid fidelius? Non deficit pietati fides, voci gravitas, efficacia voto. Tu. ¶. Surgam.

Hæc nocte non dicitur cantic. Te Matrem. In duobus verò sequentibus feriis dicitur.

Ad Bened. *ant.* Petite per MARIAM, * et accipietis; quærite per MARIAM, et inveniatis: pulsate per MARIAM, et aperietur vobis, alleluia, allel.

Oremus.

Oratio.

Præsta, quæsumus, Omnipotens Deus, ut qui in afflictione nostrâ de tuâ pietate confidimus, Sanctissimæ Genitricis Filii tui intercessione contra adversa omnia tuâ semper protectione muniamur. Per eundem Dominum.

Hoc triduo dicuntur Litanie post Laudes, prout positæ sunt in fine Breviarii, genibus flexis.

CANON.

Ex Breviario Romano.

Rubric. gen. 8. n. 1.

287. In omnibus Sabbatis per annum extra adventum et quadragesimam, aut nisi quatuor tempora aut vigiliæ occurrant, vel nisi fieri debeat de Feriâ..... semper fit officium de Sanctâ MARIA, eo modo quo fit de festo simplici. Tu.

Ad Horas omnia ut in Psalterio, et etiâ Vesperæ, nisi occurrat festum novem Lection. cum oratione

de Dominic. præcedenti. Si verò sequatur festum simplex à capit. fit de eo.

Ad Magnif. ant. Vinum non habent: * Quid mihi et tibi, mulier? allel. allel.

FERIA III. IN ROGATION.

Omnia ut in feriali officio: Lectiones de Feria occurrente. Oratio Dominicæ præcedentis.

CANON.

Ex Paulo Papâ Quinto.

Const. Eximia. an. 1606.—Bull. R. Tom. V. p. 4. p. 256.

288. Religiosis Ordinis Servorum Beatæ Mariæ Virginis ut diebus Sabbati.... non impeditis, et exceptis Sabbatis adventus et Quadragesimæ, Officium solemne cum novem Lectionibus de Beatissimâ Virgine agere, et illud agendo divini officii obligationi satisfacere.... concedimus. Tu.

FERIA IV. IN ROGATIONIB.

VIGILIA

ASCENSIONIS DOMINI.

Si hodiè occurrat festum nov. Lection. fit de eo cum nona Lect. de sequenti Homiliâ. Si verò fuerit trinum Lection. Officium fit de Vigiliâ, et tertia Lect. erit de eo festo. Quod in aliis vigilis observatur, nisi aliter notetur.

Omnia ut in feriali officio.

Lectio Sancti Evangelii secundum Joannem.

LECTIO 1. c. 19. v. 25.

In illo tempore: stabant juxta crucem JESU Mater ejus, et soror Matris ejus, Maria Cleophæ, et Maria Magdalene. Et reliqua.

Homilia S. Joannis Chrysostomi. Apud Theophil. Raynaud. in Dyptich. marian. p. 1. pag. 9.

Conversus ad Matrem Dominus dixit: Pax tibi, ô Mater. Ne contriste-

ris quia ascendo ad Patrem meum. Non te relinquam, quæ splendores, ac fenestra mundi. Non te relinquam habitaculum meum omni fuco, ac dolo carens. Non te relinquam, templum meum sanctum. Non te relinquam, quæ fidelis inventa es per universum mundum. Tu. *Æ. Flores. p. 196.*

LECTIO 2.

Non te relinquam arcam meam sanctam, et indissolubilem. Non te relinquam, Mater mea virgo. Cum et quando emigratura es de hoc corpore, non angelum, neque archangelum missurus sum, sed ego ipse veniam, tuamque animam sole splendidiorem excipiam. Noli ergò contristari, Virgo Mater mea, quia ascendo ad Patrem meum. Tu. *Æ. Indica mihi. p. 196.*

LECTIO 3.

Noli ergò contristari, loco enim meo habes Joannem Virginem. Nonne quando crucem ascendi, te illi commendavi, dicens Joanni: ecce Mater tua: Tibique dixi: ô mulier, ecce Filius tuus? Et nunc vice meâ, ipse ad pacem tibi erit, ô Mater mea Virgo. Nihil pertimescas, nam ego tecum sum. Tu.

Te Matrem. p. 5.

Ad Benedict. ant. Dixit JESUS * Matri suæ: Mulier, ecce Filius tuus. Deindè dicit Discipulo; ecce Mater tua, allel. allel.

Oremus.

Oratio.

Præsta, quæsumus, Omnipotens Deus, ut, qui Ascensionem Filii tui ad cælos devotè prævenimus, de eâ cum Sanctissimâ ejus genitrice gaudere valeamus. Per eundem Dominum.

CANON.

Ex Sacr. Rituum Congregationis Decreto.

1. *Mart. 1681. Canonicor. Regul. Later. Tal. 524.*

289. Officium Conceptionis Beatæ
MARIE Virginis concessum in Sab-
bato non impedito ab Officio novem
Lectionum vel occurrente, vel
translato, non est celebrandum in
adventu, Quadragesimâ, Quatuor
temporibus, et in Vigiliis. Tu.

IN
ASCENSIONE

DOMINI.

Duplex 1. Class. Cum Octavâ.

IN I. VESPER.

Ant. 1. Adhuc modicum vobis-
cum sum: expedit, ut ego vadam,
alleluia. *Psalmi de Solemnitat.*

2. Quo ego vado, Mater mea,
non potes me modò sequi: seque-
ris autem postea, allel.

3. Ascendò ad Patrem meum,
et Patrem vestrum, Deum meum
et Deum vestrum, allel.

4. Ne permittas, Fili mi, me
separari à te: fiat tamen voluntas
tua, allel.

5. Non turbetur cor vestrum,
neque formidet, quia vado parare
vobis locum, allel.

CAPITULUM. *Joan. 16. 7.*
Ego veritatem dico vobis: expe-
dit vobis, ut ego vadam: si enim
non abiero, Paracletus non veniet
ad vos: si autem abiero, mittam
eum ad vos.

¶ Viri Galilæi, quid statis hic
aspicientes in cælum? * Ascendit
Christus in altum; alleluia, volavit
super pennas ventorum alleluia,
et sedet à dextris Dei, alleluia,
alleluia.

¶ Hic JESUS, qui assumptus est
à vobis in cælum, sic veniet, que-
madmodum vidistis eum euntem
in cælum.—Ascendit.—Gloria.—
Viri.

HYMNUS 57. Breb. Bisunt.

Opus perigisti tuum:
Te, Criste, victorem necis
Æterna, quam relinqueras,

Cælo reposit gloria.

Jam nube vectus fulgidâ,
Terras jacentes despicias:
Educta longo carcere
Regem sequuntur agmina.

Mirante turmâ cœlitum,
Panduntur æternæ fores,
Ovansque sublimem Patris,
Homo Deus, scandis thronum.

Quo, Christe, procedis caput,
Huc integrum corpus vocas:
Vestigiis tritam tuis,
Fac membra sectentur viam.

JESU, tibi sit gloria,
Qui victor in cælum redis,
Cum Patre et almo Spiritu.
In sempiterna sæcula. Amen.

*Hæc Doxologia dicitur per totam
octav.*

¶ Ascendo ad Patrem meum,
et Patrem vestrum, alleluia. ¶
ad Deum meum, et Deum vestrum
alleluia.

Ad Magnif. ant. Si abiero, Mater
mea, et præparavero tibi locum,
iterum veniam et accipiam te ad
me ipsum, ut ubi sum ego, et tu
sis, alleluia, alleluia. *Orat de Lau-
dibus.*

Completor. de Dominicâ.

AD MATUTIN.

Invitator. JESUM Virginis MA-
RIÆ Filium ascendentem in cœ-
lum: * Venite, adoremus, alleluia,
alleluia.

HYMNUS 58. Salla.

Orco subacto, cœlica
Ad regna, queis descenderat
Terras in imas, dum redit
Dei et MARIE Filius,

Matris duplex dilectio
In corde certat Virginis;
Ejus quâ amat presentiam,
Ejus quâ anhelat gloriam.

Hæc mansionem flagitat;
Istæc recessum præcipit;
Cœlestis ejus denique

Vincit triumphī charitas.

Procedat ergō protinus

Ut hic, Parens Sanctissima

Damna illiusce absentiae

Libente sponte suscipit.

Quis ergō Matris æmulus,

Natique verus assecla

Christi in decorem respuat

Privis recidi gaudiis?

Cœli triumphans atria

Qui, Matre lætā, transmeas,

Cum Patre et almo Spiritu

Laudere, Christe, in sæcula.

Amen.

IN I. NOCT.

Ant. 1. Decorem induit * hodie
Filius tuus, Virgo MARIA, ami-
ctus lumine, sicut vestimento, allel.

Psalmi de Dominicā. p. 2.

2. Nimis exaltatus est, * allel.,
super omnes Deos, allel.

3. Posuit nubem * ascensum
suum, et ambulat super pennas
ventorum, allel.

†. Ascendit Deus in jubilatione,
allel.

†. Et Dominus in voce tubæ,
allel.

De Actibus apostolorum.

LECTIO 1. c. 1. v. 6.

Igitur qui convenerant, interroga-
bant eum dicentes: Domine, si in
tempore hoc restitues regnum
Israel? Dixit autem eis: non est
vestrum nosce tempora, vel mo-
menta, quæ Pater posuit in suā
potestate: sed accipietis virtutem
supervenientis Spiritūs Sancti in
vos, et eritis mihi testes in Jeru-
salem, et in omni Judæa, et Sama-
riā, et usque ad ultimum terræ.
Tu.

†. Quis est iste qui venit de
Edom tinctis vestibus de Bosra?
* Iste formosus in stolā suā, gra-
diens in multitudine fortitudinis
suæ, allel. allel. †. Attolite portas,

principes, vestras, et elevamini por-
tæ æternales.—Iste.

LECTIO 2.

Et cum hæc dixisset, videntibus
illis, elevatus est, et nubes su-
scepit eum ab oculis eorum. Cum-
que intuerentur in cœlum eun-
tem illum, ecce duo viri asliterunt
juxta illos in vestibus albis, qui
et dixerunt: viri Galilæi, quid
statis aspicientes in cœlum? Hic
JESUS, qui assumptus est à vo-
bis in cœlum, sic veniet, quemad-
modum vidistis eum euntem in
cœlum. Tu.

†. Revertere, revertere, Dilec-
te mi, revertere, revertere, ut in-
tueamur te: * Mane nobiscum, ne
derelinquas nos, allel. allel. †.
Non abscondas à nobis faciem tuam,
quia facies tua decora nimis.—
Mane.

LECTIO 3.

Tunc reversi sunt Jerosolymam
à monte qui vocatur Oliveti, qui
est juxta Jerusalem, Sabbati ha-
bens iter. Et cum introissent in
cœnaculum, ascenderunt, ubi ma-
nebant Petrus et Joannes, Jaco-
bus et Andreas, Philippus et Tho-
mas, Bartholomæus et Matthæus,
Jacobus Alphæi, et Simon Zelo-
tes, et Judas Jacobi. Hi omnes
erant perseverantes unanimiter in
oratione cum mulieribus, et MA-
RIA Matre JESU, et fratribus eius.
Tu.

†. Quò abiit dilectus tuus, ò
pulcherrima mulierum? Quò di-
lectus tuus declinavit? * Ascendit
super Cherubim et volavit, vola-
vit super pennas ventorum, allel.
allel. †. Elevata est magnificen-
tia sua super cœlos.—Ascendit.
—Gloria.—Quò abiit. *Infra oc-
tavam.* Ascendit.

IN II. NOCT.

Ant. 1. Post te * curremus in

odorem unguentorum tuorum, allel.

2. Ascendens Christus * in altum captivum secum duxit cor Virginis immaculatum, allel.

3. Cumque intueretur * in cælum euntem Filium, nubes suscepit eum, allel.

†. Dominus in cælo, alleluia.

‡. Paravit sedem suam, allel.

Sermo S. Thomæ Arch. Valentini.

Concion. 4. in Ascens. Dom.

LECTIO 4.

Postquàm igitur Dominus consummavit opus nostræ redemptionis, et suam Resurrectionem multis argumentis probavit, perfectis omnibus, quæ ei Pater imperaverat, parat reditum ad Patrem. Et cum sæpiùs apparuisset discipulis novissimè recumbentibus illis apparuit: præcepitque illis, à Jerosolymis ne discederent, sed expectarent promissionem Patris, quoadusque induerentur virtute ex alto. His ergò completis, sicut bonus Pastor, gregem suum et peculium, ait Evangelista, eduxit eos foras in Bethaniam. Tu.

‡. Confitebuntur cæli mirabilia tua, Domine: * Tui sunt cæli, et tua est terra, orbem terræ, et plenitudinem ejus tu fundasti, alleluia, alleluia. †. Firmetur manus tua, et exaltetur dextera tua, quoniam quis in nubibus æquabitur Domini. —Tui.

LECTIO 5.

Cum igitur vellet levare, sigillatim quilibet apostolus osculatur manus, et Dominus amplexatus est illos. O quomodo ille senex venerabilis Petrus, quomodo totus plenus lacrymis adhæret vestigiis Redemptoris! Quomodo dilectus ille Discipulus Joannes osculatur pedes Domini sui! Novissima verò et ultima venit Virgo Mater et Filium ample-

xatur. Et ipsa vellet intra brachia Unigeniti sui evolare cum illo ad cælum. O quanta lætitia! O quantum gaudium permixtum lacrymis! O quanta devotio! Quid dixisti, Domine recedens, Matri tuæ? O Evangelistæ, quare tacuistis? Multum desideramus omnes scire illud ultimum vale. Tu.

‡. Gloriosus apparuisti in conspectu Domini: * Propterea decorem induit te Dominus, alleluia, allel.

†. Quoniam apud te est fons vitæ, et in lumine tuo videbimus lumen. —Propterea.

LECTIO 6.

Potuit interim sequentia fortè dicere roganti Matri, ut secum illam portaret. Necessaria est, o Mater mea, vestra præsentia adhuc in terris: consolaberis familiam istam in hoc mundo. Ego autem semper futurus in vestro corde, qui fui novem mensibus in vestro sacratissimo utero: et licet recedam, non recedo. Ista particula, quam de vobis sumpsi, modò collocabitur in cælis, et ego parabo vobis sedem in latere meo. Et dictis istis, elevatis manibus suis, benedixit eis. Tu.

‡. Paulò minùs ab angelis minoratus, * Gloria et honore coronatus est, et constitutus super opera manum Dei, allel. allel.

†. Speciosus formâ præ filiis hominum, Filius tuus, Virgo MARIA. —Gloria et—Glor. Patri.—Paulò. *Indieb. infra Octav. Glor. et.*

IN II. NOCT.

Ant. 1. Omnis pulchritudo tua, * Fili mi, exaltata est hodiè super sidera, allel.

2. Species ejus * in nubibus cæli, et nomen ejus in æternum permanet, allel.

3. Exultavit, * ut gigas ad cur-

rendum viam, usque ad summum
cœli, allel.

†. Dominus virtutum, allel.

‡. Ipse est Rex gloriæ, allel.

Lectio S. Evangelii secundum
Joannem.

LECTIO 7. c. 14. v. 28.

In illo tempore: dixit JESUS discipulis suis: Si diligeretis me, gauderetis utique, quia vado ad Patrem. Et reliqua.

Homilia S. Anselmi Episcopi.

De excelent. B. V. M. c. 6.

Si gaudium habuit beata Virgo MARIA eodem suo Filio secum in carne degente, si gaudium habuit eodem Filio, calcata morte, ab inferis resurgente, non minori gaudio exultavit suo Filio in eâ carne, quam de se assumptam noverat, coram oculis suis cœlos penetrante, quis hoc dixerit: immo quis gaudium ejus omnibus, quæ illud præcesserunt, gaudiis non crediderit eminere. Tu.

‡. Gaude et lætare, Virgo MARIA, * Quia Filius tuus JESUS assumptus est in cœlum, et sedet à dextris Dei, allel. allel. †. In Domino gaudebo, et exultabo in JESU Filio meo.—Quia.

LECTIO 8.

Bonæ matres solent in hoc mundo exilarari, cum vident Filios suos terrenis honoribus sublimari: et ista Mater proculdubio bona non ineffabili gaudio lætaretur, quandò Filium suum unigenitum omnes cœlos dominandi jure penetrare, ac in Dei Patris Omnipotentis vidit consessum ascendendo pertingere? Immo quid huic gaudio fuit unquam simile? Quid in medium prolatum saltem per illud aliquo modo possit mens humana in istud aciem dirigere? Tu.

‡. Attolite portas, principes, vestras, et elevamini, portæ æterna-

les, * Et introibit Rex gloriæ, allel. †. Quis est iste Rex gloriæ? Dominus fortis et potens, Dominus potens in prælio.—Et introibit. *Hoc ‡. non dicitur in diebus infra octav.*

LECTIO 9.

Ista, fratres, dicimus dulce habentes, et vos dulce habere cupientes, semper volvere in memoriâ amorem et gaudium hujus Dominæ, quibus jugi exundantiâ in Deum, et Deo jucundabatur tota illa substantia. Nihil enim utiliùs post Deum memoriâ Matris ejus, nihil meditatione pii amoris, quo ferebatur in memoriâ et contemplatione Filii sui, nihil jucundius sapere pertracti gaudii ejus, quo multipliciter pascebatur in eodem, et per eundem Filium suum. Tu.

†. Viri Galilæi, quid statis hic aspicientes in cœlum? * Ascendit Christus in altum, allel. volavit super pennas ventorum, allel., et sedet à dextris Dei, allel. allel. †. Hic JESUS, qui assumptus est à vobis in cœlum, sic venit, quemadmodum vidistis eum euntem in cœlum.—Ascendit.—Gloria.—Viri. *In diebus infra actav.*

Ascendit.

AD LAUDES

Et per Horas antiphonæ.

1. Exaltabo te, * Domine, quoniam suscepisti Filium meum ad te, alleluia.

2. Videntibus illis, * elevatus est, et nubes suscepit eum ab oculis eorum, alleluia.

3. Elevatis manibus * benedixit eis, et ferebatur in cœlum, allel.

4. Exaltare * super cœlos, Filii mi, et super omnem terram gloriam tuam, alleluia.

5. Omnis pulchritudo * Domini exaltata est hodiè super sidera.

CAPITUL.

Act. 1. 2.

Cumque intuerentur in cœlum euntem illum: ecce duo viri astiterunt juxta illos in vestibus albis.

HYMNUS 59.

Salla.

Cogens parentem linquere,
Quæ causa tanta suppetit
Nato petenti sydera,
Secum valenti tollere?

Ut manentes infantulos
Natos recens Baptismate,
Et nascituros postmodum
Lactet, secundet, protegat.

Magna utriusque charitas
Suis alumnis præstita,
Sese libens ab invicem
Ambos revelli sustinens!

Queis suos sic amantibus,
Sat de suis agentibus,
Quis fidat haud tulissimè;
Quis non amet medullitus?

Amor petit fiduciam,
Amore amor rependitur;
Par ergò diligentibus,
Par spesque, amorque reddito.

Qui summa tranans ætera,
Nobis Parentem deserit,
Cum Patre et almo Spiritu.

Laudere, Christe, insæcula. Am.

ŷ. Exaltate Regem regum, allel.

ŷ. Hymnum dicite Deo, allel.

Ad Benedict. ant. Dominus JESUS, postquàm locutus est discipulis suis, videntibus illis, assumptus est in cœlum, et nubes suscepit eum ab oculis eorum, et sedet à dextris Dei, allel., allel.

Oremus.

Oratio.

Præsta, quæsumus, Omnipotens Deus, ut qui de Ascensione Filii tui unigeniti cum beatâ MARIA semper Virgine congaudemus in terris, æternis gaudiis, ipsâ interveniente, perfruamur in cælis. Per eundem.

AD PRIMAM.

Ant. Exaltabo. Capitul. Cumque de Laudibus.

ŷ. br. Quæ Filium tuum euntem in cœlum vidisti. Et dicitur per octav.

CANON.

Ex Concilio Illyrico.

Ant. 365.—Concil. Tom. 3.p. 229.

290. Confitemur consubstantialem Dei Patris Filium sumpsisse carnem ex Sacrà Virgine, inter homines habitasse, implevisseque omnem pro nobis œconomiam, nascendo, patièdo, resurgendo, et in cœlum ascendendo. Tu.

AD TERTIAM.

CAPITULUM. act. 1. 11.

Hic JESUS, qui assumptus est à vobis in cœlum, sic veniet, quemadmodum vidistis eum euntem in cœlum.

ŷ. br. Ascendit Deus in jubilatione, * Alleluia, alleluia.—Ascendit.—ŷ. Et Dominus in voce tubæ.—Allel.—Gloria.—Ascendit.

ŷ. Non turbetur cor vestrum, alleluia.

ŷ. Vado parare vobis locum, alleluia.

AD SEXTAM.

CAPITULUM. act. 1. 12.

Tunc reversi sunt Jerosolymam à monte, qui vocatur Oliveti, qui est juxta Jerusalem, Sabbati habens iter.

ŷ. br. Non turbetur cor vestrum, * Allel. allel.—Non.—ŷ. Vado parare vobis locum.—Allel.—Gloria.—Non turbet.

ŷ. Dominus in cœlo, * allel.

ŷ. Paravit sedem suam, allel.

AD NONAM.

CAPITULUM. act. 1. 14.

Omnes erant perseverantes unanimè in oratione cum mulieribus, et MARIA Matre ejus, et fratribus ejus.

ŷ. b.. Dominus in cœlo, Alleluia, alleluia.—Domin. ŷ. Paravit sedem suam. Allel.—Glor.—Do—

minus. *ψ.* Non potes me modò
sequi, allel. *ψ.* Sequeris autem
postea, allel.

IN II. VESPER.

*Psalmi ut in 2. vesp. Solemn.
antiph. de Laud. Capit. et ψ. 1.
Vesper.*

HIMNUS. 60. *Salla.*

Nos ergò. Mater optima,
Grates tibi rependimus,
Amore nostri quæ lubens
Terrena præfers cœlicis.

Absente Christo, parvulæ
Quæ lacrymanti Ecclesiæ
In orbitate cœlitùs
Datum manes solatium.

Quæ filios hujus, sicuti
Gallina pullos incubans,
Sancto tuarum subditos
Foves alarum tegmini.

Quæ qualis ales regius
Prolis volatum provocans
Exemplo et ore promotes
Ascensiones mentium.

Queis nos eò fac progredi,
Ut sanctitatis culmina
Nacti æstimemur perpetis
Digni beatitudinis.

Qui jam paternâ in dextrâ
Per Parentem nos protegis,
Cum Patre et almo Spiritu
Laudere, Christe, insæcula. Am.

ψ. Quandò veniam, alleluia.

ψ. Et apparebo ante faciem
tuam, alleluia.

Ad Magnif. ant. Nemo ascendit
in cœlum, nisi qui descendit de
cœlo, Filius Virginis MARIÆ, qui
est in cœlo, allel. allel. *Orat de
Laud.*

Completor. de Dominica.

*In diebus infra octav. officium
fit (nisi occurrat festum novem Le-
ction.) omninò ut in die cum Psalm.
et Lectionibus 1. Noct., de feriâ
occurrenti.*

FER. VI. INFRA OCT.

Semiduplex.

*Omnia ut in die. Lect. 1. Noct. de
fer. occur.*

IN II. NOCT.

Sermo Ven. Petri Blesensis.

Sermo de Assumpt. 33.

LECTIO 4.

Matrem suam Christus relinque-
rat ad tempus in terris, donec om-
nia, quæ familiarius in Filio vi-
derat, et in corde suo diù con-
tulerat, discipulis communicaret,
atque juxta vetus eloquium, con-
trito capite serpentis antiqui, cre-
dentium cordibus fidem et amo-
rem Christi impressiùs et firmiùs
intimaret, Christique Ecclesiam,
quam erudiendam in ejus Ascen-
sione receperat, Filio suo sine ru-
gâ et maculâ representaret. Tu.
ψ. Confitebuntur.

LECTIO 5.

Videbatur Christo, quòd non to-
tus ascendisset in cœlum, donec
illam ad se traxisset, de cuius
carne, et sanguine traxerat cor-
pus suum. Desiderio ergò desi-
derabat Christus habere secum vas
illud electum, Corpus Virginis di-
co, in quo sibi benè complacuit,
in quo nihil quod divinitati possit
displicere reperit: quod omnium
virtutum affluentia, omnium ple-
nitudine gratiarum, omnium cœ-
lestium odore perfudit. Tu.
ψ. Gloriosus.

LECTIO 6.

Hæc est in cujus utero ex diver-
sis speciebus confectus est manu
Spiritus Santi mirabiliter et inef-
fabilitèr illud tymmiam, quod
Christus assistens Pontifex futu-
rorum honorum in arâ crucis Deo
Patri sacrificium obtulit vesperti-
num. Ratione hujus tymmiamatis
odorifera facta est, et suavis in
deliciis suis sancta Dei Genitrix.
Tu. *ψ.* Paulò minùs.

IN III. NOCT.

Lectio S. Evangelii secundum Joannem.

LECTIO 7. c. 14. v. 28.

In illo tempore: dixit JESUS Discipulis suis: Si diligeretis me, gauderetis utique, quia vado ad Patrem. Et reliqua.

Homilia S. Bernardini Senensis. *Sermo de Ascens. Dom. art. 1. c. 3.*

Prædictis igitur in cœnaculo sancto Sion cum inexplicabili charitate et devotione completis, tunc sicut Lucas refert, eduxit eos foras in Bethaniam. Et fortè non inconvenientèr intelligi potest, quod eos præcedendo corporali incessu eduxerit per illud viæ spatium usque ad montem Oliveti, undè ascensurus erat ad Patrem. Tu. *¶*. Gaude.

LECTIO 8. *†*

Potuit quippè pius JESUS hoc ad consolationem pusilli gregis, quem statim relicturus erat, corporali præsentia talitèr facere, quod eum solum videret Virgo Mater, aliique Discipuli, qui cum Dominò tunc in monte Sion fuerint congregati; suo aspectu aliis Judæis denegato. *¶*. Viri Galilæi.

LECTIO 9.

Porrò nulli dubium est, quòd reverenda Mater cum sanctis mulieribus, et apostoli cum cæteris discipulis ad montem Sion fuerunt congregati cum multà devotione, et mentis ardore, ut indè Salvatorem conspicerent ascensurum. Tu. Te Matrem. *p. 5.*

CANON.

§. 3. *In antiphonis in fine officii.*
Ex Breviario Romano.

Rub. 36. n. 1. 2.

291. Antiphonæ Beatæ MARIÆ... singulæ dicuntur pro temporis diversitate... præterquàm in triduo

majoris Hebdomadæ. extrachorum, tantum in fine Completorii, et in fine Matutini, dictis Laudibus, si tunc terminandum est officium, alioquin si alia subsequatur hora, in fine ultimæ Horæ. In Choro autem semper dicuntur, quandocumque, terminata aliquâ Horâ, discedendum est à choro. Tu.

SABB. INFRA OCT.

Semiduplex.

Omnia ut in die. Lection. prim. Noct. de Ferid.

IN II. NOCT.

Sermo S. Hieronymi Presb. *Epistola ad Paul. et Estoch.*

LECTIO 4.

Quòd si quæritur post Ascensionem Domini, quid beata Virgo egerit, unum pro certo est, quia Virgo Sancta corpore et mente permansit: quam sanè Angelus Gabriel, ac si cœlestis parainphus, intactam custodivit. Tu. *¶*. Confitebuntur.

LECTIO 5.

Et Joannes Apostolus et Evangelista, cui Christus eam de cruce commisit, Virgo Virginem servavit, suisque ei deservivit obsequiis. Cæterum ad exemplum humanæ vitæ, conversatio ejus post Ascensionem Christi generalitèr cum Apostolis fuit, quousquè disperguntur. Tu. *¶*. Gloriosus.

LECTIO 6.

Hoc sanctus Lucas meminit, dicens: quòd regressi quidem à monte Oliveti, Jerosolymam venerunt et ascenderunt in cœnaculum, ubi manebant Petrus et Joannes, et Jacobus, et Andreas, Philippus, et Thomas, Bartolomæus et Mattheus, Jacobus Alphæi, et Simon Zelotes, et Judas Jacobi: hi omnes, inquit, erant perseverantes unanimiter in oratione cum MA-

RIA Matre JESU, et fratribus eis.
Tu. ꝑ. Paulò minùs.

IN III. NOCT.

Lectio Sancti Evangelii secundum
Joannem.

LECTIO 7. c. 14 v. 28.

In illo tempore: Dixit JESUS Discipulis suis, si diligeretis me, gauderetis utiquè, quia vado ad Patrem. Et reliqua.

Homilia S. Bernardini Senensis.

Serm. de ascens. Dom. art. 1. c. 3.

Ibi quoquè illi beati Spiritus Sanctorum Patrum, quorum fortè multi aderant in corpore gloriosi, quos educens Dominus de inferno, in terrestri collocaverat paradiso, jussu Domini astiterunt. Adest itaque dilectus JESUS medius inter has duas turmas, utrasque in seipso, et invicem mirando amore connectens. Tu.

ꝑ. Gaude et lætare.

LECTIO 8.

Utrum autem benedictus JESUS aliquos de Sanctis Patribus, qui aslabant, Virgini Matri cæterisque apostolis conspiciendos monstraverit, qui et eos sint familiaritèr collocuti, non est absurdum credere, licet sit temerarium affirmare. Tu. ꝑ. Viri Galilæi.

LECTIO 9.

Piè tamen pensandum est, quòd licet Apostoli illum sanctorum exercitum non viderent, cum nihilo minus Sancti Patres cum multà jucunditate cernebant illam Sanctissimam Virginem Domini sui Matrem, sed et illam Dominam et Reginam suam in cujus ventris benedictione, et ipsi à captivitate educti erant, et beatitudinis gloriam consecuti. Tu.

Te Matrem.

CANON.

Ex Breviario Romano.

Ut supra n. 3.

292. Antiphonæ Beatæ MARLÆ dicuntur flexis genibus (præterquam in diebus Dominicis, à primis Vesperis Sabbati, et toto tempore paschali) Hebdomadario tamen ad Orationem surgente. Tu.

DOM. VI. POST PASCH.

INERA OCT. ASCENS.

Semiduplex.

Omnia ut in die Ascensionis præter sequentia.

IN I. NOCT.

De cantico canticorum.

LECTIO 1. c. 8. v. 1.

Quis mihi det te fratrem meum sugentem ubera matris meæ, ut inveniam te foris, et deosculer te, et jam me nemo despiciat? Apprehendam te, et ducam in domum matris meæ; ibi me docebis, et dabo tibi poculum ex vino condito et mustum malorum granatorum meorum. Tu. ꝑ. Quis est iste.

LECTIO 2.

Læva ejus sub capite meo, et dextera illius amplexabitur me. Adjuro vos, filiæ Jerusalem, ne suscitelis, neque evigilare faciatis dilectam, donec ipsa velit. Quæ est ista, quæ ascendit de deserto, diliciis affluens, innixa super dilectum suum? Sub arbore malo suscitavi te: ibi corrupta est Mater tua, ibi violata est Genitrix tua. Tu. ꝑ. Revertere.

LECTIO 3.

Pone me, ut signaculum super cor tuum, ut signaculum super brachium tuum: quia fortis est, ut mors dilectio, dura sicut infernus æmulatio: lampades ejus, lampades ignis atque flammarum. Aquæ nullæ non potuerunt extinguere chari-

tatem, nec flumina obruent illam: si dederit homo omnem substantiam domus suæ pro dilectione, quasi nihil despiciet eam. Tu. *¶*. Quo abiit.

IN II. NOCT.

Ex verbis Ven. Ruperti Abbatlis super Canticum canticorum. *Libr. 7.*

LECTIO 4.

Ista admirativa percontatio: quis mihi det te, similis illi est: undè hoc mihi, ut veniat Mater Domini mei ad me? Et ista exultatio, inveniam te foris, et deosculer te, et jam nemo despiciat, similis illi responso tuo ad Angelum: ecce ancilla Domini, fiat mihi secundum verbum tuum. Similis namque est, vel quæ hæc dicit, sicut decet filiam similem esse Matri. Tu. *¶*. Confitebuntur.

LECTIO 5.

An non tu Mater ejus, quæ vitam et salutem peperisti? An non filia tua hæc est, videlicet imitatione fidei? Si Abraham pater gentium, et Sara mater gentium rectè dicitur, et est, videlicet propter fidem, quantum magis tu, ò fidelissima fidelium Mater, et omnium nostrum? Propterea dicit ista valde attonita propter auditum supra dictum magnæ gaudii multitudine. Quis mihi det te fratrem meum, sugentem ubera matris meæ? Fratrem suum dicit dilectum suum, et describit eum dulci descriptione sugentem, inquires, ubera matris meæ. Cujus matris meæ, nisi Virginis MARLÆ? Tu.

¶. Gloriosus.

LECTIO 6.

Propterea de Patre nihil dixit, quia videlicet in fratre isto, ut conciperetur, vel nasceretur, fieretque filius naturæ, vel carnis nostræ, vir nihil patravit. Totus qui

frater noster est, de matre est. Matris ubera suxit, sed non de Patris radice fluxit. Mater ista mater est, quia caro ista, caro nostra, et fides ista fides tua, ò MARIA, fides nostra est. Non se capit intus magnitudo gaudii, intus in corde credentis, et felicitatem suam admirantis, quam: Deus filius Dei frater ejus factus sit, frater ejus, ò Mater, ex te, cujus ubera suxit. Tu.

¶. Paulò minùs.

IN III. NOCT.

Lectio Sancti Evangelii secundum Joannem.

LECTIO 7. c. 14. v. 28.

In illo tempore: Dixit JESUS Discipulis suis: Si diligeretis me, gauderetis utiquè, quia vado ad Patrem. Et reliqua.

Homilia S. Anselmi Episcopi.

De excelent. B. V. M. c. 7.

Immensitatem gaudii beatæ MARLÆ Virginis in Filii ascensione quis considerabit, qui non in ipsa consideratione penitus ab eâ opprimatur? Et si causa gaudii tanta est, gaudium ipsum quale ac quantum erit? Sed ò bone JESU, ipsius tuæ dulcissimæ Matris Fili, quomodo potuisti pati, ut te in regnum tuæ gloriæ remeante, illam quasi orbatam in miseriis mundi relinqueres, et non eam statim tecum regnaturam assumes? Tu.

¶. Gaude.

LECTIO 8.

Fortassis, Domine, ne tuæ cœlesti curiæ veniret in dubium, cui potius occurreret, tibi, videlicet, Domino suo, cum post regnum tuum in assumptâ carne petenti, an ipsæ Dominae suæ ipsum regnum jam suum materno jure affectum ascendentem... Nam ut in partes suo occursu divideretur, quatenus pars tibi, et pars illi in pri-

mo adventu obsequeretur, non deceret aestimo, praesertim cum tota sit tua, totaque per te eadem caelestis curia sua. Tu. *ꝑ.* Viri Galilaei.

LECTIO 9.

Prudentiori ergo et digniori consilio usus, praecedere illam volebas, quatenus ei locum immortalitatis in regno tuo praeparares, ac si comitatus tota curia tua festivus ei occurreres, eamque sublimius, sicut decebat, tuam Matrem ad teipsum exaltares. Equidem non est abs re credere ipsam his de causis Matrem suam praecessisse, cum ipse idem unigenitus hujus beatissimae Virginis promiserit suis discipulis, si se abierit eis locum in caelesti sede praeparaturum. Si ergo locus ab eo praeparabatur ad honorem et gloriam discipulorum, quomodo non praepararetur ad honorem et gloriam Matris suae; Dominae, scilicet et Reginae Angelorum. Tu. Te Matrem. *p.* 3.

Ad Bened. ant. Vado parare tibi thronum tuum in regno meo, et uno tantum solio te praecedam, allel. allel.

Oremus.

Oratio.

Præsta quæsumus, omnipotens Deus, ut qui cum beatâ Virgine MARIA in Ascensione Filii tui gloriamur, perpetuæ in cælo capiamus gaudia vitæ. Per eundem Dom.

CANON.

Ex Decreto Sac. Rituum Congregationis.

10 Jan. 1693. in una Galliar.

293. Antiphona Beatæ MARIE Virginis «Ave Regina Cælorum» semper dici debet die 2. Februarii, etiâ si Festum Purificationis transferatur, vel habeat Octavam. Tu.

Ad Magnif. ant. Pone me, * ut signaculum super cor tuum, ut sig-

naculum super brachium tuum, allel. allel.

FER. II. INFRA OCT. ASCENS.

Semiduplex.

Omnia ut in die. Lection 1. Noct. de feriâ occurr.

IN II. NOCT.

Sermo. S. Hieronymi Phresb.

Epist. ad Paul et Estoch. c. 4.

LECTIO 4.

Hi omnes, inquit Sanctus Lucas, erant perseverantes unanimiter in oratione cum mulieribus, et MARIA Matre JESU, et fratribus ejus. Ecce, JESU ascendente, cum quibus Virgo vacat in scholâ virtutum, et meditatur in lege mandatorum Dei, ut et ipsa sit forma disciplinæ Christi, et exemplum perfectionis virginibus. Tu. *ꝑ.* Confitebuntur.

LECTIO 3.

Conversatur autem cum testibus sanctæ Resurrectionis, et ipsa testis. Conversatur cum senatoribus cæli intra curiam paradisi sub Spiritûs Sancti disciplinâ, et magister totius divinitatis. Invenitur prima beata MARIA inter primas summi Regis cohortes, quorum vita jam non erat de terris, in quibus Christus præliabatur, sed de cælis. Tu. *ꝑ.* Gloriosus.

LECTIO 3.

Hinc ascendisse leguntur in cœnaculum, in quo pascha dignissime celebrabatur: ibi quippe manebant cum MARIA Matre JESU, unanimitè aspirati in charitate, perseverantes in oratione, donec induerentur virtute ex alto. Tu. *ꝑ.* Paulô.

IN III. NOCT.

Lectio Sancti Evangelii secundum Joannem.

LECTIO 7. c. 14. v. 28,

In illo tempore: Dixit JESUS Di-

scipulis suis: Si diligeretis me, gauderetis utique quia vado ad Patrem. Et reliqua.

Homilia S. Bernardi Abbatis.

Serm. 6. in ascens Dom.

Hodiè sedenti in throno Antiquo dierum consessurus oblatus est Filius hominis, et erit deinceps non modò germen Domini in magnificentia et gloria, sed et fructus terræ sublimimis. Felix unio et amplectendum ineffabilibus gaudiis Sacramentum. Idem enim et germen Domini, et fructus terræ, idem et ipse Dei Filius, et fructus ventris MARIE est. Tu. *¶*. Gaude.

LECTIO 8.

Idem Filius David et Dominus, de quo hodiè gaudium ejus impletum est, undè olim præcinens aiebat: Dixit Dominus Domino meo: sede à dextris meis. Quomodò enim non Dominus germen Domini? Idem tamen et Filius ejus, utpote fructus terræ sublimis, fructus virgæ, quæ de radice Jesse processit. Tu. *¶*. Viri Galilæi.

LECTIO 9.

Hodiè igitur suum hunc et hominis Filium apud semetipsum Pater clarificat claritate quam habuit, priusquàm mundus fieret apud ipsum. Hodiè veritatem, quæ de terrâ orta est, cælum sibi redditam gloriatur. Hodiè Sponsus aufertur à filiis, et lugendum eis est, sicut ipse prædixit: non enim poterant filii Sponsi lugere, donec Sponsus cum eis erat: sed venit dies, ut auferatur ab eis, ut de cætero lugeant, et jejurent. Tu. *¶*. Te Matrem.

CANON.

§. 4. *In Antiphona «Salve Regina.»*
Ex Concilio Toletano apud Rupem fidelem.

An. 1302.—cap. 12.—Lab. T. 7.
col. 1256.

294. Duximus ordinandum, ut

singulis diebus post completorium cantetur Salve Regina in quâlibet Ecclesiâ, altâ voce, cum versu Ora pro nobis, et oratione Concede. Tu.

FERIA III. INFRA OCT.

Semiduplex.

Omnia ut in die Ascen. Lect. de Scrip. feriæ occurr.

IN II. NOCT.

Sermo S. Thomæ Arch. Valentini.

Concio 4. in assumpt. B. V. M.

LECTIO 4.

Post Ascensionem verò Filii in cælum, nihil de illâ legimus, nisi quòd (ut fertur) oratorio clausa, mysteria omnia quæ viderat, et audierat, animò retractabat: assiduâ mente percurrrens, quomodò eum concepit, quomodò peperit, quid in templo ei dictum sit à Simeone, quid cum illo sustinuit in Ægypto, verba, miracula, doctrinam, conversationem, mortem, resurrectionem, ascensionem et cætera omnia, quæ Virgo prudentissima, et sapientissima in corde suo assidue conferebat, et prout optimè noverat, discipulos edocebat. Tu. *¶*. Confitebuntur.

LECTIO 5.

Hæc omnis Virginis vita. Hæc totius peregrinationis ejus brevissima summa. Cæterum: quos in hac tum sublimi et cælesti vitâ gaudiorum motus pertulerit, quos Spiritus Sancti afflatus persenserit, nemini mortalium cognitum est: sola novit, quæ sola illo irradiante, et Spiritu obumbrante meruit experiri. Tu. *¶*. Gloriosus.

LECTIO 6.

Ac proinde, quamvis de Virgine sacrâ nihil ferè aliud in Evangelio referatur, nisi quod Filium Dei Spiritu Sancto conceperit, et aluerit, ex hoc ejus fastigio tam ampla et immensa cogitandi et enarrandi

nobis insurgit Historia, ut tot Sanctorum voluminibus, non modò nequeat exauriri, sed nequè pro meritò attingi. Majora enim et sublimiora fuerunt, quàm ut humano sensu valeant comprehendì. Undè cum finierit homo de eà loqui, tunc incipit: imò necdùm se incepisse cognoscit. Et cum nunquàm ab ejus laude cessaverit, nihil aliud invenit, nisi voluisse ediscere. Tu. *¶* Paulo.

IN III. NOCT.

Lectio S. Evangelii secundum Joannem.

LECTIO 7. c. 14. v. 28.

In illo tempore: Dixit JESUS Discipulis suis: Si diligeretis me, gauderetis utiquè quia vado ad Patrem. Et reliqua.

Homilia S. Bernardini Senensis. *Sermo. de Ascens. Dom. Mart. 1.*

c. 3.

Astans igitur Filius in monte Oliveti cum dulcissimà Matre, et Discipulis suis, cæpit eorum commota corda ex tali separatione blandis sermonibus demulcere, multaque benignitate consolatus est eos. Deindè ad prælia futura exhortans illos, prædixit eis: in mundo præsuram habebitis, in me autem pacem. Estote ergò fortes in bello, et pugnate cum antiquo serpente, et accipietis regnum æternum.

Tu. *¶* Gaude.

LECTIO 8.

Tunc Matrem quanto putas ardore commolam, quantoque in gloriæ desiderio ferebatur. Nonne tibi videtur ipse JESUS blanda quasi excusatione Matri ostendere desiderium, quo ferebatur ad eam, et quasi verbis apertis dicat. O mea verè et meæ naturæ genitrix, et meæ peregrinationis sedula ministratrix et particeps omnium laborum meorum: quæ ultimò mecum

per compassionem fuisti cruci affixa? Maternæ dilectionis teneritudo requireret, ut nunc mecum in glorià absorberem, nisi horum dilectorum filiorum, pusillique gregis indigentia retineret, quibus te matrem, consolatricem, atque magistratam intimà pietate relinquo, teque ipsis et Reginam et Matrem et Dominam recomendo. Tu. *¶* Viri Galiliæ.

LECTIO 9.

Iterum, dilecta Mater, veniam ad te, et ad me ipsum assumam te, ut ubi ego sum, et tu in æternum sis mecum: quia claritatem, quam dedit mihi Pater, dabo tibi, quam fidelissimà charitate tibi reservo. Et tu, mi dilecte Joannes, memento dilectionis et gratiæ quæ semper tibi mea probasti ostendisse præcordia, dormisti super hoc pectus sanctæ Trinitatis sacrarium, recommendatæ tibi meæ Matris in cruce diligentèr exequaris officium: nam demùm per incendium sancti amoris ad meum finalitèr deduceres amplexum. Tu.

Te Matrem Dei.

CANON.

Ex Concilio Mediolanensi Tertio. *An. 1575.-Concil. Tom. 35. p. 226.*

295. Curet Episcopus, ut singulis Sabbatis Sanctissimæ Virgini Deique Matri MARIE dicatis diebus, statuta illa et solemnis, quæ veteri Ecclesiæ instituto, perpetuoque de eà usu dicitur, antiphona, Salve Regina, vel alia pro ratione temporis, in parochiali tum urbanà, tum diœcesanà unaquaque Ecclesià à Parrocho et reliquis illius parochiæ Clericis, quibus ab Episcopo jussum erit, sub vespèrum ante crepusculum scilicet, piè religiosèque canatur: convocatis

etiã certò campanæ signo fidelibus. Tu.

FERIA IV. INFRA. OCT.

ASCENS.

Semiduplex.

Omnia ut in die. Lection de Scrip. de fer. occurr.

IN II. NOCT.

Sermo S. Amadei Ep. Lausan.

De Laudibus B. V. M. Hom. 7.

LECTIO 4.

Mirã denique pietate primitivæ Ecclesiæ provissum est, ut quæ Deum in carne hâc præsentem jam minimè cerneret, Matrem ejus visu jucundissimo recreato videret. Quid enim tam jucundum, quid tam decorum et amabile, quàm Matrem Plasmatoris et Redemptoris omnium videre? Beata gens, et felix generatio, quæ tali spectaculo meruit illustrari? Tu. *¶*. Confitebuntur.

LECTIO 5.

Beata planè in cujus medio credentis et serventis constitit arbor, producens fructum vitæ, effulsit Genitrix lucis veræ! Apparuit puteus ille clausus, et fons signatus, de quo egressus est fons domui David patens in ablutionem peccatoris, et menstruata. Hoc insigne privilegium, hoc cæleste munus, hæc gratia specialis Ecclesiæ primitivorum præstita sunt. Tu. *¶*. Gloriosus.

LECTIO 6.

Sermo S. Thomæ Arch. Valentini.

Conc. 4. in assumpt. B. V.

Quis, obsecro, ardore illos, et æstus animi tui, plusquàm seraphicos exprimat, quos in ruminandis scrutandisque tot et tantis mysteriis, in te ipsâ celebratis persensisti? Quis ignem illum ardentissimæ charitatis in visceribus tuis æstantem, quo in eo, qui talem ac tantam fecerat, ut in suam te

Matrem eligeret, incesantèr ardebas, enarrabit? Tu. *¶*. Paulò minus.

IN III. NOCT.

Lectio S. Evangelii secundum Joannem.

LECTIO 7. c. 14. v. 28.

In illo tempore: Dixit JESUS Discipulis suis: Si diligeretis me, gauderetis utiquè, quia vado ad Patrem. Et reliqua.

Homilia S. Thomæ Arch. Valentini.

Conc. 4. in ascens. Dom.

Quærit Anselmus rationem, quare Virgo remanserit post Ascensionem Filii sui: et dicit, id factum esse, ut esset discipulorum magistra, et consolatio in absentia Filii. Ipsa quippe præfuit Ecclesiæ, tanquàm et rectrix et gubernatrix. Psalmus: et erit firmamentum in terrâ, id est, Ecclesiæ. Bernardus: omnibus firmamentis firmius firmamentum tu, Domina. Tu. *¶*. Gaude et lætare.

LECTIO 8.

Posuit in hoc firmamento solem et lunam: Christum et Ecclesiam. In summis montium, id est, Apostolis. Benè firmamentum. Fundamentum aliud nemo potest ponere, præter id, quod positum est, quod est Christus JESUS. Filius fundamentum, Mater firmamentum firmans corda in fundamento. Superextolletur super libanum, id est, naturam angelicam; Fructus ejus, de quo: Benedictus fructus ventris tui. Tu. *¶*. Viri Galilæi.

LECTIO 9.

Potest etiã in alio sensu Virgo dici firmamentum. Nam inter cælos stellarum cælum firmamentum dicitur: et Virgo se habet, ad alios sanctos, sicut firmamentum, in quo omnia sydera, ad alios cælos, in quorum quolibet est tanquàm uni-

cum sydus. In cæteris virginibus per partes, in MARIA verò tota se infudit plenitudo gratiæ: sicut à firmamento igitur influentia in reliquos; ità in Virgine influentia gratiarum in Ecclesiam. Tu. Te Matrem. p. 5.

CANON.

Ex Clemente Papà Decimo Tercio. S. R. C. 29. Nov. 1766.—*Carm.*

Excal. Hisp.

296. Pia consuetudo vigens apud Carmelitanos antiquæ observantiæ recitandi in fine Missæ antiphonam «Salve Regina» ad Fratres Carmelitanos Excalceatos Congregationis Hispaniæ benignè extenditur. Tu.

FER. V. IN OCTAV. ASCENS.

Duplex majus.

Omnia ut in die à prim. Vesper. excepto ꝑ. post Capit. et post nonam Lection.

AD MATUTIN.

HYMNUS 61.

O grande cunctis gaudium,
Quod partus almæ Virginis
Post sputa, flagra, post crucem
Sedi paternæ jungitur.

En elevatur nubibus
Natus MARIA Virgine
Per quem recludit cardines
Prius quos Eva clauserat.

Carpamus ergò Virgini
Commune cunctis gaudium,
Illa ob triumphum Filii,
Nos de triumpho Emmanuel.

JESU, tibi sit gloria,
Qui vicior in cælum redis,
Cum Patre et almo Spiritu
In sempiterna sæcula. Amen.

Lectio. 1. Noct. ut in die Ascens.

IN II. NOCT.

Sermo S. Bernardi Abbatis.

In signum magnum.

LECTIO 4.

Legis in actibus Apostolorum, quòd

redeuntes à monte Oliveti, unanimiter perseverabant in oratione. Qui? Si fortè MARIA affuit, nominetur prima, quæ super omnes est, tam Filii prærogativà, quàm suæ privilegio sanctitatis. Petrus et Andreas, ait, Jacobus et Joannes, et cæteri, qui sequuntur: hi omnes perseverabant unanimiter cum mulieribus, et cum MARIA Matre JESU. Ita ne et mulierum sese ultimam exhibebat, ut novissima omnium poneretur? Tu. ꝑ. Confitebuntur.

LECTIO 5.

Verè carnales adhuc discipuli, quibus necdum Spiritus Sanctus erat datus, quia JESUS nondum fuerat glorificatus, quondò facta est inter illos contentio de primatu: cum MARIA quantò major erat, humiliaret se, non modo de omnibus, sed et præ omnibus. Meritò facta est novissima prima, quæ cum prima esset omnium, sese novissimam faciebat. Tu. ꝑ. Gloriosus.

LECTIO 6.

Meritò facta est omnium Domina, quæ se omnium exhibebat ancillam. Meritò deniquè super Angelos exaltata est, quæ infra viduas, et pœnitentes, infra eam de quâ ejecta fuerant septem dæmonia, ineffabili sese mansuetudine inclinabat. Obsecro vos, filioli, æmulamini hanc virtutem. Si MARIAM diligitis, si contenditis ei placere, æmulamini modestiam ejus. Tu. ꝑ. Paulò minùs.

IN III. NOCT.

Lectio Sancti Evangelii secundum Joannem.

LECTIO. 7. c. 14. v 28.

In illo tempore: Dixit JESUS Discipulis suis: Si diligeretis me, gauderetis utiquè, quia vado ad Patrem. Et reliqua.

Homilia S. Amadei Ep. Lausan.

Hom 7. in Laud. B. V. M.

Quæritur, cur, ascendente Domino in cœlum, Mater ejus, quæ tantò eum amplectebatur affectu, non statim secula est. Cum enim nullâ peccati labe depressa, nullâ vitæ maculâ respersa, super ignem ruberet ob charitatem, luce clarior ob castitatem, ipsis etiâ præclarior cœligenis ob virginei partûs novitatem, mirum videbatur, quare cum Filio non statim ad æthera provehebatur. Tu. *Æ.* Gaude et lætare.

LECTIO 8.

Ut quid enim retardata est vel ad momentum, aut passa nati divortium? Ut quid dilatum ferventius igne tam sanctum desiderium? Quoniâ ista dilatio Discipulorum Christi non minima consolatio fuit. Ista dilatio Matri nihil minuit, et mundo contulit remedia salutis. Tu. *Æ.* Viri Galilæi.

LECTIO 9.

Voluit Dominus JESUS, ut, ipso ad Patrem reverlente, apostoli materno solatio, et eruditione fruerentur. Qui quidem licet edocti essent à Spiritu, ab illâ tamen potuerunt edoceri, quæ mundo justitiæ solem edidit, et fontem sapientiæ ex prato virgineo intemerata nobis alvo produxit. Tu.

Te Matrem. *p. 5.*

AD LAUDES.

HYMNUS 62.

Votis cupitus omnium
Sacratus illuxit dies,
Quo Filius nostræ Virginis
Cœli resumit culmina.

Mater gavisâ conspicit
Prolem triumphante suam,
Mundi subacto principe
Dum sede sidet propria.

Virgo potentem sidera

JESUM secuta permanet
In orbe nostro et cœlico
Hoc læta festo jubilat.

Patrique suo colloquens,
En, inquit, ipsa cernua
Tuo tuum conspectui
Meumque sisto Filium.

Doxolog. de infra Octav.

CANON.

§. 5. *In Salutatione angelica.*

Ex Decreto Odonis Ep. Parisiensis.
An. 1196. — Bened. XIV. De festis
B. V. c. 12. n. 6.

297. Exhortentur populum sæpè
Presbyteri ad dicendam..... Saluta-
tionem angelicam Beatæ Virginis.
Tu.

AD VESPER.

HYMNUS 63. *Caryophil.*

Vides petentem Filium,
Virgo, paternam dexteram;
Non vidéras, cum viscera
Descendit ad purissima.

Vestigiorum symbola
Impressa terræ conspicis:
Impressa nulla conspicis
Tibi, Virgo, vestigia.

Apostolis videntibus
Solum trahuntur lumina,
Tibi videnti Filium
Expectorantur viscera.

Quo vivis ergò spiritu
Orbata Mater Filio?
Sic absque corde vivitur,
Et absque luce cernitur.

Doxolog. de infra Octav.

FERIA VI. POST OCT. ASCENS.

Semiduplex.

Hodiè, nisi occurrat Festum novem
Lectio. fit officium omnino ut in
diebus infra oct. Ascens.

Lect. 1. Noct. de Feriâ occurr.

IN II. NOCT.

Sermo S. Anselmi Episcopi.

Orat. 51. ad B. V.

LECTIO 4.

Nihil est æquale MARLÆ: nihil

nisi Deus major MARIA. Deus Filium suum, quem solum de corde suo æqualem sibi genitum, tantumquam seipsum deligebat, ipsum dedit MARIE: et ex MARIA fecit sibi Filium, non alium, sed eundem; ut naturaliter esset unus idemque communis Filius Dei, et MARIE. Omnis natura à Deo est creata, et Deus ex MARIA est natus. Deus omnia creavit, et MARIA Deum genuit. Deus qui omnia fecit, ipse se ex MARIA fecit, et sic omnia quæ fecerat, refecit. Tu. *¶*. Confitebuntur.

LECTIO 5.

Qui potuit omnia de nihilo facere, noluit ea violata sine MARIA reficere. Deus igitur est Pater rerum creatarum, et MARIA est Mater rerum recreatarum. O verè Dominus tecum, cui dedit Dominus, ut omnis natura tantum tibi deberet secum. Sicut, ò beatissima, omnis, à te aversus, et à te despectus necesse est, ut intereat; ita omnis ad te conversus et à te respectus, impossibile est, ut pereat: sicut enim, Domina, Deus genuit illum, in quo omnia vivunt, sic, ò tu flos virginitalis, genuisti eum, per quem mortui reviviscunt. Tu. *¶*. Gloriosus.

LECTIO 6.

Et sicut Deus per Filium suum beatos angelos à peccato servavit; ita, ò tu decus puritatis, per Filium tuum miseros homines à peccato salvabis. Non est reconciliatio, nisi quam tu casta concepisti: non est justificatio, nisi quam tu integra fovisti: non est salus, nisi quam tu Virgo peperisti. O beata fiducia! O tutum refugium! Mater Dei est Mater nostra: Mater ejus, in quo solo speramus, et quem solum timemus, est Mater nostra: mater, inquam ejus, qui solus salvat, so-

lus damnat, est Mater nostra. Tu. *¶*. Paulò minùs.

IN III. NOCT.

Lectio. Sancti Evangelii secundum Joannem.

LECTIO 7. c. 14. v. 28.

In illo tempore: Dixit JESUS Discipulis suis: Si diligeritis me gauderitis utique, quia vado ad Patrem. Et reliqua.

Homilia S. Hieronymi Presb.

Epist. ad Paul. et Estoch. Inter ejus opera. c. 14.

Imitamini, dilectissimæ, quam amatis beatam, et gloriosam Virginem, de qua dicitur: MARIA autem conservabat omnia verba hæc (quæ de Christo dicebantur, scilicet) conferens in corde suo. Conferte ergò et vos in cordibus vestris, carissimæ quæ de ipso, eodemque Domino catholicè dicuntur, ut et fidem integram servare possitis, et Matrem ejus debite venerari. Quoniã nullus honor ejus est alius, nisi cum ille jure honoratur, qui nasci dignatus est ex eâ. Tu. *¶*. Gaude.

LECTIO 8.

Cæterum cogitate attentius, et perpendite diligentius, quibus affiebat beata et intemerata Virgo MARIA doloribus post Christi ad cælos ascensum, expletis omnibus quæ de ipso erant ab angelis prædicata, et à prophetis multifariè multisque modis præsignata, divinis declarata oraculis, virtutibus exhibita, et quæ humanitatis sunt ostensa præsaggiis. Quæso, si qua sunt in vobis viscera pietatis, considerate, quo cruciabatur amore, quoque desiderio æstuabat hæc Virgo, dum revolveret animo cuncta, quæ viderat, quæ audierat, quæ cognoverat. Tu. *¶*. Viri Galilæi.

LECTIO 9.

Puto, quòd quidquid cordis est, quidquid mentis, quidquid virtutis humanæ, si totum adhibeas, non sufficiat, ut cogitare veleas, quanto indesinentèr cremabatur ardore pii amoris: quantò movebatur repleta Spiritu Sancto cœlestium secretorum incitamentis: quia et si diligebat Christum ex toto corde, et ex totâ animâ, et ex tota virtute, novis tamen quotidie inflammabatur præsentiâ absens desideriorum affectibus: tantò siquidem validius, quantò divinis illustrabatur intus visitationibus: quam tota repleverat Spiritus Sancti gratia: quam totam incanduerat divinus amor, ita ut in eâ nihil esset, mundanus quod violaret affectus, sed ardor continuus, et ebrietas perfusi amoris. Tu.

Te Matrem. p. 5.

CANON.

Ex Concilio Budensi.

An. 1279.—*Lab. Tom. 7. col. 794.*

298. Volumus, quòd omnes clerici, quotiescumquē in divinis officiis, «Ave MARIA» audierint, flexis genibus se reverentèr inclinent. Tu.

SABBATO.

VIGILIA PENTECOST.

Semiduplex.

Ab hac die usque ad Dom. Primam post Pentec. si occurrat aliquòd festum novem Lection. transfertur.

Ad Matut. Invitat. Hym. et N. ut in die Ascens. Reliqua ut in feriali Officio.

Lectio S. Evangelii secundum Joannem.

LECTIO 1. c. 2. v. 1.

In illo tempore: Nuptiæ factæ sunt in Cana Galilææ, et erat Mater JESU ibi. Et reliqua.

Homilia S. Antonini Arch. Florent.

De B. V. c. 42.

Hi omnes erant perseverantes in oratione cum MARIA Matre JESU. Hæc dicuntur de his, scilicet de apostolis post ascensionem Christi, cum congregati in unum expectabant Spiritus Sancti promissionem à Christo. Mittam vobis à Patre Spiritum veritatis. Invenitur MARIA inter primas summi Regis cohortes, quorum vila non erat jam de terrâ. Tu. N. Gaude. p. 224.

LECTIO 2.

Vinum non habent, dixit beata MARIA in nuptiis existens ad Filium. Quia nuptiæ istæ celebratæ inter Christum et Ecclesiam erant publicandæ per Apostolos, qui ibi erant cum eâ, et vinum illud perfectissimæ gratiæ nondum aderat in eis, quia nondum erat Spiritus Sanctus datus in illâ copîa. Ideò hoc orans, ait: Vinum non habent. Tu. N. Viri Gal. p. 125.

LECTIO 3.

Et ideò in linguis igneis missus est, qui ignis habet calefacere, ut legem igneam corda ignea linguis igneis populis prædicarent. Deficiente ergò vino illo spirituali Beata MARIA congregata cum Apostolis in cœnaculo mente dicit: vinum non habent viri isti nuptiarum. Undè orans cum illis, inquit: Emitte Spiritum tuum, et creabuntur, scilicet, in esse spirituali perfecto, et renovabis faciem terræ. Tu. Te Matrem.

Ad Benedict. ant. Fili, vinum non habent * viri isti nuptiarum: emitte Spiritum tuum, et creabuntur: et renovabis faciem terræ.

Sine precibus.

Oremus.

Oratio.

Mentes nostras, quæsumus, Domine, visitando purifica, ut veniens Spiritus tuus Sanctus, cujus solem-

nia in oratione perseverantes prævenimus, paratam sibi in nobis inveniat mansionem. Per Dominum... in unitate ejusdem.

Ad Laud. et per Hor. ut in dieb. infra oct. Ascension.

CANON.

Ex Concilio Parisiensi.

An. 1346. c. 13.—*Lab. Tom. 7. col. 1682.*

299. Præcipimus, quòd observetur inviolabiliter ordinatio facta per sanctæ memoriæ Joannem vigesimum secundum de dicendo ter «Ave MARIA,» tempore seu horâ ignitegii, in quâ ordinatione conceditur indulgentia dicentibus ter Ave Maria, dictis tempore et horâ. Tu.

IN FESTO PENTECOSTES.

Duplex 1. Classis eum Octavâ.

IN I. VESPERIS.

Aan. 1. Effundam de Spiritu meo super ancillam meam, allel.
Psalms de Solemnitatibus.

2. Et requiescet super eam Spiritus Domini, et prophetabit, allel.

3. Simul in MARIA collecta est gratiæ Spiritus Sancti plenitudo, allel.

4. Ad quem respiciet Spiritus Sanctus, nisi ad pauperulam, et humilem Virginem? alleluia.

5. In me omnis gratia viæ et et veritatis, in me omnis spes vitæ et virtutis, allel.

CAPITULUM Joel. 2. 28.

Effundam Spiritum meum super omnem carnem, et super servos meos, et ancillas in diebus illis effundam Spiritum meum.

¶ Super servos meos, et super ancillas meas effundam de Spiritu meo, et prophetabunt. * Et dabo prodigia in cælo sursum, et in

terrâ deorsum alleluia, alleluia.
†. Et requiescet Spiritus meus super ancillam humilem cujus humilitatem respexi.—Et dabo.—Gloria.—Super servos. *Hoc. ¶. dicitur tantum hæc die.*

HIMNUS 64. Brev. Rom.

Veni, Creator Spiritus,
Mentes tuorum visita,
Imple superna gratiâ,
Quæ tu creasti pectora,
Qui diceris Paraclitus
Altissimi Domum Dei
Fons vivus, ignis, charitas,
Et spiritualis unctio.

Tu septiformis munere,
Digitus paternæ dexteræ,
Tu ritè promissum Patris
Sermone ditans guttura.

Accende lumen sensibus,
Infunde amorem cordibus
Infirma nostri corporis
Virtute firmans perpeti.

Hostem repellas longius,
Pacemque dones protinus:
Ductore sic te prævio,
Vitemus omne noxium.

Per te sciamus da Patrem
Noscamus atque Filium,
Te utriusque Spiritum
Credamus omni tempore.

JESU, tibi sit gloria,
Surgendo qui de mortuis
Apparuisti Virgini
Matri tuæ, per sæcula. Amen.

†. Spiritus Sanctus superveniet
in te, allel.

¶. Et virtus Altissimi obumbrabit tibi, allel.

Ad Magnific. ant. Non vos relinquam orphanos, sed mittam ad vos Spiritum Sanctum, et gaudebit cor vestrum, allel. allel.

Oratio de Laudib. Completor. de Dominica.

AD MATUTIN.

Invitat. Spiritus Domini requievit super Virginem Matrem: * Ve-

nite, adoremus, alleluia, alleluia.

HYMNUS p. 65. *Muret.*

Lustra nostra tuâ pectora lampade
Qui quondam strepitu Spiritus à
Patre

Lustrasti unanimes missus Apóstolos,

Linguis deditus igneis.

Confirma dubios, dirige devios,
Consolare tui muneris indigos,
Lætaliq̃ue animos frigore torpidos
Sanctis ignibus excita.

Mens doctrinam avide nostra
bibat tuam,

Præstetque assidue tota Deo calens
Et spem firmam in eo constituens
sibi

Terram pro nihilo putet.

O Sator omnium, certè homines
sumus,

Quanquàm indigna tuæ plasmata
dexteræ,

Ne feras quos tua vis ex nihilo ex-
tulit

Æterno exitio obrui.

Simplex ætherei Numinis unitas,
Quæ distincta eadem est, veraque
Trinitas,

Æternis vigeat semper honoribus
Et terrâ simul et polo. Amen.

AD NOCTURNUM.

Ant. 1. Spiritus Domini * super
me, eo quod in Matrem Dei elegit
me, allel.

Psalm. de primo Noct. Dom. p. 2.

2. Simul in MARIA * collecta est
gratiæ plenitudo, quia aspersione
Spiritus Sancti totâ Deitatis gratiâ
fuit superfusa, allel.

3. Cæteris per partes, * MARIÆ
verò simul se tota infudit gratiæ
plenitudo, ahel.

4. Factus est de repente sonus,
allel.

¶. Tamquàm advenientis spiri-
tus vehementis, allel.

Lectio S. Evangelii secundum
Joannem.

LECTIO 1. v. 14. v. 13.

In illo tempore: Dixit JESUS Di-
scipulis suis: si quis diligit me,
sermonem meum servabit. Et re-
liqua.

Homilia S. Anselmi Ep.

De excell. B. V. M. c. 6.

Gaudiorum beatæ Virginis magni-
tudo non nihil incrementi accepit,
cum adveniente super discipulos
Spiritu Sancto, mox ad prædica-
tionem illorum fidem Filii sui tanto
hominum multitudo suscepit. Nec
mirum indè alicui videatur, quod
dico, gaudium incrementum in
credentium conversione sumpsisse
Tu.

¶. Patris obumbravit virtus tibi,
regia Virgo, nuntius è cælo cum
tibi dixit, ave: * At nunc lingua
tua supra caput ignea fulget,
allel., allel. ¶. Lux implens men-
tem dotibus innumeris. At.

LECTIO 2.

Ibi enim excepto gaudio, quod de
salute generis humani in istorum
conversione suscipiebat, Filium
non gratis fuisse mortuum, cum
tam efficacia operari videbat fidem
amoris ejus in eis, qui amatores
ejus extiterant. Gaudium itaque
erat ei in cælo, et gaudium in
terrâ, gaudium insuper in omni
creaturâ. Tu.

¶. Apparuerunt illis dispertitæ
linguæ tanquàm ignis. * Et Spi-
ritus Sanctus sedit supra singulos
eorum, allel., allel. ¶. Ignis ante
ipsum præcedet, et inflamabit cor-
da eorum.—Et Spiritus.

LECTIO 3.

Gaudium in cælo, quia fructus
ventris ejus benedictus jam erat
victor mortis, et orbis, in cælo
regnabat, et cuncta cœlestis curiæ
agmina inæstimabili magnificentia

lætificabat. Gaudium in terrâ, quoniâ eos, pro quorum salute Matrem Dei se factam sciebat, abjecto jugo diaboli, à quo captivi tenebantur, liberam in ipsam salutem cernere conspiciebat. In omni quoquè creaturâ gaudium habuit, eo quod illam à pristinâ oppresione erui ad illum, ad quem facta fuerant, statum redire vidit. Tu.

¶ Super servos meos, et super ancillas meas effundam de Spiritu meo, et prophetabunt: * Et dabo prodigia in cœlo sursum, et in terrâ deorsum, allel., allel. †. Et requiescet Spiritus meus super ancillam humilem, cujus humilitatem respexi. Et dabo.—Glor.—Super.

A fer. IV. et deinceps. Et dabo.

AD LAUDES.

Et per Horas antiphonæ.

Ant. 1. Erant perseverantes * omnes in oratione cum MARIA Matre JESU, allel.

2. Et factus est * repente de cœlo sonus, tanquàm advenientis Spiritus vehementis, allel.

3. Spiritus Sanctus * replevit totam domum, ubi erant apostoli sedentes, allel.

4. Et requievit * super MARIAM Spiritus Sanctus, Spiritus sapientiæ, et intellectus, allel.

5. Totam eam * possedit Spiritus Sanctus, cujus templum facta est Virgo Dei Mater, allel.

CAPITULUM. *Jvel. 2. 28.*

Effundam spiritum meum super omnem carnem, et super servos meos, et ancillas in diebus illis effundam Spiritum meum.

HYMNUS 66. *Brev. Rom.*

Jam Christus astra ascenderat,
Reversus undè venerat,
Patris fruendum munere
Sanctum daturus Spiritum.

Solemnis urgebat dies,
Quo mystico septemplici
Orbis volutus septiès
Signat beata tempora.

Cum lucis horâ tertiâ
Repentè mundus intonat,
Apostolis mirantibus
Deum venire nuntiat.

De Patris ergò lumine
Docorus ignis almus est,
Qui fida Christi pectora
Calore verbi compleat.

Impleta gaudent viscera
Afflata Sancto Spiritu,
Vocesque diversæ sonant,
Fantur Dei magnalia.

Doxolog. de Tempore.

†. Spiritus Domini, allel.

¶. Requievit super Virginem Matrem, allel.

Ad Benedict. ant. Sedit Spiritus Sanctus * super singulos eorum, qui perseverabant in oratione cum MARIA Matre JESU, allel. allel.

Oremus. *Oratio.*

Spiritum Sanctum, Domine, qui hodiernâ die de cœlo descendens supra beatam Virginem MARIAM, et supra Sanctos Apostolos requievit, in cordibus nostris infunde, ut te perfectè diligere, et dignè laudare mereamur. Per Dominum..... in unitate ejusdem.

AD PRIMAM.

Ant. Erant omnes. *Capit.* Effundam. *de Laudibus* †. ¶. Quæ Spiritu Sancto repleta fuisti. *Et dicitur per Oct.*

CANON.

Ex S. Hildephonso Arch. Toletano.
Serm. 5. in Assumpt.

300. Credimus Virgtnem in die Sancto Pentecostes cum Sanctis Apostolis percepisse gratiam Spiritus Sancti, quem constat eam plenissimè habere ab ipsâ Conceptione Christi. Tu.

AD TERTIAM.

CAPITULUM. *Judith. 16. 17.*
Tibi serviat omnis creatura: quia dixisti, et facta sunt: misisti Spiritum tuum, et creata sunt, et non est qui resistat voci tuæ.

¶ *br.* Spiritus Sanctus * Allel. allel.—Spiritus.

†. Superveniet in te.—Alleluia.
—Gloria.—Spiritus.

†. Virtus Altissimi, alleluia.
¶. Obumbrabit tibi, allel.

AD SEXTAM.

CAPITULUM. *Act. 2. 4.*
Repleti sunt omnes Spiritu Sancto, et cœperunt loqui variis linguis, prout Spiritus Sanctus dabat eloqui illis.

¶ *br.* Virtus Altissimi, * Allel. allel.—Virtus.

†. Obumbrabit tibi.—Alleluia.
—Gloria.—Virtus.

†. Spiritus Domini, allel. ¶. Requievit super Virginem Matrem, alleluia.

AD NONAM.

CAPITULUM. *Act. 2. 6.*
Facta autem hac voce, convenit multitudo, et mente confussa est, quoniam audiebat unusquisque linguam suam illos loquentes.

¶ *br.* Spiritus Domini, * allel. allel.—Spiritus. †. Requievit super Virginem Matrem.—Allel.—

Gloria.—Spiritus.—†. Spiritus Domini super me, allel. ¶. Eo quod in Matrem Dei elegit me, allel.

IN II. VESPER.

Ant. 1. Spiritus Domini * replevit orbem terrarum: gaudeat Virgo MARIA in conversione gentium, alleluia. *Psalmi de Solemn. in 2. Vesp.*

2. Spiritus Sanctus * Deiparæ et discipulis in igne apparuit, et tribuit eis charismatum dona, allel.

3. Spiritus Sanctus * procedens

à throno, eorum pectora invisibiliter penetravit, alleluia.

4. Advenit in eos * ignis divinus, non comburens, sed illuminans, alleluia.

5. Seditque * supra singulos eorum Spiritus Sanctus, et cœperunt loqui variis linguis, allel.

Capit. Effundam. et ¶. Super servos. ut in 1. Vesper.

Hymnus ut in 1. Vesp.

†. MARIA, Sacrarium Spiritus Sancti, alleluia.

¶. Totius Trinitatis nobile trichinium, alleluia.

Ad Magnific. ant. Requiescet super me * Spiritus Domini; Spiritus sapientiæ, et intellectus, Spiritus consilii et fortitudinis, Spiritus scientiæ et pietatis, et replevit me Spiritus timoris Domini, alleluia, allel. *Complet. de Dominic.*

FERIA II.

Duplex 1. Class.

Omnia ut in die Pentec. præter sequentia.

Ad Matut. Psalmi tres primi feriae II. p. 19.

Lectio Sancti Evangelii secundum Joannem.

LECTIO 1. c. 14. v. 23.

In illo tempore: Dixit JESUS Discipulis suis: Si quis diligit me, sermonem meum servabit. Et reliqua. Homilia B. Dionysii Carthusiani.

De Laud. B. M. V. l. 2. a. 26.
A die Ascensionis usque ad horam diei Pentecostes, in qua Spiritum Sanctum receperunt, sanctissimum illud collegium Apostolorum orationibus, jejuniisque devotissime insistebant, per hæc et consimilia exercitia sancta interna ad susceptionem Spiritus Sancti se præparantes. Tu. ¶. Stupebant.

LECTIO 2.

Porro adveniente Spiritu Sancto, unumquemque illorum tanto co-

piosius adimplevit, quanto capacior fuit, ac dignior, seque devotius præparavit. Ideo sicut serenissima Virgo MARIA cæteris illis cunctis fuit prestantior, capacior, excellentiusque disposita, sic sola plus de supernis charismatibus, tunc collatis à Spiritu Sancto, accepit... Tu. *¶*. Apparuerunt.

LECTIO 3.

Atque præ omnibus illis in charitatis ardore, sapientiæ luce, notitia scripturarum omnique virtute ineffabiliter tunc profecit. In dono quoque linguarum, et prophetiæ gratiâ, in discretionem Spirituum, et interpretationem sermonum, idest, facultate exponendi sacri verba eloquii, cæterisque gratiæ gratis datæ muneribus tunc præ omnibus crevit. Tu. *¶*. Super.

Te Matrem. p. 5.

Psalmi ad Laud. et Vesper. ut heri.

CANON.

Ex S. Athanasio Arch. Alexandrino.

In SS. Deip. Annunt.

301. Spiritus Sanctus in Virgine descendit cum omnibus suis essentialibus virtutibus, quæ illi per rationem divini principatus adsunt, imbuens eam in gratiâ, ut in omnibus gratiosa esset. Tu.

FERIA III. POST PENT.

Duplex 1. Classis.

Omnia ut in die Pentec. Psalmi tres primi Fer. III. p. 25.

Lectio Sancti Evangelii secundum Joannem.

LECTIO 1. c. 14. v. 23.

In illo tempore: Dixit JESUS Discipulis suis: Si quis diligit me, sermonem meum servabit. Et reliqua.

Homilia B. Dionysii Carthusiani.

De laudib. B. V. 1. 2. a. 26.

Fervens charitatis affectio potissima ac propinquissima est dispositio ad suscipiendum charismata

meliora, abundantiorum influxum Spiritus Sancti, incrementum gratiæ, omniumque profectum virtutum; etenim amoris intentio affectus aperit mentem, ac eum sui dilecti reddit copiosè capax. Tu. *¶*. Stupebant.

LECTIO 2.

Hinc sicut felicissima creaturarum incomparabilis Virgo MARIA fuit præ cunctis et singulis Apostolis in sincerissimæ charitatis fervore ineffabiliter magis perfecta, sic præ omnibus illis charismata Paracleti exuberantissimè suscepit. Tu. *¶*. Apparuerunt.

LECTIO 3.

Denique Spiritus cujus opulentia et magnificentia non est finis, vas illud electissimum, et familiarissimum suum sacrarium, præstantissimam Genitricem ipsius, à quo ipse æternaliter profluit, totamque Deitatis plenitudinem accepit, sponsam ac filiam suam prorsus carissimam, in quâ potissimum sibi complacuit, singularissimè visitavit, gloriosissimè adimplevit, atque præ omnibus liberalissimè superimplevit. Tu. *¶*. Super.

Te Matrem.

CANON.

Ex S. Athanasio Arch. Alexandrino.

Ut Supra.

302. Supervenit igitur Spiritus Sanctus super Virginem, et sanctificavit ipsam, ut in Psalmis Spiritus dicit: Sanctificavit tabernaculum suum Altissimus. Tu.

Reliqua ut heri.

FER. IV. QUAT. TEMP.

Semiduplex.

Omnia ut in die Pentec. Psalmi tres primi de Fer. IV. p. 31.

Lectio Sancti Evangelii secundum Joannem.

LECTIO 1. c. 14. v. 23.

In illo tempore: Dixit JESUS Di-

scipulis suis: Si quis diligit me, sermonem meum servabit. Et reliqua.

Homilia S. Thomæ Arch. Valentini.

Concion 4. in Assumpt. B. V. M.

Infusi amoris quantâ fuerit magnitudine docta Virgo MARIA, quis non videat? Quæ in gratiâ concep'ta, gratiam, quam semel acceperat, semper bonis operibus adauxit, et peccatis nunquam amisit. Quæ in Verbi Dei concep'tione ab Angelo gratiâ plena salutata, postea Spiritus Sancti obumbratione superadimpletur, ut ex plenitudine ejus per Filium recipiant universi. Tu. *¶*. Stupebant.

LECTIO 2.

Et post hæc omnia in die Pentecostes Spiritu Sancto jam plenissima, iterum eundem Spiritum Sanctum per amplius et plenius, quam Apostolicus ille cætus acceperit, ut esset in eâ abundans et super abundans gratia: cui non per partes, ut cæteris, sed tota se infudit gratiæ plenitudo. Cum itaque amor infusus nihil aliud sit, quam ipsa gratia, aut ipse gratiæ appendix sit, ubi tanta fuit gratiæ plenitudo, quantum fuit infusi quodque pondus amoris. Tu. *¶*. Super.

LECTIO 3.

Denique in cujus utero novem mensibus Sol ille divinitatis ardentissimus, velut in quâdam nubeculâ corporaliter latuit: quibus existimas eum fulgoribus, et ardoribus inflammasse? O viscera virginea tot ac tantis æstibus inflammata? O pectus sacrum, in quo triplex hic amoris caminus tam potentissimè ardebat! Quomodo tam immenso amoris calore solum non fuisti? Tu. Te Matrem.

Psalm. ad Laud. Vesper. et Complet. de ferid per reliq. Hebd.
CANON.

Ex S. Hieronymo Presb.

In *Serm. B. V.—apud Flores PP.*
p. 438.

303. Totam repleverat MARIAM Spiritus Sancti gratia: totam incenderat eam divinus amor; ita ut etiam in eâ nihil esset, mundanus quod violaret affectus, sed amor continuus et ebrietas perfusi amoris. Tu.

FERIA V. POST PENT.

Semiduplex.

Omnia ut in die. Psalm. tres primi de Feria V. p. 36.

Lectio S. Evangelii secundum Joannem.

LECTIO 1. c. 14. v. 23.

In illo tempore: Dixit JESUS Discipulis suis: Si quis diligit me, sermonem meum servabit. Et reliqua.

Homilia S. Antonini Arch. Florent.
In adv. Sps. de B. V. c. 19.

§. 8. in *Bibl. Virgin.*

Spiritus Sanctus in Pentecostes fuit datus in specie linguæ juxta illud Actuum: apparuerunt illis dispersitæ linguæ tanquam ignis, ad innuendum, quod acceperant donum linguarum, id est, loqui ad placitum suum in variis idiomatibus. Et quia beata MARIA fuit cum Apostolis orans, quâ idò receperunt Spiritum Sanctum, credendum est, quod et hoc donum receperit cum eis. Tu. *¶*. Stupebant.

LECTIO 2.

Quamvis non esset deputata à Deo ad discurrendum per mundum, ad prædicandum sicut Apostoli, tamen, ut nihil boni spiritualis et gratiæ ei subtrahatur, decebat eam hæc non privari. Sic nec Filius ejus, quamvis non egeret habere

donum linguarum, quia non prædicavit nisi Judæis, dicens: non sum missus, nisi ad oves Israel, non tamen hoc caruit, secundum Divum Thomam in Summâ. Nec frustrâ ipsum habuit, quamvis eo non sit usus, sed ad excellentiam ejus. Tu. ꝛ. Super serv.

LECTIO 3.

Præterea ipsa beata MARIA, etsi non prædicaret, verisimiliter tamen credendum est, quamvis non scriptum sit, quòd multi ex conversis ad fidem de diversis nationibus, et linguis scientes Matrem esse JESUS Dei et hominis post adventum Spiritus Sancti, accedebant ad eam visitandam, venerandam et audiendam. Quibus cum esset plenâ charitate, nec in loquela posset errare, loquebatur, consolabatur, respondebat, instruebat variis idiomatibus, in quibus illi nutriti, et edocti erant. Ave igitur, et hæc gratiâ plena. Tu.

Te Matrem. p. 5.

CANON.

Ex D. Dionysio Carthusanio.

Libr. 2. de Prac. Mar. art. 28.

304. Virgo templum venerandissimum, quod Spiritus Sanctus indesinentèr inhabitavit, atque posedit, irradiavit, idemque implevit. Tu.

FERIA VI. QUAT. TEMPOR.

Semiduplex.

Omnia ut in die Pent. Psalmi tres primi de Fer. VI. p. 42.

Lectio S. Evangelii secundum Joannem.

LECTIO 1. c. 14. v. 23.

In illo tempore: Dixit JESUS Discipulis suis: Si quis diligit me, sermonem meum servabit. Et reliqua.

Homilia S. Anselmi Episcopi.

De excellentiâ B. M. V. c. 7.

Erât, ut hic quidè m videtur, utilis

et necessaria fidei nostræ conversatio sua post ascensionem Domini inter Apostolos ejus: quia licet ipsi per revelationem Spiritus Sancti edocti in omnem fuerint veritatem, incomparabili èr tamen eminentiùs, ac manifestiùs ipsa per eum Spiritum veritatis, illius veritatis profunditatem intelligebat, et per hoc multa eis per hanc revelabantur, quæ in se non solum simplici scientiâ, sed ipso effectu, ipso experimento didicerat de mysteriis ejusdem Domini nostri JESU Christi. Tu. ꝛ. Stupebant.

LECTIO 2.

Nec dilatio assumptionis quoquo modo jacluram aliquam inferre poterat immensitati amoris et gaudii sui: quoniâ ipsa perfectio amoris et gaudii, itâ illum reficiebat plenitudine sui, ut hoc ipsum ei ad amoris et gaudii augmentum magnoperè fieret, quod se illic esse videbat, ubi Deum, quem præcunctis amabat, magis velle sciebat. Tu. ꝛ. Super servos.

LECTIO 3.

Igitur ubicumquè erat, et ipsa in Deo, et Deus in ipsâ jucundabatur: quâ jucunditate ipsa felix, sed præcæteris ubiquè fieri cupiebat, quod sapientiæ Dei potissimum placere intelligebat. Hæc æstimabili amoris et gaudii immensitate prædita fuit hæc Virgo Sanctissima, quando etiâ in omni mortali carne placeret sapientissimo Filio suo. Tu. Te Matrem.

CANON.

Ex D. Antonio Arch. Florentino.

Titul. 15. c. 19. §. 3.

305. Spiritus Sanctus venit improporcionabiliter in Beatam MARIAM, magis quàm in quemlibet viatorem purum, et in conceptu Filii, et in die Peniecostes, quum

esset cum Apostolis, quandò venit in specie ignis. Tu.

SABBAT. QUAT. TEMPOR

Semiduplex.

Omnia ut in die. Psalmi ad mat. tres primi Sabb. p. 47.

Lectio S. Evangelii secundum Joannem.

LECTIO 1. c. 14. v. 23.

In illo tempore: Dixit JESUS Discipulis suis: Si quis diligit me, sermonem meum servabit. Et reliqua.

Homilia Ven. Ruperti Abbatis.

In capite 2. super Math.

Tempus tacendi, ait Salomon, et tempus loquendi. Discretionem hujusmodi Virgo sapiens et prudens non ignoravit. Inde col'audans eam Sponsus...., dicit in canticis: Hortus conclusus soror mea sponsa, hortus conclusus, fons signatus. Denique hoc quidem sponsus Christus Dei filius convenienter dicit sponsæ suæ Ecclesiæ, sed ipsum non minus congruè dicit persona Dei Patris dilectæ sibi MARIÆ, statim subjungens: Emissiones tuæ paradisus malorum puniceorum cum pomorum fructibus. Tu. ¶. Stupebant.

LECTIO 2.

Quandiù Filius hominis manere debuit minoratus paulò minùs ab angelis, ferè tandiù fuit beatæ Virginis tempus tacendi, et tandiù tacuit, tandiù in silentio fuit, velut hortus conclusus; hortus, inquam, conclusus, fons signatus, quò accedere, cujus secretum audire nullus meretur, nisi cognitus: nullus cui talis hortus, talisque fons clausuram vel signaculum oris aperire indignum arbitraretur. Tu. ¶. Super servos.

LECTIO 3.

Ubi autem gloriâ et honore coronatus est Filius hominis resurgendo, et in cælum ascendendo, ubi

sedet ad dexteram Patris, ex tunc eidem beatæ Virginis fuit tempus loquendi, et hoc amicis, id est, sanctis apostolis, et talia loquendi, qualia portare priùs non potuissent. Sed ubi venit Spiritus veritatis, primus quidem, et princeps ipse illos omnem veritatem docuit, sed et ipsa beata Virgo testimonium suæ vocis adhibuit, et taliter locuta est auribus fidelibus, ut proinde rectè dicat dilectus ejus Deus: favus distillans labia tua, mel et lac sub linguâ tuâ. Tu.

Te Matrem. p. 5.

Ad Benedict. ant. Tempus loquendi, * Domina, sonet vox tua in auribus meis, quia eloquium tuum dulce, allel. allel.

CANON.

Ex Pio Papâ Nono.

Const. Ineff. 8. Dec. 1854.

306. Docuerunt « Sancti Patres... Deiparam fuisse omnium divinarum gratiarum sedem, omnibusque divi Spiritûs charismatibus exornatam, immò eorundem charismatum infinitum propè thesaurum, abyssumque inexhaustam... Tu.

Post Nonam terminatur tempus paschale.

Vesperæ dicuntur ut in sabbato per annum cum oratione Domin.

1. post Pentecost.

In fine Completorii dicitur ant. Salve Regina.

VIII.

VITA ACTIVA

B. MARIÆ V.

Quæ tempus à Pentecoste usque ad Assumptionem complectitur.

RESPONSORIA

dienda post Lectiones in Dominicis et in Officio feriali toto hoc tempore.

¶ 1. Loquatur, Domine, ancilla tua in auribus tuis. * Et audi verba famulæ tuæ. †. Si irveni gratiam in oculis tuis, dona mihi populum meum, pro quo obsecro.—Et audi.

¶ 2. Benedictum eloquium tuum, et * Benedicta tu, quæ prohibuisti me hodiè, ne irem ad sanguinem, et ulciscerer me manu meâ. †. Invoca Dominum et loquere regi pro nobis, et libera nos de morte.—Benedicta.

¶ 3. Favus distillans labia tua, mel et lac sub linguâ tuâ, et eloquium tuum dulce: * Emissiones tuæ paradisus. †. Sonet vox tua in auribus meis: vox tua dulcis, et facies tua decora.—Emissiones.—Gloria.—Emissiones.

In II. Noct. Dom. et in Feriâ III. et VI.

¶ 4. Ego quasi trames aquæ immensæ de fluvio: * Ego quasi fluvii Diorix, et sicut aquæductus exivi de paradiso. †. Transite ad me omnes, qui concupiscitis me, et à generationibus meis implemini.—Ego.

¶ 5. Benedictio illius quasi fluvius inundavit, * Et quomodo cataclysmus omnem terram operuit. Deriventur fontes tui foràs, et in plateas aquas tuas divide.—Et quom.

¶ 6. Benedictum eloquium tuum, * Et benedicta tu inter mulieres, Virgo MARIA. †. Benedictio in medio terræ, cui benedixit Dominus exercituum.—Et benedicta.—Gloria.—Et bened.

In III. Noct. Dom. et in Fer. IV. et Sabbat.

¶ 7. Venite ad me omnes, qui laboratis, et onerati estis, * Et ego reficiam vos. †. Spiritus meus

super mel dulcis, et hæreditas mea super mel et favum.—Et ego.

Sequens ¶. non dicitur in Dominicis.

¶ 8. Discite à me, quia mitis sum, et humilis corde: * Et invenietis requiem animabus vestris. †. Qui audit me, non confundetur, et qui operantur in me, non peccabunt.—Et invenietis.

¶ 9. Quis infirmatur et ego non infirmor? * Omnibus omnia faciam, ut omnes Christo lacrifaciam. †. Ab infantia crevit mecum miseratio, et de utero matris meæ egressa est mecum.—Omnibus.—Gloria.—Omnibus.

LECTIONES

DE SCRIPTURA.

Pro feriis vitæ Activæ, seu post Pentec. usque ad Assumptionem, et pro I. Noct. Festivitatum, quæ proprias non habuerint.

IN FERIIS II.

De libro Ecclesiastici.

LECTIO 1. c. 1. v. 4.

Prior omnium creata est sapientia, et intellectus prudentiæ ab ævo. Unus est Altissimus creator omnipotens, et Rex potens et metuendus nimis, sedens super thronum illius, et dominans Deus. Ipse creavit illam in Spiritu Sancto, et vidit, et dinumeravit, et mensus est. Tu. ¶. Loquatur. p. 246.

LECTIO 2.

Et effudit illam super omnia opera sua, et super omnem carnem secundum datum suum, et præbuit diligentibus se... Dilectio Dei honorabilis sapientia. Quibus autem apparuerit in visu, diligunt eam in visione, et in agnitione magnalium suorum. Tu. ¶. Benedicium.

LECTIO 3.

Initio sapientiæ timor Domini, et cum fidelibus in vulvâ concreatus

est, cum electis feminis graditur, et cum justis et fidelibus agnoscitur. Plenitudo sapientiæ est timere Deum, et plenitudo à fructibus illius. Omnem domum illius implebit à generationibus, et receptacula à thesauris illius. Tu ꝑ. Favus distilans.

IN FERIIS III.

De libro Ecclesiastici.

LECTIO 1. c. 1. v. 22.

Corona sapientiæ timor Domini, replens pacem, et salutis fructum. Et vidit, et dinumeravit eam: utraque autem sunt dona Dei. Scientiam et intellectum prudentiæ sapientia compartietur, et gloriam tenentium se exaltat. Radix sapientiæ est timere Dominum, et rami illius longævi. Tu. ꝑ. Ego quasi. p. 246.

LECTIO 2.

In thesauris sapientiæ intellectus et scientiæ religiositas: execratio autem peccatoribus sapientia... In thesauris sapientiæ significatio disciplinæ: execratio autem peccatori cultura Dei Fili, concupiscens sapientiam, conserva justitiam, et Deus præbebit illam tibi. Tu. ꝑ. Benedictio.

LECTIO 3.

Sapientia enim et disciplina timor Domini: et quod beneplacitum est illi fides et mansuetudo, et adimplebit thesauros illius. Ne sis incredibilis timori Domini, et ne accesseris ad illum duplici corde. Ne fueris hypocrita in conspectu hominum, et non scandalizeris in labiis tuis. Tu. ꝑ. Benedictum.

IN FERIIS IV.

De libro Ecclesiastici.

LECTIO 1. c. 4.

Sapientia filiis suis vitam inspirat, et suscipit inquirentes se, et præbit in viâ justitiæ. Et qui illam diligit, diligit vitam, et qui vigi-

laverint ad illam, complectentur placorem ejus. Qui tenuerint illam, vitam hæreditabunt: et quod introibit, benedicet Deus. Tu. ꝑ. Venite ad. p. 246.

LECTIO 2.

Qui serviunt ei, obsequentes erunt sancto: et eos, qui diligunt illam, diligit Deus. Qui audit illam judicabit gentes, et qui intuetur illam, permanebit confidens: si crediderit ei, hæreditabit illam, et erunt in confirmatione creaturæ illius. Quoniã in tentatione ambulat cum eo, et in primis eligit eum. Tu. ꝑ. Discite.

LECTIO 3.

Timorem, et metum, et probationem inducet super illum: et cruciabit illum in tribulatione doctrinæ suæ donec tentet eum in cogitationibus suis, et credat animæ illius. Et firmabit illum, et iter adducet directum ad illum, et lætificabit illum, et denudabit absconsa sua illi, et thesaurizabit super illum scientiam, et intellectum justitiæ. Tu. ꝑ. Quis.

IN FERIIS V.

De libro Ecclesiastici.

LECTIO 1. c. 6. v. 28.

Fili à juventute tuâ excipe doctrinam, et usque ad canos invenies sapientiam. Quasi is qui arat et seminat, accede ad eam, et sustine bonos fructus illius. Quàm aspera est nimium sapientia indoctis hominibus, et non permanebit in illâ excors. Quasi lapidis virtus probatio erit in illis, et non demorabuntur projicere illam. Tu. ꝑ. Loquatur. p. 246.

LECTIO 2.

Sapientia enim doctrinæ secundum nomen est ejus, et non est multis manifesta: quibus autem cognita est, permanet usque ad conspectum Dei. Audi, fili, et accipe concilium

intellectus, et ne abjicias consilium meum. Injice pedem tuum in compedes illius, et in torques illius colum tuum. Subjice humerum tuum, et porta illam, et ne acederis in vinculis ejus. Tu. *¶*. Benedictum.

LECTIO 3.

In omni animo tuo accede ad illam, et in omni virtute tuâ conserva vias ejus. Investiga illam et manifestabitur tibi, et continens factus, ne derelinquas eam: in novissimis enim invenies requiem in ea, et convertetur tibi in oblectationem. Tu. *¶*. Favus distillans.

IN FERIIS VI.

De libro Ecclesiastici.

LECTIO 1. c. 6. v. 30.

Et erunt tibi compedes ejus in protectionem fortitudinis, et bases virtutis, et torques illius in stolam gloriæ: decor enim vitæ est illa, et vincula illius alligatura salutaris. Stolam gloriæ indues eam, et coronam gratulationis superpones tibi. Tu. *¶*. Ego quasi. p. 246.

LECTIO 2.

Fili, si attenderis mihi, disces: et si accommodaveris animum tuum, sapiens eris. Si inclinaveris aurem tuam, excipies doctrinam: et si dilexeris audire, sapiens eris..... Cogitatum tuum habe in præceptis Dei, et in mandatis illius maxime assiduus esto: et ipse dabit tibi cor: et concupiscentia sapientiæ dabitur tibi. Tu. *¶*. Benedictio.

LECTIO 3. c. 11.

Sapientia humiliati exaltabit caput illius, et in medio magnatorum con-sedere illum faciet. Sapientia et disciplina, et scientia legis apud Deum. Dilectio, et viæ bonorum apud ipsum... Datio Dei permanet justis, et profectus illius succesus habebit in æternum. Tu. *¶*. Benedictum.

IN SABBATIS.

De libro Ecclesiastici.

LECTIO 1. c. 14. v. 22.

Beatus vir, qui in sapientiâ morabitur, et qui in justitiâ suâ meditabitur, et in sensu cogitabit circumspectionem Dei. Qui excogitat vias illius in corde suo, et in absconditissimis intelligens, vadens post illam, quasi investigator, et in viis illius consistens. Statuet filios suos sub tegmine illius, et sub ramis ejus morabitur. Tu. *¶*. Venite. p. 246.

LECTIO 2. c. 15. v. 1.

Qui timet Deum, faciet bona, et qui continens est justitiæ apprehendet illam, et obviabit illi, quasi mater honorificata, et quasi mulier à virginitate suscipiet illum. Cibabit illum pane vitæ et intellectus, et aqua sapientiæ salutaris potabit illum: et firmabitur in illo, et non flectetur, et continebit illum, et non confundetur: et exaltabit illum apud proximos suos. Tu. *¶*. Discite.

LECTIO 3.

Et in medio Ecclesiæ aperiet os ejus, et adimplebit illum spiritu sapientiæ, et intellectus, et stolâ gloria vestiet illum. Jucunditatem et exultationem thesaurizabit super illum, et nomine æterno hæreditabit illum. Homines stulti non apprehendent illam, et homines sensati obviabunt illi: viri mendaces non erunt illius memores, et viri veraces invenientur in illâ, et successum habebunt usque ad inspectionem Dei. Tu. *¶*. Quis infirmatur.

DOMINICÆ

TEMP. VITÆ ACTIVÆ, SEU POST
PENTECOST.

DOMIN. I. POST PENT.

Semiduplex.

Officium fit in Psalle. 10 per annum.

IN I. NOCT.

De libro Judith.

LECTIO 1. c. 11. v. 1.

Tunc Holophernes dixit Judith: æquo animo esto, et noli pavere in corde tuo: quoniam ego nunquam nocui viro, qui voluit servire Nabucodonosor Regi. Populus autem tuus, si non contempsisset me, non levassem lanceam meam super eum. Nunc autem dic mihi: quâ ex causâ recessisti ab illis, et placuit tibi, ut venires ad nos? Tu. *¶*. Loquatur. p. 246.

LECTIO 2.

Et dixit illi Judith: sume verba arcillæ tuæ, quoniam si seculus fueris verba ancillæ tuæ, perfectam rem faciet Dominus tecum. Vivit enim Nabucodonosor rex terræ, et vivit virtus ejus, quæ est in te ad correptionem omnium animorum errantium, quoniam non solum homines serviunt illi per te, sed et bestiæ agri obtemperant illi. Tu. *¶*. Benedictum.

LECTIO 3. v. 18.

Placuerunt autem omnia verba hæc coram Holopherne et coram pueris ejus et mirabantur sapientiam ejus et dicebant alter ad alterum: non est talis mulier super terram in aspectu, in pulchritudine, et in sensu verborum. Et dixit ad illam Holophernes: Benefecit Deus, qui misit te ante populum, ut des illum tu in manibus nostris. Tu. *¶*. Favus.

IN II. NOCT.

Ex verbis S. Bonaventuræ Ep. in Speculo B. Virginis. *Lect. 6.*

LECTIO 4.

Considerate, carissimi, in MARIA gratiam labiorum, de quâ in psalmo dicitur: Diffusa est gratia in labiis tuis. Tanta siquidem fuit gratia labiorum in MARIA, ut ipsa optime per Judith signari pos-

sit, de quâ dicitur in libro Judith: non est mulier talis super terram in aspectu, in pulchritudine, et in sensu verborum. Tu.

¶. Ego quasi.

LECTIO 5.

Reve. á non est, non fuit, non erit mulier talis super terram, qualis MARIA fuit in aspectu clarissimæ vitæ, in pulchritudine mundissimæ conscientiæ, et in sensu verborum disertissimæ linguæ. Gratiam autem verborum labiorum ejus ex evangelio colligamus diligentè. Tu. *¶*. Benedictio.

LECTIO 6.

Invenimus septem in Evangelio mellifluas sententias, de mellifluis MARIE labiis distillantes, et mellifluam labiorum ejus gratiam optime indicantes juxta illud Canticorum: Favus distillans labia tua. Septem mellis stillæ sunt septem dulcissima verba MARIE, quæ ad Angelum, ad hominem et ad Deum legitur habuisse. Duo ad Angelum, duo ad hominem, tria ad Deum. Tu. *¶*. Benedictum.

IN III. NOCT.

Lectio S. Evang. secundum Lucam.

LECTIO 7. c. 1. 46.

In illo tempore: Ait MARIA: Magnificat anima mea Dominum. Et reliqua.

Homilia S. Bernardi Abbatis.

Libr. de Pass. Dom. c. 26.

Vis audire canticum Matris Christi? Exaltata est supra quam dici, aut cogitari potest, toti mundo, cælisque prælata, non ascendit supra se, sed cantavit canticum humilitatis, quod et charitas est, quia charitas non inflatur. Eructavit de corde suo in ebrietate verbum bonum et suave, canticum novum virginibus cantandum. Et quid ait? Magnificat anima mea Dominum. Tu. *¶*. Venite ad.

LECTIO 8.

Vide quàm contrarium est canticum hoc cantico Angeli ruituri. Incœpit ille in alto, ac proinde in ima non descendit, sed corrui. Incœpit MARIA ab imo, ut in altum sublevaretur. Magnificat hæc Dominum, non se, licet inæstimabiliè exaltata: servans quod scriptum est: quânto major es, humilia te in omnibus. Undè et super omnes choros angelorum meruit elevari. Magnificavit se ille supra Dominum, undè infra omne, quod est, meruit præcipitari. Tu. *p.* Quis inf.

LECTIO 9.

Exultavit Spiritus humilis MARIE in Domino JESU suo: undè oleo lætitiæ præ consortibus suis inungi promeruit. Exultavit stultus ille Angelus in se, undè luctu perpetuo meruit condemnari. Gloriat in ista humilitatem suam esse respectam: undè habebit fructus in respectatione animarum sanctarum. Gloriat ille in multitudine virtutis suæ: undè perpetuam despectionem incurrit. Tu. Te Matrem. *p.* 5.

Ad Benedict. ant. Magnificate * Dominum mecum, et exaltemus nomen ejus in idipsum.

Oremus.

Oratio.

Deus, qui humanæ substantiæ veritatem de virginalis uteri materia suscepisti: da nobis beatæ Genitricis tuæ precibus, ita degenerem exuere vetustatem, ut te novæ reparationis induamus auctorem. Qui vivis et regnas.

Reassumuntur suffragia.

3. PER SACRIFICIUM MISSÆ.

§. 1. *Per Missas votivas.*

CANON.

Ex Decretis Sacrorum Rituum Congregationis.

8 Jun. 1638. *In Claram.*—

20 Nov. 1662. *In Aretin.*—

16 Jun. 1663. *in Rosanensis.*

307. Missa votiva, etiàm cantata, Beatæ MARIE Virginis cum Gloria et Credo, sed sine Officio, potest celebrari in aliquâ die, etsi Dominicâ, ob publicam causam, et ratione concursus populi, vel aliâ causâ. Tu.

Ad Magnificat. ant. Non est talis * mulier super terram in aspectu, in pulchritudine, et in sensu verborum.

Oratio de Laudibus.

CANONES.

Post. Dom. 1. post Pentecost.

FERIA II.

Ex Decr. Sacr. Rituum Congregationis.

30 Jul. 1689. *In una Capuccin.*—

1607. 16 Maj. *in Placent.*

308. In Missis votivis Beatæ MARIE Virginis, quæ recitantur in Sabbato, dicitur «Gloria in excelsis», etiãmsi non fiat Festum de eodem, tàm in Sabbatis feriarum, quàm in Sabbatis adventus. Tu.

FERIA III.

Ex Decreto Sacr. Rituum Congregationis.

24 Jul. 1683. *in Ruremund.*

309. Missæ votivæ Beatæ MARIE Virginis in cantu fundatæ dici non possunt in Duplicibus, aliisque diebus duplicia excludentibus, sed cantari debent Missæ de festo currenti... non obstante quâcumque consuetudine in contrarium. Tu.

FERIA IV.

Ex Decreto Sacr. Rituum Congregationis.

16 Mart. 1805. *Oriolens.*

310. Sacerdos cæcutiens celebrans ex apostolico indulto Missam votivam Beatæ MARIE Virginis uti

debet semper paramentis albis: non quit in eâ legere orationem Officii currentis: debet tamen orationes illas dicere, quæ votivæ conveniunt, omissis Gloria in excelsis et Credo, etiâ in Dominicis. Tu.

FERIA V.

IN FESTO SS. CORPORIS

CHRISTI.

Duplex 1. Class cum Octavâ.

IN I. VESPER.

Ant. 1. Convertimini ad me; en proferam vobis spiritum meum, allel. *Psalmi de Solemnit.*

2. Accipite, comedite, amici, et inebriamini, carissimi, allel.

3. Comedite panem meum, et bibite vinum, quod miscui vobis, allel.

4. Nisi manducaveritis ex hoc pane, non habebitis vitam in vobis, allel.

5. Qui manducat hunc panem, vivet in æternum, allel.

CAPITULUM. *Cant.* 8. 2.

Apprehendam te, et ducam in domum matris meæ, et dabo tibi poculum ex vino condito, et mustum malorum granatorum meorum.

¶ Sapientia foris prædicat, in plateis dat vocem suam, in capite turbarum, et in foribus portarum urbis, dicens: * Venite, comedite panem meum, et bibite vinum, quod miscui vobis. ¶ Misit ancillas suas, ut vocaret ad arcem et ad mœnia civitatis.—Venite.—Gloria.—Sapientia. *In dieb. infra Oct. non dicitur.*

HYMNUS 67. *J. M. Caryophilo.*

Te fasciis obvoluerat
Enixa Virgo parvulum;
Nunc fasciis obvolveris,
Cum te sacerdos advocat.

Tunc Christe lac ut sugeres;
Nunc panis ut tu nutrias:

Tunc pastus uno tempore;
Nunc pastor omni tempore.

Divina tunc vis abdita,
Nunc et virilis abdita
Tunc ven're Matris editus,
At ventribus nunc conditus.

Mortalis à mortalibus
Ut figeris hostia:
Nunc sump'us ut mortalibus
Sis morte victa pharmacum.

Dozol. de Tempore.

¶ Panem de cœlo præstitit nobis Virgo MARIA, allel. ¶ Omne delectamentum in se habentem, allel.

Ad Magnif. ant. O sacrum convivium, * in quo nobis datur in cibum ipse MARIE Filius! Beati, qui ad cœnam hanc vocati sunt, allel. allel.

AD MATUTIN.

Invitat. Corpus Christi de MARIA natum et nobis in panem datum, * Venite, adoremus, allel.

HYMNUS 68. *S. Bonav.*

Summus Artifex omnium
Te providit vas nobile,
Vas dignum, vas egregium,
Vas gratum, vas laudabile,
Vas cunctis vererabile
Famulis, ut edulium
Ministres delectabile,
Panemque cœli civium.

Tu ministras hominibus
Verum panem angelorum,
Tuis natum visceribus
Pro salute peccatorum.
Hic est panis viatorum,
Qui non est dandus canibus,
Qui est salus miserorum
Præstans omnibus panibus.

Gaude, Virgo Mater, gaude:
Per te mundus restauratur.
Cum civibus cœli plaude:
Qui honor tibi datur
Deus decentè solvatur
Tibi, majus omni laude,
Qui per te liberatur

Omnis homo, facta fraude. Amen.

IN I. NOCT.

Ant. 1. Fructum salutariferum * gustandum paravit nobis Virgo Dei Genitrix, allel. *Psalm.* 8. Domina Domin. nost. *p.* 4.

2. Venter tuus, * Domina, sicut acervus tritici vallatus liliis, allel. *Ps.* 32. Exultate iusti. *p.* 21.

3. A fructu frumenti et vini tui, Domina, multiplicamur in pace Christi, allel. *Ps.* 34. Exaudi Dom. *p.* 24.

† Panem cœli dedit nobis Virgo sacrata, allel. † Panem angelorum manducabit homo, allel.

De libro Sapientiæ.

LECTIO 1. Prov. c. 9. 1.
Sapientia ædificavit sibi domum, excidit columnas septem, immolavit victimas suas, miscuit vinum, et proposuit mensam suam. Misit ancillas suas, ut vocarent ad arcem, et ad mœnia civitatis: Si quis est parvulus veniat ad me. Et insipientibus locuta est: venite, comedite panem meum, et bibite vinum, quod miscui vobis. Tu.

† Qui est parvulus, declinet ad me: qui sitit veniat ad me: qui esurit, accedat ad me. * Venite ad me omnes, et ego reficiam vos. † Transite ad me omnes, qui concupiscitis me, et à generationibus meis implemini.—Venite.

LECTIO 2. Cant. c. 5. 1.
Veni dilectus meus in hortum suum, et comedat fructum pomorum suorum. Veni in hortum meum, soror mea sponsa, messui myrrham meam cum aromatibus meis: comedi favum cum melle meo, bibi vinum meum cum lacte meo: comedite, amici, et bibite, et inebriamini, carissimi. Tu.

† Ego sum panis vivus, qui de cœlo descendi: * Qui manducat ex hoc pane, vivet in æternum. †

Caro mea verè est cibus, et sanguis meus verè est potus.—Qui.

LECTIO 3. Eccl. 24. 26.
Transite ad me omnes, qui concupiscitis me, et à generationibus meis implemini: spiritus enim meus super mel dulcis, et hæreditas mea super mel et favum: memoria mea in generationes sæculorum. Qui edunt me, adhuc esurient; et qui bibunt me, adhuc sitient. Qui audit me, non confundetur: qui operantur in me, non peccabunt. Qui elucidant me, vitam æternam habebunt. Tu.

† Nunquid non sapientia clamat, dicens: * Venite, comedite panem meum, et bibite vinum, quod appono vobis. † Dixerunt viri tabernaculi mei: Quis det nobis de carnibus ejus, ut saturemur?—Venite.—Gloria.—Nunquid. *In dieb. infra octav.* Venite.

IN II. NOCT.

Ant. 1. Sicut novellæ * olivarum filii tui sumus in circuitu mensæ tuæ, allel. *Ps.* 48. Audite hæc. *p.* 31.

2. Frange esurienti * panem tuum, et cibus nos, Domina, ex adipe frumenti, allel. *Ps.* 115. Credidi. *p.* 45.

3. Bibite vinum, * quod miscui vobis: inebriamini, carissimi, allel. *Ps.* 119. Ad Dominam. *p.* 46.

† Educas panem de terrâ, allel. † Et vinum lætificet cor hominis, allel.

Sermo S. Amadei Ep. Lausan.

De Laudibus B. V. Hom. 6.

LECTIO 4.

Invito vos ad mensam sapientiæ, et ad vini libamina, quæ miscuit vobis in cratere calicis præclari. Invito vos ad epulas gloriosæ, ad convivium Dei Genitricis. Felix, qui tali potitus convivio coram recumbentibus in veste nuptiali ful-

gebit, apponetur ei panis vitæ confirmans, replens, et salians suavitate mirificâ. Et vinum lætitiæ, vinum procedens de genimine vitis, verè vinum resurrectionis expressum de ligno dominicæ passionis. Tu.

¶. Hic est panis de cœlo descendens, * Ut si quis ex ipso manducet, non moriatur. †. Ego sum panis vivus, qui de cœlo descendi.—Ut.

LECTIO 5.

Hoc vinum Botrus ille protulit, qui ablatus è terrâ promissionis in vecte ligneo pendit. Edet prætereâ præfatus conviva in stolâ primâ, et annulo pacis occisum à Patre vitulum saginatum, accinctus renes zonâ fidei, et castitatis, habens etiâ calceamenta in pedibus, utpote ad omne opus bonum præparatus, agni paschali assas igne carnes manducabit. Tu.

¶. Ego præbeo vobis panem vivum, qui de cœlo descendit: * Si quis manducaverit ex hoc pane, vivet in æternum. †. Patres vestri manducaverunt manna in deserto, et mortui sunt.—Si quis.

LECTIO 6.

Et ego, fratres ad hoc prandium invito. Edite panem vitæ, vinum lætitiæ bibite, inebriamini gaudio resurrectionis. Ebrietas hæc summa sobrietas est, hæc mundi memoriam obliterat, et Deum presentem animo semper inculcat: hæc ebrius quisque cunctorum semper obliviscitur, et solius divinæ claritatis recordatur. Hæc igitur et vos inebriamini, dilectissimi: cum Dei Genitrice inebriamini, et gaudete. Tu.

¶. Comeditis carnes, et saturabimini panibus: * Is est panis, quem dedit vobis Dominus ad vescendum. †. Venite, et comedite pa-

nem meum.—Iste est.—Glor.—Comeditis. *Infra octav.* Iste.

IN III. NOCT.

Ant. 1. Adversus omnes, * qui tribulant nos, Virgo MARIA paravit nobis mensam, allel. Ps. 125. In convertendo. p. 47.

2. Vinum germinans * virgines germinavit nobis sancta Virgo Virginum, allel. Ps. 143. Benedicatis. p. 52.

3. His, qui amaro * sunt corde, præparavit Domina vinum lætitiæ, allel. Ps. 144. Exaltabo te. p. 52.

†. Impinguasti in oleo caput meum, allel.

¶. Et calix meus inebrians, quam præclarus est, allel.

Lectio S. Evangelii secundum Joannem.

LECTIO 7. c. 6. v. 56.

In illo tempore: Dixit JESUS turbis Judæorum: caro mea verè est cibus, et sanguis meus verè est potus. Et reliqua.

Homilia S. Joannis Damasceni.

Libr. 4. c. 14. de Orthodox. fide. Si ipsemet Deus Verbum, postea quam voluntas ipsius tulit, homo factus est, atque ex puris et immaculatis sanctæ ac semper Virginis sanguinibus carnem sibi ipsi sine semine condidit, quid tandem afferri potest, quia ex pane corpus suum et aquâ sanguinem suum efficere queat? Dixit antiquitus: producat terra herbam virentem, atque ea etiâ nunc orto imbre factus suos producit. Dixit Deus: hoc est corpus meum, et hic sanguis meus: atque omnipotenti ipsius præcepto, donec ipse veniat, hoc efficitur. Tu.

¶. Audite audientes me, et comedite bonum, * Et delectabitur in crassitudine anima vestra. †. Quid mihi est in cœlo, et à te quid

volui super terram, Deus cordis mei.—Et delect.

LECTIO 8.

Quemadmodum quidquid Deus fecit, id Sancti Spiritus operatio fecit: eodem modo nunc quoque Spiritus operatio ea, quæ naturam superant, effecit: quæque nisi sola fide capi, atque intelligi nequeunt. Quo tandem modo fiet istud, agebat sancta Virgo, quoniam virum non cognosco? Respondit Archangelus Gabriel: Spiritus Sanctus superveniet in te, et virtus Altissimi obumbrabit tibi. Tu quoque quæris, quomodo panis corpus Christi, et vinum cum aqua conjunctionum sanguis Christi fiat? Tibi idem respondeo: Spiritus Sanctus supervenit, atque efficit quæ orationis facultatem, et mentis intelligentiam excedunt. Tu.

¶ Sicut modo geniti infantes, rationabile sine dolo lac concupiscite, * Ut in eo crescalis in salutem. † Venite, emite absque argento vinum et lac.—Ut.

Hoc ¶. omittitur in diebus infra octav.

LECTIO 9.

Sanè corpus divinitati verè unitum est, illud corpus, quod ex sancta Virgine ortum est: non quod assumptum illud corpus è cælo descendit, sed quia panis ipse ac vinum in corpus et sanguinem Dei immutantur. Quod, si quo pacto id fiat, requiris, sat tibi sit, audire, quod per Sanctum Spiritum id fiat, quemadmodum et ex sancta Dei Matre per Spiritum Sanctum Dominus sibi ipsi, et in seipso carnem condidit. Tu.

¶ Sapientia foris prædicat, in plateis dat vocem suam, in capite turbarum, et in foribus portarum urbis, dicens: * Venite, comedite panem meum, et bibite vinum

quod miscui vobis. † Misit ancillas suas, ut vocarent ad arcem, et ad mœnia civitatis.—Venite.—Gloria.—Sapientia. *In diebus infra oct.* Venite.

Te Matrem Dei.

AD LAUDES

et per Horas Antiphonæ.

1. Domina mea * regit me, et in loco pascuæ ibi me collocavit, allel. *Psalmi de Dominica.*

2. Pinguis est panis, * quem nobis paravit Virgo, et præbet delicias regibus, allel.

3. Dedit nobis * medullam tritici, et sanguinem uvæ bibere meracissimum, allel.

4. Qui manducat * ex hoc pane, vivet in æternum, allel.

5. Dabo vobis * manna absconditum, quod nemo scit, nisi qui accipit, allel.

CAPITULUM. *Cant. 8. 2.*

Apprehendam te, et ducam in domum matris meæ, et dabo tibi poculum ex vino condito, et musum malorum granatorum meorum.

HIMNUS 69.

Verbum supernum prodiens
Nec Patris linquens dexteram
Ad opus suum exiens
Per Virginem pertransiit.

In mortem à Discipulo
Suis tradendus æmulis
Prius in vitæ ferculo
Se dat Parenti et fra'tribus.

Quibus sub binâ specie
Carnem dedit et sanguinem,
Quam duplicem substantiam
Assumpserat de Virgine.

Concede, Christe, quæsumus,
Dum sumimus convivium
Hoc, memoriam facere
Communis Matris omnium.

Uni trinoque Domino
Sit sempiterna gloria,
Qui vitam sine termino
Nobis donet in Patria. Amen.

†. Nomen tuum, et memoriale tuum, Domina, allel. ⁊. In desiderio animæ meæ, allel.

Ad Benedict. ant. Caro Filii mei* verè est cibus, et sanguis ejus verè est potus: venite, comedite, et bibite, ut vivatis in æternum, allel., allel.

Oremus.

Oratio.

Deus, qui per Spiritum Sanctum in visceribus Beatæ MARIE semper Virginis Corpus Christi sanctum et immaculatum formasti, et pro nobis pati, ac mori, et nobiscum in memoriam suæ passionis usque ad consumationem sæculi in Sacramento altaris esse voluisti: tribue, quæsumus, ita nos corporis et sanguinis sui sacra mysteria venerari, ut redemptionis ejus fructum in nobis jugiter sentiamus. Qui tecum vivit et regnat.

AD PRIMAM.

Ant. Domina. *Capitul.* Apprehendam. *de Laud.*

†. ⁊. br. Quæ satias nos adipe frumenti.

CANON.

Ex Concilio Levitiensi.

An. 1606—die 11. *Sep. Can.* 18.

Mart. T. 7. *col.* 1447.

311. In Eucharistiæ Sacramento est reipsa verum Corpus Domini Nostri JESU—Christi, illud ipsum quod de Virgine natum est, et in cruce passum est. Tu.

AD TERTIAM.

CAPITULUM. *Isai.* 25. 6.

Fecit Dominus exercituum omnibus populis convivium pinguium, convivium vindemiæ, pinguium medullarum, vindemiæ deffecatæ.

⁊. br. Panem cæli dedit eis, * Alleluia, alleluia.—Panem. †. Panem Angelorum manducavit homo.—Allel.—Gloria.—Panem.

†. Cibavit illos ex adipe frumenti, allel.

⁊. Et de petrâ melle saturavit eos, allel.

AD SEXTAM.

CAPITULUM. 1. *Corinth.* 11. 26.

Quotiescumquè manducabitis panem hunc, et calicem bibetis, mortem Domini annuntiabitis, donec veniat.

⁊. br. Comedite panem meum, * Allel. allel.—Comedite †. Et bibite vinum, quod miscui vobis.—Allel.—Gloria.—Comedite.

†. Educas panem de terrâ, allel.

⁊. Et vinum lactificet cor hominis, allel.

AD NONAM.

CAPITULUM. 1. *Corinth.* 11. 27.

Quicumque manducaverit panem hunc, vel biberit calicem Domini indignè, reus erit corporis, et sanguinis Domini.

⁊. br. Comedite, amici et bibete, * Allel. allel.—Comedite. †. Et inebriamini, carissimi,—Allel.—Gloria.—Comedite.

†. Posuit fines tuos pacem, allel.

⁊. Et adipe frumenti satiat te, allel.

IN II. VESPER.

Ant. 1. Quomodo * si cui Mater blandiatur, ita ego consolabor vos, allel. *Psalmi de Solemnit.*

2. Ad ubera * portabimini, et in Matre Dei consolabimini, allel.

3. Sicut modò * geniti infantes, rationale sine dolo lac meum concupiscite, allel.

4. Venite, * et emite absque argento panem et vinum meum, allel.

5. Qui manducat * hunc panem, vivet in æternum, allel.

Capitul. et ⁊. ut in primis vesper.

HYMNUS 70. *Br. Rom.*

Pange, lingua, gloriosi Corporis mysterium, Sanguinisque pretiosi,

Quem in mundi pretium
Fructus ventris generosi
Rex effudit gentium.

Nobis datus, nobis natus
Ex intactâ Virgine,
Et in mundo conversatus,
Sparso verbi semine,
Sui moras incolatus
Miro clausit ordine.

In supremâ nocte cœnæ
Recumbens cum fratribus,
Observatâ lege plenè
Cibis in legalibus,
Cibum turbæ duodenæ
Se dat suis manibus.

Verbum caro, panem verum
Verbo carnem efficit,
Fitque sanguis Christi merum;
Et si sensus deficit,
Ad firmandum cor sincerum
Sola fides sufficit.

Tantum ergo Sacramentum
Veneremur cernui,
Et antiquum documentum
Novo cedat ritui:
Præsetet fides supplementum
Sensuum defectui.

Genitori Genitoque
Laus et jubilatio,
Salus, honor, virtus quoque,
Sit et benedictio;
Procedenti ab utroque
Compar sit laudatio. Amen.
†. Venite ad me omnes, allel.
℟. Comedite panem meum, allel.

Ad Magnific. ant. Exultate in eâ
omnes qui diligitis eam, ut sugatis
et repleamini ab ubere consolationis
ejus, ut mulgeatis, et deliciis
affluatis in omnimodâ gloriâ
ejus, allel. allel. Orat. de Laud.

Completor. de Dominicâ.

In diebus infra octav. nisi occurrat festum. Duplex, Officium fit
ut in die, Psalmi et Lectiones primi
Noct. de feriâ occurrenti.

FER. VI. INFRA OCT.

Semiduplex.

Sermo S. Ambrosii Ep.
Serm. 3. in Psalm. 21.

LECTIO 4.

Cur totius Dominus creaturæ vermiculo se voluerit comparari? Possumus hoc quidem humilitati primitus assignare, quæ sanctorum virtus est maxima, sicut sanctus Moyses ante Deum animal se irrationabile profitetur; David pulverem se sæpè commemorat. Sed magis illud accipiendum puto, quoniam vermis nullâ extrinsecus admixtione alieni corporis, sed de solâ et purâ terrâ procreatur, ideo illum comparatum Domino, quoniam et ipse Salvator de solâ et purâ MARIA generatur. Tu.

℟. Hic est panis.

LECTIO 5.

Legimus etiam in libris Moysi de manna vermiculos procreatos. Digna et plenè justa comparatio. Si quidem de manna vermiculus gignitur, et Dominus Christus de Virgine procreatur. Quin potius ipsam MARIAM manna dixerim, quia est subtilis et splendida, suavis, et virgo, quæ velut cœlitus veniens cunctis Ecclesiarum populis cibum dulciorem melle defluxit: quem qui edere, aut manducare neglexerit, vitam in semetipso habere non poterit. Tu. ℟. Ego præbeo.

LECTIO 6.

Filiis Israël subtiliter prophetatum est in veteri testamento. Manna enim illis contra divina præcepta tractantibus vermes effecti sunt, id est, contumaciæ ultores et judices. Quæ similitudo Christum indicat Dominum, quem qui suavem cibum, et dulcem polum haurire neglexerit, judicem patietur, sicut ipse ait: neque enim Pater judicat quemquam, sed omne iudicium dedit Filio. Tu. ℟. Comeditis.

IN III. NOCT.

Lectio Sancti Evangelii secundum
Joannem.

LECTIO 7. c. 6. v. 56.

In illo tempore: Dixit JESUS turbis
Judæorum: caro mea verè est ci-
bus, et sanguis meus verè est potus.
Et reliqua.

Homilia S. Laurentii Justiniani.
*Sermo de Nat. B. V. M. In Bi-
bliotec. PP. concion.*

An non MARIA testamenti arca ve-
rissima, quæ auro vestita mundis-
simo, virtutum gemmis ornata, ac
imputribilibus lignis spiritualiter
facta, testamenti tabulas, fronden-
tem virgam et suavissimum in se
manna continuit? Hæc omnia in
Christo, imò hæc omnia Christus,
qui virginalis pudicitiae habitavit
in utero. Ipse namque verus Deus
fuit, et homo, veramque carnem
traxit ex Virgine. Tu. ꝑ. Audite.

LECTIO 8.

Hoc namque suavissimum est man-
na de cælo missum ad spiritualem
refectionem, vitamque justorum.
Nullam utique in se corruptionem
admittit, nullum de se spiritualiter
manducantibus fastidium parit,
quin potius præstat vitam, vires
præbet, infundit gaudium, et de
imis constituit in excelsis. Qui
manducat, inquit, meam carnem,
et bibit meum sanguinem, in me
manet, et ego in illo. Tu. ꝑ. Sa-
pientia.

LECTIO 9.

Hoc utique manna, quod in utero
MARIE repositum, tibi que expo-
situm, atque appositum est, fræ-
quentèr utere ad salutem. Uteri
hujus venerare pudicitiam, et arcæ
hujus mysticæ gratiam contempla-
re, quæ tale excepit munus, ta-
lemque genuit prolem, quæ te
corporis sui manna reficeret, ine-
briaret cruore, passione redimeret,

morte salvaret. Tu. Te Matrem.

CANON.

Ex Statutis Synodalibus Ecclesiæ
Cænomanensis.

An. 1247. apud Marten. Tom. 7.
col. 1381.

312. Ubi erat prius purus panis,
est verum Corpus Christi de Vir-
gine natum, in cruce passum, ad
dexteram Dei collocatum. Tu.

Vesperæ ut in secund Vesper.

SABBATO INFRA OCTAV.

Semiduplex.

IN II. NOCT.

Sermo S. Augustini Episcopi.

In Psalm. 98. Enarratione.

LECTIO 4.

Adorate scabellum pedum ejus.
Quæro, quid sit scabellum pedum
ejus, et dicit mihi scriptura. Terra
scabellum pedum meorum. Flu-
ctuans converto me ad Christum,
quia ipsum quæro hic, et invenio,
quandò sine impietate adoretur
terra, sine impietate adoretur sca-
bellum pedum ejus. Suscepit enim
de terrâ terram, quia caro de terrâ
est, et de carne MARIE carnem
accepit. Tu. ꝑ. Hic est.

LECTIO 5.

Et quia in ipsa carne hic ambula-
vit, et ipsam carnem nobis mandu-
candam ad salutem dedit: nemo
autem illam carnem manducat, nisi
prius adoraverit: inventum est
quemadmodum adoretur tale sca-
bellum pedum Domini, et non so-
lùm non peccemus adorando, sed
peccemus non adorando. Nunquid
autem caro vivificat? Ipse Dominus
dixit cum de ipsâ commendatione
ejusdem terræ loqueretur: Spiritus
est, qui vivificat, caro autem nihil
prodest. Tu. ꝑ. Ego præbeo.

LECTIO 6.

Tunc autem, quandò hoc Dominus
commendavit, de carne suâ locutus

erat, et dixerat. Nisi quis manducaverit carnem meam, non habebit in se vitam æternam. Scandalizati sunt quidam discipuli ejus, septuaginta ferme et dixerant. Durus est hic sermo, quis potest hoc intelligere? Et recesserunt ab eo, et amplius cum eo non ambulaverunt. Tu. ꝑ. Comedetis.

IN III. NOCT.

Lectio S. Evangelii secundum Joannem.

LECTIO 7. c. 6. v. 56.

In illo tempore: Dixit JESUS turbis Judæorum; caro mea verè est cibus, et sanguis meus verè est potus. Et reliqua.

Homilia S. Germani Arch. Constantinopolitani. *Ex theoria rerum Ecclesiasticarum.*

Apud Marraccium, in Bibliot. marian. frag. 1.

Oblatio (quæ panis et benedictio, et primitiæ dicitur) ex quâ Dominicum Corpus dissecatur, ad typum semper Virginis et Deiparæ sumitur: quæ secundum beneplacitum Patris, et voluntatem Filii sui et Verbi, et adventum Domini Spiritus unum Sanctæ Trinitatis Filium Dei et Verbum recipiens in se, perfectum Deum, et perfectum hominem peperit. Tu. ꝑ. Audite aud.

LECTIO 8.

Craterem etiã interpreteris licet mammas Deiparæ, salutare lætitiæ poculum, et tutelare ac consecratorium totius generis mortalium. Pontifex Dominus est. Thronus Virgo. Christus Dei sapientia et virtus suam carnem ædificavit ex eâ, virum non expertâ, castâ matre et virgine, præpurgatâ animâ et corpore. Miscuit in cratere suo vinum, in supersanctâ Virgine suam Deitatem uniens carni et vinum merum. Servator enim genitus est ex eâ inconfusè, at abs-

que conjuge Deus et homo. Tu. ꝑ. Sapientia.

LECTIO 9.

Oportet ut nos Dominam hujus universi laudemus, et illam angeli salutationem annuntiemus. O Mater casta, lumine carentes, typos et præteritas umbras verbi contemplantes, quæque insunt occlusis foribus, lumen veritatis refulgens glorificamus. Tuo verò utero dignè benedicimus. Tu. Te Matrem.

CANON.

Ex S. Hilario Episcopo.

De Trinit. libr. X, n. 18.

313. Per panem suum de cœlo descendentem et carnem ac sanguinem Filii hominis, et conceptæ ex Spiritu Sancto, et natæ ex Virgine carnis intelligatur assumptio. Tu.

DOM. II. VIT. ACTIV. ET INFRA OCTAV.

Semiduplex.

Psalmi de Dominica. Reliqua ut in die.

IN I. NOCT.

LECTIO 1. c. 15. v. 4.

Deposuit Es. her vestimenta ornatus sui, et circumdata est gloriâ suâ. Cumque regio fulgeret habitu, et invocasset omnium rectorem et Salvatorem Deum, assumpsit duas famulas, et super unam quidem innitebatur, quasi præ deliciis et nimia teneritudine corpus suum ferre non sustinens: altera autem famularum sequebatur Dominam defluentia in humum vestimenta sustentans. Tu. ꝑ. Qui est parv. p. 252.

LECTIO 2.

Ipsa autem roseo colore vultum perfusa, et gratis ac nitentibus oculis tristem celabat animum, et nimio timore contractum. Ingressa igitur cuncta per ordinem ostia, stetit contra regem, ubi ille resi-

debat super solum regni sui, indutus vestibus regiis, auroque fulgens, et pretiosis lapidibus, eratque terribilis aspectu. Tu. ꝑ. Ego.

LECTIO 3.

Cumque elevasset faciem, et ardentibus oculis furorem pectoris indicasset, regina corruit, et in pallorem colore mulato, lassum super ancillulam reclinavit caput. Convertitque Deus spiritum regis in mansuetudinem, et festinus ac metuens exilivit de solio, et sustentans eam ulnis suis donec rediret ad se, his verbis blandiebatur. Quid habes Esther? Ego sum frater tuus, noli metuere. Tu. ꝑ. Nunquid.

IN II. NOCT.

Ex verbis S. Bonaventuræ Ep. in Speculo B. Virginis. *Lect. 3.*

LECTIO 4.

Considera, carissime, quod MARIA est Domina Angelorum. Ipsa enim signata est in Dominâ Esther reginâ, de quâ legitur, quod super unam famulam suam deliciosè innitebatur, altera autem feminarum sequebatur Dominam defluentia in humum vestimenta sustentans. Per Domiram Esther Reginam intellige MARIAM Reginam: duæ famulæ quarum Domina est Regina MARIA, sunt angelica, et humana creatura. Tu. ꝑ. Hic est.

LECTIO 5.

Quantum gaudendum est nobis miseris hominibus, quod Angeli Dominam, et Dominam habent ex hominibus! Verrissimè enim Angelorum Domina est MARIA; undè Augustinus ipsam alloquens, ait: si cælum te vocem, altior es: si matrem gentium prædicam, præcedis: si Dominam Angelorum nominem, per omnia esse comprobabis: si formam Dei appellem, digna existis. Anima verò humana est famula, quæ Dominam suam

MARIAM sequitur in mundo. Sequitur certè colligens virtutes et exempla MARIE. Tu. ꝑ. Ego præbeo.

LECTIO 6.

Intelligentia verò angelica est famula superquam Domina sua MARIA innititur in cælo. Innititur certè tanquàm familiarissima se angelis sociando. Innititur etiâ tanquàm delicatissima in angelis deliciando. Innititur quoquè tanquàm plenissima se cum suâ plenitudine angelis communicando. Innititur in supèr tanquàm potentissima angelis imperando. Omnibus enim angelis MARIA innititur suo imperio. Tu. ꝑ. Comeditis.

IN III. NOCT.

Lectio S. Evangelii secundam Joannem.

LECTIO 7. c. 6. v. 56.

In illo tempore: Dixit JESUS turbis Judæorum: caro mea verè est cibus, et sanguis meus verè est potus. Et reliqua.

Homilia S. Epiphanii Ep.

In Scrm. de B. V. M.

Virgo MARIA clibanus est intellectualis, qui ignem et panem vitæ calidum mundo in essum attulit, de quo Salvator mundi Christus ait: accipite, et comedite: hoc est corpus meum, quod pro vobis frangitur in remissionem peccatorum. Locuples est, carissimi, virtutibus plena mensa virginea, optimis quibuscumque cibis abundans, quibus terra fruatur. Tu. ꝑ. Audite audientes.

LECTIO 8.

Est etiâ beata Virgo vitis veritatis fertilissima, et quoad virginitatem minimè vindemiata, quæ licet non fossa, uvarum tamen feracissima, nempe quæ maturam uvam germinavit Christum. Quam ob rem, Sanctissima Virgo, fac

nobis fidem, quâ ratione germinaveris, quo pacto suscipiens Verbum, quod est ante sæcula, Mater Dei visa sis super terram. Tu. *¶*. Sapientia.

LECTIO 9.

O Virginem, stupendum Ecclesiæ thesaurum, qui adeptus est ingens mysterium. Virginem appellat velut Sacerdotem, paritèr et altare: quæ quidem mensam ferens dedit nobis cœlestem panem Christum in remissionem peccatorum. Sed quid dicam, aut quid loquar de præclara et sanctâ Virgine? Desiderium me trahit, ut de Deiparâ verba faciam, et formido me retinet in silentio, ut qui non habet facultatem dicendi. Tu. Te Matrem.

Ad Bened. ant. Qui manducat * carnem Filii mei, vivet in æternum, allel. allel.

Oremus.

Oratio.

Cordibus nostris, quæsumus, Domine, gratiam tuam benignus infunde, et intercedente Sanctissimâ Dei Genitrice MARIA, corpora nostra castitate, et mentes nostras humilitate, et charitate sanctifica. Per eundem.

CANON.

Ex S. Hilario Episcopo.

Tract. in Psalm. 51. n. 16.

314. «Elevabo tabernaculum David,» sanctum illud scilicet et venerabile nati ex Virgine Dei corpus, et Templum, in quo qui crediderit, tanquàm consors dominicæ carnis habitavit. Tu.

Ad Magnific. ant. Cum regio * fulgeret habitu pro nobis omnium rectorem Deum invocavit, allel. allel.

FER. II. INFRA OCT.

Semiduplex.

IN II. NOCT.

Sermo Ven. Petri Blessensis.

Serm. 6. de Nativ. Domini.

LECTIO 4.

Comedamus panes Melchisedech, nam ipsi sunt vetustissimi et suavissimi, et projiciamus panes propitiationis, qui sunt veteres; quia supervenit panis novus, qui de cœlo descendit. Hunc panem mulier evangelica de tribus saccis farinæ commiscuit. Beatissima enim Virgo tres substantias, divinitatem, scilicet, carnem et animam unitas concepit. Tu. *¶*. Hic est pan. *p. 253.*

LECTIO 5.

Panis iste, quem vobis confecit, in clibano crucis confectus est, et in Resurrectione divisus. Sapientia enim abscondita, et thesaurus invisus, et panis non divisus aut fractus, quæ utilitas in his tribus? Sed fractus est panis, apertus est liber, concissus est saccus: et Spiritus Christi descendens ad inferos, tanquàm inter mortuos liber, eduxit vinctos de domo carceris, sedentes in tenebris, et umbrâ mortis. Tu. *¶*. Ego præb.

LECTIO 6.

Caro verò moriens mortem perimit, et vita hominum cum eâ resurgit, regenerata in spem vitæ per Resurrectionem JESU-Christi ex mortuis. Sic itaque panis noster quotidianus super substantialis ex tribus saccis farinæ compactus est in conceptione, coctus in passione, fractus in resurrectione. Hic est panis subscinericius, qui subvertit castra Madian. Tu. *¶*. Comeditis.

IN III. NOCT.

Lectio S. Evangelii secundum Joannem.

LECTIO 7. c. 6. v. 56.

In illo tempore: Dixit JESUS turbis Judæorum: Caro mea verè est cibus, et sanguis meus verè est potus. Et reliqua.

Homilia S. Isidori Arch. Thessalonicensis.

Orat in Ann. B. V. M. In Bibliothecâ Marracc.

Sed ut se exhibeat Virgo alterum ferè Creatorem, bonumque Dominum, Creatori et Filio suo similem, maximaquæque communicat cum aliis. Imò vero, ut ostendat, quòd propter nos in hanc vitam est edita, et quasi munus porrigens Deo conjungat, indè disjunctos alacriter per suum partum nos advocat, quo simus consortes unioniscum ipso, ut quod illi fuit Deus per admirandam illam conceptionem (tulit enim ipsum veluti absortum, sibique coagmentatum), hoc idem eum Deo nos efficiamur per summptionem carnis, quam ejus Unigenitus assumpsit ab eà. Tu. ¶. Audite.

LECTIO 8.

Carnem porrò hanc jucundissimam, et vitæ largitricem, supercælestis verè homo, nimirum Virgo, agriculture suâ præstitit, atque futuram nobis cenam paravit. Itaque cum nos ejus Filius ad hanc quoquè attrahit mensam, suasque porrigit carnes, vidensque nos degustantes gaudet; hoc etià Matri ad scribendum est. Fructus enim hominum et ipsa mirum in modum procreata est, ut carnem quidem ex eà Deus sibi sumeret, eàdem verò aleret Matris suæ cognatos. Tu. ¶. Sapientia.

LECTIO 9.

Nam si hoc futurum non fuisset, omni materiâ sublimiùs illustrissimum hoc vas nunquàm exilisset creatum è terrâ simulacrum. Et ubi terram adiit, quia Deo similitima erat, nihil aliud exoptavit, quàm quod Deus optabat: et quia ligni quidem fuit gustus, qui hominem à Deo, proh dolor! abalie-

navit, suam verò carnem virgo esse idoneam medicinam videbat, appositam gustantibus, ad conjungendos homines Deo, quo ægrotum beneficio afficere gratuito cupiebat. Id ipsum verò Deo quoquè gratum erat, seipsum, scilicet, si fieri posset, apponere lapso escam. Tu.

Te Matrem.

CANON.

Ex S. Cyrillo Ep. Alexandrino.

Ad Valer. Epist.—Concil. T. 6.

p. 372.

315. Cum unigenitum Dei Verbum corpus ex sanctâ et Dei Genitrice Virgine suscepisset, susceptumque proprium sibi fuisset; semetipsum pro nobis Deo et Patri immaculatam Hostiam in odorem suavitatis obtulit. Tu.

FER. III. INFRA OCT.

Semiduplex.

IN II. NOCT.

Sermo S. Bernardini Senensis.

Tom. 1. Serm. 61. art. 1. c. 10.

LECTIO 4.

De carne Virginis benedictæ, et in parte corporis ejus excissâ consistit, perficitur, et terminatur totum decus et pondus sacramentorum Ecclesiæ Dei. Certum est enim quòd omnis institutio Sacramentorum, et omnia alia Sacramenta, tanquàm in ultimum finem, et ad illud Sacramentum omnium Sacramentorum excellentissimum, quod est Eucharistia, ordinantur, quæ quidem conficitur, et consecratur, dum panis in corpus Christi convertitur. Tu. ¶. Hic est.

LECTIO 5.

Quamvis enim per concomitantiam in Christi corpore sit divina substantia, et anima sola; tamen substantia panis transubstantiatur in solâ substantiâ carnis, non in divinitatem neque in animam: ideo hoc Sacramentum est finis omnium

Sacramentorum. Tu. ꝑ. Ego præb:

LECTIO 6.

Et (ut expressius magnificem illam dignissimam et beatissimam carnem de Virgine gloriosâ decisam) dico, quod tantâ infinitate nobilitatis eam dignificavit Altissimus, quod cum esset veri hominis caro dum vivebat JESUS, formam hominis posset perdere, Dei autem nunquàm: non enim erat verum dicere de corpore exanimi Christi; hoc corpus est homo, et verum erat dicere: hoc corpus est Deus. Tu. ꝑ. Comedelis.

IN III. NOCT.

Lectio S. Evangelii secundum Joannem.

LECTIO 7. c. 6. v. 56.

In illo tempore: dixit JESUS turbis Judæorum: caro mea verè est cibus, et sanguis meus verè est potus. Et reliqua.

Homilia S. Andreæ Cretensis.
Oratio de Dormition. B. V. apud Surium.

Jam sapientia, quæ ipsam sapientiam secundum carnem genuit, appositè invitans, cum totam seipsam, tanquàm mensam mysticam cœlestemque paraverit, eos qui mente sunt in divinis initiati mysteriis, benignè invitat ad convivium... Tu. ꝑ. Audite.

LECTIO 8.

«Invitat, dico», non victimam macians, aut crateri liquores in fundens, cujusmodi fuerint olim beatæ illæ victimæ, et crater ille, qui beatum illud à Deo perfectum nectar suscepit: sed suorum mysteriorum illa planè admirabilia et divina reverà spectacula. Ad quæ quidem maximè eos, qui sunt congregati invitans festi Domina, sapientiæ quidem donum, quantumque sit, hinc nobis ex se ipsa ostendit. Tu. ꝑ. Sapientia.

LECTIO 9.

Ostendit autem suam sanctissimam mensam, utpole quæ ipsum solum vivificum panem Dominum nostrum JESUM, qui est vita æterna, qui creatam continet naturam, ex fermento adamiciæ conspersiois panem factum, in utero gestavit œconomicè, qui eos, qui sanctè ad eum accedunt, reducit ad vitam recentiorum, et reddit in Deo perfectos. Tu. Te Matrem.

CANON.

Ex S. Cyrillo Ep. Alexandrino.

Concil. Tom. 6. p. 70.

316. Panis, quem ego dabo caro mea est... vide igitur, quomodo ubique suum corpus illud è muliere assumptum nominat propter summam unitatem. Tu.

FER. IV. INFRA. OCT.

Semiduplex.

Sermo S. Bernadi Abbatis.

Homilia 3. super missus.

LECTIO 4.

Benedictus fructus ventris tui. Benedictus in odore, benedictus in sapore, benedictus in specie. Hujus odoriferi fructus fragrantiam sentiebat, qui dicebat: Ecce odor Filii mei, sicut odor agri pleni, cui benedixit Dominus. An non verè benedictus, cui benedixit Dominus? De sapore hujus fructus quidam quod gustaverat, talitèr eruclabat: Gustate et videte, quoniam suavis est Dominus. Et alibi: quàm magna multitudo dulcedinis tuæ, Domine, quam abscondisti timentibus te. Tu. ꝑ. Hic est.

LECTIO 5.

Et alius quidem: si tamen, inquit, gustastis, quoniam dulcis est Dominus. Et ipse fructus de se, invitans nos ad se. Qui edit me, ait, adhuc esuriat, et qui bibit me, adhuc sitiet. Utique propter saporis dulcedinem hoc dicebat, qui semel

gustatus magis excitat appetitum. Bonus fructus qui animarum esurientium, et sitientium justitiam, et esca et potus est. Tu. *¶*. Ego præbeo.

LECTIO 6.

Audisti de odore, audisti de sapore, audi et de specie. Si enim fructus ille mortis non solum suavis fuit ad vescendum, sed etiam, teste scripturâ, delectabilis aspectu; quando magis hujus vitalis fructus vivificum decorem debemus inquirere, in quem, leste aliâ scripturâ, desiderant etiam angeli prospicere? Cujus pulchritudinem in spiritu videbat, et in corpore videre cupiebat, qui dicebat: ex Sion species decoris ejus. Tu. *¶*. Comedelis.

IN III. NOCT.

Lectio S. Evangelii secundum Joannem.

LECTIO. 7. c. 6. v. 56.

In illo tempore: Dixit JESUS turbis Judæorum: caro mea verè est cibus, et sanguis meus verè est potus. Et reliqua.

Homilia S. Isidori Arch. Thesalonicensis.

Orat. in annunt. B. M. V. Apud Marrac.

Nos verò, è quibus decantatissima orta est Virgo, communè omnium oblectamentum, et pro quibus ille, qui potens est, cum ipsâ Virgine magna peregit: sicut accepimus gaudium, ita reddamus illi quæ dedit, non solum adhibentes salutationem, quam à Gabriele didicimus, sed nos metipsos etiam intus perpurgantes, et omne quod depravat animum eliminantes, ut cœnæ apti sine labe fiamus, accedentes ad escam admirabilem, et purissimam, quam salutatio hoc modo novo et insolito dedit. Tu. *¶*. Audite.

LECTIO 8.

Ita ergò gloriosissima Virgo summam lactitiam percipit, dum nos unigeniti sui carnibus repleti videt. Nam propter hoc immaculatissima in terram venit, et carnem suâ veste Salvatorem obtexit, ut Salvator hæc nobis fieret cœna, perque cognatam ejus carnem Deo jungeremur: quod assequi sine Virgine propter peccatum non poteramus. Tu. *¶*. Sapientia.

LECTIO 9.

Gaudet sine dubio, dum nos hæc mensam utimur, quam ad hoc præparavit, et propterquam cuncta illa mysteria tremenda peracta sunt, et per quam in deos ex hominibus essu doni mutatur. Quod si indè venit gaudium, certè contrarium beatissimæ Virgini esse molestum, cum nos procùl à sacrâ mensâ sedemus fame laborantes, quod est abalienatio à Deo, vitæque peremptio. Tu. Te Matrem.

CANON.

Ex S. Buenaventurâ Episcopo.

Specul. B. V. M. Lect. 18.

317. Necesarius est fructus MARIE benedictus ad locupletationem, sive repletionem animæ... Ipsum ore exteriori sumimus sacramentalitèr, ore quoque interiori spiritualitèr. Propter quod Hyeronimus ait: Flos MARIE factus est fructus, ut nos illum comederemus Tu.

Vesperæ ut in prim. Vesp.

FERIA. V.

OCTAVA SS. CORPOR. CHRISTI.

DUPLEX MAJUS.

Lectio 1. Noct. et reliqua ut in die.

IN II. NOCT.

Sermo S. Petri Damiani.

In Nativitat. B. V. M.

LECTIO 4.

Hic dilectissimi fratres, hic rogo,

perpendite, quàm debitores sumus huic beatissimæ Dei Genitrici. Illud siquidem Corpus Christi, quod beatissima Virgo genuit, quod in gremio fovit, quod fasciis cinxit, quod maternâ curâ nutrit: illud, inquam, absque ullâ dubietate non aliud nunc de sacro altari percipimus, et ejus sanguinem in sacramentonostræ Redemptionis haurimus. *Tu. R. Hic est.*

LECTIO 5.

Hoc catholica fides habet, hoc sancta Ecclesia docet. Impar est ergò illi omne humanæ linguæ præconium, quæ de intemeratæ carnis suæ visceribus cibum nobis protulit animarum, illum videlicet, qui de semelipso perhibet, dicens: Ego sum panis vivus, qui de cœlo descendi. *Tu. R. Ego præb.*

LECTIO 6.

Si quis manducaverit ex hoc pane, vivet in æternum. Per cibum à paradisi sumus amanitate dejecti, per cibum quoquæ ad paradisi gaudia reparati. Cibum comedit Eva, per quem nos æterni jejuniiflame mulclavit. Cibum MARIA edidit, qui nobis cœlestis convivii aditum patefecit. *Tu. R. Comedelis.*

IN III. NOCT.

Lectio Sancti Evangelii secundum Joannem.

LECTIO 7. c. 6. v. 56.

In illo tempore: Dixit JESUS turbis Judæorum: Caro mea verè est cibus, et sanguis meus verè est potus. Et reliqua.

Homilia S. Paschasii Abbatis.

De Epistola Corpor. et Sang. Christi.

Quæris de re, ex quâ multi dubitant. Quam si forè ad plenè non intelligunt, utique credere debuerant verba Salvatoris, qui non mentitur verax Deus, cum ait: Nisi manducaveritis carnem Filii

hominis, et biberitis ejus sanguinem, non habebitis vitam in vobis manentem. Caro enim mea verè est cibus, et sanguis meus verè est potus. *Tu. R. Audite.*

LECTIO 8.

Ergò cum ait: Hoc est corpus meum, vel caro mea, seu hic est sanguis meus, non aliam pulo insinuasse, quàm propriam, et quæ nata est de MARIA Virgine, et pendit in cruce: neque alium sanguinem, quàm qui profusus est in cruce, et tunc erat in proprio corpore. Nemo igitur qui sanè sapit, credit JESUM aliam carnem, aut sanguinem habuisse, quàm quæ nata est de MARIA Virgine, et passa est in cruce. *Tu. R. Sapientia.*

LECTIO 9.

Et ne pulares, quia in Sacramento loquebatur, quòd de alio diceret, quàm de proprio in eodem mysterio, demonstrativè dixit: Hoc est Corpus meum. Nam cum ait meum, et hoc est, non qualecumque vult intelligi corpus, sed illud, quod tradendum erat, ut ipse mox adjecit, et non alium sanguinem, quam qui fundendus erat in proprio corpore, in remissionem peccatorum. *Tu. Te Matrem.*

CANON.

Ex S. Petro Paschasio Ep. et Mart. *Titul. 17. de Sacram. altar. n. 55. p. 350.*

318. Creator... potens est ex se ipso facere, quod ejus gloriosum corpus quod de MARIA Virgine assumpsit, sit perfectè et integrè in quâlibet parte Hostiæ consecratæ à Presbytero: et sic tam in parte modicâ, quàm in magnâ est verus Deus, et homo invisibilis et Omnipotens. *Tu.*

FERIA VI.

post Domin. 2. Vitæ activæ.

§. 2. Per Missas in Sabbato.
CANON.

Ex Concilio Avenionensi.

An. 1326. c. 1. Lab. Coll. T. 7.
col. 1494

319. Statuimus et communiter ordinamus, quod Missa de Beata MARIA... in die Sabbati, si festum novem Lectionum non impediatur... solemniter in singulis Ecclesiis celebretur. Et ut ad veniendum fideles ferventius inducantur, singulis ad dictam Missam venientibus, decem dies de injunctis penitentiis misericorditer relaxamus. Tu.

SABBATO.

Ex Decreto S. Rituum Congregationis.

2. Dec. 1684. in una Canon.
Regul. Later.

320. In Ecclesiis, ubi adest memorabilis consuetudo canendi Missam votivam de Beata MARIA Virgine singulis Sabbatis, licet est confirmari potest, etiamsi occurrat Officium duplex, dummodo non omitatur suo tempore Missa conventualis. Tu.

DOM. III. VITÆ ACTIV.

Semiduplex.

Omnia ut in Psalter. per annum, et sic in sequentibus.

IN I. NOCT.

De libro Job.

LECTIO 1. v. 38. v. 12.

Nunquid post ortum tuum præcepisti diluculo, et ostendisti auroræ locum suum? Et tenuisti concutiens extrema terræ, et excusisti impios ex ea? Restituetur ut lutum signaculum, et stabit sicut vestimentum: auferetur ab impiis lux sua, et brachium excelsum confringetur. Tu. ¶. Loquatur. p. 246.

LECTIO 2.

Nunquid ingressus es profunda

maris, et in novissimis abyssi deambulasti? Nunquid apertæ sunt tibi portæ mortis, et ostia tenebrosa vidisti? Nunquid considerasti latitudinem terræ? Inca mihi, si nosti omnia. In quâ viâ lux habitet, et tenebrarum quis locus sit: ut ducas unumquodque ad terminos suos, et intelligas semitas domus ejus. Tu. ¶. Benedictum.

LECTIO 3.

Sciebas tunc quod nasciturus esses, et numerum dierum tuorum noveras? Nunquid ingressus es thesauros nivis, aut thesauros grandinis aspexisti? Quæ præparavi in tempus hostis, in diem pugnæ et belli? Per quam viam spargitur lux, dividitur æstus super terram. Tu. ¶. Favus distillans.

IN II. NOCT.

Ex verbis S. Bonaventuræ Ep. in Speculo B. Virginis. Lectione 11.

LECTIO 4.

Quædam felix aurora est MAR' A propter felicem locum ejus in gloriâ et secundum hoc benè de aurorâ dicitur in Job: Nunquid ostendisti auroræ locum suum? Jam certè aurora nos'ra MARIA sublimiter locata in cælo, locum tenet vicinissimum soli æterno. Tu. ¶. Ego quasi.

LECTIO 5.

Nunquid ostendisti auroræ locum suum? Quasi dicat: non tu, sed ego. Non ad te pertinet ostendere auroræ MAR'Æ locum suum in cælo, sed ad me: Benè autem dicit: suum, quasi appropriando, et discernendo illum ab aliis omnium sanctorum locis. Tu. ¶. Benedictio.

LECTIO 6.

Hinc etiâ benè legitur: intulerunt sacerdotes arcam fœderis Domini in locum suum. Hic locus est super choros angelorum. Hic locus est in cælo dignissimus, testante

Beato Bernardo, qui ait: Nec in mundo locus dignior virginalis uteri thalamo, in quo Filium Dei MARIA suscepit, nec in cœlis regali solio, quò MARIAM MARIÆ Filius sublevavit. Tu. *¶*. Benedictum.

IN III. NOCT.

LECTIO S. Evangelii secundum Matthæum.

LECTIO 7. c. 13. v. 31.

In illo tempore: Dixit JESUS Discipulis suis: simile est regnum cœlorum grano sinapis. Et reliqua.

Homilia B. Alberti magni, Ep.

In Bibliâ Mariand.

Domina Evangelistarum Virgo MARIA comparatur grano sinapis, de quo dicitur, quòd minus est omnibus seminibus, et hoc per humilitatem, et cum seminatum fuerit, scilicet in mundo apparendo, ascendit in arborem, quæ altitudine, amplitudine, et annositate transcendet herbarum naturam. Alta est, quia ad cœlestia attolitur: ampla, quia totum mundum occupat: annosa, quia non potest finire. Tu. *¶*. Venite ad.

LECTIO 8.

Hæc tria sunt in arbore, id est, in MARIA, quæ est major gloriâ et charitate omnibus oleribus, id est, angelis, et hominibus, et facit ramos misericordiæ et compassionis magnos, ita ut, possint sub umbrâ protectionis ejus aves cœli, id est, sancti Dei, immò et peccatores habitare fiducialitèr propter securitatem, gaudenter propter umbrositatem, utilitèr propter fructuositatem. Tu.

¶. Quis infirmatur.

LECTIO 9.

Ipsa beata Virgo est quoquè cervical omnium virtutum, in quo Filius Dei dormit. Erat ipse in puppi super cervical dormiens in MARIA, quia talem alibi requiem non inve-

post Pentec.

nit. Et excitant eum Discipuli, et dicunt ei: Magister, non ad te pertinet, quia perimus? Et exurgens in Resurrectione comminatus est vento, id est, diabolo, et dixit mari, id est, omnibus tentationibus: Tace, obmutesce. Tu.

Te Matrem.

Ad Benedict. *ant.* Similabo eam * grano sinapis, quod cum seminatum fuerit, majus fit omnibus oleribus.

Oremus.

Oratio.

Omnipotens sempiterne Deus, qui nos sanctissimæ Unigeniti tui Matris meritis et intercessione lætificas, conc de propitiis, ut qui tua per eam beneficia poscimus, dono tuæ gratiæ consequamur. Per Dominum.

CANON.

Ex Decretis S. Rituum Congregationis.

13. Ang. 1701. et 4. Apr. 1705.—
Bull. Rom. Tom. 10. p. 1.

321. Religiosis Excalceatis Sancti Francisci Provinciarum Bælicæ et Mexicanæ conceditur Indultum celebrandi unicam Missam de Beatâ Virgine MARIA in aurorâ singulis Sabbatis, festo duplici primæ vel secundæ classis non impeditis. Tu.

Ad Magnificat. *ant.* Nunquid ostendisti * auroræ locum suum? Non tu, sed ego, dicit Dominus.

CANONES

Infra Hebdom. 3. vitæ activæ.

4. Per Festivitates.

§. 1. Per Fest. SS. Nominis.

FERIA II.

Ex Decreto S. Rituum Congregationis.

31. Jul. 1665. Carmel Excalc.—
B. Carm. Tom. 3.

322. Conceditur Carmelitibus Excalceatis Congregationis Hispaniæ, ut in die decimâ septimâ Septembris recitari possint Officium San-

ctissimi Nominis MARIE sub Ritu
Duplici majori. Tu.

FERIA III.

Ex Clemente Papâ Decimo.
Constitutionib. Præclar. et Alias
emanar. an. 1671.

323. Piis Mariannæ Hispaniarum
Reginæ precibus inclinati, Officium
de Nomine Beatissimæ Virginis MA-
RIÆ (in Diœcesi Toletanâ celebra-
ri solitum) ad omnes Provincias
Catholico Regi subjectas extendi-
mus..... atque omnibus et singulis
Christi fidelibus confessis et sacrâ
communione refectis, qui Missæ
solemni eodem festo celebrandæ
interfuerint, plenariam Indulgen-
tiam concedimus. Tu.

FERIA IV.

Ex Decretis S. Rituum Congrega-
tionis.

23. *Sept. 1684. — 15. Sept. 1686. —*
23. Jun. 1736.

324. In Festo Sanctissimi Nomi-
nis Beatæ MARIE Virginis (quod
sub ritu Duplici majori celebrari
debet Dominicâ infra octavam Na-
tivitatis ejusdem) non est facien-
da commemoratio de Nativitate,
(etiamsi hoc festum occurrat in die
Octavâ, in quâ totum Officium
crit de dicto Sanctissimo Nomine)
et in secundis Vesperis de Nativi-
tate cadentibus in Sabbato non est
facienda Commemoratio de Sanc-
tissimo Nomine. Tu.

FERIA V.

Ex Decretis S. Rituum Congrega-
tionis.

2. *Jul. 1686. in una Dubium. —*
19. Jan. 1700. in Curiens.

325. Si in Dominicâ Infra Octa-
vam Nativitatis Beatissimæ Virgi-
nis, in quâ celebratur Festum
Sanctissimi Nominis ejusdem, oc-
currat alicubi dies octava «au' Fes-
tum Exaltationis Sanctæ Crucis.»
Officium Sanctissimi Nominis trans-

ferendum est ad primam diem non
impeditam. Tu.

FERIA VI.

§. 2. Per Festum Desponsationis,
Ex Decretis S. Rituum Congrega-
tionis.

1. *Jul. 1713. Ordin. Minor. —*
9. April. 1729. Carm. Exc.

326. Religiosis Ordinis Mincrum
Sancti Francisci, «et Carmelitis
Excalceatis Congregationis Hispani-
æ» indulgetur, ut tam in Officio,
quàm in Missâ Desponsationis Bea-
tæ MARIE Virginis cum Sancto
JOSEPHO fiat ab ipsis Commemo-
ratio ejusdem Sancti JOSEPHI. Tu.

SABBATO.

Ex Decreto S. Rituum Congrega-
tionis.

5. *Maj. 1735. in Einsidlen.*

327. In Desponsatione Beatæ
MARIE Virginis non est faciendâ
Commemoratio Sancti JOSEPHI,
nisi constet de speciali concessione.
Tu.

DOMIN. IV. VITÆ ACT.

Semiduplex.

IN I. NOCT.

De Isaiâ Prophetâ.

LECTIO 1. c. 19. 1.

Ecce Dominus ascendet super nu-
bem levem, et ingreditur Ægyp-
tum, et commovebuntur simulacra
Ægypti à facie ejus, et cor Ægypti
tabescet in medio ejus. Et concur-
rere faciam Ægyptios adversus
Ægyptios, et pugnabit vir contra fra-
trem suum, et vir contra amicum
suum, civitas adversus civitatem,
regnum adversus regnum. Tu. ¶,
Loquatur. p. 246.

LECTIO 2.

Et dirumpetur spiritus Ægypti in
visceribus ejus, et consilium ejus
præcipitabo: et interrogabunt si-
mulacra sua, et divinos suos, et
pythones, et ariolos. Et tradam
Ægyptum in manu Dominorum cru-

delium, et rex fortis dominabitur eorum, ait Dominus Deus exercituum. Tu. *¶*. Benedictum.

LECTIO 3.

Et crescet aqua de mari, et fluvius desolabitur, atque siccabitur. Et deficient flumina, attenuabuntur et siccabuntur rivi aggerum. Calamus et juncus marescet: nudabitur alveus rivi à fonte suo, et omnis sementis irrigua siccabitur, arescet, et non erit. Tu. *¶*. Favus distillans.

IN II. NOCT.

Sermo Ambrossii Episcopi.

Institut. Virginum c. 13.

LECTIO 4.

O divitias marianæ virginittis! quasi olla ferbuit, et quasi nubes pluit in terris gratiam Christi. Scriptum est enim de eâ; ecce Dominus venit sedens super nubem levem. Verè levem, quæ conjungii onera nescivit. Verè levem quæ levavit hunc mundum de gravi fœnore peccatorum. Levis erat, quæ remissionem peccatorum utero gestabat. Tu. *¶*. Ego quasi.

LECTIO 5.

Deniquè elevavit Joannem in utero constitutum, qui ad vocem ejus exilivit, et infans exultavit in gaudio, prius sensu devotionis, quam Spiritûs infusione vitalis animatus. Excipite, igitur, excipite, sacræ virgines, nubis hujus pluviam, temperamentum fragrantia corporalis, ut corporis omnes restinguatis ardores, atque interna mentis vestrae lumescant. Tu. *¶*. Benedictio.

LECTIO 6.

Hujus imbrem nubis sacratæ patres nostri annuntiaverunt nobis salutem mundi futurum. Hunc imbrem significabant esse vecturum stillicidia stillantia super terram, quæ Hieroboal poposcit et meruit. Bonam nubem sequimini, quæ fontem intra se genuit, quo rigavit

orbem terrarum. Excipite ergo voluntariam pluviam, pluviam benedictionis, quam hæreditati suæ Dominus effudit. Excipite aquam, et non effluat vobis, quia nubes est. Tu. *¶*. Benedictum.

IN III. NOCT.

Lectio sancti Evangelii secundum Matthæum.

LECTIO 7. c. 12. v. 48.

In illo tempore: Respondens JESUS dixit: Quæ est Mater mea, et qui sunt fratres mei? Et reliqua.

Homilia S. Petri Damiani Ep.

Serm. 2. de Nativ. B. V. M.

Notale, fratres, notale dignitatem vestram, si adimplentes legem Dei frangitis voluntatem vestram. Ecce beata et venerabilis Virgo MARIA secundum carnem quidem Mater Christi fuit, frater non fuit, soror non fuit. Nam quicumque aliquid horum secundum carnalis jura propinquitatis extiterit, aliud sibi esse omninò non valebit, ut nimirum si mater fuerit, frater vel soror esse non possit; si verò frater extiterit, mater non sit. Nos autem hæc simul omnia Christo per spiritum sumus, si voluntatem Christi, quæ illi semper cum Patre communis fuit adimplere satagimus. Tu. *¶*. Venite ad.

LECTIO 8.

Sed quod natum est ex carne caro est, et quod natum est ex Spiritu Spiritus est: quia Deus Spiritus est: Ex illâ ergo parte, quâ Redemptor noster Deus est, propinqui sibi tam multipliciter sumus, quantum illi beata Virgo, ex quâ nasci dignatus est, secundum carnem esse non potuit. Proprium et singulare fuit illi beatissimæ Virgini Christum in utero concipere: commune verò et universale est omnibus electis in cor-

dibus eum devotione portare. Tu.
¶. Quis inf.

LECTIO 9.

Felix illa, et nimirum beata femina, quæ illum novem mensibus gestavit in ventre; felices et nos, si illum assidue portare desideramus in mente. Mirabile quidem fuit Christum concipi in utero carnis, sed non est inferius, si deferatur in ergastulo mentis. Concepti MARIA Christum in matrice carnis: deferimus et nos in visceribus mentis. Reficiebat MARIA Christum, cum teneris labris lac exprimeret uberum: reficimus et nos variis bonorum deliciis operum. Tu.

Te Matrem.

Ad Benedic. ant. Quicumque * fecerit voluntatem Patris mei, ipse meus frater et soror, et mater est.

Oremus.

Oratio.

Exaudi, Domine, preces nostras, quas per beatissimam Virginem MARIAM tibi deferimus, ut, quæ Filii tui digna Mater exilit, ipsius intercessione ab omnibus nos absolvas peccatis. Per eundem.

§. 3. De Festo Annuntiationis.

CANON.

Ex Concilio Cameracensi.

An 1586. Tit. 4. c. 4.—*Lab.*

Tom. 9. col. 2158.

328. Si festum Annuntiationis Beatæ MARIE Virginis inter Dominicam Palmarum, et Dominicam Quasimodo inciderit, Feria secunda post Dominicam Quasimodo etiam à populo servetur. Tu.

Ad Magnific. ant. Ecce Dominus * venit super nubem levem, alleluia.

CANONES.

Infra Hebdomada IV: vitæ activæ.

FERIA II.

Ex Statutis Synodalibus Ecclesiæ Cameracensis.

Apud Marten. T. 7. col. 1297.

329. Statuimus, quod si Festum Annuntiationis Dominicæ Sabato in Ramis palmarum occurrat, ibidem ferietur et celebretur, sed ultimæ vespere fient de Tempore, et memoria tantum fiet de Sancta MARIA per antiphonam, versum, et collectam. Tu.

FERIA III.

Ex decreto S. Rituum Congregationis.

1. Sept. 1523. In Ulissiponens.

330. Si occurrat Festum Annuntiationis Beatæ MARIE Virginis in Dominicâ secundâ, tertiâ quartâ vel quintâ quadragesimæ non sit officium de Annuntiatione, nisi in Ecclesiis sub invocatione Annuntiationis dicatis. Tu.

FERIA IV.

Ex Decreto Generali S. Rituum Congregationis.

14. Jul. 1692.

331. Quando transfertur officium Patriarchæ Sancti JOSEPHI et Annuntiationis Beatæ MARIE Virginis, ambo secundæ classis, quocumque in contrarium non obstante, prius debet transferri et recitari Officium de Annuntiatione, et postea de Sancto JOSEPHO. Tu.

FERIA V.

Ex Decreto S. Rituum Congregationis.

12. Sept. 1716.

332. Si Festum Annuntiationis inciderit in Feriam Quintam majoris Hebdomadæ, præceptum audiendi Missam et abstinendi à servilibus non erit transferendum sed omnino servandum in prædictâ Feria Quintâ. Tu.

FERIA VI.

Ex Decretis S. Rituum Congregationis.

11. Febr. et 11. Mart. 1690.—

10. Jan. 1693. *Galkar.*

333. Si Festum Sanctissimæ Annuntiationis MARIE occurrat in Feriâ Sextâ in Parasceve vel in Sabbato Sancto, transfertur una cum præcepto audiendi Missam et vacandi à servilibus ad Feriam secundam post Dominicam in albis, etiâ quolibet alio festo impeditam, et in Sabbato Sancto Missæ privatæ celebrari non possunt; sed unica tantum Missa conventualis unâ cum Officio ejusdem Sabbati celebretur Tu.

SABBATO.

Ex Decretis Congregationis
S. Rituum.

16. Jun. 1663. Panorm.—2 Sept.
1741. in Aquens.

334. Quando Festum Annuntiationis transfertur simul cum præcepto audiendi sacrum ad Feriam secundam post Dominicam in albis præfertur cuicumque Duplici etiâ primæ classis eo die occurrenti: si verò transfertur absque præcepto audiendi sacrum, præfertur cuicumque festo translato licet primæ classis, non autem festis eo die occurrentibus: et quando transfertur, ad verba Symboli «Et incarnatus est,» genuflectendum est à Sacerdote et Ministris. Tu.

DOM. V. VITÆ. ACT.

Semiduplex.

IN I. NOCT.

De Jeremiâ Propheta.

LECTIO 7. c. 31. v. 1.

In illo tempore dixit Dominus: ero Deus universis cognationibus Israel et ipsi erunt mihi in populum. Hæc dicit Dominus invenit gratiam in deserto populus, qui remanserat à gladio: vadet ad requiem suam Israel. Longè Dominus apparuit mihi. Et in charitate perpetuâ dilexi te: ideo altraxi te

miserans. Tu. *ñ. Loquatur. p. 246.*

LECTIO 2.

Rursùmque ædificabo te, et ædificaberis, Virgo Israel: adhuc ornaberis tympanis tuis, et egredieris in choro ludentium. Adhuc plantabis vineas in montibus Samariæ: plantabunt plantantes, et donec tempus veniat, non vindeñiabunt: quia erit dies in quâ clamabunt custodes in monte Ephraim: surgite, et ascendamus in Sion ad Dominum Deum nostrum. Tu. *ñ. Benedictum.*

LECTIO 3. v. 21.

Statue tibi speculam: pone tibi amaritudines: dirige cor tuum in viam reclam, in quâ ambulasti: revertere, virgo Israel, revertere, ad civitates tuas. Usquequò delictis disolveris, filia vaga? Quia creavit Dominus novum super terram: femina circumdabit virum Tu. *ñ. Favus distillans.*

IN II. NOCT.

Sermo Sancti Bernardi Abbatis.

Homil. 2. Super missus.

LECTIO 4.

Quæ est hæc femina? Quis verò iste vir? aut si vir, quomodo à feminâ circumdatus? Aut si à feminâ circumdari potest, quomodo vir? Et ut apertius dicam, quomodo potest simul et vir esse, et in utero matris? Hoc est enim virum à feminâ circumdari. Sed verto me ad conceptum paritumque virginealem, si forte inter plurima nova et mira, quæ ibi profectò inspicit, qui diligentèr inquirat, etiâ hanc quam de Propheta protuli, reperiam novitatem. Tu. *ñ. Ego quasi.*

LECTIO 5.

Porrò ibi agnoscitur lux non lucens, verbum infans, aqua sitiens, panis esuriens. Videas, si atten-

das potentiam regi, sapientiam instrui, virtutem sustentari: Deum deniquè lactentem, sed angelos deficientem: vagientem sed miseros consolantem. Nunquid non facile tibi est inter hæc feminam agnoscere virum circumdantem, cum MARIAM videas virum approbatum à Deo JESUM suo utero circumplectentem? Tu. *¶*. Benedict.

LECTIO 6.

Sed vide, si non etià hanc Jeremiæ novitatem Isaias lucidissimè aperit, qui novos superiùs aaronicos flores exposuit. Ecce, inquit, Virgo concipiet, et pariet Filium. En habes feminam, scilicet, Virginem. Vis et de viro audire quid sit? Et vocabitur, ait, nomen ejus Emmanuel, id est, Nobiscum Deus. Femina itaque circumdans virum, virgo est concipiens Deum. Tu. *¶*. Benedictum.

IN III. NOCT.

Lectio Sancti Evangelii secundum Lucam.

LECTIO 7. c. 10. v. 38.

In illo tempore: Intravit JESUS in quoddam castellum, et mulier quædam, Martha nomine, excepit illum in domum suam. Et reliqua.

Homilia S. Anselmi Episcopi.

Homil. 6. in Lucam.

Duo istæ sorores, sicut Sancti Patres plenissimè nobis exposuerunt, duas in sanctâ Ecclesiâ vitas designant; Martha, scilicet, activam, Maria contemplativam. Ista laborat ad exhibenda indigentibus omnia humilitatis officia: illa vacat et videt, quoniam Deus est. Tu. *¶*. Venite.

LECTIO 8.

Ista circa exteriora occupatur, illa interiora contemplatur. Sicut enim Mater Dei est singularis, ita et is-

tarum vitarum effectus, quarum istæ sorores typum tenent in eâ extitit singularis. Tu. *¶*. Quis infirmatur.

LECTIO 9.

Nunquàm in aliâ personâ, immò in omnibus sic Martha operata est, nunquàm aliàs sic Maria contemplationi vacavit. Nunquàm illa, vel hæc aliis, quod suum est, sic exhibuit. Cum Martham, vel Mariam dico, earum significata intelligo. Tu. Te Matrem.

Ad Benedict. ant. Martha * sategebat circa frequens ministerium: Maria autem sedebat secus pedes Domini.

Oremus.

Oratio.

Exaudi, quæsumus, Domine, preces humilitatis nostræ, quas, beata MARIA semper Virgine intercedente, tibi offerrimus, ut à nostris vinculis absoluti, ad vitam perveniamus æternam. Per Dominum.

CANON.

Ex Decreto S. Riium Congregationis.

14. Majus. 1803. Carm. Exalts.

335. Quando Festum Annuntiationis transtertur in feriam secundam post Dominicam in albis, tanquàm in diem propriam, celebrari debet sine octavâ, in illis Ecclesiis, ubi Annuntiatio est tutelaris, si transferatur tantum quoad chorum, et cum octavâ, si transefratur simul quoad chorum et forum. Tu.

Ad Magnific. ant. Hoc sub sole novum, * quod fecit Dominus super terram: femina circumdedit virum: virgo concepit Deum. Allel.

CANONES

Infra Dominic. 5. vitæ activæ.

§. 4. De Festo Expectationis.

FERIA II.

Ex Decreto S. Rituum Congregationis.

26 Nov. 1735. *Hispalen.*

336. In Festo Expectationis Partus Beatæ MARIE Virginis Hymni sunt celebrandi cum versibus: «Virtus, honor, laus, gloria,» et breve Responsorium ad Primam debet esse. «Qui venturus es in mundum.» Tu.

§. 5. De Festo Purificationis.

FERIA III.

Ex Benedicto Papæ Octavo.

Const. 1. Quoniam omnis. *ad ann. 1012.—Bull. Rom. Tom. 1. p. 318.*

337. Concedimus Abbati Ripuvillensi et suis in perpetuum successoribus, ut si Purificationis Festivitas evenerit, postquam dimissa fuerit «alleluia,» illa can'tetur cum «Gloria in excelsis Deo» in solo Monasterio. Tu.

FERIA IV.

Ex Decreto S. Rituum Congregationis.

11. Jun. 1681. *In una Urbis et orbis.*

338. Occurrente Festo Purificationis Beatissimæ Virginis MARIE in Dominicis privilegiatis, ita ut illius Officium ex hoc contingat transferri, non est ob id protrahenda etiã recitatio antiphonæ «Alma Redemptoris Mater,» sed die secundâ Februarii, illa dimissâ sumenda est antiphona «Ave Regina cælorum.» Tu.

FERIA V.

Ex Decretis S. Rituum Congregationis.

9. Aug. 1681.—23. Aug. 13 Sept. 1704.—15 Sept. 1736.

339. Festum Purificationis Beatæ MARIE Virginis, quando occurrit in Dominicis privilegiatis, in

Ecclesiis eidem sub alio titulo dicatis, scilicet Annuntiationis, seu Assumptionis.... Missa sollemnis post benedictionem candelarum et processionem debet cantari de Dominicâ «nec facienda est commeratio Purificationis,» et in sequentem diem transferendum est, quoad officium et Missam, nisi sit titulus Ecclesiæ. Tu.

FERIA VI.

Ex Decretis S. Rituum Congregationis.

7. Mart. *Varsovien.—20 Jul. 1748. Urb. et Orb.*

340. Quando Festum Purificationis occurrit in Dominicâ privilegiatâ, officium transferendum est in Feriam secundam immediate sequentem, translato ab eâ quocumque alio festo «æquali, non tamen altioris ritus, in eam incidente,» ne continuatio Mysteriorum Dominicæ Incarnationis diu protrahatur. Tu.

SABBATO.

Ex Clemente Papæ Decimo.

Const. Ad pastorale. *an. 1671.—Bull. R. Tom. 8. p. 134.*

341. Clericis Regularibus Congregationis Theatinorum, ut ipsi Officium de Purificatione quotannis cum octavâ recitari valeant auctoritate apostolicâ concedimus. Tu.

DOM. VI. VITÆ ACTIV.

Semiduplex.

IN I. NOCT.

De Ezechiele Propheta.

LECTIO 1. c. 44. 1.

Et convertit me ad viam portæ sanctuarii exterioris, quæ respiciebat ad orientem, et erat clausa. Et dixit Dominus ad me: porta hæc clausa erit, et non aperiatur, et vir non transibit per eam: quoniam Dominus Deus Israel ingressus est per eam, eritque clausa prin-

cipi. Tu. *ψ.* Loquatur. p. 246.

LECTIO 2.

Princeps ipse sedebat in ea, ut comedat panem coram Domino. Per viam portæ vestibuli ingreditur, et per viam ejus egreditur. Et adduxit me per viam portæ aquilonis in conspectu domus: et vidi, et ecce implevit gloria Domini domum Domini: et cecidi infaciem meam. Tu. *ψ.* Benedict.

LECTIO 3.

Et dixit ad me Dominus: Fili hominis, pone cor tuum, et vide oculis tuis, et auribus tuis audi omnia quæ ego loquor ad te de universis cæremoniis domus Domini, et de cunctis legibus ejus: et pones cor tuum in viis templi per omnes exitus sanctuarii. Tu. *ψ.* Favus distillans.

IN II. NOCT.

Sermo S. Ambrosii Episcopi.

De institut. Virgin. c. 8.

LECTIO 4.

Quæ est hæc porta, nisi MARIA? ideo clausa, quia virgo. Porta igitur MARIA, per quam Christus intravit in hunc mundum, quando virginali fusus est partu, et genitalia virginitatis claustra non solvit. Mansit intemeratum septum pudoris, et inviolata integralis duravere signacula, cum exiret ex Virgine, cujus altitudinem mundus sustinere non posset. Tu. *ψ.* Ego quasi.

LECTIO 5.

Hæc, inquit, porta clausa erit, et non aperietur. Bona porta MARIA, quæ clausa erat, et non aperiēbatur. Transivit per eam Christus, sed non aperuit. Et nemo transibit per eam, id est, nemo hominum, quoniam Dominus, inquit, Deus Israel transibit per eam. Eritque clausa, et non aperietur à quoquam, nec aperta est, quoniam

habuit semper januam suam Christus, qui dixit: Ego sum janua, quæ: nemo ab ea potuit avellere. Tu. *ψ.* Benedictio.

LECTIO 6.

Hæc porta ad orientem aspiciebat, quoniam verum lumen effudit, quæ generavit orientem, peperitque solem justitiæ. Audiunt ergo imprudentes: clausa, inquit, erit hæc porta, quæ solum recipit Deum Israel. Is igitur de quo dictum est ad Ecclesiam: quoniam confortavit seras portarum tuarum: suam portam confortare non potuit? Sed confirmavit protectio et reservavit intactam. Denique non est aperta. Tu. *ψ.* Benedictum.

IN III. NOCT.

Lectio Sancti Evangelii secundum Matthæum.

LECTIO 7. c. 13. v. 33.

In illo tempore; Dixit JESUS Discipulis suis: Simile est regnum colorum fermento, quod acceptum mulier abscondit in farinæ satis tribus, donec fermentatum est totum. Et reliqua.

Homilia S. Bernardi Abbatis.

In Natali Dom. Serm. 2.

Verbum (quod erat in principio apud Deum et Deus erat), anima (quæ de nihilo creata est, et ante non erat), caro de massa corruptionis, sine corruptione aliqua segregata artificio (qualis nulla jam caro erat) vinculo indissolubili in personæ coeunt unitatem. Habes in his triplex genus potentiae: quod non erat, creatum: quod perierat, reparatum: quod super omnia erat, paulò minùs ab angelis minoratum. Hæc sunt Evangelica illa sala farinæ, quæ pariter fermentantur, ut sit panis angelorum, quem manducet homo, panis cor hominis confirmans. Tu. *ψ.* Venite ad me.

LECTIO 8.

Felix mulier benedicta in mulieribus, in cujus castis visceribus, superveniente igne Sancti Spiritus coctus est panis iste. Felix, inquam, mulier, quæ in hæc tria sata immisit fidei suæ fermentum, siquidem fide concepit, fide peperit, et, ut ait Elizabeth, beata, quæ credit, quoniam perfecta sunt in ea omnia, quæ dicta sunt ei à Domino. Tu. *Þ.* Quis infirmatur.

LECTIO 9.

Nec mireris, quod fide ejus mediante unitum dixerim Verbum carni, quandoquidem et carnem ipsam de ejus carne suscepit. Sanè ne hoc quidem præsentī expositioni obviare potest, quod de cœlestis regni dicitur similitudine. Neque enim indignum videtur, si cœlorum regnum fidei MARIE comparatur, quæ et reparatur. Hujus itaque vinculum unionis nulla omnino solvere poterit creatura. Tu. Te Matrem.

Ad Benedict. ant. Cœlorum regnum * fidei MARIE comparatur, quia per ipsam ejus fidem reparatur.

Oremus.

Oratio.

Deus, qui nos conspicias ex nostra infirmitate deficere, sub tuâ protectione nos suscipe, quos per Unigeniti tui Genitricem Sanctissimam, misericordiam et gratiam in conspectu tuo invenire fecisti. Per eundem Dom.

CANON.

Ex Decretis S. Rituum Congregationis.

14. Jun. 1608. et 28 Maj. 1616.

342. Prima dignitas det candelam Episcopo in Festo Purificationis Beatæ MARIE Virginis, et Episcopus det statim primæ dignitatis ante Vicarium generalem. Tu.

Ad Magnific. ant. Porta hæc

clausa erit, et non aperiatur, et vir non transibit per eam.

CANONES

Infra Hebdom. 6. Vitæ activæ.

§. 6. De Festo B. M. V. de Monte Carmelo.

FERIA II.

Ex Joanne Papâ Vigesimo secundo.

Const. Sic mihi. 13. *Mart.* 1322.

B. Carm. T. 1. p. 61.

343. Sanctam Indulgentiam «Sabbatinam appellatam» accepto, roboro, et in terris confirmo; sicut propter merita Virginis Matris gloriosæ JESUS-Christus concessit in cœlis. Tu.

FERIA III.

Ex Alexandro Papâ Quinto.

Const. Tenorem. an. 1409. B.

Carm. T. 1. p. 166.

344. Tenorem «Sabbatini» privilegii Joannis Vigesimali secundi Prædecessoris nostri fratribus et sororibus et confratribus ordinis Carmelitarum concessi, per nos visi, et diligentè inspecti, de dicto originali sumptum, ut de ipso in posterum certitudo plenior habeatur, præsentibus fecimus annotari. Tu.

FERIA IV.

Ex Clemente Papâ Septimo.

Const. 38. Ex Clementi. an. 1530.

—B. Rom. T. 4. p. 1. p. 93.

345. Joannis Vigesimali secundi, et Alexandri Quinti, ac aliorum Prædecessorum nostrorum literas, ac per eosdem Prædecessores, omnia et singula privilegia.... et grâtiâs Ordini Beatæ MARIE Virginis de Monte Carmelo... etiâ per nos et sedem apostolicam concessas.... auctoritate apostolicâ approbamus et innovamus. Tu.

FERIA V.

Ex Decreto S. Romanæ Inquisitionis.

Sub Paulo V. an. 1613. Bullar.

Carm. T. 1. p. 62.

346. Patribus Carmelitanis permittatur prædicare, quòd populus Christianus possit piè credere de adiutorio animarum Fratrum et confratrum in charitate decedentium, qui in vitâ habitum gestaverint, et charitatem pro suo statu coluerint, officiumque parvum recitaverint, vel si recitare nesciverint, Ecclesiæ jejunia observaverint, et feriâ quartâ et sabbatis à carnibus abstinerint, Beatæ Virginis intercessionibus continuis, suisque suffragiis et meritis, et speciali protectione post eorum transitum, præcipuè in die Sabbati, (qui dies ab Ecclesiâ eidem Beatæ Virgini dicatus est) adiuturam. Tu.

FERIA VI.

Ex Innocentio Papâ Undecimo.

Const. Apostol. Officium. an. 1679.

B. Rom. T. 8. p. 92.

347. Precibus Reginae Portugalie inclinati, ut Festum gloriosissimæ Virginis MARIE de Monte Carmelo.... in omnibus Ecclesiis Coronæ Portugalie annis singulis die decimâ sextâ Julii, seu aliâ die infra ejus Octavam cum Officio et Missâ propriâ, celebrari possit, concedimus. Tu.

SABBATO.

Ex Decretis S. Rituum Congregationis.

24. Sept. 1726.—5. Maj. 1736.

348. Benedictus Papa Decimus tertius novitè impressum Officium pro solemnitate Beatæ MARIE Virginis de Monte Carmelo approbavit, atque in posterum sub ritu Duplici majori pro die decimâ sextâ Julii quotannis recitari constituit. «Missâ dicatur illa, quæ incipit: Gaudeamus omnes.» Tu.

DOM. VII. POST PENT.

Semiduplex.

IN III. NOCT.

De Daniele Propheta.

LECTIO 1. c. 4. 1.

Ego Nabucodonosor quietus eram in domo meâ, et florens in palatio meo: somnium vidi, quod perterruit me: et cogitationes meæ in strato meo, et visiones capitis mei conturbaverunt me. Et per me propositum est decretum, ut introderentur in conspectu meo cuncti sapientes Babylonis, et ut solutionem somnii indicarent mihi. Tu. §. Loquatur. p. 246.

LECTIO 2. v. 6.

Balthasar princeps ariolorum, quoniam ego scio, quòd Spiritum sanctorum Deorum habeas in te, et omne Sacramentum non est impossibile tibi: visiones somniorum meorum, quas vidi, et solutionem eorum narra. Visio capitis mei in cubili meo: videbam, et ecce arbor in medio terræ, et altitudo ejus nimia. Tu. §. Benedictum.

LECTIO 3.

Magna arbor et fortis: et proceritas ejus contingens cælum: aspectus illius erat usque ad terminos universæ terræ. Folia ejus pulcherrima, et fructus ejus nimius: et esca universorum in eâ: subter eam habitabant animalia et bestiae, et in ramis ejus conversabantur volucres cœli: et ex eâ vescabatur omnis caro. Tu. §. Favus distillans.

IN II. NOCT.

Ex verbis B. Alberti Magni, in Bibliâ Marianâ. In Daniele Proph.

LECTIO 4.

Beata Virgo est arbor illa, quæ multipliciter commendatur in Daniele. Primò commendatur à communitate: ibi videbam, et ecce arbor in medio terræ, id est, MARIA in medio Ecclesiæ, omnes respiciens, et quantum in se est, communiter ad omnes se habens. Secundò à dig-

nitate, ibi: et altitudo ejus nimia. Bernardus: O virgo, virga sublimis in quàm sublime verticem sanctam erigis, usque ad sedentem in throno, usque ad Dominum majestatis? Neque id mirum, quoniam in altum mittit radices humilitatis. Et magna, virtutum magnitudine. Tu. *¶*. Ego quasi.

LECTIO 5.

Tertiò à fortitudine: ibi: et fortis. Glossa: contra diabolum, mortem, et peccatum. Et proceritas ejus contingens cœlum, id est, Christum Deum. Quartò à misericordiâ ad omnes: ibi: aspectus illius: glossa: misericordiæ usque ad terminos universæ terræ. Quintò à fecunditate: ibi: folia ejus pulcherrima, id est, verba, quæ dixit ad angelum, ad cognatam, ad Filium. Et fructus ejus nimius, id est, Christus, qui sufficit et angelis et hominibus. Tu. *¶*. Benedictio.

LECTIO 6.

Sextò commendatur à cibatione, quia cibat omnes. Et esca universorum in eâ, id est, angelorum, et hominum. Septimò à fidelissimâ protectione; ibi: subter eam: id est, sub protectione ejus habitant confidenter et lætenter animalia et bestię, id est, miseri peccatores propter refectionem, protectionem, pascuationem, et pulchritudinem. Oclavò à jucunditate, quam habent omnes Sancti in eâ: ibi: et in ramis ejus scilicet virtutum, conversantur volucres cœli, id est, omnes sancti, et ex eâ vescebatur omnis caro, quoniam alit omnes. Tu. *¶*. Benedictum.

IN III. NOCT.

Lectio Sancti Evangelii secundum Joannem.

LECTIO 7. c. 12. v. 24.

In illo tempore: Dixit JESUS Discipulis suis: Nisi granum frumenti

cadens in terram mortuum fuerit, ipsum solum manet. Et reliqua. Homilia Sancti Ambrosii Episcopi.

De institutione Virgin. c. 14.

Verè autem alvus ille MARIE crater tornatilis, in quo erat sapientia, quæ miscuit in cratere vinum suum, indeficientem cognitionis suæ gratiam, divinitatis suæ plenitudine subministrans. In quo Virginis utero simul acervus tritici et lilii floris gratia germinabat, quoniam et granum tritici genuerat, et lilium. Tu. *¶*. Venite.

LECTIO 8.

Granum tritici secundum quod scriptum est: amen, amen dico vobis, nisi granum tritici cadens in terram mortuum fuerit, ipsum solum manet. Sed quia de uno grano tritici acervus est factus, completum est illud propheticum: Et convalles abundabunt frumento, quia granum illud mortuum plurimum fructum attulit. Hoc itaque granum omnes homines perpetuâ cœlestium munerum escâ saturavit. Tu. *¶*. Quis infirmatur.

LECTIO 9.

Consummatum est illud prophetici oris eloquium, dicente eodem David: cibavit eos ex adipe frumenti, et de petrâ melle saturavit eos. In hoc grano esse etiâ lilium divina testantur oracula, quia scriptum est: Ego sum flos campi, et lilium convallium: sicut lilium in medio spinarum. Christus erat lilium in medio spinarum, quando erat in medio Judæorum. Tu. Te Matrem.

Ad Benedict. ant. Venter tuus * sicut acervus tritici vallatus liliis.

Oremus.

Oratio.

Dulcissimum MARIE Nomen invocantibus servulis per te, Regina clemens, gratiæ suæ munera largiatur JESUS Christus Filius tuus, qui cum Patre et Spiritu Sancto

Dom. VIII.
vivit et regnat Deus per omnia sæ-
cula sæculorum.

CANON.

§. 7 *De Sanctissimo Rosario*

Ex Sixto Papâ Quarto.

Const. Ea quæ. *an.* 1478.—*Bul.*

Rom. T. 3. p. 3. p. 172.

349. Ducis et Ducissæ Britaniæ supplicationibus inclinati..... Sanctissimum Rosarium auctoritate apostolicâ approbamus, illudque tolerandum fore, ac cunctis fidelibus eo modo orare debere, et licere discernimus. Tu.

Ad Magnif. ant. Ecce arbor * in medio terræ et altitudo ejus nimia.

CANONES

Infra Hebd. 7. vitæ act.

FERIA II.

Ex Sixto Papâ Quarto.

Ut supra.

350. Pro quâlibet vice quâ «omnes et singuli Christi fideles Sanctissimo Rosario» oraverint, pro quâlibet quinquagenâ præfati Psalterii quinque annos, et totidè quadragenas indulgentiæ misericorditer in Domino relaxamus. Tu.

FERIA III.

Ex Leone Papâ Decimo.

Const. Pastor. Æterni. *an.* 1520.—

B. R. Tom. 3. p. p. 495.

351. Innocentius Papa Octavus omnibus confratribus Sanctissimi Rosarii, qui per Hebdomadam dicerent Psalterium Beatæ Mariæ Virginis, hujusmodi plenariam omnium peccatorum suorum remissionem semel in vitâ et semel in mortis articulo concessit. Tu.

FERIA IV.

Ex Leone Papâ Decimo.

Ut supra.

352. Confraternitatem Sanctissimi Rosarii, ac ritum sive modum orandi hujusmodi, necnon omnes et singulas indulgentias tam per Sixtum et Innocentium Prædecessores,

post Pentec.

quàm per Legatum, Nuntium, et Ordinarium, ut præfertur, concessas, et desuper confectas literas, ac omnia et singula in eis contenta approbamus..... ipsasque Indulgentias de novo perpetuò concedimus. Tu.

FERIA V.

Ex Leone Papâ Decimo.

Pastor. Offici.

353. Confratribus Sanctissimi Rosarii..... qui tẽr in Hebdomadâ dictum Rosarium devotè oraverint, pro quâlibet vice alios decem annos, et totidè quadragenas de injunctis ei pœnitentiis misericorditèr in Domino relaxamus. Tu.

FERIA VI.

Ex Leone Papâ Decimo.

Ut supra.

354. Quòd pro receptione et conscriptione aliquorum confratrum et consororum in confraternitatem Sanctissimi Rosarii, nihil omninò temporale exigi debeat, sed spontè oblata, dumtaxat recipi possint, perpetuò statuimus et ordinamus. Tu.

SABBATO.

Ex Clementi Papâ Septimo.

Const. Etsi temporal. *an.* 1533.—

B. R. Tom. 4. p. 1. p. 109.

355. Quia nos decet religiones, et Sanctorum Patrum Instituta potissimum ampliare... omnibus confratribus et consoribus Rosarium Sanctissimæ Virginis recitantibus annos duos veræ indulgentiæ «ultra concessas» concedimus. Tu.

DOM. VIII. VITÆ ACT.

Semiduplex.

IN I. NOCT.

De Oseâ Prophetâ.

LECTIO 1. c. 2. 14.

Ecce ego lactabo eam, et ducam eam in solitudinem, et loquar ad cor ejus. Et dabo ei vinitores ejus

ex eodem loco, et vallem Achor ad aperiendam spem: et canet ibi juxta dies ascensionis suæ de terrâ Ægypti. Et erit in die illâ, ait Dominus: vocabit me vir meus, et non vocabit me ultrâ Baali. Tu. *¶*. Loquatur. *p.* 246.

LECTIO 2.

Et auferam nomina Baalim de ore ejus, et non recardabitur ultrâ nominis eorum... Et sponsabo te mihi in sempiternum: et sponsabo te mihi in justitiâ; et judicio, et in misericordiâ, et in miserationibus. Et sponsabo te mihi in fide, et scies, quia ego Dominus. Tu. *¶*. Benedictum.

LECTIO 3.

Et erit in die illâ: exaudiam, dicit Dominus, exaudiam cælos, et illi exaudient terram. Et terra exaudiet triticum, et vinum, et oleum: et hæc exaudiet Jezrael. Et seminabo eam mihi in terrâ, et miserebor ejus, qui fuit absque misericordiâ. Tu. *¶*. Favus distill.

IN II. NOCT.

Ex verbis Sancti Bonaventuræ Ep. in Speculo Beate Virginis. *LEC.* 10.

LECTIO 4.

Attendite, carissimi, quòd Dominus iste, qui tam singularitèr est cum MARIA, ipse est Dominus; cujus Sponsa venustissima est MARIA. Undè tam de isto Domino, quàm de istâ Sponsâ, exponi potest illud Osee: sponsabo te mihi: Ecce pulchra Sponsâ, pulchra in justitiâ, et judicio respectui sui: pulchra in miserationibus, et misericordiâ respectui proximi: pulchra in fide respectui Dei. Tu. *¶*. Ego quasi.

LECTIO 5.

Pulchra utique in justitiâ vitæ, et in judicio conscientiae: pulchra in misericordiâ in affectu; et in miserationibus in effectu: pulchra in

fide, quâ credidit omnia credenda supra se, et quâ credidit omnia perficienda in se, juxta illud, beata quæ credidisti, quoniàm perficientur in te, quæ dicta sunt tibi à Domino. Tu. *¶*. Benedictio.

LECTIO 6.

Sed ecce Sponsa Spiritus Sancti MARIA sicut formosissima fuit in conversatione, ita etiàm dulcissima est in allocutione, sicut dicitur in canticis: Favus distillans labia tua, mel, et lac sub linguâ tuâ. O quàm melliflua verba sæpè distillaverunt dulcissima MARIE labia? Quæ etiàm benè mel et lac sub linguâ habuit in duobus verbis, quæ ipsa Gabrieli respondit. Eja ergò quanti decoris, et quanti dulcoris est illa sponsa summi consolatoris! Tu. *¶*. Benedictum.

IN III. NOCT.

Lectio Sancti Evangelii secundum Joannem.

LECTIO 7. c. 2. v. 12.

In illo tempore: Descendit JESUS Capharnaum, et Mater ejus, et fratres ejus, et discipuli ejus. Et reliqua.

Homilia S. Augustini Episcopi.

Tract. 10. in Joann.

Undè fratres Domini? Num enim MARIA iterum peperit? Absit. Indè cæpit dignitas virginum. Illa femina Mater esse potuit, mulier non potuit. Dicta est autem mulier secundum femineum sexum, non secundum corruptionem integritatis: et hoc ex linguâ ipsius Scripturæ. Nam et Eva statim facta de latere viri sui, nondum contacta à viro suo, nostis, quia mulier appellata est. Tu. *¶*. Venite.

LECTIO 8.

Undè ergò fratres? Cognati MARIE fratres Domini, de quolibet gradu cognati. Undè probamus? Ex ipsâ Scripturâ. Frater Abrahæ dictus

est Lot, filius erat fratris ipsius. Lege et inuenies, quia Abraham patruus erat Lot, et dicti sunt fratres. Item Jacob Laban Syrum habebat avunculum, frater enim erat Laban matris Jacob, id est, Rebecæ uxoris Isaac. Lege scripturam, et inuenies, quia fratres dicuntur avunculus et sororis Filius. Quâ regulâ cognitâ, inuenies omnes cognatos consanguineos MARLÆ fratres esse Christi. Tu. ¶ Quis infir.

LECTIO 9.

Sed illi Discipuli magis erant fratres, quia et illi cognati fratres non essent, si discipuli non essent, et sine causâ fratres, si magistrum non agnoscerent fratrem. Nam quodam loco ait: quæ mihi mater, et qui mihi fratres? Et extendens manum super discipulos suos, dixit: isti sunt fratres mei. Et quicumque fecerit voluntatem Patris mei, illi mihi mater et frater et soror est: Ergo et MARIA, quia fecit voluntatem Patris, non quia caro genuit carnem. Tu. Te Matrem.

Ad Benedict. ant. Beatus venter, * qui te portavit, et ubera, que suxisti.

Oremus. Oratio.

Presta, quæsumus, omnipotens Deus, ut qui Genitricis Unigeniti tui assidue imploramus auxilium, petitionis nostræ singularem consequamur effectum. Per eundem.

CANON.

Ex Sixto Papâ Quinto.

Const. Dum ineffabilis. an. 1586.

—B. R. Tom. 4. p. 4. o. 54.

356. Confratribus Rosarii Beatæ Virginis MARLÆ itinerantibus, vel navigantibus, ac servientibus totum Rosarium, infirmis verò, aut aliâs legitime impeditis tertiam

ejus partem devotè recitantibus... qui capellas «Confraternitatis» iis diebus, quibus festa mysteriorum ejusdem Rosarii celebrantur, visitare et processioni, quæ primâ Dominicâ cujuslibet mensis fieri solita, interesse non potuerint, plenariam indulgentiam concedimus. Tu.

Ad Magnif. ant. Sponsabo te * mihi in fide, in iudicio, in miserationibus.

CANONES.

Infra Hebdom. 8. Vitæ activæ.

FERIA II.

Ex Clemente Papâ Decimo.

Const. Cœlestium muner. an. 1671.

—B. R. Tom. 7. p. 90.

357. Precibus Catholicorum Regum inclinati.... Sacerdotibus.... Missam de Sanctissimo Rosario celebraturis... et confratribus Rosarii, qui Missæ de Rosario celebrandæ interfuerint... omnes et singulas Indulgentias... quas confratres totum Rosarium recitando... consequuntur, auctoritate apostolica concedimus. Tu.

FERIA III.

Ex Constitutionibus Synodalibus Dertusentibus. Titul. 5. c. 9.

358. Statuimus et ordinamus, quod à cætero in omnibus Ecclesiis nostræ Diœcesis, singulis diebus, saltem Dominicis et festivis, horâ competentî, et ad id invitato populo, Parrochi et alii Sacerdotes, si forsân fuerint, Psalterium (seu Sanctissimum Rosarium Beatæ Virginis) devotè recitent, satagantque nihilominus, ut sui parochiani intersint, ut indulgentias jam aliâs concessas, et quadraginta dies, quos interessentibus, et illud attentè recitantibus ultrâ concedimus, consequi mereantur. Tu.

FERIA IV.

§. 8. De B. V. de Mercede.

Ex Clementi Papâ Nono.

Const. In supereminenti. an. 1668.

—B. R. Tom. 6. p. 6. p. 289.

359. Ordinis Beatæ MARIE Virginis de Mercede Magistro et Procuratoribus generalibus nunc et pro tempore existentibus, ut utriusque sexus confraternitates tam sub præfatæ Beatæ MARIE de Mercede, quam aliâ quâcumque invocatione ubi v's locorum instituire valeant, perpetuo concedimus. Tu.

FERIA V.

Ex Innocentio Papâ Undecimo.

Const. Orthodox. ann. 1680.—B.

R. Tom. 8. p. 131.

360. Ut Missa et Officium Beatissimæ Virginis MARIE de Mercede sub ritu Duplici singulis annis Dominicâ proximiori Kalendis Augusti... in omnibus Hispaniarum Regnis celebrari et recitari possint, auctoritate apostolicâ indulgemus. Tu.

FERIA VI.

§. 9. De septem Doloribus B. V.

Ex Decreto S. Rituum Congregationis. 31 Maj. 1669. in Tornacens.

361. Missa Beatæ MARIE Virginis sub invocatione septem Dolorum Feriâ sextâ infra hebdomadam Passionis debet recitari cum «Gloria Patri» ad Introitum, et cum Psalmo «Judica me Deus» ad Confessionem. Tu.

SABBATO.

Ex Decreto Sacrorum Rituum Congregationis. 3. Sept. 1672.

362. Si Festum Dolorum Beatæ MARIE Virginis occurrat in aliud festum altioris ritûs, transfertur in Sabbatum sequens: si verò concurrat cum festo Annuntiationis ejusdem Beatæ MARIE Virginis, Vesperæ dicuntur de Annuntiatione sine commemoratione de septem Doloribus. Tu.

DOM. IX. VITÆ ACTIVÆ.

Semiduplex.

Si hæc Domin. fuerit ultima vitæ activæ omittitur cum sequentibus, et ejus loco ponitur Dom. XIII. seu ultima.

IN I. NOCT.

De Joele Prophetâ.

LECTIO 1. c. 2. 21.

Noli timere, terra, exulta; et lætare: quoniam magnificavit Dominus, ut faceret. Nolite timere animalia regionis: quia germinaverunt speciosa deserti, quia lignum attulit fructum suum, ficus et vinea dederunt virtutem suam. Tu. ¶. Loquatur. p. 246.

LECTIO 2.

Et Filii Sion, exultate, et lætami in Domino Deo vestro: quia dedit vobis doctorem justitiæ, et descendere faciet ad vos imbrem matutinum et serotinum, sicut in principio. Et implebuntur aræ frumento, et redundabunt torcularia vino et oleo. Tu. ¶. Benedictum.

LECTIO 3.

Et comedetis vespentes, et saturabimini: et laudabitis nomen Domini Dei vestri, qui fecit mirabilia vobiscum: et non confundetur populus meus in sempiternum. Et scietis, quia in medio Israel ego sum: et ego Dominus Deus vest' er, et non est amplius: et non confundetur populus meus in æternum. Tu. ¶. Favus.

IN II. NOCT.

Ex verbis S. Bonaventuræ Ep. in Speculo B. Virginis. Lectione 18.

LECTIO 4.

Fructus MARIE benedictus necessarius est ad revelationem inediæ, sive famis mentalis, ne propter defectum nutrimenti deficiant animalia Dei. Propter quod benedicitur à Prophetâ Joele: nolite

timere animalia regionis. quia germinaverunt speciosa deserti, et lignum attulit fructum suum. Tu. *¶*. Ego quasi.

LECTIO 5.

Desertum, quod sine culturâ germinat, et profert pastum animalium, signare potest **MARIAM**, quæ sine culturâ maritali protulit Filium, qui est pastus animarum fidelium. Ideò benè de ipsâ dici potest illud Ezechielis: terra illa inculta facta est ut hortus voluptatis. Speciosa hujus felicitis deserti sunt speciosa germina celestium desideriorum, speciosa: herbæ operum bonorum, speciosi flores virtutum et donorum, speciosa folia utilium verborum, et certè speciosus fructus ventris sui, qui est pastus omnium iustorum. Tu. *¶*. Benedicta.

LECTIO 6.

MARIA est desertum hoc speciosum: **MARIA** quoquè est lignum hoc fructuosum, de quo dicitur: et lignum attulit fructum suum. O verè mirabilem fructum, per quem tam fames, quàm sitis relevatur animarum. Sicut testatur Beatus Bernardus, dicens: bonus fructus, qui animarum esurientium, et sitientium justitiam escæ, et potus est. Tu. *¶*. Benedictum.

IN III. NOCT.

Lectio S. Evangelii secundum Matthæum.

LECTIO 7. c. 24. v. 15.

In illo tempore: Dixit **JESUS** Discipulis suis: cum videritis abominationem desolationis, quæ dicta est à Daniele Propheta, stantem in loco sancto. Et re'iqua.

Homilia S. Antonini Ep. Florentini.

De angelicâ salut. cap. 13. §. 17.

Fuit beata Virgo sine væ, quod

contingit omnibus matribus. Undè Dominus **JESUS**, væ prægnantibus, et nutrientibus. Est autem istud væ triplex in matribus, scilicet damnificentia, indigentia, et afflictio. Damnum autem triplex incurrit femina, cum mater efficitur, scilicet, quia in conceptu perdit virginitatem, thesaurum incorruptibilem. Post conceptum venustatem et sanitatem. In partu autem perdunt hominum societatem: non enim posunt viri accedere ad eas. Sed ab hujusmodi væ fuit libera Beata **MARIA**. Tu. *¶*. Venite ad me.

LECTIO 8.

Item matres incurrunt væ indigentia. Nam ad concipiendum indigent compare, id est, viro, ex quo concipiant, post conceptum egent quiete, in partu obstetricatione. Sed ab hujusmodi væ libera fuit beata **MARIA**, quia non ex virili semine, sed mystico spiramine Verbum Dei factum est caro de Virgine **MARIA**. Non eguit quiete, quia non ex eo debilitata, sed roborata fuit. Nulla neque fuit obstetrix, nulla obsequia mulierum. Tu. *¶*. Quis infirmatur.

LECTIO 9.

Tertiò matres incurrunt væ afflictio, quâ afficiuntur in conceptu libidine, in portando in ventre gravedine, in partu maximo dolore. Sed beata **MARIA** sine hujusmodi væ fuit. Nam concepit sine libidine: undè angelus: virtus Altissimi obumbrabit tibi, id est, refrigerium præstabit, ut sine ardore alicujus libidinis concipias. Sine gravamine filium in ventre portavit: Undè **Isaias**: Dominus ascendet super nubem levem. Nubes est Virgo **MARIA**, quæ gravamen in portando non habuit, et ipsa sola sine dolore peperit Sal-

vatorem seculi. Tu. Te Matrem.

Ad Benedict. ant. Sine contaminatione * Virgo concepit, et sine dolore peperit medicinam mundi.

Oremus.

Oratio.

Purifica, quæsumus, Domine charitate tuâ corda nostra, ut per intercessionem beatæ MARLÆ semper Virginis, Sanctissimi Filii tui promissionibus digni efficiamur. Qui tecum.

CANON.

Ex Decreto Sacr. Rituum Congregationis.

19. Aug. 1817. *Urbis et Orbis.*

363. Occurrente Festo septem Dolorum Beatæ MARLÆ Virginis, quod celebratur Dominicâ tertiâ septembris, cum die octavâ Patroni, Titularis, aut Dedicationis Ecclesiæ, fieri debet de octavâ, et Festum septem Dolorum transfertur ad primam Dominicam non impeditam alio festo Beatæ Virginis, vel aliquâ octavâ: et si omnes Dominicæ usque ad Adventum fuerint impeditæ, tunc transferendum erit juxta Rubricas ad primam diem non impeditam post Dominicam tertiam septembris. Tu.

Ad Magnif. ant. Nolite timere, * quia lignum attulit fructum suum.

CANONES.

Infra Hebd. 9. Vitæ activæ.

FERIA II

Ex Benedicto Papâ Decimo Tertio.

Cons. Redemptoris. an. 1724.

B. Carm. Tom. 4. p. 102.

364. Omnibus Christi fidelibus, qui in singulis Feriis sextis Quadragesimæ et festivitate Septem Dolorum Beatæ MARLÆ Virginis... coronam septem Dolorum recitaverint, ducentos dies pro quolibet oratione Dominicâ, et to-

tidem pro quâvis salutatione angelicâ. In reliquis verò totius anni diebus, centum dies: iis autem qui hujusmodi coronam integram recitaverint septem annos, et totidem quadragenas de injunctis eis pœnitentiis relaxamus. Tu.

FERIA III.

Ex Clemente Papâ Duodecimo.

Const. Exponi nobis. an. 1733.—

B. R. Tom. 13. p. 377.

365. Omnes et singulas confraternitates sub titulo Beatæ MARLÆ Virginis Septem Dolorum à Superioribus Generalibus Ordinis Servorum ejusdem Beatæ Virginis... ubicumquē locorum de presenti erectas... auctoritate apostolicâ confirmamus, et validamus. Tu.

FERIA IV.

§. 10. *De Patrocinio B. V.*

Ex Innocentio Papâ Undecimo.

Const. Eximia an. 1679. B. R.

Tom. 8. p. 96.

366. Precibus Caroli Regis Hispaniarum inclinati... ut Patrocinii Beatissimæ Virginis MARLÆ Festum hujusmodi cum Officio et Missâ... in posterum Dominiis Regi Hispaniarum subjectis celebrari liberè et licitè valeat, auctoritate apostolicâ concedimus. Tu.

FERIA V.

Ex Alexandro Papâ Septimo.

Cons. Præclara. an. 1656.—B. R.

T. 6. p. 4. p. 131.

367. Omnibus utriusque sexûs Christi fidelibus, verè pœnitentibus et confessis, ac sacrâ communionem refectis, qui Missæ solemni in die Patrocinii Beatæ MARLÆ Virginis interfuerint..... plenariam omnium peccatorum suorum indulgentiam et remissionem misericorditè in Domino concedimus. Tu.

FERIA VI.

Ex Decreto S. Rituum Congregationis.

14. april 1753.—*Bullar. Carm. Tom. 4. p. 397.*

368. Sacrorum Rituum Congregatio confirmavit et approbavit electionem Sanctæ MARIE Scalæ Paradisi nuncupatæ in Patronam principale. Provincie Syracusanæ. Tu.

SABBATO.

Ex Decreto S. Rituum Congregationis.

8. Jan. 1763. *Cong. Canon. S. Ant. Abb.*

369. Clemens Papa Decimus tertius electionem Beatæ MARIE Virginis de Columnâ in Patronam principalem Congregationis Sancti Antonii Abbatis Regnorum Navarræ, Aragoniæ, Cathalauniæ, Valentiae et Insularum nuncupatarum Baleares benignè approbavit et confirmavit. Tu.

DOM. X. VITÆ ACTIVÆ.

Semiduplex.

Si hæc Dom. fuerit ultima Vitæ activæ omittitur cum duobus sequentibus, et ejus loco ponitur Dom. XIII. seu ultima.

IN I. NOCT.

De Jonâ Propheta.

LECTIO 1. c. 1. 1.

Et factum est verbum Domini ad Jonam filium Amalhi, dicens: surge, et vade in Ninivem civitatem grandem, et prædica in eâ, quia ascendit malitia ejus coram me. Et surrexit Jonas, ut fugeret in Tharsis à facie Domini, et descendit in Joppem, et invenit navem euntem in Tharsis: et dedit nautum ejus, et descendit in eam, ut iret cum eis in Tharsis à facie Domini. Tu. *¶. Loquatur. p. 246.*

LECTIO 2.

Dominus autem misit ventum magnum in mare; et facta est tempestas magna in mari, et navis periclitabatur conteri... Et dixit vir ad collegam suum: venite, et mittamus sortes, et sciamus quale hoc mare sit nobis. Et miserunt sortes, et cecidit sors super Jonam. Et dixerunt ad eum: indica nobis, cujus causâ malum istud sit nobis... Quid faciemus tibi, et cessabit mare à nobis? Tu. *¶. Benedictum.*

LECTIO 3. v. 12.

Et dixit ad eos: tollite me, et mittite in mare, et cessabit mare à vobis: scio enim, quoniam propter me tempestas hæc grandis venit super vos. Et remigabant viri, ut reverterentur ad aridam, et non valebant, quia mare ibat, et intumescibat super eos... Et tulerunt Jonam, et miserunt in mare, et stetit mare à fervore suo. Tu. *¶. Favus.*

IN II. NOCT.

Ex verbis B. Alberti Magni Ep. *In Bibliâ Mariand.*

LECTIO 4.

MARIA Mater misericordiæ est mare, quod nunquàm per desideria et suspiria quiescere potuit, donec verus Jonas, id est, Filius Dei in ipsum per Incarnationem missus fuit. Dixerunt viri ad Jonam: Glosa: Jona qui intepretatur, columba, Christus est. Quid faciemus tibi, et cessabit mare à nobis? Et dixit ad eos: Tollite me, et mittite me in mare. Tu. *¶. Ego.*

LECTIO 5.

Tollite me, et mittite in mare, id est, in MARIAM, ditissimum in pauperrimam, sublimissimum in humillimam, Dominum in ancillam. Et tulerunt Jonam, id est, Christum: Glossa: non repugnantem, sed voluntati Patris volunta-

riè obedientem, et miserunt in mare, id est, in uterum MARIE cum angelico honore et obsequio. Tu. *¶*. Benedictio.

LECTIO 6.

Item beata Virgo est turris potentiae Dei, de qua Micheas: turris gregis, id est, munimentum, nebulosa, obumbrans et abscondens peccatores, usque ad te veniet. Glossa: id est, Christus dans tibi secundam in omnibus potestatem, ut dicere possis: data est mihi omnis potestas in cœlo, et in terrâ. Tu. *¶*. Benedictum.

IN III. NOCT.

Lectio Sancti Evangelii secundum Lucam.

LECTIO 7. c. 10. v. 23.

In illo tempore: Conversus JESUS ad Discipulos suos dixit: Beati oculi, qui vident, quæ vos videtis. Et reliqua.

Homilia B. Dionysii Carthusiani.

De Laudib. B. V. M. libr. 1.

art. 17.

Si ergò commendantur et beatificantur à Christo oculi, et aures, qui eum viderunt, et audierunt, et si tam magnum et salubre fuit Salvatorem videre, et audire in carne, quod sancti prophetæ et reges hoc avidissimè optaverunt, quàm magnum, saluberrimum ac desiderabilissimum fuit ipsum Dei Patris unicū Filium castissimo ventre concipere, portare, nutrire, parere, contrectare, et non solum interiori, exteriorique visu videre, ut Dominum Deum ac Salvatorem, atque audire, ut magistrum et prædicatorē; sed etiā ipsum quotidie per tot annos ad libitum intueri et audire, ut unicum et amantissimum Filium, imò, ut ei dignissimè subditum, et cœlestem et spiritualement, et amantissimum sponsum, ut familiarissimè et amorosissimè coha-

bitatorem domesticum. Tu. *¶*. Venite ad me.

LECTIO 8.

Beatissimi ergò sunt oculi suavisimæ et æternalitèr benedictæ MARIE, qui Deum incarnatum ita viderunt: beatissimæ aures ejus, quæ Christum sic audierunt: beatissimus tactus ejus, qui illum assidue, ac maternalitèr, corporalitèrque tractavit: beatissimus gustus ejus, qui cum rege cœlorum quotidie comedit et bibit: beatissimus ejus olfactus, qui dulci Salvatoris odore frequentèr est immutatus. Sacratissima ac suavissima ubera ejus, quæ universalis Opifici alimoniam præbere electa sunt. Felicissimum os et labia venerabilissimæ, et præclarissimæ prorsus MARIE, quæ Deum ex senatum infantulum toties, et tam affectuosissimā, atque purissimā affectione sunt osculata. Tu. *¶*. Quis infirmatur.

LECTIO 9.

Ece venerandus et magnus ille Patriarcha Abraham Pater tuus, imò potiùs servus ac Filius tuus, exultavit, ut videret diem Christi Filii tui: vidit et gavissus est, qui tamen filium tuum non vidit, nisi in spiritu ac figurā. Et si tantus vir ex imaginariā, spiritali, ac typicā visione Christi futuri, ita gavissus est, atque cum tam ingenti affectu ipsum optavit videre, quàm præcordialitèr tu felicissima mens, laudabilissima sempèr MARIA in ipsius Christi Filii tui gaudebas præsentia et aspectu? Certè tan'ò plùs, quantò ampliùs eum amasti, quo clariùs cognovisti, quo familiariùs cohabitasti, quo licentiùs contrectasti. Tu. Te Matrem.

Ad Benedict. *ant.* Beati oculi tui * splendissimi, qui Filium Dei frequentissimè conspiciebant.

Oremus.

Oratio.

Dirige, Domine, actus nostros secundum tuam voluntatem, ut in omnibus tibi placentes, beatissimæ Virginis MARIE intercessione digni effici mereamur. Per Dominum.

CANON.

Ex Decreto S. Rituum Congregationis.

In Bull. Alex. VII. 1656. Salvatoris. Confirmato.

370. Sacra Rituum Congregatio Presbyteris Oratorii JESU-Christi..... quotannis tanquàm de Patrono..... die decimâ septimâ septembris Festum Solemnitatis Gloriosæ Virginis cum octavâ recolendi, nec non Missam et Officium celebrandi recitandique facultatem attribuit. Tu.

Ad Magnificat. ant. Tollite me, * et mittite me in mare, id est, in MARIAM, et cessabit contra me orta tempestas.

CANONES

Infra Hebd. 10. Vitæ activæ.

FERIA II.

Ex Decreto S. Rituum Congregationis.

14. Maj. 1707. in Parisiens.

371. In Ecclesiis dedicatis sub titulo Sanctæ MARIE Angelorum Officium de hocce titulari celebrandum est die Assumptionis ejusdem. Tu.

FERIA III.

§. Per Litanias.

Ex Decreto S. Rituum Congregationis.

13. Jul. 1673. Forosempron.

372. Ad instantiam Confraternitatis Sanctissimi Rosarii civitatis Forosempronensis toleratur, si in fine Litaniarum dicatur: Regina Sanctissimi Rosarii, ideòque non potest prohiberi. Tu.

FERIA IV.

Ex Decreto S. Rituum Congregationis.

16. Ang. 1766. Ord. Carmelitar.

373. Pia et laudabilis consuetudo, quæ ab antiquissimo tempore, cujus initii memoria non extat, in universo Ordine Carmelitarum Congregationis Hispaniæ viget, recitandi et canendi in Litanis Beatæ MARIE Virginis versiculum: «Ma-ter Decor Carmeli, sive, Mater Carmelitarum.....» apostolicâ approbatione tolleratur. Tu.

FERIA V.

Ex Clemente Papâ Decimo Tertio.

Const. Eximia pietas. 14. Mart. 1767.

374. Conceditur facultas in Regnis Hispaniarum in quibus Beata MARIA Virgo sub Immaculatæ Conceptionis Mystério, uti Patrona principalis peculiari devotione colitur, addendi in Litanis Lauretanis tam publicè, quàm privatè recitandis, post versiculum «Mater intemerata,» alterum scilicet, «Mater Immaculata.» Tu.

FERIA VI.

Ex Decreto S. Rituum Congregationis.

Episcoporum. Galie—apud Perrone.

375. Conceditur indultum addendi in Litanis post versum «Regina Sanctorum omnium» aliud Deiparæ encomium, «Regina sine labe concepta,» dummodò iisdem tam privatim, quàm publicè aliud non addatur, nisi obtentâ facultate à sanctâ apostolicâ sede. Tu.

SABBATO.

Ex Decreto S. Rituum Congregationis.

In pluribus Decretis.

376. Non licet titulo specialis devotionis Litanis Lauretanis aliquem versiculum addere..... Tu.

DOM. XI. VITÆ ACTIVÆ.

Semiduplex.

Si hæc Dom. fuerit ultima post Pentec. omittitur cum sequenti, et ejus loco ponitur Dom. XIII. seu ultima.

IN III. NOCT.

De Habacuc Prophetâ.

LECTIO 1. c. 3. 1.

Domine, audiivi auditionem tuam, et timui. Domine, opus tuum in medio annorum vivifica illud. In medio annorum notum facies: cum iratus fueris, misericordiæ recordaberis. Deus ab austro veniet, et sanctus de monte Pharan: operuit cælos gloria ejus, et laudis ejus plena est terra. Tu. *℟.* Loquatur. p. 246.

LECTIO 2.

Splendor ejus, ut luxerit: cornua in manibus ejus: ibi abscondita est fortitudo ejus: ante faciem ejus ibit mors. Et egrediatur diabolus ante pedes ejus. Stetit et mensus est terram: aspexit et dissolvit gentes: et contriti sunt montes sæculi: incurvati sunt colles mundi ab itineribus æternitatis ejus. Tu. *℟.* Benedictum.

LECTIO 3.

Pro iniquitate vidi tentoria Æthiopiarum, turbabuntur pelles terræ Madian. Nunquid in fluminibus iratus es, Domine? aut in fluminibus furor tuus? vel in mari indignatio tua? Qui ascendes super equos tuos: et quadrigæ tuæ salvatio. Suscitans suscitabis arcum tuum, juramenta tribubus, quæ locutus es. Tu. *℟.* Favus.

IN II. NOCT.

Ex verbis B. Alberti Magni, Ep. De laudib. B. V. M. libr. 8. c. 5.

LECTIO 4.

Mons, qui dicitur ab eminentiâ secundum Isidoram, vel secundum alios dicitur mons, quasi moles

opposita nascenti soli. Moles enim immobilis humilitatis MARIE, quam humilitas Christi adamavit, ut de se ipsâ nasci dignaretur, se opposuit pro familiaribus suis fervori solis justitiæ ne ipsos arefaciat. Exortus est sol cum ardore, et arefecit fœnum, id est, carnales, ut dicit Beatus Jacobus. Tu. *℟.* Ego quasi.

LECTIO 5.

Beata Virgo MARIA est ille mons umbrosus et condensus Habacuc, secundum aliam literam, à quo Deus venit ad nos. Unde sic ibi loquitur: Deus à Libano veniet, et Sanctus de monte umbroso et condensus. Beata Virgo Mons propter eminentiam sanctissimæ conversationis suæ, quæ dicitur Libanus, qui interpretatur candor propter prærogativam virginalis puritatis. Tu. *℟.* Benedictio.

LECTIO 6.

Umbrosus etiâ dicitur iste mons, quia virtus Altissimi obumbravit ei in conceptione filii Dei, qui est lux inaccessibilis, et lucem habitat inaccessibilem. Condensus est mons iste per universarum virtutum multitudinem, quæ designantur in condensitate arborum: quia in eo consistæ à divinâ sapientiâ circuierunt omnes virtutes in superlativo. Dicitur ergo Deus à Libano, id est, à candore uteri virginalis veniet ad salvandum nos, et Sanctus sanctorum de monte umbroso et condensus. Tu. *℟.* Benedictum.

IN III. NOCT.

Lectio Sancti Evangelii secundum Matthæum.

LECTIO 7. c. 25. v. 31.

In illo tempore: Dixit JESUS Discipulis suis: cum venerit Filius hominis in sede majestatis suæ, et omnes Angeli cum eo, tunc sede-

bit super sedem majestatis suæ. Et reliqua.

Homilia B. Goffridi Abb. Vindocinensis.

Serm. de B. V. M. — In Bibliothecâ PP. Tom. 12. p. 287.

Illo utiquè die homines qui in hoc sæculo humiles sunt, et obediētes, patriam illam cœlestem et supernam, duce suo capite Christo, cum honore magno et exultatione intrabunt, undè superbi et inobediētes Angeli cum verecundiâ et confusione ceciderunt. Ibi videbunt Deum hominēs facie ad faciem, sicuti est, et donabitur eis vita, salus, et gloria sempiterna, quæ Deus est. Tu. *ñ.* Venite.

LECTIO 8.

Beata autem MARIA mater, Virgo et Sponsa intacta ibi piissima apud piissimum Filium suum obtinebit, ut nemo illorum pereat, pro quibus vel semel oraverit. Nec mirum, quia universum suis precibus mundum salvare potest, si ipsa voluerit. Et ipsa quidem pro universo mundo paratissima esset ad precandum, totusque mundus salvaretur, si precibus ejus se faceret dignum. Hæc veracissimè apud omnipotentem Filium, ut diximus, orando potest quidquid desiderat: sed pro illis, qui semper pecare desiderant, nullatenus orat. Tu. *ñ.* Quis infirmatur.

LECTIO 9.

Cæteri Sancti Dominum Deum orando impetrant, sed honorabilis Virgo MARIA, si illum ex eo quod Deus et Dominus est, exorare meritò credatur, ex eo tamen quod homo est, et natus ex eâ, quasi quodam matris imperio, apud ipsum impetrare quidquid voluerit, piâ fide non dubitatur. Nam si quilibet sanctus

apud justum judicem Deum obtinet quidquid sibi jure debetur: hæc quæ est mater judicis et omnium sanctorum Domina, jure matris nunquàm fraudabitur. Hoc est enim materni juris apud Filios dignitate sublimes, ut si eos matres eorum sapius rogent, quia domini sunt, eis etiàm aliquid quasi imperent quia filii sunt. Tu. Te Matrem.

Ad Benedict. ant. Quem vis, * ipse salvus erit, et à quo averlis vultum tuum vadit in interitum.

Oremus. Oratio.

Da nobis, quæsumus, omnipotens Deus, puritatem mentis et corporis, ut digni Genitricis tuæ Sanctissimæ filii esse mereamur.

Qui vivis et regnas.

In hac Dom. et Dominicis ac hebdomad. sequentibus Vitæ activæ leguntur Canones, qui lecti non fuerint in Dominicis et hebdomad. Februarii, seu Vitæ contemp. p. 134. 136. et 139.

Ad Magnif. ant. Dominus de Libano * veniet, Dominus de monte umbroso et condenso.

DOM. XII. VITÆ ACTIVÆ.

Semiduplex.

Si hæc Dom. fuerit ultima post Pentec. omittitur et ejus loco ponitur Dom. XIII. quæ sequitur.

IN I. NOCT.

De Aggæo Propheta.

LECTIO 1. c. 2. 1.

Factum est verbum Domini in manu Aggæi Prophetæ, dicens: Loquere ad Zorobabel filium Salathiel ducem Juda, et ad Jesum filium Josedec Sacerdotem magnum, et ad reliquos populi dicens: Quis in vobis est derelictus, qui vidit domum istam in gloriâ suâ primâ? Et quid vos videtis hanc nunc? Nunquid non ita est, quasi

non sit in oculis vestris? Tu. *¶*.
Loquatur. p. 246.

LECTIO 2.

Et nunc confortare, Zorobabel, dicit Dominus: et confortare, Jesu fili Josedec Sacerdos magne, et confortare, omnis populus terræ... quia hæc dicit Dominus exercituum: adhuc unum modicum est, et ego commovebo cælum, et terram, et mare et aridam. Tu. *¶*. Benedict.

LECTIO 3.

Et movebo omnes gentes: et veniet desideratus cunctis gentibus: et implebo domum istam gloriâ, dicit Dominus exercituum. Meum est argentum, et meum est aurum, dicit Dominus exercituum. Magna erit gloria domus istius novissimæ plus quàm primæ, dicit Dominus exercituum: et in loco isto dabo pacem, dicit Dominus exercituum. Tu. *¶*. Favus distillans.

IN II. NOCT.

Sermo S. Thomæ Arch. Valentini.

Conc. de imm. concep. B. V. M.

LECTIO 4.

In structurâ secundi templi Dominus consolatur populum, et Sacerdotes mæstos, quoniam domus illa in comparatione primæ nulla apparebat. Domus prima Eva in statu innocentiae, pulchra, decora, innocens, sapiens. Domus secunda Virgo MARIA, humilis et mortalis. Sed, o peccatores, nolite contristari! major erit gloria Domus istius novissimæ, plusquàm primæ. Illa nos occidit, ista nos vivificavit. Illa mortem adduxit; ista vitam. Illa creatura Dei; ista Mater Dei. Illa mundi excidium: ista sine peccato concepta, et à parentibus progenita. Tu. *¶*. Ego quasi.

LECTIO 5.

Et in templo isto dabo pacem.

Non fuit rebellio, non tumultus sensualitatis, non fomes peccati. Quoniam, ut ait Psalmus; factus est in pace locus ejus. Quis locus, nisi virginalis uterus? In pace formatus in utero, in pace vixit extra uterum. In ædificatione namque templi Salomonis non audiebatur malleus, non strepitus, quoniam benè quadrati lapides sine malleo jungebantur. Tu. *¶*. Benedictio.

LECTIO 6.

Domus, inquit Scriptura, cum ædificaretur, de lapidibus dolatis atque perfectis ædificata est: et malleus et securis, et omne fermentum non sunt audita in domo, cum ædificaretur. Siquidem, ut ait Propheta, confractus est in eâ, et contritus malleus universæ terræ, id est, universæ carnis: de quo Psalmista: ecce, inquit, in iniquitatibus conceptus sum, et in peccatis concepit me mater mea. In pace igitur formatus est in utero, ut semper pacem haberet in terrâ. Tu. *¶*. Benedictum.

IN III. NOCT.

Lectio Sancti Evangelii secundum
Lucam.

LECTIO 7. c. 16. v. 1.

In illo tempore: Dicebat JESUS ad Discipulos suos: Homo quidam erat dives, qui habebat villicum. Et reliq. Homilia S. Thomæ Arch. Valent.

Concione de Domini nostrâ.

O Domina, quantum debes Domino meo! Qui profundissime divinæ sapientiæ, ultrâ quàm credi possit, penetrare te fecit abyssum! In tantum, ut absorta videatur in Deitatem humanitas. Non quòd immutata sit substantia, sed affectio deificata; ita ut operiri undiquè, et circumfundi, et tanquàm ipso Deo concludi merueris: paulò minùs adoraturus quasi feminam, qui so-

lebat ab hominibus hactenus adorari. Quàm familiaris facta es Dec, Domina! Quàm intima fieri meruisti! Quantam invenisti gratiam apud Deum! *¶*. Venite ad.

LECTIO 8.

In te manet, et tu in eo: et vestis eum, et vestiris ab eo. Vestis eum substantiâ carnis, et vestit ille te gloriâ suâ majestatis. Vestis solem nube, et sole ipsa vestiris. Et quidem quoddam verum Deum, et Dei Filium genueris, ut idem ipse Dei atque hominis filius, unus omnino Deus et homo ex te prodierit. Si rerum pretia de raritate pensamus, nihil hoc potest rarius inveniri. Quis enim istam generationem poterit sermone enarrare? Quæ linguæ facundia explicare? O Domina, quantum debes Domino meo! Tu. *¶*. Quis infirmatur.

LECTIO 9.

Dic, obsecro te, per eum, qui talem fecit te, ut ipse fieret in te: dic, inquam, mihi, quid boni egisti, quantum præmium obtulisti, per quas potestates ambisti, quos patronos habuisti, quæ suffragia præmisisti, quo sensu, vel quâ cogitatione, ad hoc, ut reciperes prævenisti, ut et virtus et sapientia patris, quæ attingit à fine usque in finem, et disponit omnia suaviter, totus ubique manens, et sine ullâ sui mutabilitate in utero tuo veniens, ita castellum castum tui ventris incolet, ut et ingrediens non læderet, et exiens incolumen custodiret? O Domina, quantum debes Domino meo! Qui gratis adeo te mirificavit, magnificavit, et magna tibi fecit, qui potens est et facit mirabilia magna solus. Tu.

Te Matrem.

Ad Benedict. ant. O Domina, * quantum debes Domino meo, qui magna tibi fecit!

Oremus.

Oratio.

Omnipotens Deus, famulos tuos dextera potentiae tuæ à cunctis protegat periculis. et beatâ MARIA semper Virgine intercedente, fac eos præsentem gaudere prosperitate et futurâ. Per Dom.

Ad Magnif. ant. Domus prima * Eva in statu innocentiae: domus secunda MARIA in statu gratiae.

DOM. XIII.

ET ULTIMA VIT. ACTIVÆ.

Semiduplex.

Hæc Domin. semper dicitur ultimo loco in Vitâ Activâ.

IN I. NOCT.

De Zachariâ Prophetâ.

LECTIO 1. c. 3. et 4.

In die illâ dicit Dominus exercituum, vocabit vir amicum suum subter vitem, et subter ficum. Et reversus est angelus, qui loquebatur in me, et suscitavit me, quasi virum, qui suscitatur de somno suo, et dixit ad me: Quid tu vides? Et dixi: Vidi, et ecce candelabrum aureum totum, et lampas ejus super caput ipsius, et septem lucernæ ejus super illud: et septem infusoria lucernis, quæ erant super caput ejus. Tu. *¶*. Loquatur. p. 246.

LECTIO 2.

Et duæ olivæ super illud, una à dextris lampadis, et una à sinistris ejus. Et respondi, et ajo ad angelum, qui loquebatur in me dicens: quid sunt hæc, Domine mi?... Et respondit, et ait ad me, dicens: Hoc est verbum Domini ad Zorobabel, dicens: non in exercitu, nec in robore, sed in spiritu meo, dicit Dominus exercituum. Tu. *¶*. Benedictum.

LECTIO 3.

Quis tu mors magne coram Zorobabel? in planum: et educet lapidem primarium, et exæquabit gra-

tiam gratiæ ejus. Et factum est verbum Domini ad me, dicens: Manus Zorobabel fundaverunt domum istam, et manus ejus perficient eam: et scietis, quia Dominus exercituum misit me ad vos. Tu. *¶* Favus distillans.

IN II. NOCT.

Sermo S. Procli Arch. Constantino-
politani.

Oratio 2. LECTIO 4.

In die illâ dicit Dominus omnipotens. In quo die, ô Propheta? In die Incarnationis, quandò Virgo cœli speciem quandam prætulit: quandò ex utero prosilierunt radii: quandò sol incarnatus è matrice prorupit: quandò lux humanam figuram induit: quandò partus ejus qui nascebatur, non initium, sed ortus fuit. Tu. *¶* Ego quasi.

LECTIO 5.

Et convertit me, inquit angelus, qui loquebatur in me: et suscitavit me, sicut quandò homo excitatur à somno. Quisnam angelus? Is qui læta, faustaque nuntiavit MARIE. Quis somnus? Legis tempus. Quandoquidè ut in somno palpebræ populos obtegunt; ita legis tempore velamen cor obtexerat. Et dixit ad me: quid tu vides? Et dixi: vidi, et ecce candelabrum aureum totum. Quid est ergò illud candelabrum? Sancta MARIA. Tu. *¶* Benedictio.

LECTIO 6.

Cur autem candelabrum? Quia immateriale lumen, nempe Deum incarnatum, portavit. Ut quid verò aureum totum? Quia etià post partum virgo permansit. Ait namque: Porta hæc clausa erit. Utrum autem portam vocari testatur Job dicens: cur non conclusit portas uteri mei? Et sicut candelabrum non est lucis causa, sed lucis vehiculum; ita etià Virgo non est

ipsa Deus, sed Dei templum. Tu. *¶* Benedictum.

IN III. NOCT.

Lectio Sancti Evangelii secundum
Matthæum.

LECTIO 7. c. 19. v. 28.

In illo tempore: Dixit JESUS discipulis suis: amen dico vobis, quòd vos qui secuti estis me, cum sederit Filius hominis in sede majestatis suæ, sedebitis et vos super sedes duodecim judicantes duodecim tribus Israel. Et reliqua.

Homilia Sancti Hildephonsi Archiepiscopi Toletani.

Serm. 2. in Assumpt. B. V.

Absque dubio, fratres carissimi, beata Virgo pro tantâ gratiâ, tantique honoris privilegio materno hodiè resedit sublimi in throno, quoniàm etsi duodecim leguntur throni, in quibus duodecim Apostolorum sessurus est numerus, quandò judex omnium, sacratissimæ hujus matris Filius, sedebit in sede majestatis suæ cum senatoribus suis; non desunt tamen ibidem quàm plurimi alii, interquos in conspectu Dei, etià viginti quatuor dicuntur residere seniores, et adorare ante thronum Dei viventem in sæcula sæculorum. Tu. *¶* Venite ad.

LECTIO 8.

Sed et Daniel testatur, quòd throni positi sint, nec eorum tamen explicat numerum. Undè liquidò constat, dilectissimi, quia thronus beatissimæ Virginis paratus ante mundi constitutionem, hodiè celsior glorificetur, et invenitur ab angelis: nec immeritò igitur, quoniàm et ipsa facta est thronus Dei, et thalamus, in cujus utero veniens sapientia Dei Patris Verbum caro factum est, et habitavit in nobis. Tu. *¶* Quis infirmatur.

LECTIO 9.

Quòd si animâ cujuslibet justi sedes est sapientiæ, tes'e scripturâ, multò magis hujus anima, fratres carissimi, quam Spiritus Sanctus sic implevit, etiâ ante conceptionis horam, ut salaretur ab angelo: Ave gratiâ plena: Dominus tecum, benedicta tu in mulieribus. Ad quam ita mox ingressus Filius Dei, qui est virtus et sapientia Patris, sic replevit, sicque possedit, ut in eâ Verbum caro fieret, et habitavit totus Deus in homine, ac ideò totus in nobis, quia totus Deus in eâ fuit. Tu. Te Matrem.

Ad Benedict. ant. Ecce throni * in cœlo positi sunt, sed excelsior thronus Virgini Matri, quæ prima sedet post Deitatem.

Oremus.

Oratio.

Omnipotens sempiterne Deus, qui dilectissimam Unigeniti tui Matrem super omnes Angelorum choros in cœlo sublimasti, concede propitiùs. ut qui gloriam ejus in terris veneramur, ejus aspectibus in cœlis perfrui possimus. Per eundem Dominum.

Ad Magnific. ant. Ecce Candelabrum * aureum totum, et lampas ejus super caput ejus, et septem lucernæ ejus super illud.

IX.

VITA GLORIOSA

B. Mariæ V.

Quæ post Assumptionem tempus complectitur.

RESPONSORIA

dicenda post Lectiones tam in officio Dominicæ, quàm in feriali post Assumptionem.

In 1. Nocturno, et in Feriâ II. et IV.

¶ 1. Signum magnum apparuit in cœlo: * Mulier amicta sole, et luna sub pedibus ejus, et in capite ejus corona

stellarum duodecim. Allel., allel.

¶. Hoc erit signum fœderis, quod constitui inter me, et omnem carnem super terram.—Mulier.

¶ 2. Arcum meum ponam in nubibus, * Et erit signum fœderis inter me, et inter terram, allel. allel. ¶. Videbo illum, et recordabor fœderis mei sempiterni.—Et.

¶ 3. Apertum est templum Dei in cœlo * Et visa est arca testamenti ejus in templo ejus, allel. allel. ¶. Ecce tabernaculum Dei cum hominibus, et habitabit cum eis.—Et visa.—Gloria.—Et visa. *In II. Noct. et in fer. III. et VI.*

¶ 4. Recordare nostri, Domina, in conspectu Dei, * ut facias nobiscum misericordiam, et liberes nos de morte, allel., allel. ¶. Invoca Dominum, et loquere regi pro nobis.—Ut.

¶ 5. Corona aurea super caput ejus, * Expressa signo sanctitatis, gloria honoris, et opus fortitudinis, allel. allel. ¶. Posuisti, Domine, in capite ejus coronam de lapide pretioso.—Expressa.

¶ 6. Magna est gloria ejus in salutare suo: * Gloriam et magnum decorem, imponent super eam, allel. allel. ¶. O Israel, quàm magna est Domus Dei, et ingens locus possessionis ejus!—Gloriam.—Gloria.—Gloriam.

In III. Noct. et in Feriâ VI. et Sabb.

¶ 7. Sustulit me Angelus in Spiritu in montem magnum et altum, * Et ostendit mihi civitatem sanctam Jerusalem descendentem de cœlo à Deo, habentem claritatem Dei, allel., allel. ¶. Et locutus est mecum, dicens: Veni et ostendam tibi sponsam uxorem Agni.—Et ostendit.

¶ 8. Gaudeamus et exultemus, et demus gloriam Deo: * Quia venerunt nuptiæ Agni, et

uxor ejus præparavit se, allel. allel. ⁊. Et datum est illi, ut cooperiat se byssino splendenti et candido.—Quia vener.

⁊. 8. *omittitur in Dominicis.*

⁊. 9. Ambulabunt gentes in lumine ejus, * Et reges terræ afferent gloriam suam et honorem in illam, allel., allel. ⁊. Claritas Dei illuminavit eam, et lucerna ejus est Agnus.—Et reges.—Gloria.—Et reges.

LECTIONES DE SCRIPTURA.

Dicendæ in feriali officio et in primo nocturno Festivitatum quæ proprias non habuerint.

IN FERIIS II.

De libro Ecclesiastici.

LECTIO 1. c. 24. 1.

Sapientia laudabit animam suam, et in Deo honorabitur, et in medio populi sui glorietur, et in ecclesiis Altissimi aperiet os suum, et in conspectu virtutis illius gloriabitur: et in medio populi sui exaltabitur, et in plenitudine sanctæ admirabitur. Tu. ⁊. Signum. magn. p. 291.

LECTIO 2.

Et in multitudine electorum habebit laudem, et inter benedictos benedicetur, dicens: Ego ex ore Altissimi prodivi primogenita ante omnem creaturam: ego feci in cœlis, ut oriretur lumen indeficiens, et sicut nebula texi omnem terram. Tu. ⁊. Arcum meum.

LECTIO 3.

Ego in altissimis habitavi, et thronus meus in columnâ nubis. Gyrum cœli circuivi sola, et profundum abyssi penetravi, in fluctibus maris ambulavi, et in omni terrâ steti; et in omni populo; et in omni gente primatum habui. Tu. ⁊. Apertum est.

IN FERIIS III.

De libro Ecclesiastici.

LECTIO 1. c. 24. 11.

Et omnium excellentium, et humilium virtute calcavi: et in his omnibus requiem quæsi, et in hæreditate Domini morabor. Tunc præcepit, et dixit mihi Creator omnium: et qui creavit me, requievit in tabernaculo meo. Tu. ⁊. Recordare. p. 291.

LECTIO 2.

Et dixit mihi: in Jacob inhabita, et in Israel hæreditare, et in electis meis mitte radices. Ab initio et ante sæcula creata sum, et usque ad futurum sæculum non desinam, et in habitatione sanctâ coram ipso ministravi. Tu. ⁊. Corona aurea.

LECTIO 3.

Et sic in Sion firmata sum, et in civitates sanctificatâ similiter requievi, et in Jerusalem potestas mea. Et radicavi in populo honorificato, et in parte Dei mei hæreditas illius, et in plenitudine sanctorum detentio mea. Tu. ⁊. Magna est.

IN FERIIS IV.

De libro Ecclesiastici.

LECTIO 1. c. 24. 17:

Quasi cedrus exaltata sum in Libano, et quasi cypressus in monte Sion; quasi palma exaltata sum in Cades, et quasi plantatio rosæ in Jericho: quasi oliva speciosa in campis, et quasi platanus exaltata sum juxta aquam in plateis. Tu.

⁊. Sustituit me. p. 291.

LECTIO 2.

Sicut cinnamomum et balsamum aromatizans odorem dedi: quasi myrrha electa dedi suavitatem odoris: et quasi storax et galbanus, et ungula, et gutta, et quasi Libanus non incisus vaporavi habitationem meam, et quasi balsamum non mixtum odor meus. Tu. ⁊. Gaudeamus.

LECTIO 3.

Ego quasi therebintus extendi ramos meos, et rami mei honoris et gratiæ. Ego quasi vitis fructificavi suavitatem odoris: et flores mei fructus honoris et honestatis. Ego mater pulchræ dilectionis, et timoris, et agnitionis, et sanctæ spei Tu. *¶* Ambulabunt. *p.* 292.

IN FERIIS V.

De libro Ecclesiastici.

LECTIO 1. c. 24. 25.

In me gratia omnis viæ et veritatis: in me omnis spes vitæ et virtutis. Transite ad me omnes qui concupiscitis me, et à generationibus meis implemini. Spiritus enim meus super mel dulcis, et hæreditas mea super mel et favum. Tu. *¶* Signum magnùm. *p.* 291.

LECTIO 2.

Memoria mea in generationes sæculorum. Qui edunt me, adhuc esurient; qui bibunt me adhuc sitient. Qui audit me, non confundetur: qui operantur in me, non peccabunt. Qui elucidant me, vitam æternam habebunt. Hæc omnia liber vitæ, et testamentum Altissimi, et agnitio veritatis. Tu. *¶* Arcum.

LECTIO 3.

Legem mandavit Moyses in præceptis justiliarum, et hæreditatem domui Jacob, et Israel repromissiones. Qui implet quasi Phison sapientiam, et sicut Tigris in diebus novorum. Qui adimplet quasi Euphrates sensum; qui multiplicat, quasi Jordanis in tempore messis. Qui mittit disciplinam, sicut lucem, et assistens quasi Gehon in die vindemiæ. Tu. *¶* Apertum.

IN FERIIS VI.

De libro Ecclesiastici.

LECTIO 1. c. 24. 38.

Qui perficit primus scire ipsam, et infirmior non investigabit eam: à mari enim abundabit cogitatio ejus,

et consilium illius ab abyssu magnâ. Ego sapientia effudi flumina. Ego quasi trames aquæ immensæ de fluvio, ego quasi fluvii Diorix, et sicut aquæductus exivi de paradiso. Tu. *¶* Recordare. *p.* 291.

LECTIO 2.

Dixi: rigabo hortum meum plantationum, et inebriabo prati mei fructum. Et ecce factus est mihi trames abundans, et fluvius meus appropinquavit ad mare: quoniam doctrinam quasi antelucanum illumino omnibus, et enarrabo illam usque ad longinquum. Tu. *¶* Corona aurea.

LECTIO 3.

Penetrabo omnes inferiores partes terræ, et inspiciam omnes dormientes, et illuminabo omnes sperantes in Domino. Adhuc doctrinam quasi prophetiam effundam, et relinquam illam quærentibus sapientiam, et non desinam in progenies illorum usque in ævum sanctum. Videte, quoniam non soli mihi laboravi, sed omnibus exquirentibus veritatem. Tu. *¶* Magna.

IN SABBATIS.

De libro Ecclesiastici.

LECTIO 1. c. 39. 17.

In voce dicit: obaudite me, divini fructus, et quasi rosa plantata super rivos aquarum fructificate. Quasi Libanus odorem suavitatis habete. Florete flores, quasi lilium, et date odorem, et frondete in gratiam, et collaudate canticum, et benedicite Dominum in operibus suis. Tu. *¶* Sustulit me. *p.* 291.

LECTIO 2. c. 51. 31.

Appropriate me, indocti, et congregare vos in domum disciplinæ. Quid adhuc retardatis? Et quid dicitis in his? Animæ vestræ sitiunt vehementer. Aperui os meum, et locuta sum: comparate vobis argento, et collum vestrum subjicite

jugo, et suscipiat anima vestra disciplinam: in proximo est enim invenire eam. Tu. *¶*. Gaudeamus.

LECTIO 3.

Videte oculis vestris, quia modicum laboravi, et inveni mihi multam requiem. Assumite disciplinam in multo numero argenti, et copiosum aurum possidete in eâ. Læletur anima vestra in misericordiâ ejus, et non confundemini in laude ipsius. Operamini opus vestrum ante tempus, et dabit vobis mercedem vestram in tempore suo. Tu. *¶*. Ambulabunt. p. 292.

In singulis Antiph. Versib. et Respons. Vitæ gloriosæ additur Alleluia, ut in tempore Paschali.

DOMINICÆ

TEMPORIS VITÆ

GLORIOSÆ B. M. V.

DOMINICA I.

Quæ incidit ipso die Assumptionis vel post Assumptionem B. M. V.

Semiduplex.

Quando hæc Dominica occurrit in solemnitate Assumptionis, omititur nec fit de ipsâ commemor.

Quando fit de Dom. omnia dicuntur ut in diebus infra octav. Assumpt.

IN I. NOCT.

De libro Apocalypsis B. Joannis Apostoli.

LECTIO 1. c. 4. 1.

Post hæc vidi: et ecce ostium apertum in cælo: et vox prima, quam audivi, tanquam tubæ loquentis mecum dicens: ascende huc, et ostendam tibi quæ oportet fieri post hæc. Et statim fui in spiritu: et ecce sedes posita erat in cælo, et supra sedem sedens. Et qui sedebat, similis erat aspectui lapidis jaspidis

jaspidis, et sardinis: et iris erat in circuitu sedis, similis visioni smeragdinae. Tu. *¶*. *Ut in die assumpt.*

LECTIO 2.

Et in circuitu sedis sedilia viginti quatuor: et super thronos viginti quatuor seniores sedentes, circumamicti vestimentis albis, et in capitis eorum coronæ aureæ. Et de throno procedebant fulgura, et voces et tonitrua: et septem lampades ardentes ante thronum, qui sunt septem spiritus Dei. Tu. *¶*.

LECTIO 3.

Et in conspectu sedis tanquam mare vitreum simile cristallo: et in circuitu sedis quatuor animalia plena oculis ante et retrò. Et animal primum simile leoni, et secundum animal simile vitulo, et tertium animal habens faciem quasi hominis, et quartum animal simile aquilæ volanti. Tu. *¶*.

IN II. NOCT.

Sermo B. Alberti Magni Ep.
De laudibus B. V. M. libr. 10. c. 7.

LECTIO 4.

Secundum Isidorum sedes in singulari numero propriè vel regis, vel regni est, quæ græcè thronus dicitur. MARIA verò sedes est regis magni, ideò de ipsâ dicitur: Dominus in cælo, id est, in beatâ Virgine, paravit ministerio Spiritus Sancti sedem suam: quia in eâ quasi humilitate resedit tempore Incarnationis. Undè dicit Patri: tu cognovisti, id est, approbasti sessionem meam. De hac sede potest exprimi illud, quod dicit Joannes in Apocalypsi: Fui in spiritu, et ecce sedes posita erat in cælo, et supra sedem sedens, et qui sedebat, similis erat aspectui lapidis jaspidis, et sardinis, et iris erat in circuitu sedis. Tu.

LECTIO 5.

Benè dicit: Fui in spiritu, id est, in

mente, vel quia qui videre vult, hoc est intelligere magnalia **MARIÆ**, de carnali necesse habet prius fieri spiritualis. Vel ut resurgat prius à culpâ, qui vult instrui de dignitate **MARIÆ**. Et ecce sedes; allegoricè Angeli, et prælati, in quibus sedet et principaliter regnat Dominus, et alios regit et judicat: posita erat in cœlo, hoc est, in Ecclesiâ providentiâ Dei ordinati. Unde Joannis dicit eis Dominus: posui vos, ut eatis. Vel **MARIA**, in quâ resedit Majestas Deitatis, posita erat in cœlo in assumptione, ministerio Angelorum in corpore et animâ, ut piè creditur. Tu. ¶.

LECTIO 6.

Sedes ergò **MARIA**: sedens Filius Dei ex eâ carnem assumens. Ejus enim sessio est incarnatio: undè et dicit Patri: tu cognovisti, id est, approbasti sessionem meam, id est, incarnationem meam in Virgine. Ubi autem esset hæc sedes posita dicitur Ezechiel: Vidi, et ecce super firmamentum, quod erat imminens capiti animalium, quasi similitudo throni, id est, beata Virgo, quæ est thronus, id est, sedes regia. Sequitur: et supra sedem sedens: Christus, scilicet, suâ virtute eam continens, et majestate præcellens. Tu. ¶.

IN III. NOCT.

Lectio S. Evangelii secundum Matthæum.

LECTIO 7. c. 28. v. 18.

In illo tempore: Accedens **JESUS** locutus est discipulis suis, dicens: Data est mihi omnis potestas in cœlo et in terrâ. Et reliqua.

Homilia S. Petri Damiani Ep.

In Nativ. B. V. M. Serm. 1. Fecit in te magna, qui potens est, et data est tibi omnis potestas in cœlo, et in terrâ Quid tibi negabitur, cui negatum non est Theophilum

de ipsis perditionis faucibus revocare? Infelicem animulam totum illud, quod in te factum est proprio carectere denegantem, de luto fecis, et miseriæ sublevasti. Nihil tibi impossibile cui possibile est desperatos in spem beatitudinis relevare. Quomodò enim illa potestas tuæ potentiæ poterit obviare, quæ de carne tuâ carnis suscepit originem? Tu. ¶.

LECTIO 8.

Accedis enim ante illud aureum humanæ reconciliationis altare, non solum rogans, sed imperans: Domina, non ancilla. Moveat te natura, potentia moveat, quia quanto potentior tanto misericordior esse debebis. Potestati enim cedit ad gloriam, injurias ulcisci nolle cum possit. Scio, Domina, quia benignissima es, et amas nos amore invincibili, quia in te et per te Filius tuus et Deus tuus summâ dilectione dilexit. Quis scit, quotiès refrigeras iram judicis, cum justitiæ virtus à presentia Deitatis egreditur? Tu. ¶.

LECTIO 9.

In manibus tuis sunt thesauri miserationum Domini et sola electa es, cui gratia tanta conceditur. Absit ut cesset manus tua, cum occasione quæras salvandi miseros, et misericordiam effundendi. Neque enim tua gloria minuitur, sed augetur, cum pœnitentes ad veniam, justificati ad gloriam assumuntur. Tu. Te Matrem.

Ad Benedic. ant. In ditione tuâ * cuncta sunt posita, et nihil potest tuæ resistere voluntati, allel. allel.

Oremus.

Oratio.

Lætetur Ecclesia tua, Omnipotens Deus, beatissimæ Genitricis tuæ confisa adjutorio, atque ejus precibus gloriosis, et devota per-

maneat, et secura consistat. Qui vivis et regnas.

XIII.

Gloria Deiparæ in cælo.

CANON.

Ex Alexandro Papâ Secundo.

Ep. 32. ad Soldam. Icon.

377. Concepit «Virgo» sine pudore, peperit sine dolore, et hinc migravit sine corruptione juxta verbum Angeli imò Dei per Angelum, ut plena, non semiplena gratiâ esse probaretur, et Deus Filius ejus antiquum quod pridem docuit mandatum fidelitèr adimpleret, videlicet Patrem et Matrem honore prævenire; et ne caro Christi virginea, quæ de carne Matris Virginis assumpta fuerat, à totâ discreparet. Tu.

Ad Magnif. ant. Ecce sedes* posita erat in cælo, et super sedem sedens, alleluia, allel.

CANONES.

Infra hebdomad. prim. Vitæ gloriosæ.

FERIA II.

Ex S. Athanasio Archiep. Alexandrino.

In Smæ. Deip. Annunt.

378. Nunc adest à dextris tuis in vestitu deaurato circumamicta, variegata, eo quod secundum sexum femineum Regina, et Domina, et Mater Dei appellari debeat. Tu.

FERIA III.

Ex S. Hieronymo Presbytero.

Ad Paul. et Eustoch. c. 16.

379. Beata Dei Genitrix, quæ adhuc tantis in terrâ predicatur laudibus, non immeritò creditur exaltata et glorificata, necnon et clarificata, quantum novit ille, qui eam elegit in suâ sapientiâ, quâ disposuit omnia. Tu.

FERIA IV.

Ex Bonifacio Papâ Nono.

Const. Superni benign. an. 1389.

380. Laudes tantæ Virginis humana lingua non sufficit exprimere, nec etiâ Sancti et justi eam in cujus ille, quem cæli capere non poterant, se contulit aulâ virginali, dignis laudum præconiis efferre poterunt... Tu.

FERIA V.

Ex Bonifacio Papâ Nono.

Const. ut supra.

381 «Si» Dominum in Sanctis suis laudare jubemur quantum magis in veneratione Beatæ MARIE Virginis Matris ipsius exultantibus animis collaudare... quæ etiâ exaltata super sidera stellato consedit sui solio Genitoris...? Tu.

FERIA VI.

Ex Paulo Papâ Quinto.

Const. immensæ bonitat. an. 1615.

382. Dignum debitum reputamus, ut sicuti Redemptor noster et Deus ipsam sacratissimam Virginem sublimavit in cælis, ita eam nos quantum possumus honoremus in terris. Tu.

SABBATO

Ex Pio Papâ Nono.

Const. Ineffabil. an. 1854.

383. Non luculenta minus quam concors Patrum sententia, gloriosissimam Virginem, cui fecit magna qui potens est, eâ celestium donorum vi, eâ gratiæ plenitudine, eâque innocentia emicuisse, quâ veluti ineffabile Dei miraculum, immò omnium miraculorum apex, ac digna Mater Dei extiterit, et ad Deum ipsum pro ratione creatæ naturæ quam proximè accedens, omnibus quâ humanis, quâ angelicis præconiis celsior evaserit. Tu.

DOMIN. II. VITÆ GLOR.

Semiduplex.

Si hæc Dom. furit ultima in vita

gloriosâ, omittitur, et ejus loco ponitur Dom. III. quæ sequitur. Officium per ann.

IN I. NOCT.

De libro Apocalypsis B. Joannis Apostoli.

LECTIO 1. c. 11. 14.

Væ secundum abiit; et ecce væ tertium veniet citò. Et septimûs angelus tubâ cecinit: et factæ sunt voces magnæ in cælo dicentes: factum est regnum hujus mundi, Domini nostri, et Christi ejus, et regnabit in sæcula sæculorum. Amen. Tu. ♫. Signum. p. 291.

LECTIO 2.

Et viginti quatuor seniores, qui in conspectu Dei sedent in sedibus suis, ceciderunt in facies suas, et adoraverunt Deum, dicentes: Gratias agimus tibi, Domine Deus omnipotens, qui es, et qui eras, et qui venturus es: quia accepisti virtutem tuam magnam, et regnasti. Tu. ♫. Arcum.

LECTIO 3.

Et iratæ sunt gentes, et advenit ira tua, et tempus mortuorum judicari, et reddere mercedem servis tuis Prophetis et Sanctis, et timen- tibus nomen tuum, pussillis et magnis, et exterminandi eos, qui cor- ruperunt terram. Et apertum est templum Dei in cælo: et visa est arca testamenti ejus in templo ejus, et facta sunt fulgura, et voces, et terræ motus, et grando magna. Tu. ♫. Apertum est.

IN II. NOCT.

Sermo S. Hildephonsi Arch. Tole- tani. *Serm. 1. de Assumpt. in fine.*

LECTIO 4.

Templum autem Dei est Ecclesia, sicut Joannes testatur in suâ Apo- calypsi. Et apertum est, inquit, templum Dei in cælo, et arca tes- tamenti ejus visa est. Quæ profectò arca, non illa Moysi fabricata, sed

beata Virgo MARIA est, quæ hinc jam transposita erat, quam beatus Joannes Evangelista, testis verita- tis, cui commissa est, fortè recog- noscens venerabiliter affatur, quia in cælo visa est: monstratur species in genere, sicuti et genus per spe- ciem declaratur, quoniam beata MARIA in templo Dei visa est, sci- licet in Ecclesiâ. Tu. ♫. Recordare.

LECTIO 5.

Ecclesia verò in ejus virginitatis fructu penitus Domino dedicatur, ac per hoc arca testamenti Dei, ipsa videlicet Dei Genitrix in tem- plo ejus non immeritò visa est, quia Ecclesia et ipsa virgo est. Undè Apostolus: Despondi enim vos uni viro, inquit, virginem cas- tam exhibere Christo. Et ideo, di- lectissimi, illuc mentem dirigite, ubi sponsus vester pro nobis in- troit, et beata Virgo visa est: quo- niàm ibi ejus festivitas recta co- litur, ubi Christus est Sponsus, et æternæ vitæ gaudia celebrantur. Tu. ♫. Corona.

LECTIO 6.

Undè, quæso, egredimini fide, mor- ribus, mente, atque omni desiderio æternæ visionis actibus, et pollum noli- te tangere. Ascendite rur- sum per contemplationem, et per conversionem bonæ vitæ, donec apertum est templum Dei in cælo, quatenus ingredi possitis, omnia ubi vobis repromissa bona servan- tur, et Virgo sancta cœlesti jam immortalitate vestitur. In cœlesti- bus namque sint corda vestra crea- ta, ubi est et thesaurus vester. Tu. ♫. Magna.

IN III. NOCT.

Lectio Sancti Evangelii secundum Matthæum.

LECTIO 7. c. 16. 13.

In illo tempore: Venit JESUS in partes Cæsarææ Philippi, et inter-

rogabat Discipulos suos. Et reliqua.

Homilia S. Basilii Seleuciæ Ep.

Orat. 39. de Beatâ Virgine.

Videlis, quantum per Virginem peractum sit mysterium, quod omnem linguam cogitationemque superaudit. Quis ingentem Deiparæ potentiam non miretur? Quis non miretur quantoperè superemineat quotquot honoramus sanctos. Nam si Deus servis tantum impartitus est gratiæ, ut non tactu solum ægros persanarent, sed et umbræ projectu idem præstarent.... qualem Matri virtutem inesse cogitabimus? an non maiorem multò, quàm ei subjectis? Cuius notum. Tu. *Æ.* Sustulit me.

LECTIO 8.

Ecquid mirum si viventes virtute miraculorum pollebant sancti, quando eorum potestatem, non unà cum ipsis demortuis humus conssepelivit? Lapidés enim, qui horum occulunt corpora, iis qui malè anguntur, si modò pro dignitate accesserunt, salutem dare possunt. Quod si histam rara perpretasse concessum sit, quale nutricationis pretium Matri dederit? Tu. *Æ.* Ambulabunt.

LECTIO 9.

Si Petrus beatus appellatus est, clavesque regni cœlorum concreditas habuit: cur non præ omnibus una beata prædicatur, cui eum datum est eniti, quem ille confessus est? Si Paulus vas electionis cognominatus est, quòd augustum Christi nomen extulerit, quòd ubiquè terrarum id evulgaverit, quale vas erit Dei Mater? Non aureæ instar arcæ, quæ manna cepit, sed cœlestem panem alvo compræhendit, panem alimenti, roborisque causâ credentibus datum. Tu.

Te Matrem.

Ad Bened. ant. Beatus Petrus, *

qui confessus est Christum, sed beator Virgo, quæ ipsum peperit, allel. allel.

Oremus.

Oratio.

Beatæ et gloriosæ semper Virginis MARIE intercessio gloriosa nos protegat, et ad vitam perducat æternam. Per Dominum.

XIV.

Deiparæ Intercessio apud Deum.

CANON.

Ex S. Hormisdæ Papâ.

Concil. T. X. p. 595.

384. Intercessionibus Dominae nostræ Sanctæ et gloriosæ Virginis, et Dei Genitricis MARIE omnia ad indivisam unitatem conveniant, et fundamentum inconcussum catholicæ fidei confirmetur. Tu.

Ad Magnif. ant. Et apertum est templum Dei in cœlo, et visa est arca testamenti ejus in templo ejus, allel. allel.

CANONES.

Infra Hebdom. 2. Vitæ glor.

FERIA II.

Ex Julio Papâ Secundo.

Const. Dum præcels. *an.* 1508.

385. Virgo Dei Genitrix MARIA sedibus prælata Sydereis, quasi stella matutina præutilans... utpote Mater gratiæ et misericordiæ et humani generis consolatrix pro salute Fidelium, qui delictorum onere pergravantur, apud eum, quem genuit, assidue intercedit. Tu.

FERIA III.

Ex Paulo Papâ Quinto.

Const. Immensæ bon. *an.* 1615.

386. Præcelsis meritorum insignibus « ipsa Virgo Dei Genitrix gloriosa sedibus prælata sydereis, quasi stella matutina refulget ».... et uti Mater Misericordiæ pro Christiano populo sedula exoratrix et pervigil ad Regem, quem genuit, intercedit. Tu.

FERIA IV.

Ex D. Augustino Episcopo.

Ap. D. Bonav. Spec. Lect. 6.

387. Te solam, ô MARIA, pro sanctâ Ecclesiâ sollicitam præ omnibus sanctis scimus, quæ impetras inducias transgressoribus, ut renuntient suis erroribus... Neque enim dubium, quæ meruit pro liberandis proferre pretium, posse plus omnibus Sanctis libertatis impendere suffragium. Tu.

FERIA V.

Ex D. Bernardo Abbate.

Ap. D. Bon. Spec. Lect. 11.

388. Securus jam habet homo accessum ad Deum, ubi mediatorem causæ suæ Filium habet ante Patrem, et ante Filium Matrem. Filius nudato corpore Patri ostendit latus et vulnera, MARIA Filio peccus et ubera. Tu.

FERIA VI.

Ex D. Bonaventurâ Ep.

Spec. B. V. Lect. 11.

389. Beatissima Virgo MARIA inter hominem et Deum, inter hominem injustum et Deum justum est optima Mediatrix, optima iræ Dei Refrigeratrix. Tu.

SABBATO.

Ex D. Bonaventurâ Ep.

Scul. B. V. Lect. 7.

390. MARIA non solum in plenitudine Sanctorum detinetur, sed etiâ in plenitudine Sanctos detinet, ne eorum plenitudo minuat: detinet nimirum virtutes, ne fugiant: detinet merita, ne pereant: detinet dæmones, ne noceant: detinet Filium, ne peccatores percutiat. Tu.

DOM. III. VITÆ GLOR.

*Semiduplex.**Omnia ut in psalterio per annum.*

IN I. NOCT.

De libro Apocalypsis B. Joannis Ap.

LECTIO 1. c. 12. 1.

Signum magnum apparuit in cælo: Mulier amicta sole, et luna sub pedibus, et in capite ejus corona stellarum duodecim: et in utero habens clamabat parturiens, et cruciabatur, ut pariat. Et visum est aliud signum in cælo: et ecce draco magnus rufus, habens capita septem, et cornua decem, et in capitibus ejus diademata septem. ¶ Signum magni. p. 291.

LECTIO 2.

Et cauda ejus trahebat tertiam partem stellarum cæli, et misit eas in terram: et draco stetit ante mulierem, quæ erat paritura: ut cum peperisset, Filium ejus devorasset. Et peperit Filium masculinum, qui recturus erat omnes gentes in virgâ ferreâ: et raptus est Filius ejus ad Deum, et ad thronum ejus. Tu. ¶ Arcum.

LECTIO 3.

Et mulier fugit in solitudinem, ubi habebat locum paratum à Deo, ut ibi pascant eam diebus mille ducentis sexaginta. Et factum est prælium magnum in cælo. Michael et Angeli ejus præliabantur cum dracone, et draco pugnabat et angeli ejus: et non valuerunt, neque locus inventus est eorum amplius in cælo. Tu. ¶ Apertum.

IN II. NOCT.

Sermo S. Bernardi Abbatis.

In signum magnum.

LECTIO 4.

MARIA est, quæ velut alterum solem induit sibi. Quemadmodum enim ille super bonos et malos indifferenter oritur, sic ipsa quæ præterita non discutit merita; sed omnibus sese exorabilem, omnibus clementissimam præbet, omnium denique necessitates am-

plissimo quodam miseratur affectu. Nam et defectus omnis sub eâ et quidquid fragilitatis seu corruptionis est, excellentissimâ quâdam sublimitate præ cæteris omnibus excedit, et supergreditur creaturis, ut meritò sub pedibus ejus, luna esse dicatur. Alioquin nihil magnum esse videbitur, ut sit luna ista sub pedibus ejus, quam super omnes angelorum choros, super Cherubim quoquè ac Seraphim exaltatam nefas est dubitare. Tu. ꝑ. Recordare.

LECTIO 5.

Jure ergò MARIA sole perhibetur amicta, quæ profundissimam divinæ sapientiæ, ultrâ quàm credi valeat, penetravit abyssum: ut quantum sine personali unione creaturæ palitur, luci illi inaccessibili videatur immersa. Illo nimirum igne prophetæ labia purgantur, illo igne Seraphim accenduntur. Longè verò aliter MARIA meruit non velut summatim tangi, sed operiri magis undiquè, et circumfundi, et tanquàm ipso igne concludi. Tu. ꝑ. Corona.

LECTIO 6.

In capite, inquit, ejus corona stellarum duodecim. Dignum planè stellis coronari caput, quod et ipsis longè clarius micans, ornet eas, potius quàm ornetur ab eis. Quidni coronent sidera, quam sol vestit? Sicut dies verni circumdabant eam flores rosarum, et lilia convallium. Nimirum læva Sponsi sub capite ejus, et jam dextera illius amplexatur eam. Quis illas æstimet gemmas? Quis stellas nominet, quibus MARIE regium diadema compactum est? Supra hominem est coronæ hujus rationem exponere, indicare compositionem. Tu. ꝑ. Magna.

IN III. NOCT.

Lectio S. Evangelii secundum Joannem.

LECTIO 7. c. 12. 26.

In illo tempore: Dixit JESUS Discipulis suis: Si quis mihi ministrat, me sequatur, et ubi sum ego, illic et minister meus erit. Et reliqua.

Homilia Sancti Bernardini Senensis.

Serm. de B. V. M. art. 3. c. 1.

Quòd beata Virgo, tam corpore, quàm animâ gloriosâ regnet in cælis, ostenditur propter conformitatem, scilicet matris et prolis. Mater enim filio suo perfectè conformis fuit, et ejus præcipua imitatrix, non tantum gressibus pedum, sed etiâ pro reverentiâ ipsum Dominum secuta est affectu pietatis, fidei, religionis, et amore ardentissimæ charitatis, ut nunquàm ab ejus fide, atque dilectione avelli potuerit, quem de Spiritu Sancto, Angelo nuntiante, concepisse se novit. Nam ipsum concepit, ipsum peperit, lactavit, bajulavit, à facie Herodis abscondit: ergò esse non debuit, nisi ubi est Christus. Tu. ꝑ. Sustulit.

LECTIO 8.

Et non tantum quomodo alii Sancti sunt. Sed quâdam speciali prærogativâ. Quoniam sicut in Matthæo scriptum est: ipse reddet unicuique juxta opera sua: Si igitur omnium Sanctorum mors pretiosa, mors MARIE est pretiosissima, quam tanta comitata est gratia. Si igitur in vitâ MARIE præ omnibus donata est gratia, in morte perfectò minuenda non est, sed ubi Christus Filius regnat, mente et corpore collocata est. Tu. ꝑ. Ambulabunt.

LECTIO 9.

Rursus si **MARIA** Christo conformissima fuit, tanquàm Mater in puritate, et nobilitate, seu in regiâ diademate; profectò non debet Mater à Filio, Regina à Rege, non tantùm mentalitèr, sed nec corporalitèr separari. Ergò **MARIA**, Mater Christi, Regina cœli unâ cum Filio debuit glorificata in animâ et corpore in cœlestibus collocari. Tu. Te Matrem.

Ad Benenict. ant. Ubi sum ego,* illic sit et Mater mea, allel. allel.

Oremus. *Oratio.*

Dirige gressus nostros in beneplacito tuo, ut, intercedente beatâ Virgine **MARIA**, ad cœlestem patriam perveniamus. Per eundem.

CANON.

Ex Pio Papâ Nono.

Const. Ineffabilis. *an.* 1854.

391. Cœli terræque Regina à Domino constituta ac super omnes Angelorum choros, Sanctorumque ordines exaltata, adstans à dextris Unigeniti Filii sui Domini nostri **JESU**-Christi maternis suis precibus validissimè impetrat, et quod

quærit, invenit, ac frustari non potest. Tu.

Ad Magnific. ant. Mulier amicta sole,* et luna sub pedibus ejus, et in capite ejus corona duodecim stellarum, allel. allel.

CANONES

post Dom. 3. Vitæ glor.

FERIA II.

Ex D. Bonaventurâ Ep.

Spec. B. V. Lect. 10.

392. Magna erga miseros fuit misericordia **MARIÆ** adhuc exsultantis in mundo; sed multò major erga miseros est misericordia ejus jam regnantis in cœlo. Majorem per bènèficia innumerabilia nunc ostendit hominibus misericordiam, qui magis nunc videt innumerabilem hominum miseriam.

FERIA III.

Ex D. Thomâ Arch. Valentino.

Conc. 3. Nativ. B. V. n. 8.

393. **MARIA** facta est idonea Advocata; idonea quia purissima; idonea quia acceptissima; idonea quia piissima. Hæc enim omnia ad advocatam requiruntur. Tu.



PROPRIUM FESTIVITATUM

B. MARIE V.

FESTA SEPTEMBRIS.

ANTIPHONÆ MAJORES

*dicendæ integræ ante et post cant.
Magnificat. sicut in Dupl. in quo-
libet officio tempor. Expectat.*

Die 31. Aug. ant. O Aurora valdè rutilans manè absque nubibus! Quando apparebis consurgens pulchra ut luna, electa ut sol? O Virgo formosissima! Veni jam, noli tardare, et ostende lumen tuum sedentibus in tenebris et in umbrà mortis.

Die 1. Sept. ant. O Radius divinæ claritalis, candor lucis æternæ, splendidior sole lumineque pulchrior, Virgo MARIA! Noli tardare, citò veni, et illumina mentes nostras, ut oriatur in tenebris lux tua.

2. Sept. ant. O MARIA, mons excelsus Domini, præparatus in vertice montium, et sublimis super omnes colles! O mons Dei, mons pinguis, mons coagulatus, ad quem fluent omnes gentes, et ibunt multi populi! O mons de quo abscindetur lapis sine manibus! O Virgo sacra, veni jam et ostende te nobis.

3. Sept. ant. O ignis effulgens et inextinguibilis! Ignis inflammans et illuminans! Ignis divinæ charitatis, qui in utero lates beatissimæ

Annæ! Veni, appar e nobis et tuo felicissimo aspectu mentes nostræ illuminentur, et corda nostra in amore Dei accendantur.

4. Sept. ant. O Lux splendidissima, figurata per illam primariam lucem, de qua creditur factum corpus solis, ex te enim formabitur sol justitiæ! Lux pulcherrima et serenissima, veni et accelera ortum tuum: ostende te nobis, tuâque solari facie tenebras, quibus involvimur, expelle, nostramque sepulchralem noctem in perpetuum dissipa.

5. Sept. ant. O Luna tota pulchra et sine maculâ, semper gratiâ et gloriâ plena! Luna perfecta in æternum! Luna splendidissima et candidissima! Veni, ne tardes, atque noctis tenebras discutiens, universum mundum tuo jubare illustra.

6. Sept. ant. O Stella Jacob fulgida, Stella nuntia lucis, Stella splendida et matutina! Veni, noli tardare: appare nobis, et per salutis viam deduc nos prævia ad diem supremum.

DIE I. SEPTEM.

EXPECTATIO NATIVIT. B. M. V.

Duplex majus.

*Si hoc festum venerit in Dominica
transferetur in diem sequent.*

IN I. VESPERIS.

Ant. 1. Ecce tenebræ * operiunt terram, et caligo populos. *Psalmi de Ferid occurrenti.*

2. Emarcuit cor meum, * tenebræ stupuerunt me.

3. Orietur * stella ex Jacob, et consurget virga de Israel.

4. Sicut aurora * consurgens illuminabit mundum: jam propè est, ut veniat.

5. Vade * et pone speculatorem, et quodcumque viderit, annuntiet.

CAPITULUM. *Isai.* 21. 11.

Custos, quid de nocte? custos, quid de nocte? Dixit custos: venit mane et nox: si quæritis, quærite: convertimini et videte. *Æ.* Deo gratias.

HYMNUS 71. *Salla.*

Quæ gemis, primi soboles Parentis, Orcino jamdiu chelidro subacta, Diutinis demùm moderata, quæso, Parce querelis.

En repromissi tibi plenitudo,
Quo truci illius ditioni adempta
Sub Dei miti spatium scepro,
Temporis instal.

Nil triumphato stygio draconi,
Quin dato ipsius capiti terendo,
Namque conceptu gravis urget
Annæ

Partus ovalis.

Quo latet fœtu memorata quondam

Ire contritum mulier superbum
Calce serpentem caput illi ineptè
Insidiantem.

Hæc Ave sumens, Gabriele misso
Cœlitus, sartum dabit, atque tectum
Quidquid, audito Satanæ susurro,
Perdidit Eva.

Quod per erratum muliebre vicit
Hostis, exemptum muliebre fiet
Sic per oppugnans meritum, per
artem

Arte repulsa.

Sit decus summo sine fine Christo,

Sancta quem virgo genuit MARIA,
Qui Patri compar Spiritui Sancto
Regnat in ævum. Amen.

†. Ecce tenebræ operiunt terram.

Æ. Et caligo populos.

Ad Magnif. ant. O. p. 302.

Oratio de Laudibus.

Completerium ut in feriali officio.

AD MATUTINUM.

Invitatorium. Reginam cœlorum expectantes: * Venite, adoremus Dominum. *Psalm. Invitar. p. 1.*

HYMNUS 72. *Coffin.*

Mortale cœlo tolle genus caput,
En noctis horror desit; en jubar
Nascentis auroræ propinquum
Admonuit properare solem.

Sacro tumentes germine jam polus
Terras amicis imbribus irrigat:
De stirpe Jesse virga surgit
Conspicuum paritura florem.

Cœlestis illum gratia Spiritus
Innunget: illi iustitia et fides,
Timorque castus, veritasque
Et pietas comitèr præbunt.

Hunc ergo, quem tot sæcula fidelibus

Votis anhelant, quem misero Deus
Promisit orbi, spem salutis,
Accelera, pia Virgo, fructum.

Sit Trinitati perpetuum decus,
Inflicta mundo quæ miserans mala,
In Matre pignus nascituri
Non dubium dat habere Christi.
Amen.

IN I. NOCT.

Ant. 1. Quis det, * ut veniat petitio mea, et quod expecto tribuat mihi Deus? *Psalmi de Ferid.*

2. Quale gaudium * mihi erit qui in tenebris sedeo, et lumen cœli non video!

3. Expectabant me * sicut pluviam, et os suum aperiebant, quasi ad imbrem serotinum.

†. Visita nos, stella matutina.

¶ Oriens ex alto, Virgo MARIA.

Pater. *Absol.* Exaudi Dom. *Bened.* Benedictione.

De Isaiâ Prophetâ.

LECTIO 1. c. 14. 1.

Propè est ut veniat tempus ejus, et dies ejus non elongabuntur. Miserebitur enim Dominus Jacob, et eliget adhuc de Israel, et requiescere eos faciet super humum suam: adjungetur advena ad eos, et adhærebit domui Jacob. Et tenebunt eos populi, et adducent eos in locum suum: et possidebit eos domus Israel super terram Domini in servos et ancillas: et erunt capientes eos, qui se ceperant, et subjicient exactores suos. Tu autem, Domina nostra, intercede pro nobis. *Sic semper concluduntur Lectiones: et respondetur.* ¶. Deo gratias.

¶ Terra erit inanis et vacua, et tenebræ erunt super faciem abyssi, * Donec oriatur stella ex Jacob, et consurgat virga de Israel. †. Ecce tenebræ operient terram, et caligo populos.—Donec.

Benedictio. Primogenita.

LECTIO 2.

Et erit in die illâ: cum requiem dederit tibi Deus à labore tuo, et à concussione tuâ, et à servitute durâ, quâ ante servisti: sumes parabolam istam contra regem Babylonis, et dices: quomodò cessavit exactor, quievit tributum? Contrivit Dominus baculum impiorum, virgam dominantium, cædentem populos in indignatione, plagâ insanabili subjicientem in furore gentes, persequentem crudeliter. Tu.

¶. Surge, illuminare, Jerusalem, quia propè est lumen tuum: * Et oriatur in tenebris lux tua, et tenebræ tuæ erunt sicut meridies. †. Jam enim ascendit atrora.—Et oriatur.

Benedictio. Spiritus Sancti.

LECTIO 3.

Conquievit, et siluit omnis terra, gavisus est, et exultavit: abietes quoquè lætatae sunt super te, et cedri Libani: ex quo dormisti, non ascendet, qui succidat nos. Infernus subtiler conturbatus est in occursum adventus tui, suscitavit tibi gigantes. Omnes principes terræ surrexerunt de soliis suis, omnes principes nationum. Tu.

¶. Ecce dies veniunt, dicit Dominus, et stillabunt montes dulcedinem, et colles fluent lacte * Et per omnes rivos Juda ibunt aquæ. †. In illâ die fons de domo Domini egredietur, et irrigabit torrentem spinarum.—Et per.—Gloria.—Et per.

IN II. NOCT.

1. Infernus subtiler * conturbatus est in occursum adventus tui.

2. Ego autem * ante te ibo, et gloriosos terræ humiliabo, et dabo tibi arcana secretorum.

2. Propè est, * non elongabitur, et salus mea non morabitur.

†. Consolabitur Dominus populum suum.

¶. Et pauperum suorum miserebitur.

Pater nost. *Absolutio.* Ipsius pietas. *Benedictio.* Dei Mater.

Sermo S. Isidori Arch. Thessalonicensis.

Oratio in Nativ. B. V. M.

Apuđ Hipp. Marracc.

LECTIO 4.

Terra, inquit Moyses, in principio nec videri poterat, nec erat ordine composita, et tenebræ super abissum erant, donec lucis creatio tenebras dissipavit. Ego verò etiâ post natos homines, et multorum vitam annorum, aliud genus tenebrarum effusum universo dixi—

rim donec tu, purissima beata Virgo, lucidâ tuâ Nativitate effulsiſti terræ; cujus splendor deorſum quidem emieuit, ſed creaturam ſuperiorem et inferiorem luce ſuâ implevit. Tenebras porro, et ſepulcralem, ut ita dicam, vivendi rationem fugavit, apparens Virgo. Ipſa igitur nobilioribus etiâ creaturis, et lucidis lucem infudit, ut qui attendunt quid illæ ſint, perſpiciant, nec ampliùs in erroris noctem labantur. Tu.

¶ Ad MARIAM, * Sicut ad medium terræ, ſicut ad arcam Dei, ſicut ad rerum cauſam, ſicut ad negotium omnium ſæculorum, omnes reſpiciunt. † Oculi omnium in te ſperant, Domina, veni jam, noli tardare.—Sicut ad. *Benedictio.* Filia Dei.

LECTIO 5.

Si quis attentè conſideret, nullâ re creatâ indigebat, beata ut ipſa fieret: immò creatura omnis indigebat eâ, ut crearetur, et ornatu perficeretur, reductio enim creaturarum in meliorem ſtatum procul dubio cauſam habuit ipſam Virginem; quæ ſi futura non fuiſſet, non cogitaſſet Opifex de producendis planè creaturis. Itaque priùs creatæ res propter ipſam conditæ ſunt, erantque res productæ mirum in modum indigentes ad ſui productionem eâ quæ producenda erat, et ſola novum in modum ſuos antepeperit parentes. Adeò Virgo eorum qui ante vixerunt, nullius indiga fuit, et ſimile nihil illi eſt ſimile cum omnibus rebus Tu.

¶ Omnia te expectant, Domina, * Expectatio deſiderata generis humani. Quando venies et liberabis populum tuum? † In manibus tuis repoſita eſt noſtra ſalus.—Expectatio.

Benedictio. Ignem divini.

LECTIO 6.

Anna verò veneranda Parens Natâ ſuâ indigebat ut generans regeneraretur, et dum generet uterum, ipſa novum in modum generabatur. Neque ſolum ipſa, quæ genitrix fuit, ſed proavi quoque eadẽ opus habebant, veluti matre quâ formarentur ad formam, et non caducam creationem, cum pulvis eſſet, et vi ventorum egeretur. Nec ſolus Adam, ſed ingens ex eo natorum numerus uſque ad ſacraſſimam hanc puellam, quaſi ſuas quiſque matres rejeſciſſet, ut imperfectas, et enixæ hanc communem matrem omnium perfectricem, et lucis datricem requirebant. Quare ventre materno continebantur, et formabantur: tumque reverâ luce editi ſunt, quando nata ipſa Salvatorem quoque meum novo ex ſe protulit modo. Tu.

¶ Beati omnes qui expectant eam quia non confundentur: Veniens veniet, et non tardabit: veniet, et ſalvabit nos. † In illâ die ſtillabunt montes dulcedinem, et colles fluent lacte.—Veniens.—Gloria.—Veniens.

IN III. NOCT.

Ant. 1. Si moram fecerit, * expecta illam; quia veniens veniet et non tardabit.

2. Veniens veniet * et non tardabit: propè enim eſt, ut veniat.

3. Veniet properans * et inundans quaſi torrens gratiarum omnem terram.

† Surge, propera, amica mea.

¶ Columba mea, formoſa mea, veni.

Pater noſter. *Absolutio.* A vinculis. *Bened.* Evangelica.

LECTIO 5. Evang. ſecundum Matt.

LECTIO 7. c. 13. 17.

In illo tempore: Dixit JESUS: Di-

scipulis suis: Amen quippe dico vobis, quia multi Prophetæ et justici cupierunt videre, quæ vos videtis. Et reliqua.

Homilia S. Jacobi Monachi.

Sermo in Nativ. B. M. V.

Desiderabant videre diem tuum prophetæ et justii omnes summoque animo rem percipiebant. Requirebant eorum finem quæ fuissent promissa, docti fore in Christo eventura, læti eventus modum præscrutabantur. Exultantes supplicabant, gaudioque commixta supplicatione, quod in votis erat quærebant. Exultaverunt videntes diem tuum, in quo revelatum fuit Incarnationis mysterium: in quo qui ex universo te elegit genere, per te universis crealis gaudium contulit, quod nemo auferre possit. Tu.

¶. Lætare Pater Adam, sed magis tu, o Eva Mater exulta: * Ambo, inquam, consolamini super filiâ et tali filiâ. ¶. Instat namque tempus, quo jam tollatur opprobrium vestrum.—Ambo.

Bened. Cujas Adventum.

LECTIO 8.

Viderunt, inquit, et gavisi sunt. Viderunt tanquam præsentia Spirituali obtutu, quæ erant futura. Perspexerunt animo ineffabilem Dei ad homines exinanitionem. Viderunt ex te factam Verbi Incarnationem. Docti sunt nova, ac quæ nullus sermo effari queat mysteria: novam generis reformationem, cogitatu majorem reconciliationem. Viderunt te thronum Cherubicum: regalem thalamum: supercœleste cœlum; templum præsanctum: multis tabernaculum nominibus celebrare. Tu.

¶. Custodite judicium et facite justitiam: * Quia juxta est salus mea, ut veniat, et justitia mea, ut reveletur. ¶. Septem diebus ex-

pectabis, donec veniam ad te, et ostendam tibi, quid facias.—Quia.—Gloria.—Quia.—*Hoc ¶. dicitur tantum hæc die: in aliis diebus dicitur quod sequitur.*

¶. Citò veniet gradiens ad aperiendum nobis portas justitiæ. Ingressi in eas confitebimur Domino: * Hæc porta Domini justii intrabunt in eam. ¶. Ecce slo ad ostium et pulso: aperi mihi, soror mea, amica mea.—Hæc.—Gloria.—Hæc.

Bened. Per Virginem.

LECTIO 9.

Viderunt te urnam Spiritus auro conflata: urnam immortalitatis illud manna continentem: mensam panem illum vitæ impositum habentem. Viderunt te sinu complexum eum qui in paterno moratur sinu: Verbum, inquam, eadem cum genitore subline sede: ejus illud figuram substantiæ: cognatum splendorem: æquè pollentem virtutem: ejusdem substantiæ gloriam, potentiam indivisam. Viderunt carnali ratione in tuis circumscriptione ulnis eum, qui universa palmo circumscribit: qui solo nutu res creat: qui suâ providentiâ creata continet, conservatque ut consistant, cœlestium deniquè virtutum regem et conditorem. Tu. *Cantic. Te Matrem Dei. p. 5.*

AD LAUDES.

Et per horas Antiphonæ.

1. Me insulæ * expectant, et naves maris in principio: propè est dies meus. *Psalmi de Feriâ.*

2. Meritò in te * respiciunt oculi totius creaturæ, quia per te quæ Deus creaverat, recreavit.

3. Negotium * omnium sæculorum, causa omnium rerum, meritò in te omnes respiciunt.

4. Expectatio assidua * primorum parentum, desiderium patriarcharum, promissio prophetarum.

5. Propè est, * ut veniat tempus ejus, et dies ejus non elongabuntur.

CAPITULUM. *Isai. 21. 11.*
Custos, quid de nocte? Custos quid de nocte? Dixit custos: venit mane et nox: si quæritis, quærite: convertimini et videte.

HYMNUS 73.*Salla.*

Cælo intonante canticis,
Tellus redundet gaudio,
En Anna sætu cœlico
Gravis propinqual partui.
Adamicæ propagini
Culpæ tenebris obrutæ
Per partum hunc gratiæ
Eôs rubere cœperit.

Est nascitura scilicet
Aurora solis nuntia,
Sanctæ æquitatis lumine
Atrum nefas qui exterminet.

Hæc illa erit mirabilis
Partura Virgo Filium
Suâ manentis Virginis
Alvo receptum cœlitus;

Præsens Deus, qui sontibus
Nobis licet, vocandus est,
Suâque sanctitudine
Nostrum realium destruet.

JESU per Antæ Filiam
Venture, sit communiter
Tibi, Patri, almo Flamini
Interminata gloria. Amen.

†. Anima mea, desideravit te in nocte.

†. Et manè vigilabo ad te.

Ad Benedict. ant. Egredietur virga * de radice Jesse, et flos de radice ejus ascendet, et requiescet super eum Spiritus Domini.

Oremus. *Oratio.*

Dignare, Domine, corda nostra benedictionibus gratiæ tuæ prævenire; ut, cujus Nativitatem expectamus, Sanctissimæ Genitrici tuæ dignè placere possimus. Qui vivis et regnas.

AD PRIMAM.

Ant. Me insulæ. *Capit.* Custos. *De laudibus.*

†. †. *br.* Quæ ventura es in mundum. *Et dicitur usque ad Nativ.* *B. V. Oratio de Laudibus.*

CANON.

Ex D. Bernardino Senen.

Ser. de imm. Conc. a. 1. c. 3.

394. **MARIA** fuit felix clausula totius Expectationis, et desiderii ac postulationis adventûs Filii Dei, in quâ sicut in cono, id est, in angulo omnia desideria præcedentium electorum atque Sanctorum consummata et terminata fuerunt. Tu.

AD TERTIAM.

Ant. Meritò in te.

CAPITULUM. *Isai. 49. 1.*

Audite insulæ, et attendite populi de longè: Dominus ab utero vocavit me, de ventre matris meæ recordatus est nominis mei.

†. *br.* Visita nos, * Stella matulina. *Visita.*

†. Oriens ex alto, Virgo **MARIA**. —Stella. —Gloria. —Visita.

†. Omnia te expectant, Domina. †. Veni jam, noli tardare.

Oratio de Laudibus.

AD SEXTAM.

Ant. Negotium omnium.

CAPITULUM. *Num. 24. 17.*

Orietur Stella ex Jacob, et consurgit virga de Israel, et percutiet duces Moab, vastabitque omnes filios Seth.

†. *br.* Orietur * In tenebris lux tua. —Orietur. †. Et tenebræ tuæ sicut meridies. —In. —Gloria. —Orietur.

†. Orietur Stella ex Jacob. †. Et consurgit virga de Israel. *Oratio de Laudibus.*

AD NONAM.

Ant. Propè est.

CAPITULUM.

Jer. 1. 5.

Priusquàm te formarem in utero,
novi te: et antequàm exires de
vulvâ sanctificavi te.

¶ *br.* Dominus faciens, * Et for-
mans te.— Dominus.— Ab utero
auxiliator tuus.— Et.— Gloria. Do-
minus.

‡. De ventre matris meæ Deus
meus es tu.

¶. Tu es protector meus.

IN II. VESPERIS.

Ant. 1. Nunquid cognoscentur, *
Domine, in tenebris mirabilia tua, et
justitia tua in terrâ oblivionis?

2. Expectemus lucem, * ut vi-
deamus ortum surgentis auroræ.

3. Si subitò * apparuerit aurora,
replebuntur lætitiâ corda nostra.

4. Splendor ejus, * ut lux erit
sedentibus in tenebris, et in umbrâ
mortis.

5. Veni Domina, * noli tardare;
ostende lumen tuum super nos :
accelera, ut liberes nos.

CAPITULUM. *Isai* 21. 11.

Custos, quid de nocte? Custos quid
de nocte? Dixit custos: venit manè
et nox: si quæritis; quærite: con-
vertimini, et videte.

HIMNUS 74. *Salla.*

Prælude cælum laudibus,
Collude, terra, júbilo:
Propinquat Anna partui.
Utrique præstantissimo.

Hic nempè partus proferet
Germen pium redintegrans
Eò ruinas cœlicas

Quo damna protoplastica.

Jessee namque virgula

Prodibit, è quâ pullulet

Desideratus omnium

Votis Redemptor gentium.

Adamicam qui perditam

Parentis ausu reprobo,

Suo redemptam sanguine

Resuscitet propaginem.

Ex quâ, soluta crimine
Pesum superbè deditas
Ab Angelis apostatis
Sedes supernas impleat.

JESU per Annæ Filiam
Venture sit communiter
Tibi, Patri, almo Flaminii
Interminata gloria. Amen.

‡. Luce splendidâ fulgebis, Vir-
go **MARIA**.

¶. Et omnes fines terræ adora-
bunt te.

Ad Magnif. ant. O. p. 302.

Oratio de Laudib.

*Si festum Expec. transferatur ra-
tione Dominicæ in aliam diem, non
tamen transferuntur antiphonæ O.
ad Magnificat; sed earum loco dicun-
tur illæ quæ cuiuslibet diei determi-
natè assignantur. Idem observan-
dum in aliis Festivitatibus quæ trans-
feruntur ante Expectationem.*

DIE II. SEPT.

B. M. V. DE PODIO.

Simplex.

*Si hoc die fiat de Expectatione, fit
solum comm. hujus festi. Ad Matu-
tin. Invitator. et Hymn. ut in die
Expectat. p. 303. Antiph. Psalmi,
‡. etc. ut in seriali officio cum tri-
bus sequentibus Lectionibus, quod
in aliis simplicibus observatur. Festa
simplicia non transferuntur.*

LECTIO 1.

Bolland. in vitâ S. Petri Nolasc.

Cum Jacobus Aragoniæ Rex anno
millesimo ducentesimo trigesimo
octavo, mense Septembris, Valen-
tiæ urbem expugnaret, compositis
exercitibus juxta arcem oppidi de
Podio propè urbem, visæ sunt sep-
tem stellæ micantes plerisque die-
bus à cœlo ad terram descendere.
Quæ res exercitum omnem et po-
pulum rapuit in admirationem, et
ad invicem conferebant divinum

portentum. Sed illud non valentes penetrare, ex consilio Sancti Petri Nolasci is locus, in quem stellæ descendebant, inquisitus est. Tu. *ff. Dicuntur ut in tempore Expectat. p. 59.*

LECTIO 2.

Cum autem in superiori parte à superficie terræ nihil prorsus esset repertum, occultum aliquod mirabilius excogitantes, terram effoderunt, statimque in ipso effusionis initio divinum nectaris et ambrosiæ odorem terra spirabat, et ingenti fragrantia odoris totius agri campus fecundabatur. Nam eo loci inventa fuit sanctissimæ Virginis MARIÆ mirabilis Imago, quæ hodiernâ die feliciter colitur in antiquo monasterio ejusdem Virginis sanctissimæ in oppido de Podio prope Valentia urbem. Tu.

LECTIO 3.

Devota imago sanè subtus terram sub ingenti æneo cymbalo erat inclusa. Et hæc inventio non parvum fuit militibus solatium, et quasi initium victoriæ. Hujus clarissimæ Imaginis extant hisce diebus pleraque divina miracula, et religiosissimo cultu valde à cunctis illius provintia habitatoribus colitur. Eodem loco prorsus reposita invenitur, quo inventa fuit, ad quem locum, cum ab eo dimota esset, ut majori altari ipsius Ecclesiæ reponeretur, non semel, sed bis et iterum Deipara ipsa se contulit. Tu.

Ad laudes et per horas omnia ut in die Expectationis. Et sic in aliis Festis, quæ non inveniuntur propria in proprio Festivitatibus desumuntur ex communi pro diversitate temporum.

Oratio.

Omnipotens et misericors Deus, qui Gentricis Filii tui imaginem

mirabilibus signis venerabilem ac salutare nobis esse voluisti; da, quæsumus, ut ipsius patrocinio ab omnibus semper liberemur adversis, et vitam consequamur æternam. Per eundem.

Tempore Expectat. non sunt suffragia.

Preces ad Primam. Canon de ferid. Vesperæ de sequenti.

DIE III. SEPTEMB.

PRÆSIGNATIO B. M. V.

IN ANTIQUA LEGE.

Dupl. majus.

Omnia ut in die Expectationis præter sequentia.

Ad Magnific. ant. O. p. 302.

Oratio de Laudibus.

AD MATUTIN.

HYMNUS 75. V. P. *Canis.*

Dignum Tonantis tu Domicilium
Templumque Sancti nobile Flaminis,

Signatus ille fons et hortus,
Falidico celebratus ore.

Tu magna summi janua Numinis

Monstrata vati, pervia nemini:
Radice expers tu, sed almo
Floris, nitens, sacra Virgo, virga,
Arente visum tu Gedeonicum
Madere quondam vellus in areâ.
Amicta tu, Virgo, micanti
Sole, premens pedibusque lunam.

Flammis et ardens innocuis
rubus:

Speclante longè legifero duce:

Hesterque tu vultu decoro

Assuero speciosa Regi.

Quando venusto de grege virginum

Sceptris superbis, et diademate,
A regiis dignata tædis,
Sola tuum genus omne serva.

Æterna summo gloria sit Patri,
Naloque necnon Spiritui Deo
Numenque tres unum futuris

Posteritas colat usque sæclis.

Amen.

Lectiones 1. Noct. ut in die Expectationis.

IN II. NOCT.

Ex verbis B. Dionysii Carthusiani
in libro de Laudibus. B. M. V.

Artic. 11. Libr. 1.

LECTIO 4.

Quoniam præstantissima ac divi-
nissima Genitrix Christi præ cæ-
teris ineffabiliter excellentius, atque
propinquiùs spectat ad Christum,
decentissimum fuit de ipsa tam in
lege naturæ quàm in lege scripta
præcedere varia ac præclara ora-
cula, signa, vaticinia et gesta mi-
rifica, supernaturalia quoque mi-
steria. Cernimus enim quod rēges
et principes magni et providi mag-
nalia peracturi, et suam potentiam,
munificentiam, aut excellentiam
monstraturi, non sine prænuntia-
tione id agant, sed præcones præ-
mittant, locum ac tempus præ-
dicant, congruentibusque præam-
bulis intentum præveniant opus
excelsum, quatenus interim ad
illius intuitum alii præparentur, et
confluant. Tu. ꝑ. Ad MARIAM.

LECTIO 5.

Itaque de hac præelectissima at-
que Sanctissima Virgine, in qua
et ex qua, et perquam implenda
erant excellentissima Christi my-
steria; quam Pater Æternus præ-
elegit sibi in sponsam singularem,
in comparentalem, in veram uni-
ci, et coæqualis sui Filii matrem:
quam et Verbum æternum sibi
in amantissimam elegit Genitricem:
quam Spiritus Sanctus elegit sibi
in summum sacrarium, atque
purissimum templum, et in pa-
rentem illius, de quo ipse æter-
naliter, incomprehensibiliterque pro-
cedit. De hac, inquam, tantā ac
tali decuit totam super gloriosis-

simam Trinitatem per Patriarchas
et Prophetas præfari, sigra et fi-
guras præmittere, supernaturalia
insinuari. Tu. ꝑ. Omnia te.

LECTIO 6.

De hac omnium fortissimā ac vi-
cloriosissimā mulierum, purrissi-
mā Virginum, fœcundissimā Ma-
trum, in mundi exordio dixit sub
typo serpentis diabolo: Inimicitias
ponam inter te et mulierem. Ipsa
conteret caput tuum. De ipsa quo-
que et adorando Filio ejus Bala-
am: Orietur stella ex Jacob, et
consurget virga, et ut alia habet
translatio, Virgo de Israel. Hanc
signavit tabernaculum Moysi, hanc
arca testamenti, hanc propitiato-
rium et velamen. Ipsam nomine
et effectu præfigurabit MARIA so-
ror Moysi, Prophetissa Jael et Beth-
sabe, imo de his præfigurationibus
innumerabilia ac præclara possent
induci, de quibus hæc pauca suf-
ficiat teligisse. Tu. ꝑ. Beati om-
nes.

IN III. NOCT.

Lectio Sancti Evangelii secundum
Lucam.

LECTIO 7. c. 1. 26.

In illo tempore: Missus est An-
gelus Gabriel à Deo in civitatem
Galilææ, cui nomen Nazareth, ad
Virginem desponsatam viro. Et
reliqua.

Hoinila S. Bernardi Abbatis.

Hom. 2. super missus.

Missus est, inquit, Angelus ad Vir-
ginem: virginem carne, virginem
mente, virginem professione, vir-
ginem denique (qualem describit
Apostolus) mente et corpore san-
ctam. Nec noviter, nec fortuito
inventam, sed à sæculo electam,
ab Altissimo præcognitam, et sibi
præparatam, ab angelis servatam,
à patribus præfiguratam, à pro-

phetis promissam. 'Scrutare scripturas, et proba quod dico. Tu. *¶*. Lætare, Pater.

Benedict. Cujus Præsignationem.

LECTIO 8.

Visne, ut et ego aliqua ex his testimonia hic inseram? Ut pauca loquar de pluribus, quam tibialiam prædixisse Deus videtur, quandò ad serpentem ait: Inimicitias ponam inter te et mulierem? Et si adhuc dubitas, an de MARIA dixerit, audi quod sequitur: ipsa conteret caput tuum. Cui hæc servata victoria est, nisi *MARIÆ*? Ipsa proculdubio caput contrivit venenatum, quæ omnimodam maligni suggestiouem tam de carnis illecebrâ, quam de mentis superbiâ deduxit ad nihilum. Tu. *¶*. Cito veniet.

LECTIO 9.

Quam verò aliam Salomon requirerat, cum dicebat: mulierem fortem quis inveniet? Quid deindè rubus ille quondam Mosaycus portendebat, flammam quidem emittens, sed non ardens, nisi *MARIAM* parientem et dolorem non sentientem? Quid, rogo, virga Aaron florida, nec humectata, nisi ipsam concipientem, quamvis virum non cognoscentem? Tu. Te Matrem.

AD LAUDES.

HYMNUS 76. *Parn. Virgin.*

Stirps Jesse generosa
Prodis Virga regia:
Gloriosa legis glossa
Et Mater egregia:
Nobis præsta celi rosa
Sanctorum collegia.

Figuris Patriarcharum

Virgo præsignaris:

Scripturisque Prophetarum

Futura proclamaris;

Jamque nata Lumen Patris

Æternum largiaris.

Rubus ille visionis

Quem Moysis expavit,

Vellusque Gedeonis

Quod ros penetravit:

Tu et nata Salomonis

Clara stirpe David.

Sempiterna sit beatæ

Trinitati gloria:

Æqua Patri Filioque

Par decus Paraclito:

Unius trinique Nomen

Laudet universitas. Amen.

Ad Benedict. ant. Egredietur virga de radice Jesse, et flos de radice ejus ascendet, et requiescet super eum Spiritus Domini.

Oremus.

Oratio.

Inclina, quæsumus, Domine, aures tuas ad preces nostras, ut qui Præsignationem beatissimæ Virginis *MARIÆ* celebramus, ad vitam æternam præsignati, in cœlesti Jerusalem collocari mereamur. Per Dominum.

¶. ¶. brev. Quæ in antiquâ lego præfigurata fuisti.

CANON.

Ex Paulo Papâ Quinto.

Const. 253. Immensæ bonit. *an.* 1615.—*Bull. Rom. T. V. p. 4.* 183.

395. Virgo tot figuris, tot Prophetarum visionibus ac vaticiniis: antea præmonstrata, et à Sanctis Patribus dñi expectata, tandem veniens fortis, ac scuto virtutum, et gratiarum omnium ornata, salutiferâ fecunditate suâ liberavit nos à captivitate. Tu.

Ad Vesper ant. ut in II. Vesper Expectat.

Ad Magnific. ant. O. p. 302.

DIE IV. SEPT.

B. M. V. DEAURATÆ.

Semiduplex.

Omnia ut in die Expectat. ritu semiduplexi.

Lectiones I. Noct. ut in Domn. Expect. p. 60. cum pp. diei I. Septembris.

IN II. NOCT.

Gallia Christiana. tom. 13. p. 100.

LECTIO 4.

Beatæ MARIE apud Tolosam Ecclesiæ, vulgò dictæ Deauratæ, primordia quidam ad Theodosium Imperatorem referunt; alii ad Theodoricum Wisigothorum Regem; nonnulli verisimilius eamdem, cum antea Jovis, vel, ut placeet aliis, Pallidis templum esset, in honorem beatæ MARIE ab Exuperio Tolosano Episcopo consecratum tempore Honorii Imperatoris versus sæculi quarti finem. Evolutis autem aliquot post dedicationem annis, Placida soror, Honorii, et Altolphi Wisigothorum regis uxor, concamerato fastigio templi parietem obduxit, vermiculatis miro et aureo opere tesserulis, quæ Beatæ Virginis, et sanctorum apostolorum icones exprimebant: templo Beatæ MARIE Deauratæ inditum est nomen. Tu. p. Ad MARIAM.

LECTIO 5.

Dejecta post quadraginta vel circiter annos concamerati ejus fastigii parte, Ranachildis Regis Eurici Sponsa, novo ædificio, quod instar navis esset, amplificavit. Postea Monachos Ordinis Sancti Benedicti illic insedissee jam ab anno octingentesimo quadagesimo tertio apparet ex quodam Caroli Calvi diplomate, per quod Monasterium Beatæ MARIE, quod est infra muros civitatis Tolosæ, sub sua protectione suscipit novaque indulget privilegia. Tu. p. Omnia te.

LECTIO 6.

In eo templo reposita manet lignea Deiparæ Christum gestantis statua, intra quam à priscis temporibus sacre reconditæ sunt reliquæ: quæ

quidem statua, gravissimis imminentibus periculis, ad Capitulinorum, nomine totius urbis, voluntatem, à sede propria demissa ad locum, in quo malum urgebat, magnâ cum pompâ, et populi universi concursu, præeuntibus sacris omnium Ecclesiarum vexillis, deferabatur. Et vix ac ne vix quidem frustrâ unquam, ut norunt omnes, ulla facta est sollemnis hæc demissio, et cœremonia. Tu. p. Beati omnes.

IN III. NOCT.

Lectio 8. Evangelii secundum Matthæum.

LECTIO 7. c. 13. 17.

In illo tempore; Dixit JESUS Discipulis suis: amen quippè dico vobis; quia multi Prophetæ et justī cupierunt videre, quæ vos videtis. Et reliqua.

Homilia Ven. Hugonis de Sancto Victore.

In Institut. monastica Serm. 34.

Beata Virgo MARIA aurora fuit, quia ei præcedentis temporis, quod quasi nox fuerat, finis extitit, et vera lucis gratiæ, solisque justitiæ, qui ex ipsâ progenitus est, preventrix et antelucanum sydus fuit. Totum namque tempus, quod ab Adam usque ad ejus ortum præcessit, quasi nox extitit, nox longa, obscura, frigida, otiosa, torpida, somniculosa, facta, imò muta fuit. Tu. p. Lætare.

LECTIO 8.

Quædam tamen astra radiis suis tempus illud irradiabant, quia Sancti Patriarchæ, et Prophetæ suis virtutibus ignorantiam populi illustrabant. Quorum radii postea, hæc Aurora apparente, quodam modo obfuscati sunt, quia in cōparatione beatæ MARIE præcedentes sancti parvam claritatem habuerunt: quid enim fuerunt alio-

rum virtutes sanctorum in compa-
ratione Beatæ MARIE? Beata igitur
Virgo MARIA verè aurorâ
clarissima fuit, quia videlicet nihil
tenebrarum illius culpæ admixtum
habuit, quæ suo magnifico jubare
præcedentium Patrum claritatem
minoravit. Tu. *ſ.* Cito veniet.

LECTIO 9.

Commemoratio B. MARIE Majoris
Neapolitanæ.

Spinelli, Tract. de Fest. et Templ.

Deipar.

Extruxit Sanctæ MARIE majoris
templum Neapoli Sanctus Pompo-
nius Episcopus Neapolitanus an-
num Domini circitèr quingentesi-
mum vigesimum quartum. Est
autem hæc Basilica una ex quatuor
præcipuis Parrochiis, insignis etiã
Imaginem Deiparæ, ut fama est, à
Sancto Lucâ depictâ, quæ circa fi-
nem decimi sexti sæculi religiosis-
simis Patribus Clericorum Regula-
rium est attributa, et ab iisdem ni-
tori restituta, ubi in animarum sa-
lute procurandâ egregiam navant
operam. Tu. Te Matrem.

CANON.

Ex Concilio Tolosano.

In Statut. Synodalib. an. 1219. —

Marten. Tom. 7. c. 106.

396. «Statuimus quòd Parro-
chiani» Sabbato circa vespas ob
reverentiam Beatæ MARIE Virgi-
nis Ecclesias suas cum devotione
visitent. Tu.

Vesperæ de sequenti.

DIE V. SEPT.

B. M. V. IN UTERO MATERNO,

Duplex majus.

*Omnia ut in die 1. Septembris
præter sequent.*

Ad Magnif. ant. O. p. 302.

Oratio de laudibus.

AD MATUTIN.

HYMNUS 77. Brev. Cisterciën.

Fœcunda radix Isai

Florem pudicum germinat;

Dei daturam Filium,

Orbi dat Anna Virginem.

Jam sperat humanum genus

Caput tenebris excitans,

Lucemque primam conspicit

Annæ coruscantem sinu.

Hanc vota puri pectoris

Zeloque conceptæ preces

Prolem merentur omnium

Matrem salutis gignere,

Doxol. de Tempore.

IN I. NOCT.

De Isaiâ Prophetâ.

LECTIO 1. c. 44. 2.

Hæc dicit Dominus faciens et for-
mans te, ab utero auxiliator tuus:
noli timere serve meus Jacob, et
rectissime, quem elegi. Effundam
enim aquas super sitientes, et fluen-
ta super aridam: effundam spiritum
meum super semen tuum, et be-
nedictionem meam super stirpem
tuam. Et germinabunt inter her-
bas, quasi salices juxta præter-
fluentes aquas. Tu. *ſ.* Terra erat.

LECTIO 2. v. 24.

Hæc dicit Dominus redemptor tuus,
et formator tuus ex utero: Ego sum
Dominus, faciens omnia, exten-
dens cœlos solus, stabiliens ter-
ram, et nullus mecum. Irrita fa-
ciens signa divinorum, et ariolos in
furorem vertens. Convertens sa-
pientes retrorsum: et scientiam eo-
rum stultam faciens. Suscitans ver-
bum servi sui, et consilium nuntio-
rum suorum complens. Tu.

ſ. Surge, illuminare.

LECTIO 3. 49. 1.

Audite insulæ, et attendite populi
de longè: Dominus ab utero voca-
vit me, de ventre matris meæ re-

cordatus est nominis mei. Et posuit os meum quasi gladium acutum: in umbrâ manus suæ protexit me, et posuit me sicut sagittam electam: in pharetrâ suâ abscondit me. Et dixit mihi: servus meus es tu Israel, quia in te gloriabor. Tu. *¶*. Ecce dies.

IN II. NOCT.

Sermo S. Bernardini Senensis.
De concept. B. V. M. art. 1. c. 2.

LECTIO 4.

Beata Virgo etiâ dum erat in utero Matris habuit usum liberi arbitrii, atque lumen perfectum in intellectu et ratione. Proindè secundum quosdam fuit tunc in sublimioris contemplationis statu, quàm unquam fuerit aliqua creatura humana in perfectâ ætate. Tu. *¶*. Ad MARIAM

LECTIO 5.

Et licet in utero Matris suæ, sicut et cæteri infantes, dormiret; attamen somnus qui sepelit in nobis rationis et liberi arbitrii actus, et per consequens actum merendi, non credo, quòd talia in ipsâ fuerit operatus, sed anima sua liberè ac meritorio actu tunc tendebat in Deum. Tu. *¶*. Omnia.

LECTIO 6.

Undè illo tempore erat perfectior contemplatrix, quàm unquam fuerit aliquis alius, dum vigilavit, undè et ipsa ait: Ego dormio, et cor meum vigilat, scilicet, contemplatione perfectâ à nullâ actione debilitatâ. Tu. *¶*. Beati omnes.

IN III. NOCT.

Lectio Sancti Evangelii secundum Lucam.

LECTIO. 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua.

Homilia S. Laurentii Justiniani Ep.

Sermo in Annunt. B. V. M.

Quoties intemeratæ Virginis MARIÆ prærogativam sanctitatis facundia humana conatur ediscere, quoniâ longè ab illius extitit meritis, necesse est, ut succumbat. Meliùs quippè silentio, quàm locutione disseritur, cum omnis laus eâdem inferior sit. Quis (oro) hujus Virginis gratiam sufficit enarrare? Ab ipsâ namque sui conceptione in benedictionibus præventa dulcedinis, atque à damnationis aliena chirographo, priùs est sanctificata, quàm nata. Tu. *¶*. Lætare.

LECTIO 7.

In ipso enim utero materno jam posita super illam gratia sanctificationis effulsit, utpotè eâ, quæ electa erat, ut pareret Deum. Novèrat opus suum ille qui fecerat, et quale futurum erat certissimè agnoscebat. Hinc est, quòd Virginem, ipsam tam largo imbri Spiritus irrigavit. Erat planè sicut à carnis alluvione immunis, ita et ab omni peccati labe extranea: degebat quidem in carne, conversabatur supra carnem, carnisque molestias non sentiebat. Talis profectò erat, ut nulli usui servaretur, nisi divino. Tu. *¶*. Citò.

LECTIO 9.

Quam ob rem cum temporis plenitudo venisset, in quo universorum conditòr humanum genus redimere statuerat, hanc præ cæteris reperiens sanctiorem sibi præcipuè elegit in Sponsam: ipsam mente, ipsamque corpore custodivit intactam, ut esset, de quâ Verbum fieret caro, ac mulieris pudor per eam deleteretur et culpa. Tu. Te Matrem.

Ad Benedict. ant. In te, Domine, projecta sum ex utero, quia

à ventre matris meæ tu es Protector meus.

Oremus. *Oratio.*

Præsta, quæsumus, Omnipotens Deus, ut qui Beatam Virginem MARIAM prius sanctam quam natam colimus, ab omnibus, ipsâ intercedente, peccatorum vinculis absoluti, vitam promereamus æternam. Per Dominum.

Vesperæ ut in 2. Vesper. Expect.

Ad Magnif. O. p. 302.

DIE VI. SEPT.

B. M. V. XARAVIENSIS.

Simplex.

Ad Matut. Invitator. et Hymn. ut in die 1. Septemb. Antiphonæ et Psalmi. ut in feriâ occurrenti.

LECTIO 1.

Lanuzæ Histor. Arag. lib. 3. c. 7.

Non longè ab oppido Xaravæ in Aragoniâ jam pluribus abhinc sæculis colitur diva Virgo in devotissimo sacello decem et octo passibus longo, decem verò tantum lato, infra profundam cavernam ipsius in honorem excitato. Parvula, devotaque Imago, quæ in primâ arâ sub christalo colitur, à quibusdam xaraviensibus Pastoribus inventa creditur, non longè ab eo, in quo nunc est templum, loco. Tu.

¶. Xaravam Virgo, Templumque, locumque lueris, * Ut lux, ut Mater, ut medicina soli. †. Nomen namque sonat Xaravæ antidota. — Ut lux.

LECTIO 2.

Die decimâ quintâ augusti, beatæ Virginis ibi specialissimè sacrâ ingens fit ad illud sacellum accursus; tum ex Aragoniæ, tum ex Castellâ: nam innumerabilia gratiarum pignora à xaraviensi Divâ hominibus collata, miraculaquè

propter ipsos ab illâ patrata, ut ex innumeris tabellis, aliisque signis è muris templi appensis, satis liquet, eos ad tantum festum celebrandum è dissitis etiâ locis exciunt. Tu.

¶. Sis cunctis vita, salus, lux, via, meta nobis: * Nomen namque sonat Xaravæ antidota. †. Ut lux, ut Mater, ut medicina soli. — Nomen. — Gloria. — Nomen.

LECTIO 3.

Commemoratio S. MARIE in Domenicâ.

Spinelli tract. de fest. et templ. Deip.

Sancta MARIA in Domenicâ Romæ in monte Celio appellatur etiâ à Navicellâ propter lapideam Naviculam pro templi foribus positam, sive ad monumentum miraculi, vel beneficii à Virgine collati; sive ad ejusdem templi ornatum. Hæc inter cardinalium Diaconias præcipua fuisse videtur. Eandem suâ antiquitate venerabilem, et jam ruinæ proximam Paschasius primus ampliorem, melioremque à fundamentis renovavit, absidemque ejus musivo opere mirificè decoravit, eique multa dona obtulit. Postmodum Leo Decimus eam brevi ruituram refecit, et majori splendori restituit. Tu. Te Matrem.

Ad Laud. et per Hor. ut in die Expect. Prec. ad Prim. Vesperæ dicuntur ut in feriali Officium ant. O. ad Magn. quæ dicitur integra ante et post. p. 302.

Oratio ut in die 1. Sept.

DIE VII. SEPT.

IN VIGIL. NATIVITATIS B. M. V.

Simplex.

Ad Matut. Invitator et Hymn. ut in die I. Sept. p. 303. antiph. et Psalmi ut in feriali officio.

Lectio Sancti Evangelii secundum
Lucam.

LECTIO 1. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Homilia S. Petri Damiani Ep.

Sermo in Assumpt. B. V. M.

In meridiano lumine primus ille parens creatus est, factus ad imaginem et similitudinem conditoris. Quid enim clarius quàm creatura creatori non esse dissimilem? Sed ille tanti privilegii dignitate rejecta apostata? Spiritui falsa promissioni delinitus inhæsit, et se cum posteritate suâ perpetuæ morti destinavit, et tenebris. Ab illâ horâ tenebræ factæ sunt super universam terram usque ad Virginem: nec inventus est aliquis, qui vel exiret de tenebris vel tenebras dissiparet; sed mundo crescente concrevit et tenebrosa vorago, donec in densissimam conglobata nigredinem humanum genus nocte terribili sepelevit. Tu. ß. *De ferid occur.* p. 59.

Bened. Cujus adventum.

LECTIO 2.

Hæc est illa nox solitaria, nec laude digna, de quâ scriptum est: posuisti tenebras et facta est nox: in ipsâ pertransibunt omnes bestię silvæ: quia crudeles et indomiti spiritus, dimotis repagulis, humanum genus totis viribus obstiterunt. Sed natâ Virgine, surrexit aurora, quia MARIA veri prævia luminis Nativitate suâ mane clarissimum serenavit. Hæc est Stella matutina in medio nebulæ, quæ in cœli cardine summo splendore coruscans orbem subditum splendidioribus radiis incolorat. Tu. ß.

Bened. Per Virginem.

LECTIO 3.

Hæc est aurora quam sequitur, immò de quâ nascitur sol justitiæ, solius solis claritati succumbens. Hæc est aurora, quam ille non vidit, qui vidit omne sublime: et orat beatus Job, ut ei multa suppressione claudatur, dicens: non videat ortum surgentis auroræ. Tuus est dies, Domine, in quâ Adamest conditus; tua est nox in quâ Adam à die est ejectus; tu fabricatus es auroram, id est, Virginem Matrem, et solem, videlicet justitiæ, qui de virginali thalamo consurrexit. Tu. ß.

Ad Laud. et per horas offic. fit Duplex, et dicuntur omnia ut in die I. Septembris.

Ad Benedic. ant. Crastinâ die in ascensu diluculi egredietur stella ex Jacob divini luminis nuntia.

Oremus.

Oratio.

Priesta, quæsumus, omnipotens Deus, ut qui Nativitatem beatissimæ Virginis MARIE expectando prævenimus, cœlestibus donis ad tantam solemnitatem ritè celebrandam præveniri mereamur. Per Dom.

Vesperæ de sequenti.

DIE VIII. SEPT.

NATIVITAS B. M. V.

Duplex 1. Classis cum Octavâ.

IN I. VESPER.

Ant. 1. Orietur Stella ex Jacob, et consurget virga de Israël. Psalmi ut in 1. Vesper. Solemn.

2. Egredietur virga de radice Jesse, et flos de radice ejus ascendet.

3. Erit radix Jesse, et qui exurget judicare gentes, in eum gentes sperabunt.

4. In splendore ortus tui omnes venient, laudantes et glorificantes Dominum.

5. Multi in nativitate ejus gau-

debant, eritque gaudium omnibus et exultatio.

CAPITULUM. *Genes. 24. 59.*
Soror nostra es, crescas in mille millia, et possideat semen tuum portas inimicorum suorum.

¶ Quæ est ista, quæ progreditur quasi aurora consurgens: * Pulchra ut luna, electa ut sol, terribilis, ut castrorum acies ordinata. ¶ Sicut lux auroræ, quæ manè absque nubibus rutilat.—Pulchra.—Gloria.—Quæ est. *In diebus infra Oct. omittitur.*

HYMNUS 78. *Brev. Bisunt.*

Aurora, quæ solem paris,
Et ipsa solis filia,
Quàm splendidum, cum nasceris,
Affers diem mortalibus.

Te luce sol vestit suâ
Tibique luna sternitur:
Aplata sacro vertici
Nectunt coronam sidera.

Te mille virtutum chori,
Te turma cingit cœlitum:
Ambit tuo se numine
Qui te facit Matrem Dens.

Uti potens exercitus
Tu, Virgo, terror hostium:
Te sic obumbratam Deo
Pavent, tremuntque tartara.

Fac, Virgo, quem scimus Deum
Venisse terris hospitem,
Per te manens nobis adhuc
Nostri sit hospes pectoris.

Sit laus Pari, laus Filio,
Sit par tibi laus Spiritus,
Dignam Deo, qui Virginem
Formans ab ortu præparas. Am.

Hæc Doxol. dicitur per totam octavam.

¶ Nativitas est hodiè sanctæ **MARIÆ** Virginis.

¶ Cujus vita inelyta cunctas illustrat Ecclesias.

Ad Magnifi. ant. Ecce nubecula parva, quasi vestigium hominis,

ascendit de mari, allel. allel. *Orat. ut in Laudib.*

Completor. de Domin.

AD MATUTIN.

Invitator. Nativitatem beatæ **MARIÆ** Virginis celebrantes: * Christum ejus Filium adoremus Dominum.

HYMNUS 79. *Apud Marrac.*
Ad Laudem Virginis invitat hominem.

Ipsa mens hominis læta per Virginem:

MARIA nascitur salus credentium,
Et verè creditur salus nascentium.

Puella nobilis, comes humilium;
Magistra humilis, et dux nobilium:
Regina gloriæ, Regis et Filia
Sed Regis filiæ ab intus gloria.

Hæc die nata est, per quam pax redditur,
Et vita data est, quibus hæc nascitur,

In terris fulserit, in cœlis lucida,
Undis illuxerit hæc stella fulgida.

Nos apud Filium reos concilia,
Reis consilium da, Regis Filia,
Ut trahat homines ad se dux Virginum,

Clamat ad Virginem gemens cor hominum. Amen.

IN I. NOCT.

Ant. 1. Hodiè nata est * beata Virgo **MARIA** ex progenie David.
Psalm. 18. Cœli enarr. p. 26.

2. Quando nata est * Virgo **MARIA**, tunc illuminatus est mundus. *Psalm. 28.* Afferte Dom. p. 23.

3. Stirps beata, radix sana, et benedictus fructus ejus. *Psalm. 46.* Omnes gentes. p. 30.

¶ Pulchræ sunt genæ tuæ, sicut turturis.

¶ Collum tuum sicut monilia.

De libro Sapientiæ.

LECTIO 1. *Prov. 8. 22.*
Dominus possedit me in initio via-

rum suarum, antequam quidquam faceret à principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constituerant: ante colles ego parturiebar. Tu.

¶. Solem justitiæ Regem paritura supremum: * Stella MARIA maris hodiè processit ad ortum.

†. Cernere divinum lumen gaudeate fideles. — Stella.

LECTIO 2.

Adhuc terram non fecerat, et flumina, et cardines orbis terræ. Quando præparabat cœlos aderam: quando certâ lege et gyro vallabat abyssos: quando ælera firmabat sursum, et librabat fontes aquarum: quando circumdabat mari terminum suum, et legem ponebat aquis, ne transirent fines suos: quando appendebat fundamenta terræ. Cum eo eram cuncta componens, et delectabar per singulos dies, ludens coram eo omni tempore: ludens in orbe terrarum, et deliciæ meæ esse cum filiis hominum. Tu.

¶. Hodiè nata est beata Virgo MARIA, per quam salus mundi credentibus apparuit: * Cujus vita gloriosa lucem dedit sæculo. †. Beatissimæ Virginis MARIE Nativitatem devotissimè celebremus. — Cujus vita.

LECTIO 3. Eccl. 24. 14.

Ab initio et ante sæcula creata sum, et usque ad futurum sæculum non desinam, et in habitatione sanctâ coram ipso ministravi, et sic in Sion firmata sum, et in civitate sanctificatâ similiter requievi, et in Jerusalem potestas mea; et radicaui in populo honorificato, et in parte Dei mei hæreditas illius, et

in plenitudine sanctorum detentio mea. Tu.

¶. Ad nutum Domini nostrum ditantis honorem: * Sicut spina rosam genuit Judæa MARIAM. †. Ut vitium virtus operiret, et gratia culpam. — Sicut. — Gloria. — Ad nutum.

In diebus infra octavam. Sicut.

IN II. NOCT.

Ant. 1. Quæ est ista, * quæ nascitur, quasi aurora valdè rutilans? Psalm. 60. Exaudi Dom. p. 33.

2. Soror nostra est: * tota pulchra, et immaculata. Psalm. 81. Deus in Sinag. p. 38.

3. Viderunt eam * filiæ Sion, et beatissimam prædicaverunt. Psalm. 86. Fundamenta. p. 24.

†. Gloriosa dicta sun' de te.

¶. MARIA, Civitas Dei.

Sermo S. Petri Damiani Ep.

Homil. in Nat. B. V. M.

LECTIO 4.

Gaudeamus, dilectissimi, et exultemus in Nativitate beatissimæ Dei Genitricis MARIE, quæ novum mundo nuntiavit gaudium, et totius extitit humanæ salutis exordium. Exultemus, inquam, et sicut gaudere solemus in Nativitate Christi, ita etiâ nihilominus gaudeamus in Nativitate Matris Christi. Tu.

¶. Ne timeas, Joachim, quoniam exaudita est deprecatio tua: * Et uxor tua Anna pariet tibi filiam, et vocabis eam MARIAM. †. Et erit tibi gaudium, et exultatio, et multi in Nativitate ejus gaudebunt. — Et uxor.

LECTIO 5.

Hodiè nata est Regina mundi, fenestra cœli, janua paradissi, tabernaculum Dei, Stella Maris, Scala cœlestis, per quam supremus Rex humiliatus ad ima descendit, et homo qui postratus jacebat, ad

superna exaltatus ascendit. Hodie apparuit stella mundo, per quam sol iustitiæ illuxit mundo. Illa videlicet de quâ per prophetam dicitur: oriatur stella ex Jacob, et consurget homo de Israel. Tu.

¶ Fundatur exultatione universæ terræ, * Mons Sion, latera aquilonis, civitas regis magni. † Deus fundavit eam in æternum. — Mons.

LECTIO 6.

Hodie nata est splendidissima illa Virgo ex quâ processit speciosus forma præ filiis hominum, tanquàm sponsus procedens de thalamo suo. Hodie prodiit ex utero matris, quæ templum fieri meruit divinitatis. Hodie impleta est prophetia illa, quem eximius Prophetarum Isaias, quasi præco factus ad adventum Reginae Mundi, magnâ voce clamabat, dicens: Egredietur viga de radice Jesse, et flos de radice ejus ascendet. Tu.

¶ Fundamenta ejus in montibus sanctis: * Diligit Dominus portas Sion super omnia tabernacula Jacob. † Fluminis impetus lætificat civitatem Dei: sanctificavit tabernaculum suum Altissimus. — Diligit. — Gloria. — Fundamenta. *In diebus infra oct.* Diligit.

IN III. NOCT.

An 1. Congratulamini mihi, * quia cum essem parvula, placui Altissimo. *Psalm.* 88. Misericordias. p. 25.

2. Respexit Dominus * humilitatem ancillæ suæ, et beatam me dicent omnes generationes. *Psalm.* 127, Beati omnes. p. 48.

3. Invenisti gratiam coram Domino Deo tuo, et fecit tibi magna, qui potens est. *Psalm.* 130. Domina non. p. 48.

† Adjuvabit eam Deus. ¶ Mane diluculo.

Lectio Sancti Evangelii secundum Matthæum.

LECTIO 7. c. 1. 1.

Liber generationis JESU-Christi, Filii David, Filii Abraham. Et reliqua.

Homilia S. Thomæ Arch. Valent.

Conc. 2. in Nativ. B. M. V.

Licet pauperem et humilem Matrem elegerit Deus, sed tamen genere illustrissimam, nobilissimam, generosissimam, quæ multo amplius secundum carnem, quàm sit modo quæcumque illustris femina. Namque ab antiquo multis sæculis, longâ progenie, à Patriarchis et Regibus, et Sacerdotibus virginem traxit. Recense nunc in toto orbe quænam sit, quæ tot regibus et principibus polleat in origine. Tu.

¶ Vitis uberrima ex Annâ pululavit, uvaque suavissima effloruit, * Potum nectaris fundens in vitam æternam. ¶ Gaudete in Domino Deo vestro, quia germinavit desertum, et sterilis protulit fructum suum. — Potum.

Bened. Cujus Nativitatem colim. et dicitur per Oct.

LECTIO 8.

Nobilissima igitur fuit Virgo MARIA secundum progeniem, et illustrissima, qualem decuit Matrem Dei futuram. Neque enim decuit rusticam esse, aut vulgarem, ne aliqua obscuritatis, et ignobilitatis nota redundaret in Filium. Decuit itaque eum, qui Rex et Sacerdos futurus esset in populo Dei, ex regibus et sacerdotibus originem ducere, ut etiâ secundum carnem regnum et sacerdotium non usurpatum videretur, sed ei jure optimo convenire. Tu.

¶ Nativitas gloriosæ Virginis MARIE * Ex semine Abrahæ, de tribu Juda, clarâ ex stirpe David.

†. Regali ex progenie MARIA exorta refulget. †. Ex semine.

In diebus infra oct. loco octavi †. dicitur †. ut infra.

LECTIO 9.

Neque te moveat, quod non ad Virginem, sed ad JOSEPH Genealogia deducta sit: Servatus est enim scripturarum mos ab Evangelistâ; in quibus non per feminas, sed per viros Genealogia deducitur. Et quia cognati erant Virgo et JOSEPH, deducto genere ad JOSEPH, deducitur ad MARIAM Virginem. Hæc autem cognatio illo tempore cognita erat omnibus, qui apud Judæam Christi fidem susceperunt. Tu.

†. Quæ est ista, quæ progreditur, quasi aurora consurgens: * Pulchra ut luna, electa ut sol, terribilis ut castrorum acies ordinata. †. Sicut lux auroræ, quæ manè absque nubibus rutilat. — Pulchra. — Gloria. — Quæ. *In diebus infra octav. Pulchra.*

AD LAUDES

et per horas antiphonæ.

1. Signum magnum * apparuit hodiè: signum salutis ortum est homini, alleluia.

Psalmi de Dominica.

2. Lux magna * resplenduit hodiè in terrâ sedentibus in umbrâ mortis, alleluia.

3. Venite, * et videamus ortum surgentis Auroræ, alleluia.

4. Lux ejus, * sicut lux solis, et splendor ejus sicut meridies, allel.

5. Multi in Nativitate * ejus gaudebunt, alleluia.

CAPITULUM. *Genes. 24. 59.*

Soror nostra es, crescas in mille milia, et possideat semen tuum portus inimicorum suorum.

HYMNUS 80.

Post longa noctis nubila,
Et incubantem tartarum

Jam perditis mortalibus
Aurora vultus explicat.

Frondens Jessæa protulit
Jam virga divinum caput:
Jam læta præludit poli
Claro decore fulgida.

Jam tempus optatum venit,
Quo flore pingatur suo:
Flos ille campi Christus est,
Quem Nata natum proferet.

MARIA terris nascitur,
Illustre munus optimi,
Quâ nulla terras purior
Ortu sacra vitæ prospero.

Natura reginam colit,
Et festa ducit gaudia:
Tantisque sub cunis tremunt
Metu paventes inferi.

Adorat orbis subditus
Matrem futuram Numinis,
Parvoque sub crepusculo
Prælibat affatum Dei.

O ter beata Numine,
Cui tota rident ætera,
Cui tota se felicitas
Infudit alto vertice.

Specta clientes supplices,
Audi precantes servulos,
Fac de tuis cunabulis
Hic lætus aspiret dies.

Sit laus Patri, laus Filio,
Sit par tibi laus, Spiritus,
Puram Deo, qui Virginem
Formans ab ortu præparas. Am.
†. Hortus conclusus, Virgo sacra, alleluia.

†. Fons signatus, alleluia.

Ad Benedict. ant. Nativitatem hodiernam * perpetuæ Virginis Genitricis Dei MARLÆ solemniter celebremus, quâ celsitudo throni processit, alleluia, alleluia.

Oremus. *Oratio.*

Deus qui secundum propositum voluntatis tuæ mundum tibi reconciliare voluisti; præsta, quæsumus, ut qui Nativitatem Virginis MARLÆ, de quâ natus est nobis Christus

Salvator, cum gaudio celebramus, ipsam quam Filius operatus est salutem, Matris intercessione consequamur. Per eundem.

AD PRIMAM.

Ant. Signum. *Capit.* Soror. *de Laudibus.* *¶.* *¶.* *br.* Quæ hodiè nata fuisti. *Et dicitur per oct.*

CANON.

Ex Alexandro Papâ Tertio.

Ep. 32. *Ad soldan. Iconi.*

397. Cum MARIA de Jesse originem traxerit, Isaias Propheta Nativitatem MARIÆ, et per MARIAM Christi, atque plenitudinem gratiæ spiritualis in Christo declarat, dicens: Egre dietur Virga de radice Jesse, et flos de radice ejus ascendet. Tu.

AD TERTIAM.

CAPITULUM. *Genes.* 12. 13.

Dic, obsecro te, quod soror mea sis, ut benè sit mihi propter te, et vivat anima mea ob gratiam tui.

¶. *br.* Puella decora nimis, * Allel., allel.—Puella. *¶.* Virgoque pulcherrima.—Alleluia.—Gloria.—Puella.

¶. Puella ista erit magna, allel.

¶. Coram Domino. Alleluia.

AD SEXTAM.

CAPITULUM. *Can.* 4. 11.

Favus distillans labia tua, mel et lac sub linguâ tuâ, et odor vestimentorum tuorum, sicut odor thuris.

¶. *br.* Puella ista erit magna, * Allel. Allel.—Puella. *¶.* Coram Domino.—Allel.—Gloria.—Puella.

¶. Peperit Anna Filiam, allel.

¶. Et vocavit nomen ejus MARIAM, alleluia.

AD NONAM.

CAPITULUM. *Cant.* 2. 7.

Adjuro vos, filiæ Jerusalem, per capreas, cervosque camporum, ne

suscitetis, neque evigilare faciatís dilectam, donèc ipsa velit.

¶. *br.* Peperit Anna Filiam, * Alleluia, allelnia.—Peperit. *¶.* Et vocavit nomen ejus MARIAM,—Allel.—Gloria.—Peperit.

¶. Pro puellâ istâ oravi, allel.

¶. Et dedit mihi Dominus petitionem meam, allel.

IN II. VESPER.

Ant. 1. Impletum est * tempus pariendi, et peperit Anna puellam formosissimam.

Psalmi ut in 2. Vesper. Solemnit.

2. Et mirati sunt omnes, * et gratulabantur ei propter gaudium.

3. Dominus mortificat, * et vivificat: deducit ad inferos et reducit.

4. Quæ putas puella ista erit, * nam manus Dei cum ipsâ est?

5. Benedicta tu, * filia, à Domino, quia per te fructum vitæ communicavimus.

CAPITULUM. *Gen.* 14. 60.

Soror nostra es, crescas in mille millia, et possideat semen tuum portas inimicorum suorum.

¶. Quæ est ista, quæ progreditur, quasi Aurora consurgens: * Pulchra ut luna, electa ut sol, terribilis ut castrorum acies ordinata.

¶. Sicut lux auroræ, quæ manet absque nubibus rutilat.—Pulchra.

—Gloria.—Quæ. *Infra oct. non dicitur.*

HYMNUS 81. *Parn. Mar.*

Lux ecce surgit nova,
Novumque profert gaudium:
Fugata nox cessat vetus,
Cessat vetus corruptio.

Chorus triumphat cœlitum,
Anliquus invidet Draco,
Dum sente prodit lilium,
Dum spina rosam germinat.

In nube lux involvitur,
Cinnisque gemmam contegit;

Dum gentis hebrææ sinu
Ortum MARIE suscipit.

Summi Parentis Filius
Hoc sibi extruxit templum,
Suâ quod almus Spiritus
Dicat sacratque gratiâ.

O flos, MARIA, Virginum,
Ut mente simus integri,
Tuæ præcamur gratiâ
Nativitatis obtine.

Sit laus Patri, laus Filio,
Sit par tibi laus, Spiritus,
Puram Deo qui Virginem
Formans ab ortu præparas.

Amen.

γ. Nativitas est hodiè Sanctæ
MARIE Virginis.

ϣ. Cujus vita inclita cunctas
illustrat Ecclesias.

Ad Magnific. *ant.* Nativitas tua,
Dei Genitrix Virgo, gaudium an-
nuntiavit universe mundo : ex te
enim ortus est Sol justitiæ Chris-
tus Deus noster, qui solvens ma-
ledictionem dedit benedictionem, et
confundens mortem donavit nobis
vitam sempiternam.

Completor de Dominicâ.

*In diebus infra Octav. in festis
Officium fit ut in die, exceptis Psal-
mis et Lectionib. primi Nocturni,
qui dicuntur de feriâ occurrenti.*

DOM. INFRA OCTAV. NATIVIT.

SS. NOMINIS B. MARIE V.

Duplex 2. Classis.

IN I. VESPER.

Ant. 1. A solis ortu usque ad
occasum laudabile Nomen MARIE
Matris Dei. *Psalmi de Solemn.
in I. Vesp.*

2. Missus est Angelus Gabriel ad
Virginem desponsatam JOSEPH, et
nomen Virginis MARIA.

3. Ave MARIA, gratiâ plena,
Dominus tecum.

4. Magnificetur Nomen tuum,
Domina, in æternum.

5. Laudetur nomen inclytum
MARIE omni tempore.

CAPITULUM. Jud. 13. 23.
Benedicta es tu, Filia à Domino
Deo excelso præ omnibus mulieri-
bus super terram: quia hodiè No-
men tuum ita magnificavit, ut non
recedat laus tua de ore hominum.

HYMNUS 12.

Si quæris cælum, anima,
MARIE Nomen invoca :
MARIAM invocantibus
Cœlestis patet janua.

Ad MARIE Nomen cœlites
Lætantur: tremunt inferi:
Terra, pontus, et ætera
Totusque mundus jubilat.

Culpæ fugantur tenebræ,
Morbi, dolores, ulcera;
Vinctis solvuntur compedes;
Nautis mitescunt æquora.

Gloria MARIE Filiæ
Patris, et Matri geniti,
Sponsæquæ Sancti Spiritûs
Per sæculorum sæcula. Amen.

γ. Sit Nomen MARIE benedi-
cium.

ϣ. Ex hoc nunc et usque in sæ-
culum.

Ad Magnif. *ant.* MARIE Nomen
cunctas illustrat Ecclesias, quia
fecit ipsi magna qui potens est, et
sanctum Nomen ejus.

Oratio de Laudib. Compl. de Dom.

AD MATUT.

Invitat. Laudemus Deum no-
strum * In veneratione Sanctissimi
Nominis MARIE.

HYMNUS 83. S. Anselm.

O MARIA, Nomen bonum,
Nomen admirabile,
Balsamum aromatizans,
Thus miræ fragrantiae:

O Nomen quòd melius est
Quàm nullæ divitiæ.

O MARIA, Nomen bonum,
Canticum lætitiæ,

Flos æternus, rosa lenis,
Candida et suavis :
Prædicanda et laudanda
Privatim et publicè.

O MARIA, Nomen bonum,
Lignum semper viride.
Stella solis claritatem
Suo vincens jubare:
Semper Mater, quia nunquam
Eris sine sobole.

Sempiterna sit beatæ
Trinitati gloria;
Æqua Patri Filioque,
Par decus Paraclito :
Unius Trinique Nomen
Laudet universitas. Amen.

IN I. NOCT.

Ant. 1. In universâ terrâ admirabile est Nomen tuum, Sancta Dei Genitrix.

Psalm. 1. Beatus vir. *p.* 1.

2. In omnen terram diffusa est gloria Nominis MARIE Matris Dei.

Palm. 5. Verba mea. *p.* 3.

3. Annuntiaverunt cæli Nomen MARIE, et viderunt omnes populi gloriam ejus.

Psalm. 10. In Domina. *p.* 4.

†. Magnificate MARIAM mecum.

†. Et exaltemus nomen ejus in æternum.

De libro Exodi.

LECTIO 1. c. 15. 20.

Sumpsit Maria prophetissa Soror Aaron tympanum in manu suâ: egressæque sunt omnes mulieres post eam cum tympanis et choris, quibus præcinebat dicens: Cante-
mus Domino: gloriosè enim magnificatus est, equum et ascensorem ejus dejecit in mare. Tu.

†. Laudemus nomen sacrum, atque insigne MARIE: * Mundo enim peperit Virgo salutis auctorem. †. Lætentur cæli de tali nomine, et orbis.—Mundo.

LECTIO 2.

Tulit autem Moyses Israel de mari rubro, et egressi sunt in desertum Sur: ambulaveruntque tribus diebus per solitudinem, et non inveni-
ebant aquam. Et venerunt in Mara, nec poterant bibere aquas de Mara, eò quod essent amaræ, undè et congruum loco nomen imposuit, vocans illum Mara, idest, amaritudinem. Tu.

†. Benedictum sit Nomen MARIE: * Cujus manus tornatiles plenæ hyacinthis.

†. Implorantibus MARIE Nomen MARIA præsto adest.—Cujus.

LECTIO 3.

Et murmuravit populus contra Moysen, dicens: Quid bibemus? At ille clamavit ad Dominum, qui ostendit ei lignum: quod cum misisset in aquas, in dulcedinem versæ sunt. Ibi constituit ei præcepta atque judicia, et ibi tentavit eum. Tu.

†. Salutemus MARIAM, pro nobis Filium exorantem; * Ave MARIA, gratiâ plena, Dominus tecum. †. Hæc est Gedeonis vellus, quæ levissimâ orationis compressione larga exhibet gratiarum stillicidia.—Ave.—Gloria.—Salutemus.

IN II. NOCT.

Ant. 1. MARIA, civitas Dei sancta, gloriosa dicta sunt de Nomine Sancto tuo.

Psalm. 20. Domina in virtute. *p.* 20.

2. Secundum Nomen tuum, sic et laus tua in fines terræ.

Ps. 93. Deus ultionum. *p.* 41.

3. Novi te ex nomine: oleum effusum Nomen tuum.

Psalm. 104. Confitemini. *p.* 43.

†. Repleatur os meum laude tuâ.

†. Ut cantem gloriam Nomini tuo.

LECTIO 4.

Beata Anna gravida effecta, cælum et thronum cherubicum peperit, sanctam puellam **MARIAM**. Illa enim reperitur esse cælum, templum, et thronus: quia **MARIAM** interpretari solemus Dominam, atque etiã spem. Peperit enim Dominum, qui est spes totius mundi, nempe Christum. Rursùm Nomen illud **MARIA** interpretatur myrrha maris: myrrham verò dicet aliquis (quod etiã ego ajo) de immortalitate, eo quod paritura esset gemmam immortalem in mari, hoc est in mundo. Mare autem dicet universum mundum, cui Virgo serenitatem, et tranquillitatem contulit, dum portum peperit Christum. Tu.

℞. Benedictum Nomen **MARIÆ**.

* Sanctum et laudabile, et super exaltatum in sæcula.

†. **MARIA** in ore mel, in aure mellos, in corde jubilus.—Sanctum.

LECTIO 5.

Rursùm itaque præclaræ puellæ **MARIÆ** beatum Nomen interpretatur illustrata, utpote quæ illustrata sit à Filio Dei, et cunctos usque ad terminos terræ credentes illuminaverit. Sancta enim puella **MARIA** est Sponsa Trinitatis, et thesaurus dispensationis planè arcanus, cui Gabriel inquit: ave gratiã plena, Dominus tecum. Subjuxit Gabriel: et Pater misit archabonem de cælo Spiritum Sanctum, præparavit Virginem unigenito Filio, cœlesti Sponso, quam Pater dilexit, Filius inhabitavit, Spiritus Sanctus percupivit. Tu.

℞. Melior est Nomen bonum, quàm multæ divitiæ: Turris fortitudinis **MARIÆ** Nomen.

†. Propugnaculum est omnibus, qui ad illud confugiunt.—Turris.

LECTIO 6.

Ex Brev. Romano.

Venerabile ergò Nomen Virginis **MARIÆ** jam pridem in quibusdam Christiani orbis speciali ritu cultum, Innocentius Undecimus Romanus Pontifex ob insignem victoriam sub ejusdem Virginis **MARIÆ** præsidio de immanissimo Turcarum Tyranno cervicibus populi christiani insultante Viennæ in Austriã partam, et in perenne tanti beneficii monumentum, in Ecclesiã universali singulis annis Dominicã infra octavam Nativitatis Beatæ Virginis **MARIÆ** celebrari præcepit. Tu.

℞. Oleum effusum Nomen tuum:

* Ideo adolescentulæ dilexerunt te nimis. †. Ave **MARIA**, gratiã plena, Dominus tecum.—Ideo.—Gloria.—Oleum.

IN III. NOCT.

Ant. 1. Nuntiate inter gentes gloriam Nominis **MARIÆ**, in omnibus populis mirabilia ejus.

Ps. 125. In convertendo. *p.* 47.

2. Omnes populi viderunt gloriam Nominis **MARIÆ** Matris Dei.

Ps. 132. Ecce quam. *p.* 49.

3. In conspectu gentium revelavit Dominus gloriam Nominis ejus.

Ps. 114. Dilexi Matrem. *p.* 45.

†. Lætabor et exultabo in te

℞. Psalmum dicam Nomini tuo.

Lectio Sancti Evangelii secundum Lucam.

LECTIO 1. c. 1. 26.

In illo tempore: Missus est Angelus Gabriel à Deo in civitatem Galilææ cui nomen Nazareth, ad Virginem desponsatam viro, cui nomen erat **JOSEPH**, de domo David, et Nomen Virginis **MARIA**. Et reliqua.

Homilia S. Bernardi Abbatis.

Homil. 2. super Missus.

Loquamur pauca et super hoc Nomine, quod interpretatum maris stella dicitur, et Matri Virgini valdè convenientèr aptatur. Ipsa namque aptissimè syderi comparatur, quia sicut sine sui corruptione sydus suum emittit radium, sic absque sui læsione Virgo parturit filium. Nec syderi radius suam minuit claritatem, nec Virgini Filius suam integritatem. Ipsa est igitur nobilis illa stella ex Jacob orta, cujus radius universum orbem illuminat, cujus splendor, et præfulget in supernis, et inferos penetrat, terras etiã perlustrans et calefaciens magis mentem, quàm corpora, fovet virtutes, exquoquit vilia. Tu.

¶ Clarissimum MARIE Nomen ipsum est stella præfulgens: * Peccatores illuminat, et dirigit ad portum salutis. † Consolatur tristes, miseros levat, et jacentes erigit.—Peccatores.

Bened. 8. Cujus Sanctissimum Nomen colimus.

LECTIO 8.

Ipsa, inquam, est præclara et eximia stella, super hoc mare magnum et spaciosum sublimata, micans meritis, illustrans exemplis. O quisquis te intelligis in hujus sæculi profluvio magis inter procellas et tempestates fluctuare, quàm per terram ambulare, ne avertas oculos à fulgore hujus syderis, si non vis obrui procellis. Si insurgant venti tentationum, si incurras scopulos tribulationum, respice stellam, voca MARIAM. Si jactaris superbiam undis, si ambitionis, si detractionis, si æmulationis, respice stellam, voca MARIAM. Tu.

¶ Date Nomini MARIE magnificentiam: * glorificate Nomen

ejus, quoniã sanctum est. †. Nomen tuum, Domina, in desiderio animæ meæ.—Glorificate.—Gloria.—Date.

LECTIO 9.

In periculis, in angustiis, in rebus dubiis, MARIAM cogita, MARIAM invoca. Non recedat ab ore, non recedat à corde: et, ut impetres ejus orationis suffragium non deseras conversationis exemplum. Ipsam sequens, non devias: Ipsam rogans, non desperas; Ipsam cogitans, non erras: Ipsa tenente, non corruis; ipsa prolegente, non metuis; ipsa duce, non fatigaris: Ipsa propitiã, pervenis: et sic in temetipso experiris, quàm meritò dictum sit: Et nomen Virginis MARIA. Tu. Te Matrem.

AD LAUDES

et per Horas antiphonæ.

1. Dignitas MARIE * annuntiatur ex Nomine. *Psalmi de Dominica.*

2. Laudate * in exultatione MARIE Nomen, quoniã suave est.

3. Dulce Nomen * MARIE super mel ori meo.

4. Benedicite Nomen MARIE Matris Dei, et invocate illud semper.

5. Beneplacitum est * Domino in nomine MARIE, in quo exaltavit mansuetos in salutem.

CAPITULUM. *Jud. 13. 23.*

Benedicta es tu, Filia, à Domino Deo excelso præ omnibus mulieribus super terram: quia hodiè Nomen tuum ita magnificavit, ut non recedat laus tua de ore hominum.

HIMNUS 84. *Parn. virg.*

Gloriosa Dei Matris

Nominis præconia

Exaltemus super sydera

Totis nostris viribus,

Ad salutem nobis datum

Divinã clementiã:

Nomen semper meditandum

In valle miseriæ:
Nomen dignè venerandum
Supernorum curiæ:
Nomen mirè formidandum
Effugans dæmonia.

Nomen istud prædicatum
Mellos est auditui:
Nomen i-stud invocatum
Dulce mel est gustui:
Jubilus est cogitatum
Spiritali visui.

Nomen ergò tam beatum
Veneremur cernui:
Sit in corde sic firmatum
Quòd non possit erui,
Ut in cœlis potestatum
Copulemur cœtui.

Sempiterna sit beatæ
Trinitati gloria,
Æqua Patri Filioque
Par decus Paraclito:
Unius Trinique Nomen
Laudet universitas. Amen.

†. Lætabor in Virgine MARIA,
alleluia.

†. Psalmum dicam Nomini
ejus, alleluia.

Ad Benedict. ant. Benedictum
Nomen tuum, MARIA Virgo, per
quod illuminavit Deus tenebras
sedentium in umbrâ mortis.

Oremus. *Oratio.*

Deus, qui gloriosam Matrem
tuam nominari MARIAM voluisti;
concede, quæsumus, ut qui dulce
ejusdem MARIE nomen implora-
mus, perpetuum sentiamus tuæ
benedictionis effectum. Qui vivis
et regnas.

AD PRIMAM.

Ant. Dignitas. *Capitul.* Bene-
dicta. *de Laudib.*

†. †. br. Quæ MARIA à Deo
nominata fuisti.

CANON.

Ex Decreto S. Rituum Congregat.
23. Jun. 1736. in Einsidlen. *Talu.*
1028.

398. Festum Sanctissimi No-
minis MARIE celebrandum est
Dominicâ infra Octavam Nativita-
tis ejusdem. Tu.

AD TERTIAM.

CAPITULUM.

Egressum est Nomen tuum in
gentes propter speciem tuam: quia
perfecta eras in decore meo, quem
possueram super te: Dicit Dominus
Deus.

†. br. Magnificate * MARIAM
mecum.—Magnificate. †. Et exal-
temus Nomen ejus in æternum.—
MARIAM.—Gloria.—Magnificate.

†. Repleatur os meum laude
tuâ.

†. Ut cantem gloriam Nomini
tuo.

AD SEXTAM.

CAPITULUM. Bar. 5. 3.

Deus ostendit splendorem suum
in te omni qui sub cœlo est: nomi-
nabitur enim Nomen tuum à Deo
in sempiternum.

†. br. Repleatur os meum *
Laude tuâ.—Repleatur. †. Ut
cantem gloriam Nomini tuo:—
Laude.—Gloria.—Repleatur.

†. Lætabor et exultabo in te.
†. Psalmum dicam Nomini
tuo.

AD NONAM.

CAPITULUM. Isai. 62. 2.

Vocabitur tibi Nomen novum, quod
os Domini nominabit, et eris co-
rona gloriæ in manu Domini, et
diadema regni in manu Dei tui.

†. br. Lætabor * et exultabo in
te.—Lætabor. †. Psalmum dicam
Nomini tuo.—Et exult.—Gloria.
—Lætabor.

†. Sit Nomen MARIE bene-
dictum.

†. Ex hoc nunc et usque in
sæculum.

IN II. VESP.

Ant. 1. In omni ore quasi mel

indulcorabitur memoria Nominis ejus. *Psalm. ut in 2. Vesp. Sol.*

2. O quam excellens et sublimis est hoc Nomen gloriosissimum **MARIA!**

3. Tu nec nominari potes, quin accendas, nec cogitari, quin recrees affectum diligentium le.

4. In ore mel, in aure mellos, in corde jubilus Nomen dulcissimum **MARLÆ.**

5. Ipsum invoca, ipsum genibus flexis inclama, ipsum exora ut **MARIA** sit tibi **MARIA.**

Capit. de Laudib.

HYMNUS 85. Apud Marrac.
MARLÆ scepro floret clementia,
Quo et rogante lenit judicia,
Puniendis dat gratis gaudia,
Et dum jubet silet clementia.

Piam Matrem te rei sentiunt:
Se labentes in te reficiunt:
Te dolentes ardentèr sitiunt,
Et amantes ad cælum saliant

Nomen tuum saginat viscera,
Et expressum pigmentat aera,
Cor confortat, et fugat funera,
Umbras delei et donat sydera.

Ense sacro vibrati Nominis,
Cedunt hostes vi fracti fulminis
Plus tremantes ad Nomen Virginis
Quàm favillæ fragore turbinis.

Dulce Nomen velis dulcescere,
Et his, rogo, labris illabere,
Ut te sciam securus legere,
Cum cor coget mors ingemescere.

Amen.

†. Annuntiaverunt cæli Nomen **MARLÆ.**

† Et viderunt omnes populi gloriam ejus.

Ad Magnif. ant. **MARIA** Virgo omnium oculis gratiosa: nominatum est Nomen gloriæ ejus usque ad extremum terræ.

Oratio de Laudibus.

DIE IX. SEPT.

DE II. DIE INFRA OCTAV.

Semiduplex.

Lect. 1. Noct. de Ferid.

IN II. NOCT.

Sermo S. Thomæ Arch. Valentini

Conc. 2. in Nativ. B. M. V.

LECTIO 4.

O Virgo, in tuo Natali mundum illuminasti, cælos lætificasti, infernum exteruisti, lapsos sublevasti, infirmos et tristes in salutem et lætitiā erexisti. Dico, obsecro, ò Astrologi sapientes, qui cœlestia contemplamini: Dicite nobis, ò prophetæ, quænam puella ista erit, quæ talis et tam clara prodit in orbem? Annuntiate nobis ejus Nativitatem. Tu. †. Ne timeas.

LECTIO 5.

O propheta regalis! Dico, quid tibi videtur de hac tuâ filiâ? Quænam puella ista erit? Erit, inquit, firmiter libanum fructus ejus, et florebunt, scilicet ejus meritis ditabitur Ecclesia, sicut fœnum terræ. Dic quoquæ tu, Isaïas, quid sentis de hac Virgine? Qualis erit ista Virgo? Super omnem, inquit, gloriam protectio. Et tabernaculum erit in umbraculum diei ab æstu, et in securitatem, et absconsionem à turbine, et à pluvîa. Id est, justorum erit custodia, et peccatorum suffugium. Tu. †. Fundatur.

LECTIO 6.

Ita est, ò Virgo, in omnibus tempestatibus, et pluviis, et adversitatibus, si pestis, si bellum, si fames, si tribulatio, omnes ad te currimus. Tu nostra protectio, tu nostrum unicum remedium subsidium et asillum. Sicut pulli volatibus desupèr milvi ad gallinæ alas accurrunt, ita nos sub velamento alarum tuarum abscondimur. Ne-

simus aliud refugium, nisi tu. Tu sola es unica spes nostra, in quâ confidimus. Tu sola patrona nostra, ad quam omnes aspicimus. Tu. *¶* Fundamenta.

IN III. NOCT.

Lectio Sancti Evangelii secundum Matthæum.

LECTIO 7. c. 1. 7.

Liber generationis JESU—Christi, Filii David, filii Abraham. Et relq. Homilia S. Antonini Ep. Florentini.

De Nativ. B. V. c. 5. 9. 2.

Notandum quod beata MARIA est liber generationis habens in se quadruplicem generaticnem. Prima est naturalis, quâ, ut Mater vera, ex suis sanguinibus purissimis genuit Christum Filium suum. Secunda est spiritualis, quâ, ut Mater spiritualis, genuit Joannem Baptistam modo speciali, non solum levans eum de terrâ sed etiâ et magis quando ut de sacro fonte Spiritu Sancto et aquâ gratiæ baptizatus est Joannes in utero, sanctificatus ad vocem Virginis, quando salutavit Elizabeth. Tu. *¶* Vitis.

LECTIO 8.

Tertia est adoptiva, quando moriente Flio Imperator ipse in throno crucis manens rescripto suo et edicto adoptavit sibi Joannem Evangelistam in filium, dicens: Ecce filius tuus, et ecce Mater tua. Quarta generatio suâ est generalis, et educativa, quâ, scilicet bonos generat, ut pia Mater, et nutrit meritis et exemplis. Ego Mater pulchrâ dilectionis, et sanctæ spei. Tu.

¶ Quæ est ista.

LECTIO 9.

Commemoratio B. V. Syracusanæ à Miraculis. *Octav. Gayet. in appendice ad SS. Siculos.*

Templum est Syracusis in Sicilia beatæ Virgini sub titulo à Miraculis

dicatum, quod à Syracusano populo, magnâ grassante pestilentia, constructum est anno millesimo quingentesimo, quo tempore eo in loco, ubi nunc templum, horreum fuit, ad cujus latus Imago Deiparæ in pariete depicta erat. Cum gravis igitur pestis urbem premeret, quam plurimi ad eam Imaginem magnâ fide accedentes liberati sunt à pestiferâ contagione. Quapropter omnes commoti tantis beneficiis, collectâ pecuniâ Templum erectum fuit, quod à miraculorum multitudine nomen à miraculis accepit. Tu. Te Matrem.

CANON.

Ex D. Bonaventurâ Episcopo.

Spec. B. V. Lect. 2.

399. Apostulus ait: omnes nascimur filii iræ: O quâm immunis ab isto vae nascentium fuit sanctissima Nativitas MARIE, quæ non solum ab originali culpâ, sed etiâ à fomitibus miseriâ, in quantum ad peccatum ductivus erat, sic liberata creditur per sanctificationem in utero, ut nunquâ ad peccatum inclinata fuerit in hoc mundo. Tu.

Vesperæ dicuntur in dieb. infra Octav. ut in 2. Vesper. Nativitatis cum psalm. de feriâ.

DIE X. SEPT.

B. M. V. DE MONTE-SERRATO.

Duplex.

Omnia ut in die Nativitat. præter sequentia.

Oratio.

Humilitatem nostram, quæsumus Domine, propitius respice; ut qui beatissimam Virginem MARIAM in Monte-Serrato colimus, ad perfectionis montem ascendere valeamus. Per Dominum.

Lectiones 1. Noct. feriâ.

IN II. NOCT.

LECTIO 4.

Ex Historiâ Montis-Serrati.

Ex antiquâ traditione fertur eamdem Deiparæ percelebrem Imaginem, quæ hodiè in Montis-Serrati templo colitur, tempore quo Hispania sub Romanorum et Gothorum jugo tenebatur, Barcinonis in veneratione fuisse usque ad Sarracenorum invassioem, quandò, ne in horum prædam veniret, in profundâ prædicti Montis concavitate fuit abscondita. Postea autem versus noni-sæculi finem per cœlestis lumen singulis sabbatis de cœlo in eum locum delapsum, quibusdam Infantulis nocte super greges custodiam agentibus revelata fuit; quo prodigio cognito ab Episcopo Maresæ, una cum clero, et populo illuc se contulit, ut per se ipsum veritatem exploraret. Tu. ꝑ. Ne timeas.

LECTIO 5.

Devotissima Beatæ Virginis Imago inventa fuit in quodam inacessibili specu, nimia fragrantia perfusso, tota ingenti lumine fulgens, omninoque inoffensa. Deinde in eum situm, in quo nunc est cœnobium fuit deducta, ubi et sacellum ipsi struxerunt. Comes autem Barcinonensis ad majorem Deiparæ obsequium monasterium Virginum ibi fundavit. Sed comes Borelius unum post ferè sæculum, ad Sancti Petri puellarum monialibus revocatis, undè et assumptæ fuerant, ad Montem Serratum è Ripu-viliensi Abbatia Benedictinos Monachos, maximis privilegiis, ingentibus que donis eis collatis, accersivit. Tu. ꝑ. Fundatur.

LECTIO 6.

Ab ipso igitur inventionis tempore maximus semper fuit cultus eo in monte Deiparæ tributus. Undequa-

quæ ad eam confluebant peregrini, ex iisque plurimi erant reges ac remotarum provinciarum principes. Illic perennis laus Divæ Virginis deferabatur tum per monachos, tum per Heremitas, tum per conversos frates, tum quoque per infantulos ipsi oblatos, qui omnes velut quator communitalis distinctas efformantes, alternatim singuli suo in tempore illam collaudabant. Hujus Templi opes olim erant ingentissimæ, sed Galli milites initio hujus sæculi à fundamentis igne et ferro, omnia vastarunt. Nunc verò antiquo cultui iterum restitutum cum Imaginis repositione, non exiguus fit ad Virginem eo loco invisendam peregrinorum accursus. Tu.

ꝑ. Fundamenta.

IN III. NOCT.

Lectio Sancti Evangelii secundum Matthæum.

LECTIO 7. c. 5. 1.

In illo tempore: Videns JESUS turbis ascendit in montem, et cum sedisset, accesserunt ad eum discipuli ejus. Et reliqua.

Homilia S. Thomæ Arch. Valentini.

Concion. 3. in Dom. 3. advent.

Quandò aliquis perditus est in deserto, remedium unicum est, ascendere in montem altum, et altâ voce clamare, et vocare, si fortè vocem ejus quis audiat. Sed quis altior mons quàm Virgo MARIA? Hæc supra verticem montium, id est Angelorum exaltata est, dicente Prophetâ: Et erit in novissimis diebus præparatus mons Domini in vertice montium (*Lectio 8*). Hic mons de quo dicitur per prophetam: Emitte, Domine, agnum Dominatorem terræ de petrâ deserti, id est, de sinu Paterno, ad mon-

tem Filiæ Sion, id est, ad Virginem. Mons certè coagulatus, multiplici gratiâ, mons pinguis, mons in quo beneplacitum est Deo habitare in eo. Tu.

¶. Vitis.

LECTIO 8.

Quid ergò Virgo sacrata...? Memento quoniâ scriptum est: et erit in die illâ stillabunt montes dulcedinem, colles fluent lacte, et per omnes rivos Juda ibunt aquæ, et fons de domo Domini egredietur, et irrigabit torrentem spinarum. De te igitur monte pinguissimo stillet afflictis dulcedo misericordiæ, postulanti bus lac gratiæ, peccatorum oculis decurrant rivum lacrymarum aquæ. Tu. ¶. Quæ est.

LECTIO 9.

Commemoratio B. V. Coloniensis ad Indulgentias. *Gumpenb.*

Imag. 285.

Coloniæ in colliculo non procul à templo Sanctæ Ursulæ situm est templum Beatæ Virginis ad indulgentias, cujus initia tribuuntur cuidam nobili viro, qui cum Jerosolymam peregrinus viseret, in viâ conjectus est in vincula, ubi invocata meruit videre Deiparam, et ab eâ vinculis exui. Cum autem ille ad hoc sacellum velut votivum donum afferret, vidit ibidem Virginis imaginem eâ quâ apparuit in carcere formâ in pariete impressâ, quam non humanâ, sed ipsius Virginis manu elaboratam Colonienses credunt. Tu. Te Matrem.

Ad Benedict. ant. Ave MARIA, Serrati-Montis incola, Decus Hesperiaræ, Barcinonis gloria, ostium pacis, porta sacrorum liminum, perquam transeunt ad vitam Dei famuli.

Orat ut supr.

CANON.

Ex Alejandro Papâ Septimo. *Const.* 34. Expone nobis. §. 2. an. 1655. *Tom. VI. part. 4. p. 44.*

400. Privilegia et gratias Monasterio Beatæ Virginis MARIE de Monte-Serrato, et Confraternitati sub invocatione ejusdem Beatæ MARIE Virginis in eo canonicè institutæ à diversis Romanis Pontificibus concessa... apostolicâ auctoritate tenore præsentium approbamus et confirmamus. Tu.

Vesper. ut in 2. Vesp. Nativ. Orat. ut in Laudib.

DIE XI SEPT.

DE IV. DIE INFRA OCTAV.

Semiduplex.

Lection 1. Noct. de ferid.

IN II. NOCT.

Sermo S. Bernardi Abbatis.

Homilia 2. super Missus.

LECTIO 4.

Lætare pater Adam, sed magis tu ò Eva mater exulta: qui sicut omnium parentes, ita omnium fuistis peremptores: et quod infelicius prius pereemptores, quàm parentes. Ambo, inquam, consolamini super filiâ et tali filiâ, sed illa ampliùs de quâ malum ortum est prius, cujus opprobrium in omnes pertransiit mulieres. Instat namque tempus, quo jam tollatur opprobrium, nec habeat vir quid causetur adversus feminam: qui utique dum se impudenter excusare conaretur, crudeliter illam accusare non cunctatus est dicens: Mulier, quàm dedisti mihi, dedit mihi de ligno et comedi. Tu. ¶. Ne timeas.

LECTIO 5.

Propterea curre Eva ad MARIAM, curre mater ad filiam: filia pro matre respondeat, ipsa matris op-

probiū auferat: ipsa patri pro matre satisfaciat: quia ecce si vir cecidit per feminam, jam non erigitur nisi per feminam. Quid dicebas, ò Adan? Mulier quam dedisti mihi, dedit mihi de ligno et comedi. Verba malitiæ sunt hæc, quibus magis augeas, quàm deleas culpam. Verum tamen sapientia vincit malitiam, cum occasionem veniæ, quam à te Deus interrogando elicere tentavit, sed non potuit, in thesauro indeficientis suæ pietatis invenit. Tu. ꝑ. Fundatur.

LECTIO 6.

Redditur nempè femina pro femina prudens pro fatuâ, humilis pro superbâ quæ pro ligno mortis gustum tibi porrigat vitæ, et pro venenoso cibo illo amaritudinis dulcedinem pariat fructus æterni. Muta ergò iniquæ excusationis verbum in vocem gratiarum actionis, et dic: Domine, mulier quam dedisti mihi, dedit mihi de ligno vitæ, et comedi: et dulce factum est super mel ori meo, quia in ipso vivificasti me. Tu. ꝑ. Fund.

IN III. NOCT.

Lectio Sancti Evangelii secundum Matthæum

LECTIO 7. c. 1. 1.

Liber generationis JESU-Christi, filii David, filii Abraham. Et reliqua.

Homilia S. Joannis Chrysostomi.

Hom. 2. in Matthæum.

Non erat mos apud Hebreos generationum catalogum per feminas texere. Ut ergò et morem custodiret, neve in ipso statim principio videretur antiqua destruere, et nobis Virginem certius indicaret: patres ejus reticens atque majores, de JOSEPH generatione non tacuit. Tu. ꝑ. Vilis.

LECTIO 8.

Sive enim hæc fecisset in Virgine, novitatis non effugisset invidiam: sive JOSEPH reticisset, non agnosceremus ex quâ tribu Virgo subsisteret. Ut ergò et nos discernere-mus, quæ esset MARIA, vel undè, et consuetudo legis permaneret immobilis, generationum catalogum usque ad sponsum ejus perduxit, ac de domo illum David esse monstravit. Tu. ꝑ. Quæ est.

LECTIO 9.

Commemoratio S. Mariæ Ravenosæ.

Octav. Cajet. ad Sanct. Siculos. Quo tempore Comes Rogerius Siciliam à Sarracenorum jugo eripere conabatur, id traditur evenisse anno millesimo octogesimo, quod pictum adhuc visitur in templo Sanctæ Mariæ Ravenosæ. Cum urbem Sarracenam acriter Rogerius oppugnaret, præ aquarum penuriâ universus exercitus laborabat: quapropter Deiparam pius Comes enixè precatus est, ut siti vexatis copiis benigna opitularetur. Nec frustra, nam eo in loco, quo ipsa Virgo, prædixerat Rogerio, erupit aquæ fons paululum effosâ terrâ, ei totus exercitus fuit sublevatus. Postea, capto oppido, Comes in tanti beneficii monumentum perpetuum Templum sanctissimæ Virginis erexit. Tu. Te Matrem.

CANON.

Ex Divo Thomâ Aquinate.

3. p. q. 27. art. 1. Sed contras.

401. Ecclesia celebrat Nativitatem Beatæ Virginis, non autem celebratur Festum in Ecclesiâ nisi pro aliquo sancto: ergò Beata Virgo in suâ Nativitate fuit sancta. Tu.

Vesperæ ut in 2. Vesp. Nat.

DIE XII. SEPT.

B. V. MARIE À NAZARETH.

*Duplex.**Non prop. ut in die Nativ. Lect. 1.**Noct. de Fer.*

IN II. NOCT.

LECTIO 3.

Gumpenberg. Imag. 205.

Non procùl à Pederneira urbe in Lusitaniâ à multis jam sæculis summa religione colitur Beatæ Virginis effigies, cui nomen à Nazareth, quòd ex illa quondam urbe sæviante Iconomacorum persecutione à quodam Syriaco Monacho in Hispanim delata sit, et in cœnobio cauliano collocata. Diù honores suos accepit usque ad invasionem Hispaniæ à Mauris: tunc enim Romanus Monachus, eâ imagine assumptâ, occidentem versus iter arripuit, et Pederneiram pervenit, ubi in Seano monte, excitato sacello, eam abscondidit. Tu. ð. Ne timeas.

LECTIO 5.

Latuit Sanctæ Deiparæ effigies usque ad Alphonsi primi tempora, quo regnante in Lusitaniâ, Fuasius Roupinus Virginissacellum squalore obsitum, et sylvis circum horrentibus absconditum invenit, dum cervos per avia, deviaque persequeretur. Tunc, eo jubente, sacellum purgatum est, ut apud vicinos in honoribus esset, et frequentibus peregrinis celebre crevit religio, et miris modis aucta est, postquàm Deiparæ placuit inaudito miraculo, quo ipsum Fuasium à morte liberavit, celebrare locum. Tu.

ð. Fundatur.

LECTIO 6.

Ad hujus miraculi memoriam Fuasius Roupinus sacellum extruxit priorè nobilius, quod stetit usque dum Rex Ferdinandus anno mille-

simo trecentesimo septuagesimo septimo justæ magnitudinis templum curaret. Hodie adhuc augustior sanctæ sedes imginis est: quæ est è ligno nec sesqui pedem excedit, colore subfusco, facie venustissimâ, et divinam quamdam modestiam præferente: JESULUM in gremio habet. Non sine miraculo est, quod cum tot sæculis duret, integra tamen et illæsa ad hæc usque tempora perseveret. Hodie dum miraculis claret, et peregrinantium affluxu celebris est. Tu.

ð. Fundamenta.

Homilia Miraris quod Nazar, ut in Duplicib. pro temp. Prægnation.

LECTIO 9.

Commemoratio B. V. M. de Slavonia.

Gumpenberg. Imag. 208.

Coriglianum Calabriæ oppidum est, ad mare situm. Ibi quidam, cui Antonius nomen, vidit nocte non multis passibus à littore Virginem sedepsem in throno, eamque audit se alloquentem in hæc formâ. Ego sum Deipara de Slavonia, et volo mihi fieri imaginem in hanc formam, ut vides, et imagini templum extrui. Profuit Calabris neglecta Antonii pietas: siquidem et iteratâ apparitione fraudum suspensiones excusæ, et Antonio plus temporis datum, quo visam imaginem melius memoriæ commendaret. Itaque Archiepiscopo Rassavensi re omni quàm fidelissimè narratâ, datum est principium imagini, dictante Antonio, nec multò post templo sua fundamenta jacta sunt. Tu. Te Matrem.

Vesperæ ut in 2. Vesper Nativ.

DIE XIII. SEPT.

DE VI. DIE INFRA OCTAVAM.

Semiduplex.

Lectio 1. Noct. de fer. Relig. ut in die Nat.

IN II. NOCT.

Sermo S. Joannis Damasceni.

Oratio 1. in Nativ. B. M. V.

LECTIO 4.

Hodiè sterilitatis portæ aperiuntur divirque porta Virginalis procedit, ex quâ et per quam, qui est super omnia Deus in orbem terræ corporali modo est ingresurus, ut Pauli arcanorum auditoris verba usurpem. Hodiè virga de radice Jesse orta est, ex quâ mundo flos divinè subsistens ascendet. Hodiè in terrâ ex terrenâ naturâ cælum, ille condidit, qui olim ex aquis firmamentum compegerat, et in altum extulerat. Ac sanè cælum istud longè illo divinius est, ac stupendum magis. Nam qui solem in illo condidit, ex hoc ipse justitiæ sol oriturus est. Tu.

¶. Ne timeas.

LECTIO 5.

Hodiè porta illa ad Orientem posita extructa est, per quam Christus ingreditur, et erit clausa porta, in quâ Christus ostium ovium, cujus nomen oriens, per quem accessum ad Patrem luminis principium habuimus. Hodiè perflarunt auræ totius orbis gaudii prænuntiæ. Lætentur cæli desupèr, terraque infrâ exultet, mundi mare commoveatur. In hoc enim concha gignitur, quæ cælitus ex divino fulgore in utero habebit, parietque pretiosissimam margaritam Christum: ex quâ rex gloriæ carnis purpurâ vestitus, ad captivos veniens, demissionem prædicabit. Tu.

¶. Fundatur.

LECTIO 6.

Exultet natura: agna enim in lucem editur, ex quâ pastor ovem induet, ac veteris mortalitatis tu-

nicas lacerabit. Choreas agat virginitas, quoniâ, ut loquitur Isaias, nata Virgo est, quæ habebit in utero, parietque filium, cujus nomen vocabitur Emmanuel, hoc est, Nobiscum Deus. Lætare Anna sterilis, quæ non paris: erumpe, et clama, quæ non parturis. Exulta Joachim, quoniam ex filiâ tuâ puer natus est nobis, et filius datus est nobis, es vocabitur nomen ejus, magni consilii, salutis universi mundi, angelus, Deus fortis. Tu.

¶. Fundamenta.

IN III. NOCT.

Lectio Sancti Evangelii secundum Matthæum.

LECTIO. 7. c. 1. 1.

Liber generationis JESU-Christi, filii David, filii Abrahami. Et reliqua.

Homilia S. Ambrosii Episcopi.

Expos. in Lucæ Ev. libr. 3.

Cum autem JOSEPH magis quàm MARIE generatio describatur, cum MARIA de Spiritu Sancto generavit Christum, et JOSEPH à generatione Domini videatur alienus, dubitare possemus, nisi consuetudo nos instrueret scripturarum, quæ semper viri originem quærit. Sic enim habes: Phares fuit Judæ principis tribus. Hic generavit Hesrom, Hesrom autem genuit Aram. Tu. ¶. Vitis.

LECTIO 8.

Noli mirari, quòd JOSEPH origo descripta est. Etenim secundum carnem natus, usum debuit sequi carnis, et qui in sæculum venit, sæculi debuit more describi, maxime cum in JOSEPH origine, origo sit MARIE. Nam cum vir justus fuerit JOSEPH, utique ex tribu suâ accepit uxorem, nec potuit justus facere contra id, quod præscriptum est. Tu. ¶. Quæst.

LECTIO 9.

Commemoratio Sanctæ MARIE in Trivio.

Spinelli Tract. in Deip.

Sub hac die Romæ fit dedicatio Sanctæ MARIE in Trivio, sic dicta à tribus præcipuis, quæ illuc coeunt viis. Dicitur etiam Sancta MARIA in synodo, ab aliquâ fortassè Synodo illic antiquitus celebratâ. Hoc templum à Gregorio decimo tertio sacro ordini Cruciferorum assignatum est. In quâdam templi hujus pariete memorabile sanè visitur excisum in lapide monumentum pœnitentiæ ob admissum scelus peractæ à Belisario Justiniani duce. Nam cum sanctum Sylverium Pontificem in exilium misisset, facti postmodum pœnituit, et erigendam in urbe Ecclesiam indè curavit. Tu. Te Matrem.

CANON.

Ex S. Bernardo Abbate.

Epistola 174. ad Canon. Lugds.

402. Fuit proculdubio Mater Domini ante sancta quàm nata. Nec fallit omninò sancta Ecclesia sanctum reputans ipsum Nativitatis ejus diem, et omni anno cum exultatione universæ terræ votiva celebritate suscipiens. Tu.

DIE XIV. SEPT.

DIVA VIRGO HALLENSIS.

Duplex.

Vesperæ ut in 2. Vesp. Nat. Psalm. de ferâ.

Lect. 1. Noct. de fer. Reliqua ut in die Nativ. Sed si transferatur officium fit de comm. pro tempor.

IN II. NOCT.

LECTIO 4.

Justus Lips. in divâ Virgine Hallensi.

Hallis in Hannoniâ tertio à Bruxellâ milliari Diva Virgo maximè

colitur. Est enim templum in eo oppido, foro imminens, eleganti satis opere: cujus ala ingredientibus sinistra sacellum habet et aram, ac super aram statuam Dèiparæ. Sacellum modicum est, ornatum à donariis et tabulis votivis habet, religionem à se, et nescio, quomodò ingredientibus ea tangit. Concursus huc olim et nunc, undique etiâ à longinquis locis, et quam latè propè modum christiani fines se tendunt. Tu.

¶. Quem me, quove loci esse dicam? Tene ergò divam cerno? *Te fruor, et datur ora tueri, quæ toties mihi contemplarier ardor. ¶. Pro quâ luce tot olim vovi ego vota.—Te fruor.

LECTIO 5.

In eâ Virginis statuâ observatur aliquid miri videri, quæ haud magna (bipedalis circitèr) et è puro et medicato ligno tot sæcula perseverat, immunis adhuc ab exitiali peste, et ab incendiis, quæ urbicula illa aliquoties sensit, cum illa diva et se, et templum suum omni vicino foro, et juxta ipsam ædem ardentibus defendit. Annales quoquè referunt aliquoties oppidum illud, nec situ nec opere munitum, tentatum ab hoste, vel clam et fraudibus, vel palam et machinis, et tutelâ præsidioque ejus stelsse invictum. Tu.

¶. Sacram pronus ad aram flecto corpus, et ipsam consecro mentem. *Suscipe et tibi deditum ò admittle clientem. ¶. Quæ magni genus es Dei, cui Deus ipse imputat genus et suam inscribit sibi Matrem.—Suscipe.

LECTIO 6.

Origo autem santissimæ Imaginis, quæ illic colitur, hæc est: Sophia filia Divæ Elizabethæ Hungariæ, fertur à Matre aliquot statuas

Beatæ Virginis accepisse, exquibus tres dedit Mattildi sorori Henrici ducis mariti sui, quæ jam moritura dispartivit, et locis suis quamque assignavit. Unam Gravescendæ Hollandæ veteris oppido: alteram Halermi asservendam in sacrario Carmelitarum: tertiam denique hanc Hallis Hannoniæ collocari voluit. Hoc evenit anno millessimo, ducentissimo sexagesimo septimo, quo Mattildis illa obiit. Tu.

¶ Qui verbo omnia condidit,
* Is sese in gremium tuum Verbum condidit, et tuâ editus alvo est. †. O mirum! Stupet hæc humus, et stupet æter.—Is.—Gloria.—Is.

IN III. NOCT.

Lectio S. Evang. secuudum Lucam.

LECTIO 7. c. 11. 21.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua.

Homilia S. Joannis Chrysostomi.
In Joan. c. 2. Hom. 20. circa
finem.

Cum audieris mulierem illam dicentem: Beatus venter qui te portavit, et ubera quæ suxisti: deinde Dominum respondentem: Quinimò beati, qui audiunt verbum Dei, et custodiunt illud, eâ sententiâ dictum existima, non quòd Matrem negligeret, sed nihil ei utilitatis matris nomen allaturum ostenderet, nisi bonitate et fide præstaret. Lect. 8. Quòd si MARLÆ nihil sine virtute maternâ charitas erat profutura, longè minùs nobis patris fratris, matris, filii bonitas, nisi aliquid nostrum afferamus. Tu.

¶ Vitis.
In nullo namque alio, nisi in solis

LECTIO 8.

suis ipsius virtutibus post divinam gratiam de salute cuiusdam sperandum est. Lect. 9. Nam si id profuturum erat per se MARLÆ, profuisset etiâ Judæis, quorum consanguineus erat Christus secundum carnem, profuisset civitati, in quâ natus est, profuisset fratribus. Atqui dum fratres rerum suarum curam habuerunt, nihil eis propinquitatis nomen profuit, sed cum reliquo mundo damnati erant. Tu. ¶. Quæ est ista.

LECTIO 9.

Commemoratio B. V. Perpinianensis de Corrego. Camòs l. 8.

c. 2.

Perpinianense Sancti Joannis templum Sacellum Deiparæ sacrum habet sub titulo de Corrego, seu vulgaritèr de Corrachs, à loco, ubi, uti fertur, ejus Imago inventa fuit jam ante Caroli magni tempora; nam in per antiquo codice de ipso hæc verba leguntur: De novo ædificavit Ecclesiam de Corrego, vel Correo sub invocatione Sanctæ MARLÆ... Et ibi fundavit Monasterium Monachorum nigrorum Sancti Benedicti. Quæ Ecclesia auctoritate Sergii secundi Papæ ab Archimico Abbate consecrata fuit anno octingentesimo quadragésimo quarto. Tu.

DIE XV. SEPT.

OCTAVA NATIVITATIS B. M. V.

Duplex majus.

Vesperæ ut in 1. Vesper. Nativit.

Oratio.

Famulis tuis, quæsumus, Domine, cœlestis gratiæ munus impertire; ut quibus beatæ Virginis partus extitit salutis exordium, Nativitatis ejus votiva solemnitas pacis tribuat incrementum. Per Dominum.

AD MATUTIN.

HIMNUS 86.

O cuncta verbo continens
 Altissimi virtus Patris,
 Quàm lapsibus suaviter
 Nostris medellam provides!

Te carne nostrâ vestiens
 Alvum subisti Virginis,
 Ut innocens pro noxiis
 Te spontè morti traderes.

Quam tu tibi delegeras
 Matrem creando prævenis,
 Cunctisque complens gratiis
 Dignam facis te Filio.

Aurora qualis lucida
 Primum præit solis jubar:
 Sic Virgo te JESU suo
 Splendore signat proximum.

Doxol. de inf. oct.

Lect. 1. Noct. ut in die Nativ.
 Dominus possedit.

IN II. NOCT.

Sermo S. Andreæ Cretensis.

Oratio 1. in Nativitat. B. M. V.

LECTIO 4.

Natalitia celebritas est hodiè, ac generis reformatio. Jam enim Virgo nascitur, lactatur, ac formatur, omnium sæculorum Deo Mater inupta præparatur: idque nobis ex Davide, cum David spiritualem indixit concentum: ut illa quidem suam, ut Dei Matris divino munere concessam proponat Nativitatem: hinc generis ostendat felicitatem, Deique cum hominibus novam maximè, atque decentem cognationem. Tu. *¶* Ne timeas.

LECTIO 5.

Nunc ergò choros ducat hodiè proba omnis ac grata anima: natura-que creata universa ad sui ipsius renovationis et reformationis gaudia convocet. Una hodiè cœlestium, terrestriumque sit communis festivitas, pariterque quidquid inferi, supernique mundi est, diem solem-

nem agat. Hodiè namque Creatoris omnium creatum delubrum ex-ædificatum fuit: ac creatura divinum Creatori novâ decentique ratione præparatur hospitium. Tu. *¶* Fundatur.

LECTIO 6.

Hodiè natura priùs è terrâ orla Deitatem primò accepit, pulvisque ad supremum gloriæ apicem excurrere contendit. Hodiè ex nobis nostri loco, Adamus primitias Deo offerens, MARIAM primitias facit, totiusque conspersio ante subacta massa, ad generis reformationem per eam, in panes formatur. Hodiè magnus virginitalis relegitur sinus, inviolatumque veræ incorruptionis margaritum, ecclesia ut sponsa induitur. Tu. *¶* Fundamenta.

IN III. NOCT.

Lectio S. Evangelii secundum Matthæum.

LECTIO 7. c. 1. 1.

Liber generationis JESU-Christi, filii David, filii Abraham. Et reliq. Homilia S. Brunonis Presbyteri.

In Nativ. B. M. V.

Audivimus in lectione evangelicâ, de quâ gente, de quâ tribu, de quâ stirpe beatissima Virgo MARIA originem duxerit; de quâ ipse Dominus et Salvator noster secundum carnem factus est, et verus homo inter homines conversatus est. Et valde quidem ad rem pertinebit, ut Evangelista hanc lineam Christi generationis tam longam composuerit, et ordinaret, quatenus sciamus non solum ex Patribus Dominus natus sit, verum etiâ undè mortem, et undè vitam habeamus. Tu. *¶* Vitis.

LECTIO 8.

Primum hujus lineæ caput est Adam, secundum verò Christus. Hæc linea incipit ab Evâ, et desinit

in MARIA. Cum enim ab eâ usque ad ipsam linea extendatur, in ipsâ tandem ille hamus ligatus et incarnatus est, per quem captus est ille Leviatam, serpens antiquus, qui est diabolus, et Satanus, ut qui per feminam in regnum intravit, per feminam de regno extraheretur. Tu. ♀. Quæ est.

LECTIO 9.

Considera modò quantas gratias debeamus beatissimæ Dei Genitrici. Considera quantis laudibus eam extollere et prædicare debeamus: si tamen dignissimus quorum laudes inter omnes creaturas pulcherrima suscipere dignetur; cujus humilitate et sapientiâ hic tantus hostis captus et ligatus et de regno, quod tanto tempore injustè possederat, ejectus est. Ipsam igitur laudemus, ipsam prædicemus, simulque ei dicamus: Benedicta tu inter mulieres, et benedictus fructus ventris tui. Tu. Te Matrem.

AD LAUDES.

HYMNUS 87. *Brev. Carducens.*

Virgo, quanta nuntias
Mundo gementi gaudia,
Dum te creantis Filii
Mater futura nasceris!

Infans supernæ prævio
Dono coruscas gratiæ:
Et quot decet refulgeas,
Tot es repleta dotibus.

Venturus in te Spiritus
Sedem sibi se consecrat,
Et dignitatis inserit
Mox nuntiandæ germina.

Virtus potens Altissimi
Suo fovet te numine,
Quo roborata verticem
Anguis dolosi conteris.

Clemens ab ortu dexterâ
Nos liberali protege,
Et nascituro pectora
Fac consecremus. Filio.

Dozol. de Octavâ.

CANON.

Ex Decreto S. Rituum Congregationis.

22. Jun. 1736. in *Einsidlen.*—
Tahu. 1029.

403. Quando dies octava Nativitatis Beatæ MARIÆ Virginis incidat in Dominicam in quâ celebrari debet Festum Sanctissimî Nominis ejusdem, nulla sit commemoratio Nativitatis. Tu.

Cum 2. Vesper.

QUAT. TEMPORA SEPTEMB.

*quæ sunt feriâ IV, VI. et Sabb.
quæ sequuntur diem decimam quartam Septembr.*

Si his diebus occurrat aliquod festum fit de eo, cum commemoratione feriæ, recitando Evangel. cum Homil. feriæ occurrentis loco nonæ Lectionis.

Si nullum occurrat festum nov. Lection, officium fit, ut in feriis cum Sequent. Homiliis.

FER. IV. QUATUOR TEMP.

Simplex.

Lectio Sancti Evangelii secundum Lucam.

LECTIO 1. 10. 38.

In illo tempore: Intravit JESUS in quoddam castellum, et mulier quædam Martha nomine excepit illum in domum suam. Et reliqua.

Homilia S. Anselmi Episcopi.

Homilia 6. in Lucam.

Licet ergò castellum aliàs malum significet, et illud de quo dictum est: ite in castellum, ubi et quod additur, quod contra vos est, planè manifestat, quid significet: tamen hoc castellum in quod intravit JESUS singularem intemeratam Virginem ejusdem JESU Genitricem, salvâ Scripturarum regulâ, per similitudinem accipimus. Castellum enim dicitur quælibet turris,

et murus in circuitu ejus. Quæ duo sese invicem defendunt, ita ut hostes per muros ab arce, et per arcem à muris arceantur. Tu. ꝑ. Dilixisti. p. 65.

LECTIO 2.

Hujusmodi castello non incongruè Virgo MARIA assimilatur, quam virginitas mentis et corporis, quasi murus ita undiquè vallavit, ut nullus unquam ad eam esset accessus, nec sensus ejus aliquà corrumperentur illecebrâ. Et quia virginitatem, cum libido non possit, solet impugnare superbia, est in eadem Virgine turris humilitatis, quæ à muro virginitatis omnem repellit superbiam. Tu.

ꝑ. Filiæ Tyri. p. 65.

LECTIO 3.

Et quia humilitatem, cum superbia non possit, solet impugnare libido, murus virginitatis à turre humilitatis omnem repellit libidinem. Itaque hæc duo, murus videlicet Virginitatis, et turris humilitatis ab alterutro muniuntur, ut nunquam in humili Virgine fuerit nec superba virginitas, nec inquinata humilitas; sed semper in eâ permanserit, et humilis virginitas, et virginalis humilitas. Tu. ꝑ. Omnis. p. 65.

Preces ad Laud.

Oratio.

Deus mœrentium consolator, et in te sperantium salus, da nobis Beatæ MARIÆ semper Virginis interventu peccata nostra deplorare, et gratiæ tuæ indulgentiam invenire. Per Domin.

Hæc oratio dicitur ad Laudes et Horas tantum. Vesperæ dicuntur ut in seriali Officio cum Oratione Dominicæ præcedentis.

FERIA VI. QUATUOR TEMP.

Simplex.

Lectio S. Evangelii secundum Joannem.

LECTIO 1. c. 19. 25.

In illo tempore: Stabant juxta crucem JESU Mater ejus et soror Matris ejus Maria Cleophæ, et Maria Magdalene. Et reliqua.

Homilia S. Joannis Chrysostomi.

Homil. 85. in Joanne.

Ipsæ crucifixus Matrem suam discipulo commendat, ut nos doceat ad extremum usque halitum, parentum curam præcipuam esse gerendam. Quando igitur Mater intempestivè accessit, dicit: quid mihi et tibi est mulier. Hic verò magnum exhibet amorem, et discipulo, quem diligebat, ipsam commendat. Tu. ꝑ. Diffusa est. p. 65.

LECTIO 2.

Matrem verò commendans dicit: Ecce filius tuus. O quantum honorem discipulo collatum! Cum enim ipse jam abiret, ipsam discipulo curandam tradit. Quia enim credibile erat ipsam, utpote Matrem dolere, et patrociniū quærere, jure illam discipulo tradit, dicens: ecce Mater tua. Hæc porro dicebat, et ipsos mutuo conjungens amore: quod cum intelligeret discipulus, ipsam in sua accepit. Tu. ꝑ. Sicut cedrus. p. 65.

LECTIO 3.

Cur autem nullam aliam memoravit mulierem, licet alia quoquæ astaret? Ut nos doceret plus tribuendum matribus esse: ut enim parentes, cum spiritualia impediunt, nec cognoscendi quidem sunt: sic cum non ea cohibent, omne debitum est ipsis præstandum, et aliis sunt anteponendi, quia nos genuerunt, educarunt, milleque multa subierunt. Sic Marcionis impudentiam reprimit. Si enim secundum carnem natus non esset, nec matrem

haberet, cur tantam de illâ solâ gerit curam? Tu. *ꝛ. Specie tuâ.*
p. 65. Preces ad Laudes.

Oratio.

Præsta, quæsumus, Omnipotens Deus, ut qui in protectione beatæ et gloriosæ semper Virginis **MARIE** confidimus, nulla neque in vitâ, neque in mortis horâ hostis tentamenta timeamus. Per Dominum.

Vesperæ ut in feriali Offic. cum Oratione Domin. præcedentis.

SABBATO QUATUOR TEMP.

Simplex.

Lectio S. Evangelii secundum Joannem.

LECTIO 1. c. 1. 1.

In principio erat Verbum, et Verbum erat apud Deum, et Deus erat Verbum. Et reliqua.

Homilia S. Joannis Damasceni.

De orthodoxâ fide. libr. 3. c. 12.
 Ipsummet Verbum factum est caro, ut conceptum quidem de Virgine fuerit, Deus verò prodierit cum assumptâ naturâ, quam deificarat, simul ac producta est. Exindè tria paritèr unâ contingerunt, nimirum, quòd assumpta sit, quòd extiterit, quòd deificata à Verbo fuerat. Tu.

ꝛ. Dilexisti. p. 65.

LECTIO 2.

Hinc fit, ut Virgo Sancta Dei Genitrix tum intelligitur, tum appelletur, non modò propter naturam Verbi, sed etiâ ob humanitatem deitate donatam, stupendo miraculo patris simul horum et conceptione et existentia. Verbi quidem conceptione, carnis verò existentia in ipso Verbo. Tu. *ꝛ. Filie Tyri.*
p. 65.

LECTIO 3.

Ipsa namque Dei Genitrix supra naturæ leges rerum omnium fictori subministrabat, undè ipse quoque

fingeretur, universorumque conditori Deo, ut assumptam humanitatem Deitate donans, homo ipse fieret, cum interim unio, quæ unita sunt, talia servaret, qualia unita essent, hoc est non divinitatem solùm, sed etiâ Christi humanitatem: nec illud solùm, quod supra nos, sed id quod nostrum est. Tu. *ꝛ. Omnis. p. 65.*

Preces ad Laudes.

Oratio.

Concede nos, quæsumus Domine, Sanctissimæ Genitricis tuæ intercessione muniri, ut quam in nostris necessitatibus assidue invocamus, apud tuam clementiam propitiâ invenire possimus. Qui vivis.

Vesperæ ut in Sabbat. Oratio de sequenti Dominica.

DIE XVI. SEPT.

In festivitâtibus temporis Infantia quæ non fuerint propria, dicuntur ut in Communi de eodem tempore, nisi aliter notetur.

B. V. M. DESERTORUM.

Duplex.

Oratio.

Deus, qui beatissimam Virginem **MARIAM** dulcissimo titulo Matris Desertorum nos venerari tribuisti ejusque intercessione tantam gratiam conferre dignatus es, ut nullus ad ejus præsidium confugiens fuerit derelictus, concede nobis famulis tuis, ut sub tantæ Matris protectione constituti, nunquàm à tuâ bonitate deseramus.

Per Dominum nostrum.

Lectiones I. Noct. de feriâ.

IN II. NOCT.

LECTIO 4.

Ex Chrysog., Balinghem et aliis.
 Valentia Edelanorum celeberrima miraculis extat Deiparæ Imago sub

duplici titulo Sanctorum Innocentium et Desertorum, quæ ab hominibus cœpta, ab angelis anno millesimoquadringentesimo decimo sexto perfecta depictaque creditur. Prius in Xenodochio locata, postea in Metropolitano templum fuit deducta, ubi in permagnifico Sacello ingenti cultu afficitur. Tu.

¶. Benedictus.

LECTIO 5.

De hac beatissimæ Virginis Imagine illud refertur planè prodigiosum: cum quis sumergitur, vel cum quis circa civitatem trucidatur, audiuntur in armario, quo illa sacrata Imago clauditur, certi ictus. Eadem miraculosè prodere consuevit locum homicidii, et quo loco sit cadaver. Tu. ¶. Dic ergò.

LECTIO 6.

Illud quoque stupendum contingit. Cum quidam ob perpetratum homicidium duceretur ad supplicium, in itinere prostravit se in genua coram Sacello in quo Imago illa asservabatur, enixè Deiparam rogans, ne se in tanto periculo constitutum desereret. Vix verba finierat, cum Imago conclusa, ex armario responsum clementiæ, quinque ictibus, qui ab universo populo auditi sunt, reddidit. Pro tanto beneficio reus ille gratias acturus Dei Matri, genua dum flectit, iteratò quinque alii ictus, uti antea, in signum confirmatæ clementiæ exauditi sunt. ¶. Pulchra.

Homilia de Comm. 2. loco.

LECTIO 9.

Commemoratio B. V. de Vineto.

Camòs libr. 2. c. 15.

Uno ab oppido Sitges milliaro in Diœcesi Barchinonensi magnificum extat templum, in quo Divæ Virginis Icon, sub titulo de Vineto, eo

quod in vineâ primùm à quodam servo Mahumetano, et postea ab ipso servo et ejus domino simul inventa, ut fertur, fuerit, mirificè colitur. Eo in loco semper Deipara exorabilis oppidanis se præbuit, tum in publicis tum in privatis ærumnis, et præcipuè in maris periculis, ut ex appensis è muro tabellis satis apparet. Imago ad duos pedes alta lignea est: sedens sinistro genu puerum sustinet, qui dexterâ manu benedicit, et lævâ pomulum servat. Tu.

Vesp. à capit. sequentis.

DIE XVII. SEPT.

D. V. MATRITENS. DE ATOCHA.

Duplex.

Oratio.

Omnipotens et misericors Deus, qui hanc Sanctissimæ Genitricis Filii tui Imaginem mirabilibus signis venerabilem nobis esse voluisti: concede propitius, ut ejusdem Beatissimæ Virginis MARIÆ patrocinio vitam et incolumitatem consequamur. Per eundem.

AD MATUTIN.

HYMNUS 88. *Petr. Canis.*

Virgo vetustis edita regibus
Regina cœli, diva potens soli,
Marisque sydus æstuosi,
Alma parens hominisque Dei.

Pias tuorum respice lacrymas,
Benigna Virgo, vota que supplicum
Audi precesque, ó christianæ,
Gloria præsidiumque gentis.

Ad te malignis confugit hostibus
Vexata: duris fracta laboribus,
Frementis et mundi procellis
Obruta; præcipientesque casus

Tot passa, vitæ totque pericula
Te clamat, unam nomine te vocat:
Ades vocata, nec clientes
Muneribus vacuos remittis.

Æterna summo gloria sit Patri

Natoque necnon Spiritui Deo
Numenque tres unum futuris
Posteritas colatusque sæctis. Amen.

Lectio. 1. Noct. de feriâ.

IN II. NOCT.

Ex Histor. B. V. de Atocha.

LECT. 4.

Sanctæ Deiparæ Imago de Atocha, priùs ab Antiochiâ dicta, quæ Matriti colitur, et divi Lucæ opus, et à Divo Petro accepta creditur, ac in Sacello, ubi nunc exurgit ejus magnificum templum, à Matritensibus locata. Ex tunc ab Hispanis semper accepit magnos honores, præsertim Gothorum tempore, ut ex Divo Hildephonso liquet. In Saracenorum vastatione inter ingentes circumjectas ruinas Ipsa stetit, veluti certum salutis et recuperandæ libertatis signum. Gratianus Ramirez, ipsâ invocata, cum paucis innumeros Mauros devicit, et templum ingressus grates Virgini acturus, sponsam et filias priùs occisas, resurrectas invenisse, et deinde sacram Iconem solemnî pompâ per urbem detulisse, fertur. Quod etiâ fecit Ramirius secundus, postquàm Matritum ad arabibus iterùm captum, recuperavit. Tu. ʒ.

LECTIO 5.

Alphonsus Sextus Deiparam de Atocha Matritensium Patronam, toto acclamante populo, nuncupavit. Carolus primus è Sacello extruxit Templum, cui cænobium Patribus Dominicanis adjunxit, quod opus ejus filius perfecit. Philippus Tertius sub suo regio jure omnia hujus Virginis accipere constituit, quæ ut sibi propria succedentes Reges semper reputarunt, et maximè Ferdinandus Septimus qui è Galliis redux, anno millesimo octingentesimo decimo quarto, hæc jura et recog-

novit et renovavit. Elizabetha tantùm quanti hanc Divam faciat, cultu qui per ipsam Deiparæ eo in templo tribuitur, muneribus verè regis, quæ ipsi incessantè offert, frequentibus invasionibus, quibus eam salutat, pluribusque aliis quotidianè mirabili pietate ostendit. Tu. ʒ.

LECTIO 6.

Miraculorum à Deiparâ per hanc ejus Imaginem patratum universus orbis fidelis testis apparet, nam Hispanorum copiæ, ipsâ duce, per quatuor mundi plagas, vel ab hostibus salvæ evaserunt, vel ad victoriam veloci pede cucurrerunt. Indè est, quòd et ovariantia eorum signa, et capta ex adversariis vexilla in de Atocha Fano ex muris gloriosè pendent. Matritensis verò urbs præsertim hujus Virginis opem milliès experta est, per ipsam evadens libera et à pestiferâ lue, et ab imminentibus ægrotationibus, et à plurimis aliis gravissimis cladibus, quibus miserè affecta non rarò fuit. Undè devotio erga eam et populi accursus ad hoc Bealæ Virginis templum quotidie crescit, Pontificibus Romanis hunc cultum approbantibus, et thesauros Ecclesiæ illud visitantibus apariantibus. Patribus Dominicanis ex eo cænobio expulsis, Presbyteri sæculares eorum locum, Reginæ gratiâ et pietate, obtinent. Tu. ʒ.

IN III. NOCT.

Lectio Sancti Evangelii secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ dixit illi: Beatus venter qui te portavit. Et reliqua.

Homilia S. Procli Ep. Cyzisi.

Habit. in Conc. Constantin. — Conc.

Ephes. p. 1. c. 1. Concil. T. V. p. 13.

Sacra Deipara MARIA in unum nos coegit. Hæc illibatæ virginitatis purus ille thesaurus, decusque et ornamentum: hæc spiritalis secundæ Adami paradisos: hæc unitarum inter se naturarum officina: hæc salutaris reconciliationis panegyris: hæc thalamus, in quo Verbum humanam carnem sibi desponsavit: hæc animatæ naturæ rubus, quem divini partus ignis non combussit: hæc verè levis illa nubes quæ super cherubim sedentem in corpore suo gestavit. Tu. 8.

LECTIO 8.

Hæc vellus mundissimum cœlesti pluviâ madens, ex quo Pastor ovem induit: hæc ancilla est et Mater, Virgo et cœlum: hæc sola pons est, per quem Deus ad hominem descendit. *Lect. 9.* Hæc admirandæ illius æconomiae tela, in qua ineffabili quodam modo admirabilis illius unionis tunica confecta est, cujus quidem textor extitit Spiritus Sanctus; nectrix virtus ex alto obumbrans; lana vetusta Adami pellis, trama impolluta Virginis caro, radius tectorius immensa gestantis gratia, artifex Verbum perauditum illapsum. Quis vidit, quis audivit talia? Tu.

LECTIO 9.

Commemoratio B. V. Malhareensis de Fonte. *Gumpenb. 439.* Inter Babiloniam et Heliopolim medio ferè loco est hortus balsami, qui irrigatur à fonte parvo, sed ubere, in quo fama est Deiparam JESUM Filium sæpè lotum. Est et ibidem lapis superquem dicitur siccas pannos, et Sacellum eo ædificatum loco quo aliquantisper Deipara habitavit. Sarraceni nunc illius Sacelli domini, habent eam

in veneratione, et lampadem accendunt. Altare quod est inibi, Deiparam exhibet ab antiquo. Beneficia de manu Virginis etiâ hodiè eo in loco recipiuntur. Tu.

Te Matrem.

Ad Bened. ant. Reges terræ venient ad te curvi, et adorabunt vestigia pedum tuorum.

CANON..

Ex Innocentio Papâ Duodecimo. *Const. Piis orth. An. 1692.—Bull. Rom. T. 9. p. 258.*

404. Ut die Sabbati Sancti singulis annis post absolutam Missam solemnem in Capellâ Regiâ Sanctæ Mariæ de Atocha Oppidi Matriensis, tres Missæ tantum juxta antiquam et memorabilem consuetudinem... celebrari possint, concedimus. Tu.

Vesper. à Capit. sequent.

DIE XVIII. SEPT.

PUDICITIÆ B. Mariæ V.

Duplex.

Non propria de Communi.

Oratio.

Omnipotens sempiterne Deus, humilitatis gratiam pectoribus nostris, quæsumus, infunde, ut qui Pudicitiam inlemeratæ Virginis recolimus, in actibus nostris tibi placere valeamus. Per Dominum.

AD MATUTIN.

HYMNUS 89. *J. Commirri.*

Virgo, cui par est nihil, aut secundum:

Omne quam terræ latus experitur
Unicè lenem: placidas pudico
Corpore mentes

Fac tui, nexu scelerum soluti,
Ut gerant: molles nec eis cupidus
Igne succendat vetito medullas,
Iraque trislis.

Da dies labi sine labe puros;
Da poli sternens iter, ad beatos

Filii amplexus, et amœna lucis
Tendere regna.

Patris ac Nati recinendo laudes,
Mutuum linguæ celebrent amorem:
Omnis et mundi plaga tres in uno
Numine adoret. Amen.

Lection. 1. Noct. de ferid.

IN II. NOCT.

Sermo S. Thomæ Arch. Valentini.

Concio 1. in festo Ann. B. M. V.

LECTIO 4.

Quæ cum audisset turbata est in sermone ejus. Ad primum autem aspectum Angeli turbata est valdè, vultusque ejus palluit præ timore. Ecce pudicitiam, ecce verecundiam. Nihil pavidius, nihil timidius virginibus castis, utpote quæ pretiosum in vase fictili sciunt se possidere thesaurum. MARIA ad Angeli aspectum erubuit, ut vos Virgines virorum fugiatis consortium. Nolo Virginem loquacem, nolo urbanam, nolo facetam; sed verecundam, tacitam, timidam, et quæ inspicere virum, aut alloqui erubescat. Tu. ¶.

LECTIO 5.

Sed nunc cætera prosequamur: plurima dixerat Angelus, longo verborum ambitu suam plenè legationem expresserat, necdum à Virgine verbum auditur. Attendite modestiam, considerate silentium. Quàm decora taciturnitas in feminâ! Quid in Virgine pulchrius quàm loquendi modestia? Non interrupt loquentem, non præcipitat responsionem; sed velox ad audiendum, tarda ad loquendum: prius patienter audit, et post modum sapienter respondet. Tu. ¶.

LECTIO 6.

Longas Angelo concessit inducias, sibi autem respondendi brevissimas methodos deslinavit. Neque prima silentium rumpit, quum de pudore fieri sermonem agnovit. Sola hæc

sollicitudo MARIE potuit superare silentium. Quomodo, inquit, fiet istud, quoniã virum non cognosco? O miram pudicitiae curam! O inæstimabilem castitatis amorem! Mater Dei ab Angelo pronuntiatur, pro suâ virginitate sollicitabatur. Deum habitura est Filium, et de suo pudore quæstionem facit; neque tanto pignore puritatis damna compensat. Tanla erat in eâ puritatis sanctimoniae dilectio. Tu.

IN III. NOCT.

Lectio S. Evang. secundum Lucam.

LECTIO 7. c. 1. 29.

In illo tempore: Cum audisset MARIA Angelum, turbata est in sermone ejus, et cogitabat qualis esset ista salutatio. Et reliqua.

Homilia S. Antonini Ep. Florentini.

In Salutatio Angel. c. 18. §. 7.

Ista turbatio fuit quidam timor. Undè dicit ibi glossa: ex verecundiâ pavet. Et alia ibi Glossa: trepidare Virginum est, et ad omnes viri affatus timere. Timor autem secundum Joannem Damascenum, reperitur in verecundiâ, quæ est timor in magnâ imaginatione, et in stupore, qui est timor ex inconsuetâ imaginatione. Tu. ¶.

Bened. Cujus pudicitiam.

LECTIO 8.

Et erubescencia quidem, seu verecundia, seu pudor, quod idem est, dicit Joannes Damascenus, quod est optima passio, et præcipuè in juvenibus et mulieribus, quia per hanc à multis se abinent. Undè Ecclesiasticus: gratia super gratiam mulier sancta et pudora. Tu. ¶.

LECTIO 9.

Cum ergo beata MARIA nullius boni caruerit, ergo et hoc scilicet verecundiam, quæ in se bona est, habuit. Non autem habuit erubescencia, in quantum erubescencia

dicatur timor de turpi, quia nihil turpe, id est, vitiosum sciebat esse in se. Sed in quantum est timor de re magnâ et inconsuetâ, quæ magis propriè dici debet admiratio vel stupor. Magna erat, et inusitata tanta laudatio in salutatione. Tu. Te Matrem.

CANON.

Ex D. Hieronymo Presbytero.

Ad Paul et Eustoch. c. 17.

405. Nunquàm Beata Virgo MARIA sine pudoris sui custode processit, et ideo si placet vobis talis ac tanta Virgo, placeat et opus virtutis, cujus vita omnium est disciplina, cujus mores instituta sunt Ecclesiarum, quæ præcellit cunctos, supereminet universis. Tu.

DIE XIX SEPT.

B. V. DE GARAZONIA.

Semiduplex.

Lecton. 1. Noct. Ferie.

IN II. NOCT.

LECTIO 4.

Gononus ad ann. 1520.

Beata Virgo Deipara sub titulo de Garazoniâ in Provincia Bigorrensi diocesis Auxitanæ colitur. Puella duodecim annorum pascebat oves patris sui, cum apparens ei Deipara, jussit ut patrem pergeret, diceretque ei, ut cives Montis-leonis moneret (unâ enim leucâ à loco illo distabat), quatenus Ecclesiam ad honorem beatæ Virginis construerent in loco, ubi apparuerat. Puella intrepidè respondit se profecturam esse, dummodò ipsa vellet gregis sui habere curam necnon sacculum suum, et panem intus positum servare. Promisit beata Virgo. Tu. ¶.

LECTIO 5.

Puella autem pergens ad Patrem,

nuntiat quæ viderat, et audierat. Qui cum esset simplex, nullâ interpositâ morâ, ivit ad consules, qui primum eum duritèr adiecerunt. Ille redit ad filiam, narratque omnia quæ acciderunt, quæ etiâ pergens ad locum, retulit Beatæ Virgini patris responsum. Sed à Deiparâ iterum eandem visionem nuntiare jussa, prius accessit ad sacculum, ut inde extraheret panem, ut deferret patri, et loco panis nigerrimi invenit panem unum albißimum, quem gestiens præ gaudio detulit patri, pater verò consulibus. Tu. ¶.

LECTIO 6.

Cum autem miraculum hoc per urbem divulgatum, venisset ad aures Parrochi, movit cives, ut crederent visioni, nec honorem sibi à beatâ Virgine oblatum refugerent. Quare processionalitèr ad locum pergentes, plantaverunt crucem, deindè ex piorum elemosinis sacellum ædificatum fuit. Post modum successu temporis insignis crevit Ecclesia, in quâ tot et tanta sunt patrata miracula circa ægrotos, ut populus, corrupto vocabulo, eam appellaverit Beatam Virginem Garazoniæ, seu Curat-ionis. Tu. ¶.

Homilia de comm. 3. Loco.

LECTIO 9.

Commemoratio B. V. de Vinovo.

Gumpemb. Imag. 446.

Vinovi in Sabaudiâ inventa fuit à quodam rustico venustissima Deiparæ Imago, quæ decretâ pompâ templo parrochiali illata est. Sed (ut solet Virgo) postero die eodem in loco reperta, iterum ac tertiò in templum transportata, iterum ac tertiò reperta, satis docuit agrum sibi placere præ vico. Itaque sanctissimæ Iconi sacellum ædificatum.

est, quod hodiè curant Patres Carmelitani. Miracula ibi non sunt infrequentia. Tu. Te Matrem.

Vesperæ de sequent.

DIE XX SEPT.

SEPTEM DOLORUM B. M. V.

Duplex 2. Classis.

IN I. VESPER.

Antiph. 1. O vos omnes qui transitis per viam, attendite et videte, si est dolor sicut dolor meus. *Psalmi ut in 1. vesper. solemnitat.*

2. Vadam ad montem myrrhæ, et ad collem thuris.

3. Cor meum conturbatum est in me, et defecit in dolore virtus mea.

4. Miseremini mei, miseremini mei, saltem vos amici mei.

5. Gemitus Matris tuæ noli oblivisci, ut perficiatur tibi gratia et benedictio.

CAPITULUM. Jerem. 8. 21.
Super contritione Filiæ populi mei contritus sum, et conturbatus, stupor obtinuit me.

HYMNUS 90. Brev. Roman.

Summe Deus clementiæ,
Septem Dolores Virginis
Plagasque JESU Filii
Fac ritè nos revolvere.

Nobis salutem conferant
Deiparæ tot lacrymæ,
Quibus lavare sufficis
Totius orbis crimina.

Sit quinque JESU vulnere
Amara contemplatio;
Sint et dolores Virginis
Æterna cunctis gaudia.

Æternus hoc donet Pater
Redemit ut quos Filius
Placatus MARIE Virginis
Ad summa ducat gaudia. Amen.

Hæc Doxol. dicitur in hymnis hujus festivitatis.

†. Ora pro nobis, Virgo dolorosissima.

†. Ut digni efficiamur promissionibus Christi.

Ad Magnificat. ant. Audierunt, quia ingemisco ego, et non est qui consoletur me: subversum est cor meum in me metipsâ, quia amaritudine plena sum. *Oratio de Laud.*

Complet. de Dominica.

AD MATUTIN.

Invitator. Septem Dolores beatissimæ Virginis recolentes: * Christum ejus Filium pro nobis in cruce mortuum, venite adoremus.

HYMNUS 91. Br. Carm.

Lacrymæ Matris profluunt,
Cordis erumpunt gemitus,
Dum Crucis orbis Conditor
Suspensus est patibulo.

Dum tot tuetur vulnera,
Rivos fluentis sanguinis,
Fossumque pectus lanceâ
Suo crucem fert pectore.

Doloris ensem sentiunt
Piæ Parentis viscera,
Cum JESUS dirè moritur,
Pro reis factus hostia.

Illi tantum compatitur,
Quod secum ferè moritur:
Nullus dolor amarior
Nam nulla proles carior.

O MARIA, Mater pia,
Spes unica fidelium,
Tuâ prece mellissimâ
Natum redde propitium.

Æternus hoc donet Pater, &c.

IN I. NOCT.

Ant. 1. Vide, Domine, quoniam tribulor: conturbatus est venter meus. *Psalmi de Dom. p. 2.*

2. Positus est hic in signum, cui contradicetur.

3. Animam tuam, Virgo sacra, doloris gladius pertransivit.

†. Regina Martyrum, ora pro nobis.

†. Quæ juxta crucem JESU constitisti.

De Lamentatione Jeremiæ Prophet.

LECTIO 1. c. 1. 2.

Plorans ploravit in nocte, et lacrymæ ejus in maxillis ejus; non est qui consoletur eam ex omnibus charis ejus: omnes amici ejus spreverunt eam, et facti sunt ei inimici.... O vos omnes, qui transitis per viam attendite, et videte si est dolor sicut dolor meus. Tu.

¶ Simeon vir justus et timoratus dixit ad MARIAM: * Tuam ipsius animam doloris gladius pertransibit. †. Ne me vocetis pulchram, sed amaram, quia amaritudine valdè replevit me Omnipotens.—Tuam.

LECTIO 2. v. 20.

Vide, Domine, quoniam tribulor, conturbatus est venter meus: subversum est cor meum in me metipsam quoniam amaritudine plena sum: foris interfecit gladius, et domi mors similis est. Audierunt, quia ingemisco ego, et non est qui consoletur me: omnes inimici mei audierunt malum meum: lætati sunt, quoniam tu fecisti: adduxisti diem consolationis, et fient similes mei. Tu.

¶ Surge, et accipe puerum, et Matrem ejus, et fuge in Ægyptum: * Et esto ibi usque dum dicam tibi. †. Vocavi filium meum ex Ægypto, ut veniat salus in Israel.—Et esto.

LECTIO 3. 2. 13

Cui comparabo te, vel cui assimilabo te, filia Jerusalem? Cui exequabo te, et consolabor te, Virgo, filia Sion? magna est enim velut mare contritio tua: quis medebitur tui?.... Plauserunt supra te manibus omnes transeuntes per viam: sibilaverunt, et moverunt caput suum super filiam Jerusalem: Hæccine est urbs, dicentes,

perfecti decoris: gaudium universæ terræ. Tu.

¶ Fili, quid fecisti nobis sic? * Ecce Pater tuus, et ego dolentes quærebatimus te. †. Quid est, quod me quærebatis? In his, quæ Patris mei sunt, oportet me esse.—Ecce.—Gloria.—Fili.

IN II. NOCT.

Ant. 1. Surge, et accipe puerum et Matrem ejus, et fuge in Ægyptum.

2. Repulsa est à pace anima mea, et oblita sum bonorum.

3. Recens natus è collo Matris pendens cum ipsa Matre fugere conatur.

†. Fasciculus myrrhæ dilectus meus mihi.

¶ Inter ubera mea commorabitur.

Serm. S. Bernardini Senensis.
Serm. de Nom. Mariæ art. 3. c. 4

LECTIO 4.

Multum siquidem dolet mater, quando audit morte terribili filium suum mori: sed maximè cruciatur, quando ante oculos suos videt filium suum vulnerari, atque occidi. Quanto ergò dolore Virgo benedicta cruciabatur, quando videbat Filium suum mortuum tantà confusione, et cruciatu, et ante oculos suos? At magna consolatio est matri, quando assistit filio morienti, et in aliquo potest subvenire illi. Sed beata Virgo in nullo potest subvenire Filio suo. Audiebat corpus ejus vulneribus laceratum, nec poterat ejus vulnera alligare, et aliquod remedium adhibere. Tu.

¶ JESUM bajulantem sibi crucem * Sequebatur beata Virgo MARIA, quæ plangebat valdè, et lamentabatur eum. ¶ JESU, Fili mi, Fili mi JESU, quis mihi tribuat,

ut moriar pro te.—Sequebatur.

LECTIO 5.

Cernebat corpus illius cruentatum, nec poterat linteo abstergere et providere. Considerabat ipsum malè tenere caput, et illud non poterat sustentare. Conspiciebat eum in cruce flentem, et lacrymas eius tergere non valebat. Prospiciebat sanguinem ejus in terram fluentem, et illum recoligere non poterat. Contemplabatur ipsam animam expirantem, et illum non poterat osculari et amplexari. Proinde dicere poterat. Mulier infelix nimis ego sum! Quandò igitur Virgo MARIA hæc omnia perspexit, et apud se de omnibus istis contulit, nunquid non summam amaritudinem habuit. Tu.

¶ Postquam venerunt in locum qui dicitur Calvariae, ibi crucifixerunt eum: * Stabat autem juxta crucem JESU Mater ejus MARIA. ¶ Plange eum, Domina, et dole super eum, sicut doleri solet Mater in morte unigeniti sui.—Stabat.

LECTIO 6.

Verè igitur amarum mare MARIA, in quo tot fluctus, et flumina amarissima intraverunt. Singula quidem circumstantia passionis quasi flumen singulum est doloris, et per consequens amaritudinis. Propterea ad eum meritò dici potest illud Threnorum: magna velut mare contritio tua. Et hoc mare per impatientiam non redundabat, sed omnia ista flumina in se per sustentiam absorbebat. Sicut mysticè scriptum est: omnia flumina inrant in mare, id est, in MARIAM, et mare non redundat, scilicet per impatientiam: redundat tamen in nos per eam mare largitatis divinæ, quia de pleitudine ejus accepimus omnes in præsenti gratiam, et in futuro gloriam. Tu.

¶ Joseph ab Arimathæa * Petiit corpus JESU, quod de cruce depositum in suo complexu Mater excepit. ¶ Dolens Sunamitis sinu et genibus suis sustinuit mortuum Filium.—Petiit.—Gloria.—Joseph.

IN III. NOCT.

Ant. 1. Remansit puer JESUS in Jerusalem, et non cognoverunt Parentes ejus.

2. Indica mihi, ubi cubes, ubi pascas in meridiè, ne vagari incipiam.

3. Noctes insomnes ducebat Virgo in lacrymis, et sollicita quærebat reperire Filium.

¶ Fuerunt mihi lacrymæ meæ panes die ac nocte.

¶ Dum dicitur mihi quotidie, ubi est Deus tuus?

Lectio S. Evangelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus, et soror Matris ejus Maria Cleôphe, et Mária Magdalene. Et reliqua.

Homilia S. Anselmi Episcopi.

De Excell. Beatæ Virg. c. 5.

Cum ad ipsam Christi passionem ventum fuisset, et ipse cruci affixus hinc ipsam Matrem suam, hinc Discipulum quem diligebat propè stantes intuitus esset, ne Matrem penitus orbatam relinqueret, ei præsentem Discipulum suo loco in Filium surrogavit: Mulier, inquit, ecce filius tuus. O commutatio! pro æterno, et incommutabili Deo parum et corruptibilem hominem: pro naturali et unico Filio servum accipit in filium. Tu.

¶ Quis tibi sensus fuit, ô Mater dolorum! * Dum Joseph Filium sindone involvit, et posuit eum in monumento. ¶ Consideratè, et vide—

te, si est dolor, sicut dolor meus.
—Dum.

Benedictio. Cujus Dolores recolimus.

LECTIO 8.

O Domina, quæ precor in te sibi succedebant, cum tam inæstimabilem commutationem ab ipso, quem super omnia diligebas, tibi fieri audiebas? Verè pertransiuit animam tuam gladius doloris, qui tibi amarior fuit omnibus cujusvis passionis corporeæ: quidquid enim crudelitatis inflictum est corporibus martyrum leve fuit, aut potius nihil comparatione tuæ passionis, quæ nimium suâ immensitate transfixit cuncta penetralia tua, tuique benignissimi cordis intima. Tu.

¶ In toto corde tuo gemitus Matris tuæ ne obliviscaris, * Ut perficiatur propitiatio, et benedictio.

† Ave princeps generosa, martyrumque prima rosa, virginumque lilium.—Ut.—Gloria.—Ut.

LECTIO 9.

Et utiquè, pia Domina, non crediderim te potuisse ullo pacto stimulos tanti cruciatus, quin vitam ammitteres, sustinere, nisi ipse spiritus vitæ, spiritus consolationis, spiritus scilicet dulcissimi Filii tui, pro quo moriente conquerebaris, tantopere torquebaris, te confortaret, te consolaretur, te intus doceret, non esse mortem eum absumentem, sed magis triumphum omnia ei subjicientem, quod in ipso fieri coram moribundo videbas. Mortuus est tamen, et ab oculis tuis te expectante sepulchro reclusus. Tu. Te Matrem.

AD LAUDES.

Et per Horas Antiphonæ.

1. Ecce positus est hic in ruinam, et in resurrectionem multorum in Israel. *Psalmi de Domin. p. 7.*

2. Fuge in Ægyptum, * et esto ibi usque dum dicam tibi.

3. Ecce pater tuus * et ego dolentes quærebarus te.

4. Exiuit JESUS bajulans sibi crucem, in eum qui dicitur calvariae locum.

5. Et inclinato capite * tradidit Spiritum.

CAPITULUM. *Jerem. 8. 21.*

Super contritione Filiae populi mei contritus sum, et contristatus, stupor obtinuit me.

HYMNUS 92. *Br. Carm.*

Mentes pungant fidelium

Dolores et suspiria,

Matris Christi dum viscera

Pœnâ torquentur asperâ.

Dum stat crucis sub stipite,

Videns pendentem Filium,

Præ spiritus angustia

Est liquefacta penitus.

Exors viri quæ concipit,

Expers doloris peperit,

Mœrens dolores pertulit,

Quos pariens non senserat.

Hoc ille justus Simeon

In spiritu prædixerat,

Amplexibus dum parvulum

Fovens piis adstringeret.

Auxit dolores Filii

Matris dolor, ut anxie

Matris dolor doloribus

Sic ingravescit Filii.

Qui MARIAM diligitis

Vos, ejus et suspiria

Et gemitus recolite

Et dira Christi vulnera.

Æternus hoc donet Pater,

Redemit, ut quos Filius

Placuit MARIE Virginis

Ad summa ducat gaudia. Amen.

† MARIA Virgo, per virtutem tot dolorum.

¶ Fac nos gaudere in regno cœlorum.

Ad Benedict. *ant.* Unus militum lanceâ latus Christi aperuit, et cor

immaculatum Virginis dirè pertransivit.

Oremus.

Oratio.

Deus in cujus passione secundum Simeonis prophetiam dulcissimam animam gloriosæ Virginis et Matris MARIE doloris gladius pertransivit: concede propitius, ut qui dolores ejus venerando recolimus passionis tuæ effectum felicem consequamur. Qui vivis.

AD PRIMAM.

Ant. Ecce positus. Capitulum. Super contr. de Laudibus.

ŷ. ŷ. br. Quæ septem Dolorum gladiis transverberata fuisti.

CANON.

Ex Decreto S. Rituum Congregationis.

18. Sept. 1814. Man. Eccl. n. 435.

406. Ad preces serenissimi Caroli Emmanuelis Sardiniae Regis statuitur, ut Dominicâ tertiâ Septembris celebretur in Ecclesiâ universali alterum Festum Dolorum Beatæ MARIE Virginis sub ritu duplici majori. Tu.

AD TERTIAM.

CAPITULUM. Thren. 1. 16. Ego plorans, et oculus meus deducens aquas: quia longè factus est à me consolator convertens animam meam.

ŷ. br. Dolor meus * Super dolorem.—Dolor.

ŷ. In me cor meum mœrens.—Super.—Gloria.—Dolor.

ŷ. Ne avertas aurem tuam.

ŷ. A singultu meo et clamoribus.

AD SEXTAM.

CAPITULUM. Jerem. 31. 16. Quiescat vox tua à ploratu, et oculi tui à lacrymis: quia est merces operi tuo, ait Dominus.

ŷ. br. Recedite à me, * Amarè flebo. Recedite. ŷ. Nolite incumbere,

ut consolemini me.—Amarè.—Gloria.—Recedite.

ŷ. Quis dabit capiti meo aquam.

ŷ. Et oculis meis fontem lacrymarum.

AD NONAM.

CAPITULUM. Thren. 2. 18. Deduc quasi torrentem lacrymas per diem, et noctem: non des requiem tibi, neque taceat pupilla oculi tui.

ŷ. br. Oppressit * Me dolor. ŷ. Oppressit.—Et facies mea intumuit à fletu.—Me.—Gloria.—Oppres-

ŷ. O vos omnes, qui transitis per viam.

ŷ. Attendite et videte, si est dolor sicut dolor meus.

IN II. VESPER.

Ant. 1. Animam tuam gladius pertransivit, quando crudelis lancea Filio jam mortuo latus aperuit. Psalmi ut in 2 Vesp. Solemn.

2. Sicut non fuit amor, sicut amor ejus; ita non fuit dolor similis dolori ejus.

3. Quem olim pariendo non habuit, milliès geminatum Filio moriente dolorem sustinuit.

4. Tantus fuit dolor Virginis, ut si in omnes creaturas, quæ pati possunt, divideretur, omnes subito interirent.

5. O mater! tecum pati labores, tecum mori desidero, septem tuos Dolores dum plango, dum considero.

Capitulum de Laudib.

HYMNUS 93. Mærkel.

MARIA septem tangitur Pectus tuum mucronibus, Sed mille pœnis angitur, Et mille punctionibus.

Quæ Simeon præsagiens! O! quæ doloris spicula! Quæ figit infans vagiens Inter fugæ pericula!

Quando tibi non cernitur
Tribus diebus pusio;
Quando crucis substernitur,
Quæ plaga, quæ confusio!

Ejus cruenta passio,
Ejus tibi suspendium,
Amoris est compassio,
Doloris est incendium.

Cordis tui languoribus
Exangue corpus stringitur;
Et fletuum liquoribus
Lapis sepulchri tingitur.

O Virgo Mater unica
Vitalis instar muneris,
Cordi meo communica
Tanti doloris funeris.
Et tu beata Trinitas
Fac, ut fruatur favoribus,
Quos indidit Divinitas
Matris meæ doloribus. Amen.

†. Sit nobis vita mors Filii Dei
Patris.

¶. Prece devotâ suæ piissimæ
Matris.

Ad Magnificat. *ant.* Virgo Mater
Christi, quæ juxta crucem invicto
animo adstitisti, præparata mori
cum Filio, Deum redde nobis tuis
precibus placatum.

DIE XXI. SEPT.

B. M. V. DE REMEDIO.

Duplex.

Oratio.

Omnipotens Sempiternæ Deus,
qui per beatissimam Virginem MA-
RIAM remedium omnibus malis ap-
posuisti: concede propitius, ut qui
eam sub titulo de remedio colimus,
ab omnibus semper eruamur adver-
sis. Per Dom.

Lectio. 1. Noct. de Scripturâ.

IN II. NOCT.

Ex Verbis Idiotæ viri sanctissimi
in contemplatione de B. V. M.

LECTIO 4. c. 4.

Inter omnia opera æterni Opificis,

post operationem illam, quâ natu-
ræ nostræ unitus est Filius tuus,
speciale opus fuisti, ô beatissima
Virgo MARIA. Qui ad hoc te fe-
cit, ut quod de primo opificio fue-
rat deformatam, per te reformaretur.
Hic enim summus Opifex pri-
mò condiderat angelicam naturam,
quæ in parte ceciderat, et huma-
nam, quæ corrupta erat: et cor-
poream inferiorem, quæ peccato
hominis fuerat deterior effecta.
Tu. ¶.

LECTIO 5.

Sed ad hæc omnia fecit te Deus,
Virgo MARIA Sanctissimam, ut ex
tuo super benedicto fructu angeli-
ca natura repararetur, humana
renovaretur, inferior à servitute li-
beraretur. Ædificavit ergò Ange-
lis te reginam; hominibus medi-
cinam; creaturæ inferiori liberta-
tem. Ideo dicitur: sapientia ædi-
ficavit sibi domum, id est, te Vir-
ginem MARIAM; ut in te habita-
ret per humanæ naturæ assump-
tionem. Tu. ¶.

LECTIO 6.

Et non solum tibi ipsi soli te fecit;
sed te Angelis dedit in instauratio-
nem, hominibus et nostræ naturæ
in reparationem, inferiori creatu-
ræ in liberationem, sibi in matrem,
dæmonibus in hostem, detentis in
limbo in ereptionem. Nam in prin-
cipio, cum ceciderant angeli, na-
tura erat corrupta, Deus offensus,
et diabolus victor. Sed per te, ô
super benedicta Virgo MARIA, in-
nocentia reparatur, vita angelica
reducitur, Deus homini pacifica-
tur, et unitur, diabolus vincitur,
et conteritur, quia de te scribitur:
ipsa conteret caput tuum. Tu. ¶.
Homil. de Comm. pro duphcbus.

LECTIO 9.

Commemoratio B. V. de Acrenâ.

Gumpenberg. Atlas Marian. Imag.
456.

Acrenæ in Hannoniâ Deiparæ sacra Imago cõlitur, quæ è quercu est, tres pedes alta. Sedet Mater et JESULUM in gremio gestat. Clarescere hæc statua cœpit, primum pro lapsione turris; quando inter acervos lapidum et rudera dejecta mollis illæsa omninò reperta est Imago. Alterum quod hæc ipsa statua è naribus pròdigiosisimum sanguinem emiseric, nunquàm auditò miraculo, qui in lip-sanarium collectus, multis deindè etiàm remedium fuit. Exindè jam ab illis temporibus ad hunc usque diem in ejus altare concursus, et miraculorum patratio. Tu. Te Matrem.

CANON.

Ex Alexandro Papà Septimo.

Const 55. Exponi nobis. an 1655.

Tom. VI p. 4. pag. 66.

407. Privilegia, gratias et indulta Confraternitatis Beatæ Virginis de Remedio nuncupatæ à Prædecessoribus nostris concessa... apostolicâ auctoritate tenore præsentium approbamus, et confirmamus. Tu.

Cum 2. vesper.

DIE XXII. SEPT.

D. V. VALENCENENSIS DE BONA SPE.

Semiduplex.

Lect. prim. Noct. de Feriâ.

IN II. NOCT.

LECTIO 4.

Ex Gumpenb. Imago 156.

Non longè ab urbe Hannoniæ Valencenis situm est templum beatæ Virginis de Bonâ spe, concursu peregrinorum et miraculis celebre. Tantæ pietati hæc fuit origo anno millesimo sexentesimo vigesimo quinto. Non habentes studentes è

societate JESU, ut alibi, ullam ambulationem, quæ adsacellum quodpiam Deiparæ duceret, de loco consilium ineunt, quo Virgo à deambulantibus post hac visitaretur, maximè postquàm unus statuum produxit Foyensi parem. Sed non diù quærentibus quercus obiecta oculis est, ad quàm per amplam perveniebatur planitiem. Tu. ¶.

LECTIO 5.

Illi igitur, decurso protinus campo, locum in quercu statuæ parant, ablato cum ramentis cortice, tum è comportatis arborum vicinarum habitationem construunt, sacello non absimilem, tum etiàm et candelas sanctæ imagini accendunt, et nonnulla, quæ secum attulerunt, ornamenta addunt; et quia magna sperabant, Matrem bonæ spei terque quaterque inclamant, laboremque dimidii diei precationibus Virgini gratis concludunt. Tu. ¶.

LECTIO 6.

Accrescente deindè in Virginem cultu, jucundum fuit Duci Arschotano suo in cespite hæc fieri. Templum itaque suo ære (quanquàm et urbs de suo dedit) molitus est, mole non grandi, sed quod deindè Carmelitanorum cœnobio auctum est. Nocuerunt non parùm loco bella superis inimica (et præcipuè Gallicana revolutio, quæ ferè omninò Sacellum destruxit). Constat sibi tamen adhuc cum famâ miraculorum sacer locus. Tu. ¶.

IN III. NOCT.

Lectio S. Evang. secundum Lucam.

LECTIO. 7. c. 11. 27.

In illo tempore: loquente JESU ad turbas, extollens vocem quadam mulier de turba, dixit illi: Beatus venter qui te portavit. Et reliqua.

Homilia S. Bernardi Abb.

In meditat. super Salve Regin.

Sub tuo regimine, Domina, volo de cætero militare. Me totalitèr dominationi tuæ committo, ut plenariè me regas, nihil meæ insipientiæ dimittens de meo regimine. Quidquid enim mihi demisseris, noveris miserimè destruendum. Sed cum plenus sim miseriâ à vertice usque ad pedum plantas, et pulrefactus, fœtorem gravem et horrorem quomodò dignaberis regere tam nobilis creatura? Quia tu es Regina misericordiæ. Et qui sunt misericordiæ subditi nisi miseri? Multùm es sollicita de miseris, hos in tuos filios adopta, hos regere, Domina, voluisti: et ideò Regina misericordiæ vocaris. Tu. *¶*

LECTIO 8.

O Domina, quæ rapis corda hominum dulcore, nonne cor meum, Domina, rapuisti? Ubi quæso posuisti illud, ut ipsum valeam invenire? O raptrix cordium! quando mihi restitues cor meum? Quare sic corda simplicium rapis? Quare violentiam facis amicis? Nunquid ipsum semper vis tenere? Cum illud postulo, mihi arrides: et statim tuâ dulcedine consopitus quiesco. Cum in me reversus iterum illud postulo, me complecteris dulcissima, et statim inebrior tui amore: tunc cor meum non discerno à tuo, nec aliud scio petere nisi tuum. Tu. *¶*

LECTIO 9.

Sed ex quo est cor meum tuo dulcore sic inebriatum, gubernam illud cum tuo, et in sanguine agni conserva, et in latere Filii colloca: tunc assequar quod intendo, et possidebo quod spero, quia tu es Spes nostra. Sperent ergò in te, qui noverunt nomen tuum, quoniam non derelinquisti quærentes te, Domina. Certè qui sperant in te, mutabant fortitudinem: assument pen-

nas ut aquilæ, volabunt et non deficient. Quis non sperabit in te, qui etiàm adjuvas desperatos? Non dubito, quod si ad te venerimus, habebimus quod volumus. In te ergò speret, qui desperat: qui deficit ad te currat. Tu. Te Matrem.

Vesperæ de sequent.

DIE XXIII. SEPT.

B. M. V. SUB TITULO STELLÆ MARIS.

Duplex.

Ad Vesp. ad Laud. et ad Prim. dicitur sequens

CAPITULUM. *Ecc. 50. 6.*

Quasi stella matutina in medio nebulæ et quasi luna plena in diebus suis lucet.

HYMNUS 94.

Clairè.

Ave Maris Stella,
Summi Regis aula,
Digna Dei Mater
Manens Virgo semper.

Sumens illud Ave
Pignus sortis novæ,
Imple pacis omen
Mutans Evæ nomen.

Solve culpæ vincla,
Longè fac pericla,
Mala procùl arce
Bona cuncta posce.

Esto nobis Mater,
Quibus Christus Frater,
Pro nobis dignatus
Tuus esse natus.

Virgo singularis,
Dulcis fons amoris,
Nos culpis solutos
Miles fac et castos.

Vitam præsta puram,
Gere nostri curam,
Cælo fac donemur,
Tecum fac lætemur.

Patri sit et Nato
Cum Spiritu Sancto
Unum laudis munus

Tribus honor unus. Amen.

Ad Magnif. ant. Ipsa est præclara et eximia stella super hoc mare magnum et spatiosum sublimata; micans meritis, illustrans exemplis.

Oratio.

Omnipotens sempiterne Deus, qui gloriosissimam Filii tui Matrem super hujus mundi spatiosum mare velut Stellam fulgidam sublimasti: præsta quæsumus, ut ipsam fidelitèr sequentes ad æternum paradisi portum perducamur. Per eundem Domin.

AD MATUTIN.

HYMNUS 93. *Joan. Houdem.*

Respiret naufragus in mundi pelago:

Tranquilat pelagum MARIA naufrago:

Hoc mare turbidum nautis elucida-
t, Per hanc fit lucidum, quod Eva
turbida.

Trans fretum navigat fretus remigio,

Securo remigat nauta navigio,
Si navis frangitur, hoc est confugium:

Ad hanc si fugitur, non fit naufragium.

Ad hanc qui pungitur respectans anguium,

Ultrà non angitur viru pungentium:
Ad hanc si respicit, qui mari mergitur,

Per hanc emerserit, ab hac respicitur.

O Sydus oriens, ut solem parias,
O Solem pariens, per quem tu radias:

O Mater Numinis, quod servis superat,

O Mater Hominis qui ventis imperat.

Nos apud Filium reos consilia,
Reis consilium da regis filia,
Ut trahat homines ad se dux Virginum,

Clamat ad Virginem gemens cor hominum. Amen.

Lection. 1. Noct. ut in Domin. X. Infantiae. p. 67.

IN II. NOCT.

Sermo S. Antonini Arch. Florentini.

Sermo in Epiph. Dom. §. 2.

LECTIO 4.

Orietur Stella ex Jacob, id est, Virgo MARIA ex illo Patriarchâ, et populo Judæorum ab eo originem habente. Et qualis sit ista Stella, seu cui similis declarat Ecclesia ad ejus venerationem sæpè decantans: ave maris Stella. Stella autem maris ideò maris stella dicitur, quia dirigit navigantes per mare aspicientes ad eam, et sine ductu ejus de facili homines submergerentur. Tu. ð.

LECTIO 5.

Ex hac autem Stellâ radius ad nos diffunditur misericordiæ et bonitatis. Bonum, ut dicit Dionyssius, est suipsius diffusivum, et communicativum, et quia ipsa super omnes creaturas bona, ideò bonitatem suæ misericordiæ, et beneficiorum ad nos effundit. Ad hanc igitur Stellam oportet aspicere, et effectum bonitatis ejus et misericordiæ humiliter implorare. Tu. ð.

LECTIO 6.

Undè Fulbertus in Sermonem. Oportet omnes Christicolæ per mare hujus sæculi navigantes attendere ad stellam maris. Hoc si quis ageret, non jactabitur vanæ gloriæ vento, nec tribulationum scopulis allidetur, nec scyllæ voluptatum voragine absorbebitur, sed ad portum salutis tutus perveniet. Ipsa enim humilima, ipsa patiens, ipsa virgo purissima, ut imitemur ejus vestigia, et percipiamus ejus misericordiæ suffragia. Tu. ð.

IN III. NOCT.

Lectio S. Evangelii secundum
Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem, cui nomen Nazareth, ad Virginem desponsatam viro. Et reliqua.

Homilia S. Bonaventuræ Ep.

Specul. beatæ V. Lect. 3.

Considerandum est, quòd MARIA interpretatur Stella maris. Hoc optimè convenit MARIE, quæ gerit officium Stellæ marinæ. Legitur enim et verum est, nautarum mos est, ut cum in aliquam terram navigare disponunt, unum sydus eligunt, cuius signo luce radiante, in eam, quam desiderant, partem, possunt sine errore adduci. Tale certè officium est Stellæ nostræ MARIE, quæ navigantes per mare mundi in navi innocentiae, vel poenitentiae dirigit ad littus coelestis patriæ. Tu. 8.

LECTIO 8.

Propter hoc benè Innocentius ait sic: Quibus auxiliis possunt naves inter tot pericula pertransire usque ad littus patriæ? Certè, inquit, per duo, scilicet per lignum, et stellam: idest, per fidem crucis, et per virtutem lucis, quam peperit nobis MARIA maris Stella. (*Lect. 9.*) Benè autem MARIA Stellæ maris comparatur propter puritatem, propter radiositatem, et propter utilitatem. MARIA enim est Stella purissima, Stella radiosissima, et Stella utilissima. MARIA est Stella purissima, purissimè vivendo: MARIA est Stella radiosissima, radium æternum pariendo: Et MARIA est Stella utilissima, ad littus patriæ dirigendo. Tu. 8.

LECTIO 9.

Commemoratio B. Virginis Vulneratæ.

Gumperberg. imag. 589.

In oppido Montani in Germaniâ inferiori quidam hæreticus ausus est Deiparæ sacram statuam ferire. E vulnere, ut solet, mox sanguis erupit. Factus indè catholicorum accursus supplicum et vota ferentium, sperantiumque quoquè Deiparam Virginem, ubi sparsisset sanguinem, sparsuramquoque beneficia. Neque spe suâ frustrati abiere, siquidem admodum sacro, et miraculoso sanguine quàm plurimi cæci, surdi, claudi, et qui aliis vitiis et morbis laborarunt, sanati sunt. Tu. Te Matrem.

AD LAUDES.

HYMNUS 96. *L. Massorilla.*

Da Parens plebi veniam petenti,
Gaudium mœstis, miseris juvamen,
Naufragis portum, medicamen
ægris,

Præmia justis.

Dum peragramus fragili carinâ
Hoc fretum crebris resonans procellis,

Dirige ad tutos Cynosura fulgens

Carbasa portus.

Non timet scyllæ rabiem cruentam,

Non minas torvæ metuit charybdis,
Salva sed transit vada salsa puppis

Te duce nostrâ.

Sit decus summo sine fine Christo,
Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

Ad Benedict. ant. Ipsa est Stella præfulgens, cuius splendor universum orbem illuminat, et calefaciens magis mentes, quàm corpora, fovet virtutes et excoguit vitia.

Vesperæ de sequenti.

DIE XXIV. SEPT.

B. M. V. DE MERCEDE.

Duplex majus.

*In utrisque Vesper. in Laud. et
Prim. dicitur sequens*

CAPITULUM. *Isai. 61. 1.*

Spiritus Domini super me, ut mēderer contritis corde, et prādicārem captivis indulgentiam, et clausis aperitionem.

HYMNUS 97. *Ex offic. ord. de Merc.*
Dei Mater Virgo,

Absque casu stella,
Pulchra tanquā luna,
Utque Sol electa.

Nostras audi preces
Tu, quæ captivorum
Miserata quesius,
Conteris catenas.

O ter fausta dies,
Quæ conspectu tuo
Sedulū pro votis
Recreasti Petrum!

O nimis profundus
Charitalis ardor!
Sic à culpā solve
Quos à jugo solvis.

Agit iste grates
Ordo, quem benignā
Voce demonstrasti
Consecrandam tibi.

Tu, divina Parens
Gnatos reple zelo,
Ut corde sequamur,
Ore quod vovemus.

Ei laus, qui simplex,
Personisque trinus,
Contulit MARIAM.

Nobis in Parentem. Amen.

Ad. Magnific. Ant. Audite, confines Sion: adduxit enim mihi Deus luctum magnum: vidi enim captivitatem populi mei, filiorum, et filiarum mearum.

Oratio.

Deus qui per gloriosissimam filii tui Matrem ad liberandos Christi fideles à potestate paganorum, novā Ecclesiam tuam prole amplificare dignatus es: præsta, quæ-

sumus, ut quam piè venerāmur tanti operis Institutricem, ejus pariter meritis et intercessione à peccatis omnibus, et à captivitate dæmonis liberemur. Per eundem.

AD MATUTINUM.

Idvitor. Laudemus Deum nostrum * In veneratione Beatæ Virginis MARIE de Mercede.

HYMNUS 98. *Ex offic. Ord. de Merc.*
Electa proles maximam

Tuam Parentem dicito:
Per quam fideles eximis
Ab impiorum nexibus.

Videndo Mater optima
Gementium discrimina,
Tribus revelat testibus
Istum pietatis ordinem.

Dignatur indè sumere
Viris ab istis unicum,
Qui à servitute proximum
Se mancipando vindicet.

Captivitatis vincula
Soluta sunt per Virginem:
Ejus sub aras gloriam
Gentes redemptæ plaudite.

Par est, alumni, gratias
Honoris illi pendere,
Quæ nos jubet pro fratribus
Nodos subire barbaros.

Sit laus Patri cum Filio
Qui nos redemit perditos,
Tibique, Sancte Spiritus,
Laus sit per omne sæculum. Amen.

IN I. NOCT.

De Baruch Prophetâ.

LECTIO 1. c. 4. 9.

Audite confines Sion, adduxit enim mihi Deus luctum magnum: vidi enim captivitatem populi mei, filiorum meorum, et filiarum quam superduxit illis Æternus. Nutrivi enim illos cum jucunditate: dimissi autem illos cum fletu et luctu. Nemo gaudeat super me viduam et dosalutam: à multis derelicta sum propter peccata filiorum meorum,

quia declinaverunt à lege Dei. Tu.

¶. Animæquior esto populus Dei, memorabilis Israel : * Venundati estis gentibus non in perditionem. †. Beata Virgo MARIA liberabit te in fortitudine brachii sui.—Venundati.

LECTIO 2.

Adduxit enim super illos gentem de longinquo, gentem improbam, et alterius linguæ: qui non sunt reveriti senem, neque puerorum miserti sunt, et abduxerunt dilectos viduæ, et à filiis unicam desolaverunt. Ego autem quid possum adjuvare vos? Qui enim adduxit super vos mala, ipse vos eripiet de manibus inimicorum vestrorum. Tu.

¶. Dilecti mei ambulaverunt vias asperas: ducti sunt enim ut grex direptus ab inimicis: * Animæquiores estote filii, et proclamate ad Dominum. †. Spiritus Domini super me, ut prædicem captivis redemptionem—Animæquiores.

LECTIO 3.

Animæquiores estote filii, et clamate ad Dominum, et eripiet vos de manu principum inimicorum. Ego enim speravi in æternum salutem vestram: et venit mihi gaudium à sancto super misericordiâ, quæ veniet vobis ab æterno salutari nostro. Emisi enim vos cum luctu, et ploratu: reducet autem vos mihi Dominus cum gaudio et jucunditate in sempiternum. Tu.

¶. Exierunt abs te pedibus ducti filii tui ab inimicis: * Adducet autem illos Dominus ad te portatos in honore sicut filios regis. †. Venientes venient cum exultatione portantes manipulos suos.—Adducet.—Gloria.—Adduc.

IN II. NOCT.

Ex Brev. Roman. sub. hâc. die.

LECTIO 4.

Quo tempore major feliciorque

Hispaniarum pars diro Sarracenorum opprimebatur iugo, innumérique fideles sub immani servitute, maximo cum periculo Christianæ fidei abjurandæ, amittendæ que salutis æternæ, infeliciter detinebantur, beatissima cælorum Regina tot tantisque benigniter occurrens malis, nimiam charitatem suam in iis redimendis ostendit. Nam Sancto Petro Nolasco::: ipsa-met beatissima Virgo serenâ fronte se conspiciendam dedit, et acceptissimum sibi ac unigenito suo Filio fore dixit, si suum in honorem institueretur ordo religiosorum, quibus cura incumberet captivos è turcarum tyrannide liberandi.... Tu.

¶. Exurge Jerusalem, et vide collectos filios tuos, * In verbo sancto gaudentes Dei memoriâ. †. In convertendo Dominus captivitatem Sion, facti sumus sicut consolati.—In verbo.

LECTIO 5.

Et ipsâ nocte eadem Virgo Sanctissima beato Raymundo de Pegnasfort, et Jacobo Aragoniæ regi apparuit, idipsum de religiosis instituendis admonens, suadensque, ut opem pro constructione tanti operis ferent. Petrus autem statim ad Raymundi pedes, qui ipsi erat à sacris confessionibus advolans, ei rem omnem aperit, quem etiâ cælitis instructum reperit, ejusque directioni se humillimè subiecit. At superveniens Jacobus Rex, quam et ipse acceperat à beatissimâ Virgine revelationem, exsequi statuit. Unde collatis inter se consiliis, et consentientibus animis, in honorem ejusdem Virginis Matris ordinem instituere aggressi sunt sub invocatione Sanctæ MARIE de Mercede Redemptionis Captivorum. Tu.

¶. Euntes in captivitatem ibant et flebant mittentes semina sua: * Verientes autem venient cum exultatione portantes manipulos suos.

‡. Converte, Domina, captivitatem nostram, sicut torrens in austro.—Venientes.

LECTIO 3.

Die igitur decimâ augusti anno Domini millesimo ducesimo decimo octavo, rex idem Jacobus eam Institutionem jam pridem ab iisdem sanctis viris conceptam exequi statuit, sodalibus quarto voto adstrictis manendi in pignus sub paganorum potestate, si pro Christianorum liberatione opus fuerit. Quibus rex ipse arma sua regia in pectore deferre concessit, et à Gregorio nono illud tam præcellentis erga proximum caritatis Institutum et Religionem confirmari curavit. Sed et ipse Deus per Virginem Matrem incrementum dedit, ut talis institutio celerius ac felicius totum per orbem divulgaretur..... Ut autem tanti beneficii et Institutionis debitæ Deo et Virgini Matri referantur gratiæ, Sedes apostolica hanc peculiarem Festivitatem celebrari, et officium recitari indulsit, cum alia ferè innumera eidem ordini privilegia paritèr contulisset. Tu.

¶. Etiam si abducti fueritis ad extrema terræ, * Indè ego congregabò vos, et reducam in locum quem elegi. ‡. Salva nos, Domina nostra, Virgo MARIA, et congrega nos de nationibus.—Indè.—Gloria.—Indè.

IN III. NOCT.

Lectio S. Evangelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus, et soror

Matris ejus, Maria Cleophæ, et Maria Magdalene. Et reliqua.

Homilia D. Thomæ Arch. Valentini.

Concio de Rogation.

Naturalis infantium mos est, quotiès ab aliquo læduntur, ad matres suas statim fugere, et sub earum palio se abscondere, ab eisque favorem et præsidium implorare. Infantes sumus in hac vilâ et parvuli, omnia perturbant nos, omnia nos consternat et deterrent, et sæpè more puerorum formidamus timore, ubi non est timor. (Lect 8.) Si qua ergò tribulatio, si qua præsura, si perturbatio, aut pavor occurrit, statim ad Virginem sacram omnes fugiamus. Illa unicum præsidium nostrum, unicum refugium, unicum solatium nostrum. Tu.

¶. Eslo Redemptrix nostra, Virgo sacrata, ab infernalis servitutis jugo, * Atque tuâ virtute dissolve catenas peccatorum nostrorum. ‡. Da nobis libertatis gratiam contra dæmonis jura.—Atque.

LECTIO 8.

Quia ad te, Virgo, clamamus, ad te suspiramus exules filii Evæ, gementes et flentes. Eja ergò advocata nostra, illos tuos misericordes oculos ad nos converte. Leva in circuitu oculos tuos et vide: omnes isti congregati sunt, venerunt tibi. (Lect. 9.) Omnes favorem tuum requirimus, omnes favorem tuum imploramus. Tu es refugium nostrum à tribulatione, quæ circumdedit nos: exultatio nostra, erue nos à circumdantibus nos. Filii parvuli ac timidi ad te confugimus. Monstra te esse Matrem, sumat per te preces, qui pro nobis natus, tulit esse tuus. O virgo, si tu nos despicias, quis nos respiciet? Si tu nos projicias, quis nos defendet? Si tu abjicias, ad quem ibimus? ad quem

respiciemus? ad quem confugiemus? Tu.

R. Beata, es, MARIA, Dei genitrix, Patrona, et auxiliatrix nostra:
* Cujus nutu hæc tua ad fidelium redemptionem instituta est Religio.
†. Tuâ sanctâ intercessionem adjuva nos, Virgo immaculata.—Cujus.
—Gloria.—Cujus.

LECTIO 9.

Commemoratio B. Virginis de Najara.

Gumpenb. Imag. 389.

Sub annum millesimum quadragessimum octavum Garcia Navarra Rex instituit ordinem Equestrem beatæ MARIE de Lilio. Origo hujus Ordinis est Imago Deiparæ quæ apud Najaram anno prædicto reperta est, quæ ex lilio albo progrediebatur, Filiumque JESUM gestabat in ulnis. Hæc Deiparæ Imago primum miraculum in ipso Rege operata est, siquidem æger Rex, ut primum templum vocit eo loco struendam, ubi hæc Imago inventa erat, convaluit: votique reus templum magnificum extruxit, et ordinem hunc militarem instituit. Tu. Te Matrem.

Ad Laud. et ad Prim. Capit. Spiritus Domini. ut in 1. Vesp.

CANON.

Ex Decreto S. Rituum Congregationis.

18 Febr. 1696.—Talu. 1438.

408. Extenditur ad Ecclesiam universalem Festum Beatæ MARIE Virginis de Mercede celebrandum die vigesimâ quartâ Septembris sub ritu duplici de præcepto cum oratione propriâ ac lectionibus secundæ Nocturni. Tu.

HIMNUS 99. *De offic. ord. de Gaude propago candida, Merc. Quam Mater alma Numinis Perfectionis ultimum*

Oplare jussit verticem.

Haud illa major caritas,
Quam pro salute proximi
Vitam suam profundere
Divina dixit veritas.

Est morte pejor servitus,
Quæ à barbaris impenditur:
Istam subire Virgini
Jurata nos cogit fides.

O vera Christe caritas,
Incende amore pectora,
Dissolve cordis vincula
Rumpens catenas tartari.

Da servitulem liberam
Omnes tibi persolvore,
Matrique sacros tuæ
Vitam beatam ducere.

Sit laus Patri cum Filio
Qui nos redemit perditos,
Tibique, Sancte Spiritus,
Laus sit per omne sæculorum. Am.

Ad Benedict. ant. Domina et Mater Dei Israel visitavit et fecit redemptionem captivorum, et erexit cornu salutis nostræ.

In II. Vesper. Capitul. et Hymn. ut in I.

Ad Magnif. ant. Sicut viderunt captivitatem vestram vicini Sion, sic videbunt salutem vestram, quæ superveniet vobis cum honore magno,

DIE XXVI. SEPT.

DIE VIRG. ANNICIENSIS.

Duplex.

Ad Magn. ant. Nō caveas crimen, caveas contingere limen: nam Regina poli vult sine sorde coli.

Lect. 1. Noct. de fer.

IN II. NOCT.

LECTIO 8.

Gumpenberg. atl. mar. imag. 9. Templum beatæ Virginis Anniciensis per cursum cervi super nivem miraculosè delapsam designatam,

anno ducentesimo vigesimo primo ædificatum fuit. Creditur quoque ab angelis dedicatum; nam Sancto Evodio Episcopo, et Sancto Satorio Romam Annicio ituris pro licentiâ dedicationis faciendæ, vixque quartam leucæ partem urbe Annicio egressis, obvii fuere venerabiles duo senes, qui se delegatos à Calixto Summo Pontifice ajebant, iussusque utrique nuntiare Templum Deiparæ jam ab angelis accepisse suam consecrationem. Tu. ꝑ.

LECTIO 5.

Beatæ Virginis Statua, quæ ibi colitur ex antiquâ traditione à Jeremiâ Prophetâ Ægyptiis relicta creditur, qui eam diu in adytis et templis religiose custoditam, postea ad musæa Regum Ptolomæorum transtulerunt, et ut credibile est, è musæis templis Christianorum importata, sæculis aliquot cultum, quem merebatur, accepit. Dum tandem excissâ cum templis Christi fide, iterum vel abjecta, vel abscondita inter paganos sæculis aliquot latelet, expectaretque Sancti Ludovici Regis Galliæ, cui destinabatur, in illas terras cum exercitu adventum, cui pro spolio et tam periculosi itineris præsidio esset. Tu. ꝑ.

LECTIO 6.

Qui Rex anno millesimo ducentesimo quinquagesimo tertio ex Oriente redux, ad Annicium cum statuâ ingressus, Numini pro reditu utcumque felici gratias egit, statimque in templo religiose deposuit. Prius in eâ Basilicâ colebatur alia Virginis statua manu alterâ puerum JESUM, alterâ sceptrum tenentis, in cujus locum, ubi hæc successit, auctum unâ cum cultu etiâ templum est, ita ut hodiè inter thesauros, et cimelia Galliæ habeatur. Tu.

IN III. NOCT.

Lectio Sancti Evangelii secundum Lucam.

LECTIO 7. c. 1. 46.

In illo tempore; Cum audisset MARIA salutationem Elizabeth, exclamavit dicens: Magnificat anima mea Dominum. Et reliqua.

Homilia S. Antiochi Monachi.

Homilia 21 de Virginitate.

Ex quo tempore Dominus noster JESUS-Christus Dei Filius suâ solius erga nos benignitate ex utero voluit Sanctæ et intemeratæ Deiparæ semper Virginis MARIÆ suo nos adventu inclarescere, simulque vires sugessit quibus oblectemur Diabolo: faciliè deinceps sit virtutem perficere virginitatis, modo is ex animo velit, ut ardua sit functio virtutis istius: sed et quæ bonis toto pectore Deum diligentibus per repromissionem reposita sunt, nulli obscurum longè esse præstantiora. Tu. ꝑ.

LECTIO 8.

Nulli tamen possibile ad tantæ virtutis pertingere fastigium nisi præsidio juvetur et erga Deum charitatis, et animi de se quam modestissimè sentientis juxta testimonium Deiparæ, omni laudum genere celeberrimæ, nulli obnoxia vitio, sed gloriâ omni dignissimæ in hunc modum emodulantis: Magnificat anima mea Dominum, et exultavit Spiritus meus in Deo salutari meo: cum enim per hanc sabindicet suam erga Deum charitatem. (Lect. 9.). Mox addit: quia respexit humilitatem ancillæ suæ: Rursus: deposuit potentes de sede, et exaltavit humiles: et quæ ordine sequuntur. His igitur explicatum reor, quia per summam humilitatem, et erga Deum charitatem plena cum esset gratiæ,

promeruit sibi vestem pertexere virginitatis, nullâ rugâ decolorem, nulli obnoxiam reatui. Tu. ♀.

LECTIO 9.

Commemoratio S. MARIE ad Campum Martium.

Spinelli defestis et templis Deip.
Sancta MARIA ad Campum martium, qui à Marte, cui olim dictus erat, nomen duxit: Huic templo adjunctum est cœnobium monialium ordinis sancti Beredicti, quæ ex Græciâ cum multis Sanctorum reliquiis venientes; quò earum Cameli Reliquias deferentes ad hoc Deiparæ templum constitissent, nec progredi possent, hoc in loco sedem posuerunt. Inter alia quæ secum detulerant, erat Imago Deiparæ à Sancto Lucâ depicta, quæ aliquandò post trabis proximæ incendium inventa est ad quemdam puteum ab igne intacta, et in ære suspensa. Tu. Te Matrem.

Vesperæ à Caput de sequenti.

DIE XXVII. SEPT.

D. V. ARCHIDONENSIS DE GRATIA.

Duplex.

Lect. 1 Noct. de Feriâ.

IN II. NOCT.

LECTIO 4.

Gumpenberg. Imag. 209.

Archidona oppidum est Ducum Ossunensium in Hispaniâ, duobus leucis Antiquariâ urbe distans. Ibi in castello, quod montis verticem occupat, Deiparæ Imago servatur. Rudis pannus colores etiâ servat, ac si vel hodiè pictor ultimam imposuisset manum. Quod si vivacissimorum colorum pars quæpiam decidat, reponi novos recusat: avelluntur namque. et spontè suâ defluunt. Altitudo sacræ leonis duorum pedum est. Ipsa Dei-

para scamno insidens puerum tenet, puer aviculam unâ, alterâ manu pirum. Tu. ♀.

LECTIO 6.

Origo ex antiquis monumentis hæc est. Postquàm, ejectis mauris, Archidona in manus Christianorum concessit, præsidium urbi impositum est è militibus Christianis. Quâdam die ecce præ foribus urbis Eques adest, fulgentissimis armis, et scuti loco hanc Archidonæ Imaginem ferebat: ad templum properat, sacerdotem evocat, eique scutum suum tradit, jubetque in altari collocatum; post hæc appellarunt Dominam nostram de gratiâ. Demùm rediens pleno cursu, undè venerat, ex oculis omnium evanuit. Imaginem à Sancto Lucâ depictam, et à Sancto Jacobo Apostolo allatam credidere hactenùs Hispani. Tu. ♀.

LECTIO 6.

Festo assumptæ Virginis exponitur populorum conspectui. Quis porro concursum memeret? Quis miracula? Anno millesimo quingentesimo septuagesimo secundo, eâdem die et horâ, quâ pugna ad Naupactum et victoria pro Christianis contra Turcas stetit, Duce Joanne Austriaco, sudare hæc sancta Imago visa est. Quondam lues pestifera Antiquariæ viginti millia hominum unico trimestri abstulit, idemque in aliis urbibus Archidonæ vicinis fecit, nullo tamen Archidonensis urbis damno, quam indemnem præteriiit. Tu. ♀.

NI III. NOCT.

Lectio Sancti Evangelii secundum Lucam.

LECTIO 7. c. 1. 28.

In illo tempore: Ingressus Angelus ad MARIAM, dixit: Ave gratiâ plena. Et reliqua. „

Homilia S. Petri Ep. et Martyris.
Ex libr. de fide.—Conc. Ephes.

p. 2. act. 1.

Evangelista vera prædicat, dum ait: Et verbum caro factum est, et habitavit in nobis. Tum videlicet cum Angelus Virginem salutavit dicens: ave gratiâ plena Dominus tecum est. Nam illa Gabrielis salutatio Deum Verbum in utero Virginis natum et carnem factum insinuat. Tu ꝑ.

LECTIO 8.

Deus autem Verbum citra viri commercium, Dei, qui quidvis efficere potest, voluntate, in virginis utero incarnatum est, viri operatione aut præsentia minime requisita. Dei namque virtus Virginem per Spiritus Sancti adventum obumbrans, viro efficacius operata est. Tu ꝑ.

LECTIO 9.

Commemoratio B. V. Tallensis.

Gumbenb. imag. 471.

Diva Virgo Tallensis colitur in Hungariâ duobus leucis à Possonio. Dicitur reperta ad radicem montis juxta fontem, quem vulgò sacrum vocant. Accursus ad hanc statuam est assiduus ex omni parte Hungariæ. Bibunt ex fonte quicumque morbo ægri, et sanitati restituuntur tam multi, ut, quia pro re habetur ordinariâ, et consuetâ, miraculi loco ampliùs non habeatur. Fertur, imminente graviore malo, sudare Virginis facies: et ante mortem Ferdinandi secundi sudasse est observatum à pluribus omni exceptione majoribus testibus. Tu. Te Matrem.

Vesp. de sequent.

DIE XXVIII. SEPT.

MISERICORDIÆ B. M. V.

Duplex majus.

Ad Magnif. ant. Misericordia

ejus à progenie in progenies diligentibus illam.

Oratio.

Deus, qui beatissimam Virginem **MARIAM** Misericordiæ Matrem esse voluisti: concede propitius, ut qui opem ejus jugiter imploramus, apud te misericordiam invenire possimus. Per Dominum.

AD MATUTINUM.

Invitator. Laudemus Deum nostrum * In misericordiâ sanctissimæ Virginis **MARIÆ**.

Lectiones 1. Noct. de Comm. temp. Infantis.

ꝑ. 1. Semel locutus est Deus; duo hæc audiivi: * Quia potestas Dei est, et tibi Domine misericordia. ꝑ. Potestate Domino remanente, cessit quodammodo misericordiæ partem Virgini **MARIÆ**.—Quia.

ꝑ. 2. Nunquid potest mulier oblivisci infantem suum, ut non misereatur filio uteri sui? * Sic beatissima Virgo erga omnes miseros. ꝑ. Sicut Mater naturaliter ad misericordiam super prole suâ movetur. Sic.

ꝑ. 3. Adeamus cum fiducia ad thronum gratiæ * Ut misericordiam consequamur in tempore opportuno. ꝑ. Manus et oculos nostros extolimus ad te, Mater misericordiæ, in cunctis angustiis nostris.—Ut.—Gloria.—Ut.

IN II. NOCT.

Sermo S. Bernardi Abbatis.

Serm. 4. in Assumpt. B. V.

LECTIO 4.

Sileat misericordia tua, Virgo beata, si quis est, qui invocatum te in necessitatibus suis sibi meminerit defuisse. Nos quidem servuli tui, in cæteris virtutibus congaudemus tibi, sed in hac potiùs nobis ipsis. Laudamus virginitatem, humilitatem miramur; sed

misericordia miseris sapit dulcius, misericordiam amplectimur carius, recordamur sæpius, crebrius invocamus. Hæc est enim, quæ totius mundi reparationem obtinuit, salutem omnium impetravit. Tu.

¶ Quomodo potueris, ita esto misericors, * Omnibus misericordiam te implorantibus præstando. ¶ Si multum tibi fuerit, quia gratia plena es Domina cœli et terræ, abundantè tribue.—Omnibus.

LECTIO 5.

Quis ergò misericordiæ tuæ, ò Benedicta, longitudinem, et latitudinem, sublimitatem et profundum queat investigare? Nam longitudo ejus usque ad diem novissimum invocantibus eam subvenit universis. Latitudo ejus replet orbem terrarum; et tuâ quoquē misericordiā plena sit omnis terra. Sic et sublimitas ejus civitatis supernæ invenit restaurationem, et profundum ejus sedentibus in tenebris, et in umbrā mortis oblinuit redemptionem. Tu.

¶ Quis poterit comprehendere quæ sit latitudo, et longitudo, et sublimitas, et profundum misericordiæ beatæ Virginis MARIE? * Misericordiæ ejus non est numerus. ¶ Miserere nostri, Domina, quæ Mater misericordiæ nuncuparis. Misericor.

LECTIO 6.

Per te enim cœlum repletum: infernus evacuatus est: instauratæ ruinæ cælestis Jerusalem: expectantibus miseris vita perdata data. Sic potentissima et piissima charitas et affectu compatiendi, et subveniendi abundat effectu: æquè locuples in utroque. Ad hunc igitur fontem sitibunda properat anima nostra. Ad hunc misericordiæ cumulum totā sollicitudine miseria nostra recurat. Tu.

¶ Mirifica, Domina, misericordias tuas super nos, * Quemadmodum speravimus in te. ¶ Misericordias tuas, Domina, in æternum decantabimus.—Quemad.—Glor.—Quem.

IN III. NOCT.

Lectio S. Evangelii secundum Lucam.

LECTIO 7. c. 6. 36.

In illo tempore: Dixit JESUS discipulis suis. Estote ergò misericordes, sicut et Pater vester misericors est. Et reliqua.

Homilia B. Dionyssii Carthusiani. *Libr. 3 de Præcon. B. V. art. 15.* *Apud Chrisog. Mund. mar.*

p. 201.

Præterea, ut constat, nil Deo similius, nil vicinius Deo unquam MARIA. Deo verò proprium est misereri semper, et parcere. In hoc igitur Deum vehementissimè singularitèrque imitatur MARIA. Implesti enim, obedientissima Dei ancilla, magis autem, ac mirabilius Mater ejus benedicta atque virginea, Creatoris tui voluntatem, qui ait: misericordiam volo, et non sacrificium. Tu.

¶ Nullus est ita abjectus à Deo, nisi fuerit omnino maledictus, * Qui si me invocaverit, non revertatur ad Deum, et non inveniat misericordiam. ¶ Ideò miser erit, qui ad misericordiam, cum possit, non accedit.—Qui.

Bened. Cujus Misericordiam.

LECTIO 8.

Deniquè Filii tui documentum perfecisti, qui dixit: estote misericordes, sicut Pater vester cælestis misericors est. Enim verò instar liquidi elementi, vasisque fluidissimo liquore repleti, quod quacumque ex parte motum, mox se diffundit, atque communicat, tu utique, MA-

RIA, misericordiâ miserationibusque exuberat. Nempe prece pulsata repente succurris, omnibus quoque te exaudibilem ac propitiabilem exhibes. Tu.

¶. Nihil austerum in eâ, nihil terribile, tota suavis est: * Omnibus offerens lac et lanam.

†. Lex clementiæ in linguâ ejus. — Omnibus. — Gloria. — Omnibus.

LECTIO 9.

Non illatas recordaris injurias; sed velut sol iste lucens omnibus indifferenter secundum uniuscujusque capacitatem claritatis suæ radios influit, sic tu benignissima, nimiumque amplectenda MARIA, bonis et malis, gratis, et ingratis, justis et injustis exorabilis es atque compatiens. Multos demum prævenis, salvas, et ditas, universorum preces, ac necessitates amplissimo, maternoque suscipis atque amplecteris sinu. Tu: Te Matrem.

Ad Benedict. ant. Quoniam misericordia tua magna est super me, eruisti animam meam ex inferno inferiori.

†. ¶. br. ad Prim. Quæ Mater misericordiæ nuncuparis.

CANON.

Ex D. Bonaventurâ Episcopo.

Spec. B. V. Lect. 9.

409. Soliam divinæ misericordiæ est MARIA Mater misericordiæ, in quo omnes inveniunt solatia misericordiæ: nam sicut misericordissimum Dominum, ita misericordissimam Dominam habemus. Tu.

Ad Magnif. ant. Misericordia tua rigat universum Domina, in salutari tuo vivifica me.

DIE XXIX. SEPT.

B. M. V. DE CANDELARIA.

Semiduplex.

Lect. prim. Noct. de Fer.

IN II. NOCT.

Gumpemb. Imag. 6.

LECTIO 4.

Statua Deiparæ, quæ de Candelariâ nomen habet, in saxi cujuspiam cavernâ à gentilibus in Insulâ Teneriffæ in Regno Cilensi reperta est, priusquam ullus Christianorum illuc adveniret. Cum igitur gregem pascere duo insulani prope cavernam, territus recessit grex ad presentiam Statuæ beatæ Virginis. Pastorum unus ratus puellam esse vivam, lapide eam petiit, sed manus repente obtorpuisset, etiam brachio toto rigente. Sed et socius immotam miratus puellam, tentat cultri digitum abscindere, sed et ipse quoque fuit percussus. Tu. ¶.

LECTIO 5.

Ad Regem de Guimar hæc prodigia relata sunt, qui Sanctam Statuam, miraculo recuperatæ sanitatis à pastoribus, cum ad Statuam majori reverentiâ attigerent, motus, ipse cum præcipuis aulicorum in aulam deportavit, et paulò post in cryptam aliquam decore excavatam, ut majori cultu prosequeretur. Plus tamen Angeli eam honorarunt, nam concentus cœlestes à barbaris circa statuam auditi, et visi supplicantium ordines fulgentibus candelis per maris crepidinem nunquam visis cœremoniis accedere. Nonnunquam sunt inventa candelarum fragmenta, quandòque etiam fumigantiâ, tanquam tunc primum extincta. Tu. ¶.

LECTIO 6.

Fuit autem, cum Gentiles inter patriæ suæ miranda Hispano, quem primanavis advexerat, ostenderent, hanc Imaginem, maxime ille obstupuit tam venusti operis statuam videns, docuitque barbaros eam flexo poplite, erectisque in cœlum manibus coli velle, sensurosque ip-

sos obsequi sui non poenitendos fructus, si dicerent: Ave MARIA. Fecerunt hoc incolæ, et cum Patres Societatis JESU illuc pervenissent, jam paratos ad fidem invenerunt gentis animos, et in Deiparam pios. Unde hæc Statua miraculis et hodie clarissima, insulam totam Mariophilis gratam, acceptamque reddit. Tu ꝑ.

IN III. NOCT.

Lectio S. Evangelii secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ dixit illi: Beatus venter qui te portavit. Et reliqua. Homilia S. Cyrilli Arhc. Jerosolym.

Catecheseos 12. n. 26.

Illis, qui ex circumcisione sunt, ita occurras rogando: utrum difficilius sit sterilem anum suetis jam defectam parere, an Virginem in ætatis flore generare? Sterilis erat Sara, et postquam muliebra desierunt, præter naturam peperit: Igitur si sterilem generare præter naturam est, hoc quoque præter naturam, Virginem MARIAM fieri. Aut ergo utrumque simul rejice, aut utrumque admittito. Idem enim Deus et illud fecit, et hoc mollitus est. Tu. ꝑ.

LECTIO 8.

Illos itaque in hunc modum percunctare. Eva ab initio de quo nata est? Quæ Mater illam sine Matre feminam concepit? Ait autem Scriptura, quod ex Adæ costa effecta est. Ergone Eva ex virili latere sine Matre nata fuerit; puer verò ex Virginis utero absque operâ viri nasci non possit? (Lect. 9). Reddendæ viris gratiæ obnoxium erat femineum genus, Eva namque ex Adam nata fuerat, non ex Matre concepta, sed ex viro solo tanquam

partu edita: reddidit ergo MARIA hujus gratiæ debitum, cum non ex viro, sed ex se solâ incontaminatè de Spiritu Sancto per virtutem Dei genuit. Tu. ꝑ.

LECTIO 9.

Commemoratio B. V. Senensis in Colle.

Gump. Imag. 313.

Miraculosa Virginis Imago specialitèr colitur Senis in Italiâ, ex eo tempore, quo quædam muliereseam viderunt facie turbatâ. Hinc populi clamor, et lacrymæ, non sine interturbatione Officii divini, quod tunc canebatur. Itaque qui sacristiæ præerat, accurrit, et arrepto velo tecturus totam Sanctam Iconem altare ascendit per scalas, sed per easdem ita decedit. Hinc vota, hinc miracula, quæ et mutationem vultus probabant, et Leonem X. permovebant, ut Bullâ autenticâ eam declararet miraculosam. Editâ quoque sunt miracula, quæ à Sancto Officio ritè fuerunt approbata. Tu. Te Matrem.

Vesperæ de sequent.

DIE XXX. SEPT.

SS. OCULORUM B. M. V.

Duplex majus.

Ad Magnif. ant. Oculi ejus pulchriores vino, et dentes ejus lacte candidiores.

Oratio.

Præsta, quæsumus, omnipotens Deus, ut qui in veneratione sanctissimorum Oculorum Beatæ MARIE Virginis gloriamur, ad æternam mereamur pervenire lætitiâ. Per Dominum.

IN I. NOCT.

Lecton. de Scriptur. ut in Dom. III. post Pascham. p. 212.

ꝑ. Collum tuum sicut tarris eburnea, * Oculi tui sicut piscine in Hesebon, quæ sunt in portâ filiae

multitudinis. †. Quàm pulchra, et quàm decora es, carissima in deliciis.—Oculi.

¶. Ad te clamamus exules filii Evæ, ad te suspiramus * Gementes, et flentes in hâc lachrimarum valle. †. Eja ergò, Advocata nostra, illos tuos misericordes oculos ad nos converte.—Gementes.

¶. Benedicti sint oculi tui splendidiſſimi, * Quos digneris convertere super nos peccatores. †. Illumina, Domina, oculos tus super nos.—Quos.—Gloria.—Quos.

IN H. NOCT.

Sermo S. Thomæ Arch. Valentini.

Serm. 3. in Assump. B. V.

LECTIO 4.

Qualis fuit oculorum ejus pulchritudo, et venustas aspectus, quæ regem majestatis solo intuitu vulneravit? Undè ait: vulnerasti cor meum, Soror mea Sponsa, in uno oculorum tuorum, in uno crine colli tui. Et quasi non valens aspectam pulchritudinem sustinere, vulneratus clamat: averte oculos tuos à me: ipsi me avolare fecerunt. Undè avolare? nisi à sinu Dei Patris in uterum Virginis Matris? Tu.

¶. Oculi ejus sicut columbæ super rivulos aquarum, * Quæ lacte sunt lotæ, et resident juxta fluentia plenissima. †. Genæ illius sicut areolæ aromatum consitæ à pigmentariis.—Quæ.

LECTIO 5.

Et iterum: ò quàm pulchra es, amica mea, ò quàm pulchra es! Oculi tui columbarum absque eo, quod intrinsecus latet. Quoties oculorum repetit pulchritudinem, quoties visus decorem exagerat, ut in illis se maximè captum, et delectatum ostendat! Verè pulchra, et bis pulchra: pulchra facie, pulchrior fide, pulchra in corpore, pulchra

in mente, pulchra interiori gaudio, pulchra exteriori obsequio, pulchra cum gignitur, pulchra cum genuit, pulchra in Ægypti exilio, pulchra in cœlesti regno. Tu.

¶. Pulchra es, amica mea, suavis et decora, sicut Jerusalem: * Terribilis, ut castrorum acies ordinata. †. Averte oculos tuos à me, quia ipsi me avolare fecerunt.—Terribilis.

LECTIO 6.

Oculi tui columbarum. Propter quid columbarum? Columbæ, cum in terrâ pascuntur, oculos in terrâ non figunt, sed raptim videntes granum, statim visum in cœlum attolunt. Tales sunt Mariæ oculi, cuius obtutus raptim terrena transiens, cœlestia frequentius perlustrabat. Sic enim Filii sui et Sponsi JOSEPH ministerio incumbibat, ut cœlestia semper intueri non desisteret. Columbinos oculos MARIA habet: corvinos habent, de quibus scriptum est: oculos ejus statuerunt declinare in terram. Tu.

¶. Ecce tu pulchra es, amica mea, ecce tu pulchra est: * Oculi tui columbarum.

†. Favus distillans labia tua, mel et lac sub linguâ tuâ.—Oculi tui.—Gloria.—Oculi.

Homil. de Comm. pro Duplic. majoribus.

¶. 7. O pulcherrima pulchritudo pulchritudinum. * O Dei Genitrix pulchrorum omnium summum ornamentum. †. O quàm pulchra es, amica mea: Oculi tui columbarum.—O Dei.

¶. 8. Vulnerasti cor meum, soror mea Sponsa, * Vulnerasti cor meum in uno oculorum tuorum, et in uno crine colli tui. †. Averte oculos tuos à me, quia ipsi me avolare fecerunt.—Vulnerasti.—Gloria.—Vulnerasti.

LECTIO 9.

Commemoratio B. Virginis de Carquerá.

Gumpenb. Imag. 602.

Beatæ Virginis de Cuarquerá statua unâ cum templo reperta est infra terram. Nam cum Rex Alphonsus infans in lucem prodiret, distortis fœde cruribus, nec quidquàm bellicorum spirituum in eo appareret, ob hunc corporis turpem defectum ejus præfectus Monisius Deiparæ pro rege suo orationes fudit et lacrymas. Illa per somnum ei apparens jussit terram fodere, dum templum, et in templo statuum reperiret, hisque aris, prius decenter mundatis, imponeret miserum regem. Quo facto regi quàm primùm pedum naturalis usus concessus, et omnis deformitas ablata. Tu. Te Matrem.

Ad Benedict. ant. Oculi tui, Domina, sint super nos, ut miserearis nostri.

Ad Magnif. ant. Si oculus tuus fuerit simplex, totum corpus tuum lucidum erit.

FESTA OCTOBRIS.

DOMINICA I. OCTOBRIS.

SS. ROSARII B. MARIE V.

Duplex majus.

IN I. VESPER.

Ant. 1. Missus est Angelus Gabriel ad MARIAM Virginem desponsatam JOSEPH.

2. Exurgens MARIA abiit in montana cum festinatione, ut salutaret Elizabeth.

3. Peperit Filium suum primogenitum, et pannis eum involvit, et reclinavit eum in præsepio.

4. Postquam consummati sunt dies purgationis MARIE, tulerunt

JESUM in Jerusalem, ut sisterent eum Domino.

5. Post triduum invenerunt illum in templo sedentem in medio Doctorum.

CAPITULUM. *Ecc. 24. 17.*

Quasi cedrus exaltata sum in Libano, et quasi cypressus in monte Sion: quasi palma exaltata sum in Cades, et quasi plantatio Rosæ in Jericho.

HYMNUS 100. *Ex Offic. Ordin. Prædic.*
Cœlestis aulæ nuntiūs
Arcana pandens Numinis,
Plenam salutem gratiā
Dei Parentem Virginem.

Virgo propinquam sanguine
Matrem Joannis visitat,
Qui clausus alvo gestiens
Adesse Christum nuntiat.

Verbum, quod ante sæcula
E mente Patris prodiit,
E Matris alvo Virginis
Mortalis infans nascitur.

Templo puellus sistitur,
Legique parel Legifer,
Hic se Redemptor paupere
Pretio redemptus immolat.

Quem jam dolebat perditum
Mox læta Mater invenit,
Ignota doctis mentibus
Edisserentem Filium.

Sit Trinitati gloria,
Quæ sacra per mysteria
Orantibus det gratiam,
Quæ consequantur gloriam. Amen.
Hæc Doxol. dicitur ad omnes horas.

†. Ave MARIA, gratiâ plena.
†. Dominus tecum.

Ad Magnif. ant. Videntes eam filiæ Sion vernantem in floribus rosarum, et liliis convallium beatissimam prædicaverunt, et reginæ laudaverunt eam.

Oratio de Laudibus.

AD MATUTIN.

Invitator. Laudemus Deum no-

strum * In solemnitate sanctissimi
Rosarii Beatæ MARIE Virginis.

HYMNUS 101. *Ex brev. Ord.*
Te gestientem gaudiis, *Prædic.*

Te sauciam doloribus,

Te jugi amictam gloriâ

O Virgo Mater, pangimus.

Ave redundans gaudio,

Dum concipis, dum visitas,

Et edis, offers, invenis,

Mater beata, Filium.

Ave dolens, et intimo

In corde agonem, verbera,

Spinas crucemque Filii

Perpressa princeps Martyrum.

Ave in triumphis Filii,

In ignibus Paracliti,

In regni honore et lumine,

Regina fulgens gloriâ.

Venite, gentes, carpite

Ex his rosas mysteriis,

Et pulchri amoris inclitæ

Matri coronas neclite.

Sit Trinitati... Quæ...

IN I. NOCT.

Ant. 1. Concipies et paries Filium, et vocabis nomen ejus Emmanuel.

2. Ecce ancilla Domini: fiat mihi secundum verbum tuum.

3. Undè hoc mihi, ut veniat Mater Domini mei ad me?

✠. Benedicta tu in mulieribus.

✠. Et benedictus fructus ventris tui.

De libro Ecclesiastici.

LECTIO 1. c. 39. 17.
In voce dicit: obaudite me, divini fructus, et quasi rosa plantata super rivos aquarum fructificate. Quasi libanus odorem suavitatis habete. Florete flores, quasi lilium, et date odorem, et frondete in gratiâ, et collaudate canticum, et benedicite Dominum in operibus suis. Tu.

✠. Impleti sunt dies MARIE, ut

pareret, * Et peperit Filium suum primogenitum, et pannis eum involvit, et reclinavit in præsepio. ✠. Gloria in altissimis Deo, et in terrâ pax hominibus bonæ voluntatis.—Et pep.

LECTIO 2.

Date nomini ejus magnificentiam, et confitemini illi in voce labiorum vestrorum, et in canticis laborum, et citharis, et sic dicetis in confessione: Opera Domini universa bona valdè. In verbo ejus stetit aqua sicut congeries: et in sermone oris illius, sicut exceptoria aquarum. Quoniam in præcepto ipsius placor fit, et non est minoratio in salute ipsius. Tu.

✠. Postquam impleti sunt dies purgationis MARIE secundum legem Moysi, * Tulerunt JESUM in Jerusalem, ut sisterent eum Domino. ✠. Et ut darent hostiam, par turturum, aut duos pullos columbarum.—Tulerunt.

LECTIO 3.

Opera omnis carnis coram illo, et non est quidquam absconditum ab oculis ejus. A sæculo usque in sæculum respicit, et nihil est mirabile in conspectu ejus. Non est dicere: quid est hoc? aut quid est istud? Omnia enim in tempore suo quærentur. Benedictio illius quasi fluvius inundavit. Tu.

✠. Invenerunt JESUM parentes ejus in templo sedentem in medio Doctorum: * Stupebant autem omnes, qui eum audiebant super prudentiâ, et responsis ejus. ✠. Et dixit Mater ejus ad illum: Fili, quid fecisti nobis sic?—Stuebant.—Gloria.—Stuebant.

IN II. NOCT.

Ant. 1. Procidit JESUS in faciem suam orans et dicens: Pater, si possibile est, transeat à me calix iste.

2. Et factus est sudor ejus, sicut guttæ sanguinis decurrentis in terram.

3. JESUM autem flagellatum tradidit Judæis Pilatus, ut crucifigeretur.

γ. Ego autem in flagellâ paratus sum.

ϑ. Et dolor meus in conspectu meo semper.

LECTIO 4.

Ex Brev. Ord. Prædicator.

Cum Albigenſium hæſiſis ſacroſanctæ Matris Dei dignitati poliſſimùm inſeſta, in regione Tolosaſium impiè graſſaretur, beatiſſimus Pater Dominicus, qui eo tempore Prædicatorum ordinis fundamenta jecit, in eam hæſiſim debellandam totus incumbens, ob idque beatiſſimam Virginem aſſiduè precibus interpellans, ab ipſâ monetur, ut Roſarium omni mentis fervore prædicet, velut ſingulare ad evertendas hæſeſes, et odia extinguenta præſidium. Cœpit ergo deinceps incredibili cum animarum fructu ſaluberriſum Roſarii inſtitutum per beatum Dominicum promulgari: quem ejus auctorem fuiſſe, Leo decimus, Pius quintus, Gregorius decimus tertius, et Sixtus quintus apoſtolicis diplomatibus proſitentur. Tu.

ϑ. Plectentes milites coronam de ſpinis, poſuerunt ſuper caput JESU, et arundinem in dexterâ ejus: Et genuflexo ante eum, illudebant ei. γ. Et expuentes in eum, acceperunt arundinem, et percutiebant caput ejus.—El genuſſi.

LECTIO 5.

Eſt autem Roſarium, ſive Psalterium, ſacra quædam formula præcandi Deum in honorem beatæ MARIE: quâ per quindecim ſalutationis Angelicæ decades, interjectâ ſingulis oratione dominicâ, quin-

decim præcipua redemptionis humanæ myſteria piis meditationibus percenſentur. Inter innumeros porro ejus fructus meritò navalis ea victoria celebratur, quam anno Domini milieſimo quingenteſimo ſeptuageſimo primo die ſeplimâ Octobris, quæ Dominica fuit, ad Nauptum Achaici ſinûs de Turcarum claſſe longè potentiori chriſtiani Principes reportarunt. Nam cum eo diè ſodalitates Roſarii ſolitas preces, ac proceſſiones haberent, eas, piè creditum eſt, pro chriſtiana claſſe plurimùm profuiſſe. Tu.

ϑ. Cum ducerent JESUM ad crucifigendum, * Sequebatur illum multa turba populi, et mulierum, quæ plangebant, et lamentabantur eum. γ. Filie Jeruſalem, nolite flere ſuper me, ſed ſuper vos ipſas flete, et ſuper filios veſtros.—Sequebatur.

LECTIO 6.

Ex Brev. Rom. Lect. 5. in med.
Quod quidem cum etiâ Gregorius tertiusdecimus teſtatus eſſet, ut pro tam ſingulari beneficio beatæ Virgini ſub appellatione Roſarii perennes gratiæ ubiquè terrarum haberentur, in Eccleſiis omnibus, in quibus allare Roſarii foret primâ quâque Octobris Dominicâ Officium ritu duplici majori perpetuò celebrandum indixit, quod Clemens undecimus poſteâ eâdem diè, eodemque ritu ad Eccleſiam univerſam extendit. Alii quoque Pontifices Roſarium recitantibus, ejusdemque Roſarii ſodalitatibus indulgenſias penè innumeras conſeſſere. Tu.

ϑ. Poſtquàm venerunt in locum, qui dicitur calvariæ, ibi crucifixerunt JESUM, * Stabat autem juxta crucem JESU Mater ejus. γ. Tunc beatam illius animam doloris gladius pertransivit.—Stabat.—Gloria.—Stabat.

EN III. NOCT.

Ant. 1. Lætare, Virgo Mater, alleluia. Surrexit Christus de sepulchro, alleluia.

2. Ascendit Deus in jubilatione, et Dominus in voce tubæ, alleluia.

3. Spiritus Domini replevit orbem terrarum alleluia.

γ. Emitte Spiritum tuum, et creabuntur, alleluia.

ϕ. Et renovabis faciem terræ, alleluia.

Lectio Sancti Evangelii secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliqua. Homilia S. Gregorii Neocæsariensis Ep.

In Annuntiat. B. V. M.

Angelus Dei iussa in se recipiens, et exequi volens, Virginem adit, et clarâ eam voce compellavit, dicens, Ave gratiâ plena, Dominus tecum. Non amplius diabolus erit contra te: namque antea ubi hostis ille vulnus infixit, illic primum nunc medicus salutis medicamentum adhibet. Unde mors prodiit, inde vita sibi ingressum paravit. Per mulierem mala fluxerunt, et per mulierem bona emanant. Tu.

ϕ. Sumite psalterium jucundum in insigni die solemnitatis vestræ: * Et exultate Virgini adjutrici nostræ. γ. Assumpta est MARIA in cælum, gaudeat exercitus Angelorum.—Et.

LECTIO 8.

Ave gratiâ plena, ne, quod mulier damnationis exlitterit, erubescas; Judicis nam et Redemptoris Mater eris. Ave immaculata viduati orbis sponsa simul et mater. Ave, quæ in tuo utero matris Evæ mortem demersisti. Ave animatum Dei tem-

plum. Ave cœli et terræ æquivalens dignumque domicilium. Ave naturæ illius incomprehensibilis capacissimum receptaculum. Tu.

ϕ. Gloriâ et honore coronasti Matrem tuam, Domine, * Et constituisti eam super omnia opera manuum tuarum. γ. Posuisti, Domine, super caput ejus coronam de lapide pretioso.—Et.—Gloria.—Et.

LECTIO 9.

Dicitur una cum Octav. Lect. si fiat aliqua Comm.

Cumque hæc ita se habeant, adest per eam ægrotantibus medicus, in tenebris sedentibus Sol justitiæ; cunctis verò tempestate jactatis anchora portusque tutissimus. Inimicis et Deo amicis servis Dominus natus est, pacisque vinculum factus, captivis liberatio. Ipse enim est pax rostra. Tu. Te Matrem.

AD LAUDES.

1. Factus JESUS in agoniâ prolixius orabat Patrem.

2. Ego in flagella paratus sum: et verecundia mea contra me est.

3. Dum Christus spinis coronatur, Virgo MARIA dirè torquetur.

4. Bajulans sibi crucem exivit in eum, qui dicitur calvariæ locum.

5. Crucifixerunt eum, et duos latrones, unum à dextris, et alterum à sinistris, medium autem JESUM.

CAPITULUM. Eccl. 24. 17.

Quasi cedrus exaltata sum in Libano, et quasi cypressus in monte Sion: quasi palma exaltata sum in Cades, et quasi plantatio rosæ in Jericho.

HYMNUS 102. *Brev. Ords. Præd.*
In monte olivis consito
Redemptor orans procidit,
Mœret, pavescit, deficit,
Sudore manans sanguinis.

A proditore traditus
Raptatur in penas Deus,
Durisque vinctus nexibus
Flagris cruentis cæditur.

Intexta acutis sentibus
Corona contumeliæ,
Squalenti amictum purpurâ
Regem coronat gloriæ.

Molis crucem ter arduæ
Sudans, anhelans, concidens,
Ad montis usque verticem
Gestare vi compellitur.

Confixus atro stipite
Inter scelestos innocens,
Orando pro tortoribus
Exsanguis efflat spiritum.

Sit Trinitati gloria,
Quæ sacra per mysteria
Orantibus det gratiam,
Quâ consequantur gloriam. Amen.
✠ Regina sacratissimi Rosarii,
ora pro nobis.

℟. Ut digni efficiamur promissionibus Christi.

Ad Benedict. *ant.* Cum vidisset
JESUS Matrem et Discipulum stan-
tem, dixit Matri suæ: mulier ecce
filius tuus: et deindè Discipulo:
ecce Mater tua.

Oratio.

Deus, cujus Unigenitus per Vi-
tam, Mortem, et Resurrectionem
suam, nobis salutis æternæ præ-
mia comparavit, concede, quæsu-
mus, ut hæc mysteria sanctissima
beatæ MARIE Virginis Rosario
recolentes, et imitemur quod con-
tinet, et quod promittunt assequa-
mur. Per eundem Dominum.

AD PRIMAM.

Ant. Nomen tuum * ita Deus
magnificavit, ut non recedat laus
tua de ore hominum.

Capitul. de Laudibus.

✠. ℟. *br.* Regina sacratissimi Ro-
sarii.

CANON.

Ex Gregorio Papâ Decimo Tertio.

Const. Monet Ap. *an.* 1573.—*B.*
R. Tom. 4. *p.* 3. *pag.* 255.

410. Decernimus, ut de cætero
perpetuis futuris temporibus quâ-
libet primâ die Domiciæ Men-
sis Octobris per universi orbis
partes, in iis videlicet Ecclesiis, in
quibus altare vel capella Rosarii
fuerit, ab omnibus et singulis Chri-
sti fidelibus festum solemne sub
nuncupatione Rosarii, sub duplici
majori Officio, celebretur et sancti-
ficetur, eademque die Officium de
Beatissimâ Virgine novem lectio-
num more ecclesiastico persolvatur
et recitetur. Tu.

AD TERTIAM.

Ant. In Domino * gaudebo, et
exultabo in JESU Filio meo.

Capitulum. Eccl. 39. 17.
Oaudite me, divini fructus, et
quasi rosa plantata super rivos
aquarum fructificate.

℟. *br.* Gaudete * In Domino sem-
pèr.—Gaudete in Domino sempèr.
✠. Iterum dico: gaudete.—In Dom.
—Gloria.—Gaudete.

✠. Gaudens gaudebo in Domino.
℟. Et exultabit anima mea in
Deo meo.

AD SEXTAM.

Ant. Vide Domine, * quoniàm
tribulor, quoniàm amaritudine ple-
na sum.

Capitulum. Eccl. 50. 8.
Quasi arcus refulgens inter nebulas
gloriæ, et quasi flos rosarum in
diebus vernis, et quasi lilia quæ
sunt in transitu aquæ, et quasi thus
redolens in diebus æstatis.

℟. *br.* Dolor meus * Super dolo-
rem.—Dolor. ✠. In me cor meum
mœrens.—Super.—Glor.—Dolor.

✠. Subversum est cor meum in
memetipsâ.

℟. Et amaritudine plena sum.

AD NONAM.

Ant. Tu es gloria mea, * Domi-

ne, et exaltans in gloriâ caput meum, alleluia.

CAPITULUM. Eccle. 39. 19.
Florete flores, quasi lilium, et date odorem, et frondete in gratiâ, et collaudate canticum, et benedicite Dominum in operibus suis.

¶ *br.* Magna est gloria ejus, * Alleluia, alleluia.—Magna. ¶ In salutari suo.—Alleluia.—Glor.—Magna.

¶ Annuntiate inter gentes gloriam ejus, alleluia.

¶ In omnibus populis mirabilia ejus, alleluia.

IN II. VESP.

Ant. 1. Regina cœli lætare, alleluia, quia surrexit Filius tuus, allel.

2. Ascendens Christus in altum, captivum secum duxit cor Virginis immaculatum, alleluia.

3. Repleti sunt omnes Spiritu Sancto, et cœperunt loqui, alleluia.

4. Assumpta est MARIA ad æthereum thalamum, in quo rex regum stellato sedet solio, alleluia.

5. Astitit Regina à dextris Dei in vestitu deaurato, duodecim stellis coronata, alleluia.

Capitul. de Laudibus.

HYMNUS 103. Ex Brev. ord.

Jam morte victor obrutâ Præd.
Ab inferis Christus redit,
Fractisque culpæ vinculis,
Cœli recludit limina.

Visus satis mortalibus
Ascendit ad cœlestia,
Dextræque Patris asidet
Consors paternæ gloriæ.

Quem jam suis promisserat,
Sanctum daturus Spiritum,
Linguis amoris igneis
Mœstis alumnis impluit.

Soluto carnis pondere,
Ad astra Virgo tollitur:
Excepta cœli jubilo
Et Angelorum canticis.

Bissena cingunt sydera
Almæ Parentis verticem,
Throno propinqua Filii
Cunctis creatis imperat.

Sit Trinitati gloria, Quæ...

¶ Corona aurea super caput ejus, alleluia.

¶ Expressa signo sanctitatis, et gloriâ honoris, alleluia.

Ad Magnificat. ant. Sanctissimam Dei Genitricem veneremur, ut quæ totius Christi fidelibus, Rosarii precibus exorata, terrenos hostes dedit profligare, ac perdere, infernales pariter superare concedat, alleluia, alleluia.

DIE I. OCTOBR.

B. M. V. DE NURIA.

Simplex.

Oratio.

Subveniat nobis, Domine, quæsumus, piissima Virgo MARIA Montis Nuriæ, Spes nostra, et sit tecum de necessitatibus nostris sollicita, quæ pro nobis Mater Domini nostri JESU-Christi est effecta. Qui tecum.

Lect. 1. de Scrip. Fervæ occurr.

LECTIO 2.

In Monte Nuriâ, in Diœcesi Urgelensi Templum est Deiparæ sacrum, quod ab eo monte nomen accepit. Sanctam Iconem, quæ ibi asservatur, Sanctus Ægidius ejus Eremita cultor veneratus est, et ab eo migraturus, in profundo antro abscondit, ubi delituit, donec Sanctus Amadæus cœlesti monitu è Dalmatiâ ad Nuriam venit, trecentis et septuaginta delapsis annis, et in Sacello in planitie montis structo, ab eo inventam Imaginem pluribus comitantibus signis collocavit. Hæc de Nuriâ Virgo innumeris miraculis percelebris in totâ Hispaniâ, et in vicinâ Galliâ effecta, ingenti fide-

lium accursu frequentatur; at eo solum tempore, quo resolutæ nives viam ad eum Montem Mariophilis expeditam relinquunt. Tu.

LECTIO 9.

Commemoratio B. V. de Ceica.
*Ex Poiræo, apud Loonher Tom. 2.
pag. 191.*

In Diœcesi Coniimbrensi, non procul à Monasterio Lorban dicto, Sacellum est Beatæ Virginis sub titulo de Ceica, in grati animi monumentum ob victoriam super Mauros patratam structum ab Abbate Lorbanensis Monasterii Joanne, Avunculo. Alphonsi et Ramirii Regum Legionensium. Sacello addidit parvum Eremitorium, ubi se totum Deo, et Beatæ Virgini consecraret. Tunc curavit sculpi è ligno Statuam Sanctissimæ Virginis; etsi alii asserant eam Imaginem è cœlo eâ formâ missam. Ibi cum aliquot annis sanctè vixisset, mortuus et sepultus est: nec cadaver nulla vi trahi ad Monasterium Lorban potuit. Tu. Te Matrem Dei.

CANON.

Ex Urbano Papâ Octavo.
*Const. Considerantes. Extat in
Histor. B. V. de Nuriâ.*

411. Cum, sicut accepimus, in Capellâ Beatæ MARIE Virginis de Nuriâ, una Confraternitas instituta existat sub invocatione ejusdem Beatæ MARIE..... omnibus ejus Confratribus..... die illorum ingressûs..... in eorum mortis articulo..... necnon etiâ in Festivitate Nativitatis ejusdem Beatæ Virginis..... plenariam omnium peccatorum suorum Indulgentiam et remissionem concedimus. Tu.

Vesp. Sequentis.

DIE II. OCTOBR.

B. M. V. DE SALUTE.

Duplex.

Oratio.

Concede nos famulos tuos, quæsumus, Domine Deus, perpetuâ mentis et corporis sanitate gaudere, et gloriosæ Beatæ MARIE semper Virginis intercessione à presenti liberari tristitiâ, et æternâ perfrui lætitiâ. Per Dominum.

Lection. de Scrip. de feriâ.

IN II. NOCT.

Sermo S. Amadæi Ep. Lausanensis.
Homilia 8. de laudib. B. V.

LECTIO 4.

Novis triumphis, novâ perditorum ereptione, novis populorum incrementis, exultans beata Virgo gratulatur in Domino, nec contenta partis spoliis, sed humanæ salutis cupida, hoste livido longius propulsato, alias atque alias sibi exuvias semper acquirit. Igitur in manu potenti, et brachio excelso, tyrannorum fines aggreditur, inferna sub pedibus suis faciens contremiscere, et principem mortis nimio terrore percussum resistere. Tu. ♀.

LECTIO 5.

Deniquè ipsâ jubente, vehementer evomit prædâ, quam cum in ventre malitiæ trajecerat, rejiciens cum dolore quam cum ingenti superbiâ detinebat. Surgunt lapsi: redeunt poenitentes: peccator videbit et irascetur. Maxilla ejus hamo dominicæ crucis perforata reddit liberos, quos antè detinuit captivos dentibus suis fremens, et tabescens. Per Matrem Filio, per Virginem reconciliantur Deo, vitæ dati, morti penitus subtracti. Tu. ♀.

LECTIO 6.

Desiderium peccatorum peribit, desiderium verò Beatæ MARIE perficitur, quando educuntur quotidie vinculati de lacu miseriæ, et luto fæcis, ut de peccati ergastulo, et profundo iniquitatis indulgentiæ

dono respirent in auras perennis libertatis. Sic illa colligit dispersos, revocat aversos, eruens eos, qui ducuntur ad mortem, quosque trahi cernit ad supplicia, liberare non cessat. Tu. ꝑ.

IN III. NOCT.

Lectio S. Evangelii secundum Joannem.

CAPITULUM. c. 2. .1.

In illo tempore: Nuptiæ factæ sunt in Cana Galilææ, et erat Mater JESU ibi. Et reliqua.

Honilia S. Thomæ Arhc. Valentini.

Concion. in Domin. 2. post Epiph.
Invitala erat Mater JESU ibi: Si tristis consolatur: erat Mater JESU ibi: Si justus lætatur: erat Mater JESU ibi. Si peccator erigitur: erat Mater JESU ibi. Denique, quidquid humano generi tribuitur, non sine illâ datur, ut ait Bernardus. *Lect. 8.* Sed non est otiosa: quid ait? Fili, vinum non habent: hæc ejus vox continua coram Filio suo pro peccatoribus. Fili, vinum gratiæ, devotionis, charitatis non habent. Quid mihi et tibi est mulier? Quid eis debuimus facere, et non fecimus? Non culpa nostra est. Tu. ꝑ.

LECTIO 8.

Quid mihi et tibi? Mihi tu super choros angelorum: Quid tibi? O Fili! Mater illorum sum, advocata peccatorum. Non possum eos oblivisci. *Lect. 9.* Audite peccatores: implete hydrias, animas aquâ orationis, meditationis: licet frigida sit, ecce virtus ejus aquam convertet in forte vinum fervoris, et devotionis, quod languentillas novas disrumpet, ut profluant in laudes commodas, et effundantur in laudes Dei: Vide quomodò Psalmus: Memoriam abundantiae suavitatis tuæ eructabunt. Ecce vinum, quod

ore exundat multiplices Dei laudes. Ex abundantia enim cordis os loquitur. Tu. ꝑ.

LECTIO 9.

Commemoratio B. V. ab Ulmo.

Camds 1. 3. c. 16.

In parochiali templo oppidi Palacals Diœcesis Gerundensis colitur Diva Virgo ab Ulmo dicta, quia in hujus nominis arbore inventa fuit antiquo tempore à mutâ puellâ, quæ cum imagine miraculo usum linguæ quoque invenit. Sancta Icon lignea est; quatuor palmis alta, puerum sinistro brachio sustinet. Prius in altari principe Sacelli ipsi ædificati locata, anno millesimo sexcentesimo quinto in aliud translata fuit. Solemnitas Assumptionis est ipsi sacra: ingens fit ad eam accursus, votisque particularibus colitur: nec desunt prodigia, ut ex appensis tabellis faciliè liquet. Tu.

Te Matrem.

CANON.

Ex Pio Papâ Nono.

Const. Ineffabilis. die 8. Dec. 1854.

412. Nihil enim timendum, nihilque desperandum, Ipsâ Virgine duce, Ipsâ auspice, Ipsâ propitiâ, Ipsâ protegente, quæ maternum sane in nos gerens animum, nostræque salutis negotia tractans, de universo humano genere est sollicita. Tu.

Cum secund. Vesper.

DIE III. OCTOBR.

DIVA VIRGO SCHIEDAMENSIS.

Simplex.

Bonifacius, Hist. Virgin. libr. 2.

c. 14. LECT. 1.

Schiedami in Hollandiâ beata Virgo MARIA mirificè colitur: hæc autem occasione. Mercator quidam Schiedamum Deiparæ Imaginem in nundinis Antuerpiensibus venditurus attulerat, sed cum nautæ ad sol-

vendum se comparant, nihil movendo, impellendoque proficiunt. Advolant quam plurimi ad rei spectaculum, uti fama percubuit, stupent immoto navigio, tam multas ardere manus, tantasque machinas, nec quicquam adhiberi. Sed propter Dei Matris illam efigiem fieri tandem suspicati, mercatorem rogant, uti justo accepto pretio illic relinquunt imaginem. Illo assentiente Imago tollitur, et in æde beatissimi Præcursoris collocatur. Tu. ꝑ.

LECTIO 2.

Crescit indè amor et pietas popularis. Sodalitas denum instituitur, in eodem loco quotidianæ laudes cum ingenti pietate Deiparæ Virgini celebrantur. Hanc Imaginem Sancta Liduina nondum annum egressa septimum frequentèr invisebat: quod si mater puellæ longiorem fuisse arguisset, ita respondebat: nec molestè feras paulò me tardiùs accessisse: salutavi enim speciosissimam Dominam nostram, et illa mihi blandissimè arrissit. Tu. ꝑ.

LECTIO 3.

Commem. S. MARIE Liberatricis.
Balingh. Kalend. Marian. die 31.

Decembr.

Sanctus Sylvester Papa Deiparæ templum, quod cognominatur: Libera nos à pœnis Inferni; erexit, et in ejus arâ multis repositis reliquiis dicavit, quod ab ejus conditore aliquandò vocatur: Templum Sylvestri in lacu. Hoc templum nobilitatum est propter Draconem suo afflatu urbi pestilentissimum, ibi Sancti Sylvestri precibus extinctum. Est autem id templum in foro romano, ubi olim fuit fanum Jovis Satoris. Tu. Te Matrem.

Vesperæ de sequent. ut in 1. Vesp. Infantiae.

DIE IV. OCTOBR.

DOMINATIONIS B. M. V.

Duplex.

Lect. 1. Noct. de Script. Fer.

IN II. NOCT.

Sermo S. Bernardini Senensis.
Serm. 3. de Smo. Nomn. Mariæ art. 1.

LECTIO 4.

Primò quidem Dominatio est vera, quæ nulli prælationi est obnoxia. Sic et beata Virgo: nullius quippè prælationi obnoxia est, Quomodo enim subiceretur craturæ, quæ Mater effecta est Creatoris? Immò Mater Domini omnis creaturæ effecta est Domina omnis creaturæ: igitur quia genuit Creatorem, Domina facta est omnis creaturæ. Undè meritò dici potest ad quamlibet creaturam illud Genesis: Revertere ad Dominam tuam, et humiliare sub manu ipsius. Ad literam dicitur ad Agar de Sara. Quippè ipsa est verè Sara, quæ princeps interpretatur: quæ verè genuit Isaac, scilicet Filium Dei, in cujus semine benedicentur omnes gentes, per quem omnis creaturæ primatum habuit. Proindè hæc vera est: Deo subdita est omnis creatura, et beata Virgo: beatæ Virgini subdita est omnis creatura, et Deus. Tu. ꝑ.

LECTIO 5.

Secundò Dominatio est vera, quæ nullius adjutorio, seu auxilio est innixa. Sic et beata Virgo. Cui enim inniteretur, quæ ab æterno Rege Dei Filio sustentatur? Ipsa mysticè est Esther, ad quam exiliit Rex de solio, id est, Dei Filius de cælo sustentans illam ulnis suis. Esther elevata in populis interpretatur. Et meritò significat Virginem benedictam, Dominam omnium populorum. Præterea cujus auxilio inniteretur Virgo benedicta, nisi su-

per dilectum suum, in quo est omnium consolationum abundantia, omnium bonorum copia, et omnium delectationum et suavitatum affluentia? Tu. ꝑ.

LECTIO 6.

Tertiò Dominatic nullius est subjectionis indiga. Sic et beata Virgo, ipsa enim habet Filium, in quo sunt omnia. Quia igitur omnia in Filio possidet, quomodo alicujus rei indigere potest? Siquidem bonorum nostrorum non eget. Præterea omnis indigentia alicujus est, ut, aut id quod non habetur, acquiratur, aut quod habetur, custodiatur. Sed quid non habet hæc Domina mundi, quæ ab Angelo prædicata est gratiâ plena? Quippè omnium bonorum Mater est. Igitur nullius indiget. Cujus etiâ custodiæ indiget, quæ Spiritum Sanctum in se sensit supervenientem, virtutem Altissimi obumbrantem, Filium Dei ex ipsâ nascentem, et post in cœlum ipsam assumentem, et ad ejus dexteram collocantem? Siquidem positus est thronus Matris Regis, quæ sedebat ad dexteram ejus, et mysticè de beatâ Virgine dictum est. Tu.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ dixit illi: Beatus venter qui te portavit. Et reliqua.

Homilia S. Anselmi Episcopi

Tractat. de concept. B. V.

Virginem MARIAM, quæ super omnes mulieres beata hodiè et benedicta colitur, et prædicatur, quam summus et omnipotens Deus in Matrem assumpsit, et universis quæ post se sunt, dominari constituit, cum in dexterâ ipsius unici beatique Filii sui multitudo viderit

hominum in regno illo beatitudinis adunatorum consistere: nonne felicem, nonne jucundum, nonne ultrâ quàm quivis æstimare queat, statum suum judicabit, in ejus consideratione, et præsentia honoratum? Tu. ꝑ.

Bened. Cujus Dominationem.

LECTIO 8.

Virginem, inquam, de suâ propagine ortam, sibi pro conditione unius naturæ consimilem præ oculis habebunt, Angelis et Archangelis præsentem: omnia utpotè Reginam omnium cum Filio disponentem, seque dulci affectu amplectentem, sibi de collatâ gloriâ congratulentem: et fieri potuit ut ad hoc non immensum exultent, non se ineffabili jucunditate glorificationis conjubilent? Tu. ꝑ.

LECTIO 9.

Et quidem ad hanc dignitatem, nec beatissima Virginum, nec numerositas hominum electorum nunquàm ascendisset, si Filius Dei ad destructionem peccati Adæ de sinu Patris hominem ex ipsâ Virgine assumpturus non descendisset. Igitur propter peccatores MARIA facta est Mater Dei, quæ idcirco quòd eâ castior, eâ sanctior, eâ humilior in opere humano nulla potuit reperiri, meritò debuit in tantam excellentiam ab eo quo nihil castius, nihil sanctius, sublimius est nihil, adcisci, et in quid excellentius adcisci valeret, quàm ut in perpetuâ virginitate permanens Deum de suâ carne carne factum generaret? Hanc excellentiam contulit Deus Virgini MARIE, eo quod illam pudicitia cordis et corporis sibi præ omni creaturâ intellexit adhærere. Tu. Te Matrem.

CANON.

Ex S. Bernardino Senensi.

T. 2. §. 51.—*Apud Ligor. c. 1.*

413. Hæc autem Virgo in illo consensu meruit primatum orbis, dominium mundi, sceptrum Regni super omnes creaturas. Tu.

Cum 2. Vesper.

DIE VI. OCTOBR.

DEDICATION. S. M. DE PACE.

Duplex.

Omnia ut in comm. Dedication.

Lect. 1. Noct. de feriâ.

IN II. NOCT.

LECTIO 4.

Balingh. sub die 12. aug. in Calend. Mar.

Romæ in Ecclesiâ Sanctæ MARLÆ de pace celebratur anniversaria dies ejus dedicationis. Hujus templi erigendi hæc fuit occasio. Erat eodem loco antea parochialis Ecclesia Sancti Andreæ, et in ejus porticu Imago Deiparæ in pariete extra Ecclesiam. Ante hanc dum aleatores ludunt, unus ob amissas pecunias horrendè blasphematur beatam Virginem: postea taxilos in Imaginem jacit, et arrepto pugione eam in pectore, in collo, in genâ dextrâ, et in mente vulnerat, undè statim recens sanguis exiliit. Indè famâ miraculi sparsâ, ingens fit hominum ad Imaginem accursus: succedunt miracula, undè quæ prius Sancti Andreæ Ecclesia dicebatur, dicta est Sancta MARIA de miraculis. Tu. ß.

LECTIO 5.

Porrò cum tota propè Italia bellorum moribus quateretur, et ipsa Roma à Calabriæ duce obsideretur, Sixtus quartus ad dictam Imaginem accedens, vovit: Si Deus per beatissimæ Virginis MARLÆ intercessionem pacem Italiæ daret, se templum sub titulo Dei Genitricis erecturum. Quare voti compos factus, et urbe liberatâ in solo veteri Ec-

clesiæ Sancti Andreæ ad honorem Virginis MARLÆ templum ædificavit. Dictam etiâ Imaginem in illud transtulit, et loco decentissimo super aram maximam collocavit. Tu. ß.

LECTIO 6.

At quod morte præventus non absolvit, Innocentius perfecit, et majoris aræ ornamentum marmoreum elegantissimè sculptum, et deauratum, in quo Imago prædicta continebatur, addidit. Monasterium canonicorum Regularium ibidem cardinalis Caraffa ædificavit. Gaspar Rivaldus civis Romanus non solum sacellum regio opere adjunxit, sed et cum lapidibus pretiosis, tum venustissimis picturis exornavit, et in novam Aram magnificentissimam, insumptis plusquàm quindecim millibus aureorum, Imaginem transferri curavit. Tu. ß.

Homil. de comm. Dedicat. pro Duplicib.

LECTIO 9.

Commemoratio B. V. Ransperganæ.

Gumpenberg. im. 618.

Ranspergæ in Germaniâ Inferiori perantiqua Deiparæ statua est, sanè miraculosa: nam et pictura id è muro edocet obsessos hic à spiritibus malignis liberatos, et mortuos resuscitados fuisse. Languentem pietatem iterum suscitavit, qui anno millesimo sexcentesimo decimo octavo picturas evanidas renovavit, fecitque, ut simul etiâ antiqua pietas rediret, et Deiparæ favor. Tu. Te Matrem.

Vesperæ à capit. de sequent. ut in 1. Vesp. Inf.

DIE VII. OCTOBR.

COMMEN. B. M. V. DE VICTORIA.

Duplex.

Lect. 1. Noct. de Fer.

IN II. NOCT.

LECTIO 4.

Anni millesimi quingentesimi septuagesimi primi septimâ Octobris die, quâ Sanctissimi Rosarii sodalitates per universum orbem consuetas supplicationes peragerent, statutasque preces de more fundarent, commissum est navale prælium ad Naupactum, Sancto Pio quinto Pontifice, qui eodem momento, quo Christiani Turcarum classem propè deleverant, de nostrorum victoriâ, quæ precibus sodalium sanctissimi Rosarii haud immeritò refertur accepta, monitus est. Tu. ꝑ.

LECTIO 5.

In eo igitur prælio fidelium exercitus Summi Pontificis Sancti Pii quinti, ac catholici Hispaniarum Regis Philippi secundi, nec non Venetorum Reipublicæ fœdere coactus, tanto impetu contra Turcarum gentes irruit, ut gloriosam ac cunctis sæculis memorabilem de ipsis ad Echinadas insulas, captis hostium triremibus centum et octoginta, cæteris dissipatis, victoriam reportavit. Tu. ꝑ.

LECTIO 6.

Ob tam ergò insignem victoriam Sanctus Pius quintus iussit quotannis Sanctæ MARIE de Victoriâ Commemorationem fieri, ut haberetur in Martyrologio Romano ad hunc diem his verbis; Eodem die Commemoratio Sanctæ MARIE de Victoriâ, quam Pius quintus, Pontifex maximus ob insignem victoriam à Christianis bello navali, ejusdem Dei Genitricis auxilio hæc ipsâ die de Turcis reportatam quotannis fieri instituit. Tu. ꝑ.

Homilia de comm. pro Duplicibus.

LECTIO 9.

Commem. B. V. Budanæ in Silvis.

Gumpenb. Imag. 163.

Non longè à Budâ in Lithuanîâ in

templo Sancti Francisci mediis in silvis (undè nomen habet) colitur Imago Sanctissimæ Deiparæ, quam Clemens Octavus Romanus Pontifex dono dedit cuidam Palatino, Miscensi, cui nomen Joannes Pax, ab hæresi ad fidem catholicam converso. Ad eam accurrit tota Lithuania, et alba Rusia propter ingentem famam miraculorum, sibi complacente Deiparâ eam invocantibus copiosa dona impetiri. Tu.

Te Matrem.

Vesperæ sequentis.

DIE VIII. OCTOBR.

ENCÆNIA

OMNIUM ECCLESiarUM B. M. V.

Duplex primæ Classis cum Octavâ.

IN I. VESPER.

Ant. 1. O Israel, quàm magna est domus Dei, et ingens locus possessionis ejus. *Psalm. ut in 1. Vesp. Solemn.*

2. Propter domum Domini Dei nostri quæsivi hona tibi.

3. Diligit Dominus portas Sion super omnia tabernacula Jacob.

4. In domo meâ omnis qui petit, accipit, qui quærit, invenit, et pulsanti aperiatur.

5. Ecce ego sto ad ostium et pulso, aperi mihi Mater mea, et exaudi me.

CAPITULUM. 2. Paral. 20. 9. Stabimus coram domo hæc in conspectu tuo, et clamabimus ad te in tribulationibus nostris, et exaudies, salvosque facies.

ꝑ. Audite, qui ingredimini per portas has, ut adoretis Dominum: * Bonas facite vias vestras, et nolite facere domum Matris vestræ domum negotiationis. ꝑ. O quàm metuendus est locus iste! Verè non est hic aliud nisi domus Dei, et porta cœli.—Bonas.—Glor.—Audite.

In diebus infra octav. omittitur.

HYMNUS 104.

Lælis terra sonet plausibus; huic
Dei

Maler Virgo datur: munereque nova
Se rerum facies protinùs exerit;
Mundo pax redit aurea.

Hæc est illa domus, quâ Deus
Advena

In terris habitat, digna Deo domus,
Templum grande sibi quod propriâ
manu

Summus condidit Artifex.

Aureisarca vetus fulserit undiquè
Scintillans radiis: hæc vacuas de-
cent

Umbras: interior Numinis ipsius
Arcam nobilitas decet.

Non hic manna latet, legifer,
aut lapis,

Non ramus sterilis; flos viget hic
ferax

Virtutum: sacer hic panis, homo
Deus;

Hic legis residet dator.

Sit laus summa Patri, summa-
quæ Filio

Amborum sit idem Spiritui decus,
Arcanis habilem, qui thalamum
modis.

Christo præparat Hospiti. Amen.

†. Locus iste sanctus est.

¶. Domus orationis vocabitur.

Ad Magnif. ant. Erit Nomen
meum in domo hæc, in quâ in-
vocatam est, cunctis diebus.

*Oratio de Laud. Complet. de Do-
minicâ.*

AD MATUTIN.

Invitatorium. Domum MARLÆ
deceat sanctitudo: * Christum ejus Fi-
lium adoremus in eâ.

HYMNUS 105. *S. Aurel. Prud.*

Exteri necnon et urbis
Huc colonus advenit:
Fama nam terras in omnes
Præcucurrit proditrix:
Hinc Patronam esse mundi

Quam precantes ambient.

Nemo puras hic rogando
Frustrâ congessit preces:
Lælus hinc tersis revertit
Supplicator fletibus,
Omne quod justum poposcit
Impetratum sentiens.

Laus tibi per omne tempus
Trinitas indifferens:
Laus, honor virtusque summa
Singularis gloriæ,
Quæ Deum te sæculorum
Personent per sæculum. Amen.

IN I. NOCT.

Ant. 1. Quicumque oraverit * in
loco isto, exaudi illum de cœlis,
Virgo MARIA, et propitiare. *Ps. 14.*
Domina quis. *p. 5.*

2. Exaudi * de habitaculo tuo,
et fac cuncta, pro quibus invocata
fuëris. *Ps. 29.* Exaltabo te. *p. 26.*

3. Gloria Domini implevit Do-
mum MARLÆ, venite invocemus
nomen ejus. *Ps. 37.* Domina, ne
in. *p. 28.*

†. Beati, qui habitant in domo
tuâ.

¶. In sæcula sæculorum lauda-
bunt te.

De libro tertio Regum.

LECTIO 1. c. 8. 1.

Tunc congregati sunt omnes majores natu Israel cum principibus tribuum, et duces familiarum filiorum Israel, ad regem Salomonem in Jerusalem, ut deferrent arcam fœderis Domini de civitate David, id est, de Sion. Convenitque ad regem Salomonem universus Israel in mense Ethanim, in solempni die, ipse est mensis septimus: Veneruntque cuncti senes de Israel, et tulerunt arcam Sacerdotes, et portaverunt arcam Domini, et tabernaculum fœderis, et omnia vasa Sanctuarii, quæ erant in tabernaculo: et ferebant ea sacerdotes et Levitæ.
Tu. ¶.

¶. Fecerunt filii Israel, Sacerdotes et Levitæ Dedicationem domus Dei in gaudio, . Et obtulerunt in dedicationem domus Dei victimas Domino. ¶. Et fecerunt solennitatem septem diebus in lætitiâ, quoniâ lætificaverat eos Dominus.—Et obtulerunt.

LECTIO 2.

Rex autem Salomon, et omnis multitudo Israel, quæ convenerat ad eum, gradiebatur cum illo ante arcam, et immolabat oves et boves absque æstimatione et numero. Et intulerunt Sacerdotes arcam fœderis Domini in locum suum, in oraculum templi, in sanctum sanctorum, subter alas cherubim. Siquidem cherubim expandebant alas super locum arcæ, et protegebant arcam et vecles ejus desuper. Tu.

¶. Respice ad orationem nostram, et ad preces nostras, quæ Mater misericordiæ nuncuparis, * Ut sint oculi tui aperti super domum hanc nocte ac die. ¶. Audi, Domina, hymnum et orationem, quam oramus coram te hodiè.— Ut sint.

LECTIO 3.

v. 10.

Factum est autem cum exissent Sacerdotes de Sanctuario, nebula implevit domum Domini, et non poterant Sacerdotes stare et ministrare propter nebulam: impleverat enim gloria Domini domum Domini. Tunc ait Salomon: Dominus dixit, ut habitaret in nebula. Edificans edificavi domum in habitaculum tuum, firmissimum solium tuum in sempiternum. Convertitque Rex faciem suam, et benedixit omni Ecclesiæ Israel: omnis enim Ecclesia Israel stabat. Tu.

¶. Fecit Salomon festivitatem celebrem, et omnis Israel cum eo, * Coram Domino Deo nostro septem diebus, et in die octavâ dimisit po-

pulos. ¶. Benedictus Dominus Deus, qui dedit hoc in corde regis, ut glorificaret domum Domini.—Coram.—Glor.—Fecit Salomon. *In diebus infra Octav. Coram.*

IN II. NOCT.

Ant. 1. Sanctificavit * Dominus Domum Genitricis suæ, et habitabit in eâ. *Psalm. 43.* Domina, aurib. *p. 29.*

2. Orate in loco isto, * quia Nomen **MARIÆ** invocatum est super domum hanc. *Psalm. 50.* Miserere mei. *p. 31.*

3. Replebimur * in bonis domus tuæ: sanctum est templum tuum. *Psalm. 55.* Miserere mei..... quon. *p. 32.*

¶. Gloria et divitiæ in domo ejus.

¶. Et justitia ejus manet in sæculum sæculi.

Sermo S. Germani Arch. Constantinopolitani. *Apud Surium die 31. Augusti.*

LECTIO 4.

Si Virgo appellata est civitas animata Regis Christi, meritò illius quoque templum sanctissimum, cujus dedicationem hodiè celebramus, et est et nominatur civitas gloriosa. Civitas non terrestri et mortali Regi in civium numerum adscribens eos, qui parent ejus ditioni, sed cælesti qui transmittit ad vitam æternam, et præbet regnum suum iis, qui ipsum sequuntur.

¶. Fecerunt Judæi dedicationem altaris octo diebus, * Et obtulerunt holocausta cum lætitiâ, et sacrificium salutaris et laudis. ¶. Et facta est lætitiâ in populo magna valdè, et aversum est opprobrium gentium.—Et obtulerunt.

LECTIO 5.

Encæniorum autem nomen, id est, Dedicationis, o Reverendi auditores, ne recentèr factis ædificiis; et

modò coagmentatis constructionibus existimetis solùm continere, sed eam etiã, quæ in Spiritu fit, renovationem significare, per quam homo noster internus, cum vetus et lacerum peccati exuerit indumentum, novum pietatis induens vivit in vitæ novitate. Illis enim delectatur Virgo ab omni penitens maculâ aliena, qui virtutibus et secundum Deum vitâ pro instituto renovantur. Sic castæ castis fruamur Encæniis. Tu.

¶. Et ornaverunt faciem templi coronis aureis, et scultulis: * Et dedicaverunt portas et pastophoria, et imposuerunt eis januas. †. Confitemini Dominae nostræ, et invocate eam in domo sanctâ suâ.—Et dedicaverunt.

LECTIO 6.

Et tanquàm ad ipsam præsentem, et omnia videntem accessuri; ita ad venerandum ejus templum accedentes, omnia componamus, et omnia mutemus in id, quod est melius, actionem et contemplationem. Nihil sit nostro die indignum. Non ingressus pedis, non risus dentium, ut dicitur, non vestis ornatus tendat ad indecorum. Quid dico? Ipsas quoquè componamus cogitationes, et incessu eas esse Deo dignas ostendamus. Hæc autem omnia præcedat etiã misericordia, quâ Deus colitur, ut mente, animâ, et corpore Encæniorum intemeratæ Dei secundum carnem Matris diem novo modo celebremus. Tu.

¶. Venite, ascendamus hodiè in montem Domini, ingrediamur Domum Genitricis Dei * Ad invocandum nomen sanctum suum. †. Eliget et sanctificavit locum istum in sempiternum.—Ad invoc.—Gloria.—Venite. *In diebus infra Octav.* Ad invoc.

IN III. NOCT.

Ant. 1. Introibimus * in tabernaculum ejus, et adorabimus in loco, ubi steterunt pedes ejus. *Ps.* 84. Benedixisti. *p.* 39.

2. Aperi, Domina, * oculos tuos super domum istam, ut exaudias preces populi tui. *Psal.* 126. Nisi Domina. *p.* 47.

3. Aprehendam te, * et ducam te in domum Matris meæ. *Ps.* 127. Beati omnes. *p.* 47.

†. Domus mea. ¶. Domus orationis vocabitur.

Lectio Sancti Evangelii secundum Joannem.

LECTIO 7. c. 10. v. 22.

In illo tempore: Facta sunt Encænna in Jerosolymis, et hiems erat. Et reliqua.

Homilia D. Euthymii Monachi.

Apud Surium. die 31. August.
Dum itaque animas et corpora per virtutes quæ reprehendi non possunt, et Deo dignæ sunt, nos omnes abluerimus, ita accedamus ad ejus divinum et suscipiendum, et quod supra cœlesti loco non est inferius, Templum, in quod quicumque, ut videt, ingreditur, tanquàm in cœlo quodam modo perpetuos, et indeficientes cultus, et glorificationis facit cum timore, et cordis exultatione, maximè autem hodiè. Tu.

¶. Exaudi, Domina, vocem deprecationis meæ, dum oro ad te, * Dum extollo manus meas ad templum sanctum tuum. †. Respice, Domina, de excelso cœlorum habitaculo tuo.—Dum.

LECTIO 8.

Et quis non hodiè accurrit ad hanc longè clarissimam, et illustrissimam ornatissimam, et à Deo conditi templi Dedicationem? Dedicator hodiè Templum Dei Matris, quod

est pulcherrimum et luminosissimum, et cœlo potest æquiparari. Hodie dedicatur templum maximè benedictæ Dei Filiæ in quo Angelorum exercitus assiduè ministrant. Tu.

℟. Quàm dilecta tabernacula tua, Domina Virtutum! * Concupiscit et deficit anima mea in atriis tuis. ℣. Hæc requies mea in sæculum sæculi: hic habitabo, quoniam elegi eam.—Concupiscit. *In dieb. infr. Oct. hoc ℟. omittitur.*

LECTIO 9.

Hodie celebrantur Encænæ nostræ Intemeratæ. Et quis est ex viris terrigenis, et ea quæ sunt Dei scientibus, non exilierit, et non præclare supra nivem dealbatus fuerit, et animo et moribus mutato? Ita enim in his erimus sine periculo, si maximo cum metu, et tremore, et spirituali exultatione in id ingrediamur. Tu.

℟. Audite, qui ingredimini per portas has, ut adoretis Dominum: * Bonas facite vias vestras, et nolite facere domum Matris vestræ domum negotiationis. ℣. O quàm metuendus est locus iste! verè non est hic aliud, nisi domus Dei et porta cœli.—Bonas.—Gloria.—Audite. *In diebus infra octav. Bonas. Te Matrem.*

AD LAUDES.

Et per Horas antiphonæ.

Ant. 1. Apertum est * templum Dei in cœlo, et visa est arca testamenti ejus in templo ejus. *Psalmi de Domin.*

2. Ecce apertum est * templum tabernaculi testimonii: introibimus, et invocabimus Nomen Matris Dei.

3. Introibo * in domum tuam, adorabo ad templum sanctum tuum, et confitebor Nomini tuo.

4. Venite hodiè * ad Sanctua-

rium Domini, quod Deus sanctificavit in æternum.

5. Hæc domus mea, * hic locus solii mei, hic locus vestigiorum meorum.

CAPITULUM. 2. *Parali. 20. 9.* Stabimus coram domo hâc in conspectu tuo et clamibus ad te in tribulationibus nostris, et exaudies, salvosque facies.

HIMNUS 106.

Diva, te nostris, Mater, ò precamur

Annuas vultu studiis sereno,
Plena sic nobis ferat ut dicatum
Gaudia templum.

Da metus omnes procùl hinc recedant,
Sint dies læti, placidæque noctes:
Tuamque gratam omnibus clementiam

Filiis effunde.

Hæc dies templi referens recentis
Misticos ritus, Deo templa mole
Nos struat viva, superisque tandem
Arcibus aptet.

Sit decus summo sine fine Christo,
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

℣. Introibo in domum tuam.

℟. Reddam tibi vota mea.

Ad Benedict. ant. Vidi, * et ecce implevit gloria Domini domum Domini, Spiritus Sanctus supervenit in eam, et virtus Altissimi obumbravit illi: et cecidi in faciem meam.

Oratio.

Omnipotens sempiternæ Deus, effunde super nos Spiritus Sancti dona cœlestia, ut qui sacrosancta Encænæ beatissimæ Virginis MARIE Ecclesiarum recolimus, tuæ divinæ habitationis templa fieri mereamur in terris, et tuæ gloriæ in æternum in cœlis. Per Dominum..... in unitate ejusdem.

AD PRIMAM.

Ant. Apertum est. *Capit.* Stabimus. *de Laudibus.*

†. *Br.* Quæ domus Dei effecta fuisti. *Dicitur per Oct.*

AD TERTIAM.

CAPITULUM. Ezech. 43. 5.
Elevavit me Spiritus, et introduxit me in atrium interius: et ecce repleta erit gloriâ Domini domus.

†. *Br.* Majestas Domini * Ingressa est templum.—Majestas. †. Per viam portæ orientalis.—Ingressa.—Gloria.—Majestas.

†. Sapientia ædificavit sibi domum.

†. Excidit columnas septem.

AD SEXTAM.

CAPITULUM. Ezech. 43. 7.
Fili hominis, locus solii mei, et locus vestigiorum pedum meorum, ubi habitabo in medio filiorum Israel in æternum.

†. *Br.* Sapientia ædificavit * Sibi domum.—Sapientia. †. Excidit columnas septem.—Sibi.—Gloria.—Sapientia.

†. Hæc est domus Domini.

†. Domus orationis et obsecrationis.

AD NONAM.

CAPITULUM. Ezech. 43. 12.
Ista est lex domûs in summitate montis: omnis finis ejus in circuitu, sanctorum est: hæc est ergo lex domûs.

†. *Br.* Hæc est * Dómus Domini.—Hæc. †. Domus orationis et obsecrationis.—Domus.—Gloria.—Hæc.

†. Locus iste sanctus est. †. Dei ædificatio est.

IN II. VESPERIS.

Ant. 1. Beati * qui habitant in domo tuâ, Virgo MARIA, in sæcula sæculorum laudabunt te. *Ps. ut in 2. Vesper. solemnit.*

2. Quia melior * est dies una in atriis tuis super millia in tabernaculis peccatorum.

3. Hæc requies * mea in sæculum sæculi: hic habitabo, quoniam elegi eam.

4. Quàm dilecta * tabernacula tua: quàm amabilia tentoria requietionis tuæ!

5. Concupiscit * et deficit anima mea in atria tua, Domina.

CAPITULUM. 2. Par. 20. 9.
Stabimus coram domo hâc in conspectu tuo, et clamabimus ad te in tribulationibus nostris, et exaudies, salvosque facies.

†. *Ut in 1. Vesperis.*

HYMNUS 107. *Ex Just. Lipsio et Guarin.*

Diva, quæ gentes hominum salutis
 Exules partu recreas beato:
 Astraque pandis, veterumque mul-
 tas

Fata parentum.

Annue: en sacro tibi fumat ara
 Ture, quod felix lacrymat sabbæis
 Arbor, et multus tibi flagrat ignis
 Divite templo.

Corrige incurvos, vitiisque fractos:

Claudimus gressu, invalidi atque scambi,

Semitam virtutis inire lenti:

Fac properemus.

Tu malis fessos releva, et favente,

Pacis indulge recreemur aurâ:

Tunc tibi laudes, Diva, dicet omnis
 Sexus et ætas.

Sit decus summo sine fine Christo,
 Sancta quem Virgo genuit MARIA,
 Qui Patri compar Spiritui Sancto
 Regnat in ævum. Amen.

†. Replebimur in bonis domûs tuæ.

†. Sanctum est templum tuum.

Ad Magnific. ant. Tu exaudies * de cælo, ut sciant omnes populi no-

men tuum, et cognoscat, quia invocatum est super domum hanc.

Completor. de Dominico.

In diebus infra Octavam, nisi aliter notetur Officium fit ut in die Encænior. cum Psalm. de ferid.

DIE IX. OCTOBR.

DIVÆ V. NUCERINÆ.

Duplex.

Omnia ut in die Encænior. Lect. 1. Noct. de ferid.

IN II. NOCT.

LECTIO 4.

Gumpenberg. Imag. 206.

Vallis Nuceria est Sola et Albino montibus media in regno Neapolitano. Hæc vixit quædam mulier, cui beata Virgo benignè apparuit et dixit: Ego sum Regina omnium, et locus hic totus meus est: simulque extensis latè brachiis locum designavit. Ipsa evigilans somnium marito narravit, et tacere quàm primum jubetur. Post biennium ad eandem mulierem Angelus missus fuit in somnis, quem tres ignes in eodem loco excitantem, et thus incipientem vidit, quin etiàm loquentem audivit. Et in virgulâ fumi mutatus in cælum abiit. Tu.

¶. Hæc ad cælum itur: hæc sunt orationes sanctorum: * Hic porta cæli patet, orantibus hic Dei aures inclinantur ad preces. †. Audivi vocem angeli Dei dicentem mihi. —Hic.

LECTIO 5.

Femina visis, jussisque territa, tacuit sanè, sed viro, ne iterùm tacere juberetur. At verò quos inveniebat passim omnibus, et hæc quæ nunc vidit, et illa, quæ olim edixerat, enarrabat. Et fidem invenit apud plurimos, ita ut confestim populus ad locum ivit. Erat ibi quercus anosa, quæ evulsa cum radicibus

suis arbor non nisi cisternæ veteris ostium ostendit. Ita populus somnio mulieris deceptus rediit. Tu.

¶. Dic populo, ut fodiat, et latentis sacrarii indicia inveniet: * Siquidem evadere vellet, quæ illi mala è cælo imminet. †. Hic locus sanctus est: dic populo ut fodiat. —Siquidem.

LECTIO 6.

Sed hoc ubi Deiparæ questâ est mulier, iterùm apparens, gemmam de annulo, quem digito gestabat exustiens, in fidei pignus dat, jubetque quærere locum. Et sanè alterâ die invenit, egestâ terrâ, antiqui templi rudera, in quo et lampadum fragmenta, aliaque postea inventa sunt. Reperta quoquæ est Deiparæ Imago, postea Altari principi inserta, unâ cum plurimis Sanctorum Reliquiis, inter quas erant venerandi capilli Beatæ Virginis, de cingulo ejus, de vestimentis ejus, et quædam ampulla vitrea plena de lacte ipsius Virginis. Tu.

¶. Ecce ego ipsa dabo tibi signum: * Gemmam de annulo meo tibi dono in fidei pignus. †. Hic locus totus meus est: dic populo, ut fodiat. —Gemmam. —Gloria. —Gemmam.

IN III. NOCT.

Lectio Sancti Evangelii secundum Matthæum.

LECTIO 7. c. 13. 45.

In illo tempore: Dixit JESUS Discipulis suis: Simile est regnum cælorum homini negotiatori, quærenti bonas margaritas. Et reliqua.

Homilia Sancti Antonini Arch. Florentini.

Sermo in Nativ. B. V.

Iste negociator est ipsemet Dei Filius, qui abiit, angelos in cælo relinquendo, id est, non assumendo naturam eorum, omnia sua vendi-

dit, dum cum humanâ naturâ commutavit divinitatem suam, et nos ei humanitatem nostram: lunc enim omnia bona sua acquisita sunt nobis cum illâ, cum ipse specialitèr assumpsit istam pretiosam margaritam, id est, Virginem MARIAM Sponsam. Tu. *Æ.* Exaudi Dom.

LECTIO 8.

Hæc enim ad modum margaritæ genita est intra concham, id est, uterum Annæ humilis Matris suæ ex cœlesti rore, id est divinâ gratiâ et virtute, quia Anna sterilis erat dealbata, et sanctificata. *Lect. 9.* Talis margarita pretiosa reputatur, scilicet, pulchra, candida et clara. Pulchra mente per puritatem, candida incorpore per castitatem, clara in opere per sanctitatem. O quàm pulchra est casta generatio cum claritate! Tu. *Æ.* Audite qui.

LECTIO 9.

Commemoratio B. V. de Insulâ.

Gumpenb. Altus mar. imag. 311. Non præcùl Vicentiâ in Italiâ Villa est, quæ Insulæ nomen habet, in quâ perantiqua et miraculosa Virginis effigies veneratur in quodam templo. Statua est lapidea, et Deipara JESUM pectori appressum brachio tenet. Constat templum hoc anno millesimo trecentesimo sexto jam extilisse, et cum à militibus post duos sæculos spoliatum, et incensum fuerit, statua ipsa lapidea, vidente populo, acerbissimè flevit, et oculos clausit. Finito bello restauratum est templum, et unâ cum templo pietas, quæ etiâ nunc durat. Tu. *Te Matrem.*

Vesperæ ut in 2. Vesper. Encænior.

DIE X. OCTOBR.

DE III. DIE INFRA OCT. ENCÆN.

Semiduplex.

Lectio. 1. Noct. de feriâ.

In secund. Noct. leguntur Lectiones ut in Communi Dedicat. Si Salomon cum Israel. *Responsoria verò ut in die Encænior.*

IN III. NOCT.

Lectio S. Evangelii secundum Joannem.

LECTIO 7. c. 10. 22.

In illo tempore: Facta sunt Encænna in Jerosolymis, et hyems erat. Et reliqua.

Homilia D. Euthimii Monachi.

Apud Surium die 31. Augusti.

Hodiè templum dedicatur hujus gloriosæ Dei Matris, in quod ab Oriente et Occidente, à Septentrione et mari omnes ardentèr et fidelitèr confluunt, et spirituales cultus cum timore peragunt, et Deum ex corde non cessant glorificare à mediâ nocte, atque adeò perpetuo et alacri animo assimilati Archangelis. Tu. *Æ.* Exaudi.

LECTIO 8.

Hodiè dedicatur templum Regis Christi Matris, in quo omnis scriptura à Deo inspirata, et utilis legitur ad utilitatem animarum innumerabilem. Etenim ex quovis christianissimo ordine in id magno studio confluunt, Pontifices et Reges, Principes et magistratus, divites et pauperes, immatura ætas et piarum feminarum caterva. Tu. *Æ.* Audite qui.

LECTIO 9.

Commemoratio B. Virginis Trocensis.

Gumpenb. Imag. 187.

Imago Beatæ Virginis, quæ in civitate Trocensi in arâ minore templi majoris colitur, jam à temporibus Alexandri Vitaldi magni Ducis miraculosa est. Tantus hodiè concursus est, ut integræ propè civitates totius ferè Lithuanie

pro festis Deiparæ à milliaribus polonicis quatuordecim supplicantium ritu effundantur ad hunc locum visendum. Undè patet, quòd non solum ab ortu usque ad occasum, sed etiàm à meridie ad ultimum usque Septentrionem laudabile esse Nomen MARIE. Tu. Te Matrem.

Vesperæ ut in 2. Vesper. Encenior.

DIE XI. OCTOBR.

DIVÆ V. TINDARITANÆ.

Semiduplex.

Lect. 1 Noct. de Ferid.

IN II. NOCT.

LECTIO 4.

Octav. Cajetan de effigieb. Siculis.
In Sicilia juxta antiquam arcem Tyndaritanam templum extat, in quo antiquissimum Virginis Simulacrum ex marmore magnâ, ut par est, colitur observantiâ. Traditio est olim (nihil de tempore liquet) cum navigium, quo sanctissimum Simulacrum advehebatur, Siciliam cum legeret, sub ipso Tyndarintano monte constitisse; cumque ultra progredi nequiquam posset, et jam faventibus ventis ab aliâ regi virtute clarè appareret; nautæ, impellente animos cœlesti Numine, Statuam Virginis è navigio depolunt, et ad proximum templum in colle collocant. Tu. ꝑ. Fecerunt.

LECTIO 5.

Ea in re contingit, ut in loco, quo primùm effigies constituta fuit, ibi illius vestigium imprimeretur, quod quidem in marmoreâ tabellâ unius palmi adhuc ibi observatur, reique memoriam servat. At vero navis, deposito Virginis Simulacri onere, reversisque nautis felicissimo cursu portum tenuit: tantùm videlicet Regina cœlorum hanc sibi expetebat sedem, tantam ex suâ Sicilia

voluptatem capiebat, ut in eâ, etiàm cum vi præter rerum ac naturæ ordinem habitare quodammodo vellet, et ili maximè coli ab omnibus, ubi tanta idololatriæ superstitio priùs floruerat. Tu.

ꝑ. Et ornauerunt.

LECTIO 6.

Primùm in templi latere sita fuit statua, deindè sacellum fabricatum fuit, magnumque, fama est, in eâ translatione miraculum fuisse, nam cum in novum sacellum translata esset vespere, manè in primâ sede, ubi primùm fuit posita, inveniebatur. Quarè solemnî supplicatione iterata translatio est, et mirum sanè prodigium, nam ubi eâ pompâ in novo sacello collocata fuit, non ampliùs ex eo mota, ibique beneficia omnibus elargitur. Tu. ꝑ. Venite.

NI III. NOCT.

Lectio Sancti Evangelii secundum Lucam.

LECTIO. 7. c. 11. 27.

In illo tempore: Loquente JESU ad turbas, extollens vocem quædam mulier de turba, dixit illi: beatus venter qui te portavit. Et reliqua.

Homilia S. Epiphanii Episcopi.

De Laudibus B. M. V.

Quid dicam? et quid proloquar? quo pacto beatam prædicabo gloriæ radicem? Solo enim Deo excepto cunctis superior existit: naturâ formosior est ipsis Cherubim, Seraphim, et omni exercitu Angelico: cui prædicando cœlestis ac terrena lingua minimè sufficit, imo verò nec angelorum. Etenim ipsi quidem hymum, laudem, honorem protulerunt: non tamen eo modo eloqui pro dignitate potuerunt. Tu.

ꝑ. Exaudi.

LECTIO 8.

Lætabuntur verò Angeli, tanquàm ipsi dumtaxat Deum habent, qui-

bus Sanctissima Virgo superior facta, Deum habitantem in cœlis concepit in terrâ, ut hâc ratione exercitus Angelorum traheret in terram, et versaretur cum hominibus. Ipsa est enim cœli et terræ mediatrix, quæ unionem naturalitèr peregit. Tu. ꝑ. Audite, qui.

LECTIO 9.

Commemoratio B. Virginis de Almudenâ.

Gumpenb. imag. 619.

Matritenses in obsidione Mauro- rum, ne Statua Santæ MARLÆ de Almudenâ in ludibrium Sarracenorum remaneret, eam intra muros urbis absconderant. Porro locus per traditionem nepotibus non erat ignotus: diversæ tamen et multæ erant sententiæ, nemine non affirmante intra mœnia hunc thesaurum latere, et omnibus, quâ muri parte lateret, ignorantibus. Quapropter suasu piorum supplicatio instituta est, quâ Virgo rogabatur, dignaretur Iconem suam delegere. Sed ecce! pars muri concidit, detegitur Sancta Imago, et incredibili lætitiâ suo templo restituitur. Tu. Te Matrem.

Vesperæ de sequent.

DIE XII. OCT.

COMM. B. V. M. DE COLUMNA.

Duplex majus.

IN I. VESPER.

Antiphonæ ut in 2. Vesper. Encœmiorum. Psalm. de ferid.

CAPITULUM. 2. Esdr. 9. 19.

Columna nubis non recessit ab eis per diem, ut duceret eos in viam, et columna ignis per noctem, ut ostenderet eis iter, per quod ingrederentur.

O HYMNUS 108. *Marc. Maxim.*

Cæsaraugustæ decus,
Et dulce patrocinium,

Gentis Iberæ column

Templum columnæ immobilis.

Quæ diceris plûs omnibus

Sâcris Iberis sedibus

Jerusalem mirabilis,

Domus pudicæ Virginis.

Te præ solis cubiculis

Elegit ipsa Genitrix,

Quæ gessit almo in utero

Magni Tonantis Filium.

Hæc nam Jacobo Apostolo

Et suo consanguineo

Ædem jubet conficere

Cunctis manentem sæculis.

O grandis apparitio,

Jacobo facta primitus

Anno nono tricesimo

Natalis almi Domini!

Doxologia de Tempore.

ꝑ. Ignis ardentem columnam.

ꝑ. Ducem habuerunt ignotæ viæ.

Ad Magnif. ant. Elegi, et sanctificavi locum istum meâ. præsentia, ut sit ibi nomen meum, et permaneant oculi mei et cor meum ibi cunctis diebus.

Oratio de Laudib.

AD MATUTIN.

Invitatorium. Memoriam MARLÆ cum laudibus celebremus: * Et nomen ejus cum exultatione.

J HYMNUS 109. *Ex offic. prop.* Jubilo dulci canimus MARIAM, Flumen æternæ pietatis, undè Hauriunt omnes, quibus ardet alto Pectore virtus.

Cujus est primo fidei sub ortu Noster expertus populus favorem, Cum per Hispanas micuisset oras Stemma salutis.

Longa quod plausu cecinit vetustas,

Quod Patres olim coluere festum, Prædicent sanctè, celebrentque gratâ

Mente nepotes.

Fertur, ut quondam monitus Jacobus

Cæsaraugustæ posuisse templum,
Nostras sic ædes nitidas **MARIÆ**
Corde dicemus.

Virginis laudes celebrans Iberus
Civis exultet, memor et receptæ
Gratiæ, festo redeunte, vota
Debita solvat.

Sit decus summum tibi, Christe,
Mater
Pura quem Virgo generavit, æquâ
Laude dicatur, Pater, ac perenni
Spiritus ævo. Amen.

IN I. NOCT.

Ant. 1. Columnam ducem habui-
mus ignotæ viæ, et solem sine le-
surâ boni hospitii præstitisti.

2. Non fecit talitèr omni nationi,
et judicia sua non manifestavit eis.

3. Sapientia ædificavit sibi do-
mum, et mensam suam proposuit.

†. Beati, qui habitant in domo
tuâ.

℞. In sæcula sæculorum lauda-
bunt te.

De libro Exodi.

LECTIO 1. c. 13. 17.

Cum emisisset Pharaon populum,
non eos duxit Deus per viam ter-
ræ Philistiim, quæ vicina est: re-
putans ne forlè pœniteret eum, si
vidisset adversum se bella consur-
gere, et reverterentur in Ægyptum.
Sed circumduxit per viam deserti,
quæ est juxta mare rubrum, et ar-
mati ascenderunt filii Israel de ter-
rà Ægypti. Tu.

℞. Vidi speciosam sicut colum-
bam ascendentem desuper rivos
aquarum: * Cujus inestimabilis odor
erat nimis in vestimentis ejus. †.
Et vidi eam, quasi columnam fumi
de civitate conscendere.—Cujus.

LECTIO 2. v. 20.

Profectique de Socoth castramen-
tati sunt in Etham in extremis fini-
bus solitudinis. Dominus autem
præcedebat eos ad ostendendam

viam per diem in columnâ nubis, et
per noctem in columnâ ignis, ut dux
esset itineris utroque tempore. Nun-
quàm defuit columna nubis per
diem, nec columnâ ignis per no-
ctem. Tu.

℞. Beatissima Virgo Sancto Ja-
cobo Apostolo ad Iberi fluminis ri-
pam oranti apparuit: * Ibique, ut
sacellum extrueret, eidem injuaxit.
†. Ecce locus signatus, et honori
Deiparæ deputatus.—Ibique.

LECTIO 3. c. 14. 19.

Tollensque se Angelus Dei, qui
præcedebat castra Israel, abiit post
eos: et cum eo paritèr columna nu-
bis, priora dimittens, post tergum.
Stetit inter castra Ægyptiorum et
castra Israel: et erat nubes tenebro-
sa, et illuminans noctem, ita ut ad
se invicem toto noctis tempore ac-
cedere non valerent. Tu.

℞. Jacobus Apostolus ædiculam
extruxit, * Quæ antiquâ populorum
religione, et maximâ frequentia ce-
lebratur. †. Auribus nostris audi-
vimus, patres nostri annuntiave-
runt nobis.—Quæ.—Gloria.—Quæ.

IN II. NOCT.

Ant. 1. Tulit Jacob lapidem
unum, et vocavit nomen illius: la-
pis adjutorii.

9. O quàm metuendus est locus
iste! verè non est hic aliud nisi do-
mus Dei, et porta cœli.

3. Ecce ego mittam in funda-
mentis Sion lapidem angularem,
probatum, pretiosum.

†. Gloria et divitiæ in domo ejus.

℞. Et justitia ejus manet in sæ-
culum sæculi.

LECTIO 4.

*Ex Offic. proprio B. V. M. de Co-
lumnâ.*

Ut pia et antiqua traditio habet,
cum beatus Jacobus Apostolus, ma-
jor nuncupatus, divino consilio Hi-

spaniam appulisset, et aliquandiū Cæsaraugustæ substilisset, ipsi cum aliquot discipulis noctu ad Iberi fluminis ripam oranti beata Virgo, dum adhuc in humanis ageret, apparuit, ibique ut sacellum ex-trueret, injunxit. Tu.

℟. Hæc est domus Domini firmi-tèr ædificata, Ecclesia Dei vivi: * Columna fidei, et firmamentum ve-ritatis. ʒ. Verè non est hic aliud nisi domus Dei et porta cœli.—Co-lumna.

LECTIO 5.

Quarè nihil cunctatus Apostolus, discipulis opem ferentibus, ædiculam Deo in ipsius Virginis honorem dicavit. Huic autem procedentibus sæculis, amplius et augustius tem-plum accessit, quod è Simulacro Deiparæ Pilæ è marmore super-stante, atque ibidem maximâ totius Regni pietate ac frequentia venerato, à Columnâ olim acceptum no-men, hisce quoquè temporibus re-tinet. Tu.

℟. Ad Simulacrum Virginis de Columnâ piè venerandum pcpli de longinquo veniunt: * Vota sua humili corde offerunt, et uberes gratias à Deo impetrant.

ʒ. Leva in circuitu oculos tuos et vide: omnes isti congregati sunt, venerunt tibi.—Vota.

LECTIO 6.

Utque debitus Deo cultus, ac fer-vens jam erga Virginem populorum devotio uberius in diem incremen-tum accipiat, Clemens XII. Pontifex maximus per universas regi catho-lico subjectas ditiones ejusdem Commemorationis officium die duo-decimâ Octobris celebrari indulsit. Et novissimè Summus Pontifex Pius septimus hanc festivitatem ad ri-tum primæ classis cum octavâ ele-vavit, officium quoquè proprium in eâ recitari posse concessit, sed pro

toto regno Aragoniæ tantum. Tu.

℟. Statuit Dominus super petram pedes meos, et in petrâ exaltavit me: * Et nunc exaltavit caput meum super inimicos meos. ʒ. Funda-menta æterna supra columnam so-lidam.—Et.—Gloria.—Et.

IN III. NOCT.

Ant. 2. Dedit nobis Dominus ci-vitatem munitam et columnam fer-ream.

2. Dum anxaretur cor meum, in petrâ exaltavit me.

3. En ego stabo ibi coram te super petram, et exhibit ex eâ aqua, ut bibat omnis populus.

ʒ. Domus mea. ℟. Domus ora-tionis vocabitur.

Lectio S. Evangelii secundum Joannem.

LECTIO 7. c. 19. 25.

In illo tempore: Stabant juxta cru-cem JESU Mater ejus, et soror Ma-tris ejus, Maria Cleophe, et Maria Magdalene. Et reliqua.

Homilia S. Epiphanii Episcopi.

Contra Hæres. hæres. 78.

In ipsâ consummatione, quandò Salvator in cruce pendebat, velut habet Evangelium secuudum Joan-nem: conversus, inquit, vidit Disci-pulum, quem diligebat Dominus, et dixit ipsi de MARIA: Ecce Mater tua: et eidem dicit: Ecce Filius tuus. Si verò fuissent filii MARIE, et si fuisset ipsi vir, quâ ratione tradidisset ipsam Joanni, et Joan-nem MARIE! Quâ vero ratione non potius Petro tradidit? Quâ ratione non Andream Matthæoque, ac Bartho-lomæo? Et manifestum est, quod Joanni propter Virginitatem. Tu.

℟. Insigni beneficio peculiarem sui obtinendi Patrocinii fiduciam clementissima Virgo nobis conces-sit: * Quæ hunc locum elegit, in quo preces undiquè confluentium

exciperet. †. Filii tui de longè venient, et filiæ tuæ de latere surgent. —Quæ.

LECTIO 8.

Ecce enim Mater: quanquàm non esset Mater ipsius Joannis secundum carnem: sed ut ostenderet ipsam Matrem esse principem Virginitatis: quoniam ex ipsâ vita erat. Et Joanni, quanquàm secundum carnem alieno existenti dicebat, ut doceret honorare propriam suam Matrem, quoniam reverà secundum carnem ex ipsâ Dominus ipse genitus est, et ne quis putet, rem ipsam esse apparientiam, et non veritatem. Tu.

†. Dominus præcedebat eos ad ostendendam viam, * Per diem in columnâ nubis, et per noctem in columnâ ignis. †. Nunquàm defuit columnâ nubis per diem, nec columnâ ignis per noctem. —Per diem. —Glor. —Per.

LECTIO 9.

Si enim non fuisset verè ipsius Mater, quæ secundum carnem peperit ipsum, non sanè curam habuisset, ut semper Virginem commendaret, quæ mater quidem facta est propter dispensationem, impolluta autem erat propter honorem eî ga ipsum et vas admirabile. Dicit autem Evangelium: Et ab illâ die accepit ipsam ad seipsum. Tu. Te Matrem.

AD LAUDES.

Et per Horas Antiphonæ.

1. Sapientia * ædificavit sibi domum, excidit columnas septem.

2. Ego in altissimis * habitavi, et thronus meus in columnâ nubis.

3. Columna nubis * omnes operiens, columna ignis omnes illuminans.

4. Fundata est * domus Domini secus decursum aquarum, et flumina non obruent illam.

5. Fundabo te * in saphiris, ponam jaspidem propugnacula tua.

CAPITULUM. 2. *Esdr.* 9. 19.

Columna nubis non recessit ab eis per diem, ut duceret eos in viam, et columna ignis per noctem, ut ostenderet eis iter, per quod ingrederentur.

HYMNUS 110. *Ex offic. prop.*

Grata Virgini MARIE,
Præsidi dulcissimæ;
Gaudeat sublime donum
Concinnans Hispania,
Occupet nec ulla mentes
Impudens oblivio.

Virgo stans super columnam
Fulget æde maximâ,
Excubantes hinc et inde
Lampades pulcherrimæ,
Nocte certatim dieque
Dulce lumen offerunt.

Quæ patres cœpere primi
Tecta cultu simplici,
Posteriores majore sumptu
Promoventes extruunt:
Prisca paupertas placebat,
Nec novus mos displicet.

Nempe devotas ad aras
Supplices se conferunt,
E remotis dona terris
Consecrantur ædibus,
Spargit undè Virgo clemens
Gratias uberrimas.

Sit tibi virtus, decusque
Christe nate Virgine,
Sit Patri laus et Datori
Gratiarum Flamini,
Una jugiter canatur
In tribus divinitas. Amen.

†. Introibo in domum tuam.

†. Reddam tibi vota mea.

Ad Bened. ant. Sanctificavit Dominus tabernaculum suum: benedicta gloria Deiparæ de loco sancto suo.

Oratio.

Omnipotens sempiterne Deus, qui per gloriosissimam Filii tui Ma-

trein cœleste præsidium nobis mirabiliter præparasti; concede propitius, ut, quam peculiari titulo de Columnâ piâ devotione veneramur, ejus perpetuo protegamur auxilio. Per eundem Dominum.

Ad horas antiph. et orat. de Laudib. cætera ut in die Encæn.

CANON.

Ex Calixto Papâ Tertio.

In Bull. Universis Chi. fidelibus 9. Kalend. Octobr. an. 1436. apud Murillo Tract. 1. c. 3. p. 18.

414. Christi fideles magnâ devotione ac veneratione Imaginem Beatæ MARLÆ, et ejus Filii in quâdam Capellâ ejusdem Ecclesiæ (quæ de mandato Beatæ MARLÆ per Beatum Jacobum fabricata, et camera angelica Dei Genitricis de Pilari nuncupata et appellata extitit) colunt et venerantur, ac cum maximâ devotione visitare non cessant. Tu.

In 2. Vesper. antiph. ut in 2. Vesp. Encæn. Capitul. Hymn. et 7. ut in Laudibus.

Ad Magnif. ant. Respice de cœlo et vide, et visita vineam istam, quam plantavit dextera tua, et perfice eam.

DIE XIII. OCT.

DE VI. DIE INFRA OCTAV.

Semiduplex.

Lect. 1. Noct. de fer.

IN III. NOCT.

Sermo Divi Euthymii Monachi.

Apud Surrum die 31 Aug.

LECTIO 4.

Sed quis tuæ gloriæ loquetur magnalia, ô intemerata! Hodie dedicatur Templum Sponsæ expertis nuptiarum Patris, qui non potest comprehendere, in quo chori piorum et doctorum virorum ordine assistentes, et indoctis non parvam

præbentes utilitatem, summam accipiunt remunerationem. Qui enim abducit, inquit, indignum ab indigno, erit tanquàm os meum. Tu. 8. Fecerunt.

LECTIO 5.

Hodie dedicatur templum purum, et integrum gloriosæ Dei Filiæ, in quod etiâ si, qui sunt in montibus et speluncis cursu venientes, ex bonâ famâ ossa, ut dicit Scriptura, pinguesfaciente, amore amorem assumunt, et læti domum vadunt, semper Virginis MARLÆ summum templum honorantes. Tu. 8. Et ornaverunt..

LECTIO 6.

Hodie templum dedicatur illius castissimæ templis omnibus superius, in quo plurimi ex iis, qui sunt polluti peccatis gravissimis redeunt ad pietatem, et summam puritatem, et sunt æquales angelis. Hodie dedicatur templum patrocinii et defensionis Christianorum, in quo ii etiâ, qui optimè vivunt, redduntur formosiores, et luce lucem accipiunt, exornati humilitate, qui Christum imitantur. Tu. 8. Venite.

Homilia ut in die Encæniorum.

LECTIO 9.

Commemoratio B. Virginis de Monte Viridi.

Gumpenb. Imag. 317.

Grumi in Apuliâ per vetusta Deiparæ Imago colitur à Monte Viridi dicta, quæ pluribus sæculis extra oppidi mœnia in trivio cum jacuisset incognita, hodie piorum liberalitate templum habet per amplum, et venustum. Hujus Imaginis Sanctissimæ fama tanta per totam Apuliam percrebuit, et adeo crebis beneficiis clientes suos prosequitur, ut undequaque ad novas gratias impetrandas à cœli Regina

illuc confluant non vicini modò, sed etiã longè dissiti, nec his tantùm temporibus, sed jam olim, quod ex perantiquis codicibus habetur. Tu. Te Matrem.

Vesperæ ut in 2. Vesp. Encænior.

DIE XIV. OCT.

B. M. V. AB ARCU.

Duplex.

Omnia ut in die Encæniorum.

Extra Oct. ut in Com. Inf.

IN I. NOCT.

De libro Genesis.

LECTIO 1. c. 9. 8.

Dixit Deus ad Noe ei ad filios ejus cum eo: Ecce ego statuam pactum meum vobiscum, et cum semine vestro post vos: et ad omnem animam viventem, quæ est vobiscum, tam in volucris, quàm in jumentis et pecudibus terræ cunctis, quæ egressa sunt de arcâ, et universis bestiis terræ, statuam pactum meum vobiscum, et nequaquàm ultra interficietur omnis caro aquis diluvii, neque erit deinceps diluvium dissipans terram. Tu. ꝑ. Fecerunt filii.

LECTIO 2.

Dixitque Deus: hoc signum fœderis, quod do inter me et vos, et ad omnem animam viventem, quæ est vobiscum in generationes sempiternas. Arcum meum ponam in nubibus, et erit signum fœderis inter me, et inter terram. Cumque obduxero nubibus cælum, apparebit arcus meus in nubibus: et recordabor fœderis mei vobiscum, et cum omni anima vivente, quæ carnem vegetat: et non erunt ultra aquæ diluvii ad delendum universam carnem. Tu. ꝑ. Respice.

LECTIO 3.

Eritque arcus in nubibus, et vi-

debo illum, et recordabor fœderis sempiterni, quod pactum est inter Deum et omnem animam viventem universæ carnis quæ est super terram. Dixitque Deus ad Noe: Hocerit signum fœderis, quod constitui inter me et omnem carnem super terram. Tu. ꝑ. Fecit.

IN II. NOCT.

LECTIO 4.

In *Spinelli in Mar. Deip. c. 20. n. 25.* In viâ publicâ propè Sanctam Anastasiam, oppidum Nolana: Diœcesis in Italiâ, erat angustum, ac tenue sacellum in campestri loco antiquitùs structum, cui nomen vulgò: Sancta MARIA ab Arcu, sic dicta à fornice ad cujus lævam in pariete erat liquidis expressa coloribus Deiparæ Imago puerum JESUM inter brachia gestantis, quæ quamvis olim nullo Clericorum perpetuo servilio coleretur, illustrata certè divinitùs est nobilissimo miraculo, quod finitimos populos ad pietatem, novumque sacelli cultum excitavit. Tu. ꝑ. Fecerunt.

LECTIO 5.

Cum enim quidam impius jacturam fecisset in ludo, arreptam, quâ ludebat, ligneam pilam in Deiparæ depictæ faciem sacrilegâ manu contorsit, ejusque sinistram percussit gennam undè repentè sanguis miraculosè dimanavit, cujus presso fluxu, sanguinei coloris impressa cicatrix divinitùs remansit in facie. Verùm impius percussor eodem in loco in sceleris pœnam judicis sententiâ arbori cum lusoriis instrumentis suspensus interiit. Mulier quædam quoquè, quæ in beatâ Virgine ab Arcu blasphemaverat, ob tantum crimen pedes inarefacti ab ejus cruribus post annum conciderunt distracti, perindè ac si gladio abissi essent, absque ullo do-

lore, et sanguinis fluxu. Tu. ꝛ. Et ornaverunt.

LECTIO 6.

Indè est igitur, quòd in eam Deiparæ Imaginem devotio magis magisque excitata est, innumerisque crebrescentibus miraculis, ac beneficiis, quæ eo in loco à Deiparâ conferebantur, tantum pietatis exarsit in finitimorum populorum pectoribus erga eandem Virginem ab Arcu, ut omnes accurrerent, suis quique necessitatibus, aut morbis à Deiparâ opem quærerent, et pro suâ facultate votivis donis sacellum cumularent, sacrumque suppellectilem conferrent, et jam tecti visuntur parietes votivarum tabellarum multitudine. Templum structurâ satis amplum, ac nobile est, adjectumque cœnobium ex illustri Prædicatorum familiâ habet. Tu. ꝛ. Venite, ascendamus.

IN III. NOCT.

Lectio S. Evangelii secundum
Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Homilia S. Joannis Chrysostomi.
In Matthæi c. 12. Homil. 43 post initium.

Una sola et vera, et communis nobilitas atque necessitudo cum Christo est, ut voluntatem Dei facias. Hic propinquitatis modus multò melior est, atque uberior: idcirco cum mulier quædam dixisset. Beatus venter qui te portavit, et ubera, quæ suxisti, non respondit: nullus me portavit venter, nec ulla ipse ubera suxi; sed, Beati qui faciunt voluntatem Patris mei. Vides quemadmodum nullibi conjunctionem hanc naturæ hominum negat, sed

addit semper illam, quæ à virtutibus est. Tu. ꝛ.

LECTIO 8.

Non dixit se non habere Matrem, sed indè Matrem quoque suam beatitudinem consecuturam asseruit, si Patris ejus fecerit voluntatem. O admirabilem honorem! O virtutis incredibiles honores! quò ducitis benè viventes homines? Quot mulieres sanctissimam illam Virginem beatificarunt? Quot uterum illum admirantur? Quot optarunt tales fuisse matres, et cætera contemnere omnia? Quid igitur prohibet? ꝛ. Audite qui.

LECTIO 9.

Ecce namque rectam, atque facilem viam nobis proposuit, ut non feminis solùm, verùm etiã viris ad hunc ordinem pervenire liceat; imò verò etiã ad majorem: multò enim propinquiore sunt, qui voluntatem ejus faciunt, quàm qui summâ carnis necessitudine conjunguntur. Non ergò simpliciter propinquitatem illam desidera; verùm etiã viam capesse, magnoque studio confice, quæ ad hoc desiderium te perducant. Tu. Te Matrem.

Vesperæ de sequenti ut in 1. Vesper. Encœnior.

DIE XV. OCTOBR.

OCTAVA ENCÆNIOR.

Duplex majus.

Lectiones 1. Nocturni ut in die. Psalmi de ferid.

IN II. NOCT.

Sermo S. Germani Arch. Constantinopolitani.

Apud Surium Die 31. Augusti.

LECTIO 4.

Gloriosa dicta sunt de te civitas Dei: nobis divinus David cecinit in Spiritu. Reverà civitatem, de quâ gloriosa dicta sunt, apertissimè vo-

cans magni regis. Quænam ea est? Existimo eam magnificentissimè, et sine contradictione dicere eam, quæ verè est electa, et omnibus superior, non domorum excellentiâ, et altitudine excitatorum ædificiorum; sed divinarum et sublimium virtutum magnitudine et puritate omnibus antecellentem **MARIAM**, nulli penitus culpæ affinem, et castissimam Deiparam. Tu. ꝑ.

LECTIO 5.

In quâ qui verè est Rex Regum, et Dominus dominantium habitavit: vel potius in quâ plenitudo totius Divinitatis habitavit corporaliter. Hæc verè gloriosa civitas. Hæc Sion, quæ percipitur intelligentiâ. Hanc, ut arbitror, David prædixit divinitus. Quod si quis ejus quod domum gloriosam urbem vocaverit, non alienum à vero et honesto dixerit. Tu. ꝑ.

LECTIO 6.

Si enim ii, quorum nomina in terris celebrata sunt, diuturno tempore nominis memoriam conservant: aliorum autem quorum nec nomina quidem fas esset lapsi proferre, columnæ, et templa et simulacra usque in hodiernum diem; et si nomine tantum, sunt tamen extensa, et ipsi tanquam superstites resonant in auribus simpliciorum; quid dixerit quispiam de laudatissimâ et gloriosissimâ Virgine, quæ est omni ex parte Intemerata, et nulli culpæ obnoxia? Tu. ꝑ.

IN III. NOCT.

LECTIO S. Evangelii secundum Joannem.

LECTIO 7. c. 10. 22.

In illo tempore: Facta sunt Encænâ in Jerusalem, et hyems erat. Et reliqua.

Homiliâ D. Euthymi Monachi.

Apud Surium. Die 31. Augusti. Hodie templum dedicatur lauda-

tissimæ, et ab omni labe alienæ puellæ, in quod quicumque ingreditur, ex desiderio et fide, et ea enuntiat quæ ab eo facta sunt graviter, et confitetur se amputaturum ea, quæ sunt molesta, statim, ô miraculum! invenit solutionem, et cordis exultationem. Hodie templum omni ex parte benedicæ, et venerandæ adolescentulæ, et Prophetarum coronidi est dicatum, in quo eriguntur paralitici, qui non vident, visum recipiunt, et qui horrore ac febris laborant curantur. Est enim semper perennis scaturigo ejus miraculorum. Tu. ꝑ.

LECTIO 8.

Hodie nos quoque, qui huc accurrimus, ab innumerabilibus et sibi invicem succedentibus afflictionibus, et turpissimis improborum hominum maledictis liberati, et tecti sub alis ejus intercessionis, supeditam rationem et sapientiæ cognitionem desuper à Filio ex eâ nato, per ipsam admittentes, cum loqui jussi fuerimus, sine impedimento clamemus ex corde, clamemus. Ne assiduas preces nostras repudies, ô Intemerata! Defende nos secundum magnam misericordiam tuam. Frange schedulam immensorum nostrorum malorum tuis, quæ nunquam dormiunt intercessionibus, Optima. Nos ante finem concilia tuo misericordi et justo judici, Filio et Deo. Tu. ꝑ. Audite, qui.

LECTIO 9.

Commem. B. V. M. de Michelitiâ.

Gumpenb. Imag. 150.

Distat in regno Neapolitano ab urbe Amanleâ mille passibus sancta Imago Deiparæ de Michelitiâ, et in templo non admodum magno magnis honoribus afficitur à circumjacente Calabriâ. Plures existimant, majores eam appellasse: Michaelis

lætitiā. Advenisse creditur sancta Imago ex Oriente, traduntque delinuisse navem, quantumvis lumen-
tibus velis iturientium in altum :
quapropter hic collocatam non alio
voluntatis signo expectato. Tu.

℞. Te Malrem.

Vesperæ ut in 2. Vesp. Encænior.

DIE XVI. OCTOBR.

B. M. V. AD AQUAS-VIVAS.

Simplex.

LECTIO 1.

Carcagente in Diœcesi Valentiniā, jam ab anno millesimo ducentesimo quinquagesimo, ingens tribuitur Deiparæ cultus in ejus Imagine dicā ad Aquas-vivas, quæ tunc temporis miro modo, ut fertur, pio Aratori sub Oliva manifestata, custodiæ Patrum Excalceatorum Sancti Augustini commissa fuit. Ejusmodi verò pietatis sensum, succedentibus annis nec in minimo immutatum, cum sibi fore acceptum, pluribus Beatissima Virgo ostendisset beneficiis, oppidani anno millesimo octingentesimo trigesimo quinto hanc effigiem, ad Parrochiale templum, expulsis è cœnobio Patribus, reportarunt, ibique ei novum sacellum erexerunt in delitiis semper habentes ad Eam quotidie accedere, vel beneficio impetraturi, vel de acceptis debitas gratias redditori. Tu.

℞. Hortus conclusus Soror mea sponsa, hortus conclusus, fons signatus: * Emissiones tuæ paradisus. †. Fons hortorum puteus aquarum viventium. Emissiones.

LECTIO 2.

Quum autem Carcagentani vehementer cuperent ampliores in dies ecclesiastici cultus significationes Deiparæ præstare, ac Festum in ipsius honorem die decimā sextā octobris agere sub ritu Duplicis pri-

mæ Classis cum octavā; hinc generali oppidi concilio pridie nonas Martii anni millesimi octingentesimi quinquagesimi septimi legitime convocato, clerus et primores cujusque status, et conditionis eidem præsentés tam per secreta suffragia quàm per acclamationem Beatissimam Virginem MARIAM ad Aquas-vivas in præcipuam oppidi Patronam unanimi consensione elegerunt, ac simul decreverunt à summo Pontifice supplicibus votis postulare, ut hanc ipsam solemnem electionem supremā auctoritate suā confirmare dignaretur. Tu.

℞. Cum elevasset Moyses manum, percussit virgā vis silicem, * Egressæ sunt aquæ larguissimæ, ita ut populus biberet. †. Deriventur fontes tui foras, et aquas vivas tuas in plateas divide: sit ut cataclysmus inundatio tua.—Egressæ.—Gloria.—Egressæ.

LECTIO 3.

Commemoratio B. V. Torelloniensis de Rocapebrera.

Non longè à Sancti Felicis de Torello oppido in Diœcesi Vicensi insigne exurgit Deiparæ Sacellum de Rocapebrera, maxime non solum à vicinis sed etiā à dissitis populis frequentatum. Anno quarto et quadragesimo supra millesimum Gregorius Sextus indulgentiam plenariam certs diebus cujusque mensis fidelibus illud adeuntibus est elargitus; ex quo ejus antiquitas liquet. Nec in succedentia tempora devotorum pietas decrevit nam novum Sacellum, antiquo ad venientes non capiente, ad finem præteriti sæculi inceptum fuit, decurrentis anno quinto perfectum; et quinquagesimo sexto restauratum ornatumque solā fidelium pietate et sumptibus. Tu.

Ad Bened. ant. Foderunt in ter-

ram, * et reperuerunt aquam vivam: si quis silit, veniat ad hunc fontem vilæ, et bibat.

CANON.

Ex S. Rituum Congregatione 12. et 17. Sept. 1857. — *Valentinæ.*

412. Sanctissimus Dominus noster Pius Papa Nonus rescriptum sacræ Congregationis approbantis electionem Beatæ MARIE Virginis ad Aquas-vivas in patronam præcipuam oppidi Carcagente in Diocesi Valentinâ, supremâ auctoritate suâ confirmavit, cum omnibus et singulis iuribus et privilegiis juxta ecclesiasticas leges præcipuis locorum patronis competentibus. Tu.

Vesperæ sequentis.

DIE XVII. OCTOBR.

MEDIATIONIS B. M. V.

Duplex.

Omnia de Communi Infantæ.

Oratio.

Exaudi, Domine, preces nostras, ut quibus Beatam MARIAM semper Virginem Advocatam et Mediatricem ad Christum concedis, ipsius suffragantibus meritis, ad vitam, tibi reconciliati, perveniamus æternam. Per eundem.

Lect. de Scrip. de ferid.

IN II. NOCT.

Sermo S. Bernardi Abbatis.

Sermo in signum. magn.

LECTIO 4.

Solet autem luna non modò defectum corruptionis, sed et stultitiam mentis, nonnunquàm verò Ecclesiam hujus temporis designare. Illam quidem propter mutabilitatem, hanc sanè propter susceptum aliundè splendorem. Utraque verò, ut ita dixerim, luna sub MARIE pedibus congruè satis ponitur, alio tamen, atque alio modo. Siquidem stultus, ut luna mutatur: Sapiens

autem permanet, ut sol. In sole nimirum et fervor et splendor stabilis, in lunâ totus splendor, atque is orminò mutabilis, et incertus, qui nunquàm in eodem statu permanet. Jure ergò MARIA sole perhibetur amicta, quæ profundissimam divinæ sapientiæ, ultra quàm credi veleat, penetravit abyssum; ut quantum sine personali unionē creaturæ conditio patitur, luci illi inaccessiblei videatur immersa. Tu.

¶. Opus est mediatore ad Mediatorem Christum: * Nec alter nobis utilior quàm MARIA: invenitur enim locus eius in hac reconciliatione. †. Advocatum habere vis ad Christum, ad MARIAM recurre. —Nec alter.

LECTIO 5.

Insipientia verò omnis longè sub pedibus ejus, ut penitus absit hæc ab insipientium mulierum numero, et collegio virginum fatuarum. Imò verò et unicus ille stultus, et totius stultitiæ princeps, qui verò mutatus ut luna sapientiam perdidit in decore suo, sub MARIE pedibus conculcatus et contritus miseram patitur servitutem. Nimirum ipsa est quondam à Deo promissa mulier serpentis antiqui caput virtutis pede contritura: cujus planè calcaneo in multis versutiis insidiatus est, sed sine causâ: sola enim contrivit universam hæreticam pravitatem. Tu.

¶. Quid ad MARIAM accedere trepidat humanâ fragilitas? * Nihil austerum in eâ, nihil terribile, tota suavis est. †. Ipsa est humani generis fidelis advocata. — Nihil.

LECTIO 6.

Jam si Ecclesia lunæ magis intelligenda videtur vocabulo, quod videlicet non ex se splendeat, sed ab eo, qui dicit: Sine me nihil

potestis facere: habes mediatricem, quam tibi paulò ante commendavimus, evidentè expresam. Mulier, inquit, amicta sole, et luna sub pedibus ejus. Amplectamur MARIE vestigia, fratres mei, et devotissimà supplicatione beatis illius pedibus provolvamur. Teneamus eam, nec dimittamus, donec benedixerit nobis. Potens est enim. Nempe vellus est medium inter rorem et aream, mulier inter solem et lunam, MARIA inter Christum et Ecclesiam. Tu.

¶. Accedamus cum fiducià ad thronum gratiæ, ut misericordiam consequamur in auxilio oportuno. * Quia sic est voluntas ejus, qui omnia voluit nos habere per MARIAM.

†. Quæramus gratiam, et per MARIAM quæramus. — Quia — Gloria. — Quia.

Homilia de Comm. pro duplicib.

LECTIO 9.

Commemoratio B. V. Anteradensis. *Jacobus de Vitriaco apud Spinell. c. 29.*

Anteradensiscivitas, sic dicta, quasi ante arum sita, vulgata appellatione hodiè Tortosa dicitur. Ibi beatus Petrus Pheniciem circumiens, cum à partibus Jerosolimitanis transiret in Antiochiam, in honorem Divæ Virginis modicam fundavit Ecclesiam, in quâ etià divina celebravit mysteria: quæ usque hodiè in magno habetur honore, et multorum populorum accessu frequentatur, eo quod beatissima Virgo in illà multa operatur miracula, et infirmis illuc venientibus grata confert subsidia sanitatum. Tu. Te Matrem.

CANON.

Ex Bonifacio Papà Nono. Const. *Superni benign. an. 1389.*

Bul. R. T. 3. p. 2. p. 378.

411. Hæc est illa, quæ in suis castis visceribus cæli terræque gestavit Opificem, et sola cunctas hæreses interemit, et pro Christiano populo, ut advocata strenua, et exoratrix pervigil ad Regem, quem genuit, intercedit. Tu.

Vesperæ à capit. de sequent.

DIE XVIII. OCTOBR.

B. M. V. DE DIVINO AMORE.

Duplex.

Oratio.

Spiritum charitatis, quæsumus, Domine, cordibus nostris infunde, ut qui divini amoris Matrem devotè veneramus, ex totis nostris viribus te semper amare possimus. Per Dom.... inunitate ejusdem.

Lectio. 1. Noct. de feriâ.

IN II. NOCT.

Sermo S. Bernardi Abbatis.

Sermo 1. super Salv. Regn.

LECTIO 4.

Oportet, ut beatam Virginem nobis præsentem esse dicamus, quam præsentem salutamus: et totam animæ nostræ trinitatem in eam dirigamus, quam tam devotissimis precibus exoramus. Agnoscit certè, et diligit diligentes se, et propè est in veritate invocantibus se: præsertim his, quos videt sibi conformes factos in castitate et humilitate: si tamen charitatem adjecerint, et totam spem suam (post Filium suum) in eâ possuerint, et toto corde quæsierint orantes, et frequentè dicentes: Subveni, Domina, clamantes ad te jugitè. Tu. ¶.

LECTIO 5.

Non aspernatur affectum prædulcem, ingens desiderium, inundationem lacrymarum, assiduitatem precum quorumlibet, quamvis peccatorum: si tamen laverint à ma-

litiâ cor, dissolverint colligationes impietatis, et solverint fasciculos deprimentes, dimisserint, qui fracti sunt, liberos, et omne onus deri- puerint. Data est ei potestas in cœlo et in terrâ, quæ posse po- testas est, et in manibus ejus vita, et spiritus nostri: et oculi omnium Christianorum in eam sperant, et ipsa dat eis escam gratiæ, quâ plena est, in tempore opportuno. Levemus ergo fratres cor nostrum cum manibus ad eam, et appropinquemus ei passibus amoris, immolantes ei hostiam laudis, red- dentes ei vota nostra de die in diem, de horâ in horam, dicen- tes: Salve, Regina Misericordiæ. Tu. ¶.

LECTIO 6.

Origo fontium et fluminum mare: virtutum auctrix, et scientiarum scientia sanctarum MARIA: quia sicut sol universa cœli lumina præcellit prærogativâ claritatis exi- miæ, sic ipsa totam rationalem creaturam (post Filium) præcel- lit splendore virtutis ac scientiæ. Ad eam non incongruè pertinere dicimus, quod scriptum est, quàm bona Domina Israel, his, qui re- cto sunt corde? Qui recto corde et rectè in omnibus consentiunt, his advocata nostra, solâ bonitate suâ agente, præsentiae suæ tan- tam plerumque copiam exhibet, et quàm sit orabilis, exhibitione im- pertitæ gratiæ docet, ut innovati spiritu proclamant per consolati- onem experientiæ: Salve Regina misericordiæ. Tu. ¶.

Homilia de Comm. pro Duplicib. cum sequent. ¶¶.

¶. 7. In charitate perpetuâ dilexi vos: * Testis est mihi Deus, quomodo cupiam vos in visceribus Christi: ¶. Mater divini amoris,

inflamma cor nostrum amore Dei. —Testis.

¶. 8. Ego diligentes me diligo: Et in viis justitiæ ambulo, ut di- tem diligentes me, et thesauros eorum repleam. ¶. Ego Mater pul- chræ dilectionis, et timoris, et agni- tionis et sanctæ spei.—Et in viis. —Gloria. Et in viis.

LECTIO 9.

Commem. B. V. Affligemiensis.
Ex menologio Cisterciensi ad diem
18. Octubr.

In Belgio commemoratio Beatæ Virginis MARIE, quandò per os Imaginis Affligemiensis presente Mo- nachorum cœlu et copiosâ populi multitudine Sanctum Benardum, postquàm ipse in discessu ab illo monasterio ante Divæ Virginis Ico- nem transiens, extra se raptus di- vini amoris impetu, ei dulciter dixerit: Ave MARIA: cunctis au- dientibus, clarâ et distinctâ voce salutavit dicens: Salve Bernarde: quod et in antiquis cænobiis illius annalibus expressum reperitur. Tu. Te Matrem.

CANON.

Ex D. Tomâ Arch. Valentino.

Conc. 4. in Assumpt. B. V.

412. Quis, obsecro, ardores et æstus animi tui plusquàm se- raphicos exprimat...? Quis ignem illum ardentissimæ charitatis in visceribus tuis æstuantem, quo in eum qui talem ac tantam te fece- rat, ut in suam Matrem eligeret, in- cessanter ardebas, enarrabi? Verè si optimum et maximè necessariū charitas est, in hoc non solūm homines, sed et angelicos spiritus superasti. Tu.

Cum secund. vesper.

DIE XIX. OCT.

SANCTA MARIA NOVA.

Simplex.

LECTIO 1.

Spinelli de festis et temp. Drip.
Sancta MARIA Nova est in foro Romano, ubi olim solis et lunæ fanum propè ruinas templi pacis à Vespesiano magnificentissimè structi. Ea Deiparæ Ecclesia adjunctum habet cœnobium Patrum Congregationis Montis Oliveti, in cuius hortis exlant vestigia ædicularum Isidis et Serapidis: cumque antea diceretur sancta MARIA vetus, post modum à Joanne septimo Pontifice annum Domini circiter septingentissimum quintum restituta, et exornata, exindè nova appellata est. Tu. Æ.

LECTIO 2.

In ejus summo altari Imago Deiparæ à Sancto Lucâ coloribus expressa, à Troade hùc delata piè coititur, quæ, cum templum hoc, Honorio tertio Pontifice, conflasset, nihil ex incendio est passa. Gregorius quintus Pontifex annum, circiter nongentissimum nonagesimum quintum multa corpora sanctorum Martyrum ibi recondidit sed ante idem altare sub ferreâ crate corpus Sanctæ Franciscæ Romanæ specialitèr veneratur. Tu. Æ.

LECTIO 3.

Commemoratio Beatæ Virginis de Fonte-calido.

Camòs De effigieb. Cathal. Libr. 4. cap. 7.

Una ab urbe Gandesæ leucâ, in Dertusensi Diœcesi, in profundâ planitie altis circumvallatâ montibus, situm est sacellum Beatæ Virginis de Fonte-calido nuncupatæ, eo quod propè fluentum ferventis aquæ Imago, quæ illic colitur, miraculosè fuerit inventa à quodam Pastore. Hujus autem prodigii à Gandesanis acceptâ notitiâ, solemnî supplicatione statutam Deiparæ in Parro-

chiam Ecclesiam deduxere, sed alterâ die ad eundem locum ipsa reversa, propèque fontem iterum inventa fuit: quam ob causam illic ipsi sacellum ædificarunt, quod postea grandiores ornatioresque formas accepit, ex quo Diva Virgo hodiè usque ipsam colentibus sua dona dispensare liberalissimè sibi complacet. Tu. Te Matrem.

Vesperæ de sequenti.

DIE XX. OCTOBR.

PURITATIS B. M. V.

Duplex majus.

Omnia de Comm. Infantiae præter sequent.

IN I. VESPER.

HYMNUS 111. *Apud Marracc.*
 Cum laudes canimus Virginis inclytæ,

Tergamus maculas pectoris interim:
 A nobis vitium protinùs exulet,
 Et virtus vigeat mentibus insita.

Cœlesti Domino grata sit Hostia,
 Omnique penitùs crimine libera:
 Offertur manibus, cordeque candidis

Et nihil ulterius turpe reciprocatur.

Et tu, quam colimus, Virgo purissima,

Ut cœlo placeant vota præcantium:

Hic nos propitio lumine respice,

Et coram Domino jugitèr adjuva.

Trino sit gloria perpetua Numini,
 Et Patri et Genito cuncta creantibus,
 Cum Sancto simili fœdere Spiritu,
 Quia una est deitas, una potentia.

Amen.

Ad Magnif. ant. Nihil inquinatum in eâ incurrit: candor est lucis æternæ, et speculum sine maculâ.

Oratio de Laudib.

AD MATUTIN.

Invitator. Puritatem Deiparæ celebrantes, * Christum ejus Filium adoremus Dominum.

HYMNUS 112. *Brev. Rom.*

O Stella Jacob fulgida,
O Solis instar splendida,
Aurora, quâ nihil purius
Refulgit inter sydera.

Stellis amictæ candidis
Tibi catervæ cœlitum
Plaudunt, sacræque virgines
Laudes perennes concinunt.

Quin obsequentes offerunt
Ligustra et alba lilia:
Candor sed horum vincitur
Candore casti pectoris.

Nostra Angelorum laudibus
Abjecta tellus assonans
Ad astra voces efferat,
Et Virginis præconia.

Doxologia de tempore.

*Lectiones et Respons. in 1. Noct.
de Comm. Infantia.*

IN II. NOCT.

Ex libro Sancti Ambrosii Ep. de
Virginibus.

Libr. 2. LECTIO 4.

Sit vobis tanquàm in imagine descripta virginitas, vitæ beatæ MARIE, de quâ, velut in speculo, refulget species castitatis, et forma virtutis. Hinc sumatis licet exempla vivendi, ubi tanquàm in exemplari magisteria expressa probitalis, quid effugere, quid tenere debeatis, ostendunt. Primus discendi ardor nobilitas est magistri. Quid nobilius Dei Matre? Quid splendidius eâ, quam splendor elegit? Quid castius eâ, quæ corpus sine corporis contagione generavit? Tu. ¶.

¶. Beatissima Virgo MARIA, hortus conclusus, fons signatus. Regina Angelorum, Domina mundi: * Per quam Deus descendit in terras, ut homines ascendere mererentur ad cœlos. †. Ad te clamamus, exules filii Evæ: recordare nostri, Sanctissima Virgo. Per.

LECTIO 5.

De cæteris ejus virtutibus quid lo-

quar? Virgo erat non solum corpore, sed etiâ mente, quæ nullo doli ambitu sincerum adulteraret affectum. Corde humilis, verbis gravis, animi prudens, loquendi parcior, legendi studiosior, non in incerto divitiarum, sed in prece pauperis spem reponens; intenta operi, verecunda sermone, arbitrum mentis solita, non hominem, sed Deum quærere, nullum lædere, benè velle omnibus, fugere jactantiam, rationem sequi, amare virtutem. Tu.

¶ Beata MARIA tantæ exilit puritatis, ut Mater Domini esse mereretur. * Deus quam elegerat, creavit; de quâ crearetur elegit. †. Ipsa est stella ex Jacob, cujus radius universum orbem illuminat, —Deus.

Ex S. Petro Chrysologo.

Serm. 143.. LECTIO 4.

Hæc dedit cœlis gloriam, terris Deum, fidem gentibus, finem vitiis, vitæ ordinem, moribus disciplinam, Gratiam, quam detulit Angelus, accepit Virgo, salutem sæculis redditura. Verè benedicta Virgo, quæ et virginitatis possidet decus, et Matris dignitatem: verè benedicta, quæ et superni conceptus meruit gratiam, et servavit integritatis coronam. Verè benedicta, quæ et divini germinis suscepit gloriam, et regina exilit totius castitatis. Tu.

¶. Beata Dei Genitrix MARIA, templum Domini sacrarium Spiritus Sancti, * Sola sine exemplo placuisti Domino nostro JESU-Christo. †. Genuisti qui te fecit, et in æternum permanens Virgo. —Sola. —Gloria. —Sola.

IN III. NOCT.

Lectio S. Evang. secundum Lucam.

LECTIO 7. c. 1. 26.

In illo tempore: Missus est Angelus

Gabriel à Deo, in civitatem Galilææ, cui nomen Nazareth, ad Virginem desponsatam viro. Et reliqua.

Homilia S. Joannis Damasceni.

Homilia 1. in Annuntiat.

Adam Creatori suo de progenie suâ templum ædificavit, in quo tectus habitaret, et quod redimeret, **MARIAM** Virginem, pretiosam, benedictam, sanctam, puriorem naturæ Adæ partem, et humanæ stirpis reginam: puram, quâ nulla usquam corpore invenietur in omni genere humano: sanctam, quâ nulla inter creaturas futura est intellectuales, quoad animam sanctior: gloriam Israeliticæ gentis, et stirpis davidicæ lumen. Tu. *ꝛ.*

Benedict. Cujus Puritatem.

LECTIO 8.

Hæc illa est, cujus puritatis pulchritudinem concupivit Rex cælestis, misitque ad eam ministrum suum Gabrielem, ut ipsam salutatione lætitiæ compellaret, certio remque faceret, esse se à Creatore electam, dicendo: Ave gratiâ plena: Dominus tecum, benedicta tu in mulieribus. Et quomodo benedicta non esset et gratiâ plena, cum quâ creaturarum Dominus fuit copulando sibi ex eâ templum quo opem generis ipsius afferret. Tu. *ꝛ.*

LECTIO 9.

Quamobrem omnes simul accurramus, senes et adolescentes, ætate graves ac juniores, omne agmen et genus prævenientes ad honorandum Dominam nostram, ac nostræ naturæ Reginam, laudes prædicantes puritatis ejus decorem, perpetuam ejus virginitatem reverentes: altitudinem deniquè sanctitatis ejus honorantes, dicamus: O gloria filiorum, matrum decus! O Genitricem viro incognitam! O miraculum, quo missi Prophetæ perculsi

sunt, et cujus gloria Angelos sanctos superat. Tu. Te Matrem.

AD LAUDES.

HYMNUS 113. Brev. Roman.

Præclara custos Virginum,
Intacta Mater Numinis,
Cælestis aulæ janua,
Spes nostra, cœli gaudium.

Inter rubeta lilium,
Columba formosissima,
Virga è radice germinans
Nostro medelam vulneri.

Turris draconi impervia,
Amica stella naufragis,
Tuere nos à fraudibus,
Tuâque luce dirige.

Erroris umbras discute,
Syrtes dolosas amove,
Fluctus tot inter devios
Tutam reclude semitam.

Doxologia de Tempore.

Ad Benedict. ant. Sicut lilium inter spinas, sic purissima **MARIA** inter filias: tota pulchra est, et sine maculâ.

Oratio.

Da, quæsumus, Omnipotens æterne Deus, ut immaculatæ Virginis **MARIÆ** Puritatem festivâ celebritate venerantes, ejus intercessionem purificatis mentibus tibi placere valeamus. Per Dominum.

CANON.

Ex D. Anselmo Episcopo.

De concept. Virg. c. 18.

413. Decebat, ut Christi Conceptio de Matre purissimâ fieret, ut eâ puritate, quâ major sub Deo nequit intelligi, Virgo illa niteret, cui Deus Pater unicum Filium, quem de corde suo æqualem sibi genuit, ita dare disponebat, ut esset unus atque idem Dei et hominis filius. Tu.

In secund. Vesper. omnia de Communi.

DIE XXI. OCTOBR.

LIBERTATIS B. V. M. IN SUA
INFANTIA.*Duplex.**Lectio. 1. Noct. de Ferid occurrenti.*

IN II. NOCT.

Sermo S. Bernardini Senensis.

*De concept. B. V. artic. 1.**cap. 2.*

LECTIO 4.

Nec miretur quisquam, si Mater Dei ante debitam ætatem habuit usum liberi arbitrii, et fulserit tanto lumine rationis, cum et plerique alii sancti in pueritiâ eorum ante debitam ætatem habuerunt virtutem, gratiam, atque lumen. Tu.

¶. Quidquid aliis licet paucissimis est concessum, * Non est credendum gloriosæ Virgini fuisse denegatum. †. Puella eram ingeniosa, et sortita sum animam bonam. —Non est.

LECTIO 5.

De virtute in Sancto Nicolao reperitur exemplum, qui in quartâ et sextâ feriis semel tantum sugebat mammas. Et de gratiâ in Sancto Benedicto exemplum patet, qui in pueritiâ cœpit miraculis coruscare. De lumine verò in Sancto Joanne clarissimè probatur. Undè Ambrosius ait: verè Joannes novit Christum non naturâ sed gratiâ. Et super Lucam etiâ ait idem: Nec enim ullam sensit infantia ætatem, qui supra naturam, supra ætatem in utero situs Matris à mensurâ cœpit ætatis perfectæ plenitudinis Christi. Tu.

¶. Unam nec maculam natura reliquit in illâ. * Ad caput à pedibus transvolat iste decor. †. Tota pulchra est, et sine ullâ maculâ. —Ad caput.

LECTIO 6.

Hæc siquidem nullo modo essent vera, si infantilitas corporalis impedisset usum liberum rationis. Si igitur de beato Joanne talia credenda sunt; quanta etiâ majora de virgine Matre Christi sentire necesse est? Tu.

¶. O puella gratiâ æquanda nullis! * Quæ sola vincis cœlitum omnes ordines. †. Tot tibi sunt doctes, Virgo, quot sydera cœlo. —Quæ. —Gloria. —Quæ.

Homil. de Comm. Inf. pro Duplicibus.

LECTIO 9.

Commemoratio B. V. Viridunensis de Miraculis.

Gumpenbr. Imag. 528.

Viriduni in templo Cathedrali Deiparæ effigies est cœlestibus nobilitata prodigiis, quæ ad latus aræ principis visitur draconem pedibus conculcans. A Sancto Paconio quinto Viridunensi Episcopo post Concilium Chalcedonense, cui cum aliis ducentis viginti octo Episcopis interfuit, accepta creditur, quæ tantistamque numerosis miraculis effulsit, ut decimo tertio Kalendas Novembris institutus sit festus dies, nomine Commemorationis miraculorum quæ Beata Virgo in eâ Ecclesiâ ad hanc statuam perpetravit. Tu. Te Matrem.

Cum secundis Vesper.

DIE XXII. OCTOBR.

D. V. AGATHYRSANÆ.

*Semiduplex.**Lectio. 1. Noct. de ferid.*

IN II. NOCT.

LECTIO 4.

Octav. Cajetan. de effigieb. ciculis.

Anno millesimo quingentesimo nonagesimo octavo, undecimo Kalendas Novembris, in eo colle, qui ex

orientali plagâ imminet Agathyrso (nunc Orlandi caput appellatur), Divus Conon civis oppidi Nasi apparuit, et intuentibus turris, quæ ibi ad oram maritimam tulandum est, speculatoribus, cum ipse instar fulguris turrin circumdedisset, Imagunculam Sanctissimæ Virginis mirâ specie, et humanâ augustiore ibi deposuit. Abiis Nasum delatam effigiem domi suæ excepit jurisperitus Antonius Piccolas, cujus filiam jam à medicis destitutam in pristinam valetudinem restituit. Tu. ꝑ.

LECTIO 5.

At cum nollet Sanctissima Imago ibi diutius commorari, terremotibus oppidum agitare ceptum, quare perturbatis omnibus, Comes Nasi præcepit, ut imago Virginis iis qui in turri ad Agathyrsum degebant, rursus redderetur, ubi primum à Divo Conone collocata fuerat. Igitur ex Antonii ædibus domum Petri Iberti translata fuit, ubi Iberti patrem ex gravi lapsu sanum reddidit, ut inde in priorem locum referretur. Postea adhuc fuit in Sancti Petri templum delata, ut ibi publicè coleretur; sed cum nec quiesceret terremotus, oppidani ad pristinam sedem ad Agathyrsum Simulacrum Virginis retulerunt. Tu. ꝑ.

LECTIO 6.

Novo etiâ prodigio divina Mater suam ostendit voluntatem ibi commorandi, nam nono Kalendas Aprilis, et sequenti die visus est Divus Conon turrin illam circumlustrare, et ad vergens in aquilonem latus tres lapides reliquisse, perinde atque locum, in quo vellet sanctissima Deipara residere, templum ipsum signare voluisset. Quare comes Nasi ibidem proprio sumptu templum ædificavit, et inde Messanensis Archiepiscopi auctoritate

solemni pompâ oppidi Archipresbyter cum clero eo duxit sanctæ MARIE Imagunculam. Statua unius palmi est, et omnibus cæleste opus apparet. Tu. ꝑ.

Homil. de comm. pro Semiduplicib.

LECTIO 9.

Commem. B. V. Ariensis de Capellâ.

Gump. Imag. 672.

Ariæ in Germaniâ inferiori templum est magnificum, quod non nisi Sacellum nomen habet. Origo hæc est. Arienses majores Deiparæ Sacellum erexerunt in suburbio: crevit suburbium opibus, opes pro cultu Ipsâ rependente, ita ut ex eo facta pars urbis cæteris non inæqualis, muroque clausum suburbium, colonos vocavit cives. Juribus vero civium jam gloriantes, ne Deipara tantæ gratiæ auctrix, minus haberet, fecere è sacello templum hoc, quod hodiè videtur magnificum. Porro in rei memoriam vocatur Beatæ Virginis de Capellâ. Tu. Te Matrem.

Cum 2. Vesperis.

DIE XXIV. OCTOBR.

SEPTEM DONORUM B. M. V.

Duplex majus.

In 1. Vesp. ant. et Capit. de Laudib. Hymn. et ꝑ. de Comm.

Ad Magnif. ant. Spiritus Domini super me, et suis septem donis replevit me.

Orat. de Laudibus.

AD MATUTINUM.

Invitator. Spiritum Sanctum in corde Beatæ Virginis MARIE: * Vente, adoremus.

IN I. NOCT.

Lection. 1. Noct. ut in Dom. III. adv. p. 105.

ꝑ. 1. Venit in me Spiritus sapientiæ, et requievit in me, et re-

plevit me, * Et sedes sapientiæ facta sum. †. Sapientia ædificavit sibi Domum, excidit columnas septem.—Et.

¶ 2. Venit in me Spiritus intellectus, et de omnibus erudivit me: * A mari enim abundat cogitatio ejus, et consilium illius ab abyssu multa. †. Disciplina intellectus replevit illam. A mari.

¶ 3. Spiritus consilii super me, et ego habito in consilio: * Quia meum est consilium et æquitas, mea est prudentia, mea est fortitudo. †. Cor boni consilii statue tecum.—Quia.—Gloria.—Quia.

IN II. NOCT.

Sermo S. Antonini Arch. Florentini.
De B. Virgine c. 88.

LECTIO 4.

Ave gratiā plena: gratiā scilicet donorum septem Spiritus Sancti, quæ dicitur gratia septiformis, secundum illud, quod canit Ecclesia: Tu septiformis munere. Et Zacharias: exæquavit gratiam scilicet donorum, et gratiæ virtutum. Tantum enim quis habet de donorum perfectione, quantum de perfectione virtutum. Tu.

¶. Mulierem fortem quis inveniet? Procū et de ultimis finibus pretium ejus: * Fortitudo et decor indumentum ejus. †. Spiritus fortitudinis super me, eo quod in Matrem Dei elegit me.—Fortitudo.

LECTIO 5.

Gratia autem donorum realitèr differt à gratiā sacramentali, et virtuali. Et ipsa etiā dona differunt ab invicem realitèr. Dona faciunt hominem de facili moveri ad opera excellentiora quàm virtutes infussæ ex quodam impetu Spiritus moventis, ut ferventiùs ac perfectiùs agat, quæ omnia abundantissimè fecerunt in Beatā MARIA. Et ideò: ave

gratiā plena septiformi. Tu.

¶. Spiritus Domini replevit orbem terrarum, * Et hoc quod continet omnia, scientiam habet vocis. †. In thesauris sapientiæ intellectus et scientiæ religiositas.—Et hoc.

LECTIO 6.

Sed videtur, quod in eā non fuerint: nam dicit Beatus Gregorius in moralibus, quod sapientiæ opponitur insipientia: intellectui hebetudo: consilio, temeritas: fortitudini, præcipitatio: timori, remissio: scientiæ, ignorantia: pietati, credulitas. Ex quibus patet quòd in viatoribus dona sunt cum permutatione ad contraria, et cum pugna: sed in beatissimā MARIA non fuit pugna ad vitia contraria donis: ergò non habuit, sed quasi per modum patriæ, id est, sine pugna, et ad alios usus, sed cum merito. Tu.

¶. Spiritus pietatis super me, et requievit in me, * Et facta sum piissima inter mulieres. †. Pietas ad omnia utilis est.—Et.—Gloria.—Et.

IN III. NOCT.

Lectio S. Evangelii secundum
Lucam.

LECTIO 7. c. 1. 35.

In illo tempore: Dixit Angelus MARIE: Spiritus Sanctus superveniet in te. Et reliqua.

Homilia S. Bernardi Abbatis.

Homil. 4. super Missus.

Superiùs dicta est fuisse gratiā plena, et nunc quomodò dicitur: Spiritus Sanctus superveniet in te, et virtus Allissimi obumbrabit tibi? Nunquid potuit repleri gratiā, et necdum habere Spiritum Sanctum, cum ipse sit dator gratiarum? Si autem jam Spiritus Sanctus in eā erat, quomodò adhuc tanquàm novitèr superventurus repromittitur? An fortè ideo non dixit simpliciter,

veniet in te, sed addidit super, quia et prius quidem in ea fuit per multam gratiam, sed nunc supervenire nuntiatur propter abundantioris gratiæ plenitudinem, quam effusus erat super illam? Tu.

¶. Beatus vir, qui semper est pavidus: * Quia initium sapientiæ est timor Domini. †. Et replevit me Spiritus timoris Domini.—Quia.

LECTIO 8.

At verò cum plena jam sit, illud amplius quomodo capere poterit? Si autem plus aliquid capere potest, quomodo et antea plena fuisse intelligenda est? An prior quidem gratia tantum repleverat mentem, sequens verò etiam ventrem perfundere debeat, quatenus scilicet plenitudo divinitatis, quæ ante in illa, sicut et in multis sanctorum spiritualiter habitabat, etiam sicut in ulla sanctorum corporaliter in ipsa habitare incipiat? Ait itaque: Spiritus Sanctus superveniet in te, et virtus Altissimi obumbrabit tibi. Tu.

¶. Invenisti, MARIA, gratiam apud Deum: * Spiritus Sanctus superveniet in te, et suis septem donis replebit animam tuam. †. In me gratia omnis viæ et veritatis: in me omnis spes vitæ et virtutis.— Spiritus.—Gloria.—Spiritus.

LECTIO 9.

Quid est: virtus Altissimi obumbrabit tibi? Qui potest capere capiat. Quis enim excepta fortasse illa, quæ hoc sola in se felicissime meruit experiri, intellectu capere, ratione discernere possit, qualiter splendor ille inaccessibilis virgineis sese visceribus infuderit, et ut inaccessibilem accedere ad se ferre potuisset, de portiuncula ejusdem corporis, cui se animatè contemperavit, reliquæ massæ umbraculum fecerit? Et fortassè propter hoc maxime dictum est: obumbrabit tibi,

quia res nimirum in sacramento erat, et quod sola per se Trinitas in sola, et cum sola Virgine voluit operari, soli datum est noscè, cui solum datum est experiri. Tu. Te Matrem.

AD LAUDES

et per Horas antiphonæ.

1. Implevit * eam Dominus Spiritu Dei, sapientiâ, et intelligentiâ, et scientiâ?

2. Meum est * consilium, et æquitas, mea est prudentia, mea est fortitudo.

3. Mirabilis * facta est scientia tua ex me.

4. Pietas ad omnia utilis est.

5. Ad quem * respiciam nisi ad paupericulum, et contritum corde, et paventem sermones meos.

CAPITULUM. *Isai. 11. 2.*

Et requiescet super eum Spiritus Domini: Spiritus sapientiæ et intellectus, Spiritus consilii et fortitudinis, Spiritus scientiæ et pietatis, et replebit eum Spiritus timoris Domini.

Ad Benedict. ant. Spiritus Sanctus superveniet in te, et virtus Altissimi obumbrabit tibi.

Oratio.

Purifica, quæsumus, Domine, per infusionem Sancti Spiritus cogitationes cordis nostri, ut qui septem dona, quibus Beatam Virginem MARIAM replevist; veneratione recolimus; eorum participes effecti, ad æterna gaudia perducamur. Per Dominum... ejusdem Spir.

Capit. Primæ de Laudib.

†. ¶. br. Quæ septem donis Spiritus Sancti repleta fuisti.

CANON.

Ex Paulo Diacono Aquileiensi.

An. 770.—Serm. 2. de assumpt. apud Maracc.

414. Domus virginalis septem Spiritûs Sancti donis, Sapientiæ, Intellectûs, Consilii, Fortitudinis, Scientiæ, Pietatis, atque Timoris Domini ditata. Tu.

In 2. Vesper. Antiph. et Cap. de Laud. Hyân. de Comm.

Ad Magnific. *ant.* Dona Dei sunt sine pœnitentiâ: Spiritus Sanctus contulit ea MARIE, ut de Spiritu Sancto viveret, quæ de eodem Spiritu conceperat.

DIE XXV. OCTOB.

DEDICATIO ECCL. TOLETANE.

Duplex.

Officium fit ut in Comm. Dedicationis.

Lectio. 1. Noct. de Feriâ.

IN II. NOCT.

LECTIO 4.

Ex officio proprio Eccl. Toletanæ.

Inter loca sacra, quæ in Hispaniâ ab ipsis Gothorum Regum temporibus magnam venerationem hubuerunt, templum est in primis Toletanum, quod Beatissima Virgo MARIA, Sancto Hildephonso Pontifice, suâ presentia illustrare dignata est. Itaque ut idem Hildephonso de hoc ipso templo loquens ait: coram timentibus, iniquis atque justis habetur locus terribilis, omnique veneratione sublimis. Cujus templi gloria Saracenorum Hispaniam invadentium impetu oppressa est, donec Alphonso sexto rege, à barbarorum manibus regiâ urbe receptâ, Bernardus Archiepiscopus, depulsis vanæ superstitionis tenebris, templum hoc Christianæ Religionis splendori restituit. Tu. ʒ.

LECTIO 5.

Multis deinde præsentibus Episcopis, et infinitâ propemodum

multitudine, octavo kalendas Novembris, Deo in honorem præcipuè beatæ Virginis MARIE, solemni ritu, et maximâ celebritate dedicavit: multasque insignes Sanctorum reliquias in summo altari collocavit: quarum hodiè in sacro ærario reconditarum presentia Toletanus populus, ac beneficiis lætatur. Ferdinandus demùm tertius Ecclesiam velustam, quæ mesquitiæ formam adhuc retinebat, demoliri constituit, et novam eodem ipso in loco ædificare aggressus est, hortatore Roderico Toletano, atque adjutore, qui unâ cum rege primum fundamenti lapidem collocavit. Tu. ʒ.

LECTIO 6.

Crevit postea mirificè populorum pietate amplitudo Toletani hujus templi, quod singulari in Beatam MARIAM studio fidelium votis locupletatum est. Quo circa quod esset ab ipsâ Sanctissimâ Virgine consecratum, multi reges illud maximis muneribus ornarunt, et in eo sibi, suisque locum sepulturæ delegerunt. Et quandò in Mauros movebant, numine in primis hoc in templo placato, et Beatâ MARIA propitiâ, sæpè in bellum, profecti sunt: et regium signum ac militaria vexilla sacris precationibus ibidem benedicta in fidei hostes extulerunt: ex omnibusque Hispaniæ provinciis eo religionis et voti causâ ipsi reges, et plurimi mortales ventitarunt, introeuntes in tabernaculum Domine, et adorantes in loco, ubi steterunt pedes ejus. Tu. ʒ.

Homilia de Comun. ut in Duplic.

LECTIO 9.

Commem. B. Virginis de Dumo.

Gumpenb. Imag. 464.

Beatæ Virginis de Dumo, quia in

Dumeto à quodam pastore indicio fulgoris cœlestis inventa, dicta, colitur Eboræ in Lusitaniâ. Primum in quâdam turri colebatur, sed concursus peregrinorum fecit, ut Eborensis Episcopus ex sacello, quod eâ in turri obtinebat, faceret magnæ molis templum pietatis capax. Alphonsus quintus, cum Arzillam urbem in Africâ obsideret, argenteum equum et equitem vovit, si urbe potiretur. Captâ urbe votivum munus obtulit, quod paulò post, inconsulto rege, præpositus cænobii liquavit in pecuniam ad usus templi meliores. Tu. Te Matrem.

Vesper. à cap. de seq. de Com. Infant.

DIE XXVI.

HUMILITATIS B. M. V.

Duplex.

Ad Magnif. ant. Quia respexit humilitatem ancillæ suæ Dominus, beatam me dicent omnes generationes.

Oratio.

Omnipotens, sempiterna Deus, qui respiciens humilitatem Beatæ Virginis MARIE, eam super omnes choros angelorum sublimasti; concede propitius, ut ipsius imitatione humilitatem sectantes, in cœlesti regno exaltari mereamur. Per Dominum.

Lection. 1. Noct. de Ferid.

IN II. NOCT.

Sermo S. Laurentii Justiniani Ep.
De ligno vitæ tract. 12. c. 2.

LECTIO 4.

Non solum in unâ vitâ Christi JESU relucet excelsa virtus humilitatis, sed etiâ in sanctis omnibus, qui ipsius Domini imitatores extiterunt, et præcipuè in Salvatoris mundi Genitrice, sicut eadem testatur dicens: quia respexit humilitatem an-

cillæ suæ. Ecce quàm humilis, quàm vilis de se sensit, et totum divinæ gratiæ tribuit. Tu. ꝑ.

LECTIO 5.

Judicio suo monstravit se humilem, sed respectu supernæ gratiæ sublimem, ut quod natura in primis parentibus per superbiam perdiderat, per ipsius humilitatem acciperet. Ideoque Verbum Patris per humilitatis suæ meritum carnis substantiam, quam sibi uniret assumpsit, et tunc ad eam, quàm prius abjecerat, naturam sublimandam per misericordiam respexit. Et quoniam quod erat, humiliter recognovit dicendo se ancillam, sublimiter quod non erat, Mater esse promeruit. Tu. ꝑ.

LECTIO 6.

Nam ipsa beata Virgo non à Filio suo Domino nostro cœlos didicit fabricare, non angelos creare, non mirabilia, et divinitatis insignia perpetrare, sed se humiliare, cæteraque documenta virtutum intra humilitatis custodiam aggregare. Undè et in se solam humilitatem respexisse fatetur Dominum, quæ custos est cæterarum virtutum. Collocaverat enim in tuto stationis portu sublimia meritorum suorum exercitia, et ideò est divinitus sic illustrata. Tu. ꝑ.

IN III. NOCT.

Lectio Sancti Evangelii secundum Lucam.

LECTIO 7. c. 1. 34.

In illo tempore: Dixit MARIA ad Angelum: Quomodo fiut istud, quoniam virum non cognosco? Et reliq.

Homilia S. Bernardi Abbatis.

Sermon. 4. de Assumpt. B. V.

Immobile propositum Virginitatis, quod nec Angelo filium promittente aliquatenus titubavit. Quomodo, inquit, fiet istud? Neque enim eo modo, quo fieri solet in cæteris.

Virum penitus non cognosco, nec filii desiderio, nec spe prolis. Quanta verò, et quàm pretiosa humilitatis virtus cum tantâ puritate, cum innocentia tantâ, cum conscientia prorsus absque delicto, imo cum tantâ gratiæ plenitudine? Tu. ¶

Bened. Cujus humilitatem.

LECTIO 8.

Undè tibi humilitas, et tanta humilitas, ò Beata? Digna planè quam respiceret Dominus, cuius decorem concupisceret rex, cuius odore suavissimo ab æterno illo paterni sinûs attraheretur accubitu. Vide enim quàm manifestè sibi concinant Virginis nostræ canticum et nuptiale carmen: nimirum cuius uterus sponsi thalamus fuit. Tu. ¶

LECTIO 9.

Audi MARIAM in Evangelio: Respexit, inquit, humilitatem ancillæ suæ: audi eandem in Epithalaphio: cum esset Rex, inquit, in accubitu suo, nardus mea dedit odorem suum. Nardus quippè herba humilis est, et pectus purgat; ut manifestum sit humilitatem nardi nomine designare, cuius odor et decorem invenerit gratiam apud Deum. Tu. Te Matrem.

Ad Bened. ant. Quomodo fiet istud? Ne timeas MARIA, quoniàm Dominus respexit humilitatem suam.

CANON.

Ex D. Augustino Episcopo.
Serm. 35. de SS.—Ap. D. Bonav.
§. p. c. 15.

415. O verè beata Humilitas MARIE, quæ Dominum hominibus peperit, vitam mortalibus edidit, cœlos innovavit, mundum purificavit, paradysum aperuit, et hominum animas ab inferis liberavit. Tu.

Cum secund. Vesper.

Ad Magnif. ant. Deposuit potentes de sede, et exaltavit humiles.

B. M. V. DE FONTE SALUTIS.

Simplex.

Oratio. Ex Missâ antiq.

Deus cuius antiqua populi in deserto sitientis miracula Dei Genitricis et Virginis interventu nostris sæculis mirabiliter renovari conspiciamus, ipsâ pro nobis precante, ut sicut per eam ostenso nunc Fonte Salutis languores corporum resolvisti, hoc in animarum salutem perficias, quod in utroque miraculo renovasti. Per eund.

LECTIO 1.

Camòs libr. 4. c. 6.

In oppido Traiguera in regno Valentino anno millesimo quadringentesimo quarto sequens miraculum contigit. Duo opiliones fratres, quorum alter mutus—surdus, cum gregem suum in profundam et siccam vallem duxissent, ingenti siti laborabant. At caprâ indice surdus intra vepres fontem invenit, ad eum citò currit, et dum bibit, in aquâ Deiparæ effigiem conspexit, statimque cepit et audire et loqui; nam fratrem suum nomine vocat, prodigium enarrat, ad fontem ducit, et iterum cum ipso eandem Virginis imaginem infra aquam observat. Deindè ambo fratres ad oppidum pergunt, et rem publicè convicinis enuntiant. Tu.

¶ Nostris istæc sæculis renovas miracula, * Linguæ solvens vincula. ¶ Surdum fecit audire, et mutum loqui Virgo MARIA. Linguæ.

LECTIO 8.

Oppidani videntes et surdum audire et mutum loqui, vix quod videbant et audiebant credere poterant. Ex communi consilio solemnibus supplicatio ordinatur, et pastoribus ducibus ad vallem et ad fontem dirigitur, ubi juxta relata sacra

Icon inventa fuit. Eam maximâ reverentiâ digniores acceperunt, ad oppidum adduxerunt, et in altari principe ecclesiæ collocarunt. Sed de nocte ad suum vallem reversa est, et ibidem iterum reperta fuit. Unde cognitâ Deiparæ voluntate, prope fontem templum extruxerunt et in eo sacra Imago reposita, celebrior novis miraculis et fidelium frequentiâ evasit. Tu.

¶ Maxima mysteria enuntias, Mater Dei præexcellsa: * Dic nobis, quare fugis, ô fons sacræ salutis. †. Piâ querimoniâ, cum iterum Divam invenisset, populus clamabat. Dic nob.

LECTIO 3.

Commemoratio B. V. de Castello.

Camòs l. 8. c. 5.

Propè Suredam Diocesis Elnensis oppidum in excelso monte sacellum Deiparæ circa quoddam castellum, à quo nomen accepit, exurgit, et in eo sacra illius Imago, quæ lignea est, et ferè sex palmis alta, impensè colitur. Etsi omninò certum non sit, tamen inventa creditur, nam eo in loco profundum spelæum visitur, quod interius aliquam sacelli formam retinet. Non exiguus fit ad hanc sacram Virginis effigiem accursus fidelium quos maximè ad se tum miraculis, tum beneficiis trahit. Tu. Te Matrem.

Vesperæ de ferid.

DIE XXVIII. OCTOBR.

B. V. M. DE CONSTANTINOPOLI.

Simplex.

LECTIO 1.

Gumpenberg. imag. 577.

Inter alias Deiparæ Statuas, quæ Neapoli cultum accipiunt, una est, quæ titulum habet de Constantinopoli, fortè ex Græcâ picturâ. Cultus autem, quem hodiè habet, initium inde est, quod cum anno millesi-

mo quingentesimo vigesimo nono, urbs gravi peste affligeretur integro biennio, Deipara urbis sibi devotæ jamque sexaginta mille funeribus deformatæ sit recordata. Tu. ¶.

LECTIO 2.

Itaque simplici mulierculæ apparens testata est, pestem peccatis promeritam nondum cessaturam, nisi ipsa precibus apud Filium impetraret: impetraturam autem, si eo in loco, quem digito porrecto monstrabat, magistratus eruere terram juberet, inventuro suam Imaginem, per cujus cultum finem pestiferæ luis promittebat: et si quidem templum extrueretur, securitatem à peste toti urbi per multos annos etiâ pollicebatur. Mulier illa fidem invenit, et urbs, inventâ imagine, templo quamprimum fundamenta dedit. Tu. ¶.

LECTIO 3.

Commemoratio B. V. Fresnedensis de Gratiâ.

Gumpenberg. imag. 647.

Pastorcula in montibus Fresnedæ vicinis, in Aragoniâ, Imaginem Divæ Virginis invenit, et domum ad parentes eam detulit. Sed Imago desiderans propriam et meliorem, rediit eo, undè fuit asportata, quam altero die puella ibidem reperit. Hæc Fresnedæ incolis puella dixit, qui ad locum turbatim advolarunt, et nullo petito miraculo Sacellum construxere, quod post aliquot annos Patribus Paulinis cessit, qui tamen propter loci asperitatem sanctam Imaginem jam non repugnantem Fresnedam ad suum conventum detulere. Tu. Te Matrem.

Vesperæ de sequent. ut in 1. Vesp. Infantia.

DIE XXIX. OCTOBR.

RELIGIONIS B. M. V.

Duplex.

Oratio.

Corda nostra, omnipotens Deus, Spiritus Sanctus perfectè possideat, qui Sanctissimæ Filii tui Matris cor immaculatum in templum toti beatissimæ Trinitati dicavit. Per eundem... in unitate ejusdem.

Lection. 1. Noct. de Ferid.

IN II. NOCT.

LECTIO 4.

Spinelli in Deipar. cap. 21. p. 278.

Virtutis Religionis (quæ hominem in divinum ordinat cultum) insigne exemplar Deipara omnibus dedit, præcipuè cum tertio suæ ætatis anno ad templum præsentata, et à parentum divulsa gremio, divino obsequio mancipata est: ibique infantia, ac pueritiæ ætatem spiritualibus rebus vacans, in sanctis sanctorum traduxit religiosissimè: quâ in re dum relicta parentum domo, à sæculari strepitu aliena, in templo uni Deo vacat, vitæ etiâ religiosæ specimen quoddam nobis exhibuit, ubi castitatem, paupertatem, et obedientiam, quæ ad tria Religionis vota spectant, sanctissimè coluit. Tu. ð.

LECTIO 5.

Nec minus ejus in Deum Religio atque pietas enituit in sollicitâ Christi Dei et hominis educatione et obsequiis erga eundem usque ad ejus crucem, cui forli animo præsens astitit, exhibitis: quam sollicitudinem satis præ se tulit, cum Filium duodenum, qui, eâ insciâ, in templo remanserat, dolens in Jerusalem reversa triduo diligenter quæsivit, et tandem læta invenit. Tu. ð.

LECTIO 6.

Legis item divinæ servandæ in iis quoquæ ad quæ minimè tenebatur, fuit studiosissima: purifi-

cationis legem spontè subibit, templum quotannis ex Nazareth cum Filio statutis in lege temporibus, non sine longi itineris labore adire solebat, quamvis eâ lege mulieres minimè tenebantur. Quod si Religionis virtus in templorum constructione, ac dedicatione, et in oblationibus elucet, quanta fuit Virginis Religio, quæ animam et corpus suum templum Spiritui Sancto dicavit? Quæ Filium suum in die Purificationis Deo Patri oblationem gratissimam juxta ac dignissimam obtulit? Huc etiâ referri posset oblationis ejus sublimitas atque præstantia. Tu. ð.

Homilia de Comm. pro Duplicib. Ben. 8. Cujus Religionem col.

LECTIO 9.

Commem. B. V. Turosellanæ.

Gump. Idea Atlan. Marian. p. 82.

Beata Virgo Turosellana præter hodierna miracula jam olim se duobus portentis insignem fecit. Nam cum templum ædificaretur, pecunia, ut fit, defecit, et cum hac consilium, quia moram non dabant esurientes opere. Dedit MARIA, nam à templi auctore marsupium repertum est cum pecuniis quantum solvendis operis sufficeret. Deindè cum Episcopus templum Virgini dedicaturus advenisset, in urbem remigrare divinâ voce jussus est, ædiculam, quæ jam à superis consecrationem accepisset, suâ opus non habere. Quo die etiâ contra pestem Virgini Immaculatæ conceptum est votum, eo pestifera lues cessavit; hinc Virginis imaginem supra tres urbis portas posuere Carcasonenses. Tu. Te Matrem.

CANON.

Ex D. Tomâ Arch. Valentino.

Conc. 1. in Ann. B. V. n. 2.

416. MARIAM Angelus inve-

nit interiori domûs cubiculo reclusam, libros sacros legentem, Scripturæ secreta rimantem, suasque Domino preces spiritu ferventissimo dedicantem. Hæc erat opus MARIÆ, hæc vita, hoc otium, hoc officium: in hoc tota ejus vita ex-
pendebatur, in hoc dies noctesque insomnes ducebat. Tu.

Vesperæ à capit. de sequenti.

DIE XXX. OCTOBR.

B. M. V. DE SUBSIDIO.

Duplex.

Lectio. 1. Noct. de ferid.

IN II. NOCT.

Sermo S. Anselmi Episcopi.

Tract. de concept. B. V. inter ejus opera.

LECTIO 4.

Et tu, Domina, ad cujus subsidium nos mittit dilectissimus Filius tuus, quid dicis nobis? Forsan, Domina, ut sub alarum suarum confugiamus. Benè: at licet misericordiam, sicut decet, gratantèr amplectemur, tamen justitiam ejus non parùm formidamus. Ne igitur quærentibus misericordiam obtendat justitiam suam, precamur, adesto nobis, et age causam nostram pro nobis. Ipse namque magni consilii summus angelus consuluit nobis venire ad te. Tu. ¶.

LECTIO 5.

Certè peccatores nos esse cognoscimus, et damnari meremur, ut justè quidem non negamus. Sed æquè justum esse profiteamur, et voluntatem ipsius faciat, qui voluntati suæ in cunctis quæ agit, cconcordare non detrectat. Et quis unquàm voluntati illius magis concors exilit, quam tu, cujus subsistentia ab impletionem voluntatis ejus nunquàm otiosa fuit? Velis itaque solummodò, Domina, ut

ille justissimus judex nobis misereatur: profectò justum erit, nullà ratione obsistente, ut velle tuum perficiatur. Noli ergò propter misericordiam, cujus Mater esse probaris, nobis deesse: quia velle tuum non postponet in salute nostrà, qui, ut salvemur, factus est per te frater noster. Tu. ¶.

LECTIO 6.

O mira generatio conditoris! O immensa consolatio peccatoris! O Domina, si Filius tuus est factus per te frater noster; nonne et tu per illum facta es Mater nostra? Hoc enim jam mortem pro nobis subiturus in cruce dixit Joanni, nec aliud quàm in naturà suæ conditionis habenti: Ecce, inquit, Mater tua. O peccator homo, gaude et exulta: non est enim undè desperes, non est quod formides: quid quid judicabitur de te, totum pendet ex sententià fratris et matris tuæ. Ne ergò averlas aurem cordis tui à consilio illorum. Judex tuus, videlicet frater tuus docuit te fugere ad subsidium Matris suæ; et ipsa eadem: mater tua monuit te protectioni alarum Filii sui fidelitèr inhærere, seque tibi, ne ejus justitià gravareris, non negabit affuturam Tu. ¶.

IN III. NOCT.

Lectio S. Evangelii secundum Lucam.

LECTIO 7. c. 1. 28.

In illo tempore: Ingressus Angelus ad MARIAM dixit: Ave gratià plena, Dominus tecum. Et reliqua.

Homilia S. Bernardi Abbatis.

Serm. 2. super Salv. Reg.—Inter ejus opera.

Revertere per eam, quæ tibi specialitèr infusa est in plenitudine gratiæ, prærogativam tuam, ut intueamur te, non talem, qualem

desiderant angeli prospicere dicentes: tota pulchra es, amica mea, et macula non est in te: sed intueamur te largientem beneficia, conferentem remedia, medentem contritis corde, ponentem fortitudinem lugentibus in Sion, dantem coronam pro cinere, oleum pro luctu, palium laudis pro spiritu mæroris. Tu. ꝑ.

LECTIO 9.

Nec mediocris visio ista piam te, et deprecabilem expiriri, mœrentiumque suspiria munere gratiæ consolari. Sonet hæc vox tua in auribus nostris: vox hæc tua dulcis, et hæc facies tua decora. *Lectio 9.* Nam in illo decore te videre, quo induit te Dominus fortitudine et præcinxit te, non est hujus temporis vitæ nostræ, victiorum fætore sordentis. Stola immortalitatis te indutam videre, Domina, indigni sumus: ostende faciem miserationum tuarum, et salvi erimus. Tu. ꝑ.

LECTIO 9.

Commemoratio B. V. Vergiensis de Queralt.

Camòs lib. 9. c. 11. de Eff. Cattal.

Proprie Tanagriam Verguium ad radicem Pirineorum Sacellum est Deiparæ sacrum vulgò de Queralt, seu Rupe excelso dictum, pluribus jam abhinc sæculis structum, in quo ejusdem Sanctissimæ Virginis Imago à bubulco quodam ibidem, bobe indice, ut fertur, ter inventa, quia ad domum bis ab ipso asportata, bis ipsa ad eundem locum est reversa, maximè colitur. Hæc sacra effigies, quæ sedens puerum ulnis sustinet, et lævo pede exiguum bobem calcat, tota lignea et duobus cum dimidio palmis alta est: ingentibusque fulgentem signis,

ingens fit ad eam populorum accursus, cultusque ei tribulus quotidie summoperè crescit. Tu. Te Matrem.

Cum secundis Vesperis.

DIE XXXI. OCTOBR.

VIGIL. OMNIUM FESTIV. B. M. V.

Simplex.

Omnia ut in Offic. feriali.

Lectio Sancti Evangelii secundum Lucam.

LECTIO 1. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Homilia S. Petri Damiani Ep.

In Natali Domini.

Exultate, fratres, in Domino, quia de Dominâ illâ sermo succedit, quæ singularem in cordibus vestris vendicat principatum, quæ est ad cuius nomen humiliter inclinatis, cuius horis reverenter assistitis, cuius memoriam jugiter frequentatis. Hæc est, quæ vestris affectibus suaviter indulcescit, quia magna multitudo dulcedinis ejus. Spiritus enim ejus super mel dulcis, in quam dulcis Dominus cum omni suâ dulcedine supervenit. Tu. ꝑꝑ. *de feriâ occurr.*

LECTIO 2.

Cum enim fecerit Deus omnia opera sua valde bona, hic melius fecit, consecrans in eâ sibi reclinatorium aureum, ut post tumultus Angelorum et hominum, et reclinaret et requiem inveniret. Hoc est quod natura miratur, reveretur Angelus, veretur homo, stupet cælum, contremiscit terra, infernus exhorret. In hujus utero majestas Altissimi mirabiliter liquefacta est, sicut adipe et pinguedine replevit terras, infudit cælos, terra respersit. Tu. ꝑ.

LECTIO 3.

Hic exinanivit semetipsum excel-
suset immensus, mensuram bonam,
et confertam, et coagulatam mittens
in sinum vestrum. Hic divinis ma-
nibus unctus oleo lætitiæ, et sicut
altare in signum pontificii consecra-
tus, de altari hoc ad altare crucis
ascendens, proprio cruore tanquàm
alterius generis oleo perfusus, jam
non consecratus, sed consecrans,
totum corpus machinæ mundialis
largiore liquamine consecravit. Fa-
tiscat ergo mœror, tristitia fugat,
eliminetur dolor, rancor abscedat,
ut liceat vacare et videre cum Moy-
se visionem hanc grandem, quali-
tèr Deus in hoc ventre concipiatur,
decipiatur diabolus, recipiatur per-
ditum, indebitum accipiatur. Tu. *ñ.*

Ad laudes preces.

Oratio.

Præsta quæsumus, omnipotens
Deus, ut cujus prævenimus solem-
nitatem, Sauctissimi Filii tui Ma-
ter et devotionem nobis augeat et
salutem. Per eundem Dominum.

CANON.

Ex Concilio Ænhamensi.

*Ann. 1009. can. 15.—Concil. 24.
p. 246.*

417. Sanctæ **MARIÆ** summum
Festum omnes cautiùs honoranto:
primùm jejunio, et deinceps cele-
britate. Tu.

FESTA NOVEMBRIS.

DIE 1. NOVEM.

SOLEMNITAS

ONNIUM FESTIVITATUM B. M. V.

Dupl. 1. Class. cum Octav.

IN I. VESPER.

Ant. 1. Tota pulchra es, MARIA,
et macula originalis non est in te.
Psalm. de Solemnitatib.

2. Nativitas tua, Dei Genitrix
Virgo, gaudium annuntiavit uni-
verso mundo.

3. O MARIA! Nomen tuum
semper in desiderio animæ meæ.

4. Ducam eam in solitudinem
templi, et loquar ad cor ejus.

5. Dilectus meus mihi, et ego
illi: inter ubera mea commorabitur.

CAPITULUM. *Apoc. 12. 1.*
Signum magnum apparuit in cœle:
mulier amicta sole, et luna sub pe-
dibus ejus, et in capite ejus corona
stellarum duodecim.

ñ. Gaudeamus omnes in Domino,
Recollectionem omnium Festivita-
tum Beatissimæ Virginis **MARIÆ**
celebrantes, * De cujus solemnitate
gaudent Angeli, et collaudant Fi-
lium Dei. *ÿ.* Laudate Dominam
nostram omnes gentes: glorificate
eam omnes populi.—De cujus.—
Gloria.—Gaudeamus. *Infra octav.*
non dicit. in Vesp.

HYMNUS 114. *Parnas. Virgin.*

Ave cujus Conceptio,
Solemni plena gaudio,
Cælestia, terrestria
Novâ replet lætitiâ.

Ave cujus Nativitas
Nostra fuit solemnitas,
Ut lucifer, lux oriens
Verum solem præveniens.

Ave pia humilitas,
Sine viro sæcunditas,
Cujus Annuntiatio
Nostra fuit redemptio.

Ave vera virginitas,
Immaculata castitas,
Cujus Purificatio
Nostra fuit purgatio.

Ave præclara omnibus
Angelicis virtutibus,
Cujus fuit Assumptio
Nostra glorificatio.

Ave cujus festivitas
Perennis cœlo colitur,
Cujusque festa omnia

Terris hodiè recolimus.

Doxologia de Tempore.

†. Festivitas festivitatem est hodiè Sanctæ MARIE Virginis.

¶. Cujus vita inclÿta cunctas illustrat ecclesias.

Ad Magnific. ant. Missus est Angelus Gabriel à Deo ad Virginem desponsalam viro, cui nomen erat JOSEPH, et nomen Virginis MARIA.

Orat. de Laudib. Cbplet de Dom.

AD MATUTIN.

Invitator. Solemnitatem omnium Festivitalum Beatæ MARIE Virginis celebrantes: * Christum ejus Filium adoremus Dominum.

HYMNUS 115. *Parn. Virginal.*
Gaude redempta, plebsque cœlica,

Festa MARIE júbila
Voce, mente tripudia,
Cantica psalle.

Nube depulsa Angelus
Nuntiat ortum auroræ,
Lucifer splendet,
Genitrix exurgit datura solem.

Ad quam desuper per Archangelum

Mittitur salus hominis:
Pergit ad annum puella
Gravida, obsecutura.

Virgo pudica manus attolit
Prolem ad aram:
Præmia cœli supremi
Recipit virgula fumi.

Gloriam trinæ monadi canamus
Corde devoto, Patri et Nato,
Necnon Paraclito
Omne per ævum. Amen.

IN I. NOCT.

Ant. 1. Exurgens MARIA * abiit in montana cum festinatione, ut salularet Elizabeth.

Psalm. de Dominica.

2. Undè hoc mihi, * ut Mater Domini mei veniat ad me.

3. Magnificat * anima mea Dominum, et exultavit spiritus meus in Deo meo.

†. Christo canamus gloriam, alleluia.

¶. In hac solemnitate præcelsæ Virginis MARIE, alleluia.

De libro Apocalypsis B. Joannis Ap.

LECTIO 1. c. 11. 12.
Et apertum est templum Dei in cœlo et visa est arca testamenti ejus in templo ejus, et facta sunt fulgura, et voces, et terræmotus, et grando magna. Et signum magnum apparuit in cœlo: mulier amicta sole, et luna sub pedibus ejus, et in capite ejus corona stellarum duodecim: et in utero habens clamabat parturiens, et cruciabatur, ut pariat. Tu.

¶. Dixit Elias ad puerum suum: ascende, et prospice contra mare: * Ecce nubecula parva, quasi vestigium hominis, ascendebat de mari. †. Nubes illa nunquam fuit in tenebris, sed semper in luce.—Ecce.

LECTIO 2.
Et visum est aliud signum in cœlo: et ecce draco magnus rufus, habens capita septem, et cornua decem: et in capitibus ejus diademata septem: et cauda ejus trahebat tertiam partem stellarum cœli, et misit eas in terram: et draco stetit ante mulierem, quæ erat paritura, ut cum peperisset, filium ejus devoraret. Et peperit filium masculum, qui rectorus erat omnes gentes in virgâ ferreâ: et raptus est filius ejus ad Deum, et ad thronum ejus. Tu.

¶. Vitis uberrima ex Annâ pululavit, uvaque suavissima effluit: * Potum nectaris terrigenis fundens in vitam æternam. †. Gaude in Domino Deo vestro, quia germinavit desertum, sterilis protulit fructum suum.—Potum.

LECTIO 3.

Et mulier fugit in solitudinem, ubi habebat locum paratum à Deo ut ibi pascant eam diebus mille ducentis sexaginta. Et factum est praelium magnum in cœlo: Michael et Angeli ejus praeliabantur cum dracone, et draco pugnabat et angeli ejus: et non valuerunt, neque locus inventus est eorum ampliùs in cœlo. Et projectus est draco ille magnus, serpens antiquus, qui vocatur diabolus, et Satanas, qui seducit universum orbem: et projectus est in terram, et angeli ejus cum illo missi sunt. Tu.

¶. Ad templum adducitur Virgo, ac deindè in domo Dei plantata, * Atque per Spiritum saginata instar olivæ fructifera virtutum omnium domicilium efficitur. †. Virgo erat hortus deliciarum, in quo consita sunt universa florum germina, et odoramaenta virtutum.—Atque.—Gloria.—Ad. *In dieb. infr. oct.* Atque.

IN II. NOCT.

Ant. 1. Desponsata est * Mater JESU MARIA JOSEPH et inventa est in utero habens de Spiritu Sancto.

2. JOSEPH, * accipe puerum et Matrem ejus, et fuge in Ægyptum.

3. Accipe puerum * et Matrem ejus et vade in terram Israel.

‡. Viderunt eam filiæ Sion.

¶. Et beatissimam prædicaverunt.

Sermo S. Methodii Ep. et Martyris.

De Simon. et Ann. Orat.

LECTIO 3.

Sanctorum omnium per omnes generationes spiritualibus narrationibus fastisque prodigiosis valere jussis, ad te festi hujus convivii velut clavem, ò florenti semper habenda memoriâ, dirigo. Benedicta tu, prorsus benedicta, omnibusque

desiderabilis. In benedictionibus Domini nomen tuum, divinâ gratiâ plenissimum, ac summè Deo gratiosum, Dei Mater, quæque tuo ipso splendore fidelibus lumen præferas. Tu circumscriptio, ut ita dicam, ejus, qui est incircumscribilis: radix floris speciosissimi: mater plasmatoris, altoris nutrix: ejus complexio qui omnia complecti habet: portans eum, qui verbo omnia portat: porta, per quam Deus in carne oritur: forceps carbonis illius purgatorii: sinus exiguus immensi omnium sinus. Tu.

¶. Beata es, Virgo MARIA, quæ Dominum portasti creatorem mundi: * Genuisti qui te fecit, et in æternum permanes Virgo. ‡. Ave MARIA, gratiâ plena, Dominus tecum.—Genuisti.

LECTIO 5.

Tu vellus roris illius incomprehensibilis: lacus ille Bethleem desiderii David: vitæ susceptor, ex quo poculum immortalitatis scaturivit, propitiatorium, ex quo Deus formâ humanâ generi humano innotuit: vestis sine maculâ ejus qui induit lumen sicut vestimentum. Tu nullius indigenti Deo, carnem, quam non habebat fœnerata es, quâ tandem Omnipotens ille, quod decreverat fieri, homo esset. Quid hoc splendidius? Quid hoc sublimius? Qui cœlum et terram implet, cujus dittonis sunt res omnes, tui indigus efficitur: quippè Deo fœnerata es carnem, quam non habebat. Tu potentem illum decora corporis armaturâ induisti: quâ et is mihi redditus est oculis adspectabilis; ipseque ut liberè intuiturus possim accedere, accipi: quâ etiâ omnia mali illius ignita tela, extingui habent. Tu.

¶. Beata Virgo, cujus viscera intacta permanent post partum, * No-

bis peperit Salvatorem sæculorum. Beata, quæ credidit, quoniã perfecta sunt omnia, quæ dicta sunt ei à Domino.—Nobis.

LECTIO 6.

Euge, euge, Dei Mater, ancillaque. Euge, cui ille omnium creditor, debitor sit. Nam qui dixit: honora patrem tuum, et matrem tuam; longè potiùs talibus ipse ad censeri volens gratiam, propriamque ipse legem in eam servaverit, quæ ultro assumptam ipsi Nativitatem ministravit, quamque sine patre, velut sine viro, matrem inscripsit, confirmavitque: divino quodam decore, et supra hominem glorificaverit. Ita verò hæc habebunt? habebunt ita: neque enim quæ offerimus cantica, inutilem tantum ornatum, ò sacratissimum admirabilissimumque Dei habitaculum, habent... sed veritatem quandam perspicuam. Tu.

¶ Cum inducerent puerum **JESUM** Parentes ejus, et facerent secundum consuetudinem legis pro eo, * Simeon accepit eum in ulnas suas. † **MARIA** autem conservabat omnia verba hæc conferens in corde suo.—Simeon.—Gloria.—Cum. *In dieb. infr. oct.* Simeon.

NI III. NOCT.

Ant. 1. Omnis gloria * filiae regis ab intus in fimbriis aureis circumamicta varietate.

2. Factus est * in corde meo ignis exæstuans, et deficio amore ferre non sustinens.

3. Secundum multitudinem * dolorum meorum consolationes Dei lætificaverunt animam meam.

† In me gratia omnis viæ et veritatis.

¶ In me omnis spes vitæ et virtutis.

Lectio Sancti Evangelii secundum Matthæum.

LECTIO 7. c. 5. 1.

In illo tempore: Videns **JESUS** turbas, ascendit in montem, et cum sedisset, accesserunt ad eum discipuli ejus. Et reliqua.

Homilia S. Gregorii Papæ.

In Exposit. super libros Regum.
An non mons sublimis **MARIA**, quæ ut ad conceptionem æterni Verbi pertingeret, meritum verticem supra omnes Angelorum choros, usque ad solium Deitatis erexit? Hujus enim montis præcellentissimam dignitatem Isaias vaticinans, ait: Erit in novissimis diebus præparatus mons domus Domini in vertice montium. Mons quippè in vertice montium fuit, quia altitudo **MARIÆ** supra omnes sanctos refulsit. Nam sicut mons altitudinem, ita domus designat habitationem. Tu.

¶ Gloriosa et felix Virgo **MARIA**, mirantibus cœlestis curiæ ordinibus, at æthereum pervenit thalamum: * Et sedet ad dexteram Filii sui. † Ascendit Christus super cœlos, et præparavit suæ sanctissimæ Matri immortalitatis locum.—Et.

Benedict. Cujus solemnitates recolimus. *Dicit. per Oct.*

LECTIO 8.

Mons quippè et domus aptè dicitur, quæ dum incomparabilibus est illustrata meritis, Dei Unigenito, in quo recumberet, sacrum præparavit uterum. Nam mons in vertice montium **MARIA** non fieret, si supra Angelorum altitudinem hanc divina fœcunditas non levaret. Et domus Domini non fieret, si in ejus ventre per assumptam humanitatem Verbi divinitas non jaceret. Tu.

¶ Gloriâ et honore coronasti

Matrem tuam Domine; * Et constituisli eam super opera manum tuarum. †. Posuisti, Domine, super caput ejus coronam de lapide pretioso.—Et constituisti. *Hoc omittitur in dieb. infr. Oct.*

LECTIO 9.

De hujus montis fructu David Deo exultans ait. Confiteantur tibi populi Omnes, confiteantur tibi populi Deus, terra dedit fructum suum. Terra quippè fructum suum dedit, quia quem Virgo peperit, non concepit maritali opere, sed Sancti Spiritus obumbratione. Hinc eidem regi et propheta à Domino dicitur. De fructu ventris tui ponam super sedem tuam. Hinc Isaias ait: erit fructus terræ sublimis. Nam quem Virgo genuit, non solum homo sanctus fuit, sed etià potens Deus. Tu.

†. Gaudeamus omnes in Domino, Recollectionem omnium Festivitarum Beatissimæ Virginis MARIE celebrantes, * De cujus Solemnitate gaudent Angeli, et collaudant Filium Dei. †. Laudate Dominam nostram omnes gentes: glorificate eam omnes populi. De.—Gloria.—Gaudeam. *In dieb. infra oct.* De. Te Matrem Dei.

AD LAUDES

et per Horas antiph.

1. Sit hodiè * plena nostra exultatio in hac solemnitate omnium Festivitarum Sanctissimæ Dei Genitricis MARIE. *Ps. de Dominicâ.*

2. Gloriosæ Virginis * MARIE solemnitates omnes unâ solemnitate celebremus, alleluia.

3. Laudemus * Deum nostrum in hac dignissimâ solemnitate Genitricis Dei MARIE.

4. Benedicta sis, * ô summi Regis Filia, quæ odore præis cuncta lilia.

5. Omnis Spiritus * hodiè laudet et superexaltet Dominam nostram.

CAPITULUM.

Ap. 12. 1.

Signum magnum apparuit in cælo: mulier amicta sole, et luna sub pedibus ejus, et in capite ejus corona stellarum duodecim.

HYMNUS 116. Ex offic. antiquo.

Gaude visceribus. Mater, in intimis: Felix ecclesia, quæ sacra replicas Sancta Festa MARIE:

Plaudant astra, solem, mare.

Cujus magnifica est generatio,
Cujus vita sacris claruit actibus,
Cujus finis honorem
Summum fine tenet sine.

Quæ virgo peperit, virgoque permanet,

Lactabit propriis uberibus Deum,

Portantemque gerebat

Ulnis prona trementibus.

Felix multiplici laude Puerpera,

Regis porta sui clausa perennitèr

Mundi stella fluentis,

Floris virgula regia.

Te nunc suppliciter Sancta Theolocos,

Regis perpetui sponsaque, poscimus,

Ut nos semper ubique

Miti munere protegas.

Sanctis oblineas, Virgo, precantibus

Pacis præsidium dulce diutinae,

Nobis atque beatis

Regni dona perennia.

Præsta, summe Pater, Patris et unice.

Amborumque simul Spiritus annue,

Qui regnans Deus unus

Omni tempore sæculi. Amen.

†. Posuisti, Domine, super caput ejus.

†. Coronam de lapide pretioso.

Ad Benedict. *ant.* Solemnitatem * hodiernam perpetuæ Virginis Genitricis Dei MARIE cum gaudio

celebremus, quâ celsitudo throni processit, aleluia.

Oratio.

Deus, qui nos Beatæ et gloriosæ Virginis MARLÆ gaudia et solemnitates recolentes lætificas, concede nobis, sic laudibus ejus et servitio dignè insistere, ut eam in necessitate et angustia, et præcipuè in horâ mortis præsentem et auxiliatricem sentiamus, et te post mortem per ipsam, et cum ipsâ gaudere mereamur in cœlis. Per Dominum nostrum.

AD PRIMAM.

Ant. Sit hodiè. *Capit.* Signum magn. *de Laudib.*

†. †. *br.* Quæ tantâ solemnitate nos lætificas.

Et dicitur per octav.

CANON.

Ex Concilio Ænhamensi.
ann. 1009. *can.* 15. *ex aliâ versione.*

418. Genitricis Domini nostri almæ videlicet MARLÆ Festa solemnitas primò cum jejuniis, et postea cum suavisonâ melodiarum cantinelâ honorificè ab omnibus celebrentur solemniter. Tu.

AD TERTIAM.

CAPITULUM. *Ap.* 14. 14.
Vidi, et ecce nubem candidam: et super nubem sedentem similem Filio hominis, habentem in capite suo coronam auream.

†. *br.* Specie tuâ * Et pulcritudine tuâ.—Specie. †. Intende, prosperè procede, et regna.—Et.—Glor.—Specie.

†. Ista est speciosa.

†. Inter filias Jerusalem.

AD SEXTAM.

CAPITULUM. *Ap.* 21. 2. et 11.
Vidi sanctam civitatem Jerusalem novam.... habentem claritatem Dei:

et lumen ejus simile lapidi jaspidis, sicut crystallum.

†. *br.* Viderunt eam * Filia Sion.—Vider. †. Et beatissimam prædicaverunt.—Filia.—Gloria.—Viderunt.

†. Hæc est urbs perfecti decoris.

†. Gaudium universæ terræ.

AD NONAM.

CAPITULUM. *Ap.* 20. 23.
Et civitas non eget sole, neque luna, ut luceant in eâ: nam claritas Dei illuminavit eam, et lucerna ejus est Agnus.

†. *br.* Vidi cœlum novum, * Et terram novam.—Vidi. †. Primum cœlum, et prima terra abiit.—Et.—Gloria.—Vidi. †. Ecce tabernaculum Dei cum hominibus. †. Et habitabit cum eis.

IN II. VESPERIS.

Ant. 1. Solemnitas * Solemnitatum est hodiè Sanctæ MARLÆ Virginis: exultemus et lætemur in eâ. *Psalmi utin 2. Vesp. Solemnit.*

2. Solemnitatem * Dei Genitricis sollicitè celebremus ut ipsa intercedat pro nobis ad Dominum.

3. Offerentes munera, * et adolentes odorem suavitatis Domino, celebrentur tantam Beatæ Virginis Festivitatem.

4. Hæc die * nobis sanctâ et venerabili omnia Festa Regina nostræ corde et animo recolimus.

5. Gaudeamus, * et exultemus, demus gloriam Deo in hæc die solemnitatis nostræ.

CAPITULUM. *Ap.* 2. 1.
Signum magnum apparuit in cœlo: mulier amicta sole, et luna sub pedibus ejus, et in capite ejus corona stellarum duodecim.

†. Gaudeamus. *Ut in 1. Vesp. hæc die tantum.*

HIMNUS 117.
Alma Christi Mater,

Virginumque summa,
Quā nihil supremus
Majus orbis ambit.

Nesciens primævam
Protoplasti labem,
Tota cœli donis
Compta Nympha fulges.
Ante sæcla natum
Mente summi Patris,
Virgo pura gignis
Rore cœli fœta.

Tu polorum Regem,
Qui pugillo gestat,
Aura, pontum, terras
Ventre casto claudis.

Cuncta complectentem
Virgo stringis ulnis,
Te ferentem portas,
Educas alentem.

Sit laus Deo Patri
Summo Christo decus
Spiritus Sancto
Tribus honor unus. Amen.

ʒ. Reginæ sanctorum omnium,
alleluia.

ʒ. Laudem dicite ei omnes ser-
vi ejus, alleluia.

Ad Magnif. ant. Quia respexit *
Dominus humillitatem ancillæ suæ:
ecce enim ex hoc beatam me dicent
omnes generationes.

Oratio de Laudibus.

*In diebus infra oct. Offic. etiā
in festis, fit ut in die præter ea quæ
assignantur propria.*

DIE II. NOVEMB.

DE II. DIE INFRA OCTAV.

Semiduplex.

IN I. NOCT.

De libro tertio Regum.

LECTIO 1. c. 18. v. 42.

Et ait Elias ad Achab: ascende, co-
mede, et bibe: quia sonus multæ
pluvie est. Ascendit Achab, ut co-
mederet, et biberet: Elias autem
ascendit ad verticem Carmeli, et

pronus in terram posuit faciem
suam inter genua sua, et dixit ad
puerum suum: ascende, et prospice
contra mare. Tu. ʒ.

LECTIO 2.

Qui cum ascendisset, et contempla-
tus esset, ait: non est quidquam.
Et rursū ait illi: revertere sep-
tem vicibus. In septimā autem vice,
ecce nubecula parva quasi vesti-
gium hominis ascendebat de mari.
Qui ait: ascende, et dic Achab:
junge currum tuum, et descende,
ne occupet te pluvia. Tu. ʒ.

LECTIO 3.

Cumque se verteret hūc atque illūc,
ecce cœli contenebrati sunt, et nu-
bes et ventus, et facta est pluvia
grandis. Ascendens itaque Achab
abiit in Jezrahel: et manus Domi-
ni facta est super Eliam, accintis-
que lumbis currebat ante Achab,
donec veniret in Jezrahel. Tu. ʒ.

IN II. NOCT.

De Institutione Monachorum D.
Joannis Ep. Jerosolymitani. *Cap.*
32. *In Bibliot. max. PP.*

LECTIO 4.

Per hoc namque, quod ille puer
Eliæ vidit de mari nubeculam par-
vam oriri, revelavit Deus Eliæ,
quod quædam Infantula, scilicet
Beata MARIA, per nubeculam sig-
nificata, et instar illius nubeculæ
per humilitatem parva, nasceretur
de humanā naturā peccatrice, de-
signatā per mare. Quæ Infantula
jam in suo ortu esset munda ab
omni peccatorum sorde, quemad-
modum nubecula illa fuit de mari
amaro sine tamen aliquā amari-
tudine. Tu. ʒ.

LECTIO 5.

Licet namque nubecula illa esset
originalitèr ejusdem naturæ cum
mari: alterius tamen fuit qualitat-
is, alteriusque proprietatis. Mare quip-

pè ponderosum est, et amarum; sed nubecula illa levis fuit, et dulcis. Sic quàm in quolibet alio homine, natura humana instar maris sit in suâ origine, ita amaritudine peccatorum et vitiorum pondere pressa, ut fateri cogatur: iniquitates meæ supergressæ sunt caput meum, et sicut onus grave gravatæ sunt super me. Tu. ꝑ.

LECTIO 6.

Beatam MARIAM de hoc mari, id est, naturâ humanâ, aliter fuit orta, quia in suo ortu non fuit onerata amaritudine delictorum; sed instar illius nubeculæ fuit levis per immunitatem peccatorum, et dulcis per plenitudinem charismatum. Ipsa enim suo ortu fuit nubes illa, de quâ per Moysen figuratè est scriptum. Ecce gloria Domini apparuit in nube. Tu. ꝑ.

IN III. NOCT.

Lectio Sancti Evangelii secundum Matthæum.

LECTIO 7. c. 5. 1.

In illo tempore: Videns JESUS turbas, ascendit in montem, et cum sedisset accesserunt ad eum Discipuli ejus. Et reliqua.

Homilia B. Alberti Magni, Ep.

In Biblâ Mariannâ.

Beati pauperes, quos non necessitas, sed fides et devotio pauperes facit, ut contemptis omnibus Deo vivant. Talis autem contemptus omnium rerum in beatâ Virgine in summo fuit, ita ut Beata MARIA paupertatem spiritûs habuit excellentius omni homine præter Christum: qui cum ipse præcellat omnes dignitate, et æqualem aliis habuerit paupertatem, excellit omnibus improporcionabiliter paupertate. Tu. ꝑ.

LECTIO 8.

Beati mites. Istam mititatem et

mansuetudinem præter Christum excellentissimè habuit. Mitis est, qui malis moribus dominatur, quod ipsa perfectissimè fecit. Ejus enim dominium de malis moribus fuit sine pugnâ, omnium aliorum cum pugnâ. Mansuetus non irritat, nec irritatur: cogitat enim nulli nocere, et omnibus in summo prodesse. Hoc ipsa perfectissimè implevit. Tu. ꝑ.

LECTIO 9.

Commemoratio B. V. Astigien-sis de Valle.

Gump. Imag. 237.

Astigi, vulgo Ecija, novem leucis Hispali distat paucis passibus extra urbem ad ripam fluvii singulis templum est, et in eo statua Deiparæ, quæ à Valle nomen accepit: Antiqua hic pietas est; nam Sanctæ Florentinæ Virginis cœnobium stetit hic ferunt tempore Gothorum, cui Statua hæc dono donata à fratre suo Sancto Fulgentio fuit, et ab illis temporibus hoc in loco celta. Imago puerum JESUM brachio gestat, et à Divo Gregorio Papâ Sancto Fulgentio Episcopo Astigiano dono missa dicitur. Vix dici potest quantus urbis affectus sit erga hanc Iconem. Siccitas, pestis, fames, bellum, ubi ingruunt, huc curritur: hic remedium postulatur, et semper invenitur. Tu.

Vesper. ut in 2. Vesp. ritu Duplici.

DIE III. NOVEMB.

IMPECCABILITATIS B. M. V.

Duplex.

Omnia ut in die 1. Nov. Lect. 1. Noct. de Feriâ occurr.

IN II. NOCT.

Sermo S. Thomæ Arch. Valentini.

In Dom. 1. Quadrag. Conc. 3.

LECTIO 4.

Inter alias excellentias Virginis una

præcipua est, non peccasse, nec fuisse tentatam. Aliæ animæ quantumcumque sanctæ senserunt aliquem fomitem peccati. Miratur Psalmista. Venite, inquit, et videte opera Domini, quæ posuit prodigia super terram, auferens bella usque ad finem terræ. Nonne mirum, ut ait Propheta, quod in terris non sunt bella? Richardus in libro de Emmanuele dicit, de terrâ Virgine, de quâ veritas orta est, intelligi debet. Tu. ꝑ.

LECTIO 5.

Addamus igitur ad hoc, quod, ut ait Pater Augustinus: MARIA non solum non peccavit, sed nec cogitavit peccare. Quid dico, cogitavit? Imò nec peccatum cogitare potuit. Nullo impulsu vel levissimo, nulla tentatione impulsâ ad cogitandum vel minimum peccatum. Unde hoc? Adjuvabit eam Deus vultu suo, præsentia suâ, favore suo circumdedit. Et ideo Deus in medio ejus non commovebitur. In centro cordis fixus, non solum recessit per mortale, sed nec tantillum mutata est per veniale. Nihil cogitavit, nihil fecit: Virgo, quod oculos tantæ majestatis offenderet, Domino ipso eam in omnibus dirigente. Tu. ꝑ.

LECTIO 6.

Sed dicet aliquis: nunquid non fuisset major gloria Virgini fuisse impugnata et vicisse? Nam ubi non est pugna, ibi non est victoria. Ubi non est victoria, nec corona est nec gloria. Respondet Albertus Magnus. Quod quando bellum cessat propter excessivam virtutem bellatoris, tum supremum victoriæ genus est non impugnari. Exemplum de duobus principibus, quorum unum nemo præsumit, nec audet invadere, quoniam bellicosissimus est. Alterum verò præsumit, licet vincat. Sic Virgo omnino su-

per omnes excellens, quam neque dæmon ausus est invadere. Imò audito ejus nomine terretur. Tu. ꝑ.

IN III. NOCT.

Lectio Sancti Evangelii secundum Joannem.

LECTIO 7. c. 19. 25.

In illo tempore: Dixit JESUS turbis Judæorum: Quis ex vobis arguet me de peccato? Et reliqua.

Homilia S. Thomæ Aquinatis.

Opusc. 3. Comp. Theolog. c. 224.

Quia Beata Virgo MARIA Mater Dei facta est, de Spiritu Sancto concipiens, decuit, ut excellentissimâ puritate mundaretur, per quam congrueret tanto Filio. Et ideo credendum est eam ab omni labe actualis peccati immunem fuisse, non tantum mortalis, sed etiâ venialis, quod nulli Sanctorum convenire potest post Christum. Tu. ꝑ.

Bened. Cujus impeccabilitatem.

LECTIO 8.

Et quia veniale peccatum interdum ex supreptione contingit, ex hoc scilicet, quod aliquis inordinatus concupiscentiæ motus insurgit, aut alterius passionis præveniens rationem, ratione cujus primi moti dicuntur esse peccata, consequens est, quod Beata Virgo MARIA nunquam peccavit venialiter, eoquod inordinatos motus passionis non sensit. Tu. ꝑ.

LECTIO 9.

Commemoratio B. V. de Miraculo.

Camòs. libr. 9. c. 3.

In Diœcesi Cœlsonensi percelebre exurgit Divæ Virginis Templum sub titulo de Miraculo in grati animi erga ipsam ob salutem acceptam monumentum structum. Cum igitur oppidus Riner, pestiferâ lue gravaretur, duobus pueris die tertiâ Augusti anni millesimi quadringentesimi quinquagesimi octavi, se conspiciendam sub formâ venu-

stissimæ puellæ Deipara præbuit, eisque injunxit, ut oppidanis nuntiarent, quoddam si iram Dei vellent effugere ad eum se toto corde converterent. Quod cum fecissent, luesque omnino extincta fuisset, accepta ab episcopo Urgellensi, Patriarchâ Alexandrino licentiâ, Templum illud de Miraculo à fundamentis erexerunt in ipso apparitionis loco, ubi etiâ nunc plurima patrantur prodigia, ut ex innumeris tabellis ibi appensis satis liquet. Tu. Te Matrem.

CANON.

Ex Concilio Tridentino.

Ses. 6. de Justific. can. 23.

419. Si quis hominem semel justificatum dixerit... posse in totâ vitâ peccata omnia, etiâ venialia, vitare, nisi ex speciali Dei privilegio, quemadmodum de Beatâ Virgine tenet Ecclesia: anathema sit. Tu.

Vesperæ ut in secund. Diei.

DIE IV. NOV.

DE IV. DIE INFRA OCTAV.

Semiduplex.

IN I. NOCT.

De Baruch Prophetâ.

LECTIO 1. c. 3. 24.

O Israel, quàm magna est domus Dei, et ingens locus possessionis ejus! Magnus est, et non habet finem! excelsus et immensus. Ibi fuerunt gigantes nominati illi, qui ab initio fuerunt, staturâ magnâ, scientes bellum. Tu. ¶.

LECTIO 2.

Non hos elegit Dominus, neque viam disciplinæ invenerunt: propterea perierunt. Et quoniam non habuerunt sapientiam, interierunt propter suam insipientiam. Quis ascendit in cælum, et accepit eam, et eduxit eam de nubibus? Quis

transfretavit mare, et invenit illam? et attulit illam super aurum electum? Tu. ¶.

LECTIO 3.

Non est qui possit scire vias ejus, neque qui exquirat semitas ejus: sed qui scit universa, novit eam, et adinvenit eam prudentiâ suâ: qui præparavit terram in æterno tempore et replevit eam pecudibus, et quadrupedibus: qui emit tit lumen et vadit: et vocavit illud, et obedivit illi in timore. Tu. ¶.

IN II. NOCT.

Sermo S. Methodii Ep. et Martyris.

Orat de Simeone et Annd.

LECTIO 4.

Deficiet nos tempus, futurasque postmodum generationes, si te Matrem Regis sæculorum dignis eloquiis voluerimus prædicare: ut quodam loco erudiens, quàm sis incomprehensibilis, inclytus Proheta ait: Quàm magna domus Domini et ingens locus possessionis ejus! Magnus est et non habet finem, sublimis atque immensus. Tu. ¶.

LECTIO 5.

Planè enim, planè propheticum oraculum, verissimusque hic sermo Dei magnificentia illâ tuâ, et majestate procedit: nam et sola, eorum, quæ sunt Dei, partem cum Deo habere meruisti: quæ sola Deum ex Deo Patre, unigenè ac sempiternè genitum, carne genturis. Ita veraciter sentiunt, qui sinceram fidem amplectuntur. Tu. ¶.

LECTIO 6.

Salve in æternum indesinens nostra lætitia, Dei genitrix Virgo: ad te enim rursus accurro. Tu nobis lucis initium, tu medium, tu finis: pretiosissima regni margarita; verè totius victimæ adeps: anima-

tum panis illius vitæ altare. Salve dilectionis Dei thesaurè: salve Filii in genus humanum propensionis illius, ac ejus humanitatis fons: salve Spiritus Sancti mons inumbrate. Tu. ꝑ.

IN III. NOCT.

Lectio Sancti Evangelii secundum Matthæum.

LECTIO 7. c. 5. 1.

In illo tempore: Videns JESUS turbas, ascendit in montem, et cum sedisset, accesserunt ad eum Discipuli ejus. Et reliqua.

Homilia B. Alberti Magni, Ep.

In *Biblid Mariand.*

Beati qui lugent. Qui luctus post Christum excellentissimè fuit in Beatâ Virgine. Item servitia, quanto minùs debita, tantò magis grata; sed luctus Beatæ MARLÆ Virginis nullo modo fuit debitus debito necessitatis, sed tantummodò debito charitatis; ergò sicut luctus ejus aliis est impropportionabilis, ita consolatio ejus aliis etiàm fuit impropportionabilis. Tu. ꝑ.

LECTIO 8.

Beati misericordes, quoniàm ipsi misericordiam consequuntur. Cum autem misericordia sit dare, dimittere, et Beata Virgo plus omnibus dedit, et super omnes plus dimisit: ergò super omnes beatitudinem misericordiæ accepit. Ambrosius: misericordia est nullum in miseriâ relinquere, et nullum miserum facere: quod in summo est in Beatâ Virgine; ergò in summo habet beatitudinem misericordiæ. Tu. ꝑ.

LECTIO 9.

Beati mundo corde, quoniàm ipsi Deum videbunt. Sed hi, ut dicit Glossa, mundo corde sunt, quos non arguit conscientia peccatorum: sed hoc in Beatâ Virgine fuit in summo: ergò habuit munditiam

cordis in summo. Tu. Te Matrem. *Vesper. ut in 2. Vesper. Dici.*

DIE V. NOV.

B. M. V. DE QUERCU.

Semiduplex.

Lect. 1. Noct. de Fer.

IN II. NOCT.

LECTIO 4.

Balmgh. kalend. mar. die 26.

Mart. ex Bzovio.

Quidam Baptista Clavarius Viterbensis vineam habebat propè civitatem, cui ab injuriis cœli tuendæ Imaginem Divæ Virginis in regulâ depictam in vastissimâ Quercu ejusdem vineæ appendit. Ea Imago pependit ibi annos circiter quadraginta, donec anno millesimo quâdringentesimo sexagesimo septimo Dei Mater se quibusdam piis mulieribus in quiete ostendit, et monuit, ut viam ad Quercum aperirent, imaginem adirent, aramque ibi ædificare curarent, futuram sibi scaturiginein omnium gratiarum ab ejus invocatione. Tu. ꝑ.

LECTIO 5.

Conscio Episcopo loci, atque arâ erectâ, et sacrificio peracto cœpere mox miracula, indè eorum fama, indè confluere mortales; indè structum pone arborem sacellum: indè demùm non diù post Ecclesia amplisima, quæ et sacellum et tectum tegeret ædificata, et Sancti Dominici Fratibus unâ cum cœnobio attributa, ubi ad hanc usque diem innumera fiunt miracula. Tu. ꝑ.

LECTIO 6.

Sermo S. Andhelmi Episcopi.

Libro de Virginitate. c. 22.

En Beata MARIA Virgo perpetua, hortus conclusus, fons signatus, virgula radices, gemmula floris, aurora solis, nurus patris, genitrix

et germana Filii, simulque sponsa, ac felix vernacula, sanctorum socrus animarum, supernorum Regina civium, columba inter sexaginta reginas, et bis quadragenas pellices propter perenne puritatis privilegium, obsidem sæculi, Monarcam mundi, Rectorem poli, Redemptorem soli, Archangelo pronuntiante, Paraclito obumbrante, præcordiis tripudiantibus, feliciter suscipere meruit. Tu. *¶*.

IN III. NOCT.

Lectio S. Evangelii secundum
Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus verter, qui te portavit. Et reliqua.

Homilia S. Epiphanii Episcopi.

De Laudib. B. M. V.

O Beata Virgo, columba pura, et sponsa cœlestis MARIA, cœlum, templum, et thronus divinitatis, quæ coruscantem in cœlo et in terrâ solem habes Christum: nubes lucida, quæ fulgur de cœlo lucidissimum ad illuminandum mundum deduxisti Christum. Nubes cœlestis, quæ tonitruum Spiritûs Sancti in seipsâ reconditum deduxit in mundum, et imbrem Spiritûs Sancti in universam terram ad producendum fidei fructum demisit. Tu. *¶*.

LECTIO 8.

O Virgo pura Sancta Mater Domini, beata Sponsa Trinitatis individuæ, beata tu inter mulieres, quæ Deum et hominem omnium Creatorem velut Infantem in terrâ peperisti. *Lect. 9.* Beata tu inter mulieres, quæ sola in terris Deum cœlestem concepisti. Beata tu inter mulieres, cujus ubera suxit is qui alit universa. Sancta MARIA, Virgo Deipara, beata tu inter mulie-

res, quæ nunc genuisti eum, qui olim in paradiso formavit Adam è luto. Tu. *¶*.

LECTIO 9.

Commemoratio B. V. Barrensis de Consolatione.

Gumpenb. 459.

In Suburbio urbis Barrensis in Germaniâ inferiori sacellum Deiparæ est, Statuâ et beneficiis impetratis insigne. Conditor sacelli hujus fuit Joannes Naveronius, vir equestris ordinis, et pius sub annum millesimum quingentesimum decimum quintum. Struendi sacellum occasionem dedit marè, in quo cum omnia proximam viro intentarent mortem, ad Deiparam conversus sacellum vovit se conditurum in plurimorum solatium, si ipse hic loci inter varia mortis pericula à Virgine opem nancisceretur. Vix factum ab eo volum est, quàm primùm detonuere venti, componique fluctus cœpti sunt, navisque læta turgentibus velis ad portum properavit. Tu. Te Matrem.

Vesper de sequenti.

DIE VI. NOVEMB.

D. V. DERTUSENSIS DE CINGULO

Duplex majus.

IN I. VESPER.

Non propria ut in 2. Vesp. Omnium festiv. die 1. Nov.

HIMNUS 118. *Salla.*

Exulta in Domino, fida age Civitas Dertusa, eximio conscia pignore, Mirâ, queis MARIE sorte beatorum Distinguaris amoribus.

Fortunata quidem nox, tibi propriis

Sanctum quâ manibus textile tradidit,

Cingens se, Strophium Virgo Puera,

Regem nixa theandricum!

Nox plùs, quàm rutilans, clara,
meridies,
Dignata ætereo cernere vertice
Delapsam Dominam, cœlipotentibus
Turmis rite obeuntibus!
Queis hino veluti cincta satellite,
Dextro Clavigero, lævo at apostolo,
Gentes qui docuit, plùs micat, ignibus

Sicut luna minoribus.
Sic descendit ovans, prisca quæ
Iberia,
Queis te prosequitur concita amoribus
Excelsi Genitrix, ut tibi conferat
Sacri munera Cinguli.
Sit Patri ingenito gloria Numini,
Æternùm genito gloria Filio
Utriusque sacro sæcula Flamini
Sit laus æqua per omnia.
Amen.

†. Omnes auxilium per Cingula
Virginis optant.

‡. Auxiliumque tenent per Cingula Virginis omnes.

Ad Magnific. ant. Beata Virgo
MARIA sereno vultu noctis umbras
eliminans apparuit, Cingulumque
sacrum in pignus suæ tutelæ dedit
Ecclesiæ Cathedrali Dertusensi.

Oratio.

Deus, qui Ecclesiam Dertusensem
Beatissimæ Virginis MARIE
visitatione et Cingulo decorasti:
ejus nobis intercessionem concede,
ut cingulo fidei et puritatis accincti,
à cunctis peccatorum nexibus eruamur.
Per Dominum.

AD MATUT.

Invitator. Laudemus Deum nostrum
* In veneratione Sanctissimi
Cinguli Beatæ MARIE Virginis.

HYMNUS 119. Salla.

Contestes memorant rem sibi creditam

Christi Mysta pius, Major et audiens
Quinis è monachis invigilantibus
Sacris jugiter ædibus,

Felices nimium! quippè probabiles

Reginæ angelicæ quos daret, inclytis

Ut visa expediant, qualia Cingula,
Dertusensibus incolis.

Felices itidè! scilicet admodum
Priscis consimiles Patribus accitis
Divinè rutilo monti Itabirio

Christi cum tribus asseclis.

Hi, pars colloquium, pars venerabilis

JESU sunt meriti dia tuerier
Solares radios ora vibrantia,
Necnòn texta nivalia.

Solis justitiæ quale refulserat
Thabor mons nitidis illius aureæ
Eûs effluviis urbis Iberiæ

Templum tale reniduit.

Hic, instar Moisis, vatis et Heliae
Soteris labiis, instar et Asseclum
Ipsius placidâ luce fruentium

Et picto nive tegmine;

Reginæ specie, quæ beat angelos,
Alter, colloquiis dulce sonantibus
Alter, pennigeris cœtibus inditus,
Faustâ sorte potitus est.

Sit Patri ingenito gloria Numini,
Æternùm genito gloria Filio,
Utriusque sacro sæcula Flamini
Sit laus æqua per omnia.
Amen.

IN I. NOCT.

Lection 1. Noct. de Comm. Reliqua
ut in die 1. Nov.

‡. 1. Angelicis comitata choris,
sociataque Petro, Pauloque eximiiis;
culmina bina poli, * Cingulum
Virgo Parens præstanti munere donat.
†. Dertusæ templo pignus amoris adest.—Cingulum.

‡. 2. O Cingulum, quod iis, qui
ad te confugiunt, tuâ virtute præcingis,
* Tribue nobis lumborum mortificationem
ad vitia, et animi fortitudinem
ad virtutum operationem. †. Sit justitia
cingulum lumborum, et fides cinctorum renum

nostrorum.—Tribue.

¶ 3. O Cingulum, quod nostræ naturæ imbecillitatem astringis, et roboras! * Conforta nos contra inimicos nostros. †. Tàm qui sub aspectu cadunt, quàm qui non cadunt hostes impedi.—Conforta.—Gloria.—Conforta.

IN II. NOCT.

LECTIO 4.

Ex Brev. Rom. ann. 1507. et ex novo officio proposito.

Dertusæ in Hispaniâ Tarraconensi anno millesimo centesimo septuagesimo octavo quidam Presbyter pius et probus surgens in noctis dimidio ut in Ecclesiâ majori, prout erat solitus, interesset, contigit semel, ut cum ad januas Ecclesiæ pervenisset, solemne officium celebrari audivit, cum de feriâ solummodò esset celebrandum, et januas apertas invenit. Stans igitur ad limen, ingentem intuitus est claritatem, et sanctos Dei Angelos in vestibus albis per choros hinc inde stantes, accensos cereos albos habentes: quos tremens cum cerneret, invitatus fuit, ut cereum quoque acciperet, et ductus ad altare, ad cujus latus vidit mulierem speciosam valdè, ornatam, sedentem in solio, cui aderant stantes ad latera duo viri, Sanctus Petrus nempè à dextris, et Sanctus Paulus à sinistris. Tu.

¶. Propositum est nobis hodiè ad venerandum insigne Sanctissimæ Deiparæ Cingulum * Quod ipsa in pignus sui amoris hominibus tradidit. †. Cingulum sanctius illo antiquo, quod de bysso retortâ, hyacinto, purpurâ, ac vermiculo bincto, arte plumariâ erat.—Quod.

LECTIO. 5.

Beata Virgo Presbyterum intuens, eum accersivit, et dixit ei: quoniam

in honorem Filii mei et meum hæc Ecclesia est constructa, et vobis dertusentibus cura est me plurimè venerari, ideò, quia diligo vos solvens cingulum, quo præcingor, à me fabricatum, super altare illud pono, et vobis trado, ut hoc in pignus amoris mei et memoriam habeatis. Et tu hæc omnia urbis Episcopo, Clero, et populo reserabis, et hæc dicens solvit et posuit super altare Cingulum. Dixit quoque ei Virgo: ecce monachum majorem habes hujus visionis contestem, qui est in choro, et omnia cernit, ideò illis vos duo hæc omnia et singula referetis. Visio, his dictis, evanuit. Tu.

¶. O Cingulum, quod immaculatissimum corpus involvisti, et amplexum es: * Circumda nos, et defende nos contra hostes nostros. †. Præcinge nos, Domina, Virgo MARIA cingulo puritatis tuæ.—Circumda.

LECTIO 6.

Presbyter autem ingressus domum (cum se post visionem in cæmeterio invenisset) visa in corde suo conferebat. Sed statim sonum campanæ ad matutinum audivit, et ad Ecclesiam festinus pergens, in illam ocyus introit, et cum Monacho majore accedens ad altare, Cingulum ibi à Beatâ Virgine positum invenit. Expleto Officio Canonicis et Clericis omnia Presbyter, et Monachus propalarunt; et manè facto omnis Clerus et populus conveniunt, ac post solemnem supplicationem per urbem Cingulum in sacrario Ecclesiæ reconditum fuit, quod hodiè adhuc summâ religione colitur. Tu.

¶. O Cingulum, quo præcincta fuit laudatissima Deipara: * Ecclesiæ decus, et totius populi Christiani solatium! †. Cingulum, quo

impiissimum Draconem Mater nostra suffocavit.—Ecclesiæ.—Gloria.—Ecclesiæ.

IN III. NOCT.

Lectio Sancti Evangelii secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ dixit illi: Beatus venter qui te portavit. Et reliqua. Homilia S. Thomæ Arch. Valentini.

Concion. 1. de Assumpt. B. V. M. Sindonem fecit, et vendidit, et cingulum tradidit Cananæo. Et quo pretio vendidit? O bone Deus! quo pretio vendidit telam istam? Quid pro illâ tunicâ datum est ei? Quis numerare valebit? Quis audebit enarrare? Quis cogitare sufficiet? Omnium gratiarum plenitudo, omnium virtutum et bonorum plena possessio, cœlestiumque gemmarum et margaritarum inæstimabilis thesaurus datus est ei. Tu.

¶. O Cingulum, illam Ezechielis portam clausam ligatam tenens, nullique per eam nisi soli Domino transitum permittens, * Circumda nos, et custodi nos in ævum. ¶. O Cingulum, veritatis, castitatis, et virtutis Virginis, quam præcinxisti, argumentum. Circumda.

Bened. Cujus Cingulum colimus.

LECTIO 8.

Vestita est ab eo gloriâ et decore, cœlorum, terrarumque Regina constituta est, et in ministerium data est illi omnis creatura, quæ sub Deo est. Ecce Sindonis pretium, ecce quanti tela vendita est. Sed ad quid! Ut videlicet inde fieret Cingulum Cananæo. O pulcherrimum Cananæum, divino splendore indutum, et virgineo Cingulo cinctum, qui immutabilis manens, formâ Dei non amissâ, in hominis formam veluti mutatus apparuit. Tu.

¶. O pretiosum verè, ac præclarissimum Cingulum, quod ejus constrinxisti corpus, * Quæ Emanuele utero gestavit. ¶. O Cingulum pignus certissimum amoris Matris Dei erga nos.—Quæ.—Gloria.—Quæ.

LECTIO 9.

Habebat ab initio Cananæus hic amplissimas vestes à Patre, solo Cingulo indigebat, quo immensos illos, exuberantesque sinus amplissimorum vestimentorum colligeret ad currendam viam, sicut scriptum est: Dominus regnavit, decorem indutus est, induit Dominus fortitudinem, et præcinxit se. Ecce vestes, ecce Cingulum. Vestes à Patre, Cingulum à Matre. Vestes ab æterno, Cingulum ex tempore. O quales vestes, decor et fortitudo! Sicut et alibi scriptum est: fortitudo et decor indumentum ejus. Tu. Te Matrem.

AD LAUDES.

HYMNUS 120. *Salla.*

Orans nam Monachus muta silentia
Per noctis resonis pronus in exedris
Sacris cuneum cœlitus atris

En accedere constupel.

Justam quam vocitant, janua
panditur:

Alati pueri luce micantia

Intrantes vario, strataque et ambitum

Replent flore et aromate.

Intrat post acies ordine cætera:

Munit se madidus flumine lustrico

Signo quisque crucis more fidelium;

Consistuntque bifariam.

Albescunt niveis corpora amictibus:

Gestatur manibus cereus ignifer:

Excelsæ Triadi cantio clerico

Ritu personat invicem.

Sit Patri ingenito gloria Numini,

Æternum genito gloria Filio,

Utriusque sacro sæcula Flamini

Sit laus æqua per omnia. Amen.

Ad Benedict. ant. Et erit justitia
Cingulum lumborum ejus, et fides
cinculorum renum ejus.

CANON.

Ex Decreto S. Rituum Congrega-
tionis.

3. Aug. 1726. *Dertusens.*

420. Sacra Rituum Congrega-
tio ad enixas Episcopi et Capituli
Ecclesiæ Dertusensis preces, Le-
ctiones secundi Nocturni ex Ser-
mone Sancti Thomæ de Villanova
concione primâ de Assumptione
Virginis approbavit et pro secundâ
Dominicâ Octobris in festo Beatæ
MARIE Virginis de Cingulo cum
Officio ut in die ad Nives sub ritu
Duplici primæ Clasis in civitate et
Diœcesi prædictâ in posterum re-
citari posse indulsit. Tu.

IN II. VESPER.

*Ut in die 1. Nov. præter se-
quent.*

HYMNUS 121. *Salla.*

Mox Regina subit duplici Apostolo
Unâ cum socio, lumina vinciens,
Nato consimilis corpus in alterum
Quum mutavit imaginem.

Signaculum digito quæ crucis
imprimens

Lustralis lapidi fontis, et osculans
(Visu flex animum!) jam prece
mysticâ

Sanctum consecrat ampliùs.

Ex quo se fluvio, pollice tessera
Signat christiadum: tum sedet igneo
Augusta in solio: flamine cœlico

Demum Presbyter advolat.

Spectans qui attonitus talia, stan-
tibus

Accitu angelico jungitur alteri
Alis ex choricis: quem vocat im-
perans

Divis ipsa hierarchiis.

Quæ, missis aliis, en Ego pro-
priis

Texta, inquit, manibus, Cingula,
quæ exuo,

Dertusæ tribuo, quâ valet, optimæ
Mecum, pignora gratiæ.

Hæc est quam merito jure imi-
tamine

Patrum concelebras, cœlica Fascia
Augustis hodiè ritibus, admodum.

Urbs Dertusa imitabilis.

Sit Patri ingenito, *ut in Laudibus.*

Ad Magnif. ant. Hoc Cingulum,
quo præcingor, vobis trado in pig-
nus mei amoris.

DIE VII. NOV.

DE VII. DIE INFRA OCTAV.

Semiduplex.

IN 1.º NOCT.

De Ezechiele Prophetâ.

LECTIO 1. c. 17. 1.

Et factum est verbum Domini ad
me, dicens: Fili hominis, propone
ænigma, et narra parabolam ad
Domum Israel. Et dices: Hæc di-
cit Dominus Deus: aquila grandis
magnarum alarum, longo mem-
brorum ductu, plena plumis, et
varietate, venit ad Libanum, et
tulit medulam cedri. Summitatem
frondium ejus avulsit: et transpor-
tavit eam in terram Chanaan, in
urbanegotiatorum posuit illam. Tu.
¶. Dixit El.

LECTIO 2.

Et tulit de semine terræ, et po-
suit illud in terrâ pro semine, ut
firmaret radicem super aquas mul-
tas: in superficie posuit illud. Cum-
que germinasset, crevit in vineam
latiorem humili staturâ, respicien-
tibus ramis ejus ad eam: et radi-
ces ejus sub illâ erant. Facta est
ergo vinea, et fructificavit in pal-
mites, et emisit propagines. Tu.
¶. Vitis.

LECTIO 3.

Et facta est aquila altera gran-

dis, magnis alis, multisque plumis: et ecce vinea ista quasi mitens radices suas ad eam, palmites suos extendit ad illam, ut irrigaret eam de areolis germinis sui. In terrâ bonâ super aquas multas plantata est: ut faciat frondes, et portet fructum, ut sit in vineam grandem. Tu. ¶. Ad Templ.

IN II. NOCT.

Sermo S. Thomæ Arch. Valentini.

Concion. 5. In assumpt. B. V.

LECTIO 4.

Aquila est Virgo, quoniam lucem illam solis innaccessibilem sola super omnes puras creaturas visu penetrat. Et, sicut aquila, avium regina, ita Virgo, Spirituum Domina. Ista aquila ad æthereâ altius volat, et ex alto prædam, id est, animam peccatoris conspicit, quam rapit ad cœlestia ungulis suæ charitatis. Magnarum alarum, Nempe, quia totum Domini tabernaculum, id est, Ecclesiam habet protegere sub alis. Longo membrorum ductu. Audi, quam longo: ab infimo peccatore usque ad supremum Angelum, imò usque ad Dominum Angelorum. Non est, qui de istâ Virginis largitate non accipiat: peccator veniam, justus gratiam, Angelus gloriam, Deus carnem. Tu. ¶.

LECTIO 5.

Plena plumis et varietate. Plumas carni inhærentes, virtutes, quas ipsa acquisivit in vitâ, intelligo. Varietatem desuper nitentem, donorum et gratiarum splendorem varium sibi de cœlo collatum perpendo. Splendens igitur virtutibus, fulgens donis. Venit ad Libanum. De Libano venit ad Libanum: de Libano puritatis ad Libanum claritatis: de Libano innocentiae ad Libanum gloriæ. Et altius volans in

Libano, conscendit altissimam cœdum. Tu. ¶.

LECTIO 6.

Et tulit medullam cedri. Quia divinitatis arcana, et intimas divitias, et gloriam, ipsa super omnes creaturas penetrat. Cujus gloriæ et beatitudinis respectu, quasi superficialis videtur omnis aliorum sanctorum gloria. Ipsa enim intimius pascitur ex adipe frumenti: ipsa intimius beatificatur, et in cellam vinariam amoris et fruitionis Dei multò interius est à Deo Rege cœlesti introducta. Vides, quantum interest inter gloriam Virginis et aliorum? Vides, quantum altius est sublimata aquila ista grandis? Tu. ¶.

IN III. NOCT.

Lectio S. Evangelii secundum Matthæum.

LECTIO 7.

c. 5. 1.

In illo tempore: Videns JESUS turbas, ascendit in montem, et cum sedisset, accesserunt ad eum discipuli ejus. Et reliqua.

Homilia B. Alberti Magni, Ep.

In Bibliâ Mariand.

Beati pacifici, quoniam filii Dei vocabuntur. Glossa. Dum lex carnis repugnat legi mentis, non modo altero, sed nec hoc modo possumus esse pacifici. Ergò super omnes pacifica existerat, in quâ caro adversus spiritum non rebellavit. Et sic ipsa beatitudinem summæ pacis possidebat, et possidet. Tu. ¶.

LECTIO 8.

Beati, qui persecutionem patiuntur propter justitiam. Hic agitur de persecutione illâ, quæ est martyrium, cui debetur laureola. Undè Bernardus: longè enim plusquam Martyrem prædicamus, in quâ nimirum corporeæ sensum passionis excesserit compassionis affectus. Tu. ¶.

LECTIO 9.

Commemoratio D. V. Flixienſis
de Remedio.

*Camòs de Imag. Cathal. Libr. 4.
c. 8.*

Tribus à Flixienſi oppido ad ſiniſtram Iberi milliaribus, perpulchrum viſitur Deiparæ templum, etſi ſup̄ter ingentem rupeĩ ſemi abſconſum, quòd anno millesimo ſexcentesimo ædificatum, ab impiorum malitià hoc ipſo ſæculo dirutum, iterum reparatum ac ferè de novo ſtructurum hiſce annis magno circumſtantium populorum plauſu fuit. Statua Deiparæ, quæ illic cultu afficitur, lapidea eſt: et dicitur de Remedio, non tantum, quia ipſam invocantium malis, præcipue ſcribis laborantium remedium aponat, ſed etiã, quia ſorte miſſa ſuper diverſa nomina cecidit ſors ſuper hoc titulo de Remedio. Ad illam miraculorum famã, non exiguus ſit fidelium accuſus. Tu.

Te Matrem.

*Vesperæ de ſequent. ut in 1. Vesp.
Omn. Fetiui.*

DIE VIII. NOVEMBR.

OCTAVA OMNIUM FESTIV.

Duplex majus.

AD MATUTIN.

HYMNUS 122. *Caryophil.*

Virgo Beata nſcitur,
Beata Sponſo traditur,
Beata mox enititur
Beata cœlo redditur.

Mens eſt beata dotibus,
Caro carens eſt ſordibus,
Venter beatus germine,
Fœcundus abſque ſemine.

Ergò vocandam gentibus
Sese beatam dixerat:
Nos ventrescœtum dicimus
Sedem beatitudinis.

Doxologia de Tempore.

IN I. NOCT.

De libro Apocalypſi Beati Joannis
Apoſtol.

LECTIO 1. c. 21. 9.

Et venit unus de ſeptem Angelis habentibus phialas plenas ſeptem plagis novissimis, et locutus eſt mecum dicens: Veni, et oſtendam tibi ſponſam uxorem Agni, et ſuſtulit me in ſpiritu in montem magnum et altum, et oſtendit mihi civitatem ſanc̄tam Jeruſalem, deſcendentem de cœlo à Deo, habentem claritatem Dei, et lumen ejus ſimili lapidi pretioſo, tanquã lapidi jaspidis, ſicut chriſtallum. Et habebat murum magnum et altum, habentem portas duodecim: et in portis angelos duodecim, et nomina inſcripta, quæ ſunt nomina duodecim tribuum filiorum Iſrael. Tu. ſ.

LECTIO 2.

Ab oriente portæ tres: et ab aquilone portæ tres: et ab aſtro portæ tres: et ab occaſu portæ tres. Et murus civitatis habens fundamenta duodecim, et in ipſis duodecim nomina duodecim Apoſtolorum agni. Et qui loquebatur meum, habebat meſuram arundineam auream, ut meſiretur civitatem, et portas ejus, et murum: Et civitas in quadro poſita eſt, et longitudo ejus tanta eſt, quanta latitudo. Tu. ſ.

LECTIO 3.

Et meſus eſt civitatem de arundine aureã per ſtadia duodecim millia: et longitudo, et altitudo, et latitudo ejus æqualia ſunt. Et meſus eſt murum ejus centum quadraginta quatuor cubitorum, meſurã hominis, quæ eſt angeli. Et erat ſtructura muri ejus ex lapide jaspide: ipſa verò civitas aurum mundum ſimile vitro murdo. Et fundamenta muri civitatis omni lapide pretioſo ornata. Tu. ſ.

ctè, et propriè. Omnes alii si res subjecerunt, et si retinuerunt, non abjecerunt, quia tantum procuratores, et fructuarii, et non domini fuerunt. Beata autem Mater Dei Virgo existens, et Regina cœli, jus et dominium et usufructus possessionem habebat in rebus Filii sui. Undè et benè potuit relinquere, et omnia possidere: relinquere quantum ad usum et fructum; possidere quantum ad proprietatem et jus domini: et sic beatissima Virgo potuit habere perfectissimam paupertatem. Tu. ʒ.

LECTIO 9.

Commem. B. Virginis Berchanæ.

Gumpenb. Imag. 470.

In templo parochiali Berchæ propè Meclhiniam ab antiquo colitur Deiparæ Statua miraculosa, ita quod etiã inter infantes usus sit, ut afflictis dicant: quære solatium in Bercho, id est, apud hanc Deiparæ statuam. Et quanquàm hic pluribus malis reperiatur remedium, præcipuè tamen herniæ malo Deipara propitia est. Certè hic curari fama est exemplis testata, fidemque faciunt pendentes è muro fasciæ magno numero. Tu. Te Matrem.

CANON.

Ex Decreto Sacrorum Rituum Congregationis.

11. *Mart. 1820. Mazarien. Man. Eccl. 362.*

421. Occurrente commemoratione octavæ omnium Sanctorum, et Beatæ MARIE Virginis, si festum Beatæ Virginis sit ritus Duplicis primæ classis, præcedit, si verò sit duplex secundæ Classis, tunc præcedit octava Omnium Sanctorum, utpotè primæ Classis. Tu.

Cum 2. Vesper. ut in die.

DIE X. NOVEMBR.

MIRACULORUM B. MARIE V.
SUESSONEN.

Simplex.

LECTIO 1.

Ex Brev. Suesson. sub die 22. Aug.
Virgo Dei Mater ab Ecclesiâ Dei Sponsa, cultu etsi non divino, quoniam Creatore longè minor; peculiari tamen, quoniam cæteris creaturis major, omni ævo habita est. Quali apud Gallos honore colatur, cum dicata illi passim singulis regni civitatibus templa satis probant, tum præcipuè loquitur solemnè perennis obsequii sacramentum, quo se et sua christianissimi Reges ejus imperio devinxere. Nempe, ut ubicumque subditos habeant, habeat illa cultores; ne se satis regnatos rati, nisi et cum illis, et per illos simul regnaverit. Tu. ʒ.

LECTIO. 2.

Urbes verò inter cæteras, quæ hujus sanctione cultu et præsidio uberiore gaudet, eminet Suessonum civitas, apud quam sub nomine, et in honorem Virginis Deiparæ exurgit templi moles ipsi propè coæva, regum ab ipso imperii exordio curis et impensis extructa, votis deindè ac muneribus amplificata, temporum vetustate, minùs quam pietate fidelium commendabilis, nulloque hæreticorum, ubi cætera furori suo devovere, violata vestigio. Templum illud Virgini sacrum tot à Deo illustratum miraculis testantur annales civitatis, ut illorum vivax memoria cives inter peculiari festo quotannis renovetur. Tu. ʒ.

LECTIO 3.

Commemoratio B. Virginis in Monte Celio.

Gumpeng. Imag. 141.

Romæ in monte Celio quædam

Beatæ Virginis Imago colitur, et jam à tempore Sancti Gregorii magni celebritate suâ multas alias præcedit. Creditur enim Sanctum Gregorium transeuntem allocuta, non sine amicâ increpatione, quod eam sine consuetâ salutatione præteriret. Credibile est, jam ante Sancti Gregorii tempora in honore fuisse: anno jubilæi millessimo sexcentesimo vigesimo quinto Cardinalis Salviali Sacellum hoc suo ære struxit Tu. Te Matrem.

Vesper. de sequent. ut in Comm. Dedication.

DIE XI. NOV.

DEDICATIONIS

S. M. IN TRANSPONTINA.

Semiduplex.

Lect. 1. Noct. de Fer. occurrenti.

IN II NOCT.

LECTIO 4.

Spinelli de fest. et templ. Deip.
Sanctæ MARIÆ in Transpontinâ sacri ordinis Carmelitarum extruendi templi, cujus dedicationis anniversarium hodiernâ die celebratur, occasio hæc fuit: Cum propè molem Adriani, quæ nunc arx dicitur Sancti Angeli, templum hoc Deiparæ, transpontem, undè nomen traxerat, situm, atque ad munendam arcem postea dirutum esset, voluntate Summi Pontificis, anno millessimo quingentesimo sexto, hoc in loco aliud templum est excitatum. Tu. ʒ.

LECTIO 5.

In hoc verò novum templum ex antiquo illo Sanctorum reliquiæ, et præsertim devotissima Deiparæ Imago, unâ cum ejusdem templi nomine sunt translata: Imago verò in summo altari est collocata, ubi non exigua populi affluentia, nec

exiguo devotionis affectu colitur Titulum cardinalis à Sixto quinto hoc marianum templum accepit. Tu. ʒ.

LECTIO 6.

Ex Canone S. Theodori Studitæ.

Con. 5. 7. et 8. In Bibl. maxim.

PP. tom. 2. infine.

Sancta Dei Genitrix, Mater et Virgo hymnis celebranda et glorificanda, libera nos ab omnibus delictis, qui tuum immaculatum partum veneramus: nullum enim aliud habemus præsidium præter te, ò Dei sponsa. O Domina Dei Genitrix, tu sola existis Christianorum pons securus, et fidelium gloria atque refugium, à periculis cunctis omnes adjuvans atque liberans. Instar lucernarii auro exornati te veneramus, Sancta Dei Genitrix, quæ lumen intellectuale mundo peperisti, et tenebrosam nebulam dissipasti. Tu. ʒ.

In III. Noct. Hom. ut in Semiduplic. Comm. Dedicat.

LECTIO 9.

Commemoratio B. V. de Divinâ Providentiâ.

Ex monumentis.

Romæ in Barnabitarum Ecclesiâ Sanctorum Blasii et Caroli maxime diva Virgo colitur sub titulo Matris Divinæ Providentiæ jam ab anno millesimo septingentesimo trigésimo quarto, quo collocata fuit in quo nunc veneratur sacello, ubi summi Pontificis Gregorii Decimiseptimi auctoritate stabilita fuit Beatæ Virginis auxiliatricis Archiconfraternitas, quæ prius initium in Barnabi accepit, et postea per universum mundum cum ingenti fidelium solatio propagata conspicitur. Tu. Te Matrem

CANON.

Ex Pio Papâ Quarto.

Bul. Romanum decet. 119. §. 3.
ann. 1565. Tom. Bul. IV. part. 2.
pag. 244.

422. Conventum Beatæ MARIE Transpontinæ nuncupatæ, ordinis ejusdem Sanctæ MARIE de Monte Carmelo, qui in civitate Leoninâ olim constructum reperitur, et quem pro fortificatione..... solo æquari expedit cum suis..... ad civitatem Piam auctoritate et tenore præsentium transferimus. Tu.

Vesperæ de sequent. ut in Com. Inf.

DIE XII. NOVEMB.

PATROCINII B. M. V.

*Duplex majus.**Oratio.*

Præsta, quæsumus, omnipotens Deus, ut qui sub Patrocinium Sanctissimæ Genitricis tuæ fiducialiter confugimus, ab omnibus meutis et corporis, ipsâ intercedente, eruemur adversis. Per eundem Dom.

AD MATUTIN.

HYMNUS 123. *Masor. Fulgin.*
 Diva, te totus venerat orbis,
 Te colunt omnes populi Patronam
 Grata reddentes Domino sacrarum
 Munia laudum.

Namque miraculis variis coruscas
 Æteris celsâ residens in arce
 Et piâ voces humiles precantum
 Suscipis aure.

Te senes curvi, juvenes virentes,
 Divites pingues, humiles egeni,
 Subditi servi, Domini potentes,
 Diva, precantur.

Te rogant gentes lacrymis profusis,
 Dum Pater sævum excidium minatur,
 Ampla delubris manibus ferentes
 Munera plenis.

Sit decus summosine fine Christo,
 Sancta quem Virgo genuit MARIA,
 Qui Patri compar, Spiritui Sancto
 Regnat in ævum. Amen.

Lectio. 1. Noct. de Comm. Inf.

IN II. NOCT.

Sermo S. Germani Arch. Constantinop. *Apud Surium* die 31. Aug.

LECTIO 4.

Quis, ô Deipara, post tuum Filium ita generis humini curam gerit, sicut tu? Quis ita nos defendit in nostris afflictionibus? Quis tam citò præveniens nos ab irruentibus liberat tentationibus? Quis in supplicationibus adeò pugnat pro peccatoribus? Quis ea, quæ corrigi non possunt, adeò repugnando excusat? Tu enim cum habeas maternam apud tuum Filium fiduciam et potentiam, nos qui sumus condemnati, et non audemus intueri ad cæli altitudinem, tuis interpellationibus, et intercessionibus, ei efficis familiares, et das salutem, et ab æterno liberas supplicio. Tu. ¶.

LECTIO 5.

Quamobrem is, qui affligitur, ad te confugit: qui injuriâ afficitur, ad te accurrit: qui est rebus asperis, et adversis implicatus, tuum invocat auxilium. Omnia tua sunt admirabilia, ô Deipara. Omnia supra naturam. Omnia ingentia, et aliorum vires superantia. Propterea et Patrocinium tuum majus est, quam ut intelligentiâ comprehendi possit. Homines enim ipsos olim rejectos, expulsos, expugnatosque tuo partu reconciliasti; domesticos effecisti, filios et hæredes. Tu. ¶.

LECTIO 6.

Tu quotidie peccatorum pelago fluctuantibus hominibus adjutricem manum extendens, eripis à fluctuatione. Tu nequissimi hostis contra servos tuos invasiones solâ

tui Nominis invocatione sanctissimâ repellens, tutos et incolumes servas. Tu implorantes te homines ab omni necessitate ex omnigenis tentationibus opportunè liberas. Quam obrem ad templum tuum studiosè accurrimus, in quo cum stamus, in cœlo ipso stare nos credimus. In quo te celebrantes, in Angelorum choro versantes nos existimamus. Et quodnam genus hominum talis gloriæ divitias assecutum est? Talem opem, tale Patrocinium possidet, quale Christianorum natio in te habet? Tu. *¶*

IN III. NOCT.

Lectio S. Evangelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus, et Soror Matris ejus, Maria Cleophæ, et Maria Magdalenæ. Et reliqua.

Homilia S. Bernardi Abbatis.

In deprecat. et laude ad glor. V. M.

Mentem et oculos paritèr cum manibus ad te, Regina Mundi, attollimus, et coram tuæ celsitudinis gloriâ genuflectimus, cervicem inclinamus, et plenis suspiriis ad te preces in cœlum transmittimus. Tu altitudo cœli, beatos oculos tuos, quibus incomprehensibilem gloriam illam lucis æternæ cum desiderio semper intueris, ad tuos supplices in hanc mundi miseriam projectos, de alto inclinare non despicias. Et ecce coram tremendo iudice peccatores assistimus, cujus manus terribilis gladium iræ suæ vibrat super nos. Et quis avertet eam? Nemo, Domina, tam idoneus ut gladio Domini manum pro nobis objiciat, ut tu Dei amanissima, per quam primùm in terris suscepimus misericordiam de manu Domini. Tu. *¶*

Bened. Ad cujus Patrocinium confugimus, ipsa.

LECTIO 8.

Aperi itaque, tu Mater misericordiæ benignissimi cordis tui januam suspiriosis precibus filiorum Adam. Ex omnibus finibus terræ ad tuæ protectionis umbraculum confugimus à facie formidinis fortitudinis Dei. Ad te, Domina mea, stillant oculi nostri: te devotionis clamore valido obsecramus, ut Filii tui Domini nostri iram, quam gravitèr peccando succendimus, erga nos mitiges: ejusque gratiam à quâ ingrati excidimus, nobis tua conciliet: cujus livore sanati sumus, ejus iterum medellam deposcimus, quia putruerunt, et corruptæ sunt cicatrices nostræ, et non est in nobis sanitas. Tu. *¶*

LECTIO 9.

Attende, Domina, et vide dolores vulnerum animarum nostrarum, qui tibi revelavimus causam nostram cum fiduciâ. Te enim inæstimabilis benignitatis feminam et venerandam Matrem esse cognoscimus ex eo, quod tu mundum tunc immundum et lubricum, impolluto calle transisti, et adhuc inter peccatores degens, tantâ ante Deum sanctitate sæcundaris, ut sola solio regis immediate approximare merueris. Tu peccatorem quantumlibet fœtidum non horres, non despicias, si ad te suspiraverit, tuumque interventum pœnitentia corde flagitaverit. Tu illum à desperationis baratro pia manu retrahis, spei medicam aspiras, foves, non despicias quousque horrendo iudici miserum reconcilies. Tu. Te Matrem.

AD LAUDES.

HYMNUS 124.

Clara ponti Stella,
Virgo, nominaris

Naviganti portum
Luce tuâ monstrans.

Præpotens humanæ
Tu PATRONA gentis,
Judicemque justum
Voce gratâ placas.

Iusta jam vibrantem
Tela siste dextram,
Sontibusque culpas
Posce condonari.

Sit laus summa Patri,
Summo Christo decus,
Spiritui Sancto,
Tribus honor unus. Amen.

CANON.

Ex Alexandro Papâ Septimo.
Const. 122. Præclara. an. 1656.—
Tom. VI. p. 4. pag. 131.

423. Dilectis Filiis, Clero etiâ
Regulari Regnorum Hispaniæ, ut
aliquâ die Dominicâ Mensis No-
vembris per ordinariû loci desig-
nandâ annis singulis Festum Pa-
trocinii Beatæ MARIE Virginis cum
officio Duplici..... nec non cum Mis-
sâ..... celebrare licitè possint et
valeant, auctoritate apostolicâ te-
more præsentium concedimus et in-
dulgemus. Tu.

Cum 2. Vesper.

DIE XIII. NOVEMBR.

EXCELLENTISS. DIGNITATIS

B. MARIE V.

Duplex.

Oratio.

Majestatem tuam, Omnipotens
Deus, supplices deprecamur, ut qui
exultantibus animis, beatissimæ
semperque Virginis MARIE excel-
lentissimam dignitatem celebrare
gaudemus, ejus gloriosis precibus
et meritis, ab instantibus malis, et
à morte perpetuâ liberemur. Per
Dominum.

Lect. 1. Noct. de ferid.

IN II. NOCT.

Sermo Ven. Thomæ à Kempis.
Serm. 25. ad Novit.

LECTIO 4.

Ut aliquantulum vobis innotescat
excellantissima Dignitas beatissimæ
Virginis MARIE, audite pauca de
plurimis donis, et privilegiis ejus,
quibus Deus eam benedixit et exal-
tavit præ omnibus Sanctis Angelis
et Archangelis in cœlis, et præ cun-
ctis hominibus in terris. Hæc est
Virgo Sacratissima, et Mater Dei
carissima, de quâ canitur in San-
ctâ Ecclesiâ per totum orbem ter-
rarum latè diffusâ: exaltata est
sancta Dei Genitrix super choros
Angelorum ad cœlestia regna. Tu.
¶.

LECTIO 5.

Recogitate ergò diligentèr antiqua
sanctorum Patriarcharum gesta,
de quorum stirpe orta est Mater
Dei MARIA, tanquàm rosa inter
spinas. Sicut enim olim per multos
Sanctos viros, Patriarchas, per
judices et reges, per sacerdotes et
levitas, per doctores, et scribas,
signis et figuris prænuntiatus est
Christus Dei Filius ex Virgine pro
mundi redemptione nasciturus, et
in cruce passurus; ita convenientèr
satis et sapientèr ordinatione divinâ
præfigurata, et præcognita est bea-
tissima et gloriosissima Virgo MA-
RIA per sacras illius temporis Vir-
gines, per illustres feminas, et per
cæteras honestas matronas, in ca-
stitate viventes, atque ob pudicitiae
custodiam cum puellis suis in do-
mibus, et cameris ab aspectibus
vivorum inclusas. Tu. ¶.

LECTIO 6.

Hæc est reverà attestazione sacra-
rum Scripturarum, omnium virgi-
num Virgo prudentissima, omnium
puellarum speciosissima, omnium
matronarum honestissima, omnium

domicellarum venustissima, omnium reginarum regina nobilissima, in quâ omnis decor virginalis, omnis virtus moralis, omnis speculatio theolocialis, omnis devotio affectualis, omnis operatio virtutis, omnis perfectio sanctitatis pariter conveniunt, inhabitant, et perfectissime elucet: quæ nec ante se similem, nec post se æqualem habet, nec habebit. Tu. ♀.

IN III. NOCT.

Lectio S. Evangelii secundum Matthæum.

LECTIO 7. c. 1. 1.

Liber generationis JESU—Christi filii David, filii Abraham. Et reliq.

Homilia S. Anselmi Episcopi.

Tractat. de Concept. B. V. M.

Poterat Deus de massâ peccatrice naturam humanam ab omni labe peccati immunem facere, undè in unam personam sui susciperet, ut homo integer esset, et divinitatis suæ nihil imminueret. Prædestinata fuit, et præordinata in hoc opus mirabile, et omnibus operibus Dei præstans, et inenarrabile, MARIA, scilicet illa magni maris nobilissima stella, hoc est, totius sæculi illustratio, et omnium in tempestatibus diversorum casuum titubantium indeficiens levamen et consolatio, nec non ab æternæ mortis interitu paventium, ac sub ejus præsidium confugientium tutum juvamen atque redemptio. Tu. ♀.

Bened. Cujus dignitatem colimus.

LECTIO 8.

Te igitur, Domina, quam in tantum culmen prædestinavit, et exultit divina potentia, quam tot prærogativis dotavit cuncta disponens Dei sapientia, quam sibi Matrem elegit ad mundo subveniendum, ipsa omnium salvandorum ineffa-

bilis misericordia; crediderim—ne, quæso, te morte peccati quæ per invidiam diaboli occupavit orbem terrarum in tuo conceptu potuisse occupare?... *Lect. 9.* Tu namque ante omnem creaturam præordinata fuisti, ut omnium feminarum carissima Deum ipsum verum hominem ex tuâ carne procreares, ut omnibus post tuum Filium Regina cœlorum effecta gloriosa regnares, ut perduto recuperationis adytum, et vitæ perennis emolumentum præparares. Tu. ♀.

LECTIO 9.

Commem. B. V. Castilvedrensis. *Spinell. p. 700. Camòs libr. 6.*

c. 13. et alii.

Non longè ab Oliana, in Cathalauniâ, extat templum Deiparæ Castilvedrensis, seu Castelleprensis, in alto loco positum, ad quod singulis annis in mense martio (seu juxta alios in Septembris mense, et in adventu) diebus Sabbati ex insulâ fluminis tria lumina cerulei coloris olim ascendebant, et Ecclesiam per fenestras ingressa lampades accendebant. Quæ res admirabilis à populis illius regionis, et viris fidedignis affirmatur. Tu. Te Matrem.

CANON.

Ex D. Bonaventurâ Episc.

Spect. B. V. Lect. 10.

424. Mater Domini, Mater et Virgo, Mater est dignissima. Ipsa est Mater, quæ tali Filio est decentissima, Ipsa Mater est, cui talis Filius decentissimus fuit. Ipsa est, quâ majorem Deus facere non posset. Majorem mundum posset facere Deus, majus cœlum posset facere Deus: majorem Matrem, quàm Matrem Dei non posset facere Deus. Tu.

Vesper. à Capit. de sequent.

DIE XIV. NOVEMB.

PASENICARUM B. M. V.

Dupleæ.

Lect. 1. Noct. de ferid.

IN II. NOCT.

LECTIO 4.

Ex Niceta, apud Gononum ad 1123.

Joannes Comnenus, cum annum quintum in imperio ageret, ope Dei Genitricis MARIE de barbaris Scythis trans Istrum habitantibus, et ingenti agmine Thraciam invadentibus victoriam obtinuit. Cum enim Romanæ Phalanges, urgentibus hostibus, et audaciùs se inferentibus laborarent, Imaginem Dei Genitricis cum gemitu Imperator intuens, lacrymas bellicis sudoribus calidiores fundebat, neque ad id frustrâ. Statim cœlesti robore armatus scythicam aciem profligat, quemadmodum olim Moyses extensione manuum Amalecitarum turmas dissipavit. Tu.

¶. Benè Beata Dei Genitrix se velut palmam in Cades exaltatam gloriatur. * Quia spiritualibus et corporalibus hostibus potentèr subactis, diademate victoriæ eam Deus coronavit. †. Eris corona gloriæ in manu Domini, et diadema regni in manu Dei tui. Quia.

LECTIO 5.

Assumptis igitur armigeris, qui clypeis oblongis, et prominentibus galeis instar muri inexpugnabilis muniuntur, cum Scythis congregitur. Qui cum dissolutâ curruum serie ad manus venirent, in turpem versi fugam, à Romanis alacriter persequentibus cæduntur, et innumerabiles capiuntur. Hæc de Scythis partâ victoriâ, Joannes vota Deo persolvit. Non multò post alis per eumdem Imperatorem victoris obtentis ope paritèr Deiparæ

in rei gestæ monumentum festum instituit quod Pasenicarum dicitur, id est, omnium victoriarum, et ipsi Virgini unicæ victrici religiosum paravit triumphum. Tu.

¶. Te decet, te præter omnes Virgo palma nobilis, * Mille te decent coronæ, et militares laureæ. †. Civibus, quæ liberasti, cum tuis cunctum genus. Mille.

LECTIO 6.

Byzantium igitur reversus, triumphum indicit, et currum argento interpunctum compingi jubet, opus admirabile, et gemmis pretiosisimè ornatum. Cum dies supplicationis adesset, omnis generis tapetes auro et purpurâ intexti vicos exornabant, nec deerant Christi et sanctorum Imagines ad vivum expressæ. Quadrigæ à quatuor equis nive candidioribus trahebantur. Imperator verò non conscendit, sed Dei Genitricis Imaginem in eo collocavit. Habenas viris potentissimis moderandas, et cognatis suis currum moderandum dedit. Ipse crucem manu gestans antecessit et Dei sapientiæ templum ingressus, atque in conspectu omnis populi ob successus gratiis Deo actis, in palatium abiit. Tu.

¶. Mecum honor et laudes, et æto gloria vultu: et decus et niveis victoria concolor alis. * Me cinctus lauro perducit ad astra triumphus. †. Mille te decent coronæ et militares laureæ, Me. Glor. Me.

Homil. de Comm. pro duplicib. Vesper. à cap. de seg. ut in Comm. Dedicat.

DIE XV. NOVEMB.

DEDICAT. S. M. TRANSTYBERIM.

Dupleæ.

Lection. 1. Noct. de fer. occur. cæter. de comm. Dedicat.

IN II. NOCT.

LECTIO 4.

Spinelli tract. de fest. Deip.

Romæ Dedicatio Sanctæ MARIE Transtyberim. Hoc templorum ejusdem in urbe antiquissimum, insigni eruptionis olei prodigio Christi adventum significante nobilitatum, et à Sancto Calixto Papâ et Martyre, Alexandro Imperatore, extructum eo in loco, ubi olim taberna meritoria erat, de quâ in diebus Augusti fons olei largissimus per totum diem fluxit. Tu. 7.

LECTIO 5.

Hanc Deiparæ Basilicam à sancto Calixto dedicatam, Gregorius tertius circa annum salutis septingentesimum trigesimum quintum, penè à fundamentis dirutam, novis fabricis cum tectis construxit, ac totam depinxit, multisque sanctorum corporibus insignivit. Innocentius secundus sub altari summo recondidit corpora aliquorum sanctorum martyrum, et additis indulgentiis altare majus propè fontem olei excitatum solemniter ritu consecravit. Tu. 7.

LECTIO 6.

Sermo S. Gregorii Neocæsar. Ep.

Orat. 2. in Annunt.

Quoniam Sancta MARIA in carne dum esset, purissimam vitam, omnique genere virtutum excultam, optimamque supra humanam naturam consuetudinem gerebat: ideo æterni Patris Verbum carnem ex ea et perfectam humanam naturam suscipere dignatum est, ut per quam carnem peccatum in mundum introivit, et per peccatum mors, per eandem carnem peccatum in carne condemnetur, ac peccati tentator in sepulturâ sancti corporis vincatur, principiumque resurrectionis simul ostendatur, et vita

æterna in mundo versetur, ac Deum hominibus societas contrahatur. Tu. 7.

Homilia de Comm. Ded. pro Duplicib.

LECTIO 9.

Commemoratio B. Virginis de Clementiâ.

Spinelli tract. de Fest. Deip.

Ad lævam Templi Sanctæ MARIE Transtyberim sacellum extat Deiparæ Imaginis, cui nomen est, à Clementiâ, quæ miraculis claruit. Nam in magnâ cœli et terræ siccitate cum populi supplicatione circumlata, pluvie copiam est elargita: ad hæc, cum magna inter eos cistyperim, et illos, qui transtyberim degebant, discordia intercederet, precibus coram hac Imagine ad Deiparam fuis, est sublata. Tu. Te Matrem.

Vesperæ à cap. de seg. de Comm. Infant.

DIE XVI. NOVEMB.

TIMORIS DEI B. M. V.

*Duplex.**Lectio 1. Noct. de feriâ.*

IN II. NOCT.

Sermo Sancti Antonini Arch. Florentini.

De Beata Virg. c. 18. §. 7.

LECTIO 4.

Per timorem Domini omnis declinat à malo. Cum autem assignetur triplex timor, bonus, scilicet, servilis, castus et reverentialis: servilis timor, quia principaliter aspicit pœnam, propter quam caret à malo, et facit bonum, undè non verè et purè amat bonum, ideo non fuit in Beatâ MARIA, sicut nec in Sanctis, quia est sine gratiâ Dei, quantum scilicet ad servilitatem, sed quantum ad limiditatem fuit in Beatâ MARIA. Tu. 7.

LECTIO 5.

Secundus timor, scilicet castus, qui est in electis, habet duos actus: unus est timere separari à dilecto, aliud est revereri quem diligit, Quantum igitur ad primum actum Beata MARIA non habebat timorem, quia cum sciret per revelationem se non posse peccare, non poterat timere à Deo separari, cum separatio non sit à Deo, nisi per peccatum. Tu. ¶.

LECTIO 6.

Fuit ergò in Beatâ MARIA timor reverentialis qui est reverens mixta cum dilectione subjectio. Hic est in Beatis juxta illud. Tremunt videntes angeli versâ vice mortaliū. Sed ista est differentia, quia timor iste reverentialis in Beatâ MARIA fuit meritorius, in sanctis non est meritorius. Talem autem timorem reverentialem habuit Beata MARIA super omnes, quia ex charitate procedit, in quâ excessit omnes sanctos. Tu. ¶.

IN III. NOCT.

Lectio S. Evang. secundum Lucam.

LECTIO 1. c. 1. 30.

In illo tempore: Dixit Angelus ad MARIAM: Ne timeas, MARIA, invenisti enim gratiam apud Deum. Et reliqua.

Homilia S. Petri Crysologi.

Serm. 142.

Ne tanto pondere cœlestis fabricæ in MARIA subtilis nostri corporis arena succumberet, et in Virgine totius generis humani portaturâ fructum, virga tenuis frangeretur, fugatura metum vox angeli mox præcessit, dicens: Ne timeas, MARIA. Ante causam dignitas Virginis annuntiatur ex nomine: nam MARIA hebræo sermone, latine Domina nuncupatur. Tu. ¶.

Bened. Cujus timorem Dei colimus.

LECTIO 8.

Vocat ergò Angelus Dominam, ut Dominatoris Genitricem trepidatio deserat servitutis: quam nasci, et vocari Dominam ipsa sui germinis fecit, et impetravit auctoritas. Ne timeas, MARIA, invenisti enim gratiam. Verum est, quia qui invenit gratiam, nescit timere. Lectio 9. Invenisti gratiam apud quem? Apud Deum. Beata quæ inter homines audire sola meruit præ omnibus: Invenisti gratiam. Quantam? quantam superiùs dixerat, plenam. Et verè plenam, quæ largâ imbre totam funderet, et infunderet creaturam. Tu. ¶.

LECTIO 9.

Commemoratio B. Virginis de Torrentibus.

Camòs Libr. 1. c. 14.

Duobus, plùs minùsve, à Vimbo-diensi oppido milliariibus, in archidiocesi Tarraconensi, exurgit templum Beatæ Virginis de Torrentibus, à quodam Monasterii de Populeto Abbate anno millesimo quadringentesimo octogesimo quarto structum propè torrentem, ubi ipsa Deiparæ Imago inventa fuit, à quo etià nomen accepit. Cardinalis de Viseo, à Paulo tertio, in Hispaniam legatus, plurimis illud ditavit indulgentiis, undè in dies non exiguè in Virginem crevit religio. Sed novissimis his anpis à publico beneficio acceptæ pluvie Deipara de Torrentibus circumstantibus populis insignior effecta est. Tu. Te Matrem.

CANON.

Ex D. Antonino Arch. Florentino. Tit. 15. c. 18. §. 7.

425. Timorem reverentialem habuit Beata MARIA super omnes, quia ex charitate procedit, in quâ excessit omnes Sanctos. Tu.

Cum 2. Vesperis.

DIE XVIII. NOVEMBR.

SEPTEN VIRTUTUM B. M. V.

Duplex majus.

IN I. VESPER.

Capit. de Laud. Cætera de Communi.

HYMNUS 125.

Salla.

O MARIA! Summi
Sacra Regis aula,
Structilis virtutum
In columnas seplem.

Hæc fide es donata,
Quâ magis quàm montes,
A Patre ad te dium
Transtulisti Verbum.

Spe tuâ antiquorum
Præ patrum potente
Expetitum nacta
Messiam fuisti.

Charitate pollens
Hæc luisti, ut vilâ
Cesseris pro indignis
Chariorem Natum.

Laus Patri atque Nato
Flaminique Sancto,
Trino et Uni perpes
Numini pendatur. Amen.

Ad Magnif. ant. Sapientia ædificavit sibi Virginem in domum solidam; ideò septem virtutum columnas excidit in eâ. *Orat. de Laudib.*

AD MATUTIN.

HYMNUS 126.

Salla.

Virgo verè Prudens
Lampade intellectûs
Teque Apostolosque,
Quin Deum rexisti.

Æs haud finitum
Filium obtulisti
Justa pro solvendo
Debito infinito.

Sit laus summa Patri,
Summo Christo decus,
Spiritus Sancto,
Tribus honor unus. Amen.

IN I. NOCT.

Lectio. 1. Noct. de Communi.

¶ 1. Hæc est mulier fidelis, * Per cujus fidem salvatus est Adam vir infidelis, et tota posteritas. †. Fides MARIAE cælum aperuit, cum angelo nuntianti consensit.—Per.

¶ 2. Speravit in Domino semper MARIA, * Ideò desiderium cordis ejus tribuit illi Deus, et voluntatem ejus fecit. †. Mihi autem adhærere Deo bonum est, elponere in Domino spem meam.—Ideò.

¶ 3. MARIAM, velut ignis ferum, Spiritus Sanctus totam ignivit: * Ita ut in eâ Spiritus Sancti flamma tantum videatur, nec sentiat, nisi tantum ignis amoris Dei. †. Lampades ejus, lampades ignis, atque flammæ.—Ita.—Gloria.—Ita.

IN II. NOCT.

Sermo S. Bernardi Abbatis.

Serm. 9. inter parvos Sermon.

LECTIO 4.

Sapientia, quæ Dei erat, et Deus erat, de sinu Patris ad nos veniens, ædificavit sibi domum, ipsam scilicet, Matrem suam, Virginem MARIAM, in quâ septem columnas excidit. Quid est in eâ septem columnas excidere, nisi ipsam dignum sibi habitaculum fide, et operibus præparare? Nimirum ternarius numerus ad fidem propter Sanctam Trinitatem, quaternarius pertinet ad mores propter quatuor principales virtutes. Tu.

¶ Posside sapientiam, quia auro melior est: * Et acquire prudentiam, quia pretiosior est argento. †. Meum est consilium, et æquitas; mea est prudentia, mea est fortitudo.—Et.

LECTIO 5.

Quòd autem in Beatâ MARIA Sancta Trinitas fuerit (fuerit, dico, per

præsentiam majestatis), ubi solus Filius erat per susceptionem humanitatis, testatur nuntius cœlestis: qui ei arcana mysteria reserans ait, Ave gratiâ plena, Dominus tecum. Et post pauca: Spiritus Sanctus superveniet in te, et virtus Altissimi obumbrabit tibi: Ecce habes Dominum, habes virtutem Altissimi, habes Spiritum Sanctum; habes Patrem, et Filium, et Spiritum Sanctum. Manifestum est fuisse in Corde Virginis fidem Sanctissimæ Trinitatis. Tu.

¶ Ego in viis justitiæ ambulo, in medio semitarum judicii: * Ut ditem diligentes me, et thesauros eorum repleam. † Ego autem in justitiâ apparebo coram te, Domine.—Ut.

LECTIO 6.

Utrum autem, et quatuor principales virtutes, tanquàm quatuor columnas possederit, inquisitione dignum videtur. Primò ergò videamus, an fortitudinem habuerit. Quæ nimirum virtus, quomodò illi abesse potuit, quæ abjectis sæcularibus pompis, spretisque voluptatibus carnis, soli Deo in virginitate vivere proposuit? Porrò quod temperans, prudens et justa fuerit, ex angeli colloctione, et suâ ipsius responsione luce clarius comprobamus. Tu.

¶ Mulierem fortem, quis inveniet? procul et de ultimis finibus pretium ejus: * Confidit in eâ cor Filii sui, et spoliis non indigebit. † Fortitudo et decor indumentum ejus, et ridebit in die novissimo.—Confidit.—Gloria.—Confidit.

Homilia de Comm. pro Dup. maj.

¶ 7. Quid ergò exequar ciborum parcimoniam? * Cibus ejus plerumque obviis, qui mortem arceret, non delicias ministraret. †

Bonum est gratiâ stabilire cor, non escis.—Cibus.

Bened. Cujus virtutes colimus.

¶ 8. Ut sibi dignam summus Artifex in corde Virginis extrueret domum, * Septem præcipuas virtutes in eâ plantavit, quæ aliarum sunt fons et principium. † Sapientia ædificavit sibi domum; excidit columnas septem.—Septem.—Gloria.—Septem.

AD LAUD. PRIM. ET VESP.

CAPITULUM. *Prov. 9. 1.*

Sapientia ædificavit sibi domum, excidit columnas septem, immolavit victimas suas, miscuit vinum, et proposuit mensam.

Ad Laud. HYMNUS 127. Salla.

Martyrum Regina

Filii pendentis

A cruce ad tormenta

Astitisti Fortis.

Blandientis sensûs

A cupiditate

Temperata, Excelsum

Virgo concepisti.

Quas tuas virtutes

Ora, ut æmulantes,

Criminum victores

Consequamur palmas.

Laus Patri atque Nato,

Flaminique Sancto,

Trino et Uni perpes

Numini pendatur. Amen.

Ad Benedict. ant. Beata Virgo

MARIA fuit perfecta in fide, firma in spe, constans in charitate, prudens in interrogatione, justa in confessione, fortis in proposito, temperans in silentio.

Oratio.

Deus, qui in Beatissimâ Virgine septem virtutum columnis Domum unigenito Filio tuo præparasti: concede propitius, ut in cordibus nostris iisdem septem virtutibus talem struamus Domum, ut in eâ Spi-

ritus Sanctus jugiter habitare dignetur. Per eundem Dominum.... in unitate ejusdem.

Ad Magnific. ant. Hæc est domus et habitaculum omnium virtutum, quod sibi Sapientia cœlestis ædificavit, excidens columnas septem.

DIE XIX. NOVEMB.

VOTUM PERPET. VIRGINIT. B. V.

MARIÆ.

Duplex.

Oratio.

Omnipotens sempiterne Deus, qui Beatissimæ MARIÆ, ut dignam Filii tui Matrem eam præparares, Virginitatis perpetuæ votum inspirasti: concede propitius, ut qui puritatem ejus devotè recolimus, castis mentibus tibi deservire valeamus. Per eundem Dominum.

Lectio. 1. Noct. de Ferid.

IN II. NOCT.

Sermo S. Bernardi Abbatis.

Homilia 3. super Missus.

LECTIO 2.

Dura necessitas, et grave jugum super omnes filias Evæ. Et si pariunt, cruciantur: et si non pariunt, maledicuntur. Et dolor prohibet parere, et non parere maledictio. Quid facies, Virgo, quæ hæc audis, quæ hæc legis? Si parturis, angustiaris: si sterilis manes, malediceris. Quid eliges, Virgo prudens? Angustiæ, inquit, mihi sunt undiquè: Melius est tamen mihi maledictum incurrere, et castam manere, quàm prius quidem concipere per concupiscentiam, quod meritò post cum dolore parturiam. Hinc etenim, et si video maledictum, sed non peccatum; illinc verò et peccatum simul et cruciatum. Tu. *¶*

LECTIO 5.

Deniquè hæc maledictio, quid aliud est, quàm hominum exprobatio? Neque ob aliud sanè dicitur sterilis maledicta, nisi quòd opprobrio et contemptui sit habenda tanquàm inutilis, et infructuosa, et in hoc in Israel tantum. Mihi autem pro minimo est, quòd hominibus displiceo, dum me possum Virginem castam exhibere Christo. O Virgo prudens! O Virgo devota! quis te docuit Deo placere Virginitatem? Quæ lex, quæ justitia, quæ pagina veteris testamenti, vel præcipit, vel consulit, vel hortatur in carne non carnaliter vivere, et in terris angelicam ducere vitam? Ubi legeras de Virginibus, quia cantant canticum novum, quod nemo alius cantare potest, et sequuntur Agnum, quocumquè ierit. Tu. *¶*

LECTIO 6.

De Virginibus, inquit, præceptum Domini non habeo, consilium autem do. Tu verò non dicam præceptum, sed nec consilium, nec præceptum: nisi quòd unctio docebat te de omnibus, ac sermo Dei vivus et efficax ante tibi factus est magister, quàm filius: prius instruxerit mentem, quàm induerit carnem. Christo ergò devoves te exhibere virginem, et nescis, quòd ipsi exhiberi te oporteat etiàm matrem? Eligis in Israel esse contemptibilis, et ut illi placeas, cui te probasti, maledictum incurrere sterilitatis: et ecce maledictio benedictione commutatur, sterilitas fecunditate recompensatur. Aperi Virgo sinam, expande gremium, præpara uterum: quia ecce facturus est tibi magna qui potens est: in tantum, ut pro maledictione Israel, beatam te dicant omnes generationes. Tu. *¶*

IN III. NOCT.

Lectio S. Evang. secundum Lucam.

LECTIO 7. c. 1. 26.

In illo tempore; Missus est Angelus Gabriel à Deo, in civitatem Galilææ, cui nomen Nazareth ad Virginem desponsatam viro. Et reliqua.

Homilia B. Arnoldi Abbatis.

De laudibus B. M. V.

Inventa est Virgo ab Angelo in Nazareth solitaria, seorsum à turbis, vacans proculdubio meditationibus sanctis: credo secum pertractans, quomodo sine offensione legis maneret in proposito castitatis: quia hanc elegerat, hanc devoverat, et integritatem carnis et spiritus apud se Domino conservaverat. Tu. p.

Benedictio. Cujus virginitatem colimus.

LECTIO 8.

Stabat in adverso lex, urgebat ad conjugium Moyses, qui maledictum intentans sterilibus, semen et solem à filiis Israel exigebat. Nulum de virginibus à Domino datum erat præceptum, sed nec erat apostolus qui daret consilium. Acceperat tamen hoc ipsum à Deo per Spiritum Sanctum familiare mandatum, non ex responso angelico, sed ex inspiratione sacrata, qui ei et affectum Virginitalis intimaverat, et usque ad necessitatem voti purum desiderium alligaverat. Tu. p.

LECTIO 9.

Quis tamen rei exitus futurus esset, nondum erat intimatum divinitus; sed hujusmodi accessionebus gradatim sibi officinam purgatissimam optabat Spiritus Sanctus. Ob hoc eam æstimo eligisse solitudinem segregatam, ut diebus et noctibus in hujus controversia angelicis congruis se rationibus muniret:

quibus et stare sibi posset optata virginitas, nec tamen quasi in contemptum sui legis indignaretur auctoritas. Tu Te Matrem.

Cum secund. Vesper.

DIE XXI. NOVEMBR.

VIGILIA

PRESENTATION. B. M. V.

Simplex.

Omnia ut in feriali officio.

Lect. S. Evang. secundum Lucam.

LECTIO 1. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua.

Homilia S. Augustini Episcopi.

Libr. de Sancta Virginitate.

Beatior MARIA percipiendo fidem Christi, quam concipiendo carnem Christi. Nam et dicenti cuidam: beatus venter, qui te portavit, ipse respondit: immo beati, qui audiunt verbum Dei, et custodiunt. Denique fratribus ejus, id est, secundum carnem cognatis, qui non in eum crediderunt, quid proficit illa cognatio? Sic et materna propinquitas, nihil MARLE profuisset, nisi felicius Christum corde, quam carne gestasset. Tu. p. *de ferid.*

LECTIO 2.

Ipsa quoque virginitas ejus gratior, et acceptior, quia non eam conceptus Christus viro violaturo, quam conservaret ipse præripuit, sed priusquam conciperetur, jam Deo dicatam elegit, de qua nasceretur. Illos indicant verba, quæ sibi famam annuntianti Angelo MARIA reddidit. Quomodo, inquit, fiet istud, quoniam virum non cognosco? Quod profecto non diceret, nisi Deo Virginem se ante vovisset. Tu. p.

LECTIO 3.

Poterat et juberi Virgo permanere,

in quâ Dei Filius formam servuli congruenti miraculo acciperet: sed exemplo sanctis futura virginibus, ne putaretur sola Virgo esse debuisse, quæ prolem etiâ sine concubitu concipere meruisset, Virginitatem Deo dicavit, cum adhuc, quid esset conceptura, nesciret, ut in tereno, mortaliq; corpore cœlestis vitæ initiatio voto fieret, non præcepto; amore eligendi, non necessitate serviendi. Tu. ♀.

Ad Laudes preces.

Oratio.

Præsta, quæsumus, omnipotens Deus, ut qui Præsentationem Beatissimæ Virginis MARIE prævenimus, purificatis mentibus, jucundos nos facias tantæ interesse solemnitati. Per Dominum nostrum.

Vesperæ de sequenti.

DIE XXI. NOVEMB.

PRÆSENTATIO B. M. V.

Duplex primæ Class. cum Octav.

IN I. VESPER.

Ant. 1. Quis dabit mihi pennas sicut columbæ, et volabo, et requiescam! *Psalmi de Solemnitatib.*

2. Ecce elongavi fugiens, ut maneam in solitudine.

3. Ducam eam in solitudinem et loquar ad eam.

4. Dilectus meus mihi, et ego illi, qui pascitur inter lilia.

5. Ne suscitelis, filiæ Jerusalem, dilectam, donec ipsa velit.

E CAPITULUM. *Osec. c. 2. 14.*
Ecce ego lactabo eam, et ducam eam in solitudinem, et loquar ad eam.

B. Audi, Filia, et vide, et inclina aurem tuam, et obliviscere populum tuum, et domum Patris tui. Quia concupivit Rex speciem tuam. *γ.* Veni, electa mea, Sponsa mea, immaculata mea. — Quia. — Gloria.

— Audi, Filia. *Hoc ♀. non dicitur infr. octav.*

HYMNUS 128. Brev. Galia.
Quam pulchrè graditur, Filia principis,

Templi cum properat tangere limina!

Præluit meliori,
Quam mox offerret hostiam.

E matris gremio Numinis in sinum
Infans non dubiis passibus advolat,
Virgo Numinis ara,
Aris victima sistitur.

Sponso membra Deo mollia devovet;

Cordis Virginei dedicat intima
Verbo debita Mater,
Verbo viscera consecrat.

Te cum cuncta Deo prodiga dum voves,

Numen, Virgo, tui pectoris incola
Quanto fenore pensat,
Terræque bona despicias!

Sit suprema tibi gloria, Trinitas;
Quo Virgo teneram se vovet hostiam,

Puri Flamen amoris,
Fac nos jam tibi vivere. Amen.

γ. Afferentur regi Virgines post eam.

B. Proximæ ejus afferentur tibi.

Ad Magnif. ant. Abi ergò, Domina, in atria Domini, exultans, et expectans Sancti Spiritus adventum, et unigeniti filii conceptionem.

Oratio de Laudib.

Complet. de Domin. cum sequenti Doxolog. quæ dicitur per octav.

Sit laus Patri, laus Filio,
Sit pars tibi laus, Spiritus,
— Puram templo, qui Virginem
In Sponsam hodiè suscipis. Am.

AD MATUTIN.

Invocator. Venite, exaltemus Deum nostrum. In Præsentatione præexcelsæ Virginis MARIE.

HYMNUS 129. *Brev. Vien.*

O sancte sanctorum Deus!
Quàm pura sese devovet,
Ignota prisco fœderi
Tuas ad aras hostia.

Afflata Sancto Spiritu
MARIA Virgo, cœlibis
Amore vitæ, perpeti
Se castitati devovet.

Prolis æternæ Patri
Futura mater cœlitum
Parare Regi, nesciens
Festinat aula pectoris.

Exosa pompas sæculi
Latere, nesciri studet:
Solo placere cui cupit
Deo frui beatior.

Heu quanta post hanc virginum
Surrexit in terris seges!
Laus quanta despecta prius
Adjecta continentia!

Sit laus Patri, laus Filio,
Sit par tibi laus, Spiritus,
Puram templo, qui Virginem
In Sponsam hodiè suscipis. Am.

IN I. NOCT.

Ant. 1. Abscondit me * Dominus
in abscondito tabernaculi sui. *Ps.*
de Dominica.

2. Melior est, * Domine, dies
una in atriis tuis super millia.

3. Hæc requies mea: * hic ha-
bitabo quoniam elegi eam.

†. Multæ filia congregaverunt
divitias.

¶. Tu supergressa es universas.
De libro primo Regum.

LECTIO 1. c. 1. v. 24.

Adduxit Anna filium suum secum,
postquam ablactaverat, in vitulis
tribus, et in tribus modis farinæ,
et amphorâ vini, et adduxit eum
ad domum Domini in Silo. Puer
erat adhuc infantulus. Et immola-
verunt vitulum, et obtulerunt pue-
rum Heli. Tu.

¶. En dilectus meus loquitur mi-

hi: * Surge, propera amica mea,
formosa mea, et veni. †. Qui se-
quitur me, non ambulat in tene-
bris, sed habebit lumem vitæ.—
Surge.

LECTIO 2.

Et ait Anna: obsecro, mi Domine,
vivit anima tua, Domine: ego sum
illa mulier, quæ steti coram te, hic
orans Dominum. Pro puero isto
oravi, et dedit mihi Dominus peti-
tionem meam, quam postulavi
eum. Idcirco, et ego commodavi
eum Domino cunctis diebus, qui-
bus fuerit commodatus Domino. Tu.

¶. In voce laudis immolabo: *
Quæcumque vovi, reddam Domi-
no. †. Immola Domino sacrificium
laudis, et redde Altissimo vota tua.
—Quæcumque.

LECTIO 3.

Et adoraverunt ibi Dominum. Et
oravit Anna, et ait: Exultavit cor
meum in Domino, et exaltatum est
cornu meum in Deo meo: dilatatum
est os meum super inimicos meos:
quia letata sum in salutari tuo.
Non est sanctus, ut est Dominus:
neque enim est alius extra te, et
non est fortis, sicut Deus noster....
Puer autem erat minister in con-
spectu Domini ante faciem Heli
sacerdotis. Tu.

¶. Venit in spiritu in templum: *
Et non discedebat de templo, jeju-
riis et obsecrationibus, serviens noc-
te et die. †. Quasi sol refulgens,
sic candida Virgo effulsit in templo
Dei.—Et non.—Gloria.—Venit. *In*
diebus infra oct. Et non.

IN II. NOCT.

Ant. 1. Pater meus * et mater
mea dereliquerunt me in templo:
Dominus autem assumpsit me.

2. Magno corde * et animo vo-
lenti, adhuc puella me totam obtuli
Domino.

3. Deus meus, * volui legem tuam in medio cordis mei.

†. Memor sit Dominus sacrificii tui.

℞. Et holocaustum tuum pingue fiat.

Sermo S. Hieronymi Presbyteri.
Serm. de Nativ. B. V. Inter ejus opera.

LECTIO 4.

Concepit Anna, et peperit filiam, et juxta mandatum angelicum parentes vocabant nomen ejus **MARIAM**. Cumque trium annorum circulus volveretur, et ablactionis tempus completum esset, ad templum Domini Virginem cum oblationibus adduxerunt. Erant autem circa templum quindecim gradus assensionis; nam quia templum erat in monte constitutum, altare holocausti cum forinsecus erat, adiri nisi gradibus non valebat. Tu.

℞. Ad templum adducitur Virgo, ac deinde in domo Dei plantata, * Atque per Spiritum saginata, instar olivæ fructiferæ virtutum omnium domicilium efficitur. †. Virgo erat hortus deliciarum, in quo consita sunt universa florum germina, et odoramenta virtutum.—Atque.

LECTIO 5.

In horum graduum itaque uno beatam Virginem **MARIAM** parvulam parentes constituerunt. Cumque ipsi vestimenta, quæ in itinere habuerant, exuerunt, et cultioribus ex more vestibus se induerent, Virgo Domini cunctos sigillatim gradus, sine ducentis et levantis manu ita ascendit, ut perfectæ ætati in hac dumtaxat causâ nihil deesse putares. Tu.

℞. Aperite portas, Sacerdotes templi, * Et spiritualem excipite portam Dei Emmanuel, quæ clausa est et non aperietur, nec vir

transibit per eam. †. Aperite mihi portas justitiæ, et ingressa in eas confitebor Domino —Et spiritua-lem.

LECTIO 6.

Jam quippè Dominus in Virginis suæ infantia magnum quid operabatur, et quanta fulnra esset, hujus miraculi indicio præmonstrabat. Igitur sacrificio secundum consuetudinem legis celebrato, et voto suo perfecto; Virginem intra septa templi cum aliis virginibus educandam dimisserunt. Ipsi verò domi reversi sunt. Tu,

℞. Congratulamini mihi omnes, qui diligitis Dominum; * Quia cum essem parvula placui Altissimo. †. Benedicta tu filia à Domino super omnia tabernacula Jacob, quia sola sine exemplo placuisti Deo.—Quia.—Gloria—Congratulamini. *In diebus infra Octav.* Quia.

IN III. NOCT.

ant. 1. In claustrum * templi Gabriel te alit, ò Virgo, qui postmodum tibi illud ave afferret.

2. Meus cibus * est facere voluntatem Patris mei.

3. Me duxit * in solitudinem, et lactavit me loquens ad cor meum.

†. Ego Dilecto meo. ℞. Et ad me conversio ejus.

Lectio S. Evangelii secundum Matthæum.

LECTIO 7. c. 4. 11.

In illo tempore: Cum esset JESUS in deserto, ecce angeli accesserunt, et ministrabant ei. Et reliqua.

Homilia S. Germani Arch. Constantinopolitani.

Orat. 2. in Præsentat. B. V. Gaudet Zacharias dignatus honore suscipiendi Dei Matrem. Lætatur Joachim impleta firmans oracula per oblationis officium. Nimiâ vo-

luptate gestit Anna ob sacræ proliis dedicationem. Prisci progenitores exultant condemnationis iram ef-fugientes. Oblectantur prophetæ, cumque illis omnis florida ætas precando læta exultat. Inducitur ergò in hunc modum sacratissima Puella, statque ad cornua inter pærentes fausta ibi deprecaturus, et sacerdotem benedictionem firma-turum. Tu.

¶. Quòd relinqueris parentes tuos, * Plenam mercedem recipias à Domino sub cuius confugisti alas ¶. Fecisti * virilitèr Puella sacrata, et confortatum est cor tuum.—Plenam.

Benedict. Cujus Præsentationem. *Dicitur per Oct.*

LECTIO 8.

Zacharias igitur, acceptâ Puella, itâ eam alloquitur. Accede, ad me, Puella cœlis sublimior; ac-cede, quæ Infans cōspiceris, et officina Dei intelligeris. Accede et sanctuarii limina tu potius sanctifica. Neque enim tu, ut populi ser-mone dicitur, purgata sanctificaris, sed magis sanctificas. Veni propè altare adoratura, de quâ dictum est per multa symbola, quòd fu-tura sis mensa rationabilissima, et impolluta. En tibi, tanquàm re-ginæ universorum, meritò digni-orem concedo sedem. Tu.

¶. Obviavit illi, quasi mater honorificata. * Et cibabit illam Dominus pane vitæ et intellectûs, et aqua sapientiæ salutaris potavit illam. ¶. Non enim de solo pane vivit homo, sed de omni verbo, quod procedit de ore Dei.—Et cibavit.

LECTIO 9.

Et senex quidem hæc dixit plura etiàm encomia, quæ mente conce-perat, habens: et parentes reces-serunt. Puella verò consacrata Deo

remansit: cui alendæ angeli suo ministerio cum timore inserviebant, et ab incorporibus cibum cor-poreum sublimior corpore puella sumebat. Hunc finem habuit sacræ oblationis officium à Deo disposi-tum. Ita crescebat Infans et con-fortabatur, et contrarium nobis ma-ledictum, quo fuimus in ævum damnati, prorsùs deficiebat. Tu.

¶. Audi, Filia, et vide, et incli-na aurem tuam; et obliviscere po-pulum tuum, et domum patris tui, * Quia concupivit Rex speciem tuam. ¶. Veni, electa mea, Sponsa mea, immaculata mea.—Quia.—Gloria. —Audi. *In dieb. infra oct.* Quia. *Hoc Resp. in dieb. infra oct dicitur loco 8. ¶. quod omittitur.*

AD LAUDES.

Et per Horas Antiphonæ.

1. Eo quod * castitatem amave-ris, eris benedicta in æternum.

2. Propter innocentiam * meam, Domine, suscepisti me in templo tuo.

3. Adhæsit * anima mea post te, me suscepit dextera tua.

4. Protegar * in tabernaculo tuo, sub tegumento alarum tuarum.

5. In habitatione * sanctâ co-ram Domino ministravi.

CAPITULUM. *Osce. 2. 14.*

Ecce ego lactabo eam, et ducam eam in solitudinem, et loquar ad cor ejus.

HYMNUS 130.

Addicta sacris ædibus
Virgo, volente sic Deo,
Fit ipsa sanctis actibus
Templum Deo gratissimum.

Intenta cœlo jugitèr,
Terrena nulla cogitat:
Illique sermo cum Deo
Perenne mentis pabulum.

O quanta totis sensibus
Sese refudit gratia!

Fragrante non est plenior
Acerra thure fumida.

Os, lingua, mens, cor et caro,
Vultus, manus, vox. spiritus
Se tota totam prædicat
Dignam parentem Numinis.

Sit laus Patri, laus Filio,
Sit par tibi laus, Spiritus,
Puram templo qui Virginem
In Sponsam hodiè suscipis. Amen.

†. Cor meum, et caro mea.

¶. Exultaverunt in Deum vi-
vumr

Ad Benedict. *ant.* Parentes il-
lius, * cum essent ambo justī,
erudierunt filiam suam secundum
legem Moysis.

Oratio.

Deus qui Bealam MARIAM sem-
p̄r Virginem, Spiritūs Sancti ha-
bitaculum, hodiernā die in tem-
plo præsentari voluisti: præsta,
quæsumus, ut ejus intercesione in
templo gloriæ tuæ præsentari me-
reamur. Per Domin.

AD PRIMAM.

Ant. Eo quod. *capit.* Ecce ego.
de Laudibus.

†. ¶. *br.* Quæ hodiè in templo
præsentata fuisti.

CANON.

Ex Sixto Papā Quinto.

Const. 10. Intemperatæ Matris
an. 1585.—*T. IV. p. 4. p. 142.*

426. Aliis celebratibus per-
pertuæ Virgini.... à Catholicâ Ec-
clesiâ consecratis, ejusdem quoquē,
quæ Dei templum fuerat, et Sacra-
rium Spiritūs Sancti, in templum
Præsentationem ab antiquissimis
usque temporibus summā ubiquē
gentium cum veneratione observa-
tam, adscribi volumus, et sicubi in-
termissa est, restitui ac jugiter
custodiri. Tu.

AD TERTIAM.

CAPITULUM. *Osee.* 2. 19.

Sponsabo te mihi in sempiternum:
et sponsabo te mihi in justitiā, et
judicio, et in misericordiā, et in mi-
serationibus.

¶. *br.* Manus Domini conforta-
vit te * Alleluia, alleluia.—Manus.

†. Ideò eris benedicta in æternum.
—Alleluia.—Gloria.—Manus.

†. Deus in medio ejus, alleluia.

¶. Non commovebitur, alleluia.

AD SEXTAM.

CAPITULUM. *Psal.* 44. 11.

Audi Filia, et vide et inclina aurem
tuam, et obliviscere populum tuum,
et domum patris tui.

¶. *br.* Ego autem sicut oliva fru-
ctifera, * Alleluia, allel.—Ego. †.
In Domo Dei.—Allel.—Gloria.—
Ego.

†. Sicut lignum, quod plantatum
est secus decursus aquarum, allel.

¶. Quod fructum suum dabit in
tempore suo, alleluia.

AD NONAM.

CAPITULUM. *Psal.* 44. 14.

Omnis gloria ejus filiæ regis ab
intus, in simbris aureis circum-
amicta varietatibus.

¶. *br.* Unam petii à Domino,
hanc requiram, * Alleluia, alleluia.
—Unam. †. Ut inhabitem in do-
mo Domini.—Alleluia.—Gloria.—
Unam.

†. Beati, qui habitant in domo
tuā Domine, alleluia.

¶. In sæcula sæculorum lauda-
bunt te, alleluia.

IN II. VESPER.

Ant. 1. Melior est * mihi dies
una in atris Domini super millia.
Psl. ut in 2. Vesp. Solemn.

2. Hæc requies mea, * hic ha-
bitabo, quoniam elegi eam.

3. Unum est * necessarium: op-
timam partem eligit sibi MARIA,

quæ non auferetur ab eâ.

4. Vulnerasti * cor meum, soror mea Sponsa, in uno oculorum tuorum.

5. Dilectus meus * mihi, et ego illi, qui pascitur inter lilia.

CAPITULUM. Osee. 2. 14.
Ecce ego lactabo eam, et ducam eam in solitudinem, et loquar ad cor ejus.

¶ Audi, Filia, ut in 1. Vesper.

HYMNUS 131. Brev. Gallic.
Infans pulsa recens matris ab ubere
Abscondi tacitis quærit in atriis:
Templum Virgo futura
Templi crescit in ædibus.

In blandâ requie plena negotio,
Uni nota Deo vivere cogitat:
Hic pro lacte parentis
Sugit Numinis ubera.

Sic aurora novi nuntia luminis,
Primo mane latet nubibus obsita:
Mox solem paritura
Plenum qui referat diem.

Sol in virgineo pectore præviis
Ardorem radiis suscitât intimum:
Hoc fœcunda calore
Virtus insita germinat.

Ut fert prima novis nuntia frondibus
Arbos irrigui fontis in alveo:
Fructum Virgo datura
Sese floribus induit.

Sit suprema tibi gloria, Trinitas;
Quo Virgo teneram se vovet hostiam,

Puri Flamen amoris,
Fac nos jam tibi vivere. Amen.

¶ Bonum est præstolari cum silentio.

¶ Salutare tuum, Domine.

Ad Magnificat. ant. Læva ejus *
sub capite meo, et dextera illius
amplexabitur me. Adjuro vos, filiæ
Jerusalem, ne suscitetis, neque evigilare faciat dilectam, donec ipsa velit.

Oratio de Laudibus

In diebus infra Octav. etiam in festis, Officium fit ut in die sine ¶. ad Vesp. cum Psalm. de fer. occurr.

DIE XXII. NOVEMB.

SILENTIUM B. Mariæ V.

Duplex.

Oratio.

Præsta, quæsumus, omnipotens Deus, ut qui Silentium Beatissimæ Virginis Mariæ celebramus, nunquam peccemus in verbo, sed in omnibus tibi semper placeamus. Per Dominum.

Lect. 1. Noct. de ferid.

IN II. NOCT.

Sermo S. Bernardi Abbatis.

In signum. magnum.

LECTIO 4.

Pudibunda fuit MARIA: hoc ex evangelio probamus. Ubi enim aliquandò loquax, ubi præsumptuosa fuisse videtur? Foris stabat loqui quærens Filio, nec maternâ auctoritate, aut sermonem interruppit, aut in habitationem irruit, in quâ Filius loquebatur. In omni denique textu quatuor evangeliorum (si benè meminimus) non nisi quater MARIA loquens auditur. Primò quidem ad Angelum; secundò ad Elizabeth; tertio ad Filium, cum jam esset annorum duodecim: quarto ad Filium, et ministros. Tu. ¶. Ad templum.

LECTIO 5.

Nunquid non ab initio invenisse Pastores, et primam omnium Mariam invenisse leguntur? Sic et Magi quoque, si recolis, non sine MARIA Matre ejus puerum invenerunt, et inducens in templum Domini templi Dominum, multa quidem à Simeone ardivit, tam de eo, quàm de seipsâ, ad loquendum tarda, velox ad audiendum. Et quidem MARIA conservabat omnia verba hæc.

conferens in corde suo. Sed in his omnibus, neque de ipso Incarnationis Sacramento quodcumque verbum fecisse reperias. Tu.

¶. Aperite.

LECTIO 6.

Væ nobis, qui spiritum habemus in naribus: væ qui totum proferimus spiritum, qui juxta illud commici, pleni rimarum effluimur undique. Totiens denique MARIA Filium audit non modò turbis loquentem in parabolis, sed et discipulis seorsum regnum Dei mysteria revelantem; vidit miracula facientem, vidit deinde in cruce pendentem, vidit expirantem, vidit resurgentem, vidit et ascendentem; sed in his omnibus quotiens verecundissimæ Virginis, quotiens pudicissimæ Turturis vox memoratur audita? Tu. ¶. Congratulamini.

IN III. NOCT.

Lectio S. Evangelii secundum Lucam.

LECTIO 7. c. 2. 29.

In illo tempore: Cum audisset MARIA Angelum turbata est in sermone ejus. Et reliqua.

Homilia B. Alberti Magni, Ep.

De laudib. B. V. M. Libr. 4. c. 31.
Notorium est, et vulgatum muliebrem sexum de multiloquio, et minori circumspectione redargui: nec mirum cum ad primas suggestiones noxias loquela penitus sit adempta serpenti, et aliquantenus inhibita mulieri. Hic poteris assignare de propria responsione Evæ sine discussione verborum serpentis, unde ortum est omne malum, et cogitatione MARIE, qualis esset angelica salutatio, unde ortum est omne bonum. Tu.

¶. Et erit opus justitiæ pax, et cultus justitiæ silentium. * Et securitas in sempiternum. ¶. Imita-

mini Virginem -MARIAM, et in silentio, et in spe erit fortitudo vestra. Et securitas.

Benedict. Cujus silentium.

LECTIO 8.

Beatus quoque Bernardus: post majorum charismata gratiarum in omnium maximâ mulierum Dei Genitrice MARIA gravitatem silentii dignis laudibus prædicabat. Ipsa etiâ dicit de taciturnitate suâ, quasi seipsam commendans: Ego os regis ob servo, id est, os meum, quod est regium, ut scilicet, nihil aliud loquatur, quàm quod regem deceat, et reginam, scilicet verba lenitatis et clementiæ, verba pietatis et justitiæ. Ipsa etenim est mulier sensata, et tacita, quæ sedebat solitaria et tacebat, et levabat se super se per contemplationem Dei. Siquidem quia fuit sensata, id est, plena sensu, et tacita, non seminiflua, sed loquens in tempore congruo. Tu.

¶. Volo mulieres in habitu ornato, cum verecundiâ, et sobrietate ornantes se, * Et esse in silentio. ¶. MARIA conservabat in silentio. omnia verba hæc conferens in corde suo.—Et.—Gloria.—Et.

LECTIO 9.

Turbata etiâ fuit in salutatione Angelicâ: quia silentium suum, quod valde amabat, respondendo infringere cobeatur. Cogitabat etiâ qualis esset ista salutatio. Et utinam moniales, et reclusæ, et religiosæ nostræ, et tacendo cogitarent, quomodo in judicio responderent, ubi de omni verbo otioso reddituri sunt homines rationem. Sensata etiâ fuit, et tacita in interioribus verbis, quæ sunt cogitationes, et affectiones seu desideria cordis, quæ loquuntur Deo. Unde de eâ dicitur: Princeps, id est, MARIA designata per Saram, quæ interpretatur Princeps, ea, quæ

digna sunt principe cogitabit: cogitationes scilicet pacis, et non afflictionis. Tu. Te Matrem.

CANON.

Ex D. Bernardo Abbate.

Hom. 4. sup. Miss.

427. Cui placuisti ex silentio, jam magis placebis ex Verbo, cum ipse tibi clamet è cœlo: O pulchra inter mulieres, fac me audire vocem tuam. Tu.

Vesperæ ut in 2. Vesp. Præsent. et sic deinceps.

DIE XXIII. OCTOBR.

DE III. DIE INFRA OCTAVAM.

Semiduplex.

Lectiones 1. AD MATUTIN.

HYMNUS 132. *Parnas. Virgin.*

Sacræ Parentes Virginis
Cum essent ambo steriles,
Donante tandem Numine,
Unam MARIAM procreant.

Sistunt Deo se protinus
Voti reos, et Virginem
Orbæ domus nil anxii,
Templo tenellam consecrant.

Oliva non sic pullulans
Fructus refudit uberes,
Ut omne virtutum genus
Puella MARIA parturit.

Hanc quippè pulsans intimè,
Almus regebat Spiritus,
Castâque mente jam sibi
Templum parabat congruum.

Dozol. de Octavâ.

Lection. 1. Noct. de ferid

IN II. NOCT.

Sermo S. Germani Arch. Constant.

Orat. 1. in Præsentat. B. M. V.

LECTIO 4.

Cum igitur ablactata esset vitæ nostræ altrix, parentes ejus, quod promiserant, implent. Convocatas enim ajunt puellas vicinas, et circumparsas præire jusserunt cum facibus, et ipsam post omnes sequi,

ut accensis oblecta facibus iret non retrospectans. Sterilis autem et infructuosa Anna prolem suam Deo dans, magnâ voce palam ita dicebat: adeste et nunc magis congaudete quicumque, et quæcumque affuistis mihi parienti: jam verò videtis fructum meorum viscerum Deo dicari, nunc divinitus ornatum, et sanctificatum. Tu. ¶. Ad templum.

LECTIO 5.

Age dum David progenitor, et Dei suavissimè cytharam pulsans fidelibus spiritu, jucundiorē ede sonum ore illo tuo, quod Deus movebat, apertius declarans catervæ puellarum consecrationem: quod post eam Virgines adducentur Regi, proximæ ejus afferentur. Ecce enim in plateis juvenicularum turma in choreas agit, duciturque in sacram ædem, in sanctum templum in lætitiâ, et exultatione tuum vaticinium implens, Filia regis, quam tu Filiam vocasti regali majestate præcellentissimam, mea soboles. Tu. ¶. Aperite.

LECTIO 6.

His animi sensis, ut par est, quæ suis se gressibus componebat castissima Anna, cum dulcissimo conjugē Progenitam à se deducētes, virginum cœtu accensos ferentium cereos comitati, perveniunt ad templum, et expanduntur portæ, spirituales excipientes portam Dei Emmanuel, et ingrediente MARIA sanctificatur vestibulum, domus flammarum luce illustratur, sed multò magis unius fulgure lampadis supra modum splendescit, pulchriorque efficitur ejus decor Puellæ ingressu. Purpurescunt ornamenta cornuum altaris è purpureo et virginali ejus habitu. Tu. ¶. Congratulamini.

IN II. NOCT.

Lectio Sancti Evangelii secundum
Matthæum.

LECTIO 7. c. 4. 11.

In illo tempore: Cum esset JESUS
in deserto, ecce Angeli accesserunt,
et ministrabant ei. Et reliqua.

Homilia Sancti Isidori Arch. The-
salonicensis.

*Oratio de Præsent. Apud Mar-
racc.*

At verò ingressus Virginis in adytâ,
cuiam ut sublimiori miraculo dat
locum? Omnibus certè hoc est ex-
cellentius, si tantum excipias, quæ
deinceps in eâ peracta sunt, à qui-
bus sese devictum non æquè fert.
Videtur tamen hoc mihi fundamen-
tum, et radix posteriorum, atque
sublimium: et si quis illud vocaret,
à reipsâ non aberraret. Namque
sublimius aut in eâ, aut in quâvis
aliâ factum nihil est, quàm quod
ex ipsâ Deus naturam nostram sus-
cepit. Tu. ꝑ. Quod relinqueris.

LECTIO 8.

Ut verò ad hoc Virgò esset idonea,
indè habuit. Dum verò commora-
retur templi adytis, quia purissi-
mæ nihil humanum erat obvium,
ad quod se conformaret, sed unus
illi Deus semper in animo versaba-
tur, solumque Deum alloquebatur,
et meditatio cordis ejus, ut davidicè
loquar, in conspectu ejus erat sem-
per, ciboque uno divinitus misso
alebatur: ad similitudinem quoque
Dei supra omnes et homines, et
angelos formâ pervenit, illi uni,
quantum fas erat, expressè facta si-
milis, qui cum eâ assidue colloquium
habebat, quique sibi ferè notus
erat. ꝑ. Audi filia.

LECTIO 9.

Commem. B. V. Boni—occursus.
Gononus, *Chronic. Marian. ad*
ann. 1520.

Imago beatæ Virginis Boni—occur-

sus non longè à civitate Agennensi
in Galliâ, bove mediante reperta
fuit, eo quod ferè continuè lingabat
herbam quamdam inter vepres. Bu-
bucus volens scire, quid hoc esset,
ivit ad locum, viditque Imaginem
Beatæ Virginis, quàm statim ele-
vans matri suæ detulit, quæ eam
concluit in arcâ volens illam Par-
rocho ostendere. Cum autem neces-
se fuit eam educere, nihil reperit,
sed in eodem loco, ubi Buculus
prius invenerat, iterum reperta fuit:
undè cognoverunt omnes voluntatem
Dei esse, et Beatæ Virginis, ut
in loco illo veneraretur. Tu.

Te Matrem.

Vesperæ de seq. ut in 2. Vesp.
Præsent.

DIE XXIV. NOVEMB.

CONVERSATION. B. Mariæ V.
IN TEMPLO.

Duplex.

Lectio. 1. Noct. de fer.

IN II. NOCT.

Ex verbis S. Hieronymi Presbyteri.

Apud S. Bonavent. in Medit. vitæ
Christi c. 3.

LECTIO 4.

Hanc sibi regulam Beata Virgo sta-
tuerat, ut à manè usque ad horam
tertiâ orationibus insisteret. A
tertiâ usque ad nonam externo ope-
re se occuparet. Anonâ verò ite-
rum ab oratione non recedebat,
quousque Angelus illi appareret,
de cujus manu escam accipere so-
lebat, et melius in Dei opere, et
amore proficiebat. Fiebat, ut in vi-
giliis inveniretur prior, in sapientiâ
legis Dei eruditior, in carminibus
Davidis elegantior, in charitate glo-
riosior, in puritate purior, in omni
virtute perfectior. Tu.

ꝑ. Ad templum.

LECTIO 5.

Erat enim constans et immobilis, et cum quotidie melius transisset, hanc irascentem nulus vel vidit, vel audivit. Omnis sermo ejus erat gratia plenus, ut cognosceretur in lingua Deus. Semp̄r in oratione et scrutatione legis Dei permanebat. Et erat sollicita circa socias suas, ne aliqua ex eis in ullo sermone peccaret, ne aliqua invisā vocem suam exallaret, ne aliqua injurias, aut superbiam contra partem suam exerceret. Tu. *¶* Aperite.

LECTIO. 6.

Sine intermissione benedicebat Deum, et ne fortē in salutatione sua ē Dei laudibus tolleretur, si quis eam salutabat, illa pro salutatione suā, Deo gratias respondebat. De escā, quam de manu Angeli accipiebat, ipsa reficiebatur: quam verō à pontifice templi accipiebat, pauperibus erogabat. Quotidie videbatur ei Angelus loqui, et quasi carissimæ sorori, vel matri obtemperabat ei. Tu. *¶* Congrat.

IN III. NOCT.

Lectio Sancti Evangelii secundum Matthæum.

LECTIO. 7. c. 4. 11.

In illo tempore: Cum esset JESUS in deserto, ecce Angeli accesserunt, et ministrabant ei. Et reliqua.

Homilia D. Georgii Nicomediensis.

Orat. in 1. Deiparæ Præsent.

Tu autem, ò homo admirabilem ac novam vitæ rationem Virginis in templo audiens, noli de eā dubitare: noli ratione examinare ea, quæ intellectum omnem superant: noli ea comparationi subicere, quæ majora sunt comparatione. *Lectio 8.* Vides inauditam naturæ innovationem, et de his dubitas? Vides ipsum Dei Verbum ineffabili

ratione habitans in ejus utero; deque immateriali escā, ac alium modum habentis contendis? Vides consilio paterno Spiritus in eā obumbrationem, ac de angelorum ministerio adhuc dubitas? Tu.

¶ Quodd relinqueris.

LECTIO 8. (Lect. 9.)

Nihil eorum, quæ ad castissimam Virginem spectant, dubietatem habent. Nihil ejus magnalia habent incongruum. Certā omnia veritate constant. Oportebat enim, ut nedum ei Angelus ministraret, sed et decies decem millia satellitio adessent. Etenim quem illi videre nequeunt, eum illa mirabili ratione in utero portavit. Tu.

¶ Audi filia.

LECTIO 9.

Commeratio B. V. Dittelbachensis.

Spinelli ex Tritemio p. 249.

Propē oppidum Dittelbach Diocesis Herbipolensis in Germaniā, templum est Deiparæ sacrum in quo asservatur quædam ejus Imago parva Filium ē cruce jam depositum de more tenens, ad quam peregrini anno millesimo quingentesimo quinto confluere cœperunt. Eo in loco Beatæ Virginis invocatione innumera patrantur miracula; ē quibus illud celebre, quo puer quinque ferē annorum à famelico lupo raptus, dum asportaretur in sylvam, ejus parens ē longinquo conspicatus, sed opem ferre non valens, Deiparam in Dittelbach cum voto invocavit, et mox lupus puerum intactum de ore dimisit. Tu. Te Matrem.

CANON.

Ex D. Thomā Arch. Valentino.

Conc. 4. p. 2. de Assumpt. B. V.

428. Prius quàm Verbum Dei sacro utero gestaret Virgo, triennis in templo à parentibus præsentata,

in aliarum Virginum comitatu diebus ac noctibus orationi et contemplationi vacabat. Ante quippè Deum noverat, quàm seipsam, et infans adhuc eloquio, animo jam orabat. Tu.

Vesperæ ut in 2. Vesp. Præsent.

DIE XXV. NOVEMBR.

DE V. DIE INFRA OCTAV.

Semiduplex.

AD MATUTIN.

HIMNUS 133. *Parn. Virgin.*

Alterni Patris ordine
In templo Virgo conditur,
Ubi mirâ dulcedine
Contemplando perfuitur.

Orationi dedita,
Et divinis obsequis:
A mundo prorsus abdita
Arcanis vacat studiis.

O mira redundantia
Gratiæ datæ Virginil
Quæ cuncta sunt fragrantia
Et grata summo Numini.

Mens, lingua, caro, Spiritus,
Sensus, affectus, actio
Electam monstrat cœlitus
In Matrem Dei Filio.

Sit laus Patri, laus Filio. etc.

Lectio. 1. Noct. de feriâ.

IN II. NOCT.

Sermo S. Joannis Chrysostomi.

De fide Annæ Matris Samuel.

Serm. 3.

LECTIO 4.

Adduxit Anna puellam, ac reliquit in templo: nec Puella à mammâ divulsa molestè tulit, licet sciatis, quàm soleant indignari pueri, quotiès à lacte depelluntur. Verum nec ipsa Puella ægrè tulit à matre divulsa, sed ad Dominum respexit, qui ipsam matrem fecerat: nec ipsa mater doluit à Puella sejunctâ, quia naturalem affectum

vicit interveniens gratia, et uterque se cum altero vivere existimabat: quemadmodum eodem in loco fixa vitis in longum producit palmites, et non multo intervallo pendens radici hæret, itidem et in hac accidit feminâ, quæ in urbe manens, usque ad templum extendit suum palmitem, atque illic uvam suspendit maturam. Nec intervallum illud ullum attulit impedimentum, cum charitas, quæ secundum Deum est, Puellam matri copularet. Tu. ¶ Ad Templum.

LECTIO 5.

Ascendit igitur in templum, et agnam induxit in ovile, ac vitulam perduxit ad armentum, et in pratum deduxit rosam à spinis liberam, rosam, inquam, quæ nunquam marcescit, sed floret perpetuò, quæque poscit ad ipsum usque cœlum extendi, cujus fragrantia in hodiernum usque diem poliuntur omnes, qui terrarum incolunt orbem. Tantus annorum numerus præterit, et tamen virtutis illius fragrantia semper augescit, nec tantâ temporis magnitudine facta est languidior. Talis enim est rerum spiritualium natura. Tu. ¶ Aperite.

LECTIO 3.

Ascendit igitur præclarum illud germen transplantatum, et quemadmodum industrii agricolæ primum semen in terram deponunt cupressi et aliarum arborum similium: deindè ubi conspexerunt à semine factam arborem, non relinquerunt in eadem terrâ, sed indè revulsum in aliud transferunt solum, ut terra in recens gremio suo exceptam illius radicem, puram et integram vim suam proferat ad eam alendam: sic et hoc fecit mulier, quæ Puellam propter spem

proseminatam in utero & a domo transtulit et in templum transplavit, ubi perpetuæ sunt fontium scalebræ, et irrigationes spirituales, ut videre licuerit illud propheticum in illis impleri, quod David dixit: Et erit tanquam lignum, quod plantatum est secus decursus aquarum. Tu. ꝯ. Congratulamini.

IN III. NOCT.

Lectio Sancti Evangelii secundum Matthæum.

LECTIO 7. c. 4. 11.

In illo tempore: cum esset JESUS in deserto, ecce angeli accesserunt, et ministrabant ei. Et reliqua. Homilia D. Georgii Nicomediensis.

In Presentatione B. V. M.

Procedente in dies ætate, crescebant in Virgine dona Spiritûs, et versabatur cum Angelis, nec erat divinarum expers aparitionum. Cum eâ, ut solebat, versante in adytis, vidit Zacharias quemdam sermocinantem, qui erat inusitatâ specie, et ei alimentum præbebat: erat autem qui apparebat angelus: Tu. ꝯ. Quod relinq.

LECTIO 8.

Quamobrem à se discedebat, et hæc apud se cogitabat. Quid est hoc quod videtur? Novum planè, et ab eâ, quæ hic est, alienum consuetudine: est angelicus, qui cernitur habitus, et alloquitur adolescentulam. Formâ incorporeus affert nutrimentum, tanquam corporibus conveniens: et essentia materiæ expers tradit mulieri canistrum, qui videtur materialis. Tu.

ꝯ. Audi Filia.

LECTIO 9.

Propterea major mihi concurrit admiratio et metus: quodnam sit quod affertur nutrimentum? Ex quonam panario sit hoc expropy-

chum? Quisnam sit qui hoc paravit? Quænam manus hunc panem fecit? Angelorum non est parare, quæ conveniunt corporis necessitatibus. Nam etsi plurimi per eos sunt nutriti, aptum tamen nutrimentum præpararunt, et per corpus incorporei conservis inserviunt. Tu. Te Matrem.

Vesperæ de sequenti.

DIE XXVI. NOVEMB.

OBLATIONIS B. M. V. IN TEMPLO,
SEU PURIFICAT. B. ANNÆ.

Duplex 2. Clasis.

Non propria de Comm. Infanticiæ.

IN I. VESPER.

Antiph. Capit. et Orat. de Laudib.

HYMNUS 134. *Villamitg.*

Plaudant Beati cœlites,
Exultet orbis júbilo:
Ædis sacratæ limina
Lætis resultent canticis.

En Virgo templo sistitur:
Jessæa proles, júbilus
Vatum, Sionis gloria,
Evæque felix æmula.

Lactente pendens ubere
In verba nondum solvitur:
Volvitque mens cœlestia
Flammasque tollit charitas.

Ardet Deum ferventiùs,
Ferturque magnis æstibus:
Trium nec Infans mensium
Matura jamjam victimæ.

Nostris ut insit cordibus
Divinum ignis, perface
Virgo; rogantes impetrent
Æterna tandem gaudia.

Doxologia de tempore.

ꝯ. Oblatio tua, Virgo MARIA, allel. ꝯ. Accepta sit Deo, alleluia.

Ad Magnific. ant. Suscepit Dominus oblationem Virginis MARIE, recordatus misericordiæ suæ.

AD MATUTIN.

Invitator. Oblationem Sanctissi-

mæ Virginis MARLÆ cum laudibus celebremus : * Venite , adoremus Dominum.

HYMNUS 135. *Villamitgiana.*

Ergo recedant pristinae
Umbrae, recedant hostiæ:
Ultrò propinquat sanctior
Priscis ab actis Hostia.

Præmente limen Virgine,
Templum repletur gratiâ;
Dum sacrat ipsum cætera,
Sacratur almâ Virgine.

Fuso bidentum sanguine,
Aræ rubescunt fervidæ:
Ridet Deus jucundior
Matris futuræ pignore.

Fumet sabæi galbani
Thurisque misto pulvere
Altare: Virgo lactea
Virtute mulcet sydera.

Virgo potens et gratiæ
Fons, corda purges supplicum:
Gratam Deo nos victimam
Fac nunc et omne in sæculum.

Doxologia de tempore.

IN I. NOCT.

Ant. 1. En dilectus meus loquitur mihi: surge, propera, columba mea, et veni. *Psalm. de ferid.*

2. Ecce venio, dilecte mi, ut faciam voluntatem tuam.

3. Deus meus, volui legem tuam in medio cordis mei.

†. Memor sit Dominus sacrificii tui,

†. Et holocaustum tuum pingue fiat.

De libro Levitici.

LECTIO 1. c. 12. v. 1.

Locutus est Dominus ad Moysen dicens: loquere filiis Israel, et dices ad eos: mulier si suscepto semine pepererit masculum, immunda erit septem diebus, juxta dies separationis menstruæ. Et die octavo circumcidetur infantulus: ipsa verò triginta tribus diebus manebit

in sanguine purificationis suæ. Omne sanctum non tanget, nec ingreditur in sanctuarium, donec impleantur dies purificationis suæ. Tu.

†. Te, Virgo perpetua, creatura omnis beatam dicit: * Quæ ex sterili Annâ orta, in templo hodiè Deo oblata fuisti. †. Saliat ac ducat choros omnis terra, dum oblationem intemperatæ Puellæ fide celebramus.—Quæ.

LECTIO 2.

Sin autem feminam pepererit, immunda erit duabus hebdomadibus, juxta ritum fluxûs mensurui, et sexaginta sex diebus manebit in sanguine purificationis suæ. Cumque expleti fuerint dies purificationis suæ, pro filio, sive pro filiâ, deferet agnum anniculum in holocaustum, et pullum columbæ, sive turturem pro peccato, ad ostium tabernaculi testimonii, et tradet sacerdoti. Tu.

†. Agna immaculata, quæ sola de tuo utero lanam Christo, humanam nimirum substantiam contulisti, * Devotis te canticis honoramus, puram oblationem tuam cum gaudio recolentes. †. Oblatio tua, sacratissima Virgo, accepta sit Deo.—Devotis.

LECTIO 3.

Sacerdos offeret illa coram Domino, et orabit pro eâ, et sic mundabitur à profluvio sanguinis sui. Ista est lex parientis masculum aut feminam. Quod si non invenerit manus ejus, nec potuerit offerre agnum, sumet duos turtures, vel duos pullos columbarum, unum in holocaustum et alterum pro peccato: orabitque pro eâ sacerdos, et sic mundabitur. Tu.

†. Qui sterili utero mirabilia fecisti, * Qui vulvam Annæ infœcundam aperuisti, ac ei dedisti fructum immaculatum. †. Accipe hodiè

Oblationem novam.—Qui vul.—
Gloria.—Qui sterili.

IN II. NOCT.

Ant. 1. Aperite portas, sacerdotest templi, et spiritualem excipite portam.

2. Benedicta filia à Domino super omnia tabernacula Jacob.

3. Veni, electa mea, et ponam in te thronum meum;

†. Ego dilecto meo. †. Et ad me conversio ejus.

Sermo D. Georgii Nicomediensis.

In Idiomelon.

LECTIO 4.

Exultet hodiè cælum desupèr, et nubes spargant justitiam pro Dei nostri novis maximè insolitisque magnaliis. Ecce enim porta ad orientem inspiciens, ex infœcundo sterilis utero ex promissione partu edita, Deoque in habitaculum consecrata, in templo hodiè immaculatæ instar victimæ offertur. Tu.

†. Suscipe, Sancte Pater, hanc oblationem novam, et tibi gratissimam, quam beata Anna hodiè tibi præsentat: * Puellam MARIAM Unigeniti tui Matrem futuram. †. Tribus mensibus natam, et omnium virtutum decore fulgentem.—Puellam.

LECTIO 5.

Hodiè Dei capax templum, Dei Genitrix in Domini templo offertur, eamque Zacharias suscipit. Exultant hodiè sancta sanctorum, ac angelorum chorus mysticâ ratione conventum, ac diem festum agit, cum quibus nos quoquè hodiè celebrantes, consertis cum Gabriele vocibus clamemus: Ave gratiâ plena, Dominus tecum: cujus magna est misericordia. Tu.

†. Aperite portas, atque intra templum spiritualem suscipite portam, * Per quam solum Dei Ver-

bum transiens, obsignatam servavit.

†. Porta hæc clausa erit, et non aperietur, et vir non transibit per eam.—Per quam.

LECTIO 6.

Eja agite, populi omnes, laudum eam canticis celebremus, quæ sola immaculata est: quam prædixerant prophetæ, ac quæ in templo oblata est; illam, inquam, quæ ante sæcula prædestinata mater, novissimis temporibus Dei Genitrix effecta est. Ejus nobis, Domine, intercessionibus pacem tuam, ac magnam misericordiam præbe. Tu.

†. Ornate Sancta Sanctorum, ac præsanctum illud tabernaculum suscipite, * Quo fuit erectum tabernaculum nostrum, quod ceciderat.

†. Tabernaculum cœlo capacius, universo orbe grandius.—Quo.—Gloria.—Ornate.

IN III. NOCT.

Ant. 1. Exultavit cor meum in Domino, et exaltatum est cornu meum in Deo meo.

2. Dilatum est os meum super inimicos meos, quia lætata sum in salutari tuo.

3. Dominus mortificat, et vivificat: deducit ad inferos et reducit.

†. Tribuat tibi secundum cor tuum.

†. Et holocaustum tuum pingue fiat.

Lectio S. Evangelii secundum Lucam.

LECTIO 7. c. 2. 22.

In illo tempore: Postquàm impleti sunt dies purgationis MARIE secundum legem Moysis. Et reliqua. Hemilia S. Methodii Ep. et Mart.

Oratio in Simone et Annd.

Ad te verò quid dicam ò Mater Virgo, et Virgo Mater? Cujus enim opus non humanum est, ejus et lau-

datio excedit hominem. Quamobrem paupertatis hic mæ obscuritatem tuis à Spiritu honoribus, donisque illustrabo: tuaque tibi offerens è pratis immortalibus, tuum sacrum et à Deo coronatum caput dilaudabo. Patris te canticis, filia David, Materque Domini, et Dei David, salutabo. Turpe enim fuerit, adeoque inauspicatum, ut alienis orneris, quæ propiâ gloriâ præcellas. Accipe igitur, benignissima, dona pretiosa, tibi que uni convenientia, ò cunctis celsior generationibus, quæque inter creata omnia, tam visibilia, tam invisibilia, multis numeris honorabilior enituisi. Tu.

¶ Obsecro, mi Domine, vivit anima tua, Domine: * Ego sum illa mulier, quæ steti coram te, hic orans Dominum. † Offerens Anna Puellam sacerdoti aiebat.—Ego sum.
Bened. Cujus Oblationem colimus.

LECTIO 8.

Felix radix Jesse, et ter beata domus David in quâ germinasti. Deus in medio tui, et non commoveberis: sanctificavit enim te, tabernaculum suum Altissimus: in te enim Dei ad patres testamenta juramenta que finem gloriosissimum acceperunt; quia ex te natus est Dominus ille, Deus virtutum nobiscum. Rubus ille intactus divinâ quâdam maiestate plenam, jam tum informans tuam figuram, Deum prophetæ apparentem, juxta quod ei conspicuus fieri voluit, incombustus ferebat. Tu.

¶ Ascendit Joachim in templum, et omnis domus ejus: * Ut immolaret Domino hostiam solemnem et votum suum. † Pro Puellâ istâ oravi: et dedit mihi Dominus petitionem meam, quam postulavi eum.—Ut.—Gloria.—Ascendit.

LECTIO 9.

Dura autem rursus ac prærupta petra, quòd ex te in universum orbem, gratiæ munus refrigeratioque promonavit, et ipsa quondam exprimens, præfiguransque deficienti populo in deserto copiosum auxilium ex hiatibus siccis produxit. Sed et Sacerdotis virga in fructum sine culturâ, spontaneumque sacerdotii perennis arrhabonem efflorens, nihil repubum eximii tui partus symbolum præbuit. Quid verò nonne magnus ille Moyses, idem loculenter declaravit propter tui difficiles intellectu figuras diutius in montem commoratus, ut ignotata sacramenta, ò casta, edisseret? Tu. Te Matrem.

AD LAUDES

et per horas antiphonæ.

1. Cum complerentur * dies purificationis beatissimæ Annæ, obtulit Domino Virginem MARIAM in templo.

Psalmi de Dominicâ.

2. Exultet orbis * jubilo, nam hodie offertur Deo sacratissima Hostia.

3. Ecce venio, * ut faciam voluntatem tuam omnibus diebus vitæ meæ.

4. Felicia prorsus * Pontificis brachia quæ tantam suscipiunt victimam.

5. Suscipiat Dominus sacrificium tuum, et holocaustum tuum pingue fiat.

CAPITULUM Lev. 1. 15.

Offeret eam Sacerdos ad altare... Holocaustum est, et oblatio suavissimi odoris Domino.

HYMNUS 136. *Vilamitg.*

Salvete, clari conjuges,
Sanguis Sacerdotum, genus
Regum: beatos sæcula
Vos prole vestrà prædicant.

Per vos Parentem Conditor,
Per vos coronam cœlites,
Fidam miser custodiam

Per vos receptam gaudeat.

Et nunc rogetis, quæsumus;
Culpæ malis nos exui,
Donis repleti Spiritûs,
Demùm potiri gloria.

Offerte vestram denuò
Summo Parenti Filiam,
Ut nos simul cum munere
Digni putemur gratiâ.

Ac ipsa Virgo Virginum
Adsit secundo numine,
Votisque nostris annuens
Optata nobis impetret.

Doxologia de Tempore.

†. Oblatio est coram Domino.

¶. Odor suavissimus victimæ.

Ad Benedict. ant. Pro Puellâ istâ
oravi, et dedit mihi Dominus peti-
tionem meam, quam postulavi eum.

Oratio.

Supplicationem servorum tuorum,
quæsumus Domine, benignus exau-
di, ut qui in Oblatione Beatissimæ
Virginis MARIE gloriamur, à cun-
ctis mentis et corporis liberemur
adversis. Per Dominum.

AD PRIMAM.

Ant. Cum complerentur. *Capit.*
Offeret.

†. ¶. *br.* Quæ hodiè in templo
oblata fuisti.

AD TERTIAM.

CAPITULUM. Exod. 29. 42.
Sacrificium est Domino oblatione
perpetuâ in generationes vestras ad
ostium tabernaculi testimonii coram
Domino.

¶. Oblatio tua * Virgo MARIA.
Oblatio. †. Accepta sit Deo. Virgo.
Gloria.—Oblatio. †. Oblatio est
coram Domino. ¶. Odor suavis-
simus victimæ.

AD SEXTAM.

CAPITULUM. Eccl. 35. 8.
Oblatio justi impinguat altare et
odor suavitatis est in conspectu Al-
tissimi, et memoriam ejus non obli-
viscetur Dominus.

¶. *br.* Oblatio est * Coram Domi-
no. Oblatio. †. Odor suavissimus
victimæ. Coram.—Gloria.—Obla-
tio. †. Hostia pacifica ejus Oblatio.
¶. Immaculata coram Domino.

AD NONAM.

CAPITULUM. Lev. 12. 6.

Cum expleti fuerint dies purgatio-
nis mulieris pro filio, sive pro filiâ,
deferet agnum, anniculum in ho-
locaustum, et pullum columbæ sive
turturem.

¶. *br.* Hostia pacifica * Ejus
oblatio. Hostia. †. Immaculata co-
ram Domino. Ejus.—Glor.—Ho-
stia. †. Memor sit Dominus sacrifi-
cii tui. ¶. Et holocaustum tuum
pingue fiat.

In II. Vesp. antiph. et Capit.
de Laudib. Hymn. de Comm.

†. Hostia pacifica ejus oblatio.

¶. Immaculata coram Domino.

Ad Magnific. ant. Quia respexit
oblationem ancillæ suæ, ecce enim
ex hoc beatam me dicent omnes ge-
nerationes.

DIE XXVII. NOVEMB.

DE VII. DIE INFRA OCTAV.

Semiduplex.

Lect. 1. Noct. de feriâ occurrent.

IN II. NOCT.

Sermo S. Germani Arch. Constant.

Oration. In Præsent. B. V. M.

LECTIO 4.

Abi, igitur Deipara Domina, abi in
tuam hæreditatem: incede in atriis
Domini exultans et gaudens: alta
illic et virens, Sancti in te Spiritûs
quotidiè adventum expectans, ac
Altissimi obumbrantem virtutem,
tuique Filii conceptionem, uti tibi
Gabriel acclamaturus est: atque
his, qui tuam celebrant festivitatem,
tuum impende auxilium, ac prote-
ctionem, tutamenque tuis semper
intercessionibus ab omni eos libera

necessitate, ac periculis, gravibusque morbis, ac omnis generis calamitatibus, futuræque justi Filii tui comminatione. Tu.

¶. Ad templum.

LECTIO 5.

Tu enim sola Dei Genitrix, altissima super omnem terram: nos verò te, divina Sponsa, fide benedicimus, desiderioque honoramus, ac timore adoramus, semper te exaltantes, ac veneratione beatam prædicantes. Beatus quippè reverà ex viris Pater tuus, et beata ex mulieribus Mater tua: beata domus tua: beati noti tui: beati qui te viderunt: beati qui tuâ usi sunt consuetudine: beati qui tibi ministrarunt: beata loca quæ calcasti: beatum templum, in quo oblata fuisti: beatus Zacharias, qui te ulnis excepit: beatus JOSEPH qui te sibi despondit: beatus lectus tuus: beatum sepulchrum tuum. Tu enim summus honor es, summum præmium, ac summa celositas. Tu. ¶. Aperite.

LECTIO 6.

Sed ò Domina, sola tu meum ex Deo solatiam: divinus ros in me existentis æstus, exaréscentis cordis mei divinitus affluentes guttæ: tenebrosæ animæ meæ debilitatis virtus: nuditatis meæ vestimentum: mendicitatis meæ divitiæ: insanabilium vulnerum meorum medicina: lacrymarum mearum extinctio: gemituum meorum cessatio: calamitatum depulsio: dolorum levatio: vinculorum solutio: meæ spes salutis: exaudi preces meas, miserere meorum gemituum, ac suscipe lamenta mea. Tu.

¶. Congratulamini.

IN III. NOCT.

Lectio S. Evangelii secundum Matthæum.

LECTIO 7. c. 4. 11.

In illo tempore: Cum esset JESUS

in deserto, ecce Angeli accesserunt, et ministrabant ei. Et reliqua. Homilia Theophilacti Ep. Bulgariæ.

In Bibliot. PP. concionatoria.

In templum beata Virgo adducitur, non clanculùm, nullaque magnificentiâ ac splendore, sed clarâ ac publicâ pompâ. Faustis omnibus domo educitur, cunctis plausu egredientem excipientibus: cognati omnes ac vicini, quotquot item amicitie vinculo ejus juncti parentibus erant: patres Patri: matres Matri congratulabantur: puellæ juvenculæ faces præferentes divinæ Puellæ comites præcedebant, ac si stellarum corona cum lunâ subluceat: tota denique Jerosolymorum civitas novæ hujus pompæ spectaculo personabat, cum Puellam triennem tantâ claritate circumductam, tali splendore, atque luminum gestatione viderent decoratam. Tu.

¶. Quòd relinq.

LECTIO 8.

Ubi autem ad templum advenissent, Tribus omnis sacerdotalis obviam facta canticis accipiebat; quin et ipsum Pontificem rei miraculum movebat: tantòque amplius, quantò magis Deo afflatus erat. Ei porro parentes Puellam offerunt, concreduntque, ac sterilitatem, quodque de illâ votum nuncupaverant, referunt. Quin præterea Puellæ se educatione impares profitentur. Diviniur cum existat, ejusmodi institutionem exigere, quæ illi congruat: nec tanti margaritarum splendoris, ac inæstimabile pauperculo panno committendum, cum ad majorem gloriam, ac ornatum regio ipso peple nectere condeceat. Tu.

¶. Audi filia.

LECTIO 9.

Porro Deus, quo sibi quæ gerebantur accepta ostenderet, signo communit: quippè Angelo ministro ad

ejus Puellæ, quæ oblata fuerat, alimoniam usus, alitque novo, ac inaudito modo, cujus partu ipse edendus erat, atque illius opera alendus, ut nihil ferè ejus intra humanos modos consistat, sed divina omnia diluceant, ac ostendantur. Hoc nobis festivitas. Hoc hodiè celebremus, Puellæ præsentationem, atque in Sancta sanctorum inductionem. O rem novam, novamque auditionem! femineam Puellam in Dei penetralibus, ac locis inaspetis versari. Tu. Te Matrem.

Vesperæ de sequent. ut in 1. Vesp. Præsentat.

DIE XXVIII. NOVEMBR.

OCTAVA PRÆSENTAT.

Duplex majus.

AD MATUTIN.

HYMNUS 137. *Parn. Virginal.*
Plebs diem festum celebret per orbem,

Quo JESU-Christi Genitrix futura
Sistitur Patri, speciale templum
Pneumatis almi.

Sola ter quinos teneris sub annis
Hæc gradus scandit levitèr puella:
Prima dilectam Domino dicavit
Virginitatem.

Exules, Mater, miseros faveto
Criminum sempèr veniam precando
Filios regni paritèrque cives
Fac et hæredes.

Summa potestas, salus atque
virtus
Sit tibi sempèr Deitas beata
Quæ creas orbem, sapientèr atque
Cuncta gubernas. Amen.

Lect. 1. Noct. ut in die Præsentat.

IN II. NOCT.

Sermo S. Andreae Cretensis.

Orat. 1. de Nativ. B. V.

LECTIO 4.

Quòd autem ex sterili Matre prodiiisset ex cujus vulvâ prodiit im-

mortalitatis spica, eam parentes primum florentem ætatis florem, in templum abductam Deo obtulerunt. Cumque is, qui id temporis sacerdotii vice fungebatur, præeuntes et subsequentes commitantium Virginum choreas aspexisset, gavisus est, valdèque exultavit, tanquàm rerum in spe positarum divini eventus perspicuè cerneret: ac veluti desiderabilem hostiam divinum donarium Deo consecravit. Tu.

¶. Ad templum.

LECTIO 5.

Occupemus verò nos templi vestibula, præcurrentibus Virginibus socio paritèr cursu comites adjungamur: in sancta ipsa sanctorum simul ingrediamur. Illic enim post fascias, post nativitatem, post ubera, post infantiam primò ætatis flore pubescenti thalami instar ei Deus educatorium paravit: sibi ipsi quoque venerabile, augustumque esset, conservans. Hinc filiæ Sion velut præeuntes Reginæ in odorem unguentorum ejus præludunt. Hinc et templum Dei sacras expansens excusit portas. Tu. ¶. Aperite.

LECTIO 6.

Tunc plenè, tunc sanctorum illa patuerunt sancta, cum sanctissimam sancti Matrem intra adytorum gremium reciperent. Porro congrua ei profertur esca, hactenusque alit, nulla hominum manu comparato cibo, qui modicâ aliquantulùm ejus alendus est lacte: ac Spiritus Sanctus nutritius efficitur Virginis usque ad tempus ostensionis ejus in Israel. Tu. ¶. Congratulamini.

IN III. NOCT.

Lectio Sancti Evangelii secundum Matthæum.

LECTIO 7.

c. 4.

In illo tempore: Cum esset JESUS in deserto, ecce angeli accesserunt,

et ministrabant ei. Et reliqua.

Homilia D. Georgii Nicomediensis.

In Præsent. B. V. M.

Quis vidit, quis audivit talem ascensum corporis, quod in sanctis habitat, et stipatur ab angelis, et alimentum accipit ambrosiam? Nam animæ quidem incorporeæ, communione, etiamsi ad summam pervenerint impassibilitatem, vix frui potuerint angelico nutrimento, etiamsi cibum angelorum, rationemque falli et errare non potest scriptura significet. Hic autem manus corporeæ admirabile, quod conspectum fuit alimentum accipiunt, et per ipsum immaculata anima impletur donis. Tu. *¶* Quod relinq.

LECTIO 8.

O summam puritatem! O ascensum ætatis, quales scalas honestatis statuit ad cœlestium altitudinem, per quas Verbum descensu novo ad nos descendit, per quas quod interius erat situm terrenum naturæ tabernaculum ascendit ad cœlos. Oportebat enim divinum tabernaculum talibus augeri ascensionibus. Tu. *¶* Audi, Filia.

LECTIO 9.

Oportebat agnam immaculatam tali excipi convivio, talibus cibis exaltari. Oportebat non in Sanctis Sanctorum tabernaculi, sed in cœlo cœli in primâ ætate advocari eam: quæ his conspecta erat latior, et puritate antecellit. Oportebat non unum solum ei inservire angelum, sed decies mille millia constipare. Etenim quem illi minimè possunt videre, ipsa mirandum in modum in utero constituit. Tu. Te Matrem.

CANON.

Ex Sixto Papâ Quinto.

Cons. 10. Intemeratæ. an. 1858.

Tom. IV. p. 4. p. 142.

429. Hæc perpetuâ constitutione mandamus, ut Præsentationis Beatæ MARIE semper Virginis festus dies undecimo Kalendas Decembris per omnes totius orbis Ecclesias duplici Officio prout in Nativitatis die, sumpto Præsentationis vocabulo peragatur, idemque in Kalendario Romano cum Duplicis adiectione inseratur. Tu.

Vesper. ut in 2. Vesp. Præsent.

In his diebus finitur tempus Infantia, et incipit tempus Prægnat. B. V. Ideo Officium fit secundum temporis diversitatem.

DIE XXX. NOVEMB.

B. M. V. DE SANITATE.

Duplex.

Oratio.

Concede nos famulos tuos, quæsumus, Domine Deus, perpetuâ mentis et corporis sanitate gaudere, et gloriosæ Beatæ MARIE semper Virginis intercessione à præsentī liberari tristitiâ et æternâ perfrui lætitiâ. Per Dominum.

AD MATUTIN.

GAUDIUM mundi, ò hominum lætignia

Mater, ò cunctis memoranda, namque

Quid potest gratum sine te, quid dulce

Ulli videri.

Te sanitatis canimus parentem,
Virgo, funestis inimica morbis
Unicum vitæ decus, et malorum

Dulce levamen.

Hûc ades nostrum miserans laborem,

Languidos aurâ refovens salubri
Et simul artus hominum caducos

Alma revisens.

Ilicet morbi fugiunt protervi,
Occidit febris truculenta, dirus

Occidit pallor, fera mors profundo
Exulat orco.

Sit decus summosine fine Christo,
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

Lect. 1. Noct. de fer.

IN II. NOCT.

Sermo S. Amadei Ep. Lausanensis.

Homil. 8. de Laudib. B. V.

LECTIO 4.

Non solum autem animarum saluti, verum etiam humanorum corporum sanitati Beatissima Virgo MARIA, atque necessitati pia diligentia providet, et medetur. In locis quippe memorie sanctitatis ejus dicatis, claudis gressum, cæcis visum, surdis auditum, mutis impetrat eloquium, curans omne genus languorum, præbensque innumera beneficia sanitatum. Tu. R.

LECTIO 5.

Accedunt ad ejus limina rei tundentes pectora, confitentes delicta, et accepta venia læti ad propria revertuntur. Accedunt etiam mente capti, capite languidi, phrænetici, maniacy, arreptitii, nocturno timore, aliove phantasmate, seu certa maligni incursione delusi, qui recepta sospitate, divini muneris largitatem assequuntur. Accedunt nihilominus ad ejus vestigia, qui amaro sunt animo, mæsti, egeni, afflicti, desolati, ære alieni obligati, quodque gravissimum est viventes cum dedecoris nota respersi. Tu. R.

LECTIO 6.

Horum, et omnium de quacumque tribulatione clamantium illi, libens preces suscipit, et Nato supplicans, omne malum ab eis miseratrix avertit. Etenim sicut ignis contactu cera liquescit, et velut ardore solis defluit glacies, sic ab ejus facie inimicorum desperit acies, eâ-

que jubente, nihil adversi subsistit. Tu. R.

Homil. pro Duplicib. de Comm. vel Infant. vel Præg.

LECTIO 9.

Commem. B. Virginis Imperlatæ. *Octav. Cajetan. de Effig. siculis.* Matthæus Willelmus vicecancellarius regis in Sicilia virginum monasterium sub nomine beatæ Mariæ condidit. Hic olim dono dedit Beatæ Virginis effigiem græco more puerum tenentis, in tabulâ depictam, gemmis et unionibus decoratam, undè nomen Iconi siculo vocabulo impositum Imperlata. Porro Ferdinando rege, versus annum millesimum quingentesimum duodecimum, mulier cupiditate impulsâ unionem rapuit ex grandioribus ex coronâ, pressoque pugno jam securâ furti excesserat: sed postea palmam neuticam potuit explicare, cœlesti vi compressis digitis. Undè animadverso scelere, mulier gemebunda ad templum revertitur, coram omnibus noxam fatetur, veniaque à Virgine impetratâ manum aperuit, et furtum restituit. Tu. Te Matrem.

Vesperæ de sequenti.

FESTA DECEMBRIS.

DIE I. DECEMB.

ANNUNTIAT. CONCEPT. B. M. V.

Dupl. majus.

IN I. VESPER.

Antiph. Capitul. et Orat. de Laudib.

HYMNUS 139. *Parn. Marian.*

Ante mundi principium
Deus creator omnium,
Prævidit, ut per Filium
Nobis daret remedium.

Ad Joachim, ut legitur,
Per Angelum promittitur

Proles, quā salus redditur,
Undē dies hæc agitur.

Cujus diei gaudia
Ut salutis primordia
Fidelium Ecclesia
Celebret cum lætitiā.

Hanc igitur solemniter
Colamus et fideliter:
Hanc amemus veraciter
Ut nos conservet jugiter.

Doxologia de tempore.

†. Lauda sterilis, quæ non pa-
ris.

†. Decanta laudem et hinni,
quæ non pariebas.

Ad Magnificat. ant. Semen ve-
strum gentes hæreditabit, et civi-
tates desertas inhabitabit: noli ti-
mere Anna, quia non confunderis,
neque erubescas.

AD MATUTIN.

Invitator. Laudemus Deum no-
strum * In Annuntiatione Concep-
tionis Beatæ Virginis MARIÆ.

HYMNUS. 140. *Apud Theophil.*
Templis ferentem munera *Rain.*
Joachim Sacerdos repulit:
Heus, inquit, hinc mihi ocyus
Profana verba tollite.

Ipsi simul procū, procū
Aris sacris absistite:
Vestra Deo donaria
Futura grata creditis?

Quo se loco verterent
Vultus pudentum conjugum,
Repulsa quos tam sæda, tam
Insignis exanimaverat?

Joachim pudorem non ferens,
Gregum ad suorum pascua
Se projicit, tristis suam
Recepit Anna se domum.

Doxolog. de Tempore.

IN I. NOCT.

ant. 1. Conclusserat Dominus
vulvam Annæ, et erat sterilis.

2. Deprecatusque est Joachim

Dominum pro uxore suā, eo quod
esset sterilis.

3. Exaudivit illum Dominus,
et dedit ei petitionem, quam ro-
gavit cum.

†. Voluntatem timentium se fa-
ciat.

†. Et deprecationem eorum
exaudiet.

De libro primo Regum.

LECTIO 1. c. 1. 1.

Fuit vir unus de Ramathaimso-
phim, de monte Ephraim, et no-
men ejus Elcana, filius Jeroham,
filii Eliu, filii Thohu, filii Suph,
Ephratæus: et habuit duas uxores,
nomen uni Anna, et nomen se-
cundæ Phenenna. Fueruntque Phen-
ennæ filii: Annæ autem non erant
liberi. Et ascendebat vir ille de
civitate suā statutis diebus, ut ado-
raret, et sacrificaret Domino exer-
cituum in Silo. Tu.

†. Apparit Annæ angelus Do-
mini et dixit ad eam: * Sterilis es,
et absque liberis, sed concipies et
paries Filiam. †. Quæ cum ve-
nisset ad maritum suum, dixit ei:
Vir Dei venit ad me, habens vul-
tum angelicum, et dixit mihi.—
Sterilis.

LECTIO 2.

Surrexit autem Anna, postquā
comederat, et hiberat in Silo. Et
Heli sacerdote sedente super sel-
lam ante postes templi Domini,
cum esset Anna amaro animo, ora-
vit ad Dominum flens largitèr, et
votum vovit. Factum est autem,
cum illa multiplicaret preces co-
ram Domino, ut Heli observaret
os ejus. Porro Anna loquabatur in
corde suo, tantūmque labia illius
movebantur, et vox penitus non
audiebatur.... Tunc Heli ait ei:
Vade in pace: et Deus Israel det
tibi petitionem tuam, quam ro-
gasti eum. Tu.

¶. Ecce concipies et paries Filiam: * Et ipsa incipiet liberare Israel de manu Philistinorum. †. Erit enim Deo sacrata ab Infantiâ suâ, et ex matris utero usque ad diem mortis suæ.—Et ipsa.

LECTIO 3.

Et illa dixit: Utinâm inveniat ancilla tua gratiam in oculis tuis. Et abiit mulier in viam suam, et comedit, vultusque illius non sunt ampliùs in diversa mutati. Et surrexerunt manè et adoraverunt coram Domino: reversique sunt, et venerunt in domum suam Ramatha. Cognovit autem Elcana uxorem suam: et recordatus est ejus Dominus. Et factum est post circumulum dierum, concepit Anna, et peperit filium. Tu.

¶. Lætare sterilis Anna, erumpe et clama, * Quia ecce concipies et paries filiam, quæ erit gaudium universæ terræ. †. Confusionis adolescentiæ tuæ oblivisceris, et opprobii sterilitatis tuæ non recordaberis ampliùs.—Quia.—Gloria.—Quia.

IN II. NOCT.

Ant. 1. Erat quidam vir, nomine Joachim habens uxorem sterilem.

2. Et apparuit ei Angelus Domini, dixitque ad eum: Anna uxor tua concipiet, et pariet filiam.

3. Exaudivit Dominus vocem fletûs mei: Dominus orationem meam suscepit.

†. Propè est Dominus invocantibus eum.

¶. Invocantibus eum in veritate.

LECTIO 4.

*Christoph. de Castro, Histor. Dei-
paræ, c. 2.*

Cum Joachim et Anna per multos annos in casto conjugio permansissent, quòd Anna ad filios procreandos apta non esset ob sterilitatem;

nullum tempus præteribant, in quo summis precibus, lacrymis subindè effusis, jejuniis prælerèd, et honestis aliis officiis adjectis à Deo non contenderent, prolem ut acciperent, quam illi possent consecrare: idque præcipuè eis erat votum, quoliès ad templum sine rubore ac dedecore ascendeabant. Tu.

¶. Domine exercituum, si respiciens videris afflictionem famulæ tuæ, et recordatus mei fueris, * Dabo filium, quam dederis servæ tuæ, Domino omnibus diebus vitæ ejus. †. Cum esset Anna amaro animo, oravit ad Dominum, et votum vovit, dicens.—Dabo.

LECTIO 5.

Aliquando ergò ad Encæniorum festum celebrandum, Novembri mense, Jerosolymam profecti, cum se despici ob infecunditatem animæ advertissent, Deum suum obnixè deprecati, suis ut adesset votis, pollicentes, ut sæpè aliàs, consecratos se fructum, quem è cælo datum percipissent: quin imò de re solliciti, coacti sunt Anna ad hortum, Joachim verò ad montem, ubi pastores eorum pascebant gregem, secedere, ut liberiùs possent Dei misericordiam promereri. Tu.

¶. Pariet Anna Filiam, cui benedicturus sum: * Eritque in nationes, et reges populorum orientur ex eâ. †. Et constituam illi in fœdus sempiternum, et semini ejus post eam.—Eritque.

LECTIO 6.

Hæc de causâ cum in preces per dies aliquot perstitissent, clementissimus Deus misit novi, bonique nuntii Angelum suum, qui Joachim nuntiavit Annam uxorem suam concepturam spectatissimam Virginem, ex quâ ducem illum, tot jam sæculis optatum, universo orbi

daturum se fuerat pollicitus: atque id ipsum molu divino manifestatum est Annæ. Sic uterque fidem habentes divino Parainpho, quod præscierunt, cum eâ, quam tantum nuntium requirebat, gratulatione, sibi invicem renuntiaverunt. Tu.

¶ Revertens veniam ad te * Tempore isto, vitâ comite, et habebit Filiam Anna uxor tua. ¶ Erant autem ambo senes, propectæque ætatis.—Tempore.—Gloria.—Tempore.

IN III. NOCT.

Ant. 1. Nescivit thorum in delicto, habebit fructum in respectu animarum sanctarum.

2. Flebat Anna, et præ angustia sterilitatis non capiebat cibum.

3. Noli flere: Deus Israel dabit tibi petitionem tuam.

¶ Expectans expectavi Dominum.

¶ Et intendit mihi.

Lectio S. Evangelii secundum Lucam.

LECTIO 7. c. 1. 5.

Fuit in diebus Herodis, regis Judææ, Sacerdos quidam, nomine Zacharias, de vice Abia. Et reliqua.

Homilia S. Joannis Damasceni.

Orat. 1. in Dorm. Deipar.

Joachim et Anna parentes Virginis fuerunt. Joachim quidem velut quispian ovium pastor cogitationes non minùs quàm pecora pascebat, ad arbitrium illas ducens. Anna verò, cujus nomen gratiam sonat, non minùs morum quàm matrimonii jugo copulata cum illo erat: quæ tamen cum omni virtutum genere floreret, mysticâ quâdam ratione sterilitatis morbo tenebatur. Nimirum sterilis verè gratia erat, quæ in hominum animis fructum edere non posset. Siquidem omnes declina-verunt, simul inutiles facti erant:

non erat intelligens, aut requirens Deum. Tu.

¶ Erant justii ambo ante Deum, * Incedentes in omnibus mandatis, et justificationibus Domini sine querelâ. ¶ Et non erat illis filius, eo quod esset Anna sterilis, et ambo processissent in diebus multis.—Incidentes.

Bened. Cujus Annuntiationem Conceptionis colimus.

LECTIO 8.

Tum bonus Deus manus suæ figmentum respiciens, et miseratus, cum illud tandè salvum facere vellet, gratiæ, hoc est Annæ sterilitatem solvit; quæ Filiam parit, qualis nec ante fuit, nec posthac futura est. Atqui sterilitatis depulsio hoc apertissimè indicabat fore, ut bonorum sterilitas, quâ mundus laborabat, submoveretur, et truncus aridus copiosæ arcanæ beatitudinis fructu donaretur.

¶ Ne timeas, Joachim, quoniam exaudita est deprecatio tua: * Uxor tua Anna pariet tibi Filiam, et vocabis nomen ejus MARIAM. ¶ Et erit gaudium tibi, et exultatio, et multi in nativitate ejus gaudebunt.—Uxor.—Gloria.—Uxor.

LECTIO 9.

Eam ob rem Dei Genitrix ex promissione prodit. Angelus enim nascituræ conceptionem parentibus ejus nuntiat. Quippè conveniebat, ut hac etiâ re nulli cederet, nec posteriores partes, quæ solum verè perfectum Deum secundum carnem erat paritura. Tu.

Te Matrem.

AD LAUDES

et per Horas antiphonæ.

1. Apparuit illi * Angelus Domini, et Joachim turbatus est, et timor irruit super eum.

2. Ne timeas, * Joachim, quoniam accepit Deus deprecationem tuam.

3. In semine tuo * benedicentur omnes tribus terræ.

4. Ex multitudine mœroris et doloris loquebatur Anna plorans coram Domino.

5. Vadè in pace, * et Deus Israel det tibi petitionem tuam, quam rogasti eum.

CAPITULUM. 1. Reg. 2. 1.
Exultavit cor meum in Domino, et exaltatum est cornu meum in Deo meo: dilatatum est super inimicos meos, quia lælata sum in salutari tuo.

HYMNUS 141. Apud Theoph.

Joachim et Anna fletibus, *Rain.*

Votisque pertinacibus,

Orare non cessant Deum

Ut probè probrum tolleret.

Cælum penetrarunt preces,

Adest ab astris Angelus,

Qui prole promissâ graves

Luctus juberet ponere.

Surgunt alacres invicem

Narrare visa gestiunt,

Portâ maritus aureâ

Se quæritantem conjugem

Offendit; hic lætus stupor

Dulces utique lacrymas

Excurrit, hinc modicos lares

Junctis revisunt gressibus.

Haud vana vox oraculi

Lusit piam servûm fidem,

Bis luna nata quinquies

Anum videt puerperam.

Doxologia de Tempore.

†. Benedicamus Deum, qui te creavit.

†. Benedictus uterque Pater, qui te generavit.

Ad Benedict. ant. Joachim et Anna, cum essent ambo justî coram Domino, elegit eos ex omni carne, in Sanctissimæ ejus Genitricis parentes, et benedictionem omnium gentium dedit illis Dominus.

Oratio.

Omnipotens sempiterne Deus,

qui per Sanctum Angelum tuum Conceptionem Beatissimæ Virginis MARIÆ Sanctis Joachim et Annæ revelasti, eorumque plancium in gaudium convertisti, concede propitius, ut qui tanti mysterii memoriam facimus, cœlesti quoquè repleamur lætitiâ. Per Dominum.

AD PRIMAM.

Ant. Apparuit. *Capit.* Exultavit. *de Laud.*

†. †. br. Quæ parentibus tuis annuntiata ab Angelo fuisti.

CANON.

Ex D. Fulberto Ep. Carnotensi.

Serm. de Nativ. B. V.

430. Missus est Angelus Domini prius ad Joachim, deinde ad Annam, nuntians eis nascituram filiam, nomine MARIAM, cui similis sanctitate, nec antea nata fuerit, nec postea nasceretur. Tu.

AD TERTIAM.

CAPITULUM. 1. Reg. 1. 10.
Cum esset Anna amaro animo, oravit ad Dominum flens largitèr et volum vovit.

†. br. Exaudiat te Dominus * In die tribulationis.—Exaudiat.—†. Protegat te romen Dei Jacob.—In.—Gloria.—Exaudiat. †. Mittat tibi auxilium de Sancto. †. Et de Sion tueatur te.

AD SEXTAM.

CAPITULUM. 1. Reg. 1. 10.
Et abit mulier in viam suam, et comedit, vultusque illius non sunt amplius in diversa mulati.

†. br. Mittat tibi * Auxilium de Sancto.—Mittat.

†. Et de Sion tueatur te.—Auxil.—Gloria.—Mittat.

†. Memor sit omnis sacrificii tui.

†. Et holocaustum tuum pingue fiat.

CAPITULUM. 1. Reg. 1. 19.
Et surrexerunt manè, et adoraverunt coram Domino: reversique sunt, et venerunt in domum suam.

¶ *br.* Memor sit * Omnis sacrificii tui.—Memor. †. Et holocaustum tuum pingue fiat. Omnis.—Gloria.—Memor. †. Tribuat tibi secundum cor tuum ¶. Et omne consilium tuum confirmet.

IN II. VESPERIS.

Antiph. et Capit. de Laudib.

HYMNUS 142. Carol. à S. Antonio.
Moses congemmans monte preamina

Legem promeruit sumere amabilem,
 Orans sed Joachim monte, beatior
 Factus munere Filiae

Matris Legiferi: sic viridario
 Conjux Anna manus vexit, ut altera
 Eva; at dissimili quàm nimis exitu
 Palmas extulit utraque.

Versuto colubro femina credula
 Attollens velitam brachia ad arborem,

Pomum corripuit, quosibi mortifer
 Succus fluxit, et omnibus.

Ast Anna ad superum brachia
 dirigens

Numen, lecta parens Virginis inclytæ
 Fructu digna fuit, quo sibi prodiit

Cunctis vitæque gentibus.

Gratas perpetuæ sint tibi, Trinitas,
 Tu nos insidiis dæmonis eripis:

Tu mortem removes: tu bona perpetis

Vitæ munera porrigis.

Amen.

†. Benedicamus Deum, qui te creavit.

¶. Benedictus uterque Pater, qui te generavit.

Ad Magnific. ant. Filia, quæ nascetur vobis, erit Deo sacrata, et Spiritu Sancto replebitur adhuc ex utero matris suæ.

D. VIRG. ALETENSIS.

Simplex.

Ad Matut. Invitat. et hymn. de Communi: antiph. †. et ¶. de ferid occur.

LECTIO 1.

Ex Histor. B. V. M. de Alet.
Ex antiquâ per Tolosatium regionem vulgatâ traditione fertur, versus undecimi sæculi finem pium quemdam agricolam ad Deiparæ honorem Aletense sacellum elevasse non longè à pago Montis-acuti in Tolosanâ Diœcesi. A pluribus annis in mente tantæ pietatis opus habebat, quandò sanctissima Virgo ei inter arandum apparens, injungit, ut eo in loco, optatam capellam extrueret. Ipse verò hoc insigni beneficio in suo confirmatus consilio, sumptibus sollicitè quæsitis et inventis, illam ingenti gaudio ædificavit eodem in situ ab ipsâ Divâ Virgine designato. Tu. ¶. *de ferid occur.*

LECTIO 2.

Post tria autem sæcula in quibus Aletense Sacellum omnium fuerat miserorum refugium, et subsidium, Hæretici sacrilego odio ducti illud usque ad fundamenta destruxere. At jñ decimi septimi sæculi fine Beatissima Virgo pluribus renovatis prodigiis ejus re-ædificationem iterum curavit: in quâ maximè notatu id invenitur, quod magnâ fidelium turba ad Aletensem collem ex circumstantibus locis interno ducta impulsu, quasi ex consilio confluebat, cum nemo nemini suum secretum patefecerit: Hocque factum fuit, quòd marianum sacellum brevissimo in tempore denuò ædificatum apparuerit. Tu. ¶.

LECTIO 3.

Centum tandè et viginti annis delapsis, in quibus omnis generis piorum donissacellum ditatum fuerat, tempore gallicanarum revolutionum omnino fuit spoliatum. Dirui quoquè jussu fuerat, erantque etià destructores assignati, sed Deo ita mirabiliter disponente, nullus ausus est eversionis opus aggredi: adeò quòd antiquum ædificium servatur hodiè omnino illæsum, quotidie populorum majori frequentia veneratum, sibi complacente Deiparâ in eâ domo omni venienti sua dona abundanter impertiri. Tu. 7.

Ad Laud. et horas omnia de Communi.

Ad Benedict. ant. Ora, tibi * restitutam sublatam labe salutem, et sanum mea te gratia semper alet. *Vesperæ de sequenti.*

DIE III. DECEMBR.

B. M. V. REGINÆ MISERIC.

*Dplex.**Oratio.*

Deus, qui Beatam MARIAM semper Virginem, Matrem tuam, Misericordiæ Reginam esse voluisti; concede propitius, ut qui ejus imploramus auxilium, misericordiæ ipsius experiamur effectum. Qui vis et regnas.

Invitor. et pp. ad Matut. ut in die 28. Sept. p. 361.

Lect. 1. Noct. de feriâ. In advent.

IN II. NOCT.

Sermo S. Bernardini Senensis. *Serm. in Nat. B. V. art. un. c. 3.*

LECTIO 4.

Meruit super omnia Beata Virgo, quòd divinæ misericordiæ sit Regina, et Regina misericordiæ nominetur, quod multipliciter probari potest. Primò enim plus ei con-

venit hoc nomen, quàm si dicatur, Imperatrix. Nam Imperatrix est nomen magni timoris, atque rigoris. Regina autem plus est nomen prudentiæ, et æquitatis. Propterea vix in totâ Scripturâ Deus expressè nominatur Imperator sed Rex quia nempe nomen est majestatis. Secundò etià dicitur magis propriè Regina misericordiæ, quàm Domina Dominarum, vel Regina reginarum, vel Dea Dearum. Hæc enim omnia important dignitatem, vel excellentiam respectu majorum, et non minorum. Si enim diceretur Dea Dearum, non videretur esse Regina peccatorum. Similiter propriè non diceretur Regina pacis, et dilectionis, quoniàm non est hoc universale omnibus sui regni. Tu. 7.

LECTIO 5.

Tertiò etià dicitur melius Regina misericordiæ, quàm potentiæ, vel sapientiæ. In sapientiâ enim intelligitur potentia; sed non convertitur. In misericordiâ verò intelligitur in sapientiâ et potentiâ, et non è converso. Undè misericordia claudit illa tria in se: propterea Regina misericordiæ est Regina potentiæ, et sapientiæ, et non è converso. Quartò etià propriè non potest dici Regina gloriæ, seu Regina gratiæ, aut Regina justitiæ. Nam gloria, gratia et justitia per se tantum dicunt collationem boni, et ablationem mali. Per se enim plus comprehendit, et amplius se extendit regnum misericordiæ, quàm gloriæ, et gratiæ vel justitiæ. Sed ab ampliori et majori potentiâ dignitas et dominatio major est: ergò Beata Virgo MARIA à summâ dignitate Regina misericordiæ dici debet. Tu. 7.

LECTIO 6.

Quintò ad idem: gloria enim tantum est in cælo, non in terrâ, non

in inferno, non in purgatorio; sed misericordia in quolibet horum est; ergo maximum est regnum misericordiæ; meritò ergò Regina misericordiæ est dicta. Sextò insuper Regina misericordiæ dici debet. Nam quidquid est superius superiore, superius est inferiore, sed misericordia est super omnia opera Dei, et regnum misericordiæ super misericordiam; ergò Regina misericordiæ determinat potentiam super omnia; sed illa convenit Virgini propriissimè; ergo propriè est Regina misericordiæ. Septimò etià super patrimonium et proprietatem Filii sui est Regina; sed hæc est misericordia; proprium etenim Dei est misereri semper, et parcere; ergò beata Virgo propriè misericordiæ est Regina. Tu. ¶.

Homilia Præterea, ut constat.
—Die 28. Sep. p. 362. *ut in festo Misericordiæ B. V.*

LECTIO 9.

Commem. B. Virginis de Begonna.

Gumpenb. Atl. marian. Imag. 229.
Bilbai in Hispaniâ Diva Virgo sub titulo de Begonna maximè colitur. Dicitur ejus statua inventa in Quercu, in cujus loco nunc summum altare stat templi, quod majores ad pedem collis amænissimi, contra quod vellent, ædificare coacti sunt. Primum enim Architecti in collis vertice illud designarunt, jamque multa erat ibi comportata materia; sed aliter Virgini visum est, nam unâ nocte tantum lapidum ingens ille acervus in subjectam vallem angelicis manibus deportata fuit. Itaque incolæ sententiam, intellectâ Virginis voluntate, mutantes, brevi tempore ibi sacellum erexere. Tu. Te Matrem.

†. ¶. *br. ad Prim.* Quæ Regina Misericordiæ nuncuparis.

CANON.

Ex D. Thomâ Aquinate.

In Præfat. ad Epist. Canonicas.

Apud Lig. c. 1.

431. Quando Filium Dei in utero concepit, et postmodum peperit, dimidiam partem Regni Dei impetravit, ut ipsa sit Regina misericordiæ, ut Christus est Rex justitiæ. Tu.

Cum 2. Vesper.

DIE IV. DECEMB.

S. M. AD PEDEM CRYPTÆ.

Semiduplex.

Lectio. 1. Noct. de ferid.

IN II. NOCT.

LECTIO 4.

Spinelli de festis et templ. Deip.
Sanctæ MARLÆ dictæ ad pedem cryptæ, quæ Neapoli colitur templum hæc fuit ædificandi causa. Vir quidam pius ac religiosus, qui apud Sanctam MARIAM ad Capellam debebat nomine frater Benedictus, cum ad balnea pateolana pergeret die octavo Septembris, nascenti Virgini sacro, sub auroram Imago Dei Genitricis Filium in gremio fovendis eo in loco, ubi nunc est templum, *ei apparuit Tu. ¶.

LECTIO 5.

Maria quoque de Duratio monialis regio genere apud Cœnobium Castri de ovo die Sabbati sub auroram, item per quietem admonita est à Deiparâ, ut id templum extrueretur. Cuidam præterea Eremitæ, qui Petrus dicebatur, cum semper Cryptam eo in loco, qui Sancta MARIA de Itriâ vocatur, degeret, per quietem sese Deipara ostendit, idemque edixit. Quo factum est, ut multorum eleemosinis, undique erogatis excitatum sit ejusmodi templum; cui postea com-

plures à Summis Pontificibus indulgentiæ concessæ fuerunt. Quo circa plurimi die Sabbati præsertim Deiparam veneraturi confluere solent. Tu. ¶.

LECTIO 6.

Ejus templi mentio fit in translatione Sanctorum Martyrum Maximi Levitæ, et Julianæ Virginis è Cumanâ urbe eversâ, undè anno millesimo ducentesimo septimo primum ad hanc Dei Genitricis ædem, sequenti verò die Neapolim sunt illata eorum corpora. Ejusdem quoque templi meminit Petrarcha in Itinerario, testaturque ad illud assidue prætereuntium navigantium fieri concursus, quin etiâ illud in morem positum videmus, ut majora navigia, ubi in ejus templi conspectum venerint, bombardarum disposure Deiparam saluent, ac venerentur. Tu. ¶.

IN III. NOCT.

Lectio Sancti Evangelii secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliqua.

Homilia S. Vincentii Lirinensis.

Commonitor. n. 13.

Hæc in Christo personæ unitas nequaquam post Virginis partum, sed in ipso Virginis utero compacta, atque perfecta est. Vehementè enim præcavere debemus, ut Christum non modò unum, sed etiâ semper unum confiteamur.... Per hæc, inquam, personæ unitatem illud quoque similis mysterii ratione perfectum est, ut carne Verbi ex integrâ carne nascente, ipse Deus Verbum natus ex Virgine catholicissimè credatur, impiissimè dene-

getur. Quæ cum ita sint, absit, ut quisquam Sanctam MARIAM diviniæ gratiæ privilegiis et speciali gloriâ fraudare conetur. Tu. ¶.

LECTIO 8.

Est enim singulari quodam Domini ac Dei nostri, Filii autem sui munere verissimè ac beatissimè Theotocos confitenda; sed non eo modo Theotocos. quo impia quædam hæresis suspicatur, quæ asserit eam Dei Matrem solâ appellatione dicendam, quòd eum scilicet peperit hominem, qui postea factus est Deus, sicut dicimus Presbyteri matrem, aut Episcopi matrem, non jam Presbyterum aut Episcopum, qui postea Presbyter aut Episcopus factus est. (Lect. 9.) Non ita, inquam, Sancta MARIA Theotocos, sed ideò potius quoniam, ut supra dictum est, jam in ejus sacralo utero sacrosanctum illud mysterium perpetratum est, quod propter singularem quamdam, atque unicam personæ unitatem, sicut Verbum in carnis caro, ita homo in Deo Deus est. Tu. ¶.

LECTIO 9.

Commem. B. V. Bononiensis ad Galeram.

Balingh. die 25. Mart.

Sub annum millesimum quadringentesimum septuagesimum octavum Templum Beatæ Virginis ad Galeram Bononiæ initium habuit. Cum enim urbs pestilentia laborasset, quidam malo percussus, Divæ Virginis Imaginem, quæ in cujusdam porticu domunculæ vilis, in vico dicto Galera, extabat, vix quum invocasset, statim sanatus est. Quo per urbem divulgato miraculo, alii seu pestilentia seu aliis morbis afflicti, valetudinem, idem facientes, recuperarunt. Undè cives ære colato Templum suæ Liberatrici condiderunt, in quo continuat usque

modò Virginum potentissima miracula in salutem credentium patrare. Tu. Te Matrem Dei.

Vesperæ de sequenti.

DIE V. DECEMB.

FIDES B. Mariæ V.

Duplex.

Oratio.

Adauge, quæsumus, Domine Deus noster, in cordibus nostris fidei virtutem, quam in excellentissimo gradu Sanctissimæ Genitrici tuæ concedisti, ut quotidie, ipsâ intercedente, in tui nominis dilectione crescamus. Qui vivis.

AD MATUTIN.

Invitat. Laudemus Deum nostrum * In fidē Beatæ Mariæ Virginis.

IN I. NOCT.

De Epistolâ Beati Pauli Apostoli ad Hebræos.

LECTIO 1. c. 11. 1.

Est autem fides sperandarum substantia rerum, argumentum non apparentium. In hac enim testimonium consecuti sunt senes. Fide intelligimus aptata esse sæcula verbo Dei, ut ex invisibilibus visibilia fierent. Fide plurimam hostiam Abel, quàm Cain obtulit Deo. Per quam testimonium consecutus est esse justus, testimonium perhibente muneribus ejus Deo, et per illam defunctus adhuc loquitur. Tu.

¶ Beata quæ credidisti, * Quoniàm perficièntur in te, quæ dicta sunt tibi à Domino.

† O mulier, magna est fides tua!—Quoniàm.

LECTIO 2.

Fide Henoch translatus est, ne videret mortem, et non inveniebatur, quia transtulit illum Deus: ante translationem enim testimonium habuit placuisse Deo. Sine fide autem

impossibile est placere Deo. Credere enim oportet accedentem ad Deum, quia est, et inquirētibz se remuneratō sit. Fide Noe, responso accepto de iis, quæ adhuc non videbantur, metuens aptavit arcam in salutem domus suæ, per quam damnavit mundum: et justitiæ, quæ per fidem est, hæres est institutus. Tu.

¶ Hæc est mulier fidelis. * Per cujus fidem salvatus est Adam vir infidelis, et tota posteritas. † Sanctificatus est vir infidelis per mulierem fidelem.—Per.

LECTIO 3.

Fide qui vocatur Abraham obediit in locum exire, quem accepturus erat in hereditatem: et exiit nesciens quo iret. Fide demoratus est in terrâ promissionis, tanquàm in alienâ, in casulis habitando cum Isaac et Jacob cohæredibus repromissionis ejusdem. Expectabatenim fundamenta habentem civitatem, cujus artifex et conditor Deus. Tu.

¶ Crediderat Eva serpenti, MARIA Gabrieli: * Quod illa credendo deliquit, hæc credendo delevit. ¶ Quod Eva ligavit per incredulitatem, MARIA solvit per fidem.—Quod.—Gloria.—Quod.

IN II NOCT.

Sermo. S. Thomæ Arch. Valentini.
Conc. 1. inn. B. V. M.

LECTIO 4.

De fide Mariæ quidquid dici potest, pro meritò minùs est: utpotè quæ ipsi etiàm angelo fuerit stupore, non enim communia, et usitata sunt, quæ solo dicto MARIA credidit, sed inaudita penitus, etquæ omnem superant facultatem, omnem intellectum excedunt. Deum fieri mortalem, hominem Deum, de feminâ nasciturum, Virginem sine viro concepturum. Qualia

sunt hæc, ut solo verbo credantur? Tu.

¶. Fidem habuit in excellentissimo gradu * Quæ, etiã discipulis dubitantibus, non dubitavit. †. Non exstinguetur in nocte lucerna ejus.—Quæ.

LECTIO 5.

Quid putas cum sine humanis testimoniis, primũ ab angelo dicta sint, futurum in Virgine, nisi cum Deus suo lumine, et gratiã prævenisset? Sicut eidem Angelus dicebat: Dominus tecum. An non cum illa Dominus, quæ ad tot, et tanta mysteria capienda, intelligenda, credendaque solo Angelo dicto prævaluit? O miram fidem! O stupendam credulitatem! Cum tanta sunt, quæ dicuntur, neque exemplum peti, neque miraculum quærit, neque rationem exposcit, neque testimonium postulat, neque rerum imposibilitatem causatur. Tantã facilitate credidit, ut ipse etiã Angelus miraretur. Tu.

¶. Fides MARIE cœlum aperuit, * Cum angelo nuntianti consensit. †. Beatior MARIA, percipiẽdo fidem Christi, quã concipiẽdo carnem Christi.—Cum.

LECTIO 6.

Confer nunc ad hanc Virginis fidem omnem illam Sanctorum Patrum credulitatem, quã in illo fidei catalogo potenti eloquio super astra effert Paulus, et invenies hoc esse ad istam, quod stella ad solem, lens ad montem, gutta ad oceanum. Fidem Abraham præ cæteris Apostolus miratur, et meritò, non enim fuit infœcunda, sed obedientiæ operibus plena: undè per eam, justificatus est, et repromissiones meruit obtinere sicut scriptum est: credidit, ideò reputatum est illi ad justitiam. Sed qualis est ista fides,

si ad Virginis fidem conferatur? Tu.

¶. Stabat juxta crucem MARIA fide elevata, * Quam de Christi divinitate fixa retinuit. †. In eã nunquam fides defecit.—Quam.—Gloria.—Quam.

IN III. NOCT.

Lectio S. Evangelii secundum Matthæum.

LECTIO 7. c. 17. 19.

In illo tempore: Dixit JESUS Discipulis suis: Amen quippè dico vobis, si habueritis fidem sicut granum sinapis, dicetis monti huic: transi hinc illuc, et transibit. Et reliqua.

Hœmilium S. Antonini Arch. Florentini.

De B. V. c. 17. §. 3.

Granum sinapis est tenax, parvum et calidum, et significat fidem Beatæ MARIE, quæ fides fuit ita constans, certa et humilis, et sine aliquã hæsitatione, quod cum ait: ecce ancilla Domini: optans, et postulans ut mons, qui est in vertice montium, tolleretur de cœlo, et mitteretur in mare hujus mundi per Incarnationem ex eã, prout sibi angelus nuntiaverat, subito mons ille sublimissimus obedivit intrans Virginis uterum. Tu.

¶. Ne timeas, MARIA, * Omnia possibilia sunt credenti. ¶. Quomodo fiet istud, quoniam virum non cognosco.—Omnia.

Bened. Cujus fidem.

LECTIO 8.

Certè nullius sancti, vel sanctæ fuit unquam fides ita constans et fervens, quod istud petere auderet vel impetraret. Non Abraham, qui tamen datur aliis in exemplum fidei. Qui, ut ait Apostolus, credidit in spem contra spem. Credidit quidem in spem repromissionis sibi factæ ab angelo de filii na-

scituro, contra spem, quæ naturaliter habebat, scilicet, quod non esset ei amodò nasciturus, cum esset antiquus dierum, et uxor sterilis. Tu.

¶ In fide sanctam fecit illam Dominus, * Et elegit eam ex omni carne, ut Mater fieret Redemptoris hominum. †. Credidit Angelo, quod ex se nasceretur Altissimi Filius. —Et.—Gloria.—Et.

LECTIO 9.

Sed major fuit fides Beatæ MARLE, quæ credidit Angelo, quod ex se Virgine nasceretur, non homo tantum, sed Filius Dei Altissimi. Magis enim est contra vel potius supra naturam Virginem concipere permanens Virgo, et verum Deum, et hominem, quàm concipere vetulam ex vetustissimo, et purum hominem Isaac. Ipsa quoque de plurimis mysteriis fidei perducit primos prædicatores fidei, scilicet Apostolos. Tu. Te Matrem.

CANON.

Ex D. Thomæ Arch. Valentino.
Conc. 1. in Dom. Smæ. Trinit.

432. De Virgine purissimâ scriptum est: non extinguetur in nocte lucerna ejus. In illâ quippè tempestate passionis Filii ejus benedicti omnes lucernæ apostolorum vento illo persecutionis valde obtenebratæ sunt. Fides Virginis sola inter illos permansit ardens et lucens. Tu.

Cum 2. Vesper.

DIE VII. DECEMB.

VIGILIA IMMAC. CONCEPTION.

Simplex.

Omnia ut in feriali officio.

Lectio S. Evang. secundum Lucam.

LECTIO 1. c. 11. 27.

In illo tempore: Loquente JESU ad turbas, extollens vocem quæ-

dam mulier de turbâ, dixit illi: Beatus venter, qui te portavit. Et reliqua.

Homilia S. Procli Archiep. Constantin.

Oratio 6.

Quibus ergo encomiorum coloribus virginalem depingam imaginem? Quibus laudum præconiis incontaminatum exornabo castimoniam characterem? Est hæc penetrabile innocentiam sacrarium: aureum altare holocaustorum: divinum compositionis thimiam: sacrum unctionis oleum: pretiosum vardi pistici alabastrum. Hæc sacerdotale ephod, divinam signans voluntatem: hæc aureum candelabrum septem ellipticiorum lucernas portans. Hæc arca intrinsecus, et extrinsecus decorata, corpore scilicet, et spiritu sanctificata; in quâ erat thuribulum aureum, et urna aurea habens manna. Tu. ¶.

LECTIO 2.

Hæc primogenita jugi expers, ac rufa vitula, cujus cinis, Domini scilicet corpus ex eâ assumptum inquinatos ab impurâ peccatorum lue emmundat. Hæc porta ad orientem respiciens, propter Domini per eam ingressum egressumque in perpetuum clausa. Hæc novus novi testamenti tomus, per quâ festinè spoliatum est imperium dæmonum, citòque humana dirempta captivitas. Hæc trina humani generis mensura Græcorum scilicet et Romanorum ac Judæorum, in quâ ineffabilis Dei sapientia fermentum bonitatis suæ abscondit. Hæc paternæ benedictionis ager, in quâ Dominicæ dispensationis thesaurus repositus fuit. Tu. ¶.

LECTIO 3.

Hæc navis regia, quæ de Tharsis divitias portat: quæ, inquam, cælesti regi Jerusalem ex Gentilium regione Gentium conversionem affe-

rat. Hæc pulchra Canticorum sponsa, quæ veterem exuit tunicam, lavitque legales pedes, ac sponsum immortalem in suo ipsius thalamo reverenter suscepit. Hæc tabernaculum testimonii, ex quo verus JESUS, cum Deus esset, post statum embryonis novem mensium tempus egressus est. Hæc fiscella intrinsecus ac extrinsecus bitumine illita, nimirum prudentiâ et pietate exornata, in quâ spiritualis Moyses è mystico salvatur Pharaone: cujus filia gentilis, nempe Ecclesia, in Virgineis ulnis (matri ipsi lactanti) æternæ vitæ mercedem datura promittit. Tu. ¶.

Ad laudes preces.

Oratio.

Quæsumus, omnipotens Deus, ut sanctissima Unigeniti tui Mater, cujus prævenimus solemnitatem, tuam pro nobis imploret clementiam, ut à nostris reatibus absoluti, à cunctis etiâ periculis eruamur. Per eundem Domin.

CANON.

Ex Pio Papâ Nono.

Const. Ineffabilis. Die 8. Dec. 1857.

433. *Immaculatae Conceptionis* doctrinam ab antiquissimis temporibus vigentem, ac fidelium animis penitus insitam, et sacrorum Antistitum curis studiisque per catholicum orbem mirificè propagatam ipsa Ecclesia luculentissime significavit, cum ejusdem Virginis Conceptionem publico fidelium cultui ac venerationi proponere non dubitavit. Tu.

DIE VIII. DECEMB.

SOLEMNITAS

CONCEPTIONIS IMMAC. B. M. V.

Dupl. 1. Class. cum Octavâ.

IN I. VESPER.

Ant. 1. Sicut lilium inter spinas,

sic amica mea inter filias Adæ.
Psalmi de 1. Vesp. Solemnit.

2. Tota pulchra es MARIA, et macula non est in te.

3. Tu gloria Jerusalem, tu lætitia Israel, tu honorificentia populi nostri.

4. Quàm pulchra es, et quàm decora carissima in deliciis.

5. Collum tuum, sicut turris eburnea, et oculi tui divini, et comæ capitis tui, sicut purpura regis.

CAPITULUM. *Genes. 3. 25.*

Inimicitias ponam inter te et mulierem, et semen tuum et semen illius: ipsa conteret caput tuum, et tu insidiaberis calcaneo ejus.

¶. Ego ante te ibo, et gloriosos terræ humiliabo: et dabo tibi thesauros absconditos, et arcana secretorum, * Dominus Redemptor tuus, et formator tuus ex utero. ¶. Omnes gentes plaudite manibus, jubilate Deo in voce exultationis.—Dominus.—Gloria.—Ego.

Hoc ¶. in dieb. infra Octav. non dicitur.

HYMNUS 143.

Quantis, MARIA, te Deus
Donis ab ortu prævenit!
Matri futuræ Numinis
Quid gratulari non juvat?

Vix matris inclusam sinu
Replet sacer te Spiritus:
Jam tota pulchra, nec decus
Avita labes inficit.

Nostrum genus qui perdidit
Serpentis atteret caput:
Fædi tyranni legibus
Te non decebat subjici.

Hinc, Virgo, certalim tuo
Plaudunt triumpho cœlites:
Cladique raptum patriæ
Stupent frementes inferi.

Et nos tibi quos sanguinis
Sacrata jungunt vincula
Juvat sororis dulcibus

Ornare palmas canticis.

Deo Patri sit gloria,
Qui à labe servat Virginem
Cum Filio et almo Spiritu
In sempiterna sæcula. Amen.

Hæc Doxol. dicitur per octav.

†. Liberasti me, Domine, de ore
leonis.

℞. Et à cornibus unicornium hu-
militatem meam.

Ad Magnific. ant. Noli metuere,
non morieris, non enim pro te, sed
pro omnibus hæc lex constituta est,
Alleluia.

Complet. de Dominica.

AD MATUTIN.

Invitor. Tota pulchra es, MA-
RIA, * Et macula originalis non est
in te.

HYMNUS 144.

Debitam morti sobolem crearat
Eva peccatrix: nova destinatur,
Quæ sacro partu scelus atque
mortem

Destruat Evæ.

Viola serpentis fuit illa fraude,
Intimis virus recipit medullis:
Vulnus hæc sanat, tumidique colla
Conterit anguis.

Sic lucro cedunt, Domino volente,
Damna dum grata vice per MARIAM
Delet antiquam novâ vitâ mortem,
Gratiâ culpam.

Diceris Mater quoquæ nostra
Virgo,
Te proba nostram, pia Virgo, Ma-
trem:

Efficax blandis precibus severum
Flectere Numen.

Laus sit æternæ sacræ Trinitati
Quæ laborantem miserata mundum,
Proximum Christi, præeunte Matre,
Nuntiat ortum. Amen.

IN I. NOCT.

Ant. 1. Deus in medio ejus * non
commovebitur: adjuvabit eam ma-
nè diluculò. *Psal.* 27. Ad te Do-
mina. *p.* 21.

2. Viderunt eam * filiæ Sion,
et immaculatam prædicaverunt.
Psal. 51. Quid gloriaris. *p.* 31.

3. Fortitudo * et decor indu-
mentum ejus: biszus et purpura
vestis illius. *Psal.* 52. Dixit insi-
piens. *p.* 32.

†. Ipsa conteret caput tuum.

℞. Et tu insidiaberis calcaneo
illius.

De libro Genesi.

LECTIO 1. c. 3. 9.

Vocavit Dominus Deus Adam, et
dixit ei: ubi es? Qui ait: vocem
tuam audiavi in paradiso, et timui,
eo quod nudus essem, et abscondi
me. Cui dixit; Quis enim indica-
vit tibi, quod nudus esses, nisi quod
ex ligno, de quo præceperam tibi,
ne comederes, comedisti? Dixitque
Adam: mulier, quam dedisti mihi
sociam, dedit mihi de ligno, et co-
medi. Et dixit Dominus Deus ad
mulierem: quare hoc fecisti? Quæ
respondit: serpens decepit me, et
comedi. Tu.

℞. Laudate Dominum Deum no-
strum, qui non deseruit sperantes
in se, * Quia interfecit in manu meâ
hostem populi sui hæc nocte.

†. Incipite Domino in tympanis,
cantate Domino in cymbalis, mo-
dullamini illi psalmum novum,
exaltate et invoke nomen ejus.—
Quia.

LECTIO 2.

Et ait Dominus ad serpentem: quia
fecisti hæc, maledictus es inter om-
nia animantia et bestias terræ: su-
per pectus tuum gradieris, et ter-
ram comedes cunctis diebus vitæ
tuæ: Inimicitias ponam inter te et
mulierem, et semen tuum et semen
illius: ipsa conteret caput tuum, et
tu insidiaberis calcaneo ejus. Mu-
lieri quoquæ dixit: multiplicabo
ærumnas tuas, et conceptus tuos:
in dolore paries Filios, et sub viri

potestate eris, et ipse dominabitur tui. Tu.

¶ Una mulier Hebræa fecit confusionem in domo regis Nabucodonosor: * Ecce enim Holophernes jacet in terrâ, et caput ejus non est in illo. † Benedictus Dominus, qui te direxit in vulnere capitis principis inimicorum nostrorum.—Ecce.

LECTIO 3.

Adæ verò dixit: quia audisti vocem uxoris tuæ, et comedisti de ligno, ex quo præceperam tibi, ne comederes, maledicta terra in opere tuo: in laboribus comedes ex eâ cunctis diebus vitæ tuæ. Spinæ et tribulæ germinabit tibi, et comes herbam terræ. In sudore vultus tui vesceris pane, donec revertaris in terram de quâ sumptus es, quia pulvis es et in pulverem reverteris. Et vocavit Adam nomen uxoris suæ, Eva, quod mater esset cunctorum viventium. Tu.

¶ Vivit Dominus, quoniam custodivit me Angelus ejus, et non permisit me ancillam suam coinquinari, * Sed sine pollutione peccati revocavit me vobis gaudentem in victoriâ suâ, in evassione meâ, et in liberatione vestrâ. † Confitemini illi omnes, quoniam bonus, quoniam in sæculum misericordia ejus.—Sed sine.—Gloria.—Vivit Dominus, *In diebus infra oct.* Sed.

IN II. NOCT.

Ant. 1. Arcam de lignis Sethim* compingite, et deaurabitis eam auro mundissimo intus et foris.

Psalm. 81. Deus in Synagoga. p. 38.

2. Sume vas unum * et mitte ibi man, et repone coram Domino in generationes futuras.

Psalm. 84. Benedixisti. p. 39.

3. Non decuit * Regem gloriæ jacere nisi in vase purissimo, et electissimo.

Psalm. 103. Bened. anima. p. 43.

† Eruiisti à frameâ Deus animam meam.

¶ Et de manu canis unicam meam.

Sermo. S. Joannis Damasceni.

Se. m. 1. Nativ. B. M. V.

LECTIO 4.

Quid autem est, cur Virgo Mater ex sterili orta sit? Quoniam scilicet oportebat, ut ad id, quod sub sole ortum erat, ac miraculorum omnium caput via per miracula sterneretur, ac paulatim ab humilioribus ad sublimiora progressus fieret. Quamquàm alia quoque altior et diviniore ratio à me afferri potest. Etenim natura gratiæ cedit, ac tremula stat, progredi non sustinens. Tu.

¶ Omnes in Adam peccaverunt, ruptique sunt fontes abyssi magnæ, et factum est diluvium peccati super omnem terram, * Arca verò Deifera elevata in sublime ferebatur super aquas. † Et operti sunt omnes montes excelsi sub universo cælo.—Arca verò.

LECTIO 5.

Quoniam itaque futurum erat, ut Dei Genitrix ac Virgo ex Annâ oriretur, natura gratiæ factum antevertere minimè est ausa: verum tantispèr expectavit, donec gratia fructum suum produxisset. Siquidem oportebat eam primogenitam in luce edi, quæ rerum omnium conditarum primogenitum, in quo omnia coagmentata sunt, paritura erat. Tu.

¶ Dixit Elias ad puerum suum: ascende et prospice contra mare: * Ecce nubecula parva, quasi vestigium hominis ascendebat de mari. † Nubes illa nunquàm fuit in tenebris, sed sempèr in luce.—Ecce nub.

LECTIO 6.

O par beatum Joachim et Anna! vobis omnis creatura obstricta est. Per vos enim donum omnium donorum præstantissimum Creatori obtulit, nempe castam Matrem, quæ sola Creatore digna erat. O beatos Joachimi lumbos, ex quibus prorsus immaculatum semen fluxit! O præclaram Annæ vulvam, in quâ facitis incrementis ex eâ auctus atque formatus fuit fœtus sanctissimus! Tu.

¶ Quid habes Esther? Ego sum frater tuus, noli metuere, non morieris: * Non enim pro te sed pro omnibus hæc lex constituta est. † Non extinguetur in nocte lucerna tua, et non timebis à frigoribus nivis.—Non enim.—Quid *In dieb. infr. oct.* Non.

IN III. NOCT.

Ant. 1. Adolescentularum * non est numerus: una est columba mea, perfecta mea, immaculata mea.

Psal. 119. Ad Domīnam. p. 46.

2. Hortus conclusus, * Soror mea sponsa, hortus conclusus, fons signatus. *Ps.* 127. Beati omnes p. 48.

3. Ab exordio * suæ conceptionis aspersione Spiritūs Sancti tota Deitatis gratiā fuit superfusa.

Ps. 131. Memento Dom. p. 48.

†. Multæ filiæ congregaverunt divitias.

¶. Tu supergressa es universas.

Lectio Sancti Evangelii secundum Matthæum.

LECTIO 7. c. 1. 1.

Liber generationis JESU—Cristi, filii David, filii Abraham. Et reliq. Homilia S. Thomæ Arch. Valentini

Conc. 3. in Nativ. B. M. V. Ut tibi Matrem Dei describamus,

ut possumus: Imaginare Virginem quamdam, pulcherrimam gratiosissimam, ingeniosam, nobilem, optimæ habitudinis quantum ad corpus: magni intellectus et intelligentiæ memoriæ, optimè compositam, et proportionatam, quoad dona naturalia, optimè dotatam, quam voluit, ut esset nobilissima, Deus. Hæc est MARIA, adeo illustris ut nulla femina mundi fuerit, tam nobilis, tam longæ serie avorum ex regibus, et principibus, ducibus, et patriarchis nata. Tu.

¶. Filius meus parvulus est, et delicatus: * Domus quam ædificare volo, talis esse debet, ut in cunctis nationibus nominetur. ¶. Domum tuam, Domine, decet sanctitudo in longitudinem dierum.—Domus.

Benedict. Cujus immaculatam Conceptionem.

LECTIO 8.

Recole principia omnium historiarum, et vide, si in aliquâ historiâ tam superbum principium legisti. Liber generationis JESU—Christi. Quæ Genealogia Alexandri, vel Cæsaris reperitur tam illustris per tot sæcula? Non quod Deus multum curet de hac nobilitate: non enim ipse clarus est ex Genealogiâ, sed ipsa clara ex ipso. Ego ipse sum radix et genus David. Non mihi gloria, quia habui talem patrem, sed illi gloria, quia habuit talem Filium. Tu.

¶. Ecce ego sternam per ordinem lapides tuos, * Et fundabo te in saphiris, et ponam jaspidem propugnacula tua, et in justitiâ fundaberis. †. Recede prucul à calumniâ, quia non timebis, et à pavore, quia non appropinquabit tibi.—Et.

LECTIO 9.

Talis fuit Virgo in naturalibus.

Decuit et matrem esse purissimam, sine labe, sine peccato. Undè non solum, quandò puella, sed quandò parvula, sanctissima, et in conceptione sanctissima. Non enim decebat sanctuarium Dei, domum sapientiæ, reliquiarium Spiritus urnam mannæ cœlestis aliquam in se labem habere. Propter quòd antequàm anima illa infunderetur, plenè fuit caro illa mundata ab omni fæce et labe, et anima cum infusa est, nullam habuit ex carne, neque contraxit labem peccati, sicut scriptum est: Factus est in pace locus ejus: id est, domus sapientiæ sine omni fomite peccati formata. Tu.

¶. Ego ante te ibo, et gloriosos terræ humiliabo, et dabo tibi thesauros absconditos, et arcana secretorum: * Dominus redemptor tuus, et formator tuus ex utero. ¶. Omnes gentes plaudite manibus, jubilate Deo in voce exultationis. —Dominus.—Gloria.—Ego ante.

In dieb. infr. oct. Dominus. Hoc
¶. *deinceps dicitur loco 8.*
Te Matrem.

AD LAUDES

et per Horas antiphonæ.

1. Fluminis impetus * lætificat civitatem Dei, sanctificavit tabernaculum suum Altissimus.

Psalmi de Domn.

2. Gloriosa * dicta sunt de te, Virgo MARIA, quæ sine labe concepta fuisti.

3. Quæ est ista, * quæ sine maculâ progreditur, quasi aurora, quæ mane absque nubibus rutilat.

4. Benedicamus Deum, * qui te creavit, benedictus uterque Pater, qui te sine labe generavit.

5. Tota pulchra es, * amica mea, et macula originalis non est in te.

CAPITULUM. *Gen. 3. 25.*
Inimicitias ponam inter te et mu-

lierem, inter semen tuum, et semer illius: ipsa conteret caput tuum, et tu insidiaberis calcaneo ejus.

HYMNUS 145.

Per singularem gratiam
In te, MARIA quam parens
Primus refudit posteris,
Transfusa non fuit lues.

Salve, Puella nobilis,
Cunctis amanda gentibus,
Summus Pater carissimo
Quam præparavit Filio.

Tu Virga Jesse florida,
Tu regis aula splendida,
Augusta sancti civitas,
Domus Dei purissima.

Tu pulchër arcus ætheris,
Perennis arca fœderis,
Tu cinnamo suavior,
Favoque mellis dulcior.

Deo Patri sit gloria,
Qui à labe servat Virginem,
Cum Filio et almo Spiritu
In sempiterna sæcula. Amen.

¶. Cadent in retiaculo ejus peccatores.

¶. Singularitèr sum ego, donec transeam.

Ad Benedict. ant. Sublimior angelis * facta est, superior ipsis Cherubim et Seraphim, tanquàm ancilla digna, et Mater sancta, et Mater immaculata.

Oratio.

Deus, qui per immaculatam Virginis Conceptionem dignum Filio tuo habitaculum præparasti: quæsumus, ut qui ex morte ejusdem Filii prævisâ, eam ab omni labe præservasti, nos quoquè mundos ejus intercessionem ad te pervenire concedas. Per eundem.

AD PRIMAM.

Ant. Fluminis impetus. *Capit.* Inimicitias. *de Laudib.*

¶. ¶. *br.* Quæ sine labe originali concepta fuisti.

CANON.

Ex Pio Papâ Nono.

Const. Ineff. Die 8. Dec. an. 1854.

434. Auctoritate Domini nostri JESU-Christi, Beatorum Apostolorum Petri et Pauli, ac Nostrâ declaramus, pronuntiamus, et definimus, doctrinam, quæ tenet Beatissimam Virginem MARIAM in primo instanti suæ Conceptionis fuisse singulari omnipotentis Dei gratiâ et privilegio, intuitu meritorum Christi JESU Salvatoris humani generis, ab omni originalis culpæ labe præservatam immunem, esse à Deo revelatam, atque idcirco ab omnibus fidelibus firmiter constantèrque credendam. Tu.

AD TERTIAM.

CAPITULUM. *Eccles. 1. 8.*

Unus est altissimus Creator omnipotens, et Rex potens, et metuentus nimis, sedens super thronum illius, et dominans Deus. Ipse creavit illam in Spiritu Sancto.

¶. *br.* Quæretur * Peccatum illius.—Quæretur. ¶. Et non invenietur. — Peccatum. — Gloria. — Quæretur.

¶. Innocens, sancta, et immaculata. ¶. Et à peccatoribus segregata.

AD SEXTAM.

CAPITULUM. *Judit. 13. 24.*

Benedictus Dominus, qui creavit cælum et terram, qui te direxit in vulnere capitis principis inimicorum nostrorum.

¶. *br.* Deus * In medio ejus.—Deus. ¶. Non commovebitur.—In.—Gloria.—Deus.

¶. Fundabo te in saphiris. ¶. Et in justitiâ fundaberis.

AD NONAM.

CAPITULUM. *Ezech. 44. 2.*

Porta hæc clausa erit: non aperietur, et vir non transibit per eam: quoniam Dominus Deus Israel in-

gressus est per eam; eritque clausa principi; princeps sedebit in eâ.

¶. *br.* Dominus * Direxit viam meam.—Dominus.

¶. Ab utero auxiliator meus.—Direxit.—Glor.—Dom.

¶. Dominus Redemptor tuus. ¶. Et formator tuus ex utero.

IN II. VESPER.

Ant. 1. Hæc est virga, * in quâ nec rodus originalis, nec cortex actualis culpæ fuit.

Psalmi ut in 2. Vesp. Solenn.

2. Hæc est vellus * Gedeonis, in quo solo ros gratiæ fuit, dum tota terra sicca per peccatum erat.

3. Hæc est vellus * Gedeonis, quod solum siccum erat, dum omnis terra peccati rore madens erat.

4. Hæc est paradisus * ille ad quem serpens aditum non habuit.

5. Hortus conclusus, * fons signatus, putens aquarum viventium.

CAPITULUM.

Inimicitias ponam inter te. *ut supra*

¶. Ego ante te iho. *ut in 1. Vesp.*

HYMNUS 146. *Salla.*

Mater, ô felix, meritò vocata Anna, dicaris quasi gratiosa, Gratiae dono thalami supremum Pignus adepta!

Semine accepto, male quippè dicto,

Quæque sætantes generant scelestum,

Una tu sacro gravidata gignis

Semine sanctum.

Nempe naturæ maledicto adempto,

Reddita est insons genitura Patri, Tale qui appositus Joachimus aptè Cœlitus audit.

Fecit hoc unum, Trias alma, Nomen,

Qui Pater Natam, Soboles Parentem, Spiritus Sponsam sibi præparabat Immaculatam.

Id quod excelsam Triadem decebat,

Messiae factum meritis futuris
Corde credentes labiis fatemur
Sponte fideli.

Ut parens nostris vitiis uterque
Prole cum sancta veniam precentur,
Cujus augustum celebremus ortum
Pectore puro.

Faxit ò trinus Deus unus, ejus
Qui potens Auctor, sapiens Repertor:
Sanctus at sacrans ulinam perenni
Laude colatur. Amen.

†. Non accedet ad te malum.

‡. Et flagellum non appropinquabit tabernaculo tuo.

Ad Magnific. ant. Una est * columba mea, immaculata mea, perfecta mea, una est electa genitrici suae, alleluia.

Completor. de Dominico.

In diebus infra octav. Officium fit etiam in festis, ut in die Concept. nisi aliter notetur. Psalmi verò, ut in feriali officio.

DIE IX. DECEMBR.

DE II. DIE INFRA OCTAVAM.

Semiduplex.

AD MATUTIN.

HYMNUS 147. Car. à S. Anton.

Anna sat felix super orbe et astris,
Tuque sat felix, Joachime conjux,
Virginum Virgo quibus orta, Adami
Nescia labis.

Plurimi pulchram sobolem dedere,
Plurimi pulchram sobolemque gignent:

Attamen nulli magis hæc decoras
Prole puellas.

Pulchra proh quantum! Pater hanc supernus
Sumpsit in Natam, sibi Flamen album

Sumpsit in Sponsam, Genitori et æquus

In Genitricem.

Cujus excelsum recolens decorem
Sol, sacrum corpus radiatus ambit,
Luna se subdit pedibus, coronam
Sidera crines.

Laus sit æternæ sacræ Trinitati,
Quæ laborantem miserata mundum,
Proximum Christi, præeunte Matre,
Nuntiat ortum. Amen.

Lect. 1. Noct. de ferid. occur.

IN II. NOCT.

Sermo S. Anselmi Episcopi.
Tractat. de concept. Interejus opera.

LECTIO 4.

Beata MARIA, Mater Dei futura, sicut eum, qui super omnia est incomprehensibilis, verum erat hominem ineffabili modo de sua substantia Virgo paritura, ac per hoc in divinitatis illius unitatem transitura, ita non absurdè credi potest primordia Conceptionis ejus tantâ Deitatis sublimitate præsignata, ut humanarum conceptio mentium ea planè penetrare non valeret. Tu. ‡. Omnes in.

LECTIO 5.

Hæc itaque pura simplicitas, simplexque in Deum et in dilectissimam ejus Matrem puritas dilectionis æstimare de conceptione illius Dei Genitricis non veretur, et idcirco ejusdem conceptionis dies festivis laudibus à cunctis fidelibus suo judicio meritò celebratur. De ipsâ quippè multis sæculis ante ortum ejus vel conceptum, Isaiam Spiritu Sancto afflatum dixisse constat: Egredietur virga de radice Jesse, et flos de radice ejus ascendet. Tu. ‡. Dixit Elias.

LECTIO 6.

Hæc igitur Virgo, tanti Filii dignissima Parens, cum in alvo suæ parentis naturali lege conciperetur; quis non concedat, Dei sapientiam à fine usque ad finem pertingentem,

novo quodam et ineffabili gaudio cœlum, terram et omnia, quæ in eis sunt, perfudisse, ac ineffabili jubilatione pro sui reintegratione, quam per illam sibi venturam, divinâ et occultâ inspiratione prævidebant, perlustrasse? Sed cum ipsa conceptio fundamentum, ut diximus, fuerit habitaculi summi boni, si peccati alicujus ex primæ prævaricationis origine maculam traxit, quid dicemus? Tu. *¶*. Quid habes.

IN II. NOCT.

Lectio S. Evangelii secundum Matthæum.

LECTIO 7. c. 1. 1.

Liber generationis JESU-Christi, filii David, filii Abraham. Et reliq.

Homilia S. Petri Damiani Ep.

Homil. in Nativ. B. V. M.

Nonnulli autem, dum plûs sapere, quàm oporteat sapere, gestiunt, quis Pater, vel quæ Mater Beatæ MARIE fuerit, studiis superflue curiositatis inquirunt. Sed aliquis lector nimis inutilitèr quærit, quod Evangelista narrare superfluum duxit. Si enim huic notitiæ utilitatem inesse cognosceretur, nequaquàm nobilis Historicus rem necessariam silentio præteriret. Sciendum verò est hunc esse morem Scriptoribus sacri eloquii, ut sicut student silere quod obest; sic etiàm referre despicunt, quod scire non prodest: Tu. *¶*. Filius meus.

LECTIO 8.

Aliquandò autem in sacrâ scripturâ certi causâ mysterii aliquid præmittitur, ut ipso quasi clamante silentio magnum aliquod sentiatur. Sicut est quod Melchisedech in veteris narratione historiæ sine patre, sine matre, sine genealogiâ per Moysen introducit: ut videlicet Christus, qui est sacerdos secundum ordinem Me'chisedech, per eum sig-

nificatur, de quo propheta dicit: Generationem ejus quis enarrabit? In generatione autem Christi illæ ordinari personæ meritò debuerunt, per quas ad JOSEPH descensio fieret, non ad MARIAM, quæ de unâ cum ipso tribu fuerat, declinaret. Tu. *¶*. Ego ante.

LECTIO 9.

Commemoratio B. Virginis de Sudore.

Gumpenb. alt. mar. Imag. 272. Ravenæ in Italiâ beata Virgo sub titulo de Sudore colitur. Ejus imago in telâ picta est, quam artifex inducto glutino asseri affixit. Lata est ad palmum, alta duos. Quondam hoste Ravenam ferro igneque vestante, mirabili portento sanguinem sudavit, undè et nomen de sudore accepit. Et verò non obscurè hodiè se obijciunt sanguinis notæ, quibus tota penè imago conspersa fuit. Nunc pervenisti operis sacellum erectum sanctæ Imagini magni sumpto invisitur. Tu. Te Matrem.

CANON.

Ex Pio Papâ Nono.

Constit. Ineffab. Die 8. Dec. 1854.

435. 'Romana Ecclesia nihil potiùs habuit, quàm eloquentissimis quibusque modis Immaculatam Virginis Conceptionem, ejusque cultum et doctrinam asserere, tueri, promovere, et vindicare. Quod apertissimè planissimèque testantur et declarant tot insignia sanè acta Romanorum Pontificum Decessorum nostrorum..... Tu.

Vesperæ de sequenti.

DIE X. DECEMB.

TRANSLATIO

ALMÆ DOMUS LAUR.

Duplex. majus.

Officium fit, ut in Comm. Dedicat.

Oratio.

Deus qui Beatæ MARIE Virginis Domum per Incarnati Verbi mysterium misericorditer consecrasti, eamque in sinu Ecclesiæ tuæ mirabiliter collocasti: concede, ut segregati à tabernaculis peccatorum digni efficiamur habitatores Domus sanctæ tuæ. Per eundem Domin.

AD MATUTIN.

Invitat. Salvatorem mundi in Domo Virginis de Spiritu Sancto conceptum * Venite adoremus.

HYMNUS 148. *Conti.*

O major altis montibus
Aulisque Regum pulchrior
Cœlestis in terris Domus!
Metalla non tibi decus,
Non saxa, non gemmæ ferunt,
Fulgore mendax vanitas.

Sed Virgo Numinis Parens
Numenque Proles Virginis,
Gentes ut inter exteras,
Totoque in orbe clareas:
Longis perennitatibus
Insigne te nomen fecit.

Utrique nam sedes eras,
Utrique tu culmen; tuo
Receptus in sinu est Deus,
Cum Matre dum vixit puer,
Demissus et normam piæ
Demissionis præbuit.

Hinc te remotis è plagis
Voliva promens munera
Frequentat humanum genus:
Hinc et potentes vertices
Tibi coronas devovent,
Totasque submittunt opes.

Sit laus Patri cum Filio,
Qui natus olim è Virgine,
Mortalium commercia,
Parvamque non spreuit domum:
Sit jugis et Paraclito
Honor per omne sæculum Amen.

Lect. 1. Noct. de Comm. Dedicat.

IN II. NOCT.

Sermo. S. Bernardi Abbatis.

Sermo 52. de diversis.

LECTIO 4.

Sapientia, quæ Dei erat, et Deus erat, de sinu Patris ad nos veniens, ædificavit sibi domum, ipsam scilicet Matrem suam, Virginem **MARIAM**, in quâ septem columnas excidit. Quid est in eâ septem columnas excidere, nisi ipsam dignum sibi habitaculum fide et operibus præparare? Nimirum ternarius numerus ad fidem propter sanctam Trinitatem, quaternius pertinet ad mores propter quatuor principales virtutes. Tu.

¶. O quotiès Christi sonuit pia vobiscum *Ædes!* * O quotiès lacrymis humida terra fuit. †. Infantis **JESU** testis amica domus.—O quotiès.

LECTIO 5.

His itaque quatuor morum columnis et tribus fidei prædictis extruxit in eâ sibi domum Sapientia cœlestis, quæ adeò mentem ejus replevit, ut de plenitudine mentis fœcundaretur et caro. Ipsius autem Virginis natalis Domus divinis mysteris consecrata, Angelorum ministerio ab infidelium potestate in Dalmatiam prius, deindè in agrum lauretanum Picenæ provinciæ translata fuit, sedente Sancto Cœlestino quinto. Tu.

¶. Hæc est illa domus, quæ tantum præstitit orbi, * Quantum cœlicolis præstitit ipse Deus. †. Circumdant sacris quam marmora sculpta figuris.—Quantum.

LECTIO 6.

Et eandem Domum ipsam esse, in quâ Verbum caro factum est, et habitavit in nobis, tum Pontificiis diplomatibus, et celeberrimâ totius orbis veneratione, tum continuâ miraculorum virtute, et cœ-

lestium beneficiorum gratiâ comprobatur. Quibus permotus Innocentius duodecimus, quò ferventiùs erga Matris amantissimæ cultum Fidelium memoria excitaretur ejusdem Sanctæ Domûs Translationem anniversariâ solemnitate in totâ Piceni provinciâ veneratam, Missâ etiâ et Officio proprio celebrari præcepit. Tu.

℟. Hæc domus (hæc domus est?) quem vasta palatia cœli * Non poterant, potuit continuisse Deum †. Quem totus non capit orbis, et cœli capere. Non poter. — Gloria. — Non.

Homilia Miraris quòd Nazar. de Comm. Prægnat.

℟. O Domus excellens, magnorumque aula beata Cœlicorum * Sibi quam delegit alma Parens. †. In terris cœlum si quis desiderat unquam, offerat hic Matri vota precæque Dei. — Sibi.

Benedict. 8. Cujus immaculatam Conceptionem.

℟. Virginis Domus micat, Christum quæ cepit ab astris, * Quem non immensi capit teres orbita mundi. †. Nuntius è cœlis Angelus ante fuit. — Quem. — Gloria. — Quem.

LECTIO 9.

Commemoratio B. V. Buricensis.

Gumpenberg. Imago. 269.

Miraculosa Imago Beatæ Virginis Buricensis ruditer sculpta inventa fuit in arbore. Rustici Buricenses ante omnia sacellum fecerunt è ligno, conciliaturi sibi Virginem: Vigoque statim claruit miraculis non vulgaribus, quibus misero beavit. Accursus est non solum à Treverensibus, sed etiâ à Metencibus, à Luxemburgensibus, quin Lotharingos fama quoque accivit tanto peregrinorum numero, ut eorum pietas templum requireret, quod

elemosinis fuit structum anno millesimo quadringentesimo quadragesimo nono. Tu. Te Matrem.

AD LAUDES.

HYMNUS 149.

Conti.

Tutela Picenûm, Domus Augusta bis et ampliùs, Sit undequaque parvulis Metata quamvis finibus: Tectoque paupere et situ Antiquitatis decolor.

Hanc ipsa paupertas decet, Exilitas decet sua; Infantis illa enim Dei, Matrisque paupertas fuit, Omni metallo ditior Mundique regnis grandior.

Quin magnus et Nutritius Cum JESU et almâ Virgine Ligna hic dolabat artifex; Interque mortales inops Opes tenebat cœlitum Quas nescit humanus tumor.

Summis ab astris adfuit Delapsus olim aliger, Ennuntians Matrem fore, Quæ Virgo semper manserat: Illamque nesciam viri Dei maritat Spiritus.

Patri perennis claritas Qui librat orbis machinam; Natoque Matris Virginis, Cum Spiritu Paraclito: Tribusque compar Gloria Æterna sit per sæcula. Amen.

CANON.

Ex Sixto Papâ Quinto.

Const. 34. Pro excell. An. 1586.

T. 4. p. 4. pag. 189.

436. Ecclesiam « collegiatam Lauretanam sub invocatione Beatæ Mariæ Virginis Dei Matris fundatam, in cujus medium inest illud sacrum cubiculum divinis mysteriis consecratum, in quodicta Virgo MARIA nata fuit, et ibidem ipsa ab Angelo salutata Salvatorem mundi de-

Spiritu Sancto concepit, ministerio angelorum illuc translatus» in Cathedralē sub eādem invocatione pro uno Episcopo Lauretano nuncupando,.... apostolicā auctoritate tenore præsentium perpetuò erigimus et instituimus. Tu.

Cum 2. Vesper.

DIE XI. DECEMB.

DE IV. DIE INFRA OCTAVAM.

Semiduplex.

AD MATUTIN.

HYMNUS 150. *Brev. Gal.*

Afflicta, quid ploras, Sion?

Depone cultus lugubres,

Antiqua cessat servitus:

Testare plausu gaudia.

Frustrā profundi gurgitis

Tyrannus intentat minas:

Victus recedet et gravi

Prorsus catenā considet.

Primis negata sæculis

Pax alma terris redditur:

MARIA dat lætos dies,

Rerumque mutat ordinem.

Qualem MARIA, te canam?

O Virgo sole pulchrior,

Hebræas quas tellus tulit,

Tu sola vincis filias.

Vix dum parentis in sinu,

Jam plena vivebas Deo:

Castumque pectus cœperat

Ardere sacris ignibus.

Dozol. de Octavā.

Lesson. 1. Noct. de ferid occurr.

IN II. NOCT.

Sermo S. Amphiloohii Iconiensis Ep.

Oratio in S. Deipar.

LECTIO 4.

Quòd si quis censetur nomine Christianus, fertque molestè, et velut vertigine correptus dolet ad Divæ Virginis dignitatem illam, clarissimumque et proprium Deiparæ nomen, vanè is, et ementitæ sanctitatis sibi appellationem, qui dogma-

tis dissentiat, blanditur. Nihil enim ipsi ex titulo, et quādam velut pietatis informatione, commodi, ut qui ejus abneget virtutem, quando Dei regnum non in sermone, sed in virtute magnus ille precopronuntiavit. Fuerit igitur utile ad pios et simplices confirmandos, brevī quādam quæstione cum adulterino et factitio: sic enim mentem prophanos compellare licet, exercitatione conserere. Tu. ¶.

LECTIO 2.

Cedo igitur percontantibus nobis: utrumne vel sensu judaico, ut virum, ita et Adæ conjugem intemeralis Opificis manibus fictam, dicenti legi divinæ assentiris? Et si quidem negaveris: nonne propalām à nobis, et scripturis extraneus existis? Sin autem affirmaveris, quid stultè à veritate dissentis, Deique placitum in Sanctissimā Virgine ad communem salutem providè dispositum delrectas, atque renuis? Qui enim antiquam illam Virginem sine probo condidit, ipse et secundam sine notā et crimine fabricatus est. Quique quod est deforis, pulchrè fecit, etiām quod intus est ad domicilium animæ sanctæ perornavit. Quod itaque suavissimum delectabilissimumque Deo visum est. Tu. ¶.

LECTIO 5.

Duorum igitur alterum necesse est: aut velut qui Evæ à Deo formationem promptè probèque confitearis, etiām quæ de illo sapientissimè dicta est ex Virgine Incarnationem, qua, pii, ratione suscipe, adoraque, si modo illorum vis esse particeps: aut tibi ipse, Judæi et infidelis, velut qui illis adceseas, nomen impone. Non enim habent mores Ecclesiæ, ut vita ancipiti animal generet. Nam Christiani, velut qui Deo morigeri sunt, et suasibiles, obediunt divinitus inspiratas Pro-

phetarum prædictiones, ita ubiquè de laudatissimâ Virgine clamantes: Sanctificavit tabernaculum suum Altissimus. Deus in medio ejus non commovebitur. Et iterum: homo natus est in eâ, et ipse fundavit eam Altissimus. Tu. ð.

IN III. NOCT.

Lectio S. Evangelii secundum Matthæum.

LECTIO 7. c. 1. 1.

Liber generationis JESU-Christi, Filii David, Filii Abraham. Et reliqua.

Homilia S. Joannis Chrysostomi.

Homil. 2. in Matthæum.

Duo sunt, quæ pariunt quæstionem. Unum quæ causa sit, ut in generationum catalogo Virgo sileatur: alterum verò quâ ratione JOSEPH memoretur, cui certè nihil cum Christi generatione est commune. Videtur enim, et unum abundare et alterum deesse. Quid ergò dicemus? Quòd utiquè primum illud necesse fuerit memorari, quemadmodum ex David Virgo descenderit. Undè hoc itaque discemus? Audi ad Gabriel loquentem Dominum: vade ad Virginem desponsatam viro, cui nomen JOSEPH ex domo et familiâ David. Quid vis audire manifestius, cum ex domo et familiâ David illam Virginem esse cognoscas? Tu. ð.

LECTIO 8.

Hoc enim declarato, illud quoquè paritèr ostendit, quod scilicet indè esset, et Virgo; quia utique nequaquam justus iste pateretur uxorem sibi aliundè, quam undè lex præcipiebat eligere. Possumus verò aliam quoquè et altiore quidem proferre rationem, ob quam parentes Virginis prætermitti sunt. Sed quæ ea est? Noluit Evangelista recenti adhuc tempore novi illius

admirandique partus Judæis esse manifestum, quòd Christus natus fuisset ex Virgine. Neque proprius noster hic sermo est, sed à nobis de Patrum, atque insignium virorum traditione susceptus. Tu. ð.

LECTIO 9.

Commem. B. V. à Portu salvo.
Octav. Caj. in append. ad SS. Siculos.

Panormi in Sicilia colitur Deipara sub titulo à Portu salvo, eo quod versus annum millesimum quingentesimum vigesimum quartum triremes siculas ab atrocissimâ tempestate efipuerit suâ ope, atque, ipsâ dirigente, naves omnes incolumes ad Panormitanum portum deduxerit. Dux ob acceptum beneficium Virginem depingendam curavit, eo pacto, quo à se visa fuerat, sub antiquum arcum propè portum: sed auctâ omnium devotione templum Beatæ Virginis à Portu salvo erigitur. Tu. Te Matrem.

CANON.

Ex Pio Papâ Nono.

Const. Ineffabilis. Die 8. Decemb. an. 1854.

437. Omnes norunt quantopere solliciti fuerint Sacrorum Antistites vel in ipsis ecclesiasticis conventibus palàm publicèque profiteri, sanctissimam Dei Genitricem Virginem MARIAM ob prævisa Christi Domini Redemptoris merita nunquam originali subjacuisse peccato, sed præservatam omninò fuisse ab originis labe, et idcirco sublimiori modo redemptam. Tu.

Vesperæ ut in 2. Vesper. Concept.

DIE XII. DECEMB.

SEPTEM PRIVILEGIOR B. M. V.

Duplex.

Omnia, ut in die Concept. nisi trasferatur.

Oratio.

Deus, qui Beatam MARIAM semper Virginem ab omni prorsus labe puram, et virtutibus omnibus ornata esse voluisti; præsta, quæsumus, ut qui septem ejus privilegia recolimus, ab omni nos peccato liberari, et gratiis ac virtutibus abundantè repleri mereamus. Per Dominum.

Lect. 1. Noct. de ferid.

IN II. NOCT.

Ex verbis S. Bonaventuræ Ep. in Speculo B. Virginis. *Cap. 6.*

LECTIO 4.

Possumus notare septem privilegia MARIE. Privilegium, inquam, immensis gratiis esse plenam soli MARIE à Deo concessum. Primum MARIE privilegium est, quòd super omnes homines ab omni peccato sit purissima. Secundum, quòd ipsa super omnes homines fuit gratia plenissima. Undè Hieronymus: cæteris per partes, MARIE verò se tota infudit gratiæ plenitudo. Tu. ¶.

LECTIO 5.

Tertium privilegium est, quòd ipsa sola Mater et Virgo incorruptissima est. Quartum est, quòd ipsa sola Mater Filii ineffabilissima est, ipsa sola illius Filii Mater, cujus solus Deus Pater est. Mirum supra modum, quòd tum maximum privilegium creaturæ concessum est. Quintum est, quòd ipsa super omnem creaturam Deo corporaliter familiarissima fuit. Tu.

LECTIO 6.

Sextum MARIE privilegium est, quòd ipsa super omnem creaturam apud Deum potentissima est. Undè Augustinus: Ipsa meruisti existere Mater ejusdem Redemptoris. Septimum est, quòd ipsa super omnes sanctos in gloria excellentissima est. Hoc quippè privilegium, quasi non

naturæ, sed gratiæ, est Virgini MARIE. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Homilia S. Anselmi Episcopi.

Tract. de Concept. B. V. M. inter ejus oper.

Poterat Deus de massa peccatrice naturam humanam ab omni labe peccati immunem facere, undè in unam personam sui susciperet, ut homo integer esset, et divinitatis suæ nihil imminueret. Prædestinata fuit, et præordinata in hoc opus mirabile, et omnibus operibus Dei præstans, et inenarrabile, MARIA scilicet, illa magni maris nobilissima stella, hoc est, totius sæculi illustratio, et omnium in tempestatibus diversorum casuum titubantium indeficiens levamen et consolatio, nec non ab æternæ mortis interitu paventium, ac sub ejus præsidium confungentium tutum juvamen atque redemptio. Tu. ¶.

LECTIO 8.

Te igitur, Domina, quam in tantum culmen prædestinavit, et extulit divina potentia, quam tot prærogativis dotavit cuncta disponens Dei sapientia, quam sibi Matrem elegit ad mundo subveniendum, ipsa omnium salvandorum ineffabilis misericordia: crediderim ne quæso, te morte peccati, quæ per invidiam diaboli occupavit orbem terrarum in tuo conceptu potuisse occupare? *Lect. 9.* Tu namque ante omnem creaturam præordinata fuisti, ut omnium feminarum carissima Deum ipsum verum hominem ex tuâ carne procreares, ut omnibus post

suum Filium Regina cœlorum effecta, gloriosa regnares, ut perduto mundo recuperationis adytum, et vitæ perennis emolumentum præparares. Tu. ʒ.

LECTIO 9.

Commem. B. V. Caldefurnensis.
Spinelli, tract. defest. et templ.
Deip.

Avarici Bituriquum in Galliâ, nostræ Dominæ Caldefurnensis Templum est positum propter insigne miraculum, quod annum circiter quingentesimum quadagesimum sextum contigit. Cum enim puer Hebræus die Sancto Paschæ unâ cum filiis Christianorum Sacram Eucharistiam suscepisset, eâque de causâ à parente in ardentem furnum conjectus, et obstructo furno clausus fuisset, tandem à Christianis locum reserantibus illæsus repperitus; testatus est se ab eâ quæ in Christianorum templo filiolum brachiis complectitur, servatum: quare eodem in loco templum à Calidofurno denominatum extruitur. Tu. Te Matrem.

Vesper. ut in 2. Vesper. Concept.

DIE XIII. DECEMB.

DE VI. DIE INFRA OCTAV.

Semiduplex.

AD MATUTIN.

HYMNUS 151. *J. M. Caryophil.*
Non dat informen speciem Creator;
Condidit solem radiis potentem,
Condidit lunam radii capacem
Corpore pleno.

Jussit è terrâ virides oriri
Seminum plantas gravido tumore;
Finxit è terrâ genus omne vivens
Semine plenum.

Viribus finxit validis Adamum;
Finxit ut prolem dare posset, Evam:
Quidquid creavit, voluit Creator
Robore plenum.

Ergo si Plastæ MARIAM fatemur
Ante conceptam, sit ut apta Mater;
Quis neget plenam radii? Quis ortum

Dicat inermem?

Laus sit æternæ sacræ Trinitati
Quæ laborantem miserata mundum,

Proximum Christi, præeunte Matre,
Nuntiat ortum. Amen.

Lection. 1. Noct. de Ferid.

IN II. NOCT.

Sermo S. Thomæ Arch. Valentini.
Concion. de Concep. B. V. M.

LECTIO 4.

Adjuvabit eam Deus manè, sed non solum manè Nativitatis, sed et diluculo primo Conceptionis. Et propter hoc Deus in medio ejus corde non commovebitur. Recedit Deus à corde totaliter per mortale peccatum, movetur autem paululum, licet non deserat cor, per veniale peccatum. A medio igitur ejus nec punctum Deus per veniale commovebitur. Propter quid? Quoniâ adjuvabit eam Deus manè diluculo. Tu. ʒ.

LECTIO 5.

Nec putes parum pertinere ad Virginem, quod non fuerit concepta in peccato. Hæc enim gloria non minor est, nec specialior, quàm quod Mater sit secundum carnem. Parum putas Virginis detrimentum, si dicas, eam vel per momentum fuisse captivam peccati, filiam perditionis, dæmonio subjectam, communi maculâ infectam? Quomodo ipsa caput diaboli contrivit, si prius ab eodem contrita est? Absit, absit, ut talem maculam inferamus gloriæ nostræ. Tu. ʒ.

LECTIO 6.

De immunitate à peccato: terra
Sacerdotalis tempore famis non

fuit regi Pharaoni tribularia, de qua ortus est Sacerdos in æternum Christus Dominus secundum ordinem Melchisedech. Factus est ergo in pace locus ejus. Id est, Virgo in pace formata est: neque malleus, ut supra commemoratum est, auditus est in ædificatione excelsi hujus templi. Malleus, inquam, ille, de quo dictum est: confractus est malleus universæ terræ; id est, peccatum inficiens totam naturam humanam, in Virgine habuit exceptionem; id est, confractus et contritus est. Tu. ꝛ.

IN III. NOCT.

Lectio S. Evangelii secundum Matthæum.

LECTIO 7. c. 1.

Liber generationis JESU-Cristi, filii David, filii Abraham. Et reliqua.

Homilia S. Irinæi Ep. et Martyris.

Lib. 3. contra hæres. c. 31.

Nec rex esse potest Christus, si JOSEPH filius fuisset, nec hæres secundum Jeremiam. JOSEPH enim Joachim, et Jechoniæ Filius ostenditur, quemadmodum et Matthæus generationem ejus exponit. Jechonias autem, et qui ab eo omnes abdicati sunt à regno: Jeremiâ dicente: scribe virum hunc abdicatum hominem, quoniam non augebit de semine ejus sedens super thronum David, princeps in Juda. Dicta sunt hæc de Jechoniâ, Spiritu præsciente ea, quæ à malis doctoribus dicuntur, uti dicant, quoniam ex semine ejus, id est, ex JOSEPH non erit natus, sed secundum repromissionem Dei de ventre David suscitatur Rex æternus. Tu. ꝛ.

LECTIO 8.

Et quemadmodum protoplastas ille Adam de rudi terrâ, et de adhuc Virgine habuit substantiam: ita recapitulans in se Adam ipse Ver-

bum existens ex MARIA, quæ adhuc erit Virgo, recte accipiebat generationem Adæ recapitulationis. Quare igitur non iterum sumpserit limum Deus, sed ex MARIA operatus est plantationem fieri? Ut non alia plasmatio fieret, neque alia plasmatio ut salvaretur, sed eadem ipsa recapitularetur, servatâ similitudine. ꝛ.

LECTIO 9.

Commem. B. V. de Buzzano.

Gumpenberg. Imago. 188.

Buzzani in Italiâ, non longè ab urbe Nolæ colitur Imago Deiparæ multis clara miraculis. Inventa fuit in quodam puteo, ubi nunc est templum, ipsâ Virgine se revelante quibusdam Nautibus, atque jubente expressis verbis purgare puteum. Nautis Virginis monitum contemnentibus, quæri cœpta est à piis civibus intra putres aquas non sine accensis facibus. Opus itaque aggressi, nec multum progressi invenerunt sanctam Imaginem, quæ subito suum honorem habuit, et paulò post etiâ templum. Nunc autem templo cœnobium Minimorum est adjunctum. Tu. ꝛ. Te Matrem.

Ad Laudes et per horas.

Oratio. Ex Offic. Eccl. Gerundens.

Deus, qui Beatæ MARIE Virginis Conceptionem Angelo prænuntio Parentibus prædixisti, præsta familiæ tuæ præsentibus ipsis præsidiis ubique muniri, cujus sacræ Conceptionis solemnitate lætatur, et debitâ laude veneratur. Per Dominum.

CANON.

Ex Pio Papâ Nono.

Const. Ineffabilis 8. Dec. 1854.

438. Patres Ecclesiæque Scriptores cœlestibus edocti eloquiis nihil antiquius habuere, quàm in libris ad explicandas scripturas,

vindicanda dogmata, erudiendosque fideles elucubratis summam Virginis sanctitatem, dignitatem, atque ab omni peccati labe integritatem, ejusque præclaram de teterrimo hoste victoriam multis mirisque modis certatim prædicare atque efferre. Tu.

Vesper. Dupl. ut in 2. Vesp. Concept.

DIE XIV. DECEMBR.

S. M. IN ARA-CÆLI.

Duplex.

Omnia ut in die Concept. nisi transferatur.

Oratio.

Præsta, quæsumus, Omnipotens Deus, ut qui sanctissimam Virginem MARIAM in Arâ-cæli, veneramus, ipsâ intercedente, ad cœlestia regna pervenire possimus. Per Dominum.

Lectio 1. Noct. de feriâ.

IN II. NOCT.

LECTIO 4.

Spinelli de festis et templis.

Deiparæ.

Sanctæ MARIE in Arâ-cæli templum, cui Fratrum Minorum de observantiâ cœnobium est adjunctum, in eâ capitolii parte situm est, ubi Octavianus Augustus proveciori jam ætate, accepto à Pithio Apoline responso de puero Hebræo, eodemque Deo, et omnium Domino ipsum in tartara detrutente, Romam ex oriente reversus aram maximam extruxit cum hujusmodi latinâ inscriptione: Ara primogeniti Dei. Tu. ¶.

LECTIO 5.

In hoc templo Imago Deiparæ à Sancto Lucâ depicta in summo altari magnâ pietate colitur. Ibi etiâ lapis visitur insignis pedum vestigiis ab Angelo impressis, qui Romæ, humanâ specie aliquandò ap-

paruit. Cum autem in urbe olim viginti duo essent cœnobîa, seu Abbatîæ, quarum Abbates in præcipuis quibusdam festivitâtibus Summo Pontifici celebranti aderant; hæc Ecclesia Arâ-cæli una erat ex illis Abbatîis, quam postea Leo Decimus Cardinalis titulum instituit. Tu. ¶.

LECTIO. 4.

Sermo S. Procli Arch. Constantin.

Orat. 1. in Laudib. S. V.

Quis vidit, quis audivit inhabitasse Deum in ulero incircumscriptè, ac eum, quem cæli capere non poterant nullis arctatum angustiis, ventrem Virginis comprehendisse! O uterum, in quo communis hominum libertatis libellus compositus est! O venter, in quo adversus mortem fabricata sunt arma! O arvom, in quo naturæ ipse colonus sine semine spicam edidit! O templum, in quo Deus Sacerdos effectus est, non naturam demutans, sed eum per misericordiam induens, qui est secundum ordinem Melchisedech. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Homilia S. Joannis Damasceni.

Oratio 1. in B. V. apud Chrisogon

p. 966.

Salutote, MARIA, dulcissimum Annæ pignus. Quouam modo gravissimum tuum incessum exprimam? Quouam modo. amictum, quouam modo oris tui vetustatem, senilem in juvenili corpore prudentiam? Honestus vestitus molliem omnem, ac luxum fugiens, gressus gravis, et sedatus, atque ab omni malitiâ

remotus, mores severi, atque hilaritate temperati. Tu. ♫.

LECTIO 8.

Ita comparata eras, ut ad te nullus viri accessus pateret. Testis est metus ille, in quem ex inusitato Angeli colloquio incidisti. Parentibus morigera, et dicto obediens, animus humilis in sublimissimis contemplationibus, sermo jucundus ex leni animâ progrediens, deniquè quid aliud, quàm Dei domicilium! Tu. ♫.

LECTIO 9.

Deniquè meritò te prædicant Beatam omnes generationes, ut eximium humani generis decus, ac præstantiam feminei sexûs, cujus reverà maxime ob modestiam hanc, pudoremque Virgineum eximia venustas, ac singulare meritò dicenda esset ornamentum. Tu. Te Matrem.

CANON.

Ex Benedicto Papâ Decimo Tertio. *Const.* 172. Ex quo sedes an. 1727.

Tóm. XII. p. 193.

439. Precibus Procuratoris Generalis Fratrum Minorum Sancti Francisci inclinati, indulgemus, ut in Ecclesiâ Sanctæ MARIE de Arâ-cœli de Urbe unam utriusque sexûs Christi fidelium Archiconfraternitatem sub invocatione et denominatione Conceptionis Beatæ MARIE Virginis Immaculatæ auctoritate nostrâ apostolicâ erigat atque instituat. Tu.

Vesperæ de sequenti, ut in 1. Vesp. Concept.

DIE XV. DECEMB.

OCTAVA IMMAC. CONCEPTION.

Duplex majus.

Oratio.

Deus, qui propter eminentissimam Filii tui dignitatem, Beatam Virginem MARIAM, Matrem ejus ab omni labe peccati præservasti,

quæsumus, ut nos ipsius Conceptum purissimum recolentes ab omni iniquitate mundos tuâ gratiâ efficere digneris. Per eundem.

AD MATUTIN.

HYMNUS 152.

Ut floret hortorum decus
Candore puro lilium:
Color tibi, Flos Virginum,
Sic purus æternus manet.

Ut sol decoro sidere
Splendescit umbræ nescius;
Sic Virgo nullam pectore
Admittis umbram criminis.

Ut luna cœlos recreans
Vincit tenebras lumine;
Sic tota fulges, et tuum
Sic nulla nox lædit decus.

Ut unda vitro purior
Vultum fidelis exhibet;
Sic mentem perfectam Dei
Virgo refers imaginem.

Deo Patri. *de Octavâ.*

IN I. NOCT.

De libro Esther.

LECTIO 1. c. 15. 9.

Ingressa Esther cuncta per ordinem ostia, stetit contra regem, ubi ille residebat super solium regni sui, indulus vestibibus regiis, auroque fulgens, et pretiosis lapidibus, eratque terribilis aspectu. Cumque ele-vasset faciem, et ardentibus oculis furorem pectoris indicasset, regina corruit, et in pallorem colore mutato, lassum super ancillulam reclinabat caput. Tu. ♫.

LECTIO 2.

Convertitque Deus spiritum regis in mansuetudinem, et festinus ac metuens exilivit de solio, et sustentans eam ulnis suis, donec rediret ad se, his verbis blandiebatur. Quid habes Esther? Ego sum frater tuus, noli metuere. Non morieris: non enim pro te, sed pro omnibus hæc lex constituta est: accede igitur, et tange sceptrum. Tu. ♫.

LECTIO 3.

Cumque illa reticeret, tulit auream Virgam, et posuit super collum ejus, et osculatus est eam, et ait: cur mihi non loqueris? Quæ respondit: Vidi te, Domine, quasi Angelum Dei, et conturbatum est cor meum præ timore gloriæ tuæ. Valdè enim mirabilis es, Domine, et facies tua plena est gratiarum. Cumque loqueretur rursus corruit, et penè exanimata est. Rex autem turbabatur, et omnes ministri ejus consolabantur eam. Tu. ꝑ.

IN II. NOCT.

Sermo S. Thomæ Arch. Valentini.
Concion. de Immac. Concept.

LECTIO 4.

Potest etiã ad immaculatam Virginis Conceptionem illa communis figura Esther applicari. Venit Esther, et ingressa est. Rex extendit sceptrum, et tetigit eam, et ait: Quid habes Esther. Ego sum frater tuus, noli metuere. Non morieris, non enim pro te, sed pro omnibus hæc lex constituta est. Non pro te hæc lex constituta est, non morieris, o Virgo, in ingressu. Licet ingressus vitæ reliquis omnibus sit in morte, et mors peccati janitor sit, in vitæ januâ omnes jugulans: non morieris tandè, quia Rex sceptrum extendit. Tu. ꝑ.

LECTIO 5.

Sceptrum regum Crux Christi. Extenditur Crux, id est, virtus Christi à primo peccatore Adam usque ad ultimum futurum. Ecce quàm extensa! Quos in extensione sceptri tetigit virtus crucis, à mortis contagio mundavit; sed Virgo ad ingressum animationis suæ tetigit sceptrum; ergò super omnes præservata est, non, ut reliqui, sublevata post animationem. Tu. ꝑ.

LECTIO 6.

Quod, ut stabiliatur firmius, notan-

dum quod de Præcursore Dominus: Non surrexit major, inquit, inter natos mulierum Joanne Baptistâ. Quærc, non Virgo ex muliere nata est? Ergò Baptista ille major est Virgine MARIA. Solutio: inter natos mulierum, qui in animatione ceciderunt, et contraxerunt, et postmodum mundati et sublevati surrexerunt, non surrexit major Joanne Baptistâ. Sed Virgo sublevata inter omnes ne caderet, cum non eguerit sublevari, auctoritas illa scripturæ sacræ in nullo derogat illius excelentiæ, quasi minor haberetur Præcursore. Tu. ꝑ.

IN III. NOCT.

Lectio S. Evangelii secundum Matthæum.

LECTIO 7. c. 1. 1.

Liber generationis JESU-Christi, filii David, filii Abraham. Et reliq. Homilia S. Hieronymi Presbyteri.

Labr. 1. Comment. in Matth.

In Isaiâ legimus: Generationem ejus, quis enarrabit? Non ergò putemus Evangelistam Prophetæ esse contrarium, ut quod ille impossibile dixit effatu, hic narrare incipiat: quia ibi de Generatione divinitatis, hic de Incarnatione est dictum. A carnalibus autem cæpit, ut per hominem Deum discere incipiamus. Filii David, filii Abraham. Ordo præposterus, sed necessariò commutatus. Si enim primùm possuisset Abraham, et postea David, rursus ei repetendus fuerat Abraham, ut generationis series texeretur. Tu. ꝑ.

LECTIO 8.

Ideo autem cæteris prætermisiss, horum Filium nuncupavit, quia ad hos tantum facta est de Christo re-promissio. Ad Abraham: In semine, inquit, tuo benedicentur omnes gentes, quod est Christus. Ad David: de fructu ventris tui ponam su-

persedem tuam. Judas autem genuit Phares et Zaram de Thamar. Notandum in Genealogiâ Salvatoris nullam sanctarum assumi mulierum, sed eas, quas scriptura reprehendit: ut qui propter peccatores venerat, de peccatoribus nascens, omnium peccata deleret. Tu. *¶*

LECTIO 9.

Commem. B. Virginis de Portillo. *Commentar. Aragonan. 1134.* Cæsaraugustæ in Aragoniâ colitur Diva Virgo sub titulo de Portillo. Cum anno millesimo centesimo trigesimo quarto urbs obsideretur à mauris, machinis partem muri ita aggressi sunt, ut corrueret, præberetque hostibus viam, si nemo obsisteret. Evenit autem socordiâ militum, ut nemo adverteret advenientes, et jamjam ingressuros. Sed ecce vigilans Deipara inter fulgores cœlestes, se conspicuam præbuit eo ipso in muri hialu, quo se densæ hostium turmæ contulerant: qui tantâ majestate territi pedem retulere, non sine mutâ cæde fugamque instituere sine lege, sine tubæ signo. Defuncti periculo evigilarunt: quæque contingerant à captivis intellexere. Indè hoc templum Deiparæ in tanti prodigii monumentum fuit structum. Tu.

Te Matrem.

CANON.

Ex Pio Papâ Nono.

Const. Ineffab. Die 8. Decemb. an. 1854.

440. Si qui secus ac à Nobis definitum est, quod Deus avertat, præsumpserint corde sentire, ii noverint, ac porro sciant, se proprio judicio condemnatos, naufragium circa fidem passos esse, et ab unitate Ecclesiæ defecisse, ac præterea facto ipso suo semel

pœnis à jure sâtatutis subjicere, si quod corde sentiunt, verbo, aut scripto, vel alio quovis externo modo significare ausi fuerint. Tu.

Cum II. Vesper.

DIE XVI. DECEMB.

Officium fit de Ferid.

Canon primæ ut sequitur, quod etiâ dicitur in festo, quod in hunc diem transferri contingat, si proprium non habeat.

Ex Decreto S. Rituum Congregat.

28. Sept. 1658. in Agnens.

Tatu 347.

441 In novem diebus ante Nativitatem Domini, ubi adest antiquissima consuetudo, vel concursus, potest decantari unica Missa votiva solemniss. B. MARIE Virginis quamvis in ipsis occurrat festum Divi Thomæ apostoli, et Dominica tertiâ, vel quartâ adventus, non omissâ tamen conventuali, statutâ horâ decantandâ. Tu.

DIE XVII DECEMB.

PIETATIS B. M. V.

Duplex.

Oratio.

Majestatem tuam, Domine, suppliciter exoramus, ut qui pietatem Sanctissimæ Genitricis tuæ devotè veneramus, pios nostri cordis affectus tibi præsentare possimus. Qui vivis.

Lect. 1. Noct. de Fer.

IN II. NOCT.

Sermo S. Antonini Arch. Florentini.

De B. Virg. c. 18. §. 6.

LECTIO 4.

Pietatis actus sunt tres secundum Albertum. Primus est movere ad opera misericordiæ. Secundus est Scripturæ non contradicere, sive intellectæ, sive non intellectæ. Tertius sancta honorare. Et in omni-

bus his Beata MARIA omnes viatores excellentèr superavit... Pietas quæ movebat Beatam Virginem MARIAM ad opera misericordiæ, et compatiendum proximo erat non solum, quia imago Dei, sed quasi Deus, ex quo Deus factus est homo. Improporcionabiliter est pietas excellentius in ipsâ Virgine, quàm in omnibus aliis. Undè ad eam clamamus in antiphonâ. O clemens! ò pia! ò dulcis Virgo MARIA! Tu. ð.

LECTIO 5.

Secundus actus est non contradicere Scripturæ, sivæ intellectæ, sive non intellectæ, sed humiliter assentiri. Sed nulla magis pia in assentiendo omnibus Scripturis, et divinis Verbis, quàm Beata MARIA: cum enim angelus sibi nuntiasset, quod erat supra omnem rationem, subito acquievit dicens: Ecce ancilla Domini: fiat mihi secundum verbum tuum. Tu. ð.

LECTIO 6.

Tertius actus est honorare sancta: undè et Job ait: Pietas est cultus Dei. Virgo autem, super omnes sancta honoravit omnia, templum, festa, Sacramenta, et cætera. Ipsa deniquè est, per quam omnes sancti, et sanctæ sunt in cælesti gloriâ honorati, et coronati, quia per Filium ejus benedictum omnes glorificantur, et honorantur. Undè in Apocalypsi seniores et animalia quatuor mittunt coronas suas ad pedes sedentis super thronum, quia ad humanitatem Christi per pedes significatam, quam traxit de Beatâ MARIA sciunt se gloriâ et honore coronatos. Tu. ð.

IN III. NOCT.

Lectio S. Evangelii secundum Joannem.

LECTIO 7. c. 2. 1.

In illo tempore: Nuptiæ factæ sunt

in Cana Galilææ: et erat Mater JESU ibi. Et reliqua.

Homilia S. Bernardi Abbatis.

Dom. 1. post. Epiph. Serm. 1.

Deficiente vino, dixit Mater JESU ad eum: Vinum non habent: Compassa est enim eorum verecundiæ, sicut misericors, sicut benignissima. Quid de fonte pietatis procederet, nisi pietas? Quid, inquam, mirum, si pietatem exhibent viscera pietatis? Nonne qui pomum in manu suâ tetuerit dimidiâ die, reliquâ diei parte servabit odorem? Tu. ð.

Benedictiò. Cujus Pietatem colimus.

LECTIO 8.

Quantum igitur viscera illa virtus pietatis affecit, in quibus novem mensibus requievit? Eam et antè mentem replevit, quàm ventrem: et cum processit ex utero, ab animo non recessit. Durior fortassè, et austerior videri posset responsio Domini, sed noverat illa, cui loqueretur, et quis loqueretur, illa non ignorabat. Lect. 9. Deniquè, ut scias, quomodò responsum ipsum acceperit, aut quantum de Filii benignitate presumpserit, ait ministris: quæcumque præceperit vobis, servate, et facite. Erant autem ibi lapideæ hydriæ sex positæ. Tu. ð.

LECTIO 9.

Commemoratio B. V. de Salinis.

Camòs. l. 3. c. 11.

Unâ ab opido Massaneto de Cabrenys in Diœcesi Gerundensi è monte, à quo nomen usurpat, sacellum Deiparæ de Salinis exurgit. Imaginis in Specu inventæ, ut traditur, quæ Sacellum ædificandi occasionem dedit, et quæ anno millesimo quingentesimo nonagesimo in terram ex altari ab hæretico dejecta, omninò fracta fuit, et in

quantum licuit reparata et in eo reposita, loco, alia ex alabastro jam ab anno millesimo sexcentesimo quadragesimo dignos honores accipit; quæ cum pluribus signis fulgeat, magno fidelium accursu frequentatur. Tu. Te Matrem.

CANON.

Ex D. Antonino Arch. Florentino.

Titul. 15. c. 18. §. 5.

442. Improporcionabiliter est pietas excellentius in ipsa Virgine, quam in omnibus aliis. Unde ad eam clamamus in antiphonâ: O clemens! ò pia! ò dulcis Virgo MARIA! Tu.

Vesperæ de sequenti.

DIE XVIII. DECEMB.

EXPECTATIO PARTUS B. M. V.

Duplex majus.

Hodiè in 1. Vesper. inchoantur Antiphonæ majores quæ dicuntur in Vesp. ad Magnific. et singulæ ante et post Magnific. duplicantur, etiam si non fiat de officio duplici.

Die 17. Dec. ad Magnif. ant. O Sapientia, quæ in Virgineo et immaculato Corde Beatæ MARIE Domum tibi ædificasti, et in eâ septem virtutum columnas excidisti; veni ad docendum nos viam prudentiæ.

Oratio de Laudibus.

AD MATUTIN.

HYMNUS 153. *Brev. Par. S.*
Adest, Creator omnium, *Sulpic.*
Jam plenitudo temporis:
Nunc ergò quem missurus es,
Mittas ab æterno sinu.

Audimur: alta montium
Sternantur ultrò culmina:
Planamque mortales parent
Suo Redemptori viam.

Propheta, quem prædixerat,
En partus instat Virginis:
Pax undè surget aurea

Eritque nobiscum Deus.

Beata, cujus mœnibus
Nascetur ille, civitas!
Domus beata, quæ prior
Tantum fovebit hospitem!
Beatiorem te canam,
O Virgo, quæ partu sacro
Desideratam languidis
Promes salutem gentibus.

Doxolog. de Tempore.

IN I. NOCT.

De Isaia Prophetâ.

LECTIO 1. c. 66. 7.

Antequàm parturiret, peperit: antequàm veniret partus ejus, peperit masculum. Quis audivit unquàm tale? Et quis vidit huic simile? Nunquid parturiet terra in die unâ? Aut parietur gens simul, quia parturivit, et peperit Sion filios suos? Nunquid ego, qui alios parere facio, ipse non pariam, dicit Dominus? Si ego qui generationem cæteris tribuo, sterilis ero, ait Dominus Deus tuus? Tu.

¶ Non auferetur sceptrum de Judâ, et dux de sœmore ejus, donec veniat, qui mittendus est: * Et ipse erit expectatio gentium. ¶ Obsecro, Domine, mitte quem missurus es.—Et ipse.

LECTIO 2.

Lætamini cum Jerusalem, et exultate in eâ omnes qui diligitis eam: gaudete cum eâ gaudio universi, qui lugetis super eam, ut sugatis, et repleamini ab ubere consolationis ejus: ut mulgeatis, et deliciis affluatis ab omnimodâ gloriâ ejus. Quia hæc dicit Dominus: ecce ego declinabo super eam quasi fluvium pacis, et quasi torrentem inundantem gloriam gentium, quam sugetis: ad ubera portabimini, et super genua blandientur vobis. Tu.

¶ Salutare tuum expectabo Domine: * Quæ enim est expectatio

mea, nisi Deus? †. Expectabo Deum Salvatorem meum.—Quæ.

LECTIO 3.

Quomodo si cui mater blandiatur, ita ego consolabor vos, et in Jerusalem consolabimini. Videbitis et gaudebit cor vestrum, et ossa vestra quasi herba germinabunt: et cognoscetur manus Domini servis ejus, et indignabitur inimicis suis. Quia ecce Dominus in igne veniet, et quasi turbo quadrigæ ejus redere in indignatione furorem suum, et increpationem suam in flammâ ignis. Tu.

†. Expectabo Deum Salvatorem meum: * Andiet me Deus, et citò veniet, et non tardabit. †. Expectemus humiles consolationem ejus.—Audiet.—Gloria.—Audiet.

IN II. NOCT.

Sermo S. Ildephonsi Arch. Toletani.
Ex libro de Virginit. B. V.

LECTIO 4.

Domina mea, atque Dominatrix mea, Dominans mihi, Mater Domini mei, ancilla Filii tui, Genitrix Factoris mundi, te rogo, te oro, te quæso, ut habeam Spiritum Domini tui, Spiritumque Filii tui, nec non et Spiritum Redemptoris mei, ut de te vera et digna sapiam, vera et digna loquar, vera et digna, quæcumque sunt, diligam. Tu. †. Spiritus.

LECTIO 5.

Tu enim es electa à Deo, assumpta à Deo, advocata à Deo, proxima Deo, adhærens Deo, conjuncta Deo: visitata ab Angelo, benedicta ab Angelo, beatificata ab Angelo: turbata in sermone, attonita in cogitatione, stupefacta in salutatione, admirata in dictorum anuntiatione. Invenisse te apud Deum gratiam audis, et ne timeas juberis. Undè et tu fiduciâ roboraris, cognitione

miraculorum instrueris, ad novitatem inauditæ gloriæ proveheris. Tu. †.

LECTIO 6:

De prole ab Angelo nuntiata es, et post fœtum integra et pudica manes. Certa Virginitas nobis proponitur, et nasciturum ex te sanctum Dei Filium, tibi ab Angelo evangelizatur, et quæ sit nascentis Regis potentia, mirabiliter intimatur. Quomodo fiat, quæris, de origine interrogas, de ratione perscrutaris, de experientiâ requiris, de ordine sciscitaris. Tu. †.

IN III. NOCT.

Lectio S. Evang. secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliqua. Homilia S. Chrysippi Presbyteri.

Orat. de S. Mar. Deipar.

Virgam Jesse semper virentem, quæ cuncto generi humano vitam pro fructu attulit, omni quidem tempore prædicare, admirari et laudibus extollere convenit. Agite ergò, et nos etsi munera digna offerre nequimus, pro viribus tamen bonam voluntatem adferamus. Mox verò sumamus initium à verbis quæ Gabriel apud eam fecit. Tu.

LECTIO 8.

Ave gratiâ plena, Dominus tecum. Ave, inquit, tuum enim est reverè avere et gaudere: tuum verissimè audire istud: gratiâ plena; quia tecum est universus lætitiæ thesaurus, totius lætitiæ et gratiæ Rex cum ancillâ: cum speciosâ inter mulieres speciosus formâ præ filiis hominum: cum puellâ impollutâ is qui sanctificat omnia. Tu. †.

LECTIO 9.

Tecum est Conditor omnium, te—

cum, inquam, ut ex te gignetur: tecum conceptione, ut ex partu tuo generetur: tecum velut Deus et homo. Hactenus Gabriel verbis salutationis finem imponit. Nos autem peropportuno est modò, ut plurimarum prophetiarum faustas acclamationes illi adscribamus, et dedicemus. Tu. Te Matrem.

AD LAUDES.

HYMNUS 154. *S. Petr. Dam.*

Terrena cuncta jubilent,
Astra laudibus intonent:
Virginis ante thalamum
Laudes alternent dragmatum.

Hæc Virgo Verbo gravida
Fit paradisi janua:
Quæ Deum mundo reddidit,
Cælum nobis aperuit.

Felix ista puerpera
Evæ lege liberrima,
Concepit sine semine,
Peperit absque gemitu.

Sit tibi laus, Altissime,
Qui natus es ex Virgine:
Sit honor ineffabili
Patri Sanctoque Flamini. Amen.

Ad Benedict. ant. Ecce jam venit plenitudo temporis, in quo misit Deus Flium suum in terram: perficientur in te, Domina, quæ dicta sunt tibi à Domino.

Oratio.

Deus, qui Verbum tuum in alvo Beatæ MARIE Virginis incarnari voluisti, ipsâ intercedente, concede, ut illius venerandi Partûs, cujus hodiernâ die celebramus Expectationem, salutares consequamur effectus. Per eundem.

CANON.

Ex Concilio Toletano Decimo.
Ann. 656. c. 1.—Concil. T. 15. p. 398.

443. Speciali constitutione sancitur, ut ante octavum diem, quo natus est Dominus, Genitricis quo-

quæ ejus dies habeatur celeberrimus, et præclarus. Ex pari enim honore constat, ut sicut nativitatem Filii sequentium dierum insequitur dignitas, ita festivitatem Matris tot dierum sequatur sacra solemnitas. Tu.

Cum 2. Vesperis.

In Vesp. die 18. ad Magnific. ant.
O Adonai, et Dux domûs Israel, qui Moysi in igne flammæ rubi apparuisti, et in utero virginali carnem suscipere voluisti, veni ad redimendum nos in brachio extento.

DIE XIX. DECEMB.

DUBITATIO S. JOS. IN PRÆGN.

B. MARIE V.

Duplex.

Oratio. Br. Ilerd.

Deus, qui nos sacri Partûs Beatæ MARIE Virginis annuâ expectatione lætificas; præsta præsentī familiæ tuæ, ejas præsidiis muniri, cujus solemnia sacra celebramus.

Per Dominum.

Lectio 1. Noct. feriæ.

IN II. NOCT.

Sermo S. Petri Paschasii Ep. et M.
Titul. 2. num. 168. pag. 118.

LECTIO 4.

Cum autem MARIA ab Angelo didicisset cognatam ejus Elizabeth concepisse in senectute suâ, in montana perrexit ad illam visendam. Et cum in domum ejus intrasset et ipsam salutasset, exultavit infans in utero ejus, et repleta est Spiritu Sancto Elizabeth, et exclamavit voce magnâ et dixit: Benedicta tu inter mulieres, et benedictus fructus ventris tui. Tu. ñ.

LECTIO 5.

Postquàm autem Elizabeth peperit, reversa est MARIA in domum suam ad Nazareth. Cum autem JOSEPH videret MARIE uterum intumesce-

re, illamque gravidam esse existimaret, turbatus est, et tactus dolore cordis intrinsecus, intra se dicebat: non ego cognovi eam: absque maculâ illam ego judico, et absque peccato: nunquàm de illâ quid intellexi, quod alicujus oculos possit offendere, Quid igitur hoc? Quomodò absque viri coitu gravidari potest? Tu. *¶*

LECTIO 6.

Hæc omnia in mente revolvens, magno afficiebatur dolore: et cum esset justus et nollet eam traducere, nec illius famam lædere voluit occultè dimittere eam. Hæc autem eo cogitante, ecce angelus Domini apparuit in somnis ei dicens: JOSEPH fili David, noli timere accipere MARIAM conjugem tuam: quod enim in eâ natum est, de Spiritu Sancto est. Tu. *¶*

IN III. NOCT.

Lectio Sancti Evangelii secundum Matthæum.

LECTIO 7. c. 1. 18.

Cum esset desponsata Mater JESU MARIA JOSEPH, antequàm convenirent, inventa est in utero habens de Spiritu Sancto. Et reliqua.

Homilia S. Bernardi Abbatis.

Hom. 2. super Missus.

Cum ergò justus esset, et nollet eam traducere, voluit dimittere eam. Quare voluit dimittere eam? Accipe et in hoc non meam, sed Patrum sententiam. Propter hoc JOSEPH voluit dimittere eam, propter quod et Petrus Dominum à se repellebat, dicens: Exi à me, Domine, quia homo peccator sum: propter quod et Centurio à domo suâ eum prohibebat, cum diceret: Domine, non sum dignus, ut intres sub tectum meum. Ita ergò et JOSEPH indignum et peccatorem se reputans, dicebat intra se, à tali et à tantâ non debere sibi ultrâ fami-

liare præstari contubernium, cujus supra se mirabilem expavescebat dignitatem. Videbat et horrebat divinæ præsentiae certissimum gestantem insigne: et quia mysterium penetrare non poterat, volebat dimittere eam. Tu. *¶*

LECTIO 8.

Sed quare occultè et non palàm? Ne videlicet divortii causa inquiretur, exigeretur ratio. Quid enim vir justus responderet populo duræ cervicis, populo non credenti, et contradicenti? Si diceret quod sentiebat, quod de illius veritate comprobaverat, nonne mox increduli, et crudeles Judæi subsanarent illum, lapidarent illam? Quandò namque veritati crederent tacenti in utero, quam postea contempserunt clamantem in templo? Quid facerent necdum apparenti, cui postmodum impias manus injecerunt etiàm miraculis coruscanti? Merito ergò vir justus, ne aut mentiri, aut diffamare cogeretur innoxiam, voluit occultè dimittere eam. Tu. *¶*

LECTIO 9.

Sin verò aliter quis sentiat, et JOSEPH sicut hominem dubitasse contendat, sed quia justus erat, noluisse quidem habitare cum eâ propter suspicionem, nec tamen, quia pius erat, traducere voluisset suspectam, et idèò voluerit occultè dimittere eam: breviter respondeo etiàm sic dubitationem illam JOSEPH fuisse necessariam quæ divino meruit certificari oraculo. Tu. Te Matrem.

CANON.

Ex S. Joanne Chrysostomo.

Sup. Matt. c. 1.

444. O inestimabilis Mariæ laus! JOSEPH plus credidit castitati quàm utero intumescenti, plus gratiæ quàm naturæ: conceptionem

vidit, sed fornicationem non existimavit: posibilius credebatur mulierem sine viro concipere, quam posse peccare. Tu.

Vesperæ de sequent.

DIE XX. DECEMB.

SS. UTERI B. M. V.

Duplex majus.

In Vesper. Antip. Capit. et orat. ut infra in Laudib.

HYMNUS 155.

O tu Beata præ omnibus
Virgo MARIA feminis!
Dei Genitrix inclita,
Nostris faveto laudibus.

Pudica cujus viscera
Sancto dicata Spiritu,
Davidis ortum semine
Regem ferebant sæculi
Beata, cujus viscera
Summo repleta Numine,
Terris alebant unicum
Terræ cœlique gloriam.

Doxologia de Tempore.

†. Beatus Venter, qui te portavit.
℟. Et ubera, quæ suxisti.

Die 19. Dec. ad Magnif. ant. O Radix Jesse, qui stas in signum populorum, super quem continebunt reges os suum, quem gentes deprecabuntur, veni ad liberandum nos, nascens de Virginis Utero, jam noli tardare.

AD MATUTIN.

Invitor. Verbum Dei caro factum in virginali Utero, * Venite, adoremus.

HYMNUS 156. *Brev. Rom.*

Castæ Parentis viscera
Cœlestis intrat gratia:
Venter Puellæ bajulat
Secreta, quæ non noverat.

Domus pudici pectoris
Templum repente fit Dei:
Intacta nesciens virum
Verbo concepit filium.

Enittitur puerpera
Quem Gabriel prædixerat:
Quem ventre matris gestiens
Baptista clausum senserat.
Doxolog. de Tempore.

IN I. NOCT.

Ant 1. Benedictus fructus Ventris tui, et benedicta tu inter mulieres.

2. Venter tuus, sicut acervus tritici, vallatus liliis.

3. Fructum Ventris tui ponam super sedem David, et regnabit in domo Jacob in æternum.

†. In te projectus sum ex Utero.
℟. De ventre matris meæ Deus meus es tu.

Lect. 1. Noct. de Comm. in Adv.

℟. Tu es, qui extraxisti me de Ventre, * Spes mea ab uberibus matris meæ, †. Venter ejus eburneus, distinctus saphiris.—Spes.

℟. Quid dilecte mi, quid dilecte Uteri mei, quid dilecte votorum meorum? * Nescio qualiter in Utero meo apparuisti. †. Neque enim ego Spiritum et animam donavi tibi, et vitam et membra tua non ego ipsa confeci.—Nescio.

℟. Sum quidem et ego mortalis homo, similis omnibus, et ex genere terreni illius, qui prior factus est, * Et in Ventre Matris figuratus sum caro. †. Beatus Venter qui te portavit, et ubera, quæ suxisti.—Et.—Glor.—Et.

IN II. NOCT.

Ant. 1. Inventa est MARIA in Utero habens de Spiritu Sancto.

2. Ecce Virgo in Utero habebat, et pariet Filium, qui vocabitur Emmanuel.

3. In te confirmatus sum ex Utero Matris meæ.

†. Beata viscera MARIE Virginis.

℟. Quæ portaverunt æterni Patris Filium.

Sermo S. Bernardi Abbatis.

In Deprecat. ad Virgin. glorios.

LECTIO 4.

Iam Uterum tuum, Domina, velut sacratissimum Dei vivi templum totus mundus veneratur. In eo salus mundi initiata est, ibi decorem indutus est Dei Filius, ac praelectæ sponsæ suæ Ecclesiæ formosus in stolâ candidâ exultantèr occurrit, desideratum diu osculum praelegit, ac prædestinatas à sæculo nuptias Virgo cum Virgine praelibavit. Tu.

℣. Beata Dei Genitrix MARIA, cuius viscera intacta permanent post partum, * Nobis genuit Salvatorem sæculorum. √. Beata quæ credidit, quoniam perfecta sunt omnia, quæ dicta sunt ei à Domino. — Nobis.

LECTIO 5.

In Utero tuo ruptus est paries inimicitarum, quem inter cælum et terram Protoplastorum inobedientia contraxerat. Ibi confederata sunt terrenis cœlestia, et obviaverunt sibi in osculo pacis, quando in uuam, eandemque personam concurrerunt divinitas et humanitas: factumque est novum illum super terram, ut esset Deus homo, et homo Deus. Ibi magnus Elisæus in mensuram suscitandi puerum se contraxit: Ibi antiquus dierum praelecto filio suo tunicam induit polymitam. Tu.

℣. Beata viscera MARIE Virginis, quæ portaverunt æterni Patris Filium, * Et beata ubera, quæ lactaverunt Christum Dominum. √. Extollens vocem quædam mulier de turbâ, dixit: Beatus Venter, qui te portavit. — Et beata ubera.

LECTIO. 6.

In tuo Utero consilii providentia inescatus est hamus, qui ad extrahendum serpentem antiquam

in hoc mare magnum de cælo trajectus est: Indè egressa est armilla aurea, ut perforaretur maxilla Leviathan, ut evomeret mortuos non suos, quos ab origine mundi mortuos deglutiverat. Hortus deliciarum nobis sacratissimus tuus Uterus, ò MARIA, quia ex eo multiplices gaudii flores colligimus, quotiès mente recolimus, quàm magna multitudo dulcedinis toli orbi indè effulsit. Tu.

℣. Magnum hæreditatis mysterium: Templum Dei factus est Uterus nescientis virum: * Non est pollutus ex eâ carnem assumens. √. Sicut pluvia in vellus descendit, ut salvum faceret genus humanum. — Non est. — Gloria. — Non est.

IN III. NOCT.

Ant. 1. Hortus conclusus, Virgo MARIA, Venter tuus: puteus aquarum viventium.

2. Flumina gratiarum de Ventre tuo effluent cum impetu.

3. Emissiones Ventris tui paradissus malorum puniceorum cum pomorum fructibus.

√. Venter tuus sicut acervus tritici.

℣. Vallatus liliis.

Lectio S. Evangelii secundum Lucam.

LECTIO. 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus Venter, qui te portavit. Et reliqua.

Homilia S. Bonaventuræ Episcopi.

Super caput 11. Lucæ.

Laudat hæc mulier Christum Dei Filium, extollens laudis ejus præconium ex beatitudine matris: quasi dicat: Beata mulier, quæ portavit tam bonum Filium. Et rectè, quia

decebat sexum femineum sic laudare. Nec tamen feminas, imò etià viros. Nam suprà dixit Virgo: ex hoc beatam me dicent omnes generationes. Fuit autem Venter virginis beatus propter tria privilegia, quia, ut dicit Bernardus, fuit sine corruptione fœcunda, sine gravidine grvida, et sine dolore puerpera. Tu.

¶. Suscipe Verbum, Virgo MARIA, quod tibi à Domino per Angelum transmissum est: *Concipies, et paries Deum paritèr et hominem. †. Benedicta tu in mulieribus, et benedictus fructus ventris tui. — Concipies.

LECTIO 8.

Fuit etià beatus propter tria miracula. Primum est conjunctio infinitè distantium. Deus enim ibi factus est homo. Creator creatura, Immensus parvus, Verbum infans. Secundum miraculum est, quia qui fecit ventrem, factus est in Ventre. Undè in Psalmis dicitur: Gloriosa dicta sunt de te civitas Dei. Et post: Homo natus est in eà, et ipse fundavit eam Altissimus. Tertium miraculum, quia qui continet omnia, continetur in Ventre: et ille ibi capitur, quem totus non capit orbis. Tu. ¶.

¶. Benedicta et venerabilis es, Virgo MARIA * Quæ de cœlo suscepisti prolem, et mundo genuisti Salvatorem. †. Virgo, Dei Genitrix, quem totus non capit orbis, in tua se clausit viscera factus homo. Quæ Gloria. Quæ.

LECTIO 9.

Nectantùm beatificat Ventrèm propter portationem, sed ubera propter lactationem, cum subjungit: et ubera, quæ suxisti. Ex quo datur intelligi, quod à solis uberibus Beatæ Virginis lactatus fuit. Idè autem junxit ista duo, ut ostendere—

tur Virgo. MARIA fuisse Mater Christi vera et perfecta: quia non solùm genuit, sed et educavit, et sicut verè educavit, ita verè genuit. Tu. Te Matrem.

AD LAUDES

Et per horas antiphonæ.

1. Fluvius * egrediebatur de Utero Virginis ad irrigandam universam terram.

2. Fons hortorum, * pùteus aquarum viventium virginalis Uterus.

3. Hæc est Virgo, * in cujus Utero omnis Ecclesia subarrata, conjuncta Deo fœdere sempiterno creditur.

4. O Uterum cœlo ampliorem, qui Deum in te non coarctasti.

5. O Uterum * impollutum habentem circulum cœlorum, qui Deum in te comprehensum portasti.

CAPITULUM. *Genes. 49. 25.*

Deus Patris tui erit adjutor tuus, et Omnipotens benedicet tibi benedictionibus cœli desupèr, benedictionibus abyssi jacentis deorsum, benedictionibus uberum et vulvæ.

HYMNUS 157. *S. Petr. Dam.*

Dives MARIE gremium
Mundi gestavit pretium,
Quo gloriamur redimi
Soluti jugo debili.

Quam Patris implet Filius
Sanctus obumbrat Spiritus;
Cœlum fiunt castissima
Sacra Puellæ viscera.

Sit tibi laus, Altissime,
Qui natus es ex Virgine:

Sit honor ineffabili

Patri Santoque Flamini. Amen.

†. Beatus Venter, qui te portavit.

¶. Et ubera, quæ suxisti.

Ad Benedict. *ant.* O Venter diffusior cœlis, terrisque amplior,

capacior elementis, qui totum claudat concludentem omnia, in quo Deus gloriæ reclinator.

Oratio.

Exaudi nos, Domine, Sancte Pater, Omnipotens æterne Deus, qui per Beatæ MARLÆ sacratissimi Uteri divinæ gratiæ obumbrationem universum mundum illuminare dignatus es, præsta: ut quod nostris meritis non valeamus, ejus adipisci præsiidiis mereamur. Per Dominum.

AD PRIMAM.

Ant. Fluvius. Capitul. Deus Patris tui. de Laudib.

CANON.

Ex D. Andrea Cretensi.

Orat de Annunt.

445. Tu verè benedicta, quæ tanquàm paradissus intra te continens ipsius Edem plantatorem Christum, qui infinità virtute ex almo Utero tuo prodiens, instar fluvii, quatuor principiis per Evangelium rigat faciem universæ terræ. Tu.

AD TERTIAM.

CAPITULUM. *Luc. c. 1. 31.*
Ecce concipies in Utero, et paries Filium, et vocabis nomen ejus JESUM.

¶ *br.* Venter tuus * Sicut aceruus tritici,—Venter. ¶ Vallatus liliis.—Sicut.—Gloria.—Venter.

¶ Venter ejus eburneus, ¶ Distinctus saphiris.

AD SEXTAM.

CAPITULUM. *Luc. 1. 42.*
Et exclamavit voce magnà Elizabæth, et dixit: Benedicta tu inter mulieres, et benedictus fructus Ventris tui.

¶ *br.* Venter ejus * Eburneus.—Venter. ¶ Distinctus saphiris.—Eburneus.—Gloria.—Venter.

¶ Beatus Venter qui te portavit.

¶ Et ubera quæ suxisti.

AD NONAM.

CAPITULUM *Matth. 1. 18.*
Cum esset desponsata Mater JESU MARIA JOSEPH, antequàm convenirent inventa est in Utero habens de Spiritu Sancto.

¶ *br.* Beatus Venter * Qui te portavit.—Beatus. ¶ Et ubera, quæ suxisti.—Qui.—Gloria.—Beatus.

¶ Benedicta tu in mulieribus.

¶ Et benedictus fructus Ventris tui.

IN II. VESPER.

Antiph. de Comm. Capit. de Laud.

HYMNUS 158. *Brev. Rom.*

Quem terra, pontus, sidera
Colunt, adorant, prædicant,
Trinam regentem machinam
Clastrum MARLÆ bajulat.

Cui luna, sol et et omnia
Deserviunt per tempora,
Perfusà cæli gratià,
Gestant puellæ viscera.

Beata Mater munere
Cujus supernus Artifex
Mundum pugillo continens,
Ventris sub arcâ clausus est.

Beata cæli nuntio,
Fœcunda Sancto Spiritu
Desideratus gentibus
Cujus per alvum fusus est.

Doxol. de Tempore.

¶ Quem totus non capit orbis.

¶ In tua se clausit viscera.

Die 20. Dec. ad Magnific. ant.
O Clavis David, et sceptrum dorauris
Israel, qui aperis, et nemo claudit;
claudis et nemo aperit: veni, et
educ victum de domo carceris, sedentem in tenebris, et umbrâ mortis.

DIE XXI. DECEMB.

SS. ANNULI B. M. V.

Duplex.

Oratio.

Præsta, quæsumus, omnipotens Deus, ut qui nuptialem Annulum

Beatissimæ Virginis recolimus, ad Sponsi cœlestis nuptias, ipsâ intercedente, vocari mereamur. Per Dominum nostrum.

AD MATUTIN.

HYMNUS 159. *Urban. VIII.*

Imbriferis arcus fulgens
In nubibus orbem
Effera diluvii damna
Timere vetat.

Sic Deus Omnipotens voluit.
Decus, Annule, majus.
Est tibi, quem supplex urbs
Perusina colit.

Es gemino constans
Arcu felicior index;
Nam peragit Virgo nupta
Salutis cpus.

Virgineo terræ conjungens
Fœdere cœlum:
Hâc duce non pelagi, non
Stygis unda nocet.

Gloria summa Patri,
Sit par tibi gloria, Nate:
Gloria sit compar,
Spiritus alme, tibi. Amen.

Lectio. 1. Noct. de ferid.

IN II. NOCT.

LECTIO 4.

*Bened. XIV. de Festis l. 2. c. 1.
n. 13.*

Perusiæ conservatur Annulus, quem Beata Virgo, cum JOSEPHO nupsit, dicitur induisse. Hunc Annulum sub Gregorio Quinto inventum, quadrigentis octoginta quatuor annis in Clusinâ urbe asservatum in Perusinorum manus venisse scribitur. Tu. ꝑ.

LECTIO 5.

Apud Sixtum Quartum lite et iudicio Clusinos Annulum persequutos; quibus à Joanne Baptistâ Sabello Cardinali legato Pontifex illud reddi jussit. Verum Sixto morte sublato, Innocentius Octavus Perusianis eam causam adjudicavit. Tu. ꝑ.

LECTIO 6.

Balingh. 22. Januar. Kal. mar.
Annulum quem Sanctus JOSEPH tradidit in Desponsatione Virgini conjugi futuræ, maximâ cum veneratione servant Perusini in capsellâ aureâ sub undecim clavium firmâ custodiâ, y quæ à totidém seu viris seu communitatibus asservantur. Plurimis claruit et claret modò miraculis. Non est ex ullo metallo, sed ex onyche lapide, qui in Palestinâ satis vilis est. Tu. ꝑ.

Hom. de Comm. pro Duplicib.

LECTIO 9.

Commemoratio Beatæ V. à Partu.

Ex monumentis.

Romæ in Ecclesiâ Sancti Augustini ingenti cultu honores accipit quædam Deiparæ Imago sub titulo à Partu, quæ inter duas templi januas media extat. Statua est marmorea, et sedens habet puerum stantem in ulnis, lævâque manu sustentat. Sinistro pede auro cooperto devotorum frequentissima oscula suscipit. Magnus fit quotidie ad eam accursus, nec desunt miracula, ut ex tabellis ibi appensis apparet, neque fidelium gratitudo, quæ ex ditissimis donariis aureis et argenteis, quæ ibi quoque conspiciuntur, et quæ ferè totam statuam operiunt, elucet. Lampades ante eam plures continuo sunt accensæ. Tu.

Vesperæ de sequenti.

DIE XXII. DECEMB.

ASCENSIO B. V. AD BETHLEEM.

Duplex.

Si hoc Festum fuerit Dominica impeditum, transferatur in diem seq.

Die 21. Dec. ad Magnif. ant. O Oriens, splendor lucis æternæ et sol justitiæ, Virgo intacta velut aurora valde rutilans jam te præcedit: veni et illumina sedentes in tenebris, et in umbrâ mortis.

AD MATUTIN.

IN I. NOCT.

De Micheâ Prophetâ.

LECTIO 1. c. 5. 1.

Nunc vastaberis filia latronis: ob-
sisionem possuerunt super nos, in
virgâ percutient maxillam judicis
Israel. Et tu Bethleem Ephrata par-
vulus es in millibus Juda: ex te mi-
hi egredietur, qui sit Dominator in
Israel, et egressus ejus ab initio, à
diebus æternitatis. Tu.

¶ O meritis radians dic, Virgo,
putasne videbas Angelicos cursus
ire, redire novos? ¶ Militiam cœli
cum te servare vicissim sentires ani-
mo, sæpè levatâ manu. Angelicos.

LECTIO 2.

Propter hoc dabit eos usque ad
tempus, in quo parturiens pariet:
et reliquiæ fratrum ejus converten-
tur ad filios Israel. Et stabit et pa-
sset in fortitudine Domini, in subli-
mitate Domini Dei sui: et conver-
tentur, quia nunc magnificabitur
usque ad terminos terræ. Tu.

¶ Quæ circa te acies, vel quan-
dò iter ire parares, * Millia præ-
gressus concomitando tuos? ¶ An-
gelicos cursus ire, redire novos. —
Millia.

LECTIO 3.

Et erit iste pax: cum venerit Assi-
rius in terram nosiram, et quandò
calcaverit in domibus nostris, et su-
scitabimus super eum septem pa-
stores, et octo primates homines. Et
pascent terram Assur in Gladio, et
terram Nemrod in lanceis ejus: et
liberabit ab Assur, cum venerit in
terram nostram et cum calcaverit
in finibus nostris. Tu.

¶ Præmia quanta uterum im-
plebant et gaudia pectus, cœlerum
Artificem, cum tua ferret humus? *
Quum tibi talis erat fœtus honore
novus? ¶ Quis te tunc sensus, Do-

mini pia Mater, habebat? — Quum.
— Gloria. — Quum.

IN II. NOCT.

Sermo S. Bonaventuræ Ep.

In meditât vitæ Christi, c. 2.

LECTIO 4.

Adveniente autem novem mensium
termino, exiit edictum ab Impera-
tore, ut describeretur universus or-
bis, scilicet quilibet in civitate suâ.
Cumque JOSEPH ire vellet in ci-
vitatem suam, scilicet Bethleem;
et sciret instare tempus partûs sœ
Conjugis, duxit eam secum. Vadit
ergo Domina hoc longo itinere. Nam
Bethleem est propè Jerusalem per
quinque vel sex milliaria. Ducunt
autem secum bovem et asinum, et
vadunt sicut pauperes mercatores
bestiarum. Tu.

¶ Quid Michael faceret ductor
sub principe celso, qualiter aut Ra-
phael occursum impenderet almæ,*
Te poriante, Dei dum putat esse
thronum? ¶ Quid gereret Gabriel
nuntius ille sacer. — Te portante.

LECTIO 5.

Cum autem fuerint in Bethleem,
quia pauperes erant, nam multi
concurrerant pro eadem causâ, ho-
spitium invenire non potuerunt.
Compatere hic Domina, et conspi-
ce illam delicatam, et juvenem,
quindecim enim erat annorum ex
longo itinere fatigatam, et cum ve-
recundiâ inter gentes conversantem,
quærentem, ut quiescat, et non inve-
nit: omnes licentiant eam, et socium
ejus. et sic coguntur divertere ad
quamdam viam coopertam, ubi ho-
mines tempore pluviae divertebant.
Tu.

¶ Credo alter cuperet plantis
substernere palmas, * Ille excusâ
alâ subnitidare viam. ¶ Duceret
iste auras ne te gravis ureret æs-
tus. — Ille.

LECTIO 6.

Sermo S. Thomæ Arch. Valentini.

Conc. in Christi Natio.

Descriptio præcipitur ab Augusto, et dum MARIA et JOSEPH describendi veniunt in Bethleem, disponente Deo, Christus ibidem nascitur, et vaticinium impletur. Cur hoc ita? Cur non potius Virgo Bethleemica fuit, et illius incola civitatis, ne in tenero saltem corpore, partui proxima tam longam peregrinationem subire cogeretur? Nempe, ut sigillato mysterio, acciperentur digni, arcerentur indigni. Neque hic leviter angustia Virginis prætereunda est, cum vicina partui proprios dimillere, et alienas cogitur petere ædes: longam tenere viam, et per montuosam exulare regionem: Virgo, inquam, tenera, et gravida, Virgo publici nec scia, domum assueta, Virgo super omnes feminas prudentissima. Tu.

¶. Isle ad fræna manum patiens, ne sarcina lapsset, * Neu pes offendat pendula turba vetat. ¶. Ille levans pennas vertat ut imber aquas. —Neu pes. —Gloria. —Neu pes.

IN III. NOCT.

Lectio S. Evangelii secundum Lucam.

LECTIO 7. c. 2. 1.

In illo tempore: Exiit edictum à Cæsare Augusto, ut describeretur universus orbis. Et reliqua.

Homilia Sancti Athanasii Episcopi.

In description. Deipar. apud Surium.

Vides quàm exiguis verbis, quàm magna comprehenduntur mysteria? Dominus conceptus erat in ventre Virginis, et prima gentium Augusti edicto instituebatur descriptio. *Lect. 8.* Qui omnem naturam à se descriptam habet, quique Discipulis suis ait: gaudete et exul-

tate quoniàm nomina vestra scripta sunt in cælo, ille suam ipsius Matrem parvis quibusdam Romanis codicibus describi voluit. Tu.

¶. Factum est in diebus illis, exiit edictum à Cæsare Augusto, ut describeretur universus orbis: * Et ibant omnes, ut profiterentur singuli in suam civitatem. ¶. In propria venit; sui autem non receperunt eum. —Et ibant.

LECTIO 8. *Lect. 9.*

Ibat etiàm JOSEPH cum Virgine, partim adiutor, partim speculator omnium, quæ futura erant: non quia Virgini adiutore opus esset, vel ei, qui conceptus in utero Virginis portabatur; sed quia ejus desponsationis mysterio necessarius erat JOSEPH, ut Virgo, quasi sub viro esse crederetur, et res ipsa lateret diabolum. Tu.

¶. Ascendit JOSEPH à Galilæa de Civitate Nazareth, in Judæam in civitatem David, quæ vocatur Bethleem, * Eo quod esset de domo et familiâ David. ¶. Ut profiteretur cum MARIA desponsatâ sibi uxore prægnante. —Eo quod. —Gloria. —Eo quod.

LECTIO 9.

Commemoratio B. V. Matritensis de Exilio.

Gumpenb. Imag. 612.

Matrici in Hispaniâ colitur beata Virgo sub titulo de Exilio, olim propter vastationem Maurorum abscondita, et ab Eremitâ quodam inventa. Contigit enim, ut pilis ligneis lusum facientibus, una pilorum in scrobem decideret, eremitorio subjectam: eam extracturi ignem vident et flammam; quapropter Eremitam inclamant, auxilio ejus ignem extincturi. Ille profundius in atrium descendit, et inter fulgores cælestes hanc Deiparæ Statuam extraxit, servaturus ipse,

nisi ter ductæ sortes Monachis Bassiliensibus dedissent. Tu. Te Matrem.

Ad Benedict. ant. Ascendit JOSEPH à Nazareth in Bethleem, ut profiteretur cum MARIA desponsatâ sibi uxore prægnante.

CANON.

Ex S. Ambrosio Episcopo.

In Evang. Luc. lib. 3. n. 4.

446. Censûs tempore ascendit JOSEPH de domo et de patriâ David, ut profiteretur cum MARIA, uxore suâ. Quæ ex eâdem domo, et ex eâdem patriâ professionem defert, utiquè ejusdem tribûs, et ejusdem patriæ se esse designat. Tu.

Die 22. Dec. ad Magnific. ant.
O Rex gentium et desideratus earum, qui in Virginis utero thronum tuum posuisti, et ipse tanquàm sponsus procedens de thalamo suo: veni et salva hominem, quem de limbo formasti.

DIE XXIII. DECEMB.

Officium fit de ferid.

Die 23 Dec. ad Magnific. ant.
O Emmanuel, Rex et Legifer noster, qui in utero intactæ Virginis conceptus fuisti, expectatio gentium, et Salvator earum, veni jam ad salvandum nos, noli tardare. *Oratio de Uom. præced.*

DIE XXIV. DECEMB.

IN VIGILIA SS. PARTUS B. V.

Simplex.

Omnia non propria, nt in feriali Offic.

AD MATUTIN.

Invitator. Hodie scietis quia pariet Virgo, * Et manè videbitis partum ejus.

Hymn. Veni Redemptor... p. 100.
Lectio Sancti Evangelii secundum Matthæum.

LECTIO 1. c. 2. 18.

Cum esset desponsata Mater JESU

MARIA JOSEPH, antequàm convenirent, inventa est in utero, habens de Spiritu Sancto. Et reliqua.

Homilia S. Justini Martyris.

Apolog. 2. ad Imper. Anton.

Propheta Isaias scripsit his verbis: Stella ex Jacob orietur, et flos ex Jesse radice erumpet. Stella autem lucida orta est, flosque ex Jesse radice prodiit, hic Christus. Eum enim Virgo quæ à Jacobo originem duxit, qui Judæ, quem Judæorum patrem esse dixi, pater fuit, Dei vi ac virtute peperit. Et Jesse genus quidem ipse ex oraculo et vaticinatione fuit, Jacobi autem et Judæ generis successione filius. Tu.

¶ Lætamini cum beatâ et immaculatâ Virgine MARIA, et exultate in eâ omnes, qui diligitis eam: * Gaudete cum eâ gaudio universi. †. Quoniam crastinâ die pariet nobis Regem angelorum, et Dominum dominantium.—Gaudete.

LECTIO 2.

Dei vis ad Virginem veniens obumbravit, fecitque ut Virgo gravida esset. Per Isaiam propheticus Spiritus hunc nasciturum asseruit: Spiritumque Dei nefas est aliud intelligi nisi Verbum, quod etiâ primogenitum Dei est: atque hic suo ad Virginem adventu et adumbratione eam gravidam effecit. Nomen autem JESUS hebraico sermone, græcum eum qui salutem dat, declarat. Tu.

¶ Videbitis, et gaudebit cor vestrum, et ossa vestra, quasi herba germinabunt, * Cum Virgo pariat Deum pariter et hominem. †. Cognoscetur manus Domini servis ejus, et indignabitur inimicis ejus.—Cum.

LECTIO 3.

Ubi verò nasciturus esset, quem-

admodum alius Propheta Micheas prædixerit, audite: Hæc illius verba sunt. Et tu, Bethleem terra Judæ, nequaquam minima es in principibus Judæ: ex te enim exhibit dux, qui regat populum meum. Vicus autem est quidam in regione Judæorum, qui quinque et triginta millibus abest, in quo JESUS-Christus natus est: id quod etiã intelligere potestis ex censibus, qui coacti sunt, Quirino primo, vestro in Judæa Prælore. Tu.

¶. Sanctificamini hodiè, et stote parate: * Crastinã enim die Deus et homo * Nascetur Christus ex Virgine. †. Hodiè scietis, quia pariet Virgo, et manẽ videbitis partum ejus.—Crastinã.

†. Et auferet à vobis omnem languorem.—Nascetur.—Gloria.—Sanctificamini. *usque ad †. Hodie.*

Deindẽ Officiũ fit Duplex.

AD LAUDES

et per horas antiphonæ.

1. Pariet Virgo * Salvatorem, et Propugnatores qui liberet.

2. Pariet Virgo * absque ullo Virginitatis detrimento.

3. Quod nascetur * ex te, Sanctum, vocabitur Filius Dei.

4. Congratulamini mihi, quia cum essem parvula, placui Altissimo.

5. Congratulamini * mihi, quia de meis visceribus genui Deum et hominem.

H CAPITULUM. *Aggæ. 2. 7.* Hæc dicit Dominus exercituum: adhuc unum modicum est... et veniet desideratus cunctis gentibus.

Hymnus. Creator alme. p. 101.

†. Faciet Dominus novum super terram.

¶. Virgo pariet permanens Virgo.

Ad Bened. ant. Et factum est, cum essent Bethleem MARIA et

JOSEPH, impleti sunt dies, ut Virgo pareret.

Oratio.

Ostende notis per tuam pietatem immaculatum Virginis Partum, ut Filium ejus, quem Redemptorem læti suscipimus, venientem quoque judicem securi videamus, Dominum nostrum JESUM-Cristum Filium tuum, qui tecum.

AD PRIMAM.

Ant. Pariet Virgo. *Capit.* Hæc dicit. *de Laud.*

CANON.

Ex D. Thomã Arch. Valentino.

Conc. 1. in Natal. Domi.

447. Descriptio præcipitur ab Augusto, et dum MARIA et JOSEPH describendi veniunt in Bethleem, disponente Deo, Christus ibidem nascitur, et vaticinium «Prophetæ» impletur. Tu.

AD TERTIAM.

CAPITULUM. *Osæ. 6. 3.*

Quasi diluculum præparatus est egressus ejus, et veniet quasi imber nobis temporaneus et serotinus terræ.

¶. *br.* Veni, Domine, * Noli tardare.—Veni. †. Relaxa fascinora populi tui.—Noli.—Gloria.—Veni.

†. Obsecro, Domine, ¶. Mitte quem missurus es.

AD SEXTAM.

N CAPITULUM. *Isai. 10. 24 et 27.* Noli metuere, populus meus, habitator Sion: adhuc enim paululum, modicumque, et.... aufertur onus de humero tuo, et jugum de collo tuo.

¶. *br.* En ipse stat * Post parietem nostrum. †. En. †. Respiens per fenestras, et per cancellos.—Post.—Gloria.—En.

†. Veni Redemptor gentium.

¶. Ostende partum Virginis.

AD NONAM.

CAPITULUM. *Isai. 16. 1.*

Emitte Agnum, Domine, Domina-
torem terræ de petrâ deserti ad
montem Filiæ Sion.

¶ *br.* Placare, Domine, * Atten-
de et fac.—Placare. †. Ostende,
Domine, faciem tuam.—Attende.
—Gloria.—Placare.

†. Crastinâ die delebitur iniqui-
tas terræ.

¶. Et regnavit super nos Salva-
tor mundi.

DIE XXV. DECEMB.

SOLEMNITAT SS. PARTUI

B. MARIE V.

Duplex 1. Class. cum Octavâ.

IN I. VESPER.

Ant. 1. Regina pacis, Virgo MA-
RIA, magnificata est hodiè vehe-
menter. *Psalmi de Solemnit.*

2. Hodiè fecit Dominus novum
super terram; peperit Virgo per-
manens Virgo.

3. Virgo MARIA peperit Deum
et hominem.

4. Virgo ante partum, Virgo
in partu, Virgo post partum.

5. Levate capita vestra: ecce
appropinquat redemptio vestra.

CAPITULUM. *Luc. 2. 15.*

Transeamus usque ad Bethleem,
et videamus hoc Verbum, quod
factum est, quod Deus ostendit
nobis.

¶ *br.* Quis cognovit sensum Do-
mini? aut quis consiliarius ejus
fuit? * Deus ab austro venit et
Sanctus de monte Pharam. †. Do-
mine, audi vi auditionem tuam, ei
timui: consideravi opera tua, et
expavi.—Deus ab.—Gloria.—Quis.

*In dieb. infra octav. non dicitur
in Vesp.*

V HYMNUS 160. *Br. Tolos.*
Vatum patent oracula

Promissa priscis patribus:
En Virgo, quæ gravis Deo
Nobis parens parit Deum.

Toto quid orbe par fuit,
Virgo parens, homo Deus?
Quo nascitur parlu puer,
Hoc nascitur mundi salus.

Ut nocte caligantibus
Cœleste lumen temperet,
Velo tegi vult corporis,
Hoc Virgo velum præparans.

Quod prima Mater perdidit,
Mater reformas altera:
Mors ipsa nobis profuit,
Dum vita per te redditur.

Per te Deo conjungimur
Cui corpus aptasti parens:
Per te Dei nos filii
Per te Dei fratres sumus.

Tu Dux Olympi prævia
Clausas diù pandis fores:
Nos exules, si nos amas,
Reddas paternis sedibus.

JESU, tibi sit gloria,
Qui natus es de Virgine
Cum Patre et almo Spiritu
In sempiterna sæcula. Amen.

*Hæc Doxol. dicitur usque ad Pu-
rificationem.*

†. Scitote, quia propè est reg-
num Dei.

¶. Amen dico vobis, quia non
tardabit.

Ad Magnific. ant. Cum ortus fue-
rit sol, * videbitis Verbum Dei caro
factum, et natum de MARIA Vir-
gine, tanquàm sponsum proceden-
tem de thalamo suo, alleluia, allel.
Orat. de Laudib.

AD MATUTIN.

Invitator. Filium Dei natum de
MARIA Virgine, * Venite, adore-
mus, alleluia, alleluia.

HYMNUS 161.

Gloriam nato cecinere Christo
Angeli, et famam retulere, clarâ
Voce Pastores nova concrepabant
Gaudia mundo.

Editus sacro Patris ore semper,
Virginis castâ voluit sub alvo
Arcta naturæ tolerare factor
Munia nostræ.

Virgo portantem veneranda portat,
Lactat Lactorem, perhibet Paren-
tem,
Spiritu prægnans operantis in se
Mater opusque.

Veritas terrâ pietasque nata est,
Solvit et primæ maledictionis
Damna, pro spinis, tribulisque fru-
ctum

Terra ministrat.

Sit Decus summo sine fine Christo
Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

IN I. NOCT.

Ant. 1. Tanquàm Sponsus *
Christus procedens de thalamo Vir-
ginis. *Psalm. 8.* Domina Dom. *p. 4.*

2. Filius meus * es tu: ego hodiè
genui te.

Psalm. 15. Conserva me. *p. 25.*

3. Benedicta tu * inter mulieres,
et benedictus fructus ventris tui.

Psalm. 31. Beati. *p. 27.*

†. Christus natus est nobis, allel.

†. De Virgine MARIA, alleluia.

Tres seq. Lectiones leguntur sine tit.

PLECTIO 1. *Isai. c. 9. 6.*
Parvulus natus est nobis, et filius
datus est nobis, et factus est prin-
cipatus super humerum ejus: et vo-
cabitur nomen ejus Admirabilis,
Consiliarius, Deus fortis, Pater fu-
turi sæculi, Princeps pacis. Multi-
plicabitur ejus imperium, et pacis
non erit finis: super solium David,
et super regnum ejus sedebit, ut
confirmet illud, et corroboret in ju-
dicio et justitiâ, amodò et usque in
sempternum: zelus Domini exerci-
tuum fecit hoc. Tu.

†. Gloria in excelsis Deo, et in

terrâ pax hominibus bonæ volunta-
tis: * Quia Virgo peperit Salvato-
rem sæculorum. †. Dies sanctifica-
tus illuxit nobis, dies gloriæ, dies
lætitiæ.—Quia.

LECTIO 2. *Isai. 40. 9.*
Super montem excelsum ascende,
tu qui evangelizas Sion: exalta in
fortitudine vocem tuam, qui evan-
gelizas Jerusalem: exalta, noli ti-
mere. Dic civitatibus Juda: ecce
Deus vester. Ecce Dominus Deus
in fortitudine veniet, et brachium
ejus dominabitur: ecce merces ejus
cum eo, et opus ejus coram illo.
Sicut Pastor gregem suum pascet:
in brachio suo congregabit agnos,
et in sinu suo levabit: fœtas ipse
portabit. Tu.

†. Hodiè nobis cœlorum Rex
de Virgine nasci dignatus est: * Ut
hominem perditum ad cœlestia reg-
na revocaret. †. Beata Virgo, cujus
viscera intacta meruerunt portare
Christum Dominum.—Ut hominem.

LECTIO 3. *Is. 52. 4.*
Hæc dicit Dominus Deus: In Ægyp-
tum descendit populus meus in
principio, ut colonus esset ibi: et
Assur absque ullâ causâ calumnia-
tus est eum. Et nunquid mihi est
hic, dicit Dominus, quoniam abla-
tus est populus meus gratis? Do-
minatores ejus iniquè agunt, dicit
Dominus, et jugiter totâ die nomen
meum blasphematur. Propter hoc
sciet populus meus nomen meum
in die illâ: quia ego ipse qui lo-
quebar: Ecce adsum. Tu.

†. Partus et integritas discordes
tempore longo, * Virginis in gre-
mio fœdera pacis habent. †. O Vir-
go et Mater, quæ virginitatem et
partum tam valdè inter se diversa,
in te conjuncta monstras.—Virginis.
—Gloria.—Partus. *In diebus infra
Oct. Virginis.*

IN II. NOCT.

Ant. 1. Veritas * de terrâ orta est, et iustitia de cœlo prospexit. *Psal.* 44. Eructavit. *p.* 30.

2. Dominus * dedit benignitatem, et terra nostra dabit fructum suum. *Psal.* 43. Domina. *p.* 30.

3. Beatus venter tuus, * benedictus fructus ventris tui. *Psal.* 49. Deus Deorum. *p.* 31.

†. Verbum caro factum est. allel.

‡. Et habitabit in nobis, allel.

Sermo S. Thomæ Arch. Valentini.
Concion in Nativ. Christi.

LECTIO 4.

Aderat jam illa hora sacra, hora aurea, hora rutilans super omnia tempora benedicta: hora mundi solatio ab initio destinata: nox in suo cursu medium iter agebat, cum ecce virgineus undiquè vultus immutatur: rubent genæ coloribus, candidaque alioquin facies purpuratur tota, ita ut liliis candidis illam assimilare posses, purpureis mixtis rosis. Fervido agitur Spiritu, insuetisque ardoribus beatissima illius anima inflamatur. Æstuabat intùs deliciis, inundantesque gaudiorum impetus tenerum pectus portare nequibat. Tu.

‡. Osculetur me, Mater mea osculo oris sui, * Quia meliora sunt ubera sua vino, fragrantia unguentis optimis. †. Incipe, Puer, risu cognoscere Matrem.—Quia.

LECTIO 5.

O Virgo benedicta! Anne isti sunt sacri partûs dolores? Istæ puerperii istolerabiles anxietates? Hæ torsiones, quas solent tali tempore sustinere prægnantes? Prænovit alma Puerpera sui partûs indicia: spiritu Dei plena, devotione fervida, manibus, oculisque in cœlum levatis, genibusque flexis totam se Deo devovens, ipsius beneplacitum expectabat. Aderat Sanctus JOSEPH

novitate rerum perterritus, oransque et ipse silentio rei exitum attendebat: cum ecce virgineo elapsus utero decorus Infans, nudâ terrâ coram eis ejulans palpitabat: Infans omnipotens, mirandus Infans, in quo sunt omnes thesauri sapientiæ et scientiæ Dei: Infans parvulus, et Deus immensus. Tu.

‡. Hodie per totum mundum melliflui facti sunt cœli: * Quia nobis Virgo MARIA peperit Salvatorem. †. Hodie nobis pax vera de cœlo descendit.—Quia.

LECTIO 6.

Qualis ex purpureæ auroræ gremio cum rutilans oritur sol, qualis radius, cum vitream penetrat fenestram, integramque relinquit. Qualis stella fulgorem, aut vernans rosa placidum ex se mittit odorem, talis decora Puella suo utero edidit Salvatorem. Adorat Mater, quem peperit Filium, et prius ut Deo devotum offert mentis obsequium, quàm ut puero exhibeat necessarium matris officium. Quis tuam, Virgo, explicet mentem? Quis tui cordis gaudium valeat reserare, cum Dei tui, Creatoris tui Matrem te vides et Virginem? Gaudium matris habens cum virginitatis honore. O partum stupendum! O partum mirandum! O partum deniquè qualem decet omnium Conditorum! Tu.

‡. O magnum mysterium, et admirabile Sacramentum! * Animalia viderunt Dominum natum jacentem in præsepio. †. Cognovit bos possessorem suum, et asinus præsepe Domini sui.—Animalia.—Gloria.—O magnum.

In diebus infra oct. Animalia.

IN III. NOCT.

Ant. 1. Peperit Virgo * Filium suum primogenitum, alleluia.

Psal. 59. Deus repulisti *p.* 33.

2. Involvit eum * pannis, et inclinavit eum in præsepio, alleluia.

Psal. 101. Domina exaudi. p. 42.

3. Non erat eis * locus in diversorio, et inclinavit eum in præsepio, alleluia.

Psal. 104. Confitemini. p. 43.

†. Dilectus meus mihi, allel.

‡. Inter ubera mea commorabitur, allel.

Benedictio. Evangelica lectio sit nobis salus, et protectio.

Lectio Sancti Evangelii secundum Lucam.

LECTIO 7. c. 2. 6.

In illo tempore: Impleti sunt dies MARIE ut pareret. Et peperit Filium suum primogenitum. Et reliq.

Homilia S. Maximi Episcopi.

Sermo 2. in Nat. Dom.

Hodiè peperit MARIA, sed ipsa suum parturit Auctorem. Hodiè edidit mundo hominem, quem non suscepit ab homine. Quid hoc est miraculi fratres? Nascitur caro de carne, non tamen generata per carnem, et secreto quodam incomprehensoque conceptu procedit de mortali feminâ divina progenies. Tu.

‡. Annuntio vobis gaudium magnum: * Natus est vobis hodiè Salvator mundi. †. Impleti sunt dies MARIE ut pareret, et peperit Filium.—Natus.

Benedict. Verba Sancti Evangelii doceat nos Virgo Mater Dei.

Lectio S. Evangelii secundum Lucam.

LECTIO 8. c. 2. 15.

In illo tempore: Pastores loquebantur ad invicem: transeamus usque ad Bethleem. Et reliqua.

Homilia S. Epiphanii Ep.

De Laudib. B. M. V.

Gloria in Altissimis Deo, et in terrâ pax hominibus benæ voluntatis.

Quapropter etiâ Pastores, qui ruri pernoctabant, hujusmodi glorificationem Angelorum audierunt de Salvatore, et cæleri cursu properantes lucem adoraverunt spectantes miraculum insolens: Ancillam Domini et Virginem in terrâ versantem evassisse sponsam cœlestem. Ipsâ enim et sponsa, et thalamus, et Dei Mater visa est in stabulo, quando peperit infantem Christum juxta propheticam Isaïæ vocem, nempe puer natus est nobis, et filius datus est nobis. Tu.

‡. Beata Dei Genitrix MARIA, cujus viscera intacta permanent post partum: * Hodiè genuit Salvatorem sæculi. †. Genuit puerpera regem gaudia matris habens cum virginitatis honore: nec primam similem visa est, nec habere sequentem.—Hodiè.

Benedictio. Per evangelica dicta deleantur nostra delicta.

Lectio Sancti Evangelii secundum Joannem.

LECTIO 9. c. 1. 1.

In principio erat Verbum, et Verbum erat apud Deum, et Deus erat Verbum. Et reliqua.

Homilia S. Cyrilli Alexandrini Ep.

Concil. Ephes. p. 1. c. 9.

Quod Verbum caro factum perhibetur, id aliud nihil est, quam quod perindè ac nos, carni et sanguini communicavit, nostroque corpore sibi adjuncto ex muliere prodierit, Deitate interim aut ex Patre nativitate non abjectâ: mansit enim in ipsâ quoque carnis assumptione, quod prius erat. Hoc exactioris fidei doctrina ibique prædicat: hoc sanctos Patres sanxisse, eaque de causâ sacram Virginem Deiparam appellare minimè dubitasse constat: non quòd Verbi natura, ipsiusve divinitas, ortus sui principium ex

Sanctâ Virgine sumpserit; sed quòd sacrum illud corpus animâ intelligente perfectum ex eâ traxerit; cui et Dei Verbum secundum hypostasim unitum, secundum carnem natum dicitur. Tu.

¶ Quis cognovit sensum Domini? aut quis consiliarius ejus fuit? * Deus ab austro venit, et Sanctus de monte Pharam. ¶ Domine, auidi auditionem tuam, et timui: consideravi opera tua, et expavi.—Deus.—Gloria.—Quis. *In diebus infra octav.* Deus.

Te Matrem Dei.

AD LAUDES.

Et per Horas Antiphonæ.

Ant. 1. Angelus Domini * apparuit pastoribus, et claritas Dei circumfulsit illos. *Psalmi de Dom.*

2. Nolite timere, * quia Virgo peperit hodiè Salvatorem mundi.

3. Invenietis eum * pannis involutum et positum in præsepio.

4. Et facta est * cum Angelo multitudo militiæ cœlestis laudantium Deum.

5. Gloria in excelsis Deo, * et in terrâ pax hominibus bonæ voluntatis.

T *CAPITULUM. Luc. 2. 15.* Transeamus usque ad Bethleem: et videamus hoc Verbum, quod factum est, quod Dominus ostendit nobis.

HYMNUS 162. *Brev. Rom.*

A solis ortus cardine
Ad usque terræ limitem,
Christum canamus Principem
Natum MARIA Virgine.

Beatus auctor sæculi
Servile corpus induit,
Ut carne carnem liberans
Ne perderet quos condidit.

Fœno jacere pertulit,
Præsepe non abhorruit:
Et lacte modico pastus est

Per quem nec ales esurit.

Gaudet chorus cœlestium,
Et angeli canunt Deo:
Palamque fit Pastoribus
Pastor. Creator omnium.

JESU, tibi sit gloria. etc.

¶ Notum fecit Dominus, allel.

¶ Salutare suum, allel.

Ad Benedict. ant. Venerunt Pastores * festinantes, et invenerunt **MARIAM**, et **JOSEPH**, et Infantem positum in præsepio, alleluia, allel.

Oratio.

Omnipotens Sempiternæ Deus, qui hunc diem per Partum Beatæ **MARIÆ** Virginis consecrasti: da populis tuis in hac celebritate consortium, ut qui tuâ gratiâ sunt redempti, tuâ sint adoptione securi: Per eundem.

AD PRIMAM.

Ant. Angelus. *Capit.* Transeamus. *De Laudibus.*

¶ ¶ *br.* Quæ hodiè Filium Dei peperisti.

Et dicitur per octavam.

CANON.

Ex Concilio Ephesino.

Part. 3.—Concil. Tom. 6. p. 4.

448. Natum est « Verbum Dei » secundum carnem ex sacrâ Virgine, et æquè ac nos homo factum est, non amittens esse (absit), sed existens quod erat, et in divinitatis naturâ et gloriâ permanens. Tu.

AD TERTIAM.

CAPITULUM. Isai. 9. 2.

Populus, qui ambulabat in tenebris, vidit lucem magnam: habitantibus in regione umbræ mortis lux orta est eis.

¶ *br.* Christus natus est nobis, * Alleluia, allel.—Christus. ¶ De **MARIA** Virgine.—Allel. Gloria.—Christus. ¶ Verbum caro factum est, alleluia.

¶ Et habitabit in nobis, allel.

AD SEXTAM.

CAPITULUM. *Isai. 9. 6.*

Parvulus natus est nobis: et filius datus est nobis, et factus est principatus super humerum ejus.

℟. *br.* Ego ipse qui loquebar, * Alleluia, allel.—Ego. ʒ. Ecce adsum.—Allel.—Gloria.—Ego.

ʒ. Parvulus natus est nobis, allel.

℟. Et filius datus est nobis, allel.

AD NONAM.

CAPITULUM. *Isai. 35. 4.*

Dicite pusillanimes: confortamini, et nolite timere: Deus ipse veniet, et salvabit vos.

℟. *br.* Magnum principium, * Alleluia, allel.—Magnum. ʒ. Et regni ejus non erit finis.—Allel.—Gloria.—Magnum.

ʒ. Benedicta tu inter mulieres.

℟. Et benedictus fructus ventris tui.

IN II. VESPER.

Ant. 1. Ipse invocabit me, * alleluia: Mater mea es tu, alleluia. *Psalmi ut in 2. Vesp. solenn.*

2. Filius meus es tu, * allel. ego hodiè genui te, alleluia.

3. Dilectus meus mihi, * allel. inter ubera mea commorabitur, alleluia.

4. Virgo peperit Deum: * venite gentes, et adorate Dominum, alleluia.

5. Christus * natus est hodiè in Bethlehem Juda civitate David, alleluia.

CAPITULUM. *Luc. 2. 15.*

Transeamus usque ad Bethlehem, et videamus hoc Verbum, quod factum est, quod Dominus ostendit nobis.

℟. Quis cognovit sensum *ut in 1. Vesp.*

HYMNUS 163.

Agnoscat omne sæculum,
Venisse vitæ Principem:
Post hostis asperi jugum

Apparuit redemptio.

Isaias quæ dixerat,
Completa sunt in Virgine;
Quem nuntiavit Angelus,
Redemptor orbis natus est.

Jessæ radix floruit,
Et virga fructum protulit,
Parit MARIA Filium,
Nec esse Virgo desinit.

Quæ parturis Virgo Deum,
Alisque Mater ubere,
Amore quo tu diligis,
Fac diligamus Filium.

Doxologia de Octavâ.

ʒ. Notum fecit Dominus, allel.

℟. Salutare suum, alleluia.

Ad Magnificat. ant. MARIA * autem conservabat omnia verba hæc conferens in corde suo. *Oratio de Laudibus.*

In diebus infra octav. Officium fit, etiam in festis, ut in die cum Psalmis de Feriâ occurr.

De Dominicâ infra octav. fit in die, in quâ incidat, nisi inciderit die Circumcisionis Dom. quia eo anno omittitur.

DOMINICA

INFRA OCTAV. SS. PARTUS.

Semiduplex.

Non propria dicuntur ut in die.

In 1. Vesp. dicuntur antiph. ut in 2. Vesp. SS. Partûs.

CAPITULUM. *Ad Galat. 4. 4.*
Ubi venit plenitudo temporis misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus.

Ad Magnif. ant. Parvulus * natus est hodiè de MARIA Virgine, et vocabitur Deus fortis, allel.

Oratio.

Omnipotens sempiterne Deus, dirige actus nostros in beneplacito tuo: ut Filium tuum unigenitum

quem de Beatissimâ Virgine MARIA natum læti suscepimus, fidelitèr imitantes, bonis operibus abundare mereamur. Per eundem Dominum.

AD MATUTIN.

Invitor. Filium Dei factum ex muliere, factum sub lege: * Venite, adoremus.

HYMNUS 164. *S. Petr. Dam.*
Gaudium mundi, nova stella cœli,
Procreans solem, pariens parentem
De manum lapsis, opem fer caducis,

Virgo MARIA.

Quem tremunt cœli, metuunt abyssi,

Fluminum guttæ, maris et procellæ,
Laudat occasus, veneratur orbis,
Stringis in ulnis.

Lacte nutritur cibus angelorum:
Fertur innuptæ gremio puellæ,
Qui suâ latæ dilione terræ
Pondera librat.

Sit decus summosine fine Christo,
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

IN I. NOCT.

De Epistolâ Beati Pauli Apostoli ad Galatas.

LECTIO 1. c. 4. 1.

Quanto tempore hæres parvulus es, nihil differt à servo, cum sit Dominus omnium: sed sub tutoribus et actoribus est usque ad præfinitum tempus à patre. Ita et nos, cum essemus parvuli, sub elementis mundi eramus servientes. Tu. *¶*. Gloria in.

LECTIO 2.

At ubi venit plenitudo temporis, misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus. Quoniam autem estis filii, misit Deus Spiritum Filii sui in corda

vestra clamantem: Abba Pater. Tu. *¶*. Hodie.

LECTIO 3.

Itaque jam non est servus, sed Filius. Quod si filius, et hæres per Deum, sed tunc quidem ignorantem Deum, iis qui naturâ non sunt dii, serviebatis. Nunc autem cum cognoveritis Deum, imò cogniti sitis à Deo, quomodo convertimini igitur ad infirma et egena elementa, quibus denuò servire vultis. Tu. *¶*. Partus et,

IN II. NOCT.

Sermo S. Agustini Episcopi.
Apud Bedam in Ep. ad Galat.

LECTIO 4.

Filius quidem, non Pater natus est de Virgine MARIA; sed nativitatem Filii non Patris de Virgine MARIA et Pater et Filius operatus est. Auditis, et quia planum et apertum est, intellexistis. Ecce Pater fecit Filium nasci de Virgine. Cum enim venisset plenitudo temporis, misit Deus Filium suum, utique Pater Christum. Quomodo enim misit? Factum ex muliere, factum sub lege. Tu. *¶*. Osculetur.

LECTIO 5.

Fecit ergo eum Pater ex muliere sub lege. Aut fortè hoc movet, quia ex Virgine dixeram, et Paulus dicit ex muliere? Non moveat, utrum de Scripturâ dicitur, et ex Virgine, et ex muliere. Ex Virgine quomodo? Ecce Virgo concipiet ex utero, et pariet Filium. Ex muliere autem, sicut audistis, non est contrarium, proprietas enim locutionis Hebrææ, mulieres non corruptâ Virginitate, sed feminas appellare. Tu. *¶*. Hodie.

LECTIO 6.

Quid est nativitas Filii ex Virgine MARIA? Certè assumptio formæ servi. Nunquid est aliud nasci

filio, nisi accipere formam servi in Virginis utero? Audi, quia hoc fecit. Qui cum in formâ Dei esset non rapinam arbitratus est esse se æqualem Deo, sed semetipsum exinanivit formam servi accipiens. Videmus nativitatem Filii à Patre factam, sed quia ipse Filius semetipsum exinanivit formam servi accipiens, videmus nativitatem Filii, et ab ipso Filio factam. Tu. *¶*. O magnum.

IN III. NOCT.

Lectio S. Evang. secundum Lucam.

LECTIO 7. c. 2. 6.

In illo tempore: Impleti sunt dies **MARIÆ**, ut pareret. Et peperit Filium suum primogenitum. Et reliq.

Homilia S. Bernardi Abbatis.

In Vigil. Nativ. Domin.

O nova verè miracula! Conceptus fuit sine peccato, partus sine dolore. Mutata est in Virgine nostrâ maledictio Evæ. Peperit enim Filium sine dolore. Mutata est, inquam, maledictio in benedictionem, sicut prædictum est per angelum Gabrielem: **Benedicta** tu in mulieribus. O beata sola inter mulieres benedicta, et non maledicta! sola à generali maledictione libera, et à dolore parturentium aliena. Nec mirum, fratres, si dolorem non intulit Matri, qui dolores totius mundi tulit. Tu. *¶*. Annuntio.

LECTIO 8.

Non solum sine pudore conceptus, et sine dolore partus, sed et Mater est sine corruptione. O verè novitas inaudita! Virgo peperit, et post partum inviolata permansit, fecunditatem prolis cum carnis integritate, et gaudium matris habens cum virginitatis honore. Habes tamen majores divitias, habes gloriam ampliorem. Mater est sine corruptione Virginitatis, et Filius sine omni labe peccati. Non cadit

in Matrem Evæ maledictio, non cadit in prolem generalis illa conditio: nemo mundus à sorde, nec infans cujus est unius diei vita super terram. Tu. *¶*. Quis cogn.

LECTIO 9.

Crescunt miracula, multiplicantur divitiæ, thesaurus aperitur. Quæ generat, et Mater et Virgo est. Qui generatur et Deus et homo est. Sed nunquid dabitur sanctum canibus, aut margaritæ porcis? Abscondatur certè thesaurus noster in agro, et pecunia nostra in saculo reponatur. Operiatur conceptus sine semine Matris desponsatione, partus sine dolore vagitibus parvuli, et mærore. Abscondatur et parturientis incorruptio legali purificatione, infantis innocentia solita circumcissione. Absconde, inquam, absconde **MARIA**, novi solis fulgorem, pone in præsepio, involve pannis infantem. Nam et ipsi panni nostræ divitiæ sunt. Tu.

Te Matrem.

Ad Laudes et Horas omnia ut in die SS. Partûs.

CAPITULUM. Gal. 4. 4.

Ubi venit plenitudo temporis misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus.

HIMNUS 165. Brev. Rom.

Quando venit ergò sacri
Plenitudo temporis,
Missus est ab arce Patris
Natus, orbis conditor:
Atque ventre virginali
Carne amictus prodiit.

Vagit Infans inter arcta
Conditus præsepia:
Membra pannis involuta
Virgo Mater alligat:
Et Dei manus pedesque
Stricta cingit fascia.

Sempiterna sit Beatæ

Trinitati gloria,

Æqua Patri, Filioque,

Par decus Paraclito:

Unius trinique Nomen

Laudet universitas. Amen.

†. Notum fecit Dominus, Allel.

¶. Salutare suum, Alleluia.

Ad Benedict. ant. Dum medium
* silentium tenerent omnia, et nox
in suo cursu medium inter perage-
ret, om̃ipolens sermo tuus, Domi-
ne, à regalibus sedibus venit, allel.

Oratio ut supra. Ad Prim. Capit.
de Laudib. Canon. p. 113.

In 2. Vesper. omnia ut in die
SS. Part. Psalm. de Dom.

Ad Magnif. ant. Et Mater ejus*
conservabat omnia verba hæc con-
ferens in corde suo, alleluia.

DIE XXVI. DECEMB.

DE II. DIE INFRA OCTAV.

Semiduplex.

AD MATUTIN.

HYMNUS 166. *Muret.*

Onox vel medio splendidior die,
Cujus per tenebras Virginis integræ
Ex alvo nitidâ sol novus emicat
Complens omnia lumine.

Æterno imperio qui regit omnia
Humanumque Deo conciliat genus,
Is nunc sub tugurii vilis operculo
Nascens pauperiem docet.

Pastores ovium, dum gregibussuis
Intenti vigilēs excubias agunt,
Primi hunc angelico carmine nun-
tium

Lætis auribus hauriunt.

Grata est haud dubiè simplicitas
Deo,

Grata est vita dolis quæ procul om-
nibus

Rectum sponte suâ perpetuò colit,
Et priscam retinet fidem.

Simplex ætherei Numinis unitas,
Quæ distincta eadem est, veraque
Trinitas,

Æternis vigeat semper honoribus

Et terrâ simul et polo. Amen

IN I. NOCT.

De Isaiâ Prophetâ.

LECTIO 1. c. 12. 1.

Confitebor tibi, Domine, quoniã
iratus es mihi: conversus est furor
tuus, et consolatus es me. Ecce
Deus Salvator meus, fiducialitèr
agam, et non timebò: quia fortitudo
mea et laus mea Dominus, et fa-
ctus es mihi in salutem. Tu. ¶.

LECTIO 2.

Haurietis aquas in gaudio de fon-
tibus Salvatoris: et dicetis in die
illâ: confitemini Domino, et invoca-
te nomen ejus: notas facite in popu-
lis adinventiones ejus: mementote,
quoniã excelsum est nomen ejus.
Tu. ¶.

LECTIO 3.

Cantate Domino, quoniã magnifi-
cè fecit: annuntiate hoc in universâ
terrâ. Exulta et lauda habitatio
Sion: quia magnus in medio tui
Sanctus Israel. Tu. ¶.

IN II NOCT.

Sermo S. Fulgentii Ep.

De Laudib. B. V. in partu Salvat.

LECTIO 4.

Nativitas Domini nostri JESU-Chri-
sti totum mundum novâ adventûs
sui luce hodiè perfudit. Hodiè de
cælo Deus descendit ad hominem,
ut in cælo homini præpararet as-
censum. Hodiè accepimus natum
Dei, Virginis Filium, omnium cre-
dentium Salvatorem: Deus de Pa-
tre, homo de Matre, Deus occultus,
homo manifestus. Et quoniã dia-
bolus per serpentem loquutus per
Evæ aures mundo intulit mortem:
Deus per Angelum ad MARIAM
pertulit Verbum, et cunctis sæculis
vitam effudit. Angelus sermonem
ejecit, et Christum Virgo concepit.
Tu. ¶.

LECTIO 5.

O conjunctio sine sordibus facta, ubi maritus sermo est, et uxor auricula. Hoc splendore concipitur Dei Filius, hæc munditiâ generatur. Nulla fieri gravedo potuit concipienti, nulla tristitia parturienti. Qui enim venerat triste lætare sæculum, ventris non contristavit hospitium. De cœlis medicus transiens per Virginem post transitum suum illæsam fecit Virginem permanere. Tu. ʒ.

LECTIO 6.

Qui enim disrupta corporum membra in aliis poterat integrare tan-
gendo, quantò magis in suâ Matre, quod invenit integrum, potuit non violare nascendo? Crevit enim ejus partu integritas corporis, potius quàm decrevit. Et virginitas ampliata est, potius quàm fugata. In angusto corporis membro sustinuit, quidquid sustinent cœli. Plena sunt viscera, et nullum novit contagium Virginis consciencia. Cum esset gravida salubri levitate gaudebat: lumen enim quod intra se habebat, pondus habere non poterat. Tu. ʒ.

IN III. NOCT.

Lectio S. Evangelii secundum
Lucam.

LECTIO 7. c. 2. 7.

In illo tempore: Impleti sunt dies MARIE, ut pareret. Et peperit Filium suum primogenitum. Et reliq.

Homilia S. Joannis Damasceni.

E De Orthodoxâ fide libr. 4. c. 14.
Editur Christus sine Patre ex muliere, qui ex Patre sine muliere natus extabat. Et quidem quatenus ex muliere secundum pariendi leges editus est: quatenus autem sine Patre supra generationis naturam. Ac rursus, quatenus consueto tempore, novem expletis mensibus, et inclinato decimo, sua partui lex con-

stitit: quatenus autem sine ullo sensu dolore generationis legem, superavit. Quàm enim voluptas non anteivit, nec dolor sanè in partu sequutus est. Tu. ʒ.

Benedict. Cujus Partum colimus.

LECTIO 8.

Ex eâ itaque Dei Filius assumptâ carne natus est: non homo Deifer, Deoque afflatus, sed Deus incarnatus: non in Prophetæ morem efficientia inunctus, verum totius ungentis præsentia: ut et illud quod factum sit, homo, et hoc quod unctus est, Deus: non immutatione naturæ sed unionem secundum hypostasim. Ecurr ergò Dei Genitrix non erit, quæ Deum incarnatum ex se genuit? Profectò verè et propriè Dei Genitrix est, et Domina, omnibusquæ creatis imperat, quæ ancilla, materque exlitit Creatoris. Quemadmodum autem ille, qui conceptus fuit, eam, quæ concepit, Virginem servavit; sic nascendo Virginitatem illius incolumen custodivit; solus per eam transiens clausamque conservans. Tu.

LECTIO 9.

Commemoratio B. V. ab Agnone.

Spinelli defestis et templ. Deiparæ.

Sancta MARIA ab Agnone, corrupto vocabulo ab Angone, quod italicâ terminatione anguem ingentem significat, ab ingenti ac lactifero angue ope Deiparæ eo in loco verè extincto nomen accepit; quo in loco templum hoc grati animi monumentum à Neapolitanis eidem Deiparæ est extractum, nomen ab accepto beneficio est inditum: Anno octingentesimo trigesimo tertio templo Sanctimonialium Ordinis Sancti Basilii est adjunctum. Quæ postea eo relicto in Sancti Gaudiosi monasterium Ordinis Sancti Benedicti commigrarunt unâ cum pulcherri-
mâ Sanctæ Virginis Imagine, ad

cujus pedes anguis visitur, cum ipso pariete in quo erat depicta. Tu. Te Matrem.

CANON.

Ex S. Hippolyto Ep. et Martyre.
De Consumm. Mundi.

449. Cum Salvator mundi genus humanum salvare decrevisset, ex immaculatâ Virgine MARIA natus est, et in figurâ carris hostem conculcavit suâ divinitatis propriâ potentiâ. Tu.

Vesperæ ut in 2. SS. Par. orat. de sequenti.

DIE XXVII. DECEMB.

PAUPERTATIS B. M. V.

Duplex.

. *Omnia ut in die SS. Partûs, nisi transferatur extra Oct.*

Oratio.

Infunde, quæsumus Domine, in cordibus nostris Spiritum paupertatis, quo beatissima Virgo MARIA semper tibi servivit, ut terrenas divitias viriliter contemnentes, thesauros cœlestes totâ mente appetamus. Per Dominum..... ejusdem Spir.

IN I. NOCT.

De Epistolâ primâ B. Pauli Apostoli ad Timotheum.

LECTIO 1. c. 6.

Est autem quæstus magnus pietas cum sufficientiâ. Nihil enim intulimus in hunc mundum: haud dubium, quod nec auferre quid possumus. Habentes autem alimenta, et quibus tegamus, his contenti simus. Nam qui volunt divites fieri, incidunt in temptationem, et in laqueum diaboli, et desideria multa inutilia, et nociva, quæ mergunt homines in interitum et perditionem. Tu. ¶.

LECTIO 2.

Radix enim omnium malorum est

cupiditas, quam quidam appetentes erraverunt à fide, et inseruerunt se doloribus multis. Tu autem, ô homo Dei, hæc fuge; sectare verò justitiam, pietatem, fidem, charitatem, patientiam, mansuetudinem. Certa bonum certamen fidei, apprehende vitam æternam, in quâ vocatus es, et confessus bonam confessionem coram multis testibus. Tu. ¶.

LECTIO 3.

Divitibus hujus sæculi præcipe non sublime sapere, neque sperare in incerto divitiarum, sed in Deo vivo, qui præstat nobis omnia abunde ad fruendum: benè agere, divites fieri in bonis operibus, facile tribuere, communicare, thesaurizare sibi fundamentum bonum in futurum, ut apprehendant veram vitam. Tu. ¶.

IN II. NOCT.

Ex Verbis S. Bonaventuræ Ep. in Speculo B. Virginis. c. 4.

LECTIO 4.

MARIA tenuissima fuit per paupertatem. Ipsa enim est, de quâ dicitur: Invenerunt MARIAM et JOSEPH, et Infantem positum in præsepio. Pastores pauperes invenerunt pauperem MARIAM Matrem, pauperem Infantem, in paupere loco, non in pomposâ curiâ, sed in paupere præsepio. Quæ utique pauperula Mater bonum hospitium habuisset, si pauper non fuisset. Tu. ¶.

LECTIO 5.

Ista dum diligentèr attendis, paupertatem Mariæ diligentèr perpendis, de quâ Joannes Chrysostomus habet: vide paupertatis Mariæ magnitudinem, et quicumque pauper est, accipiat consolationem. Quicumque certè propter Deum pauper est voluntariè et libentèr,

vel etiã quicumque pauper est necessariẽ, et patientẽ, multũ consolari potest de paupertate **MARIÆ**, et de paupertate Christi. Tu.

LECTIO 6.

Ab illa consolatione iniqui divites longẽ sunt, quia longẽ aliam quærunt. Unde Salvator dicit: vae vobis divitibus, qui habetis hic consolationem vestram. Nolo tamen desperare divites, quia non solum pauperes pastores, sed etiã divites reges **MARIAM**, et pauperem Filium ejus invenerunt, sicut dicitur in **Matthæo**. Sic illi divites ipsos invenerunt, qui munera obtulerunt. Pauperes verò consolationem istam invenerunt per paupertatem, divites per liberalitatem. Tu. *¶*.

Homilia ut in die 8. Novemb.
Pauperes Spir. p. 430. Cum. *¶¶*.
SS. Partus.

CANON.

Ex **S Joanne Chrysostomo**.
Cap. 2. Matth. hom. 2.

450. Mater Christi vix tunicam unam habebat, non ad ornamentum corporis, sed ad tegumentum nuditalis proficientem, quam habere poterat uxor carpentarii, et hæc in peregrẽ constituta. Tu.

Bened. 8. Cujus Paupertatem colimus.

LECTIO 9.

Commem. **B. V. de Consolatione.**
Petrus Canisius De Deipara libr. 5.
c. 24.

Templum Virginis sanctissimæ de Consolatione, ut vocant, extat Romæ, et à multis frequentẽ aditur, nomenque ab ipso evento inditum servat. Etenim agroti, et afflicti, qui cum gravissimis morbis, et maximis calamitatibus conflictantur, plurimum sæpẽ consolationis se-

cundum corpus et animam, eo loco percipiant, non obscuris etiã Deiparæ miraculis ad miserorum solatia concurrentibus: præsertim cum non modo propter **MARIAM** Deus in templo, sed etiã in **Xenodochio** illic plurimis opituletur. Tu. Te Matrem.

Vesperæ ut in 2. Vesp. SS. Partus.

DIE XXVIII. DECEMB.

DE IV. DIE INFRA OCTAV.

Semiduplex.

AD MATUTIN.

HYMNUS 167.

Qualis, Virgo, tibi gloria surgit!
Æterni soboles. diva Parentis
En illapsa tuam cœlitus alvum
Mollis membra sibi corporis aptat.
O felix! levitẽr quàm gravat intus
Ipsum Numen onus! Virgo colenda
Quæ nutrice ubere lactat
Natum, quo geminus pascitur orbis.
In Matrem resilit gloria Nati:
In Natum resilit gloria Matris:
O quàm cara Deo, quàm Deus ipse
Consortem proprii reddit honoris!
Laussumma Triadi, quæ ibis acra
Templum virgineum, templa dicavit:

Quo vult Genitrix Natus amari
Te mens nostra colat semp̃ amore.
Amen.

IN I. NOCT.

Dd Isaia Propheta.

LECTIO 1. c. 35. 1.

Lætabitur deserta et invia, et exultabit solitudo, et florebit quasi liliũ. Germinans germinabit, et exultabit lætabunda et laudans: gloria Libani data est ei: decor Carmeli et Saron: ipsi videbunt gloriam Domini, et decorem Dei nostri. Confortate manus dissolutas, et genua debilia roborate. Dicite pusillaminis: confortate, et nolite timere:

Ecce Deus vester ultionem adducet retributionis: Deus ipse veniet, et salvabit vos. Tu. *¶*.

LECTIO 3.

Tunc aperientur oculi cæcorum, et aures surdorum patebunt. Tunc saliet sicut cervus claudus, et aperta erit lingua mutorum: quia scissæ sunt in deserto aquæ, et torrentes in solitudine. Et quæ erat arida, erit in stagnum, et siliens in fontes aquarum. In cubilibus, in quibus prius dracones habitabant, orietur viror calami et junci. Tu. *¶*.

LECTIO 3.

Et erit ibi semita et via, et via sancta vocabitur: non transibil per eam pollutus, et hæc erit vobis directa via, ita ut stulti non errent per eam. Non erit ibi leo, et mala bestia non ascendet per eam, nec inveniatur ibi, et ambulabunt, qui liberali fuerint. Et redempti à Domino convertentur, et venient in Sion cum laude et lælitia sempiterna super caput eorum; gaudium et lælitiam obtinebunt, et fugiet dolor et gemitus. Tu. *¶*.

IN II. NOCT.

Sermo S. Thomæ Arch. Valentini.

Concion. de Partu B. V. M.

LECTIO 4.

Nunquàm profectò auditus, neque visus est talis partus ab initio, neque unquàm videbitur in æternum. Partus sine dolore, partus sine corruptione, partus sine anxietate, partus, ut ita dicam sine partu, partus deniquè omni gaudio et jucunditate plenissimus. Et quidem in statu innocentiae fuisset partus omnino sine dolore, et si Patri Augustino creditur, sine corruptione: parerent namque secundum eum mulieres integræ et incorruptæ, sed nullus partus fuisset ita mundus, ita purus, ita sacer et miraculosus. Tu. *¶*.

LECTIO 5.

Quàm pulchrè describit hunc partum Propheta Isaias, dicens: Germinans germinabit: florebitque quasi lilium. Et exultabit lætabunda, et laudans. Germinans germinabit: quia sola germinabit, quia sine viro germinabit. Sicut lilium: optima similitudo: quàm pulchrè editur Salvator ex Virgine, spiramini odoris ex flore comparatur. Nam sicut flos propter odorem suum non perdit decorem, cum odor imittitur, sic illa propter salvatorem virginitatis candorem non perdit, cum nascitur. Et exultabit lætabunda et laudans, id est, cum jubilo et cantico inenarrabili. Tu. *¶*.

LECTIO 6.

O Virgo sacra! Quis explicare sufficiat tuorum gaudiorum exuberantiam in hac horâ? Quis vel mente recolere fluctus illos inundantes cœlestium deliciarum, et suavilatum, quibus cor tuum fluctuat in hoc partu! Opectus virgineum, plusquàm æneum, vel adamantinum! Quales spiritus suslines impetus, quibus deliciarum fluctibus agitaris? Tu. *¶*.

IN III. NOCT.

Lectio S. Evang. secundum Lucam.

LECTIO 7. c. 2. 6.

In illo tempore: Impleti sunt dies MARIE, ut pareret. Et peperit Filium suum primogenitum. Et reliqua.

Homilia S. Bernardi Abbatis.

Homil. 2. super miss.

Gloriatur Beata Virgo de suo partu, non in se, sed in ipso quem peperit. Deus siquidem (Deus enim est, quem peperit) Matrem suam singulari in cœlestibus donaturus gloriâ, singulari in terris prævenire curavit et gratiâ, quia videlicet ineffabiliter, et intacta conciperet, et pareret incorrupta. Porrò Deum

hujusmodi decebat nativitas, quā non nisi de Virgine nasceretur. Talis congruebat, et Virgini partus, ut non pareret nisi Deum. Tu. ꝑ.

LECTIO 8.

Proindē Factor hominum, ut homo fieret, nasciturus de homine talem sibi ex omnibus debuit eligere, imō condere Matrem, qualem et se decere sciebat, et sibi noverat placitum. Voluit itaque esse Virginem, de quā immaculatā immaculatus procederet omnium maculas purgaturus. Voluit et humilem, de quā mitis et humilis corde prodiret, harum in se virtutum omnibus saluberrimumque exemplum ostenturus. Tu. ꝑ.

LECTIO 9.

Dedit Virgini partum, qui ei jam ante et virginitalis inspiraverat votum, et humilitatis prorogaverat meritum. Alioquin quomodo eam Angelus in sequentibus gratiā plenam pronuntiat, si quippiam vel parum boni, quod ex gratiā non esset, habebat? Ut igitur, quæ sanctum sanctorum conceptura erat, pariter et paritura, sancta esset corpore, accepit donum virginitalis; ut esset et mente, accepit et humilitatis. Tu. Te Matrem.

CANON.

Ex Concilio Mediolanensi.

Ann. 678. habetur inter præambul.

Con. 3. Constantinop. Conc. T. 16.

Pag. 43.

451. Duas Nativitates ejusmodi ipsius Unigeniti Dei Verbi confitemur: ante sæcula quidem ex Patre incomparabiliter natum: in ultimis autem diebus ejusdem ipsius Incarnationem de Sanctā gloriosā dei Genitrice et semper Virgine MARIA. Tu.

Vesper. Dupl. ut in 2. Vesp. SS. Partūs.

DIE XXIX. DECEMB.

INCOMPREHENSIBILITAT.

B. MARIE V.

Dyplex.

Omnia dicuntur ut in die SS. Partūs nisi transferatur extra hanc Octav.

Oratio.

Præsta, quæsumus, Omnipotens Deus, ut qui incomprehensibilem humano intellectui Beatissimæ Virginis MARIE dignitatem veneramur in terris, ipsam in cælis contemplari mereamur. Per Dominum.

IN I. NOCT.

Si transferatur extra Oct. Lect. 1.

Noct. de ferid.

De Isaiā Propheta.

LECTIO 1. c. 4. v. 1.

Consolamini, consolamini, popule meus, dicit Deus vester. Loquimini ad cor Jerusalem, et advocate eam: quoniam completa est malitia ejus, dimissa est iniquitas illius: suscepit de manu Domini duplicia pro omnibus peccatis suis. Tu. ꝑ.

LECTIO 2.

Vox clamantis in deserto; parate viam Domini: rectas facite in solitudine semitas Dei nostri. Omnis vallis exaltabitur, et omnis mons, et collis humiliabitur, et erunt prava in directa, et aspera in vias planas. Et revelabitur gloria Domini, et videbit omnis caro pariter, quod os Domini locutum est. Tu. ꝑ.

LECTIO 3.

Vox dicentis: Clama. Et dixi: quid clamabo? Omnis caro fœnum, et omnis gloria ejus, quasi flos agri. Exsiccatur est fœnum, et cecidit flos, quia Spiritus Domini sufflavit in eo. Verè fœnum est populus: exsiccatur est fœnum, et cecidit flos: Verbum autem Domini nostri manet in æternum. Tu. ꝑ.

IN II. NOCT.

Sermo S. Bernardini Senensis.
Sermo de Nativ. B. V. M. c. 12.

LECTIO 4.

Sicut divinæ perfectiones omni intellectui sunt incomprehensibiles, sic perfectiones gratiarum quas Virgo suscepit in Conceptione Filii Dei soli intellectui Divino, Christo et sibi comprehensibiles extiterunt. Et quidem quod Deus generaret Deum, nulla requirebatur in Deo dispositio, cum ei ex naturâ conveniret, ut per viam naturæ et intellectus produceret Verbum sibi æquale: immò impossibile est, quod non generet Deum propter suam fecunditatem. Sed quod femina conciperet, et pareret Deum, est et fuit miraculum miraculorum. Tu. ꝑ.

LECTIO 5.

Opportuit enim, ut sic dicam, feminam elevari ad quandam æqualitatem divinam per quandam quasi infinitatem perfectionum, et gratiarum, quam æqualitatem nunquam creatura experta est. Unde credo, quod ad illam abyssum imperscrutabilem omnium charismatum Spiritus Sancti, quæ in beatam Virginem descenderunt in horâ divinæ conceptionis, intellectus humanus vel angelicus nunquam potuit attingere. Tu. ꝑ.

LECTIO 6.

Quod declarans Angelus Gabriel, cum ab eo quæreretur beata Virgo, ac diceret: Quomodo fiet istud, quoniam virum non cognosco! Respondit Angelus: Spiritus Sanctus superveniet in te, et virtus Altissimi obumbrabit tibi. Quasi dicat: quod à me quæris, ignoro, sed æternæ sapientiæ doctor, qui tibi soli hoc altissimum mysterium reseravit, te per illuminatissimam experientiam edocebit. Tu. ꝑ.

IN III. NOCT.

Si transferatur extra Octav. Homil. de Comm. pro Duplic.

Lectio S. Evangelii secundum Lucam.

LECTIO 7. c. 2. 6.

In illo tempore: Impleti sunt dies MARIE, ut pareret. Et peperit Filium suum primogenitum. Et reliq. Homilia S. Zenonis Veronensis Ep.

Serm. 3. in Nativ. Christi.

In hominem coaptatus, in tegumento carnis includitur Deus: humanamque vitam mutuatur de tempore, qui præstat temporibus æternitatem. Mira res! Concipit MARIA de se ipso quem parit: tumet uterum majestate, non semine. Capiturque Virgo, quem mundus, mundi que non capit magnitudo. Interea promovet suum membra factorem, et opus sui figurâ vestit artificem. Tu. ꝑ.

Bened. Cujus Partum colimus.

LECTIO 8.

Parturit MARIA non dolore, sed gaudio: nascitur sine Patre Filius, non totus Matris: sibi debens quod conceptus est, donans Matri quod natus, quæ principaliter stupet talem sibi Filium provenisse, qui ex se natus non crederetur, nisi quia fuit Virgo incorrupta post conceptum, permaneret talis quoque post partum. O nova ratio! Amore imaginis suæ coactus in infantem, vagitur Deus: patiturque se pannis alligari, qui totius mundi debita venerat soluturus. Tu. ꝑ.

LECTIO 9.

Commemoratio B. V. Montoleensis.

Ex monumentis.

Montolei, quinque ab urbe Herdæ milliaribus, Deiparæ Sanctissimæ lignea Imago non exiguè colitur, quæ antiquitus velo, quod nunc adhuc asservatur, cooperta, in vicino colle inventa fideliter traditur.

Prius in Sacello ibidem structo locata, postea, crescente oppido, ad parrochiale templum, Galindo Ilerdensi Episcopo, ædificatum eique dictum, translata fuit. Ingens est erga eam et Montoleensium, et vicinorum pagorum pietas: Nec desunt curationum gratiæ præsertim in pueris herniâ laborantibus. Pestis quoque, quæ his temporibus circumstantes pagos sævè afflixit, Montoleum, Diva Virgine oppitulate, pertransit. Tu. Te Matrem.

Vesperæ de infra oct. SS. Partus.

DIE XXX. DECEMB.

DE VI. DIE INTRA OCTAV.

Semiduplex.

AD MATUTIN.

HYMNUS 168.

O gloriosa Virginum,
Regina cælo celsior,
Quanto MARIA sænore
Reddis, quod Eva perdidit.

Cunctis Deum Virgo paris,
Desideratum gentibus:
Vitam datam per Virginem
Gentes redemptæ plaudite.

Et nos Dei Virgo Parens,
Vultu benigno respice:
Placabilem tuâ prece
Fac esse nobis Filium.

Jesu, tibi sit gloria, &c.

IN I. NOCT.

De Isaiâ Prophetâ.

LECTIO 1. *Isai. 42. 1.*

Ecce servus meus suscipiam eum: electus meus, complacuit sibi in illo anima mea: dedi Spiritum meum super eum, iudicium gentibus proferet. Non clamabit, neque accipiet personam, nec audietur vox ejus foris. Calamum quasalum non conteret, et lignum fumigans non extinguet: in veritate educet iudicium. Tu. ¶.

LECTIO 2.

Non erit tristis, neque turbulentus, donec ponat in terrâ iudicium: et legem ejus insulæ expectabunt. Hæc dicit Dominus Deus creans cælos, et extendens eos: firmans terram, et quæ germinant ex eâ: dans flatum populo, qui est super eam, et spiritum calcantibus eam. Ego Dominus vocavi te in iustitiâ, et apprehendi manum tuam et servavi te. Tu. ¶.

LECTIO 3.

Et dedi te in fœdus populi in lucem gentium, ut aperires oculos cæcorum, et educeres de conclusione vinctum, de domo carceris sedentem in tenebris. Ego Dominus: hoc est nomen meum: gloriam meam alteri non dabo, et laudem meam sculptilibus. Quæ prima fuerunt, ecce venerunt: nova quoque ego annuntio: antequam oriantur, audita vobis faciam. Tu. ¶.

IN II. NOCT.

Sermo S. Maximi Ep.

Homilia 6. de Nativ. Dom.

LECTIO 4.

Hodiè nova feminei sexûs gloria peperit Virgo, et quod universa nobiscum creatura miratur, natus est homo, non per hominem procreatus. Sed quamvis novus videatur, non tamen incredulum, quod Christus in utero MARIE sine generatione conceptus est, qui de Deo Patre sine conceptione processit. Quod enim Deus est, solus Patris est Unigenitus: quod homo est, solus Maritris est Filius. Tu. ¶.

LECTIO 5.

Nascitur Christus ex MARIA, ut et sexus femineus hominem daret, et Deum proderet integritas virginalis. Nascitur Christus ex feminâ ut sicut Adam decipientem per Evam diabolus non potuit præcavere, ita

diabolus adventaneum per MARIAM Deum non deprehenderet esse præsentem. Tu. ʒ.

LECTIO 6.

Parturit igitur femina salutem mundi, et quæ exlitterat fumes iniquitalis, fieret ministra justitiæ, et per quam mors sibi in hunc mundum adytum patefecit, per eam ad nos vita haberet ingressum. Atque ut ostenderet Creator humani generis utriusque sexus curam habere, et utrumque se velle salvare, vir nascitur et procedit ex feminâ quatenus advertemus nullam esse apud Deum inter virum et feminam, in percipiendâ salute distantiam. Tu. ʒ.

IN III. NOCT.

Lectio S. Evangelii secundum Lucam.

LECTIO 7. c. 2. 6.

In illo tempore: Impleti sunt dies MARIA, ut pareret. Et peperit Filium suum primogenitum. Et reliq.

Homilia S. Leonis Papæ.

Sermo 2. de Nativitate.

Novâ autem nativitate genitus est Christus; conceptus à Virgine, natus ex Virgine, sine paternæ carnis concupiscentiâ, sine maternæ integritatis injuriâ, quia futurum hominum Salvatorem talis ortus decebat, qui et in se haberet humanæ substantiæ naturam, et humanæ carnis inquinamenta nesciret. Originò dissimilis, sed natura consimilis: humano usu et consuetudine, quod credimus, caret; sed divinâ potestate subnixum est, quod virgo conceperit, virgo pepererit, et virgo permanserit. Tu. ʒ.

Benedict. Cujus Partum.

LECTIO 8.

Oportuit, ut primam Genitricis integritatem nascentis incorruptio custodiret, et complacitum sibi claustrum pudoris, et sanctitatis hospi-

lium divini Spiritûs virtus infusa servaret, quæ statuerat dejecta erigere, contracta solidare, et superandis carnis illecebris multiplicatam pudicitia donare virtutem, ut virginitas, quæ in aliis non poterat salva esse generando, fieret aliis imitabilis renascendo. Tu. ʒ.

LECTIO 9.

Hoc ipsum autem, quod Christus nasci eligit ex Virgine, nonne apparet altissimæ fuisse rationis? Ut scilicet humano generi natam salutem diabolus ignoraret, et spiritali latente conceptu, quem non alium videret, quàm alios aliter crederet natum esse quàm cæteros. Quod, ut fieret, natus est Christus ex Virgine, quam Spiritus Sanctus fecundavit, et cum in omnibus matribus non fiat sine peccati sorde conceptio, hæc indè purgationem traxit, undè concepit. Tu. Te Matrem.

CANON.

Ex D. Thomâ Arch. Valentino.

Conc. 1. in Purific.

452. Partus Virginis mundissimus et sanctissimus fuit, et procul ab omni illâ sæditate parientium: nam sicut flos mittit odorem, ita Virgo edidit Salvatorem. Tu. *Vesper. ut in 2. Vesp. SS. Partûs.*

DIE XXXI. DECEMB.

D. V. BRIXIENSIS DE CONSOLAT.

Semiduplex.

Si hoc festum transferatur, in 1. Noct. dicuntur lection. de fer. occurr. et in 3. Noct. dicitur Homil. de Comm. pro Semiduplicibus.

Oratio.

Domine JESU-Christe, Pater misericordiarum, et Deus totius consolationis, concede propitius, ut sicut purissimam Genitricem tuam sub Consolationis titulo gaudentes

veneramur in terris, ita perenni ejusdem consortio perfrui mereamur in cœlis. Qui vivis et regnas.

IN I. NOCT.

De Isaiâ Prophetâ.

LECTIO 1. c. 52. 7.

Quâm pulchri super montes pedes annuntiantis, et prædicantis pacem; annuntiantis bonum, prædicantis salutem, dicentis Sion: Regnabit Deus tuus! Vox speculatorum tuorum: levaverunt vocem, simul laudabunt: quia oculo ad oculum videbunt, cum converterit Dominus Sion. Tu. ʒ.

LECTIO 2.

Gaudete et laudate simul deserta Jérusalem: quia consolatus est Dominus populum suum, redemit Jerusalem. Paravit Dominus brachium Sanctum suum in oculis omnium gentium: et videbunt omnes fines terræ salutare Dei nostri. Tu. ʒ.

LECTIO 3. v. 3.

Ecce intelliget servus meus, exaltabitur, et elevabitur, et sublimis erit valde. Sicut obstupuerunt super te multi, sic inglorius erit inter vivos aspectus ejus, et forma ejus inter filios hominum. Isle asperget gentes multas, super ipsum continebunt reges os suum: quia quibus non est narratum de eo, viderunt: et qui non audierunt, contemplati sunt. Tu. ʒ.

IN II. NOCT.

Gumpenb. Imag. 23.

LECTIO 4.

In suburbio urbis Brixienensis in Italiâ, anno millesimo quadringentesimo quinquagesimo tertio, inter tot Deiparæ insignes cultores civis vixit, cæteris felicior. Hic columnam à laterculo erexit in ipso suburbio, eique statuam Deiparæ tantâ felicitate imposuit, ut quâm plurimum accurrens populus non

se gralis imaginem venerari expectaretur. Hi favores, hi miracula sibi suisque à Virgine collata non vanis rumoribus jactabant. Tu. ʒ.

LECTIO 5.

Post plures annos Sancta Icon urbem reverentèr allata est, novoque à fundamentis erecto templo excepta. Hic novis modis portentosa esse cœpit: siquidem, ut tempora, temporumque calamitates ferebant, Filium quem brachio sustinuit, visa est rogare Virginis picta imago. Hinc oculos, hinc illa manus supplicantis ritu in Filium ferebat. Filius ejus quoque intueri visus est motis oculis Matrem, et ut scires exauditas Matris preces manum pictam picto pectori admovit. Tu.

LECTIO 6.

Res ad Episcopum delata, in judicium vocata est, et testibus, quos jura exigunt, pluribus auditis, confirmata est: quanquam et sine his tot tantæque petentibus cum fiducia factæ sunt gratiæ, ut jam voce populi Mater Consolationis et graliarum sit appellata. Indè congestæ in thesaurum pecuniæ facile suffecerunt ad magnificum, quod hodiè videtur, templum elevandum. Tu. ʒ.

IN III. NOCT.

Lectio Sancti Evangelii secundum Lucam.

LECTIO 7. c. 2. 6.

In illo tempore: Impleti sunt dies MARLÆ ut pareret. Et peperit Filium suum primonentium. Et reliqua.

Homilia S. Thomæ Arch. Valentini.

Concion. de Partu. B. M. V.

Dic nobis, ô beata! Quid sensisti, quando parvulum illum speciosissimum coram te in pavimento jacentem, tam mirabiliter natum vidisti? Quando te Matrem et Virginem, Virginem et Matrem Dei

sensisti? Quandò te super omnem creaturam sublimalam et exaltalam, utpole Creatoris Genitricem liquidò cognovisti? Tu. *¶*.

LECTIO 8.

Dic, obsecro, quibus eum verbis salutasti, quibus laudibus sublimasti, quo jubilo, quo tripudio, quo cantico in hac horâ exultasti? Et quod magis stupeo: cum ardores illos plusquàm seraphicos pectore sustineres, et cor tuum, sicut Spiritûs Sancti caminus mirificis æstibus undiquè deflagaret, non tamen in exlasim rapta, aut à sensibus alienata es. Magnum profectò, stupendumque miraculum, et supramodum memoriæ commendandum. Tu. *¶*.

LECTIO 9.

Commemoratio B. V. Livorniensis de Monte-Nigro.

Gumpenb. Imag. 246.

Statua Deiparæ Sanctissimæ de Monte-Nigro in saxo pergandi sculpta, creditur, anno millesimo trecentesimo quadragesimo quinto, è nigro ponte in nigrum montem ab angelis allata, et medio in campo primùm ad radicem montis deposita. Deindè ab eo loco jussu Virginis quidam pastorilius saxum illud, cui plures non sufficerent, non gravatè sustulit, illudque in locum, ubi hodiè est, deportavit, Urbem postea petit, quinque milibus distantem, et lacrymis civibus suadet, irent visum prodigiosum statuae pondus, quam ipse solus illuc portaverat. Fuere Livurnienses primi, qui primos Virginis favores caplaverant, qui et prima dona votorum rei acceperunt: quibus moniti cæteri suas quoquè quisque miseras Virginis questus est et pios questus secuta sunt miracula. Hinc Sacellum, et ex sacello templum, et deniquè adjunctum

Religiosorum cænobium. Tu. Te Matrem.
Vesperæ sequentis.

FESTA JANUARI.

DIE I. JANUARI.

CIRCUMCISION. DOM. ET OCTA.
SS. PARTUS.

Duplex 2. Classis.

IN I. VESPER.

Antip. et Psalmi, et alia non propria ut in die SS. Partûs.

CAPITULUM. *Epd. c. 1. 6.*

Gratificavit nos Deus in dilecto Filio suo, in quo habemus redemptionem per sanguinem ejus, remissionem peccatorum, secundum divitias gratiæ ejus.

HYMNUM 169.

Felix dies, quo proprio JESUS cruore consecrat!
Felix dies, quo gestiit
Opus salutis aggredi!

Vix natus, ecce lacteum
Profudit Infans sanguinem:
Libamen est hoc funeris,
Amoris hoc præludium.

Quo Christus ictu læditur,
Lex abrogata concidit,
Et incipit lex sanctorum,
Mansura semper charitas!

Te, Christe, quod non est tuum
Nostro recide pectore;
Inscribe nomen intimis,
Inscribe legem cordibus.

JESU, tibi sit gloria, etc.

¶. Dilectus meus candidus et rubicundus.

¶. Inter ubera mea commorabitur.

Ad Magnific. ant. Ecce concipies in utero, et paries filium, et vocabis nomen ejus JESUM, alleluia.

Oratio de Laudib.

Completor. de Dominic.

AD MATUTIN.

Invitator. Filium MARIE secundum legem circumcismus, * Venite, adoremus.

HYMNUS 170.

Castæ parentis ubera,
O Christe, quid gaudens præmis?
Divinitatis hospitam
Quid lacte carnem recreas?

Agnosco, JESU, quid velis:
Summo Parenti scilicet
Pleno vigentem robore
Ardes parare victimam.

Venas remixtum per sacras
Mox sanguis istud lac erit,
Fususque per plagas cruor
Orbis piabit crimina.

O Virgo, quæ tuis Deum
Foves in ulnis Filium,
Hunc nos sub imis nos quoque
Gestare dona cordibus.

Fac sanguis ille purior
De lacte concretus tuo,
Certæ tuis clientibus
Sit fons salutis efficax.

JESU tibi sit gloria, etc.

IN I. NOCT.

†. Sit nomen Domini benedictum.

¶. Ex hoc nunc et usque in sæculum.

De libro Genesis.

LECTIO 1. c. 17. v. 1.

Apparuit Abraham Dominus: dixit ad eum: Ambula coram me, et esto perfectus. Ponamque fœdus meum inter me, et te, et multiplicabo te vehementer nimis. Cecidit Abraham pronus in faciem. Dixitque ei Deus: Ego sum, et pactum meum tecum, erisque Pater multarum gentium. Tu. ¶.

LECTIO 2. v. 9.

Dixit iterum Deus ad Abraham: Et tu ergo custodies pactum meum, et semen tuum post te in generationibus suis. Hoc est pactum meum, quod observabitis inter me, et vos,

et semen tuum post te: circumcides ex vobis omne masculinum: et circumcidetis carnem preputii vestri, ut sit in signum fœderis inter me, et vos. Tu. ¶.

LECTIO 3.

Infans octo dierum circumcides in vobis, omne masculinum in generationibus vestris: tam vernaculus, quam emptitius circumcides, et quicumque non fuerit de stirpe vestra: erique pactum meum in carne vestra, in fœdus æternum. Masculus cujus preputii caro circumcisa non fuerit, delebitur anima illa de populo suo, quia pactum meum irritum fecit. Tu. ¶.

IN II. NOCT.

†. Circumcismus est puer.

¶. Et vocatus est JESUS.

Sermo S. Bonaventuræ Episcopi.

In meditat. Vitæ Christi, c. 8.

LECTIO 4.

Audis, quia hodiè puer sanguinem suum fudit. Fuit enim caro ipsius cum cultello lapideo incisa. Nonne ergo compatiendum est ei? Ita. Sic certè ei Matri. Ploravit ergo puer JESUS hodiè propter dolorem, quem sensit in carne suâ, nam veram carnem et possibilem habuit, sicut cæteri homines. Sed eo plorante, credisne, quod mater potuerit lacrymas continere? Tu. ¶.

LECTIO 5.

Plorabat ergo ipsa, quam plorantem Filius stans in gremio ejus aspiciens, parvulam manum suam ad os, et vultum ejus ponebat, quasi nutu rogans eam, ne ploraret: quàm enim tenerimè diligebat, à ploratu cessare volebat. Similiter Mater, cujus viscera commovebantur totaliter in dolore, et lacrymis Filii, et nutu et verbis consolabatur eum. Tu. ¶.

LECTIO 6.

Intelligebat enim tanquam prudentissima voluntatem ejus, quamvis nondum loqueretur. Et dicebat: Fili, si vis me à ploratu cessare, cessa et tu. Non enim possum te plorante, non plorare. Et tunc ex compassione Matris Filius à singultibus desistebat. Mater verò, et ipsius et suos oculos tergebat, et vultum vultui applicabat, lactabat eum, et omnibus, quibus poterat, modis consolabatur. Tu. ꝑ.

IN III. NOCT.

ꝑ. Fasciculus myrrhæ. ꝑ. Dillectus meus mihi.

Lectio S. Evang. secundum Lucam.

LECTIO 7. 2. 21.

In illo tempore: Postquam consummati sunt dies octo, ut circumcideretur Puer, vocatum est nomen ejus JESUS. Et reliqua.

Homilia S. Cyrilli Alexandrini Ep.

In occursu Domini.

Videamus mosaycis cedentem legibus: quin potius eum, qui divinam legem majestate sanxit, suis ipsum legibus subjectum. Subjecit itaque nobiscum legi cervicem: atque id prudenti consilio, benignaque accommodatione: decebat enim eum implere omnem justitiam. Tu. ꝑ.

Bened. Cujus Partum colimus.

LECTIO 8.

Nam et cum servi formam assumpsisset, eam ob causam, velut in servorum numero adscriptus ratione humanitatis, tributorum exactoribus unà cum aliis didrachma solvit. quamvis naturam liber esset, ac nulli vectigali, ut filius. Cum ergo illum videris servare legem, cave offendaris: nec inter servos liberum colloca, sed divini consilii altitudinem potius mente reputa. Tu. ꝑ.

LECTIO 9.

Igitur, cum octava dies advenisset,

quâ die carnis circumcisio ex legis præcepto fieri solebat, nomen accipit, nimirum JESUS, quod exponitur salus populi. Sic enim Deus Pater nominari Filium suum voluit ex muliere secundum carnem genitum. Tunc enim certè factus est salus populi, nec unius tamen, sed multorum, quin et omnium gentium et universæ terræ. Tu.

Te Matrem.

AD LAUDES

et per Horas antiphonæ.

1. Creator * generis humani animatum corpus sumens de Virginæ nasci dignatus est.

Psalmi de Dominicâ.

2. Sicut pluvia * in vellus descendit, ut salvum faceret genus humanum.

3. Rubum, * quem viderat Moyses incombustum conservatam agnovimus Beatæ MARIE Virginitatem.

4. Germinavit * radix Jesse, orta est stella ex Jacob, Virgo peperit Salvatorem.

5. Ecce MARIA * genuit et peperit nobis Salvatorem mundi permanens Virgo.

CAPITULUM. *Eph. 1. v. 6.*

Gratificavit nos Deus in dilecto Filio suo, in quo habemus redemptionem per sanguinem ejus, redemptionem peccatorum, secundum divitias gratiæ ejus.

HYMNUS 171.

Claire.

Dum Virgo læta cogitat
Partus sui miracula,
Silensque secum pensitat
Nati Dei cunabula.

Abstractus Infans ubere,
Ex lege circumciditur:
Sed quo feritur vulnere
Hoc ipsa lex occiditur.

Hinc sanguis in nos depluit
Pro diluendis sordibus:

Cœlestis ut ros defluit
Pro moliendis cordibus.

Servi notanda stigmate
Caro ten illa scinditur;
Sacro fluens dum chrismate
Salubre nomen inditur.

JESUS ei vocabulum
Cui totus orbis subditur,
Salutis ut signaculum,
Cor, lingua, mens amplectitur.
JESU tibi sit gloria, &c.

†. Viderunt omnes fines terræ,
alleluia.

†. Salutare Dei nostri, allel.

Ad Benedict. *ant.* Postquam
consummati sunt dies octo, circum-
ciscus est Puer, et vocatum est no-
men ejus JESUS, allel.

Oratio.

Supplicationem servorum tuo-
rum, Deus miserator, exaudi, ut
qui in Circumcisione Unigeniti Fi-
lii tui congregamur, ejus Sanctis-
simæ Matre interveniente, corda
nostra per jugem abnegationem
circumcidere valeamus. Per eum-
dem Dom.

CANON.

Ex S. Epiphanio Episcopo.
Contra Hæres hæc. 30. pag. 68.
453. Nos autem et Deum ip-
sum dicimus de cœlo venisse, et
in utero Virginis MARIE... per-
mansisse donec perfectè à Virginis
utero incarnationem et dispensa-
tionis mysterium sibi ipsi dispo-
neret, per quod mysterium etiã
circumciscus est verè et non in
apparentiã octavo die. Tu.

Ad horas *antiph. Capit. Primæ,*
et Oratio de Laudibus: reliqua, ut in
die SS. Partûs.

IN II. VESPERIS.

Antiph. et Psalmi ut in die SS.
Partûs. Capit de Laudib.

† HYMNUS 172. *Vitalis Theroni.*
Tu pulcherrima Virginum

Mater, si placitum est, sine
Tibi de gremio rapi
Justa ad sacra puellum;

Et suavissima susline
Tantillum oscula, dum pius
Securâ peraget manu
Munus Iriste Sacerdos.

Et longis licet impleat
Infans aera questibus
Honestas lacrimabili
Madens flumine malas,

Tu siccis oculis tamen
Sta, ne tristitia acerbius
Ferat vulnera: nam tuo
Totus pendet ab ore:

Nec illi magis aspera
Cutem vulnera sauciant,
Quàm Matris lacrymæ gravi
Cor dolore cruentant.

Nec longus puero dolor,
Nec longus fuerit tibi
Ancisus placidè tuis
Mox pendebit ab ulnis.

JESU, tibi sit gloria,
Qui natus es de Virgine,
Cum Patre et almo Spiritu
Cuncta in sæcula perpetim. Am.

†. In Domino gaudebo.

†. Et exultabo in JESU Filiomeo.

Ad Magnif. *ant.* Secundum mul-
titudinem dolorum meorum in Cir-
cumcisione Filii mei, consolationes
tuæ lætificaverunt animam meam
in impositione sanctissimi Nominis
tui JESUS.

Oratio de Laudib. Completor. de
feriâ occurr.

DIE II. JAN.

FECUNDITATIS B. M. V.

Duplex.

Non propria de Communi Puerperæ.
Lectio. 1. Noct. de Feriâ.

IN II. NOCT.

Ex verbis B. Dionysii Carthu-
siani in libro de Laudibus B. Virgi-
nis. *libr. 1. art. 21.*

LECTIO 4.

Cum bonum sit sui communicativum, ac diffusivum, quod melioris productivum est germinis, melius esse censetur: quanta ergo bonitas virginæ Matris, quæ Filium peperit bonitatis immensæ, ut puta verum Deum; quanta est ejus fecunditas, quæ comparentalis est Patri æterno, quæ Opificem genuit universi, et proprium generavit Artificem incarnatum: et quamvis ipsa non sit Mater illius, quantum ad eam naturam, quâ et creativa potentia convenit ei; nihilominus verè est Mater illius, et nisi per dona excellentissimæ gratiæ dignificata, et aptata fuisset, tantum concipere, generareque Filium, non utique concepisset. Tu. ꝑ.

LECTIO 5.

Itaque sicut bonitas, ita quoque causalitas et fecunditas amabilissimæ Virginis MARIÆ Sanctissimæ omnium creaturarum causalitatem et fecunditatem transcendit. Quippe quæ peperit illum, à quo non solum descendit omne esse naturæ, sed etiâ omne esse gratiæ, et omne esse gloriæ et salutis... Amplius. In redemptione, reparatione, et salvatione totius humani generis illustrissima Virgo tam excellentèr cooperata videtur, quod nulla creaturarum causarum naturalis causalitas, fecunditas, ac potestas ei valeat æquari: sicut nec dona naturæ donis possunt gratiæ aut gloriæ in dignitate comparari perhiberi. Tu. ꝑ.

LECTIO 6.

At verò præfatam supernaturalem fecunditatem accepit incomparabilis Virgo non à viro, sed à Spiritu Sancto, qui, quod in aliis matribus facit vir et vis seminalis, superior, inferiorque natura, hoc totum in Deiformi Virgine MARIA Christife-

râ instantaneè et miraculosè effecit. Hæc est præclarissima Virgo, quoniam sicut mens Dei Patris genuit ab æterno Verbum æternum, per quod facta sunt omnia quod est universorum Creator; sic uterus Virginis peperit id Verbum adorandum, ex se incarnatum, per quod reparata sunt cuncta, quod omnium est Salvator. Ex fonte paternæ mentis sapientia æternalis, omnium salus et gloria: et hæc ipsa sapientia incarnata ex fonte profluxit virginæ Matris. Tu. ꝑ.

Homil. de Comm. Puerp. pro Duplic.

LECTIO 9.

Commem. B. V. Firmanæ à Mari.

Gump. Atl. mar. imag. 274.
Hoc Deiparæ Templum, Firmi in Italiâ, in operto campo juxta mare, antiquum quidem, sed propter incursiones Turcarum desertum usque ad annum millesimum sexcentiesimum trigesimum, quo tempore visæ sunt supra templum hoc flammæ in cælum ascendentes, visæ etiâ supplicationes benè ordinatæ templum circumire primùm ab aliquibus agrestibus, ac deindè à totâ penè Firmanâ civitate, Sabinis maximè diebus. Non tamen satis constat magnum fuisse piorum concursum usque ad anni sequentis quintum diem Januarii, quo hûc supplicatio omnium confraternitatum instituta est ab Archiepiscopo, quo adhortante, plures tribus milibus sacra synaxi sunt refecti. Tu. Te Matrem.

CANON.

Ex S. Leone Papâ Primo.

T. 8. Concilior. Calched. p. 413.

Ep. ad Flav.

454. Fecunditatem Virgini Spiritus Sanctus dedit; veritas autem corporis sumpta de corpore est: et

ædificante sibi sapientiâ domum,
Verbum caro factum est, et habita-
vit in nobis. Tu.

Cum 2. Vesper.

DIE IV. JAN.

MATERNITATIS B. M. V.

Dupl. majus.

Non propria de Commun. Puerperii.

IN I. VESPER.

HYMNUS 173. *Brev. Rom.*
Cælo Redemptor prætulit
Felicis alvum Virginis,
Ubi caduca membra
Mortale corpus induit.

Hæc Virgo nobis edidit,
Nostræ salutis auspicem,
Qui nos redimit sanguine,
Pœnas crucemque pertulit.

Spes læta nostro è pectore
Pellat timores anxios:
Hæc quippè nostras lacrymas
Precesque defert Filio,

Voces Parentis excipit,
Votisque Natus annuit:
Hanc quisque sempèr diligit
Rebusque in arctis invocet.

JESU, tibi sit gloria, etc.

Oratio.

Intercedat pro nobis, Domine
JESU—Christe, tua Sanctissima Ge-
nitrix MARIA, et gratiam tuam, à
quâ peccando excidimus, nobis suâ
intercessione conciliet, ut ejus Ma-
ternitatem venerantes in terris, ejus
super omnes choros Angelorum
exaltatione perfrui mereamur in
cælis. Qui vivis et regnas.

AD MATUTIN.

Invitat. Maternitatem Beatissi-
mæ Virginis MARIE celebrantes, *
Christum ejus Filium adoremus
Dominum.

AD MATUTIN.

HYMNUS 174. *J. M. Caryoph.*
Totus ab solo genitore natus,
Totus ab solâ genitrice natus

Simplus est Christus veniens ab uno,
Non et ab una.

Plena qui summi Patris est
Imago,

Esca ne mortis foret hæc Imago,
Ipse, quam finxit, caro facta Matris
Prodiit Imago.

Matris in ventrem ruit ille noctu;
Se dedit lucem pariente noctu
Matre; nox noctis tenebras ut omnes
Una fugaret.

Una res vincit novitate mirum
Quidquid est actum; nova Virgo
Mater,
Quæ Deum prægnans creat, et ca-
dentem

Recreat orbem.

Sit Decus summosine fine Christo,
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

Lect. 1. Noct. de Comm. Puerperii.

IN II. NOCT.

Sermo S. Thomæ Aquinalis.

Opusc. 3. c. 221. Compend.
Theolog.

LECTIO 4.

Femina, ex quâ aliquis homo na-
scitur, mater illius dicitur, ex eo
quod materiam ministrat humano
conceptui. Undè Beata Virgo MA-
RIA, quæ materiam ministravit
conceptui Filii Dei, vera Mater Fi-
lii Dei dicenda est. Non refert ad
rationem Matris quâcumque virtu-
te materia ministrata formetur. Si
quis autem dicere velit Beatam Vir-
ginem Dei Matrem non debere dici,
quia non est ex eâ assumpta divi-
nitas, sed caro sola, sicut dicebat
Nestorius, manifestè vocem suam
ignorat. Tu. ¶

LECTIO 5.

Non ex hoc aliqua dicitur alicujus
Mater, quia totum, quod in ipsa
est, ex eâ sumatur. Homo enim
constat ex animâ et corpore, ma-

gisque est homo id quod est secundum animam, quam id quod est secundum corpus. Anima autem nullius corporis à matre sumitur, sed vel à Deo immediate creatur, ut veritas habet, vel, si esset ex traductione, ut quidam posuerunt, non sumeretur à matre, sed magis à patre, quia in generatione cæterorum animalium masculus dat animam, femina verò corpus. Tu. ꝑ.

LECTIO 6.

Sicut igitur cujuslibet hominis mater aliqua femina dicitur, ex eo quod ab eà corpus ejus assumitur, ita Dei Mater Beata Virgo MARIA dici debet, si ex eà assumptum est corpus Dei, si assumitur in unitatem personæ Filii Dei, qui est verus Deus. Confitentibus igitur humanam naturam esse assumptam à Filio Deo in unitatem personæ, necesse est dicere, quòd beatissima Virgo MARIA sit Mater Dei. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 2.

In illo tempore: Cum redirent, remansit puer JESUS in Jerusalem, et non cognoverunt parentes ejus. Et reliqua.

Homilia S. Bernardi Abbatis.

Homil. 1. sup. missus.

Deum et Dominum Angelorum MARIA suum Filium appellat, dicens, Fili, quid fecisti nobis sic? Quis hoc audeat Angelorum? Sufficit eis et pro magno habent, quod, cum sint Spiritus ex conditione, ex gratià facti sint et vocati Angeli, testante David: Qui facit Angelos suos Spiritus. MARIA verò Matrem se agnoscens, majestatem illam, cui illi cum reverentià serviunt, cum fiducià suum nuncupat Filium. *Lect. 8.* Nec dedignatur nuncupari Deus, quod esse dignatus est. Nam paulò post subdit Evangelista. Eterat sub-

ditus illis. Quis? Quibus? Deus, hominibus. Deus, inquam, cui Angeli subditi sunt, cui Principatus, et Potestates obediunt, subdituserat MARIE. Nec tantum MARIE, sed etiam JOSEPH propter MARIAM. Tu. ꝑ.

Benedict. Cujus Maternitatem.

LECTIO 8.

Mirare utrumlibet, et elige quod amplius mireris, sive Filii benignissimam dignationem, sive Matris excellentissimam dignitatem. Utrunque stupor, utrinque miraculum, Et quod femine obtemperet, humilitas absque exemplo, et quod Deo femina principetur, sublimitas sine socio. In laudibus Virginum singulariter canitur, quod sequuntur agnum, quocumque ierit. Quibus ergò laudibus judicas dignam, quæ etiam præit? Tu. ꝑ.

LECTIO 9.

Commemoratio B. V. de Funibus.

Camòs Libr. 6. c. 19.

Sub titulo de Funibus, propter miraculum quod patratum est anno millesimo centesimo nonagesimo, tripartitum funem in unum iterum cœniens, in regione Urgellensi, Deipara Sanctissima mirifice colitur. Cuidam Joanni Amoros invocata in angustia benignè apparuit, et à pressurâ cum eum liberasset, ipsi injunxit, dato signo, ut oppidanis Bellvis nuntiaret se velle eo in loco strui templum. Signum erat mirus fulgor in facie: quo viso, et ipso audito statim Templum cœptum est et non multò post finitum. Imago pulcherrima ibidem irventa, fuit in majori arâ locata, ubi ex tunc semper innumerus ingentibusque prodigiis claruit. Templo adjunctam domum quam primum ipse Amoros inhabitavit, anno millesimo quingentesimo nonagesimo secundo Clemens octavus unâ cum custodia

Templi Patribus Trinitariis in cœnobium tradidit. Sed in ultimis Hispaniarum cladibus, domo cum templo omninò dirutâ, Sanctissima Imago ad parrochiam Ecclesiam Belvis translata fuit. Tu.

AD LAUDES.

HYMNUS 150. *Brev. Rom.*

Te, Mater, alma Numinis
Oramus omnes supplices,
A fraude nos ut dæmonis
Tuâ sub umbrâ protegas.

Ob perditum nostrum genus
Primi Parentis crimine
Ad inclytum Matris decus
Te Rex supremus extulit.

Clementer ergo prospice
Lapsi Adami posteris:
A te rogatus Filius
Deponat iram vindicem.

JESU, tibi sit gloria, &c.

Ad Benedic. ant. Sine tactu peccatoris inventa es Mater Salvatoris, Virgo Dei Genitrix, allel.

ŷ. ŷ. *br. ad Pr.* Quæ Mater Dei effecta fuisti.

CANON.

Ex Sixto Papâ Quinto.

Const. Intemeratæ Matris *an.* 1585.

455. Intemeratæ Matris Dei, ex cujus purissimis visceribus, salvâ per Spiritûs Sancti virtutem integritate Virginitatis, Auctor vitæ nasci dignatus est, salutiferam fecunditatem veneramur... Tu.

Cum 2. Vesper.

DIE V. JAN.

IN VIGILIA EPIPHANIÆ.

Semiduplex.

Omnia præter Lectiones, ut in Domin. infra Octav. SS. Partûs p. 513.

IN I. NOCT.

De Epistolâ ad Romanos.

LECTIO 1. c. 1.

Paulus servus JESU-Christi, vo-

catus apostolus, segregatus in Evangelium Dei, quod ante promiserat per prophetas suos in Scripturis sanctis de Filio suo, qui factus est ei ex semine David secundum carnem, qui prædestinatus est Filius Dei in virtute secundum Spiritum sanctificationis ex resurrectione mortuorum JESU-Christi Domini nostri. Tu. ŷ. Gloria in excels.

LECTIO 2.

Per quem accepimus gratiam et apostolatam, ad obediendum fidei in omnibus gentibus pro nomine ejus, in quibus estis et vos vocati JESU-Christi, omnibus qui sunt Romæ, dilectis Dei, vocatis sanctis, Gratia vobis et pax à Patre nostro, et Domino JESU-Cristo. Tu. ŷ. Hodie nobis.

LECTIO 3.

Primùm quidem gratias ago Deo meo per JESUM-Christum pro omnibus vobis: quia fides vestra annuntiatur universo mundo. Testis enim mihi est Deus, cui servo in Spiritu meo in Evangelio Filii ejus, quòd sine in termisione memoriam vestri facio semper in orationibus meis. Tu. ŷ. Partus et.

IN II. NOCT.

Sermo S. Augustini Episcopi.

Apud Bedam in Expos. Epistol. ad Rom.

LECTIO 4.

Etsi in quibusdam latinis ejemplaribus non legitur factus, sed natus ex semine David, cum græca factus habeant, undè non ad verbum sed ad sententiam transferre voluit, dicendo: Natus, latinus interpret: tamen Christum ex semine David esse secundum carnem omnium librorum, atque linguarum concordat auctoritas. Tu. ŷ. Osculetur.

LECTIO 5.

Faciente et suscipiente Verbo, ipse homo, ex quo esse cœpit, Filius Dei unicus esse cœpit: de Spiritu Sancto et Virgine MARIA Dei Filius natus est, non carnis cupidine, sed solo munere. Libera in eo voluntas erat, ac tantò magis erat, quantò magis servire peccato non poterat. Tu. *¶*. Hodie.

LECTIO 6.

Prædestinatus est ergò JESUS, ut qui futurus erat secundum carnem Filius David, esset tamen in virtute Filius Dei secundum Spiritum sanctificationis, quia natus est de Spiritu Sancto ex MARIA Virgine. Ipsa est igitur illa ineffabilis facta à Deo Verbo susceptio singularis, ut filius Dei et hominis simul, Filius hominis propter susceptum hominem, unigenitum Deum, veraciter et propriè diceretur, ne non quaternitas, sed Trinitas crederetur. Tu. *¶*. O magnum.

IN III. NOCT.

Lectio S. Evang. secundum Lucam.

LECTIO 7. c. 2.

In illo tempore: Loquebantur Pastores ad invicem. Transeamus usque ad Bethleem. Et reliqua.

Homilia S. Basilii Seleuciæ Ep.

Oratio in Deiparam.

Processit igitur Emmanuel in mundum velus opus suum, puer quidem recens apparens, sed ante æternitatem Deus: in præsepe reclinator, et diversorio exclusus, cum æterna habitacula præparasset: in spelæo abjectus, et stellâ manifestus: à Magis muneribus exceptus, et pretium pro peccatis exsolvens: à Simone in ulnis gestatus, et divinæ potestatis ambitu cuncta complectens: à pastoribus infans visus, et ab angelorum exercitu pro Deo agnitus, qui ejus in cœlo

gloriam, in terrâ pacem, inter homines bonam voluntatem concinebant. Tu. *¶*. Annuntio.

LECTIO 8.

Quæ omnia Sancta Domini totius universi Mater, ac verè Deipara in corde conferens, uti scriptum est, rerum admirabilium accessione exhilarata, cumalationi gaudio intus perfuditur, et simul Filii qui Deus est, oculis, mentique objectâ amplitudine præcellitur. Ut igitur divinum infantem contemplata est, desideriis reverentiæ plenis, ut reor, devincta, hæc sola cum solo agitabat colloquia. Tu. *¶*. Quis cogn.

LECTIO 9.

Quam tibi, Fili mi, congruam appellationem inveniam? Hominis? At conceptio tua divina est. Dei? At humanam carnem sortitus es. Quid ergò mihi tecum faciendum? Lacte nutricabor, an Deum considerabo? Curabo, ut Mater, an adorabo, ut ancilla? Circumplectar ut Filium, an adorabo ut Deum? Lacindam; an Thyamiama inferam? Quodnam hoc maximum, et inenarrabile miraculum? Cælum tibi sedes, et te sinus meus gestitat. Totus præstò es terram habitantibus, et non à cœlitibus prorsus abjunctus. Non contingit ista descensio loci mutatione, sed divina fuit condescensio. Depredico tuam in homines charitatem, non scrulor tuam Incarnationem. Tu. Te Matrem.

Oratio.

Præsta, quæsumus, Omnipotens Deus, ut qui tantam prævenimus festivitatem, Beatissimâ sempèr Virgine MARIA intercedente, tuæ gratiæ beneficia sempèr nos præveniant. Per Dominum.

Ad Prim. preces.

Vesperæ de sequenti.

DIE VI. JAN.

IN EPIHANIA DOMINI.

Duplex 1. Class. cum Octavd.

IN I. VESPER.

Ant. 1. Ecce Magi ab Oriente veniunt Jerosolymam, ut adorent Deum de Virgine natum.

Psalmi de Solemnitatib.

2. Sydere ducti quæerunt stellam, quæ beato partu peperit solem.

3. Ubi est qui natus est Rex Judæorum? Vidimus stellam ejus in Oriente.

4. Vidimus stellam ejus, et venimus adorare Dominum.

5. In Bethleem Judæ natus est: ibi inveniatis eum in præsepio.

CAPITULUM. *Baruch. 5. 3.*
Deus ostendet splendorem suum in te omni, qui sub cælo est: nominabitur enim tibi nomen tuum à Deo in sempiternum.

¶ Stella quam viderunt Magi in Oriente, antecedeat eos, donec venirent ad locum, ubi Puer erat. * Videntes autem eam gavisi sunt gaudio magno. †. Et intrantes domum, invenerunt Puerum cum MARIA Matre ejus, et procidentes adoraverunt eum. — Videntes. — Gloria. — Stella.

In dieb. infr. Oct. non dicitur.

HYMNUS 176.

Quàm pulcer in carnis stolâ
Apparet hic Sponsus Sion,
Artus tenellos fasciis
Dum Virgo Mater alligat.

Spectant trementes Angeli,
Reges adorant subditi,
Et tota cæli machina
Infantis ad nutum stupet.

Crudelis Herodes abi,
Abi per infernum chaos,
Non dextræ cultrix tuæ
Tam parvæ cedet victimæ.

Hanc Matris abditam sinu

Defendit æternus Pater,
Et tota pannis parvuli
Cohors Olympi militat.

JESU, tibi sit gloria, etc.

†. Fluminis impetus, alleluia.

¶. Lætificat civitatem Dei, allel.

Ad Magnific. ant. Hoc signum magni Regis est; eamus, et inquiramus eum, et offeramus ei aurum, thus, et myrrham, alleluia.

Compleat. de Domin.

Dicto. Ave, et omisiss. †. Domine lab. etc. *Invitat. cum Psalm.* Venite exultemus, et *Hymno, incipitur ab ant.* Afferte, ut *infra in 1. Noct.*

In diebus infra octav. nil omittitur, sed incipitur de more.

Invitat. Venite adoremus Deum, * Quem hodie Virgo MARIA revelat gentibus.

HYMNUS 177.

Nuntius cælo retulit fidelis,
Bethleem natum Genitrice purâ,
Quem Prophetarum chorus almus uno

Promptserat ore.

Cœlitum cantus sonat hinc per auras,

Hinc novo sydus radiens decore
Regis ad cunas Arabes remoto

Ducit ab orbe.

Supplices auro Domino potenti,
Thus Deo myrrham tribuunt humando,

Tres decus Christi coluere triplex
Munere trino.

Sit decus summo sine fine Christo,
Sancta quem Virgo genuit MARIA,
Qui Patri compar Spiritui Sancto,
Regnat in ævum. Amen.

IN I. NOCT.

Ant. 1. Afferte, * Dominae nostræ, filii Dei, adorate Dominum in aulâ sanctâ ejus. *Psalmi de Domin. p. 2.*

2. Fluminis impetus * lætificat civitatem Dei, alleluia.

3. Psallite Regi nostro, * psal

lite: psallite Reginæ nostræ, psallite sapienter.

†. Omnis terra adoret Filium tuum, alleluia.

†. Et psallat tibi, Virgo MARIA, alleluia.

De Isaiâ Propheta.

LECTIO 1. c. 6. v. 1.

Surge, illuminare, Jerusalem, quia venit lumen tuum, et gloria Domini super te orta est. Quia ecce tenebræ operient terram, et caligo populos: super te autem orietur Dominus, et gloria ejus in te videbitur. Et ambulabunt gentes in lumine tuo, et reges in splendore ortus tui. Tu.

†. Inclinate aurem vestram, et venite ad me: * Audite, et vivet anima vestra. †. Ego proferam vobis spiritum meum, et revelabo vobis Filium Dei, ut adoretis eum. —Audite.

LECTIO 2.

Leva oculos tuos in circuitu et vide: omnes isti congregati sunt, venerunt tibi: filii tui de longè venient, et filia tuæ de latere surgent. Tunc videbis et afflues, et mirabitur, et dilatabitur cor tuum, quando conversa fuerit ad te multitudo maris, fortitudo gentium venerit tibi. Tu.

†. Venite et videte opera Domini, quæ posuit prodigia super terram, * Nascens de intactâ Virgine factus homo. †. Videte, quoniam ego sum Deus, et exaltabor in gentibus, et exaltabor in terrâ. —Nascens.

LECTIO 3.

Inundatio camelorum operiet te, dromedarii Madian et Ephraim: omnes de Saba venient, aurum et thus deferentes, et laudem Domino annuntiantes. Omne pecus Cedar congregabitur tibi, arietes Nabatiorum ministrabunt tibi: afferentur super placabili altari meo, et domum ma-

jestatis meæ glorificabo. Tu.

†. Omnes gentes plaudite manibus, quoniam * Rex magnus super omnem terram Dominus. †. Quis putas Puer iste erit? —Rex magnus. —Gloria. —Omnes. *Infra Octav. Rex.*

IN II. NOCT.

Ant. 1. Inclinate * aurem vestram, et venite ad me, alleluia.

2. Reges Tharsis * et insulæ munera offerent Regi Domino.

3. Leva in circuitu * oculos tuos, et vide: omnes isti venerunt tibi, Virgo Sacrata.

†. Omnes de Saba venient, alleluia.

†. Aurum et thus deferentes, alleluia.

Ex verbis S. Bonaventuræ Ep.

In meditat. Vitæ Christi. c. 9.

LECTIO 4.

Venerunt Magi ab Oriente ad Jerosolimam cum multitudo magnâ et honorabili comitatu, et sunt ante illud tugurium, in quo natus est Dominus JESUS. Domina sentit strepitum et tumultum, et accipit Puerum. Intrant illi domunculam, et genuflectunt, et adorant Dominum puerum JESUM reverenter. Honorant eum ut regem, et adorant ut Deum. Vide quàm magna fuit eorum fides. Quid enim erat credere, quòd ille parvulus, sic vilitèr indulus, cum pauperculâ matre inventus, et in loco sic abjecto, sine societate, sine familiâ, sine omni ornatu esset Rex et Deus verus? Tu.

†. Gloria Libani ad te veniet: * Et gens et regnum, quod non servierit tibi, peribit. †. Reges gentium venient ad te curvi, et adorabunt vestigia pedum tuorum. —Et gens.

LECTIO 5.

Stant ergo genuflexi coram eo, colloquuntur cum Dominâ vel per interpretem, vel per seipsos, quia

sapientes erant, et fortè linguam hebraicam sciebant. Quærunt ab eâ de conditionibus istius Pueri; Domina narrat, et illi omnia credunt. Conspice benè ipsos, quia reverentè et curialitè loquuntur, et audiunt. Conspice et Dominam quia cum robore in verbis et oculis ad terram demissis, ac cum veracundia loquitur: non delectatur loqui, nec videri. Tu.

¶. Adducam filios tuos de longè: argentum eorum, et aurum eorum cum eis, * Ut offerant nomini tuo, et Sancto Israel. ¶. Omnes de Sabà venient, aurum et thus deferentes, et nomen Domini annuntiantes.— Ut.

LECTIO 6.

Dominus tamen dedit ei vigorem in hoc magno opere, quia illi representabant universam Ecclesiam futuram ex gentibus. Conspice et puerum JESUM, nondum loquitur, sed stat cum maturitate et gravitate, tanquam intelligens, et benignè respicit illos, et illi multum delectantur in eo, tam visu mentis, tanquam intus edocti, et illuminati ab eo, quam corporali, quia speciosus erat præ filiis hominum. Tu.

¶. Videbunt gentes Filium tuum, et cuncti reges inclytum tuum: * Et vocabitur tibi nomen novum, quod os Domini nominavit: ¶. Et eris corona gloriæ in manu Domini, et diadema regni in manu Dei tui.—Et vocal.—G'ria.—Videbunt. *Infra octav.* Et voc.

IN III. NOCT.

Ant. Venite, adoremus Deum, qui de Virgine MARIA nasci dignatus est.

PSALM. 34.

Venite, exultemus Dominae nostræ: * jubilemus salutiferæ MARIAE Reginae nostræ.

Præocupemus faciem ejus in jubilatione, * et in canticis collaudemus eam.

Ant. Venite, adoremus Deum, qui de Virgine MARIA nasci dignatus est.

Venite, adoremus, et procidamus ante eam: * confiteamur illi cum fletibus peccata nostra.

Impetra nobis, Domina, indulgentiam plenam: * assiste pro nobis ante tribunal Dei.

Ant. Venite, adoremus Deum, qui de Virgine MARIA nasci dignatus est.

Suscipe in fine animas nostras, * et introduce nos in requiem æternam.

Gloria Patri et Filio...

Ant. Venite, adoremus Deum, qui de Virgine MARIA nasci dignatus est:

Ant. prædicta cum suo Psalmo dicitur, tantum hæc nocte. Per octav. verò omittitur, et ejus loco dicitur sequens.

Ant. Homo natus * est in eâ, et ipse fundavit eam Altissimus.

2. Leva in circuitu * oculos tuos: omnes isti venerunt tibi.

3. Afferte Dominae nostræ, * afferte gloriam nomini ejus.

¶. Adorate Dominum, allel.

¶. Omnes angeli ejus, allel.

Lectio S. Evangelii secundum Matthæum.

LECTIO 7. c. 2. 1.

In illo tempore: Cum natus esset JESUS in Bethleem Juda in diebus Herodis regis, ecce Magi ab Oriente venerunt Jerosolymam. Et reliqua.

Homilia S. Petri Damiani Ep.

In Epiphaniâ Domini.

Gaudcant Gentiles, exultent Judæi, quia ecce sol de stellâ enituit, et factor Virginis, factus est in Vir-

gine facturâ suâ. Homo enim qui natus est in eâ, ipse fundavit eam Altissimus. Ortus est itaque sol de stellâ, sanitas ex ægitudine, ex morticinio vita, lux ex tenebris, dulcedo ex amaritudine, ex spinâ rosa, Pater ex Filiâ, Dominus ex ancillâ, et de exiguo rivulo fons aquæ salientis in vitam æternam. Tu.

¶ Illuminare, illuminare Jerusalem, quia venit lux tua, * Et gloria Domini super te orta est. † Et ambulabunt gentes in lumine tuo, et reges in splendore ortûs tui.—Et gloria.

Benedict. de tempore.

LECTIO 8.

Oritur ergo sol de stellâ, et demonstratur sol per stellam. Erat stella in aere, corpus illud lucidum: Stellâ in terrâ, Virgo MARIA: Sol in præsepio, Christus noster. In stellâ, fratres, quatuor principaliter attendamus. Stella enim igneæ naturæ est: Stella in se lucida est: Stella ex se radium emittit: Stella in nocte lucet. Hæc eadem in Stellâ nostrâ, id est, in Virgine MARIA possumus invenire. Tu.

¶ Magi veniunt ab Oriente Jerosolymam, quærentes et dicentes: * Ubi est, qui natus est, cujus stellam vidimus? † In Bethleem Judæ: ite, et adorate eum, et offerte illi munera regia.—Ubi.

LECTIO 9.

Eadem autem Magorum dona ipsa Virgo, Stellâ maris, obtulit Soli nato suo in personâ suâ. Obtulit enim aurum regię dignitatis, quia fuit ipsa de regîâ tribu. Obtulit etiâ thus et myrram, undè in cantico amoris hæc duo in ipsâ junguntur. Benè ergo hæc duæ species in Stellâ nostrâ et virgâ nostrâ junguntur, quia in Virgine MARIA carnis integritas, et mentis devotio semper indivisa manserunt. Tu.

¶ Stella, quam viderant Magi in Oriente, antecedeat eos, donec venirent ad locum, ubi Puer erat. * Videntes autem eam gavisi sunt gaudio magno. † Et intrantes domum invenerunt Puerum cum MARIA Matre ejus, et procidentes adoraverunt eum.—Videntes.—Gloria. Stella. ¶ *Infra octav. Videntes. Hoc Resp. in diebus infra oct. dicitur post 8. Lect. Te Matrem.*

AD LAUDES

et per Horas Antiphonæ.

1. In diebus Herodis regis * Magi ab Oriente venerunt Jerosolymam. *Psalmi de Dom.*

2. Audiens * autem Herodes rex, turbatus est, et omnis Jerosolyma cum illo.

3. Herodes * clam vocatis Magis diligentèr didicit ab eis tempus stellæ, quæ apparuit eis.

4. Ecce Stella, * quam viderant in Oriente, antecedeat eos, usque dum veniens staret supra, ubi erat Puer.

5. Stella ista * sicut flamma coruscat, et Filium Virginis Deum demonstrat: Magi eam viderunt, et magno Regi munera obtulerunt.

CAPITULUM, *Bar. 5. 3.*

Deus ostendet splendorem suum in te omni qui sub cœlo est: nominabitur enim tibi nomen tuum à Deo in sempiternum.

HYMNUS 178. ¶ *Brev. Rom.*

O sola magnarum urbium Major Bethleem, cui contigit Ducem salutis cœlitus Incorporatum gignere!

Quem Stellâ, quæ solis rotam Vincit decore, ac lumine, Venisse terris nuntiat Cum carne terrestri Deum.

Videre postquàm illum Magi, Eoa promunt munera, Stratiquè votis offerunt

Thus, myrram et aurum regium.

Regem, Deumque annuntiant
Thesaurus et fragrans odor
Thurris Sabæi, ac myrreus
Pulvis sepulchrum prædocet.

JESU, tibi sit gloria, &c.

†. Adorate Dominum, alleluia.

¶. In aulâ sanctâ ejus, alleluia.

Ad Benedict. ant. Intrantes Magi

* Domum invenerunt Puerum cum
MARIA Matre ejus, et procidentes
adoraverunt eum.

Oratio.

Deus, qui hodiernâ die Unigeni-
tum tuum per Genitricem ejus San-
ctissimam Virginem MARIAM gen-
tibus, stellâ duce, revelasti: con-
cede propitius, ut quos in eum cre-
dere concedis, in cognitione et amo-
re ipsius quotidie crescere facias.
Qui tecum.

AD PRIMAM.

Ant. In diebus. *Capitul.* Deus
ostendet. *de Laudibus.*

†. ¶. *br.* Quæ hodiè gentibus
Filium Dei revelasti.

CANON.

Ex S. Leone Papâ Primo.

Serm. 2. de Epiph.

456. Brevis intervallo temporis
post solemnitatem Nativitatis Chri-
sti Festivitas Declarationis ejus il-
luxit: et quem in illo die Virgo
peperit, in hoc mundus agnovit. Tu.

AD TERTIAM.

CAPITULUM. *Bar. 4. 36.*

Circumspice Jerusalem, ad Orien-
tem, et vide jucunditatem à Deo
tibi venientem.

¶. *br.* Omnis terra * Adoret Fi-
lium tuum.—Omnis.

†. Et psallat tibi, Virgo MA-
RIA.—Adoret.—Gloria.—Omnis.

†. Omnes de Sabâ venient, alleluia.

¶. Aurum et thus deferentes,
alleluia.

AD SEXTAM.

CAPITULUM. *Baruch. 5. 5.*

Vide collectos filios tuos ab Oriente
sole usque ad Occidentem, in Ver-
bo Sancti gaudentes Dei memoriâ.

¶. *br.* Leva * In circuitu oculos
tuos.—Leva. †. Omnes isti vene-
runt tibi.—In.—Gloria.—Leva.

†. Adorabunt enim omnes reges
terræ.

¶. Omnes gentes servient ei.

AD NONAM.

CAPITULUM. *Isai. 60. 6.*

Omnes de Sabâ venient, aurum et
thus deferentes, et laudem Domino
annuntiantes.

¶. *br.* Afferte Dominae nostræ. *
Filii Dei.—Afferte.

†. Adorate Dominum in ulnis
Sanctis ejus.—Filii.—Gloria.—
Afferte.

†. Venite, adoremus Deum.

¶. Qui de Virgine nasci digna-
tus est.

IN II. VESPER.

Ant. 1. Adducam * Filios tuos
de longè, ut adorent Filium tuum,
Sanctum Israel. *Psalmi de 2. Vesp.*
Solemn,

2. Venient * ad te curvi, et ado-
rabunt vestigia pedum tuorum, et
vocabunt te, Civitatem Domini,
Sion Sancti Israel.

3. Ponam te * in superbiam
sæculorum, gaudium in generatio-
nem et generationem.

4. Reges Tharsis * et insulæ
munera offerent, Reges Arabum et
Saba dona adducent.

5. Apertis * thesauris suis ob-
tulerunt Magi Domino aurum,
thus, et myrrham.

CAPITULUM. *Bar. 5. 3.*

Deus ostendet splendorem suum in
te omni, qui sub cælo est: nomina-
bitur enim tibi nomen tuum à Deo
in sempiternum.

¶. Stella, quam viderant. *ut in*

1. *Vesp.*

HYMNUS 179. Br. Convenar.
Linguunt tecta Magi principis urbis,
Et parvæ cupidis mœnia Bethleem
Votis præcipiunt: jamque sub imo
Spe nixa fides corde triumphat.

O qui lætitiæ sensus, ut illis
Signans rursus iter stella refulsit;
Incumbensque domo lampade pronâ
Infantem exhibuit Matris in ulnis.

Non hic splendet ebur, non micat
aurum,
Non velat rutilans purpura corpus:
Horrens hic stabulum, regia; nu-
dum

Hic præsepe, thronus; purpura,
panni.

Ad cunas humiles poplite curvo
Præsens in Puerō Numen adorant:
Et nos ad Puerum digna propago
Patrum plenâ fide corda feramus.

Qui fons luminis est gloria Patri:
Qui miro recreas lumine gentes,
Æqualis tibi sit gloria Nate:
Amborum similis laus sit Amori.
Amen.

†. Adorate Dominum, alleluia.

¶. In aulâ sanctâ ejus, alleluia.

Ad Magnif. *ant.* Responso ac-
cepto in somnis, ne redirent ad He-
rodem, reversi sunt per aliam viam
in regionem suam.

Oratio de Laudib. Compl. de Dom.
In diebus infra octavam, nisi al-
tér notetur, Officium fit omnino,
etiâ in festis, ut in die cum Psal.
et Lection. 1. Noct. de fer. occurr.

DIE VII. JAN.

SCIENTIA B. MARIE V.

Duplex.

Lect. 1. Noct. de ferid.

IN II. NOCT.

Sermo S. Antonini Arch. Florentini.
c. 18. §. 5.

LECTIO 4.

Doni Scientiæ ponit Albertus tres
actus. Primus de quo Beatus Au-
gustinus dicit: Hujus scientiæ tan-
tū illud tribuendum, in quo fides
saluberrima, quæ ad veram ducit
beatitudinem generatur, nutritur,
roboratur et defenditur. Scire que-
madmodū hoc ipsum, et piis opi-
tuletur, et ab impiis defendatur,
est etiā ipsius scientiæ. Hunc ac-
tum habuit Beata MARIA super
omnes, scilicet fidei defensionem,
Ecclesiâ de illâ testante: Cunctas
hæreses sola interemisti in universo
mundo. Tu. ¶. *De Epiph. nisi*
transferatur.

LECTIO 5.

Secundus actus scientiæ hujus est
abstinere à malis, sciendo turpidi-
nem eorum. Unde Job: abstinere à
malo Scientia. Cognoscere etiā
ipsum malum et dolere. Ecclesia-
sticus: Qui addit scientiam, addit
et dolorem. Sed nulla pura creatu-
ra abstinit à malis omnibus venia-
libus, attingens usum rationis, nisi
ipsa. Canticis: Macula non est in
te. Optimè enim sciebat, quā tur-
pe, quā indecens sit peccare.
Tu. ¶.

LECTIO 6.

Tertius actus inter homines con-
versari irreprehensibiliter. In me-
dio nationis pravæ et perversæ do-
no scientiæ ita conversata est Beata
MARIA super omnes innocentèr et
ædificatoriè, quòd ejus vita inclyta
cunctas illustrat Ecclesias. Nullum
enim faciendorum omisit, nil ca-
vendorum commisit, nulli in suo
malo communicavit, nulli bonum
suum incommunicandum commu-
nicavit, nemini malum exemplum
in linguâ dedit, nullius opere iniquo
scandalizata est. Unde Beatus Am-
brosius: habetis in eâ exempla pro-
bitatis expressa, ut sciatis, quid

vitare, quid eligere debeatis. Fuit et iu eâ donum scientiæ per nōdum patriæ, quod est scire Deum perfectè, et proximi gloriæ congaudere, quod tali modo nulli concessum est viatorum. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 1. 28.

In illo tempore: Ingressus Angelus ad MARIAM, dixit: Ave gratiâ plena, Dominus tecum. Et reliqua.

Homilia S. Bonaventuræ Ep.

Specul. B. V. M. c. 6.

Considerate carissimi in MARIA gratiam donorum Spiritûs Sancti. De hac gratia MARIA gratulabunda dicere potest illud Ecclesiastici: In me omnis gratia vitæ et veritatis. Quid mirum si ipsa est gratiâ plena vitæ, et veritatis, quæ mater est ejus, quem legimus plenum gratiæ et veritatis? Et quid mirum, si in illâ virgâ est tanta donorum Spiritûs Sancti affluentia, in cujus flore Spiritus Sanctus requievit cum tantâ donorum suorum effluentia? Tu. ꝑ.

LECTIO 8.

MARIA namque est illa Virga, et Filius MARIE est ille flos, de quo dicitur in Isaiâ: Egredietur virga de radice Jesse, et flos de radice ejus ascendet, et requiescet super eum Spiritus sapientiæ et intellectûs, spiritus consilii et fortitudinis, spiritus scientiæ et pietatis, et replebit eum Spiritus timoris Domini.

Lect. 9. In hoc flore mira Spiritus Sancti effluentia, de quo in omnem Ecclesiam tam mira fit influentia, ut Beatus Evangelista Joannes dicit. De plenitudine ejus nos omnes accepimus gratiam pro gratiâ. Cum ergo de isto flore tanta gratia redundet in totum hortum, quanto magis in ipsam hujus floris virgam,

in ipsam MARIAM? Dicat ergo MARIA, dicat securè: In me omnis gratia vitæ et veritatis. Tu. ꝑ.

LECTIO 9.

Commem. Beatæ V. Boleslaviensis.

Gump. 73.

Boleslavia Bohemiæ thesaurum habet in agro inventum, Statuam Deiparæ, quam rusticus homo, cum terram aratro proscinderet, anno millesimo centesimo sexagesimo in glebâ conspexit, utiquè transiturus, si boves velut venerabundi in terram non procubuissent. Sustulit sanè, et lætus domum tulit, et in arcâ reclusit. Postridiè cum ad opus rediisset, reperta iterum in agro Statua, iterum ab eo domum delata est, sed tertium eandem in agro reperit. Canonicus Boleslaviensis Ecclesiæ, cui hæc rusticus retulit, Sanctæ Statuæ locum dedit, è quo et cultum accipere majorem posset, et, si ita placeret Virgini, etiâ beneficia rependere. Statim toti Bohemiæ virtus Thaumaturgæ Statuæ innotuit, et maximos honores accepit. Tu. Te Matrem.

Oratio.

Spiritum Sanctum, quæsumus Domine, mentibus nostris infunde, ut qui plenitudinem Scientiæ in Sanctissimâ Unigeniti tui Matre recolimus, in cognitione ipsius JESU Christi quotidie crescamus. Qui tecum vivit et regnat in unitate ejusdem Spiritûs.

Vesperæ. ut in 2. Vesp. Epiph.

DIE VIII. JAN.

S. MARIE A P. INCIPIO.

Duplex.

Lectio. 1. Noct. de Ferid.

IN II. NOCT.

LECTIO. 4.

In *Spmelli de fest. et templ. Deip.*
In urbe Neapoli in oratorio illo,

quod à Sancto Aspremo Episcopo in suis ædibus ad Christianorum usum constitutum fuit, Sancta Elena Constantini Mater sacellum extruendum et à Sancto Sylvestro Papâ dicandum curavit: cui propterea idem Pontifex Sanctæ **MARIÆ** à Principio nomen dedit: illicque Constantino inspectante Missæ Sacrificium sæpè obtulit. Quarè Constantinus ad maiorem tanti sacelli venerationem eidem adjecit Basilicam Sanctæ Restitutæ Virginis et Martyris, quemadmodum testatur Martyrologium Romanum ad diem decimum septimum Maji. Tu. ʒ.

LECTIO 5.

Nec illud silentio prætereundum: infornice primario Sanctæ Restitutæ antiquam Imaginem Salvatoris in throno sedentis, et septem Angelorum coram Deo aslantium conspici, è quibus quatuor à dextris, tres verò sunt à sinistris. Et sanè Dei-paræ Imago opere musivo, quæ in sacello Sanctæ **MARIÆ** à Principio extat, magnam habet tum antiquitate, tum arte, commendationem: est enim sedens in throno, ingenti staturâ, ore augusto et pio, fovetque gremio puerum **JESUM** sinistrâ crucem præferentem. Tu. ʒ.

LECTIO 6.

Hinc factum est, ut ad hujusmodi sacellum ejusque Imaginem ingens fuerit semper Neapolitanorum veneratio, ingens et studium pietatis. Quin etiâ in hujus rei memoriam die octavâ Januarii Festum Sanctæ **MARIÆ** à Principio in eodem templo Sanctæ Restitutæ solemnî ritu celebratur, eodemque die à forensibus litibus vacatur. Verum enim verò hoc sacellum anno millesimo trecentesimo vigesimo secundo studio ac pietate Canonicorum Cathedralis Ecclesiæ, quibus hujus sacelli procuratio unâ cum Sancto

Restitutæ templo est demandata, suo nitori est restitutum. Tu. ʒ.

IN III. NOCT.

Lectio S. Evangelii secundum Matthæum.

LECTIO 7. c. 2. 1.

In illo tempore: Cum natus esset **JESUS** in Bethleem, ecce Magi ab Oriente venerunt Jerosolymam.

Et reliqua.

Homilia D. Eusebii Episcopi.

In Bibliotec. Maximâ PP. Tom. 5.

p. 1. p. 221.

Recedunt Magi ab Herode, et vident stellam, quia et illi, qui à Diabolo separantur, vident justitiæ lumen. Sed quare eos antecedit stella, nisi ut viam eis ostendat, et ad puerum ducat? Sequuntur igitur eam: veniunt Bethleem, stat supra domum illam, in quâ erat Virgo **MARIA**. Stat stella supra stellam. **MARIA** enim stella maris interpretatur. Stella itaque Filius, stella et Mater. Stella oritur de Stellâ, sed major quæ oritur, quàm illa de quâ oritur. Tu. ʒ.

LECTIO 8.

Undè et meritò suprastare videtur. Non dixit supra Puerum, sed quid dixit? Supra ubi erat Puer. Ubi enim erat Puer nisi in sinu Matris? Stabat igitur stella, et clamabat. Habet enim linguam suam. Nec enim longe petamus exempla. Sic illa stella loquebatur Magis, sicut istæ litteræ loquuntur nobis. Significando igitur, loquebatur. Sed quid significabat? Quid dicebat? Vis audire quid? Hic est Puer: hic est Mater pueri: hic eum quærite: hic eum invenietis: hic in parvo corpusculo latet, qui ubique est, et omnia replet. Hoc est etenim quod dicit: Videntes autem stellam gavisî sunt gaudio magno. Tu. ʒ.

LECTIO 9.

Commemoratio B. V. Quartensis.

Ex Histor. hujus Imagin.

In antiquissimo oppido Quartæ in Hannoniâ maximè colitur pluribus abhinc sæculis quædam Deiparæ Imago, de cujus origine nihil liquet. Ligneæ est, duobus pedibus alta, et regio ornata pallio. Puerum dexterâ sustinet, eique lævâ fructum offert. Collocata est in satis magnifico templo, decimo quarto sæculo structo, quod in eversionibus Gallicanis per mulieres præservatum creditur. Ad eam talis fit peregrinorum accursus, ut multoliès plusquàm viginti millia numerati fuerint. Tu. Te Matrem.

Si hoc fest. transferatur extra octav. Epiph. dicitur sequens Homil.

Lectio S. Evangelii secundum Joannem.

LECTIO 7. c. 8.

In illo tempore: Dicebant JESU Judæi: Tu quis es? Dixit eis JESUS: Principium, qui et loquor vobis.

Et reliqua.

Homilia S. Martialis Ep. Lemovicensis.

Ep. 1. ad Burdigalens. c. 10. In Bibliot. Max. PP.

Hæc autem, fratres mei, scitote, quia Verbum quod credidistis, Filius est, unigenitus ante omnem substantiam, ante omne initium. Ipse est enim Principium, quia de principio ineffabiliter genitus est. In nostro verò tempore mirabiliter ab Angelo annuntiatus, et in veritate incomprehensibili de Virgine MARIA natus est, nihil diminutus à divinitate majestatis suæ; cujus nos testes sumus. Tu. ¶.

LECTIO 8. c. 3.

Ipse enim corpus habens, et immaculatum, et sine peccato, quia conceptus est de Spiritu Sancto, natus

ex MARIA Virgine, in arâ crucis ipsum permisit immolari. (*Lect. 9. c. 2*). Mori enim potuit, quia homo fuit, et quia de Virgine MARIA natus est homo. Filius Dei ante principium fuit, et quia Deus erat, diù teneri in morte non potuit. Tu. ¶.

Vesperæ ut in die Epiph.

DIE IX. JAN.

DE IV. DIE INFRA OCTAV.

Semiduplex.

AD MATUTIN.

HYMNUS. 180. *Caryophil.*

Oblata Christo munera

A perbeatis Regibus,

Et Matre digna dicimus,

Regina Virgo Virginum.

Est Virginitatis gloria

Fulgentis auri puritas;

Thus venter allor Numinis;

Cor myrrha ferro saucium.

Utrisque quadrant munera,

Nato, Parenti Virgini:

Et procidentes principes

Cum nato adorant Virginem.

Beata Virgo Virginum,

Infunde nobis munera:

Da thus amorem, lacrymas

Myrrham, sit aurum castitas.

JESU, tibi sit gloria, etc.

Lection. 1. Noct. feriæ occur.

IN II. NOCT.

Sermo S. Thomæ Arch. Valentini.

In Epiph. Dom. conc. 1.

LECTIO 4.

Stupent novitate viri: neque aptum erat Principi tectum: desiliunt equis conciti, domusque penetralia lustrant. Intus Virginem decoram vident, vultu venusto, facieque pulcherrimam, verecundam, solam, tremulam, sedentem in angulo, gestisque parentem: Virginem speciosam valdè, decoris portentum maximum: qualis non fuit ab initio altera, neque futura est in æternum. Hæc ad equorum, et dromedariorum

strepitum pavidâ, Infantem præsepio locaverat, fœnoque condiderat: neque soli venieban! gentium proceres, sed multâ suorum familiâ comitati, sicut decebat reges extranea regna petentes. Tu. ʒ.

LECTIO 5.

Inspiciunt se mutuò Principes, tanto decore perciti, benevolèque salulant. Quid, inquit, hic agis, ò decora Puella? Quænam hic causa manendi? Quænam est? Aut undè venisti? Est ne tecum aliquis? Quis te deduxit huc? Est ne tibi Filius? Durum verbum, acutus gladius Virginis viscera scindens. Silet vultu palida, sanguinem namque pavore totum cor rapuerat. Quid enim tum Virgo anxia faceret? Mentiri non poterat, filium prodere non audebat: silet ergò, neque tamen locum silentio præstat repetita quæstio. Instant reges acrius pacis et amoris signa præstantes. Proditur itaque aspectibus decorus Infans, præsepique à Matre levatur. Tu. ʒ.

LECTIO 6.

O magnum, stupendumque miraculum! Tremunt cuncti, viso Puero: timore magno turbantur, vultus, crinesque eriguntur, pavimento procidunt majestate percusi, et ad Virginis pedes timore prosternuntur. Prædixerat hoc Psalmographus olim, cum istorum prophetaret adventum. Reges, inquit, terræ congregati sunt, convenerunt in unum: ipsi videntes sic admirati sunt, tremor apprehendit eos, et rursus in Evangelio, et procidentes adoraverunt eum. Sicut enim Pastores videntes cognoverunt de Verbo Dei, non hominis magisterio edocti; ita et Magi. Jacent purpurati Principes ad Virginis pedes, et pannosum Infantem regia celsitudo pavescit. Tu. ʒ.

IN III. NOCT.

Leçtio S. Evangelii secundum Matthæum.

LECTIO 7. c. 2. 1.

In illo tempore: Cum natus esset JESUS in Bethleem, ecce Magi ab Oriente venerunt Jerosolymam.

Et reliqua.

Homilia S. Augustini Episcopi.

Serm. 2. de Epiph. 30. de tempore.

Ad partum Virginis adorandum Magi ab Oriente venerunt. Hunc diem hodiè celebramus: huic debitum solemnitatis sermonem persolvimus. Illis dies iste primus illuxit, anniversariâ nobis festivitâte rediit. Illi erant primitiæ gentium: nos populus gentium. Nobis hoc lingua nuntiavit Apostolorum, stella illis tanquàm lingua cœlorum: et nobis iidem Apostoli, tanquàm alii cœli, enarraverunt gloriam Dei. Tu. ʒ.

LECTIO 8.

Magnum Sacramentum! In præsepe jacebat, et Magos ab Oriente ducebat: abscondebatur in stabulo, et agnoscebatur in cœlo, ut agnitus in cœlo, manifestaretur in stabulo, et appellaretur Epiphania dies iste, quod latine manifestatio dici potest: simul ejus celsitudinem, humilitatemque commendans, ut qui in aperto cœlo signis sidereis monstrabatur magnus, in angusto diversorio quæsitus inveniretur invalidus, infantilibus in membris natus, infantilibusque pannis involutus, adoraretur à Magis, timeretur à malis. Tu. ʒ.

LECTIO 9.

Commemoratio B. V. ab Ajutorio.

Balinghem. Kalend. Marian.

Est in Portu-seculo in Brasiliâ templum Beatæ Virgini dicatum, cui ab adjutorio nomen est, quod cum Patres societatis JESU ædificarent unâ cum sede, potabilis aquæ copia

desiderabatur: sed eam suppediavit casus admiratione dignus. Arbor enim ingens secus fabricam repente convulsa in terram, suâ ruinâ montis partem, cui adhærebat, secum traxit. Et ex illo hiatu limpidissimus fons aquæ erupit ad polum gratissimæ, è quâ cum variis morbis ægroti bibissent, sanati sunt; ita uttûm à Christianis, tûm ab Ethnicis aqua Sanctæ Dei Matris deinceps vocaretur. Tu. Te Matrem.

CANON.

Ex D. Thomâ Arch. Valentino.

Conc. 3. in Epiph. n. 8.

457. Puer JESUS non invenitur sine MARIA. Sic dicitur de Magis: Intranles domum invenerunt puerum cum MARIA Matre ejus, et procidentes adoraverunt eum. Hanc igitur assiduè oremus, ut ostendat nobis Filium suum: Et postquam invenerimus, adoremus eum procidentes. Tu.

Vesper. ut in 2. Vesper. Epiph.

DIE X. JAN.

B. M. V. DE MONTE SANCTO.

Semiduplex.

Oratio.

Humilitatem nostram, quæsumus Domine, propitius respice, ut qui beatissimam Virginem MARIAM in Monte-Sancto colimus, ad perfectionis montem ascendere valeamus. Per Dom.

Lectio 1. Noct. de feriâ.

IN II. NOCT.

LECTIO 4.

Gumpenb. imag. 125.

Pribna Bohemiæ civitas templum habet Beatæ Virginis in colle vicino, qui sancti montis nomen jam ab antiquo habet. Cum autem quidam eques nobilis, ab hostibus circumdatus et necandus. voto Virgini facto, in hunc collem evasisset, extruxit ibi in ejus honorem sacel-

lum. Opinio est ante hæresim hussiticam Sanctam Statuam claram miraculis fuisse; sed hoc templum hæreticam rabiem non evasit, et postea etiâ neglectum stetit; ut in eo quandòque jumenta stabularentur. Tu. ð.

LECTIO 5.

Senex verò quidam, si sanctus JOSEPH non fuit, cæco cuidam se videndum præbuit per somnium, identidem oculos et oculorum usum promittens, si sacelli illius curam susciperet. Is obtentâ ad id à majoribus facultate, duce neptulo, officium recusante uxore, ad locum pervenit, atque inter pios cantus, et accensas preces coram sacrâ Imagine Virginis ad laborem se accinxit, visumque recepit. Undè et quia Philosophi Pragenses eam Sanctam Statuam arte calcographica incidi cupro curarent, veneratio loci multum aucta est. Tu. ð.

LECTIO 6.

Anno millesimo sexcentesimo secundo, mense Julio, Senatus Statuam Virginis locavit pictori, inductis coloribus renovandam, qui cum hæreticus esset, multa de sanctorum, et præcipuè Virginis statuis jocose et etiâ blasphemè dixit. Parrochus hominem monuit, cessaret temnere divos, ni vellet experiri, quid apud Deum Virgo possit, sed ipso monita contemnite, dejectum fulmen, dexteram ejus ita momento adussit, ut carbonem referret, absque ullo alio, aut loci, aut cujuslibet rei nocumento. Tu. ð.

IN III. NOCT.

Lectio Sancti Evangelii secundum Matthæum.

LECTIO 7. c. 5. 1.

In illo tempore: Videns JESUS turbas, ascendit in montem, et cum sedisset, accesserunt ad eum Discipuli ejus. Et reliqua.

Homilia S. Andreae Cretensis.

Orat. in angel. salut. ap. Chrys.
Sola tu verè benedicta es, quam montem magnum vir ille desiderabilis vidit Daniel: montem obumbratam, sive umbrosum Habacuc ille admirabilis, montem Dei, montem pinguem, quoque jucundum, montem quem Deo inhabitare placuit, de quo protopater tuus et rex divino afflatus spiritu cecinit. Tu. ¶.

LECTIO 8.

Orat. 2. de Dormition. B. V. M.
Te quoque prophetans vir ille desideriorum magnum vocavit montem, et lapidem sine manibus viri ex te sumptum, non excisum, ablatum non divisum assumptione humanitatis nostræ. *Lect. 9.* Tu es mons Sion, mons coagulatus, mons pinguis, in quo beneplacuit Deo habitare, ex quo in carnem concretus is fuit, coagulatus qui est superessentialis. O mons umbrosus, non obumbrans ingratum populum Judæorum, sed electum Dei populum, gentem sanctam maternis suis tædis illustrans. Tu. ¶.

LECTIO 9.

Commemoratio B. V. de Sacratâ.

Lanuza, Hist. Arag. libr. 2. c. 37.
In Oppido Monzalbarbæ in Aragoniâ, unâ à Cæsarangustâ leucâ, colitur Beatissima Virgo sub titulo de Sacratâ. Ejus imago ad Iberi ripam in vetustissimo templo, quod fannum antiquum, etiâ sub Mauro-rum tyrannide vocabatur, prius locata, in novum, quod exurgit templum, initio decimi septimi sæculi extractum, solemnissimâ supplicatione, ingentique fidelium concursu translata fuit. Benedictus duodecimus, et Leo decimus hanc Deiparæ Imaginem colentibus plurimas indulgentias concessere. Tu.

Vesper. ut in die Epiph.

DIE XI. JAN.

DE VI. DIE INFRA OCTAVAM.

*Semiduplex.**Lectio, 1. Noct. de ferid.*

IN II. NOCT.

Sermo. S. Thomæ Arch. Valentini.

Concion. 2. de Epiph.

LECTIO 4.

Appropinquant Magi ad Domum, ubi erat Puer, quæ, ut creditur, extra muros civilis erat. Cum appropinquarent, Beata Virgo, audito strepitu equorum, et dromedariorum: neque enim soli ibant, sed ut reges comitati, prophetâ teste; Inundatio camellorum operiet te: dromedarii Madian et Epba: omnes de Saba venient, aurum et thus deferentes, et laudem Domino annuntiantes. Audito ergo tumultu perterritus, et fortè existimans ne esset Herodes, vel alius, qui nocumentum vellet inferre, occultavit. ut creditur, Puerum in præsepio, et fœno operuit eum. Tu. ¶.

LECTIO 5.

Illi autem accedentes transibant, et ecce stella manebat. Redeunt, vident stellam proximam tecto tripudiantem, et scintillantem, quasi vellet comburere domum, autumant esse palearium, seu stabulum. Tentant ulteriùs proficisci, et manet Stella. Exiliunt ergo ex equis, et intrantes domum, vident Virginem, solam, pulcherrimam, formosissimam, qualis non fuit, neque erit in sæculum similis. Qualis Filius, talis Mater: Filius speciosus præ filiis hominum, sic et Mater, quia nunquam fuit Mater tam similis. Tu. ¶.

LECTIO 6.

Stupent, respiciunt se mutuò. Quid, inquirunt, hic agis, ò pulchra Puella? Quis huc te traxit? Quomodo

sola, ò Margarita pretiosa? Gemma pulcherrima celatur, ingeritur auro, et tu, margarita speciosissima hospitalis in stabulo? Dic nobis, Domina, est ne tibi Filius? O durum verbum! O gladium! O sagittam Virginis viscera penetrantem! Quid tunc ageret Virgo? mentiri non erat suum: prodere non audebat. Illi autem ex pallore Virginis videntes pavorem, ajunt: Noliti time-re, Domina: pacificè venimus, nec quicquam famuli tui machinantur mali. Pacifici sumus, nullum malum faciemus, sed si habes Filium, ostende nobis. Agnoscens Virgo, quòd pacificè veniebant, prodit Infantem. Quo viso, mirà res! statim ceciderunt in terram. Tu. ꝑ.

IN III. NOCT.

Lectio S. Evangelii secundum Matthæum.

LECTIO 7. c. 2. 1.

In illo tempore: Cum natus esset JESUS in Bethleem, ecce Magi ab Oriente venerunt Jerosolymam.

Et reliqua.

Homilia D. Eusebii Episcopi.

Biblot. max. PP. Tom. 5.

Quanta igitur tibi exultatio fuerit, ò Virgo beatissima MARIA? Quis cogitare valeat, quandò eum, quem nuper genueras, jam quasi Deum adorare videbas? Suscipe prima munera Filii tui; suscipe tributa, quæ ei solvuntur: et quæ aliis tributa solvere veneras, ipsa ab aliis tributa suscipias. Ad hoc enim, ut Lucas ait, venerat JOSEPH in Bethleem, ut ipse quoquè sicut cæteri profiteretur, et obligaret se tributa persolvere, eo quod esset de domo et familiâ David. Tu. ꝑ.

LECTIO 8.

Sed quare tria munera Magi obtulerunt, nisi ut Trinitatis mysterium revelarent? Primum enim munus offerimus credendo in Patrem: se-

cundum, in Filium; tertium, in Spiritum Sanctum: Hæc tria munera nobis sufficiunt. Tu. ꝑ.

LECTIO 9.

Commemoratio B. V. de Pinoso.

Camòs. libr. 9. c. 5.

In Cælonensi Diocesi supra excelsum collèm circa pagum Pinòs sub ipso pagi nomine Templum Deiparæ exurgit, ubi miraculosa quædam Imago ejus asservatur, et impensè colitur. Ingens erga eam antiqua fidelium devotio paulatim in tempora extincta cum fuerit, eadem Diva Virgo, ut fertur, apparens cuidam Bernardo promisit, circumstantibus oppidis pestiferâ clade affectis sulventura, si oblitam devotionem erga se instaurare, ac renovare studuerint. Maximus statim in eam accensus est inter illos pietatis fervor: ad montem ascenderunt, enixisque precibus eam acclamantes propitiam sibi invenerunt: lues omninò evanuit, et ipsi consolati sunt. Ex tunc nunquam ampliùs eorum populorum pietas erga hanc Virginis Effigiem nec diminuta fuit, è contra quotidie semper incrementum accepit. Tu.

Te Matrem.

Vesp. ut in II. vesp. Epiph. Dupl.

Oratio de sequenti.

DIE XII. JAN.

SPES B. MARIE V.

Duplex.

Oratio.

Perfice, quæsumus, Domine, in cordibus nostris mirabilem Spei virtutem, ut qui eam in beatissimâ Virgine MARIA admiramur et credimus, beatitudinem, quam expectamus, æternam obtinere valeamus. Per Dominum.

Lect. 1. Noct. de ferid.

IN II. NOCT.

Sermo S. Antonini Arch. Florentini.

De Beatâ Virg. c. 17. §. 3.

LECTIO 4.

De Spe Beatæ MARIE dicendum est, quòd utique eam habuit perfectissimam. Nam habuit, ut dictum est, perfectissimam charitatem, quæ Mater est omnium virtutum secundum Beatum Ambrosium, ut qui eam habeat, et filias ejus contineat, id est, alias virtutes, undè et Spem. Tu. ¶.

LECTIO 5.

Et cum Spes sit certa expectatio futuræ beatitudinis ex meritis et gratiâ proveniens, alii sancti et sanctæ, quia certitudinem scientiæ non habent de meritis suis et gratiâ, sed per conjecturas, ideò non certam expectationem habent de suâ beatitudine, sed conditionalem, scilicet si habent gratiam et merita. Sed Beata MARIA erat certa gratiâ se esse plenam, undè et certa de suâ beatificatione, quam expectabat. Tu. ¶.

LECTIO 6.

Et propter perfectam et abundantem Spem dicitur in personâ ipsius: Ego Mater pulchræ dilectionis, et timoris, et agnitionis, et sanctæ Spei; quia non solum ista in se habuit in mente, et actus produxit, sed in aliis procurat: Undè et dicitur Spes nostra, scilicet ad suffragandum, in omnibus auxilium procurandum, et dicit in me omnis spes vitæ. Et in illâ auctoritate notantur illæ tres virtutes: charitas, ibi: pulchræ dilectionis, scilicet, Dei, undè procedit timor reverentialis. Fides, ibi agnitionis. Per eam enim habetur cognitio de necessariis ad salutem. Et sanctæ Spei, quod dicit ad excludendam vanam spem. Tu. ¶.

IN III. NOCT.

Lectio S. Evangelii secundum Lucam.

LECTIO 7.

c. 2. 46.

In illo tempore: Cum audisset MARIA salutationem Elizabeth, dixit: Magnificat anima mea Dominum. Et reliqua.

Homilia S. Bernardi Abbatis.

De Pasison Dom. c. 43.

Si vis salvari et attrahi odore hujus nominis salutaris, quod effusum est sicut oleum; incipe delectari in dulcissimo JESU, et confidenter require in vero salutari salutem, non imitando illos, qui lælantur cum malefecerint, et exultant in rebus pessimis, in quibus salutem suam constare putant; sed potius eam, cujus Spiritus exultavit in Deo salutari suo, quæ nominis hujus salutaris odorem tantò suavius attraxerat, perfectiusque senserat, quantò illi fide, Spe, et charitate viciniòr fuerat: quæ ipsum de suis visceribus genuerat, nempe verum et perfectum Deum et hominem salutarem JESUM. Tu. ¶.

Benedict. Cujus Spem colimus.

LECTIO 8.

Non ignorabat enim qualiter sine omni carnali concupiscentiâ conceptus, qualiter sine omni dolore ex ipsâ natus, quomodò à Pastoribus prædicatus, quomodò à Magis adoratus, quomodò virgineo lactæ suo nutritus, quomodò à Simone et Annâ commendatus. Noverat, inquam, hæc omnia, et multò plura. Virgo illa fidelissima, et perfectissima fide salutarem veri salutaris sequebatur odorem. Tu. ¶.

LECTIO 9.

Nec poterat non sperare in eum, quem fidè perfectissimâ cognoscebat, et posse et scire, et velle salvare omnes desiderantes salutem. Quantum enim quis credit, tantum sperat: quantum sperat, tantum amat. Quantò ergo hæc

optima Mater perfectior fuit in fide, tantò in Spe fortior, et in charitatè ferventior, omnem cogitatum suum jactans in eum. Tu.

Vesperæ de sequent. ut in 1. Vesp. Epiph.

DIE XIII. JAN.

OCTAVA EPIPHANIE.

Duplex majus.

AD MATUTINUM.

HYMNUS 181. *Muret.*

Quæ vos causa, Magi, dicite, pertulit

E vestris iter hùc carpere finibus?
Quem tanto studio quæritis anxii?

Quove hæc munera pertinent?

Nos Stella insoliti luminis hùc trahit,

Et dux certa viam perpetuò præit,

Judææ populis quæ cupientibus

Regem significat datum.

Auri ista sed enim quid sibi pondera?

Myrrhæ mirificus quid sibi vult odor?

Aut quæ, cum populus sacra Deo facit,

Ista thura solent dari?

Rex auro colitur, thura Deum

decent,

Nostri myrrha homines post obitum linunt:

Huic ergò paritèr munera congruunt,

Qui et Rex est et homo et Deus.

Simplex ætherei Numinis Unitas

Quæ distincta eadem est veraque Trinitas,

Æternis vigeat semper honoribus

Et terrà simul et polo. Amen.

Lect. 1. Noct. ut in die Epiph.

IN II. NOCT.

Sermo S. Thomæ Arch. Valentini.

De Epiph. Dom. Conc. 2.

LECTIO 4.

O Magil quid vidistis in Filio? Quid vidistis in Virgine? Quid vidistis in

parvulo? Non in membris purpura, non in capite diadema fulgebat. Non ibi pompa famulantium, non terror exercitùs, non gloriosiorum forma præliorum. Tamen aliquid magnum latitabat in parvulo, quod illos terruit et postravit. Leo videbatur in agno. Gigas in parvulo, Sol in nubeculâ, Deus in carne. O quales visus! quales oculi! Sicut lynces videbant æternitatem intra parietem nostrum, et fontem pietatis intra cor pussillum penetrabant. Tu. ¶.

LECTIO 5.

Quid sentis, ô Virgo! Quid cogitas? Quantam multitudinem sericatorum nobilium vides ad tuos pedes postratam? Sicut turduli, quando supervolitat aquila. Ut existimo, gratias agebant Deo, qui tantum mysterium dignatus fuerat prodere ad mundi utilitatem. Et post modicum levantes se super genua, obtulerunt id munere, thus, aurum, et myrrham. Si aurum solum ei obtulissent, putarem eos necessitati Matris voluisse succurrere: sed cum offerant incensum et myrrham, profectò liquet, quòd mystica erant munera, quæ offerunt, et illorum fidem protestantur. Thus offerunt Deo, aurum Regi, myrrham mortali. Tu. ¶.

LECTIO 6.

Quid dixerint, quid fecerint, Evangelista tacet: vos potestis contemplari. Quomodò accipiunt Puerum et deosculantur! Quomodò lætificant Matrem! Quomodò offerunt se in famulos, et regna sua! Cogitate quid vos faceretis. Nam illi amplius fecerunt, quia magis devoti erant. Credendum est illos ibi voluisse manere, vel Virginem secum ducere, sed admoniti in somnis, ne redirent ad Herodem, per aliam viam sunt reversi in regionem suam. Tu. ¶.

IN III. NOCT.

Lectio Sancti Evangelii secundum
Matthæum.

LECTIO. 7. c. 2. 1.

In illo tempore: Cum natus esset
JESUS in Bethleem, ecce Magi ab
Oriente venerunt Jerosolymam. Et
reliqua.

Homilia S. Bernardini Senensis.

T Serm. de Epiph. art. 3. c. 3.

Tertia admiratio est, quod isti
sancti Magi non loquuntur. Cum
enim Beata Virgo omnem linguam
intelligeret, et loqui sciret, quod
omni scientiâ post Filii Dei con-
ceptum plena esset, mirum vide-
tur, quod tam pia Mater tam fide-
libus et devotis filiis, qui tanto
fervore et fide, tantis periculis et
labore, atque expensis venerunt
adorare, tanquam Deum Filium
suum, in aliquo non condescen-
derit per aliquem consolatorium
actum, vel saltem per aliquod dulce
verbum. Tu. ¶.

LECTIO 8.

Sed profecto devotè pensandum est,
quod Magi tanquam peritissimi
viri, verèque in fide illuminati, et
in Dei magnaliis irradiati, cum de-
votissimâ Matre Christi aliqua sin-
gularia colloquia habuerunt de
altissimis contemplationibus para-
disi, de admirandis gratiis, et be-
neficiis Dei, de moribus virtuosis,
et nobilitate virtutum: atque de his,
per quæ possent esse perfectissima
Christi membra, qui multas instru-
ctiones, et magnas consolationes ab
ipsâ piissimâ Cristi Matre suscep-
erunt. Tu. ¶.

LECTIO 9.

Quis enim devotus dubitare queat,
quod Mater piissima ita devotis
filiis de Unigenito suo in multis
consolationibus condescendit? Quis
insuper ambigere potest, quod
hoc quilibet Sanctorum Magorum

ardentissimo animo concupivit, qui
tanto fervore atque labore à ter-
ræ finibus ad hoc quodammodò
volaverunt? Credo, quod quilibet
eorum à dulcissimâ Matre dilec-
tum Filium post ejus adorationem
susceperit in manibus suis, atque
in ulnis suis amplexatus sit eum,
et suavissimè osculatus. Tu.

Te Matrem.

CANON.

Ex S. Bonaventurâ Episcopo.

Specul. B. V. Lect. 3.

438. MARIA est Stella illa
clarissimè fulgens, tres Magos ad
Christum reclissimè ducens. MA-
RIA certe est Stella, quæ in fluc-
tibus præsentis vitæ valdè est ne-
cessaria. Tu.

Cum 2 Vesperis.

DIE XIV. JAN.

D. VIRG. LUCENSIS Á ROSA.

Duplex.

Lectiones 1. Noct. de ferid occurr.

IN II. NOCT.

LECTIO 4.

Balingh. Kalend. mar. die 14. Jan.

Apud Lucenses in Etruriâ visitur
Imago Deiparæ, cui à Rosâ nomen
est, de quâ ista feruntur accidisse
versus annum millesimum du-
centessimum sexagesimum nonum.
Ecclesiæ ejus in quâ exlat Imago,
locus extra mœnia civitatis fuerat.
Imago autem ea Deiparæ Puerum
JESUM in ulnis gestantis, tres ro-
sas vernantes in manu habens in
pariete urbeo depicta visebatur.
Mirum id accidit: puer sexdecim
annorum natus pecora paterna
circum muros civilatis, et fre-
quentèr circa eum locum per her-
busta pascebat. E regione autem
Imaginis cespes unus multâ herbâ
virebat, quam oves contingere ne-
gligebant. Tu. ¶.

LECTIO 3.

Advertit autem hoc puer, et semel ac sæpius ad locum illum ita virentem pecora minatus est: cui tamen oves non appropinquarent, imò velut æstro percitæ eo loco, licet copioso germine virente, refugerent. Ipse tamen curiosus accessit, et inter tesqua rosam unam invenit, collegit, patri pro re insolenti (nam mensis erat Januarii, et omnia ferè à pruina rigebant) tradidit: dumque porrigeret (illud mirandum) ex muto hucusque vocalis factus, linguæ usu accepto, hanc rosam pulcherriman se eo loci dixit invenisse. Tu. ð.

LECTIO 6.

Rem pater stupore plenus ad Episcopum detulit, qui in causas hujus prodigii inquirens, reperit cespitem in conspectu imaginis natum, rosam non nisi miraculo ab aspectu Dei Matris produxisse, ad aperiendam linguam infantis. Nimirum ut se eandem probaret, quæ olim os mutum Zachariæ aperuit, et Joannem in utero Matris in laudem Creatoris excitavit. Ibi postea Sacellum Lucenses, ad extremum Ecclesiam magnifico sumptu extruxere, atque Imaginem eandem in eam intulere plurimis ac maximis miraculis ad hæc usque tempora illustrem. Tu. ð.

Homilia de Comm. pro Duplicib.

LECTIO 9.

Commemoratio B. V. Plebs-secti.

In *Balingh. Kal. mar. die 14. Jan.* In extremis Venetorum æstuariis pagus est Plebs-secti dictus: in eo duo fratres mortui patris hæreditatem amicè diviserant, at de unicâ Deiparæ Imagine convenire non poterant. Ventum ad verba, deindè ad arma, et alter alterum vitâ privare nitebatur, dum infans unicus

vix anniculus ab uberibus matris dependens, disertè locutus est, et eos furores et arma ponere nomine sanctissime Dei Parentis imperavit, illamque imaginem in proximam Ecclesiolam deferre, ut omnium venerationi exposita esset: Hinc miracula, et ibidè templum ædificatum augustius. Evenit hoc anno millesimo quadragesimo octogesimo sexto. Tu. Te Matrem.

Cum 2. Vesper.

DIE XVI. JAN.

SS. UBERUM B. M. V.

Duplex majus.

IN I. VESPERIS.

Antiph. de Communi in 1. Vesper.

CAPITULUM. *Isai. 11. 8.*

Et delectabitur infans ab ubere super foramine aspidis, et in cavernâ reguli, qui ablactatus fuerit matrem suam mittet.

HYMNUS 182.

Claire.

O gloriosa Virginum,
Mater Parentis luminum,
Tibi dedit qui vivere
Lactante nutris ubere.

Quod Eva peccans perdidit
Insons MARIA reddidit,
Enixa sacro germine
Natum supremo Numine.

Gentes redemptæ plaudite,
Grales MARIE reddite,
Per quam remissa crimina,
Reclusa cœli limina.

JESU, tibi sit gloria, &

†. Fasciculus myrrhæ dilectus meus mihi.

ð. Inter Ubera mea commorabitur.

Ad Magnificat. ant. Quis mihi det te fratrem meum sugentem Ubera matris meæ, ut inveniam te foris; et nemo me despiciat.

Oratio de Laudib.

AD MATUTIN.

Invitator. Filium Dei pendentem

ab Uberibus Virginis, * Venite adoremus.

HYMNUS 183. *Theodulphus.*

O stupendum mirandumque
Sacramentum gloriæ,
Quòd Tonantem supra cuncta
Virgo gestat parvulum.

Factor cœli, terræ factor,
Vulvâ est clausus feminæ:
Auctor summus angelorum
Sit præsepe conditus.

Palmo cœlum qui mittitur,
Terram claudit pugilo,
Pannis paucis obvolutus
Infans vagit parvulus.

Quæ divisit lucem ab umbris
Summi primùm dextera,
Matris mammas ecce tractat
Lactis potum quæsilans.

Os piæclarum Conditoris
Quod formavit sæculum,
En admotum nunc libentèr,
Sugit Matris Ubera.

Sempiternæ sit Beatæ
Trinitati gloria:
Patrem Natum atque Flamen
Laudet universitas. Amen.

IN I. NOCT.

Ant. 1. O beata Mater, quæ eum
Ubere lactat, qui omnibus ubera
misericordiæ propinat!

2. O mira res! Filia lactat Patrem, creatura Creatorem, famula Dominantem.

3. Beata Ubera MARIE, quæ de cœlo plena ipsum Deum lactarunt.

†. Beatus venter, qui te portavit.

†. Et Ubera quæ suxisti.

De Canticis Canticorum.

LECTIO 1. c. 1. 1.

Osculetur me osculo oris sui: quia meliora sunt Ubera tua vino, fragrantius unguentis optimis. Oleum effusum nomen tuum: ideò adolescentulæ dilexerunt te. Trahe me: post te curremus in odorem un-

guentorum tuorum. Introduxit me rex in cellaria sua: exultabimus et lætabimur in te, memores Uberum tuorum super vinum: recti diligunt te. Tu.

†. Statura tua assimilata est palmæ, et Ubera tua botris: * Sunt enim Ubera tua sicut botri vineæ, et odor oris tui sicut odor malorum.

†. Veni, dilecte mi, egrediamur in agrum, commoremur in villis: ibi dabo tibi Ubera mea. Sunt.

LECTIO 2. c. 11.

Dum esset rex in accubitu suo, nardus mea dedit odorem suum. Fasciculus myrrhæ dilectus meus mihi, inter Ubera mea commorabitur. Botrus cypri dilectus meus mihi in vineis Engaddi. Ecce tu pulchra es, amica mea, ecce tu pulchra es, oculi tui colubarum. Ecce tu pulcher es, dilecti mi, et decorus. Tu.

†. Quàm pulchra es, amica mea, quàm pulchra es! * Duo Ubera tua, sicut duo hinnuli capræ gemelli, qui pascuntur in liliis. †. Ego murus et duo Ubera mea sicut turris. —Duo.

LECTIO 3. c. 4. 9.

Vulnerasti cor meum, soror mea sponsa, vulnerasti cor meum in uno oculorum tuorum, et in uno crine colli tui. Quàm pulchræ sunt Maræ tuæ, soror mea Sponsa! Pulchriora sunt Ubera tua vino, et odor unguentorum tuorum super omnia aromata. Favus distillans labia tua, sponsa, mel et lac sub lingua tua, et odor vestimentorum tuorum sicut odor thuris. Tu.

†. Emissiones tuæ paradisi malorum puniceorum * Cum pomorum fructibus, cypri cum nardo. †. Meliora sunt Ubera tua vino fragrantius unguentis optimis. —Cum. —Gloria. —Cum.

IN II. NOCT.

Ant. 1. Læva ejus sub capite meo, et dextera illius amplexabitur me.

2. Collum tuum sicut turris eburnea; duo Ubra tua sicut duo hinnuli gemelli capreae.

3. Ubra mea sicut turris, ex quo facta sum coram eo, quasi pacem reperiens.

†. Beata viscera MARIE Virginis, quæ portaverunt æterni Patris Filium.

‡. Et beata Ubra, quæ lactaverunt Christum Dominum.

Ex verbis Beati Dionysii Carthusiani, in libro de laudibus Beatæ MARIE Virginis. *libr.* 1. c. 23.

LECTIO 4.

Intueamur pro viribus, quàm deificata sunt Ubra illa, ex tam amorofo, immediato, assiduoque contactu unigeniti Filii Dei: ampliùs tum ex suctione lactatione et educatione ipsius ex illis. O felicissima illorum fœcunditas Uberum, quæ universorum Pastorem et provisorem paverunt; quæ illi alimoniam præbuerunt, in quo oculi omnium sperant, datque illis escam in tempore oportuno..... Hic talis, ac tantus, Deus, æternus, immensus, nullius indigens, ex te, ò MARIA clarissima, infans unius diei effectus, ex tuis sanctis Uberibus est nutritus. Tu.

‡. Qui operit cœlum nubibus, qui parat terræ pluviam, * Qui aperit manum suam et adimplet omne animal benedictione, ratas de virgineo pectore lactis guttas expectat.

†. Obstupescite cœli super hoc, et admiramini vehementer.—Qui.

LECTIO 5.

0 suavissima et super dignissima Virginea Ubra, quæ illum sustentare electa sunt, sine cujus conservatione nulla creatura ad momen-

tum posset subsistere. Benè in Canonicis Sponsus munditiæ ait ad te: quàm pulchræ sunt Mammæ tuæ, soror mea Sponsa, certè meliora sunt Ubra tua vino, fragrantia unguentis optimis: quàm ab omni terrenâ et sensuali concupiscentiâ, labe et contactu immunissima erant, utque totius amoris dulcedinem refecerunt. O admirabile et præclarum, jucundissimumque spectaculum, oculis fidei intueri Christum Dominum, Regem, Messiam, gloriosum Infantulum, unigenitum Dei Filium Uberibus Matris Virgineæ applicatum et ea sugentem, suisque infantilibus tenerrimis manibus ipsa tangentem! Tu.

‡. Videle puerum JESUM * Nunc blandienti nutu Ubra Matris deoscere, nunc oscula suavissima Matri porrigere. †. Quæ mater, quæ virgo unquàm in sæculo usa est tanto solatio.—Nunc.

LECTIO 6.

Quid mentis, quid gloriæ tibi tunc fuit, ò pudicissima turtur, ò devotissima ac speciosissima Virgo, dum illis tuis virgineis ac maternis, columbinis ac clementissimis oculis cernebas puerulum illum, speciosum formâ præfiliis hominum, rubicundum, et candidum præ millibus angelorum, imò Creatorem universorum sic tuis uberibus appendentem? Opinor, ò Domina, non eum tot stillicidia æterni, virginalisque lactis ex sacris Uberum tuorum fontibus emulsissæ, quot jaculis charitatis, quot sancti amoris ardoribus beatissimam tuam inflamavit, vulneravitque animam; nisi quod absit, qui dat omnibus affluentèr, tibi dumtaxat extiterit parcus. Tu.

‡. Duo Ubra tua sicut duæ olivæ speciosæ, * Uberrimè liquorem gratiæ, lactis ac mellis superis ac inferis propinantes. †. Nivei pomel-

la candoris, quæ à Spiritu Sancto fecundata, fructum immortalitatis conferunt degustata.—Uberrimè.—Gloria.—Uberrimè.

IN III. NOCT.

Ant. 1. Exultabimus, et lætābimur in te, memores Uberum tuorum.

2. Benedicta sint Ubera tua, quibus lacte deifico Salvatorem enutristi.

3. Benedicta sit emanatio virginalium Uberum tuorum.

γ. Meliora sunt Ubera tua vino.

δ. Fragrantia unguentis optimis.

Lectio S. Evangelii secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit, et Ubera, quæ suxisti. Et reliqua.

Homilia S. Joannis Chrysostomi.

Homil. 21. in Joann.

Ne mires, si Christus Virginis fructus non beata prædica-verit feminea Ubera: neque illa superbi aut contumacis verba esse existima. Nam quòd matrem plurimùm revereretur, eique honorem haberet, audi Lucam, cum parentibus subiectum illum narrat: Joannem item, cum curam sub ipsum crucis tempus illi ab eo impensam refert. Tu.

δ. Qui marium procellas mitigat, qui aquarum abundantiam fluminibus subministrat, * Exiguas de virgineo pectore guttas expectat. *γ.* Exprimitur lac ex Uberibus Virginis, et in carnem vertitur Salvatoris.—Exiguas.

Bened. Cujus virginalia Ubera.

LECTIO 8.

Hæc itaque tecum ipse considerans, ac cum audieris, mulierem quam-

dam dicentem: Beatus venter, qui te portavit: tumque illum respondentem: quinimò beati qui audiunt verbum Dei, et custodiunt illud: prudenti id consilio dictum existima. Non enim ita respondit, quasi Matrem repellat, sed ut ostendat, ne Matri quidem quicquam prodesse, quod genuerit, nisi valdè proba sit, ac fide præstet. Tu.

δ. Gaudete cum eâ gaudio universi, qui diligitis eam, * Ut sugatis, et repleamini ab ubere consolationis ejus. *γ.* Quomodò si cui mater blandiatur, ita et ego consolabor vos, et ad Ubera portabimini.—Ut sugatis.—Gloria.—Ut sugat.

LECTIO 9.

Commemoratio B. V. de Nieva.

Gumpenb. Imag. 238.

Nieva oppidulum est propè Segoviam in Hispaniâ. Ibi Petro cui-dam Opilioni Deipara apparuit, jussitque monere Episcopum, ut suam Iconem in cavernâ latentem erueret, structoque templo honoraret. Paruit Opilio, et Episcopus eo audito, atque solemnî supplicatione indictâ, in locum venit, et Imaginem Deiparæ sub terrâ invenit eo loco, quo rusticus fodiendum esse monstrabat. Regina Hispaniæ, quæ ipsa locum invisit, templum ære suo extruxit. Inter cætera miracula hoc mirum: ferreos clathros, qui passim per templum arcendo populo facti conspiciuntur, non alio ferro confecti, quàm quod à Virgine liberati captivi formâ figuræque compedum tulere. Tu. Te Matrem.

AD LAUDES.

et per Horas antiphonæ.

1. Quis mihi det * te fratrem meum sugentem Ubera Matris meæ, ut inveniam te.

2. Quare seduceris, * fili mi, ab alienâ et foveris in sinu alterius?

3. UBERA MARIE * inebrient te omni tempore, et in amore ejus delectare jugiter.

4. UBERA tua virginalia intumerunt, et Filium Dei lactaverunt.

5. Sub umbrā * Matris meæ manebo, ut replear ab Ubre consolationis ejus.

Et delectabitur infans ab ubere super foramine aspidis, et in cavernā reguli, qui ablactatus fuerit, manum suam mittet.

HYMNUS 184. *S. Petr. Dam.*

O singularis femina,
Sola Virgo puerpera,
Præclara vitæ janua,
Quæ cœli patent atria.

Est angelorum cibus
Tuo lacte nutritus:
Qui mari præbet undas
Papillæ sugit guttas.

Geris in sinu prolem,
Qui terræ librat molem:
Foves à quo foveris,
Servas à quo tueris.

Tu solve quod debemus,
Averte quod timemus,
Impetra quod optamus,
Perfice quod speramus.

Sit tibi laus Altissime,
Qui natus es ex Virgine:
Sit honor ineffabili

Patri sanctoque Flumini. Amen.

†. Deus omnipotens benedicat tibi.
‡. Benedictionibus uberum et vulvæ.

Ad Benedicta. ant. Beatus venter, qui te portavit, Domine, et beata UBERA, quæ suxisti.

Oratio.

Domine JESU-Christe, Deus omnipotens, qui gloriosam Virginem Matrem ab æterno predestinasti, et ut tibi intacta et purissima Mater effici mereretur, ab omni labe præservasti, quique non deignatus es, ut salvum faceres po-

pulum tuum à peccatis eorum, in utero suo concipi, et ejus virgineo lacte nutriri, concede nobis famulis tuis, beatissimæ Genitricis tuæ auxilium implorantibus, ut quidquid in salutem, Uberum suorum virtute, fidelitèr petimus, efficacitèr consequamur. Qui vivis et reg.

Ad Horas, Antiph. Capitul. Primæ et Oratio de Laudibus, reliqua de Comm.

†. ‡. br. Quæ Filium Dei Ubre de cœlo pleno lactasti.

CANON.

Ex B. Guilielmo Abbate.

Apud. Chrisogon. p. 160.

459. Habet pia Mater et spiritualia UBERA, quibus nimirum datum est illi adoptivos fratres filii sui spiritualitèr enutrire, et de his quidem uberibus ejus potest intelligi quod in Proverbiis dicitur de cervâ.

IN II. VESPER.

Antiph. et Hymn. de Comm. Capit. de Laudib.

†. Fasciculus myrrhæ dilectus meus mihi.

‡. Inter UBERA mea commorabitur.

Ad Magnific. ant. Sancta, casta, et florigera sunt UBERA tua, quæ florem hæreditatis perpetuæ eruperunt.

DIE XVII. JAN.

D. V. BARCINONEN. DE MERCEDE.

Duplea.

Oratio.

Deus, qui hanc beatissimæ Virginis MARIE Effigiem innumeris signis mirabilem effecisti; concede propitius, ut, ipsâ Sanctâ Virgine interveniente, à captivitate dæmonis liberati, ad æternæ salutis portum pervenire valeamus. Per Dom.

AD MATUTIN.

HYMNUS 185. *Massorilli.*

O decus cœli paritèrque terræ,

Splendidum lumen, boreale sydus,
Cujus aspectu vada salva tutâ
Puppe secamus.

Navitæ vecti fragili fagello
Dum timent fluctus pelagi minantes,
Te vocant Matrem lacrymis profusis
Terque, quaterque.

Orbis extremis remeans ab oris
Ad suas sopes peregrinus ædes,
Perpetes læto tibi, Diva, reddit
Pectore grates.

Fæta complexu mulier virili
Dum timet partûs dubii periculum,
Supplices tendens humilesque pal-
mas

Te pia poscit.

Languidos curas sapiens magis-
tra,

Pauperes ditas opibus supernis,
Carcerum cæcos aditus recludis,
Vincula solvis.

Sit decus summosine fine Christo,
Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

Lect. 1. Noct. de Ferid.

IN II. NOCT.

Ex monumentis. LECTIO 4.
Barcinonis percelebre est Marianum
templum in perenne monumentum
miraculosæ Descensionis Beatissi-
mæ Virginis ad eam urbem. Divi-
nitûs enim evenit, ut mediâ nocte
Calendis Augusti anni millesimi du-
centesimi decimi oclavi gloriosissi-
ma Virgo apparuerit Sanctis Rai-
mundi de Pennafort et Petro No-
lasco, ac etiâ Jacobo primo Ara-
goniæ rege, eisque significaverit, si-
bi Filioque suo gratissimum fore, si
in honorem suum Ordo Religioso-
rum fundaretur à quibus Christiani
sub durâ barbarorum tyrannide de-
gentes redimerentur. Cui Templo
primum ejusdem instituti Ordinis
cœnobium adjunctum fuit. Tu. ꝑ.

LECTIO 5.

Imago verò ejus, quæ in templo

mirificè colitur, formosior est ex tri-
bus quas Sanctus Petrus Nolascus
in tanti eventûs memoriam sculpe-
re jussit, similior eidem ab ipso sub
corporeâ formâ conspectæ Virgini,
et prima quam cœlestis Ordo de
Mercede veneratus est. Quæ Imago
post quingentos annos itâ pristinum
usque nunc servavit decorem, ut
speciesitas faciei ejus in nullo nec
pulvere, nec corruptione, nec aliâ
quâvis causâ fœdata unquàm fuerit:
tantaque est majestas vultûs ejus,
ut Sanctus Petrus Armengaudus
eam, in templum ingressus, con-
spiciens, tactus repentino dolore
cordis intrinsecûs, præterita vitia
deslere cœperit, et illic sublimioris
perfectionis fundamenta jecerit. Tu.
ꝑ.

LECTIO 6.

Innumeris quoquæ signis hæc San-
ctissimæ Deiparæ Imago semper
effulsit. Plurimos ipsa redemit cap-
tivos. Pluriès templum relinquens,
visa est tempestates maris sedare,
navigantibusque subsidium opor-
tunum impendere. Solemni pompâ
per urbem deducta, anno millesi-
mo sexcentesimo quinquagesimo
secundo pestiferam luem dissipavit;
anno millesimo octogesimo saluta-
ribus imbris terræ siccitatem le-
vavit; et septem aliis annis delapsis
à terribili locustarum plagâ suos
clientes defendit, ita ut meritò ipse
Sanctus Petrus Armengaudus præ-
dixerat, hanc Divæ Virginis effigiem
Barcinonensibus perfugium, tuta-
men, subsidium, solatiumque sem-
per futuram, quod novis experi-
mentis quotidie comprobatur. Tu.
ꝑ.

IN III. NOCT.

Lectio [S. Evangelii secundum
Lucam.

LECTIO 7. c. 2. 6.

In illo tempore: Impleti sunt dies

MARIÆ, ut pareret. Et peperit Filium suum primogenitum. Et reliq. Hom. S. Anasthasii Arch. Antioch.

Oratio 2. in Annunt. B. V. M.
Concepisti absque viri ullâ coitione, innupta peperisti: sola Mater simul ac Virgo effecta fuisti. Neque enim partus virginitatem prohibuit, neque conceptio integritatem sustulit. Inviolatum servasti virginitatis thesaurum etiâ post partum. *Lect. 8.* Lacte instar infantis eum pavisti, qui dat escam omni carni. Sub tuam mammam tanquàm parvulum eum collegisti, qui fontis instar lac pueris scaturit, quo illæ parvulos alant. Etenim facta est Mater magni Dei et Salvatoris nostri JESU-Christi. Tu. *¶.*

LECTIO 8. (Lect. 9.)
Adsque te audierunt mulieres in tristitiis parietis filios: inque omnes cœu hæreditaria quædam successio divinum currebat mandatum, indissolubile manens atque immotum. A te deinceps audiet femineus sexus: avete, feminæ, quæ gaudii principium suscepistis, solam illam inter Virgenes gratiosam, pulchram, immaculatam, Sanctam Dei Genitricem MARIAM. Tu.

LECTIO 9.
Commemoratio B. V. Mindoniensis de Remediis.

Mindonii in Galleciâ sub titulo de Remediis Deipara Sanctissima colitur jam à sexto decimo sæculo in amplo Sacello, quod eidem eo tempore erectum, sequenti sæculo amplificatum, et tandèm anno millesimo septingentesimo vigesimo octavo à fundamentis in elegantiorrem formam per Episcopum Antonium de Sarmiento constructum fuit. Ad Sanctissimam Virginem in hoc templo non tantum Mindonienses in angustiis anxietatibusque suis non frustrâ recurrunt, sed

etiâ ex dissitis locis quamplurimi fideles quolibet anni tempore, et protectionis obtentæ testimonia secum semper reportant. Tu.

Te Matrem.

Ad Benedic. ant. Salutate MARIAM quæ multum laboravit in vobis, et dicite: Ave clementiæ Mater, Consolatrix afflictorum, Redemptrix captivorum: Tu gloria Jerusalem, tu lætitia Israel, tu honorificentia populi nostri.

Vesperæ à capit. sequentis.

DIE XVIII. JAN.

MANSION. B. MARIÆ V. IN BETHLEEM.

Duplex.

Lect. 1. Noct. de feriâ occurr.

IN II. NOCT.

Ex verbis S. Bonaventuræ Ep. in Meditatione vilæ Christi. *cap. 10.*

LECTIO 4.

Expeditis Magis, et versus patriam suam regressis, et totis eorum oblationibus erogatis, adhuc stat Domina mundi cum puero JESU, et nutritore suo sancto sene JOSEPH apud præsepe, in illo locello patienter usque ad quadragesimum diem, ac si esset quædam mulier alia de populo, et puer JESUS esset homo purus, et indigeret legis observatione. Sed quia volebant prærogativas singulares, legem observabant, ut cæteri. Tu. *¶.*

LECTIO 5.

Stabat ergo Domina more aliarum, dictum diem expectans, ingressura templum. Stabat vigilans et attenta super custodiâ dilecti Filii sui. O Deus, cum quantâ sollicitudine et diligentia ipsum gubernabat, ne in minimo esset dejectus! Cum quantâ etiâ reverentiâ et cautelâ, et quo timore ipsum contractabat, quem sciebat esse Deum suum, et

Dominum suum, et flexis genibus accipiebat, et ponebat eum in cunis. Cum quantâ etiâ jucunditate, et confidentiâ, et auctoritate maternâ ipsum amplexabatur, strangebatur dulciter, et delectabatur in eo, quem sciebat esse Filium suum. Tu. *¶*

LECTIO 6.

Quâm sæpè curiosè intuebatur eum in vultu, et singulis partibus ejus sacratissimi corporis: quâm seriôsè ac prudentèr tenella membra fasciâ componebat. Sicut enim fuit humillima, sic fuit et prudentissima: undè in singulis officiis, et obsequiis vigilantì et durmienti sedulè ministrabat, non solum infanti sed grandævo. O quâm libenter eum lactabat! Vix fieri potuit, quin magnam etiâ aliis feminis inexpertam dulcedinem in talis filii lactatione sentiret. Tu. *¶*

IN III. NOCT.

Lectio Sancti Evangelii secundum Lucam.

LECTIO 7. c. 2. 6.

In illo tempore: Impleti sunt dies MARIE ut pareret. Et peperit Filium suum primogenitum. Et reliqua.

Homilia S. Cypriani Ep. et Martyris.

De Nativitat. Christi.

Veniunt in Bethleem: quem prædixit Gabriel, invenitur Emmanuel: civitas parvula, domus paupercola, supellex exigua. Nulla domus ambitio, ubi reclinatorium in stabulo. Mater in fœno, Filius in præsepio. Tale elegit fabricator mundi hospitium; hujusmodi habet delicias sacre Virginis puerperium. Panniculi pro purpurâ, pro bysso in ornatu regio laciniae congeruntur; genitrix est, et obstetrix, et devotam dilectæ soboli ipsa exhibet clientelam, attrahat, amplectitur, jungit oscu-

la, porrigit mammam. Totum negotium plenum gaudio: nullus dolor, nulla naturæ contumelia in puerperio. Tu. *¶*

LECTIO 8.

Nec locus ibi erat lavacris, quæ solent puerperiis præparari, quippè nec aliqua naturæ injuria Matrem Domini læserat; quoniâ sine tormento peperit, quæ in conceptione caruit voluptate, et tamen consuetudinem sequens ut legi satisfaceret, quasi cum aliis mulieribus esset ei in hoc opere ratio similis, diebus designatis recubuit, et depositi oneris lassitudinem professa, oblata quieti paruit: et in diebus separationis non se à thoro JOSEPH, qui eam nunquâm tetigit, sed ab ingressu templi, et cæteris, quæ lex prohibebat, continuit: ultrò maturus ab arbore bajula fructus elapsus est: nec oportuit vellicari, quod sponte prodibat. Tu. *¶*

LECTIO 9.

Nihil in hac re petiit ultio, nec præcedens delectatio aliquam expetiit pœnarum usuram. Spiritu Sancto obumbrante, incendium originale extinctum est: ideòque innoxiam affligi non decuit: nec sustinebat justitia, ut illud vas electionis communibus laceraretur injuriis: quoniâ plurimùm à cæteris differens, naturâ communicabat non culpa. Eratque ei proprium privilegium, quod nulla mulierum nec ante, nec deinceps meruit obtinere, quod erat simul Mater et Virgo singulis titulis insignita. Undè et Matri plenitudo gratiæ debebatur, et Virgini abundantior gloria: quæ carnis et mentis integritate insignis, spirituali et corporali intus et extra Christi præsentia fruebatur. Tu.

Cum 2. Vesper.

DIE XIX. JAN.

S. M. IN VIA LATA.

*Semiduplex.**Lect. 1. Noct. de Ferid.*

IN II. NOCT.

LECTIO 4.

Spinelli de festis et templ. Deip.
 Sancta MARIA in Viâ latâ inter præcipuas est Cardinalium diaconias, ubi hospitium olim fuit Sancti Pauli Apostoli, ejus habitatione, ac rebus ibidem gestis clarissimum: in hoc siquidem suo conducto idem Apostolus propter Christi confessionem catenâ circumdatus cum custodiente se milite, omnibus ad se adeuntibus prædicabat regnum Dei, et Christi fidem. Tu. ʒ.

LECTIO 5.

Ibidem complures dedit Epistolas, ad Ephesios, ad Philippenses, secundam ad Timotheum, ad Philemonem, in quibus suorum vinculorum meminit: item Epistola ad Hebræos: quin etiâ Dominus suâ visitatione et confortatione hoc in loco eum dignatus est adjuvare; nam secunda ad Timotheum agens de hac primâ suâ defensione: Dominus, inquit, mihi astiluit, et confortavit me. De hoc Sancti Pauli Hospitio in Sanctâ MARIA in Viâ latâ extat ibi memoria in lapide exarata. Tu. ʒ.

LECTIO 6.

Ibidem quoque Sanctus Lucas Evangelista; individuus comes Apostoli, Historiam Actuum Apostolorum, quæ ad biennium Romæ commorantis Pauli pervenit, conscripsisse existimatur. In hujus templi summo altari Imago Deiparæ, quæ annulum gestat in digito, à Sancto Lucâ depicta, gloriose asservatur. Tu. ʒ.

Homil. de comm. pro Semiduplex.

LECTIO 9.

Commemoratio B. V. Olyssiponen-sis de Bethleem.

Balingh. sub die 13. Decembr.
 Emmanuel, Lusitaniæ Rex Ædem Virginis Deiparæ à Bethleem magnifico auxit ejusdem nominis templo extracto in ipso aditu portus Olyssiponensis, velut indicæ conquisitionis et orientalium victoriarum throphæo: In ejus structuram templi Virginei dum opera duravere, hostilis prædæ partem, quæ ad se pertinebat, liberalitèr impendit. Eidem templo varios reditus, et prædia assignavit, atque ad ejus custodiam monachos Hieronymianos accersivit, iis ædificato monasterio. Deniquè è regione cœnobii propugnaculum Sancti Vincentii condidit, ut fluminis ostium, ac Virginis templum ab hostibus undequaque tutaretur. Tu. Te Matrem.

Cum secundis Vesper.

DIE XX. JAN.

B. V. M. DE NUMSIMATE.

*Simplex.**Lectio 1. de Script. feriæ occur.**Ex monumentis.* LECTIO 2.

Romæ in Ecclesiâ Minimorum Sancti Andrææ de fratribus non exiguum accipit cultum Imago Beatæ Virginis de Numismate in stupendi miraculi memoriam, quod ibidem ipsa Deipara patrare dignata est hac die, anno millesimo octingentesimo quadragesimo primo in conversione juvenis Hebræi in judaicâ pravitate obstinantissimi ad catholicam fidem. Quam Imaginem in tantæ gratiæ monumentum ipse depingi curavit et eo reponi altari, quo ei Deipara apparuit. Tu. ʒ.

LECTIO 3.

Commemoratio B. V. Lilybætanæ.

Octav. Caj. de effig. sicculis.
 Anno millesimo quingentesimo de-

cimo octavo, decimo tertio Kalendas Februarii inventa fuit Lilybæi Imago divæ Virginis intra ingens saxum, quod magno cum labore fuit perfractum. Simulacrum erat marmoreum, unius palmi statura, basis parvula sub pedes, vestis aureis notis distincta, Puerum in ulnis gestabat, qui manibus pectus ac cervicem sanctissimæ Matris contrectabat eamque divinis oculis intuebatur. Universus populus indicibili devotione ad venerandam Beatam Virginem concurrat, atque ipsa Virgo sua dona cunctis imperatur. Tu. Te Matrem.

CANON.

Ex Decreto Romanæ Curie.

3. Jun. 1842.

460. Dominus Cardinalis in Urbe Vicarius... dixit, pronuntiavit, et definitivè declaravit, plenè constare de vero insignique miraculo à Deo Omnipotenti Maximo, intercedente Beatâ MARIA Virgine, patrato, videlicet instantaneæ perfectæque conversionis Alphonsi MARIE Ratisbonne ab hebraismo. Tu. *Vesperæ de sequenti.*

DIE XXI. JAN.

IN LACTATIONE PUERI JESU.

Duplex.

Officium fit ut in die SS. Uberum.
B. M. V. 16. Jan. p. 551.

Oratio.

Deus, qui de Beatæ Virginis utero Verbum tuum carnem suscipere voluisti, ut nos redimeret de potestate diaboli: concede propitius, ut ejus, quam ipsum lactantem veneramus in terris, benedictionibus dulcedinis repleamur in cœlis. Per eundem.

AD MATUTIN.

HYMNUS 186. *Brev. Rom.*
O gloriosa Virginum,

Sublimis inter sidera,
Qui te creavit, parvulum
Lactente nutris ubere

Quod Eva tristis abstulit,
Tu reddis almo germine:
Intrent ut astra flebiles,
Cœli recludis cardines.

Tu Regis alti janua,
Et aula lucis fulgida:
Vitam datam per Virginem,
Gentes redemptæ plaudite.

JESU, tibi sit gloria, etc.

Lection. 1. Noct. et pp. ut in eod. die.

IN II. NOCT.

Sermo S. Petri Damiani Ep.

In Nativitate Domin.

LECTIO 4.

Quis enim dignè mirari valeat? Quis non obstupescat, quòd is qui cœli immensitate non capitur, in angusto præsepio reclinator. Qui marium procellas mitigat, qui aquarum abundantiam fluminibus subministrat, ratas de virgineo pectore guttas expectat. Exprimitur lac ex uberibus Virginis, et in carnem vertitur Salvatoris. Tu. p.

LECTIO 5.

Felix ista Puerpera, quæ sic gaudet de fœcunditate prolis, ut nequaquàm doleat de amissione Virginitatis: quæ illum fovebat à quo fovebatur: illum in ulnis gestabat, à quo totius mundi machina continetur. Stringitur à Matre puerilibus fasciis infantulus, qui cum Patre omnium vera jura gubernat immensus. Tu. p.

LECTIO 6.

Deus pendet ab uberibus, ponitur in præsepio, ligatur in cunis, pannis involvitur, et laxatis fasciis, felices manus et sancta brachiola per cunarum parvitatem expandit. Alludit Virgini, Matri arridet, et blan-

dientes oculos ad MARIAM intorquet. Stat perterrita tantis miraculis Regina cœlorum, confert in corde suo salutationem arcangeli, conceptionem Dei, natiuitatem Pueri, et miratur, quòd ille, qui sic potuit ad nos venire, sic voluit subvenire. Tu. ꝑ.

IN III. NOCT.

Lectio Sancti Evangelii secundum Lucam.

LECTIO 7. c. 2. 6.

In illo tempore: Impleti sunt dies MARIE, ut pareret. Et peperit Filium suum primogenitum. Et reliqua.

Homilia S. Amadei Ep. Lausan.

De Laudib. B. V. Hom. 4.

Cum igitur Virgo Natum repromissum edidisset, diem ex die, in diem nostrum peperisset, conversa ad Deum toto corde vocem gratiarum et laudis suæ auditam fecit in excelso; obtulit acceptum labiorum sacrificium, et hostiam jubilationis immolavit, et dedit holocausta cordis pacifica, et thus odoris suavisimi in incensum Domini adolevit. Accipiens verò natum Emmanuel, aspexit lucem incomparabilè sole pulchriorem, sensitque ignem aquis inextinguibilem: suscepit in testâ carnis genitæ fulgorem illuminantem omnia, et Verbum universa portans portare meruit inter brachia. Tu. ꝑ.

LECTIO 8.

Repleta igitur scientiâ Domini velut aquâ maris inundantis, rapitur extra se, et mente sursum elevata, altissimâ cogitatione defigitur. Miratur se Virginem assumptam in Matrem, et Dei Genitricem se læta miratur. Intelligit in se completa Patriarcharum promissa, Prophetarum oracula, et Patrum antiquorum desideria, qui Christum de Virgine nasci præconabantur, et

ortum ejus votis omnibus respectabant. Tu. ꝑ.

LECTIO 9.

Videt Dei Filium sibi commendatum, et mundi salutem sibi creditam lætatur. Audit sibi dicentem, et in se loquentem Dominum Deum: ecce elegi te ex omni carne, et inter omnes mulieres benedixi. Ecce commendavi tibi Filium meum, commisi tibi unicum meum. Noli timere, lactare, quem peperisti, agnosce non solum Deum, sed et Filium. Filius meus est, Filius tuus est. Filius meus ex divinitate, Filius tuus ex assumptâ humanitate. Quo igitur affectu et studio, quâ humilitate et reverentiâ, quâ dilectione et devotione id expleat, hominibus incognitum est, et Deo cognitum, qui rerum et cordium est scrutator, Deo cognitum, qui spirituum ponderator est. Tu. Te Matrem.

Ad Laudes et Horas, ut in eodem die.

Cum 2. Vesperis.

• DIE XXII. JAN.

D. V. ERVORDIENSIS DE CRUCE.

Simplex.

LECTIO 1.

Gumpenberg, Imag. 597.

Ervordio in Germaniâ superiore cum circa annum millesimum à Christo nato Sanctimonialium Monasterium, quod ibi est, templo careret, quia id funditus destructum fuerat, et piæ Virgines maximè de novo templo extruendo angustiantur, dignata est Deipara afflicto pauperi apparere, et primùm terrorem suavi afflatu pellens, vade, inquit, et Abbatissæ meo nomine nuntia, curam edificii deponant: locus in quo me vides, ille est, quem elegi,

in quo quod quisque petiturus est, obtinebit. Tu. ¶.

LECTIO 2.

Cum autem pauper ad hanc visionem adhuc trepidaret, et ad suæ legationis veritatem confirmandam signum aliquod suppliciter expeteret: hoc erit tibi signum, ait Virgo, quod nullus illatæ pœnæ, si quàm tibi inferant, dolor, nec cicatricis quidem ullius te contingat aliqua molestia. En etiàm aliud signum: fac crucem ex tuo baculo, et pone in vestigiis meis, quia super eamdem in columbæ specie me sedere videbunt. Ab Abbatissâ accepto nuntio, et advocato Episcopo, ipse pauper examinatur, sed nullum dolorem sentit. Et, inventâ columbâ super crucem sedere, maximâ omnium devotione Basilica fabricatur, et nomen à Sanctâ Cruce sortitur. Tu. ¶.

LECTIO 3.

Commemoratio B. V. Sortinensis.

Octav. Cajet. de Effig. Siculis.

Imago Deiparæ in tabulâ depicta, quæ in æde Annuntiatæ Virginis non procul à Sortino in Siciliâ asserwabatur, anno millesimo quingentesimo quinquagesimo octavo, die decimâ quintâ Octobris excrescentibus insolito modo aquis fluvii, qui propè ædem profluebat, ipsa æde dirutâ inter reliqua saxa, quæ à flumine devolvabantur, è templo extracta est, et aquarum decursu usque ad litus Siracusium intacta pervenit. Post dies tres ibi inventa, cum magnâ omnium pompâ Effigies ad oppidum relata fuit, et in templum Sancti Nicolai locata, donec magnificentius templum propè pristinum locum extrueretur, in quo reposita postea fuit. Tu.

Te Matrem.

Vesperæ de sequent.

DIE XXIII. JAN.

DESPONSATIONIS B. M. V.

Duplex 1. Classis.

IN I. VESP.

Ant. 1. Quid faciemus Sorori nostræ in die, quandò alloquenda est? *Psalmi ut in 1. Vesper. Solemn.*

2. Si murus est, ædificemus super eum propugnacula argentea.

3. Si ostium, compingamus illud tabulis cedrinis.

4. Ego murus, et ubera mea sicut turris.

5. Ego illa orientalis porta, quæ non aperiatur, sed semper erit clausa.

CAPITULUM. Gen. 24. 57.
Vocemus Puellam, et quæramus ipsius voluntatem. Cumque vocata venisset, sciscitati sunt: vis ire cum homine isto? Quæ ait: vadam.

¶. O sanctum et admirabile sancti Conjugii Sacramentum! O excellentia pietatis! * MARIA nobilis adolescentula, Deo jubente, viro desponsatur, et perpetuò intacta permanet. ¶. A sæculo non est auditum, quod fecit Dominus novum super terram.—MARIA.—Gloria.—O Sanctum.

HYMNUS 187. *Salla.*

Reginæ Angelicæ connubialia,
Orsus connubium, det recolentibus,
Plastes, horto in eõo,
Digno pangere carmine.

Det, qui congenerum visus
amanium

Cætus floriferæ subdere virgulas,
JOSEPHUMque Beatum
Densis promere plausibus,

Qui felix nimium! sicca videlicet
In cujus manibus virgula floruit,
Dignandumque MARIA
Illum conjuge prodidit.

Et florens mediâ nullâ ope terrea,
Sponsæ virginæ nullâ ope masculâ
Dio flore apud ipsum
Fœcundæ typus extilit.

Flore illo. recino cujus aromate
Humani fuerit terra piaculi
Expurganda mephiti,
Cœli ac aula beabilis.

Qui felix iterum! quippe thean-
dricâ

Qui custos sociæ Prole puerperæ
Convictus utriusque
Tutelæque sategerit.

Unus Virgineo qui Deus annulo
Jesseâ socias stirpe propaginem
JOSEPH atque MARIAM,
Lauderis, Sacra Trinitas. Amen.

†. Desponsatio est hodiè Sanctæ
MARIE Virginis.

‡. Cujus vita - inclyta cunctas
illustrat Ecclesias.

Ad Magnif. ant. Purissimum
MARIE conjugium colit pia Religio,
in quo Ecclesia Sponsa Christi fi-
guratur, non habens maculam,
neque rugam.

Completor. de Dominic.

AD MATUTIN.

Invitor. Desponsationem Beatæ
Virginis. MARIE cum Sancto JO-
SEPH celebrantes, * Venite, adore-
mus Dominum.

HYMNUS 188. *Brev. Antiq.*
Diva, quæ celso residens olympo,
Aureo dextram decorata sceptro,
Dæmonem terras, aciesque omnes,
Protegis orbem.

Hanc tibi lucem meritò dicamus,
Quâ Dei nutu sacra nuptiarum
Jura sumspisti retinens decorem
Virginitatis.

Hunc diem cives celebrant su-
perni:
Hunc diem læti venerantur omnes,
Et sibi plaudunt, tibi totus uni
Militat orbis.

Præbeas aures igitur, benigna,
Supplicum sacris precibus tuorum,
Et lacessiti vitio, Tonantis

Pectora placa.

Nec sinas unquam rogemus
omnes

Omnibus vitam fragilem tueri,
Cujus à cursu mereamur aulam
Scandere cœli.

Et quibus virtus Deitatis una
Sit Patri, Nato, paritèr supremo
Flamini toto celebrata semper
Gloria Mundo. Amen.

IN I. NOCT.

Ant. 1. Erat Puella decora ni-
mis, Virgoque pulcherrina, et in-
cognita viro.

Psalmi de Domin.

2. Erat eleganti aspectu, et in
omnibus famosissima.

3. Omnium oculis gratiosa et
amabilis videbatur.

†. Ista est speciosa. ‡. Inter filias
Jerusalem.

De libro Ecclesiastici.

LECTIO 1. c. 26. 1.

Mulieris bonæ beatus vir: numerus
enim annorum illius duplex. Mulier
fortis oblectat virum suum, et
annos vitæ illius in pace implevit.
Pars bona, mulier bona, in parte
timentium Deum dabitur viro pro
factis bonis: divitis autem et pau-
peris cor bonum, in omni tempore
vultus illorum hilaris. Tu.

‡. Mulierem fortem quis inve-
niat? * Procul et de ultimis finibus
pretium ejus. †. Invenit eam justus
JOSEPH, posuit in eâ cor suum,
et spoliis non indigebit.—Procul.

LECTIO 2.

Gratia mulieris sedulæ delectabit
virum suum, et ossa illius impin-
guabit. Disciplina illius datum Dei
est. Mulier sensata et tacita, non
est immutatio eruditæ animæ. Gra-
tia super gratiam mulier sancta et

pudrata. Omnis autem ponderatio non est digna continentis animæ. Tu.

¶. Hodie nobis Mater Ecclesia Desponsationem Virginis MARIE celebrandam proponit: * Ubi ejus virtus tam digna apparet, ut mundum universum in stuporem convertat. †. Totâ nos animi devotione divini Conjugii fœdus, et sacramentum recolere studeamus.—Ubi.

LECTIO 3.

Sicut sol oriens mundo in altissimis Dei, sic mulieris bonæ species in ornamentum domûs ejus. Lucerna splendens super candelabrum sanctum, et species faciei super ætatem stabilem. Columnæ aureæ super basses argenteas, et pedes firmi super plantas stabilis mulieris. Fundamenta æterna supra petram solidam, et mandata Dei in corde mulieris sanctæ. Tu.

¶. Qui invenerit mulierem bonam, inveniet bonum: * Procul et de ultimis finibus pretium ejus. †. Gaudeat JOSEPH, qui solus invenit in mulieribus benedictam.—Procul.—Gloria.—Qui.

IN II. NOCT.

Ant. 1. Hodie desponsata est sacra Virgo MARIA, ex progenie David cum justo JOSEPH.

2. Exauditæ sunt preces amorum in conspectu gloriæ summi Dei.

3. Benedicimus te, Domine Deus Israel, quia fecisti nobiscum misericordiam tuam.

†. Tota pulchra es. MARIA.

¶. Et macula non est in te.

LECTIO 4.

Ex Brev. Roman. antiq. Venet.

1557.

Quamplurimos virtutis actus ad humanæ redemptionis mysterium divinâ ordinatione dispositos legimus

à beatâ Dei Genitrice MARIA navitèr fuisse perfectos, inter quos conjugale Sacramentum, quod ipsa cœlesti nutu iniit, non minimum quidem excellentiæ opus dijudicari debet. Quis enim est, qui mentem habeat, et non admiretur, dum sibi ponit ob oculos, et considerat ingenuam hanc Adolescentulam, dum ex lege nubere cogitur, et Deo virginitatem voverit, tam strenuè et prudenter se habere, ut nec Deo, nec viro suo mentalur? Deo quidem, dum illi fidelitèr servat, quod promittit: viro autem, dum in casto ejus et sancto vult amore convivere, quod ad meram matrimonii rationem sufficere, nullus est vel mediocritèr gnarus, qui non asserat. Tu.

¶. Induit me vestimentis salutis, * Et indumento justitiæ circumdedit me, quasi sponsam decoratam coronâ. †. Annulo suo subharravit me, et zonâ circumcinxit me quasi sponsam ornatam monilibus suis.—Et.

LECTIO 5.

Verùm cum tot sint hujus Connubii gemmæ, tot laureolæ, tot coronæ, tot deniquè præclara insignia, undè incipiendum sit, haud salis exploratum habemus. Attamen quod prius menti occurrit, est ipsa conjugalis institutio, quàm maximè commendabilis: non enim ab homine aliquo facta, sed ab Omnipotenti Deo, à quo omnia quæ sunt, ut inquit Apostolus, ordinata sunt, divinâ scilicet sapientiâ disposita. Idcirco licet Beata Virgo in partu suo sanctissimo humano semine non indigeret, summâ tamen ratione voluit Deus, ut viro responderetur, et legi matrimoniali esset addicta, quemadmodum Hieronymus, Ambrosius, et Origenes apertè declarant. Proindè liquidò ap-

paret, MARIE connubium, Deo auctore peractum, cæterorum omnium conjugia et dignitate et gloria præstare. Tu.

¶ Magno mysterio nobis hodiè illibatæ Virginis Connubium proponitur: * Quia Sacramentum hæc magnum est, videlicet in Christo et Ecclesiâ. † Desponsationem Beatæ Virginis celebrantes memores simus per charitatem Deo adhærere.—Quia.

LECTIO 6.

Neque huic etiã tam mirificæ excellentiæ modicam postmodum laudem, et ornamentum accumulat generis nobilitas. Hæc siquidem maxima in utroque Coniuge fuisse probatur. Ubi si rectè perspicere voluerimus, hoc nobis proculdubio constabit, quòd diva Virgo MARIA et JOSEPH ex unâ eademque tribu originem ducentes, insignem totius nobilitatis gloriam adepti, regnum omnium filios ac filias hujusmodi progenitorum claritate præcellerint. Sed quia tenuis est ac frivola, atque illaudata carnis nobilitas, cui virtus non fuit comes, propterea cum ipse rerum omnium moderator Deus, cujus perfecta sunt opera, matrimonium MARIE et JOSEPH peculiari quãdam consilii sui ratione instituerit, haud dubium est, quin illis ab infinita suâ sapientiâ provisum sic fuerit, ut non etiã hujusmodi præcipuo animæ ornatu carerent. Tu.

¶ Tu scis Domine, quia nunquam concupivi virum, * Et mundam servavi animam meam ab omni concupiscentiâ. † Virum autem cum timore tuo, non cum libidine meâ consensi suscipere.—Et mundam.—Gloria.—Tu scis.

IN III. NOCT.

Ant. 1. Hæc est, quæ nescivit thorum in delicto, habebit fructum

in respectione animarum sanctarum.

2. Ante thorum hujus Virginis frequentate nobis dulcia cantica dramatis.

3. Dei nutu intacta semper Virgo viro nupsit.

† Dilectus mens mihi.

¶ Et ego dilecto meo.

Lectio Sancti Evangelii secundum Matthæum.

LECTIO 7. c. 1. 18.

In illo tempore: Cum esset desponsata Mater JESU MARIA JOSEPH, antequam convenirent, inventa est in utero habens de Spiritu Sancto. Et reliqua.

Homilia S. Bernardi Abbatis.

Homil. 2. super Missus.

Oportebat à principe mundi aliquandiu celari divini consilii sacramentum: non quòd Deus, si palam opus suum facere vellet, impediri posse ab illo ætueret; sed quia ipse, qui non solum potentèr, sed etiã sapientèr, quæcumque voluit, fecit, sicut in omnibus operibus suis quasdam rerum, vel temporum congruentias propter ordinis pulchritudinem servare consueverit: ita in hoc quoquè tam magnifico opere suo, nostræ videlicet reparationis, non tantum potentiam suam; sed et prudentiam ostendere voluit. Tu.

¶ Deus Abraham, et Deus Isaac, et Deus Jacob vobiscum sit, et ipse conjugat vos, impleatque benedictionem suam in vobis: * Et acceptâ charitâ fecerunt conscriptionem conjugii. † Quod Deus conjunxit, homo non separet.—Et.

Bened. Cujus Desponsationem.

LECTIO 8.

Conveniensi ergo erat, ut suaviter quoquè omnia cœlestia scilicet, et terrena disponderet; quatenus et

illinc dejiciens inquietum, reliquos in pace firmaret: et hic debellaturus invidum, nobis prius suæ humilitatis et mansuetudinis valdè necessarium exemplum relinqueret: sicque mirabili fieret moderamine sapientiæ, ut et suis suavis, et hostibus fortis appareret. Tu.

¶ At te, Domine, faciem meam converto, ad te oculos meos dirigo: * Quia nunquàm concupivi virum, et mundam servavi semper animam meam. † Miserere nobis Domine, miserere nobis, et concrescamus ambò paritèr sani.—Quia.

LECTIO 9.

Quid enim prodesset diabolum à Deo vinci, nobis manentibus superbis? Necessariò igitur desponsata est MARIA JOSEPH, quando per hoc et à canibus sanctum absconditur, et à Sponso virginitas comprobatur et Virginis tam verecundiæ parcitur, quàm famæ providetur. Quid sapientius! Quid dignius divinà providentiâ. Uno tali consilio secretis cœlestibus et admittitur testis, et excluditur hostis, et integra servatur fama Virginis Matris. Tu.

¶ O Sanctum et admirabile sancti Conjugii Sacramentum! O excellentia pietatis! * MARIA nobilis adolescentula, Deo jubente, viro desponsatur, et perpetuò intacta permanet. † A sæculo non est auditum, quod fecit Dominus novum super terram.—MARIA.—Gloria.—O Sanctum.

Te Matrem.

AD LAUDES

et per Horas antiphonæ.

1. Jacob genuit * JOSEPH virum MARIE de quâ natus est JESUS. *Psalmi de Domin.*

2. Cum esset * desponsata Mater JESU MARIA JOSEPH, inven-

ta est in utero habens de Spiritu Sancto.

3. JOSEPH * fili David, noli timere accipere MARIAM conjugem tuam.

4. Exurgens JOSEPH à somno accepit Conjugem suam.

5. JOSEPH * vir ejus, cum esset justus, noluit eam traducere, sed occultè dimittere.

CAPITULUM. *Gen. 24. 57.*
Vocemus Puellam, et quæramus ipsius voluntatem. Cumque vocata venisset, sciscitati sunt: vis ire cum homine isto? Quæ ait: vadam.

HYMNUS 189. *Salla.*
Ergò hoc Connubium plaudite, cœlites:
Horum, terricolæ, plaudite et æmuli:

Cunctis concelebrandum est,
Quosquos æquipar attinet.

Unus virgineo qui Deus annulo Jesseâ socias stirpe propaginem JOSEPH atque MARIAM, Lauderis, sacra Trinitas. Amen.

† Diffusa est gratia in labiis tuis.

¶ Proptereâ benedixit te Deus in æternum.

Ad Benedict. *ant.* Missus est Angelus Gabriel à Deo ad Virginem desponsatam viro, cui nomen erat JOSEPH de domo David: et nomen Virginis MARIA.

Oratio.

Deus, qui unigeniti Fili tui Genitricem MARIAM, ut virginalis partus ejus viri honestaretur consortio, JOSEPH viro justo desponsari voluisti: da nobis, quæsumus, tanti Conjugii mysterium dignè celebrare in terris, et cœlestium participes fieri nuptiarum. Per eumd.

AD PRIMAM.

Ant. Jacob. *Capitul.* Vocemus. *de Laudibus.*

†. *br.* Quæ justo JOSEPH desponsata fuisti.

CANON.

Ex Decreto S. Rituum Congreg.

5. *Maj.* 1736. in *Einsidlen*.—

Talu 997.

461. In Desponsatione Beatæ MARIÆ Virginis non est facienda Commemoratio Sancti JOSEPHI, nisi constet de speciali concessione. Tu.

AD TERTIAM.

CAPITULUM. *Gen.* 24. v. 59. Dimiserunt ergo eam, imprecantes prospera sorori suæ, atque dicentes: Soror nostra es, crescas in mille millia, et possideat semen tuum portas inimicorum suorum.

†. *br.* Benedicentur * In semine tuo.—Benedicentur. †. Omnes gentes terræ.—In.—Gloria.—Benedicentur.

†. In omni gente quæ audierit nomen tuum.

†. Magnificabitur super te Deus Israel.

AD SEXTAM.

CAPITULUM. *Gen.* 49. 22. Filius accrescens Joseph, filius accrescens, et decorus aspectu: filia discurrerunt super murum.

†. *br.* Mulieris bonæ * Beatus vir.—Mulieris.

† Numerus annorum illius duplex.—Beatus.—Gloria.—Mulieris.

†. Non est talis mulier super terram.

†. In aspectu, in pulchritudine, et in sensu verborum.

AD NONAM.

CAPITULUM. *Isai.* 62. 5. Habitat juvenis cum Virgine, et gaudebit Sponsus super Sponsam, et gaudebit super te Deus tuus.

†. *br.* Erat præclarior mulier * Universæ terræ.—Erat. †. Erat

etiã virtuti castitas adjuncta.—Universæ.—Gloria.—Erat.

†. Hæc est speciosior sole.

†. Et super omnem dispositionem stellarum.

IN II. VESPER.

Ant. 1. Dilectus meus mihi, et ego illi, qui pascitur inter lilia. *Psal.* de Solemn.

2. Læva ejus sub capite meo, et dextera illius amplexabitur me.

3. Pulchra es, amica mea, suavis et decora sicut Jêrusalem.

4. Ecce tu pulcher es, dilecte mi, et decorus.

5. Deus pacis vobiscum sit, impleatque benedictionem suam in vobis.

Capitul. et Resp. de 1. Vesperis.

HYMNUS 190. Br. Rom.
Te JOSEPH, celebrent agmina cœlitum,

Te cuncti resonent Christianum chori,

Qui clarus meritis junctus es inclytæ

Casto fœdere Virgini.

Almo cum tumidam germine Conjugem

Admirans, dubio tangeris anxius,

Afflatu superi Flaminis Angelus

Conceptum Puerum docet.

Tu natum Dominum stringis, ad exteras

Ægypti profugum tu sequeris plagas;

Amissum Solymis quæris et invenis, Miscens gaudia fletibus.

Post mortem reliquos mors pia consecrat,

Palmaque meritos gloria suscipit;

Tu vivens, Superis par, frueris Deo, Mirâ sorte beator.

Nobis, summa Trias, parce precantibus,

Da JOSEPH meritis sidera scandere :

Ut tandem liceat nos tibi perpetim
Gratum promere canticum. Am.
†. Forti animo esto, Virgo MA-
RIA.

†. Dominus cœli dedit tibi gau-
dium.

Ad Magnif. ant. Salve Sancta Pa-
rens, cui sacro fœdere nupsit virgo
JOSEPH, sine quo tu Virgo Deum
peperisti.

Oratio de Laudibus.

Completor. de Dominicâ.

DIE XXIV. JAN.

DESCENSIONIS B. M. V.

Duplex.

AD MATUTIN.

HYMNUS 191. *Commirri.*

Virgo bis Nati Genitrix Theandri,
Seu triumphalis superæ Sionis
Porta, seu mavis cynosura diei
Mistica, salve.

Quam tibi dixit Gabriel salutem
Dicimus: tu nos, Bona, sentis Evæ
Pace donatam, meliore prolem
Nomine dona.

Deme, quas sotes patimur ca-
tenas,

Et diem cæcis, oculosque redde:
Nos malis fractos releva; bonisque
Omnibus auge.

Patris ac Nati recinendo laudes,
Mutuum linguæ celebrent amorem:
Omnis et mundi plaga tres in uno
Numine adoret. Amen.

Lect. I. Noct. de feriâ.

IN II. NOCT.

LECTIO 4.

Ex officiis propr. Eccles. Toletanæ.
Cum Beatus Hildephonsus Toletanæ
Ecclesiæ Archiepiscopus, hæreticos
quosdam perpetuam Dei Matris Vir-
ginitatem labefactare conantes, vi
veritatis conjunctos ex universâ His-
paniâ depulisset, tanta fuit Sacratissimæ Virginis in servum suum Hil-
dephonsum benignitas, ut hoc ejus

studium illustri miraculo compro-
bavit. Incarnationis enim Filii ejus
festo qui die decimo quinto Calendas
Januarii per universam Hispaniam
ex decimi Concilii Toletani decreto
celebratur, nocte intempestâ de-
scendit de cœlo Sanctissima Virgo,
Virginum et Angelorum comitata
choris: et in chatedrâ, undè Hilde-
phonsus ad populum verba facere
consueverat, consedit, universo
templo suavissimâ ineffabilis odoris
fragrantia et cœlestis luminis mag-
nitudine completo. Tu. †.

LECTIO 5.

Quò Hildephonsus ad nocturnas pre-
ces de more veniens, comitibus per-
territis, et pavore dilapsis, ipse rei
quidem novitate initio percussus,
sed deindè spe erectus, et devotæ
mentis humilitate securus, gaudio
simul ac reverentiâ tremens humi
sese ante pedes Virginis supplex ab-
jecit. Quem sic affata Virgo est:
propera in occursum meum, serve
Dei: accipe munusculum de manu
meâ, quod de thesauris Filii mei ti-
bi attuli. Et simul hæc dicens, ve-
stem Hildephonso induit cœlesti opi-
ficio contextam. Et Virgo quidem
his dictis rediit in cœlum. Hilde-
phonsus verò et mirificâ visione
plenus, et pretioso dono fuit cunctis
deinceps ordinibus ac gentibus ve-
nerandus. Quo quidem dono in so-
lemnioribus Beatæ MARLÆ Virgi-
nis sacris interdum usus est. Tu. †.

LECTIO 6.

Extat hoc ipso in Templo lapis, in
quo vetustâ majorum traditione ac
veneratione constat, MARIAM de-
scendentem vestigio constitisse. At
que ut hujus tanti beneficii memori-
am nullâ unquàm injuriâ temporum
oblivio deleret, Toletana Ecclesia
in stemmatibus suis atque insigni-
bus illum ubiquè repræsentat.
Annua prætercâ celebritatem ad

eam rem instituit, quæ, quod ipse dies, quo Virgo descendit, in Dominicæ Incarnationis sit occupatus, in novum Calendas Februarii translata est. Quo item die urbe regiâ longa post tempora à Sarracenis receptâ, cum Bernardus Archiepiscopus Templum maximum ex Mezquita Ecclesiam Dei reddidisset, graviter id ferentibus Mauris, divinitus tandem placatis, huic festo Pacis nomen inditum est. Tu. 7.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua. Homilia Sancti Hildephonsi Arch. Toletani.

Serm. 4. de Assumpt. B. V.

Quem totus non capit orbis, in suâ sacrâ alvo hæc Virgo inclusit. Qui mundum pugillo continet, eum beatissima Virgo pannis involvit: et qui præsentia majestatis suæ in cælis angelos pascit, Virgo hunc sacro ubere Matris aluit lacte. Lect. 8. Et insuper ad cujus arbitrium totus orbis terrarum regitur, hujus gloriosæ Virginis uberibus Conditor mundi Infans nutritur. Tu. 8.

Bened. Cujus Descensionem.

LECTIO 8.

Et sub cujus defensione protegentur regna terrarum, cum ipso Virgo MARIA fugit in Ægyptum. Lect. 9. Et qui totum mundum quasi in statera suspensum tenet, in cruce confixum Virgo MARIA cernens aspexit. Qui præsentia majestatis è cælis nunquam defuit; ascendentem etiam in cælum oculis propriis contemplata esse Virgo MARIA creditur. Tu. 7.

LECTIO 9.

Commemoratio B. V. Canodiensis.

Gump. Im. 684.

Circa annum Christi millesimum quadragesimum Sanctus Gerardus Episcopus Canodii in Hungariâ Templum Sancto Georgio Martyri ædificavit, et in hoc sacellum pro Deiparâ. Statua, quam in eo collocavit, beneficia præstabat populis, quam ob causam cultu novo eam persecutus est Sanctus Episcopus. Thuribulum enim argenteum collocavit ante altare, quod semper arderet carbonibus ignitis: et ut nunquam ullâ horâ diu noctuque thymiam deesset, duos provecæ ætatis viros mutatis vicibus semper adesse voluit, qui vigilarent, et thura semper injicerent. Hinc sacræ Imaginis cultus adhuc magis crevit, et miraculis pluribus via aperta est. Tu.

Ad Benedict. ant. Ave augustissima Regina pacis, Sanctissima Mater Dei, per sacratissimum Cor JESU Filii tui Principis pacis fac, ut quiescat ira ipsius, et regnet super nos in pace.

Oratio.

Deus, qui per gloriosissimam Filii tui Matrem Beatum Hildephonsum, misso de thesauris cælestibus munere, decorasti: concede propitius, ut per ipsius Sanctissimæ Virginis preces et merita, munera capiamus æterna. Per eundem Dominum.

CANON.

Ex Concilio Toletano apud Penam-fidelem.

An. 1302. c. 11.—Labbe. Tom. 7. col. 1256.

462. Mater Verbi et Salvatoris nostri Domini JESU-Christi gloriosa ac semper Virgo MARIA Capellanus ac suæ Virginitatis specia-

lem Præconem, Beatum Hildephonsum, patriarchalis Toletanæ Ecclesiæ Præsulem ac Rectorem, post sui assumptionem descendens de cœlo Empyreo corporaliter visitavit, ac donis et muneribus specialibus decoravit in signum specialis dilectionis et amoris. Tu.

Cum 2. Vesperis.

DIE XXVI. JAN.

B. M. V. TITULO MATRIS LUCIS.

Dyplex.

Lect. 1. Noct. de Ferid.

IN II. NOCT.

Sermo S. Thomæ Arch. Valentini.

Concion. de Concept. B. V. M.

LECTIO 4.

De Virgine possunt verificari verba Ecclesiastici: Ego feci in cœlis, ut oriretur lumen indeficiens. Tres conditiones luminis. Prima, quod sit prima creaturarum. In principio creavit Deus cœlum et terram. Terra autem erat inanis et vacua, et tenebræ erant super faciem abyssi, et Spiritus Dei ferebatur super aquas. Dixitque Deus: fiat lux. Sanctissima Virgo prima est dignitate: Anselmus: nihil, ait, tibi Domina, æquale, nihil comparabile: omne enim quod est, aut supra te, Deus est. Quod infra te est, omne, id est, quod Deus non est. Sanctus Thomas: habet, inquam, aliquam infinitatem. In omni populo, et in omni gente primum habui. Tu. ¶

LECTIO 5.

Secunda conditio lucis: est pulcherrima creaturarum corporaliū. Nam sine illā, nihil est pulchrum, et sunt tetra omnia. Bernardus: Tolle solem, et quid manebit nisi tenebræ: Tolle MARIAM, et quid nisi obscuritas, et obnubilatio animi? Sponsus: ecce tu pulchra es, amica mea, ecce tu pulchra es. Pulchra pulchritudine

innocentiæ; pulchra pulchritudine gratiæ: pulchra corpore, pulchra mente. Præclaris his dotibus tantā gemmis et stellis Virgo regia ornata est. Sicut enim sol universa cœli lumina præcellit prærogativā claritatis eximiæ; sic MARIA totā rationalem creaturam post Filium præcellit splendore et pulchritudine virtutis et gratiæ. Tu. ¶

LECTIO 6.

Tertia conditio luminis. Est universalis totum occupans. Ambrosius in Exameron: Non est facta in pondere ei mensurā. Virgo: Omnibus dedit, omnia replevit. Et quemadmodum Sol justitiæ Christus Deus noster oriri facit lumen suum super bonos et malos: sic lumen indeficiens Virgo Sacratissima, radios evibrans misericordiæ suæ, omnibus indifferenter sese exorabilem, omnibus clementissimam præbet: omnium necessitates amplissimo quodam miseratur affectu. Bernardus: omnia facta est... ut non sit qui se abscondat à calore ejus. Tu. ¶

IN III. NOCT.

Lectio S. Evangelii secundum Joannem.

LECTIO 7. c. 8. 12.

In illo tempore: Dixit JESUS Pharisæis: Ego sum lux mundi: Et reliqua.

Homilia S. Epiphaniī Episcopi.

De Laudib. B. V. Sermo.

Virgo Sancta, lucis æternæ Mater! Lucis, inquam, quæ in cœlis illuminat ipsorum Seraphim incomprehensum oculum: lucis, quæ illuminat solem splendidis facibus: lucis, quæ fines terræ illuminat ad credendum Trinitati: lucis, quæ dixit: Ego lux in mundum veni: lucis, quæ assumpta est, et illuminavit cuncta, quæ sunt in cœlis et in terrā. Tu. ¶

LECTIO 8.

Virgo Sanctissima, quæ exercitum

Angelorum in stuporem deduxisti. Stupendum erim est miraculum in cœlis Mulier amicta sole: stupendum miraculum in cœlis, mulier gestans lucem in ulnis: stupendum miraculum in cœlis, alter thronus Cherubicus: stupendum miraculum in cœlis, mulieris filius, qui et ipsius et sæculorum est Pater: stupendum miraculum in cœlis, thalamus Virginis, habens Filium Dei, Deum Sponsum Christum: stupendum miraculum in cœlis, Dominus Angelorum Infans Virginis effectus est. Tu. R.

LECTIO 9.

O Sanctissima Virgo Mater Salvatoris, quæ genuisti principio carens Verbum, scilicet, eundem cum Patre habentem thronum, consubstantialem Patri, et Spiritui Sancto, qui cum Patre et Spiritu Sancto est ante sæcula, qui concameravit cœlos, et terram condidit. Ave Sanctissima Virgo, quæ velut rubus intellectualis absque combustionem divinitatis ignem tenes: cli-banus intellectualis, qui ignem et panem vitæ calidum mundo in esum attulit. Tu. Te Matrem.

Vesp. à capit. sequentis.

DIE XXVII. JAN.

D. V. ROMANÆ S. M. MAJORIS.

Duplex.

Oratio.

Dirigantur, quasumus Domine, viæ nostræ ad tuas justificationes custodiendas, ut gloriosæ Dei Genitricis et Virginis MARIE patrocinii sublevemur, et ejus semper orationibus à malis imminetibus defendamur. Per eumd.

Lectiones 1. Noct. de Feriâ occur.

IN II. NOCT.

Ex ofc. prop. Cler. Basil. Liberianæ

LECTIO 4.

Venustissima Deiparæ Virginis Ima-

go, in tabulâ coloribus expressa, multis ante sæculis in Basilicâ Sanctæ MARIE Majoris asservata, maximâ semper devotione à principibus viris, omnique populo culta fuit. Illam namque à Sancto Luca Evangelistâ depictam fuisse, et à Sancto Gregorio Magno celebri solemni supplicatione ad Sanctum Petrum delatam, pestilentiam quæ tunc urbem atrociter vexabat, depulisse antiquâ et constanti traditione à majoribus acceptâ, omnes piè sentiunt, ac fatentur. Tu. R.

LECTIO 5.

Crevit antem in dies erga eandem Imaginem pietas, ac devotio ex miraculis, et beneficiis quamplurimis, quæ Deus per illam omni tempore usque in præsens operatus est, ut ex pretiosis donariis, tam vetustis, quam recentibus, aliisque documentis liquidò comprobatur. Quarè Paulus Quintus volens prædictam Imaginem illustriori loco reponere et præstantiori cultu ab omnibus honorari, Sacellum in eadem Basilicâ magnificentissimum extruxit. Tu. R.

LECTIO 6.

Ipsam verò Imaginem celeberrimâ pompâ per Exquiliâs delatam, comitante Sacro Cardinalium Collegio, Episcopis ac prælatis omnibus, qui Romæ aderant, insequentibus; magnâ totius Romani Cleri et cæterorum Ordinum frequentiâ, innumerâque non solum urbis, sed et finitimarum etiâ civitatum, confluyente multitudine, Dominicâ ultimâ Januarii, Pontificatus sui anno septimo, in arâ maximâ ejusdem Sacelli honorificentissimè collocavit: Officia divina de Beatâ Virgine, ritu duplici quotannis ipsâ dominicâ à Clero hujus Basilicæ celebrari sancivit, et indulgentiam plenariam fidelibus intra octo se-

quentes dies sacram Imaginem visitantibus est elargitus. Tu. ꝑ.

IN III. NOCT.

Lectio S. Evang. secundum Lucam.

LECTIO 7. 2. 15.

In illo tempore: Pastores loquebantur ad invicem: transeamus usque ad Bethleem. Et reliqua.

Homilia S. Ambrosii Episcopi.

Hom. 2. in cap. 2. Lucæ.

Nec contemnenda pules quasi vilia verba pastorum. A pastoribus etiã MARIA fidem colligit. A pastoribus populus ad Dei reverentiam congregatur. Mirati enim sunt omnes, qui audierunt de iis, quæ dicebantur à pastoribus ad ipsos, Tu. ꝑ.

LECTIO 8.

Discamus Sanctæ Virginis in omnibus castitatem, quæ non minùs ore pudica, quàm corpore, argumenta fidei conferebat in corde. Si MARIA à Pastoribus discit, cur tu declinas discere à Sacerdotibus? Lect. 9. Si MARIA ante præcepta apostolica tacet, cur tu post apostolica præcepta magis cupis docere, quàm discere? Disce vitium esse personæ, non sexûs: sexus enim sanctus. Deniquè MARIA præceptum non accepit, exemplum edidit. Tu. ꝑ.

LECTIO 9.

Commem. B. V. in Insulâ Danubii.

Gumpenb. Im. 473.

Danubius in Hungariâ latissimus Insulam habet, in quâ Monasterium Sanctimonialium olim fuit, quod nomen retinuit Monasterii Beatæ MARIE Virginis. Ejus origo hæc fuit: Filia Regis Beata Margarita voto virginitalis facti solitudinem ambiens, pium patrem movit, ut Cœnobium in Insulâ Danubianâ strueret, in quâ ipsa cum Monialibus Sancti Dominici religiosè viveret. Memorantur plurima ibidem à pe-

regreinis obtenta beneficia; ita ut inter miraculosos numerari hæc sancta Imago meruerit jam ab anno millesimo ducentesimo septuagesimo, quo ipsa Margarita sine vitam suam clausit. Tu. Te Matrem.

CANON.

Ex Paulo Papâ Quinto.

Const. 253. Immensæ bonit.

an. 1615.—B. R. T. V. p. 4.

p. 183.

462. Ubi primùm ad apostolatûs apicem evecti fuimus, singulari erga gloriosissimam Virginem, et illius sacratissimam Imaginem Sanctæ MARIE Majoris devotione, et divinâ quâdam inspiratione permoti, in illius honorem insignem Capellam à fundamentis extruere et ornare, ac eandem Imaginem, quæ in medio dictæ Basilicæ navi prope dextrum cornu altaris majoris in ligneo ciborio marmoreis columnis elato colebatur, ad capellam novam prædictam transferre, et supra altare ejusdem capellæ propterea erigendum honorificentius collocare deliberavimus. Tu.

Vesperæ à cap. de seq.

DIE XXVIII. JAN.

D.V. MATRITENSIS DEREMEDIIS.

Duplex.

Lect. 1. Noct. de feriâ.

IN II. NOCT.

LECTIO 4.

Gumpenb. Imag. 771.

Celeberrima in urbe Matriti est Imago Beatæ Virginis de Remediis, sic dicta, quia, ut tradunt, nullum nec animæ nec corporis morbum esse, cui remedium hoc in loco inventum non sit. Porro hæc Imago mirabile consecuta est iter, ut veniret Matritum. Romæ fuisse dicitur, et ibi in æstimatione Sancti Gregorii Ponti-

ficis, qui eam in Angliam ad Neophithorum solatium misit cum Augustino, qui fidem Christianam intulit insulæ. Tu. ʒ.

LECTIO 5.

Ubi verò hæresis Angliam ingressa est, hæc Imago fuit in Zelandiam delata inter alia sacra, et ad civem quemdam devenit, apud quem cum quidam miles Hispanus, Joannes de Origuela dictus, haberet hospitium, et aliquandò ignem pellendo frigori postularet, inter sarmenta hanc quoquè imaginem ancilla attulit, et in ignem coniecit. Mediam omninò per horam jacuit in igne illesa, cum miles conspectam Imaginem illicò flammis exeruit, pretioque hospiti soluto, suam fecit per omnia illesam præter faciem aliquantulum denigratam cum signo in sinistrâ parte frontis instar carneæ pustulæ. Tu. ʒ.

LECTIO 6.

Joannes in Hispaniam redux, ubi Concham in patriam suam venit, eam Reverendis Patribus Sanctissimæ Trinitatis de Mercede dono dedit. Sed Patris Provincialis jussu Matritum delata, in ejusdem Ordinis templo collocata fuit. Vix ubi importatus sacer thesaurus spem incolis fecit cœlestium gratiarum: maximè postquàm duo Religiosi, qui eam huc deportarunt, pericula sua denarravere, in quæ paucis ab urbe stadiis inciderunt. Tu. ʒ.

IN III. NOCT.

Lectio S. Evang. secundum Lucam.

LECTIO 7. c. 2. 6.

In illo tempore: Impleti sunt dies MARIE, ut pareret. Et peperit Filium suum primogenitum. Et reliq.

Homilia S. Thimotei Presb.

Jerosolimitani.

Orat. de Proph. Simeon.

Quid aspicias, Virgo, Puerum hunc tuum, et non tuum? Mansisti enim

Virgo, sicut eras priùs. Quid eum continenter intueris, atque frequenter amplexaris? Quid mammam ei semper admoves, an nitidiorem Filium habere vis? Non indiget nutrimento, ipse quippe mammæ et vitæ largitor est. Quid teneris manibus infantem ventilas, atque demulces, ac somno consopire vis? Hic Puer pro absconditâ suæ deitatis dignitate somno non premetur, neque dormiet, qui custodiet Israel. Tu. ʒ.

LECTIO 8.

Quid aspicias, Virgo, hunc Puellum? Hic Puellus, ò Virgo, occultâ Deitatis vi cœlum tanquàm pellem extendit: terram item super nihilum suspendit: aquam quasi fulcrum et sustentaculum mundo fundavit. *Lectio 9.* Hic Puer, incorrupta Virgo, solem regit, lunam gubernat, ventus tanquàm in thesauros recondit, et omnium rerum potestatem habet, atque dominatum. Ex hoc Puero, Virgo, noli sperare lætitiâ sæcularem, sed spiritua-lem. Tu. ʒ.

LECTIO 9.

Commemoratio B. V. Raccuiensis de Laureto.

Octav. cajet. de effig. Siculis.

Circa annum millesimum quingentesimum Ædes Lauretanæ Virginis fabricata fuit in Raccuiæ oppido Siciliæ defuncti hominis monitu. Quidam enim Joannellus Jambrunus post mortem apparuit amico, à quo enixè postulavit, ut in Sanctissimæ Lauretanæ Virginis honorem ædificaretur templum, cujus ipsè aream descripsit. Addidit etiâ ubi certum spatium effoderit, in eo loco crucem ligneam inventurum, ac pro impensis in areâ suâ conditum thoracem, in quo aurei scutati centum asservabantur. Amicus, transactâ nocte, imperata perfecit, et invento thorace, et cruce lignea, sa-

cram Ædem strui curavit Lauretanæ Virgini, quæ in cultu semper est habita. Tu. Te Matrem.

Cum 2. Vesper.

DIE XXIX. JAN.

B. MARIÆ V. DE USOA.

Semiduplex.

Lectio. 1. Noct. de ferid.

IN II. NOCT.

LECTIO 4.

Ex Hist. B. V. de Usod ex P. Areso.

In Navarra regno, tempore quo à Mauris invadebatur Hispaniâ, quidam Pastor Imaginem Beatæ Virginis inter pascendas oves, in profundâ petrarum concavitate invenit, ubi per assiduitatem quâ illâ versabatur columba, aliquid mysterii ibi adesse cognoverat. Tantò igitur invento thesauro, ad vicinum pagum, cui nomen Blanca, se contulit, et enarrato prodigio, ad elevatum Useæ montem supplicatio solemnis unanimi majorum consensu ordinata fuit. Tu. ¶.

LECTIO 5.

Eo autem cum pervenissent, facti sunt de veritate per visum enuntiati miraculi certiores: atque cœlesti gaudio intus perfusi, corde magno asperrimum illum saltum in habitationis locum sibi decreverunt assumere, ut propius Deiparam manerent, relicta optabili pagi planitie ac feracitate. Et in hoc confirmati consilio magnificum templum Deo in honorem ejus Genitricis sanctissimæ in ipsomet loco, ubi ipsa apparuit, ædificaverunt, atque suas domos in circuitu templi. Tu. ¶.

LECTIO 6.

In temporis decursu sicut et fidelium erga Virginem devotio, ita et prodigia Virginis erga omnes multiplicata fuere. Illic cæci visum, surdi auditum, muti loquelam,

claudi gressum obtinebant. Ex omnibus Hispaniæ confinibus, Galli, et Itali quoquæ Usod ad Deiparam confluebant. Duces etiâ, Principes et Reges eam Imaginem invisebant. Garcia Navarra Rex Usoam contra Mauros munivit, et reliqui omnes hujus ditionis reges, plurimis donis, ac ingentibus privilegiis Virginis Basilicam ditarunt, ita ut mirum in modum ibi Beatissima Virgo semper fuerit honorata. Tu. ¶.

IN III. NOCT.

Lectio Sancti Evangelii secundum Matthæum.

LECTIO 7.

c. 5. 1.

In illo tempore: Ascendit JESUS in montem, et cum sedisset, accesserunt ad eum discipuli ejus. Et reliqua.

Homilia Sancti Gregentii Arch. Tephrensensis.

In disputat. cum Herbano Judæo. Thaman quid significat? Et mons (Pharam) obumbrans quid indicat? Thaman quidem eum è supernis venire declarat, nempe è coelo, id est, ab ortu: veritas autem demonstrat, quod è virginali corpore Propheta affirmat ipsum habiturum esse humanitatem, quemadmodum evenit, et ex sanctâ Dominâ nostrâ Dei Genitricis semperque Virgine MARIA. Tu.

LECTIO 8.

Mons verò obumbratus ipsa est Virgo, ex quâ prodiit ineffabiliter carne indutus. Montem autem ipsam dicit, eo quod ut in montem Sina, sic in ipsam descendit Deus, et obumbravit: vel propter virginittatis impervium accessum (siquidem montium densitas accessus est perdifficilis), vel potius omnino invia. (*Lect. 9.*) Obumbratam autem ipsam indicat, propterea quod in ipsâ simul cum virtutum multitu-

dine, virginitatis ipsius mysterium obumbrat: adde, quòd nescitur, quomodò hæc genuit. Virgo enim peperit, et post partum Virgo salva et integra permansit. Tu. *¶*

LECTIO 9.

Commem. B. V. Villarrubianæ de Sierra.

Lanuza, Histor. Arag. libr. 3. cap. 8.

Non longè à Villarrubia in Aragoniâ apparuit beatissima Virgo cui-dam opilioni, eique injungit, ut templum sibi extrueretur in eodem, in quo apparuerat, loco. Nihil de tempore apparitionis liquet: attamen templum antiquissimum est, satis capax et ornatum. Habet Xenodochium infirmis, atque Hospitium peregrinis, et domesticis adjunctum. Miracula ibi plurima ope Virginis patrantur, ut apparet ex innumeris tabellis in utroque templi latere appensis. Indè ingens fit ad hanc Deiparæ Imaginem fidelium accursus. Tu. Te Matrem.

Vesperæ de sequenti.

DIE XXX. JAN.

ASCENSION. B. V. IN JERUS. AD PURIF.

Duplex.

Si fuerit impeditum, transfert. in diem sequent.

AD MATUTIN.

HYMNUS 192.

Salla.

Christum sub atræ tegmine
Noctis peregrè infantulum
Zelo Parentes conciti
Secum ferentes prodeunt.

Qui verus ipse in proprio
Salomon recumbens lectulo,
Matris sinu videlicet
Vectus periclo demitur.

Tuentur illum lectulum
Contra timores noctium
Bis quinque fortes sexies

Ex Israel fortissimis.

Hi namque semper ambiunt
Ipsummet, omnes ensibus
Cincti femur, quàm strenui,
Ad bella quàm doctissimi.

At vos, humi scrabedines,
Hibernæ et inclementiæ
Divis peregrinantibus
Sævire milites parcite.

Doxolog. de Tempore.

IN I. NOCT.

LECTIO 1. c. 6. 1.

In anno quo mortuus est rex Ozias, vidi Dominum sedentem super solium excelsum et elevatum: et ea, quæ sub ipso erant, replebant templum. Seraphim stabant super illud: sex alæ uni, sex alæ alteri: duabus velabant faciem ejus, et duabus velabant pedes ejus, et duabus volabant. Tu. *¶* O meritis. p. 504.

LECTIO 2.

Et clamabant alter ad alterum, et dicebant: Sanctus, Sanctus, Sanctus, Dominus Deus exercituum, plena est omnis terra gloriâ ejus. Et commota sunt superliminaria cardinum à voce clamantis. Et dixi: vae mihi, quia læui, quia vir pollutus labiis ego sum, et in medio populi polluta labia habentis ego habito, et Regem Dominum exercituum vidi oculis meis. Tu. *¶* Quæ circa te. p. 504.

LECTIO 3.

Et volavit ad me unus de Seraphim, et in manu ejus calculus, quem forcipe tulerat de altari. Et tetigit os meum, et dixit: Ecce tetigit hoc labia tua, et auferetur iniquitas tua, et peccatum tuum munda-bitur. Tu. *¶* Præmia. p. 504.

IN II. NOCT.

Sermo S. Methodii Ep. et Martyris.

Oratio de Simeone et Anno.

LECTIO 4.

Sunt hæc Prophetæ per Spiritum

prænuntiata oracula. Tu verò, mihi carissime, vim dictorum considera, ut Sacramentorum eventum assequaris. Ecce enim ceu thronus sublimis et elevatus ob ejus gloriam, qui est fabricatus, Virgo Mater Regi Domino Sabaoth spectatissima illic statuitur. Super illo nunc ad te venientem in carne Dominum perspice. Super illo virginali, inquam, throno eum venerare, qui novam hanc, omnibusque laudibus prosequendam ad te perfectionem adornavit. Tu. *¶*. Quid Michael. *p.* 504.

LECTIO 5.

Itaque eduxit Propheta Virginem ex Nazareth, ut in Bethleem fœtum illum salutarem eniteretur: eandemque iterum propheta reduxit, ut spem vitæ mundo manifestaret. Solvens igitur Dei arca ex Bethleemico diversorio: illic enim solvit legem quadraginta dierum: non justitiæ sed gratiæ debitum, requievit in montibus Sion, accipiensque castissimo sinu, tanquam sublimi quodam, et humanam omnem naturam superante, throno, regem illum omnium. Illum, inquam, eodem Deo et Patri thronum sublimem Filium, nec ipso excedentem: unâ illic cum assumptâ ex ipsâ intemeratâ carne eidem præsentavit. Tu. *¶*. Credo alter. *p.* 504.

LECTIO 6.

Ascendit in templum sacra Mater, novum legi exhibitura miraculum, prolemque diu quæsitam, quæ nimirum virginalem vulvam aperuit, nec tamen virginitatis claustra dirupit: prolem lege superiorem, quæ tamen legem implevit: prolem ortu priorem, posterioremque; prolem deniquè ex ipsâ incarnatam supra legem naturæ. Ascendit igitur in templum illa templo celsior, duplicem induta gloriam: intemeratæ,

inquam, virginitatis, et ineffabilis fœcunditatis: legis benedictionem, et gratiæ sanctificationem. Tu.

¶. Iste ad. *p.* 505.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua. Homilia S. Laureatii Justiniani Ep.

Serm. de Purific. B. V.

O honor feminae ac excellentia MARIE, cujus meritorum celsitudine et gratiarum opulentiâ stæpet cœlum, natura miratur, et sancta beatorum Spirituum venerantur agmina. *Lect.* 8. Non enim capit populus, non concludit orbis, neque attingit creatura, quod MARIA suscepit mente, concepit in corpore, gestavit in utero, nutritiv lacte, portavit brachiis, fovit in gremio, et est amplexata in carne. Tu.

¶. Nesciens Mater. *De Commun.*

LECTIO 8. (*Lect.* 9.)

Super Angelorum, Archangelorumque transcendit gratiam, quod de MARIE Carne Verbum factum est caro, quod integritate custodiâ Virgo generat, fœcundat Spiritus, Deum parit femina, quod sit Mater et filia, ancilla et Domina, supra legem et sub lege. Nempe supra legem fecerat gratia, sub lege humilitas. Tu. *¶*. Creator generis.

LECTIO 9.

Commemoratio B. V. Giennensis à Coronâ.

Gumpenberg. Im. 395.

Giennensis urbs in Hispaniâ inter prima ornamenta numerat hanc miraculosam Imaginem ligneam, quæ in Campo giennio intra campanam in terram defossam, Alphonso decimo rege, inventa fuit, et à Coronâ, quam capite gestabat

coronata nomen accepit. Ex tunc jam miraculis clarere cœpit, ita ut erecti Sacelli parietes, non multo delapso tempore, vinculis ferreis captivorum qui ap ipsâ libertatem miraculosè acceperunt omninò tegebantur. Anno millesimo quingentesimo è Sacello factum templum, cui Carmelitarum cœnobium fuit adjunctum, accursus auxit, sed auxit quoquè Deipara gratias. Stetit hoc cœnobium usque ad annum millesimum sexcentessimum vigesimum primum quò annuente Episcopo, patres propter aerem gravem unâ cum sacrâ Imagine in urbem migrarunt, ubi in hunc usque diem honores suos accipit. Tu. Te Matrem.

Ad Benedict. ant. Vidi puerum JESUM, sedentem super solium Beatæ Virginis, excelsum virtutibus, et elevatum meritis.

Cum secund. Vesper.

FESTA FEBRUARII.

DIE I. FEB.

VIGILIA PURIFICAT.

Simplex.

Omnia ut in feriali Offic.

Lectio S. Evang. secundum Lucam.

LECTIO 1. c. 2. 23.

Scriptum est in lege Domini: quia omne masculinum adaperiens vulvam, Sanctum Domino vocabitur. Et reliqua.

Homilia S. Ambrosii Episcopi.

Super Luc. libr. 2.

Partum ipsum Virginis esse, qui lege signetur, in eodem modo ab Angelo repetita verba declarant: quia quod nascetur, inquit, Sanctum, vocabitur Filius Dei. Non enim virilis coitus vulvæ virginis præcepta reseravit; sed immaculatum semen inviolabili utero Spiritus San-

ctus infudit: solus enim per omnia ex natis de feminâ Sanctus Dominus JESUS, qui terrenæ contagia corruptelæ immaculati partûs novitate non senserit, et cœlesti majestate depulserit. Tu. *¶. de ferid.*

LECTIO 2.

Nam si literam sequamur, quomodo sanctus omnis masculus, cum multos sceleratissimos fuisse non latet? Nunquid Sanctus Achab? Nunquid Sancti Pseudoprophetæ, quos ad Eliæ preces ultor cœlestis injuriæ ignis assumpsit? Sed ille sanctus, per quem figuram futuri mysterii pia legis divinæ præscripta signabant: eo quòd solus sanctæ Ecclesiæ Virginis ad generandos populos Dei immaculatæ fœcunditatis aperiret genitale secretum. Tu. *¶.*

LECTIO 3.

Hic ergò solus aperuit sibi vulvam. Nec mirum: qui enim dixerat ad Prophetam: priusquàm te formarem in utero novi te: et in vulvâ matris sanctificavi te. Qui ergò vulvam sanctificavit alienam, ut nasceretur Propheta, hic est, qui aperuit Matris suæ vulvam, ut immaculatus exiret. Tu. *¶.*

Preces.

Oratio.

Da, quæsumus, omnipotens Deus, ut qui tantam Genitricis tuæ Sanctissimæ prævenimus solemnitatem, cœlestibus donis ad eam ritè celebrandam præveniamur. Qui vivis.

Ad Horas omnia de feriali Offic. Vesperæ de sequenti.

DIE II. FEB.

PURIFICATIO B. Mariæ V.

Dupl. 1. Class. cum Oct.

IN I. VESPER.

Ant. 1. Gaude et lætare, filia Sion: ecce Rex tuus et Deus tuus in medio tui.

Psalm. de 1. Vesper. Solemnit.

2. Egredimini et videte Regem vestrum, pendentem ab ubere Matris suæ.

3. Viderunt eam Filiae Jerusalem, et beatissimam prædicaverunt.

4. Tu gloria Jerusalem, tu lætitia Israel, tu honorificentia populi nostri.

5. Aperite portas, et ingrediatu-
tur gens sancta, puer Deus, virgo
Mater, homo justus.

CAPITULUM. *Luc. 2. 23.*

Scriptum est in lege Domini: omne
masculinum adaperiens vulvam,
sanctum Domino vocabitur.

¶ Adorna thalamum tuum,
Sion, et suscipe regem Christum: *
Quem Virgo genuit, Virgo peperit,
Virgo post partum, quem genuit,
adoravit. †. Amplectere MARIAM,
quæ est cœlestis porta: Ipsa enim
portat Regem gloriæ, novi luminis.
—Quem.—Gloria.—Adorna.

In diebus infra Oct. ¶. omittitur.

HYMNUS 193. *Brev. Paris.*
Stupete gentes, fit Deus hostia:
Se spontè legi legifer obligat:
Orbis Redemptor nunc redemptus,
Seque piat sine labe Mater.

De more matrum Virgo puerpera
Templo solutos abstinuit dies:
Intrare Sanctum, quid pavebas,
Facta Dei prius ipsa Templum?

Arâ sub unâ se vovet hostia
Triplex: honorem Virgineum im-
molat

Virgo Sacerdos, parva mollis
Membra puer, seniorque vitam.

Eheu! quot enses transadigent
tuum

Pectus! quot altis nata doloribus,
O Virgo! quem gestas, cruentam
Imbuet hic sacer Agnus Aram.

Sit summa Patri, summaque
Filio,

Sanctoque compar gloria Flamini:
Sanctæ litemus Trinitati

Perpetuo pia corda cultu. Amen.

†. Exulta et lauda, habitatio
Sion.

¶. Quia magnus in medio tui
Sanctus Israel.

Ad Magnificat. ant. Postquam
impleti sunt dies purgationis MA-
RIÆ, tulerunt JESUM in Jerusa-
lem, ut sisterent eum Domino.

Oratio de Laudibus.

Completor. de Domin.

*Sequens Doxolog. dicitur per to-
tam Octav.*

JESU tibi sit Gloria,

Quem Virgo Patri consecrat,

Cum Patre et almo Spiritu

In sempiterna sæcula. Amen.

*Hodiè post Complet. incipitur
dicere antiph. Ave Regina cœlor.
et dicitur usque ad Pasion.*

AD MATUTIN.

Invitator. Christum MARIE Fi-
lium hodiè in templo præsentatum,
* Venite, adoremus.

HYMNUS. 194. *Brev. Paris.*
Virgo latentis conscia Numinis,
Demissa vultus, quem peperit Deum,
Hunc gestat ulnis: pauperumque
Munera fert: teneras volucres.

Hic omnis ætas, omnis et astitit
Sexus, propinquo Numine plenior:
Omnes anhelantis tot annos
Nunc fidei pretium reportant.

Tristes tot inter magnanimo,
Deus,

Tibi litabat firma silentio

Verbi silentis muta Mater:

Cuncta animo penitus premebat.

Sit summa Patri, summaque

Filio,

Sanctoque compar gloria Flamini:

Sanctæ litemus Trinitati

Perpetuo pia corda cultu. Amen.

IN I. NOCT.

Ant. 1. Offer Filium tuum, *
Virgo sacrata, et benedictum fru-
ctum ventris tui Domino præsentâ.

Psalmi de Dominica.

2. Offer, Virgo Mater, * ad nostrum omnium reconciliationem Hostiam Sanctam, Deo placentem.

—3. Omnino * acceptabit Deus Pater oblationem novam, et pretiosissimam hostiam tuam.

†. Viderunt oculi mei.

℟. Salutare tuum, Domine.

De libro Levitici.

LECTIO 1. c. 12. 1.

Locutus est Dominus ad Moysen dicens: Loquere filiis Israel, et dices ad eos: Mulier, si suscepto semine, peperit masculum, immunda erit septem diebus juxta dies separationis menstruæ. Et diè octavo circumcidetur infantulus; ipsa verò triginta diebus manebit in sanguine purificationis suæ. Omne Sanctum non tanget, nec ingreditur in sanctuarium, donec impleantur dies purificationis. Tu.

℟. Adorna Sion thalamum tuum, et præpara te in occursum Dei tui: * Ecce Rex tuus venit tibi justus et Salvator.

†. Hosanna Filio David Benedictus qui venit in nomine Domini. —Ecce Rex.

LECTIO 2.

Sin autem feminam peperit, immunda erit duabus hebdomadibus, juxta ritum fluxus menstrui, et sexaginta sex diebus manebit in sanguine purificationis suæ. Cumque expleti fuerint dies purificationis suæ pro filio, sive pro filiâ, deferet agnum anniculum in holocaustum, et pullum columbæ, sive turturem pro peccato, ad ostium tabernaculi testimonii, et tradet sacerdoti. Tu.

℟. Subsistit Virgo adducens manibus Filium ante luciferum genitum: * Quem accipiens Simeon in ulnas suas prædicavit populis Dominum eum esse vitæ et mortis. †. Responsum accepit Simeon à

Spiritu Sancto, non visurum se mortem, nisi videret Christum Domini.—Quem.

LECTIO 3.

Sacerdos offeret illa coram Domino, et orabit pro eâ, et sic mundabitur à profluvio sanguinis sui. Ista est lex parientis masculum aut feminam. Quod si non invenerit manus ejus, nec potuerit offerre agnum, sumet duos turtures, vel duos pullos columbarum, unum in holocaustum, et alterum pro peccato: orabitque pro eâ sacerdos, et sic mundabitur. Tu.

℟. Cum inducerent parentes ejus et facerent secundum consuetudinem templi pro eo: * Simeon accepit eum in ulnas suas. †. MARIA autem conservabat omnia verba hæc conferens in corde suo.—Simeon.—Gloria.—Cum. *In diebus infra octav.* Simeon.

IN II. NOCT.

Ant. 1. Omnino tunc * erat una Christi et MARIE voluntas: unumque holocaustum pariter offerebant.

2. Suscipe, * Sancte Pater, Filium tuum, quem Virgo concepi, et Virgo peperit.

3. Ecce venio * ut faciam voluntatem tuam semper.

†. Sacrificium Deo spiritus contritus.

℟. Cor contritum et humiliatum.

Sermo S. Bernardi Abbatis.

In purific. Serm. 3.

LECTIO 4.

Purificationem beatæ Virginis hodiè celebramus, quæ secundum legem Moysis facta est, transactis à Nativitate Domini quadraginta diebus. In lege enim scriptum erat, ut mulier, quæ suscepto semine, peperisset filium, immunda esset septem diebus, et octavo die circumcideretur puer. Dehinc ablutioni et

purificationi intenta abstineret ab ingressu templi triginta diebus, quibus expletis offerret filium Domino cum muneribus. Tu.

¶. Hodie beata Virgo MARIA puerum JESUM præsentavit in templo: * Et Simeon accepit eum in ulnas suas, et benedixit Deum. †. Obtulerunt pro eo Domino par turturum, aut duos pullos columbarum.—Et Simeon.

LECTIO 5.

Sed quis non advertat in ipso sententiæ hujus initio liberam Matrem Domini ab hoc præcepto? Putas enim, quia dicturus Moyses mulierem quæ peperisset filium, immundam esse, non timuerit super Matrem Domini blasphemiam crimen incurrere, et idcirco præmiserit, suscepto semine? Alioquin nisi parituras prævidisset sine semine Virginem, quæ necessitas erat, de suscepto semine fieri mentionem? Tu.

¶. Hodie senex Puerum portabat, Puer autem senem regebat. * Quem Virgo peperit, et post partum Virgo permansit. †. Hodie beata Virgo MARIA Deo Filium suum in templo præsentavit.—Quem.

LECTIO 6.

Patet itaque quod lex ista Matrem Domini non includit, quæ non suscepto semine Deum peperit, sicut prædictum erat per Jeremiam: quia novum faceret Dominus super terram: Quæris quod novum? Mulier, inquit, circumdabit virum. Non ab altero viro virum suscipiet, non humanâ lege concipiet hominem: sed intra viscera intacta, et integra virum claudet, ita sanè, ut intrante et exeunte Domino juxta alium Prophetam, porta orientalis clausa jugiter perseveret. Tu.

¶. A sæculo non est auditum,

* Quod virgo esset, quæ peperit: quod mater esset quæ virgo permansit. †. Sola hæc est, in qua virginitas et sæcunditas obviaverunt sibi.—Quod.—Gloria.—A sæculo. In dieb. infra Octav. Quod.

IN III. NOCT.

Ant. 1. Omne * masculinum adaperiens vulvam erit sanctum Domino.

2. Non ingreditur * mater ejus Sanctuarium, donec impleantur dies purificationis suæ.

3. Et deferret * agnum in holocaustum, vel duos pullos columbarum.

†. Gaude et lætare, filia Sion.

¶. Ecce venio, et habitabo in medio tui.

Lectio S. Evang. secundum Lucam.

LECTIO 7. c. 2. 22.

Postquam impleti sunt dies purificationis MARIE secundum legem Moysis, tulerunt JESUM in Jerusalem, ut sisterent eum Domino. Et reliqua.

Homilia S. Hildephonsi Arch.

In libro contra eos qui disputant &c.

Non sic completi dies purificationis dicuntur, quasi Beata Virgo purificatione eguerit ullius delicti, quia peperit Dominum JESUM—Christum, ex Spiritu Sancto procreatum: sed quia ipsa sub lege erat, et Dominus JESUS—Christus sub lege factus, factus de muliere, legis præcepta et instituta verumtamen in eo servantur jure ad tempus, quousque, cessante lege, gratia succederet. Tu.

¶. Exulta satis, filia Sion, juba, Filia Jerusalem: * Ecce Rex tuus venit justus et Salvator. †. Ecce enim ego adducam servum meum Orientem, et orietur in die illa lux magna.—Ecce Rex tuus.

Bensd. 8. per Octav. Cujus Purificationem.

LECTIO 8.

Et hæc est completio dierum secundum consuetudinem legis, et non secundum necessitatem purificationis: quia beata et intemerata Virginitas, immaculata et incorrupta permansit, nullius coinquinata sordibus. Non potest fieri juxta vocem Angeli, qui gaudium universorum affert, ut tormenta in ortu suo attulerit: inter angelorum excubias et laudes, non credo, quod Mater gemitus, et dolores, tristitiamque Evæ contraxit. Tu.

¶. Suscipe, Sanctæ Pater, Unigenitum tuum, quem secundum legis mandatum tibi pia Virgo offert, * Quia primogenitus est Matris suæ. †. Accipe hanc oblationem et munusculum, quod parvulus tuus hodiè de suâ paupertate tibi præsentat.—Quia.

Loco hujus ¶. in dieb. infr. octav. dicitur. 9. ¶.

LECTIO 9.

Et idèò alia erit expurgatio illa feminarum, in quâ purgabantur non minùs delicta animorum, et alia purgatio MARIE, in quâ non aliud quàm pro mysterio consuetudo legis servatur: quia nullis egebat purificationibus, quæ omnium de se purificatorem genuit incarnatum. Porro completio dierum purificationis ejus nulla alia causa est, quàm expletio et consuetudo legis. Purgatio verò et separatio aliarum feminarum multis ex causis est, in quâ et vitia purgantur animorum, et vitia corporum. Tu.

¶. Adorna thalamum tuum, Sion, et suscipe Regem Christum: * Quem Virgo genuit, Virgo peperit, Virgo post partum, quem genuit aïoravit. †. Amplectere MARIAM, quæ est cœlestis porta: ipsa enim portat

Regem gloriæ, novi luminis.—Quem.—Gloria—Adorna. *Infra Oct. Quem.*

AD LAUDES

et per Horas Antiphonæ.

1. Movebo * omnes gentes, et veniet desideratus cunctis gentibus.

Psalmi de Dominicâ.

2. Implebo * domum istam gloriâ, quia meum est argentum, et meum est aurum.

3. Magna erit * gloria domus istius novissimæ, plusquàm primæ, dicit Dominus.

4. In altari * meo sacrificatur hodiè, et offertur nomini meo oblatio munda.

5. Manus Virginis * præsentat hodiè in altari meo placentem hostiam.

¶. *CAPITULUM. Luc. c. 2. 23.* Scriptum est in lege Domini: Omne masculinum adaperiens vulvam Sanctum Domino vocabitur.

HYMNUS 195.

En Christus in templum venit,
In cujus est templum manens:
Concepit et quæ Deo,
Affert Deum Patri Deo.

Ulnis senex hunc suscepit,
Infans tamen senem regit,
Qui lumen est in gentibus
Sanctæque plebis arbiter.

Hunc Anna cognoscit vetus,
Et voce clarâ prædicat:
Prolem fidelis asserit
Summo Deo Christum Dei.

Miratur in cunctis Parens,
Cui tota ridet gloria:
Sed ipso honorum culmine
Telo doloris figitur.

JESU tibi sit gloria,
Quem Virgo Patri consecrat,
Cum Patre et almo Spiritu
In sempiterna sæcula. Amen.
†. Lumen ad revelationem gentium.

¶. Et gloriam plebis tuæ Israel.

Ad Benedict. ant. Et erat * Pater ejus et Mater mirantes super his, que dicebantur de Puero: et benedixit illis Simeon.

Oratio.

Famulis tuis, quæsumus, Domine, cœlestis gratiæ munus impartire, ut quibus Beatæ Virginis partus exultit salutis exordium, Purificationis ejus voliva solemnitas pacis tribuat incrementum. Per Dominum.

AD PRIMAM.

Ant. Movebo. *Capitul. Scriptum. de Laud.*

†. ¶. *br.* Quæ Filium tuum hodie in templo Deo præsentasti.

CANON.

Ex Concilio Mediolanensi Quinto. *Sub S. Carol. an. 1579. p. 1. tit. 7.*

463. Die sacro Purificationis Beatæ MARIE Virginis usus ritusque benedictionis candelarum ceceorumve, cum plenus mysteriorum est, tum salutarium utilitatum... Tu.

AD TERTIAM.

CAPITULUM. *Lev. 12. 4.*

Omne Sanctum non tanget, nec ingreditur in Sanctuarium, donec impleantur dies purificationis ejus.

¶. *br.* In capite libri * Scriptum est de me.—In. †. Ut faciam voluntatem tuam.—Scriptum.—Gloria.—In.

†. Hostiam et oblationem nolui.

¶. Corpus autem aptasti mihi: ecce venio.

AD SEXTAM.

CAPITULUM. *Luc. 2. 25.*

Ecce homo erat in Jerusalem, cui nomen Simeon, et homo iste justus et timoratus expectabat consolationem Israel: et Spiritus Sanctus erat in eo.

¶. *br.* Simeon accepit JESUM *

In ulnas suas.—Simeon. †. Et benedixit Deum.—In.—Gloria.—Simeon. †. Nunc dimittis servum tuum, Domine. ¶. Secundum verbum tuum in pace.

AD NONAM.

CAPITULUM. *Luc. 2. 38.*

Et Anna ipsa hora superveniens confitebatur Domino, et loquebatur de illo omnibus, qui expectabant redemptionem Israel.

¶. *br.* Erant * Pater ejus et Mater mirantes.—Erant. †. Super his quæ dicebantur de Puero.—Pater.—Gloria.—Erant.

†. MARIA conservabat omnia verba hæc.

¶. Conferens in corde suo.

IN II. VESPERIS.

Ant. 1. Tulerunt JESUM * in Jerusalem Parentes ejus, ut sisterent eum Domino.

Psl. ut in 2. Vesp. Solemnit.

2. Obtulerunt * pro eo parvulum, aut duos pullos columbarum.

3. Ecce Simeon * venit in spiritu in templum, et accepit JESUM in ulnas suas.

4. Et Anna * prophetissa ipsa hora superveniens confitebatur Domino.

5. MARIA * conservabat omnia verba hæc conferens in corde suo.

Capit. Scriptum est. ¶. Adorna, ut in 1. Vesp.

HYMNUS 196.

Quidquid antiqui cecinere quondam,

Spiritu Sancto referente, vates: Virginis partus novus id MARIE

Omne recludit.

Hæc Deum cœli Dominumque terræ

Virgo concepit, peperitque Virgo, Virgo post partum, maculata nunquam

Labe pudoris.

Quem senex justus capiens in ulnis

Gentium lumen cecinit, diùque

Ante speratâ Simeon potitus

Pace quievit.

Sis memor nostri, placidoque vultu

Supplicum votis faveas precamus,

Mater et Virgo super astra regnans

Proxima Nato.

Sit Deo virtus, honor et potestas,

Sit salus jugis, decus et perenne:

Cuncta qui nutu creat et gubernat

Trinus et Unus. Amen.

†. Viderunt oculi mei.

‡. Salutare tuum, Domine.

Ad Magnific. ant. Ecce positus est * hic in ruinam, et resurrectionem multorum in Israel, et in signum cui contradicetur. Et tuam ipsius animam doloris gladius pertransibit.

Oratio de laudibus. Complet de Dom. In diebus infra Octav. etiam in festis, omnia dicuntur ut in die, exceptis Psalmis et Lect. 1. Noct. quæ dicunt, de feriâ occur. ‡. post Cap. Vesp. omittitur.

DIE III. FEBR.

DIVÆ VIRGIN. TUNGRENSIS.

Duplex.

Omnia ut in die Purific. nisi transferatur extra Oct.

Lect. 1. Noct. fer. occur. pro Temp. Puerper.

IN II. NOCT.

LECTIO. 4.

Ex Hist. B. Virginis Tungrensis. Tungris in Hannoniâ, anno millesimo octogesimo primo, Kalendis Februarii, horâ noctis undecimâ deposita fuit ab Angelis in horto nobilissimi Domini Tungrensis Hectoris Imago beatissimæ Virginis MARIÆ coram ingenti hominum multitudine

ne illic per tanti prodigii novitatem congregata. Hector quoque in hortum deductus suavissimum audivit concentum, sed non valuit, cum esset cæcus, lumine, quo nox clarior erat die, gaudere. Cum verò Angelorum visio evanissset, sacram Imaginem in propriam domum virpius deferri jussit, ut honorificentius coleretur. Tu. ‡. Hodiè beata.

LECTIO 5.

Tanti thesauri Dominus Hector indignum se putans, sequenti die sacram Deiparæ Imaginem ad sancti Martini Templum transferri curavit, sed cum esset nocte, et hora undecima, apparitionis miraculum fuit renovatum, omnibus mirantibus, quod etiâ tertio sequenti die fuit repetitum, latâ iterum imagine ad Ecclesiam, et pro tertâ vice ad domum Hectoris, ministerio Angelorum visibiliter luce corusantium deductâ. Tandem consulto Episcopo loci, coram duobus legatis ab ipso Tungrim missis, ejus decreto Deiparæ Imago solemnî supplicatione edomo ad templum tertio fuit translata, et sequenti nocte eadem horâ quarto fuit per Angelos ab Ecclesiâ ad domum deducta. Tu.

‡. Hodiè senex.

LECTIO 6.

Cognitâ igitur beatissimæ Virginis voluntate circa locum quem sibi ad habitandum delegerat, Hector statim ibi templum ædificare incœpit, ministrantibus Angelis lapides, et alia necessaria, quæ post mensem defuere. Nondum autem Ædes sacra erat structa, et omnes jam ibi refrigerium inveniebant. Alii manûs, alii linguæ, alii pedum, alii aliarum facultatum usum amissum impetrabant: quæ prodigia usque ad præsentem diem nec finem habent. Imago sacra extat quoque hodiè incorrupta et intacta maxi-

mā cum veneratione populorum.

Tu. ꝑ. A sæculo non.

IN III. NOCT.

Si hoc festum transferatur extra octavam, dicitur homilia de Communi pro Duplicibus.

Lectio S. Evang. secundum Lucam.

LECTIO 7. c. 2. 22.

Postquā impleti sunt dies purgationis MARIE secundum legem Moysis, tulerunt JESUM in Jerusalem, ut sisterent eum Domino. Et reliqua.

Homilia S. Eligii Novomiensis Ep.

Homil. 2. de Purific.

Hæc præcepta legalia si diligenter inspiciantur, non solum Dominus JESUS-Christus, sed etiam beatissima Genitrix illius ab omni legis subjectione absolutissima reperitur. Cum enim non omnem mulierem quæ peperit, sed quæ suscepto semine pepererit, lex immundam dicat, atque his oblationibus unā cum prole mundari decernat; constat, quia non illam sub hac necessitate constringit, quæ sine susceptione virilis seminis virgo concepit, et virgo peperit. Nequaquam ergo immunda judicatur, quæ, Sancto Spiritu obumbrante, totius munditiæ et sanctitatis auctorem genuisse probatur. Tu. ꝑ. Exulta satis.

LECTIO 8.

Denique et ipse puer JESUS purus ab omni contagione peccati, cujus agni oblatione indiguerat purificari, qui est Agnus Dei, et qui tollit peccata mundi? Sed quod tam ille legis Domitus, quam et gloriosa Mater ejus, cum lege nihil deberent, sponte tamen se decretis voluerunt subdere legalibus; nobis exemplum præbuerunt quantā humilitate, quantā obedientiā Dominicis præceptis parere debeamus. Tu. ꝑ. Adorna thalamum.

LECTIO 9.

Commemoratio B. V. Himærensensis de Consolatione.

S. Octav. Cajet. de Effig. Siculis. Sacra ædis Beatæ Virginis, quæ sub titulo de Consolatione in thermis Himærensibus colitur, hæc fuit origo. Cosmas de Agra Aromatarius, pietate in Deiparam impulsus, in pharmaciai pariete Virginis Iconem depingendam curavit, festisque illi diebus, et singulis sabbatis lampadem succendebat. Ejus mulier verò filium cum peperisset, cujus coxendices, tibiæque erant molles, quotidie membra tam infirma oleo lampadis oblinire consueverat. Unā autem nocte, cum puer ad duodecimum annum pervenisset, ut de more unctus, sequenti mane ope Virginis, membris omnibus adeo firmis surrexit, perinde ac si nihil unquam passus fuisset. Tam illustri vulgato miraculo, affluentibus undique elemosinis templum ædificari ceptum fuit. Tu. Te Matrem.

Vesperæ de sequent.

DIE IV. FEB.

DECEN BENEPLACITORUM B. V.

Dupl. majus.

Non propria ut in die Purificat. nisi transferatur.

IN I. VESPERIS.

ꝑ. Deus, canticum novum cantabo tibi.

ꝑ. In decachordo psalterio psallam tibi.

Ad Magnificat. ant. Ave MARIA, alta stirps lilii castitatis, profunda viola vallis humilitatis, lata rosa campi divinæ charitatis, abyssalis fons gratiæ et pietatis, cæli ros fructifer omnis suavitatis, da nobis auxilium potentibus anxietis.

Oratio.

Omnipotens sempiternæ Deus,

qui Beatam MARIAM semper Virginem multiplici virtutum spiritu decoratam, tuo munere tibi placitam, efformandis Virginum moribus formam præstitisti: concede propitius, ut qui ejusdem Sanctissimæ Virginis vestigiis insistere nitimur, tibi per ipsam in omnibus et semper placeamus, et ejus placitorum denarium tibi corde puro jugiter offeramus. Per Domin.

AD MATUTIN.

Invitator. Virtutes sacratissimæ Virginis MARIE celebrantes, * Christum ejus Filium adoremus Dominum Principem virtutum.

IN I. NOCT.

Ant. 1. O Virgo purissima, quæ in terrâ Deum genuisti, fac nos Deum mundo corde videre.

2. O Virgo prudens et digna Mater Dei, illumina sensus et corda nostra in scientiâ Dei.

3. O Virgo humilis et Mater Verbi, fac nos dignos exaltari in supremo cælo.

†. Deus canticum novum cantabo tibi.

℞. In Psalterio decachordo psallam tibi.

Lect. 1. *Noct. de Comm. festivo temp. vitæ Contempl.*

℞. 1. Quomodo fiet istud, quoniam virum non cognosco? * Ne timeas, MARIA, quoniam invenisti gratiam apud Deum. †. Deposuit potentes de sede, et exaltavit humiles.—Ne.

℞. 2. Cum audisset MARIA angelum, * Turbata est in sermone ejus, et cogitabat, qualis esset ista salutatio. †. Ne timeas, MARIA, quoniam invenisti gratiam apud Deum.—Turbata.

℞. 3. Dixit autem MARIA ad angelum: * Ecce ancilla Domini: fiat mihi secundum verbum tuum.

†. O humilitas admiranda, ancillam se vocal, dum Dei Mater dicitur.—Ecce.—Gloria.—Ecce.

IN II. NOCT.

Ant. 1. O Mulier verax, de quâ nata est veritas, concede, ut in omnibus servemus veritatem.

2. O mulier laudabilis, quæ Deum manifestasti in omnibus operibus tuis, fac ut omnes laudes nostræ Deo placeant.

3. O Virgo obediens, fac ut tua obedientia compenset nostram inobedientiam.

†. Confitemini Dominæ nostræ in citharâ.

℞. In psalterio decem cordarum psallite illi.

LECTIO 4.

Ex offic. antiquo apud Schullingium. Biblot. ecclesiast. tom. 3. p. 2.

pag. 217.

P præter virtutes, quæ in sacratissimâ Virgine interius latent, decem saltem sunt, quæ in evangelicâ ex eâ resplendent historiâ. Inter quas primum locum sibi vindicat humilitas, eo quod ipsa reliquarum quædam parens sit generatioque virtutum. Unde ipsa ait: Ecce ancilla Domini. Humilitatem fides subsequitur, quæ sine humilitatis adminiculo nec acquiritur, nec habetur. Quæ quàm ingens fuerit in Virgine, apparet in Annuntiatione. Unde ad eam dixit Elizabeth: Beata quæ credidisti, quoniam perficientur in te, quæ dicta sunt tibi ab angelo. Tu.

℞. Exurgens MARIA abiit in montana cum festinatione, ut saluaret Elizabeth, quæ exclamavit voce magnâ, et dixit: * Unde hoc mihi, ut veniat Mater Domini mei ad me. †. Beata, quæ credidisti, quoniam perficientur ea, quæ dicta sunt tibi ab angelo. Unde,

LECTIO 5.

In thesauros verò virginalis sapientiae quis ingressus est, ut eos valeat explicare sermone? Hæc sapientia in corde ejus collecta semetipsam per ejusdem Virginis actus, sermones et mores providentiæ sagacissima, circumspectione cautissima, et dispensatione moderantissima excercens fecit eam prudentissimam. Castitas autem ejus quàm fuerit eximia ex eo luculentèr perspicitur, quod ipsa sola delecta fuerit, ex cujus purissimis sanguinibus sincerissima Dei Sapientia sibi domum ædificavit. Tu.

¶. Et ait MARIA: * Magnificat anima mea Dominum, et exultavit spiritus meus in Deo salutari meo. ¶. O quantà mentis devotione! O quanto cordis affectu exclamavit MARIA! Magnificat.

LECTIO 6.

Si autem devotus Deo dicitur, qui aut promissione præsitā, aut piā cordis propensione Deo deditus est, non infimum inter virtutes ejus locum habet ejus devotio, quia Deo dedita in primis orationibus ardentèr et perseverantèr incubuit. Obedientiā quoquē Beatam MARIAM præditam fuisse nemo non dubitat, nam cognitā Dei voluntate per Angelum statim ei se submittit. Paupertatem etiā impensè sempèr coluit, nam tota ejus vita pauperrima fuit. Fuit pietate præcellens, quam propensissimo affectu omni occasione exhibuit. Fuit deniquē patientissima et fortissima in adversitatibus omnibus, maximè quandò juxta crucem Filii morientis invicto animo stabat. Tu.

¶. Quandò peperit MARIA Filium suum primogenitum, * Pannis eum involvit, et reclinavit eum in præsepio: quia non erat eis locus in diversorio.

¶. Ita pauper Virgo erat, ut ubi caput reclinaret, non habebat.—Pannis.—Gloria.—Pannis.

IN III. NOCT.

Ant. 1. O Virgo pauperrima, impetra nobis contemptum totius mundi, ut habere possimus in cœlo divitias.

2. O Virgo patiens, da nobis patientiam in omnibus tribulationibus nostris.

3. O Mater charitate Dei, et misericordiā plena, reple corda nostra amore et gratiā.

¶. Bonum est confiteri Reginæ cœlorum.

¶. In decachordo psalterio cum cantico, in citharā.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam castellum, et mulier quædam Martha nomine excepit illum in domum suam. Et reliqua.

Homilia Sancti Bernardi Abbatis.

Serm. 4. super salo. Reg. inter ejus opera.

Spiritus Sanctus magnificavit facere tecum. Magnificavit, inquam, facere in te duo opera sua. Una erat dum dignam te fecit, quæ Dei Filium concipere posses, et parere: alterum, quandò ex tuā carne sanctā ac dignā carnem Filii Dei formavit. Fecit proindè te magnam et castam. Magnam planè fecit, ut immensum caperes: castam, quatenus dignè contineres. Magnam te fecit humilitate: castam virginitate. Tu.

¶. Fili, quid fecisti nobis sic! * Ecce Pater tuus, et ego dolentes quærebatimus te. ¶. O Virgo patiens, quanto dolore et cordis angustia Filium amissum quæsiyisti! —Ecce.

LECTIO 8.

Benedeet. Cujus Beneplacita. Itaque tu sancta, tu es castellum,

in quod JESUS intravit, habens turrim humilitatis (qui enim se humiliat, exaltatur), et murum virginitatis. Murum certè fortissimum quippè, qui nec ante partum, nec in partu, nec post partum potuit violari. Lapidès muri disciplina tua fuerunt, et continentia, sine quibus nunquàm constans est virginitatis murus. In te duæ sorores fuerunt Maria et Martha, quæ Dominum susceperunt. Maria fuit intelligentia tua specialis, quâ Deum et Dei Filium esse intellexisti, quem genuisti. At verò Martha rationalis erat prudentia, quâ ei in Domino, Filioque tuo in carne servisti. Tu.

¶ Stabat juxta crucem JESU Mater ejus, * Et animam suam doloris gladius pertransivit. ¶ JESUS autem dixit Matri suæ: mulier, ecce filius tuus.—Et.—Glor.—Et.

LECTIO 9.

Commém. B. V. de Liberatione.

Apud Pouget.

In Bajocensi Diœcesi in Galliâ Imago est Beatæ Virginis sub vulgari titulo de Delivrandâ, quem habet ex pago in quo accipit cultum. Hoc sacellum non longè à mari situm à Sancto Renoberto Episcopo secundo Bajocensi structum creditur ad finem sæculi quarti: quod postea anno octingentesimo trigesimo à Normandis, Hastingio duce, omninò destructum, servatâ tamen et absconsâ sacrâ Imagine, et post duo sæcula miraculo inventâ, de novo excitatum fuit. Ad hunc locum ingens semper fuit fidelium accursus, ingensque devotio; undè innumera ibi sunt patrata miracula, inter quæ repentina à peste liberatio anno millesimo octingentesimo trigesimo secundo à Virgine obtenta, non inter minora est recensenda. Tu.

Te Matrem.

Ad Benedict. *ant.* Sicut turris

Libani, quæ ædificata est cum propugnaculis: mille clypei pendent ex eâ, omnis armatura fortium.

CANON.

Ex Innocentio Papâ Duodecimo. *Const.* 136. Cœlest. muner. anno.

1696. *Tom. IX. pag.* 440.

464. Omnes et singulas indulgentias..... Confraternitati Sanctissimi Corporis Christi concessas..... ad Confraternitates sub titulo decem Virtutum, seu decem Benefactorum Beatissimæ Virginis MARIE..... auctoritate apostolicâ in perpetuum extendimus et ampliamus. Tu.

Ad Magnificat. *ant.* Sancta MARIA, castitate purior, prudentiâ sapientior, humilitate dignior, fide sanctior, devotione ferventior, obedientiâ perfectior, paupertate humilior, patientiâ fortior, charitate ardentior, dolore afflictior, omnibus virtutibus sublimior, intercede pro nobis.

DIE V. FEBR.

DE IV. DIE INFRA OCTAV.

Semiduplex.

Lection. 1. Noct. feriæ.

IN II. NOCT.

Ex verbis S. Bonaventuræ Ep.

Meditat. vitæ Christi. c. 11.

LECTIO 4.

Cum MARIA cum puero JESU, et JOSEPH intrassent in templum, emerunt duos turtures, aut duos pullos columbarum, ut offerrent pro eo, sicut pro pauperibus fiebat. Et ecce Simeon justus in spiritu venit in templum, ut, sicut responsum acceperat, videret Christum Domini. Cum autem festinantèr veniens, vidisset eum, statim cognovit eum prophetico spiritu, et accelerans genuflectit, et adoravit eum inter brachia Matris. Tu. ¶.

LECTIO 5.

Puer autem benedixit eum, et aspiciens Matrem inclinavit se, ostendensse velle ad eum ire. Quod Mater intelligens, quamvis admirans, porrexit eum Simeoni. Ille autem gaudenter, et reverenter in ulnis suis eum recipiens surrexit, benedicens Deum, et dixit: Nunc dimittis servum tuum, Domine. De passione ipsius prophetavit. Supervenit et ipsa prophetissa Anna, et adorans eum, similiter de ipso loquebatur. MARIA verò de his admirans, omnia conservabat in corde suo. Tu. ʒ.

LECTIO 6.

Deinde puer JESUS extendens brachia versus Matrem, ad eum rediit. Postea vadunt ad altare processionem facientes, quæ hodiè representatur per universum mundum. Procedunt alacriter illi duo senes, scilicet JOSEPH, et Simeon tenentes se per manus, et cum exultatione magnâ jubilantes, et psallentes. Sequitur Mater portans regem JESUM, et Anna sociat eam, vadens ex latere, cum reverentiâ jubilans, et ipsa gaudio indicibili laudans Dominum. Cum autem pervenerunt ad altare, Mater cum reverentiâ genuflexit, et obtulit dilectissimum Filium suum Deo Patri suo. Tu. ʒ.

IN III. NOCT.

Lectio S. Evangelii secundum Lucam.

LECTIO 7. c. 2. 22.

Postquam impleti sunt dies Purgationis MARIE secundum legem Moysis, tulerunt JESUM in Jerusalem, ut sisterent eum Domino. Et reliqua.

Homilia S. Laurentii Justiniani Ep.

In Purificatione.

Completo Dominus quadragenario post sui ortum dierum numero, ad

templum voluit maternis brachiis deportari, aviculis redimi, et grandævi Simeonis brachiis sustentari. Hoc ipse, hoc ejus Mater immaculata perfecit. Venit et illa ad templum, ut purificationis mysteria celebraret. Nequaquam in hac parte tenebatur sub lege, quippè quæ non ex virili semine, sed de Spiritu Sancto conceperat prolem. Tu. ʒ.

LECTIO 8.

Ut autem Deum veneretur in lege, formamque humilitatis ex hoc præberet per legem, legem voluit purificationis implere. Venit igitur ad templum, et secum quem genuit, gestavit Infantem. Ibi plenè Prophetarum est edocta miraculis, ac de futurâ Nati passione præmonita, necnon sanctorum testimoniis in fidei veritate roborata. Quod enim ex Scripturarum auctoritate, seu ex revelatione didicerat, et memoriter retinebat, senis admonitione percepit, quatenus de mysterio fieret certa, et unici Filii sui manifestatione jucunda, atque in gentium vocatione devota. Tu. ʒ.

LECTIO 9.

Commemoratio B. V. de Monte Martyrum.

Ex Monumentis.

Lutetiæ Parissiorum celebris Ecclesia est, nostra Domina de Monte Martyrum dicta, eo in loco structa, ubi Sanctus Dionysius primus Parisiensis Episcopus cum Presbytero Rustico et Eleutherio Diacono Martyrium subiisse creditur. In subterraneo hujus Ecclesiæ Sacello et in Martyrum sepulchro, die assumptæ Virginis anno millesimo quingentesimo trigesimo quarto, Sanctus Ignatius de Loyola, et sui socii votis sub sacram synaxim religiosè conceptis se Deo in per-

petuum ingenti fervore consecra-
runt. Indè est, quòd in hac Beatæ
Virginis Ecclesiâ nata dicitur So-
cietatis JESU Religio, quæ per uni-
versum orbem diffusa, in omnes
gentes marianum cultum, fide,
doctrinâ, et miraculis propaga-
vit. Tu. Te Matrem.

CANON.

Ex Decreto S. Rituum Congreg.

14. Jun. 1608.—28. Maj. 1616.

Tahu 96.

468. Prima dignitas det can-
delam Episcopo in festo Purifica-
tionis Beatæ MARIE Virginis, et
Episcopus det statim primæ digni-
tati ante Vicarium generalem. Tu.

Vesperæ sequentis.

DIE VI. FEBR.

DOLOR, B. V. IN SIMEON. PROPH.

Duplex majus.

Omnia ut in die Purificationis.

IN I. VESPERIS.

Antiph. et capitul. de Laudibus.

HYMNUS 197. *Maerkel.*

Quem Simeon prædixerat,
Et Anna menti fixerat,
Doloris ensis stringitur
Quo cor tibi diffringitur.

Ex hoc doloris omine
Quo vis vocari nomine?
An Mater afflictissima,
An Martyr invictissima?

Tu Martyrum vocaberis
Regina, tu donaberis
Non liliis, non floribus,
Sed ense, sed doloribus.

Doloris hoc venabulum
Dat nominis vocabulum:
Telo doloris iceris,
Mater doloris diceris.

Ergò simul dolebimus,
Simulque tecum flebimus,
O Mater afflictissima,
O Martyr invictissima!
O Numen! O Divinitas!

In unitate Trinitas,
Fac ut doloris nubilum
Sit in perenne jubulum. Amen.
†. Mater gladio transverberata.
‡. Propitius esto peccatis nostris.
Ad Magnif. ant. Filius, qui natus
est tibi, morte morietur.

Orat. de Laudibus.

AD MATUTIN.

Invitator. Virgo Dei Genitrix,
Doloris gladio transfixa: * Intercede
pro nobis.

HYMNUS 198. *Brev. Paris.*

Eheu quot enses transadigent tuum
Pectus! quot altis nata doloribus,
O Virgo! quem gestas, cruentam
Imbuet hic sacer Agnus aram.

Christo futuro corpus adhuc tener
Præluit insons victima funeri:
Crescet profuso vir cruore
Omne scelus moriens piabit.

Sit summa Patri, summaque Filio,
Sanctoque compar gloria Flamini,
Sanctæ litemus Trinitati
Perpetuo pia corda cultu. Amen.

IN I. NOCT.

De Epistolâ ad Hebræos.

LECTIO 1. c. 4. 1.

Timeamus ergò, ne fortè relictâ pol-
licitacione introeundi in requiem
ejus, existimetur aliquis ex vobis
deesse. Etenim et nobis nuntiatum
est, quemadmodum et illis: sed non
profuit illis sermo auditus, non ad-
mistus fidei ex iis quæ audierunt.
Ingrediemur enim in requiem, qui
credidimus: quemadmodum dixit:
si introibunt in requiem meam: et
quidem operibus ab institutione
mundi perfectis. Tu. ‡.

LECTIO 2. v. 11.

Festinemus ergò ingredi in illam
requiem: ut ne in idipsum quis in-
cidat incredulitatis exemplum. Vi-
vus est enim sermo Dei, et efficax,
et penetrabilior omni gladio an-
cipiti, et pertingens usque ad divisio-

nem animæ et spiritûs, compagum quoquæ ac medullarum, et discretor cogitationum, et intentionum cordis. Et non est ultra creatura invisibilis in conspectu ejus; omnia autem nuda et aperta sunt oculis ejus, ad quem nobis sermo. Tu. 7.

LECTIO 3.

Habentes ergò Pontificem magnum, qui penetravit cœlos, **JESUM** Filium Dei: teneamus confessionem. Non enim habemus Pontificem, qui non possit compati infirmitatibus nostris: tentatum autem per omnia pro similitudine absque peccato. Adeamus ergò cum fiduciâ ad thronum gratiæ: ut misericordiam consequamur, et gratiam inveniamus in auxilio oportuno. Tu. 7.

IN II. NOCT.

De Epistolâ S. Paulini Ep. ad Sanctum Augustinum. *Epistol.* 38.

LECTIO 4.

De illis beatissimi Simeonis verbis quid sentias, edissere mihi, ut sequar sensum tuum: quibus cum ad videndum ex oraculo Dei Christum, agente Spiritu, venisset in templum, et acceptum sinu benedixisset infantem Dominum, ait ad **MARIAM**: Ecce hic positus est in ruinam, et resurrectionem multorum in Israel, et in signum, cui contradicetur: et tuam ipsius animam pertransibit gladius, ut revelentur multorum cordium cogitationes. Nunquid de passione **MARIÆ**, quæ nusquàm scripta est? An verò de materno ejus affectu, quo postea in tempore passionis assistens cruci, quâ hoc erat fixum, quod ipsa pepererat, maternorum viscerum dolore confixa est: et animam illius, quæ ejus secundum carnem filium, ipsâ spectante, confoderat, crucis romphæa penetrabatur? Tu. 7.

LECTIO 5.

Secundum literam hoc mihi peni-

tus obscurum est, quia nec **MARIAM** beatissimam usquàm legimus occisam, ut de corporali gladio sanctus ille ei futuram passionem prophetasse videatur. Sed et quod subjecit: ut revelentur multorum cordium cogitationes; scrutans enim, inquit, corda et renes Deus. Et de futuro judicio Apostolus ait: quia tunc manifestabit Deus opera cordium, et occulta tenebrarum. Idem Apostolus spiritualiter exprimens arma cœlestia, quibus in interiori debeamus ornari, gladium Spiritûs dicit verbum Dei, de quo ad Hebræos ait: vivus est sermo Dei et efficax, et penetrabilior omni gladio ancipiti: pertingens, inquit, usque ad divisionem animæ et spiritûs, et reliqua, quæ nosti. Tu. 7.

LECTIO 6.

Quid ergò mirum, si istius verbi ignita vis, et ancipitis gladii penetrabilior acies Beatæ **MARIÆ** animam pertransivit? Nam in ejus corpore ferrum transisse non novimus, atque, ut magis pateat, prophetam ferrum pro verbi gladio possuisse, statim subsequente versiculo ait: Sermo Domini ignivit illum. Sermo enim Dei et ignis et gladius est, verbo ipso Deo utrumque dicente de se: Ignem enim, inquit, veni mittere in terram, et quid volo, nisi ut accendatur? Item alibi dicit: non veni pacem mittere, sed gladium. Vides enim vim doctrinæ suæ sub diverso ignis et gladii nomine designasse: aut quomodo **MARIÆ** illata per gladium passio, aut tribulatio perstaret. Tu. 7.

IN III. NOCT.

Lectio Sancti Evangelii secundum Lucam.

LECTIO 4. c. 2. 34.

In illo tempore: Dixit Simeon ad

MARIAM Matrem JESU: Ecce positus est hic in ruinam et in resurrectionem multorum. Et reliqua.

Homilia S. Amphiloerii Ep. Iconiensis.

Oratio in Sanct. Deipar.

Cæterum quid Diva summèque laudabilis Virgo Mater ad ea quæ peragebantur? Sanè meritò sermones mirabatur. Conservabat verò ista cum prioribus in corde suo. Ad quam Simeon prænuntians, ait: ò columba dealbata, et innocens! O spei nostræ sanctum templum, in quo sanctitas omnis et magnificentia residet! Hic quem arcana tu ratione peperisti, hic ipse positus est in ruinam et in resurrectionem multorum in Israel, et in signum, cui contradicatur, et tuam ipsius animam pertransibit gladius, ut revelentur ex multis cordibus cogitationes. Tu. ♀.

LECTIO 5.

Enim verò quid lætis tristitia misco, ò senex? Hactenus lumen et gloriam loqueris: nunc verò ruinam annuntias, Matricque, quæ concepit, gladium describis? Maxime, inquit, erunt omnia suo tempore: ruina quidem infidelibus, fidelibus autem resurrectio. Et in signum contradictionis, ut iudiciis virtutibusque terrarum orbem conferamus, contendamusque. Cæterum animæ quoque Virginis erit quandoque suum tormentum à variis cogitationibus ingredientibus, et egredientibus. Tu. ♀.

LECTIO 9.

Neque enim de minimis est sermo, sed de Deo, de consuetudine, legumque translatione, de mutatione hominum, de unione populorum, de concordia gentium, de adunatione linguarum, de indiviso religionis cultu, de tyranni destructio-

ne. Qui verò putandum, omnia hæc perfici, sine strepitu, et turbatione? Idcirco alii quidem ruinam patientur, mortificabuntur alii, atque futurum est, ut hi quidem contradicant novo signo, hi autem effiaci ejus virtuti succumbant, et cedant. Tu. Te Matrem.

AD LAUDES,

et per Horas antiphonæ.

1. Fasciculus myrrhæ * dilectus meus mihi: inter ubera mea commorabitur.

2. Positus est * Filius tuus Christus in signum, cui contradicetur.

3. Omnis lætitia * mea ad illa verba in mœrorem conversa est.

4. Quando eum lactabam, de felle et aceto cogitabam, et quando fasciis involvebam, funes, quibus ligandus erat.

5. Memoria * memor eram verborum Simeonis, et tabescebat in me anima mea.

CAPITULUM. *Hebræ. 4. 12.*

Vivus est enim sermo Dei, et efficax, et penetrabilior omni gladio ancipiti, et pertingens usque ad divisionem animæ, ac spiritus, compagum quoque ac medullarum, et discretor cogitationum, ac intentionum cordis.

Hymnus, ut in Laudib. diei Purificationis.

†. Oculi mei replebantur lacrymis.

♀. Et cor meum torquebatur dolore.

Ad Benedict. ant. Ille doloris gladius Virginis omni horâ tantò se propriùs approximabat, quantò Filius passionis tempus magis appropinquabat.

Oratio.

Omnipotens sempiterne Deus, qui per os Prophetæ tui Simeonis Genitrici Filii tui Virgini MARIE

gladium passionis prænuntiasti: tribue nobis memoriam suæ doloris commemorantibus, ipsâ intercedente, in omni dolore remedium. Per eundem.

Ad Hor. antiph. capitul. Primæ et orat. de Laudib. Cætera ut in die purificat.

†. ʒ. br. Quæ doloris gladio transverberata fuisti.

CANON.

Ex D. Bonaventurâ Ep.

Spect. B. V. Lect. 4.

466. Gladius «à Simeone prædictus» acutissimam Christi passionem, sive mortem signat. Gladius corporalis animam nec occidere potest, nec vulnerare; sic acutissima Christi passio, licet animam MARIÆ per compassionem pertransiit, ipsam tamen nec per odium occidit, nec per impatientiam vulneravit. Tu.

In 2. Vesper. omnia ut in 2. Vesp. Purific. Capitul. Hymn. et Orat. ut in 1. Vesp.

Ad Magnif. ant. Silens dum audis, Virgo, prophetantis verba, cœpit te dolor, tremuit et pectus; tota pavebas.

DIE VII. FEBR.

DE VI. DIE INFRA OCTAV.

Semiduplex.

Lectio 1. Noct. de ferid.

IN II. NOCT.

Sermo S. Methodii Ep. et Mart.

De Simeone et Annd.

LECTIO 4.

Decebat Dominum legis et prophetarum, ut juxta propriam ipsam legem conficeret, neque faceret irritam, sed potius impleret: ac dehinc legis termino gratiæ suæ principium adjungeret. Quamobrem legi superior Mater, se legi submittit: sanctaque illa, mundaque tem-

pus quadraginta dierum in pollutas constitutum observat: ac qui absoluit à lege, legi subjectus efficitur, offerturque pro eo, qui nos sanctificavit, par avium mundarum in eorum testimonium, qui mundi, inculpatique accedebant. Tu. ʒ.

LECTIO 5.

Quòd verò impollutus fuerit ille, partibus nec piacularibus hostiis obnoxius, testis est Isaïas, disertè universæ sub Sole terræ denuntians. Antequàm, inquit, aut parturiens pariat, aut antequàm veniat labor pariendi, effugit, et peperit masculum. Quis tale quid audivit? Aut quis simile vidit? Effugit ergo quæ sunt muliebra Sanctissima Virgo Mater, antequàm etiàm pareret: ut nimirum Spiritu Sancto eam sibi jam ante desponsante et sanctificante, absque virili congressione conceperat. Tu. ʒ.

LECTIO 6.

Saliente verò sene, divinoque gaudio impensius exultante, quod antea per figuram Propheta Isaïas fuerit vaticinatus, Sacra Dei Mater perspicuè re ipsa fecit. Accipiens enim ex puro, immaculatoque altari suo carbonem illum vivificum et ineffabilem, carne indutum, sanctarum suarum manuum complexu, tantquam forcipe iusto illi porrexit: ut mihi quidem videtur, ejusmodi sermonibus affata paritèr et hortata: sume, senex honorate, sacerdotumque optimè: sume Dominum tuamque illà non viduâ spe et desolatâ fruiere: suscipe thesaurum indefectibilem, divitiasque inauferebiles, vir generosissime. Tu. ʒ.

IN III. NOCT.

Lectio S. Evangelii secundum Lucam.

LECTIO 9. c. 2. 22.

Postquàm consummati sunt dies pur-

gationis MARIE secundum legem Moysis, tulerunt JESUM in Jerusalem, ut sisterent eum Domino. Et reliqua.

Homilia 9. Thomæ Archiep. Valentini.

Conc. 2. in Purif. B. V. M.
Duo miranda. Puritas purificatur: Redemptor redimitur. Et quæ obsecro necessitas purificationis? Ad quid tibi purificatio, o Virgo, quæ Filium Dei de Spiritu Sancto concepisti, et Virgo immaculata peperisti? Partus Virginis est. Nativitas Dei. Quæ parit, Virgo est: qui nascitur, Deus. Nunquid contrahit maculam sol per radium, aut flos propter odorem? Sic flos ex virgâ Jesse, sic odor ex flore natus Christus. Non tibi muliebra, non ruptura, non macula. Tu. #

LECTIO 8.

Propter quid ergo Purificatio? Ad quid opus Filio, circumcisio? Filius Virginis licet honorem deferret Matri, quemadmodum seipsum à circumcissione non exemit: ita nec Matrem à Purificatione exemit: nec dedignatur Virgo sacrata una esse è mulieribus; quoniam propter legis custodiam non dedignatur Filius tuus esse ex parvulis. Tu. #

LECTIO 9.

Commemoratio B. V. Coloniensis.

Balagh. sub die 6. Febr.

Anno millesimo sexcentesimo sexto cæpit die sextâ Februarii magnâ hominum frequentia celebrari Beata Virgo Colonia in templo fratrum Carmelitarum hujusmodi ex causâ. Cum media hujus templi pars in seipsam collabescens columnas evertisset, ac contrisisset, columna tamen illa, cui appensa erat statua Beatæ Virginis MARIE, licet cum aliis eversis esset, ejusdem rationis, ac non minus quam cæteræ, ruinæ exposita, integrâ nihilominus, illa-

saque remansit: videlicet ab intergrâ atque illibatâ Virgine, ut piè creditur ab omnibus, sustentata. Tu. Te Matrem.

CANON.

Ex Decreto S. Rituum Congreg. 15. Sept. 1736. in Tolc. Talu 4031.

467. Si Festum Purificationis Beatæ MARIE Virginis venerit in Dominicâ Septuagesimæ, vel Sexagesimæ in Ecclesiis dicatis sub titulo Annuntiationis, vel Assumptionis debet cantari Missa Dominicæ tantum, nec facienda est Commemoratio Purificationis Beatæ MARIE Virginis. Tu.

Vesperæ Dupl. ut in 2. Vesper. Purific.

DIE VIII. FEBR.

B. M. V. DE DIVINO CONSILIO.

Duplex.

Omnia ut in die Purific. nisi transferatur.

Oratio.

Mentes nostras, quæsumus, Domine, Paraclitus qui à te processisti, illumines, ut qui Matrem Divini Consilii celebramus, ipsâ intercedente, dono Consilii replei possimus. Per Dominum... in unitate ejusdem Spiritûs...

Lection. 1. Noct. de Ferid.

IN II. NOCT.

Sermo. S. Bernardi Abbatis.

Sermo in Nativitate B. V.

LECTIO 4.

Intuere, o homo, consilium Dei, agnosce consilium sapientiæ, consilium pietatis. Cœlestis aream rigaturus, totum tellus prius infudit, redempturus humanum genus, pretium universum contulit in MARIAM. Ut quid hoc? Fortè ut excusaretur Eva per Filiam, et querela viri adversus feminam deinceps sopiretur. Nedixeris ultra,

ò Adam: mulier, quam dedisti mihi, dedit mihi de ligno vetito. Dic potius: Mulier, quam dedisti mihi, me eibabit fructu benedicto. Tu. *¶*

LECTIO 5.

Pissimum sanè consilium, sed latet forsàn aliud, nec totum hoc est. Verum id quidem, sed parum est, ni fallor, desideriis vestris. Dulcedo lactis est, elicietur fortè, si fortius premimus, et pinguedo butyri. Aliùs ergò intuemini, quanto devotionis affectu à nobis eam voluerit honorari, qui totius boni plenitudinem posuit in MARIA: ut proinde, si quid spei in nobis est, si quid gratiæ, si quid salutis ab ea noverimus redundare, quæ ascendit deliciis affluens. Tu. *¶*

LECTIO 6.

Hortus planè deliciarum, quem modò non afflaverit veniens, sed et superflaverit superveniens auster ille divinus, ut undiquè fluant, et effluant aromata ejus, charismata scilicet gratiarum. Tolle corpus hoc solare, quod illuminat mundum: ubi dies? Tolle MARIAM, hanc maris stellam, maris utique magni et spatiosi: quid nisi caligo involvens, et umbra mortis, ac densissimæ tenebræ relinquuntur? Tu. *¶*

IN III. NOCT.

St hoc festum transferatur, dicitur Homilia de Com. pro duphcibus.
Lectio S. Evang. secundum Lucam.

LECTIO 7. c. 2. 22.

Postquàm consummati sunt dies purgationis MARIE secundum legem Moysis, tulerunt JESUM in Jerusalem, ut sisterent eum Domino. Et reliqua.

Homilia S. Bernardini Senensis.

Serm. Purific. B. V. art. 1. c. 3.

Quare non obtulit Virgo beata agnum, quæ paulò ante receperat à

Magis in oblatione, sicut piè credendum est, non parvam auri quantitatem? Dicendum, quòd Virgo beata, pietatis Mater, et paupertatis amica, thesauros regum devotione oblatos, absque morà liberalissimà charitate regionis illius pauperibus dispensavit. Neque potuit manibus ejus aliquid temporalis substantiæ adhærere, quæ jam intellexerat intellectu illuminato, et in omnibus signis Filium paupertatis altitudinem demonstrare. Tu. *¶*

LECTIO 8.

Ad literam etiàm potest quæri: cum una oblatio sufficeret, scilicet, aut turturis aut columbæ, maxime pauperibus, cur posuit Evangelista utrumque, scilicet secundum distinctivam ipsius legis, quæ inquit: duos turtures, aut duos pullos columbarum? Ad quòd dicendum, quòd ad hoc potest mysticà responsio dari. Nam utraque pars disjunctivæ est Christo et Virgini in mysterio decens. Tu. *¶*

LECTIO 9.

Commemoratio B. V. de Tauro.

Camòs libr. 3. c. 8.

Oloto in Cathalaunià: Deiparæ Sanctissimæ Imago, quæ à Tauro, qui eam invenit, accepit vulgare nomen de Tura, in publico templo mirificum habet cultum, non solum die Nativitatis ejus solemnissimè ipsi sacrà, sed etiàm omnibus et singulis anni diebus et omnibus et singulis diei horis, ita ut vix ulla sit, in quâ nultus mariophilus ante hanc Virginis Iconem supplex non inveniatur: maxime cum advesperascit, fidelium accursus ad eam accrescit: et hæc fuit semper Olotonorum pia consuetudo. Imago lignea est, facie suffusca, aspectuque gravis: Sedet ipsa et sedentem puerum genibus sustinet; perantiqua creditur, nam sacellum ipsi dica-

tum ipso inventionis ejus anno par-
rochiale templum fuit usque ad an-
num millesimum centesimum deci-
mum nonum, in quo aliud parro-
chiæ ædificatum est. Altare inter
magnifica putatur: prodigia ibi in-
gentia et plurima. Tu. Te Matrem.

*Vesp. sequentis ut in 1. Vesp.
Purificat.*

DIE IX. FEBR.

OCTAVÆ PURIFICATIONIS.

Duplex majus.

AD MATUTIN.

HYMNUS 199. *Caryophil.*

Quicquid amplexu mulier virili
Fuderit prolis, quod hiant vulvâ
Masculum prodit, jubet offerendum
Sanctio legis.

Jura si legis tibi cuncta cedunt,
Dicta si legis tibi nulla quadrant,
Quid facis Virgo? Puerum quid
offers

Sedula JESUM?

Ergo non legem metuis, sed
implex:

Masculos omnes redimebat agnus;
Omnis hunc agnus puerum notabat
Virginis agnum.

Sela tu turtur, puer agnus ille
Qui cadens mundi scelus omne
tollit:

Turtures ergo valet una cunctas,
Agnus ut agnos.

Sit decus summo sine fine Christo,
Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

Lectio 1. Noct. ut in die. Purif.

IN II. NOCT.

LECTIO 4.

*Ex Martirolog. Gallicano sub
die 9. Febr.*

In Santonensi pontificali Ecclesiâ,
Octava Purificationis Sanctæ MA-
RIÆ, propter miraculum, quod
illic sic contingisse produnt sacra

ipsius Ecclesiæ monumenta. Est in
illâ præcipuâ Æde altare Dei Geni-
tricis antiquâ religione sacrum:
statua antiquior, quam ob mira
frequentis opitulationis insignia
Beatam MARIAM de Miraculis jam-
pridem cives appellitant. Accidit
verò dudum intempestæ noctis si-
lentio cum alta quies urbem totam
occuparet, repente nemine moven-
te, ærea majoris ædis cymbala mi-
rò concentus suavitate resonarunt.
Tu. ¶.

LECTIO 5.

Quo insolito linnitu expergefacti sa-
cri æditui, mox è strato surgentes
templum undequaquè luminibus co-
ruscum conspicium, numerosumque
hominum conventum augustâ lu-
stratione et prece suavissimisque
hymnis Virginem venerantem. Ad
quem timido gressu accedentes,
eum, qui tam celebris pompæ pos-
tremum ducebat ordinem, roga-
runt, ut cerei ardentis reliquum,
quod in his gestabat manibus, in tan-
tum rei testimonium daret. Quod
ille præstitit. Tu. ¶.

LECTIO 6.

Cumque ea res primo diluculo Ec-
clesiæ primoribus, non tantum per
custodes, sed etiâ per multos ci-
ves, qui eam rero per ostiorum
translucens rimas viderunt, in-
notuisset; cereum inter sacras re-
liquias religiosè servandum man-
darunt: atque ob tam novum pro-
digium hunc diem toti posteritati
memorandum indixerunt. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 2. 22.

Postquam consummati sunt dies
purgationis MARIE secundum le-
gem Moysis, tulerunt JESUM in Je-
rusalem, ut sisterent eum Domino.
Et reliqua.

Homil. S. Hildeph. Arch. Toletani.

In Purificatione B. V. Serm.

Perpendat unusquisque quantam obedientiam præceptis debeat divinis purus et peccator homo, si tantum pro hominibus humiliari voluit totius peccati immunis Deus homo. Ut autem Deus unâ cum Genitrice suâ à præcepto legis immunes extiterint, noverimus: ipsum legis mandatum diligentius perscrutemur. Mulier, inquit Deus, in lege, quæ suscepto semine peperit masculum, immunda erit septem diebus, et triginta tribus diebus manebit in sanguinis sui purificatione. Tu. *¶*

LECTIO 8.

Cum ergo mulierem, quæ, suscepto semine, peperisset, immundam decernat, et per temporum spatia expiari jubeat; illam utique ab hac excludit necessitate, quæ non de virili semine, sed de Spiritûs Sancti conceptu obumbratione. Sed Dominus legis spontè se voluit addere legi, ut nos à maledicto legis absolveret. Similiter et intemerata ejus Genitrix, quæ se noverat nihil legi debere, humilitatis tamen gratiâ, legale voluit exequi præceptum, adimplens illud viri sapientis. Quantum magnus es, humiliare in omnibus. Tu. *¶*

LECTIO 9.

Commemoratio B. V. Lætitienensis.

Balingh. Kalend. Marian. 8. Sept.

In Galliâ, in ditione Laudinensi visitur Simulacrum Deiparæ ab ipsâ datum. Cum enim sub annum millesimum centesimum trigesimum quartum tres equites Sancti Joannis Jerosolymitani, patriâ Laudanenses, nobilesque ex Apiensi et Marchesiâ gente in Ægyptum appulissent, in horridum carcerem Cairi à Sultano conclusi sunt, atque ibi à Deiparâ multo lumine decorâ,

Angelorumque multitudine stipatâ invisuntur, à quâ et ejus statuam ab ipsius manibus accipiunt. Quam ubi in Galliâ admirabili Deiparæ auxilio essent reducti, in hoc templo reposuerunt, ubi plurimis miraculis loci fama et religio adeo crevit, ut frequentibus omnium votis sacer hic locus adeatur. Tu.

Te Matrem.

CANON.

Ex S. Ammone Ep. Adrianopoleos.

Concil. T. 5. p. 1. c. 4. pag. 123.

468. Clarè patet in quantam impietatem prolabantur Ariani, qui Deiparam MARIAM iis sacrificiis, quæ pro puerperis ex lege mos erat, opus hubuisse asserunt. Tu.

Cum 2. Vesper.

DIE X. FEBR.

INCIPIT VITA CONTEMPLATIVA

B. M. V.

Deinceps non propria dicuntur ut in communi Vitæ contemplativæ.

DIE XI. FEBR.

B. V. SEPTEM SERVORUM.

Duplex.

IN I. VESPER.

PHYMNUS 200. *Ex officio prop.*

Præclara septem lumina
Tusci micantis æteris,
MARIA Mater excitat,
Ut luce mundus splendeat,
Hos labra lacte perlita
Servos MARIE nominant:
Hos Virgo tum Senarios
Adire colles imperat.

Eosque Mater inclita
Funebre pallio induit:
Ut desleantur vulnera
Quæ pertulit sævissima.

Hoc ipsa cæli è culmine
Petro revelat Martyri:
Jubetque cælum perpetem

Hinc posteris constitui.

Qui famulentur jugiter,
Ipsamque semper diligant,
Colant, propagent, prædicent
Ejus dolores flebiles.

Summo Parenti cœlitum,
Magnæque proli Virginis
Sancto simul Paraclito
Sit summa laus et gloria. Amen.

Ad Magnif. ant. O magnum
charitatis opus! Regina generis hu-
mani septem Servis suis mirè ap-
parens è mundo eos evocare, sin-
gularitèr sibi seligere, lugubrem
vestem induere, unàque cum po-
steris in peculiare servos, ac fi-
lios consecrare dignata est.

Oraño.

Deus, qui ad recolendam me-
moriam dolorum sanctissimæ tuæ
Genitricis novâ Servorum ejus fa-
miliâ Ecclesiam tuam fœcundasti:
concede propitius, ita nos ejus
compati doloribus in hac vitâ, ut
in alterâ perfruamur et gaudiis.
Qui vivis et.

AD MATUTINUM.

HIMNUS 201. Ex offic. prop.
Jam nimis terris facinus per omne
Noxa regnabat sine lege aberrans,
Inque peccantes superi tonabant
Vindice dextrâ.

Quando lugendis miserata satis
Virgo septenos proceres coruscos
Sanguine, et claros pietate multâ
Cœlitus accit.

Accit afflictis populus piandis
A tot ærumnis, maculis, ruinis:
Accit et semper sibi servituros
Strenuo amore.

Veste lugubri induit, ut dolores
Defleant ejus, magè dum ferali
In trabe infandâ periit cruentè
Diva propago.

Filios rursus vocitavit omnes,
Ut velut Matrem studiosè amantem
Crederent ipsam, paria et referrent
Pignora amoris.

Tunc quis exusit charitatis ignis
Pectus ipsorum! Date, quæso, patres,
Filios vestros paribus beatis
Ignibus uri.

Tu Pater, præsta, tribue et Re-
demptor,
Tuque da nobis, Paracletesumme,
Virginem Matrem colere, ac amare,
Flerè et in ævum. Amen.

Lectio. 1. Noct. de Scriptur.

IN II. NOCT.

*Ex officio proprio septem funda-
tor. ordinis Servorum B. M. V.*

LECTIO 4.

Septem Patrîtii Florentini, sangui-
ne illustres, sed virtutibus illu-
striores, cum trigesimo tertio su-
pra millesimum, ac bis centesimum
annum, Assumptæ Virginis festo,
in sodalitiis quodam Dei Genitrici
laudes exsolverent, ab eadem eis
apparente inopinè moneri se sen-
tiunt ad sublimioris vitæ genus,
posthabito mundo amplectendum.
Quod et sedulò fecerunt, nam ab-
dicatis fortunæ bonis ac vilioribus
vestibus cinerei coloris induti, in
ruralem parvam ædem secesserunt
natalitio die Beatæ MARLÆ Vir-
ginis, ut vitæ sanctioris primordia
optimè inirent, quâ die mortalibus
orta sacratissimam vitam ipsa in-
choaverat. Tu.

¶ Omnes isti congregati sunt
venerunt, Domina, tibi. * Et omnibus
his velut vestimento vestieris. †. Et
circumdabis tibi eos quasi sponsa.
—Et.

LECTIO 5.

Cum verò in urbe visos ex ore
infantium ac lactentium se MARLÆ
clamari servos audissent, magis
ex hoc amore erga Deiparam fla-
grantes ut vitarent populi plausum,
in senarium montem, ap ipsâ eis
præostensum habitaturi tende-
runt. Ibi crucifixum JESUM, mo-

stissimamque Matrem dolentes assidue cum recolerent, apparuit eis Beata Virgo, habituque lugubri assignato in memoriam dolorum suorum, ut compaterentur istis, eos consecravit. Tu.

¶. Vocabo servos meos, et induam illos tunicā meā, et cingulo meo confortabo eos. * Et potestatem meam dabo in manibus eorum. ¶. Et erunt quasi Patres habitantibus Jerusalem.—Et.

LECTIO 6.

Ita cinereis vestibus in nigras mutatis, cum Beatus Petrus Martyr Florentiam accessisset, invocata Virgo ei revelavit, se viros illos septem, et qui venturi erant post eos inter mundi homines omnes ad singulare servitium suum se eligisse et commiserandis pœnis jam latis suis amarissimis constituendum ordinem esse ad sui honorem et gloriam. Hoc prodigioso Virginis decreto animati, septem Patres instituere sacrum Servorum ordinem decreverunt, non tam, ut primi ejus fundatores, quā ut celestis suæ fundatricis ministri obsequentes. Tu.

¶. Dabitur lugentibus in Sion corona pro cinere, oleum gaudii pro luctu, pallium laudis pro spiritu mœroris: * Et vocabuntur fortes justitiæ, plantatio Domini ad glorificandum. ¶. Sacerdotes Dei vocabuntur, ministri Dei nostri,—Et voc.—Gloria.—Et voc.

IN III. NOCT.

Lectio S. Evangelij secundum Joannem.

LECTIO 7. c. 19. 28.

In illo tempore: Stabant juxta crucem JESU Mater ejus, et Soror Matris ejus Maria Cleophæ, et Maria Magdalene. Et reliqua.

Homilia S. Bernardini Senensis.

Serm. 51. de Pass. Dom. p. 2. a. 1.

c. 3.

Parum dixisti, o Evangelista; perfectis auribus aliquid majus dicere potuisti. Stabat, tu inquis, juxta crucem JESU Mater ejus, cum in ipsā cruce penderet: vel ei plūs utique debes, quā reliquis, de quibus dicis, et Maria Cleophæ, et Maria Magdalene. Lect. 8. Omnino illa plūs ad crucem appropinquabat, quā quicumque alii: quia non solum juxta crucem stabat, verum etiam in cruce pendeat: de se enim in se nihil remanserat. Tota commigraverat in dilectum, et dum ille corpus, illa spiritum immolabat. Tu.

¶. Isti sunt viri misericordiæ, quorum pietates non defuerant: * Semen eorum, et gloria eorum non derelingeretur. ¶. Apparuit eis Domina Angelorum, et dilexit eos in visione, et in agnitione magnalium suorum.—Semen.

LECTIO 8. (Lect. 9.)

Sed quā parte stabat Virgo MARIA juxta crucem: utique ad sinistram Christi secundum Alexandrum de Ales, scilicet, ut pro peccatoribus Filium exoraret, qui à sinistris Domini sunt: aliter non verificaretur, quod in personā Christi pendentis in cruce Propheta ait. Considerabam ad dexteram, et videbam, et non erat qui cognosceret me. Tu.

¶. Ego quasi vitis fructificavi suavitatem odoris: * Et flores mei fructus honoris et honestatis.

¶. Ego mater pulchræ dilectionis, et timoris, et agnitionis et sanctæ spei.—Et flor.—Glor.—Et flor.

LECTIO 9.

Commemoratio B. V. Cellensis.

Ex Orsino et aliis.

Templum est in Styriæ montibus

Beatæ Virgini sub titulo de Celles, seu de Mariæ-Cella, vulgo de Mariæ-Zell dicatum. Initium habuit à quodam Monasterii Sancti Lamberti Monacho, qui ad evangelizandam illius regionis gentem missus medio duodecimo sæculo, sacellum Deiparæ struxit, et in eo Imaginem, quam secum attulerat collocavit, quæ multis claruit miraculis. Sequenti verò sæculo Henricus Moravia Marchio, et ejus uxor Agnes, sanitate miraculo obtentâ, aliud grandius excitarunt, quod post aliud ferè sæculum à Luduvico primo Hungariæ rege intra templum, quod hodiè extat, post reportatam super Turcas victoriam inclusum fuit. Ingens semper fuit ex omni Austriâ fidelium accursus, maximè è Viennensi urbe, quæ mense maji solemnî supplicatione Virginem Cellensem adit. Tu. Te Matrem.

AD LAUDES.

HYMNUS 202. *Ex Offic. prop.*

Matris sub almæ Numine
Septena prolis nascitur:
Ipsâ vocante, ad asperum
Senarii tendit verticem.

Quos terra fructus proferet,
Dum sacra proles germinat,
Uvis repentè turgidis
Onusta vitis edocet.

Summo Parenti cœlitum,
Magnæque proli Virginis,
Sancto simul Paraclito
Sit summa laus et gloria. Amen.

†. Beati viri tui, Regina cœlorum.

†. Beati servi tui qui stant coram te semper.

Ad Benedict. *ant.* In vertice montium plantavit Regina martyrū vineam justorum, qui dolores ejus meditabuntur die ac nocte.

Oratio ut supra.

CANON.

Ex Benedicto. Papâ Undecimo.

Bull. Dum levamus. *Bul.* 2. §. 2. *ann.* 1303.

469. Nos qui ad Virginem ipsam Dominam nostram libenter devotionem, quam possumus, exhibemus..... Regulam *vestram*, et ejus institutiones expressè auctoritate apostolicâ confirmamus, et etiâ approbamus..... Tu.

Vesperæ de sequenti.

DIE XII. FEBR.

FUGÆ B. V. IN ÆGYPTUM.

Duplex major.

IN I. VESPERIS.

Ant. et Capit. de Laudibus.

HYMNUS 203.

Salla.

Simeonis ulnis solvitur
Vix Christus infans illius
Præfationis veritas,
Mox infit innolescere.

Is nempè iniquis planxerat,
Scopum futurum spiculis
Ob Filium, Matris fore
Transverberandum spiritum.

Reapse verum reddere
Rex hoc Idumes orsus est,
JESU ruinam moliens,
Sceptri pavesces æmulum.

Hanc ut sagittam luderet
Cum Matre JOSEPH, Proleque,
Monente cœlo, patrium
Mutat solum nilotico.

Sic vita sese præripit
Ab hoste cui dat vivere,
Cum Patre vivo et Flamme
Æterna vivens sæcula.

Doxologia de Tempore.

Ad Magnific. *ant.* Surge, JOSEPH, accipe Puerum, et Matrem ejus, et fuge in Ægyptum, et esto ibi usque dum dicam tibi. *Oratio de Laudibus.*

AD MATUTIN.

Invitator. JESUM cum MARIA et JOSEPH in Ægyptum à facie Herodis fugientem, Venite, adoremus.

HYMNUS 204.

Salla.

Dium minans: ut Parvulum
Herodis arcus tensus est,
Cor mucro jam propheticus
Cœpit MARIE pungere.

Materna qui non læderet
Tenella amore viscera.

In hunc Dei atque proprium
Agnum necis minatio?

Illi, fuge, heus, perniciter,

Dilecte mi, conclamitat,

Instar capellæ et hinnuli
Montibus supra aromata.

Veni, exeamus oppidis,

Dilecte mi, ac agrestia

Petamus, inque rusticis

Unâ moremur villulis.

Hanc ob fugam nos mentium

Vitemus hostem, quæsumus,

Noxæ fugâ, quemadmodum

Viso colubro, præpeti.

Doxolog. de Tempore.

IN I. NOCT.

Lectio. 1. Noct. ut in Dom. IV.

Vita Activa. p. 267.

¶ 1. Quid est, quod turbaris
Herodes? Rex iste, qui natus est,
non venit reges pugnando superare,
sed moriendo mirabiliter subjuga-
re. ¶ Herodes videns, quoniam
illusus esset à Magis, iratus est
valde. — Rex.

¶ 2. Consurgens JOSEPH acce-
pit Puerum et Matrem ejus, * Et
fugit in Ægyptum. ¶ Ecce positus
est hic in signum, cui contradice-
tur. — Et fugit.

¶ 3. O maxima tribulatio! *
Recens natus è collo Matris pendens
cum ipsâ Matre: pericula fugere
cogitur. ¶ Debet fugere qui Sal-
vator est mundi, Herode perpe-
quente. — Recens. — Gloria. — Recens.

IN II. NOCT.

Ex verbis S. Bonaventurae Ep.

In meditat. citæ Chris. c. 12.

Legio 1.

Cum ergo pergerent Sancti Sponsi

versus Nazareth, nescientes adhuc
super hoc consilium Domini et
quod Herodes pararet se ad necem
pueri JESU, Angelus Domini appa-
ruit JOSEPH in somnis, dicens ei,
ut cum Puer et Matre fugeret in
Ægyptum, quia Herodes volebat
animam Pueri perdere. JOSEPH
verò evigilans et excitans Matrem,
dixit ei. Ipsa in continenti surgens,
nullâ morâ contractâ voluit iter ar-
ripere. Concussa enim sunt ad hanc
vocem viscera ejus, et circa Filii
sui salutem volebat negligens in-
veniri. Tu.

¶ Fugis MARIA, prolis onusta
caro pondere, Et luminare solis de
nocte vis abscondere. ¶ Ægyptus
est asyli locus tuis amoribus. — Et.

LECTIO 5.

Ergo de nocte in continenti cœperunt
ire versus partes Ægypti. Conspice
et meditare, quomodo puerum JE-
SUM dormientem elevant, et com-
patere ipsis, et attende hic diligen-
ter, quia multa et bona considerare
potes in præsentī negotio. Tunc
enim magna erat tribulatio Matri et
JOSEPH, cum viderent Puerum ad
occisionem quæri. Quid enim gra-
vius audire poterant? Et erat eis in
hoc tribulatio magna. Tu.

¶ O quæ doloris spicula! Quæ
figit Infans vagiens, inter fugæ pe-
ricula! ¶ Juxta florentia Nil lique-
scis in doloribus. — Quæ.

LECTIO 6.

Etiam in hoc erat tribulatio, quod
in terram longinquam oportebat
eos ire, quam ignorabant, et per-
vias asperas, cum essent antihabiles
ad eundem, Domina propter mi-
sericordiam, JOSEPH verò propter
senectutem ipse etiam Puer, quem
portare habebant, vix erat duorum
mensium, et peregrinari habebant
in terrâ alienâ, et pauperes, quasi

nil habentes. Omnia enim ista sunt afflictionis materia. Tu.

¶ Dolor his lacrymis meus elicitur: * Meus his lacrymis amor afficitur. *¶* Tecum pati laboro, tecum mori desidero. — Meus. — Gloria. — Meus.

IN III. NOCT.

Lectio S. Evangelii secundum Matthæum.

LECTIO 7. c. 2. 13.

In illo tempore, Angelus Domini apparuit in somnis JOSEPH, dicens: Surge, et accipe Puerum et Matrem ejus, et fuge in Ægyptum. Et reliqua.

Homilia S. Petri Chrysologi Ep.

De fuga in Ægypt. Serm. 151.
Reverentius diceret: vade in Ægyptum, ut esset profectio, non fuga: voluntas, non necessitas: judicium, non metus: humanum saltē si non divinum: ad nunc mandatur fuga, mandatur cœlitus, mandatur per Angelum; ut videatur celum timor ante tenuisse, quā terram. Accipe Puerum, et Matrem ejus, et fuge in Ægyptum. In Ægyptum fuge, à tuis ad extraneos; ad sacrilegos à sanctis, à templo tuo ad dæmonum fana; ad idolorum patriam è regione sanctorum. Tu.

¶ Egrederere de terra tua, et de cognatione tua, * Et veni in terram, quam monstravero tibi. *¶* Accipe Puerum, et Matrem ejus, et fuge in Ægyptum. — Et veni.

LECTIO 8.

Sic Judææ non sufficit latitudo, sic angustatæ sæculi diffusa possessio, non capit secretum templi, Sacerdotum turba non suscipit, non abscondit numerositas investigabilis cognationum; ut ad Deitatis latebras profana Ægyptus conducatur: sic res urget, sic non vacat intueri verecundiam Virginis; la-

poram matris, sexus pudorem, periculum JOSEPH, longinquitatis sanguinationem, exitum solius domus, et quod his durius, Judæos peregrinatos in gentibus: quibus nec ipsa est communio, imò est profundum legis transgressione naufragium. Tu.

¶ Ecce Dominus ascendet super nubem levem, * Et ingredietur Ægyptum, et commovebuntur simulacra Ægypti. *¶* Fuge in Ægyptum, et esio ibi usque dum dicam tibi. — Et. — Gloria. — Et.

LECTIO 9.

Quā dura est perigrinatio etiā inter cives, fratresque! Sapit quod sit sua domus, qui sentit alienam: et ubi est illud: Domine, refugium factus es nobis? Et, Deus noster, refugium: et virtus? Si refugium fugit, si timet virtus, si presidium migrat, quæ vita, quæ spes, quæ securitas, quod munimen? Eliæ icontra insidias liberi regis vilita sufficit: Christo contra Herodis captivi minas Judæa tota non sufficit. Elias missos ad se cœlesti igne consumit: Christus solā fugā filii salvus. Tu. Te Matrem.

AD LAUDES

et per Hymnas Antiphonæ.

1. Missus est * angelus ad JOSEPH, et dixit ei: accipe Puerum et Matrem ejus, et fuge in Ægyptum.

2. Fuge, * quia Herodes querat Puerum ad perdendum eum.

3. Herodes * iratus est valde, quia illusus fuit à Magis.

4. Et accepit * Puerum et Matrem ejus, et fugit in Ægyptum.

5. Fugit * à facie persequantis, ut salvaret animam suam.

CAPITULUM. Isai. 19. 11.

Ecce Dominus ascendet super nubem levem, et ingredietur Ægyptum, et commovebuntur simulacra

*Ægypti à facie ejus, et cor Ægypti
tabescet in medio ejus.*

HYMNUS 186. *Secund. ab Hoz.*

Virgo, maximum decus
Olimpi, Materque JESUS,
Ob salutem Redemptoris
Fugisti gladium Herodis.

Periculi certè indita,
Loquente de cœlo angelo,
Tristis et pauper MARIA
Incedis Ægypti viâ.

Ingens dolor tibi passus
Per desertum peregrinæ,
Qualis sitis, qualis ardor,
Solitudo undiquè et labor!

Non minùs oriens stella,
Nec vitæ redemptio minùs
Expectatæ nocte et die
Merituræ Matri piæ.

Imber ex oculis currit
Respicientis te migrantem;
Miserere, Virgo pura,
Errantium ih terrâ oscurâ. Am.

Ad Benedict. ant. Exurgens JO-
SEPH fecit sicut præceperat ei
Angelus: accepit Puerum et Matrem
ejus, et secessit in Ægyptum.

Oratio.

Domine JESU-Christe, qui ex-
cellentiâ virtutis tuæ universa di-
sponis et gubernas, quippè omnium
Dominus pro nobis parvulus in
carne passibili, à facie maligni He-
rodis, sanctissimâ Matre tuâ te
deferente, fugam sustinuisti: præ-
sta nobis hunc dolorem ejus ve-
nerantibus, à facie infestantis dæ-
monis tuâ virtute semper et ubi-
què defendi. Qui vivis.

Ad Prim. Capit. de Laudib.

†. B. br. Quæ in Ægyptum cum
Filio tuo migrasti.

CANON.

Ex D. Thomâ Arch. Valentino.

In process. Conc.

476. Quantas tribulationes su-
stinuerit Virgo, quis poterit dicere?

Ecce statim post partum profuga
per deserti vastitatem asperam in
Ægyptum perrexil, ubi quasi alie-
nigena per septenium stetit. Tu.

IN II. VESPERIS.

Ant. et capit. de Laudib.

HYMNUS 206. *Secund. ab Hoz.*

Infantes Judææ jussit
Jugulare Tyrannus;
Tu miserata tui
Patria linguis agra.

Ecce MARIA sene niveis
Comitata capillis,
Divam et progeniem
Pectore Virgo premit.

Ecce sub obscuræ
Peragrant caligine noctis,
Sive sub igniferi
Lampade solis afri.

Sive jam subeunt egentis
Inhospita tecta,
Sive feræ udis morantur
In antris atris.

Exurgunt quacumquè
Timenda pericula multa,
Omnia vincenda
JESUS amore tibi.

Nondum contingeras
Optatæ sedis asylum,
Pertransisque urbem,
Templa tibi solis erant.

Numina cum cadunt
Ex auro et marmore ficta,
Supplices et vates
Procubuerè genu.

Hand aliter complenda
Antiqui verba Prophetæ,
Laurum qui Genito
Vaticinatus olim.

Sic etiâ tenebræ
Delendæ lumine claro,
Ædes atque fidei
Edificanda novæ.

Gloria summa Patri,

Sit par tibi gloria, Nate:

Gloria sit compar,

Spiritus alme, tibi. Amen.

*In 2. Vesp. Capit. de Laud.
reliqua de Comm.*

Ad Magnific. ant. Et erat ibi usque ad obitum Herodis: ut adimpleretur, quod dictum est à Domino per Prophetam dicentem; ex Ægypto vocavi Filium meum.

DIE XIII. FEBR.

MODESTIÆ B. M. V.

Duplex.

AD MATUTIN.

HYMNUS 207. *Santol.*

Dic, Virgo, quæ vis traxerit
Patri cœvum Filium
Ab hujus æterno sinu
Mortalis in Matris sinum.

Ad hos honorum te gradus
Non efferet simplex fides,
Non virginalis te pudor,
Nec igne fervens charitas.

Sed quæ sibi nunquam placet
Deo placens modestia:
Quâ jam tibi sis vilior,
Hæc digna sis Mater Dei.

Quàm celsa quæ se deprimens
Altum Tonantem deprimit!
In te sui jam non memor
Descendit è cœlo Deus.

Doxologia de Tempore.
Lect. 1. Noct. de ferid.

IN II. NOCT.

Sermo S. Ambrosii Episcopi.
In Luc. libr. 2.

LECTIO 4.

Disce Virginem moribus, disce Virginem verecundiâ, disce Virginem oraculo, disce mysterio. Trepidare Virginum est, et ad omnes viri ingressus pavere, omnes viri afflatus vereri. Discant mulieres propositum pudoris imitari. Sola in penetralibus, quàm nemo virorum videret, solus angelus reperiret, sola sine comite, sola sine teste, ne quæ de genere depravaretur affatu, ab Angelo salutatur. Tu. ¶

LECTIO 5.

Disce Virgo verborum vitare lasciviam. MARIA etiâ Angelî salutatione verebatur. Erat enim, inquit, cogitans, qualis esset ista salutatio. Et ideò cum verecundiâ, quia pavebat. Cum prudentiâ quia benedictionis novam formulam mirabatur, quæ nunquàm lecta est, nunquàm ante compertam. Soli MARIÆ hæc salutatio servabatur. Tu. ¶

LECTIO 6.

Benè enim sola gratiâ plena dicitur, quæ sola gratiam, quam nulla alia invenerat, consecuta est, ut gratiæ repleretur auctore. Erubescat ergò MARIA: erubescat etiâ Elizabeth. Et ideò cognoscamus quid intersit inter mulieris et Virginis verecundiam. Illa de causâ erubescat, hæc pro verecundiâ. In muliere modus pudoris adhibetur, in Virgine pudoris augetur gratia. Tu. ¶

IN III. NOCT.

Lectio S. Evangelii secundum
Lucam.

LECTIO 7. e. 2. 48.

In illo tempore: Dixit Mater JESU ad eum: Fili, quid fecisti nobis sic? Ecce Pater tuus et ego dolentes quærebamus te. Et reliqua.

Homilia S. Augustini Episcopi.
Serm, 51. de Concor. Matth. et
Luc.

Non est prætermittenda, fratres, maxime propter disciplinam feminarum tam sancta modestia Virginis MARIÆ. Meruerat parere Filium Altissimi, et erat humilissima: nec se marito in ordine nominis præferbat, ut diceret: ego et Pater tuus; sed Pater tuus, inquit, et ego. Lect. 8. Non attendit sui uteri dignitatem, sed attendit ordinem conjugalem. Non enim humilis Christus Matrem suam superbire docuisset: Pater

tuus et ego dolentes quærebarus te. Pater tuus, inquit, et ego, quia caput mulieris vir. Quanto minus debent superbire sanctæ feminæ. Tu.

8. *Benedict. Cujus Modestiam colimus.*

LECTIO 8. (*Lect. 9.*)

Nam et ipsa MARIA mulier dicta est non corrupta virginitate, sed appellatione propria gentis suæ. Dixit enim de Domino JESU-Christo et Apostolus: Factum ex muliere: non tamen interrupit ordinem et textum fidei nostræ, quæ confitemur natum de Spiritu Sancto et MARIA Virgine. Illa enim Virgo concepit, Virgo peperit, Virgo permansit. Sed mulieres omnes feminas appellarunt proprietate linguæ hebrææ. Tu. ¶

LECTIO 9.

Commem. B. V. Sancti Apollinaris.

Gumpenberg. Imag. 642.

Romæ anno millesimo sexcentesimo quadagesimo secundo decidente in vestibulo templi Sancti Apollinaris crustrâ mæri, quam quidam templi illius, vel reformatior vel semi-architectus reduxit, apparuit decora Imago Deiparæ cum puero, jussu Cardinalis Estoutville alio in tempore depicta, situ bono, talis denique, ut in ejus gratiam ex vestibulo fieret templum. Accersus et fiducia Romanorum statim nec difficulter à Virgine impetravit gratias miraculosas, et est in tanto honore, ut templi instar habeatur: parietes tabellis per omnes partes vestiuntur, loquente picturâ miracula à Virgine impetrata. Tu. Te Matrem.

AD LAUDES.

HYMNUS. 208. *Santolius.*

Deus suprema Veritas,
Umbrata velo corporis,
Puris videnda mentibus
Lustra tuo nos lumine.

Et tu, tuorum sis memor,
Quæ, dum modesto pectore
Te dicis ancilla Dei,
Regina mundi diceris.

Doxologia de Tempore.

CANON.

Ex D. Thomâ Arch. Valentino:

Conc. 1. in Annunt.

471. Attendite modestiam, considerate silentium. Quam decorata taciturnitas in feminâ! Quid in Virgine pulchrius, quam loquendi modestia?... Plurima dixerat Angelus...., et necdum à Virgine verbum auditur. Tu.

Cum 2. Vesper.

DIE XIV. FEBR.

D. V. LUSITANÆ DE LUCE.

Semiduplex.

Lect. 1. Noct. de Fer. occur.

IN II. NOCT.

LECTIO 4.

Gumpenb. Imag. 215.

Tertio ab Ulyssipone lapide, in Lusitaniâ, Deiparæ templum exurgit, structurâ magnificentum, religione augustum: ita dictum à Luce propter cœlestem flammam longè lateque diffusam, quæ noctu illi incubabat loco, multis, qui eam sæpè viderant, ignâris, quid hic cœlestis ignis pertenderet, donec regnante in Lusitaniâ Alphonso quinto, Beata Virgo pulcherrimâ nitens luce se expectandam præbuit cuidam Petro Martinez Lusitano, viro bono, et tunc maurorum captivo, vinculisque in carcere composito. Tu. ¶

LECTIO 5.

Hunc insolita lux primum, deinde ipsa Deipara ingenti gaudio et spe libertatis implevit, eâ tamen conditione, ut templum sibi strueret eo in loco, ubi splendorem cœlestem visurus esset, ac nomen de Luce imponeret. Vix Virgo his dictis

disparuit, et Petrus se non in Africæ ergastulo vinctum, sed in Lusitaniâ liberum esse miratus est. Vix sibi, vix oculis suis credidisset, se vinctum unquam fuisset, nisi secum invenisset catenas, quas utique Virgo sibi appendi voluit. Tu. ʒ.

LECTIO 6.

Ille, spretis lucis radiis, ipsum lucis centrum quærens, sub prægrandi saxo Iconem Deiparæ invenit, candidissimo anniculo è serico coopertam. Statuæ materia hactenus incognita: inter paucos quibus major curiositas erat, non pauci cæcitate, aut morbo gravi pœnas dederunt. Petrus suo ære templam inchoavit, et piorum eleemosinis finivit anno millesimo quadringentesimo sexagesimo tertio, quo anno, ab Alphonso de Nogara Ulyssipponensi Episcopo dedicatione solemnî ritu peractâ, sodalitas instituta est. Tu. ʒ.

Hœmia ut in die 26. Januar.
O Virgo Sancta. p. 570.

LECTIO 9.

Commemoratio B. V. Malacensis de Victoriâ.

Gumpenb. 335.

Malacæ in Hispaniâ Imago Deiparæ colitur, quæ ab Imperatore Maximiliano Regibus catholicis Ferdinando et Elizabethæ dono missa dicitur. Hanc contra Mauros educabant Reges in prælia, et fide publicâ constat, eâ præsentè semper vicisse christianos. Hinc nomen victoriæ acquisivit. Templi parietes catenis et compedibus ornantur, quos liberati à mauris captivi attulere. Anno millesimo quadringentesimo octogesimo septimo dono data hæc Imago est Patribus Sancti Francisci de Paula. Statua ignoto ligno est, altitudine hominem æquat, sellæ insidet, et JESUM in gremio gestat. In basi hæc inscrip-

tiō est. Sancta MARIA de Victoriâ: pulcherrimam esse, quas tota habet Betica, plures asserunt. Tu. ʒ. Matrem.

Cum 2. Vesper.

DIE XV. FEBR.

B. V. DE CURRICULO.

Simplex.

LECTIO 1.

Ad annum millesimum, ut antiqua monumenta testantur, duobus rusticis Beatissima Virgo super montem non longè ab urbe Statellæ in Aragoniâ, apparens, eum locum fore ipsi deinceps sacrum indixit, iungitque, ut templum ibidem extrueretur, in quo uberes gratias suam implorantibus opem se elargituram spondit. Fidem Statellani rusticis adhibentes, maximè post visum signum à Deiparâ acceptum, ordinatâ solemnî supplicatione, cum universo clero et populo in montem conscenderunt, in cuius cacumine sanctissimæ Virginis imaginem invenerunt, quam in terrâ ad ejus pedes provoluti, cœlesti lætitiâ perfusi venerati sunt. Tu. ʒ.

LECTIO 2.

Cum autem ab eo loco sanctissimæ Deiparæ simulacrum minime dimoveri posset, Statellanis conantibus ipsum ad urbem deducere, ibidem templum extruxerunt absque ullâ morâ, et in arâ maximâ mirabilem Virginis Imaginem collocarunt. Hæc verò Imago de lapide ignoto creditur, sedet super ejusmodi lapidis sedem, quæ duobus deauratis sustinetur rotis, undè nomen vulgare à Carrodilla habet. Alta est tribus circiter pedibus: aspectum decorem, colorem triticeum, oculos grandes, faciem plenam habet. Puerum dextero tenet brachio pectus sugentem matris. Devotio

erga ipsam magna est, magnusque cultus. Tu. ꝑ.

LECTIO 3.

Commemoratio B. V. Lucernensis de Cespite.

Gumpenb. 300.

Anno millesimo sexcentesimo trigesimo primo, ipso festo Pentecostes, hora nona noctis visendam se in cœlo præbuit Deipara Filium brachio gestans, atque, ut plures viderent, die postera, eadem hora iterum apparuit. Sufficit hæc Virginis apparitio cuidam Senatori Lucernensi, Mauritio de Metten, ut Virginis Sacellum extrueret eodem in loco, ubi Sacellum de Cespite dictum, quod ruinâ allapsum fuerat, steterat. Dedicationem solemnem fecit sufraganeus Constantiensis anno millesimo sexcentesimo quinquagesimo sexto, pompâ, quâ licuit, maximâ. Voluisse hoc Virginem demonstrat et hominum concursus, et Virginis in venientes prona benignitas, et beneficia non vulgaria. Tu. Te Matrem.

Vesperæ de sequenti.

DIE XVI. FEBR.

CONTEMPLATIONIS B. M. V.

Duplex.

Lect. 1. Noct. de feriâ occurr.

IN II. NOCT.

Sermo S. Thomæ Arch. Valentini.

Conc. 1. in Assumpt. B. V. M.

LECTIO 4.

Ad Domini beatos pedes continne sedens MARIA, audiebat verbum illius. O piissime Deus! Quis enarrare sufficiat inter ipsam serviendi sollicitudinem ad hos pedes, quo fervore, quâ dulcedine, quo gaudio Spiritus hujus Virginis agebatur? Quante mentis ardore hæc Virgo intus inflamabatur! Quanto jubilo illius animus quotidie replebatur, quando Deum Sion oculis

cernebat, et amplexibus applaudebat? Die noctuque beatissimis ulnis sustinens eum qui sustinet orbem? O quibus radiis Sol ille infinitus nebula carnis opertus purissimam hujus Virginis mentem irradiabat, decorabat, purpurabatque? O quos favores in gremio imprimebat! Quali nectare intus potabatur, cum eum lacte potabat! Qualis nubes lucida cum purpureis coloribus sole irradiante coruscat, talis hujus Virginis anima, Deo illuminante, fulgebat. Tu. ꝑ.

LECTIO 5.

Quid dicam de illâ tam longâ conversatione cum puero, cum adolescente, cum juvene, cum viro? Quæ verba, quæ colloquia, quæ responsa, quæ mysteria, quæ secreta, quæ oracula? O felicem scholam, ubi Deus et Filius magister est, et Mater et Virgo Discipula! Tam longo tempore, tam continuo auditu, tam frequenti magisterio, quid à tanto Magistro non didiscisti? Quid à tanto Domino non impetrasti? Quid, obsecro, tunc temporis cogitabas, ô Virgo? Quid in animo sentiebas? Quid in illo tuo sacratissimo pectore agebatur? Tu. ꝑ.

LECTIO 6.

Existimo enim (neque me fallit opinio) teneritimum hujus Virginis corpusculum, mentemque delicatissimam irruentis luminis voluptatisque torrentes ex illo vivo fonte nutantes, tolerare non potuisse, nisi eam Spiritus Sanctus destitit obumbrasset, intusque virtute nimia solidasset: in mortali etenim corpore gustus hujusmodi nisi miraculo solidata sentire non posset et vivere. Uedè miraculosè factum existimo, ut omnino non deficeret, aut non continuò esset in raptu. Sed sustentabat cum Spiritus Sanctus in-

ter tot splendores et delicias, ne raperetur extasi, aut Dei Filio necessarium Marthæ ministerium non deesset. Tu. *¶*

*Homilia de comm. pro Duplicib.
Cum II. Vesper.*

DIE XVIII. FEBR.

CHARITATIS B. M. V.

Duplex.

Ad Magnific. ant. Charitas Dei diffusa est in corde MARIE per Spiritum Sanctum.

Oratio.

Accende, quæsumus, Domine, corda nostra illo charitatis igne, quo beatissimæ Virginis MARIE cor immaculatum vehementissimè æstuabat, ut te totâ mente amemus, et ad te tota virtute curramus. Per Dominum.

AD MATUTINUM.

IN I. NOCT.

De Epistolâ primâ Beati Pauli Apostoli ad Corinthios. *cap. 13. 1.*

LECTIO 1.

Si linguis hominum loquar, et angelorum, charitatem autem non habeam, factus sum vultus æs sonans, aut cymbalum tinniens. Et si habuero prophetiam, et noverim mysteria omnia, et omnem scientiam: et si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, et si tradidero corpus meum, ita ut ardeam, charitatem autem non habuero, nihil mihi prodest. Tu.

¶ MARIAM velut ignis ferrum Spiritus Sanctus totam ignivit, * Ita ut in eâ Spiritus Sancti flamma tantum videatur, nec sentiatur nisi tantum ignis amoris Dei. *¶* Seraphim de cœlo descendere potue-

rant, ut amorem discerent in corde Virginis.—Ita ut.

LECTIO 2.

Charitas patiens est, benigna est: charitas non æmulator, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet. Charitas nunquam excidit, sive prophetiæ evacuabuntur, sive linguæ cessabunt, sive scientia destruetur. Tu.

¶ Totam Virginem incanduerat divinus amor, * Ita ut nihil esset mundanum quod eam violaret, sed ardor continus et ebrietas perfusi amoris. *¶* Lampades ejus lampades ignis atque flammæ.—Ita ut.

LECTIO 3.

Ex parte enim cognoscimus, et ex parte prophetamus. Cum autem venerit quod perfectum est, evacuabitur, quod ex parte est. Cum essem parvulus, loquebar ut parvulus, sapiebam, ut parvulus, cogitabam, ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam, sicut et cognitus sum. Nunc autem manent fides, spes, et charitas, tria hæc: major autem horum est charitas. Tu.

¶ Gloriosissima Virgo ex privilegio singulari * Continuè et semper Deum amabat actualitèr. *¶* Aded ut nec actio contemplationem minueret, et contemplatio non desereret actionem. — Continuè. — Gloria.—Continuè.

IN II. NOCT.

Sermo S. Thomæ Arch. Valentini.

Sermo in Dom. 2. post Pentecost.

LECTIO 4.

Triplex est dilectio Dei, naturalis, acquisita, et infusa. Naturaliter omnia diligunt Deum, tanquam suum premium bonum, à quo totum esse dependet. . . . Alia est dilectio acquisita ex contemplatione creaturarum, beneficiorum, magnitudinis excellentiæ et bonitatis Dei. . . . Alia est dilectio infusa, quam Deus prout vult donat fidelibus suis: quæ charitas nuncupatur secundum illud Apostoli: charitas Dei diffusa est in cordibus nostris per Spiritum Sanctum, qui datus est nobis. Tu. *igitur* Factus est in corde meo ignis exstans, Et defeci ferre non sustinens ardorem charitatis. *¶* Concaluit dor meum intra me, quia fortis est ut amor dilectio. — Et defeci.

LECTIO 5.

In omni dilectionis genere beata Virgo MARIA omnes alios excessit. Nam si de acquisita dilectione agatur, ipsa assidue conversabatur cum Domino, et nova indesinenter erga se indicia, nova ad eum redamanda incentiva percipiebat, quibus cor ejus magis magisque in dies in ejus amorem accendebatur, atque aestuabat. Similiter si de infusa loquamur, notum est, quod amore flagrabat, quæ ignem illi deitatis carne vestivit, et novem mensium spatio in suis visceribus portavit. Tu.

¶ Introduxit me Rex in cellam vinariam, * Et ordinavit in me charitatem. *¶* Misit Deus ignem in ossibus meis, et erudit me. — Et.

LECTIO 6.

Ad naturalem ergo dilectionem, quod expectat nos hæc dilectione solum diligimus Deum, ut opus artificem, ut creatura creatorem. Ipsa vero ultra hoc, naturaliter enim

ut Mater Filium, diligebat. Est autem matris amor ad filium uli naturalissimus, ita et fortissimus, adeo ut etiamsi filius sit turpis, et omnino abominabilis aliis appareat, tamen Mater eum diligit, urgente et instigante natura. Quantum ergo putas illam dilexisse talem ac tantum Filium? Igitur si in hoc mundo unquam aliqua creatura, quæ toto corde, tota animâ, totis visceribus, tota mente Deum dilexit, illa fuit. Tu.

¶ Fulcite me floribus, et stipate me malis, *¶* Quia amore languens. *¶* Pone me, ut signaculum super cor tuum, ut signaculum super brachium tuum. — Quia amore.

— Gloria. — Quia amore.

IN III. NOCT.

Lectio Sancti Evangelii secundum Lucam.

LECTIO 7.

c. 2. 34.

In illo tempore: Dixit Simeon ad MARIAM Matrem JESU: ecce positus est hic in ruinam et in resurrectionem multorum in Israel, et in signum, cui contradicetur. Et reliqua.

Homilia S. Bernardi Abbatis.

Serm. 29. in cantico.

Est etiam sagitta electa amor Christi, quæ MARIE animam non modo confixit, sed etiam pertransivit, ut nullam in pectore virginali particulam vacuum amore relinqueret, sed totum corde, tota animâ, tota virtute diligeret, et esset gratia plena.

Leet. 8. Aut certe pertransivit eam, ut veniret usque ad nos, et de plenitudine illâ omnes acciperemus, et fieret Mater charitatis, cujus Pater est charitas, Deus, parturiens etiam sole, ponens tabernaculum ejus, ut scriptura impleretur, quæ dicit: Dedi te in lucem gentium, ut sis salus mea usque ad extremum terræ. Tu.

¶ Adjuro vos, filiæ Jerusalem, si inveneritis dilecto meo, ut nuntietis ei * Quia amore langueo. ¶ Nuntiate ei, quia vulnerata charitate ego sum.—Quia.

8. *Benedictio. Cujus Charitatem.*

LECTIO 8. (*Lect. 9.*)

Hoc enim impletum est per **MARIAM**, quæ in carne visibilem edidit quem invisibilem nec de carne, nec cum carne suscepit. Et illa quidem in totâ se grande et suave amoris vulnus accepit: ego verò me felicem putaverim, si summâ saltem quasi cuspide hujus gladii purgi interdum me sensero, ut vel modico accepto amoris vulnere, dicat etiâ anima mea: vulnerata charitate ego sum. Tu.

¶ Cor meum inflammatum est in me, et renes mei commutati sunt: * Concaluit cor meum intra me, et in meditatione meâ exardescet ignis. ¶ Fulcite me floribus, et stipate malis, quia amore langueo.—Concaluit.—Gloria.—Conc.

LECTIO 9.

Commem. B. V. de Colle-Auroræ.

Camòs libr. 4. c. 4.

Non longè ab urbe Dertusæ, in Hispaniâ, percelebre extat Deiparæ Sacellum sub titulo de Colle-Auroræ. Imago Virginis sanctissimæ, quæ ibi asservatur, in arbore antiquitùs inventa non sine cœlesti prodigio, fertur. FERIA tertia Pasc hæ est ipsi sacra, in quo die Dertusensis urbs solemnî supplicatione ad eam invisendam conscendere consuevit. Prodigia non rarò per hanc Imaginem Deipara operata est, maximè in nautas et navigantes, ut ex appensis tabellis salis apparet. Statua lapidea est, puerum sustinet, coloribusque, quibus induitur, formosior videtur. Tu. Te Matrem.

¶. ¶. br. Quæ charitate vulnerata fuisti.

-CANON.

Ex D. Augustino Episcopo.

Ap. D. Bon. Spec. c. 17.

472. Quis dubitare poterit, omninò in affectionem charitatis transisse viscera **MARIÆ**, in quibus ipsa, quæ Deus est, charitas novem mensibus corporaliter requievit? Tu.

Cum secundis Vesperis.

DIE XIX. FEBR.

B. V. DE RUPE-AMATORIS'

Semiduplex.

Lect. de Script. fer. occur.

IN II. NOCT.

LECTIO 4.

Ex Histor. B. V. de Rupe-amatoris.

Sacellum Beatæ Virginis **Rupis-amatoris**, vernaculè **Roca-amadour**, peregrinationibus votivis et miraculis celeberrimum, situm propè Durandum flumen in Cadurcensi Provinciâ in Regno Galliæ, à Sancto Amatore Eremitâ nomen accepit, qui illud in honorem Deiparæ extruxisse ad tertium sæculum dicitur sub maximæ elevatæque rupis concavitate, in quo et vitam finivit. Dionysius de Bar Tutellensis Episcopus Oratorium compressum erexit funditus annomillesimo quadringesimo septuagesimo nono, et quantum potuit, ampliavit: quo completo Missam altâ voce celebrandam diebus singulis in honorem ipsius Virginis instituit, et congruo reddito stabilivit. Tu. ¶.

LECTIO 5.

Ingens verò quovis tempore fuit peregrinorum accursus ad Rupem-amatoris, inter quos numerati **Roldanus**, nepos Caroli Magni, **Sanctus Ludovicus rex**, **Sanctus Engelbertus Episcopus Coloniensis** et

Martyr, Blacha Castellæ, Carolus dictus Pulcher, Ludovicus Undecimus, et alii plurimi præclarissimi viri, creduntur. Henricus secundus Anglorum Rex munitus sicut ad prælium, quia terræ inimicorum appropinquabat, Deiparam eo in Rube etiam visitavit ob votum emissum in perlongâ ægrotatione. Sed Rex ejus filius aliquot post annos, deficiente sibi pecuniâ, cum thesauros hujus Ecclesiæ asportasset, in gravem incidit infirmitatem, de qua et mortuus est. Tu. ¶.

LECTIO 6.

Alii verò illustres viri qui hunc sacrum locum adire non poterant, ad eundem varia dona transmiserunt, inter quos Alphonsus nonus Castellæ Rex, qui dedit Sacello Rupis-amatoris duas Villas in Castellâ, Tornellos et Orbanella dictas, Sanctia filia Raminiri Regis Navarrae pannum operosum conficiens ad ejusdem Ecclesiam misit. Odon Comes de Marcâ etiam ei donavit saltum Montis Salvy, aliasque perplures ditissimas oblationes. Nunc autem etsi veteris magnificentiæ hujus templi vix vestigia post gallicanas revolutiones remaneant; attamen erga Beatissimam Virginem Rupis-amatoris magna adhuc extat devotio, et ipsa fidelibus illud Sacellum visitantibus nova beneficia quotidiè dispensat. Tu. ¶.

Homilia de Comm. pro Semidupl.

LECTIO 9.

Commemoratio B. V. Myansensis.

Pouget in Imagin. Deiparæ.

Sacellum est Divæ Virginis sacrum in Sabaudia in oppido Myans à quo et nomen habet, peregrinationibus votivis et miraculorum frequentia ab antiquo percelebre. Anno millesimo ducentesimo quadragésimo nono fuit miraculo ab ingenti exiduo, quo circumstans regio fuit va-

stata, præservatum, Ad medium decimi quinti sæculi ei fuit adjunctum cœnobium Fratrum Sancti Francisci cum ampliori Ecclesiâ à Jacobo Comite Montis majoris in gratiarum actione pro beneficiis à Deo receptis, quod nunc à Myansensi Parroco habitatur, ejectis religiosis à vandalicâ præcedentis sæculi impietate. Sanctissima Effigies ibi asservata satis parvula, nigra est, et puerum secum tenet. Tu.

Te Matrem Dei.

Vesperæ sequentis.

DIE XX. FEBR.

B. V. IN NUPT. CANA GALILÆÆ.

Duplex.

Oratio.

Imploret pro nobis, quæsumus, Domine, spiritum charitatis apud tuam clementiam Beatissima Virgo MARIA, quæ in Nuptiis Cana Galilææ pro invitatis vinum à te et humiliter postulavit, et efficaciter obtinuit. Qui vivis... in unitate ejusdem Spiritus Sancti.

In 1. Noct. Lect. Scrip. fer.

IN II. NOCT.

Sermo S. Bernardini Senensis.
Se.m. de Sept. verbis art. 3. c. 2.

LECTIO 4.

Hoc est igitur illud verbum admirandæ compassionis et pietatis, quod dulcissima Mater Christi et advocata nostra, et in terris et in cœlis pro nobis miserabilibus, et infirmis, tanquàm pia Mater pro filiis suis undiquè deplorandis dicit dilecto Primogenito suo, vinum non habent. Non quidem ut nos accuset, aut nobis impropere, sed potius ut Christum ad piam miserationem erga nos inducat, et ut nobis impetret vinum optimum, et copiosum divinorum saporum et ebriatum, atque omnium virtutum, quæ

nobis sunt necessariae ad salutem.
Tu. ꝑ.

LECTIO 5.

Vinum non habent. Non faciens ipsorum memorem, qui omnia novit: sed interpellans Virgo Mater, locuta est, ac si ad eam cura omnium pertineret, et omnium hominum advocatam se sentiens, quæ pro omnibus creaturis cunctorum facta fuerat Virgo Mater, officium advocacy, et piæ auxiliatricis assumpsit, cum videret inopiam; ac si opus non sit eam precibus excitare, quæ omnem oculum pietatis suæ in nos direxit, ac præsciens indigentiam nostram, et se cunctorum hominum Matrem pietatis agnoscens sollicitè pro filiis irrequisita etiã ad Dei Filium intercessit, dicens: Vinum non habent. Tu. ꝑ.

LECTIO 6.

Si hoc non rogata perfecit: si hoc viatrix existens, quid cum regnat in patriâ? Si hoc apud Filium temporali morte subjectum, quid cum mortem superavit? Carnem immortalem revocavit à tumulo, collocavit in cælo, paternam sedet ad dexteram, tenens imperium universorum. Porro tam fuit miræ efficaciam et virtutis hoc breve verbum apud dilectum Filium suum JESUM, tantumque impetravit dilecto suo Joanni Evangelistæ, quod de nuptiis ad continentiam virginalem et ad summam contemplationis apicem est perductus. Tu. ꝑ.

IN III. NOCT.

Lectio Sancti Evangelii secundum Joannem.

LECTIO. 7. c. 2. 1.

In illo tempore: Nuptiæ factæ sunt in Cana Galilææ, et erat Mater JESU ibi. Et reliqua.

Homilia D. Eusebii Episcopi.

Hom. in Dom. 2. post Epip.

Et deficiente vino, dixit Mater JE-

SU ad eum: vinum non habent. Plena enim Spiritu Sancto Virgo MARIA jam tum illud miraculum prævidebat, quod Filius ejus facturus erat. Quod ergo JESUS facere cogitabat, hoc illa, ut faceret, ad-monebat. Et dicit ei JESUS: quid mihi et tibi est mulier? Quid mihi, inquit, et tibi commune est, nisi hæc caro mortalis, et humanitas ista, quam fero, quæ famem pati, sitire et mori novit, miracula autem facere non novit? Quod enim in vinum aqua convertitur, non humanitatis, sed divinitatis est. Lect. 8. Nondum venit hora mea. Nondum venit hora passionis meæ, in quâ quid mihi et tibi sit commune omnibus innotescat. Tunc enim carnem quam de te suscepi, non virtutes et miracula facere, sed in cruce pendere et mori videbis. Tu. ꝑ.

LECTIO 8.

Et tunc quidem faciam vinum novum, tunc faciam omnia nova, tunc literæ vetustate relicta ad novam et spiritualem intelligentiam cuncta convertam. Lect. 9. Hoc enim significans, ait: non bibam amodò de hoc genimine vilis usque in diem illum, quum illud bibam vobiscum novum in regno Dei. Dicit Mater ejus ministris: Quodcumque dixerit vobis facite. Inter se loquebantur Mater et Filius: ipsi se intelligebant: ipsi sua secreta noverant: ipsi quid tunc fieri oportebat, et quid postea futurum erat, sciebant. Cæteri autem, quid ipsi dicerent, ignorabant. Tu. ꝑ.

LECTIO 9.

Commemoratio B. V. de Casalibus.

Ex Pougeto in histor. Dep.

Sacellum nostræ Dominæ de Casalibus in Gratianopolitanâ Diocesi à Sancto Hugone Episcopo dicitur structum in montibus quos Carthu-

sianos vocant, pro primis Sancti Brunonis Ordinis Patribus, atque ab ipso Sanctissimæ Deiparæ et Sancti Joanni Baptistæ dicatum. Sacello fuit monasterium, (sive varizæ cellulæ aut casulæ, undè de Casalibus nomen) adjunctum. Post quadraginta et novem annos in ruinam delapsum, in loco ubi nunc est, fuit iterum ædificatum. Decimo quinto sæculo tandem, Præpositus Generalis Ordinis illud omnino restauravit, et in formam, quâ nunc potitur, redegit. Tu.

Te Matrem.

CANON.

Ex S. Bernardino Senensi.
Serm. de flam. 7. amor. flamm. 6.
Tom. 3. p. 341.

473. Gloriosa Virgo compatiens humano generi propter ejus caliginem ignorantiz, nihil aliud voluit dicere, quandò ipsa dixit: Vinum non habent: nisi quòd mundus adhuc te non cognoscit: undè clarifica te, ut te cognoscat, et cognoscendo te credat, et credendo salvetur. Tu.

Cum 2. Vesperis.

DIE XXI. FEBR.

B. MARIE V. DE MONLORA.

Simplex.

Lect. 1. de Script. feriz.

LECTIO 2.

Lanuzæ Histor. Aragoniz t. 1.
c. 29.

Non longè ab urbe Lunâ, in Aragoniâ anno millesimo quingentesimo structum fuit Divæ Virgini templum sub titulo de Monlorâ, cui cœnobium Sancti Francisci erat adjunctum, à quodam Michaelè Torrero, viro nobili, Cæsaraugustano cive, ut ex Bullâ Alexandri Sexti, quâ ipsi illi fundandi licentiam facti liquet. Nescitur, an prius ibi

fuera jam Sacellum aliquod. Quod verò nunc eo in monte exurgit templum perpulchrum est, perpulchramque habet Virginis aram, atque in lateribus optima sacella. Tu. ¶.

LECTIO 3.

Commem. B. V. Vertenqueliensis.
ex Justo Lipsio.

In Vertenquelio, pago non longè à Cameraco sito, maximè diva Virgo colitur, pluribus abhinc sæculis, ut ex Justo Lipsio liquet, qui ingens miraculum ope Deiparæ anno millesimo quadringentesimo vigesimo quarto Vertenquelio obtentum, enarrat. Miraculum autem fuit: puer sine vitâ natus, et in terrâ non sacrâ sepultus, post quindecim dies defossus, vivens invenitur, et intactus, ac ad Vertenquellum deductus, baptizatur. Ibi in arâ Beatæ Virginis reclinatus vixit quinque horas circitèr: ac mox instar nivis visus est palàm lique-scere et tabescere, et sic ad mortem ire. Tu. Te Matrem.

Ad Benedict. ant. Luna pedes
* dorsum Erla, tenetque cacumina
montis Monloræ Virgo, Mater et ipsa Dei.

Vesperæ sequentis.

DIE XXII. FEBR.

BAPTISMI B. MARIE V.

Duplex 2. Classis.

IN I. VESPER.

Antiph. Capitul. et Oratio de Laudib. Psalm. de solemnitatib.

HYMNUS 209. *Salla.*

Jordanis amnis, judicarius
Privo latinis ore vocabilis,
Per quem supremi prænotantur
Judicis arbitrio probandi.

Hi nempe, lymphis sanctifican-
tibus

Baptisma seu qucs, te penes eli-
tum,

Sive ipsiusmet, jussa quondam,
Mystica symbola quos sigillent.

Sic protoplasti quos sibi posteros
Canon realūs, dum tibi subjicis,
Hoc, obstupesco, quod solutam
Jus tibi sumpseris in MARIAM.

Esthere cum pro hāc lex ea nulla
sit,

Etsi stet omni prole pro adamica
Vi seminali procreandā,
Undē rogo, tibi jus in illam?

Fas te venusto nomine præditum
Mundasse Naaman fœde elephan-
ticum,

Lepræ lavacro præmonente
Post tibi crimina proluenda.

Fas condecentem fluminis alveo
Mersisse plebem temet olimpico
Regi parandam jam propinquo
Fortiter ore Joannis aclam.

Fas te vel undis jure trementibus
Tinxisse Christum, se madidantium
Naturæ aquarum vim luentem
Crimina sontibus, inditurum.

Quæ mox lavandis crimine ter-
reis

Mittuntur oris, atque nœemicum
Purgans nefandā gente easdem,
Sanctius alluvium futuræ.

Qui tinctus, undis tingere contulit
Dignè MARIAM, cum Patre Filio
Carni revincto, cumque Sancto,
Gloria, Pneumate, sit perennis.
Amen.

†. Fons de domo Domini egre-
diatur.

†. Et per omnes rivos Juda
ibunt aquæ.

Ad Magnif. ant. Ipse Filius Vir-
ginis est qui baptizat in Spiritu San-
cto, et igni.

Complet. de Domin.

AD MATUTIN.

Invitator. Baptismum Beatissi-
mæ Virginis MARIE celebrantes,*
Christum ejus Filium adoremus Do-
minum.

HYMNUS 210. Salla.

Baptismus ergò, pinxerat om-
nium

Quem noxiarum mersio gentium,
Typo MARIE nante cymbā,
Antitypo impar inundat illam.

Tollens in altum nam cataclismus
hic

Arcam, ut priori culpæ ab origine,
Baptismi an æquè non supernam
Innuìt alluvio MARIAM?

Mosis bacillo Virginis alteri
Umbra vetustæ pontica cesserat
Rubra unda, cessum Veritati
Ire fluentæ, reor, figurans.

Intemet imo nonne retortus es
Prisci pavescons, et nihilominus
Totam recentis pervenustam
Mergere fœderis ausus Arcam?

Qui tinctus, undis tingere contulit
Dignè MARIAM, cum Patre Filio
Carni revincto, cumque Sancto,
Gloria, Pnenmate, sit perennis. Am.

IN I. NOCT.

1. Ipse Filius Dei Matrem suam
MARIAM baptizavit.

2. Hic est qui baptizat in Spi-
ritu Sancto et igni.

3. Ingenti fide Baptismum Chri-
sti sanctissima suscepit Virgo.

†. Quicumque in Christo bap-
tizati estis.

†. Christum induistis.

De Epistolâ ad Romanos.

LECTIO 1. c. 6. 3.

An ignoratis, quia quicumque bap-
tizati sumus in Christo JESU, in
morte ipsius baptizati sumus? Con-
sepulti enim sumus cum illo per
Baptismum in mortem: ut quomo-
dò Christus surrexit à mortuis per
gloriam Patris, ita et nos in novi-
tate vitæ ambulemus. Si enim com-
plantati facti sumus similitudini
mortis ejus: simil et resurrectionis
erimus. Hoc scientes quia vetns

homo noster simul crucifixus est, ut destruat corpus peccati, et ultra non serviamus peccato. Tu.

¶. Quicumque baptizatus fuerit aqua et Spiritu Sancto * Intravit in regnum Dei. ¶. Qui crediderit et baptizatus fuerit, salvus erit.—Intravit.

De Epistolâ primâ ad Corinthios.

LECTIO 2. c. 10. 1.

Nolo enim vos ignorare, fratres, quoniam patres nostri omnes sub nube fuerunt, et omnes mare transierunt, et omnes in Moyse baptizati sunt, in nube et in mari. Et omnes eandem escam spiritualem manducaverunt, et omnes eundem potum spiritualem hiberunt (bibeant autem de spiritali consequente eos petra: petra autem erat Christus). Sed non in pluribus eorum beneplacitum est Deo: nam postrati sunt in deserto. Hæc autem in figurâ facta sunt nostri. Tu.

¶. Effundam super vos aquam mundam: * Et erit in die illâ fons patens in ablutionem. ¶. Qui crediderit, et baptizatus fuerit, salvus erit.—Et.

De Epistolâ ad Titum.

LECTIO 3. c. 3. 4.

Cum autem benignitas et humanitas apparuit Salvatoris nostri Dei, non ex operibus iustitiæ, quæ fecimus nos, sed secundum suam misericordiam salvos nos fecit per lavacrum regenerationis et renovationis Spiritus Sancti, quem effudit in nos abunde per JESUM—Christum Salvatorem nostrum, ut iustificati gratiâ ipsius, hæredes simus secundum spem vitæ æternæ. Fidelis sermo est: et de his volo te confirmare, ut curent bonis operibus præesse, qui credunt Deo. Tu.

¶. Mirantibus cœlis Christus Matrem baptizavit. * Unda sanctior evasit, et Spiritus Sanctus totam

cam replevit. ¶. In uno Spiritu omnes nos in unum corpus baptizati sumus.—Unda.—Gloria.—Mirantibus.

IN II. NOCT.

1. In illâ die erit fons patens domui Jacob, et habitantibus Jerusalem.

2. Demorabatur JESUS cum discipulis suis in Judæâ, et baptizabat.

3. Matrem suam quoque Christus manu propriâ baptizavit.

¶. Baptismus est hodiè Beatæ MARIE Virginis.

¶. Cujus vita inclyta cunctas illustrat Ecclesias.

Ex verbis B. Alberti Magni Ep.

Quæst. 36. super Missus.

LECTIO 4.

Quæritur, utrum beata Virgo fuit baptizata? Et videtur quod sic. Quidquid habet omne conferens gratiam plenius est gratiâ, quam id quod habet aliquid conferens gratiam, et aliquid non. Sed beatissima Virgo fuit plena gratiâ: ergo habuit omne conferens gratiam: ergo habuit baptismum. Item præceptum de baptismo post sui promulgationem obligat omnes ad sui susceptionem: ergo et beatam Virginem. Item Dominus baptizatus fuit, quamvis non indiguit, vel indigeret: ergo beata Virgo debuit baptizari. Tu.

¶. Vidit Joannes JESUM venientem ad se, et ait: * Ecce Agnus Dei, ecce qui tollit peccata mundi. ¶. Hic est qui baptizat in Spiritu Sancto et igni.—Ecce.

LECTIO 5.

Joanne, capite tertio dicitur: nisi quis renatus fuerit ex aqua et Spiritu Sancto non intrabit in regnum cœlorum. Sed Beata Virgo regnum intravit: ergo baptizata fuit. Item

si non baptizaretur, ignarum suæ sanctificationis scandalizaret: sed non scandalizat: ergo baptizata fuit. Itē legalia servavit, sicut purificationem mulieris: ergo et evangelica servavit. Itē Dominus dixit Joanni: sic enim decet nos adimplere omnem justitiam: Glossa: id est, perfectam humilitatem: ergo propter eandem causam debuit baptizari Beata Virgo. Tu.

℞. Amen, amen dico vobis: * Quia nisi quis renatus fuerit ex aqua et Spiritu Sancto, non potest introire in regnum Dei. ⁊. Non mireris, quia dixi tibi: oportet vos nasci denuo.—Quia.

LECTIO 6.

Itē de Apostolis supponitur, quod fuerint baptizati per illud Joannis: Qui lotus est, non indiget, nisi ut pedes lavet. Ergo multo fortius debuit illud supponi de Beatā Virgīnē, quæ fuit perfectissima observatrix consiliorum et præceptorum Dei. Itē, si non esset baptizata, non haberet characterem per quem distingueretur à Judæis et Gentilibus. Tu.

℞. Beatissima Virgo MARIA intacta et immaculata accepit Baptismum Christi: * Sic enim decet implere omnem justitiam. ⁊. Filius ipse baptizavit Matrem.—Sic enim decet.—Gloria Patri.—Beatissima.

IN III. NOCT.

Ant. 1. Quod natum est ex carne, caro est: quod natum est ex Spiritu, Spiritus est.

2. Unus Deus, una fides, unum baptisma.

3. Baptismum Immaculatæ Virginis celebremus, ut ipsa intercedat pro nobis ad Dominum.

⁊. Christus est qui baptizat.

℞. In Spiritu Sancto et igni.

Lectio Sancti Evangelii secundum Joannem.

LECTIO 7. c. 3. 1.

In illo tempore: Erat homo ex Pharisæis, Nicodemus nomine. Et reliqua.

Homilia B. Dionysii Carthusiani.

De laudibus B. M. V. 3. 27.

Baptismus juxta sanctorum doctrinam est janua sacramentorum necessitatis, ita quod omnes tempore Evangelii divulgati tenentur ad illud, dummodò adsit facultas. Et sicut sanctificati in utero tempore legis mosaycæ circumcisionem susceperunt, ut patet de Joanne Baptistā et Jeremiā; sic et si qui in evangelicā lege sanctificarentur in utero, adhuc tamen deberent Baptismum accipere, tum propter Christi præceptum, tum propter suscipiendum characterem, quo baptizatus Christo in terris conformatur, ejusque populo annumeratur, tum propter gratiæ incrementum, tum ut per corporalem baptismationem Christo passo et sepulto etiā corporaliter configuretur. Tu.

℞. Ego baptizo vos in aqua, in poenitentiam: qui autem post me venturus est, ipse vos baptizavit * In Spiritu Sancto et igni. ⁊. Et ipse est qui baptizavit Virginem MARIAM.—In Spiritu.

Benedict. 8. Cujus Baptismum colimus.

LECTIO 8.

Hinc quoque Apostoli in circumcisione ab originali culpā purgati, creduntur à Christo baptizati. Quamvis enim circumcisio in lege scripta, et baptismus in evangelicā lege instituti sint contra originale peccatum secundum communem cursum, tamen et alios habuerunt effectus salubres, et baptismus adultorum habet, propter quos possunt et sanctificatis in utero convenire.

Hinc immaculatissima, et optima Virgo MARIA fertur Christi Baptismate baptizata: quæ etiam legi Purificationis ex obedientia et humilitate se subdidit. Tu.

¶ Effundam super te aquam mundam, et Spiritum meum ponam in medio tui, * Ut tecum habitet semper. † Spiritus sapientiæ et intellectus, Spiritus consilii et fortitudinis.—Ut.—Gloria.—Effundam.

LECTIO 9.

Et item ob singularitatem vitandam, ne baptismum vitando videret innocentiam suam iaculare: præsertim quia innocentissimus et sanctissimus Filius ejus Christus baptismum suscepit Sancti Joannis. Item ob scandalum vitandum et adhibendum exemplum ne persona quantumlibet eminens baptismum renuat Salvatoris: atque ob gratiæ ac virtutum augmentum, et meritorum suorum supererogationem, et propter characteris impresionem sumendum, ad ampliorem suam et exaltationem et gloriam sempiternam, quia quo amplius ac profundius se humiliavit, eo gloriosius exaltari promeruit. Tu. Te Matrem.

AD LAUDES

Et per Horas Antiphonæ.

1. Hæc est Filia mea * dilecta, in qua mihi bene complacui. *Psalmi de Dominica.*

2. Hæc est Mater mea * carissima, quæ me genuit, quæ me peperit, quæ me nutrit.

3. Hæc est Sponsa mea * immaculata, in qua sunt meæ deliciæ.

4. Hæc est totius beatissimæ Trinitatis nobile Triclinium.

5. Batizata est Virgo * MARIA in nomine Patris et Filii, et Spiritus Sancti.

CAPITULUM. *Isai. 44. 3.*

Effundam aquas super sitientem, et fluentia super aridam: effundam

Spiritum meum, et benedictionem meam.

HYMNUS 211.

Salla.

Et si audiat primitus absona Verbi Parentis mystica lotio, Divino ut ejus facta nutu Elogia inclyta promeretur.

Est illa primò non reticenda laus Quòd Sancta Mater Nati imitamine Formâ reatus tecla fastum Pectoris obterit insolentem.

Quin et sequendam præbet imaginem

Sese novandis flumine gentibus Pastoris instar pelle ovina Anteeuntis oves amicti.

Culpâ inquinatos denique spiritus Baptisma sanctos, quos lavat, efficit, Sanctos adauget, signat omnes Magnifico Triados sigillo.

Quâ dote solis ex renitentibus In corpus unum quit coalescere Ecclesia, audit quod piorum Concio Christi adum vocabulum.

En proluendæ labis ut indiga Nullius undis diva Puerpera Est mersa; dignum laude sacrum Ipsius undè fuit lavacrum.

Priscis nec undis exitialibus Typos MARIE rite verentibus Est tactu JESU sancta CHRISTI Vivificans aqua conferenda.

Qui tinctus, undistingere contulit Dignè MARIAM, cum Patre Filio Carni revincto, cumque sancto, Gloria, Pneumate, sit perennis. Am.

† Baptismus est hodiè Sanctæ MARIE Virginis.

† Cujus vita inclyta cunctas illustrat Ecclesias.

Ad Benedict. *ant.* Corde et animo Christo canamus gloriam in hac sacrâ solemnitate Baptismi Beatæ MARIE Virginis.

Oratio.

Domine JESU—Christe, qui Sacramentum Baptismi Beatissimæ Matri tuæ ad incrementum gratiæ

et meriti contulisti; concede propitius, ut quos per illud filios adoptionis tuæ nos fecisti, æternam gloriam obtinere valeamus. Qui vivis et regnas.

Ad Horas antiph. Capit. Prim. et Orat. de Laudib. cætera de Com. ¶. ¶. br. Quæ manu Christi baptizata fuisti.

CANON.

Ex Concilio Tridentino.

Sess. 7. can. 5.

474. Si quis dixerit Baptismum liberum esse; hoc est, non necessarium ad salutem; anathema sit.

In II. Vesp. Ant. et ¶. de Laudibus.

HYMNUS 212. *Villamitg.*

Jordanis celeres mollius urgeat
Fluxus et latices temperet algidos,
Lambat Virgineum pectus, et abluat
Et Baptismate consecret.

Consecrat potius Virgo Deipara
Fluctus, et maculæ nescia provehat
Mundandi meritum sordida cordium
Salvandique potentiam.

Puras ingreditur Femina purior
Undas, sitque sacer ritus, et intima
De summo veniens æthere Spiritus
Tincta viscera permeat.

Tum Matri cumulat munera Filius
Baptismi meritò, Spiritus optimæ
Sponsæ congenerat vincula vinculis,
Dat multus Pater oscula.

Da, Virgo, populis indolis efferæ
Ad Baptisma citos currere. Gratiam,
Da, nostri teneant, moribus excolant,

Amissamve resarciant.

Summæ sit Triadi laus pia jugiter,

Cujus gratuitò numine subvenit
Virgo terrigenis, proterit inferos

Et cœlestibus imperat. Am.

Ad Magnif. ant. Baptismus tuus,
Dei Genitrix Virgo hodiè lætificat
cunctas animas sanctas.

DIE XXIII. FEBR.

S. M. NOVISSIMÆ DE GRATIIS.

Semiduplex.

In 1. Noct. Lect. Scrip. ser. occur.
IN II. NOCT.

LECTIO 4.

Gumpenberg. Atl. Mar. 730.
Pumæ Billorum, quæ in Ur' inatiditione sedes est Episcopi Feretani, colitur in templo parochiali Sancti Christophori antiquissima Imago Deiparæ in muro depicta, quæ dicitur Sancta MARIA Novissima de gratiis. Ejus altare consecratum fuit anno millesimo ducentesimo vigesimo secundo ab Honorio Tertio concessis etiã indulgentiis. Tu. ¶.

LECTIO 5.

Eadem Imago anno millesimo quadringentesimo octavo, die vigesima Martii, qui ejusdem mensis tertius dies veneris fuit, lacrymas effudit ex oculo dextero, quod testibus idoneis et oculatis ritè probatum credidere majores, et nobis abundè probant, quæ supersunt lacrymarum vestigia, et deniquè oculus dexter, qui lacrymas dedit, sinistro non parum strictior. Tu. ¶.

LECTIO 6.

Ad hanc quoquè Imaginem Urbis confugit hostibus pressa anno millesimo, quingentesimo decimo septimo die vigesima tertiã Februarii, quo die Deipara hostium oculos ignitis ex aere radiis ita perstringit, ut murorum defensores videri ab iis non possent, adeò ut assallum jam inchoatum intermittere cogerentur. Porro post quinque annos eodem die iterum urbem ab hostibus liberavit. Adest demùm gratitudo civium tanta, ut eam inter mira, si non inter miracula numeres. Tertio die veneris Martii festum lacrymationis celebrant, et vi

gesima tertiâ Februarii pro duplicis urbis liberatione multiplices Deiparæ gratias festivâ celebritate persolvunt. Tu. R.

IN III. NOCT.

Lectio S. Evang. secundum Lucam.

LECTIO 7. c. 2. 28.

In illo tempore: Ingressus Angelus ad MARIAM, dixit: Ave gratiâ plena, Dominus tecum. Et reliqua.

Homilia D. Chrysippi Presbyteri.

Orat. de S. M. Deip.

Nos autem per oportunitatem est modò, ut plurimarum prophetiarum faustas acclamationes Virgini ascribamus, et dedicemus. Ave igitur semper, ave gratiâ plena: ave quæ vulvam adeptas præter naturam, vel ipsis cœlis latiore: quandòquidè per hanc comprehendisti eum, quem nec cœli quidem capiunt. *Lect. 8.* Ave fons lucis omnem hominem illuminantis. Ave solis ortus, qui nullum ferre potest occasum. Tu. R.

LECTIO 8.

Ave armarium vitæ. Ave, quæ es hortus Patris. Ave, quæ es pratum totius fragantiæ Sancti Spiritûs. Ave radix omnium bonorum. Ave specimen gemmæ omne pretium excedentis. Ave vitis ubas pulchras producens. *Lect. 9.* Ave nubes pluvie potum animis Sanctorum exhibentis. Ave, quæ es puteus semper viventis aquæ. Ave, quæ es rubus ardens igne spirituali, nusquam tamen aduraris. Ave porta clausa soli Regi aperta. Ave mons, undè lapis angularis abscisus est sine manibus. Tu.

LECTIO 9.

Commemoratio B. V. Arelatensis de Gratiâ.

Ex Pngelo. Histor. Imag. Deip.
In Ecclesiâ Sancti Trophimii Arelatensis Urbis marmorea Effigies beæ Virginis sub titulo de Gratiâ,

quæ prius in Ecclesiâ Sancti Honorati sedem habebat in perantiquo Sacello ab ipso Sancto Trophimio Sancti Petri Discipulo, Deiparæ adhuc viventi, ut creditur, dicato: quod nunc ferè ruinâ collabitur, vastatum quum fuerit in Gallicanis revolutionibus. Sempèr ad illud fuit ingens fidelium accursus, innumeris à beatâ Virgine collatis gratiis attracti, undè et de Gratiâ Sanctissima Imago nomen obtinuit. Tu. Te Matrem.

Cum 2. Vesperis.

DIE XXV. FEBR.

EXILIUM B. M. V. IN ÆGYPTO.

Dplex.

IN I. VESP.

HYMNUS 213.

Salla.

Jam jamque contremiscite,
Aræ, columnæ, fanaque
Idola item memphitica,
Et tecta in his dæmonia.

Prænuntiata antiquitûs
Adventat en Nubecula,
Quâ vectus orbis Conditor,
Vos commovebit funditus.

Quæ corda condolebitis
Vestrum ruinam Numinum,
Gaudete, pro tot ludricis
Verum coletis Unicum.

Quæ dicta solis civitas,
Loco, tibi, nefarii,
Qui te replet caligine,
Sol æquitatis oritur.

Doxolog. de Tempore.

Oratio.

Præsta, quæsumus, omnipotens Deus, ut qui exules filii Evæ ad te gementes et flentes clamamus in hac lacrimarum valle, per intercessionem Beatissimæ Virginis MARIE ad æternam Patriam pervenire valeamus. Per Dominum.

AD MATUTIN.

HYMNUS 214. *Secund. ab Hoz.*
O felix regio! tibi nam

Fortuna secunda
Parat, ut exilio
Virgine lecta fores.
Altera nec erit ut
Matharich ora beata,
Pandit quæ sacris
Hospita tecta viris.

Constitit hic Virgo, quosdam
Permansit et annos,
Suxit et hic Infans
Ubera pura Matris.
Incolis hic præit
Virtutis luce nitenti,
Mitigat et sancta
Saxeæ corda Parens.

Quam miseret tristis
Peccati errantis in umbrâ,
Atque animo quietem
Medica pulchra parat.

Meruit ut multi
Præstantes dentur honores,
Laudeturque toto
Nomen in orbe suum.

Gloria summa Patri
Sit par tibi gloria, Nate:
Gloria sit compar,
Spiritus alme, tibi. Amen.

Lectio. 1. Noct. ut in Dom. IV.
Vitæ activæ. p. 267.

IN II. NOCT.

Ex verbis S. Bonaventuræ Ep. in
Meditatione Vitæ Christi. c. 12.

LECTIO 4.

Cum Ægyptum Sancti Sponsi intra-
verunt omnia idola ipsius Provin-
ciæ corruerunt, sicut per Isaiam
fuit prophetatum. Iverunt ergo ad
quandam civitatem, quæ vocatur
Heliopolis, et ibidem aliquam do-
munculam conducentes, habitave-
runt ibidem per septem annos
tanquam perigrini et adveni, pau-
peres et egeni. Tu. ꝯ.

LECTIO 5.

Advertas benè quæ sequuntur.
Undè enim et quomodo vivebant
isti tanto tempore? Nunquid men-
dicabant? Legitur autem de Do-

minâ, quòd colo et acu queræbat
sibi et Filio necessaria. Suebat
ergo et filabat mundi Domina, pau-
pertatis amatrix. Multum per om-
nem modum isti paupertatem di-
lexerunt, et ei perfectè usque ad
mortem servaverunt fidem. Tn. ꝯ.

LECTIO 6.

Conspice ergo Dominam in labo-
ribus suis suendo, filando, et te-
xendo, quomodo facit ea fidelitèr,
hilaritèr, humilitèr, et sollicitè.
Nihilominus diligentissimam curam
super Filio suo, et super guber-
natione domûs, necnon vigiliis et
orationibus juxta posse est semper
intenta. Tu ergo toto affectu ei
compatere, et considera quòd non
habuit omninò gratis regnum Do-
mina regni. Tu. ꝯ.

IN III. NOCT.

Lectio sancti Evangelii secundum
Matthæum.

LECTIO 7. c. 2. 13.

In illo tempore: Ecce Angelus Do-
mini apparuit in somnis JOSEPH,
dicens: Surge et accipe Puerum
et Matrem ejus, et fuge in Ægyp-
tum, et esto ibi usque dum dicam
tibi. Et reliqua.

Homilia S. Bernardi Abbatis.

*Serm. 2. Super Salv. Reg. inter
ejus oper.*

De hoc exilio, ò Sancta Sancto-
rum, ad te clamamus exules Filii
Evæ, ut interventu tuo, ducatu tuo,
adjutorio tuo possimus ad cubicu-
lum veritatis repatriare. Scimus
procul dubio, quia nihil ampliùs
habet homo de universo labore
suo, quo laborat sub sole, nisi va-
nitatem: et tamèn puræ consuetu-
dinis nexibus irretiti, per nos redire
non possumus in veritatis liberta-
tem. *Lect. 8.* In hoc exilio omne
penè genus hominum ab initio usque
ad adventum Reginæ cælorum pe-

reginari delectabatur, et veritatis patriæ suspiriis nullis seu desiderio recordabatur. Ipsa prima viam aperuit ad patriam, et veritatem quæ vera patria est, mundo generans, dedit omnibus manifestam. Tu. ʒ.

LECTIO 8. (Lect. 9).

Et nos adhuc filii Evæ transgressores, filii inobedientiæ, filii Matris antiquæ ad te clamamus Regina misericordiæ. Revertere visitans in nobis naturam tuam: revertere ostendendo eam, quam in Christicolas habes charitatem tuam: revertere per singularem in nos à Deo datam potestatem tuam: revertere per eam, quæ tibi specialiter infusa est in plenitudine gratiæ prærogativam tuam, ut intueamur te. Tu. ʒ.

LECTIO 9.

Commemoratio B. V. Alcalensis;
de Spino.

Gumpenb. 818.

Alcalæ de Silvâ comitum de Fontibus villæ in Hispaniâ, pastores Deiparæ Statuam invenerunt Spino arbori insidentem. Illi sanctam Statuam tangere non ausi, unum è suis Alcalam miserunt, qui repertum thesaurum nuntiaret Parrocho, orantibus intereâ cæteris Deiparam. Parrochus, coactis in supplicantium ordinem incolis, ad locum venit, et sanctam Statuam ad ædem parochialem, deducente populo, deportavit. Ad verò cum alterâ die sacra Imago ad silvam rediisset, quàm primùm Sacellum illo in loco collectis operibus extruxerunt, quod Virgini placuisse miracula declarant. Tu. Te Matrem.

CANON.

Ex D. Thomâ Arch. Valentino.
In Assump. B. V. Conc. 5.

475. Ecce à principio per desertum fugit cum Filio, septem annis in

terrâ alienâ exulat: paupertate premitur, et sine cognatis: non est qui succurrat: inter idolatras populos sola cum Filio et JOSEPHO, alienigena commoratur. Quanta sustinuit ibi, quanta passa est! Tu.

Vesperæ à cap. de seq.

DIE XXVI. FEBR.

B. V. MEXIC. DE GUADALUPE.

Duplex.

Oratio.

Deus, qui sub Beatissimæ Virginis MARIE singulari patrocinio constitutos perpetuis beneficiis non cumulari voluisti; præsta supplicibus tuis, ut cujus hodiè commemoratione lælamur in terris, ejus conspectu perfruamur in cælis. Per Dominum.

Lect. 1. Noct. Fer. occur.

IN II. NOCT.

Sermo S. Bernardi Abbatis.

Super signum magn.

LECTIO 4.

In capite, inquit, ejus corona stellarum duodecim. Dignum planè stellis coronari caput, quod et ipsis longè clariùs micans, ornet eas, potiusquàm ornetur ab eis. Quidni coronent sydera, quam Sol vestit? Sicut dies verni circumdabant eam flores rosarum et lilia convallium. Quis illas æstimet gemmas, quibus MARIE regium diadema compactum est? Supra hominem est coronæ hujus rationem exponere, indicare compositionem. Tu. ʒ.

LECTIO 9.

Ex Officio proprio.

In eâ ferè specie anno millesimo quingentesimo trigesimo primo, mirabiliter picta Deiparæ Imago Mexici apparuisse fertur, quæ inibi loci prope urbem, ubi pio Neophyto ædem sibi sacram prodigio dicitur designasse, ingenti colitur po-

pulorum ac miraculorum frequentia. Tu. ʒ.

LECTIO 5.

Quam præterea utipræsentissimum adversus publicas, privatasque calamitates præsidium Archiepiscopus Mexicanus, ut reliqui etiam illarum partium Antislites, omnium ordinum consensione in primariam elegit Novæ Hispaniæ Patronam, ritèque cleclam Benedictus decimus quartus antoritate Apostolicâ declaravit, atque Officium proprium, et Missam sub titulo Beatæ Virginis MARIE Guadalupensis recitari concessit. Tu. ʒ.

IN III. NOCT.

Lectio S. Evang. secundum Lucam.

LECTIO 7. c. 2. 34.

In illo tempore: Dixit Simeon ad MARIAM Matrem JESU: Ecce positus est hic in ruinam et in resurrectionem multorum in Israel. Et reliq.

Homilia S. Thimotæi Presbyt. Jerosolymitani.

Orat. de Prophet. Simeon.

Vide ubi impleatur dictum Simeonis ad Virginem. Quinimò tuam ipsius quoque animam penetrabit gladius nempè doloris, nempè requisitionis, dum requirebat etiam eum, qui venerat quæsitum id quod perierat. Elsi enim Virgo, erat Mater, attamen in utero gestaverat, mammam præbuerat, cum sollicitudine educaverat, et ita affecta fuerat, ut mater erga filium suum affecta esse solet. Itaque cum putaret se amisissæ illum dies treis, cum cordis dolore quærebat eum. Tu. ʒ.

LECTIO 8.

Hanc igitur afflictionem, hunc dolorem, tanquam gladio animæ anticipem, Simeon rem futuram cernens præsignificat, dicens ad Virginem, quin tuam quoque ipsius animam pertransibit gladius. Non dixit: vincet gladius, sed transibit

gladius: hoc est parumpè dolebis, et affligeris, ac statim dolore et afflictione liberaberis. (Lect. 9.) Dolorem autem cepisse Virginem supra quam dici potest inculpatam. omnibusque modis Sanctam, quum putaret se amisisse eum, qui ad salutem pereuntium venerat, audiebas modo Evangelistam dicentem: Et accidit post dies treis.... Vide quantum dolorem et afflictionem Virgo triduum pertulerit. Tu. ʒ.

LECTIO 9.

Commemoratio B. V. Orcivallensis.

Ex Pugeto Histor. Imag. Deip.

In oppido Orcivallis, quatuor à Claromonte leucis in Auverniâ Templum est jam ab antiquo Deiparæ Sacrum, quod structum creditur à quibusdam Eremitis eam vallem degentibus, qui postea cœnobium templo, jam ad elegantiorum formam redacto, adjunxere. Decimo tertio sæculo autem loco cœnobii institutum fuit Canonico-rum Capitulum, usque ad finem sæculi decimioctavi, quod templum omninè vastatum, ac ferè dirutum fuit. Miraculosa Divæ Virginis effigies à ruinâ libera evasit, quæpost tempestatem iterum suo in templo locata fuit. Prodigiiis clara impensè colitur peregrinorum frequentia et fidelium devotione. Lignea est et post tot sæcula incorrupta perseverat. Tu. Te Matrem.

Ad Bened. ant. Non fecit taliter, omni nationi: et judicia sua non manifestavit eis.

CANON.

Ex Decreto S. Rituum Congregationis.

9. Jul. 1757. Hispaniar.

476. Benedictus Decimus quartus Officium proprium et Missam in honorem Beatæ MARIE Vir-

ginis de Guadalupe pro regno Mexicano approbatum, recitandum et respectivè celebrandam in reliquiis regnis et dominiis Hispaniarum Regis sub ritu duplici majori, pro die ab Ordinario designandâ, exceptâ Dominicâ, benignè concessit. Tu. 8.

Cum 2. Vesperis.

DIE XXVII. FEBR.

D. V. DERCHEENSIS.

Semiduplex.

AD MATUTIN.

HYMNUS 215. *Rith. Antiq.*

Jucundum cœlorum Reginæ
Albiæ sit eloquium:
Quæ nostræ miserata ruinæ
JESUM placavit Filium.

Hæc Angelo percutienti
Diræ pestis afflamine,
Clamat voce compatiēti:
Sufficit, manum contine.

Aufugit mors ex illâ die
Et cessavit quasatio:

Et vitæ Parentis MARIE
Nunquàm cesset laudatio.

Volivâ te voce rogamus,
Alma spes Albiensium,
Ut coram Deo placeamus
In lumine viventium. Amen.

Lect. 1. Noct. de ferid.

IN II. NOCT.

LECTIO 4.

Gumpenb. Imag. 556.

In diocesi Albiensi, in Galliâ, unâ leucâ ab Urbe Albiâ colitur Beata Virgo in Sacello quopiam supra collis verticem ædificato, quod Derche, seu Dreche vulgare nomen habet. Antiquus est is cultus, et constans traditio, Effigiem, quæ ibi colitur à Pastoribus inventam fuisse, et à vertice illius collis in subjectam planitiem delatam ad Ecclesiam parochialem, cujus adhuc hodiè supersunt vestigia. Zelo tamen fidelium in colle fuit ædicula

extructa, in quam, cum esset finita, sine hominum manibus fuit delata. Undè pietas et accursus major, quamquàm ipse reditus ad locum inventionis causam cedit struendi Sacelli. Tu.

Lect. 5. et 6. de comm. in II. Noct.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua.

Homilia D. Cæsarii Nazianceni.

Dialog. 1. resp. ad 38. Interrogat.

Quum plurimæ et innumerabiles essent mulieres, adhuc incorruptæ, solam tamen ex omnibus elegit «Deus» MARIAM, in ipsâ ineffabiliter uniens sibi, et copulans naturam nostram, quemadmodum divinus ille Vates inquit: Elegit nobis hæreditatem sibi, pulchritudinem Jacobi, quam dilexit, MARIAM perpetuo manentem Virginem significans, quæ nunquàm ad generandum progressa fuerat, aut sætum in utero materno conceperat. Tu.

LECTIO 8.

Amplexus autem per eam, quæ ex ipsâ erat incarnationem sermonis è supernis acclamabat: Ecce filius meus dilectus, quo delector. (*Lect. 9.*) Quibus in verbis intelligit unicum illum ex se et ex perpetuâ Virgine natum nobis Filium Dei, sibi et nobis consubstantialem: ipsi quidem divinitate, nobis verò ratione carnis assumptæ. Tu. 8.

LECTIO 9.

Commemoratio B. V. à Charitate.

Spineli in Deip. p. 687.

Romæ, Sanctæ MARIE à Charitate ad Campum Martium, templum

cum adjunctâ domo piorum eleemosinis extruendum curavit Joannes Leornadus à Sancto Severino, Diœcesis Salernitanæ, qui, quod literarum studiis aliquandò operam dedisset, Literatus est dictus. Is magno puerorum bono hanc sibi curam propter Christum suscipiendam duxit, ut è quâlibet Natione pueros, qui veluti errone humanâ ope destituti per compita vagabantur, conquisitis eleemosinis in hac domo charitatis sub Beatæ Virginis præsidio educaret: et postea adultos, quo vitam honestè sustentare possent, alicui opificio perdiscendo addiceret. Tu. Te Matrem.

Cum 2. Vesper.

DIE XXVIII. FEBR.

IN SOMNUM B. M. V.

Duplex.

Lectio. 1. Noct. de feriâ.

IN II. NOCT.

Sermo Sancti Bernardini Senensis.

Tom. 2. Serm. 51. art. 1.

LECTIO 4.

Somnus, qui abyssat et sepelit in nobis rationis et liberi arbitrii actus, et per consequens actum merendi, non credo, quòd talia in Virgine fuerit operatus, sed anima ejus liberè, ac meritorio actu tunc tendebat in Deum. Undè eo tempore erat perfectior contemplatrix, quàm unquàm fuerit aliquis dum vigilavit. Undè ipsa: Ergo dormio, et cor meum vigilat, in contemplatione videlicet perfectâ à nullâ actione debilitatâ. Tu. ¶.

LECTIO 5.

Ex verbis B. Dionysii Carthusiani.

H *Capit. 18. in cantica ap. Chrisog.*
Hoc præclarissima Sponsa Verbi æterni sanctissima Virgo, præeminentèr dicere potuit, quia contem-

platissimam vitam duxit, et ab exteriori tumultu omni inordinato strepitu et curâ superflua, atque inquietudine culpæ penitus abstinens et sopita, vigilantissimâ mente Deo vacavit, pro Ecclesiâ exoravit, actibusque virtutum in termino excellentiæ perfectissimis jugiter fuit intenta. Tu. ¶.

LECTIO 6.

Deniquè in sommo corporali cor ejus pervigil fuit: et ex assiduâ assuefactione perfecta insistenti Divinis ex ardentissimâ et exercitissimâ charitale, ex splendidissimâ et exuberantissimâ sapientiâ sibi infusâ, et contemplatione in vigiliis penè aut prorsus penè, aut prorsus continuè etiâ tempore somni vigili corde fuit Deo conjuncta et pro commissâ sibi Ecclesiâ vigilare non cessavit. Tu. ¶.

Homil. de comm. pro Duplicib.

LECTIO 9.

Commemoratio B. V. Panormitanæ à Miraculis.

De effigieb. siculis.

Anno salutis millesimo quingentesimo quadragesimo tertio, sexto idus Maji, Imago Deiparæ, quæ Panormi in pariete ad plateam maritimam depicta erat, multis et singularibus prodigiis initium fecit. Egenus ob gravem herniam, quâ viscera è corpore promanabant, se ope Virginis repentè sanatum per vias incedens exclamabat. Eâ statim divulgatâ famâ quamplurimi undiquè accurrere ad imaginem venerandam, atque à Virgine multiplicatis signis, templum quod hodiè extat, erectum fuit, et ob miraculorum copiam Sanctissima Virgo à miraculis Effigies illa nomen accepit. Tu. Te Matrem Dei.

Cum II. Vesp.

FESTA MARTII.

DIE I. MART.

B. MARIE V. DE CUBIS.

Simplex.

LECTIO 4.

*Balingh. Kalend. marian. sub
hâc die.*

Anno millesimo quadringentesimo quadragesimo nono, sub hâc die et octo sequentibus apparuit Deipara cuidam puellæ porcos pascenti in quodam loco proximo villæ dictæ Cubas, quinque miliaribus dissito à Matrilo in Hispaniâ: quarum apparitionum festivitas annuè magno hominum concursu ibi celebratur. Tu. ʒ.

LECTIO 2.

Erat autem ista puella Ives dicta, admodum amans beatæ Virginis, cui Virgo præcepit, significaret populo loci, ubi ipsamet crucem fixerat, extrueretur templum in ejus honorem. Quod summâ diligentia intra annum perfectum est, in quo et innumera miracula ad Deiparæ preces facta sunt. Templo additum est monasterium Religiosorum Ordinis tertii Sancti Francisci, quod ingressa est Beata Joanna à Cruce in quo et floruit virtutibus et sanctitate. Tu.

LECTIO 3.

Commem. B. V. Taracensis à Castro.
Ex Pugeto in Historiis Deip.

In Urbe Tarasci in Provinciâ devotissimè colitur Imago miraculosa Beatæ Virginis, quæ decimo quinto sæculo à Brianzone traditur allata, vel à quodam Huberto eremita, ac prius in sacello, quod erat ante castrum, à quo nomen accepit, collocata, postea in aliud elegantius ipsi structum in alpinarum monte duobus fermè ab urbe leucis fuit

deducta. Quotannis solemnissimâ pompâ Tarascum deferitur, ubi et quadraginta diebus summo cordium fervore, maximâque devotorum frequentia honoratur: quibus transactis iterum ad sacellum alpinarum transportatur. Sanctissima Effigies lignea est, puerum brachio sustinet, pretiosissimis induta vestibus à pietate fidelium. Tu. Te Marrem.

Vesper. de sequenti.

DIE II. MART.

VITÆ INTERIORIS B. M. V.

Duplex majus.

IN I. VESPER.

ʒ. Elegit eam Deus. ʒ. In habitaculum sibi.

Ad Magnif. ant. Elevavit me spiritus et introduxit me in atrium interius, et ecce repleta erat gloria Domini Domus.

Oratio.

Deus qui Beatam MARIAM semper Virginem spiritualibus gratiæ donis cumulando, eam imagini Filii tui mirabiliter conformem effecisti: concede, ut fidei virtutum ipsius imitatione, Christum in nobis exprimere valeamus. Qui tecum.

AD MATUTIN.

Invitat. Exultavit Spiritus meus

* In Deo salutari meo.

Lect. 1. Noct. de Comm. Vitæ. contempl.

IN II. NOCT.

Ex libro S. Ambrosii Ep. de Virginibus: *Libr. 2.*

LECTIO 4.

Sit vobis tanquam in imagine descripta Virginitas, vilæque Beatæ MARIE de quâ velut in speculo refulget species castitatis et forma virtutis. Hinc sumatis licet exempla vivendi, ubi tanquam in exem-

plari magisteria expressa probitatis, quid corrigere, quid effugere, quid tenere debeatis, ostendunt. Primus discendi ardor nobilitas est magistri? Quid nobilius Matre Dei? Quid splendidius eâ, quam splendor elegit? Quid castius eâ, quæ corpus sine corporis corruptione generavit? Tu. *¶*

LECTIO 5.

Nam de cæteris ejus virtutibus quid loquar? Virgo erat non solum corpore, sed etiam mente, quæ nullo doli ambitu sincerum adulteraret affectum. Corde humilis, verbis gravis, animo prudens, loquendi parcior, legendi studiosior. non in incerto divitiarum, sed in prece pauperis spem reponens: intentia operi, verecunda sermoni, arbitrum mentis solita, non hominem, sed Deum querere: nullum lædere, bene velle omnibus, assurgere majoribus natu, æqualibus non invidere, fugere jactantiam, rationem sequi, amare virtutem. Tu. *¶*

LECTIO 6.

Quandò ista vel vultu læsit parientes? quandò disensit à propinquis? quandò fastidivit humilem? quandò dirisit debilem? Quandò vitavit inopem? Eos solos solita cœtus virorum invisere, quos misericordia non erubesceret, neque præteritet verecundia. Nihil torvum in oculis, nihil in verbis procax, nihil in actu inverecundum. Non gestus fractior, non incessus solutior, non vox petulantior, ut ipsa corporis species simulacrum fuerit mentis, figura probitatis. Tu. *¶*

IN III. NOCT.

Lectio Sancti Evangelii secundum Lucam.

LECTIO 7. c. 2. 51.

In illo tempore: Descendit JESUS cum Parentibus ejus, et venit

Nazareth, erat et subditus illis. Et reliqua.

Homilia S. Anselmi Episcopi.

Homil IX. in Luc. c. 10.

Quam magna multitudo dulcedinis Dei fuit in beatâ Virgine, quandò Spiritus Sanctus super eam venit, et virtus Altissimi obumbravit ei, et de eodem Spiritu Sancto concepit? Quid de Deo non sapiebat, in quâ sapientia Dei latebat, et in cujus utero corpus sibi aptabat? *Lect. 8.* Christus est, ait Apostolus, Dei virtus, et Dei sapientia, et in eo omnes thesauri sapientiæ et scientiæ absconditi: Christus autem in MARIA. Ergò Dei virtus, et Dei sapientia, et omnes thesauri sapientiæ et scientiæ Dei in MARIA. Tu. *¶*

LECTIO 8. (*Lect. 9.*)

Hæc conservabat omnia verba Angelorum Pastorum, Magorum, nec non ipsius Filii sui, conferens in corde suo. Nemo unquam sicut ipsa gustavit, quam suavis est Dominus. Inebriabatur ab ubertate domus Dei, et torrente voluptatis ejus potabatur. Nec mirum, quoniam apud eam, imò intra eam erat fons vitæ, de quo manabat cuncta perfectio utriusque vitæ. Tu.

LECTIO 9.

Commemoratio B. V. Foroliviensis.

Spineli p. 693.

Forolivii in Æmiliâ, apud Collegii Societatis JESU templum, super aram maximam asservatur celebre in eâ regione Deiparæ filium in gremio soventis simulacrum è ligno, cubitali ferè magnitudine, in cujus tergo aliquantulum excavato, non exigua pars vestis ejusdem Deiparæ inclusa reconditur. Ea Imago olim Brunsvichii in Germaniâ vultus fuit nobilitata miraculis, ubi in Silvâ à nobili quodam Equite fe-

ras agitante in trunco arboris per-
 vetusto reperta fuit, et in templo
 ubidem cum opulento virginum cœ-
 nobio exædificato reposita. Verum
 utheranâ grassante hæresi, cum
 non eo quo par erat honore habe-
 retur, Forilivium auctoritate Erici
 Ducis Brunsviensis translata, mag-
 nâ confluentium veneratione coli-
 tur, ubi etiâ pluribus coruscat mi-
 raculis. Tu. Te Matrem.

CANON.

Ex D. Bonaventurâ Ep.

Spec. B. V. Lect. 14.

477. Pulchritudo vitæ et mo-
 rum MARIE tanta fuit, ut meritò
 in Canticis de ipsâ dici possit: Tota
 pulchra es, Amica mea. Pulchra
 utique in vitâ, pulchra in morum
 disciplinâ, et tota pulchra: tota,
 certè tota. Tu.

Cum 2. Vesper.

DIE III. MART.

B. M. V. DE OLIVARIO.

Simplex.

LECTIO 1.

Lanuzæ. Histor. Arag. l. 2. c. 33.
 In pago Esterquelio non longè à
 Montalbano in Aragoniâ, Templum
 es Divæ Virgini sub titulo de Oli-
 vario ab Ægidio de Astrosillo Baro-
 ne Esterquelii decimo sexto sæculo
 excitatum. Hujus autem templi hæc
 fuit origo: quidam Petrus Nobes,
 vir pius, cui gregum Ægidii cura
 erat, de nocte super agmina vigi-
 lans, splendidam lucem, olivarum
 sui Domini agrum illuminantem,
 et in medio lucis super olivæ ar-
 borem Deiparam sedentem conspe-
 xit, à quâ et mandatum accepit, ut
 Esterquelianis apparitionem nuntia-
 ret: nec manum à facie (hoc enim
 erat signum ipsi præstitum) move-
 re potuit, donec ejus verbis popu-
 lus credidit. Tu.

¶. Ægidius sacræ fundavit tem-
 pla MARIE, * Nox ubi victa fuit,
 semper habendo diem. †. Cœlesti
 dono, quo micat aula Dei.—Nox.

LECTIO 2.

Vulgatâ igitur prodigii famâ sup-
 plicatio ordinatur, et beatæ Virgi-
 nis Imago in Esterquelii Ecclesiam
 trasferitur, et iterum nocte ad oli-
 vam ipsa revertitur. Quarè Ægi-
 dius in apparitionis loco Sacellum
 erigi curavit, notâ Virginis volun-
 tate: et Jacobus Aragoniæ Rex no-
 vum templum formâ valdè mag-
 nificum, et juxta templum cœno-
 bium pro patribus de Mercede ædi-
 ficavit. Ara major est ante arbo-
 rem, in quâ Diva Virgo apparuit,
 et Sanctissima ejus Imago inter
 duos olivæ ramos in eodem altari
 reposita. Miracula ibi plurima fiunt,
 ingensque est ibi devotio. Tu.

¶. Petrus Nobesius vigilans super
 agmina Pastor, * Tâmpre quam
 voto dat placitura Deo... †. Mune-
 ribus sacris dotasti altaria Christi.
 —Tam.—Gloria.—Tam.

LECTIO 3.

Comm. B. V. Venetianæ à Sanitate.

Ex Pougeto in Histor. Imag. Deip.
 Venetiis celebris est Imago Beatæ
 Virginis, cui nomen de Sanitate:
 sanè antiquissima est, nam à Crete-
 tensi Insulâ, ubi in Ecclesiâ Sancti
 Titi ab antiquò colebatur, delata
 fuit Venetiam, Insulam vastantibus
 Turcis. Anno verò millesimo sex-
 centesimo trigesimo primo in Tem-
 plo ipsi à fundamentis à Senatu po-
 puloque Venetiano erecto in gra-
 liarum actionem ob liberatam à
 peste urbem per Virginem locata
 fuit, à Sanitate nomine accepto, ubi
 et hodiè clara miraculis magnâ devo-
 tione frequentatur. Tu. Te Matrem.

Vesperæ sequentis.

DIE IV. MART.

PRUDENTIÆ B. M. V.

Duplex.

In utrisque Vesper. Ad Magnific.
ant. Virgo prudentissima! quò progredieris, quasi aurora valdè rutilans? Filia Sion, tota formosa et suavis es, pulchra ut luna, electa ut sol.

Oratio.

Dirige, quæsumus Domine, omnes actus nostros in beneplacito tuo, ut qui Prudentiam sanctissimæ Genitricis tuæ devotè recolimus, in omnibus ipsam imitari valeamus. Qui vivis et regnas.

AD MATUTIN.

Lectio. de Scriptura Fili mi. ut in
Ferius IV. Infantie p. 66.

IN H. NOCT.

Sermo S. Antonini Arch. Florentini.
De B. V. c. 17. §. 4.

LECTIO 4.

De prudentiâ Beatæ Mariæ canit Ecclesia: Quo progredieris, Virgo prudentissima? Prudentèr conservabat omnia verba hæc, quæ de Filio dicebantur parvulo, in corde suo, scilicet cum his, quæ scripta erant de eo, ut dicit Beda. Prudentèr occultabat diabolo suam virginitatem. Prudentèr evasit persecutionem Herodis fugiens in Ægyptum cum eo. Tu. ♀.

LECTIO 5.

Qui moderatur labia sua prudentissimus est, inquit Salomon in Proverbiis. Nulla autem pura creatura ita moderata est, nam pauca reperitur locuta, et valdè rationabilia et utilia. Cum angelo breviter, interrogando de modo ejus quod sibi nuntiavit. Et hoc intellecto, voluntati ejus se totam subdendo. Ecce, inquit, ancilla Domini: fiat mihi secundum verbum tuum. Tu. ♀.

LECTIO 6.

Cum Filio autem pro defectu vini postulando, cum ait: vinum non habent, et ad ministros ad obedientiam ejus exhortando, cum ait: Quodcumque vobis dixerit, facite. Et iterum Filio invento in templo ait: Fili, quid fecisti nobis sic? Pater tuus et ego dolentes, quærebamus te. Diffusè autem cum Deo locuta est, quandò canticum Deo gratias agendo edidit. Tu. ♀.

IN III. NOCT.

Lectio S. Evang. secundum Lucam.

LECTIO 7. c. 2. 28.

In illo tempore: Ingressus angelus ad MARIAM dixit: Ave gratiâ plena, Dominus tecum. Et reliqua.

Homilia S. Thomæ Arch. Valentini.

Conc. in 1. in Ann. B. V. M.

Cogitabat, inquit, qualis esset ista salutatio. Cogitabat, inquam, ut prudentissima, ut disertissima, ut sapientissima, ne fortè aliquo diludiretur præstigio, eloquium animæ subtili mentis examine ponderabat, ne aut faciliè crederet, et illuderetur, aut cunctantiùs hæreret, et culparetur. Non faciliè credit MARIA angelo loquenti, quia levitèr credidit Mater Eva serpenti. Tu. ♀.

Benedict. Cujus Prudentiam.

LECTIO 8.

O bone Deus, feminae femina quid præstat? Poterat namque Evam intentæ fraudis colubri commonere figura, si mens non læva fuisset. Quid enim à serpente spectare poterat, nisi virus? Non agni aut ovium speciem diabolus assumere permisus est, non vultu angeli splendore corusco, ne esset potestas in fraude, excusatio in credulitate. Compellentem sibi figuram assumpserat zabelus, et quæ intus latentis nequitiae, exteriùs præberet indicia.

Sed dum citò credidit femina levis, neque virulenta colubri verba discrevit, seipsam universamque generis sui posteritatem celerius prodidit. Tu. *¶*.

LECTIO 9.

Nequè enim difficile esset deprehendere fraudem, si profanum ejus attendisset sermonem. Cur, inquit, præcepit vobis Deus: imò cur non præcipiat, Deus ò miser, qui omnium est Dominus. Cur, ò maledicte, non se Dominum monstret Deus omnium quæ condidit verbo? Quid insolentiùs? Quid prociùs, quàm ab omnium conditore Domino dati præcepti rationem perquirere? Jussionis injunctæ causam expetere? Non tale quidquam angelus sonuerat Virgini, sed gratiam præfatus, Dominum adesse dicebat. Tamen Virgo prudentissima, tam decoro aspectui, tam pio affatui non facilè præbet assensum. Sed cogitabat, inquit, qualis esset ista salutatio. Tu. Te Matrem.

Ad Benedict. ant. Prudentiæ meæ inclinate aurem vestram, ut multiplicentur vobis anni vitæ.

†. ¶. br. Virgo prudentissima.

CANON.

Ex D. Thoma Arch. Valentino.
In festo Natal. Dom. Conc. 1. n. 2.

478. «MARIA» Virgo tenera et gravida, Virgo publici nescia, domi assueta, Virgo super omnes feminas Prudentissima.

Cum 2. Vesper.

DIE VI. MART.

REVERSION. B. M. V. DE ÆGYPTO.

Duplex majus.

IN I. VESPERIS.

CAPITULUM *Matth. 2. 20.*

Surge, et accipe Puerum, et Matrem ejus, et vade in terram Israel,

defuncti sunt enim qui quærebant animam pueri. *Hymn. et de Comm.*

Ad Magnif. ant. Adimpletum est, quod dictum fuit à Domino per prophetam: ex Ægypto vocavi Filium meum.

Oratio.

Omnipotens sempiterne Deus, qui familiam tuam ex Ægypto vocasti, et in terram Israel incolumem reduxisti: concede propitius, ut qui super hanc terram peregrini non habentes manentem civitatem, futuram inquirimus, cum JESU, MARIA et JOSEPH ad cœlestem patriam pervenire valeamus. Per eundem Dominum.

AD MATUTIN.

Invitator. Christum redeuntem de Ægypto. * Venite, adoremus.

HYMNUS 215. *Sec. ab Hoz.*

Angelus at denuò cœlesti
Missus ab aulâ,
Nuntius et celer
Herodis obitûs atri.

Dixit ut exires Ægypto
Protinus almâ
Prole, et è conspectu
Raptus in alta fuit.

Fidelis et Domino parere
Ancilla parata,
Quod tristis pridem iter,
Nunc modò læta facis.

Vix veneras victrix Averni,
Virgo MARIA,
Nazareth, lætitiæ fertur
Ad astra sonus.

Gloria summa Patri,
Sit par tibi gloria Nate:
Gloria sit compar,
Spiritus alme, tibi. Amen.

IN I. NOCT.

De Osæâ Prophetâ.

LECTIO 1. c. 11. 1.

Sicut manè transiit, pertransiit Rex Israel. Quia puer Israel, et dilexi eum: et ex Ægypto vocavi filium

meum. Vocaverunt eos, sic abierunt à facie eorum: Baalim immolabant, et simulacris sacrificabant. Tu.

¶ Adimpletum est, quod dictum est à Domino per Prophetam dicentem: * Ex Ægypto vocavi Filium meum. † Surge JOSEPH, accipe Puerum et Matrem ejus, et vade in terram Israel.—Ex Ægypto.

LECTIO 2.

Et ego quasi nutritius Ephraim portabam eos in brachiis meis: et nescierunt, quòd curarem eos. In funiculis Adam traham eos, in vinculis charitatis: et ero eis quasi exaltans jugum super maxillas eorum: et declinavi ad eos, ut vesceretur. Tu.

¶ Surge et accipe Puerum et Matrem ejus, * Et vade in terram Israel. † Defuncti sunt enim, qui quærebant animam Pueri.—Et.

LECTIO 3.

Non revertetur in terram Ægypti, et Assur ipse Rex ejus: quoniam noluerunt converti. Cœpit gladius in civitatibus ejus, et consummet electos ejus, et comedet capita eorum. Et populus meus pendebit ad reditum meum: jugum autem imponetur eis simul, quod non auferetur. Tu.

¶ Consurgens JOSEPH, accepit Puerum et Matrem ejus, * Et venit in terram Israel. † Obedivit statim voci angeli.—Et.—Gloria.—Et venit.

IN II. NOCT.

Sermo S. Simeonis Metaphrastres. *Vel alius auctor. Serm. de B. V.*

LECTIO 4.

Postquàm autem excessit Herodes ex humanis, Angelus in somnis JOSEPHO apparet in Ægypto, et jubet Infantem accipere, et proficisci in terram Israel. Quàm multæ, ò Christi Mater, fuerunt tibi

casuum inæqualitates? Quàm multæ rerum mutationes? Ecce enim rursus quidem fuisti soluta ab exilio, et ad propriam reverteris regionem, et eum, qui tibi malefacere aggressus fuerat, Ipsa potius vidisti malè periisse. Tu. ¶.

LECTIO 5.

Cum domum autem venisses, rursus invenis malorum successionem, et vides filium tyranni, qui fuit tui Filii (proh dolor) insidiator, pro eo regnantem. Sed rogaverit quispiam ex studiosis: quomodo Archæus Judææ imperabat, Pontio Pilato tunc Præsidente? Nunquid nuper decessisset Herodes, et nondum in multa regnum esset divisum, illius Filius interea habebat imperium? Tu. ¶.

LECTIO 6.

Non est autem Evangelistæ supervacanea Patris quoque adjectio. Pro Herode, inquit, patre ejus: ut scilicet à fratre distingueretur, ut qui ipse quoque Herodes vocaretur similiter. Venit ergò JOSEPH Nazareth, ut qui in somnis responsum accepisset, ita enim divinus ait Matthæus, simul et periculum fugiens, et volens habitare in patriâ. Ut autem magis posset confidere, responsum accepit à Patre. Tu. ¶.

IN III. NOCT.

Lectio S. Evangelii secundum Matthæum.

LECTIO 7. c. 2. 19.

In illo tempore: Defuncto Herode, ecce angelus Domini apparuit in somnis JOSEPH in Ægypto. Et reliqua.

Homilia S. Hieronymi Presbyteri. *Comm. in Matthæum.*

Ex hoc loco intelligetur non solum Herodes, sed et Sacerdotes et Scribas eodem tempore necem Domini

fuisse meditato. Qui consurgens accepit Puerum et Matrem ejus: Non dixit: accepit filium suum et uxorem suam, sed Puerum et Matrem ejus, quasi nutritius, non maritus. Tu. ꝑ.

LECTIO 8.

Audiens autem, quòd Archelaus regnaret in Judæa pro Herode patre suo, timuit illò ire. Multilabuntur errore propter ignorantiam historiæ, putantes eundem esse Herodem, à quo in passione suâ Dominus irridetur, et qui nunc mortuus esse referatur. Ergò Herodes ille, qui cum Pilato postea amicitias fecit, hujus Herodes filius est, frater Archelai. Tu. ꝑ.

LECTIO 9.

Quoniam Nazaræus vocabitur. Si fixum de Scripturis posuisset exemplum, nunquam diceret: Quod dictum est per prophetas; sed simpliciter; quod dictum est per prophetam. Nunc autem pluraliter prophetas vocans, ostendit se non verba de Scripturis sumpsisse, sed sensum. Nazaræus, Sanctus interpretatur. Sanctum autem Dominum futurum omnis Scriptura commemorat. Tu. Te Matrem.

In Laud. et in 2. Vesper. Capit. de 1. Vesper.

Ad Benedict. et ad Magnif. ant. Admonitus JOSEPH in somnis cessit in partes Galilææ, et veniens habitavit in civitate, quæ vocatur Nazareth, eo quòd Archelaus regnaret in Judæa pro Herode patre ejus.

CANON.

Ex S. Joanne Chrisostomo.

Cap. 2. Matth. Homil. 2.

479. Eunte MARIA in Ægyptum, et redeunte, nisi desponsata JOSEPH fuisset, quis ministerium ei tantæ necessitatis impleret? Nam

in primâ quidem facie MARIA Puerum nutriebat, JOSEPH conservabat. Reverà autem Puer et Matrem nutriebat, et JOSEPH tutabatur. Tu.

Cum secund. Vesper.

DIE VII. MART.

D. VIRG. SALEMITANÆ.

Simplex.

LECTIO 1.

Octav. Cajet. de effigieb. Siculis Templum Salemitanæ Virginis quod à Latoniis dicitur à non procul distantibus Latoniis prope oppidum Salem in Sicilia erectum fuit circa annum millesimum quingentesimum. In eo depicta Imago annuntiatæ ab Angelo Virginis in ipso pariete visitur, quæ tertio idus Maji, anno millesimo quingentesimo sexagesimo quarto magnum edidit prodigium. Cum enim paupercula peperisset, nec lac in uberibus esset ad infantulum enutriendum, omni ope destituta, puero jam ob inopiam in ulnis afflante animam, ad Desparam confugere statuit, ac sepius templum Virginis Annuntiatæ invisere. Tu. ꝑ.

LECTIO 2.

Eo igitur itinere suscepto, invisâque jam semel Virgine, ab ipsâ enixè lactis gratiam expetiit: obtestata etiâ est per ea ubera, quæ omnium Conditori cibum præbuere. Non passa irritas fundi preces hujusmodi alma Mater: nam per quem illi pauperi mulieri astitit, quæ sicca ubera pressabat manu, et lac exillis in vasculum defluebat. Esperrecta ad id mulier, lacte manantia sensit ubera, in ipso lecto. Festum diem divæ Virginis celebrant oppidani Octavo Kalendas Aprilis. Tu. ꝑ.

LECTIO 3.

Commemoratio B. V. Guimaravien-
sis de Olivâ.

Gumpenb. 976.

Joannes Primus Rex Lusitaniæ ad honorem Deiparæ tria molitus est templa: primum Bataliæ, cui à Victoriâ nomen dedit: alterum Olysi pone, quod de Scalâ vocavit: tertium Guimaravii, cui cognomen tum de Olivâ dedit, quæ fornici proximo innacens in honoribus est. Hoc Rex bis peregrinus visitavit, tantumque argenti Deiparæ dedit, quantum opus erat ad ponius æquandum sui corporis cum cat fractus incederet. Victorias huic Deiparentis Statuæ adscribebat. Tu. Te Matrem.

Vesperæ de sequent.

DIE VIII. MART.

SS. CAPILLORUM B. M. V.

Dupl. majus.

Ad Magnific. ant. Caput tuum sicut Carmelus, et comæ capitis tui sicut purpura regis vineta canalibus.

Oratio.

Dirige, quæsumus, Domine, cogitationes nostras in beneplacito tuo, ut qui sanctissimos Capillos Genitricis tuæ devotè veneramus, mentes nostras continuo in te intentas habere possimus. Qui vivis.

Lectio. 1. Noct. de Communi.

IN II. NOCT.

De Epistolâ Osmundi Ep. Asturicensis ad Idam comitissam Bono niensem.

*Exat inter vetera analecta Mabii-
honis.*

LECTIO 4.

Quoniam, tua summa prudentia investigare, insuper invenire desiderat, qualiter civitas Astorica Reliquias tantas capillorum Sanctæ MARIE Dei Genitricis habuerit, et undè invenerit, sanctæ petitioni tuæ

et investigationi piissimæ satagere, prout in sententiis librorum nostrorum invenimus, sub brevitate de crevimus. Invenimus namquæ, quod persecutione gentilium urgente Jerosolymam, septem Discipuli Torquatus et Iscius cum cæteris quinque Hispaniam navigarent, deferentes eas, et alias quam plurimas usque Toletum pervenerunt. Rex verò Hispaniæ, et omnis populus ejus honorificè susceperunt eas, et in magnâ reverentiâ læti eas, sicut decebat habuerunt. Tu. ¶.

LECTIO 6.

Cumque iterum gens Sarraçenorum Hispaniam perurgeret, Episcopi et omnes viri Religiosi ad nostras alpes, videlicet Asturicenses, quæ ab Astoricâ habent nomen, confugere, et quidquid præcipuum ducebant, asportaverunt, et in civitate nostrâ Astoricâ, atque Oveto omnia reconderunt. Nos verò posteri sic eas habentes, et præcepto nostri Regis, videlicet, Adefonsi, non obviantes, misimus vobis de melioribus et dignioribus magnam partem, obsecrantes, ut sitis memoratrix Astoricensis Ecclesiæ. Valet, Rex verò Adefonsus hanc cartam scriptam circiter annum millesimum, quinquagesimum nonum, vidit, et legit, et quæcumque scripta sunt, propriâ manu confirmavit. Tu. ¶.

LECTIO 6.

Gumpenb. Imag. 893.

Sanctissimi Capilli Beatæ Virginis multis in templis asservantur, et maximo afficiuntur cultu, quos creditum est hactenùs à Sanctâ Veronicâ unâ cum Sancto Sudario Romanam allatos tempore Tyberii. In Sicilia regno in urbe Plasæa, in Bavariâ in monasterio Beatæ Virginis Elatensi: in Hispaniâ Oveti, in Galliâ Trecis et Anniciis, in Belgio, Aquisgrani, Brugis et alibi, in ma-

ximà veneratione sunt. Romæ etià plurimis asservantur Ecclesiis: scribit Onophrius Sanctam Helenam templo Sanctæ Crucis in Jerusalem, quod in urbe Romæ ipsa struxit, inter alias reliquias reposuisse partem Sanctorum Capillorum Beatæ Virginis: et Pancirollus quam plurima nominat templa, quibus eos asservari Romæ, asserit. Tu. ¶.

IN III. NOCT.

Lectio Sancti Evangelii secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus veuter, qui te portavit. Et reliqua.

Homilia B. Alberti Magni Ep.

De laudib. B. V. libr. 5. c. 2.

n. 4.

Benè autem cogitationes Virginis comis comparabiles sunt, et capillis, propter multas proprietates capillorum. Capilli MARIE, id est, cogitationes sunt graciles humilitate, molles benignitate, flexibiles obedientiâ et compassione, exangues sine carnali affectione, insensibiles patientiæ lenitate, subtiles ineffabili Deitatis contemplatione, tenues voluntariâ paupertate, macillenti et abstinentiâ et sobrietate, longi perseveranti finalitate, insonori non remurmurantes in tribulatione, rotundi æternitatis desiderio et amore, jugiter crescentes continuâ melioratione, quandòque se erigentes æternorum inquisitione, cœlestium contemplatione, intentionis rectitudine. Ideò comparantur comæ ejus elatis palmarum. Tu. ¶.

LECTIO 8.

Quandòque se demittentes suipsius discussione, quandòque crispantes, quandoquè super humeros defluentes, id est, deorsum fluentes piâ

compassione, quandò simul constricti studio disciplinæ: sæpius abluti lacrymosâ et devotâ Filii et cœlestium compassione: pexi et discriminati, ordinatissimâ discretione: undè cogitabat qualis esset ista salutatio. Ecce discretio. In capite, id est, Christo capite aureo, radicati fide spe et charitate. Ipsi capiti immediatè adhærentes sincerâ dilectione, quæ amantem unit amato, ab ipso capite inferius dependentes verâ humilitate. Ipsum caput, à quo oriuntur, id est, Christum præcipuè adorantes gloriosâ magnificatione, et calefacientes piâ oratione. MARIA enim est Abisag, quæ pedes, id est, affectus viri David frigescentes calefacit ad amorem nostrum. Quandòque in tricam collecti Trinitatis et unitatis fide. Quandòque mitrâ, vel peplo, vel capilegio coerciti secretorum cordis absconsione. Tu. ¶.

LECTIO 9.

Fulvi, crocei, sive aurei per charitatem, candidi vel quasi argentei per castitatem. Nigri et quasi corvini per poenitentiam et dolorem. Quasi canescentes per sapientiam, maximè quandò post Filii ascensionem contulit cum apostolis de veritate, et totâ serie evangelii. Quasi rutilantes per Fili patientis amarissimam compassionem, et ipsius passionis jugem recordationem: quasi enim tincti: erant cogitationes Virginis in semper recenti memoriâ dominicæ passionis. Hujusmodi capillis, id est, meditationibus, et cogitationibus sanctis ornabatur coram Deo mens ipsius Beatæ Virginis, et erat magna pars illius internæ pulchritudinis, quam Rex regum Christus Dominus concupivit, et dilexit. Item in his capillis caput ipsius, id est, mens ab omni frigore infidelitatis, et ab omni

æstu cujushibet concupiscentiæ protegebatur, et horum gratia ipsi Deo, Trinitati, et sanctis Angelis amabilis habebatur. Tu. Te Matrem.

Cum secundis Vesper.

DIE IX. MART.

PROFECTION. B.V. IN JERUSAL.

Duplex.

Non propria de comm. pro tempore.

AD MATUTIN.

De libro Exodi.

LECTIO 1. c. 23. 14.

Tribus vicibus per singulos annos mihi festa celebrabitis. Solemnitatem Azymorum custodies. Septem diebus comedes Azyma, sicut præcepi tibi tempore mensis novorum, quando egressus es de Ægypto: non apparebis in conspectu meo vacuus. Tu. ꝑ.

LECTIO 2.

Et solemnitatem messis primitivorum operis tui, quæcumque seminaveris in agro. Solemnitatem quoque in exitu anni, quando congregaveris omnes fruges tuas de agro. Tèr in anno apparebit omne masculinum coram Domino Deo tuo. Tu. ꝑ.

LECTIO 3. Dent. 16. 16.

Tribus vicibus per annum apparebit omne masculinum tuum in conspectu Domini Dei tui, in loco, quem elegerit: in solemnitate azymorum, in solemnitate Hebdomadarum, et in solemnitate tabernaculorum. Non apparebit ante Dominum vacuus; sed offeret unusquisque secundum quod habuerit juxta benedictionem Domini Dei sui, quem dederit ei. Tu. ꝑ.

IN II. NOCT.

Sermo S. Ambrosii Episcopi.

De Virginib. libr. 2.

LECTIO 4.

Quamvis Mater Domini Beata Vir-

go, discere tamen præcepta Domini desiderabat, et quæ Deum genuerat, Deum tamen scire cupiebat. Quid quòd annis omnibus ibat in Jerusalem solemnem die Paschæ, et ibat cum JOSEPH? Ubiquè in Virgine comes singularium virtutum est pudor. Tu. ꝑ.

LECTIO 5.

Hic individuus esse debet virginitatis, sine quo non potest esse virginitas. Nec ad templum igitur MARIA sine pudoris sui custode processit. Hæc est Imago Virginitatis. Talis enim fuit MARIA, ut ejus unius vita omnium disciplina sit. Si igitur auctor non displicet, opus probetur, ut quæcumque sibi ejus exoplat præmium, imitetur exemplum. Tu. ꝑ.

LECTIO 6.

Quantæ in una Virgine species virtutum emicunt? Secretum verecundiæ, vexillum fidei, devotionis obsequium, Virgo intra domum, comes ad ministerium, Mater ad templum. O quantis illa Virginibus occurret! Quantis complexa ad Dominum trahet dicens: hæc thorum Fili mei: hæc thalamos nuptiales immaculato servabit pudore! Tu.

IN III. NOCT.

Lectio S. Evæng. secundum Lucam.

LECTIO 7. c. 2. 41.

In illo tempore: Ibant Parentes JESU per omnes annos in Jerusalem in die solemnem Paschæ. Et reliqua.

Homilia D. Eusebii Episcopi.

Lom. 1. post Epiph. Serm. Bibliot. max. P. P. t. 3. p. 1.

Dixit modò in proximo superiori versu Evangelista, quia ibant Parentes ejus per omnes annos in Jerusalem in die solemnem Paschæ. Religiosi parentes per annos singulos ibant in Jerusalem, ut legem audirent, sacrificiis participarent,

solemnitatibus interessent, et ejus adhuc umbræ serviebant, cujus jam tenebant veritatem. Tota enim illa solemnitas Christi passionem et resurrectionem, et cætera, quæ de eo scripta sunt significabat. Tu. ¶.

LECTIO 8.

Erant igitur simul JESU in solemnitate, qui totius erat causa solemnitalis. Permixtus turbis videbatur, ab omnibus in lege et prophetis prædicabatur, in sacrificiis significabatur, et à nemine cognoscebatur, quia duplici velamine tegebatur: indè velamine literæ, hinc carnis pariete: Undè scriptum est. En ipse stat post parietem nostrum, respiciens per fenestras, prospiciens per cancellos. Ipse jugulabatur in agnis, immolabatur in vitulis, et in omnibus sacrificiis offerebatur. Tu. ¶.

LECTIO 9.

Mater quoque ejus multa ibi lege, et prophetis cantari audiebat, quæ de ipsâ dici intelligebat, et in se jam completa sciebat: qualia sunt ecce Virgo concipiet et pariet filium: itemque et egrediatur virga de radice Jesse, et flos de radice ejus ascendet, et multa alia. Meritò igitur per annos singulos veniebant, ubi suas laudes ab omni populo prædicari audiebant. Tu.

Te Matrem.

Ad Bened. ant. Ibant parentes JESU per omnes annos in Jerusalem in die solemnî Paschæ.

Vesperæ à capit. sequentis.

DIE X. MART.

B. V. M. HYMNI ACATHISTI.

Duplex.

Lect. I. Noct. de feriâ.

IN II. NOCT.

LECTIO 4.

Colvener. Kalend. mar. p. 446.
Sabbato quintæ hebdomadis qua-

dragesimæ celebratur Constantino-
poli hoc Beatæ Virginis festum
propter varios ab Heraclio contra
Cosroen pugnante victorias. Probat
hoc festum longè, latèque Greterus
ex rituali Græcorum, in quo post
multa sic legitur. Propter hæc igitur
tam admiranda à castissimâ Dei
Genitrice opera patrata præsentem
diem festum celebramus. Tu. ¶.

LECTIO 5.

Acatbistos verò, quasi carens sessione dictus est: quod totus populus totâ nocte stando hymnum Deiparæ concinuerit: quodque cum in omnibus aliis ædibus ex more sedere liceat, in istis divinæ Matris erecti omnes stantes auscultamus. De eadem festivitate extat in Bibliothecâ Babaricâ Oratio hoc titulo: Oratio recitata die Acathisto. Tu. ¶.

LECTIO 6.

Narratio utilis ex veteri Historiâ collecta, et in memoriam revocans inexpectatum illud miraculum factum, quandò Persæ et Barbari regiam hanc Civitatem obsederunt, qui et perierunt divinam ultionem experti. Civitas verò illæsa permansens, intercessionem Deiparæ, quotannis ex illo tempore hymnum gratiarum agendarum causâ concinit: diem illum Acathistum, quasi sessionis expertem nominamus. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 2. 28.

In illo tempore: Ingressus Angelus ad MARIAM, dixit: Ave gratia plena, Dominus tecum. Et reliqua. Hom. S. Amphilochii Iconiensi Ep.

Orat in S. Deiparam.

Ave gratiosa, Dominus tecum. Ave desiderata nobis lætitia. Ave gloriatio Ecclesiæ. Ave nomen dulce spirans. Ave divinè fulgens, admodumque graliosa facies. Ave perquam venerabile monimentum.

Ave vellus salutare et spirituale. Ave lumen induta Mater splendoris nescientis occassum. Ave intemeratissima Mater sanctitatis. Ave pellucidissima fons vivifici lactis. Tu. *¶*

LECTIO 8.

Ave sis incomprehensionis Mater inexplicabilis. Ave novus ille juxta Isaiam tomus scriptionis novæ, cuius fidi testes angeli, atque homines. Ave alabastrum illud unguenti sanctificationis. Ave sis bona mercatrix denarii virginitatis. Ave seu figmentum, sed quod fictorem habeat circumplecti. Ave sis minima capacitas illum capiens, quem nulla res capiat. Tu. *¶*

LECTIO 9.

Quis porro illius, qui scientiâ est antiquior, generationem enarrabit? Quid admiremur divinumne et ineffabilem partum, an conceptum inexplicabilem? Non potest oratio complecti quæ superant rationem. Non circumscribit animus, quæ sunt supra intellectum. Quanquam enim præsumit scriptor stylo exarare Matrem dispensationis: nullâ tamen ratione modum partûs ediscere potest. Tu. Te Matrem.

Cum 2. Vesperis

DIE XI. MART.

B. M. V. DE VALLE-VENARIA.

Semiduplex.

Lection 1. Noct. de ferid.

IN II. NOCT.

LECTIO 4.

*Gononus in Chronic. Dcip.
ann. 574.*

Circa finem sexti sæculi Beatus Munio, insignis Anachoreta, pœnitentiam agens in montibus distercii divinitus jussus est inquirere imaginem Beatæ Virginis in Valle-veneris, signaque data ad pretiosum illum thesaurum inventiendum

fuerunt fons de pede, seu radice quercûs scaturiens, examen apum et fulgor mirabilis procedens de Imagine, quæ latebat in quercu. Tu. *¶*

LECTIO 5.

Cum Munio revelationem cuidam Dominico socio suo Sacerdoti revelasset, ambo per concava vallium, per montium et scopulorum altitudines inquirere cœperunt. Cumque venissent ad quemdam locum inaccessibilem, ferro aliisque instrumentis fecerunt sibi viam: ingredientibusque Imaginem Beatæ Virginis in concavo quercûs, et signa, sicut Munioni Eremitæ fuerat revelatum, invenerunt. Manserunt ergo ibi angelicam plusquam humanam ducentes vitam. Tu. *¶*

LECTIO 6.

Volens autem Deus thesaurum inventum manifestare mundo, fecit, ut sancti Eremitæ visitarentur à pluribus. Soror etiâ Munionis, quæ dudum cæca erat, audiens, quæ de fratrum sanctitate dicebantur, venit absque læsione aliquâ per semelipsam ad locum prædictum: ubi meritis beatissimæ Virginis MARIE visum recepit. Indè multò magis hic locus celebrari cœpit. Tu. *¶*

Homilia de Comm. pro Semidupl.

LECTIO 9.

Commemoratio B. V. Massiliensis de Guardiâ.

Guesnay. Annal. Massiliens.

Ecclesiam Beatæ Virginis de Guardiâ Massiliæ fundavit, et aliquot redditibus auxit quidam Petrus nomine, civis Massiliensis, cui fundos montis de Guardiâ vectigales à censibus obnoxiostrudiderat Guillelmus secundus Abbas Sancti Victoris, conditione tamen interpositâ, ut ibi ædem Virgini Deiparæ sacram ex-

ædificaret. Hanc literis apostolicis stabilivit, simul et privilegiis ornavit Honorius tertius anno millesimo ducentesimo decimo octavo. Cultum diva Virgo eo in loco ingentem accipit, tum à Massiliensibus, tum etiam ab exteris illuc ex toto ferè orbe confluentibus. Undè miraculis coruscat insignibus, ut ex appensis tabellis satis apparet. De Guardiâ indè cognominatur, quòd ex præ altâ turri ibi excubiæ ac vigiliæ publicæ ad civitatis custodiam agerentur. Tu. Te Matrem.

CANON.

Ex Inocentio Papâ Tertio.

Monachis Vallisven. Sexta idus Mai. Pontif. an. 15.

480. Personas vestras cum omnibus bonis vestris, quæ in præsentiarum juslè et rationalitèr possidetis, aut in futurum poteritis adipisci, firma vobis et illibata permaneant, et ea sub Beatri Petri et nostrâ protectione suscipimus. Tu.

Cum 2. Vesper.

DIE XIII. MART.

AMISSIO. PUERI JESU.

Duplex majus.

IN I. VESPERIS.

Antiph. et capitul. de Laudib.

HYMNUS 217. *S. Ansel. Ep.*

Dum Puer duodecim Annorum moratur In templo Jerusalem, Matrem contristatur.

O quis novit gemitus
Virginis dolentis,
Suum Unigenitum
Triduò quærentis!

Cur sic ille fecerit,
Piè conquerentis?
Hoc dolore vulneres
JESU, cor lugentis.

O quàm sæpè æstimo,
Dixit Mater Christi:

Heu meum solatium,
Cur me reliquisti?

Quo, mi Natè unice,
Heu quo tu ivisti?
Redi, precor, Fili mi,
Redi Matri tristi.

Parce, una Trinitas,
Unitas quæ trina:
Pater, Fili, Spiritus,
Majestas divina:

Parce qui creasti nos
Ne fraus semperlina
Nos credentes opprimat,
In morte ruinâ. Amen.

Ad Magnif. ant. Ego plorans, et
oculus meus deducens lacrymas,
quia longè factus est à me conso-
lator.

AD MATUTIN.

Invitator. Christum JESUM re-
manentem in Jerusalem: * Venite,
adoremus.

HYMNUS 218. *Maerk.*

In Patris esse rebus
Cum nesciebas Filium,
Visa es tribus diebus
Pallere sicut lilium.

Clamans per angiportus,
Fili! replebas æthera:
Dictura plùs, obortus
Dolor præmebat cætera.

Et tu, beata Trinitas,
Fac ut fruar favoribus,
Quos indidit Divinitas
Matris meæ doloribus. Amen.

IN I. NOCT.

De Canticis Canticorum.

LECTIO 1. 3. 2.

Surgam et circuibo civitatem: per
vicos et plateas quæram quem di-
ligit anima mea: quæsi vi illum,
et non inveni. Invenerunt me vi-
giles, qui custodiunt civitatem: nun-
quem diligit anima mea vidistis?..
Adjuro, vos, filiæ Jerusalem, si in-
veneritis dilectum meum, ut nun-
tietis ei, quia amore langueo. Tu.
¶. O mœrore et anxietate plena

Dei Mater! * Audio singultus cordis tui, cerno lacrymas tuas. †. Fieri nē potest, ut dulcissimus Filius tantam Matrem, quam prae millibus elegit, tamdiū affligit?—Audio.

LECTIO 2.

5. 9.

Qualis est dilectus tuus ex dilecto, o pulcherrima mulierum! qualis est dilectus tuus ex dilecto, quia sic adjurasti nos? Dilectus meus candidus et rubricundus, electus ex millibus, caput ejus aurum optimum: comae ejus sicut elatae palmarum, nigrae quasi corvus. Tu.

†. Quem in Aegypto inter idolatras salvum conservasti, * Amisisti inter populum electum, et quidem in civitate sanctā. †. Tibi condoleo, tibi compatiar, tibi conlacrymo, nec adhuc satior.—Amisisti.

LECTIO 3.

Oculi ejus sicut columbae super rivulos aquarum, quae lacte sunt lotae, et resident juxta fluenta plenissima. Guttur illius suavissimum, et totus desiderabilis: talis est dilectus meus, et ipse est amicus meus, filiae Jerusalem, Quod abiit dilectus tuus, o pulcherrima mulierum? Quod declinavit dilectus tuus, et quaeremus cum tecum? Tu.

†. Fulcite me languoribus, stipate me doloribus, * Dolo, amore langueo. †. Quando tibi non cernitur tribus diebus pusio, quae plaga, quae confusio.—Dolo.—Gloria.—Dolo.

IN II. NOCT.

Sermo S. Bonaventurae Ep.

Meditat. vitae Chr. c. 14.

LECTIO 4.

Consummatis diebus festis, recedentibus parentibus, JESUS in Jerusalem remansit. Cum ergo Mater et JOSEPH per diversas vias incedentes, venerunt in sero ad locum, ubi dieta explebatur, et ubi hospitari

deberent. Videns Domina JOSEPH sine Puero, quem cum ipso rediisse credebat, quaerit ab eo: Ubi est Puer? Et iste: ego nescio: non rediit mecum. Tecum enim rediisse credebam. Tu.

†. Cœpit autem contristari ipse, et uxor ejus cum eo: * Et cœperunt ambo simul flere. †. Nolite flere, salvus perveniet Filius vester, et salvus revertetur ad vos, et oculi vestri videbunt illum.—Et cœperunt.

LECTIO 5.

Tunc illa dolore vehementi concussa, cum lacrymis dixit: non rediit mecum. Video, quod non bene Filium meum custodivi: et velociter cœpit ire per domos, et quam decenter potuit, illas sero circuibat, quaerens de ipso et dicens: Vidistis vos Filium meum? Et vos vidistis ne Filium meum? et vix prae dolore et ardore se sentiebat. JOSEPH vero sequebatur eandem cum fletu. Tu.

†. Flebat igitur Mater ejus irremediabilibus lacrymis, atque dicebat: * Heu, heu Fili mi, ut quid te misimus peregrinari! †. Omnia simul in te uno habentes, te non debuissemus dimittere a nobis.—Heu, heu.

LECTIO 6.

Quo non invento, qualem requiem habere poterant? Tu ipse cogita, et maxime Mater, quae ipsum arctius diligebat. Et licet a notis confortaretur, non tamen poterat consolari. Quid enim perdere JESUM? Conspice bene ipsam, et vehementer compatere, quia in angustia est anima sua: nunquam ex quo nata fuit usque tunc, fuit in tantā. Tu.

†. Illa autem nullo modo consolari poterat, sed quotidie exiliens circumspectabat. * Et circuibat vias omnes, per quas spes remeandi vi-

debat, ut procul videret eum, si fieri posset, venientem. ⁊. Heu, heu, Fili mi, ut quid te misimus peregrinari!—Et.—Gloria.—Et.

IN III. NOCT.

Lectio S. Evang. secundum Lucam.

LECTIO 7. c. 2. 41.

In illo tempore: Ibant Parentes JESU per omnes annos in Jerusalem, in die solemni paschæ. Et reliqua.

Homilia S. Titi Bostrorum Ep.

Expos. in cap. 2. Luc.

Nunquid, obsecro, quærebant eum tanquam qui periisset, aut ab ilinere, ut solent pueri, aberrasset? Absit. Nequè enim sapientissimæ Virgini Matri, cui plurima jam ante de illius divinitate patefacta, compertaque erant, tale quippiam in mente venire potuit. Sed nec ipsi etià JOSEPHO. Tu.

⁊. Adjuro vos, filiæ Jerusalem: si inveneritis quem diligit anima mea, * Nuntiate ei, quia amore langueo. ⁊. Nunquid quem diligit anima mea vidistis?—Nuntiate.

Bened. Cujus Angustias.

LECTIO 8.

Quærebant autem illud, perindè ac si quis scripturam, vel abditam Scripturæ cuiuspiam sententiam quærat. Constat namque anxie ac dolenter illum inquirere: non quidem, ut errantem, aut falsam, aut fallentem, sed ut veram, mysticamque doctrinam continentem, necdum tamèn proditam. Ad eum ergò modum, et illi quærebant Dominum nostrum JESUM—Christum, solliciti enim erant, ne forsitàm ab eis discessisset, ipsosve deseruisset. Tu.

⁊. Quò abiit dilectus tuus, ò pulcherrima mulierum? Quò dilectus tuus declinavit. ⁊. Qualis est dilectus tuus ex dilecto, et quæremus eum tecum.—Quò.—Gloria.—Quò.

LECTIO 9.

Commemoratio Nostræ Dominae de Livron.

Uno milliari ab oppido Caylus in Diœcesi Montalbanensi Sacellum est Deiparæ sacrum sub vulgari titulo de Livron, non minùs beneficiis ab ipsâ collatis, quàm fidei devotioe percelebre. Ad tergum Imaginis ejus ligneæ, vestibus indutæ, quæ in altari principe colitur, alia antiquior coloribus expressa conspicitur, et sub eâ depictus mortifer draco, qui circa proximum antrum commorans, et quotquot ad ejus latibulum accedebant, interficiens, ipse ope Virginis occisus occasionem dedit, ferunt, ut hoc templum extrueretur, et à Liberatione nomen acciperet. Ingens fit ad hanc Deiparæ effigiem etiam dissitorum accursus: à circumstantibus verò pagis quotannis quoquè solemnibus supplicationibus frequentatur. Tu. Te Matrem.

AD LAUDES

et per Horas antiphonæ.

1. Longè factus est * à me consolator meus: Quis nunc consolabitur me!

2. Filia Jerusalem * numquid quem diligit anima mea, vidistis?

3. Fuerunt mihi * lacrimæ meæ panes die, ac nocte, dum dicitur mihi quotidie: ubi est Deus tuus?

4. Quæsivi * quem diligit anima mea, quæsivi illum inter cognatos et notos, et non inveni.

5. Plus doluit * Virgo de Filii amissione, quàm aliquis Martyr dolorem sentiat de animæ à corpore separatione.

CAPITULUM. Cant. 3. 2.

Surgam, et circuibo civitatem: per vicos et plateas quæram quem diligit anima mea: quæsivi illum et non inveni.

HYMNUS. 219. *Caryophil.*
 Quærebas Puerum, Virgo
 Mœstissima, JESUM,
 Quali animam gladio
 Transfodiente tuam?

Ille inter proceres
 Agitans arcana sedebat,
 Et responsa Deo digna
 Loquente dabat.

Sume futurorum
 Prælua, Virgo, dolorum
 Inferat ut summus
 Gaudia summa dolor.

Gloria summa Patri,
 Sit par tibi gloria, Nate:
 Gloria sit compar,
 Spiritus alme, tibi. Amen.
Ad Bened. ant. Puer non com-
 parel, et ego quò ibo? Deficit in
 dolore vita mea, et cor meum
 conturbatum est in me,

Oratio.

Præsta quæsumus, omnipotens
 Deus, ut qui dolentes cum Beatâ
 Virgine MARIA, Filium tuum re-
 quirimus, cum ipsâ per gratiam
 illum invenire mereamur. Qui te-
 cum.

*Antiph. Longè. Capitul. Surgam.
 de Laud.*

†. ♀. br. Quæ Filium tuum
 amissum dolens quæxivisti.

CANON.

Ex D. Thomâ Archiep. Valentino.

In Dom. Infr. oct. Epiph.

481. Magna perditio perdere
 Salvatorem. Dolebat Virgo, quo-
 niâ tolum cœlestem thesaurum
 Divinitatis et Majestatis amiserat.
 O quot hodiè sunt, qui perdunt
 JESUM, nec dolent! Tu.

IN II. VESPER.

*Antiph. Capitul. et hymnus de
 Laudibus.*

†. Dilectus meus candidus et
 rubicundus.

♀. Electus ex millibus.

Ad Magnif. ant. Et requirebant
 eum inter cognatos et notos, et non
 invenientes reversi sunt in Jeru-
 salem, requirentes eum.

DIE XIV. MARTII.

D.V.SAVONENSIS DE CONSORTIO

Semiduplex.

Lect. 1. Noct. de ferid.

IN II. NOCT.

LECTIO 4.

Gumpenb. Imag. 186.

Savonensis templi ruinosa vetustas
 coegit, ut casuros paulò post lapi-
 des ipsi diruerent, ut ampliorem
 formam darent novo. Jamque anno
 millesimo sexcentesimo septimo ni-
 hil aliud supererat, quod curiosus
 inspector forè de antiqui templi
 ruderibus inveniret, præter unam
 rotundi operis figuram, duodecim
 adhuc pedes altam, in quâ Virgi-
 nis Imago erat depicta. Die decimâ
 quartâ Martii hæc quoquè colum-
 na jussa est ab Architecto in ter-
 ram dejici, sed cum nullus esset,
 qui cunctantes urgeret imperio
 nemo sponte suâ primus manus ad-
 moveri voluit, et Deiparam in figu-
 ram offendere. Tu. ♀.

LECTIO 5.

Sed ecce oculis omnium expectan-
 tium visa est nullò ictu tentata mu-
 ri crustra, digitum non amplius
 unum crassa à muro divelli totam
 secum Imaginem ferens, sex pal-
 mos altam, tres latam, non sine in-
 genti intuentium lætitiâ: quam ta-
 men penè totam melius abstulit,
 quo timebatur tenuissima muri pars
 obitura in partes, ubi vel terram
 lapsa teligisset, vel manibus mu-
 rarii inconcinnius fuisset tractata.
 Proximus autem operarum, abje-
 cto ligone, in genua præciciens bre-
 vibus verbis excusat Virgini neces-
 sariam temeritatem, rogâque suis
 manibus excipi dignetur. Hæc affa-

tus labentem crustam utroque brachio molliter excessit, locoque decenti collocavit. Tu. R.

LECTIO 6.

Ipsa columna licet lorica suam amiserit, intacta permansit, et hodiè in Sacello locum suum obtinet, assertura posteris factum de veritate rei dubitantibus. Episcopus ævis campani festo sono cives ad obsequia Virginis accivit, die altero supplicationem, quâ potuit pompâ instituit, rogavitque cum ovibus Pastor Virginem, ut primum hoc nonultimum beneficium esse vellet, pro quo urbs Savonensis gratias ei deberet. Annuit Beata Virgo, etenim Savonenses beneficiis cumulavit, nec hodiè cessant, uti nec urbs Savonensis cessat esse grata Deiparæ. Tu. R.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Extollens vocem quædam mulier de turbâ, dixit illi: Beatus venter qui te portavit. Et reliqua.

Hom. S. Antipatris Bostrorum Ep.

Orat. de S. J. Bapt. et de B.

Deip.

Quænam autem est hæc Virgo, quæ Deo visa est presantior universis potestatibus? Quænam ea est, quæ eum, qui capi non potest, continet in utero? Quænam ea est, quæ fert in ventre eum, ad quem non potest accedi? Quænam ea fuit, quæ intercessit, ut sæno humanitatis admoveretur ignis divinitatis? Quis primi parentis renuntiavit uxori id quod nunc peragitur mysterium? Tu. R.

LECTIO 8.

Quis dicet, ab eâ, quæ fuerit olim condemnata, intus in ventre, scilicet, habitum fuisse indicem atque

præcursorem, quæque audivit: in dolores paries filios tuos: eam venisse, illum portantem qui nobis annuntiavit doloris solutionem? Papæ quantus honor, et quæ verbis exprimi non potest mutatio! (Lect. 9.) A paradiso separavit Deus primum creatum hominem, et ipsum cepit, quæ ab eo descendit. Qui pelles in paradiso consuit, tegitur in utero. In quam primum parentem irâ percitus expulit, in eam misericordiâ commotus advectavit. Tu.

LECTIO 9.

Commemor. B. V. de Vallicellâ.

Spinelli p. 687.

Sancta MARIA à Vallicellâ Romæ in regione Parionis dictâ à situ aliquantulum depresso, vocatur et Ecclesia Nova, quod de novo structa: Itèm Ecclesia à puteo albo, qui ibi erat. Gregorius Decimusterlius Pontifex, anno millesimo quingentesimo septuagesimo quinto, hoc templum antea exiguum Patribus congregationis Oratorii attribuit, qui in eodem loco aliud templum formâ, amplitudine, et ornatu satis conspicuum excitavit. In hoc templo illud in Deiparæ honorem peculiare est, quod omnia etiâ ejusdem templi sacella ipsi Deiparæ dicata cernuntur, uno tantum excepto, in quo Sancti Philippi Nerii corpus decenter asservatur: et præcipuè altare princeps, in quo devotissima Virginis Imago radiis undequaque circumfusa specialissimè colitur. Tu. Te Matrem.

Cum 2. Vesper.

DIE XV. MART.

D. V. CARNUTENSIS.

Simplex.

LECTIO 1.

Spinelli, Balinghem etc.

Carnuti, cathedralis aedes magnifi-

centissima Deiparæ est posita à Christianis eo in loco, ubi ante Christi adventum, Druidæ Galliarum sapientissimi, eidem Deiparæ nondum natæ aram sub terram profundè excavatam hac inscriptione: Virgini parituræ: insignem dicarant, quemadmodum olim Athenienses Ignoto Deo aram struxere. Hanc speluncam versus annum, quadragesimum sextum à Christo nato Sanctus Potentianus Deiparæ dedicavit. *¶*

LECTIO 2.

Posteà verò Ecclesiam Carnutensem Caroli Calvi regià liberalitate structam, postmodum à Fulberto Carnutensi Episcopo (cui ægro è sacro ubere lac Deipara præbere dignata est) renovatam largitionibus Canuti Angelorum Regis traditur. In ejus templi cryptâ puteus ostenditur, dictus Sanctorum fortium, in quem magnus Christianorum numerus, cum Christi fidem suscepissent, Quirino Proconsule, est præcipitatus. Tu. *¶*

LECTIO 3.

Commemoratio Victoriæ Beatæ V. Carnutensis.

Balingh. Kalend. mar. die 15.

Mart.

Carnuti in Galliâ festum Deiparæ in gratiarum actionem ob mirabilem victoriam, ejus ope obtentam contra hæreticos. Obsidebatur ab his Carnutum, quod in solius Virginis præsidio spem suam collocarat omnem, quam irridentes hæretici, blasphemantes jactabant non plus posse in eam civitatem MARIAM, quam olim Dianam Ephesi. At contrarium reipsà expertos fidem fecit rei eventus, nam talis fuit vis Deiparæ in hostes, ut coacti sunt ab obsidione cessare, indèque magnâ suorum jacturâ atque infamiâ recedere. Tu. Te Matrem.

CANON.

Ex Urbano Papâ Secundo.

Ep. ad Cler. et pleb. Carnot.—
Concil. Tom. 26. p. 624.

482. Nos quidem tam pro Beatæ MARIE sempèr Virginis devotione et reverentiâ, tam pro nostri officii debito, Ecclesiæ vestræ dilectionem, protectionem et curam specialius *impendimus*. Tu.

Vesperæ de sequenti.

DIE XVI. MART.

INVENTIONIS PUERI JESU.

Duplex majus

Ad Magnific. ant. Inveni quem diligit anima mea, tenui eum, nec dimittam.

Oratio.

Præsta, quæsumus Omnipotens Deus, ut qui gaudium Beatæ MARIE Virginis in Inventionem Pueri JESU celebramus in terris, æterna gaudia perfruamur in cælis. Per eundem.

AD MATUTIN.

Invitat. Filium MARIE inventum in templo in medio Doctorum sedentem, * Venile, adoremus.

HYMNUS 220. *Caryoph.*

Dum triduo quærit puerum
Virgo anxia JESUM,
Quæ sunt æterni
Quærit et ipse Patris.

Quis Pater, et Mater?
Quid me, inquit, quæritis ambo?
Bis mihi prognato est
Unus, et una Parens.

Tu mihi vera parens,
Me dicito quærere natum;
Natus ego veri
Munia quæro Patris.

Gloria summa Patri,
Si par tibi gloria, Nate:
Gloria sit compar,
Spiritus alme, tibi. Amen.

Lectio. 1. Noct. ut in die 13.
Mart. p. 636. §§. de Comm.

IN II. NOCT.

Sermo S. Bernardi Abbatis.

Homil. infra oct. Epiph.

LECTIO 4.

Indica mihi, dilectissima Domina mea, Mater Domini mei, quid tibi fuerit animi, quid stuporis, quid gaudii, cum dulcissimum Filium tuum Dominum JESUM invenires, non inter pueros, sed inter doctores, cum omnium oculos in ipsum intentos, omnium cerneret aures ad ipsum arrectas: cum de prudentiâ ejus et responsis pusilli et magni, docti paritèr et indocti loquerentur? Tu.

¶. Et factum est post triduum invenerunt illum in templo, * Sedentem in medio Doctorum, audientem illos, et interrogantem eos. ¶. Gavisa est gaudio magno Mater videns JESUM.—Sedent.

LECTIO 5.

Inveni, inquit, quem diligit anima mea; tenebo illum, nec dimittam. Tene, ô dulcis Domina, tene quem diligis, et triduanam ejus absentiam multiplicatis deliciis recompensa. Fili, quid est, quod fecisti nobis sic? Ecce Pater tuus, et ego dolentes quærebatamus te. Tu.

¶. Et dixit Mater JESU ad illum: * Fili, quid fecisti nobis sic! Ecce Pater tuus et ego dolentes quærebatamus te. ¶. Inveni, quem diligit anima mea, tenui eum, nec dimittam.—Fili.

LECTIO 6.

Iterum, Domina mea, dico tibi, quid dolebas? Credo non famem, non sitim, non inediam timebas Puero, quæm Deum noveras; sed tantum substractas vel ad modicum ineffabiles præsentiae ejus delicias querebaris. Tàm enim dulcis est

Dominus JESUS gustantibus eum, tàm speciosus ad videndum, tàm suavis ad amplectendum, ut brevis ejus absentia maximi doloris materia sit. Tu.

¶. Fili, quid fecisti nobis sic? * Ecce Pater tuus, et ego dolentes quærebatamus te. ¶. Quid est quod, me quærebatis? Nesciebatis quia in iis, quæ Patris mei sunt, oportet me esse?—Ecce.—Gloria.—Ecce.

IN III. NOCT.

Lectio S. Evang. secundum Lucam.

LECTIO 7. c. 2. 45.

In illo tempore: Factum est post triduum, parentes JESU invenerunt eum in templo. Et reliqua.

Homilia S. Bernardini Senensis.

Serm. de Sept. Verb. B. M. V.

art. 3. c. 1.

In nullo enim alio Scripturæ loco legitur eam vocasse filium, nisi in hoc quinto Verbo. Filius enim à filios, quod est amor denominatur, et in ore matrum gustum gerit tenerrimi, ac præcordialissimi dulcoris: et maximè quandò est tanta actalis, quanta est filiatio Dei. Porro omnis amoris signum superatur in hoc verbo, Fili. Lingua profectò in amore plùs nequit, dicens, Fili. Nihil in amore brevius, nihil efficacius ad proferendum. Cum dicitur, fili, tota commoventur viscera matrum, cum prolem nomine filiali denominant. Non potuit ampliùs Virgo Mater continere affectum, cum in verbo expressivi amoris erumpit: non aliunde ipsum denominans, nisi quòd ipse sit Filius, ipsa Mater, nullam loquendi copiam plùs apponere valuit, quàm filiale nomen. Tu.

¶. Congratulamini mihi omnes, qui diligitis me, * Quia inveni Filium meum, quem perdideram. ¶. In Domino gaudebo, et exultabo in JESU Filio meo.—Quia.

Bened. Cujus lætitiā colimus.

LECTIO 8.

Et addit: quid fecisti nobis sic? Non increpantis, sed admirantis est verbum, ut mysticè insinuat, quòd cum Sponsus ab animā abest, intelligentia admiratur in tali exercitio ordinem sapientiæ Dei, nec comprehendere potest altissimos modos sponsi in absentia et reditione suā, semper tamen multipliciter amorsos. Hanc autem admirationem quodammodo voluit sapientia Dei Christus Matrem suam experiri, et verbis propriis Virgini demonstrare, tanquā promotor Matris, et exercitator in viā amoris. Tu.

¶ Benedico te, Domine Deus Israel: * Quia ecce ego video JESUM filium meum. †. Et glorificabant eum JOSEPH videlicet, et uxor ejus, et cœperunt ambo flere præ gaudio. - Quia. - Gloria. - Quia.

LECTIO 9.

Cum inquit: Ecce Pater tuus et ego dolentes quærebamur te: defert humilis Virgo viro, quem in loquendo præponit, seque præponerat, quoniam omnium bonorum morum atque virtutum est norma, ut mulieres suis deferre maritis discant, non tantum in aliis, sed etiam in sermone: mysticè enim gustus iste afflictivus est, et amarus, et excitativus, ac mentis promotivus in altivolo discessu amati ex perditione dilecti, quo anima tota ab ipso dependens, quiescere non potest, semper zelotypa, ne ex aliquā culpā discedat. Ex quo sequitur, quòd circuit quærens dilectum, ab omni creaturā petit auxilium, ut inveniat quem diligit affectio, aliās, anima sua. Hunc dolorem fuisse in eā virtuosissimo modo Mater ostendit, cum ait: dolentes quærebamur te. Tu. Te Matrem.

Ad Bened. ant. Factum est post

triduum, invenit MARIA puerum JESUM in templo.

†. ¶. *br.* Quæ amissum Filium in templo gaudens invenisti.

CANON.

Ex D. Thomā Arch. Valentino.
Conc. in Dom. infr. Oct. Epiph.

483. Mater tribus diebus reperit. David post peccatum tribus syllabis: Peccavi. Nam justus diu potest quærere, quem ardentè desiderat. Peccator, si non statim adsit, recedit. Tu.

Ad Magnif. ant. Fili, quid fecisti nobis sic? Pater tuus et ego dolentes quærebamur te.

DIE XVII. MART.

MARTYRII B. M. V.

Duplex 2. Classis.

Non prop. dicuntur de Comm. vitæ Dolorosæ.

IN I. VESPER.

HYMNUS 221. *Brev. Rom.*

Stabat Mater dolorosa
Juxta crucem lacrymosa
Dum pendebat Filius.

Cujus animam gementem,
Contristatam et dolentem
Pertransivit gladius.

O quā tristis et afflicta,
Fuit illa benedicta
Mater Unigeniti.

Quæ mœrebat et dolebat
Pia Mater, dum videbat
Nati pœnas incliti.

Quis est homo, qui non fletet,
Matrem Christi si videret
In tanto supplicio.

Quis non posset contristari,
Piam Matrem contemplari
Dolentem cum Filio.

Pro peccatis suæ gentis
Vidit JESUM in tormentis
Et flagellis subditum.

Vidit suum dulcem Natum
Morientem desolatum,

Dum emisit Spiritum.

Eja Mater, fons amoris.

Me sentire vim doloris;

Fac, ut tecum lugeam.

Fac ut ardeat cor meum

In amando Christum Deum,

Ut sibi complaceam. Amen.

†. Tuam ipsius animam.

‡. Doloris gladius pertransivit.

Ad Magnific. ant. Defecit in dolore vita mea, et anni mei in gemitibus, et dolor meus in conspectu meo semper.

Oratio.

Deus in cujus passione secundum Simeonis prophetiam, dulcissimam animam gloriosæ Virginis et Matris MARIE doloris gladius pertransivit: concede propitiùs, ut qui Martyrium ejus venerando recolimus, passionis tuæ effectum consequamur. Qui vivis.

Completor. de Domin.

AD MATUTIN.

Invitor. Martyrium gloriosæ Virginis celebrantes: * Christum pro nobis passum, venite, adoremus.

HYMNUS 222.

Stabat solutis lacrymis

Dilecta Mater Filio,

Cum cæderetur innocens

Amor parentis filius.

Heu quantus erupit dolor!

Cum veste nudos textili

Artus vibrata lacteos

Strinxere nervo verbera.

Cum regis incliti caput

Horrente spinâ floruit,

Orbisque gessit Artifex

Inane sceptrum dexterâ.

Arctis ligatum nexibus,

Ut vidit ad necem trahi,

Manante sparso sanguine

Sequens premit vestigia.

Clavis forantur ferreis

Ambo pedes, ambæ manus:

Quanto fragore malleus

Pervasit aures Virginis?

Quis est homo tam ferreus,

Quem non dolor tantus premat,

Cum stante Matre, Filius

Crucem cruore purpurat?

Te, summe JESU, poscimus,

Sicut tuus mundat cruor,

Sic nostra fac præcordia

Dolor MARIE molliat. Amen.

Lectio. 1. Noct. de Comm. Vitæ dolorosæ.

IN II. NOCT.

Sermo S. Bernarni Abbatis.

In sign. magn.

LECTIO 4.

Martyrium Virginis tam in Simeonis prophetiâ, quàm in ipsâ Dominicæ pastoris Historiâ commendatur. Positus est hic, ait sanctus senex de puero JESU, in signum, cui contradicetur: et tuam ipsius animam (ad MARIAM autem dicebat) pertransibit gladius. Verè tuam, ô Beata Mater, animam pertransibit, alioquin non nisi eam pertransiens carnem Filii tui penetraret. Tu. ‡.

LECTIO 5.

Et quidem postea quàm emisit spiritum tuus ille JESUS, ipsius planè non affligit animam crudelis lancea, quæ ipsius aperuit latus, sed tuam utique animam pertransivit. Ipsius nimirum anima jam ibi non erat, sed tua planè indè nequibat avelli. Tuam ergò pertransivit animam vis doloris, ut plusquàm martyrem non immeritò prædicemus, in quâ nimirum corporeæ sensum passionis excesserit compassionis affectus. Tu. ‡.

LECTIO 6.

An non tibi plusquàm gladius fuit sermo ille reverà pertransiens animam, et pertingens usque ad divisionem animæ et spiritûs: Mulier, ecce filius tuus! Joannes tibi pro

Filio traditur, servus pro Domino, discipulus pro Magistro, filius Zebedæi pro Filio Dei, homo purus pro Deo vero. Quomodo non tuam affectuosissimam animam pertransiret hæc auditio, quando et nostra, licet saxeæ, licet ferrea pectora sola recordatio scindit. Tu. *¶*

IN III. NOCT.

Lectio S. Evangelii secundum
Lucam.

LECTIO 7. c. 2. 34.

In illo tempore: Dixit Simeon ad MARIAM Matrem JESU: ecce positus est hic in ruinam, et in resurrectionem multorum in Israel. Et reliqua.

Homilia Sancti Hildephonsi Arch.
Toletani.

Serm. 2. de Assumptione.

Si martyres martyrio coronati dealbarunt stolas suas, et candidas eas fecerunt in sanguine agni, nihilominus hæc beata et venerabilis Virgo candidior nive prædicatur: eo quod etsi corpora martyrum pro Domino supplicia pertulerunt, nihilominus hæc admirabilis Virgo in animâ passa, teste Domino, comprobatur: ait enim Simeon, vel Dominus ad eam. Et tuam ipsius animam pertransibit gladius. Tu. *¶*

Benedict. Cujus Martyrium.

LECTIO 8.

Quod si gladius usque ad animam pervenit, quando ad crucem stetit, fugientibus Apostolis, cum videret Dominum pendentem, etiam plusquam Martyr fuit, quia in animo non minus amoris, quam mæroris est intus gladio vulnerata. Parata enim stetit, si non deesset manus percussoris. *¶*

LECTIO 9.

Beata Dei Genitrix plusquam Martyr fuit, quæ nimio amore vulnerata, testis extitit Salvatoris, et pro

mærore in animo cruciatum sustinuit passionis. Propterea igitur, quia hæc Virgo et Mater ineffabilis est, donis in præsentiarum munerata, privilegiis sublimata divinis credere oportet, quod hodie omnimodè cælesti illustratur gloria, ut nullus in terris possit dignè laudabilis venerari. Tu. Te Matrem.

AD LAUDES

HYMNUS 223. *Br. Rom.*

Sancta Mater istud agas,
Crucifixi fige plagas
Cordi meo validè.

Tui Nati vulnerati
Tam dignati pro me pati
Pœnas mecum divide.

Fac me tecum piè flere,
Crucifixo condolere,
Donec ego vixero.

Juxta crucem tecum stare
Et me tibi sociare

In planctu desidero. Amen.

†. Regina Martyrum. ¶. Ora pro nobis.

Ad Benedict. ant. Beata Virgo, quanto plùs amavit, tantò plùs doluit, tantoque ipsius martyrium gravius fuit.

Ad horas omnia de comm. vitæ dolorosa.

†. ¶. br. Quæ Regina Martyrum digna fuisti.

CANON.

Ex S. Hieronymo Presbytero.

In Serm. B. V. Flor. Patrum.
p. 439.

484. MARIA, quia mente passa est, plusquam Martyr fuit: nimirum et ejus dilectio amplius fortis quam mors: quia mortem Christi suam fecit. Tu.

IN II. VESPER.

HYMNUS 224. *Brev. Rom.*

Virgo Virginum præclara,
Mibi jam non sis amara,
Fac me tecum plangere.

Fac ut portem Christi mortem,
Passionis fac consortem,
Et plagas recolare.

Fac me plagis vulnerari,
Fac me cruce inebriari
Et amore Filii.

Flammis ne urar succensus,
Per te Virgo sim defensus
In die Judicii.

Christe, cum sit hinc exire,
Da per Matrem me venire
Ad palmam victoriæ.

Quando corpus morietur,
Fac ut animæ donetur
Paradisi gloria. Amen.

†. Ora pro nobis, Virgo dolorosissima.

℞. Ut digni efficiamur promissionibus Christi.

Ad Magnific. ant. Torcular calcavi solus et non erat vir mecum: solum una mulier, quæ juxta crucem meam stabat, omnia vulnera, quæ ego suscepi in corpore, suscepit in corde.

DIE XVIII. MART.

OCCURSUS B. M. FILIO PORT. CRUCEM.

Duplex.

*Non propria dicuntur de comm.
Vitæ dolorosæ.*

Oratio.

O bone JESU, pulchritudo Angelorum, qui etiã in carne assumptâ visus es speciosus formâ præ filiis hominum, ac tandẽm pro nostrâ salute ad mortem festinans, à Matre Sanctissimâ conspectus sine specie, et sine decore, quæsumus per tuum in eam amorem, ut nobis dolores illius commemorantibus, suorum gaudiorum tribuas participationem. Qui vivis.

AD MATUTIN.

HYMNUS 225. *Maerkel.*

En fert trabale lignum,

Flagrisque JESUS icitur,
O Mater! ecce signum,
Cui porrò contradicitur.

Eheu crucem ferenti
Corpus pluit cruoribus,
Et cor tibi parenti
Submergitur doloribus.

Et tu, beata Trinitas,
Fac, ut fruar favoribus,
Quos indidit Divinitas
Matris meæ doloribus. Amen.

*Lect. 1. Noct. de eodem comm.
cum ℞℞. sequentib.*

℞. 1. Fulcite me languoribus, stipate me doloribus, * Amore JESU langueo. †. Ne quære, quare langueo dolore. Amore.

℞. 2. Duo MARIE lumina instar duorum fontium spargunt amoris flumina, * En fronte sub tenerimã amoris humor enitet. †. Plue sanguineis lacrymis anima! Age me dolor, ô dolor! exanima. En fronte.

℞. 3. Sequebantur JESUM multa turba populi ei mulierum, * Quæ plangebant et lamentabantur eum. †. Dolor his lacrymis meus elicitur, meus his lacrymis amor afficitur.—Quæ.—Gloria.—Quæ.

IN II. NOCT.

Sermo D. Georgii Nicomædiensis.

Serm. 8. in S. M. assist. cruc.

LECTIO 4.

Quis enim vero ejus viscerum depascentem flammam cogitaverit, quo tempore Filium ad spontaneam procedentem mortem constans adspectabat? Ut, inquam, velut agnus innocens, Dei ille Agnus duceretur, ut velut reus traheretur, ipse qui tollit peccatum mundi, ut leni patientiã homicidarum ferret audaciam: quã lenitẽr ad eos haberet; quã dulcissimo intueretur aspectu; quã blandẽ alloqueretur: quã impositam sibi crucem imperturbatẽ suscepisset. Tu.

℞. O mœstam et afflictam Ma-

trem! O fatalem occursum! * Vidisti ne unquam, dulcis Virgo, tuum Filium in tantis doloribus? †. Sub trabali cruce gemens, fractisque viribus cadens it in calvarie locum.—Vidisti.

LECTIO 5.

Priusquam enim Simeon ille Cyræneus iis occurreret, qui opus urgebant, docet Scriptura fuisse ei crucem impositam. Sic quoque mulierum, quæ unâ comitabantur, plangebantque, lacryimæ vehementiorem ei dolorem incusserunt: haud quaquam vero illæ, sed Dominus lenissimus ille ad eas sermo: Filiæ Jerusalem, nolite flere super me. Tu.

†. Agnoscisne, Virgo, faciem tui Unigeniti cruore oppletam, sputis fœdatam, alapis lividam? * Respice in faciem Christi filii tui. †. Ipse cum innocente Isaac lignum ad locum sacrificii portat.—Respice.

LECTIO 6.

Quam voce hâc cor MARIÆ immanitèr decerptum est! Quam totum concussum! in quam grande, impotensque incendium ardoris ejus flamma erupit! Quis enim auditis verbis ejuscemodi non fuisset flexus? Non cerâ omni evasisset mollior? Non fuisset motus ad misericordiam, tametsi saxeus valdè ac inflexibilis? Tu.

†. Sequar te, Fili mi, quocumque ieris: * Quis mihi tribuat ut moriar pro te! †. Tua cruenta vestigia lambens devotè sequar te, Fili mi.—Quis.—Gloria.—Quis.

*Homilia de Comm. Vitæ dolor.
pro duplicib.*

†. Ex vestigiis Filii mei cognoscebam incesum ejus: * Quò enim procedebat, apparebat terra infusa sanguine. †. Mæstissima Mater mæstissimo Filio occurrit.—Quò.

†. Heu! quò properas, quò veris Mater? * Cruciatu meo cruciaberis, et ego tuo. †. JESU fili mi, Fili mi JESU, quis mihi tribuat, ut pro te moriar!—Cruciatu.—Gloria.—Cruciatu.

LECTIO 9.

Comm. B. Virginis de Lagheto.

Ex Pougeto, in Histor. Deiparæ.
Antiquissimum Sacellum Beatæ Virginis de Lagheto in Liguria, tribus à Niciensi urbe leucis, ferè ruinâ collapsum, anno millesimo sexcentesimo quinquagesimo secundo fuit restauratum, ac in eo devotissima Imago Virginis locata, quæ statim cæpit miraculis clarescere. Tres verò post annos, fidelium eleemosinis novum templum cum Hospitio fuit structum, viaque commodior aperta, depressis mortibus, ad Sacellum, cui tandem anno septuagesimo quarto ejusdem sæculi Carmelitarum cænobium est adjunctum. Plures Sabaudie Principes hanc Imaginem invisentes ingentibus ditantur muneribus, à quibus spoliata in Gallicanis revolutionibus cum fuerit, nova fidelium pietas ei obtulit, et quotidie nunc offert. Tu. Te Matrem.

Vesperæ de sequenti.

DIE XIX. MART.

SOLEMNITAS

SS. SPONSI B. M. V.

Duplex 2. Classis.

IN I. VESPER.

*Antiph. et Cap. de Laudib.
Psalmi de Solemnit.*

HYMNUS 226.

Matris intactæ venerande Conjux,
Testis et custos nivei pudoris,
Quid Deo plenam meditaris anceps
Linquere Sponsam.

Anxium cœlo tibi missus ales
Firmat. Hinc Virgo tibi vitâ major:

Mente sedatâ, modò nasciturum
Numen adoras.

Vix Puernatus, venit ecce præpes
Nuntius Patri: fuge, dixit, Infans
Quæritur, Matrem Puerumque
tulas

Transfer in oras.

Tu nihil contra per opaca noctis
Protinùs Matrem Puerumque tran-
sfers:

Dirigit gressus, aperitque calles,
Dum silet Infans.

Ora mox solvet, Solymas per
urbes
Quem dolens quæres, comitante
Matre,
Hunc senes inter Puerum stupebis
Mira loquentem.

Nostra te summum celebrent Pa-
rentem

Ora, te summo Genitum parente:
Par sit amborum tibi laus per
omnes,

Spiritus, ævum. Amen.

†. Ora pro nobis Sancte Pater
JOSEPH.

¶. Ut digni efficiamur promi-
sionibus Christi.

Ad Magnif. ant. Ave JOSEPH
juste, fili David, vir MARLÆ, de
quâ natus est JESUS, qui vocatur
Christus.

Complet. de Domin.

AD MATUTIN.

Invitat. Laudemus Deum no-
strum * In veneratione Sanctissimi
Sponsi Virginis MARLÆ.

HYMNUS 227. Brev. antig.
Sublimis es quàm tu procùl
Supra vicem mortalium!
JOSEPH, cui nec sunt pares
Sortis decore cœlites.

Tu pane vescentem tuo
Regis, lueris, educas:
Quo providente jugibus
Cibis aluntur omnia.

Conjux pudicæ Virginis,
Dum Mater illa fit Dei:

Infans Deus quidni suum
Te jure Patrem nominat.

O par beatum Conjugum!
O amplior cœlo domus,
Æternus in quâ se Deus
Matri, Patrique subdidit.

Doxolog. de Tempore.

IN I. NOCT.

Ant. 1. JOSEPH nunc cum MA-
RIA super choros angelorum præ-
miatur.

2. Vir caput est mulieris: caput
MARLÆ erat JOSEPH.

3. Vovit MARIA Virginitatem,
vovit et ipse JOSEPH.

†. Faciamus Virgini MARLÆ.

¶. Adjutorium simile sibi.

Lect. 1. Noct. ut in die 23.
Januar. p. 563.

¶. Missus est Angelus Gabriel
à Deo ad Virginem desponsatam
viro, * Cui nomen erat JOSEPH,
et nomen Virginis MARIA. †. De-
sponsata erat Virgo benignissima
justo, ac sapientissimo viro, totius
Trinitatis consilio. Cui.

¶. JOSEPH, noli timere acci-
pere MARIAM conjugem tuam, *
Quod enim in eâ natum est * de
Spiritu Sancto est. †. Ecce Virgo
concipiet et pariet Filium. Quod.

¶. Nonne hic est JESUS Filius
JOSEPH, * Cujus nos novimus Pa-
trem et Matrem. †. Invenimus JE-
SUM, Filium JOSEPH à Nazareth.
Cujus. Gloria. Nonne.

IN II. NOCT.

Ant. 1. Si JOSEPH est vir MA-
RLÆ, est et Pater Domini.

2. Fecit me Dominus quasi
patrem regis, et dominum uni-
versæ domûs ejus.

3. Tu eris super domum me-
am, et ad tui oris imperium cun-
ctus populus obediet.

†. Erat JOSEPH pulchrâ facie

¶. Et decorus aspectu.

Sermo S. Bernardi Abbatis.

Homilia 2. super Missus.

LECTIO 4.

Quis et qualis homo fuerit beatus JOSEPH, conjice ex appellatione, quâ, licet dispensatoriâ, meruit honorari adeo, ut pater Dei et dictus, et creditus sit: conjice et ex proprio vocabulo, quod augmentum non dubitas interpretari. Simul et memento magni illius quondam Patriarchæ venditi in Ægypto, et scito ipsius istum non solum vocabulum fuisse sortitum, sed et castimoniam adeptum, innocentiam assecutum, et gratiam. Tu.

¶ Ascendit JOSEPH à Galilæa de civitate Nazareth, * In Judæam in civitatem David, quæ vocatur Bethleem. † Ut proficeretur cum uxore sibi desponsatâ prægnante. —In Jud.

LECTIO 5.

Si quidem ille JOSEPH fraternâ ex invidiâ venditus, et ductus in Ægyptum, Christi venditionem præfiguravit: iste JOSEPH Herodianam invidiam fugiens Christum in Ægyptum portavit. Ille Domino suo fidem servans, Dominiæ noluit commisceri: iste Dominam suam Domini sui Matrem, Virginem agnoscens, et ipse continens fideliter, custodivit. Illi data est intelligentia in mysteriis somniorum: isti datum est consilium fieri atque participem cœlestium sacramentorum. Tu.

¶ Et venerunt Pastores festinantes; et viderunt MARIAM et JOSEPH, et * Infantem positum in præsepio. † JESUM, qui putabatur Filius JOSEPH. —Infant.

LECTIO 6.

Ille frumenta servavit non sibi, sed omni populo: iste panem vivum è cœlo servandum accepit tam sibi, quam toti mundo. Non est dubium,

quin bonus et fidelis homo fuerit iste JOSEPH, cui Mater desponsata est Salvatoris. Fidelis, inquam, servus et prudens, quem constituit Dominus suæ Matris solatium, suæ carnis nutritium, solum denique in terris magni consilii coadjutorem fidelissimum. Tu.

¶ Surge, et accipe Puerum, et Matrem ejus, et fuge in Ægyptum: * Et esto ibi usque dum dicam tibi. † Herodes enim quærit Puerum ad perdendum eum. —Et esto. —Gloria. —Surge.

IN III. NOCT.

Ant. 1. Ipse JESUS erat incipiens quasi annorum triginta, ut putabatur filius JOSEPH.

2. JOSEPH vir erat MARIÆ, de quâ natus est JESUS, qui vocatur Christus.

3. Fili, quid fecisti nobis sic? Ecce Pater tuus et ego dolentes querebamus te.

† Justus germinavit sicut lilium.

¶ Et florebit in æternum ante Dominum.

Lectio S. Evangelii secundum Joannem.

LECTIO 7. c. 1. 18.

Cum esset desponsata Mater JESU MARIA JOSEPH, antequam convenirent, inventa est in utero habens de Spiritu Sancto. Et reliqua.

Homilia S. Bernardi Abbatis.

Homil. 2. sup. missus.

Dicitur JOSEPH fuisse de domo David. Verè enim de domo David: verè de regiâ stirpe descendit vir iste JOSEPH, nobilis genere, mente nobilior. Planè filius David, non degenerans à Patre suo David. Prorsus inquam filius David, non tantum carne, sed fide, sed sanctitate, sed devotione: quem tanquam alterum David Dominus invenit se-

cundum cor suum, cui tutò committeret secretissimum atque sacratissimum sui cordis arcanum. Tu.

¶ Defuncto Herode Angelus Domini apparuit in somnis JOSEPH in Ægypto, dicens: * Surge, et accipe Puerum et Matrem ejus, et vade in terram Israel. † Defuncti sunt enim, qui quærebant animam Pueri.—Surge.

Benedict. Cujus Sanctum Sponsum.

LECTIO 8.

Planè filius David, cui tanquàm alteri David incerta et occulta sapientiæ suæ manifestavit, et dedit illi non ignarum esse mysterii, quod nemo principum hujus sæculi agnovit: cui denique datum est, quod multi reges et prophetæ cum vellent videre, non viderunt, audire et non audierunt, non solum videre et audire, sed etiàm portare, deducere, amplecti, deosculari, et nutrire, et custodire. Tu.

¶ Descendit JESUS cum eis, et venit Nazareth, * Et erat subditus illis. † Fecit me Dominus quasi Patrem Regis et Dominum universæ terræ.—Et erat.—Gloria.—Descendit.

LECTIO 9.

Non tantum autem JOSEPH, sed et MARIA descendisse credenda est de domo David. Alioquin non esset desponsata viro de domo David, si non esset et ipsa de domo David. Ambo igitur erant de domo David, sed in alterâ completa est veritas, quàm juravit Dominus David, altero tantum conscio, et teste adimpletæ promissionis. Tu. Te Mat.

AD LAUDES

et per Horas antiphonæ.

1. Mulieris bonæ * beatus vir:

numerus annorum illius duplex.

2. Confidit in eâ * cor viri sui, et spoliis non indigebit.

3. JOSEPH virejus, * cum esset justus, dilexit illam corde perfecto.

4. Fidelis servus et prudens, * quem constituit Dominus super familiam suam

5. Quem constituit * Dominus suæ Matrî solatium, et suæ carnis nutriliûm.

CAPITULUM. *Genes. 49. 26.*

Benedictiones Patris tui confortatæ sunt benedictionibus patrum ejus, donèc veniret desiderium collium æternorum: fiant in capite JOSEPH, et in vertice Nazaræi inter fratres suos.

HYMNUS 228. *Brev. Rom.*

Cœlitum Joseph decus atque nostræ Certas spes vitæ, columenque mundi, Quas tibi læti canimus, benignos

Accipe laudes.

Te Sator rerum statuit pudicæ Virginis sponsum, voluitque Verbi Te Patrem dici, dedit et ministrum Esse salutis.

Tu Redemptorem stabulo jacentem,

Quem chorus vatum cecinit futurum, Aspicias gaudens humilisque Natum Numen adoras.

Rex Deus regum, dominator orbis,

Cujus ad nutum tremit inferorum Turba, cui pronus famulatur æther Se tibi subdit.

Laus sit excelsæ Triadi perennis, Quæ tibi præbens superos honores, Det tuis nobis meritis beatæ Gaudia vitæ. Amen.

†. Magna est gloria ejus.

¶. In salutare Dei.

Ad Benedict. ant. JOSEPH vir ejus cum esset justus, et nollet eam traducere, voluit occultè dimittere eam.

Oratio.

Deus, qui ineffabili providentiâ beatum JOSEPH Sanctissimæ Genitricis tuæ Sponsum eligere dignatus es: præsta quæsumus, ut quem protectorem veneramus in terris, intercessorem habere mereamur in cælis. Qui vivis.

AD PRIMAM.

Ant. Mulieris. *Capit.* Benedict.

†. *br.* Quæ justo JOSEPH desponsata fuisti.

CANON.

Ex D. Augustino Episcopo.

Ap. D. Thom. de Villan. Conc. 5. de Annunt.

485. JOSEPH fili David: ille Deus, qui scripsit mirabilia in lege suâ; ipse fecit mirabilia in Coniuge tuâ. Quod legisti in libris tuis, aspice in MARIA oculis tuis: ut dignè dicas canticum David patris tui: sicut audivimus, ita et vidimus in civitate Domini virtutum, in civitate Dei nostri, quam Deus fundavit in æternum. Tu.

AD TERTIAM.

CAPITULUM. *Genes. 49. 25.*

Deus Patris tui erit adjutor tuus, et Omnipotens benedicet tibi benedictionibus desuper.

†. *br.* Faciamus * Virgini MARIAE.—Faciamus. †. Adjutorium simile sibi.—Virgini.—Gloria.—Faciamus.

†. Erat JOSEPH pulchrâ facie.

†. Et decorus aspectu.

AD SEXTAM.

CAPITULUM. *Genes. 49. 25.*

Filius accrescens JOSEPH, filius accrescens, et decorus aspectu: filiæ discurrerunt super murum.

†. *br.* Erat JOSEPH * Pulchrâ facie.—Erat. †. Et decorus aspectu.—Pulchrâ.—Gloria.—Erat. †. Mulieris bonæ beatus vir. †. Numerus annorum illius duplex.

AD NONAM.

CAPITULUM. *Prov. 28. 20.*

Vir fidelis multum laudabitur, et qui custos est Domini sui glorificabitur,

†. Constituit eum Dominus * Dominum domus suæ.—Constituit. †. Et principem omnis possessionis suæ.—Dominum.—Gloria.—Constituit.

†. Tu eris super domum meam.

†. Et ad tui oris imperium cunctus populus obediet.

IN II. VESPERIS.

Psalmi de Solemnit. Antip. et Cap. de Laudib.

HYMNUS 229. *Brev. Ram.*

Iste, quem læti colimus fideles, Cujus excelsos canimus triumphos, Hæc die JOSEPH meruit perennis Gaudia vitæ.

O nimis felix! nimis ô beatus, Cujus extremam vigiles ad horam Christus et Virgo simul astiterunt Ore supremo.

Hinc stygis victor, laqueo solutus

Carnis ad sedes placido sopore, Migrat æternas, rutilisque cingit Tempora sertis.

Ergo regnantem flagitemus omnes, Adsit, ut nobis, veniamque nostris Obtineas culpæ, tribuat supernæ Munera pacis.

Sint tibi plausus, tibi sint honores,

Trine, qui regnas, Deus, et coronas Aureas servo tribuis fidei

Omne per ævum. Amen.

†. Gloria et divitiæ in domo ejus.

†. Et justitia ejus manet in sæculum sæculi.

Ad Magnific. ant. Ecce fidelis servus et prudens, quem constituit Dominus super familiam suam.

Oratio de Laudibus.

DIE XXI. MART.

OBDIENTIÆ B. M. V.

Duplex.

Ad Magnif. ant. Eva inobediens et sibi et universo generi humano causa facta est mortis. MARIA verò Virgo Obediens, et sibi et universo generi humano facta est causa salutis. *Oratio de Comm.*

Lect. 1. Noct. de ferid.

IN II. NOCT.

Ex verbis B. Alberti Magni, Ep.
De laudib. B. M. V. l. 4. c. 28.

LECTIO 4.

De obedientiâ MARIE dicit ipsa: anima mea liquefacta est per incendium charitatis, parata videlicet instar metalli liquefacti, decurrere in omnes modulos divinæ voluntatis: ut dilectus loquutus est ad me per Gabrielem postulans me in Matrem, cui me obtuli in ancillam, sciens, quoniâ qui se humiliat, exallabitur. Nota quòd proprium est metalli liquefacti descendere. Sic fecit MARIA obediendo, cum postulata in Matrem Dei, quod fuit ei summa dignitas, se nominat ancillam, quod fuit summa humilitas. Et ideò animæ suæ attribuit liquefactionem, quæ est propriè metalli. Tu. ¶.

LECTIO 5.

Itèr ratione obedientiæ comparatur auro MARIA, ubi dicitur arca, thronus, solium. Comparatur ferè omnibus vasis templi, et tabernaculo quæ fuerant aurea. Aurum enim tractabilius est omnibus metallis, et quantò tractabilius, tantò subtilius, operibus faciendis competentius. De quo videlicet auro fabricatum est artificio Spiritûs Sancti vas illud admirabile, opus excelsi, in quo Filius Dei comedit favum suum cum melle suo, bibit

vinum suum cum lacte suo. Itèr inobedientiâ MARIE impletum est, quod olim prædixerat Dominus per Joëlem: obedientiam se malle, quàm sacrificium, et scientiam Dei. Tu. ¶.

LECTIO 6.

Itèr ratione obedientiæ potest ipsa dicere cum Filio suo illud Isaïæ. Erige manè, manè erigit mihi aurem, ut audiam quasi magistrum. Dominus Deus aperuit mihi aurem. Eleganter verba disposuit, cum prius sibi erectam aurem perhibuit quàm apertam. Manè dicit MARIA erectam ei aurem quæ ab initio ætatis ad verba cœlestia paratum habuit auditum, et docuit nos habere. Erexerat autem, et aperuerat Dominus auditum MARIE, undè quasi juvencula erectam aurem habens, facillè et libentèr suscepit verba angelica, in quibus turbata est: quæ etiâ nullum verbum audisse legitur in Evangelio ante illud. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 2. 28.

In illo tempore: Ingressus angelus ad MARIAM, dixit: Ave gratiâ plena, Dominus tecum, Et reliqua.

Homilja S. Bernardini Senensis.

Serm. de Laud. Virginit.

art. 2. c. 9.

Sicut ex inobedientiâ primæ nostræ parentis sumus condemnati; ita per obedientiam MARIE Virginis sumus à morte peremptoriâ liberati: ideò hæc obedientia ab Evâ rejecta, à MARIA gratantèr recepta, continuè Virgini suadebat optare salutem mundi: ideò divinæ voluntati subdi, et omninò sub divino imperio ejus voluntatem annihilari. Undè auditâ Domini voluntate de conceptu Filii sui, volentèr

atque lætantèr, etiàm velocitèr angelo ait : Ecce : quasi dicat: ecce volenti corde, lætanti facie, atque veloci opere adimpleo, quidquid divinæ fuerit beneplacitum voluntati. Tu. ꝑ.

Bened. Cujus Obedientiam.

LECTIO 8.

Et in hoc Beata Virgo MARIA docet esse obedientes. Primò volentèr, id est, volenti corde. Debet enim majori justa præcipienti respondere, quod apostolus ait : Domine, quid me vis facere ? Quia ut dicitur Ecclesiastico: melior est obedientia, quàm stultorum victimæ quia hæc maclatur voluntas propria, ibi verò voluntas aliena. *Lect. 9.* Secundò debent obedire lætantes, id est, lætâ facie: undè Bernardus : hilaritas in vultu, dulcedo in sermone multùm decorant obedientiam subsequentis: nubilosa verò corporis compositio, et facies tenebris obscurata devotionem ab animo recessisse signat. Tertiò debent obedire promptè, id est, prompto opere, sicut psalmus ait: in auditu auris obedivit mihi : et alibi viam mandatorum cucurri, cum dilatasti cor meum. Tu. ꝑ.

LECTIO 9.

Commemoratio B. V. Cracoviensis.

Balingh. sub. die 17. April.

Cum Tartari Rusiam, et Voliniam popularentur, Sanctus Hiacinthus Kiomæ agebat, et ingresso in templum locuta est Imago Beatæ Virginis MARIE. Cur me, inquit, Hiacinthè, solam relinquis ? Cur ludibrio barbarorum exponis ? Cur tecum me, et Filii mei Sacramenta non effers ? His admonitus, Sacerdotis habitu indutus, alterâ verò prægrandem ex alabastro Virginis Imaginem apprehendit, et nullam inveniens navim Boristensi aquæ se commisit, ac cicco vestigio ingen-

tis Iconis pondere onustus profundissimum flumen trajecit, ac tandem Cracoviam pervenit incolumis. Piam illam sarcinam Imaginis Deiparæ Cracoviæ in templo sui ordinis Sanctissimæ Trinitatis reliquit. Tu.

Ad Te Matrem.

Ad Benedict. ant. O verè ancilla, quæ neque dicto neque facto, neque cogitatu unquàm contradixit Altissimo, nihil sibi libertatis reservans, sed per omnia subdila Deo.

Ad Magnif. ant. Anima mea liquefacta est, ut dilectus locutus est.

DIE XXIII. MART.

CONSTANTIÆ B. M. V.

Duple.x.

Officium fit ut in tempore Passionis.

IN I. VESPERIS.

HYMNUS 230. *Maerkel.*

Eamus è vestigio,
Eamus ad spectaculum;
In Golgotæ fastigio,
Doloris est miraculum.

Clavis ibi trabalibus,
Dum fixa membra defluunt,
Et quinque de canalibus
Cum morte vitam depluunt.

Duo MARIE lumina
Instar duorum fontium,
Spargunt amoris flumina
Inter pretosa montium.

En fronte sub tenerrimâ
Amoris humor enitet:
Quam, Virgo, me pulcherrima
Tui doloris pœnitet!

Quin lacrymas huc dirigis?
Genæ tuæ sunt lividæ;
O Virgo, si me diligis,
Mecum dolores divide.

Faxit beata Trinitas,
Ut gaudeam favoribus,
Quos indidit Divinitas
Matris meæ doloribus. Amen.

Oratio.

Præsta, quæsumus, Omnipotens Deus, ut qui Constantiam beatissimæ Virginis recolimus, forti animo simus semper in adversis, ut morum similitudine similes ei effecti, post ipsam ad cœlestia regna perducamur. Per Dominum.

AD MATUTIN.

Invitator. Stabat Virgo MARIA in magnâ Constantiâ juxta Crucem, * Dum pendebat ex eâ Filius ejus Christus.

HYMNUS 231. *Maerkel.*

Fulcite me languoribus,
Stipate me doloribus,
Amorē JESU langueo,
Dolore, amore langueo.

Arâ Crucis ex horridâ,
Sub zonâ amoris torridâ
Natus meus suspenditur,
Amor meus dislenditur.

Amor doloris malleo
Figit manus; hinc palleo:
Dein pedi pes figitur;
Meum cor hinc affligitur.

Instar latronum vilium
Pendere cerno Filium:
Amoris est consensio,
Quod sentit ille, sentio.

Ejus cruci confixa sum,
Quem nil dolens enixa sum:
Externa Crux est lignea,
Interna Crux est ignea.

Qui me dolor depascitur,
Amoris igne nascitur,
Et sentio cor dividi,
Tam sunt dolores vividi.

O Unitas! O Trinitas!
O Numinis divinitas!
Fac ut doloris nubilum
Sit in perenne jubilum. Amen.

Lection. 1. Noct. de ferid.

IN II. NOCT.

LECTIO 4.

De Constantiâ Beatissimæ Virginis dici potest, quod ipsa semper ste-

terit firma in justitiâ et sanctitate, quia nunquàm in aliquod peccatum vel minimum lapsa est. Audivit enim præceptum Altissimi: Fili, accedens ad servitutem Dei, sta in justitiâ, et timore. Stetit MARIA in servitio Dei operibus justitiæ firmata: undè de illâ dicitur in Proverbiis: Manum suam misit ad fortia, id est, ad ardua virtutum opera. Tu.

¶. Suâ Constantiâ vicit Virgo sexum, vicit hominem, et passa est ultrâ humanitatem, * Torquebatur enim magis ob tormenta Filii, quàm si torqueretur in se. †. Stetit semper juxta Crucem JESU in magnâ constantia orans pro illis qui eum cruci affixerant. Torqueb.

LECTIO 5.

Stetit quoquæ MARIA in fide JESU Christi, et in maximis adversis constantissima ac patientissima. Constantissima; nam, cunctis amicis et discipulis in passione fugientibus, in gloriam totius feminei sexûs inter tot pressuras Filii sui constantè ipsa sola stetit usque ad mortem in fide JESU Christi firma. Patientissima; nam, elsi animam ejus totam pertransiret et possideret vis immensi doloris, tamen, ut decet pudicitiam virginalem, non se laniabat in tantâ amaritudine, non maledicebat, non murmurabat, nec vindictam hostium à Deo petebat, sed firmissimè, velut immota pelagi rupes, quæ sese multis circum latrantibus undis mole tenet, semper stetit. Tu.

¶. Licet Virgo confossa acuto cor doloris spiculo, * Nil malo externa tanto turbidum ore protulit, nilque prorsus indecèter egit aut inconditè. †. Sed suum dolorem acerbum temperabat fortitè. Nil.

LECTIO 6.

Constantiam deniquè hanc Deiparæ

terræ illius declarabat consistentia, de quâ Ecclesiasticus: Generatio præterit, et generatio advenit, terra autem in æternum stat. Præterit siquidem Petrus, quando cum reliquis Ecclesiæ Principibus fugit. Advenit generatio, cum latro credidit, et in paradysum pervenit. Terra autem hæc virginea stat in æternum, quia divinum æternumque fructum proferens, immobilis stetit in fide Christi, et charitate. Unde Ecclesia in triduo Passionis officio omnes candelas exlinguit, unicâ absconditâ relictâ, quæ Beatam Virginem significat, quia in fidei lumine constans stetit, fugientibus discipulis, quos postea omnes illuminavit. Tu.

¶. Ut pelagi rupes magno veniente fragore * Quæ sese multis circum rugientibus aquis firma tenet. †. Sic MARIE mens fidelis cæteris lapsantibus, firma mansit more rupis passionis tempore.—Quæ.—Gloria.—Quæ.

IN III. NOCT.

Lectio Sancti Evargelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus et soror Matris ejus MARIA Cleophe, et Maria Magdalene. Et reliqua.

Homilia B. Guillelmi Abbatis.

Ap. *Crysogon. p. 162.*

Ubi ad hoc ventum est, ut bajulans sibi crucem JESUS exiret in eum, qui dicitur Calvariæ locum, tollebat et ipsa, Virgo scilicet, crucem suam, crucem interioris hominis sui, et sequebatur eum crucifigenda cum eo. Unde dicitur statura tua assimilata est palmæ. Siquidem per palmam, quâ manus victoris antiquo ritu ornatur, insigne illud et victoriosum crucis lignum

signatur, cui nimirum Evangelista staturam piæ Matris assimilatam insinuans: Stabat, inquit, juxta crucem JESU Mater ejus. Tu.

¶. Pressa sub ingenti ceu pondere palma virescit, * Sub cruce sic floret Genitrix Virgo Dei. †. Tua, Virgo, statura palmæ comparata est arduæ. Sub.

Bened. 8. Cujus Constantiam.

LECTIO 8.

Quis tam piam Matrem dulcissimo Filio in cruce morienti astantem, acerrimi doloris ambigat crucem intus tolerasse? Planè ille foris, et illa intus patiebatur crucem. (Lect. 9.) Stabat illa juxta crucem sui JESU, atque eo ipso sibimet quodammodò erat in cruce erecta, stando juxta crucem Filii, ipsa quodammodò per affectum maternum facta erat crux: sic ergò cum staret juxta insignem illam palmam, statura ejus assimilata est palmæ. Tu.

¶. Quamvis, quot Christus ipse semivivo in corpore vulnerum gerebat ictus, * Tot quoquæ ipsa sauciis Virgo plagas ferret intus anxia in præcordiis; †. Haud locum complevit omnem questubus muliebriter.—Tot.—Glor.—Tot.

LECTIO 9.

Commemoratio B. V. de Greghana.

(*amòs libr. 5. c. 2.*)

Quatuor ferè ab urbe Ilerdæ miliaribus, in regione, quæ Greghana dicitur, sub eodem nomine Diva Virgo in quodam Sacello ingenti cultu afficitur. Imago ejus, quæ ibi asservatur, ididem sub rubo, bove indice, à Pastore inventa traditur: lapidea est, colore suffusco: puerum sinistro genu sedens sustinet: palmo alta. Ad eam magnus fit fidelium accursus, præcipuè die vigesimâ quintâ Martii. Hoc Sacellum antiquissimum est, nam jam

ab anno millesimo trigesimo
quadregesimo pluribus indulgen-
tiis ditatum fertur. Tu. Te Matrem.

AD LAUDES.

HYMNUS 232.

Maerkel.

Calvaria est amoris,
Et est doloris vinea:
Sunt præla vinitoris
Clavi et corona spinea.

Dum fixus Christus JESUS
Crucisque calcat torculum,
Amor dolore læsus
Premit MARIE corculum.

MARIA, quando petra
Sensu doloris scinditur,
Diesque nocte tetra
Luget, tibi cor finditur.

Deposta membra ligno,
Sed membra cassa lumine,
Foves sinu benigno.
Lavas doloris flumine.

Cum Filio sepulto
Lapis sepulchro advolvitur,
Tibi MARIA multo
Dolore vita solvitur.

Sedens ad antra tumbæ
Mæsto susurro murmuris,
Instar gemis columbæ
Et plangis instar turturis.

O Mater, fac dolorum
Per hanc amaritudinem,
Cælestium bonorum
Gustem suavitudinem.

O Numen! O Divinitas!
In unitate Trinitas,
Fac ut doloris nubilum
Sit in perenne jubilum. Amen.

CANON.

Ex D. Ambrosio Episcopo.
apud Chrisogoni. p. 164.

486. Lego «Virginem» stantem
juxta crucem Domini, non lego plo-
rantem: stare namque in illâ cordis
amaritudine magnæ adscribitur
Constantiæ, abstinere à lacrymis
summæ verecundiæ annotatur. Co-
hibebat illa lacrymas præ pudore,

stabat sublimissimâ quadâm ani-
mi magnitudine; itaque nec dolor
excussit lacrymas, nec animum
pœna dejecit, quia hinc pudor ho-
nestus, hinc fortis Constantia de-
certabant. Tu.

IN II. VESPER.

HYMNUS 233. *Maerkel.*

Sub vespere crepusculum
JESU supra corpusculum,
Dolore Mater ebria
Nato facit funebria.

Supra cadaver flectitur,
Et brachiis amplexitur,
Et stringit inter ubera
Frontis cruentæ tubera.

Deindè junctis vultibus
Cælum ferit singulibus
Frontique dum frons jungitur,
Spinis acutis pungitur.

O Virgo, cui das osculum?
Spinas habes, non flosculum;
Flos ille jam sublatus est,
Qui te parente natus est.

Genæ rubent non floribus,
Sed vulnerum liquoribus;
Sunt hæ cruoris lineæ
Rosæ coronæ spineæ.

Has osculando pungeris,
Sic vivis et depungeris;
Nam præ dolore cor tuum
In lacrymis est mortuum.

O Unitas! O Trinitas!
O Numinis Divinitas!
Fac ut doloris nubilum
Sit in perenne jubilum. Amen.

DIE XXIV. MART.

IN VIGILIA ANNUNTIAT. B. V. M.

Simplex.

*Hæc vigilia omittitur, si solemni-
tas Annuntiationis transferatur ad
tempus paschale. Omnia de feriâ.*

Lectio S. Evangelii secundum
Lucam.

LECTIO 1. c. 1. 29.

In illo tempore: Cum audisset MA-

RIA angelum, turbata est in sermone ejus, et cogitabat qualis esset ista salutatio. Et reliqua.

Homilia S. Bernardi Abbatis.

Hom. 4. super missus.

Audisti, quia concipies, et paries filium: Audisti, quod non per hominem, sed per Spiritum Sanctum: expectat angelus responsum, tempus est enim, ut revertatur ad Dominum, qui misit illum. Expectamus et nos, o Domina, verbum miserationis, quos miserabiliter premit sententia damnationis. Et ecce offertur tibi pretium salutis: statim liberabimur, si consentis. Tu. *¶. de ferid.*

LECTIO 2.

Hoc supplicat à te, o pia Virgo, flebilis Adam cum miserà sobole suà exul de paradiso: hoc Abraham, hoc David. Hoc cæteri flagitant Sancti Patres, patres scilicet tui, qui et ipsi habitant in regione umbræ mortis. Hoc totus mundus tuis genibus provolutus expectat. Nec immerito, quando ex ore tuo pendet consolatio miserorum, redemptio captivorum, liberatio damnatorum, salus denique universorum filiorum Adam, totius generis tui. Da Virgo, responsum festinantè. O Domina, responde verbum, quod terra, quod inferi, quod expectant et superi. Tu. *¶.*

LECTIO 3.

Ipsa quoque omnium Rex, et Dominus, quantum concupivit decorem tuum, tantum desiderat et responsionis assensum: in quo nimirum proposuit salvare mundum. Et cui placuisti in silentio, jam magis placebis ex verbo: cum ipse tibi clamet de cælo: O pulchra inter mulieres, fac me audire vocem tuam, ipse se faciet videre salutem nostram. Nunquid non

hoc est, quod quærebas, quod gemebas, quod diebus et noctibus orando suspirabas? Responde itaque citius angelo, imò per angelum Domino. Responde verbum, et suscipe Verbum. Profer tuum, et concipe divinum. Emitte transitorium, amplectere sempiternum. Tu. *¶.*

Preces in Laud. et in Primd.

Oratio.

Deus, qui per Incarnationem Filii tui in utero immaculato Beatæ Virginis MARIE mundum reparare dignatus es: concede propitius, ut qui tantam prævenimus festivitatem, per fidem in cordibus nostris ipsum concipere mereamus. Qui tecum vivit, et regnat.

CANON.

Ex Paulo Papâ Quinto.

Const. 253. an. 1615.—B. R.

Tom. V. p. 4. pag. 183.

487. Immensæ bonitatis Creator omnium Deus... ad magnum et ineffabile implendum « Incarnationis » mysterium ex omni creaturâ MARIAM Virginem purissimam atque sanctissimam de regiâ stirpe prælegit. Tu.

Vesperæ de sequent.

DIE XXV. MART.

SOLEMNITAS

ANNUNTIATIONIS B. M. V.

Duplex 1. Class. cum Oct.

Hæc Solemnitas transfertur ad primam diem non impeditam, si occurrat in Domin. Passion. seu Palmæ. aut in hebdom. majori, vel infra Octav. Paschæ. Octava verò non transfertur, sed omittitur.

IN I. VESP.

Ant. 1. Rorate cæli desuper, et nubes pluant justum.

Psalmi de Solemnitat. ut in I. Vesp.

2. Aperiatur terra nostra, et nobis germinet Salvatore mundi.

3. Excita, Domine, potentiam tuam, et veni, ut salvos nos facias.

4. Descende sicut pluvia in velus, et sicut stillicidia stillantia super terram.

5. Benedicentur omnes tribus terræ: omnes gentes magnificabunt eum.

CAPITULUM. Zach. 2. 10.
Lauda et lætare, filia Sion, quia ecce ego venio, et habitabo in medio tui, ait Dominus.

¶ Virgo Israel, usquequò dolens averteris? * Generabis Dominum, oblationem novam in terrâ: ambulabunt homines in salvationem. ¶ Emitte agnum, Domine, de petrâ deserti ad montem filiæ Sion.—Generabis.—Gloria.—Virgo Israel. *Et dicitur tantum hæc die in Vesper.*

HYMNUS 234. Brev. Gallic.

Hæc illa solemnis dies
Dies salutis nuntia,
Quâ missa cælo tristibus
Venere terris gaudia.

Unius omnes crimine
Casu gravi lapsi sumus:
Ut ipse lapsos erigat,
Descendit in terras Deus.

Qui Patris æterni sinu
Æterna proles nascitur,
Obnoxius fit tempori,
Sinum nec horret Virginis.

Mortale corpus induit,
Orbi piando victimam,
Ut innocenti sanguine
Scelus nocentum diluat.

Qui cuncta complet Numine,
Nostros se in artus colligit;
Ut nos reducat ad Deum,
Est ipse nobiscum Deus.

Sit laus Patri, laus Filio,
Sit par tibi laus, Spiritus,
Quo dante Virgo concepit,
Manetque semper integra. Amen.

Hæc Doxolog. dicitur per octav.

¶ Ulinam dirumperes cœlos, et descenderes.

¶ Tange montes, et fumigabunt.

Ad Magnif. ant. Missus est Angelus Gabriel à Deo ad Virginem MARIAM, desponsalam viro, cui nomen erat JOSEPH.

Orat. de Laudib. Compl. de Domin.

AD MATUTIN.

Invitator. Verbum Dei incarnatum de Spiritu Sancto ex MARIA Virgine, * Venite, adoremus.

HYMNUS 235. Apud Marrac.
Jam mittit præmium hæc Dei Filia
Ad Dei Filium, nardus et præmia,
Hæc, misso nuntio in cœli solium,
De cœli solio eduxit nuntium.

In ventisocyor, qui missus fuerat,
Misso velocior intrat, qui miserat:
Amicis ostium patet cœlestibus,
Urbs hæc cœlestium non patet hostibus.

Nam munit Virginem turris humilitas,

Et ambit humilem murus virginitas:

Hæc intrat humilis, quòd est mirabile,

JESUS mirabilis castellum humile.

Hunc ventris gremium, capit hic spatia,

Nullum hoc spatium, nec mundi gremia:

Est hoc in sæculum novum miraculum,

Tanto miraculo miratur sæculum.

Collatum simili nihil est mirabile,

Huic mirabili quis vidit simile?

Hæc virum peperit, nec virum noverat,

Hunc virum noverat, necdum pepererat.

Novis in utero virum et puérum,
Vir est à puero, intrat in uterum:

Hinc nobis oriens, nunquàm comoritur,

Quo mundus omnis per mortem
oritur.

Nos apud Filium reos concilia,
Reis consilium da regis filia,
Ut trahat homines ad se dux vir-
ginum,

Clamat ad Virginem gemens cor
hominum. Amen.

IN I. NOCT.

Ant. 1. Missus est Angelus * Ga-
briel ad MARIAM Virginem de-
sponsatam JOSEPH.

Psalm. 8. Domina Dominus no-
ster. *p. 4.*

2. Ne timeas, MARIA, * inve-
nisti gratiam apud Deum.

Psalm. 15. Conserva me. *p. 25.*

3. Ecce concipies, * et paries
Filium, et vocabis eum JESUM.

Psalm. 44. Eructavit. *p. 30.*

†. Angelus Domini nuntiavit MA-
RIÆ.

†. Et concepit de Spiritu Sancto.
Lect. ut in Dom. 1. Advent. p. 100.

†. 1. Ecce jam venit plenitudo
temporis, in quo misit Deus Filium
suum in terras, * Ut incarnaretur
de Spiritu Sancto ex MARIA Virgi-
ne. †. Propter nimiam charitatem
suam, quæ dilexit nos Deus, Fi-
lium suum misit in similitudinem
carnis peccati.—Ut.

†. 2. Canite tubæ in Sion, vo-
cate gentes, annuntiate populis, et
dicite: * Ecce Virgo concipiet et
pariet Filium, et vocabitur nomen
ejus Emmanuel. †. Annuntiate et
auditum facite: loquimini, et cla-
mate.—Ecce.

†. 3. Quomodo fiet istud, ange-
le Dei, quoniam virum non cog-
nosco? * Audi MARIA Virgo: Spi-
ritus Sanctus superveniet in te, et
virtus Altissimi obumbrabit tibi.
†. Ecce Rex tuus venit tibi justus,
et salvator, et habitavit in medio
tui.—Audi.—Gloria.—Quomodo.
Infra octav. Audi.

IN II. NOCT.

Ant. 1. Quomodo fiet * istud,
quoniam virum non cognosco?

Psalm. 45. Domina, refugium.
p. 30.

2. Spiritus Sanctus * superve-
niet in te, et virtus Altissimi obum-
bravit tibi.

Psalm. 49. Deus Deorum. *p. 31.*

3. Quod nascetur * in te San-
ctum, vocabitur filius Dei.

Psalm. 63. Exaudi Deus. *p. 34.*

†. Ecce Ancilla Domini.

†. Fiat mihi secundum verbum
tuum.

Sermo S. Joannis Chrysostomi.

In Luc. c. 1. in Nativ. S. Joan. Bapt.

LECTIO 4.

Post sextum mensem conceptionis
Joannis, qui est octavo Kalendas
Octobris, sextus mensis Martius,
principium anni, quia princeps et
primarium omnium, ipso mense
conceptus et passus est... Ex die
igitur conceptionis Joannis octavo
Kalendas Octobris, usque Octavo
Kalendas Aprilis, quando Angelus
Gabriel ingressus est ad MARIAM,
et salutavit eam, dicens: Pax te-
cum quia invenisti gratiam apud
Deum. Quæ audito hoc verbo con-
turbata est, et cogitabat intra seme-
tipsam, quæ esset ista salutatio. Tu.

†. Suscipe verbum, Virgo MA-
RIA, quod tibi à Domino per An-
gelum transmissum est: * Concipies
et paries Deum pariter et hominem.
†. Benedicta tu inter mulieres, et
benedictus fructus ventris tui. †.
Concipies.

LECTIO 5.

Cui dixit Angelus: Ne timeas, MA-
RIA, quia invenisti gratiam apud
Dominum: Ecce concipies in utero
et paries Filium, et vocabis nomen
ejus JESUM. Hic erit magnus et fi-
lius Altissimi vocabitur: et dabit illi
Dominus sedem David patris ejus,

et regnabit in domo Jacob in sæcula, et regni ejus non erit terminus. Cui respondit MARIA. Et quomodo hæc cognoscam, cum virum non noverim? Et dixit illi Angelus: Spiritus Sanctus superveniet in te, et virtus Altissimi obumbrabit tibi: propter quod is qui nascetur Sanctus, vocabitur Filius Dei. Tunc MARIA fida sermone dixit: Ecce Ancilla Domini, contingat mihi secundum verbum tuum. Tu.

¶ Spiritus Sanctus in te descendet MARIA; * Ne timeas, habebis in utero Filium Dei. †. Ecce Virgo concipiet, dicit Dominus.—Ne timeas.

LECTIO 6.

Fuit igitur, quando hæc Angelus ad MARIAM nuntiavit, octavo Kalendaris Aprilis, qui et ipse est dies æquinocialis ad inchoationem lucis, jam enim detersa caligine à mundo, lux in mundum adveniebat, sicut Joannes in Epistola sua dicit: quia tenebræ transierunt et lumen verum jam lucet. Conceptus est ergo Dominus noster Octavo Kalendaris Aprilis, mense Martio, qui est dies Paschæ Passionis Domini, et Conceptionis ejus. In quâ enim die conceptus est, in eadem et passus est. Tu.

¶ Ne timeas, MARIA Virgo ad verbum Angeli: * Quod enim ex te nascetur Sanctum vocabitur filius Dei. †. Ave MARIA, gratia plena, Dominus tecum.—Quod.—Gloria.—Ne timeas.

IN III. NOCT.

Ant. 1. Ne timeas, * MARIA, quoniam non erit impossibile apud Deum omne verbum.

Ps. 68. Salvum me. p. 35.

2. Ecce Elizabeth * cognata tua, et ipsa concepit Filium in senectute sua.

Ps. 101. Domina, exaudi. p. 42.

3. Ecce Ancilla Domini, * fiat mihi secundum verbum tuum.

Ps. 131. Memento. p. 48.

†. Et Verbum caro factum est.

¶. Et habitavit in nobis.

Lectio S. Evang. secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliqua.

Homilia S. Joannis Damasceni.

Orat. in ann. B. M. V.

Rex cœlestis misit ad Virginem ministrum suum Gabrielem, ut ipsam salutatione lætitiæ compelleret, certio remque faceret esse se à Creatore electam, dicendo: Ave gratia plena, Dominus tecum, benedicta tu in mulieribus. Et quomodo benedicta non esset, et gratia plena, cum quâ creaturarum Dominus fuit, copulando sibi ex eâ templum, quo opem generi suo efferret? Hodie qui format res omnes visibiles, et invisibiles, effinxit sibi imaginem humanam. Hodie qui producit omnes creaturas spirituales et materiales, produxit sibi carnis figuram. O misericordiæ Creatoris abyssum, et excellentiam descensus eius! Tu.

¶ Benedicta et venerabilis es, Virgo MARIA, * Quæ de cœlo suscepisti prolem, et mundo genuisti Salvatorem. †. Virgo Dei Genitrix, quem totus non capit orbis, in tua se clausit viscera factus homo.—Quæ.

Benedict. Cujus Annuntiationem.

LECTIO 8.

Quando Angelum vidit MARIA, turbata est ob sermonem ejus secumque cogitare cœpit: undenam esset ista salutatio. Angelus verò dicit ei: Ne timeas, MARIA: nacta es gratiam Dei. Ecce concipies in utero,

et paries Filium, et vocabis nomen ejus JESUM. Profectò gloriosa hæc et illustris inter mulieres gratiam nacta est apud Deum, cum ab eo electa est, ut corpus ex ipsâ sumeret, conpingeretque ex sancto ejus sanguine, ut eâ non fuerit antea puritate similis, nec post futurus pari sanctitate præditus. Tu.

¶. Beata es Virgo MARIA quæ Dominum portasti creatorem mundi: * Genuisti qui te fecit, et in æternum permanes Virgo. †. Ave MARIA gratiâ plena, Dominus tecum.—Genuisti.

In diebus infra Octav. omititur.

LECTIO 9.

Quam ob rem omnes simul occurramus, senes et adolescentes, ætate graves et juniores ad honorandam Dominam nostram, ac nostræ naturæ Reginam, laudibus prædicantes puritatis ejus decorem, perpetuam virginitatem reverentes, altitudinem deniquè sanctitatis ejus honorantes, dicamus, ò gloria filiarum! O Matrum decus! O genitricem viro incognitam! O Virginem Filio gravidam! O miraculum, quo missi à Deo prophetæ perculsi sunt, et cujus gloria Angelos superat! Propitia sis servorum tuorum, qui auxilium tuum implorant deprecationibus. Tu.

¶. Virgo Israel, usquequò dolens averteris? * Generabis Dominum, oblationem novam in terrâ: * Ambulabant homines in salvationem. †. Emitte agnum, Domine, de petrâ deserti ad montem filiæ Sion.—Generabis.—Gloria.—Virgo.

In diebus infr. Oct. Generabis. Et dicitur post 8. Lectionem.

AD LAUDES

et per horas antiphonæ.

1. Ave, MARIA, * gratiâ plena, Dominus tecum.

Psalmi de Domin.

2. Paries Filium * et vocabis nomen ejus JESUM.

3. Hic erit magnus * et filius Altissimi vocabitur.

4. Regnabit * in domo Jacob in æternum, et regni ejus non erit finis.

5. Ecce Elizabeth * cognata tua, et ipsa concepit Filium in senectute suâ.

CAPITULUM. Zach. 2. 10. Lauda et lætare, filia Sion, quia ecce ego venio, et habitabo in medio tui.

HIMNUS 236 *Santuil.*

Cœlestis ales nuntiat
Implenda mox mysteria;
Virtute fecundâ Deus
Illapsus implet Virginem.

Qualis stupendo gloria
Te, Virgo, de partu manet?
Conceptus in tuo sinu
Natus Dei nunc est tuus.

De virginali sanguine,
Quem nulla labe inficit,
Tingente Sancto Spiritu,
Christi caro compingitur.

Nobis per hunc mortalibus
Latescit esca cœlitum:
Nos pascit infantes homo,
Qui pascit angelos Deus.

Sit laus Patri, laus Filio,
Sit par tibi laus, Spiritus,
Quo dante Virgo concipit,
Manetque semper integra. Am.
†. Ave, MARIA, gratiâ plena.
¶. Dominus tecum.

Ad Benedict. ant. Ecce ancilla Domini: * fiat mihi secundum verbum tuum: et Verbum caro factum est.

Oratio.

Deus qui hodiernâ die Verbum tuum in beatæ Virginis alvo incarnari voluisti: fac nos ita præsentem solemnitatem peragere, ut tibi placere valeamus. Per. eum.

AD PRIMAM.

Ant. Ave. capitul. Lauda et. de Laud.

†. *br.* Quæ Verbum Dei de Spiritu Sancto concepisti.

CANON.

Ex Gelasio Papâ Primo.

Ep. 2. ad Laur. Ep.—Conc.

Tom. X. p. 93.

488. Confitemur Dominum nostrum JESUM Christum... de Sanctissimâ Virgine MARIA incarnatum, et perfectum hominem ex animâ rationali, et corporis susceptione... Tu.

AD TERTIAM.

CAPITULUM. *Isai. 7. 14.*

Ecce Virgo concipiet, et pariet Filium, et vocabitur nomen ejus Emmanuel. Baturum, et mel comedet, ut sciat reprobare malum, et eligere bonum.

†. *br.* Angelus Domini * Nuntiavit MARIÆ.—Angelus. †. Et concepit de Spiritu Sancto.—Nuntiavit.—Gloria.—Angelus.

†. Ecce ancilla Domini.

†. Fiat mihi secundum verbum tuum.

AD SEXTAM.

CAPITULUM. *Luc. 1. 32.*

Dabit illi Dominus sedem David Patris ejus, et regnabit in domo Jacob in æternum: et regni ejus non erit finis.

†. *br.* Ecce * Ancilla Domini.—Ecce. †. Fiat mihi secundum verbum tuum.—Ancilla.—Glor.—Ecce.

†. Et Verbum caro factum est.

†. Et habitavit in nobis.

AD NONAM.

CAPITULUM. *Is. 11. 1.*

Et egredietur virga de radice Jesse, et flos de radice ejus ascendet. Et requiescet super eum Spiritus Domini.

†. *br.* Et Verbum * Caro factum est.—Et.

†. Et habitabit in nobis.—Caro.—Gloria.—Et Verbum.

†. Benedicta tu in mulieribus.

†. Et benedictus fructus ventris tui.

IN II. VESPER.

Antip. et capit. de Laud. Psalm. de Solemnitatib.

HYMNUS 237. *Muret.*

Ad te sydereis missus ab arcibus
Cum venit Gabriel, Virgo, renuntians,

Te summo ante alias complacitum
Patri

Mox Matrem Domini fore.

Turbatâ tibi tunc purpureus genas

Sparsit miente pudor, nescia quod viri,

Casto Sponsâ licet, pectore virginem
Semper te fore noveras.

Verum idem subito nuntius addidit:

Istos pone metus: nam tibi datum est,

Ut virgo maneat, et tua compleat
Sanctus viscera Spiritus.

Tunc ore ex roseo vox tibi prodiit,

Testis mirificæ certa modestiæ:

Ecce ancilla Deo subdita, nil moror,
Fiat quod Dominus jubet.

Simplex æterei Numinis Unitas,
Quæ distincta eadem est, veraque
Trinitas,

Æternis vigeat semper honoribus
Et terrâ simul et polo. Amen.

†. A sæculo non est auditum.

†. Novum quod fecit Dominus
super terram.

Ad Magnif. ant. Ecce completa *
sunt omnia, quæ dicta sunt MARIÆ
ab Angelo: concepit de Spiritu Sancto,
et effecta est Mater ipsius Dei.

Completor. de Dominicâ.

Quando hæc solemnitas transfert.

ad tempus pasch. Officium fit omnino ut in die Annunt.

DIE XXVI. MART.

B. V. GUADALUPENSIS.

Duplex.

Lectio. 1. Noct. de ferid.

IN II. NOCT.

LECTIO 4.

Balingh. Kalen. mar. die 26.

Mart.

Alphonso secundo regnante in Hispaniâ, anno millesimo trecentesimo decimo tertio, apud Guadalupenses reperta est Imago Deiparæ innumeris miraculis illustris. Fama est Divum Leandrum Hispalensem Episcopum à Sancto Gregorio munus unâ cum commentariis in Job accepisse, et apud clerum et populum solemnî pompâ susceptam summo iu honore fuisse. Pii aliquot Hispanenses Sarracenorum sævitiam fugientes, eam ne ludibrio iis foret, secum detulerant, et in eo antro Guadalupensi eam condiderunt, unâ cum libro Historiam rei continente, et campanâ ære fusâ. Sexcentis fere annis ea Imago ibi delituit, donec beatæ Virgini placuit eam sequenti modo revelare. Tu. ꝑ.

LECTIO 5.

Boarius, qui urbem Cacerensem incolebat, vaccam amiserat, quæ cum per saltum invium erraret, eam tardem in loco, ubi jam est templum reperit, sed mortuam. Cumque exerto cultro pellem extraheret, repente animal surrexit, quod boario ingenti meta percussit. Sed momento ad se reversus, Deiparam splendentem vidit, quæ dixit, ne timeret. Ad urbem, inquit, mox perge, clerum convoca, ut hic fodientes imaginem meam inveniant. Subjungente Boario, quid si mihi non credant? Tunc Deipara,

vade confidenter. Nam ubi domum pervenies, filium tuum, quem mortuum invenies, ad vitam redire jubebo: istudque signi dabis, vera esse quæ revelo. Tu. ꝑ.

LECTIO 6.

Itaque clerum ac populum convocat, visionem enarrat, et quæ à Deiparâ audivit, filiumque vitæ restitutum ostendit, et ad Imaginem refodiendam eos adduxit. Fodientes autem loco designato, in antro Imaginem Beatæ MARIE Virginiis unâ cum libro et campanâ reperiunt, omnia ita integra, ac si eo die posita. Cui læti in aram extemporariam extruunt. Alphonsus postea et Joannes Rex templum magnificentissimum extruxere, tribus magnis fornicibus tectum, gratâ symetriâ partium insigne. In ejus arâ maximâ ingens sacrarum statuarum ordo visitur, inter quas media est Beatæ Virginis Imago, quæ grato aspectu et majestate, tum amorem, tum reverentiam intuentium conciliat. Miraculorum quæ ad eam Imaginem Deus patrat, non est numerus. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extolens vocem quædam mulier de turbâ, dixit illi: Beatus venter, qui te portavit. Et reliqua.

Homilia S. Bernardini Senensis.

Serm. de Nativ. B. V. M. c. 11.
Sola benedicta Virgo MARIA plus fecit Deo, vel tantum, ut sic dicam, quantum fecerit Deus toti generi humano. Credo enim certè quod mihi indulgebit Deus, (si nunc pro Virgine loquar. Congregemus in unum, quæ Deus homini fecit. Primò namque Deus formavit hominem de limo terræ;

sed MARIA formavit eum de purissimis sanguinibus suis et de purissimâ carne suâ, quæ prævalet omnibus rebus mundi. Secundò Deus impressit homini decorem imaginis suæ: sed gloriosa Virgo impressit in eum imaginem suam. Nam sicut ipsa erat pulchrior omnium feminarum, sic JESUS est pulchrior et speciosior formâ præ filiis hominum. Tu. R.

LECTIO 8.

Tertiò Deus fecit hominem sine passionibus famis, sitis, frigoris, et consilium, sed sedula Mater JESU, et præ cunctis hominibus pia, omnibus passionibus ejus occurrebat, scilicet fami, siti, nuditati, frigori, calori, sicut status pauperri- mus exigebat, et hoc cum maximâ patientiâ suâ. Quartò vestivit Deus hominem pelliceâ veste: sed Virgo benedicta vestivit eum in præsepio suis pauperculis pannis, et processu temporis tunicam inconsutilem ei fecit, quæ prævaluit omnibus vestibus mundi. Tu. R.

LECTIO 9.

Quintò docuit Deus hominem sapientiam: sed sapiens et prudentis- sima Virgo MARIA docuit Christum puerilia aliqua fugere, et sequi eam. Sextò nutritivus Deus hominem de fructibus paradisi: sed beatissi- ma Virgo nutritivus Christum de suo sacratissimo lacte, ubere de cœlo pleno, cujus minima stilla prævalet omnibus fructibus paradisi terre- stris ac totius mundi. Reddendo ergò singula singulis, scilicet, quæ fecit Deus homini, et quæ fecit Deo Beata Virgo, videbis quòd plùs fecit MARIA Deo, quàm homini Deus, ut sic pro solatio dicere liceat, quòd propter Beatam Virginem, quam tamen ipse fecit Deus, quodammo- dò plùs obligetur nobis, quàm nos sibi. Tu. Te Matrem.

Vesperæ de infra Octav.

DIE XXVII. MART.

DE III. DIE INFRA OCTAV.

Semiduplex.

Oratic. Sacram. Gelas.

Exaudi nos, Domine, Sancte Pa- ter, omnipotens æterne Deus, qui per Beatæ MARIE sacri uteri divi- næ gratiæ obumbrationem univer- sum mundum illuminare dignatus est; majestatem tuam supplices exoramus, ut quòd nostris meritis non valemus obtinere, ejus adipi- sci præsiidiis mereamur. Per Dom.

AD MATUTIN.

HYMNUS 238. *L. Massorill. Fulg.*
Quis tuas, Virgo veneranda, laudes
Exequi dignis valeat camænis?
Cui parem vitæ probitate nulla
Protulit ætas.

Nuntius celsò veniens olympo,
Diva, te flexis genibus salutat,
Et Sacramentum tibi pandit altum
Omnipotentis.

Tunc subdit sedes uteri pudici
Patris æterni generosa proles,
Atque mortales sine fine vivens
Induit artus.

Quemque complecti nequeunt
Potentem
Regna stellati spatiosa cœli,
Ventris augusti latitat cubili
Parvulus Infans.

Sit decus summos sine fine Christo,
Sancta quem Virgo genuit MARIA,
Qui Patri compar Spiritui Sancto,
Regnat in ævum. Amen.

Lect. 1. Noct. de Fer. occur.

IN II. NOCT.

Ex libro S. Hildephonsi Arch.
Toletani de Virginitate.

LECTIO 4.

Quomodo fiat, quæris, de origine interrogas, de ratione perscrutaris, de apparientiâ requiris, de ordine sciscitaris. Audi inauditum oracu-

lum, considera inusitatum opus, animadvertite incognitum arcanum, attende invisum factum: Spiritus Sanctus superveniet in te, et virtus Altissimi obumbrabit tibi. Tu. *¶*.

LECTIO 5.

Tota invisibiliter Trinitas conceptionem operabitur in te, sola persona Filii Dei in corpore tuo nascitura carnem assumet de te. Ideoque quod concipietur ex te Sanctum, vocabitur Filius Dei. Erit enim hic magnus, hic Deus virtutum, hic rex omnium sæculorum, hic factor omnium rerum. Tu. *¶*.

LECTIO 6.

Ecce beata tu inter mulieres, integra inter puerperas, Domina inter ancillas, Regina inter sorores. Ecce ex hoc beatam te dicent omnes generationes, beatam te novērunt omnes cœlestes virtutes, beatam te prædicant omnes vates, beatam te celebrant omnes nationes. Beata tu fidei nostræ, beata tu animæ nostræ, beata dilectioni nostræ, beata præconiis et prædicationibus meis. Tu. *¶*.

IN III. NOCT.

Lectio Sancti Evangelii secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virgi desponsatam viro. Et reliqua. Hom. S. Gregorii Neocæsariensis Ep.

Orat. 2. in Annuntiat.

Ad castissimam Virginem missus est Gabriel incorporeus, ad eam, quæ in corpore vitam transigebat incorruptam, in castitate ac virtutibus viventem. Et ad ipsam veniens primum illud ave gratiâ plena, Dominus tecum, ipsi sic annuntiat. Ave, gratiâ plena: Tu enim, quæ reverâ gaudio sunt digna agis, quoniam immaculatam induta es

vestem, et cingulo continentiae, ac pudicitiae cincta es. Ave gratiâ plena, quæ supercœlestis lætitiæ vas es, atque receptaculum. Ave gratiâ plena, nam per te gaudium omni dispensatur creaturæ, genusque humanum antiquam recuperat dignitatem. Ave gratiâ plena, quoniam in ulnis tuis Creator universorum gestabitur. Tu. *¶*.

LECTIO 8.

Ipsa verò in hoc turbata est verbo, nam ad quoscumque virorum affectus erat insolita: et quietem atque silentium, ut continentiae ac castitatis matrem amplectabatur: cumque puritatis, atque integritatis immaculatum simulacrum esset, aspectum ipsa angelicum, sicut plures ex prophetis, non reformidavit: quoniam et affinitatem quandam ac similitudinem vera virginitas cum angelis habet. Studiosè quippe Sanctissima Virgo lanipadam Virginitatis conservabat, et ne extingueretur, providè diligentèrque curabat. Tu. *¶*.

LECTIO 9.

Commemoratio B. V. Limanæ de Rosario.

Gumremb. 1026.

Hanc Deiparæ statuam è ligno incognito sculplam tulere secum Hispani, cum primum Peruanum regnum ingrederentur. Justæ magnitudinis est, et in templo Patrum Dominicanorum. Anno millesimo quingentesimo trigesimo quinto, ipsâ invocata sexcenti Hispani, quibus solemne semper fuit, Deiparæ se ante pugnam commendare ducenta millia barbarorum devicere: visa enim est ipsa in prælio, et ab utrisque observata eâ omnino figurâ, apparuisse, quâ in hac Sanctâ Statnâ colitur. Diva Rosa Limana quidquid voluit pro se et aliis impetravit, et nunquam sine

solatio ab eâ digressa est. Tu.
Te Matrem.

CANON.

Ex Sancto Felice Papâ.

Ep. 3. ad Petr. Pullonem.—

Conc. Tom. X. p. 22.

489. Patris intimum substantiale Verbum ac Deus per Sanctæ Virginis auris illapsum conceptionem ineffabiliter operatum est. Tu.

Vesper. Dupl. ut in 2. Vesper. Annunt. Oratio sequentis.

DIE XXVIII. MART.

CONSILII B. Mariæ V.

Duplex.

Omnia ut in die Annunt. nisi transferatur.

Oratio.

Mentes nostras, quæsumus, Domine, Paraclitus, qui à te procedit, illuminet, ut qui donum Consilii in Beatissimâ Virgine celebramus, Spiritu Consilii replei possimus. Per Dominum... ejusdem Spiritus.

Lection. 1. Noct. de ferid.

IN II. NOCT.

Sermo S. Antonini Arch. Florentini.

Le B. V. c. 18. §. 3.

LECTIO 4.

Donum Consilii est habitus, quo homo accipit quod agendum est, quasi per certitudinem à Spiritu Sancto edoctus supra humanam rationem. Vel consilium est donum quo Spiritus Sanctus nos dirigit in omnibus, quæ ordinantur in finem vitæ æternæ, sive sunt de necessitate salutis, sive non. Hoc dono et gratiâ plena fuit Virgo beata super viatores, quod sic probat Albertus. Tu.

¶ Ego sapientia habito in consilio, et eruditus intersum cogitationibus: * Quia meum est consilium et æquitas, mea est prudentia,

mea est fortitudo. ¶ Qui agunt omnia cum consilio meo, reguntur sapientiâ. Quis.

LECTIO 5.

Cum venerit ille Spiritus Sanctus docebit vos omnem veritatem, scilicet de agendis ad salutem; sed Spiritus Sanctus venit improporcionabiliter in Beatâ Mariâ, magis quàm in quemlibet viatorem purum, et in conceptu Filii, et in die Pentecostes, cum esset cum Apostolis, quando venit in specie ignis; ergo in ageudis maximè fuit edocta per donum consilii. Tu.

¶ Si intraverit sapientia cor tuum, et scientia animæ tuæ placuerit: * Consilium meum custodiet te semper. ¶ O Fili mi, ne effluant hæc ab oculis tuis: custodi legem et consilium.—Consilium.

LECTIO 6.

Item secundum Philosophum cujus est operari, ejus est et operanda cognoscere. Et cujus est in omnibus, et præ omnibus benè operari, ejus est super omnes operando cognoscere, et benè discernere, quod pertinet ad consilium. Sed Beata MARIA fuit perfectissima observatrix et mandatorum et consiliorum Dei super omnes; ergo habuit cognitionem consiliorum circa agenda per donum consilii. Fuit et amicissima et familiarissima Domino super omnes, undè et edocta de rebus secretis. Tu.

¶ Audi consilium, et suscipe disciplinam, ut sis sapiens in novissimis tuis: * Cor boni consilii statue tecum. ¶ Dissipantur cogitationes, ubi non est consilium.—Cor.—Gloria.—Cor.

Homilia ut in die 7. Januarii p. 541. cum seq. Responsorii.

¶ Loramentum ligneum colligatum in fundamento ædificii non dissolvetur: * Sic et cor confirma—

tum in cogitatione consilii. †. Audi fili mi, et accipe consilium intellectus, et ne abjicias consilium meum. —Sic.

Bened. Cujus Consilium colimus.

†. Scientia Virginis tanquam inundatio abundavit, * Et consilium illius sicut fons vitæ perennis. †. A mari enim abundat cogitatio ejus, et consilium illius ab abyssu magna. —Et cons. —Gloria. —Et cons.

LECTIO 9.

Commemoratio B. V. Trevirensis.

Balgh. Kal. mar. die 23. Mart.
Anno Domini millesimo quadringentesimo nono Jacobus de Sirch Archiepiscopus Trevirensis dedicavit Basilicam Beatæ Mariæ Virginis ab urbe Trevirensi tertio circiter lapide. In eâ plurima fiunt miracula occasione Imaginis ejusdem Virginis in eâ collocatæ. Quam Imaginem prius rusticus quidam vinitor, Deiparæ et castitalis amator, in summo stipite in loco deserto terræ infixio devotionis suæ alendæ causâ collocarat. Postea ejusdem Virginis monitu eidem domunculam extruxit, et in ejus muro hanc Imaginem collocavit. Ubi cum miracula plura fierent, et innumera quotidiè ab adventantibus fierent oblationes, Sacellum paulò majus erectum est, et postmodum circa Sacellum Basilica viginli et sex passuum longitudinis ædificata. Tu Te Matrem.

CANON.

Ex D. Antonino Arch. Florentino.

Titul. 15. c. 19. §. 3.

490. Consilium est donum quo Spiritus Sanctus nos dirigit in omnibus, quæ ordinantur in finem vitæ æternæ, sive sint de necessitate salutis sive non. Hoc dono et gratiâ plena fuit Virgo Beata super omnes viatores. Tu.

Vesperæ de infra octav.

DIE XXIX. MART.

DE V. DIE INFRA OCTAV.

Semiduplex.

AD MATUTIN.

HYMNUS 239. *L. Mansor. F.*

O nimis felix, superumque regi
Gratior cunctis aliis Puella,
Pulchrior lunâ, nitidoque vincens
Lumine Phœbum.

Te choridivam celestrent superni
Vocibus lætis, fidibus canoris,
Et tuum sanctum populi frequentes
Numen adorent.

Namque cœlorum Dominum potentem,

Quem nec immensus capiebat orbis
Ventris angusti niveo tulisti
Virgo cubili.

Hoc pium munus superi Parentis,
Quo stupet cœlum, stupet alma tellus,

Nulla te præter veteris recepit
Femina legis.

Sit decus summos sine fine Christo,
Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

Lection. 1. Noct. de fer. occur.

IN II. NOCT.

Sermo S. Augustini Ep.

Serm. 291. in Nativ. S. Joan. Bapt.

LECTIO. 4.

MARIA propositi sui memor, et sancti voli conscia, quia noverat, quid voverat, dicendo: quomodo fiet istud, quoniam virum non cognosco? modum quæsit, non de Dei omnipotentia dubitavit. Quomodo fiet istud? Annuntias mihi Filium, habes meum paratum animum, dic mihi modum. Potuit enim Virgo Sancta metvere, aut certe ignorare consilium Dei, quomodo eam vellet habere filium, quasi improbasset Virginis votum. Quid enim si diceret: Nube, conjunge te viro? Non diceret Deus, accepit enim vo-

tum Virginis quomodo Deus. Et hoc ab illâ accepit, quod ipse donavit. Tu. ꝑ.

LECTIO 5.

Dic mihi ergo, nuntie Dei, quomodo fiet istud? Vide Angelum scientem, illam quærentem, non diffidentem, non se negavit instruente. Audi, quomodo: erit virginitas tua: tu tantum crede veritatem, serva virginitatem, accipe integritatem. Quoniam integra est fides tua, intacta erit et integritas tua. Denique audi: quomodo fiet istud: Spiritus Sanctus superveniet in te, et virtus Altissimi obumbravit tibi: quia fide concipis, quia credendo in utero habebis, propterea quod nascetur ex te sanctum, vocabitur Filius Dei. Tu. ꝑ.

LECTIO 6.

Quid est, quæ postea paritura es? Unde meruisti? Unde hoc accepisti? Unde, inquam, tibi hoc tantum bonum? Virgo es, Sancta es, votum vovisti: sed multum quod meruisti, immo verò multum quod accepisti. Nam unde hoc meruisti? Fit in te, qui fecit te: fit in te per quem facta es: immo verò per quem factum est cælum et terra, per quem facta sunt omnia: fit in te Verbum Dei caro, accipiendo carnem, non ammittendo divinitatem. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 2. 26.

In illo tempore: Missus est Angelus Gabriel à Deo, ad civitatem Galilææ, cui nomen Nazareth, ad Virginem desponsatam viro. Et reliqua.

Homilia S. Titi Bostrorum Ep.

In cap. 1. Luc. exposit.

Sacratissimam Deiparamque Dominam nostram virgo de familiâ

Davidis desponsatam asserit Evangelista, per hoc utique indicare volens, ex eodem illo Davidis genere, undè JOSEPH, qui illam duxerat, ortum habebat, ipsam quoque inculpatissimam Virginem fluxisse. Nam secundum legis præscriptum alienæ tribus mulierem matrimonio sibi jungere fas non erat. Tu. ꝑ.

LECTIO 8.

Ave gratiâ plena. Quandoquidem Deus ad Evam dixerat: in dolore paries filios: propterea angelus gaudium, per quod dolor olim decretus, solvatur, Virgini denuntiat: Ave, inquit, gratiâ plena. Dominus tecum. Quod dicit, huc tendit, ne existimes, Virgo, me absonum, aut mollem aliquem sermonem ad te deferre, cujusmodi innuptas puellas juvenes nonnunquam solent: civius est enim quem adfero: quippe cum hoc ipso, quod Dominum tecum esse aseram, oblatae salutationi Dei memoriam admisceam. Tu. ꝑ.

LECTIO 3.

Commemoratio B. V. Cordubensis de Fonte Sancto.

Gumpenb. Imag. 5.

Statua Deiparæ de Fonte Sancto, quæ Cordubæ honores accipit, prope quemdam fontem, ipsâ Virgine indice, reperta creditur. In urbem deinde deportata, brevi cœpit miraculis clarere. Aragoniæ Rex febribus laborans in hujus fontis aquâ salutem invenit. Avinctis præsertim et captivis nunquam sine operæ pretio invocata fuit. Ante hanc Imaginem orans Thomas Sanchez, theologus insignis, linguæ, quam impeditam prius habebat, usum in omnem eloquentiæ ornatum expeditum, ab ipsâ Virgine non sine miraculo accepit. Tu.

Te Matrem.

CANON.

Ex D. Ambrosio Episcopo.

De Sacram. 1. 4. c. 3.

491. Non ex virili semine generatus est, sed natus de Spiritu Sancto ex Virgine MARIA, utero editus est virginali, similis per Dei omnia Filio Dei. Tu.

Vesper. ut in 2. V. Annuntiat.

DIE XXX. MART.

B. V. M. A CRYPTA.

Semiduplex.

Omnia, ut in die Annunt. nisi transferatur.

*Semiduplex.**Lect. 1. Noct. de feriâ.*

IN II. NOCT.

LECTIO 4.

Octav. Cajet. de effigieb. siculis.
Ad sinistram Panormitani sinûs ripam antrum erat, et in eo effigies depicta Virginis Deiparæ lacerum Filii corpus sustentans gremio. Abiectum priûs fuerat antrum, et nauticæ gentis augurium, ibi nulla habita sacrae Imagini venerat: sed anno salutis millesimo quingentesimo sexagesimo quarto sanctissimæ Parasceves die, dum Pueri luderent in eo antro ante Virginis Iconem, animadvertunt magnam sudoris et lacrymarum copiam ex fronte oculisque Deiparæ emanare: exterriti prodigio pueri prosiiliunt, et rem prædicant per vias. Tu. ¶.

LECTIO 5.

Ad eorum nuntium mulier, quæ ibi fortè versabatur, et lateris dolore laborabat magnâ spe in Virginem conceptâ, si infirmi corporis partem obliniret, ad antrum properat festina, uti prior omnium ingressa, velut ex alterâ piscinâ, cæleste beneficium acciperet. Nec irrita spes evanuit, nam ingressa

specum, admotoque corpori sudore virgineo repente sanitatem recepit: actis Virgini gratias sana mulier vulgo miracula enarrat, quibus rebus commotus populus, undiquè ad novum gratiarum fontem concurrat. Tu. ¶.

LECTIO 6.

Elargita est tam plurimis sua dona Virgo præsertim iis, qui majorem fidutiâ ad se confugerent, quod celeberrimum extitit nomen illius antri. Inter cætera prodigia, vocem multo ab ortu suo dedit, infantem è matris utero distortum sanavit, mortali vulnere sauciam Catanensem curavit, Græcam à septem dæmonibus liberavit, et infinita sanè miracula edidit, quæ longâ serie in ejus templo videntur in tabulis defixa. Indè statim auro oblita fuit imago, antrum argento contactum, ubi nobilis, ac præ dives ara constructa, ipsum antri tectum cælo ornatum aureis stellis distincto, extra antrum templum erectum est, summâque pietate ab omnibus colitur. Tu. ¶.

IN III. NOCT.

Homil. de Comm. pro Duplic. si transferatur.

Lectio Sancti Evangelii secundum Lucam.

LECTIO 7. c. 2. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliq.

Homilia S. Ambrosii Episcopi.

In Luc. libr. 2.

Ecce, inquit, ancilla Domini: contingat mihi secundum verbum tuum. Vide humilitatem, vide devotionem. Ancillam se dicit Domini, quæ mater eligitur, nec repentino exaltata promisso est. Simul ancillam dicendo, nullam sibi præroga-

tivam tantæ gratiæ vindicavit, quæ faceret, quod juberetur. Tu. ꝑ.

LECTIO 8.

Ecce ancilla Domini, contingat mihi secundum verbum tuum. Habes obsequium, vides votum. Ecce enim ancilla Domini apparatus officii est, Contingat mihi secundum verbum tuum conceptus est voti. Quàm citò ergò etiàm de impari conditione credidit MARIA, Quid enim tam impar, quàm Spiritus Sanctus et corpus? Quid tam inauditum, quàm virgo prægnans contra legem, contra consuetudinem, contra pudorem, cujus carior cura est Virgini? Tu. ꝑ.

LECTIO 9.

Commem. B. V. de Carrasumada.

Camòs libr. 5. c. 4.

Sub vulgari titulo de Carrasumada, tribus milliaribus à Turribus Sicoris, è monticulo exurgit Sacellum Deiparæ Sanctissimæ sacrum, in quo quædam ejus imago, ferè palmo alta, colore nigra, in throno sedens, JESUMQUE dextero brachio sustinens, ibidem sub herbâ ab ove, ut fertur, inventa, jam à pluribus sæculis asservatur, et impensè à fidelibus totius regionis colitur. Sacellum cui domus Eremitæ est adjuncta, paupertate potius-quàm divitum ornamentis nitet, nec Altare princeps tantæ Dominæ respondet. Tu. Te Matrem.

Vesperæ de infra Octav.

DIE XXXI MART.

DE VII. DIE INFRA OCT.

Semiduplex.

Lect. 1. Noct. Fer. occur.

IN II. NOCT.

Sermo S. Eleutherii Ep. Tornacensis.

Serm. in Annuntiat. B. V.

LECTIO 4.

O vocem angelicam, plenam sua-

vitatis, et lætitiæ! Cum enim dixit: Ave MARIA, salutationem cœlestem Virgini exhibuit: cum autem dixit: gratiâ plena, ostendit exclusam esse illam sententiam, per quam primi parentes longè à Deo facti sunt, et resitutam supernæ benedictionis gratiam, per quam liberatî à servitute intra paradisum introducti sunt. O Virgo benedicta! O Virgo à Conditore mundi præelecta! Illum, qui ante omnia sæcula genitus est, absque Matre ab æterno Patre, concipies Mater effecta absque alicujus viri copulatione. Tu. ꝑ.

LECTIO 5.

Ibi enim auricula uxor fuit, angelicus autem sermo maritus extitit. Virgo concipies, et post partum Virgo permanebis, et Filius Dei in te descendit, et qui ascensurus erat cum sublimitatis potentiâ, et claritatis suæ gloriâ ad orientem, convertat gratiam majestatis suæ ad occidentem. Non te confundat auditus: non te perturbet conceptus. Non est enim iste conceptus necessitas, sed Dei inæstimabilis potestas. Vestietur carne, et in tuo virginali utero se recondet, et Filius Dei filius hominis esse incipiet permanens esse quod erat. Incommutabilem namque illum credimus, sed misericorditer assumens, quod non erat, ut in te comprehendi possit, quem totus orbis bajulare non potuit. Tu. ꝑ.

LECTIO 6.

Per hunc conceptum non minorabitur virginalis castitas, sed magis in te ampliabitur castitatis integritas. Mater conditoris facta es, cum ipse esset apud Patrem, et cum nasceretur ex matre, mansit apud Patrem. Sempër enim cum Patre, quia absque principio non

habet initium temporale. Sempër enim cum Patre, qui permanet absque initio et fine. Facta es scala cœlestis, virga Aaron præ cæteris floruisti, id est, præ cæteris virginitate digna splenduisti. Facta es scala, in quam gloria cœlestis descendit ad inferiora, quatenus humilitas ad cœli subveheretur altiora. Tu. ꝑ.

IN III. NOCT.

Lectio S. Evangelii secundum
Lucam.

LECTIO 7. c. 2. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliq. Homilia S. Andreæ Cretensis Ep.

In salutatione Angelica.

Ad thalamum in quo Virgo erat, cum pervenisset Angelus, aperto clam ostio ad eam ingressus est, et mansuetâ admodum voce Virginem compellavit, dicens: Ave gratiosa: Dominus tecum. Qui ante te, hodiè una tecum est, et ex te paulò post nascetur. Illud quidè ab æterno, hoc verò ad tempus. Non fuit contentus gaudii signa prodidisse, nisi lætitiæ quoquè auctorem in utero Virginis deprædicasset. Hoc enim quod ait: Dominus tecum, ipsum adesse Regem clarè significat: totum, inquam, eum in ipsâ esse in corpus coactum, ut etiâ nihil de propriâ ejus gloriâ asserit. Tu. ꝑ.

LECTIO 8.

Ave gratiosa, Dominus tecum. Salve lætitiæ organum, per quod delicti nostri condemnatio expiata est, ac veri gaudii plena facta compensatio est. Salve verè benedicta, Salve illuminata: Salve magnificum divinæ gloriæ templum: Salve consecratum regis palatium:

Salve, thalame, in quo Christo humanitas desponsata est. Salve, electa Deo, antequàm nata fueris: Salve divina cum hominibus reconciliatio. Salve thesaur vitæ immarcessibilis: Salve cœlum, solis gloriæ cœleste tabernaculum. Salve Dei ager amplissime, quem nullus alius locus, nisi tu solus, comprehendere potest. Tu. ꝑ.

LECTIO 9.

Ave gratiosa: Dominus tecum, qui dicebat: fiat lux, fiat firmamentum, ac reliqua deinceps magnificæ creationis ejus opera. Salva sis immensi gaudii Genitrix: salva sis novæ gloriæ arca, in quâ Dei Spiritus delapsus quievit: arca in quâ novæ sanctificatio gloriæ. Qui suapte naturâ sanctus, in utero virginali, seu naturæ officinâ quoad incarnationem seipsnm conclusit: non quidè, ut quod esset, immutaret, mutari quippè non potest, sed ut quod non erat assumeret, humanitatis enim studiosus est. Salve urna aurea, quæ eum fers, qui dulce manna reddit, ac mel à petrâ ingrato Israeli elicit. Salve Seraphici mistici antracis fibula. Salve contemplativæ cognitionis intellectuale speculum, per quod celebres Spiritus prophetæ incredibilem Dei ad nos descensionem mysticè adumbraverunt. Tu. Te Mair.

CANON.

Ex D. Augustino Episcopo.

Serm. de Sanct. 38.

492. Meritò Beata MARIA singulari à nobis præconio extolitur, quæ singulare commercium mundo præbuit, cum tantum se ad cœli fastigia sublimavit, ut Verbum in principio apud Deum manens, de supremâ cœli arce susciperet. Tu.

Vesp. de sequenti ut in I. Vesp. Annunt.

FESTA APRILIS.

DIE I.

OCTAVA ANNUNTIAT.

*Duplex majus.**Oratio.*

Deus qui Unigenitum tuum, tibi
coæternum, ex MARIA Virgine
hominem in plenitudine tempo-
ris fieri voluisti: præsta, quæsu-
mus, ut ejus Incarnationis mysterio
adoptionem filiorum recipiamus.
Per eumdem Domin.

AD MATUTINUM.

HYMNUS 240. *J. Commirn.*

Quam tibi fausto tclit ore quondam
Fidus interpres Gabriel Tonantis:
Ne veta dulci renovare cantu,
Diva, salutem.

Hoc ave dum nos canimus, se-
questram
Esse te pacis, veniæque discas:
Hoc ave, fato meliore, nomen
Corrigat Evæ.

Sontibus mæstis, age, deme
vincla,
Et suas cæcis tenebras: malique,
Dic, metu pulso, veniat bonorum
Copia dives.

Scilicet mentem, tenerumque
Matris
Indui pectus decet in clientes:
His decet Christum prece demereri
Imperiosa.

Qui salus lucis radio paternæ
Orbis, ut commune nefas piaret,
Conditor rerum tua non refugit
Esse propago.

Patris ac Nati recinendo laudes
Mutuum linguæ celebrent amorem:
Omnis et mundi plaga tres in uno
Numine adoret. Amen.

IN I. NOCT.

De libro Genesis.

LECTIO 1. c. 24. 1.

Erat autem Abraham senex, di-

erumque multorum: et Dominus
in cunctis benedixerat ei. Dixitque
ad servum seniore domûs suæ,
qui præerat omnibus, quæ habe-
bat: Pone manum tuam subter fe-
mur meum, ut adjurem te per
Dominum Deum cæli et terræ, ut
non accipias uxorem filio meo de
filiabus Chananæorum, inter quos
habito: sed ad terram et cognatio-
nem meam profiscaris, et inde
accipias uxorem filio meo Isaac.
Posuit ergo servus manum sub fe-
more Abraham Domini sui, et jura-
vit illi: super sermone hoc. Tu. ʒ.

LECTIO 2.

Tulitque decem camelos de grege
Domini sui, et abiit, ex omnibus
bonis ejus portans secum profectus-
que perrexit in Mesopotamiam
ad urbem Nachor. Cumque Ca-
melos fecisset accumbere extra op-
pidum juxta puteum aquæ vespe-
rè, tempore, quo solent mulieres
egredi ad hauriendam aquam, di-
xit: Domine Deus Domini mei
Abraham, occurre, ohsecro, mihi
hodiè, et fac misericordiam cum
Domino meo Abraham. Ecce ergo
sto prope fontem aquæ, et filiæ
habitatorum hujus civitatis egre-
dientur ad hauriendam aquam.
Igitur puella, cui ego dixero: In-
clina hydriam tuam, ut bibam;
et illa responderit: Bibe, quin et
camelis tuis dabo potum: ipsa est,
quam præparasti servo tuo Isaac:
et per hoc intelligam, quòd fe-
ceris misericordiam cum Domino
meo. Tu. ʒ.

LECTIO 3.

Necdum intra se verba compleve-
rat, et ecce Rebeca egrediebatur,
filia Bathuel, filii Melchæ uxoris
Nachor, fratris Abraham, habens
hydriam in scapulâ suâ, puella de-
cora nimis, virgoque pulcherrimâ,
et incognita viro: descenderat au-

tem ad fontem, et impleverat hydriam ac revertabatur. Occurritque ei servus, et ait: Poxillum aquæ mihi ad bibendum præbe de hydriâ tuâ. Quæ respondit: bibe, Domine mi, celeritèrque deposuit hydriam super ulnam suam, et dedit ei potum. Cumque ille bibisset, adjecit, quin et camelis tuis hauriam aquam, donec cuncti bibant. Tu. ꝑ.

IN II. NOCT.

Sermo S. Thomæ Arch. Valentini.
Conc. 2. in Ann. B. V.

LECTIO 4.

Hujus autem tam eximiæ legationis figuram gessit servus ille fidelis Abrahæ, quem sanctus Patriarcha in suam patriam destinavit, quærere filio suo unico uxorem, adjuratum priùs, ne de filiabus Chanaam suscipiat. Qui pulcherriam Rebeccam ad fontem repertiens, accepto priùs connubii, quod quærebat, indicio: quod cum camelis libentèr adequasset, eam inauribus, et munusculis subarrhavit, et habito consensu parentis, filio Domini sui copulandam adduxit. Venit ergò legatus ad mundum: Virginem ad fontes aquarum reperit, id est, divinas scripturas rimantem, et de profunditate literæ mirificos haurientem haustus. Tu. ꝑ.

LECTIO 5.

Miratur cœlestis paranimphus tantum Puellæ decorem, tam eximiam Virginis pulchritudinem. Qualis namque fuerat, Scriptura commemorat. Puella, inquit, decora nimis, virgoque pulcherrima, et incognita viro, descenderat ad fontem et impleverat hydriam aquæ, et revertebatur. Humilitate descenderat, virginitate placuerat, hydriam suam repleverat: sic namque eam Angelus salutat. Ave gratiâ plena. O plenam, et plenissimam

hydriam! ex quâ omnis potatur rationalis natura! Bibit nuntius, bibunt incurvi camelli: Angelos et homines satiasti ex tuâ plenitudine, MARIA. Quis enim ex hac tuâ non potatur hydriâ! Ex hac Angelus gloriam, justus gratiam, peccator veniam, mœstus lætitiâ, captivus indulgentiam bibit. Tu. ꝑ.

LECTIO 6.

Omnes bibunt ex eâ, neque minuitur hydria. Bibit quoquè Omnipotens ipse, et inebriatus amore, oblitus majestatis properat ad dilectam: ac velut Unicornii filius, gremio Virginis capitur, carnis nexibus irretitur sicut scriptum est: dilectus, quemadmodum filius Unicornium. Hanc ergò sacram Virginem inauribus argento vermiculatis, divitiisque potentis Domini nuntius subarrhavit, virgineis aureis miranda ingerens sermone polito mysteria, daloque consensu, filio Domini sui perpetuo connubio desponsavit: ut in ejus sacro uteri thalamo Deus et homo jam non sunt duo, sed una caro, una persona, unus Deus et homo Dominus noster JESUS-Christus. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 2. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliq.

Homilia S. Fulgentii Episcopi.

De Incarnat. et grat. J. C.

Beata igitur MARIA Deum Verbum secundum quod caro factum est, et concepit, et peperit: ejus utero Verbum Deus non carnem, in quâ conciperetur, intulit, nec ex eâ materiam conceptæ, sive informatæ non ipse Deus concipiendus; sed tantum nasciturus assum-

psit: sed ex eâ et in eâdem Virgine humanæ carnis naturam, secundum quam temporaliter Deus sempternus conciperetur, et nasceretur, accepit. Tu. ꝑ.

LECTIO 8.

Ipsa quippè acceptio carnis fuit conceptio virginalis: neque enim in utero sanctæ illius et Matris, et Virginis illa spiritualis et ex Deo Patre sine initio genita Verbi Dei natura poterat absque carne temporaliter concipi, sicut nec caro sine Verbi Dei unitione potuit aliquatenus nullius viri coitu seminata in intimo vulvæ virginalis innasci. Hanc ergo carnem tunc ex se natura Virginis concipientis exhibuit, cum in eâ Deus concipiendus advenit. Tu. ꝑ.

LECTIO 9.

Non est igitur aliquod intervallum temporis æstimandum inter conceptæ carnis initium, et concipiendæ majestatis adventum. Una quippè fuit in utero MARIE Virginis conceptio divinitatis et carnis, et unus est Christus Dei Filius in utràque naturâ conceptus, et macula vitiatæ propaginis indè inciperet aboleri, undè in unoquoque nascentium videbatur existere. Tu. Te Matrem.

AD LAUDES.

HYMNUS 241. *Caryophil.*

Offert salutem nuntius
Nullis datam mortalibus:
Ave Puella, gratiâ
Quæ plena fies plenior.

Tu nil salutis Angelo
Refers, sed unum cogitas,
Quàm grande sit negotium
Quod Angelus pronuntiat.

Non tu salutem nuntias,
Dum re salutem concipis,
Et verba profers paucula
Verbo Dei plenissima.

Dozologia de Octavâ.

CANON.

Ex Vener. Bedâ Presbytero.

Ap. D. Bonav. Spec. c. 18.

493. Terra nostra dabit fructuum suum, quia Virgo MARIA, quæ de terrâ corpus habuerat, Filium genuit, divinitate quidem Deo Patri coæqualem, sed sibi carnis veritate consubstantiali. Tu.

IN II. VESPER.

HYMNUS. 242. *Jac. Balde.*

Dulcis Ave pleno se cujus gratia cornu

Effudit intra viscera:

Et placuisse dedit

Immenso. Dominus tecum, qui temperat orbem.

Ille, ille præsentissimus,

Interiorque tibi.

Omulier, cunctas inter fatalis amari;
Inter beatas feminas,

Sæcula, quot tulerunt,

Quotque ferent: Ille, ille tuâ qui ludet in aulâ,

Gestante major parvulus,

Parvulus Omnipotens:

O quibus ille bonis intra vallatur et extra!

Non germen ullum lætius

Prodiit ex utero.

Sancta Dei Mater, precibus namque omnia flectis,

Orare Natum sedula,

Solve reos scelerum.

Nunc dum vita manet, dum Spiritus hos regit artus,

Et cum suprema proximæ

Ingruet hora necis. Amen.

DIE III. APR.

DUODECIM GRATIARUM B. M. V.

*Duplex.**Lectio. 1. Noct. de Ferid.*

IN II. NOCT.

Sermo S. Bernardini Senensis.

Serm. 2. de Pur. art. 1.

LECTIO 4.

Beata Virgo post Annuntiationem hubuit duodecim gratias, quæ pos-

sunt appropriari duodecim stellis radiantibus in coronâ capitis sui. Prima fuit novus habitus virtutis, quantum erat conveniens Matri Dei, quia in eâ erant omnes virtutes et scientiæ. Secunda fuit dolor, et compassio, quàm Virgo beata ferebat omni creaturæ, ut dolore et compassione, quantum erat decens et conveniens illi creaturæ, ei compararetur: quia omnis creatura erat præclusa à viâ paradisi ante incarnationem Christi, et ideò compatiebatur ei. Tertia est, quia in aliquâ parte suæ mentis ipsa erat impassibilis per singularem gratiam, sibi datam, ut participaret cum sanctis, quando Christus fuit in ejus utero. Tu. ꝛ.

LECTIO 5.

Quarta, quia ejus spiritus erat pacificus et quietus. Nam mens ejus fuerat læta de Deo residente in eâ per novem menses in omni pace et quiete, et ideò spiritus ejus erat pacificus. Quinta erat altissimi sensus, qui fuerunt in ipsâ beatâ Virgine, quia sicut in corpore sunt quinque sensus corporales, qui vivunt ex quatuor elementis et nutriunt animam secundum Deum et recipiunt animam ipsam virtutes in Deo, quos sensus gloriosa Virgo habebat super omnes creaturas, ita tantò magis participat illis, quia dormiendo contemplabatur plùs in Deo, quàm quisquam alius vigilans. Sexta dolor inconsiderabilis, quia dum ipsa Virgo gratiosa hubuisset Christum in utero, participabat, et sensiebat cum Christo passiones, et gaudia amando proximum, et dolendo de offensis secundum longitudinem, et transversum crucis Christi. Tu. ꝛ.

LECTIO 6.

Septima est invariabilis amor ejus, qui semper fuit invariabilis tam in

Creatore quàm in creaturâ. Octava fuit meritum, plùs enim meruit Virgo gloriosa in uno suo consensu conceptionis filii Dei, quàm omnes creaturæ, sive angeli, sive homines in cunctis suis actibus motibus et cogitationibus. Nona fuit potentia faciendi miracula, et quantum vivendo non legitur Beata Virgo fecisse miraenla, tamen Christus in nuptiis faciens de aquâ vinum adeam miraculum illud retulit. Decima est dominatio, tot enim famulæ serviunt gloriosæ Virgini, quot serviunt Trinitati. Undecima, quia omnes scientiæ erant in Beatâ Virgine irradiatæ. Duodecima, quia omnium linguarum intelligentias habebat: Undè illud: Bealam me dicent omnes generationes. Tu. ꝛ. *Homilia de Comm. pro Duplicibus.*

LECTIO 9.

Commem. B. V. Tobetanæ.

Lanusa Histor. Arag. 1. 3. 6. In pago Tobet dicto, in Aragoniâ templum est Divæ Virgini anno millesimo sexagesimo sexto die tertiâ Aprilis dicatum, ut ex veteri missali, quod ibi asservatur constat: satis ornatum est et magnificum, ac ob ingentia beneficia, quæ illic Virgo dispensat, valdè frequentatum. Imago Deiparæ quæ in eo techâ argenteâ colitur, à Sancto Luca depicta creditur: quàm dono accepit Rex Martinus à quodam rege Franciæ atque in Tobetanâ æde anno millesimo quadringentesimo collocari jussit, cum ipsius Beatæ Mariæ capillis, ut ex ejusdem Martini Regis diplomate liquet. Tu. Te Matrem.

Cum secundis Vesper.

DIE VI. APRIL.

S. M. DE POPULO.

Duplex.

Lect. 1. Noct. de ferid.

IN II. NOCT.

LECTIO 4.

Spinelli de fest. et templ. Deip.
 Sancta MARIA de Populo, sub colle hortorum religiosissimi ordinis Eremitarum Sancti Augustini Romæ, piissimâ ejusdem Deiparæ Imagine, à Sancto Lucâ depictâ, nobilitata est: hoc in loco subter nuncis arbore cineres impissimi ac scelestissimi Neronis, qui primus in Christianos persecutionem movit, condebantur, indeque dæmones tanquàm ex proprio deposito iis, qui illuc præteribant, mirum in modum erant infesti. Tu. 8.

LECTIO 5.

Quarè Paschalis secundus anno millesimo nonagesimo nono, ubi hæc divinitus cognovisset, indictâ supplicatione ad locum accessit, nucem præcidi, ac impios cineres in Tyberim projici jussit, aramque extruxit, quam, multis in eâ reconditis reliquiis, consecravit. Gregorius nonus circa annum Domini millesimum ducentesimum vigesimum septimum Imaginem Deiparæ à Sancto Lucâ depictam, ex loco qui dicitur Sancta Sanctorum perlatam cum omni clero ac populo in hoc templo reposuit. Tu. 8.

LECTIO 6.

Sixtus quintus eidem templo titulum Cardinalitium dedit, septem altaria, instar templorum Sancti Petri, et Pauli designavit, easdemque indulgentias quas habet Sancti Sebastiani Templum, est elargitus, utque eorum commoditati, qui septem urbis Ecclesias obeunt, consuleret, eis potestatem fecit, ut loco Sancti Sebastiani hanc Ecclesiam visitarent. Tu. 8.

Homilia de Communi pro Duplicib.

LECTIO 9.

Commemoratio B. V. Lauffensis in Umbrâ.

Gumpenberg. 306.

In pago Lauffenæ superioris Austriæ in monte vicino Fromberg Statua Deiparæ Gypsea inventa traditur, quæ paulo major quatuor pedibus alta est. Delata in subiectam planitiem, hospitium non recusavit, nec, ut sæpe solet, in montem est regressa. Templum statim ædificatum est, et quia montis amæna umbra Templum majore diei parte tegit, sortita est MARIA in Umbrâ. Et verè umbra fuit ad eam confugientibus, quod per antiqua anathemata è muris pendentia abundè testatur. Phrenetico hic maximè morbo mederi Deiparam fama est. Tu. Te Matrem.

Cum 2. Vesper.

DIE VIII. APR.

D. V. GRÆCA.

Simplex.

LECTIO 1.

Gumpemb. Imag. 157.

Ravennæ in Italiâ in templo Canonicorum Sancti Augustini, operis magnifici sacellum est, in cujus altari colitur Imago Deiparæ græco lapide in superficie insculpta, tres non omnino palmos lata, plus quinque alta. Græcæ nomen Imagini dedere verba græcis literis adscripta, à quibus Mater Dei esse intelligatur. Olim sub annum millesimum centesimum, cum ad portam urbis ripæ vicinam Religiosi sedem cum templo haberent, quod à Portu nomen acceperat, Petrus quidam Religioso cœlui præfuit, nobilis Ravennas, qui postquàm templum in meliorem formam reduxit, in hoc cœnobio concessit. Tu. 8.

LECTIO 2.

Eo igitur tempore nuntiaturum est Deiparæ statuam in littore consedissee. Aduit properè simul ad

tanti prodigii nuntium urbs penè tota ad liltus effusa, et religiosissimus quisque civium eam arripere aquis contendit: mirà tamen lubricitate ex omnium manibus semper elapsa est. Itaque vox omnino una: Virgo profanas manus dedignatur: vult sacras. Et venerunt non pauci Religiosorum et Clericorum, qui tentarent, num sacram statuam trudere, vel trahere poterant: sed eorum manibus æque ac sæcularibus subtracta est, irritò conatu. Tu. 7.

LECTIO 3.

Omnium votis ergò, proximi Monasteri Archimandrita expelitur, vocatur, nec renuit, sed indicta suis supplicatione ad portum progreditur, Virginem flexis genibus rogat, peccatoris manus ne aversetur. Auditæ preces sunt et decumans fluctus jam ab oculis ereptam statuam, inspectante populo, devolvit. Illa templo Imago honores accepit à populo, et nomen moretæ, quod subfusco colore esset imbulata facies. Anno millesimo quingentesimo tertio novum templum accessit in urbe, et templo cœnobium adjunxere. Ultimum altare, quod Thaumaturga Imago accepit, anno millesimo sexcentesimo trigesimo factum est: nec hodiè desinit Virgo esse Ravennantibus propitia. Tu. Te Matrem.

Vesperæ de ferid.

DIE X. APR.

D. V. BOLONIENSIS.

Duplex.

IN I. VESPERIS.

HYMNUS 243. *Joan. Commirū.*
Venit festa dies nunc, age, labere
 Cælo Virgoparens, supplicibus vocat
 Quo Bolonia votis
 Cultu nobilis Urbs tuo.

Hic delubra tibi thuris odoribus
 Fumant perpetuis: hic et imaginem
 Ardent nocte dieque
 Circum mirificam faces.
 Illam, ludibrio ne foret impiis,
 Septam nube cavā sustulit Aliger,
 Errantisque profundo
 Commisit fidei ratis.

Æternus sit honos Ingenito Patri,
 Bis Nato parilis gloria Filio,
 Et sancto sit Amori
 Sæculis omnibus et locis.

Amen.

*Quando hic Hymn. non dicit. in
 Vesper, dicitur cum Hymno ad Ma-
 tut. sub una Doxologia.*

AD MATUTIN.

HYMNUS 244. *Joan. Comm.*

O signum populis grande fidelibus
 Curæ, Virgo, tuæ! Nil Erebi minas,
 Hostilemve furorem
 Hoc sub præsidio timent.

Veli pinus inops, remigio carens
 Ita secura noti per tumidum mare,
 Monstratloque reponit
 Pignus littore creditum.

Priscis in marinos adde favoribus
 Munus non levius: da tibi serviant;
 Solâ prole minorem
 Da te perpetuò canant.

Æternus sit honos ingenito etc.

Lect. 1. Noct. Fer. occur.

IN II. NOCT.

LECTIO 4.

Gump. imag. 669. ex Belforest.
Extraxit Clotarius secundus Gallo-
 rum rex, qui obiit anno sexcentesi-
 mo trigesimo, templum Deiparæ
 Virgini in Urbe Bononiensi. In hoc
 tanquàm miraculoso Ludovicus un-
 decimus in testimonium pietatis
 suæ Bononiam Virgini solemniter
 donavit, et Dominam fecit et ap-
 pellavit totius tractûs, corde puri
 auri oblato pondere bis mille aure-
 orum, et sancitâ lege, ut qui in
 ævum futuri essent successores,

tantumdem præstarent, **MARIAM** que ejus tractus Dominam recognoscerent. Tu. ꝑ.

LECTIO 5.

Gumpen. imag. 590.

Imago Deiparæ Boloniensis ab Angelis illata dicitur anno sexcentesimo trigesimo tertio, quam cives non sine lætissimâ pompâ exceperunt. Ita miraculis clara fuit, ut eam secum abstulerit Henricus octavus, anglia Rex, anno millesimo quingentesimo quadragesimo quarto, inter cætera urbis direptæ spolia. Cæterum iterum receptâ urbe ab Henrico secundo Gallorum Rege anno millesimo quingentesimo quinquagesimo, coactus est etiâ Sanctam Imaginem reddere Henricus Rex Angliæ, quæ sedi suæ restituta, ut prius, miraculis clarere cœpit. Tu. ꝑ.

LECTIO 6.

Tandem hæresi invalescente Sancta Statua ab hostibus fidei in ignem conjecta licet fuerit, comburi tamen nunquâ potuit. Conati securibus eam assulatim dejicere, nec hoc valuerunt. Itaque in puteum vicini castelli abjecta est, et inde à Domina castri sub noctem extracta, atque in occulto, sed honesto loco reposita, velut in templo honores accepit ab herâ (quæ erat catholica), et hera à Virgine mariti ad fidem conversionem. Quadraginta annis hoc in castro Sancta Statua mansit, donè anno millesimo nono urbi Bononiensi reddita est, ubi etiâ nunc inter delicias civium numeratur. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 2.

In illo tempore: Dixit Simeon ad **MARIAM** Matrem **JESU**: Ecce positus est hic in ruinam, et in re-

Aprilis.

surrectionem multorum in Israel. Et reliqua.

Homilia S. Antonii Paduani Pbr.

Ex Dom. infra Oct. Nativ. Domini.

Dolor, quem Beata **MARIA** sustinuit in passione Filii sui, fuit quasi gladius, qui ipsius animam pertransivit. Hoc est quod dicit **Isaias**: antequam parturiret, peperit. Nota, quod Beatæ **MARIÆ** duplex fuit partus: unus in carne, alter in spiritu. Partus carnis fuit virgineus, et omni gaudio plenus, quia **Virgo** peperit sine dolore gaudium Angelorum. Undè dicit cum **Sarâ**: Risum fecit mihi Dominus: quicumque audierit, congaudebit mecum. Beatæ **MARIÆ** debemus cori idere, et congaudere in Filii ejus Nativitate. Tu. ꝑ.

LECTIO 8.

Debemus et ei condolere in Filii ejus passione, cujus animam pertransivit gladius. Et tunc fuit secundus partus dolorosus, et omni amaritudine plenus. Nec mirum, Dei Filium, quem Spiritu Sancto cooperante, **Virgo** conceperat, **Virgo** pepererat, videbat ligno clavis affigi, inter latrones suspendi. (Lect. 9.) Quid mirum, si gladius ejus pertransivit animam? Attendite et videte, si est dolor sicut dolor meus. Antequam ergo parturiret in passione, peperit in Nativitate. Tu. ꝑ.

LECTIO 9.

Commemoratio B. V. Condinensis.

Gumpenb. Imag. 298.

In pago Condini diocesis Tridentinæ Beatæ Virginis Imago est, **JESUM** brachio gestantis, in telâ picta, nec major quàm papiraceum integrum folium, in quo literas scribimus. Anno millesimo sexcentesimo vigesimo visa est lacrimas fundere, et lacrimæ à Magistratu ecclesiastico ritè examinatæ, se pro-

barunt esse miraculosas : quapropter templo parrochiali illata fuit Sancta Imago, et novo altari decorata. Hinc ad eam accurrens populus fiducia plenus, vota fecit et votorum se reum fecit. Tu. Te Matrem.

AD LAUDES.

HYMNUS 245. *Commirii.*

Virgo terrarum pelagique custos,
Quam vocat Matrem soboles Tonantis,

Ad preces gentis famulæ benigno
Respice vultu.

Has enim præsens coluisse sedes.
Diceris postquam tua turbulenti
Per maris fluctus tenuit propinquum
Littus imago.

Sentiunt promptum populi levamen

Rebus afflictis, sterilis fefellit
Cum seges sulcos, pluviusve pestem
Attulit Auster.

Urbis in cladem tibi dedicatæ,
Bella dum sævis meditatur armis,
Non semel fugit tonitru minaci
Territus hostis.

Te colunt reges, pedibusque
proni
Sceptra submittunt. Tibi pro tributo

Aureis sacras onerare gaudent
Cordibus aras.

Supplicum votis facilis moveri
Virgo, si nostri placuere cantus,
Fac tui cælo celebremus olim
Festa triumphæ.

Laus Patri rerum Domino perennis,
Par decus Nato, Patre non minori,
Æquus amborum sit honos amor
Omne per ævum. Amen.

IN II. VESPER.

HYMNUS 246. *J. Commirii.*

Naufrazi felix Cynosura mundi,
Quæ Deum gaudes peperisse Virgo,
Non prius junctos socians pudori
Matris honores.

Exulam tu quæ miserata sortem
Sedibus lætos patriis reponis,
Digna pro tali meritò vocari
Janua cæli.

Patris ac Nati recinendo laudes,
Mutuum linguæ celebrent Amorem:
Omnis et mundi plaga tres in uno
Numine adoret. Amen.

DIE XII. APR.

B. M. V. DE REFUGIO.

Duplex.

Oratio.

Præsta, quæsumus omnipotens
Deus, ut nunquam à tuâ benignitate
deserantur, quos sub Beatissimæ
Virginis protectione misericorditer
constituisti. Per Dominum.

AD MATUTIN.

HYMNUS 247. *Gabr. Madalen.*

Nautis amicum sydus et anchora,
O diva, Salve, Virgineo Deum
Enixa partu, quo beatæ

Cælicorum paruere sedes.

Quam missus alto pertulit aliger,
Audi salutem, concilia polo
Terras nocentes, vertat Eva

Nomen; Ave canat omnis ætas.

Abrumpe mœstis vincula sontibus,
Mentesque sacro lumine recrea,
Averte casus imminentes,

Supplicibus meliora posce.

Ostende Nato pectus, et audiat
Per te suorum vota clientium,
Qui sortis humanæ misertus

Te potuit Genitrice nasci.

Æterna summo gloria sit Patri,
Natoque, necnon Spiritui Deo,
Numenque tres unum, futuris
Posteritas colat usque sæclis. Am.

Lectio 1. Noct. de Ferid.

IN II. NOCT.

Sermo S. Bernardi Abbatis.
In meditat. super Salve Reg.

LECTIO 4.

Nimius amor, quo erga te sumus

inebriati intrinsecus, cogit nos ad te, Domina, suspirare. Omnibus es amabilis, omnibus affabilis, omnibus delectabilis, sedes sapientiæ, fluvius clementiæ, radius deitatis: nec est qui se abscondat à calore tuo. Quis ergo ad te, Domina, non suspirabit? Amore suspiramus, etiã et dolore. Undiquè nos angustiae præmunt. Quomodo ergo ad te non suspiremus, solatium miserorum, Refugium expulso- rum, liberatio captivorum, regina bellatorum, Domina universorum, etiã inimicorum, nec est, qui tuæ voluntati valeat obviare. Tu. p.

LECTIO 5.

Sic afflicti, sic miseri ad te suspiramus, gementes et flentes in hac lacrymarum valle. Heu, Domina, non vides, quod totaliter sumus amaritudinè pleni? Intus sumus gementes, exterius flentes, in loco lacrymoso jacentes: onerati peccatis gemimus, aggravati molestiis flemus, abundantes miseriis in valle lacrymarum sumus, tuum subsidium implorantes. Quid ampliùs dicam? Nec sufficio, nec scio omnia detestabilia hujus vallis enarrare. Tu. p.

LECTIO 6.

Eja ergo Advocata nostra. O laudabilis clementia Salvatoris, qui sic afflictis tam nobile subsidium dignatus est largiri: et ideo non est timendum, quin miserearis miseris, ad illam partem inclinans sententiam, quam defendis, ut nobis exhibeas gloriam, quam peperisti. Non ergo restat Domina, nisi ut illos misericordes oculos ad nos convertas. Eja ergo Advocata nostra, illos tuos misericordes oculos ad nos converte. Non dubitamus Domina, quin si nostras aspexeris miseras, non possit tua miserationum retardare effectum, et facere

mirabiles, nec non et amabiles illos tuorum radios oculorum, quibus nos allicis ad amorem, et ad plenam ducis salutem, ne venenatos oculos basilisci timeamus. Tu. p.

Homilia de Comm. pro Duplicib.

LECTIO 9.

Commemoratio B. V. Praten-
de Carcere.

Gumpenberg. Imag. 334.

Praten-
sis civitas decem millibus passuum Florentiã distat. Hic Beatæ Virginis templum est præ cæteris miraculosum. Imago Deiparæ picta in muro Carceris publici supra cancellatam captivorum fenestram jam olim fuit. JESUS dexterâ florem, sinistrâ aviculam tenet: quem Mater sedens sustinet. Cum jam desertis carceribus Sanctissima Virginis Imago ibi tamen staret, et plurima ibi patraret prodigia, templum è veteribus illis ruinis ei ædificatum fuit. Festum autem sexto Julii supplicatione quàm solemnissimâ celebratur. Tu. Te Matrem.

Cum 2. Vesperis.

DIE XIV. APR.

INTELLECTUS B. M. V.

Duplex.

Oratio.

Adsit nobis, quæsumus Domine, virtus Spiritus Sancti, ut qui donum Intellectus in Beatissimâ Virgine veneramus, Spiritu intelligentiæ repleti possimus. Per Dominum nostrum JESUM.... in unitate ejusdem.

Lect. I. Noct. de ferid.

IN II. NOCT.

Sermo S. Antonini Arch. Florentini.

LECTIO 4.

Fuit cognitio Beatæ Virginis talis per donum intellectus, quod cognoscebat lumen increatum, non

quidem per speciem, sicut Beati, nec etiā per imaginationem, vel vestigium, vel signum prout est medium inter apprehensionem, et signatum, sed sicut lumen solis est medium conjungens visibile et visum. Mirabilem autem hanc cognitionem Intellectus de Beatā MARIA ponit Albertus per novem conclusiones sive privilegia. Tu. ꝑ.

LECTIO 5.

Harum prima est perfecta cognitio, sine medio, Dei Trinitatis, quam habuit in viā per speciosissimam gratiam. Secundum est perfecta cognitio mysterii Incarnationis, et hanc habuit per gratiam et singularem experientiam. Tertia est cognitio suae praedestinationis, quam habuit per revelationem et causam. Quarta est animae suae et spirituum per species propria cognitio, quam habuit dispositivē per naturam, completivē per gratiam: et secundum hanc vidit angelos, animas et daemones. Tu. ꝑ.

LECTIO 6.

Quinta est perfecta cognitio omnium ad statum vitae pertinentium, quam habuit per gratiae infusionem, et inspirationem. Et haec comprehendit perfectissimam cognitionem scripturarum, operandorum et contemplandorum. Sexta est cognitio circa se futurorum, quam habuit per revelationem, et in speculo lectionum. Septima est omnium ad statum patriae pertinentium per cognitionem quam habuit per naturam, gratiam, et contemplationem. Nona est quod habuit et matulinam et vespertinam cognitionem: matulinam per gratiam, vespertinam per naturam et gratiam. Et sic replevit eam, scilicet, animam suam Spiritus Intellectus. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 2.

In illo tempore: Ingressus Angelus ad MARIAM, dixit: Ave gratia plena, Dominus tecum. Et reliqua.

Homilia Sancti Bonaventurae Ep.

In Spec. B. V. Lect. 6.

Gratia certē vitae et veritatis consistit in Spiritus Sancti donis. Per septem enim dona fuit gratia vitae et veritatis in MARIA. Gratia veritatis ordinavit MARIAM in veritate supra se, infra se, intra se, et extra se. Gratia, inquam, veritatis ordinavit MARIAM in veritate supra se per donum sapientiae: infra se per donum consilii; intra se per donum scientiae. Tu. ꝑ.

Bened. Cujus donum intellectus.

LECTIO 8.

Gratia utique veritatis ordinavit animam MARIE in veritate supra se, in sapientissimā fruendorum contemplatione: infra se in consultiissimā fugiendorum praevisione: intra se in certissimā credendorum cognitione. (Lect. 9.) Gratia autem vitae ordinavit vitam MARIE in bona vitae respectu diaboli, respectu proximi, et respectu Dei.... In bona vitae erga diabolum per donum fortitudinis: erga proximum per donum pietatis: erga Deum per donum timoris. Gratia utique vitae ordinavit vitam MARIE erga diabolum in fortissimā resistantiā; erga proximum in piissimā benevolentia; erga Deum in fortissimā reverentia. Tu. ꝑ.

LECTIO 9.

Commem. B. V. de Victoriā.

Sacra quaedam Deiparae Imago sub titulo de Victoriā in oppido Villarejo de Salvanès Diocesis Toletanae mirifice colitur. Ejus origo historiam non caret, nam ē manibus San-

cli Pii Quinti accepta à Ludovico de Requesens hispanarum copiarum quæ ad Echinadas Insulas adversus Turcas unâ cum venetianis et pontificiis sub Joanne Austriaco iere, duce, in hujus primâ navi toto belli tempore habita, et nomen à Victoriâ ab accepto ibidem per Deiparam triumpho obtinuisse fertur. Quanti autem Mariophili etiâ nunc hanc sacram Iconem faciant, ex cultu ibi ei tributo et præcipuè ex solemnitate, quâ die septimâ Octobris, quotannis honoratur, facillè ostenditur. Tu. Te Matrem.

CANON.

Ex D. Bernardino Senensis.

De exaltat. B. V. art. 1. c. 2.

494. Gloriosa Virgo est signum magnæ intelligentiæ: signum enim ducit in signati cognitionem; sic Virgo MARIA super omnem aliam creaturam ducit in sapientiam et intelligentiam Filii sui et Dei. Tu.

Cum secund. Vesper.

DIE XVI. APR.

B. M. V. REGINÆ PACIS.

Duplex.

Oratio.

Deus, à quo sancta desideria, recta consilia et justa sunt opera; da servis tuis, beatissimâ Virgine Reginâ pacis intercedente, illam, quam mundus dare non potest pacem; ut et corda nostra mandatis tuis dedita, et hostium sublatâ formidine, tempora sint tuâ protectione tranquilla. Per Dom.

Lectio. 1. Noct. de feriâ.

IN II. NOCT.

Ex Bernardino de Bustis, Marial.

Serm. 1. Ass.

LECTIO 4.

Beata Virgo nobis Deum reconciliavit; undè in hujus reconcilia-

nis factæ signum, angeli in ejus parturitione cecinere: gloria in altissimis Deo, et in terrâ pax hominibus. Hæc est illa Mulier sapientissima quæ Davidem filio suo Absaloni reconciliavit, et quæ Deum reconciliavit generi humano: Hæc est illa columba innocentissima, quæ portavit ad arcam Noë ramum olivæ virentibus foliis, per hoc indicans Deum hominibus reconciliatum. Tu.

¶ Virgo latæ pacis index, pacti et auspex fœderis * Patris inter Numen alti, et inter humanum genus. †. Ceu probat columba, in arcam termiten quæ detulit. Patris.

LECTIO 5.

Rich. de S. Laur. libr. 12. de Landib. B. V. M.

Virgo MARIA est oliva valdè speciosa. Hæc Oliva est signum pacis: per ipsam enim finita est guerra, sive bellum, quod Eva fecerat inter Deum et hominem, inter corpus et animam. Illa est illa columba, quæ cessante diluvio ramum olivæ in ore suo detulit ad Noë in Arcam, Deum humano generi reconciliatum demonstrans, et sic ipsa Virgo designatur per olivam, quæ est signum pacis, et per columbam, quæ est avis pacifica. Tu.

¶ Columba est Virgo gratiâ repleta tota, tota amore candido. * Quæ fuit Puella felle cassa amarulentia: †. Cassa felle tristis iræ, forma pacis Principis. Quæ.

LECTIO 6.

Hugo de S. Caro Cardin.

Ego murus et ubera mea sicut Turris. Beata Virgo murus est stabilis et firmus, nobis ad defensionem et munitionem datus, super quem Dominus fabricavit propugnacula argentea... Ubera ipsius sunt nobis, fœcunditatem ejus vir-

gineam in memoriâ tantâ habentibus, turris. Quâ suâ fœcunditate facta est apud Deum quasi pacem reperiens, pacem, inquam, illam quam perdiderant primi parentes. Unde ei dictum est ab Angelo: Invenisti gratiam apud Dominum. Ipsa reperit pacem inimicis, salutem perditis, indulgentiam reis, misericordiam desperatis. Tu.

¶ Regina pacis olivæ sese aperitis ritè campis comparat consitæ, * Suam palere semper indulgentiam innuens, opemque cunctis uberem poscentibus. †. Ipsa enim est pax nostra, et reconciliatio nostra. Suam. Gloria. Suam.

In III. Noct. Homil. de Comm. pro Duplicib.

¶ 7. Semp̄r est Virgo cunctis liquorem fundere gratiæ parata; * Cunctis ferre misericordiam et indulgentiam pacis. †. Nec queri quisquam invocatam defuisse debet sibi. Cunctis.

¶ 8. In nequiores piissima vicera gestat, peccatores admittit, reos conciliat, miserosque omnes juvat factis benignis. * Tale quid semper facit Reginæ pacis clementia. †. Hæc enim obtinet virtus in almâ principatum Virgine. Tale. Gloria. Tale.

Cum 2. Vesper.

DIE XVII. APR.

D. V. SICHIEWENSIS.

Semiduplex.

AD MATUTIN.

HYMNUS 248. Just. Lips.

Diva, quæ gaudens iterare dona,
Ergis lapsos, trepidisque robur
Addis et servas variis periclis
Undiquè cinctos.

Clamat hoc ætas vetus, ista clamat:

Belgica hoc Hallis, Gradisque vidit,

Et palam jam nunc videt in propinquo

Colle Sichemi.

Hic tui vultus modica est imago,
Sed potens, præsensque levare noxas,

Quas neget curare vel Æsculapi
Docta medela.

Sit decus snmmo sine fine Christo,

Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

Lect. 1. Noct. de feriâ occurr.
IN II. NOCT.

LECTIO 4.

Justus Lip. in D. V. Sichemensi.
In Sichiemi oppido, quinto miliario à Lovanio, uno circiter à Disthemio abjuncti finibus, medio illinc milliari Collis exurgit, in cuius parte divæ Virginis Icuncula erat in quercu defixa, et accolis culta à tali principio fertur. Ajunt enim ante annos centum fuisse pastorem, qui oves in ejus tractu pascens repertam humi imaginem sustulit, in sinum condidit, certus eum donum secum auferre. Sed dum agitat, ecce membra ejus stupere, pedes ulique non movere, et quasi frutex, aut stipes ibi stare. Tu. ¶.

LECTIO 5.

Cum verò hora ejus redditui esset lapsa, herus infortunii anxius pastorem requirens, eò accurrit, et reperit defixum stantem, et quæ gesta simpliciter narrantem. At ille mentis melior imaginem statim recipit, et timidâ religione in vetere suâ sede et quercum reponit. Eoque facto, Pastor velut vinculis liberatur, et venerati uterque Numen, domum abeunt, rem denarrant, et viciniam totam religione implent. Ab deinde miraculo jam famâ in multâ et cultu magno fuit, et locus

celeber factus est. Sed evenit, ut illa Imago perierit anno millesimo quingentesimo octogesimo, incertum quâ vi aut casu et post septem annos alia suffecta est, arculæ lignæ imposita et quercui ibidem affixa. Tu. ꝑ.

LECTIO 6.

Anno vero millesimo sexcentesimo secundo, majore in dies concursu Godefridus Pastor Sichiensis venerationi augendæ detractam arbore, in sacello modico, quod è tabulis juxta struxerat, ritè et piè collocavit. Sed enim vero cum id angustum turbis esset, sacellum à lapide secto inchoatum absolutumque est, et Divæ dicatum, sacramque ab Archiepiscopo Meclinesi, tanto hominum è dissitis etiâ locis conventu ut id quoquè inter miranda, si non miracula censeri mereatur. Hoc factum est anno millesimo sexcentesimo quarto, et ex eo Imaguncula perseverat. Tu. ꝑ.

Homilia de Communi pro Semid.

LECTIO 9.

Commemoratio B. V. Biellensis de Oroppa.

Gumpenb. 410.

In montibus civitatis Biellæ adjacentibus de Oroppa nuncupatis, sacellum Deiparæ sacrum est, magnificentissimo Templo inclusum, non Italæ solum, sed exteris quoquè gentibus frequentatum, et miraculis clarum. Ibi Beatissimæ Virginis Imago è cedrino ligno confecta, pro opere Sancti Lucæ constanter ab antiquo habita, atque à Sancto Eusebio Episcopo Vercellensi Vercellas asportata et inde in Oroppæ montibus collocata in eo parvo sacello asservatur. Ad eam fit ingens peregrinorum accursus, ita ut aliquandò ad quinquaginta millia hominum se extendit. Tem-

pli parietes non alio peristromate ornantur quàm pictis tabulis, quibus miracula ab ipsâ Virgine patrata proponuntur. Tu. Te Matrem.

Cum 2. Vesper.

DIE XIX. APR.

D. V. GRANATENSIS.

Simplex.

LECTIO 1.

Gumpenb. Atlas Mur. im. 153.
Granatensis Virginis Statua trium est cubitorum, servaturque in magnifico Cathedralis templi sacello, concursu populi toto anno continuo, maximè tamen ipsâ Virginis assumptionis octavâ, quâ præcipuum festum celebratur. A Ferdinando et Isabellâ regibus catholicis hic sedem accepit, et circumvehi solitam in castris quoquè traditio est. Tu. ꝑ.

LECTIO 2.

Hoc certum est, cum Metropolis regni Granatæ cepta esset, militesque ad castrum, quod supererant expugnandum properarent, reges cum hac statuâ constitisse Sigilis fluvii: cumque victores super muros circumactis per aerem vexillis solemne illud contentissimâ voce ingeminarent: Granata, Granata pro Ferdinando et Isabellâ, reges in terram se abjecisse coram JESU et MARIE hac statuâ. Tu. ꝑ.

LECTIO 3.

Reginæ inventum creditur, quod in Regno Granatensi, horâ tertiâ post meridiem pulso æris campani cives admoncantur, perindè ac manè, meridiè, et vespere fieri solet: Rex item novo inventu, quovis die per omnem annum novos diversosque cultus Sanctæ Virginis statuæ decrevit, qui per multum temporis fuerunt accuratè observati. Tu. Te Matrem.

Vesperæ sequentis.

Die XX. et XXI. Aprilis.

685

DIE XX. APR.

B. V. DE MEDIOLANO.

Semiduplex.

Lect. 1. Noct. fer. occur.

IN II. NOCT.

LECTIO 4.

Colven. Kalend. mar. p. 294. 295.

Sacelli Beatæ MARLÆ Virginis in templo Sancti Petri in foro Valentinianis ædificandi Domino Joanni de Tornaco Abbati Sancti Joannis, causam præbuit posita quædam ibidem Imago chartacea, à quodam tibia urbis Enghianæ, qui tunc Valencenas incolebat, Joanne dicto, allata Mediolano, cui ob hoc Beatæ MARLÆ de Mediolano nomen indultum fuit, per quam beatissima Virgo MARIA virtutem suam rebus prodidit. Tu. ꝑ.

LECTIO 5.

Ac primùm vigesimo Aprilis anni millesimi quadringentesimi octogésimi famam sibi peperit, reddita protinus mulieri, Mariæ Lebrun nuncupatæ, incedendi facultate, cui ab anno ampliùs uno, vel nervorum solutione, aut humorum malignitate prærepta erat. Undè factum est, ut eo ipso die perelegans sacellum, ubi ea Imago Deiparæ Virginis servaretur, et populus eam coleret, extrui jusserit ex multis donariis, quæ jam tunc et deindè plura colligebantur. Facta est autem hujus sacelli consecratio die vigesimâ septimâ Maji ejusdem anni. Tu. ꝑ.

LECTIO 6.

Hujus ædiculæ recentèr conditæ, et miraculorum, quæ in dies per beatam Virginem patrabantur pervulgatâ famâ etiâ è dissitis locis fidelium fiebat concursus, qui salutarem illic opem obtinebant. Quod

olim adeò frequens fuit, antequàm hæc ædificata, anno millesimo quingentesimo sexagesimo sexto, illam Beatæ Virginis Imaginem lacerasset, ut sacelli parietes multis scipionibus, fulcris subalaribus, sigillis, et anathematibus post adeptam sanitatem prætexerentur. Tu. ꝑ.

Homilia de Commun. pro Semiduplicibus.

LECTIO 9.

Commemoratio B. V. de Apibus.

Camòs l. 8 c. 7.

Sanctissimæ Deiparæ pulcherrima Effigies propè oppidum Bagnuls Diœcesis Elnensis sub titulo de Apibus non exiguè colitur pluribus abhinc sæculis in perantiquo Sacello, quod ex circumstantibus ruinis grandius antèa fuisse abs dubio apparet. Sacra Imago quæ non inventa, sed ibidem in diruto Monialium cœnobio venerationem habuisse creditur, semper miraculis claudit. Præcipuè huic Sacello sequens fuit proprium prodigium, quòd etsi clavibus ferrisque clauderetur, semper apertum à quolibet primo veniente inveniebatur. Tu. Te Matrem.

Vesperæ sequentis.

DIE XXI. APR.

BENIGNITATIS B. MARLÆ V.

Duplex.

Oratio.

Præsta, quæsumus, omnipotens Deus, ut qui Benignitatem Beatæ Virginis MARLÆ devotè recolimus, ejus fructus in nobis experiri mereamur. Per Dominum.

AD MATUTIN.

HYMNUS 249. *L. Massorilli.*

Diva stellato residens Olympo,
Redde te nostris precibus Benignam,
Et tuos servos humiles ab omni
Labe tuere.

Vidimus quantas dederit ruinas
Hostis humani generis cruentus.
Tu leves duros Genitrix labores

O pia nostros.

Da venenosas prochl ire pestes,
Da tuis auras famulis salubres,
Syderum vires reprimens nocentum
Numine Sancto.

Neu fames atrox, miseranda
egestas

Torqueat Christi populos fideles:
Uberes fructus jubeas feracem
Gignere terram.

Bella de nostris violenta terris
Transfer ad pingues Orientis oras,
Quas tenet durus Machometus
aspis,

Vipera mordax.

Sit decus summo sine fine Christo,
Sancta quem Virgo genuit MARIA,
Qui Patri compar Spiritui Sancto,
Regnat in ævum. Amen.

Lect. 1. Noct. fer. occur.

IN II. NOCT.

Sermo Sancti Bernardi Abbatis.
In signum magn.

LECTIO 4.

Nec ipsa Mulier benedicta in mulieribus videbitur otiosa: invenitur equidem locus ejus in hac (hominis cum Deo) reconciliatione. Opus est enim mediatore ad mediatorem istum nec alter nobis utilior, quam MARIA. Crudelis nimirum Eva, per quam serpens antiquus pestiferum etiã ipsi viro virus infudit: sed fidelis MARIA, quæ salutis antidotum et viris et mulieribus propinavit. Illa enim ministra seductionis, hæc propitiationis: illa sugessit prævaricationem, hæc injectit redemptionem. Tu. ♀.

LECTIO 5.

Quid ad MARIAM accedere trepidat humana fragilitas? Nihil austerum in eâ, nihil terribile: tota sua-

vis est, omnibus offerens lac et lanam. Revolve diligentius Evangelicæ historię seriem universam, et si quid forlè increpatorium, si quid durum, si quod deniquè signum vel tenuis indignationis occurrerit in MARIA, de cætero suspectam habeas, et accedere verearis. Quòd si, ut verè sunt, plena magis omnia pietatis et gratiæ, plenæ mansuetudinis et misericordiæ, quæ ad eam pertinent, inveneris, age gratias ei, qui talem mediatricem benignissimâ miseratione providit, in quâ nihil possit esse suspectum. Tu. ♀.

LECTIO 6.

Deniquè omnibus omnia facta est, sapientibus, et insipientibus copiosissimâ charitate debitoricem se fecit, omnibus misericordiæ sinum aperit, ut de plenitudine ejus accipiant universi. Captivus redemptionem, æger curationem, tristes consolationem, peccator veniam, justus gratiam, angelus lætitiã, deniquè tota Trinitas gloriam, Filii persona carnis humanæ substantiam, ut non sit, qui se abscondat à calore ejus. Tu. ♀.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua. Homilia Sancti Hildephonsi Arch. Toletani.

Serm. 4. de Assumpt. B. V. M.
Igitur Sancta et venerabilis Virgo MARIA, Mater Domini nostri JESU Christi secundum carnem ex semine Abraham, orta ex tribu Juda, virga de radice Jesse, clarâ ex stirpe David, filia Jerusalem, Stella maris, ancilla Dei, regina gentium,

et Domina regum, Sponsa Domini, Mater Christi, Conditoris templum, Spiritus Sancti sacrarium, velut columba speciosa, pulchra ut luna, electa ut sol, signaculum fidei, reparatio Evæ, introitus vitæ, janua cœli, decus mulierum, caput virginum, hortus conclusus, fons signatus, puteus aquarum viventium. Tu. *Ps.*

Bened. Cujus Benignitatem.

LECTIO 8.

Multiplicatur ut cedrus Libani, florens ut palma, velut oliva fructifera, in Domo Dei Virgo Sancta, Virgo prudens, et una ex numero prudentium Virginum. Virgo pulcherrima, Virgo pudica, corpore decora, animo fulgida, fide perspicua, mente præclara, amore virginitatis devota, ad obediendum parata, ministerio sibi credito cauta, in persecutione pacifica, in passione Christi mente compassa est. *Lect. 9.* A prophetis Dei prædicata, à philosophis sanctis præfata, ab Archangelo salutata, à Spiritu Sancto fecundata, atque ab eodem obumbrata. Seminis viri ignara, prole filii fecunda, Virgo innupta, ex filio facta, fide concipiens: Virgo ante partum, Virgo in partu, Virgo post partum. Tu. *Ps.*

LECTIO 9.

Commemoratio B. V. de Sancho-Abarca.

Ex Officio proprio Taustensi Clero concesso.

Cum enim in sinu præruptæ rupis Beatissimæ Virginis MARIE Imago puerum JESUM suis ulnis gestans, anno millesimo quingentesimo sexagesimo nono, tum primum innotuerit, rei nuntio accepto, Taustensis oppidi (in Aragoniâ) Clerus populusque, solemnî indictâ supplicatione, ad montem pervenientes, exsculptam Imaginem adorant, et ad

suam Ecclesiam cum gratiarum actione transtulerunt. Ibi miraculis præfulgens, per universam Hispaniam adeo celebris evasit, ut ad eam invisendam passim populi currant, spiritualia inde haurientes incrementa virtutum, nobilique sacello, magnâ veneratione colitur, à loco, ubi inventa fuit, de Sancho-Abarca communiter appellata. Tu. Te Matrem.

CANON.

Ex D. Petro Damiano, Ep.

Serm. de Nativ. B. V.

495. Scio, Domina, quia Benignissima es, et amas nos amore invincibili, quos in te et per te Deus tuus summâ dilectione dilexit. Et quoniam amor non nisi amore recipitur, ideo redamare eam pro virili studeamus. Tu.

Cum 2. Vesper.

DIE XXIII. APR.

D. V. FLORENTINÆ DE ANNUNTIATA.

Duplex.

Oratio.

Omnipotens sempiterne Deus qui humanæ fragilitati condolens, eique clementer misereri decernens, Verbum tuum ex gloriosâ Beatâ MARIÂ semper Virgine incarnari voluisti, præsta, quæsumus, ut ipsa jugiter tuam misericordiam nobis oblineat in cœlis, cujus Commemorationem celebramus in terris. Per eundem.

AD MATUTIN.

HYMNUS 250.

Vox equa dignas pro meritis tibi Tot atque tantis solvere gratias? Quæ debitas tibi decenter Lingua queat memorare laudes?

Tu sola Virgo et Mater es inelyta, Deiparensque et Filia: tu decus, Lumen, jubar, salus et una

Spes generis columnenque nostri.

Primæva Mater dum faciles nimis
Aures doloris vocibus improbi
Præbet Draconis, universam
Exitio sobolem peremit.

Tu Diva sævi faucibus eripis
Serpentis Evæ progeniem, sacro
Dum spiritu gravis, salutis
Artificem paris atque mundi.

Æterna Summo Gloria sit Patri,
Natoque necnon Spiritui Deo:
Numenque tres unum futuris
Posteritas colat usque sæclis. Am.

Lectio. 1. Noct. de feriâ.

IN II. NOCT.

LECTIO 4.

*Apud Bollan. tom. 4. August. Vit.
S. Philip. Benit.*

Insigne est templum Beatæ MARIE
Virginis Annuntiæ dicatum in urbe
Florentinâ apud Patres Servitas.
Ibi olim antequàm extrueretur, in
crudo recentique adhuc muro Imago
Virginis, quam de caphagio voca-
bant, temperatis non oleo, sed
aquâ coloribus effigiata prostabat,
quæ cum temporum injuriâ inter
ædificiorum ruinas esset obliterata,
Patres ejus sibi memoriam reno-
vandam esse ducentes etiâ ad
obliteratæ prototypon iisdem colo-
ribus, et in simili crudi areâ pin-
gendum curare statuerunt sub for-
mâ Annuntiationis mysterii. Tu.

¶. Talis in hoc templo miræ
virtutis Imago sedet, multis inclita
prodigiis: * Hanc urbs nostra colit.
†. Et quælibet externa tellus orat
præsidio tutior esse suo.—Hanc.

LECTIO 5.

Accersito ergò pictore, qui multis
precibus ad opus se comparari vo-
luit, et cœptâ picturâ, archangeli
Gabrielis Imago jam in pariete spi-
rare videbatur: ipsa etiâ beatæ
Virginis effigies, præter faciem, ca-
put et cervices, sub oculos perfe-

clè prodierat, cum ecce pictor su-
premam manum Imaginî impositu-
rus, repente totis artubus, sed ma-
nibus præcipuè contremiscere, ex-
albescere vultus, deniquè animo
linqui cœpit, et velut nunquàm
penicillum contrectavisset, omnis
ars, atque industria pingendi ex
animo evanuisse visa. Tandem di-
vino quondam sopore correptus, et
paulò post sibi reditus, Imaginem
intuetur, quàm in illo mentis con-
tictinio perfectam viderat, jam collo,
vultu et capite, ad quæ manus
pridiè exprimenda torpuerat, ex-
pressis summo stupore recognoscit.
Tu.

¶. Cujus ope à variis sanan-
tur corpora morbis, et ferè cura-
tur vulneris omne genus. * Hoc
figmenta probant sub multis cerea
formis. †. Factus et incolumis se-
xus uterque docet. Hoc.

LECTIO 6.

Pervulgato rei successu, fit totius
urbis, atque omnium ordinum ac-
cursus, et habitis Imaginî justis ho-
noribus, frequentis senatus consul-
tu Respublica decrevit, uti hæc
verba: Divina Sancta MARIA, Ma-
ter Gratiarum: subscriberentur,
quæ hodiè, antiquo caracthere sub-
scripta visuntur. Et illud admiran-
dum est, quòd divinam quamdam
vim illi vultui inditam esse, vel
maximè convincat, quòd sic admis-
si vix prima virginæ oris linte-
amenta ad facies videant, cum sol-
vi statim in lacrymas, ac prorumpere
in singultus ac gemitus, interna
compunctionis indices, ac pecto-
ra palmis plangere incipiant uni-
versi: atque adeò illi etiâ, ut fre-
quentèr fateri solent, qui non tam
pietate quàm curiositate ac rei in-
solentiâ ducti occurrunt. Tu.

¶. Hic nova Religio Servo-
rum dicta MARIE ex tenui cœpit

surgere principio, * Cujus parva brevi per mundum gloria crevit.
†. Maxima divinæ facta Parentis.

IN III. NOCT.

Lectio S. Evangelii secundum
Lucam.

LECTIO 7. c. 2. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliq.

Homilia S. Anasthasii Episcopi.

Homil. 2. in Ann. B. V.

Magnus quidem Gabriel fausta Virgini nuntiat, dumque miscet sermones, Unigenitus Dei Filius virginalem subiit uterum: cepitque ventrem, quem omnino cælum non capit... Hominum Opifex factus est homo, Matrem sibi ex nobis comparans ipse unicus per naturam Dei Filius, carnem ex eâ nobis consubstantialem assumens. Tu. †.

LECTIO 8. Orat. 1.

Jure itaque meritò cum eâ, quæ gaudium suscepit, gaudeamus, Deique nostri Matrem in hæc verba cum Gabriele salutemus: Ave, gratiosa, Dominus tecum: quòd facta sis nobis salutis via, ascensusque ad superos, ac locus requiétionis, refrigeriique tabernaculum, in quo Dominus habitavit. Tu. †.

LECTIO 9.

Quamobrem cum omnibus generationibus te solam beatam in mulieribus dicemus: quam neque sol, voluptatis flammam immittens, adussit, neque fluxa vis lunæ nocti læsit. Non enim dedisti in commotionem pedem animi, sed eo fixo in petrâ, inflexa mansisti: teque Dominus custodivit, in te solus ingrediens, ac ex te egrediens clausamque et obsignatam in æternum servans. Tu. Te Matrem.

CANON.

Ex Gregorio Papâ Decimo.

Const. 80. Ad uberes §. 5. an 1578.

Tom. IV. p. 3. p. 358.

496. Clemens Papa Quartus visitantibus Ecclesiam Annuntiatæ de Florentiâ concedit quadraginta dies indulgentiarum. «Similiter alii Pontifices» plures alios dies indulgentiarum concessere. Tu.

Vesperæ à capit. sequentis.

DIE XXIV. APR.

PRÆEXCELLENTIÆ B. M. V.

Duplex.

Oratio.

Spiritum humilitatis, quæsumus, Domine Deus noster, cordibus nostris infunde, et qui Præexcellentiâ Beatæ Virginis MARIÆ celebramus in terris, cum ipsâ exaltari mereamur in cælis. Per Dominum.

Lect. 1. Noct. de ferid.

IN II. NOCT.

Sermo S. Bernardini Senensis.

De B. V. Serm. 61. art. 4. c. 3.

LECTIO 4.

Persona Beatæ Virginis tantæ superexcellentiæ est, quòd nec in personis increatis, nec in personis creatis, ut angelis et hominibus, invenitur hæc incogitabilis dignitas, scilicet, quod habeant Deum filium, nisi in unâ personâ divinâ, quæ est Patris, et in una personâ humanâ, quæ est Matris. Sanè privilegium hoc isti soli personæ concessum est, quod sicut impossibile est personæ Filii, vel personæ Spiritûs Sancti generare Deum pro eo quod in eis non est natura cum primitate fœcunditatis, nec intellectûs, cum actu dicitur aliquod verbum, sive cum fœcunditate et potentiâ ad producendum imaginem, sicut in Patre est. Tu. †. de Comm.

LECTIO 5.

Undè sicut impossibile est Patri producere aliud Verbum pro eo, quod hoc Verbum genitum sit perfectissimè, et totam potentiam generandi exhaustit in Patre; ita impossibile est mulierem aliam posse parere Deum, nisi per novam potentiam aliam collatam à Deo, quod certum est, nunquàm futurum esse. Tu. ð.

LECTIO 6.

Potentia enim concipiendi et pariendi Deum, quæ naturæ humanæ copulata fuit, secundum quod dicimus Christum fuisse in lumbis Patrum, secundum corpulentam substantiam descendit ab Adam usque ad Virginem. Et fuit impossibile ad actum in aliquam mulierem deduci, nisi in MARIAM Virginem, quæ potentia ita per natiuitatem Christi exhausta est de naturâ suâ, quòd quicumque diceret, aliquam personam divinam esse humanandam in aliquo secundum corpulentam substantiam, esset, ut impiissimus hæreticus, puniendus. Tu. ð.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua.

Homilia S. Dyonisii Alexandrini.

In resp. ad Quæst. 5. contra Samosaten.

Et signata est porta tabernaculi integra et incorrupta et inviolata, manu enim Dei clausa est, et digito ejus signata est. Neque manu hominis Sacerdos noster electus est, neque tabernaculum ejus ab hominibus fabricatum, sed Spiritu San-

cto et virtute Altissimi protegatur illud semper laudabilissimum Dei tabernaculum MARIA Deipara et Virgo. Tu. ð.

Bened. 8. Cujus Præexcellentiæ.

LECTIO 8. Respons. ad Quæst. 10.

Ipse est, qui descendit ad Abraham, ipse qui descendit ad Moysen, ut liberaret populum, et qui nunc novissimis diebus propter nos venit, non in figurâ ignis, sed conceptus in ventre Virginis MARIE, superveniente Spiritu Sancto in eam, et Matrem incorruptam à pedibus usque ad caput benedictam servavit, sicut ipse solus novit modum conceptus et ortus sui. Lect. 9. Hæc est quam Isaac prævidens dicebat Jacob: Det tibi Domini benedictionem cæli desuper, et benedictionem terræ habentis omnia. Qui enim è cælo descendit Unigenitus Deus Verbum, gestatum est in utero, et genitum ex paradisso virginali habente omnia: hæc sunt Spiritus Sanctus, qui supervenit in eam, et virtus Altissimi qui obumbravit ei, et quod natum est Sanctum, puer JESUS qui est Deus fortis. Tu.

LECTIO 9.

Commemoratio B. V. à Viridario.

Octav. Cajetan. de effig. sicut.

In oppido Sancti Angeli in Sicilia templum est Beatæ Virginis, cui nomen à Viridario. Cum propè illud pervenisset Turcarum pirata Barbarosa, anno millesimo quingentesimo, quadragesimo quarto, qui ad eam Siciliæ oram populandam appulerat, quæ illi oppido proxima est, ex Deiparæ Imagine magnum jubar emicuit, cælestique vi adeo illorum perstringit oculos, ut referre gradum coacti fuerint. Fugatis eâ luce barbaris, confluxere oppidani omnes ad liberatricem Virginem, ejusque Imaginem sudore manan-

tem, sive ut alii auctores sunt, sanguineo sudore respersam invenere: lantaque fuit divini licoris copia, ut in calice reposuerint. Accidit id nono Kalendas Maji, quo die hujus prodigii, beneficiique memoria celebratur. Tu. Te Matrem.

CANON.

Ex Pio Papâ Nono.

Const. Ineffabil. die 8. Dec. 1854.

497. «**MARIAM** Deus» longè ante omnes Angelicos Spiritus, cunctosque Sanctos cœlestium omnium charismatum copiâ de thesauro divinitatis depromptâ, itâ mirificè cumulavit, ut ipsa ab omni prorsus peccati labe semper libera, ac tota pulchra et perfecta eam innocentiae et sanctitatis plenitudinem præ se ferret, quâ major sub Deo nullatenus intelligitur, et quam præter Deum nemo assequi cogitando potest. Tu.

Vesperæ à Capit. sequenti.

DIE XXV. APR.

APPARIT.

B. V. DE BONO CONSILIO.

Duplex.

Oratio.

Bonorum omnium largitor, Deus, qui Genitricis dilecti Filii tui speciosam Imaginem mirâ apparitione clarificare voluisti: concede, quæsumus, ut ejusdem Beatæ **MARIÆ** Virginis intercessionem ad cœlestem patriam feliciter perducamur. Per eundem.

AD MATUTIN.

HYMNUS 251. Ex Offic. prop.
Plaude festivo, pia gens, honore,
Dum Genestani veneraris ædem:
Quâ Dei Magnæ Genitricis alma
Splendet Imago.

Hæc ubi mirâ specie repente
Obtulit sese populis videntiam,

Multa mox secum bona ferre nostras
Visa per oras.

Ipsa tunc ægris aderat, molestos
Corporis morbos, animique pellens
Longè et ærumnas Latio imminentes
Ipsa fugebat.

Virgo quàm magnis decorata signis,

Nunc quoque effulges, miseris juvamen

Affer, et fuis patiens clientum
Annue votis.

Sit decus summos sine fine Christo,
Sancta quem Virgo genuit **MARIA**,
Qui Patri compar, Spiritui Sancto
Regnat in ævum. Amen.

Lect. 1. Noct. de script.

IN II. NOCT.

Ex libro S. Ambrosii Ep. de
Virginibus. cap. 5.

LECTIO 4.

Veni ergò Eva, jam **MARIA**: quæ nobis non solum Virginitatis incensivum attulit, sed etiâ Deum intulit. Undè lætus et exultans tantò munere, dicit Isaias: Ecce Virgo in utero concipiet, et pariet filium, et vocabitur nomen ejus: Emmanuel, quod est interpretatum nobiscum Deus. Undè hoc munus? Non de terrâ utique, sed de cœlo vas sibi hoc per quod descenderet Christus, elegit, et sacravit templum pudoris. Per unam descendit, sed multas vocavit. Undè et speciale **MARIA** Domini hoc nomen invenit, quod significat, Deus ex genere meo. Dictæ sunt et ante **Mariæ** multæ: nam et **Maria** soror **Aaron** dicta fuit: sed illa **Maria** amaritudo maris vocabatur. Tu. ¶.

LECTIO 5.

Venit ergò Dominus in amaritudinem fragilitatis humanæ, ut conditionis amaritudo dulcesceret verbi cœlestis suavitate, et gratiâ temperata. Hoc significavit fons

Mara per lignum dulcoratus, eo quod populus nationum amarus ante peccatis, vel caro nostra temperamento passionis dominicæ in usus alteros mutaretur. Egregia igitur MARIA quæ signum sacrae virginitalis exulit, et intemeratæ integritatis pium Christo vexillum levavit. Et tamen cum omnes ad cultum virginitalis Sanctæ Mariæ advocentur exemplo, fuerunt, qui eam negarunt virginem perseverasse. Tu. ♀.

LECTIO 6.

Ex Officio proprio.

Et ut nihil non sublime esset in hac Sanctissimâ Virgine, quam angelus gratiâ plenam salutavit, non sine divino consilio factum est, ut ejus etiâ imagines summo essent in honore, et prodigiis miraculisque clarescerent. Quas inter ea tribus abhinc sæculis præcipuo honore colitur, quæ, Paulo secundo sedente, mirabiliter apparuisse in pariete Ecclesiæ Patrum Ordinis Eremitarum Sancti Augustini in oppido Genestani Pranesinæ Diocesis ex Pontificiis Diplomatibus, et supparibus monumentis comprobatur, quibus permotus Pius papâ sextus præfatis ejusdem oppidi cænobitis officium proprium concessit septimo Kalendas Maji, ipso scilicet apparitionis die recitandum, ac deinde illud die, quæ immediatè subsequitur pro ejus recitatione in postremo assignatâ ad universum prædictum ordinem sub ritu duplicis majoris extendit. Tu. ♀.

Homilia de Comm. pro Duplicib.

LECTIO 9.

Commemoratio B. V. Heilbrunnensis de Urticelo.

Balingh. die 25. April.

Cum die Divo Marco sacra procederet, ut in Litaniis majoribus fieri

solet, Clerus Heilbrunnensis oppidi cum populo in supplicatione ad vicinam Ecclesiam Boechingem extra muros; erat juxta viam à latere paululum deflectendo ultrâ portam urbis in muro cujusdam agelli imago Deiparæ, ad quam nemo veneraturus accedebat ob viam lutosam, et altitudinem urticarum in circuitu muri. At cum ad urbem processio illa rediret, magnam ad illam Imaginem populi multitudinem invenit, quæ divinitus inspirata eodè eadem horâ convenerat Deiparam in loco illo neglecto veneratura cum variis donis. Ex eo tempore concursus ille inchoatus durat usque nunc, ubi et penè infinita fiunt miracula ad invocationem Virginis. Tu. Te Matrem.

Vesper à Cap. seq. ut in comm. Dedicat.

DIE XXVI. APR.

DEDICAT. S. M. SUPRA
MINERVAM.*Duplex.*

*Offic. fit juxt. rubr. temp. pasch.
Lect. 1. Noct. de ferid.*

IN II. NOCT.

LECTIO 4.

Spinelli de Festis et templ. Deip.
Sancta MARIA supra Minervam, sic dicta à proximo Minervæ Chalcidiæ delubro, quod Pompeyus magnus, mithridiaco bello confecto, multisque regnis ac gentibus in Romani Imperii ditionem reductis, ex hostium manubiis dicavit. Ejus delubri vestigia in hortis sacri ordinis Prædicatorum, quibus hoc Deiparæ templum est demandatum, adhuc cernuntur. Tu. ♀. Magnum hæred.

LECTIO 5.

Paulus quartus hoc templum Cardinalium titulo insignivit. In eodem

Deiparæ templo ad lævam summi altaris sacellum pulchrè structum cum religiosissimâ Deiparæ Imagine extat, in quo florentissima, et nunquàm laudata Rosarii sodalitas in urbe est erecta. In ejusdem Sacelli arâ corpus, quod nunc in altari principe reconditur Sanctæ Catherinæ Senensis Virginis præclarissimæ ex tertio ordine Prædicatorum, cujus opera in Gregorio undecimo revocando ex Galliis in urbem, magno Reipublicæ Christianæ bono singularitèr eluxit, pluribus sæculis veneratum fuit. Tu. ꝑ. Verè Dominus.

LECTIO 6.

Ibidem aliud quoquè Sacellum à Joanne Turrecremata Cardinali Ordinis Prædicatorum, viro doctissimo Beatæ Virgini Annuntiatae dicatum est: ubi ab eodem sodalitas est instituta, quæ compluribus puellis nubilibus dotem assignat, quam summus Pontifex solempni pompâ in illud templum veniens die ipso Annuntiationis Beatæ Virginis suis manibus eisdem distribuit. Quod templum ultimis his annis instauratum excultumque est ingenio Hieronymi Blanchedi, Pio nono Pontifice maximo. Tu. ꝑ. In multitudine.

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier quædam Martha nomine, excepit illum in domum suam. Et reliqua. Homilia S. Thomæ Arch. Valentini.

Conc. 6. in Assump. B. V.

Si littera Evangelii diligentèr tractetur, et sensum non historicum, sed mysticum consulamus, videbimus qualiter sola littera historia sit non aperta sed occulta Matris Dei: 1. quàm breviter sub typo alieni hominis Virgo Dei Genitrix sit de-

scripta. Castellum forte voluntas humana est. Quid fortius, quàm quod liberum est, nec valet ad aliquid cogi? Quid fortius, quàm quod non potest possideri quacumque vi, sed solâ spontaneâ voluntate? Sed mulier quædam: mulier, gloria mulierum, corona mulierum excepit illum in domum suam. Hæc recepit in uterum suum, in corde suo. Tu. ꝑ. Benedic Domina.

LECTIO 8.

Intravit ergò JESUS in quoddam Castellum. Ingressus ejus est Incarnatio ejus: janua verò per quam ingressus est, Virgo MARIA est. Ipsa est porta mundi, et porta cœli: per hanc Deus ingreditur mundum, et per hanc peccator ingreditur cœlum. Per hanc Deus descendit ad hominem, et per hanc homo ascendit ad Deum. Lect. 9. Dicat ergò MARIA: Porta facta sum cœli: janua facta sum Filio Dei. Hæc est gloriosa Sunamitis, quæ Prophetam omnium Prophetarum, et hospitio recepit, et intra cordis sui domum cœnaculum illi fecit, et in eo lectulum, et mensam, et sellam, et candelabrum ei posuit. Tu. ꝑ. Domus mea.

LECTIO 9.

Commem. S. Mariæ in Aquiro.

Spinelli de templ. et fest. Deiparæ. Sancta MARIA in Aquiro propè circum Flavinium, ubi olim Isidis fanum, vel, ut alii malunt in Equirio, sic dicta est à ludis Equiriis, qui Equorum, et curruum causâ in campo martio in honorem Martis à Romulo institutâ die decimâ tertiâ Maji exercebantur, et illuc transibant. Hoc templum Deiparæ ab Anastasio Papâ fundatum inter antiquas cardinalium diaconias connumeratur, eique nunc collegium Orphanorum de Urbe est attributum. Tu. Te Matrem.

CANON.

Ex Gregorio Papâ Decimotertio.

Const. 128. Ut Sanctissimum.
an. 1580.—*Tom.* IV. p. 3. p. 461.

498. Erectionem et institutionem Archiconfraternitatis sub invocatione Annuntiationis Beatæ MARIÆ Virginis supra Minervam de Urbe auctoritate apostolicâ tenore præsentium approbamus et confirmamus. Tu.

Vesperæ à capitul. sequentis.

DIE XXVII. APR.

DIVITIARUM B. M. V.

Duplex.

Oratio.

Respice, quæsumus, Domine nimiam servorum tuorum paupertatem, ut qui immensas gratiæ divitiis Beatissimæ Virginis MARIÆ recolimus, thesauris cœlestibus nos abundare concedas. Per Dom.

Lect. 1. Noct. de ferid.

IN II. NOCT.

Ex verbis B. Alberti Magni Ep.

De laud. B. V. libr. 4. c. 21.

LECTIO 4.

Videndum est nunc de divitiis Beatæ Virginis. Et primò notandum est, quòd ipsa dicitur thesaurus Domini. Undè Salomon: Infinitus est thesaurus hominibus, quo qui usi sunt, participes facti sunt amicitiae Dei propter disciplinæ dona commendati. Thesaurus est, ubi diversarum operum divitiæ, quasi minutatim recluduntur, ut quasi simul in unum, ibi cumulum reperiantur. MARIA ergò thesaurus, quia in eâ, ut in Gazophilacio reposuit Dominus omnia dona gratiarum, meritorum, virtutum et prærogativarum, donorum et charismatum: et de thesauro largitur ipse larga stipendia suis militibus, et operariis. Et istæ sunt divitiæ,

quæ addunt amicos plurimos, scilicet, Deum, Angelos et homines Sanctos. Tu. ¶.

LECTIO 5.

Itè de multitudine divitiarum suarum, quæ non temporales, carnales, corruptibiles, sæculares, sed æternæ, spirituales, incorruptibiles, et cœlestes fuerunt, et sunt, et erunt, dicit MARIÆ Spiritus Sanctus: Multæ filiæ congregaverunt divitias, tu supergressa es universas. Multæ filiæ, id est, virtutes angelicæ, et animæ sanctæ congregaverunt divitias diversarum virtutum et operum, meritorum et præmiorum. Tu discretivè, ò Beata Virgo, supergressa es universas excellentiâ humilitatis, virginitate fœcunditatis, et fœcunditate virginitatis, nam virginitas non excludit in te fœcunditatem, nec fœcunditas virginitatem violavit, quod est tibi gloria singularis. Tu. ¶.

LECTIO 6.

Itè de multitudine divitiarum suarum gloriatur ipsa, et dicit cum sapientiâ: mecum sunt divitiæ et gloriæ, opes superbæ et justitia. Quasi dicat: contemnentibus sibi servire, et se diligere: si amor meus non movet vos ad quærendum et diligendum me, saltem cupiditas moveat vos, quia mecum sunt divitiæ et gloriæ, id est, divitiæ gloriosæ, quæ scilicet faciunt possessores suos gloriosos: temporales autem divitiæ dicuntur stercora, ut ex ipsâ virtute vocabuli vilescant. Sed spirituales divitiæ scilicet virtutes, merita, et bona opera sunt opes superbæ, id est, supereminentes, non ima petentes. Vel opes virtutum dicuntur superbæ ab effectu, quia faciunt hominem superbum sanctâ superbiâ, quæ est indignatio contra vitia, et peccata. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 2. 28.

In illo tempore: Ingressus Angelus ad MARIAM dixit: Ave gratiā plena, Dominus tecum. Et reliqua.

Homilia S. Bonaventuræ Ep.

Specul. B. V. cap. 8.

Attendite, quòd Dominus universalis, qui cum MARIA est, ipse est Dominus opulentissimus proprietate, ut testatur Propheta: Domini est terra et plenitudo ejus, orbis terrarum, et qui habitant in eo. Domini certè est non solum terra et plenitudo ejus, immò etiā cœlum et plenitudo ejus. Domini hujus omnia sunt propria, cœlum, terra, corporalia, et spiritualia, omnis gratia, omnis natura, omnis cœlestis gloria, omnia sunt Domini propria. Dominus ergò hic ditissimus est. Hinc dicit Apostolus: Idem Dominus omnium dives in omnes qui invocant illum. Tu. 7.

Bened. Cujus divitias.

LECTIO 8.

Ecce MARIA, quantus Dominus est, quā opulentissimus Dominus est, qui tecum est. Et quia Dominus opulentissimus opulentissimè est tecum, ideò tu es opulentissima, sive ditissima tecum, ita ut verè tibi dici possit illud Proverbiorum: multæ filiæ congregaverunt divitias, tu supergressa es universas. Filia Agnes, filia Lucia, filia Cecilia, filia Agatha, filia Catharina, et multæ aliæ filiæ et multæ aliæ virgines sanctæ, multæ animæ justæ congregaverunt divitias virtutum et gratiarum, divitias meritorum et præmiorum, sed tu MARIA universis divitiis supergressa es excellentissimè universas. Tu. 7.

LECTIO 9.

O quā dives est MARIA in gloriā, quæ tam dives fuit in miseriā!

O quā dives est in cœlo, quæ tam dives fuit in mundo! O quā dives est in animā suā, quæ tam dives fuit in carne suā, ut etiā Beatus Bernardus exclamans dicat: O dives in omnes et super omnes MARIA, de cujus substantiā modica pars assumpta totius mundi sufficit solvere delicta. Dominus ergò tecum, ò MARIA opulentissima. Tu. Te Matrem.

CANON.

Ex D. Thomā Arch. Valentino.

Conc. V. in fest. Annunt.

499. Multitudinem Divitiarum spiritualium et gloriæ quas Deus posuit in Virgine, intellectus humanus nequit apprehendere. Abysus enim profunda est Virgo, et mysteriorum et virtutum. Tu.

Cum II. Vesp.

DIE XXIX. APR.

D. V. RACCUENSIS.

Semiduplex.

Lect. 1. Noct. de ferid.

IN II. NOCT.

LECTIO 4.

Octav. Cajetan de effig. Siculis. Templum est Racconiæ in Sicilia sub titulo Sanctissimæ Virginis Annuntiatæ circa annum millesimumquadringentesimum ædificatum, cui aliquot adjuncta cubacula, ubi à Beatæ Virginis piis colentibus peregrini excipi, et ægroti curari solent. Verum anno millesimo quingentesimo quinquagesimo admirando fuit Beatæ Virginis Annuntiatæ simulacro marmoreo nobilitatum, quod iis sub quorum tutela templum illud erat, pietate ac fervore commoti coemerunt. Post viginti et tres autem annos, mirum fuit, quod in ipso Virginis simulacro obligit: quādam enim die Aprilis mense ante meridiem exsudare Virginis effigies mirum in modum

cœpit, ita ut universus populus illuc accurrit lacrymis, precibusque divinam opem implorans, et ipsius Deiparæ pacem enixius exposcens. Tu. ꝑ.

LECTIO 5.

A procuratoribus templi autem statim Archipresbyter evocatus, campanas omnes pulsavit, sacrumque sudorem, in purum Calicem collegit summâ cum reverentiâ, inter quos nonnulli, qui viderunt, sanguinem fuisse testantur. Tam admirabili visu omnium commoti animi, è quibus vir pius apprimè Virginis cultor Blascus Natali cum adesset ad tantum miraculum, clara voce Virginem præcatus promittit, si ab omni infortunio omnes liberasset Sanctissima Virgo, brevi advocaturum fratres minores Sancti Francisci, ibique cœnobium, templumque curaturum, ut construatur. Illicet etiâ coronam argenteam pretioso lapide ornatam almæ Virginis simulacro ornavit. Tu. ꝑ.

LECTIO 6.

Convenerunt illuc etiâ, ut Virginem venerarentur omnes illius loci confraternitates, quâ in re mirum etiâ obligit, nam crucifixi Sanctissimâ Imago, quam Confraternitas Sancti Sebastiani de more præferebat, ad conspectum sudantis Matris, statim et ipse sudore cœpit madere, inspectantibus populo, Cleroque cum Archipresbytero, qui sacratum sudorem collegit, et in eodem calice cum materno reposuit. Accolæ etiâ omnes ad tantæ rei famam et privatis, et publicis supplicationibus accessere ad adorandum Deiparam. Stetit deindè promissis Blascus, et sequenti anno Fratres minores accersivit. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 2. 34.

In illo tempore : Dixit Simeon ad MARIAM Matrem JESU: Ecce positus est hic in ruinam, et resurrectionem multorum in Israel. Et reliqua.

Homilia S. Timothæi Presbyteri Jerosolymitani.

Orat. de prop. Simeon.

Hinc accidit, ut nonnulli putarent Matrem Domini gladio interfectam, atque cruentâ morte affectam, qualem Martyres vitæ exitum habuissent. Propterea quod dixit Simeon : Quin tuam quoquè ipsius animam penetrabit gladius, sed non ita se res habet. Ens enim à fabre excusus, corpus dividit, animam non disecat. Undè etiâ supra omnes inculcata, et omnibus modis Sancta Virgo per illum, qui domicilium habuit in eâ, qui eam in supera loca assumptam traduxit, usque adhuc immortalis est. Tu. ꝑ.

LECTIO 8.

Quid igitur vult dicere Simeon ad Virginem: quin tuam quoquè ipsius animam penetrabit gladius, ut detegentur ex multis cordibus cogitationes. Gladium hoc loco, qui animam transeat, Simeon dolorem Virginis dixit, quem laura erat: quippe quæ putaret, se amisisset eum, qui venerat, ut quæreretur eos, qui perierant. (Lect. 9.) Quodd autem dolor animam Virginis invaserit, ratè se amisisset eum, qui ipsius, id est, Virginis Filius appellabatur, audiebas modo dicentem Evangelistam: et cum annos duodecim natus esset JESUS. Tu. ꝑ.

LECTIO 9.

Commemoratio B. V. de Betharamo.

Ex monumentis.

In oppido Lestrella in montibus Pireneis, Sacellum est Beatæ Virginis sacrum, miraculis percelebre,

eo in loco situm, ubi ejus Sanctissima Imago à quibusdam pastoribus fuit inventa pluribus abhinc sæculis. Bis hoc Sacellum fuit omninò vastatum: nam decimo sexto sæculo hæretici illud ferro et igne destruxere, et cum iterum esset reædificatum, in gallicanis revolutionibus in fine præteriti sæculi fuit quoquè secundà pro vice destructum. Miraculosæ Imaginis, quæ ad Hispaniam in primâ vastatione deducta ruinam effugit, loco, aliam Archiepiscopus Auxilianus, Leonardus de Trappis, anno millesimo sexcentesimo decimo sexto, solenni pompâ deposuit, quæ hoc ultimo tempore, cum initio hujus sæculi Sacellum antiquo cultui fuerit restitutum, ingenti fidelium veneratione frequentatur. Tu.

Te Matrem.

Vesperæ de sequenti.

DIE XXX. APR.

JUSTITIÆ B. M. V.

Duplex.

Oratio.

Præsta quæsumus, Omnipotens Deus, ut qui in nostris operibus fiduciam non habemus, dum Sanctissimæ Genitricis tuæ celebramus Justitiam, æternæ mereamus præmia vitæ. Qui vivis.

Lect. 1. Noct. fer. occurr.

¶ 1. Quia induit me Dominus indumento justitiæ. * Ego in justitiâ apparebo coram Domino. †. Et erit justitia cingulum lumborum ejus, et fides cinctorium renium ejus.—Ego.

¶ 2. Ego in viis justitiæ ambulabo, * Ut ditem diligentes me, et thesauros eorum repleam. †. Ambulate per vias justitiæ, et sequimini me, quia direxit Deus gressus meos.—Ut di em.

¶ 3. Servans semitas justitiæ, et vias meas custodiens, * Tunc intelliges justitiam, et judicium, et æquitatem, et omnem semitam bonam. †. Qui operatur justitiam, habitabit in tabernaculo Dei.—Tunc.—Gloria.—Tunc.

IN II. NOCT.

Ex verbis B. Alberti Magni, Ep. *Quæst. super Missus. g. 5.*

LECTIO 4.

Duæ sunt partes justitiæ, scilicet declinare à malo, et facere bonum. Sed utrumque istorum habuit beatissima Virgo super omnes puros viatores: ergo justitiam habuit super viatores. Quòd autem beatissima Virgo declinationem à malo habuit excellentius omnibus viatoribus, patet ex hoc, quòd sola ipsa viatrix fuit, quæ nunquam peccavit. Tu. ¶.

LECTIO 5.

Undè Augustinus: exceptâ hâc Virgine, de quâ propter honorem Domini, cum de peccatis agitur, nullam volo habere quæstionem: sed si omnes sancti, et sanctæ convenirent et dicerent, quòd peccatum non habemus, quid responderemus eis, nisi quod dicit Sanctus Joannes: si dixerimus, quòd peccatum non habemus, nos ipsi decipimus, et veritas in nobis non est? Tu. ¶.

LECTIO 6.

Excellit etià omnes in operatione boni: in eo enim quod Deum genuit, qui omnia regeneravit, tantum effectum boni protulit de se, quòd nullius puræ creaturæ effectus illi in dignitate vel utilitate poterit coæquari. Item opera misericordiæ, quæ fiunt ex compassione, et revelatione miseræ, et propter hoc dicitur misericordiæ opera: sed sunt opera justitiæ, ad quæ omnes tenentur, ut patet in discussione ultimâ: Esurivi, et non dedisti mihi

manducare: ubi fit disceptatio, et adjudicatio damnatorum per hujusmodi operum omissionem. Tu. 8.

IN III. NOCT.

Lectio S. Evang. secundum Lucam.

LECTIO 7. c. 1. 28.

In illo tempore: Ingressus Angelus ad MARIAM, dixit: Ave gratia plena: Dominus tecum. Et reliqua.

Homilia S. Bonaventuræ Ep.

Spec. B. V. c. 9.

Attendite, carissimi, quòd Dominus noster specialis, qui est cum MARIA, ipse est Dominus justissimus æquitate, sicut benè de Domino isto in Psalmis dicitur: Justus Dominus et justitias dilexit... Ecce MARIA, qualis Dominus est, quàm justissimus Dominus est, qui tecum est. Et quia Dominus justissimus est tecum, ideò et tu es justissima secum.

Bened. Cujus Justitiam.

LECTIO 8.

Tu enim es Virga Aaron recta, florida et fructifera. Recta, immò rectissima per justitiam et æquitatem. Florida per Virginitatem. Fructifera per fecunditatem. (*Lect. 9.*) Quæ enim esset Virga recta, si non virga Aaron esset recta? Quæ anima esset justa, si non MARIA esset justa? Hoc est quod Bernardus dicit: Quis justus, si non MARIA justa, de quâ ortus est sol justitiæ? Dominus ergò tecum, ò MARIA justissima. Tu.

LECTIO 9.

Commemoratio B. V. de Sancto Joanne Damasceno.

Spinellh.

Cum Sanctus Joannes Damascenus, exortâ Iconomachorum hæresi, eam acerrimè confutasset, Leonis Isauri Imperatoris Constantinopolitani in eum odium usque adeò concitavit, ut cum ei in Sarracenorum

ditione degenti, apertâ vi nocere nentiquàm posset, effectam Epistolam ad Sarracenum principem misit Isaurus, quâ ad occupandum Damascus ab ipso Joanne invitabatur. Sarracenus acceptam Epistolam Joanni ostendit, qui cum illam fecisse negasset, dexteram illicò amputari jubet, et in foro suspendi. Joannes maximè dolens ad Dei Geaitricem confugit, et ante ejus imaginem provolutus enixè deprecatus est: At postquàm aliquantulum obdormisset, experrectus excisam manum sanalam conspexit, manente quâdam lineâ, ut verissima excisio ostenderetur. Imago autem ante quam Joannes Deiparam oravit, Venetias delata in templo Pacis religiosè asservatur. Tu. Te Matrem.

CANON.

Ex D. Bernardo Abbate.

Serm. 9. ex parvis.

500. Justitiæ præfert insigne *Deipara*, ubi se ancillam Domini confitetur. Nam quòd justorum sit confesio, testatur qui ait: Veruntamen justî confitebuntur nomini tuo, et habitabunt recti cum vultu tuo. Tu.

Vesperæ à Capit. sequentis.

FESTA MAJI.

DIE I.

CONVERSATIO B. V. CUM FILIO RESURR.

Duplex.

Omnia de Comm. temp. paschali.

Lect. 1. Noct. fer. occurr.

IN II. NOCT.

Sermo Sancti Hildephonsi Arch. Toletani.

Serm. 5. in assumpt. B. V.

LECTIO 4.

Si enim scire volumus quid Dei Ge-

nitrix post Resurrectionem Domini, antequàm ipse cœlos ascenderet, agebat, sine dubio loca Dominicæ Nativitatis, Passionis, sepulturæ et resurrectionis frequentè circumvisere cupiebat. In eisdem etiàm locis lacrymas fundebat, et sanctissimi oris sui oscula dulcissima imprimebat. Deindè ad notum sibi refugium, apostolicum videlicet contubernium, post intuitum dominicorum locorum, cum gaudio remeabat. Tu. ʒ.

LECTIO 5.

Apostolorum conventui nobili contubernio semper adhærebat sanctissima Virgo: cum illis semper habitabat, seseque Dominicis conspectibus frequentè præsentari gaudebat. Eam verò optimam partem, quam Soror Marthæ Maria in specie et figurâ gerebat, Deigenitrix reverâ firmissimè retinebat, et cum apostolis de humanis Christi actibus, ut veriùs ac specialius conferebat, ut ab eâ discerent, qualiter arcanum tanti mysterii et ipsi crederent, et lucidiùs aliis enarrarent, et cum oportunum fuerit, sine omni ambiguitate scriptis mundo transmitterent. Tu. ʒ.

LECTIO 6.

Sermo S. Hieronymi Presbyteri.

Serm. de Assumpt. inter ejus opera.

Quamvis jam in Spiritu esset, tamèn dum in carne vixit, carnalibus movebatur sensibus, et ideò quàm sæpè locorum recreabatur amplexibus. Fortassè ergò præ nimio amore in loco, quo sepultus Deus dicitur, interdum habitasse eam credimus, quatenùs piis pasceretur internus amor obtutibus. Sic namque locus medius est, hinc indè constitutus, ut adire posset ejus Ascensionis vestigia, et locum

sepulturæ et resurrectionis, ac omnia in quibus passus est, loca invisere: non quòd jam viventem quæreret cum mortuis, sed ut suis consolaretur aspectibus. Tu. ʒ.

IN III. NOCT.

Lectio Sancti Evangelii secundum Joannem.

LECTIO 7. c. 20. 1.

In illo tempore: Una sabbati Maria Magdalene venit manè, cum adhuc tenebræ essent, ad monumentum, et vidit lapidem sublatum à monumento. Et reliqua.

Homilia V. Ruperti Abbatis.

De divinis Offic. 1. 7. c. 25.

Verissimè ergò Matri Filius resurgens apparuit; sed illa, ut ab initio cœperat, ita et nunc conservabat omnia verba hæc conferens in corde suo. Quod si idcirco verum non videtur, quia nullus Evangelistarum hoc scriptis attestatur, consequens est, quòd nunquàm post Resurrectionem suam visus sit Matri, quia quandò, vel ubi illi apparuerit, nullus eorum nominaliter edixit. Sed absit hoc ab illo, qui in lege suâ Patrem et Matrem honorare præcepit. Absit, inquam, ut Matrem propter se doloris gladio transverberatam tam durâ negligentia Filius inhonoraverit. Tu. ʒ.

LECTIO 8.

Non sic Apostolicæ Sanctæ Romanæ Ecclesiæ sensit veritas, quæ hanc beatam Jerusalem in principio lætitiæ suæ proposuit. Si enim omnis anima timens Dominum, sic benedicatur, ut videat, bona Jerusalem, et videat filios filiorum suorum, pacem super Israel. Et ideò dicitur, et est quoque ipsa Jerusalem, quod est visio pacis: quantò magis ista tær quaterque beata Virgo dicenda est Jerusalem, quæ benedicta inter omnes mulieres vidit

Filium suum, pacem super omnem verum Israel, scilicet Christum, de quo ait Apostolus: ipse est pax nostra, qui fecit utraque unum. Tu. ¶.

LECTIO 9.

Ipsa præ omnibus, ipsa ante omnes vidit hanc nostram pacem, ipsa est Jerusalem pulchra, electa, suavis et formosa, quam viderunt filiae Sion et beatam dixerunt, et reginae laudaverunt. Dum ergo hanc hodiernam stationem sancta Romana Ecclesia in principio lætitiæ suæ, ut dictum est, proposuit, non hoc æstimavit, quod pacem super Israel venientem, id est, Filium suum propter justificationem nostram resurgentem ipsa non viderit. Te Matrem.

Cum 2. Vesper.

DIE II. MAJI.

D. V. ILLITURGENSIS DE
CAPITE.

Simplex.

LECTIO 1.

Gumpenb. Atlas mar. Imag. 160.
Illiturgi, in vertice montis ad septentrionem siti, templum Deiparæ est, tota Bætica celeberrimum, quod de Caboza, seu Capite montis, in quo stat nomen habet. Sancta statua cubito major non est, cujus origo Pastori debetur, qui tintinnabuli sono insolito ad arborem deductus est, in qua una cum ipso tintinnabulo hanc Deiparæ statuum invenit. Jussus est à Deiparâ ipsâ pastor monere cives, ut templum extruerent: parvum illi servato in rei memoriam tintinnabulo, quod, migrante sanctâ Statuâ, simul asportari semper solet. Tu. ¶. *de ferid.*

LECTIO 2.

Plurima in hujus Imaginis historiâ inveniuntur, quæ raritate suâ mul-

tas alias superant. Valdè enim est, campanam in loco cum Imagine invenire: rarum quoque est, quod civitas ulla, nec oppidum sit toto in regno Bætico, in quo non sit confraternitas huic sanctæ Imagini dedicata: hoc non magnum modò, sed universalem totius regni affectum arguit: illud tandem, non quidè rarum, sed inauditum, quod primi quique etiâ nobiles certatim advolent, eumque humeris impositam nudis pedibus deportent per montes, per valles, certentque quis longius. Hoc nempe est ire ad cælum. Tu. ¶.

LECTIO 3.

Commem. B. V. Cestochoviensis.

Spinelli p. 248.

In Poloniae regno in Monteclaro, Cestochovia dicto, Imago Deiparæ magno fidelium concursu religiosissimè colitur. Fuit hæc sanctissima Imago à Sancto Lucâ depicta, et ab Helenâ Augustâ Jerosolimis Constantinopolim translata, quam Nicephorus Imperator Carolo Magno, is aulem Leoni Rusiæ Principi dedit. Tandem Russia in Provinciam Poloniae redacta Vladislaus Opoliensis Dux, anno millesimo trecentesimo octogesimo secundo, eam in Montem clarum, transtulit. Cicatrices autem, quæ in ejus facie cernuntur ab Hussitis et Tartaris fuerunt inflictæ, et nullis unquam obduci coloribus potuerunt. Multa hujus Virginis interventu miracula eduntur: inter alia septem mortui sunt ad vitam revocati, multi energumeni liberati, cæci, moribundi, naufragantes, captivi, variisque morbis affecti, divinam opem senserunt, et in dies multi varia divinitus auxilia experiuntur. Tu.

Te Matrem.

Vesperæ de sequenti.

DIE III. MAJ.

MANSUETUDINIS B. M. V.

*Duplex.**Oratio.*

Præsta, quæsumus, Omnipotens Deus, ut qui Mansuetudinem Sanctissimæ Genitricis tuæ veneramus, ipsam imitantes, mites simus et humiles cordē, ut terram viventium possidere possimus. Qui vivis et.

AD MATUTIN.

HIMNUS 252 J. Commirü.

Virgo te monstra precibus parentem:

Editus nobis tuus ille vocem
Matris agnoscat, neque vota surda
Respuet aure.

Dote si Numen tibi singulari
Virgines inter dedit esse Mitem,
Solve nos vinclis scelerum, tuisque
Dotibus orna.

Virgo da puram sine labe vitam,
Tramitem tuum superas ad ædes
Pande, ubi mentes oculique JESU
Gaudia libent.

Patris ac Nati recinendo laudes,
Mutuum linguæ celebrent amorem:
Omnis et mundo plaga tres in uno
Numine adoret. Amen.

Lectio 1. Noct. de Ferid.

IN II. NOCT.

Ex verbis B. Alberti Magni Ep.
Super missus quæst. 89.

LECTIO 4.

Est mansuetudo secundum Glossam tractabilitas: tractabilis autem est, qui habet bonos mores: boni autem mores sunt per virtutes: Beatissima autem Virgo habuit virtutes in summo: ergo tractabilis fuit in summo. Item tractabilis est, qui est omnibus conformis, et conformabilis. Tractabilis igitur est omnibus omnia. Istud autem potest esse duobus modis, vel genera singula singulorum, sicut Paulus, qui effectus est Judæis Judæus, vel

secundum singula generum, et ille est simpliciter omnia omnibus: et hoc fuit beatissima Virgo: ergo beatissima Virgo fuit tractabilis in summo. Tu. ꝑ.

LECTIO 5.

Item argui potest ex eo quod Ecclesia interpretatur eam diversis s'atibus, et proprietatibus assimilandō, dicens: ego quasi vitis fructificavi suavitate odoris. Item: in me omnis gratia vitæ et veritatis. Item: quasi cedrus exaltata sum in Libano. Ex quibus omnibus argui potest, quod ipsa est omnibus conformabilis, et ideo omnibus summè tractabilis. Item Paulus fuit omnia in omnibus secundum assimilationem: beatissima autem Virgo secundum veritatem. Tu. ꝑ.

LECTIO 6.

Item Paulus diversis hominibus et statibus se pro tempore et loco conformavit secundum similitudinem et consuetudinem, et condescensionem: Beatissima autem Virgo simul et semper diversis temporibus, et etiā oppositis se conformavit secundum rem et veritatem rei simul. Etenim secundum rem et matribus se conformavit, et viduis et hominibus et angelis: et ideo fuit improporcionabiliter tractabilis. Item Jacobi primo capite dicitur: In mansuetudine suscipe insitum Verbum. Glossa: cum mansuetudine contra iram. Qui minus habet de irā, magis habet de mansuetudine: beatissima autem Virgo minus habuit de irā, immò omnino caruit irā: ergo habuit mansuetudinem in summo. Tu. ꝑ.

IN III. NOCT.

Lectio S. Evangelii secundum
Lucam.

LECTIO 7. c. 2. 45.

In illo tempore: Factum est post

triduum, invenerunt JESUM Parentes ejus in templo. Et reliqua.

Homilia S. Dionysii Alexandrini.
Resp. ad Quæst. VIII. cont. Paul.

Samosat.

Et requirebant eum inter cognatos, et notos. Scriptum est: In die tribulationis meæ Deum exquisivi: manibus meis nocte contra eum, et non sum deceptus. Deipara quidem reversa est, ut quæreretur Dominum suum, et Deum factum Filium suum. Ipsa quidem pedibus circuibat quærens non absentem, sicut ipse Dominus docet, cum ait: In iis, quæ Patris mei sunt, oportet me esse. Tu. ð.

Benedict. Cujus Mansuetudinem.

LECTIO 8.

Rursus dictum fuit per Prophetam, quærendum esse Dominum cum clamore. Ait enim Mater Domini mei Deo meo: Dolebamus quærentes te. Scriptum est enim in Oseâ Prophetâ: In Spiritu Sancto clamaverunt, inquit, et rogarunt me, et illic locutus sum eis. Dominus autem Deus Omnipotens erit memoriale ipsorum. (*Lect. 9.*) Vides ubi inventus est, qui quærebatur cum clamore? Illic locutus est eis Dominus dicens: Quærebatis me; nesciebatis, quod in iis, quæ Patris mei sunt, oportet me esse? In domo reppererunt me, ait per Prophetam. In Evangelio autem dicit: in iis quæ Patris mei sunt, oportet me esse. Tu. ð.

LECTIO 9.

Commemoratio B. V. de Bonâ Liberatione.

Pouget de Imaginib. Deip.

Lutetiæ Parisiorum colitur in Ecclesiâ Congregationis Sancti Thomæ de Villanovâ quædam Beata: Virginis Icon, quæ prius in Sancti Stephani templo plurimis sæculis cultum acceperat sub titulo Bonæ-

liberationis, eò quod ad eam Sanctus Franciscus Salesius terribili desperationis tentamine oppressus confugiens, statim liber evasit. Hæc imago in Gallicanis furoribus vendita, à piâ muliere, ut ab excidio eriperetur, empta fuit, quæ eam, Pio septimo approbante, munere dedit Sacello divi Thomæ, ubi et nunc ingenti cultu à Parisiensibus afficitur. Tu. Te Matrem.

AD LAUDES.

HYMNUS 253. *G. Madalenet.*

Regina cœlus virginei, unice Mansueta, culpas elue, et invicem Præsta benignos obsequentes, Moribus et niveos pudicis.

Fac, Diva, puri labis eant dies, Rectaque gressus dirige, quo tuæ Nos prolis aspectu fruique

Sydereâ mereamur aulâ.

Æterna summo gloria sit Patri, Natoque, necnon Spiritui Deo, Numenque tres unum futuris

Posteritas colat usque sæclis.
Amen.

CANON.

Ex D. Bernardo Abbate.

In Sign. magn.

501. Revolve diligentèr Evangelicæ Historiæ seriem universam, et si quid fortè increpatorium, si quid durum, si quod denique signum vel tenuis indignationis occurrerit in MARIA, de cætero suspectam habeas, et accedere veraris. Tu.

Cum 2. Vesperis.

DIE IV. MAJ.

B. M. V. DE LUMINEUS.

Semiduplex.

Lect. 1. Noct. de feriâ.

IN II. NOCT.

LECTIO 4.

Gumpenb. Imag. 180.

Miraculosissimæ Imagini de Lumi-

nibus apud Sanseverinales in Italiâ primum cultum dederunt Angeli. Luca Serratorius honestus vir anno millesimo quingentesimo sexagesimo suprâ portam domûs suæ Beatæ Virginis Imaginem locavit. Viginti quatuor annos ipsa omnibus aeris injuriis exposita stetit illibata; sed nullo cæterâ vel cultu, vel miraculo insignis. Anno verò millesimo quingentesimo octogesimo quarto, die decimâ sextâ Januarii visa lumina sunt circa Imaginem è cœlo delapsa, nunc radii nunc facis figuram referentia. Tu. ꝑ.

LECTIO 5.

Res altero mane per urbem Deiparæ devotam à civibus sparsa coegit populum ad venerationem et preces. Indè non modò urbici, sed etiâ accolæ advolarunt. Nec defuere miracula, quæ Virgo petentibus dedit, omnem vel vanitatem, vel suspicionem superantia. At verò incredulæ posteritati consulturus Lucas Tardoli Illustrissimi Episcopi Vicarius, ad juris normam eos examinavit, qui conspекtorum luminum testes se obtulere. Tu. ꝑ.

LECTIO 6.

Undè firmata egregiè veritas est testibus omnium ordinum permultis, et exceptioni omni majoribus, qui conspecta à se lumina, nunc è cœlo, nunc è lauretanâ orâ ad Imaginem properantia, asserebant. Nec minùs feliciter successit in perpetrata miracula inquisitio, quorum et numerus et illic loci raritas momentum sanè maximum addunt; si quispiam fortè homo Philosophus conspекtorum luminum splendorem inter phænomena aeris numerare velit. Tu. ꝑ.

Homilia. O Virgo Sancta. Ut in die 26. Januar. p. 570. cum ꝑꝑ. de hoc tempore.

LECTIO 9.

Commemoratio B. V. Modicensis.

Octav. Cajet. de effigieb. sicil.

Anno salutis millesimo sexcentesimo decimo quinto, quarto nonas Maji inventa fuit Icon Sanctissimæ Deiparæ supra collem ab oppido Modica parùm distantem ante solis ortum. Statim inventæ Sanctæ Imaginis universum oppidum fama pervasit, excitæ gentes concurrunt, et collem alacres conscendunt. Sed auxit accensam jam in omnium pectoribus pietatem cujusdam puellæ Beatricis resurrectio, quæ per casum mortua, ejus matre Deiparam deprecante, ad vitam incolumis rediit. Tu. Te Matrem.

Vesperæ de sequenti.

DIE V. MAJI.

GAUDIORUM B. MARIE V.

Duplex majus.

IN I. VESPERIS.

Antiph. et capit. de laudibus.

HYMNUS 254. *Parn. Virgin.*

Gaude, Virgo Mater Christi,
Quæ per aurem concepisti,
Gabriele nuntio.

Gaude, quia Deo plena,
Peperisti sine pœnâ
Cum pudoris filio.

Gaude, quia Magi dona
Tuo Nato fuerunt bona,
Quem tenes in gremio.

Gaude, quia juxta legem
Obtulisti mundi Regem
In templi sacrario.

Gaude, quia tui Nati,
Quem dolebas mortem pati,
Fulget resurrectio.

Gaude Christo ascendente,
Qui in cœlos, te vidente,
Motu fertur proprio.

Gaude Virgo, quia emisit
Paracletum quem promisit
Sanctorum collegio.

Gaude, quæ post ipsum scandis,
Et est honor tibi grandis
In cæli palatio.

†. In Domino gaudebo, alleluia.

℞. Et exultabo in JESU, filio meo, alleluia.

Ad Magnif. ant. Secundum multitudinem dolorum meorum consolationes Dei lætificaverunt animam meam, alleluia, allel.

Oratio de Laudib.

AD MATUTIN.

Invitator. Gaudia Beatissimæ Virginis MARIE recolentes: * Christum ejus Filium adoremus Dominum, alleluia, allel.

HYMNUS 255. *S. Thom. Cant.*

Gaude flore virginali,
Quæ honore speciali
Transcendis splendiferum
Angelorum Principatum,
Et sanctorum decoratum
Dignitate numerum.

Gaude, Sponsa chara Dei,
Nam ut clara lux diei
Solis datur lumine;
Sic tu facis orbem verè
Tuæ faciei resplendere
Lucis claritudine.

Gaude, splendens vas virtutum,
Cujus pendens est ad nutum
Tota cæli curia:
Te benignam et felicem
JESU dignam Genitricem
Venerans in gloriâ. Amen.

IN I. NOCT.

Lect. 1. Noct. de Comm.

℞. 1. Missus est Angelus ad MARIAM Virginem, ut nuntiaret ei Incarnationis Mysterium, et dixit: * Ecce ancilla Domini, fiat mihi secundum verbum tuum, alleluia, allel. †. Gaude Virgo, Mater Christi, quæ per aurem concepisti, Gabriele nuntio.—Ecce.

℞. 2. Impletum est tempus pariendi, Et peperit MARIA Filium, *

Deum pariter et hominem, alleluia, allel. †. Gaude, quia Deo plena, peperisti sine pœnâ cum pudoris lilio.—Deum.

℞. 3. Intrantes Magi domum invenerunt Puerum cum MARIA Matre ejus: * Adoraverunt eum, et obtulerunt illi aurum, thus, et myrrham, alleluia, allel. †. Gaude, quia Magi dona tuo Nato fuerunt bona, quem tenes in gremio.—Adoraver.—Gloria.—Adoraver.

IN II. NOCT.

LECTIO 4.

Baling. Kalend. mar. 29. Decemb.

Divo Thomæ Cantuariensi Episcopo familiæ fuit dies singulos iteratâ septiès salutatione angelicâ Virginem colere in honorem septem gaudiorum, quibus cum Filio in terris fuit delibuta. Sunt hæc: Annuntiatio, Visitatio, Natalitia Christi, trium regum adoratio, Inventio Filii, lætissima Resurrectio, in cælos Ascensio. Virgo Mater se illi videndam fortè obtulit, et gratum, inquit, n i Thoma, obsequium tuum est. Sed quid tantum meministi, eorum gaudiorum, quibus affiebar in terris? Recole etiâ ea in posterum, quibus nunc fruor in cælis: namque omnem tam hæc, quàm illa honorantem, in horâ exitus solabor, exhilarabo, Filioque meo dilectissimo sistar. Tu.

℞. Impleto purgationis tempore Virgo MARIA puerum JESUM præsentavit in templo, * Et Simeon accepit eum in ulnas suas, alleluia, allel. †. Gaude, quia juxta legem obtulisti mundi Regem in templi sacrario.—Et Simeon.

LECTIO 5.

Mirè exultans Divus Thomas, et quânam, inquit, ratione, Domina mea suavissima, hoc præstare pos-

sim, cum quænam ea sint, penitus ignorem? Septenā, subintulit Virgo, salutatione etiā hæc gaudia honorabis. Sunt porrò talia. Primò: Gaudeo, quia secundum Sanctissimam Trinitatem supra rem omnem purè creatam primos honores obtineo. Secundò quia intemeratæ Virginitatis aureolā omnes angelorum ac Sanctorum ordines longè antecello. Tertio, quia ingens lumen gloriæ meæ adinstar solis curiam cœli illustrat universam. Tu.

¶ Christus resurgens à mortuis, * Statim primò Matri suæ apparuit, alleluia, alleluia. † Gaude, quia tui Nati, quem dolebas mortem pati, fulget resurrectio.—Statim.

LECTIO 6.

Quartò, quia omnes cœli indigenæ me ut Deiparam venerantur, et colunt. Quintò, quia à Filio nacta sum facultatem quidlibet impetandi. Sextò, quia olim in terris mihi immensa collata fuit gratia, meisque clientibus jam in cœlo ingens gloria à Filio præparata est. Septimò quia gloria mea novis surgit incrementis ad diem usque extremum, et indè penetrabit in omnem æternitatem. Has laudes idem Sanctus Thomas in Rytmos redegit, qui in certis Ecclesiis loco sequentiarum decantantur. Tu.

¶ Videntibus illis, JESUS elevatus est: Nubes suscepit eum ab oculis eorum, et ascendit in cœlum, allel., allel. † Gaude Christo ascendente, qui in cœlos, te vidente, motu fertur propio.—Nubes.—Gloria.—Nubes.

IN III. NOCT.

Lectio S. Evangelii secundum Lucam.

LECTIO 7. c. 2. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virgi-

nem desponsatam viro, cui nomen erat JOSEPH. Et reliqua.

Homilia S. Andreæ Cretensis.

Orat. 2. in Nat. B. V.

Gaude, aveque gratiosa: gaude illustri splendore magnifica, per quam pulsus tenebris lumen vicissim inductum est. Gaude gratiosa, per quam cessavit lex et gratia illuxit. Gaude initium gaudii et maledictionis finis. Gaude verè gratiosa: Dominus tecum: illud virtute, hoc actu; nunc quidem tuum sibi uterum in hospitium aptans; tunc autem carnali ex te ratione magnum Incarnationis mysterium adamans. Tu.

¶ Erant omnes Apostoli perseverantes unanimiter in oratione cum mulieribus, et MARIA Matre ejus, * Et descendit super illos Spiritus Sanctus, allel., allel. † Gaude Virgo, quia emisit Paracletum, quem promisit sanctorum collegio.—Et descendit.

Bened. Cujus Gaudia colimus.

LECTIO 8.

Gaude, quæ sola benedictionem, nempe Dominum sinu complexa es, ut primam pro aviā maledictionem exueret. Gaude divinum virginitatis amplexa thesaurum, undè incorruptus prodiit partus, manseruntque nihilominus inviolatæ virginitatis divitiæ. Gaude casta Mater, ac Virgo lactans. Gaude diadema pulchritudinis, generis ac hominum Regina, regalibus undique magnificè decorata prærogativis. Gaude sacrum Christi delubrum, qui solus singulariter in Sanctis cœlorum secundum Ordinem Melchisedech Sacerdotio defunctus sit. Tu.

¶ Assumpta est MARIA in cœlum, * Gaudent Angeli, et laudantes benedicunt Dominum. † Gau-

de, quæ post ipsum scandis, et est
honor tibi grandis in cœli palatio.
—Gaudent.—Gloria.—Gaudent.

LECTIO 9.

Gaude virga Aaron, radix Jesse,
sceptrum David, regale indumentum,
corona gratiarum, non scriptus
virginitatis typus, sanctitatis
bractea, rationale manifestationum.
Salve legis ac gratiæ mediatrix,
veteris novique Testamenti obsignatio,
totius prophetiæ perfecta plenitudo,
inspiratæ à Deo veritatis scripturarum
achrosticis: Dei ac verbi animatus,
ac mundissimus tomus, in quo sine voce
ac scripto inscriptor ipse Deus ac Verbum
quotidiè legitur. Tu. Te Matrem.

AD LAUDES.

CAPITULUM. *Philipp. 4.*

Fratres, gaudete in Domino semper:
iterum dico, gaudete.

HYMNUS 236. *S. Thom. Cant.*

Gaude nexu voluntatis
Et amplexu charitatis
Juncta in altissimo:
Et ad votum consequaris
Quidquid Virgo deprecaris
A JESU dulcissimo.

Gaude, Mater miserorum,
Quia Pater sæculorum
Dabit te colentibus
Congruentem hic mercedem
Et felicis poli sedem
Regnis in cœlestibus.

Gaude, Virgo Mater Christi,
Tu quæ sola meruisti,
O Virgo purissima,
Esse tantæ dignitatis
Ut sis Sanctæ Trinitatis
Sessione proxima.

Gaude, Virgo Mater pura,
Certa manens et segura,
Quia tua gaudia
Non cessabunt, nec decrescent,
Sed durabunt et florescent
Per æterna sæcula. Amen.

†. In Domino gaudebo; alleluia.
‡. Et exultabo in JESU Filio
meo, alleluia.

Ad Benedict. ant. Gaude et lætare,
Virgo MARIA, quia tu sola
Mater Dei digna fuisti, et sedes ad
dexteram Filii tui non cesans pro
nobis exorare, alleluia, allel.

Oratio.

Perfunde, quæsumus, Domine,
corda nostra celesti lætitiâ, ut qui
sacrosancta gaudia Sanctissimæ Genitricis
tuæ recolimus, per rerum
mundanarum contemptum æternæ
capiamus in cœlis gaudia vitæ. Qui
vivis.

Ad Prim. Capit. de Laudibus.

CANON.

Ex Concilio Vaurensi.

An. 1368. cap. 127.—*Lab. col.*
concil. T. 7. col. 1856.

502. Statuimus et ordinamus
sub pœnâ excommunicationis, quod
singulis et continuis diebus Rectores
et curati provinciarum nostrarum.....
circa solis originem pulsent seu
pulsare faciant unam campanam.....
Et tunc omnibus et singulis qui.....
ad honorem septem gaudiorum,
quæ de Filio suo Beata Virgo habuit,
septiès angelicâ salutatione, scilicet
Ave Maria, eam devotè salutaverint,
de injunctis pœnitentiis triginta dies
miseri-corditè relaxamus. Tu.

In 2. Vesp. Cap. et hymn. ut in primis.

Ad Magnif. ant. Gaudeamus omnes
in Virgine MARIA omnia cœlestia
ejus gaudia venerantes, ut ipsa
intercedat pro nobis ad Dominum,
alleluia, allel.

DIE VI. MAJ.

DEDIC. S. M. IN COSMEDIN.

Semiduplex.

Non prop. de Comm. Dedicationis.
Lectio. 1. Noct. de ferid.

IN II. NOCT.

LECTIO 4.

Spinelli de festis et templ. Deip.

Sancta MARIA in Cosmedin, seu Schola græca, in Delubro ubi Etnicorum tempore erat ora, quæ vocabatur maxima, ad quam sontes ad veritatem jurejurando testandum adducebantur. Cum verò ejusmodi ora propè os cujusdam cloacæ sita esset, factum est, ut lapis ille perforatus, atque ori cloacæ superpositus, nostrâ ætate vulgò os veritatis appellaretur. Nomen verò Scholæ græcæ huic templo inditum videtur à proximo litterarum græcarum Gymnasio. Tu. ꝑ. Magnum hæreditatis.

LECTIO 5.

Sanctus Dionysius Papa circa annum ducentesimum sexagesimum domum suam, quæ eo in loco erat, in Ecclesiæ formam redegit, quæ à Deiparâ nomen accepit. Eam verò vetustate collapsam Stephanus tertius papa restituendam curavit, cum in Galliis desperatâ jam valetudine à Sancto Dionysio Areopagitâ incolumitatem anno septingentesimo decimo quarto esset consecutus. Tu. ꝑ. Verè Dominus.

LECTIO 6.

Tandem eam ad Stephani obitum Paulus primus Pontifex ejusdem Stephani frater compluribus Sanctorum corporibus ibi reconditis, in honorem Sancti Dionysii Areopagitæ et sociorum perfecit, et consecravit. Mox Adrianus primus anno septingentesimo septuagesimo secundo illam mirificè exornavit, ut ab ædis ornatu dicta sit. Sancta MARIA in Cosmedin. In ejusdem templi sacellum jussu Sancti Pii quinti Pontificis translata est Deiparæ Imago, quæ in cujusdam domûs pariete depicta multis

clarebat miraculis. Deniquè inter antiquas Cardinalium Diaconias recensetur. Tu. ꝑ. In multitudine.

IN III. NOCT.

Lectio S. Evang. secundum Lucam.

LECTIO 7. c. 10.

In illo tempore: Intravit JESUS in quoddam castellum, et mulier quædam Marthâ nomine excepit illum in domum suam. Et reliqua.

Homilia D. Innocentii Papæ.

Inn. 3. Serm. 1. in assumpt. B. V.

Castellum illud, quod intravit JESUS est Virgo MARIA, quandò Verbum caro factum est, et habitavit in vobis... Cum autem intrare sit de foris intus accedere, quæri potest, et etiâ dubitatur, secundum quam naturam in istud castellum, id est, in uterum virginalem intravit. Non secundum divinam, cum ipse sine motu moveat universa, et totus sit semper ubique.. Sed non secundum humanam, cum Mater ejus MARIA non accepit exterius quidquam in utero, sed concepit tantum interiùs in utero. Tu. ꝑ.

LECTIO 8.

Quid ergò dicemus? Quomodo ergò in castellum illud intravit?... Salvâ fidei majestate possumus respondere, quòd secundum Philosophos initium existendi, ingressus in substantiam appelletur: quæcumque res habet initium, habet pariter ingressum. (Lect. 9.) Unde cum Verbum Dei secundum humanitatem assumptam incoeperit esse in utero Virginali, profectò secundum carnem intravit in illum, non de foris veniens, sed intus assumens, juxta quem modum loquendi veritas ipsa testatur. Exivi à Patre, et veni in mundum: non quòd extra mundum accesserit, sed quòd intra mundum

processerit. Intravit ergò JESUS
in quoddam castellum. Tu. ꝑ.

LECTIO 9.

Commem. B. V. de Aquilâ.

V *Lanuzâ Hist. arag.* 1. 2. c. 34.
Versus annum millesimum quin-
gentesimum vigesimum structum
fuit Parizæ in Aragoniâ templum
Divæ Virgini sub titulo de Aquilâ
in monte ejusdem nominis, consi-
lio cujusdam Eremitæ Montis-Ser-
rati, qui Panizanos per decem et
septem annos grandinis multipli-
catâ pluviâ usque ad penuriam de-
ductos, sic docuit placare Numi-
nis iram. Vix, eo finito, suppli-
catione solemnî Imaginem Deiparæ
in eo collocarunt, et ipso in die be-
neficam pluviâ de cœlo accepere,
et cum eâ naturalem feracitatem
steriles siccitate agri, ita ut copio-
sissimas fruges eodem jam anno
terra produxit. Tu. Te Matrem.

Vesperæ de sequenti.

DIE VIII. MAJ.

B. M. V. ODIGITRIÆ.

Duplex.

Lectio. 1. Noct. de ferid.

IN II. NOCT.

LECTIO 4.

Balingh. Kalend. mar. ante Majum

Festum Beatæ Virginis Odigitriæ,
Constantinopoli quondâm, et modò
etiâ, ubi aliquod ei templum,
vel Sacellum erectum est, ut Romæ,
Neapoli, et alibi, præsertim in Si-
ciliâ celebratur. Ejusmodi porrò
festum habuisse videtur originem
à quâdam Imagine Deiparæ à Divo
Luca depictâ, quam Pulcheria Im-
peratrix in templo à se Constantino-
poli excitato (cui nomen viæ du-
cum), collocaverat, cum fuso ejus-
dem Deiparæ, ac quibusdam Christi
fasciis. Tu. ꝑ.

LECTIO 5.

Insupèr curavit, ut in templo isto,
tertioque die Septimanæ pervigi-
lium, et supplicatio perageretur,
quod ad hunc usque diem serva-
tur, ait Nicephorus, qui florebat
anno millesimo trecentesimo unde-
cimo. Ad hoc quoquè templum et
Imaginem Constantinopolitani suis
in angustiis seu privatis, seu publicis
confugiebant; nec frustrâ, ut patet,
ex Græcorum historiâ. Tu. ꝑ.

LECTIO 6.

Hæc Imago ideò vocatur Odigitria,
seu deductrix, quia duobus cæcis
apparuit Sancta MARIA, et deduxit
eos ad suam Ecclesiam, et visum
eis restituit. Hujus Imaginis exem-
plar simul et cultus in Occidentis
partes propagatus est, eique tem-
plum ac Sacella extructa, neque
desunt varia ad eam miracula, ut
appensæ tabellæ testantur. Tu. ꝑ.

IN III. NOCT.

Lectio S. Evangelii secundum
Lucam.

LECTIO 7. c. 1. 30.

In illo tempore: Ait ei Angelus: Ne
timeas, MARIA, invenisti enim
gratiam apud Deum. Et reliqua.

Homilia S. Titi Bostrorum Ep.

Exposit. in cap. 1. Lucæ.

Ne timeas MARIA. Quin verò vix
fieri poterat, ut conturbata accura-
tè ad ea quæ Angelus dicturus
erat, attenderet, quo ab omni ani-
mi commotione jam libera, divinum
Sponsum sedatè excipiat, propterea
Gabriel in ipso statim orationis ve-
stibulo omnem illi metum adimit,
dicens: Ne timeas, MARIA: inve-
nisti enim gratiam apud Deum.
Tu. ꝑ.

LECTIO 8.

Quòd Angelus ait: invenisti gra-
tiam apud Deum, hoc illi cum aliis
multis commune erat, siquidem

multi alii ante ipsam, gratiam apud Deum invenerunt: at verò quod subjungit, nempe: ecce concipies in utero, et paries filium, est factæ promissionis proprium. *Lect. 9.* Dicit autem, quòd Dominum nostrum non aliundè quàm ex ipsomet Virginis utero, carnis nostræ substantiam suscepisse, planum faciat. Et vocabis nomen ejus JESUS: meritò JESUS appellatus est, qui salutis nostræ causâ in hunc mundum ingressus est. Quandoquidè nomen hoc JESUS in græcam linguam translatum Dei salutem et sanitatem sonat. Tu. ꝑ.

LECTIO 9.

Commemor. B. V. Pampelonensis de Viâ.

Gumpenb. 504.

Hæc Deiparæ Imago, quæ Sacellum habet in templo Sancti Saturnini, de Viâ nomen habet. Magnâ eam religione populus frequentat ob insigne miraculum, quo huc deducta est. In ripâ Iberi amnis inopido Alfaro olim colebatur. Hinc ob insignem miraculorum famam pio furto à quibusdâ sublata, ac Pampelonam allata est, sed repetentibus eam Alfarensibus injuriam conquestis, Regis Navarræ senatûs sententiâ Alfaram reducta est. Sed post paucos dies ad pristinam Divi Saturnini sedem, stupente populo Pampelonensi, rediit, Alfarensi populo ultrâ repetere non auso. Pampelona beneficium agnoscit, et miris Statuam modis honorat: nec mirus Virgo in Pampelonenses est. Tu. Te Matrem.

Vesper. à Capit. sequentis.

DIE IX. MAJI.

TRANSLAT. DOMUS. B. V. IN DALMATIAM.

Duplex.

Officium fit ut in die X. Decembr. p. 483. præf. sequentia.

Oratio.

Deus qui Beatæ MARIE Virginis Domum per Incarnati Verbi mysterium misericordièr consecrasti: concede, ut segregati à tabernaculis peccatorum, digni efficiamur habitatores domûs sanctæ tuæ. Per eundem.

Lect. 1. Noct. de ferid.

IN II. NOCT.

LECTIO 4.

Gononus. Chron. Deip. ad ann. 1292.

Anno millesimo ducentesimo nonagesimo secundo, Deo dicata Domus, Incarnatione Dominicâ illustris, olim ab apostolis dedicata, et in formam templi redacta, è Syriâ paritèr cum religione dicessit, angelorum manibus è Nazareth in Dalmatiam, atque inter Tersactum et Flumen Deiparæ jussu sita est secundâ cicitèr noctis Vigiliâ. Ut primùm divinæ liberalitatis donum accolis lux ostendit, et si quid rei essent ignari, communi tandè consensus statuunt itâ quidquid sit, profectò donum esse divinum; neque enim ædem illam repentè humo esse excitatam, sed aliundè Dei voluntate ac nutu utiquè adductam. Tu. ꝑ. O quotiès.

LECTIO 5.

Celeritèr Tersactum et Flumen prodigiosi Scelli famâ perlata, volentes ad visendum cupidinem, ægros ad spem valetudinis accendit. Alexander Antistes Tarjactensis, gravi implicitus morbo à familiaribus de divinâ illâ æde certior factus, cum vigente morbo deferri eò sine certo periculo vitæ nequiret, impensè Deiparæ opem imploravit, et votum vovit non magis salutis recuperandæ avidus, quàm cœlestis illius doni divinitus cognoscendi. Nec in

casum missæ preces nam Beata Virgo nocte cœlo delapsa se illi obtulit, atque illam ædem ipsam esse sacram domum, ubi olim genita et fermè educata fuerat, significat, et in hujus veritatis signum protinus Antistes sanatus fuit. Tu. ꝑ. Hæc est.

LECTIO 6.

Quia autem rei novitas hominum memoriam, et magnitudo superabat fidem, re cum Antistite communicatâ, placuit certos homines in Galilæam mittere totam rem intentiùs inspecturos. Quatuor igitur electæ et expertæ fidei Palestinam profecti, Nazarethum perveniunt. Ibi impensius inquirentes comperiunt ex incolis non tam re quàm verbo, domum natalem beatæ Virginis, indè paulò ante sublatant, et ad locum domûs deducti, cernunt fundamenta, recentia sanctæ domûs avulsæ vestigia. Dimensi longitudinem et latitudinem areæ et fundamentorum crasitiem, reperiunt omnia cum translatae in Dalmatiam ædis parietumque mensuris, quas ad id secum attulerunt, prorsus congruere, tempus quoquè augusti sacelli illius ablati, avectique in Illiricum convenire. Ergò effusâ cum lætitiâ et gratulatione domum reversi exploratam veritatem renuntiant. Tu. ꝑ. Hæc domus.

IN III. NOCT.

Lectio S. Evang. secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro, cui nomen erat JOSEPH. Et reliqua.

Homilia S. Bernardi Abbatis.

N In deprec. ad Glorios. Virgin. Nec mirum, ô Domina, si tam copioso oleo misericordiæ tui cordis perfusum est solarium: cum illud

inæstimabile opus misericordiæ quod prædestinavit Deus ante sæcula in redemptionem nostram, primum in te à mundi Artifice sit fabricatum. Quandò enim placuit gratiæ supremæ ut habitaret in nobis, à quibus elongata fuerat, tu sola inventa es digna, ut in tuâ virginali aulâ Rex Regum, et Dominus dominantium à regalibus sedibus veniens primam sibi mansionem inter filios hominum eligeret. Tu. ꝑ. Domus.

LECTIO. 8.

Beneplacitum fuit Deo habitare in te, quandò ex ipsâ illibatâ carnis tuæ substantiâ quasi de lignis Libani architecturâ ineffabili domum sibi ædificavit Dei Sapientia: suffulsi eam septem columnis argenteis, ac reclinatorium aureum in eâ collocavit. Hi sunt septem Spiritus Dei, et hæc est unica illa Salvatoris femina in quâ solâ quæsitam in omnibus requiem invenit, atque in ejus sinum omnes thesauros absque mensurâ transfudit. Tu ꝑ. Virginis.

LECTIO 9.

Undè benè Spiritui Sancto in te complacuit, ô MARIA, cum divinis adeò mysteriis uterum tuum consecrare dignatus est. Ipse est enim ignis consumens, qui sanctissimam animam tuam toto inflammavit seipso, atque splendore divinæ majestatis implevit: tuumque uterum ineffabili modo fecundavit, fecitque ut Deum et hominem clausam conciperes, et post partum Virgo permaneres. Tu. Te Matrem.

Cum 2. Vesper.

DIE X. MAJI.

D. V. FERRENIANA.

Simplex.

LECTIO 1.

Lanuz. Histor. Arag. l. 1. 31.
In oppido Herrera, in Aragoniâ,

Templum est Divæ Virginis, leucâ ab oppido dissitum, in quo maximè colitur. Ejus sanctissima Imago in majori arâ asservatur preliosis-
simis induta vestibus. Origo autem hujus Templi jam ab antiquo creditur apparitio Beatæ Virginis, cui-
dam rustico, qui in loco in quo nunc est Ecclesia, ligna, ut carbonem faceret, præparabat. Imago ibidem inventa, ab oppidanis deducta fuit ad aliud marianum Templum, in ipso Herrera structum sub vulgari titulo de Cuesta; sed iterum ad locum ubi prius inventa fuerat, ipsâ reversâ, templum ei Herreriani fabricarunt. Tu.

¶. Vir bonus et rectus carbonum pulvere tinctus * Reginam vidit cœli, Christique Parentem. †. Felix quisquis eam suppliciter colit.—Reginam.

LECTIO 2.

Hoc autem Templum excitatum fuit anno millesimo quingentesimo quarto, de Licentiâ Archiepiscopi Cæsarangustani Alphonsi de Aragoniâ. Est ibi Confraternitas quædam Beatæ Virginis valdè insignis, innumeris indulgentiis à summis Pontificibus ditata quæ leges et statuta habet quibus Ecclesiæ ipsi ministret. Ingens fit in hunc locum fidelium accursus præsertim in Deiparæ Sanctissimæ solemnitatibus. Tu.

¶. Nam Deus Omnipotens personas despicit, * Atque corda petit, mentes habitare et pectora gaudet. †. Reginam vidit Cœli, Christi que Parentem.—Atque.—Gloria.—Atque.

LECTIO 3.

Commemoratio B. V. Savonensis de Misericordiâ.

Pouget de Peregrinationibus.
Quatuor milliariis ab urbe Savonæ in Italiâ apparuit Deipara cui-

dam Antonio probatæ fidei viro, decimâ octavâ die Martii anni millesimi quingentesimi trigesimi sexti, ipsique indixit, ut Dei indignationem populo nuntiaret, nisi eum pœnitentiâ flecteret. Hoc facere curarunt Savonenses, et ut facilius impetrarent, in ipso apparitionis loco Sacellum prius adificarunt, et deindè auctâ devotione, satis magnificum templum sub titulo de Misericordiâ. Savona ad hanc marianam Effigiem confugiens decimo sexto sæculo, bis à fame, semel à Turcarum invasione, atque à peste fuit servata. Pius septimus cum Ilege Sardinia eam die decimâ Maji eam visitavit anno decimo quinto præsentis sæculi, eique solemni ritu, propriâque manu, sacro in eo templo peracto, coronam donavit. Tu. Te Matrem.

Vesperæ sequentis.

DIE XI. MAJI.

FORTITUDINIS B. M. V.

Duplex.

Oratio.

Corroborâ, quæsumus, Omnipotens Deus, vires nostras in tui famulatu, ut qui Fortitudinem beatissimæ Virginis MARIE devotè veneramus, legitimè contra hostes salutis nostræ certantes in terris, cum ipsâ in cœlis coronari mereamur. Per Dominum.

AD MATUTINUM.

Invitator. Fortitudinem Beatissimæ Virginis MARIE recolentes: * Christum ejus Filium adoremus Dominum, allel. allel.

Lection 1. Noct. Mulierem fortem p. 115.

IN II. NOCT.

Sermo. S. Bernardi Abbatis.

Humil. 2. super missus.

LECTIO 4.

Ut pauca loquar de pluribus, quam

tibi aliam prædixisse Deus tibi videtur, nisi Beatam Virginem, quando ad serpentem ait: Inimicitias ponam inter te et mulierem? Et si adhuc dubitas, an de MARIA dixerit, audi quod sequitur: Ipsa conteret caput tuum. Cui hæc servata victoria est, nisi MARIE? Ipsa proculdubio caput contrivit venenatum, quæ omnimodam maligni suggestionem, tam de carnis illecebrâ, quàm de mentis superbiâ deduxit ad nihilum. Tu. ꝑ.

LECTIO 5.

Quam verò aliam Salomon requirebat, cum dicebat: mulierem fortem quis inveniet? Noverat quippe vir sapiens hujus sexûs infirmitatem, fragile corpus, lubricam mentem: quia tamen et Deum legerat promississe, et ita videbat congruere, ut qui vincerat per feminam, vinceretur per ipsam, vehementer admirans, aiebat: Mulierem fortem quis inveniet? Tu. ꝑ.

LECTIO 6.

Quod est dicere: si ita de manu feminae pendet et nostra omnium salus, et innocentiae restitutio, et de hoste victoria; fortis omnino necesse est, ut provideatur, quæ ad tantum opus possit esse idonea. Sed mulierem fortem quis inveniet? At ne hoc quæsisse putetur desperando, subdit prophelando: procùl et de ultimis finibus pretium ejus. Hoc est non vile, non parvum, non mediocre, non denique de terrâ, sed de cælo, nec de cælo proximo terribis pretium hujus mulieris, sed à summo cælo egressio ejus. Tu. ꝑ.

IN III. NOCT.

Lectio Sancti Evangelii secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier

quædam Martha nomine excepit illum in domum suam. Et reliqua.

Homilia S. Thomæ Arch. Valentini.

Conc. 4. in Assump. B. V. M.

Quod castellum fortius, quod firmius, quod pulchrius, quàm Virgo sacratissima? Cujus animam sic Deus gratiâ firmavit, ut neque dicto, neque facto, nec cogitatu à Deo nunquàm declinaverit: Oquàm fortissima turris anima illa sacratissima, quam nullis fraudibus Dæmon valuit expugnare? Imò nec illam interius ausus est impugnare? Lect. 8. Hujus enim Castelli nunquàm vel unam primam Dæmon potuit obtinere: castrum non solum invincibile, sed etiàm impugnabile. Licet enim persecutionem ab hoste passa sit, non tamen tentationem in carne. Sicut scriptum est: Abimelech non tetigit eam. Tu. ꝑ.

Benedict. 8. Cujus Fortitudinem.

LECTIO 8. (Lect. 9.)

Intravit JESUS in quoddam Castellum, id est, in Virginis uterum, undè totum mundum ditioni suæ subjugavit. Statim enim, ut de Castello hoc egressus est, viriliter agere cœpit; mundum scilicet invadere, tyrannum excludere, et propriam hæreditatem, spoliato dæmone, ad se reducere. Pastores à proximo, Reges à longinquo ad sui obedientiam celerrime trahens, undè et spoliatoris nomen sortitus est, sicut apud Isaiam legimus: voca nomen ejus, accelera, spolia detrahe; festina prædari. Tu. ꝑ.

LECTIO 9.

Commemoratio B. V. Anconensis

de Sancto Cyriaco. Pouget.

Celebris est Anconæ in Italiâ Imago Deiparæ, sub titulo Reginae Sanctorum omnium, vulgò dicta etiàm Sancti Cyriaci, quæ mense Julio

anni millesimi septingentesimi sexti, coram ingenti populo ipsam enixè deprecante, motu visibili oculos aperuit, ac mœstissimam Urbem hostium copiis opprimendam hoc novo prodigio circumspexit, et recravit, quod perquatuoꝛ menses sæpissimè fuit repetitum. Huic quocūq; devotissimæ Imagini Pius Seplimus, tertio idus majas anni decimi quarti præsentis sæculi, è caplivale triumphali pompâ Romam progrediens, solelnni ritu coronam imposuit, sacro in arâ principe ejusdem Ecclesiæ Cathedralis peracto. Hujus Coronationis anniversaria dies Anconæ Dominicâ secundâ Maji celebratur. Tu. Te Matrem.

CANON.

Ex D. Georgio Arch. Nicomediensi.
Orat. de Oblat. Deip.

503. Habes vires insuperabiles, robur inexpugnabile.... Nihil tuæ resistit potentia, nil tuis repugnat viribus, omnia cadunt tuo jussu, omnia tuo obediunt imperio, omnia tuæ potestati serviunt. Tu.

Cum 2. Vesperis.

DIE XII. MAJI.

D. VIRG. ARAUCANÆ.

Simplex.

LECTIO 1.

Gumpenb. Atlas Marian.

In eâ parte terræ Araucanæ in regno Cilensi, quæ Imbulia dicitur, non multum à mari mons est, et in monte spelunca ad hermycicki formam poritissimè facta. Quem verò in usum natura locum tam benè efformaverit, intuenti apparet; nam statuam Virginis cum Puero in Brachiis eodem è saxo produxit, non insitâ vi, sed prodigio. Videre est eodem planè è saxo, ludentibus venis, capillaturam subfuscâ, crispatâ et è capite in humeros usque decore defluentem, vultum

candidum et ad sculpturæ præcepta venustè prominentem, vestem colore rubeo, pallium foris flavo, intus cœruleo imbutum. Tu. ¶.

LECTIO 2.

Et ne thesaurus ante tempus deprehenderetur, virgultis, vepribusque natura obtexit, dum puellus indus adveniret, qui tanti prodigii spectator primus, atque inventor haberi mereretur: ut nempe ex ore infantium et lactentium perficeretur laus MARIÆ, eo loco ubi lapides loquuntur, quando homines tacent. Raptus enim in admirationem puellus: Vide, inquit, ô Mater, quàm speciosa Domina, hic stes, quàmque speciosum brachiis filiolum sustineat! Non nescia Mater hoc in frutelo inter saxa et rupes magnatum conjuges non meridiari, credidit tamen filiolo Mater, locumque accessit, ibique statuam, cui parem nunquam viderat, conspexit. Tu. ¶.

LECTIO 3.

Rapta primùm in admirationem, deindè etiâ et sine morâ clamore omnia implevit. Ita quod sæculis fortè pluribus secretum erat, paucas intra horas, familiæ beneficio in publicum abiit. Pervenit quocūq; fama ad Patres Societatis JESUS, qui tum eâ regione fidei propagandæ causâ versabantur. Hi ocius ad locum se contulere, conspectoque prodigio, locum purgarunt, et fundamenta templi designarunt, quod ibidem vicini Christiani, comparatâ materiâ struxerunt. Sed ut eorum pietati consuleret Episcopus veluit honores Statræ fieri publicos, dum tota ad fidem regio adjungeretur, ne fortè ab hostibus Christianorum diffingeretur, et posteritati tantus thesaurus subtraheretur. Tu.

Te Matrem.

Vesp. de sequenti.

DIE XIII. MAJI.

DEDIC. S. M. DE ROTUNDA.

*Duplex.**Omnia de Comm. Dedicat.**Lection. 1. Noct. de feriâ.*

IN II. NOCT.

LECTIO 4.

Bened. XIV. in festis B. V. c. n. 18.
Paucis ante Christi Domini ortum annis celeberrimum templum Romæ Agrippa ædificavit Panthæon appellatum, quod fictitiis omnium gentium diis dedicavit. Circiter anno sexcentesimo decimo Beatæ Virginis et Sanctis Martyribus templum hoc consecrari Imperator Phocas à Bonifacio quarto Pontifice permisit, ubi quondam non deorum sed dæmonum cultus erat, ibi deinceps omnium fieret memoria Sanctorum, et ex structuræ formâ vulgò Rotunda appellatur. Tu. ʒ. Magnum.

LECTIO 5.

Celebris etiâ hujus templi fuit consecratio, cujus festi constitutus est dies decima tertia Maji, quo sacra cœremonia peracta est. Eam commemorat Beda in Martyrologio, et in Historiâ Angliæ. Magna quondam fuit hujus festivitatis celebritas Romæ et in Galliâ, ac de eis mentionem faciunt nostri temporis Martyrologia. Tu

ʒ. Verè Dominus.

LECTIO 6.

Nunc autem ejus Consecrationis Solemnitas Romæ in eâ dumtaxat celebratur, nec extra Romam eam celebrari comperimus. In hujus Ecclesiæ codice manuscripto legitur illata illuc esse duobus et triginta curribus ossa Sanctorum martyrum è diversis urbis cœmeteriis effosa, solemniterque comportata, ac decentissimè collocata. Tu. ʒ. In multitudine.

IN III. NOCT.

Lectio sancti Evangelii secundum Lucam.

LECTIO 7. c. 10. 38.

In illo tempore: Intravit JESUS in quoddam castellum, et mulier quædam Martha nomine excepit illum in domum suam. Et reliqua.

Homilia D. Innocentii Papæ Tertii.

Serm. 1. in Assump. B. V. M.
Ad munimentum castelli duo sunt necessaria, murus et turris. Quæramus ergò, si tale fuerit hoc castellum. Sanè in hoc spiritali castello, quod est Dei Genitrix Virgo MARIA, murus exterior est virginitas corporis, turris interior est humilitas cordis..... De muro virginitalis dicit ad Angelum quomodò fiet istud, quoniâ virum non cognosco? Item de turri humilitatis eadem ad angelum ait: Ecce ancilla Domini: fiat mihi secundum verbum tuum. Tu. ʒ.

LECTIO 8.

Habet ergò castellum istud murum virginitalis contra insultum luxuriæ habet turrim humilitatis contra incursum superbiæ..... Si quândo te luxuria carnis impugnat, ad hoc castellum procedere, muro virginitalis adhære, deprecare MARIAM. Quis unquàm invocavit eam, et non est exauditus ab eâ? (*Lect. 9.*) Si quândo te superbia mentis infestat, ad hoc castellum accede, turrim humilitatis ascende, deprecare MARIAM. Quis unquàm invocavit eam, et non est exauditus ab eâ? Hæc est Mater pulchræ dilectionis, et sanctæ spei, quæ pro miseris orat, pro afflictis suspirat, pro peccatoribus intercedit. Tu. ʒ.

LECTIO 9.

Commem. B. V. Agatensis de Gradu.

Gumpenb. 416.

Agatensis urbs in Galliâ Narbonen-

si Sacellum habet Beatæ Virginis de Gradu, quod circa quintum sæculum jam stetisse affirmant, creduntque illud ipsum esse quod Sanctus Severus Episcopus struxit quodque scaturigine limpidissimæ fontis olim dicebatur Beatæ Virginis de Aquavivâ. Hoc Sacellum peregrinorum affluxu celebre vocatur de Gradu, id est, de Lapide, superquem, ut tradunt, visa est Deipara orare pro Agatensibus, ne Filii jussu mare exundans inundaret urbem Agatæ. Lapis autem ipse isle priusquàm in Sacello ampliato clauderetur, magno semper in honore fuit, et in eo Virginis Deiparæ vestigia monstrabantur. Tu.

Te Matrem.

CANON.

Ex Benedicto Papâ Decimoquarto. Cons. 67. *Ad Summi an.* 1757.—

Tom. 4. p. 522.

504. Ecclesiæ Sanctæ MARIÆ de Rotundâ Dedicatio, utpote insignis christianæ fidei triumphus de extinctâ idololatriæ tyrannide, in Romanâ quidem Ecclesiâ, adhuc ipso die Consecrationis ejus, qui fuit tertio idus Maji, anniversariâ celebritate recolitur. Tu.

Vesper. à Capit. sequent. ut in Comm. Dedic.

DIE XIV. MAJI.

DEDIC. S. M. DE TABULIS.

Duplex.

Offic. fit. ut in Comm. Dedicat.

IN I. VESPERIS.

HYMNUS 257. *Ex offic. prop.*

En templa nos vocant tua,
Aris honorem ponimus
Stupentes ad miracula,
Hæc quæ die recolimus.

Messis cum sitit arida,
Agmen dimittis imbrium:
Tabes cum serpit improba,

Dei mittis auxilium.

Ille sacrarum quas tenes
Testudini stans ædium
Cadit, labentem sustines,
Magnamque protendis manum.

Hic inæquali cui febris
Artus depascit impetu,
Cui morbus incumbit gravis
Lue expeditur et metu.

Quòcumque jaceant malo
Tu spem reducis languidis:
Præ doctiori medico
Tuis fidunt miraculis.

Sanare corpus quæ vales,
Medere morbis animi,
Et patriâ fac exules
Tandem beatâ recipi. Amen.

Oratio.

Deus qui Beatam MARIAM semper Virginem innumeris in hæc Ecclesiâ miraculis decorasti: tribue quæsumus, ut sicut in ipsâ et per ipsam à morbis curamur in corpore, ita à peccatorum contagiis liberemur. Per Dom.

AD MATUTIN.

HYMNUS 258. *Ex offic.*

Festa dum redeunt gaudia, lucis
Virgo Mater, ades tu quoque nobis,
Nati nostra tui vota benignas
Communis Genitrix perfer ad aures.

Te semper facilem rebus in arctis
Urbs sensit proprio dedita cultu,
Et sacra tibi templa verendis
Dudum prodigiis clara refulgent.

Quid non Virgo potes? sæpè furentem

Nos tuta luem dextra repressit,
Et languente solo, sæpè perustis
Mittis frugiferos messibus imbres.

Tu morbos abigis, tu mala pellis:
Servati placido numine cives
Servare fidem factaque sacris
Mandarunt memores vota Tabellis.

O Patrona piam respice gentem,
Reddat vera fides quos rapit error:
Christum enixa parens optima nobis

Natos redde parens, nos quoque Christo.

Divinæ Soboli, qui dare Matrem In terris voluit, gloria Patri:
Cujus Virgo parens, gloria Nato:
Quo fecunda tibi gloria, Flamen.
Amen.

Lect. 1. Noct. de feriâ.

IN II. NOCT.

Ex offic. prop. B. V. de Tabulis.

LECTIO 4.

Ineunte sæculo nono Sustantiones Comites in Montepessulano Sacellum construxerunt, quod sub Argemiro Episcopo Magalonensi crevit in Ecclesiam, quæ Beatæ MARIE de Tabulis nuncupata est, seu ob tabellas ex voto in eâ appensas, seu quia sita juxta tabulas, seu mensas cambitorum, et mercatorum. Miraculorum frequentia, et populorum devotione percelebrem fuisse probant varia monumenta, et maximè insignia miracula, quæ anno millesimo centesimo octogesimo nono patrata sunt, quibus motus Joannes secundus de Montelauro Episcopus Magalonensis hodiernum festum instituit. Tu. ʒ. Magnum mysterium.

LECTIO 5.

De miraculis frequentè in eâ Ecclesiâ patris mentionem faciunt Gregorius Nonus Summus Pontifex, et Joannes Archiepiscopus Narbonensis publicis diplomatibus. Pestilentiam sæpè sæpius ope Beatæ Virginis depulsam, pluviam obtentam, ægros sanatos, aliaque innumera beneficia concessa testantur instrumenta, quæ servantur in domo consulari Monspeliensi. Cæsarius Ordinis Sancti Bernardi scriptor auctor est, Medicos solitos fuisse ægros desperatos mittere ad Beatam MARIAM Monspeliensem, tanquam ad remedium efficax. Hanc Ecclesiam

honorabiliore opere constructam Bernardus Episcopus Magalonensis, pluribus assistentibus Archiepiscopis consecravit anno millesimo ducentesimo trigesimo. Tu. ʒ. Verè Dominus.

LECTIO 6.

Aliam Consecrationem hujus Ecclesiæ à Guidone Cardinali factam triginta et octo post annos referunt annales urbis. Verum Ecclesia illa tanto in honore habita, decimo septimo sæculis ab Hæreticis sæpius polluta et diruta, tandem operâ et curâ Petri Fenolleti Episcopi Montispessullani reædificata est. Postea sic de novo constructam Franciscus Bosquetus ejusdem urbis Antistes, in parrochiam erexit, et Carolus Pradellus ejus successor solemniter consecravit decimaquarta die Maji, anno millesimo sexcentesimo octogesimo quarto. Cui diei hoc festum in hoc Breviario assignatum est. Tu. ʒ. In multitudine.

Homilia de Communi pro Duplicib. Sunt qui castellum.

LECTIO 9.

Commemoratio B. V. Silvasoniensis de Bono odore.

Gumpenb. 709.

Hæc Deiparæ statua initia venerationis suæ accepit non alio in loco, quàm in quo rusticus stipitem parxit, et stipiti statuam imposuit, operis et laboris socio fossore, mediâ nocte inter feriam quintam et feriam sextam Parasceves. Creditum est, ipsis affirmantibus, vix stipite cespiti infixâ, odores cælestes locum implevisse, quamdiù audissent angelorum cælestem symphoniam, undè et nomen habet. Brevi sacellum ligneum ei structum, et postea cum crevissent miracula, aucta fidelium pietas aliud lapideum ædificavit. Tu. Te Matr.

Cum 2. Vesperis.

DIE XVI MAJI.

D. V. FATARELLENSIS DE
MISERICORDIA.*Duplex.**Oratio.*

Deus, qui Bealam MARIAM semper Virginem MISERICORDIÆ Matrem esse voluisti: concede propitius, ut qui ejus imploramus auxilium, misericordiæ illius experiamur effectum. Per Dominum.

AD MATUTIN.

HIMNUS 259.

Tenere fletus quis queat æmulus
Pectus MARIÆ cum dolet anxium?
Quis possit æquos dum triumphat
Lætitia cōhibere motus?

Licet gementes sidera transvolans
Nos Virgo natos liquerit orphanos:
Fovere pergit corde Mater,
Et miseros precibus juvare.

Quicumque mundi fluctibus exules

Luctantur, almæ Virginis invocent
Pectus: quietos post periculum
Illa dabit penetrare portus.

O Virgo, nunquā surda vocantibus,

Reconde sacro pectore filios;
Tonantis iclus non veretur
Qui gremio tegitur. MARIÆ.

Nos tristes cæci ludibrium maris
Ad tuta, Virgo, littora dirige:
Sis stella nobis quā profunda
Nocte ratem dubiam regamus.

Sit summa semper laus tibi,
Trinitas,

Quæ cor MARIÆ deliciis replet:
Fac nos aduret, quæ perurit
Virginum sacra flamma pectus.
Amen.

IN I. NOCT.

Lect. 1. Noct. de Feriâ.

¶ 1. Dulcis amica Dei, Mater
Misericordiæ, miserere mei, et sis
mihi portus requiei: * Tu rege me,

tege me, cura me, tu recrea me,
allel. allel. ¶ Tu mea dux, mea
lux, mea spes, tota mea res, mea
vita, mea Mater. Tu rege.

¶ 2. O nimis dilecta Virgo,
quam Dei felix manus omnibus
perfugium ut esses, dedit et Misericordiæ Mater, * Me quoque obtentu beato servulum tuum obtege,
allel. allel. ¶ Ceu solet gallina pullos subter alas nudulos. Me.

¶ 3. Ad fidem qui hujus Parentis gratiamque confugit, anxie præsens levamen sentit ægrimonie protinus, * Nam propè est benigna cunctis ritè se invocantibus, allel. allel. ¶ Inque vitia defluenti pro sua clementiâ est parata subvenire, lubricosque sistere. Nam. Gloria. Nam.

IN II. NOCT.

LECTIO 4.

Ex monumentis.

Fatarellæ in Cathalauniâ, duobus ab Ibero flumine leucis, per magnificum exurgit è colliculo, supra oppidum sito, Deiparæ Sanctissimæ sub titulo Matris Misericordiæ templum. Jam ab antiquo ibi erat sacellum divæ Virginis dicatum, intra turrim, quæ ad loci defensionem prominebat, situm. In eo Dertusensis Episcopus Martinus Cordoba et Mendoza Confraternitatem Sanctissimi Rosarii die decimâ sextâ Martii anno millesimo quingentesimo septuagesimo ipse instituit, quæ, triginta et quatuor delapsis annis, ad parrochiale templum divi Andræ, eò quod senes et infirmi, præsertim in hyeme, ad turrim ascendere non valerent, die tertiâ Aprilis translata est. Tu.

¶ A finibus terræ ad te clamavi, dum anxieretur cor meum: * Deduxisti me, quia facta es spes mea, turris fortitudinis à facie inimici, allel. allel. ¶ Sicut turris

David collum tuum, quæ ædificata est cum prognaculis.—Deduxisti.

LECTIO 5.

Cum verò turris fulgurum ictibus perculsa, gravis et cœli injuriis nimis affecta, in ruinam collaberet, Clerus et proceres cum universo populo in grati animi monumentum ob indicibilia beneficia ab ipsâ sacratissimâ Deiparâ ab omnibus accepta, anno millesimo septingentesimo nonagesimo hoc novum templum excitare constituere loco ipso, ubi prius structa videbatur, ut et ipsum turris fortitudinis et defensionis esset. Nec sunt fraudati ab hoc desiderio suo et spe, nam ab innumeris ærumnis pluribusque flagellis, quæ in alia vicina oppida irrepsere, Fatarellenses Misericordiæ ab ipsis acclamata Mater, non nisi patente prodigio, sæpè sæpius liberavit. Tu.

¶. Erat autem turris excelsa in defensionem civitatis, * Ad quam confugiebant simul viri et mulieres, ut à periculorum experimento immunes evaderent, allel. allel. †. Turris munitissima, quam ædificavit Dominus in medio vineæ suæ.—Ad quam.

LECTIO 6.

Statua deniquè de cujus origine nec causâ tituli nihil liquet, in quâ Beatissima MARIA in hoc templo ingentissimè colitur, in altari principe asservatur. Marmore seu alio finissimo lapide creditur: quatuor palmis alta puerum lævâ sustinet, et dexterâ sinistræ ejus tenet. Pergandi crystallo, è Lutetiâ Parisiorum expressè ad Fatarellam advecto anno millesimo octingentesimo quinquagesimo quarto, munitur. Ad tergum Imaginis pulchra camera visitur, in quâ pluribus signis ex Bibliâ depromptis Deipara memoriæ objicitur. Incredibilis est,

in hanc Virginem populi devotio, quæ copiosissimis elemosinis totum hoc celebre templum extruxit, nec in dies, crescente impietate, decrescit. Ingens quoquè fit ad eam exterorum accursus. Tu.

¶. In MARIA se Deus clausit, ne thesauros suos clauderet MARIÆ, * Quos per MARIAM cæteris reclusit, allel. allel. †. Deriventur foras misericordiæ divinæ fontes.—Quos.—Gloria.—Quos.

IN III. NOCT.

Lectio S. Evangelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus, Maria Cleopha, et Maria Magdalene. Et reliqua.

Homilia S. Bernardi Abbatis.

Serm. 1. super Salv. Regine. inter ejus opera.

Justè Regina mundi, et Regina cœli dicitur, per quam utriusque creator et rector generatur. Verum quo pacto dicitur Regina Misericordiæ, cum misericordia non substantia sit, sed pietas supernæ clementiæ, vel affectio benigna rationalis creaturæ? Metonymicè ergò poterit intelligi, hoc est, per efficientem id quod efficitur, ut opus misericordiæ pro misericordiâ intelligatur. Tu.

¶. Quomodo potueris, ita esto misericors, * Omnibus misericordiam te implorantibus præstando. †. Miserere nostri, Domina, quæ Mater Misericordiæ nuncuparis.—Omn.

Bened. Cujus Misericordiam.

LECTIO 8.

Regina, gloriæ nomen et honoris, magnificentiæ et decoris, dulcedinis ac pietatis, amoris et honorificentiae, sublimitatis et potentiae,

gubernationis et justitiæ, defensionis et gratiæ. Sancta Sanctorum hæc omnia nobis, et pro omnibus nobis, cui decantamus assiduè: Salve Regina Misericordiæ. Tu.

¶. Quoniam misericordia tua magna est super me, * Eripe Domina, animam meam ex inferno inferiori, allel., allel. †. Misericordiā tuā, Domina, plena est terra.—Eripe.—Gloria.—Eripe.

LECTIO 9.

Possumus etiā sic intelligere, quod Regina misericordiæ dicitur, ut soli tribuamus divinæ misericordiæ, et non meritis, quod super omnem creaturam ipsa sanctitate ac dignitate præcellens, Reginæ vocabulo et honore sublimatur amplius: et jam in hoc convenienter vocatur Regina Misericordiæ, quod divinæ pietatis abyssum cui vult, ac quomodo vult, creditur aperire, ut quivis enormis peccator non pereat, cui Sancta Sanctorum patrocinii sui suffragia præstat. Ea propter dicamus singuli dicamus assiduè: Salve Regina Misericordiæ. Tu. Te Matrem.

AD LAUDES.

HYMNUS 260.

Regina verè amabilis,
Mater Misericordiæ,
Dulcedo ineffabilis,
Tota desiderabilis.

Quandò tu nos illuminas,
Tunc lucet menti veritas,
Mundi vilescit vanitas,
Et intus fervet charitas.

Virgo dulcedo cordium,
Fons vivus, lumen mentium,
Excedens omne gaudium
Et omne desiderium.

Matrem omnes agnoscite,
Amorem ejus poscite;
Matrem ardentèr quærite,
Quærendo inardescite.

Te nostra, Virgo, vox sonet,
Nostri te mores exprimant,
Te corda nostra diligant
Et nunc et in perpetuum.

Doxologiu de Tempore.

†. Mater Misericordiæ, allel.

¶. Miserere nobis, allel.

Ad Bened. ant. Habes in te, Misericordiæ Mater, vires et auxilium, turrim et defensionem portum et salutare refugium, allel. allel.

†. ¶. *br.* Quæ Mater Misericordiæ nuncuparis.

CANON.

Ex Pio Papâ Nono.

Brev. Ad augend. 18. Sept. 1845.

505. Omnibus Christi fidelibus verè pœnitentibus et confessis ac sacrâ communionem refectis, qui Ecclesiam Beatæ MARIÆ Virginis sub titulo Matris Misericordiæ, sitam propè oppidum la Fatarella Dertusensis Diœcesis die secundâ Mensis Augusti... devotè visitaverint... ut omnes et singulas de Portiunculâ nuncupatus indulgentias... consequantur... ad septenium concedimus. Tu.

In II. Vesp. Ad Magn. ant.
Ego murus et mœra mea sicut turris, ex quâ mille clypei pendent, armatura fortium in munitionem et defensionem populi mei, allelnia, allel.

DIE XVII. MAJI.

D. V. BARBASTRENS. DE PODIO.

*Semiduplex.**Oratio.*

Deus misericordiarum Pater, qui populum tuum Beatæ MARIÆ Virginis apparitione recreare dignatus es: concede ut hoc beneficium recolentes, tibi perpetuâ charitate adhærere, et ejusdem Virginis patrocinio perfrui mereamur. Per Dominum.

Lect. 1. Noct. fer. occurr.

IN II. NOCT.

LECTIO 4.

Ex Offic. propr.

Clementissima Virgo, ut antiqua monumenta testantur, pio Pastori, cui nomen Balandranus suavissimis concentibus noctu admonito, super montem leucā circiter ad occidentem versū Barbastro, apparens inter amygdali ramos, eum sibi deinceps fore sacrum indixit, iungens ut templum ibidem extrueretur, quo uberes gratias implorantibus opem suam, se collaturam spopondit. Fidem Barbastri cives narrationi statim adhibuerunt, quam testis probitas, miraque firmabat vultus ejus claritas post apparitionem divinitus enitescens. Tu.

¶. Adducam eos in montem Sanctum meum, et lætificabo eos in domo orationis meæ: * Holocausta eorum, et victimæ eorum placebunt mihi super altari meo, alleluia. alleluia. ¶. Quia domus mea, domus orationis vocabitur cunctis populis.—Holocausta.

LECTIO 5.

Supplici itaque agmine clivum ascendentes, ligneum Deiparæ Simulacrum amygdali ramis insidens invenere, quod humi provoluti venerali sunt, et effusas Deo ejusque Matri pro singulari beneficio gratias agentes; illud postea in principe aræ hujus ædis ex Virginis monitu ædificatæ religiosissime posuerunt. Ille autem Pastor Balandranus, cui Deipara apparuerat, postea Sacerdos factus, Sanctuarii curæ addictus est. Prodigiorum subinde fama brevi diffusa, et apparitionis veritatem comprobavit, et venerationem erga beatam Virginem à Podio ita propagavit, et auxit, ut templum hoc inter insi-

gnia Sanctuaria habitum fuerit. Tu.

¶. In pascuis uberrimis pascam eos, * Et in montibus excelsis Israel erit pascua eorum, alleluia, alleluia. ¶. Ibi requiescent in herbis virentibus, et in pascuis pinguibus pascentur super montes.—Et in.

LECTIO 6.

Quod Christi fideles pietate et fiducia permoti erga Virginem Matrem frequentissime invisentes, gratiam Patrocinii benignissimæ Dominae consequuntur. Ad augendum itaque ac fovendum cultum erga Dei Genitricem Sanctæ hujus Imaginis, Festum cum officio et Missa celebrari Gregorius decimus sextus indulsit. Quod quidem festum sanctissimus Dominus Pius Papa noster Beatissimæ Virginis cultor eximius, in sequenti anno millesimo octingentesimo quadagesimo septimo, officio et Missa propriis decoravit. Tu.

¶. Vox salutationis facta est in auribus meis: * Et undè hoc mihi, ut veniat ad me Mater Domini mei, alleluia, alleluia. ¶. Quid est homo, quod memor es ejus, aut filius hominis, quoniam visitas eum.—Et.—Gloria.—Et.

IN III. NOCT.

Lectio S. Evang. secundum Lucam.

LECTIO 7. c. 11.

In illo tempore: Loquente JESU ad turbas, extollens vocem quædam mulier de turbâ, dixit illi; Beatus venter, qui te portavit. Et reliqua.

Homilia S. Theodoti Ep. Ancyrae.

Homil. lect. in Concil. Ephes.

part. 3. c. 9.

¶ Virginem, quæ ipsum vicit deliciarum paradisu! Ille namque genus salivarum stirpium protulit ex virgine terrâ exortis plantis, hæc autem Virgo melior est illâ terrâ. Non enim pomorum protulit

arbores, sed virgam Jesse fructum salutarem hominibus afferentem.

Lect. 8. Et illa terra Virgo erat, et ista Virgo: sed ibi quidem arbores nasci præcepit Deus; hujus autem Virginis ipse Creator secundum carnem factum est germen. Tu. *ŕ.*

LECTIO 8.

Neque illa terra ante arbores plantaria suscepit: neque hæc ex partu virginitatem læsit. *Lect. 9.* Virgo paradiso gloriosior facta est. Ille enim Dei cultura factus est: hæc autem secundum carnem Deum ipsum excoluit, ubi voluit hominis copulari naturæ. Tu.

LECTIO 9.

Commem. B. V. cognomento Novæ.

Octav. cajet. de effig. siculis.
Panormi anno millesimo quingentesimo vigesimo *Ædes* Beatæ Virginis fuit extructa. Cum enim quidam peregrinus nimium frigus vellet propellere, colligens lignorum fragmenta, ut ignem accenderet, in tabulam, quæ pulei erat operculum, manum injecit, quam frustra ictibus multis dissindere curavit. Re animadversâ, cuncti, ut erat, aliquid divini in eâ latere existimantes, absterso luto, quo tabula erat infecta, Virginis inesse effigiem viderunt, atque in genua provoluti repertum thesaurum adorant. Cognito ab Antislite prodigio, ut debitâ reverentiâ deferretur Icon *Deiparæ* in decentem locum, cum Clero eò advenit, suisque manibus eam supra aram constituit. Deindè elemosinis confluentibus templum ædificatum est, quod ob lætum nuntium de felici rerum mariimarum eventu à Prorege acceptum, Sanctæ *MARIÆ* Novæ nomen accepit. Tu. Te Matrem.

CANON.

Ex Decreto S. Rituum Congregat.

Barbast. 15. Jan. 1847.

506. Sanctissimus Dominus noster Papâ Pius Nonus... Officium proprium cum Missâ Beatissimæ Virginis *MARIÆ* de Podio civitatis *Barbastrensis* Apostolicâ Auctoritate approbavit, ac universo Clero *Barbastrensi* persolvendum concessit. Tu.

Vesperæ de sequenti.

DIE XVIII. MAJI.

NOBILITATIS B. *MARIÆ* V.

Dupl. majus.

IN II. VESPER.

Antiph. de Laudib. Reliq. de Comm.

Oratio.

Præsta, quæsumus, omnipotens Deus, qui de Nobilissimâ Matre Virgine *MARIA* nasci dignatus es, ut qui ejus Nobilitatem devotè celebramus, ipsius protectionem efficacitè sentire possimus. Qui vivis.

AD MATUTIN.

Invitator. Jubilemus Deo salutare nostro * In Nobilitate Beatæ Virginis *MARIÆ*.

HYMNUS 261. *S. P. Dam.*

MARIA, Virgo regia,
David stirpe progenita,
Non tam paternâ nobilis
Quàm dignitate sobolis,
Arcem nobilitatis

De prolis stirpe trahis:

Filia quidem regum

Sed Mater Regis regum

Tu nos avulsos veteri

Complanta novo germine:

Per te fit genus hominum

Regale Sacerdotium.

Sit tibi laus, Altissime,

Qui natus es ex Virgine:

Sit honor ineffabili

Patri, Sanctoque Flamini. Amen.

Lectio. 1. Noct. de Comm.

IN II. NOCT.

Sermo S. Bernardini Senensis.

Serm. S. Joseph. art. 1. c. 1.

LECTIO 4.

Fuit Beata Virgo nobilior creatura omnibus creaturis, quæ in humanâ naturâ fuerint, aut possint, aut potuerint generari. Nam Matthæus ponens tres quaterdenas generationes ab Abraham usque ad Christum inclusivè, describit eam fuisse natam de quatuordecim Patriarchis, de quatuordecim Regibus, de quatuordecim Ducibus, secundum quod quidam periti memorant, et distinguunt prædictum Matthæi textum. Lucas quoquè describens Nobilitatem ejus, exordiens ab Adam, et Eva demùm usquè Christum Genealogiam suam protrahit. Tu. ¶.

LECTIO 5.

Patet etiã quòd Dominus JESUS Christus, qui sine Matre fuit in cœlis, et absque Patre in terris, totam à Virgine humanitatem recepit, atque dignitatem, quæ ad humanitatem sequuntur, scilicet, cognitionis, ut diceretur filius David, et consanguinitatis, ut diceretur fratres habere à nobili parentelâ, totum hoc à Beatâ Matre suscepit. Tu. ¶.

LECTIO 6.

Quòd ultimus Dux, ultimus Rex, ultimus Patriarcha totius Populi Israel, non aliundè habuit, quàm à Beatâ Virgine, ut ex hoc manifestè clarescat, quòd omnis nobilitas corporalis concessa humano generi in Adam, à Domino principalitè datum est, ut per multas generationes descenderet in Virginem Beatam, et per Virginem Matrem terminaretur in Christum Dei Filium benedictum. Tu. ¶.

IN III. NOCT.

Lectio Sancti Evangelii secundum Matthæum.

LECTIO 7. c. 1. 1.

Liber generationis JESU-Christi, filii David, filii Abraham. Et reliqua.

Homilia S. Petri Damiani Ep.

In Nativitate B. V. M.

Consuetudo quippè veterum fuerat, in Genealogiâ virorum vix aliquandò nomina ponerent feminarum. Si enim mulierum genus voluissent describere, per mulieres illud curabant aliquandò propagare. Attestatur nostræ assertioni Lucas evangelista, qui Zachariam Patrem Joannis per virile genus ostendere, Elizabeth verò per sexum curavit muliebrem designare. Fuit, inquit, in diebus Herodis Regis Judææ Sacerdos quidam, nomine Zacharias de vice Abia, et uxor illius de filiabus Aäron, ut nimirum congruè vir à viris, femina propagari à feminis. Tu. ¶.

Bened. Cujus Nobilitatem.

LECTIO 8.

Matthæus igitur, qui viri proposuerat genus describere, illius scilicet, de quo per Prophetam dicitur: ecce vir oriens nomen ejus: eruditè per JOSEPH descendere voluit. MARIE verò parentes ponere superfluum judicavit. Qui ergò parentum MARIE notitiam habere desiderat, de semine eam Abrahamæ, de tribu Juda, de regiâ stirpe David descendisse cognoscat. Tu. ¶.

LECTIO 9.

Noverit quoquè eam cum Sacerdotali genere cognitionis hubuisse propinquitatem. Undè ei per Angelum dicitur: et ecce Elizabeth cognata tua, et ipsa concepit Filium in senectute suâ. Et jure Redemptor noster de sacerdotali simul et regiâ generatione carnem suscipere voluit, qui Rex ante sæcula existens, utpotè verus Sacerdos semetipsum Patri pro nobis suavitatis hostiam immolavit. Tu. Te Matrem.

AD LAUDES

et per Horas antiphonæ.

1. Quid nobilius * Dei Matre, quid splendidius eâ, quam splendor elegit, allel.

2. Ex semine Abrahæ * descendit, orta de tribu Juda, clarâ ex stirpe David, allel.

3. Regali ex progenie * MARIA exorta refulget, allel.

4. Hæc est nobilior * omnibus mulieribus super terram, allel.

5. Nobilitas tua, * Virgo MARIA, cunctas illustrat Ecclesias, et omnes lætificat animas sanctas, alleluia.

Capit. Hymn. et ꝑ. de Comm.

Ad-Benedict. ant. Procûl, et de ultimis finibus Nobilitas Beatæ Virginis, quæ de Patriarchali, et Ducali, et Regali progenie gloriosa descendit, allel.

CANON.

Ex Concilio Francofordiensi.

Ann. 794. In Ep. Synod. Conc. ad præsul. Hispan.—Concilior.

Tom. 20. p. 114.

507. Nonne secundum sæculi Nobilitatem Beata MARIA Virgo ex regali et liberâ prosapiâ processit? Huic verò Virgini regiæ dignitatis Spiritus Sanctus accessit, et Filium ex eâ procreari fecit. Mirum si Spiritus Sanctus hominem ex eâ non potuit facere perfectum, et ingenum. Tu.

In 2. Vesper. antiph. ut in primis.

DIE XIX. MAJI.

B. M. V. DE RUPE GALLIÆ.

*Duplex.**Lect. 1. Noct. de ferid.*

IN II. NOCT.

LECTIO 4.

Balngh. Kalend. mar. 19. Maji. Imaginis beatæ Virginis de Rupe Galliæ in Hispaniâ, Inventionis Historia hæc habet ex vetustissimis

manuscriptis. Cum Parissis Simon Robanus (vulgò dictus Simon Vela) versaretur, semel atque iterum admonitus est per quietem, ut in Gallicâ rupe versus Occidentem Deiparæ Imaginem studiosè perquireret. Quâ rupe in Galliis toto frustrâ quæsita quinquenio, in Hispaniam ad Divum Jacobum profectus, et Salamanticæ aliquandò commoratus Divam Virginem impensius orabat, ut sibi rupem Galliæ, ubi tandem esset, certo aliquo indicio demonstraret. Tu. ꝑ.

LECTIO 5.

Haud ita multò post Carbonarii indicio, atque aliorum responsa sequutus, cum ad eam Rupem, silvamque lætus pervenisset, post preces ibi fusas, per somnum ei oblata est Deiparæ species Filium gestantis in ulnis, multo lumine circumfusa: quæ jussit suam ex eo loco effosam Imaginem in summo montis apice collocari, ac ibidem templum erigi. Tu. ꝑ.

LECTIO 6.

Itaque anno millesimo quadringentesimo trigesimo quarto, die decimâ nonâ Maji Imaginem effodit, effosam in tuguriolum quoddam ex lignis raptim excitatis infert. Tan-
taque ibi miracula statim fieri cœperunt, ut iis quotidie increbescen-
tibus ei templum erectum sit, quod à Joanne secundo Castellæ Rege sacro Ordini Divi Dominici traditum est. Situs est autem hic mons, seu rupes editissima in Salamanticensis Diœcesis confinio. Hispani suo idiomate vocant: la pegna de Francia. Tu. ꝑ.

Homilia de Comm. pro Duplicib.

LECTIO 9.

Commemoratio B. V. de Angelis.

Camòs lib. 3. c. 2.

Sub titulo de Angelis propè oppi-

dum Sancti Martini in Diœcesi Gerundensi Sanctissima Virgo colitur in perantiquâ Imagine quæ luminibus cœlestibus, ut fertur, ostensa, inventa fuit in diruto Saccello ibidem olim structo à quodam, si traditio non fallitur, Estephano Presbytero Jerosolymitano. Sacra Icon, plûs tribus palmis alta, lignea est; puerum sinistro brachio sustinet: non in medio altaris principis sed in cornu Evangelii collocata videtur. Alia quoquæ ibi, at in alio altari, Deiparæ Imago in telâ depicta, quæ simul cum lignea, quam involutam coopertamque servabat, fuit inventa, plurimis portentis nitet. Nomen ab Angelis, inter quos media alia et alia ex'at, ex tunc jam obtinuit. Cultus ipsi tribulus quàm ingens sit, tum ex pergrinationibus et solemnibus supplicationibus, quibus hoc Saccellum frequenta'tur, tum ex elemosinis pretiosissimisque donariis quibus ditatum fuit, facillimè ostenditur. Tu. Te Matrem.

Cum secundis Vesperis.

DIE XXI. MAJI.

DEDIC. B. M. DE MONTE VIRGINIS.

Simplex.

Officium fit de Comm. Dedicationis.

LECTIO 1.

Scripturæ feriæ occur.

LECTIO 2.

Spinelli p. 647.

Supra oppidum Mercuriale in Neapolitano regno visitur templum vetustate, ac religione nobilissimum Montis Virginis, quod in edito deserto, atque inculti montis jugo, Cybeles, quæ illic olim colebatur, superstitione deletâ, Sanctus Guilielmus veræ Dei Matri extruxit, et Episcopus Avellinus so-

lemni ritu anno millesimo centesimo vigesimo sexto, mense Majo, die sacro Pentecostes consecravit. Ex quo factum est, ut singulis annis eo ipso die maximo fidelium concursu hoc Deiparæ templum celebretur. Tu. ¶.

LECTIO 3.

Imago verò Beatæ Virginis, quæ templo nomen dedit, augustâ specie, atque humanâ majore formam refert sedentis in throno puerum JESUM in gremio confoventis; septem angeli sub thronum Christo, ejusque Genitrici astant. Eo in loco cibus quadragesimalibus tantum uti licet, ita ut si quis alia diversa illud deferat, etsi casu vel oblivione, repente cœlum ipsum excandescit, et ingentes pluvie ac procellæ excitantur: quod sæpè comprobatum est. Tu. Te Matrem.

CANON.

Ex Cœlestino Papâ Tertio.

Bull. in approb. Congregat Mont.

Virgin. §. 1. an. 1197.

In Bullar. Rom. Pontif. Tom. III. part. 1. pag. 61.

508. Monasterium Sanctæ Dei Genitricis et Virginis MARIE de Monte Virgine... ad exemplar Prædecessorum nostrorum felicis recordationis Alexandri Tertii, et Julii Tertii Romanorum Pontificum sub Beati Petri et nostrâ protectione suscipimus, et præsentis scripti privilegio communimus. Tu.

Vesperæ de sequenti.

DIE XXII. MAJI.

SANCTITATIS B. M. V.

Duplex.

Oratio.

Omnipotens sempiternè Deus, dirige actus nostros in beneplacito tuo, ut qui Sanctitatem Beatæ Virginis MARIE collimus, bonis ope-

ribus semper abundare mereamus.
Per Dominum.

Lectio 1. Noct. de Feriâ.

IN II. NOCT.

Sermo. S. Fulberti Ep. Carnutensis.

Sermo de B. Virgine.

LECTIO 4.

Si quis interroget, dicens: quid ergo putas, qualis olim in animâ fuerit, vel nunc sit hæc persona, quæ sic omnibus sanctis spectanda, atque imitanda proponitur? Veraciter respondemus, quia longè perfectior, quàm nostrâ oratione demonstrari possit. Tamen ne ibi nihil dicere arguamur, ubi major affluit copia dicendorum, reservantes multa, atque magna facundis, saltè pauca dicamus super hoc, et quæ faciliè dicentur audita. Hoc igitur in primis astruere fas est, quòd anima ipsius et caro, quam elegit, habitaculum sibi fecit Sapientia Dei Patris ab omni malitiâ et immunditiâ purissima fuerunt, affirmante Scripturâ, quoniam in malevolam animam non introibit sapientia,, nec habitabit in corpore subdito peccatis. Tu. ꝑ.

LECTIO 5.

Item è contrâ confidentèr asserimus, quia nullo virtutum genere vacabat, cui plenitudinem gratiæ nuntius assererat inesse. Quod attestante Archangelo, quamvis nemo sanâ mente diserebat, tamèn si quis adhuc pio desiderio quærat argumenta virtutum ex verbis et factis ejus, quæ Scriptura commemorat, tantò sibi facilius accurrent, quanto ipse quærendo fidelior erit. Sunt autem ex eis quædam omni fere Christiano perspicua. Quis enim est, qui cum jucundâ admiratione non speculetur ipsius maturæ adolescentis fortitudinem, et prudentiam et fidem in colloquio angelico, ubi tam constantèr elequitur, tam

prudenter interrogat, tam facile credit? Quis enim non videat, ac videndo non miretur justitiam ejus, quâ sic universa præcepta divinæ legis satagebat implere, ut nec ad se pertinentia inexpléta relinqueret? Tu. ꝑ.

LECTIO 6

Verbi gratiâ: post partum enim purificatione legali, quam agebat, non egebat, quia virum in concipiendi non noverat. De temperantiâ quoquè ipsius superius dictum est, quæ Deo virginitalis lilium in humilitatis valle produxit. Cum ergò virtutibus supradictis facta ejus plena sint atque dicta, manifestum est non solum attestazione angelicâ, sed etiâ rerum argumento nullum virtutis Beatissimæ Virgini defuisse. Depromebant itaque virtutes in cogitatione, et affectu cordis ejus ineffabilem armoniam, quam ipsa creatrix, et inhabitatrix Dei Sapientia delectabatur audire, coruscabant foris superficie sermonis et actus, undè meritò possent homines glorificare Deum, et exempla salutis accipere. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 1. 34.

In illo tempore: Exclamavit MARIA, et dixit: Magnificat anima mea Dominum. Et reliqua.

Homilia Sancti Hildephonsi Arch. Toletani.

Serm. 2. in Assumpt. B. V.

Hanc, quæso, fratres mei, audite Matrem Prophetissam Dei. Prophetissam dico, imò, ut ità dicam Evangelistam. Audite, quæso, Virgines, audiat omnis feminarum ordo humilitatem tantæ Virginis, et nolite credere, si non jam completa sunt omnia quæcumque prædixit per eam, qui ipsam repleverat, Spi-

ritum viritatis. Ecce enim, inquit, ex hoc beatam me dicent omnes generationes. (*Lect. 8.*) Quapropter, quæso, respicite terras quas-cumque sol suo illustrat lumine, et videte, quoniam jam nulla penè est natio, nullaque gens, quæ Christum non credat, et ubicumque Christus creditur et adoratur, venerabilis Dei Genitrix MARIA beata et felix, necnon et Virgo perpetua prædicatur. Et ideo fratres, parum est ab uno, vel à paucis dicere, quod ab omnibus ubique prædicatur et creditur. Tu. ¶.

Bened. Cujus Sanctitatem.

LECTIO 8.

Hoc itaque est, dilectissimi, quod dico, quia creditur. Et ecce per orbem terrarum ubique in omni gente, et in omni lingua Beata Virgo MARIA pronuntiatur: et quot sunt homines, tot testes habet. Verum siquidem dixerim, quia creditur esse apud Deum, et nunc fiducia-litè ubique prædicatur, quia verè et fidelitè beata creditur. Tamen quod prædictum est, in omnibus adimpletur, quia in terris beata et gloriosa dicitur; in cælis verò ab omnibus sanctis conspicua collaudatur et præclara. Tu. ¶.

LECTIO 9.

Commemoratio B. V. Triviensis de Lacrymis.

Ex Chrisogono, Disc. 5. n. 68. In Episcopatu Spoletano prope opidum Trivii Sacellum erat quodam in compito, in quo Divæ Virginis Imago depicta visebatur, quæ à plurimis anno millesimo quadringentesimo quarto lacrymas fundere visa fuit, quæ malorum Italiæ impendentium sat clarum erat pronosticon. Ejus rei fama plurimos ab usque Româ excivit, et collectæ mox elemosinæ largissimæ templum inibi miræ magnitudinis ac

speciei ad divæ Virginis gloriam extructum est, quod in hodiernum usque diem templum Sanctæ MARIE de Lacrymis nuncupatur. Tu. Te Matrem.

CANON.

Ex Pio Papâ Nono.

Bull. Ineffabilis. die 8. Dec. 1854.

509. Deiparam «Sancti Patres appellarunt» propè puritatis et innocentiae fontem, pulchritudine pulchriorem, venustate venustio-rem, sanctiorem Sanctitate, solamque sanctam, purissimamque animâ et corpore. Tu.

Cum 2. Vesper.

DIE XXIII. MAJI.

D. V. CLARAMONTANÆ DE PORTU.

Simplex.

LECTIO 1.

Ponget, in Deip.

Claramonte in Auverniâ templum est Beatæ Virginis sub titulo de Portu, quod Sanctus Avitus urbis Episcopus anno quingentesimo sexagesimo struxit, ingentibus opibus ditavit ac Deiparæ solempni cultu dedicavit. Post tria vero sæcula, à Normannis militibus ferro et igne vastatum Sanctus Sigo ejusdem urbis Pontifex in pristinum decorem magno studio restituit. Tu.

¶. Hoc templum Sanctus primò fundavit Avitus, * Inclitus Antistes nobilis et genere. ¶. Quod dicavit ovans Christo, Sanctæque MARIE, censibus et propriâ nobilitavit ope. —Inclitus.

LECTIO 2.

Miraculosa Beatæ Virginis Imago, quæ in eo colitur, asservatur in sacello subterraneo, infra chorum superioris Ecclesiæ structo, atque variis picturis mirè ornato. Hujus Iconis origo nescitur: lignea ipsa

est, colore nigra, sedensque JESUM brachiis sustinet. Revolutionis gallicanæ tempore flammis damnata, speciali Dei providentiâ eripi, abscondi conservarique potuit, ac demum in antiquum Sacellum restitui. Tu.

¶. Hoc Normannorum flammis gens usit acerba bachans, et strages heu! miseris faciens, * Sed Sigo hanc præsul prisco decoravit honore. †. Ut tibi Celsitonans afforet aula micans.—Sed Sigo.—Gloria.—Sed.

LECTIO 3.

Commemoratio B. V. Buxerianæ.

Gumpenb. 534.

Beatæ Virginis Buxerianæ, seu de Bussieres templum intra secundum ab urbe Nanceianâ milliare viâ Mussipontanâ in colle est, quod à Sancto Gancellino Tullensi Episcopo fudatum legitur. In tabulis antiquis habetur quoquæ, ab ipso Christo Domino, augustâ suâ Genitrice, et magnâ sanctorum catervâ stipato, consecratum fuisse. Olim ei monialium Benedictinarum Cœnobium erat adjunctum, quod postea virginibus nobilibus, seu canonicis sæcularibus fuit inhabitatum. Deipara Sanctissima eo in loco ad se venientibus plurima concedit beneficia. Tu. Te Matrem.

Vesperæ sequentis.

DIE XXIV. MAJI.

**S. M. TITULO AUXILIUM
CHRISTIANOR.**

Duplex majus.

IN I. VESPERIS.

HYMNUS 262. *Ev offic. prop.*
Sæpè dum Christi populus cruentis
Hostis intensi promeretur armis,
Venit adiutrix pia Virgo cœlo

Lapsa sereno.

Prisca sic Patrum monumenta
narrant,

Templa testantur spoliis opimis
Clara, votivo repetita cultu
Festa quotannis.

En novi grates liceat MARIÆ
Canticis lætis modulis referre,
Pro novis donis resonante plausu
Urbis et orbis.

Te per æternos veneremur annos,
Trinitas summo veneranda plausu:
Te fide mentes, resonoque linguæ
Carmine laudent. Amen.

Ad Magnific. ant. Ecce MARIA
erat spes nostra, ad quam confugi-
mus in auxilium, ut liberaret nos,
et venit in adiutorium nobis, allel.
alleluia.

Oratio.

Omnipotens Sempiterne Deus,
qui ad defensionem populi Chri-
stiani in Beatissimâ Virgine MARIA
perpetuum Auxilium mirabiliter
constituisti; concede propitius, ut
tali præsidio muniti certantes in vi-
tâ, victoriam de hoste maligno con-
sequi valeamus in morte. Per Do-
minum.

AD MATUTIN.

HYMNUS 263. *Ex offic. prop.*
O felix dies, memoranda fastis,
Quâ Petri sedes fidei Magistrum
Triste post lustrum reducem beatâ
Sorte recepit!

Virgines castæ puerique puri,
Gestiens clerus, populusque grato
Corde Reginæ celebrare cœli
Munera certent.

Virginum Virgo, benedicta JESU
Mater, hæc auge bona: fac preca-
mur,

Ut gregem Pastor Pius ad salutis
Pascua ducat.

Te per æternos veneremur annos,
Trinitas summo veneranda plausu,
Te fide mentes, resonoque linguæ
Carmine laudent. Amen.

Lect. 1. Noct. de Comuni.

IN II. NOCT.

LECTIO 4.

Ex officio prop. hujus festivitatis.
 Præsentissimum Deiparæ auxilium ad Religionis hostes profiligandos, sæpè populus Christianus mirum in modum expertus est: ex quo factum est, ut Sanctissimus Pontifex Pius quintus post insignem victoriam, intercedente Beatissimâ Virgine à Christianis de Turcarum tyranno apud Echinadas Insulas reportatam, in Litaniiis Lauretanis eandem Reginam cœlorum, inter alia præconiz, Auxilium Christianorum appellari constituerit. Tu. ♀.

LECTIO 5.

Sed illud in primis memorabile, est, atque explorati miraculi loco habendum, quod cum Romanus Pontifex Pius septimus, impiorum consiliis et armis ex apostolicâ Petri sede exturbatus, et arctâ custodiâ præsertim Savonæ per annos quinque, eoque ampliùs fuisset detentus, viis omnibus penitus interclusis, ne Dei Ecclesiam regere posset, nullo similis persecutionis in priscis annalibus exemplo, inopinato et præ omnium expectationem contigit, ut ingenti plausu, ac veluti universi Orbis manibus Pontificio solio restitueretur. Quod et secundò accidit, dum iterùm commoto turbine, ab urbe discedens, sacro comitante Cardinalium collegio, Liguriam contendit. Verùm præsentissimo Dei beneficio, cessante procellâ, quæ grave minabatur excidium, Romam, plaudentibus præ novo gaudio populis, reversus est. Tu. ♀.

LECTIO 6.

Ante tamèn, quod in votis habuerat et captivitate detentus exequi nequiverat, aureâ coronâ insignem Savonæ Imaginem Deiparæ Virgini-

nis, sub titulo Matris Misericordiæ, solemnî ritu, propriisque manibus decoravit. Quam mirabilem rerum vicissitudinem idem Pontifex maximus Pius Septimus, totius eventûs intimè conscius, cum intercessionî Sanctissimæ Dei Genitricis, cujus potentem opem, et ipse impensè imploraverat, et ab omnibus Christi fidelibus implorari curaverat, acceptam meritò referret, in ejusdem Virginis Matris honorem sub appellatione Auxilii Christianorum solemne festum indixit perpetuò celebrandum, die mensis Maji vigesimo quarto, faustissimi sui in urbem reditûs anniversario, approbato etiâ Officio proprio, ut tanti beneficii distincta et perennis extet memoria, et gratiarum actio. Tu. ♀.

IN III. NOCT.

Lectio S. Evangelii secundum Lucam.

LECTIO 7. c. 11. 27.

In illo tempore: Loquente JESU ad turbas extollens vocem quædam mulier de turbâ, dixit illi: Beatus venter, qui te portavit. Et reliq.

Homilia S. Bernardi Abbatis.

In Nativitate B. V.

Intuere, ô homo, consilium Dei, agnosce consilium sapientiæ, consilium pietatis. Cœlesti rore aream rigaturus, totum vellus priùs infudit. Redempturus humanum genus, pretium universum contulit in MARIAM. Altius ergò intuemini quantò devotionis affectu à nobis eam voluerit honorari, qui totius boni plenitudinem posuit in MARIA: ut proinde, si quid spei nobis est, si quid gratiæ, si quid salutis ab eâ noverimus redundare, quæ ascendit delitiis affluens. Tu. ♀.

LECTIO 8.

Totis ergò medullis cordium, totis

præcordiorum affectibus, et votis omnibus MARIAM hanc veneremur, quia sic est voluntas ejus qui totum nos habere voluit per MARIAM. Hæc, inquam, voluntas ejus est, sed pro nobis. *Lect. 9.* In omnibus siquidem et per omnia providens miseris, trepidationem nostram solatur, fidem excitat, spem roborat, diffidentiam abigit, erigit pusillanimitatem. Tu.

LECTIO 9.

Commemoratio B. V. Gidlensis.

Gumpenberg. 541.

Gidli pago ad ripam fluvii Varta in Polonia, anno millesimo quingentesimo decimo quinto, quidam Joannes Cirkhek invenit inter arandum Statuam Deiparæ jacentem inter glebas, luce tamen insolitâ circumfusam, digito non altiore, è lapide elaboratam, quâ adoratâ ausus est è terrâ levare. Domum reversus, muneris loco conjugi eam fert: quæ telâ mundâ eam involvit, et in arcam reponit, oblivioni traditam. Cæcitas amborum fuit neglectæ Statuæ prænâ. Sed Deiparam ex arcâ splendidâ luce coruscantem eorum famula conspiciens, conjugibus miraculum nuntiat. Res vero Parrocho nuntiata est, qui statuam templo intuli jussit, et vix egressa domo, cæci visum recepere. Statua è templo in agrum rediit, ubi prius columnam pientiores erexere, deindè Sacellum, et tandem justæ magnitudinis templum. Adsunt miracula ritè ab Episcopo probata: inter hæc quadraginta mortuorum excitationes ad vitam variis causis extinctorum. Tu.

Te Matrem.

AD LAUDES.

HYMNUS 264. *Ex Offic. prop.*
Te Redemptoris, Dominiquæ nostri
Dicimus Matrem, speciosa Virgo,

Christianorum decus, et levamen
Rebus in arctis.

Sæviant portæ licet infernorum,
Hostis antiquus fremat et minaces,
Vt Deo sacrum populetur agmen,
Suscitet iras.

Nil truces possunt furia nocere
Mentibus castis, prece quâ vocata
Annuens Virgo fovet et supremo
Robore firmat.

Teper æternos veneremur annos,
Trinitas summo veneranda plausu,
Te fide mentes, resonoque linguæ
Carmine laudent. Amen.

Ad Benedict. ant. Ad te, ò Sancta Dei Genitrix, clamavimus, et per te venit Domini auxilium nobis, alleluia, alleluia.

CANON.

Ex Decreto Sacrorum Rituum
Congregationis.

16. Sept. 1815. Urbis et Stat. Eccl.
Man. eccl. 437.

510. Ad grati animi reddendum perenne testimonium Gloriosissimæ Virgini Mariæ, quæ insperato sibi et populo fideli in auxilium venit, Pius papa Sextus peculiare Festum instituit in ejusdem Beatæ Virginis honorem peragendum tum in Urbe, tum in toto Ecclesiastico Statu sub titulo Auxilium Christianorum die vigesimâ quartâ Maji, signatâ quidem Pontificis regressu ad Petri sedem. Tu.

IN II. VESPER.

HYMNUS 265. *Ex offic. prop.*
Tanta si nobis faveat Patrona,
Bellici cessat sceleris tumultus
Mille sternuntur, fugiuntve turmæ,
Mille cohortes.

Tollat ut sancta caput in Sione
Turris, arx firmo fabricata muro,
Civitas David, clypeis et sacri
Milite tuta.

Virgo sic fortis Domini potenti
Dextera, cœli cumulata donis,

A piis longè famulis repellit
Dæmonis ictus.

Te per æternos veneremur annos,
Trinitas summo veneranda plausu;
Te fide mentes, resonoque linguæ
Carmine laudent. Amen.

DIE XXV. MAJI.

D. V. MESSANEN. A SCALIS.

Semiduplex.

IN I. NOCT.

De libro primo Regum.

LECTIO 1. c. 6. 1.

Fuit ergò arca Domini in regione Philisthinorum septem mensibus. Et vocaverunt Philisthiim Sacerdotes et divinos, dicentes: quid faciemus de arcâ Domini? Qui dixerunt: Si remittitis arcam Dei Israel, nolite dimittere eam vacuum, sed quod debelis, reddite ei pro peccato, et tunc curabimini: et scietis, quare non recedat manus ejus à vobis. Tu. ꝑ.

LECTIO 2.

Nunc ergò arripite et facite plaustrum novum unum: et duas vaccas fœlas, quibus non est impositum jugum, jungite in plastro, et recludite vitulos earum domi. Tolle-tisque arcam Domini, et ponetis in plastro, et vasa aurea, quæ exsolvistis ei pro delicto, ponetis in capsellam ad latus ejus: et dimittite eam ut vadat. Et aspicietis. Tu. ꝑ.

LECTIO 3.

Fecerunt ergò illi hoc modo: et tol-lentes duas vaccas, quæ lactabant vitulos, junxerunt ad plaustrum, vitulosque earum concluserunt domi. Et posuerunt arcam Dei super plaustrum, et capsellam, quæ habebat mures aureos, et similitudines anorum. Ibant autem in directum vaccæ per viam, quæ ducit Bethsames, et itinere uno gradiebantur pergentes et mugientes: et

non declinabant neque ad dexteram, neque ad sinistram: sed et satrapæ Philisthiim sequebantur usque ad terminos Bethsames. Et plaustrum venit in agrum Josue Bethsamitæ, et stetit ibi. Tu. ꝑ.

IN II. NOCT.

LECTIO 4.

Octav. Cajet. de Effig. siculis.

Anno millesimo ducentesimo vigesimo, Rege Siciliae Friderico, secundis ventis navigium appulit Messanam ex Palestinae regionibus, in quo sacra Virginis Imago in tabulâ depicta servabatur. Verum simul ac mercatores res suas Messanæ transegere, sublati ancoris vela omnia ventis explicant, sed perindè ac mille funibus revinceretur navis, immobilis in modum scopuli lærebat. Undè, aliis adhibilis frustrâ mediis, ut eam moverent, arbitrati sunt Virginis Effigiem, quam ferebant Messanam sibi sedem deligere: quare ne Virgini obsisterent, rem aperiunt Præsuli, et ille Regi, et jam per urbem sparso miraculo, ad littus solemnî pompâ proceditur, et sanctam Effigiem summâ cum reverentiâ capiunt. Navis verò sacro pondere levata, illicò progredi visa est. Tu. ꝑ.

LECTIO 5.

Beata autem Imago, quo primùm in loco prope littus sita fuit, ibi adeò fixa stetit, ut nulla vi, nulloque pacto moveri potuerit. Cumque super eâ re consilium haberetur ab Antiste, Rege et Proceribus, decretum de communi sententiâ fuit, ut quemadmodum olim Philisthæi de arcâ Domini fecerunt, itâ prodigiosa tabula in plastro poneretur, relictisque sine duce bobus, quocumquè ducerent, sequerentur. Fecerunt ergò illi hoc modo, et levis jam effecta tabula per

torrentis alveum qui est ad imos colles, super planstrum evecta est: ibi erat templum Sanctæ MARLÆ à Valle, cui cœnobium Virginum adjunctum, quò cum pervenissent boves, fixis pedibus, lætosque emitentes mugilus significare videbantur eum esse locum, quem præpotens Filius dilectæ Matri præparaverat. Tu. ꝑ.

LECTIO 6.

Igitur in illâ æde sita fuit sacra Imago, quæ ædes deinceps sanctissimæ Deiparæ à Scalis dicta fuit, eò quod in eâ Icone scalæ pictæ erant ad latus, perindè quasi significaret veram cœlorum scalam Beatam Virginem esse. Cypri Regina ad hoc cœnobium de scalis multa quæ voverat munera amplissima misit. Francorum Regina ob accepta beneficia à Deiparâ arculam sanctorum reliquiis plenam dono dedit. Nec inter Christianas tantum Reginas hæc Sanctissima Icon culta est, sed ab ipsâ etiã Turcarum Imperatrice donata fuit pretiosissima culcitra ex auro in accepti beneficii memoriam: tantum etiã apud barbaras gentes et infideles Virginis dextera valuit. Tu. ꝑ.

*Homilia de Comm. pro Semidupl.
Vesperæ à Capit. sequentis.*

DIE XXVI. MAJI.

D. V. GENUENSIS DE VINEIS.

*Semiduplex.**Lectio. 1. Noct. de ferid.*

IN II. NOCT.

LECTIO 4.

Gumpenb. Imag. 252.

Sacra et miraculosa Deiparæ Imago, quæ sub de Vineis titulo Genuæ colitur, quia in vineis reperta fuit à quodam Genuensi Canonico, anno millesimo sexcentesimo tertio.

Imagini subscriptus est annus millesimus centesimus sexagesimus tertius, undè perantiqua apparet, etsi origo et artifex nesciatur. Prius sancta Statua in honestâ parte domûs posita, deindè locata fuit in angulo templi, qui sacelli formam ope murariorum accepit. Tu. ꝑ.

LECTIO 5.

In novo Sacello posita, cœpit miraculis clarere. Etenim quamprimum fuere, qui primos honores Virgini ideò primi ambiebant cumulare, ne posteri essent inter eos, quos à Virgine reportaturos beneficia sciebant. Et ipsa Virgo non distulit tot sæculis contractam operire manum, et tam ex corde petentibus plûs penè quàm peterrant largiri. Tu. ꝑ.

LECTIO 6.

Hinc postea ingenuè Genuæ certatum est, quis fabricam amplioribus subsidiis fulciret. Templum quidem ædificatum non fuit: sed ille ipse templi postremus angulus in tam sumptuosi Sacelli formam excrevit, ut ipsi templo, cujus pars erat, æmulum, peregrinos redderet dubios, templum ne, an Sacellum divitiis præstaret. Nequè huic liberalitati Genuenses finem facient, quamdiù Beata Virgo per hanc suam Statuam miracula patrare non desinet. Tu. ꝑ.

IN III. NOCT.

Lectio Sancti Evangelii secundum Joannem.

LECTIO. 7. c. 15. 1.

In illo tempore: Dixit JESUS Discipulis suis: Ego sum vitis vera. Et reliqua.

Homilia S. Bernardi Abbatis.

Tract. de Pass. Dom. c. 1.

Ipso Domino nostro JESU-Christo

adjuvante, videamus quasdam proprietates vitis terrestres, à quibus etiã illius supercœlestis vitis proprietates nominare possumus: nec tantum ea, quæ exterius ad culturam eidem exhibentur, consideremus. Et primo quidem quod plantari solet vitis in terrâ, non seminari, translata de suâ vite: quod ad conceptionem JESU mihi pertinere videtur. Vitis enim primò nata de vite est Deus genitus de Deo, Filius de Patre, coæternus et consubstantialis ei de quo genitus est. Sed ut majorem faceret fructum, plantatus est in terrâ, id est, in Virgine MARIA conceptus, factus quod non erat, manens quod erat. Tu. ¶.

LECTIO 8.

Benedicta terra hæc omnium gentium proferens benedictionem. Verè benedicta, quæ, Deo dante benignantem, tam benedictum protulit fructum. Hæc est terra, de quâ scriptum est: terram non operabatur quisquam, sed irrigabatur à fonte ascendente de paradiso. Terra quippe hæc non accepit operationem humanam, ut conciperetur in eâ Filius Dei, sed aquâ Spiritus Sancti irrigata fuit. Ita enim legis: Spiritus Sanctus superveniet in te, et virtus Altissimi obumbrabit tibi. Tu. ¶.

LECTIO 9.

Rursùm de hæc terrâ scriptum est: aperietur terrâ, et germinabit Salvatore: Aperta quidem fuit per fidem credens et obediens Angelo: germinavitque vitam salutarem, Salvatorem nostrum æternæ vitæ præmia largientem. Hæc itaque vite nostrâ in lucem editâ, quædam proprietates culturæ vitis attinentes adhibita sunt. Tu. Te Matrem.

Vesperæ de sequenti.

DIE XXVII MAJI.

B. V. MATRI DIVINI PASTORIS.

Duplex.

Oratio.

Deus, qui universum mundum inæffabili tuâ providentiâ regis atque gubernas; præsta nobis famulis tuis, ut intercedente Beatissimâ MARIA semper Virgine, quæ virgili custodiâ nos pascit, ab hostibus defensi, et fructus sui dulcedine pasti, ad cœlestem patriam securi perducamur. Per Dominum.

Lectio 1. Noct. de Feriâ.

IN II. NOCT.

Sermo S. Augustini Episcopi.

Serm. 18. de Sanct.

LECTIO 4.

O Beata MARIA, quis tibi dignè valeat jura gratiarum, ac laudum præconia rependere, quæ singulari tuo assensu mundo succurristi perditio? Quas tibi laudes fragilitas humani generis persolvat, quæ solo tuo commercio reparandi aditum invenit? Accipe itaque quascumque exiles, quascumque meritis tuis impares gratiarum actiones: et cum susceperis vota, culpas nostras orando excusa. Tu. ¶.

LECTIO 5.

Admitte nostras preces in sacrarium exauditionis tuæ, et reporta nobis antidotum reconciliationis. Sit per te excusabile, quod per te ingerimus: fiat impetrabile, quod fidâ mente poscimus. Accipe quod offerimus, redona quod rogamus: excusa quod timemus, quia tu Spes unica peccatorum. Per te speramus veniam delictorum, et in te beatissimâ nostrorum est expectatio præmiorum. Tu. ¶.

LECTIO 6.

Ex officio proprio.

Accipe insuper obsequium famu-

lorum tuorum in universo orbe degentium, qui in multismagnisque periculis à te adjuti in grati animi argumentum, et in memoriam beneficiorum defensionis et protectionis hanc tuam festivitatem sub titulo divini Pastoris Matris celebrant, quam Pius septimus Pontifex maximus Etruriæ concessit, et fideles omnes te custodem vigilantem, ac cœlestia pabula suppeditate cognoscant, invocent et revereantur. Tu. ꝑ.

IN III. NOCT.

Lectio S. Evangelii secundum
LUCAM.

LECTIO 7. c. 11. 27.

In illo tempore: Loquente JESU ad turbas extollens vocem quædam mulier de turbâ, dixit illi: Beatus venter qui te portavit. Et reliqua.

Homilia S. Bernardi Abbatis.

In meditatione super Salv. Reg.

Ad te clamamus, ad te verè, quia tu sola Deum genuisti, tu sola interimisti universam hæreticam pravitatem. Ad te certè, quæ levas nos à fecibus peccatorum, quæ nos consolaris in cunnabulis vagientes, lactas parvulos esurientes, clamamus. Quare non clamaremus, Domina, qui vulnera sustinemus, plagas sentimus, qui inimicis undiquè circumdamur? Et clamamus angustiat, miseriis infinitis oppressi. Clamamus cordis anxietate, stomachi vacuitate, doloris acerbitate, aut fortè erga te amoris immensitate. Tu. ꝑ.

LECTIO 8.

Quare enim obdormis, Domina? Surge, adjuva nos. Clamamus etiâ ut nostram manifestemus necessitatem; quia clamare necessitas nos compellit. Quid nos ampliùs affligis? Si multùm tardaveris, vocem ammittam clamando, et ad te am-

pliùs vociferari nequibo. Heu mihi tunc quid faciam, cum nec exaudire me poteris, nec audire? Citò, citò, Domina, subvenias clamanti, ne in manibus deficiam inimici. Tu. ꝑ.

LECTIO 9.

Curre, festina, Domina, et tuum nequissimum et infedilissimum servum ad te clamantem parcendo adjuva, et eripe de manu et periculo tui hostis. Si aliud te alicere, Domina, non deberet nisi quia tuus hostis audet nos servos tuos invadere fraudulentè, deberes ad nos quàm citiùs festinare. Curre, et libera nos, Domina, propter eorum superbiam reprimendam. Curre, ne dicant: ubi est eorum Domina, de cuius clementiâ confidebant? Tu. Te Matrem.

CANON.

Ex S. Cyrillo Ep. Alexandrino.

Homil. Ephes. dict.—Concil.

Tom. 6. p. 220.

511. Apparuit nobis unigenitum Dei Verbum Pastor ille bonus, et Agnus verus, quem Sancta Dei Genitrix, et nupliarum expers MARIA è virgineis visceribus nobis peperit. Tu.

Vesperæ à Capit. de sequenti.

DIE XXVIII. MAJI.

DEDIC. ECCLESIAE ILLERDENSIS.

Duplex.

IN I. VESPER.

CAPITULUM. 2. Reg. 6. 2.

Surrexit David, et universus populus, qui erat cum eo, ut adducerent Arcam Dei, super quam invocatum est nomen Domini exercituum, sedentis in Cherubim super eam.

HYMNUS 266.

Salla.

Ædes hæc Domino sacra, fidelium Illerdæ, celebrans quam, pia concio, Solemni reboet pulsa sonoribus

Grates rite canentium.

Augustâ, recolis, quâ ceremonia
Christi sub titulo Matris ad æthera
Evectæ fuerit chrismate roscida

Dio dedita cultui.

Hæc qua magnificè structa pa-
ræcias

Princeps in varias munere regio
Mystarchæ eximiis fœdere perpeti
Nupsit compta decoribus.

Hûc qua in Davidicam sicuti re-
giam

Prisca ex hospitiis Obededomicis
E laurentiaco vecta Sacratio

Sit pacti Arca novissimi.

Ergò quàm locus hic suspicien-
dus est!

Excelsi Domus hæc: Janua cœlica:
Nunquàm supplicibus clausa roga-
tibus

Dicæ curia gratiæ.

Hic quæ desiderat cumque sa-
lubria

Orans prociduus qui petit, impetrat;
Qui pravus veniam; qui probus
exitum;

Pacem quilibet anxius.

Te Patris, Geniti, Flaminis unica
Collaudet, Deitas Trinaque per-
petim,
Admiranda triplex, unaque ma-
china

Tellus, Pontus, et Æthera.

Amen.

†. Dilexi decorem domûs tuæ.

‡. Et locum habitationis gloriæ
tuæ.

Ad Magnif. ant. Cumque tulis-
set David Arcam de domo Abina-
dab, divertit eam in domum Obe-
dedom; et habitavit Arca Domini
in domo Obededom tribus mensi-
bus, et benedixit Dominus Obede-
dom et omnia ejus propter Arcam
Dei.

Oratio de Laudibus.

*Tempore paschali additur. allel.
juxta Rubric.*

AD MATUTIN.

Invitor. Domum MARIE decet
sanctitudo: * Christum ejus Filium
adoremus in eâ.

HYMNUS 267. *Salla.*

Hæc die sanctum venerata Herda
Quod Deo templum memorat di-
catum,

Hoc palestini nimum stupendi
Emiret instar.

Eminet reges pariles habendi
Gloriâ auctores; pietas eorum
Sive spectetur, dominata rerum
Sive potestas.

Illius David meritis parare
Prævios sumptus, licet æquus ipse,
Laude condentis caruit cruentus
Belligerator.

Nam creans pacem Deus, eri-
gendæ

Hospitæ pacis domui, parenti
Prætulit natum Salomonâ regem
Pace beatum.

Voce sic Quinti vanuit Philippi
Hujus edendi studium, vel æquâ
Hostico cincti madidâ cruore
Tempora lauro.

Structio cujus stabili beandi
Pace Sotêris quasi sit Monarchæ
Filio ipsius Carolo relicta
Pacis alumno.

Gentis hebrææ benè plebs su-
premo

Numini dixit sibi condituræ
Doma cordatæ sobolis Datori
Davide cretæ.

Ergo Herdensis pia plebs eidem
Dic bene, augusto Carolum Phi-
lippo

Quod dedit, per quem laqueata
nostri

Culmina templi.

Summa adoretur Trias, una
Virtus,

Qui Pater, Natus caro factus olim
Nos ob humanos, agiumque Pnæ-
uma

Cuncta creavit. Amen.

IN I. NOCT.

Ant. 1. Viri Cariathiarim deduxerunt arcam Domini, et intulerunt eam in domum Abinadab.

2. Mittamus ad fratres nostros et ad Sacerdotes et Levitas et reducamus arcam Dei ad nos.

3 Et congregatus est omnis populus, ut adduceret arcam Dei de Cariathiarim.

γ. Ingredere in requiem tuam.

ψ. Tu et arca sanctificationis tuæ.

De libro Apocalypsis Beati Joannis Apostoli.

LECTIO 1. c. 21.

Ego Joannes vidi sanctam civitatem Jerusalem novam descendentem de cælo à Deo, paratam sicut sponsam ornatam viro suo. Et audivi vocem magnam de throno dicentem: Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus. Tu.

ψ. Ascendit David et omnis vir Israel ad collen Cariathiarim, * Ut afferret indè arcam Domini Dei sedentis super Cherubim. γ. Et imposuerunt eam super plaustrum novum, tuleruntque eam de domo Abinadab. Ut afferret.

LECTIO 2.

Et absterget Deus omnem lacrymam ab oculis eorum: et mors ultrà non erit, neque luctus, neque clamor, neque dolor erit ultrà, quia prima abierunt. Et dixit qui sedebat in throno: Ecce nova facio omnia. Et dixit mihi: Scribe, quia hæc verba fidelissima sunt et vera. Et dixit mihi: Factum est. Ego sum alpha et omega: initium et finis. Tu.

ψ. Noluit divertere ad se arcam Domini in civitatem David; sed divertit eam in domum Obededom

Gethæi: * Mansitque ibi arca mensibus tribus. γ. Et benedixit Dominus Obededom, et omnem domum ejus.—Mansitque.

LECTIO 3.

Et venit unus de septem angelis... et locutus est mecum dicens: Veni, et ostendam tibi sponsam, uxorem Agni. Et sustulit me in spiritu in montem magnum et altum, et ostendit mihi civitatem Sanctam Jerusalem descendentem de cælo à Deo, habentem claritatem Dei: et lumen ejus simili lapidi pretioso tanquàm lapidi jaspidis, sicut crystallum. Tu.

ψ. Adduxerunt arcam Domini de domo Obededom in civitatem David filii Levi cum gaudio, * Et constituerunt eam in medio tabernaculi, quod tetenderat ei David. γ. Cumque complesset David offerens holocausta et pacifica, benedixit populo in nomine Domini. Et. Gloria. Et.

IN II. NOCT.

Ant. 1. Hæc dicit Dominus: Numquid tu ædificabis mihi Domum ad habitandum?

2. Ipse ædificabit domum nomini meo, et stabiliam thronum regni ejus.

3. Quem dabo pro te super solium tuum, ipse ædificabit domum nomini meo.

γ. Hæc est domus Dei.

ψ. Hoc altare in holocaustum Israel.

LECTIO 4.

Fr. Miquel.

Ecclesia Illergetana abs dubio non longè à primis temporibus nata, nihilominus non nisi sexti sæculi initio suam originem determinatè fingere valuit; in quo in comperto est, Episcopum Andream dictum illam rexisse et gubernasse. Hunc novem Successores sine interruptione

secuti sunt, super eam sederunt, et gregi suo cœlestis doctrinæ panem distribuerunt. Rusticitas ferè feralis Gothorum, necnon Ariana lues, quæ erant infecti, illam verè vexarunt, sed non extinxerunt; immò impavida et immobilis processit sub regimine suorum Pastorum inter turbines et vicissitudines illorum dierum usque ad Islamiticam dispersionem. In hac truculentâ et valdè luctuosâ irruptione Ecclesia Illergetana disparuit: à suâ sede acerbitate persecutionis avulsa exulare coacta fuit, atque extorris et profuga per plurimos dies incedens tandem in Montem-Rotensem se recepit, ibique sedem posuit et munus Episcopale in Diœcesi Illerdensi revixit. Hæc felix instauratio, si inter tot et tam infelices eventus, ita valet appellari, vidit sedentes super solium pontificale tredecim principes, qui servaverunt suum principatum, depositum fidei custodierunt, illudque integrum illæsumque ad posteros traduxerunt. Tu.

¶ Multum sanguinem effudisti, et plurima bella bellasti: * Non poteris ædificare domum Matri meæ, tanto effuso sanguine coram me. †. Qui veniet post te, erit vir quietissimus, et ob hanc causam pacificus vocabitur: ipse ædificabit domum.—Non.

LECTIO 5.

Anno millesimo centesimo quadragésimo noro à Berengario Comite Barcinonensi expugnata et capta fuit Ilerda, et à jugo mauricæ servitutis redempta: qui inter primas curas Basilicam Cathedralē reposuit, quam occupandam et regendam venit illicò Guilielmus Perez, ultimus ecclesiæ Rotensis Episcopus. Hic, à quo incipit ultima Episcoporum series, quæ unâ cum

præsenti qui feliciter tenet ejus gubernacula, enumerat jam sexaginta novem; qui omnes eam suâ dignitate nobilitarunt, suâ doctrinâ illustrarunt, suis operibus ædificaverunt, et suâ firmitate sustinuerunt: ingenti cum gaudio ipsius restitutionem recepit et celebravit. Hæc est Basilica Deiparæ Assumptæ dicata, quæ primo tertio sexti sæculi exorta, aliquoties cursu temporum renovata, et actualis anno millesimo septingentesimo octogésimo secundo consecrata, tredecim jam cucurrit sæcula, et post adeò extensam durationem eadem in suo esse formalis subsistit, quin horridiores tempestates potuerint evellere, immò nec immutare. Undè merito annuatim celebratur solemniter festivitas ejus Dedicationis, et memoria ejus consecrationis recolitur. Tu.

¶ Domus quam ædificari volo Domino, talis esse debet ut in cunctis regionibus nominetur: * Præparabo ergo ei necessaria. †. Et ob hanc causam ante mortem suam omnes præparavit impensas. Præparabo.

LECTIO 6.

Felicia prorsus Encænïa! gratæ enim et peradmodum salutaris Dedicationis ejus templi fit recordatio, quæ in altari principe Ecclesiæ excelso throno visitur. Deipara nempe Virgo, illa irradians Stella matutina, adeò clara et formosa, ut solis fulgor sit sui aspectu vera deformitas, et claritas lunæ obscuritas. Eam mirantur et celebrant cœlites beati, et jubitant omnes filii Dei. Ea est illa mirabilis Creatura, grande divinitatis prodigium meritò appellata, quæ ex masâ infectâ deducta, digna tamen suâ puritate fuit, ut Pater Æternus ipsam in filiam agnosceret; Verbum divinum

in Matrem eligeret, et in Sponsam sibi Spiritus Sanctus assumeret. Ea tandē est illa candida et innocens Columba ante omnia tempora designata, ut templum esset, et sacrarium totius sanctissimæ Trinitatis; quodque in sinu purissimo MARIE invenitur. Undē nihil MARIA dignius, nihil sanctius, nihil perfectius. Opus est quod solus Opifex supergreditur. Tu.

¶. Consurgite, et ædificate sanctuarium Domino Deo, * Ut introducatur arca fœderis Domini, et vasa Domino consecrata in domum, quæ ædificatur nomini Domini. †. Nunc ergo prospera et ædifica domum Domino Deo tuo, sicut locutus est de te.—Ut.—Gloria.—Ut.

IN III. NOCT.

Ant. 1. Suscitavit Dominus spiritum regis, ut ædificaret ei domum.

2. Hæc dicit Rex: regna terræ dedit mihi dominus Deus cœli, et ipse præcepit mihi, ut ædificarem ei domum.

3. Quis ex vobis est in omni populo ejus? Sit Dominus Deus cum eo, et ascendat.

†. Implebo domum istam gloriâ.

¶. Et in loco isto dabo pacem.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier quædam Martha nomine, excepit illum in domum suam. Et reliqua.

Homilia D. Thomæ Archiep. Valentini.

In Assumpt. Conc. 4. p. 2. n. 1. Exposita sit hactenus allegoria historiæ: nunc juxta prothematis sententiam ostendendum, quomodo MARIA optimam partem non solum elegerit, sed præelegerit. Quod sa-

tis erit in aperto, si totum vitæ ejus discursum præ oculis habeamus. Quid enim aliud fuit vita MARIE, nisi jugis et continua contemplatio, fervor devotionis perpetuus, et spiritus incendium non interruptum? Non lego de te, o Virgo beata, miracula et prodigia multa; non longas in expeditione evangelicâ peregrinationes; non eleemosinas copiosas, quia undē eas faceres, non habebas; non ægrotorum curas et captivorum redemptiones; non amplissimas templorum extructuras, et cœnobiurum ditissimas dotationes. Omnis gloria filiæ regis ab intus, in fimbriis aureis. Tu.

¶. Rex decrevit, * Ut domus Dei ædificaretur, et ut ponant fundamenta supportantia altitudinem et latitudinem ejus. †. Sumptus autem de domo regis dabuntur.—Ut domus.

LECTIO 8.

Non quod illi deessent eximia Marthæ officia, tantò utique nostris clariora et excellentiora, quantò præstat, Deo in suâ persona, quàm in famulis deservire: sed hæc Marthæ occupatio ad partes MARIE prosequendas nullum erat sacræ Virgini impedimentum, sicut de ipsâ scriptum est: Ego dormio, et cor meum vigilat. (Lect. 9.) Ac si dicat: exterius quidem dormio officiis occupata, sed interius vigilo semper orationi intenta; ex quo enim in clarissimum divinitatis jubar hæc aquila perspicax et sublimis oculos suos defixit, nunquàm eos ampliùs ad terrena deflexit. Tu.

¶. A me præceptum est quid oporteat fieri, * Scilicet, ut de arcâ Regis, id est, de tributis studiosè sumptus dentur illis, ne impediatur opus. †. Et offerant oblationes Deo cœli, orentque pro vitâ Regis

et filiorum ejus. Scilicet. Gloria.
Scilicet.

LECTIO 9.

Commemoratio B. V. de Butsenit.

Camos l. 5. c. 3.

In regione dictâ Rusea, ubi olim oppidulum ejusdem nominis erat, quatuor ab Herdâ milliariibus, templum Sanctissimæ Virginis de Butsenit etiâ à dissitis populis maxime frequentatur. Imagini, quæ ibidem, bove indice, vix inventa, dignos honores accepit, sacellum ædificatum fuit, quod anno millesimo sexcentesimo quadagesimo secundo sævientibus bellis omnino dirutum unâ cum sacrâ Icone disparuit. Quæ verò (si non eadem) in novo ei excitato satis magnifico templo asservatur, elsi parvula, pulcherima est, JESUM brachio sustinet, et suo insidet throno, è quo ad se confugientibus innumera beneficia liberaliter imperitur. Cæcutientes præcipuè et oculorum quolibet malo affecti eam invisentes, optatum remedium, aliter inutiliter quæsitus, pluriès invenerunt. Tu. Te Matrem.

AD LAUDES

Et per Horas Antiphonæ.

1. Edificaverunt, * construxerunt, jubente Deo, et jubente Rege, et compleverunt domum Dei istam.

2. Fecerunt * autem Sacerdotes Dei et Levitæ Dedicationem domus Dei in gaudio.

3. Et perfecta est * domus in omni opere suo, et in universis utensilibus suis.

4. Complevitque Rex domum Domini, et omnia quæ disposuerat in corde suo ut faceret in domo Domini, et prosperatus est.

5. Audivit Dominus * orationem Regis, et elegit locum istum sibi in domum sacrificii.

CAPITULUM. 2. Reg. 6. 2.

Surrexit David, et universus populus qui erat cum eo, ut adducerent arcam Dei, super quam invocatum est nomen Domini exercituum, sedentis in Cherubim super eam.

HYMNUS 268. *Salla.*

Principis jussu, supremo
Annuente Antistite,
Urbis orthodoxæ Herdæ
Corda mæstus pristinam
Sede mysticâ coruscant
Clerus ædem deserit.

Quem sacram secum Synaxim
Plebs ferentem prosequens
More flet, quo derelictas
Persicos ad fluvios
Abrahamo sati exulantes
Porticus sionias.

Una spes luctus acerbæ
Orbitatis temperat
Regiâ fide Philippi
Nixa templi postmodum
Pro relicto edendi aliis
Haud eidem disparis.

Israelis sic dolorem
Templo ab almo diruto
Rursus hujus construendi
Rege Ciro à persico
E prophetatis recepta
Leniit fiducia.

Jam, Creator alme rerum,
Qui fidem propheticam
Circum per missionem
Præstitisti, quempiam,
Qui fidem præstet Philippi,
Quandò Circum præbeas?

Qui secundus sceptrâ gestat,
Tertius sed nomine,
Ecce plusquam Cirus ille,
Inclutus Philippides
Hoc novæ Herdensis ædis
Conditor placentior.

Nam priori liquit impar
Flenda spectatoribus
Illius recens, at hujus
Oppido præstantior,

Quam velus structura, læta
Exhibet discrimina.

Laus perennis sit Parenti

Laus sit æqua Filio,

Flamini sit compar almo,

Una quæ divinitas

Totius gubernat orbis,

Quæ creavit, omnia. Amen.

†. Fundata est Domus Domini
super verticem montium.

†. Et exaltata est super omnes
colles.

Ad Benedict. ant. Sint oculi tui
aperti super Domum hanc nocte et
die, ut exaudias quodcumque ora-
verint in loco isto, et cum exau-
dieris, propitius eris.

Oratio.

Deus, qui nobis per singulos an-
nos hujus Mariani templi consecra-
tionis reparas diem, exaudi preces
populi tui, et præsta, ut omnes, qui
huc deprecaturi conveniunt, ex
quâcumque tribulatione ad te cla-
maverint, consolationis tuæ bene-
ficia, ipsâ Beatissimâ Virgine in-
tercedente, feliciter consequantur.
Per Dominum.

AD PRIMAM.

*Ant. Edificaverunt. Capit. Surrexit.
de Laudib.*

CANON.

Ex Calixto Papâ Tertio.

*Const. Quamvis ad univers. ann.
1458. asservat. in Ecc. Herd.*

512. Quamvis ad universas or-
bis Ecclesias juxta pastoralis Offi-
cii debitum Apostolicæ dirigamus
considerationis intuitum; tamen
specialius ad Ecclesiam Herdensem,
in quâ dudum in adolescentiâ con-
stituti Canonicatum et Præbendam
recolimus habuisse; ut illius status
jugiter floreat, nostros persæpè dif-
fundimus cogitatus. Tu.

AD TERTIAM.

CAPITULUM. 1. *Esdr. 7. 27.*
Benedictus Dominus Deus patrum

nostrorum, qui dedit hoc in corde
regis, ut glorificaret Domum Do-
mini.

†. *br. de Communi.*

AD SEXTAM.

CAPITULUM. *Aggæi 2. 10.*

Magna erit gloria domus istius no-
vissimæ plusquàm primæ, dicit Do-
minus exercituum: et in loco isto
dabo pacem.

AD NONAM.

CAPITULUM. 1. *Mach. 4. 56.*

Fecerunt Dedicationem Altaris die-
bus octo et obtulerunt holocausta
cum lætitiâ, et Sacrificium saluta-
ris et laudis.

*In II. Vesper. ant. de Communi,
à capit. sequentis.*

DIE XXIX. MAJI.

SS. LACTIS ET ALIARUM RELIQUIARUM B. V.

Duplex.

Lect. 1. Noct. de ferid.

IN II. NOCT.

LECTIO 4.

Balingh. Kal. mar. die 28. Maj.
Gaudent Veneti duobus præclaris
virginei MARIÆ lactis pignoribus,
quorum quidam alterum eò Con-
stantinopoli transmissum cum aliis
pluribus reliquiis, Ducis Henrici
temporibus, et in Parrochiali San-
cti Prophetæ Simeonis æde am-
pullâ reconditum asservatur: alte-
rum videre est in ducali Sancti
Marci Templo simili inclusum am-
pullâ. Tu. †.

LECTIO 5.

Hic verò thesaurus cum insigni re-
liquiarum copiâ tum Salvatoris no-
stri, tum ejusdem Virginis MARIÆ,
et aliorum Sanctorum relectus fuit
anno millesimo sexcentesimo deci-
mo septimo in quodam concavo sa-
crarii templi istius pariete. Omnia

autem sacra illa monumenta per vicos civitatis solemnī ritu, eodem anno, Dominicā in vigesimā octavam diem Maji recurrente, in supplicationem educta sunt, quā quidem antehac nulla, aut ad plausum festivior, aut ad splendorem illustrior, aut augustior ad pompam Venetiis fuit conspecta. Tu. ꝑ.

LECTIO 6.

Pegmatē igitur in formam pyramidis erecto, quod attalici panni amictu splendidissimē collucebat, quatuor circumquaque gradibus industriæ assurgentibus, compositis super aureis et argenteis loculamentis, in quibus hæ beatissimæ Virginis reliquiæ collocatæ fuerunt. Primas oblinebat lac Virgineum, deindē rogæ ejus, palli vel cinguli, palmæ, sepulchri particulæ constitutæ, inter quas sibi etiā sedem vindicabant fragmenta loci, tū illius, in quo mysterium Annuntiationis completum fuit, tū illius, quem utero virgineo egressus Redemptor mundi primo suo beavit aspectu. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Homilia S. Cypriani Episcopi et Martyris.

De Nativit. Christi.

Angelica sanè non est credenda ibi ministeria defuisse, nec recesserat à venerabili pectore Matris Spiritus Sanctus, ad verbum Gabrielis elapsus. Possidebat domum suam, et templum, quod sibi consecraverat, adornabat: servabat sacrarium suum, et sanctimonix thalamum honorabat. (Lect. 8.) Lætificabant

consolationes hujusmodi animam benedictam, et tanti habitatoris reverentiā concupiscentiarum ludi-bria abigebant: legem mentis lex carnis non infestabat, rebellio nulla quietem spiritus affligebat. Tu.

Bened. Cujus Reliquias.

LECTIO 8.

Parvulus sugens ubera purā alimoniam utebatur, et fons sacri pectoris defecatum edulium ori mundissimo infundebat. (Lect. 9.) Sed et cor Matris quædam dulcedines, quæ humanum superant intellectum, imbuebant: eratque utrumque mira jucunditas, cum pia sanctæ Matris et devota humilitas, et Sancti Sanctorum immensa benignitas confœderatis affectibus mergerentur. Tu. ꝑ.

LECTIO 9.

Comm. Nostræ Domine Ardentium.

Balingh. Kal. mar. p. 298.

Atrebati Festum nostræ Domine Ardentium, quod inchoatur ipso profesto venerabilis Sacramenti, et Dominicā infra ejusdem octavam solemnē admodum est, sacro cereo subter augustum conopeum ad summam Ædem Virginis, committantibus primoribus urbis, delato, ac fusâ ibi prece, suum in locum pari pompâ relâto. Fuit autem hic sacer cereus anno millesimo ducentesimo nonagesimo quinto à Virgine Matre duobus Histrionibus Itherio, et Normanno traditus ad curandos eos, qui igne sacro incensi erant, epotâ aquâ, in quam ex illo guttæ aliquot stillaverant. Atque ipso statim dati pignoris initio centum quadraginta quatuor ab isto igne sacro statim sanati sunt. Gaudet tamē isto privilegio cereus iste sacer, ut quantumlibet accendatur, nunquam minuatur. Tu. Te Matrem.

Cum secundis Vesper.

DIE XXXI. MAJI.

D. V. MESSAN. AB ALTO.

Simplex.

LECTIO 1.

Octav. Cujet. de Effig. sicularis.

Messanæ in Sicilia in colle caperina dicto ædificata erat, in qua duo religiosi viri vitam austeram agebant. Horum alteri, qui Nicolaus appellabatur, Diva Virgo per quietem visa præcepit, ut primâ luce Messanensem Magistratum adiret, suoque nomine diceret, ut eo in loco templum sibi ædificaret sub titulo Sanctæ MARIE ab Alto. Sed expectatus Nicolaus, nullâ illis fide habitâ, ad Magistratum ire neglexit, quare sequenti nocte sub iratu vultu ei apparuit, increpuitque, et dedit ei signum hoc, ut à Magistratibus crederetur: Sub meridiem nitidissimam columbam è cælo devoluturam, quæ tantum spatii volatu suo circumscribet, quantum templi amplitudinem volo. Tu. ꝑ.

LECTIO 2.

Nicolaus igitur, ut illuxit, ad juratos Patres accurrit, et visionem illis enarrat, qua propter Magistratus ad montem conductâ horâ conscendunt cum ingenti populo: et ecce meridiano tempore, delapsa columba areâ Virginis templum describit, et iterum transvolat in sublimem. Mox apertis fundamentis, Regina. Constantia cum regio comitatu, cunctis propriis manibus ad Regine exemplum lapides comportantibus, Capperinæ Montem conscendit primumque ipsamet, quem tulerat, in fundamenta lapidem jecit: subinde reliqua hominum ac mulierum multitudo sua quisque saxa coniecit, tantusque fuit omnium ardor, ut brevi templum confectum est. Extat hæc historia in eodem templo in tabellâ descripta

à Matthæo Rubino Messanensi Notario regio. Tu. ꝑ.

LECTIO 3.

Commemoratio B. V. Nicopæiæ.

Gumpenb. Imag. 29.

Nicopæiam, id est, victoriosam Virginis Deiparæ Imaginem, Divi Lucæ opus, jam dudum in Palatii Constantinopolitani sacrario servarunt Imperatores Orientis, ne multo à corde suo abesset thesaurus. Nunquam illi sine hac in hostes ibant, certi semper indubitatæ victoriæ. Ea propter adjutricem invictam, belli sociam appellarunt. Fuit Oriente Diva Nicopæia pluribus sæculis, dum denique ad Occidentem Dandalus Venetorum Princeps eam deduxit. Venetiæ urbs obviam tantæ Patronæ effusa, mare implevit navigiis, et post mille triumphales lætitiis ducali Sacello illata est. Sed erecto demum magnifico altari, ut publico benè esset, in Divi Marci templo est reposita, ubi ingentibus beneficiis maximè claret. Tu. Te Matrem.

Vesperæ de sequenti.

FESTA JUNII.

DIE I.

SPECIOSITATIS B. M. V.

*Duplex.**Oratio.*

Majestatem tuam, Omnipotens Deus, supplices deprecamur, ut qui, exultantibus animis, beatissimæ semperque Virginis MARIE Speciositatem celebrare gaudemus, ejus gloriosis precibus et meritis ab instantibus malis, et à morte perpetuâ liberemur. Per Dominum.

Lect. 1. Noct. de ferid.

IN II. NOCT.

Ex verbis V. Viri Idiotæ in Contemplatione Beatæ Virginis. c. 3.

LECTIO 4.

Speciositas tua Beatissima Virgo MARIA designatur per septuplicem speciem, quæ in sacrâ Scripturâ invenitur. Est namque species olivæ, de quâ legitur: quasi oliva speciosa in campis. Est species columbæ de quâ canitur: vidi Speciosam sicut columbam. Est species cœli, de quâ legitur: species cœli cum visione gloriæ. Est species ignis in nocte, de quâ scribitur: operiebat tabernaculum, quasi species ignis. Est species arcûs de quâ scribitur: vidi arcum, valde speciosus est. Est etiâ species solis de quâ legitur: est enim speciosior sole. Tu.

¶. Vidi Speciosam sicut columbam ascendentem desuper rivos aquarum: * Cujus inæstimabilis odor erat nimis in vestimentis ejus, alleluia, alleluia. †. Et sicut dies verni circumdabant eam flores rosarum, et lilia convallium. ¶. Cujus.

LECTIO 5.

Species olivæ consistit inter cætera in viroris amænitate. Sic tua species, ô Beatissima Virgo MARIA, consistit inter alia in fidei sinceritate. Species columbæ consistit in simplicitate, pulchritudine oculorum; colorum mutatione et varietate circa collum. Sic, ô Beatissima Virgo MARIA, species tua consistit in humilitate, in pulchritudine sanctorum cogitatum, et doctrinæ varietate, quæ in collo intelligitur, quia doctrix fuisti doctorum, et Magistra apostolorum. Species Libani consistit in continuâ virgultorum sæcunditate, et delectabilem florum candore, et significat candorem tuæ sæcundæ Virginitatis. Species cœli est in visione gloriæ, et significat in te contemplationis sublimitatem. Tu.

¶. Speciosa facta es, et suavis in deliciis tuis, * Sancta Dei genitrix, allel. allel. †. Quasi oliva speciosa in campis, et quasi platanus exaltata juxta aquam in plateis. — Sancta.

LECTIO 6.

Speciositas ignis consistit in ardore et splendore. In te autem, ô Beatissima Virgo MARIA fuit ignis charitatis ardens, et splendens ante Deum, et nos miseros peccatores protegens. Arcus cœlestis fit ex radiis solis in humidâ nube, et significat Incarnationem Filii tui superbenedicti in te. Species solis consistit in splendentium radiorum emissionem, et significat in te, advocata nostra Virgo MARIA, largam gratiarum effusionem in omnes, qui se convertuntur ad te, quæ es sole speciosior, et emissionem gratiarum sæcundior. Tu.

¶. Ave MARIA, speciosior sole, speciosior igne: * Decor Carmeli et Saron, allel. allel. †. Ista est speciosissima inter filias Jerusalem. — Decor. — Gloria. — Decor.

IN III. NOCT.

Lectio S. Evang. secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ cui Nomen Nazareth, ad Virginem desponsatam viro, cui nomen erat JOSEPH. Et reliqua.

Homilia S. Hesichii Presb. Jerosolymitani.

Orat 2. in SS. Deipar.

Jure proculdubio omnis grati animi lingua salutat Virginem et Deiparam, ac pro viribus Gabrielem Angelorum Principem imitatur. Itaque hic quidem dicit ei: Ave: ille verò acclamat: Dominus ex te, eò quod Dominus editus assumptâ carne apparuerit humano generi.

Iste cognominat eam matrem lucis: ille stellam vitæ: alius Dei thronum appellat: alius templum majus cælo: alius cathedram non inferiorem cathedrâ cherubicâ. Tu.

¶ Vide arcum et benedic eum qui fecit illum: * Valdè speciosus est in splendore suo. †. Ego quasi arcus refulgens inter nebulas gloriæ.—Valdè.

Bened. Cujus Speciositatem.

LECTIO 8.

Alius item hortum non seminatum, fertilem, incultum, vitem uvarum feracem, valdè florentem, intactam, turturem mundam, columbam impollutam, nubem pluvias incorruptas continentem, speciemem cujus gemma sole splendidior, fodinam, undè prodit lapis totam terram tegens, à nullo incisus: navem mercibus refertam, nulloque egen-tem gubernatore, thæsurum locuplantantem. Tu.

¶ Pulcritudo ejus species cæli in visione gloriæ, sol in aspectu, * Species cæli, gloria stellarum allel. allel. †. Amica mea, columba mea, speciosa mea.—Species. Gloria. Species.

LECTIO 9. *Si transferatur.*

Alii similiter lucernam oris exportam, quæ à se ipsâ jugiter ardeat: arcam arcâ Noe latiore, longiorem, illustriorem: illa erat animalium arca, hæc autem arca vitæ: illa corruptibilium animantium, ista verò vitæ incorruptibilis: illa ipsum Noe, hæc verò ipsius Noë factorem portavit: illa duas et tres contignationes et mansiones habebat, hæc autem universum Trinitatis complementum: quando quidem et Spiritus Sanctus adveniebat, et hospitabatur, et Pater obumbrabat, et Filius utero gestatus inhabitabat. Tu.

LECTIO 9:

Commemoratio B. V. Legionensis de Regulâ.

Gump. Imag. 51.

Statua Beatæ Virginis de Regulâ, quam pietas Hispanorum, Mauris Hispaniam vastantibus, eorum furori subduxit, subque terrâ abscondidit, inventa fuit anno millesimo trecentesimo trigesimo tertio, à quodam Canonico Regulari Cathedralis Legionensis, ipsâ Deiparâ eidem locum indicante. Admota igitur cespite, reperta fuit Sanctissima Imago, cui sine morâ structum fuit templum et juxta templum cœnobium pro Canonicis regularibus, qui sacrum celebrarent: Deniquè locus omnis cessit cum sacrâ Statuâ Sancti Augustini Eremitis. Hanc Imaginem Deiparæ Hispani pietate suâ itâ piam fecerunt, ut hodiè inter maximè prodigiosas totius regni, totiusque orbis Christiani haberi possit. Tu. Te Matr.

CANON.

Ex D. Thomâ Aquinate.

Serm. de Ann.-ap. Camôsl. l. 3. c. 5.

513. Beata Virgo est speciosa, gratioſa, gloriosa. Speciosa propter candorem Virginitatis, ruborem charitatis, rectitudinem sanctitatis et benignitatem humilitatis; propter flores desiderabilium morum, propter pulcherrima folia dulcium verborum. Tu.

Cum II. Vesp.

DIE III. JUN.

SEPT. VERBORUM B. M. V.

Duplex majus.

In 1. Vesp. Capit. et orat. de Laud.

AD MATUTIN.

IN I. NOCT.

De Epistolâ Catholicâ Beati Jacobi Apostoli.

LECTIO 1. c. 1. 19.

Scitis fratres mei dilectissimi, sit autem omnis homo velox ad audiendum, tardus autem ad loquendum, et tardus ad iram. Ira enim viri iustitiam Dei non operatur. Si quis autem putat se religiosum esse non refrænans linguam suam, sed seducens cor suum, hujus vana est religio. Tu. ¶.

LECTIO 2. c. 3. 2.

Si quis in verbo non offendit, hic perfectus est vir. Potest etiam fræno circumducere totum corpus... Linguam autem nullus hominum domare potest: inquietum malum, plena veneno mortifero. In ipsâ benedicimus Deum et Patrem: et in ipsâ maledicimus homines, qui ad similitudinem Dei facti sunt. Tu. ¶.

LECTIO 3.

Ex ipso ore procedit benedictio et maledictio. Non oportet, fratres mei, hæc ita fieri. Nunquid fons de eodem foramine emanat dulcem et amarâ aquam? Nunquid potest, fratres mei, ficus uvas facere, aut vitis ficus? Sic nequæ salsa dulcem potest facere aquam. Quis sapiens et disciplinatus inter vos? Ostendat ex bonâ conversatione operationem suam in mansuetudine sapientiæ. Tu. ¶.

IN II. NOCT.

Ex verbis S. Bonaventuræ Ep. in Speculo B. Virginis. c. 6.

LECTIO 4.

Invenimus in Evangelio septem mellifluas sententias, de mellifluis **MARIE** labiis distillantes, et mellifluam labiorum ejus gratiam optimè indicantes, juxta illud canticorum: Favus distillans labia tua. Septem mellis stillæ sunt septem verba dulcissima **MARIE**, quæ ad Angelum, ad hominem et ad Deum

legitur habuisse. Duo ad Angelum; duo ad hominem et tria ad Deum. Tu. ¶.

LECTIO 5.

Ad Angelum **MARIA** habuit verbum castitatis, et verbum humilitatis. Verbum castitatis, quandò Angelo respondens dixit: Quomodò fiet istud, quoniam virum non cognosco? Verbum autem humilitatis, quandò Angelo humiliter respondens dixit: Ecce ancilla Domini: fiat mihi secundum verbum tuum. Item ad hominem habuit verbum charitatis, et verbum veritatis. Verbum charitatis, quandò matrem Præcursoris tam affectuosè salutavit, quòd etiam infans in utero ejus exultavit. Verbum veritatis, quandò deficiente vino ministro dixit: quodcumque dixerit vobis, facite. Tu. ¶.

LECTIO 6.

Habuit autem **MARIA** ad Deum verbum gratulativum, querulativum, et compassivum. Verbum gratulationis **MARIA** ad Deum habuit in labiis, quandò pro eo quod Deus humilitatem suam respexit, dixit: Magnificat anima mea Dominum. Verbum querulationis, quandò Filio, per triduum amisso, dixit: Fili, quid fecisti nobis sic: Pater tuus et ego dolentes quærebamus te. Verbum compassionis, quandò in nuptiis Filio dixit: Vinum non habent. Tu. ¶.

IN III. NOCT.

Lectio Sancti Evangelii secundum Matthæum.

LECTIO 7. c. 12. 34.

In illo tempore: Dixit **JESUS** Pharisæis: ex abundantia cordis os loquitur. Et reliqua.

Homilia S. Bernardini Senensis.

De sept. Verb. B. V. M.

Quis inter puros homines melior

homo potest excogitari, quàm illa quæ meruit effici Mater Dei, quæ novem mensibus in corde et in utero suo Deum hospitata est? Quis thesaurus melior, quàm ipse divinus amor, quo fornaceum cor Virginis ardens erat? De hoc igitur corde, quasi de fornace divini ardoris Virgo beata protulit verba bona, id est, ardentissimæ charitatis. Tu. *¶*

Bened. 8. Cujus Verba.

LECTIO 8.

Septem verba tantum miræ sententiæ, et virtutis à Christi benedictissimæ Matre leguntur dicta, ut mysticè ostendatur ipsam fuisse plenam gratiâ septiformi. Cum Angelo bis tantum locuta est. Quomodo fiet istud, quoniam virum non cognosco? et, ecce ancilla Domini, fiat mihi secundum verbum tuum. Cum Elizabeth bis etiam, scilicet primò illam salutando, secundò laudando, cum ait: Magnificat anima mea Dominum. Cum Filio etiam bis: semel in templo: Fili, quid fecisti nobis sic: secundò in nuptiis. Cum ministris semel: quodcumque dixerit vobis, facite. Tu. *¶*

LECTIO 9.

Et in his omnibus semper valde parum locuta est, excepto, quod in laudem Dei, et gratiarum actionem se amplius dilatavit, scilicet, cum ait: Magnificat anima mea Dominum: ubi non cum homine, sed cum Deo locuta fuit. Hæc septem verba secundum septem amoris processus et actus sub miro gradu et ordine sunt prolata, quasi sint septem flammæ fornacis cordis ejus. Distingamus igitur per ordinem has septem flammæ amoris verborum Virginis benedictæ. Prima est flamma amoris separantis: secunda amoris transformantis: tertia amoris communicantis: quarta

amoris jubilantis: quinta amoris separantis: sexta amoris compatiens: septima amoris consummantis. Tu. Te Matrem.

AD LAUDES et AD PRIMAM.

CAPITULUM. *Prov. 12. 14.*

De fructu oris sui unusquisque replebitur bonis: et juxta opera manuum suarum retribuetur.

†. Quàm dulcia faucibus meis eloquia tua, alleluia.

¶. Super mel ori meo, alleluia.

Ad Benedict. ant. Ex abundantia cordis loquitur os: bonus enim homo profert de thesauro cordis sui bona, alleluia, allel.

Oratio.

Præsta, quæsumus, Omnipotens Deus, ut qui septem melliflua verba Sanctissimæ Matris tuæ veneramur, nunquam peccemus in verbo, sed in omnibus, ipsâ intercedente, placeamus. Qui vivis.

Cap. ad Prim. de Laudib.

CANON.

Ex D. Bonaventurâ Episcopo.

Spec. B. V. Lect. 6.

314. Considerate, carissimi, in MARIA gratiam labiorum, de quâ in Psalmo dicitur: Diffusa est gratia in labiis tuis. Tanta siquidem fuit gratia labiorum in MARIA, ut ipsa optimè per Judith signari possit, de quâ dicitur: Non est mulier talis super terram in aspectu, in pulchritudine et in sensu verborum. Tu.

AD TERTIAM.

CAPITULUM. *Eccl. 26. 18.*

Mulier sensata et tacita non est immutatio eruditæ animæ. Gratia super gratiam mulier sancta et pudorata.

AD SEXTAM.

CAPITULUM. *Eph. 4. 29.*

Omnis sermo malus ex ore vestro non procedat: sed si quis bonus ad

ædificationem fidei, ut det gratiam audientibus.

AD NONAM.

CAPITULUM. *Colos. 4. 6.*

Sermo vester semper in gratiâ sale sit conditus, ut scialis, quomodo oporteat vos unicuique respondere.

In 2. Vesper. Cap. et Orat. de Laudibus.

DIE V. JUN.

PERFECTIONIS B. M. V.

Duplex.

Oratio.

Bonitatem tuam, quæsumus, Domine, suppliciter deprecamur, ut qui Perfectionem Sanctissimæ Genitricis tuæ devotè recolimus, ab omnibus mentis et corporis periculis eruamur. Qui vivis.

Lect. 1. Noct. de ferid.

IN II. NOCT.

Sermo S. Bernardini Senensis.

Tom. 1. Ser. 61. c. 9.

LECTIO 4.

Tanta est Beatæ MARIE perfectio, ut ipsa sit consummatio et perfectio totius creaturæ. Omnes enim naturas, et mundi perfectiones ultimâ suâ perfectione Virgo complevit. Deus quidem licet in mundi creatione nihil produxerit imperfectum, sed omnia perfecta sicut eorum exigebat natura, tamen ultimæ perfectionis consummatio usque ad partum Virginis dilatata est, et soli Virgini reservata. Omnia namque entia unum ens nobilissimum appetebant: viventia unum nobilissimum vivens: sentientia unum nobilissimum sentiens: conceptiones unum nobilissimum conceptum: nativitates optimum nascibile; rationalia singularissimum rationale: spiritualia excellentissimum spirituale. Et breviter omnes creaturæ appetebant unum quoddam opti-

mum, purum creatum. Tu. p.

LECTIO 5.

His sic existentibus imperfectis provisum est mundo de unâ feminâ, super omnibus benedictâ, quæ unico suo partu omnibus generibus summam et ultimam perfectionem adduxit. Adverte diligens anima, quæ hæc benedicta Puella tantam perfectionem attulit universo, quod ulterioris perfectionis non est capax. Nec Deus potest ordinariâ potestate ipsum perficere ulteriore perfectione: immò si ipse Pater vel Spiritus Sanctus de feminâ nasceretur, nihil accresceret orbi, quia quidquid nobilitatis, quidquid dignitatis, et quidquid divinitatis est, totum in orbe diffusum est et productum per Virginem in illo æterno supposito, quod generavit beatissima Virgo. Tu. p.

LECTIO 6.

Nec Virgini magnum est, quod perfectionibus orbis ultimam perfectionem adduxit, cum et ipsi universitatis Auctori nonnullas perfectiones adduxerit, puta æterno principio inceptions exordium, eternitati divinæ temporalem periodum, infinitati immensæ quantitatem corpoream, speciei æternæ pulchritudinem novam, pro quibus omnibus scriptum est: omnis consummationis vidi finem, qui scilicet est Beata Virgo. Tu. p.

Homilia de Comm. pro Duplic.

Bened. 8. Cujus Perfectionem.

LECTIO 9.

Commemoratio B. V. Bruxellensis de Victoriâ.

Baling. ex Molano die 5. Junii.
Bruxellæ Commemoratio Sanctæ MARIE semper Virginis, instituta ob gloriosam victoriam, quam hodie apud Werongiam, in Archiepiscopatu Coloniensi, obtinuit Joannes primus, Lotharingæ, Bra-

bantiæ et Lemburgiæ Dux. Erat Werongia prædonum nidus, qui negotiatoribus ac peregrinis plurima inferebant damna. Quare eam Joannes obsedit, ac cepit, et licet decuplo plures essent hostes, obviam tamèn his processit, acerrimèque ipsemet pugnavit, ac post diuturniorem conflictum victor evasit, paucis è suis desideratis, multis verò è parte hostili peremptis. Tu. Te Matrem.

CANON.

Ex Sancto Hieronymo Presbytero.

In Sermonibus B. V. Flores. Patrum.

p. 438.

515. Sicut in comparatione Dei nemo bonus: ita etiàm in comparatione Matris Domini nulla « creatura » invenitur perfecta, quàmvis eximia virtutibus comprobetur. Tu.

Vesperæ à Capitulum sequentis.

DIE VI. JUN.

MANIFEST. S. M. IN COSMEDIN.

Duplex.

Oratio.

Bonorum omnium largitor Deus, qui Genitricis dilecti tui speciosam Imaginem mirâ apparitione clarificare voluisti: concede, quæsumus, ut ejusdem Beatæ Mariæ Virginis intercessionem ad cœlestem patriam feliciter perducamur. Per eundem.

Lect. 1. Noct. de ferid.

IN II. NOCT.

De Epistolâ S. Ignatii Ep. et Martiris ad Trallianos.

LECTIO 4.

Obturate igitur aures vestras, cum vobis quispiam loquitur excludens JESUM—Christum Filium Dei, qui natus est ex David, qui ex MARIA, qui verè genitus est ex Deo, et ex Virgine: verum non simili modo...

Verè genuit igitur MARIA corpus habens in se Deum habitantem, et reverà natus est Deus Verbum ex Virgine, vestitus corpore obnoxio iisdem passionibus nobiscum: verè conceptus est in vulvâ, qui omnes homines in vulvâ fingit, et corpus sibi fecit ex sanguine Virginis, hoc solum excepto, quod nulla viri consuetudo intercesserit. Tu. ¶.

LECTIO 5.

Sermo S. Procli Arch. Constantinop.

Orat. 6.

Hæc Virgo beata est quasi oliva fructifera plantata in domo Domini, ex quâ Spiritus Sanctus Domini corporis ramum accipiens, tempestate jactato humano generi detulit, faustè de cœlo annuntians pacem. Ipsa floridus ac immarcessibilis hortus, in quâ lignum vitæ plantatum universis liberè fructus immortalitatis præbet. Ipsa novæ creaturæ cœlestis globus, in quâ Sol justitiæ nunquàm occidens, omnem ab animâ omni peccatorum mortem fugavit. Ipsa virginum gloriatio, matrum exultatio, Ecclesiæ diadema, rectæ fidei expressa forma, pietatis signaculum, veritatis norma, indumentum temperantiæ, vestis virtutis, justitiæ munitio, sanctæ Trinitatis domicilium. Tu. ¶.

LECTIO 6.

Ex officio proprio.

Imago Beatæ Virginis in Ecclesiâ in Cosmedin collocata in arâ principe, quæ Clemente Papâ decimo sedente, uti constanti traditione accepimus, mirabiliter sacro Pentecostes die publico cultui non reserata, in Missarum solemnibus sacros inter hymnos angelici concentus, seris fractis, ostiolisque magno strepitu patefactis per se visendam adstantibus præbuit. Quibus permotus Clemens Papâ decimus tertius

hanc diem cum Officio et Missâ in honorem Beatæ MARIE Virginis, ut in ejus festo ad Nives, nobis recolendam statuit: Pius verò Papa nonus cum Officio et Missâ propriâ, ut Deiparæ specialis cultus adaugeri valeat. Tu. ʒ.

IN III. NOCT.

Lectio S. Exangelii secundum Joannem.

LECTIO 7. c. 2. 1.

In illo tempore: Nuptiæ factæ sunt in Cana Galilææ, et erat Mater JESU ibi. Et reliqua.

Homilia S. Gaudentii Ep. Brixiensis.

Tract. 1. de Lect. Evang.

Et erat Mater JESU ibi. Ubi? utique apud gentes, nam Beatam MARIAM constat de gente Moabitarum ex Matre traxisse originem. Booz enim genuit Obed ex Ruth, utique illâ muliere Moabitide. Lect. 8. Obed autem genuit Jesse, Jesse genuit David Regem, de cujus semine nascitur JOSEPH, cui desponsa Virgo MARIA ejusdem quippè tribus, quia aliter non licebat, quæ genuit JESUM, qui dicitur Christus. Tu. ʒ.

LECTIO 8. Lect. 9.

Ibi ergò erat Mater JESU: vocatus est autem et JESUS et discipuli ejus ad nuptias. Magnum mysterium pietatis! Ipse qui Sponsus est, invitatur; invitatur autem vocibus Prophetarum, ita præcantium: Domine, inclina celos tuos et descende. Et iterum: excita potentiam tuam, et veni, ut salvos facias nos. Tu. ʒ.

LECTIO 9.

Commemoratio B. V. Parisiensis de Tolerantiâ.

Gumpenb. 706.

Statua Deiparæ Sanctissimæ in templo Sancti Gervasii Parisiis honorabatur. Quidam Calvinista eam ritu carnificum decapitavit. Sed Rex Franciscus indoluit cum ma-

lum factum intellexit, et per præconem mille aureos accepturum promisit, qui reum tanti facinoris detulisset. Intereâ argenteam, sed inauratam Statuam è summo templo, summâ pompâ, quam ipse Rex secutus est, deportavit. Demum hanc decapitatam, aliâ adhuc splendidiore supplicatione in templum S. Gervasii ipse comitatus est. Hos honores Deipara non sine miraculosis beneficiis sibi fieri, nihil dubium, sustinuit. Tu.

Te Ma'trem.

Vesperæ à Capit. sequentis.

DIE VII. JUN.

PATIENTIÆ B. M. V.

Duplex.

Oratio.

Presta, quæsumus, Omnipotens Deus, ut qui virtutem Patientiæ in beatissimâ Virginè devotè recolimus, invicto animo adversa hujus mundi superantes, per patientiam ad propositum robis certamen curamus, et coronam consequamur æternam. Per Dominum.

Lect. 1. Noct. de ferid.

IN II. NOCT.

Sermo Ven. Thomæ à Kempis.

Serm. 24. ad Nov.

LECTIO 4.

Duo confert præcipua bona Sancta Conversatio MARIÆ, ad memoriam sæpè reducta. In bonis et prosperis docet te Deum ex intimo corde laudare, et in adversis patientem permanere. Ipsa sine intermissione Deum pro acceptis beneficiis altissimè laudavit, quæ ab ipso cæteris excellentius accepit. Ipsa in præsuri hujus sæculi mitem se semper exhibuit, et contemptibilia magis quam prospera elegit. Nullum diem sine dolore transiit, nec tamen sine magnâ consolatione inter angustias

fuit. Omnis quippè tribulatio pro Christo suscepta dulcorat et lætificat, et quantò crebriùs quis malorum ictibus feritur, tantò potioribus donis augeri meretur. Doluit namquè vehementèr Virgo beata pro mundi erroribus, et pro multorum malitiis: compassa fuit verè pœnitentibus, et duritèr tentatis. Tu. ♀.

LECTIO 5.

Doluit de perditione pravorum, qui contemnebant audire Verbum Dei: qui potius diligebant mundum, quàm cœlum: et divitias magis quærebant, quàm virtutes veras. Doluit de innocentium oppressione, et violentiâ malignorum: de contemptu pauperum, de elatione superborum, de negligentia divini cultus, et de transgressione cœlestium mandatorum. Et quia mundus totus in maligno positus erat, et pauci ad videndum lumen æternum, quod mundo illuxerat, se disponebant, summæ pietatis Mater compassionum stimulis abundabat. In his patiens se habuit ducens vitam martyrio plenam, fundens lacrymosas preces cum singultibus pro salute animarum. Tu. ♀.

LECTIO 6.

Quod si latius attendere velis, quæ et quanta in persecutione, atque in passione dilecti Filii sui sustinuit, invenies eam nimirum tot amaras potiones ebuisse in vitâ, quot JESUS habuit ætatum momenta, Quando enim passus est JESUS aliquem defectum et abjectionem hominum, et illa non defecit per compassionem? Si doluit, quando JESUM ad horam perdidit, quantum flevit, cum crucifigi et mori vidit? Notum est amantibus JESUM, quia maternus affectus excessit in condolendo generalem devotorum modum. Ideò si experiri gestis vim

doloris in Matre, cogita vehementiam doloris in Virgine. Tu. ♀.

Homil. de Comm. pro Duplic.

Bened. 8. Cujus Patientiam.

CANON.

Ex D. Bonaventuræ Episc.

Spec. c. 6.

316. Dono Patientiæ et æquanimittatis tam impassibilissima fuit in mundo «Virgo MARIA», ut nec minimum impatientiæ vel odii vulnus sentiret... Immo etiâ signum vulneris, signum passionis impatientiæ nec legimus, nec credimus in MARIA quandoquè apparuisse. Tu.

Vesper. à capitul. seq.

DIE VIII. JUN.

SAPIENTIÆ B. M. V.

Duplex.

Oratio.

Præsta, quæsumus, Omnipotens Deus, ut qui devotis mentibus Sanctissimæ Virginis Sapientiam colimus, digna templa Spiritus Sancti effici mereamur. Per Dom.

Lect. 1. Noct. Justi. p. 98.

IN II. NOCT.

Sermo S. Antonini Arch. Florentini.

De B. Virgin. c. 18. §. 1.

LECTIO 4.

Beata MARIA Sapientiam habuit in summo gradu, nam ut dicit Salomon: ubi humilitas, ibi et sapientia. Et Ptolomæus ait: quòd inter sapientes ille sapientior, qui et humilior. Sed beata MARIA humilima super omnes, et secundum regulam datam à Filio: Qui se humiliat, exaltabitur: et quantò magis se humiliat, tantò magis exaltatur. Sed beata MARIA exaltata fuit super choros Angelorum, ergò ipsa fuit humillima, undè et sapientissima. Tu. ♀.

LECTIO 5.

Est autem sapientia quidam gustus

spiritualis primæ veritatis per modum bonitatis. Sed quoad delectationem, quæ reperitur in gustu spirituali, Beata MARIA omnes antecellit. Nam dicit Beatus Gregorius in morali, quod sapientia est donum reficiens mentem spe et certitudine. Sed spes et certitudo, quæ reperitur in Beata MARIA et haberi potest in præsentī, maxima fuit super omnes viatores. Tu. ♀.

LECTIO 6.

Unde sicut esurire iustitiam, quod est bonorum viatorum, et saturari eā, quod est comprehensorum, quasi medium est comedere: ita delectatio gustus spiritualis in Beata MARIA fit per modum comestionis, ad quod facit, quod dicitur in ejus personā. Comedi favum cum melle meo, ut favus comestus sit delectatio ex contemplatione humanitatis Christi, mel ex cognitione Deitatis. Plena igitur fuit sapientiæ gratiā, ut dicere valeat illud: venit in me Spiritus Sapientiæ. Tu. ♀.

IN III. NOCT.

Lectio S. Evang. secundum Lucam.

LECTIO 7. c. 2. 28.

In illo tempore: Ingressus Angelus ad MARIAM, dixit: Ave gratiā plena, Dominus tecum. Et reliqua.

Homilia S. Bonaventuræ Episc.

Specul. B. V. c. 6.

Spiritus Sanctus MARIAM per domum convenientissimè signavit; quā sibi Sapientia increata cum septem columnis septem donorum Spiritus Sancti excellentissimè ædificavit. Quicumque ergo columnas Spiritus Sancti cœperit desiderare, ipse formam columnarum in istā domo poterit invenire, quam pro columnis hujusmodi debet cum magnis desideriis et precibus convivere. Tu. ♀.

Benedict. Cujus Sapientiam.

LECTIO 8.

Similiter quicumque septiformem Spiritus Sancti gratiam adipisci desiderat, ipse florem Spiritus Sancti in Virgine quærat. Per virgam enim ad florem, per florem ad Spiritum in ipso requiescentem pervenimus. (*Lect. 9.*) Per MARIAM ad Christum accedimus, et per Christum gratiam Spiritus Sancti invenimus. Propter quod benè MARIAM alloquens Beatus Bernardus ait: Per te accessum habeamus ad Filium, ò Benedicta, Inventrix gratiarum, Genitrix vitæ, Mater salutis, ut per te suscipiat nos, qui per te datus es nobis. Tu. ♀.

LECTIO 9.

Commemoratio B. V. Viterbiensis ad Gradus.

Gumpenb. 591.

Templum Deiparæ in Urbe Viterbiensi magnificum erexit Cardinalis Capoccius circa annum millesimum ducentessimum vigesimum, quod ideò ad Gradus nominatur, quia per gradus plures ad id ascenditur. Origo autem hujus templi fuit præceptum ipsius Deiparæ, quæ in somnis Cardinali se videndam præbuit, ut templum eo in loco ei strueret. Primum lapidem ipse posuit, ita et ursit opus, ut brevi stetit templum Virgini, toto populo senatuque Viterbiensi approbante, sacrum, quod Patribus Dominicānis amplissimā donatione consignavit. Tu. Te Matrem.

CANON.

Ex D. Bonaventuræ Episcopo.

Spec. B. V. Lect. 7.

517. Si MARIA plena fuit lumine Sapientiæ, quod à sole æterno recepit, priusquā ipsum concepit, quantò plenior fuit, dum huic solem tam mirabiliter concepit, et tam totaliter in se recepit? Tu.

Cum secund. Vesper.

DIE X. JUN.

D. V. PANORMIT. A CATENIS.

Simplex.

LECTIO 1.

Octav. Cajetan. de effigieb. Siculis.

Cum Siciliae regimen Martinus administraret, tres capitis damnati fuerant, et cum ad furcas ducerentur, Virgo Deipara eorum innocentiam commota, suo potenti nutu imbriferis nubibus cœlum obdixit: quare ingens exorta pluvia, fulguribus, tonitruisque horribilibus, cum quisquis ex satellitibus perquireret, quò confugeret, impedimentum fuit, quo minùs illi supplicio fuerint affecti, nam omnes propinquum Sacellum almæ Virginis, cui tunc nomen erat à Portu, quia ad dexteram portûs partem situm erat, subeunt. Tu.

¶. Cum malè tres fuerint Martini tempore regis perducti ad furcas, grandine et imbre pluit. * Misit in hanc MARIE Portûs tunc Virginis ædem damnatos vindex. †. Labitur indè dies.—Misit.

LECTIO 2.

Ex noxii introducti ex ipsomet piissimæ Matris Sacello spem cepere mortis evitandæ: itaque dum ingruit quàm maximè pluvia, fundendis illi precibus operam tradunt. Necesse fuit ob nimiam procellæ vim, et quod reliquum diei fuerat, et sequentem noctem ibi manere: quare, multiplicatâ custodia, additæ sunt miseris catenæ. Sed adfuit magnæ Matris auxilium rectu, et dum custodes somnum capiunt, sine ullo strepitu spontè catenæ omnes cecidere, eodemque ipso temporis momento aperta janua Sacelli, et voces videbantur à sacrâ imagine emitti: abite jam liberi, nec postea timeatis; etenim

annuit meis precibus Filius, quem in ulnis gesto et vos è vinculis eximit. Tu.

¶. Nocte rogant MARIE numen: cecidere catenæ, atque soporatis omnibus, æde meant: * Liberat hos veri Rex conscius. †. Undè Catenæ Virginis hoc templum non sire laude notant.—Liberat.—Gloria.—Liberat.

LECTIO 3.

Liberi illi vadunt, non latebras aut latibuta petentes, sed palàm Virginis beneficium testari per urbem incedunt. Sed rursùs capti, ad præsidem ducuntur, qui ordine et ope Virginis liberali fuissent, intrepidi enarrant. Rei omnes admiratione commoti Martino Regi omnia deferunt. Interea vulgatâ per urbem miraculi famâ, novo erga Virginem ardore succensus populus Panormitanus, ad Deiparæ ædiculam concurrît, multique mortalibus affecti morbis, sani ope Virginis domum rediere. Ipse Rex cum conjuge ad sacram Iconem pergunt, reosque omni supplicio absolvunt. Commutatam deindè nomen sacræ Imagini, et ab exemptis vinculis diva Virgo à Catenis numcupata fuit. Tu.

Te Matrem.

CANON.

Ex Gregorio Papâ Decimoquinto. *Const. Collapsæ regular. §. 2. ann. 1622. Tom. V. p. 4. p. 422.*

518. Fratribus Eremitis Ordinis Beati Augustini Ecclesiam Sanctæ MARIE de Catenâ numcupatam Panormi, quæ per Beneficiatos regi consuevit, cum illius ædibus rectoralibus, ac juribus, ac pertinentiis suis universiis..... perpetuò concedimus. Tu.

Vesperæ de sequenti.

DIE XI. JUN.

DUODEC. PRÆROGATIV. B. M. V.

*Duplex.**Oratio.*

Deus, qui Beatissimam Virginem MARIAM Unigeniti tui Matrem duodecim Prærogativarum diademate coronare dignatus es; concede propitius, ut ipsâ intercedente, in regno gloriæ tuæ coronari mereamur. Per eundem Dominum.

Lect. 1. Noct. Signum magnum. p. 299.

IN II. NOCT.

Sermo S. Bernardi Abbatis.

In Signum magnum.

LECTIO 4.

Quis stellas nominet quibus MARIÆ regium diadema compactum est? Supra hominem est coronæ hujus rationem exponere, indicare compositionem. Nos tamen pro modulo nostræ exuiguitatis abstinentes à periculoso scrutinio secretorum non incongruè forsitan duodecim stellas istas duodecim prærogativas gratiarum intelligere videamus, quibus MARIA singulari-ter adornatur. Tu. R.

LECTIO 5.

Siquidem invenire est in MARIA prærogativas cœli, prærogativas carnis, prærogativas cordis: et si fuerit ternarius iste per quaternarium multiplicatus, habebimus fortè stellas duodecim, quibus Reginæ nostræ diadema præfulget universis. Mihi sanè singularis rutilat fulgor, primò quidem in MARIÆ generatione; secundò in Angelicâ salutatione; tertio in Spiritûs Sancti obumbratione; quartò in Filii Dei inenarrabili conceptione. Tu. R.

LECTIO 6.

Sic et in his quoquè sidereum planè irradiat decus, quod Virginitatis

primiciæ, quod sine corruptione fœcunda, quod sine gravamine gravidâ, quod sine dolore puerpera. Nihilominus etiâ speciali quodam splendore in MARIA coruscat mansuetudo pudoris, devotio humilitatis, magnanimitas credulitatis, Martyrium Cordis. Vestræ quidem sedulitatis erit, singula quæque diligentius intueri. Tu. R.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua.

Homilia S. Bernardi Abbatis.

Super Signum mag.

Quid ergò sydereum micat in generatione MARIÆ? Planè quod ex Regibus orta, quod ex semine Abraham, quod generosâ ex stirpe David. Et in eo quod tam reverentè, atque officiosissimè ab Archangelo salutata est, ut jam in regali solio supra omnes cœlestium ordines regionum exaltatam cernere videretur, et paulò minùs adoraturus feminam, qui solebat ab hominibus hactenùs æquanimiter adorari, excellentissimum nobis nostræ Virginis meritum, et singularis gratia commendatur. Nihilominus fulget etiâ novus ille conceptionis modus, ut non in iniquitate, quemadmodum cæteræ omnes, sed superveniente Spiritu Sancto, solâ et de solâ sanctificatione MARIA conciperet. Tu. R.

Bened. 8. Cujus Prærogativas.

LECTIO 8.

Meritò proinde illam meruit benedictionem, et hanc non amisit: ut longè gloriosior fiat et virginitas ex fœcunditate, et ex virginitate fœcunditas, ac mutuis sese radiis

illustrare hæc duo sidera videantur. Jure etiã illud molestissimum lædium, quo reliquæ omnes gravidæ mulieres laborare noscuntur, sola non sensit, quæ sola sine libidinosâ voluptate concepit. Sic et in partu quàm lucidum est, quòd novâ exultatione novam edidit prolem sola inter mulieres à communi maledicto, et dolore parturientium aliena. Tu. ¶.

LECTIO 9.

Gratissima sanè gemma in diademate micans in capite stella, rubor in facie hominis verecundi. An verò quis putat, quòd hæc carruerit gratiâ quæ gratiâ plena fuit? Pudibunda fuit MARIA: ex Evangelio id probamus. Et manifestas in Virgine ex hæc ipsâ mansuetudine virtus humilitatis illuscet. Nimirum collactaneæ sunt humilitas et mansuetudo, in eo confederatæ qui dicebat: Discite à me quia mitis sum et humilis corde. Martyrium demum Virginis (quam nimirum inter stellas diadematis ejus, si meministis, duodecimam nominamus) tam in Simeonis prophetiâ, quàm in ipsius Dominicæ Passionis Historiâ commendatur. Tu.

Te Matrem.

Ad Benedict. ant. Corona stellarum duodecimerat in capite illius mulieris, quæ amicta sole, et cum lunâ in pedibus in cælo apparuit, alleluia, alleluia.

Cum secund. Vesper.

DIE XII. JUN.

D. V. COLLISPRATI DE QUERCU.

Simplex.

LECTIO 1.

Bolland. Act. Sanctor. T. IV.

Junii p. 846.

Pius quidam rusticus forte invenerat inter purgandam fœnile Domini

sui Iconem Beatissimæ Virginis, efformatam veluti opere anaglypto in cocto lapide sesqui pedali: quam anno millesimo sexcentesimo nonagesimo die duodecimâ Junii reposuit inter ramos annosæ Quercus in prædio Collegii Societatis JESU Montis Pollitiani, quod vulgò appellatur Poggioprado, distatque à civitate his mille passus. Aliquando post idem rusticus secum recogitans Iconem situ deformatam esse, voluit ejus loco substituere aliam, sed pristinam movere non potuit loco suo, etiã adhibitâ vi, cum tamèn nullo retinaculo alligata staret. Tu. ¶.

LECTIO 2.

Permotus aulem Rector Collegii pluribus prodigiis, quibus Beatâ Virgo per suam Imaginem fideli populo prodigabat, cœpit anno millesimo sexcentesimo nonagesimo octavo, mense Junio fabricare Sacellum prope Quercum, ubi stabat Icon: quâ re magis excitatâ circumjecti populi religione, innumera bilis eo convenit turba Augusto sequenti, festo Beatæ MARIE assumptæ, et magnam contulit elemosinarum vim. Intereâ autem dum ædificabatur Sacellum, contingit duarum energumenarum liberatio, et senex quidam rusticus atroci herniâ, quâ prodibant et pendebant intestina, omninò sanatus fuit. Tu. ¶.

LECTIO 3.

Propter hæc et alia innumera beneficia quæ testabantur quotidie afflicti homines se inde auferre, accelerata fuit fabricatio, ac novum Sacellum die vigesimâ primâ Novembris sequentis anni apertum est, cum frequentissimo populi concursu. Inde autem et sacra Icon ibidem perstat, et venerantium pietas crescit, et gratiæ curationum multiplicantur etiã in hominibus

dissitis: atque adeò Romæ et aliis ex locis magis adhuc remotis submissa fuerunt pulcherrima anathemata argentea, aliaque dona magni pretii ad Sanctissimam Virginem **MARIAM** de Quercu, vocari solitam Collis-Prati. Tu. Te Malrem.

Vesperæ de sequenti.

DIE XIII. JUN.

B. M. V. DE DIVINO ADJUTORIO.

Duplex.

Lectio. 1. Noct. de ferid.

IN II. NOCT.

Sermo S. Bernardi Abbatis.

In Deprec. et laud. B. V. M.

LECTIO 4.

Sequimur te, ò Domina, ex totis præcordiis vociferantes ad te: Adjua imbecillitatem nostram, aufer opprobrium nostrum. Vides hanc tunicam pelliceam, quæ nos circumdedit? Tunica Evæ parentis nostræ est, quam ad nos olim misera illa transmisit, et supervestivit carnem filiorum suorum, sicut diploide confusione sua..... Et quis liberabit nos à corruptelâ hujus miserimæ pelliculæ. Gratia Salvatoris nostri Filii tui, Virgo **MARIA**, qui ut infirma nostra tolleret, spontè infirmatus est, et ut mors morti nostræ fieret, innocens pro peccatoribus mortuus est. Tu.

¶ Ubiquè pia, ubiquè misericors, ubiquè adjutorium nostrum: * **MARIA** ubiquè **MARIA** est. ¶ Adjuva nos Domina propter nomen sanctum tuum clamantes ad te jugiter.—**MARIA**.

LECTIO 5.

Et quis tam idoneus, ut loquatur ad cor Domini nostri **JESU-Christi**, ut tu felix **MARIA**, quæ in secretissimis amplexibus amantissimi Filii tui recubas in meridie sempiterno, ejusque familiarissimo collo-

quio cum plenâ cordis lætitiâ perfrueris? Loquere, Domina, quia audit Filius tuus, et quæcumque petieris, impetrabis. Invoca nomen ejus bonum super nos, ut curemur vetustâ hâc leprâ carnis et spiritûs. Exurge virus hoc mortiferum exaninatura, quod de pomi sui reliquiis Eva nobis propinavit, quando succi noxialis gustu ebriata est, et reliquias dimisit parvulis suis. Tu.

¶ Ut adjuvaret nos, omnibus omnia facta est. **MARIA**, * In quâ se fecit hominem, qui fecit omnia. ¶ Data est illi omnis potestas in cælo, et in terrâ ad salvandas gentes.—In quâ.

LECTIO 6.

Te, Domina, exorante, omne jugum nostrum computrescat à facie olei divinæ misericordiæ: renovetur, ut aquilæ juvenlus nostra, ut novi novâ voce novum canticum nobis civibus aggregati illic, ubi nova sunt omnia, jubilum sempiternum celebrantes in cymbalis jubilationis concinamus. Tolle tur hæc crassa nebula ab oculis, ut revelatâ facie gloriam Domini speculantes in immensum illud pelagus divini luminis absorbeamur, et Domini Spiritu ac Deo nostro in vinculis charitatis astricti unum cum ipso efficiamur. Præstet hoc nobis tuo interventu, ò **MARIA** Filius tuus **JESUS-Christus** Deus et Dominus noster, cui laus et gloria, et gratiarum actio in sempiterna sæcula. Amen. Tu.

¶ Humano generi genuit quos Eva dolores, * Curavit genitus, Virgo **MARIA**, tuus. ¶ Auxilium terræ, fulgor, honorque poli.—Curavit.—Gloria.—Curavit.

IN III. NOCT.

Lectio S. Evang. secundum Lucam.

LECTIO 7. c. 1. 28.

In illo tempore: Ingressus Angelus

ad MARIAM, dixit: Ave gratiâ plena Dominus tecum. Et reliqua.

Homilia S. Thomæ Aquinatis.

Opusc. 8. in Salut. Angel.

Ave gratiâ plena: MARIA plena gratiâ extitit quoad refusionem in omnes homines. Magnum est enim in quolibet Sancto, quandò habet tantum de gratiâ quod sufficit ad salutem multorum, sed quandò haberet tantum quod sufficeret ad salutem omnium hominum hujus mundi, hoc esset maximum, et hoc est in Christo et beatâ Virgine. Nam in omni periculo ab ipsâ gloriosâ Virgine potes salutem obtinere. Tu.

¶. Est tibi ventorum et undarum, Virgo, potestas: * Commune imperium cum Patre Mater habes. †. O tu nostra salus, Virgo, tu janua cœli.—Commune.

LECTIO 8.

In omni etiâ opere virtutis potes eam habere in adjutorium, et ideo ipsa ait: In me omnis spes vitæ et virtutis. Sic ergò plena est gratiâ, et excedit angelos in plenitudine gratiæ, et ideo convenienter vocatur MARIA, quæ interpretatur illuminata in se. *Lect. 9.* Undè Isaïæ illi dicitur: Implebit splendoribus animam tuam. Et illuminatio in alios, quoad totum mundum, et ideo assimilatur soli et lunæ. Tu.

¶. Ante oculos ejus mœror, contagia labis, * Ærumnæ, clades, et dolor omnis abest. †. Sis clemens populo, sisque benigna tuo.—Ærumnæ.—Gloria.—Ærumnæ.

LECTIO 9.

Com. B. V. Salernitanæ de Sudore.

Ex Crisogon. discurs. 5. n. 65.

Imago Deiparæ rudo penicillo depicta in pariete cujusdam domunculæ, Salerni in Regno Neapolitano, anno millesimo sexcentesimo undecimo, horâ ante solis occasum pro-

digiosum cœpit sudorem emittere aqueo liquori persimilem. Hujus rei famâ ingens hominum concursus mox est factus, pecuniæque collectâ continuò aded copiosè, ut brevi nobile templum exsurrexerit. Et ne cuius suspicio oboriretur sudorem hunc vel casu, vel naturalitèr, aliâ de causâ profluxisse, ex eo primùm tempore cœpit Imago illa Deiparæ miraculis illustrari. Tu. Te Matrem.

Vesp. à capit. de sequenti.

DIE XIV. JUN.

GLORIÆ B. Mariæ V.

Duplex.

Lect. 1. Noct. fer. occur.

IN II. NOCT.

Ex verbis B. Alberti Magni Ep.
De Laudib. B. V. lib. 4. c. 6.

LECTIO 4.

Gloria MARIÆ in hoc multùm consistit, quod de ipsâ, ab initio sæculi multa non solum dicta sunt, sed etiâ figurata sunt gloriosa. Ipsa enim illa civitas de quâ dicit Psalmus: gloriosa dicta sunt de te, civitas Dei. Nec solum dicta sunt, sed et dicuntur quotidie, et dicuntur usque in æternum. Sed quæ gloriosa? Quòd beatam eam dicent omnes generationes: Christus enim MARIÆ filius ipse heri, ipse hodiè, ipse et in sæcula. Et ipse qui antiquos inspiravit, ut de Matre suâ sub ænigmatibus gloriosa prædicerent. Ipse et quosdam modernos illustrat, ut de eâ gloriosa non taceant, et etiâ usque ad finem mundi super aliquos illustrabit, ut Matris præconio nova semper aliqua superaddant. Tu. ¶.

LECTIO 5.

Multiplex autem est MARIÆ gloria. Gloria MARIÆ Sacerdotalis, et regia generositas. Undè omnis gloria ejus filiæ regis, id est, suæ

filiae David, ab intus. In sanctificatione collata ei sanctitas: undè: Benedicta gloria Domini, id est, MARIA de loco suo, id est, de matris utero. Omnimoda gratiositas. Undè Mulier gratiosa invenit gloriam omnimodae bonitatis, et virtuositatis. Conscientiae plena tranquillitas, quam peccatum non remordebat. Undè gloria nostra hæc est, testimonium conscientiae nostrae. Singularis et vera paupertas. Singularissima humilitas, quam Deus respexit, et adamavit, et meritò ejus ipsam omni virtute et gratiâ adimplevit. Tu. ♀.

LECTIO 6.

Primitiva et fecunda virginitas, salvo flore. Singularis fecunditas. Excellentissima Maternitas. Per ipsam humani generis redempta captivitas, et reparata libertas. Summæ honorificentiae singularis, cum in morte temporalis mortis nexibus non est depressa. Glorificati corporis cum suis dotibus ante diem judicii ei collata felicitas. Supra naturam angelicam exaltata in eâ, sicut in Filio nostra humanitas. Supra totam cœlestem curiam collata ei plenaria potestas. Misericordiae ejus indeficiens æternitas. Nunquam alicui quantumlibet peccatori denegata ejus benignitas. Quomodo misereatur ingratiss, etiâ et indignis benigna studiositas. Ad aspectum ejus in personis innumeris æmulata virginitas. Memoriae ejus apud christianos indeficiens æternitas. Undè non recedet memoria ejus, et nomen ejus requiretur à generatione in generationem. Tu. ♀.

Homil. de Comm. pro Dupl.

LECTIO 9.

Commemoratio B. V. Minoricensis in Monte Tauro.

Gumpenb. 536.

Minor Insula Balearis, Minorica

dicta, in. Monte qui à Tauro nomen habet, Imaginem Deiparae colit valdè miraculosam, quæ in eo monte per taurum à Patribus de Mercede inventa fuit. Ea est lignea tres palmos alta, formâ quæ pietatem conciliat. In eâ specu, in quâ reperta est, templum erectum fuit, temploque adjectæ sunt ædes plures, tùm custodibus loci, tùm peregrinis. Nec desunt miracula, ita ut percelebris Taurensis Virgo evaserit etiâ in Sardiniam et Siciliam. Tu. Te Matrem.

CANON.

Ex D. Bonaventurâ Episcopo.

Spec. B. V. Lect. 6.

519. Gloriosum gloriæ MARIE privilegium est, quod quidquid post Deum pulchrius, quidquid dulcius, quidquid jucundius in gloria est, hoc MARIA, hoc in MARIA, hoc per MARIAM est. Tu.

Vesperæ à capit. sequentis.

DIE XV. JUN.

TEMPERANTIÆ B. M. V.

Duplex.

Oratio.

Deus qui Beatissimam Virginem MARIAM omnium virtutum exercitio sublimasti: concede propitius, ut ejus imitationi jugiter inhærentes, gloriam assequamur æternam. Per Dominum.

Lect. 1. Noct. de feriâ.

IN II. NOCT.

Sermo S. Ambrosii Episcopi.

De Virginitibus, libr. 2

LECTIO 4.

Sit igitur vobis tanquàm in imagine descripta virginitas, vitaque Beatæ MARIE, de quâ velut speculo refulget species castitatis et forma virtutis. Hinc sumatis licet exempla vivendi, ubi tanquàm in exemplari magisteria expressa pro-

bitatis, quid corrigere, quid effugere, quid tenere debeatis, ostendunt. Tu. ꝑ.

LECTIO 5.

Quid ergo exequar ciborum parcimoniam, officiorum redundantiam? Alterum supra naturam superfuisse, alterum penè ipsi naturæ defuisse. Illic nulla intermissa tempora, hic congeminos jejunio dies. Et si quandò reficiendi successisset voluntas; cibus plerumque obviis, qui mortem arceret, non delicias ministraret. Tu. ꝑ.

LECTIO 6.

Dormire non prius cupiditas, quam necessitas fuit. Et tamèn cum quiesceret corpus, vigilaret animus: qui frequentèr in somnis, aut lecta repetit, aut somno interrupta continuat, aut disposita gerit, aut gerenda prænuntiat. Prodire domo nescia, nisi cum ad Ecclesiam conveniret, et hoc ipsum cum parentibus, aut propinquis. Tn. ꝑ.

IN III. NOCT.

Lectio S. Evang. secundum Lucam.

LECTIO 7. c. 1. v. 28.

In illo tempore: Ingressus Angelus ad MARIAM, dixit: Ave gratiâ plena Dominus tecum: Benedicta tu in mulieribus. Et reliqua.

Homilia S. Bonaventuræ Ep.

In Spect. B. V. c. 4.

Vide carissime, quòd MARIA temperatissima fuit per sobrietatem. Ipsa enim est MARIA, cui dicitur: ne timeas, MARIA, invenisti enim gratiam. Nota quod dicitur, invenisti gratiam. Nunquàm MARIA tantam gratiam invenisset, nisi gratia MARIAM in cibo et in potu temperatissimam invenisset. Lect. 8. Non enim se compatiuntur gratia, et gula, quia impossibile est quòd homo simul sit per gratiam Deo gratus, et per gulam ingratus. Bonum est ergo quærere gratiam et

fugere gulam: dicit enim Paulus: bonum est gratiâ stabilire cor, non escis, quæ non profuerunt ambulantibus in eis. Tu. ꝑ.

Bened. 8. Cujus Temperantiam.

LECTIO 8.

Nota etiàm, quod dicitur: ecce concipies in utero. Nunquàm MARIA Deum in utero concepisset, si idem uterus contra Deum crapulosus fuisset, et si uterus ille mero æstuasset, cum venter mero æstans citò despumat in libidinem. Uterus ergò ille, qui Deo incarnato gravidatus est, nunquàm in cibo et potu intemperato gravatus est. Undè Joannes Chrysostomus ait: Comesatrix aut vinolenta MARIA nunquàm fuit. Tu. ꝑ.

LECTIO 9.

Commemoratio B. V. de Vitâ-bonâ.

Camòs l. 7. c. 8.

Deipara Sanctissima sub titulo de Vitâ-bonâ impensè colitur prope Rivipullum in Cathalauniâ in Templo eidem erecto eo in loco, ubi ipsius Imago unâ cum duabus campanis inventa pluribus ab hinc sæculis fertur. Nec una est Divæ Virginis Effigies in hoc templo; nam aliam habet altare princeps, et aliam, scilicet, quæ reperta fuit, aliud in cornu Evangelii. Hac semper miraculosam se ostendit tam in pestiferis cladibus, quam in aeris tempestatibus. Per attactum quòque ejus Rosarii, quod appensus è collo gerebat, pluribus infirmis opitulata est. Te Matrem.

CANON.

Ex D. Bernado Abbate.

Serm. 9. ex parvis.

520. Salutata MARIA tam venerabiliter ab Angelo, non se extulit, quasi quæ ex singulari privilegio benediceretur, sed siluit; et qualis esset insolita hæc salutatio,

secum cogitavit. Quâ in re quid nisi temperans fuit. Tu.

Cum II. Vesper.

DIE XVII. JUN.

SIMPLICITATIS B. M. V.

Duplex.

Oratio.

Omnipotens sempiternæ Deus, fac nos per tuam pietatem in simplicitate cordis ambulare, ut qui hanc virtutem in Beatissimâ Virgine celebramus ad æternam requiem pervenire possimus. Per Dominum.

Lect. 1. Noct. de feriâ.

IN II. NOCT.

Ex verbis B. Alberti Magni Ep.

De laudib. B. V. libr. 4. c. 2.

LELTIO 4.

Ratione simplicitatis comparatur MARIA columbæ, quæ est avis simplicissima. Undè dicit ei Filius: veni, columba mea, in foraminibus petræ. Est autem simplicitas quasi collactanea humilitatis. Simplex est, qui uni rei soli intendit: Undè Psalmus: unam petii à Domino, hanc requiram. Item Lucas: unum est necessarium. Et dicitur simplex, quasi sine plicâ, sine duplicitate. Tu. ¶.

LECTIO 5.

Est autem triplex simplicitas: Vera, ficta, indiscreta. Vera justorum, quæ comitem habet discretionem. Talem habuit Beata Virgo super omnes creaturas. Ficta hypocritarum, qui componuntur secundum interiorem hominem in vultu, gestu, habitu, et hujusmodi, ut credantur religiosi. Indiscreta stultorum, qui sunt, ut columba seducta non habens cor. Solent autem tria incommoda sequi simplicitatem, à quibus per optimè sibi cavet MARIA. Primum est temeritas; quia de facili virgines decipiuntur: undè comparantur columbæ seductæ, ut dic-

tum est. Sed MARIA loco temeritatis habuit prudentiam Spiritûs, quâ benè discernebat esse angelum Dei, cui consentire deberet. Tu. ¶.

LECTIO 6.

Secundum est debilitas: simplices enim de facili cadunt, quia resistere nesciunt. Sed ipsa fuit prudens mulier et fortis, quæ contrivit caput serpentis antiqui. Tertium est timiditas, quâ non audent ardua aggredi. Sed ipsa habuit confidentiam, fidem, et spem certam, quâ Deum credidit de se incarnari, et respondit audaciter et devotè: Ecce ancilla Domini: fiat mihi secundum verbum tuum. Fortitudo autem ejus in hoc apparuit, quod Ezechiel et Daniel, et beatus etiâ Joannes videntes angelos leguntur corruisse. Sed ipsa videns Angelum turbata est, sed non perturbata, et aspectum angelicum sine casu potuit sustinere. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 2. 28.

In illo tempore: Ingressus angelus ad MARIAM dixit: Ave gratiâ plena, Dominus tecum. Et reliqua.

Hom. S. Antipatris Bostrorum Ep.

Orat. de S. J. Bapt. et Salutation.

SS. Deip.

Ave, quæ prima et sola parisi infantem liberum ab execratione. Ave, quæ in mundo parisi vitæ occasionem. Ave, quæ es incorrupta, sed non expers prolis. Ave, quæ salu parisi, sed non fructu. Ave, quæ partûs dolores expectas, qui te minimè invadent. Ave, quæ tuo primo parenti Adamo exhibes defensionem. Ave, quæ fers sine dolore naturæ creatæ fundamentum. Tu. ¶.

Benedict. Cujus Simplicitatem.

LECTIO 8.

Ave, quæ parisi Deum nudum, et

hominem non solum hominem. Ave gratiâ plena, Dominus tecum. Tu es benedicta, quæ execrationis portas solutionem. Tu es benedicta, quæ portas donum sapientiæ (*Lect. 9.*) Tu es benedicta, quæ eum gestas in utero, qui ambulavit in paradiso. Tu es benedicta, cujus sanctum templum fuit venter. Benedicta tu in mulieribus, et benedictus fructus ventris tui, ex quo cum comederit Adam, vincet mundum. Tu.

LECTIO 9.

Commemoratio B. V. de Horto.

Canons l. 9. c. 17.

Sub titulo de Horto, quæ hortus fuit et paradus Spiritûs Sancti hortus conclusus et fons signatus, Deipara Sanctissima, Sacellum habet in Diœcesi Cœlsonensi in aspero monte, ubi ejus quædam Effigies, bove mugitibus suis indice, in horto prope fontem inventa jam à decimo sæculo traditur. Hæc Imago, quæ lignea est, et filium, cujus oscula suscipere videtur, brachio gestat, semper ex tunc et miraculis et fidelium invisionibus celebris fuit. Domum habet hoc Sacellum adjunctam, quæ duobus sæculis cœnobium Ordinis Prædicatorum fuit: nunc verò à Presbyteris sacræ Iconis custodibus inhabitatur. Tu. Te Matrem.

CANON.

Ex D. Hieronymo Presbytero.

De Assumpt. c. 10.

521. Quidquid in MARIA gestum est, totum puritas et Simplicitas, totum gratia et veritas fuit, totum misericordia et justitia, quæ de cœlo prospexit. Tu.

Cum 2. Vesperis.

DIE XVIII. JUN.

D. V. RAVETENSIS DE PLANCTU.

Simplex.

LECTIO 1.

Gumpenb. Imag. 172

Ravetæ in Sabaudia colitur Beata Virgo de planctu. Imaginum suarum unam passa est Deipara objici in spinas. Pastorum quidam audivit cœlestes planctus, sed sive latronum veritus insidias, sive naturæ insolitis non assueta, portentum contempsit, et spineti vicinitatem vitavit: sed vis cœlestis hominem ad eum locum adduxit, in quo, ubi plangentem Deiparæ imaginem conspexit, non ausus prodigium tangere, precibus tamén honorare cepit Virginem in tabulâ. Re autem Patribus Carmelitis relatâ, et sine fide prius acceptâ, fuere tamén Pastorem seculi ad spinetum, audire planctum, et Imaginem inter vepreta abjectam etiâ viderunt. Sublatam indè illi templo suo inferre frustrâ conati sunt, undè factum ibidè è trabibus sacellum fuit. Tu. ✽.

LECTIO 2.

Fuit, qui ex Delphinatu adveniens, auderet Sanctam Iconem auferre, et suo templo, quod in Delphinatu erat, inferre, metu Genevensium hæreticorum. Tulit hoc Virgo, et auferre se sustinuit, nempè ut cum majori portentu rediret; nàm iterum in templo suo reperta est. Crevit intereâ viciniæ totius de tauraturgâ Icone æstimatione, quam Marchio Ciambrensis Sabaudus auxit, quandè paucis post annis templum extruxit, quod à Patribus Carmelitis curatur, et à vicinis catholicis inter thesauros Patriæ numeratur. Tu. ✽.

LECTIO 3.

Comm. B. M. de Monte Filermo.

Gumpenb. 115.

Vallete in Insulâ Melitâ Sanctissimæ Deiparæ Statua colitur, quæ prius in Filermo Monte, undè no-

men habet, è Rhodis uno, sedem habebat, quamdiu Christiani Rhodum habuere. Antiquissimam esse constat, et concursu Christianorum propter miraculorum famam multum celebrem. Quandò à Turcis periculum erat, Imago sacra inferebatur urbi, in quâ templum Sancti Marci proprium semper habuit. At verò cum urbem factâ traditione suam fecere Mahomethani, cum cæteris thesauris hæc quoque Imago avecta est, ac Militensi Insulæ, et civitati Valletæ illata, ubi cum titulo antiquo de Monte Filermo retinet titulum miraculosæ. Tu.

Te Matrem.

Vesperæ de sequenti.

DIE XIX. JUN.

IMPERIUM B. M. V.

Duplex.

AD MATUTIN.

HYMNUS 269. *Commirui.*

O quæ Tonanti proxima honoribus
Cælumque terras imperio tenes:

Terrore cui diro subacti

Ipsa domus famulatur orci,

Regina Salve. Tu miseris Deum
Blandâ minacem concilias prece:

Tu vita, tu dulcis voluptas,

Rebus et una fides in arctis.

Tibi supinas suppliciter manus
Clamore magno tendimus exules,

Heu! mœsta prolis sontis Evæ;

Atque nefas luitura matris.

Tu lacrimarum protinus horridâ
In valle stentes, nos bona respicis:

Ruptamque singultu frequenti

Excipis aure piâ quærelam.

Æternus sit honos Ingenito Patri
Bis nato parilis gloria Filio:

Et sancto sit Amori

Sæclis omnibus et locis. Amen.

Lect. 1. Noct. Sapientia. p. 292.

IN II. NOCT.

Sermo S. Bernardini Senensis.

Serm. 3. de glor. Nom. Mar. art. 2.

LECTIO 4.

De magnitudine Beatæ Virginis, in personâ ejus dicitur: Gyrum cœli circuiui sola, et profundum abyssi penetravi, et in fluctibus maris ambulavi, et in omni terrâ steti, et in omni populo, et in omni gente primatum habui. In quibus verbis exprimit magnitudinem dominii sui, videlicet, quia dominatur in quatuor regnis. Primo in cœlo; secundo in inferno; tertio in Purgatorio; quarto in mundo. Primò enim inquit, quòd dominatur in regno cœli; propterea dicit: Gyrum cœli circuiui sola. Ipsa quippè tanquàm Dominam cœlorum cœlum circuit, atque gyral, et superat in gloriâ sempiternâ: est enim Mater Dei. Tu.

¶ Per me reges regnant, per me principes imperant: * Per me potentes decernunt justitiam. † Gyrum cœli circui sola, et in omni gente, et in omni populo primatum habui.—Per.

LECTIO 5.

Secundò dicit, quòd dominatur in regno inferni: propterea inquit: et profundum inferni penetravi. Non enim dominatur dæmonibus, qui sunt in superficie ipsius inferni, nec insuper tantum mediocribus, qui quasi sunt in medio; sed insuper et maximè, qui sunt quasi in profundo: propterea non ait: penetravi superficiem seu medium, sed profundum abyssi. Tertiò subdit, quòd in regno Purgatorii dominium tenet. Propterea inquit: et in fluctibus maris ambulavi. Pœna siquidem Purgatorii, ideò dicitur fluctus, quia transitoria est: sed additur maris, quia nimium est amare. Ambulavi, scilicet, visitans, et subveniens necessitatibus, et tormentis devotorum suorum: immò et omnium, qui ibi existunt, quia filii ejus sunt, cum sint filii gratiæ,

alque in gratiâ confirmati, atque de gloriâ certificati. Tu.

¶ Regnum tuum, regnum omnium sæculorum, * Et dominatio tua in omnem generationem et generationem. ¶ Imperium tuum, et fortitudinem tuam quis enarrabit.—Et domin.

LECTIO 6.

Quartò subditur: quòd dominatur in regno mundi. Et de hoc, inquit, in omni terrâ steli, et in omni populo, et in omni gente primatum habui. Tria genera hominum in regno mundi reperiuntur. Primi sunt carnales, secundi sunt spirituales, tertii sunt animales. Seu primi sunt timentes, secundi ferventes, tertii negligentes. Seu quidam sunt mali, quidam boni, quidam tepidi. Primò dominatur malis et terrenis, qui terrena sapiunt, eos ad pœnitentiam reducendo: ideò inquit: in omni terrâ steli. Secundò dominatur bonis, eos in gratiâ multiplicando et conservando: propterea subdit et in omni populo. Tertiò dominatur tepidis, eos in charitate et fervore proficere faciendo, propterea subdit: et in omni gente primatum habui. Tu.

¶ Deus celi regnum et fortitudinem, et imperium, et gloriam tradidit tibi, * Et omnia in quibus habitant filii hominum, et bestię agri. ¶ Volucres quoquẽ cœli dedit in manu tuâ, et sub ditione tuâ universa constituit.—Et omnia.—Glor.—Et.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Hom. D. Georgii Nicomediensis Ep.

Orat. de Præsent. B. V. M.

Per te recessit romphæa versatilis quam de ore Judicis æterni prodeuntem vidit Joannes, et quam Cherubinus ante portam paradisi à Deo constitutus gestabat. Per te deliciarum portæ, quæ fuerunt clausæ, sunt apertæ. Te nostræ salutis hebemus adjutricem. Te nostræ auxilii habemus defensionem. Te proponimus cujus ore nostra dicatur excusatio. Te nostræ fiduciæ circumferimus gloriam. Tu. ¶

Bened. 8. Cujus Imperium.

LECTIO 8.

Te christianorum multitudo murum habet firmissimum. Te fideles reges habent arma validissima. Per te bellorum frangunt audaces impetus. Per te victoriæ trophæa consequuntur. Præbe igitur manum laborantibus, et ne despicias preces eorum, qui semper te exorant. Fer opem eis, qui tempestatibus agitantur, seda bellorum fluctus, fac in auras evanescant spiritus eorum qui nos incessant injuriis. Tu. ¶

LECTIO 9.

Da petioni nostræ convenientem (potes enim) eventum. Habes, ut mater in filium, quæ recusari non potest, fiduciam. Habes vires insuperabiles, robur inexpugnabile. Nihil tuæ resistit potentiæ, nihil repugnat tuis viribus, omnia cedunt tuo jussui, omnia tuo obediunt Imperio, omnia tuæ deserviunt potestati. Te omnibus suis operibus reddidit excelsiorem, qui ex te natus est. Tu. Te Matrem.

AD LAUDES.

HIMNUS 270. Commirui.

Nunc ergo lenes, nec miserescere Segnos ocellos, Diva, clientum

Adverte turbæ, te Patronam,

Te facilem Dominam vocanti.

Sed ne recusa, quod potes unice,

Intaminati florem uteri, solo
 Nobis relicto, jam beatis
 Æthæriaque domo receptis,
 Monstrare JESUM: te vice mutuâ,
 Semp̃r benignam, semp̃r amabili-

lem,
 MARIA Virgo, parturisse
 Digna Deum, memores canemus.

Æternus sit honos ingenito Patri
 Bis Nato parilis gloria Filio:
 Et Sancto sit Amori
 Sæclis omnibus et locis. Am.

CANON.

Ex Sancto Bernardino Senensi.
Apud S. Ligor. c. 1.

522. Tot creaturæ serviunt
 gloriosæ Virgini, quot serviunt
 Trinitati; omnes namque creaturæ,
 sive angeli, sive homines, et omnia
 quæ sunt in cœlo et in terrâ, quia
 omnia sunt divino Imperio sub-
 jecta, gloriosæ Virgini sunt sub-
 jecta. Tu.

Cum secundis Vesper.

DIE XX. JUN.

DIV. V. DE MAGALONIO.

Simplex..

LECTIO 1.

Lanuz. Histor. Arag. l. 2. c. 35.
 In pago Lecenena dicto, in Ara-
 goniâ colitur Diva Virgo sub ti-
 tulo deMagalonio, eo quod priùs
 cultum in hac urbe acceperat in
 publico Sacello. Sed ab eo dicessit
 sacra Icon ob homicidium crudeli-
 t̃r ibi patratum, et in Lecenenam
 se contulit, ubi cœlesti luce de-
 monstratam quidam Pastor inve-
 nit die decimâ quintâ Martii anni
 millesimi ducentesi octogesi-
 primi, eo in loco ubi nunc templum
 exsurgit, simulque ab eâ mandatum
 accepit, ut suam voluntatem ibi
 manendi Lecenensibus aperiret.
 Paruit Marcenius, tale enim habe-

bat nomen, at nullam fidem in-
 veniet: quare timore affectus, cum
 ab eo loco divertere cum gregibus
 cogitaret, ei iterum allocuta est
 Virgo, et signum dedit, quo dex-
 teram é facie dimovere non posset,
 donèc crederetur. Tu. ¶.

LECTIO 2.

Hoc prodigio excitati Lecenenses,
 per se ipsos veritatem explora-
 runt, atquè inventæ Imagini sta-
 tim sacellum extruxerunt. Magalo-
 nii verò divam Effigiem alibi esse
 agnoscentes, statim apud ipsos ite-
 rum deducere, meliùsque honorare
 voluere, quod minimè ipsis fuit con-
 cessum nisi post judicis sententiam.
 At cum in Ecclesiâ Beatæ Virginis
 de Sacratâ Monzalbarbæ pernoctas-
 sent, ad Lecenensem montem sacra
 Icon reversa est, quod idem even-
 nit, cum, iterum à Magaloniis ac-
 ceptâ, in Sanctæ MARIE de Por-
 tillo Cæsaraugustæ pervenissent.
 Tu. ¶.

LECTIO 3.

Undè maximè contristati, se tertiò
 à Virgine relictos videntes, ad Ar-
 chiepiscopum habuere confugium,
 ut ipsius decreto, mirabilem Effi-
 giem recuperarent; limebant enim
 minimè consensuros Lecenenses ter-
 tiò eam ab illis abduci. Latum
 fuit ab Antistite decretum, sed cum
 appositâ conditione, quòd in per-
 petuum Lecenensibus esset Imago,
 si quartò Magalonios relinqueret.
 Hâc vice deducta fuit diva Virgo
 in Ecclesiam Sanctæ MARIE de
 Columnâ, toto orbe percelebrem,
 at idem contigit: ipsis sive vi-
 gilantibus, sive dormientibus, di-
 sparuit ab eis, et reversa est ad
 Lecenenâ montem, ubi et perse-
 verat maximâ populorum frequen-
 tiâ et devotione. Tu. Te Matrem.

Vesperæ de sequenti.

DIE XXI. JUN.

D. V. ALCAMENSIS À MIRACULIS.

*Semiduplex.**Lectio 1. Noct. de Ferid.*

IN II. NOCT.

LECTIO 4.

Octav. Cajet. de effig. siculis.

Ducentos ferè passus, sub Alcamo, in Sicilia, ad aquilonem in cujusdam arcus pariete Alcamenses Virginis Sanctissimæ Iconem depingere, ut locum illum, et manentes ex eo latites tutaretur. Deindè temporis diuturnitate parva sacræ Virginis ratio haberi cœpta, et in diecrescentibus undique arboribus, dumisque, sensim fontem contexere, adeò ut nullus illius usus, nulla cognitio, sed deserta: ibi omnia spinis vepribusque horrida accessum humanis plantis omnino negabant. Tu. ꝑ.

LECTIO 5.

At Deus suæ Sanctissimæ Genitricis Imaginem ibi delitescere obscure ferre non potuit: quare anno millesimo quingentesimo quadragesimo quarto, undecimo kalendas Julias, cum pauperes et honestæ feminæ ad torrentem descendissent, ibique vestes abluerent, defluente aquâ, ex eminente rupe primum parvos lapides ad se devolvi vident, et mox grandiora saxa, quorum impetû ex illis duæ in aquam dejectæ, nullo tamen accepto aut dolore, aut damno. Ad ea perterritæ feminæ ibi latrones latitare arbitratae, se in fugam vertunt, et res brevi vulgatâ ad eos extirpandos populum universum concilavit.

Tu. ꝑ.

LECTIO 6.

Populus igitur omnis convenit, et dum quidquid erat sylvæ demoliri nituntur, ad jugum, undè saxa dejecta fuerant, pervenere. Ibi dum

à latronibus sibi metuentes, undiquè intenti circumspiciunt omnia: en tibi præter omnem expectationem Imaginem Virginis Deiparæ filium amplexantis in pariete inveniunt. Propriùs deindè Iconem intuiti sudorem madentem deprehendunt, quo uncti varii ægroti sanati sunt. Porro expurgatus sentibus locus, ibique templum erectum Virgini sub titulo à miraculis, quosæpius urbium pagorumque supplicationes adiere. Hujus inventionis memoria quotannis celebratur undecimo kalendas Julias. Tu. ꝑ.

Homil. de comm. pro Semidupl.

LECTIO 9.

Commemoratio B. V. Castilionensis de Nuce.

Gumpenb. 82.

Castilione, ditione, patriâ, et patrimonio S. Aloisi de Gonzaga, colitur Deipara sub titulo de Nuce quia exhibetur in nuce Virginis imago cum Filiolo et radiis velut opere sigillariæ artis absque humano opere facta. Hanc arborem tulit patria Aloisi. Cœpit faber lignarius nucem findere anno millesimo quingentesimo trigesimo nono, aliquod opus factururus. Sed recusavit securis peccare in sanctam Iconem, fugitque; tamen ligna utrinquè panduntur, et Deiparæ Imaginem exhibent. Familia Bonellorum thesaurum hunc tenuit usque ad annum millesimum sexcentessimum secundum, quo ipsum dedit Principi Rodolpho Gonzagæ, sed postea visa est Virgo ambire publicum, et Patribus Capuccinis dono data sacellum in eorum templo occupat perelegans, ubi et frequentem concursum piorum ciet, et miracula palrat justo examini subjecta et probata. Tu. Te Matr.

Vesperæ de sequenti.

DIE XXII. JUN.

QUINQUE SENSUUM B. M. V.

*Duplex.**Oratio.*

Majestatem tuam, Domine, suppliciter deprecamur, ut qui sanctissimos quinque sensus Beatæ Virginis MARIE celebramus, in omnibus nos metipsos abnegare concedas. Per Dominum.

Lect. 1. Noct. de feriâ.

IN II. NOCT.

Sermo S. Bernardini Senensis.

Serm. de concep. B. V. art. 2. c. 3.

LECTIO 4.

Quinque sensus in animâ hominis sunt, sicut etiâ in corpore ejus: qui omnes in Beatâ Virgine mundo et omnibus noxiis clausi erant, et aperti, atque parati Deo. Sicuti è contrâ mundani aperti sunt mundo, et clausi sunt Deo. Primò enim patens erat Deo auditus, ut promptissimè acceptaret omne spiraculum ejus. Proindè in Propheta, in personâ illius dicebat: audiam, quid loquatur in me Dominus Deus. Secundò patebat ei illius gustus ad saporandum admirabiles dulcedines ejus, quandò experientiâ illius inebriata dicebat: Quàm dulcia faucibus meis eloquia tua, super mel ori meo. Tu.

¶ Gustavit et vidit, quoniam bona est negotiatio ejus: * Non extinguetur in nocte lucerna oculi ejus. †. Quia viderunt oculi mei salutare Dei, nihil aliud conspiciere volui præter Deum.—Non.

LECTIO 5.

Tertiò quoque patebat illi omnis oculus ejus, et capacitas intellectus, quandò jam per experientiam in affectum, et intellectum Deo plena ad alios invitabat dicens: gustatè et videte quoniam suavis est Dominus. Quartò patebat animæ Vir-

ginis odoratus, quandò Dominum suppliciter exorabat, dicens: Trahe me: post te curremus in odorem unguentorum tuorum. Quintò quoque patebat tactus ut stricte, ac dulciter complecteretur Dominum illam sapiens visitantem. Quod quia continuò faciebat, cum Propheta dicebat: Mihi autem adhærere Deo bonum est, et ponere in Domino Deo sperni meam. Tu.

¶ Dominus aperuit mihi aurem, et audiui omnia quæ locutus est ad cor ancillæ suæ, * Ut faciam voluntatem suam. †. Audiam quid loquatur in me Deus.—Ut.

LECTIO 6.

De his quinque portis loquitur Propheta dicens: Diligit Dominus portas Sion super omnia tabernacula Jacob. Sion enim locus erat in Jerusalem eminentissimus, atque tutissimus. Sic etiâ Beata Virgo per virtutum eminentiam altissima, atque à vitiis tutissima erat. Diligit igitur Dominus portas Sion, id est, quinque sensus Beatæ Virginis MARIE super omnia tabernacula Jacob, idest, plusquàm corpora omnia aliarum Virginum. Corpora enim tabernacula nuncupantur, sicut Petrus ipse testatur, dicens: Velox est depositio tabernaculi mei. Virgines enim meritò dicuntur esse Jacob, quia luctatæ sunt, et supplantaverunt fomitem, qui in Beatâ Virgine in primâ Sanctificatione fuit ligatus atque consopitus. Tu.

¶ Trahe me in odorem unguentorum tuorum, * Quia odor vestimentorum tuorum, sicut odor thuris. †. Odor tuus, sicut odor agri pleni, cui benedixit Deus.—Quia.—Gloria.—Quia.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: loquente Jesu ad

turbas, extollens vocem quædam mulier de turbâ dixit illi: Beatus venter, qui te portavit. Et reliq. Homilia S. Anselmi Ep. Lucensis. *Med. de Salut. B. V. in Bibl. max.*

PP. t. 27. p. 440.

Mirum videtur, quandò miser homo non tremil, et expavescit tantam Dominam salutare; sed illud detestabile nimum est, ipsam nominare ore, et corde vana et inutilia, imò nefanda tractare, ipsam alloqui tergo verso. Cum omni devotione et reverentiâ est Virgo beatissima salutanda, et ipsa tales quærit, qui ad eam devotè et reverentè accedunt, hos diligit, hos nutrit, hos in filios suos suscipit. (*Lect. 8.*) O beatus, qui de tam nobili matre lætatur, et ipsam corde amplectitur, et opere imitatur! O felix qui Matrem Dei secundum suum posse nititur conformari! Tu.

¶. Sub umbrâ illius quem desideraveram sedi: * Et fructus ejus dulcis gutturi meo. †. Gustavit et vidit, quoniâ suavis est Dominus.—Et fructus.

Bened. 8. Cujus Sensus sanctissimos.

LECTIO 8.

Hic est certè, qui omni creaturâ contemplâ soli Deo singulari amore inhæret, et crucifixus cum Christo animarum sitit salutem. (*Lectio 9.*) O mirum certè, quomodò exultatione non rapitur cor talem Virginem salutantis? Matrem Dei alloquitur, Deum ex ipsâ factum hominem contemplatur. Hic vidit ima summis, et summa imis pro suâ charitate conjungi. Quomodò, quæso, non liquescit in hac salutatione mens nostra cum Deum tantum nos dilexisse videmus, et ex virginali utero dignatus est fieri frater noster? Jam os nostrum et caro nostra est. Tu.

¶. Inveni, quem diligit anima mea, * Amplexibus tenui eum, nec dimittam. †. Mihi autem adhærere Deo bonum est, et ponere in Domino Deo spem meam.—Amplexibus.—Gloria.—Amplex.

LECTIO 9.

Commemoratio B. V. Trialcensis.

Gumpenb. 689. ex Wadingo.

Trialci in Hiberniâ monasterium ædificavit magnus Cathæus circa annum millesimum trecentiesimum quadregesimum. Duravit ultra tempora Elizabethæ Reginae magno piorum accursu propter Imaginem Deiparæ gloriosam. Ejus cultum vehementer auxerunt duo miracula: unum quod mulier ad hanc Sanctam Imaginem jurans se falsò accusari crimine, confusa et convicta fuerit, dum id quod furto abstulerat, è sinu ejus omnibus inspectantibus in terram decedit. Alterum quod ob Reginae Elizabethæ persecutionem Sancta Imago in aridâ arbore occultata, arborem fecerit quàmprimùm producere folia, flores et ramos, ut melius à pluvîâ defenderetur, et sanè defensa est, quandò integro anno ibi incorrupta latuit. Tu. Te Matrem.

Vesper à Cap. seq.

DIE XXIII. JUN.

B. M. V. DE SUCCURSU.

Duplex.

Oratio.

Omnipotens sempiternè Deus, qui ad succurrendum humano generi, Beatam Virginem MARIAM unigeniti Filii tui Matrem esse voluisti: da nobis, quæsumus, ut, eâ intercedente, diabolica vitare contagia, et sincerâ tibi mente servire. Per eundem.

AD MATUTIN.

HYMNUS 271. *Steph. Arch. Patrac.*
Omnium splendor, decuset perenne,

Virginum lumen, Genitrix superni,
Gloria humani generis, MARIA,
Unica nostri.

Sola tu, Virgo dominaris astris,
Sola tu terræ, maris atque cœli
Lumen, *tenostis precibus benignam*
Inclita redde.

Da dies labi sine labe puros,
Da tuis frui famulis subsidio,
Ingredi et celsæ, duce te benignâ,
Mœnia terræ

Sit decus Summosine sine Christo,
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

Lect. 1. Noct. de feriâ.

IN II. NOCT.

Sermo S. Thomæ Arch. Valentini.

Conc. 1. in Assumpt. B. V.

LECTIO 4.

Considera à principio sæculi, et discurre per omnes filios Adan. Nihil stabilis, nihil immobilis, nihil firmitus hac sacrâ Virgine reperiens. Turris firmata supra firmam petram in montibus sanctis, immobili fundamento. Siquidem Deus in medio ejus, non commovebitur. De hac Virgine in Canticis legitur: sicut turris David, quæ ædificata est cum propugnaculis: mille clypei pendent ex eâ, omnis amatura fortium. Verè turris David, qui superbum Goliath quinque lapidibus de torrente, id est, quinque vulneribus, et crucis baculo gloriantem in calvariæ monte postravit. Tu. ꝑ.

LECTIO 5.

Facta est hæc turris Ecclesiæ propugnaculum, et peccatorum unicum refugium, ut ad ipsam confugiant omnes rei, omnes mœsti, omnes afflicti, et eâ protegente liberentur ab hoste. O homo! in quâcumque tribulatione ad MARIAM fuge. Sive peccatis afflicti, sive persecu-

tionibus alitritus, sive tentationibus turbatus hanc turrim petito, ad MARIAM confugito. Mille enim clypei pendent ex eâ, contra omnem æstum tribulantis, et ad omnem faciem persequentis dæmonis, tutissimum in eâ clypeum invenies, quo te protegas. Tu. ꝑ.

LECTIO 6.

Ibi est enim omnis fortium armatura. Ibi fides apostolorum, ibi fortitudo martyrum, ibi puritas virginum, doctorum sapientia, anacoretarum paupertas, devotio confessorum: ibi deniquè omnium Sanctorum virtus aglomerata reperitur. Nihil enim usquàm Sanctorum speciale privilegium concessum est, quod non à principio vitæ accumulatus fulgeat in MARIA. Ecce Castellum fortissimum, ecce turrim inexpugnabilem, quæ nunquàm Diabolo præstitit tributum, aut fidem. Hanc intravit JESUS, quandò Verbum caro factum est, et habitabit in nobis, irrdè inimicos expugnaturus, et regnum suum recuperaturus, in quod ab initio dæmon fuerat intrusus. Tu. ꝑ.

IN III. NOCT.

Lectio Sancti Evangelii secundum Joannem.

TECTIO 7. Joan. c. 19. 25.

In illo tempore: Stabant juxta crucem JESU Mater ejus, et soror Matris ejus, Maria Cleophe et Maria Magdalene. Et reliqua.

Homilia S. Bernardini Senensis.
Serm. 51. de Pass. Dom. p. 2.
a. 1. c. 3.

Misticè intelligimus in Joanne omnes animam electorum, quorum per dilectionem Beata Virgo facta est Mater. Filius enim in græco nomen amoris est: omnis enim Christi amor in amorem Virginis

transiit, ut meritò Filius, id est, amor Virginis nuncupetur: magisque Virginem habeat Matrem, quam illam, quæ filium ex peccato damnatum mundo, suscepto semine, generavit. Mutatur hæc maternitas et filio ex auctoritate verborum Christi, in cruce pendentis: propterea natura transiit in gratiam, et gratia nobilitat profectò naturam, non quòd una in alterum commutetur, sed quia natura ex gratiâ perficitur. Tu. ¶.

LECTIO 8.

Mala mulier Eva corruptione naturæ, bona mulier MARIA, Mater gratiæ, Mater misericordiæ. Datur mater gratiæ pro matre naturæ: manet tamen naturâ, manet etiâ mater ex gratiâ. Erat enim Joanni Mater Maria Salome in ordine succedentis naturæ: est etiâ sibi Mater beata Virgo in ordine gratiæ. Est Mater Eva cunctorum per translationem naturæ; est et Virgo MARIA Mater omnium amantium Christum per infusionem invisibilis gratiæ. Non desinit esse Joannes Filius corruptæ matris, quia imperio Christi filius factus est Virginis, qui fuit ante filius corruptæ matris. Tu. ¶.

LECTIO 9.

Voluit igitur Christus in cruce pendens, antequàm moreretur per omnia præostendere charitatem, et quantum dignitatis humanæ naturæ contulerat, ut firma esset remeationis ad Patrem undè si dedit potestatem filios Dei fieri his qui credunt in nomine ejus: quod non per naturam, sed penitus per gratiam fit; cùm non dedisset nobis, ut filii essemus Matris ejus, quod fit per gratiam, quæ infinitæ potentiæ est, non per naturam, quæ est potentiæ limitatæ. Plus enim

est, quòd simus fratres ejus ex patre, quàm quòd simus ex matre: plus ex æterno Deo, quàm ex temporali parente. Tu. Te Matrem.

Cum 2. Vesperis.

DIE XXV. JUN.

POTENTIÆ B. M. V.

Duplex.

Oratio.

Præsta, quæsumus, Omnipotens Deus, ut qui Sanctissimæ Genitricis tuæ Potentiam celebramus, contra hostes animæ, ipsius adjutorio brachii muniti, victoriam semper reportemus. Qui vivis.

IN I. NOCT.

Lect. 1. Noct. de Ferid.

¶. 1. Tu Maternam vim apud Deum obtines, * Nec enim fieri potest, ut non exaudiaris. ¶. Quoniâ data est tibi omnis potestas. —Nec enim.

¶. 2. Quoniâ data est tibi omnis potestas in cœlo et in terrâ, * Ut quidquid volueris, valeas efficere. ¶. O potentissima Domina, esto nobis impotentissimis auxiliatrix.—Ut.

¶. 3. Quis loquetur potentias Domine nostræ? ¶. Quis auditam faciet virtutem nominis ejus? ¶. Meum est consilium et æquitas mea est prudentia, mea est fortitudo.—Quis.—Gloria.—Quis.

IN II. NOCT.

Ex verbis B. Alberti Magni. Episc.

Ex laud. 6. B. V. l. 4. c. 6.

LECTIO 4.

Supra totam cœlestem curiam colata fuit Virgini plenaria potestas. Undè dicit in Jerusalem scilicet super cœlesti, potestas mea, imperandi videlicet virtutibus angelicis, et animabus sanctis, ad beneplacitum meum, et introducendi in illud regnum quoscumque voluero. Non solum de regno cœlorum data est

ei singularis omnipotentia, sed et in tribus regnis, scilicet cœlestium, terrestrium, et infernorum, ut in nomine ejus omne genu flectatur, cœlestium, terrestrium, et infernorum. Propter hoc ipsi soli convenit post Filium dicere: data est mihi omnis potestas in cœlo, et in terrâ. Tu.

¶ Omne quod voluerit pia Virgo facit, et sermo illius potestate plenus est. * Nec ei dicere quisquam potest: quare ita facis? †. Quis dicet tibi, quid fecisti? Aut quis stabit contra judicium tuum?—Nec.

LECTIO 5.

Item in hoc manifestissimè apparet Omnipotentia MARIE, quod sicut legitur in miraculis ejus, multos de suâ damnatione jam certos, multos in aquis præfocatos, multos ex improviso mortuos liberavit, qui dum viverent, ipsius patrocinio se commendaverant: multos, qui sine pœnitentiâ decesserant in mortali, ab ipsis diaboli faucibus potentèr eripuit, et ut possent agere pœnitentiam, ad vitam reduxit. Ità namque ingeniosa est, et subtilis ad salvationem peccatorum, sicut diabolus ingeniosus est et subtilis ad damnationem eorum. Quâ autem justitiâ, vel quo jure ipsa salvet damnabiles, et sine pœnitentiâ defunctos in mortali, quis sufficiat enarrare? Constat autem, quòd ita facit, et quòd salvâ justitiâ facit. Tu.

¶ Ipsa est, qui mortificat, sicut in Juliano, et vivificat sicut in Theophilo, * Deducit ad inferos, et reducit. †. In omni necessitate omnia obediunt ei.—Deducit.

LECTIO 6.

Item de ipsâ, sicut de Filio, potest dici ipsi Filio illud Psalmi: omnia subjecisti sub pedibus ejus, oves,

id est, simplices, et boves universas in femineo propter fecunditatem. Insuper hoc dicit ad notandum diversitatem bonorum, et malorum, pecora campi, luxuriosos vacantes per campos licentiæ ubi Abel occiditur. Volucres cœli, superbos. Pisces maris, cupidos, qui perambulant semitas maris. In his tribus elementis habitant dæmones, sed non in igne elemento, quia non in lucido. Tu.

¶ Tu es, qui vitæ et mortis potestatem habes, et deducis ad portas mortis, et reducis: * Tibi enim subest, cum volueris, posse. †. Consilium tuum stabit, et omnis voluntas tua fiet.—Tibi.—Gloria.—Tibi.

IN III. NOCT.

Lectio S. Evang. secundum Lucam.

LECTIO 7. c. 1. 26.

In illo tempore: Missus est angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliqua.

Homilia B. Arnoldi Abbatis.

Apud Chrisogon. p. 923.

MARIA Domina, et licet ipsa se Christi profiteatur ancillam, hoc servitutis genus omni regno sublimius esse intelligit. Constituta quippe est super omnem creaturam, et quicumque JESU curvat genu, Matri quoque pronus supplicat acclinis. In supernis et inferis admirationis est Virgo puerpera. Stupent dæmones, gaudent homines: in cœlo gloriam concinunt principatus et potestates. Tu.

¶ Excita potentiam tuam et veni, ut salvos facias nos: * Potestati enim tuæ quis resistet? †. Audivimus enim famam potentiæ tuæ, veni et salva nos.—Potestati.

Bened. Cujus Potentiam colimus.

LECTIO 8.

Nec à Dominatione vel potentia Fi-

lii Mater potest esse sejuncta. Una est MARIE et Christi caro, unus Spiritus, et una charitas, et ex eo quod dictum est ei: Dominus tecum; inseparabiliter perseveravit promissum et donum: unitas divisionem non recipit, nec seccatur in partes, etsi ex duobus factum sit unum, illud tamèn ultra scindi non potest: et Filii gloriam cum Matre non tam communem judico quam eandem. Tu.

¶ Tua est magnificentia, et potentia, et gloria, atque Victoria: * Tu dominaris omnium, et tu es super omnes principes. †. Tu eris super domum meam, et ad tui oris imperium cunctus populus obedi-
di. —Tu. —Glor. —Tu dom.

LECTIO 9.

Nulla facta est angelicæ dignitati injuria, si illius excellentiæ cacumen obumbrat Virgo exaltata, sicut cedrus in Libano. Cedrus arbor est proceras et imputribilis, virginitas quoque MARIE, quia nulla concupiscentiæ carnalis vitiatur putredine: in hoc procerior, et altior virginitate videtur angelicâ, quòd hæc virtutis, illa naturæ: hæc voluntatis, illa necessitatis, et in cerne, quod non est carnis, agere, res incomparabilis meriti est, et gloriæ singularis. Tu. Te Matrem.

CANON.

Ex D. Bonaventurâ Ep.

Spec. B. V. L. 8.

523. Ecce MARIA... quia Dominus potentissimus potentissimè tecum est; ideo et tu es potentissima secum: potentissima es per ipsum, potentissima apud ipsum, ita ut verè dicere possis illud Ecclesiastici: In Jerusalem potestas mea. Tu.

Vesper. à capit. sequent.

DIE XXVI. JUN.

CONVERSATION. B. V. M. POST.
CHR. ASCENSIONEM.

Duplex.

Oratio.

Omnipotens Sempiternus Deus, qui ascendens super omnes cælos dilectissimam Matrem tuam Apostolis in solatium reliquisti, præsta, quæsumus, ut qui ipsam jugiter veneramur et ejus consolatione fruamur in terris, et suâ protectione ad cœlestem patriam perducamur. Qui viv.

Lect. 1. Noct. de ferid.

IN II. NOCT.

Sermo Sancti Hildephonsi Arch.
Toletani.

Serm. 5. de Ass. B. V. M.

LECTIO 4.

Si quis verò studio pietatis vel piæ curiositatis affectu indagare voluerit, quid post ascensionem Domini Beata Virgo egerit, quàm sanctè et justè vixerit, et cum quibus habitaverit, soli Deo cognitum esse videtur, et Gabrieli Archangelo, cui ejus tota causa commissa prædicatur à Domino, et angelis sibi conlætantibus, secumque loquentibus. Joanni etiàm dilecto Domini Discipulo, qui ab ipsâ cruce eam suscepit in suâ solitudine et curâ, videlicet, ut Virgo Virgini deserviret, et Domini nostri rependeret servitutis, et dilectionis obsequium, qui eum præ cæteris suâ dilectione fecerat dignum. Tu. ¶.

LECTIO 5.

Beatissimo etenim Petro Apostolorum Principi cæterisque Apostolis non incognita fuit ejus purissima vita et actio: sancta quoque et admirabilis conversatio: quippe, quia cum eis semper fuit, ab ipsorum conversionis initio usque ad illum

diem, in quo unigenitus Dei Filius homo ex eâ verâ fide genitus à laboribus hujus vitæ illam voluit eripere, et ad gloriam sibi à sæculis præparatam, ut creditur, et prædicatvr, super choros angelorum dignatus est elevare. Tu. ʒ.

LECTIO 6.

Sermo S. Amadei Ep. Lausanensis.

Homil. 5. B. V.

Deniquè Virgo Mater omnium in se charismatum commercia deferebat. Prima namque visione scintillis sacri amoris ignis proximorum pectora suaviter exurebat, animis fidem suggerebat, suadebat verecundiam, honestatem venustabat, inflectens ad pietatem. Spirabat florem virginitatis, serebat novale castitatis, depingens oculis habitum humilitatis, et proferens indicium veritatis. Splendor indeficiens in circuitu ejus, et ignis exardescens à facie ejus. Fluvius igneus, rapidusque egrediebatur ab eâ, qui hostes succideret, amicos confoveret, juvaret proximos, cremaret inimicos. Tu. ʒ.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portâvit. Et reliqua.

Homilia S. Amadei Ep. Lausanensis.

Homil. 5. de B. V.

Igitur in carne (Virgo) præsens futuri regni primitias prælibabat. Et tunc accedens Deo ineffabili sublimitate, et nunc proximis condescendens inenarrabili charitate. Indè angelicis frequentabatur officiis, hinc humano famulatu venerabatur. Assidebat ei paranymphus Gabriel, cui Joannes gaudens sibi virginem Matrem Virginem in cruce com-

mendatam cum apostolis ministrabat. Illi Reginam, isti videre Dominam lætabantur, et utrique devotionis affectu obsequebantur. Tu. ʒ.

LECTIO 8.

At illa residens in arce sublimissimâ virtutum, et pelago divinorum affluens charismatum, abyssum gratiarum, quâ cunctos excesserat, credenti et sitiendi populo larguissimâ emanatione profundeabat. Salutem, namque corporibus, et animis medellam afferebat, potens suscitare à morte carnis et animæ. *Lect. 8.* Quis umquàm ab eâ æger vel tristis, aut ignarus cœlestium mysteriorum abiit? Quis non lætus, et gaudens rediit ad propria, impetrato à Matre Domini quod voluit? **MARIÆ** præsentia gratam veris temperiem exhibebat, et quo favens se verteret, paradisus erat. Tu. ʒ.

LECTIO 9.

Commemoratio B. V. Pragensis de Cryptâ.

Gumpenb. 549.

Statua Deiparæ quæ Pragæ in Cryptâ colitur, cum in rogam hæretici eam injicerent, etsi lignea vim ignis sustinuit per duodecim omnino horas nullâ vel fumi maculâ. Cum illâ transisset quidam ex aulâ Imperatoris, Imaginem obtinuit, quam secum tulit, et in domo suâ honestè collocavit, ac deindè ut meliùs coleretur, Patribus Cappuccinis tradidit, qui in Cryptam subterraneam collocarunt, ubi quamprimum miraculis coruscare cœpit. Res ad Rodolphum secundum Imperatorem cum pervenisset, secum Imaginem habere voluit, sed frustra; nam cum tēr tentasset ad aulam deportari Imaginem, semper ipsa ad cryptam rediit, ubi et nunc firma stat, et miraculis claret. Tu.

Te Matrem.

CANON.

Ex D. Thomâ Arch. Valentino.

Conc. 4. p. 2. in Assumpt. B. V.

524. Post Ascensionem Filii in cœlum, nihil de illâ legimus; nisi quòd, ut fertur, oratorio clausa mysteria omnia quæ viderat et audierat, animo retractabat... quæ Virgo prudentissima et sapientissima in corde suo assidue conferebat, et prout optimè noverat, Discipulos edocebat. Tu.

Cum 2. Vesper.

DIE XXVII. JUN.

B. V. IN MONTE ÆTNA.

Semiduplex.

Lectio. 1. Noct. de ferid.

IN II. NOCT.

LECTIO 4.

Octav. Cajet. de effigieg. Siculis.
In valle viridi in monte ætnâ Diva Virgo apparuit cuidam Dionysio, qui ibi pessimam latronis vitam agebat, eique injunxit, ut detestatâ prius criminali vitâ, Eremitæ habitum capiat, et deindè in eam vallem adducto magistratu et Clero, ubi corona gruum visa fuerit, ibi sacellum excitandum curet: ac ne aquarum penuriam melueret, promissit ei etiâ, ejus nomine invocato, ipsam fontem aquæ aperturam, dummodò parum terræ effoderet. His verò dictis, Virgo Sanctissima inter cœlestes choros sublimis abiit. Tu. ꝑ.

LECTIO 5.

Dionysius autem protinùs armis depositis eremiticum habitum induit, et ad oppidum propinquum Acim petiit, rem publicè exponit, et sollemnis supplicatio ad virentem vallem ordinatur. Tria fermè milia distabat ab Aci, ubi grues, spectantibus omnibus, apparuerunt, Illicò sacras preces flexis genibus

incipientes, cum Beatissimum MARIE Nomen ter invocassent, aves velut ratione præditæ suis cantibus acclamarunt, ac demùm in altum evolantes ex oculis evanuerunt. Nec minor fuit admiratio populi, cum ad tertium lagonis ictum ex arido antro fons perennis aquæ prosiluit, ex quâ variis variis affecti morbis bibentes convalescerunt. His miraculis accensis animis, inceptum templi opus, et urgente Dionysio sequenti anno perfectum est. Tu. ꝑ.

LECTIO 6.

At verò Sabbati nocte, quæ ultimam Dominicam Augusti præcedit, cum Dionysius in templo esset, virginum chorum conspexit, inter quas unam pulcherrimam diadema coronatam cum Filio in ulnis: quæ omnes ad pilam templi accesserunt, ac repenti ex oculis sublata. Illuscescente die, in eadem pilâ Imago Virginis inventa, Græcâ videbatur picturâ: sedebat cæruleo velamine, aureis notis distincto, cooperta Sanctissima Mater, dexterâ ulnâ Filium tenens, erectâ dexterâ benedicentem, sinistrâ manu gruem capit: tres aureas coronas duo angeli imponebant. Templum autem magnificè decoratum à Frederico rege, qui cum Joanne Randazii duce illâ iter faciens, à tribus Episcopis illud consecrandum curavit. Tu. ꝑ.

IN III. NOCT.

Lectio Sancti Evangelii secundum Matthæum.

LECTIO 7.

c. 5. 1.

In illo tempore: Videns JESUS turbas, ascendit in montem. Et reliqua.

Homilia S. Athanasii Episcopi.

Quæst. 117. apud. Chrysog.

Divina Scriptura montem vocat

propriè Sanctissimam Deiparam Virginem, veluti cum inquit: mons Deo placuit ad habitandum in eo. Nam Deus æternum inhabitabit. Et alicubi habetur: Deus à Thoma venit, et Sanctus de monte opaco et denso. Tu. ꝑ.

LECTIO 8.

Mons autem ibi dicitur Sancta Virgo MARIA, quia sicut ii qui campo aberrantes, et calore æstuant, in montem subeant, velut rore conspersi in umbrâ supter arbores montis, vel aquâ sedant æstum flammæ, ad eundem modum hominibus quoquè facta Sancta Virgo, quæ rore quodam sui partûs animas hominum æstu peccati confectas in vitam revocavit, et in umbrâ alarum sui Filii collocavit. Tu. ꝑ.

LECTIO 9.

Commem. B. V. Avilensis de Gratiis.

Gumpenb. 190.

Avilæ in conventu Sanctimonialium Carmelitarum Excalceatarum, qui de Incarnatione nomen habet, Statua Deiparæ honoratur inter celebres celebrior. Hæc angelis cincta nonnunquam visa est, et ab eis venerata. Visionis hujus testem habemus omni exceptione majorem Sanctam Tereciam, quæ hanc in vitâ suâ fusè refert. Festum hujus aparitionis non sine solemnitate celebrant Moniales pridie Sancti Sebastiani. Munera adsunt ex Indiâ, ab iis submissa, qui Avilam patriam habent. Tu. Te Matrem.

Vesperæ sequentis.

DIE XXVIII. JUN.

CASTITATIS B. M. V.

Duplex.

Oratio.

Exaudi, Domine, preces nostras,

ut qui Castitatem Sanctissimæ Genitricis tuæ recolimus, in puritate mentis et corporis, ipsâ pro nobis intercedente, tibi servire valeamus. Qui vivis.

Lect. 1. Noct. de ferid.

IN II. NOCT.

Ex verbis S. Bonaventuræ Ep. in Speculo Beatæ Virginis. c. 4.

LECTIO 4.

Vide, carissime, quòd MARIA castissima fuit per virginitatem. Ipsa est MARIA, de quâ dicitur Nomen Virginis MARIA. Eximie castitatis MARIE testem Evangelistam, testem ipsam MARIAM, testem habemus angelicam personam. Casta enim fuit in Virgineâ carne, sicut Evangelista testatur dicens: Nomen Virginis MARIA. Tu.

ꝑ. O quàm pulchra est casta generatio cum claritate: * Immortalis enim est memoria illius. ꝑ. Hæc est, quæ nescivit thorum in delicto; habebit fructum in respectione animarum sanctarum.—Immortalis.

LECTIO 5.

Castior fuit MARIA in Virgineâ mente, sicut ipsamet testatur. Ipsa enim est de quâ dicitur: dixit autem MARIA ad Angelum: quomodo fiet istud, quoniam virum non cognosco? Id est, non cognoscere propono. Castissima fuit MARIA in virgineâ prole, sicut Angelus testatur, qui de illa MARIA dixit in Matthæo: JOSEPH, fili David, noli timere accipere MARIAM conjugem tuam: quod enim in eâ natum est de Spiritu Sancto est. Tu.

ꝑ. Non est alia mulier in universa terrâ, * In aspectu, in pulchritudine, et in sensu verborum. ꝑ. Erat etiam ejus virtuti castitas adjuncta, ita ut non cognosceret virum omnibus diebus vitæ suæ.—In aspectu.

LECTIO 6.

Ex quo MARIA Virgo de Spiritu

Sancto divinâ prole est fœcundata, nequaquàm virginitas tali est prole vitata, sed mirabiliter est in tantâ prole glorificata. Nam in prole approbata, in prole consecrata, in prole nobilitata, in prole ditata, et dotata, consignata et confirmata est tua virginitas, ò MARIA. Tu.

¶. Quomodo fiet istud quoniàm virum non cognosco? * Ne timeas MARIA, invenisti enim gratiam apud Deum. †. Spiritus Sanctus superveniet in te, et virtus Altissimi obumbrabit tibi.—Ne timeas.—Gloria.—Ne timeas.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: loquente JESU ad turbas, extollens vocem quædam mulier de turbâ dixit illi: Beatus venter, qui te portavit. Et reliqua.

Homilia S. Antonii Paduani.

Serm. in Dom. 3. Quadrag.

Beatus dicitur venter Virginis gloriosæ, qui omne bonum, summum bonum, angelorum beatitudinem, peccatorum reconciliationem novem mensibus portare meruit. Ideo Filius loquens ei dicit illi: Venter tuus sicut acervus tritici. Acervus, quia in eo acervatæ fuerunt omnes prærogativæ meritorum et præmiorum. Tritici, quia in eo quasi in cellario industriâ veri JOSEPH repositum fuit triticum, ne tota Ægyptus fame periret..... JESUS—Christus, qui in cellario beati ventris gloriosæ Virginis, novem mensibus fuit reconditus. Tu. ¶.

¶. 7. Christum Matrem Virginem sibi elegit, * Ut ipsa omnibus esset exemplum Castitatis. ¶. O quàm pulchra est casta generatio cum claritate!—Ut.

Bened. Cujus Castitatem.

LECTIO 8.

Hic beatus venter fuit vallatus liliis. Liliū dictum quasi lacteum, Beatæ MARIE Virginis propter suum candorem, virginitatem significat; cujus uterus fuit vallatus, id est, valle humilitatis munitus: liliis scilicet, utriusque virginitatis interioris et exterioris. (Lect. 9.) Unde Augustinus: Deus unigenitus, dum conciperetur, virginitatem carnis accepit ex Virgine; et cum nasceretur integritatem virginitatis servavit in Matre. Beatus ergo venter. Tu. ¶.

¶. 8. Hæc est, quæ nescivit thorum in delicto, * Habebit fructum in respectione animarum sanclarum †. Eo quod Castitatem amaveris, ideo eris benedicta in æternum.—Habebit.—Gloria.—Habebit.

LECTIO 9.

Commemoratio B. V. Meerlensis.

Gumpenb. 1053.

Meerlensis pagus duobus circiter leucis distat ab urbe Bredanâ. Hic summo in cultu est Deiparæ statua in templo parochiali jam à plurimis annis miraculis clara. Experti sunt præsertim in eâ opem divinam phrenetici, lunatici, et semi demoniaci seu energumeni, quorum nonnulli cum ligati catenis hoc in templo Deiparæ sisterentur, confestim ad sanctæ statuæ aspectum, ruptis vinculis, astiterunt liberi et sani. Testantur hoc catenæ è pariete suspensæ inter claudorum et herniosorum anathemata. Concursus semper maximus fit in festo Deiparæ assumptæ. Tu. Te Matrem.

CANON.

Ex S. Bonaventurâ Episcopo.

Specul. Lect. 4.

525. Casta fuit MARIA in virgineâ carne: castior fuit in Virgi-

neâ men'e: castissima verò in virgineâ prole. Tu.

Cum secundis Vesper.

DIE XXX. JUN.

PULCHRITUDINIS B. M. V.

Duplex majus.

IN I. VESPERIS.

Antiph. et capit. de Laudib.

Ad Magnificat. ant. O quàm pulchra es, amica mea, quàm pulchra es! Oculi tui columbarum, absque eo quod intrinsecùs latet.

AD MATUTIN.

Invitat. Tota pulchra es MARIA:

* Et macula non est in te.

Lectiones de Script. ut in Dom. III. post pasch. p. 212.

¶ 1. Dulcis et angelico pretiosa Puella relatu: * Omnes ultrà homines dona decoris habens. ¶. Ad laudem artificis nobilis artis opus. Omnes.

¶ 2. Indè rubore rosas, candore hinc lilia vincens, * Flos novus è terra, quem polus arce colat. ¶. Quo tua forma nitet cuncta metalla jacent.—Flos.

¶ 3. Nix premitur candore tuo, Sol crinis honore, * Pallescunt radii, Virgo, decore tuo. ¶. Omnibus officiis lampade major ades.—Pallesc.—Glor.—Pall.

IN II. NOCT.

Ex Verbis B. Alberti Magni Ep.

De laudib. B. V. l. 5. c. 2.

LECTIO 4.

Ad membrorum Beatæ Virginis excellentiam singularem laudes humanas addere necesse non est, cum ex viâ illius sanctissimâ, et totius virtutis formâ resplendeat: ejus quippè in terris conversatio, et omnibus sanctis imitanda proponitur, et etiâ angelis admiranda efficitur, quæ siquidem non solum

delectabat, sed et divinos provocabat aspectus. Tu.

¶. Sicut fragmen mali punici, itâ pulchræ genæ tuæ: * Absquè eo quod intrinsecùs latet. ¶. Quàm pulchra et quàm decora es, carissima in deliciis.—Absquè.

LECTIO 5.

Quid enim aliud membra illius erant, nisi quædam spiritales linguæ, quas Spiritus Sanctus sui plectro temperans modulaminis, suæ dignitatis præsentia movebat in armoniam angelicæ similitudinis? Idem namque Spiritus, qui ejus animam sui fervore calor accenderat, membrorum quoquè officia in eandem habitudinem suspendebat. Undè nihil aliud in suis motibus resonabat, nisi nectar divinæ humanæque sapientiæ, expressum de illâ ineffabili bonitate, quam in Trinitate Patris et Filii, et Spiritus Sancti majestatis divinæ essentia communicat vel concordia. Tu.

¶. O quàm pulchra es, amica mea, quàm pulchra es! * Candidior nive, nitidior lacte, rubicundior ebore antiquo, saphiroque pulchrior. ¶. Est hæc Speciosior sole, et super omnem dispositionem stellarum.—Candidior.

LECTIO 6.

Ad hujus puritatis excellentiam nullam alicujus Sancti pertingere scimus sanctimoniam, nisi solius MARIE, quæ tantò Sanctæ Trinitati erat vicinior, quæ membra ejus velut in quâdam virginitate, id est, omnino in sanctitatis integritate custodiebat, ut nulli omnino subjacerent corruptioni, dum mundanæ vanitatis vel carnalis illecebæ nulla colluvio sibi aliquid ex eorum usurparet officio. Tu.

¶. Opulcherrima inter mulieres! * Pulchræ sunt genæ tuæ sicut turris: collum tuum sicut monilia.

†. Absquē eo quod intrinsecūs latet, quia omnis gloria filiæ regis ab intūs.—Pulchræ.—Gloria.—Pulchræ.

IN III. NOCT.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua. Homilia S. Bernardi Abbatis.

In deprecatur. ad B. V.

Hortus conclusus tu es, Dei Genitrix, ad quem deflorandum manus peccatoris nunquā intravit. Tu sanctorum areola aromatum à cœlesti consita pigmentario, virtutum omnium speciosis floribus delectabiliter vernas: inter quos pulcherri-mos flores tres miramur in te, ò Excellentissima! Hi sunt, quorum odore suavissimo totam domum Domini reple, ò MARIA, viola humilitatis, lilium castitatis, rosa charitatis. Merito de Dei areolâ flos ille speciosus præ filiis paradisi electus est, superquem requievit Spiritus Domini. Tu.

†. Ecce tu pulchra es, amica mea, ecce tu pulchra es: * Capilli tui sicut greges caprarum, quæ ascenderunt de Galaad.—Favus distillans labia tua, Sponsa, mel et lac sub linguâ tuâ.—Capilli tui.

Bened. 8. Cujus pulchritudinem.

LECTIO 8.

Et cui te assimilabimus, Mater pulchritudinis? Verè paradus Dei tu es, quia lignum vitæ mundo protulisti, de quo qui manducaverit, vivet in æternum. Fons vitæ, qui ex ore Altissimi prodiit de medio ventris tui exilivit, atque in te, in quatuor capita se dispergens ad irrigandam faciem arentis mundi emanavit lætificans civitatem Dei. Omnis enim qui biberit ex eo, non

sitiet in æternum, et erit plusquā paradus hic: de cujus aquâ si quis biberit, sitiet iterum. Tu.

†. Quæ est ista, quæ progreditur, quasi aurora consurgens, * Pulchra ut luna, electa ut sol, terribilis, ut castrorum acies ordinata? †. Revertere, revertere, ut inteamur te.—Pulch.—Gloria.—Pulch.

LECTIO 9.

O quanta mundo contulisti, quæ tam salubris aquæ ductus esse meruisti? O lampas luculentissima, quantos lætificasti, quandò splendore Dei illustrata desideratum illud lumen, quo inventa est drachma decima, sedentibus in umbrâ moris protulisti? Te nimirum ille epithalamii præcentor à longè intuitus cum admirationis voce ita prorupit? Quæ est ista, quæ progreditur, quasi aurora consurgens, pulchra ut luna, electa ut sol, terribilis ut castrorum acies ordinata? Tu. Te Matrem.

Ad Benedict. ant. Erat elegantis aspectu et in omnis famosissima, candor lucis æternæ, et speculum sine maculâ divinæ majestatis, et imago bonitatis illius.

Oratio.

Sanctissimæ Genitricis tuæ, Domine, nos foveat oratio, ut qui pulchritudinem ejus immaculatam veneramur in terris, ipsam quoque contemplari mereamur in cœlis. Qui vivis.

CANON.

Ex Pio Papâ Nono.

Const. Ineffabilis. 8. Dec. 1854.

526. Ipsa supergressa est omnem integritatem et virginitatem, ac sola tota facta domicilium universarum gratiarum Sanctissimi Spiritus, et quæ, solo Deo excepto, extitit cunctis superior, et ipsis Cherubim et Seraphim, et omni exercitu Angelorum natura pul-

chrior, formosior, et sanctior, cui prædicandæ cœlestes et terrenæ linguæ minimè sufficiunt. Tu.

FESTA JULII.

DIE PRIMA.

VIGILIA VISITAT. B. V. M.

Simplex.

Officium de ferid.

AD MATUTIN.

HYMNUS 272. *Parn. Virgin.*

Veni, præcelsa Domina,
MARIA, tu nos visita,
Ægras mentes illumina
Per sacræ vitæ numina.

Veni, Salvatrix sæculi,
Sordes aufer piaculi:
Tu visitando populum
Pœnæ tolles periculum.

Veni, Regina gentium,
Dele flammas reatum,
Rege quodcumque devium,
Da vitam innocentium.

Veni, ut anum visites,
MARIA vires robores:
Virtute sacri impetûs
Ne fluctuetur animus.

Veni, laudemus Filiûm,
Laudemus Sanctum Spiritum,
Laudemus Patrem unicum,
Qui nobis det auxilium. Amen.

Psalin. antip. et ðð. ut in fer. offic.

Lectio Sancti Evangelii secundum
Lucam.

LECTIO 1. c. 1. 36.

In illo tempore: Dixit Angelus ad
MARIAM: Ecce Elizabeth cognata
tua, et ipsa concepit Filium in
senectute suâ. Et reliqua.

Homilia S. Bernardi Abbatis.

Super missus. hom. 4.

Quid fuit necesse etiâ hujus steri-
lilis Virgini nuntiare. conceptum?
Nunquid forte dubiam adhuc,
et incredulam oraculo, recentiori
voluit confirmari miraculo? Absit.

Legimus et Zachariæ incredulita-
tem ab hoc ipso angelo fuisse casti-
gatam: MARIAM autem in aliquo
reprehensam non legimus, quin
potius fidem ipsius Elizabeth pro-
phetante laudatam cognovimus.
Beata es, inquit, quæ credidisti,
quoriam perficientur in te, quæ
dicta sunt tibi à Domino. Sed ideò
sterilis cognatæ Virgini nuntiatur,
ut dum miraculum miraculo addi-
tur, gaudium gaudio cumuletur.
Tu. ð.

LECTIO 2.

Porrò necesse erat non modico
lætitiae, et amoris præveniente in-
flamari incendio, quæ Filium pa-
ternæ dilectionis cum gaudio Spiri-
tûs Sancti mox fuerat conceptura.
Neque enim nisi in devotissimo
corde atque hilarissimo tanta se
capere poterat dulcedinis et alacri-
tatis affluentia. Vel ideò concep-
tus Elizabeth nuntiatur MARIÆ,
quia profectò decebat, ut verbum
mox divulgandum ubiquè, prius
sciret Virgo per Angelum, quàm
audiret ab homine: ne Mater vide-
licet Dei à consiliis Filii videretur
amota, si eorum quæ in terris tam
propè gererentur, remansisset ig-
nara. Tu. ð.

LECTIO 3.

Vel ideò potius conceptus Elizabeth
MARIÆ nuntiatus est, ut dum
nunc Salvatoris, nunc Præcursoris
edocetur adventum, rerum tem-
pus, et ordinem tenens ipsa, me-
lius postmodum scriptoribus, ac
prædicatoribus Evangelii reseret
veritatem, quæ et plenè de omni-
bus à principio fuerit instructa my-
steriis, vel ideò adhuc nuntiatur
MARIÆ conceptus Elizabeth, ut
audiens cognatam velulam et gra-
vidam, cogitet juvencula de obse-
quo, sicque illâ properante ad
visitandum parvulo prophetæ lo-

cus et occasio detur, quo minori adhuc Domino sui officii valeat exhibere primitias: et dum ad se invicem occurrit matrum, infantumque ab alterutro excitata devotio, mirabilis fiat miraculum de miraculo. Tu. *¶*

AD LAUDES.

HYMNUS 273. *Parn. Virgn.*

Veni, stella, lux gentium,
Infunde pacis radium:

Exultet cor in gaudium
Joannis ante Dominum.

Veni, Virgo regalium,
Reduc fluctus errantium,
Ad unitatem fidei

In quâ salvantur cœlici.

Veni, deprecæ Spiritûs
Sancti dona propensius,
Ut dirigantur rectius
In hujus vitæ actibus.

Veni laudemus Filium,
Laudemus Sanctum Spiritum,
Laudemus Patrem unicum,
Qui nobis det auxilium. Amen.

Preces. Oratio.

Exaudinos, Deus salutaris noster,
ut qui Visitationis Dei Genitricis
solemnitatem devotè prævenimus,
ab unigenito Filio tuo dignè vi-
sitari mereamur. Qui tecum vivit.

CANON.

Ex Bonifacio Papâ Nono.

Const. Superi benignitas an. 1389.

B. Rom. T. III. p. II. p. 378.

527. Urbanus Papa Sextus
suasit et consuluit, ut Visitationis
Beatæ Virginis festi Vigilia, ut Vi-
gilia Nativitatis et Assumptionis
prædictæ Virginis festivitatum etiâ
in observatione jejunii devotiùs
observaretur. Tu.

Vesperæ de sequenti.

DIE II. JUL.

SOLEMNITAS

VISITATIONIS B. M. V.

Dupl. 1. Class. cum Octav.

IN I. VESPER.

Ant. 1. Ecce ego visitabo vos
absconditus in utero Matris meæ.

Psalmi de solemnitatib.

2. Parate viam Domini, re-
clas facite semitas ejus.

3. Quàm pulchrè graditur per
mortana Filia Principis, allel.

4. Dicite Zachariæ, nuntiate
Elizabeth: ecce cognata tua venit
ad te.

5. Occurrite ei, et suscipite
cœlestem portam, ipsa enim portat
ostium vitæ in inviolato utero.

CAPITULUM. *Luc. 1. 36.*

Ecce Elizabeth cognata tua, et ipsa
concepit filium in senectute suâ,
et hic mensis sextus est illi, qui
vocatur sterilis.

¶ Hodie visitavit Elizabeth bea-
ta Virgo MARIA ex progenie Da-
vid, per quam salus mundi cre-
dentibus apparuit, * Cujus vila
gloriosa lucem dedit sæculo. *†*
Beatissimæ Virginis Mariæ visi-
tationem devotissimè celebremus.
—Cujus.—Gloria.—Hodie.

Et dicitur tantum hæc de.

HYMNUS 274. *Brev. Paris.*

Quo Sanctus ardor te rapit,
O Virgo, flos o Virginum?

Quo tendis et cito gradu
Conscendis alta montium?

Urget te sacer Spiritus,
Toto repletam Numine:
Matris Dei jam dignitas
Nihil charitatis detrahit.

Tibi propinquam sanguine
Matrem puella visitas,
Concessa cui divinitus
Grataris alvi munera.

O quanta matrum gaudia!
Stupente naturâ, gravem
Anum stupe, quæ Virginem
Fœtam Deo te prædicat.

Abscondita sub intimo
Ceu nube portabas sinu
Solem suo qui protinus

Lustrabit orbem lumine.

JESU tibi sit gloria,
Mundo Redemptor qui venis,
Cum Patre et almo Spiritu
In sempiterna sæcula. Amen.

Hæc Doxol. dicitur per octav. in hymnis ejusdem metri.

†. Visita nos in salutare tuo Domine.

℞. Ad videndum in bonitate electorum tuorum.

Ad Magnif. ant. Ut facta est vox salutationis tuæ in auribus meis, exultavit infans in gaudio in utero meo, alleluia.

Oratio de Laudibus.

Completor. de Dominica.

AD MATUTIN.

Invitat. Per Virginem MARIAM visitavit nos Dominus, * Oriens ex alto.

HYMNUS 275. *Brev. Par.*

Montes superbum verticem,
Quò Virgo transit, subdite,
Qui se libenter sternerent
Vel ipsa cœli sydera.

Occulta, quæ latet domi,
Audet foris se prodere:
Semper sibi timens pudor,
Se charitate protegit.

It illa, non nectit moras:
Fugit videri, nec minus
Fugit videre, ne suo
Quidquam pudori detrahat.

Beata, quam pressit pede
Tellus! beata semita!
Colles beati, qui simul
Cum Matre sensistis Deum!

Beatiores hospites,
Vos ò quibus cœlestia,
Loquente Matre Virgine,
Audire membra contigit!

JESU, tibi sit gloria,
Mundo Redemptor qui venis,
Cum Patre et almo Spiritu
In sempiterna sæcula. Amen.

IN I. NOCT.

Ant. 1. Non est impossibile *

apud Deum omne Verbum: Elizabeth sterilis concepit filium in se neclute suâ. *Psal.* 10. In Domina. *p.* 4.

2. MARIA abiit * cum festinatione in civitatem Judæ, ut salutaret Elizabeth. *Psaln.* 20. Dom. in virt. *p.* 20.

3. Et intravit * domum Zachariæ, et salutavit cognatam suam. *Psaln.* 26. Domina ill. *p.* 26.

†. Fecit mihi magna, allel.

℞. Qui potens est, allel.

De Canticis canticorum.

LECTIO 4. c. 2. 8.

Vox dilecti mei: ecce iste venit, saliens in montibus, transiliens colles: similis est dilectus meus capreæ, hinnuloque cervorum. En ipse stat post parietem nostram, respiciens per fenestras, transiliens per cancellos. En dilectus meus loquitur mihi: surge, propera, amica mea, columba mea, formosa mea, et veni. Tu.

℞. Quæ est ista quæ processit sicut sol, et formosa tanquàm Jerusalem: * Viderunt eam filiæ Sion, et beatissimam prædicaverunt. †. Et sicut dies verni circumdabant eam flores rosarum, et lilia convallium.—Viderunt.

LECTIO 2.

Jam enim hyems transiit, imber abiit, et recessit: flores apparuerunt in terrâ nostrâ, tempus putationis advenit: Vox turturis audita est in terrâ nostrâ: ficus protulit grossos suos: vineæ florentes dederunt odorem suum. Surge amica mea, speciosa mea, et veni. Tu.

℞. Intravit MARIA in domum Zachariæ, et salutavit Elizabeth: * Vox turturis audita est in terrâ nostrâ. †. Jam hyems transiit, imber abiit, et recessit.—Vox turturis.

LECTIO 3.

Columba mea in foraminibus petrae, in caverna maceriae, ostende mihi faciem tuam, sonet vox tua in auribus meis: vox enim tua dulcis et facies tua decora. Capite nobis vulpes parvulas, quae demoliuntur vineas. Dilectus meus mihi, et ego illi, qui pascitur inter lilia, donec aspiret dies, et inclinentur umbrae. Revertere, similis esto, dilecte mi, capreae hinnuloque cervorum super montes Be-ther. Tu.

¶ Nobilis Elizabeth, de qua canit alta prophetans, * Hoc operante Deo, germina laeta refert. † O benedicta inter mulieres, unde mihi hoc, ut mater Domini visitet alma mei.—Hoc operante.—Gloria.—Nobilis.

In diebus infra octav. Hoc.

IN II. NOCT.

Ant. 1. Repleta est * Spiritu Santo Elizabeth, et exclamavit voce magna. *Psalm. 31. Beati. p. 27.*

2. Benedicta tu * inter mulieres, et benedictus fructus ventris tui. *Psalm. 66. Deus miser. p. 21.*

3. Beata, * quae credidisti quoniam perficientur in te, quae dicta sunt tibi a Domino. *Psalm. 114. Dilexi. p. 45.*

†. Visitavit nos Dominus, allel.

¶. Oriens ex alto, allel.

Sermo Ven. Bedae Presbyteri.

Libr. 1. in Luc. c. 1.

LECTIO 4.

Accepto Virginis consensu, mox Angelus coelestia repetit: illa petit montana, festinat invisere Elizabeth, non quasi incredula de oraculo, vel dubia de exemplo, sed ut laeta pro voto, religiosa pro officio, typicum pariter exemplum tribuens, quod omnis anima, quae Verbum Dei mente conceperit, vir-

tutum statim celsa cacumina gressu conscendat amoris: quatenus civitatem Juda, id est, confessionis, et laudis arcem penetrare, et usque ad perfectionem fidei, spei et charitatis, quasi tribus in ea mensibus valeat commorari. Tu.

¶. Ad Domini adventum exilivit de ventre Joannes, * Infans personuit munere preco novus. †. Dum pede non potuit, motibus ivit iter.—Infans.

LECTIO 5.

Disce, Virgo, humilitatem MARIAE: ut et corpore casta et pectore possis esse devota. Visitat junior seniore, salutat Virgo uxorem, Decet enim, ut quo castior Virgo, eo sit humilior: et senioribus deferens habitum castitatis, praconio commendet humilitatis. MARIA ad Elizabeth: Dominus venit ad Joannem: haec ut a Spiritu Sancto repleatur, illius ut baptismus consecratur, majorumque humiliatio, minorum est utique exaltatio. Tu.

¶. Trans uterum matris, quasi per specularia cernens, * Materna et puero mœnstra fenestra fuit. †. Quando exultavit ventre de ventre salutans.—Materna.

LECTIO 6.

Vocem prior Elizabeth audivit, sed Joannes prior gratiam sensit. Illa naturae audivit, ille exultavit ratione mysterii. Illa MARIAE, iste Domini sensit adventum. Istae gratiam loquuntur: illi intus operantur, pietatisque mysterium matris adorantur profectibus, duplicique miraculo prophetant matres spiritu parvulorum. Exultavit infans, et repleta mater est: non prius mater repleta, quam filius, sed cum filius repletus esset Spiritu Sancto, replevit et matrem. Tu.

¶. Visitatio est hodie Sanctae

MARIÆ Virginis: * Cujus pulchritudinem respexit Deus, et visitavit humilitatem ancillæ suæ. †. Ista est speciosa electa à Domino, cujus Visitationem celebramus.—Cujus pulchr.—Gloria.—Visitatio.

In diebus infra octav. Cujus.

IN III. NOCT.

Ant. 1. Respexit Deus * humilitatem ancillæ suæ, et beatam me dicent omnes generationes. *Ps.* 149. *Ad Domin. p.* 46.

2. Undè hoc mihi, * ut veniat Mater Domini mei ad me? *Ps.* 125. *In convertendo. p.* 47.

3. Visitavit nos * Dominus ad dirigendos pedes nostros in viam pacis. *Ps.* 131. *Memento. p.* 48.

†. Visitavit nos Dominus, allel.

‡. El fecit redemptionem plebis suæ, allel.

Lectio S. Evang. secundum Lucam.

LECTIO 7. c. 1. 39.

In illo tempore: Exurgens MARIA, abiit in montana cum festinatione, in civitatem David. Et reliqua.

Homilia Sancti Bernardi Abbatis.

In signum magnum.

Audierat Virgo, quod ex te nasceretur Sanctum, vocabitur filius Dei. Indè ventum est ad Elizabeth, et continuo Virginis gloria singularis eidem per Spiritum revelatur. Deniquè et mirabatur, personam venientis, dicens: Undè hoc mihi, ut veniat Mater Domini mei ad me? Commendabat et vocem salutantis adjiciens: ut facta est vox salutationis tuæ in auribus meis, exultavit in gaudio infans in utero meo. Tu.

‡. Solem justitiæ Regem paritura supremum. * Stella maris MARIA hodiè visitavit Elizabeth. †. Cernere divinum lumen, gaude te fideles—Stella.

Benedict. Cujus Visitationem.

LECTIO 8.

Magna quidè præconia, sed et devota humilitas, nihil sibi passa retinere, in eum magis universa refudit, cujus in se beneficia laudabuntur. Tu, inquit, magnificas Matrem Domini: sed magnificat anima mea Dominum: In voce meà filium perhibes exultasse in gaudio, sed exultavit Spiritus meus in Deo salutari meo: et ipse quodè tanquàm amicus sponsi gaudet ad vocem Sponsi. Tu.

‡. Exclamavit MARIA, et dixit * Magnificat mea Dominum, et exultavit Spiritus meus in Deo salutari meo. †. Beata, quæ credidisti; quoniam perficientur in te, quæ dicta sunt tibi à Domino.—Magnificat.

Diebus infra Oct. loco hujus ‡. dicitur inferius. Hodiè.

LECTIO 9.

Beatam esse dicis, quæ credidisset: sed credulitatis et beatitudinis causâ respectus est supernæ pietatis, ut ex hoc magis beatam me dicant omnes generationes, quia ancillam humilem et exiguum respexit Deus. Verum tamèn nunquid putamus, fratres, Elizabeth sanctam in eo quod per Spiritum loquebatur, errasse? Absit. Beata planè quam respexit Deus, et beata quæ credidit. Hic enim magnus divinæ respectiois exultat fructus. Tu.

‡. Hodiè visitavit Elizabeth Beata Virgo MARIA ex progeniè David, per quam salus mundi credentibus apparuit. * Cujus vita gloriosa lucem dedit sæculo. †. Beatissima: Virginis MARIÆ Visitationem devotissimè celebremus.—Cujus.—Gloria.—Hodiè.

Diebus infr. Oct. Cujus.

AD LAUDES

et per Horas Antiphonæ.

1. Exurgens MARIA, * abiit

in montana, ut visitaret Elizabeth.
Psalmi de Dominic.

2. Quàm pulchri * sunt gressus tui, Filia Principis!

3. Viderunt eam * filiæ Sion, et beatissimam prædicaverunt.

4. Quæ est isla, * quæ ascendit per desertum sicut virgula fumi.

5. Revertere * Sunamitis, revertere, ut intueamur te.

CAPITULUM. Luc. 1. 36.
Ecce Elizabeth cognata tua, et ipsa concepit filium in senectute suâ, et hic mensis sextus est illi, quæ vocatur sterilis.

HIMNUS 276.

Ad prima verba Virginis
Intus novente spiritu,
In matris alvo conditus
Infans Joannes gestiit.

Agnovit infantem Deum:
Quem sensit, ardet prodere,
Vates et infans, quâ potest
Adesse Christum nuntiat.

Hic jam Redemptoris vices,
Præconis ille sustinet:
Materna claustra non velant,
Quin ambo munus impleant.

Felix puer, felix parens,
Felix Sacerdos et domus,
Qui per parentem Virginem
Deo fruuntur hospite.

JESU, tibi sit gloria,
Mundi Redemptor, qui venis,
Cum Patre et almo Spiritu
In sempiterna sæcula. Amen.

†. Visita nos in salutari tuo, Domine, alleluia.

†. Ad videndum in bonitate electorum tuorum, alleluia,

Ad Benedict. ant. Beata quæ credidisti, * quoniam perficientur in te, quæ dicta sunt tibi à Domino, et ait MARIA: Magnificat anima mea Dominum, alleluia.

Oratio.

Omnipotens sempiterne Deus,

qui ex abundantia charitatis Beatam MARIAM tuo Filio fecundalam, ad salutationem Elizabeth inspirasti, præsta, quæsumus, ut per ejus Visitationem donis cœlestibus repleamur, et ab omnibus adversitatibus liberemur. Per eundem.

AD PRIMAM.

Ant. Exurgens. **Capit.** Ecce Elizabeth **de Laudibus.**

†. †. br. Quæ cognatam tuam Elizabeth visitasti.

CANON.

Ex Bonifacio Papâ Nono.

Const. Superni Ben. an. 1389.—**B.**

Rom. Tom. 3. p. 2. p. 378.

528 Sexto idus Aprilis pontificatus sui anno undecimo «Urbanus Papâ Sextus» statuit, ut Festum Visitationis Beatæ MARIE Virginis, quandò visitavit Elizabeth; sexto nonas Julii annis singulis in Dei Ecclesiâ cum laudum cantico, lætitiæ jubilo, cordisque tripudio sub duplici officio per orbem universum solemniter celebraretur. Tu.

AD TERTIAM.

CAPITULUM Luc. 1. 41.

Factum est, ut audivit salutationem MARIE Elizabeth, exultavit infans in utero ejus, et repleta est Spiritu Sancto Elizabeth.

†. br. Fecit mihi magna, * allel. alleluia.—Fecit. †. Qui potens est.—Alleluia.—Gloria.—Fecit.

†. Visitavit nos Dominus, allel. †. Oriens ex alto, alleluia.

AD SEXTAM.

CAPITULUM 2. Reg. 6. 11.

Habitavit arca Domini in domo Obedon Gethæi tribus mensibus, et benedixit Dominus Obedon et omnem domum ejus.

†. br. Visitavit nos Dominus, * allel., allel.—Visitav. †. Oriens ex alto.—Allel.—Glor.—Visitav.

†. Visitavit nos Dominus, allel.
 †. Et fecit redemptionem plebis
 suæ, allel.

AD NONAM.

CAPITULUM. 2. Reg. 6. 12.
 Nuntiatunque est Regi David, quod
 benedixisset Dominus Obededon,
 et omnia ejus propter Arcam Dei.

†. *br.* Visitavit nos Dominus, *
 allel., allel. — Visitav. †. Oriens ex
 alto. — Allel. — Gloria. — Visitavit.

†. Visita nos in salutari tuo, Do-
 mine, allel.

†. Ad videndum in bonitate ele-
 ctorum tuorum, allel.

IN II. VESPER.

Ant. 1. Visitavit * Elizabeth Vir-
 go MARIA, et repleta est Spiritu
 Sancto. *Psalm. de Solemnit.*

2. Visitasti terram, * et ine-
 briasti eam, multiplicasti locuple-
 tare eam.

3. Veni, Domina, * et visita
 nos in salutari tuo.

4. Visita * vineam istam, quam
 plantavit dextera tua.

5. Et ut facta est * vox salu-
 tationis, MARIE, repleta est Spiritu
 Sancto Elizabeth.

CAPITULUM. Luc. 1. 36.
 Ecce Elizabeth cognata tua, et ip-
 sa concepit filium in senectute suâ,
 et hic mensis sextus est illi, quæ
 vocatur sterilis.

†. *Ut in 1. Vesper.* Hodie vi-
 sitavit.

HYMNUS 277.

Hunc diem festum veneremur om-
 nes,

Quo Deus nostrum miseratus æ-
 vum,

Cum novis signis veniens ab alto
 Visitat orbem.

Cesset humani generis quærela,
 Virginis claustrum subiit Redem-
 ptor,

Girat et cælum recubans sub arcto
 Tegmine Matris.

Dum latet subtus trabeâ decenti;
 Angelus cedit repetens olympum:
 Transilit clivum gravidata Divo
 Munere Virgo.

Obviat fœta sterilis vocata
 Clamat, ut sensis puerum moveri
 Inter obscuras positum latebras
 Carcere ventris.

Parvulus miles dominum salutat,
 Et suum complet Dominum clientem,
 Hesperus tandem rutilat coruscans
 Lumine solis.

O Dei nostri Genitrix beata,
 Visita mentes hodiè tuorum,
 Ut suo fructu salietur agmen
 Criminis expers.

Sit decus summum sine fine
 Christo,

Virgo quem sacra genuit MARIA,
 Qui Patri compar Spiritui Sancto
 Regnat in ævum. Amen.

†. Visita nos in salutari tuo,
 Domina.

†. Ad videndum in bonitate ele-
 ctorum tuorum.

Ad Magnif. ant. Mansit autem
 MARIA cum Elizabeth quasi men-
 sibus tribus, et reversa est in do-
 mum suam, alleluia.

Oratio ut supra.

Completor. de Dominica.

—
*In diebus infra octavam etiã in
 festis officium fit ut in die, nisi ali-
 ter notetur, cum Lect. 1. Noct. et
 Psalmis de ferid.*

DIE III. JUL.

SS. VESTIUM B. M. V.

Duplex.

Oratio.

Præsta quæsumus, Omnipotens
 Deus, utqui sacratissimas Vestes
 Immaculatæ Virginis veneramur,
 vitiis exuti, sanctas virtutes, ipsâ
 intercedente, induere possimus. Per
 Dominum nostrum.

Lect. 1. Noct. de feriâ.

IN II. NOCT.

LECTIO 4.

*Ex histor. Euthym. apud S. Joann. Damasc.**Oratio 2. de Assumpt. B. M. V.*

Cum Sancta Pulcheria Beatæ Virginis ædem extruxisset, accito Juvenali Jerosolymorum Archiepiscopo, et aliis Palestinæ Episcopis, qui tum ob concilium Chalcedone coactum in urbe imperiali peregrè agebant, ab eis, ubi corpus Beatæ Virginis MARIE esset conquisivit, ut ejus reliquiæ venerandæ ad Blachernas essent translatae. Quem sermonem excipiens Juvenalis, Imperatrici respondit, quòd post Sanctæ Virginis mortem, cum tumultum aperuissent, atque ex eo inenarrabili quâdam suavitate perfusi fuissent, loculum munierunt. Tu.

¶ Signum magnum apparuit in cælo, Mulier amicta sole, et iuna sub pedibus ejus, et in capite ejus corona stellarum duodecim. ⁊ Astitit Regina à dextris tuis, cum vestitu deaurato circumdata, varietate. — Mulier.

LECTIO 5.

Quod cum Imperatores audissent, ab eo Archiepiscopo Juvenali contenderunt, ut sanctus ille loculus, unâ cum gloriosæ ac Sanctissimæ Dei Genitricis vestimentis, quæ in eo erant, diligenter ad se mitteretur. Quod cum contingisset, eum in venerandâ æde Sanctæ Dei Matris, quæ in Blachernis structa erat, considerunt, atque ad hunc modum se habuerunt. Tu.

¶ Gaudens gaudebo in Domino, et exultabit anima mea in Deo meo, * Quia induit me vestimentis salutis, et indumento justitiæ circumdedit me. ⁊. Odor vestimentorum tuorum, sicut odor thuris. — Quia.

LECTIO 6.

Ex Martirol. Gallicano die 2 Jul.
Sed postea captâ à Latinis eadem imperatrice urbe, ipsa Zona cum magnâ parte pupli beatissimæ ipsius Dei Genitricis, à Nivelone venerabili Episcopo Suessionem transvecta, una cum innumeris pretiosissimis lipsanis in antiquâ Sanctæ MARIE Basilicâ cœnobii Virginialis solemni pompâ reposita, magno illic honore conservatur. Tu.

¶ Stragulatam vestem fecit sibi, byssus et purpura indumentum ejus: * Et ridebit in die novissimo. ⁊. Exiit se vestimento viduitatis, et induit se vestimento lætitiæ in exultatione filiorum Israel. — Et. — Gloria. — Et.

IN III. NOCT.

Si hoc festum transferatur extra Octav. dicitur Homil. de Comm. pro Duplicib.

Lectio S. Evang. secundum Lucam.

LECTIO 7. c. 1. 39.

In illo tempore: Exurgens MARIA abiit in montana cum festinatione in civitatem David. Et reliqua.

Homilia S. Andreæ Cretensis.

Orat. in Salut. Angelicâ.

Benedicta tu inter mulieres, ac verè quidèmbenedicta, nam benedixit te sibi ipsi Deus in tabernaculum. Quoniâmaternâ gloriâsuperabundantem hominem JESUM-Christum, eundem quoquẽ Deum perfectissimum iis naturis, ex quibus et in quibus constitit, ineffabili quodam modo in utero tuo gesisti. Tu. ¶.

Bened. 8. Cujus Vestimenta.

LECTIO 8.

Benedicta tu in mulieribus, quæ cœlestem thesaurum in quo alii omnes sapientiæ et cognitionis thesauri sunt reconditi, in tuto virginitatis tuæ velut promptuario liberimè complexa es. Verè tu bene-

dicta: cujus venter acervus quidem
aræ, quoniam fructum benedictionis,
spicam immortalitatis Christum,
inquam, sine seminantis ac
coloni operâ perfectissimè produxi-
sti. Tu. ꝑ.

LECTIO 9.

Commemoratio B. V. Messanensis
de Litterâ.

Gumpenb. 43.

Messanæ sacellum quod ex nuncupatione
Epistolæ ad Messanenses à
Divâ Virgine missæ de Litterâ ap-
pellatur, Deiparæ jam à primis sæ-
culis sacrum est, quod ipsâ vetu-
state magis religiosum sanctumque
habetur. Anno vero millesimo sex-
centesimo vigesimo nono atque ip-
so die tertio nonas Junii, festo
Epistolæ, recentioris etiâ structu-
ræ opera simul ac magnifica desig-
natione coli cœpit angustius. Ima-
go ipsa reliquarum omnium, quæ
deindè variis est modis picta, scul-
ptaque, est antiquissima et in mi-
râ veneratione. Communi fide cre-
ditur esse opus Sancti Luca, Græ-
câ hæc epigraphe insignis: Velox
auscultatrix. Tu. Te Matrem.

Vesperæ ut in 2. Vesp. Visitationis.

DIE IV. JUL.

DE III. DIE INFRA OCT. VIS.

Semiduplex.

AD MATUTIN.

O HYMNUS 278. *Parn. Marian.*

Christi Mater cœlica
Fons vivus fluens gratiâ:
Lux pellens cuncta schismata,
MARIA Deo proxima.

Ex motu veri luminis
Transivit in monticula
Virgo juvare vetulam
De Præcursore gravidam.

Mater venit de Nazareth,
Ut salutet Elizabeth:
Replentur dono Spiritûs.

Anus et ejus filius.

Elizabeth complacuit,
Quodd Mater Dei affuit,
Infans gaudet in utero,
Præsente Christo Domino.

MARIÆ Visitatio

Exemplum dat pro bravio:

Quodd sit parata omnibus
Ipsam piè quærentibus.

Trinitatis clementia
Cuncta lavet facinora:
Per Matris Christi merita
Nos ducat ad cœlestia.

JESU, tibi sit gloria
Mundo Redemptor qui venis,
Cum Patre et almo Spiritu
In sempiterna sæcula. Amen.

Lect. 1. Noct. de fer. occur.

IN II. NOCT.

Sermo S. Gregorii Thaumaturgii
Episcopi.

Serm. 2. in ann. B. V.

LECTIO 4.

Ut autem audivit salutationem MA-
RIÆ Elizabeth, exultavit infans
præ júbilo in utero ejus, et re-
pleta est Spiritu Sancto Elizabeth:
vox igitur MARIÆ efficax fuit,
Spiritu Sancto replevit Elizabeth,
ac velut ex perenni quodam fonte,
instrumento linguæ, flumen cha-
rismatum per prophetiam cognatæ
suæ emisit: et pedibus infantis in
utero colligatis saltum et exulta-
tionem suppeditavit. Quod quidè
miraculosi tripudii symbolum si-
guumque erat. Nam ubi gratiâ
plena advenit, gaudio cuncta reple-
ta sunt. Exclamavit autem magnâ
voce Elizabeth, et dixit: Benedicta
tu in mulieribus, et benedictus fru-
ctus ventris tui. Et undè hoc mihi,
ut veniat Mater Domini mei ad
me? Tu. ꝑ.

LECTIO 5.

Benedicta tu in mulieribus. Tu
quippe ipsis principium reparatio-
nis effecta es. Tu fiduciam in pa-

radisum introitus nobis dedisti, et antiquum dolorem, luctumque fugasti. Non enim amplius post te mulierum genus vituperatur: non amplius hæredes Evæ antiquam maledictionem timent, neque partus dolorem reformidant, quoniam Christus humani generis Redemptor, Salvator universæ naturæ, spiritualis Adam, terreni hominis vulnus curans ex sancto tuo utero procedit. Tu. *¶*.

LECTIO 6.

Benedicta tu in mulieribus et benedictus fructus ventris tui. Omnium enim bonorum plantator tuus fructus effectus est. Præclara quidem videmus etiam 'sterilis' Elizabeth verba: ac illustriora vicissim Sanctissima prolata est Virgo, et canticum Deo gratiarum actionis, bonique odoris, ac theologiæ plenum retribuit, cum antiquis nova adnuntians, cum iis quæ à sæculo et ab initio, ea quæ in sæculorum consummatione acciderunt, prædicans, brevique sermone Christi mysteria summam præstingens. Ait autem MARIA: Magnificat anima mea Dominum. Tu. *¶*.

IN III. NOCT.

Lectio S. Evang. secundum Lucam.

LECTIO 7. c. 1. 39.

In illo tempore: Exurgens MARIA abiit in montana cum festinatione in civitatem David. Et reliqua.

Homilia S. Thomæ Arch. Valentini.

Conc. de Visitatione.

Hæc licet Virgo per montana tota inflammata cum festinatione incedit. Quo enim Virgo plena, ait Ambrosius, nisi in montana conscenderet? Psalmus: Montes excelsi cervis, petra refugium herinaceis. Cum festinatione vadit: non enim ponderi est infans in utero, sed levamini. Imprægnata, sed non ag-

gravata. Gravida sine gravamine. Quomodo enim gravaret in utero Matrem Verbum Dei, quo omnia sustinentur? Porfat enim omnia verbo virtutis suæ. Tu. *¶*.

LECTIO 8.

Factus in utero Matrem ipsam portat, et veluti radius flamigerans, vapor virgineo impressus, corpus levat in montana, animam rapit in cœlestia. O felix silva, quæ talem viatorem habuisti! O admirabile spectaculum! Puer deificus, Infans cœlestis, nondum natus, jam iter agit in montana. O currus triumphalis uteri virginalis, quo cœlestis Rex, non tam hominum, quàm Angelorum catervâ slipatus, itineratur, vehitur per montana! Clarior est currus illa quadriga ignea, quæ vectus est Elias in cœlum. Ibi ardor igneus. Hic ardor Spiritus. Ibi quadriga equorum, hic virtutum. Ibi vehitur propheta, hic Deus prophetarum. Tu. *¶*.

LECTIO 9.

Commem. Sanctæ Mariæ à Palmis.

Spinelli de festis et templ. Deip.
Sancta MARIA à Palmis Romæ viâ Appiæ extra portam Sancti Sebastiani, sic dicta à palmarum multitudine, quæ ibi olim erat cum templo Martis. Hoc in loco, quemadmodum pervetus figura supra templi fores indicat, Christus Sancto Petro Neronis rabiem fugienti occurrat, eidemque roganti: Domine, quo vadis? respondit: Romam iterum crucifigi: atque in lapide pedum suorum vestigia impressit, undè factum est, ut hæc Ecclesia Sanctæ Mariæ à Plantis dicta etiam sit. Cum autem hoc templum præ vetustate ruinari videretur, cardinalis Toletus pro suâ in Virginem pietate refici curavit. Tu. Te Matrem.

AD LAUDES

HYMNUS 279. *Caryophil.*

Vi suā magnum petit ima pondus;
Pondus est prægians uterus puellis;
Una sed Virgo petit alta ventris
Pondere ducta.

Plena divini gravitate Verbi
Tendit ad montes properantegressu;
Visit agnatam, sterilique natum
Ventre Joannem.

Ponderis tanti gravitate pressa,
Se vel ancillam canit illa Verbi:
Mater ut Verbi superavit omnes
Pondere cœlos.

Pondus hoc Matris geritur, gerit-
que:
Matris hoc ventrem leve pondus im-
plet:

Quid magis Verbo leve? Quidve
Verbi

Pondere majus?

Pondus hoc nobis levitate tollit
Criminum pondus: gravitate donat
Pondus æternum, labor ut caducus
Duret in ævum. Amen.

CANON.

Ex Bonifacio Papâ Nono.

Const. ut supr.

529. Mandavit Prædecessor no-
ster, quod simile, non tamenduplex,
(Visitationis) Officium... per septem
sequentes dies in Dei Ecclesiâ cum
celebritate debita decantetur. Tu.

Vesperæ de infra Oct. Duplex.

DIE V. JUL.

TRIUM EXCELLENTIAR. B. M. V.

Duplex.

*Omnia ut in die Visit. nisi tran-
sferatur.*

Lect. 1. Noct. de fer. occur.

IN II. NOCT.

Sermo Sancti Bernardini Senensis.
Serm. de Ann. art. 1. c. 1. et seq.

LECTIO 4.

Prima Excellentia MARIÆ est na-
turæ. Triplici namque modo in Ave

hæc naturæ excellentia demonstra-
tur. Primo modo Ave, id est, sine
væ. Et hoc triplici quidè modo,
cui subjacet totum semineum genus,
scilicet, pudoris, laboris, et dolo-
ris. Fuit enim sine væ pudoris in
conceptione, sine væ laboris in ge-
statione, sine væ doloris in partu-
ritione. Secundo modo, quia ab
alio triplici væ immunis fuit, sci-
licet, concupiscentiæ, culpæ et pœ-
næ. Fuit enim Beata Virgo sine
primo væ, hoc est, sine tyranno
concupiscentiæ peccati originalis,
quia sine ipso concepta est. Fuit
sine secundo væ, scilicet, culpæ et
mortalis et venialis. Fuit sine tertio
væ, scilicet pœnæ, quæ in separa-
tione animæ et corporis, quæ est
incineratio et corporis dissolutio.
Tertio modo, quia fuit sine alio
triplici væ, scilicet, carnis, mundi
et diaboli, sive tria ei defuerunt,
avaritiam namque exclusit per pau-
pertatem, luxuriam per virginita-
tem, diabolum verò, vel superbiam
per humilitatem. Tu. *¶*

LECTIO 5.

Secunda Excellentia est gratiæ, de
quâ angelus subdit: Gratiâ plena.
Hoc secundum triplicem intelle-
ctum exponi potest. Primus est gra-
tiâ plena. Gratiâ, inquam, scili-
cet, corporali, spirituali, et singu-
lari. Nam gratia corporalis fuit
gratia Virginitatis in carne. Gratia
spiritualis fuit abundantia virtutum
in mente. Gratia singularis fuit
præsentia filii Dei in ventre. Se-
cundus intellectus, Gratiâ plena,
nam fuit in eâ profunditas humili-
tatis, puritas Virginitatis, et solidi-
tas charitatis, quas has virtutes
plenissimè habuit, et in summo. Ad
hoc enim, quod vas impleatur, et
teneat liquorem bonum, ista tria
requiruntur, scilicet, quod vas sit
vacuum, sive profundum, quod sit

purum, quòdque sit solidum, sive firmum, quæ omnia fuerunt in Virgine Matre. Tertius insupèr intellectus, Gratiâ plena. Omnis nempe gratia, quæ huic sæculo communicatur, triplicem habet processum. Nam à Deo in Christum, à Christo in Virginem, à Virgine in nos ordinatissimè dispensatur. Tu. *¶*

LECTIO 6.

Tertia Virginis Excellentia est gloriæ, de quâ per angelum subinfertur, Dominus tecum, quod tripliciter exponi potest. Primo modo, Dominus enim est Pater, Dominus Filius, Dominus Spiritus Sanctus. Tecum Dominus Pater, quia tu Sponsa Patris, Tecum Dominus Filius, quia tu Mater Filii. Tecum Dominus Spiritus Sanctus, quia tu Spiritus Sancti thesauraria comprobaris. Secundo etiâ Dominus tecum: tecum autem ante uterum, tecum in utero, tecum post uterum. Ante uterum te præsignans in multis figuris, et prophetiis. In utero te sanctificans. Post uterum te fœcundans. Tertiò quoquè Dominus tecum, tecum enim in mente, tecum in ventre, tecum in potestate. Tecum namque in mente per virtutum abundantiam. Tecum in ventre per suam præsentiam. Tecum in potestate propter peccatorum indulgentiam, cum de Deo nobis facias quidquid tuæ placuerit charitati. Tu. *¶*

IN III. NOCT.

*Si hoc fest. transfer. dicitur
Hom. de comm. pro Duplicib.*

Lectio S. Evang. secundum Lucam.

LECTIO 7. c. 1. 39.

In illo tempore: Exurgens MARIA abiit in montana cum festinatione in civitatem Juda. Et reliqua.

Homilia S. Ambrosii Episcopi.

In Luc. libr. 2.

Benedicta tu inter mulieres, et be-

nedictus fructus ventris tui. Quis est iste fructus ventris tui, nisi ille, de quo dictum est: ecce hæreditas Domini, filii merces fructus ventris? Hoc est, hæreditas Domini filii sunt, qui merces sunt fructus illius, qui de MARIE ventre processit. Ipse fructus ventris est flos radicis, de quo benè prophetauit Isaias dicens: exiei virga de radice Jesse, et flos de radice ejus ascendet. Radix enim est familia Judæorum, virga MARIA, flos MARIE Christus. Tu. *¶*

LECTIO 8.

Et undè hoc mihi, ut veniat Mater Domini mei ad me? Non quasi ignorans dicit. Scit enim esse Spiritus Sancti gratiam et operationem, ut mater prophetæ à Matre Domini ad profectum sui pignoris salutetur. Sed quasi non humani hoc meriti, sed divinæ gratiæ munus esse agnoscat, ita dicit: Undè hoc mihi? Hoc est, quantum bonum mihi accidit, ut Mater Domini mei veniat ad me, non cognosco mecum. Undè hoc mihi? quâ justitiâ? pro quibus factis? pro quibus meritis? Non usitata hæc officia feminarum sunt, ut veniat Mater Domini mei ad me. Miraculum sentio, cognosco mysterium, Mater Domini Verbo sœcla, Deo plena est. Tu. *¶*

LECTIO 9.

Ecce enim ut facta est vox salutationis tuæ in auribus meis, exultavit in gaudio infans in utero meo. Et beata quæ credidisti. Vides non dubitasse MARIAM, sed credidisse, et in Deo fructum fidei consecutum. Beata, inquit, quæ credidisti. Sed et vos beati, qui auditis et creditis. Quæcumque enim crediderit anima, et concipit, et generat Dei verbum, et opera ejus agnoscit. Tu. Te Matrem.

Vesperæ de infra Oct. Dupl.

DIE VI. JUL.

PRODIGIORUM B. M. V.

*Duplex.**Omnia ut in die Visitat. nisi transfer.**Lect. 1. Noct. de ferid.*

IN II. NOCT.

Ev verbis S. Theodori Studitæ in Canone.

Bibliot. max. Tom. 2. c. 746.

LECTIO 4.

Regiam stolam ex te, Virgo, Deus gestans hominibus apparuit, in hominum formâ, duplex secundum essentiam, cujus effigiem et figuram veneramus. Verè te Dominam confitemur, quæ Deum peperisti, Nestorii nugis neglectis, et Sanctorum Patrum dogmatibus inhæremus. Sanctis Sanctior, et omnibus creaturis excelsior, tu sola apparuisti Mater simul et Virgo Dei genitrix, cum ipsum tuum Creatorem peperis, quâ propter Sanctam Imaginem veneramus. Tu. ♀.

LECTIO 5.

O purissima Virgo à Deo glorificata, civitas Dei à prophetis meritò es pronuntiata, ex quâ ortus est ipsemet tui Creator, qui te post partum ut ante virginem conservavit. Dei Genitrix, quæ omnium es auxilium, refugium et protectio, ostende quæsumus te, quòd pro omnibus, qui ad te confugiunt, vales intercedere, sicut è contra impios rejicis, tui Filii potentia: omnia siquidem potes, ut ejus Mater. Tu. ♀.

LECTIO 6.

Sermo D. Hesichii Pbri. Jerosolymilani.

Orat. 2. in SS. Deipar.

Vides qualis et quanta est Deiparæ Sanctissimæ dignitas. Unigenitus enim Dei Filius, mundi conditor, velut infans gestabatur ab eâ, et Adamum reformabat, Evamque

sanctificabat, excludebat Dracōnem, et paradysum aperiebat, sigillum uteri muniens. Aperiebat enim paradysum, quoniàm latronem introducturus erat in eum, cunctosque regni hæredes deducturus. Sigillum uteri muniebat eo quod is, qui carnem assumebat, esset Deus et Verbum, nequaquam opus habens portas aperiendi, ingrediendi causâ aut egrediendi. Tu. ♀.

IN III. NOCT.

Si hoc fest. transfertur dicitur Homil. de comm. pro Duplicib.

Lectio S. Evang. secundum Lucam.

LECTIO 7. c. 1. 39.

In illo tempore: Exurgens MARIA abiit in montana cum festinatione in civitatem Juda. Et reliqua.

Homilia S. Andreæ Cretensis. Ep.

Oratio in Salutatione Angelic.

Tu verè benedicta, quæ sola in matribus omnibus digna es habita Mater conditoris tui, ac ita quidem, ut quæ matribus contingunt, ignorares, quippè quod ex te per partum prodiit, virginitatem tuam hæud corrupit, nam qui formavit, idem quomocūque communicavit castitatis tuæ signacula. Reverà benedicta tu, quæ sola sine viro concepisti, et in utero eum gesisti, qui cœlos expandit, ac virginitatis tuæ terram cœlestem reddidit. Tu. ♀.

LECTIO 8.

Benedicta tu in mulieribus, quæ sola benedictionem es sortita, quam Deus gentibus per Abrahamum promiserat. Verè tu benedicta, ut quæ benedicti pueri JESU-Christi servatoris nostri mater es nuncupata. Propter quam gentes acclamant: benedictus, qui venit in nomine Domini, et benedictum nomen ejus in sempiternum, et replebitur gloria ejus universa terra: fiat, fiat. Tu. ♀.

LECTIO 9.

Commemoratio B. V. Mantuanæ de Gratiis.

Gumpenb. 122.

Non longè à Mantuanâ urbe in Italiâ Sacellum est, et in Sacello Deiparæ Imago exigui operis. Ejus origo ignoratur: in hoc sacello sub annum millesimum trecentesium Mantuæ Marchio Franciscus Gonzaga remedium invenit pestiferæ lui, quæ omnia medicorum et medicinæ consilia eluserat. Vix enim vovit Virgini in eo loco templum augustius, quod et mole suâ et magnificentiâ posteris beneficium sublato contagii testaretur, quod statim cessavit quasatio. Nec etiâ lentum experta Virgo est Principem. Quàm potuit celerrimè enim templum extruxit, quin etiâ plus præstitit, quàm promissit, cœnobium Virginum templo adjungens. Tu. Te Matrem.

Vesperæ ut in secum Vesp. Visitation.

DIE VII. JUL.

DE VI. DIE INFRA OCTAV.

Semiduplex.

Oratio.

Deus qui de Beatæ Mariæ Virginis utero Præcursorem tuum, nondum in lucem editum sanctificasti; da Ecclesiæ tuæ, ut quos spiritali regeneratione concepit, purificatos tibi pariat filios adoptionis. Qui vivis et regnas.

AD MATUTIN.

HYMNUS 279.

Ecce quàm fructu genitrix utroque Digna! quàm fructus genitrice dignus!

Hæc Deum Virgo, sterilis recondit
Illa prophetam.

Fac tuos puris hodiè clientes,

Virgo, collustret radiis Redemptor
Ille, quem prodit rova nascituro
Gratia vati.

Det sequi certo pede, quâ præisti,
Dum Patris summi paritura prolem,
Vilis ancillæ titulo modesto

Pectore præfers.

Qui paras talem, Deus alme, terris
Ut tuo Christo præeat, lucernam,
Nos, bonus, turmis precibus Mariæ

Junge supernis. Amen.

Lect. 1. Noct. de ferid.

IN II. NOCT.

Sermo S. Maximi Episcopi.

Homil. 1. in Nativ. S. J. Bapt.

LECTIO 4.

Elizabeth illa velus mulier, et nova mater, quæ ante partum suum de futuri filii lætabatur officio, venienti ad se Beatæ Mariæ in ipso salutationis occursum ait: Ecce ex quo facta est vox salutationis tuæ in auribus meis, exultavit in gaudio infans in utero meo. Tu. ¶.

LECTIO 5.

Quid hoc est miraculi, fratres, quæ tantorum novitas gaudiorum, habere se in utero Elizabeth testaretur infantem, qui necdum semetipsum sentiens, Domini jam sentiret adventum? Verè hic omnium beatissimus parvulorum, qui intra viscera adhuc materna conclusus, adesse Salvatorem mundi, quia necdum sermone poterat, prophetico gaudio revelavit. Tu. ¶.

LECTIO 6.

Nullus ignorat, carissimi, omnem parvulum materno ab utero prodeuntem inter ipsa lucis exordia mœstis concrepare vagitibus: solus Baptista Domini ultra legem nascentium nativitatem suam lætitiæ exultatione prævenit. Et quem decuit, fratres, ut de matre sterili nasceretur, qui fecunditatem Virginis revelabat, quatenus mirabilem par-

tum mirabilis mirabiliter natus ostenderet. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 1. 39.

In illo tempore: Exurgens MARIA abiit in montana cum festinatione in civitatem Juda. Et reliqua.

Homilia V. Bedæ Presbyteri.

In Visitat. B. V.

Aptè post visionem angeli in montana subiit, quæ gustatâ suavitate supernorum civium humilitatis gressibus ad virtutum alta se transtulit. Intrat ergo domum Zachariæ, atque Elizabeth, quam servum ac præcursores Domini parituram noverat, salutat, non quasi dubia de oraculo, quod acceperat, sed ut congratulatura de dono quod conservam accepisse didicerat: non ut verbum Angeli mulieris attestatione probaret, sed ut mulieri provectæ ætatis Virgo juvencula ministerium sedula impenderet. Tu. ꝑ.

LECTIO 8.

Ut autem salutationem MARIA Elizabeth audit, exultavit infans in utero ejus, et repleta est Spiritu Sancto Elizabeth. Aperiente os ad salutandum Beatâ MARIA, repleta est mox Spiritu Sancto Elizabeth, repletus est Joannes, atque uno eodemque Spiritu ambo edocti, illa salutantem quæ esset, agnovit, et ut Matrem Domini sui debitâ cum benedictione venerata est, ille ipsum Dominum esse, qui in utero Virginis portaretur, intellexit: et quia lingua necdum valuit, animo exultante salutavit, officium suæ præcursionis quàm devotè, quàm libenter juvenis esset impleturus, et antequàm nasceretur, adveniente Domino, quibus valebat indiciis, intimavit. Tu. ꝑ.

LECTIO 9.

Commemoratio B. V. Mislenicensis.

Gumpenb. 546.

Hæc sacra Imago Deiparæ nomen habet ab oppido, in quo est, distatque quatuor omnino leucis Cracoviâ. Picta est in tabulâ quernâ è tribus minoribus compactâ, longa cubitum unum, et sesqui quadrantem cubiti: latitudo eadem est: opus est italicum, et artificium exactum. Imago hæc advecta est Venetiis in Poloniam à quodam Duce Cracoviensi, eidem donata, ut res pretiosissima à Moniali quâdam Sixti V. nepte, quæ eam ab hoc Pontifice accepit. Anno millesimo sexcentesimo trigesimo tertio, mense Majo multoties hæc imago copiosè sudavit, facie Virginis resæ instar rubente: odor etiâ sentiebatur valdè gratus: undè institutâ ritu Ecclesiastico seriâ inquisitione pro miraculosâ habita est, et ut talis cum pompâ templo parochiali illata, mensis Julii die secundâ, ubi plurimis miraculis etiâ claret. Tu. Te Matrem.

CANON.

Ex Bonifacio Papâ Nono.

In Bulla Superni benign. an. 1389.

—Bull. R. t. 3. p. 2. p. 378.

530. Universos Ecclesiarum Prælatos monemus, et hortamur in Domino..... in virtute Sanctæ obedientiæ districtè præcipiendo mandantes, et in remissionem peccatorum injungentes, quatenus tam gloriosum festum et celebre «Visitationis Beatæ Virginis MARIE» annis singulis sexto Nonas Julii devotè ac solemniter celebrent, ac jejuniū vigiliæ hujusmodi suadeant in augmentum meritî observari. Tu.

Vesper. ut in die. Orat. sequent.

DIE VIII. JUL.

DULCEDINIS B. M. V.

*Duplex.**Omnia, ut in die Visitationis, nisi transferatur.**Oratio.*

Præsta, quæsumus, Omnipotens Deus, ut tui amoris suavitate repleantur corda nostra, qui Dulcedinem Sanctissimæ Genitricis tuæ toto cordis affectu hodiè recolimus. Qui vivis et regnas.

Lect. 1. Noct. de feriâ.

IN II. NOCT.

Ex verbis B. Alberti Magni Ep.

De laudib. B. V. l. 4. c. 26.

LECTIO 4.

De dulcedine MARIE hic notandum, quæ generalis est, et universalis. Undè de eâ dicitur: Non habet amaritudinem conversatio illius, nec lædium convictum ipsius, sed lætitiâ et gaudium. MARIA dulcis fructu, idest, Filio, à quo potissima dulcedo ipsius; quia à Filio traxit omnem dulcorem. De quo videlicet fructu dicit fidelis anima: fructus ejus, scilicet MARIE dulcis gutturi meo. Initium dulcoris habet fructus illius contra hoc quod primus fructus Evæ habuit initium amaritudinis. Tu. ꝑ.

LECTIO 5.

MARIA dulcis Spiritu. Undè Spiritus meus super mel dulcis. Spiritus MARIE nihil habet amaritudinis, sed totum dulcoris. Sicut enim pixis contenti electuarii odorem retinet et saporem, sic Spiritus Beatæ Virginis Christi dulcedinem, qui in ejus ventre novem mensibus requievit: et licet ex ejus utero nasceretur, nunquàm tamen à spiritu ejus vel mente recessit. Vel ideò Spiritus ejus dulcis: quia specialis apotheca Spiritus San-

cti, qui dulcedo Patris et Filii propriè nominatur. Vel dulcis super mel: nam transcendit omnem dulcedinem mundanarum, seti carnalium voluptatum. Tu. ꝑ.

LECTIO 6.

MARIA dulcis cogitatu: undè dicit cum Filio: ego cogito cogitationes pacis. Respectu: facies enim ejus plena est gratiarum. Auditu: quia libentissimè audit preces peccatorum ab ipsis fidelitèr invocata. Olfactu: scilicet virginitatis suæ, signata per illam Virginem, quæ rhinoceroti proponitur, quam ipse rhinoceros olfactu sentiens, et discernens spontè mitescit, et se reclinat ejus gremio, et obdormit. Anhelitu: undè dicit ei sponsus: odor tuus, sicut odor malorum. Gustu: undè dicit: qui educt me, adhuc esurrient, tanquàm cibum saporis peroptimi. Tactu: quia statim tenet Filium, ne feriat peccatores. Amplexu: id est, ad amplectendum per dilectionem. Lingvâ: undè mel et lac sub linguâ ejus. Labiis: undè savus distillans labia tua. Tu. ꝑ.

Si hoc festum transfertur, dicitur Hom. de Comm. pro Duplic.

IN III. NOCT.

Lectio S. Evang. secundum Lucam.

LECTIO 7. c. 1. 39.

In illo tempore: Exurgens MARIA abiit in montana cum festinatione in civitatem Juda. Et reliqua.

Homilia Ven. Bedæ Presbyteri.

Homil. in Visitat. B. V.

Benedicta tu inter mulieres, et benedictus fructus ventris tui. Non solùm benedicta inter mulieres, sed inter mulieres benedictas majori benedictione specialitèr insignis. Benedicta est enim incomparabiliter, quæ et divini germinis suscepit gloriam, et coronam integritatis

servavit. Benedicta inter mulieres per ejus partum virgineum à natis mulierum maledictio primæ Matris exclusa est. Tu. ꝑ.

LECTIO 8.

Benedictus fructus ventris illius, per quem et semen incorruptionis, et supernæ hæreditatis, quam perdidimus in Adam, fructum recepimus. Et verè ac singularitèr benedictus, qui nostro more, postquam natus est, gratiam in Domino benedictionis recepit, sed ipse ad salvandum mundum benedictus venit in nomine Domini. Tu. ꝑ.

LECTIO 9.

Commemoratio Nostræ Dominæ de Donis.

Ex variis auctoribus.

Ecclēsia Avennionensis Nostræ Dominæ de Donis, quæ inter cæteras cathedrales Ecclesias illarum partium claret, à Beatâ Mariâ Christi hospita (quadraginta annos post Christum natum) ad laudem ejus et gloriosæ Virginis, manu Dei, ut fama est, et antiquorum habet relatio, et aliquorum Romanorum Pontificum præsertim Sixti quarti litteræ attestantur, consecrata extitit. Anno autem trecentesimo vigesimo sexto hæc Ecclesia à Constantino Imperatore magnifico opere restaurata, seu de novo structa, cum tribus altaribus in eâ erectis ab Avintio Episcopo fuit dedicata. Postea à francis et saracenis iterum destructam Carolus Magnus anno octingentesimo vigesimo reædificavit. Summorum Pontificum tempore quo Avennionē sedem habuere Ecclesia fuit: deinde Archiepiscoporum Avennionensium. Tu. Te Matrem.

CANON.

Ex D. Bonaventurâ Episcopo.

Spect. B. V. Lect. 2.

531. In ore MARIÆ non fuit fel, et venenum diaboli, sed mel et lac Spiritûs Sancti, juxta illud Canticorum: Favus distillans labia tua: mel et lac sub linguâ tua. Tu.

Vesperæ de sequent. ut in 1. Vesp. Visitation.

DIE IX. JUL.

OCTAVA VISITATION.

Duplex majus.

IN I. VESPER.

HYMNUS 280. *Parn. Marian.*

Pange lingua gloriosæ
Diei præconium,
In quâ Matris generosæ
Mundo fulget gaudium,
Perferentis copiosæ
Salutis donarium.

Nobis datus et formatus
In electâ Virgine:
Per infantem honoratus.
Ventre clausum feminæ,
Novi lucem incolatus
Grato pandit ordine.

Ab Angelo salutata
In montana properat:
Præsens adest cum cognatâ,
Quæ mirans considerat,
Cur tam honorificata
Mater ad se venerat.

Decorataque virtutibus
Ex Christi præsentia:
Dulcisona fer omnibus
Sterilis eloquia,
Quæ clamans altis vocibus
Respondet magnalia.

O quam felix et jucunda
Est hæc visitatio!
Elizabeth lætabunda
Exultat cum Filio:
Dum fatur Virgo sæcunda,
Candidior lilio.

Sempiternæ Trinitati
Laus perennis gloriæ,
Quæ Sanctarum dignitati

Tantum dedit gratiæ:
Nos adscribat civitati
Cœlitum et Patriæ. Amen.

Oratio.

Adesto Ecclesiæ tuæ, Omnipotens Deus, et filios adoptionis iungiter in ejus sinu purifica, qui **MARIÆ** clausus utero Joannem in sinu Elizabeth sanctificasti. Qui vivis.

AD MATUTIN.

HYMNUS 281. Parn. mar.

Sacris solemnibus dat Virgo gaudia,
Novis eloquiis reserans labia:
Deum magnificat humilis et pia
Quam gratia vivificat.

Festi recolitur dies lætissima,
Quæ ritè panditur salus uberrima,
Dudum veteribus per signa plurima
Sanctis ostensa Patribus.

Post festum cœlicum salutis veteris

Per os angelicum missam à superis,
Visitat proximam Virgo, præcæteris

Se exhibens humillimam.

Rem admirabilem jam intellexerat,

Feminam sterilem, quæ conseruerat,

Filium gerere: et dignum duxerat
Lætam salutem promere.

Te trinum Dominum, unumque colimus,

Reginæ Virginum meritis petimus:
Post vitæ terminum, duc nos quo tendimus

Ad te datorem luminum. Amen.

Lect. 1. Noct. ut in die Visitationis.

IN II. NOCT.

Sermo S. Thomæ Arch. Valentini.
Conc. de Visitatione.

LECTIO 4.

Sed quænam, obsecro, itinerandi ratio? Quæ causa festinationis? Audiamus. Conceperat Elizabeth senex et sterilis miraculo dupli-

cato præcursorem Domini Joannem Baptistam; ducem et armigerum cœlestis regis, antesignanum totius Dominicæ phalangis. Hic adhuc ergastulo peccati originalis delinetur, et carcere peccati gravatur. Festinat Mater ad senis parituræ obsequium; sed Filius festinat sanctificare suum præcursorem, eripere ac liberare suum ducem. Tu. ʒ.

LECTIO 5.

Ecce quatuor personas totius mundi primates, Virgo puerpera, sterilis prægnans, Verbum Domini, Propheta Domini. Duo Matres, et duo parvuli intra viscera. Audi mysterium, audi mirabile Sacramentum. Intrat Virgo domum senis, salutatur eam; intrat vox illa à Verbo Dei in utero existente emissa per os Virginis in aures Elizabeth: penetrat senilia viscera virtus voci impressa. Tu. ʒ.

LECTIO 6.

Jacebat infans in senilibus visceribus securus veluti in cervicali: tangitur virtute vocis, aperit oculos, cognoscit Deum nube carnis, et nube ventris reconditum: excitatur, exurgit, concutit latera matris, gestit erumpere, gestit clamare foras, negat exitum uterus clausus, partus immaturus erumpere non sinit membra infirma, naturâ prohibente delinetur. Tu. ʒ.

IN III. NOCT.

Lectio S. Evang. secundum Lucam.

LECTIO 7. c. 1. 39.

In illo tempore: Exurgens **MARIA** abiit in montana cum festinatione in civitatem Juda. Et reliqua.

Homilia S. Ambrosii Episcopi.

Expos. in Luc. libr. 2.

MARIA in domo seria, festina in publico, mansit apud cognatam suam tribus mensibus. Etenim quæ

propter officium venerat, inhærebat officio. Mansit ergo mensibus tribus, non quòd domus eam delectaret aliena, sed quia frequentius videri in publico despiciebat. Tu. ¶.

LECTIO 8.

Benè inducitur Sancta MARIA et exhibuisse officium, et mysticum munerum custodisse. Non enim sola familiaritatis est causa, quòd diù mansit, sed etià tanti valis profectus. Nam si primo ingressu tantus processus extitit, ut ad salutationem MARLÆ exultaret infans in ulero, repleretur Spiritu Sancto Mater Infantis, quantum putamus usu temporis Sanctæ MARLÆ addidisse præsentiam? ¶.

LECTIO 9.

Deniquè tamdiù mansit MARIA, quamdiù Elizabeth pariendi tempus impleret. Quod si diligenter advertas, invenies hoc nunquàm positum nisi in generatione justorum. Deniquè impleti sunt dies, ut pareret MARIA: impletum est tempus, ut pareret Elizabeth: impletum est vitæ tempus, cum sancti viri ex hoc vitæ curriculo demigrarunt. Plenitudinem justi vita habet, inanes autem sunt dies impiorum. Tu. Te Matrem.

AD LAUDES.

HYMNUS 283. *Parn. Mar.*

Verbum supernum prodiens
A fonte vivi luminis,
Homo factus est oriens.
Uterum intrans Virginis.

Mox florens Jesse virgula,
Progreditur à Nazareth,
Festiva Christi gerula,
Ut videat Elizabeth.

Ferre salutem incipit:
Hanc sentit intra viscera
Et jam ventura percipit
Qui nondùm vidit aera.

Mater senior prædicat

Gesticem Verbi cœlici:
Illa junior explicat
Opus regis magnifici.

Hæc quasi tribus mensibus
Durat sanctorum concio,
In canticis suavis
Gratulans Dei Filio.

JESU tibi sit gloria
Mundi Redemptor qui venis,
Cum Patre et almo Spiritu
In sempiterna sæcula. Amen.

CANON.

Ex Decr. Sacr. Rituum Congregat.
Die 30. Maj. 1850. *Urbis et Orbis.*

532. Sanctissimus Dominus Noster Pius Papa Nonus in grati animi monumentum erga Sanctissimam Virginem MARIAM ob beneficia ex eâ recepta, Festum Visitationis ejusdem cum octavâ celebrari præcepit. Tu.

IN II. VESP.

HYMNUS 284. *Parn. Mar.*

Magnæ dies lætitiæ
Nobis illuxit cœlitis:
MARIA thronus gloriæ
Montes petit divinitus.

Ancilla ferens Dominum,
Gerentem vatem visitat,
Notumque facit geminum
Donum, quod prius latitat.

Recepit nupta Virginem,
Et salutantem prædicat:
Sic homo Deum hominem
Abstrusus clausum indicat.

In rosâ latet lilium,
Et in antiquâ flosculus:
Sed majestatis solum
Sentit et clamat parvulus.

A stellâ sol tunc geritur,
Et vatem cana bajulat:
Sed virtus solis cernitur,
Cum infans laudes cumulat.

JESU tibi sit gloriâ,
Mundi Redemptor qui venis,
Cum Patre et almo Spiritu
In sempiterna sæcula. Amen.

DIE XI. JUL.

D. V. FESULANÆ DE SAXO.

Simplex.

LECTIO 1.

In *Balingh. Kalend. mar. die 2. Jul.* In agro fesulano per nemora montuosa pascebant oves duæ puellæ, quæ sub meridiem ad declinandum solis æstum sub rupe quâdam declinabant, ubi preces Deiparæ coram antiquissimâ ejus Imagine, ibi ab immemoriali tempore collocata, fundebant. Voluit Deipara eas suâ præsentia recreare. Itaque die Visitationis super nube lucidâ unâ cum Filio inter duos angelos albis induta, saxo cuidam insidens, speciosissima utique apparuit, perterritasque solata admonuit, velle se ibi templum habere, ac patrem earum ibidem alloqui. Quo accersito illi se videndam præbuit ac de templo à populo extruendo docuit. Tu. 14.

LECTIO 2.

Hujus rei fama multos ad saxum illud evocavit, quarè eadem Deipara die vigesima secundâ Augusti eadem specie plurimis apparuit. Clivius asperior erat, quàm ut posset complanari. Ergò ex apposito templum ædificare cœperunt, ad quod facilius ascenderetur. Cæterum quidquid interdum opere extruxissent, noctu cornebat. Undè voluntate divæ Virginis perspectâ eo loci, ubi supra saxum conspecta est, circumcirca lapidem, templum erexere, cui à Saxo titulum indiderunt. In eo miracula plurima facta sunt. Tu. 14.

LECTIO 3.

Commemoratio B. V. Antuerpiensis de Peregrinis.

Gumpenb. 715.

Antuerpiæ Statua Deiparæ est sub titulo de Peregrinis, quia in pla-

teâ, quæ à multitudine peregrinantium nomen accepit Visitationium, Sacellum habebat. Prius trunco arboris afixa, post accepta beneficia ab Antuerpiensibus sacello inclusa est, quod anno millesimo quingentesimo trigesimo tertio incendio periit. Sed redditâ terris pace, paulò post iterum stetit piorum ære. Rediere quoque miraculosa Deiparæ beneficia. Hoc in loco olim frequentes Deiparæ honores exhibuit magnus ille dux Godofridus Bullonius, qui Regis Jerusalemiani coronam promeruit: utique post ex hoc maxime loco sacras vires accepit. Ex hoc denique Basilicam Deiparæ structam asseritur. Tu. Te Matrem.

Vesperæ sequentis.

DIE XII. JUL.

CONVERSATION. APOSTOLICÆ

B. MARIE V.

*Duplex.**Lect. 1. Noct. fer. occur.*

IN II. NOCT.

Sermo S. Bernardi Abbatis.

Serm. de Beat. Maria, inter ejus opera.

LECTIO 4.

Virgo Sanctissima, quæ Salvatorem genuit, peperit, et aluit, quæ jugiter ejus adhæsit lateri, quæ comes individua nullo ferè abfuit itinere, quæ intentâ præ cæteris invigilavit verbo et operi ejus, sola Salvatoris actuum insignia, operum opera, meliflua prædicationis genera inaudita contra mundum, et peccatum, et tartareum Zabulum, divinæ severitatis acerrima eloquia, quo eis diù interfuit, specialius vidit, secretius audit, citius agnovit, propensius retinuit, et apostolis, aliisque discipulis loculentius edidit, diligentius retulit,

melius indidit, fidelius tradidit.
Tu. ꝑ.

LECTIO 5.

Hinc est, quod de eâ legitur in Evangelio: MARIA autem conservabat omnia verba hæc, conferens in corde suo. Hinc in ejus laudibus legitur: Multæ filiæ congregaverunt divitias, tu supergressa es universas. Licet enim in parbolis loqueretur ad turbas, licet omnia Apostolis nota faceret, ut amicis, quædam tamèn credendum est præ cæteris Matrem suam quemadmodum dilexisse, ita etiã propensius erudisse, quædam ei secretius intimasse, frequenter eam ad montem myrhæ, et ad collem thuris sublimasse, in cellam vinariam occullassse: sui prout novit, et voluit gloriam deificam et supercœlestem revelasse notitiam.
Tu. ꝑ.

LECTIO 6.

Indè Joannes in Apocalypsi, de throno, ait, scilicet de MARIA, procedebant fulgura et voces, et tonitrua: quia MARIA Mater Filii JESU—Christi parabolas, ænigmata, legalia, et mirifica gesta, dicta, opera, avidius ebibit, fidelius credidit, sincerius, luculentiusque aliis edidit. Hæc MARIA à naturâ reverenter conservata, et à lege diligenter venerata, à gratiâ clementer est præelecta: quia sic præfatis suajura singillatim reddidit, reddendo sibi subdidit, ut honoris vicem omnibus impenderet, et insuper momenti quiddam superadderet. Tu. ꝑ.

IN III. NOCT.

Lectio S. Evangelii secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus

venter, qui te portavit. Et reliqua.

Hom. S. Antonini Arch. Florentini.

Titul. 15. c. 4. 3. de Assumpt. B. V.

Voluit Filius, ut post Ascensionem remaneret ad tempus in mundo Doctrix et illuminatrix Apostolorum: undequaque ipsa determinabat quæstiones de factis Dei et morum, si quæ oriébantur in Ecclesiâ primitivâ. Tu. ꝑ.

Bened. 8. Cujus conversationem apostolicam.

LECTIO 8.

Sicut autem Mater, quum habet filium mortuum, vel absentem, cum fletibus sæpè respicit vestes filii; sic Beata Virgo, ut notat Beatus Hieronymus in sermone de Assumptione, visitabat loca, in quibus Filius fecerat aliquod opus mirabile, contemplando illa sacra mysteria....

Lect. 9. Hæc tamen peregrinatio dicta Beatæ Virginis ad loca Sancta secundum Beatum Ambrosium magis intelligenda est secundum Spiritum, quam secundum locum, scilicet, quod domi manens contemplaretur, quæ Filius fecerat in illo vel illo loco. Tu.

LECTIO 9.

Commemoratio B. V. Hyrachensis de Stellâ.

Bolland. act. Sanct. invitâ S. Verem. die 8. Mart.

Circa annum millesimum octogesimum, cum sanctus Veremundus esset Abbas Hyrachensis Monasterii, contigit, ut mille passibus à monasterio Pastores gregem custodientes inspicerent fulgentissimas stellas, de cœlo lapsas super clivum, qui hodiè stellatus ideò vocatur. Quâ parte è cœlo in terram cadebant, in foveâ vepribus obstructâ inventa est Dei Genitricis Imago, quæ Filium tenellum supra palmam manûs habebat, ingenti pulchritu-

dine prædita, quam nec loci obscuritas, nec temporum vicissitudo fœdaverat. Mirandæ novitatis intuitus Sancius Ramirus Navarræ Rex circa eundem locum Stellam civitatem erexit, indito à Stellis apparentibus nomine, in cultum Beatæ Virginis. Tu. Te Matrem.

CANON.

Ex D. Thomâ Archiep. Valentino.
Conc. 1. in Dom. Pentec.

533. Confluebant ad Virginem undiquè Christiani, videre sanctuarium Domini, sacrosancam Deiparam, Genitricem Virginem, Deo caram, super omnes feminas benedictam, virtutis regulam, sanctitatis formam, totius honestatis unicum decus et exemplar; cujus vitæ et magisterio in suo primordio Ecclesiæ Dei illustrata est supra modum.... Tu.

Cum 2. Vesper.

DIE XIII. JUL.

DIV. VIRG. REMENSIS.

Simplex.

LECTIO 1.

Flodoardus Hist. Eccl. Remens l. 3. c. 5.

Hincmarus Archiepiscopus Remensis templum Dei Genitricis MARIE, quod à fundamentis Ebo renovare cœperat, pace, gratiâque fruens regiâ, præclari consummavit decoris eminentiâ. Insuper et aram Sanctæ Genitricis auro vestivit, ac lapidibus pretiosis ornavit, variisque titulavit versibus. Tecla templi plumbeis cooperuit tabulis, ipsumque templum pictis decoravit camæris, fenestris etiâ illustravit vitreis, pavimentis quoque stravit marmoreis. Crucem eminentiorem gemmis, auroque cooperuit. Alias etiâ cruces tam auro, quam argento paravit. Tu. Te Matrem.

LECTIO 2.

Librum quoque de ortu Sanctissimæ Dei Genitricis MARIE, sed et sermonem Beati Hieronymi de ipsius Dominæ Assumptione scribi fecit: et tabulis eburreis auroque vestitis munivit. Pluribus denique convocatis Episcopis, sed et Carolo rege, in hanc civitatem advéniente, in honorem incomparabilis et perpetuæ Virginis MARIE, ut et antiqua fuerat sacrata, Basilicam solemnitèr dedicavit, in quâ postea multis Deiparæ miraculis claruit. Tu. Te.

LECTIO 3.

Commemoratio B. V. Acrimontanæ de Subsidio.

Ex Monumentis.

Acrimonte in Cathalauniâ vetustissima quædam extat Deiparæ Sanctissimæ Imago sub titulo de Subsidio, quæ à quibusdam pastoribus juxta torrentem Siò intra rubum, eo in loco, ubi nunc Ædicula exurgit, reperta traditur. Inventa Imago in magnifico Sacello parochialis templi jam ab antiquo asservatur: nec indè extrahitur, nisi cum ob pluvie inopiam ad locum ubi reperta fuit, solemnî pompâ, finitimis pagis confluentibus, deducitur. Ea Virginis statua lignea est, sex cum dimidio palmis alta, colore fusco: sedens puerum ulnis sustinet, et dexterâ manu globulum: unâ cum Filio ditissimis vestibus omnino iuduta, diademate argenteo gemmis intexto est coronata. Plurima ibi, Ipsâ invocata, operantur prodigia, ut ex libro miraculorum ejus, qui anno millesimo centesimo quadragesimo scriptus perhibetur, aliisque scriptis satis liquet. Dominica post ejus Natalem est ipsi ab Acrimontanis solemnitèr sacra. Tu. Te Matrem.

Vesperæ sequenti.

OPERUM MISERICORDIÆ B. M. V.

*Duplex.**Lect. 1. Noct. fer. occurr.*

IN II. NOCT.

Ex verbis B. Alberti Magni Ep.

Quæstion. super missus. q. 50.

LECTIO 4.

Opera misericordiæ quæ fiunt ex compassione et revelatione misericordiæ, et propter hoc dicuntur misericordiæ opera, etiã exercuit Beata Virgo in summo super omnes viatores: operum enim misericordiæ alterum est altero magis bonum, vel quod fit ex majori charitate, vel quod fit magis indigenti, vel quod magis digno indigenti, vel quod fit cum majori effectu impenso, vel quod fit ex magis necessario et minù superfluo. Hæc omnia fuerunt in beatissimâ Virgine in summo. Tu. ꝑ.

LECTIO 5.

Charitas ex quâ opera misericordiæ fecit, omnem creaturam excelsit, ut infra patebit. Maximè indigenti tribuit: quia nemo dignior mendicus, quàm mendicus Deus fuit. Magnum enim esset opus misericordiæ, quod fieret pauperi laico, majus, quod fieret pauperi clerico, majus, quod fieret religioso, adhuc majus, quod fieret pauperi Episcopo, sed summum, quod fieret mendico Papæ; ergò improporcionabiliter summum opus misericordiæ fuit, quod fiebat Deo mendico et pauperrimo. Tu. ꝑ.

LECTIO 6.

Maximum etiã effectum misericordiæ nobis impendit: quia nobis miseris et captivis, et mendicis Deum filium suum ipsum dedit captivis in pretium, famelicis in viaticum, laborantibus in præmium, infirmis in medicamentum,

et cum ipso nobis dedit regnum cælorum, et omne bonum: qui enim proprio filio suo non pepercit, quomodo cum illo nobis omnia non donavit? Itẽ beatissima Virgo de nullo sibi superfluo, sed omninò necessario opus misericordiæ fecit Filio suo pauperrimo et peregrino, de propriis suis purissimis carnibus, et sanguinibus tunicam polymitam fecit, in uteri sui gremio hospitavit, de proprio corpore cibavit et lactavit. Tu. ꝑ.

*Homil. de Conam. Vitæ activæ pro**Dupl. maj. Videamus.**Cum secundis vesperis. * **

DIE XV. JUL.

APPARIT. B. V. SALETENSIS.

Simplex.

LECTIO 1.

Rousselot.

Anno millesimo octingentesimo quadragesimo sexto, diẽ decimâ nonâ Septembris, horâ pomeridianâ circiter tertiâ in altissimo Alpium monte, nunc de la Sallette dicto, duobus pueris, quorum alter undecim annorum, cui Maximinus nomen, altera verò quindecim quæ Melania vocabatur, in eo monte suum quisque gregem juxta morem custodientibus, juxta fontem penitus exsiccatum ingenti claritate circumdata Deipara Sanctissima apparuit, sedens, lacrymis perfussa, caput manibus velans, aspectu venerabilis, collo appensa habens Crucifixum et instrumenta passionis, majestatem simul ac summam modestiam et intensum dolorem præ se ferens. Tu.

ꝑ. Venite filii, audite me et nolite timere: * Huc enim veni, ut magna vobis annuntiarem. ꝑ. Tremantes pastores benignè alloquitur, simulque ab eorum corde omnem depellit timorem. — Huc.

LECTIO 2.

Alacres igitur ad hæc verba illi pueri ad eam accedunt. Virgo surgit ac media inter eos duos, illis alloquens, conqueritur de frequentissimâ apud homines blasphemiâ, de apertâ festorum violatione, de irreligiositate in templis ac de præceptorum Ecclesiæ contemptu; minatur ingentes calamitates, ni homines resipiscant: valicinator vitis, frumenti aliorumque terræ fructuum immediabilem morbum, futuras infantium septem annis minorum mortes, venturamque famem ac magnam rerum penuriam: deniquè promittit bonorum copiam affuturam, si homines ad meliora redeant. Tu.

¶. Adeò grave, adeò ponderosum est Filii mei brachium, ut illud sustinere ac cohibere ulterius non valeam: * Ne vos ab illo opprimamini, quotidie Filium obsecro et obtestor; id enim muneris in me suscepit. ¶. Recordare nostri, Domina, ut loquaris pro nobis bona et avertas indignationem Dei à nobis, —Ne. —Glor. —Ne.

LECTIO 3.

Quæ cum ita locuta fuisset, cui libet Pastori secretum sibi proprium committit, quod à neutro extorqueri nullatenus potuit; nec nisi summo Pontifici fuit communicatum. Et mandato de divulgandis apud populum suis dictis semel et iterum dato, à pueris hinc et hinc stipata, clivum conscendit, ac triginta circiter passus emensa, nec incedendo herbam premens, sese à terrâ parumpèr attollit, ac paulatim ex eorum oculis evanescit, magnâ post se claritate relictâ. Fama hujus apparitionis statim totam Gratianopolitanam Diocesim pervasit, et ante annum non Galliam modò sed finitimos etiâ

populos, ita ut ex omnibus orbis partibus ingens sit ad eum montem accursus, ubi Diva Virgo innumera patrat miracula, quorum plurima ab auctoritate ecclesiastiâ ritè examinata, tanquàm cœlitus concessa, declarata fuerunt. Hujus Apparitionis anniversaria dies ex indulto apostolico quotannis in eâ Diœcesi celebratur. Tu. TeMatrem.

CANON.

Ex Decreto Philiberti Episcopi.

19. Sept. 1851.

534. Gratianopolitanus Antistes Philibertus de Bruillard pastoralis suo mandato veram et indubitatam esse Apparitionem Beatæ MARIÆ Virginis factam duobus pueris in monte Salettensi solemniter proclamavit. Tu.

Vesperæ de sequenti.

DIE XVI. JUL.

B. M. V. DE MONTE CARMELO.

Duplex majus.

Ad Magnif. ant. Gloria Libani data est ei, decor Carmeli et Saron.

Oratio.

Deus, qui Beatissimæ semper Virginis et Genitricis tuæ MARIÆ singulari titulo Carmeli Ordinem decorasti: concede propitius, ut cuius hodiè Commemorationem solemni celebramus officio, ejus muniti præsidii ad gaudia sempiterna pervenire mereamur. Qui vivis.

AD MATUTIN.

Invitat. Dominum gloriæ in Nube Carmeli mirabilem, * Venite, adoremus.

Lect. 1. Noct. de Comm.

¶. 1. Accipe, dilectissime fili, tui Ordinis Scapulare, meæ confraternitatis signum, * Tibi, et cunctis Carmelitis privilegium. ¶. In quo quis moriens æternum non patietur incendium. —Tibi.

¶ 2. Ecce signum salutis, salus in periculis, * Fœdus pacis, et pacti sempiterni. †. Tibi et cunctis Carmelitis privilegium.—Fœdus.

¶ 3. Induit nos Genitrix Dei vestimento salutis, * Et indumento iustitiæ circumdedit nos. †. Dedit nobis signum protectionis suæ.—Et indumento.—Gloria.—Et indumento.

IN II. NOCT.

LECTIO 4.

Ex Brev. Roman. sub hac die.
Cum sacrâ Pentecostes die Apostoli cœlitis afflati, variis linguis loquerentur, et invocato augustissimo JESU nomine, mira multa patrantur: viri plarimi, ut fertur, qui vestigiis Sanctorum Prophetarum Eliæ et Elisæi insilerant, et Joannis Baptistæ præconio ad Christi adventum comparati fuerant, rerum veritate perspectâ atque probatâ, Evangelicam fidem confestim amplexati sunt, ac peculiari quodam affectu beatissimam Virginem, cujus colloquiis ac familiaritate feliciter frui potuere, adeo venerari cœperunt, ut primi omnium in eo montis Carmeli loco, ubi Elias olim ascendentem nebulam, Virginis typo insignem, conspexerat, eidem purissimæ Virgini Sacellum construxerint. Tu.

¶ Christi Virgo dilectissima, virtutum operatrix, opem fer miseris: * Subveni, Domina, clamantibus ad te jugiter. †. Quoniam peccatorum mole premimur, et non est qui adjuvet.—Subveni.

LECTIO 5.

Ad novum ergo sacellum sæpè quotidie convenientes, ritibus piis, precationibus, ac laudibus, Beatissimam Virginem, velut singularis Ordinis tutelam colebant. Quamobrem fratres Beatæ MARIE de Monte Carmelo passim ab omnibus

appellari cœperunt, eumque titulum Summi Pontifices non modò confirmarunt, sed et indulgentias pecciliares iis, qui eo titulo, vel ordinem, vel fratres singulos nuncuparent, concessere. Nec verò nomenclaturam tantum magnificèntissima Virgo tribuit et tutelam; verum et insigne sacri Scapularis, quod Beato Simoni Anglio præbuit, ut cœlesti hac veste Ordo ille sacer dignosceretur, et à malis ingruentibus protegeretur. Ac demum cum olim in Europâ Ordo esset ignotus, et ob id apud Honorium tertium non pauci pro illius extinctione instarent, astitit Honorio nocte piissima Virgo MARIA, planèque jussit, ut Institutum et homines benignè complecteretur. Tu.

¶ O flos Carmeli, vitis florifera, splendor cœli, * Virgo puerpera, Mater mitis, Carmelitis da privilegia. †. Subveni, Domina, quæ soror nostra Mater et-diceris, ad te clamantibus.—Virgo puerpera.

LECTIO 6.

Non in hoc tantum sæculo Ordinem sibi tam acceptum multis prærogativis Beatissimæ Virgo insignivit, verum et in alio (cum ubique et potentiâ et misericordiâ plurimum valeat) filios in Scapularis societatem relatos, qui abstinentiam modicam, precesque paucas eis præscriptas frequentarunt, ac pro sui statûs ratione castitatem coluerunt, materno planè affectu, dum igne purgatorii expiantur, solari ac in cœlestem patriam obtentu suo quantocumque, pie creditur, efferre. Tot ergo, tantisque beneficiis Ordo cumulatus, solemnem Beatissimæ Virginis Commemorationem ritu perpetuo ad ejusdem Virginis gloriam quotannis celebrandum instituit. Tu.

¶ Induite vos Scapulare San-

clum Beatæ MARIE Virginis, * Ut possitis stare adversus insidias diaboli. †. Ecce signum salutis, salus in periculis, fœdus pacis, et pacti sempiterni.—Ut.

Homilia de Comm. Infantiae pro Semid. Quæro ergò.

¶ 7. Corde et animo Christo canamus gloriam* In hac sacrâ solemnitate Sanctissimæ Virginis MARIE de Monte Carmelo. †. Omnes in unum congregati collaudemus Dominum Jesum—Christum.—In.

¶ 8. Stirps Jesse virgam produxit, virgaque florem: * Et super hunc florem requiescet Spiritus almus. †. Virgo Dei Genitrix virga est, flos Filius ejus.—Et super.—Glor.—Et super.

LECTIO 9.

Commem. Victoriæ B. V. Toletanæ.

Ex Roderico Toletano.

Alphonsus Castellæ Rex, cognomento bonus, cum magnum conflasset exercitum, ut Mauros expugnaret, inilo ad Navas Tolosæ certamine, omnino mauri victi, ac occisione occisi sunt. Fugato Rege cum quatuor equilibus ducenta millia Maurorum occisa numerantur, cum ex Christianis viginti-quinque soli fuerint desiderati. Erat autem in vexillis regum Imago MARIE Virginis, quæ Toletanæ provinciæ, ac totius Hispaniæ semper Nutrix extitit et Patrona: ad cujus præsentiam ingens illa Maurorum multitudo terga dedit, et corruit. Hæc præclara victoria fuit sub hac die anno millesimo ducentesimo duodecimo. Te Matrem.

Ad Bened. ant. Caput tuum ut Carmelus, et comæ capitis tui sicut purpura regis vincla canalibus.

CANON.

Ex Decreto Sacrorum Rituum
Congregationis.

23. Jun. 1736. in Einsidlen.—
Taku 1027.

535. Festum Beatæ MARIE Virginis de Monte Carmelo celebrandum est ab omnibus die decimâ sextâ Julii de præcepto, et servari debet decretum emanatum (per Benedictum Decimum tertium) die vigesimâquartâ Septembris anni millesimi septingentesimi vigesimi sexti. Tu.

Ad Magnific. ant. Habitabit in solitudine judicium, et justitia in Carmelo sedebit.

DIE XVII. JUL.

B. M. V. DE PORTICU.

Duplex.

Oratio.

Omnipotens sempiterne Deus, qui legem Moysis digito tuo in tabulis lapideis descriptam dedisti et serpentem æneum in eremo exaltari fecisti, concede, quæsumus, ut hanc sacratissimam Genitricis Filii tui Imaginem opere tuo formatam, et in hoc templo per sanctos angelos tuos misericorditer exaltatam devotè veneremur, cujus intuitu à mortiferâ antiqui serpentis peste, et à quibuscumque aliis corporalibus læsionibus liberemur. Per eundem.

Lectio 1. Noct. de Ferid.

IN II. NOCT.

LECTIO 4.

Ex Officio proprio.

Inter alias quæ Romæ publicè coluntur Beatissimæ Virginis Imagines, illa præcipuo semper in honore fuit, quæ Sanctæ MARIE de Porticu appellatur. Hæc in palmarum gemmâ saphiro persimili, aureis lineis expressa, aliisque non vulgati pretii lapillis aornata, (quemadmodum ex constanti traditione, vetustisque monumentis habetur) mirabiliter apparuit in ædibus Sanctæ Gallæ, Patritiæ Romanæ propè

Marceli theatrum intra porticum Octaviæ, undè etiã cognomen accepit. Contigit decimo sexto Kalendas Augusti, Joanne primo summo Pontifice, dum eadem Galla duodecim pauperibus ex quotidianã consuetudine in honorem Dei ac beatæ Virginis MARIE epulum præberet. Tu. ʒ.

LECTIO 5.

Domum verò, in quã apparuerat, à Gallã eidem Virgini oblatam, prædictus Pontifex in Ecclesiam consecravil, atquẽ in eã venerandam Imaginem, quam ipse per ministerium angelicum acceperat, reposuit. Hanc vetustate plenè collapsam Sanctus Gregorius septimus restituit, iterùmque dedicavit. Cælestinus autem tertius Hospitalem domum à se extructam, copiosisque redditibus auctam eidem adjunxit. Mirabilem porrò adversus publicas calamitates, et præcipuè pestis ac belli in opeferendã sacram hanc Imaginem majores nostri sempèr experti sunt. Neque solum, eã die, quã apparuit, sed aliis quoquẽ deinceps temporibus gestatam, pestiferum morbum ab urbe depulsiſe traditum est. Tu. ʒ.

LECTIO 6.

Præcedentium itaque rerum famã permotus pupulus Romanus, Alexandro septimo Pontifice maximo, ut à contagione, quæ urbem invaserat, liberaretur; publico sese obstrinxit voto, ampliorem Sanctæ imagini sedem construendi, ipsamque in honestiori loco collocandi. Mox autem novo templo in propinquã regionis Campitelli arẽ, ad majorem populi commoditatem, et ipsius Beatæ Virginis cultum augustiori opere designato ad ipsius fundamenta primum ipse Pontifex lapidem demisit tertio Kalendas Octobris anni millesimi sexcentesi-

mi sexagesimi secundi; atque illam sacram Imaginem, et Diaconie titulum transferri mandavit. Ipsius verò sacre Imaginis Apparitio decimo sexto Kalendas Augusti, et per septem consequentes dies anniversario cultu, cum magnã populi Romani frequentia celebratur. Tu. ʒ.

IN III. NOCT.

Lectio S. Evang. secundum Lucam.

LECTIO 7. c. 2. 46.

In illo tempore: Factum est post triduum invenerunt JESUM Parentes ejus in templo. Et reliqua.

Homilia S. Titi Bostrorum Ep.

Expos. in Cap. 2. Lucæ.

Deus et Dominus noster humanã responsione, quam dare licebat, repudiata, divinam attulit, minime obscure per illam ostendens se Deum esse carentem oblectum. Nam cum Deiparã Virgo JOSEPHUM, qui vulgò parens illius habebatur, patrem illius appellasset, ipse sermonem ita excepit, ut templi Dominum, hoc est, Deum non autem JOSEPHUM, patrem suum esse planum faceret. Quando quidem cum in templo ageret: nesciebatis, inquit, quod in his, quæ Patris mei sunt, oportet me esse? Tu. ʒ.

LECTIO 8.

Et erat subditus illis. Ob id spontè se illis subjecit, quo filios omnes exemplo suo huc inducat, ut debitum honoris cultum parentibus impendant, ipsique in omnibus morigeros se præsent. (Lect. 9). Et Mater ejus conservabat omnia verba in corde suo. Quæ verba Sacrosanta Virgo conservabat? Omnia, et quæ angelus et quæ pastores, et quæ Simeon, et quæ Anna, et quæ ipsemet tandè Filius ad eam dixerit. Neque enim audiebat JESUM, tanquã duodecim anno-

rum puerum, sed accipiebat et observabat verba illius, tanquam viri modis omnibus perfecti. Tu.

LECTIO 9.

Commemoratio Sanctæ MARLÆ
Scalæ Cœli.

Spinelli. p. 678.

Sancta MARIA Scalæ Cœli ad aquas salvas tertio ab urbe Romæ lapide ad collem parvum, ubi est exiguus fons, qui gutta jugiter manans vocatur, propè Sanctorum Martyrum Vincentii et Anastasii templum, ac propè tres fontes, ubi Sanctus Paulus Apostolus pro Christo capite est cæsus. Sub hoc oratorio Scalæ cœli, quod figurâ rotundâ curæ Patrum Ordinis Cisterciensis Sancti Bernardi est demandatum, corpora Sanctorum Martyrum Zenonis ac decem millium ducentorum et trium requiescunt, et per fenestram conspiciuntur, qui ad thermas diocletianas extruendas pro fidei confessione damnati erant. Dicitur Scala cœli, quia Divus Bernardus ibi celebrans pro defunctis scalam vidisse fertur, quâ è Purgatorio animæ, ejus suffragiis liberatæ, in cœlum ab angelis deducebantur. Tu. Te Matrem.

Ad Benedict. ant. Hæc est illa piæ Genitricis Imago MARLÆ, quæ discumbenti Gallæ parvit metuenti.

Cum 2. Vesperis.

DIE XVIII. JUL.

D. V. PISTORIENS. DE HUMILITATE.

Semiduplex.

Lect. 1. Noct. fer. occur.

IN II. NOCT.

Sermo S. Fulberti Ep. Carnutensis.

Serm. in Nat. B. V.

LECTIO 4.

Dixit æternus ad veterem, Deus ad serpentem; inimicitias ponam inter

te et mulierem, et semen tuum, et semen illius. Quid est, fratres, in hoc loco serpentis caput conterere, nisi principalem Diaboli suggestionem, id est, concupiscentiam resistendo superare? Si ergo queratur quænam mulier hujusmodi victoriam operata sit, profectò non reperitur in lineâ generationis humanæ, donèc perveniatur ad illam, de quâ agitur, Sanctorum Sanctissimam. Tu. ð.

LECTIO 5.

At si interrogetur, in quo serpentis caput vel ipsa contrivit? Nimirum in eo, quod virginitatem simul et humilitatem Deo sacrificavit: Virginitate namque servatâ probatur extinxisse concupiscentiam carnis: humilitate, quæ facit pauperem spiritu, concupiscentiam mentis. Sicque principali suggestione diaboli vitiorum caput virtutis pede contrivit. Non tamèn hoc solo, sed eo quàm maximè triumphavit, quòd de suâ mundissimâ carne corporata sapientia vicit usquequaque malitiam, attingens à fine usque ad finem fortitèr, et disponens omnia suavitèr. Hæc est ergò mulier, ad quàm divinum illud intendebat oraculum, hanc quandòque nascituram innuebat, hanc singularitèr intimabat. Tu. ð.

LECTIO 6.

Ex officio proprio.

Sanctissimam Dei Matrem in antiquissimam ejus imaginem Pistorienses sub speciali Humilitatis titulo, magnifico extructo Templo, singulari religione venerantur. Vetus enim apud eos, et constans fama percubuit, anno salutis millesimo quadringentesimo nonagesimo cum intestinis civium odiis universæ Patriæ clades immineret, ex eadem Imagine sudorem quemdam

purissimum, cujus adhuc apparent vestigia promanasse: ejusque deinde dies decimo sexto Kalendas Augusti quotannis solemni festo, atque ingenti concursu celebratur. Tu. ꝑ.

Homil. ut in festo Humilitatis die XXIV. Octobr. p. 406.

LECTIO 9.

Commemor. B. V. Ravennatensis.

E *Bakingh. sub die 27 Julii.*
Ecclesius Ravennæ Episcopus paternas ædes in templum erexit Divæ MARIE Virgini Matri, quod majoris appellavit, eo quod alia essent sacra illi minora templa in eadem urbe. In ejus templi testitudine Beatæ Virginis imaginem tantâ artificis eruditione, opere vermiculato pictam fuisse creditur, ut nihil pulchrius et simile magis posset videri. Ea pulcherrima Virginis Imago, et carmina ad ejus pedes posita, unâ cum eâ penè testitudine ingenti ruinâ ac damno corrui. Tu. Te Matrem.

Vesperæ de sequenti.

DIE XIX. JUL.

GRATIE B. M. V.

Duplex.

Oratio.

Deus qui humano generi Beatæ MARIE Virginitate fecundâ reparationis Gratiâ contulisti: concede propitius, ut abundantia ejus gratiæ, quâ Angelus plenam salutavit, participes fieri mereamur. Per Dominum.

Lect. 1. Noct. fer. occur.

IN II. NOCT.

Sermo S. Petri Mauricii Abbatis.
Epistol. lior. 3. ep. 7.

LECTIO 4.

Hac gratiâ hanc singularem Virginitatem à tempore prolata salutationis, sic plenam, vel repletam esse

intelligo, ut ei aliquam terrarum, sive terrestrium, sive cœlestium præferre nefas sit, conferre insuper absurdum sit. Hâc virtutum universarum gratiâ cunctis creaturis excellentius illud omnipotentis creatoris, non tantum spirituale, sed etiam corporale hospitium impleri et ornari decebat, ut sapientia Dei, quæ se delectari per singulos dies, quæ se ludere in orbem terrarum, quæ delicias suas esse cum filiis hominum fatetur, quæ nec delectare, nec ludere, nec delectari, nisi in sanctis virtutibus et sanctis affectibus potest, in hac sanctâ, et super cœlesti Virgine Matre suâ præ cunctis hominibus, vel angelis virtutum gratiâ plenâ, magis delectaretur, luderet, delectaretur. Tu. ꝑ.

LECTIO 5.

Præ cunctis planè creaturis, et in terris virtutum gratiâ exornari, et in cœlis sublimi gloriâ illam decuit clarificare, quæ sola inter omnes creaturas Matris Dei nomine meruit decorari. Nam cum multi dicantur angeli Dei, cum multi dicantur prophetæ Dei, cum multi dicantur diversorum ordinum Sancti Dei, ipsa sola dicitur Mater Dei. Tu. ꝑ.

LECTIO 6.

Undè justum erat, ut juxta quod Apostolus ad Hebræos loquitur, sicut Moyses fidelis famulus in domo, sicut Christus unicus Filius dominans in domo, sic ipsa ejus Mater virtutibus et gloriâ toti familiæ post ipsum in eadem principaretur domo. Sicut igitur est in ipsâ singulare ac super omnia post Deum nomen Matris Dei, ita est singularis, et super omnia post Deum in terris, et in cœlis gratia et gloria ejusdem Matris Dei. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 1. 28.

In illo tempore: Ingressus Angelus ad MARIAM, dixit: Ave, gratiâ plena, Dominus tecum. Et reliqua.

Homilia S. Epiphanii Episcopi.

Oratio de Laudib. Deip.

Ave gratiâ plena. Gratia Sanctæ Virginis est immensa. Ave gratiâ plena, multis virtutibus exornata Virgo, in lampade gestans lucem inextinguibilem, sole splendorum. Ave gratiâ plena, hami esca spiritualis, in te siquidem hamus divinitas. Ave gratiâ plena, gloriæ arca spiritualis. Ave gratiâ plena, quæ es urna aurea, continens manna cœleste, quæ sitientes perennis fontis dulcedine salias: mare spirituale habens gemma cœleste Christum. Tu. ♀.

Bened. 8. Cujus Gratiam.

LECTIO 8.

Ave gratiâ plena, splendidum cœlum, quæ in cœlis incomprehensum cotines Deum: quæ cherubicum thronum divinitatis fulgore superas: quæ cœli circulum habes, et Deum incomprehensum augusto potissimum loco in te ipsâ contines. (*Lect. 9.*) Ave gratiâ plena, nubes columnæ similis, quæ Deum habes, qui populum deduxit per desertum. Quid dico? quo pacto prædicabo gloriæ radicem? Solo enim Deo excepto, cunctis superior existit: naturâ superior est ipsis Cherubim et Seraphim, et omni exercitu angelico. Tu.

LECTIO 9.

Commemoratio B. V. de Cervis.

Camos. l. 10. c. 5.

Pluribus ab hinc sæculis, unâ leucâ ab oppido Os in Archipresbyteratu Agerensi, per cervum, à quo vulgare nomen de Ciervoles, mira-

culosa Deiparæ Imago ter inventa à quodam opilione fidelitèr traditur; nam cum semel et iterum eam secum domum asportasset, sequenti die in eodem loco aliâ vice reperiebat. Undè miraculi famâ evulgatâ oppidani solemnem supplicationem ad eum locum cum Comite Urgellensi, Comitissâ et filiabus instituerunt, ac illico Sacellum ei construere decreverunt, quod deinceps percelebre semper fuit tam miraculis quæ Sanctissimâ Virgo ibi patravil, quàm accursu ac pietate fidelium eam invisentium. Tu.

Te Matrem.

CANON.

Ex Sancto Ambrosio Episcopo.

In Evang. Lucæ. libr. 2. n. 8.

536. Soli Mariæ hæc salutatio «Ave gratiâ plena» servabatur. Bene enim sola gratiâ plena dicitur, quæ sola gratiam, quam nulla alia meruerat, consecrata est, ut gratiæ repleretur auctore. Tu.

Cum 2. Vesp.

DIE XXI. JUL.

DEDIC. B. M. V. DE EREMITIS.

*Duplex.**Omnia de Comm. Dedicat.**Lect. 1. Noct. de fer. occur.*

IN II. NOCT.

LECTIO 4.

Ex Baling. die 14. Sept. et aliis auctoribus.

Est in Helvetiâ Sacellum Beatæ Virginis Mariæ sub titulo de Eremitis, à Sancto Meginaldo initio noni sæculi structum, et à Sancto Eberhardo medio decimo sæculo ampliori formâ restauratum, atquæ anno nongentesimo quadragesimo octavo, decimo octavo Kalendas Octobris miraculo perraro consecratum. Res ita habet. Vocatus fuerat ab Abbate loci Ordinis Sancti

Benedicti Conradus Episcopus Constantiensis ad consecrationem Sacelli peragendum. Ille, cum solito more noctu oraret, in Sacello audiuit angelicam symphoniam, viditque angelos cantum eundem et ordinem et cœremonias in eodem Sacello servare et usurpare, quæ ab Episcopis in Consecratione Ecclesiarum usurpantur. Undè intellexit, ab ipso Christo, cœlitibus ministrantibus, Sacellum illud dedicari. Audire etiã idem, et cognovere permulti cum illo monachi. Tu.

¶. Magnum hæred.

LECTIO 5.

Verùm cœptâ luce, paratis omnibus ad consecrationem, et cunctis Episcopis expectantibus, ipse solus cunctabatur, et similis attonito in Sacello persistebat. Circâ meridiem urgent Antislites, tandèm inchoet consecrationem, ne tam numerosum populum, qui confluit, re infectâ dimittat. Ad hæc narrat ipse visionem. At illi tanquàm somnum interpretantur, impelluntque, ut eã non obstante, consecrationem aggre-diatur. Sed cœlestis vox delapsa est, quæ omnes mirè percussit: Cessa, frater: divinitus capella consecrata est. Eandem tertio repetitam omnes audierunt. Indè fides data Conrado, qui Sacello egressus Basilicam ei circumjectam consecravit in nomen et titulum Sancti Maurilii et sociorum. Tu.

¶. Verè Dom.

LECTIO 6.

Hujus miraculorsæ Dedicationis meminerunt ipse Conradus, Hermanus Contractus, Martinus Polonus, Leo Oclavus in quadã Bulâ, quæ à plurimis aliis summis Pontificibus fuit confirmata, et approbata. Eugenius quartus autem concessit Burchardo Abbati ejusdem Eremitæ Deiparæ, ejusque successo-

ribus facultatem audiendi confessiones eorùm, qui ad Leonis oclavi consequendum indulgentias se conferrent. Leo decimus quoquẽ Indulgentias, remissiones, et indulta, necnon et singulas litteras prædecessorum suorum huic Sacello concessas adoptavit, atque ab Episcopi Constantiensis jurisdictione et potestate liberavit ad petitionem Conradi Abbatis. Hoc Sacellum ad finem præteriti sæculi destructum, reedificatum fuit initio præsentis, et omni tempore ad illud ingens fuit peregrinorum accursus. Tu.

¶. In multitudine.

Homil. de Comm. Dedic. pro Duplic.

LECTIO 9.

Commemoratio B. V. Anastasiopolitanæ de Oleo.

Gumpenb. 595. ex Egravio.

Theodorus Siceotes ex Eremita factus Episcopus Anastasiopolitanus, Sanctitate illustris, qui sexto sæculo floruit, cum smel celeberrimam Deiparæ ædem, et jam miraculis clarã intrasset; manibus in crucis figuram expansis preces Sacrosanctæ Virgini offerbat; cumque oculos irretortos fixisset in Deiparæ objectam Imaginem, repentè omnibus spectantibus oleum effervescens ex imagine in Theodori oculos exiliit, orantisque faciem conspersit, iis qui viderant exclamantibus, magnum Dei servum esse Theodorum. Indè cultus Deiparæ jam per se magnus augmentum accepit. Tu. Te Matrem.

Vesperæ à Capitul. sequentis.

DIE XXII. JUL.

DON. FORTITUDIN. B. M. V.

Duplex.

Oratio.

Excita, quæsumus Domine, in

populo tuo Spiritum fortitudinis quo Beatissimam Virginem **MARIAM** replere dignatus es, et concede, ut, cujus memoriam agimus, ipsa intercedente, ab omnibus hostium nostrorum eruamur insidiis. Per Dom.... ejusdem Spirit.

Lect. 1. Noct. Mulierem. p. 115.

IN II. NOCT.

Sermo S. Antonini Arch. Florentini.
c. 18. §. 4.

LECTIO 4.

Fortitudinis dono ac gratiâ fuit plena Beata **MARIA** super omnes. Hoc autem probat Albertus per istam rationem. Quidquid est fortius fortiore, est fortius infirmiore, sicut leo est fortior equo, undè et multò magis fortior cane erit, qui minùs fortis est quàm equus. Sed Beata **MARIA** est fortior tribus fortioribus omni viatore: isti autem fortiores omni viatore sunt: Deus, mors, et diabolus. Nam quantum ad primum certum est, Deum esse potentissimum omnium: Exodi: Omnipotens nomen ejus. Sed Deum quodammodò Beata **MARIA** superavit, in quantum scilicet humilitas ejus de cœlis traxit ad terras, et homini subjecit, scilicet Matri suæ... Et sic fortitudo Beatae **MARIÆ** rigorem divinæ fortitudinis et severitatis superavit. Tu.

¶. Mulierem fortem quis inveniet? * Procùl et de ultimis finibus pretium ejus. †. Cujus fortitudo similis Rinocerontis.—Proc.

LECTIO 5.

Secundum fortissimum omnium est mors, quæ omnes creaturas mortales superat et prosternit. Quis est enim qui vivet, et non videbit mortem? Dicitur in Psalmo. Certè nullus, quia nec proprio Filio Dei incarnato pepercit. Mors Dominum servo, mors scēptra ligo-

nibus æquat. Dissimilem simili conditione trahit, inquit Poeta. Sed Beata **MARIA** fortior morte fuit. Sicut enim per feminam Evam mors intravit in mundum, ita per feminam **MARIAM** destructa est mors scilicet per fructum ventris sui. Undè dicere poterat illud Osee: Omors ero mors tua. Tu.

¶. Quis est homo qui vivet, et non videbit mortem? * Statutum est hominibus semel mori. ¶. O mors ego mors tua.—Stat.

LECTIO 6.

Tertium potissimum est diabolus, de quo Job. Non est potestas similis super terram. Iste est fortis armatus, qui tenebat in pace atrium suum, scilicet mundum. Nullus audebat resistere tentationibus ejus. Sed Beata **MARIA** superavit eum: dicitur enim in figurâ ejus: ipsa conteret caput tuum, scilicet serpentis antiqui. Item actus hujus fortitudinis est, terrenas cupiditates non solum reprimere, sed etiā oblivisci penitus. Hoc autem non contingit in alio viatore, nisi in Virgine, in quâ est extinctus omnino fomes peccati. Et ideo habuit hoc donum fortitudinis excellentiùs et plenius super omnes. Tu.

¶. In me ancillâ suâ adimplevit Deus misericordiam suam, quam promisit domui Israel, * Et interfecit in manu meâ hostem populi sui. †. Ipsa conteret caput tuum.—Et.—Gloria.—Et.

Homilia de Comm. pro Duplicib.

LECTIO 9.

Comm. B. V. Sixenensis de Choro. *Marc. Ant. Varon. Hist. Sixenæ.* Imago Beatae Virginis Sixenensis de Choro priùs in Sixenæ parochiali templo sedem habebat; sed è loco suo quâdam nocte, anno millesimo centesimo octogesimo secundo abiisse, et in parvulâ insulâ, quæ in me-

dio lacunæ ad Canadris fluminis ripas sitæ, prominebat, inventa bove indice tolli fuisse fertur, quotiès indè sive ad suam primam sedem, sive ad alia vicina Sacella deducta ab oppidanis fuerit. Hæc miraculosa translatio causa fuit, ob quam Alphonsus secundus Aragoniæ rex in ipso lacunæ loco unâ cum magnifico templo Monasterium Sancti Joannis Jerosolymitani nobilibus Montialibus ædificaverit, in quo, ipso defuncto, uxor ejus Sanctia regina cum Dulciâ filiâ habitum Ordinis induit. Chorus est, ubi prius insula erat, et Deiparæ Imago in eo ipso loco ubi inventa fuit. Tu.

Te Matrem.

Vesp. à capit. de sequenti.

DIE XXIII. JUL.

D. V. FOGIENSIS SEPT. DOLOR.

Duplex.

Lect. 1. Noct. de feriâ.

IN II. NOCT.

Ex Decreto Episcopi Trojani.

Super hanc Imag. apud Pouget.

LECTIO 4.

Fogiæ in Neapolitano regno in Trojanâ diœcesi celebris est statuæ Beatae Virginis sub titulo Septem dolorum, ex ligno vestibus induta, quæ in Ecclesiâ parochiali Sancti Joannis Baptistæ prædictæ civitatis colitur. Hæc statuâ diebus decimâ quartâ, decimâ quintâ et decimâ sextâ mensis Aprilis anni millesimi octingentesimi trigesimi septimi visa est modò oculos in cœlum attollere, modò in populum convertere, labia ita movere, ac si è pectore traheret suspiria, lacrymari, sudore manare, crines turbare, ac deniquè vultum frequenter mutare, et ut auditis de more testibus, factisque interrogatoriis, post recognitionem statuæ, et habitis in-

supèr in consilium theologis, ac piis nempe capitulo prædictæ Basilicæ, ac Parochiis prædictæ civitatis, hujusmodi miraculum nullo prorsus pacto in dubium revocari potuit, utpotè contestatum à viginti et tribus testibus juratis viris, aliisque sexcentis tum viris, cum mulieribus. Tu. 3.

LECTIO 5.

Vulgatum enim cum fuit prodigium, omnis ferè populus in dictâ Ecclesiâ adunatus signa prodigiosa aspexit, nec tantum cum erat in propriâ ædiculâ sanctissima Statua, verum etiâ cum fuit exposita, et in cornu Epistolæ altaris majoris prædictæ Ecclesiæ, ac postea in mensâ sacrâ, ac deniquè in cornu Evangelii ejusdem altaris, non unico oculorum conjectu, sed multo temporis intervallo, non unâ die, sed tribus, nudis oculis, nec lippis, non plurimâ distantia intercedente, sed eâ quæ facillimè aspici poterat, non paucâ ac debili, sed plenissimâ luce, ubi nulla dictæ statuæ, nec luminum agitatio, ac proinde nulla lucis refractio, quæ aliam speciem in oculos imprimere poterat. Tu. 3.

LECTIO 6.

Insupèr nec ulla erat animorum præoccupatio, nec dissensio, quin imò testium plurimi, nec simplices, nec creduli persuasum habebant, quod esset effectus phantasie perturbatæ, nec prius ullam fidem miraculo perstiterunt, quàm omni adhibitâ diligentia, ne fallerentur, prodigiosa signa conspexerunt, quibus visis, non potuerunt, populo spectante, lacrimas cohibere. Indè est, quòd vicarius Generalis Episcopi Trojani, omnibus maturè perpensis, specialitèr ad id delegatus, pronuntiavit, & declaravit hujusmodi miraculum posse publicari, ac publicari mandavit die quintâ mensis

septembris ejusdem anni millesimi octingentesimi trigesimi septimi. Tu. 7.

IN III. NOCT.

Lectio S. Evang. secundum Lucam.

LECTIO 7. c. 2. 34.

In illo tempore: Dixit Simeon ad MARIAM Matrem JESU: ecce positus est hic in ruinam et in resurrectionem multorum in Israel. Et reliqua.

Homilia S. Timothæi Presbyteri Jerosolymitani.

Orat. de Propheta Simeonis.

Pro signo, cui contradicebatur erat Dominus circa partum Virginis, quando quidem magnum erat signum, Virginem quæ peperisset, virginem manere. Quod autem Virgo signum fuerit, cui contradiceretur, audi Isaiam in suo opere ita dicentem. (*Lect. 8.*) Quum diceret Dominus ad Achaz: Petet tibi signum in profundo, aut in sublimi. Dixit Achaz: nequaquam petam, neque ullo modo tentabo Dominum. Tu. 7.

LECTIO 8.

Et dixit Isaias: ecce dabit Dominus ipso vobis signum. Quodnam hoc? Ecce Virgo conceptum fœtum in utero gestabit. (*Lect. 9.*) De hoc à Virgine pariente edito dominico signo, cui futurum erat, ut à multis contentiosâ linguâ contradiceretur, Simeon rem futuram præsignavit ad Virginem dicens: ecce hic positus est in signum, cui contradicetur. Tu. 7.

LECTIO 9.

Commemor. B. V. de Covadonga.

Spinelli ex Luc. Tudensi.

Pelagius primus Hispaniæ Rex post occupatam à Sarracenis Hispaniam anno septingentesimo decimo octavo, de iisdem Sarracenis apud Astures, Deiparæ invocatione, insignem victoriam obtinuit. Cum

enim ad Ausenæ montis speluncam munitam cum mille ex suis se recepisset, et in eâ ab hos'e perterriti se omnes inclusissent, Beatæ MARIÆ suffragia expetentes, ejus ibi memoriam venerabantur, et orationibus pro re christianâ insistebant. Verum Sarracenis portam speluncæ jaculis, lapidibus, ac sagittis ferire conantibus, hæc tormenta ab ipsis emissa contra eosdem retorquebantur, maximâ ipsorum strage. Sarracenos ergo turbatos, et retrocedentes Pelagius Dei gratiâ roboratus stricto ense invadens viginti millia ex eis cum duce interfecit, cæterosque omnino dissipavit. Spelunca verò illa Deiparæ memoriæ dicata, ejusque nomine dicta est: Sancta MARIA de Covadonga. Tu. Te Matrem.

Vesper. à capitul. seq.

DIE XXIV. JUL.

DISPENSATIONIS B. M. V.

Duplex.

Oratio.

Omnipotens sempiterne Deus, qui ex abundantia misericordiæ tuæ. Beatam MARIAM semper Virginem omnium gratiarum tuarum Dispensatricem effecisti, concede propitius, ut qui ad ejus præsidium frequentèr confugimus, cœlestium donorum divites efficiamur. Per Dominum.

Lectio. 1. Noct. de ferid.

IN II. NOCT.

Sermo Sancti Bernardini Senensis.

De Beatâ Virg. 61. c. 1. c. 8.

LECTIO 4.

A tempore à quo Beata Virgo Mater concepit in utero Verbum Dei, quandam, ut ita dicam, jurisdictionem, seu auctoritatem obtinuit in omni Spiritûs Sancti processione temporali, ita quod nulla creatura

aliquam à Deo obtinuit gratiam, vel virtutem, nisi secundum ipsius Matris dispensationem. Hinc Bernardus devotissimus ait: nulla gratia venit de cœlo in terram, nisi transeat per manus MARIÆ. Hinc Hieronymus in sermone de Assumptione inquit: in Christo fuit plenitudo gratiæ sicut in capite influente, in MARIA verò sicut in collo transfundente. Tu. ꝑ.

LECTIO 5.

Reverà Mater Dei hanc in mundo naturali jure obtinuit dignitatem, ut Regina misericordiæ nuncupetur, et hoc propter Filii magnificentiam, qui est Rex regum et Dominus dominantium. Reperio namque in Rege nostro JESU duas dignissimas dignitates, videlicet, quod sit æternus Deus, genitus ab æterno, et æternum Deum producat, eo quòd Spiritum Sanctum spiraret, et ipse clausus in virgineo utero, in æternitate à Deo Patre Deus generabatur æternus, et in eadem æternitate ipse puer in ventre Matris Deum inspirabat, et producebat. Tu. ꝑ.

LECTIO 6.

Primam Filii dignitatem, scilicet, quòd sit generatus à Deo, tam infinito modo Virgo benedicta participavit, quòd Deus non dicalur verius Filius Dei, quam filius Virginis, nec major, nec minor, nec dignior est Dei filius in throno paterno sedens vestitus claritate, quam habuit antequàm mundus fieret, quàm pannis pauperibus involutus, et intra sœnum in præsepio reclinatus. Et quia talis est Mater Filii Dei, qui producit Spiritum Sanctum, ideo omnia dona, virtutes, et gratias Spiritus Sancti, quibus vult, per manus ipsius administrantur. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 1. 28.

In illo tempore: Ingressus angelus ad MARIAM, dixit: Ave gratiâ plena, Dominus tecum. Et reliqua.

Homilia S. Bernardi Abbatis.

Sermo in Nativ. B. V.

Quis fons vitæ nisi Christus Dominus? Derivatus est fons usque ad nos, in plateis derivatæ sunt aquæ, licet non bibat alienus ex eis. Descendit per aquæductum vena illa cœlestis, non tamen fontis exhibens copiam, sed stillicidia gratiæ arenis cordibus nostris infundens. Plenus equidem aquæductus, ut accipiant cæteri de plenitudine, sed non plenitudinem ipsam. Advertitis jam, ni fallor, quem velim dicere aquæductum, qui plenitudinem fontis ipsius de corde Patris excipiens, nobis edidit illum, sed si non prout est, prout capere poteramus. Tu. ꝑ.

Bened. 8. Cujus dispensationem.

LECTIO 8.

An verò inveniri potuisset miramur, undè talis ac tantus fieret aquæductus, cujus nimirum summitas instar profectò scalæ illius, quam vidit Patriarcha Jacob, cœlos, ut vividissimum illum aquarum, quæ super cœlos sunt, posset attingere fontem? Sed quomodò noster hic aquæductus fontem illum attigit tam sublimem? Quomodò putas nisi vehementiâ desideriorum, nisi fervore devotionis, nisi puritate orationis? Sicut scriptum est: oratio justî penetrat cœlos. Et quis justus, si non MARIA justa, de quâ sol justitiæ ortus est nobis? Quomodò ergò illa inaccessam attigit majestatem, nisi pulsando, petendo, quærendo? Tu. ꝑ.

LECTIO 9.

Deniquè et quod quærebat, invenit,

cui dictum est: Invenisti gratiam apud Deum. Quid? plena est gratiâ, et gratiam adhuc invenit? Dignaporsus invenire quod quærit, cui propria non sufficit plenitudo, nec suo potest esse contenta bono; sed quemadmodum scriptum est: qui bibit me, adhuc sitiet: petit superfluentiam ad salutem universalis. Spiritus Sanctus, ait, super veniet in te, et pretiosum illud balsamum tantâ tibi copiâ, tantâque plenitudine influet, ut copiosissimè effluat circumquaque. Ita est, jam sentimus, jam exhilarantur facies nostræ in oleo, jam clamamus: oleum effusum nomen tuum, memoriale tuum in generatione et generationem. Tu. Te Matrem.

CANON.

Ex D. Bernardino Senensi.

Dom. 1. Quadr. art. 1. c. 3.

537. Omnium gratiarum quæ humano generi descendunt, sicut Deus generalis est dator et Christus est generalis mediator, sic per gloriosissimam Virginem generaliter dispensantur. Tu.

Vesper. à capit. sequent.

DIE XXV. JUL.

TRIUM EMINENTIAR. B. M. V.

Puplex.

Lect. 1. Noct. de feriâ.

IN II. NOCT:

Sermo S. Bernardini Senensis.

Serm. Exaltat. B. V. M. a. 2. c. 1.

LECTIO 4.

Tres sunt Eminentie præsentis vitæ, quibus honorata fuit Beata Virgo. Prima temporalium, secunda intellectualium, tertia affectualium. Hæc signantur in lunâ, quæ tres habet naturas. Prima est mutabilis, ecce temporalia: secunda lucida, ecce intellectualia: tertia

frigida, ecce affectualia. Quæ omnia quasi luna sub pedibus Beatæ Virginis postrata fuerunt. Prima Eminentia est temporalium valdè enim eminentia reputantur valdè temporalia bona, tamèn sunt mutabilia et defectibilia, sicut luna. Hæc autem habuit Beata Virgo sub pedibus suis, quia suis affectibus per contemplum omnia subjugavit, ne scilicet aliquo modo ejus dilectionem ad Filium variarent. Tu. ¶.

LECTIO 5.

Secunda verò Eminentia est intellectualium. Eam omnium scientiarum, et creaturarum cognitionem activam et pasivam Beata Virgo in comparatione ad supereminentem Christi scientiam parvi pendit. Ecce luna sub pedibus ejus. Hoc etiàm participabat Apostolus, qui ad Philippenses de se dicebat: Quæ mihi lucra fuerunt, hæc arbitratus sum propter Christum detrimenta. Verumtamèn existimo omnia detrimentum esse propter scientiam JESU-Christi Domini nostri. Tu. ¶.

LECTIO 6.

Tertia autem Eminentia est affectualium. Tanta enim fuit dilectio, quâ beata Virgo, etiàm in vitâ præsentis, dilexit Christum; quòd omnes amores præsentis vitæ præteriti, præsentis, atque futuri respectu hujus sumi, quasi luna sub pedibus ejus. Undè Ecclesiastico Beata Virgo meritò de se ait: Ego Mater pulchræ dilectionis: quasi diceret: Quia sum Mater Dei, habeo dilectionem tantâ pulchritudine eminentem ab omni aliâ, quantum eminent sol à luna. Tu. ¶.

Homilia de Comm. pro Dupl.

Bened. 8. Cujus Eminentias.

LECTIO 9.

Commemoratio B. V. de Guarga.

Camòs. l. 10. c. 3.

Oppidum Preixans in Archipresbyteratu Agerensi magnificum Sacellum Deiparæ sacrum habet, in quo ejus miraculosa Imago de Guargadicta, ut fertur, à pastore quodam reperta, dignos honores accipit. Hæc Sanctissimæ Virginis Effigies quæ lignea est, et admodum pulchra, etiã à dissitis populis frequentatur, et à vicinis solemnibus supplicationibus invisitur. Et cum semper prodigiis effulserit, semper quoquæ erga eam fuit continuus fidelium pietatis affectus. Tu.

Te Matrem.

Vesperæ de sequenti.

DIE XXVI. JUL.

SS. PARENTUM B. M. V.

Duplex majus.

IN I. VESPER.

Antiph. et capit. de Laudibus.

HYMNUS 285.

Regale Davidis genus,
Et conjugum par nobile,
Mundo daturi Virginem
Matrem futuram Numinis.

Qui sacra necit vincula,
Vos jungit innocens amor,
Piosque sensus approbens
Divinus aspirat favor.

Virtute solâ divites
Non vos opum falax decus,
Sed corde fervores charitas,
Et casta commendat fides.

Doxologia de Tempore.

†. Beatus venter qui te portavit.

†. Et ubera, quæ te lactaverunt.

Ad Magnif. ant. Benedicti sunt
Pater et Mater, qui te genuerunt,
quorum memoria permanet in sæculum.

Oratio de Laudib.

AD MATUTIN.

Invitat. Laudemus Deum nostrum * In veneratione Sanctorum Parentum Beatæ MARIÆ Virginis.

HYMNUS 286.

Promissa mundo gaudia
Jam sperat humanum genus,
Adsunt beati conjuges
Orbique Christo præparant.

Hunc Anna votis advocans
Summi Parentem Numinis,
Thori fidelis præmium
Favente cœlo concipit.

Fœcunda radix pullulans
Florem tenellum proferet,
Qui lætus optata dabit
Fructum salutis germine.

Doxologia de Tempore.

IN I. NOCT.

De libro primo Regum.

LECTIO 1. c. 2. 1.

Exultavit cor meum in Domino, et exaltatum est cornu meum in Deo meo: dilatatum est os meum super inimicos meos: quia lætata sum in salutari tuo. Non est sanctus, ut est Dominus: neque enim est alius extra te, et non est fortis, sicut Deus noster. Nolite multiplicari loqui sublimia gloriantes: recedant velera de ore vestro, quia Deus scientiarum Dominus est, et ipsi præparantur cogitationes. Tu.

†. O castissimum rationalium turturum par Joachim et Anna! * Vos quippè mundo Dei Matrem viri nesciam peperistis. †. Ex fructu ventris vestri agnoscimini.—Vos.

LECTIO 2.

Arcus fortium superatus est, et infirmi accincti sunt robore. Repleti prius, pro panibus se locaverunt: et famelici saturati sunt, donèc sterilis peperit plurimos, et quæ multos habebat filios, infirmata est. Dominus mortificat, et vivificat: deducit ad inferos et reducit. Dominus pauperem facit et ditat; humiliat et sublevat. Tu.

†. O beatum par Joachim et Anna, immaculatissimum prorsus! *

Vos castitatem, quam naturæ lex præscribit, conservantes, ea, quæ naturam superant, divinitus estis consecuti. †. Vos electi fuistis in Sanctissimæ Dei Genitricis Parentes. — Vos castitatem.

LECTIO 3.

Suscitat de pulvere egenum, et de stercore elevat pauperem; ut sedeat cum principibus, et solum gloriæ teneat. Domini enim sunt cardines terræ, et posuit super eos orbem. Pedes sanctorum suorum servabit, et impii in tenebris conticescent: quia non in fortitudine suâ roborabitur vir. Dominum formidabunt adversarii ejus, et super ipsos in cælis tonabit: Dominus judicabit fines terræ, et dabit imperium regi suo, et sublimabit cornu Christi sui. †. Tu.

†. O Filia Adami, et Dei Mater: * Beati lumbi et venter, ex quibus prodisti. †. O rosa candidissima! O lilium inter spinas. — Beati. — Gloria. — Beati.

IN II. NOCT.

Sermo S. Epiphanii Ep.

LECTIO 4.

De radice Jesse ortus est Rex David, et de tribu regis David Sancta Virgo. Sancta, inquam, et sanctorum virorum Filia: cujus parentes fuerunt Joachim et Anna: qui quidem, in vitâ suâ Deo placuerunt, atque etiâ fructum ejusmodi germinaverunt, Sanctam Virginem MARIAM, templum simul et Matrem Dei. Joachim porrò, Anna, et MARIA, hi tres Trinitati palam sacrificium laudis offerebant. Joachim enim interpretatur præparatio Domini, eo quod ex illo præparatum sit templum Domini, nempe Virgo. Anna rursus similiter gratia interpretatur, propterea quod Joachim et Anna gratiam acceperunt,

ut accedentibus precibus, talem fructum germinarent, Sanctam Virginem adepti: Joachim siquidem precabatur in monte, et Anna in horto suo. Tu.

†. O Joachim et Annæ Sacratissima Filia, * Quæ sine maculâ custodita es, ut sponsa Dei, naturæque Dei Mater esses. †. O Virgo intacta tantorum Parentum dignissima Filia. — Quæ.

Sermo S. Joannis Damasceni.

Serm. de Nativitate B. V.

LECTIO 5.

Par beatum Joachim et Annal vobis omnis creatura obstricta est. Per vos enim donum omnium donorum præstantissimum Creatori obtulit, nempe castam Matrem, quæ solo Creatore digna erat. Exulta Joachim, quoniam ex Filia tuâ filius natus est nobis, et vocatur nomen ejus magni consilii, id est, salutis totius mundi Angelus. Pudore afficiatur Nestorius, ac manum ori imponat. Puer hic Deus est. Quoniam igitur modo ea Dei Genitrix non sit, quæ pererit? Tu.

†. Isti sunt viri Sancti; * Qui piè et sanctè in humanâ naturâ angelicam vitam agentes, Filiam angelis superiorem, nuncque angelorum Dominam ediderunt. †. O Filia Dei, gloria mundi, parentum decus! — Qui.

LECTIO 6.

Et quis Sanctam Dei Genitricem non confitetur, à Deitate remotus est. Mea non est hæc oratio, quamquam alioqui mea: hanc enim divinissimam hæreditatem à Theologo Patre accepi. O beatum par Joachim et Anna! Ac profectò ex ventris vestri fructu immaculati agnoscimini, quemadmodum Christus quodam loco dixit: ex fructibus eorum cognoscetis eos. Ut Deo gratum erat ac dignum ea, quæ à vo-

bis orta est, vitæ vestræ rationes institulistis. Castè enim ac sanctè munere vestro functi, virginitalis thesaurum produxistis. Tu.

R. Congaudete mecum, quæ promissionis germen ex sterili ventre peperit, * Ac benedictionis fructum uberibus meis, ut oplaveram, nutrio. †. Sterilitatis mœstitiam exui, ac lælam fœcunditatis vestem indui.—Ac.—Gloria.—Ac.

IN III. NOCT.

Lectio Sancti Evangelii secundum Matthæum.

LECTIO 7. c. 1. 1.

Liber generationis JESU—Christi, Filii David, filii Abraham. Et reliq. Homilia Sancti Fulberti Episcopi.

Serm. 2. de Nativ. B. V.

Meritò siquidem hujus Sanctæ Virginis multùm adeò laudandi et extollendi sanctissimi procreatores, qui in cunctis institutionibus tantos ac tales se præstiterunt, ut non immeritò de eorum stirpe prodiret talis successio, quæ fieret et priscis ætatibus et subsequentibus exemplum totius bonitatis. Felix et præcæsteris patribus felicior, qui tantæ prolis meruit vocitari patrator. Felix etiàm qui non plures, sed unam promeruit suscipere Natam, quæ unicum conciperet et promeruit Dei Filium. Nec enim decebat, ut hujus singularis Virginis sanctissimi progenitores fœdarentur plurimorum propagine filiorum, qui erant futuri unicæ Matris Domini provisores, et educatores egregii. Tu.

R. Cum semine eorum permanent bona: * Semen eorum et gloria eorum non derelinquetur. †. Sit memoria illorum in benedictione, et nomen eorum permaneat in æternum.—Semen.

Bened. Cujus Sanctos Parentes colimus.

LECTIO 8.

Verè beata, et omni generatione habenda, et quodam privilegio sacro prædicanda Mater hujus Sanctæ, quæ omnium antecessit matres in concipiendo et generando eam quæ suum et omnium generaret Creatorem. Gaude et lætare, ò felix, pro tali filia, quoniam tali dote donata es, quâ nulla ante te, vel postea meruit antecelli. Quanta putamus fuerit provisio Sanctorum Angelorum circa tam Deo gratissimos Parentes ab initio suæ procreationis, et exultatio super tam ingentem sobolem? Nunquid abfuisse credendum est Spiritum Sanctum ab istâ eximiâ Puellâ, quam suâ obumbrare disponebat virtute. Nulli enim fidelium dubium est, quòd circa eam omnis frequentia cœlestium agminum invigilabat. Tu.

R. Quæ ad Patres repromissio facta est, * Hanc Deus adimplevit filiis. †. Corona senum filii eorum, et gloria filiorum patres eorum.—Hanc.—Gloria.—Hanc.

LECTIO 9.

Cujus autem Pater et Mater carnales fuisse feruntur, Joachim et Anna, qui benè sibi de nominis interpretatione compellunt. Joachim quippè præparatio Domini dicitur, Anna verò gratia Dei interpretatur. In horum duorum nominis interpretatione quid innitit, nisi gratia, quam simul adepti sunt? Ubi namque poterit esse gratia, nisi ubi famulatur præparatio conscientia? Et ubi locum habebit præparatio operationis, nisi ubi ante præcesserit Dei elargita gratia? Sic ergò in unum duæ compactæ gratiæ, disponente Dei nutu, proferunt ex se gratiam non parvam, profuturam valdè cunctis hominibus. Tu.

Te Matrem.

AD LAUDES

et per Horas antiphonæ.

1. Joachim et Anna * tanquàm spirituales montes dulcedinem stil-
larunt.

2. Anna Joachimi * uxor flens in horto suo promeruit accipere Sanctam Virginem MARIAM.

3. In illo tempore, * Joachim et Anna orantibus, exaudiatæ sunt preces amborum in conspectu gloriæ summi Dei.

4. Missus est Angelus Domini ad eos, quorum uno tempore sunt orationes in conspectu Domini recitatæ.

5. Ex ventris vestri * fructu immaculato agnoscimini, quia ex fructibus eorum cognoscetis eos.

CAPITULUM. *Luc. 1. 6.*

Erant autem iusti ambo ante Deum incedentes in omnibus mandatis, et justificationibus Domini sine querelâ.

HYMN. 287. *Rodulphus agricol.*

Salve Sancta Parens,
Et tu, Nata inclita, salve,
Quas caro, quas pietas,
Has quoquè jungit honor.
Nalam, Mater, amas,
Et Natæ Mater amaris,
Laus capit una duas,
Ut tenet unus amor.

Bis tamen Anna potens
Hoc partu, bisque beata,
Et prolis titulus
Nobilis atque tuus.

Conspicuos præstant
Alios benefacta parentum:
Tu contra Filiæ
Nobilitate nites.

Magna quidem meritis
Et tuis, pietate, fideque,
Quis neget? Ac Nata hæc
Splendidiora facit.

Gloria summa Patri,
Compar sit gloria Nato:

Quæ peperit Virgo,
Gloria Spiritui. Amen.

†. Iusti autem in perpetuum vi-
vent.

†. Et apud Dominum est mer-
ces eorum.

Ad Bened. ant. Visitavit Dominus populum suum, sicut locutus est per os sanctorum, qui à sæculo sunt, prophetarum ejus.

Oratio.

Deus qui Beatis Joachim et Annæ tantam gratiam conferre dignatus es, ut ex eis Unigeniti Filii tui Mater nasceretur: concede propitius, ut quorum festivitatem celebra-
mus, eorum precibus promissam in Christo salutem consequamur. Per eundem.

Ad Prim. ant. Joachim. *Capit.*
Erant. de Laudib.

†. †. *Brev.* Quæ ex Beatis Joa-
chim et Annâ nata fuisti.

CANON.

Ex Gregorio Papâ Decimo Tertio.
*Const. 161. Sancta Mater. an-
no 1584.—Tom. IV. p. 4. p. 54.*

538. Præcipimus, ut perpetuis futuris temporibus Beatæ Annæ dies festus septimo Kalendas Au-
gusti per totius orbis Ecclesias du-
plici officio quotannis recolatur.
Tu.

IN II. VESPER.

Ant. et capit de Laudib.

O HYMNUS 288. *Carol. à S. Anton.*
Omnium laudum resonent honore
Nomina illustris Joachimi et Annæ:
Quisque præclarum meritis utrum-
que

Tollat ad astra.

Nomine hic signans Domini ap-
paratum,
Filiam, Templum Domino paravit,
Quam satis pulchram dedit Ana-
cujus

Gratia Nomen.

Quanta in ambobus probitas,
amorque

Quantus, et quantus pietatis ardor,
Ex quibus, Mater bonitate summa
Edita Christi.

Debitas grates, Joachime, solvat,
Quis tibi, et dignas tibi solvat,
Anna?

Non opis nostræ; superatis omnes
Virgine grates.

Maximè obstricti sumus, ò beati
Conjuges, vobis; bona cuncta ve-
strâ

Prole manarunt, miserè jacenti
Vitaque mundo.

Fac, tibi celsas sine fine laudes,
Hisque in æternum paritèr cana-
mus,

O Deus clemens, Deus ò tributor
Amples bonorum! Amen.

†. Benedicamus Deum, qui te
creavit.

†. Benedictus uterque Pater qui
te generavit.

Ad Magnific. ant. O Joachim
Sanctæ, Conjux Annæ, Pater almæ
Virginis his famulis confer salutis
opem.

DIE XXVIII. JUL.

IN MEMORIAM B. M. V.

Duplex.

Oratio.

Præsta, quæsumus, omnipotens
Deus, ut qui hunc diem felicissimæ
recordationi Sanctæ Genitricis tuæ
specialitèr consecramus, terrena
cuncta obliviscentes, cœlestia bona,
ipsâ intercedente, ardentius appe-
lamus. Qui viviſ et regnas.

Lectio 1. Noct. Fer. occur.

IN II. NOCT.

Ex verbis B. Alberti Magni Ep.
De laudib. B. V. l. 4. c. 26.

LECTIO 4.

De Memoria MARIE potest dici et
exponi, quod de memoria Josue

dicitur: Memoria Josue in compo-
sitione odoris facta est opus pig-
mentarii, id est, suavis est odorife-
ra est, quasi odor aromaticus com-
positus opere pigmentarii. Qualis
ergò fuit præsentia ejus, talis est
memoriâ. In omni ore generalitèr
magnorum et parvorum, quasi mel
indulcabitur ejus memoriâ. Quasi
diceret: sicut mel delectat gustum
comedentis, et quantò ampliùs mas-
ticatur, dulciùs invenitur, sic MA-
RIÆ memoriâ delectat de ipsâ lo-
quentem, et quantò plùs de ipsâ
loquitur, tantò magis in ipsius
memoriâ delectatur. Tu.

†. Memoriale ejus sicut vinum
Libani * Mirabilitèr delectans, su-
avitèr inebrians, et virgines ger-
minans. †. In omni ore quasi mel
indulcorabitur ejus memoria.—
Mirabilitèr.

LECTIO 5.

Et ut musica in convivio vini.
Quasi diceret: sicut armonia instru-
mentorum musicorum dulcis et su-
avis est in convivio vini, quod de-
lectat, sic memoria ejus dulcis et
suavis non solum loquenti, sed
etiâ audienti. Osee in fine: me-
moriale ejus sicut vinum Libani,
ut supra: Gemmula carbunculi in
ornamento auri, et comparatio mu-
sicorum in convivio vini. Tribus
igitur comparat memoriâ ejus.
Odori operis pigmentarii, quod de-
lectat olfactum: mellis dulcedini,
quæ gustum; armoniæ musicorum,
quæ auditum. Quia memoria ejus
suavis in corde, in ore, in aure,
etiâ hoc propter tria secundum
Rabanum. Nam fama virtutis ejus
superat omnem odorem, suavitas
modestiæ omnem dulcedinem, stu-
dium præstandi cultum Dei omni-
modam cantinelam. Tu.

†. In memoriâ habetur à san-
ctis, qui permanebunt in ulroque

sæculo: * Si enim memoriâ justî cum laudibus, quantò magis memoriâ Virginis, per quam nobis Christus factus est justitia. †. Memoria mea in generationes sæculorum. —Si enim.

LECTIO 6.

Josias siquidem populum docuit pœnitere super transgressione legis, undè sequitur: ipse est directus divinitus in pœnitentiam gentis judicæ, id est, in doctrinam pœnitentiæ, quia ipse eos docuit pœnitere. Et tulit, id est, abstulit abominationes impietatis, id est, fana et idola, quibus impietas idololatriæ celebratur. Et gubernavit ad Dominum cor ipsius populi doctrinâ scilicet, et exemplo. Et in diebus peccatorum, id est, in tempore, quo regnabat peccatum idololatriæ, et transgressio legis, et violatio cultus Dei, corroboravit pietatem, id est, cultum Dei firmiter observandum instituit. Similiter et Beata Virgo sola cunctas hæreses interimit, gubernat populum Christianum doctrinâ et exemplo, et ad cultum Dei multimodè nos invitat. Tu.

†. Immortalis est memoria ejus, * Quia apud Deum nota est et apud homines. †. Memoriam abundantie suavitatis tuæ eructabunt. — Quia. — Gloria. — Quia.

IN III. NOCT.

Lectio Sancti Evangelii secundum Matthæum.

LECTIO 7. c. 12. 46.

In illo tempore: Loquente JESU ad turbas, ecce Mater ejus et fratres stabant foris quærentes loqui ei. Et reliqua.

Homilia S. Anselmi Ep. Lucensis.

In Salutatione B. V. M.

O nimia et ineffabilis divitiâ bonitatis divinæ. Quantâ, quæso, erga talem Virginem debet cor nostrum

devotione difundi, per quam meruimus Deo esse confratres et coheredes? Mirâ deberet os nostrum dulcedine abundare, cum tam dulcem et benignam Dominam salutamus, et ejus benedicimus fructum. Suavissimus et dulcissimus est fructus ejus, et in ore et corde sapientis dulcescit. Tu. †.

Bened. Cujus Memoriam facimus.

LECTIO 8.

Mira est hujus Virginis sæcunditas, quæ dum salatur devotè, ad cor salutantis suum dulcissimum fructum emittit, et quantò quis in ejus fructu ampliùs jucundatur, tantò ab eâ ampliùs impetratur. Nisi dicas sufficit: nunquàm cessabit. (Lect. 9.) O mira Domina, mirum videtur, quomodò non tantum delectemur in te salutando, quòd præter te, et tuum fructum cætera ignoremus. Quomodò, quæso, non est ad te tantum intentus homo propter tuam nimiam suavitatem, ut etiâ semetipsum abstractum ignoret? O raptrix cordium! O ligatrix peccatorum! Tu.

LECTIO 9.

Commemoratio B. V. de Cuniculis.

Gump. Atlas. mar. p. 650.

Avesnensium in Hannoniâ traditio est, statuam Peatæ Virginis, quæ ad minus templi vestibulum colitur, suo loco obsidionis tempore motam, obviam ivisse hostibus, jamjam in urbem irrumpentibus, eosque non aliis armis, quàm virgâ longâ, decorticatâ et candidâ itâ terruisse, ut pedem referre coacti fuerint, et obsidionemolvere. Hæc traditio fidem eo majorem meretur, quòd non solâ narratione firmetur, sed etiâ publico festo et perpetuo, singulari cæremoniâ à majoribus instituto, undè nomen de Cuniculis hæc statua

acquisivit: nam festo Deiparæ Præsentatæ, quo commemoratio hujus liberationis miraculosæ celebratur, distribuuntur tam ecclesiasticis, quam sæcularibus, atque etiã pueris puellisque liba candida, oblonga, quæ illic terrarum Cunioles appellantur. Tu. Te Matrem.

Cum 2. Vesper.

DIE XXIX. JUL.

3 B. V. DEPRANITANÆ DE LUCE.

Semiduplex.

Lect. 1. Noct. de feriã.

LECTIO 4.

Oct. Cajet. de effigieb. siculis.

Imago beatæ Virginis à Luce dicta, Deprani in Sicilia per multos annos in interiori portâ urbis mansit, velut illius tutela, à quâ etiã porta Deiparæ dicta fuit, ubi colebatur pio cultu, et ante illius aspectum lampades accendebantur. Cum verò ad urbis munitionem portam illam dejicere necesse fuit; Imago illa ad templum Sanctissimæ Virginis à Portu appellata translata fuit: ibique nova prodigia edere, novaque effundere beneficia cœpit. Tu. 7.

LECTIO 5.

Crevit Virginis miraculis Depranitanorum pietas, adeoque anno millesimo sexcentesimo tertio sanxit senatus illam in ampliorem locum transferre, indicia solemniter atque universali supplicatione, die Sanctis Apostolis Petro et Paulo dicto. Ab ipsis juratis Patribus Sanctissima Virgo delata fuit in ædem Divi Juliani, cum per vias, tum in templo, ubi illuc perventum est, elargita est sua munera immaculata Deipara, nec adhuc à miraculis perpetrandis desistit. Tu. 7.

LECTIO 6.

Depicta est Imago in tabulâ mediocris staturæ, majorisque est pie-

tatis, quàm pulchritudinis. Rubram obtinet vestem, et cœruleum pallium; divinam prolem sustinet dextro brachio, et sinistrâ manu mamam præbet lætanti puellulo, qui tantum album indusium habet, et sinistrâ manu accensam facem tenet. In Virginis diademate hæc inscripta reperiuntur verba: Sancta MARIA novæ lucis. Causa cur à Luce appellatur, videtur, quia divinus puer manu candelam præfert, sive quòd ad illud Esther Virginis figura alludatur. Tu. 7.

Homil. ut in die Matris lucis p. 570.

LECTIO 9.

Commemoratio B. V. Ratisponensis de S. Lucâ.

Gumpenb. 942.

Ratispone in Germaniâ superiori colitur quædam Deiparæ Imago, quam Sancti Lucæ opus esse à pluribus sæculis creditur. Sanctus Henricus Imperator illam à Summo Pontifice accepit, et in hoc antiquissimo totius Baviaræ Sacratio reposuit. Etiã hodiè in honore est, siquidem Episcopus cum Clero Cathedralis Ecclesiæ singulis Deiparæ festis supplicationis ordine hæc venit, toto catholico populo comitante, atque Sacrificio solemniter cantato, et concione aliàs in Cathedrali habendâ, hunc locum honorat. Tu. Te Matrem.

Ad Benedict. ant. Omnibus per MARIAM nova lux oriri visa est, gaudium, honor, et tripudium apud omnes populos, urbes atque provincias.

Vesperæ sequentis.

DIE XXX. JUL.

VIRGINITATIS PERPETUÆ

B. MARIE V.

Duplex secundæ Clasis.

IN I. VESP.

Ant. 1. Virgo Deigenitrix, quem

totus non capit orbis, in tua se claudis viscera factus homo.

Psalmi de Solemnitatib.

2. Virgo decus cœli, Virgo Sanctissima, Virgo, quæ super angelicos es veneranda choros.

3. Tu niveas formosa rosas, tu candida vincis lilia: tu vultu vincis et astra tuo.

4. Pura columbellæ similis, quam lactea vestit penna, nec in toto corpore menda sedet.

5. Cara, benigna, micans, pia, sancta, veneranda, venusta, flos, decus, ara, nitor, palma, corona, pudor.

CAPITULUM. *Isai. 7. 14.*

Ecce Virgo concipiet, et pariet Filium, et vocabitur nomen ejus Emmanuel. Butyrum, et mel comedet, ut sciat reprobare malum, et eligere bonum.

HYMNUS 289. *Ven. Fortunat.*

O Virgo excellens,
Vincens super omnia Matres:
Quam genus crexit,
Cui Deus alta dedit.

Cujus fructus adest,
Et flos non perdit honores,
Quæ nato es genitrix
Et tibi Virgo manes.

Felix quæ generi
Humano sub tartaro lapso,
Ad cœlos facta es
Sors, via, porta, rota.

Aula Dei, ornatus
Paradisi, gloria regni,
Hospitium vitæ,
Pons penetrando polos.

Arca nitens, et theca
Potens gladii bis acuti,
Arca Dei assurgens,
Luminis alta pharos.

Gloria summa Patri,
Compar sit gloria Nato,
Quo peperit Virgo,
Gloria Spiritui. Amen.

†. Sancta Virgo Virginum.

†. Intercede pro nobis.

Ad Magnif. ant. O quam pulchra est casta generatio cum claritate: immortalis enim est memoria illius, quoniam apud Deum nota est, et apud homines.

Orat. de Laudib.

Complet. de Domin.

AD MATUTIN.

Invitat. Laudemus Deum nostrum, * In perpetuâ Virginitate Beatæ MARIÆ Virginis.

NYMNUS 290. *Franc. Suvertius.*
Nulla præcellens licet ac diserita
Lingua, te nullis valeat referre
Cantibus, nostræ via, quæ salutis
Prima fuisti.

Tu sacrum pignus teneræ papillæ
Lacte sustentas, niveoque succo
Pascis, affigis generosa blandis
Ubera labris.

Nec tamen fædo violata tactu
Castitas unquam tua vel virilis
Seminis consors fuit, ac manebas
Integra Mater.

Antequam natum pareres, pudica
Virgo fulgebas, pariensque Virgo,
Edito partu, simili nitore es
Virgo relicta.

Nam tuum fido pia cura sacri
Flaminis ductu moderata pectus,
Semper illæsam tenuit, nec ullâ
Labe notatam.

Tanta nimirum decuit futuram
Puritas Matrem superi Tonantis,
Quæque cœlestem paritura Solem
Omnibus esset.

Sit decus summo sine fine Christo
Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

IN I. NOCT.

Ant. 1. Quomodo fiet istud, quoniam virum non cognosco?

Psalmi de ferid occurr.

2. Ne timeas, MARIA, quia post partum speciosior Virgo eris,

quàm ante partum.

3. Spiritus Sanctus superveniet in te, et virtus Altissimi obumbrabit tibi.

†. Virgo ante partum purissima.

¶. Intercede pro nobis.

De libro Exodi.

LECTIO 1. c. 3. 1.

Cum minasset Moyses gregem ad interiora deserti, venit ad montem Dei Horeb. Apparuitque ei Dominus in flammâ ignis de medio rubi: et videbat, quòd rubus arderet, et non combureretur. Dixit ergò Moyses: vadam. et videbo visionem hanc magnam, quare non comburatur rubus. Cernens autem Dominus, quòd pergeret ad videndum, vocavit eum de medio rubi, et ait: Moyses, Moyses: Qui respondit adsum. Tu.

¶. Rubum, quem viderat Moyses incombustum, * Conservalam agnovimus tuam laudabilem Virginitatem. †. Videbat Moyses, quòd rubus arderet, et non combureretur.—Conserv.

De Isaiâ Prophetâ.

LECTIO 2. c. 7. 10.

Et adjecit Dominus loqui ad Achaz, dicens: Pete tibi signum à Domino Deo tuo in profundum inferni, sive in infernum supra. Et dixit Achaz: Non petam, et non tentabo Dominum. Et dixit: Audite ergò domus Jacob: nunquid parum vobis est, molestos esse hominibus, quia molesti estis et Deo meo? Propter hoc dabit Dominus ipse vobis signum: Ecce Virgo concipiet, et pariet Filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum. Tu.

¶. Spiritus Sanctus in te descendet MARIA, * Ne timeas, habebis n. utero Filium Dei. †. Ecce Virgo

concipiet, et pariet filium.—Ne timeas.

De Ezechiele Prophetâ.

LECTIO 3. c. 44. 1.

Et convertit me ad viam portæ sanctuarii exterioris, quæ respiciebat ad orientem: et erat clausa. Et dixit Dominus ad me: Porta hæc clausa erit: non aperietur, et vir non transibit per eam: quoniam Dominus Deus Israel ingressus est per eam, eritque clausa Principi. Princeps ejus sedebit in ea, ut comedat panem coram Domino. Tu.

¶. Quæ est porta illa sanctorum exterior ad orientem, * Quæ manet clausa, et nemo pertransibit per eam, nisi solus Deus Israel? †. Hæc porta est MARIA, per quam in hunc mundum Redemptor intravit, nec aperta fuit.—Quæ manet.—Glor.—Quæ est.

IN II. NOCT.

Ant. 1. Hæc porta erit clausa post partum, quia Virgo concepit, et genuit.

2. Sicut pluvia in vellus Deus descendit in Virginem, ut salvum faceret genus humanum.

3. Descendit sicut pluvia in vellus, et sicut stillicidia stillantia super terram.

†. Virgo in partu immaculata.

¶. Ora pro nobis.

Sermo S. Hildeph. Arch. Toletani.

Libr. de Virginitate. c. 1.

LECTIO 4.

Ecce Virgo ex Deo, Virgo ex homine, Virgo attestante angelo, Virgo iudice Sponso, Virgo ante sponsum, Virgo cum Sponso: indubitata Virgo etiâ dubitante Sponso, Virgo ante Filii adventum, Virgo post Filii generationem; Virgo cum Filii Nativitate, Virgo post Filium natum. Verbo sæcunda, Verbo repleta, Verbo uberrima, Verbo par-

tu digna: humanâ quidem nativitate, humanâ lege, humano sensu, humanâ conditione, humanâ veritate, illæsa, incorrupta, inviolata, intemerata, integerrima verè. Tu.

¶ Regina Mundi dignissima **MARIA**, Virgo perpetua: * Intercede pro nostrâ pace et salute. †. Quæ genuisti Christum Dominum, Salvatorem omnium.—Intercede.

LECTIO 5.

Divino autem munere, divino favore, divinâ collatione, divino dono, divino congressu. Novo opere, novâ efficacîâ, novâ operatione, novo effectu, novo partu. Cum conceptu Virgo, per conceptum Virgo, in conceptu Virgo, post conceptum Virgo: in partu Virgo, cum partu Virgo, post partum Virgo. Virgo cum nascituro, Virgo cum nascente, Virgo post Filium natum. Tu.

¶ Virginitas felix, quæ partu est digna Tonantis, * Quæ meruit Dominum progenere suum. †. Tempa Creatoris sunt membra pudicæ puellæ.—Quæ.

LECTIO 6.

Conjux dicta et Virgo, conjux assumpta et Virgo, conjux credita et Virgo, cum conjugè simul et prole perennis Virgo. Ignola semper conjugio, ignota tactu, ignota maritali collegio. Et tunc certè, et tunc non dubiè, tunc verè, tunc veracitèr. Sancta Virgo, beata Virgo, gloriosa Virgo, honesta Virgo. Sed post generationem incarnati Verbi, post nativitatem Dei, hominis facti, post generationem in Deo hominis assumpti, pos nativitatem Deo hominis uniti, sanctior et sanctissima Virgo, beatior et beatissima Virgo, honestior et honestissima Virgo, augustior et augustissima Virgo. Tu.

¶ Intemerata suspendit ab ubere natum, et panem cœli munere

lactis alit: * Quæ Dominum peperit, clausa **MARIA** manet. †. Conci-piente fide, nullo se semine læsit.—Quæ Domin.—Gloria.—Intemerata.

IN III. NOCT.

Ant. 1. Quantum sponso potest de virginitate placere, ipsa Dei Genitrix non nisi Virgo placet.

2. Mater et Virgo supra omnes decora virgines et matres.

3. Princeps, corona, thesaurus virginitatis, fastigium omnium Virginum Virgo **MARIA**.

†. Virgo post partum inviolata.

¶ Deigenitrix intercede pro nob.

Lectio S. Evang. secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliqua.

Homilia S. Ambrosii Episcopi.

Epistola ad Syrc. Pap.

De viâ perversitatis produntur dicere: Virgo concepit, sed non Virgo generavit. Quæ potuit ergò Virgo concipere, potuit Virgo generare: cum semper conceptus præcedat; partus sequatur. Sed si doctrinis non creditur Sacerdotum, credatur oraculis Christi, credatur monitis angelorum dicentium: quia non est impossibile Deo omne verbum. Credatur symbolo Apostolorum, quod Ecclesia Romana iteratum semper custodit, et servat. Tu.

¶ Beata Dei Genitrix **MARIA**, cujus viscera intacta permanent post partum: * Nobis genuit Salvatorem sæculorum. †. Beata quæ credidit, quoniâ perfectæ sunt omnia, quæ dicta sunt ei à Domino.—Nobis.

Bened. 8. Cujus perpetuam Virginitatem.

LECTIO 8.

Audivit MARIA vocem Angeli, et quæ antea dixerat: quomodo fiet istud? Non de fide generationis interrogans, respondit postea: Ecce ancilla Domini, contingat mihi secundum Verbum tuum. Hæc est Virgo, quæ in utero concepit, Virgo quæ peperit Filium. Sic enim scriptum est: ecce Virgo in utero concipiet, et pariet Filium. Non enim concepturam tantummodo Virginem, sed et pariturum Virginem dixit. Tu.

¶. Creator generis humani animalium corpus sumens de Virgine nasci dignatus est: * Et procedens homo sine semine, largitus est nobis suam Deitatem. †. Quando natus est ineffabiliter ex Virgine, tunc impletæ sunt scripturæ.—Et proced.—Gloria.—Creator.

LECTIO 9.

Quid autem incredibile si contra usum originis naturalis peperit MARIA, et Virgo permanet, quando contra usum naturæ mare vidit et fugit, atque in fontem suum Jordanis fluentia remearunt? Non ergo excedit fidem, quod Virgo peperit, quando legimus, quod petra vomuit aquas, et in montis speciem maris unda solidata est. Non ergo excedit fidem, quod homo exivit de Virgine, quando petra profluxit, scaturivit ferrum super aquas, ambulavit homo super aquas. Ergo si hominem unda portavit, non potuit hominem virgo generare? Tu. Te Matrem.

AD LAUDES

et per Horas antiphonæ.

1. Virgo genuit * mundi salutem, et Virgo peperit, et post partum Virgo permansit.

Psalmi de Dominica.

2. Virgo MARIA * nitet, nullo intemperante pudorem, alleluia.

3. Post partum * pueri Virgo MARIA nitet, alleluia, alleluia.

4. Virginaliter Deum concepit, et sine angustia Deum parturivit.

5. Virginitas illa, * cui sunt salva sigilla, et secunda tamen, det nobis dulce juvamen.

CAPITULUM. *Isai. 7. 14.*

Ecce Virgo concipiet, et pariet Filium, et vocabitur nomen ejus Emmanuel. Butyrum et mel comedet, ut sciat reprobare malum et eligere bonum.

HYMNUS 291. *Venat. Fortun.*

Virgo intacta manens,
Fidei ubertate marita,
Inscia conjugio
Æta, regnante viro.

Accipis, ut nescis:
Si reddis, ut integra constes,
Nec violata paris,
Nec pariendo doles.

Et tamén est genitus
Deus et homo, verus et unus,
Spiritus atque caro,
Cristus, utrumque genus.

In deitate Patri
Coæqualis, vel corpore Matri,
Et sine peccato
De Genitrice caro.

Factor dans legem,
Factus sub lege minister,
Ipse Pater mundi,
Filius ipse tibi.

Gloria summa Patri,
Compar sit gloria Nato:
Quo peperit Virgo
Gloria Spiritui. Amen.

†. Post partum Virgo immaculata permansisti.

¶. Dei Genitrix, intercede pro nobis.

Ad Benedict. *ant.* Ave Virgo pura ante partum: ave Virgo immaculata in partu: ave Virgo inviolata post partum, alleluia.

Oratio.

Da, quæsumus, omnipotens æternæ Deus, ut purissimæ Virginis MARIÆ perpetuam Virginitatem festivâ celebritate venerantes; ejus intercessione puritatem mentis et corporis consequamur. Per Dominum.

AD PRIMAM.

Ant. Virgo. *cap.* Ecce Virgo de Laudib.

†. n. br. Virgo ante partum, in partu, et post partum.

CANON.

Ex Concilio Toletano Decimo Sexto. An. 693. *Ex allocut. Flavii Ecig.*

Reg.—Tom. XVII. p. 143.

539. Quæ Virgo sicut ante conceptionem obtinuit Virginitatis pudorem, ita post partum nullam sensit integritatis corruptionem: nam Virgo concepit, Virgo peperit, et post partum incorruptelæ pudorem sine interceptione obtinuit. Tu.

AD TERTIAM.

CAPITULUM *Isai. 11. 1.*
Egrediatur virga de radice Jêsse, et flos de radice ejus ascendet, et requiescet super eum Spiritus Domini.

n. br. Virgo ante partum * Purissima.—Virgo. †. Intercede pro nobis.—Puriss.—Gloria.—Virgo.

†. Hortus conclusus, fons signatus.

n. Puteus aquarum viventium.

AD SEXTAM.

CAPITULUM. *Ezech. 44. 2.*
Porta hæc clausa erit: non aperiatur, et vir non transibit per eam: quoniam Dominus Deus Israel ingressus est per eam, eritque clausa Principi.

n. br. Virgo in Partu * Immaculata.—Virgo. †. Ora pro nobis.—Imm.—Gloria.—Virgo.

†. Fecit Dominus novum super terram.

n. Mulier circumdabit virum.

AD NONAM.

CAPITULUM. *Apoc. 12. 1.*
Signum magnum apparuit in cœlo: mulier amictâ sole, et luna sub pedibus ejus, et in capite ejus corona stellarum duodecim.

n. br. Virgo post partum * Inviolata.—Virgo. †. Quæ Dei Filium peperisti.—Inviolata.—Glor.—Virgo.

†. Tota pulchra es MARIA.

n. Et macula non est in te.

IN II. VESP.

Antiph. et Cap. de Laudib.

HIMNUS 292. S. Petr. Dam.

Beata Dei Genitrix,
Nilor humani generis:
Per quam de servis liberi,
Lucisque sumus filii.

Tu Aaron es virga,
Fœcunda licet sicca:
Quæ germen protulisti,
Et Virgo permansisti.

Te rubus prælucebat,
Qui ardens non ardebat:
Quæ sine æstu mentis
Fructum dedisti ventris.

Et ante partum Virgo,
Sed post Virginum Virgo:
Crevit in ortu prolis
Integritas pudoris.

Fac tuum nobis Filium
Piâ prece propitium:
Quem graviter offendimus,
Tu mitem redde, quæsumus.

Sit tibi laus, Altissime
Qui natus es ex Virgine:
Sit honor ineffabili
Patri Sanctoque Flamini. Amen.

†. Post partum Virgo inviolata permansisti.

n. Dei Genitrix, intercede pro nobis.

Ad Magnif. ant. Beata Dei Genitrix, Virgo perpetua, sacrarium Spiritûs Sancti, sola sine exemplo

placuit Domino nostro JESU-Christo.

Oratio de Laudibus.

DIE XXXI. JUL.

B. M. V. DE AUXILIO.

Duplex.

Oratio.

Præsta, quæsumus, Omnipotens Deus, ut qui Sanctissimæ Genitricis tuæ auxilium assidue imploramus, ab omnibus mentis et corporis periculis liberemur. Qui vivis.

Lect. 1. Noct. de scr. occur.

IN II. NOCT.

Sermo S. Amadei Ep. Lausanensis.

Homil. 8. de Laud. B. V. M.

LECTIO 4.

Notandum ac solertiè intuendum, quanto affectu, quantave benignitate Diva Virgo cognatos sibi puritate animi complectitur, et diligit, quæ homines nequam et sceleratos suo interventu, ut sæpè dictum est, à morte peccati, et æternis doloribus incessantèr absolvit. Geminâ quippe dilectione rutilans et insignis, hinc in Deum ardentissimè figitur, cui adhærens unus Spiritus est, hinc electorum corda blandè consolatur et attrahit, eisque Nati largitate optima dona partitur. Tu. ♀.

LECTIO 5.

Motu ergò celerrimò senas seraphim alas excedens, nunc in fonte fruitor amore deitatis, nunc terras signis et virtutibus illustrans, ubique suis, ut mater jucundissima, et mirificentissima occurrit. Quosdam præsentia subactis viliis reddit victores, quosdam magnarum virtutum pio interventu facit compotes, quibusdam intimæ contemplationis pandit sinum, aliis in exitu vitæ iter præbet securum, ut nulla

deterreat virtus adversarii, quibus ducatum præstat ad Christum Mater Unigeniti Dei. Tu. ♀.

LECTIO 6.

Extant harum assertionum exempla plurima, quæ ut notissima et pervulgata compendiosè prætendimus. Sciendum verò certissimè, quòd creberrima miracula, innumera beneficia, spirituales visiones, cælestes revelationes, sublimes consolationes almæ Parentis Domini orbi terrarum assidue coruscabunt, donèc finem mundus iste senescens inveniat, inclarescente regno cujus non est finis. Tu. ♀.

Homil. de Comm. pro Duplicib.

LECTIO 9.

Commemoratio B. V. Trevirensis de Deserto.

Gumpenb. 746.

Deserti titulum habet hæc Deiparæ Imago, quæ in deserto, seu abstruso silvæ loco diù sine debitis honoribus stelit: anno millesimo quadringentesimo quadragesimo nono possuerat illam in stipite simplex Vinitor loco suæ pietati commodo, nam ibi cum Virgine suâ colloquia miscebat. Vicini postea ad ejus exemplum cœpere quoque frequentare locum, ubi remedia malis suis faciliè inveniebant, quibus medici nondum invenere. Indè est, quòd ejus miraculorum famâ crescente, collectis pecuniis Episcopus Deiparæ templum struxit tertio ab urbe Trevirensi lapide, statuamque ei intulit. Nec abnuìt Deipara statuam suam illuc deportari populorum bono, quos ne quidem pro beneficiis et miraculis longo itinere fatigari voluit. Tu. Te Matrem.

Ad Bened. ant. Auxilium tuum, Domina, imploramus, defende nos semper in omni eventu.

Vesperæ de sequenti.

Die I. Augusti.
FESTA AUGUSTI.

DIE PRIMA.

SS. CORPORIS B. M. V.

Duplex majus.

Oratio.

Omnipotens sempiterno Deus, qui sacratissimum MARIE Corpus, tot et tantis prerogativis decorasti, illudque dignum effecisti, ut ex eo immaculatam carnem assumes: concede propitius, ut qui ipsum devotè veneramus in terris, cum ipso tuæ gloriæ participes fiamus in cælis. Qui vivis et regnas.

Lect. 1. Noct. de Comm.

IN II. NOCT.

Ex verbis B. Dyonisii Carthusiani.
De laud. B. V. M. libr. 1. art. 17.

LECTIO 4.

Videmus in quanto honore habeantur sanctorum reliquiæ, immò et materiæ in se viles, quæ sanctorum corpora tetigerunt; et ad ea aliquo modo pertinuerunt, ut vestes, baculi, et capilli ipsorum. Itaque innotescit, quòd quantò incomparabilis Virginis Sacratissimum corpus fuit ab omni labe peccati, etià venialis magis immune, rationi quòque ac legi divinæ magis subiectum, et excellentissimà castitate ampliùs decoratum, in quo nunquam fuit, nec minimus quidem motus inordinatus, aut stimulus, atque in summà sobrietate, omni-que exercitio sancto incessabiliùs exercitatum, eò nobiliùs ac dignius est effectum: et certum est, quòd in his omnibus inclitissimæ, et in æternum benedictæ MARIE Corpus ineffabilis excellentiæ fuit. Ideò acceptissimum extitit Creatori, et quantò per naturam erat declivius, tantùm per gratiam et virtutes fac-

tum est sublimius, dignius, atque nobilius. Tu. ♀.

LECTIO 5.

Præterea aliundè inæstimabiliter dignificatum est præstantissimum MARIE Corpus: primò ex eo quòd ex ejus portione et substantià sumptum et formatum est corpus illud deificatum, quod in unitalem personæ sibi assumpsit Verbum æternum. O porsus incomparabilis Domina, pretiosissima Virgo MARIA, cujus portio modica à Verbo æterno assumpta ad redimendum totum genus humanum fuit idonea! Secundò, quoniàm in castissimo utero ejus quievit, et commoratus est mensibus novem Dei Unigenitus, homo factus et nutritus mundis ipsius sanguinibus. Tu. ♀.

LECTIO 6.

Tertiò, quoniàm Deum ex se verè et corporaliter natum hæc optima et nobilissima Virgo MARIA suo felicissimo corpore quotidie cum summà charitate, reverentià et humilitate honoravit, nutrit, lactavit, circumferebat, amplectabatur, et contrectavit, impendens adorando Infantulo, quod infantibus solent impendere genitrices. Certè, ò amabilissima Virgo, tam dignificata est ex prætractatis tua illustrissima caro, ut nullius poræ creaturæ corpus, nec cælorum, nec planetarum, nec syderum valet ei in nobilitate et dignitate æquari. Tu. ♀.

IN III. NOCT.

Lectio S. Evang. secundum Lucam.

LECTIO 7. c. 6. v. 17.

In illo tempore: Descendens JESUS de monte cum discipulis suis, stetit in loco campestri. Et reliqua.

Homilia B. Dionysii Carthusiani.

De laudib. B. V. ut supra.

Si virtus exivit de Christo inter ho-

mines conversante, et sanavit omnes, quanta virtus intra tot menses emanavit ex eo in vas illud mundissimum, in quo ipsemet sic personaliter habitavit? Si quis per horam in manu rem odoriferam, pretiosam, suavem habet, nonne manus ejus contrahit inde fragrantiam et virtutem? Tu. ꝑ.

LECTIO 8.

Quantam ergo suavitatem, dignitatem, munditiam conferunt immaculatissima viscera benedictæ **MARIÆ** ex causâ divinâ habitantis in eâ; præsentia ejus qui est essentialiter et incircumscribibiliter ac superplenissimè sanctus, dignus, suavis et virtuosus? Tu. ꝑ.

LECTIO 9.

Commemoratio B. V. Aliagensis de Rubo.

Gumpenb. Imag. 649.

Aliagæ in Aragoniâ in vepribus quidam rusticus propè ipsum pagum Deiparæ Imaginem invenit, et eam loquentem audivit. Jussit illa, Aliagensibus suaderet, ut templum ibi ædificarent. Fecit ille imperata, suasitque templum, sed plus non persuasit, quàm ut eam deportarent in pagi Templum parochiale. Virgo non contenta more suo ad vepres reversa est, relicto templo pagi: ut quæ sibi novum velle à fundamentis extrui, quod Aliagenses secundo miraculo permoti fecerunt, non expectantes terra imperia. Tu. Te Matrem.

CANON.

Ex Pio Papâ Nono.

Const. Ineffabilis. 8. Dec. 1854.
540. «Sancti Ecclesiæ Patres» testati sunt carnem Virginis ex Adam sumptam maculas Adæ non admisisse, ac propterea beatissimam Virginem tabernaculum esse ab ipso Deo creatum, Spiritu San-

cto formatum, et purpureæ reverà operæ, quod novus ille Beseleel auro intextum, variumque effinxit. Tu.

Cum 2. vesper.

DIE II. AUG.
CONSECR.

S. M. DE PORTIUNCULA.

Dupleæ.

Offic. fit de comm. Dedicat.

Lect. 1. Noct. de feriâ.

IN II. NOCT.

LECTIO 4.

Ex Brev. Franciscano.

Quancquàm Beatus Franciscus omnes Ecclesias semper quoad vixit, summoperè dilexit; maximoque in honore habuit, præcipuo tamen studio, singularique religione ædificulam illam propè Assisium coluit, quæ Ecclesiæ tùm Sanctæ **MARIÆ** Angelorum tùm Portiunculæ nominatur. Idque multis de causis: primum, propter ejus incredibilem in Beatissimam Matrem Dei pietatem, maximamque in sanctos angelos observantiam. Deindè, quòd non solum ex aliis cognovisset in eo Sacello sæpè suavissimos angelorum concentus audiri, ex quo etiàm accepisse agnomen putabatur; sed etiàm ipsemet expertus esset, eorumque aspectu, colloquio, ac solatio potitus esset. Postremò quòd ea esset Ecclesia tam longè antea à Domino præparata, in quâ ordinem suum inchoaret; quam idcirco Ecclesiam Portiunculæ appellari voluisset, quòd esset futura mater; et caput pusilli gregis Fratrum Minorum. Quam ob rem mirum in modum cupiebat, ut ab omnibus in summâ veneratione haberetur. Tu. ꝑ.

LECTIO 5.

Cum igitur quâdam nocte oraret in

habitalculo suo supradictæ Ecclesiæ proximo, significatum est ei divinitus, in ipsâ Ecclesiâ esse Dominum JESUM, ejusque Sanctissimam Matrem cum ingenti multitudine angelorum. Quo nuntiò, incredibili affectus lætitiâ, confestim surrexit: et summâ cum religione delubrum ingressus, cum primùm ineffabilem illam Filii Dei majestatem, et gloriâ aspexit, ante conspectum ejus procubuit, eumque quâ maximâ potuit animi submissione ac pietate adoravit. Quem Dominus benignissimè appellans admonuit, ut ab eo aliquod beneficium pro salute hominum peteret. At ille adjutus patrocinio Matris, cujus opem imploraverat, supplex petiit, ut omnibus Ecclesiam illam introentibus concederet veniam, et indulgentiam omnium peccatorum suorum, quorum confessionem Sacerdoti fecissent. Respondit Dominus, id sibi placere: præcepitque illi, ut ejus Vicarium adiret, et ab eo suo nomine illam indulgentiam postularet. Tu.

¶. Verè Dominus.

LECTIO 6.

Manè igitur Beatus Franciscus comite fratre Massæo profectus est Perusiam, ubi tunc erat Summus Pontifex Honorius tertius. Ad quem ingressus mandatum exposuit, rogans, ut quod placebat Christo, cujus ipse in terris locum ac personam tenebat, id ipsi non displiceret. Pontifici primò parùm honesta visa est res, quæ petebatur, tum quòd ea omninò libera, hoc est, sine oblationibus, tum quòd maxima, eademque absoluta, ac perpetua petebatur.... Tandem intelligens Pontifex divinam voluntatem concessit eam Beato Francisco plenariam quidem, et liberam ac perpetuam: sed unius duntaxat diei

naturalis cujusenunque anni, hoc est, à Vesperis Kalendarum Augusti, usque ad vespertas sequentis diei, qui est anniversarius dies Consecrationis supradictæ Ecclesiæ. Et cum ei diploma dare vellet, ille sibi satis esse verbum ipsius, Dominum enim opus suum per se ipsum divulgaturum, ac magnificaturum. Quod quidem mirabiliter evenisse cernimus. Tu. ¶. In multitudine.

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier quædam Martha nomine excepit illum in domum suam. Et reliqua.

Hom. S. Antonini Arch. Florentini.

Tit. 15. c. 43. de Assumpt. B. V.

Quod ergò dicitur in Evangelio, quia intravit JESUS in quoddam castellum, significat ingressum Filii Dei in hunc mundum. Dicitur mundus castellum, quia habet conditionem castelli rebellis. Hoc autem castrum intravit mundi in die incarnationis. Et mulier quædam Martha nomine excepit eum in domum suam. Martha autem interpretatur Domina, seu provocans. Tu. ¶.

LECTIO 8.

Hæc est enim Beata MARIA, quæ per suam maximam humilitatem provocavit Dei Filium venire in domum uteri virginalis. Et ipsa Domina amplissimè dicitur, quæ super alias omnes dominata est suæ sensualitati et corpori. *Lect. 9.* Nec aliqua creatura alia digna fuit recipere Deum in utero sui domum, nisi Beata MARIA. Undè canit Ecclesia: Domus pudici pectoris templum repentinè fit Dei, intacta nesciens virum, verbo concepit Filium. Tu. ¶.

LECTIO 9.

Commemoratio B. V. Valencenensis
de Eremitorio.

Gumpenb. p. 745.

Prope urbem Valencenensis Eremita habitabat, et Deiparæ Imaginem impensè colebat, et ut credibile est, urbem peste afflictam ei commendavit. Apparuit illa viro, et in mandatis dedit, ut magistratui denuntiaret, jejunium vigiliâ nativitatî suæ imminente totâ urbe. Si id facerent, postea cives mira visuros: Facto jejunio populus mœnia implevit, visurus quæ promittebantur mirabilia: visa deniquè est Deipara exire ex Eremitorio, angelorum, sanctorumque comitata choro, et funiculo mensura totum urbis circuitum duarum leucarum, et iterum in Eremitorio redire, quod Eremita sibi in Sacelli formam ædificaverat: jussit insuper, ut processio perpetua festo Nativitatî suæ institueretur. Funiculus adhuc hodiè asservatur. Processio habetur, sed circulus duarum leucarum non totus una vice perficitur. Tu.

Te Matrem.

CANON.

Ex Gregorio Papâ Decimo Quinto.
Bulla Splendor pat.—Bibl. Ferrar.

V. Indulgentia a. 5. n. 51.

541. Volentes omnes et singulas Ecclesias ordinis Fratrum Sancti Francisci... ubique existentes aliquo spirituali munere illustrare.... omnibus utriusque sexûs Christi fidelibus, verè pœnitentibus et confessis, ac sacrâ communionem refectis, qui aliquam ex dictis Ecclesiis in secundâ die mensis Augusti.... singulis annis visitaverint... plenariam omnium peccatorum suorum indulgentiam et remissionem misericorditèr in Domino concedimus. Tu.

Vesper. à Capit. sequent.

DIE III. AUG.

MERITORUM B. M. V.

Duplex.

Oratio.

Præsta quæsumus, omnipotens Deus, ut qui in nostris operibus fiduciam non habemus, per merita Sanctissimæ Genitricis tuæ, salutem æternam, quam suppliciter poscimus, consequamur. Qui vivis.

Lectio 1. Noct. de ferid.

IN II. NOCT.

Sermo S. Antonini Arch. Florentini.

4. part. summ. tit. 15. c. 2. §. 6.

** apud Crisog.*

LECTIO 4.

Quamvis sancti in multis et per multa bona opera sese exercuerunt in gratiâ, nullus tamèn fuit, qui semper et in omni tempore seculus fuerit instinctum gratiæ, ut sic semper in operibus suis mereretur. Hoc enim privilegium fuit singularis gratiæ in Beatâ Virgine MARIA, quæ quolibet motu liberi arbitrii ad agendum vel patiendum merebatur, quatenus actiones illæ sive passionες gratiâ erant informatæ. Tu. ¶.

LECTIO 5.

Tum quia secundum Philosophum intellectus semper rectus est, nisi quando se immiscet phantasiis, et seducitur ab eis. Intellectus autem Beatæ Mariæ nullis unquam se immiscuit phantasiis, ut ab eis seduceretur; ac proinde semper suam conservavit rectitudinem. Rectum porro nihil est aliud, quam cujus medium non exiit ab extremis: ergo semper mens ejus in summum bonum, velut omnium principium finemque tendebat. Tu. ¶.

LECTIO 6.

Tum quia Virginis ratio nec in discernendo errare, nec voluntas mala eligere poterat, sed elegit ul-

timum dumtaxat et optimum. De illâ enim multò verius dictum est: MARIA optimam partem elegit, scilicet unum, quod est semper, et absolutè necessarium, nempe summum bonum, atque ita semper circa illud operando meruit. Tum quia Beata Virgo consilium illud Apostoli: sive manducatis, sive bibitis, sive quid aliud facitis, omnia in gloriam Dei facile: præ reliquiis viatoribus, quorum nemo id semper servavit, executa est. Undè Odilio in quodam sermone: unum pro certo scimus, quia omnis MARIE actio semper Domino intenta fuit. Tu. n.

Homil. de comm. pro Duplic.

LECTIO 9.

Commem. B. V. Paduanæ de Peste.

Gumpenberg.

Neglecta jacebat hæc Deiparæ Statua in angulo palatii Prætoris urbis, anno millesimo quingentesimo septuagesimo, tempore quo tota illa regio gravissimâ peste affligebatur. Sed diva Virgo tantæ calamitati occurrens, ipsi Prætori Aloysio Georgio apparuit nocte una ac disertè affirmavit, finem tanti mali fore tunc, quando cum debita pompâ illaturus esset ipse templo Carmelitarum Statuam, quam tandem in palatio contemptam tenuerat. Eandem visionem Pater Carmelitarum Provincialis habuit, quam vix ipse Prætori narravit, insigni pompâ Statua per urbem deducta est, et templo à Virgine designato illata. Statim verò ac templo pedem statua intulit, cessavit pestifera lues urbe paduanâ, et omni venetâ ditione. Quam Historiam ne posteri ignorarent, majores marmorî scilicet sculptam inseruere templo. Miraculis aliis quoque illustris esse cepit. Tu.

Te Matrem.

CANON.

Ex D. Bonaventurâ Episcopo.

Spec. B. V. c. 6.

542. Mulier super omnes mulieres pudorata, super omnes sancta est MARIA, in quâ est gratia super gratiam, gratia gloriæ super gratiam viæ, gratia præmiorum in cælo super gratiam meritum in mundo. Tu.

Cum 2. Vesper.

DIE V. AUG.

DEDIC. B. V. M. AD NIVES.

Duplex majus.

Omnia non propria de comm. Dedic. Oratio.

Deus, qui ad declarandam gloriam Genitricis tuæ gloriosæ Virginis MARIE descensu nivis in æstivis caloribus locum, in quo ei ædificaretur templum, dignatus es demonstrare: tribue, quæsumus, ut ejus obsequiis insistentes, refrigerato æstu concupiscentiæ, candore innocentiae dealbemur. Qui vivis et regnas.

AD MATUTIN.

HYMNUS 293. *J. M. Caryophil.*
Vidit Hæbreus sibi manna lapsum
Mentis ad votum malè murmurantis:

Mentis ad votum benè supplicantis
Nix cadit urbi.

Illud ignoto fuit imbre missam,
Panis è cælo, cibus angelorum:
Nix datur Romæ, peregrinus imber
Dum leo fervet.

Manna divinæ fuit umbra carnis,
Quam tulit Virgo gravidata Verbo:
Nix figuravit spatium struendæ
Virginis ædi.

Manna sed murmur peperit secundum
Gentis infidæ; nive surgit ædes,
Splendor æternæ venerandus urbi
Nomine major.

Hic ubi Lucæ digitis imago
Picta Reginæ pia corda lactat:
Hic ubi Virgo meritos honores
Undiquè carpit.

Et sacerdotum colitur senatu,
Et refulgentis gravitate templi,
Et salutantis populi recurvis
Cruribus undâ.

Sit decus summosine fine Christo,
Sancta quem Virgo genuit MARIA,
Qui Patri compar, Spiritui Sancto,
Regnat in ævum. Amen.

Lect. 1. Noct. de eodem Comm.

IN II. NOCT.

LECTIO 4.

Ex Brev. Romano.

Liberio Summo Pontifice, Joannes
Patritius Romanus, et uxor ejus pari
nobilitate, cum liberos non suscepis-
sent, quos bonorum hæredes relin-
querent, suam hæreditatem San-
ctissimæ Virgini Dei Matri vove-
runt, ab eâ summis precibus assi-
duè petentes, ut in quod pium opus
eam pecuniam potissimum erogari
vellet, aliquo modo significaret.
Quorum preces et vota ex animo
facta Beata Virgo MARIA benignè
audiens, miraculo comprobavit.
Tu. ð. Magnum.

LECTIO 5.

Nonis igitur Augusti, quo tempore
in urbe maximi calores esse solent,
nocturnam partem collis Exquilini con-
textit. Quâ nocte Dei Mater, separa-
tim Joannem, et conjugem in som-
nis admonuit, ut quem locum nive
conspersum viderent, in eo Eccle-
siam ædificarent, quæ MARIE Vir-
ginis nomine dedicaretur: se enim
ita velle ab ipsis hæredem institui.
Quod Joannes ad Liberium Pontifi-
cem detulit, qui idem per somnum
sibi contingisse affirmavit. Tu.
ð. Verè Dominus.

LECTIO 6.

Quarè solemni Sacerdotum, et po-
puli supplicatione ad collem venit

nive coopertum, et in eo locum
Ecclesiæ designavit, quæ Joannis
et uxoris pecuniâ extructa est, po-
stea à Sixto Tertio restituta. Variis
nominibus primum est appellata:
Basilica Liberii, Sancta MARIA ad
præsepe. Sed cum multæ jam es-
sent in Urbe Ecclesiæ sub nomine
Sanctæ MARIE Virginis, ut quæ
Basilica novitate miraculi, ac dig-
nitate cæteris ejusdem nominis Ba-
silicis præstaret, vocabuli etiâ ex-
cellentiâ significaretur, Ecclesia
Sanctæ MARIE Majoris dicta est.
Cujus Dedicationis memoria ex ni-
ve, quæ hac die mirabiliter cecidit,
anniversariâ celebritate colitur.
Tu. ð. In multitudine.

Hom. de Comm. pro Duplic. ma-
jorib. Congruè satis.

AD LAUDES.

HYMNUS 294. Joan. Mich. Silos.
Surgit ter amplæ Regia Virginis.
Cultuque et altâ mole superbior,
Æstiva quondam quâ supinas
Exquilias operuit pruina.

Quam læta rerum monstra Qui-
ritium
Gens vidit! ardenscum nive candida
Respersa tellus, dedicavit
Templa Dei niveæ parenti.
Æterna summo gloria sit Patri,
Natoque, necnon Spiritui Deo
Numenque tres unum, futuris
Posteritas colat usque sæclis.

Amon.

CANON.

Ex Nicolao Papâ Quarto.
Bull. ann. 1287. — apud Bened.
XIV. de Festis. B. V. c. 7. n. 14.
543. «Cupimus», ut Ecclesia
nostra ad honorem Virginis con-
structa, cujus quidem structuram
gloriosus Deus in sanctis suis per
immissionem nivis æstus tempore
mirabiliter indicavit, congruis ho-
noribus frequentetur. Tu.

Cum 2. Vesper.

DIE VI. AUG.

B. M. V. MONTIS GUARDIÆ.

*Semiduplex.**Lect. 1. Noct. de fer. occur.*

LECTIO 4.

Balingh. sub die 3. Julii.

Vir quidam in Græciâ vitæ innocentia venerandus, Constantinopoli in æde sacrâ Sanctæ Sophiæ vidit imaginem Beatæ MARIÆ Virginis cum hâc inscriptione: Tabula hæc Lucæ Evangelistæ manu depicta, in fanum ejus montis Guardiæ inædificatum ferenda, ibique supra altare locata sanctissimè colenda. Ipse autem cupiditate incensus, quisnam esset mons ille, Sacerdotes templi adit, à quibus id responsi refert à parentibus accepisse, eam Imaginem semper summâ religione habitam, necdum tamen post varias inquisitiones compertum, ubinam esset mons ille Guardiæ. Tu. ꝑ.

LECTIO 5.

Itaque, acceptâ Imagine per varias regiones discurrens, ubique sciscitando ubinam terrarum esset mons ille; at frustra, donec tandem Romam perveniens, à quodam Bononiensi cive, qui tum in urbe Senator erat, didicit, ubinam assurgeret mons Guardiæ cum templo divo Lucæ dicato, ut habebat inscriptio. In agro, inquit, nostro Bononiensi mons ille, illudque templum est, altero haud longius lapide ab urbe distans. Tu. ꝑ.

LECTIO 6.

Igitur vir iste Bononiam tendit, Bononiensibus quantum efferat thesaurum explicat. Illi tridui supplicationes indicant, quas amplissimâ pompâ, summâ religione obiere. Cœleste illud donum per urbem circumfertur festo cantu celebran-

tes. Tertiâ deinde die in vespere inclinante, frequentissimus populus sacram Imaginem Guardiam prosequutus est. Quam in Templo Sancti Lucæ in ipso montis apice, supra aram, ut scripto monebatur, ritè collocarunt. Ad ea innumera propè miracula fiunt, quod ex votivis tabellis patet, et ex donariis variis cereis argenteis, et aureis. Hanc imaginem Pius Papâ Nonus die decimâ Junii anni millesimi octingentesimi quinquagesimi septimi solemnissimâ pompâ magnifico ademate donavit. Tu.

IN III. NOCT.

Lectio Sancti Evangelii secundum Matthæum.

LECTIO 7. c. 17. 1.

In illo tempore: Assumpsit JESUS Petrum et Jacobum, et Joannem Fratres ejus, et duxit illos in montem excelsum: et transfiguratus est ante eos. Et reliqua.

Homilia S. Antonii Paduani.

Serm. 1. in Dom. 1. Quadr. p. 228.

Duxit illos. Statuitur situs, sive gradus summæ pietatis, et affluentiae, scilicet Virgo MARIA, per montem figurata. In montem excelsum. Exprimatur gustus miræ patientiæ, quia Deus transformavit se ipsum in hoc monte, scilicet Beatâ Virgine, ut peccatoribus humiliter se conformet. Tu. ꝑ.

LECTIO 8.

Et transfiguratus est ante eos. Ponamus enim quòd Dei Filius in hoc monte fuerit transfiguratus, quando formam servi accepit, ut dicit Apostolus: Exinanivit semetipsum formam servi accipiens: tamen Deus transfiguratur continuè in conspectu peccatorum, quando scilicet, ille qui in se contra pecca-

tores concitatur furore, in hoc monte efficitur mansuetus. Tu. *¶*

LECTIO 9.

Nota: Beata Virgo est mons, quia sicut montes sunt superius luminosi, inferius spatiosi, interius onerosi, exterius pascuosi; sic Beata Virgo fuit superius luminosa puritate, quam cum angelis participat. Inferius spatiosa charitate, quā tantum ad humanum genus efficitur. Interius onerosa pietate, quæ continuè scaturit in ejus corde. Exterius paschosa sanctitate, quā ibi poteris pasci omni fructu virtutum, omni flore honestatis et reverentiæ. Tu. Te Matrem.

Ad Benedict. ant. Ne stes * in omni loco circa regionem, sed in monte salvum te fac.

Vesperæ sequentis.

DIE VII. AUG.

VIDUITATIS B. M. V.

Duplex majus.

Oratio.

Majestatem tuam, omnipotens Deus, supplices deprecamur, ut qui exultantibus animis Beatissimæ semperque Virginis MARIE Viduitatem celebrare gaudemus, ejus gloriosis precibus et meritis ab instantibus malis, et à morte perpetuā liberemur. Per Dominum.

IN I. NOCT.

De Epistolâ primâ B. Pauli Apost. ad Timotheum.

TECTIO 1. c. 5. 3.

Viduas honora, quæ verè viduæ sunt. Si qua autem vidua filios aut nepotes habet, discat primum domum suam regere, et mutuum vicem reddere parentibus: hoc enim acceptum est coram Deo. Quæ autem verè vidua est et desolata, speret in Deum, et instet obsecrationibus et orationibus nocte et

die. Nam quæ in deliciis est, vivens mortua est. Tu. *¶*

LECTIO 2.

Et hoc præcipe, ut irreprehensibiles sint. Si quis autem suorum, et maximè domesticorum curam non habet, fidem negavit, et est infideli deterior. Vidua eligatur non minùs sexaginta annorum, quæ fuerit unius viri uxor, in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est. Tu. *¶*

LECTIO 3.

Adollescentiores autem viduas devota. Cum enim luxuriatæ fuerint in Christo, nubere volunt: habentes damnationem, quia primam fidem irritam fecerunt. Simul autem et otiosæ discunt circuire domus: non solum otiosæ, sed et verbosæ, et curiosæ, loquentes quæ non oportet. Volo ergo juniores nubere, filios procreare, matres familias esse, nullam occasionem dare adversario maledicti gratiæ. Jam enim quædam conversæ sunt retrò satanam. Tu. *¶*

IN II. NOCT.

Sermo S. Fulgentii Episcopi.

Sermo de Laudib. B. M. V. ex part. Salv.

LECTIO 4.

Facta est MARIA fenestra cœli, qui per ipsam Deus verum fudit sæculis lumen. Facta est MARIA Scala cœlestis: quia per ipsam Deus descendit ad terras, ut per ipsam homines ascendere mereantur ad cœlos. Ipsi enim licebit ascendere illuc, qui Deum crediderunt ad terras per Virginem Mariam descendisse. Facta est MARIA restauratio feminarum, quia per ipsam à ruinâ patriæ maledictionis probantur esse substractæ. Tu. *¶*

LECTIO 5.

Tria deniquè mala Evæ à tribus bonis **MARIÆ** probantur exclusa. Nam Evæ dictum est: in doloribus, et tristitiâ paries, et ad virum conversatio tua, et ipse dominabitur tui. Tribus ergò his malis se subjugant feminae, quæ **MARIAM** non sequuntur, dolori, tristitiæ, servituti. **MARIA** autem è contrario quàm præclarissimis tribus bonis sublimetur, ausculta, salutationis Angelicæ, benedictionis divinæ, et plenitudinis gratiæ. Tu. ¶

LECTIO 6.

Ave, inquit, gratiâ plena: benedicta tu inter mulieres. Cum dixit: Ave: salutationem illi cœlestem exhibuit. Cum dixit: gratiâ plena: ostendit ex integro iram exclusam primæ sententiæ, et plenam benedictionis gratiam restitutam. Cum dixit: benedicta tu inter mulieres: virginitalis ejus benedictum fructum expressit, ut ex eo benedicta dicatur inter mulieres quæcumque perseveraverit Virgo. Maledicta enim Eva fuerat, quam nunc credimus per **MARIAM** ad benedictionem gloriæ remeasse. Tu. ¶

IN III. NOCT.

Lectio S. Evang. secundum Lucam.

LECTIO 7. c. 21. 1.

In illo tempore: Respicens **JESUS** vidit eos, qui mittebant munera sua ad Gazophilacium, divites. Et reliq.

Homilia B. Alberti Magni Ep.

De laud. B. V. l. 6. c. 8.

MARIA, Vidua, seu vidua designata per viduam illam evangelicam, quæ tantum duo minuta misit in Gazophilacium, quæ plus cunctis divitibus posuit juxta Dominicam sententiam. Unum minutum fuit ejus humilitas, quæ valdè minutam faciebat eam in reputatione suâ, et quæ valdè minutum facit hominem seipsum reputare. Undè dicitur

angelo Philadelphia: ecce dedi coram te ostium apertum, quod nemo potest claudere: quia modicam habes virtutem, id est, humilitatem. Talibus enim apertum est ostium paradisi, quia humilem spiritu suscipiet gloria. Tu. ¶

Bened. Cujus Viduitatem.

LECTIO 8.

Aliud minutum fides, quæ comparatur grano sinapis. Hæc duo minuta posuit **MARIA**, quasi in Gazophilacio, quod est Christus, in quo sunt omnes thesauri sapientiæ et scientiæ absconditi. Quandò dixit: ecce ancilla Domini: ecce primum minutum. Fiat mihi secundum Verbum tuum: ecce secundum. Et benedicta est plus omnibus obtulisse, quia omnibus humilior, omnibus fidelior. Tu. ¶

LECTIO 9.

Dicitur etiam posuisse totum victum suum, quia in solâ humilitate gloriabatur, et ei dictum est. Beata, quæ credidisti. Per humilitatem enim vivit anima vilâ gratiæ, et justus ex suâ fide vivit. Vel duo minuta, duplex humilitas. Item per viduam illam Sareptanam signatur **MARIA**, quæ pavit Eliam, id est, Christum, de cujus bidriâ non defecit farina, nec oleum de lecytho. Designatur etiam per viduam illam, quæ vasa vacua implevit oleo. Tu.

Te Matrem.

CANON.

Ex D. Bonaventurâ Ep.

Spec. B. V. Lect. 15.

544. In Judith benedictione potest benedictio **MARIÆ** non solum signari, sed etiam per locum à majori probari: si enim sic benedicta est vidua casta, quantò magis Virgo casta? Tu.

Cum secund. Vesper.

DIE VIII. AUG.

D. V. CAMERACENS. DE GRATIA.

*Semiduplex.**Lectio. 1. Noct. de ferid.*

IN II. NOCT.

LECTIO 4.

Gumpenb. Imag. 130.

Percelebrem habet Imaginem Deiparæ urbs Cameracensis, quam nonnulli à Divo Lucâ pictam piè credunt. Ea sub annum millesimum quadragesimum quinquagesimum secundum maximâ pompâ collocata est in Sacello pereleganti Sanctissimæ Trinitati dicato. Anno millesimo sexcentesimo quadagesimo nono cum obsessum esset ab hoste Cameracum, Sancta Imago publicæ venerationi exposita, et per urbis vicos solemniter circumlata, non parvum civibus spem liberandæ urbis iniecit; siquidem quarto Nonas Junii, ipsâ nocte Virginis visitatæ, hostem tam duræ obsidionis fastidium cœpit, urbemque deducto exercitu, omni periculo, metuque liberavit. Tu. ꝑ.

LECTIO 5.

Hinc dici non potest, quantum pia illa Belgarum studia incrementum acceperint in hanc Iconem Deiparæ de Gratiâ. Tanta siquidem exlitere pro accepto hoc beneficio grati animi argumenta, ut die unicâ ex solâ urbe Duacensi septem omnino hominum millia supplicatione unicâ septem leucarum itinere illuc processerint. Neque breviorẽ viam confecerẽ Valencenatæ, quorum tria et amplius millia eadem die supplicantium ordinibus ad pietatem optimè compositis Cameracum delata donis locum honoravere. Tu. ꝑ.

LECTIO 6.

Ex eo tempore cultus, quanquàm antè maximus, ita auctus est, ut

hodiè inter primas illius Provinciæ Icones numeretur. Deiparæ Imaginem vestis græca ambit, et creditur à multis limus vestis litteras habere inscriptas. Sed videtur characterum illud genus revocari non posse ad aliquem gentis ullius sermonem: nequẽ insolitum græcis pictoribus vestium limbos punctis et lineis ornare, quas deindè imperiti pro incognitarum linguarum litteris habuere. Tu. ꝑ.

IN III. NOCT.

Lectio S. Evang. secundum Lucam.

LECTIO 7. c. 1. 27.

In illo tempore: Ingressus Angelus ad MARIAM, dixit: Ave gratiâ plena, Dominus tecum. Et reliqua.

Homilia S. Antipatris Bostrorum Ep.

Orat. de S. Joan. Bapt. et de Salut. Deip.

Virgo autem cum audisset lætitiã, non porrexit aures, sed vocem examinavit, dicens: qualis est hæc salutatio? Qui per se, et non vocatus nostram ingressus est domunculam, quis, inquit, est hic non familiaris, non cognatus, non genus ducens ab Adamo? Ex voce conjicio hanc esse novam et alienam salutationem. Non adest JOSEPH: voci non assentior. Cum solâ prima parente, ut ajunt, locutus est ille, qui fuit primus auctor malorum. Tu.

LECTIO 8.

Ei autem dixit Angelus: Ne timeas MARIA, invenisti enim gratiam, quam perdidit quæ primum fuit creata femina. Illa sola suscepit deceptionem: tu autem sola attulisti solutionem deceptionis. Paries Filium et vocabis eum JESUM. (Lect. 9.) Illa autem cum partum audisset et filium. Quomodo, agebat, erit mihi istud, quoniam virum non cognosco? Non contradicens, sed ut per interrogationem

disceret. Quomodo erit mihi istud? Ego, inquit, sola naturam innovo? Liberorum procreationis in me solventur rationes? Dic mihi modum, o hospes; novus enim et alienus est tuus bonus nuntius. Tu. ¶.

LECTIO 9.

Commemoratio B. V. de Itinere.

Camòs libr. 9. c. 8.

Gragenæ perpulchrum exurgit Deiparæ Sacellum sub titulo de Itinere, eo quod in ipso antiquæ Cervariæ itinere à quodam Pastore ejus Imago inventa fertur. Sacra effigies lignea est, palmo alta: puerum lævâ sustinet sedens: decora vultu et affabilis, ac aspectu gravis: pallio è capite dorsa operata habet. Plurimi hanc frequentant, et nemo sine solatio revertitur. Ipsa ergò nostrum iter nostros dirigat gressus, et tandem nos ad patriam perducatur. Tu. Te Malrem.

Ad Benedict. *ant.* Joanne nascente Cameracum cingit Gallus: Virgine visitante, Virgine Gratiae suis opitulante, liberat Hispanus.

Vesperæ sequenti.

DIE IX. AUG.

ANNORUM B. M. V.

Duplex.

Lectio 1. Noct. de ferid.

IN II. NOCT.

LECTIO 4.

Spinell. c. 6. p. 87.

Ad septuaginta duos annos vitam perduxisse Deipara creditur: supponitur enim ex communi sententiâ eam in Christi Ascensione quadragessimum octavum vitæ sbæ annum egisse: siquidem decimo quinto ætatis anno Christum peperit, quibus si addas triginta et tres, quos Christus vixit, summam efficiunt quadraginta octo annorum; ac deinde viginti quatuor annos in terris transegisse. Hæc sententia

est Adremi. Idem sentit Epiphanius Presbyter Constantinopolitanus in vitâ Virginis, et plures alii. Tu.

¶. Exaltabitur sicut unicornis cornu meum, * Et senectus mea in misericordiâ. ¶. Corona dignatis senectus, quæ in vis justitiæ reperietur.—Et senectus.

LECTIO 5.

Joan. B. Cancelloto. Annal. Marian. ann. 72.

Anno octo et quinquaginta ab ortu Christi cum secundo et septuagesimo Virginis magnâ ex parte concurrat: ideoque quod vixisse illam ultra hunc terminum, aut ante mortuam esse, negant hoc ævo plures, adherentes Epiphanio et Cedreno propter auctoritatem magni Areopagitæ Dionysii, qui se unâ cum Apostolis, aliisque apostolorum discipulis interfuisse testatur Deiparæ funeri; inde conficitur, eam hoc ipso anno de terrâ migrasse; quam sententiam suffragatorum numero præstantem cæteris omnibus, inductoque in plures orbis Christiani partes precario serto, decadas non senas, sed septenas globulorum continente, jam ferè communem nos non sine diligenti examine referemus.

¶. Dedit Dominus ipsi fortitudinem * Et usque in senectutem permansit illi virtus. ¶. Mortua est in senectute bonâ Virgo MARIA.—Et usque.

LECTIO 6.

Bened. XIV. De Festis lib. II. c. 8. n. 6.

Annum, quo mortua sit, non definit Andreas Cretensis in oratione primâ in Dormitionem Sanctissimæ Deiparæ, sed ait, illam migrasse ab humanis, ubi ad extremam devenisset senectutem. Nicephorus Evodii innixus auctoritati putat usque ad quinquagesimum annum

vixisse ætatis suæ annum. Epiphanius Presbyter Constantinopolitanus opinionem affert Hippoliti Thebani septem et quinquaginta natam annos è vitâ excessisse, deindè verò ab opinione recedens Hippoliti duos illi tribuit, et septuaginta annos. Alii verò ex quadam traditione contendunt, tertio et sexagesimo anno mortem obiisse... Opiniones omnium affert Benedictus decimus tertius, ac ad veritatem ait accedere illam sententiam, quæ Beatæ Virgini duos tribuit et septuaginta annos. Tu.

¶. Dixerunt ei senes: veni et sedè in medio nostrum, et indica nobis, * Quia tibi Deus dedit honorem senectutis. †. Ætatis ac senectutis eminentiam dignam, et ingentis nobilitatis canitiem.—Quia.—Gloria.—Quia.

Honalia de Communi.

¶. 7. Senectus venerabilis est, * Et ætas senectutis vita immaculata. †. Vitâ excedendo, senectute digna apparebo.—Et ætas.

Bened. 8. Sicut dies juventutis tuæ, ita et senectus tua; * Quia ab infantiâ optimæ conversationis actus tui. †. Junior fui, etenim senui, quia ætas senectutis meæ vita immaculata.—Quia.—Gloria.—Quia.

LECTIO 9.

Commemoratio B. V. Montisonensis de Lætitia.

B. Alb. Faci, de Imag. Arag.

Sub invocatione de Lætitia, sive ob acceptum lætum nuntium, quando inventa fuit, sive ob placidum lætumque ejus aspectum, tribus ab urbe Montisonis milliaribus, in monticulo de Cellis dicto, à quo etiâ olim nomen obtinuit, lignea Deiparæ Imago pluribus ab hinc sæculis impensè colitur. Ejus templum, cui adjunctum est hospitium, à Jacobo primo Aragoniæ

rege reparatum traditur, ob beneficia accepta à divâ Virgine de Lætitia, quando in carcere arcis Montisonis reclusus fuit. De hac Imagine quoque fertur, quòd invocata cum fuerit in periculis maris à quodam Bullon dicto, benignè ei adfuerit. Feriâ secundâ Paschæ à Montisonensibus solemnî supplicatione invisitur. Tu. Te Matrem.

CANON.

Ex D. Thomâ Arch. Valentino.

Conc. 4. p. 2. in Ass. B. V.

545. Mansit igitur non modo dies aliquot sed et annos plurimos Virgo Sacra in terris, Deo pro suâ Ecclesiâ providente, ut ejus doctrinâ et moribus fundaretur. Tu.

Vesp. à capit. de sequenti.

DIE X. AUG.

ADVOCATIONIS B. M. V.

Duplex.

Lect. 1. Noct. fer. occur.

IN II. NOCT.

Sermo S. Bernardi Abbatis.

Serm. in Nativ. B. M. V.

LECTIO 4.

Ad Patrem verebaris accedere, solo auditu territus, ad folia fugiebas: JESUM dedit tibi mediatorem. Quid non apud talem Patrem Filius talis obtineat? Exaudietur uliquè pro reverentiâ suâ: Pater enim diligit Filium. An verò trepidas et ad ipsum? Frater tuus est, et caro tua: tentatus per omnia absque peccato, ut misericors fieret. Hunc tibi fratrem MARIA dedit. Tu. ¶.

LECTIO 5.

Sed forsitan in ipso majestatem vereare divinam, quòd licet factus sit homo, manserit tamèn Deus. Advocatum habere vis et ad ipsum? Ad MARIAM recurre. Pura si quidèm humanitas in MARIA, non modò pura ab omni contamina-

tionem, sed et purâ singularitate naturæ. Nec dubius dixerim, exaudietur et ipsa pro reverentiâ suâ. Exaudiet utique Matrem Filius, et exaudiet Filium Pater. Filioli, hæc peccatorum scala, hæc mea maxima fiducia est, hæc tota ratio spei meæ. Tu. ¶.

LECTIO 6.

Quid enim? Potest ne Filius aut repellere, aut sustinere repulsam? Non audire, aut non audiri Filius potest? Neutrum planè. Invenisti, ait Angelus, gratiam apud Deum. Feliciter. Sempèr hæc invenio gratiam et sola est gratia quâ egemus. Prudens Virgo non sapientiam, sicut Salomon, non divitias, non honores, non potentiam, sed gratiam requirebat. Nimirum sola est gratia quâ salvamus. Quid nos alia concupiscimus fratres? Quæramus gratiam, et per MARIAM quæramus, quia quod quærit invenit, et frustrari non potest. Tu. ¶.

IN III. NOCT.

Lectio Sancti Evangelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus, et soror Matris ejus Maria Cleophe, et Maria Magdalene. Et reliqua.

Homilia S. Bernardi Abbatis.

In meditation. super Salv. Regina.
Eja ergò advocata nostra. O laudabilis clementia Salvatoris, qui sic afflictis tam nobile subsidium dignatus es elargiri: et ideò non est timendum, quin miserearis miseris, ad illam partem inclinans sententiam, quam defendis, ut nobis exhibeas gloriam quam peperisti. Non ergò restat Domina, nisi ut illos misericordes oculos ad nos convertas. Tu. ¶.

Bened. Cujus advocacyem.

LECTIO 8.

Eja ergò advocata nostra, illos tuos misericordes oculos ad nos converte. Non dubitamus, Domina, quin si nostras aspexeris miseras, non possit tua miseratio suum retardare effectum, et facere mirabiles, nec non et amabiles illi tuorum radii oculorum, quibus nos allicis ad amorem, et ad plenam ducis salutem, ne venenatos oculos basilisci timeamus. Tu. ¶.

LECTIO 9.

O Evæ oculi venenati, cur non offertis vos oculis Virginis, si vultis perfectam recipere medicinam? Nam suorum claritas oculorum tenebras expellit, effugat catervas dæmonum, purgat vitia mentium, corda congelata accendit, et demum ad cœlestia trahit. O quàm beati, ô Domina, quos tui viderint oculi! Hos ergò oculos ad nos Domina converte. Tu. Te Matrem.

Ad Benedict. ant. Ad te suspiramus gementes et flentes in hac lacrimarum valle: eja ergò, advocata nostra, illos tuos misericordes oculos ad nos converte.

CANON.

Ex Sixto Papâ quarto.

Const. cum præexcellsa.—an. 1476.

546. Ipsa «Beata Virgo» utpote via misericordiæ, Mater gratiæ, et pietatis amica, humani generis consolatrix, pro salute fidelium, qui delictorum onere gravantur, sedula oratrix et pervigil ad regem quem genuit, intercedit.

Vesperæ de sequenti.

DIE XI. AUG.

SS. VITÆ B. M. V.

Duplex majus.

Oratio.

Præsta, quæsumus, omnipotens Deus, ut qui totam sanctissimam

vitam Beatæ Virginis MARIE hodiè recolimus, ipsius actus fidelitèr in nobis exprimere valeamus. Per Dominum nostrum.

Lect. 1. Noct. de Comm.

IN II. NOCT.

Sermo S. Fulberti Ep. Carnotensis.

Serm. de Nat. B. V

LECTIO 4.

Beata Virgo nata est de stirpe Abrahamæ, atque Davidis Regis juxta relationes et scripturas sanctorum Patrum, in Civitate Nazareth, Patre nomine Joachim ex eadem urbe oriundo, Matre verò Anna nomine, oriundâ ex civitate Bethleem. Vita quorum simplex et recta ante Dominum, apud omnes irreprehensibilis et pia erat. Nam omnem substantiam suam trifariè dividebant, unam partem templo, et templi servitoribus impendebant, aliam peregrinis et pauperibus erogabant, tertiam sibi et suæ familiæ usibus reservabant. Ita justî Deo, et hominibus pauperes annos circitèr viginti, castum Domini conjugium sine liberorum procreatione exercebant. Tu. ʒ.

LECTIO 5.

Voverunt tamèn si fortè Deus donaret eis sobolem, eam se Domini servitio mancipaturos. Evolutis ergò tot annorum curriculis, missus est angelus Domini priùs ad Joachim, deindè ad Annam, nuntians eis nascituram filiam nomine MARIAM, cui similis sanctitate nec antèa nata fuerit nec postèa nasceretur. Factum est itaque juxta verbum angeli, nata est in civitate Nazareth sanctissima Virgo MARIA, et mansit ibi tribus annis in paternâ domo, postèa verò sicut parentes illam Deo voverunt, ducta Jersolymas in templo Domini conservata est usque ad quartum decimum annum, jejuniis et orationi-

bus serviens die ac nocte, et virginitatem suam vovens, quod antèa virgo ulla non fecerat, angelicis colloquiis frequentèr utens. Tu. ʒ.

LECTIO 6.

Deindè cum esset reversa ad domum Parentum suorum in civitatem Nazareth, missus est ad eam angelus à Deo nuntians ei conceptionem Filii Dei: fuit ergò conceptus Dei Filius in Nazareth, natus in Bethleem. Post Nativitatem verò Christi mansit cum Filio usque ad passionem crucis, ubi Christus Virginem Matrem Virgini Discipulo Joanni commendavit. Hic ministravit ei post passionem et resurrectionem et ascensionem Domini in finem. Fuit autèm sepulta Sanctissima Virgo in valle Josaphat, ubi ædificata est ecclesia in honorem ejus. Post verò cum religiosi Christiani reliquia Matris ejus, videlicet Domini, respicere vellent, sepulchrum vacuum invenerunt. Credidit ergò Christiana pietas, quia Christus Deus Dei filius Matrem suam gloriosè resuscitaverit, et exaltaverit super cælos. Tu. ʒ.

IN III. NOCT.

Lectio Sancti Evangelii secundum Matthæum.

LECTIO 7.

c. 1. 1.

Liber generationis JESU-Christi, filii David, filii Abraham. Et reliqua.

Homilia S. Augustini Episcopi.

Libr. 2. de cons. Evang. c. 1.

Exequitur ergò humanam generationem Christi Matthæus, ab Abraham generatores commemorans, quos perducit ad JOSEPH virum MARIE, de quâ natus est JESUS. Neque enim fas erat, ut ab hoc eum à conjugio MARIE separandum putaret, quòd non ejus concubitu, sed Virgo peperit Christum. Hoc

enim exemplo magnificè insinuat^{ur} fidelibus conjugatis, etià servatà pari consensu continentia, posse permanere, vocarique conjugium, non permixto corporis sexu, sed custodito mentis affectu: præsertim quia nasci eis etià filius potuit sine ullo complexu carnis, qui propter solos filios adhibendus est. Tu. ¶.

Benedictio Cujus Sanctissimam Vitam.

LECTIO 8.

Cum autem evidentè dicat Apostolus ex semine David secundum carnem Christum, ipsam quoque **MARIAM** de stirpe David aliquam consanguinitatem duxisse, dubitare utique non debemus. Cujus feminae, quoniam nec sacerdotale genus lætetur, insinuante Lucà, quòd cognata ejus esset Elizabeth, quam dicit de filiabus Aaron; firmissimè tenendum est carnem Christi ex utroque genere propagatam, et regum scilicet et Sacerdotum: in quibus personis apud illum populum Hebræorum etià mystica unctio figurabatur, id est, Christus, unde Christi nomen elucet, tantò antè etià istà evidentissimà significatione prænuntiatum. Tu. ¶.

LECTIO 9.

Commemoratio B. V. Bullensis de Compassione.

Gumpenb. Imag. 355.

Bullensis pagus in Helvetià sub ditione Friburgensium Templum Deiparae antiquum habet, quod ab hæreticis dirutum, à Patribus Oratorii iterum fuit restauratum, eos tamèn nobiles et opulenti cives ære suo vehementèr adjuvantes. Causam restaurando à fundamentis templo dedit Statua Deiparae adhuc integra. Quomodo illa sagacem furorem hereticorum evaserit, prope miraculo est. Hodie

etià certè multa et grandia miracula eo in ipso loco patrantur. Tu. Te Matrem.

CANON.

Ex Divo Bernardo Abbate.

Ep. 174. ad Canonic. Lugdun.

547. Decuit Reginam Virginum, singulari privilegio sanctitatis absque omni peccato ducere vitam, ut dum peccati mortis pareret peremptorem, munus vitæ et justitiæ omnibus obtineret. Tu.

Cum 2. Vesp.

DIE XIII. AUG.

IN FELICISS. OBITU B. M. V.

Duplex majus.

IN I. VESPER.

Antiph. et capitul. de Laudibus.

HYMNUS 295. Vilamitjana.

Heu! Cur detineor, nec patrios licet Optatos, superum limina, visere Fines? Urget amor me, cruciat mora.....

Volvit corde Deipara;

Et clamat: fragilis vincula corporis

Solvantur, pateant carceris ostia Terreni, volitet per loca spiritus

Jugi luce nitentia.

Num, Fili, gemitus Matris et anxios

Singultus, lacrymas, volaque percipis?

Ergò fac, veniam carpere lauream,

Et tecum tua præmia.

O vos aligeræ militiæ chori, Mentis angelicæ, dicite pectoris Materni stimulos, vulnera dicite,

Questus dicite flebiles.

Ut jam perpetuò mentibus hæreat

Nostris, fac, Genitrix, dona perennia

Carpendi vehemens ardor et ocyus Mittendi pereuntia.

Æternæ Triadi semper et amplius

Sit laus, imperium summaque gloria,

Quæ cœli miseris gaudia præbeat,
Obsecrante Deiparâ. Amen.

†. Concupiscit et deficit anima mea.

℞. In atria tua, Domine.

Ad Magnific. ant. Nuntiate dilecto meo, filiæ Jerusalem: nuntiate dilecto meo, quia amore langueo.

Oratio de laudibus.

AD MATUTIN.

Invitator. Christum Deum vocantem ad cœlos Matrem: * Venite adoremus.

HYMNUS 296. *Brev. Gall.*
Quæ longa tandem, Virgo, post suspiria

Te donat astris, reddit et Nato dies:
Hunc prævenire cantibus festis decet:

Nostras, benigna Mater, ausculta preces.

Te nempè nobis, ut Joanni Filius Matrem reliquit, è crucis pendens trabe;

Agnosce natos, Virgo, quos fratres sibi,

Deoque Christus comparavit filios.

Tu Christiani flos decusque nominis,

Adstas petenti Spiritum cœnaculo:
Apostolis mox verba seminantibus,
Tu charitate parturis Ecclesiam.

Quæ nos amore tam pio complecteris,

Nos gratulari da tuis honoribus:
Jam nos relinquis Mater: at nostri memor

Te comprobabis sedulâ matrem prece.

Sit sempiterno sempiterna laus Patri:

Sit sempiterno Filio Patris decus:
Qui nectis ambos, æquus ambobus, tibi,

Divine, sit laus sempiterna Spiritus.

Amen.

IN I. NOCT.

Ant. 1. Veni, Domine, noli tardare: suscipe Spiritum meum.

2. O mors, quàm dulcis est memoria tua animæ meæ!

3. Quis dabit mihi pennas sicut columbæ, et volabo, et requiescam.

†. Domine, quandò veniam.

℞. Et apparebo antefaciem tuam.

De libro Sapientiæ.

LECTIO 1. c. 4. 7.

Justus, si morte præoccupatus fuerit, in refrigerio erit. Senectus enim venerabilis est, non diuturna; neque annorum numero computata: cani autem sunt sensus hominis et ætas senectutis vita immaculata. Placens Deo factus est dilectus, et vivens inter peccatores translatus est. Tu.

℞. Sitivit anima mea ad Deum fortem vivum: * Quemadmodum desiderat cervus ad fontem aquarum, ita desiderat anima mea ad te, Deus. †. Et effudi in me animam meam, quoniam transibo in locum tabernaculi admirabilis usque ad domum Dei.—Quemadmodum.

LECTIO 2.

Consummatus in brevi explevit tempora multa: placita enim erat Deo anima illius: propter hoc properavit educere illum de medio iniquitatum. Populi autem videntes et non intelligentes, nec ponentes in præcordiis talia: quoniam gratia Dei et misericordia est in sanctos ejus, et respectus in electos illius. Tu.

℞. Adjuro vos, filiæ Jerusalem, si inveneritis dilecto meo, * Ut nuntietis ei desiderium meum. †. Fulcite me floribus, stipate me malis, quia amore langueo.—Ut.

LECTIO 3.

Condemnat autem justus mortuus

vivos impios, et juventus celerius consummata longam vitam injusti. Videbunt enim finem sapientis, et non intelligent, quid cogitaverit de illo Deus, et quare munierit illum Dominus. Videbunt et contemnent eum: illos autem Dominus irridebit. Tu.

¶ Sufficit mihi, Domine, tolle animam meam: * Expedi enim mihi mori, magis quam vivere. † Tu scis necessitatem meam, et quia nunquam lætata sit ancilla tua, nisi in te, Deus Israel.—Expedi.—Gloria.—Expedi.

IN II. NOCT.

Ant. 1. Qui sunt isti, qui ut nubes volant, et in Sion simul conveniunt?

2. Ecce reges terræ congregati sunt, principes populorum convenerunt in unum.

3. Cum Mater Dei esset proxima morti, Apostoli et discipuli Domini ante eam convocati sunt.

† Ubi fuerit corpus.

¶ Ibi congregabuntur et aquilæ.

Sermo S. Joannis Damasceni.

Orat. 2. in dorm. B. V.

LECTIO 4.

Œrnere mihi videor hanc sanctis sanctiorem et sacris sacriorem, piisque pietate præstantiorem: hanc, inquam, dulcem manne urnam, vel ut verius dicam, fontem, in divinâ, celebratissimâque Davidis civitate, humili lecto recubantem. Aderant igitur oculati illi testes, et ministri Verbi, ut pro eo, ac debeant, ipsius etiâ Matri ministrarent, et ex ipsâ benedictionem, amplissimamque hæreditatem haurirent. Unâ etiâ aderant ipsorum assecræ et successores, ut cum ministerii, tum benedictionis participes essent. Sed et insuper aderat electum à Deo agmen, quod Hierosolymis versabatur. Tu.

¶ Cum convenissent Apostoli ante conspectum Virginis, locuta est eis, dicens: * Ego ingredior viam universæ terræ: confortamini, et custodite præcepta et judicia Filii mei. † Dabo autem operam, et frequentèr habere vos post obitum meum, ut horum memoriam facialis.—Ego ingredior.

LECTIO 5.

Quid ne angelorum quid caterva ab hoc cœtu abfuit? Huic omnes aderant spiritus fulgore collucenti, splendidissimisque eos radiis illuminanti, qui reverentiâ et metu, et immobili amore purum in eam mentis oculum defigebant. Hic divinitus inspirati sermones: hic divini hymni et ornando discessui idonei. Applaudebatur universus Sanctorum chorus: Tu prædicationes nostras implevisti: tu lætitiâ, quam præstolabamur, attulisti; per te enim mortis vinculis soluti sumus. Veni ad nos, ô Domina, vitamque ferens suppellex. Veni ad nos tui cupidos, quæ nostram explesti cupiditatem. Tu.

¶ Nunc ecce, filii mei, vado in cœlestem Jerusalem, et scio quia * Amplius non videbitis faciem meam vos omnes. † Magnus autem fletus factus est omnium, dolentes maximè in verbo, quod dixerat.—Amplius.

LECTIO 6.

At verò non infirmioribus eam sermonibus circumstantium Sanctorum, qui adhuc in corpore versabantur, multitudo retrahebat his ferè verbis: mane nobiscum, nostra consolatio; unicuique in terrâ solamen: Ne nos orphanos deseras benigni illius et misericordis Mater, qui Filii tui causâ periclitamur. Te laborum requiem, sudorumque refrigerium habeamus. Ti-

bi remanere volenti potestas est, et abire cupienti nihil impedimento est. Sin habeas, o Dei tabernaculum, unâ quoquè nobis, qui tuus obtuum Filium populus sumus, abire liceat. Tu sola nobis in terrâ consolatio relictâ est: et te vivente simul vivere, et te moriente inori beatum est. Tu.

¶ Heu, heu, Mater nostra, quare nos vis relinquere? * Lumen oculorum nostrorum, baculum senectutis nostræ, solatium vitæ nostræ. †. Omnia simul in te unâ habentes, nos non deberes derelinquere.—Lumen.—Gloria.—Lum.

IN III. NOCT.

Antr 1. Filii, nolite flere; quod ego vado, vos non potestis venire modò.

2. Non relinquam vos orphanos: sub meis præsidiis semper manebitis.

3. Recordare, Domina, ut loquaris pro nobis bona, cum steteris in conspectu Dei.

†. Nomen tuum, et memoriale tuum, Domine.

¶ In desiderio animæ meæ.

Lectio Sancti Evangelii secundum Matthæum.

LECTIO 7.

c. 9. 23.

In illo tempore: Cum venisset JESUS in domum Principis, et vidisset tibicines, et turbam tumultuantem, dicebat: recedite; non est enim mortua puella, sed dormit. Et reliqua.

Homilia S. Joannis Damasceni.

Orat. 2. in Domil. B. V.

Mox consentanea quædam istis, et congruentia, et contingisse opinor. Nimirum Regis ipsius ad Matrem suam adventus, ut divinis suis ac purissimis manibus, sanctam, intaminatamque et labis expertem ejus animam susciperet. Atque ipsa qui-

dèm, ut à vero non abhorret, dixit: in manus tuas, Fili, commendo Spiritum meum: accipe ergò caram tibi animam, quam immunem à culpâ servasti: tibi, ac non terræ copus meum trado: salvum hoc custodi, in quo dignatus es inhabitare, et quod nascendo incorruptum conservasti. Tu.

¶ Heu mihi, Domine, quia incolatus meus prolongatus est! * Multum enim incola fuit anima mea. †. Me expectant justî, donec retribuas mihi.—Multum enim.

Bened. 8. Cujus obitum felicissimum colimus.

LECTIO 8.

Tu carissimis meis filiis, quos tu fratres appellare non dubitasti, migrationis meæ solatium esto. Per manum mearum extensionem benedictionem eorum novis benedictionibus cumula. Tunc sublatis, ut credere licet, manibus, omnibus qui collecti erant, benè precata est. Hæc loquuta cum esset, vicissimque audisset: veni in requiem meam, benedicta Mater mea; surge, veni, amica mea, pulcherrima mulierum. Ecce nim hyems transiit, tempus putationis advenit: tota pulchra es, amica mea, et macula non est in te: odor unguentorum tuorum super omnia aromata. His Sancta illa auditis Spiritum suum in Filii manibus deponit. Tu.

¶ Surge, propria amica mea, columba mea, formosa mea: Veni, veni, coronaberis. †. In manus tuas, Domine, commendo Spiritum meum.—Veni.—Gloria.—Veni.

Si vigilia Assumptionis venerit in Dominicâ, nona lectio hodiè dicatur de Homiliâ Vigiliæ ut infra in die sequenti.

LECTIO 9.

Quid verò accidit? Elementorum, ut reor, commotio et immutatio,

vocesque et soni, digna angelorum cantica, qui partim præcurrerent, partim comitarentur, partim assentarentur. Et quidem alii ex ipsis immaculatæ et sanctissimæ animæ in satellitio erant, et in cælum scandentem stipabant, quousquæ regio solio Reginarum sisterent: alii rursus divinum, et sacrum corpus cingebant, hymnisque angelorum propriis Dei Parentem celebrabant. Tu

Te Matrem Dei.

AD LAUDES

et per Horas antiphonæ.

1. Mihi vivere * Christus est, et mori lucrum: Quis me liberabit de corpore mortis hujus?

2. Non ad mortem, * sed ad vitam contendo: ex labore ad requiem vado.

3. Anima mea * in manu Dei est, et non me tanget tormentum mortis.

4. Inclina ad me aurem tuam, accelera; ut eruas me, Domine.

5. Euge, euge, * Mater mea; veni de Libano, veni: coronaberis.

CAPITULUM. Tob. 3. 6.

Et nunc, Domine, secundum voluntatem tuam fac mecum. et præcipe in pace recipi Spiritum meum: expedit enim mihi mori, magisquam vivere.

HIMNUS 297. Brev. Gall.

Quòd carne Christum, Virgo, par-
ris, vocant

Hinc te beatam: rectius occupas
Nomen beatæ, quæ fideli
Credideris, pia Virgo, corde.

Orbata Nato, non muliebritèr
Ploras ademptum. Scilicet altior
Tellure, cœlestes, triumphans
Quòd rediit, meditaris arces.

Amoris illuc te rapit impetus;
Tardi sed obstant vincula corporis,
Dolesque durum longioris
Exilii tolerare pondus.

Hæc vota tandè, qui cumulas,
Pater,

Succurre nobis, auspice Filio:
Infunde sacrum, quo vigemus
Pectoribus, Deus alme, Flamen.

Amen.

†. Pretiosa in conspectu Domini.

‡. Mors Genitricis Dei.

Ad Benedict. ant. Exclamavit,
dicens: In manus tuas, Domine,
commendo Spiritum meum, et in-
clinato capite, tradidit Spiritum.

Oratio.

Veneranda nobis, Domine, hujus
Diei Festivitas opem conferat salu-
tarem, in quâ Sanctæ Dei Genitri-
cis mortem subiit temporalem, nec
tamen mortis nexibus deprimi po-
tuit, quæ Filium tuum de se ge-
nuit incarnatum. Qui tecum vivit.

AD PRIMAM.

Ant. Mihi vivere. Cap. Et nunc.
de Laudib.

†. ‡. br. Quæ hodiè ex hoc mun-
do migrasti.

CANON.

Ex Martyrologio Usuardi.

Sub die 15. Augusti.

548. Dormitio Sanctæ Dei Ge-
nitricis MARIE, cujus sanctissi-
mum Corpus, etsi non invenitur
super terrâ, tamen pia Mater Ec-
clesia ejus venerabilem memoriam,
sic festivam agit, ut pro conditione
carnis eam migrasse non dubitet.
Tu.

AD TERTIAM.

CAPITULUM. Job. 14. 14.

Cunctis diebus, quibus nunc milito,
expecto, donec veniat immutatio
mea.

‡. Cupio dissolvi, * Et esse cum
Christo.—Cupio †. Mihi vivere
Christus est, et mori lucrum.—Et.
—Gloria.—Cupio.

†. Educ de custodia animam
meam.

‡. Ad confitendum nomini tuo.

AD SEXTAM.

CAPITULUM. *Prov.* 13. 12.

Spes, quæ differtur, affligit animam,
lignum vitæ desiderium veniens,
quod si compleatur, delectat ani-
mam.

¶ *br.* Educ de custodia * Ani-
mam meam.—Educ. ¶ Ad confi-
tendum nomini tuo.—Animam.—
Gloria.—Educ.

¶ Ego dilecto meo. ¶ Et dile-
ctus meus mihi.

AD NONAM.

CAPITULUM. *Cant.* 2. 10.

En dilectus meus loquitur mihi:
surge propera, amica mea, columba
mea, formosa mea, et veni.

¶ *br.* Vox * dilecti mei pulsant-
tis.—Vox. ¶ Veni de Libano,
sponsa mea.—Dilecti.—Gloria.—
Vox.

¶ Læva ejus sub capite meo.
¶ Et dextera illius amplexabi-
tur me.

IN II. VESP.

*Antiph. et capit. de Laudib.*HYMNUS 298. *Vilamitjana.*

Optata dudum luxerat
Felix dies, cum Virginis
Cæli paterent januæ,
Vinctis solutæ sæculi.

Christus vocat jam nomine
Matrem, triumphos cœlestes
Lætos parant, et lectulo
Migrantis adstant filii.

Flent filii, sed flentium
Mater dolores temperat,
Verbis amicis alloquens
Factaque spe cœlestium.

Tum vis amoris, carneâ
Compage ruptâ, Virginis
Cæli per orbis Spiritum
Ad pacis infert mœnia.

O quæ negasti nemini,
Nobis opem da orantibus:
Et, mortis horâ, fortior
Confringe vires hostium.

JESU, tibi sit gloria,

Qui Matre natus Virgine,
Ipsam beas purissimo
Cœlestis aulæ gaudio. Amen.
¶ Pretiosa in conspectu Domini.
¶ Mors Genitricis Dei.

Ad Magnific. ant. Deducant ocu-
li nostri lacrymas, et palpebræ no-
stræ defluant aquis, quoniam facti
sumus orphanæ absque Matre.

Oratio de Laudib.

DIE XIV. AUG.

EXEQUIAR. B. M. V. ET VIGIL.
ASSUMPTIONIS.*Duplex.*

AD MATUTIN.

Invitator. Non dabit Dominus *
Matrem suam videre corruptionem.

HYMNUS 299. *Vilamitjana.*
Audis ut resonant fletibus aera?
Ut ducant misero funera carmine?
Hoc funus Domini Matris, hic or-
phanis

Ingens planctus Apostolis.
Matrum quæ lacrymas abluet
exulum,

Suspirant, animi vulnera leniet?
Quæ gressus dubios diriget? Ad
viam

Quæ ducet pia devios?
Mors audax nimium, prolis et
invida

Sanctæ, de medio tollere; cur tibi
Dilectam licuit? Redde dolentibus
Raptam funere lugubri.

Dum sic congeminant tristia tri-
stibus

Defunctæ memores Matris apostoli,
Ejusdem peragrat Spiritus impiger
Cœlorum penetralia.

Pœnis, Virgo Parens, eruta sæ-
culi

Sanctorumque tenens culmina, re-
spice

Quàm multis premimur; discute
noxia

Et natis bona postula.

Sanctæ sit Triadi gloria, laus,
honor,
Cujus sollicito numine volvitur
Orbis, quæ, meritis Virginis, annuat

Lassis totia patriæ. Amen.

IN I. NOCT.

Ant. 1. Planxit eam omnis populus planctu magno.

2. O Domina nostra, solatium vitæ nostræ, lumen oculorum nostrorum.

3. Tecum vivere beatum erat: tecumque mori beatum esset.

†. Plangat Virginem Matrem omnis terra.

‡. Familiæ et familiæ seorsum.

De libro tertio Regnum.

Cap. 8. 1. LECT. 1.

Tunc congregati sunt omnes majores natu Israel cum principibus tribuum, et ducibus familiarum filiarum Israel, ad regem Salomonem in Jerusalem, ut deferrent arcam fœderis Domini de civitate David, id est, de Sion. Convenitque ad regem Salomonem universus Israel in mense Ethanim, in solempni die, ipse est mensis septimus. Tu.

‡. Levaverunt Apostoli vocem suam, et fleverunt super tumulum Deiparæ: * Flevit autem et omnis populus planctu magno. †. Scindite vestimenta vestra, et accingimini saccis, et plangite ante Exequias Virginis MARIE.—Flevit.

LECTIO 2.

Veneruntque cunctis senes de Israel, et tulerunt arcam Sacerdotes, et portaverunt arcam Domini, et tabernaculum fœderis, et omnia vasa Sanctuarii, quæ erant in tabernaculo: et ferebant ea Sacerdotes et Levitæ. Rex autem Salomon, et omnis multitudo Israel quæ convenerat ad eum, gradiebatur cum illo ante arcam, et immolabant oves

absque æstimatione et numero. Tu.

‡. In die illâ magnus erit planctus in Jerusalem, * Sicut plangit adadremmon in campo Mageddon. †. Apostoli plangunt in morte Virginis MARIE et dolent super eam, sicut doleri solet in morte primogeniti.—Sicut planct.

LECTIO 3.

Et intulerunt Sacerdotes arcam fœderis Domini in locum suum, in oraculum templi, in Sanctum Sanctorum, super alas Cherubim. Siquidem Cherubim expandebant alas super locum arcæ, et protegabant arcam et vectes ejus desuper. Cuique eminerent vectes, et apparerent summitates eorum foris Sanctuarium ante oraculum, non apparebant ultra extrinsecus, qui et fuerunt ibi usque in præsentem diem. Tu.

‡. Deducant oculi nostri lacrymas, et palpebræ nostræ defluant aquis. * Quia vox lamentationis audita est de Sion. †. Contemplamini obitum Genitricis Dei, et vocate lamentatrices, et veniant, et properent.—Quia.—Gloria.—Quia.

IN II. NOCT.

Ant. 1. Omnes plorabant in circuitu tumuli, videntes se tantâ Matre orbos.

2. Quid faciemus filii sine Matre? Lumen oculorum nostrorum, solamen vitæ nostræ.

3. Nobis tecum beatum esset mori, sicut beatum erat tecum vivere.

†. Sepelierunt eam viri timorati.

‡. Et fecerunt planctum magnum super eam.

Sermo S. Joannis Damasceni.

Serm. 2. in Dorm. B. V.

LECTIO 4.

Angelis quidem canentibus hym-

num eis convenientissimum, Apostolis autem et à Deo inspiratis Patribus Deo grata canentibus cantica, et quibus applaudebat Spiritus... tunc arca Domini sublata ex monte Sion vecta inclitis humeris Apostolorum, in cœleste templum transmittitur per mediam civitatem tanquàm quædam Sponsa speciosa decorata splendore spiritûs, ad quem non patet aditus: et sic fertur in sacratissimum prædium Gethsemanes, angelis præcurrentibus, consequentibus, alis contegentibus, Ecclesiæ totâ congregatione. Tu.

¶. Quando videritis arcam fœderis Domini Dei vestri, et Sacerdotes stirpis leviticæ portantes eam, * Vos quoquè consurgite, et sequimini præcedentes. †. Tollite arcam fœderis, et præcedite populum.—Vos.

LECTIO 5.

Et quomodo Rex Salomon propter arcæ requiem in templo Domini, quod ipse construxit, omnes seniores Jerusalem vocavit ad concionem in Sion, ut transferret arcam testamenti Domini de civitate David, quæ erat Sion; sic tunc propter requiem arcæ intelligentis, non testamenti Domini, sed ipsius hypostasis Dei Verbi, ipse novus Salomon, qui est Princeps pacis, et universi optimus architectus, mentium cœlestium super mundanos ordines, et novi testamenti proceres, apostolos, inquam, cum universo populo sanctorum, qui erat Jerosolymis, hodiè congregavit, et animam quidem per angelos in Sancta Sanctorum introduxit. Tu.

¶. Venerunt cuncti senes de Israel, et tulerunt arcam Sacerdotes, et intulerunt eam in locum suum, * In oraculum templi, in Sanctum Sanctorum subter alas

Cherubim. †. Surge, Domine, in requiem tuam, tu et arca sanctificationis tuæ.—In orac.

LECTIO 6.

Portatum autem corpus manibus Apostolorum, Rege regum id tegente suæ, quæ sub aspectum non cadit, divinitatis; et toto cœtu populi præcurrente, et sacras voces emittente, et sacrificante sacrificium laudis.... ad sacratissimum Gethsemanem defertur, ubi rursus oscula, et complexus, rursus laudes et hymni sacri, et lacrymæ ex angore, et calenti amore sudorum scalebræ manantes: ac videre licebat sudores, et lacrymas fluentes suis mutuò veluti certamine conflictantes. Atque ita sanctum Corpus clarissimo, præstantissimoque tumulto imponitur. Tu.

¶. Portaverunt Apostoli, et discipuli Domini corpus Beatæ Virginis MARIE in Gethsemani, * Ubi celebrantes Exequias planctu magno sepelierunt illud. †. Vox lamentationis audita est de Sion, ploratus et ululatus multus.—Ubi.—Gloria.—Ubi.

IN III. NOCT.

Ant. 1. Mortua est MARIA, et congregatus est universus Israel, et planxerunt eam, et sepelierunt eam.

2. Nequaquàm, ut mori solent alii homines, mortua est Virgo: si mortua est, in refrigerio est:

3. Justorum animæ in manu Dei sunt, et non tanget illos tormentum mortis.

†. Virtus de corpore ejus exibat.

¶. Et sanabat omnes.

Lectio Sancti Evangelii secundum Matthæum.

LECTIO 7. c. 27. 57.

In illo tempore: cum serò factum esset, venit quidam homo ab Ari-

mathæa, nomine Joseph. Et reliqua.

Homilia S. Simeonis Metaphrastres.
*De vitâ et dormit. Deip. apud Chr.
de Castro c. 21.*

Cum autem in orbem Sanctæ Virginis corpus circumdedissent Apostolorum chorus, et quidquid electum erat ex viris, et mulieribus, et hymnis honorabant, qui illud deducebant, et omnia membra reverentèr quidem et amantèr complectebantur, non solum suum ostendentes desiderium, sed vel ex tactu credentes percipere utilitatem. Fidem autem consecuta est operum demonstratio cæcis oculi illuminabantur, surdis aures aperiebantur, et quodlibet morborum et ægritudinum genus faciliè dissolvebatur. Cur non dico quæ sunt perfectiora? Aer quidem et cælum ascensu spiritûs sanctificabatur, terra autem similiter depositione sacri Corporis. Tu.

¶. Quicumque aliqua detinebantur infirmitate, statim sanabantur. Ad contactum mundissimi Corporis ejus, quia virtus de illo exibat, et sanabat omnes. ¶. Cæci vident, surdi audiunt, claudi ambulant, mortui resurgunt.—Ad contactum.

Bened. Cujus Exequias.

LECTIO 8.

Ex S. Sophronio Orat. in dorm.

B. V.

Ad cujus profectio exequias, quantum fas est credere, famulabantur Angeli, et universæ cælorum congratulabantur curiæ. Neque mirum quia honor maternus ejus est, qui natus est ex eâ, quem omnis cælorum ordo veneratur, et adorat super se elevatum cum Patre in sede majestatis Domini. Legimus enim quàm sæpè ad funera, et sepulturam quorumlibet Sanctorum Angelos convenisse, et ad exequias

eorum obsequia perstitisse, necnon et animas electorum usque ad cælos cum hymnis et canticis detulisse... Quantum magis credendum est hodiernâ die militiam cum suis agminibus festivè obviam venisse Genitrici Dei, eamque cœlesti lumine circumfulsisse, et usque ad thronum olim sibi etiâ ante mundi constitutionem paratum cum laudibus et canticis spiritualibus perduxisse. Tu.

¶. Cum duceretur arca Domini ad sepulchrum, iniquus Judæus irrituit contra eam, ut in terram deiceret: * Sed Dominus iratus est contra eum, et percussit eum super temeritate. ¶. Pœnitentiâ autem ductus flevit amarè peccatum suum, et salutem iterum obtinuit.—Sed Dom.—Glor.—Sed.

Pro commemoratione Vigilæ Assumption.

Lectio S. Evang. secundum Lucam.

LECTIO 9. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter qui te portavit. Et reliqua.

Homilia S. Augustini Episcopi.

Tract. 10. in Joann.

Beata Virgo MARIA, quia fecit voluntatem Patris. Hoc in eâ magnificavit Dominum, quia fecit voluntatem Patris, non quia caro genuit carnem. Intendat charitas vestra. Proptereâ cum Dominus in turbâ admirabilis videretur, faciens signa et prodigia, et ostendens quid lateret in carne, admiratæ quædam animæ dixerunt: Felix venter, qui te portavit. Et ille: immò felices, qui audiunt verbum Dei, et custodiunt illud. Hoc est dicere: Et Mater mea, quam appellatis felicem, indè felix, quia verbum Dei custodit, non quia in illâ Verbum caro factum est, et habitavit in nobis;

sed quia custodit ipsum Verbum
Dei, per quod facta est, et quod in
illâ caro factum est. Tu.

Te Matrem.

AD LAUDES

et per Horas Antiphonæ.

1. Portabatur * sacratissimum
Corpus Virginis inclitis Apostolo-
rum humeris per mediam civita-
tem Jerusalem.

2. Cuncti * Christi fideles se-
quebantur novi fœderis arcam, nova
modullantes cantica.

3. In illâ die * factus est plan-
ctus magnus in Jerusalem in tantæ
Matris morte.

4. Flebat Joannes, flebant cæ-
teri Apostoli, cuncti sancti amarè
plangebant.

5. Dum verò * corpus in sepul-
chro deponitur, sanctissima ejus
anima in cœlestibus regnis collo-
catur.

CAPITULUM. *Ecc. 38. 16.*
Fili, in mortuum produc lacrymas,
et quasi dirè passus, incipe plora-
re, et secundum judicium contege
corpus illius, et non despicias sepul-
tutam illius.

HYMNUS 300. *Vilamitjana.*

Corpus MARIE Virginis
Curant fideles seduli:
Ostro tegunt et sericis,
Myrrhâ ac amomo condiunt.

Auro feretrum fulgurans
Gemmæ decorant indicæ:
Thuris sabæi et balsami
Replent locum suffimina.

Ecclesiæ sed Principes
Sumunt sibi, gratissimum
Pondus, feretrum; lampades
Turbæ tenentes ambiunt.

It funus, effusis eunt
Cantus simul cum lacrymis,
Donec MARIE frigidus
Corpus sepulchro clauditur.

Corpus, Dei sacrarium,
Corruptionem nescies.....

Sic nos ab omni liberos,
O Virgo, fac contagio.

JESU, tibi sit gloria,
Qui natus è Purissimâ
Nos esse puros præcipis,
Purisque donas gaudiis. Amen.

†. Collocata est in sepulchro Vir-
go MARIA.

‡. Et posuerunt lapidem super
illam.

Ad Benedict. *ant.* Acceperunt
corpus ejus, et ligaverunt illud
lintheis cum aromatibus, sicut mos
est Judæis sepelire, et posuerunt il-
lud in monumento novo, in quo
nondum quisquam positus erat.

Oratio.

Deus, qui virginealem uterum
Beatæ MARIE in quo requiesce-
res, eligere dignatus es, da nobis
Assumptionis ejus solemnia præve-
nientibus, dignum in cordibus no-
stris habitaculum tuæ præparare
majestati. Qui vivis.

AD PRIMAM.

Ant. Portabatur. *Capit.* Fili, in
mortuum. *de Laudib.*

†. ‡. *br.* Quæ hodiè in sepul-
chro posita fuisti.

AD TERTIAM.

CAPITULUM. *Cant. 3. 5.*

Adjuro vos, Filiæ Jerusalem, per
capreas, cervosque camporum, ne
suscitetis, neque evigilare faciatis
dilectam, donec ipsa velit.

‡. *br.* Plangat Virginem MA-
RIAM * Omnis terra.—Plangat.

†. Familiæ et familiæ seorsum.—
Omnis.—Gloria.—Plangat.

†. Sepelierunt eam viri timorati.
‡. Et fecerunt planctum magnum
super eam.

AD SEXTAM.

CAPITULUM. *Luc. 20. 37.*

Quia verò resurgant mortui, et
Moyses ostendit secus rubum, sicut
dicit Dominum, Deum Abraham,

et Deum Isaac, et Deum Jacob. Deus autem non est mortuorum, sed vivorum, omnes enim vivunt ei.

¶ *br.* Sepelierunt eam * Viri timorati. — Sepel. †. Et fecerunt planctum magnum super eam. — Viri. — Glor. — Sep.

†. Virtus de corpore ejus exibat.

¶. Et sanabat omnes.

AD NONAM.

CAPITULUM. *Joan. 5. 24.*
Amen, amen dico vobis, quia qui verbum meum audit, et credit ei, qui misit me, habet vitam æternam, et in judicium non venit, sed transit de morte ad vitam.

¶ *br.* Virtus * De corpore ejus exibat. — Virtus. †. Et sanabat omnes. — De. — Gloria. — Virtus.

†. Collocata est in sepulchro Virgo MARIA.

¶. Et posuerunt lapidem super illam.

Vesperæ sequentis.

DIE XV. AUG.

SOLEMNITAS

ASUMPTIONIS B. MARIE V.

Dupl. primæ Class. cum Octavâ.
IN I. VESPER.

Ant. 1. Hodie Regina Mundi, Virgo MARIA ingressa est cœlestem Jerusalem magno cum comitatu et divitiis, allel. *Psalmi de 1. Vesp. Solemnit.*

2. Attollite portas, principes, vestras, et elevamini portæ æternales, allel.

3. Elevamini portæ æternales, et introibit Regina gloriæ, allel.

4. Quæ est ista, quæ ascendit de deserto, deliciis affluens, innixa super dilectum suum, allel. allel.

5. Tu gloria Jerusalem, tu lætitia Israel, tu honorificentia populi nostri, allel.

CAPITULUM *Judith. 13. 24.*
Benedictus Dominus qui creavit

cœlum et terram... quia hodie nomen tuum ita magnificavit, ut non recedat laus tua de ore hominum.

¶. Adamavit eam Rex plusquam omnes mulieres, habuitque gratiam et misericordiam coram eo, * Et posuit diadema regni in capite ejus, fecitque eam regnare, alleluia, allel. †. Tu eris super domum meam, et ad tui oris imperium cunctus populus obediet: uno tantum regni solio te præcedam. — Et posuit. — Gloria. — Adamavit.

Et dicitur hodie tantum.

HYMNUS 301. *Brev. Gall.*

Quid illo solemnus die,
Quo longa post suspiria,
Mater vocanti Filio,
Regina Regi jungeris?

Ad astra mille te vehunt

Pennis ministri Spiritus:

Ambit suo te numine,

Qui te vocat Matrem, Deus.

Quid hoc triumpho clarius,

Cujus Deus pars maxima?

Hærent in unâ Virgine

Fixi, stupentque cœlites.

Ut castra quæ bellum parant

Nudis in armis horrida,

Sic Virgo formidabilis

Turmasaverni dissipas.

Qui latè nos infecerat,

Serpens profundo vulnere

Confossus æternum jacet:

Et hoc trophæum Virginis.

JESU, tibi sit gloria,

Matrem vocans ad Sydera,

Cum Patre et almo Spiritu

In sempiterna sæcula. Amen.

Hæc Doxol. dicitur per Octav.

†. Exaltata est Sancta Dei Genitrix, allel.

¶. Super choros angelorum ad cœlestia regna, allel.

Ad Magnif. ant. Veni, benedicta Filia Patris mei: veni, percipe regnum, quod tibi paratum

est ante constitutionem mundi,
allel. allel.

Oratio de Laudib.

Complet. de Dominicâ.

AD MATUTIN.

Invitor. Christum Regem venientem in occursum Matris suæ hodiè in cœlum assumptæ, * Veniſe, adoremus, allel. allel.

HYMNUS 302. *Brev. Paris.*

O vos æterei plaudite cives:
Hæc est illa dies clara triumpho,
Quâ Matrem placidâ morte solutam
Natus sidereâ suscipit aulâ.

Quæ non, Virgo, tibi dona re-
pendit?

Cœli divitias explicat omnes:
Verbum vestieras carne; vicissim
Te Verbum proprio lumine vestit.

Qui velo latuit carnis, apertè
Pleno te sauciat Numinis haustu:
Et quem virgineo lacte cibasti,
In jugem tibi dat se Deus escam.

O concessa tibi quanta potestas!
Per te quanta venit gratia terris!
Cunctis cœlitibus celsior una,
Solo facta minor, Virgo, Tonante.

Quæ Regina sedes proxima Chri-
sto,

Alto de solio vota tuorum
Audi, namque potes flectere Na-
tum,

Virgo Mater: amas nos quoquè na-
tos.

Divinæ Soboli qui dare Matrem
In terris voluit, gloria Patri:

Cujus Virgo parens, gloria Nato:
Quo sæcunda tibi, gloria Flamen.
Amen.

IN I. NOCT.

Ant. 1 Signum magnum* ap-
paruit in cœlo: mulier amicta sole,
allel.

Psalm. 11. In Dominâ confido.
p. 20.

2. Exaltate MARIAM * hodiò,

quæ exaltata est super sidera,
allel.

Psalm. 12. Usquequò. *p. 4.*

3. Surge, Domine, * in requiem
tuam, tu et arca Sanctificationis
tuæ, allel.

Psalm. 23. Domini est. *p. 23.*

†. Apertum est templum Dei
in cœlo, allel.

†. Et visa est arca testamenti
ejus, allel.

De canticis canticorum.

LECTIO 1. c. 3. v. 4.

QUÆ EST ISTA, quæ ascendit
per desertum, sicut virgula fumi
ex aromatibus myrrhæ et thurris,
et universi pulveris pigmentarii?
Quàm pulchra es, amica mea,
quàm pulchra es! Oculi tui co-
lumarum absque eo, quod in-
trinsecus latet. Veni de Libano,
Sponsa mea, veni de Libano,
veni: coronaberis de capite Amanâ,
de vertice senir et Hermon, de
cubilibus leonum, de montibus par-
dorum. Vulnerasti cor meum, Soror
mea Sponsa, vulnerasti cor meum
in uno oculorum tuorum, et in uno
crine colli tui. Tu.

†. Vidi cœlum novum, et ter-
ram novam, et audiavi vocem mag-
nam de throno dicentem: * Ecce
tabernaculum Dei cum hominibus,
et habitabit cum eis, allel. allel. †.
Vidi sanctam civitatem, Jerusalem
novam, paratam sicut Sponsam
ornatam viro suo.—Ecce.

LECTIO 2. c. 6. 9.

QUÆ EST ISTA, quæ progreditur,
quasi aurora consurgens, pulchra
ut luna, electa ut sol, terribilis, ut
castrorum acies ordinata? Rever-
tere, revertere, Sulamitis; reverte-
re, revertere, ut intueamur te.
Quid videbitis in Sulamite nisi cho-
ros castrorum? Quàm pulchri sunt
gressus tui in calceamentis, Filia
Principis! Quàm pulchra es, et

quàm decora carissima in deliciis ! Tu.

¶. Introduxit me Rex in cellam vinariam, ordinavit in me charitatem: * Fulcite me floribus, et stipate me malis, quia amore langueo, allel. allel. ¶. Læva ejus sub capite meo, et dextera illius amplexabitur me.—Fulcite.

LECTIO 3. c. 8. 5.

QUÆ EST ISTA, quæ ascendit de deserto, deliciis affluens, innixa super dilectum suum? Poneme ut signaculum super brachium tuum: * quia fortis est, ut mors dilectio, dura sicut infernus æmulatio: lampades ejus, lampades ignis atque flammarum. Aquæ multæ non potuerunt extinguere charitatem, nec flumina obruent illam: si dederit homo omnem substantiam domus suæ pro dilectione, quasi nihil despiciet eam. Tu.

¶. Die autem tertio deposuit vestimenta ornatûs sui, et circumdata est gloriâ suâ: * Cumque regio fulgeret habitu, roseo colore perfusa, ingressa est Jerusalem multo cum comitatu et divitiis, alleluia, allel. ¶. Et surrexit rex in occursum ejus, positusque est thronus matri Regis, quæ sedit ad dexteram ejus.—Cumque.—Gloria.—Die aut. in diebus infra Octav. Cumque.

IN II. NOCT.

Ant. 1. Hymnum * cantemus hodiè: hymnum novum cantemus Dominæ nostræ, alleluia.

Psalm. 47. Magnæ Dom. p. 31.

2. Et ducebant * arcam testamenti Domini in júbilo, et in clangore buccinæ, alleluia.

Psalm. 58. Eripe me. p. 33.

3. Introduxerunt eam, * et imposuerunt in loco suo, in medio tabernaculi, alleluia.

Psalm. 64. Te decet. p. 34.

¶. Assumpta est MARIA in cœlum, alleluia.

¶. Gaudent Angeli, alleluia.

Sermo S. Thomæ Arhc. Valentini.

Conc. 2. in Assumpt. B. V. M.

LECTIO 4.

Quid agitis, Apostoli? Cur non post tergum abeuntis clamatis, dicentes: Virgo prudentissima, quò progredieris, quasi aurora valdè rutilans? Filia Sion, pulchra ut luna, electa ut sol. Quàm pulchri sunt gressus tui in calceamentis, Filia Principis? Revertere, revertere, Sunamitis: revertere, revertere, ut intueamur te. Jam cœlos læta contingerat, manibus delata Potentis, cum ecce ei occurrit Angelorum innumera multitudo, decorem illius et gloriâ admirantium, voceque jucundâ percunctantium: Quæ est ista, quæ ascendit per desertum, sicut virgula fumi ex aromalibus myrrhæ et thuris, et universi pulveris pigmentarii. Tu.

¶. Signum magnum apparuit in Cœlo: * Mulier amicta sole, et luna sub pedibus ejus, et in capite ejus corona stellarum duodecim, allel. allel. ¶. Astitit Regina à dextris tuis in vestitu deaurato, circumdata varietate.—Mulier.

LECTIO 5.

Sed non faciliè interrogatio solvitur, non levitè quæstio ista concluditur. Quis vobis, ò Angeli, respondebit? Quis dicere poterit, quæ est ista? Non mihi, si linguæ centum, si ora centum, si ferrea vox, si centum, inquam, ora darentur, dicere non sufficerem: quæ est ista? Hæc rubus ille ardens et imcombustus, cui Dominus impressus: hæc vellus madidum in arêâ siccâ, cui se placidus Cœlo imber infudit. Hæc scala cœli, per quàm ascendunt et descendunt Angeli, in cujus medio affixus est Christus. Hæc porta orientalis

clausa, per quam solus intrat et egreditur Princeps. Hæc virga Aaron, nullo humano opere florida, super cujus florem Spiritus Domini requievit. Tu.

¶ Dominus contulit ei splendorem, * Ut incomparabili decore omnium oculis appareret, allel. allel. †. Benedictus Dominus, qui exaltavit eam super omnes choros angelorum.—Ut incomparabili.

LECTIO 6.

Quæ est ista? Templum Dei est, Spiritus sacrarium est, Filii Dei thalamus est, Trinitatis domicilium est, purpura regis est. Hæc propitiatorium, hæc arca, hæc urna, hæc manna, hæc arca testamenti. Hæc tiara Pontificis aurea, cui sacrum Dei nomen insculptum. O Angeli! Quid dicam vobis: quæ est ista? Sed quid nos eam prædicamus? Vos potius nobis dicite: quæ est ista? qui ejus decore et venustate, qui ejus splendore et claritate fruimini: vobis nunc melius innotescit, quæ est ista? Sic ergo Virgo sacra, Filii sui Unigeniti manibus delata, Patris omnipotentis conspectibus præsentatur, et super cherubim ad dexteram suam in solio regio collocatur. Tu.

¶ Gloria et honore coronasti Matrem tuam, Domine, * Et constituisti eam super opera manuum tuarum, allel. allel. †. Posuisti Domine, super caput ejus coronam de lapide pretioso.—Et.—Gloria Patri.—Gloria et honore. *In diebus infra Oct.* Et constituisti.

IN III. NOCT.

Ant. 1. Vidi Speciosam * sicut columbam ascendentem desuper rivos aquarum, alleluia.

Ps. 96. Dominus regn. p. 42.

2. Surge, * propera, columba mea, formosa mea, et veni, allel.

Ps. 98. Dominus regnavit. p. 42.

3. Memorare, * Domina, dierum humilitatis tuæ et loquere regi pro nobis, allel.

Ps. 103. Benedic, anima. p. 43.

†. MARIA Virgo assumpta est ad ætherum thalamum, allel.

¶. In quo Rex regum stellato sedet solio, allel.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier quædam, Martha nomine, excepit illum in domum suam. Et reliqua.

Homilia S. Bernardi Abbatis.

In Assump. Ser. 1.

Quem in castellum mundi hujus intrantem prius Virgo susceperat, ab eo suscipitur hodiè sanctam ingrediens civitatem. Sed cum quanto putas nonore, cum quantâ putas exultatione, cum quantâ gloriâ? Nec in terris locus dignior uteri virginalis templo, in quo Filium Dei MARIA suscepit, nec in cœlis regali solio, in quo MARIAM hodiè MARIE Filius sublimavit. Felix nimirum utraque susceptio: ineffabilis utraque, quia utraque incogitabilis est. Tu.

¶ Paululum cum pertransissem omnes choros angelorum, inveni, quem diligit anima mea: * Tenui eum, nec dimittam, allel., allel. †. Læva ejus sub capite meo, et dextera illius amplexabitur me.—Tenui.

Bened. Cujus Assumptionem.

LECTIO 8.

Ut quid enim ea hodiè in ecclesiis Christi evangelica lectio recitatur, in quâ mulier benedicta in mulieribus excepisse intelligitur Salvatorem? Credo, ut hæc quam celebramus ex illâ susceptione aliquatenus æstimetur, imò ut juxta illius inæstimabilem gloriam inæstimabilis cognoscatur et ista. Tu.

¶. Hæc est illa præclara festivi-

tas, omnium sanctorum festivitatis incomparabilis, in qua * Gloriosa et felix Virgo MARIA, mirantibus cœlestis curiæ ordinibus, ad æthereum pervenit thalamum, allel. allel. †. Ascendit Christus super cœlos, et præparavit suæ Sanctissimæ Matri immortalitatis locum. — Gloriosa.

Hoc †. dicitur tantum hâc die.

LECTIO 9.

Felix planè MARIA et multipliciter felix, sive cum excipit Salvatorem, sive cum à Salvatore suscipitur: utrobiquè mira dignitas Virginis Matris, utrobiquè amplectenda dignatio majestatis. Intravit, inquit, JESUS in quoddam Castellum, et mulier quædam excepit illum in domum suam. Sed laudibus magis vacandum est, quòd festivis præconiis hæc dies debeat. Tu.

‡. Adamavit eam Rex plusquam omnes mulieres, habuitque gratiam, et misericordiam coram eo, * Et posuit diadema regni in capite ejus, fecitque eam regnare, allel. allel. †. Tu eris super domum meam, et ad tui oris imperium cunctus populus obediet: uno tantum regni solio te præcedam. — Et. — Gloria. — Adamavit. *In dieb. infra oct.* Et posuit.

AD LAUDES

et per Horas antiphonæ.

1. Paradisi portæ* per te nobis apertæ sunt, quæ hodiè gloriosa cum angelis triumphas, alleluia.

Psalms de Laudib. Dominicæ.

2. Viderunt eam * filiæ Sion, et Beatam dixerunt: et reginæ laudaverunt eam, allel.

3. Astitit Regina * à dextris Dei, in vestitu deaurato, circumdata varietate, allel.

4. Amicta solari * lumine, velut vestimento, duodecim stellarum coronâ ratilat radianti, allel.

5. Ecce exaltata es * super

choros angelorum, intercede pro nobis, Virgo sacrata, allel.

CAPITULUM. *Judith. 13. 24.*

Benedictus Dominus qui creavit cœlum et terram..... quia hodiè nomen tuum, ita magnificavit, ut non recedat laus tua de ore hominum.

HYMNUS. 303. *Brev. Gallic.*

Quæ cœlo nova nunc additur hospes?

Sese tota poli regia pandit:

Ruptis, Virgo parens, libera vinculis

Caro, se properat reddere Nato.

Quantum delituit paupere lecto,
Tantum splendida nunc fulget in astris:

Se velare quibus Mater amabat,
Densas natus amat rumpere nubes.

Olim quæ fuerit juncta marito,
Et de connubio credita Mater,
Totum jam colitur nota per orbem
Cum Matris titulis integra Virgo.

Ancillæ tribuit, quæ sibi nomen,
Cœlesti dominans regnat in aula:
Quæ tot passa neces Proles amore,
Jam secura suâ Prole triumphat.

Nostras tu, nova lux, discute noctes,

Tu, Regina, graves solve catenas:
Cæcos, stella maris, dirige cursus;
Da, quo tu frueris, cernere Natum.

Divinæ Soboli, qui dare Matrem
In terris voluit, gloria Patri:
Cujus Virgo parens, gloria Nato:
Quo fecunda tibi, gloria, Flamen.

Amen.

†. Posuisti in capite ejus, allel.

‡. Coronam de lapide pretioso, alleluia.

Ad Bened. ant. Virgo prudentissima, * quò progredieris, quasi aurora valdè rutilans? Filia Sion, tota formosa et suavis es; pulchra ut luna, electa ut sol, allel. allel.

Oratio.

Subveniat, Domine, plebi tuæ Dei Genitricis oratio, quam hodiè super omes choros angelorum sublimatam colimus, ut, ipsâ pro nobis jugiter deprecante, ad cœlestem gloriam pervenire mereamur. Per eundem Dominum.

AD PRIMAM.

Ant. Paradisi. *Capit.* Benedictus. *de Laudibus.*

†. *br.* Quæ hodiè in cœlum assumpta fuisti. *Et dicitur per Oct.*

CANON.

Ex Concilio Trisingensi.

Ann. 1440. *Cap.* 25—*Concilior.*

Tom. 33. *p.* 720.

549. Festivitate Assumptionis Beatæ Virginis gloriosæ à Vesperis Vigiliæ ejusdem usque ad Vesperas ejusdem Festivitatæ inclusivè campanæ pulsantur, et januis apertis altâ voce divina officia solemniter celebrantur. Tu.

AD TERTIAM.

CAPITULUM. *Jud.* 15. 10.

Benedixerunt eam omnes unâ voce dicentes. Tu gloria Jerusalem, tu lætitia Isaael, tu honorificentia populi nostri.

†. *br.* Ascendit super Cherubim, * Allel. allel.—Ascendit †. Et volavit super pennas ventorum.—Allel—Glor.—Ascendit.

†. Exaltata est Sancta Dei Genitrix, allel.

†. Super choros Angelorum ad cœlestia regna, allel.

AD SEXTAM.

CAPITULUM. 3. *Reg.* 10. 13.

Rex autem dedit reginæ omnia, quæ voluit, et petivit ab eo: exceptis his quæ ultrò obtulit ei munere regio.

†. *br.* Pete, Mater mea, Pete, * Allel. allel.—Pete. †. Neque enim fas est, ut avertam faciem tuam.—Allel.—Gloria.—Pete. †. Postula

à me, et dabo tibi gentes in hæreditatem tuam, allel. †. Et in possessionem tuam terminos terræ, allel.

AD NONAM.

CAPITULUM. *Bar.* 5. 10.

Circumdabit te Deus diploide justitiæ, et imponet mitram capiti honoris æterni. Deus enim ostendet splendorem suum in te omni qui sub cœlo est.

†. *br.* Corona aurea super caput ejus, * Alleluia, alleluia. †. Expressa signo sanctitatis, et opus fortitudinis.—Allel.—Glor.—Corona.

†. Eris corona gloriæ in manu Domini, allel.

†. Et diadema regni in manu Dei tui, allel.

IN II. VESPER.

Ant. 1. Surrexit Dominus * JESUS in occursum suæ dulcissimæ Matris, allel.

Psalm. de 2. *Vesp.* sollemn.

2. Exallavit eam * super choros angelorum, ut nihil contempletur super se Mater, nisi Filium suum, alleluia.

3. Virgosola * constituit hierarchiam secundam sub Deo hierarchâ primo, alleluia.

4. Quantum enim gratiæ * in terris adepta est præ cæteris, tantum et in cœlis obtinet gloriæ singularis, allel.

5. Memorare dierum * humilitatis tuæ in regno tuo, et loquere Regi pro nobis, allel.

CAPITULUM. *Jud.* 13. 24. **B**enedictus Dominus qui creavit cœlum et terram... quia hodiè nomen tuum ita magnificavit, ut non recedat laus tua de ore hominum.

†. Adamavit ut in 1. *Vesper.*

HYMNUS 304. *Brev. Gallic.*

Parata cum te poscerent,
O Virgo, cœli præmia,
Purum sacratum artubus

Amor resolvit Spiritum.

Sed victa partu mors tuo
Te labis expertem nequit,
Suis nec audet stringere
Vitæ parentem nexibus.

O qualis inter obvios
Regina scandit cœlites!
Quâm pulchra celsæ proxima
Sedi Tonantis assidel.

Amicta sole femina,
Lunamque subjectam premens,
Bissena, ovi cingunt caput
Fulgore miro sydera.

O tu clientum cui preces,
Cui vota cordis, Judicem
Præbere nobis, quod potes,
Patrona, placatum velis.

JESU tibi sit gloria,
Matrem vocans ad sydera,
Cum Patre et almo Spiritu
In sempiterna sæcula. Amen.
†. Specie tuâ et pulchritudine
tuâ, allel.

‡. Intende prosperè procede et
regna, allel.

Ad Magnif. ant. Hodie MARIA
Virgo, * cœlos ascendit: gaudete,
quia cum Christo regnat in æter-
num, allel. allel.

*Oratio de Laudib. Completor. de
Dominicâ.*

*In Domin. et aliis diebus infra
octav. officium fit ut in die Assumpt.
Psalmi et Lect. 1. Noct. fer. occur.*

DIE XVI. AUG.

DE II. DIE INFRA OCTAV.

Semiduplex.

AD MATUTIN.

HYMNUS 305. *J. M. Caryophil.*
Inferis mersi periere vivi,
Qui Deo carum populum sciderunt:
Ergo quæ summis sociavit ima,
Viva triumphat.

Servat illæsum paradisos Henoeh,
Vivus ut prece domet antichristum:
Ergo quæ cunctos domat antichri-
stos,

Viva triumphat.

Igneo raptus petit alta curru
Vivus Helias, moriturus olim;
Ergo quæ scandit, rapiente Christo,
Viva triumphat.

Nescit internam benedicta mortem,
Frangit externam superando mor-
tem,

Ergo prosternens utriusque vires
Viva triumphat.

Sit decus summosine sine Christo,
Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

Lect. 1. Noct. fer. occur.

IN II. NOCT.

Sermo S. Joannis Damasceni.

Orat. 2. in Dorm. B. V.

LECTIO 4.

Post tres autem dies angelico cantu
cessante, qui aderant apostoli (cum
unus Thomas, qui abfuerat, post
tertium diem venisset, et quod
Deum susceperat, adorare voluisset),
tumulum aperuerunt: sed omni
ex parte sacrum ejus corpus ne-
quaquam invenire potuerunt. Cum
ea tantum invenisset, in quibus
fuerat compositum, et ineffabili, qui
ex iis proficisciebatur, essent odore
repleti, loculum clausuerunt. Tu. ‡.

LECTIO 5.

Ejus mysterii obstupefacti mira-
culo, hoc solum cogitare potue-
runt, quod cui placuit ex MARIA
Virginem carnem sumere, et ho-
minem fieri et nasci, cum esset
Deus Verbum, et Dominus gloriæ,
quique post partum incorruptam
servavit ejus Virginitatem, eidem
etiâ, et ipsius postquam migra-
vit, immaculatum Corpus, incor-
ruptum servatum, translatione ho-
norare ante communem et univer-
salem resurrectionem. Tu. ‡.

LECTIO 6.

Aderant tunc cum Apostolis san-
ctissimus Timotheus primus Epi-

scopus Ephesium, et Dionysius Areopagita, sicut ipse testator in iis, quæ de beato Hierotheo, qui ipse quoque tunc aderat, scripsit ad prædictum Timotheum, sic dicens: Nam etiam apud ipsos à Deo afflatos sacerdotum Antistites, quando nos quoque, ut nosti, et multi ex sanctis nostris fratribus, ad contuendum corpus, quod vilæ principium dedit, et Deum suscepit, convenissemus: (aderat autem et Domini frater Jacobus, et Petrus suprema et antiquissima Theologorum summitas) et viso sacro corpore, placuit omnibus, prout quisque poterat, hymnis celebrare infinitam bonitatem divinæ potentiae. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam castellum, et mulier quædam, Martha nomine, excepit illum in domum suam. Et reliqua.

Homilia D. Eusebii Episcopi.

In Bibliot. maxim. Patrum. tom. 5. p. 1. p. 214.

Merito ergo Sancti Patres constituerunt, ut in hac solemnitate Beatæ Virginis MARIE hoc Evangelium legeretur, quæ specialiter quidem per has duas mulieres significatur. Ipsa enim inter omnes creaturas Beatissima Virgo utriusque vitæ, activæ videlicet, et contemplativæ plus cæteris omnibus privilegia custodivit. Ipsa quoque sicut Martha, imò melius quam Martha, suscepit Christum, non solum in domum suam, verum etiam intra claustra uteri sui. Ipsa eum concepit, ipsa eum genuit, ipsa eum peperit, et portavit, et plusquam Martha, et frequentius ei ministravit. Tu. ¶.

LECTIO 8.

Ipsa denique sicut MARIA ejus

verbum non solum audiebat, verum etiam in corde suo conferebat, nobisque ad legendum et audiendum custodiebat. Sic enim scriptum est: MARIA autem conservabat omnia verba hæc conferens in corde suo. Ipsa eum non solum secundum humanitatem, verum etiam secundum divinitatem, et contemplari, et plus omnibus cognoscere meruit. Ipsa igitur optimam partem elegit, quæ non auferetur ab eâ. Tu.

¶. Adamavit eam.

LECTIO 9.

Commem. Voti Regis Galliarum.

Ex Brev. Gallie.

Ludovicus decimus tertius Francorum Rex se Beatæ Virginis MARIE, suumque sceptrum, coronam et regnum dicavit, ac consecravit, et in memoriâ ejus mancipatus, jussit fieri post vespertas diei Festi Assumptionis Processionem ritu et apparatu quam maximè solemni in singulis Dominationis suæ Ecclesiis. Hoc edictum Anna Austriaca confirmavit, et Ludovicus decimus quintus litteris ad omnium Galliarum Episcopos missis, anno millesimo septingentesimo trigesimo octavo pia vota renovavit. Tu.

Te Matrem.

CANON.

Ex Concilio Armenorum.

Ann. 1342. art. 30. apud Martene.

550. Sciendum est, quod Ecclesia Armenorum credit et tenet, quod Sancta Dei Genitrix virtute Dei assumpta fuit in cælum cum corpore. Tu.

Vesperæ Dupl. ut in II. Vesp. Assumpt. Psalm. de fer. Oratio seq.

DIE XVII. AUG.

IN EXALTATIONE B. M. V.

Duplex maj.

Lect. 1. Noct. et alia non prop. ut in die Assumpt.

Oratio.

Deus, qui nos hodiernâ die Exaltationis Sanctissimæ Genitricis tuæ annuâ solemnitate lætificas: præsta quæsumus, ut ejus cœlestem gloriam venerando in terris, ipsâ in cœlis perfrui mereamur. Qui vivis.

AD MATUTIN.

HYMNUS 306.

Adest dies lætitiæ
Jucundus omni homini,
In quo Regina Virginum
Scandit iter astriferum.

Angelorum præfulgidis
Circumvallata cuneis:
Quamque Sanctarum Virginum
Sequitur agmen inclitum.

Ut decet omnes credere.
Cœlesti diademate
Clausus occurrit obvis
Christus ex eâ genitus.

Ultra angelorum gloriam
Totum delicti nescium
Secum ad Patris solium
Reportat pignus optimum.

Cœlestis regni civitas,
Et ejus omnis dignitas
Parentem sui Principis
Votis honorat congruis.

Cum quibus nos lætissima
Hujus diei gaudia,
Concelebremus alacres
Deum laudando supplices.

Hujus festi clarissima
Prosequamur præconia
Mentis affectu supplices
Affectu vocis alacres.

JESU, tibi sit gloria,
Matrem vocans ad sydera
Cum Patre et Almo Spiritu
In sempiterna sæcula. Amen.

Lect. 1. Noct. ut in die Assumpt.

IN II. NOCT.

Ex verbis B. Alberti Magni Ep.
De Laudib. B. V. libr. 3. c. 12.

LECTIO 4.

Beata Virgo in Assumptione suâ

exaltata est super omnes ordines Angelorum, et Sanctarum animarum. Unde canitur: Vidi speciosam sicut columbam ascendentem desuper rivos aquarum. Aquæ istæ sunt virtutes angelicæ, et cœlestes populi. Duo rivi Angeli, et animæ Sanctæ. Vel rivi aquarum ordines angelorum, scilicet, Angeli, Archangeli, Principatus, Virtutes, Potestates, Dominationes, Throni, Cherubim et Seraphim. Tu. ♀.

LECTIO 5.

Item debent ordinari, et enumerari virtutes cœlorum, et ordines sanctorum, scilicet, Patriarchæ, Prophetæ, Apostoli, Martyres, Confessores, Virgines, et omnes hujusmodi justî. Propter privilegium suæ Ascensionis super ordines sanctorum universos gloriatur, ubi dicit: Introduxit me Rex in cellaria sua, pluraliter. Contentus est enim suo cellario quilibet ordo Sanctorum, et Angelorum, id est, suâ mansione. Tu. ♀.

LECTIO 6.

Sed MARIA speciali privilegio in omnibus est introducta, quæ sicut merita, ita et præmia omnium creditur assecuta, utpote cui non continentia Virginum, nec sobrietas Confessorum, nec patientia Martyrum, nec zelus Apostolorum, nec fides Patriarcharum, nec puritas Angelorum creditur defuisse. Immo etiâ sicut meritis, sic et præmiis supergressa est Sanctorum ordines universos. Quantum in terrâ adæpta est MARIA gratiæ præ cæteris, tantum in cœlo obtinet gloriæ singularis. Tu. ♀.

IN III. NOCT.

Lectio S. Evang. secundum Lucam.

LECTIO 7. c. 10. 3.

In illo tempore: Intravit JESUS in quoddam Castellum, et mulier

quædam, Martha nomine, exceptit illum in domum suam. Et reliqua.

Homilia S. Bernardini Senensis.
Serm. in Exaltat. B. V. M. art. 1.

cap. 4.

Maxima excellentia est, quod Virgo Beata sit Mater Dei: majus est enim quod ipsa sit Mater Dei, quam quod sit Domina creaturarum Dei. Hoc enim dependet ab illo, sicut ramus à suâ radice: ergo certitudinaliter tenendum est, quod ipsa est super omnes ordines angelorum, tanquam per se implens at continens unum integrum ac totalem statum, cui secundum rectam rationem altera persona congruè non potest addi: quia ipse status ex sui ratione propter dignitatem incommunicabilem exigit unitatem. Sicut enim nullatenus decet plures esse Christos, nec Deum plures homines esse, sic nullo modo decet Dei Filium, nisi unam Matrem naturalem habere. Tu. ♀.

Bened. Cujus Exaltationem.

LECTIO 8.

Item ratio naturalis ex gratuità lege apertè ac directè dicat, quod Mater regis omnium est in sede regis super omnes ordines ministrorum et militum collocanda. Undè quia est electa ad dignitatem transcendentem omnem dignitatem ministrorum et famulorum, quia ratio materni amoris ejus, qui fertur in Deum, ut in suum Filium realem, à nullo alio affectu cujuscumque, qui non est realiter Mater Dei, præterquam ab ipsâ participari potest. *Lect. 9.* Nam ut dicitur, sicut Filius Dei sedet à dextris majestatis in excelsis, tantò melior angelis effectus, quantò differentius præ illis nomen hæreditavit, quod nomen est, ut sit verè Deus per gratiam unionis; sic et Mater Domini nostri JESU, glorio-

sa MARIA, tantò melior est Angelis effecta, quantò præ omnibus creaturis, ut oblineret dignissimæ Matris nomen. Tu. ♀. Adamavit.

LECTIO 9.

Commemoratio B. V. Ilerdensis de Salute.

Ingentis cultus, quo Deipara Sanctissima sub invocatione de Salute in lignea ejus Imagine, quæ Ilerdæ in parochiali templo Sancti Andæ Apostoli asservatur, afficitur, origo etsi omnino igneretur; nam nulla circa illam extant scripta testimonia; hæc duo tamen certa ab omnibus habentur: primò quod antiquissimus is cultus fuerit, ac deindè quod continuus ac major in dies semper. Dominicæ presertim ultimæ Augusti ipsi sacræ cum totâ sequenti hebdomadâ Ilerdenses suum erga eam affectum ac animi gratitudinem ob accepta salutis beneficia mirificè ostendunt non tantum solemniori ecclesiastico cultu, sed etiâ artis ignibus, ad morem regionis diversis cursibus, ac aliis publicis lætitiæ testimoniis. Tu. ♀. Te Matrem.

Ad Benedict. ant. Hodie exaltata est Sancta Dei Genitrix super choros Angelorum, et super ordines Sanctorum omnes, ad cælestia regna, alleluia, alleluia.

CANON.

Ex Epistolâ Synodicâ Theodori Patriarchæ Jerosolymitani.

Probata in Concil. Nicæn. II. ann. 782. apud Perrone de immaculato Virginis Conceptu.

551. Verè Dei Mater est, et ante partum et post partum Virgo, atque omnis intelligibilis ac sensibilis naturæ gloriâ et claritate creata sublimior. Tu.

Vesper. ut in die Assumpt. in 2. Vesp. Psalmi de ferid.

Ad Magnif. ant. Constituisti eam
super omnia opera manuum tu-
arum, et subiecisti omnia sub pedi-
bus ejus, allel. allel. *Orat. de Laud.*

DIE XVIII. AUG.

DE IV. DIE INFRA OCTAV.

Semiduplex.

AD MATUTIN.

HIMNUS 307. Laur. M. Fulgin.

Te Deus primo sapiens ab ævo
Nesciam labis, meritis refertam,
Nobilem Sponsam sibi consecravit
Fœdere certo.

Et tibi castos thalamos paravit
In poli celsâ rutilantis arce,
Undè mortales oculis benignis
Cernere possis.

Tu polo cæcis oculis ab alto
Lumen optatum miserata reddis:
Integræ mutis labiis loquelæ
Munera præbes.

Languidos curas sapiens Magistra,
Pauperes dilas opibus supernis,
Carcerum cæcos aditus recludis,
Vincula solvis.

Sit decus summos sine fine Christo,
Sancta quem Virgo genuit MARIA
Qui Patri compar Spiritui Sancto
Regnat in ævum. Amen.

Lectio 1. Noct. de ferid.

IN II. NOCT.

Sermo S. Bernardi Abbatis.

Serm. 1. de Assumpt. B. V.

LECTIO 4.

Virgo hodiè gloriosa cœlos ascen-
dens, supernorum gaudia civium
copiosis sine dubio cumulavit
augmentis. Hæc est enim: cujus sa-
lutationis vox et ipsos exultare fe-
cit in gaudio, quos materna adhuc
viscera claudunt. Quod si parvuli
necdùm nati anima liquefacta est,
ut MARIA locuta est, quid puta-
mus quænam illa fuerit cœlestium
exultatio, cum et vocem audire,
et videre faciem, et beatâ ejus frui
præsentia meruerunt? Tu. ¶.

LECTIO 5.

Sed et illud quis cogitare sufficiat,
quàm gloriosa hodiè Mundi Regi-
na processerit, et quanto devotionis
affectu tota in ejus occursum cœle-
stium legionum prodierit multitudo;
quibus ad thronum gloriæ canticis
sit deducta; quàm placido vultu,
quàm serenâ facie, quàm divinis
amplexibus suscepta à Filio, et su-
per omnem exallata creaturam,
cum eo honoro, quo tanta Mater
digna fuit, cum eâ gloriâ, quæ
tantum decuit Filium. Tu. ¶.

LECTIO 6.

Felicia prorsus oscula labiis im-
pressa lactentis, cui virgineo Mater
applaudebat in gremio. Verùm nun-
quid non feliciora censebimus, quæ
ab ore sedentis in dexterâ Patris
hodiè in beatâ salutatione suscepit,
cum ascenderet ad thronum gloriæ,
epitaphium canens et dicens: oscu-
letur me osculo oris sui? Christi
generationem, et MARIE Assump-
tionem quis enarrabit? Quantum
enim gratiæ in terris adepta est
præ cæteris, tantum et in cœlis
obtinet gloriæ singularis. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS
in quoddam Castellum, et mulier
quædam, Martha nomine, excepit
illum in domum suam. Et reli-
qua.

Homilia S. Bernardi Abbatis.

Serm. 2. in assumpt. B. V.

Fortè curiosus quisque requiret,
cur in præsentî evangelicâ lectione
nulla prorsus Lazari mentio fiat.
Arbitror sanè, ne id quidem à pro-
positâ similitudine dissidere. Vir-
ginalem etenim domum intelligi
volens Spiritus, siluit non incon-
gruè penitentiam, quæ malum

utique comitatur. Absit enim, ut proprii quicquam inquinamenti domus hæc aliquandò habuisse dicatur, ut in eâ proindè scopa Lazari quærentur. Tu. ʒ.

LECTIO 8.

Sit ergò Lazarus apud eos, quorum necesse est ab operibus mortuis conscientias emundari: secedat inter vulceratos dormientes in sepulcris, ut in thalamo virginatè inveniantur Martha, et Maria tantùm. Neminem autem moveat, quòd suscipiens mulier Dominum, non Maria sed Martha vocatur: quandò in hac nnâ et summâ MARIA, et Mart hæ negocium, et Mariæ non ocio-sumotium invenitur. Omnis quidem gloria filiæ regis ab intus, nihilominus tamèn in fimbriis aureis circumamicta est varietate. Tu. ʒ.

LECTIO 9.

Pro commemoratione Victoriæ
Regis Galliæ.

Ex Brev. Pariss.

Philippus pulcher, Rex Francorum anno millessimo trecentesimo quarto insignem de Flandris rebellibus victoriam reportavit, quam à Deo, suffragante Deiparâ, concessam statim intellexit. Quo autem tanti beneficii memoria posteritate transmitteretur concessit Ecclesiæ Parisiensi centum libras annui et perpetui redditus, eâ lege, ut solummodo iis distribueretur, qui officio Ecclesiastico hujus diei interessent. In pronao Ecclesiæ statuam suam equestrem coram beatæ Virginis imagine in perenne collati beneficii monumentum, etiâ erigi voluit. Tu. Te Matrem.

CANON.

Ex Concilio Marciacensi.

Ann. 1325.—*Labb. Tom. 7.*
col. 1520. c. 19.

552. In Festivitate Assump-

tionis Virginis gloriosæ campanæ pulsentur, et januis apertis altâ voce divina officia solemnitèr celebrentur. Tu.

Vesperæ de sequenti.

DIE XIX. AUG.

CORONATIONIS B. M. V.

Duplex secundæ Clasis.

Psalmi et alia non prop. ut in die Assumpt.

IN I. VESP.

Psalmi de 1. Vesper. solemnitat.

Antiphonæ de 2. Vesper. Assumpt.

Capitul. de Laudibus et Hymnus ut in 1. Vesper. Assumpt.

Ad Magnif. ant. Veni Filia Dei Patris: veni Mater Dei Filii: veni Sponsa Dei Spiritus Sancti: accipe coronam, quam tibi Dominus præparavit in æternum, allel. allel.

Oratio.

Deus, qui immaculatam Filii tui Genitricem in Reginam cœli et terræ, et in Matrem et advocatam peccatorum coronari voluisti: concede propitius, ut in regno gloriæ tuæ, Ipsâ intercedente, nos quoquæ coronari mereamur. Per eundem Dominum.

AD MATUTIN.

Invitat. Coronationem Beatissimæ Virginis celebrantes: *Christum ejus filium adoremus Dominum, allel. allel.

HYMNUS 308. *Muret.*

Regnator superum quo nitidam die Matrem sidereis arcibus intulit, Et supra angelicos conspicuam choros

Stellanti statuit throno.

Quæ cœlo fuerint jubila, qui sonus,

Quæ sanctis animis gaudia, non modo

Humanis nequeant vocibus exprimi, Sed nec pectore concipi.

Illa est arca novi conscia fœderis,

Conclusus, Domini deliciæ, hortulus,
Rastro intactus ager, sidere pul-
chrior,

Et Sponsa et Genitrix Dei.

Felix quisquis eam suppliciter
colit,

Rebusque indubiis sedulus invocat:
Nunquam hoc qui statuit præsidium
sibi

Spe lusus doluit suâ.

Simplex ætherii Numinis unitas,
Quæ distincta eadem est, veraque
Trinitas

Æternis vigeat semper honoribus

Et terrâ simul et polo. Amen.

Lect. 1. Noct. ut in die Assumpt.

¶ 1. Qui coronat te in miseri-
cordiâ et in miserationibus, * Coro-
nans coronabit te sempiterno gaudio
Dominus, et imponet capiti tuo mi-
tram honoris æterni, allel., allel.
†. Et ostendet splendorem tuum
omni qui sub cælo est.—Coronans.

¶ 2. Surrexit Rex in occursum
Matris, et sedere eam fecit ad dex-
teram ejus, * Et accipere regium
diadema super caput suum, allel.
allel. †. Et dedit illi potestatem su-
per omnes gentes, fecitque eam reg-
nare.—Et.

¶ 3. In perpetuum coronata tri-
umphat Christi Mater, Virgo MA-
RIA, * In omni gente et in omni po-
pulo primatum habens, allel. allel.
†. Eris corona gloriæ in manu Do-
mini, et diademâ regni in manu Dei
tui.—In.—Gloria.—In.

IN II. NOCT.

Sermo B. Alberti Magni Ep.

De Laud. B. V. libr. 3. §. 13.

LECTIO 4.

Ineffabilis gloriæ coronâ Beatissima
Virgo coronata est in cælis, in suâ
Assumptione, quandò verus Assue-
rus, id est, Christus dixit Esther
reginæ, quæ interpretatur, eleva-
ta in populis, et signat MARIAM,
quæ exaltata est super choros An-

gelorum, et omnium beatorum ad
cælestia regna. Dixit, inquam, ei:
accede hûc et lange sceptrum, acci-
pe regiam dignitatem, esto domi-
na cæli et terræ, esto Regina, et
Imperatrix Angelorum et hominum,
sede à dexteris meis, serviens pro
æternis in vestitu deaurato, id est,
corpore immaculato. Tu.

¶. Signum.

LECTIO 5.

Veni ergò, coronaberis multiplici
victoriâ, videlicet, quia triumphasti
de capite Amana, de vertice Senir
et Hermon, id est, de malitiâ di-
aboli, quæ significatur per caput
Amana: de mundanâ sufficientiâ,
quæ per verticem Senir: de perfidiâ
hæreticorum, quæ per verticem
Hermon. Coronatur quoquæ de cu-
bilibus leonum, de montibus par-
dorum. Signant autem cubilia tor-
porem, et mollitiem luxuriæ. Per
leones intelliguntur superbi, ira-
cundi, et potentes hujus sæculi. Tu.

¶. Veni de Libano, Sponsa mea,
veni de Libano, * Veni, coronaberis
de Capite Amana, et de vertice Se-
nir, et Hermon, allel. allel. †. De
cubilibus leonum coronaberis, et de
montibus pardorum.—Veni, coron.

LECTIO 6.

Et nota, quòd Apocalypsis dicitur
MARIA coronari stellis, hic pro-
mittit ei Filius, quòd coronabitur
de feris, vel de montibus. Et quid
est hoc, nisi quòd feræ per gratiam
et orationes MARIE fiunt stellæ,
et conveniunt caput tantæ Reginæ,
ut de stellis ei corona videatur ex-
hibita, quæ de feris fuerat pro-
missâ. Et hæc est mutatio dexteræ
Excelsi. Sicut ergò ex lapidibus su-
scitantur filii Abrahæ, sic ex be-
stis creantur stellæ. Quod ergò
promittitur ex impiis, solvitur ex
justificatis. Tu. ¶. Gloria et honore.

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam castellum, et mulier quædam, Martha nomine, excepit illum in domum suam. Et reliqua.

Homilia Sancti Thomæ Archiep. Valentini.

Conc. 3. in festo Annuntiant.

Si verò gratiam vel gloriam consideres, non dubitamus Virginem MARIAM, multò magis excedere in beatitudine supremum Seraphim, quàm unus chorus alium: imò quàm supremus Spiritus excedat infimum chorum Angelorum, vel spiritum. Cæteris enim per partes, ipsi plenitudo gloriæ collata est. Tu.

¶. Posuit Rex diadema regni super caput ejus, * Fecitque eam regnare super universam terram, allel. allel. ¶. Tu eris super domum meam, et uno tantum regni solio ego te præcedam.—Fecitque.

Bened. Cujus Coronationem.

LECTIO 8.

Ipsa enim altius volat intelligentiâ, profundius penetrat abyssum divinitatis, arctius hæret amoris vinculo, amplius gustat delectationem suavitatis. Quidquid gratiæ, quidquid luminis, quidquid gloriæ in omnibus Angelis, Patriarchis, Prophetis, Apostolis Martyribus, Confessoribus, Virginibus est: totum hoc Virgini collatum est. Et una ejus corona omnes aliorum coronas superat, et varietatum splendorem continet. Tu.

¶. Circumcinxit eam zonâ gloriæ, et induit eam stolam gloriæ. * Et coronavit eam in vasis virtutis. allel. allel. ¶. Corona aurea super caput ejus, expressa signo sanctitatis.—Et.—Glor.—Circ.

LECTIO 9.

Est enim in capite ejus quintuplex aureola: scilicet, puritatis cum Virginibus, Fortitudinis cum Martyribus, Sapientiæ cum Doctoribus, innocentiae cum Angelis, Genitricis Dei sine alio particepe. Et hoc fortè significant duodecim stellæ, quæ in ejus coronâ in Apocalypsi ponuntur. Duodecim scilicet singulares, et eximiæ excellentiæ supra cæteras, quæ splendent in Virgine. Tu. Te Matrem.

AD LAUDES

et per Horas antiphonæ.

1. Ornavi te * ornamento, et dedi torquem circa collum tuum, et coronam decoris capiti tuo, allel.

Psalmi de Dominica.

2. Corona aurea * super mitram ejus expressa signo sanctitatis, et gloriâ honoris, allel.

3. Coronasti eam, * Domine, et constituisti eam super omnia opera manum tuarum, allel.

4. In perpetuum coronata triumphat, in omni gente, et in omni populo primatum habens, allel.

5. Coronam auream * portans in capite fulgebat vestibus regiis, omnisque civitas exultavit, atque lætata est, allel.

CAPITULUM. Esth. 1. v. 10.

Præcepit Rex... ut introducerent reginam coram rege, posito super caput ejus diademate, ut ostenderet cunctis populis, et principibus pulchritudinem illius: erat enim pulchra valdè.

Ad Benedict. ant. Data est ei corona, et exivit ut vincens vinceret omnem hæreticam pravitatem, Ecclesiæ hostes prosterneret, superbos humiliaret, et peccatores converteret, ut regnaret triumphans in æternum allel. allel.

¶¶. Quæ in cælis coronata fuisti.

CANON.

Ex Paulo Papâ Quinto.

Const. 253. Immensæ, an. 1615.—

B. R. Tom. 5. p. 4. p. 183.

553. Sole «Deipara» amicta, lunam habens sub pedibus, victrix et triumphatrix, duodecim coronâ stellarum coronari, ac super choros angelorum exaltata, Regina cœli et terræ appellari promeruit. Tu.

Vesperæ ut in 2. Assumpt. Capit. de Laudib.

DIE XX. AUG.

DE VI. DIE INFRA OCTAV.

*Semiduplex.**Lect. 1. Noct.* Et ait Elias. p. 418.

IN II. NOCT.

Sermo S. Thomæ Arch. Valentini.

Conc. 1. in Ass. B. V.

LECTIO 6.

Hujus admirabilis Assumptionis figura habetur in libro tertio Regum, de Nubeculâ parvâ. Die figuram et expone. Quod dicitur septimâ vice, id est, septimâ ætate. Ecce nubecula parva per Humilitatem: alias enim magna erat. Nubes quæ continebat in gremio Deum: Capacior erat cœlo ista nubes. Nubes, inquam, levis: nubes sine peccato, ex humore aquæ, id est, carne passibili, sed ardore solis elevabatur, id est, amore Dei per contemplationem in cœlestibus morabatur. Tu. ¶

LECTIO 5.

Ecce nubem parvam, quasi vestigium hominis. In Christo JESU caput divinitas est. Apostolus: caput Christi Deus. In Canticis: caput ejus aurum optimum. Pes autem ejus est humanitas: ut intingatur pes tuus in sanguine, id est, corpus. Virgo est vestigium hujus pedis. Quoniam sicut vestigium assimilatur pedi, ita Virgo est vera

imago et effigies humanitatis Christi in totâ vitâ suâ. Hæc Virgo ascendebat de mari. Magna gloria Virginis ascendentis dicta est. Quanta lætitia, quantus triumphus. Sed nunquid sine labore? Nunquid sine pugnâ Virgo triumphat? Non certè. Ecce de mari tribulationum, de mari persecutionum ascendit. Tu. ¶

LECTIO 6.

Sed quid ait Elias? Nubes ascendit de mari: Achab, ascende, comede, et bibe, quia sonus multæ pluvie est. Virgo ascendit, Virgo levatur ad sidera. Tu, Achab, frater patris: ô popule christiane, frater per naturam humanam tui Patris, tui Conditoris. Dum enim nostram assumpsit naturam, factus est frater noster, qui erat Pater noster, Conditor noster: Tu ergo frater tui Patris, ascende, comede, bibe in saturitate. Lætare, jucundare, non erit jam terra tua, anima tua, sterilis. Nubes ascendit de mari: pluvia ingens gratiarum irruet. Nihil imber donorum de nube descendet, totam perfundens Ecclesiam, omnes animas fecundans. Tu. ¶

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier quædam, Martha nomine, excepit illum in domum suam. Et reliqua.

Homilia Sancti Antonini Arch. Florentini.

Serm. 3. de Assumpt. B. V.

Hodiè Beata MARIA excepit Christum plenius in domum suam, tam animæ, quàm corporis, quia per gloriæ receptionem ita enim fuit recepta in domo Patris cœlestis, ubi sunt multæ mansiones, id est,

differentiæ præmiorum, quòd et ipsum recepit in domum suæ mentis per lumen gloriæ, et impletum est illud, quod per Aggæum prædixit: implebo domum istam gloriâ. Tu. ꝑ.

LECTIO 8.

Si enim de dilectore suo Christus ait: ad eum veniemus, et apud eum mansionem faciemus, scilicet in domo mentis suæ, ego et Pater et Spiritus Sanctus multò magis dicendum est de quolibet Sancto perveniente ad gloriam, ubi est perfectissima dilectio, quæ hic esse non potest, quòd anima beata recipiat Christum in domo animæ suæ per lumen gloriæ, qui enim manet in charitate, in Deo manet per fruitionem, et Deus in eo per comprehensionem, et claram visionem: res enim amata dicitur esse in amante per cognitionem et affectum. Tu. ꝑ. Adamavit.

LECTIO 9.

Commemoratio Beatæ Virginis Panormitanæ de Victoria.

Octav. Caj. de effig. siculis.

Cum anno Domini millesimo septuagesimo primo, Panormum obsiderent ab occasu Robertus, et Rogerius à meridie, Deiparæ nomen, opemque implorarunt, et exauditas preces eventus statim comprobavit, nam eodem tempore in urbem ingressi sunt, Robertus portâ ferreâ, et Rogerius augustâ, cui tunc à Victoriâ nomen est. Firmâ famâ circumfertur Rogerio se videndam obtulisse exercituum Reginam, quæ vexillum manu proferens animos faciebat, aditumque in urbem præstabat. In eo loco templum ædificatum est, et Imago Sanctissimæ Deiparæ vexillum manu gestantis in beneficii memoriam. Tu.

Te Matrem.

CANON.

Ex Synodo Jerosolymitanâ.

A Dositheo an. 1672. habitd.—

Bened. XI V. etc. Fest. B. V.

c. 8. n. 17.

554. Ipsa est proculdubio Virgo Sanctissima, quæ magnum in terrâ signum cum extilerit, eo quòd Deum in carne genuit, et post partum integerrima Virgo permansit, rectè etiâ signum esse dicitur in cælo, eo quòd ipsa cum corpore assumpta est in cælum. Tu.

Vesperæ ut in die Assum. Psalmi de ferid.

DIE XXI. AUG.

SEPT. DOTUM BEATITUD.

B. Mariæ V.

Duplex majus.

Omuia ut in die Assumptionis.

Oratio.

Omnipotens sempiterne Deus, qui Unigeniti tui sacratissimam Matrem æternæ beatitudinis gloriâ munerasti: concede propitius, ut qui cælestes ejus Dotes commemoramus in terris, eadem intercedente, ipsis perfrui mereamur in cælis. Per eundem Dominum.

IN I. NOCT.

De Epistolâ primâ Beati Pauli Ap. ad Corinthios.

LECTIO 1. *c. 15. 35.*

Sed dicet aliquis: quomodò resurgunt mortui? qualive corpore venient? Insipiens, tu quod seminas, non vivificatur, nisi prius moriatur. Et quod seminas, non corpus, quod futurum est, seminas, sed nudum granum, ut puta tritici, aut alicujus cæterorum. Deus autem dat illi corpus sicut vult, et unicuique seminum proprium corpus. Non omnis caro, eadem caro: sed alia quidem hominum, alia

verò pecorum, alia volucrum, alia autem piscium. Tu. ¶.

LECTIO 2.

Et corpora terrestria, et corpora cœlestia: sed alia quidem cœlestium gloria, alia autem terrestrium: alia claritas lunæ, et alia claritas stellarum. Stella enim à stellâ differt in claritate: sic et resurrectio mortuorum. Seminatur in corruptione, surget in incorruptione: seminatur in ignobilitate, surget in gloriâ: seminatur in infirmitate, surget in virtute: seminatur corpus animale, surget corpus spiritale. Tu. ¶.

LECTIO 3.

Si est corpus animale, est et spirituale, sicut scriptum est, factus est primus homo Adam in animam viventem, novissimus Adam in spiritum vivificantem. Sed non prius, quod spirale est, sed quod animale: deindè quod spiritale. Primus homo de terrâ terrenus: secundus homo de cœlo cœlestis: qualis terrenus, tales et terreni: et qualis cœlestis, tales et cœlestes. Igitur sicut portavimus imaginem terreni, portemus et imaginem cœlestis. Tu. ¶.

IN II. NOCT.

Ex Verbis S. Bonaventuræ Ep. in Speculo Beatæ Virginis. c. 6.

LECTIO 4.

Gratia Beatitudinis MARIE consistit in septem dotibus corporis et animæ. Quodlibet enim corpus glorificatum habet quatuor dotes gloriosas, videlicet dotem miræ claritatis, dotem miræ subtilitatis, dotem miræ agilitatis, et dotem miræ impassibilitatis. Et si omnium beatorum corpora his quatuor dotibus Deus glorificavit, quantò magis corpus istud, quod glorificatorem omnium genuit? Tu. ¶.

LECTIO 5.

Quid mirum, si dote claritatis clarissima sit in cœlo, quæ dono sanctificatis tam clarissima fuit in mundo? Quid mirum, si dote subtilitatis subtilissima sit in cœlo, quæ dono humilitatis tam subtilissima fuit in mundo? Item, quid mirum si dote agilitatis velocissima sit in cœlo, quæ dono pietatis tam velocissima fuit in mundo? Item quid mirum, si dote impassibilitatis impassibilis sit in cœlo, quæ dono patientiæ et æquanimitatis tam impassibilissima fuit in mundo, ut ipsa nec minimum impatientiæ, vel odii vulnus sentiret, cum suam ipsius animam doloris gladius pertransivit? Tu. ¶.

LECTIO 6.

Cæterum si tanta est gloria gloriosissimi Corporis MARIE, quanta putas est gloria suæ beatissimæ animæ? Quòd licet certè beata anima tres habeat dotes, ipsam beatificantes, videlicet, dotem miræ cognitionis, miræ dilectionis, et miræ fruitionis, vel secundum modernos quosdam, dotem visionis, fruitionis, et lentionis: quocumque autem modo dotes animæ accipiuntur, certum est, quòd dotes animæ MARIE omnium animarum dotibus præferantur. Nam si omnes animæ his dotibus beatificantur in cœlo, quantò magis anima ejus, quæ omnium animarum beatificatorem genuit in mundo? Tu. ¶.

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam castellum, et mulier quædam, Mar'ha nomine, excepit illum in domum suam. Et reliqua.

Homilia S. Bernardini Senensis.

Serm. de Assumpt. B. V. a. 1. c. 1.
Gloriosa Virgo et Mater in animâ

simul et corpore glorificata in cœlis assumpta est, et ad Filii dexteram collocata. Dignè igitur de illâ intelligi potest, illud: Mulier gratiosa inveniet gloriam, scilicet tam in animâ quàm in corpore glorioso. Meritòque ergò dicitur: amicta sole, quia gloriosa est in quadruplici dote designata in sole: habet enim sol primò claritatem, seu luciditatem: secundò subtilitatem: tertio impassibilitatem: quarto agilitatem. Et has quatuor dotes tanquàm sol habet Beata Virgo in suo corpore glorioso. Tu. *¶*

Benedic. Cujus Beatitudinem.

LECTIO 8.

Advertendum est autem, quòd secundum Dionysium ad Dioscorum: Beatitudo non erit corporum, sed ab animabus redundat in corpora: fit autem hoc modo. Primò enim intellectui propter meritum fidei datur visio Dei ineffabilis veritatis. Secundò verò propter meritum spei memoriæ dabitur tentio, seu possessio in patriâ inamissibilis dignitatis. Tertio autem voluntati propter meritum vialicæ charitatis dabitur dilectio, seu fruitio in spiritu, scilicet infastidibilis bonitatis. Quarto quia ex divinâ visione, fruitione atque possessione Spiritus agilis et promptus erit ad tendendum in Dominum; ideò in suo corpore glorioso summam agilitatem et promptitudinem præstabit. Et hæc est gloria singulorum et omnium beatorum. Tu. *¶* Adamavit.

LECTIO 9.

His igitur declaratis, diligentèr pensandum est, quòd fides Virginis benedictæ tantæ fuit luciditatis, et spes tantæ fuit stabilitatis, et charitas tantæ fuit immensitatis, quod superat omnem fidem, omnem spem, et omnem charitatem totius naturæ rationalis simul sumptæ.

Considera, quòd fuit Mater Dei, ad quam maternitatem pertingere minimè possent propter suam fidem, spem, et charitatem omnes creaturæ rationales simul sumptæ, etiamsi uni tantummodò creaturæ illas communicaret. Sed quanta fuit perfectio prædictarum virtutum in Virgine gloriosâ, et quantum est præmium earundem in cœlo, tantumper redundantiam gloriæ animæ in Virginis gloriosum corpus apparet in prædictis dotibus gloriosum. Tu. Te Matrem.

CANON.

Ex D. Augustino Episcopo.

De Assumpt. B. V. apud D. Bonav. Spec. 5.

555. MARIE anima claritate fruitur Christi, et gloriosis ejus amplexibus semper præsens, semper conspiciens, semper videre sitiens incestimabiliter pascitur. Tu.

Vesperæ sequentis ut in 1. Vesp. Assumptionis.

DIE XXII. AUG.

OCTAVA ASSUMPTION. B. V. M.

Duplex majus.

AD MATUTIN.

HIMNUS 309. *S. Petr. Dam.*

Aurora velut fulgida
Ad cœli meat culmina:
Ut sol MARIA splendida,
Tanquàm luna pulcherrima.
Regina mundi hodiè
Thronum conscendit gloriæ,
Illum innixa Filium,
Qui est ante Luciferum.

Assumpta super angelos,
Excedit et Archangelos:
Cuncta sanctorum merita
Transcendit una femina.

Quem foverat in gremio.
Locarat in præsepio,
Nunc regem super omnia
Patris vidit in gloriâ.

Pro nobis, Virgo virginum,
Tuum deposce Filium:
Per quem nostra suscepit,
Ut sua nobis præbeat.

Sit tibi laus, Altissime,
Qui natus es ex Virgine;
Sit honor ineffabili
Patri, Sanctoque Flamini. Am.
Lect. 1. Noct. ut in die Assumpt.

IN II. NOCT.

Ex Benedicto XIV. Pontifice
maximo.

In festis B. V. M. c. 8. n. 27.

LECTIO 4.

Præclarissimæ hujus celebritatis
Assumptionis Beatæ Dei Genitricis
octavum diem, quæ minimè Romæ
celebrabatur, vigiliis sacris, matu-
tinisque cum omni clero pernoctans
laudibus in Basilicâ ejusdem sem-
per Virginis Dominæ nostræ, quæ
foris muros juxta Basilicam Sancti
Laurentii Martyris sita est, Summus
Pontifex Leo quartus prius omnium
celebrari præcepit anno octin-
gesimo quadragesimo septimo.
Tu. ¶.

LECTIO 5.

Hujus autem festivitatis octavæ in-
stitutionis causa hæc fuit: cum ini-
tio Pontificatus Leonis basiliscus
propè Ecclesiam Sanctæ Lucie in
Orphea pestilenti anhelitu suo om-
nes necaret, quotquot ad ejus lati-
bulum accederent, Pontifex ipso
assumptionis Beatæ MARIE festo
die, præeunte sanctissimæ Dei Ge-
nitricis imagine cum Cleri sui co-
mitatu ad illud accessit latibulum,
ut feræ virtutem dissiparet. Tu. ¶.

LECTIO 6.

Cum verò ad illud pervenissent, et
jusisset Pontifex populum, qui eum
sequebatur consistere, Deum obse-
ravit, ut ab illâ peste populum
liberaret, votique compos factus
est: ab eodem enim die ipse mor-

tifer basiliscus ita effugatus, et ab
ipsis projectus est antris, ut ultra
in illis locis nulla læsionis ejus ma-
cula appareret. Tu. ¶.

IN III. NOCT.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in
quoddam castellum, et mulier quæ-
dam, Martha nomine, excepit illum
in domum suam. Et reliqua.

Homilia S. Bernardi Abbatis.

Serm. 2. in Assumpt.

Quid introisse eum dicimus in Ca-
stellum? Etiâ in augustissimum
virginalis uteri diversorium introi-
vit. Deniquè et mulier quædam
excepit illum in domum suam. Fe-
lix mulier, cujus domus, Salvatore
suscepto, inventa est munda qui-
dem, sed planè non vacua. Quis
enim vacuum dixerit, quam salu-
tat Angelus gratiâ plena? Neque
hoc solum, sed adhuc quoquè in
eam superventurum asserit Spiri-
tum Sanctum. Tu. ¶. Paululum.

LECTIO 8.

Ad quid putas, nisi ut etiâ super-
impleat eam? Ad quid nisi, ut ad-
veniente jam Spiritu plena, sibi
eodem superveniente, nobis quoquè
superplena, et superfluens fiat?
Utinàm fluant in nos aroma: illa,
charismata scilicèt gratiarum, ut
de plenitudine tantâ omnes accipia-
mus. Ipsa nempe mediatrix nostra.
Ipsa est, per quam suscepimus mi-
sericordiam tuam, Deus. Ipsa per
quam et nos Dominum JESUM in
domos nostras excipimus. Et nobis
enim singulis castra sunt singula,
et singulæ domus, et sapientia pul-
sat ad ostia singulorum. Tu.

¶. Adamavit.

LECTIO 9.

Commem. Sanctæ MARIE Angelo-
rum et Martyrum.

Rapud Balingh. die 23. Mart.
Romæ die decimâ quintâ Augusti sub Julio tertio, Thærmæ diocletianæ per Episcopum Sebastenum in honorem Sanctissimæ MARIE, et septem Angelorum et martyrum sunt dicatæ. Duæ aræ ibidem sunt erectæ, et sacra quotidie celebrari cœpta. Templum porro istud Deiparæ, tum spatii magnitudine, tum structuræ immensitate, tum insigni formâ, ac perfectæ crucis figurâ, est in primis admirabile, ac præclarum, altissimis fornicibus, ac ingenti luminis claritate jucundum, deniquè multorum millium martyrum sudore, qui in hac ingenti mole construendâ, more servorum laborare cogebantur, sanctum, ac venerabile, ac præcipuè Deiparæ memoriâ inclitum, et celebre. Tu. Te Matrem.

CANON.

Ex Synodo Jerosolymitanâ à Doritheo anno 1672. habita Bened. XIV. de fest. B. V. c. 8. n. 17.

556. Quamvis conclusum in sepulchro fuerit immaculatum Corporis «Sancæ Virginis» Tabernaculum, in cœlum tamen, uti Christus fuerat assumptus, tertio et ipso die in cœlum migravit. Tu.

Cum 2. vesper.

DIE XXIII. AUG.

SS. TUNICARUM B. M. V.

Duplex.

Lect. 1. Noct. de fer. occur.

IN II. NOCT.

Sermo S. Simeonis Metaphrastres. Apud Surium.

LECTIO 4.

Anno quadringentesimo sexagesimo Galbuis et Candidus fratres, sub Leone Magno Imperatore, curam gerentes exercitûs, cum ad sacra loca quæ sunt Jerosolymis invisen-

da profecti fuissent apud quamdam anum Hebræam excipiuntur hospitio, eos sic divinâ gratiâ ducente. Cum eos ante tempus vocaret ad cœnam, ubi accubuissent, vident interiùs aliam domunculam, quæ multò quidem lucernarum lumine illustrabatur, multis verò suffitibus et unguentis suave spirabat: in eâ autem solum magnam multitudinem ægrotorum. Apud anum viri illi precibus egerunt, ut eis id significare non recusaret, quænam essent ea quæ fiebant domo interiùs. Illa autem veritatem celabat, et dicebat se nihil scire, nisi quòd locus esset divinâ gratiâ plenus. Tu. ¶.

LECTIO 5.

Illi verò hoc mulieris responso evadunt avidiores inveniendi ejus quod quærebant, et omnem movebant lapidem, ut mulier eis id quod tacuerat, in apertum proferret, quin etiâ jurisjurandi necessitatem adhibebant. Cum sic eam omni ex parte adstrinxissent, vix tandem persuadent, ut eis rem aperiat: Cum itaque ex alto, et lacrymis suspirasset, et in terram fixisset oculos, perindè ac si eam puderet enuntiare: O viri, inquit, nunquàm hoc mysterium viro evasit manifestum. Quæ enim ex genere meo me præcesserunt, jurejurando adhibito, uni mulieri, eique virgini, ita tradiderunt, ut singulis ætalibus ea res sic traderetur. Sed quoniam video vos esse viros pios, et quia non alia superest post me Virgo, cujus fidei à me possit crediti cognitio mysterii, rem modò vobis aperiam. Tu. ¶.

LECTIO 6.

MARIE illius Deiparæ (hoc enim est nobis ab alto traditum) hic custodita sita est vestis. Etenim Deipara vitam finiens duabus muli-

eribus virginibus suas vestes donavit loco benedictionis. Ex quibus una fuit ex mei generis maioribus, quæ id accepit, et in arcâ deposuit: et omnino iussit iis qui erant sui generis, ut esset virgo unaquæque, quæ eam acciperet. Cum hæcaudissent, obstupuerunt viri illi, et totam noctem eo in loco perseverarunt in oratione. Et cum ægrotantes vidissent somno oppressos, metiuntur arcam, et ejus speciem et habitudinem accuratè considerant. Deindè manè egressi versus Jerosolymam iter inierunt. Statim illuc perventi, arcam secretò formâ et figurâ et magnitudine illius quam viderant, construere jubent, et iterum redeunt in viam Hebrææ, et totam noctem in sacro habitaculo transigentes, novam arcam in loco illius, quæ asservabat thesaurum apponunt, et summo manè profecti, Constantinopoli sacram vestem in Blachernis deponere. Tu.

Homilia de Comm. pro Duplic.

LECTIO 9.

Commemoratio Beatæ Virginis in Viâ.

Baling. de 7. Decemb.

Romæ versus sequisæculum decimum tertium, cum Imago quædam in tabulâ, depicta in tegulâ, per imprudentiam dejecta esset in puteum, qui quidem ad equorum stabulum, ac prope viam publicam, undè templum postea denominatum est, situs erat in ædibus Cardinalis Capocii; Nocte porrò quædam exundantibus putei aquis, et equile ipsum inundantibus, equorum strepitu exciti famuli, eam Imaginem aquis super natantem, licet ex se gravem, conspexere. Mox Cardinalem docent, qui magnâ pietate primum domi suæ imaginem reposuit, mox Innocentii Quarti jussu ædiculam ædificavit, in quâ imago

est collocata, et tandem Patres Servitæ eam in ampliorem formam extruxere. Puteus verò ille intra templum concluditur. Eâ ex aquâ ægroti potissimum bibunt; vocatur autem templum Sanctæ MARLÆ in Viâ. Tu. Te Matrem.

Vesperæ de sequenti.

DIE XXIV. AUG.

SS. RELIQUIARUM B. M. V.

Duplex majus.

Oratio.

Præsta, quæsumus, omnipotens Deus, ut qui sanctissimas Genitricis tuæ Reliquias veneramur in terris, ipsâ interveniente, æternis gaudiis perfruamur in cœlis. Qui vivis.

Lect. 1. Noct. de Comm.

IN II. NOCT.

LECTIO 4.

Spinelli de Deipar. c. 29. p. 399. Reliquiæ sanctissimæ Virginis diversis in locis et urbibus in Ecclesiâ honorificentissimè et religiosissimè conservantur, iisque quàm plures, et augustissimæ extructæ sunt Basilicæ. Quamvis enim Deipara et animâ et corpore in cœlum assumpta ad Filii dexteram beatissimo ævo perfruitur; pretiosissimus lamen Reliquiarum ejus thesaurus, sacratissimi nempè lactis, pilliorum, vestium, aliarumque rerum quibus, dum in terris ageret, utebatur, ad nostrum solatium ac præsidium divino consilio relictus fuit, et fidelium pietate servatus, quasi per manus ad posteros transmissus. Tu. ¶.

LECTIO 5.

Ex sacratissimis ejus capillis, quos flavos fuisse Nicephorus affirmat, pars aliqua asservatur Romæ præsertim, Oveti in Hispaniâ, Aquisgrani in Germania, aliisque etiâ

in locis. Ex virgineo ejus lacte aliquid diversis pariter in locis asservatur, nominatim verò Asissi, Toleli, Oveti et Parissis. Ejus vestis pars aliqua habetur Romæ, Forolivi in Æmilia, Oveti, et Lutetiæ in cathædrali Templo. Verum celeberrima sanè est Deiparæ vestis, quæ Leone primo Imperatore Constantinopoli delata est, et in Blanchernis collocata scribitur. Ex Zonâ Roinæ in Sanctâ Mariâ majore in marmoreo ferculo asservatur. Brugenses, Aquisgranenses, et Attrebatenses ex eâ quoquè possidere gloriantur. Constantinopoli templum Pulcheria Sanctissimæ Zonæ extruxit, in calcoprotejo magnificum. Subuculæ duæ extant, altera Aquisgrani, à Carolo Magno ibi reposita: altera verò Carnuli ex Caroli calvi munere asservatur. Tu. 7.

LECTIO 6.

Ex Deiparæ autem velo Asissium, Treveris et Atrebatum habere se aliquid profitentur. De vittâ ejus Brugenses habent ex munere cujusdam Episcopi Lyriæ. Chirotheca cum ejusdem capillis à transmarinis partibus Audomarpolim in Beati Berlini monasterium delata est. Soccus Suessione reconditur. Annuli ejus tribus in ldcis asservantur: unus Perusii in summo templo: alter in Burgundiâ Semi-maiensi apud Mandubios: tertius in monasterio Aquicinctino, formâ exiguâ in pallâ ornatus. De Mantica seu perulæ viatoriae inventione recolebatur festum apud Cluniacenses. Fasciæ sepulcrales à Jerusalemis Constantinopolim ad Pulcheriam missæ fuere. Domus Virginis à Nazareth Lauretum in Piceno fuit translata. Ex lectulo extat aliquid Romæ in Sanctâ MARIA majore. Pectem cum ejusdem peplo, seu velo Treveris conserva-

tur. Fusus à Pulcheriâ Augustâ in secundo templo à se Deiparæ excitato repositus fuit. Glomus, qui in advaticis in Brabantia oppido Huo, quod est prope Mosem, filo sacris ejusdem Genitricis manibus deducto pressoque inclitus servari dicitur. Sepulchrum in valle Josaphat à Baronio et aliis esse affirmatur. Tu. 7.

Homilia de Comm. pro Duplicib. majoribus.

LECTIO 9.

Commemoratio B. V. Nivellensis à Consiliis.

Gumpenb. alias mar. 195.

Extra Nivellam ab antiquo celebris fuit memoriâ, et magno accursu populi insignis Nostra Domina à Consiliis nuncupata. Sacellum vetustate suâ corruit; sed anno millesimo sexcentesimo vigesimo quinto iterum nobiliter surrexit Gerardi Comitissæ Grimbergensis sumptibus. Hic consilia petuntur, et inveniuntur nempè in Matre, quæ magni Consilii angelum peperit. Ad eam veniendum est, cum in augustiis versamur, tanquàm ad fontem felicitum consiliorum. Tu. Te Matrem.

Cum 2. Vesper.

DIE XXV. AUG.

TRIUM AUREOLARUM B. M. V.

Duplex.

Oratio.

Præsta, quæsumus, omnipotens Deus, ut qui triplicem Aureolam Beatissimæ Virginis MARIE veneramur, et fidei Martyrum, et puritatis Virginum, et sapientiæ Doctorum, ipsâ intercedente, participes efficiamur. Per Dominum.

Lect. 1. Noct. de ferid.

IN II. NOCT.

Ex verbis B. Alberti Magni Ep. *Super Miss. q. 78. et 79.*

LECTIO 4.

In Beatâ Virgine MARIA fuit Aureola martyrum. Superiores ordines habent proprietates inferiorum cum excellentiâ: sed beatissima Virgo omnium ordinum fuit suprema: ergo habuit aureolam martyrum, quam habent inferiores. Item hæc à nullo illustrium vincitur: sed vinceretur ab aliis, si non haberet aureolam martyrum: ergo habet aureolam martyrum. Item ipsa beata Virgo et super naturam donorum digna effecta, dolores partus quos effugit pariens, illos tempore passionis sustinuit. Ex maternâ compassione viscerum lacerum reparturiens: et quem Deum per natiuitatem agnovit, illum ut maleficum interfectum videns, tanquam gladio cogitationibus decerpitur. Et hoc est: tuam ipsius animam pertransibit gladius. Ex auctoritate patet multipliciter, quod beatissima Virgo gratiam habuit Martyrii, et Aureolam martyrum. Tu.

¶. Positus est hic Filius tuus in signum cui contradicetur: * Et tuam ipsius animam doloris gladius pertransibit, allel. allel. ¶. Tuam ergo animam pertransiuit vis doloris, ut plusquam Martyrem non immerito prædicemus.—Et tuam.

LECTIO 5.

In beatissimâ Virgine fuit etiam Aureola Prædicatorum. Plus est prædicare facto, quam verbo. Beatissima autem Virgo principaliter prædicauit facto: improporcionabiliter autem perfectius est factum, quam verbum: ergo improporcionabiliter perfectius prædicabat Beata Virgo, quam alii: ergo perfectiorem habet Aureolam. Item doctrina prudentium facilis est, sed Beatissima Virgo brevissimè et lucidissimè omnia prædicabilia uno verbo prædicauit, quando dixit in

nuptiis ad ministros, per quos figurantur prædicatores: quæcumque Filius Dei dixerit, facite: qui enim fecerit quæcumque vobis dixerit, omnia prædicabilia implebit. Et ita Beatissima Virgo uno verbo prædicauit omnia prædicabilia in tali dicto. Tu.

¶. Concupiscite ergo sermones meos, diligite illos, et habebitis disciplinam, ut non excidatis: * Quia venit super me Spiritus Sapientiæ et Intellectus, allel. allel. ¶. Doctrina enim est disciplina Dei, et electrix operum illius.—Quia.

LECTIO 6.

Habuit quoque Aureolam Virginum. Beatissima Virgo enim dicitur Virgo Virginum, et huiusmodi modo loquendi dicitur, vel nominatur excellentia; ut rosa florum, id est, dignissimus inter flores: vel origo excellentiæ, ut Maria Jacobi, id est, Mater Jacobi. Si igitur dicitur MARIA Virgo Virginum, id est excellentissima inter Virgines, ergo quidquid debetur aliis Virginibus, debetur ei excellentius. Si autem dicitur Virgo Virginum per originem, tum ipsa est Mater Virginum virginitate, et sic erit Mater Virginitatis: ergo Beatissima Virgo improporcionabiliter essentialius se habet ad Virginitatem, quam aliæ Virgines: ergo improporcionabiliter perfectius habebit aureolam super alias Virgines. Tu.

¶. Virginitas felix, quæ partu es digna Tonantis: * Quæ meruit Dominum progenerare suum. allel. allel. ¶. Quæ Dominum peperit, clausa MARIA manet.—Quæ meruit.—Gloria—Quæ meruit.

IN III. NOCT.

Lectio Sancti Evangelii secundum Joannem.

LECTIO 7. c. 17. 1.

In illo tempore: Subleuatis JESUS

oculis in cœlum, dixit: Pater, venit hora: clarifica Filium tuum, ut Filius tuus clarificet te. Et reliqua.

Homilia S. Augustini Episcopi.

In Opusc. de Assumpt. inter ejus oper.

Non pro his autem rogo, sed pro his qui credituri sunt per verbum eorum in me, ut omnes unum sint, sicut et tu Pater in me, et ego in te: hoc est, ut ipsi sint per gratiam, quod nos sumus per divinitatem. Hæc quippè gratiæ unitas, quæ cunctis in Christum credentibus servatur, MARLÆ etiã minùs sapientium æstimatione non tollitur, quantò magis cum gratiæ unitate ipsa specialitas naturæ unum efficit Matrem et Filium, et Filium et Matrem? Videndum est etiã, quòd de his quos secum per gratiam unum esse voluit, consequentèr adjunxit, ait enim: Pater, quos dedisti mihi, volo, ut ubi ego sum, et illi sint mecum, ut videant claritatem, quam dedisti mihi. Tu. ¶.

Bened. Cujus Aureolas.

LECTIO 8.

O magnam, et inæstimabilem bonitatem Dei, qui habere secum suos in gloriã vult, ut suã claritate fruantur, qui hic suã fide junctum unum cum eis esse digni judicantur! Si igitur eos secum habere vult, et hoc potest, quid æstimandum de Matre, ubi digna sit haberi, nisi in præsentia Filii? Tu. ¶.

LECTIO 9.

Quantum igitur contueor, quantum intelligo, quantum credo, MARLÆ anima claritate fruitur Christi, et gloriosis conspectibus eum semper videre sitiens, et semper conspiciens, dum inæstimabiliter pascitur, excellentiori quãdam, specialique prærogativã à Filio honoratur, poscens in Christo corpus suum,

quod genuit, et clarificatum in dexterã Patris, et si non suum per quod genuit, tamèn suum quod genuit. Et quare non suum per quod genuit? Si enim non obviaverit necdum perfecta auctoritas, verè credo, et per quod genuit, quia tanta sanctificatio dignior cœlo est, quàm terrã, quoniã thronus Dei talis, Dei domus, atque tabernaculum Christi, digna est ibi esse, ubi ipse. Tu. Te Matrem.

Vesperæ sequentis.

DIE XXVI. AUG.

SOLEMNITAS SS. CORDIS.

B. MARLÆ V.

Dupl. 1. Class.

IN I. VESP.

Ant. 1. Venite hodiè ad Sanctuarium Domini, ad sacrosanctum Cor Virginis MARLÆ, quod sanctificavit Deus in æternum, allel.

Psalmi de solemnitatib.

2. In Corde purissimo Beatæ MARLÆ Virginis Deus Pater regnum dilectionis suæ constituit, allel.

3. Ibi solummodò magnificus est Dominus, locus fluviorum, rivi latissimi et patentes, allel.

4. Fons patens Domui Jacob, de cujus plenitudine nos omnes accipimus, allel.

5. Si quis sitit, veniat ad Cor MARLÆ, et bibat, allel.

CAPITULUM. Eccle. 24. 26.
Transite ad me omnes, qui concupiscitis me, et à generationibus meis implemini: Spiritus enim meus super mel dulcis, et hæreditas mea super mel, et favum.

¶. Beati mundo corde, quoniã ipsi Deum videbunt: * Qui enim diligit cordis munditiam, habebit amicum regem, allel. allel. ¶. Beata Mater et intacta Virgo, quæ propter puritatem Cordis tui invenisti gra-

tiam apud Deum. - Qui. - Glor. - Beati.

HYMNUS. 310

JESU MARIE gloria
Præclara Cordis Virginis,
Cor intonat præconia,
Nostri adeslo canticis.

Miranda Matris viscera,
Miranda sunt et ubera:
Regale sed Cor omnibus
Miraculis præstantius.

Quem sacra paucis mensibus
Portavit alvus parvulum,
Hunc Cor prius sacratius
Sempèrque gestat maximum.

Ave Cor admirabile
Amore JESU flammeum!
Te sentiant amabile,
Qui te colunt Rex cordium.

JESU tibi sit gloria,
Qui in Corde regnas Virginis,
Cum Patre et almo Spiritu
In sempiterna sæcula. Amen.

Hæc Doxol. dicitur hæc die.

†. Exultabit Cor meum in Domino, allel.

‡. Cantabo Domino, qui bona tribuit mihi, allel.

Ad Magnif. ant. Factus est in Corde meo ignis exæstans, et defeci ferre non sustinens ardorem charitatis, quæ diffusa est in Corde meo per Spiritum Sanctum, allel. allel.

Oratio ut in Laudib.

Completor. de Dominicâ.

AD MATUTIN.

Invitator. Cor MARIE flagrans amore Dei, * Inflammata cor nostrum amore tui.

HYMNUS. 311.

Corde quid isto sanctius?
Thesaurus orbis, omnia
Collata JESU cœlitus
Servans Dei Mystera.

Cor sanctitatis formula,
Cordis fidelis regula:
Dignum Dei Sacrarium,
Cubile JESU floridum.

Te candidata lilia,
Nardus, rosæque fulciant:

Te mala cœli dulcia
Amore languens ambiunt.

Sydus micans amantium,
Sol esto, duxque mentibus:
Fornax amoris omnium
Accende flammæ cordibus.

JESU, tibi sit gloria
Qui in Corde regnas Virginis,
Cum Patre et almo Spiritu
In sempiterna sæcula. Amen.

IN I. NOCT.

Ant. 1. Benedicta tu, Virgo sacrata, propter humilitatem Cordis sancti tui, allel.

Psalm. 1. Beatus Virg. p. 2.

2. In Corde tuo absconde nos, Mater Dei: protegat nos sempèr dextera tua, allel.

Psalm. 8. Domina, Dominus. p. 4.

3. Turris fortitudinis Cor tuum, Domina à facie eorum, qui nos persequuntur, allel.

Psalm. 10. In Domina. p. 4.

†. Paratum Cor meum, Deus, allel.

‡. Ut faciam voluntatem tuam, allel.

De Canticis Canticorum.

LECTIO 1. c. 4. 1.

Quàm pulchra es, amica mea, quàm pulchra es! Oculi tui columbarum absque eo quod intrinsecus latet... Tota pulchra es, amica mea, et macula non est in te. Veni de Libano, sponsa mea, veni de Libano, veni: coronaberis de capite Amana, de vertice Senir, et Hermon, de cubilibus leonum, de montibus pardorum. Vulnerasti cor meum in uno oculorum tuorum, et in uno crine colli tui. Tu.

‡ Hortus conclusus, soror mea, hortus conclusus, fons signatus: * Absque eo, quod intrinsecus latet in Corde suo, allel. allel. †. Fons hortorum, puteus aquarum viven-

tium, que fluunt impetu de Libano.
—Absque.

LECTIO 2. c. 3. 1.

Veniat dilectus meus in hortum suum, et comedat fructum poporum suorum. Veni in hortum meum, Soror mea, Sponsa: messui myrrham meam cum aromatibus meis. Comedi favum cum melle meo: bibi vinum cum lacte meo: comedite, amici, et bibite, et inebriamini, carissimi. Ego dormio, et Cor meum vigilat. Tu.

¶ En dilectus meus loquitur mihi: * Surge, propera, dilecta cordis mei, et veni, allel. allel. ¶ Ego dormio, dilecte mi, et Cor meum vigilat.—Surge.

LECTIO 3. c. 8. 6.

Pone me, ut signaculum super Cor tuum, ut signaculum super brachium tuum, quia fortis est, ut mors dilectio; dura sicut infernus æmulatio. Lampades ejus, lampades ignis, atque flammarum. Aquæ multæ non potuerunt extinguere charitatem, nec flumina obruent illam. Tu.

¶ Introduxit me rex in cellam vinariam, et ordinavit in me charitatem. * Fulcite me floribus, et stipate malis, quia amore langueo, allel. allel. ¶ Factus est in Corde meo ignis exæstuans, et defeci ferre non sustinens.—Fulcite.—Glor.—Introd.

IN II. NOCT.

Ant. 1. Omni custodia Virgo Sacrata servavit Cor suum Domino, allel.

Psalm. 17. Diligam te, Domina. p. 20.

2. Delectata est in Domino, et dedit illi petitiones Cordis ejus, allel.

Psalm. 27. Ad te Domina. p. 21.

3. De bono thesauro Cordis sui

profert nobis Virgo omnia bona, allel.

Psalm. 65. Jubilate Dom. p. 35. ¶ Inebriabimur, Domina, ab ubertate Cordis tui, allel.

¶ Et torrente voluaptatis tuæ potabis nos, allel.

Sermo S. Bernardini Senensis.

Serm. 9. de Visit.

LECTIO 4.

Quibus verbis ego homunculus sensus altissimos Virginei Cordis sanctissimo ore prolatus efferam, quibus non sufficit lingua omnium hominum, et etiã angelorum. Dominus enim ait: bonus homo de bono thesauro cordis sui profert bona. Quis autem inter puros homines melior potest excogitari, quàm illa quæ mernit effici Mater Dei, quæ in Corde et in utero suo ipsum Deum hospitata est? Quis thesaurus melior, quàm ipse divinus amor, quo fornaceum Cor virginis ardens erat? Tu.

¶ Cor meum inflammatum est, et renes mei commutati sunt: concaluit Cor meum intra me, * Quia fortis est, ut mors, delectio, allel. allel. ¶ Si dederit homo omnem substantiam domus suæ pro dilectione, quasi nihil despiciet eam.—Quia.

LECTIO 5.

De hoc igitur Corde, quasi de fornace divini ardoris protulit verba bona, id est, verba ardentissimæ charitatis. Sicut enim à vase summo et optimo vino pleno, non potest exire nisi optimum vinum: aut sicut è fornace summi ardoris non egreditur nisi incendium servens: sic de Corde Matris Christi exire non potuit verbum nisi summi summæque divini amoris et ardoris. Sapientis Dominae est pauca verba; solida tamen atque sententiosa habere. Tu.

¶ Os meum patet ad vos: Cor meum dilatatum est: * Non ad condemnationem vestram dico, quòd in Corde meo estis ad convivendum, et ad commoriendum, allel. allel. † Ex abundantia Cordis os loquitur: bonus enim homo profert de thesauro cordis sui bona.—Non.

LECTIO 6.

Septem ejus verba secundum septem amoris processus et actus sub miro gradu et ordine prolata sunt, quasi septem flammæ fornacei Cordis ejus. Quæ verba considerans et ruminans mens devota cum ipso Propheta ait: Quàm dulcia faucibus meis, id est omnibus affectionibus meis eloquia tua! Porro dulcedo hæc, quam in verbis Beatæ Virginis devota mens sentit, est ardor piæ devotionis, quam in eis anima spiritualiter probat. Dicat ergò mens devota: quàm dulcia faucibus meis eloquia tua! Tu.

¶ Vox turturis audita est in terra nostrâ: sonet vox tua in auribus meis. * Vox enim tua dulcis, et facies tua decora, allel. allel. † Quæ habitas in hortis, amici auscultant: fac me audire vocem tuam.—Vox enim.—Gloria.—Vox turturis.

IN III. NOCT.

Ant. 1. Odor vitæ de illâ progreditur, et omnis salus de Corde illius scaturit, alleluia.

Psalm. 79. Qui regis. p. 37.

2. Spiritus tuus benignus est, et Cor tuum immaculatum benedictionibus plenum, alleluia.

Psalm. 98. Dominus regnavit. p. 42.

3. Tribuat tibi Dominus secundum Cor tuum, et omne consilium tuum confirmet, alleluia.

Psalm. 140. Domina clamavi. p. 51.

† Concaluit Cor meum intra me,

alleluia.

¶ Et in meditatione mea exarscet ignis, alleluia.

Lectio S. Evang. secundum Lucam.

LECTIO 7. c. 2. 15.

In illo tempore: Passiores loquebantur ad invicem: transeamus usque ad Beththeleem. Et reliqua.

Homilia S. Bonaventuræ Ep.

In cap. 2. super Lucam.

Et invenerunt MARIAM et JOSEPH, et Infantem positum in præsepio. Ideò invenerunt, quia sollicitè quæsierunt, et absque fictione. Et nota, quòd invenitur cum MARIA Virgine, et JOSEPH viro justo, et in præsepio: quia eum qui vult Christum invenire, oportet habere munditiam Cordis respectui sui, humilitatem, et reverentiam respectui Dei. In hoc etiam instruimur, si volumus Christum invenire, prius ad MARIAM debemus accedere. De ipsâ enim dicitur: invenisti gratiam apud Deum. Tu.

¶ Probasti Cor meum, et visitasti nocte: * Igne me examinasti, et non inventa est in me iniquitas, allel. allel. † Defecit caro mea, et Cor meum, Deus Cordis mei, et pars mea Deus in æternum.—Igne.

Benedict. Cujus Cor Sacratissimum.

LECTIO 8.

MARIA autem conservabat omnia verba hæc, conferens in Corde suo, tanquàm prudens et discreta, secundum illud: misericordia et veritas te non deserant. Circumda eas gutturi tuo, et describe in tabulis cordis tui. Et in Ecclesiastico: qui ponit eas in corde suo, sapiens erit semper. Unde dicitur de fatuo: Cor fatui quasi vas contractum, et omnem sapientiam non tenebit: Tu.

¶ Cor sapiens Virginis intelligitur in sapientiâ, abstinent se 4

peccatis: * Et in operibus justitiæ successus habuit, allel. allel. †. Ex toto Corde suo quæsit sapientiam, et ex toto Corde dilexit Deum.— Et in.

LECTIO 9.

Unde Cor Virginis fuit arca continens divinorum eloquiorum arcana: et ideo per arcam Moysis designatur, de qua dicitur, quod continebat tabulas legis divinæ. Et quia non solum conservabat, sed etiam intelligebat, ideo additur: Conferens in Corde suo, ita ut possit dicere illud: In corde meo abscondi eloquia tua. Tu.

†. Beati mundo corde, quoniam ipsi Deum videbunt: * Qui enim diligit cordis munditiam habebit amicum regem, allel. allel. †. Beata Mater, et intacta Virgo, quæ propter puritatem Cordis tui invenisti gratiam coram Deo.—Qui.—Gloria.—Beati.

Te Matrem.

AD LAUDES

et per Horas antiphonæ.

1. Donavit Deus * Virgini Cor immaculatum, ut coleret eum corde perfecto, alleluia.

Psalmi de Dominicâ.

2. Elegit eam * Deus, ut sibi in ejus immaculato Corde præpararet habitaculum, allel.

3. In Corde Virginis * MARIE Deus Pater regnum dilectionis suæ constituit, allel.

4. Prius portavit Virgo Deum per fidem in Corde, quam in ventre credens Angelo, allel.

5. Glorificate * Cor Virginis omnes legiones angelorum in æternum, allel.

CAPITULUM. *Eccl. 24. 26.*

Transite ad me omnes, qui concupiscitis me, et à generationibus meis implemini: Spiritus enim meus

super mel dulcis, et hæreditas mea super mel et favum.

HYMNUS 312.

Quid Corde Matris Virginis Coli potest sacratius?

Cordi supremi Numinis

Quid Corde tanto gratius?

Amoris est miraculum,

Triumphus almi Spiritus:

Dignum Deo spectaculum,

Jucunda spes mortalibus.

Levamen est lugentibus,

Zelator ardens mentium:

Cunctis datum fidelibus

Cor, vita, lux, oraculum.

O qualis hæc benignitas!

Nostrum sibi cor abstulit

Matris, Patrisque charitas

Suumque nobis contulit.

JESU tibi sit gloria

Qui in Corde regnas Virginis,

Cum Patre et almo Spiritu

In sempiterna sæcula. Amen.

†. Vernaculus Cordis tui sum ego, allel.

†. Minimus in familiâ tuâ, allel.

Ad Benedict. *ant.* Et descendit cum eis Nazareth, et erat subditus illis: et Mater ejus conservabat omnia verba hæc conferens in Corde suo, alleluia, allel.

Oratio.

Deus, qui Beatæ MARIE semper Virginis Cor Sanctissimum spiritualibus gratiæ donis cumulasti, et ad imaginem divini Cordis Filii tui JESU—Christi charitate, et misericordiâ plenum esse voluisti: concede, ut qui hujus dulcissimi Cordis memoriam agimus, fidei virtutum ipsius imitatione Christum in nobis exprimere valeamus. Qui tecum vivit.

AD PRIMAM.

Ant. Donavit. *Capitul.* Transite, de Laudibus.

†. †. *br.* Quæ mitis et humilis Corde fuisti:

CANON.

Ex D. Bonaventurâ Episcopi.

Spec. B. V. Lect. 14.

557. Verè benedicla MARIA propter gratiam Cordis, propter gratiam donorum in Corde, propter quam Cor ejus fuit deliciosissimum, sicut paradissus Dei. Tu.

AD TERTIAM.

CAPITULUM. *Prov. 23. 15.*

Si sapiens fuerit animus tuus, gaudebit tecum Cor meum, et exultabunt renes mei, cum locuta fuerint recta labia tua.

¶ *br.* Audi, fili mi, et esto sapiens, * Allel. allel.—Audi. ¶ Et gaudebit tecum cor meum. Allel.—Gloria.—Audi.

¶ Nunc ergò, filii, audite me, alleluia.

¶ Beati, qui custodiunt vias meas, allel.

AD SEXTAM.

CAPITULUM. *Cant. 4. 9.*

Vulnerasti cor meum, Soror mea, Sponsa: vulnerasti Cor meum in uno oculorum tuorum, et in uno crine colli tui.

¶ *br.* Cor boni consilii, statue tecum, * Alleluia, alleluia.—Cor. ¶ Ut audiat sapientiam auris tua.—Alleluia.—Gloria.—Cor.

¶ Cor ejus erudiet os tuum, alleluia.

¶ Et labiis tuis addet gratiam, alleluia.

AD NONAM.

CAPITULUM *Eccl. 39. 6.*

Cor suum tradidit ad vigilandum diluculo ad Dominum, qui fecit illam, et in conspectu Altissimi deprecabitur.

¶ *br.* Factum est Cor meum, tanquam cera liquescens, * Allel. allel.—Factum. ¶ In medio ventris mei.—Allel.—Glor.—Factum.

¶ Falcite me floribus, allel.

¶ Quia amore langueo, allel.

IN II. VESP.

Ant. 1. Deus meus volui et legem tuam in medio Cordis mei, alleluia.

Psalmi de solemnitat.

2. Meditatio Cordis mei in conspectu tuo semper, quia toto Corde exquisivi te, Domine, alleluia.

3. Cor meum et caro mea, defecerunt in Deum vivum, alleluia.

4. Desiderium Cordis mei tribuisti mihi secundum verbum tuum, alleluia.

5. Cor tuum fons patens Domui Jacob, et habitantibus Jerusalem, irrigans omnia intima eorum, alleluia.

Capitul.

Transite. et ¶ Beati mundo. ut in

1. Vesp.

HYMNUS 313.

Ave Cor admirabile,
Incomprehensa continens,
Vas Angelis inspectabile,
Cœleste manna proferens.

Cor aula regum Principis,
Cœlumque cœli splendidum,
Templum superni præsulis,
Altare pacis aureum.

Pars nostra, spes et gaudium
Cœtusque nostri gloria,
Amor perennis omnium
Jungat tibi præcordia.

Cordis Patris mirabilem
In corde vitam pingite,
Cordisque Matris nobilem
In mente formam sculpite.

JESU tibi sit gloria,
Qui in Corde regnas Virginis,
Cum Patre et almo Spiritu
In sempiterna sæcula. Amen.

¶ Cor meum et caro mea, allel.

¶ Exultaverunt in Deum vivum, alleluia.

Ad Magnif. ant. Exultavit Cor meum in Domino, et exaltatum est cornu meum in Deo salutari meo,

alleluia, allel. *Oratio de Laudibus.*
Completor. de Dominic.

DIE XXVII. AUG.

SEPTEM EXCELLENTIAR. B. M. V.

Dupl. x.

Oratio.

Presta, quæsumus, omnipotens Deus, ut qui gloriosas Excellentias Beatissimæ Virginis MARIÆ, quas in cælo obtinet, celebramus in terris, ipsius gloriæ participes efficiamur in cælis. Per Dominum.

Lect. 1. Noct. fer. occur.

¶ 1. Undè tuum, Mater, generas Natum atque Parentem? * Hinc prolem, indè Matrem, hoc Deus, illud humus, allel., allel. † Cujus honore sacro Genitrix transcendis Olympum.—Hinc.

¶ 2. Conderis in solio felix Regina superbo. * Cingeris et niveis lactea Virgo choris, allel. allel. † Et super astrigeros erigis ora polos.—Cingeris.

¶ 3. Sic juxta genitum Regem Regina perennem, * Ornata ex partu Mater optima tuo, allel. allel. † Consulibus celsis celsior ipsa sedens.—Ornata.—Gloria.—Ornata.

IN II. NOCT.

Sermo S. Bernardini Senensis.

Sem. in exaltatione B. V. M.

LECTIO 4.

Quanta in paradiso sit gloria Virginis septem Excellentiae seu Dignitates, quibus gloriosa refulget, manifestè ostendunt. Prima dicitur maternitas, secunda charitas, tertia conformitas, quarta tranquillitas, quinta capacitas, sexta unitas, septima largitas nominatur. Prima, Maternitas, quæ maxima excellentia est, quòd Virgo beata sit Mater Dei: majus est enim, quòd ipsa sit Mater Dei, quàm quòd sit Domina creaturarum Dei. Secun-

da Charitas: omnes nempe ordines, et status gloriæ principalitèr distinguuntur secundum superiores, et inferiores rationes divini amoris. Maternus igitur amor incomparabiliter transcendere debet omnes alias rationes amoris in Deum, præter illam quæ est in animâ Christi, quæ scilicet fertur realitèr in Deum, tanquàm in propriam personam. Tu. †.

LECTIO 5.

Tertia autem dignitas, seu Excellentia Conformitas nominatur. Nam anima Christi et Christus in quantum homo transcendit omnem ordinem puræ creaturæ, seu creatæ creaturæ. Gradus autem Matris conformis est ipsi homini Christo, cujus humanatio in tantum transcendit omnem ordinem primæ conditionis, quod est omninò extra et supra omnem integritatem ordinis universi: propterea non potuit ab universo capi; sed dignitas Maternitatis Dei sic operi Incarnationis connexa est, quòd omninò aliter non potuit dari. Quarta Tranquillitas dici potest. Christi enim filialis aspectus ad Matrem singularissimus ac amorosissimus, ac transcendentissimus esse debet, ità quòd totam cælestem curiam simul sumptam præter Matrem non debet aspicere sub tali reverentiâ, nec sub ordine talis aspectus seu amoris. Igitur inexplicabile est sub quantâ altitudine, latitudine, et gloriæ intimitate Dei Filius se ingerit Matri. Et consimilitèr sub quantâ altitudine, latitudine, et intimitate suscipitur ab eadem. Tu. †.

LECTIO 6.

Quinta excellentia est Capacitas. Secundum Dionysium in regno Cælorum omnia inferiorum dona in superioribus in tantâ præexcellen-

tiā sunt, quòd quasi nulla est comparatio, nisi sicut est circumferentia ad suum centrum. Cum ergò beata Virgo supra omnem ordinem sit, in tantum, quòd per se faciat ordinem incommunicabilem, sequitur, quòd super omnes inferiores ordines tam angelorum, quàm hominum simul sumptorum improporcionabiliter est praelata, et quidquid est gloriæ in omni inferiori glorificatā naturā tam angelicā, quàm humanā, multò præexcellens est in Virgine Matre Dei. Sexta Unitas nominatur: quantò enim beati magis uniuntur cum Deo, tantò gloriosiores fiunt in eo. Omnes enim creaturæ simul junctæ non tantum uniuntur Deo, quantum sola Beata Virgo. Septima Largitas dici potest. Duplex enim largitas Beatæ Virgini à Deo donata est: Una gratiæ: altera gloriæ. Tu.

Homil. de com. pro Duplicib.

LECTIO 9.

Comm. B. Virginis Smelcemenensis.

Balingh. die 3 de Maj.

Baduirus cognominatus Pulchro-Barbus Sacellum dictum Deiparæ Smelcemenensis propè insulas excitavit et dotavit, sacellano in eo collocato, qui ibi certis diebus sacrum quâlibet hebdomadâ faceret. Quâ antem occasione id sacellum erexit, habet Historia: cum enim annorum septemdecim spatio incurabilis sanguinis profluvio laborasset, ad quandam Deiparæ Imaginem in arbore collocatam in eodem loco, ubi postmodum sacellum edificavit, multis celebrem miraculis se contulit, à quâ et perfectè curatus est. Inter cætera, quod primum accidit, cæterisque occasionem dedit, est de pastoribus, quorum oves ante dictam imaginem, non minùs quàm ipsi venerabun-

dæ, quotidie genua flectebant. Tu.
Te Matrem.

Vesper. à Capit. sequent.

DIE XXVIII. AUG.

B. V. CINCTURAT. DE CONSOLAT.

Duplex.

Oratio.

Domine JESU—Christe, Pater misericordiarum, et Deus totius consolationis, concede propitius, ut sicut lumbos præcincti purissimam Genitricem tuam sub consolationis, titulo gaudentes veneramur in terris, ita perenni ejusdem consortio perfrui mereamur in celis. Qui viv.

AD MATUTIN.

Invitator. JESUM per MARIAM nos consolantem, * Venite adoremus, alleluia, alleluia.

Lectio 1. Noct. de serid.

IN II. NOCT.

Sermo S. Bernardini Senensis.

Serm. de Nom. Mar.

LECTIO 4.

Non est facultatis humanæ, dilectissimi fratres, quandiù in hoc mortali corpore vivitur, plenè pertingere ad laudem gloriosæ Virginis Matris Dei, quæ omnium hominum et voces excellit, et superat intellectum. Quis enim mortalium, nisi divino illustratus oraculo, de unice Dei et hominis Genitrice quicquam modicum, seu grande præsumat, edicere: imò non timeat hanc pollutis labiis nominare, quam Pater misericordiarum, etante sæcula Deus perpetuam prædestinavit in Virginem dignissimam, Filius præelegit in Matrem, Spiritus Sanctus novæ gratiæ domicilium præparavit? Tu.

LECTIO 5.

Ex officio proprio.

Ipsa est præelecta, et dignissima Mater Filii Altissimi, cujus divino

instinctu Sanctus Pontifex et Doctor Ambrosius, postquam Augustinum sacro baptismo expiavit, novum hominem novis vestibus induit, cucullaque et cingulo ex corio ipse, ut fertur, præcinxit: hujus autem sacri cinguli ornamentum postea Religio Augustiniana semper gestavit in signum devotionis erga Beatam Virginem MARIAM, Patrem Augustinum piamque Matrem ejus Monicam. Tu. ♀.

LECTIO 6.

Indè est, ut, Eugenio quarto approbante, fuerit instituta Societas Cincturatorum Sanctorum Augustini et Monicæ, et alia similis sub invocatione Beatæ MARIÆ Virginis de Consolatione, quas Gregorius Decimus tertius in unum corpus redegit, ac sodalitium Cincturatorum Beatæ MARIÆ Virginis voluit appellari: illudque tum Gregorius ipse, tum multi alii ejus Successores innumeris gratiis ac privilegiis cumularunt. Tu. ♀.

IN III. NOCT.

Lectio S. Evang. secundum Lucam.

LECTIO 7. c. 1. 42.

In illo tempore: Exclamavit voce magnâ Elizabeth, et dixit: Benedicta tu inter mulieres, et benedictus fructus ventris tui. Et reliqua.

Homilia S. Vigili Ep. Tridentini.

Contra Euthychen. libr. 3.

Benedicet te benedictionibus cœli desuper, et benedictionibus terræ habentis omnia. Quæ est benedictio cœli, nisi Verbum quod de cœlo descendit? et quæ est benedictio terræ habentis omnia, nisi Christi caro, quæ de terrâ, id est, de terreno Virginis corpore sumpta est, in quâ omnium spiritualium gratiarum redundat veritas, et totius benedictionis fructus exhu-

berat?... Quæ est terra, quæ fructum benedictionis dedit, nisi MARIA cui dicitur: Benedicta tu, et benedictus fructus ventris tui? Tu.

♀. Sub tuum præsidium confugimus, clementissima Virgo,* Suscipe nos, unica spes nostra, et nostris delectare laudibus, alleluia, allel. ♀. Quibus indigni omni te laude dignissimam collaudamus. Suscipe.

LECTIO 8.

Ecce Verbum Dei sicut imber in terram, id est, in gremium sinus MARIÆ influere dicitur, quam Sancti Spiritus ebrietate fecundatam in germine Domini horti prorrumpere faciat, et turgentis alvi pretiosissimum edere fructum. Quod Verbum quia incarnatum (quod est carne indutum) homo esse voluit, nudum et vacuum ad Patrem, à quo fuerat missus reverti non potuit, sed in eodem, quo indutus est corpore, cœlestia penetravit. Lect. 9. Et ideò Pater vacuum ad se dicit non posse reverti, quia nefas est, ex quo in Virginis terram descendit, nudum eum et vacuum confiteri, id est, absque humani corporis naturâ solam ejus adserere Deitatem. Tu.

♀. Porta cœli et stella maris es, Virgo MARIA; * Regis æterni Mater, gratos nos redde Filio tuo, allel. allel. ♀. Quia omnis virtus et decòr, et gloria ex te resplendet. Regis. Gloria. Regis.

LECTIO 9.

Commemor. B. V. Afflictorum.

Histor. hujus Imag.

In oppido Sart Cameracensis Diocesis colitur quædam Deiparæ Imago sub titulo Beatæ Virginis Afflictorum, quæ à quibusdam agricolis initio decimiseptimi sæculi, dum terram fodiebant, creditur

inventâ. Cum autem eam decen-
tè in arbore collocassent, se-
quenti die in eodem loco reperta
fuit: quod prodigium similiter duo-
bus aliis vicibus contigit. Indè
est, quòd Sacellum extractum fuit
sacræ Imagini in ipso inventionis
loco, ubi, multiplicatis miraculis,
Deipara omnibus invocantibus fie-
bat solatium et protectio. In
gallicanis furoribus Sacellum om-
ninò dirutum fuit: Sanciam tamen
Imaginem quidam Augustus Har-
duinus ab ipsis illæsam servavit;
quæ anno millesimo octingente-
simo decimo tertio, novo ipsi ex-
citato Sacello à piâ muliere Vig-
nobi dictâ, fidelium veneratio-
ni ingenti omnium gaudio iterum
oblata fuit. Tu. Te Matrem.

AD LAUDES

et per Horas antiphonæ.

1. Odor vestimentorum * tuo-
rum sicut odor thuris, allel.

2. Cingulo suo confortavit nos,
et potestatem suam dedit in manu
nostrâ, allel.

3. Justitia Cingulum * lumbo-
rum ejus, et fides Cinctorium re-
num ejus, allel.

4. Myrrha et gutta, et casia
à vestimentis tuis, allel.

5. Sentiens vestimentorum * il-
lius fragrantiam benedixit nobis
Deus noster, allel.

¶. Nunquid obliviscetur Virgo
ornamenti sui? allel.

¶. Aut sponsa fasciæ pectoralis
suae? allel.

Ad Bened. ant. Tu veniæ vena,
tu gratiæ consolationis Mater, tu
spes mundi, exaudi nos claman-
tes ad te, allel. allel.

CANON.

Ex Sacr. Rituum Congregatione.

6. Aug. 1805. *Eremit. S. Aug.*

558. Benignè indulgetur, ut

in universo Ordine Eremitarum
Sancti Augustini quotannis in festo
Beatæ Mariæ Virginis de Conso-
latione recitari possit Officium
proprium cum Missâ. Tu.

Vesp. à capit. de sequenti.

DIE XXIX. AUG.

SS. SEPULCHRI B. Mariæ V.

L'uplex.

Lect. 1. Noct. de feriâ.

IN II. NOCT.

Sermo S. Joannis Damasceni.

Conc. 1. de Dorm. B. V.

LECTIO 4.

Tu verò, ò sacrorum sepulchorum
sacratissimum post Domini quidem
Sepulchrum, quod vitæ dedit prin-
cipium, quod fuit fons resurrecti-
onis (etenim loquar tanquàm cum
animato), ubi est aurum purum,
quod manus Apostolorum in te re-
condiderunt? Ubi sunt divitiæ, quæ
consumi nequeunt? Ubi est, qui
Deum suscepit, thesaurus? Ubi
est mensa animata? Ubi est novus
liber, in quo ineffabiliter Deus
Verbum inscriptus fuit sine mani-
bus? Ubi est Abyssus gratiæ? Ubi
est pelagus curationum? Ubi est
valde desiderabile Corpus Deiparæ?
Tu. ¶.

LECTIO 5.

Quid quæritis in Sepulchro eam,
quæ ad cœlestia translata est taber-
nacula? Cur à me custodiæ ratio-
nem expositis? Non licet mihi
jussis divinis resistere. Corpus
sanctum et sacrum relictis Sindo-
nibus, cum me impertisset sancti-
ficatione, et unguento, bonoque
odore replevisset, et templum divi-
num effecisset, abiit raptum subli-
me, comitantibus Angelis, et cœ-
lestibus omnibus. Nunc me defen-
dunt Angeli. Nunc divina in me
habitat gratia. Tu. ¶.

LECTIO 6.

Ego evasi officina medicinæ ægrotantibus. Ego sum fons perennis curationum. Ego remedium adversus dæmones. Ego sum refugium omnibus confugientibus. Fide, populi, accedite, et tanquàm ex fluvio haurite charismata, fidem habentes, non hæsitantes. Accedite, qui silitis: venite ad aquam, jubet Isaias, et qui non habetis pecuniam, properate, emite sine argento. Ex meâ naturâ non habeo gratiam. Sepulchra fœtere solent, trisitiâ conciliare, lætitiæ esse adversa. Ego autem evasi unguentum pretiosum, et boni odoris particeps. Lætitiæ fontem excepi hospilio, et dives remansi perenni ejus scaturigine. Tu. ♀.

IN III. NOCT.

Lectio Sancti Evangelii secundum Matthæum.

LECTIO 7. c. 27. 57.

In illo tempore: Cum serò factum esset, venit quidam homo dives ab Arimathea, nomine Joseph.

Et reliqua.

Homilia S. Joannis Damasceni.

Orat. 3. in Dorm. Deip.

Sepulchrum suum, beata Virgo, ut iis, qui in terris agunt, thalami loco esset, reliquit. Ilane verò sepulchrum thalamus est? Ita prorsus, ac thalamo quovis illustrius: non auri splendoribus, non argenti claritate, non lapidum fulgoribus micans, non sericis pannis, et contextis ex auro, et purpurâ vestibus exornatum, sed radiante divinitus splendore sanctissimi Spiritus: non corporum connubium terræ amatoribus, sed iis, qui Spiritu vincti sunt, animarum sanctarum vitam præbens, scilicet meliorem omnibus, suavioremque apud Deum statum. Tu. ♀.

Bened. Cujus Sepulchrum.

LECTIO 8.

Sepulchrum hoc ipsâ Eden formosius est, et re blanditias, quas in illâ hostis adhibuit, commemorem, egregium, ut sic loquar, consilium, invidiam, fraudem, remissum Evæ animum, suassionem, dulcem simul atque amaram escam, per quam amissâ mente conjugem quoquē eâ spoliavit, inobedientiam, exilium, mortem, edisserens, solemnitatem trisitiæ argumentum efficiam: hoc Sepulchrum, inquam, ex terrâ mortale corpus ad cœlos sublevavit, illa verò ex alto in terram generis nostræ parentem destruxit. Tu. ♀.

LECTIO 9.

Sepulchrum hoc antiquo est tabernaculo pretiosius, rationale et animatum, ac divinitus illuminatum candelabrum includens, et mensam vitam ferentem, quæ non panem propositionis, sed cœlestem: non ignem materiâ constantem, sed eum, qui materiâ omni superior est, Deitatis nimirum suscepit. Sepulchrum hoc Moysis arcâ fortunatius, quod non umbras et figuras, sed veritatem ipsam sortitum est. Recepit enim sinceram, aureamque urnam, quæ cœleste manna produxit: tabulam animalam, quæ Verbum Dei digito, validissimo atque Spiritu, Verbum subsistens incarnatum accepit: aureum thuribulum, quod divinum carbonem peperit, bonoque odore naturam universam replevit. Tu.

Te Matrem.

Ad Benedict. ant. Et erit sepulchrum ejus gloriosum in veneratione fidelibus, in respectu Angelis, in salute languentibus, et in terrore diabolis, alleluia, alleluia.

Oratio.

Omnipotens sempiterne Deus, qui sanctissimum Sepulchrum vir-

ginali corpore consecratum, gloriosum effecisti: concede propitius: ut qui ejus memoriam celebramus, cum ipsâ Beatissimâ Virgine ad æternam gloriam resurgere possimus. Per Dominum.

CANON.

Ex D. Bonaventurâ Ep.

Spec. B. V. Lect. 2.

359. Hoc «Virginis» Corpus est arca sanctissima Dei, quam decuit non putrefieri, sed adinstar Filii sui ante omnem putrefactionem suscitari. Undè tam de Filio quàm de Matre notabiliter ait Propheta: surge Domine, in requiem tuam, tu et arca sanctificationis tuæ. Tu.

Cum 2. Vesper.

DIE XXXI. AUG.

DEPOSIT. ZONÆ B. M. V. ET
FASCIAR. PUER. JESU.

Duplex.

Oratio.

Præsta, quæsumus, omnipotens Deus, ut qui benedictam Zonam Beatæ Virginis MARIE, et sacras Unigeniti tui fascias devotè veneramus, et cingulo castitatis præcingi, et fasciis tuæ misericordiæ involvi mereamur, ut ad æternam possimus pervenire lætitiâ. Per eundem.

AD MATUTIN.

HYMNUS 314. *J. M. Carylphil.*

Longa incorruptam
Quod Zonam sæcula servant.
Virgo, tibi nova res
Nihil habet ista novi.

Integritas, si venter
Erat quam Zona ligabat,
Integra res semper
Integritatis erit.

Gloria summa Patri,
Compar sit gloria Nato:
Quo peperit Virgo
Gloria Spiritui. Amen.

Lect. 1. Noct. de fer. occurr.

IN II. NOCT.

Sermo Sancti Germani Archiep.
Constantinopolitani.

*Encom. in ven. Zona apud Sur.
die 31. Augusti.*

LECTIO 4.

Nec existimet aliquis, hoc esse absurdum, ex iis, qui lubentèr reprehendunt, si ea tanquàm animata alloquamur, et ea bonis verbis et laudibus prosequamur. Si enim vas, quod unguentum vel brevi tempore continuit, eo effuso, diù servat odorem; quid dixerit quispiam de eâ Zonâ, quæ verè ineffusum et divinum unguentum, purissimum, inquam, et ab omni reprehensione alienum, Deiparæ corpus diù involvit, et est complexa? Nonnè servabit in æternum odorem curationum, et eos, qui cum fide et desiderio ad eam accedunt, bono odore implebit? Tu.

¶ O Fasciæ et Zona veneranda, * Tribuite sanctificationem, corroborationem, et expiationem iis qui cum desiderio vos colunt et adorant, allel. allel. ¶ O Zona pretiosa, quæ Deum Verbum, cum esset in utero, involvisti! O fasciæ quæ Deum natum constrinxistis! Trib.

LECTIO 5.

Et si vas, ut diximus, inanimum, quod inanimum continuit unguentum, scit esse ejus qualitatibus participes, et grati odoris: quid dicemus de eâ, quæ propinqua fuit animato Deo habitaculo? Non accurremus? Non supplices humi procideamus? Non purgationem animæ et corporis ab eâ postulabimus? Omnino. Quod vero? Non perindè ac vivum alloquemur, et ei laudum cantica offeremus? Id ceriè faciemus. O Zona, quæ iis, qui ad te confugiunt, das quidem lumborum

mortificationem ad vitia, animi autem fortitudinem ad virtutum operationem! O Zona, quæ nostræ naturæ imbecillitatem astringis, et roboras, et inimicos nostros tam qui sub aspectu cadunt, quam qui non cadunt, impedis! Tu.

¶. O jucunda Zona, * Quæ à corruptione aliena Dei Matris summè honesto corpori honestè appropinquasti, et illic induisti incorruptionem, manens illabefacta et aliena ab interitu, alleluia, allel. ¶. O veneranda Zona Dei Matris, accinge lumbos nostros veritate, iustitiâ et mansuetudine.—Quæ.

LECTIO 6.

Sed quid mihi accidit, ut dum sanctissimo compungerer desiderio, et impetu urgerer orationis, obliviscerer Fasciarum? Non mirum. Dum enim Mater glorificatur, lætatur quoquē et voluptate afficitur Filius. Quin etiâ legi cedentes naturæ, etiamsi res sint supra naturam, Matri primum munus obtulimus. Neque omnino id ægrè feret, qui est summè bonus Dominus. Cum enim verè homo ex eâ progredi ei visum sit, et ejus appellari filius, non condemnabit imprudentiæ, quæ exiitit secundum hominem, is qui est summè misericors. Sed factâ mentione fasciarum rursus revertamur ad illam, quæ Dominum peperit. Ea enim illas suis

sanctis confecit manibus. Tu.

¶. Tuam hæreditatem, ô Intemeratæ Zona intemerata, * Conserva, rectos fide, salvos vita, et nullo damno aut injuriâ affectos, alleluia, allel. ¶. Fac nos hæredes æternæ et beatæ vitæ, et hanc nostram vitam interitui obnoxiam conserva.—Conserva.—Gloria.—Conserva.

Homilia Sindonem fecit ut in die 6. Nov. p. 426.

LECTIO 9.

Commemoratio B. V. Marpentanæ.

Ex ipsius historiâ.

Marpento in Hannoniâ maximè colitur diva Virgo jam à sæculo decimo tertio. Sacellum, in quo nunc sacra Imago extat, anno millesimo quadringentesimo quadragesimo secundo fuit ei excitatum, ac Sanctimonialium Thurensium curæ traditum. Quotidiè fit ad Marpentina Virginem ingens peregrinorum accursus, sed præcipuè Dominicâ Sanctissimæ Trinitatis ipsi sacrâ, etiâ à dissitis valdè locis. Innocentius Undecimus confraternitatem ibi sub Deiparæ Sanctissimæ invocatione fundatam approbavit, ac indulgentiarum thesauro ditavit. Tu. Te Matrem.

Ad Benedict. ant. Circumcinxit eam Zonâ gloriæ, et coronavit eam in vasis virtutis, allel. allel.

Vesperæ sequentis.

Explicit tempus Vitæ gloriosæ.

COMMUNE FESTIVITATUM

B. MARIE V.

1. De hoc Communi sumuntur ea omnia, quæ in Proprio Festivitatibus non fuerint propria.

2. Psalmi semper dicuntur ut positi sunt in seriali officio, nisi in proprio alii notentur. In Solemnitatibus autem Duplicium primæ et secundæ Classis dicuntur in Vesperis Psalmi, qui infra assignantur, et in Laudibus et in Completorio, ut in Dominicâ, excepto Complet. post secundas Vesp. Duplicium secundæ Classis in quo dicuntur ut in seriali officio.

3. Lectiones de Scripturâ, quæ in singulis Communibus habentur, recitantur solum in Duplicibus maioribus, quibus propriæ non fuerint. In Duplicibus minoribus verò, et in semiduplicibus, dicuntur de feriâ occurrenti pro tempore, nisi aliter notetur.

4. Responsoria, quæ dicuntur in fine Lectionum cujuslibet Nocturni, in Duplicibus primæ et secundæ Classis, repetuntur integra post Gloria Patri usque ad †. In aliis verò inferioribus festivitatibus iterantur solum ab asterisco, ut in singulis †. ordinariè annotatur.

5. In Duplicibus primæ Classis dicuntur tria †. in tertio Nocturno, et post tertium dicitur Canticum.

Te Matrem. In iisdem Duplicibus dicitur in utrisque Vesperis †. tertium tertii Noctæ post Capitulum, et post Gloria Patri. repetitur integrum usque ad †.

PSALMI

Pro 1. Vesperis Duplicium primæ et secundæ Classis. Antiphonæ ut in proprio.

Psalm. 112.

Laudate pueri Matrem Dei: * glorificate senes nomen ejus.

Benedicta sit MARIA Mater Christi: * ipsa enim est via ad patriam sanctitatis.

Excelsus super cherubim thronus ejus: * et sedes ejus super cardines cæli.

Super humiles vultus ejus: * et super confidentes in eâ aspectus illius.

Misericordia ejus super omnem carnem; * et eleemosina illius usque ad extremum terræ.

Gloria Patri.

Psalm. 116.

Laudate Dominam nostram omnes gentes: * glorificate eam omnes populi.

Quoniam confirmata est super nos gratia, et misericordia ejus: * et veritas illius permanet in æternum.

Qui dignè coluerit illam, iustificabitur: * qui autem neglexerit illam morietur in peccatis suis.

Lætæ angelorum enarrabunt sapientiam ejus: * et omnes cives paradisi cantabunt ejus laudem.

Bono animo accedentes ad illam: * non capientur ab angelo devastante.

Gloria Patri.

Psalm. 145.

Lauda, anima mea, Dominam: * glorificabo eam, quamdiù vixero.

Nolite cessare à laudibus ejus: * et per singula momenta recogitate illam.

Cum exierit Spiritus meus, Domina, sit tibi commendatus: * et in terrâ ignotâ præsta illi ducatum.

Non conturbent eum culpæ priùs commissæ: * nec terreant ipsum occursus malignantis.

Perduc eum ad portum salutarem: * ibi præstoletur securè adventum Redemptoris.

Gloria Patri.

Psalm. 146.

Laudate Dominam, quoniàm bonus est psalmus: * jucunda et decora sūt illi nostra laudatio.

Ipsa enim medetur contritis corde: * et refovet eos unguento pietatis.

Magna est virtus illius: * et clemencia ejus nullum habet finem.

Præcinite ei in jubilatione: * et in confessione psalmum canite illi.

Beneplacitum est ei super timentes Deum: * et in eis, qui sperant in misericordiâ ejus.

Gloria Patri.

Psalm. 147.

Lauda Jerusalem, Dominam: * glorifica illam etiàm, ò Sion.

Ipsa enim construit muros tuos: * et filios tuos benedicit.

Grasía tua te impinguat: * pacemque donat terminis tuis.

Emisit Verbum suum Altissimus: * et virtus ejus obumbravit tibi.

Levemus corda nostra cum manibus ad illam: * ut suam influentiam sentiamus.

Gloria Patri.

In 2. Vesper. ejusmodi Solemnitatum primæ et secundæ Classis, Psalmi dicuntur ut in officio Dominicæ, excepto ultimo in cujus loco dicitur Psalm. 147. Lauda Jerus. ut suprâ in 1. Vesperis.

I.

TEMPORE.

EXPECTATIONIS.

A die 1. Septem. usque ad 8. exclusivè.

In hoc Communi omnia dicuntur ut in die 1. Septemb. et sequentibus notatum est.

II.

TEMPORE.

INFANTIÆ.

Ab ejus Nativitate usque ad Adventum.

IN I. VESPER.

*Ant. 1. Cujus es filia? * Indica mihi, si inveni gratiam ante oculos tuos.*

Psalmi feriæ occurr.

2. Puella decora nimis, * virgoque pulcherrima, et incognita viro.

3. Pauxillum aquæ mihi ad bibendum præbe, Virgo MARIA, de hidriâ tuâ.

4. Hortus conclusus, fons signatus, puteus aquarum viventium.

5. Oleum effusum * nomen tuum: adolescentulæ dilexerunt te nimis.

CAPITULUM. *Cant. 6. 8.*

Una est columba mea, perfecta mea una est matri suæ, electa genitrici suæ. *ñ. Deo gratias.*

HYMNUS 315.

Virgo pura et innocens!
Nitore præcedis diem,
Candore præcellis nivem,
Decore vincis angelos.

Tu stella solis nuntia,
Aurora lucis prævia,
Odore flos gratissimus,
Thronus Dei sanctissimus.

O puritatis lilium!
O Sanctitatis balsamum!
Spes certa pœnitentium,
Solamen et gementium.

Patrona nostra, quæsumus,
Preces clientum suscipe,
Primi parentis quos lues
Infecit, et nos protege.

Fac mente purâ crimine,
Fac corde mundo sordibus,
Christo placentes debitis
Te concinamus laudibus.

Sit Trinitati gloria
Nobis dedit nam Virginem,
Salvos potest quæ reddere
Suos amantes famulos. Amen.

*Hæc Doxologia dicitur in hymn.
ejusd. metri.*

†. Pulchræ sunt genæ tuæ, si-
cut turturis.

‡. Collum tuum sicut monilia.

Ad Magnif. ant. Cum ab in-
fantia * semper Deum timuerit, et
mandata ejus custodierit, immo-
bilis in Dei timore permansit, agens
gratias Deo omnibus diebus vitæ
suæ.

*Oratio de Laudibus. nisi sit pro-
pria.*

Completor ut in ferali officio.

AD MATUT.

Invitator. Laudemus Deum no-
strum: * In Sanctissimâ Infantia
Beatæ Virginis MARIE.

HYMNUS 308.

Omnes fideles plaudite,
Et Virginis infantiam

Devoto corde colite,
Mirantes ejus gratiam.

Nam in Puellâ tenerâ
Ornat sensus maturitas:
Et panditur per opera
Habitans intus Deitas.

Docta, matura, strenua,
Et honore spectabilis:
Virtute scandens arduâ
Cunctis præstans et humilis.

Sic Conditoris munere
Miris ornata dotibus,
Ut digna foret parere
Deum castis visceribus.

Sit Trinitati gloria,
Nobis dedit nam Virginem
Salvos potest quæ reddere
Suos amantes famulos. Amen.

IN I. NOCT.

Ant. 1. Ab infantia suâ * ti-
muit Dominum Virgo MARIA, et
dilexit illum corde perfecto.

2. Ab infantia meâ * crevit
mecum miserialio: de utero matris
meæ egressa est mecum.

3. Diligite * parvuli infantiam
meam, et vivet anima vestra.

†. Sicut lilium inter spinas.

‡. Sic amica mea inter filias.

*Sequentes Lectiones dicuntur in
Dupl. major.*

De Canticis Canticorum.

LECTIO 1. c. 6. 3.

Pulchra es, amica mea, suavis et
decora sicut Jerusalem: terribilis,
ut castrorum acies ordinata. Averte
oculos tuos à me, quia ipsi me avo-
lare fecerunt. Capilli tui sicut grex
caprarum, quæ apparuerunt de Ga-
laad. Dentes tui sicut grex ovium,
quæ assenderunt de lavacro, om-
nes gemellis fœtibus, et sterilis non
est in eis. Sicut cortex mali pu-
nici, sic genæ tuæ absque occultis
tuis. Tu autem Domina nostra in-
tercede pro nobis. ‡. Deo gratias:
Sic terminantur semper Lectiones.

¶ Infans immaculata, * Per quam
iis qui erant in mundo innotuit po-
tentia Sacratissimæ Trinitis. † In-
fantia gratissima, ex millibus ele-
cta, ipsâ virginitate sacratior.—
Per quam.

Bened. Primogenita Dei Filia.

LECTIO 2.

Adolescentularum non est numerus.
Una est columba mea, perfecta
mea, una est Matri suæ, electa
genitrici suæ. Viderunt eam filiae,
et beatissimam prædicaverunt: re-
ginæ et concubinæ, et laudaverunt
eam. Quæ est ista, quæ progred-
itur, quasi aurora consurgens,
pulchra ut luna, electa, ut sol,
terribilis ut castrorum acies or-
dinata. Tu.

¶ Hæc est Puella illa benedi-
cta, * Quam præparavit Deus spon-
sam electam et carissimam Spiritui
Sancto. † Puella decora nimis,
Virgoque pulcherrima, et incog-
nita viro.—Quam.

Bened. Spiritus Sancti Sponsa.

LECTIO 3. 8. 8.

Soror nostra parva, et ubera non
habet: quid faciemus sorori nostræ
in die quando alloquenda est? Si
murus est, ædificemus super eum
propugnacula argentea: si ostium
est, compingamus illud tabulis
cedrinis. Ego murus: et ubera mea
sicut turris, ex quo facta sum co-
ram eo, quasi pacem reperiens. Tu.

¶ Quam pulchra es, et quam
decora, carissima in deliciis! *
Quam pulchri sunt gressus tui
in calcamentis, filia Principis!
† Quid videbitis in Sulamite, nisi
choros castrorum.—Quam.—Glo-
ria.—Quam. *In Duplicib.* 1. et 2.
Class. Quam pulchra.

IN II. NOCT.

Ant. 1. Pulcherrima * adole-
scentula, omni ex parte benedicta
et veneranda.

2. Adolescentula * Virgo et spe-
ciosa in omnibus finibus Israel.

3. Puella pulchra * nimis et
decora, gaudium universæ terræ.

† Ostende mihi faciem tuam.

¶ Sonet vox tua in auribus
meis.

Pater noster. *Absolutio.* Ipsius.

Bened. Dei Mater.

Sermo S. Joannis Damasceni.

Homil. in Nativ. B. V.

LECTIO 4.

O Speciosissima, dulcissimaque
Puella! O lilium inter spinas, ex
generosissimâ, et maximè regiâ
radice davidicâ progenitum! Per
te regnum sacerdotio locupletatum
est. Per te legis facta translatio est,
patefactusque Spiritus, qui sub le-
ge delitescerat: translata nimirum
ex leviticâ turbâ ad Davidicam sa-
cerdotali dignitate. Tu.

¶ Benedictus Deus in cujus con-
spectu ambulaverunt patres mei: *
Deus, qui pascit me ab adolescenti-
tiâ meâ. † In diebus adolescentiæ
meæ secretò Deus erat in taberna-
culo meo.—Deus.

Bened. Filia Dei.

LECTIO 5.

O rosa, quæ ex spinis, Judæis sci-
licet, orta es, divincque odore cun-
cta perfudisti! O filia Adami, et
Dei Mater: beati lumbi et venter,
ex quibus prodiisti! Beatæ ulnæ,
quæ te gestaverunt: labia itè quib-
us castis oculis frui concessa es,
parentum nempè dumtaxat tuorum,
ut in omnibus sempè virginitatem
coleres. O Joachim et Annæ sacra-
tissima Filia, quæ Principatibus et
Potestatibus, ignisque maligni telis
latuisti: quæ in Spiritus thalamo
versata es, et sine maculâ custodi-
ta, ut Sponsa Dei, naturæque Dei
Mater esses. Tu.

¶ Dic ergò obsecro te, quòd
soror mea sis, * Ut benè sit, mihi

propter te, et vivat anima mea ob gratiam tui. †. Soror nostra es, crescas in mille millia.—Ut.

Benedict. Ignem.

LECTIO 6.

O sacratissima Filia, quæ in matris ulnis cerneris, apostolicisque virtutibus formidabilis es! O sacratissima Filia, quæ Matris uberibus lactaris, atque ab Angelis undiquè cingeris! O cara Deo Filia, parentum decus! quàm ut abs te verè dictum est: generationes omnes beatam me dicent. Tu.

†. Pulchra nimis et decora facie Virgo MARIA: * Inter cæteras puellas placuit Deo, et invenit gratiam in conspectu illius. †. Multæ filiæ congregaverunt divitias, tu supergressa es universas.—Inter.—Gloria.—Inter. *In Dupl. 1. et 2. Class. Pulchra.*

IN III. NOCT.

Ant. 1. Cum junior esset * omnibus, nihil tamèn puerile gessit in opere.

2. Ab infantiâ * Deum timuit, et ab omni peccato se abstinuit.

3. Infans * perfecti decoris, candor lucis, et speculum sine maculâ.

†. Immortalis est memoria illius.

†. Apud Deum nota est et apud homines.

Pat. nost. *Absol. Avinculis Benedictio. Evangelica. Sequens Homilia dicitur in Duplicib. mayorib.*

Lectio S. Evangelii secundum Matthæum.

LECTIO 7. c. 1. 1.

Liber generationis JESU—Christi, Filii David, filii Abraham. Et reliqua.

Homilia S. Fulberti Ep. Carnutensis *Serm. de Nat. B. V*

Nata est Beatissima Virgo patre Nazaræno, Matre Bethleemita,

quas urbes Christi nativitati, vel conversationi destinatas esse Prophetæ non tacuerunt. Descendit autem à radice illius fide præclari Abrahamæ, cui supernè promissa fuerat benedictio omnium gentium in semine suo, et ab stirpe David, quem Deus propter notam sibi probitatem egregiâ laude sublimavit, dicens: inveni virum secundum cor meum. Tu.

†. Introduxit me Rex in cellaria sua: * Exultabimus et lætabor in te memores misericordiarum tuarum. †. Dum esset Rex in acubitu suo, nardus mea dedit odorem suavitatis—Exultabim.

Bened. Cujus Infantiam.

LECTIO 8.

De regali nempè tribu, simul et sacerdotali duxit originem, quæ summum Regem atque Pontificem erat paritura. Ncn tamèn hæc idcirco dixerimus, quòd Dominus, qui peccatores vocare venerat, designatus sit, Matrem suam peccatores habere cognatos, inter quos speciosa, velut inter spinas lilium, apparet. Tu.

†. In odorem unguentorum tuorum currimus: * Adolescentulæ dilexerunt te nimis. †. Speciosa facta es et suavis in deliciis tuis, Virgo MARIA.—Adolesc.—Gloria. Adolesc. *In Dupl. 1. et 2. Clas. In odorem.*

Bened. Per Virginem Matrem.

LECTIO 9.

Hæc itaque electa, et insignis inter filias, non fortuito quidem, aut solo placito parentum, vel plerique: sed divinâ dispensatione nomen accepit, ita ut ipsa quoquè vocabuli sui figura magnum quidem innueret, interpretatur enim Maris Stella. Tu. Te Matrem.

AD LAUDES

et per Horas antiphonæ.

1. Ecce nubecula * parva qua-

si vestigium hominis ascendebat de mari.

2. Fons parvus * crevit in fluvium maximum, et in aquas plurimas redundavit.

3. Abscissus est * lapis de monte sine manibus, et factus est mons magnus, qui implevit universam terram.

4. Puella ista * erit magna coram Domino, nam et manus ejus cum ipsa est.

5. Ipsa est * mulier, quam præparavit Dominus Filio Domini mei.

CAPITULUM. *Cant. 6. 8.*
Una est columba mea, perfecta mea, una est matri suæ, electa genitrici suæ.

HYMNUS 317.
O dulcis Infans, ô Soror!
Crescas, ut infelix genus,
Quod prima Mater perdidit,
Mater reformes altera.

Tibi perenni fœdere,
Infans, vovemus pectora:
Quâ tota jam consummeris,
Fac charitate ferveant.

Sit Trinitati gloria
Nobis dedit nam Virginem,
Salvos potest quæ reddere
Suos amantes famulos. Amen.

†. Adducentur Regi Virgines post eam.

†. Afferentur in lætitiâ et exultatione.

Ad Bened. ant. Trahe nos, * et post te curremus in odorem unguentorum tuorum: adolescuntulæ dilexerunt te nimis.

Oratio.

Majestatem tuam, omnipotens Deus, supplices deprecamur: ut qui exultantibus animis Beatissimæ sempèrque Virginis MARIE Commemorationem celebrare gaudemus, ejus gloriosis precibus et

meritis, ab instantibus malis, et à morte perpetuâ liberemur. Per Dominum nostrum JESUM-Christum Filium tuum, qui tecum vivit, et regnat in unitate Spiritûs Sancti Deus per omnia sæcula seculorum: Amen.

AD PRIMAM.

Ant. Ecce nubecula. *Capit.* Una est. *de Laud.*

†. †. *br.* Que in tuâ Infantia maxime Deo placuisti.

Oratio de Laudibus.

AD TERTIAM.

Ant. Fons parvus.

CAPITULUM. *Sap. 10. 7.*
Super salutem, et speciem dilexi illam, et proposui pro luce habere illam: quoniam inextinguibile est lumen illius. †. Deo gratias.

†. *br.* Vulnerasti Cor meum, * Soror mea.—Vuln. †. In uno oculorum tuorum.—Soror.—Gloria.—Vuln.

†. Pulchræ sunt genæ tuæ sicut turturis.

†. Collum tuum sicut monilia.

Oratio de Laudibus.

AD SEXTAM.

Ant. Abscissus est.

CAPITULUM. *Sap. 8. 9.*
Proposui ergò hanc adducere mihi ad convivendum: sciens, quoniam mecum communicabit de bonis, et erit allocutio cogitationis et tedii mei. †. Deo gratias.

†. *br.* Pulchræ sunt genæ tuæ * Sicut turturis.—Pulchræ. †. Collum tuum sicut monilia.—Sicut.—Gloria.—Pulchræ.

†. Sicut vitta coccinea labia tua.

†. Et eloquium tuum dulce.

Oratio de Laudibus.

AD NONAM.

Ant. Ipsa est.

CAPITULUM. *Sap. 8. 10.*
Intrans in domum meam conqui-

escam cum illa: non enim habet amaritudinem conversatio illius, nec tædium convictus illius, sed lætitiā et gaudium. *¶* Deo grat.

¶ br. Sicut villa coccinea * Labia tua.—Sicut. *¶* Et eloquium tuum dulce.—Labia.—Gloria. —Sicut.

¶ Puella perfecti decoris.

¶ Gaudium universæ terræ.

Oratio de Laudibus.

IN II. VESPER.

Ant. 1. Te amavi, * et exquisivi à juventute meā, Virgo MARIA.

2. Quā pulchra * et quā suavis es, carissima Puella, in deliciis tuis.

3. Cogitare de illa * sensus est consummatus.

4. Circuibam quærens, * ut mihi illam assumerem, quia amator factus sum formæ illius.

5. Qui me invenerit, * inveniet vitam et hauriet salutem à Domino.

CAPITULUM. *Cant.* 6. 8. Una est columba mea, perfecta mea, una est matri suæ, electa genitrici suæ. *¶* Deo gratias.

HYMNUS 318.

Quā pulchra laudandi Deum,
Quā magna mirandi seges,
Se prodit in suā statim
Virgo parens Infantia!

In moribus maturitas,
Ætate major extitit;
Sed necquid humanum fuit
Os præter in te cernere.

Roseta qualis despicit
Se palma tollens altius:
Sic Virgo cunctas anteis
Virtute crescens filias.

Crescis, Deique munere
Ornata tantis dolibus,
Fis sola digna gignere
JESUM salutis Hostiam.

Sit Trinitati gloria,
Nobis dedit nam Virginem,

Salvos potest quæ reddere

Suos amantes famulos. Amen.

¶ Beatus venter, qui te portavit.

¶ Et ubera, quæ suxisti.

Ad Magnific. ant. Audi, Filia, * et vide, et inclina aurem tuam, et obliviscere populum tuum, et domum Patris tui, quia concupivit Rex speciem tuam.

Oratio de Laudibus.

Sequens Homilia dicitur in Duplicibus minoribus.

Lectio Sancti Evangelii secundum Matthæum.

LECTIO 7. c. 1. 1.

Liber generationis JESU-Christi, filii David, filii Abraham. Et reliqua.

Homilia Sancti Justini Martyris.

Dialog. cum Tryphon. n. 100. Filium igitur hominis seipsum dicebat, vel quia natus erat ex Virgine, ut jam dixi, ex Davidi, et Jacobi, et Isaaci, et Abrahami genere oriā; vel quia ipsius Pater extitit Abraham, et eorum, quos recensui, ex quibus genus ducit MARIA. Nam qui feminas genuere, eos liberorum quos filiæ suscipiunt, patres esse scimus. Nam et unum ex discipulis suis, qui cum, revelante ipsius Patre, Filium Dei Christum esse agnoverat, Petrum appellavit, cum prius Simon vocaretur. Tu. *¶* Introduxit me. *p. 889.*

LECTIO 8.

Et cum Deum Filium Dei esse in commentariis Apostolorum scriptum legamus, et Filium dicimus illum, et esse intelligimus ac ante omnes res creatas ex Patre ipsius virtute et voluntate prodiisse (qui quidem et sapientia, et dies, et oriens, et gladius, et lapis, et virga, et Jacob, et Israel, alio atque alio modo in Prophetarum libris

appellatus est), et ex Virgine hominem esse factum, ut quâ viâ initium orta à serpente inobedientia accepit, eâdem et dissolutionem acciperet. Tu. ꝑ. In odorem. p. 889.

LECTIO 9.

Eva enim cum Virgo esset, et incorrupta, sermone serpentis concepto, inobedientiam et mortem peperit: MARIA autem Virgo, cum fidem et gaudium percepisset, nuntianti Angelo Gabrieli lætum nuntium, nempe Spiritum Domini in eam superventurum, et virtutem Altissimi ei obumbraturam; ideòque id quod nascelur ex eâ sanctum, esse Filium Dei respondit: fiat mihi secundum Verbum tuum. Ex hac ille genitus est, de quo tot scripturas dictas esse demonstravimus, per quem Deus serpentem, eique assimilatos Angelos, et homines profligat: eos autem, qui pravè factorum pœnitentiam agunt, à morte liberat. Tu. Te Matrem.

Sequens Homilia dicitur in Semiduplicibus.

Lectio S. Evang. secundum Lucam.

LECTIO 7. c. 3. 23.

In illo tempore: JESUS erat incipiens quasi annorum triginta, ut putabatur Filius JOSEPH, qui fuit Heli, qui fuit Mathat. Et reliqua.

Homilia Divi Joannis Episcopi Jerosolymitani.

De institutione Monach. c. 33. in Bibl. PP.

Quæro ergò, quid fuit puerum Eliæ semel per decem gradus ascendere ad prospiciendum contra mare, et tunc ei nihil apparere. Certè hoc nihil aliud fuit, nisi quòd puer, id est, cœtus discipulorum, Eliæ, contemplando ascendit per illas decem generationes humanas à Beato Lucâ in Genealogiâ Christi positas, quæ fuerunt ante diluvium ab Adam usque ad Noe in primâ mundi æta-

te, et per eas discurrendo totum tempus, quod fuit à Noe usque ad Adam puer prospexit, si forlè eo tempore nubecula, id est, Infantula, aliqua esset nata contra mare, id est, contra solitam amaritudinem in viliosâ propagine naturæ humanæ. Et quia nubecula illa non fuit à puero visa nasci in illâ primâ ætate mundi, ideò puer dicit: non est quicquam. Tu. ꝑ. Intro-duxit. p. 889.

LECTIO 8.

Præcepto tamen Eliæ rediit iterum puer septiès per decem gradus ad prospiciendum contra mare: Et rursum, inquit, ait illi: revertere septem vicibus, et in primis sex vicibus nihil illi apparuit. Hoc autem scilicet, quod puer, id est, cœtus discipulorum, Eliæ, sexies per decem gradus rediens, nil vidit, denotat, eum ulterius per alias sex ætates generationum humanarum contemplando descendisse in Genealogiâ Christi, quam Beatus Lucas textit à Sem filio Noe, usque Janne filium Joseph. Tu. ꝑ. In odorem. p. 889.

LECTIO 9.

Per has quidè sex ætates generationum à Beato Lucâ in Genealogiâ Christi positarum, ascendit puer, id est, cœtus discipulorum, Eliæ, discurrendo totum tempus, quod fuit à Janne usque ad Sem, et contemplando si forlè eo tempore nubecula, id est, Infantula, illa, esset nata. Et quia toto illo tempore nata non fuit, ideò tunc discipulus Eliæ minimè apparuit, quia in tempore comprehenso infra septimam illarum generationum ætatem, Beata MARIA nata à discipulis Eliæ visa fuit. Undè vice, inquit, unâ ecce nubecula parva, quasi vestigium hominis, ascendebat de mari. Tu. Te Matrem.

III.

TEMPORE

PRÆGNATIONIS.

*Quod totum Adventum Domini
includit.*

IN I. VESP.

Ant. 1. Emitte Agnum * Domi-
natorem terræ à petrâ deserti ad
montem filiæ Sion.

Psalmi de ferid.

2. Fecit Dominus * novum su-
per terram, femina circumdat vi-
rum utero suo.

3. Venter tuus, * Virgo MARIA,
sicut acervus tritici vallatus liliis.

4. Congratulamini mihi, * quia
de meis visceribus genui Deum, et
hominem.

5. Lætamini, * et exultate in eâ,
omnes qui diligitis eam.

CAPITULUM. *Isai. 7. 11.*

Pete tibi signum à Domino Deo tuo
sive in profundum inferni, sive in
excelsum suprâ.

HYMNUS 319. *Brev. Cartus.*

Mysterium Ecclesiæ
Hymnum Christo referimus,
Quem genuit Puerpera
Verbum Patris in Filium.

Sola in sexu femina

Electa es in sæcula,

Et meruisti Dominum

Sancto portare in utero.

Vates antiqui temporis

Prædixerunt quod factum est,

Quia Virgo conciperet

Et pareret Emmanuel.

Mysterium hoc magnum est,

MARIÆ quod concessum est,

Ut Deum, per quem omnia,

Ex se prodere cerneret.

Sit laus Patri, laus Filio,

Sit par tibi laus Spiritus,

Quo dante, Virgo concipit,

Manetque semper integra. Amen.

*Hæc Doxolog. dicitur in Hymnis
ejusd. metri.*

†. Ave MARIA, gratiâ plena.

‡. Dominus tecum.

Ad Magnific. ant. Ecce completa
* sunt omnia, quæ dicta sunt per
angelum de MARIA Virgine.

Oratio de Laudibus.

Completor de ferid.

AD MATUTIN.

Invitator. Benedicta tu in mulie-
ribus: * Et benedictus fructus ven-
tris tui.

Psalm. Invitator. Venite, exul-
temus.

HIMNUS 320. *Fr. Suvertus.*
Quas tibi tandè recitemus odas,
Quas tuis dignas meritis feremus
Vocibus laudes, tremulove plectro
Virgo MARIA?

Angelus faustam Gabriel salutem
Auferens cælo tibi missus alto,
Nuntiat summi Genito Parentis.

Te fore Mairem.

Moxque conceptam sobolem pu-
dico

Ventris amplexu, nitido beati
Corporis clausam gremio, noveno
Mense tulisti.

Indè consueti spatio peracto
Temporis, nullum patiens dolorem
Lucidas partu puerum sereno
Edis in auras.

Sit decus summo sine fine Chri-
sto,

Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

IN I. NOCT.

Aut. 1. Virgo pariet * filium,
et claritas partus ejus replebit or-
bem terrarum.

2. MARIÆ Filius * regnabit in
domo Jacob in æternum.

3. Vocabitur * nomen ejus, Ad-
mirabilis, Deus, Fortis.

†. Angelus Domini nuntiavit
MARIÆ.

¶ Et concepit de Spiritu Sancto.
Pater nost. *Absol.* Exaudi, *Bened.*
Benedictione.

*Sequentes Lectiones leguntur in
Dupl. majorib.*

De Isaiâ Prophetâ.

LECTIO 1. c. 7. 10.

Et adjecit Dominus loqui ad Achaz, dicens: Pete tibi signum à Domino Deo tuo in profundum inferni, sive in excelsum suprâ. Et dixit Achaz: non petam, et non tentabo Dominum. Et dixit: audite ergo domus David: nunquid parum vobis est molestos esse hominibus, quia molesti estis et Deo meo? Tu autem Domina nostra intercede pro nobis.

¶ Rorate cœli desupèr, et nubes pluant justum: * Aperiatur terra, et germinet Salvatorem. †. Ecce Virgo concipiet et pariet Filium. —Aperiatur.

Benedict. Primogenita.

LECTIO 2.

Propter hoc dabit Dominus ipse vobis signum: ecce Virgo concipiet, et pariet Filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum. Quia antequàm sciat puer reprobare malum, et eligere bonum, derelinquetur terra, quam tu detestaris à facie duorum regum suorum. Tu.

¶ Spiritus Sanctus in te descendet MARIA: * Ne timeas, habebis in utero Filium Dei. †. Ecce Virgo concipiet et pariet Filium. —Ne timeas.

Benedict. Spiritus Sancti.

LECTIO 3.

Et egredietur Virga de radice Jesse, et flos de radice ejus ascendet. Et requiescet super eum Spiritus Domini, Spiritus Sapientiæ, et Intellectus, Spiritus Consilii et Fortitudinis, Spiritus Scientiæ et Pie-

tatis, et replevit eum Spiritus timoris Domini. Non secundum visionem oculorum judicabit, neque secundum auditum aurium arguet, sed judicabit in justitiâ pauperes et arguet in æquitate pro mansuetis terræ. Tu.

¶ Suscipe verbum, Virgo MARIA, quod tibi à Domino per Angelum transmissum est: * Concipies, et paries Deum paritèr et hominem. †. Benedicta tu inter mulieres, et benedictus fructus ventris tui. —Concipies. —Gloria. —Concip.

In diebus primæ et 2. clas. Suscipe.

IN II. NOCT.

Ant. 1. Quomodo fiet istud, * quoniàm virum non cognosco?

2. Ne timeas, MARIA, * invenisti enim gratiam apud Dominum.

3. Spiritus Sanctus * superveniet in te, et virtus Altissimi obumbrabit tibi.

†. Ecce ancilla Domini.

¶ Fiat mihi secundum verbum tuum.

Pater nost. *Absol.* Ipsius. *Bened.* Sermo S. Agustini Episcopi.

Serm. 83. in *append.*

LECTIO 4.

Loquamur aliquid fratres, in laudibus sacratissimæ Virginis MARIE. Sed quid nos tantilli, quid actione pusilli, quid in ejus laudibus referemus? Cum elsi omnium nostrorum membra verterentur in linguas, eam laudare sufficeret nullus. Altior cœlo est, de quâ loquimur. Abyssio profundior, cujus laudes dicere conamur. Hæc est enim quæ sola meruit Mater et Sponsa vocari. Hæc primæ Matris damna resolvit. Hæc homini perduto redemptionem adduxit. Tu.

¶ Spiritus Sanctus superveniet in te, et virtus Altissimi obumbrabit tibi: * Quod enim ex te nascetur

sanctum, vocabitur Filius Dei. *†*. Ave MARIA, gratiâ plena, Dominus tecum.—Quod.

Bened. Filia Dei.

LECTIO 5.

Mater enim generis nostri poenam intulit mundo: Genitrix Domini nostri salutem edidit mundo: auctrix peccati Eva, auctrix meriti MARIA: Eva occidendo obfuit, MARIA vivificando profuit: Illa percussit, ista sanavit. Hæc enim mirabili, atque ineffabili modo omnium rerum, et suum peperit Salvatorem. Quæ hæc Virgo tam sancta, ad quam venire dignaretur Spiritus Sanctus? Quæ tam speciosa, ut eam Deus sibi eligeret sponsam? Quæ tam casta, ut esse posset Virgo. post partum? Hæc est Dei templum, fons ille signatus, et porta in domo Dei clausa. Tu.

†. Egredietur virga de radice Jesse, et flos de radice ejus ascendet, * Et requiescet super eum Spiritus Domini. *†*. Orietur stella ex Jacob, et consurget homo de Israel.—E: requiescet.

Bened. Ignem divini.

LECTIO 6.

Ad hanc, ut dixi, Spiritus Sanctus descendit: hanc virtus Altissimi obumbravit. Hæc est immaculata coitu, sæcunda partu, Virgo lactans, Angelorum et hominum cibum nutrens. Merito namque beata singulari à nobis præconio extollitur, quæ singulare commercium mundo præbuit. Denique tantum se ad cœli fastigia sublevavit ut Verbum in principio apud Deum de supernâ cœli arce susciperet. Tu.

†. Beata es Virgo MARIA, quæ Dominum portasti Creatorem mundi: * Genuisti qui te fecit, et in æternum permanes Virgo. *†*. O felix

MARIA, et omni laude dignissima, cujus visceribus auctor cœli et terræ committitur.—Genuisti.—Gloria.—Genuisti. *In Duplic.* 1. et 2. class. Beata es.

IN III. NOCT.

Ant. 1. O sublimis Puerpera, * quæ Dominum Deum concepisti!

2. Concipiet Virgo, * et pariet Deum pariter et hominem.

3. Quis audivit * unquam tale, et quis vidit huic simile.

†. Et Verbum caro factum est.

†. Et habitabit in nobis.

Sequens Homilia dicitur in Duplicib. majoribus.

Pater nost. Absol. A vinculis. *Bened.* Evangelica.

Lectio S. Evang. secundum Lucam.

LECTIO 7. c. 1. 26.

In illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliqua.

Homilia Vener. Bedæ Presbyteri.

In cap. 1. Lucæ.

Ad MARIAM Virginem Gabriel mittitur, qui Dei fortitudo nominatur. Et ingressus Angelus ad eam, dixit: Ave gratiâ plena, Dominus tecum, benedicta tu in mulieribus. Bene gratiâ plena vocatur, quæ nimirum gratiam, quam nulla alia meruerat, assequitur: ut ipsum videlicet gratiæ concipiat et generet auctorem. Tu.

†. Ecce Dominus veniet, et omnes Sancti ejus cum eo: * Et erit in die illâ lux magna. *†*. Ecce apparebit Dominus super nubem candidam, et cum eo sanctorum millia.—Et erit.

Benedict. Cujus Conceptum.

LECTIO 8.

Hic erit magnus et Filius Altissimi vocabitur, et dabit illi Dominus Deus sedem David Patris ejus. Item

ergò Filius Altissimi, qui in utero virginali conceptus et natus est. Idem homo in tempore natus ex Matre, qui Deus est ante tempora natus ex Patre. Si autem idem homo, qui Deus est, omittat Nestorius hominem tantum dicere ex Virgine natum. Tu.

¶ Ingressus angelus ad MARIAM, dixit: *Ave gratiâ plena, Dominus tecum †. Ne timeas MARIA, invenisti enim gratiam coram Domino. —Ave.—Gloria.—Ave.—*In Duplic.*
1 et 2. *cls.* Ingressus.

Bened. Per Virginem.

LECLIO 9.

Sanctum, inquit, vocabitur Filius Dei. Quid hic dicis, Nestoriane, qui Beatam MARIAM Dei regans esse Genitricem, apertè niteris impugnare veritatem? Ecce Deum dixit superventurum, Dei Filium nasciturum. Quomodo ergò, aut Dei Filius non est, aut quæ Deum edidit, quomodo Theotocos, id est, Dei Genitrix non esse potest? Tu.

Te Matrem.

AD LAUDES

et per Horas antiphonæ.

1. Missus est * Angelus Gabriel ad MARIAM Virginem desponsatam JOSEPH. *Psalmi de ferid.*

2. Ave MARIA, * gratiâ plena, Dominus tecum.

3. Benedicta tu * in mulieribus, et benedictus fructus ventris tui.

4. Quod nascetur * ex te sanctum, vocabitur Filius Dei,

5. Ecce ancilla * Domini, fiat mihi secundum verbum tuum.

CAPITULUM. *Isr.* 7. 11.

Pete tibi signum à Domino Deo tuo in profundum inferni, sive in excelsum suprà.

HYMNUS. 321. *Clairè.*

Quem terra fundo divite,
Quem pontus alto gurgite,
Quem celsa laudant sidera

Gestant MARIE viscera.

Cui luna, sol, et omnia
Statula pendunt munia,
Captivus expers luminis,
Portatur alvo Virginis,
Beata cujus munere
Se clausit alvi carcere,
Qui cuncta solus sustinet,
Unusque cuncta continet.

Beata cœli nuntio,
Felix Dei consortio,
Quâ natus Infans genitibus
Desideratus omnibus.

Sit laus Patri, laus Filio,
Sit par tibi laus Spiritus,
Quo dante Virgo concipit,
Manetque semper integra. Amen.
†. Ne timeas MARIA.

¶ Invenisti gratiam apud Deum.
Ad Bened. aut. Quomodo fiet istud, quoniam virum non cognosco? Spiritus Sanctus descendet in te, et virtus Altissimi obumbrabit tibi.

Oratio.

Deus qui de Beatæ MARIE Virginis utero, Angelo nuntiante, carnem suscipere voluisti: præsta supplicibus tuis, ut qui verè eam Genitricem Dei credimus, ejus apud te intercessionibus adjuvemur. Per eundem. Dom.

AD PRIMAM.

Ant. Missus est. *Capit.* Pete tibi. *de Laudibus.*

†. ¶. *br.* Quæ de Spiritu Sancto concepisti.

AD TERTIAM.

Ant. Ave MARIA.

CAPITULUM. *Isai* 7. 14.

Dabit Dominus ipse vobis signum: ecce Virgo concipiet, et pariet Filium, et vocabitur nomen ejus Emmanuel.

¶. *br.* Angelus Domini * Nuntiavit MARIE.—Angelus. †. Et concepit de Spiritu Sancto.—Nuntiavit.—Gloria.—Angelus.

†. Ecce ancilla Domini.

¶. Fiat mihi secundum Verbum tuum.

AD SEXTAM.

Ant. Benedicta.

CAPITULUM. *Isai* 7. 15.

Butyrum et mel comedet, ut sciat reprobare malum et eligere bonum.

¶. *br.* Ecce * Ancilla Domini.—
Ecce. ¶. Fiat mihi secundum verbum tuum.—Ancil.—Glor.—Ecce.

¶. Et Verbum caro factum est.

¶. Et habitavit in nobis.

AD NONAM.

Ant. Ecce ancilla.

CAPITULUM. *Isai* 11. 1.

Egrediatur virga de radice Jese, et flos de radice ejus ascendet, et requiescet super eum Spiritus Domini.

¶. *br.* Et Verbum * Caro factum est. ¶. Et Verb.

¶. Et habitavit in nobis.—Caro fact.—Glor.—Et.

¶. Beata quæ credidisti.

¶. Et invenisti gratiam apud Deum.

IN H. VESP.

Ant. 1. Beata es, * Virgo MARIA quæ omnium portasti Creatorem.

2. Tuis sacris * visceribus genuisti, qui te fecit, et in æternum permanes Virgo.

3. Quem cœli * capere non poterant, tuo gremio contulisti.

4. Quem lotus * non capit orbis, in tua se clausit viscera factus homo.

5. Benedicta * tu in mulieribus, et benedictus fructus ventris tui.

CAPITULUM. *Isai* 7. 11.

Pete tibi signum à Domino Deo tuo in profundum inferni, sive in excelsum suprâ.

KYMNUS 322. *S. Petr. Dam.*

O Genitrix æterni,
Virgo MARIA, Verbi!
Quæ vox, quæ lingua carnis

Par erit tuæ laudis?

Immensum concepisti,

Parentem peperisti:

Fit factor et factura,

Creans et creatura.

Quem mundus ferre nequit,

Totum vulva concepit:

Quo circuitur æther

Puellæ clausit venter.

Servi formâ indutus,

Divinâ non exutus:

Suscepit quidem tua,

Sed non amisit sua.

Conceptus sæcundavit,

Natus non violavit:

Intravit et exivit,

Sed clausum dereliquit.

Sit tibi laus, Altissime,

Qui natus es ex Virgine:

Sit honor ineffabili

Patri sanctoque Flamini. Amen.

¶. Ecce Virgo pariet Filium.

¶. Et vocabitur Emmanuel.

Ad Magnif. ant. Ventre beato *
gaudia Matris habens cum Virginitatis honore, nec primam similem visa est, nec habere sequentem.

Oratio de Laudib.

Completor. ut in ferid.

Sequens Homilia dicitur in Duplicib.

Lectio S. Evang. secundum Lucam.

LECTIO 7. c. 1. 29.

In illo tempore: Missus est angelus Gabriel à Deo in civitatem Galiliæ, cui nomen Nazareth, ad Virginem desponsatam viro. Et reliqua.

Homilia S. Bernardi Abbatis.

Serm. 3. in Annunt. B. V.

Miraris, quod Nazareth parva civitas, et tanti Regis nuntio illustretur et tanto? Sed magnus latet in hac parvâ civitate thesaurus: latet, inquam, sed homines latet, non Deum. An non thesaurus MARIA? Ubicumquæ illa est, et cor ejus. Oculi ejus super eam: ubiquè respicit humilitatem ancillæ suæ. No-

vit cœlum Unigenitus Dei Patris.
Si novit cœlum, novit et Nazareth.
Tu. *¶* Ecce Dominus. *p.* 895.

LECTIO 8.

Ne timeas MARIA, invenisti gratiam apud Deum. Quantam gratiam? Gratiā plenā, gratiā singularem? Utramque sine dubio, quia plenā, et eō singularem, quō generalem: ipsam enim generalem singulariter accepisti. Eō, inquam, singularem, quō generalem, nam sola prae omnibus gratiā invenisti. Singularem, quōd sola hanc invenis plenitudinem. Generalem, quod de ipsā plenitudine accipiant universi. Tu. *¶* Et ingress. *p.* 896.

LECTIO 9.

Benedicta tu in mulieribus, et benedictus fructus ventris tui. Singulariter quidem fructus ventris tui est, sed ad omnium quidem mentes, te mediante, pervenit. Sic nimirum, sic olim ros totus in velle-re, totus in arēā, sed in nullā parte arēā totus, sicut in vellere fuit. In te solā Rex ille dives, et praedives exinanitus, excelsus humiliatus, immensus abbreviatus, et ab angelis minoratus est: verus denique Deus, et Dei Filius incarnatus. Tu. Te Matrem.

Sequens Homilia dicitur in Semidup.

Lectio S. Evang. secundum Lucam.

LECTIO 7. c. 1. 26.

In illo tempore: Missus est angelus Gabriel à Deo in civitatem Galilææ, cui nomen Nazareth, ad Virginem desponsatam viro. Et reliq.

Homilia S. Joann. Damasceni.

Homil. 1. cum Dorm. B. V.

Cum autem venit, ut divinus Apostolus ait, plenitudo temporis, ad hanc vere Dei Filiam angelus Gabriel à Deo missus est, quam hisce verbis est allocutus: Ave gratiā plena, Dominus tecum. Præclara

sanè Angeli ad eam, quæ Angelis præstabat, allucutio. Gaudium enim totius orbis affert. Ista verò ob sermonem ejus turbata est, ut quæ cum viris colloqui minimè consueverat, cum virginitatem sedulò servare instituisset. Cogitabat autem qualis esset ista salutatō. Tu. *¶* Ecce Dominus. *p.* 896.

LECTIO 8.

Planè gratiā invenit, quæ gratiā digna erat. Gratiā invenit, quæ gratiæ labores excoluerat, copiosamque segetem collegerat. Gratiā invenit, quæ gratiæ semina progenit, et plenissimam gratiæ messem retulit. Gratiæ abyssum invenit, quæ duplicis Virginitatis navem servaverat incolumem. MARIA enim non minùs animum, quàm corpus Virginem custodierat: undè etiā constabat corpori virginitas. Tu. *¶* Et ingress. *p.* 896.

LECTIO 9.

Et paries, inquit, Filium, et vocabis nomen ejus JESUM. Quid ad hæc veræ sapientiæ thesaurus? Evam quidem primam parentem non imitatur: sed incautam potius ejus simplicitatem emendat, sequæ naturæ patrocinio munit: sic angeli verbis reponens: Quomodo fiet istud, quoniam virum non cognosco? Impossibilia narras, inquit, nam sermo tuus naturæ leges frangit, quas summus Pontifex sancit. Secunda Eva dici non patior, nec Conditori voluntatem possum dare. Tu. Te Matrem.

IV.

TEMPORE.

PUERPERII.

A Nativitate Domini usque ad Purificationem.

IN I. VESP.

*Ant. 1. Generationem ejus * quis*

enarrabit? Virgo peperit Salvatorem.

Psalmi de ferid.

2. Quis audivit * unquam tale? Et quis vidit huic simile?

3. Et erit * germen Domini in magnificentia et gloria, et fructus terrae sublimis.

4. Hic est * Filius meus dilectus, in quo mihi bene complacui.

5. Dilectus meus * mihi, et ego illi: inter ubera mea commorabitur.

CAPITULUM. *Ad Gal. 4. 1.*
Quanto tempore hæres parvulus est, nihil difert à servo, cum sit Dominus omnium: sed sub tutoribus et auctoribus est usque ad præfinitum tempus à patre.

HYMNUS 323. *Brev. Cart.*
Verè gratia plena es,
Et gloriosa permanens,
Quia ex te nobis natus es
Christus per quem sunt omnia.

Pastores, qui audierunt:
Gloriam Deo cantarunt:
Cucurrerunt in Bethleem,
Natum videre Dominum.

Sic Magi ab ortu solis
Propter stellæ indicium,
Probantem typum gentium
Primi offerunt munera.

Rogemus ergò populi
Dei Matrem et Virginem,
Ut ipsa nobis impetret
Pacem et indulgentiam.

JESU, tibi sit gloria,
Qui natus es de Virgine
Cum Patre et almo Spiritu
In sempiterna sæcula. Amen.

Hæc Doxologia dicitur ad hymnos ejusd. metri.

†. Homo natus est in eâ.

†. Et ipse fundavit eam Altissimus.

Ad Magnific. ant. Misit Deus *
Filius suum factum ex muliere,

factum sub lege, ut adoptionem filiorum reciperemus.

Oratio de Laudib.

Completor. de ferid.

AD MATUTIN.

Invitator. Christum natum de MARIA Virgine, * Venite, adoremus.

Psalm. invitator. Venite, exultemus. p. 1.

HYMNUS 324. *S. Petr. Dam.*

Blandire, Mater, caro

Qui te creavit Nato:

Ôscula grata fige,

Fasciis membra cinge.

Ampectere cœlestem,

Quem genuisti regem:

Cui servit sol et luna

Et omnis creatura.

Chori virtutum tremunt,

Quem viles panni tegunt:

Pavel cœlum et terra

Quem bajulat Puella.

Vagit in sinu Matris,

Regnat in throno Patris,

Legem Matris observat,

Mundi jura gubernat.

Da nobis hunc in fervido

Mentis gestare gremio:

Ex tuâ carne genitus

Nostris regnet in sensibus.

Sit tibi laus, Altissime,

Qui natus es ex Virgine:

Si honor ineffabili

Patri sanctoque Flamini. Amen.

IN I. NOCT.

Ant. 1. Læva ejus, * su capite meo, et dextera illius amplexabitur me.

2. Dilectus meus * mihi et ego illi, qui pascitur inter lilia.

3. Totus desiderabilis: * talis est dilectus meus.

†. Delectationes in dextera tuâ.

†. Usque in finem.

Pater noster. *Absol.* Exaudi. *Bened.* Benedictione.

*Sequentes Lectiones dicuntur in
Dnpl. maiorib.*

De Epistolâ Beati Pauli ad Galatas.

LECTIO 1. c. 4. 1.

Quanto tempore hæres parvulus est, nihil differt à servo, cum sit Dominus omnium: sed sub tutori- bus, et actoribus est usque ad præ- finitum tempus à Patre. Ità et nos, cum essemus parvuli sub elementis mundi eramus servientes. Tu.

¶ Jacob genuit JOSEPH virum MARIE, de quâ natus est JESUS, * Qui vocatur Christus, †. Deus in erris visus est, et cum hominibus conversatus est.—Qui vocatur.

Bened. Filia Dei.

LECTIO 2.

At ubi venit plenitudo temporis, misit Deus Filium suum, factum ex muliere, factum sub lege; ut eos qui sub lege erant redimeret, ut adoptionem filiorum reciperemus. Quoniâ autem estis filii, misit Deus spiritum Filii sui in corda vestra clamantem: Abba Pater. Tu.

†. Puer crescebat, et conforta- batur, * Plenus sapientiâ, et gratia Dei erat in illo. †. Et Mater ejus conservabat omnia verba in corde suo —Plenus.

Bened. Spiritus Sancti.

LECTIO 3.

Itaque jam non est servus, sed Fi- lius. Quòd si Filius et hæres per Deum. Sed hunc quidè igno- rantes Deum, iis, qui naturâ non sunt dii, serviebatis. Nunc autè cum cognoveritis Deum, imò cogniti si- tis à Deo, quomodo convertimini iterum ad infirma et egena ele- menta, quibus denuò servire vul- tis? Tu.

¶. Benedicta es tu Filia à Do- mino Deo excelso præ omnibus mu- nibus super terram, †. Quia per

te fructum vitæ communicavimus. †. Speciosa facta es, et suavis in deliciis tuis Sancta Dei Genitrix. —Quia.—Gloria.—Quia. *In Dupl.* 1. et 2. *Class. Benedicta.*

IN II. NOCT.

Ant. 1. Quis mihi * det te fra- trem meum sugentem ubera ma- tris meæ!

2. Utinâm * inveniam te, et deosculer te, et jam me nemo de- spiciat.

3. Verè tu es * Deus abscondi- tus, Deus Israel Salvator.

†. Veritas de terrâ orta est.

¶. Et justitia de cœlo prospexit.

Pater noster. *Abs.* Ipsius pietas.

Bened. Dei Mater.

Sermo S. Laurentii Justiniani Ep.

De casto connubio c. 9.

LECTIO 9.

MARIA est gloriosa Domina, et beata femina, innupta, et sæcunda, Mater et Virgo, ancilla et Genitrix, quæ culpam abstulit, et dedit gra- tiam, quæ contulit mundo pacem, hominibus Deum, finem vitiis, vi- tæ ordinem, moribus disciplinam. Ipsa effecta est porta cœli, paradisi janua, stella maris, solatium mundi, peccanti refugium, nau- fraganti portus, auxilium pericli- tanti, erranti via, desperanti salus, interemptrix peccati, diaboli ter- ror. Tu.

¶. Beata Dei Genitrix MARIA, cujus viscera intacta permanent post partum: * Nobis genuit Salvatorem sæculorum. †. Beata quæ credi- dit, quoniâ perfecta sunt omnia, quæ dicta sunt ei à Domino.—No- bis.

Bened. Filia Dei.

LECTIO 5.

MARIA est tabernaculum testamen- ti, arca fœderis, templi propitiato- rium, thronus Dei, virga florida,

nubecula levis, hortus conclusus, fons signatus, porta clausa, columba immaculata, rosa redolens, liliū candens, flos nitens, virgula fumans, oliva virens, vitis fructificans, cupressus se attollens, palma florens, therebintus se expandens, corpus germinans, terra pulullans. Tu.

¶ Beata viscera MARIE Virginis, quæ portaverunt æterni Patris Filium; * Et beata ubera, quæ lactaverunt Christum Dominum. γ. Extollens vocem quædam mulier de turbâ, dixit: beatus venter qui te portavit.—Et beata.

Bened. Ignem divini.

LECTIO 6.

Est etiā Dei Genitrix Virgo gloriosa. Aurora surgens, Luciter rutilans, lunâ pulchrior, sole splendidior, auro purior, gemmis pretiosior, balsamo suavior, margaritis carior, neclare dulcior, omni armoniâ delectabilior. Hæc est Virgo pudicissima, quæ chirographum abstulit decreti, et protoparentum abstulit opprobrium, quæ pereunti mundo, et aquarum diluvio innundanti portum salutis aperuit. Tu.

¶ Osculetur me Mater mea osculo oris sui, quia meliora sunt ubera sua vino, * Fragrantia unguentis optimis. γ. Fasciculus myrræ dilectus meus mihi: inter ubera mea commemorabitur.—Fragrantia.—Gloria.—Fragrantia. *In Dupl. 1. et 2. Class.* Osculetur.

IN III. NOCT.

Ant. 1. Dominus dedit * benignitatem, et terra nostra dedit fructum suum.

2. Benedicta tu * in mulieribus, et benedictus fructus ventris tui.

3. Quæ nullo * suscepto semine Deum peperisti, et post partum Virgo permansisti.

γ. Beatus venter, qui te portavit. ¶ Et ubera, quæ suxisti.

Patet noster. *Abs.* A vinculis.

Bened. Evangelica.

Sequens Homilia legit. in Dupl. majoribus.

Lectio S. Evangelii secundum Matthæum.

LECTIO 7. c. 1. 18.

In illo tempore: Cum esset desponsata Mater JESU MARIA JOSEPH, antequā convenirent, inventa est in utero, habens de Spiritu Sancto. Et reliqua.

Homilia S. Anselmi Episcopi.

Vel alius. Enarrat. in Matth. c. 1. inter ejus opera.

Quæritur quare de desponsatâ Christus Virgine voluit nasci? Multis scilicet de causis, ut scilicet per JOSEPH generatio texeretur, et MARIA ab infamiâ defenderetur. Cum enim mulier sit fragilioris sexûs et magis pudibundi voluit Matrem suam, et non seipsum ab infamiâ tueri. Ipse enim dæmonium habere dicebatur; Filius patri, et potator vini vocabatur, tamē hæc et alia opprobria libentè patiebatur. Tu.

¶ Nesciens Mater Virgo virum peperit sine dolore. * Salvatorum sæculorum, ipsum Regem Angelorum sola Virgo lactabat ubere de cælo plenum. γ. Et benedicta in æternum nobis protulit Deum et hominem.—Salvatorem.

Bened. Cujus.

LECTIO 8.

Præterea noluit virginibus occasionem dare excusationis, eo quod Mater Domini infamata fuisset. Propter etiā aliam causam voluit de Virgine desponsatâ nasci ne de fornicatione damnata lapidibus obrueretur, et etiā, ut haberet qui eam procuraret, et puerum, et eam,

in Ægyptum ducerent, et ejus nutritius esset. Tu.

¶. Creator generis humani animatum corpus sumens de Virgine nasci dignatus est: * Et procedens homo sine semine largitus est nobis suam deitatem. † Quando natus est ineffabiliter ex Virgine, tunc impletæ sunt scripturæ.—Et.—Glor.—*Et. In Dupl. 1. et 2. Class.* Creator. *Bened.* Per Virginem.

LECTIO 9.

Deniquè et est alia principalis causa, ut diabolo partus Virginis celaretur, ut cum eam gravidam videret, à sponso, cuiliceret, etiàm desponsationis tempore, gravidatam esse putaret. Significatur etiàm per MARIAM Ecclesia, quæ Virgo et Mater est. Tu. Te Matrem.

AD LAUDES

et per Horas antiphonæ.

1. Gloriosa * dicta sunt de te, MARIA, quæ Mater Dei effecta fuisti.

2. Homo * natus est in eâ, et ipse fundavit cam Altissimus.

3. Sicut lætantium, * omnium habitatio est in me, quia in plenitudine sanctorum delentio mea.

4. Enixa es * puerpera Regem, qui cælum terramque regit in sæcula.

5. Tenui eum, * nec dimittam: inter ubera mea commorabitur.

CAPITULUM. Gal. 4. 1.

Quanto tempore hæres parvulus est, nihil differt à servo cum sit Dominus omnium: sed sub tutoribus et actoribus est usque ad præfinitum tempus à patre.

HYMNUS 325.

Nobis Deum, quæ parturis,
O Virgo Matrum maxima,
Preces tibi quas fundimus,
Offer benigna Filio.

Novi simul tu fœderis,

Et orbis arca naufragi:
Columba pacis nuntia,
Et pacis obses mitteris.

Quo vivis, à te suscipit
Vitam Creator omnium:
Immensus inte nascitur,
De te fit Æternus caro.

Tuis tenetur legibus
Murdi tremendus Legifer
A te puer lac mutual,
Qui dat cibum, quo pascimus.

Cælum ferentem sustines,
Gressus Tonantis temperas,
Suoque slantem numine
Loco situque dimoves.

JESU, tibi sit gloria,
Qui natus es de Virgine,
Cum Patre et almo Spiritu
In sempiterna sæcula. Amen.

†. Hic est Filius meus dilectus.

¶. In quo mihi benè complacui.

Ad Benedict ant. Et Mater ejus * conservabat omnia verba hæc conferens in corde suo.

Oremus.

Deus, qui Filium tuum ad nos per Virginem diu natus es mittere, da nobis ad te, suffragantibus ejusdem Beatæ MARIÆ precibus, jugiter festinare. Per eundem.

AD PRIMAM.

Ant. Gloriosa. *Capit.* Quanto tempore.

†. ¶. *br.* Quæ Filium Dei inviolata peperisti.

AD TERTIAM.

Ant. Homo.

CAPITULUM. Gal. 4. 4.

Ubi venit plenitudo temporis misit Deus Filium sum, factum ex muliere, factum sub lege, ut eos qui sub lege erant, redimeret, ut adoptionem filiorum reciperemus.

¶. *br.* Homo * Natus est in eâ.—

Homo. †. Et ipse fundavit eam Altissimus.—Natus.—Gloria.—Homo.

†. Læva ejus sub capite meo.

¶. Et dextera illius amplexabitur me.

AD SEXTAM.

Ant. Sicut lætantium.

CAPITULUM. *Galat. 4. 6.*

Quoniam autem estis filii, misit Deus Spiritum Filii sui in corda vestra clamantem: Abba Pater.

¶. br. Læva ejus * Sub capite meo.—Læva. ¶. Et dextera illius amplexabitur me.—Sub.—Gloria.—Læva.

¶. Delectationes in dexterâ tuâ.

¶. Usque in finem.

AD NONAM.

Ant. Tenui eum.

CAPITULUM. *Gal. 4. 7.*

Itaque jam non est servus, sed filius, quod si filius, et hæres per Deum.

¶. br. Delectationes * In dexterâ tuâ.—Delectationes. ¶. Usque in finem.—In.—Gloria.—Delectationes.

¶. Hic est Filius meus dilectus.

¶. In quo mihi benè complacui.

IN II. VESP.

Ant. 1 Puerpera * sine viro Virgo, ac post partum Virgo semper existens.

2. Peperit * filium masculum qui reclusus erat omnes gentes in virgâ ferreâ.

3. Peperit * filium suum primogenitum, et pannis eum involvit.

4. Omnis gloria * ejus à Partu, peperit enim ipsum Dominum.

5. Gloriosa * dicta sunt de te Virgo MARIA, quæ Deum concepisti, et peperisti.

CAPITULUM. *Galat. 4. 1*

Quanto tempore hæres parvulus est, nihil differt à servo, cum sit Dominus omnium; sed sub tutoribus et actoribus est usque ad præfinitum tempus à patre.

HIMNUS 326 *Brev. Gallic.*
Stupete cœlestes chori,
Qui cuncta pascit et fovet,
Cibus perennis cœlitum
Nunc lactis indiget cibo.

Verbum Patris factum caro
Mortalis in Matris sinu,
Labris puer tenellis
Materna sugit ubera.

Ablandiens Mater sinu
Fovet vicissim Filium:
Auctoris et se silens
Miratur altricem sui.

O Virgo, fac tuâ prece
Nobis tuus sit Filius,
Lac dulce, si parvi simus,
Fortisque, si grandes, cibus.

JESU, tibi sit gloria,
Qui natus es de Virgine,
Cum Patre et almo Spiritu
In sempiterna sæcula. Amen

¶. Veritas de terrâ orta est.

¶. Et justitia de cœlo prospexit.

Ad Magnif. ant. Parvulus natus est nobis de Virgine MARIA, et filius Dei datus est nobis. Butyrum et mel comedit, ut sciat reprobare malum, et eligere bonum.

Oratio de Laudibus.

Completorium ut in feriali officio.
Sequens Homil. dicitur in Duplicib.

Lectio S. Evang. secundum Lucam.

LECTIO 7. c. 1. 18.

In illo tempore: cum esset depon-sata Mater JESU MARIA JOSEPH, antequàm convenirent inventa est in utero habens de Spiritu Sancto. Et reliqua.

Homilia S. Hildephonsi Archiep. Tclelani.

Serm. 2. in Nativ. Dom.

O felix MARIA! O genitrix gloriosa! O puerpera sublimis, cujus visceribus auctor cœli et terræ committitur! O felicia oscula labiis impressa lactantis, cum inter crebra indicia raptantis infantis, utpotè

verus ex te Filius tibi Matri adluderet, cum ex Patre Dominus imperaret. Nam auctorem tuum ipsa concipiens, edidis in tempore puerem, quem habueras ante conditorum. O felix puerperium, delectabile angelis, expectabile sanctis, necessarium perditis, congruum profligatis, qui post multas assumptæ carnis injurias, et ad ultimum urebatur flagris, potatus felle, ut te veram Matrem ostenderet, verum se hominem patiendo tormenta monstravit. Tu. *¶*. Nesciens p. 901.

LECTIO 8.

Tu verò beata, gloriosaque MARIA, inter ista, et propter ipsa laudabilis: quæ sic fecunditatis meruisti donum, Virginitatis quoque non amisisti suffragium. Tu es enim benedicta inter mulieres, tu præclara cunctis Virginum catervis, tu sequeris agnum, quocumque perrexerit. Tu virgineos choros, et ab incentivis carnis illecebris alienos, per alba lilia, rosasque vernantes ad fontem hujus vitæ potandos invitas. Tu in illarum beatarum virtutum felicissimâ regione primi ordinis dignitate indempta plantis roscidis oberrans inter paradisi amœnitatis gramineos choros tenero poplite pergens, felicique palma violas immarcescibiles carpis. Tu continentibus sine fine conjuncta choris, Angelis, archangelisque sociata indefessâ voce: Sanctus: clamitare non desinis. Tu. *¶*. Creator generis. p. 902.

LECTIO 9.

Sed quid dicam pauper ingenio, cum de te quidquid dixero, minùs profectò est, quàm dignitas tua meretur. Si Matrem gentium te vocem, præcellis: si formam Dei appellem, digna existis: si nutricem cœlestis panis te vocitem, lactis dulcedine reple. Lacta ergò, Mater,

cibum tuum: lacta panem cœlestem: lacta cibum angelorum: lacta eum, qui talem fecit te, ut ipse firet in te: qui tibi munus fecunditatis attulit conceptus, et decus Virginitatis non abstulit natus: qui priusquàm nasceretur, te Matrem creavit, ex quâ nasceretur, ut illinc procederet tanquàm Sponsus de thalamo suo, qui mortalibus oculis posset videri. Quanta fuit hæc dignatio, ut crearetur ex te, quam creavit: portaretur manibus, quas formavit: surgeret tua ubera, quæ ipse implevit. Tu. Te Matrem.

Sequens Homilia dicitur in Semiduplicibus.

Lectio Sancti Evangelii secundum Matthæum.

LECTIO 7. c. 1. 18.

In illo tempore: cum esset desponsata Mater JESU MARIA JOSEPH, antequàm convenirent, inventa est in utero habens de Spiritu Sancto. Et reliqua.

Homilia Sancti Petri Paschasii Ep. et Mart.

In libr. Biblicæ parvæ titulo 23.
Beata Virgo MARIA concepit Filium Dei, de illâ humanam carnem assumendo, ipsâ incorruptâ manente in partu, post partum, et ante partum. Et hoc, quod verum sit..... ostenditur per Jeremiam Prophetam dicentem: Novum creavit Dominus super terram, femina circumdabit virum, id est, virgo pariet virum, qui vocabitur pulchritudo justitiæ, mons sanctus, cui Dominus benedicat. Adhuc per Ezechielem Prophetam Virgo MARIA præfigurata est, cujus auctoritatem in medio proferam, sicut scriptum est in libro ejus, ubi sic dicit: Converti me ad portam Sanctuarii, et erat clausa, et vir non transiet per eam, sed princeps ipse

sedebit in eâ. Tu. *ŕ.* Nesciens Mater. p. 909.

LECTIO 8.

Aliàs convincitur per Spiritum Sanctum, qui Deus est, sicut scriptum est in libro Canticorum Salomonis, ubi inviolato pudori et partui Virginis **MARIÆ** canit, sic dicens: Hortus conclusus Soror mea, fons signatus, emissiones luæ sicut paradisus Dei, in quo testificatur Salomon, quòd Virgo **MARIA** conceptura erat Virgo, et sine dolore aliquo paritura, et futura erat, cœu hortus conclusus, et quasi fons signatus: idque quod ab eo procederet, quasi paradisus Dei, id est, Emmanuel, Nobiscum Deus, Deus nempe et homo, videlicet Salvator Christus, cujus cum omnes Deitatem aspexerint, Dei paradisum intuebantur, qui de prædicto horto clauso, et signato forte prodivit, id est, de excellentissimâ Virgine **MARIA**, quæ sine carnali complexu Filium Dei concepit, sicut lux per vitrum et ab eâ natus est, et jugiter clausa et signata permansit. Nam hæc tam excelsa et miranda conceptio edita est et facta supra omne corpus naturæ. Tu. *ŕ.* Creator generis. p. 902.

LECTIO 9.

Qua proptèr in Beatæ Virginis partu nihil extitit, quod ante et post partum fuerit superfluum, ut nonnulli malevoli ausi sunt dicere. Et quod hoc verum sit, Deus jam figuratè Moysis tempore demonstrare constituit. Legimus enim, quòd cum filii essent Israel in deserto, et sitis eos magna vexaret, ingens adfoit ibi saxum, et durissimus lapis. Et dixit Deus Moysi: Tange petram in virgâ, et illa dabit aquas. Dicite mihi, quâ intravit, vel quâ ingressa est aqua, cum esset undequaque interclusum sa-

xum? Sanè dicendum est, quòd supra omne naturæ opus est factum. Similiter ergò credimus, quòd concepit et peperit, et ingressus et egressus est supra omne opus naturæ. Tu. Te Matrem.

V.

TEMPORE.

VITÆ CONTEMPLATIVÆ.

A Purificatione usque ad Passionem.

IN I. VESPER.

Ant. 1. Dilectus meus * mihi, et ego illi, qui pascitur inter lilia.

Psalmi de serid.

2. Fasciculus myrrhæ * dilectus meus mihi inter ulera mea commorabitur.

3. Ego dilecto meo, * et ad me conversio ejus: tenui eum, nec dimittam.

4. Sub umbrâ * illius, quem desideraverunt sedi, et fructus ejus dulcis gutturi meo.

5. Fulcite me * floribus, et stipate me malis, quia amore langueo.

CAPITULUM *Prov.* 8. 34.

Beatus homo, qui audit me, et qui vigilat ad fores meas quotidie, et observat ad postes ostii mei.

V. *HYMNUS 327. Ex quod devotion.*

Virgo, decus Angelicum

In aure dulcè canticum,

In ore mel mirificum,

In corde nectar cœlicum.

Qui te gustant, esuriunt,

Qui bibunt, adhuc sitiunt,

Desiderare nesciunt,

Nisi Matrem, quam diligunt.

O Mater amantissima!

Mulierum pulcherrima:

O sanctitatis anima,

Accende cordis intima.

JESUM fac nos diligere,

Nos tibi magis credere:

In posteram non sapere

Nisi terrena spernere.

Summo Parenti cœlitum,
Magnæque Proli Virginis,
Sancto simul Paraclito,
Sit summa laus et gloria. Amen.

Hæc de Doxolog. dicitur toto hoc tempore.

†. JESUS, Deus cordis mei.

℞. Et pars mea JESUS in æternum.

Ad Magnif. ant. Exultavit * Spiritus meus in Deo salutari meo, quia respexit humilitatem meam.

Oratio de laudibus.

Completor de feriâ.

AD MATUTIN.

Invitator. In honorem Beatissimæ Virginis MARLÆ * Jubilemus Deo salutari nostro.

HYMNUS 328. *Fr. Suvertius.*
O quater felix, deciesque Mater
Quæthæantropon peperisse Regem,
Cui subest orcus, mare, terra,
cœlum

Digna fuisti.

Tuque quam terræ Dominam
vocamus,

Quam maris stellam tumidi nitentem,

Quamque Reginam spatiosi Olympi
Esse fatemur.

Filium nostris placidum precamur

Lapsibus reddas, animæque culpis,
Qui suâ nobis pietate cœli
Gaudia donet.

Solare tristes, adjuva gementes,
Erige lapsos, sustine devotos,
Infirmos sana, pauperi succurre,
Mater es omnium.

Sit summo decus sine fine Christo
Sancta quem Virgo genuit MARIA,
Qui Patri compar, Spiritui Sancto
Regnat in ævum.

IN- I. NOCT.

Ant. 1. Venite ad me, * en proferam vobis Spiritum meum, et ostendam vobis verba mea.

2. Omnes viæ ejus * pulchræ, et omnes semitæ ejus pacificæ.

3. Ne dimittas eam, * et custodiet te, dilige eam et conservabit te.

†. Concupivit Rex decorem tuum.

℞. Quoniam ipse est Dominus Deus tuus.

Pat. nost. *Absol.* Exaudi. *Bened.* Benedictione.

Sequentes Lectiones dicuntur in Duplic. maj.

De Canticis Canticorum.

LECTIO 1. c. 1. 11.

Dum esset Rex in accubitu suo, nardus mea dedit odorem suum. Fasciculus myrrhæ dilectus meus mihi, inter ubera mea commorabitur. Botrus cypri dilectus meus mihi in vineis Engaddi. Ecce tu pulchra es amica mea, ecce tu pulchra es, oculi tui columbarum. Ecce tu pulcher es, dilecte mi, et decorus. Tu.

℞. Fecit sibi cubiculum in corde suo, * In quo clausa morabatur. †. Omnis gloria filiæ Regis ab intus.—In quo.

Bened. Primogenita.

LECTIO 2. c. 2. 3.

Sub umbrâ illius, quem desideraveram, sedi: et fructus ejus dulcis gutturi meo. Introduxit me in cellam vinariam. Ordinavit in me charitatem. Fulcite me floribus, stipate me malis: quia amore langueo. Læva ejus sub capite meo, et dextera illius amplexabitur me. Tu.

℞. Filiæ Jerusalem, per capreas, cervosque camporum, * Adjuro vos, ne suscitetis, neque evigilare faciat dilectam, donec ipsa velit. †. Ego dormio, et cor meum vigilat.—Adjuro.

Bened. Spiritus Sancti.

LECTIO 3. v. 12.

Surge, amica mea, speciosa mea,

et veni: columba mea in foraminibus petrae, in caverna maceriae ostende mihi faciem tuam, sonet vox tua in auribus meis; vox enim tua dulcis, et facies tua decora. Dilectus meus mihi, et ego illi, qui pascitur inter lilia, donec aspiret dies, et inclinentur umbrae. Tu.

¶. Vulnerasti cor meum, Soror mea, Sponsa, * Vulnerasti cor meum in uno oculorum tuorum, et in uno crine colli tui. ¶. Vox dilecti mei: en ipse stat post parietem nostram, respiciens per fenestras, prospiciens per cancellos.—Vulnerasti.—Gloria.—Vulner. *In Dupl.* 1. et 2. *Class.* Vulu.—Soror.

IN II. NOCT.

Ant. 1. Cogitat Virgo, * quæ Domini sunt, ut sit sancta corpore et spiritu.

2. Oculi tui* columbarum absque eo quod intrinsecus latet.

3. Lex Dei ejus * in corde ipsius, et non supplantabuntur gressus ejus.

¶. Deus in medio ejus.

¶. Non commovebitur.

Pat. nost. *Absol.* Ipsius pietas. *Bened.* Dei Mater.

De Expositione B. Ruperti Abbat in Cantico Canticorum. *Libr.* 5.

LECTIO 4.

Ego dormio, et cor meum vigilat. Ecce hic, ò MARIA beatissima, ecce hic nobis quasi per speculum in ænigmate subluceat vita tua, vita inclita, quæ cunctas illustrat Ecclesias. Totus ferè hujus capituli sensus ad illud pertinet, quod in te latet, et supra nos est, ut dicebat dilectus: Oculi tui columbarum absque eo, quod intrinsecus latet. Tu.

¶. Quam pulchra es amica mea, quam pulchra es, * Absque eo, quod intrinsecus latet. ¶. Oculi tui columbarum.—Absque.

Bened. Filia Dei.

LECTIO 5.

Admoveamus ergò hoc speculum, et diligenter oculis cordis exindè contemplerur, ut saltem aliquà ex parte cognoscamus sanctissimam conversationem tuam. Dicis: ego dormio, et cor meum vigilat. Quid hoc est aliud, nisi illud ipsum, quod alibi dicit habitatrix pectoris tui Sapientia Dei: In omnibus requiem quæsi. Et quid hæc sunt: nisi optimam partem elegit, relictis cunctis sollicitudinibus, et curis sæculi? Tu.

¶. Filia Jerusalem, nuntiate dilecto meo, * Quia amore langueo. ¶. Ignis accensus est in corde meo, et defeci ferre non sustinens.—Quia.

Bened. Ignem divini amoris.

LECTIO 6.

Et quidè multæ filia, si væ multæ animæ taliter dormierunt, vel dormire cupierunt, sed tu dormitionis hujus totum obtines magistrum, et vigiliarum cordis totum tenes principatum. Quid aliud nobis in Psalmo loquitur dilectus: Vacate et videte, quoniam ego sum Deus. Hoc namquè idem est, ac si diceret: vos dormite, et cor vestrum vigilet. Sic pater tuus Jacob, quando dormivit, tunc cor ejus vigilavit. Tu.

¶. Quid mihi est in cælo, et à te quid volui super terram? * Defecit caro mea, et cor meum Deus cordis mei. ¶. Fulcite me floribus, et stipate me malis, quia amore langueo.—Defecit.—Gloria.—Defecit. *In Dupl.* 1 et 2 *Clas.* Quid.

IN III. NOCT.

Ant. 1. Spiritus meus * super mel dulcis, et hæreditas mea super mel et favum.

2. Odor * unguentorum tuorum super omnia aromata.

3. Ne suscitatis, neque evigila-

re faciatis dilectam donèc ipsa velit.

†. Exultavit Spiritus meus. †. In Deo salutari meo.

Pater nost. *Absol.* A vinculis. *Benedict.* Evangelica.

Sequens Homilia legitur in Duplic. majoribus.

Lectio S. Evang. secundum Lucam.

LECTIO 7. c. 2. 48.

In illo tempore: Dixit Mater JESU ad illum: Fili, quid fecisti nobis sic? Et reliqua.

Homilia S. Bernardi Abbatis.

In Dom. infr. Octav. Epiph.

Quid est, quod ait Evangelista, scilicet, quòd ipsi non intellexerunt Verbum, quod locutus fuerat? Non hoc de MARIA dictum arbitror, quæ ex quo Spiritus Sanctus supervenit in eam, et ei virtus Altissimi obumbravit, nullum Filii consilium potuit nescire, sed cæteris nescientibus, sive non intelligentibus, quod dixerit, MARIA, ut sciens et intelligens conservabat omnia verba hæc confèrens in corde suo. Tu.

†. Mens Virginis in ardore contemplationis adeò continuò tenebatur, * Ut nec quidem cum somnum caperet, ab eà desisteret. †. Cum quiesceret corpus, vigilabat animus.—Ut.

Bened. Cujus festum.

LECTIO 8.

Memorià conservabat, meditatione ruminabat, et hæc cum cæteris, quæ de eo viderat, et audierat, conferebat. Ita etià tum Beatissima Virgo providebat nobis, ne tam dulcia, tam salubria, tam necessaria, aliquà negligentia laberentur, et proplereà nec scriberentur, nec prædicarentur, et sic sequentes hujus spiritualis mannae deliciis fraudarentur. Tu.

†. Concaluit cor meum intra

me, * Et in meditatione meà exardescet ignis. †. Cor meum, et caro mea exultaverunt in Deum vivum.—Et.—Gloria.—Et. *In Dupl.* 1. et 2. *Clas.* Concaluit.

Bened. Per Virginem.

LECTIO 9.

Omnia igitur hæc Virgo prudentissima fidelitèr conservavit, verecundè tacuit, opportunè prodidit, et sanctis Discipulis et Apostolis prædicanda commisit. De his verò quæ sequuntur: JESUS proficiebat ætate, et sapientià et gratià apud Deum et homines multi multa dixerunt, et diversa sentiunt, de quorum sententiis non est nostrum judicare. Tu. Te Matrem.

AD LAUDES

et per Horas antiphonæ.

1. Sub umbrà * illius, quem desideraveram sedi, et fructus ejus dulcis gutturi meo.

2. Qui creavit me, * requievit in tabernaculo meo.

3. Mihi adhærere * Deo bonum est, et ponere in Domino spem meam.

4. Super me! * ori meo eloquia tua: quàm dulcia faucibus meis.

5. Vivo ego * jam non ego: vivit verò in me Christus.

CAPITULUM. *Prov.* 8. 34.

Beatus homo, qui audit me, et qui vigilat ad fores meas quotidie, et observat ad postes ostii mei.

HYMNUS. 329. *Ex Br. S. Sulpic.* Sanctum te, Genitrix, Flamen obumbrans,

Quo non interiùs te litat igne! Adstans virginèi pectoris hospes Urit tecla suis hospita flammis.

Et tu quanta Deo dona rependis? Natum casta paris Sponsa parentis: Verbum carne legis, Mater, et intus Templum Spiritui Virgo ministras.

O quot supplicibus fervida votis

Ultrices reprimis Numinis iram!
Quidquid grande potest tradere
Numen,

Matri Natus tradit amanti.

Sit laus summa Patri, summa-
que Nato,

Compar Spiritui gloria Sancto:
Quos in corde foves Virginis æstus,
Nostris, alme Deus, cordibus infer.

Amen.

γ. Concupivit Rex decorem tuum.

β. Quia ipse est Dominus Deus
tuus.

Ad Benedict. ant. Et veniens JE-
SUS * Nazareth, erat subditus illis:
et Mater ejus conservabat omnia
verba hæc conferens in corde suo.

Oratio.

Ineffabilem misericordiam tuam,
Domine, nobis clementer ostende,
ut qui toto cordis affectu Beatissi-
mæ Virginis Mariæ memoriam
celebramus, ejus intercedentibus
meritis, à cunctis adversitatibus li-
beremur. Per Dom.

AD PRIMAM.

Ant. Sub umbrâ. Capitul. Beatus
homo.

γ, β. br. Quæ optimam partem
elegisti.

AD TERTIAM.

Ant. Qui creavit me.

CAPITULUM. Esth. 14. 3.

Domine mi, qui Rex noster es so-
lus, adjuva me solitariam, et cujus
præter te non est auxiliator alius.

β. br. Spiritus meus * Super mel
dulcis.—Spiritus. γ. Et hæreditas
mea super mel et favum.—Super.
—Gloria.—Spiritus.

γ. Favus distillans labia tua.

β. Mel et lac sub linguâ tuâ.

AD SEXTAM.

Ant. Mihi adhærere.

CAPITULUM. Judith 8. 5.

In superioribus domus suæ fecit

sibi secretum cubiculum, in quo
clausa morabatur.

β. br. Descendit * Cum eis Na-
zareth.—Descendit. γ. Et erat sub-
ditus illis.—Cum.—Gloria. De-
scendit.

γ. Sol et luna steterunt in habi-
taculo suo.

β. In luce sagittarum tuarum.

AD NONAM.

Ant. Vivo ego.

CAPITULUM. Ose 2. 14.

Ecce ego lactabo eam, et ducam
eam in solitudinem, et loquar ad
cor ejus.

β. br. Introduxit me * In cellam
vinariam.—Introduxit. γ. Ordina-
vit in me charitatem.—In.—Glo-
ria.—Introduxit.

γ. Fulcite me floribus.

β. Quia amore langueo.

IN II. VESPER.

Ant. 1. Ascendam * in palmam,
et apprehendam fructum ejus.

2. Hortus conclusus, * Soror
mea sponsa, hortus conclusus, fons
signatus.

3. Descendi * in hortum meum,
ut viderem poma convallium.

4. Sedebit, * et lacebit, quia
levavit super se.

5. Elevatio * manuum mea-
rum, sacrificium vespertinum.

CAPITULUM. Prov. 8. 34.

Beatus homo, qui audit me, et qui
vigilat ad fores meas quotidie, et
observat ad postes ostii mei.

HYMNUS. 330. Br. S. Sulpicii.
Hic adsta docilis gens sacra Christo,
Audi, docta datur Virgo Magistra,
Factis corda suis erudit intus,
Et virtutis iter prævia monstrat.

Fervet mille modis pectoris æstus,
Dum fit grata Deo, fit sibi vilis:
Quæ regem superum concipit alvo,
Ancillæ titulo verba superbit.

Unum scire Deum Spiritus ardet,

In se solus abit, non vagus extra,
Illibata timet Virgo videri,
Abscondique suis ædibus ambit.

Secretâ placidæ mentis in aulâ
Audit blanda Dei verba loquentis:
Pro verbis, tacitos, quos Deus afflat
De puro gemitus corde rependit.

Sponsa casta suo sponso fidele
Hic dat perpetui pignus amoris:
Hic desiderii icta supernis
Mens jam pasta Deo præripit astra.

Sit summa laus Patri, summa-
que Nato,

Compar Spiritui, gloria Sancto:
Quos in corde foves Virginis æstus,
Nostris, alme Deus, cordibus infer.
Amen.

†. Venite ad sanctuarium Domini.

‡. Quod sanctificavit Deus in æternum.

Ad Magnif. ant. MARIA * optimam partem elegit, quæ non aufertur ab eâ.

Oratio de Laudibus.

Complet. de feria.

Sequens Homil. dicitur in Duplicibus.

Lectio S. Evang. secundum Lucam.

LECTIO 7. c. 10. 42.

In illo tempore: Dixit JESUS Martha: Maria optimam partem elegit. Et reliqua.

Homilia S. Thomæ arch. Valentini.

Conc. 3 in assumpt. B. V.

Hanc partem optimam sibi elegit MARIA. MARIA illa felix maxima beatarum Mariarum, maxima feminarum: MARIA, inquam, illa, quæ neque similem visa est, nec habere sequentem. Non de te, ô Virgo beata, aliud opus legimus, nisi hoc. Non erant tibi amplissimæ facultates, undè famelicos aleres, nudos vestires, infirmos curares, indigentibus necessaria ministrares: non de te miracula et portenta legimus, nisi post mortem tuam. Tu.

‡, Mens Virginis. p. 908.

LECTIO 8.

Evangelium autem nulla de te scribit miracula, quibus vita tua in populis magnificaretur, et in oculis gentibus illustraretur. Omnis gloria filiae Regis ab intus in fimbriis aureis, in purissimis cogitationibus, in ardentibus desideriis, in ineffabilibus gaudiis, in cœlestium virtutum spiritualibus infusionibus, et lucidissimis theoriis. Tu.

‡. Coucaluit cor. p. 908.

LECTIO 9.

Hæc erat vita MARIE: uni soli necessario vacare, illi soli intendere, circa multa non sollicitari. Quæ est omnis contemplatio, si ad ejus extasim, quæ est omnis devotio, si ad ejus spiritum comparetur? Quis unquam anachoritarum tam vivax et potens visu, ut irreverberatâ acie solem lucidum specularetur, sicut aquila hæc perspicacissima, amicta sole, et luna sub pedibus ejus?

Tu. Te Matrem.

Sequens Homil. dicitur in Semiduplicibus.

Lectio S. Evang. secundum Lucam.

LECTIO 7. c. 2. 51.

In illo tempore: Descendit JESUS cum Parentibus suis, et venit Nazareth, et erat subditus illis.

Et reliqua.

Homilia Vener. Bedæ Presbyteri, Dom. 1 post Epiph.

Dicebat ergo arcanum suæ divinæ virtutis parentibus humanæ suæ fragilitatis, Matri suæ, scilicet, suæ carnis, et castissimo tutori castitatis illius, qui per id temporis, necdum prolata lege evangelicâ, ab omnibus penè, qui eos nosse poterant, carnali conjunctione vir ejus, carnali administratione Pater aestimabatur, simul et vocabatur ipsius Domini salvatoris.

Tu. ‡. Mens Virginis. p. 908.

LECTIO 8.

Et Mater ejus conservabat omnia verba hæc conferens in corde suo. Omnia, quæ de Domino, vel à Domino dicta, sive acta cognoverat Mater Virgo, diligentius in corde retinebat, sollicita cuncta memoriæ commendabat, ut cum dum tempus prædicandæ, sive scribendæ Incarnationis adveniret, sufficienter universa, prout essent gesta, posset explicare quærentibus.

Tu. ꝑ. Concaluit. p. 908.

LECTIO 9.

Imitemur et nos, fratres mei, piam Domini Matrem, ipsi quoque omnia verba et facta Domini, ac Salvatoris nostri fixa in corde conservando, horum meditatione diurnâ et nocturnâ importunos innantium, nocentiumque cogitationum repellamus incursus. Tu. Te Matrem.

VI.

TEMPORE

VITÆ DOLOROSA.

Quod totum Passionis tempus includit.

IN I. VESP.

Ant. 1. Inundaverunt * aquæ tribulationis super caput meum.

Psalmi de Ferid.

2. Vide, Domine, * et considera, quoniam tribulor: velociter exaudi me.

3. Contritum est * cor meum in medio mei: contremuerunt omnia ossa mea.

4. Cum turbata fuerit * anima mea, Domine, miserere mei.

5. Fili mi, * ne derelinquas me desolatam, et mœrore confectam.

CAPITULUM.

Vocem quasi parturientis audiui, angustiam, ut puerperæ: Vox filiæ Sion intermorientis, expandentisque

manus suas: vae mihi, quia defecit anima mea.

HYMNUS 331.

Dum spargit aram Sanguine
JESU, salutis hostia,
Præsens doloris æmulum
MARIApectus immolat.
Caput cruentum Filii
Matris coronat verticem:
Clavis iisdem figitur
Christus cruci, Christo parens.

O passionis muluæ
JESU MARIE conscii!
Alternæ vobis vulnera
Inferre tandem parcite.
Quem vos doletis, noster est
Error furorque criminum:
Totum scelus fatentibus
Partem doloris reddite.
Sit honor, laus, devotio,
JESU MARIE Filio,
Tenso crucis patibulo
Pro redimendo populo. Amen.

Hæc Doxologia dicitur toto hoc tempore.

ꝑ. Regina Martyrum ora pro nobis.

ꝑ. Ut digni efficiamur promissionibus Christi.

Ad. Magnif. ant. Magna est * velut mare, contritio tua, Virgo MARIA: et non est qui consoletur te in omnibus angustiis tuis.

Oratio de Laudib.

Completorium de ferid.

AD MATUTIN.

Invitator. Dolores recolentes Matris, * Filium pro nobis passum, venite, adoremus.

HYMNUS 332, Brev. Rom.
Jam toto subito vesper eat polo
Et sol attonitum præcipitet diem,
Dum sevæ recolo ludibrium necis
Divinamque catastrophem.

Spectatrix aderas supplicio Parens,
Malis unda gerens cor adamanti-
num,

Natus funereâ pendens in cruce
 Altos cum gemitus dabat.
 Pendens ante oculos Natus atrocibus
 Sectus verberibus, Natus hiantibus,
 Fossus vulneribus, quòt penetrantibus.

Te confixit aculeis!

Eheu! spula, alapæ, verbera,
 vulnera,
 Clavi, fel, aloë, spongia, lancea,
 Sitis, spina, cruor quàm variapium
 Cor pressere tyrannide!

Cunctis intereâ stat generosior
 Virgo Martyribus: prodigio novo
 In tantis moriens non morieris Parens

Diris fixa doloribus.

Sit summæ Triadi gloria, laus,
 honor;

A quâ suppliciter sollicitâ prece
 Posco Virginei roboris æmulas
 Vires rebus in asperis. Am.

IN I. NOCT.

Ant. 1. Multiplicati sunt, * qui
 tribulant me: multi insurgunt adversum me.

2. Posuisti * Deus lacrymas
 meas in conspectu meo.

3. Fuerunt mihi * lacrymæ
 meæ panes die ac nocte.

†. Fasciculus myrrhæ dilectus
 meus mihi.

‡. Inter ubera mea commorabitur.

Paternost. *Absol.* Exaudi. *Bened.*
 Benedictione.

*Sequentes Lection. dicuntur in
 Dupl. major.*

De Lamentatione Jeremiæ Prophetæ.

LECTIO 1. c. 2. 8.

Cogitavit Dominus dissipare murum
 filiæ Sion: tetendit funiculum suum,
 et non avertit manum suam
 à perditione: luxitque antemurale,
 et murus pariter dissipatus est.
 Defixæ sunt in terrâ portæ ejus:

perdidit, et contrivit vectes ejus:
 regem ejus, et principem ejus in
 gentibus: non est lex, et prophetæ
 ejus non invenerunt visionem à
 Domino. Tu.

‡. Ne vocetis me • Noemi, id
 est, pulchram, sed vocate me
 maram, id est, amarum, * Quia
 amaritudine valdè replevit me Omnipotens. †. Egressa sum plena,
 et vacuum reduxit me Dominus.
 —Quia.

Bened. Primogenita.

LECTIO 2.

Sederunt in terrâ, conticuerunt
 senes filiæ Sion: consperserunt cinere capita sua, accincti sunt ciliciis: abjecerunt in terram capita sua virgines Jerusalem. Defecerunt præ lacrymis oculi mei, conturbata sunt viscera mea: effusum est in terrâ jecur meum super contritione filiæ populi mei, cum deficeret parvulus et lactens in plateis oppidi. Tu.

‡. Confusa est Mater nostra nimis, et adæquata pulveri quæ genuit nos: * Venite, consolemur eam. †. Recedite à me: nemo gaudeat super me viduam et desolatam. —Venite.

Bened. Spiritus Sancti.

LECTIO 3.

Matribus suis dixerunt: ubi est triticum et vinum? Cum deficerent quasi vulnerati in plateis civilis: cum exhalarent animas suas in sinu matrum suarum. Cui comparabo te, vel cui assimilabo te, filia Jerusalem? Cui exæquabo te, et consolabor te, Virgo filia Sion? Magna est enim velut mare contritio tua. Tu.

‡. Væ mihi, quoniam addidit Dominus dolorem dolori meo. * Et non est qui consoletur me. ‡. Laboravi in gemitu meo, et requiem

non inveni.—Et.—Gloria.—Et *In Dupl.* 1. et 2. *Class.* Væ mihi.

IN II. NOCT.

Ant. 1. Oculi mei * replebantur lacrymis, et cor meum torquebatur dolore.

2. Super contritione * filiae populi mei contritus sum, et contristatus, stupor obtinuit me.

3. Repulsa est * à pace anima mea, oblita sum honorum.

† Defecit in dolore vita mea.

† Et anni mei in gemitibus.

Peter. *rost. Absol.* Ipsius. *Bened.* Dei Mater.

Sermo Sancti Bernardi Abbatis.

De Passion. Dom. c. 10.

LECTIO 4.

Quantus in Christo fuerat circa Matrem charitatis affectus, jam corporaliter recessuro, brevibus intimavit verbis: et ut crucis suæ taceam passionem, quantâ circa beatam Matrem compassione credis ipsum affectum fuisse, qui mitissimum cor illius tam valido doloris sui gladio transverberatum perfectè sciebat? Tu.

†. Ego plorans et oculus meus deducens lacrymas, * Quia longè factus est à me consolator. †. Recedite à me, amarè flebo: nolite incumbere, ut consolemini me.—Quia.

Bened. Filia Dei.

LECTIO 5.

Adaugebat vulnèrè passionem materna compassio, quem contritissimo corde, manibus complossis, oculis lacrymarum torrente fluentibus, vultu contracto, voce querulâ, et totis viribus cordis destituta, viriliter vidit sibi astare pendenti. Quoties ipsam ad illa immitia verecundos putas oculos elevare: si tamen eos aliquandò indè deflexit, vel si pro nimio

fluxu lacrymarum potuit intueri? Tu.

†. De excelso misit Deusignem in ossibus meis, et erudit me: * Posuit me desolatam, totâ die mœrore confectam. †. Audite, obsecro, universi populi, et videte dolorem meum.—Pcsuit.

Bened. Ignem.

LECTIO 6.

Quoties ipsum propter verecundiam virginalem pariter, et immensitatem doloris stantem (ut æstimo) capite cooperto, ingemuisse putas lugendo Filium, et dicendo: Fili mi JESU, JESU fili mi: quis mihi det, ut tecum, et propter te moriar, Fili mi dulcis JESUS! Quoties ipsum præ immensitatem doloris credis poluisse deficere, quo ipsam summè miror etiâ moriuam non fuisse? Moriebatur vivens, vivendo ferens dolorem morte crudeliorem. Tu.

†. Inundaverunt aquæ super caput meum, et invocavi nomen tuum, Domine, de lacu novissimo: * Ne avertas faciem tuam à singulto meo et clamoribus. †. Appropinquasti mihi in die, quandò invocavi te.—Ne.—Glor.—Ne. *Duplicib.* 1. et 2. *Class.* Inundaverunt.

IN III. NOCT.

Ant. 1. Dolor meus * super dolorem: in me eor meum mœrens.

2. Ecce vox * clamoris filiae populi mei: non est qui consoletur eam.

3. Deducant * oculi mei lacrymas in compassione Virginis.

†. Subversum est cor meum in me metipsâ.

†. Amaritudine plena sum.

Pat. *nost. Absol.* A vinculis. *Bened.* Evangelica.

Sequens Homil. legitur in Duplic. majoribus.

Lectio S. Evangelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus et Soror Matris ejus, Maria Cleophe, et Maria Magdalene. Et reliqua.

Homilia Sancti Amadæi Episcopi Lausanensis.

De laudib. B. V. M. Homil. 5.

Quò Christum magis diligebat Virgo, plùs doluit, et doloris magnitudo attulit fomenta passionis. Quid enim ageret, cum in Calvariæ consisteret loco, et videret crucem, clavos, vulnera morientis in innocentia, nec tamen exsultiam immanitatem Pharisæi furentis invidia? Pendebat ille luens nostra, non sua delicta, et Pharisæi cum Scribis illudentes, perculiebant caput ejus, et offerebant acetum felle mixtum ori ejus. Tu.

¶ O vos omnes, qui transitis per viam, * Attendite, et videte, si est dolor, sicut dolor meus. ¶ Stabat juxta crucem Mater dolorosa, dum pendebat Filius.—Attendite.

Bened. Cujus Angustias.

LECTIO 8.

Inter hæc Dei Genitrix consternabatur animo, et dolores ut parturientis apprehenderunt eam. Ibi gemitus, ibi singultus, ibi suspiria, ibi mœror, ibi dolor, ibi agonia, ibi æstus animi, ibi incendia, ibi mors morte durior, ubi vita non tollitur, et mortis angustia tolleratur. O veneranda, et plena devotionis et lacrymarum memoria! Recordare, qualiter sancta illa anima gloriosa passa sit, quasve pertulerit de Christi morte angustias. Tu.

¶ Tu scis, Domine, recordare mei, et visita me; quoniam tribulatio mea maxima est: * Scito, quoniam sustinui propter te oppro-

bium. ¶ Vide, Domine, quoniam tribulor, quia amaritudine plenum.—Scito.—Gloria.—Scito. *In Dupl. 1. et 2. Class. Tu scis.*

Bened. Per Virginem.

LECTIO 9.

Deniquè contumelia, et opprobria impiorum in capite materno redundabant. Mors Domini illi amarior morte fuit: et licet edocta resurrectorum non ambigeret, necesse illi tamèn fuit paternum calicem bibere, et horam suæ passionis non ignorare. De hoc illi prophetavit reverendus senex Simeon, dicens: tuam ipsius animam gladius pertransibit. O Domine JESU, terribilis in consiliis super filios hominum, nec Matri tuæ percipisti, quin gladius animam suam pertransiret! Tu. Te Matrem.

AD LAUDES

et per Horas antiphonæ.

1. Doleo super te, * Fili mi JESU: decorus nimis, et amabilis super amorem mulierum.

2. Sicut mater * unicum diligit filium, ita ego te diligebam, Fili mi.

3. Ferrum lanceæ * militaris latus quidèm Salvatoris, animam verò pertransivit Virginis.

4. Factum est * cor meum tanquàm cera liquescens in medio ventris mei.

5. Dolens Sunamitis * sinu et genibus suis sustinuit mortuum Filium.

CAPITULUM. Jer. 4. 31.

Vocem quasi parurientis audiui, angustias ut puerperæ: Vox filiæ Sion intermorientis, expandentisque manus suas: vae mihi, quia defecit anima mea.

HYMNUS 333. *Brev. Rom.*

O quot undis lacrymarum

Pia Mater volvitur!

Lucluaa de cruento

Dum revulsum stipite,
Cernit ulnis incubantem
Virgo Mater Filium.

Os suave, mite pectus,
Et latus dulcissimum,
Dexteramque vulneratam
Et sinistram sauciam,
Et rubras amore plantas
Ægra tingit lacrymis.

Centièsque, millièsque
Stringit arcis nexibus
Pectus illud et lacertos
Illa figit vulnera:
Sicque tota colliquescit
In doloris oculis.

Eja, Mater, obsecramus
Per tuas has lacrymas,
Filiique triste funus,
Vulnerumque purpuram,
Hunc tui cordis dolorem
Conde nostris cordibus.

Esto Patri, Filioque,
Et cœvo Flamini:
Esto summæ Trinitati
Sempiterna gloria,
Et perennis laus, honorque
Hoc et omni sæculo. Amen.

†. Fortitudo mea, et robur
meum.

†. Et refugium meum in tribu-
latione.

Ad Benedict. ant. Cum vidisset *
JESUS Matrem et discipulum stan-
tem, quem diligebat, dixit Matri
sue: Mulier, ecce filius tuus. Dein-
dè dixit Discipulo: ecce Mater tua.

Oratio.

Da quæsumus, Domine, cordi-
bus nostris intimum veræ pietatis
affectum; ut in tui Filii passione,
Sanctissimæ Matri ejus dignè com-
patientes, salutaris mysterii fructum
percipere mereamus. Per eundem.

AD PRIMAM.

Ant. Doleo. *Capitul.* Vocem qua-
si. *De Laudibus.*

†. †. *br.* Quæ in Passione Filii
tui doloris gladio transfixa fuisti.

AD TERTIAM.

Ant. Sicut Mater.

CAPITULUM. Jer. 12. 3.
Et tu, Domine, nosti me, vidisti
me, et probasti cor meum.

†. *br.* Quis miserebitur tui, *
Virgo MARIA.—Quis. †. Aut quis
contristabitur pro te.—Virgo.—
Glor.—Quis.

†. Defecerunt præ lacrymis ocu-
li mei.

†. Conturbata sunt viscera mea.

AD SEXTAM.

Ant. Ferrum lanceæ.

CAPITULUM. Jer. 6. 26.
Filia populi mei, accingere cilicio,
et conspergere cinere: luctum uni-
geniti fac tibi planctum amarum.

†. *br.* Dolor meus * Super dolo-
rem.—Dolor. †. In me cor meum
mœrens.—Sup.—Glor.—Dolor.

†. Audierunt quia ingemisco ego.
†. Non est qui consoletur me.

AD NONAM.

Ant. Dolens Sunamitis.

CAPITULUM. 31. 16.
Quiescat vox tua à ploratu, et oculi
tui à lacrymis: quia est merces
operi tuo, ait Dominus.

†. *br.* Vox in excelso * Audita
est.—Vox. †. Lamentationis, lu-
ctus et fletus.—Audita.—Gloria.
—Vox in.

†. Audite universi populi.

†. Videle dolorem meum.

IN II. VESPER.

Ant. 1. Veniam * ad montem
myrrhæ, et ad collem thuris.

2. Posuit me * desolatam: tota
die mœrore confectam.

3. Miseremini mei, * quia non
est dolor sicut dolor meus.

4. Angustiæ * et dolore tenue-
runt eam, quasi parturientem.

5. Caligaverunt * palpebræ
meæ, et facies mea intumuit à fletu.

CAPITULUM. Jer. 4. 11.

Vocem, quasi parturientis audiui,
angustias ut puerperæ: Vox filiæ
Sion intermorientis expandentisque
manus suas: vae mihi, quia defecit
anima mea.

HYMNUS 344.

Juxta crucem stans anxia
Orbata Mater Filio,
Extincta lugens gaudia
Laxis vacabat plangentibus.

Cum mucro diræ lanceæ
Latus per imum transmeans,
Mixtos cruore prolinus
Laxavit undæ rivulos.

Quæ non dolebat mortuo
Hanc vivam sensit cuspidem:
O quanta moles fluctuum
Mersum malis cor opprimit!

Mox ut revisum conspicit
Corpus cruentum Filii,
Omnis dolor recruduit,
Mentemque pressit acrius.

Quæ lingua fari tot neces,
Quæ vox amaritudines,
Quis tot dolorum pondera
Sermone posset texere?

Sit honor, laus, devotio,

JESU MARIE Filio,
Tenso crucis patibulo
Pro redimendo populo. Amen.

†. Anima mea liquefacta est.

¶. Ut dilectus in cruce locu-
tus est.

Ad Magnific. ant. Veniam * ad
montem myrrhæ, et ad collem thu-
ris, quia oppressit Matrem meam
dolor, et non est qui consoletur
eam.

Oratio de Laudibus.

Completorium de feriâ.

Sequens Homilia dicitur in Duplicib.

Lectio Sancti Evangelii secundum
Joannem.

LECTIO 7. c. 19. 25.

In illo tempore: Stabant juxta cru-
cem JESU Mater ejus, et soror Ma-

tris ejus, Maria Cleophae, et Maria
Magdalene. Et reliqua.

Homilia S. Ambrosii Episcopi.

Exhortatio ad Virgines.

Beatam Virginem Dominus de cru-
ce discipulo suo dilectissimo sibi
tradidit Santo Joanni, qui dixit
patri et matri suæ; non novi vos.
Denique vocatus à Christo, reli-
quit Patrem Verbum secutus. Huic
traditur Virgo, qui suos nesciat:
huic traditur Virgo, qui de pecto-
re Christi hauriat sapientiam: huic
traditur Virgo, qui fratres suos non
cognovit, et filios suos non scivit.
Ideoque benedicit eum lex; Date
Levi veros ejus, date Levi sortes
ejus. Tu. ¶.

LECTIO 8.

Unde et Matrem Domini ipse susce-
pit, scriptum enim habemus, quia
ex illâ horâ suscepit eam Discipu-
lus in sua. Quid est in sua, cum re-
liquerit Patrem, et Christum secu-
tus sit? Aut quomodo in sua, cum
ipsi Apostoli dixerint: ecce nos re-
liquimus omnia, et secuti sumus
te? Quæ sua habebat, quia de
mundo non erat? Quæ ergo habebat
Joannes, qui mundana, et sæcula-
ria non habebat, quia de mundo
non erat? Quæ ergo habebat sua,
nisi ea, quæ à Christo acceperat?
Bonus verbi, sapientiæque posses-
sor, bonus receptor gratiæ. Tu. ¶.

LECTIO 9.

Nequē enim Mater Domini JESU
nisi ad possessorem gratiæ demi-
graret, ubi Christus habebat habi-
taculum. Date ergo et vos, filii
mei, vero illi Levi veros ejus. Estote
nubes, sed leves. Eritis profecto:
si habuistis Virginitas onera condi-
tionis, et tenebras hujus limosæ car-
nis illuminet. Ideo dicit illis: Ni-
gra sum et decora, filiæ Jerusalem,
nigra per carnem, decora per vir-
ginitatem. Tu. Te Matrem.

Sequens Homalia dicitur in Semiduplic.

Lectio S. Evangelii secundum Joannem.

LECTIO 7. c. 19. 25.

In illo tempore: Stabant juxta crucem JESU Mater ejus et soror matris ejus Maria Cleophe, et Maria Magdalene. Et reliqua.

Homilia Sancti Augustini Episcopi.

Tract. 111. in Joann.

Hæc nimirum est illa hora, de qua JESUS aquam conversurus in vinum dixerat Matri: Quid mihi et tibi est mulier? Nondum venit hora mea. Hanc itaque horam prædixerat, quæ tunc nondum venerat, in qua deberet agnoscere moriturus, de qua fuerat mortaliter natus. Tunc ergo divina facturus, non divinitatis, sed infirmitatis Matrem velut incognitam repelebat. Nunc autem humana jam patiens, ex qua fuerat factus homo, affectu commendabat humano. Tu.

¶ O vos omnes. 914.

LECTIO 8.

Moralis igitur insinuat locus. Facit, quod faciendum admonet, et exemplo suo suos ministros instruit præceptor bonus, ut à filiis piis impendatur cura parentibus: tanquam lignum illud, ubi fixa erant membra morientis, etiam cathedra fuerit Magistri docentis. Tu. 914.

¶ Tu scis. 914.

LECTIO 9.

Ex hac sanâ doctrinâ didicerat Paulus Apostolus, quod docebat, quando dicebat: Si quis autem suis maximè domesticis non providet, fidem negavit, et est infidelis deterior. Quid autem tam cuique domesticum, quam parentes filiis, aut parentibus filiis? Hujus itaque saluberrimi præcepti ipse Magister Sanctorum de seipso constituēbat

exemplum, quando non ut famulæ Deus, quam creaverat et regebat, sed ut Matri homo, de qua creatus fuerat, et quam relinquebat, aliorum pro se quodammodo Filium providebat. Tu. Te Matrem.

VII.

TEMPORE.

VITÆ GAUDIOSÆ.

Quod totum pasch. tempus includit.

IN I. VESP.

Ant. 1. Indica mihi, * quem diligit anima mea, ne vagari incipiam, alleluia.

Psalmi de ferid.

2. Revertere: * similis esto, dilecte mi, capræ, hinnuloque servorum, alleluia.

3. Invenere me * vigiles: nunquid quem diligit anima mea vidistis, alleluia.

4. Inveni * quem diligit anima mea: tenui eum, nec dimittam, alleluia, alleluia.

5. Læva ejus * sub capite meo, et dextera illius amplexabitur me, alleluia.

CAPITULUM. Col. 3. 1.

Si surrexistis cum Christo, quæ sursum sunt, quærite, ubi Christus est ad dexteram Dei sedens: quæ sursum sunt, sapite, non quæ super terram.

HYMNUS 335.

Victor triumphat Filius:

Lætare, Mater, et tu

Qui corde fixit vulnera,

Nunc pulsus absistat dolor.

Fixum cruci, quem videras,

Natum resurgentem vides:

Magnos amor luctus dedit;

Majora nunc dat gaudia.

Nec jam rapaci gutture

Christum resumet inferus;

Mortem volens semel tulit,

Nunc vivus æternus manet.

JESU, tibi sit gloria,
Surgendo qui de mortuis
Apparuisti Virgini
Matri tuæ, per sæcula. Amen.
Hæc dozolog. dicitur toto hoc tempore.

†. Dilectus meus mihi, et ego illi, alleluia.

‡. Qui pascitur inter lilia, allel.

Ad Magnif. ant. Inveni, quem diligit anima mea, alleluia; Filium meum, qui mortuus fuerat et revixit, alleluia, qui perierat, et inventus est, alleluia, alleluia.

Oratio ut in Laudibus.

Completerium de seriali offic.

AD MATUTIN.

Invitator. Jubilemus Virgini MARIE, alleluia: * In resurrectione Christi Filii sui, alleluia, alleluia.
Psalmus Invitator.

HYNNUS 336.

Proprios, Virgo, tibi magna plausus
Splendore Nati damus in triumpho:
Ille dum vincit, tua, Mater, est pars
Maxima palmæ.

De tuâ crevit generatus alvo:
De tuo suxit sibi lacte corpus:
De tuo sanguis pretium salutis
Ubere fluxit.

Quanta vis Matrem tetigit doloris,
Prole tot diras obeunte mortes!
Carne quas læsâ tulit ille plagas,
Corde tulisti.

Rupi dum clausus jacuit sepulchri,
Orba tunc lucis paritèr jacobas:
Et novam Christo reparante vitam,
Ipsa resurgis.

Filio gaude, Genitrix, recepto:
Nulla regnantem tibi facta tollent,
Quem Patri consors amor et perennis

Gloria jungit. Amen.

IN I. NOCT.

Ant. Surge aquilo, * et veni auster: perfla hortum meum, et fluant aromata illius, allel.

Toto tempore paschal. dicitur tantùm una Antiphona in quolibet nocturno.

†. Jam hiems transiit, allel.

‡. Imber abiit, et recessit allel.

Sequentes Lection. dicuntur in Duplic. majoribus.

Pater nost. Absolut. Exaudi. Benedict. Benedictione.

De libro Exodi.

LECTIO 1. c. 15. 19.

Ingressus est eques Pharaon cum curribus, et equitibus ejus in mare: et reduxit super eos Dominus aquas maris: filii autem Israel ambulerunt per siccum in medio ejus. Sumpsit ergo MARIA Prophetissa, Soror Aaron, tympanum in manu suâ: egressæque sunt omnes mulieres post eam cum tympanis, et choris. Quibus præcinebat, dicens: Cantemus Domino: gloriosè enim magnificatus est, equum et ascensorem ejus projecit in mare. Tu.

‡. Adjuro vos, filiæ Jerusalem, si inveneritis dilectum: * Nuntiate illi, quia amore languo, allel. allel. †. Dilectus meus candidus et rubicundus, electus ex millibus.

—Nuntiate.

Bened. Primogenita.

De libro Judicum.

LECTIO 2. c. 5. 1.

Cecineruntque Debbora et Barach filius Abinoëm in illo die dicentes: Qui spontè obtulistis de Israel animas vestras ad periculum; benedicite Domino. Audite Reges, auribus percipite Principes: ego sum, ego sum, quæ Domino canam, psallam Domino Deo Israel. Domine, cum exires de Seir, et transires per regiones Edom, terra mola est, cœlique ac nubes distillaverunt aquis. Montes fluxerunt à facie Domini et Sinai, à facie Domini Dei Israel. Tu.

‡. Quæ est ista, quæ ascendit

de deserto tribulationis deliciis affluens resurrectionis, * Innixa super dilectum suum, allel. allel. *Ÿ.* Diectus meus mihi, et ego illi.

—Innixa.

Bened. Spiritus.

De libro Judith.

LECTIO 3. c. 16. 1.

Tunc cantavit canticum hoc Domino Judith, dicens: Incipite Domino in tympanis, cantante Domino in cymbalis, modulamini illipsalmum novum, exaltate, et invocate nomen ejus. Dominus conterens bella, Dominus nomen est illi. Qui possuit castra sua in medio populi sui, ut eriperet nos de manu omnium inimicorum nostrorum. Tu.

Ÿ. Vidi speciosam sicut columbam ascendentem desuper rivos aquarum: * Cujus inæstimabilis odor erat nimis in vestimentis ejus, aliel. allel. *Ÿ.* Et sicut dies verni circumdabant eam flores rosarum, et lilia convallium.—Cujus.—Glor.—Cujus. *In Dupl. 1. et 2. Class.* Vidi.

IN II. NOCT.

Ant. Surrexi, ut aperirem dilecto meo: manus meæ stillaverunt myrrham, et digiti mei pleni myrrhâ probatissimâ, allel.

Ÿ. Flores apparuerunt in terrâ nostrâ, allel.

Ÿ. Tempus putationis advenit, allel.

Pater nost. *Absolut.* Ipsius.

Bened. Dei Mater.

Sermo Sancti Augustini Episcopi.

Serm. 2. de Assumpt.

LECTIO 4.

Quid dicam pauper ingenio, cum de te MARIA, quidquid dixero, minor laus est, quàm dignitas tua merebatur? Si cælum te vocem, altior es; si matrem gentium prædicam præcedis: si formam Dei ap-

pellem, digna existis: si dominam Angelorum vocitem, per omnia te esse probaris. Quid ergò de te dignè dicam, quid referam, cum non sufficiat lingua carnis tuas enarrare virtutes? Has interim laudes sileat lingua carnis, quas semper ardentè profert, anima. Tu.

Ÿ. Vox dilecti mei pulsantis: Aperi mihi, Soror mea, amica mea, columba mea, immaculata mea alleluia, alleluia. *Ÿ.* Ecce iste venit saliens in montes transiliens colles.

—Aperi.

Bened. Filia Dei.

LECTIO 5.

Nunc nostras pelo, ut aures doctrinarum tuarum demulceas organis. Plaudet tympanis scena tu is, et veloces articulos puerperæ concrepent. Concinant lætantes chori, et alternantes modulis dulcisona carmina misceantur. Quæ tibi magna fecit, Domina, quæ, gloriosa Virgo, ut dici beata merearis? Puto enim, immò veraciter credo, ut creatura ederes Creatorem, famula Dominum generares, ut per te illuminaret, per te ad vitam reduceret. Tu.

Ÿ. Manè surgamus ad vineas: * Videamus, si floruit vinea, si flores fructus parturiunt, si floruerunt mala punica, allel. allel. *Ÿ.* Veniat dilectus meus in hortum suum, ut pascatur in hortis et lilia colligat.—Videamus.

Bened. Ignem.

LECTIO 6.

Hucusquè, Virgo beata, de te ipsâ, quæ nos ad amorem Dei accenderent, fidelitèr protulisti: ea verò quæ sequuntur humano generi prophetasti. Meum autem votum extitit, ea tantum indè transcurrere; quæ ad tui laudem nominis pertinebant. Sed hæc, quæ de te ipsâ narrasti, neque, tu, ut dignitas

tua meretur, dicere potuisti. Quas ergò tibi laudes fragilitas humani generis persolvat; quæ solo tuo commercio recuperandi aditum invenit? Tu.

¶ Filius tuus vivit, * Et ipse dominatur in omni terrâ à mari usque ad mare, et à flumine usque ad terminos orbis terrarum, allel. allel. ¶ Sufficit mihi, si adhuc Filius meus vivit: vadam et videbo illum.—Etiapse.—Gloria.—Et ipse. *In Dupl. 1. et 2. Class. Filius.*

IN III. NOCT.

Ant. Apparuit * mihi Dominus, et liberavit me de angustia cordis mei, allel.

¶ Non vocaberis ultrà, allel.

¶ Derelicta aut desolata, allel.

Pater nost. Absol. A vinculis.

Bened. Evangelica.

Sequens Homilia legitur in Dupl. majoribus.

Lectio S. Evangelii secundum

Joannem.

LECTIO 7. c. 20. 19.

In illo tempore: cum serò esset dies illo, una sabbatorum, et fores essent clausæ, ubi erant discipuli congregati propter metum Judæorum, venit JESUS et stetit in medio. Et reliqua.

Homilia Sancti Hildephonsi Arch. Toletani.

De Partu et Purificatione.

Aspectus Discipulorum utrumque tunc probavit, scilicet, quòd et fores clausæ essent, et quòd Dominus per easdem introiens coram præsens astaret. Sic et fides nostra utrumque de Christo certissimum tenet, quòd et pervia fuit et Virginis integritas, nascente Domino ex eâ, et tamèn uterus non fuerit reseratus. Tu.

¶ Festinate et ascendite ad Matrem meam, et dicetis: * JESUS Fi-

lius tuus vivit, Virgo sacrata, alleluia, alleluia. ¶ Quo audito, Virgo, quasi de gravi somno evigilans, revixit spiritus ejus.—JESUS.

Bened. Cujus gaudia.

LECTIO 8.

Alioquin quomodò clausum potest dici permansisse, quod violatum est? Aut quomodò sine dolore clausa permansit, ut fuit antequàm pareret? Nec enim clausæ illæ penetrabiliore erant januæ, quàm uterus Virginis incorruptus. Idcirco non abs re creditur ad nos Dominus sic exiisse, ut Nativitas Christi de carne Virginis probaretur, et Virgo nullis cruciatibus vexaretur. Tu.

¶ Venit Christus obviam Matri suæ post Resurrectionem: * Videns quæ eam, irruit super collum ejus, et amplectens eam consolatus est, alleluia, alleluia. ¶ Gaudia percepit Virgo dilecto Filio recepto.—Vidensque.—Gloria.—Vidensque. *In Dupl. 1. et 2. Class. Venit.*

Bened. Per Virginem.

LECTIO 9.

Fortè dicturi sunt isti, quòd corpus incorruptibile, et immortale exitus esset ad penetrandum quod vellet, quàm esset prius antequàm resurgeret. Nequaquàm igitur dicito, quisquis sanè sapis; ex quo conceptus est homo, idem semper, qui antea Deus fuit. Urdè quando super undas æquoreas ambulavit ante passionem, non minùs homo, quàm Deus fuit. Quasi ad naturam respicis rerum, aut pondus sine pondere vexit, aut undas suâ potentia, quo sustinere possent, pondus corporis solidius confirmavit. Tu. Te Matrem.

AD LAUDES

et per Horas antiphonæ.

1. Tu es gloria mea, * Deus,

et exaltans caput meum, alleluia.

2. In dolore meo * tenuisti me, me suscepit dextera tua, allel.

3. Appropinquasti mihi, * et surrexisti me in tribulatione meâ, alleluia.

4. Fecit mihi magna, * qui potens es, et sanctum nomen ejus, alleluia.

5. Surrexit Dominus * verè, et erexit animum Matris suæ, allel.

CAPITULUM. Col. 3. 1.
Si consurrexistis cum Christo, quæ sursùm sunt, quærite, ubi Christus est ad dexteram Dei sedens: quæ sursùm sunt sapite, non quæ super terram.

HYMNUS 337.

Orbæ parentis viscera
Dolor premebat anxius,
Qualis tenet superstitem
Sponso fideli turturem.

Immota firmat sauciam
Nati resurgentis fides:
Hæc una morti proximam
Scintilla vitam sustinet.

O lux repleta gaudiis!
Matris levamen unicum,
Op'ala confer ocyùs
Virumque redde Filium.

Dum spe morantem prævenit,
Seramque languens increpat,
Repente solis astitit
Surgentis inclitum jubar.

Micantis illa suscipit
Vibrata Nati lumina,
Tersisque cernit labibus
Corpus decorum gloriâ.

Omnis decor tunc Virginis
Pulsis redit doloribus,
Largoque vultus impetu
Tolos amores explicat.

O quantis imis concitus
Exarsit ardor cordibus,
Postquàm sacris dedit intùs
Amor frui complexibus.

JESU, tibi sit gloria,
Surgendo qui de mortuis

Apparuisti Virgini

Matri tuæ, per sæcula. Amen.

γ. In Domino gaudebo, allel.

ψ. Et exultabo in JESU Filio meo, allel.

Ad Benedict. *ant.* Exue te * stolâ luctûs, et indue te decore: Deus enim ostendet splendorem suum in te, alleluia, allel.

Oratio.

Deus qui post Resurrectionem tuam Matri tuæ Sanctissimæ primò apparuisti, ut ex illo dolore, quo ejus animus fuerat confossus, ad se rediret; largire nobis tuam gratiam, ut à peccatis resurgentes, ad formam cœlestis vitæ transferamur. Qui vivis et regnas.

AD PRIMAM.

Ant. Tu es gloria mea. *Capit.* Si consurr. *de Laudib.*

γ. ψ. *br.* Quæ in Resurrectione Filii tui lætata fuisti.

AD TERTIAM.

Ant. In dolore meo.

CAPITULUM. Isai. 62. 3.

Eris corona gloriæ in manu Domini, et diadema regni in manu Dei tui: non vocaberis ultrâ derelicta.

ψ. *br.* Gaude et lætare, * allel.

allel.—Gaude. γ. Virgo MARIA.

—Allel.—Glor.—Gaude.

γ. Surrexit Dominus verè, allel.

ψ. Et apparuit MARIÆ, allel.

AD SEXTAM.

Ant. Appropinquasti mihi.

CAPITULUM. Tob. 3. 22.

Post lacrymationem et fletum exultationem infundis: sit nomen tuum. Deus Israel, benedictum in sæcula.

ψ. *br.* Surrexit Dominus verè, * alleluia, allel.—Surrexit. γ. Et apparuit MARIÆ.—Alleluia.—Glor.—Surrexit.

γ. Tu es gloria mea, Deus.

ψ. Et exaltans caput meum.

AD NONAM.

Ant. Surrexit Dominus.

CAPITULUM. *Soph. 3. 14.*
Exulta in omni corde, filia Jerusa-
 lem.... non timebis malum ultra:
 Dominus Deus tuus in medio tui
 gaudebit super te in lætitiâ.

†. *br.* Tu es, gloria mea, Deus.
 * Alleluia, allel.—Tu. †. Et exal-
 tans caput meum.—Allel.—Deus.
 —Gloria.—Tu es.

†. In Domino gaudebo, allel.

†. Et exultabo in JESU Filio
 meo, allel.

IN II. VESPER.

Ant. 1. Venite, * audite et nar-
 rrabo, quanta fecit Deus animæ
 meæ, alleluia.

2. Jam læta moriar, * quia
 iterum vidi faciem Filii mei, allel.

3. Congratulamini mihi, * quia
 inveni Filium meum, quem perdi-
 deram, allel.

4. Mortuus erat, * et revixit,
 perierat, et inventus est, allel.

5. Fecit potentiam * in brachio
 suo qui potens est, et consolatus
 est me, allel.

CAPITULUM. *Colos. 3. 1.*
Si consurrexistis cum Christo, quæ
 sursum sunt, quærite, ubi Christus
 est ad dexteram Dei sedens: quæ
 sursum sunt, sapite, non quæ super
 terram.

HYMNUS 338. *Brev. Bisuntin.*

Lætara jam cum Filio
 Mœroris immemor tui,
 Et quæ fuisti conscia
 Doloris, esto gaudii.

Arcana Filius tibi
 Ardens amoris impetu
 Recludit: ignis vos sacer
 Conjungit arcis nexibus.

Fac nos ab imo criminum
 Clemens MARIA surgere:
 Fac nos superna quærere
 Gustumque da cœlestium.

JESU, tibi sit gloria

Surgendo qui de mortuis

Apparuiti Virgini

Matri tuæ, per sæcula. Amen.

†. Cor meum et caro mea, allel.

†. Exultaverunt in Deum vivum,
 alleluia.

Ad Magnific. ant. Tu es gloria
 mea, Deus, tu es susceptor meus,
 Domine, tu exaltans caput meum,
 alleluia, alleluia.

Oratio de Laudibus.

Completor. de feriâ.

Sequens Homilia dicitur in Duplic.

Lectio S. Evangelii secundum
 Matthæum.

LECTIO 7. c. 28. 16.

In illo tempore: Undecim discipuli
 abierunt in Galilæam, in montem,
 ubi constituerat illis JESUS. Et rel.

Homilia Beati Ruperti Abbatis.

De divin. officiis l. 7. c. 25.

Nunquid tunc, quando undecim di-
 scipuli abierunt in Galilæam, in
 montem, sicut constituit illis Do-
 minus JESUS, hanc Beatam, de
 quâ loquitur, MARIAM præteri-
 erunt, et absque illa videntes eum
 adoraverunt? Immo non alias,
 quam in domum illius, non alium
 in montem abierunt, ut viderent
 eum, quam in illum, super quem
 civitas ejus Nazareth sita erat, sicut
 jam dictum est. Igitur pulchrè et
 laudabiliter, ut diximus, eam in
 principio lætitiæ nostræ propona-
 mus, illud de Canticis recolentes,
 novum novæ Ecclesiæ sponsum,
 mox ut resurrexit, dixisse non vanè
 arbitantes: vadam ad montem
 myrrhæ, et ad collem thuris. Tu.
 †. Festinate, et ascendite. p. 920.

LECTIO 8.

Qua enim sui corporis parte altius
 pos ipsum caput suum Christum,
 Ecclesiæ sublimitas eminuit, quam
 singularibus hujus Reginæ angelo-

rum meritis, cujus ex carne sine viro, Christus, ut lapis de monte sine manibus est editus. Et quo in vertice montium tantum myrrhæ, id est, mortificationis, cum thuris, id est, piæ orationis odoribus inveniri potuit, quantum in hujus beatæ Virginis animâ, quam singulariter Dominicæ passionis gladius pertransierat. Tu. *¶*. Venit Christus. *p.* 920.

LECTIO 9.

Ad hunc montem myrrhæ vadimus et nos sæpè ad Santam MARIAM divertentes, et ipsa quoquæ eloquia cervi emissi, de quo supra dictum, eloquia pulchritudinis, quibus illie de baptizandis omnibus gentibus mandavit, exultantes mysticè depromimus hæc diè cantando: Tota pulchra es. Nota, namque omnium penè sententia Doctorum est, novam his verbis Ecclesiam invitari, ut surgat et properet apostolica, quæ tunc numero parva erat, Ecclesia de Libano venire, id est, candelatione baptismi gentes ad Christum adducere, MARIA Matre fidei nostræ adjuvante, id est, omnia verba hæc, quæ hactenus conservabat in corde suo, jam impartiente. Tu.

Te Matrem.

Sequens Homilia dicitur pro Semiduplic.

Lectio S. Evangelii secundum Joannem.

LECTIO 7. c. 20. 1.

In illo tempore: Uua Sabbati Maria Magdalene venit mane, cum adhuc tenebræ essent ad monumentum. Et reliqua.

Homilia S. Thomæ Arch. Valentini.

Con. 2. in Dom. Resur.

Dum igitur sic in Deum absorta, videndi Fillii desiderio teneretur, ecce oratorium illud luce nimia, et corusco fulgure perfunditur. Flagrante celestia aromata, et angelici

personant cantus. Intran paulatim cœlestes angelorum, patriarcharumque cunei, clausum Virginis domicilium ovantes, eam omni honore salutant, venerantur et laudant: Tu. *¶*. Festinate. *p.* 920.

LECTIO 8.

Adest omuium ultimus Princeps, omnium decorus, et splendidus: ad cujus aspectum virgineus animus undiquè deficit amore, et rapitur extra se, nec valet corpus tenerum tanti gaudii pondus perferre. Advolvitur pedibus, sublevatur ad amplexus, sicque inter brachia dilecti sui Creatoris sui dormit, et quiescit Virgo decora. Divino vultui virgineus vultus adjungitur, sic innixa super dilectum divina recipit oscula. Tu. *¶*. Venit. *p.* 920.

LECTIO 9.

O Mater Beatissima! O creatura felicissima! cujus altitudinem nec ipsi Spiritus cœlestes valent exprimere! Quanta dignitas! Quanta sublimitas! Quanta majestas sic à Deo amari sic venerari! Taccat lingua, loquatur, si valet affectus. Credi-derim ergò animam illam, nunc linceis oculis parietem corporis penetrasse, et latentem intra Deum vidisse, tantò clariùs quàm Paulus in raptu, quantò dignior est Mater apostolo. Tu. Te Matrem.

VIII.

TEMPORE.

VITÆ ACTIVÆ.

À Sabbato post Pentec. usque ad Assumptionem.

IN I. VESP.

Ant. 1. Venite ad me * omnes, et à generationibus meis implemini.

Psalmi de ferâ.

2. Qui me invenerit, * inveniet vitam, et hauriet salutem à Domino.

3. Ad infantia meâ * crevit mecum misericordia, et ab utero ma-

tris meæ egressa est mecum.

4. Oculi fui * cæco, et pes claudo: Mater eram pauperum.

5. In me omnis gratia * viæ et veritatis, in me omnis spes vitæ et virtutis.

CAPITULUM. *Prov.* 31. 10.

Mulierem fortem quis inveniet? Procul et de ultimis finibus pretium ejus, confidit in eâ cor viri sui, et spoliis non indigebit.

HYMNUS 339. *S. Petr. Dam.*

MARIA, Templum Domini,

Dei Mater et hominis:

Tunc verè Virgo Virginum,
Cum peperisti filium.

Hortus deliciarum.

Odor suavitatum;

Tu ager ille plenus,

Cui benedixit Deus.

Ex te botrus egressus,

Qui crucis prelo pressus;

Vino rigat arentes

Sancti Spiritûs mentes.

Es et terra cœlestis,

Ferax lactis et mellis:

Ex quâ veritas orta

Tollit errorum dogmata.

Tu nos culparum nexibus,

Sacris absolve precibus:

Tua promentens merita

Ad cœli transfer præmia.

Sit tibi laus altissime,

Qui natus es ex Virgine:

Sit honor inefabili

Patri, sanctoque Flamini. Amen.

†. Specie tuâ et pulchritudine tuâ.

‡. Intende, prosperè procede, et regna.

Ad Magnif. *ant.* Virgo MARIA * non est tibi similis orta in mundo inter mulieres, florens ut rosa, flagrans sicut lilium.

Oratio de Laudib.

Completoꝝ, ut in feriali offic.

Sequens Doxolog. dicitur in Hymn.

Complet. et in aliis ejusdem metri.

Summo Parenti cœlitum

Magnæque proli Virginis,

Sancto simul Paraclito

Si summa laus et gloria.

AD MATUTIN.

Invitator. Venite ad me: * En proferam vobis spiritum meum.

HYMNUS. 340.

Victim conde capunt, perfide serpens;

En Virgo, tibi dat quam Deus hostem,
Totâ mente tibi, pectore toto,
Adversis studiis obvia pugnat.

Fallax, mente tuærens, invidus anguis

Fraudes, bella, scellus spargit et iras:

Simplex, et placido corde modesta
Spargit Virgo bonæ gaudia pacis.

Quid tentare vias Numinis audes,
Serpens, nec lacito pectore pares?

Non scrutans mulier, quæ Deus abdit,

Servat jusea, Deo, muta, loquente.

Affectat titulos ille negatos,

Et celata sibi scire laborat:

Hæc contenta datis, cætera mittit,

Alta cuncta premens omnia mente.

Nati te, Genitrix Virgo, sequamur,

Castris oppositis stemus in anguem:

Æternis odiis bella geramus

Votis, corde, fide, moribus hostes.

Sit laus summa Patri, laus tibi,

Nate,

Qui calcem tibi dum conterit anguis

Huic, victore, caput tu pede calcas:

Compar te celebret laus quoquæ

Flamen. Amen.

IN I. NOCT.

Ant. 1. Quis infirmatur, * et ego non infirmor? Quis scandalizatur, et ego non uror?

2. Testis est * mihi Deus, quomodo cupiam vos in visceribus Christi.

3. In corde meo * estis ad convivendum, et ad commorandum.

†. Transite ad me.

†. Omnes qui concupiscitis me.

Pater nost. *Absolut.* Exaudi. *Benedict.*

Sequentes Lectiones dicuntur in Duplic. major.

De libro Judith.

LECTIO 3. c. 13. 17.

Laudate Dominum Deum nostrum, qui non deseruit sperantes in se: et in me ancillā suā adimplevit misericordiam suam, quam promisit domui Israel. Confitemini illi omnes quoniam bonus, quoniam in sæculum misericordia ejus. Universi autem adorantes Dominum, dixerunt ad eam: Benedixit te Dominus in virtute suā, quia per te ad nihilum redegit inimicos nostros. Tu.

†. Ego quasi vitis fructificavi suavitatem odoris: * Et flores mei fructus honoris et gratiæ. †. Ego quasi therebintus extendi ramos meos.—Et flores mei.

Bened. Primogenita.

LECTIO 2.

Benedicta es tu, filia, à Domino Deo excelso præ omnibus mulieribus super terram. Benedictus Dominus, qui creavit cælum et terram, qui te direxit in vulnere capitis principis inimicorum nostrorum: quia hodiè nomen tuum ita magnificavit, ut non recedat laus tua de ore hominum, qui memores fuerint virtutis Domini in æternum, pro quibus non pepercisti animæ tuæ, propter angustias et tribulationem generis tui, sed subvenisti ruinæ ante conspectum Dei nostri. Tu.

†. Hæc est, quæ nescivit thorum in delicto: * Habebit fructum

in respectione animarum sanctarum. †. In omni gente, quæ audierit nomen ejus, glorificabitur. —Habebit.

Bened. Spiritus Sancti.

LECTIO 3.

Benedicta tu à Deo tuo in omni tabernaculo Jacob, quoniam in omni gente, quæ audierit nomen tuum, magnificabitur super te Deus Israel. Tu gloria Jerusalem, tu lætitia Israel, tu honorificentia populi nostri: quia fecisti viriliter, et confortatum est cor tuum, eo quod castitatem amaveris: ideo et manus Domini confortavit te, et eris benedicta in æternum. Et dixit omnis populus: fiat, fiat. Tu.

†. Christi Virgo dilectissima, virtutum operatrix, opem fer miseris: * Subveni, Domina, clamantibus ad te jugiter. †. Quoniam peccatorum mole premimur, et non est, qui adjuvet.—Subveni.—Glor.—Subveni. *In Duplic.* 1. et 2. *Class.* Christi Virgo.

IN II. NOCT.

Ant. 1. Quasi stella * matutina in medio nebulae, et quasi luna plena in diebus suis lucet.

2. Quasi oliva * speciosa in campis, et quasi platanus exaltatissimum.

3. Sicut balsamum * aromatizans dedi suavitatem odoris.

†. Vultum tuum deprecabuntur.

†. Omnes divites plebis.

Pater nost. *Absol.* Ipsius. *Benedict.* Dei Mater.

Sermo Sancti Cyrilli Episcopi Alexandrini.

Homilia contra Nestor.

LECTIO 4.

Hilarem video cætum fidelium omnium, qui convenerunt promp'isanimis, à sanctā et Dei Matre MARIA semper Virgine convocati. Laus et

gloria sit tibi, sancta Trinitas, quæ omnes nos ad hanc celebritatem convocasti. Sit etiã tibi, Sancta Dei Mater, laus: tu enim es pretiosa margarita orbis terrarum: tu lampas inextinguibilis, corona virginitalis, sceptrum orthodoxæ fidei, templum indissolubile, continens eum, qui nunquã contineri potest: Mater et Virgo: tu benedicta inter mulieres, ejus parens, qui benedictus venit in nomine Domini. Tu.

¶ Miseris et afflictis condolet Virgo coacta et subvenire non pigrescit, * Quia apud fideles omnium pietatis operum est ministra. †. In angustiis, in necessitatibus, in periculis MARIAM invoca.—Quia.

Bened. Filia Dei.

LECTIO 5.

Per te Trinitas sanctificatur, per te crux pretiosa dicitur, et adoratur in toto orbe terrarum. Per te exultat cœlum, lætantur Angeli, fugantur dæmones, et homo ipse ad cœlum revocatur. Per te omnis creatura idolorum errore detenta, conversa est ad agnitionem veritatis, et fideles omnes ad sanctum Baptisma pervenerunt, atque in toto orbe terrarum constructæ sunt Ecclesiæ. Tu.

¶ Ab hoste maligno defende nos, Dei Genitrix Virgo MARIA: * Quæ cunctas hæreses sola interemisti in universo mundo. †. Tibi debetur gloria, et gratiarum actio, et vox laudis.—Quæ.

Bened. Ignem Divini.

LECTIO 6.

Te adjutrice, gentes veniunt ad pœnitentiam. Quid plura? Per te Unigenitus Dei Filius vera illa lux effulsit sedentibus in tenebris et umbrâ mortis. Te prophetæ præ-nuntiarunt. Te Apostoli summis

laudibus celebrarunt. Quisnam poterit tuarum laudum præconia explicare, MARIA Mater et Virgo? Hanc, fratres dilectissimi, celebremus, ejus Filium Ecclesiæ Sponsum immaculatum adorantes: cui honor et gloria in sæcula sæculorum. Amen. Tu.

¶ Meritò in te omnes respiciunt, * Quia in manibus tuis sunt omnium hominum sortes. †. Sancta MARIA, succurre miseris, juva pusillamines, refove flebiles.—Quia.—Gloria.—Quia. *In Dupl.* 1. et 2. *Class.* Meritò.

IN III. NOCT.

Ant. 1. Pone me, * Domina, juxta te, et cujusvis manus pugnet contra me.

2. Beatus homo, * qui observat semper ad postes ostii mei.

3. Qui diligunt me, * comedent fructus meos.

†. Spiritus meus super mel dulcis.

¶ Et hæreditas mea super mel et favum.

Pat. nost. Absol. A vinculis. *Benedic.* Evangelica.

Sequens Homilia dicitur in Duplicib. majoribus.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier quædam, Martha nomine, excepit illum in domum suam. Et reliqua.

Homilia S. Anselmi Episcopi.

In Cap. 10. Lucæ. Homil.

Videamus actionem hujus Mart hæ... Et ut planius id faciamus, quid alii per Martham operantur, et quid est ista operata, coferamus. Alii hospitem quemlibet in domo suâ suscipiunt, ista non quemlibet, sed proprium Dei Filium, qui non habet, ubi caput re-

clinet, non in domo, sed in utero suscepit. Tu.

¶. Foris non mansit peregrinus Filius Dei: * Ostium meum viatori paluit. †. Hospes eram, Mater mea, et collegisti me.—Ostium meum.

Bened. Cujus festum.

LECTIO 8.

Alii nudum quemlibet veste mutabili, atque corruptibili undelibet composita operiunt, illa Verbum Dei in illa virginē carne in unitate personæ assumpsit, quæ sine fine incommutabilis permanet. Alii quemlibet esurientem cibo vel potu exteriori reficiunt, ista Deum et hominem humanitatis indigentem, non solum exterioribus cibis, vel potibus pavit, verum etiam interiori suo lacte aluit. Tu.

¶. Esurivi, et dedisti mihi manducare: sitivi, et dedisti mihi bibere: * Nudus fui, et cooperuisti me. †. Pelle et carnibus, Mater mea, vestisti me.—Nudus.—Glor.—Nudus. *In Duplic. 1. et 2. Class.* Esurivi.

Benedict. Per Virginem.

LECTIO 9.

Et ut breviter illa sex misericordiarum opera percurramus, quæ cum uni ex minimis suis facta fuerint, Deus sibi facta confitetur. Ista non quemlibet ex minimis, sed summum Dei Filium hospitem suscepit, nudum vel etiam pannis operuit, esurientem pavit, sitientem lacte potavit, infirmum per infantiam, et jacentem non solum visitavit, sed etiam balneando, fovendo, leniendo, gestando frequentavit, ut merito de eâ dicatur: Martha salagebat circa frequens ministerium. Tu.

Te Matrem.

AD LAUDES

et per Horas antiphonæ.

1. In Sion * firmata sum, quia

in habitatione sanctâ coram ipso ministravi.

2. Salagebat * circa frequens Christi ministerium.

3. Apostola * Apostolorum Magistra Evangelistarum, Doctrina discipulorum.

4. Pertransiit * benefaciendo: misericordiâ illius plena est terra.

5. Surrexerunt * filii ejus, et beatissimam prædicaverunt.

CAPITULUM. Prov. 31. 10.

Mulierem fortem quis inveniet? Procū et de ultimis finibus pretium ejus: confidit in eâ cor viri sui, et spoliis non indigebit.

HIMNUS 341.

O beata Mater Christi,
David stirpis femina:
Tu laus orbis et Regina,
Læta Virgo MARIA.

Votis adsis tu piorum
Omne servans sæculum:
Patriarchis et Prophetis
Laus, corona, gloriæ.

Ex te sperant lætabunda
Angelorum agmina,
Christi plebem, quod gubernes
Arcanorum conscia.

Nam te, Virgo celebs nupta,
Sexus omnis appetit:
Tu parentes atque natos
Deprecando protege.

Sempiterna sit beatæ
Trinitati gloria:
Patrem natum, atque Flamen
Laudet omne sæculum. Amen.

†. Qui elucidant me.

¶. Vitam æternam habebunt.

Ad Benedict. ant. Omnibus omnia * facta est, omnibus misericordiarum suarum aperit, ut de plenitudine ejus accipiant universi.

Oratio.

Omnipotens sempiterne Deus,
qui dilectissimam Matrem tuam
Apostolis in solatium ad cœlos

ascendens reliquisti: præsta quæsumus, ut qui ipsam jugiter veneramur, et ejus consolatione perfruanur in terris, et ejus protectione ad cœlestem patriam perducamur. Qui vivis.

AD PRIMAM.

Ant. In Sion. *Capit.* Mulierem.

†. *Br.* Quæ sollicita salutis omnium fuisti.

AD TERTIAM.

Ant. Satagebal.

CAPITULUM. *Prov.* 31. 18.

Gustavit et vidit, quia bona est negotiatio ejus: non exstinguetur in nocte lucerna ejus.

†. *Br.* Venite * Ad me omnes.—Venite. †. Qui concupiscitis me.—Ad me.—Gloria.—Venite.

†. Spiritus meus super mel dulcis.

†. Et hæreditas mea super mel et favum.

AD SEXTAM.

Ant. Apostola.

CAPITULUM. *Prov.* 31. 26.

Os suum aperuit sapientiæ, et lex clementiæ in lingua ejus: consideravit semitas domus suæ, et panem otiosa non comedit.

†. *Br.* Venite ad me * omnes qui laboratis.—Venite. †. Et ego reficiam vos.—Omnes.—Glor.—Venite.

†. In me omnis gratia viæ et veritatis.

†. In me omnis spes vitæ et virtutis.

AD NONAM.

Ant. Surrexerunt.

CAPITULUM. *Prov.* 31. 30.

Mulier timens Dominum ipsa laudabitur: date ei de fructu manuum suarum, et laudent eam in portis opera ejus.

†. *Br.* Fons hortorum, * Puteus aquarum viventium.—Fons.

†. Quæ fluent impetu ex Libano.—Puteus.—Gloria.—Fons.

†. Emissiones tuæ paradisus malorum puniceorum.

†. Cum pccorum fructibus.

IN II. VESPER.

Ant. 1. Filii Matris meæ * pugnauerunt contra me: et posuerunt me custodem in vineis.

2. Terribilis * ut castrorum acies ordinata, cunctas hæreses sola interemisti.

3. Sicut terris * David collum tuum, quæ ædificata est cum propugnaculis.

4. Mille clypei * pendent ex eâ, omnis armatura fortium.

5. Erit firmamentum * in terra, et in summis montibus, allel.

CAPITULUM. *Prov.* 31. 10.

Mulierem fortem quis inveniet? Procul et de ultimis finibus pretium ejus: confidit in eâ cor viri sui, et spoliis non indigebit.

HYMNUS 342. *Muret.*

Os solis nitido lumine pulchrior, Virgo, constituit quam Deus unicam Expertem maculis omnibus, ut fores Nato digna parens suo.

Te quondam Gedeon vellere in humido,

Inlactâque novis imbribus areâ; Te cincto innocuis Legifer ignibus Agnorat prius in rubo.

Rebus principium, qui dedit omnibus,

A te principium sumpsit homo Deus:

Cunctos prospiciens, qui tribuit cibos,

Pastus lacte fuit tuo.

Per te quod mulier perdiderat vetus

Humano generi redditur auctius: Tu clausas miseris, heu nimirum diù!

Cœlorum reseras fores.

Qui lucis pater est, gloria sit Patri:

Cujus Virgo parens, gloria Filio,
Quo sæcunda tibi nexus amabilis
Sit par gloria, Spiritus. Amen.

†. Læletur anima vestra in misericordiâ ejus.

†. Et non confundemini in laude ipsius.

Ad Magnific. ant. Non habet * amaritudinem conversatio ejus, nec lædium convictus illius, sed lætitiâ et gaudium.

Oratio de Laudibus.

Completor. de feriâ.

Sequens Homilia dicitur in Duplic.

Lectio S. Evang. secundum Lucam.

LECTIO 7. c. 10. v. 13.

In illo tempore: conversus JESUS ad Discipulos suos dixit illis: Beati oculi, qui vident, quæ vos videtis. Et reliqua.

Homilia S. Amadei Episcopi
Lausanensis.

De laud B. V. Hom. 5.

Quis ergo non properat, quis non curreret ab extremis terræ, reverendæ majestatis decus aspicere, et vultum omnimodâ suavitate, imperiali etiâ majestate, et singulari prædium potestate videre? Quippe nihil inveniebatur illi simile in filiis et filiabus Adæ. Nihil tale in prophetis, in Apostolis, aut in Evangelistis. Nihil illi simile cælum et terra dedere. Tu.

†. Foris non mansit. p. 927.

LECTIO 8.

Quis enim in nubibus æquaretur ei, aut similis Matri Domini inter filios Dei? Et vide, quàm recto ordine citra Assumptionem effulsit admirabile nomen ejus in universâ terrâ, et fama ejus celeberrima ubique diffusa est, prius quàm elevaretur magnificentia ejus super cælos. Tu. †. Esurivi. p. 927.

LECTIO 9.

Decebat enim Matrem Domini Virginem, et ob Nati sui honorem, primò terris regnare, et ita demùm cælos cum gloriâ suscipere. Dilatari et infimis, ut superna in plenitudine sanctâ penetraret, translata sicut de virtute in virtutem, sic à claritate in claritatem à Domini Spiritu. Igitur in carne præsens futuri regni primitias prælibabat. Tu.

Te Matrem.

Sequens Hom. dicitur in Semiduplic.
Lectio Sancti Evangelii secundum Joannem.

LECTIO 7. c. 2. 1.

In illo tempore: Nuptiæ factæ sunt in Cana Galilææ, et erat Mater JESU ibi. Et reliqua.

Homilia S. Gaudenii Ep. Brixiensis.

Trac. 1. de Lect. Evangel. In Biblic. PP.

Et ait Mater Domini ad eum: Vinum non habent. Sed jam quid Dominus ei responderit attonitis mentibus audiamus. Ait illi JESUS: Quid mihi et tibi est mulier? Nondum venit hora mea. Juxta intellectus simplicis rationem probare suffecerit, Beatam MARIAM Virginem sexus causâ mulierem nuncupatam, sicut in Genesi de Eva scribitur. Quod verò ait: Quid mihi et tibi est? Nondum venit hora mea: non mihi videtur illa responsio ad istam suggestionem MARIÆ convenire, nisi in mysterio locutus esse spiritualiter Dominus dicatur, ut quoniam vinum Spiritus Sancti ante Passionem Christi ac Resurrectionem gentibus dare non poterat (Evangelistâ testante: nondumerat Spiritus datus, quia JESUS necdum fuerat glorificatus), meritò tunc inter initia signorum Matri responderit: Quid mihi et tibi est mulier? Nondum venit hora mea. Tu.

†. Foris non. p. 927.

LECTIO 8.

Tanquàm si diceret: quid tam præpropera est tua, ò Mater suggestio, cum hora passionis meæ nondùm advenerit, quâ, perfectis omnibus vel doctrinæ, vel operationum divinarum virtutibus, pro vitâ credentium mori disposui? Post Passionem, Resurrectionemque meam cum ad Patrem rediero, tunc eis donabitur vinum Spiritûs Sancti. Quapropter ipsa Beatissima agnito responsionis hujus profundo mysterio, intellexit non suggestionem suam aspernantèr acceptam secundum illam spiritualem rationem in mysterio tunc dilatam. Tu.

¶. Esurivi. 927.

LECTIO 9.

Cæterum nunquàm mandaret ministris: quodcumque dixerit vobis, facite: nisi Spiritu Sancto post partum divinum plena, non solum responsionis Christi virtutem cognovisset, verùm etiàm faciendi ab tunc ex aquâ vini universum ordinem prævidisset. Quid enim lateret sapientiæ Matrem capacem Dei, ædem dignissimam tantæ virtutis, veritate facti historialitèr approbatâ? Tu. Te Matrem.

IX.

TEMPORE.

VITÆ GLORIOSÆ.

Post Assumptionem in Cælum.

IN I. VESPER.

Ant. 1. Viderunt eam * filiæ Sion, et Beatissimam prædicaverunt, alleluia.

Psalmi de ferid.

2. Tu gloria Jerusalem, * tu lætitia Israel, tu honorificentia populi nostri, alleluia.

3. In Sion * firmata sum, et in civitate sancta requievi, et in Jerusalem potestas mea, alleluia.

4. Nihil æquale * MARIE, ni-

hil nisi Deus major MARIA, allel.

5. Tot tibi * sunt dotes, Virgo, quot sidera cælo, alleluia.

CAPITULUM. *Jud.* 10. 4.

Dominus contulit ei splendorem.... ut incomparabili decore omnium oculis appareret.

HYMNUS 343. *S. Pet. Dam.*

Gaudium mundi, nova stella cæli, Procreans solem, pariens parentem, Da manum lapsis, opem fer caducis Virgo MARIA.

Te Deo factam liquet esse scalam, Quâ tenens summum, petit altus imum:

Nos ad excelsi remeare cæli

Culmina dona.

Te beatorum chorus Angelorum, Te sacri vates, et Apostolorum Ordo prælatam, sibi cernit unam Post Deitatem.

Aula cœlestis speciosa Regis, Fulta septenis sophiæ columnis, Quem nequit totus cohibere mundus Claudis in alvo.

Sit decus summo sine fine Christo, Sancta quem Virgo genuit MARIA, Qui Patri compar Spiritui Sancto Regnat in ævum. Amen.

†. Magna est gloria ejus, allel.

¶. In salutari tuo, Domine, allel.

Ad Magnif. ant. Beatam me dicent * omnes generationes, quia fecit mihi magna Dominus, qui potens est.

Oratio de Laudibus.

Completor. de ferid.

Sequens Doxol. dicitur in Hymn.

Complet. et in alijs ejusd. metri.

Te nunc, Redemptor, quæsumus, Ut Virginis consortio

Jungas præcantes servulos In sempiterna sæcula. Amen.

AD MATUT.

Invitator. Memoriam MARIE cum laudibus celebremus, * Et nomen ejus cum exultatione, alleluia, alleluia.

Psalm. Invitator. Venite, exultemus.

HYMNUS 344. Brev. Pariss.
O quàm glorificà luce coruscas
 Stirpis Davidicæ regia proles,
 Sublimis residens, Virgo MARIA,
 Supra cœligenas ætheris omnes!

Tu cum virgineo Mater honore
 Cœlorum Domino pectoris aulam
 Sacris visceribus casta dedisti:
 Humanos Deus hinc induit artus.

Quem cunctus venerans orbis
 adorat,

Cui nunc ritè genu flectitur omne,
 A quo te precibus subveniente
 Æterni petimus gaudia regni.

Divinæ Soboli, qui dare Matrem

In terris voluit, gloria Patri:
 Cujus Virgo parens gloria Nato,
 Quo fecunda tibi gloria, Flamen.

Amen.

IN I. NOCT.

Ant. 1. Benedicta * à Domino
 Deo excelso præ omnibus mulie-
 ribus super terram, allel.

2. Nomen tuum * ità Deus
 magnificavit, ut non recedat laus
 tua de ore hominum, allel.

3. Benedicentur in te, * et in
 semine tuo cunctæ tribus terræ,
 allel.

†. Gloriosa dicta sunt de te,
 allel.

†. Civitas Dei, allel.

Pater nost. *Absol.* Exaudi. *Bened.*
 Benedictione.

*Sequentes Lectio dicuntur in Du-
 plicib. majoribus.*

De libro Esther.

LECTIO 1. c. 5. 1.

Induta est Esther regalibus vesti-
 mentis, et stetit in atrio domus re-
 giæ, quod erat interiùs contra Ba-
 silicam regis: at ille sedebat super
 solium suum in consistorio palatii
 contra ostium domus. Cumque vi-

disset Esther reginam stantem, pla-
 cuit oculis ejus, et extendit contra
 eam virgam auream, quam tenebat
 manu. Quæ accedens osculata est
 summitatem virgæ ejus. Tu.

†. Per te, Virgo Dei Genitrix,
 nobis est vita perditâ data, * Quæ
 de cœlo suscepisti prolem, et mun-
 do genuisti Salvatorem, alleluia,
 allel. †. Recordare, Virgo Mater in
 conspectu Dei, ut loquaris pro no-
 bis bona, et ut avertat indignatio-
 nem suam à nobis.—Quæ.

Bened. Primogenita.

LECTIO 2. c. 7. 2.

Dixitque ad eam Rex: quæ est pe-
 titio tua, Esther, ut detur tibi, et
 quid vis fieri? Etiàm si dimidiam
 partem regni mei petieris, impetra-
 bis. Ad quem illa respondit: Si in-
 veni gratiam in oculis tuis, ò Rex,
 et si tibi placet, dona mihi animam
 meam, pro quâ rogo, et populum
 meum, pro quo obsecro. Traditi
 enim sumus ego et populus meus,
 ut conteramur, jugulemur, et pe-
 reamus. Tu.

†. Memorare dierum humilitatis
 tuæ, et ostende te nobis in tempore
 tribulationis nostræ: * Quia hostis
 noster locutus est contra nos in
 mortem, allel. allel. †. Invoca Do-
 minum, et loquere regi pro nobis,
 et libera nos de morte.—Quia.

Bened. Spiritus.

LECTIO 3.

Respondensque rex Assuerus ait:
 Quis est iste, et cujus potentiæ,
 ut hæc audeat facere? Dixitque
 Esther: Hostis et inimicus noster
 pessimus iste est Aman. Quod ille
 audiens, illico obstupuit, vultum
 regis ac reginæ ferre non sustinens.
 Rex autem iratus surrexit, et de
 loco convivii intravit in hortum ar-
 boribus consilium. Aman quoque
 surrexit, ut rogaret Esther regi-

nam pro animâ suâ: intellexit enim à rege sibi paratum malum. Tu.

℞. Manus Domini confortavit te, et ideo eris benedicta in æternum, * Præ omnibus mulieribus super terram, allel. allel. ⁊. Benedicta es tu filia à Domino Deo excelso. — Præ.—Gloria.—Præ. *In Duplicibus 1. et 2. Class. Manus.*

IN II. NOCT.

Ant. 1. Pulchra es, * amica mea, suavis et decora sicut Jerusalem, allel.

2. In cœlesti Jerusalem * potestas mea, et in plenitudine sanctorum detentio mea, allel.

3. Amicta lumine * sicut vestimento, sicut sol fulgebit in æternum, allel.

⁊. Speciosa facta es, et suavis, alleluia.

℞. In deliciis tuis, Sancta Dei Genitrix, allel.

Pater nost. *Absol. Ipsius, Bened. Dei Mater.*

Sermo S. Joannis Chrisostomi. *Apud Metaphr. ex Brev. Romano.*

LECTIO 4.

Dei Filius non divitem aut locupletem aliquam feminam sibi Matrem elegit, sed beatam Virginem illam, cujus anima virtutibus ornata erat. Cum enim beata MARIA supra omnem humanam naturam castitatem servaret, propterea Christum Dominum in ventre concepit. Ad hanc igitur sanctissimam Virginem, et Dei Matrem accurrentes, ejus patrocinii utilitatem assequamur. Itaque quæcumque estis virgines ad Matrem Domini confugite. Illa enim pulcherrimam, et incorruptibilem possessionem patrocinio suo vobis conservat. Tu.

℞. Ornatam monilibus filiam Jerusalem Dominus concupivit: * Et videntes eam filiæ Sion beatissi-

mam prædicaverunt, dicentes: unguentum effusum nomen tuum, alleluia, allel. ⁊. Astitit regina à dextris tuis, in vestitu deaurato, circumdata varietate.—Et videntes.

Bened. Filia Dei.

LECTIO 5.

Magnum reverà miraculum, fratres dilectissimi, fuit beata semper Virgo MARIA. Quid namque illa majus aut illustrius ullo unquam tempore inventum est, seu aliquando inveniri poterit? Hæc sola cælum et terram amplitudine superavit. Quidnam illa sanctius? Non prophetæ, non apostoli, non martyres, non patriarchæ, non angeli, non throni, non dominationes, non seraphim, non cherubim, non denique aliud quidpiam inter creatas res, visibiles, aut invisibiles, majus aut excellentius inveniri potest. Eadem ancilla Dei est et Mater: eadem Virgo et Genitrix. Tu.

℞. Beata me dicent omnes generationes, * Quia fecit mihi magna Dominus qui potens est, et sanctum nomen ejus, allel. allel. ⁊. Et misericordia ejus à progenie in progenies timentibus eum.—Quia.

Bened. Ignem divini.

LECTIO 6.

Hæc ejus mater est, qui à Patre ante omnium principium genitus fuit, quem Angeli ac homines agnoscunt Dominum rerum omnium. Vis ne cognoscere, quanto Virgo hæc præstantior sit cœlestibus potentiis? Illæ cum timore, et tremore assistunt, faciem velantes suam: hæc humanum genus illi offert, quem genuit, per hanc et peccatorum veniam consequimur. Ave, igitur, Mater, cælum, puella, Virgo, thronus, Ecclesiæ nostræ decus, gloria, et firmamentum, assidue pro nobis deprecare Filium tuum, et Dominum nostrum. Tu.

¶. Quæ est ista, quæ processit sicut sol, et formosa tanquàm Jerusalem? * Viderunt eam filiæ Sion, et Beata dixerunt, et regi-næ laudaverunt eam, allel. allel. ¶. Et sicut dies verni circumda-bant eum flores rosarum, et lilia convallium.—Viderunt.—Gloria.—Viderunt. *In Dupl.* 1. et 2. *Classis.* Quæ est ista.

IN III. NOCT.

Ant. 1. Cum regio * fulgeret ha-bitu, incomparabili decore om-nium oculis apparebat, alleluia.

2. Pulchra * pulchritudine di-vinâ, pulchra decore virgineo, pul-chra unigenito Filio, alleluia.

3. Ista est * speciosa inter filias Jersalem, alleluia.

¶. Valdè mirabilis es, Virgo MARIA, alleluia.

¶. Et facies tua plena gratia-rum, alleluia.

Pat. nost. *Absol.* A vinculis. *Benedic.* Evangelica.

Sequens Homilia legitur in Du-plicib. majorib.

Lectio S. Evang. secundum Lucam.

LECTIO 7. c. 11. 27.

In illo tempore: Loquente JESU ad turbas, extollens vocem quædam mulier de turbâ, dixit illi: beatus venter qui te portavit. Et reliqua.

Homilia Venerabilis Bedæ Præsb.

Libr. 4. c. 49. *in Lucam.*

Magnæ devotionis et fidei hæc mulier ostenditur, quæ scribis et phariseis Dominum tentantibus, sim- mul et blasphemantibus, tantâ ejus Incarnationem præ omnibus sinceritate cognoscit, tantâ fiduciâ con- fitetur, ut et præsentium pro- cerum calumniam, et futurorum confundat hæreticorum perfidiam. Tu.

¶. Quid grandius Virgine, * Quæ magnitudinem summæ divinitatis

mirè sui ventris conclusit arca- no? allel. allel. ¶. Ascende su- per Seraphim, et videbis, quod majus est, minus Virgine, solum- que Opificera opus illud super- gredi.—Quæ.

Bened. Cujus gloriam.

LECTIO 8.

Nam sicut tunc Judæi Sancti Spiri- tûs opera blasphemando, verum consubstantialemque Patri Dei Fi- lium negabant: sic hæretici postea negando MARIAM semper Virgi- nem, Sancti Spiritûs operante vir- tute, nascituro cum humanis mem- bris Unigenito Dei, carnis suæ ma- teriam ministrasse, verum, con- substantialemque Patri Filium ho- minis fateri non debere dixerunt. Tu.

¶. Sancta et immaculata Virgi- nitas, quibus te laudibus efferam nescio, * Quia quem cœli capere non poterant, tuo gremio contuli- sti, allel. allel. ¶. Benedicta tu in mulieribus et benedictus fructus ventris tui.—Quia.—Glor.—Quia. *In Dupl.* 1. et 2. *Classis.* Sancta.

Bened. Per Virginem.

LECTIO 9.

Sed si caro Verbi secundum car- nem nascentis à carne Virginis Ma- tris pronuntiatur extranea, sine causâ venter, qui eam portasset, et ubera, quæ lactassent, beatifican- tur. Quâ enim consequentiâ ejus lacte credatur nutritus, cujus semi- ne negatur conceptus, cum ex unius, ejusdemque fontis origine secundum Phisicos uterque liquor emanare probetur? Tu. Te Matrem.

AD LAUDES.

Ant. 1. Multæ filiæ * congre- gaverunt divitias, tu supergressa es universas, allel.

2. Sedes tua, * Virgo, in sæ- culum sæculi, et regnum tuum à generatione in generationem, allel.

3. * Quia respexit * Deus humilitatem ancillæ suæ, beatam me dicent omnes generationes, allel.

4. Oculi tui * misericordes in nos pauperes, ditissima Virgo, respiciant, allel.

5. Respice * de excelso solio tuo super nos, et miserere nostri, alleluia.

CAPITULUM. *Jud. 10. 4.*

Dominus contulit ei splendorem.... ut iam comparabili decore omnium oculis appareret.

HYMNUS 345. *Brev. Par.*

Nunc aurora nova nantia lucis
Tristes orbe procul dissipat umbras:

O quam lucidior, nocte sepultis
Portans ipsa diem, Virgo refulgens!
O quæ nunc habitas lucida regna,

Mittas inde tuæ munera lucis:
Te si terra dedit munus olympo,
Quæ non dona memor reddet olympus?

Inter perpetuos Numinis haustus,
O Regina, tibi sanguine junctum
Ne dedisce genus: nostra fuisti,
Summi facta parens, Virgo, Tonantis.

Divinæ Soboli, qui dare Matrem
In terris voluit, gloria Patri:
Cujus Virgo parens, gloria Nato,
Quo fecunda tibi gloria, Flamen.

Amen.

†. Deus in medio ejus, allel.

†. Non commovebitur, allel.

Ad Benedict. ant. Gyrum cæli *
circuivi sola, et profundum abyssi
penetravi, in fluctibus maris ambulavi,
et in omni terrâ steti, et in omni gente
et in omni populo primatum habui, allel. allel.

Oratio.

Omnipotens sempiterne Deus,
qui Unigeniti tui Beatissimam Matrem
super omnes choros Angelorum
sublimasti; concede propitius,

ut qui ejus cœlestem gloriam commemoramus,
ad æternam vitam mereamur pervenire. Per eundem.

AD PRIMAM.

Ant. Multæ filiæ. *Capitul.* Dominus. *de Laudib.*

†. †. br. Quæ sedes ad dexteram Filii tui.

AD TERTIAM.

Ant. Sedes tua.

CAPITULUM. *Bar. 5. 2.*

Circumdabit te Deus diploide justitiæ,
et imponet mitram capiti honoris æterni.

†. br. Pulchra es Amica mea, *
Alleluia, alleluia.—Pulchra. †. Suavis
et decora sicut Jerusalem.—Alleluia.—Glor.—Pulchra.

†. Favus distillans labia tua, alleluia.

†. Mel et lac sub linguâ tuâ, alleluia.

AD SEXTAM.

Ant. Quia respexit.

CAPITULUM. *Bar. 5. 3.*

Deus ostendet splendorem suum in te omni,
qui sub cœlo est: nominabitur enim tibi nomen tuum
à Deo in sempiternum.

†. br. Magna est gloria ejus, *
Alleluia, alleluia.—Magna. †. In salutari tuo.—Alleluia.—Gloria Patri. Magna.

†. Hæc est speciosior sole, allel.

†. Et luci comparata, invenitur prior, allel.

AD NONAM.

Ant. Respice.

CAPITULUM. *Judit. 13. 31.*

Benedic' a tu à Deo tuo in omni tabernaculo Jacob,
quoniam in omni gente, quæ audierit nomen tuum,
magnificabitur super te Deus Israel.

†. br. Tu gloria Jerusalem, tu lætitia Israel, *
Alleluia, alleluia. Tu glor. †. Tu honorificentia populi nostri.—Alleluia.—Gloria.—Tu gloria.

†. Pulchra ut luna, electa ut sol, alleluia.

‡. Terribilis, ut castrorum acies ordinata, alleluia.

IN II. VESPER.

Ant. 1. In perpetuum * in cœlis coronata triumphat Christi Mater, Virgo MARIA, alleluia.

2. Memorare * dierum humilitatis tuæ, et loquere regi pro nobis, alleluia.

3. Invoca Dominum, * et libera nos de morte, alleluia.

4. Respice * de cœlo, et vide et visita vineam istam, quam plantavit dextera tua, alleluia.

5. Splendorem * misericordiæ tuæ ostende, Domina, super nos: respice in nos, et salvi erimus, alleluia.

CAPITULUM. Jud. 10. 4.

Dominus contulit ei splendorem.... ut incomparabili decore omnium oculis appareret.

HYMNUS 346.

O Virgo quæ sublimior
Choris Angelorum sedes,
Nato Mater jam propior,
Exaudi supplicum preces.

Amicta solis radiis
Lunam snb pedibus premens,
Stellis coruscans aureis,
Superque nubes gradiens.

O gens beata, quæ tibi,
Cultu devota proprio,
Quam sic potens tam facili
Semper foves præsidio!

Nunc ergo voce supplici
Rogamus, ut feras opem:
Nec dimovemus anxii
A tuo vultu faciem.

Nos scelereum moles gravat,
Nos pœna terret debita,
Si non à Deo spem ferat,
Pelita per te venia.

Hic hospites, hic orphanos,
Virgo Mater, nos respice:

Nos unâ tibi filios,
Christique fratres effice.

Sanare corpus, quæ vales,
Medere morbis animi,
Et patriâ fac exules
Tandem beatâ recipi. Amen.

†. Coronat te Dominus in misericordiâ, allel.

‡. Replet in bonis desiderium tuum, allel.

Ad Magnific. ant. Sancta MARIA, * succurre miseris, juva pusillanimes, refove flebiles, ora pro populo, interveai pro clero, intercede pro devoto femineo sexu, sentiant omnes tuum juvamen quicumque celebrant tuam sanctam Commemorationem, alleluia, allel.

Oratio de Laudibus.

Completorium de feriâ.

Sequens Homilia dicitur in Duplicibus.

Lectio S. Evang. secundum Lucam.

LECTIO 7. c. 11. 26.

In illo tempore: Loquente JESU ad turbas, extollens vocem quædam mulier de turbâ, dixit illi: Beatus venter, qui te portavit. Et reliqua.

Homilia Venerabilis Bedæ Presbyteri.

Libr. 4. cap. 49. in Luc.

Dixit autem Apostolus: quia misit Deus Filium suum, factum ex muliere, factum sub lege. Neque enim audiendi sunt, qui legendum putant: Natum ex muliere, factum sub lege: sed factum ex muliere: quia conceptus ex utero vaginali, carrem non de nihilo, non aliundè, sed maternâ traxit ex carne. Tu. ‡. Quid grandius. 933.

LECTIO 8.

Alioquin non verè filius hominis, diceretur, qui originem non haberet ex homine. Et nos igitur, his contra Eutichem dictis, extollamus vocem cum Ecclesiâ catholicâ, cu-

jus hæc mulier typum gessit: extolamus et mentem de medio turbatum, dicamusque Salvatori: Beatus venter, qui te portavit, et ubera quæ suxisli. T. n. Sancta. 933.

LECTIO 9.

Verè enim beata Parens, quæ sicut quidam ait: enixa est puerpera regem, qui cælum terramque tenet per sæcula: cujus nomen æterno complectens omnia gyro, imperium sine fine tenet: quæ ventre beato gaudia matris habens cum virginitatis honore, non primam similem visa est, nec habere sequentem. Tu. Te Matrem.

Sequens Homilia dicitur in Semiduplicibus.

Lectio S. Evang. secundum Lucam.

LECTIO 7. c. 19. 25.

In illo tempore: Stabant juxta crucem JESU Mater ejus, et soror Matris ejus Maria Cleophæ, et Maria Magdalene. Et reliqua.

Homilia S. Ambrosii Episcopi.

Libr. 10. in Luc. c. 33.

Stabant autem mulieres hæc videntes. Stabat et Mater cum studio pietatis, quæ sua pericula posthaberet. Sed et Dominus suspensus in cruce, qui sua pericula contemneret, pio Matrem commendabat affectu. Quod non otiosè Joannes pluribus prosecutus est. Solus ergò me docet, quod alii non docuerunt, quemadmodum in cruce possitus, appellaverit Matrem, plaris putans, quòd victor suppliciorum, atque pœnarum, victor diaboli, pietatis officia dividebat, quàm quòd regnum cœleste donabat. Tu.

n. Quid grandius. 933.

LECTIO 8.

Nam si religiosum est, quòd latroni venia donatur à Domino, multò religiosius, quòd Mater honoratur à Filio. Nec præposterum iudice—

tur, quòd priùs latronis absoluti-
onem, quàm Matris appellationem
scripsi. Qui enim venerat salvos fa-
cere peccatores, non absurdum,
si in meis scriptis susceptum mu-
nus in redimendâ salute peccatoris
implevit. Tu. n. Sancta. 933.

LECTIO 9.

Deniquè ipse ait: quæ est Mater
mea, et qui sunt fratres mei? Quia
non venerat vocare justos sed pec-
catores. Sed ibi pro loco, hic et in
cruce non immemor Matris appel-
lat eam dicens: Ecce Filius tuus.
Et Joannis: Ecce Mater tua. Testa-
tur de cruce Christus, et testa-
mentum ejus signal Joannes. Tu.
Te Matrem.

X.

COMMUNE.

DEDICATIONIS ECCLESiarUM

B. MARIE V.

*Tempore paschali, seu Vitæ gau-
diosæ B. V. et tempore Vitæ glo-
riosæ in Officiis Dedicationis ad-
ditur una Alleluia, post singulas
antiphonas, ꝛ. et n. quæ duplicatur
in antiph. ad Magnif. ad Benedict.
et in n. post Lectiones. In singu-
lis nocturnis dicitur tantum una an-
tiphona. n. brevia Completorii et
aliarum Horarum dicuntur etiã
cum Alleluia.*

IN I. VESP.

Ant. 1. Ascendite * montem,
portate ligna, et ædificate domum
Virgini MARIE.

Psalmi de ferid.

2. Quis poterit * prævalere, ut
ædificet dignam MARIE domum?

3. Magna est * Domina nostra,
et magna virtus ejus, et potentia
ejus non est finis.

4. Domus MARIE * talis es-
se debet, ut in cunctis nationibus
nominetur.

5. Cujus in cœlo * thronus est

excelsus, in domibus suis in terrâ cognoscetur.

CAPITULUM. 1. Mach. 7. 37.
Elegisti domum istam ad invocandum nomen tuum in eâ, ut esset domus orationis et obsecrationis populo tuo.

HYMNUS 347.

Prolis æternæ Genitrix beata
Dum tuæ sacros pia plebs honores
Ædis instaurat, Mater alma, nostris
Annue votis.

Cujus in cœlo thronus est perennis,
Incolis parvam, alta Virgo, ædem:
Hic reis clemens facilis relaxas
Gratiâ culpam.

Hic tuo pascis populum fidelem
Pane, qui satius tuo ventre fuit:
Hic et profusi pretium cruoris
Ipsa propinas.

Hic salus ægris animis paratur:
Cedit hic febris mala, cedit languor:
Hic et devoto tibi, Virgo, sedem
Præparas astris.

Sit decus summo sine fine Christo,
Sancta quem Virgo genuit MARIA,
Qui Patri compar, Spiritui Sancto,
Regnat in ævum.

†. Domus mea.

‡. Domus orationis vocabitur.

Ad Magnif. ant. Implebo * domum istam gloriâ, et in loco isto dabo pacem.

Oratio de Laudib.

Completorium de feriali offic.

Doxologia de tempore.

AD MATUTIN.

Invitatorium. Domus tua, Domina, * In sanctificatione permaneat.

Psalms Invitor. Venite, exultemus.

HYMNUS 348.

Ex offic. B. V. de Tabulis.
Templo quæ populi confluit unda?
Flexo prona genu, supplice cultu,
Quas, Regina, preces, quas tibi laudes

Sacratas venerans fundit ad aras?

Certâ nixa fide vola precatur:

Tu Spes, tu generis gloria nostri,
Te cœlo Dominam summa potestas,
Dat terris pietas summa benignam.

Albo celsa throno vola clientum
Prudens judicio discutis æquo:
Veri dum propior spargeris haustu
Quæ sincera probas, falsa recusas.

O te si cupimus, Virgo, Patronam,
Natus quæ docuit cuncta sequamur:

Sic laus nempè tibi nostra placebit,
Sic nostris venies dextera votis.

Tu Mater: moriens è cruce Natus
Orbe substituit nos tibi natos:
Tu prolem medians inter utramquæ,
Natis, Mater, amas fleclere Natum.

Trino summa Deo laus sit et uni,
Per te laus veniat grata Parenti,
Per te Filius hanc audiat ultrò
Urat nosque sacro Spiritus igne.
Amen.

IN I. NOCT.

Ant. 1. Quàm dilecta * tabernacula tua, Domina virtutum! quàm amabilia tentoria requiescentis tuæ.

2. Ecce tabernaculum * Reginæ cœli cum hominibus, ut habitet nobiscum.

3. Solummodò * ibi magnifica est Domina nostra.

†. Beati, qui habitant in domo tuâ.

‡. In sæcula sæculorum laudabunt te.

Pater nost. *Absol.* Exaudi. *Benedict.* Benedictione.

Sequentes Lectiones dicuntur in Duplic. majoribus.

De libro secundo Paralipomenon.

LECTIO 1. c. 7. 1.

Cumque complisset Salomon fundens preces, ignis descendit de cœlo, et devoravit holocausta et victimas: et majestas Domini implevit domum. Nec poterant sacerdotes

ingredi templum Domini, eo quòd impleta esset majestas Domini templum Domini. Sed et omnes filii Israel videbant descendentem ignem, et gloriam Domini super domum: et corruentes proni in terram super pavementum stratum lapide adoraverunt, et laudaverunt Dominum, quoniam bonus, quoniam in sæculum misericordia ejus. Tu.

¶ Gloria Libani veniet ad ornandum locum sanctificationis meæ, * Et locum pedum meorum glorificabo. ¶ In templo meo ponam nomen meum in sempiternum.—Et.

Bened. Primogenita.

LECTIO 2.

Rex autem et omnis populus immolabant victimas coram Domino. Maclavit igitur Rex Salomon hostias, bovum viginti duo millia, arietum centum viginti millia: et dedicavit domum Dei Rex et universus populus. Sacerdotes autem stabant in officiis suis et Levitæ in organis carminum Domini, quæ fecit David Rex ad laudandum Dominum, quoniam in æternum misericordia ejus. Tu.

¶ Dabo sanctificationem meam in medio eorum, et erit tabernaculum meum in eis: * Quoniam delicia meæ esse cum filiis hominum. ¶ Oculi mei erunt aperti, et aures meæ erectæ ad orationem ejus, qui in loco isto oraverit.—Quoniam.

Bened. Spiritus Sancti.

LECTIO 3.

Sanctificavit quoque Salomon medium atrii ante templum Domini: obtulerat enim ibi holocausta, et adipem pacificorum, quia altare æneum, quod fecerat, non poterat sustinere holocausta, et sacrificia, et adipem. Fecit ergo Salomon solemnitatem in templo illo septem diebus, et omnis Israel cum eo,

Ecclesia magna valdè ab introitu Emath usque ad torrentem Ægypti. Fecitque die octavo collectam, eo quòd dedicasset altare septem diebus, et solemnitatem celebrasset diebus septem. Tu.

¶ Sint oculi tui, Domina, aperti super domum hanc nocte ac die: * Ut exaudias deprecationem populi tui. ¶ Ego exaudiam de cælo, et propitia ero vobis, et sanabo vos.—Ut.—Gloria.—Ut. *In Duplicib.* 1. et 2. *Class.* Sint oculi tui.

IN II. NOCT.

Ant. 1. Consecrasti, * Domina, domum tuam: benedixisti habitationem tuam.

2. Non est hic * aliud nisi domus Matris Dei, et porta cæli.

3. Qui ingreditur * sine macula, habitabit, Domina, in tabernaculo tuo.

¶ Domum tuam decet sanctitudo.

¶ In longitudinem dierum.

Pater noster. Absol. Ipsius *Bened.* Dei Mater.

Sermo Sancti Petri Damiani.

Serm. 2. in *Nativit.* B. V.

LECTIO 4.

Si Salomon cum Israelitico populo in dedicatione Templi ex lapidibus facti tam copiosum et magnificum sacrificium solemniter celebravit; quale, quantumque beatæ MARIE Festivitas populo Christiano debet afferre, in cujus utero, velut revera sacratissimum templum, Deus ipse descendens, et humanam naturam de eâ suscipere, et cum honoribus dignatus est visibiliter habitare? Tu.

¶ Magnum hæreditatis mysterium: templum Dei factus est uterus nescientis virum: * Non est pollutus ex eâ carnem assumens. ¶ Domus pudici pectoris Templum repente fit Dei: intacta nesciens vi-

rum, verbo concepit filium.—Non.

Bened. Filia Dei.

LECTIO 5.

Licet enim et in illud Salomonis templum Deus descendisse credatur, in hoc tamèn rationabili sanctuario, hoc est, in beatissimæ Virginis utero multò mirabiliùs, multoque feliciùs dignatus est manere pro nobis, in quo Verbum caro factum est, et habitavit in nobis. De illo quippè antiquo, videlicet, templo, scriptum est: Factum est cum exissent Sacerdotes de sanctuario, implevit nebula domum Domini: et non poterant sacerdotes stare propret nebulam: impleverat enim gloria Domini domum Domini. Tu.

¶. Verè Dominus est in loco isto: quàm terribilis est! * Non est hic aliud, nisi domus Dei, et porta cæli. †. Majestas Domini implevit totam domum.—Non est.

Bened. Ignem divini.

LECTIO 6.

Illi deniquè templo Deus omnipotens gloriam quidem sui adventus contulit, sed nihil ex eo in suâ naturâ suscepit. In Beatissimæ autem Virginis uterum non solum dignatus est descendere, sed eo etiàm perfectam sibi substantiari nostræ mortalitatis unire. quantò igitur nostri templi major est dignitas, tantò gloriosior ejus debet esse solemnitas. Tu.

¶. In multitudine misericordiæ tuæ introibo in domum tuam, adorabo ad templum sanctum tuum, * Et confitebor nomini tuo. †. Introibo domum tuam in holocaustis, et reddam tibi vota mea.—Et conf.—Glor.—Et. *In Dupl.* 1. et 2. *Class.* In multitud.

IN III. NOCT.

Ant. 1. Domus tua * semper in sanctificatione permaneat.

2. Replebimur * in bonis domus tuæ: sanctum est templum tuum.

3. In templo tuo, * Domina, omnes dicent gloriam.

‡. Hæc est domus Reginae cæli.

¶. In eâ omnis qui petit, accipit.

Pater nost. *Absol.* A vinculis.

Benedict. Evangelica.

Sequens Homil. dicitur in Dupl. majoribus.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam castellum, et mulier quædam, Martha nomine, excepit illum in domum suam. Et reliqua.

Homilia S. Hildephoasi Arch. Toletani.

Serm. 5. in Assumpt.

Congruè satis, et convenientèr videtur à Patribus fuisse sancitum, ut in memoriâ Dei Genitricis recitetur evangelica lectio, quæ narrat illas duas mente et carnesores Dominum JESUM excepisse hospitio. Cum enim illa venienti in mundum templum præparavit in virtute sacratum, ut perpetuæ virginitati dedicaretur: huic istæ, ut Evangelium loquitur, temporalis habitationis præparaverunt hospitium, et piæ humanitatis, ac sincerissimæ charitatis præbuerunt obsequium. Tu.

¶. Benedic, Domina cæli et terræ, Domum istam: venientium in loco isto * Euxaudi preces in excelso solio gloriæ tuæ. †. Si conversus fuerit populus tuus, et oraverit ad sanctuarium tuum.—Exaudi.

Bened. Cujus. de tempore.

LECTIO 8.

Horum enim vila et actus ita fuerunt mirabiles, et fidelium recordatione celebres, ut duarum vita-

rum figuram eas rectè tenere asserant divinarum litterarum catholici, et doctissimi viri. Martha igitur, quæ curam domûs gerebat, et tanto talique Hospiti ea quæ necessaria erant, præparabat, activæ vitæ figuram, ut diximus, præferebat. Per Mariam verò, quæ ad pedes Domini sedens instantissime, sermonis ejus audiebat colloquia, vita perspicuè præmonstratur contemplativa. Tu.

¶ Domus mea, domus orationis vocabitur: * In eâ omnis, qui petit, accipit, et qui quærit invenit, et pulsanti aperiatur. † Domum tuam protege, Domina, et angeli cæli custodiant eam.—In.—Glor.—In. *In Duplicib.* 1. et 2. *Class.* Domus mea.

Bened. Per Virginem.

LECTIO 9.

Eja, fratres carissimi, videamus, si Domina nostra, imò Domini nostri et Dei Genitrix, et semper Virgo MARIA utramque vitam ad plenum exercuit, activam laudabilem, quam opere Martha excoluit: contemplativam optimam quam Maria audiendo et eligendo obtinuit. Sanè sicut dilectum Domini Joannem theologum, de humanis et corporalibus actibus Domini JESU pauca dixisse, et multa de naturâ divinitatis ejus, potentiâ et majestate dixisse, et scripsisse, teste sacratissimâ serie descriptionis ejus, cognoscimus; ita Domini Genitricem non adeò fuisse credimus intentam activæ conversationi, quoniâ se totam contulit divinæ contemplationi. Tu. Te Matrem.

AD LAUDES

et per Horas antiphonæ.

1. Regina cæli * in domo sanctâ suâ: sileat à facie ejus omnis terra.

2. Aperi, Domina, * oculos tuos super domum istam, ut exaudias preces populi tui.

3. Confessio * et magnificentia coram te: fortitudo et gaudium in loco isto.

4. Fundatur * exultatione universæ terræ mons Sion, civitas Regis magni.

5. Erexit Jacob * lapidem in titulum fundens oleum desupèr.

CAPITULUM. 1. *Mach.* 7. 37. Elegisti domum istam ad invocandum nomen tuum in eâ, ut esset domus orationis et obsecrationis populo tuo.

HYMNUS 349. *S. Aur. Prud.*
Hoc in templo, Virgo sacra,
Exorata adveni:
Et clementi bonitate
Precum vota suscipe:
Largam benedictionem
Hic infunde jugiter.

Hic promereantur omnes
Petita acquirere:
Et adeptâ possidere
Cum Sanctis perennitèr:
Paradisum introire
Translati in requiem.

Gloria et honor Deo
Usquequaque Altissimo:
Unâ Patri, Filioque,
Inclito Paraclito,
Cui laus est et potestas
Per æterna sæcula. Amen.

† Introibo in domum tuam.

¶ Reddam tibi vota mea.

Ad Benedict. ant. Beata Virgo * MARIA sola recepit Dominum in domum suam, in ulerum suum, intra viscera sua, et in virgineum thalamum Cordis sui.

Oremus.

Deus, qui nobis per singulos annos hujus sancti Templi, in honorem beatæ Mariæ Virginis dicati, reparas diem: concede propi-

lius, ut qui Dedicationis ejus solemnia celebramus, templum gratiæ tuæ in terris, et locus habitationis gloriæ tuæ fieri mereamur in cœlis. Per Domin.

AD PRIMAM.

Ant. Regina cœl. *Capit.* Elegisti de Laudibus.

†. †. br. Quæ domus Dei effecta fuisti.

AD TERTIAM.

Ant. Aperi Domina.

CAPITULUM. 2. Par. 7. 16.
Elegi et sanctificavi locum istum, ut sit nomen meum ibi in sempiternum, et permaneant oculi mei, et cor meum ibi cunctis diebus.

†. br. Ecce tabernaculum * Reginæ cœli.—Ecce. †. Ut habitet nobiscum.—Reginæ.—Glor.—Ecce.

†. Regina celi in domo sanctâ suâ.

†. Sileat à facie ejus omnis terra.

AD SEXTAM.

Ant. Confessio.

CAPITULUM. Apoc. 21. 2.
Vidi sanctam civitatem Jerusalem novam, descendentem de cœlo à Deo, paratam sicut sponsam ornata viro suo.

†. br. Regina cœli * In domo sanctâ suâ.—Regina. †. Sileat à facie ejus omnis terra.—In.—Gloria.—Regina.

†. Implebo domum istam gloriâ.

†. Et in loco isto dabo pacem.

AD NONAM.

Ant. Erex Jacob.

CAPITULUM. Tob. 13. 14.
Nationes ex longinquo venient, et munera deferentes adorabunt in te Dominum, et terram tuam in sanctificationem habebunt.

†. br. Implebo * Domum istam gloriâ.—Implebo. †. Et in loco isto dabo pacem.—Dom.—Glor.—Impl.

†. Replebimur in bonis domus tuæ.

†. Sanctum est templum tuum.

IN II. VESP.

Ant. 1. Domus mea * erit in medio eorum, et tabernaculum meum in eis.

2. Gloria Libani * veniet ad adornandum locum sanctificationis meæ.

3. Venite ad me, * et locum pedum meorum glorificabo.

4. Elegi * locum istum mihi in domum orationis et obsecrationis.

5. Quicumque * oraverit in templo isto, pax super illum et misericordia.

CAPITULUM. 1. Mach. 7. 37.
Elegisti domum istam, ad invocandum nomen tuum in eâ, ut esset domus orationis, et obsecrationis populo tuo.

HIMNUS 350. Ex Just. Lips.
Quisquis ô sacram properas ad ædem,

Dirigat gressus pietas fidesque:
Reginæ Regum domus est, MARIE
Altera sedes.

Cedit hic febris mala, cedit hydrops,

Claudus hic gressum recipit, sonorem

Surdus admittit, radios diei

Cæcus ab ortu.

Astupet quisque videt, et solutâ,
Voce mox laudans, precibus fatigat,
Ut sibi, carisque suis vicissim

Suppetieris.

Sit decus summo sine fine Christo,
Sancta quem Virgo genuit MARIA,
Qui Patri compar, Spiritui Sancto
Regnat in ævum. Amen.

†. Vox exultationis et salutis.

†. In tabernaculis justorum.

Ad Magnif. ant. Vidit Jacob * scalam: summitas ejus cœlos tangebat, et descendentes Angelos et

ascendentes, et dixit: verè locus iste sanctus est.

Oratio de Laudib.

Completor. de feriâ.

Sequens Homil. dicitur in Duplicibus.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam castellum, et mulier quædam, Martha nomine, excepit illum in domum suam. Et reliqua.

Homilia S. Anselmi Episcopi.

Homil. in cap. 10. Lucæ.

Sunt qui castellum hoc Magdalum fuisse arbitrantur, à quo Maria Magdalena cognominatur. Quod si verum est, prædictæ interpretationi famulatur. Magdalum enim turris dicitur, et humilitati comparatur. Hic verò non nominatur, sed tantum quoddam dicitur, quod indiscussum præterire non debemus. Quoddam, id est, singulare castellum fuit Virgo MARIA. Tu. ʒ. Benedictus. 939.

LECTIO 8.

Quamvis enim et multæ aliæ murum virginitalis habeant, et turrim humilitatis, id est, virgines sint, et humiles: tamen salvâ virginitate matres esse non possunt, neque filios generare, quod ista sola fecit. Et ideo castellum hoc merito quoddam, id est, singulare dicitur, quia ista singulariter fuit et Mater et Virgo, quod nulla alia esse poterit, vel potuit. Verum concedamus aliquam et Matrem esse, et Virginem, quamvis sit impossibile. Etiam sic Virgo MARIA singularis erit, quia unicum Dei Filium genuit, qui sicut est unicus unicus Patri, ita est unicus unicæ Matri. Unde etiamsi Virgo pariat, nulla vel eundem, vel talem generabit filium. ʒ. Domus. 940.

LECTIO 9.

Est ergo Beata Virgo castellum

quoddam, in quod intravit JESUS: porta autem per quam intravit, est fides. Quia enim credidit, perfecta dicta sunt, sicut ait ad eam Elizabeth. Nec quia JESUS intravit in castellum hoc, violatum est. JESUS enim salvat, non violat: confecta solidat, non confringit solida. Secundum nomen ejus, ita et opus ejus. Tu. Te Matrem.

Sequens Homil. dicitur in Duplicib.

Lectio S. Evang. secundum Lucam.

LECTIO 7. c. 10. 38.

In illo tempore: Intravit JESUS in quoddam Castellum, et mulier quædam, Martha nomine, excepit illum in domum suam. Et reliqua.

Homilia Sancti Thomæ Archiep.

Valentini.

In conc. 1. de Assumpt.

Latentem sub homine Deum quis cognosceret? Deus, inquam, in homine quis audeat suspicari? Sola ista prudentissima mulier beata Virgo MARIA, sola cognovit, sola recepit, sola adoravit, vestivit, pavit, et, ut Martha fidelissima, ministravit. Excepit illum in domum suam, intra viscera sua, et in virgineo thalamo peregrinantem, in terris Regem gloriæ hospitavit, et velut altera Sunamitis Summo Prophetæ, Prophetarum Domino mensam, candelabrum, lectulumque aptavit. Lectulum in utero, mensam in pectore, candelabrum in intellectu. In utero illius quievit, in pectore passus est, et ab intellectu illius creditus est. Tu. ʒ. Benedic. 939.

LECTIO 8.

Hunc igitur cœlestem peregrinum Beatissima hæc mulier excepit, et strictâ veste, indumentoque paupere, atque levissimo vestivit, ne videlicet vestis à mortalis vitæ cursu præpediretur longitudine, ad quem currendum exultavit, ut Gi-

gas usque ad lignum crucis: veste paupere vestivit eum, sed mundā atque purissimā, de quā Salomon in Proverbiis: Sindonem fecit, et vendidit, et cingulum tradidit Cananæo. Sindonem, id est, mundissimam texuit telam, nitidissimam, purissimamque sacrosanciam illam carnem, quam sapientissimus artifex Spiritus Sanctus ex virgineis sanguinibus, velut ex staminibus illius, ut in tentorio sine virili opere intexuit. Tu. ꝑ. Domus. 940.

LECIO 9.

Illam telam, quasi propriam, et ex carne ejus intextam sapiens mulier vendidit Deo Patri, ut indē tala-

rem tunicam, et polymitam Filio suo faciat. Et quo pretio vendidit? O bone Deus, quo pretio vendidit telam istam? Quid pro illā tunicā datum est ei? Quis nominare valebit? Quis audebit enarrare? Quis cogitare sufficiet? Omnium gratiarum plenitudo, omnium virtutum et bonorum plena possessio, cœlestiumque gemmarum, et margaritarum inestimabilis thesaurus datus est ei. Vestita est ab eo gloria et decore, cœlorum, terrarumque regina constituta est, et in ministerium data est illi omnis creatura, quæ sub Deo est. Tu.

Te Matrem.



ERRATA		SIC CORRIGE.
<i>Pag.</i>		
65.	<i>à die 1. Sept.</i>	<i>à die 8. Sept.</i>
74.	nomeu	nomen
97.	suscepiti	suscepisti
	Sralvalorem	Salvatorem
	Oculi	Oculi
100.	adjecit	adjecit
104.	apostolus	apostolos
108.	nniens	uniens
	moutium	montium
	iteneris	ilineris.
112.	aminata	animata
	obcœcati	obcæcati
124.	Gandentii	Gaudentii
130.	Aquinatis	Aquinate
173.	Sallæ	Salla
176.	Tecit	Fecit
271.	VI.	XI.
258.		<i>addatur</i> De libro Esther
279.	Dertusentibus.	Dertusensibus.
329.	turbis	turbas
398.	statutam	statuam
405.	Toletane	Toletanæ
411.	Propriè	Propè
425.	homibus	hominibus
437.	æto	læto
416.	lactabit	lactavit
464.	Apparit	Apparuit
503	y quæ.	quæ
508.	SOLEMNTAI	SOLEMNITAS
	PARTUI	PARTUS
551.	Santissime	Sanctissimæ
556.	Raymundi	Raymundo
	rege	regi
557.	suscipirilis.	susciperilis
575.		<i>addatur</i> De Isaia Propheta.
602.	oscurâ	obscurâ
628.	difficile	difficile
654.	virtum	virtutum
655.	ididèm	ibidèm
672.	su.	sui
	ohsecro	obsecro
870.	Pectem	Pecten

Cætera quæ fuerint, faciliè corriges.

OFFICIUM PARVUM

BEATÆ MARIÆ VIRGINIS IMMACULATÆ.

*Dicendum in Sabbatis per annum
extra Quadragesimam et tempus
paschale, quando fiat officium de
Sabbato.*

Hoc officium à Magistro Sacri-
Palatii Apostolici correctum, et ab
Innocentio XI, anno 1678. appro-
batum fertur.

AD MATUTINUM ET LAUDES.

† Eia, mea labia: †. Nunc an-
nuntiate laudes et præconia Virgi-
nis beatæ..

† Domina, in adiutorium meum
intende; †. Me de manu hostium
potentèr defende.

† Gloria Patri, et Filio, et Spi-
ritui sancto; †. Sicut erat in prin-
cipio, et nunc èt sempèr, et in sæ-
cula sæculorum. Amen.

HYMNUS.

Salve, mundi Domina,
Cœlorum Regina;
Salve, Virgo virginum,
Stella matulina.

Salve, plena gratiâ,
Clara lux divina;
Mundi in auxilium,
Domina, festina.

Ab æterno Dominus
Te præordinavit

Matrem unigeniti
Verbi, quo creavit

Terram, pontum, æthera;
Te pulchram ornavit
Sibi sponsam, in quâ
Adam non peccavit. Amen.

†. Elegit eam Dominus, et præ-
legit eam; †. In tabernaculo suo
habitare fecit eam.

†. Domina, exaudi orationem
meam; †. et clamor meus ad te ve-
niat.

Oremus.

Sancta MARIA, Regina cœlorum,
Mater Domini nostri JESU-Christi,
et mundi Domina, quæ nullum de-
relinquis et nullum despicias, respi-
ce me, Domina, clementèr oculo
pietatis, et impetra mihi apud tuum
dilectum Filium cunctorum veniam
peccatorum, ut qui nunc tuam
sanctam Conceptionem devoto af-
fectu recolo, æternæ in futurum
beatitudinis brevem capiam, ipso,
quem Virgo peperisti, donante Do-
mino nostro JESU-Christo, qui
cum Patre et sancto Spiritu vi-
vit et regnat in unitate perfectâ
Deus in sæcula sæculorum. Amen.

†. Domina, adjuva orationem
meam; †. Et clamor meus ad te
veniat.

†. Benedicamus Domino. †. Deo gratias.

†. Fidelium animæ per misericordiam Dei requiescant in pace.
†. Amen.

AD PRIMAM.

†. Domina, in adjutorium meum intende; †. Me de manu hostium potentèr defende.

Gloria Patri, et Filio, etc.

HYMNUS.

Salve, Virgo sapiens,
Domus Deo dicata,
Columna septe[m]plici,
Mensaque exornata;

Ab omni contagio
Mundi præservata,
Ante sancta in utero
Parentis, quàm nata.

Tu mater viventium,
Et porta es sanctorum,
Nova stella Jacob,
Domina angelorum;
Zabulo terribilis,
Acies castrorum,
Portus et refugium
Sis christianorum. Amen.

†. Ipse creavit illam in Spiritu Sancto. †. Et effudit illam super omnia opera sua.

†. Domina, exaudi, *et reliqua ut ad Matutinum*, p. 945.

AD TERTIAM.

†. Domina, in adjutorium meum intende; †. Me de manu hostium potentèr defende.

Gloria Patri, etc.

HYMNUS.

Salve, arca fœderis,
Tronus Salomonis,
Arcus pulcher ætheris,
Rubus visionis;

Virga frondens germinis,
Vellus Gedeonis,
Porta clausa Numinis
Favusque Samsonis.

Decebat tam nobilem

Natum præcavere

Ab originali

Labe matris Evæ,

Al-mam quam elegerat

Genitricem, verè

Nulli prorsus sinens

Culpæ subiacere. Amen.

†. Ego in altissimis habito; †. Et thronus meus in columna nubis.

†. Domina, exaudi, *et reliqua ut ad Matutinum*.

AD SEXTAM.

†. Domina, in adjutorium meum intende; †. Me de manu hostium potentèr defende.

Gloria Patri, etc.

HYMNUS.

Salvo, Virgo puerpera,
Templum Trinitatis,
Angelorum gaudium,
Cella puritatis.

Solamen mœrentium,
Hortus voluptatis,
Palma patientiæ,
Cedrus castitatis.

Terra es benedicta
Et sacerdotalis,
Sancta et immunis
Culpæ originalis.

Civitas Altissimi,
Porta orientalis:

In te est omnis gratia,
Virgo singularis. Amen.

†. Sicut lilium inter spinas; †. Sic amica mea inter filias Adæ.

†. Domina, exaudi, *et reliqua ut ad Matutinum*.

AD NONAM.

†. Domina, in adjutorium meum intende; †. Me de manu hostium potentèr defende.

Gloria Patri, etc.

HYMNUS.

Salve, urbs refugii,
Turrisque munita
David propugnaculis,
Armisque insignita.

In Conceptione
Charitate ignita
Draconis potestas
Est à te contrita.

O mulier fortis
Et invicta Judith!
Pulchra Abigail Virgo,
Verum fovens David:

Rachel curatorem
Ægypti gestavit;
Salva:orem mundi
MARIA portavit. Amen.

†. Tota pulchra es, amica mea;
¶. Et macula originalis nunquam
fuit in te.

¶. Domina, *et reliqua ad Matu-
tinum*, p. 943.

AD VESPERAS.

†. Domina, in adjutorium meum
intende; ¶. Me de manu hostium
potentèr defende.

Gloria Patri, etc.

HYMNUS.

Salve, horologium,
Quo retrograditur
Sol in decem lineis:
Verbum incarnatur.

Homo ut ab inferis
Ad summa attollatur,
Immensus ab Angelis
Paulò minoratur.

Solis hujus radiis
MARIA coruscat;
Consurgens Aurora,
In conceptu micat.

Lilium inter spinas,
Quæ serpentis conterat
Caput: pulchra ut luna,
Errantes collustrat. Amen.

†. Ego feci in cælis ut oriretur
lumen indeficiens: ¶. Et quasi ne-
bula texti omnem terram.

†. Domina, *et reliqua ut ad Ma-
tinum*.

AD COMPLETORIUM.

†. Convertat nos, Domina, tuis
precibus placatus JESUS-Christus

Filius tuus; ¶. Et avertat iram
suam à nobis.

†. Domina, in adjutorium meum
intende; ¶. Me de manu hostium
potentèr defende.

Gloria Patri, etc.

HYMNUS.

Salve, Virgo florens,
Mater illibata
Regina clementiæ,
Stellis coronata;

Supra omnes angelos
Pura, immaculata,
Atque ad Regis dexteram
Stans veste deauratâ.

Per te, Mater gratiæ,
Dulcis spes reorum,
Fulgens stella maris,
Portus naufragorum;
Patens cœli janua,
Salus infirmorum,
Videamus Regem
In aulâ Sanctorum. Amen.

†. Oleum effusum, MARIA, no-
men tuum; ¶. Servi tui-dilexerunt
te nimis.

†. Domina, exaudi, *ut ad Ma-
tinum*.

COMMENDATIONES.

Supplices offerimus
Tibi, Virga pia,
Has horas canonicas:
Fac nos in viâ
Ducas cursu prospero,
Et in agoniâ
Tu nobis assiste,
O dulcis MARIA! Amen.
¶. Deo gratias.

Ant. Hæc est Virgo, in quâ nec
nodus originalis, nec cortex actua-
lis culpæ fuit.

†. In Conceptione tuâ, Virgo,
immaculata fuisti; ¶. Ora pro no-
bis Patrem, cujus Filium peperisti.

Oremus.

Deus, qui per immaculatam Vir-
ginis Conceptionem dignum Filio

tuo habitaculum præparasti; quæsumus, ut sicut ex morte ejusdem Filii tui prævisâ, eam ab omni labe præservasti, ita nos quoquæ mundos ejus intercessionem ad te pervenire concedas : Per eundem Dominum nostrum Jesum Christum, Filium tuum; qui tecum vivit et regnat in unitate Spiritûs Sancti, Deus, per omnia secula seculorum.
 ♀. Amen.

OFFICIUM

SEPTEM DOLORUM B. Mariæ V.

dicendum in feriis sextis Quadragesimæ. In aliis feriis sextis per annum dicitur ad libitum. Si fiat de festo, omittitur.

AD MATUTINUM.

Ave. ♀. Domine lab. ♀. Deus in adj.

HYMNUS.

Septem tuos dolores,
 MARIA, dum considero,
 Tecum pati laboro,
 Tecum mori desidero.

Annæ gemit serectus,
 Et Simeon affligitur,
 Doloris ense pectus
 Quandò tibi transfigitur.

♀. Age, fac simili gladio feriar.

♀. Age, quis tuus est dolor, experiar.

Oratio.

Omnipotens sempiterna Deus qui per os Prophetæ tui Simeonis Genitrici Filii tui Virgini Mariæ gladium Passionis prænuntiasti: tribue nobis memoriam sui doloris commemorantibus, ipsâ intercedente, in omni dolore remedium. Per eundem.

AD LAUDES.

♀. Deus in adj. etc.

HYMNUS.

Fugis, MARIA, prolis
 Onusta caro pondere,

Et luminare solis
 De nocte vis abscondere.

Ægyptus est asili
 Locus tuis amoribus:
 Juxta fluenta Nili
 Liquescis in doloribus.

♀. Dolor his lacrymis meis elicitur.

♀. Meus his lacrymis amor afficitur.

Oratio.

Domine JESU—Christe, qui excellentiâ virtutis tuæ universa disponis et gubernas, quippe omnium Dominus pro nobis parvulus in carne passibili, à facie maligni Herodis, sanctissimâ Matre tuâ te deferente, fugam sustinuisti: præsta nobis hunc dolorem ejus, venerantibus, à facie infestantis dæmonis tuâ virtute semper et ubique defendi. Qui vivis.

AD PRIMAM.

♀. Deus in adj. etc.

HYMNUS.

In Patris esse rebus
 Cum nesciebas Filium,
 Visa es tribus diebus
 Pallere sicut lilium.

Clamaus per angiportus,
 Fili! replebas æthera:
 Dictura plus obortus
 Dolor præmebat cætera.

♀. Tibi condoleo, tibi compatio.

♀. Tibi collacrymo, nec adhuc salior.

Oratio.

Præsta, quæsumus, omnipotens Deus, ut qui dolentes cum Beatâ Virgine MARIA Filium tuum requirimus, cum ipsâ per gratiam illum invenire mereamur. Qui tec.

AD TERTIAM.

♀. Deus in adj. etc.

HYMNUS.

En fert trabale lignum
 Flagrisque JESUS ictur,

O Mater! ecce signum,
Cui porrò contradicitur.

Eheu crucem ferenti
Corpus pluit cruoribus,
Et cor tibi parenti
Submergitur doloribus.

†. Plue sanguineis lacrymis
anima!

‡. Age me dolor, ò dolor, ex-
nima.

Oratio.

O bone JESU, pulchritudo An-
gelorum, qui etià in carne as-
sumpti visus es speciosus formi
præ filiis hominum, ac tandè pro
nostrâ salute ad mortem conspe-
ctus sine specie et sine decore,
quæsumus per tuum in eam amo-
rem, ut nobis dolores illius com-
memorantibus, suorum gaudiorum
tribuas participationem. Qui vivis.

AD SEXTAM.

†. Deus in adj.

HYMNUS.

Calvaria est amoris,
Et est doloris vinea:
Sunt præla vinitoris
Clavi et corona spinea.

Dum crucifixus JESUS
Crucisque calcât torculum:
Amor dolore læsus,
Premit MARIE corculum.

†. Mihi crux, amor, et dolor
hinc oritur.

‡. Crucifixus amor meus emo-
ritur.

Oratio.

Interveniat pro nobis, quæsu-
mus, Domine JESU—Christe, nunc
et in horâ mortis nostræ apud tu-
am clementiam Beata Virgo MA-
RIA Mater tua, cujus Sacratissimam
animam in horâ tuæ Passionis,
doloris gladius pertransivit. Qui
vivis et regnas.

AD NONAM.

†. Deus in adj.

HYMNUS.

MARIA, quandò petra
Sensu doloris scinditur,
Diesque nocte tetra
Luget, tibi confunditur.

Deposita membra ligno,
Sed membra cassa lumine
Foves sine benigne
Lavas doloris flumine.

†. Abit has etià super exavias.

‡. Dolor ac animus meus in plu-
vias.

Oratio.

Adjuvet nos, quæsumus, ipse om-
nipotens Deus per gloriosam in-
tercessionem suæ Matris, ut cum
eo semper vivamus, qui pro nobis
dignatus est mortem suscipere.

Qui cum Deo Patre vivit.

AD VESPERAS.

†. Deus in adj.

HYMNUS.

Cum Filio sepulto
Lapis sepulchro advolvitur;
Tibi MARIA multò
Dolore, vita solvitur.

Sedens ad antra lumbæ
Mæsto susurro murmuris,
Instar gemis columbæ,
Et plangis instar turturis.

†. Ita congeritur dolor in cumu-
lum.

‡. Facis è lacrymis tibi met tu-
mulum.

Oratio.

Deus in cujus passione, secun-
dum Simeonis prophetiam, dulcis-
simam animam doloris gladius per-
transivit, concede propitius, ut qui
dolores ejus venerando recolimus,
passionis tuæ effectum felicem con-
sequamur. Qui vivis et regnas.

AD COMPLETOR.

†. Deus in adj.

HYMNUS.

O Mater! ut dolum
Per hanc amaritudinem,

Cœlestium bonorum

Gustem suavitudinem;

Tecum pati labores,

Tecum mori desidero;

Septem tuos dolores

Dum plango, dum considero.

†. Sithenor Triadi, Triadicanimus.

‡. Sit ei dolor hic sacer, ac animus.

Oratio.

Da nobis, quæsumus, omnipotens Deus, ut qui devotè Filii tui Passionem, et ejus Genitricis sanctissimæ Compassionem recolimus, crucis mortificationem jugiter in nostro corpore pro tui nominis honore portemus. Per eundem Dom.

Deindè post completorium dicuntur sequentes

LITANIÆ**SEPTEM DOLORUM B. M. V.****K**irie eleyson.

Christe eleyson.

Kirie eleyson.

Christe audi nos.

Christe exaudi nos.

Pater de Cœlis Deus,

Fili Redemptor mundi Deus,

Spiritus Sancte Deus,

Sancta Trinitas unus Deus,

Sancta MARIA,

Sancta Dei Genitrix,

Sancta Virgo virginum,

Mater crucifixa,

Mater dolorosa,

Mater lacrimosa,

Mater suspirans,

Mater afflicta,

Mater derelicta,

Mater desolata,

Mater moestissima,

Mater angustiis circumdata,

Mater ærumnis confecta,

Mater gladio transverberata,

Mater corde cruci affixa,

Mater Filio orbata,

Turtur gemebunda,

Mater dolorum,

Fons lacrymarum,

Mater amaritudinum,

Arvum tribulationum,

Cumulus passionum,

Speculum patientiæ,

Rupes constantiæ,

Anchora confidentiæ,

Antidotus angustiarum,

Gaudium afflictorum,

Ara desolatorum,

Refugium derelictorum,

Clipeus oppressorum,

Debellatrix incredulorum,

Solatium miserorum,

Pharmacum infirmorum,

Medicina languentium,

Fortitudo debilium,

Patrona pugnantium,

Portus naufragantium,

Sedatio procellarum,

Socia dolentium,

Recursus gementium,

Terror insidiarum,

Thesaurus fidelium,

Oculus Prophetarum,

Baculus Apostolorum,

Corona Martyrum,

Lumen Confessorum,

Margarita Virginum,

Consolatio viduarum,

Læticia Sanctorum omnium,

Regina servorum tuorum,

Sancta MARIA sola sine exemplo,

Agnus Dei, qui tollis peccata mundi, Parce nobis, Domine.

Agnus Dei, qui tollis peccata mundi, Exaudi nos, Domine.

Agnus Dei, qui tollis peccata mundi, Miserere nobis.

†. Ora pro nobis, Virgo Dolorosissima.

‡. Ut digni efficiamur promissionibus Christi.

Oremus.

Deus, in cujus Passione secundum Simeonis Prophetiam, dulcis-

*ora pro nobis.**miserere nobis.**ora pro nobis.*

simam animam Gloriosæ Virginis et Matris MARIE doloris gladius pertransiuit: concede propitius, ut qui dolores ejus venerando recolimus, Passionis tuæ effectum felicem consequamur. Qui vivis et regnas in sæcula sæculorum. Amen.

Indulgentia plenaria recitantibus quolibet ferid sextâ has Litanias cum Credo, Salve Regina, et ter Ave à Pio VII. concessa.

CORONA

BEATÆ MARIE V.

GAUDIA RECOLENS.

Quæ modo infra notato dicitur. Sed tempore paschali post 7. et ant. additur Alleluia.

Gaud. 1. Pater et Ave.—Gaude Virgo, Mater Christi,—Quæ per aurem concepisti,—Gabriele nuntio.

7. Angelus Domini nuntiavit MARIE.

8. Et concepit de Spiritu Sancto.

Oremus.

Oratio.

Gratiam tuam, quæsumus, Domine, mentibus nostris infunde, ut qui Angelo nuntiante, Christi Filii tui Incarnationem cognovimus; per passionem ejus et crucem ad resurrectionis gloriam perducamur. Per eumd.

Gaud. 2. Pater et Ave.—Gaude quia Deo plena,—Peperisti sine pœnâ—Cum pudoris lilio. 7. Verbum caro factum est. 8. Et habitavit in nobis.

Oremus.

Oratio.

Omnipotens sempiterne Deus, qui universum mundum per Partum beatæ MARIE Virginis lætificasti: concede propitius, ut Unigenitum tuum, quem de Virgine credimus natum, fideliter imitantes, bonis operibus abundare valeamus. Qui tecum.

Gaud. 3. Pat. et Ave.—Gaude,

quia Magi dona,—Tuonato fuerunt bona,—Quem tenes in gremio. 7. Omnes de Saba venient, 8. Aurum et thus deferentes.

Oremus.

Oratio.

Deus, qui Unigenitum tuum per Genitricem ejus Sanctissimam Virginem MARIAM Gentibus, stellâ duce revelasti; concede propitius, ut quos in eum credere concedis, in cognitione et amore ipsius quotidie crescere facias. Per eumd.

Gaud. 4. Pat. Ave.—Gaude, quia tui Nati,—Quem dolebas mortem pati,—Fulget resurrectio. 7. Surrexit Dominus de sepulchro. 8. Qui pro nobis pependit in ligno.

Oremus.

Oratio.

Deus, qui per resurrectionem Filii tui afflictum animum ejus Genitricis Sanctissimæ erexisti: concede propitius, ut corda nostra ita repleantur, cœlesti lætitiâ, ut jam in hoc sæculo futuræ capiamus gaudia vitæ. Per eumd.

Gaud. 5. Pater Ave.—Gaude Christo ascendente,—Qui in cœlos, te vidente,—Motu fertur proprio. 7. Ascendit Deus in jubilatione. 8. Et Dominus in voce tubæ.

Oremus.

Oratio.

Præsta, quæsumus, omnipotens Deus, ut qui de ascensione Filii tui Unigeniti, cum beatâ MARIA semper Virgine, Matre ejus, congaudemus in terris, æternis gaudiis, ipsâ intercedente, perfruamur in cœlis. Per eumd.

Gaud. 6. Pat. Ave.—Gaude Virgo, quia emisit—Paracletum quem promisit—Sanctorum collegio. 7. Spiritus Domini replevit orbem terrarum. 8. Et hoc quod continet omnia, scientiam habet vocis.

Oremus.

Oratio.

Spiritum Sanctum, qui de cœlo

descendens supra beatam Virginem **MARIAM**, et supra Sanctos Apostolos requievit, in cordibus nostris infunde; ut te perfectè diligere, et dignè laudare mereamur. Per Dominum... in unitatè ejusdem.

Gaud. 7. Pat. Ave.—Gaude, quia post ipsum scandis,—Et est honor tibi grandis—In cœli palatio. *†*. Exaltata est Sancta Dei Genitrix. *†*. Super choros Angelorum ad cœlestia regna.

Oremus.

Oratio.

Imploramus clementiam tuam, Domine Deus noster, ut qui Assumptionis Dei Genitricis memoriam colimus, à cunctis malis imminuentibus ejus intercessione liberemur. Per eundem...

Litaniæ B. M. V.

dicendæ flexis genibus in triduo Rogationum post Laudes.

Kirie eleyson. Christe eleyson.

Kirie eleyson. Christe audinos.

Christe exaudinos.

Pater de cœlis Deus,

Fili Redemptor mundi Deus,

Spiritus Sancte Deus,

Sancta Trinitas unus Deus,

Sancta Maria,

Sancta Dei Genitrix,

Sancta Virgo virginum,

Mater Christi,

Mater divinæ gratiæ,

Mater purissima,

Mater castissima,

Mater inviolata,

Mater intemerata,

Mater immaculata,

Mater amabilis,

Mater admirabilis,

Mater Creatoris,

Mater Salvatoris,

Virgo prudentissima,

Virgo veneranda,

*miserere
nobis.*

ora pro nobis.

Virgo prædicanda,

Virgo potens,

Virgo clemens,

Virgo fidelis,

Speculum justitiæ,

Sedes sapientiæ,

Causa nostræ lætitiæ,

Vas spirituale,

Vas honorabile,

Vas insigne devotionis,

Rosa mystica,

Turris davidica,

Turris eburnea,

Domus aurea,

Fœderis arca,

Janua cœli,

Stella matutina,

Salus infirmorum,

Refugium peccatorum,

Consolatrix afflictorum,

Auxilium christianorum,

Regina Angelorum,

Regina Patriarcharum,

Regina Prophetarum,

Regina Apostolorum,

Regina Martyrum,

Regina Confessorum,

Regina Virginum,

Regina Sanctorum omnium,

Regina sine labe concepta,

Regina sacratissimi Rosarii,

Agnus Dei, qui tollis peccata mundi, Parce nobis, Domine.

Agnus Dei, qui tollis peccata mundi, Exaudi nos, Domine.

Agnus Dei, qui tollis peccata mundi, Miserere nobis.

†. Ora pro nobis, sancta Dei Genit.

†. Ut digni efficiamur promissionibus Christi.

Oremus.

Gratiam tuam, quæsumus, Domine, mentibus nostris infunde, ut qui, Angelo nuntiante, Christi Filii tui Incarnationem cognovimus, per passionem ejus et crucem ad Resurrectionis gloriam perducamur. Per eundem Christum Dominum.

ora pro nobis.

ADDENDA

DIE XVII. MAJI IN FESTO B. V. BARB. DE PODIO.

Pag. 719.

IN I. VESPER.

HYMNUS. *Joan. Codera.*

Regis æterni Genitrix MARIA
Alma, quæ nostram visitare gentem
Nocte dignasti, populi precantis
Accipe votum.

Ejus adventum celebret perenni
Laude Barbastri civitas beata,
Cui datum lumen nitidum videre
Cœlitus ortum.

Virgo Pastori, referens vetustas,
Podii Clivo apparuit decora;
Hic amat sisti, cumulare nostram
Munere terram.

Collis umbrosus rutilare cœpit,
Lucida Stellâ maris apparente,
Quæque Pastori sibi eum sponondit
Ire sacratum.

Burtinæ cives monitis ovantes
Nuntii mentes adhibent et aures
Et Matrem tantam viridi indentem
Arbore cernunt.

Corde gaudentes, genibus voluti
Virgini sacræ pietate tantâ
Gratias fundunt, ibi construentes
Nobile templum.

Indè per totam resonare plagam
Inchoant laudes, etenim salutis
Spes redit nobis, recipit benigna
Ipsa adcunes.

Sit decus summo sine fine &c.

*Quando hoc fest. non habeat pri-
mas Vesp. hic hymnus dicitur cum
Hymno ad Matutinum sub undâ Do-
xologia.*

AD MATUTIN.

Invitat. Virgo MARIA apparuit
nobis * Christum ejus Filium ado-
remus Dominum, alleluia, allel.

HYMNUS. *J. Codera.*
Cum Deus talem populo Patronam

Quem Vero flumen placidè lique-
scens

Alluit, clemens dederit, quis illam
Non venerabit?

Ad sacrum cuncti properate, vota
Corde facturi, sitiente terrâ

Ad sacrum ruris vigiles coloni
Currite læti.

Ad sacrum miles volet inter ar-
ma,

Ad sacrum cœlo tonitru sonante,
Ad sacrum morbo populante terram
Convolet omnis.

Ejus experti totiès favorem
Quidquid occurrens adeamus illam,
Omnium curam gerit, ut salutem
Obtineamus.

Virgo, quæ vultu ac animo be-
nigno

Audis orantem, gratiam fideli
Et reo clemens veniam precare
Janua cœli.

Sit decus summo sine fine Chri-
sto,

Sancta quem Virgo genuit MARIA,
Qui Patri compar Spiritui Sancto
Regnat in ævum. Amen.

AD LAUDES.

HYMNUS. *J. Codera.*

Sacrum montem appetamus

Pleni confidentiâ

Almæ Virgini MARIE

Offerentes munera;

Indè tot procedunt dona

Nullus extet immemor.

Uberes exindè gratias

Collatûram sponondit

Suam opem imploranti

Firmâ fide habitâ:

Ipsam ita se gessisse

Narrat tota antiquitas.

De longinquo conspiciuntur
 Aedes ubi residet,
 Quas veltustas memoranda
 Tantæ Matri condidit
 In amoris monumentum
 Et in pignus fidei.

Super tecta magnæ domûs
 Eminet fastigium
 Summi templi juxta turrim,
 Undè datur animo
 Campos in omnes prospectus
 Pulcher, gratus, eminus.

Fulgens thronus elevatur
 Strato super niveo,
 Ubi sedet Virgo sacra
 Veste induta candidâ,
 Auro et gemmis pretiosis
 Ut aurora rutilans.

Hinc et indè pendent vestes
 Auri et redimicula
 Excubantes clarâ luce
 Lampades pulcherrimæ
 A fidelibus tributæ
 Gratiâ gratitudinis.

Cultus Virginis præclaræ
 Sacerdotum curæ fuit
 Sempèr, domus necessarij
 Sumptus, bonis exeunt
 Quibus Patres dilavere
 Matrem tam beneficam.

Doxol. ut infr. in 2. Vesper.

*Si hoc fest. non habeat secundum
 Vesper. hic Hymnus dicitur sub und
 Doxol. cum hymno sequenti.*

IN II. VESPER.

HYMNUS. J. Codera.

Tantus amor, tanta fides
 Barbastrensis populi
 Erga Virginem recentèr

Tentationem sustulit
 Sacrum ejus Patrimonium
 Dum sub hastâ subiit.

Quæ Barbastri sospetatrix
 Cœlitûs descenderat
 Civium zelum suscitavit
 In tam ferax prædium
 Quod continuo fuit addictum
 Illis licitantibus.

Sic in dies erga sacrum
 Crescit in fidelibus
 Fervor, fides, veneratio
 Undequaquè et populi
 Arduo montis cursu petunt
 Adorare supplices.

Quibus Pontifex permotus
 Pius nonus Maximus
 Festum suæ Apparitionis
 Missâ cum officio
 Ad augendum cultum ejus
 Decoravit propriis.

Et MARIA Virgo clemens
 Deprecantes audiens,
 Expediit benigna preces
 In conspectu Filij,
 Cunctis ad eam currentes
 Liberans periculis.

Tuque Mater dulcis, pia,
 Gratias ob uberrimas
 In favorem tuæ gentis,
 Honor, laus et claritas
 Jubilatio et decus tibi
 Sit per omnia sæcula.

Per te Pater honoretur,
 Virgo amabilissima:
 Per te Filius adoretur,
 Virgo clementissima:
 Per te Spiritus laudetur,
 Virgo prudentissima. Amen.

APPENDICES

AD BREVIARIUM MARIANUM.

I.

OFFICIUM CONCEPTIONIS BEATÆ MARIÆ VIRGINIS.

Statutum die Martis decimā quintā Kalendas Majii intitulata anno
Domini 1330.

Ex Codice Ecclesiæ Gerundensis.

España Sagrada. Tom. 44. pag. 322.

Ad Vesp̄r.

Ant. Conceptio gloriosæ. *de temp. Psalm. Beatæ Mariæ. ⁊.*

Capitulum.

Dominus possedit me ab initio viarum suarum, antequam quidquam faceret à principio, et ab æterno ordinata sum, et ex antiquis antequam terra fieret, nondum erant abyssi et ego jam concepta eram. ⁊. Filius Dei patris fundans eam in suâ conceptione gratiam Virgini contulit singularem. Et ipsam ab originali maculâ præservavit. ⁊. **MARIAM** sui Genitricem sublimiori sanctificationis genere redemit. ⁊. Et ipsam. Gloria. *Hym. Ave Maris Stella. ⁊. Conceptio est hodiè. ⁊. Cujus.*

Ad Magnificat.

Tota pulchra es amica meâ et macula non est in te. Sicut lilium inter spinas sic amica mea inter filias. Viderunt eam filiæ Sion et reginæ laudaverunt eam. Alleluia. *Et triumphatur.*

Oratio.

Deus qui Beatæ MARIÆ Virginis Conceptionem angelico prænuntio Parentibus prædixisti, præsta familiæ tuæ præsentibus ipsius præsidiiis ubiquè muniri cujus sacræ Conceptionis solemnitate lætatur et debitâ laude veneratur. *Posteâ fit comm. de S. Andrea.... Posteâ de Sancto Dalmatio. Posteâ de adventu.*

Ad Complet.

Lect. Quandò appendebat fundamenta terræ, cum eo eram cuncta componens et delectabar per singulos dies ludens coram eo omni tempore, ludens in orbe terrarum, et deliciæ meæ esse cum filiis hominum. *Ant.* Corde et animo. *Capit. ꝑ. et Orat. ut in Vesperis.* Ad Nunc dimittis. *Ant.* Cum iucunditate.

Ad Matut.

Invitat. Verbum Patris Matrem præservans à labe peccati, * Venite adoremus. *Psalm.* Venite. *Hymn.* Quem terra.

In primo noct. *Ant.* Benedicta tu in mulieribus, per quam Evæ maledictio est soluta et benedictio omnibus condonata. *Psalm.* Domine Dominus noster. *Ant.* Sicut myrrha electa et aromatizans balsamum MARIA Virgo semper suavem diffudit odorem. *Ps.* Cæli enarrant. *Ant.* Ante thorum hujus Virginis de suâ semper innocentia dulcisona resonemus cantica. *Psalm.* Domini est terra. ꝑ. Specie tuâ.

Lect. I. Principium quo salus mundo processit, mihi considerare volenti occurrit hodierna solemnitas, quæ de Conceptione beatissimæ Matris Dei MARIE multis in locis recolitur. ꝑ. Elucidantibus divinæ gratiæ mysteria mercedem gloriosam repromittens Patris Sapientia attestatur: * Qui elucidant me, vitam æternam habebunt. ꝑ. De Beatissimâ Virgine Sacrosancta legit Ecclesia. ꝑ. Qui elucidant me

Lect. II. Nec magni ponderis est omne quod dignitati aut honori humanâ laude deffertur, si meritis illius insignibus comparatur. Tantorum namque bonorum consummatio quæ per ipsam Domini Matrem toti creaturæ pervenerunt. ꝑ. Filius Dei Patris &c.

Lect. III. Videtur omnem humanam admonere mentem pietatis affectu exordium suum considerare quàm sublime, quàm divinum, quàm ineffabile fuerit. ꝑ. Immunem semper fuisse MARIAM ab omni originali et actuali culpâ, sanctamque et immaculatam *Definivit Ecclesia Catholica in unum legitime congregata. ꝑ. Nunquàm Virginem subjacuisse peccato est consonum fidei, sacræ scripturæ et rationi. ꝑ. Definivit. Gloria.

In II. Noct.

Ant. Specie tuâ quam concupivit Dominus, intende MARIA opere nunquàm infecta peccati. *Psal.* Eructavit. *Ant.* Adjuvavit Matrem Deus in Conceptionis diluculo cum gratiâ præveniente, culpâ semper caruit. *Psal.* Deus noster. *Ant.* Sicut lætantium Virgo Beatissima sunt fidelium animi qui tuam sanctam celebrant Conceptionem. *Psalm.* Fundamenta. ꝑ. Adjuvavit.

Lect. IV. Nec mirum: fundamentum siquidem et verum sacrarium civitatis et habitaculi summi boni in eâ ponebatur. ꝑ. De mundissimâ Matre mundissimus natus est Filius in cœlo Patrem habens immortalē, æternum, in terrâ Matrem omni corruptione carentem. *In cœlo qualis est Pater talis Filius, in terrâ qualis est Mater talis est secundum carnem Filius. ꝑ. Filius in cœlo cum Patre est immensus, et in terrâ cum Matre est immaculatus. ꝑ. In cœlo qualis.

Lect. V. Et mansio lucis æternæ et corporalis, quæ corporaliter

inhabitaret ille incorporeus et incircumscriptus et creans simul et vivificans omnia Spiritus operatur. *¶*. Ab omni peccato originali Dei Matrem fuisse constat immunem, per quam maledictio Evæ Matris est soluta, et omnibus à Domino condonata. *¶*. Nullis, quando nata est, delictis subjacuit, nec originale peccatum in utero sanctificata. *¶*. Per quam.

Lect. VI. Beata igitur Virgo jam verè Mater Dei futura, sicut eum qui super omnia est incomprehensibilis, verum erat hominem et ineffabili modo de suâ substantiâ Virgo paritura, ac per hoc in dignitatem illius transitura, ita non absurdè credi potest primordia Conceptionis ejus tantæ dignitatis sublimitate persignata ut humanarum Conceptio mentium ea planè penetrare non valeret. Et idè ejusdem Conceptionis dies festivis laudibus à cunctis fidelibus meritò celebratur. *¶*. Sacrarium Spiritûs Sancti Virgo Beatissima in suæ Conceptionis exordio non est destituta gratiâ, * Et à servitute omnis peccati fuit liberrima. *¶*. Ita fieri oportebat Matrem quæ Filium Dei erat paritura. *¶*. Et à servitute. Gloria &c.

In III. Noct.

Ant. Gaude MARIA Virgo quæ contritura caput diaboli, illi per culpam nunquàm subjecta fuisti. *Psalm.* Cantate. *Ant.* Speciosa facta est Regina cælorum, cujus dignitas puritatem superat Angelorum. *Psalm.* Dominus regnavit. *Ant.* Post partum Virgo Inviolata et semper immaculata fuisti, Virgo Sanctissima. *Psalm.* Cantate. *¶*. Elegit.

Lect. VII. Initium Sancti Evangelii secundum Matthæum. Liber generationis JESU—Christi. Homelia. Quod si quis eam primi originis peccato non omnimodè expertem fuisse pronuntiat, cum illam ex legali conjugio maris et sæminæ verissime conceptam constet. *¶*. Auctor mortis diabolus ab exordio genus vitiavit humanum, sed aurum fulgens reperitur in luto, * Et ex pungente spinâ pulchrè rubens oritur rosa. *¶*. Ex radice vitiatâ sine vitio prodiit in virgâ Jesse MARIA. *¶*. Et ex pungente.

Lect. VIII. Ita non absurdè credi potest primordia Conceptionis ejus tantæ dignitatis solemnitate præsignata. *¶*. Ad summum puritatis MARIA pervenit nullâ contagione inquinata peccati: * Sed fuit ab originali et actuali immunis. *¶*. Purissima namque fuit, quæ neque originale incurrit peccatum, mortale vel veniale. *¶*. Sed fuit.

Lect. IX. Ego à Catholicæ et universalis Ecclesiæ veritate nullâ ratione volo discedere: magnificentiam tamen operationum virtutis divinæ laudo: de ipsâ quippe multis sæculis ante ortum ejus Isaiam Spiritu Sancto afflatum dixisse constat: Egredietur virga de radice Jesse, et requiescet super eam Spiritus Domini. Hæc itaque virga quæ talem ex se protulit florem, nullo dissentiente, MARIA Virgo fuit, et flos qui de radice ejus ascendit, Dominus fuit super et in quem omnis plenitudo divinitatis essentialitèr requievit. *¶*. Nullo virtutum genere MARIA vaccavit, cui plenitudinem gratiæ nuntius Domini asseruit interesse. * In malevolam animam non intrat Sapientia, nec habitat in corpore subdito peccatis. *¶*. Anima Virginis et caro quam

habitaculum fecit sibi Sapientia Dei Patris ab omni malitiâ et immunitiâ purissima fuit. *¶* In malevolam. Gloria. *Et iteratur*

Verbata.

Anna parens fœcundatur: Joachim pater lætatur: et Angelus destinatur: MARIA proles vocatur: ab æterno est prænuntiata: Mater Dei ordinata: semper stans Immaculata, Virgo remanens intacta: cuius flos inter spinas non gustavit Dei minas, Virgo regia ruinas tolle dando medicinas confectas à Filio. Quo frui promissimus perpetuo, qui fuit non in utero subdito peccatis. Te Deum laudamus.

Ad Laudes.

Ant. Conceptio Virginis MARIE digna est omni laude, quam fundavit Altissimus redimens sublimiori sanctificationis genere. *Psalm.* Dominus.—Conceptio est hodiè Sanctæ MARIE Virginis &c. *Psalm.* Jubilate.—Regali ex progenie MARIA orta refulget, primò sanctis patribus cœlitus repromissa. *Psalm.* Deus Deus meus.—Corde et animo Christo canamus gloriam, laudantes in Conceptione Virginis magnalia divinæ gratiæ. *Psalm.* Benedicite. Cum jucunditate Conceptionem Beatæ MARIE solemniter celebremus, ut ipsa pro nobis intercedat ad Dominum JESUM—Christum.—*Cetera ex communi.*

Ad Benedictus.

Quæ est ipsa quæ ascendit sicut aurora consurgens, pulchra ut Luna, electa ut Sol, terribilis sicut Castrorum acies ordinata. Surrexerunt filii ejus et beatissimam prædicaverunt.

Ad Vesperas.

Prosa. Tota pulchra est Virgo sacrata; nunquàm labe aliqua est maculata.

Plena gratiâ fuit concepta; à patre mundissima est generata. Gratia immititur in illo instanti; quo anima inducitur à præservante. Sic ei conceditur à celebrante; Ecclesia spirante Spiritûs Sancti. Angelis est purior Sancta MARIA. Creaturis purior atque in patriâ. Deo est propinquior, omnibus pia. Cunctisque sublimior altâ in curiâ. Detur ista die populi devotio. Detque ipsa piè gloriam pro præmio. Quæ Christum portavit pollens privilegio. Qui concipi nunquàm valuit in corpore peccatis subdito. Gloria sit Deo. Amen.

Ad Magnificat.

Quàm decora et immaculata et suavis es, ô pulcherrima mulierum, hortus conclusus et fons signatus, ostende mihi faciem tuam, sonet vox tua in auribus meis, vox enim tua dulcis alloquens fidelibus: qui elucidant me, vitam æternam habebunt, alleluia. *Et triumphatur.*

II. OFFICIUM CONCEPTIONIS

B. MARIE V.



Ex Breviario secundum consuetudinem et regulam Sedis et Episcopatus Herdensis ad preces venerabilis Viri Domini Arnaudi Porta Presbyteri prefatæ Sedis Beneficiarii scriptum per Petrum Guizardi anno Domini MCCCCLI.

IN VESPERIS.

Ant. Gaude fidelis concio: adest namque Conceptio matris Annæ.

Aut dicatur ista ant. Anna concepit sterilis: fuit fructus ejus fertilis omni mundo.

Psalms Laudate et duplicentur omnes antiphonæ eo quod fit festum totum duplex: et si in Dominica venerit, non transferatur ad sequentem feriam.

CAPITULUM.

Dominus possedit me....jam concepta eram.

ñ. Insignis est progenies.

HYMNUS.

O Sancta Mundi Domina,

Regina cæli inclytal

O stella maris MARIA

Virgo Mater Deifical.

Emerge dulcis filia,

Nitesce jam virguncula

Florem datura nobilem

Christum Deum et hominem.

Conceptionis annua

Recolimus solemniam

Quod stirpe electissimâ

Mundo fulcisti genita.

Per te sumus terrigenæ

..... à caligine

Precare proli nobili

More inæstimabili.

MARIA Mater gratiæ

Mater misericordiæ

Tu nos ab hoste protege,

Et mortis horâ suscipe.

Gloria tibi Domine etc.

γ. Conceptio tua Dei Genitrix Virgo MARIA.

Ad Magnific. ant. O Regina Reginarum, supernorum civium Imperatrix, lumen clarum, per istud solemniū preces pro illis funde, quos stringit mortiferum vitium.

Oratio.

Deus ineffabilis misericordiæ qui primæ piacula mulieris per Virginem

MARIAM expianda sanxisti, da nobis, quæsumus, Conceptionis ejus dignè solemnia venerari, quæ Unigenitum tuum Virgo concepit et Virgo peperit, Dominum nostrum.

Nota, quòd si festum istud in Dominicâ venerit, plenè fiat de festo, et de Dominicâ commemoratio in Vesperis et Matutino. Et si in Sabbato venerit omnes y. de ipso festo erunt et, de Dominicâ fiet tantum commemoratio, et postea sancti Andreae, et Adventus similiter fiet commemoratio.

Ad Completorium Benedic terra, quære in Laudibus.

Ad Nunc dimittis. ant. Dum omnis Spiritus. Quære ibi.

AD MATUTINUM.

Invitator. Stellam **MARIAM** maris, * Venite adoremus.

Hymnus. Quem terrâ, pontus....

IN I. NOCT.

Ant. Principium nostri luctûs Eva fuit, Annæ fructus hujus finis.

Psalmi Beatæ Virg. Ant. Eva demens obedivit hosti, cujus caput trivit stirps insignis.

Ant. A prophetis præsignata Annæ proles, per quam datur cunctis salus gratiæ.

y. Benedicta tu.

Sermo Beati Anselmi Archiepiscopi.

LECTIO 1.

Sicut enim in Sanctâ Ecclesiâ nativitas Beatæ **MARIÆ** celebratur, sic debet excoli ejus Conceptio. Nisi conciperetur, nunquam nasceretur. *ñ.* Fulget dies hodierna, * Per quam mundo lux æterna cœpit illucescere. y. O quam sancta Conceptio, o quam beata cognitio. Per quam.

LECTIO 2.

Sicut enim ad salvandum genus humanum olim fuerit necessaria ejus Nativitas, sic fuit necessaria ejus Conceptio. Nisi enim illa conciperetur, ex ea mundi Redemptor non nasceretur.

ñ. Insignis ejus progenies in honore cujus dies præsens est memoriæ sempiternæ. y. Hæc nobis impetret gaudia civitatis supernæ.

LECTIO 3.

Jussu Domini concipitur et nascitur. Imò si divine à nobis prospicitur spiritualis Conceptionis ejus dies, major foret approbationis quam Nativitatis.

ñ. Virgineum decus ave, jugum cujus tam suave, * Conserva nos mortis à væ. y. Quæ providentiâ Dei mundo concepta fuisti. Conserva.

IN II. NOCT.

Ant. Hæc est lapis nostræ spei, ad conceptum nutu Dei quæ processit hodiè.

Ant. Laudes demus huic germini, quæ nostri fuit Domini vas decorum.

Ant. Anna Mater gratulare; noscis enim te portare florem florum.

y. Post partum Virgo.

LECTIO 4.

Res enim major extitit Adam à Deo creari, quam filios Adæ de matre nasci. Non enim est mirum, si homo à Deo creatus, nascitur de matre.

ñ. Veneranda cunctis festivitas, * In quâ fuit Annæ sterilitas tam fecunda. y. Ista dies fons salutis initiumque virtutis. In quâ.





